

New Testament

Mwan Language

Mwan - Bible - New Testament

Matie	3	
Maki	78	
Luki	125	
Zaan	205	
Kleza Mu	266	
Rome Mu	344	
Korenti =Lwa Mi	378	
Korenti Ple Mi	412	
Galasi Mu	434	
Efezi Mu	446	
Filipu Mu	457	
Kolosi Mu	465	
Tesaloniki =Lwa Mi	473	
Tesaloniki Ple Mi	480	
Timote =Lwa Mi	484	
Timote Ple Mi	493	
Titi	500	
Filemo	504	
Ebre Mu	506	
Zaki	531	
Pieri =Lwa Mi	540	
Pieri Ple Mi	549	
Zaan =Lwa Mi	555	
Zaan Ple Mi	563	
Zaan Yaga Mi	564	
Zudi	566	
Yre zi yele 'sewe	569	

Mwan - Bible - New Testament

Matie

Matie 1

- ¹Zesu Krisi -gbɔɔ mu 'ε 'wole- -gε. Zesu -o 'ke Davidi 'nranε- 'le. 'Bhεε- -e -yaa 'ke Abraamu 'trɔnkala 'le.
- ²Abraamu Izaki -yaa; Izaki Zakɔbu -yaa; 'bhεε- Zakɔbu Zuda 'pegee 'bhε nεεnε- 'gwlaan- mu 'ε 'yaa-.
- ³Zuda Faresi 'pegee Zera -yaa -a na Tamaa ta; Faresi Esrɔn -yaa; 'bhεε- Esrɔn Ramu -yaa;
- ⁴Aramu Aminadabu -yaa; 'bhεε- Aminadabu Naason -yaa; Naason Salimɔ -yaa.
- ⁵Salimɔ Boazi -yaa Raabu ta; Boazi Obedi -yaa Ruti ta; 'bhεε- Obedi Izai 'yaa-;
- ⁶Izai -bhleŋgbe Davidi 'yaa-; 'bhεε- Davidi Salomɔ 'yaa- le 'la 'bhε -yaa 'elwale -sɔ Uri 'na 'le 'bhε ta.
- ⁷Salomɔ Roboamu -yaa; 'bhεε- Roboamu Abia -yaa; Abia Azafi -yaa.
- ⁸Aza Zozafati 'yaa-; 'bhεε- Zozafati Zoramɔ 'yaa-; Zoramɔ Oziasi -yaa;
- ⁹Oziasi Zoatamu -yaa; 'bhεε- Zoatamu Akazi -yaa; Akazi Ezekiasi -yaa;
- ¹⁰Ezekiasi Manase 'yaa-; 'bhεε- Manase Amɔ 'yaa-; Amɔ Zoziyasi -yaa;
- ¹¹Zoziyasi =kla Zekoniasi 'pegee 'bhε nεεnε- 'gwlaan- mu 'ε de 'le; 'bhε =kla -o -ja Izraeli mu 'ε 'le luya 'yi Babilɔni 'waati 'la ba 'bhεε- ba.
- ¹²Izraeli mu 'ε dale blaan luya 'yi Babilɔni, 'ke Zekoniasi Salatieli 'yale-; 'bhεε- Salatieli Zorobabeli 'yaa-;
- ¹³Zorobabeli Abiudi 'yaa-; 'bhεε- Abiubi Eliakimu 'yaa-; Eliakimu Azɔɔ -yaa;
- ¹⁴Azɔɔ Sadɔki -yaa; 'bhεε- Sadɔki Akimu -yaa; Akimu Eliudi -yaa;
- ¹⁵Eliudi Eleazaa 'yaa-; 'Bhεε- Eleazaa Matani 'yaa-; Matani Zakɔbu -yaa;
- ¹⁶Zakɔbu Zozefu -yaa; 'bhεε- Zozefu =kla 'ke Mari =nɔɔ 'le. Mari =kla 'ke Zesu nεε 'le. 'Bhεε- -o Zesu 'tɔkpa- Krisi: 'Bhε 'yi -le dɔɔ -Waanbhaa' mεε 'la zan makwan-.
- ¹⁷'Kee- san Abraamu ma, 'bhεε- 'kee- nu 'tenle- Davidi ma, 'flan vu ta yiziε -le -o pleŋ- . 'Bhεε- 'kee- san Davidi ma, 'kee- nu 'tenle- Izraeli mu 'ε gele ma luya 'yi Babilɔni, 'flan vu ta yiziε -le -o pleŋ-. 'Bhεε- 'kee- san 'bhε 'waati 'ε ma, 'kee- nu 'tenle- Zesu Krisi 'yale- ma, 'bhε =kla 'ezin- 'flan vu ta yiziε.

- ¹⁸Zesu Kriſi -yaa gɔnɛ- 'lɛɛ- 'bhɛɛ- gbɛɛn-. Zozɛfu dɔlɛ -yaa Zesu nɛɛ Mari zi. 'Sani- -o nu 'fɛ klɛlɛ do 'waati 'la ba, 'ke Mari kpɛ 'sile Lii 'Wɛŋ 'ɛ -glɔɔya' 'ɛ 'le.
- ¹⁹Bhɛ ya 'ɛ 'yi, -a -nɔɔ Zozɛfu 'laa -yaa -a zi 'bhii- 'bhɛ 'a 'tɔsiɛ- mɔkpen' 'yrɛ ma kpataakpa, -amasrɔyi 'bhɛ 'yaa- 'ke mɛɛ wlan do 'le. 'Bhɛla- -yile, 'ke 'bhɛ 'a 'lɛdulalɛ dɔɔ 'bhɛ bhɛleya gole- -a ma gaanyi'.
- ²⁰Bhɛ 'yaa- 'bhɛ 'kpeɛɛdan 'zi bhla 'la ba 'bhɛ -za 'ɛ ma, 'bhɛɛ- 'bhɛ 'yaa- yi pla -yrekpaa' do, 'ke gbɛɛ do 'klalɛ 'bhɛ 'yrɛ ba. 'Bhɛɛ- 'ke -Waanbhaa' a -mlɛkɛ' do 'a 'pele 'bhɛ ni gbɛɛ 'ɛ na dɔɔ: "Davidi 'nranɛ- Zozɛfu, 'yaa -gbɛlaanlɛ' Mari 'sile- ma 'e 'na 'le; -amasrɔyi -a kpele -o 'ke -nɛ 'la 'le bhɛ, 'bhɛ da 'zi Lii 'Wɛŋ 'ɛ -glɔɔya' 'ɛ 'bhɛɛ- ba.
- ²¹-E nu -a yalɛ 'ke -nɛ 'gwlaan- do 'le, 'bhɛɛ- 'e nu 'bhɛ 'tɔkpalɛ Zesu, 'bhɛ 'yi -le dɔɔ Mɛɛ -Bhɛɛ Mi, -amasrɔyi 'yɛlɛ- nu -a 'si mu 'ɛ gole waa -za 'yɔɔ- mu 'ɛ 'yi."
- ²²Bhɛ -za mu 'lɛɛ- 'kpen =kla, 'kooko- Mɛɛzan -jan 'la =kpaa -a -lɛla' janwo mi Ezai 'lii 'elwale gban -sɔ 'bhɛ 'lɛsɔ-.
- ²³Bhɛ -jan 'ɛ 'bhɛ -le -gɛ: "-Ka 'ka 'yrɛkpa dɔɔ! -Gblanɛ 'la 'ke yaa 'gwlaan- dɔ, -e nu kpɛ 'sile-, 'bhɛɛ- -e nu -a yalɛ 'ke -nɛ 'gwlaan- do 'le. -O nu 'bhɛ 'tɔkpalɛ Emanuɛli." ('Bhɛ 'yi -le dɔɔ -Waanbhaa' -o -kɔɔ' ba.)
- ²⁴Zozɛfu bwele, Mɛɛzan a -mlɛkɛ' 'ɛ 'bhɛ -jan 'la =woa -a ni 'kee- 'bhɛ 'yizaklɛle. 'Bhɛ ya 'ɛ 'yi, 'kee- Mari 'sile -a na 'le.
- ²⁵Duŋ- Zozɛfu 'pegeɛ Mari 'laa 'fɛ klɛlɛ do 'ke 'bhɛ ge 'tɛnlɛ- 'bhɛ 'nɛ 'gwlaan- 'ɛ 'yale- ma. Zozɛfu -nɛ 'ɛ 'tɔkpaa- Zesu.

Matie 2

- ¹Zesu =yaa Bɛtɛlɛmu, Zude 'klɛɛn 'ɛ 'yi -wa 'nɛ do ta 'waati 'la ba, 'ke -bhɛɛgbɛ Erɔdi 'yaale- -o Izraɛli mu 'ɛ 'wiɛŋ-. -A yalɛ blaɛn, 'ke -zadɔ' mu -lɛdɔ' dale- -yretɛbhɛ -wɛnɛyɛ' =nɔɔ, 'bhɛɛ- 'ke -o nule- Zeruzalɛmu. -O -yaa lafle' 'yi mlɛklɛnɛ mu 'ɛ 'taawogbɛya 'ɛ 'bhɛɛ- daan.
- ²-O bhɔlɛ Zeruzalɛmu, 'ke -o mɛɛ mu -lrɔkpale dɔɔ: "-O -nɛ 'la 'yaa- 'bhɛɛ- 'kee- nu klɛlɛ 'ke Zuufu mu a -bhɛɛgbɛ 'le -yoo 'naa ɛɛ? 'Wa -tɔɔmasiɛ mlɛklɛnɛ do -ya -yretɛbhɛ -wɛnɛyɛ' =nɔɔ, 'bhɛla- -yile 'o =nwa -a gbayɛ nɔɔ-."
- ³-Bhɛɛgbɛ Erɔdi 'bhɛ -jan 'ɛ 'male-, 'ke 'yɛɛ- 'pegeɛ Zeruzalɛmu mu 'ɛ 'kpen zrubatɛdɔlɛ.
- ⁴Bhɛ ya 'ɛ 'yi, 'kee- 'sraka 'lɛna mu -lɛɛ mu 'ɛ 'pegeɛ 'Toŋ daan mu 'ɛ 'kpen 'siile, 'bhɛɛ- 'kee- 'mu -lrɔkpale dɔɔ: "-Waanbhaa' Mɛɛ -Bhɛɛ Mi -Kpɔsɔɔ 'la -yaa' -janwoa, -e nu yalɛ yrɛ 'ɛ -dɛla nɔɔ- ɛɛ?"
- ⁵Bhɛ klɛlɛ 'tɛ, 'ke -wa -lɛkunle -a ni dɔɔ: "-E nu yalɛ Bɛtɛlɛmu, Zude 'klɛɛn 'ɛ 'yi -wa 'nɛ do ta. -Amasrɔyi -Waanbhaa' -lɛla' janwo mi do -jan 'lɛɛ- yɔɔndia- -a ba zayi' 'elwale gban -sɔ dɔɔ:

6"Bhi Betelemu -wa 'la -yoo Zude 'kleen 'e 'yi bhe! 'Yoo- 'ke Zude 'kleen 'e 'yi -wa mu 'e 'kpen ba -wa 'fientronne 'le 'de! -Amasroyi 'e ba mi do nu klele -kuglii do 'le, 'bhæ- 'bhe -le nu 'an Izraeli 'si mu 'e 'ledoolle zi -lrele' ta 'bhii- -bhlaa gooba mi do -yaa' -bhlaa mu 'e 'ledoo- gōne- 'la gbæen-.' "

7'Bhe klele 'te, 'ke Erōdi 'woo- -zadō' mu 'e 'siile gaanyi', 'bhæ- 'ke -yoo -lrōkpale mleklen- 'e 'pwela- 'waati 'la ba 'bhe ma. 'Bhæ- 'ke -o 'bhe 'waati 'e 'pele 'a ni.

8'Bhe blaas, 'ke -ya pele- -o ni 'kaa: "-Ka ge 'yee- -ne 'e malrōkpa kplankplan Betelemu; 'ke 'kaa =ya, -ka nu 'ŋ 'kpeelekan, 'kooko- 'mi 'gbu ge 'ezin- -a gbale."

9-O yanle -bhleŋgbe Erōdi 'wojan- 'e malele, 'ke -o gele-. -O -yaa 'taa 'e ta bhla 'la ba, 'ke -o -yrēkpale 'yee- mleklen- do 'kpō 'la -wa =ya 'elwale -yretēbhe -wlenyɾe' =nōō 'bhe ma. 'Bhe dōle -yaa -o trala. 'Duŋ- 'bhe 'bhōle- -ne 'yientenne 'e 'yaa- 'fe 'la =la 'bhe trala, 'ke 'bhe dulale.

10'Bhe klele 'te, -o -yrēkpale mleklen- 'e ma 'ke -o zru 'kpaale 'egbenele.

11'Bhe ya 'e 'yi, 'ke -o wlale- 'bhe 'fe 'e =la, 'bhæ- 'ke -o -ne 'yientenne 'e 'yele -a nē Mari 'kōō. 'Bhe klele 'te, 'ke -woo 'kpō zenle- 'tre ma, 'bhæ- 'ke -o -ne 'yientenne 'e gbale-. 'Bhe blaas, 'ke -woo ta 'kwe mu 'e 'liigole, 'bhæ- 'ke -o glaas' mu 'nale- 'bhe ni: -Can 'pegee -lasiklōō -gblen 'nrāle- -glōōn plē: ansansi 'pegee miri.

12'Bhe blaas, 'ke -Waanbhaa' -o 'kpeelekanle gbiŋ na 'kaa waa niinalē -o -zanta' Erōdi ba 'ezin-. 'Bhela -zayile, -o niina- bhla 'e zi -o ba 'kleen 'e 'yi, -o zi -bhæeke' =sia.

13-Zadō' mu 'e gele blaas, 'ke Mæzan a -mlēkē' do 'pwele- Zozefu ba 'ezin- gbiŋ na, 'bhæ- 'ke 'bhe 'a 'pele -a ni dōō: "'E 'wlen-, -ne 'yientenne 'e 'pegee -a nē 'kun, 'bhæ- -ka blasaan- 'ke 'ka ge Ezipu 'kleen 'e 'yi; bo -a =nōō ye -sō 'fōke 'mi 'a =pia 'e ni 'e nu yi 'la 'le, 'bhæ- 'ka nu. -Amasroyi Erōdi nu -ne 'yientenne 'e ziglinle -a de zayi'."

14'Bhe klele 'te, Zozefu bwele-, 'kee- -ne 'e 'pegee -a nē 'kunle, 'bhæ- 'ke -o gele- Ezipu 'kleen 'e 'yi -bi 'e zi.

15-E =bwa Ezipu 'kleen 'e 'yi, 'ke 'bhe ge 'tenle- Erōdi gale ma. 'Bhe -za 'e Mæzan -lēla' janwo mi Oze -jan 'la =woa 'bhe 'leswa=. 'Bhe -jan 'e 'yaa- dōō: "'Mi 'ŋ gbe 'e 'siila- 'kaa -e go Ezipu 'kleen 'e 'yi."

16'Erōdi 'a 'yele 'bhii- -zadō' mu 'e -dawli' =kpaas -a gbē ta, 'ke -ya zrupliile 'egbenele. -Ayile 'kee- mæe mu winbōle 'kaa 'mu ge Betelemu -wa 'e 'pegee 'bhe kpē ma -wa mu 'e ta, 'kooko- -ne 'gwlaan- mu 'la 'kpen lēe -o lēe do 'pegee lēe plē plēŋ- -o 'mu 'kpen de. 'Bhe lēe -lii yēkē- 'e 'yaa- -beŋgo' -zadō' mu 'e mleklenne mu 'e =ya 'waati 'la ba 'bhe blaas lēe -lii yēkē- 'e 'bhæ- 'le.

17'Bhe ya 'e 'yi, Erōdi klēza -yōō 'e 'bhe -Waanbhaa' -lēla' janwo mi Zeremi 'wojan- 'e 'leswa=.

18'Zeremi -jan 'la =woa 'elwale gban -sō 'bhe -le -gē: "'O 'trōn -o -gbekanwli mu 'pegee 'dimi ma wisiwli -gbene mu ma Rama -wa 'e ta. Raseli -le -a -ne mu 'e wisi' zii', 'bhæ- yaa -o dole- -a -la 'ke -wa taga; -amasroyi -a -ne mu 'e -gaa."

¹⁹Erōdi gale blaana, 'ke Mēezan -Waanbhaa' a -mlēkē' do 'pwele Zozefu ba gbiŋ na Ezipu 'klēen 'e 'yi.

²⁰-E pe Zozefu ni dōo: "'E 'wlēn-, -nē 'e 'pegee -a nēē 'kun, 'bhēē- 'ka niina- 'ka -zan Izraēli 'e 'klēen 'yi, -amasrōyi mēē 'la zan mu -yaa -nē 'e dēyre -glin 'zi, 'mu 'laa -o -li 'mu 'yre ma."

²¹'Bhē klele 'tē, 'ke Zozefu 'e 'wlēnle-, 'kee- -nē 'e 'pegee -a nēē 'kunle, 'bhēē- 'kee- niinale -a -zanta' Izraēli 'klēen 'e 'yi.

²²'Duŋ- -o bhōle Izraēli 'klēen 'e 'yi; 'bhēē- Zozefu 'a 'male- 'kaa Arikelausi -yalaa' -a de Erōdi a -bhlēngbeya yaayre 'e =nōō Zude 'klēen 'e ta, 'ke -gblaan 'klale -a -yi 'bhē 'klēen 'e 'yi gele ma. 'Bhē ya 'e 'yi, 'ke -Waanbhaa' 'a 'kpeelekanle gbiŋ na 'kaa yaa gele Zude 'klēen 'e 'yi, 'bhēē- 'duŋ- -e ge Galile 'klēen 'e 'yi.

²³'Bhēla- -yile, -e -ja yaale Galile 'klēen 'yi -wa 'nē do ta: -O -yaa 'bhē -wa 'e sii Nazareti. -Ayile, -Waanbhaa' -lēla' -janwo' mi 'e 'wojan- 'e 'lēswa- =gee' dōo: "-O nu a 'siile- Nazareti mi."

Matie 3

¹Zozefu 'pegee -a na Mari, 'bhēē- 'bhē 'nē 'e, -o 'yaa- 'waati 'la ba Nazareti, 'ke Mēē Wiinfe' Mi Zaan 'pwele -a -yi Zude 'klēen 'e 'yi -kpe 'e ta, 'bhēē- 'kee- -Waanbhaa' a -jan 'e 'wole- 'sanle 'tē.

²-E -yaa pe 'zi mēē mu 'e ni dōo: "-Ka 'ploō- -za 'yōō- klele ma, 'bhēē- -ka 'ka zru 'niina- -Waanbhaa' ba, 'ke 'ka 'ka taawogbeya 'e mabōō. -Amasrōyi laanima -Waanbhaa' 'e -yaa' -bhlēngbeya 'yaa- bhla 'e =bhwa -wa -din."

³-Waanbhaa' -lēla' janwo mi Ezai -janwoa 'yee- Zaan 'la ba zayi' 'elwale gban -sō dōo: "Mēē do -le -toorodō 'zi -kpe 'e ta 'kaa: -Ka Mēezan a zibhē 'e 'lēmagaan, -kaa 'taawo- zibhē mu 'e 'lēdōō-!"

⁴'Bhē klēgbeya 'e 'yi, Mēē Wiinfe' Mi Zaan ta dūnē- 'e 'tanle- -yaa 'ke 'yōōnma 'ciē- 'le, 'bhēē- wi 'flē 'sentru do dōle- -yaa -a 'saanla; -e -yaa 'siesie- -gama mu 'pegee -bōn 'yi -zrō 'yrōn mu -la bhle.

⁵'Bhē 'yi bhe, Zeruzalēmu mu oō, Zude 'klēen 'yi mu 'kpen oō, 'bhē 'pegee Zrudēn yue ta mu, -o 'kpen 'yaa- nu 'zi -a ba.

⁶'Ke -o -yaa yan -waa' -za 'yōō- mu 'e 'pelele kpataakpa mōkpen' 'yre ma, 'bhēē- Zaan -yaa -o wiinfe' Zrudēn yue 'e ba 'tē.

⁷'Duŋ-, Zaan 'a 'yele- 'bhii- Farizi mu -bebe 'pegee Saduse mu -bebe -yaa nu 'zi 'mu wiinfeyre nōō- -a ba, 'ke -ya pele- 'mu ni dōo: "-Bhlu 'plalu mēē mu! -Dele pe 'ka ni dōo 'ka blasan- -Waanbhaa' a yran 'la -yoo zan bhe 'bhē 'lēē- ēē?"

⁸-Kaa zrōn dōo 'ka klēza mu 'e ma 'bhii- 'ka 'ka zru -niinaa' -Waanbhaa' ba, 'bhēē- 'ka 'ploola- -za 'yōō- klele ma.

- ⁹'Ka 'laa bole -a pele ma 'ka 'gbu 'kpee dɔɔ: "O mɔɔ -gbɔɔ -le 'ke Abraamu 'le 'dɛ.' - Amasrɔyi 'mi pe 'ka ni 'ŋ 'sɔwɛɛ ma dɔɔ -Waanbhaa' sɔ vlɛ mu 'la bhe -o mabɔɔle, 'bhɛɛ- -yoo klɛ 'ke Abraamu 'kpee yi mu 'le.
- ¹⁰'Bhɛ ya 'ɛ 'yi, -Waanbhaa' a poo 'ɛ 'lɛkpale -o, 'bhɛɛ- -yoo zan -yri diiŋ mu 'ɛ takanlɛ 'ke -ya san -o 'sɛnɛ ma. 'Ke -yri diiŋ 'oo -yri diiŋ 'la bhe 'laa 'bhɛ bhaa -lrele' klɛɛ, -e nu 'bhɛ takanlɛ 'bhɛɛ- -e 'bhɛ blin 'tɛ 'yi.
- ¹¹'Ka 'ka 'taawogbeya 'ɛ maniilawoa, 'bhɛla- -yile 'mi -o 'ka 'wiɪŋfɛ zii' 'ke -yi 'le. 'Duŋ-mɛɛ 'la 'bhe -o zan 'mi blaana, 'bhɛ zan 'ɛ -glɔɔ 'yiya- 'mi ni, -a -gaale' laa -o 'mi ba 'ke 'mi 'a gaan ma -sawla mu 'ɛ go. 'Yele- nu 'ka 'wiɪŋfɛɛ 'ke Lii 'Wɛŋ 'ɛ 'pegee 'tɛ 'le.
- ¹²-Sien do -o -a 'kɔɔ. -E nu -mlɔ bhɛ mu 'pegee -mlɔ -gboo mu 'ɛ bapianlɛ, 'bhɛɛ- -yoo go 'eke- ma. -E nu -mlɔ bhɛ mu 'ɛ 'klalɛ- bɔtɔ 'yi, 'bhɛɛ- -e nu -mlɔ -gboo mu 'ɛ 'kpaciele 'tɛ 'la 'ke -yaa -lii -titi 'bhɛ 'yi.”
- ¹³-Yrekpaa' do, Zesu -daa Galile 'trɛ 'ɛ ta, 'bhɛɛ- -e =nwa Zrudɛn yue 'ɛ ta. 'Bhɛɛ- -ya mabɛɛna Zaan -din, 'kooko- 'bhɛ 'a 'wiɪŋfɛ -yi 'ɛ ba.
- ¹⁴'Bhɛ klɛɛ 'tɛ, 'ke Zaan 'ɛ -gbɛdɔle -a 'wiɪŋfɛɛ ma -yi 'ɛ ba, 'bhɛɛ- 'ke 'bhɛ 'a 'pele -a ni dɔɔ: "'Mi -le -yaa sɔ bi 'ke 'ŋ ge 'ɛ ba 'bhɛɛ- 'ye 'ŋ 'wiɪŋfɛ-, 'bhɛɛ- 'bhi -le zan 'ɛ 'wiɪŋfɛɛ 'mi ba ɛɛ?"
- ¹⁵'Bhɛ klɛɛ 'tɛ, 'ke Zesu 'a 'pele -a ni dɔɔ: "'Dɔ -a klɛɛ 'la -zɔn. -Amasrɔyi, 'o nu 'sɔlɛ- -Waanbhaa' zru maza 'ɛ 'kpen 'lɛsɔlɛ 'bhɛɛ- gbɛɛn- -gee.'" 'Bhɛ ya 'ɛ 'yi, 'ke Zaan dɔle- Zesu 'wiɪŋfɛɛ -la.
- ¹⁶-E yanle, 'ke Zesu 'pwɛle -yi 'ɛ ba. 'Bhɛ yrɛ do 'kpɔ 'ɛ =nɔɔ bhe, 'ke laflɛ' 'liigole, 'bhɛɛ- 'ke Zesu 'yrekpale -Waanbhaa' Lii 'ɛ ma; 'bhɛ -zinaa' 'a ta 'bhii- -bhoolado maanne- do gbɛɛn-.
- ¹⁷'Bhɛɛ- 'ke -weli' do dale- laanima, 'ke 'bhɛ 'a 'pele dɔɔ: "'D gbe 'la -za sɔ 'ŋ ni 'egbɛnɛle 'yele- -gɛ, 'yele- 'ŋ zrukpalaa 'egbɛnɛle."

Matie 4

- ¹'Bhɛ blaana, 'ke Lii 'Wɛŋ 'ɛ gele- 'ke Zesu 'le -kpe 'ɛ ta, 'kooko- -Setran' 'a 'yidan-, 'bhɛɛ- -ya balaa' -za 'yɔɔ- 'yi.
- ²Zesu -yrekpaa' mia plɛ 'pegee -bi mia plɛ =kla 'ke yaa pɛ 'kedo- 'kpɔ bhle. 'Bhɛɛ- gbɔn 'a =dia.
- ³'Bhɛ 'yi, 'ke -Setran' 'ɛ 'mabɛɛnle Zesu -din, 'bhɛɛ- 'ke -ya pele- -a ni dɔɔ: "'Ke 'yoo- 'ke -Waanbhaa' Gbe 'ɛ 'le, -a pe kpoti mu 'la bhe -o ni dɔɔ -woo mabɔɔ 'bhɛɛ- -o klɛ 'ke pele mu 'le”
- ⁴'Bhɛ klɛɛ 'tɛ, 'ke Zesu 'a zikpale -a ni dɔɔ: "-A yɔɔndɛle -o -Waanbhaa' 'a 'Sɛwɛ 'ɛ 'yi dɔɔ: 'Bhaaplɛŋ -si 'ɛ -daŋ' 'laa -o 'ke pele do -kplɛnnɛ' 'le; 'duŋ- -jan mu 'la 'kpen da -Waanbhaa' -lii 'mu -le -si na bhaaplɛŋ ni 'ezin-.' “

- 5'Bhε blaan, 'ke -Setran' Zesu 'sile, 'kee- gele- 'kele- Zeruzalemu -Waanbhaa' a -wa 'weŋ 'ε ta; 'bhεε- 'ke -ya 'kpale -Waanbhaa' Gba 'Fε -Gbene 'ε 'wiinj-.
- 6'Bhεε- 'ke -ya pele- -a ni dɔɔ: "'Kee- 'yoo- 'ke -Waanbhaa' Gbe 'ε -le, 'ploo 'e 'gbu ma 'bhεε- 'e balaa' 'tre ma. -Amasroyi -a yɔɔndeɛle -o Waanbhaa' a 'Sewe 'yi dɔɔ: '-Waanbhaa' nu -yaa' -mlεke' mu 'ε winbɔle 'e -zayi'. 'Bhεε- -o nu 'e binale -o gbε -yi, 'kooko- 'e gaan madiŋ 'laa wo vle ma.' "
- 7'Zesu 'a zikpaa- -a ni dɔɔ: "-A yɔɔndeɛle -o -Waanbhaa' a 'Sewe 'ε 'yi 'ezin- dɔɔ: "Yaa Meezan -Waanbhaa' -yidanle.' "
- 8'Bhε blaan, 'ke -Setran' gele- 'kele- 'ezin- vle gɔɔn 'trole- do 'wiinj-, 'bhεε- 'kee- 'drunyan ta -bhleŋgbe 'kleen mu 'ε 'kpen 'pegee 'mu 'Ireleya mu 'ε 'kpen zɔnle- -a ni.
- 9'Bhεε- -e pe Zesu ni 'te dɔɔ: "'D nu 'bhε -bhleŋgbe 'kleen mu 'ε 'kpen 'nale- 'e ni, 'kooko- 'e yalaa' -o wiinj, 'ke 'yee 'kpɔ =zian 'ŋ 'lεε, 'bhεε- 'ke 'ye 'ŋ -gbaa 'bhii- 'yaa- -waanbhaa.' "
- 10'Bhε klele 'te, 'ke Zesu 'a 'pele 'a ni dɔɔ: "'E 'pleŋgo- 'ŋ ma -Setran!' -Amasroyi, -a yɔɔndeɛle -o -Waanbhaa' a 'Sewe 'yi 'kaa: 'Bhaapleŋ Meezan do -kplenne' -la gba, 'bhεε- 'yaa -Waanbhaa' -bhεeke' do 'kpɔ gbale 'yee- blaan.' "
- 11'Bhε klele 'te, 'ke -Setran' 'ploole Zesu ma. 'Bhεε- 'ke -mlεke' mu nule- 'yee- Zesu -din, 'bhεε- 'ke -wa gbale- -a maza -yaa pe 'la ma 'bhε ba.
- 12'Zesu 'a 'male- 'kaa -o Mεε Wiinjfe' Mi Zaan =kwan, 'bhεε- -wa =bwa -kaso 'yi, 'keegole- Zude 'kleen 'ε 'yi, 'bhεε- 'kee- nule- Nazareti -wa 'ε ta Galile 'tre 'ε ta.
- 13'Duŋ- yaa bole Nazareti, -e -ja bole Kapenɔmu -wa 'ε ta. 'Bhε -wa 'ε 'bhε -o Galile -draa 'ε bhɔŋla yre 'ε =nɔɔ, Zabulon 'pegee Neɔitali 'kleen mu 'ε 'yi.
- 14'Bhε klegbeya 'ε 'yi, -Waanbhaa' -lela' janwo mi Ezai 'wojan- mu 'ε 'leswa=; 'yee- Ezai 'a =pia 'elwale -sɔ dɔɔ:
- 15"'Ka mu Zabulon 'kleen 'yi mu, 'ka mu Neɔitali mu, 'ka mu -draa bhɔŋla mu, 'bhε 'pegee 'ka mu Zrudɛn yue ta mu, 'bhεε- 'ka mu Zrudɛn yue -zanta' mu 'ε, 'bhε 'pegee 'ka mu Zuufu kle mu 'la 'ka -o Galile 'kleen gbε do 'ε 'yi bhe!
- 16'Ka mu 'si mu 'la 'yaa- -gblo 'yi, 'ka nu 'tebhile -gbene do ye! Mεε 'la zan mu yaale -o ga 'kleen a -gblo 'ε 'yi, 'tebhile do nu -bhile' -o ta!"
- 17-A 'san 'bhε yi 'ε ma, Zesu -Waanbhaa' a -jan 'ε 'wole- -saan. -E -yaa pe 'zi mεε mu 'ε ni dɔɔ: "-Ka 'ploo -za 'yɔɔ- mu klele ma, 'bhεε- 'ka 'ka zru niina- -Waanbhaa' ba, -amasroyi -Waanbhaa' a -bhleŋgbeya 'yaa- bhla 'ε =bhwa 'ka -din!"
- 18'Zesu 'yaa- 'taawo zii' Galile -draa 'ε bhɔŋla bhla 'la ba, 'kee- Simɔ 'la -o -yaa 'bhε sii Pieri 'bhε 'pegee 'bhε neene- Andre 'yele. -O -yaa kaade yro bɔ 'zi -draa 'ε ba, -amasroyi -o -yaa 'ke kaade mu 'le.
- 19'Zesu -o -siila dɔɔ: "-Ka nu dɔ 'ŋ zi, 'bhεε- 'ŋ nu 'ka klele mεε -bebe 'kun mu 'le 'bhii- 'ka kaa -bebe mu kun gɔne- 'la gbene-."

²⁰Bhē klēle 'tē, 'ke -o 'ploole blaale- -waa' kaadē yrō mu 'ē ma, 'bhēē- 'ke -o gele- dōle Zesu zi.

²¹Zesu 'bhōle- -a -lēē sa 'egbōonle, 'kee- nēēnē- ma do plē -bhēēke' 'yele, Zaki 'pegee 'bhē nēēnē- Zaan; 'mu 'yaa- Zebede gbe plē -la -le. -O mēē plē 'pegee -o dē Zebede -yaa -waa' kaadē yrō mu 'ē magaan 'zi -waa' -yitakon 'ē 'yi.

²²Zesu -o 'siile-, 'ke -o nule- dōle blaale- 'bhē zi, 'bhēē- 'ke -woo dē 'tole 'a nōō- ye -yitakon 'ē 'yi.

²³Zesu 'yaa- ge 'zi Galile 'trē ta yrēkpen- =nōō; -e -yaa mēē mu daan 'zi -Waanbhaa' a -jan 'ē 'le Zuufu mu daanfē' mu 'ē =la, -e -yaa -Waanbhaa' a -bhlēngbeya ma -jan 'nrāle- 'ē 'wo zii'; 'bhē 'pegee -e -yaa gadē mu 'ē 'kpen -glōon 'pegee -sōngzan' mu 'ē 'kpen 'bhee zii'.

²⁴-A 'tōbhōleya 'ē 'yaa- zēn 'zi Siri 'klēn 'ē 'kpen 'yi. 'Bhē ya 'ē 'yi, -o -yaa zan gadē mu 'ē 'kpen -glōon 'le -a ba, 'bhē 'pegee -yrēn 'ē 'kpen -glōon -yaa mēē 'la zan mu ta: -Kwanii' mu oo, -sōōnsōōndē mu oo, 'bhē 'pegee -flugba mu. Zesu -o ma ga mu 'ē 'kpen -gwa.

²⁵'Bhēla- -yile, -zamaa' 'srē -bebe -yaa -a zi: Galile 'klēn 'yi mu oo, -wa vu 'klale- ke ba mu oo, Zeruzalemu mu oo, Zude 'klēn 'yi mu oo, 'bhē 'pegee Zrudēn yue -zanta' mu 'kpen.

Matie 5

¹Zesu -zamaa' 'srē 'ē 'yele-, 'kee- gele- yaalē vlē gōōn do 'wiinj-. 'Bhēē- -yaa' -klanlanē mu 'ē -woo mabēēna -a -din,

²'bhēē- -yoo daanle -saan -za -bebe mu 'lēē- 'le.

³Zesu pe -o ni dōō: "Mēē 'la zan mu 'gbu 'a 'yaango- 'bhii- waa -o 'ke -zake' 'le -Waanbhaa' -yrē 'yi, -waa' pē -yinra!' -Amasrōyi -waa' pē -le 'ke laanima -Waanbhaa' -bhlēngbeya -wa 'ē 'le.

⁴Mēē 'la zan mu -o wisi' zii', -waa' pē -yinra!' -Amasrōyi -Waanbhaa' nu -o tagalē.

⁵Mēē 'la zan mu -yi -o 'edōole, -waa' pē -yinra!' -Amasrōyi -Waanbhaa' nu 'trē 'ē 'nalē- -o ni -o 'cien 'le.

⁶-A -lrō -o mēē la zan mu ma 'bhii- -lēdōleya klē bhaaplēn mu plēn-, -waa' pē -yinra!' -Amasrōyi pē 'la 'lrō -o ma, -Waanbhaa' nu 'bhē 'nalē- -o ni.

⁷Mēē -yrenkla' mēē 'la zan mu ma, -waa' pē -yinra!' -Amasrōyi -o -yrēn nu 'klale- -Waanbhaa' ma!

⁸Mēē 'la zan mu 'kpee 'fleele- -o, -waa' pē -yinra!' -Amasrōyi -o nu -Waanbhaa' ye!ē!

⁹Mēē 'la zan mu yilābla wla -o 'pegee -o yaayōōn' mu plēn-, -waa' pē -yinra!' -Amasrōyi -Waanbhaa' nu -o 'siile- -a gbe mu!

- 10-O -yrenkpa' zii' mɛɛ 'la zan mu ta -Waanbhaa' a -lɛdɔɔleya 'ɛ -zayi', -waa' pɛ -yinra! -Amasrɔyi -waa' pɛ -le nu klele laanima -Waanbhaa' a -bhleŋgbeya -wa 'ɛ 'le!
- 11""Ke mɛɛ mu 'ka -zwanwoa oo, 'ke -o -yren 'ɛ 'kpen -glɔɔn =kpa'a 'ka ta oo; 'bhe 'pegee 'ke -o bhla 'ɛ 'kpen -glɔɔn =kpa'a 'ka ma, 'mi -zayi', 'kaa- pɛ -yinra'!
- 12'Ka zrukpaale kle, 'bhɛɛ- 'ka 'yilabla 'wole- kle; -amasrɔyi 'bhe -trɔn -gbɛnɛ do -o 'ka 'magben- 'zi -Waanbhaa' ba laanima. -O -yrenkpa'a -Waanbhaa' -lɛla' janwo mu 'la =nwa 'ka 'lɛɛ 'mu ta 'bhɛɛ- gbɛnɛ-."'
- 13""Ka mu -le 'drunyan 'ɛ 'yi wɛ 'le. 'Ke wɛ 'ɛ 'nranleya 'ɛ -gwa -a -yi, 'ka sɔ -a -nraleyɔ 'ɛ drɛɛkpale 'a ma 'nale- ɛɛ? Yaa kle -za 'ke 'yanwope 'le -li mɛɛ ma, 'fɔke -e bo blinle -la ma 'pɛɛlii-, 'bhɛɛ- mɛɛ mu 'taawo- -a ta.
- 14'Ka mu -le 'ke 'drunyan 'ɛ ta 'tɛbhile 'le. 'Ke -wa do dɔle- -o vlɛ gɔɔn do 'wiinj- waa sɔ -a gaanle- mɛɛ mu ma.
- 15'Bhɛɛ- waa -lanbha do bhi 'bhɛɛ- -wa dulaa' 'gbongbo do -la. -O -lanbha 'bhile- 'ɛ duŋ laanima, 'kooko- -e bhi 'fɛ 'ɛ =la mu 'ɛ 'kpen ta 'weŋ.
- 16'Bhɛ ya 'ɛ 'yi, -ka -bhi 'bhii- 'tɛbhile gbɛnɛ- mɛɛ mu -yrɛ ma. 'Ke 'bhe =kla, 'ke -o 'ka kleza -lrele' mu 'ɛ =ya, -o nu 'ka Dɛ laanima -Waanbhaa' 'ɛ 'tɔbhɔɛ."'
- 17Zesu pe -o ni 'ezin- dɔɔ: "Yaa klele 'ka 'ni 'bhii- 'mi =nwa Moizi a 'Toŋ 'ɛ 'pegee -Waanbhaa' -lɛla' janwo mu 'ɛ -waa' mɛɛ daangbeya mu 'ɛ 'yisiɛle! 'Naa 'nule- -o -yisiɛyɛ =nɔɔ, 'duŋ- 'ŋ =nwa -o -lɛsɔyɛ -la =nɔɔ.
- 18'Mi pe 'ka ni wlan 'ɛ ni dɔɔ 'ali- 'ke 'trɛ 'pegee lafle' =kaan, 'kee- kpa 'yee- 'toŋ 'ɛ 'sewɛ 'ɛ yɔɔnnɛ- 'fientrɔnnɛ do ta, -a do 'kpɔ 'laa nu gole -a ba, 'sani- -za mu 'ɛ 'kpen 'lɛsɔle plɛŋ-.
- 19'Bhɛla- -yile, 'ke mɛɛ 'la zan 'toŋ mu 'ɛ 'yisiɛla, 'ali- 'kee- =kla -o ba 'toŋ 'fientrɔnnɛ 'gbu 'ɛ 'bhɛɛ- 'le; 'bhɛɛ- 'ke -ya -pia mɛɛ -bhɛɛke' mu ni 'kaa 'mu 'toŋ 'ɛ 'yisiɛ- 'bhii- 'yee- 'gbu gbɛnɛ-; -o nu a pele 'bhɛɛ- zan 'ɛ ma mɛɛ 'fientrɔnnɛ laanima -Waanbhaa' -bhleŋgbeya -wa 'ɛ ta. 'Duŋ- 'ke mɛɛ 'la zan 'Toŋ 'ɛ 'klɔsikun, 'bhɛɛ- 'kee- mɛɛ -vin mu 'ɛ daan 'yee- 'Toŋ 'ɛ 'le, -o nu a pele 'bhɛɛ- zan 'ɛ ma mɛɛ gbilaan laanima -Waanbhaa' -bhleŋgbeya -wa 'ɛ ta.
- 20'Bhɛ 'yi, 'mi pe 'ka ni dɔɔ 'ke 'kaa- -lɛdɔɔleya 'ɛ 'yi laa yale 'Toŋ daan mu 'pegee Farizi mu 'ɛ -waa' pɛ -lɛdɔɔleya 'ɛ ni, 'ka 'laa nu 'sɔle- gele- laanima -Waanbhaa' -bhleŋgbeya -wa 'ɛ ta."'
- 21""Kaa =maa dɔɔ -a pele -o Moizi a 'toŋ mu 'ɛ 'yi -kɔɔ' -gbɔɔ mu ni dɔɔ: 'Yaa mɛɛ dɛɛ; 'ke mɛɛ 'la zan mɛɛ =dia, 'kiti -o 'bhe zan ma.'
- 22'Mi 'duŋ- pe 'ka ni dɔɔ: 'Ke mɛɛ 'la zan 'ɛ zrupliila -a nɛɛnɛ- do ma, 'bhe zan -o 'ke gepe 'le -klu ta. 'Ke mɛɛ 'la zan 'a nɛɛnɛ- do -zwanwoa dɔɔ: '-Zadɔkle,' 'bhe zan -o 'ke gepe 'le Zuufu mu a 'kitikan mɛɛ gbilaan -lɛdo' 'ɛ ba. 'Bhɛɛ- 'ke mɛɛ 'la zan 'a =pia 'bhe nɛɛnɛ- do ni 'ezin- dɔɔ: '-Kwanii', 'bhe zan -o 'ke blinpe 'le -jranama 'tɛ 'ɛ 'yi.

- 23'Kee =nwa -Waanbhaa' gbale 'sraka gope 'la 'le, 'bhεε- 'kee dulale -o bhla 'la ba 'srakagoyre 'ε -din, 'bhεε- 'kee- -dwa 'e 'kpee dɔɔ -za do -o 'bhi 'pegee 'e nεεnε- do plεɲ-,
- 24'plo- 'yaa- 'sraka gope 'ε ma 'srakagoyre 'ε -din, 'bhεε- ge 'e nεεnε- 'ε ba 'elwale 'pe, 'kooko- 'ka kpa do ma; 'bhe blaen, nu -Waanbhaa' gba 'e =nwa -a gbale 'sraka gope 'la 'le 'bhe 'le.
- 25'"Ke mεε do a ca -o 'e ma, 'bhεε- 'ke -yoo ge 'zi 'e 'le -klu ta 'bhe ma, 'bhi 'pegee 'yee- mεε 'ε -ka 'kpa do ma zi 'ε 'lii, 'sani- 'ka 'wlale- plεɲ- -klu 'ε ta. 'Ke 'yaa 'bhe klεε, 'kee- ja 'e 'kpale- 'kitikan mi 'ε 'kɔɔ; 'bhe nu 'e 'lenale -kasofε gooba mu 'ε ni, 'bhεε- 'mu 'e bɔ -kaso 'yi.
- 26'Ke 'bhe =kla, 'mi pe 'e ni wlan 'ε ni dɔɔ: 'Sani- 'e 'pwele- plεɲ- 'bhe -kaso 'ε 'yi; -yaa' ca 'la -yoo 'e ma 'e nu 'bhe -gɔli' 'ε 'kpen gbawole 'ke 'bhe ge 'tenle- -a -vin -gɔli' bhe do 'kpɔ 'ε ma."
- 27'"Kaa =maa dɔɔ -a pele -o Moizi a 'toɲ mu 'ε 'yi 'kaa: "Yaa -yanbhɔɔya klεε."
- 28'Duɲ- 'mi pe 'ka ni dɔɔ: 'Ke mεε 'oo mεε 'la zan le do -glinna, 'bhεε- 'ke -a -yrebhwa 'bhe 'zi, -e -yanbhɔɔya -la =kla gban 'bhe gbεen- bhe -Waanbhaa' -yre 'yi.
- 29'Kee- gbε -yiε' ta -yrebhe' -le -a wla 'zi 'e zi 'bhεε- 'e baa- 'zi -za 'yɔɔ- 'yi, -a -yro, 'bhεε- 'ya blin 'e ma 'egbɔɔnle. 'Kee- -ja -Waanbhaa' ba 'e 'yrebhe- gbε do 'le, 'bhe mabhaabhɔ 'ke -woo 'e 'gbutru 'ε 'kpen blin -jranama 'tε 'ε 'yi.
- 30'Kee gbε -yiε' -le -a wla 'zi 'e zi 'bhεε- 'e baa- 'zi -za 'yɔɔ- 'yi, -a takan' 'bhεε- 'ya blin 'e ma 'egbɔɔnle. 'Kee dɔpε do winbwa- -a -yi 'bhe mabhaabhɔ, 'ke -woo 'e 'gbutru 'ε 'kpen blin -jranama 'tε 'ε 'yi."
- 31"-A pele -o 'ezin- 'yee- Moizi a 'toɲ mu 'ε 'yi dɔɔ: "Ke mεε 'la zan -o -a zi 'bhii- -e 'plo- -a na ma, -e gwlenna yaa- 'kan 'sewede, 'bhεε- -e 'bhe na -a na 'ε ni."
- 32'Duɲ- mi pe 'ka ni dɔɔ: 'Ke mεε 'la zan na 'laa gwlen -glinle', 'bhεε- 'kee- -ploola 'bhe ma, -yoo 'bhe bɔ 'zi gwlen -glin zi -la ta bhe. 'Duɲ- 'ke -o -ploola le 'la ma, 'bhεε- 'ke 'bhi 'gwlaan- 'la 'bhe =sia 'e 'na 'le, 'yoo- -yanbhɔɔya -la klε 'zi 'bhe gbεen- bhe."
- 33'Zesu pe -o ni 'ezin- dɔɔ: "'Kaa =maa dɔɔ -wa =pia -kɔɔ' -gbɔɔ mu 'ε ni dɔɔ: "Ke 'yee 'sienwoa- pε 'la ma 'yaa 'bhe 'sienwoza 'ε 'tole- ye, 'duɲ- 'yee 'sienwoa- pε 'la ma -Waanbhaa' -yre ma, 'bhe 'lesɔ."
- 34'Duɲ- mi pe 'ka ni dɔɔ: 'Ka 'laa 'ka 'sienwole pε 'kedo- 'kpɔ ma: 'Ka 'laa 'ka 'sienwole lafle' ma, -amasrɔyi -Waanbhaa' a -bhleɲgbeya yaayre -le 'ke lafle' 'ε 'bhεε- 'le;
- 35'ka 'laa 'ka 'sienwole 'tre ma, -amasrɔyi -Waanbhaa' gaankpape -le 'ke 'tre 'ε 'bhεε- 'le; 'ka 'laa 'ka 'sienwole Zeruzalemu ma, -amasrɔyi -bhleɲgbε -gbεnε 'ε 'yela- a -wa -le 'kele-.
- 36'Yaa 'e 'sienwole 'e ɲgblo 'ε ma, -amasrɔyi 'yaa sɔ 'e winbhe mu 'ε do 'kpɔ klεle- 'epu 'pegee 'etile.

- 37'Kaa '-Aani" bo 'kaa- '-Aani" 'le, 'bhεε- 'kaa- "Yooye-' bo 'kaa- "Yooye-' 'le. 'Ke 'ka pe 'la =kpaa 'bhε -jan 'ε ma, 'bhε da -Setran' -la ba.”
- 38'Zesu pe -o ni 'ezin- dɔɔ: "'Kaa =maa dɔɔ -wa =pia dɔɔ: "Ke mεε do 'e 'yrεbhε- do =pwan, -o nu 'bhε zan 'ε 'yrεbhε- do 'pɔnlε- 'ezin-; 'bhεε- 'ke mεε do 'e 'sɔnbhε- do 'cienna-, -o nu 'bhε zan 'ε 'sɔnbhε- do 'cienlε- 'ezin-.’
- 39'Duŋ- 'mi pe 'ka ni dɔɔ: 'Ka 'laa -za 'yɔɔ- -zigolε -za 'yɔɔ- 'le 'eke- ma. 'Ke mεε do 'e =zwan 'e gbε -yiε' ta 'trɔn 'ε ta, 'e gbε -koo ta 'trɔn 'ε 'bhε dɔ -a ni 'bhεε- -e 'bhε zɔn.
- 40'Ke mεε do -a zi 'bhii- -e ge 'e 'le -klu ta 'e ta dunε- 'ε 'si zayi', -a 'to 'bhεε- -e 'yaa-dunε- tralape 'ε si 'ezin-.
- 41'Ke mεε do 'a =pia 'e ni 'kaa -e -yaa' 'kwe do 'si kpaŋma, 'bhεε- 'e 'taawo- 'kεle- 'kilo do ta, -yaa' 'kwe 'ε 'si, 'bhεε- 'e 'kilo ple ta 'taawo- 'kεle-.
- 42'Ke mεε pe do -yrewoa 'e ma, 'bhε pe 'ε 'na 'bhε zan 'ε ni; 'bhεε- 'ke mεε do -o -a zi 'bhii- -e pe do ca si 'e 'kɔɔ, 'yaa 'bhε -gbɛdɔlε -a ma.”
- 43'Zesu pe -o ni 'ezin- dɔɔ: "'Kaa =maa dɔɔ -wa =pia dɔɔ: "E -vindo' mi -za 'sɔ 'e ni, 'bhεε- 'e 'sɔɔnnii 'ε 'bhε vɛnsi' 'e yin 'lii.’
- 44'Duŋ- 'mi pe 'ka ni dɔɔ: 'Ka 'sɔɔnnii mu 'ε -za 'sɔ 'ka ni; 'bhεε- -ka 'ka 'seriwo mεε 'la zan mu -yrenkpa' 'ka ta 'mu a -za ma.
- 45'Ke 'bhε =kla, 'ka nu klelε 'ka Dε 'la -yoo lafle' 'yi laanima 'bhε 'nε mu 'le. -Amasrɔyi -e -yaa' -yretεbhε 'ε bhi mεε -yɔɔ' mu 'pegee mεε wlan mu ta gɔnε- 'la gbεen-; -e la ban mεε -lɛdɔɔlε mu 'pegee mεε -lɛbiile mu ta 'bhεε- gbεen- 'ezin-.
- 46'Ke 'ka -za 'sɔ mεε 'la zan mu ni, 'bhεε- 'ke 'bhε zan mu 'te -la -za 'sɔ 'ka mu ni. 'Ka nu -trɔn 'ε -dela 'srɔɔwolε -Waanbhaa' 'kɔɔ 'bhε ma εε? 'Ali- 'nisrakun mu 'ε 'mu 'a kle 'bhεε- gbεen-.
- 47'Ke 'ka 'ka nεenε- mu 'te -la 'pubɔ-, 'ka gole -o mεε -vin mu 'ε -o ma 'nale- εε? 'Ali-mεε 'la zan mu laa -Waanbhaa' dɔ, 'mu 'a kle 'bhεε- gbεen-.
- 48'Ka 'lɛsɔlε kle -za 'kpen 'yi, 'bhii- 'ka Dε 'la -yoo laanima 'bhε 'lɛsɔlε -o gɔnε- 'la gbεen-.”

Matie 6

- 1"-Ka 'ka 'yrεkpa 'ka 'gbu ba 'elrele, 'ke 'ka 'laa 'kaa- -Waanbhaa' -lεεgblaanya 'ε 'yi 'taawoza 'ε kle bhaaplɛŋ mu -yrε ta, 'kooko- mɔkpen' 'yrεbhɔ 'ka zi, 'bhεε- -o 'ka 'tɔbhɔ. 'Ke 'kaa =kla 'bhε gbεen- bhe, 'ka 'laa nu 'bhε ma 'trɔn- -srɔɔwolε 'ka Dε -Waanbhaa' 'la -yoo laanima 'bhε 'kɔɔ.”
- 2"'Ke 'yoo- pe do 'nale- 'kɔɔflɛŋzan mu ni, 'yaa wɔŋwɔŋzenlε 'bhii- mεε -yrεkɔɔza kle mu a kle gɔnε- 'la gbεen- Zuufu mu daanfε' mu 'ε 'pegee 'pɛɛlii- -gbleba mu 'ε ta. -O 'bhε kle 'bhε gbεen- bhe, 'kooko- mεε mu -o 'tɔbhɔ mɔkpen' 'yrε ma. 'Mi pe 'ka ni wlan 'ε ni dɔɔ -woo kleza mu 'ε ma -trɔn 'srɔɔwoa- gban.

- ³Duŋ- 'bhi, 'ke 'yoo- pɛ do 'nale- 'kɔɔflɛŋzan mu ni, 'e gbɛ -yiɛ' -o -za 'la klɛ 'zi 'e gbɛ -koo' -za 'laa dɔlɛ 'bhe 'yi.
- ⁴Bhɛ klɛgbɛya 'ɛ 'yi, 'e pɛ 'la 'bhɛ 'naa- bhe, 'bhɛ tagaanle bo. 'Bhɛɛ- 'e Dɛ -Waanbhaa' 'la 'yrɛ -o 'e -za 'la klɛ 'zi gaanyi' 'bhɛ ma, 'bhɛ nu 'bhɛ -za 'ɛ ma -trɔn 'nale- 'e ni.”
- ⁵Zesu pe -o ni 'ezin- dɔɔ: "'Ke 'ka -o 'ka 'seriwo zii', 'ka 'laa klɛlɛ 'bhii- mɛɛ -yrɛkɔɔza klɛ mu 'ɛ gbɛɛn-: 'Seriwole sɔ -o ni -o dulalele Zuufu mu daanfe' mu 'ɛ =la, 'bhɛ 'pegee -gbleba mu 'ɛ 'lɛzi-, 'kooko- mɔkpen' 'yrɛkpa- -o ma, 'bhɛɛ- -woo 'tɔbhɔ-. 'Mi pe 'ka ni wlan 'ɛ ni dɔɔ -woo klɛza mu 'ɛ ma -trɔn 'srɔɔwoa- gban.
- ⁶Duŋ- 'bhi, 'ke 'yoo- 'e 'seriwole, wla 'e yi 'fɛkpee 'ɛ =la, 'bhɛɛ- 'fɛ 'ɛ 'liitan 'e ta. 'Bhɛɛ- 'e 'seriwo 'e Dɛ -Waanbhaa' 'la -yoo gaanyi' 'bhɛ ni; 'bhɛɛ- 'yee- 'la 'e -za 'la klɛ 'zi gaanyi' 'bhɛ ye bhe, -e nu 'bhɛ ma -trɔn 'nale- 'e ni.”
- ⁷"Ke 'ka -o 'ka 'seriwo zii', 'ka 'laa bɔlɛ -jan do 'kpɔ ta 'ebebele 'bhii- mɛɛ 'la zan mu laa -Waanbhaa' dɔ 'mu 'a klɛ gɔnɛ- 'la gbɛɛn-: -O 'kpee ma 'ke -o =bwa -jan do ta 'ebebele, 'bhɛɛ- -Waanbhaa' nu -waa' 'seri 'ɛ 'lɛkunlɛ.
- ⁸'Ka 'laa klɛlɛ 'bhii- 'woo- mu gbɛɛn-. -Amasrɔyi 'ka maza -o pɛ 'la ma, 'ka Dɛ -Waanbhaa' 'bhe dɔ gban 'elwale 'sani- -a -yrɛwole -lɛɛ.
- ⁹'Ke 'ka -o 'ka 'seriwo zii', -kaa pe gɔnɛ- 'lɛɛ- gbɛɛn- dɔɔ: '-O Dɛ -Waanbhaa' 'la -yoo laanima, bhaa mɔkpen' 'e 'tɔ 'weŋ 'ɛ 'bhɔ.
- ¹⁰Bhaa 'yaa- -bhɛŋgbɛya 'yaa- yi 'ɛ 'bhɔ; bhaa 'trɛ ta mu 'ɛ -woo 'e zru maza klɛ 'bhii- -wa klɛ gɔnɛ- 'la gbɛɛn- laanima.
- ¹¹'O gba -zɔn 'o 'le pɛle ba.
- ¹²'O -za 'yɔɔ- mu 'la =kla, -o -sroma 'yan 'bhii- mɛɛ 'la zan mu -za 'yɔɔ- klɛ 'o ni, 'o 'mu a -sroma yan gɔnɛ- 'la gbɛɛn-.
- ¹³'Yaa 'tolɛ- 'ke -Setran' 'o 'yidan-, 'bhɛɛ- -yoo 'o bɔ -za 'yɔɔ- 'yi. 'Duŋ- 'o go -Setran' 'kɔɔ. -Amasrɔyi 'bhi -le a pɛ -le 'ke -bhɛŋgbɛya 'pegee -glɔɔya', 'bhɛɛ- 'tɔbhɔleya 'le -yikpensee ta. Amiina!'
- ¹⁴"Wlan 'ɛ ni, 'ke mɛɛ -bhɛɛke' mu -za 'yɔɔ- =kla 'ka ni, 'bhɛɛ- 'ke 'ka -waa' -sroma 'ɛ -yaan, 'ka Dɛ -Waanbhaa' 'la -yoo laanima 'bhɛ nu 'ka mu a -sroma 'yanlɛ- 'ezin-.
- ¹⁵'Duŋ- 'ke 'ka 'laa mɛɛ -bhɛɛke' mu a -sroma 'yanlɛ-, 'ka Dɛ 'la -yoo laanima 'bhe laa nu 'ka mu a pɛ -sroma 'ɛ 'yanlɛ- 'ezin-.”
- ¹⁶"Ke 'ka -o 'suŋ 'yi, 'ka 'laa 'ka wleyisriwole 'bhii- mɛɛ -yrɛkɔɔza klɛ mu 'ɛ gbɛɛn-: -Woo wleyisriwo 'eyɔɔle, 'kooko- mɔkpen' 'a 'yaango- 'bhii- -woo 'suŋwla zii'. 'Mi pe 'ka ni wlan 'ɛ ni dɔɔ -woo klɛza mu 'ɛ ma -trɔn -srɔɔwoa gban.
- ¹⁷'Bhi 'duŋ-, 'ke 'yoo- 'suŋ 'yi, 'e 'fɛ 'gbu 'elrele, 'bhɛɛ- -lasiklɔɔ -gblɛn 'nrɛle- 'kla 'e 'gbu ta,

- 18'kooko- mɛɛ mu laa nu -a 'yaangole 'bhii- 'yoo- 'suŋ 'yi. 'Duŋ- 'e Dɛ -Waanbhaa' do -kplɛn 'la -ya =nɔɔ gaanyi' ye bhe, 'bhɛɛ- 'yee- Dɛ -Waanbhaa' 'la 'kee- gaanyiza ye bhe, 'yele- nu -a ma -trɔn 'nale- 'e ni."
- 19'"Ka 'laa -naflo mu zɛdɔle 'ka 'gbu ni 'trɛ ta -gɛ. -Amasɔyi -can 'pegee -wɛnnɛ' mu sɔ -o 'siele, 'bhɛɛ- -faannii' mu sɔ nule- 'kaa 'fɛ 'ɛ 'liikonɔ mu 'ɛ 'siele- 'bhɛɛ- -o 'kaa- -naflo mu 'ɛ faan.
- 20-Ka -naflo mu 'ɛ zɛdɔ 'ka 'gbu ni lafle' 'yi; -wɛnnɛ' mu 'pegee -can mu laa -o 'bhe =nɔɔ ye bhe 'ke -o 'mu siɛ, 'bhɛɛ- -faannii' mu laa sɔ 'kaa- 'fɛ 'liikonɔ mu 'ɛ 'siele, 'bhɛɛ- -o 'kaa- -naflo mu 'ɛ faan.
- 21-Amasɔyi 'yaa- -naflo 'ɛ -yoo yɛ 'la =nɔɔ, 'e zru bole -o 'bhɛɛ- yɛ =nɔɔ 'ɛ ta."
- 22"-Kɔɔ' 'yɛbhɛ- mu 'ɛ -woo -kɔɔ' 'fle ta 'tɛbhile -la -le. 'Kee- 'yɛbhɛ- mu 'ɛ -woo kplankplan, 'e 'fle 'ɛ 'kpen takanle -o 'wɛŋ.
- 23'Duŋ- 'kee 'yɛbhɛ- mu 'ɛ waa -o kplankplan, 'e 'fle 'kpen -o -gblo 'yi. 'Kee 'yi 'tɛbhile 'ɛ 'bhe -o 'ke -gblo 'le, 'yoo- -gblo ti -gbɛnɛ -la -yi."
- 24"Meɛ do laa sɔ yewole -kuŋlii plɛ ni 'eke- zi. 'Kee- 'bhe =kla, -a do vɛn nu 'sile- -a yin 'lii, 'bhɛɛ- -a -bhɛɛke' do 'ɛ -za sɔ a ni. 'Ke -a lii biile -o -a do 'yi, -e nu -a -bhɛɛke' do 'ɛ mavɛɛle. 'Bhe ya 'ɛ 'yi, 'ka 'laa sɔ klele- -Waanbhaa' a lu 'le, 'bhɛɛ- 'ka kle -gɔli' a lu 'le 'ezin-."
- 25"'Bhɛla- -zayile, 'mi pe 'ka ni dɔɔ 'ka 'laa 'ka 'si 'ɛ yienkanɛ: 'kee- =kla 'ka 'le pele 'le oo, 'kee- -kla 'ka 'mi yi 'le oo, 'bhe 'pegee 'ka nu pɛ mu 'la 'klalɛ- 'ka ta, 'ka 'laa 'mu do 'kpɔ -za yienkanɛ. 'Bhe 'yi, -kɔɔ' -si 'ɛ 'bhe mabhaa laa bhɔ pɛbhle ta ɛɛ? 'Bhɛɛ- -kɔɔ' 'fle 'ɛ mabhaa laa bhɔ -kɔɔ' tapɛ mu ta ɛɛ?
- 26-Ka laanima maannɛ- mu 'ɛ -glin doo. Waa pɛbhɛ bɔ, 'bhɛɛ- waa pɛ bhaa kan; 'bhe 'pegee waa pɛle zɛdɔ, 'duŋ- 'ka Dɛ 'la -yoo laanima 'bhe -o -lɛbɔ'. 'Ka mu mabhaa 'laa bhɔ maannɛ- mu ta ɛɛ?
- 27'Ka -de 'gbu -le sɔ -a -si 'ɛ baan' sa 'klale 'a ba, -a 'kpee yienkanle 'ɛ ma ɛɛ?"
- 28"-Mela ma, 'bhɛɛ- 'ka -o dunɛ- mu yienkan' zii' ɛɛ? -Ka 'ka 'yɛkpa -bɔn -bi mu 'ɛ 'pɛwɛgbɛya 'ɛ ta doo: Waa sɔ yewole, 'bhɛɛ- waa sɔ dunɛ- mu 'tanle.
- 29'Bhɛɛ- 'duŋ-, 'mi pe 'ka ni dɔɔ: 'Ali- -bhɛŋgbe Salomɔ -yaa yaa 'tɔbhɔleya 'ɛ 'kpen 'yi, -a -baale' -lɛleya laa 'kanɛ- 'woo- -bɔn -bi mu 'ɛ -o ta.
- 30-Bɔn mu 'la -woo -zɔn gba la, 'bhɛɛ- -o nu -o -yrole' too, 'bhɛɛ- -woo blin 'tɛ 'yi, 'ke -Waanbhaa' -o baa 'elrele; yaa nu 'ka mu -baale' 'elrele 'ke 'bhe kan -waa' pɛ -baagbɛya 'ɛ ta ɛɛ? 'Kaa- 'kpaleya 'ɛ -a -yi 'bhe -o 'fientrɔnnɛ 'dɛ!
- 31'Bhe ya 'ɛ 'yi, 'ka 'laa -za 'kedo- 'kpɔ yienkanɛ, 'bhɛɛ- 'ka 'laa 'pele- dɔɔ: "O nu -mela bhlele, 'bhɛɛ- 'o nu -mela mile ɛɛ? 'Bhe 'pegee 'o nu -mɛ pɛ -la 'klalɛ- 'o ta ɛɛ?"
- 32"Meɛ 'la zan mu laa -Waanbhaa' dɔ, 'mu -le 'woo- -za mu 'la bhe 'mu ziglin. 'Ka Dɛ 'la -yoo laanima -a 'gbu 'a 'yaango- 'bhii- 'ka maza -o 'woo- pɛ mu 'ɛ ma.

33-Ka -Waanbhaa' a -bhlenjgbeya 'e 'pegee 'ka 'ledoolaya -a -yre 'yi 'mu -la yienkan' 'elwale 'pe. 'Ke 'ka 'bhe =kla, 'bhe- -e nu 'ka gbale 'bhe pe mu 'e 'kpen ba.

34'Ka 'laa too -za yienkanle -zon. -Amasroyi 'ka nu 'ngami 'bheke 'sröwole too. 'Bhe 'yi, yi 'e 'kpen 'pegee 'bhe 'yi za -le."

Matie 7

1'"Ka 'laa mæe -bheke' mu 'to 'yoo- pele, 'kooko- waa nu 'ka mu 'to 'yoo- pele 'ezin-.

2'Ka mæe -bheke' 'to 'yoo- pe gone- 'la gbæen-, -o nu 'ka mu 'to 'yoo- pele 'bhe- gbæen-. 'Ka mæe mu kun gone- 'la gbæen-, -o nu 'ka mu 'kunle- 'bhe- gbæen-.

3-Yrikpu' 'la 'bhe -o 'e 'gbu 'yre 'e ba 'yaa 'bhe ye, 'fo -gaa 'klené 'la 'bhe -o 'e næne- 'e 'yre 'e ba 'e 'bhe- ye eé?

4'E so a pele- 'nale- -a ma 'e næne- 'e ni döo: '-A 'to 'mi 'e 'yre ba -gaa 'klené 'e go'. 'Duñ- 'ke -yrikpu' do -o 'bhi 'gbu 'yre 'e ba eé?

5'Mæe -yreköza kle mi, 'e 'gbu 'yre ba -yrikpu' 'e go 'elwale 'pe, 'bhe- 'kee yre ma =ya, 'e so 'e næne- 'e 'yre ba -gaa 'klené 'e gole- 'te."

6'"Ka 'laa -Waanbhaa' a pe 'weñ mu 'e gbekpale mæe zru -yoo' mu 'koo, 'kebhlaale, -e kle 'bhii- 'ke 'ka wi -lirele' -naa -gbaan' mu ni, 'bhe- boolazi -o yran 'ka 'gbu ma. 'Bhe 'yi, pe mu 'la 'gbu -za mu -o 'ka 'koo 'eglöle 'ka 'laa 'mu blinle =swa mu ni, 'kooko- waa nu 'taawole -o ta 'tre ma."

7"-Ka pe -yrewo' -Waanbhaa' ma, 'bhe- e nu 'bhe 'nale- 'ka ni; 'ke 'ka pe 'la ziglinna -a ba, 'ka nu 'bhe 'sröwole. -Ka kököde -a ta, 'bhe- -e nu -yaa' 'fe 'e 'liigole 'ka ni.

8-Amasroyi 'ke mæe 'oo mæe 'la zan pe -yrewoa -a ma, 'bhe zan nu 'bhe pe 'e 'sröwole -a 'koo. 'Ke mæe 'la zan pe 'la ziglinna -a ba, 'bhe zan nu 'bhe 'sröwole; 'bhe- 'ke 'bhi 'la köködia -yaa' 'fe 'liikon 'e ta, -e nu 'bhe -liigole 'e ni.

9'Ka ba mæe 'gbu 'e -de 'gbu -le so kpoti 'nale- -a 'gbu 'ne 'e ni 'ke 'bhe 'bluu 'yrewoa -a ma eé?

10'Bhe- 'ezin-, -de 'gbu -le so mle do 'kpale 'bhe 'gbu 'ne 'e 'koo 'ke 'bhe kaa do -yrewoa -a ma eé?

11'Ka mæe -yoo mu, 'ke 'ka mu so pe wlan mu 'nale- 'ka 'ne mu 'e ni, -mela ma 'bhe- 'ka De 'la -yoo laanima 'bhe 'laa nu 'sole- 'ke 'ka pe -lirele' mu 'la -yrewoa -a ma 'mu 'nale- 'ka ni eé?

12'Kaa- zi 'bhii- mæe -bheke' mu -za 'oo -za 'la kle 'ka ni, 'ka mu 'ezin- -ka 'bhe 'yansi za kle -o ni. Moizi a 'toj mu 'e 'bhe- -jan mu 'e =woa, 'bhe- -Waanbhaa' -lala' janwo mu 'e 'mu 'bhe- do 'kpö 'e =woa 'ezin-."

13"-Ka wla -Waanbhaa' ba wlayre kprene- 'e 'bhe- =nöö. -Amasroyi -Jranama ((wlayre-)) -lii 'e -yoo 'egbenele; 'bhe- zibhe 'la ge -a =nöö, 'bhe -laata' -o 'egbenele. -Ayile mæe -bebe ge 'bhe- zi 'e zi.

- 14'Duŋ- bole -yre ma -si 'e 'bhe 'wlayre- -lii 'e -yoo kprene-, 'bhe =nɔɔ zibhe 'e -yoo kpre; 'bhela- -yile mee -bebe 'laa 'bhe zi 'e si.”
- 15'Zesu pe -o ni 'ezin- dɔɔ: "-Ka 'ka 'yrekpa 'ka 'gbu ba bhla ma -Waanbhaa' -lɛla' janwo mu 'e -zayi!' -O nu 'ka ba -o -yi -dɔɔ 'le 'bhii- -bhlaa mu gbɛɛn-, 'duŋ- -o 'gbu 'kpee, -woo 'ke srɔpe mu -la -le.
- 16'Ka sɔ -o dɔle- -o kleza mu -la ma; 'bhii- 'ka sɔ -yri diiŋ 'e dɔle- -a bhaa ma gɔne- 'la gbɛɛn-. 'Ka sɔ -lomliŋ' bhaa 'kanle daanlere diiŋ mu 'yi ɛɛ, taa- 'ka sɔ 'manɔlo bhaa 'kanle -zulere diiŋ mu 'yi ɛɛ?
- 17-Yri diiŋ wlan bhaa -lrele' mu -la kle, 'bhɛɛ- -yri diiŋ -yɔɔ' bhaa -yɔɔ' mu -la kle.
- 18-Yri diiŋ wlan laa sɔ bhaa -yɔɔ' mu klele-, 'bhe klegbeya do 'e 'yi, -yri diiŋ 'yɔɔ- laa sɔ bhaa -lrele' mu klele-.
- 19'Ke -yri diiŋ 'oo -yri diiŋ 'la 'bhe 'laa 'bhe bhaa -lrele' kle, -o nu 'bhe takanle, 'bhɛɛ- -wa blin 'te 'e 'yi.
- 20'Bhe 'yi, 'ka -yri diiŋ 'e dɔ -a bhaa ma gɔne- 'la gbɛɛn-, 'ka nu bhla ma -Waanbhaa' -lɛla' janwo mu 'e dɔle -o kleza mu 'e ma 'bhɛɛ- gbɛɛn-.”
- 21'Zesu pe -o ni 'ezin- dɔɔ: "Mɛɛ 'la zan mu 'kpen 'mi sii 'kaa: 'Mɛɛzan, Mɛɛzan', -o 'kpen 'laa nu gele laanima -bhleŋgbeya -wa 'e ta; 'ke yaa 'e go mee 'la zan mu 'ŋ Dɛ 'la -yoo laanima 'bhe zru maza kle 'bhe zan mu do -kplen ba.
- 22'Kitikan yi -gbene 'e 'le, mee -bebe mu nu a pele 'ŋ ni dɔɔ: 'Mɛɛzan, Mɛɛzan, 'o mɔɔ -Waanbhaa' -lɛlajanwoa 'e 'tɔ 'yi, 'o 'zina mu -gbian mee mu zi 'e 'tɔ 'e 'yi, 'bhɛɛ- 'o 'sɔle- maza -bebe =kla 'e 'tɔ 'e 'yi.’
- 23'Ke -o 'bhe =pia, 'ŋ nu a zikpale -o ni dɔɔ: "Naa 'ka dɔle -lido'; -ka 'ka 'plenɔ- 'ŋ ma 'egbɔɔnle, -za 'yɔɔ- kle mu.' “
- 24'Zesu pe -o ni 'ezin- dɔɔ: "'Bhe ya 'e 'yi, 'ke mee 'la zan 'ŋ 'wojan- mu 'lɛɛ- =maa, 'bhɛɛ- 'ke -yoo -yizakla, 'bhe zan 'e -yoo 'bhii- mee yikanle do 'la -yaa' 'fɛ 'e -dwa vle -saa -glɔɔ do ta.
- 25'La -gbene do -baan, 'bhɛɛ- tɔ mu 'e =kaan, 'bhe 'pegee la 'yi 'e paa 'fɛ 'e ma 'kee-beenle-; 'duŋ- 'fɛ 'e yaa 'klale-; -amasɔyi 'fɛ 'e gaan bɔle -yaa vle -saa -glɔɔ 'e ta.
- 26'Bhe klegbeya do 'e gbɛɛn-, 'ke mee 'la zan 'ŋ 'wojan- mu 'la bhe -o =maa, 'bhɛɛ- 'ke yaa -o -yizaklele, -yoo 'bhii- -zadɔkle mee 'la 'bhe 'bhe a 'fɛ do -dwa -yrentre' 'yi.
- 27'La -gbene do -baan, 'bhɛɛ- tɔ mu 'e =kaan, 'bhe 'pegee -plo- -gbene do -kaan, 'bhɛɛ- la 'yi 'e =paa 'fɛ 'e ma, 'kee- beenle-, 'kee- 'klaale, 'bhɛɛ- -e =wia 'fɛfɛŋ.”
- 28'Zesu 'yanle- -zamaa' 'e daanlele, 'ke -o 'kpen 'liibhaale -o ma -yaa' mee daangbeya 'e ma.
- 29-Amasɔyi yaa mee mu 'e daanle 'bhii- -waa' 'Toŋ daan mu 'e -waa' daangbeya 'e gbɛɛn-. -Yoo -daanna 'bhii- 'senzan-.

Matie 8

- ¹Zesu gole vle gɔɔn 'e 'wiinj-, 'ke -zamaa' 'saa do dɔle- -a zi.
- ²-Woo -yrekpa', 'ke -kpaandɛ' mi do 'e 'mabɛɛnle -a -din, 'bhɛɛ- 'ke 'bhɛ 'e 'kpɔ zɛnle- -a 'lɛɛ, 'bhɛɛ- 'ke 'bhɛ 'a 'pele 'a ni dɔɔ: "'D Zan, 'kee- -swa 'e ni, 'e sɔ 'ɲ 'bheele."
- ³'Bhɛ 'yi 'tɛ, 'ke Zesu 'e gbɛ 'trole -a ba -yrɛ ta; 'bhɛɛ- 'ke 'bhɛ 'e gbɛ 'kpale -a ma, 'bhɛɛ- 'ke 'bhɛ 'a pele- 'a ni dɔɔ: "'D 'yoo- -a zi 'bhii- 'e 'bhee, bhaa 'e 'flɛ bakan' 'wɛɲ!" 'Bhɛ yrɛ do 'e =nɔɔ bhe, 'ke -yaa' -kpaan 'e gole- -a ma, 'bhɛɛ- 'ke -a 'flɛ bakanle 'wɛɲ.
- ⁴'Bhɛ blaɛn, 'ke Zesu 'a 'pele 'a ni dɔɔ: "'E 'trɔnkpa 'elrele 'ɲ ni: 'Yaa 'e 'bheezaa- 'e 'pele-mɛɛ -bhɛɛke' do 'kpɔ ni. Ge 'sraka 'lena mi 'ɛ ba, 'bhɛɛ- -yee' maglin- doo, 'bhɛɛ- Moizi 'sraka 'la goza =pia -kpaandɛ' mu -bheezaa' 'e 'yi, 'bhɛ go, 'kooko- mɔkɔpɛn' nu 'a 'yaango- 'bhii- 'e 'bheela-."
- ⁵Zesu 'bhɔle- Kapɛnɔmu, 'ke Romɛ mu a -srwase' mu -kuɲlii do 'e 'mabɛɛnle -a -din, 'bhɛɛ-
- ⁶'ke 'bhɛ 'a 'pele- -a ni dɔɔ: "'D Zan, ga -o 'an yewonɛ 'ɛ do ma, 'bhɛɛ- -a yilale -o 'fɛ 'lɛ ma; -a dɔpɛ mu 'ɛ 'kpɛn -gaa -a ma, 'bhɛɛ- yaa sɔ 'taawole, -ayile -yoo -yrɛnbhle' zii' 'ebebele."
- ⁷'Bhɛ klɛle 'tɛ, 'ke Zesu 'a 'pele 'a ni dɔɔ: "'Mi 'gbu nu geɛ -a -bheele' 'e ba -lɛ ma."
- ⁸'Bhɛ =nɔɔ bhe, 'ke 'yee- -srwase' mu -kuɲlii 'ɛ -ya pele- Zesu ni dɔɔ: "'D Zan, 'mi Romɛ mi, -a -gaale' laa -o 'ɲ ba 'kee- nu 'mi ba. 'Duɲ- -jangɔ' do 'kpɔ 'wo, 'bhɛɛ- 'an yewonɛ 'ɛ nu -bheele'.
- ⁹'Duɲ- 'woo- -a =nɔɔ bhe oo, 'mi 'gbu ta -kuɲlii mu -o 'ke mɛɛ 'ke mu 'le, 'bhɛɛ- 'ɲ 'yoo- -srwase' 'ke mu ta -kuɲlii 'le. 'An pe -a do ni: 'Ge!' 'Bhɛɛ- 'bhɛ ge; 'an pe -a -bhɛɛke' do ni: 'Nu -gɛ!' 'Bhɛɛ- 'bhɛ nu; 'an pe 'an yewonɛ 'ɛ do ni: '-Za 'lɛɛ- klɛ!' 'Bhɛɛ- 'bhɛ 'bhɛ klɛ."
- ¹⁰Zesu 'a 'liijan- 'e 'male-, 'bhɛɛ- 'bhɛ 'liibhaa- 'bhɛ ma, 'ke 'bhɛ 'a 'pele 'bhɛ a -kɔɲlanɛ mu 'ɛ ni dɔɔ: "'Naa 'bhɛ mɛɛ -gɔɔn 'yɛɛ- -lido' 'ke 'bhɛ 'e kpa -Waanbhaa' 'yi 'egbɛnɛle 'bhii- mɛɛ 'lɛɛ- gbɛɛn-, 'ali- 'kee- kpa Izraɛli 'kleɛn 'kpɛn ta.
- ¹¹'Mi pe 'ka ni 'ezin- dɔɔ: Mɛɛ -bebe nu dalɛ -yretɛbhɛ -wlenyrɛ' 'pegee -yretɛbhɛ baayrɛ =nɔɔ, 'bhɛɛ- -o nu geɛ pɛbhlele 'eke- zi -tabali do ta -o 'pegee Abraamu oo, Izaki oo, 'bhɛɛ- Zakɔbu mu 'le laanima -bhɛɲgbeya -wa 'ɛ ta.
- ¹²'Duɲ- 'yee- -bhɛɲgbeya 'tɔ 'ɛ -yoo mɛɛ 'la zan mu ma, -o nu 'mu blinɛ 'pɛɛlii- -gblo -gbɛnɛ 'ɛ 'yi. 'Bhɛ =nɔɔ bhe, -o nu wisilɛ, 'bhɛɛ- -zadɔwɛɛ 'ɛ 'kɔɔ, -o nu -o gbɛnɛbhɛ mu 'ɛ 'sɔnkpalɛ."
- ¹³'Bhɛ blaɛn, 'ke Zesu 'a 'pele -srwase' mu -kuɲlii 'ɛ ni dɔɔ: "Ge 'e ba -lɛ ma. 'Yee =kpa -Waanbhaa' 'yi gɔnɛ- 'la gbɛɛn-, -e nu 'bhɛɛ- 'wlata- za klɛle 'e ni." 'Bhɛ klɛle 'tɛ, 'ke -srwase' mu -kuɲlii 'ɛ -yaa' yewonɛ 'ɛ 'bheele 'bhɛ 'waati do 'kpɔ 'ɛ ba.
- ¹⁴Zesu -ja Pieri ba -lɛ ma, 'bhɛɛ- -e Pieri boole yilale =ya: 'Bhɛ 'flɛ 'yi 'yaa- -la 'zi.

- 15 Zesu 'e gbɛ yanle -a ma, 'ke -a 'flɛ 'yi 'la ga 'ɛ gole-; 'ke -ya -wɛnle', 'bhɛɛ- 'kee- Zesu -lewɛɛ' kpo klɛle-.
- 16 Yromazi bhɔle, 'ke -o nule- 'zina mu -yaa mɛɛ 'la zan mu zi 'mu 'le -a ni. -E 'woo- 'zina mu 'ɛ =gbian 'woo- mɛɛ mu 'ɛ zi, 'bhɛ 'pegee -e gadɛ mu -vin mu 'ɛ 'kpen 'bheela- -a -liijan' do 'kpɔ 'ɛ 'le.
- 17 -Yaa' mɛɛ -bheezal 'ɛ 'bhɛ -Waanbhaa' -lɛla' janwo mi Ezai jan 'la =woa 'elwale gban -sɔ 'bhɛ 'lɛswa=: 'Bhɛ 'a -pia dɔɔ: "-Yoo' ta -yɛn mu 'ɛ 'kpen -gwa, 'bhɛ 'pegee -yoo ma ga mu 'ɛ -gwa."
- 18 Zesu -zamaa' do yele- -a zi, 'ke -ya pele- -yaa' -klanlanɛ mu 'ɛ ni dɔɔ -o 'kan -draa 'yɛ gbɛ do 'ɛ ta.
- 19 'Bhɛ ya 'ɛ 'yi, 'ke 'Toŋ daan mi do 'a 'pele 'a ni dɔɔ: "'O Daan mi, 'ŋ nu geɛ 'ɛ zi yɛkpen- =nɔɔ."
- 20 'Bhɛ klɛle 'tɛ, 'ke Zesu 'a 'pele -a ni 'kaa: "-Gbɛŋgbɛni mu yila- -gluu mu -o, 'bhɛ 'pegee maannɛ- mu yi 'fɛ mu -o, 'duŋ- yilayɛ 'pegee -yitrɛ' yɛ do 'kpɔ 'laa -o Bhaaplɛŋ Gbe 'ɛ 'kɔɔ."
- 21 -Yaa' -klanlanɛ mu 'ɛ do pe -a ni dɔɔ: "'D Zan, -a 'to 'ke 'ŋ ge 'ŋ dɛ bin 'pe, 'bhɛɛ- 'ŋ nu klɛle 'yaa- -klanlanɛ mu 'ɛ do 'le."
- 22 Zesu pe -a ni dɔɔ: "'Bhi nu dɔ 'ŋ zi, 'bhɛɛ- mɛɛ gbaa mu 'to 'ke -o -waa' gbaa mu 'ɛ bin."
- 23 Zesu 'pegee -yaa' -klanlanɛ mu 'ɛ -o -saan -yitakon 'ɛ 'yi -yi 'ɛ ba.
- 24 -O -yaa -draa 'ɛ takan' zii' -yitakon 'ɛ 'yi 'waati 'la ba, -woo -yɛkpa', 'ke -ploo -gbɛnɛ do 'kanle- 'sanle. 'Bhɛɛ- -yi 'pɔɔ mu 'ɛ 'yaa- zan 'kpale- -yitakon 'ɛ ta. 'Duŋ- Zesu 'yaa- yidɛ 'zi 'bhɛ bhla 'ɛ ba.
- 25 'Bhɛ klɛle 'tɛ, 'ke -yaa' -klanlanɛ mu 'ɛ -woo mabɛɛnle 'a -din, 'bhɛɛ- 'ke -wa bwele- 'kaa: "'O Zan, 'woo- zan galɛ, 'o go -za 'yi!"
- 26 'Bhɛ ya 'ɛ 'yi, 'ke Zesu 'a 'pele -o ni dɔɔ: "-Mɛle =kla 'ka -o -gblaan 'zi ɛɛ? -Mɛle =kla 'bhɛɛ- 'kaa- 'kpaleya 'ɛ -Waanbhaa' 'yi 'bhɛ 'lɛbole -o ɛɛ?" 'Bhɛ 'yi, 'ke Zesu 'e 'wɛnle- 'tɛ, 'bhɛɛ- 'kee- 'pɛɛnle- -ploo 'ɛ 'pegee -draa 'yi 'ɛ ta. 'Bhɛ klɛle 'tɛ, 'ke -ploo 'ɛ makpaale, 'bhɛɛ- 'ke -yi 'ɛ 'yɛ ta dɔle- siŋ 'egbɛnɛle.
- 27 -Ayile, -yaa' -klanlanɛ mu 'ɛ 'kpen 'kpeɛlenia -o ma, 'bhɛɛ- 'ke -wa pele- dɔɔ: "Mɛɛ -glɔɔn 'ɛ -de 'gbu -le mɛɛ 'lɛɛ- 'le ɛɛ? 'Ali- -ploo mu 'pegee -draa 'yi 'ɛ 'mu 'a 'weli- ma, 'bhɛɛ- 'mu 'a -liijan' -lɛdɔ' -a ma."
- 28 -O bhɔle -draa 'yɛ gbɛ do 'ɛ ta, Gadara mu a 'klɛn 'yi, 'ke mɛɛ plɛ dale- mɛɛ bu mu 'ɛ ta, 'ke 'mu 'nule Zesu 'lɛpale. 'Zina -yaa -o zi, -asiikɔɔ mɛɛ 'kɛdo- 'kpɔ 'laa -yaa do 'kanle- -la mɛɛ binyɛ 'ɛ =nɔɔ zi 'ɛ 'lii.
- 29 -O 'pɛɛnle- -saan 'eglɔɔle dɔɔ: "-Waanbhaa' Gbe, 'yoo- -mɛla zi 'o 'kɔɔ ɛɛ? 'O mɔɔ ta -yɛnkpa' 'waati 'ɛ 'bhɛ 'laa bhɔle -li, 'bhɛɛ- 'e =nwa -yɛnkpaale 'o ta ɛɛ?"

- 30'Bhε 'waati do 'kpɔ 'ε ba, =swa 'lε -gbεnε do -yaa pεbhle 'zi -o ma 'εgbɔɔnle sa.
- 31'Bhε klεle 'tε, 'zina mu 'la 'yaa- 'woo- mεε plε 'ε zi, -o -sromabwa Zesu ni dɔɔ: "'Ke 'yoo =gbian mεε plε 'lεε- zi, -a 'to 'o ge wla =swa 'lεdo- 'la laale bhe 'mu 'yi!"
- 32'Bhε klεle 'tε, 'ke Zesu 'a 'pele -o ni 'kaa: "-Ka ge 'bhε klε!" -Ayile, 'woo- 'zina mu 'ε gole 'yee- mεε plε 'ε zi, 'ke -o gele- wlale 'swanε 'lεdo- 'ε 'yi. 'Bhε klεle 'tε, 'ke 'swanε 'lεdo- 'ε dale- blasanlele vlε gɔɔn 'ε 'wiinj-, 'bhεε- -o 'kpen =nwa baale -yi 'ε ba, 'bhεε- -o -gaa.
- 33'Bhε ya 'ε 'yi, 'ke 'woo- 'swanε mu 'ε gooba mu 'ε -o blasanle, 'bhεε- 'ke -o gele- blaale- -wa la. -O bhɔle 'bhε =nɔɔ bhe, 'ke -o 'zina zan plε 'ε -waa' -za 'pegee 'swanε mu 'ε dεza 'ε 'kpen 'yigɔɔnle -waa' -wa 'ε ta mu 'ε ni.
- 34-Ayile, 'ke -wa 'ε ta mu 'ε 'kpen 'pwele, 'ke -o 'nule Zesu ba -yre ta. -O bhɔle -a -din, 'ke -o -sromabɔle -a ni dɔɔ -e go -waa' 'klεen 'ε 'yi.

Matie 9

- 1'Bhε blaen, 'ke Zesu 'sanle -yitakon 'ε 'yi, 'bhεε- 'kee- niinale -a ba -wa la.
- 2'Bhε klεle 'tε, 'ke -o nule- -flugba do 'le -a ni yro do 'yi. Zesu 'a 'yaangole 'bhii- gadε mi 'ε madɔ mu 'ε -woo -kpaa -a -yi, 'ke -ya pele- gadε mi 'ε ni dɔɔ: "'D nε, 'e zru do 'eglɔle, 'η 'yaa- -za 'yɔɔ- mu 'ε 'kpen -sroma -yaan."
- 3'Bhε 'yi bhe 'tε, 'ke 'Toη daan mu 'ε 'ke mu 'a 'pele 'mu 'gbu 'kpee dɔɔ: "Mεε 'lεε- -yoo -Waanbhaa' 'tɔsiε zii!"
- 4'Zesu -o 'kpeejan- mu 'ε dɔle 'ke -ya pele- -o ni dɔɔ: "-Mεle =kla 'bhεε- 'ka 'kpeejan- mu 'ε -woo 'eyɔle εε?"
- 5'Woo- -za plε 'gbu 'lεε- -o -de 'gbu -le 'eglɔle εε? 'Ke 'an pe gadε mi 'ε ni dɔɔ: "'D 'yaa- -za 'yɔɔ- mu 'ε ma -sroma -yaan' Taa- 'ke 'an pe -a ni dɔɔ: "E 'wlen-, 'bhεε- 'taawo εε?"
- 6'Duη- 'η 'yoo- -a zi 'bhii- 'kaa 'yaango- dɔɔ 'bhε 'seη -o Bhaaplεη Gbe 'ε ni 'trε ta -ge 'kee- bhaaplεη mu a -za 'yɔɔ- mu ma -sroma yan." -Ayile 'ke -ya pele- 'bhε ni dɔɔ: "E 'wlen-, 'e 'yila- yro 'ε 'si, 'bhεε- ge 'e ba -lε ma!"
- 7'Bhε klεle 'tε, 'ke -flugba 'ε -ya -wlenle', 'bhεε- 'kee- gele- -a ba -lε ma.
- 8-Zamaa' 'ε 'yrekpale -flugba 'ε 'bheele- ma, 'ke -gblaen 'klale -o -yi, 'bhela- -yile, 'ke -o -Waanbhaa' 'tɔbhɔle 'bhε 'seη -glɔn 'ε 'naza- 'ε 'yi bhaaplεη mu ni 'bhε ma.
- 9'Bhε blaen, Zesu 'yaa- ge 'zi bhla 'la ba, 'ke -a -yrekpale mεε do yaale ma 'nisra gbawo 'fε 'ε =la: -O -yaa 'bhε sii Matie. 'Bhε 'nɔɔ- bhe, 'ke -ya pele 'bhε ni dɔɔ: "Nu do 'η zi!" Matie 'e 'wlenle- 'kee- gele- dɔle Zesu zi.
- 10'Bhε blaen, Zesu 'pegee -yaa' -klanlanε mu 'ε 'yaa- pεbhle 'zi Matie ba 'fε 'ε =la. 'Bhε =nɔɔ bhe, Zesu 'pegee 'nisrakun mu -bebe 'pegee mεε 'joo 'yɔɔ- -bhεeke' mu -yaa pεbhle 'zi 'eke- ta.

- 11 Farizi mu 'ε -o -yrekpale 'bhe ma 'te, 'ke -wa pele- Zesu a -klanlane mu 'ε ni dɔɔ: "-Mele =kla 'bhεε- 'ka daan mi 'ε 'pegee 'nisrakun mu 'ε, 'bhεε- mεε 'joo 'yɔɔ- mu 'ε -woo pebhle 'zi 'eke- ta εε?"
- 12 Zesu 'trɔnbɔle -o wojan 'ε 'yi, 'ke -ya pele- dɔɔ: "Mεε 'klenyawole mu maza laa -o -laane kpa mi ma; 'ke yaa 'e go gade mu ba.
- 13 -Waanbhaa' -yaa' -jangɔ' do 'kpɔ 'la =woa dɔɔ: "D maza laa -o 'sraka do 'kpɔ ma 'ke ya 'e go mεε -yrenklale 'η ma 'bhe ba;' -ka ge 'bhe -jan 'ε 'yima, 'bhεε- -kaa daan. - Amasrɔyi 'naa 'nule- mεε 'la zan mu 'mu 'gbu ye 'bhii- mεε -ledɔɔle mu 'mu 'siyre- nɔɔ-, 'duɲ- 'η =nwa -za 'yɔɔ- kle mu -la 'siile-."
- 14 -Yrekpaa' do, 'ke Mεε Wiinjε' Mi Zaan a -klanlane mu 'ε 'nule Zesu ba, 'bhεε- 'ke -wa -lrɔkpale dɔɔ: "-Mele =kla 'o mɔɔ 'pegee Farizi mu 'ε 'o 'suɲwla 'ebebele, 'bhεε- 'yaa- pε -klanlane mu 'ε waa 'suɲwla- εε?"
- 15 'Bhεε-, Zesu 'bhe -jan 'ε zikpaa- -o ni dɔɔ: "'Ka mu 'gbu 'kpee ma, le dɔyre nɔɔ- mu 'ε -o sɔ -o wleyisriwole 'ke le -nɔɔ 'ε 'yoo -o -din 'waati 'la ba εε? 'Yooye- 'bhe 'la sɔ klele! 'Duɲ- 'ke le -nɔɔ 'ε -gwa -o -din bhla 'la ba, 'bhεε- -o nu 'suɲwlale 'te."
- 16 "Waa sɔ dune- gwe -yisrale 'ke sɔpee' dree 'le; 'kebhlaale, sɔpee' dree 'ε 'wlayre- nɔɔ- 'eke- ta, -e dune- gwe 'ε 'bhe sɔ 'ε glaan; 'bhεε- -e 'peedε- 'egbenele 'ke 'bhe kan -a 'peedeyre =lwa 'ε ta.
- 17 'Bhεε- waa -wεen dree kla wi 'fle 'floko gwe mu 'yi; 'ke 'bhe =kla wi 'fle 'floko gwe mu 'ε -o 'peedε-, 'bhεε- -o -yi -wεen 'ε klalaa', 'bhεε- -e kle 'ke 'sie pε 'le. 'Duɲ- -o -wεen dree kla wi 'fle 'floko dree mu -la -yi, 'bhεε- waa sɔ 'eke- 'siele."
- 18 Zesu 'yaa- 'bhe -jan mu 'ε 'wo zii' -o ni bhla 'la ba, 'ke Zuufu mu 'ε -waa' -kuɲlii do nule- Zesu ba, 'bhεε- 'ke -ya 'kpɔ zenle- Zesu 'lεε. 'Bhεε- -e pe dɔɔ: "'D 'lu 'nε 'ε =kla 'ke 'siele, 'bhe =nɔɔ 'laa -mɔle' -li, nu ge 'e gbekpa' -a ma, 'bhεε- -e bwe gale ba."
- 19 Zesu 'e 'wlenle-, 'ke -o 'pegee -yaa' -klanlane mu 'ε dɔle- mεε 'ε zi.
- 20 'Duɲ-, le do -yaa -zamaa' 'ε 'plen-, 'bhe lεε vu ta ple -le yaa bhe, 'ke yaa -yito' 'ε 'le 'laa kan. 'Bhe le 'ε =nwa Zesu -zanta' yretete, 'ke -ya gbε yanle- 'bhe ta dune- gbɔɔn 'ε ma.
- 21 -E -yaa pe 'zi -a 'gbu 'kpee dɔɔ: "'Ali- 'ke 'η 'yaa- sɔ 'η gbε yanle sa -a ta dune- 'ε ma, 'η 'yaa- nu -bheele'."
- 22 Zesu 'e 'yrekpale -a -zanta', 'kee- 'yee- le 'ε 'yele, 'bhεε- -e pe 'bhe ni dɔɔ: "'E zru do 'eglɔɔle, 'η lu! 'Yee 'kpalawoa mi 'yi bhe 'e 'bheela-." 'Bhe yre do 'kpɔ 'ε =nɔɔ bhe, 'ke 'yee- le 'ε 'bheele.
- 23 Zesu 'bhɔle- Zuufu mu 'ε -waa' -kuɲlii 'ε ba, 'kee- bheela -gofen' 'pɛn mu 'pegee -zamaa' 'srε do ye- . -O -yaa wisi' zii' 'eglɔɔle -asiikɔɔ mεε laa -yaa sɔ jan 'male.
- 24 'Bhe 'yi, 'ke Zesu 'a 'pele -o ni dɔɔ: "-Ka 'pwe, -nε -gblane 'ε yaa gale, 'duɲ- -yoo yide 'zi." -Ayile, 'ke mεε mu 'ε -o 'sɔnsile Zesu ma.

- 25-Zamaa' 'e 'pwēle- blaana 'pēlii-, 'ke Zesu 'wlale 'fē 'ε =la, 'bhē- 'kee- -nē -gblanē 'ε 'kunle 'bhē gbē ma, 'ke 'bhē bwele- gale ba, 'bhē- 'ke 'bhē 'e 'wlenle.
- 26'Bhē -nē -gblanē 'ε bweza 'ε gale ba, 'bhē =zian 'yee- 'klēn 'ε 'yi yrēkpen- =nō.
- 27'Bhē blaana, 'ke Zesu gele- yrē -bhēke' do =nō. -E -yaa 'bhē yrē 'ε =nō bhe, 'ke -yrē 'wile- mi plē 'taawole 'sanle -a zi, 'bhē- 'ke 'mu 'a pe 'egloole dō: "Davidi 'nranē-, 'o 'yrenkla 'e ma!"
- 28>Zesu 'bhōle- -a ba -lē ma, 'ke 'woo- -yrē 'wi mi plē -woo mabēnle 'a -din, 'bhē- 'ke -yoo -lōkpale dō: "Ka 'gbu 'kpee ma 'mi sō 'ka 'bheele εε?" 'Bhē- -o pe -a ni: "-Aani' 'o Zan."
- 29'Bhē klele 'tē, 'ke Zesu 'e gbē 'kpale -o -yrēbhē' mu 'ε ta, 'bhē- 'ke -ya pele- -o ni dō: "Bhaa 'ka 'bhe- 'bhii- 'ka 'ka =kpaā 'mi 'yi gōnē- 'la gbēn- bhe."
- 30'Bhē- -o -yrēbhē' mu 'ε 'liiploola. -Ayile, Zesu -o -lēmazwan 'egloole 'ke -ya pe -o ni dō: "Ka 'laa 'ka 'bheza- 'ε 'yipele mē 'kedo- 'kpō ni."
- 31'Duŋ- -o 'pwēle- blaana 'pēlii-, 'ke -wa 'tōbhōleya 'ε zenle- 'klēn 'ε 'yi yrēkpen- =nō.
- 32-O -yaa ge 'zi 'waati 'la ba, 'ke -o nule- mē do 'le Zesu ba. 'Bhē mē 'ε 'bhē 'laa -yaa sō -wele', -amasrōyi 'bhobho 'yaa- 'bhē 'lē ta.
- 33'Bhē yrē do 'ε =nō bhe, 'ke Zesu 'yee- 'bhobho lii 'ε -gbinle' -a zi, 'bhē- 'kee- -janwole 'sanle. -Ayile, -zamaa' 'ε 'kpeelenia -o ma, 'bhē- -o -yaa 'pe 'zi 'kaa: "'Waa 'bhē 'yansi -za yele -lido' Izraēli 'klēn 'ε 'yi -gē!"
- 34'Duŋ- Farizi mu 'ε 'yaa- pe 'zi dō: "-Setran' mu -kunjlii 'gbu 'ε 'bhē -le 'zina mu -gbin 'sej 'na zii' -a ni!"
- 35>Zesu 'yaa- ge -wa -gbenē 'pegee -wa 'nē mu 'ε 'kpen ta. -E -yaa mē mu daan -Waanbhaa' a -jan 'ε 'le Zuufu mu daanfē' mu 'ε =la; 'bhē- -e -yaa -bhlēngbeya -wa 'ε ma jan -nrāle' 'ε 'wo zii', 'bhē 'pegee -e -yaa gade mu 'ε 'kpen -glōn 'pegee -sōŋzan' mu 'ε 'bhe zii'.
- 36>Zesu -zamaa' 'ε 'yele, 'ke mē mu 'ε 'yrenklale -a ma, -amasrōyi -o 'trēbhōle -yaa, 'bhē 'pegee -o -gblōzi' gale -yaa 'bhii- -bhlaa mu 'la -o gooba mi laa -o ta.
- 37'Bhē ya 'ε 'yi, 'ke -ya pele- -yaa' -klanlanē mu 'ε ni dō: "-Waanbhaa' a ye 'ε -yoo 'bhii- -mlō gba -gbenē do 'la 'tranle- -o, 'bhē- 'duŋ- yewone mu laa -o 'ebebele 'ke -wa kan, 'bhē- -wa wla zrē 'yi.
- 38'Bhēla- -yile, -ka -sromabō gbazan 'ε ni, 'koko- -e sō yewone -bebe 'winbōle -mlō 'ε 'kan yrē =nō, 'bhē- -wa wla zrē 'yi."

Matie 10

- 1'Bhē blaana, 'ke Zesu -yaa' -klanlanē vu ta plē 'ε 'siile, 'kee- 'zina mu -gbin 'sej 'nale- -o ni, 'bhē 'pegee -e mē mu ma ga mu 'ε 'kpen -glōn, 'bhē- -sōŋzan' mu 'ε 'kpen 'bhe 'sej =naa -o ni.

- ²-E -yaa' -klanlane vu ta ple 'la =kla -yaa -winbɔwo mu 'le, 'mu 'tɔ -le -ge: Simɔ 'la -o 'bhe 'tokpaa- Pieri, 'bhe 'pegee 'bhe neene- Andre; 'bhe- Zebede gbe ple 'e Zaki 'pegee 'bhe neene- Zaan;
- ³Filipu 'pegee Batremi; Toma 'pegee 'nisrakun mi Matie; Alife gbe Zaki 'pegee Tade;
- ⁴Simɔ 'la 'yaa- 'bhe a 'kleen -vavade 'ke 'bhe kan pe 'kpen ta, 'bhe 'pegee Zudasi Isikarioti 'la -dawli' =kpa Zesu gbe ta, 'bhe- -e 'bhe =naa 'bhe 'sɔnnii mu ni boolazi.
- ⁵Zesu -yaa' -klanlane vu ta ple 'e 'winbwa-, 'bhe- -yoo -liala dɔɔ: "'Ka 'laa gele Zuufu kle mu ba, 'bhe- 'ka 'laa gele Samari 'kleen 'yi -wa mu 'e ta.
- ⁶Duŋ- -ka ge Izraeli 'si mu -la ba 'elwale 'pe: 'Wole- 'bhii- -bhlaa mu 'la =nia 'mu 'le.
- ⁷'Ke 'ka -o ge 'zi 'kaa- 'taa 'e ta, -ka ge -a pelele mɛ mu 'e ni dɔɔ: 'Laanima - Bhleŋgbeya 'yaa- bhla 'e =bhwa -wa -din.'
- ⁸-Ka gade mu -bhee', 'bhe- -ka gbaa mu bwe gale ba; -ka -kpaande' mu ma -kpaan 'e go, 'bhe- -o 'fle mu 'e bakan 'weŋ, 'bhe 'pegee -ka 'zina -gbin mɛ mu zi. 'Ka pe 'la 'srɔwoa- bhaama, -kaa na 'ezin- mɛ -bheke' mu ni bhaama.
- ⁹'Ka 'laa -goli' do 'kpɔ bɔle 'ka 'wiinj-.
- ¹⁰'Ka 'laa gbɛn ta ge 'pepe dɔ 'kpɔ 'sile-, 'bhe 'pegee 'ka 'laa dune- tabɔ dune- 'sile-; 'bhe- 'ka 'laa -sawla mu 'pegee 'ka 'taawo 'beni do 'kpɔ 'sile-. 'Duŋ- yewo mi 'e -e -yaa pe pele -srɔwo' -e yewo 'zi mɛ 'la zan mu ni 'mu -la 'kɔɔ.'"
- ¹¹"'Ke 'ka =bhwa -wa 'oo -wa 'la ta: 'kee- =kla -wa -gbɛne do 'le oo, 'kee- =kla -wa 'ne do 'le oo, -ka 'ka zeti- mi kplankplan do -glin 'elwale 'pe, 'bhe- 'ke 'ka 'bhe =ya, -ka bo -a ba 'ke 'bhe ge 'tenle- 'ka gele ma.
- ¹²'Ke 'ka -o 'wlale- 'fe do -la, -ka 'ka 'dumawo 'bhe 'fa =la mu 'e ni dɔɔ: 'Bhaa 'ka bo 'edɔle.'
- ¹³'Ke 'bhe 'fe 'e =la mu 'e -dwa -a -la 'ka bo -o ba, 'kaa- yilabla 'duma 'e bo 'bhe 'fa mu 'e ta; 'duŋ- 'ke waa dɔle a -la 'ke 'ka bo -o ba, -ka 'kaa- 'duma 'e go -o ta.
- ¹⁴'Ke 'fe do -la mu 'e 'pegee -wa do ta mu 'e, waa dɔle -a -la 'ke -o 'ka 'cieya- si, 'bhe- 'ke waa dɔle -a -la 'ke -woo 'trɔnkpa- 'ka 'wojan- mu 'e =la, 'ka 'pwɛ bhla zi 'bhe 'fe 'e =la, 'bhe 'pegee 'ka go bhla zi 'bhe -wa 'e ta, -ka 'ka gaan mazon 'ke 'ka 'ka gaan ma bwegblɛn- 'e go; 'bhe nu klele 'bhe yrɛ 'e =nɔɔ mu 'e -waa' -za 'yɔɔ- 'e ma -tɔmasie 'le.
- ¹⁵'Mi pe 'ka ni wlan 'e ni dɔɔ: -Waanbhaa' a 'kitikan yi -gbɛne 'e 'le, 'yee- -wa 'e ta mu 'e, -o ta -yrɛn 'e 'yɔɔ- nu -yiyale Sodomu mu 'pegee Gomɔɔ mu ta -yrɛn 'e ni.'"
- ¹⁶Zesu pe 'ezin- -o ni dɔɔ: "-Ka 'ka 'trɔnbado doo! 'D 'yoo- 'ka 'winlabɔ 'zi 'taa ta -ge bhe, 'ka nu klele 'bhii- -bhlaa mu kle srɔpe mu pleŋ- gɔne- 'la gbɛen- 'bhe- -gbɛen. 'Bhe ya 'e 'yi, -ka 'ka 'yrekpa 'ka 'gbu ba 'elrele 'bhii- mle mu gbɛen-, 'bhe- 'ka 'yi kle 'edɔle 'bhii- -bhoolado maanne- mu gbɛen-.
- ¹⁷-Ka 'ka 'yrekpa 'ka 'gbu ba mɛ mu 'e ma, -amasrɔyi mɛ mu nu gele 'ka 'le -klu ta, 'bhe- -o nu 'ka tafɛle 'ke gbanbhle mu 'le -waa' daanfe' mu 'e =la.

- 18-O nu geɛ 'ka 'le -janmatii mu 'pegee -bhleŋgbe mu ba 'mi 'tɔ 'ɛ -zayi', 'duŋ- 'ka nu kleɛ 'ŋ 'srɛ mu 'le 'bhe -bhleŋgbe mu 'ɛ 'pegee 'drunyan 'yi mu 'ɛ 'yrɛ =la.
- 19'Ke -o -ja 'ka 'le -klu ta, 'ka nu -jan yɛkɛ- 'la 'wolɛ-, 'bhe 'pegee 'ka nu -a wolɛ gɔnɛ- 'la gbɛɛn-, 'ka 'laa 'bhe do 'kpɔ yienkanɛ. 'Ka nu -jan mu 'la 'wolɛ- -o -yrɛ ma, -Waanbhaa' nu 'bhe 'kpale- 'ka 'lii 'bhe yrɛ do 'kpɔ 'ɛ =nɔɔ bhe.
- 20'Bhe -jan mu 'ɛ 'mu 'laa nu dale 'ka mu 'gbu 'kpee, 'duŋ- 'ka Dɛ -Waanbhaa' Lii 'ɛ 'bhe nu 'ka 'wojan- 'ɛ 'kpale- 'ka 'lii.”
- 21Nɛɛɛ- ma do mu nu -dawli' 'kpale- 'eke- gbɛ ta, 'bhɛɛ- -woo 'eke- na mɛɛ mu ni 'bhɛɛ- -woo dɛ. 'Bhɛɛ- -nɛ dɛ mu nu -a kleɛ -o 'gbu 'kpee yi mu ni 'bhɛɛ- gbɛɛn- 'ezin- -Nɛ mu nu -wlenɛ' -o yapɛ mu 'ɛ ma 'bhɛɛ- -o 'mu dɛ.
- 22'Ka ven nu 'sile- mɔkpen' yin -lii 'mi 'tɔ 'ɛ -zayi'; 'duŋ- 'ke mɛɛ 'la zan 'bhe -yrɛn mu 'ɛ 'yikwan= 'ke 'bhe ge 'tenɛ- -a -leyanle ma, 'bhe zan nu gole -za 'yi.
- 23'Ke mɛɛ mu -yrɛnkpa 'ka ta -wa do ta, -ka blasan-, 'bhɛɛ- -ka ge -wa 'bhɛɛke do ta. 'Mi pe 'ka ni wlan 'ɛ ni dɔɔ: 'Sani 'ka nu yanle 'kaanlele Izraeli -wa mu 'ɛ 'kpen ta, 'ke Bhaaplɛŋ Gbe 'ɛ =nwa gban.
- 24"-Laklu 'nɛ do gbalaan 'yi 'laa ya -a daan mi 'ɛ ni, 'bhɛɛ- yewonɛ do gbalaan -yi 'laa ya -a -kuŋlii 'ɛ ni.
- 25'Ke -za 'la =tian -laktunɛ daan mi 'ɛ ma, 'bhɛɛ- 'yansi za -le nu 'tenɛ- -laktunɛ 'ɛ ma 'ezin-. 'Bhe kleŋgbɛya do 'ɛ 'yi, -za 'la =tian 'yee- -kuŋlii 'ɛ ma, 'bhɛɛ- 'yansi za -le nu 'tenɛ- -yaa' yewonɛ 'ɛ ma 'ezin-. 'Ke -o 'fezan- 'ɛ 'gbu 'tɔkpa- dɔɔ Bɛɛzebuli ('bhe 'yi -le -Setran'), waa nu 'solɛ- 'tɔ 'yɔɔ- -gloɔn 'ɛ -dela 'kpale 'fɛ 'ɛ =la mu 'ɛ ma 'ezin- ɛɛ?”
- 26Zesu pe -o ni 'ezin- dɔɔ: "'Ka 'laa -gbalaanɛ' bhaaplɛŋ mu -lɛɛ. -Amasɔyi 'ke 'bhe 'waati 'ɛ =bhwa, pe 'oo pe 'la magaanle -o, 'bhe 'kpen ta nu 'pweɛ-, 'bhɛɛ- mɔkpen' nu -zadɔɛ gaanyiza 'tɔle- gaanyiza 'bhe 'yi.
- 27'D 'yoo- -jan 'la 'wo zii' 'ka ni -gɛ -gblo 'yi, -ka ge 'bhe 'wo -yrekpa' kpataakpa; 'bhɛɛ- 'ŋ 'yoo- swɛŋswɛŋ 'yi -jan 'la 'wo zii' 'ka 'trɔn 'yi -gɛ, -ka ge 'bhe -toorodɔ 'eglɔɔle 'pɛlii- mɔkpen' 'yrɛ ma.
- 28Mɛɛ 'la zan mu sɔ mɛɛ dɛɛ-, 'ke waa sɔ mɛɛ lii 'ɛ dɛɛ-, 'ka 'laa -gbalaanɛ' 'mu 'lɛɛ. 'Duŋ- -Waanbhaa' 'la sɔ mɛɛ niigole -a -yi, 'bhɛɛ- 'bhe 'sɛŋ -o -a ni 'kee- 'ka lii 'ɛ bɔ -jranama 'tɛ 'ɛ 'yi, -ka -gbalaan' 'bhɛɛ- 'lɛɛ-.
- 29Waa -o 'vone plɛ gɔn zi -gɔli' 'taŋbha do ma ɛɛ? 'Duŋ- -o do 'kpɔ 'laa sɔ -baale' 'trɛ ma, 'ke 'bhe 'laa kleɛ 'ka Dɛ -Waanbhaa' zru maza 'le.
- 30'Ali- 'ka mu, -Waanbhaa' 'ka 'winbhe- mu 'ɛ 'kpen 'liidɔ-.
- 31'Bhe ya 'ɛ 'yi, 'ka 'laa -gbalaanɛ'. 'Ka mu mabhaabhɔ 'vone 'saa mu ta.”
- 32Zesu pe -o ni 'ezin- dɔɔ: "'Ke mɛɛ 'la zan 'a =pia 'kaa 'bhe -o 'an pɛ mɛɛ 'le mɔkpen' 'yrɛ ma kpataakpa, 'mi nu 'ezin- 'bhe zan 'ɛ dɔɛ 'an pɛ mɛɛ 'le 'ŋ Dɛ 'la -yoo laanima 'bhe 'yrɛ =la.

- 33'Duṅ- 'ke mɛɛ 'la zan 'e -baṅgwa 'mi 'yi mɔkpen' 'yre ma kpataakpa, 'mi nu 'ezin- 'ḡ -baṅgole 'bhe zan 'e 'yi 'ḡ De 'la -yoo laanima 'bhe -yre =la.”
- 34'Zesu pe -o ni 'ezin- dɔɔ: "Yaa klele 'ka ni 'bhii- 'ḡ =nwa boleya -dɔɔ 'nale- 'ka ni 'tre 'lee- ta -ge. 'Naa 'nule- boleya -dɔɔ 'nule- 'ka ni, 'duṅ- 'ḡ =nwa 'ka 'pleṅ- 'sieyre- -la nɔɔ-.
- 35'D =nwa mɛɛ do 'pegee -a de pleṅ- 'sieyre- -la nɔɔ-, 'bhe 'pegee 'ḡ =nwa -ne -gblane do 'pegee -a nee pleṅ- 'siele-; 'bhɛɛ- 'ezin- 'ḡ =nwa 'bhɛɛ- 'yansi za klele le dree do 'pegee 'bhe 'naale- pleṅ- 'ezin-.
- 36'Mɛɛ do 'sɔnnii mu nu klele -a 'gbu ba 'fa -la mu -la -le.”
- 37'"Ke mɛɛ 'la zan de 'pegee -a nee -za sɔ a ni 'ke 'bhe kan 'mi ta, 'mi a pe laa 'bhe zan 'e 'le. 'Bhɛɛ- 'ke mɛɛ 'la zan gbe 'pegee 'bhe 'lu -za sɔ a ni 'ke 'bhe kan 'mi ta, 'mi a pe laa 'bhe zan 'e 'le 'ezin-.
- 38'Ke mɛɛ 'la zan -o -a zi 'bhii- -e kle 'ḡ zi mi 'le, -ya niigo -a 'gbu 'si 'e 'yi 'elwale 'pe, 'bhɛɛ- -e dɔ -yrenbhlele =la 'mi -zayi', 'ke 'bhe =kla, 'bhɛɛ- -e nu dɔle 'mi zi 'te.
- 39'Ke mɛɛ 'la zan -o -a zi 'bhii- -ya 'gbu -si 'e go -za 'yi, -e nu bloole -a -yi; 'duṅ- 'ke mɛɛ 'la zan 'e 'niigwa- -a 'gbu =si 'e 'yi 'mi -zayi', 'bhe zan nu 'bhe 'srɔwo gbe dreevole.”
- 40'Zesu pe -o ni 'ezin- dɔɔ: "'Ke mɛɛ 'la zan 'ka =kwan 'elrele, 'bhe zan 'e, 'bhe 'mi -la =kwan 'elrele bhe; 'bhɛɛ- 'bhe zan 'e 'bhe 'mi 'winbɔ mi 'e 'bhɛɛ- =kwan 'elrele bhe 'ezin-.
- 41'Ke mɛɛ 'la zan -Waanbhaa' -lela' janwo mi do =kwan 'elrele -yaa' -Waanbhaa' -lela' janwoleya 'e ma, -Waanbhaa' nu -trɔn 'la 'nale- -a -lela' janwo mu 'e ni, -e nu 'bhɛɛ- 'yansi -trɔn 'nale- 'bhe zan 'e ni 'ezin-. 'Bhɛɛ- 'ke mɛɛ 'la zan mɛɛ -ledɔɔle do =kwan 'elrele -yaa' -ledɔɔleya 'e ma -Waanbhaa' -yre 'yi, -Waanbhaa' nu -trɔn 'la 'nale- mɛɛ -ledɔɔle mu 'e ni, -e nu 'bhɛɛ- 'yansi -trɔn 'nale- 'bhe zan 'e ni.
- 42'Mi pe 'ka ni wlan 'e ni dɔɔ: 'Ke mɛɛ 'la zan -yi -dɔɔ 'paayan= do -naa 'an -klanlance mu 'lee- -o ba mi 'fientronne 'gbu 'e ni, -yaa' -klanlaneya 'e ma, 'bhe zan nu 'bhe ma -trɔn 'srɔwole.”

Matie 11

- 1'Zesu 'yanle- -yaa' -klanlance vu ta ple 'e daanlele 'bhe -jan mu 'e 'le, 'kee- gele- -Waanbhaa' a -jan 'e 'wole- 'bhe =nɔɔ -wa mu 'e ta. 'WOZA- 'E MA
- 2'Duṅ- Mɛɛ Wiinfe' Mi Zaan -yaa -kaso 'yi, 'bhɛɛ- -e Zesu Krisi kleza mu 'e 'male-; 'kee- -yaa' -klanlance mu 'e 'ke mu 'winbɔle Zesu ba
- 3'dɔɔ 'mu ge -a -lrɔkpa' dɔɔ: "'Bhi -le 'ke 'o 'yri 'yaa- mɛɛ 'la zan nule ta 'bhe 'le, taa- 'woo- 'yrikpa mɛɛ -bhɛɛke' do ta 'ezin- ee?"
- 4'Bhe klele 'te, 'ke Zesu 'a 'zikpale -o ni dɔɔ: "'Ka -yre -o -za mu 'la ma, 'bhe 'pegee 'ka 'trɔn -o -jan mu 'la 'yi, -ka ge 'mu 'yigɔɔn- Zaan ni,

5-ka 'ka 'yrekpa -ge doo: -Yre 'wi mu -o yre ma ye 'zi, gaan 'siele- mu -o 'taawo zii', -kpaan -o go 'zi -kpaande' mu ma, 'trɔn 'wile- mu 'trɔn 'lii mu -o 'ploo zii', 'bhɛɛ- -o -jan ma zii'. 'Bhɛɛ- gbaa mu -o bwe 'zi gale ba, 'bhe 'pegee -o -Jan 'Nrɛle- 'ɛ 'wo zii' -yrenbhode mu ni.

6'Ke 'naa klele mɛɛ 'la zan baa- pɛ 'le -za 'yɔɔ- 'yi, 'bhe zan a pɛ -yinra.'”

7Mɛɛ Wiinjɛ' Mi Zaan a -kɔɔɔɔɔ mu 'ɛ gele blaɔn, 'ke Zesu -janwole 'sanle Zaan ba zayi' -zamaa' mu 'ɛ ni dɔɔ: "'Ka -ja -mela -glinle' -kpe 'ɛ ta ɛɛ? 'Ka -ja to diinj do -la -glinle' 'ke -ploo -o 'bhe been 'zi ɛɛ? 'Yooye-, 'ka 'laa gele 'bhe -glinle' ma.

8'Bhɛɛ- 'ka -ja -mela -glinle' ɛɛ? 'Ka -ja mɛɛ -baale' -lrele' do -la -glinle' ɛɛ? 'D D -! -Amasroyi mɛɛ 'la zan mu 'mu baa 'elrele -o 'mu ye -bhɛngbe mu -la ba 'fa =la.

9'Bhɛɛ- ka -ja -mela -glinle' ɛɛ? 'Ka -ja -Waanbhaa' a -lela' janwo mi do -la -glinle' ɛɛ? -Aani', wlan 'ɛ ni, -yoo 'ke -Waanbhaa' -lela' janwo mi do 'le kpataakpa. 'Bhɛɛ- drɔɔn' -a gbɔɔn -yiyi' -Waanbhaa' -lela' janwo mi do ni.

10-Amasroyi -a yɔɔndele -o 'yela- ba zayi' -Waanbhaa' a 'Sewe 'ɛ 'yi dɔɔ: "E 'yrekpa doo! 'Mi nu 'an -janwo' mi 'ɛ 'winbɔle 'e 'lɛɛ, 'bhe nu 'e 'lɛɛ zi 'ɛ 'lemagaanle.' “

11"'Mi pe 'ka ni wlan 'ɛ ni dɔɔ: -O bhaapɔɔɔ mu 'la =yaa -le mu ta 'mu ba, 'mu do 'kpɔ gbɔɔn 'yi 'laa ya Mɛɛ Wiinjɛ' Mi Zaan ni 'Duɔ- laanima -bhɛngbeyi -wa 'ɛ ta mɛɛ 'fientrɔnne 'ɛ 'bhe gbɔɔn 'yiyi- 'yee- Zaan ni.

12Mɛɛ Wiinjɛ' Mi Zaan -Jan 'Nrɛle- 'ɛ 'wole- zisaan- 'kee- san 'bhe 'waati 'ɛ ma, 'ke 'bhe nu 'tenle- -zɔn ma, laanima -bhɛngbeyi 'ɛ =kla 'ke fɔngan- maza -la -le. 'Bhɛɛ- mɛɛ 'la zan mu dɔ 'egɔɔle 'yee- -bhɛngbeyi 'ɛ sɔ klele- 'mu -le a pɛ 'le.

13'Bhe ya 'ɛ 'yi, -Waanbhaa' -lela' janwo mu 'ɛ 'pegee Moizi a 'toɔ mu 'ɛ -o -Waanbhaa' a -bhɛngbeyi yaaza 'ɛ =woa, 'ke 'bhe nu 'tenle- 'yee- Mɛɛ Wiinjɛ' Mi Zaan a pɛ 'waati 'ɛ ma.

14'Bhɛɛ- 'ke 'ka -o -a zi 'bhii- 'kaa 'yima, -kaa 'yaango- dɔɔ Eli 'la -Waanbhaa' -lela' janwo mu 'ɛ -wa nuza 'ɛ =pia bi 'elwale -sɔ 'yee- Zaan -le 'bhe 'le.

15'Ke -a -yima' 'trɔn -o mɛɛ 'la zan ngblo ma, -ya 'yima!’”

16"'D sɔ -zɔn bhaapɔɔɔ mu 'ɛ danle- -mela ma ɛɛ? -Woo 'bhii- -nɛ 'ke mu 'la 'yaale- -o -zabla' -kpan mu 'ɛ ta; 'bhɛɛ- -woo -nɛ 'bhɛɛke mu 'sii zii' dɔɔ:

17"'O 'srokpa- 'ka ni -gofen' 'yi, 'bhɛɛ- 'ka 'laa 'srotanle! 'O bheela wisi' 'sro mu =kpa, 'bhɛɛ- 'ka 'laa wisile!' “

18"Zaan =nwa 'ka ba, 'bhɛɛ- yaa -yaa pɛbhle, 'bhe 'pegee yaa -yaa -yi mi. 'Bhɛɛ- mɛɛ mu 'ɛ -wa =pia a ma dɔɔ: "Zina do -o -a zi.’

19'Bhe blaɔn, Bhaapɔɔɔ Gbe 'ɛ 'bhe =nwa, 'bhɛɛ- 'bhe 'yaa- pɛbhle, 'bhɛɛ- 'bhe 'yaa- -yi mi. 'Bhɛɛ- mɛɛ mu 'ɛ pe 'bhe ma dɔɔ: 'Mɛɛ 'lɛɛ- bole -o pɛbhlele 'pegee -ween 'mile- -la ma; 'bhɛɛ- -e bhɛgwɔɔɔ -kpa 'nisrakun mu 'pegee mɛɛ 'joo 'yɔɔ- -bhɛɛke' mu -la ma! 'Duɔ- -o -Waanbhaa' a -zadɔɔle 'ɛ dɔ bhaapɔɔɔ kleza mu -la ma.’”

20'Bhē blaən, Zesu 'sōle- maza -bebe =kla -wa mu 'la ta, -e -lale' -saan 'bhē -wa mu 'ε ta mu 'ε ta. -Amasrōyi 'bhē -wa mu 'ε ta mu 'ε waa -o zru mu 'ε 'niinale -Waanbhaa' ba -titi 'ke -woo 'taawogbeya 'ε mabōō.

21'Zesu pe 'ezin- dōō: "'Ka ta -yren! Korazen -wa -la mu 'pegee Bētisaida -wa -la mu! - Amasrōyi 'η 'sōle- maza mu 'la =kla 'ka ba, 'kee- 'kpa bi 'η 'bhē 'yansi 'sōle- maza mu 'ε =kla bi Tiri 'pegee Sidōn -wa mu 'ε ta, 'ke -zōn 'laa 'bhē 'le 'ke 'bhē -wa mu 'ε ta mu 'ε - o -bōtō kplē mu =klaa gban -o ta, 'bhēε- 'ke -o -pēε -kaan gban -o ma, 'kooko- -wa zrōn 'bhii- -o -ploola waa -za 'yōō- mu 'ε ma, 'bhēε- -woo zru mu 'ε 'niinaa- -Waanbhaa' ba, 'bhēε- -woo 'taawogbeya 'ε mabōōla.

22'Bhēla- -yile, 'mi pe 'ka ni dōō: -Waanbhaa' a 'kitikan yi 'ε 'le, Tiri 'pegee Sidōn -wa mu 'ε ta mu 'ε -o ta -yren 'ε yaa nu klēle 'eyōōle 'bhii- 'kaa- pe 'ε gbēen-.

23'Bhēε- 'ka mu Kapenōmu -wa la mu, -yoo 'ka ni 'bhii- 'ka nu 'sōle- 'ka -wlenle', 'bhēε- 'ka ge 'tenle- lafle' ma εε? -Waanbhaa' nu 'ka mazinale, 'bhēε- 'ka nu gele -jranama 'tε 'ε 'yi. -Amasrōyi 'η 'sōle- maza mu 'la =kla 'ka ba, 'kee- 'kpa bi 'η 'bhē 'yansi 'sōle- maza klē Sodōmu -wa 'ε ta, 'bhē -wa 'ε 'yaa- nu bolē ye 'kee- nu 'tenle- -zōn ma.

24'Bhēla- -yile, 'mi pe 'ka ni dōō: -Waanbhaa' a 'kitikan yi 'ε 'le, 'ka ta -yren 'ε 'yi nu yalē Sodōmu -wa -la mu 'ε ta -yren 'ε 'bhē ni."

25'Bhē 'waati 'ε ba, 'ke Zesu 'a 'seriwole 'sanle, 'bhēε- -e pe dōō: "'E! 'D Dε, 'trε 'pegee lafle' Zan, 'ε wlan 'ε -gaanna -zadō' mu 'pegee mēε yikanle mu ma, 'bhēε- 'ya zrōnlawoa -nε 'fientrōnne mu ni, 'mi 'ε 'pubō- 'bhē ma.

26'Wlan -le 'bhē 'le, 'D Dε -Waanbhaa', -e -swa 'ε zru ni 'ke 'ya klē 'bhēε- gbēen-."

27"'D Dε -Waanbhaa -za 'kpen gbekpaa- 'η 'kōō. Mēε 'kedo- 'kpō 'laa Bhaaplēη Gbe 'ε dō, 'ke yaa 'ε go -a Dε do -kplēn ba. 'Bhēε- mēε 'kedo- 'kpō 'laa -nε Dε 'ε dō, 'ke yaa 'ε go -a Gbe 'pegee -a Gbe 'ε -a Dε -zrōnna mēε 'la zan mu ni 'mu -la ba."

28"-Ka nu 'mi ba, 'ka mu 'la 'kpen 'trēbhwa= 'kwe kpinle mu 'silele, 'bhēε- 'mi nu - yitrele nale 'ka ni.

29-Ka nu 'mi a pē 'kwe 'ε 'si, 'bhēε- -kaa 'to 'η 'ka daan doo, -amasrōyi 'η 'yi -o 'edōōle, 'bhēε- 'mi 'η 'gbu mazinaa, 'bhē 'yi, 'ka nu -yitrele kplankplan -srōōwole 'mi ba.

30'Wlan 'ε ni, 'an pē ye 'ε yaa la, 'bhēε- 'an pē 'kwe 'ε kpin laa -o."

Matie 12

1'Bhē blaən, -yitrē' yi do ma, Zesu 'pegee -yaa' -klanlanε mu 'ε 'yaa- 'kan zii' gba do 'yi. 'Bhēε- gbōn -yaa -yaa' -klanlanε mu 'ε dε 'zi; -ayile 'ke -o pēbhaa 'ke mu 'ε 'kanle- 'sanle 'bhēε- 'ke -o 'mu bhle.

2'Bhē klele 'tε, Farizi mu 'ε -woo yele 'bhē pēbhaa mu 'ε 'kan yre =nōō, 'ke -wa pele- Zesu ni dōō: "'E 'yrekpa 'yaa- -klanlanε mu 'ε ta doo, -kōōa' a 'toη mu 'ε ta waa -za 'la klē -yitrē' yi ma, 'woo- mu -o 'bhēε- klē 'zi!"

- 3'Bhε 'yi 'tε, 'ke Zesu -o -lrɔkpale dɔɔ: "Yi do ta, gbɔn -bhleŋbe Davidi 'pegee -a zi mu 'ε =dia, 'bhεε- pele dɔ 'kpɔ 'laa -yaa -o 'kɔɔ. -E -za 'la =kla 'ka 'laa 'bhε tapele -lido' εε?
- 4'D bhe, -e -ja wlale -Waanbhaa' 'fε 'ε =la. 'Bhεε- -o 'sraka -gwa 'bluu mu 'la 'le -Waanbhaa' ni, 'yee- Davidi 'pegee -a zi mu 'ε -o 'bhe 'bluu mu 'ε =bhla. 'Duŋ- -kɔɔa' 'toŋ mu 'ε ta, yaa dɔ mεε -bhεeke' do 'kpɔ 'kpee 'ke 'bhe 'woo- 'bluu mu 'ε bhle; 'ke yaa 'e go 'sraka 'lena mu do -kplɛn ba.
- 5'Bhεε- 'ka 'laa -jan 'lεε- 'bhε tapele -lido' 'ezin- Moizi a 'toŋ 'sεwε 'ε 'yi εε dɔɔ: "Ke 'sraka 'lena mu 'la -waa' yewo yi =kla -yitrε' yi ma, -wa -yisiε'; 'bhεε- 'duŋ-, waa -kpan balaa' -o ta 'bhε -zayi'."
- 6'Duŋ- 'mi pe 'ka ni dɔɔ -za 'la 'bhε -o -gε 'bhε gbalaan -yiya' -Waanbhaa' Gba 'Fε -Gbεnε 'ε ni!
- 7-Waanbhaa' 'a =pia -yaa' 'Sεwε 'ε 'yi dɔɔ: "D maza laa -o 'sraka 'kedo- 'kpɔ ma, 'ke yaa 'e go mεε -yrenklale ma 'ŋ ma 'bhε ba.' 'Ke 'ka 'bhε -jan 'la bhe 'bhε 'yimaa- 'gbu 'elrele bi, 'ka 'laa -yaa nu -lale' mεε 'la zan mu 'laa -za 'yɔɔ- klele 'mu ta.
- 8'Bhε ya 'ε 'yi, Bhaapleŋ Gbe 'ε 'bhε -le -yitrε' 'yi 'ε Zan 'ε 'le."
- 9'Bhε blaas, 'ke Zesu gele- wlale -waa' Zuufu mu daanfε' 'ε do -la.
- 10'Mεε gbε 'kwlanle- do -yaa' 'bhε =nɔɔ ye. 'Duŋ- 'yee- Zuufu mu daanfε' 'ε =la mεε mu 'ε 'yaa- -a zi 'bhii- -o -layre' -srɔwo' Zesu ta, 'bhεla- -yile 'ke -wa -lrɔkpale dɔɔ: "-Kɔɔa' 'toŋ 'ε ta mεε sɔ mεε -bhεeke' 'bheele -yitrε' yi ma εε?"
- 11'Bhε klele 'tε, 'ke Zesu -o -lrɔkpale dɔɔ: "'Ke -bhlaa do 'kpɔ -o 'ka do 'kɔɔ, 'bhεε- -yitrε' yi do ma, 'ke 'bhε -bhlaa do 'kpɔ 'ε -ja bɔle -klɔŋ gbɔɔn do 'yi; 'bhε -bhlaa 'ε zan 'ε yaa nu gele -a 'pwεle- -klɔŋ 'ε 'yi εε?
- 12'Bhεε- 'duŋ-, bhaapleŋ do mabhaabhɔ -bhlaa do ta. -Ayile, -kɔɔa' 'toŋ 'ε ta mεε sɔ -za 'wlan klele- mεε -bhεeke' ni -yitrε' yi 'ε ma."
- 13'Bhε klele 'tε, 'ke Zesu 'a 'pele mεε gbε 'kwlanle- 'ε ni dɔɔ: "'E gbε 'ε 'yisrɔn!" 'Bhεε- 'ke -ya gbε 'ε 'yisrɔnle, 'bhεε- 'ke 'bhε dɔɔle- 'bhii- -a -vin do mi 'ε gbεen-.
- 14'Bhε ya 'ε 'yi, 'ke Farizi mu 'ε 'pwεle, 'bhεε- -o -yaa nu 'sɔle- Zesu 'kunle gɔnε- 'la gbεen- 'bhεε- -wa dε, 'ke -woo 'eke- yele- 'bhε -za 'ε 'yi.
- 15'Duŋ-, Zesu -o wojan 'ε 'male-, 'ke -ya plɛŋgole 'bhε yrε 'ε ma. -Zamaa' 'srε do -ja -a zi -a geyrε 'ε =nɔɔ; 'bhεε- -e gadε mu 'ε 'kpen 'bheela-.
- 16'Bhεε- 'duŋ-, -e -yaa -o -lemazɔn 'zi 'egloole 'kaadɔɔ- waa a tapwεle.
- 17'Bhε klegbeya do 'ε 'yi, -Waanbhaa' -lεla' janwo mi Ezai -jan 'la =woa 'elwale gban 'bhε 'leswa-; -ya =pia dɔɔ:
- 18"-Waanbhaa' pe dɔɔ 'mi 'an yewonε 'la makwan- 'yele- -gε.-A -za sɔ 'ŋ ni 'egbεnεle, 'bhεε- -yoo 'ŋ zrukpalaa. 'D nu 'ŋ Lii 'Wεŋ 'ε zinalε -a ta, 'bhεε- -e nu -lɛdɔɔleya maza -jan -la wolε 'kleen 'ε 'kpen 'yi 'si mu 'ε ni.

- 19 Yaa nu zaabole mɛɛ 'kɛdo- 'kpɔ 'le, 'bhɛɛ- yaa nu -gbekanle 'egloole. Waa nu a -weli' 'ɛ male -gbleba mu ta.
- 20 To diinj 'la 'bhɛ 'klule- -o, yaa nu 'bhɛ 'cienle-. 'Bhɛɛ- -lanɓha 'la 'bhɛ 'bhile- 'ɛ -yoo 'fiɛntrɔnnɛ, yaa nu 'bhɛ 'liile-. -E nu a klele 'bhɛɛ- gbɛɛn- 'sani- 'ke -Waanbhaa' a -lɛdɔleya 'ɛ kpa pɛ 'kpen 'wiinj-.
- 21 'Bhɛ ya 'ɛ 'yi, 'kleɛn mu 'ɛ 'kpen 'yri nu bole 'yela- ta.”
- 22 'Bhɛ 'yi bhe, 'ke mɛɛ 'ke mu nule- gadɛ mi do 'le Zesu ba. 'Zina -yaa 'bhɛ zi, 'bhɛla- -yile -e -yaa 'ke 'bhobho 'le, 'bhɛɛ- -a -yɛ 'wile- -yaa. 'Bhɛ yɛ do 'ɛ =nɔɔ bhe, 'ke Zesu 'a 'bheele, 'bhɛɛ- 'kee- -janwole, 'bhɛ 'pegee 'kee- -yɛ ma yele-.
- 23 'Bhɛ 'yi 'tɛ, 'ke -zamaa' 'ɛ 'kpen 'kpeelenile -o ma, 'bhɛɛ- 'ke -woo 'eke- -lrɔkpale dɔɔ: "-Bhɛngbe Davidi 'nranɛ- 'ɛ 'yele- 'laa -gɛ ɛɛ?”
- 24 'Bhɛɛ- 'duɗ-, Farizi mu 'ɛ 'trɔnbɔle -o wojan mu 'ɛ 'yi, 'ke 'mu 'a pele- dɔɔ: "Bɛɛzebuli ('bhɛ 'yi -le 'zina mu -kuɗlii gbalaan), 'bhɛ -le 'zina mu -gbin 'seɗ 'na zii' mɛɛ 'lɛɛ- ni!”
- 25 'Bhɛ klele 'tɛ, Zesu -o 'kpeɛjan- mu 'ɛ dɔle 'ke -ya pele- -o ni dɔɔ: "'Ke -bhɛngbe do a 'kleɛn 'yi mu -yicienle -o, 'bhɛɛ- 'ke -o gwledan 'eke- ba, 'bhɛ 'kleɛn 'ɛ nu 'siele-. 'Bhɛɛ- 'kee- =kla -wa do ta mu 'le 'oo, 'kee- =kla 'fɛ do -la mu 'le 'oo, 'ke -o -yicienle -o, 'bhɛɛ- 'ke -o gwledan 'eke- ba, 'bhɛ -wa 'ɛ yaa nu -mɔle', 'bhɛɛ- 'bhɛ 'fɛ 'ɛ yaa nu -mɔle' 'ezin-.
- 26 'Ke -Setran' -o -a 'gbu -gbin 'zi, -yoo gwledan 'zi -a 'gbu -la ba bhe. 'Bhɛ kɛgbeya 'ɛ 'yi, -yaa' -bhɛngbeya 'ɛ nu -mɔle' 'nale- ma ɛɛ?
- 27 'Ke -Setran' 'zina mu -gbin 'seɗ 'na zii' 'mi ni; -dele 'zina mu -gbin 'seɗ 'na zii' 'kaa- pɛ mɛɛ mu 'ɛ ni 'ɛ? 'Ka 'gbu a pɛ mɛɛ mu 'ɛ 'mu -le nu -kpan 'kpaale- 'ka 'lii 'bhɛ ma.
- 28 'Duɗ- 'ke 'ɗ 'yoo- 'zina mu -gbin 'zi mɛɛ mu zi -Waanbhaa' Lii 'ɛ 'bhɛ -la 'seɗ ta, -kaa 'yaango- 'bhii- -Waanbhaa' a -bhɛngbeya -yoo 'ka 'pleɗ-.”
- 29 Zesu pe 'ezin- dɔɔ: "Mɛɛ 'kɛdo- 'kpɔ 'laa sɔ gele- pɛ 'sile- faɗgan- ma mɛɛ do ba 'fa =la, 'ke yaa 'bhɛ faɗgan- ma mɛɛ 'ɛ gbɛtabɔle bhle 'le 'elwale 'pɛ; 'kee- -yaan 'bhɛ gbɛtabɔlele 'waati 'la ba, 'bhɛɛ- -e sɔ 'bhɛ a 'fa -la pɛ mu 'ɛ 'sile 'tɛ.
- 30 'Ke mɛɛ 'la zan laa -o 'mi ba, 'bhɛ zan -wlenle' -o 'mi ma, 'bhɛɛ- 'ke mɛɛ 'la zan laa nule bhɔle 'ɗ ba mɛɛ mu -lɛkpalele 'eke- ta, 'bhɛ zan 'ɛ -o piilaa' mi -la -le 'eke- ma.
- 31 'Bhɛla- -zayile, 'mi pe 'ka ni 'ɗ 'sɔwɛɛ- ma dɔɔ: 'Ke bhaapɛɗ mu -za 'yɔɔ- 'oo -za 'yɔɔ- 'la =kla, 'bhɛ 'pegee 'ke -o -jan 'yɔɔ- 'la =woa, -Waanbhaa' nu 'bhɛ mu ma -sroma 'yanle-; 'duɗ- 'ke mɛɛ 'la zan Lii 'Wɛɗ 'ɛ ma -jan 'yɔɔ- =woa, -Waanbhaa' laa nu 'bhɛ zan a -sroma 'yanle-.
- 32 'Ke mɛɛ 'la zan Bhaapɛɗ 'ɛ Gbe 'ɛ ma jan 'yɔɔ- =woa -Waanbhaa' nu 'bhɛ zan a -sroma 'yanle-; 'duɗ- 'ke mɛɛ 'la zan Lii 'Wɛɗ 'ɛ ma jan -yɔɔ =woa, 'kee- =kla -zɔn oo, 'kee- =kla too oo, -Waanbhaa' laa nu 'bhɛ zan a -sroma 'yanle- -titi.”

- 33 Zesu pe 'ezin- dɔɔ: "'Bhɛ -ya 'ɛ 'yi bhe, -yri diinj -lrele' -le bhaa -lrele' klɛ, 'bhɛɛ- -yri diinj -yɔɔ' -le bhaa -yɔɔ' klɛ. -Amasrɔyi -o -yri diinj 'ɛ dɔ -a bhaa -la ma.
- 34-Bhlu 'plalu 'si mu! 'Ka -o 'eyɔɔle 'gbu 'dɛ, 'ka sɔ -jan 'wlan mu wole- 'nale- ɛɛ? - Amasrɔyi -jan yɛkɛ- 'la -yoo 'e 'kpee, 'e 'lii 'bhɛɛ- yɛkɛ- wo.
- 35'Bhɛ ya 'ɛ 'yi, mɛɛ 'kpee 'lrele- -liijan' -o 'elrele, 'bhɛɛ- mɛɛ 'kpee 'yɔɔ- -liijan' -o 'eyɔɔle.
- 36'Mi 'a pe 'ka ni dɔɔ -Waanbhaa' a 'kitikan 'yi 'ɛ 'le, bhaaplɛɲ mu nu -o bhaama jan 'tɔle- bhaama jan 'la =woa, 'mu 'kpen 'yaanpele.
- 37-Amasrɔyi, -Waanbhaa' a -kpan 'laa nu baale 'e ta 'e 'gbu 'liiwli- -la ma, 'bhɛɛ- -yaa' - kpan nu baale 'e ta 'e 'gbu 'liiwli- -la ma 'ezin-."
- 38'Bhɛ klɛle 'tɛ, 'ke 'Toɲ Daan mu 'ɛ 'pegee Farizi 'ke mu 'a 'pele Zesu ni dɔɔ: "'O Daan mi, 'woo- -a zi 'bhii- 'e 'sɔle- maza do klɛ 'o 'yrɛ ma -gɛ doo."
- 39 Zesu pe -o ni 'tɛ 'kaa: "-Zɔn mɛɛ mu 'ɛ -woo 'eyɔɔle, 'bhɛɛ- -o zru laa -o do - Waanbhaa' ni. -Wa zi 'bhii- 'ɲ 'sɔle- maza do klɛ -o ni, 'duɲ- 'naa nu 'sɔle- maza 'kedo- 'kpɔ klɛle -o -yrɛ ma, 'ke yaa 'e go -Waanbhaa' -lɛla' janwo mi Zonasi a pɛ 'sɔle- maza do 'kpɔ 'ɛ ba.
- 40 Zonasi -yrekpaa' yaga 'pegee -bi yaga =kla kaa -gbɛnɛ 'ɛ 'kpee gɔnɛ- 'la gbɛɛn-, Bhaaplɛɲ Gbe 'ɛ nu -yrekpaa' yaga 'pegee -bi yaga klɛle 'trɛ =la 'bhɛɛ- gbɛɛn-.
- 41-Ayile, -Waanbhaa' a 'kitikan yi 'ɛ 'le, Ninivu -wa la mu 'ɛ nu -wlenle' -zɔn mɛɛ mu 'ɛ 'kaama-, 'bhɛɛ- -o nu -kpan baale -o ta. Amasrɔyi 'woo- Ninivu -wa la mu 'ɛ -o Zonasi 'wojan- mu 'ɛ 'male-, 'ke -o 'ploole waa -za 'yɔɔ- mu 'ɛ ma, 'bhɛɛ- 'ke -woo zru 'niinale -Waanbhaa' ba. 'Bhɛɛ- 'duɲ-, mɛɛ 'la zan -o -zɔn -gɛ 'bhɛ gblaan -yiya' Zonasi ni, 'bhɛɛ- 'ka 'laa -a zi 'ke 'ka 'ka kpa 'bhɛ -yi.
- 42'Bhɛ klegbɛya do 'ɛ 'yi bhe, 'yee- 'kitikan yi do 'kpɔ 'ɛ ma, -bhleɲgbe le Seba nu - wlenle' -zɔn mɛɛ mu 'lɛɛ- 'kaama-, 'bhɛɛ- -e nu -kpan baale -o ta. -Amasrɔyi -e -daa 'trɛ ta 'kleɛn gbɔɔn do 'yi, 'bhɛɛ- -e =nwa -a 'trɔnkpale Salomɔ a -zadɔ' ma jan mu 'ɛ =la. 'Bhɛɛ- 'duɲ-, mɛɛ 'la zan -o -gɛ 'bhɛ gblaan -yiya' Salomɔ ni."
- 43 Zesu pe -o ni 'ezin- dɔɔ: "'Ke lii -yɔɔ' 'ɛ -gwa mɛɛ do zi, -e ge yrɛ -kpa mu 'ɛ =nɔɔ, -a -yitrɛ' yrɛ -glin zayi'. 'Bhɛɛ- 'duɲ-, 'ke yaa -yitrɛ' yrɛ yeɛ,
- 44-ya pe dɔɔ: "'D -gwa 'fɛ 'la =la, 'ɲ gele- niinale 'bhɛ =la.' 'Bhɛɛ- 'kee- =nwa -a -la, -ya -la 'fleɲ- ye, 'bhɛɛ- -a -la gole -o, 'bhɛ 'pegee -a -la pɛ mu 'ɛ 'kpen 'lɛmagaanle -o 'elrele. 'Duɲ- mɛɛ 'kedo- 'kpɔ 'laa -o -a -la.
- 45'Bhɛ ya 'ɛ 'yi, -e ge lii -yɔɔ' 'bhɛɛke 'srwaple- 'siile-; 'bhɛ 'mu -yɔɔ' -yiya' -a -lwa mi 'ɛ ni; 'bhɛɛ- -o nu wlale 'eke- zi 'yee- 'fɛ 'ɛ =la, 'bhɛɛ- -wa klɛ -o yi 'fɛ 'le. -Ayile 'yee- mɛɛ 'ɛ 'taawogbɛya drɛɛ, 'bhɛ 'yɔɔ- -yiya' -a 'taawogbɛya gwe mi 'ɛ ni. 'Bhɛla- 'yansi za -le nu klɛle -zɔn mɛɛ -yɔɔ' mu 'ɛ ni."
- 46 Zesu 'yaa- -janwo' zii' -li bhla 'la ba -zamaa' -gbɛnɛ 'ɛ ni, 'ke -a nɛɛ 'pegee -a nɛɛnɛ- mu 'ɛ 'nule dulale -e -yaa 'fɛ 'la =la 'bhɛ 'lɛ ma. 'Bhɛɛ- -o -yaa zi 'bhii- -o -janwo' 'a ni.

47'Bhε klεle 'tε, 'ke mεε do 'a 'pele Zesu ni dɔɔ: "Dula- doo, 'e nεε 'pegee 'e nεεnε- mu 'ε -woo 'pεelii-, 'bhεε- -wa zi 'bhii- -o -janwo' 'e ni."

48'Bhε 'yi, 'ke Zesu 'a 'pele 'bhε zan 'ε ni dɔɔ: "-Ka 'ka 'trɔnbado doo, -de mu -le 'η nεε 'pegee 'η nεεnε- mu 'le εε?"

49'Bhε klεle 'tε, 'kee- yaa -klanlanε mu 'ε zrɔnle- -a gbε 'le, 'bhεε- 'ke -ya pele- dɔɔ: "'E 'yrekpa -gε doo! 'D nεε 'pegee 'η nεεnε- mu 'ε 'wole- -gε.

50-Amasrɔyi, 'ke mεε 'oo mεε 'la zan 'η Dε 'la -yoo laanima 'bhε zru maza -kla, 'bhε zan -le 'η nεεnε- 'gwlaan- 'pegee 'η nεεnε- le 'bhεε- 'η nεε 'le 'ezin-."

Matie 13

1'Bhε blaان boolazi, 'yee- -yrekpaa' do 'ε 'le, 'ke Zesu 'pwεle 'fε 'ε =la, 'bhεε- 'kee- gele- yaale wεyi- 'ε 'lε ma.

2-Zamaa' -gbεnε do 'pa gbε -yɔɔ' 'ε 'kɔɔ -a ta, 'kee- gele- yaale -yitakonɔ do 'yi -yi 'ε ta. -Zamaa' 'kpen dulale -yaa wεyi- 'ε gɔɔna.

3'Bhε 'yi 'tε, 'ke -yoo daanle -za -bebe mu 'le -gɔɔn mu 'yi. -E pe -o ni dɔɔ:

4'"Pεbhe bɔ mi do -ja pεbhe bɔyre nɔɔ- -yaa gbabhε 'ε ta. -E -yaa pεbhe mu 'ε 'wian zii' bhla 'la ba -yaa' gbabhε 'ε ta, 'ke pεbhe mu 'ε 'lɛdo- 'klaale zibhe 'ε 'lεzi-. 'Bhε klεle 'tε, 'ke maannε- mu 'ε 'nule 'bhε mu bhlele.

5'Pεbhe mu 'ε 'bhεeke 'lɛdo- -klalaa' vlε gloglo mu 'yi, 'bhεε- 'trε kplankplan laa -yaa -o -la. -O =bhwa blaale- 'bhε 'trε sanε- 'ε ta.

6'Duɔ- vlε mu 'ε 'kɔɔ, waa 'sɔle- -o 'sεnε mu gbaanle- 'trε 'yi 'egbɔɔnle. -Ayile -yrete' 'bhile- -o ta, 'ke -o 'kpen gale-.

7'Ezin-, pεbhe mu 'ε 'bhεeke 'lɛdo- -klalaa' lεrε mu 'yi. Lεrε mu 'ε =bhwa, 'bhεε- -woo =dia 'ke -o lii mu 'ε 'le.

8'Bhεε- 'duɔ-, pεbhe mu 'ε 'ke mu -ja 'klaale- 'trε ti -lrele' -yi. -Ayile -o =bhwa, 'bhεε- -woo bhaa -kla: pεbhe 'ε diiɔ do 'bhε bhaa -kεmε do =kla, -o diiɔ -bhεeke' do 'bhε bhaa mia yaga =kla, 'bhεε- -o diiɔ -bhεeke' do 'bhε bhaa mia do bhε vu =kla.

9'Ke 'ka 'trɔn mu sɔ -jan 'yimale, -kaa -yima'!"

10'Zesu a -klanlanε mu 'ε -woo mabεenna -a -din, 'bhεε- -wa -lrɔkpa dɔɔ: "-Mεla ma 'bhεε- 'yoo- -janwo' zii' -o ni -gɔɔn mu 'yi εε?"

11'Zesu 'a zikpaa- -o ni dɔɔ: "-Waanbhaa' 'yaa- laanima -bhleɔgbeya gaanyiza mu 'ε tapwela 'ka mu ni, 'duɔ- yaa -o tapwεle 'woo- mu ni.

12-Amasrɔyi, 'ke mεε 'la zan -jan 'yima-, 'bhε zan -o 'bhii- pε -o mεε 'la zan 'kɔɔ, 'bhεla- -yile -o nu pε baan' 'nale- 'bhε zan 'ε ni, 'bhεε- -a 'kɔɔ pa. 'Duɔ- pε 'kɛdo- 'kpo 'laa -o mεε 'la zan 'kɔɔ, pε sanε- 'gbu 'la 'bhε -o -a 'kɔɔ, -o nu 'bhε 'kunle-.

- 13'Bhela- -zayile, 'η 'yoo- -janwo' zii' -o ni -gōon mu 'yi. -Amasrōyi -o -yrebhe' mu -o, 'bheε- waa yre ma ye, -o 'trōn mu -o, 'bheε- waa -jan ma, 'bhe 'pegee waa -jan 'yima-.
- 14'Bhe klegbeya 'ε 'yi, -Waanbhaa' -jan 'la -kpaā -a -lela' janwo mi Ezai 'lii 'elwale -so 'bhe 'leswa=; 'bhe -jan 'ε 'bhe -le -ge dōo: "Ka nu -jan 'male-, 'duŋ- 'ka 'laa nu -a -yimale; 'ka nu 'ka 'yrekpale -a ta, 'duŋ- 'ka 'laa nu -a yeε -titi.
- 15-Amasrōyi, mεε mu 'leε- -woo zru -yōōya' =kla, 'bheε- -woo 'trōn 'yidwa- 'egloole, 'bhe 'pegee -woo -yre 'liitaan-, -o 'bhe =kla 'bhe gbēen- bhe, 'kooko- waa yre ma ye -o -yrebhe' mu 'ε 'le, 'bhe 'pegee waa -jan ma -o 'trōn mu 'ε 'le, 'bheε- waa -jan 'yima- -o zru mu 'ε 'le 'bheε- 'kooko- waa nu -o zru mu 'ε 'niinale 'mi -Waanbhaa' ba, 'bheε- 'mi -o go -za 'yi.
- 16'"Duŋ- 'kaa- pε -yinra', -amasrōyi 'ka 'yrebhe- mu 'ε yre ma ye, 'bheε- 'ka 'trōn mu -jan ma.
- 17'Mi pe 'ka ni wlan 'ε ni dōo: -Waanbhaa' -lela' janwo mu -bebe 'pegee -yaa' mεε -ledōole mu -bebe 'yaa- zi 'bhii- -o -yrekpa' 'ka 'yre -o pε 'la ma 'bhe ma, 'bheε- waa 'bhe 'yele-. 'Bheε- -o -yaa -a zi 'bhii- 'ka mu -o -jan 'la 'bhe 'ma zii' -o 'bhe 'ma, 'duŋ- waa 'bhe 'male-."
- 18"-Ka 'ka 'trōnbado doo, pεbhe bō mi 'ε ma -gōon 'ε 'yi -le -ge:
- 19'Ke mεε 'oo mεε 'la zan -Waanbhaa' a -bhleŋgbeya -wa 'ε ma jan 'ε =maa, 'bheε- 'ke yaa -yimale, 'bhe 'yi -le dōo -Waanbhaa' -jan 'la 'bhe 'yaa- -a zru 'ε 'yi, -Setran' =nwa 'bhe 'kpen gole. 'Bhe klegbeya do 'kpō 'ε 'yi, -yoo 'bhii- pεbhe mu 'la 'klalaa zibhe 'ε 'lezi- 'mu gbēen-.
- 20- 21Pεbhe mu 'la 'klalaa- vle gloglo mu 'ε 'yi, 'bheε- 'ke waa 'sōle- -o 'sene gbaanle- 'trε 'yi 'egbōonle, 'bhe 'yi -le dōo 'ke mεε 'la zan 'kee- -Waanbhaa' a -jan 'ε =maa, -e dō -a -la 'bhe yre do 'ε =nōo bhe -a zrukpaale 'le. 'Duŋ- yaa mō 'bhe zi. -Amasrōyi, 'ke mεε mu -yrenkpale -saan -a ta, 'bhe 'pegee 'ke -wa -yrebatedōle -saan -Waanbhaa' a -jan 'ε -zayi' bhla 'la ba, -e ploō 'bhe yre do 'ε =nōo bhe -a 'kpale ma -Waanbhaa' 'yi.
- 22Pεbhe mu 'la 'klalaa- daanlere mu 'ε 'yi, 'bhe 'yi -le dōo 'ke mεε 'la zan 'kee- -Waanbhaa' a -jan 'ε =maa, 'duŋ- 'drunyan ta pε mu 'ηgami 'la -yoo -a ma, 'bheε- -naflo pε mu 'flen 'la mεε -yini' 'mu 'laa to 'kee- -Waanbhaa' a -jan 'ε 'yizakle, 'bheε- -wa -dewo' -a 'gbu 'kpee.
- 23Pεbhe mu 'la 'klalaa- 'trε ti 'yi, 'bhe 'yi -le dōo mεε 'la zan 'kee- -Waanbhaa' -jan 'ε =maa, -ya -yima', 'bheε- -ya -yizakle. -Yoo 'bhii- pεbhe diiŋ 'la -ya bhaa -keme do kle, 'bheε- -a -bheεke' diiŋ 'bhe bhaa mia yaga kle, 'bheε- -a -bheεke' diiŋ 'ε 'bhe bhaa mia do bhe vu kle."
- 24'Bhe blaān, 'ke Zesu -gōon do bōle- -o ni 'ezin-, 'bheε- -e pe dōo: " Laanima - Bhleŋgbeya -wa 'ε -yoo 'bhii- mεε do 'la -e pεbhe -lrele' =bwa -yaa' gba 'ε 'yi.
- 25'Duŋ- -bi do zi mōkpen' 'yaa- yi pla 'waati 'la ba, 'ke -a -sōōnnii' 'ε 'nule -bōn 'yōō- bhe bōle -yaa' gba 'ε 'yi pεbhe -lrele' mu 'ε 'pleŋ-, 'bheε- 'kee- jilale.

- 26'Bhɛɛ- pɛbhɛ -lrele' mu 'ɛ 'pegee -bɔn 'yɔɔ- mu 'ɛ -o =bhwa 'eke- zi, 'bhɛɛ- -o gbaandia-. 'Duŋ- pɛbhɛ -lrele' diiŋ mu 'ɛ -woo bhaa =kla.
- 27'Gbazan 'ɛ -yaa' yewonɛ mu 'ɛ =nwa -a -lrɔkpale dɔɔ: '-O Zan, 'ɛ pɛbhɛ -lrele' mu -la =bwa 'yaa- gba 'ɛ 'yi, -bɔn 'yɔɔ- mu 'la -woo -a -yi -o -daa 'naa ɛɛ?'
- 28'Gbazan 'ɛ pe -o ni dɔɔ: "'D 'sɔɔnnii do -le 'bhɛ =kla.' -Yaa' yewonɛ mu 'ɛ -wa -lrɔkpaa 'ezin- dɔɔ: '=Ya zi 'bhii- 'o ge -bɔn 'yɔɔ- mu 'ɛ 'yro ɛɛ?'
- 29-E pe -o ni dɔɔ: "'Yooye-, -amasrɔyi 'ke 'kaa =pia 'ka -o -bɔn 'yɔɔ- mu 'ɛ 'yrole, 'ka nu pɛbhɛ -lrele' diiŋ mu 'ɛ 'yrole- 'ezin-.
- 30-Ka -o 'to 'eke- 'yi 'ke 'bhɛ ge 'tɛnlɛ- pɛbhɛ -lrele' diiŋ mu 'ɛ bhaa 'tranle- ma. 'Bhɛɛ- -o 'kan bhla 'ɛ zi, 'ŋ nu a pele -o bhaa 'kan mu 'ɛ ni dɔɔ: -Ka -bɔn 'yɔɔ- mu 'ɛ yro 'pe, 'bhɛɛ- -ka -o yre 'bhii- -gaa dri mu gbɛɛn-, 'bhɛɛ- -ka -o kpacie 'tɛ 'yi. 'Bhɛ blaɛn, 'bhɛɛ- 'ka pɛbhɛ -lrele' mu 'ɛ bhaa mu 'ɛ kan 'bhɛɛ- 'ka -o zɛdɔ.' “
- 31'Zesu -gɔɔn 'bhɛɛke do =bwa -o ni 'ezin- dɔɔ: "'Laanima -Bhɛŋgbeya -wa 'ɛ -yoo 'bhii- mutaadi bhɛ 'fientrɔnnɛ do 'la 'ke mɛɛ do 'a =sia, 'bhɛɛ- -ya =bwa -yaa' gba 'ɛ 'yi.
- 32'Yela- 'fientrɔnnɛ 'yiya- pɛbhɛ mu 'ɛ 'kpen ni; 'duŋ- 'kee- =bhwa, -a diiŋ 'ɛ 'trole- kan -zienbhɛ' gba 'ɛ 'yi -yri diiŋ mu 'ɛ 'kpen ta, -e kle -yri diiŋ -gbɛnɛ do 'le. 'Bhɛɛ- maannɛ- mu 'ɛ nu -o yifɛ' mu 'kpale- -a gbɛ mu 'ɛ 'yi.”
- 33'Zesu -gɔɔn 'bhɛɛke do =bwa -o ni 'ezin- dɔɔ: "'Laanima -Bhɛŋgbeya -wa 'ɛ 'pwele- -o 'ke 'bluu -pɛɛ wɛn 'sɛkɛ 'la 'ke le do 'a =sia, 'bhɛɛ- -yoo 'pegee 'bluu pii kilo mia do bhɛ 'soo 'yizaala 'eke- ba. -Yoo -yizaala 'ke 'bhɛ ge 'tɛnlɛ- 'bluu -pɛɛ 'ɛ 'kpen 'wɛnlɛ- ma.”
- 34'Zesu -jan mu 'ɛ 'kpen =woa -zamaa' 'ɛ ni -gɔɔn mu -la -yi. Yaa -yaa -jan sanɛ- wo -o ni 'ke yaa -gɔɔn bɔ 'bhɛ zi.
- 35-E -yaa kle 'bhɛ gbɛɛn- bhɛ, 'kooko- -Waanbhaa' -lɛla' janwo mi 'ɛ 'wojan- 'ɛ 'lesɔ-; 'bhɛ -jan 'ɛ 'bhɛ -le -gɛ: "'D nu -jan mu wolɛ -o ni -gɔɔn mu -la -yi, 'ŋ pɛ mu 'la tagaanle =twa bhaaplɛŋ mu ma 'kee- 'san 'drunyan kle yi 'ɛ ma, 'ŋ nu 'mu 'pele- -o ni kpataakpa.”
- 36'Bhɛ 'yi bhɛ, 'ke Zesu a 'pele -zamaa' 'ɛ ni 'kaa -o ge -o ba -lɛ ma. 'Bhɛ blaɛn, 'ke 'yee- 'gbu gele- -a ba 'fɛ 'lɛ ma. 'Bhɛ klele 'tɛ, 'ke -yaa' -klanlanɛ mu 'ɛ -woo mabɛɛnle 'a -din, 'bhɛɛ- 'ke -wa pele- -a ni dɔɔ: "Gba 'ɛ 'yi -bɔn 'yɔɔ- ma -gɔɔn 'ɛ 'yipe 'o ni.”
- 37'Bhɛ 'yi 'tɛ, 'ke Zesu 'a zikpale -o ni dɔɔ: "Mɛɛ 'la zan pɛbhɛ -lrele' 'ɛ bɔ, 'bhɛ -le 'ke Bhaaplɛŋ Gbe 'ɛ 'le;
- 38'Gba 'ɛ 'bhɛ -le 'ke 'drunyan 'ɛ 'le; pɛbhɛ -lrele' mu 'ɛ 'mu -le 'ke mɛɛ 'la zan =kla 'ke -Waanbhaa' a -bhɛŋgbeya -wa 'ɛ ta mu 'ɛ 'le; 'bhɛɛ- -bɔn 'yɔɔ- mu 'ɛ 'mu -le 'ke mɛɛ 'la zan mu -o 'ke -Setran' -a mɛɛ mu 'le;
- 39-a -sɔɔnnii' 'la 'bhɛ -bɔn 'yɔɔ- 'ɛ bɔ bhɛ, 'bhɛ -le 'ke -Setran' 'le; pɛbhaa -lrele' 'kan bhla 'ɛ, 'bhɛ -le 'ke 'drunyan 'lɛyan yi 'ɛ 'le; pɛbhaa 'kan mu 'ɛ 'mu -le 'ke -Waanbhaa' a -mlɛke' mu 'ɛ 'le.

- 40-O -bɔn 'yɔɔ- 'ɛ yro, 'bhɛɛ- -wa blin 'tɛ 'ɛ 'yi; 'bhɛɛ- 'yansi za nu klɛɛ 'bhɛɛ- gbɛɛn- 'drunyan 'leyan yi 'ɛ 'le.
- 41Bhaapɔɔ Gbe 'ɛ nu -yaa' -mlɛkɛ' mu 'ɛ 'winbɔɔɛ, 'bhɛɛ- mɛɛ 'la zan mu 'kpen mɛɛ - bhɛɛkɛ' mu balaa' -za 'yɔɔ- 'yi, 'bhɛɛ- -o 'gbu -za 'yɔɔ- klɛ 'ezin-, -o nu 'bhe zan mu 'ɛ 'kpen goɛ -Waanbhaa' -bhɛɛgbeya -wa 'ɛ ta.
- 42'Bhɛɛ- -o nu -o 'kpen blinɛ 'tɛ -gluu -gbɛɛ 'ɛ 'yi. 'Bhe =nɔɔ ye, -o nu wisilɛ, 'bhe 'pegee -o nu -o gbɛɛnbhe mu 'ɛ 'sɔnkpale -zadɔwɛɛ 'ɛ 'kɔɔ.”
- 43'Bhɛɛ- 'duɔ-, mɛɛ 'la zan mu -lɛdɔɔɛ -o -Waanbhaa' -yɛ 'yi, -o nu -bhilɛ' 'pɛɔpɛɔ 'bhii- -yɛtɛbhe gbɛɛn- -o Dɛ a -bhɛɛgbeya -wa 'ɛ ta. 'Ke 'ka 'trɔn mu sɔ -jan 'yi 'male -kaa -yima'.
- 44"Laanima -Bhɛɛgbeya 'ɛ -wa -yoo 'ezin- 'bhii- -o -naflo do 'la -gaanna gba do 'yi. Mɛɛ 'la zan 'yee- -naflo 'ɛ =ya, 'bhe 'a gaan gbɛ drɛɛwoa- 'yee- gba 'ɛ 'yi 'ezin-. -A zrukpa' gbɛ -yɔɔ 'ɛ 'kɔɔ, -e -ja -a 'kɔɔpɛ- mu 'ɛ 'kpen gɔnɛ, 'bhɛɛ- -e -nwa 'yee- gba 'ɛ 'lɔɛ-.”
- 45"Laanima -Bhɛɛgbeya -wa 'ɛ 'yoo- 'ezin- 'bhii- pɛɔn mi do 'la -yoo -gbɛɛfiɔ 'lrele- mu ziglin- 'zi.
- 46'Kee- -gbɛɛfiɔ 'plɛɛɛ- do -ya, -e ge -a 'kɔɔpɛ- mu 'ɛ 'kpen gɔnɛ, 'bhɛɛ- -e nu 'yee- -gbɛɛfiɔ 'ɛ 'lɔɛ-.”
- 47"Laanima -Bhɛɛgbeya -wa 'ɛ -yoo 'bhii- kaadɛ yɔɔ 'la -wa =bwa -yi 'ɛ ba; 'bhɛɛ- 'bhe kaa -glɔɔn mu 'ɛ 'kpen =kwan-.
- 48'Ke kaadɛ yɔɔ 'ɛ 'paa- bhla 'la ba kaa 'le, 'bhɛɛ- -wa glaan -yi 'ɛ bhɔɔɔla. 'Bhe blaɔn, -o yalaa' 'bhɛɛ- -o kaa mu 'ɛ bago: -O kaa -lrele' mu 'ɛ 'mu kla ciɛ -nɛ mu 'yi, 'bhɛɛ- 'kɛ mu 'la -woo 'eyɔɔɛ, -o 'mu blin -yi 'ɛ ba.
- 49'Bhɛɛ- 'yansi -za nu klɛɛ 'drunyan 'leyan yi 'ɛ 'le. -Waanbhaa' a -mlɛkɛ' mu 'ɛ nu mɛɛ -yɔɔ' mu 'ɛ 'pɛɔgoɛ mɛɛ wlan mu 'ɛ ma.
- 50-Ayile, -o nu 'woo- mɛɛ -yɔɔ' mu 'ɛ blinɛ 'tɛ -gluu -gbɛɛ 'ɛ 'yi. 'Bhe =nɔɔ ye, -o nu wisilɛ, 'bhe 'pegee -o nu -o gbɛɛnbhe mu 'ɛ 'sɔnkpale -zadɔwɛɛ 'ɛ 'kɔɔ.”
- 51Zesu -yaa' -kɔɔɔɔɔ mu 'ɛ =lɔɔkpa' dɔɔ: "'Ka 'woo- -gɔɔn mu 'ɛ 'kpen 'yimaa- ɛɛ?" 'Bhɛɛ- -wa -lɛkwan -a ni dɔɔ: "-Aani!"
- 52'Bhe klɛɛ 'tɛ, 'ke -ya peɛ- -o ni dɔɔ: "'Ke 'Tɔɔn daan mi 'tɔɛ- 'Tɔɔn daan mi 'la =kla 'ke -Waanbhaa' a -bhɛɛgbeya -kɔɔɔɔɔ 'le, -yoo 'bhii- 'fɛzan- 'la -e -naflo drɛɛ mu 'ɛ 'pegee -naflo gwe mu 'ɛ si -yaa' -naflo bɔ -koonɛ 'ɛ 'yi.”
- 53Zesu 'yanɛ- 'woo- -gɔɔn mu 'ɛ bɔɛɛɛ, 'kee- geɛ- yɛ -bhɛɛkɛ' do nɔɔ-.
- 54'Bhe 'nɔɔ- bhe, 'kee- geɛ- Nazareti, Galile 'klɛɛn 'yi -wa 'nɛ do ta, -wa -trola 'bhɛɛ- -wa 'ɛ ta. -E -yaa mɛɛ mu 'ɛ daan 'zi -Waanbhaa' a -jan 'ɛ 'le Zuufu mu daanɛ' 'ɛ =la. 'Bhɛɛ- -e -yaa mɛɛ 'la zan mu daan 'zi 'mu 'kpen 'kpeɛɛɛɛ 'mu ma. 'Bhɛɛ- -yile, -o -

yaa 'eke- -lrɔkpa' zii' dɔɔ: "-E 'bhe -zadɔleya 'lɛɛ- 'ɛ 'srɔɔwoa- -dela 'kɔɔ, 'bhɛɛ- -dele 'bhe 'sɔle- maza mu 'ɛ kle 'seŋ 'na zii' -a ni ɛɛ?"

55'Fɛ 'wiinjka mi 'ɛ gbe 'ɛ 'yele- 'laa 'kɛle- ɛɛ? Mari gbe 'ɛ yaa 'kɛle- ɛɛ? 'Bhɛɛ- Zaki 'pegee Zozefu, 'bhɛɛ- Simɔ 'pegee Zudi 'laa -o 'ke -a nɛɛɛ- 'gwlaan- mu 'ɛ 'le ɛɛ?"

56'Bhɛɛ- -a nɛɛɛ- le mu 'ɛ 'kpen 'laa -o -kɔɔ' ba -gɛ ɛɛ? -E 'bhe -za mu 'lɛɛ- 'kpen kle 'seŋ 'ɛ 'srɔɔwoa- 'naa ɛɛ?"

57'Bhe ya 'ɛ 'yi, waa 'sɔle- -o 'kpale Zesu 'yi. -Ayile Zesu pe -o ni dɔɔ: "Mɔkpen' -Waanbhaa' -lɛla' janwo mi 'ɛ 'lɛdɔ- -a ma yɛkpen- =nɔɔ, 'ke yaa 'e go -a 'gbu ba -wa la mu 'pegee -a ba 'fa =la -la mu ba."

58'Waa -o 'kpalawole -a -yi Nazareti -wa 'ɛ ta, yaa 'sɔle- maza mu -bebe klɛle- 'bhe =nɔɔ.

Matie 14

1'Bhe 'waati 'ɛ ba, -Bhlɛngbe Erɔdi gbe do 'la -o -yaa 'bhe sii Erɔdi Antipasi, 'bhe 'yaale- -yaa Galile 'kleɛn 'ɛ 'wiinj-; 'bhɛɛ- 'bhe Zesu 'tɔbhɔleya 'ɛ =maa 'tɛ.

2'Bhe ya 'ɛ 'yi, 'ke -ya pele- -yaa' yewone mu 'ɛ ni dɔɔ: "Mɛɛ Wiinjfe' Mi Zaan -le 'kɛle- ! -E -bwela gale ba. 'Bhɛla- -zayile 'sɔle- maza mu kle 'seŋ -o -a 'kɔɔ."

3'Mɛɛ Wiinjfe' Mi Zaan -gaa gɔnɛ- 'lɛɛ- 'bhɛɛ- gbɛɛn-. 'Yee- Erɔdi Antipasi 'gbu 'a =pia mɛɛ mu ni 'kaa -o Zaan 'kun, 'bhɛɛ- -wa yre, 'bhɛɛ- -wa bɔ -kaso 'yi. 'Bhe 'saan- 'yee- Erɔdi nɛɛɛ- Filipu 'na Erodiadi -la ta.

4'Yee- Erɔdi -yaa -a zi 'bhii- -ya nɛɛɛ- 'na kle -a na 'le, 'bhɛɛ- Zaan 'a =pia -a ni dɔɔ: "'Yaa Erodiadi klɛle 'kee 'na 'le, -amasrɔyi 'e nɛɛɛ- Filipu 'na -le 'kɛle-."

5'Bhe ya 'ɛ 'yi, Erɔdi -yaa Zaan dɛyɛ -la -glin 'zi. 'Duŋ- -e -yaa -gblaan 'zi -zamaa' 'ɛ 'lɛɛ-, -amasrɔyi -o 'kpen 'kpee ma, Mɛɛ Wiinjfe' Mi Zaan -yaa 'ke -Waanbhaa' -lɛla' janwo mi do -la -le.

6'Duŋ- 'yee- Erɔdi 'ya yi ma 'feti 'ɛ 'bhɔle-, 'ke Erodiadi 'lunɛ 'ɛ 'srotanle 'feti 'ɛ ta mu 'ɛ 'kpen 'yɛ ma. 'Bhɛɛ- 'ke -a -za 'sɔle- Erɔdi ni.

7-Ayile, 'ke 'yee- Erɔdi 'a 'gbu 'liiwli- 'nale- -gblanɛ 'ɛ ni dɔɔ 'ke 'bhe pɛ 'oo pɛ 'la 'yɛwoa- -a ma, -e nu 'bhe 'nale- 'bhe ni.

8'Bhe klɛle 'tɛ, 'ke -gblanɛ 'ɛ nɛɛ 'ɛ -ya 'kpale -a -lii dɔɔ -ya pe Erɔdi ni dɔɔ: "Mɛɛ Wiinjfe' Mi Zaan ŋgblo 'ɛ 'na 'ŋ ni pele -koo do ta -gɛ."

9'Bhe -za 'ɛ 'bhe 'yee- -bhlɛngbe Erɔdi 'wleyisriwoa, 'duŋ- -ya 'gbu 'liiwli- 'la =naa -gblanɛ 'ɛ ni -yaa' 'feti 'ɛ ta mu 'ɛ 'kpen 'yɛ ma, yaa -yaa sɔ -a -baŋgole 'bhe -za 'ɛ klɛle ma. -Ayile, 'ke -ya pele- mɛɛ mu ni dɔɔ 'mu ge Zaan ŋgblo 'ɛ 'kan, 'bhɛɛ- -o nu 'bhe 'le -a ni.

10'Bhe klɛle 'tɛ, 'kee- mɛɛ mu winbɔle 'yee- Mɛɛ Wiinjfe' Mi Zaan ŋgblo 'ɛ 'kanyɛ- nɔɔ- -kaso 'ɛ 'yi 'bhɛɛ- -o nu 'bhe 'le.

- 11-O Zaan ṅgblo 'ε =kpaa pε -koo do ta, 'bhεε- -o =nwa 'ke 'bhε 'le, 'ke -wa 'nale- -gblane 'ε ni; 'bhεε- -gblane 'ε 'bhε =sia, 'bhεε- -e 'bhε 'naa- -a nεε ni.
- 12'Bhε blaam, 'ke Zaan a -klanlanε mu 'ε 'nule -a gbaa 'ε 'sile-, 'bhεε- -o -ja -a binle. 'Bhε blaam 'ezin-, 'ke -o gele- 'bhε -za 'ε 'kpen 'yigoonle Zesu ni.
- 13Zesu 'bhε -za 'ε 'male-, 'kee- gole- 'bhε yre 'ε =nɔɔ, 'bhεε- 'kee- -a do -kplenne' gele- -yitakonɔ do 'yi -bɔn 'yi yre do nɔɔ-. 'Duɲ- -zamaa' mu 'ε -wa geyre 'ε 'male-, 'ke -o gele- -a zi 'bhε yre 'ε =nɔɔ ye. -O -daa -o -din -wa mu 'ε ta, 'bhεε- -o =nwa -a zi -o gaan ma weyi- 'ε 'lezi-.
- 14Zesu 'pwεle- -yitakonɔ 'ε 'yi, 'ke -a -yrekpale -zamaa' -gbene do ma. -O -yrenklaa -a ma, 'bhεε- -e -waa' gade mu 'ε 'bheele- -saan.
- 15Yromazi bhɔle, 'ke Zesu a -klanlanε mu 'ε 'nule 'a -din, 'bhεε- 'ke -wa pele- -a ni dɔɔ: "-Kɔɔ' -o -bɔn dreyi' -ge, 'bhεε- 'waati =bhwa gba 'egbɔɔnle. -A pe mεε mu 'ε 'kpen ni 'kaa -o ge -o le pele mu -lɔ -wa mu 'ε ta."
- 16'Bhε klele 'tε, 'ke Zesu 'a zikpale -o ni dɔɔ: "-O maza laa -o 'ke -o ge -o 'gbu 'bhle pele -lɔle', 'ka mu 'gbu pele na -o ni."
- 17'Bhεε- 'duɲ-, -o pe Zesu ni dɔɔ: "'bluu 'yri 'soo 'pegee kaa ple 'kpɔ -le 'o mɔɔ 'kɔɔ -ge."
- 18'Bhε 'yi 'tε, 'ke -ya pele- -o ni dɔɔ: "-Ka nu 'ke -o -le 'η ni -ge."
- 19'Bhε blaam, 'ke Zesu 'a 'pele -zamaa' 'ε ni 'kaa -o yala- -bɔn 'ε ta 'tre ma; 'kee- 'bluu 'soo 'ε 'pegee kaa ple 'ε 'sile, 'bhεε- -ya -yrekpale laanima, 'kee- -Waanbhaa' 'pubɔ- 'seriwole 'bhε ma. 'Bhε blaam, 'kee- 'bluu mu 'ε takanle kplokplo. -E yanle 'bhε 'le, 'ke -yoo 'kpale -yaa' -klanlanε mu 'ε 'kɔɔ, 'ke -ya pele- -o ni dɔɔ -woo -yicien' mεε mu 'ε ma.
- 20Mεε mu 'ε 'kpen pεbhla-, 'bhεε- -o kpɛdwa-. 'Bhε blaam, 'ke Zesu a -klanlanε mu 'ε -o cie -nε vu ta ple 'pale -o blaam 'bluu kpu mu 'ε 'le.
- 21Mεε 'la zan mu pε 'ε =bhla -o -yaa mεε 'waa 'soo, le mu 'pegee -nε mu laa -yaa 'bhε mεε -lii 'ε ba.
- 22'Bhε blaam yre do 'ε =nɔɔ bhe, 'ke Zesu 'a 'pele -yaa' -klanlanε mu 'ε ni 'kaa -o 'kan -a -lεε -sɔ -yitakonɔ 'ε 'yi, -yi 'yre gbε do 'ε ta. 'Bhεε- 'yee- 'gbu =bwa -o -zanta', 'kooko- -e yan 'ploolele mεε mu 'ε 'kpen ma.
- 23-E yanle 'ploolele -zamaa' 'ε ma, 'kee- gele- -a 'seriwole vle gɔɔn do 'wiɲ-. -Bi 'ε =pwa -a do -kplenne' ma 'bhε yre 'ε =nɔɔ ye.
- 24'Bhε 'waati 'ε ba, 'ke -yitakonɔ 'ε -ya plengwa- gban 'egbɔɔnle sa -yaa' -klanlanε mu 'ε 'le -yi 'ε ta. 'Duɲ- -plooo -gbene do -yaa 'kan zii' -yi 'ε ta 'kee- nu -yitakonɔ 'ε ba -yre ta, -ayile -yi 'pɔɔ mu 'ε 'yaa- 'pa zii' -yitakonɔ 'ε ma.
- 25Maagwlen -we bhla =lwa 'ε ba bhɔle, 'ke Zesu 'taawole 'sanle -yi 'ε ta 'bhii- -e -yaa 'tre 'kpaa- ta, 'kee- nu -o ba -yre ta.

26-Yaa' -klanlanε mu 'ε -yrekpale -a ma 'taawoyre nɔɔ- -yi 'ε ta, 'ke -gbiaan -gbene do 'klale -o -yi, 'bhεε- 'ke -wa pele- 'eke- ni dɔɔ: "Mεε jielii do -le 'kele-!" -Ayile, 'ke -o -gbiaan ma gbe mu 'kanle- 'sanle.

27'Duɲ- Zesu pe -o ni 'bhε yre do 'ε =nɔɔ bhe blaale- dɔɔ: "-Ka 'ka zrudɔ 'egloole, 'mi -le 'kele-, 'ka 'laa -gbiaanle!"

28'Bhε klele 'tε, 'ke Pieri 'a 'pele -a ni dɔɔ: "Mεεzan, 'ke 'bhi -le 'kele-, -a pe 'η ni 'η ge 'e ba -yre ta ye 'ke 'η 'taawo- -yi 'ε ta."

29'Zesu 'a zikpaa- -a ni dɔɔ: "Nu!" 'Bhε klele 'tε, 'ke Pieri zinale -yitakon 'ε 'yi, 'kee- 'taawole 'sanle -yi 'ε ta 'kee- ge Zesu ba -yre ta.

30'Duɲ- -ya yelawoa 'bhii- -ploo 'ε 'yaa- 'kan zii' 'egloole, 'ke -gbiaan 'klale 'a -yi, 'bhεε- 'kee- wlale 'sanle- -yi 'ε =la. -Ayile, 'kee- -gbekanle dɔɔ: "Mεεzan, 'η go -za 'yi -ge!"

31'Bhε klele 'tε, 'ke Zesu 'e gbε 'trole -a ba -yre ta, 'bhεε- 'ke 'bhe 'a 'kunle 'bhε yre do 'ε =nɔɔ bhe, 'bhεε- 'ke 'bhe 'a 'pele- 'a ni dɔɔ: "-Mele -kla 'yaa 'e kpa 'egbenele 'mi 'yi εε? 'Bhεε- -mele =kla 'yee 'kpee =kla ple 'mi ma εε?"

32'Zesu 'pegee Pieri -saan -yitakon 'ε 'yi, 'bhεε- 'ke -ploo 'kanle- 'ε dulale.

33'Bhε 'yi 'tε, Zesu a -klanlanε mu 'la 'yaa- -yitakon 'ε 'yi, -wa =gbaa -o 'kpɔ zenlele -a -lεε, 'bhεε- 'ke -wa pele- -a ni dɔɔ: "Wlan 'ε ni, 'yoo- 'ke -Waanbhaa' Gbe 'ε 'le kpataakpa!"

34'Zesu 'pegee -yaa' -klanlanε mu 'ε 'yanle- -draa 'yi 'ε takanlele, 'ke -o zinale Zenezareti 'kleen 'ε 'yi.

35'Bhε =nɔɔ mεε mu 'ε -o Zesu madole, 'ke -wa nuza 'ε zenle- yrekpen- =nɔɔ, 'bhεε- 'ke -o nule- gade mu 'ε 'kpen 'le -a ni.

36'Bhε gade mu 'ε 'yaa- -sromabɔ 'zi Zesu ni dɔɔ -ya 'to 'ke -o sɔ -o gbε yanle- -a ta dune- gbɔɔn 'ε ma. Gade mu 'la 'kpen 'bhe =kla 'mu 'bheela-.

Matie 15

1'Farizi mu 'ke mu 'pegee 'Toɲ daan mu 'ke mu -daa Zeruzalemu, 'bhεε- -o =nwa Zesu 'lrɔkpale dɔɔ:

2"-Mele =kla 'bhεε- 'yaa- -klanlanε mu 'ε -woo -kɔɔ' -gbɔɔ mu 'si ta za mu 'la =twa -kɔɔ' ni 'mu 'yisie zii' εε? -Amasroyi -kɔɔa' 'si ta za mu 'ε ma, -woo gbε mafe gɔne- 'la gbεen-, 'woo- mu laa -o gbε mafe 'bhe gbεen-, 'bhεε- -o pebhle."

3'Bhε klele 'tε, 'ke Zesu 'a 'lekunle -o ni dɔɔ: "'Bhεε- 'ka mu, -mele =kla 'bhεε- 'ka mu -Waanbhaa' a 'toɲ 'ε 'yisie- 'kaa bhaaplen 'mu -si ta za mu -klosikun zayi' εε?"

4-Amasroyi, -Waanbhaa' 'a =pia dɔɔ: "E de 'pegee 'e neε -ledɔ' -a ma, 'bhεε- 'ke mεε 'la zan 'bhe de 'pegee 'bhe neε 'danganwoa 'bhe zan 'ε 'bhe -o 'ke depe 'le."

- 5'Bhɛɛ- 'duŋ-, 'ka mu pe dɔɔ 'ke mɛɛ do 'a =pia 'bhɛ dɛ 'pegee 'bhɛ nɛɛ ni dɔɔ: "'D 'yaa-nu bhɔɛ 'ka ba 'ŋ 'kɔɔpɛ- mu 'la 'le, 'ŋ 'mu =naa -Waanbhaa' ni', 'ke 'bhɛ =kla, 'bhɛ zan 'ɛ maza laa -o -li 'ke 'bhɛ bhɔ 'bhɛ dɛ 'pegee 'bhɛ nɛɛ ba.
- 6'Bhɛ klɛgbɛya 'ɛ 'yi bhe, 'ka -Waanbhaa' a -jan 'ɛ 'lɛgaa- 'kaa- bhaaplɛŋ mu 'si ta za mu -klɔsikun zayi'.
- 7'Mɛɛ -yɛkɔɔza klɛ mu! 'Zoo 'yaa- -Waanbhaa' -lɛla' janwo mi Ezai zi -e -jan 'la =woa 'ka ba zayi' dɔɔ:
- 8-Waanbhaa' pe 'kaa: "An mɛɛ mu 'lɛɛ- -woo 'ŋ 'lɛdɔ- a ma -o -liiwli' -la -le. 'Duŋ- -o zru plɛŋgole -o 'ŋ ma 'ɛgbɔɔnle.
- 9-Woo 'ŋ gba 'zi bhaama, -amasɔyi -o mɛɛ mu daan 'ke bhaaplɛŋ mu a 'toŋ 'te -la -le.'
“
- 10'Zesu -zamaa' 'ɛ 'siile -a ba -yɛ ta, 'ke -ya pele- -o ni dɔɔ: "'D -jan 'la 'wo zii' -gɛ, -ka 'ka 'trɔŋkpa 'a -la 'ɛlɛle, 'bhɛɛ- -kaa -yima':
- 11-O pele 'la 'wla zii' mɛɛ -lii, 'bhɛ 'laa 'a 'kpee 'ɛ 'triŋdɔ-, 'duŋ- -jan 'la da 'zi -a 'gbu 'lii 'bhɛ -le -a 'kpee 'triŋdɔ-.”
- 12'Bhɛ =nɔɔ bhe, 'ke -yaa' -klanlanɛ mu 'ɛ -woo mabɛɛnle -a -din, 'bhɛɛ- 'ke -wa pele- -a ni dɔɔ: "'Ya 'yaango- 'bhii- 'ɛ =wlaa Farizi mu 'ɛ 'yi 'ɛ 'wojan- mu 'ɛ 'le ɛɛ?”
- 13'Bhɛ klɛle 'tɛ, 'ke -ya pele- -o ni 'kaa: "-Yri diiŋ 'oo -yri diiŋ 'la 'ŋ Dɛ 'la -yoo laanima yaa 'bhɛ 'sɔɛ-, -ɛ nu 'bhɛ 'yrolɛ-.
- 14-Ka -o 'to 'srɔ: -Woo 'bhii- mɛɛ -yɛ 'wi mu 'la 'ke -woo 'eke- -lɛdɔɔ' 'zi. 'Duŋ- 'ke mɛɛ -yɛ 'wi mi do -o -yɛ 'wi mi -bhɛɛke' do -lɛdɔɔ' 'zi, -o mɛɛ plɛ nu bɔɛ -gluu do 'yi.”
- 15'Bhɛ 'yi bhe, 'ke Piɛri 'a 'pele dɔɔ: "'Bhɛ -gɔɔn 'la bhe, 'bhɛ 'yipe 'o ni doo.”
- 16'Bhɛ klɛle 'tɛ, 'ke Zesu 'a 'pele 'a ni dɔɔ: " 'Ka mu 'ezin-, 'ka mu 'laa sɔ 'bhɛ -jan 'ɛ 'yimale ɛɛ?
- 17'Ka 'laa 'yaango- 'bhii- pɛ 'oo pɛ 'la wla bhaaplɛŋ -lii -ɛ 'kan -a vi 'ɛ 'yi, 'bhɛɛ- -ɛ klɛ 'ke blinɛ 'le boolazi.
- 18'Duŋ-, -jan 'la 'bhɛ pwe bhaaplɛŋ -lii, 'bhɛ -daa 'pe -a 'gbu 'kpee, 'bhɛɛ- 'bhɛ -le bhaaplɛŋ 'kpee 'triŋdɔ-.
- 19-Amasɔyi, -za 'yɔɔ- mu 'lɛɛ- 'wole- da bhaaplɛŋ 'kpee: Mɛɛ dɛ zru oo, -yanbhɔɔya zru oo, -faan zru oo, bhla pe zru oo, mɛɛ -bhɛɛke' 'tɔsiɛle zru, 'bhɛ 'pegee -Waanbhaa 'tɔsiɛle.
- 20'Woo pɛ mu 'la bhe 'wole- bhaaplɛŋ 'kpee 'triŋdɔ-; 'duŋ- 'ke mɛɛ 'la zan laa 'bhɛ gbe mafɛle 'bhii- -wa klɛ gɔnɛ- 'la gbɛɛn- -kɔɔa' 'si ta za 'ɛ ma, 'bhɛɛ- -ɛ pɛbhla-; 'bhɛ -za 'ɛ 'bhɛ 'laa 'bhɛ zan 'kpee 'triŋdɔ-.”

- 21'Bhē blaən, Zesu -gwa 'bhē yrē 'ε =nōō, 'bhē- -e -ja Tiri -wa 'ε 'pegee Sidōn -wa 'ε -woo 'kleən 'la 'yi 'bhē 'yi.
- 22-Woo -yrekpale 'tε, 'ke Kanaa 'kleən 'yi le do 'la 'bhē 'yaa- 'bhē yrē 'ε =nōō ye, 'bhē 'nule 'tenlε- Zesu ma, 'bhē- 'bhē -gbekaan dōō: "Mēezan, Davidi 'nrane-, 'η 'yrenkla 'e ma. 'Zina -o -yrenkpa' zii' 'eyōole 'η 'lunε 'ε ta."
- 23'Duŋ- Zesu 'laa -za 'kedo- 'kpō 'lεkunlε a ni. 'Bhela- -yile, -yaa' -klanlanε mu 'ε -o nule- -a -din, 'ke -wa pele- -a ni dōō: "Le 'lε- -gbin -kōō' 'zi doo, -amasrōyi -yoo -gbekan' zii' -kōō' zi."
- 24'Bhē klele 'tε, 'ke Zesu 'a zikpale -o ni dōō: "Mēε 'la zan mu -o 'bhii- -bhlaa mu 'la =nia Izraēli mu 'ε ba -Waanbhaa' 'η 'winbwa- 'mu -la 'te ba."
- 25'Bhē 'yi bhē, 'ke 'yee- Kanaa le 'ε 'nule -a 'kpō zenlε Zesu 'lεε, 'bhē- 'ke -ya pele- 'kaa: "Mēezan, nu bhō 'η ba!"
- 26'Bhē 'yi 'tε, 'ke Zesu 'a 'pele -a ni dōō: "'Kee pele =kwan -nε mu 'ε 'kōō, 'bhē- 'ke -ya -blinna -gbaan' mu ni, 'bhē 'laa lele."
- 27'Yee- le 'ε pe 'ezin- Zesu ni dōō: "Wlan -le 'bhē 'le Mēezan, 'duŋ- -gbaanne mu 'ε -woo zan mu blaən pele piine- mu 'la -balaa' 'trε ma 'mu -la bhle!"
- 28'Bhē klele 'tε, 'ke Zesu 'a 'pele -a ni dōō: "'E le! 'Yee =kpaā 'egbenele 'le mi 'yi! Bhaa 'yoo- pe 'la zi, -Waanbhaa' 'bhē- 'na 'e ni." 'Bhē 'yi 'tε, 'ke Zesu 'a 'lunε 'ε bhēele' 'bhē 'waati do 'kpō 'ε ba.
- 29'Bhē blaən, Zesu -gwa 'bhē yrē 'ε =nōō, 'kee- gele- Galile -draa 'ε 'lε ma. -E -ja yaale vlε gōōn do 'wiij-.
- 30'Bhē klele 'tε, 'ke -zamaa' -bebe 'nule- 'palε- -a ta. -O =nwa 'ke mēε gaan 'siēle- mu oo, mēε -yrē 'wile- mu oo, -flugba mu oo, 'bhobho mu 'pegee gadε mu -glōōn -bebe 'le -a ni. -O 'mu 'kpen 'yilaa- -a gaan ma, 'bhē- -yoo -bheela.
- 31'Mēε mu 'ε -o 'bhobho mu -bheeyrē' yelawoa 'ke 'mu -janwo', 'bhē 'pegee -o -flugba mu 'taawole =ya, 'bhē- -o mēε gaan 'siēle- mu -bheele' =ya, 'bhē 'pegee -o mēε -yrē 'wile- mu -yrē 'liiplooyrē 'la =ya 'ke 'mu yrē ma ye, 'bhē -o 'kpen 'kpeelenia -o ma. 'Bhela- -yile, -o -yaa Izraēli mu a -Waanbhaa' 'ε 'tōbhō zii'.
- 32'Zesu -yaa' -klanlanε mu 'ε 'siila-, 'bhē- -e pe -o ni dōō: "Mēε mu 'lε- -o -yrenkla' zii' 'η ma, -amasrōyi -o -yrekpaa' yaga -le -gε 'ke -woo 'η zi, 'bhē- pele 'kedo- 'kpō 'laa -o 'kōō. 'Naa -o -a zi 'ke -o ge -o 'kpee 'fleŋ- 'le -o ba -lε ma. -Amasrōyi -o sō baale' -o ge bhla 'ε zi zi 'ε 'lii gbōn 'ε 'kōō."
- 33'Bhē klele 'tε, 'ke -yaa' -klanlanε mu 'ε -wa -lrōkpale dōō: "'O nu 'sōlε- mēε mu 'lε- 'kpen 'lēbō- pele -srōwōlε 'bhē -bōn dreyi' yrē 'lε- =nōō 'naa- ma εε?"
- 34'Zesu -o -lrōkpaa dōō: "'bluu 'wē- -le 'ka 'kōō εε?" 'Bhē- -o pe -a ni dōō: "'Srwaple-, 'bhē- kaa 'fiētrōnne 'ke mu."
- 35'Bhē 'yi 'tε, 'ke Zesu 'a 'pele -zamaa' 'ε ni dōō -o yala- 'trε ma.

36'Bhɛɛ- 'kee- 'bluu 'yri 'srwaplɛ- 'ɛ 'pegee kaa mu 'ɛ 'sile, 'bhɛɛ- 'kee- -Waanbhaa' 'pubɔle 'mu ma. 'Bhɛ blaɛn, 'ke -yoo takanle kplokplo, 'bhɛɛ- 'ke -yoo 'kpale -yaa' -klanlanɛ mu 'ɛ 'kɔɔ-, 'bhɛɛ- 'ke 'mu -o -yicienle mɛɛ mu 'ɛ ma.

37-O 'kpen pɛbhla-, 'bhɛɛ- -o kpɛdwa-. 'Bhɛɛ- -o ciɛ -nɛ =yan 'srwaplɛ- -la -paa 'ke 'bluu kpu -vin mu 'la =bwa -o blaɛn 'mu 'le.

38Mɛɛ 'waa yizie -le pɛ 'ɛ =bhla, 'ke 'bhɛ 'laa kpa le mu 'ɛ 'pegee -nɛ mu 'ɛ ta.

39-O yanle pɛ 'ɛ 'bhlelele, 'ke Zesu 'ploole -zamaa' mu 'ɛ ma 'kaa -o ge -o ba. 'Bhɛ blaɛn, 'ke 'yee- 'gbu bɔle- -yitakonɔ do 'yi, 'bhɛɛ- 'kee- gele- Magadan ba 'klɛn 'ɛ 'yi.

Matie 16

1-Yrekpaa' do, Farizi mu 'ɛ 'pegee Saduse mu 'ɛ -o =nwa -jan bhee bɔle Zesu 'lɛɛ. -O pe a ni dɔɔ: "'Kee- da Laanima -Waanbhaa' 'gbu 'ɛ ba, 'bhɛ 'wlata- 'tɔmasie do zrɔn 'o ni 'sɔle- maza do klɛlele 'o 'yre ma -gɛ doo.'"

2'Bhɛ 'yi 'tɛ, 'ke Zesu 'a zikpale -o ni dɔɔ: (('Ke yromazi -yretɛbhɛ baa- bhla =bhwa, 'bhɛɛ- 'ke 'ka lafle' 'tranle =ya, 'kaa pe dɔɔ: 'Yrɛ ma 'kanle nu klɛɛ 'elrele too'.

3'Bhɛɛ- zrwan 'tutu 'ɛ zi, 'ke 'ka lafle' 'ɛ tilale =ya, 'kaa pe dɔɔ: 'La nu banle -zɔn'. 'Bhɛ klɛgbeya 'ɛ gbɛɛn- bhe, 'ka sɔ lafle' ma -tɔmasie mu 'ɛ 'yidɔle, 'bhɛɛ- 'ka 'laa sɔ -Waanbhaa' a pɛ 'waati mu 'ɛ -tɔmasie 'yidɔle ɛɛ?))

4'Saanigɛ mu 'ɛ -woo 'eyɔɔle, 'bhɛɛ- -o zru laa -o do -Waanbhaa' ni. -Wa zi 'bhii- -o 'sɔle- maza do klɛ -o -yre ma, 'duɔ- waa nu 'sɔle- maza -bhɛɛke' do 'kpɔ klɛɛ -o -yre ma, 'ke yaa 'e go Zonasi a pɛ 'ɛ ba." 'Bhɛ blaɛn, 'kee- jilale, 'bhɛɛ- 'ke -yoo dulale 'tole -o dulayrɛ 'ɛ =nɔɔ.

5-O -yaa 'kan zii' bhla 'la ba -draa 'yre gbɛ do 'ɛ ta, 'bluu 'sile- =nia Zesu a -klanlanɛ mu 'ɛ 'kpee.

6>Zesu pe -o ni dɔɔ: "-Ka 'ka 'yrekpa 'ka 'gbu ba 'elrele. 'Ka 'laa 'tolɛ- 'ke Farizi mu 'ɛ 'pegee Saduse mu 'ɛ -waa' 'bluu -pɛɛ 'wlen 'sɛkɛ 'ɛ -e 'ka 'yini-."

7'Bhɛ 'yi bhe, 'ke -yaa' -klanlanɛ mu 'ɛ -wa pele 'sanle -o 'gbu 'kpee dɔɔ: "'Bluu 'sile- 'la =nia -kɔɔ' 'kpee -e 'bhɛɛ- ma -janwo' zii' bhe.'"

8>Zesu -o 'kpeejan- 'ɛ dɔle, 'ke -ya pele- -o ni dɔɔ: "'E! Mɛɛ mu, -mɛle =kla 'ka -o 'ka 'kpeeledan 'zi 'bhɛ gbɛɛn- ɛɛ 'ke 'kaa pe dɔɔ 'ka 'laa 'bluu 'la 'sile- 'bhɛla- -zayi' 'ɲ -janwo' zii' 'bhɛ gbɛɛn- bhe ɛɛ? 'Kaa- 'kpaleya 'ɛ -yoo 'fientronnɛ 'dɛ!

9'Ka 'laa 'bhɛ 'yimale -li ɛɛ? 'D 'bluu 'soo 'la takaan- kplokplo mɛɛ 'waa 'soo 'ɛ ma, 'bhɛɛ- 'ka ciɛ -nɛ =yan yɛkɛ- 'la =paa -o blaɛn 'bluu kpu mu 'ɛ 'le, 'bhɛ -za 'ɛ -gwa gban -gun 'ka 'kpee ɛɛ?

10'Bhɛɛ- 'ɲ 'bluu 'srwaplɛ- 'la takaan- mɛɛ 'waa yizie 'ɛ ma, 'bhɛ 'pegee 'ka ciɛ -nɛ =yan yɛkɛ- 'la =paa -o blaɛn 'bluu kpu mu 'ɛ 'le, 'bhɛ -za 'ɛ -gwa gban -gun 'ka 'kpee 'ezin-ɛɛ?

- 11'Ka 'laa 'yimale dɔɔ 'naa -yaa -we 'zi 'bluu -zeze 'gbu 'le. -Ka 'ka 'yɛkpa 'ka 'gbu ba 'elrele! 'Ka 'laa 'tolɛ- 'ke Farizi mu 'ɛ 'pegee Saduse mu 'ɛ -waa' 'bluu -pɛɛ 'wɛn 'sɛkɛ 'ɛ -e 'ka 'yini.”
- 12'Bhɛ klele 'tɛ, 'ke -yaa' -kɛɛlanɛ mu 'ɛ -wa -yimale dɔɔ yaa peɛ -o ni 'kaa -woo -yɛkpa' -o 'gbu ba 'elrele 'bluu -pɛɛ 'wɛn 'sɛkɛ -zeze 'gbu ma, 'duŋ- -e -yaa pe 'zi -o ni dɔɔ -woo 'gbu 'kun 'elrele Farizi mu 'ɛ 'pegeeSaduse mu 'ɛ -waa' mɛɛ daangbɛya -yɔɔ' 'ɛ 'bhɛɛ- ma.
- 13'Bhɛ blaɛn, 'ke Zesu geɛ- 'klɛɛn 'la -yoo Sezare Filipu -wa 'ɛ -din 'bhɛ 'yi. -O bhɔle 'bhɛ =nɔɔ, 'kee- -yaa' -kɛɛlanɛ mu 'ɛ 'lɛkɛpale dɔɔ: "Mɛɛ mu 'ɛ -woo Bhaapɛŋ Gbe 'ɛ 'kun zii' mɛɛ -gɛɔn 'ɛ -dela -le ɛɛ?”
- 14'Bhɛ klele 'tɛ, 'ke -wa -lɛkunle -a ni dɔɔ: "Mɛɛ 'ke mu pe dɔɔ 'yoo- 'ke Mɛɛ Wiɛŋfɛ' Mi Zaan 'le, 'bhɛɛ- -a 'ke mu pe dɔɔ Eli -le 'e 'le, 'bhɛɛ- -a -bhɛɛke' mu pe 'ezin- dɔɔ 'ke 'yaa kleɛ Zeremi 'le, 'yoo- 'ke -Waanbhaa' -lɛla' janwo mi 'ɛ do 'le.”
- 15'Bhɛ 'yi, 'ke Zesu -o -lɛkɛpale dɔɔ: "'Bhɛɛ- 'ka mu 'gbu 'lɛɛ-, 'ka mu pe 'ŋ ma 'nale- ɛɛ?”
- 16'Bhɛ klele 'tɛ, 'ke Simɔ Pieri 'a 'lɛkunle 'a ni dɔɔ: "'Yoo- 'ke Mɛɛ -Bhɛɛ Mi -Kpɔsɔɔ 'gbu 'ɛ 'bhɛɛ- 'le, -Waanbhaa' 'la -ya -yɛɛ ma, 'bhi -le 'ke -a Gbe 'ɛ 'le.”
- 17'Bhɛ 'yi 'tɛ, 'ke Zesu 'a 'pele 'a ni 'tɛ dɔɔ: "Zonasi gbe Pieri, 'yaa- pɛ -yinra! - Amasɔyi 'e wɛn ma jan 'la =woa bhe, bhaapɛŋ 'kɛdo- 'kpɔ laa 'bhɛ 'kɛpale- 'e 'lii, 'ke yaa 'e go 'ŋ Dɛ 'la -yoo laanima 'bhɛ do -kɛɛn ba.
- 18'Bhɛɛ- 'mi pe 'e ni dɔɔ: -Woo 'e sii Pieri, 'bhɛ 'yi -le dɔɔ vlɛ, 'bhɛɛ- 'duŋ-, 'mi nu 'ke mɛɛ 'la zan mu 'mu =kpa 'mi 'yi 'mu -lɛdo' 'ɛ gaɛn bɔɛ vlɛ 'la ta, 'bhi -le 'bhɛ 'le. 'Ali- ga 'fuɛ 'laa nu 'sɔɛ- 'bhɛ ta.
- 19'Dɔ nu laanima -bhɛɛngbɛya -wa 'ɛ 'gborobhɛ mu 'ɛ gbɛkpale 'e 'kɔɔ: 'Kee pɛ 'la 'yrela- 'trɛ ta -gɛ, -o nu 'bhɛɛ- 'yrelɛ- 'lafɛ' 'yi; 'duŋ- 'kee- pɛ 'la 'pɛɛɛ- 'trɛ ta -gɛ, -o nu 'bhɛɛ- 'pɛɛɛ- 'lafɛ' 'yi 'ezin-.”
- 20'Bhɛ blaɛn, 'ke Zesu -yaa' -kɛɛlanɛ mu 'ɛ 'lɛmazɔnle dɔɔ waa peɛ mɛɛ -bhɛɛke' do 'kpɔ ni 'kaa 'yoo- 'ke Mɛɛ -Bhɛɛ Mi -Kpɔsɔɔ 'ɛ 'bhɛɛ- 'le.
- 21-A 'san 'bhɛ yi 'ɛ ma, Zesu 'a 'lɛɛ za mu 'ɛ ma janwole -saan kpataakpa -yaa' - kɛɛlanɛ mu 'ɛ ni, 'ke -ya pe -o ni dɔɔ: "-A -lɛdulale -o -Waanbhaa 'kɔɔ 'ke 'ŋ ge Zeruzalɛmu, 'bhɛɛ- 'gwɛɛlan- gɛɛlan mu 'ɛ 'pegee 'Sraka 'lɛna -kuŋlii mu 'ɛ, 'bhɛɛ- 'Toŋ daan mu 'ɛ, -o -yɛɛkpa' 'mi ta 'ɛɛɛɛ 'bhɛ =nɔɔ. 'Bhɛɛ- -o nu 'ŋ dɛɛ 'tɛ, 'duŋ- 'ŋ nu bweɛ gale ba 'ŋ gale blaɛn -yɛkpa' yaga mi ma.”
- 22'Bhɛ klele 'tɛ, 'ke Pieri Zesu 'siile mɛɛ mu 'ɛ 'yɛ -gɔma', 'bhɛɛ- 'kee- -lale' 'sanle Zesu ta dɔɔ: "Bhaa 'bhɛ 'kan 'e ma 'ɛgɛɛnle, Mɛɛzan! 'Yooye- 'bhɛ -za 'lɛɛ-, yaa nu 'tɛnɛ- 'e ma -titi!”

23'Duṅ- Zesu 'e 'lɛklale Piere ta, 'ke -ya pele- -a ni dɔɔ: "'E 'plɛŋgo- 'ŋ ma 'egbɔɔnle, - Setran! 'Yoo- 'ŋ baayɛ -la -glin 'zi -za 'yɔɔ- 'yi, -amasɔyi 'e 'kpeejan- mu 'e waa da - Waanbhaa' ba, 'duṅ- -woo bhaaplɛŋ 'kpeejan- mu -la -le."

24'Bhɛ ya 'e 'yi, Zesu pe -yaa' -klanlanɛ mu 'e ni dɔɔ: "'Ke mɛɛ 'la zan -a zi 'bhii- -e klɛ 'ŋ zi mi 'le, -ya niigo -a 'gbu 'si -ɛ 'yi 'elwale 'pe, 'bhɛɛ- -e dɔ -yrenbhlele =la, 'ke 'bhɛ =kla, 'bhɛɛ- 'bhɛ zan nu dɔ 'ŋ zi.

25-Ayile, 'ke mɛɛ 'la zan -a zi 'bhii- -ya 'gbu 'si 'e go -za 'yi, 'bhɛ zan nu bloolɛ 'bhɛ =si 'e 'yi. 'Duṅ- 'ke mɛɛ la zan 'e zru -gwa -a 'gbu 'si 'e ni 'mi -zayi', 'bhɛ zan nu 'bhɛ =si 'e 'srɔɔwo gbɛ drɛɛwole.

26'Ke mɛɛ do 'trɛ ta pɛ mu 'e 'kpɛn 'srɔɔwoa-, 'bhɛɛ- 'ke yaa -Waanbhaa ba bole -yɛ -si 'e -srɔɔwole, 'bhɛ 'trɔn- =kla -a ma -mɛla -le ɛɛ? 'Bhɛɛ- 'ke bhaaplɛŋ do -bloola -a 'gbu 'si 'e 'yi, -e sɔ -a tagbawole -mɛla -le 'bhɛɛ- -ya -srɔɔwo' gbɛ drɛɛwo ɛɛ?

27'Bhɛ ya 'e 'yi, Bhaaplɛŋ Gbe 'e 'pegee -mlɛkɛ' mu nu nule yi do ta -a Dɛ a 'tɔbhɔleya 'e 'yi, 'bhɛɛ- mɔkpɛn' do do -za yɛkɛ- 'la =kla, -e nu 'bhɛɛ- wlata za nale -o 'kpɛn do do ni.

28'Mi pe 'ka ni wlan 'e ni kpataakpa 'kaa mɛɛ 'la zan mu 'kpɛn -o -gɛ -zɔn, -o 'ke mu laa nu galɛ 'sani- Bhaaplɛŋ Gbe 'e 'nule- plɛŋ- 'bhii- -bhɛŋgbɛ do."

Matie 17

1'Bhɛ blaɛn -yɛkpaɛ 'srwado- mi ma, 'ke Zesu Piere 'bhɛɛ- Zaki 'pegee 'bhɛ nɛɛnɛ- Zaan 'siile, 'bhɛɛ- 'ke -o mɛɛ yizie 'kpɔ gele- mɛɛ mu 'e 'yɛ -gɔma' vlɛ gɔɔn 'trole- do 'wiij-.

2'Bhɛ =nɔɔ bhɛ, 'ke Zesu 'a dɔgbɛya 'e mabɔɔle -o -yɛ ma: -A wleyi' 'yaa- -bhi 'zi 'bhii- -yɛɛɛ' 'bhigbɛya, 'bhɛɛ- -a ta dɛnɛ- mu 'e 'fleela- 'epu -yɛyɛrale 'bhii- 'tɛbhile gbɛɛn-.

3'Bhɛɛ- 'woo- Zesu a -klanlanɛ yaga 'e -woo -yɛkpaɛ 'tɛ, 'ke -o Moizi 'pegee Eli 'yele Zesu -din, 'ke 'mu -o -balɔ klɛ 'zi Zesu 'le.

4'Bhɛ klɛle 'tɛ, 'ke Piere 'a 'pele Zesu ni dɔɔ: "'Mɛɛzan, 'o klɛlawoa -gɛ bhɛ 'bhɛ 'lɛla-. 'Kee- -swa 'e ni, 'ŋ 'yoo- -a zi 'bhii- 'ŋ 'kpaanɛ yaga dɔ -gɛ: 'Bhi a pɛ do, Moizi a pɛ do 'bhɛɛ- Eli a pɛ do."

5-E -yaa 'bhɛ -jan 'e 'wo zii' 'waati 'la ba, 'ke lafle' -gblɛn 'fleele- 'pu do nule- 'kpale- -o ta, 'bhɛɛ- 'ke -o -weli' do male- 'bhɛ lafle' -gblɛn 'e 'yi dɔɔ: "'D Gbe 'la 'ke -a -za sɔ 'ŋ ni 'egbenele 'yele- -gɛ, 'yele- 'ŋ zrukpalaa 'egbenele 'ezin-, -ka 'ka 'trɔnkpa -a wojan mu 'e =la 'elɛle."

6-Yaa' -klanlanɛ mu 'e -o 'bhɛ -weli' 'e 'male-, 'ke -o baale' -o zru ta 'trɛ ma -gblaɛn 'e 'kɔɔ.

7'Bhɛ klɛle 'tɛ, 'ke Zesu 'e 'mabɛɛnle -o -din, 'bhɛɛ- 'ke -ya gbɛ yanle- -o ma 'ke -ya pe -o ni dɔɔ: "'Ka 'laa -gblaɛnle', -ka 'ka 'wɛn-."

- 8'Bhɛɛ- -woo ŋgblo -lawlɛnle 'tɛ, waa -bhɛɛke' 'yɛɛ- 'ke yaa 'e go Zesu do -kplɛnnɛ' ba.
- 9-O zina bhla 'ɛ zi vlɛ gɔɔn 'ɛ 'wiinj-, 'ke Zesu -o -lɛmazɔnle- dɔɔ: "'Ka pɛ 'la =ya bhe, 'ka 'laa 'bhɛ 'peɛ- mɛɛ 'kɛdo- 'kpɔ ni 'sani- Bhaaplɛŋ Gbe 'ɛ bwele plɛŋ- gale ba."
- 10Zesu a -klanlanɛ mu 'ɛ -wa -lrɔkpaɔ dɔɔ: "-Mɛɛle -kla 'bhɛɛ- 'Toŋ daan mu 'ɛ pɛ 'kaa -Waanbhaa' 'lɛla janwo mi Eli -le nu nule Mɛɛ -Bhɛɛ Mi -kpɔsɔɔ 'ɛ 'lɛɛ 'elwale 'pɛ ɛɛ?"
- 11Zesu pɛ -o ni dɔɔ: "Wlan -le 'bhɛ 'le, Eli nu nule pɛ mu 'kɛn 'lɛmagaanɛ 'elwale 'pɛ.
- 12'Duŋ- 'mi pɛ 'ka ni dɔɔ Eli =nwa gban, 'bhɛɛ- mɛɛ mu 'ɛ waa -a madɔɛ, 'bhɛɛ- -za yɛkɛ- 'la klɛɛ =swa -o ni -o 'bhɛɛ- =kla -a ni. -O -yɛn 'ɛ 'kɛn -glɔɔn -kpaɔ -a ta. 'Bhɛ kɛgbɛya do 'ɛ 'yi, mɛɛ mu 'ɛ -o nu -yɛnkpaɛ Bhaaplɛŋ Gbe 'ɛ 'gbu ta 'bhɛɛ- gbɛɛn-."
- 13'Bhɛ klɛɛ 'tɛ, 'ke -yaa' -klanlanɛ mu 'ɛ -wa -yimale dɔɔ -e -yaa -we 'zi 'ke Mɛɛ Wiinjɛ' Mi Zaan -la -le.
- 14-O bhɔɛ -zamaa' 'ɛ -din bhla 'la ba, 'ke mɛɛ do nule- baalɛ 'bhɛ 'kpɔ ta Zesu 'lɛɛ, 'bhɛɛ- 'ke 'bhɛ 'a 'peɛ dɔɔ:
- 15"Mɛɛzan, 'ŋ 'nɛ 'ɛ 'yɛnkla 'e ma. -Sɔɔnsɔɔn -o -a -yi, 'bhɛɛ- 'ke 'bhɛ -sɔɔnsɔɔn 'ɛ balaa' 'a ta, -ya bɔ 'waati 'ke ba 'tɛ 'yi, 'bhɛɛ- 'waati 'ke ba 'ezin- -ya balaa' -yi ba.
- 16'D =nwa 'kɛɛ- 'yaa- -klanlanɛ mu 'ɛ ni, 'bhɛɛ- waa 'sɔɛ- -a -bhɛɛle'."
- 17'Bhɛ klɛɛ 'tɛ, 'ke Zesu 'a 'peɛ -yaa' -klanlanɛ mu 'ɛ ni dɔɔ: "'E! Mɛɛ mu, 'ka mu 'la 'ka 'laa 'ka kpa -Waanbhaa' 'yi, 'bhɛɛ- 'ka mɛɛ 'kpeɛ 'yɔɔ- mu. -A -vinbwa 'waati 'wɛɛ- 'bhɛɛ- 'ŋ bo 'ka 'plɛŋ- ɛɛ? 'Waati 'wɛɛ- -le =bwa, 'bhɛɛ- 'ŋ nu yanɛ 'ka 'kwe 'sile- 'ɛ 'le ɛɛ? -Ka nu -nɛ 'ɛ 'le 'ŋ ni -gɛ doo!"
- 18'Bhɛ klɛɛ 'tɛ, 'ke Zesu 'yranle 'yɛɛ- 'zina 'ɛ zi, 'kɛɛ- goɛ- -nɛ -zwanɛ 'ɛ zi. 'Bhɛɛ- 'ke 'bhɛ 'bhɛɛle 'bhɛ yɛ do 'ɛ =nɔɔ bhe.
- 19'Bhɛ 'ɛ 'yi 'tɛ, 'ke Zesu a -klanlanɛ mu 'ɛ -o nule- -a -din mɛɛ mu 'ɛ 'yɛ -gɔma', 'bhɛɛ- 'ke -wa -lrɔkpaɛ dɔɔ: "-Mɛɛle =kla 'bhɛɛ- 'o mɔɔ laa 'sɔɛ- 'yɛɛ- 'zina 'ɛ -gbinle' -nɛ 'ɛ zi ɛɛ?"
- 20Zesu 'a 'lekwan- -o ni dɔɔ: "'Ka gbɛ laa 'sɔɛ- -a -gbinle' ta, -amasɔyi 'ka 'laa 'ka 'kpale- -Waanbhaa' 'yi 'egbenele. 'Mi pɛ 'ka ni wlan 'ɛ ni dɔɔ 'ke 'kaa- 'kpaleya 'ɛ -Waanbhaa' 'yi, 'bhɛ -o bi 'bhii- mutaadi bhɛ do gbɛɛn-, 'ali- 'ka nu a peɛ vlɛ gɔɔn 'lɛɛ- ni dɔɔ -e -yɔ -a gbaanyɛ 'ɛ 'lɛɛ- =nɔɔ, 'bhɛɛ- -e ge gbaan laale, -e nu 'bhɛ 'kɛn klɛɛ 'ka 'weli- ta. 'Bhɛɛ- 'ka -bali 'laa nu wolɛ -za 'kɛdo- 'kpɔ klɛɛ ma."
- ((21'Duŋ- 'zina -glɔɔn 'lɛɛ- 'bhɛ 'laa sɔ goɛ- mɛɛ zi, 'fɔkɛ 'ka 'ka 'seriwoa -Waanbhaa' ni 'bhɛɛ- 'ke 'ka 'suŋwlaa-))
- 22-Yɛkpaɔ' do, Zesu 'pegeɛ -yaa' -klanlanɛ mu 'ɛ 'kɛn 'klalɛ- -yaa 'ɛkɛ- ba Galile 'klɛɛn 'ɛ 'yi. 'Bhɛɛ- 'ke -ya peɛ- -o ni dɔɔ: "-O nu Bhaaplɛŋ Gbe 'ɛ 'lɛnalɛ mɛɛ mu ni,
- 23'bhɛɛ- 'mu nu -a dɛɛ, 'bhɛɛ- 'duŋ-, -a gale blaɛn -yɛkpaɔ' yaga mi ma, -e nu bwele gale ba." 'Bhɛ yɛ do 'ɛ =nɔɔ bhe, 'ke wisi' -gbɔɔ dɔɛ- -o -yɛ ta.

²⁴Zesu 'pegee -yaa' -klanlanɛ mu 'ɛ -o bhɔle Kapɛnɔmu -wa 'ɛ ta, 'ke -Waanbhaa' Gba 'Fɛ -Gbɛnɛ 'ɛ =la 'nisrakun mu 'ɛ -woo mabɛɛnle Pieri -din, 'bhɛɛ- 'ke -wa 'lrɔkpale dɔɔ: "'Kaa- pɛ Daan mi 'ɛ 'bhɛ -Waanbhaa' Gba 'Fɛ -Gbɛnɛ 'ɛ ma 'nisra 'ɛ gbawo taa- yaa -a gbawo ɛɛ?"

²⁵'Bhɛ klele 'tɛ, 'ke Pieri 'a 'pele dɔɔ: "-Aani', -ya gbawo." Pieri -yaa zan wlalɛ 'fɛ 'ɛ =la, 'ke Zesu 'a 'lrɔkpale dɔɔ: "'Bhi 'kpee ma -de mu 'gbu -le 'nisra gbawo 'drunyan 'lɛɛ- 'yi -bhɛngbe mu 'ɛ ni ɛɛ? -Wa 'nɛ mu taa- 'cie mu ɛɛ?"

²⁶Pieri 'a zikpaa- -a ni dɔɔ: "'Cie mu -le -a gbawo." -Ayile, 'ke Zesu 'a 'pele 'a ni dɔɔ: "-Wa 'nɛ mu laa -o 'yee- 'nisra 'ɛ gbawo mu 'le bi.

²⁷'Duŋ- 'waa -a zi 'bhii- 'o kle -o baapɛ mu 'le -za 'yɔɔ- 'yi. 'Bhɛla- -zayile, ge wɛyi- 'ɛ 'lɛ ma, 'bhɛɛ- 'yaa- 'duŋlɛɛ 'ɛ blin -yi 'ɛ ba, 'kee- kaa =lwa mi 'la =kwan 'bhɛ -glaan', 'bhɛɛ- 'ya kun. 'Bhɛ blaɛn, -a -lii 'ploɔ-, 'bhɛɛ- 'e nu -gɔli' 'taŋbha do yeɛ -a -lii; 'bhɛ -gɔli' 'taŋbha do 'ɛ 'bhɛ -le nu 'sɔlɛ- 'o mɛɛ plɛ a pɛ 'nisra 'ɛ gbawole. -A 'si 'bhɛɛ- 'e ge 'mi 'pegee 'bhi a 'nisra 'ɛ gbawole 'kɛle-."

Matie 18

¹'Bhɛ 'waati 'ɛ ba, 'ke Zesu a -klanlanɛ mu 'ɛ 'nule -a -din, 'bhɛɛ- 'ke -wa -lrɔkpale dɔɔ: "-De 'gbu -la gbɛlaan 'yiya- mɔkpɛn' ni laanima -bhɛngbeyaa -wa 'ɛ ta ɛɛ?"

²'Bhɛ 'yi 'tɛ, 'ke Zesu -nɛ 'fiɛntrɔnnɛ do 'siile, 'bhɛɛ- 'kee- 'bhɛ dulale -o plɛŋ-,

³'bhɛɛ- 'ke -ya pele dɔɔ: "'Mi pɛ 'ka ni wlan 'ɛ ni dɔɔ 'ke 'ka 'laa 'ka 'taawogbeyaa 'ɛ niinale, 'bhɛɛ- 'ka kle 'bhii- -nɛ 'fiɛntrɔnnɛ mu gbɛɛn-, 'ka 'laa nu geɛ -titi laanima -bhɛngbeyaa -wa 'ɛ ta.

⁴'Bhɛla- -zayile, 'ke mɛɛ 'la zan 'bhɛ 'gbu maveɛla, 'bhɛɛ- -e -kla 'bhii- -nɛ 'fiɛntrɔnnɛ 'lɛɛ- gbɛɛn-, 'bhɛ zan 'ɛ 'bhɛ -la gbɛlaan nu -yiyalɛ mɔkpɛn' ni laanima -bhɛngbeyaa -wa 'ɛ ta.

⁵'Bhɛɛ- 'ke mɛɛ 'oo mɛɛ 'la zan -nɛ do 'kpɔ 'cieya- =kla 'mi 'tɔ 'ɛ -zayi' 'bhii- -nɛ 'lɛɛ- gbɛɛn-, 'bhɛ zan 'ɛ 'bhɛ 'mi 'gbu -la 'cieya- =kla 'bhɛ gbɛɛn- bhe."

⁶Zesu pɛ -o ni 'ezin- dɔɔ: "-Nɛ mu 'la -woo =kpaɛ 'mi 'yi, 'ke mɛɛ 'la zan -o do 'kpɔ -balaa' -za 'yɔɔ- 'yi, 'ke -o vlɛ -kpun -gbɛnɛ do -yrela bi 'bhɛ zan 'ɛ bhɔ ma, 'bhɛɛ- 'ke -o -ja -a blinle wɛyi- ba, 'bhɛ mabhaa -yaa nu bhɔlɛ 'bhɛ zan 'ɛ ma.

⁷'Klɔlɔɔ' -o 'drunyan 'yi mu 'ɛ ma -waa' mɛɛ mu baaza -za -yɔɔ' mu 'yi 'bhɛ -zayi'. Mɛɛ mu baaza 'ɛ -za -yɔɔ' 'ɛ 'yi, -saawole laa -o 'bhɛ ma. 'Duŋ- mɛɛ 'la zan kle mɛɛ -bhɛɛke' mu baapɛ 'le -za 'yɔɔ- 'yi, -klɔlɔɔ' -o 'bhɛ zan ta."

⁸"'Kee- =kla 'e gbɛ do -la -zayi' oo, 'kee- =kla 'e gaan do -la -zayi' oo, 'bhɛɛ- 'e baa- 'zi -za 'yɔɔ- 'yi, -o takan', 'bhɛɛ- -o blin 'e ma 'egbɔɔnle. 'Kee -ja 'e gbɛ do 'pegee 'e gaan do 'le -Waanbhaa' ba bole -yɛ ma -si yɛ 'ɛ =nɔɔ, 'bhɛ mabhaabhɔ 'e ma, 'ke -woo 'e -blinna 'e gbɛ plɛ 'pegee 'e gaan plɛ 'le 'tɛ 'la yaa lii -titi 'bhɛ 'yi.

- 9'Bhɛɛ- 'kee- 'yɛbɛɛ- do -le 'a 'wla zii' 'e zi 'bhɛɛ- 'e baa- 'zi -za 'yɔɔ- 'yi, -a -yro 'bhɛɛ- -a blin 'e ma 'egbɔɔnle. 'Kee -ja 'e 'yɛ gɛ do 'le -Waanbhaa' ba bole -yɛ ma -si yɛ 'e =nɔɔ 'bhɛ mabhaabhɔ 'e ma, 'ke -woo 'e -blinna -jranama 'tɛ 'e 'yi 'e 'yɛbɛɛ- plɛ 'e 'le.”
- 10'Zesu pe 'ezin- dɔɔ: "-Ka 'ka 'yɛkpa 'ka 'gbu ba 'elɛle, 'kooko- 'ka 'laa 'woo- -nɛ 'fientrɔnnɛ mu 'la bhe -o do 'kpɔ mavɛɛ; -amasɔyi -waa' -mlɛkɛ' mu 'la -woo laanima - o dulale -o yikpen- ta 'ɲ Dɛ -yɛ =la.
- 11-Amasɔyi Bhaapɛɲ Gbe 'ɛ =nwa mɛɛ 'la zan mu nile -yaa, 'mu 'la go zayi' -za 'yi.”
- 12""Bhɛɛ- 'ka mu pe 'nale- ɛɛ? 'Ke -bhlaa -kɛmɛ (100) do -o mɛɛ do 'kɔɔ, 'bhɛɛ- 'ke -a do 'kpɔ =nia -o ba, yaa nu -a -vin mia yizie bhe vu ta 'srwayizie 'ɛ 'tolɛ- vlɛ gɔɔn 'e 'wiij-, 'bhɛɛ- -e ge -a do 'kpɔ 'la =nia 'bhɛ ziglinɛ ɛɛ?
- 13'Kee- 'yee- -bhlaa do 'la =nia 'bhɛ =ya, 'mi pe 'ka ni wlan 'ɛ ni dɔɔ 'bhɛ nu -a zrukpaale 'egbenɛle 'ke 'bhɛ kan -a -vin mia yizie bhe vu ta 'srwayizie 'la 'mu 'laa 'nile- 'mu ta.
- 14'Bhɛ ya 'ɛ 'yi, 'ka Dɛ -Waanbhaa' 'la -yoo laanima yaa- zi 'bhii- 'woo- -nɛ mu 'la bhe -o do 'kpɔ ni -o ba.”
- 15""Kee nɛɛnɛ- do -za 'yɔɔ- do =kla 'e ni, ge -a ba, 'bhɛɛ- 'ka mɛɛ plɛ 'plɛɲ-, 'e -yaa' -za 'yɔɔ- 'ɛ zɔɔn -a ni. 'Ke -ya 'trɔnkpa- 'e 'wojan- 'ɛ =la, 'bhɛɛ- 'kee- -yaa' -za 'yɔɔ- 'ɛ -dwa, 'e nu 'e nɛɛnɛ- 'ɛ bɔ gɛ drɛwɔlɛ -Waanbhaa' a zi 'ɛ ta.
- 16'Duɲ- 'ke yaa dɔlɛ a -la 'ke -ya 'trɔnkpa- 'e 'wojan- 'ɛ =la, 'bhɛɛ- 'ke yaa -yaa -za 'yɔɔ- 'ɛ dɔlɛ, 'kee- =kla mɛɛ do 'le oo, 'kee- =kla mɛɛ plɛ 'le oo, 'mu 'sii-, 'kooko- 'ka 'ka 'plɛɲza- 'ɛ yan mɛɛ plɛ 'pegee mɛɛ yaga -yɛ ma 'bhii- 'ka 'srɛ mu 'le.
- 17'Duɲ- 'ke yaa dɔlɛ a -la 'ke -ya 'trɔnkpa- 'mu 'wojan- 'ɛ =la, -a pe 'kaa- Zesu 'yi mu -lɛdo' 'ɛ 'yɛ ma 'ezin-; 'bhɛɛ- 'duɲ- 'ke yaa dɔlɛ -a -la 'ke -ya 'trɔnkpa- 'mu 'wojan- 'ɛ =la, 'bhɛ zan 'ɛ klɛ 'e 'yɛ 'yi 'bhii- mɛɛ 'la zan laa -Waanbhaa' dɔ, 'bhɛɛ- -a 'kun 'bhii- 'nisrakun mi do gbɛɛn-.
- 18""Mi pe 'ka ni wlan 'ɛ ni dɔɔ: 'Ke 'ka pɛ 'oo pɛ 'la 'yrela- 'trɛ ta -gɛ, -o nu 'bhɛ pɛ 'ɛ 'yɛle- laanima laflɛ' 'yi 'ezin-. 'Bhɛɛ- 'ke 'ka pɛ 'oo pɛ 'la 'ploola- 'trɛ ta -gɛ, -o nu 'bhɛ pɛ 'ɛ 'ploole- laanima laflɛ' 'yi 'ezin-.”
- 19""Mi pe 'ka ni 'ezin- wlan 'ɛ ni dɔɔ 'ke 'ka ba mɛɛ plɛ =kpa do ma 'trɛ ta -gɛ pɛ do 'la -yɛwo' zayi' -waa' 'seri 'yi, 'ɲ Dɛ -Waanbhaa' 'la -yoo laanima 'bhɛ nu 'bhɛ pɛ 'ɛ 'nale- -o ni.
- 20-Amasɔyi, 'kee- =kla mɛɛ plɛ oo, 'kee- =kla mɛɛ yaga oo, 'ke -o =klaa 'eke- ba 'mi 'tɔ 'ɛ 'yi 'ɲ nu klɛlɛ -o plɛɲ-.”
- 21'Bhɛ klɛlɛ 'tɛ, 'ke Pieri 'nule Zesu -din, 'bhɛɛ- 'kee- 'bhɛ =lɔkpale dɔɔ: "Mɛɛzan, yi 'oo yi 'ke 'ɲ nɛɛnɛ- do bole -o -za 'yɔɔ- klɛlɛ ma 'ɲ ni, 'ɲ sɔ -yaa' -za 'yɔɔ- 'ɛ -sroma 'yanle gaan -wɛɛ' -a ma ɛɛ? 'ɔ -yaa' -sroma 'yan gaan 'srwapɛ- -a ma ɛɛ?”

- 22'Bhɛ 'yi bhe, 'ke Zesu 'a zikpale -a ni dɔɔ: "'Yooye-, 'naa 'pele- 'e ni dɔɔ 'e -yaa' -za 'yɔɔ- 'e -sroma 'yan gaan 'srwaple- 'kpɔ, 'duŋ- 'mi pe 'e ni dɔɔ -yaa' -za 'yɔɔ- 'e -sroma 'yan gaan mia yaga 'bhe vu -ledulayɛ 'srwaple-.
- 23'Bhɛla- -zayile, 'mi pe 'ka ni 'ezin- dɔɔ laanima -bhleŋgbeya -wa 'e 'pwele- -o 'ke -bhleŋgbe do a -za -le: 'Yee- -bhleŋgbe 'e 'yaa- -a zi 'bhii- -yaa' ca mu -yaa -yaa' yewone mu 'la ma, -e 'bhe ca mu 'e 'liido-, 'bhɛɛ- 'mu 'bhe ca mu 'e gbawo -a ni.
- 24-E 'bhe ca za mu 'e zisanle, 'ke -o nule- -yaa' 'fa =la yewone 'e do 'le -a ni. -Yaa' 'mliyon -bebe ca -yaa 'bhe ma.
- 25'Duŋ- 'bhe ca 'e gbawo -gɔli' 'laa -yaa 'bhe yewone 'e 'kɔɔ. 'Bhɛla- -yile, a zan pe dɔɔ 'bhe -o 'yee- gɔnle- 'bhii lu do, 'bhe 'pegee -a na oo, -a -ne mu oo, 'bhɛɛ- -a 'kɔɔpe- mu 'e 'kpen, -yaa' ca 'e gbawope 'le.
- 26'Bhe klele 'te, 'ke 'yee- yewone 'e baale' -a 'kpɔ ta -a zan 'e 'leɛ, 'bhɛɛ- 'kee- -sromabɔle 'bhe ni dɔɔ: "D Zan, 'e zrubakpala 'ŋ zi, 'ŋ nu 'yaa- ca 'e 'kpen gbawole 'e ni!"
- 27-Ayile, -a -yrenklale -a zan ma, 'ke 'bhe -yaa' ca gbawoza 'e 'saawole, 'bhɛɛ- 'ke 'bhe 'ploole -a ma."
- 28"'Duŋ-, 'yee- yewone 'e 'e 'pwele- -a zan ba 'fe 'e =la, 'ke -a -lepale -yaa' yewoyɔɔn 'e do 'le. Yaa denie -gɔli' 'taŋbha -keme do ca 'la 'yaa- 'bhe ma bhe, -e 'bhe =kwan 'bhe blina-, 'bhɛɛ- -e -yaa zan 'bhe -dewole, 'bhɛɛ- -e pe 'bhe ni dɔɔ: "An ca 'la -yoo 'e ma -a gbawo 'ŋ ni!"
- 29'Bhe ya 'e 'yi, 'ke -yaa' yewoyɔɔn 'e 'bhe baale' 'bhe 'kpɔ ta -a -leɛ, 'bhɛɛ- 'ke 'bhe -sromabɔle -a ni dɔɔ: "E zrubakpala 'ŋ zi, 'ŋ nu 'yaa- 'e gbawole 'e ni!"
- 30'Duŋ-, 'yee- laa dɔle 'bhe =la; -ayile 'ke -ya yewoyɔɔn 'e bɔle- -kaso 'yi 'sani- 'ke 'bhe yan -yaa' ca 'e gbawolele.
- 31-Yaa' yewoyɔɔn -vin mu 'e 'mu 'a klegbeya 'e 'yele-, 'ke 'mu 'mu 'wleyisriwole -a -la gbɛ -yɔɔ 'e 'kɔɔ 'mu ma. 'Bhɛɛ- 'ke 'mu gele- 'bhe -za 'e 'kpen 'yigɔɔnle -o -kunlii 'e ni.
- 32'Bhe klele 'te, 'ke -o -kunlii 'e 'bhe 'yee- yewone 'e 'siile, 'bhɛɛ- 'ke 'bhe 'a 'pele -a ni dɔɔ: 'Mɛɛ 'kpee 'yɔɔ-! 'Mi 'yaa- ca mu 'e 'kpen mazatwa 'e -sroma 'la =bwa 'ŋ ni 'bhe -zayi'.
- 33'Bhi 'yrenklaa- 'mi ma gɔne- 'la gbɛen-, 'e yewoyɔɔn 'e 'yren 'yaa- sɔ 'klale 'bhi ma 'bhɛɛ- gbɛen- 'ezin-.'
- 34'Bhe ya 'e 'yi bhe, -a -kunlii 'e zruplii- gbɛ -yɔɔ' 'e 'kɔɔ 'kee- 'yee- yewone 'e 'kpale mɛɛ 'la zan mu -yaa nu -yrenkpale -a ta -kaso 'yi 'mu 'kɔɔ, 'sani- -e yan -yaa pe ca 'e 'kpen gbawole 'le.
- 35"'D De -Waanbhaa' 'la -yoo laanima, -e nu 'ka 'kunle- 'eyɔɔle 'bhɛɛ- gbɛen-, 'ke 'ka 'kpen do do laa 'eke- a -sroma 'yanle- 'ka zru 'e 'kpen 'le."

Matie 19

- ¹Zesu 'yanle- 'bhe jan mu 'e 'wolele, 'kee- gole- Galile 'kleen 'e 'yi, 'bhe- 'kee- gele- Zude 'kleen gbe do 'la -yoo Zruden yue 'e 'yre gbe do 'e ta 'bhe 'yi.
- ²'Bhe =nɔɔ bhe 'ezin-, 'ke -zamaa' 'srɛ mu dɔle- -a zi; 'bhe- 'kee- 'mu a gade mu 'e bheele'.
- ³'Bhe yre 'e =nɔɔ bhe, 'ke Farizi mu 'ke mu nule- -a -din, 'bhe- 'ke -wa -lrɔkpale -jan bhee bɔ zayi' -a -lɛɛ dɔɔ: "-Kɔɔ' a 'toŋ 'e ta, mɛɛ do sɔ 'ploole -a na ma 'ke 'bhe -za 'tɔle- -za =kla ɛɛ?"
- ⁴'Bhe klele 'tɛ, 'ke Zesu -o -lrɔkpale dɔɔ: "'Ka 'laa -jan 'lɛɛ- 'bhe tapele -Waanbhaa' a 'Sɛwe 'e 'yi ɛɛ? -E pe 'kaa: "Drunyan zisan' bhla 'e zi, -Waanbhaa' 'gwlaan- 'pegee le =kla;'
- ⁵'bhe- -e pe dɔɔ: "Bhela- -zayile 'gwlaan- nu gɔle -a de 'pegee -a nɛɛ -din, 'bhe- -o 'pegee -a na nu 'kpale- do ma, 'bhe- -o mɛɛ ple nu klele mɛɛ do 'kpɔ 'le.'
- ⁶'Bhe klegbeyā 'e 'yi, waa nu kle -li mɛɛ ple, 'duŋ- -o nu klele mɛɛ do 'kpɔ -la -le. -Waanbhaa' pɛ ple 'la =kpaā 'eke- ma do, -yoo 'ke -za 'le 'ke bhaaplɛŋ 'laa -o go 'eke- ma."
- ⁷'Bhe 'yi 'tɛ, 'ke Farizi mu 'e -o Zesu =lrɔkpale 'kaadɔɔ: "-Mele =kla 'bhe- Moizi 'a =pia dɔɔ 'ke mɛɛ do -o -a zi 'bhii- -e gwlenā yaa- 'kan 'yee- 'pegee -a na plɛŋ-, -e 'bhe 'sɛwe 'kpa -a na 'kɔɔ, 'bhe- -e ploō 'bhe ma ɛɛ?"
- ⁸'Bhe klele 'tɛ, 'ke Zesu 'a 'pele -o ni dɔɔ: "'Ka zru -yɔɔya' -la ma, 'bhe- Moizi 'a =pia 'ka ni 'ka 'ploō- 'ka 'na mu 'e ma; 'kebhlaale, 'drunyan zisan' bhla 'e zi yaa -yaa 'bhe gbɛɛn- -gee'.
- ⁹'Duŋ- 'mi pe 'ka ni dɔɔ: 'Ke mɛɛ 'la zan na laa gwlen -glinle', 'ke 'bhe zan 'e 'ploola- 'bhe 'na 'e ma, 'bhe- 'kee- le -bheeke' 'yalaa-, 'bhe zan 'e -e -yanbhɔɔya -la =kla 'bhe gbɛɛn- bhe."
- ¹⁰'Bhe klele 'tɛ, 'ke -yaa' -klanlanɛ mu 'e -wa pele- -a ni dɔɔ: "'Ke 'gwlaan- do 'pegee -a na plɛŋza -o 'bhe- gbɛɛn- bhe, -trɔn 'laa -o gwlenā yaale 'e ma."
- ¹¹-Ayile, 'ke Zesu 'a zikpale -o ni 'kaa: "Mɔkpen' 'laa sɔ dɔle- 'bhe -jan -glɔɔn 'lɛɛ- =la, 'ke yaa 'e go -Waanbhaa' 'bhe 'seŋ =naa mɛɛ mu 'la zan mu ni, 'mu -la ba.
- ¹²'Bhe ya 'e 'yi, mɛɛ 'ke mu laa sɔ le 'sile, 'bhe -za 'e -daa -a 'san -o ya yi ma. -A 'ke mu laa sɔ le 'sile, -amasrɔyi -woo 'gwlaan- -trɔ mu 'le. 'Bhe- mɛɛ 'ke mu 'ezin-, waa dɔ -a =la 'ke -o -le si laanima -bhleŋgbeyā -wa 'e 'bhe -za 'yi. 'Ke mɛɛ 'la zan sɔ -jan 'lɛɛ- 'yimale -ya -yima!"
- ¹³Mɛɛ 'ke mu -nwa -nɛ 'ke mu 'le Zesu ni, 'kooko- -ya gbekpa' 'mu ma, 'bhe- -ya 'seriwo 'mu ma. 'Duŋ- -yaa' -klanlanɛ mu 'e 'yranna- 'bhe zan mu 'e zi.
- ¹⁴'Bhe 'yi 'tɛ, 'ke Zesu 'a 'pele -yaa' -klanlanɛ mu 'e ni dɔɔ: "-Kaa 'to 'ke -nɛ 'fientronne mu 'e nu 'ŋ ba, 'ka 'laa 'bhe 'saawole -o 'kɔɔ dɔɔ waa nule 'mi ba. -Amasrɔyi mɛɛ 'la zan mu -o 'bhii- -nɛ 'fientronne mu 'lɛɛ- gbɛɛn-, 'wole- nu gele laanima -bhleŋgbeyā -wa 'e ta."

- 15'Bhɛ blaɛn, 'ke Zesu 'e gbɛ 'kpale 'woo- -nɛ mu 'ɛ ma, 'bhɛɛ- 'kee- gele- yrɛ -bhɛɛke' do =nɔɔ.
- 16'Mɛɛ do 'e 'mabɛɛnna Zesu -din, 'bhɛɛ- -ya =lrɔkpaa dɔɔ: "'O Daan mi, 'ɲ sɔ -mɛ za -lrele' 'gbu -la klɛle-, 'bhɛɛ- 'ɲ -Waanbhaa' ba bole -yrɛ ma -si 'la -daɲ' 'laa -o -a ma 'bhɛ 'srɔɔwo- ɛɛ?"
- 17'Bhɛ 'yi 'tɛ, 'ke Zesu 'a 'pele -a ni 'kaa: "-Mele =kla 'bhɛɛ- 'yoo- 'ɲ =lrɔkpa' zii' -za 'wlan za ma ɛɛ? -Waanbhaa' do -kplɛn -le 'ewlanle. 'Ke 'ya =pia -e gele- bole -yrɛ ma -si yrɛ 'ɛ =nɔɔ, 'toɲ mu 'ɛ 'klɔsikun."
- 18'Yee- mɛɛ pe Zesu dɔɔ: "'Toɲ mu 'ɛ -dele ɛɛ?" 'Bhɛɛ- Zesu 'a 'lɛkwɛn- -a ni dɔɔ 'woo- 'toɲ mu 'ɛ 'wole- -gɛ: "'Yaa mɛɛ dele; 'yaa -yanbhɔɔya klɛle, 'yaa -faanwolɛ, 'bhɛ 'pegee 'yaa bhla 'kpale- mɛɛ 'kɛdo- 'kpɔ ma;
- 19'bhɛɛ- 'yee dɛ 'pegee 'e nɛɛ -lɛdɔ' -a ma; 'bhɛ 'pegee 'e -vindo' mi -za 'sɔ 'e ni 'bhii- 'e -za sɔ 'e 'gbu ni gɔnɛ- 'la gbɛɛn-."
- 20'Duɲ- 'yee- -zwanɛ 'e pe Zesu ni 'kaa: "'D 'bhɛ 'toɲ mu 'la bhɛ 'mu 'kpen 'klɔsikwan gban, 'ɲ sɔ -a -dela 'klɔsikunle 'ezin- ɛɛ?"
- 21'Bhɛ klɛle 'tɛ, 'ke Zesu 'a 'pele -a ni dɔɔ: "'Kee 'yoo- -a zi 'bhii- 'e 'lɛsɔle klɛ, ge 'e 'kɔɔpɛ- mu 'ɛ 'kpen gɔn, 'bhɛɛ- -o ma -gɔli' 'ɛ 'na 'kɔɔflɛnzɛn mu ni. 'Kee 'bhɛ =kla, 'bhɛɛ- 'yaa- -naflo -bebe nu klɛle lafle' 'yi. 'Bhɛ blaɛn, nu dɔ 'ɲ zi 'tɛ."
- 22'Duɲ- 'yee- -zwanɛ 'ɛ -e 'bhɛ -jan mu 'ɛ 'male-, 'kee- gele- -a wleyisriwole 'le, -amasrɔyi naflo -bebe -yaa 'kɔɔ.
- 23'Bhɛ 'yi 'tɛ, 'ke Zesu 'a 'pele -yaa' -klanlanɛ mu 'ɛ ni dɔɔ: "'Mi pe 'ka ni wlan 'ɛ ni dɔɔ: -Naflo zan do gele la laanima -bhleɲgbeya -wa 'ɛ ta 'dɛ.
- 24'Bhɛɛ- 'mi 'a pe 'ka ni 'ezin- dɔɔ: -Naflo zan do gele laanima -bhleɲgbeya -wa 'ɛ ta 'bhɛ 'lale- 'yiya- 'ke 'bhɛ kan 'yɔɔnma do 'kanle- ma -mlɛsiennɛ do -gluu zi 'bhɛ ta."
- 25'Zesu a -klanlanɛ mu 'ɛ, -o 'bhɛ -jan 'ɛ 'male-, 'ke -o 'kpeelenile -o ma, 'bhɛɛ- 'ke -wa pele- dɔɔ: "-De 'gbu -le sɔ gole- -za 'yi ɛɛ?"
- 26'Zesu 'e 'yɛkpale -o ta, 'ke -ya pele- -o ni dɔɔ: "'Bhɛ -za 'ɛ klɛ 'seɲ 'laa -o bhaapleɲ mu ni. 'Duɲ- -za 'kpen 'seɲ -o -Waanbhaa' ni."
- 27'Bhɛ klɛle 'tɛ, 'ke Pieri 'a 'pele Zesu ni dɔɔ: "'E 'yɛkpa -gɛ, 'o mɔɔ -ploola pɛ 'kpen ma, 'bhɛɛ- -o =nwa 'e zi, 'o mɔɔ nu -mɛ -trɔn -la -srɔɔwolɛ 'bhɛ ma ɛɛ?"
- 28'Bhɛ klɛle 'tɛ, 'ke Zesu 'a 'pele -o ni dɔɔ: "'Mi pe 'ka ni wlan 'ɛ ni dɔɔ: 'Ke Bhaapleɲ Gbe 'ɛ 'yalaa- yi -nɛ 'la ta -yaa' 'tɔbhɔ ma -bhleɲgbɛ 'yaakpe- 'ɛ ta 'drunyan dɛɛ 'ɛ 'yi, 'ka mu mɛɛ vu ta plɛ 'la 'yaa- 'ɲ zi yɛkpen- =nɔɔ, -o nu -bhleɲgbeya 'yaakpe- mu nale 'ka 'kpen do do ni, 'bhɛɛ- 'ka nu Izraeli -gbaa vu ta plɛ 'ɛ 'kitikanle.
- 29'Bhɛɛ- 'duɲ-, 'ke mɛɛ 'la zan -yaa' 'fɛ mu oo, -a nɛɛnɛ- 'gwlaan- mu 'pegee -a nɛɛnɛ- le mu oo, -a dɛ 'pegee -a nɛɛ oo, -a -nɛ mu 'pegee -yaa' gba mu 'kpen =twa -a nɔɔ- 'mi

-zayi', 'bhe zan nu 'bhe yekε- maza -gloon -keme do -srɔwole, 'bheε- -a 'cien nu klele 'ke -Waanbhaa' ba bole -yre ma -si 'la -dan' 'laa -o 'bhe ma 'bheε- 'le.

³⁰Duŋ-, mεε 'la zan mu -o -zɔn zilεε- mu 'le, 'mu -bebe nu klele -zanta' mu 'le too; 'bheε- mεε 'la zan mu -o -zɔn -zanta' mu 'le, 'mu -bebe mu nu klele zilεε- mu 'le too."

Matie 20

¹Zesu pe 'ezin- dɔɔ: "Laanima -Bhlejgbeya -wa 'ε 'pwele- -o 'ke gbazan do a -za -la -le. 'Yee- gbazan 'ε 'pwela- zrwan 'tutu 'ε zi, 'kooko- -e sɔ yewone mu 'kunle, 'bheε- 'mu ge yewole -yaa' -drɔɔ gba 'ε ta.

²'Yee- 'pegee yewone mu 'ε -bɛŋgwa -yrekpaa' do ta ye -sra 'ε 'bhe ma, 'bhe 'yaa- denie -gɔli' 'tanbha do. 'Bhe 'yi 'ke -yoo winbɔle yewo yre nɔɔ- -yaa' -drɔɔ gba 'ε 'yi.

³'Bhe blaen, -yretεbhe gwlen -wlen bhla 'ε zi, 'ke 'yee- gbazan 'ε ge gbε drεwole -wa 'kpee -kpan 'ε ta 'ezin-, 'bheε- 'kee- yewone 'bheεke mu yele-: 'Mu 'laa -yaa ye 'kedo- 'kpɔ 'wo zii'.

⁴-Ayile, 'ke gbazan 'ε -ya pele- -o ni dɔɔ: "Ka mu ge 'ezin- yewo 'an -drɔɔ gba 'ε ta, 'bheε- 'ŋ nu -yrekpaa' do ta -sra 'nale- 'ka ni.'

⁵'Bhe klele 'tε, 'ke 'bhe yewone mu 'ε -o gele- gba 'ε ta. -Yrekpaa' bhɔle, 'ke gbazan 'ε gele- 'ezin- -wa 'ε 'kpee, yewone mu baan' -glin yre nɔɔ-; 'bheε- -yretεbhe bhɔ bii bhla 'ε zi, 'ke -ya klele- 'bhe klεgbeya do 'ε 'yi.

⁶-Yretεbhe baa- 'waati 'ε ba, 'ke gbazan 'ε ge gbε drεwole 'ezin- -wa 'kpee -kpan 'ε ta, 'kee- yewone mu 'ε 'ke mu yele-. 'Bhe klele 'ke -yoo -lrɔkpale dɔɔ: "Kee- 'san zrwanzi 'ε ma, 'ke 'bhe nu 'tenle- yromazi 'ε ma, -mele =kla 'bheε- 'ka dulale -o -gε 'ke 'ka 'laa ye 'kedo- 'kpɔ wo εε?'

⁷'Bhe ya 'ε 'yi, 'ke -wa -lεkunle gbazan 'ε ni 'kaa: 'Mεε 'kedo- 'kpɔ 'laa ye nale -o ni.' 'Bheε- 'ke -ya pele- -o ni dɔɔ: "Ka mu ge 'ezin- yewo 'an -drɔɔ gba 'ε ta!" "

⁸'Yromazi bhɔle, 'ke gbazan 'ε -ya pele- -yaa' yewone mu -kuŋlii 'ε ni dɔɔ: 'Yewone mu 'ε 'sii, 'bheε- -o 'kpen gbawo do do 'kee- san mεε 'la zan mu -nwa boolazi 'mu ma, 'kee- ge 'tenle- mεε -lwa mu 'ε ma.'

⁹Yromazi -yretεbhe baa- bhla zi mεε mu 'ε 'nule-, 'ke -o 'kpen do do -yrekpaa' do ta -sra -srɔwole.

¹⁰'Bhe blaen, zrwan 'tutu zi mu 'ε, 'mu 'bhe 'yele-, 'mu 'kpee ma, 'mu -sra 'ε 'yaa- 'kanle- boolazi mu 'ε 'mu a pε -sra 'ε ta. 'Duŋ- -o 'kpen do do -yrekpaa' do ta -sra -la -srɔwoa.

¹¹'Bhe mu 'bhe -yrekpaa' do ta -sra 'ε -srɔwole, 'bhe 'lalawoa -o ma, -o gbazan 'ε 'tɔpia- -o -lɛla'.

¹²'Bheε- 'ke wa pele- dɔɔ: 'Yewone mu 'lεε- 'mu =nwa -yretεbhe baale blaen, 'bheε- -o yewoa- 'waati sanε- 'gbu -la ba, 'bheε- 'yoo 'kpen 'sra- 'ε =kla do. 'O mɔɔ 'duŋ- 'o -yrekpaa' do 'ε -gaa 'o 'trebhɔlele ye 'ε 'kɔɔ -yretεbhe -bhile' 'ε =la.'

- 13'Bhɛ klɛlɛ 'tɛ, 'kɛ gbazan 'ɛ -ya zikpale -o do ni dɔɔ: "D 'bhɛgwɛn-, 'naa 'e tabhlelɛ, 'bhi 'pegee 'mi 'laa -bɛŋgɔlɛ -yɛrɛkpaa' do ta -sra -la ma ɛɛ?"
- 14'Yaa- -sra 'ɛ 'kun -gɛ 'bhɛɛ- gɛ 'e ba. 'D -sra yɛkɛ- 'la 'naa- 'e ni, 'ŋ 'yoo- -a zi 'bhii- 'ŋ 'bhɛɛ- yɛkɛ- 'na mɛɛ la zan yewoa- boolazi 'bhɛ ni 'ezin-.
- 15'Ke pɛ 'la klɛlɛ -swa 'ŋ ni 'ŋ 'kɔɔpɛ- mu 'ɛ 'le, 'naa sɔ 'bhɛ klɛlɛ- ɛɛ? Taa- 'yee -tɛɛkpa' zii' 'ŋ ma 'an wlanya 'ɛ -za 'yi ɛɛ?' “
- 16'Bhɛ klɛgbɛya 'ɛ 'yi, Zesu pɛ 'ezin- dɔɔ: "Mɛɛ 'la zan mu -o -zɔn -zanta' mu 'le, 'mu -le nu klɛlɛ zilɛɛ- mu 'le too; 'bhɛɛ- mɛɛ 'la zan mu -o zilɛɛ- mu 'le -zɔn, 'mu -le nu klɛlɛ -zanta' mu 'le too.”
- 17Zesu 'yaa- Zeruzalɛmu 'taa 'ɛ ta bhla 'la ba, 'kee- yaa -kɛlɛlanɛ mu 'ɛ 'siile 'ɛdanɛma, 'bhɛɛ- 'ke -ya pele- -o ni dɔɔ:
- 18"-Ka 'ka 'trɔnbado doo, -kɔɔ' gelawo zii' Zeruzalɛmu -gɛ bhe, -o nu Bhaaplɛŋ Gbe 'ɛ 'lɛnalɛ 'sraka 'lɛna -kɛŋlii mu 'ɛ 'pegee 'Toŋ daan mu 'ɛ ni, 'bhɛɛ- 'mu nu a pele 'kaa -wa dɛ.
- 19-O nu a -lɛnalɛ Zuufu kle mu 'ɛ ni, 'bhɛɛ- 'mu nu 'sɔnsile -a ma, 'bhɛɛ- 'mu nu -a zita zɔnlɛ 'ke gbɛŋbhle 'le; 'bhɛ blaɛn, 'mu nu a gbaanlɛ -yɛrɛgɛɛle do ta. 'Duŋ-, -a gale blaɛn -yɛrɛkpaa' yaga mi ma, -e nu bwelɛ gale ba.”
- 20'Bhɛ klɛlɛ 'tɛ, 'ke Zebede 'na, Zaki 'pegee Zaan nɛɛ 'ɛ, 'bhɛ 'e 'mabɛɛnlɛ Zesu -din, 'ke -ya 'kpɔ zɛnlɛ- Zesu 'lɛɛ, 'bhɛɛ- 'kee- -za do -yɛrɛwɔle 'bhɛ ma.
- 21Zesu pɛ -a ni dɔɔ: "'Yoo- -mɛ pɛ -la zi ɛɛ?" -Ayile, 'ke -ya pele- Zesu ni dɔɔ: "'E 'liiwli- na 'ŋ ni 'bhɛ ta dɔɔ 'kee -ja yaale 'waati 'la ba 'yaa- -bhɛlɛgbɛya yaayɛ 'ɛ 'nɔɔ-, dɔ -a -la 'ke 'ŋ gbe plɛ 'lɛɛ- -a do yalaa' 'e gbɛyie ta, 'bhɛɛ- -a -bhɛɛke' do 'ɛ 'bhɛ yalaa' 'e gbɛkoo- ta.”
- 22'Bhɛ ya 'ɛ 'yi, 'ke Zesu 'a 'pele dɔɔ: "'Ka -o pɛ 'la 'yɛrɛwɔ zii' 'ŋ ma 'ka 'laa 'bhɛ dɔ. 'D nu -yɛrɛn pɛyan- do 'la 'bhɛ milɛ 'ka sɔ 'bhɛ 'mile- ɛɛ?" -Wa -lɛkwan Zesu ni dɔɔ: "-Aani!' 'O mɔɔ sɔ 'bhɛ 'mile.”
- 23'Bhɛ klɛlɛ 'tɛ, 'ke Zesu 'a 'pele -o ni dɔɔ: "Wlan -le 'bhɛ 'le, 'ŋ nu -yɛrɛn pɛyan- do 'la 'mile- 'ka nu 'sɔlɛ- 'bhɛ 'ke 'mile-. 'Duŋ- 'ŋ gbɛyie ta yaayɛ oo, 'ŋ gbɛkoo- ta yaayɛ oo, 'mi 'laa -o 'bhɛ 'na mi 'le. 'D Dɛ -Waanbhaa' -le 'bhɛ yaayɛ mu 'ɛ -lɛmagaanna gban mɛɛ 'la zan mu ni, -e nu 'mu 'nalɛ- 'bhɛɛ- zan mu -la ni.”
- 24Zesu a -kɛlɛlanɛ mu -vin vu 'ɛ 'bhɛ -jan 'ɛ 'male-, 'ke -woo zrupliile 'woo- nɛɛnɛ- ma plɛ 'ɛ ma.
- 25'Bhɛla- -yile, 'ke Zesu -o 'kpɛn 'siile, 'bhɛɛ- 'ke -ya pele- -o ni dɔɔ: "'Kaa 'yaango- dɔɔ 'drunyan 'lɛɛ- 'yi mɛɛ gbɛlaɛn mu 'ɛ 'kpaale- -o -waa' mɛɛ mu 'ɛ 'wiinj-, 'bhɛɛ- -o mɛɛ mu ŋgblo kpɛlaa' -o =la.
- 26'Duŋ-, 'ka mu laa 'bhɛ 'yansi za klɛlɛ 'ka 'plɛŋ-. 'Ke mɛɛ 'la zan -a zi 'bhii- -e klɛ 'ka ta mɛɛ gbɛlaɛn 'le, 'bhɛ zan 'ɛ klɛ 'kaa- yewone 'le.

- 27'Bhɛɛ- 'ke mɛɛ 'la zan -a zi 'bhii- -e klɛ 'ka 'kpen 'lɛɛ mi 'le, 'bhɛ zan 'ɛ klɛ 'kaa- lu 'le.
- 28'Bhɛ klɛgbɛya do 'yi bhe, Bhaaplɛŋ Gbe 'ɛ yaa nule mɛɛ mu klɛle -yaa' yewonɛ mu 'le, 'duŋ- -e =nwa -a 'gbu klɛle mɔkpen' a yewonɛ 'le, 'bhɛ 'pegee 'ke -ya 'gbu 'si 'ɛ klɛ 'ke mɛɛ -bebe tagbawo pɛ 'le -Waanbhaa' ni.”
- 29-O gole Zeriko -wa 'ɛ 'kpee, 'ke -zamaa' 'srɛ do dɔle- -o zi.
- 30'Bhɛ =nɔɔ bhe, -yrɛ 'wi mi plɛ yaale -yaa zi 'ɛ 'lɛzi-, 'bhɛɛ- 'mu 'a male 'kaa Zesu yaa- 'kan zii', 'ke 'mu -gbekanle 'ke -wa pe dɔɔ: "Mɛɛzan, Davidi 'nranɛ-, 'o 'yrenkla 'e ma!”
- 31'Duŋ-, -zamaa' 'ɛ 'yaa- -yran 'zi -o zi dɔɔ -woo taga. 'Bhɛɛ- drɔɔn', -o -yaa -gbekan' zii' 'ezin- 'egloole dɔɔ: "Mɛɛzan, Davidi 'nranɛ-, 'o 'yrenkla 'e ma!”
- 32'Bhɛ klɛle 'tɛ, 'ke Zesu dulale, 'ke -yoo 'siile, 'bhɛɛ- 'ke -yoo -lrɔkpale dɔɔ: "'Kaa- zi 'bhii- 'ŋ -mɛ pɛ za 'gbu -la klɛ 'ka ni ɛɛ?”
- 33-Wa -lɛkwan Zesu ni dɔɔ: "Mɛɛzan, -a klɛ 'bhɛɛ- 'o 'yrɛ 'liiploo-, 'bhɛɛ- 'o yrɛ ma ye.”
- 34'Bhɛ 'yi bhe, 'ke -o -yrenklale Zesu ma, 'bhɛɛ- 'ke -ya gbɛ 'kpale -o -yrɛ mu 'ɛ ta. 'Bhɛ yrɛ do 'ɛ =nɔɔ bhe, 'ke -o -yrɛ 'liiploole, 'bhɛɛ- 'ke -o dɔle- Zesu zi.

Matie 21

- 1'Zesu 'pegee -yaa' -klanlanɛ mu 'ɛ =bhwa Zeruzalɛmu -wa 'ɛ -din -wa 'nɛ do 'la -o -yaa 'bhɛ sii Betifaze 'bhɛ ta. 'Bhɛ -wa 'nɛ 'ɛ 'yaa- vlɛ goɔn 'la kpɛ -la -o -yaa 'bhɛ sii 'Olivi diiŋ vlɛ goɔn'. 'Bhɛɛ- 'kee- -yaa' -klanlanɛ plɛ winbɔle -o -lɛɛ dɔɔ:
- 2"-Ka ge 'ka 'lɛɛ -wa 'nɛ 'la bhe 'bhɛ ta; 'ke 'ka =bhwa -a =nɔɔ -gun, 'ka nu -soofali da do -yrelɛ' yelɛ -yri diiŋ do ma; 'bhɛɛ- -a -nɛ do dulale -o -a -din. -Ka -o 'plooo-, 'bhɛɛ- 'ka nu 'ke -o -le.
- 3'Ke mɛɛ 'la zan 'ka 'lrɔkpa-, 'kaa pe 'bhɛ zan 'ɛ ni dɔɔ: 'Mɛɛzan maza -dwa -o ma.' 'Ke 'bhɛ =kla, 'bhɛ yrɛ do 'ɛ =nɔɔ bhe, -e nu dɔle -a -la 'ke 'ka nu -o -le.”
- 4'Duŋ- 'bhɛ =kla 'bhɛɛ- klɛgbɛya do 'ɛ 'yi, 'kooko- -Waanbhaa' -lɛla' janwo mi 'ɛ -jan 'la =woa 'elwale gban 'bhɛ 'lesɔ-; -ya =pia dɔɔ:
- 5"-Kaa pe Zeruzalɛmu -wa 'ɛ ta mu 'ɛ ni 'kaa: -Ka 'ka -yɛkpa' doo, 'kaa -bhɛngbe 'yidɔɔ- bhabha 'ɛ -yoo zan, -a yaale -o -soofali 'nɛ do ta, -soofali da do 'kpee -nɛ.”
- 6-Yaa' -klanlanɛ plɛ 'ɛ -o gele, -ya =pia -o ni -o -za 'la klɛ 'ke -o 'bhɛ klɛle-.
- 7-Ayile, 'ke -o nule- -soofali da 'pegee 'bhɛ 'nɛ 'ɛ 'le. 'Bhɛɛ- 'ke -woo ta dunɛ- tralape mu 'ɛ gole-, 'bhɛɛ- 'ke -o 'mu 'kpaale -soofali mu 'ɛ ta. 'Bhɛɛ- 'ke -o Zesu 'yaale 'bhɛ do ta.
- 8'Bhɛ klɛgbɛya do 'ɛ 'yi, -zamaa' 'ɛ 'plɛŋ- mɛɛ -bebe 'mu ta dunɛ- tralape mu 'ɛ -gwa, 'bhɛɛ- -o 'mu -kpalaa' zibhɛ 'ɛ 'lii; mɛɛ 'ke mu -yri -laa mu -kaan, 'bhɛɛ- 'mu 'bhɛ mu -kpalaa' zibhɛ 'ɛ 'lii 'ezin-.

- 9'Bhε klele 'tε, 'ke -zamaa' 'ε 'lεdo- 'kanle -a -lεε, 'bhεε- 'ke -a -lε -vindo' 'ε dεle- -a zi, 'bhεε- 'ke -woo -weli' mu 'ε 'wlεnle- 'eke- zi 'ke -wa pe dεε: "Ozana! Davidi 'nranε- 'ε -yaa' pε -le 'ke 'tεbhεleya 'le! Mεε 'la zan -o zan Mεεzan 'tε 'ε 'yi, bhaa -Waanbhaa' 'ε -dεεbo! -Waanbhaa' a 'tεbhεleya 'ε -yoo yikpensee ta lafle' 'yi!"
- 10Zesu 'wla bhla 'ε zi Zeruzalemu, -wa 'ε ta mu 'ε 'kpen 'yaa- -o gaan ta. 'Bhεε- mεε mu 'ε 'yaa- 'eke- -lrokpα' zii' dεε: "-Dele mεε 'lεε- 'le εε?"
- 11-Zamaa' 'ε 'yaa- 'lekun zii' -o ni dεε: "-Waanbhaa' -lεla' janwo mi Zesu -le. -E da Nazareti, Galile 'klεen 'ε 'yi -wa 'nε do ta."
- 12Zesu -ja wlale -Waanbhaa' Gba 'Fε -Gbεnε 'ε =la, 'kee- pεgεn mu 'ε 'pegee pεlε- mu 'ε 'kpen -gbinle' -a -la. -E -gεli' tabεε mu 'ε -waa' -tabali mu 'pegee kpro gεn mu 'ε 'yaakpe- mu 'ε 'kpen 'lεbhulaa.
- 13'Bhε blaen, 'ke -ya pele- -o ni dεε: "-Waanbhaa' pe -yaa' 'Sεwe 'ε 'yi dεε: '-O nu 'a pεlε 'an 'fε 'ε ma 'seriwofε.' 'Bhεε- 'ka mu 'a =kla 'ke -faannii' mu gaan 'fε 'le."
- 14-Yrε 'wi mu 'pegee gaan 'siε mu 'ke mu =nwa Zesu -din -Waanbhaa' Gba 'Fε -Gbεnε 'ε =la, 'bhεε- -yoo 'kpen 'bheela-.
- 15'Duη- 'sraka 'lena -kunlii mu 'ε 'pegee 'Toη daan mu 'ε -o Zesu a 'sεle- maza mu 'ε 'yele-, 'bhε 'pegee -wa male 'kaa -nε 'ke mu -yaa pe 'zi dεε: "Davidi 'nranε- -yaa' pε -le 'ke 'tεbhεleya 'ε 'le", 'ke -woo zrupliile 'a ma.
- 16-Ayile, 'ke -wa pele- Zesu ni dεε: "'E 'trεn -o -o wojan 'ε ma εε?" Zesu 'bhε zikpaa- -o ni dεε: "-Aani! 'An =maa. 'Ka 'laa -Waanbhaa' a 'Sεwe 'ε 'yi -jangε' 'lεε tapele -lido' εε? -A yεεndεle -o dεε: "Ya =kla 'bhεε- -nε 'fientrεnne mu 'pegee -nε 'yientenne mu -o 'η 'tεbhε zii'."
- 17'Bhε blaen, 'ke -yoo 'tole -o dulayrε 'ε =nεε ye, 'kee- gole -wa 'ε 'kpee, 'bhεε- 'kee-gele- Betani -wa 'nε 'ε ta. 'Bhεε- -ε =yia 'bhεε- =nεε ye 'bhε -bi 'ε zi.
- 18'Bhε ta tooklin- yi 'le zrwan 'ε zi, Zesu 'niina- bhla zi Zeruzalemu, 'ke gbεn 'a dεle-.
- 19'Bhε klele 'tε, 'kee- figi diiη do yele- zibhε 'ε 'trεn ta, 'bhεε- 'ke -ya mabεenle 'bhε -din. Yaa 'bhε bhaa 'kedo- 'kpε 'yele- 'bhε 'yi, 'ke yaa 'ε go 'bhε 'laa 'te ba. -Ayile, 'ke -ya pele- 'bhε ni dεε: "'Yaa nu 'ε bhaa klele -li 'kee- 'san -zεn ma!" 'Bhε yrε do 'ε =nεε bhe, 'ke figi diiη 'ε gale-.
- 20Zesu a -klanlanε mu 'ε -o 'bhε 'yele-, 'ke -o 'kpeelenile -o ma. -Ayile, 'ke -o Zesu 'lrokpale dεε: "-E =kla 'nale- 'bhεε- figi diiη 'lεε- -gaa yrε do 'kpε 'ε =nεε -gun εε?"
- 21'Bhε klele 'tε, 'ke -ya 'lekunle -o ni dεε: "'Mi pe 'ka ni 'η 'sεwεε- 'ε ma dεε 'ke 'ka 'ka =kpaα -Waanbhaa' 'yi, 'bhεε- 'ke 'ka zru =kla do -a ni, 'ka nu 'sεle- 'η -za 'la =kla figi diiη 'lεε- ni 'bhε 'yansi za klele-, 'bhεε- drεεn', 'ka nu 'sεle- a pele- vlε gεεn 'la bhe 'bhε ni dεε: '-Yro 'ε gbaanyrε 'ε =nεε, 'bhεε- ge bε wεyi- 'ε ba.' 'Bhεε- 'bhε nu klele- 'te.
- 22'Ke 'ka 'ka =kpaα -Waanbhaa' 'yi, 'ke 'ka pε 'tεle- pε 'bhε 'yrewoa- -a ma 'seri 'yi, 'ka nu 'bhε 'srεεwolε."

- 23**Zesu -ja wlale -Waanbhaa' Gba 'Fe -Gbene 'e =la, 'bhεε- -e mεε mu daanle -saan -Waanbhaa' a -jan 'ε 'le. -E -yaa -o daan 'zi 'waati 'la ba, 'ke 'sraka 'lena mu -kuŋlii mu 'ε 'pegee Zuufu mu a 'gwlaan- gbilaan mu 'ε -o nule- -a pele -a ni dɔɔ: "-De 'gbu -le pe 'e ni dɔɔ 'e -za mu 'lεε- kle εε? 'Bhεε- -de 'gbu -le -o kle 'seŋ =naa 'e ni εε?"
- 24**Zesu pe -o ni dɔɔ: "'Mi 'ezin- 'η 'yoo- zan -za do 'kpɔ 'yilrɔkpale 'ka ma, 'bhεε- 'ke 'ka 'bhe 'lekwan- 'η ni, mεε 'la zan -za mu 'lεε- kle 'seŋ =naa 'η ni, 'η nu 'bhe zan 'ε 'tɔ 'ε 'kanle- 'ka ni.
- 25**-Dele Mεε Wiinjfe' Mi Zaan 'winbwa- mεε mu wiinjfeyre nɔɔ-, -Waanbhaa' taa-bhaapleŋ mu εε?" 'Bhe ya 'ε 'yi bhe, 'ke -o zaabɔle 'sanle 'eke- pleŋ- 'ke -wa pe dɔɔ: "'Ke 'wa 'lekwan- -a ni 'kaa -Waanbhaa' -le 'a 'winbwa-, -e nu 'o 'lɔrɔkpale dɔɔ: '-Mela ma 'ka 'laa 'ka 'kpale- -a -yi εε?"
- 26**'Bhεε- 'ke 'wa 'lekwan- -a ni dɔɔ: 'Bhaapleŋ mu -le 'a 'winbwa-, 'woo- -gbilaan 'zi -zamaa' 'ε 'lεε.' -Amasroyi mɔkpen' 'kpee ma 'yee- Mεε Wiinjfe' Mi Zaan -yaa 'ke -Waanbhaa' -lela' janwo mi do 'le."
- 27**-Ayile, 'ke -wa -lekunle Zesu ni dɔɔ: "'Waa 'bhe zan 'ε dɔ." 'Bhεε- Zesu 'bhe zikpaa- -o ni dɔɔ: "'Mi 'duŋ-, mεε 'la zan -za mu 'lεε- kle 'seŋ =naa 'mi ni, 'naa nu 'bhe zan 'ε 'tɔkanle 'ka ni."
- 28**Zesu pe 'ezin- dɔɔ: "'Ka mu 'a pe -za 'lεε- 'bhe ma 'nale- εε?" Mεε do gbe -yaa ple, 'bhεε- -ya -pia -a gbe -lwa mi 'ε ni dɔɔ: "'D gbe ge yewo -zɔn 'an -drɔɔ gba 'ε ta.
- 29**A gbe -lwa mi 'ε 'bhe 'a 'lekwan- -a ni dɔɔ: "'Naa -o gele-'. 'Duŋ- boolazi bhɔle, 'ke -zadɔwεε dɔle 'bhe ma, 'ke 'bhe 'bhe zru niinale, 'bhεε- 'ke 'bhe gele- -drɔɔ gba 'ε ta.
- 30**'Bhe klegbeya do 'ε 'yi, 'yee- mεε do 'ε -ya -pia -a gbe ple mi 'ε ni dɔɔ 'bhe ge -yaa' -drɔɔ gba 'ε ta. 'Bhe yre do 'ε =nɔɔ bhe, 'bhe pe -a ni dɔɔ: "'D de, 'η nu gele'. 'Duŋ- 'bhe 'laa gele gba 'ε ta -titi.
- 31**'Woo- gbe ple 'la bhe -o -de 'gbu -le -o de 'ε zru maza =kla εε?" -Wa -lekwan Zesu ni dɔɔ: "-A gbe -lwa mi 'ε 'bhe -le." -Ayile, 'ke -ya pele -o ni 'kaa: "'Mi pe 'ka ni 'η 'sɔwεε- ma dɔɔ 'nisrakun mu 'ε 'pegee gwlen -glin le mu 'ε 'mu -le nu wlale 'ka 'lεε -Waanbhaa' a -bhleŋgbeya -wa 'ε ta.
- 32**-Amasroyi Mεε Wiinjfe' Mi Zaan =nwa -ledɔɔleya zibhe 'ε zrɔnle 'ka ni, 'bhεε- 'ka 'laa 'ka 'kpale- -a -yi; 'duŋ- 'nisrakun mu 'pegee gwlen -glin le mu 'mu -le 'e -kpaa -a -yi. 'Bhεε- 'duŋ-, 'kaa 'yelawoa 'bhii- 'nisrakun mu 'ε -woo -kpaa Mεε Wiinjfe' Mi Zaan 'yi, -mele =kla 'bhεε- 'ka 'laa 'ka zru niinale 'bhεε- 'ka 'ka kpa -a -yi εε?"
- 33**Zesu pe 'ezin- dɔɔ: "-Ka 'ka 'trɔnbado 'ezin- -gɔɔn 'lεε- 'bhe =la doo: Gbakpa' mi do -drɔɔ gba do -kpaa. 'Bhεε- -e 'jasa do =bwa gba 'ε zi, 'bhe 'pegee -e -drɔɔ 'yigo- -gluu dɔ -kaan, 'bhεε- -e 'kpaane do -dwa 'kpata- do wiinj- gba 'ε gooba yala- mi 'ε 'yaayre- 'le. 'Bhe blaana, 'kee- 'yee- -drɔɔ gba 'ε gbekpale gba 'ε 'yikpa yetane mu 'ε 'kɔɔ. 'Bhe blaana, 'kee- gele- 'taa do ta.
- 34**-Drɔɔ bhaa 'kan bhla 'ε 'bhɔle- 'e -din, 'ke gbazan 'ε -e -yaa' 'fe 'ε =la yewone mu 'ε winbɔle -yaa' -drɔɔ gba -yikpa' yetane 'ε mu 'ε ba, -yaa' pe -drɔɔ bhaa 'si zayi'.

35'Bhɛ 'duŋ-, 'woo- -drɔɔ gba la yetanɛ mu 'ɛ -o gbazan 'ɛ -yaa' yewonɛ mu 'ɛ 'kunle, 'ke -wa do zita zɔnle-; 'bhɛɛ- 'ke -wa -bhɛɛke' do 'ɛ dɛle-, 'bhɛɛ- 'ke -o -wa yaga mi 'ɛ dɛle- kpoti 'le.

36'Bhɛ blaɛn, 'ke gbazan 'ɛ -e -yaa' yewonɛ mu 'ɛ -bhɛɛke' mu winbɔle 'woo- -drɔɔ gba la yetanɛ mu 'ɛ zi. 'Bhɛ mu -bebe 'yi 'yaa- ya -a -lwa mu 'ɛ ni. 'Duŋ- 'woo- -drɔɔ gba la yetanɛ mu 'ɛ -o 'mu =kwan 'eyɔɔle 'ezin- 'bhii- -a -lwa mu 'ɛ gbɛɛn-.

37'Bhɛ 'yi, 'ke gbazan 'ɛ -ya pele- dɔɔ: "Ke 'mi 'ŋ gbe 'ɛ 'winbwa- -o ta, -o nu -gasikpale 'bhɛ 'lɛɛ.' -Ayile, 'kee- 'bhɛ 'winbɔle -o ta 'tɛ.

38'Duŋ-, 'woo- -drɔɔ gba la yetanɛ mu 'ɛ -o gbazan 'ɛ gbe 'ɛ 'yɛle-, 'ke -wa pele- 'eke- ni dɔɔ: 'Gba 'ɛ nu bɔlɛ mɛɛ 'lɛɛ- 'yɛla- ni boolazi 'ke -a 'ciɛn 'le. -Kɔɔ' 'a dɛ, 'bhɛɛ- -a 'ciɛn 'ɛ bo -kɔɔ' ni!'

39'Bhɛ klɛle 'tɛ, 'ke -o 'bhɛ 'kunle, 'bhɛɛ- 'ke -o gele- 'kɛle- -drɔɔ gba 'ɛ -gɔma', 'bhɛɛ- 'ke -o 'bhɛ dɛle-."

40'Zesu -o -lɔkpaɛ dɔɔ: "'Ke gbazan 'ɛ =nwa yi 'la 'le -o ta, -e nu -mɛ za -la klɛle 'woo- -drɔɔ gba la yetanɛ mu 'ɛ ni ɛɛ?"

41'Bhɛ =nɔɔ bhɛ 'ke mɛɛ mu 'ɛ -wa -lɛkunle Zesu ni dɔɔ: "-O -yɛn 'laa nu 'klɛle- gbazan 'ɛ ma, 'bhɛɛ- 'bhɛ nu -a peɛ dɔɔ -woo 'kɛn dɛ; 'bhɛɛ- -e nu -yaa' -drɔɔ gba 'ɛ gbɛkpale -drɔɔ gba la yetanɛ -bhɛɛke' zru -lɛle' mu -la 'kɔɔ; 'kooko- 'ke -drɔɔ bhaa 'kan bhla 'ɛ =bhwa, 'mu -yaa pɛ drɔɔ bhaa na -a ni."

42'Bhɛɛ- Zesu mɛɛ mu 'ɛ 'lɔkpa gbe drɛwoa- 'ezin- dɔɔ: "-Jan 'la -yoo -Waanbhaa' a 'Sɛwɛ 'ɛ 'yi 'ka 'laa 'bhɛ tapele -lido' ɛɛ? 'Bhɛ -jan 'ɛ 'bhɛ -le dɔɔ: "Fɛ dɔ mu 'ɛ -o kpoti 'la -blinna 'fɛ dɔ bhla 'ɛ 'zi, 'bhɛ -le =kla 'ke 'fɛgwɛ- 'ɛ gaan -la vlɛ -kpuŋ -gbɛnɛ 'gbu 'ɛ 'le, 'bhɛɛ- 'bhɛ -le 'fɛ 'ɛ 'kɛn 'yikun-. 'Bhɛ -za 'ɛ -daa Mɛɛzan -la ba, 'bhɛɛ- -yoo -kɔɔ' mu -yɛ 'yi 'kpeeleni maza do 'le.'

43"'Bhɛla- -zayile, -Waanbhaa' nu -yaa' -bhɛngbɛya -wa 'ɛ 'kunle- 'ka mu 'kɔɔ, 'bhɛɛ- -e nu -a nalɛ 'si 'bhɛɛke mu ni. 'Bhɛ 'si mu 'ɛ 'mu nu taawolɛ 'yɛɛ- -Waanbhaa' a zi 'ɛ ta, 'bhɛɛ- 'mu nu -a zru maza klɛle.

((44'Ke mɛɛ 'oo mɛɛ 'la zan -balaa' 'yɛɛ- vlɛ 'lɛɛ- ta, 'bhɛ zan 'ɛ nu klɛle 'bhii- 'ke 'trɛ gbɔ -balaa' 'trɛ ma, -e wi gɔnɛ- 'la gbɛɛn- 'krokro; 'bhɛɛ- 'ke 'yɛɛ- vlɛ 'ɛ 'lɛɛ- -balaa' mɛɛ 'oo mɛɛ 'la zan ta, 'bhɛ zan 'ɛ nu klɛle 'bhii- -a -lwa mi 'ɛ 'wigbɛya 'ɛ gbɛɛn-."))

45'Sraka 'lɛna -kuŋlii mu 'ɛ 'pegeɛ Farizi mu 'ɛ -o Zesu -a -gɔɔn mu 'ɛ 'male-, 'ke -wa 'yaangole 'bhii- 'bhɛ 'yaa- 'wo -la ma -gɔɔn mu bɔ 'zi 'bhɛ gbɛɛn- bhe.

46-Ayile, -o gbe -yaa nu 'sɔlɛ- Zesu 'kunle ma gɔnɛ- 'la gbɛɛn-, 'ke -o 'bhɛ -glinle' 'sanle. 'Duŋ- -o -yaa -gbɛlaan 'zi -zamaa' mu 'ɛ 'lɛɛ, -amasɔyi -o 'kɛn 'yaa- Zesu 'kun zii' 'bhii- -Waanbhaa' -lɛla' janwo mi do 'le.

Matie 22

¹Zesu -jan -bebe =woa mɛɛ mu 'ɛ ni 'ezin- -gɔɔn mu 'yi. -E pe -o ni dɔɔ:

- 2"Laanima -Bhlegbeya -wa -a 'pwεle- -o 'ezin- -za 'lεε- 'bhεε- 'le: -Bhlegbe do 'a gbe na dɔ 'feti 'ε ta pε 'ε =kla.
- 3'Bhεε- 'kee- -yaa' 'fε 'ε =la yewonε mu 'ε winbɔle mεε mu 'siiryε- nɔɔ- 'kaa 'mu nu 'yee- ledɔyε nɔɔ- 'feti 'ε ta, 'duŋ- 'bhε mεε mu 'ε waa dɔle -a -la 'ke -o nu.
- 4'Bhε klele 'tε, 'kee- -yaa' yewonε 'bhεeke mu winbɔle 'kaa 'mu ge -a pe mεε mu 'ε ni dɔɔ: "Dri mu 'ε 'pegee 'an wi blaale mu 'ε =dia, 'bhεε- 'η =yaan -o kpo 'ε klelele. Pεle 'ε =maa, -ka nu 'η gbe na dɔ 'feti 'ε ta!"
- 5'Duŋ- 'bhε mεε mu 'ε 'ezin-, -o do 'kpɔ 'laa -o 'siiza- -bhlegbe 'ε 'kɔɔ 'bhε bɔle -klosi 'yi, 'bhεε- -o 'kpen -ja -waa' yewoyrε nɔɔ: -O do -ja 'bhε ba gba la, -a -bhεeke' do -ja 'bhε a pε gɔnyrε =nɔɔ;
- 6'bhεε- -o -vin mu 'ε 'mu =klaa -bhlegbe 'ε -yaa' yewonε mu 'ε ta, 'bhεε- -o -yrɛn 'ε 'kpen -gɔɔn -kpa'a 'mu ta, 'bhεε- -o 'mu =dia.
- 7'Bhε klele 'tε, 'ke -bhlegbe 'ε -ya zrupliile, 'kee- yaa -srwase' mu 'ε 'winbɔle 'kaa 'mu ge 'woo- mεε dε mu 'ε 'kpen dε, 'bhεε- -o 'mu a -wa 'ε 'kpacie.
- 8-O yanle kpo 'ε klelele, 'ke -ya pele- -yaa' yewonε mu 'ε ni dɔɔ: 'Le dɔ 'feti 'ε ta pεle 'ε =maa, -o mεε 'la zan mu 'siila- 'yee- pele 'ε ma, -a -gaale' laa -yaa -o ba 'ke -wa bhle.
- 9-Ka ge 'duŋ- -wa 'ε 'kpee -gbleba -gbenε mu 'ε ta, 'bhεε- 'ke 'ka 'lepaa- mεε 'oo mεε 'la 'le, -ka 'bhε 'sii- pεle 'ε ma.'
- 10'Bhε ya 'ε 'yi bhe, -bhlegbe 'ε -yaa' yewonε mu 'ε -ja -wa 'ε 'kpee -gbleba -gbenε mu 'ε ta, 'bhεε- mεε 'tɔle- mεε -o 'mu 'siila-; 'e pe mεε wlan mu oo, 'e pe mεε -yɔɔ' mu oo, -o 'kpen =nwa, -asiikɔɔ 'feti kle 'fε 'ε =paa 'ke mεε mu 'ε 'le."
- 11""Bhε klele 'tε, 'ke -bhlegbe 'ε 'wlale 'feti kle 'fε 'ε =la mεε mu 'ε taglin- zayi'. 'Bhεε- , 'ke -a -yrekpale mεε do ma -o plen-, 'bhεε- le dɔyε nɔɔ- 'feti 'ε ta dunε- 'laa -yaa 'bhε mεε 'ε ta.
- 12-E pe 'bhε mεε 'ε ni dɔɔ: "D 'bhεgwlen-, -e =kla 'nale- 'bhεε- 'e =wlaa gε, 'bhεε- 'feti ta dunε- 'laa -o 'e ta εε?' 'Yee- mεε 'ε tagale =bwa -a yaalele.
- 13-Ayile, 'ke -bhlegbe 'ε -ya pele- -yaa' yewonε mu 'ε ni dɔɔ: '-Kaa gbe 'pegee -a gaan mu 'ε tabɔ 'ke bhle 'le, 'bhεε- -kaa blin 'pεlii- laale -gblo 'ε 'yi. -E nu wisile 'bhε 'pegee -e nu -a gbenebhe mu 'ε 'sɔnkpale 'bhεε- =nɔɔ -zadɔwεε 'ε 'kɔɔ.'
- 14-Amasrɔyi, -Waanbhaa' mεε -bebe 'siila-, 'duŋ- -e mεε sanε- -la makwan-."
- 15Farizi mu 'ε -o -ja 'eke- yeλε. -O -yaa nu 'sɔle- Zesu 'kunle gɔnε- 'la gbεen- -a 'gbu 'liiwli- ma, -woo 'eke- =ya 'bhεε- -zayi', 'bhεε- -o =kpa'a do ma 'bhε ta.
- 16-Ayile, 'ke -woo zi mu 'ε 'ke mu 'pegee Erɔdi zi mεε -lɛdo' 'ke mu winbɔle Zesu 'lrɔkpa yrε nɔɔ- 'kaa: "'O Daan mi, 'wa 'yaango- 'bhii- 'e wlan pe, 'bhεε- 'e mεε mu daan -Waanbhaa' zi 'ε ta 'taawogbeya 'ε 'bhεε- 'le wlan 'ε ma, 'bhε 'pegee 'yaa gbalaan mεε 'kedo- 'kpɔ 'lεε, 'bhεε- 'yaa mεε mu bago.

- 17'Duŋ-, 'bhi pe -za 'lɛɛ- 'bhe 'yi 'nale- ɛɛ? -Kɔɔa' 'toŋ 'ɛ ta, kɔɔ' sɔ Rome mu 'ɛ -waa' -bhleŋgbe -gbene Sezaa 'ɛ -yaa' 'nisra 'ɛ gbawole ɛɛ?"
- 18'Duŋ- Zesu -waa' -dawli' 'ɛ dɔle 'ke -ya pele- -o ni dɔɔ: "Mɛɛ -yrekɔɔza kle mu, -mele =kla 'bhɛɛ- 'ka -o -jan bhee 'kpa zii' 'ŋ 'lɛɛ ɛɛ?"
- 19-Ka 'yee- 'nisra gbawo denie -gɔli' 'taŋbha do zɔn 'ŋ ni -ge doo!" 'Bhe klele 'tɛ, 'ke -o 'bhe 'taŋbha 'ɛ do zɔnle- -a ni.
- 20-Ayile, 'ke -yoo -lrɔkpale dɔɔ: "-De 'gbu -la ŋglo lii 'pegee -a 'tɔ yɔɔn 'kpaale- -le 'yee- -gɔli' 'taŋbha 'lɛɛ- ta -ge ɛɛ?"
- 21-Wa -lɛkwan -a ni dɔɔ: "-Bhleŋgbe Sezaa ŋglo lii 'pegee -a 'tɔ yɔɔn 'kpaale -le 'kele-." -Ayile, 'ke Zesu a 'pele -o ni dɔɔ: "Sezaa a pe -o 'kela 'le -ka 'bhɛɛ- gbawo 'bhe ni, 'bhɛɛ- -Waanbhaa' a pe -o 'kela 'le -ka 'bhɛɛ- 'na 'bhe ni 'ezin-."
- 22'Woo- mɛɛ mu 'ɛ -o Zesu 'wojan- 'ɛ 'male-, 'ke -o 'kpeelenile -o ma, 'bhɛɛ- 'ke -o jilale.
- 23'Bhe -yrekpa' do 'kpɔ 'ɛ 'le, mɛɛ 'ke mu =nwa Zesu ba; -o -yaa -o sii Saduse mu. 'Woo- Saduse mu 'ɛ 'wole- 'a pe dɔɔ 'ke mɛɛ -gaa, yaa sɔ bwele- gale ba.
- 24-O Zesu 'lrɔkpa- dɔɔ: "'O Daan mi, Moizi 'a =pia 'o ni 'kaa: "Ke 'gwlaan- do -gaa, 'bhɛɛ- 'ke yaa -nɛ 'yale- -a na 'ɛ ta, -a gaanzidɔ 'ɛ sɔ -a na glaanle 'ɛ 'yaale; kooko- 'bhe -nɛ mu 'la 'yale -a na 'ɛ ta, -wa 'tɔkpa- 'mu ma.'
- 25'Bhe 'laa 'sanle- bhaama: De -nɛ ma 'gwlaan- 'srwaple- -yaa 'o ba -ge. -O 'naagwlen- 'ɛ 'bhe le do -yalaa', 'duŋ- 'bhe 'laa -nɛ 'srɔwole 'bhe le 'ɛ ta, 'bhɛɛ- 'bhe -gaa. 'Bhe 'bhe a pe gaanzidɔ 'ɛ 'bhe -a na glaanle 'ɛ =sia 'bhe 'na 'le.
- 26'Duŋ- 'ezin-, -a gaanzidɔ 'ɛ oo, 'bhe a pe ziten' oo, 'ke 'bhe ge 'tenle- -o nɛnɛ- 'srwaple- mi 'ɛ ma, -o 'kpen a pe 'ɛ =kla 'bhɛɛ- gbɛɛn- 'ezin-.
- 27-O 'kpen gale bla, 'ke le mi 'ɛ 'gbu gale- 'ezin-.
- 28'Bhe ya 'ɛ 'yi, 'ke gbaa mu bwe yi =bhwa gale ba yi 'la 'le, -o -de 'gbu -le a pe nu klele 'ke 'yee- le 'ɛ 'le ɛɛ? -Amasɔyi 'yee -le 'ɛ -e =kla -o 'kpen 'na 'le do do."
- 29'Bhe klele 'tɛ, 'ke Zesu 'a 'lɛkunle -o ni dɔɔ: "'Ka 'yinia- 'gbu 'egbenele, -amasɔyi 'kee- kpa -Waanbhaa' a 'Sɛwe 'ɛ ta oo, 'kee- kpa -Waanbhaa' a -glɔɔya' 'ɛ ta oo, 'ka 'laa -o do 'kpɔ dɔ.
- 30'Wlan 'ɛ ni, 'ke gbaa mu -bwela gale ba yi 'la 'le, 'gwlaan- mu laa nu le mu 'sile- -li, 'bhɛɛ- le mu laa nu yaale -li 'gwlaan- mu 'kɔɔ, 'duŋ- -o nu bole 'bhii- -mleke' mu a pe bogbeya 'ɛ gbɛɛn- lafle' 'yi!
- 31'Drɔɔn', gbaa mu bweza 'ɛ gale ba -Waanbhaa' -jan 'la =woa 'ka ni 'bhe ba zayi', 'ka 'laa 'bhe tapele -lido' -yaa' 'Sɛwe 'yi ɛɛ?"
- 32-E pe dɔɔ: "Mi 'le 'ke Abraamu oo, Izaki oo, 'bhe 'pegee Zakɔbu mu a -Waanbhaa' 'le.' -Waanbhaa' laa -o 'ke mɛɛ gbaa mu a -Waanbhaa' 'le, 'duŋ- -yoo 'ke mɛɛ yre male mu -la -Waanbhaa' 'le."

- 33-Zamaa' mu 'la 'yaa- -o 'trɔnkpa zii' 'yee- Zesu ni, -e 'mu 'kpen 'liibhaala 'mu ma -yaa' mɛɛ daangbeya 'ɛ ma.
- 34Farizi mu 'ɛ -wa malawoa 'kaa Zesu a -jan -dwa Saduse mu 'ɛ gbɛ -yi, 'ke -woo -lɛkpale 'eke- ta.
- 35'Bhɛ ya 'ɛ 'yi bhe, -o do 'la 'bhɛ 'yaa- 'ke 'Toŋ daan mi 'le 'bhɛ 'yaa- zi 'bhii- 'bhɛ -jan bhee bɔ Zesu 'lɛɛ, 'bhɛɛ- -e 'bhɛ kun 'bhɛ 'gbu 'liiwli- ma; -ayile 'kee- Zesu 'lrɔkpale dɔɔ:
- 36""O Daan mi, 'toŋ 'ɛ -de 'gbu -la -za -glɔɔ 'yiya- 'toŋ -vin mu 'ɛ ni ɛɛ?"
- 37Zesu 'bhɛ 'lɛkwan- -a ni dɔɔ: " 'Yaa- Mɛɛzan -Waanbhaa' 'ɛ -za 'sɔ 'e ni 'e zru oo, 'e 'nii- oo, 'pegee 'e 'kpeejan- 'ɛ 'kpen 'le.'
- 38'Bhɛ -le 'ke 'toŋ =lwa mi 'ɛ 'pegee 'toŋ 'la -za -o 'eglɔɔle 'bhɛ 'le.
- 39-A 'kɛla tɛn 'bhɛ zi, 'bhɛɛ- 'ke -o 'pegee 'bhɛ -o do 'bhɛ -le -gɛ: "E -vindo' mi -za 'sɔ 'e ni 'bhii- 'e 'gbu -za sɔ 'e 'gbu ni gɔnɛ- 'la gbɛɛn-.'
- 40Moizi a 'toŋ mu 'ɛ 'kpen 'pegee -Waanbhaa' -lɛla' janwo mu 'ɛ kli gbaanle -o 'woo- 'toŋ plɛ 'la bhe 'wola- ta."
- 41Farizi mu 'ɛ -o 'lɛkpale -yaa 'eke- ta, 'bhɛɛ- 'ke Zesu -za do -yilrɔkpale -o ma dɔɔ:
- 42"Mɛɛ -Bhee Mi -kpɔsɔɔ Kriɛ 'ɛ, 'ka -mɛla dan 'ka 'kpee -a ba zayi' ɛɛ? 'Bhɛɛ- -dɛla -nranɛ -le 'kɛle- ɛɛ?" -O 'bhɛ 'lɛkwan- Zesu ni dɔɔ: "Davidi -la 'nranɛ- -le 'kɛle-."
- 43'Bhɛ 'yi bhe, 'ke Zesu -o -lrɔkpale dɔɔ: "Lii 'Wɛŋ -glɔɔya' 'ɛ 'yaa- Davidi ta 'waati 'la ba, -mɛla ma 'bhɛɛ- -a 'gbu Kriɛ 'siila- Mɛɛzan ɛɛ? 'Bhɛɛ- Lii 'Wɛŋ -glɔɔya' 'ɛ 'le -ya =pia dɔɔ:
- 44'Mɛɛzan -Waanbhaa' 'a =pia 'an Mɛɛzan 'ɛ ni dɔɔ nu yala- 'tɔbhɔ ma yaayrɛ 'ɛ =nɔɔ 'ŋ -din -gɛ, 'sani- 'mi 'e 'sɔɔnnii mu 'ɛ 'kpen ŋgblo kpalaa' 'e gaan =la.' "
- 45""Ke Davidi 'gbu Kriɛ 'siila- 'Mɛɛzan'. 'Bhɛɛ- -e sɔ klele- -a -nranɛ 'le 'nale ɛɛ?"
- 46'Woo Farizi mu 'ɛ do 'kpɔ 'laa 'sɔlɛ- 'bhɛ -jan 'ɛ 'lɛkunle 'a ni. -A 'san 'bhɛ yi 'ɛ ma, yaa dɔlɛ -o 'kɛdo- 'kpɔ 'kpee 'ke 'bhɛ 'a 'lrɔkpale 'ezin-.

Matie 23

- 1Zesu -janwoa -zamaa' 'srɛ mu 'pegee -yaa' -klanlanɛ mu 'ɛ ni. -E pe dɔɔ:
- 2""Toŋ daan mu 'ɛ 'pegee Farizi mu 'ɛ 'wɔle- Moizi blaantazɛn mu 'ɛ 'le 'ke -o mɛɛ mu daan 'bhɛ a 'toŋ mu 'ɛ 'le.
- 3-O pe 'ka -za 'la klɛ, -ka 'bhɛ 'kpen klɛ, 'bhɛɛ- -ka 'taawo -waa' mɛɛ daangbeya 'ɛ zi. 'Duŋ- 'ka 'laa 'taawolɛ 'bhii- -o 'taawogbeya 'ɛ gbɛɛn-. -Amasrɔyi -o 'ka daan -za 'la 'le 'woo- 'gbu 'laa 'bhɛ klɛ.
- 4-O 'kwe kpɛŋlɛ -gbɛnɛ mu yre 'bhɛɛ- -o 'mu dɔ mɛɛ mu 'ɛ 'wiinj-, 'bhɛɛ- 'duŋ- waa dɔ -a -la 'ke -o bhɔ 'mu ba 'bhɛ 'kwe mu 'ɛ sanɛ- 'silele.

⁵'Ke -o -za 'oo -za 'la klele-, -woo 'gbu zrɔn mɛɛ mu ni. 'Bhɛla- -zayile, -o 'sɛwɛbhe mu 'la yre wi 'fle mu 'yi, 'bhɛɛ- -wa 'kpa -o -mlɛlii' 'pegee -o gbɛ ma, 'woo- Farizi mu 'ɛ 'pegee 'Toŋ daan mu 'ɛ -o waa pɛ mu 'ɛ 'laata- dɛ 'egbenele, 'bhɛɛ- -o waa dunɛ-gbɔɔn mu 'ɛ 'lɛma- mu 'ɛ tro 'egbɔɔnle.

⁶'Bhɛɛ- pɛbhleyrɛ -gbɛnɛ mu 'ɛ 'pegee Zuufu mu daanfɛ' mu 'ɛ =la zilɛɛ- yaayrɛ mu 'ɛ makunle sɔ 'wola- ni.

⁷'Bhɛɛ- 'ezin-, 'ke -woo -wa 'kpee -kpan mu 'ɛ ta, 'bhɛ sɔ -o ni 'ke mɛɛ mu -o 'pubɔ-, 'bhɛ 'ke -woo sii 'O daan mi, 'o daan mi'.

⁸'Duŋ- 'ka mu, 'ka 'laa 'tolɛ- 'ke mɛɛ mu 'ka sii 'O daan mi', -amasrɔyi 'ka 'kpen -o nɛnɛ- ma do mu 'le, 'bhɛɛ- 'ka daan mi -o do 'kpɔ.

⁹'Ka 'laa mɛɛ 'kedo- 'kpɔ 'siile- 'trɛ ta -gɛ 'ka dɛ, -amasrɔyi 'ka Dɛ -bhɛɛke' do 'laa -o 'ka Dɛ -Waanbhaa' 'la do -kplɛn -o laanima lafle' 'yi 'bhɛ blaɛn.

¹⁰'Bhɛɛ- 'ezin-, 'ka 'laa 'tolɛ- 'ke mɛɛ mu 'a pe 'ka ma '-kuŋlii', -amasrɔyi Krisi do -kplɛn -le 'ka -kuŋlii 'ɛ 'le.

¹¹'Ka ba mɛɛ gbilaɛn 'ɛ, 'bhɛ klɛ 'ka 'kpen a yewonɛ 'le.

¹²'Ke mɛɛ 'oo mɛɛ 'la zan 'bhɛ 'gbu magbaandia -Waanbhaa' nu 'bhɛ zan 'ɛ mazinalɛ, 'duŋ- 'ke mɛɛ 'la zan 'bhɛ 'gbu mazinaa, -Waanbhaa' nu 'bhɛ zan 'ɛ magbaandɛle.”

¹³'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yɛkɔɔza klɛ mu! -Amasrɔyi 'ka laanima -bhɛŋgbeya -wa ta zi 'ɛ 'liitan- mɛɛ mu -lɛɛ. 'Ka mu 'gbu 'laa wla -a nɔɔ-, 'bhɛɛ- mɛɛ 'la zan mu -o -a zi 'bhii- 'mu 'wla -a nɔɔ-, 'ka 'laa to 'bhɛɛ- 'mu wla.”

((¹⁴'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yɛkɔɔza klɛ mu! -Amasrɔyi 'ka glaɛnle mu 'ɛ 'kɔɔpɛ- mu 'ɛ 'kpen 'kun, 'bhɛɛ- 'ka mɔ 'ka 'seriwole zi 'ka 'gbu zrɔn zayi' mɛɛ mu ni. 'Bhɛla- -zayile -o nu 'ka mu 'kitikanle 'eyɔɔle 'ke 'bhɛ kan mɛɛ -vin mu 'ɛ ta.”))

¹⁵'''Ka ta -yren! 'Ka mu 'Toŋ daan mu 'pegee Farizi mu mu, 'ka mu mɛɛ mu -yɛkɔɔza klɛ! -Amasrɔyi 'ka ge 'taa ta yɛkpen- =nɔɔ 'trɛ ta 'pegee wɛyi- ta, 'kooko- 'ka mɛɛ do wla 'kaa- Zuufu mu a 'seri 'ɛ 'yi. 'Ke 'ka mɛɛ do =wlaa 'kaa- 'seri 'ɛ 'yi, 'ka 'bhɛ zan 'ɛ mabɔɔ 'bhɛɛ- -e klɛ -jranama 'nɛ 'le 'kee- klɛ 'eyɔɔle 'ke 'bhɛ kan 'ka mu 'gbu ta -glɔɔn plɛ.”

¹⁶'''Ka ta -yren! 'Ka mu, mɛɛ -lɛdɔɔ' mu -yrɛ 'wile- mu! 'Ka pe dɔɔ: "Ke mɛɛ do 'ɛ 'sienwoa- -Waanbhaa' Gba 'Fɛ -Gbɛnɛ 'ɛ ma, 'bhɛ 'laa -o -zake' 'le; 'duŋ- 'ke -ya 'sienwoa- -Waanbhaa' Gba 'Fɛ -Gbɛnɛ =la -can 'ɛ ma, 'kaa- pe dɔɔ 'bhɛ zan 'ɛ 'sienwoa- pɛ 'la ma -e 'bhɛ 'yizaklɛ kpanɛma.”

¹⁷-Zadɔkle mu, 'bhɛ 'pegee mɛɛ -yrɛ 'wile- mu! -Can 'pegee -Waanbhaa' Gba 'Fɛ -Gbɛnɛ 'ɛ, 'woo- pɛ plɛ 'ɛ ba, -o -de 'gbu -la gbilaɛn -yiya' -a do ni ɛɛ? -Can 'ɛ taa- -Waanbhaa' Gba 'Fɛ -Gbɛnɛ 'la 'bhɛ 'yee- -can 'ɛ klɛ 'wɛŋ -Waanbhaa' a pɛ 'le bhɛ ɛɛ?

- 18'Ka mu pe 'ezin- dɔɔ 'ke mɛɛ do 'e 'sienwoa- 'srakagoyrɛ 'ɛ ma, 'bhɛ 'laa -o -zake' 'le; 'duŋ- 'ke -ya 'sienwoa- 'sraka gopɛ 'la -yoo 'srakagoyrɛ 'ɛ =nɔɔ, 'kaa- pe dɔɔ 'bhɛ zan 'e 'sienwoa- pe 'la ma, -e 'bhɛ 'yizaklɛ kpaŋma.
- 19'Mɛɛ -yrɛ 'wile- mu, 'woo- pɛ plɛ 'ɛ -a -de 'gbu -la gblaan -yiya' -a do ni ɛɛ? 'Sraka gopɛ 'ɛ taa- 'srakagoyrɛ 'la 'bhɛ 'sraka gopɛ 'ɛ klɛ 'wɛŋ -Waanbhaa' a pɛ 'le bhɛ ɛɛ?
- 20'Ke mɛɛ 'la zan 'e 'sienwoa- 'srakagoyrɛ 'ɛ ma, 'bhɛ zan 'e 'sienwoa- 'yee- 'srakagoyrɛ 'ɛ 'pegee -a ta pɛ mu 'ɛ 'kpɛn -la ma;²¹'ke mɛɛ 'la zan 'e 'sienwoa -Waanbhaa' Gba 'Fɛ -Gbɛnɛ 'ɛ ma, 'bhɛ zan 'e 'sienwoa- -Waanbhaa' Gba 'Fɛ -Gbɛnɛ 'ɛ 'pegee -Waanbhaa' 'la 'bhɛ -o -a zan 'le -o plɛ -kpɛn -la ma bhɛ.
- 22'Bhɛɛ- 'ke mɛɛ 'la zan 'e 'sienwoa- laflɛ' ma, 'bhɛ zan 'bhɛ 'sienwoa- -Waanbhaa' a -bhleŋgbeya 'yaakpɛ- 'ɛ 'pegee -Waanbhaa' 'gbu -la ma bhɛ.”
- 23'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yrɛkɔɔza klɛ mu! 'Ka 'kaa- -zien klɛ -laanɛ' mu 'ɛ 'pegee -zienbhɛ' 'fientrɔnnɛ mu 'ɛ -lɛdulayrɛ vu mi 'ɛ 'bhɛɛ- 'na -Waanbhaa' ni. 'Duŋ- -za mu 'la -za -o 'egloole 'toŋ mu 'ɛ ta, 'bhii- -lɛdɔɔleya, mɛɛ -yrenklalɛ mɛɛ ma, 'bhɛ 'pegee 'e zru bole do -Waanbhaa' ni, 'ka 'ka 'yrezigblaana 'bhɛ -za mu 'ɛ klele ma.
- 24'Ka mu 'la 'ka -o zi zrɔn pɛ 'le mɛɛ mu ni, 'ka mu 'gbu 'yrɛ 'wile- -o! 'Ka 'ka 'gbu 'mi yi 'ɛ tayroo, 'bhɛɛ- 'ka 'laa to 'ke -o muvuŋ -nɛ 'fientrɔnnɛ do 'kpɔ ye -a ba. 'Bhɛɛ- 'duŋ- , pɛ 'la wla 'ka 'kpee 'bhɛ -o 'bhii- 'yɔɔnma 'gbutru do gbɛɛn-, 'bhɛɛ- 'ka 'bhɛ 'kpɛn miin.”
- 25'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yrɛkɔɔza klɛ mu! -Amasrɔyi 'ka 'kaa -yi 'mipɛ- mu 'ɛ 'pegee 'kaa pɛbhle 'tasa mu 'ɛ maflee 'elrele, 'bhɛɛ- 'duŋ-, -o 'pale- -o 'ke 'kaa- -faan pɛ mu 'pegee 'ka pɛ mu 'la =kwan mɛɛ mu 'kɔɔ kpaŋma 'mu -la -le.
- 26'Farizi mi -yrɛ 'wile-! 'Yaa- -yi 'mipɛ- 'pegee 'yaa- pɛbhle 'tasa mu 'ɛ 'yifɛ 'elwale 'pɛ, 'bhɛɛ- -a ma nu 'fleelɛ- 'tɛ.”
- 27'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yrɛkɔɔza klɛ mu! 'Ka -o 'bhii- bu 'fleelɛ- mu gbɛɛn-; -o ma lele 'pɛlii-, 'duŋ- -o 'kpee 'ɛ 'pale- -o 'ke mɛɛ gbaa bhɛlɛ' mu 'pegee pɛ bɔnlɛ -glɔɔn 'ɛ 'kpɛn -la -le.
- 28'Ka mu 'gbu 'duŋ-, 'ka -o mɛɛ -yrɛ 'yi mɛɛ -lɛdɔɔle mu 'le, 'duŋ- 'ka 'kpee, 'ka mɛɛ -yrɛkɔɔza 'tɛ -la klɛ 'bhɛ 'pegee -za 'yɔɔ-.”
- 29'''Ka ta -yren! 'Ka mu 'Toŋ daan mu 'ɛ 'pegee 'ka mu Farizi mu 'ɛ, 'bhɛɛ- 'ka mu mɛɛ -yrɛkɔɔza klɛ mu! 'Ka bu -lrele' mu dɔ -Waanbhaa' -lɛla' janwo mu 'la -gaa 'mu ni, 'bhɛɛ- mɛɛ -lɛdɔɔle mu 'la -gaa 'ka 'mu bu mu 'ɛ mabaa.
- 30'Bhɛɛ- 'kaa pe dɔɔ: "Ke 'o klɛ bi 'o -gbɔɔ mu a pɛ 'waati 'ɛ ba 'elwaleta, 'waa -yaa nu 'kpale- -o ba 'bhɛɛ- 'o -Waanbhaa' -lɛla' janwo mu 'ɛ dɛ.’
- 31'Bhɛ klegbeya 'ɛ 'yi, 'ka 'gbu 'a 'yaango- dɔɔ mɛɛ 'la zan mu -Waanbhaa' -lɛla' janwo mu 'ɛ =dia 'ka -o 'bhɛ zan mu 'ɛ 'kpee yi mu 'le.

- 32'Ka -gbɔɔ mu -za 'la klɛle zisaan-, 'ka mu 'bhe -vin 'e 'leyan.
- 33'Ka mu mlɛ -yɔɔ' 'plalu mɛɛ mu, 'bhɛɛ- 'ka mu -bhlu 'plalu mɛɛ mu, 'ka 'kpee ma 'ka nu gole -jranama 'tɛ -kpan 'e 'yi ɛɛ?
- 34'Bhɛla- -zayile, -ka 'ka 'trɔnbado doo, 'ɲ nu -Waanbhaa' -lɛla' janwo mu 'winbɔle 'ka ba, 'bhe 'pegee -zadɔ' mu, 'bhɛɛ- 'Toŋ daan mu. 'Ka nu -a 'ke mu dɛɛ, 'bhɛɛ- 'ka nu -a 'ke mu gbaanle -yrigbɛɛle ta. 'Bhɛɛ- 'ka nu -a 'ke mu tafɛɛ gbanbhɛ mu 'le 'kaa- Zuufu mu daanfɛ' mu 'e =la; 'bhɛɛ- 'ka nu -yrenkpale -o ta -wa 'tɔle- -wa 'bhe ta.
- 35'Bhe 'yi 'tɛ, 'bhɛɛ- 'ka 'pliila- mɛɛ mu 'la 'kpen ma -o delele 'trɛ ta -gɛ, 'mu dɛza 'kiti 'e balaa' 'ka ta; 'kee- san mɛɛ -lɛdɔle Abeli dɛle 'e ma, 'bhɛɛ- 'kee- nu 'tenle- 'ka Berekia gbe Zakari 'la =dia -Waanbhaa' gbayrɛ 'e 'pegee 'srakagoyrɛ 'e 'plen- 'bhe ma.
- 36'Mi 'a pe 'ka ni 'ɲ 'sɔwɛɛ- ma dɔɔ -o mɛɛ 'la zan mu 'kpen =dia, 'mu dɛza 'kiti 'e nu baale -zɔn mu 'e ta.”
- 37'Zesu pe 'ezin- dɔɔ: "Ee, Zeruzalemu mu! 'Ee, Zeruzalemu mu! 'Ka mu 'la 'ka -Waanbhaa' -lɛla' janwo mu 'e dɛ, 'bhɛɛ- 'ke -Waanbhaa' mɛɛ 'la zan mu 'winbwa- 'ka ba, 'ka kpoti pa 'mu ma! 'Naa 'a klɛle gaan -wɛɛ' 'ke 'ɲ 'ka 'lɛkpale -yidanle 'eke- ta 'bhii- maa nɛɛ do -a -nɛ mu 'e 'lɛkpa- 'eke- ta gɔnɛ- 'la gbɛɛn- -a gbɛɲroŋ- mu 'e =la. 'Bhɛɛ- 'duŋ- 'ka 'laa dɔle 'bhe =la -titi.
- 38-Ka 'ka 'yrekpa -gɛ doo! 'Kaa- -Waanbhaa' Gba 'Fɛ -Gbɛnɛ 'e 'yee- -Waanbhaa' 'gbu nu gole 'bhe =la.
- 39-Amasrɔyi, 'mi pe 'ka ni dɔɔ: 'ka 'laa nu 'ɲ yeɛ -li 'kee- san -zɔn ma, 'ke 'bhe ge 'tenle- 'ka nu -a peɛ yi 'la 'le dɔɔ: 'Mɛɛ 'la zan -o zan Mɛɛzan 'tɔ 'e 'yi, bhaa -Waanbhaa' 'e -dɔɔbo!' "

Matie 24

- 1'Zesu 'pwɛ bhla 'e zi -Waanbhaa' Gba 'Fɛ -Gbɛnɛ 'e =la, 'ke yaa -kɔlanɛ mu 'e -woo mabɛɛnle -a -din, 'bhɛɛ- 'ke -wa peɛle- -a ni dɔɔ -e -Waanbhaa' Gba 'Fɛ -Gbɛnɛ gwɛɛ 'e dɔgbeya mu 'e -glin doo.
- 2'Duŋ- -e pe -o ni dɔɔ: "Ka 'yɛ -o 'fɛgwɛɛ- dɔgbeya -gbɛnɛ -gbɛnɛ mu 'la ma -gɛ bhe, 'mi pe 'ka ni wlan 'e ni dɔɔ 'fɛ 'lɛɛ- 'kpen nu -wile', 'bhɛɛ- -a -yi vle -kpuŋ mu 'e 'kpen nu 'klaalɛ-, 'bhɛɛ- -o 'kɛdo- 'kpɔ 'kpaale- laa nu bole 'eke- ta -gɛ.”
- 3'Zesu 'yalaa- Olivi diiŋ vle gɔɔn 'e 'wiŋŋ-. 'Bhɛɛ- 'ke -yaa' -kɔlanɛ mu 'e 'te 'mu 'e mabɛɛnle -a -din, 'bhɛɛ- 'ke -wa -lɔɔkpale dɔɔ: "-Waanbhaa' Gba 'Fɛ -Gbɛnɛ 'e 'sɛɛ 'waati 'e nu klɛle 'waati 'e -dɛla ba ɛɛ? 'Bhɛɛ- 'e 'nu yi 'e 'pegee 'drunyan 'yan yi 'e -o -tɔmasie nu klɛle -mɛla -le ɛɛ?”
- 4'Bhe klɛle 'tɛ, 'ke Zesu 'a 'lɛkunle -o ni dɔɔ: "-Ka 'ka 'yrekpa 'ka 'gbu ba 'elrele, 'kooko- mɛɛ 'kɛdo- 'kpɔ 'laa 'ka 'yini-.

- 5-Amasroyi mɛɛ -bebe nu nule, 'bhɛɛ- -o nu 'ŋ 'tɔ 'ɛ 'kpale- -o 'gbu ma, 'ke -wa pe -o 'gbu ma 'kaa: "Mi 'gbu -le 'ke Mɛɛ -Bhee mi -kpɔsɔɔ Krisi 'gbu 'ɛ 'le!" 'Bhe klegbeya 'ɛ 'yi, -o nu mɛɛ -bebe 'yinile.
- 6'Ka nu gwledanwli mu male 'ka -din, 'bhɛɛ- 'ka nu yre gbɔɔn =nɔɔ gwledanwli mu male. -Ka dɔ klen 'ke 'ka 'laa gbalaan 'dɛ, -amasroyi -a -ledulale -o dɔɔ 'bhe -za mu 'la bhe 'mu -le nu bhɔle 'elwale pe, 'duŋ- 'bhe 'laa nu klele 'ke 'drunyan 'yan 'waati 'ɛ 'le.
- 7'Kleen do -yi mu nu gwledanle 'kleen 'bhɛɛke 'yi mu 'ɛ ba, 'bhɛɛ- -bhleŋgbe do a 'kleen 'yi mu nu 'wlenle- -bhleŋgbe 'bhɛɛke do a 'kleen 'yi mu 'ɛ 'kaama-, 'bhɛɛ- -o gwledan 'eke- ba. -Gu mu nu dɔle, 'bhe 'pegee 'tre nu beenle 'tre ta yre -bebe =nɔɔ.
- 8'Duŋ- 'bhe 'kpen nu klele 'trebhɔ mu 'ɛ zisanyre -la -le, 'bhii- 'ke le do -bla =zian -a ta -e -yrenbhle gɔne- 'la gbɛen-.
- 9'Bhe ya 'ɛ 'yi bhe, mɛɛ mu nu 'ka 'lenale mɛɛ -bhɛɛke' mu ni, 'koko- 'mu -yrenkpa' 'ka ta, 'bhɛɛ- 'mu 'ka dɛ. 'Ka ven nu 'sile- 'kleen 'kpen 'yi mu yin 'lii 'mi 'tɔ 'ɛ -zayi'.
- 10'Bhe 'waati do 'kpɔ 'ɛ ba, mɛɛ -bebe nu 'ploole- 'o 'kpale- ma -Waanbhaa' 'yi. -O nu -dawli' 'kpale- 'eke- gbɛ ta, 'bhɛɛ- -o ven nu 'sile- 'eke- yin 'lii.
- 11'Bhla ma -Waanbhaa' -lela' janwo mu -bebe mu nu 'pwɛle- -a -yi, 'bhɛɛ- 'mu nu mɛɛ -bebe 'yinile.
- 12-Za 'yɔɔ- 'pa gbɛ -yɔɔ' 'ɛ 'kɔɔ, 'soniya -le nu gale mɛɛ -bebe zru ba.
- 13'Bhɛɛ- 'duŋ-, 'ke mɛɛ 'la zan -Waanbhaa' a -za 'ɛ 'yikwan= 'ke 'bhe ge 'tenle- -a -leyanle ma, 'bhe zan nu gole -za 'yi.
- 14-O nu -bhleŋgbeya -wa 'ɛ ma -Jan -Nrale' 'leɛ 'bhe 'wole- zenle 'drunyan 'ɛ 'yi yrekpen- =nɔɔ, 'koko- 'kleen 'kpen 'yi mu 'ɛ -Waanbhaa' a -jan 'ɛ ma. 'Ke 'bhe =kla, 'bhɛɛ- 'drunyan 'yan 'yi 'ɛ nu bhɔle 'te."
- 15""Ka nu -o pe 'la sii 'Pe -yɔɔ" 'bhe dulale yele -Waanbhaa' Gba 'Fe -Gbene 'ɛ =la 'kee- 'bhe 'triŋdɔ-. -Waanbhaa' -lela' -janwo' mi Danieli -a ba -janwoa 'elwale -sɔ. 'Ke 'bhe =kla 'waati 'la ba, 'ke mɛɛ 'la zan -o 'sɛwe 'leɛ- tape 'zi, 'bhe zan 'a 'yima 'elrele.
- 16'Bhe ya 'ɛ 'yi, 'ke mɛɛ 'la zan mu =kla Zude 'kleen 'ɛ 'yi, 'mu blasan- 'mu 'leɛ ye vle gɔɔn mu 'ɛ ba yre ta;
- 17'ke mɛɛ 'la zan =kla 'bhe a 'fe 'ɛ 'wiinj-, 'bhe zan laa zinale, 'kee- ge wlale -yaa' 'fe 'ɛ =la -yaa' pe mu 'si zayi'.
- 18'Bhɛɛ- 'ke mɛɛ 'la zan =kla gba la, 'bhe zan laa pele -e nule- -a -zanta' -wa la -yaa' dune- tralape 'si zayi'.
- 19'Le mu 'la kpele nu klele, 'bhe 'pegee le mu 'la 'ne mu nu klele -yɔn ma 'bhe 'waati 'ɛ ba, 'mu 'nise- -yren ma!
- 20-Ka 'ka 'seriwo -Waanbhaa' ni, 'koko- 'ka blasan- yi 'ɛ yaa klele -niinii' 'kpa bhla zi, 'bhe 'pegee -yitre' yi ma.

- 21-Amasrɔyi, 'bhe 'waati 'e ba, bhaaplɛɲ mu nu -yren -bebe 'bhlele-. -A 'san -Waanbhaa' 'drunyan kle 'ke 'bhe nu 'tenle- -zɔn ma, bhaaplɛɲ mu laa 'bhe -yren -glɔɔn mu 'e bhlele -lido', 'bhɛɛ- waa nu 'bhe 'yansi -yrenbhlele -titi 'ezin-.
- 22'Ke -Waanbhaa' laa 'woo- -yrenbhle' yi mu 'e 'ke 'kanle- -o -lii, mɛɛ 'kedo- 'kpɔ 'laa -yaa nu golɛ -za 'yi. 'Duɲ- -Waanbhaa' mɛɛ 'la zan mu makwan- gban 'mu -zayi', -e 'yee- -yrenbhle' yi mu 'e 'ke 'kaan- -o -lii.”
- 23'''Ke mɛɛ do 'a =pia 'ka ni dɔɔ: '-Ka 'ka 'yɛkpa doo, Mɛɛ -Bhee Mi -kpɔsɔɔ Krisi 'e -yoo -gɛ!' 'Bhɛɛ- 'ke mɛɛ -bhɛɛke' 'a =pia 'ka ni dɔɔ: '-Ka 'ka 'yɛkpa doo, -yoo laale!' 'Ka 'laa 'ka 'kpale- 'bhe 'yi.
- 24-Amasrɔyi bhla ma mɛɛ -bhee mi Krisi mu 'pegee bhla ma -Waanbhaa' -lela' janwo mu nu nule, 'bhɛɛ- -o nu 'sɔle- maza -gbɛɛ mu 'pegee 'kpeeleni maza mu klele, 'kooko- 'ke 'bhe sɔ klele-, 'bhɛɛ- -o gbɛsɔ -Waanbhaa' mɛɛ 'la zan mu makwan- gban 'mu -yinile ta.
- 25-Ka 'ka 'trɔnkpa 'ɲ ni 'dɛ! 'D 'ka 'kpeelɛkan ma jan -la =woa bhe.
- 26'''Ke -wa -pia 'ka ni dɔɔ: '-Ka 'ka 'yɛkpa Mɛɛ -Bhee Mi -kpɔsɔɔ Krisi 'e -yoo -kpe 'e ta'. 'Ka 'laa gele 'bhe =nɔɔ; 'bhɛɛ- 'ke mɛɛ 'ke mu 'a =pia 'ka ni dɔɔ: '-Ka 'ka 'yɛkpa, -a gaanle -o 'fɛ do -la, 'ka 'laa 'ka 'kpale- 'bhe 'yi'.
- 27La 'a 'yɛbɔ- lafle' 'yi gɔnɛ- 'la gbɛɛn- 'bhɛɛ- mɔkpen' 'a ye yɛkpen- =nɔɔ, Bhaaplɛɲ Gbe 'e nu nule 'e nu klele 'bhɛɛ- gbɛɛn- blaale-.
- 28'Ke pɛ do gbaa -o yɛ 'la =nɔɔ, gbotakwe mu -o -lɛkpa' 'eke- ta 'bhe yɛ 'e 'bhɛɛ- =nɔɔ.”
- 29Zesu pe -o ni 'ezin- dɔɔ: '''Bhe -yren mu 'e 'kanle- blaɛn blaale-, -gblo nu 'kpale- -yɛtebhɛ ta, laanima mlɛ 'e yaa nu -bhile' -li. -Ayile laanima mlɛklen- mu 'e -o nu baale 'trɛ ma, 'bhɛɛ- lafle' 'yi -glɔɔya' mu 'e -o 'kpen nu bɛɛnle.
- 30'Bhe blaanta, Bhaaplɛɲ Gbe 'e 'nuza- 'e ma -tɔmasie 'e nu 'pwele- -a -yi lafle' 'yi; 'bhɛɛ- 'trɛ ta 'si mu 'e 'kpen nu 'dimi ma wisile; 'ke 'bhe =kla, -o 'kpen 'yɛ nu 'kpale- Bhaaplɛɲ Gbe 'e 'nule- ma lafle' -gblɛn mu 'e ta, 'kee- da lafle' 'yi laanima -yaa' -glɔɔya' 'pegee -yaa' 'tɔbhɔleya 'e 'yi.
- 31'Ke 'ka -Waanbhaa' a -klelon' 'e 'penwli- =maa bhla 'la ba, Bhaaplɛɲ Gbe 'e nu -yaa' -mleke' yizie 'e 'winbɔle 'drunyan 'e 'yi, -e mɛɛ 'la zan mu makwan- 'elwale gban 'drunyan zɛɲ yizie 'e ta, -e nu 'mu -lɛkpale' 'eke- ta: 'Ke 'bhe kpa -yɛtebhɛ -wlenyɛ' 'pegee -yɛtebhɛ baayɛ mu ta oo, 'bhe 'pegee 'trɛ 'pegee lafle' -danma' mɛɛ mu 'kpen ta.”
- 32Zesu pe 'ezin- dɔɔ: '''Ka sɔ za -la daanle- figi diiɲ 'e ma, -ka 'bhe 'yima 'elrele. 'Ke figi diiɲ 'e -ya gbɛ mu 'e yidia-, 'bhe 'pegee 'ke -a -laa mu 'e 'tɔɔnna- bhla 'la ba, 'kaa 'yaango- dɔɔ -a bhaa 'kan bhla =bhwa 'e -din.
- 33'Bhe klegbeya do 'e 'yi, 'ke 'ka 'yɛkpa- -za mu 'la bhe -o klele ma 'waati 'la ba, -kaa 'yaango- dɔɔ Bhaaplɛɲ Gbe 'e nu yi 'e =bhwa -wa -din.

- 34'Mi pe 'ka ni wlan 'e ni dɔɔ -zɔn mɛɛ mu 'lɛɛ- -o 'kpen 'laa nu klɛlɛ 'ke siele', 'sani- -za mu 'lɛɛ- 'kpen klɛle plɛɲ-.
- 35'Lafle' 'pegee 'trɛ mu nu 'kanlɛ-, 'duɲ- 'an pɛ -jan mu 'ɛ waa nu 'kanlɛ- -titi.”
- 36'Zesu pe 'ezin- dɔɔ: "Mɛɛ 'kɛdo- 'kpɔ 'laa 'drunyan 'yan yi 'ɛ 'pegee -a 'waati 'ɛ dɔ. 'Kee- kpa lafle' 'yi -mlɛkɛ' mu ta oo, 'kee- kpa Bhaapleɲ Gbe 'ɛ 'gbu ta oo, -o 'kɛdo- 'kpɔ 'laa 'bhɛ yi 'ɛ dɔ 'ke yaa 'e go -Waanbhaa' do -kplɛn ba.
- 37'-Za 'la =kla Noe a pɛ 'waati 'ɛ ba, 'bhɛɛ- 'yansi -za nu klɛlɛ 'ezin- Bhaapleɲ Gbe 'ɛ nu yi 'ɛ 'le.
- 38'-Amasrɔyi, la gblɔ -gbɛnɛ 'ɛ banle -lɛɛ 'waati 'ɛ ba, bhaapleɲ mu bole -yaa pɛbhlele 'pegee -wɛɛn 'mile- mu -la ma, -o -yaa le mu si, 'bhɛ 'pegee -o -yaa -o -lu mu na gwɛn ni. -O =bwa 'bhɛɛ- -za mu 'ɛ klɛle ma 'ke 'bhɛ ge 'tɛnlɛ- Noe 'wlale- ma -yitakoɲ -gbɛnɛ 'ɛ 'yi.
- 39'Waa -za 'kɛdo- 'kpɔ yienkanlɛ 'ke 'bhɛ ge 'tɛnlɛ- la gblɔ -gbɛnɛ 'ɛ banle ma. 'Bhɛɛ-, 'bhɛ -yi 'ɛ 'bhɛ -o 'kpen 'wloola-; 'bhɛɛ- -za 'ɛ 'yansi za nu klɛlɛ Bhaapleɲ Gbe 'ɛ 'nu yi 'ɛ 'le.
- 40'Bhɛ 'waati 'ɛ ba, mɛɛ plɛ nu klɛlɛ gba do ta, -o nu -a do 'silɛ-, 'bhɛɛ- -a do bo.
- 41'Le plɛ nu klɛlɛ pɛbhɛ zɔn yrɛ =nɔɔ -wee do 'yi, -o nu -a do 'silɛ-, 'bhɛɛ- -a do bo.
- 42'Ka 'yri 'laa gole 'ka 'gbu -za 'le, -amasrɔyi 'ka 'laa 'kaa- Mɛɛzan 'ɛ nu 'yi 'ɛ dɔ.
- 43'-Ka 'bhɛ -za 'lɛɛ- 'yima kplankplan dɔɔ: 'Ke 'fɛzan- do -yaa -faannii' 'ɛ nu 'waati 'ɛ dɔ -bi 'ɛ zi, yaa -yaa nu yidɛle -titi, 'bhɛɛ- -ya to 'ke -faannii' 'ɛ wla -yaa' fɛ 'ɛ =la.
- 44'Bhɛla- -zayile, 'ka mu 'ezin-, 'ka 'yrisriwole bo, -amasrɔyi 'ka 'yri 'laa nu klɛlɛ Bhaapleɲ Gbe 'ɛ ta 'waati 'la ba -e nu nule 'bhɛɛ- 'waati 'ɛ ba.”
- 45"-Ka klɛ 'bhii- yewonɛ zru 'lrele- do. -A yikanle -yaa, 'bhɛɛ- -a zan 'bhɛ a 'fɛ 'ɛ =la yewonɛ -vin mu 'ɛ gbɛkpaa- -a 'kɔɔ. 'Bhɛɛ- 'bhɛ pe -a ni dɔɔ -e pɛle na 'mu ni pɛbhle 'waati 'ɛ 'kpen ba.
- 46'Ke 'yee- yewonɛ 'ɛ -a zan 'ɛ =nwa 'waati 'la ba, 'bhɛɛ- 'ke 'bhɛ =bhwa -a ta 'bhɛ ye 'la gbɛkpaa- -a -kɔɔ 'bhɛ klɛle ma, -yaa' pɛ -yi nu -nrɛle'!
- 47'Mi pe 'ka ni wlan 'ɛ ni dɔɔ 'fɛzan- 'ɛ nu 'bhɛ 'kɔɔpɛ- mu 'ɛ 'kpen gbɛkpɛlɛ -a 'kɔɔ.
- 48'Duɲ- 'ke yewonɛ 'yɔɔ- 'ɛ -ya =pia -a 'gbu 'kpee dɔɔ: "Ɔ zan 'ɛ yaa nu nule 'saanibhe.”
- 49'Bhɛɛ- 'kee- -dwa -a -vin yewonɛ mu 'ɛ tafɛle ma, 'bhɛɛ- 'kee- =bwa pɛbhlele 'pegee -wɛɛn 'mile- ma -wɛɛn 'mi mu zi.
- 50'Ke 'bhɛ =kla, 'fɛzan- 'nu yi 'pegee 'bhɛ 'nu 'waati 'ɛ nu 'klɛlɛ- 'yee- yewonɛ 'yɔɔ- 'ɛ ba, -amasrɔyi -a yri laa -o 'bhɛ ta, 'bhɛɛ- yaa 'bhɛ 'nu 'waati 'ɛ dɔ.
- 51'Bhɛ klɛgbeya 'ɛ gbɛɛn- bhɛ, 'fɛzan- 'ɛ nu -yrɛnkɛlɛ -a ta, 'bhɛɛ- 'bhɛ nu -a bolɛ yrɛ 'la 'ke mɛɛ -yrɛkɔɔza klɛ mu -o 'bhɛ =nɔɔ 'bhɛ 'yi. 'Bhɛ yrɛ 'ɛ =nɔɔ mɛɛ -bebe nu wisilɛ, 'ke -woo gbɛnɛbhɛ mu 'ɛ 'sɔnkpa- -zadɔwɛɛ 'kɔɔ.”

Matie 25

- 1'Bhɛ blaɛn, 'ke Zesu -gɔɔn do bɔle- -o ni dɔɔ: "-Waanbhaa' a -bhleŋgbeya 'ɛ -yoo 'bhii- -gblane vu 'la -o -waa' -lanbha mu 'ɛ =sia -bi 'ɛ zi, 'bhɛɛ- -o pe do dɔɔ -woo gelele dɛɛ -nɔɔ 'ɛ 'lɛpayɛ =nɔɔ.
- 2'Woo- -gblane vu 'ɛ, -a 'soo yikanle laa -yaa, 'bhɛɛ- -a -vin 'soo 'ɛ 'mu yikanle -yaa.
- 3-Gblane mu 'la yikanle laa -yaa 'bhɛ mu 'mu a -lanbha mu 'ɛ =sia, 'bhɛɛ- waa 'teyi 'bhɛɛke 'kpale- -o gbɛ -din buteli mu 'yi.
- 4'Bhɛɛ- 'duŋ-, -a -vin -gblane yikanle 'soo 'ɛ 'bhɛ mu 'mu a -lanbha 'yi 'teyi 'bhɛɛke mu -kpaɛ 'mu gbɛ -din buteli mu 'yi.
- 5'Le dɛɛ -nɔɔ 'ɛ yaa -yaa zan veŋ-, -ayile 'ke yi 'kpale 'woo- -gblane vu 'ɛ 'yɛ ta, 'bhɛɛ- 'ke -o 'kpen yidele.”
- 6'''Bhɛ klele 'tɛ, blaŋdɛyi 'bhɔle-, 'ke -o -gbekanwli do male- dɔɔ: '-Ka 'ka 'yɛkpa le -nɔɔ 'ɛ 'pwela- -a -yi! 'Ka 'pwɛ 'bhɛɛ- -ka ge -a -lɛpayɛ 'ɛ nɔɔ-!'
- 7'Bhɛ 'yi 'tɛ, 'ke 'woo- -gblane vu 'ɛ -o bwele- yi 'ɛ pla, 'bhɛɛ- 'ke -o -waa' -lanbha mu 'ɛ 'bhile- 'sanle.
- 8'Bhɛɛ- -gblane mu 'la yikanle laa -yaa 'mu pe -gblane yikanle mu 'ɛ ni dɔɔ: '-Ka 'o gba 'kaa- 'teyi 'ɛ 'ke ba; -amasɔyi 'waa- -lanbha mu 'ɛ -woo -lii 'zi.'
- 9'Duŋ-, 'ke -gblane yikanle mu 'ɛ 'mu 'a zikpale -o ni dɔɔ: "Yooye-, 'waa- 'teyi 'ɛ yaa nu 'sɔle- 'o mɔɔ 'pegee 'ka mu mabhɔle. -Ka ge 'kaa- pe 'teyi 'lɔ 'teyi gɔn mu 'ɛ ba.'
- 10'Bhɛ klele 'tɛ, 'woo- -gblane mu 'la yikanle laa -yaa -o -yaa ge 'zi bhla 'la ba -waa' pe 'teyi 'lɔ yɛ nɔɔ-, 'ke le -nɔɔ 'ɛ 'nule. -Gblane 'soo 'la 'mu -lɛbɛŋgole -yaa, le -nɔɔ 'ɛ 'pegee 'mu =wlaa le dɛɛ dɔ 'fɛ 'ɛ =la, 'bhɛɛ- -o 'fɛ 'ɛ 'lii 'ɛ =taan -o -zanta'.
- 11'Waati sa 'kanle, 'ke -gblane 'soo 'la yikanle laa -yaa 'mu 'nule, 'bhɛɛ- 'ke 'mu le dɛɛ -nɔɔ 'ɛ 'siile dɔɔ: "O zan, 'o zan, 'fɛ 'ɛ 'liigo- 'o ni!'
- 12'Duŋ- 'yee- le dɛɛ nɔɔ- 'ɛ -ya zikpaɛ- -o ni dɔɔ: "D 'sɔwɛɛ- ma 'mi pe 'ka ni 'naa 'ka dɔ!' “
- 13'Zesu pe -yaa' -klanlɛn mu 'ɛ ni dɔɔ: "'Bhɛ kleŋgbeya do 'ɛ gbɛɛn-, 'ka mu -yri 'laa gɔle 'ka 'gbu -za 'le, -amasɔyi 'ka 'laa Bhaaplɛŋ Gbe 'ɛ -a nu yi 'pegee -a nu 'waati 'ɛ dɔ.”
- 14"-Waanbhaa' a -bhleŋgbeya 'ɛ -yoo 'bhii- 'fɛzan- do a -za. -A ge bhla zi 'taa do ta, -e -yaa' yewone mu 'ɛ 'siila-, 'bhɛɛ- -ya 'kɔɔpɛ- mu 'ɛ gbɛkpaɛ- 'mu 'kɔɔ.
- 15-E -gɔli' 'tanbha 'pu -kɛmɛ 'soo =naa -a -lwa mi 'ɛ ni. 'Bhɛɛ- -ya -naa -a plɛ mi 'ɛ ni -gɔli' 'tanbha 'pu -kɛmɛ plɛ; 'bhɛɛ- -ya -naa -a yaga mi 'ɛ ni -gɔli' 'tanbha 'pu -kɛmɛ do. -O 'kpen do do 'seŋ 'yaa- sɔ -za yɛkɛ- 'la klele ta, 'fɛzan- 'ɛ -e 'bhɛɛ- yɛkɛ- -gɔli' 'yicienna -o 'kpen ma do do. 'Bhɛ blaɛn, 'kee- gele- -yaa' 'taa 'ɛ ta 'tɛ.

- 16'Bhɛ ya 'ɛ 'yi, yewonɛ 'la 'bhɛ -gɔli' 'taɲbha -kɛmɛ 'soo 'ɛ 'srɔɔwoa-, 'bhɛ -ja yewolɛ 'ke -yaa' -gɔli' 'ɛ 'le, 'bhɛɛ- 'ke 'bhɛ -gɔli' 'taɲbha 'bhɛɛke -kɛmɛ 'soo -trɔn 'kpale -yaa' -kɛmɛ 'soo =lwa 'ɛ ma.
- 17'Bhɛɛ- yewonɛ 'la 'bhɛ -gɔli' 'taɲbha -kɛmɛ plɛ 'ɛ 'srɔɔwoa-, 'bhɛ yewoa- 'bhɛ klɛgbɛya do 'ɛ 'yi, 'bhɛɛ- 'ke 'bhɛ -gɔli' 'taɲbha -kɛmɛ plɛ -trɔn 'srɔɔwole.
- 18'Duŋ-, yewonɛ 'la 'bhɛ -gɔli' 'taɲbha -kɛmɛ do 'ɛ 'srɔɔwoa-, 'bhɛ -ja -gluu do 'kanlɛ-, 'bhɛɛ- 'ke -ya zan a -gɔli' 'ɛ magaanlɛ 'bhɛ -gluu 'ɛ 'yi.”
- 19""Bhɛ blaɛn -mɔle', 'ke 'woo- yewonɛ mu 'ɛ -o zan dale- 'bhɛ a 'taa 'ɛ ta; 'bhɛɛ- 'ke 'bhɛ -o 'kpen 'siile, 'kooko- -e -gɔli' mu 'la gbɛkpaa- -o -kɔɔ -o nu 'bhɛ mu blaanta janwo a ni.
- 20'Bhɛ 'yi 'tɛ, -yaa' yewonɛ 'la 'bhɛ -gɔli' 'taɲbha -kɛmɛ 'soo 'ɛ 'srɔɔwoa-, 'ke 'bhɛ 'e 'mabɛɛnle -o zan 'ɛ -din, 'bhɛɛ- 'bhɛ -gɔli' 'taɲbha -kɛmɛ 'soo 'bhɛɛke =la 'srɔɔwoa-, 'ke 'bhɛ 'mu zrɔnle- -o zan ni 'ke -ya pe dɔɔ: "D Zan, 'e -gɔli' 'taɲbha -kɛmɛ 'soo 'la gbɛkpaa- 'ɲ 'kɔɔ 'bhɛ 'pegeɛ 'an 'bhɛɛke -kɛmɛ 'soo 'la 'srɔɔwoa- -a ma -trɔn 'le 'wole- -gɛ.’
- 21'Bhɛ klɛle 'tɛ, 'ke -a zan 'a 'pele 'a ni dɔɔ: "E -za 'lrele- =kla 'bhɛ 'le. Yewonɛ wlan 'bhɛ 'pegeɛ yewonɛ 'la zru -o do 'ɲ ni. 'E zru =kla do 'mi ni -za 'fientrɔnnɛ mu yi gɔnɛ- 'la gbɛɛn-, 'mi nu -za -gbɛnɛ mu gbɛkpale 'e 'kɔɔ 'bhɛɛ- gbɛɛn-. Nu -gɛ 'bhɛɛ- 'bhi 'pegeɛ 'mi 'woo- zrukpaala 'eke- zi.’
- 22'Bhɛ blaɛn, yewonɛ 'la 'bhɛ -gɔli' 'taɲbha -kɛmɛ plɛ 'ɛ 'srɔɔwoa-, 'bhɛ 'e -mabɛɛnle -o zan 'ɛ -din, 'ke -ya pele- dɔɔ: "D zan, 'e -gɔli' 'taɲbha -kɛmɛ plɛ 'la gbɛkpaa- 'ɲ 'kɔɔ, 'bhɛ 'pegeɛ 'an 'bhɛɛke -kɛmɛ plɛ 'la 'srɔɔwoa- -a ma -trɔn 'le 'wole- -gɛ.’
- 23'Bhɛ 'yi bhɛ, 'ke -a zan 'a 'pele a ni dɔɔ: "E -za 'lrele- =kla 'bhɛ 'le. Yewonɛ wlan 'bhɛ 'pegeɛ yewonɛ 'la zru -o do 'ɲ ni. 'E zru =kla do 'ɲ ni -za 'fientrɔnnɛ mu 'yi, -ayile 'ɲ nu -za -gbɛnɛ mu gbɛkpale 'e 'kɔɔ. Nu -gɛ 'bhɛɛ- 'bhi 'pegeɛ 'mi 'woo- zrukpaala 'eke- zi.’
- 24'Bhɛ blaɛn, yewonɛ 'la 'bhɛ -gɔli' 'taɲbha -kɛmɛ do 'ɛ 'srɔɔwoa-, 'bhɛ 'e 'mabɛɛnle -o zan 'ɛ -din 'ke -ya pele- dɔɔ: "D zan, 'an 'yaango- 'bhii- 'yoo- mɛɛ -glɔɔ do 'le, 'bhɛɛ- 'yaa pɛbhɛ bɔlɛ yrɛ 'la =nɔɔ, 'e pɛbhɛ kan 'bhɛɛ- yrɛ 'ɛ =nɔɔ; 'bhɛ 'pegeɛ 'yaa -yri 'sɔlɛ- yrɛ 'la =nɔɔ, 'e -yri bhaa kan 'bhɛɛ- yrɛ 'ɛ =nɔɔ.
- 25'D -gblaɛnlawoa 'e 'lɛɛ, -ayile 'ɲ -ja 'yaa- -gɔli' 'ɛ magaanlɛ 'trɛ =la. 'Yaa- -gɔli' 'ɛ 'yele- -gɛ.’
- 26'Bhɛ klɛle 'tɛ, 'ke -a zan 'a 'pele -a ni dɔɔ: 'Yewonɛ 'yɔɔ-, 'bhɛɛ- lɛrwani-. 'Ya 'yaango- 'bhii- 'naa pɛbhɛ bɔlɛ yrɛ 'la =nɔɔ 'ɲ pɛbhɛ kan 'bhɛɛ- =nɔɔ; 'bhɛɛ- 'naa -yri 'sɔlɛ- yrɛ 'la =nɔɔ 'ɲ -yri bhaa kan 'bhɛɛ- =nɔɔ.
- 27-Mɛla ma 'bhɛɛ- 'yaa gɛlɛ 'an -gɔli' 'ɛ 'kpale- -gɔli' magaan 'fɛ 'ɛ =la, 'bhɛɛ- 'ke 'ɲ 'yaa- da, 'ɲ 'yaa- sɔ -a 'sile 'bhɛ 'pegeɛ -a ma -trɔn 'ɛ 'le!
- 28-Kaa 'kɔɔpɛ- -gɔli' 'taɲbha -kɛmɛ do 'ɛ 'kun, 'bhɛɛ- ka 'bhɛ 'na -gɔli' 'taɲbha -kɛmɛ 'soo -o mɛɛ 'la zan -kɔɔ 'bhɛ ni.

- 29-Amasrɔyi, pɛ -o mɛɛ 'la zan 'kɔɔ, -o nu -a 'kɔɔpɛ- 'ɛ baankpale, 'kooko- -a 'kɔɔ pa. 'Bhɛɛ- 'duŋ-, pɛ 'kedo- 'kpɔ 'laa -o mɛɛ 'la zan 'kɔɔ, -o nu a 'kɔɔpɛ- sanɛ- 'gbu 'ɛ 'kunlɛ- a 'kɔɔ.
- 30-Ka 'yee- yewonɛ 'la yaa -za 'kedo- 'yanwo- mɛɛ ma, -kaa 'kun, 'bhɛɛ- -kaa blin 'pɛlii- -gblo 'ɛ 'yi. 'Bhɛɛ- =nɔɔ, -e nu wisilɛ, 'ke -ya gbɛnɛbhe mu 'ɛ 'sɔnkpa- -zadɔwɛɛ 'ɛ 'kɔɔ.' “
- 31Zesu pe 'ezin- dɔɔ: "'Ke Bhaaplɛŋ Gbe 'ɛ =nwa -yaa' 'tɔbhɔleya 'ɛ 'yi yi 'la 'le, 'yee- 'pegee -yaa' -mleke' mu 'ɛ 'kpɛn 'le -a zi, -e nu yaale -yaa' -bhɛŋgbe 'tɔbhɔ ma 'yaakpe- 'ɛ ta.
- 32'Bhɛ ya 'ɛ 'yi, 'trɛ ta 'si mu 'ɛ 'kpɛn 'lɛkpale nu klɛɛ 'eke- ta -a -lɛ ma. 'Bhɛɛ- -e nu bhaaplɛŋ mu 'ɛ bagolɛ 'bhii- -bhlaa gooba mi 'ɛ -e -bhlaa mu 'ɛ 'plɛŋgo- bhoo mu 'ɛ ma gɔnɛ- 'la gbɛɛn- 'bhɛɛ- gbɛɛn-.
- 33Bhaaplɛŋ Gbe 'ɛ -e nu -bhlaa mu 'ɛ 'kpale- -a gbɛ -yiɛ' ta, 'bhɛɛ- -e nu bhoo mu 'ɛ 'kpale- -a gbɛ -koo ta.
- 34'Ke 'bhɛ =kla, -bhɛŋgbe 'ɛ nu a peɛ mɛɛ 'la zan mu -o -a gbɛ -yiɛ' ta 'mu ni dɔɔ: '- Ka nu 'ka mu 'la 'ŋ De 'ka 'dumawoa. 'Bhɛɛ- 'ka 'ciɛn klɛ -Waanbhaa' -bhɛŋgbeya -wa 'la magaanna 'ka ni, 'kee- san 'drunyan zibɔ 'waati 'ɛ ma -a 'kɔɔ 'bhɛɛ- 'le.
- 35-Amasrɔyi, gbɔn 'ŋ =dia, 'bhɛɛ- 'ka peɛ -naa 'ŋ ni; -yi 'mi -lrɔ 'ŋ =dia, 'bhɛɛ- 'ka -yi -naa 'ŋ ni, 'ŋ 'yaa- 'ciɛ 'le 'ka ba, 'bhɛɛ- 'ka 'ŋ 'ciɛya- =kla.
- 36'D ta flɛŋ- -yaa, 'bhɛɛ- 'ka dɛnɛ- =klaa 'ŋ ta. Ga -yaa 'ŋ ma, 'bhɛɛ- 'ka 'ŋ -gblakwan. 'D 'yaa- -kaso 'yi 'bhɛɛ- 'ka -ja 'ŋ taglinlɛ.'
- 37'Bhɛ klɛɛ 'tɛ, mɛɛ -lɛdɔɔle mu 'ɛ 'mu nu -a mabɔɛ -a ni 'tɛ dɔɔ: 'Mɛɛzan, gbɔn -yaa 'e dɛ 'zi 'waati 'ɛ -dela ba 'bhɛɛ- 'o peɛ -naa 'ɛ ni ɛɛ? 'Bhɛɛ- 'yi 'mi -lrɔ -yaa' 'e ma 'waati 'ɛ -dela ba, 'bhɛɛ- 'o -yi -naa 'e ni ɛɛ?
- 38'Woo 'e =ya 'ciɛ 'le 'waati 'ɛ -dela ba, 'bhɛɛ- 'woo- 'e ciɛya- =kla ɛɛ? 'E ta flɛŋ- -yaa 'waati 'ɛ -dela ba, 'bhɛɛ- 'o dɛnɛ- =klaa 'e ta ɛɛ?
- 39'Woo 'e =ya 'ke ga -o 'e ma 'waati 'ɛ -dela ba, 'bhɛ 'pegee 'woo- 'e =ya -kaso 'yi 'waati 'ɛ -dela ba, 'bhɛɛ- 'o -ja 'e taglinlɛ ɛɛ?'
- 40'Bhɛ ya 'ɛ 'yi, -bhɛŋgbe 'ɛ nu -a zikpale -o ni dɔɔ: "'Mi pe 'ka ni wlan 'ɛ ni dɔɔ: 'Waati 'oo 'waati 'la ba 'ke 'ka -za 'wlan =kla 'ŋ nɛnɛ- mu 'lɛɛ- -o 'fiɛntrɔnne do 'kpɔ ni, 'ka 'bhɛ =kla 'mi -la ni bhe.'
- 41"'Bhɛ blaɛn, -bhɛŋgbe 'ɛ nu a peɛ -e mɛɛ 'la zan mu -kpaɛ -a gbɛ -koo ta 'mu ni dɔɔ: '-Ka 'ka 'plɛŋgo- 'ŋ ma, 'dangan ma mɛɛ mu! -Ka ge bɔ 'tɛ 'la yaa lii -titi 'bhɛ 'yi, -wa -leswan -Setran' a -mleke' mu 'ɛ 'mu -la 'kaama-.
- 42-Amasrɔyi, gbɔn -yaa 'ŋ dɛ 'zi, 'bhɛɛ- 'ka 'laa peɛ nale 'ŋ ni; -yi 'mi -lrɔ 'ŋ =dia, 'bhɛɛ- 'ka 'laa -yi 'nale- 'ŋ ni.

43'D 'yaa- 'cie 'le 'ka ba, 'bhεε- 'ka 'laa 'η 'cieya- klele. 'D ta fleŋ- 'yaa-, 'bhεε- 'ka 'laa dune- 'klale- 'η ta. Ga -yaa 'η ma 'bhe 'pegee 'η 'yaa- -kaso 'yi, 'bhεε- 'ka 'laa gele 'η taglinle.'

44'Ke 'bhe =kla, -o nu a mabole -a ni dōo: 'Mεεzan, 'bhe -za mu 'ε 'kpen =kla 'waati 'ε -dela ba εε? Gbōn -yaa 'e de 'zi oo, -yi 'mi -lrō -yaa 'e de 'zi oo, 'e 'yaa- 'ke 'cie 'le oo, 'e ta fleŋ- -yaa oo, ga -yaa 'e ma 'bhe 'pegee 'e 'yaa- -kaso 'yi oo, 'mu 'kpen =kla 'waati 'ε -dela ba εε?'

45'Bhe ya 'ε 'yi, -bhleŋgbe 'ε nu -a -lekunle -o ni 'te dōo: "Mi pe 'ka ni wlan 'ε ni dōo: 'Waati 'oo 'waati 'la ba, 'ke 'ka 'laa -za 'wlan klele 'woo- -ne 'fientronne mu 'la bhe -o do 'kpō ni, 'ka 'laa 'bhe klele 'mi -la ni.'

46-Ayile, 'woo- gbε -koo ta mu 'ε, -o nu gele -kaso 'la 'ke -dan' 'laa -o 'bhe ma 'bhe 'yi, 'bhεε- gbε -yie' ta mu 'ε 'mu nu gele -Waanbhaa' ba bole -yre ma -si 'la -dan' 'laa -o 'bhe ma, 'bhe yre 'ε =nōo."

Matie 26

1'Zesu 'yanle- 'bhe -jan mu 'ε 'kpen 'wolele, 'ke -ya pele- -yaa' -klanlane mu 'ε ni dōo:

2"'Kaa 'yaango- dōo -a -vinbwa -yrekpaa' ple 'bhεε- Paki 'feti yi 'ε bhō. 'Bhεε- -o nu Bhaapleŋ Gbe 'ε 'lenale mεε mu ni, 'kooko- -wa gbaan -yrigbεele do ta."

3'Bhe klele 'te, 'ke 'sraka 'lena -kunlii mu 'ε 'pegee Zuufu 'si mu 'ε waa 'gwlaan- gbilaan mu 'ε -woo -lekpale 'eke- ta 'sraka 'lena mu a -kunlii gbilaan 'ε 'bhe a -gbeŋ 'ε 'yi: 'Bhe 'sraka 'lena mu a -kunlii gbilaan 'ε 'tō -le -yaa Kaifu.

4-O 'kpen 'a =kpaa do dōo -o nu Zesu 'kunle- -dawli' ma 'bhεε- -wa de.

5'Duŋ- -o pe 'eke- ni dōo: "'Kōo- 'laa -a 'kunle- 'feti yi 'ε ma, 'kebhlaale, mεε mu 'ε -o nu 'wlenle- 'eke- ma 'bhεε- -o 'feti 'ε 'sie."

6'Zesu 'yaa- Betani -wa 'ε ta, 'bhεε- Simō 'la -e 'bhe ma -kpaan 'ε -gwa, -e -yaa 'bhe ba 'fe 'ε =la 'waati 'la ba,

7'ke le do 'e 'mabεenle 'a -din 'ke -lasiklōo -gblen 'nrāle- alibatri buteli do 'le 'bhe 'kōo: -lasiklōo 'plεεle- 'yaa- 'kele-. 'Bhεε- Zesu 'yaa- pebhle 'zi 'waati 'la ba, 'ke 'yee- le 'ε -e 'bhe -lasiklōo 'ε 'klaale Zesu 'wiin-.

8'Bhe klele 'te, Zesu a -klanlane mu 'ε 'yrekpale 'bhe ma, 'ke -woo zrupliile, 'bhεε- 'ke -wa pele- dōo: "Pe 'siegbeya 'la -gee' bhe 'bhe win -o -mela -le εε?"

9-O -yaa sō 'yee- -lasiklōo 'lεε- gōnle- 'plεε 'lrele- 'le, 'bhεε- -wa ma -gōli' 'ε na 'kōofleŋzan mu ni!"

10'Bhe klele 'te, 'ke Zesu 'a 'yaangole 'bhii- -o -yaa 'bhe -jan -gloōn 'ε 'wo zii', 'ke -ya pele- -o ni dōo: "-Mele =kla 'bhεε- 'ka -o le -ne 'lεε- 'ε zrubatedō zii' εε? -E -za 'wlan -la =kla 'η ni bhe.

- 11-Amasrɔyi yi 'oo yi, 'kɔɔflɛnzɔn mu -o 'ka 'plɛŋ-; 'duŋ- 'mi 'laa -o 'ka 'plɛŋ-yikpɛnsɛɛ ta.
- 12'Le 'ɛ -e -lasiklɔɔ 'la =klaa 'ŋ 'flɛ ma -gɛ, -e -yaan 'bhɛ klɛlɛ 'lɛ 'sani- 'ŋ gbaa bin 'waati 'ɛ 'bhɔlɛ- plɛŋ-.
- 13'Mi pɛ 'ka ni wlan 'ɛ ni dɔɔ 'kɛ -o -Jan 'Nrɛlɛ- 'lɛɛ- 'wolɛ- 'ɛ =zian yrɛ 'oo 'yrɛ 'la =nɔɔ, lɛ 'lɛɛ- klɛzɔ 'ɛ nu bolɛ mɛɛ mu 'kpee -jan ma -gɔɔn 'lɛ.’’
- 14'Bhɛ blaɛn, Zɛsu a -kɔɔŋlɛnɛ vu ta plɛ 'ɛ ba, -o -yaa -a 'kɛla sii Zudasi Isikariotɪ, 'bhɛ -ja 'Sraka 'lɛna mu -kuŋlii mu 'ɛ ba,
- 15'bhɛɛ- 'kɛ -yoo -lɔɔkpɛlɛ dɔɔ: "'Ka nu -mɛ pɛ 'gbu -la nalɛ 'ŋ ni 'kɛ 'ŋ Zɛsu 'lɛnaa- 'ka ni ɛɛ?' 'Bhɛ klɛlɛ 'tɛ, 'kɛ 'mu -gɔli' 'taŋbha mia do 'bhɛ vu 'nalɛ- -a ni.
- 16-A 'san 'bhɛ yi 'ɛ ma, Zudasi gbɛ -yaa nu 'sɔlɛ- Zɛsu ta gɔnɛ- 'la gbɛɛn-, 'bhɛɛ- -ya -lɛna' -o ni, -e -yaa 'bhɛɛ- 'waati kplankplan 'ɛ -glin 'zi.
- 17'Paki 'fɛti 'ɛ 'yrɛkpaa- -lwa mi 'ɛ ma, -o -yaa 'bluu 'la bhɛlɛ, waa -yaa 'bluu -pɛɛ 'wɛlɛn 'sɛkɛ kla 'bhɛ -pɛɛ 'ɛ ba. 'Bhɛ -yrɛkpaa' do 'ɛ 'lɛ, 'kɛ Zɛsu a -kɔɔŋlɛnɛ mu 'ɛ 'nule -a -lɔɔkpɛlɛ dɔɔ: "=Ya zi 'bhii- 'o 'fɛti 'ɛ ta kpo 'ɛ klɛ 'naa- ma ɛɛ?'”
- 18'Zɛsu mɛɛ do 'tɔ =kaan -o ni, 'bhɛɛ- -ya =pia -o ni dɔɔ: "-Ka gɛ -wa 'ɛ 'kpee 'yɛɛ- mɛɛ 'ɛ ba, 'bhɛɛ- 'kaa pɛ a ni dɔɔ: "O Daan mi 'ɛ pɛ dɔɔ -yaa' pɛ 'waati 'ɛ =bhwa, 'yɛɛ- 'pɛgɛɛ -yaa' -kɔɔŋlɛnɛ mu 'ɛ nu -waa' Paki 'fɛti ta pɛ 'ɛ 'bhɛlɛlɛ- 'bhi -la ba -gɛ.' “
- 19'Bhɛ yi 'tɛ, Zɛsu 'a =pia -yaa' -kɔɔŋlɛnɛ mu 'ɛ ni 'kaa -o -za 'la klɛ, -o 'bhɛɛ- =kla. 'Bhɛɛ- -o -ja Paki 'fɛti ta kpo 'ɛ klɛlɛ.
- 20'Yromazi bhɔlɛ, 'kɛ Zɛsu 'pɛgɛɛ -yaa' -kɔɔŋlɛnɛ vu ta plɛ 'ɛ, -o pɛ 'ɛ 'bhɛlɛlɛ- 'sanlɛ.
- 21-O -yaa pɛ 'ɛ 'bhɛlɛ zii' 'waati 'la ba, 'kɛ Zɛsu 'a 'pɛlɛ -o ni dɔɔ: "'Mi pɛ 'ka ni 'ŋ 'sɔwɛɛ- ma dɔɔ: 'Ka do nu 'ŋ 'lɛnalɛ mɛɛ mu ni.”
- 22'Bhɛ klɛlɛ 'tɛ, 'kɛ -yaa' -kɔɔŋlɛnɛ mu 'ɛ -woo wɛlɛyisriwɔlɛ 'ɛgbɛnɛlɛ, 'bhɛɛ- 'kɛ -wa -lɔɔkpɛlɛ 'sanlɛ do do dɔɔ: "Mɛɛzan, 'mi -lɛ 'kɛlɛ- ɛɛ?’”
- 23'Zɛsu 'a zikpaa- -o ni dɔɔ: "'Kɛ mɛɛ 'la zan 'ɛ gbɛ =wɛlɛ 'ŋ gbɛ 'ɛ ta pɛ -koo 'ɛ 'yi, 'bhɛ zan -lɛ nu -dawli' 'kpɛlɛ- 'ŋ gbɛ ta, 'bhɛɛ- -yoo 'ŋ 'lɛna- mɛɛ mu ni.
- 24'Bhaaplɛŋ Gbɛ 'ɛ nu galɛ 'bhii- -a yɔɔndɛlɛ -o gɔnɛ- 'la gbɛɛn- -a ba zayi' -Waanbhaa a 'Sɛwɛ 'ɛ 'yi. 'Duŋ- mɛɛ 'la zan nu -dawli' 'kpɛlɛ- -a gbɛ ta, 'bhɛɛ- -ya -lɛna' mɛɛ mu ni, -klɔlɔɔ' -o 'bhɛ zan 'ɛ ma. 'Kɛ 'bhɛ zan laa -yaa ya bi 'bhɛ mabhaa -yaa nu bhɔlɛ 'bhɛ zan 'ɛ 'gbu ma.”
- 25'Bhɛ klɛlɛ 'tɛ, Zudasi 'la 'bhɛ 'yaa- nu -dawli' 'kpɛlɛ- -a gbɛ ta, 'bhɛɛ -ya -lɛna' mɛɛ mu ni, 'bhɛ -jan 'ɛ 'sɛlɛ- 'kɛɛ- Zɛsu 'lɔɔkpɛlɛ dɔɔ: "'O Daan mi, 'mi -lɛ 'kɛlɛ- ɛɛ?' -Ayilɛ, 'kɛ Zɛsu 'a 'lɛkunlɛ -a ni dɔɔ: "'E 'gbu 'yɛla- =pia bhɛ.”
- 26-O -yaa pɛbhɛlɛ 'zi 'waati 'la ba, Zɛsu 'bluu do =sia, 'bhɛɛ- -e -Waanbhaa' 'pubwa- 'bhɛ ma, 'bhɛɛ- -ya takaa- kpɔkpɔ. 'Bhɛ blaɛn, 'kɛ -ya 'kpɛlɛ -yaa' -kɔɔŋlɛnɛ mu 'ɛ 'kɔɔ, 'bhɛɛ- 'kɛ -ya pɛlɛ- -o ni dɔɔ: "-Ka 'bluu 'lɛɛ- 'si 'bhɛɛ- -kaa bhɛlɛ, 'ŋ 'flɛ -lɛ 'kɛlɛ-.”

- 27'Bhɛ blaɛn, 'kee- -drɔɔ 'paayan= do 'sile, 'bhɛɛ- 'kee- -Waanbhaa' 'pubɔle 'bhɛ ma. 'Bhɛ blaɛn, 'ke -ya 'kpale -yaa' -kɛɛlanɛ mu 'ɛ 'kɔɔ, 'bhɛɛ- 'ke -ya pele- -o ni dɔɔ: "'Ka 'kpen a 'ke 'mi do do.
- 28-Amasrɔyi, 'kɛɛɛ- 'ɲ yien -le 'kɛɛ-, -Waanbhaa' -bhoolaya drɛɛ 'la -dwa 'yee- 'gbu 'pegee bhaapɛɲ mu 'pɛɲ- 'bhɛ ma -tɔɔmasie yien -le 'kɛɛ-. 'Yee- yien 'lɛɛ- 'klalaa- mɛɛ -bebe -la 'kaama-, -waa' -za 'yɔɔ- mu 'ɛ ma 'sroma- 'yan zayi'.
- 29'Mi pe 'ka ni 'kee- 'san -zɔn ma, 'naa nu -drɔɔ 'lɛɛ- 'bhɛɛke 'mile- -li 'ka 'le, 'ke 'bhɛ ge 'tenɛ- yi 'la ma 'ke 'mi 'pegee 'ka mu nu -a mi gbɛ drɛɛwolɛ 'ɲ Dɛ a -bhɛɲgbeya -wa 'ɛ ta."
- 30'Bhɛ blaɛn, Zesu 'pegee -yaa' -kɛɛlanɛ mu 'ɛ -o -Waanbhaa' 'tɔbhɔ ma 'sro mu =kpaɛ, 'bhɛɛ- -o -wɛnɛ', 'ke -o gele- Olivi diiɲ vlɛ gɔɔn 'ɛ 'wiɲɲ-.
- 31Zesu pe -yaa' -kɛɛlanɛ mu 'ɛ ni dɔɔ: "-Zɔn -bi 'lɛɛ- zi, 'ka 'kpen nu 'kanɛ- 'eke- ma, 'bhɛɛ- 'ka 'ɲ do -kɛɛlanɛ to -a =nɔɔ. -Amasrɔyi, -a yɔɔndɛle -o -Waanbhaa' 'a 'Sɛwɛ 'yi 'kaa: "'Dɔ nu -bhɛɛ gooba mi 'ɛ dɛɛ, 'bhɛɛ- -bhɛɛ 'lɛdo- 'ɛ -o nu 'kanɛ- 'eke- ma.'
- 32'Duɲ- 'ke 'ɲ -bwela gale ba 'waati 'la ba, 'ɲ nu 'kanɛ- 'ka 'lɛɛ Galile 'klɛɛn 'ɛ 'yi."
- 33'Bhɛ klɛɛ 'tɛ, 'ke Pɛri 'a 'pele -a ni dɔɔ: "'Ali- 'ke mɔkpen' =kaan 'eke- ma, 'bhɛɛ- -woo 'ɛ =twa -a nɔɔ-, 'mi 'laa nu 'ɛ 'tolɛ- -a nɔɔ- -titi."
- 34'Bhɛ 'yi 'tɛ, 'ke Zesu 'a zikpale 'yee Pɛri ni dɔɔ: "'Mi pe 'ɛ ni 'ɲ 'sɔwɛɛ- ma dɔɔ: 'Sani- maagwɛn -we bhɛɛ 'ɛ 'pɛɲ- -bi 'gbu 'lɛɛ zi, 'ɛ nu 'ɛ 'lɛmadɔɛ 'egɔɔle gaan yaga 'mi ma 'kaa 'yaa 'mi dɔ."
- 35'Bhɛ 'yi, Pɛri pe -a ni dɔɔ: "'Ali- 'ke -wa =pia dɔɔ -woo 'mi 'pegee 'bhi dɛɛ- 'eke- zi, 'naa nu 'ɲ 'lɛmadɔɛ 'egɔɔle 'ɛ ma -titi 'kaa 'naa 'ɛ dɔ.'" 'Bhɛ 'nɔɔ- bhɛ, Zesu a -kɛɛlanɛ mu 'ɛ 'kpen 'a =pia Pɛri a pɛ pegbeya do 'ɛ 'bhɛɛ- gbɛɛn-.
- 36'Bhɛ blaɛn, 'ke Zesu 'pegee -yaa' -kɛɛlanɛ mu 'ɛ -o gele- yrɛ do nɔɔ-, -o -yaa 'bhɛ yrɛ 'ɛ sii: Zɛtisemane. 'Bhɛɛ- -ɛ pe -o ni dɔɔ: "-Ka yala- -gɛ, 'ɲ gele- 'ɲ 'seriwolɛ laale -sɔ."
- 37-A ge bhɛɛ 'ɛ zi 'bhɛ =nɔɔ, -ɛ -ja Pɛri 'pegee Zebede gbe plɛ 'ɛ 'le -a zi. -Ya wleyisriwoa, 'bhɛɛ- -a blina- yiendwa-.
- 38-Ayile, 'ke -ya pele- -a madɔ mu 'ɛ ni 'tɛ dɔɔ: "'Dɔ 'blina- yien -o 'klekle 'ke 'bhɛ ge 'tenɛ- 'ɲ gale ma: -ka bo 'ɲ -din -gɛ 'bhɛɛ- -kɔɔ' bo -kɔɔ' 'yrɛ ma."
- 39'Bhɛ 'klɛɛ- 'tɛ, -ɛ gele -a -lɛɛ sa, -ya 'kpɔ =zian, 'bhɛɛ- ya ɲgblo zinaa' -a -la, 'bhɛɛ- -ya 'seriwolɛ =saan -Waanbhaa' ni dɔɔ: "'Dɔ Dɛ, 'kee- sɔ -a klɛɛ- 'bhɛɛ- -yrɛn pɛyan- do 'la bhɛ -ɛ kan 'ɲ ma 'egbɔɔnɛ, 'bhɛ klɛ! 'Bhɛɛ- 'duɲ-, 'naa -o -a zi 'bhii- 'ɛ 'mi zru maza klɛ, 'duɲ- 'ɛ 'gbu zru maza -la klɛ."
- 40'Bhɛ blaɛn, 'kee- nule- -yaa' -kɛɛlanɛ yaga 'ɛ taglinɛ, 'bhɛɛ- 'kee- bhɔle- -o ta 'ke -woo yi pla. -Ayile, 'ke -ya pele- Pɛri ni dɔɔ: "'Ka 'laa 'sɔɛ- 'ke 'ka bo 'ka 'yrɛ ma 'waati sa ba 'mi 'le ɛɛ?

- 41-Ka bo 'ka 'yɾe ma, 'bhɛɛ- -ka 'ka 'seriwo, 'kooko- -Setran' 'laa nu 'ka yidanlɛ, 'bhɛɛ- -e 'ka balaa' -za 'yɔɔ- 'yi. Bhaaplɛŋ nii- 'ɛ -ya zi 'bhii- -e -za 'wlan -la klɛ, 'duŋ- 'bhe kle faŋgan- 'laa -o -a ta.”
- 42'Ezin-, 'ke Zesu 'e 'plɛŋgo- gbɛ plɛ mi wole- -o ma, 'bhɛɛ- 'ke -ya 'seriwole - Waanbhaa' ni dɔɔ: "'D Dɛ, 'kee- sɔ -a klɛlɛ- 'bhɛɛ- -yɾɛn pɛyan- do 'la bhe -e kan 'ŋ ma 'egbɔɔnle, 'bhɛɛ 'naa 'a mi! Bhaa 'e zru maza klɛ.”
- 43-E -nwa 'ezin- pwɛlɛ -yaa -klanlanɛ mu 'ɛ ta, 'kee- bhɔle- -o ta 'ke -woo yi pla; - amasrɔyi yi 'ɛ gbɪŋ 'ɛ 'kɔɔ -o -yɾɛ ta, waa -yaa sɔ bole- -o -yɾɛ ma.
- 44>Zesu gole -o -din, 'kee- gele -a 'seriwo gbɛ gaan yaga mi 'ɛ klɛlɛ 'kee- bɔ 'yee -jan do 'kpɔ 'ɛ ta.
- 45'Bhe blaɛn, 'kee- nu gbɛ drɛɛwole -yaa -klanlanɛ mu 'ɛ ta, 'bhɛɛ- 'ke -ya pele- -o ni dɔɔ: "'Ka -o yidɛ 'zi -li ɛɛ, 'bhɛɛ- 'ka -o 'ka 'yitɾɛ zi ɛɛ? -Ka 'ka 'yɾɛkpa, 'ŋ 'kun 'waati 'ɛ =bhwa 'e -din. 'Bhɛɛ- -o nu Bhaaplɛŋ Gbe 'ɛ 'lenalɛ -za 'yɔɔ- klɛ mu 'ɛ ni.
- 46-Ka 'ka 'wɛn-, -kɔɔ' ge! -Ka 'ka 'yɾɛkpa laale doo, mɛɛ 'la zan -o zan -dawli' 'kpale- 'ŋ gbɛ ta, 'bhɛɛ- -ye 'ŋ 'lɛna -za 'yɔɔ- klɛ mu 'ɛ ni, 'yele- zan laale.”
- 47>Zesu 'yaa- -janwo' zii' -li 'waati 'la ba, 'ke Zudasi, -yaa' -klanlanɛ vu ta plɛ 'ɛ do nule- 'ke -zamaa' 'srɛ do 'le -a zi. -Gɔkuŋ' mu 'pegee 'beni mu -yaa 'mu 'kɔɔ. 'Sraka 'lɛna -kunlii mu 'ɛ 'pegee Zuufu mu a 'gwlaan- gbɛlaan mu 'ɛ 'mu -le -o winbwa-.
- 48>Zudasi 'la 'bhe 'yaa- nu -dawli' 'kpale- Zesu gbɛ ta, 'bhe 'a 'kun -tɔɔmasie do -pia -a 'kun mu 'ɛ ni dɔɔ: "'Ke 'ŋ mɛɛ 'la zan 'pubwa- -a -tuubɔlele, 'yele- 'kele-. -Kaa 'kun.”
- 49'Bhe klɛlɛ 'tɛ, 'ke Zudasi 'nule blaale- Zesu -din, 'bhɛɛ- 'ke -ya pele- dɔɔ: "'E 'yia-, 'o Daan mi!" 'Bhɛɛ- 'ke -ya -tuubɔle.
- 50'Bhe 'yi 'tɛ, 'ke Zesu 'a 'pele Zudasi ni dɔɔ: "'D 'bhɛgwɛn-, 'e =nwa -za 'la kleyɾɛ nɔɔ- -a klɛ." -Ayile, 'ke mɛɛ -vin mu 'ɛ -woo mabɛɛnle Zesu -din, 'ke -woo gbɛkpale 'a ta, 'bhɛɛ- 'ke -wa 'kunle.
- 51'Bhe klɛlɛ 'tɛ, 'ke Zesu a -klanlanɛ mu 'ɛ do 'bhe a -gɔkuŋ' 'ɛ 'yrole 'bhe 'bhoo- 'yi, 'kee- 'sraka 'lɛna mu -kunlii gbɛlaan 'ɛ 'bhe a yewonɛ 'ɛ do 'trɔn takanle.
- 52'Bhe =nɔɔ bhe, 'ke Zesu 'a 'pele -yaa' -klanlanɛ 'ɛ ni dɔɔ: "'Yaa- -gɔkuŋ' 'ɛ =wla -a -bhoo 'ɛ 'yi, -amasrɔyi 'ke mɛɛ 'la zan mu 'kpɛn -gɔkuŋ' =sia mɛɛ 'kaama-, -o nu 'bhe zan mu 'ɛ dele 'ke -gɔkuŋ' -la -le.
- 53'Yaa 'yaango- 'bhii- 'ŋ sɔ a pele- 'ŋ Dɛ ni -e nu 'bhɔ 'ŋ ba, 'bhɛɛ- -e sɔ -mleke' -srwase' -lɛdulayɾɛ vu ta plɛ -gbɛnɛ 'kpale 'ŋ ni 'saanibhe ɛɛ?
- 54'Duŋ- 'ke 'ŋ 'bhe =kla, -za mu 'la yɔɔndɛle -lɛdulale -o -Waanbhaa' a 'Sɛwɛ 'ɛ 'yi 'kaa 'mu nu klɛlɛ, 'mu 'lɛ nu 'sɔle- 'nale- -a ma ɛɛ?”
- 55'Bhe blaɛn, 'ke Zesu 'a 'pele -zamaa' 'ɛ ni dɔɔ: "-Faannii' -le 'ŋ 'le ɛɛ 'bhɛɛ- 'ka =nwa 'ŋ 'kunyɾɛ- nɔɔ- -gɔkuŋ' mu 'pegee 'beni mu 'le 'ka 'kɔɔ ɛɛ? Yi 'oo yi, 'ŋ 'yaa- mɛɛ mu daan -Waanbhaa' Gba 'Fɛ -Gbɛnɛ 'ɛ =la, 'bhɛɛ- 'ka 'laa 'ŋ 'kunlɛ-.

- 56'Duṅ- -Waanbhaa' -lela' janwo mu 'ε 'wojan- mu 'la yɔ̀ndele -o 'yee- -Waanbhaa' a 'Sewe 'ε 'yi, -za mu 'lεε- 'kpen =kla 'mu -la -lesɔ' zayi' -zɔn." 'Bhe yre do 'ε =nɔɔ bhe, 'ke -yaa' -klanlanε mu 'ε 'kpen 'kanle 'eke- ma, 'bhεε- 'ke -wa do -kplen 'tole 'a nɔɔ-mεε mu 'ε 'kɔɔ.
- 57'Zesu 'kun mu 'ε -ja 'kele- -waa' 'sraka 'lena mu -kuṅlii gbalaan Kaifu ba. 'Toṅ daan mu 'ε 'pegee 'gwalaan- gbalaan mu 'ε 'kpen 'lekpale -yaa 'eke- ta 'yee- Kaifu ba -le ma.
- 58-O ge bhla 'ε zi Zesu 'le 'bhε =nɔɔ, Pieri -yaa zan -o -zanta' 'egbɔɔnle. -E -wlaa -gbenj 'ε 'yi, 'bhεε- 'kee- yaale' 'fε gooba mu 'ε -din, 'kooko- -za 'ε 'leyanle gɔnε- 'la gbεen- -ε 'bhε ye.
- 59'Sraka 'lena mu -kuṅlii mu 'ε 'pegee -waa' 'seri ta za 'kitikan mεε gbalaan -lɛdo' 'ε 'kpen 'yaa- bhla 'kpayrε- -glin 'zi Zesu ma, 'kooko- 'ke -kpan 'ε balaa' -a ta, 'bhεε- -wa dε.
- 60'Bhla ma mεε -bebe =nwa 'mu zijanwolε -a 'kaama-, 'duṅ- 'woo- Zuufu mu a 'seri ta za 'kitikan mu 'ε waa -jan 'kedo- 'kpɔ 'yele- 'ke 'bhε klε -a dε win 'le. -O 'kpen 'kanle- blaan, 'ke mεε plε nule- -a pele dɔɔ:
- 61" 'Mεε 'lεε- -ya -pia dɔɔ -ε sɔ -Waanbhaa' Gba 'Fε -Gbεnε 'ε 'wile- 'bhεε- -ya dɔ gbε drεewo -yrekpa' yaga -la."
- 62'Bhε klεle 'te, 'ke 'sraka 'lena -kuṅlii gbalaan 'ε -ya -wlenle', 'bhεε- 'kee- Zesu 'lrɔkpale dɔɔ: " 'Mεε mu 'ε -woo -jan mu 'la 'kpen 'wo zii' 'ε ma 'bhi pe 'nale- εε?"
- 63'Bhε 'yi 'te, 'ke Zesu tagale bole-. -Ayile, 'ke 'sraka 'lena -kuṅlii gbalaan 'ε -ya pele- -a ni dɔɔ: "'Kee- kpa 'mi 'pegee -Waanbhaa' 'la -ya -yre ma 'bhε ta, 'mi -o 'ε 'lrɔkpa zii' 'kaa 'ya pe 'o ni kpataakpa 'ke 'bhi -le 'ke Mεε -Bhee Mi -Kpɔsɔɔ Krisi 'ε 'le 'bhε 'pegee 'ke 'bhi -le -Waanbhaa' Gbe 'ε 'le."
- 64'Zesu pe -a ni dɔɔ: "'Yele- =daa 'ε 'gbu 'lii bhe. 'Mi 'duṅ- pe 'ka ni 'ezin- dɔɔ 'kee- 'san -zɔn ma, 'ka nu Bhaaplεṅ Gbe 'ε 'yaale- yele -Waanbhaa' -glɔɔ 'ε -din 'tɔbhɔ ma yaayrε 'ε =nɔɔ. 'Bhεε- 'ka nu -a yele -a nuyrε nɔɔ- lafle' -gblen mu 'ε 'yi mu 'ε ta, 'kee- da lafle' 'yi."
- 65'Bhε =nɔɔ bhe, 'ke 'sraka 'lena -kuṅlii gbalaan 'ε -ya 'gbu ta dunε- 'ε 'peedele, 'bhεε- 'ke -ya pele- dɔɔ: "-E -Waanbhaa' 'tɔsiεla! -Kɔɔ' maza -o -li mεε -bhεεke' 'srεya- klεle ma εε? -E -yaan -Waanbhaa' 'tɔsiε ma jan 'la 'wolele bhe, 'ka 'laa 'bhε 'male- εε? 'Ka mu pe 'bhε 'yi 'nale- εε?"
- 66'Bhεε- -o 'kpen 'bhε 'lekwan- 'eke- zi dɔɔ: "-Yoo 'ke dε pε 'le."
- 67'Bhε =nɔɔ bhe, 'ke -woo -liile' mu 'klale -a wleyi', 'bhεε- 'ke -wa zɔnle- -o gbekpuṅ- mu 'ε 'le. -A 'ke mu -yaa -a 'trɔn zɔn 'zi 'ke -wa -lrɔkpa' dɔɔ:
- 68" 'Mεε -Bhee Mi -Kpɔsɔɔ Krisi, 'ε 'kpee ma -de 'gbu -le 'ε =zwan εε?"
- 69'Bhε -za mu 'ε klε 'waati 'ε ba, Pieri 'yaale- -yaa 'pεlii- 'sraka 'lena -kuṅlii gbalaan 'ε 'bhε a -gbenj 'ε 'yi. -Ayile, 'ke 'bhε a 'fε 'ε =la yewo le 'ε do 'ε 'mabεenle 'yee- Pieri -din,

'bhεε- 'ke 'bhε 'a 'lɔkpale dɔɔ: "'Bhi 'gbu 'lεε-, 'e 'yaa- 'yee- Galile 'klεen 'ε 'yi mi Zesu 'ε zi."

⁷⁰Duŋ-, Pieri 'e 'lɛmadwa 'eglɔɔle 'bhε ma mɔkpen 'yrε ma, 'bhεε- 'ke -ya pele- dɔɔ: "'Yoo- -we 'zi mεε 'la zan 'le bhe, 'naa 'bhε dɔ."

⁷¹Bhε klεle 'tε, 'ke 'yee- Pieri gele 'sanle -gbenj 'ε 'lii ba -yrεta', 'bhεε- 'ke 'bhε 'fε 'ε =la yewo le -bhεεke' do 'a 'yele. 'Bhεε- 'ke 'bhε 'a 'pele 'bhε -din mu 'ε ni dɔɔ: "'Mεε 'lεε- 'yaa- 'yee- Nazareti mi Zesu 'ε zi."

⁷²Bhε =nɔɔ bhe 'ezin-, 'ke Pieri 'a 'lɛmadɔle 'eglɔɔle 'bhε -jan 'ε ta, 'kee- bhaa bhlele- dɔɔ: "'Mi 'pegee 'η 'sɔwεε- 'gbu 'ε ta, 'naa 'yee- mεε 'la bhe -a dɔ."

⁷³Bhε blaen 'waati sa, 'ke 'fε -gbenj 'yi mu 'ε -woo mabεenle Pieri -din, 'bhεε- 'ke -wa pele- -a ni dɔɔ: "'Wlan 'gbu 'ε ni, 'yoo- 'ke Zesu zi mu 'ε do 'le. -Amasrɔyi 'woo- 'e do 'yaa- -janwo' gbeya 'bhεε- ma."

⁷⁴Bhε klεle 'tε, 'ke Pieri bhaa bhlele 'sanle, 'ke -ya pe dɔɔ: "'Ke 'η bhla =pia, bhaa 'η ga. 'Naa 'yee- mεε 'la bhe -a dɔ 'sekeseke!' 'Bhε 'waati do 'kpɔ 'ε ba, 'ke maagwlen -wele'.

⁷⁵Bhε klεle 'tε, Zesu -jan 'la =woa 'yee- Pieri ni 'elwale gban -sɔ, 'ke 'bhε dɔle- -a 'kpee, Zesu 'a =pia -a ni dɔɔ: "'Sani- maagwlen -weli' pleŋ- -zɔn, 'e nu 'e 'lɛmadɔle 'eglɔɔle 'mi ma gaan yaga 'kaa 'yaa 'mi dɔ." Pieri 'pwele- 'pɛlii-, 'kee- wisile 'ebebele.

Matie 27

¹Zrwan 'ε zi, 'ke 'sraka 'lɛna -kuŋlii mu 'ε 'pegee Zuufu mu 'ε -waa' 'gwlaan- gbilaan mu 'ε -woo -lɛkpale 'eke- ta, 'bhεε- 'ke -o 'kpen 'a 'kpale do ma 'kaa -o Zesu dε.

²-Ayile, 'ke -wa gbε ta -yrele', 'bhεε- 'ke -o gele- 'kele- -janmatii Pilati ba.

³Zudasi 'la -dawli' =kpaa Zesu gbε ta, 'bhεε- -ya -lɛnaa mεε mu 'ε ni, 'a 'yele- 'bhii- -o -kpan -balaa' Zesu ta 'kaa -wa dε, 'ke -zadɔwεε dɔle- -a ma. -Ayile, 'kee- gele- -gɔli' 'tanbha mia do bhε vu 'ε 'niinalε 'sraka 'lɛna -kuŋlii mu 'ε 'pegee Zuufu mu 'ε -waa' 'gwlaan- gbilaan mu 'ε ma.

⁴-Ya =pia -o ni dɔɔ: "'D -za 'yɔɔ- -kla mεε 'la zan laa -za 'yɔɔ- do 'kpɔ klεle 'bhε 'lɛnalele 'ka ni!" -Ayile, 'ke -wa -lɛkunle -a ni dɔɔ: "'O mɔɔ a za 'laa -o 'bhε 'yi, 'e 'gbu a -za -le 'bhε 'le."

⁵Bhε klεle 'tε, 'ke Zudasi -gɔli' 'tanbha mu 'ε 'wianle 'trε ma -Waanbhaa' Gba 'Fε -Gbεnε 'ε =la, 'bhεε- 'kee- 'pwele. 'Bhε blaen, 'kee- gele- -a 'gbu duŋle -yri diinj do 'yi.

⁶Bhε 'yi bhe, 'ke 'sraka 'lɛna -kuŋlii mu 'ε -o -gɔli' 'tanbha mu 'ε 'wloole 'trε ma, 'bhεε- 'ke -wa pele- dɔɔ: "'Waa- 'toŋ 'ε ta, 'waa sɔ -gɔli' 'lεε- bɔle- -Waanbhaa' Gba 'Fε -Gbεnε 'ε =la -gɔli' bɔ -koo 'ε 'yi, -amasrɔyi mεε yien ma -gɔli' -le."

⁷-O yanle 'a 'kpalele do ma, 'ke -wa pele- dɔɔ -o gbɔdɔ mi 'ε 'bhε a 'trε 'ε 'lɔle 'yee- -gɔli' 'ε 'le, 'bhεε- -o 'bhε 'trε 'ε klε 'cie mu binyrε 'le.

- 8'Bhela- -zayile, 'kee- 'san 'bhe yi 'e ma, 'kee- nu 'tenle- -zon ma, -o 'bhe 'tre 'e sii dōo: "Yien ma 'tre."
- 9'Bhe klegbeya 'e 'yi, -Waanbhaa' -lela' janwo mi Zeremi jan mu 'la =woa 'elwale -so 'mu 'leswa=, -ya -pia dōo: "-O -goli' 'taṅbha mia do bhe vu =sia. Izraeli mu 'e -wa 'plee =kaan 'bhe- -goli' 'lii yēke- 'e 'le.
- 10'Bhe- -o gbōdō mi 'e -yaa' 'tre 'e =lwa 'ke 'bhe -goli' 'e 'le, 'bhii- Mēezan 'a =pia 'mi ni pe gbeya 'la yi."
- 11'Mēē mu 'e -o -ja Zesu 'le -janmatii Pilati ba. 'Bhe- -janmatii Pilati 'a 'lrōkpaā dōo: "'Bhi -le 'ke Zuufu mu 'e -waa' -bhleṅgbe 'e 'le eē?" Zesu pe -a ni dōo: "'E 'gbu 'yela- =pia bhe."
- 12'Bhe blaān, 'sraka 'lena -kuṅlii mu 'e 'pegee 'gwlaan- gbalaan mu 'e -o bhla -bebe =kpaā -a ma, 'duṅ- yaa 'mu 'kedo- 'kpō mabōle.
- 13'Bhe klele 'te, 'ke Pilati 'a 'pele 'a ni dōo: "-O bhla mu 'la 'kpen 'kpa zii' 'e ma bhe 'e 'trōn 'laa 'mu 'yi eē?"
- 14'Duṅ- Zesu 'laa 'mu 'kedo- 'kpō zilakpalē -a ni bhe, 'bhe 'a 'kpeelēnia -a ma 'egbenele.
- 15'Lēē 'oo lēē, Paki 'feti 'e ta, -janmatii Pilati ta pē -le -yaa 'ke 'ploolele -kaso yi mi do ma, 'kela 'ke -zamaa' 'e 'yaa- 'bhe -za pe, -e 'yaa- ploō 'bhe- ma -o ni.
- 16'Bhe 'waati 'e ba, -waa' -kaso 'yi mi do -yaa, -o -yaa 'bhe sii Barabasi. Mōkpen' 'yaa- 'bhe dō 'bhe kleza -yōō' mu 'e ma.
- 17'Pilati -zamaa' 'e 'lrōkpaā- dōo: "'Kaa- zi 'bhii- 'ṅ 'ploō- 'ka ni 'woo- mēē ple 'e -dela ma eē, Barabasi taa- Zesu, -o 'bhe 'la sii Mēē -Bheē mi -Kpōsōō Krisi eē?"
- 18'Yee- Pilati 'gbu 'yaa- 'yaango- dōo mēē mu 'e 'yaa- zranlawo zii' Zesu ma, 'bhela- -zayile -o =nwa 'bhe -lenale -a ni.
- 19'Duṅ- Pilati 'yaale- -yaa 'waati 'la ba 'kitikanyre 'e =nōō, 'ke -a na mēē do winbōle -a ta 'kaa 'bhe ge -jan 'lēē- 'yikla 'a -kōō dōo: "Mēē 'la bhe, yaa -za 'yōō- do 'kpō klele, 'bhela- -zayile 'yaa -za 'yōō- do 'kpō klele -a ni, -amasrōyi 'ṅ -yren -bebe -bhla -a -zayi' -zon gbiṅ na."
- 20'Bhe bhla 'e ba, 'sraka 'lena mu -kuṅlii mu 'e 'pegee 'gwlaan- gbalaan mu 'e 'yaa- wla 'zi -zamaa' 'e zi dōo -wa pe Pilati ni dōo 'bhe 'ploō- Barabasi -la ma, 'bhe- -ya pe -o Zesu de.
- 21'Bhe 'yi 'te, 'ke -janmatii Pilati -o -lrōkpa' gbē drēewole 'ezin- dōo: "'Kaa- zi 'bhii- 'ṅ 'ploō- 'woo- mēē ple 'e -dela ma 'ka ni?" -O 'kpen 'a 'lēkwan- -a ni dōo: "Barabasi!"
- 22'Bhe- Pilati -o -lrōkpaā 'ezin- dōo: "'ገ nu -mē za -la klele Zesu 'la 'ka 'bhe sii Mēē -Bheē Mi -Kpōsōō Krisi 'bhe ni eē?" -O 'kpen 'a 'lēkwan- dōo: "-Kaa gbaan -yrigbēele 'e ta, 'bhe- -e ga!"
- 23'Pilati -o -lrōkpaā 'ezin- dōo: "-E -mē -za 'yōō- -la kla eē?" 'Duṅ- -o -gbekaan 'ezin- 'eglōole 'kaa: "-Kaa gbaan -yrigbēele 'e ta, 'bhe- -e ga!"

- 24'Yee- Pilati 'a 'yele- 'bhii- yaa -yaa so -za 'kedo- 'kpɔ klɛle 'ezin-, 'bhe 'pegee mɛɛ mu 'ɛ zru baan' 'yaa- -wlen 'zi, 'kee- -yi 'sile, 'ke -ya gbɛ mafɛle mɔkpen' 'yrɛ ma, 'bhɛɛ- 'ke -ya pele- dɔɔ: "'Mi 'naa -o 'ŋ gaan bɔle- mɛɛ -lɛdɔɔle 'lɛɛ- -a dɛza 'ɛ 'yi! 'Ka 'gbu 'kɔɔ za -le!"
- 25'Bhɛ klɛle 'tɛ, 'ke -o 'kpen 'a 'lɛkunle 'eke- zi dɔɔ: "'Kee- -gaa oo, bhaa -a gale -kpan 'ɛ bala- 'o mɔɔ 'pegee 'o 'nɛ mu 'ɛ ta!"
- 26'Bhɛ klɛgbɛya 'ɛ 'yi, 'ke Pilati 'ploole Barabasi ma -o ni; 'bhɛɛ- -e pe mɛɛ mu ni 'kaa 'mu Zesu zita zɔn 'ke gbaŋbhle 'le; 'bhe blaana, 'ke -ya 'kpale -o 'kɔɔ 'kaa -o ge -a gbaana -yriɣbɛɛle do ta.
- 27-Janmatii Pilati a -srwase' mu 'ɛ -ja Zesu 'le -yaa 'fɛkpee yrɛ 'la mɛɛ mu kla 'eke- ba a =nɔɔ 'bhɛɛ- =la; 'bhɛɛ- 'ke -srwase' 'le -gbɛnɛ do 'ɛ 'kpen 'yaale -a zi.
- 28-O Zesu tapɛ mu 'ɛ -gwa, 'ke -o dune- tralape 'ten gbɔɔn do 'klale -a ta.
- 29'Bhɛ blaana, 'ke -o lɛrɛ zungbhle do 'tanle 'bhii- -bhleɣɣbe ŋgblo ma -cana 'faa do gbɛɛn-, 'ke -o 'bhe bɔle- -a ŋgblo 'ɛ ma. 'Bhe trala, 'ke -o toɔɔ do 'kpale -a gbɛ -yie' 'lii 'bhii- -bhleɣɣbe do 'kɔɔ 'beni do gbɛɛn-; 'bhɛɛ- 'ke -woo 'kpɔ zenle- -a -lɛɛ, 'ke -o 'sɔnsi- 'a ma, 'bhɛɛ- 'ke -wa pe -a ni dɔɔ: "'E 'yia-, Zuufu mu a -bhleɣɣbe!"
- 30-Woo -liile' mu =klaa -a ta, 'bhɛɛ- -wa 'kɔɔ toɔɔ 'ɛ =sia, 'ke -wa zɔn -a 'wiin- 'bhe 'le.
- 31-O yanle 'sɔnsile 'le -a ma, 'ke -o dune- tralape 'ten gbɔɔn 'ɛ gole- -a ta, 'bhɛɛ- 'ke -wa tapɛ -lwa mu 'ɛ 'klale -a ta. 'Bhe blaana, 'ke -o gele- -a gbaanle -yriɣbɛɛle 'ɛ ta.
- 32-Srwase' mu 'ɛ 'pwɛ bhla 'ɛ zi -janmatii 'ɛ -yaa' 'fɛ 'ɛ =la Zesu 'le, 'ke -o -lɛpale Sireni -wa 'ɛ ta mɛɛ do 'le, -o -yaa 'bhe sii Simɔ. 'Bhe klɛle 'tɛ, 'ke -srwase' mu 'ɛ -wa pele- 'bhe Simɔ 'ɛ ni 'kaa 'bhe Zesu gbaana -yriɣbɛɛle 'ɛ 'si kpaŋma.
- 33-O bhɔle yrɛ 'la -o 'bhe sii Goligota ('bhe 'yi -le dɔɔ mɛɛ ŋgblo bhɛle' yrɛ),
- 34'ke -o -laane' 'yi yienle do 'pegee -drɔɔ 'yizaale, 'bhɛɛ- 'ke -o 'bhe 'nale 'a ni, ('kooko- 'kee- 'bhe =mia, yaa ga 'ɛ 'lale- tadɔ). 'Duŋ- -e 'bhe -yi 'ɛ danle -a nre ma, yaa dɔle 'bhe 'mile- -la.
- 35'Bhe blaana, 'ke -wa gbaanle- -yriɣbɛɛle 'ɛ ta, 'ke -o 'tete dɔle- -a tapɛ mu 'ɛ ta, 'bhɛɛ- 'ke -o 'mu -yicienle 'eke- ma. 'Bhe klɛgbɛya 'ɛ 'yi bhe, -Waanbhaa' -lɛla' janwo mi 'ɛ 'wojan- 'ɛ 'lɛswa=, 'bhe 'a =pia dɔɔ: "'-O 'tete -dwa 'ŋ tapɛ mu 'ɛ ta, 'bhɛɛ- -woo -yicienna 'eke- ma."
- 36'Bhe blaana, 'ke -o -yaale' -a gooba 'bhe yrɛ 'ɛ =nɔɔ ye.
- 37-Wa =dia win 'la ma bhe, -o 'bhe -yɔɔndia -yripeene do ta, 'bhɛɛ- -o 'bhe -gbaanna -a ŋgblo 'ɛ tralayrɛ 'ɛ =nɔɔ, 'bhe 'yaa- dɔɔ: "Mɛɛ 'lɛɛ- 'yele- 'ke Zesu 'le, Zuufu mu a -bhleɣɣbe 'ɛ."
- 38'Ezin-, -o -faannii' ple -gbaanna -yriɣbɛɛle ple ta Zesu -din: -A do -yaa -a gbɛ -yie' ta, 'bhɛɛ- -a -bhɛɛke' do 'ɛ 'yaa- -a gbɛ -koo ta.

- 39 Mɛɛ 'la zan mu -yaa 'kan zii' Zesu gbaanyɛ 'ɛ -din, 'mu 'yaa- a glin 'ke 'mu 'mu ngblo bɛɛn, 'bhɛɛ- 'ke -wa -zwanwo'.
- 40 'Bhɛɛ- -o -yaa pe dɔɔ: "'Bhi 'laa 'pele- 'kaa 'e sɔ -Waanbhaa' Gba 'Fɛ -Gbɛnɛ 'ɛ 'wile-, 'bhɛɛ- 'ya dɔ gbɛ drɛɛwo -yrekpaa' yaga -la ɛɛ? 'Kee- 'yoo- 'ke -Waanbhaa' Gbe 'ɛ 'le, 'e 'gbu 'bhee -zɔn, 'bhɛɛ- zina- -yrigbɛɛle 'ɛ ta doo.'"
- 41 'Bhɛ kɛgbɛya do 'ɛ 'yi, 'sraka 'lena -kunlii mu 'ɛ 'pegee 'Tonj daan mu 'ɛ, 'bhɛɛ- 'gwlaan- gbɛlaan mu 'ɛ, -o 'kpen 'yaa- Zesu malrɔgo 'zi 'ke -wa pe dɔɔ:
- 42 "-E mɛɛ -bhɛɛke' mu 'ɛ -gwa -za 'yi, 'bhɛɛ- yaa sɔ -a 'gbu gole -za 'yi! 'Ke -yoo 'ke Izraɛli mu a -bhɛngbe 'le, -e zina- 'saanibhe doo -yrigbɛɛle 'ɛ ta; 'kee- 'bhe =kla, 'o nu 'o 'kpale- -a -yi.
- 43 -Ya 'gbu gbɛkpa- -Waanbhaa' 'kɔɔ, 'bhɛɛ- -ya -pia dɔɔ: "'D 'yoo- 'ke -Waanbhaa' Gbe 'le!' 'Bhɛɛ- 'ke -a -za sɔ -Waanbhaa' ni 'bhe nu 'a go 'saanibhe -za 'yi doo!'"
- 44 Mɛɛ dɛ mi plɛ 'la gbaanle -yaa -a -din -yrigbɛɛle plɛ 'ɛ ta, 'mu 'yaa- -a -zwanwo' zii' 'bhe kɛgbɛya do 'ɛ gbɛɛn- 'ezin-.
- 45 'Kee- san -yrekpaa' ma, 'bhɛɛ- 'kee- ge 'tɛnle- yromazi -yretɛbhe yanyan 'ɛ ma, -gblo -gbɛnɛ -kpaa 'trɛ 'ɛ ta yrekpen- =nɔɔ.
- 46 'Yee- yromazi -yretɛbhe yanyan 'ɛ 'bhɔ bhla 'ɛ 'e -din, 'ke Zesu -gbɛkanle 'egɔɔle dɔɔ: "Eli, Eli, lama sabatani?" 'Bhe 'yi -le dɔɔ: "'An -Waanbhaa', 'an -Waanbhaa', -mɛle =kla 'bhɛɛ- 'ye 'ɲ do -kplɛn =twa -a nɔɔ- ɛɛ?"
- 47 Mɛɛ 'la zan mu -yaa -a -din 'bhe 'waati 'ɛ ba, 'mu 'a -gbɛkanwli 'ɛ 'male, 'ke 'mu 'a pele- dɔɔ: "-Ka 'ka 'trɔnbado doo, -yoo Eli 'sii zii!'"
- 48 'Bhe klele 'tɛ, 'ke -o do gele blaale- -nɛ 'yientɛnɛ 'fɛ -gbɛlanluu -fɔlu' -fɔlu' 'ɛ 'sile-, 'kee- 'bhe 'pale 'ke -wɛɛn yue 'tɔnle- 'le. 'Kee- 'bhe 'yirele togo gbɔɔn do yin 'lii, 'bhɛɛ- 'kee- 'bhe 'wlale Zesu 'lii 'kaa 'bhe 'bhe 'mi.
- 49 'Duɲ- -a -vin mu 'ɛ pe dɔɔ: "'Kɔɔ- dula- doo, -dɔke' Eli nu nule a gole -za 'yi oo!'"
- 50 Zesu -gbɛkan' gbɛ drɛɛwoa- 'egɔɔle 'ezin-, 'ke -a niigole -a -yi.
- 51 'Bhe 'waati do 'kpɔ 'ɛ ba, sɔgbɛ -gbɛnɛ 'la duɲle -yaa -Waanbhaa' Gba 'Fɛ -Gbɛnɛ 'ɛ 'kpee yrɛ 'la -o -yaa 'bhe sii "Yrɛ 'wɛɲ 'wɛɲ" 'bhe=la, 'bhe 'peedia- plɛ 'kee- da laanima, 'kee- nu 'tɛnle- 'traa. 'Bhe klele 'tɛ, 'ke 'trɛ bɛɛnle-, 'bhɛɛ- 'ke vlɛ -saa mu 'ɛ -o -wile'.
- 52 Mɛɛ bu mu 'ɛ 'liigwa-, 'bhɛɛ- mɛɛ -lɛdɔɔle mu 'la -gaa 'elwale gban -sɔ, 'mu -bebe -bwela gale ba.
- 53 'Bhɛɛ- -o -pwɛla bu mu 'ɛ 'yi Zesu bwele 'ɛ blaɛn gale ba, 'ke -o nule- Zeruzalemu -wa 'ɛ 'kpee. Mɛɛ -bebe -o =ya.
- 54 'Bhe klele 'tɛ, -srwase' -kunlii 'ɛ 'pegee -srwase' -vin mu 'la 'yaa- Zesu gooba 'ke -yoo -yrigbɛɛle 'ɛ ta, -o 'trɛ bɛɛnyrɛ 'la =ya, 'bhe 'pegee -za mu 'la 'kpen =kla -o -yrɛ ma, 'bhɛla- -zayi' -gbɛlaan -gbɛnɛ =klaa -o -yi. 'Bhɛɛ- 'ke -wa pele- 'eke- ni dɔɔ: "Mɛɛ 'lɛɛ- 'yaa- 'ke -Waanbhaa' Gbe kpataakpa 'gbu 'ɛ 'bhɛɛ- 'le!'"

- 55 Le 'srɛ mu 'la 'yaa- zi Galile 'trɛ 'ɛ ta 'ke 'mu bhɔ a ba, 'bhɛɛ- 'ke 'mu =nwa -a zi Zeruzalemu, 'mu 'yaa- -a gbaa 'ɛ taglin- 'zi bhlo gbɔɔn ma.
- 56 Woo- le mu 'ɛ 'ke mu -la 'tɔ -le -gɛ: Mari 'la da Magidala -wa 'ɛ ta, Zaki 'pegee Zozɛfu nɛɛ Mari, 'bhɛɛ- Zebede gbe plɛ 'ɛ Zaki 'pegee Zaan nɛɛ.
- 57 Yromazi bhɔle, 'ke pɛzan do dale- Arimate -wa 'ɛ ta, -o -yaa 'bhe sii Zozɛfu, 'bhɛɛ- 'bhe 'yaa- Zesu a -klanlanɛ mu 'ɛ do 'le.
- 58 Bhe 'yi, 'kee- gele- 'tɛ Zesu gbaa 'ɛ 'yrewolɛ -janmatii Pilati ma. -Ayile, 'ke Pilati dɔle- gbaa 'ɛ 'nale- -la -a ni.
- 59 Bhe ya 'ɛ 'yi, 'kee- gbaa 'ɛ 'sile, 'bhɛɛ- 'kee- sɔ drɛɛ 'pu 'penpen do 'kpale 'bhe ma.
- 60 Bhe blaɛn, 'kee- gele- -a binle bu -gluu drɛɛ do 'yi. 'Yee- Zozɛfu 'gbu -le mɛɛ mu =sia 'kaa 'mu 'bhe bu -gluu 'ɛ 'kwlee- -a ni vlɛ -saa do 'yi. -E yanle 'kee- vlɛ -kpuɲ -gbɛɛ do -bhlile', 'bhɛɛ- 'kee- bu -gluu 'ɛ 'liitanle 'bhe 'le. 'Bhe blaɛn, 'kee- jilale.
- 61 Bhe 'waati 'ɛ ba, Mari 'la 'yaa- da Magidala -wa 'ɛ ta, 'bhe 'pegee 'bhe 'too- Mari do 'ɛ, 'mu 'yaale -yaa bu 'ɛ 'lema-.
- 62 Bhe ta tooklin- 'ɛ 'yi 'le, -yitrɛ' yi 'ɛ ma pɛ mu 'ɛ magaanle blaɛn, 'ke 'sraka 'lena -kunlii mu 'ɛ 'pegee Farizi mu 'ɛ -o gele- 'eke- zi Pilati ba.
- 63 Bhɛɛ- 'ke -wa pele- Pilati ni dɔɔ: "'O zan, 'yee- bhlanii- 'la bhe, -e -yaa -a -yrɛ ma 'waati 'la ba, -ya =pia dɔɔ -e nu bwele gale ba, -a gale blaɛn -yrekpaa' yaga mi ma. 'Bhe -jan 'ɛ 'bhe -o -li 'o 'kpee.
- 64 -Ayile, -a pe -srwase' mu ni dɔɔ -o bo -a bu 'ɛ gooba -yrekpaa' yaga ta, 'kooko- -yaa' -klanlanɛ mu 'ɛ waa nu nule -a gbaa 'ɛ 'faanle-, 'bhɛɛ- -wa pe -kɔɔa' mɛɛ mu 'ɛ ni dɔɔ: '-E -bwela gale ba.' 'Ke 'bhe =kla, 'bhe bhla 'ɛ gbalaɛn 'yi nu yalɛ -e bhla -lwa mi 'la =pia 'bhe ni."
- 65 Bhe klele 'tɛ, 'ke Pilati 'a 'pele -o ni dɔɔ: "-Srwase' 'ke mu -le -gɛ, -ka mu 'si -a gooba yaaza 'yi. -Ka ge 'bhɛɛ- -kaa pe mɛɛ mu ni 'mu bo a bu 'ɛ gooba 'bhii- -e sɔ 'ka ni gɔnɛ- 'la gbɛɛn-."
- 66 Bhɛɛ- 'ke -o gele- yaale 'tɛ -a bu 'ɛ gooba. -O Romɛ mu a -bhleɲgbe -gbɛɛ 'ɛ, 'bhe gbe blaɛn yɔɔn -kpalaa' bu -gluu 'ɛ 'liitan vlɛ -kpuɲ 'ɛ ta, 'bhɛɛ- -o piibhe kpɛle- -gbɛɛ do -yrela 'bhe ta. 'Bhe blaɛn, 'ke -srwase' mu 'ɛ 'yaale bu 'ɛ gooba.

Matie 28

- 1 -Yitrɛ' yi 'ɛ ta tooklin- yi 'ɛ 'le, 'kanɔplɛ 'ɛ ma, zrwɛn 'tutu 'ɛ 'zi, 'ke Mari 'la 'yaa- da Magidala -wa 'ɛ ta, 'bhe 'pegee 'bhe 'too- Mari, gele- bu -gluu 'ɛ taglinle.
- 2 Bhe 'waati do 'kpɔ 'ɛ ba, 'ke 'trɛ bɛɛnle- fanɲan- ma, 'bhɛɛ- 'ke Mɛɛzan -Waanbhaa' a -mlɛkɛ' do zinale 'kee- da lafle' ma. 'Bhɛɛ- 'kee- bu -gluu 'ɛ 'liitan vlɛ -kpuɲ -gbɛɛ 'ɛ 'bhlile- bu -gluu 'ɛ -gɔma', 'bhɛɛ- 'kee- yaale' 'bhe vlɛ -kpuɲ 'ɛ ta.

- 3'Yee- -mləkē' 'ε wleyi' 'ε 'yaa- -bhi 'zi -yrayra 'bhii- mləklennε do -bhigbeya 'ε gbεen-, 'bhεε- -a ta dune- 'ε 'yaa- flee 'epu 'penpenle 'bhii- 'kwlen- -buu' 'fleegbeya gbεen-.
- 4-Ayile, -gblaan 'kla gbε -yoo 'ε 'koo bu 'ε gooba mu 'ε 'yi, 'ke -o bεenle 'sanle -kprakpa, 'bhεε- 'ke -o 'srinle 'bhii- -o -gaa.
- 5'Bhε klele 'tε, 'ke -mləkē' 'ε -ya pele- le mu 'la =nwa bu 'ε taglinyε 'ε noo- 'mu ni doo: "'Ka mu laa -gblaanle!' 'An 'yaango- -o Zesu 'la -gbaanna -yrigbεεle 'ε ta, 'ka -o 'bhεε- -glij 'zi.
- 6'Yaa -o -li -gε. -E -bwela gale ba 'bhii- -ya -pia 'ka ni gōnε- 'la gbεen-. -Ka nu -a gbaa 'kpayrε- 'ε -glin -gε doo.
- 7'Bhεε- -ka ge blaale- -a pe -yaa' -klanlanε mu 'ε ni doo -e -bwela gale ba, 'bhεε- -e 'kan zii' 'ka 'lεε -so Galile 'kleen 'ε 'yi. 'Ka nu -a yele 'bhεε- =noo ye. 'D =nwa -jan 'la 'wolε- 'ka ni 'bhε -le bhe."
- 8'Bhε klele 'tε, 'ke 'woo- le mu 'ε -o gole- blaale- bu 'ε -din, 'ke -o blasanle, 'bhεε- 'ke -o gele- 'yee- -Jan 'Nrāle- 'ε 'pele- Zesu a -klanlanε mu 'ε ni. -Gblaan 'pegee yilabla -gbenε do -yaa -o zru ba.
- 9-O nu bhla 'ε zi, Zesu bewza 'ε 'woyrε- nōo-, 'ke Zesu 'klale -o ba blaale-, 'bhεε- 'ke 'bhε -o 'pubole doo: "'Ka 'η -kēna!" 'Bhε klele 'tε, 'ke 'woo- le mu 'ε -woo mabεenle Zesu -din, 'bhεε- 'ke -wa gbale- -o 'kpō zenlele -a -lεε, 'bhεε- 'ke -woo gbε mu kpa -a gaan ma.
- 10'Bhε 'yi 'tε, 'ke Zesu 'a 'pele- -o ni doo: "'Ka 'laa -gblaanle!' -Ka ge a pe 'η nεenε- mu 'ε ni 'kaa -o ge Galile 'kleen 'yi: -O nu 'η 'yele- 'bhεε- =noo ye."
- 11'Le mu 'ε 'yaa- ge 'zi 'waati 'la ba Zesu a -klanlanε mu 'ε ta, 'ke -srwase' mu 'la -o =bwa Zesu bu 'ε gooba, 'mu 'ke mu gele- -wa 'ε 'kpee, 'bhεε- -za mu 'la 'kpen =kla -o -yre ma, -o 'mu 'kpen 'yigōonna 'sraka 'lεna -kunlii mu 'ε ni.
- 12-Ayile, 'ke 'woo- 'sraka 'lεna -kunlii mu 'ε 'pegee 'gwlaan- gblaan mu 'ε -woo -lekpaale 'eke- ta. 'Bhεε- -o 'kpale do ma, 'ke -o -gōli' kpu -gbenε do wlale- -srwase' mu 'ε gbε =la.
- 13'Bhεε- 'ke -o 'mu 'lεmazōnle doo: "-Ka ge -a pe doo 'o 'yaa- yi pla 'waati 'la ba -bi 'ε zi, -yaa' -klanlanε mu 'ε =nwa -a gbaa 'ε faanle-.
- 14'Ali- 'ke -janmatii Pilati 'trōnbwa- 'yee- -za 'ε 'yi, 'o mōo 'gbu nu -janwole a ni, 'bhεε- 'o 'ka ngblo go -za 'yi."
- 15'Bhε klele 'tε, 'ke -srwase' mu 'ε -o -gōli' 'ε 'sile, 'bhεε- 'sraka 'lεna -kunlii' mu 'ε 'pegee 'gwlaan- gblaan mu 'ε -wa -pia -o ni -o -za yeke- 'la 'bhε kle -o 'bhεε- =kla. -Ayile, 'kee- san 'bhε yi 'ε ma, 'kee- nu 'tenle- -zōn ma, 'bhε -jan 'ε =zian Zuufu mu 'ε 'kpen 'trōn 'yi.
- 16'Zesu a -klanlanε -vin vu ta do 'ε (-amasrōyi Zudasi 'la 'yaa- -o vu ta plε mi 'ε le, bhε 'bhε 'gbu =dia) -ja Galile 'kleen 'yi vle gōon do 'la -e 'bhε -zrōnna -o ni 'bhεε- 'wiinj-.

17-O Zesu 'yele-, 'ke -woo 'kpɔ zɛnle- -a -lɛɛ, 'bhɛɛ- 'ke -wa gbale- -o 'seriwolele. 'Duŋ- -o 'ke mu laa 'mu 'kpale- -a -yi 'bhii- 'yele- 'kele-.

18'Bhɛ 'yi 'tɛ, 'ke Zesu 'e 'mabɛɛnle -o -din, 'ke -ya pele- -o ni dɔɔ: "-Waanbhaa' - glɔɔya' 'kpen =naa 'ŋ ni lafle' 'pegee 'trɛ ta.

19-Ka ge 'klɛɛn 'kpen 'yi mu 'ɛ ta, 'bhɛɛ- -ka -o kle 'an -klanlanɛ mu 'le. -Ka -o wiɪŋfɛ' - yi ba -kɔɔ' Dɛ -Waanbhaa' 'pegee -a Gbe, 'bhɛɛ- Lii 'Wɛŋ 'ɛ 'tɔ 'yi.

20'Bhɛɛ- 'mi 'ka mu -daanna -jan 'oo -jan mu 'la 'le, -ka -o daan 'mu 'kpen ta 'taawolele. -Kaa 'yaango- dɔɔ 'ŋ 'yoo- 'ka ba yikpɛnsee ta, 'ke 'bhɛ ge 'tɛnle- 'drunyan 'yan yi ma."

Maki

Maki 1

- 1-Waanbhaa' Gbe Zesu Krisi ma -Jan -NrAle' 'e zisaan- gōne- 'lɛɛ- 'bhɛɛ- gbɛɛn-.
- 2-A yɔɔndeLe -o -Waanbhaa' -lɛla' janwo mi Ezai a 'sɛwɛ 'ɛ 'yi dɔɔ: "'E 'trɔnbado doo, 'mi -Waanbhaa' nu 'an -toorodo mi 'e 'winbɔle 'e 'lɛɛ zi magaan zayi'.
- 3-Yoo 'ke mɛɛ 'la zan -o -gbekan zii' 'egloole -kpe 'ɛ ta 'ke -ya pe mɛɛ mu 'ɛ ni dɔɔ -Ka Mɛɛzan a zi 'ɛ magaan, -ka -yaa' zibhɛ mu 'ɛ 'lɛdɔɔ-!"
- 4'Bhɛ klegbeya do 'ɛ 'yi, Mɛɛ Wiinjɛ' Mi Zaan =nwa, -e -yaa -kpe 'ɛ ta, 'bhɛɛ- -e -yaa mɛɛ mu 'ɛ wiinjɛ' zii' -yi ba. 'Ke -yoo wiinjɛle bhla 'la ba, -e -yaa pe -o ni dɔɔ: "-Ka 'ka 'taawogbeya mu 'ɛ maniina 'ke 'ka 'ploo -za 'yɔɔ- klɛle ma; 'bhɛɛ- 'ɲ 'ka 'wiinjɛ- 'tɛ -yi 'ɛ ba; 'kooko- -Waanbhaa' 'kaa- -za 'yɔɔ- mu 'ɛ 'sroma- yan!"
- 5>Zude 'klɛn 'ɛ 'yi mɛɛ mu 'ɛ 'kpen 'pegee Zeruzalemu mu 'ɛ 'kpen 'yaa- ge 'zi 'yee-Zaan ba. 'Ke -o -yaa yan -waa' -za 'yɔɔ- mu 'ɛ 'pelele mɔkpen' 'yrɛ ma, 'bhɛɛ- -e -yaa -o wiinjɛ 'tɛ Zrudɛn yue 'ɛ ba.
- 6'Yee- Zaan ta dunɛ- 'ɛ 'tanle- -yaa 'ke 'yɔɔnma 'ciɛ- 'le, 'bhɛɛ- 'flɛ 'sentru do dɔle -yaa -a 'saanla. -E -yaa -a 'gbu 'lɛbɔ- 'ke 'siesie- -gama 'pegee -bɔn 'yi -zrɔ 'yrɔn mu 'le.
- 7-E -yaa -jan 'lɛɛ- 'bhɛɛ- 'wo zii' mɛɛ mu 'ɛ ni dɔɔ: "Mɛɛ 'la zan nu nule 'mi blaɛn, 'bhɛ 'sole- -yiya' 'mi ni, 'ali- -a wleyi' laa -o 'mi wleyi' ta 'ke 'mi 'ɲ makulaa 'bhɛɛ- 'an gaɛn ma -sawla bhle mu 'ɛ ploɔ, 'bhii- lu mu 'a klɛ gōne- 'la gbɛɛn- bhe.
- 8'Mi -o 'ka 'wiinjɛ zii' -yi ba, 'duɲ- 'yee- nu 'ka 'palɛ 'ke Lii 'Wɛɲ 'ɛ 'le."
- 9'Bhɛ 'waati 'ɛ ba, Zesu -daa Galile 'trɛ ta -wa do ta, -o -yaa 'bhɛ sii Nazareti, 'bhɛɛ- -e =nwa Mɛɛ Wiinjɛ' Mi Zaan ba -a wiinjɛ' zayi' Zrudɛn yue 'ɛ ba.
- 10'E -yaa pwe zii' -yi 'ɛ ba bhla 'la ba, 'kee- lafle' 'liiploole yeLe-, 'bhɛɛ- 'ke Lii 'Wɛɲ 'ɛ zinalɛ -a ta 'bhii- -bhoolado maannɛ- do gbɛɛn-.
- 11'Bhɛ yrɛ do 'ɛ =nɔɔ bhe, 'ke -weli' do dale- laanima 'ke 'bhɛ 'a 'pele dɔɔ: "'Bhi -le 'ke 'ɲ gbe 'la -za sɔ 'ɲ ni 'egbenele 'bhɛ 'le, 'bhɛɛ- 'bhi -le 'ɲ zrukpalaa kpataakpa."
- 12'Bhɛ blaɛn yrɛ do 'kpɔ 'ɛ =nɔɔ bhe, 'ke Lii 'Wɛɲ 'ɛ gele- Zesu 'le -kpe 'ɛ ta.
- 13'Bhɛɛ- -e -yrekpaa' mia plɛ 'ke -bi mia plɛ -la -gaa 'bhɛ =nɔɔ ye, 'bhɛɛ- -Setran' 'a 'yidaan- 'bhɛ 'waati 'ɛ ba. -E -yaa -bɔn 'yi wi mu 'ɛ 'plɛɲ-, 'bhɛɛ- -Waanbhaa' a -mlɛke' mu 'ɛ =bhwa -a ba.
- 14-O Mɛɛ Wiinjɛ' Mi Zaan 'kunle-, 'bhɛɛ- -o yanle -a bɔlele -kaso 'yi, 'ke Zesu gele- -Waanbhaa' a -Jan 'NrAle- 'ɛ 'wolɛ- Galile 'trɛ 'ɛ ta.
- 15-E -yaa -jan 'lɛɛ- 'bhɛɛ- 'wo zii' mɛɛ mu 'ɛ ni dɔɔ: "'Waati 'ɛ 'lɛswa=, -Waanbhaa' a -bhleɲgbeya 'ɛ =bhwa 'ka -din, -ka 'ka zru niina- 'ke 'ka 'ploo- -za 'yɔɔ- klɛle ma, 'bhɛɛ- -ka 'ka 'kpa -Jan 'NrAle- 'ɛ 'yi."

- 16'Bhɛ blaanta, -e -yaa 'kan zii' bhla 'la ba Galile -draa 'ɛ 'lɛzi-, 'kee- Simɔ 'pegee 'bhɛ 'nwagwɛn- Andre 'yele yrɔ bɔ yrɛ =nɔɔ -draa 'ɛ ba; -amasrɔyi -o -yaa 'ke kaadɛ mu 'le.
- 17'Zesu pe -o ni dɔɔ: "-Ka nu dɔ 'ɲ zi, 'bhɛɛ- 'ɲ nu 'ka klɛɛ 'ke mɛɛ mu 'kun mu 'le 'bhii- 'ka kaa mu kun gɔnɛ- 'la gbɛɛn-."
- 18'Bhɛ yrɛ do 'ɛ =nɔɔ bhe, 'ke -o 'ploole -waa' kaadɛ yrɔ mu 'ɛ ma, 'ke -o gele- dɔɛ -a zi.
- 19-O 'bhɔle- 'ezin- sa -o 'lɛɛ-, 'ke Zesu Zebede gbe plɛ 'ɛ 'yele-, Zaki 'pegee 'bhɛ 'nwagwɛn- Zaan. -O -yaa' -yitakonɔ do 'yi 'ke -o waa kaadɛ yrɔ mu 'ɛ magaan.
- 20'Bhɛ yrɛ do 'ɛ =nɔɔ bhe 'tɛ, 'kee- 'mu 'siile. 'Ke 'bhɛ mu 'mu dɛ Zebede 'pegee 'bhɛ a yewonɛ mu 'ɛ 'tole -yitakonɔ 'ɛ 'yi, 'ke 'mu gele- dɔɛ -a zi.
- 21'Bhɛ blaana, 'ke Zesu 'pegee -yaa' -klanjanɛ mu 'ɛ -o gele- Kapɛnɔmu -wa 'ɛ ta. 'Bhɛɛ- -yitrɛ' yi 'ɛ 'bhɔle-, 'kee- gele wlalɛ Zuufu mu a daanfɛ' 'ɛ =la. 'Bhɛɛ- 'kee- mɛɛ mu 'ɛ daanle 'sanle.
- 22'Mɛɛ 'la zan -yaa 'mu 'trɔnkpa zii' -a ni, -e 'mu 'kpeɛɛnia 'mu ma -yaa' mɛɛ daangbɛya 'ɛ 'le. -Amasrɔyi yaa -yaa -o daan 'zi 'bhii- 'Toɲ Daan mu 'ɛ -waa' mɛɛ daangbɛya 'ɛ gbɛɛn-, 'duɲ- -e -yaa -o daan 'zi 'bhii- 'sɛɲ -o mɛɛ 'la zan 'kɔɔ.
- 23'Bhɛ yrɛ do 'ɛ =nɔɔ bhe, 'ke lii -yɔɔ' zan do 'pwele -a -yi -o plɛɲ- Zuufu mu a daanfɛ' 'ɛ =la, 'bhɛɛ- 'ke 'bhɛ -gbɛkanle 'sanle 'kree 'ke 'bhɛ 'a pe dɔɔ:
- 24"-Mɛɛ 'o mɔɔ 'pegee 'bhi 'plɛɲ- Nazaretɪ mi Zesu? 'E =nwa 'o 'niyrɛ- -la nɔɔ- ɛɛ? Mi 'e dɔ kpataakpa, 'bhi -le 'ke Mɛɛ 'Wɛɲ 'la -daa -Waanbhaa' ba 'bhɛ 'le!"
- 25'Zesu 'pɛɛnna- 'yee- lii -yɔɔ' 'ɛ ta dɔɔ: "'E taga, 'bhɛɛ- 'e go mɛɛ 'lɛɛ- zi 'saanibhe!"
- 26'Bhɛ klɛɛ 'tɛ, lii -yɔɔ' 'ɛ go bhla 'ɛ zi, 'kee- mɛɛ 'ɛ bɛɛnle- -kpakpa 'kee- -gbɛkanle 'eglɔɔɛ.
- 27'Mɛɛ mu 'ɛ -o 'kpɛn 'liibhaala -o ma, 'fɔke -woo 'ɛke- -lɔkpale -saan dɔɔ: "-Mɛ pɛ -za -le -gee' ɛɛ? -Mɛ pɛ mɛɛ daangbɛya drɛɛ 'ɛ -dele -gee' 'sɛɲ 'le! 'Ali- -a drɔɔn' -janwo' lii -yɔɔ' mu ni fanɲan- ma, 'bhɛɛ 'mu 'a 'weli- ma!"
- 28'Bhɛ yrɛ do 'ɛ =nɔɔ bhe, 'ke Zesu 'tɔbhɔleya 'ɛ zɛnle- Galile 'klɛɛn 'ɛ 'kpɛn 'yi.
- 29-O 'pwele- Zuufu mu a daanfɛ' 'ɛ =la, 'ke 'yee- 'pegee Zaki 'bhɛɛ- Zaan -o gele- Simɔ 'pegee Andre mu ba 'fɛ 'le ma.
- 30'Simɔ boole yilale -yaa, 'bhɛ 'flɛ 'yi 'yaa- -la 'zi. 'Bhɛ yrɛ do 'ɛ =nɔɔ bhe 'tɛ, 'ke -o 'bhɛ a gaza 'ɛ pele Zesu ni.
- 31'Zesu 'e 'mabɛɛnle -a -din, 'ke -ya 'kunle -a gbɛ ma, 'bhɛɛ- 'ke -ya 'lawɛnle. 'Bhɛ 'waati do 'kpɔ 'ɛ ba, 'ke -yaa' 'flɛ 'yila ga 'ɛ gole- -a ma, 'bhɛɛ- 'ke -yoo -lɛwɛɛ' kpo klɛɛ-.
- 32'Bhɛ yroma 'ɛ zi, -yretɛbhɛ baale' blaana, 'ke -waa' -wa 'ɛ ta mu 'ɛ 'nule -waa' gadɛ mu 'ɛ 'kpɛn 'pegee 'zina mu 'yaa- mɛɛ mu 'la zan zi 'mu 'le Zesu ni.

- 33-Wa 'e ta mu 'e 'kpen -o -lekpa'a 'fe 'e 'le ma.
- 34-Ga -glo'on 'oo ga -glo'on 'la 'yaa- mæe mu 'e ma, Zesu 'mu 'kpen 'bheela-. 'Bhæe- 'ezin-, -e 'zina -bebe =gbian mæe mu zi, yaa -yaa do 'zi 'a -la 'ke 'zina mu 'e -janwo' yre -srõowo' -a 'kõõ, -amasrõyi -e -yaa 'ke mæe -glo'on 'la 'le 'mu 'yaa- 'bhe do.
- 35>Zrwan 'tutu 'e zi, 'sani- yre ma 'kanle- pleŋ-, Zesu 'e 'wlenle-, 'kee- 'pwele 'fe 'e =la, 'bhæe- 'kee- gele- -a 'seriwole -bõn 'yi yre do =nõõ.
- 36'Bhe bla'an sa, 'ke Simõ 'pegee mæe 'la zan mu -yaa 'yee- Zesu zi, 'mu gele- -a ziglinle 'te.
- 37'Bhæe- 'mu 'tenle- -a ma 'te, 'ke -wa pele- -a ni dõõ: "Mõkpen' -o 'e -glin 'zi."
- 38'Bhe klæle 'te, 'ke -ya pele- -o ni dõõ: "-Kõõ' ge yre -bhæeke' =nõõ, kpema -wa mu 'e ta, 'kooko- 'ŋ -Waanbhaa -a -jan 'e 'ke 'wo 'ezin- 'mu =nõõ ye. -Amasrõyi 'ŋ =nwa 'bhæe- 'kaama- 'tre 'læe- ta."
- 39'Bhe 'yi bhe, 'kee- gele- -Waanbhaa' a -jan 'e 'wole- Zuufu mu a daanfæ' mu 'e =la Galile 'klæen 'yi yrekpen- =nõõ, 'bhæe- 'kee- 'zina mu gbin mæe mu zi.
- 40-Kpaandæ' mi do 'e 'mabæenna Zesu -din, 'ke -ya 'kpõ zenle- Zesu -læe, 'bhæe- 'kee- -sromabõle 'bhe ni dõõ: "'Kee- =swa 'e ni, 'e sõ 'ŋ 'bheele."
- 41-A -yren 'kpen =klaa Zesu ma, 'ke 'bhe 'e gbæ 'trole -a ba, 'ke 'bhe 'e gbæ 'kpale -a ma, 'bhæe- 'ke 'bhe 'a pele- -a ni 'kaa: "'D -yoo -a zi 'bhii- 'e 'bhee-."
- 42'Bhe yre do 'kpõ 'e =nõõ bhe, 'ke -a ma -kpaan 'e gole-, 'ke -a 'fle klæle- 'weŋ.
- 43'Bhæe- Zesu 'yaa- 'ploõ zii' 'a ma bhla 'la ba 'ke -ya -lemazõnle dõõ:
- 44"'E 'gbu 'klõsikun 'dæ, 'yaa 'bhe -jan 'e 'wole- mæe 'kedo- 'kpõ ni. 'Duŋ- ge 'sraka 'læna mi 'e ba, 'bhæe- 'yee- maglin- doo, 'bhæe- Moizi 'sraka 'la goza =pia -kpaandæ' mu -bheza' 'e 'yi, 'bhe 'sraka 'e go, 'kooko- 'ya zrõn mõkpen' ni 'bhii- 'yaa- -kpaan 'e -gwa."
- 45'Duŋ- 'yee- mæe 'e gele, 'ke -ya -bheza' 'e 'woŋwoŋzenle, -asiikõõ Zesu 'laa -yaa sõ wlale -li -wa 'kedo- 'kpee mæe mu 'e yre ma. -Ayile -e =bwa -bõn 'e 'yi, 'bhæe- mæe mu 'e 'yaa- da 'zi yrekpen- =nõõ 'ke -o ge 'tenle- a ma 'bhe =nõõ ye.

Maki 2

- 1-Yrekpa'a 'dama 'kanle- bla'an, 'ke Zesu 'nule 'ezin- Kapenõmu. Mæe mu 'e -wa male 'kaa -yoo 'fe 'le ma,
- 2'ke mæe 'sræ 'lædo- nule- -o 'lekpale 'eke- ta 'fe 'e =la -a zi, -asiikõõ 'kanyre- laa -yaa sõ -srõowole 'fe 'e 'lii. 'Bhæe- Zesu 'yaa- -Waanbhaa' a -jan 'e 'wo zii' -o ni.
- 3'Bhe =nõõ bhe, 'ke mæe yizie nule- -flugba do 'le -a ba yrõ do 'yi.
- 4'Bhe mæe mu 'e waa 'sõle- gele- 'tenle- Zesu ma -træe, 'ke -wa zrõn 'bhe ni -zamaa' 'e 'kõõ. 'Bhæla- -yile, 'ke -woo wlayre do klæle- 'yee- Zesu 'yaa- 'fe 'la =la 'bhe 'wiinj-. 'Bhæe- 'ke -o -flugba' 'e 'pegee -a 'yila- yrõ 'e zinale 'bhe yre 'e =nõõ bhle ma.

- ⁵Zesu 'a 'yele- 'bhii- -woo -kpa'a -a 'yi, 'bhii- -e sɔ -flugba 'ε 'bheele, 'ke -ya 'pele 'yee- -flugba 'ε ni 'kaa: "'D 'nε, 'η 'yaa- -za 'yɔɔ- mu 'ε -sroma -yaan."
- ⁶Bhε =nɔɔ bhe, 'Toŋ daan mu 'la 'yaale- -yaa 'fε 'ε =la -zamaa' 'ε 'plen- 'ke 'mu 'a pele- 'mu 'kpee 'tε dɔɔ:
- ⁷"-Mεle -kla 'bhεε- 'gwlaan- 'lεε- -yoo -janwo' zii' -gee' εε? -E -Waanbhaa' 'tɔsie ma jan -la wo 'zi bhe. Bhaaplen 'ε -de 'gbu -le sɔ mεε mu a -za 'yɔɔ- mu -sroma 'yanle 'ke ya 'e go -Waanbhaa' do -kplen ba εε?"
- ⁸Bhε yre do 'ε =nɔɔ bhe, 'ke Zesu -o 'kpeejan- 'ε dɔle-. 'Bhεε- 'ke -ya pele- -o ni 'kaa: "-Mεle -kla 'ka -o 'bhe -jan -glɔɔn 'ε dan 'zi 'ka 'kpee εε?"
- ⁹Woo- -za ple 'gbu 'lεε- -o -dele 'edile εε, -a pele -flugba 'ε ni dɔɔ 'η -yaa' -za 'yɔɔ mu 'ε -sroma -yaan taa- -a pele -a ni dɔɔ -ya -wlen εε, 'bhεε- -e 'taawo- εε?"
- ¹⁰Duŋ- 'η 'yoo- -a zi 'kaa- 'yaango- 'bhii- -za 'yɔɔ- mu -sroma 'yan 'seŋ -o 'mi Bhaaplen Gbe 'ε ni 'trε 'ε ta -gε." 'Bhε 'yi 'ke -ya pele- -flugba' 'ε ni dɔɔ:
- ¹¹"'Mi 'gbu pe ni dɔɔ: 'E 'wlen-, 'e 'yila- yro 'ε 'si, 'bhεε- ge 'e ba -lε ma!"
- ¹²Bhε yre do 'ε =nɔɔ bhe, 'ke -flugba 'ε -ya -wlenle', 'ke -ya yila- yro 'ε binale, 'bhεε- 'kee- 'pwele mɔkpen' 'yre ma. -O 'kpen 'liibhaa gbε -yɔɔ 'ε 'kɔɔ -o ma 'ke -o -Waanbhaa' 'tɔbhɔle, 'ke -wa pe dɔɔ: "'Waa 'bhe -za 'lεε 'bhe 'yansi kleyre yele -lido.'"
- ¹³Bhε blaana, 'ke Zesu gele- 'ezin- Galile -draa 'ε 'lε ma. 'Bhεε- 'ke eyee- -zamaa' 'srε -gbene do 'ε 'kpen gele- -a zi 'bhe =nɔɔ ye; 'bhεε- -e =bwa 'bhe mεε mu 'ε daanle ma.
- ¹⁴-A 'kan bhla 'ε zi, 'ke -a -yrekpale Alife gbe Levi 'yaale- ma 'nisra gbawo 'fε 'ε =la. -E pe 'bhe ni 'kaa: "Nu dɔ 'η zi!" 'Bhεε- 'ke Levi 'e 'wlenle-, 'kee- gele- dɔle Zesu zi.
- ¹⁵Bhε 'yi bhe 'tε, 'ke Zesu gele- pεbhlele 'yee- Levi a 'fε 'ε =la. 'Nisrakun mu -bebe 'pegee mεε 'joo 'yɔɔ- 'ke mu 'pegee 'yee-, 'bhεε- -yaa' -klanlane mu 'ε 'yaa- pεbhle 'zi 'eke- zi, -amasroyi -o 'srε 'ε dɔle -yaa zi.
- ¹⁶Duŋ- 'Toŋ daan mu 'la 'yaa- Farizi mu -lɛdo' 'ε ba, 'mu 'yrekpale Zesu ma peleyre 'ε =nɔɔ 'ke 'nisrakun mu 'ε 'pegee mεε 'joo 'yɔɔ- mu 'ε 'le, 'ke -wa pele- -yaa' -klanlane mu 'ε ni 'kaa: "-Mεle =kla 'bhεε- 'ka daan mi 'ε 'pegee 'nisrakun mu 'ε, 'bhεε- mεε 'joo 'yɔɔ- mu 'ε -woo pεbhle 'zi 'eke- ta εε?"
- ¹⁷Zesu -o wojan 'ε 'male, 'ke -ya pele- -o ni dɔɔ: "Mεε 'klenyawole mu maza laa -o -laanekpa mi ma, 'fɔ gade mu. 'Naa 'nule- mεε 'la zan mu -o 'gbu ye 'bhii- mεε -lɛdɔle mu 'mu 'siyre- =nɔɔ, 'duŋ- 'mi =nwa mεε 'la zan mu 'mu 'gbu ye 'bhii- -za 'yɔɔ- kle mu 'mu -la 'siyre- nɔɔ-."
- ¹⁸Yi do ta, Mεε Wiinjε' Mi Zaan a -klanlane mu 'ε 'pegee Farizi mu 'ε 'yaa- 'suŋ 'yi. 'Bhεε- mεε 'ke mu =nwa Zesu -lɔkpale dɔɔ: "-Mεle =kla 'bhεε- Zaan a pε -klanlane mu 'ε 'pegee Farizi mu 'ε -waa' -klanlane mu 'ε -woo 'suŋ 'yi, 'bhεε- 'duŋ- 'yaa- pε -klanlane mu 'ε waa -o 'suŋ 'yi εε?"

¹⁹Zesu 'a zikpaa- -o ni dɔɔ: "Le drɛɛ -nɔɔ 'ɛ 'bhɛgwlen- mu 'ɛ sɔ 'suŋwɫale 'ke le drɛɛ -nɔɔ 'ɛ 'bhɛ -o -o -din 'waati 'la ba ɛɛ? Waa sɔ 'bhɛ klele-, 'ke le drɛɛ -nɔɔ 'ɛ 'bhɛ -o -o -din 'waati 'la ba, waa sɔ 'suŋwɫale.

²⁰Duŋ- 'bhɛ 'waati -o zan bhɔle, 'ke le drɛɛ -nɔɔ 'ɛ gole -yaan -o -din. 'Bhɛ 'waati 'ɛ ba, -o nu 'suŋwɫale 'tɛ."

²¹"Mɛɛ do 'kpɔ 'laa sɔ dunɛ- gwe -yisrale 'ke sɔpee' drɛɛ 'le. 'Kee- 'bhɛ =kla, sɔpee' drɛɛ 'ɛ 'wɫayrɛ- nɔɔ- 'eke- ta, -e nu dunɛ- gwe 'ɛ 'bhɛ sɔ 'ɛ -glaanle' 'bhɛɛ- -e 'bhɛ 'peedɛ-. 'Bhɛɛ- dunɛ- gwe 'ɛ nu 'peedɛle 'ezin-, 'ke 'bhɛ kan -a 'peedɛyɛrɛ -lwa 'ɛ ta.

²²'Ezin-, mɛɛ 'kɛdo- 'kpɔ 'laa sɔ -wɛɛn drɛɛ 'klale wi 'fle 'floko gwe mu 'yi, 'bhɛɛ- -e 'mu 'liitan-. 'Kee- 'bhɛ =kla, -wɛɛn drɛɛ 'ɛ 'pliɪyɛrɛ- nɔɔ-, -e nu 'floko gwe mu 'ɛ 'peedɛle, 'bhɛɛ- 'yee- -wɛɛn 'ɛ klalaa' 'trɛ ma. 'Duŋ- -o -wɛɛn drɛɛ 'ɛ 'kla wi 'fle 'floko drɛɛ mu -la -yi."

²³-Yitrɛ' yi do ma, Zesu 'pegee mɛɛ 'ke mu -yaa 'kan zii' ble gba mu 'yi. 'Bhɛ =nɔɔ bhe, 'ke -yaa' -kɫaŋlanɛ mu 'ɛ -o dɔle- ble -vlɔ mu 'la 'yaa- zibhɛ 'ɛ 'trɔn ta 'mu bhɛ mu 'ɛ 'srɔnle- ma, 'ke -o 'mu -glɔɔ -o 'kɔɔ, 'bhɛɛ- -o 'mu bhɛ mu 'ɛ bhle.

²⁴'Bhɛ klele 'tɛ, 'ke Farizi mu 'ɛ -wa pele- Zesu ni dɔɔ: "'E 'yɛrkpa, -mɛle =kla 'bhɛɛ- 'yaa- -kɫaŋlanɛ mu 'ɛ -woo ble bhɛ mu 'ɛ 'srɔn zii' 'ke -woo bhle ɛɛ? 'Bhɛɛ- 'duŋ-, -kɔɔa' 'toŋ 'ɛ ta, waa 'bhɛ -za -glɔɔn 'ɛ kle -yitrɛ' yi ma."

²⁵'Bhɛ =nɔɔ bhe, 'ke Zesu 'a zikpale -o ni dɔɔ: "-Bhɛŋgbe Davidi -za 'la =kla 'elwale -sɔ, 'ka mu laa 'bhɛ -za 'ɛ tapele -lido' ɛɛ? 'D bhe, -yɛrkpaa' do, gbɔn 'yee Davidi 'gbu 'pegee -a zi mɛɛ mu 'ɛ =dia, 'bhɛɛ- pele 'kɛdo- 'kpɔ 'laa -yaa -o 'kɔɔ.

²⁶'Bhɛ 'waati 'ɛ ba, Abiataa -le -yaa 'ke 'sraka 'lena mu a -kɫɪlii gbɫaan 'ɛ 'le. -O 'bluu mu 'la -gwa 'ke sraka 'le -Waanbhaa' ni, -kɔɔa' 'toŋ 'ɛ ta, mɛɛ -bhɛɛke' do 'kpɔ 'laa -yaa sɔ 'mu bhlele' 'ke -yaa 'e go 'sraka 'lena mu do -kplɛn ba. 'Duŋ- 'yee- Davidi =wɫaa -Waanbhaa' gba 'fɛ 'ɛ =la, 'bhɛɛ- -e 'bhɛ 'bluu mu 'ɛ =bhla, 'bhɛɛ- -ya 'ke =naa -a zi mu 'ɛ ni."

²⁷'Bhɛ blaɛn, Zesu pe -o ni 'ezin- 'kaa: "-Waanbhaa' -yitrɛ' yi 'ɛ =kla bhaapɫɛŋ -la -nrayiza 'yi, 'duŋ- yaa bhaapɫɛŋ klele -yitrɛ' yi -zayi'.

²⁸'Bhɛla- -yile, Bhaapɫɛŋ Gbe 'ɛ 'bhɛ -le 'ke -yitrɛ' yi 'ɛ zan 'le."

Maki 3

¹Zesu wɫa gbɛ drɛɛwoa- Zuufu mu daanfɛ' 'ɛ =la. Mɛɛ gbɛ 'kwɫanle- do -yaa 'bhɛ yɛrɛ 'ɛ =nɔɔ ye.

²Farizi mu 'ɛ 'yaa- Zesu kɫɔsikun zii', 'kooko- 'kee- 'bhɛ mɛɛ gbɛ 'kwɫanle- 'ɛ 'bheela- -yitrɛ' yi 'ɛ ma, 'bhɛɛ- -o la -a ta dɔɔ yaa -yitrɛ' yi 'toŋ 'ɛ 'kɫɔsikunle.

³Zesu pe mɛɛ gbɛ 'kwɫanle- 'ɛ ni: "'E 'wɫɛn-, 'bhɛɛ- nu dula- mɔkpen' 'plɛŋ- -gɛ!"

- ⁴Bhɛ blaɛn, 'ke Zesu -o -lɔkpale dɔɔ: "-Yitrɛ' yi 'ɛ ma, -a 'sɛŋ -o mɛɛ ni 'kee- -za 'wlan klɛ mɛɛ ni taa- 'kee- -za 'yɔɔ- klɛ mɛɛ ni ɛɛ, 'bhɛɛ- -a 'sɛŋ -o -a ni 'kee- mɛɛ go -za 'yi taa- 'ke -ya to 'bhɛɛ- -e ga ɛɛ?" -O -kɛn tagale =bwa.
- ⁵Bhɛ 'yi 'tɛ, 'ke -ya -yrɛ 'mlɛŋgole -o ta -a zrupliile 'le. 'Bhɛɛ- 'ke -ya wɛyisriwole -o zru -yɔɔya' 'ɛ ma. 'Bhɛ klɛle 'tɛ, 'ke -ya 'pɛle- mɛɛ gbɛ 'kwlanle- 'ɛ ni: "'E gbɛ 'ɛ 'yisrɔn!" 'Ke -ya 'yisrɔnle, 'bhɛɛ- 'kee- -bheele'.
- ⁶Farizi mu 'ɛ 'pwele- Zuufu mu a daanfɛ' 'ɛ =la, 'bhɛ yrɛ do 'ɛ =nɔɔ bhe, 'ke -o 'pegee -bhɛŋgbɛ Erɔdi Antipasi a mɛɛ -lɛdo' 'ɛ -woo -lɛkpale 'eke- ta, 'bhɛɛ- -woo 'eke- =ya Zesu dɛza 'ɛ 'yi.
- ⁷Bhɛ blaɛn, 'ke Zesu 'pegee -yaa' -kɛŋlanɛ mu 'ɛ -o gele- Galile -draa 'ɛ ba -yrɛ ta. 'Bhɛ 'yi 'tɛ, 'ke -zamaa' 'srɛ -gbɛnɛ do gele- -o zi 'bhɛ =nɔɔ ye. Mɛɛ 'ke mu -daa Galile 'klɛn 'ɛ 'yi, -a 'ke mu -daa Zude,
- ⁸-a 'ke mu -daa Zeruzalɛmu, -a 'ke mu -daa Idume, -a 'ke mu -daa Zrudɛn yue ba -yrɛta' -wa mu 'ɛ ta, -a 'ke mu -daa 'fɔ Tiri 'pegee Sidɔn 'trɛ mu 'ɛ -din -wa mu 'ɛ ta. 'Bhɛ -zamaa' 'srɛ -gbɛnɛ do 'lɛɛ- =nwa Zesu -glinle', -amasrɔyi, -e -za mu 'la 'kɛn =kla, -o 'mu =maa.
- ⁹Zesu pɛ -yaa' -kɛŋlanɛ mu 'ɛ ni 'kaa -o -yitakoŋ 'nɛ do mabɛɛn -a -din -zamaa' 'ɛ -zayi', 'kooko- mɛɛ mu 'ɛ waa nu 'pale- 'ŋ ta.
- ¹⁰Wlan 'ɛ ni, Zesu 'yaa- mɛɛ -bebe 'la 'bheɛ zii' bhe, -asiikɔɔ ga -yaa mɛɛ 'la za mu 'kɛn ma, 'mu 'yaa- 'pa zii' -a ta 'mu gbɛ yan zayi' -a ma.
- ¹¹Lii -yɔɔ' mu -yaa mɛɛ 'la zan mu zi, 'ke 'mu 'yaa- -a ye, 'mu -yaa nu 'mu 'kpɔ zɛnle -a -lɛɛ, 'bhɛɛ- 'bhɛ mu -yaa -gbɛkan' 'ke -wa pɛ dɔɔ: "'Bhi -le 'ke -Waanbhaa' Gbe 'ɛ 'le.'"
- ¹²Duŋ- Zesu 'yaa- -yran 'zi -o zi 'egɔɔle dɔɔ: "'Ka 'laa 'ŋ ta 'pwele- dɔɔ 'mi -le 'ke -Waanbhaa' Gbe 'ɛ 'le.'"
- ¹³'Bhɛ blaanta, 'ke Zesu gele- 'sanle- vlɛ gɔɔn do wiiŋ-, 'bhɛɛ- -e -yaa mɛɛ 'la zan mu zi, -e 'mu 'siila-; 'bhɛɛ- 'mu =nwa -a ba.
- ¹⁴-E mɛɛ vu ta plɛ -la makwan- -o ba, 'kooko- 'mu bo a -din.
- ¹⁵'Bhɛɛ- 'kee- sɔ 'bhɛ mu 'winbɔle -Waanbhaa' a -jan 'woyrɛ- nɔɔ-, 'bhɛɛ- -e 'sɛŋ =naa 'mu ni 'ke 'mu 'zina mu -gbɛn mɛɛ mu zi.
- ¹⁶-E mɛɛ vu ta plɛ 'la makwan- 'mu 'tɔ -le -gɛ: Simɔ, -e 'bhɛ 'tɔkpaa- Pieri,
- ¹⁷'bhɛɛ- Zebede gbɛ plɛ Zaki 'pegee 'bhɛ =nwagwɛn Zaan, -e 'mu 'tɔkpaa- 'ɛzin-Boanɛgɛzi, 'bhɛ 'yile-: -gblɛŋ' gbɛ mu.
- ¹⁸'Bhɛɛ- Andre 'pegee Filipu, Batremi 'pegee Matie, Toma 'pegee Alife gbɛ Zaki, Tade 'pegee Simɔ ('bhɛ 'la 'bhɛ 'yaa- 'bhɛ a 'klɛn -vavade bhe),
- ¹⁹'bhɛɛ- Zuda Isikarioti, 'yee- 'la 'yaa nu Zesu 'lɛnale 'bhɛ 'sɔɔnnii mu 'ɛ ni.

- 20'Bhɛ blaɛn, 'kɛ Zɛsu 'pɛgɛɛ -yaa' -kɛɛɛlanɛ mu 'ɛ -o nule- 'fɛ 'lɛ ma, 'kɛ -zamaa' do nule- -o zi 'ɛzin-, -asiikɔɔ -waa -yaa pɛbhɛɛyɛ -srɔɔwo' -o 'kɔɔ.
- 21'Bhɛ klɛɛɛ 'tɛ, -yaa' 'fa -la mu 'ɛ 'mu 'bhɛ 'male-, 'kɛ 'mu gɛɛɛ -a 'kunyɛɛ- nɔɔ-, -amasɔɔyɛ -o -yaa pɛ 'zi 'kaa -a ɛgblo -wlɛnna.
- 22'Tonɛ daan mu 'la -daa Zeruzalɛmu, 'mu 'yaa- pɛ 'zi dɔɔ: "Bɛɛzɛbuli, ('bhɛ 'yi -lɛ 'zina mu -kunɛɛlii' gblaɛn), 'bhɛ -lɛ 'yɛɛ- Zɛsu zi. 'Bhɛɛ- 'bhɛ -lɛ 'zina mu -gbin 'sɛɛ na zii' -a ni."
- 23'Bhɛ 'yi 'tɛ, 'kɛ Zɛsu -o 'siile-, 'bhɛɛ- 'kɛɛ- -janwoɛ 'o ni -gɔɔn mu 'yi gɔɔnɛ- 'lɛɛ- 'bhɛɛ- gbɛɛn- dɔɔ: "-Setran' sɔ -a 'gbu -gbinɛɛ' 'nale- -a ma ɛɛ?"
- 24'Kɛ -bhɛɛgɛɛ do a 'klɛɛn 'yi mɛɛ mu 'ɛ gwɛɛɛɛɛɛ 'ɛkɛ- ba, 'bhɛ -bhɛɛgɛɛɛ 'klɛɛn 'ɛ yaa sɔ -mɔɛɛ'.
- 25'Bhɛɛ- 'kɛ 'fɛ do -la mu gwɛɛɛɛɛɛ 'ɛkɛ- ba, 'bhɛ 'fɛ 'ɛ wi.
- 26'Bhɛ klɛɛgbɛɛɛ do 'ɛ 'yi, 'kɛ -Setran' 'wlɛnna- -a 'gbu ma, 'bhɛɛ- 'kɛɛ- gwɛɛɛɛɛɛ -a 'gbu ba; 'yɛɛ- -Setran' 'gbu -a -gɛɛɛɛɛɛ 'ɛ yaa sɔ -mɔɛɛ', 'bhɛɛ- -ɛ yan."
- 27'"Kɛ mɛɛ do -o -a zi 'bhii- -ɛ gɛ wɛɛɛɛɛɛɛɛ mɛɛ do ba 'fa =la, 'bhɛɛ- -ɛ 'bhɛ 'kɔɔɛɛ- mu faan, 'ɛ bhɛ, -ɛ 'bhɛ mɛɛ 'ɛ gbɛ 'pɛgɛɛ 'bhɛ gaan mu 'ɛ yɛɛ 'pɛ. 'Bhɛɛ- 'kɛɛ- -yaan 'bhɛ yɛɛɛɛɛɛ 'pɛ, 'bhɛɛ- -a gbɛɛɛɛ 'bhɛ faɛɛɛɛɛɛ mɛɛ 'ɛ 'bhɛ a 'fa -la pɛ mu 'ɛ 'faanɛ ta.
- 28'Wɛɛɛ 'ɛ ni, 'mi pɛ 'ka ni dɔɔ: -Waanbhɛɛɛ' nu bhɛɛɛɛɛɛɛɛ mu a -za 'yɔɔ- mu 'ɛ 'kɛɛɛ -sroma 'yanɛɛ-, 'kɛ 'bhɛ gɛ 'kpɛɛɛ- -wa 'tɔɔsɛɛ ma jan 'mu 'la 'kɛɛɛ =woa 'mu ta.
- 29'Duɛɛ- 'kɛ 'bhi 'la =jan 'yɔɔ- =woa Lii 'Wɛɛɛ 'ɛ ma, -Waanbhɛɛɛ' laa nu 'bhɛ -za 'yɔɔ- 'ɛ 'sroma- 'yanɛɛ -titi, -amasɔɔyɛ 'bhɛ -za 'yɔɔ- 'kɛɛ 'ɛ nu bolɛ 'ɛ wiiɛɛ- 'yikpɛɛɛɛ ta."
- 30'Zɛsu -janwoa 'Tonɛ daan mu 'ɛ ni 'bhɛ gbɛɛn- bhɛ, -amasɔɔyɛ 'mu 'yaa- pɛ 'zi dɔɔ lɛɛ -yɔɔ' -o -a zi.
- 31'Zɛsu 'yaa- bhɛɛɛ 'la ba 'bhɛ yɛɛ 'ɛ =nɔɔ, 'kɛ -a nɛɛ 'pɛgɛɛ -a =nwagwɛɛɛɛɛɛ mu 'ɛ 'nule. - O -dulaa' 'pɛɛɛɛɛɛ, 'bhɛɛ- 'kɛ -o mɛɛ winbɔɛɛ -a 'siiyɛɛ- nɔɔ-.
- 32-Zamaa' 'mɛɛɛɛɛɛɛɛ yaaɛɛ -yaa 'yɛɛ- Zɛsu zi, 'bhɛɛ- -wa =pia -a ni dɔɔ: "Dula- doo, 'ɛ nɛɛ 'pɛgɛɛ 'ɛ =nwagwɛɛɛɛɛɛ mu 'ɛ, 'bhɛɛ- 'ɛ 'nwɛɛɛ- mu 'ɛ -woo 'pɛɛɛɛɛɛ. 'Bhɛɛ- -o maza 'ɛ ma."
- 33'Zɛsu 'a zikpaa- -o ni dɔɔ: "-Dele 'kɛ 'ɛ nɛɛ 'pɛgɛɛ 'ɛ nɛɛɛɛ- mu 'ɛ 'lɛ ɛɛ?"
- 34'ɛzin- 'kɛ -ya -yɛɛ 'mɛɛɛɛɛɛɛɛ -a zi mɛɛ mu 'ɛ ta, 'bhɛɛ- 'kɛ -ya pɛɛ- 'kaa: "'ɔ nɛɛ 'pɛgɛɛ 'ɛ nɛɛɛɛ- mu 'ɛ 'wɛɛɛ- -gɛ.
- 35'Wɛɛɛ 'ɛ ni, 'kɛ mɛɛ 'oo mɛɛ 'la -Waanbhɛɛɛ' zru maza klɛ, 'bhɛ zan -lɛ 'kɛ 'ɛ nɛɛ 'pɛgɛɛ 'ɛ nɛɛɛɛ-, 'bhɛɛ- 'ɛ nɛɛ -nɛɛ lɛ 'ɛ 'lɛ."

Maki 4

- ¹Ezin-, Zesu -dwa mɛɛ mu 'ɛ daanle ma Galile -draa 'ɛ gɔɔna. 'Bhɛɛ- -zamaa' 'srɛ -gbɛɛ do =nwa 'mliŋgole a zi, -asiikɔɔ -e -ja yaale -yitakon do 'yi, 'bhe -yaa -yi 'ɛ ta, 'bhɛɛ- -zamaa' 'ɛ 'yaale- -yaa -yi 'ɛ gɔɔna.
- ²-E -yaa -o daan 'zi -za -bebe 'le -gɔɔn mu -la -yi, 'bhɛɛ- -e -yaa -o daan 'zi bhla 'la ba -ya =pia -o ni dɔɔ:
- ³"-Ka 'ka 'trɔnkpa 'ŋ ni dɔɔ: Pɛbhe bɔ mi do -ja pɛbhe bɔyɛ nɔɔ-.
- ⁴-E -yaa pɛbhe mu 'ɛ bɔ 'zi bhla 'la ba -yaa' gɛbhe 'ɛ ta, 'ke pɛbhe mu 'ɛ 'lɛdo- 'klaale zibhe 'ɛ 'lɛzi-, maannɛ- mu 'ɛ -daa 'ke 'bhe mu 'mu 'bhlele.
- ⁵-A -lɛ -bhɛɛke' do -klalaa' vlɛ gloglo mu 'yi, 'bhɛɛ- 'trɛ kplankplan laa -yaa -o -la. Pɛbhe mu 'ɛ -o =bhwa -gun blaale-, 'duŋ- -o 'sɛnɛ 'laa geɛ 'trɛ 'yi 'egbɔɔnle.
- ⁶-Yrɛtɛ' 'pɛɛnle- -saan bhla 'la ba, 'ke -yoo diiŋ -nɛ mu 'ɛ dɛle-, 'ke -o gale-; -amasrɔyi -o 'sɛnɛ mu 'ɛ waa geyɛ -srɔɔwole 'trɛ 'yi 'egbɔɔnle vlɛ mu 'ɛ 'kɔɔ.
- ⁷Pɛbhe mu 'ɛ 'lɛdo- -klalaa' lɛɛ mu 'ɛ yi. -O 'pegee lɛɛ mu 'ɛ =bhwa 'eke- zi, 'ke lɛɛ mu 'ɛ 'kpale -o ta, 'bhɛɛ- 'ke 'mu -o -dewole. 'Bhɛɛ- waa 'sɔlɛ- -o bhaa klele-.
- ⁸Pɛbhe 'ɛ 'lɛdo- -ja -klalaa' 'trɛ ti 'yi. 'Bhɛɛ- -o =bhwa 'elrele, 'ke -o gbaandele, 'bhɛɛ- 'ke -woo -bhaale'. -O diiŋ do 'bhe bhaa mia do bhe vu =kla, -o diiŋ -bhɛɛke' do 'bhe bhaa mia yaga =kla, 'bhɛɛ- -o diiŋ -lɛ -vindo' 'ɛ 'bhe bhaa -kɛmɛ do =kla.”
- ⁹Zesu 'pe -o ni dɔɔ: "Ke -a -yima' 'trɔn -o mɛɛ 'la zan ŋgblo ma, -ya -yima!"
- ¹⁰Zesu 'e 'plɛŋgwa- -zamaa' 'ɛ ma bhla 'la ba, mɛɛ 'la zan mu 'mliŋgole -yaa -a zi 'mu 'pegee -yaa' -klanlanɛ vu ta plɛ 'ɛ 'mu 'a -lɔkpaɔ dɔɔ: " -Gɔɔn mu 'ɛ 'yi -o 'nale- ɛɛ?"
- ¹¹'Bhe klele 'tɛ, ke Zesu 'a zikpale -o ni dɔɔ: "Ka mu 'la 'ka -o 'ka 'trɔnkpa zii' 'ŋ ni, -Waanbhaa' -yaa' -bhleŋgbeya gaanyiza mu 'ɛ dɔleya 'ɛ =naa 'ka mu -la ni. 'Duŋ- mɛɛ -vin mu 'ɛ, 'ŋ -za mu 'ɛ kpɛn wo 'mu ni -gɔɔn mu -la -yi,
- ¹²'kooko-, 'ke -woo -yrɛkpaɔ -o ta 'elrele, waa sɔ -o yeɛ-, 'bhɛɛ- 'ke -woo =maa -o 'trɔn 'le, waa sɔ -o -yimale; 'kebhlaale waa nu -o zru niinale -Waanbhaa' ba, 'bhɛɛ- 'bhe 'laa -waa' -za 'yɔɔ- mu 'ɛ -sroma yan.”
- ¹³Zesu pe -o ni dɔɔ: "Ka 'laa -gɔɔn 'lɛɛ- 'bhe 'yimale ɛɛ? 'Bhɛɛ- 'ka nu -gɔɔn -vin mu 'ɛ 'yimale 'nale- -a ma ɛɛ?"
- ¹⁴Pɛbhe bɔ mi 'ɛ 'bhe -o 'bhii- mɛɛ 'la zan -Waanbhaa' a -jan 'ɛ bɔ.
- ¹⁵Pɛbhe mu 'la -klalaa' zibhe 'ɛ 'lɛzi- 'bhe 'yi -le dɔɔ mɛɛ 'la zan mu -Waanbhaa' a -jan 'ɛ =maa, 'bhɛɛ- 'ke -Setran' 'nule 'bhe yrɛ do 'ɛ =nɔɔ bhe blaale-, -o 'bhe -jan 'la =kpaɔ -o 'kpeɛ 'bhe goɛ.
- ¹⁶'Bhe klegbeya 'ɛ 'yi, pɛbhe -bhɛɛke' mu 'la -klalaa' vlɛ gloglo mu 'ɛ 'yi, 'bhe mu -o 'bhii- mɛɛ 'la zan mu 'ke -o -Waanbhaa' a -jan =maa, -o dɔ -a =la 'bhe yrɛ do 'ɛ =nɔɔ bhe blaale- 'ke -o zrukpaale 'le.

- 17'Duŋ- -Waanbhaa' a -jan 'e 'bhe 'laa 'bhe 'sene gbaan -o zru 'e 'yi. -Woo kpa 'bhe 'yi 'waati sa ba, 'bhe- 'ke -woo 'trebhole -saan, 'bhe 'pegee 'ke -o -yrenkpale -saan -o ta bhla 'la ba -Waanbhaa' a -jan 'e -zayi', 'bhe yre do 'e =nɔɔ bhe -o ploɔ a ma.
- 18'Mee 'ke mu -o 'bhii- lere mu 'la pebhe mu 'e -klalaa' 'mu 'yi. 'Ke -o -Waanbhaa' a -jan 'e =maa -o do -a =la.
- 19'Bhe- -o blina- yien bo yikpen- ta 'drunyan 'lee- 'yi pe mu 'e -zayi'. -O bhla ma -naflo mu -glin, 'bhe 'pegee -o zru bhole kle pe -gloɔn 'e 'kpen ma, -Waanbhaa' a -jan 'e yaa boyre -srɔwo' -o zru 'e 'yi, 'bhe- 'bhe 'laa -za 'kedo- 'kpɔ 'yanwo- -o ma.
- 20'Mee 'ke mu -o 'bhii- 'tre ti -lrele' 'la 'ke pebhe mu 'e -klalaa' 'bhe ta. 'Ke -o -Waanbhaa' a -jan 'e =maa, -o do a =la, 'bhe- -o 'bhe 'yizakle: Mee 'ke mu 'bhe 'yi za -lrele' kle -gloɔn mia do 'bhe vu, mee -bheke' mu 'bhe 'yizakle -gloɔn mia yaga, 'bhe- mee -bheke' mu 'bhe 'yizakle -gloɔn -keme do.
- 21'Bhe blaana, 'ke Zesu -o -lɔkpale 'kaa: "-Lanbha 'bhile- 'e -wa dulaa' 'gboŋgbo -la -la taa- mee yilape -la =la ee? 'O bhe 'te -wa duŋ -lanbha duŋyre 'e 'bhe- =nɔɔ laanima.
- 22-Amasroyi, pe 'oo pe 'la gaanle -o, 'bhe nu 'pwel- 'tebhile ba -yrekpa' do, 'bhe- gaanyiza 'tole- gaanyiza, 'bhe ta nu 'pwel- 'peli- mɔkpen' 'yre ma.
- 23'Ke -a -yima' 'trɔn mee 'la zan ngblo ma, -ya -yima'."
- 24'Zesu pe -o ni 'ezin- dɔɔ: "'Ka -o 'kela 'ma zii' 'ŋ 'lii, -ka 'bhe- -za 'kun 'elrele. 'Ka pe yeke- 'la na mee ni, -o nu 'bhe- yeke- 'nale 'ka ni, 'bhe- -wa baankpa a ta 'ka ni.
- 25'Bhe klegbeya 'e 'yi, 'ke pe -o mee 'la zan 'kɔɔ, -o nu pe baan' 'nale- 'bhe zan ni. 'Duŋ- 'ke pe 'ke 'laa -o mee 'la zan 'kɔɔ, 'bhe zan laa nu -za 'kedo- -srɔwole; 'ali- pe sane- 'la 'bhe -o -a 'kɔɔ, -o nu 'bhe 'kunle-."
- 26'Zesu pe -o ni 'ezin- 'kaa: "-Waanbhaa' a -bhleŋgbeya 'e 'yoo- -gee' a ma: Mee do pebhe =bwa -yaa' gbabhe 'e ta.
- 27'Kee- yidia- oo, 'kee- =bwa -a -yre ma oo, -bi zi 'pegee -yrekpa', pebhe 'e bhɔ, 'bhe- -e gbaande gɔne- 'la gbɛen- yaa 'bhe do 'kpɔ 'yaango-.
- 28'Tre 'e -ya ya 'ke pediŋ 'e 'le 'pe, 'bhe- pediŋ 'e gbaande, 'bhe- -ya -vlo mu kle 'bhe blaana, 'bhe- -a -leyan' 'ke -a bhe mu 'e 'solele -a -vlo mu 'e ma boolazi.
- 29'Ke -o -tranna bhla 'la ba, mee mu -gɔŋlɔ si 'bhe- -woo kan, -amasroyi -o 'kan 'waati 'e =bhwa."
- 30'Zesu pe -o ni 'ezin- dɔɔ: "-O -sɔ -Waanbhaa' -bhleŋgbeya 'e danle- -mela ma 'ezin- ee? Taa- -o sɔ -a zɔnle- -gɔɔn -gloɔn 'e -dela ma 'ezin- ee?"
- 31-Waanbhaa' -bhleŋgbeya -yoo 'te 'bhii- mutaadi bhe do gbɛen-, 'ke -wa =bwa 'tre 'e 'yi, 'yela- 'fientronne 'yiya- 'tre 'e ta pebhe mu 'e 'kpen ni.
- 32'Ke -o -yaan -a bolele bhla 'la ba, 'kee- =bhwa -e tro 'bhe- -a diŋ 'e kan -zienbhe' gba 'e 'yi pediŋ mu 'e 'kpen ta, -a gbɛ mu 'e -woo -yide', -asiikɔɔ gba la maanne- mu sɔ 'mu 'fe 'kpale- -a -laa mu 'e 'yi.

³³Zesu 'yaa- -Waanbhaa' a jan 'ε 'wo zii' -o ni -gɔɔn -bebe 'yi 'bhii- 'kela bhe 'bhe gbɛɛn-. -O -yaa sɔ -Waanbhaa' a -jan yɛkɛ- 'la 'yimale, -e -yaa 'bhɛɛ- wlata -gɔɔn bɔ 'zi -o ni.

³⁴Yaa -yaa -jan sanɛ- -wo -o ni, 'ke yaa -gɔɔn bɔ 'bhe zi. 'Duŋ- 'ke -o 'pegee -yaa' -klanlanɛ mu 'ε 'gbansaan 'te -yaa kle 'waati 'la ba, -e -yaa 'bhe -gɔɔn mu 'ε 'kpen -yipe' 'mu ni.

³⁵'Bhe -yrekpa'a' do 'ε 'le yroma 'ε zi, Zesu pe -yaa' -klanlanɛ mu 'ε ni dɔɔ: "-Kɔɔ' 'kan -draa 'yrɛ gbɛ do 'ε ta."

³⁶-O =gwa -zamaa' 'ε -din bhla 'la ba, 'yee- Zesu 'yaale- -yaa gban -yitakon 'la yi, -yaa' -klanlanɛ mu 'ε -ja 'kɛle- 'bhɛɛ- -yitakon do 'kpɔ 'ε 'bhɛɛ- 'yi. -Yitakon 'bhɛɛke mu -yaa ge 'zi -o zi 'ezin-.

³⁷-O -yaa 'bhe 'yi bhe 'tɛ, 'ke -ploo -gbɛɛ do 'kanle- 'sanle, 'bhɛɛ- 'bhe 'yaa- -yipɔɔ' mu 'ε 'kla zii' -yitakon 'ε 'yi, -asiikɔɔ 'bhe 'yaa- zan 'palɛ- 'ke -yi 'ε' le.

³⁸'Bhe bhla 'ε ba, Zesu 'yaa- yidɛ 'zi -yitakon 'ε 'yi -o -zanta', ŋgblo 'kpa -piti 'ε ta. -Wa bwele 'tɛ, 'ke -wa pele- -a ni 'kaa: "'O daan mi, 'woo- zan galawolɛ -yi 'ε ba, 'yaa 'bhe yiɛnkan ɛɛ?"

³⁹Zesu bwele 'tɛ, 'kee- -yranle' -ploo 'ε zi, 'bhɛɛ- 'ke -ya pele- -draa 'yi 'ε ni dɔɔ: "'Bhe 'swa- 'bhe 'yi -gee', 'kpala!" 'Bhe klɛle 'tɛ, 'ke -ploo 'kanle- 'ε dulale, 'bhɛɛ- 'ke pɛ 'ε 'kpen 'kpaale siij.

⁴⁰'Bhɛɛ- Zesu pe -yaa' -klanlanɛ mu 'ε ni dɔɔ: "-Mele =kla 'bhɛɛ- 'ka -o -gblaɛn 'zi -gee' ɛɛ? -E =kla 'nale- 'bhɛɛ- 'ka 'laa 'ka kpa 'mi 'yi ɛɛ?"

⁴¹'Bhe =nɔɔ bhe, 'ke -gblaɛn -gbɛɛ do 'klale -yaa' -klanlanɛ mu 'ε 'yi, 'bhɛɛ- 'ke -wa pele- 'eke- ni dɔɔ: "'E! Mɛɛ -glɔɔn 'ε -dele mɛɛ 'lɛɛ- 'le ɛɛ? 'Ali- -ploo 'pegee 'yi 'mu 'kpen 'a 'weli- ma."

Maki 5

¹'Bhe blaɛn, 'ke Zesu 'pegee -yaa' -klanlanɛ mu 'ε -o 'bhɔle- Galile -draa 'ε 'yrɛ gbɛ do 'ε ta, Gadara mu 'ε -waa' 'klɛɛn 'ε 'yi.

²Zesu zinale -yitakon 'ε 'yi, 'bhe yrɛ do 'ε =nɔɔ bhe, 'ke mɛɛ do 'pwele -a -yi 'kee- da mɛɛ bu mu 'ε ta, 'bhɛɛ- -e =nwa 'yee- Zesu -lepale. Zina 'yaa- -a zi.

³-E -yaa yi mɛɛ bu mu 'ε ta, 'bhɛɛ- mɛɛ 'kedo- 'kpɔ fanɣan- 'laa -yaa sɔ 'a -yrele' ta -li, 'ali- 'kee- -yaa kle piibhe kpɛɛ- mu 'le.

⁴-Amasɔyi -sɔ, -o piibhe 'gbluŋ mu =bwa a gaan mu 'ε ma, 'bhɛɛ- -wa gbɛ ta -yrela' 'ke piibhe kpɛɛ- mu 'le. 'Duŋ- -e 'bhe piibhe 'gbluŋ mu 'ε -gwa -a gaan mu 'ε ma, 'bhɛɛ- -ya gbɛ ma piibhe kpɛɛ- mu 'ε -kplɔɔkplɔɔdwa, 'bhɛɛ- -e 'mu takaa-; 'bhe 'pegee -ya gaan ma piibhe 'gbluŋ mu 'ε 'kpen 'ciɛnna-. Mɛɛ 'kedo- 'kpɔ gbɛ laa -yaa sɔ -li -a 'kunle- ta.

- 5'Waati 'ε 'kpen ba, -bi zi oo, -yrekpaa' oo, -e -yaa kanaa' bu mu 'ε ta, 'bhe 'pegee vle goon mu 'ε 'wiinj-, 'kee- ge gbekanlele, 'bheε- 'kee- ge a 'gbu madinjwole 'le -so vle mu 'ε ma.
- 6-A -yrekpale Zesu ma 'egboonle 'te, 'kee- gele- blasanlele 'bhe ba -yre ta ye, 'bheε- 'kee- 'bhe gbale- -a 'kpɔ zenlele 'bhe 'lεε.
- 7'Bheε- 'kee- -gbekanle 'ke -ya pele- 'bhe ni dɔɔ: "-Mεle 'o 'pegee 'bhi 'plej- εε laanima -Waanbhaa' Gbe Zesu, 'η mazato -Waanbhaa' 'tɔ 'ε -zayi', 'bheε- 'yaa -yrenkpale 'η ta."
- 8-E -janwoa 'bhe gbεen- bhe, -amasroyi Zesu 'a =pia lii -yɔɔ' 'ε ni 'elwale 'pe dɔɔ -e go 'yee- mεε 'ε zi.
- 9'Bheε- Zesu 'yee- mεε 'ε 'lrɔkpaa dɔɔ: "-Wo 'e sii 'nale εε?" 'Ke -ya pele- dɔɔ: "-Wo 'η sii '-zamaa' 'srε, -amasroyi 'woo- 'ebebele.' "
- 10'Bhe 'yi 'tε, 'kee- -sromabɔle Zesu ni 'ebebele dɔɔ: "'E 'zoole-, 'yaa 'o -gbinle' 'klεen 'lεε- 'yi."
- 11'Bhe 'waati 'ε ba, =swa 'lε -gbenε do -yaa pεbhle 'zi goon 'ε 'wiinj-.
- 12'Lii -yɔɔ' mu 'ε -sromabwa Zesu ni dɔɔ: "'Ke 'yoo -gbian mεε 'lεε- zi -a 'to 'o ge wla =swa mu 'la bhe -o 'yi."
- 13>Zesu -dwa 'bhe =la -o ni. 'Bhe klele 'tε, 'ke -o gole- mεε 'ε zi, 'bheε- 'ke -o gele- wlale =swa mu 'ε 'yi. 'Bhe 'yi 'tε, 'woo- =swa 'ledo- 'ε -o -daa blasanlele vle goon 'ε 'wiinj-, 'ke -o nule- baale -draa 'ε ba, 'bheε- 'ke -o 'kpen gale-. -O -yaa bhɔ =swa 'waa ple -din.
- 14'Bhe klele 'tε, 'ke -o gooba mu 'ε 'kanle 'eke- ma, 'bheε- 'ke -o gele- 'bhe -za 'ε 'wojwojzenle 'bhe =nɔɔ -wa 'ε 'pegee gba la -wa 'nε mu 'ε ta. Mεε mu 'ε =nwa 'tε 'bhe -za 'ε yreglinle.
- 15-O bhɔle Zesu -din, 'ke -o lii -yɔɔ' 'srε 'yaa- mεε 'la zan zi 'bhe 'yele. 'Bhe 'yaale- -yaa, 'bheε- dunε- 'klale- -yaa 'bhe ta, 'bhe 'pegee 'bhe -yrebakpaale -yaa. -O -yrekpalawoa 'bhe 'bheele- ma, 'ke -gblaan 'klale -o -yi.
- 16'Mεε 'la zan mu 'a =ya Zesu zi, 'bheε- 'ke 'mu 'yee- -za 'ε 'kpen kleyre =ya, -za 'la =kla 'yee- lii -yɔɔ' zan 'ε ni, 'bhe 'pegee -za 'la =kla =swa mu 'ε ni 'ezin-, 'mu 'bhe -za 'ε 'kpen 'yigɔonna 'woo- yre ma =nɔɔ -glin mu 'ε ni.
- 17'Bhe klele 'tε, 'ke -o -sromabɔle Zesu ni dɔɔ 'bhe go -waa' 'trε 'ε ta.
- 18>Zesu 'san bhla 'ε zi -yitakonj 'ε 'yi, 'ke lii -yɔɔ' 'ε 'yaa- mεε 'la zan zi, -e -sromabɔle 'sanle Zesu ni dɔɔ -e bole- 'bhe zi.
- 19>Zesu 'laa dɔle 'bhe =la -a ni, -ya =pia -a ni drɔon' dɔɔ: "Ge 'e ba 'fε 'lε ma 'yaa- mεε mu 'ε ba, 'bheε- Mεezan -Waanbhaa' -za 'wlan 'la =kla 'ε ni, 'bhe 'pegee 'ε 'yrenklaa- -a ma gɔnε- 'la gbεen- bhe, 'bhe 'kpen 'yipe- -o ni."
- 20'Yee- mεε 'ε gele 'tε, 'kee- Zesu -za 'la =kla -a ni 'bhe 'wojwojzenle 'yee- 'klεen do 'ε 'yi -wa vu 'ε 'kpen ta. Mεε 'la zan mu 'kpen Zesu kleza 'ε =maa, -o 'kpeelenia -o ma.

- 21'Bhɛ -blaan, Zesu 'pegee -yaa' -klanlanɛ mu 'ɛ -o -draa 'ɛ takaa- -yitakonɔ 'ɛ 'yi, 'bhɛɛ- -o nu gbɛ drɛɛwoa- -draa 'ɛ 'yrɛ gbɛ do 'ɛ ta. -O bhɔle -draa 'ɛ bhonɔla, 'ke -zamaa' 'srɛ do 'klale -o zi.
- 22'Bhɛ klele 'tɛ, 'ke Zuufu mu daanfɛ' 'ɛ =la -kuɔlii' mu 'ɛ do nule-, -o -yaa 'bhɛ sii Zailusi. 'Bhɛ Zesu 'yele-, 'kee- baale' 'bhɛ gaan ma.
- 23'Bhɛɛ- 'ke 'bhɛ -sromabɔle 'yee- Zesu ni dɔɔ: "'D 'lunɛ 'ɛ 'lɛ -o zan 'kpaale-, nu ge 'ɔ ba, 'bhɛɛ- 'yee- gbɛ 'kpa -a ma, 'kooko- -e bhee."
- 24'Bhɛ 'yi 'tɛ, 'ke -o 'pegee Zesu gele- 'eke- zi -a ba -lɛ ma. -O -yaa ge 'zi bhla 'la ba -a ba -lɛ ma, -zamaa' 'srɛ do 'la dɔle -yaa -a zi 'mu 'yaa- 'klin zii' 'eke- ta gbɛ 'ɛ 'kpen zi -a ma.
- 25'Le do -yaa -zamaa' 'ɛ 'plen-, -a lɛɛ vu ta plɛ 'ke yaa -yito' 'ɛ 'lɛ 'laa kan.
- 26'-E =mwa -a -laanɛkpale ma, 'bhɛɛ- 'bhɛ =kla 'trɛbhɔle. -A 'kɔɔ -gɔli' 'ɛ 'kpen 'yaan- 'ke yaa 'klenyawo. Drɔɔn' yaa ga 'ɛ baan' -le -yaa 'kla zii' -a ba.
- 27- 28'-E Zesu a -za 'ɛ 'male-, 'ke -ya pele- -a 'kpee dɔɔ: "'Ke 'ɔ =swa 'ɔ gbɛ yanle- sa -a ta dunɛ- 'ɛ ma, 'ɔ nu -bheele'." 'Bhɛ 'yi 'tɛ, 'kee- nule- wlalɛ -zamaa' 'ɛ 'plen- Zesu -zanta', 'bhɛɛ- 'ke -ya gbɛ yanle- 'bhɛ ta dunɛ- 'ɛ ma.
- 29'Bhɛ yrɛ do 'ɛ =nɔɔ bhe, 'ke yaa -yito' 'ɛ 'lɛkanle 'tɛ; 'bhɛɛ- 'kee- -bheele' yaa ga 'ɛ 'yi.
- 30'Bhɛ yrɛ do 'kpɔ 'ɛ =nɔɔ bhe, 'ke Zesu 'a 'yaangole -a 'fle 'yi 'bhii- 'sɔleya fanɔan- do -pwɛla -a -yi. -Ya -lɛklale -zamaa' 'ɛ ta, 'ke -yoo -lrɔkpale dɔɔ: "-De -le -yaan 'ɔ ta dunɛ- ma ɛɛ?"
- 31'-Yaa' -klanlanɛ mu 'ɛ -wa -lɛkwan a ni dɔɔ: "'E 'yrɛ 'laa -o -zamaa' 'ɛ 'klinle- ma 'e zi, 'bhɛɛ- 'yoo 'o 'lrɔkpa zii' dɔɔ -dele -yaan 'e ma ɛɛ?"
- 32'Duɔ- Zesu 'a 'yrɛ 'mliɔwoa- -a zi mu 'ɛ ta, 'kooko- mɛɛ 'la zan -yaan -a ma -e 'bhɛ zan ye.
- 33'Yee- le 'ɛ 'yaa- bɛɛn 'zi gbalaan 'ɛ 'kɔɔ -kpakpa. -E -nwa -a 'kpɔ zenle Zesu 'lɛɛ, 'bhɛɛ- -e -za 'la =kla -e 'bhɛ 'kpen wlan=ɔpia Zesu ni.
- 34'Zesu pe -a ni dɔɔ: "'D 'lunɛ, 'yee 'kpalawoa 'mi 'yi bhe, 'e -gwa -za 'yi, ge 'e ba yilabla ta! Bhaa 'yaa- ga 'ɛ yaa niinale 'e ma 'ezin-."
- 35'Zesu 'yaa- 'bhɛ -jan 'ɛ 'wo zii' bhla 'la ba, 'ke mɛɛ 'ke mu dale- Zuufu mu daanfɛ' 'ɛ -kuɔlii' Zailusi ba -lɛ ma, 'bhɛɛ- 'ke -wa pele- -a ni dɔɔ: "'E 'lunɛ 'ɛ =kla 'ke siele', 'yaa -kɔɔ' daan mi 'ɛ 'trɛbhɔle 'ezin-."
- 36'Duɔ- Zesu 'laa 'bhɛ -jan 'ɛ bɔle -klɔsi 'yi, 'ke -ya pele- Zuufu mu daanfɛ' -kuɔlii 'ɛ ni dɔɔ: "'Yaa -gbalaanle', 'e 'kpa 'mi 'yi drɔɔ."
- 37'-O ge bhla 'ɛ zi 'yee- Zuufu mu daanfɛ' -kuɔlii 'ɛ ba, Zesu 'laa dɔle -a -la 'ke mɛɛ 'kedo- 'kpɔ ge -o zi, 'ke ya 'e go Pieri, 'bhɛɛ- Zaki 'pegee 'bhɛ 'nwagwɛn- Zaan ba.

- 38-O bhøle Zuufu mu daanfe' -kuṅlii 'ε ba, 'ke Zesu -zamaa' do yele- 'ke -woo -we 'zi 'zoozoo-, 'bhe 'pegee mεε 'ke mu -yaa wisi' zii' 'ke -o -gbekan' 'egbøle.
- 39-E wlale 'fε 'ε =la, 'ke -ya pele- -o ni dōo: "-Mele =kla 'bhεε- 'ka -o -we 'zi -gee' 'zoozoo- εε, 'bhεε- 'ka -o wisi' zii' εε? -Nε 'ε yaa gaε, -yoo yi pla.”
- 40'Bhε klele 'tε, 'ke 'bhe mεε mu 'ε 'sønsile Zesu ma. -Ayile, 'ke -yoo 'kpεn 'pwεle 'pεεlii-. 'Kee- -nε dε 'pegee -nε 'ε nεε, 'bhεε- mεε 'la zan mu =nwa -a zi 'mu 'te -la 'tole 'a zi. 'Bhεε- 'ke -o gele- -nε gbaa 'ε 'yilayrε 'ε =nōo.
- 41-E -nε 'ε =kwan 'bhe gbε ma 'ke -ya 'siile 'kaa: "Talita kumi!" 'Bhe 'yile-: "-Gblanε, 'mi pe 'e ni dōo 'e 'wlen-!”
- 42'Bhε yrε do 'kpō 'ε =nōo bhe, 'ke -gblanε 'ε bwele- gale ba, 'ke -ya -wlenle', 'bhεε- 'kee- 'taawole 'sanle. -A lεε -yaa vu ta plε. Mεε mu 'ε -o -gblanε 'ε bwele yele gale ba, 'ke -o liibhaale -o ma 'kee- kan a -daṅ' ta.
- 43'Bhε blaen, 'ke Zesu -o -lεmazønlε- dōo waa 'bhe -za 'ε 'pele- mεε 'kedo- 'kpō ni. 'Bhεε- -e pe -o ni -o pele na -gblanε 'ε ni.

Maki 6

- 1Zesu gole 'bhe yrε 'ε 'nōo-, 'kee- gele- -a 'tro -wa 'ε ta.
- 2-Yitre' yi 'ε 'bhøle-, 'kee- mεε mu 'ε daanle 'sanle Zuufu mu daanfe' 'ε =la. Mεε 'srε 'la 'yaa- 'mu 'trønkpaa zii' -a ni, -e 'mu 'kpεn 'kpeelεnia, 'bhεε- 'ke 'mu 'a 'pele dōo: "'Ee! -E 'bhe -za mu 'lεε- 'kpεn -daanna -dela ba εε? -Zadøleya 'la -ya 'kōo, 'bhe 'pegee -e 'søle-maza mu 'la kle 'zi, -dele 'bhe 'søle- maza mu 'ε kle 'seṅ 'na zii' -a ni εε?
- 3Mari gbe 'fε 'wiinṅkpa mi 'ε yaa 'kεle- εε? Zaki 'pegee Zose, 'bhεε- Zude 'pegee Simo 'naagwlen- 'ε -yaa 'kεle- εε? 'Bhεε- -a nεnε- le mu 'ε waa -o 'kōo ba -gε εε?" -O 'kpεεjan- mu 'ε ma, waa 'søle- -o 'kpale -a -yi.
- 4-Ayile, 'ke Zesu 'a 'pele -o ni 'kaa: "-O -Waanbhaa' -lεla' janwo mi 'ε -lεdō' a ma yrεkpεn- =nōo, 'fōke ya 'e go -a 'gbu da -wa 'la ta 'mu =nōo mu 'ε ba, 'bhe 'pegee -a dε mu, 'bhεε- -yaa' 'fa -la mu 'ε ba.”
- 5Waa -o 'kpalawolε Zesu 'yi -a 'gbu da -wa 'ε ta, yaa 'søle- 'søle- maza -bebe klele 'bhe =nōo; 'ke yaa 'e go -ya gbε -kpaa gadε mu 'dama 'la ta 'mu ba, 'bhεε- 'mu 'bheela-.
- 6Waa -o 'kpalawolε -a -yi bhe, 'bhe 'a 'kpeelεnia -a ma. Zesu -ja 'kaanlε- Nazareti kpe ma -wa mu 'ε ta 'kee- ge mεε mu 'ε daanlele -Waanbhaa' a -jan 'ε 'le.
- 7Zesu -yaa' -klanlanε vu ta plε 'ε 'siila- -a -din, 'bhεε- 'ke -yoo winbøle 'sanle plε plε 'kaa -o ge -Jan 'Nrale- 'ε 'woyrε- 'ε nōo-; 'bhεε- 'kee- 'seṅ 'nale -o ni 'ke -o lii -yōo' mu -gbin mεε mu zi.
- 8- 9'Bhεε- -e pe -o ni dōo: "'Ka -o gelawo zii' gben 'ε ta bhe, 'ka 'laa pele 'pegee gben ta ge 'pepe 'silε-, 'bhεε- 'ka 'laa -gøli' do 'kpō bøle 'ka 'wiinṅ-, 'bhe 'pegee 'ka 'laa dunε- plε 'klalε- 'ka ta. 'Duṅ- -ka 'ka 'taawo 'beni mu 'si, 'bhεε- -ka -sawla 'wla 'ka gaan ma.”

- 10-E pe -o ni 'ezin-: "'Ke 'ka =bhwa -wa 'la ta, 'bhεε- 'ke -o 'ka 'cieya- =kla 'fε 'la =la, -ka bo 'bhεε- =la, 'ke 'bhe ge 'tenle- 'ka jilale ma.
- 11'Bhεε- 'ke waa 'ka 'kunle- 'elrele, 'bhe 'pegee 'ke waa -o 'trɔnkpaɛ 'ka 'wojan- mu 'ε =la yre 'la =nɔɔ, 'ke 'ka -o go 'zi bhla 'la ba 'bhe yre 'ε 'nɔɔ-, -ka 'ka gaan mazɔn 'bhe yre 'ε =nɔɔ, 'ke 'ka 'ka gaan ma bwegblen- mu 'ε 'kpen go. 'Bhe nu klele 'bhe yre 'ε =nɔɔ mu 'ε -waa' -za 'yɔɔ- 'ε ma 'tɔomasie 'le."
- 12-Yaa' -kɔɔɔlanε vu ta plε 'ε -o -ja 'bhεε- 'yi 'tε, 'bhεε- -o -yaa pe 'zi mεε mu 'ε ni dɔɔ: "-Ka 'ka 'taawogbeyā 'ε 'niina- 'ke 'ka 'ploɔ- -za 'yɔɔ- klele ma!"
- 13-O 'zina -bebe =gbian mεε mu zi. -O gadε mu -bebe 'srola- 'ke -yrɔn 'le, 'bhεε- -o 'mu 'bheela-.
- 14'Bhe 'waati 'ε ba, -Bhɛngbe Erɔdi Antipasi Zesu 'tɔ 'ε =maa, -amasrɔyi -o -yaa 'bhe 'tɔbhɔ zii' yrekpen- =nɔɔ. Mεε 'ke mu -yaa pe 'zi dɔɔ: "Mεε Wiingfε' Mi Zaan -le -bwela gale ba, 'bhela- -yile 'sɔle- maza mu kle -glɔɔya' -o -a 'kɔɔ."
- 15'Mεε 'ke mu -yaa 'pe zi dɔɔ: "Eli -le". -A 'ke mu -yaa 'pe 'ezin- dɔɔ: "-Waanbhaa' -lɛla' janwo mi do -le 'bhii- 'elwaleta -Waanbhaa' -lɛla' -janwo' mu 'ε gbεen-."
- 16'Yee- -bhɛngbe Erɔdi Antipasi 'bhe -jan mu 'ε 'male-, 'ke -ya pele- 'kaa: "'An =pia mεε mu 'ε ni dɔɔ -o Zaan 'la ngblo 'kan, 'bhe -le 'kεle-".
- 17- 18-Za 'la =kla 'bhεε- Erɔdi 'a =pia mεε mu 'ε ni dɔɔ -o Zaan ngblo 'ε kan' 'bhe -le -ge: 'Yee- Erɔdi Antipasi -a 'gbu nεnε- Filipu 'na Erodiadi =sia 'ke -a na 'le. 'Bhe 'yi 'tε, 'ke Zaan 'a 'pele -a ni dɔɔ: "'Ke 'yee 'gbu nεnε- na =kla 'kee 'na 'le, 'bhe 'laa -o 'ke -za 'lrele- 'le." 'Bhe klele 'tε, 'ke 'yee- Erɔdi mεε mu winbɔle Zaan 'kunyre- nɔɔ-, 'bhεε- 'ke -wa bɔle- -kaso 'yi.
- 19'Erodiadi zrupliile -yaa Zaan ma 'bhe -zayi', 'bhεε- -e -yaa 'bhe dεyre -la -glin 'zi, 'duɔ- -a gbε laa 'sɔle- -lido' 'bhe dele ta.
- 20-Amasrɔyi Erɔdi -yaa -gasikpa Zaan 'lεε 'egbenεle. 'Bhεε- -a 'gbu 'yaa- 'yaango- 'bhii- Zaan -o 'ke mεε -ledɔle 'le, 'bhe 'pegee mεε 'weɔ do 'le, 'bhεε- -e -yaa 'bhe tagbin. 'Kee- -yaa Zaan 'wojan- 'ε ma, -a zru ba 'tε 'yaa- dɔ. 'Bhεε- 'duɔ-, 'bhe 'yaa- sɔ- a ni 'ke -ya 'trɔnkpa- Zaan ni.
- 21'Duɔ- -yrekpa' do, 'ke Erodiadi -a pε -za -zigo' yi 'ε 'bhɔle. 'Bhe yi 'ε 'yaa- 'ke -bhɛngbe Erɔdi 'ya lεε -zabla' yi 'ε 'bhεε- 'le. Erɔdi pε -koo -gbenε do =kla. -E -yaa' mεε gbɔlan mu oo, -srwase' -kunlii mu oo, 'bhe 'pegee Galile 'kleen 'ε 'yi mεε gbɔlan mu 'ε 'kpen 'siila- 'bhe ma.
- 22'Erodiadi 'gbu 'lu -gblanε 'ε 'wlale- 'feti kle 'fε 'ε =la, 'kee- 'srotanle 'sanle. -E =swa 'gbu Erɔdi 'pegee -yaa' 'cie mu 'ε ni. 'Yee- -bhɛngbe Erɔdi pε 'bhe 'yi 'tε gblanε 'ε ni dɔɔ: "'Kee pε 'la 'yrewoa- 'ɔ ma, 'ɔ nu 'bhεε- 'nale- 'e ni."
- 23-Ya 'sienwoa- 'gbu -gblanε 'ε ni dɔɔ: "'Kee pε 'oo pε 'la 'yrewoa- 'ɔ ma, 'ɔ nu 'bhe 'nale- 'e ni, 'ali- 'kee- =kla 'an -bhɛngbe 'kleen 'ε gbε do 'le oo, 'ɔ nu dɔle 'bhe 'nale- =la 'e ni."

- 24'Bhε klele 'tε, 'ke -gblanε 'ε 'pwεle 'pεεlii-, 'kee- gele- -a nεε -lrεkpale dεε: "'D -mε pε -za 'gbu -la 'yrewo -a ma εε?" -A nεε pε a ni dεε: "-A pε 'η 'yoo- Mεε Wiinjfe' Mi Zaan ηgblo 'ε 'bhεε- zi."
- 25'Bhε 'yi 'tε, 'ke -gblanε 'ε 'niinale blaale- 'fε 'ε =la, 'ke -ya pele- -bhleηgbe 'ε ni: "'D 'yoo- -a zi 'bhii- 'ε Mεε Wiinjfe' Mi Zaan ηgblo 'ε 'bhεε- 'kan, 'bhεε- 'ya na 'η ni pele -koo do ta 'saanibhe."
- 26'Bhε -jan 'ε 'bhε 'yee- -bhleηgbe 'ε ta =kla suη 'egbenεle. 'Duη- -ya 'sienlawoa gban -jan 'la 'bhε ta -gblanε 'ε ni, yaa 'cie mu 'ε 'yre ma, yaa -yaa sε a -gbedole 'bhε klele ma.
- 27'Bhε yre do 'ε =nεε bhe, 'ke -ya gooba -srwase' mu 'ε do winbεle 'kaa 'bhε ge Zaan ηgblo 'ε 'kan, 'bhεε- 'bhε nu 'kεle- -a ni.
- 28-'Srwase' mi 'ε -ja Zaan ηgblo 'ε 'kanle- -kaso 'fε 'ε =la, 'kee- nule- 'bhε 'le pele -koo do ta. 'Kee- 'bhε 'nale -gblanε 'ε ni. 'Bhεε- 'ke -gblanε 'ε 'bhε 'kpale 'bhε nεε 'kεε.
- 29'Zaan -a -klanlanε mu 'ε 'bhε 'male-, 'ke -o nule- -a gbaa 'ε 'silε-, 'bhεε- 'ke -o gele- -a binle.
- 30'Zesu a winbεwo mu 'ε dale blaen -waa' 'taa 'ε ta, 'ke -woo -lεkpale 'eke- ta 'yee- Zesu -din, 'bhεε- 'ke -o -za mu 'la 'kpen =kla 'bhε 'pegee -o mεε mu -daanna -za mu 'la 'kpen 'le, 'mu 'yigεεnle -a ni.
- 31'Zesu pε -o ni 'kaa: "-Kεε' go -gε, 'bhεε- -kεε' ge 'edaηma -kεε' 'yitrεε sa -kpe ta yre do =nεε." Zesu -janwoa 'bhε gbεen- bhe, -amasrεyi mεε -bebe 'yaa- nu 'zi -o ba 'ke -o ge 'waati 'ε 'kpen ba, -asiikεε Zesu 'pegee -yaa' -klanlanε mu 'ε waa -yaa pεbhleyre -srεεwo -o 'kεε.
- 32'Bhε 'yi, -O -saan -yitakonη do 'yi, 'bhεε- 'ke -o -yi 'ε takanle, 'bhεε- 'ke -o 'gbansaan 'te gele- -kpe 'ε ta yre do =nεε.
- 33'Duη- mεε -bebe -o =ya, -o ge bhla 'ε zi -yitakonη 'ε 'yi, 'bhεε- -woo madwa-. 'Bhela- -yile, 'bhε mu -daa -wa mu 'ε 'kpen ta, 'bhεε- 'mu blasaan-, 'ke 'mu gele- zenle blaale- 'yee- Zesu 'pegee -yaa' -klanlanε mu 'ε 'lεε -o -yaa ge 'zi yre 'la =nεε 'bhε =nεε.
- 34'Zesu zinale -yitakonη 'ε 'yi, 'kee- -zamaa' -gbenε 'ε yele-. 'Bhεε- -o -yrenklaa -a ma. -Amasrεyi -o -yaa 'bhii- -bhlaa mu 'la -o gooba mi laa -o ta. 'Bhε 'yi 'tε, 'ke -yoo -o daanle 'sanle -za -bebe 'le.
- 35-'E =bwa mεε mu 'ε daanle ma, 'bhεε- 'waati 'ε =bhwa 'egbεεnle. -Ayile, -yaa' -klanlanε mu 'ε -woo mabεenle -a -din, 'ke -wa pele- -a ni: "'E 'yrekpα, -kεε' -o -bεn dreyi' -a ma 'dε! 'Bhεε- 'waati 'ε =bhwa gban 'egbεεnle;
- 36-a pε mεε mu 'lεε- ni 'kaa -o ge pele mu -lεyre' -glin -bεn 'yi -wa mu 'pegee -kεε' -din -wa mu 'ε ta."
- 37'Bhε 'yi 'tε, 'ke Zesu 'a pele -o ni dεε: "'Ka mu 'gbu pele na -o ni!" 'Bhεε- -o pε -a ni 'ezin- dεε: "'Ali- 'ke 'o denie -gεli' 'tanηbha -kεmε ple pε 'bluu =lwa, 'bhεε- 'ke 'o 'bhε =naa 'woo- mεε mu 'lεε- ni, 'bhε sε -o mabhεle εε?"

- 38'Bhε klele 'tε, 'ke Zesu -o -lrōkpale 'kaa: "'bluu 'wεε- -le 'ka 'kōō εε? -Ka ge -a -glin doo.'" -O gele 'eke- -lrōkpale 'ke -o nule- -a pele -a ni: "'bluu 'soo 'pegee kaa ple.'" "
- 39'Bhε 'yi 'tε, 'ke Zesu 'a 'pele -yaa' -klanlanε mu 'ε ni dōō: "-Kaa pe mεε mu 'ε ni dōō -o yala- -bōn -dōō 'ε ta -le ma -le ma!" "
- 40'Bhεε- mεε mu 'ε -yala- -le ma -kεmε do do 'pegee mia ple bhε vu vu.
- 41'Bhε klele 'tε, 'ke Zesu 'bluu 'soo 'ε 'pegee kaa ple -o 'kunle -a 'kōō, 'ke -ya -yrε 'kpale laanima, 'bhεε- 'kee- -Waanbhaa' 'pubōle pele 'ε ma. 'Bhε blaanta, 'kee- 'bluu mu 'ε takanle kplokplo, 'ke -yoo 'kpale -yaa' -klanlanε mu 'ε 'kōō 'kaa -woo -yicien' -zamaa' 'ε ma. 'Bhε klεgbeya do 'ε yi, 'kee- kaa ple 'ε 'yicienle -o 'kpen ma.
- 42'Mεε mu 'ε 'kpen pεbhla-, 'bhεε- -o kpεdwa-.
- 43-O yanle pε 'ε 'bhlelele, 'bluu 'lεkpu- mu 'pegee kaa mu 'la =bwa -o blaana, 'mu cie -nε =yan vu ta ple -paa.
- 44'Mεε mu 'la 'kpen 'yee- pε 'ε =bhla, 'mu 'yaa 'gwlaan- 'waa 'soo (5.000); le mu 'pegee -nε mu laa -yaa 'bhε mεε -lii 'ε ba.
- 45'Bhε -za mu 'ε 'kanle- -gun bhe, Zesu 'a =pia -yaa' -klanlanε mu 'ε ni 'kaa -o ge 'san -yitakon 'ε 'yi kpanma. -E -yaa zi 'bhii- -o 'kan 'a -lεε -sō -draa 'yrε gbε do 'ε ta, Betisaida -wa 'ε ba -yrε 'ε ta. 'Bhε 'waati 'ε ba, 'yee- 'gbu nu 'ploole- -zamaa' 'ε ma 'kaa -o ge -o ba -le ma.
- 46'Zesu 'yanle- 'ploolele -zamaa' 'ε ma, 'kee- gele- -a 'seriwolε gōōn do wiinj-.
- 47-Bi =pwa 'waati 'la ba, -yaa' -klanlanε mu 'ε 'yaa- -yitakon 'ε 'yi, -yi 'ε drēyi', 'bhεε- 'yee- Zesu do -kplen -yaa 'trε ma.
- 48'Zesu 'a =ya 'bhii -yaa -klanlanε mu 'ε gbezikaan -yitakon 'ε 'bhōle- ma, -amasrōyi -ploo 'ε 'yaa- 'kan zii' 'kee- nu -o ba -yrε ta. 'Bhε klele 'tε, zrwanzi maa gwlen -we bhla =lwa 'ε ba, 'kee- 'taawole 'sanle -yi 'ε ta 'kee- nu -o ba -yrε ta, -e -yaa zan drōōn' 'kanle- -o ta.
- 49-Wa yele 'taawoyrε 'ε =nōō -yi 'ε ta, -e =kla -o ni 'bhii- jielii do -le -yaa 'kεle-, -ayile 'ke -o -gbekanle 'sanle.
- 50-Amasrōyi, -o 'kpen 'a =ya, 'bhεε- -gblaan =klaa -o -yi. 'Bhε yrε do 'ε =nōō bhe, 'ke -ya pele- -o ni 'kaa: "-Ka 'ka zrudo 'eglōole, 'mi -le 'kεle-, 'ka 'laa -gblaanle.'" "
- 51'Bhε blaana, 'kee- 'sanle -o zi -yitakon 'ε 'yi, 'ke -ploo 'kanle- 'ε dulale. -Yaa' -klanlanε mu 'ε 'liibhaala -o ma 'kee- kan -a -dan' ta.
- 52-Amasrōyi, -e 'sōle- maza 'la =kla -o -yrε ma 'bluu 'yicienyrε 'ε =nōō, -waa 'bhε -yi 'male- -li bi, -woo 'trōn 'yi -dwa 'eglōole 'bhε 'yimale ma.
- 53'Zesu 'pegee -yaa' -klanlanε mu 'ε 'yanle -draa 'ε takanlele bhla 'la ba, 'ke -o zinale -draa -yrε gbε do 'ε ta Zenezareti 'trε 'ε ta, 'bhεε- -o -yitakon 'ε 'yrela- -yi 'ε 'lεzi-.
- 54-O zinale -gun -yitakon 'ε 'yi, 'ke mεε mu 'ε -o Zesu madōle 'bhε yrε do 'ε =nōō bhe.

⁵⁵'Bhē klēle 'tē, 'ke mēē mu 'ē gele- Zesu 'nuza- 'ē wōŋwōŋzenlē 'klēēn 'ē 'yi yrēkpen- =nōō. 'Bhēē- mēē mu 'ē 'yaa- zan gadē mu 'ē 'le -a ni 'mu 'yila -saa mu 'ē ta. 'Ke -o -yaa ma 'kaa -yoo yrē 'oo yrē 'la =nōō, -o -yaa ge -a zi 'bhēē- =nōō ye.

⁵⁶'Kee- -yaa bhō yrē 'oo yrē 'la =nōō, -wa gbalaan mu ta oo, -wa 'fientrōnne mu ta oo, -bōn 'yi -wane' mu ta oo, mēē mu 'ē 'yaa- nu -waa' gadē mu 'ē 'lēkpālē -kpan mu 'ē ta, 'bhēē- -o -yaa -sromabō Zesu ni dōō: "-A 'to 'ke 'waa- gadē mu 'ē -woo gbē yan sa -yaa' dūnē- tralapē 'ē ma." Gadē mu 'la 'kpen 'mu gbē -yaan 'bhē ma, 'mu 'kpen 'bheela-

Maki 7

¹Farizi mu 'ē 'pegee 'Toŋ daan mu 'ke mu -daa Zeruzalemu. 'Bhēē- -o 'pegee Farizi mu 'ē -ja -o -lēkpālē Zesu zi.

²-O -yaa' -klanlānē mu 'ē 'klōsikwan, 'bhēē- -wa =ya 'bhii- 'ke 'mu -o pēbhlele, 'mu 'laa -yaa 'mu gbē mafē 'bhii- -wa klē gōnē- 'la gbēēn- Zuufu mu a 'sinii ta za 'ē ma.

³Wlan 'ē ni, Farizi mu 'ē 'pegee Zuufu -vin mu 'ē 'kpen waa -yaa sō pēbhlele, 'ke -waa -o gbē mafēlē 'elwale 'pe, 'bhii- -o -yaa klē gōnē- 'la gbēēn- -o -gbōō mu a 'sinii ta za 'ē ma.

⁴'Bhē klegbēya do 'ē 'yi, 'ke -o -daa 'plēē 'yi, waa sō pēbhlele, 'ke waa -o gbē mafēlē 'elwale pe. -O -gbōō mu -o 'sinii ta za -bhēēke' -bebe =twa -o ni, 'bhēē- -o 'mu 'klōsikun: 'bhē 'ke mu -le 'bhii- -waa' -yi 'mipe- mu -yifēgbēya 'pegee -waa' 'trēgbō-, 'bhēē- -waa' piibhēgbō mu -yifēgbēya.

⁵'Bhēla -zayi' -le, Farizi mu 'ē 'pegee 'Toŋ Daan mu 'ē -o Zesu 'Irōkpa- dōō: "-Mēle =kla 'bhēē- -yaa' pē -klanlānē mu 'ē waa -o 'taawo zii' -kōō' -gbōō mu a 'sinii ta za mu 'ē ta ēē? -Mēle =kla 'bhēē- waa -o gbē mafē 'bhii- -wa klē gōnē- 'la gbēēn- -kōōa' 'sinii ta za 'ē ma ēē?"

⁶Zesu 'a zikpa- -o ni 'tē dōō: "Mēē -yrēkōōza klē mu, -Waanbhaa' -lēla' janwo mi Ezai -jan 'la =woa 'ka ba zayi' 'elwale -sō, 'bhē =kla 'ke wlan 'le. -A yōōndēle -o -a 'kōō 'kaa -Waanbhaa' pe dōō: 'Mēē mu 'lēē- -woo 'ŋ 'lēdō- -a ma -o -liijan' mu 'te -la -le; 'dūŋ- -o zru mu 'ē 'plēŋgole -o 'ŋ ma.

⁷-Woo 'ŋ gba bhaama, -amasrōyi -o mēē mu daan 'ke bhaaplēŋ mu a 'sinii ta za mu -la -le.' "

⁸Zesu pe -o ni dōō: "'Ka -Waanbhaa' a pē 'toŋ mu 'ē to -a nōō-, 'bhēē- 'ka bhaaplēŋ mu a 'si ta za mu -la -klōsikun."

⁹-E pe -o ni 'ezin- 'kaa: "'Ka 'ka -bango' -Waanbhaa' pē 'toŋ 'gbu 'ē 'yi kpataakpa, 'bhēē- 'ka 'kaa- 'sinii ta za mu -la 'klōsikun.

¹⁰Wlan 'ē ni, Moizi pe dōō: "E dē 'pegee 'ē nēē -lēdō' -o ma 'elrele'. 'Bhēē- -ya =pia 'ezin- dōō: "Ke mēē 'la zan -a dē 'pegee -a nēē 'dangjanwoa, 'bhē zan -o 'ke dēpe 'le'.

- 11'Bhɛɛ- 'ka mu 'bhɛ -jan 'ɛ maniinaa 'ke 'kaa pe dɔɔ 'ke mɛɛ do 'a =pia -a dɛ 'pegee -a nɛɛ ni 'kaa "D 'yaa- nu bhɔlɛ 'ka ba ɲ 'kɔɔpɛ- 'la 'le, 'bhɛ =kla 'ke 'kɔɔban 'le ('bhɛ 'yi -le -o pɛ 'la =naa -Waanbhaa' ni)'.
 12'Bhɛ klɛgbɛya 'ɛ 'yi, 'ka 'bhɛ zan 'ɛ ɲgblo 'ɛ siɛ, 'bhɛɛ- yaa sɔ -a 'gbu 'srɔɔwole 'ke -ya 'kɔɔpɛ- na -a dɛ 'pegee -a nɛɛ ni -li -titi.
 13'Bhɛ klɛgbɛya -glɔɔn 'ɛ gbɛɛn- bhe, 'kaa- 'sinii ta za mu 'ɛ ma, -Waanbhaa' a -jan 'ɛ 'yiga- mɛɛ mu 'ɛ -yrɛ 'yi. 'Ka 'bhɛɛ- 'yansi za -glɔɔn -bebe kle!"
 14'Zesu -zamaa' 'ɛ 'sii gbɛ drɛɛwoa- 'ezin-, 'ke -ya pele- -o ni dɔɔ: "'Ka 'kɛn, -ka 'ka 'trɔnbado doo, 'bhɛɛ- -ka -jan 'lɛɛ- 'yima!
 15'Pɛle 'kɛdo- 'kpɔ 'laa sɔ wlalɛ- mɛɛ 'kpee, 'bhɛɛ- 'bhɛ 'a 'kpee 'triɲdɔ-. 'Duɲ- pɛ 'la da bhaaplɛɲ 'gbu 'kpee, 'bhɛ -le -a 'gbu 'kpee 'triɲdɔ- -Waanbhaa' -yrɛ 'yi.
 ((16'Ke -jan 'lɛɛ- -yima' 'trɔn -o mɛɛ 'la zan ɲgblo ma, -ya -yima.'))"
 17'Zesu -gwa -zamaa' 'ɛ -din, 'bhɛɛ- -e -ja wlalɛ 'fɛ 'ɛ =la 'waati 'la ba, 'ke -yaa' -klanlanɛ mu 'ɛ -o 'yee- -gɔɔn 'ɛ 'yilrɔkpale 'a ma.
 18'Bhɛ klɛle 'tɛ, 'ke Zesu 'a 'pele -o ni dɔɔ: "'Ka mu 'ezin-, 'ka mu laa 'bhɛ 'yima- ɛɛ? 'Ka mu 'laa 'yaango- 'bhii- 'pɛɛlii- pɛ 'kɛdo- 'kpɔ 'laa sɔ wlalɛ- mɛɛ 'kpee 'bhɛɛ- -ya 'kpee 'triɲdɔ- ɛɛ?
 19-Amasrɔyi, pɛle laa wla mɛɛ zru 'ɛ 'yi, -e ge mɛɛ vi 'ɛ 'bhɛɛ- 'yi; 'bhɛɛ- -e klɛ 'ke blinpe 'le boolazi." (Zesu 'bhɛ -jan 'lɛɛ- 'woa- win 'la ma 'bhɛ 'yi -le dɔɔ: Mɛɛ sɔ pɛle 'tɔle- pɛ 'bhɛ 'bhlele.)
 20-E pe -o ni 'ezin- dɔɔ: "Pɛ 'la mɛɛ 'kpee 'triɲdɔ- -Waanbhaa' -yrɛ 'yi, 'bhɛ da 'e 'gbu zru 'ɛ 'bhɛɛ- 'yi.
 21-Amasrɔyi, 'kpeejan- -yɔɔ' mu 'ɛ 'kɛn da bhaaplɛɲ 'gbu zru 'ɛ 'bhɛɛ- 'yi 'bhii- 'kɛ mu 'lɛɛ gbɛɛn-: 'joo 'yɔɔ- oo, -faan zru oo, mɛɛ dɛ zru oo,
 22-yanbhɔɔya zru oo, -naflo zru oo, yiɛnya oo, -dawliya oo, 'taawogbɛya -yɔɔ' oo, zranwole oo, mɛɛ 'tɔsiele oo, 'e 'gbu magbaandele oo, 'bhɛ 'pegee -zadɔkleya.
 23'Bhɛ -za 'yɔɔ- mu 'la bhe, 'mu -la 'kɛn da mɛɛ zru 'ɛ 'yi, 'bhɛɛ- 'mu -le mɛɛ 'kpee 'triɲdɔ-."'
 24'Zesu gole 'bhɛ yrɛ 'ɛ =nɔɔ, 'kee- gele Tiri 'klɛɛn 'ɛ 'yi. -E bhɔle 'bhɛ =nɔɔ, 'kee- gele- wlalɛ 'fɛ do -la; 'bhɛɛ- yaa -yaa zi 'bhii- mɛɛ 'kɛdo- 'kpɔ 'a 'yaango- 'bhii- -yoo 'bhɛ 'fɛ 'ɛ =la; 'duɲ- -a tagaanle laa bolɛ.
 25-Amasrɔyi, lii 'yɔɔ- -yaa le do -lunɛ' do zi. 'Bhɛ yrɛ do 'ɛ =nɔɔ bhe, le 'ɛ -ya 'male- 'kaa Zesu =nwa, 'kee- gele- baalɛ Zesu gaan ma.
 26'Bhɛ le 'ɛ 'bhɛ 'laa -yaa 'ke Zuufu le 'le, 'bhɛ -yaa da Sirofɛnisi 'klɛɛn 'ɛ 'yi. -E -sromabwa Zesu ni dɔɔ 'bhɛ lii 'yɔɔ- 'ɛ -gbin -a -lunɛ' 'ɛ zi.

27'Bhɛɛ- 'duŋ-, Zesu pe -a ni dɔɔ: "-A 'to -nɛ mu 'ɛ pɛbhle 'pe 'bhɛɛ- -o kpɛdɔ. - Amasrɔyi, 'kee -nɛ mu a pɛbhle =sia -o -la, 'bhɛɛ- 'ya -blinna -gbaan' mu 'ɛ ni, 'bhɛ 'laa lele."

28'Yee- le 'ɛ pe Zesu ni dɔɔ: "'Bhɛ -o 'ke wlan 'le Mɛɛzan, 'bhɛɛ- 'duŋ-, 'ke -nɛ mu -o pɛbhle 'zi, -gbaan' mu 'ɛ -o pɛ piinɛ- mu 'la balaa' -nɛ mu 'ɛ 'kɔɔ pɛbhle -tabali 'ɛ =la 'trɛ ma, 'mu 'bhɛ mu -la bhle."

29'Bhɛ 'yi 'tɛ, 'ke Zesu 'a 'pele -a ni dɔɔ: "Le -nɛ, 'e -jan 'la =woa bhe, 'bhɛ -zayi', ge 'e ba -lɛ ma; lii -yɔɔ' 'ɛ -gwa 'e 'lunɛ 'ɛ zi."

30'Yee- le 'ɛ 'nule- -a ba -lɛ ma 'tɛ, 'kee- bhɔle- -a -lunɛ' 'ɛ 'yila- le ta -saa 'ɛ ta. 'Bhɛ bhla 'ɛ ba 'ke lii 'yɔɔ- 'ɛ -gwa gban 'bhɛ zi.

31'Zesu gole Tiri 'klɛn 'ɛ 'yi, 'kee- 'kanle Sidɔn -wa 'ɛ ta, 'bhɛɛ- -e -yaa zan bhla 'la ba Galile -draa 'ɛ ba -yrɛ ta, 'kee 'kanle -wa vu -o 'klɛn 'la 'yi 'bhɛ 'yi.

32'Mɛɛ 'ke mu -nwa 'ke 'bhobho 'trɔn 'wile do 'le -a ba. 'Bhɛɛ- 'ke -o -sromabɔle -a ni dɔɔ -ya gbɛ 'kpa 'bhɛ 'bhobho 'trɔn 'wile- mi 'ɛ ma, 'bhɛɛ- 'bhɛ bhee.

33'Bhɛ klɛle 'tɛ, 'ke Zesu 'bhobho 'trɔn 'wile- 'ɛ plɛngole -zamaa' 'ɛ ma, 'kee- gele- 'kele- 'ɛdaŋma. 'Bhɛɛ- 'ke -ya gbɛ -nɛbhɛ' plɛ wlale- 'bhɛ 'trɔn mu 'ɛ 'yi. 'Bhɛɛ, 'ke -ya -liile' bɔle- -a gbɛ -nɛbhɛ' do ma, 'bhɛɛ- 'kee- 'bhɛ -zwanle' 'yee- 'bhobho 'ɛ nrɛ 'ɛ ma.

34'Bhɛ blaɛn, 'ke Zesu 'e 'yrɛkpale laanima, 'ke -ya 'trɛle 'eglɔle, 'bhɛɛ- 'ke -ya pele- dɔɔ: " Efata!" 'Bhɛ 'yile 'kaa: "-Ka 'ka 'liiploo-!"

35'Bhɛ yrɛ do 'kpɔ 'ɛ =nɔɔ bhe, 'ke 'yee- mɛɛ 'ɛ 'trɔn mu 'ɛ 'liiploole, 'ke -a nrɛ 'ɛ tagbiŋgole, 'bhɛɛ- 'kee- -jan 'wole 'sanle 'elrele.

36'Bhɛ blaɛn, 'ke Zesu 'nule mɛɛ mu 'ɛ ta, 'bhɛɛ- 'kee- 'yee- 'bhobho 'ɛ 'madɔ- mu 'ɛ 'kpen 'lɛmazɔnle 'kaa waa 'bhɛ -za 'ɛ 'yigɔɔnɛ mɛɛ 'kɛdo- 'kpɔ ni. Drɔɔn' -yoo -lɛmalazwan bhe, 'woo- mɛɛ mu 'ɛ -ja -waa' mɛɛ 'ɛ 'bheeza- 'ɛ wɔŋwɔŋ baan' zenle yrɛkpen- =nɔɔ.

37'Mɛɛ mu 'ɛ -o 'kpen 'liibhaala -o ma 'kee kan a -daŋ' ta. 'Bhɛɛ- -o -yaa pe 'zi 'tɛ 'kaa: "Mɛɛ 'lɛɛ- klɛza mu 'ɛ 'kpen -o 'elrele. 'Bhɛɛ- -e sɔ -a klɛle- drɔɔn' 'bhɛɛ- 'trɔn 'wile- mu -jan ma, 'bhɛ 'pegee 'bhobho mu -janwo'."

Maki 8

1'Bhɛ 'waati 'ɛ ba, -zamaa' 'srɛ -gbɛnɛ do -nwa -o -lɛkpale -a zi 'ezin-. 'Bhɛɛ- pele laa -yaa -o 'kɔɔ. 'Bhɛ klɛle 'tɛ, 'ke Zesu -yaa' -klanlane mu 'ɛ 'siile, 'bhɛɛ- 'ke -ya pele- -o ni 'kaa:

2" 'Mɛɛ mu 'lɛɛ- -yrɛnkla' zii' 'ŋ ma, -amasrɔyi -o -yrɛkpaa' yaga -le -gɛ 'ke -woo -kɔɔ' zi, 'bhɛɛ- pele laa -o 'kɔɔ -li.

3'Ke 'ŋ 'ploola- -o ma -o gbɔndɛle 'ɛ 'le, -o -gblɔzi' nu gale -o ma -o ge bhla 'ɛ zi -o ba -wa la zi 'ɛ 'lii gbɔn 'ɛ 'kɔɔ. -Amasrɔyi -o -bebe -daa yrɛ gbɔɔn nɔɔ-."

- 4'Bhɛ 'yi 'tɛ, 'ke -yaa' -kɔŋlanɛ mu 'ɛ -wa peɛ- -a ni 'kaa: "'O nu peɛ -srɔwɔlɛ yrɛ 'ɛ -dela nɔɔ- -gɛ, 'bhɛɛ- 'o peɛ na -o ni, 'bhɛɛ- -o kpɛdɔ -bɔn 'yi yrɛ 'lɛɛ- =nɔɔ ɛɛ?"
- 5'Zesu -o -lrɔkpale 'kaa: "'bluu 'wɛɛ- -le 'ka 'kɔɔ ɛɛ?" 'Ke -wa -lɛkunle a ni dɔɔ: "'Srwapɛ-."
- 6'Bhɛ kleɛ 'tɛ, 'ke -ya peɛ- -zamaa' 'ɛ ni -o yala- 'trɛ ma. 'Bhɛɛ- -e 'bluu 'srwapɛ- 'ɛ 'sile-, 'kee- -Waanbhaa' 'pubɔle 'mu ma, 'ke -yoo takanle 'bhɛɛ- 'ke -ya 'kpale -yaa' -kɔŋlanɛ mu 'ɛ 'kɔɔ dɔɔ -woo -yiciɛn' -zamaa' 'ɛ ma. 'Bhɛɛ- 'ke 'mu 'bhɛ kleɛ-.
- 7'Kaanɛ- 'ke mu -yaa -o 'kɔɔ 'ezin-. Zesu -Waanbhaa' 'pubwa- 'bhɛ kaanɛ- mu 'ɛ ma, 'ke -ya peɛ- -yaa' -kɔŋlanɛ mu 'ɛ ni 'kaa -woo -yiciɛn' mɛɛ mu 'ɛ ma 'ezin-.
- 8-O 'kpen pɛ 'ɛ =bhla, 'bhɛɛ- -o kpɛdwa-. Zesu a -kɔŋlanɛ mu 'ɛ -o ciɛ -nɛ =yan 'srwapɛ- -la -paa 'ke 'bluu kpu mu 'la =bwa -o blaɛn 'mu 'le.
- 9-O -yaa bhɔ 'gwlaan- 'waa yiziɛ -din (6000). -O yanle pɛbhɛlele, 'ke Zesu 'ploole mɛɛ mu 'ɛ ma 'tɛ.
- 10'Bhɛ yrɛ do 'ɛ =nɔɔ bhe, 'ke 'yee- 'pegee -yaa -kɔŋlanɛ mu 'ɛ 'sanle -yitakonɔ 'ɛ 'yi, 'bhɛɛ- 'ke -o gele- Dalimanuta 'trɛ 'ɛ ta.
- 11-O bhɔle 'bhɛ 'klɛɛn 'ɛ 'yi 'tɛ, 'ke Farizi mu 'ɛ 'nule- zaabɔle Zesu 'lɛ ma. -O -yaa -a zi 'bhii- -o -jan bheɛ 'kpala -a -lɛɛ, 'bhɛɛ- 'ke -wa peɛ- -a ni dɔɔ: "-Tɔɔmasiɛ do kle 'ke 'bhɛ 'a zɔn 'o ni 'bhii- 'e da -Waanbhaa' ba."
- 12'Zesu 'e 'trɛle -a nii- 'yi 'egɔɔle, 'bhɛɛ- 'ke -ya peɛ- -o ni dɔɔ: "-Mɛle =kla 'bhɛɛ- 'saanige mu 'ɛ -woo 'sɔle- maza do -yrɛ wo zii' ɛɛ? 'Mi pɛ 'ka ni 'ɲ 'sɔwɛɛ- ma 'kaa 'naa nu 'sɔle- maza do 'kpɔ kleɛ 'woo- 'saanige mu 'lɛɛ- -yrɛ ma!"
- 13'Bhɛ blaɛn, 'kee- gole- Farizi mu 'ɛ -din, 'bhɛɛ- 'kee- 'sanle -yitakonɔ 'ɛ 'yi, 'kee- gele- 'ezin- -draa -yrɛ gbɛ do 'ɛ ta.
- 14'Bluu 'sile- =nia Zesu a -kɔŋlanɛ mu 'ɛ 'kpee, 'fɔ 'bluu do 'kpɔ -le -yaa -o 'kɔɔ -yitakonɔ 'ɛ 'yi.
- 15'Zesu -jan 'lɛɛ- 'bhɛ 'kpankpanyaan -o ma dɔɔ: "-Ka 'ka 'yrɛkpa 'ka 'gbu ba 'elrele, Farizi mu 'ɛ 'pegee Erɔdi a 'bluu -pɛɛ 'wɛn 'sɛkɛ 'ɛ ma."
- 16'Bhɛ 'yi 'tɛ, 'ke -yaa' -kɔŋlanɛ mu 'ɛ -zaabɔle 'sanle 'eke- -lɛ ma 'ke -wa peɛ- 'eke- ni dɔɔ: "'Waa 'bluu 'la 'sile- 'ebebele bhe, 'bhɛla- -yile -yoo -jan -gɔɔn 'lɛɛ- 'bhɛ 'wo zii' ɛɛ?"
- 17'Zesu 'bhɛ yaangole, 'ke -yoo -lrɔkpale dɔɔ: "-Mɛle =kla 'bhɛɛ- 'ka -o zaabɔ 'zi 'ke 'kaa pɛ -mɛla ma 'bluu 'laa -o 'o 'kɔɔ ɛɛ? 'Ali- 'kee- 'ten -zɔn, 'ka 'laa 'mi klɛza mu 'ɛ 'yimale -li ɛɛ? 'Ka 'trɔn 'yi 'egɔɔle 'dɛ?"
- 18'Ka 'yrɛbhɛ- mu -o, 'bhɛɛ- 'ka 'laa -yrɛ ma ye ɛɛ? 'Ka 'trɔn mu -o, 'bhɛɛ- 'ka 'laa -jan ma ɛɛ? 'Bhɛ 'laa -o -li 'ka 'kpee ɛɛ?
- 19'D 'bluu 'soo 'la takaa- mɛɛ 'waa 'soo (5.000) 'ɛ ma, -o kpu mu 'la =bwa, 'ka ciɛ -nɛ =yan 'wɛɛ- -la -paa 'ke -o -le ɛɛ?" -O pɛ dɔɔ: "'Vu ta plɛ."

- 20 "Bhɛɛ- 'ŋ 'bluu 'srwaplɛ- 'la takaan- mɛɛ 'waa yizie 'ɛ ma, 'ka ciɛ -nɛ =yan 'wɛɛ- -la -paa 'ke -o kpu mu 'la =bwa 'mu 'le ɛɛ?" -O pe dɔɔ: "'Srwaple-."
- 21 Bhɛ 'yi 'tɛ, 'ke -ya pele- -o ni dɔɔ: "'Ka 'laa -a 'yimale -li ɛɛ?"
- 22 Zesu 'pegee -yaa' -klanlanɛ mu 'ɛ =nwa Bɛtisaida -wa 'ɛ ta. 'Bhɛɛ- 'ke mɛɛ mu 'ɛ 'nule -yrɛ 'wi mi do 'le Zesu ba, 'ke -o -sromabɔle -a ni 'kaa -ya gbɛ 'kpa 'bhɛ ma, 'bhɛɛ- -e 'bhɛ bhee.
- 23 Bhɛ klɛ le 'tɛ, 'ke Zesu -yrɛ 'wi mi 'ɛ 'kunle- 'bhɛ gbɛ ma, 'kee- gele- 'kɛle- -wa 'ɛ -zanta'. 'Bhɛɛ- 'ke -ya -liile' -glɔle' 'bhɛ 'yrɛbhɛ- mu 'ɛ ta, 'ke -ya gbɛ 'kpale 'mu ta, 'bhɛɛ- 'kee- 'bhɛ -lrɔkpale dɔɔ: "'E yrɛ ma ya ɛɛ?"
- 24 -Yrɛ 'wi mi 'ɛ -ya -yrɛ 'liiploola 'ke -ya pele- dɔɔ: "'D 'yrɛ -o mɛɛ mu ma, -woo 'bhii- -yri diinj mu gbɛɛn-, -woo 'taawo zii'."
- 25 Zesu 'e gbɛ 'kpa gbɛ drɛɛwoa- 'ezin- 'yee- mɛɛ 'ɛ 'yrɛbhɛ- mu 'ɛ ta. 'Ke -ya -yrɛkpale -a -lɛɛ siinj, 'bhɛɛ- -e -bheela, kee- yrɛ ma 'yele 'wɛŋ.
- 26 Bhɛ blaanta 'tɛ, 'ke Zesu 'ploole -a ma, 'bhɛɛ- 'ke -ya pele- -a ni dɔɔ: "'Ge 'e ba -le ma, 'duŋ- 'yaa 'kanlɛ- -wa 'ɛ 'kpee."
- 27 Zesu 'pegee -yaa' -klanlanɛ mu 'ɛ -o -ja Sezare Filipu -din -wa mu 'ɛ ba -yrɛ ta. -O -yaa zi 'ɛ 'lii bhla 'la ba, 'ke -yoo -lrɔkpale 'tɛ 'kaa: "'Mɛɛ mu 'ɛ -woo 'mi 'kun zii' mɛɛ -glɔɔn 'ɛ -dela -le ɛɛ?"
- 28 -Yaa' -klanlanɛ mu 'ɛ -wa -lɛkwan -a ni dɔɔ: "'Mɛɛ 'ke mu pe 'yoo- 'ke Mɛɛ Wiinjɛ' Mi Zaan 'le, -a 'ke mu pe 'yoo- Eli 'le. 'Bhɛɛ- -a 'ke mu pe 'ezin- 'kaa 'yoo- -Waanbhaa' -lɛla' janwo mu 'ɛ do 'le."
- 29 Zesu -o -lrɔkpaa 'ezin- dɔɔ: "'Bhɛɛ- 'ka mu 'lɛɛ-, 'ka mu 'kpee ma 'mi -o 'ke -dela -le ɛɛ?" Pieri pe -a ni dɔɔ: "'Bhi -le Krisi 'le, -Waanbhaa' Mɛɛ -Bhee Mi -Kpɔsɔɔ 'gbu 'la =kpaa 'bhɛ 'le."
- 30 Bhɛ 'yi 'tɛ, 'ke Zesu -o -lɛmazɔnle 'eglɔle dɔɔ: "'Ka 'laa 'bhɛ 'pele- mɛɛ 'kedo- ni."
- 31 Bhɛ blaana, 'ke Zesu -yaa' -klanlanɛ mu 'ɛ daanle 'sanle gɔnɛ- 'lɛɛ- 'bhɛɛ- gbɛɛn- dɔɔ: "'-A -lɛdulale -o dɔɔ Bhaaplɛŋ Gbe 'ɛ nu -yrɛnbhlele 'ebebele, Zuufu mu a 'gwlaan- gbilaan mu 'ɛ, 'pegee'sraka 'lena -kunlii' mu 'ɛ, 'bhɛ 'pegee 'Toŋ daan mu 'ɛ nu -o -bangole -a -yi. -O nu a klɛle 'bhɛɛ- -wa dɛ, 'duŋ- -a gale blaana -yrɛkpaa' yaga mi ma, -e nu bwele gale ba."
- 32 Zesu 'yaa- 'bhɛ -za mu 'ɛ 'wo zii' -o ni kpataakpa. -Ayile, 'ke Pieri -a 'siile mɛɛ mu 'ɛ 'yrɛ -gɔma', 'bhɛɛ- 'ke -ya pele- Zesu ni dɔɔ: "'Yaa -janwolɛ 'bhɛ gbɛɛn- -gee'!"
- 33 Duŋ- Zesu 'niinale 'ke -ya -yrɛkpale -yaa' -klanlanɛ mu 'ɛ ta, 'kee- -lale' Pieri ta, 'ke ya pele- 'bhɛ ni dɔɔ: "'E 'plɛŋgo 'ŋ ma, -Setran' mɛɛ! -Amasrɔyi 'e 'kpeejan- mu 'ɛ waa -o 'ke -Waanbhaa' 'kpeejan- mu 'le, 'fɔ bhaaplɛŋ mu 'kpeejan- 'te."

³⁴'Bhē blaān, 'ke Zesu -zamaa' 'e 'pegee -yaa' -klanlanē mu 'e 'siile, 'bhē- 'ke -ya pele- -o ni dō: "'Ke mēē 'la zan -a zi 'bhii -e klē 'η zi mi 'le, -ya -baŋgo' -a 'gbu 'yi, -e yaa -yriḡbēēle 'e 'si, 'bhē- -e nu dō 'η zi.

³⁵-Amasrōyi, 'ke mēē 'la zan -a zi 'bhii- -ya 'gbu -si 'e go -za 'yi, 'bhē zan nu bloolē 'bhē 'si 'e 'yi. 'Duŋ- 'ke mēē la zan 'e zru -gwa 'bhē 'gbu 'si 'e ni 'mi 'pegee -Jan 'Nrāle- 'e -zayi', 'bhē zan -si 'e nu golē -za 'yi.

³⁶'Ke mēē do 'trē ta pē mu 'e 'kpēn 'srōwoa-, 'ke yaa -Waanbhaa ba bole -yrē -si 'e 'srōwolē, 'bhē -trōn -o ma -mēla -le ēē?

³⁷Bhaapleŋ sō -a 'gbu 'si 'e tagbawolē 'ke -mēla -le ēē?

³⁸'Ke mēē 'la zan -yralakpaa 'mi 'pegee 'an -jan mu 'e 'lēē -zōn mēē mu 'e 'pleŋ-, 'woo- 'la -o zru laa -o do -Waanbhaa' ni, 'bhē- -woo 'ke -za 'yō- klē mu 'le bhē. 'Bhē 'yi Bhaapleŋ Gbe 'e nu yralakpalē 'bhē zan 'e -lēē, 'ke 'yee- 'pegee -mlēkē' 'weŋ mu 'e =nwa yi 'la 'le -a Dē a 'tōbhōleya 'e 'yi."

Maki 9

¹Zesu pe -o ni 'ezin- dō: "'Mi pe 'ka ni 'η 'sōwēē- ma, 'ka mu 'la 'ka -o -gē -zōn, 'ka 'ke gale pleŋ-, 'mu nu -Waanbhaa' a -Bhleŋgbeya 'e 'nule yeē -yaa' -glōōya' 'le."

²-Yrekpaa' 'srwado- 'kanle- blaān, 'ke Zesu Pieri 'bhē- Zaki 'pegee Zaan 'sile, 'ke -o gele- 'edaŋma vlē ḡōōn 'trole- do wiŋ-, 'bhē- 'ke -ya dōgbeya 'e mabōole 'mu 'yrē ma.

³-A ta dūē- mu 'e 'fleela- 'epu 'peŋpeŋle. -O =kla 'epule ḡōōn- 'la ḡbēēn-, 'bhē mēē laa -srōwo' 'trē 'lēē- ta -gē 'ke 'bhē sō sō 'fele 'bhē- -ya fleē 'bhii- -a ta dūē- mu 'e 'fleēgbeya 'e ḡbēēn-.

⁴'Bhē yrē do 'e =nōō bhē, -yaa' -klanlanē yaga 'e 'mu 'elwaleta -Waanbhaa' -lēla' janwo mi plē =ya, Eli 'pegee Moizi 'ke -woo -balō klē 'zi Zesu 'le.

⁵'Bhē klēle 'tē, 'ke Pieri 'a 'pele Zesu ni: "'O Daan mi, 'o klēlawoa -gē 'bhē 'lrela- 'dē. 'O nu 'kpaanē yaga dōle, 'bhi a pē do, Moizi a pē do, 'bhē- Eli -a pē do."

⁶Wlan 'e ni, -e -yaa -jan yeke- 'gbu 'la wo, yaa -yaa 'bhē dō, -amasrōyi -ḡblaān -yaa 'yee- 'pegee -klanlanē -vin plē 'e -o -yi.

⁷Lafle' -ḡblēn do -nwa -o trala, 'bhē- 'bhē lii 'e =kpaa -o ta. 'Ke -weli' do dale- 'bhē lafle' -ḡblēn 'e 'yi 'ke 'bhē 'a pele- dō: "'D Gbe 'la -za sō 'η ni 'ēḡbēēle 'yele- -gē, -ka 'ka 'trōnbado -a ni 'elrele!"

⁸'Bhē yrē do 'e =nōō bhē, 'ke -yaa' -klanlanē mu 'e -woo -yrē 'mlingole -o 'zi, 'bhē- waa mēē 'kedo- 'kpō 'yele- 'ezin-, 'ke yaa 'e go Zesu do -kplēn ba.

⁹Zesu 'pegee -yaa' -klanlanē mu 'e zina- bhla 'e zi vlē ḡōōn 'e 'wiŋ-, Zesu -o -lemazwan dō -o -za 'la =ya waa 'bhē 'yigōōnle mēē 'kedo- 'kpō ni 'sani- 'yee- Bhaapleŋ Gbe 'e bwele pleŋ- gale ba.

- 10'Bhɛ -jan 'ɛ =bwa -yaa' -kɫaŋlanɛ mu 'ɛ 'kpee, 'duŋ- -o -yaa 'eke- -lɾɔkpa dɔɔ: "-Ya pelawoa 'kaa "Kee- bwe gale'. 'Bhɛ 'yi -o 'nale- ɛɛ?"
- 11'Bhɛ blaɛn, 'ke Zesu a -kɫaŋlanɛ mu 'ɛ -wa 'lɾɔkpale dɔɔ: "-Mɛle -kla 'bhɛɛ- 'Toŋ daan mu 'ɛ -o pe dɔɔ Eli -le nu nule 'elwale 'pe ɛɛ?"
- 12'Zesu 'bhɛ -jan 'ɛ zikpaa- -o ni dɔɔ: "Wɫan -le 'bhɛ 'le, Eli nu nule 'elwale 'pe pɛ 'kpɛn 'kpale- 'bhɛ 'kpayɛ- nɔɔ-, 'bhɛɛ- 'duŋ- -mɛle =kla 'bhɛɛ- -a yɔɔndɛle -o 'ezin- dɔɔ Bhaapɫɛŋ Gbe 'ɛ nu -yɾɛnbhɫɛle 'ebebele, 'bhɛɛ- -o nu -a mafinyanwolɛ ɛɛ?"
- 13'Bhɛɛ- 'duŋ-, 'mi pe 'ka ni dɔɔ Eli =nwa gban, 'bhɛɛ- mɛɛ 'ke mu -yaa sɔ -yɾɛn yɛkɛ- 'la 'kpale -a ta 'mu 'bhɛɛ- =kla, 'bhii- -a yɔɔndɛle -o gɔnɛ- 'la gbɛɛn- -a ba zayi' -Waanbhaa' a 'Sɛwɛ 'ɛ 'yi bhe."
- 14-O bhɔle -kɫaŋlanɛ -vin mu 'ɛ -din, 'ke -o -zamaa' 'srɛ -gbɛnɛ do yele- 'mu zi, 'bhɛ 'pegee 'Toŋ daan mu 'ke mu -yaa zaabɔ 'zi 'woo- -kɫaŋlanɛ mu 'ɛ 'le.
- 15'Zesu =klaa -zamaa' 'ɛ ba, 'bhɛɛ- -wa yele, 'ke -o nule- -a -lɛpale blasanlele, 'bhɛɛ- -wa 'pubwa-.
- 16'Bhɛ klɛle 'tɛ, 'ke Zesu yaa -kɫaŋlanɛ mu 'ɛ -lɾɔkpale 'kaa: "'Ka -o zaabɔ 'zi -mɛla ta -o -le ɛɛ?"
- 17-Zamaa' 'ɛ 'plɛŋ mɛɛ do 'a 'lɛkwan- ni dɔɔ: "'O Daan mi, 'ɲ =nwa 'ke 'ɲ gbe 'ɛ 'le 'e ni, -amasɾɔyi lii 'bhobho -o -a zi.
- 18'Ke lii -yɔɔ' 'ɛ =pwa 'a ta yɾɛ 'oo yɾɛ 'la =nɔɔ, -ya balaa' 'trɛ ma, 'bhɛɛ- 'ɲ gbe 'ɛ -ya -liile' pwe -a -lɛ ma, 'bhɛɛ- -ya 'sɔnbhɛ- mu 'ɛ kan 'eke- ta, 'bhɛɛ- -e dɔ zazraza. 'D 'sromabwa 'yaa- -kɫaŋlanɛ mu 'ɛ ni 'kaa -o 'yee- lii -yɔɔ' 'ɛ -gbin -a zi, 'bhɛɛ- waa 'sɔlɛ- 'bhɛ klɛle-."
- 19'Zesu pe -yaa' -kɫaŋlanɛ mu 'ɛ ni dɔɔ: "'Ee! 'Ka mu, 'ka 'laa 'ka kpa -Waanbhaa' 'yi! -A -vinbwa 'waati 'wɛɛ- 'bhɛɛ- 'ɲ bo 'ka -din ɛɛ? -A -vinbwa 'waati 'wɛɛ- 'bhɛɛ- 'ɲ bo 'ka 'kwe 'sile- 'ɛ ma ɛɛ? -Ka nu -nɛ 'ɛ 'le 'ɲ ta -gɛ!" 'Bhɛɛ- -o =nwa 'bhɛ 'le -a ni.
- 20'Lii -yɔɔ' 'ɛ Zesu 'yele-, 'bhɛ yɾɛ do 'ɛ =nɔɔ bhe, 'kee- -nɛ 'ɛ bɛɛnle- -kpakpa, 'ke 'bhɛ baale' 'trɛ ma, 'bhɛɛ- 'ke 'bhɛ -bhlile' 'sanle 'ke 'bhɛ 'liile- -dɔn 'ɛ pwe -sɔ 'bhɛ 'le ma.
- 21'Zesu -nɛ dɛ 'ɛ -lɾɔkpaa 'kaa: "Lii -yɔɔ' 'lɛɛ- -yoo 'e gbe 'ɛ zi 'bhɛ =nɔɔ =mwa gban ɛɛ?" -Nɛ dɛ 'ɛ -ya -lɛkwan Zesu ni dɔɔ: "-Ya zi -e 'san 'a matruŋnɛ 'le.
- 22'Bhɛɛ- 'waati 'ɛ 'ke ba, 'yee- lii -yɔɔ' 'ɛ -ya =bwa 'tɛ 'yi 'bhɛ 'pegee -yi ba, 'kooko- -ya dɛ. 'Duŋ-, 'o 'yɾɛnkla 'e ma, 'kee sɔ -za do 'ke klɛle-, 'e 'zoole-, bhɔ 'o ba!"
- 23'Zesu 'a zikpaa- -a ni dɔɔ: "-Mɛle =kla 'e pe 'kee sɔ -za do klɛle- ɛɛ? -Amasɾɔyi 'ke mɛɛ 'la zan 'e =kpa -Waanbhaa' 'yi, -za 'kpɛn klɛ 'sɛŋ -o 'bhɛ zan 'ɛ ni."
- 24'Bhɛ yɾɛ do 'ɛ =nɔɔ bhe, 'ke -nɛ dɛ 'ɛ -gbɛkanle, 'bhɛɛ- 'ke -ya pele- dɔɔ: "'D 'kpale- -o -Waanbhaa' 'yi, 'duŋ- nu bhɔ 'ɲ ba 'ke 'ye 'ɲ 'kpaleya 'ɛ 'ke kla a ba!"

- 25 Zesu 'a 'yele- 'bhii- -zamaa' 'e 'yaa- zan blasanlele -o ba -yre ta, 'kee- 'pæenle lii -yoo' ta 'ke -ya pele- dɔɔ: "Lii 'bhobho, 'mi pe 'e ni go -ne 'læ- zi, 'bhæ- 'yaa bɔle 'ezin- -a zi 'sekeseke."
- 26 'Bhæ klele 'tɛ, 'ke lii -yoo' 'e -gbekanle 'kree, 'bhæ- 'kee- -ne 'e bæenle- 'eglɔɔle, 'bhæ- 'kee- gole- -a zi. -Ne 'e 'srinna- zazraza 'bhii gbaa, -asiikɔɔ mæe -bebe -yaa pe 'zi dɔɔ -gaa.
- 27 'Duŋ- Zesu -ne 'e 'kunle -a gbɛ ma, 'kee- bhɔle- -a ba -a -wlenlele, 'bhæ- 'kee- dulale -a gaan ta.
- 28 Zesu 'bhɔle- blaana -a ba -le ma, 'ke -yaa' -klanlane mu 'e -wa -lrɔkpale 'edanma dɔɔ: "-Mɛle =kla 'o mɔɔ 'fuu 'laa 'sɔle- 'yee- lii -yoo' 'e -gbinle' ta ɛɛ?"
- 29 'Bhæ- Zesu 'a 'lekwan- -o ni dɔɔ: "'Ke yaa 'e go 'seriwole do -kplɛn ba, 'ka 'fuu 'laa sɔ 'bhæ lii -yoo' -glɔɔn 'læ- -gbinle' ta."
- 30 -O gole 'bhæ 'yre 'e =nɔɔ, 'ke -o 'kanle Galile 'klæen 'e 'yi. Zesu 'laa -yaa -a zi 'bhii- mæe mu 'e -wa geyre dɔ.
- 31 -Amasroyi, -e -yaa -a zi 'bhii- -e -yaa' -klanlane mu 'e daan -za -glɔɔn 'læ- 'bhæ- 'le: "-O nu Bhaaplen Gbe 'e 'lenale mæe mu 'e ni, 'bhæ- 'mu 'a dɛ, 'bhæ- -a gale blaana -yrekpa' yaga mi ma, -e nu bwele gale ba."
- 32 'Duŋ- -yaa' -klanlane mu 'e waa 'bhæ -jan 'e 'yimale, -o -yaa -gblaana 'zi -a -lrɔkpale ma.
- 33 Zesu 'pegee -yaa' klanlane mu 'e =wlaa Kapɛnɔmu. -O bhɔle 'fɛ 'e =la bhla 'la ba, 'kee- -yaa' -klanlane mu 'e -lrɔkpale 'tɛ 'kaa: "'Ka -yaa zaabɔ 'zi -mɛla ta zi 'e 'lii ɛɛ?"
- 34 'Duŋ- waa -wele'. -Amasroyi, -o -yaa zi 'e 'lii bhla 'la ba -o zaabwa- 'eke- -le ma dɔɔ -o -de 'gbu -le 'egblaana -o ba ɛɛ.
- 35 'Bhæ kle le 'tɛ 'ke, Zesu 'yaale, 'kee- -yaa' -klanlane vu ta plɛ 'e 'siile, 'bhæ- 'ke -ya pele- -o ni dɔɔ: "'Ke mæe 'la zan -a zi 'bhii- -e kle mɔkpen' 'læ mi 'le, 'bhæ zan kle 'pe -o 'kpen -zanta' mi -la -le, 'bhæ- -e kle mɔkpen' a yewone 'le."
- 36 'Bhæ- -e -ne 'fientronne do =kwan, 'kee- 'bhæ dulale -o plɛn-, 'bhæ- 'ke -ya bɔle- -a gbɛ 'yi, 'ke -ya pele- -o ni 'kaa:
- 37 "'Ke mæe -o mæe 'la zan -ne 'fientronne 'læ- 'yansi do =kwan 'elrele 'mi 'tɔ 'e -zayi', 'bhæ zan 'mi 'gbu -la =kwan 'elrele bhe. 'Duŋ- 'ke mæe 'la zan 'mi =kwan 'elrele, 'bhæ zan laa 'mi do -kplɛn 'kunle- 'elrele, 'duŋ- mæe 'la zan 'mi 'winbwa- -e 'bhæ- =kwan 'elrele 'ezin- bhe."
- 38 Zesu a -klanlane 'la 'tɔ 'yaa Zaan, 'bhæ pe Zesu ni dɔɔ: "'O Daan mi, 'o mɔɔ mæe do =ya 'ke -yoo 'zina mu -gbin 'zi mæe 'ke mu zi 'e 'tɔ 'e 'yi. 'O 'bhæ mazapia -a ni, -amasroyi yaa -o -kɔɔa' mæe 'e do 'le."

39'Duŋ-, Zesu 'a zikpaa- -a ni dɔɔ: "'Ka 'laa 'bhe mazapele -a ni, mee 'kedo- 'kpɔ 'laa so 'sole- maza klele- 'mi 'tɔ 'ε 'yi, 'bheε- 'bhe blaanyre do 'ε =nɔɔ bhe, -e ge -jan 'yɔɔ-wolε 'mi ma.

40-Amasɔyi, 'ke mee 'la zan laa -o -kɔɔ' 'sɔɔnnii 'le, 'bhe zan -o -kɔɔ' 'yiɛnii -la -le.

41'Ke mee 'oo mee 'la zan -yi 'paayan= do =naa 'ka ni, -amasɔyi 'ka -o Mee -Bhee -Kpɔsɔɔ Kriɔ a pε mee mu 'le bhe, 'mi pε 'ka ni wlan 'ε ni dɔɔ 'bhe zan nu 'bhe ma -trɔn 'srɔɔwolε."

42'Zesu pε -o ni 'ezin- dɔɔ: "-Nε 'fiɛntrɔnnε mu 'la -woo =kpaa 'mi 'yi, 'ke mee 'la zan 'a =wlaa -o zi 'bheε- -o -balaa' -za 'yɔɔ 'yi, 'ke -o -yaa vlε -kpun -gbene do yre 'bhe zan 'ε bhlo ma, 'bheε- -wa blin weyi- 'ε ba, 'bhe mabhaa yaa nu bhɔle bhe zan 'ε ma.

43'Kee gbε 'ε do -le 'a 'wla zii' 'e zi 'bheε- 'e baa- 'zi -za 'yɔɔ- 'yi, -a takan', 'bheε- 'ya go 'e ma. 'Kee ge 'e gbε do 'le bole -yre ma -si 'ε 'yi, 'bhe mabhaabhɔ 'e ma 'ke 'bhe kan 'kee ge 'e gbε ple 'le -jranama 'tε 'la yaa lii -titi 'bhe 'yi 'bhe ta.

((44-A nɔɔ- -wlenne' mu 'la gbaa mu 'ε bhle, waa ga -titi, 'bheε- -a =nɔɔ 'tε 'ε yaa lii -titi.

45'Kee gaan do -le 'a 'wla zii' 'e zi 'bheε- 'e baa- 'zi -za 'yɔɔ- 'yi, -a takan' 'bheε- 'ya go 'e ma. 'Kee ge 'e gaan do 'le bole -yre -si 'ε 'yi, 'bhe mabhaabhɔ 'e ma 'ke 'bhe 'kan 'kee ge 'e gaan ple 'le -jranama 'tε 'ε 'yi 'bhe ta.

46-A nɔɔ- -wlenne' mu 'la gbaa mu 'ε bhle, waa ga -titi, 'bheε- -a =nɔɔ 'tε 'ε yaa lii -titi."))

47"'Bheε- 'kee 'yrebhe- do -le 'a wla zii' 'e zi 'bheε 'e baa- 'zi -za 'yɔɔ- 'yi, -a yro. 'Kee-ge 'e 'yre gbε do 'le -Waanbhaa' a -Bhɛngbeyaa -wa 'ε ta, 'bhe mabhaabhɔ 'e ma 'ke 'bhe kan 'ke -woo 'e blin -jranama 'tε 'ε 'yi 'e 'yrebhe ple 'le 'bhe ta.

((48-A nɔɔ- -wlenne' mu 'la -o gbaa mu 'ε mu 'ε bhle, waa ga -titi, 'bheε- -a =nɔɔ 'tε 'ε yaa lii -titi.))

49'Wlan 'ε ni, 'ka 'kpen do do nu 'kanle- 'tε -yren 'ε 'bheε- 'yi, 'bheε- 'ka nu gole -za -yi, 'bheε- 'ka bo 'ka -yre ma yikpensee ta 'bhii- 'ke -o wε =kpaa wi ma gɔnε- 'la gbεen-, 'bheε- yaa bɔn -titi."

50"Wε 'ε -yoo 'ke pε -lrele' do 'le, 'duŋ- 'ke -a -nraleyaa 'ε -gwa -a -yi, 'ka sɔ -a -nraleyaa -mε pε -la -le 'ezin- εε? 'Ka 'gbu 'yinra- 'bhii- wε gbεen-, 'bheε- -ka bo 'eke- 'yi yilabla 'yi."

Maki 10

1'Zesu 'pegee -yaa' -klanlanε mu 'ε -gwa 'bhe yre 'ε =nɔɔ, 'bheε- -o -ja Zude 'kleen 'ε 'yi. 'Bhe blaanyre, -o -ja Zruden yue -yre gbε do 'ε ta. 'Ezin- 'ke -zamaa' 'srε do 'e 'lekpale -a zi, 'bheε- 'ke -yoo daanle 'sanle 'bhii- -ya kle 'tanjii gɔnε- 'la gbεen-.

- ²Farizi mu 'ke mu 'mu 'mabeenna -a -din, 'bhεε- 'mu -yaa zi 'bhii- 'mu -jan bhee bɔ -a -lee, -ayile 'ke 'mu 'a 'lrɔkpale 'tε dɔɔ: "-Kɔɔa' 'toŋ 'ε ta, mεε do sɔ 'ploole 'bhe na ma εε?"
- ³'Bhe 'yi 'tε, 'ke Zesu 'a zikpale -o ni -o -lrɔkpalele 'ezin- dɔɔ: "Moizi 'toŋ -glɔɔn 'ε -dela yɔɔndia- 'ka ni εε?"
- ⁴-Wa zikpaa- Zesu ni dɔɔ: "Moizi pe 'o ni 'kaa 'ke mεε do -a zi 'bhii- -e 'plo- -a na ma, -e gwɛnna yaa- 'kan 'sεwεdε, 'bhεε- -e 'bhe kpa -a na 'kɔɔ; 'ke 'bhe =kla, 'bhεε- -e sɔ 'ploole -a na ma 'tε."
- ⁵'Bhe klele 'tε, 'ke Zesu 'a 'pele -o ni dɔɔ: " Moizi 'bhe 'toŋ -glɔɔn 'ε 'sεweyɔɔndia 'ka ni, 'ka 'trɔn 'yi -glɔɔya' 'ε 'bhεε- ma.
- ⁶'Kebhlaale, 'elwale -Waanbhaa' -yaa 'drunyan kle 'zi bhla 'la ba, -e 'gwlaan- 'pegee le -la =kla.
- ⁷'Bhela- -zεεle, 'gwlaan- nu gole -a dε 'pegee -a nεε ba 'fa -la, 'bhεε- 'yee- 'pegee -a na nu bolε 'eke- 'yi.
- ⁸-O mεε plε nu 'kpale- 'eke- ma, 'bhεε- -o kle mεε do, 'bhe klegbeya 'ε 'yi, waa nu klele -li mεε plε 'fɔ mεε do 'kpɔ.
- ⁹-Waanbhaa' pε plε 'la =kpaa 'eke- ma, 'bhεε- -yoo =kla do, mεε 'kedo- 'kpɔ 'laa -o gole 'eke- ma."
- ¹⁰'Bhe blaen, Zesu 'pegee -yaa' -klanlanε mu 'ε 'yaa- bhla 'la ba 'fε 'ε =la, 'ke -wa -lrɔkpale 'ezin- -e -jan 'la =woa 'bhe ma.
- ¹¹Zesu 'a zikpaa- -o ni dɔɔ: "'Ke mεε 'oo mεε 'la zan -ploola -a na ma, 'bhεε- -e le -bhεeke' -yalaa', -e -yanbhɔɔya -la =kla -a 'na -lwa mi 'ε ba 'bhe gbεen- bhe.
- ¹²'Bhεε- 'ke le do -gwa -a -nɔɔ 'kɔɔ, 'kee- 'yalaa- 'gwlaan- -bhεeke' 'kɔɔ, -e -yanbhɔɔya -la =kla bhe 'le bhe."
- ¹³Mεε 'ke mu =nwa -nε 'fientrɔnne 'ke mu 'le Zesu ba, 'kooko- -ya gbε 'kpa 'mu ma, 'bhεε- -e 'mu 'dumawo. 'Duŋ- -yaa' -klanlanε mu 'ε 'bhe mazapia 'bhe zan mu 'ε ni.
- ¹⁴Zesu -o yele 'bhe -za -glɔɔn 'ε kleyrε 'ε nɔɔ-, 'ke -ya zrupliile, 'bhεε- 'ke -ya pele- -yaa' -klanlanε mu 'ε ni dɔɔ: "-Kaa 'to 'ke -nε 'fientrɔnne mu 'ε nu 'ŋ ba, 'ka 'laa 'bhe 'yigale -o 'kɔɔ. -Amasrɔyi mεε 'la zan mu -o 'bhii- 'woo- -nε 'fientrɔnne mu 'lεε- dɔgbeya 'ε gbεen-, -Waanbhaa' a -bhleŋgbeya 'ε -yoo 'bhe zan mu -la pε 'le.
- ¹⁵'Mi 'a pe 'ka ni wlan 'ε ni dɔɔ 'ke mεε 'la zan laa -Waanbhaa' a -bhleŋgbeya 'ε -za 'kunle- 'bhii- -nε 'fientrɔnne do gbεen-, 'bhe zan laa nu 'sɔle- gele- -a =nɔɔ."
- ¹⁶'Bhe blaen, 'ke Zesu -nε 'fientrɔnne mu 'ε 'kunle -a gbε -yi, 'ke -ya gbε 'kpale -o 'kpen ta do do 'bhεε- 'ke -yoo 'dumawole.
- ¹⁷'Bhe blaen, Zesu 'pegee -yaa' -klanlanε mu 'ε 'yaa- zan dɔle 'taa 'ε ta bhla 'la ba, 'ke mεε do nule- blasanlele, 'ke -ya 'kpɔ zenle- Zesu gaan ma 'bhe 'lεε, 'bhεε- 'kee- 'bhe -

lrōkpale 'kaa: "Daan mi Wlan, 'η -mε pε za 'gbu -la kle, 'bhεε- -Waanbhaa' ba bole -si 'la -dan' 'laa -o -a ma, 'η 'bhε 'srōwo- εε?"

18 Zesu 'a 'lεkwan- -a ni dōo: "-Mεle =kla 'bhεε- 'ya 'pe zii' 'mi ma dōo'Daan mi Wlan εε?' Mεε 'kedo- 'kpō 'laa -o 'ewlanle, 'ke yaa 'e go -Waanbhaa' do -kplεn ba."

19 "'E -Waanbhaa' a 'toη mu 'lεε- dō εε? 'Kaa: "Yaa mεε dεε, 'yaa -yanbhōoya klele, 'yaa -faanwolε, 'yaa bhla 'kpale- 'e -vindo' mi ma, 'yaa mεε mu 'kōpε- 'sile- -dawli' ma, 'e dε 'pegee 'e nεε -lεdō' a ma." "

20 'Yee- mεε 'ε -ya -lεkwan Zesu ni 'tε dōo: "'O Daan mi, 'η 'bhε 'toη mu 'la bhe 'mu 'kpen -klōsikunle -saan 'η matrunya bhla zi ma."

21 Zesu 'e 'yrεkpale -a ta, 'ke -a ba -za 'sōle 'bhε ni 'egbenele. 'Bhεε- 'bhε 'pe -a ni 'tε dōo: "'Yaa -za do 'kpō -la klele -li, 'bhε -le 'e 'kōpε- mu 'ε gōnlele; ge -o 'kpen gōn, 'bhεε- 'yoo- ma -gōli' 'ε 'na 'kōoflεnzan mu ni. 'Kee 'bhε =kla, -naflo -bebe nu klele 'e 'kōo lafle' 'yi. 'Bhε blaen, 'bhεε- 'e nu dōle 'mi zi 'tε!"

22 'Yee- mεε 'ε -e 'bhε -jan 'ε 'male-, 'ke -a zrubatedōle -a ma, 'bhεε- 'kee- gele- -a wleyisriwolele, -amasrōyi -naflo -bebe 'yaa- -a 'kōo.

23 Zesu 'e 'yrε 'mliηgole -a zi mu 'ε ta, 'ke -ya pele- -yaa' -klanlanε mu 'ε ni dōo: "-Naflo mu -o mεε 'la zan mu 'kōo, -o gele la -Waanbhaa' a -bhleηgbeya yrε 'ε =nōo 'dε!"

24 'Bhε -jan 'ε 'bhε -yaa' -klanlanε mu 'ε 'kpeelenia -o ma. -Ayile 'ke -ya pele- -o ni 'ezin- 'kaa: "'O 'bhεgwlen- mu, -Waanbhaa' a -bhleηgbeya yrε 'ε =nōo gele la 'dε!"

25 'Yōnma do 'kanle- -o 'edile -mlεsienne do -gluu zi 'kee- kan pεzan do gele ta -Waanbhaa' a -bhleηgbeya yrε 'ε =nōo 'dε."

26 -Yaa' -klanlanε mu 'ε 'kpeeleni gbε -yōo 'ε 'kōo -o ma 'ezin-, 'ke -woo 'eke- -lrōkpale dōo: "-Dele sō gole- -za 'yi εε?"

27 Zesu 'e 'yrεkpa- -o ta frii 'ke -ya pele- dōo: "Bhaaplεη mu -yrε 'yi, 'bhε 'laa sō klele-, 'duη- -Waanbhaa' -yrε 'yi, 'bhε 'laa -o -za 'ke 'le. -Amasrōyi, -za 'kpen kle 'seη -o -Waanbhaa' ni."

28 'Bhε klele 'tε, 'ke Pieri 'a pele -a ni 'kaa: "'E 'trōnbado doo, 'o mōo 'o 'niigwa- -za 'kpen 'yi, 'bhεε- 'o =nwa dōle 'e zi."

29 Zesu 'a zikpa- -a ni dōo: "'Mi pe 'ka ni wlan 'ε ni 'kaa: 'ke mεε 'oo mεε 'la zan -yaa' 'fε oo, -a nεene- 'gwlaan- mu oo, -a nεene- le mu oo, -a dε oo, -a nεε oo, -a -nε mu 'pegee -yaa' gba mu 'ε 'kpen =twa -a nōo-, 'mi 'pegee -Jan 'Nrale- 'ε -zayi',

30 'bhε zan nu 'bhε pε mu 'ε 'kpen do do dulayrε -keme do do -srōwolε 'drunyan 'lεε- 'yi. 'Kee- =kla 'fε mu 'le oo, -a nεene- 'gwlaan- mu 'le oo, -a nεene- le mu 'le oo, -a nεε mu 'le oo, -a -nε mu 'le oo, 'bhε 'pegee gba mu; 'duη- -o nu -yrεkpale 'bhε zan 'ε ta 'pe. 'Bhεε- -e nu -Waanbhaa' ba bole -yrε ma -si 'la -dan' 'laa -o 'bhε ma 'bhε 'srōwolε 'drunyan 'la 'bhε -o zan bhe 'bhε 'yi 'tε.

- 31'Duŋ- mɛɛ 'la zan mu -o -zɔn zilɛɛ- mu 'le, 'mu -bebe nu klele zizan- mu 'le boolazi, 'bhɛɛ- mɛɛ 'la zan mu -o -zɔn zizan- mu 'le, 'mu -bebe nu klele zilɛɛ- mu 'le.”
- 32'Zesu 'pegee -yaa' -kɔŋlanɛ mu 'ɛ 'yaa- zi 'ɛ 'lii Zeruzalɛmu 'taa 'ɛ ta bhla 'la ba, 'yee-Zesu 'gbu dɔle -yaa -o -lɛɛ. Yaa -kɔŋlanɛ mu 'ɛ blina- yiɛn -yaa, 'bhɛɛ- mɛɛ 'la zan mu dɔle -yaa -o zi -gblaɛn -yaa 'mu 'yi. 'Bhɛ 'yi 'tɛ, 'kee- -yaa' -kɔŋlanɛ mu 'ɛ 'sii gbɛ drɛɛwɔle 'ɛdaŋma, 'bhɛɛ- -za 'la 'yaa- nu 'tɛnɛ- -a ma, -yoo 'kpeelekanle -saan 'bhɛ 'le.
- 33'E pe -o ni dɔɔ: "-Ka 'ka 'trɔnbado doo, -koo' -o gelawo zii' Zeruzalɛmu bhe -o nu Bhaapɔŋ Gbe 'ɛ 'lɛnalɛ 'sraka 'lɛna -kuŋlii' mu 'ɛ 'pegee 'Toŋ daan mu 'ɛ ni. 'Mu nu 'kiti baalɛ -a ta 'kaa -wa dɛ, 'bhɛɛ- 'mu nu -a -lɛnalɛ Zuufu kle mu ni.
- 34'Bhɛ mu nu -a malrɔgolɛ, 'mu nu 'mu -liile' 'klalɛ -a ta, 'mu nu a tafɛlɛ 'ke gbɔŋbhle 'le, 'bhɛɛ- 'mu nu -a dɛlɛ. 'Duŋ-, -a gale blaɛn -yrekpaɛ' yaga mi ma, -e nu bwele gale ba.”
- 35'Zebede gbɛ Zaki 'pegee Zaan, -woo mabɛɛnna Zesu -din 'ke -wa pele- -a ni dɔɔ: "'O Daan mi, 'woo -a zi 'bhii- 'e pɛ do na 'o ni, dɔ 'bhɛ =la 'o ni.”
- 36'Zesu -o -lrɔkpaɛ 'kaa: "'Kaa- zi 'bhii- 'ɲ -mɛ pɛ -la na 'ka ni ɛɛ?”
- 37'Bhɛɛ- -wa zikpaɛ- Zesu ni dɔɔ: "'Kee =ja bhla 'la ba 'yaa- -bhɔŋgbeya 'tɔbhɔ ma yaayrɛ 'ɛ =nɔɔ, 'e 'zoole-, dɔ a -la 'ke -o mɛɛ plɛ 'ɛ do yalaa' 'e gbɛ -yie' ta, 'bhɛɛ- -a do yalaa' 'e gbɛ -koo 'ɛ ta.”
- 38'Zesu 'a 'lɛkwan- -o ni dɔɔ: "'Ka pe 'la 'yɛwo zii' 'ka 'laa 'bhɛ 'gbu dɔ. -O nu -yɛn gbɔ -gɔɔn 'la dɔle 'ɲ 'wiɲ-, 'ka nu dɔle a -la 'ke 'ka 'bhɛ 'ke si ɛɛ? Taa- 'ka nu 'sɔle-dɔle- -a -la 'ke 'ka ga 'bhii- 'mi gagbeya 'ɛ gbɛɛn- ɛɛ?”
- 39'Bhɛ =nɔɔ bhe, 'ke -wa pele- 'kaa: "-Aani', 'o mɔɔ fangan- nu 'sɔle- 'bhɛ ta." 'Bhɛ klele 'tɛ 'ke -ya pele- -o ni 'ezin- dɔɔ: "'Wlan -le 'bhɛ 'le, 'ka nu 'ɲ ta -yɛn gbɔ 'ɛ 'ke 'bhlele-, 'bhɛɛ- 'ɲ ta -yɛn 'kpagbeya 'ɛ, 'bhɛ 'ke nu klele 'ka ta.
- 40'Duŋ- 'ɲ gbɛ -koo 'pegee 'ɲ gbɛ -yie' 'yi yaayrɛ mu 'ɛ, 'mi 'laa -o 'ke 'mu 'na mi 'le. -Waanbhaa' 'bhe yaayrɛ mu 'ɛ 'lɛmagaanna mɛɛ 'la zan mu ni, -e nu -o nalɛ 'bhɛɛ- zan mu 'ɛ ni.”
- 41'Zesu a -Kɔŋlanɛ mu -vin vu 'ɛ 'trɔnbɔle 'bhɛ -jan 'ɛ 'yi, 'ke -woo zrɔpliile Zaki 'pegee Zaan ma.
- 42'Bhɛ klele 'tɛ, 'ke Zesu -o 'kɔŋ 'siile-, 'ke -ya pele- -o ni 'kaa: "-Ka 'ka 'trɔnbado doo! 'Ka 'gbu 'a 'yaango- 'bhii- -o mɛɛ 'la zan mu kun 'bhii- mɛɛ mu ta -kuŋlii' mu 'drunyan 'lɛɛ- 'yi, 'bhe zan mu 'mu a -kuŋliiya 'ɛ kle 'drunyan 'lɛɛ- 'yi mu 'ɛ ta. 'Bhɛɛ- mɛɛ gbɛɛn mu 'ɛ, 'bhɛ mu 'mu a gbɛɛnanya 'ɛ gbinkpa mɛɛ -bhɛɛke' mu -la ta.
- 43'Duŋ- 'ka mu, 'ka laa klele 'ka plɛŋ- 'bhɛ gbɛɛn- -gee'. Drɔn', 'ke mɛɛ 'la zan -a zi 'bhii- -e kle mɛɛ gbɛɛn 'le 'ka ba, 'bhɛ zan 'ɛ kle 'ka 'kɔŋ -a yewonɛ 'le.
- 44'Bhɛɛ- 'ke mɛɛ 'la zan -a zi 'bhii- 'bhɛ kle 'ka 'lɛɛ mi 'le 'ka ba -gɛ, 'bhɛ zan 'ɛ kle 'ka 'kɔŋ -a lu 'le.

- 45'Bhē klegbeya do 'yi bhe, Bhaapleŋ Gbe 'ε yaa nule mēē mu klele -yaa' yewone mu 'le, 'duŋ- -e =nwa -a 'gbu klele mōkpen' a yewone 'le, 'bhē 'pegee 'ke -ya 'gbu 'si 'ε kle 'ke mēē -bebe tagbawope 'le -Waanbhaa' ni.”
- 46'Zesu 'pegee -yaa -klanlanε mu 'ε =bhwa -wa do ta, -o -yaa 'bhē -wa 'ε sii Zeriko. 'Yee- Zesu 'pegee -yaa' -klanlanε mu 'ε, 'bhēε- -zamaa' 'sre do -yaa zan gole Zeriko -wa 'ε 'kpee bhla 'la ba, -yrε 'wi mi do yaale -yaa zibhe 'ε 'trōn ta, 'ke 'bhē 'e -yrεwo' mēē mu ma. -O -yaa 'bhē sii Batime, 'bhēε- 'bhē dε 'tō -le -yaa Time.
- 47-Ya male 'tε 'kaa Nazareti mi Zesu -le -yaa 'kan zii', 'kee- -gbekanle 'sanle 'ke -ya pe dō: "Davidi 'nranε- Zesu, 'ŋ 'yrēnkla 'e ma!”
- 48'Bhē bhla 'ε ba, mēē -bebe -yaa -a tagayre -glin 'zi. Drōn' -e -yaa gbe 'ε baan' -la 'kan zii' 'egloole 'kaa: "Davidi 'nranε-, 'ŋ 'yrēnkla 'e ma!”
- 49'Bhē 'yi 'tε, 'ke Zesu dulale, 'bhēε- 'ke -ya pele- dō -wa 'sii 'bhēε- -o nu 'kele- -a ni. -O 'yee- -yrε 'wi mi 'ε 'siile-, 'ke -wa pele- -a ni dō: "'E zrudo 'egloole, 'e 'wlen-, -yoo 'e 'sii zii'.”
- 50'Bhē kle le 'tε, -yrε 'wi mi 'ε -ya ta dune- tralape 'ε blinle- 'trε ma, 'kee- pinale 'sanle -a gaan ta, 'bhēε- 'kee- gele- Zesu ba.
- 51-E bhōle Zesu -din, 'ke 'bhē 'a -lrōkpale 'kaa: "'Yoo- -a zi 'bhii- 'ŋ -mε pε za -la kle 'e ni εε?" -Yrε 'wi mi 'ε pe -a ni: "'O Daan mi, -a kle 'bhēε- 'ŋ yrε ma ye gbε drēwo.”
- 52'Bhēε- Zesu pe -a ni dō: "Ge! 'Yee 'kpalawoa 'mi 'yi bhe, 'e 'bheela-!" 'Bhē yrε do 'ε =nōō bhe, 'kee- yrε ma ye-, 'bhēε- 'kee- dōle- Zesu zi zi 'ε 'lii.

Maki 11

- 1'Zesu 'pegee -yaa' -klanlanε mu 'ε =bhwa Betifaze 'pegee Betani -wa mu 'ε -din. 'Bhē -wa mu 'ε 'plengole laa -yaa Zeruzalemu ma 'egbōonle. -O -yaa 'waati 'la ba vle gōon 'la -wa sii 'Olivi diiŋ vle gōon' 'bhē 'teŋla-, 'ke Zesu -yaa' -klanlanε mu 'ε ple winbōle- -o -lεε.
- 2-Ya =pia -o ni dō: "-Ka ge 'ka 'lεε -wa 'la bhe -a ta, 'ka 'bhōle- -gun -a nōō-, 'ka nu -soofaline do 'yrelē- yele 'fε do -lε ma. Mēē 'kedo- laa 'sanle -lido' -a ta, -kaa 'ploo- 'bhēε- 'ka nu 'kele- -gε.
- 3'Bhēε- 'ke mēē 'ke 'ka 'lrōkpa dō: '-Mεle =kla 'bhēε- 'ka -o -a 'ploo zii' εε?' 'Kaa- pe 'bhē zan 'ε ni dō: 'Mēēzan -la maza -dwa -a ma. 'Ke 'bhē =kla 'tε, -e nu dōle -a -la 'ke 'ka nu 'kele- -gε.' “
- 4-Yaa' -klanlanε mu 'ε gele 'bhē 'yi 'tε, 'ke -o -soofaline do -yrelē' ye- 'pēlii -gbleba 'ε 'lεzi- 'fε do -lε ma, 'bhēε- 'ke -wa 'ploole.
- 5'Mēē 'la zan mu -yaa 'bhē yrε 'ε =nōō, 'mu 'ke mu -o -lrōkpa 'kaa: "'E! 'Ka -o -mela kle 'zi bhe εε? -Mεle =kla 'bhēε- 'ka -o -soofaline 'la bhe -a 'ploo zii' εε?”

- 6-Yaa' -klanlanε mu 'ε -wa -lekwan 'bhe zan mu 'ε ni 'bhii- Zesu 'a =pia -o ni gōnε- 'la gbεen- bhe. 'Bhe klε 'le 'tε, 'ke 'bhe mεε mu 'ε -soofaline 'ε 'tole -o 'kōō, 'ke -o nule- 'kεle-.
- 7-O -nwa 'ke -soofaline 'ε 'le Zesu ni, 'ke -o -waa' dunε- tralape mu 'ε gole-, 'bhεε- 'ke -o 'mu 'kpaale -soofaline 'ε kpoo ta, 'bhεε- 'ke Zesu 'sanle 'bhe -soofaline 'ε ta.
- 8Mεε -bebe 'mu ta dunε- tralape mu 'ε 'kpalaa- zibhe 'ε 'lii Zesu 'lεε, 'bhεε- -a 'ke mu -ja -bōn 'yi -yri -dōō 'laa mu 'kanle- 'ke -o 'mu 'kpaale zibhe 'ε 'lii.
- 9Mεε 'la zan mu dōle -yaa Zesu 'lεε, 'bhe 'pegee mεε 'la zan mu dōle -yaa zi, 'mu 'yaa- -gbekan' zii' 'bhεε- 'ke -wa pe dōō: "Ozana! Mεε 'la zan -o zan Mεεzan 'tō 'ε 'yi, bhaa -Waanbhaa' 'bhe zan 'ε -dōōbo'!
- 10Bhaa -Waanbhaa' -kōō' -gbōō Davidi a -bhleṅgbeya 'la -yoo zan 'ezin- bhe, 'bhe -dōōbo'! Ozana lafle' 'ε 'yi yrekpen- =nōō!"
- 11Zesu bhōle Zeruzalemu, 'kee- gele- wlale -Waanbhaa' Gba 'Fε -Gbεnε 'ε =la. -E -yaan -a -yre 'mlingolele pe mu 'ε 'kpen ta bhla 'la ba, 'ke 'yee- 'pegee -yaa' -klanlanε vu ta ple 'ε -o gele- Betani, -amasroyi -fitrii' 'kpale- -saan gban bi.
- 12'Bhe ta tooklin- yi 'ε 'le, -o go bhla 'ε zi Betani, 'ke gbōn Zesu dele-.
- 13-E figi diiṅ do =ya 'egbōōnle, 'bhe 'laa mu -yaa 'bhe ta. 'Bhe 'yi, 'kee- gele -a -yrekpale 'bhe figi diiṅ 'ε 'yi 'bhe bhaa -glin -zayi'. 'Duṅ-, -e bhōle 'tε 'bhe =la, yaa 'bhe bhaa 'kedo- 'kpō 'yele- 'bhe 'yi. -Amasroyi figi diiṅ bhaa klε 'waati 'laa -yaa 'bhe 'le.
- 14'Bhe klεle 'tε, 'ke -ya 'pele figi diiṅ 'ε ni: "Bhaa 'yaa- 'e bhaa klεle 'ezin- -titi!" -Yaa' -klanlanε mu 'ε 'trōnbwa- 'bhe -jan 'ε 'yi.
- 15Zesu 'pegee -yaa' -klanlanε mu 'ε 'bhōle- Zeruzalemu, 'kee- gele- wlale -Waanbhaa' Gba 'Fε -Gbεnε 'ε =la. 'Bhεε- 'kee- 'bhe =nōō pεgōn mu 'ε 'pegee pεlō- mu 'ε -gbinle' 'sanle, 'kee- -gōli' tabōō mu 'ε waa -tabali mu 'ε 'lεbhulale, 'bhεε- 'kee- maanne- kpro gōn mu 'ε 'mu 'yaakpe- mu 'ε 'lεbhulale.
- 16Yaa 'tole- 'ke mεε 'kedo- 'kpō kan -Waanbhaa' Gba 'Fε -Gbεnε 'ε =la 'ke pe 'kedo- 'kpō 'le 'bhe 'kōō.
- 17'Bhεε- -yoo -daanna -jan 'lεε- 'le dōō: "-A yōōndεle laa -o -Waanbhaa' a 'Sεwε 'ε 'yi 'kaa: -Waanbhaa' pe dōō: '-O nu 'an pe 'fε 'ε 'siile- 'si mu 'ε 'kpen a 'seriwo 'fε.'" 'Bhεε- Zesu 'a =kpaā -a ta 'ezin- dōō: "'Duṅ- 'ka mu 'a =kla 'ke -faannii' mu magaan yre 'le."
- 18'Sraka 'lena -kunlii' mu 'ε 'pegee 'Tōṅ daan mu 'ε -o 'bhe -jan 'ε 'male-, 'ke -o Zesu dεyre -glinle' 'sanle. 'Bhεε- 'duṅ-, -o -yaa -gblaan 'ezin- -a -lεε, -amasroyi -yaa' mεε daangbeya 'ε 'yaa- -zamaa' 'ε zru 'ε 'kun zii'.
- 19Yromazi bhōle 'tε, 'ke Zesu 'pegee -yaa' -klanlanε mu 'ε gole- -wa 'ε 'kpee.
- 20'Bhe ta tooklin- yi 'ε 'le zrwan 'tutu 'ε zi, Zesu 'pegee -yaa' -klanlanε mu 'ε 'kan bhla 'ε zi, 'ke -o -yrekpale figi diiṅ 'ε gale ma. 'Kee- san laanima, 'kee- -zinaa' 'traa.

²¹Zesu -jan 'la =woa -yri diinj 'e ni, 'bhe dɔle Pieri 'kpee, 'ke -ya pele Zesu ni 'kaa: "'O Daan mi, 'e 'yɾɛkpa, 'e figi diinj 'la 'danɣanwoa -e -gaa 'fenfenj."

²²'Bhe klele 'te, 'ke Zesu 'a 'pele -yaa' -klanɣane mu 'e ni dɔɔ: "-Ka 'ka 'kpa drɔŋ -Waanbhaa' -yi!

²³'Mi 'gbu pe 'ka ni 'ŋ 'sɔwɛɛ- 'e ma dɔɔ 'ke mɛɛ 'la zan laa zru klele ple, 'bheɛ- 'duŋ-, 'ke -ya =kpa -a -yi 'bhii- -e -jan 'la =woa 'bhe 'yiza- sɔ klele-, 'ali- 'ke 'bhe zan 'a =pia vle ɔɔn 'lɛɛ- ni 'kaa: 'Go 'e dulayɾe 'e =nɔɔ, 'bheɛ- ge bɔ wɛyi- 'e ba'. 'Bhe -za 'e 'bhe -le nu klele 'bhe zan 'e 'weli- ta.

²⁴'Bhela- -zɛɛle, 'mi pe 'ka ni dɔɔ 'ke 'ka pe 'oo pe 'la 'yɾɛwoa- -Waanbhaa' ma 'seri 'yi, -ka 'ka 'kpa 'a -yi 'bhii- 'ka 'bhe pe 'e 'srɔɔwoa- gban, 'bheɛ- -e nu 'bhe 'nale- 'ka ni 'te.

²⁵'Bheɛ- 'ke 'ka 'wlɛnna- 'ka 'seriwo zayi' -Waanbhaa' ni, 'bheɛ- 'kee- -dwa 'ka 'kpee 'bhii- mɛɛ 'ke -za 'yɔɔ- 'ke =kla gban 'ka ni, -ka 'bhe zan a -sroma 'yan.

((²⁶'Duŋ-, 'ke 'ka 'laa 'eke- a -sroma 'yanɛ-, 'ka De -Waanbhaa' 'la -yoo laanima, 'bhe 'laa nu 'ka mu a -sroma 'yanɛ-))"

²⁷Zesu 'pegee -yaa' -klanɣane mu 'e -o ge gbɛ drɛwoa- 'ezin- Zeruzalemu. Zesu 'yaa- 'kaan zii' bhla 'la ba -Waanbhaa' Gba 'Fɛ -Gbene 'e =la, 'ke 'sraka 'lena -kuŋlii' mu 'e 'pegee 'Toŋ daan mu 'e, 'bheɛ- Zuufu mu a 'gwlaan- gbalaan mu 'e 'ke mu nule- 'tenɛ- -a ma.

²⁸'Bheɛ- 'ke -wa -lrɔkpale dɔɔ: "-Dele 'bhe -za mu 'lɛɛ- kle 'seŋ =naa 'e ni ɛɛ? 'Bheɛ- dele -o kle -glɔɔya' =naa 'e ni ɛɛ?"

²⁹'Bhe klele 'te, 'ke Zesu 'a 'lɛkunle -o ni 'kaa: "'Mi nu -jangɔ' do 'kpɔ -la -yilrɔkpale 'ka ma, 'bheɛ- 'ke 'ka 'bhe 'lɛkwan- 'ŋ ni, mɛɛ 'la zan -za mu 'lɛɛ- kle 'seŋ =naa 'ŋ ni, 'ŋ nu 'bhe 'tɔkanɛ 'ka ni.

³⁰'Bhe -jangɔ' do 'e bhe -le -ge: -Dele Zaan 'winbwa- mɛɛ mu 'e wiinjɛyɾe nɔɔ- -yi ba, -Waanbhaa' taa- bhaapɛŋ mu 'e ɛɛ? -Ka 'bhe 'lɛkun 'ŋ ni dɔɔ!"

³¹'Duŋ- -o zaabɔle =saan 'eke- -lɛ ma 'kaa: "'Ke 'wa 'lɛkwan- -a ni 'kaa -Waanbhaa' -le Zaan 'winbwa-, -e nu 'o 'lrɔkpale dɔɔ: '-Mɛla ma 'ka 'laa 'ka 'kpale- -a -yi ɛɛ?"

³²'Bheɛ- 'o sɔ -a -lɛkunle -a ni dɔɔ: 'Bhaapɛŋ mu -le 'a 'winbwa- ɛɛ?' -O -yaa -gbalaan 'zi -waa' mɛɛ mu 'e 'lɛɛ, -amasɾɔyi 'bhe mu 'kpen 'kpale- -yaa -a -yi 'bhii- Mɛɛ Wiinjɛ' Mi Zaan -yaa 'ke -Waanbhaa' -lɛla' janwo mi kpataakpa do -la -le."

³³'Bhe 'yi 'te, 'ke -wa -lɛkunle Zesu ni dɔɔ: "'O mɔɔ laa 'bhe dɔ." 'Bheɛ- Zesu pe -o ni 'ezin- dɔɔ: "'Mi 'duŋ-, mɛɛ 'la zan -za mu 'lɛɛ- kle 'seŋ =naa 'mi ni, 'mi laa nu 'bhe zan 'e 'tɔkanɛ 'ka ni."

Maki 12

¹'Bhe blaanta, 'ke Zesu -janwole 'sanle -o ni -gɔɔn mu 'yi. -E pe -o ni 'kaa: "Mɛɛ do -drɔɔ gba do -kpa, -e 'jasa =bwa 'bhe gba 'e zi, 'bheɛ- -e -drɔɔ bhaa 'yigo- -gluu do -kaan, 'bheɛ- -e 'kpaane do -dwa 'kpata- do wiinj- laanima gba 'e gooba mi 'e -yaa' pe 'le.

'Bhe blaam, 'kee- gba 'e gbekpale yetane mu 'e 'koo 'kaa 'bhe mu 'e 'yrekpa 'a ba. 'Bhe blaam 'kee- gele- 'taa do ta.

²-Drɔɔ bhaa 'kan bhla 'e 'bhɔle-, 'ke 'yee- gbazan 'e -e -yaa' 'fa -la yewone mu 'e do 'winbɔle -yaa' yetane mu 'e ta, -yaa' pe -drɔɔ bhaa 'si zayi' 'woo- yetane mu 'e 'koo.

³'Bhe 'bhɔle- yetane mu 'e ta gba 'e ta, 'ke -o 'bhe 'kunle, 'ke -o bhe tafele, 'bhe- 'ke -o 'ploole 'bhe 'koo'fleɲ- 'e ma jafata.

⁴Gbazan 'e -e -yaa' 'fa -la yewone mu 'e -bhɛke' do 'winbwa- 'ezin- 'o ta. 'Bhe 'bhɔle- gba 'e ta ye, 'ke -o 'bhe 'saale 'bhe 'wiɲ-, 'bhe- 'ke -o 'bhe -zwanwole.

⁵'Bhe blaam, 'ke gbazan 'e -e -yaa' 'fa -la yewone mu 'e 'bhɛke do winbɔle -o ta ye. 'Bhe- 'ke -o 'bhe dɛle-. -Woo -bhɛke' -bebe mu =kwan 'bhe- 'kungbɛya 'e 'yi: -wa 'ke mu tafia=, 'bhe- -wa 'ke mu =dia.

⁶Mɛɛ 'kedo- 'kpɔ 'laa bolɛ gbazan 'e 'koo, 'ke yaa 'e ge -a gbe bhe do 'la -za -yaa sɔ -a ni 'egbenele 'bhe ba. -E 'bhe 'winbwa- 'woo- yetane mu 'e ta 'tɛ. -E -yaa pe 'zi -a 'kpee dɔɔ: '-O nu -gasikpale 'ɲ gbe 'e 'bhe 'lɛ-.'

⁷Duɲ- -yetane mu 'e -o gbazan 'e gbe 'e 'yele- 'ke 'bhe -o zan, 'ke -wa pele 'eke- ni dɔɔ: 'Gbazan 'e 'cien 'e nu bolɛ mɛɛ 'la ni boolazi, 'yele- -gɛ, -koo 'a dɛ, 'bhe- gba 'e bo -koo' ni.'

⁸-O 'bhe 'kunle- 'tɛ, 'ke -o 'bhe dɛle-, 'bhe- 'ke -wa gbaa 'e blinle- -drɔɔ gba 'e -zanta.'"

⁹'Bhe klele 'tɛ, 'ke Zesu -o -lrɔkpale dɔɔ: "'Ka 'kpee ma, 'ke -drɔɔ gbazan 'e =nwa, -e nu -mela klele 'woo- -yetane mu 'e ni ɛɛ? 'D bhe, 'kee- =nwa, -e nu -o dɛle, 'bhe- -e -drɔɔ gba 'e gbekpa -yetane mu -bhɛke' mu 'koo.

¹⁰'Ka 'laa -jan 'lɛɛ- 'bhe tapele -lido' -Waanbhaa' a 'Sewe 'e 'yi yre do nɔɔ- ɛɛ? 'Kaa: 'Vle 'la 'fedɔ- mu 'e -wa -blinna, 'bhe -le =kla 'ke 'fɛgwle- 'e gaan =la vle -kpuɲ 'lrele- 'gbu 'e 'le.

¹¹'Bhe -daa Mɛɛzan -Waanbhaa' -la ba. 'Bhe- 'bhe =kla -koo' mu -yre 'yi, -liibhaa' maza 'le.' "

¹²Zesu 'bhe -jan 'e 'wolawoa bhe, Zuufu mu -kunlii mu 'e 'yaa- -a 'kunyre- -glin 'zi. - Amasroyi -wa 'yaangwa- 'bhii- Zesu 'bhe -gɔɔn -glɔɔn 'la bhe 'bhe =bwa 'wo -la ma. 'Bhe- 'duɲ-, -o -yaa -gblaanlawo zi 'ezin- -zamaa' 'e 'lɛɛ bhe, -o Zesu =twa -a nɔɔ- ye, 'bhe- -o -jilaa.

¹³-O Farizi mu 'e 'ke mu 'pegee -bhleɲgbe Erɔdi Antipasi a mɛɛ -lɛdo' 'e 'ke mu 'winbwa- Zesu ba -jan bhee 'kpa zayi' -a -lɛɛ, 'bhe- -wa kun -a 'gbu 'liijan- ma.

¹⁴'Bhe mɛɛ mu 'e 'nule- 'tɛ, 'ke -wa pele- Zesu ni dɔɔ: "'O Daan mi, 'wa 'yaango- 'bhii- 'e wlan 'te -la pe, 'bhe- 'yaa gbalaan mɛɛ 'kedo- 'kpɔ 'lɛɛ, -amasroyi 'yaa bhaapleɲ mu kun waa gbalaanya ma, 'duɲ- 'taawogbɛya 'la sɔ -Waanbhaa' ni, 'yoo- daan 'bhe- 'le wlan 'e ma. 'Woo- 'e 'lrɔkpale -za do -yi, -a pe 'o ni, -kooa' 'toɲ 'e ta, 'o sɔ -o Rome mu 'e waa -Bhleɲgbe 'la sii Sezaa, 'bhe a 'nisra 'e gbawole ɛɛ? 'Wa gbawo taa- 'waa gbawole ɛɛ?"

- 15'Duŋ- Zesu 'yaa- -o dɔlawo 'bhii- -woo 'ke mɛɛ -yɾɛkɔɔza klɛ mu 'la 'le bhe, 'ke -ya pele- -o ni dɔɔ: "-Mɛle =kla 'bhɛɛ- 'ka -o -jan bhee bɔ zii' 'ŋ 'lɛɛ ɛɛ? -Ka nu denie -gɔli' 'taŋbha do 'le 'ŋ ni 'bhɛɛ- 'an taglin- doo!"
- 16-O nule 'bhɛ 'le -a ni 'tɛ, 'ke -yoo -lɾɔkpale 'kaa: "-Dela ŋgblo lii, 'bhɛ 'pegee -dela 'tɔ yɔɔndeɛle -le 'taŋbha 'lɛɛ ta -gɛ ɛɛ?" -Wa zikpaa- -a ni dɔɔ: "Sezaa -le 'kɛle-!"
- 17'Bhɛ klɛle 'tɛ, 'ke Zesu 'a 'pele -o ni dɔɔ: "Sezaa a pɛ -o 'kɛla 'le, -ka 'bhɛɛ- 'na 'bhɛ ni, 'bhɛɛ- -Waanbhaa a pɛ -o 'kɛla 'le, -ka 'bhɛɛ- 'na 'bhɛ ni!" 'Bhɛ -jan 'lɛkungbɛya 'ɛ 'bhɛ -o 'kpeɛlenia -o ma.
- 18-O -yaa Zuufu mu -lɛdo' sii Saduse mu. Waa -yaa -o kpa -a -yi 'bhii- mɛɛ gbaa mu sɔ bwele- gale ba. 'Woo- Saduse mu 'ɛ 'ke mu =nwa Zesu ba, 'bhɛɛ- -wa -lɾɔkpaa dɔɔ:
- 19""O Daan mi, Moizi 'toŋ 'lɛɛ- 'bhɛɛ- yɔɔndia- 'o ni 'kaa: 'Ke 'gwlaan- do -gaa, 'bhɛɛ- 'ke -ya na glaanle 'ɛ =twa -a -zanta' 'ke yaa -nɛ yalɛ -li 'bhɛ ta. -A 'nwagwɛn- nu 'bhɛ glaanle 'ɛ 'silɛ- 'bhɛ 'na 'le, 'kooko- 'bhɛ nu -nɛ mu 'la 'yalɛ- -a na 'ɛ ta, -wa 'tɔkpa- 'mu ma.
- 20'Bhɛ 'laa 'sanlɛ- bhaama, nɛnɛ- ma 'gwlaan- 'srwaplɛ- -yaa 'tɛ. -O 'naagwɛn- le do -yalaa', 'bhɛ 'laa -nɛ 'yalɛ- 'bhɛ 'le 'ɛ ta 'ke 'bhɛ 'gbu gale-.
- 21'Bhɛ gaanzidɔ 'ɛ, 'bhɛ 'yee- glaanle 'ɛ 'yalaa- 'ezin-. 'Bhɛɛ- 'bhɛ 'laa -nɛ -srɔɔwɔlɛ 'yee- le 'ɛ ta 'ke 'bhɛ gale- 'ezin-. -A gaanzidɔ 'gwlaan- yaga mi 'ɛ 'yee- -za do 'kpɔ 'ɛ 'bhɛ -le =tian 'bhɛ ma 'ezin-.
- 22'Woo- nɛnɛ- 'gwlaan- 'srwaplɛ- 'ɛ -o 'kpen 'a =sia do do, 'bhɛɛ- -o -gaa, 'ke -waa -nɛ ya 'yee- le 'ɛ ta. -O 'kpen gale blaana, 'ke le mi 'ɛ 'gbu gale- 'ezin-.
- 23'Gbaa mu bwe yi 'ɛ 'le gale ba, le mi 'ɛ nu bolɛ -o -de 'gbu -la ni ɛɛ, -amasɔyi -e =kla -o 'kpen 'na 'le do do ɛɛ?"
- 24'Zesu 'a zikpaa- -o ni dɔɔ: "'Ka -o 'ka 'yini- zii' 'egbenele, 'bhɛɛ- 'ka 'yi -o ni 'zi -za 'la ma 'ka 'bhɛ dɔ ɛɛ? -Jan mu 'la yɔɔndeɛle -o -Waanbhaa' a 'Sɛwɛ 'ɛ 'yi, 'ka 'laa 'mu 'yima-, 'bhɛɛ- 'ka 'laa -Waanbhaa' a -glɔɔya' 'ɛ dɔ.
- 25'Wlan 'ɛ ni, 'ke gbaa mu -bwela gale ba yi 'la 'le, 'gwlaan- mu laa nu le mu 'silɛ- -li, 'bhɛɛ- le mu laa nu yaalɛ -li 'gwlaan- mu 'kɔɔ, 'duŋ- -o nu bolɛ 'bhii- -mlɛkɛ' mu a pɛ bogbɛya 'ɛ gbɛɛn- laflɛ' 'yi.
- 26'Bhɛɛ- gbaa mu bweza 'ɛ gale ba, 'ka 'laa 'bhɛ -za 'lɛɛ- tapele -lido' Moizi -a 'sɛwɛ 'ɛ 'yi, -yri lunɛ- -za 'ɛ yɔɔndeɛle -o yɾɛ 'la =nɔɔ bhe ɛɛ? -Waanbhaa' -jan 'lɛɛ- 'bhɛɛ- =woa Moizi ni 'kaa: "Mi -le 'ke Abraamu a -Waanbhaa' 'le, 'bhɛɛ- 'ŋ 'yoo- 'ke Izaki a -Waanbhaa' 'le, 'bhɛ 'pegee Zakɔbu a -Waanbhaa'." "
- 27'Zesu pe 'ezin- dɔɔ: "'Bhɛ -jan 'ɛ 'bhɛ 'a zɾɔn -kɔɔ' ni 'bhii- -kɔɔ' -gbɔɔ mu 'la bhe -woo -o -yɾɛ ma. 'Bhɛɛ- mɛɛ -yɾɛmale mu -le -Waanbhaa' gba, mɛɛ gbaa mu laa 'bhɛ klɛ. 'Ke 'ka 'kpee ma, gbaa mu laa bwe gale ba, 'bhɛ bhla 'ɛ ba, 'ka 'yinile -o 'egbenele 'dɛ."

- 28'Tonj daan mi do Zesu 'pegee 'woo- mɛɛ mu 'ɛ -waa' zaabɔ wli 'ɛ =maa. 'Bhɛ 'a =ya 'bhii- Zesu -jan 'ɛ 'lɛkwan- 'elrele Saduse mu 'ɛ ni. 'Bhɛɛ- 'ke 'bhɛ 'e 'mabɛɛnle Zesu -din, 'ke 'bhɛ 'a 'lɔkpaale 'tɛ dɔɔ: "'Tonj 'ɛ -dela -za 'gbu -o 'egloole -o 'kpen ba ɛɛ?"
- 29'Zesu 'a zikpaa- -a ni dɔɔ: "'Tonj 'la 'bhɛ -za 'gbu -o 'egloole 'bhɛ -le -gɛ: 'Izraeli mɛɛ mu, -ka 'ka 'trɔnbado doo, Mɛɛzan -kɔɔa' -Waanbhaa' 'ɛ, 'bhɛ -le 'ke Mɛɛzan do -kplɛn 'le.
- 30'Yaa- Mɛɛzan -Waanbhaa 'ɛ, -za 'sɔ 'e ni 'e zru oo, 'e 'nii- oo, 'e 'kpeejan- oo, 'bhɛ 'pegee 'e fangan- 'ɛ 'kpen 'le.'
- 31'Tonj 'la 'bhɛ tɛn 'bhɛ zi 'bhɛ -le -gɛ: "E -vindo' mi -za 'sɔ 'e ni 'bhii- 'e 'gbu -za sɔ 'e 'gbu ni gɔnɛ- 'la gbɛɛn- bhɛ.' 'Tonj 'bhɛke -za 'laa -o 'egloole 'ke 'bhɛ kan 'bhɛ 'tonj plɛ 'la bhɛ 'mu ta."
- 32'Bhɛ 'Tonj daan mi 'ɛ pe Zesu ni 'tɛ dɔɔ: "'O Daan mi, 'bhɛ -o 'elrele, 'e wlan -la -pia 'bhɛ 'le bhɛ dɔɔ -Waanbhaa' -bhɛke' 'laa -o -Waanbhaa' blaɛn, 'ke yaa 'e go -a do -kplɛn ba.
- 33'Bhɛɛ- 'ke -Waanbhaa' -za sɔ mɛɛ ni -a zru oo, -a 'kpeejan- oo, 'bhɛɛ- -a fangan- 'ɛ 'kpen 'le, 'bhɛ 'pegee 'ke -a -vindo' mi -za sɔ -a 'gbu ni 'bhii- -a 'gbu gbɛɛn-, 'bhɛ mabhaabho wi 'kpaciele 'sraka mu 'pegee 'sraka 'ɛ -gloɔn mu 'ɛ 'kpen ta -Waanbhaa' -yɛ 'yi."
- 34'Zesu 'a 'yele- 'tɛ 'bhii- 'yee 'Tonj daan mi 'ɛ -e -jan 'ɛ 'lɛkwan- yikan' 'le, 'ke -ya pele -a ni 'kaa: "-Waanbhaa' a -bhɛngbeyɛ 'ɛ yaa -o -li 'e ma 'egboɔnle." 'Bhɛ blaɛn, yaa dɔle mɛɛ -bhɛke' 'kpee 'ke 'bhɛ Zesu 'liila- -a -lɔkpaalele 'ezin-.
- 35'Zesu 'yaa- mɛɛ mu 'ɛ daan 'zi bhla 'la ba -Waanbhaa' Gba 'Fɛ -Gbɛnɛ 'ɛ =la, 'ke -yoo -lɔkpaale dɔɔ: "-E =kla 'nale- 'bhɛɛ- 'Tonj daan mu 'ɛ -wa pe dɔɔ Mɛɛ -Bhɛɛ Mi -Kpɔsɔɔ 'ɛ -yoo 'ke Davidi 'nranɛ- -la 'le ɛɛ?"
- 36-Amasɔyi Lii 'Wɛɲ 'ɛ -jan =kpaa -Bhɛngbe Davidi 'gbu 'lii dɔɔ: 'Mɛɛzan -Waanbhaa' 'a =pia 'an pɛ Mɛɛzan 'ɛ ni dɔɔ: Yala- 'ɲ -din 'tɔbhɔ ma yaayɛ 'ɛ =nɔɔ, 'sani- 'ɲ yan 'e 'sɔɔnnii mu 'ɛ klɛlele 'e gaanlapɛ 'le.'
- 37'Ke Davidi 'gbu Mɛɛ -Bhɛɛ Mi -Kpɔsɔɔ Krisi sii 'Mɛɛzan'. 'Bhɛɛ- -e sɔ klɛle 'ezin- -a -nranɛ 'le 'nale- -a ma ɛɛ?" -Zamaa' 'srɛ do 'la 'yaa- 'mu 'trɔnkpa zii' Zesu ni, bhɛ -jan mu 'ɛ 'yaa- 'sɔ zii' 'mu ni.
- 38'Zesu 'yaa- mɛɛ mu 'ɛ daan 'zi bhla 'la ba -ya =pia -o ni dɔɔ: "-Ka 'ka 'gbu 'kun 'elrele 'Tonj daan mu 'ɛ ma. 'Kaanle- sɔ -o ni dunɛ- gbɔɔn mu 'le -o ta, 'bhɛɛ- -e sɔ -o ni 'ke -woo 'pubɔ- 'elrele 'plɛɛ 'kpaan- mu 'ɛ ta.
- 39'Wole- zilɛɛ- yaayɛ -lrele' mu 'ɛ makun Zuufu mu daanfɛ' mu 'ɛ =la, 'bhɛ 'pegee peleyɛ gbɛlaan mu 'ɛ =nɔɔ.
- 40'O glaɛnle mu 'kɔɔpɛ- mu 'ɛ 'kpen yan -dawli' ma. 'Bhɛɛ- -o mɔ -o 'seriwole ma -Waanbhaa' ni -o 'gbu zɔn zayi' mɛɛ mu -yɛ ta. 'Bhɛla- -zayi', -o nu -o 'kitikanle 'eyɔle 'ke 'bhɛ kan mɛɛ mu 'ɛ 'kpen ta -Waanbhaa' ba."

41-Waanbhaa' Gba 'Fε -Gbene 'ε =la, Zesu 'yaale- -lεklale -yaa 'sraka go -goli' bε -koonε 'ε ta. 'Bhεε- -e -yaa mεε mu 'ε gbε zi -glin 'zi -waa' -goli' bεgbeya 'ε ma -koonε 'ε 'yi. Pεzan -bebe 'yaa- -goli' -bebe bε 'zi 'yee- -koonε 'ε 'yi.

42'Bhε =nεε bhe, 'ke -yren ma glaanle do nule-, 'bhεε- 'ke 'bhε -goli' piine- ple bεle- -koonε 'ε 'yi. 'Bhε mu laa -yaa 'tarbha ple bhε.

43'Bhε klele 'tε, 'ke Zesu -yaa' -klanlane mu 'ε 'siile, 'bhεε- 'ke -ya pele -o ni dεε: "'Mi pe 'ka ni 'η 'sowεε- 'ε ma dεε glaanle 'kεεfleη- 'lεε- -e -goli' yεke- 'la =bwa -koonε 'ε 'yi, 'bhε 'yiya- mεε -vin mu 'ε 'kpen -goli' yεke- 'la =bwa 'bhε ni.

44-Amasrōyi mεε -vin mu 'ε -o waa -naflo 'ε sa -la =sia, 'bhεε- -o 'bhε =bwa 'ke 'sraka 'le. 'Duη- 'yee- glaanle 'lεε-, -ya 'tota- -goli' 'ε 'bhεε- 'kpen =naa 'ke 'sraka 'le. -Zake' 'laa bole -a 'kεε 'ezin-, 'ali- 'ke 'bhε kle -yaa' pεbhle ma pε 'le."

Maki 13

1Zesu 'pwe bhla 'ε zi -Waanbhaa' Gba 'Fε -Gbene 'ε =la, 'ke -yaa' -klanlane mu 'ε do 'a 'pele -a ni dεε: "'O Daan mi, vle -kpuη 'lrele- mu 'lεε- 'pegee 'fεgwle- -gbene mu 'lεε- dεgbeya 'ε -glin doo!"

2Zesu 'a zikpaa- -a ni dεε: "'E 'yre -o 'bhε 'fε dεgbeya -gbene -gbene mu 'lεε- ma εε? Yi do ta, -o nu 'fε mu 'lεε- 'kpen 'wile-, 'bhεε- -o nu vle -kpuη mu 'ε 'kpen 'klaale-, 'bhεε- 'woo- vle -kpuη mu 'la -gε, -o do 'kpε 'laa nu bole 'eke- ta -gε 'ke 'bhε 'laa balaa'."

3'Bhε blaen, Zesu -ja yaale Olivi diiη vle gεεn 'ε ta, 'bhεε- -ya -lεklaa -Waanbhaa' Gba 'fε -Gbene 'ε ba -yre ta. Piere 'pegee Zaki, 'bhεε- Zaan 'pegee Andre, 'bhε mu do -kplen -le 'yaa- -din, 'bhεε- 'mu 'a -lrεkpaa 'kaa:

4"'E -jan mu 'la =woa bhe, 'ke 'bhε -za mu 'ε kle bhla 'ε =bhwa 'o nu 'bhε dεle -tεomasie 'ε -dela ma εε? 'Bhεε- -o bhε 'waati 'ε 'bhε 'pe 'o ni."

5'Bhε klele 'tε, 'ke Zesu -jan 'ε 'sile, 'bhεε- 'ke -ya 'pele- 'sanle -o ni dεε: "-Ka 'ka 'gbu 'kun 'elrele, 'ke mεε 'kedo- 'kpε 'laa 'ka 'yini-.

6-Amasrōyi, mεε -bebe nu nule, 'mi 'tε 'ε 'yi, 'bhεε- -o nu -a pele dεε 'wole- -Waanbhaa' Mεε -Bhee Mi -Kpεsεε 'la 'kpa -janwoa, 'bhε 'le! 'Bhε klegbeya 'ε 'yi, -o nu mεε -bebe 'yinile.

7'Ke 'ka 'ka -din gwledan wli -maa, 'bhε 'pegee 'ke 'ka yre gbεεn =nεε gwledan wli mu -maa bhla 'la ba, 'ka 'laa -gblaanle'. -Amasrōyi -a -lεdulale -o dεε 'bhε -za mu 'ε 'mu -le nu klele 'elwale 'pe. 'Duη- 'bhε 'laa nu klele 'ke 'drunyan 'lεyan bhla 'ε 'le.

8'Si do nu -wlenle' 'si 'bhεεke do 'kaama-, 'bhεε- -bhleηgbe do a 'kleen 'yi mu nu -wlenle' -bhleηgbe 'bhεεke do a 'kleen 'yi mu 'kaama-. 'Tre nu bεenle, 'bhε 'pegee -gu mu nu dεle yre -bebe =nεε. 'Bhε -za mu 'ε nu klele -yren mu 'ε zisanyre 'le, 'bhii- 'ke le do -bla =zian -a ta -e -yrenbhle' gεε- 'la gbεen- bhe.

- 9'Duŋ-, 'ka mu, -ka 'ka 'gbu 'kun 'elrele! -Amasrōyi, mɛɛ mu nu geɛ 'ka 'le -klu ta; -o nu 'ka tafɛɛ 'ke gbanbhle mu 'le Zuufu mu daanfe' mu 'ɛ =la. -O nu geɛ 'ka 'le -janmatii mu 'pegee -bhleŋgbe mu 'ɛ ba 'mi 'tɔ 'ɛ -zayi'. 'Ke 'bhe =kla 'tɛ, 'ka nu kleɛ 'ŋ 'srɛ mu 'le 'bhe -yrɛ mu 'ɛ 'kpen =nɔɔ.
- 10'Sani- 'drunyan 'yan bhla 'ɛ 'bhɔ, -yoo 'ke -za 'le 'ke 'an -Jan 'Nrɛle- 'ɛ -wa wo 'trɛ ta 'si mu 'ɛ 'kpen ni 'pe.”
- 11"Ke -o 'ka =kwan, 'bhɛɛ- 'ke -o ge 'zi 'ka 'le -klu ta 'ka 'kitikan zayi' bhla 'la ba, 'ka nu -jan yɛkɛ- 'la 'wolɛ-, 'ka 'laa 'bhe yienkanɛ 'elwale 'pe. 'Duŋ- 'ke 'ka =bhwa ye, -jan 'la -Waanbhaa' 'bhe dɔle- 'ka 'kpee 'ka 'kitikan bhla do 'kpɔ 'ɛ zi bhe, -ka 'bhɛɛ- 'wo. -Amasrōyi 'bhe -jan 'ɛ 'bhe 'laa nu dale 'ka mu 'gbu ba, 'duŋ- 'bhe nu dale Lii 'Weŋ 'ɛ 'bhe a -glɔɔya' 'ɛ 'bhɛɛ- ba.”
- 12"Meɛ do nu -a nɛɛnɛ- do -lenale mɛɛ mu ni 'bhɛɛ- 'mu 'bhe dɛ, 'bhɛɛ- -nɛ dɛ nu 'bhɛɛ- 'yansi za 'ɛ kleɛ 'bhe 'nɛ 'ɛ ni. -Nɛ mu nu -wlenɛ' -o yape mu 'ɛ 'kaama- 'bhɛɛ- -o 'mu dɛ.
- 13'Ka ven nu 'silɛ- mɔkpen' yin 'lii 'mi 'tɔ 'ɛ -zayi'. 'Duŋ- 'ke mɛɛ 'la zan 'bhe -yrɛn 'mu 'ɛ 'kpen 'yikwan= 'ke 'bhe ge 'tenɛ- -o -leyanle ma, 'bhe zan nu gole -za 'yi.”
- 14"Pe 'la vensi -Waanbhaa' yin 'lii, 'ka nu 'bhe 'yaale- yeɛ -Waanbhaa' Gba 'Fɛ -Gbɛnɛ 'ɛ =la 'ke -ya 'triŋdɔ-. 'Ke mɛɛ 'la zan -o -jan 'lɛɛ tape 'zi, 'bhe zan dɔ klen 'ke -ya -yima' 'elrele. 'Bhe 'waati 'ɛ ba, 'ke mɛɛ 'la zan mu =kla Zude 'kleɛn 'ɛ 'yi, 'mu blasan- 'mu -lɛɛ vlɛ gɔɔn mu 'ɛ 'yi ye.
- 15'Bhe 'waati 'ɛ ba, 'ke mɛɛ 'la zan -o 'bhe a 'fɛ 'ɛ 'wiij-, 'bhe zan laa peɛ dɔɔ 'bhe -o zinale, 'bhɛɛ- -e wlale- -yaa' 'fɛ 'ɛ =la, -a maza -o pɛ 'la ma 'bhe 'si zayi'.
- 16'Bhɛɛ- 'ke mɛɛ 'la zan=kla 'bhe ba gba la 'bhe 'waati 'ɛ ba, 'bhe zan laa peɛ dɔɔ -e niinale -a ba 'fɛ 'lɛ ma, -a ta dunɛ- tralape 'si 'si zayi'.
- 17'Bhe yi mu 'ɛ 'le, 'ke le mu 'la kpɛle =kla 'bhe 'waati 'ɛ ba, 'bhe 'pegee 'ke le mu 'la 'nɛ mu =kla -yɔn ma, 'mu 'nisɛ- -yrɛn ma!
- 18-Ka 'ka 'seriwo -Waanbhaa' ni, 'kooko- 'bhe 'waati 'ɛ yaa kle -niinii' 'kpa bhla zi.
- 19-Amasrōyi, 'bhe yi mu 'ɛ nu kleɛ 'eyɔɔle gɔnɛ- 'la gbɛɛn-, -a 'san -Waanbhaa' 'drunyan kle 'ke 'bhe nu 'tenɛ- -zɔn ma, 'bhe 'yansi -yrɛnbhle' gbeya 'laa baale -lido' bhaapleŋ mu ta 'bhe gbɛɛn-. 'Bhɛɛ- 'kee- ge 'tenɛ- 'drunyan 'leyanle ma, 'bhe 'yansi -yrɛn 'laa nu baale -o ta.
- 20'Ke Mɛɛzan -Waanbhaa' laa 'bhe -yrɛn 'kpa yi mu 'ɛ 'ke 'kanɛ- -o lii, mɛɛ 'kedo- 'kpɔ 'laa -yaa nu 'sɔlɛ- gole- -za 'yi. 'Duŋ- -e mɛɛ 'la zan mu makwan- gban -yaa pɛ mu 'le, -e 'yee- -yrɛn 'kpa yi mu 'ɛ 'ke 'kaan -o -lii, 'mu -la -zayi'.
- 21'Ke mɛɛ 'ke 'a =pia 'ka ni bhla 'la ba 'kaa: '-Ka 'ka 'yɛkpa, Mɛɛ -Bhee Mi -Kpɔsɔɔ Krisi 'ɛ -yoo -gɛ'. 'Bhɛɛ- '-Ka 'ka 'yɛkpa, -yoo laale! 'Ka 'laa 'ka 'kpale- -a -yi.
- 22-Amasrōyi bhla ma mɛɛ mu nu -wlenɛ', 'bhɛɛ- -o nu a peɛ dɔɔ 'wole- 'ke mɛɛ -bhee mu -kpɔsɔɔ 'gbu 'ɛ 'le, 'bhɛɛ- bhla ma -Waanbhaa' -lɛla' janwo mu nu nule 'ezin-. -O nu

'sole- maza mu 'pegee 'kpeeleni maza mu klele, 'kooko- 'ke 'bhe so klele-, 'bhεε- -o gbeso -Waanbhaa' mεε 'la zan mu makwan- gban 'mu -yinile ta.

23'"Ka mu, -ka 'ka 'yrekpa 'ka 'gbu ba 'elrele! 'D 'ka 'kpeelelakaan -ge bhe 'bhe -za mu 'ε 'kpen 'le."

24'"Bhe yi mu 'ε 'le, 'bhe -yren 'kpa yi mu 'ε 'kanle- blaana, -yretebhe laa nu -bhile' -li, -e nu klele 'ke -gblo 'le, 'bhεε- mε laa nu 'sole- -bhile' 'ezin-.

25'"Bhεε- mleklenne mu 'ε nu baale. -Glooya' mu 'la lafle' 'yi pe mu kun 'bhεε- waa so baale', 'mu nu beenle.

26'"Bhe bhla 'ε ba 'te, 'ka 'yre nu 'kpale- Bhaaplen Gbe 'ε 'nule- ma lafle' -gblen mu 'ε 'yi, -yaa' -glooya' -gbene 'ε 'le, 'bhe pegee -a -lregbeya -yrayra 'ε 'le.

27'"Bhe klele 'te, -e nu -yaa' -mlεε mu 'ε winbale -e mεε 'la zan mu makwan-, 'mu -lekpayre =nɔɔ 'eke- ta, 'ke 'mu da -yretebhe -wlenyre' 'pegee -a baayre =nɔɔ, 'bhεε- 'ke 'bhe ge 'kpale- lafle' 'pegee 'tre -danma' mu ta."

28'"-Ka figi diinj 'ε 'klosikun doo, 'bhεε- -ka -za daan -a ma: 'ke -a -yi 'ε 'paa- -a gbe mu 'ε 'yi, 'bhεε- 'ke -a -laa mu 'ε 'tɔɔnle- -saan -a ta bhla 'la ba, 'kaa 'yaango- 'bhii- la ban bhla 'ε =bhwa 'e -din.

29'"Bhe klegbeya do 'ε 'yi, 'ka mu 'ezin-, 'η -za mu 'la =pia 'ka ni bhe, 'ke 'ka 'mu klele -ya bhla 'la ba, -kaa 'yaango- 'bhii- Bhaaplen Gbe 'ε 'nu bhla 'ε =bhwa 'ka -din gban.

30'"Mi pe 'ka ni 'η 'sowεε- 'ε ma dɔɔ: mεε 'la zan mu -o -yre ma -zɔn, -o 'kpen gale plenj, 'ke -za mu 'lεε- 'kpen =bhwa gban.

31'"Lafle' 'pegee 'tre nu 'kanle- 'duj- 'an pe -jan mu 'ε waa nu 'kanle- -titi."

32'"Zesu pe 'ezin- dɔɔ: "-Za mu 'lεε- kle yi oo, -o kle 'waati oo, mεε 'kedo- 'kpɔ 'laa 'mu do. 'Kee- kpa lafle' 'yi -mlεε' 'pegee -Waanbhaa' Gbe 'gbu 'ε ta oo, -o 'kedo- 'kpɔ 'laa 'mu do, 'ke yaa 'e go 'η Dε -Waanbhaa' do -kplen ba.

33'"Ka 'ka 'yrekpa 'ka 'gbu ba 'elrele, 'ka 'yri 'laa gole 'ka 'gbu -za 'le, -amasroyi 'ka 'laa 'bhe 'waati 'bhɔ bhla 'ε dɔ.

34'"-E nu klele 'bhii- mεε do geza gben ta: -a ge bhla 'ε zi, -e -yaa' 'fe 'ε gbekpaa -yaa' 'fa -la yewone mu 'ε 'kɔɔ. -E ye 'ε 'yicienna -o 'kpen ma do do, 'bhεε- -ya =pia 'fe gooba mi 'ε ni dɔɔ 'bhe bo 'fe 'ε -klosikunle ma, 'bhεε- 'bhe 'yri 'laa gole 'bhe 'gbu -za 'le.

35'"Bhe gbeen- bhe, 'ka mu 'gbu 'yri 'laa gole 'ka 'gbu -za 'le 'de, -amasroyi 'ka 'laa 'fezan- 'ε 'niina- bhla 'ε dɔ, -e nu klele yroma -la zi oo, blandyeyi oo, maagwlen -we bhla 'ε ba oo, 'bhe 'pegee zrwanz, 'ka 'laa 'bhe dɔ.

36'"Kee- =nwa 'ka 'yibeennazi, bhaa yaa bhale 'ka ta yi pla.

37'"Mi 'kela 'wo zii' 'ka ni -ge, 'mi 'bhεε- do 'kpɔ 'ε wo mɔkpen' ni dɔɔ: "Ka 'yri 'laa gole 'ka 'gbu -za 'le.' "

Maki 14

- 1-Yrekpaa' ple -yaa Paki 'feti yi 'e 'lee, 'bhe 'pegee 'bluu mu 'la waa -yaa 'mu -pee 'e wlen 'ke 'seke 'le 'mu 'bhle 'feti 'e. 'Sraka 'lena -kunjii' mu 'e 'pegee 'Toŋ daan mu 'e -o -yaa Zesu 'kunyre- -glin 'zi -dawli' ma, 'bhe- -wa de.
- 2'Duŋ-, -o -yaa pe 'zi 'eke- ni 'kaa: "-Koo' 'laa 'bhe klele 'feti 'waati 'e ba, 'kebhaale -kooa' mee mu 'e nu -wlenle' 'eke- ma."
- 3'Bhe 'waati 'e ba, Zesu 'pegee -yaa -klanjane mu 'e 'yaa- Betani -wa 'e ta 'gwlaan- do a 'fe 'e =la; 'bhe 'to -le -yaa Simo, 'bhe- -kpaan -yaa 'bhe ma -so. -O -yaa pebhle 'zi 'waati 'la ba, 'ke le do nule- wlale -o ta. Buteli bhlo gboon -lirele' do -yaa 'bhe le 'e 'koo, 'bhe buteli 'e klele -yaa 'ke 'vere -gloon 'la -o -yaa 'bhe sii alibatri 'bhe- 'le. -Lasikloo -gblen 'nrале- 'plele- do -le -yaa 'bhe buteli 'e 'yi. 'Bhe 'yi 'te, 'ke 'yee- le 'e -e 'bhe buteli 'e 'wile, 'bhe- 'ke -ya -yi -lasikloo 'e 'klaale Zesu 'wiinj-.
- 4'Mee 'la zan mu -yaa 'bhe 'yre 'e =noo ye, -o 'ke mu -o zrupliila, 'ke -wa pele- 'eke- ni doo: "Le 'lee -yoo -lasikloo -gblen 'nrале- 'lee 'sie zii' win 'e -dela ma ee? -E 'bhe 'sie zii' bhaama -mela ma ee?"
- 5-O -yaa so a gonle- denie -goli' 'tanbha -keme yaga (300) 'e tralape 'le; 'bhe- -o 'bhe -goli' 'e na 'kooflenjan mu ni!" -O 'bhe le 'e 'topia- 'eyoole.
- 6'Duŋ- Zesu 'a zikpaa- -o ni doo: "-Kaa 'to 'sro! -Mele =kla 'bhe- 'ka -o -a zrubatedo zii' ee? -E -za 'wlan -la =kla 'ŋ ni bhe.
- 7-Amasroyi, 'kooflenjan mu -o 'ka 'plen- yikpen ta, 'bhe- 'ke 'waati 'oo 'waati 'la =swa 'ka ni, 'ka so -za 'wlan klele- 'mu ni, 'duŋ- 'mi 'laa nu bole 'ka -din 'waati 'e 'kpen ba.
- 8'Le 'lee gbeswa- 'kela klele ta, -e 'bhe- =kla. Droon', -e -yaan gban -lasikloo 'klalele 'ŋ gbaa 'e ta -a binle -lee.
- 9'Mi 'gbu pe 'ka ni 'ŋ 'sowee- ma 'kaa 'ke -Jan 'Nrале- 'e 'wole- =zian yre 'oo yre 'la =noo, 'drunyan 'e 'kpen 'yi, -o nu le 'lee kleza 'e 'yigoonle 'bhe =noo, 'kooko- 'yee- le 'e -za do mee mu 'e 'kpee."
- 10'Zesu a -klanjane vu ta ple mi 'la -o -yaa 'bhe sii Zuda Isikarioti -ja 'tenle- 'Sraka 'lena -kunjii mu 'e ma, 'ke -ya pele- 'mu ni doo -ya zi 'bhii- -e Zesu 'lena -o ni.
- 11'Bhe -jan 'e =swa 'mu ni 'egbenele, -ayile 'ke 'mu 'a 'pele a ni doo 'mu nu -goli' 'nale- -a ni. -A 'san 'bhe yi 'e ma, Zudasi gbe -yaa nu 'sole- Zesu 'kunle- ta gone- 'la gbeen-, -e -yaa 'bhe- kle bhla -lirele' 'e -glin 'zi.
- 12'Bluu 'la waa -yaa 'bhe -pee 'e wlen 'ke 'seke 'le, 'bhe 'bhle 'feti yi -lwa 'e 'le, Zuufu mu 'e 'yaa- -bhlaa gwlen bhlonе- mu -la de, 'bhe- -woo kle 'ke 'sraka 'le -o gole 'e luya 'yi 'bhe -zayi'. 'Bhe 'yi 'te, Zesu a -klanjane mu 'e -wa -lrokpaa doo: "'Yoo- -a zi 'bhii- -koo' ge -kooa' Paki 'feti 'e ta kpo 'e kle 'naa ma ee?"
- 13'Bhe- Zesu -yaa' -klanjane ple winbwa-, 'ke -ya pele- 'mu ni: "-Ka ge -wa 'la bhe -a ta, 'ka 'le nu 'pale- 'ke mee do 'le, -yi gbɔ do -o -a wiinj-, -ka do -a zi.

- 14'Kee- -ja wlale 'fe 'la =la, -ka wla -a zi 'bhe =nɔɔ, 'bhe- -ka 'bhe 'fezan- 'e lrɔkpa' dɔɔ: "O Daan mi 'e pe 'o nu 'e 'lrɔkpa dɔɔ 'yee- 'pegee -yaa' -klanlanɛ mu 'e nu -waa' Paki 'feti 'e ta pe 'e 'bhlele- 'fekpee 'la =la 'bhe -o naa -a ma ɛɛ?"
- 15'Ke 'bhe =kla, 'fezan- 'e nu -yaa' 'sangaso 'kpee gbalaan 'e do zrɔnle 'ka ni. 'Bhe magaanle -o 'elrele gban, 'bhe 'pegee mɛɛ mazadɔ pe yekɛ- 'la ma 'bhe -o 'bhe =la. 'Ka nu -kɔɔa' pe Paki 'feti 'e ta kpo 'e klele -kɔɔ' ni 'bhe- =nɔɔ.
- 16-Yaa' -klanlanɛ ple 'e -o gele 'tɛ, 'ke -o wlale- -wa 'e ta. -O =bhwa pe mu 'e 'kpen 'lɛsɔle ta 'bhii- Zesu 'a =pia -o ni gɔnɛ- 'la gbɛɛn-. 'Bhe- -o -waa pe 'feti ta kpo 'e =kla 'bhe- =nɔɔ."
- 17'Bhe blaas, Zesu a -klanlanɛ ple 'e 'niinaa -o -zanta'. Yromazi bhɔle 'tɛ, 'ke 'yee- Zesu 'pegee -yaa' -klanlanɛ vu ta ple 'e -o 'nule wlale -wa 'e 'kpee.
- 18-O -yaa pele 'zi bhla 'la ba, 'ke Zesu 'a 'pele -o ni 'kaa: "'Mi pe 'ka ni 'η 'sɔwɛɛ- 'gbu 'e ma dɔɔ 'ka mu 'la 'ka 'pegee 'mi -o pebhle 'zi 'eke- zi -gɛ bhe, 'ka do nu -dawli' 'kpale- 'η gbɛ ta, 'bhe- -yoo 'η 'lena mɛɛ mu ni."
- 19-Yaa' -klanlanɛ mu 'e -woo wleyisriwoa, 'bhe- 'ke -wa -lrɔkpale 'sanle do do 'kaa: "'Mi -le 'kele- ɛɛ?"
- 20>Zesu pe -o ni 'tɛ dɔɔ: "'Ka mɛɛ vu ta ple 'e ba, 'ke mɛɛ 'la zan 'bhe gbɛ =wlaa 'η gbɛ ta pele -koo do 'kpɔ 'e 'yi, 'bhe kle 'bhe zan 'bhe -le 'kele-.
- 21'Wlan 'e ni, Bhaaplen 'Gbe 'e -yoo zan gale 'bhii- -a yɔɔndele -o -a ba zayi' gɔnɛ- 'la gbɛɛn- -Waanbhaa' a 'Sewɛ 'e 'yi. 'Dun- mɛɛ 'la zan nu -a -lenale mɛɛ mu 'e ni, 'bhe- -wa dɛ, 'bhe zan ta -yren! 'Ali- 'ke waa -yaa 'bhe zan 'e ya -titi, 'bhe mabhaa -yaa bhɔ 'bhe zan 'e ma."
- 22-O -yaa pe 'e 'bhle zii' bhla 'la ba, Zesu 'bluu 'e 'sile-, 'kee- -Waanbhaa' 'pubɔle -a ma, 'bhe- 'ke -ya takanle kplokplo. 'Bhe blaas, 'ke -ya nale- -yaa' -klanlanɛ mu 'e ni, 'bhe- -e pe -o ni dɔɔ: "-Kaa 'kun, 'η 'fle 'e 'yele- -gɛ."
- 23'Bhe blaas, 'kee- -drɔɔ peyan- do 'sile, 'bhe- 'kee- -Waanbhaa' 'pubɔle 'bhe ma, 'kee- 'bhe 'kpale -o 'kɔɔ 'kaa -o 'kpen 'a 'ke 'mi do do.
- 24'Bhe klele 'tɛ, 'ke Zesu 'a 'pele -o ni dɔɔ: "'D yien 'e 'yele- -gɛ, -bhoolaya drɛɛ 'la -yoo -Waanbhaa' 'pegee bhaaplen mu plɛn-, yien 'lɛɛ- 'bhe -le 'bhe -tɔɔmasie 'e 'le, -e -klalaa', 'kooko- -e mɛɛ -bebe 'pegee -Waanbhaa' kpa do ma.
- 25'Mi pe 'ka ni wlan 'e ni dɔɔ 'naa nu -drɔɔ 'bheke 'mile- 'ezin- 'sani- 'η nu -drɔɔ drɛɛ 'la 'mile- -Waanbhaa' a -bhlengebeya -wa 'e ta 'bhe 'waati 'e 'bhɔle- plɛn-."
- 26'O yanle -Waanbhaa' 'tɔbhɔ ma 'sro mu 'e 'kpalele, 'ke -o 'pwele 'fe 'e =la, 'bhe- 'ke -o gele- Olivi diinj vle gɔɔn 'e 'wiinj-.
- 27>Zesu pe -yaa' -klanlanɛ mu 'e ni dɔɔ: "'Ka 'kpen nu 'η 'tolɛ- a =nɔɔ, -amasrɔyi -a yɔɔndele -o -Waanbhaa' a 'Sewɛ 'e 'yi 'kaa: "'D nu -bhlaa mu gooba mi 'e dɛɛ, 'bhe- -bhlaa mu 'e nu 'kanle- 'eke- ma jafata."

- 28 Zesu pe -o ni 'ezin- 'kaa: "'Duŋ- 'ke 'ŋ -bwela gale ba 'waati 'la ba, 'ŋ nu 'kanle- 'ka 'lɛɛ -sɔ Galile."
- 29 'Bhɛ =nɔɔ bhe, 'ke Pieri 'a 'pele 'a ni dɔɔ: "'Ali- 'ke mɛɛ -vin mu 'ɛ 'kpen blasaan-, 'bhɛɛ- 'ke -woo 'e =twa -a nɔɔ-, 'mi 'naa nu 'e 'tolɛ- a =nɔɔ -titi."
- 30 'Bhɛ klɛle 'tɛ, 'ke Zesu 'a zikpale -a ni dɔɔ: "'Mi pe 'e ni wlan 'ɛ ni dɔɔ: -zɔn -bi 'gbu 'lɛɛ zi, 'sani maagwɛn -wegbɛ' plɛ mi 'ɛ 'plɛŋ-, 'e nu 'e 'lɛmadɔle 'eglɔɔle 'mi ma -glɔɔn yaga 'kaa 'yaa mi dɔ."
- 31 'Bhɛɛ- 'duŋ-, Pieri 'bhe zikpaa- -a ni faŋgan- ma 'ezin- dɔɔ: "'Ali- 'kee- =kla 'o 'pegee 'bhi dɛle 'le 'eke- 'yi, 'naa nu 'ŋ -baŋgole 'e 'yi -titi." -Klanlanɛ -vin mu 'ɛ 'kpen -dwa 'bhɛɛ- -jan yɛkɛ- do 'kpɔ 'ɛ ta.
- 32 'Bhɛ blaɛn, Zesu 'pegee -yaa' -klanlanɛ mu 'ɛ -o -ja yrɛ do nɔɔ-, -o -yaa 'bhe yrɛ 'ɛ sii Zetisemane. -O bhɔle 'bhe =nɔɔ bhe 'tɛ, 'ke Zesu 'a 'pele -yaa' -klanlanɛ mu 'ɛ ni 'kaa: "-Ka yala- -gɛ, 'ŋ gele- 'ŋ 'seriwole laale."
- 33 -A ge bhla 'ɛ zi, -e Pieri 'pegee Zaki 'bhɛɛ- Zaan 'siila-, 'bhɛɛ- 'mu -dwa -a zi. - Gblaɛn 'klale -saan -a -yi, 'bhɛɛ- -a blina- yiɛn -yaa.
- 34 -E pe -o ni dɔɔ: "'D 'blina- yiɛn -o 'klekle 'ke 'bhe ge 'tɛnle- 'ŋ gale ma. -Ka bo 'ka 'yrɛ ma yrɛnɛ- 'lɛɛ- =nɔɔ -gɛ!"
- 35 -Ya plɛngole sa -o ma, 'kee- 'klaale -a 'kpɔ ta 'trɛ ma, 'bhɛɛ- 'ke -ya 'seriwole - Waanbhaa' ni 'kaa: "'Kee sɔ a klɛle-, -yrɛnbhle' 'waati 'yɔɔ- 'lɛɛ 'kan 'ŋ ma 'egbɔɔnle."
- 36 -E -yaa pe 'zi dɔɔ: "'D Dɛ, 'ŋ Dɛ, -za 'kpen klɛ 'sɛŋ -o 'e ni. -Yrɛn peyan- do 'la bhe -a plɛngole 'ŋ ma. 'Duŋ- 'yaa 'mi zru maza klɛle, 'e 'gbu -la zru maza klɛ."
- 37 'Bhɛ blaɛn, 'kee- nule- 'pɔwɛle- -yaa' -klanlanɛ yaga 'ɛ ta, 'bhɛɛ- 'kee- bhɔle- 'mu ta yi pla. 'Bhe 'yi 'tɛ, 'kee- Pieri bwele-, 'bhɛɛ- 'ke -ya pele- 'bhe ni dɔɔ: "Simɔ, 'e yide zii' ɛɛ? 'Yaa 'sɔle- bole- 'e 'yrɛ ma 'ali- 'waati sanɛ- ba ɛɛ?"
- 38 -Ka bo 'ka 'yrɛ ma, 'ke 'ka 'ka 'seriwo Waanbhaa' ni, 'kooko- -Setran' 'laa 'ka 'yidan-, 'bhɛɛ- -e 'ka bɔ -za 'yɔɔ- 'yi. Bhaaplɛŋ zru -o -a zi 'bhii- -e -za 'wlan klɛ, 'duŋ- 'bhe yɛkɛ- faŋgan- 'laa -o 'ɛ ta."
- 39 -Ya plɛngo gbɛ drɛɛwoa- -o ma 'ezin-, 'bhɛɛ- 'kee- bɔle- 'yee- -jan do 'kpɔ 'ɛ 'pele- ta -Waanbhaa' ni.
- 40 -E niina- gbɛ drɛɛwole 'ezin- -yaa' -klanlanɛ mu 'ɛ ta, 'kee- bhɔle- 'mu yidele ta; - amasrɔyi, yi 'ɛ gbinkpa' gbɛ -yɔɔ' 'ɛ 'kɔɔ -o -yrɛ ta, -jan 'la -o 'bhe pe Zesu ni, waa -yaa 'bhe dɔ. 'Bhɛɛ- -e -ja 'ezin- -a -zanta'.
- 41 -A nu gbɛ yaga mi 'ɛ ma -o ta, 'ke -ya pele- -o ni dɔɔ: "'Ka -o yide 'zi ɛɛ, 'bhɛɛ- 'ka -o 'ka 'yitrɛ zii' -li ɛɛ? 'Bhe =swa 'bhe 'yi, 'waati 'ɛ =bhwa. -Ka 'ka 'yrɛkpa! -O nu -dawli' 'kpale- Bhaaplɛŋ Gbe 'ɛ gbɛ ta, 'bhɛɛ- -wa 'lena -za 'yɔɔ- klɛ mu 'ɛ ni, 'bhe 'waati 'ɛ =bhwa.

- 42-Ka 'ka 'wlen-, -koo' ge! -Ka 'ka 'yrekpa doo, mee 'la zan nu -dawli' 'kpale- 'η gbε ta, 'bheε- -yoo 'η 'lena- mee mu ni, yaa -o -li -koo' ma 'egboonle.”
- 43Zesu 'yaa- 'bhe -jan 'ε 'wo zii' bhla 'la ba, 'ke Zuda 'pwele -a -yi. Zesu a klanlane vu ta ple 'ε do -le -yaa 'kele-. -Zamaa' 'srε -gbεne do -yaa -a zi, -gokun' 'pegee 'beni mu 'le 'mu 'koo. 'Sraka 'lena -kunlii mu 'ε 'pegee 'Toη daan mu 'ε, 'bheε- -waa' 'gwlaan-gblaam mu 'ε 'mu -le -o winbwa- Zesu 'kunyre- =noo.
- 44'Yee- Zuda 'la =kla Zesu 'lena mi 'le mee mu 'ε ni, -e Zesu 'kungbeya -toomasie do -zronna Zesu 'kun mu 'ε ni doo: "'Ke 'η mee 'la zan -tuubwa 'yele- 'kele-. -Kaa 'kun 'bheε- 'ka ge 'kele-, 'duη- -ka 'ka 'yrekpa 'a ba 'elrele!”
- 45Zuda nule 'te, 'ke -ya mabeenle -gun Zesu -din, 'bheε- 'ke -ya pele- 'bhe ni doo: "'O Daan mi!" 'Bhe klele 'te, 'kee- Zesu -tuuboale.
- 46'Bhe klele 'te, 'ke mee mu 'ε -o Zesu 'kunle.
- 47'Duη- -yaa' -klanlane do 'bhe a -gokun' 'ε 'pwele- 'bhe 'bhoo- 'ε 'yi, 'kee- 'sraka 'lena -kunlii gblaan 'ε 'bhe a 'fa -la yewone mu 'ε do 'tronlaa do takanle.
- 48'Bhe klele 'te, 'ke Zesu 'a 'pele -o ni 'kaa: "'Ka =nwa 'η 'kunyre- =noo -gokun' 'pegee 'beni mu 'le 'ka 'koo, 'η 'yoo- 'ke mee de mi do -la -le εε?”
- 49'Yi 'oo yi, -koo 'yaa 'eke- 'yi, 'bheε- 'η 'yaa- mee mu daan -Waanbhaa' Gba 'Fe -Gbene 'ε =la, -mele =kla 'bheε- 'ka 'laa 'η 'kunle- 'bhe yre 'ε=noo εε? 'Duη- -za 'lee- 'kpen =kla, 'kooko- -Waanbhaa' -lela' janwo mu 'ε -o -jan mu 'la =woa 'mi ba zayi' -Waanbhaa' a 'Sewe 'ε 'yi 'mu 'leso-.”
- 50'Bhe klele 'te, 'ke -klanlane mu 'ε 'kpen 'kanle 'eke- ma 'gbasaa gbasaa, 'ke -o Zesu do -kplen 'tole 'a =noo.
- 51-Zwanne do dole -yaa Zesu zi. So dron -la 'kanle- -yaa -a gbε ta. Mee mu 'ε -o 'bhe =kwan 'ezin-.
- 52'Duη- 'bhe 'ploole 'bhe ta so 'ε ma -o 'koo-, 'bheε- 'ke 'bhe blasanle 'bhe tafleη- 'ε 'le.
- 53-O -ja 'ke Zesu 'le 'Sraka 'lena mu a -kunlii gblaan 'ε ba 'fe 'le ma. 'Sraka 'lena mu -kunlii' mu 'ε 'pegee Zuufu mu 'ε -waa' 'gwlaan- gblaan mu 'ε, 'bheε- 'Toη Daan mu 'ε, -o 'kpen -ja -o 'lekpale 'eke- ta 'bhe =noo ye.
- 54'Mee mu 'ε -yaa ge 'zi Zesu 'le bhla 'la ba 'sraka 'lena mu a -kunlii -gblaan' 'ε ba, Pieri -yaa zan -o -zanta' 'egboonle. 'Bheε- 'kee- nule- wlale 'yee- 'sraka 'lena mu a -kunlii gblaan 'bhe -a 'fe -gbenη 'ε 'yi. 'Bhe =noo bhe, 'kee- gele- yaale 'fe gooba mu 'ε -din -a magayre noo- 'te 'ε -din.
- 55'Sraka 'lena -kunlii mu 'ε 'pegee Zuufu mu a 'kitikan mee gbalaan -ledo' 'ε -o 'kpen 'yaa- -jan 'bheεke- do -glin 'zi Zesu 'kaama-, 'kooko- 'bhe kle -a de win 'le. 'Duη- waa -jan 'ledoole 'kedo- 'male mee 'kedo- 'kpo 'lii Zesu ma.
- 56-Amasroyi mee -bebe -yaa bhla 'kpa zii' Zesu ma, 'duη- -o 'kpen 'liijan- mu 'ε waa -yaa do.

- 57'Bhε klele- 'tε, 'ke -zamaa' 'ε 'pleŋ- mεε 'ke mu -o -wlenle', 'bhεε- 'ke -o bhla 'lεε- 'bhεε- 'kpale Zesu ma 'kaa:
- 58'"O mɔɔ 'gbu 'a =maa -a -lii dɔɔ bhaapleŋ mu 'gbu -Waanbhaa' Gba 'Fε -Gbεε 'la -dwa 'mu gbε 'le, 'yee- 'gbu nu 'bhε 'wile-, 'bhεε- -ya dɔ gbε drεewo -yrekpaa' yaga -la; 'bhε 'laa nu klele bhaapleŋ woye 'le."
- 59'Ali- 'bhε -jan 'la bhe, 'bhε gole -yaa -jan -vin mu 'ε ma.
- 60'Bhε 'waati 'ε ba 'tε, 'ke 'sraka 'lena mu a -kunlii gbilaan 'ε -ya -wlenle', 'kee- dulale -zamaa' 'ε 'pleŋ-, 'bhεε- 'kee- Zesu -lrɔkpale 'tε dɔɔ: "Mεε mu 'ε -jan mu 'la 'kpen 'wo zii' 'e ma, 'bhi pe 'mu 'yi 'nale- εε?"
- 61'Duŋ- Zesu tagale =bwa. 'Ezin- 'ke 'sraka 'lena mu a -kunlii gbilaan 'ε -ya -lrɔkpa' gbε drεewole dɔɔ: "'Bhi -le 'ke Mεε -Bhee mi -kpɔsɔɔ Krisi 'ε 'le εε, 'bhε 'pegee 'o -Waanbhaa' 'la 'tɔbhɔ 'bhi -le 'bhε Gbe 'le εε?"
- 62'Bhε 'yi 'tε, 'ke Zesu 'a zikpale -a ni dɔɔ: "-Aani', 'mi 'gbu -le 'bhε 'le. 'Bhεε- 'duŋ-, 'ka 'kpen 'yrε nu 'kpale- Bhaapleŋ Gbe 'ε 'yaale- ma 'Senkpenzan -Waanbhaa' -din 'tɔbhɔ ma yaayrε 'ε =nɔɔ. 'Bhεε- 'ka nu -a yele 'ezin- 'ke -yoo zan lafle' -gblen mu 'ε 'yi."
- 63'Bhε -jan 'ε 'la gbε -yɔɔ' 'kɔɔ 'sraka 'lena mu a -kunlii gbilaan 'ε ma, 'ke -ya 'gbu ta dune- mu 'ε 'peedele, 'bhεε- 'ke -ya pele- 'kaa: "-Kɔɔ' maza -o -li mεε -bhεεke' a 'srεya- klele ma εε?"
- 64-E -Waanbhaa' 'tɔsie ma jan 'la =woa bhe, 'ka 'bhε =maa εε, 'ka mu pe 'bhε 'yi 'nale- εε?" -O 'kpen -beŋgwa do ma 'ke -wa pele- 'kaa: "-Yoo 'ke dεpe 'le."
- 65'Bhε yrε do 'ε =nɔɔ bhe, 'ke mεε 'ke mu -o -liile' 'klale- 'sanle Zesu ta, 'bhεε- 'ke -o sɔgbε do -yrele' -a wleyi', 'ke -wa zɔn -sɔ -o gbekpuŋ- mu 'ε 'le, 'bhεε- 'ke -wa -lrɔkpa' dɔɔ: "Mεε 'la zan 'ε =zwan, 'bhε zan 'ε 'tɔkan 'o ni doo!" 'Bhεε- 'fε gooba mu 'ε 'mu 'yaa- -a 'trɔnzɔn- 'zi 'ezin-.
- 66'Pieri -yaa bhla 'la ba 'sraka 'lena mu a -kunlii gbilaan 'ε -yaa' 'fε -gbeŋ 'ε 'yi 'tre ma, 'ke 'bhε a 'fε 'ε =la yewo le 'ε do nule-.
- 67'Bhε yewo le 'ε 'yee- Pieri 'yele-, 'ke -ya maga 'zi 'tε 'ε ma, 'ke 'bhε 'e 'yrekpale -a ta frii, 'bhεε- 'ke 'bhε 'a 'pele -a ni: "'Bhi 'gbu 'ezin-, 'e 'yaa- 'yee- Nazareti mi Zesu 'ε zi."
- 68'Duŋ- Pieri 'e 'lemadwa 'eglɔle 'ke -ya pele- dɔɔ: "Le -nε, 'e drɔɔn' -o -jan 'la 'wo zii' bhe, 'naa 'bhε dɔ, 'bhεε- 'naa -o -a -yima' zii.'" 'Bhε blaas, 'kee- 'pwεle, 'bhεε- 'kee- gele- -gbeŋ 'ε 'le ma. (('Bhεε- 'ke maagwlen -wele' 'tε.))
- 69'Yee- yewo le -nε do 'ε -e Pieri 'yele- 'ezin-, 'ke -ya pele- 'bhε =nɔɔ mεε mu 'ε 'yrε ma dɔɔ: "'Gwlaan- 'lεε- -yoo 'woo- mεε mu 'ε do 'le!"
- 70'Duŋ-, 'ke Pieri 'e 'lemadɔle 'eglɔle 'bhε -jan 'ε ma 'ezin-. 'Bhε blaas boolazi sa bhɔle, 'ke -gbeŋ 'ε 'le ma mu 'ε -wa pele- Pieri ni 'kaa: "Wlan 'ε ni, 'bhi 'gbu 'lεε- 'yoo- 'ke 'woo- mεε mu 'ε do 'le, -amasrɔyi 'yoo- 'ezin- 'ke Galile 'mi 'le!"

71'Bhε 'yi 'tε, 'ke Pieri -a 'pele dɔɔ: "Bhaa 'η ga 'ke 'η 'yoo- bhla pe 'zi! 'Mi 'pegee 'η 'sɔwεε- 'ε ta, 'ka -o -we 'zi mεε 'la 'le, 'naa 'a dɔ -titi!"

72'Bhε 'waati do 'kpɔ 'ε ba 'te, 'ke maagwlen 'a 'we gbε ple mi klele-, 'bhεε- Zesu 'yee- Pieri 'kpeelekaan -jan 'la 'le 'elwale, 'ke 'bhε dɔle- -a 'kpee. Zesu 'a =pia -a ni 'elwale dɔɔ: "'Sani- maagwlen nu -wele' ple -zɔn, 'e nu 'e 'lɛmadɔle 'egloole mi ma gaan yaga." 'Bhεε- 'yee- Pieri wisile -saan.

Maki 15

1'Zrwan 'tutu 'ε zi, Zuufu mu a 'kitikan mεε gbalaan -lɛdo' 'ε -o 'kpen =klaa 'eke- ba: -o 'ke mu -yaa 'sraka 'lena -kuɲlii mu 'le, 'bhεε- -a 'ke mu -yaa' Zuufu mu a 'gwlaan- gbalaan mu 'le, 'bhεε- -a 'ke mu -yaa 'Toɲ daan mu 'le. -Woo 'eke- =ya 'yee- Zesu ba zayi'. -O yanle Zesu gbɛtabɔlele, 'ke -o gele- -a -lenale Romε mu a -janmatii Pilati ni.

2-O bhɔle Pilati ba, 'ke 'bhε Zesu 'lrɔkpale 'kaa: "'Bhi -le 'ke Zuufu mu 'ε waa - bhleɲgbε 'ε 'le εε?" Zesu 'a 'lɛkwan- -a ni 'kaa: "'E 'gbu 'yela- =pia bhe."

3'Duɲ- 'sraka 'lena -kuɲlii mu 'ε bhla -bebe =kpaa Zesu ma 'bhε yre 'ε =nɔɔ ye.

4'Bhε klele 'tε, 'ke Pilati 'a 'lrɔkpale 'ezin- 'kaa: "-Woo -jan -bebe 'la 'kpen 'wo zii' 'e ma bhe, 'e 'trɔn 'laa -o 'mu 'yi εε? 'Bhεε- 'bhi 'laa -o -jan 'ke 'wole 'mu 'yi εε?"

5'Bhεε- 'duɲ-, Zesu 'laa -jan 'kedo- 'kpɔ 'lɛkunle. 'Bhe tagagbeyaa -gloɔn 'ε 'bhε 'yee- Pilati 'kpeelenia -a ma.

6'Lεε 'oo lεε, Zuufu mu a Paki 'feti 'ε ta, Pilati -yaa ploɔ -kaso 'yi mi do ma. 'Ke - zamaa' 'yaa- -kaso 'yi mi 'la 'yɛwo- -a ma, -e -yaa ploɔ 'bhεε- ma -o ni.

7'Bhε klegbeyaa do 'ε 'yi, -o -yaa -kaso 'yi mi do sii Barabasi. -O 'bhε 'pegee 'bhε -vin - kala' mεε 'ke mu =bwa -kaso 'yi, -amasrɔyi -o -wlenna Romε mu 'ε ma, 'bhεε- -o mεε do =dia.

8-Zamaa' 'ε -ja Pilati ba -lε ma, 'ke -o -sromabɔle 'sanle -a ni dɔɔ -e 'ploɔ- -kaso 'yi mi do ma -o ni 'bhii- -e -yaa dɔ -a klele -la -o ni gɔnε- 'la gbεen- lεε 'oo lεε.

9'Bhε 'yi 'tε, Pilati -o -lrɔkpaa dɔɔ: "'Kaa- zi 'bhii- 'η 'ploɔ- Zuufu mu a -bhleɲgbε 'ε ma 'ka ni εε?"

10'Yee- Pilati 'gbu 'yaa- 'yaango- 'bhii- 'sraka 'lena -kuɲlii mu 'ε -o Zesu 'lenaa- -a ni, - amasrɔyi -o -yaa zranwo 'zi -a ba.

11'Duɲ- 'sraka 'lena -kuɲlii mu 'ε -wa =wlaa -zamaa' 'ε zi dɔɔ -o -sromabɔ Pilati ni 'kaa 'bhε 'ploɔ- Barabasi -la ma -o ni, 'bhεε- 'bhε 'laa 'ploole- Zesu ma.

12Pilati -zamaa' 'ε 'lrɔkpa gbε dreewoa- 'ezin- dɔɔ: "'Kaa- zi 'bhii- 'η -mε za -la kle 'ka mεε 'la zan sii 'Zuufu mu a -bhleɲgbε' 'bhε ni εε?"

13-O -pɛenna 'eke- zi dɔɔ: "-A gbaan -yrigbεele do ta, 'bhεε- -e ga!"

14Pilati pe -o ni 'kaa: "-E -za 'yɔɔ- -gloɔn 'ε -dela =kla εε?" 'Duɲ- -o -pɛenna 'egloole 'ezin- dɔɔ: "-A gbaan -yrigbεele do ta, 'bhεε- -e ga!"

- 15'Bhε =nɔɔ bhe 'tε, Pilati -yaa zi 'bhii- -e -zamaa' 'ε zru maza klε, -ayile, 'kee- 'ploole Barabasi ma -o ni 'tε. 'Bhεε- -ya =kla 'bhεε- -o Zesu zita =zwan 'ke gbanbhle 'le, 'bhεε- -e 'bhe =kpaā -srwase' mu 'kɔɔ 'kaa -o ge -a gbaan -yrigbεεle do ta.
- 16'Bhε klele 'tε, 'ke -srwase' mu 'ε gele Zesu 'le -janmatii 'ε -yaa -gbenj -gbenε 'ε 'yi, 'bhεε- 'ke -woo -vin -srwase' mu 'ε 'kpen 'siile.
- 17'Bhε =nɔɔ bhe, 'ke -o dunε- gbɔɔn 'ten -kleen' -kleen' do 'klale -a ta, 'bhεε- 'ke -o lere zungbhle do 'tanle, 'bhεε- 'ke -o 'bhe 'kpale -a wiinj- 'bhii -bhleṅgbe ṅgblo ma 'faa do.
- 18'Bhε blaān, 'ke -wa 'pubɔle 'sanle 'kaa: "'E 'yia-, Zuufu mu a -bhleṅgbe!"
- 19'Bhεε- -o -yaa zɔn 'zi -a wiinj- togɔ do 'le, 'ke -woo -liile' kla a ta, 'bhεε- 'ke -woo 'kpɔ zen -a -lεε 'bhii- -o -gasikpa zii' -a ma.
- 20-O -yaan -a malrɔgolele bhla 'la ba, 'ke -o dunε- gbɔɔn 'ten -kleen' -kleen' 'ε gole -a ta, 'bhεε- 'ke -wa 'gbu a dunε- mu 'ε 'klale -a ta. 'Bhε blaān, 'ke -o gele- 'kele- 'pεēlii- -a gbaan zayi' -yrigbεεle do ta.
- 21-O -yaa ge 'zi Zesu gbaanle -yrigbεεle 'ε ta bhla 'la ba, 'ke -o -lepale 'gwlaan- do 'le 'ke 'bhe -o da 'zi gba la. Sireni mi do -le -yaa 'bhe 'le, 'bhεε- -o -yaa 'bhe sii Simɔ. Alεzandri 'pegee Rufusi dε -le -yaa 'bhe 'le. 'Bhε 'kanle- -benlawoa -o 'kan zi 'ε 'lii, 'ke -srwase' mu 'ε -wa pele- 'bhe ni dɔɔ 'bhe Zesu gbaan -yrigbεεle 'kwe 'ε 'si kpanma.
- 22'Bhεε- 'ke -o gele- Zesu 'le yrε do =nɔɔ, -o -yaa 'bhe yrε 'ε sii Gɔligota, 'bhe 'yile-dɔɔ 'mεε ṅgblo bhele' yrε.'
- 23-O bhɔle 'bhe yrε 'ε =nɔɔ 'tε, -o -yaa -laanε' 'la sii miri, -o 'bhe 'yizaala -drɔɔ 'tɔnle-ba, 'bhεε- -o 'bhe 'nale- -yidaan Zesu ni, 'bhεε- -ya -bangwa 'bhe 'mile- ma.
- 24-O Zesu -gbaanna -yrigbεεle 'ε ta. 'Bhεε- 'ke -o 'tete dɔle- -yaa' dunε- mu 'ε ta, 'kooko- -o 'kpen do do dɔ -o 'kela 'le -o 'bhe dɔ.
- 25-O -yaan -a gbaanlele zrwanzi -yretεbhε gwlen -wlen 'waati 'ε ba (nεvεε 'waati 'ε ba).
- 26-O Zesu =dia win 'la ma -yrigbεεle 'ε ta, -o 'bhe yɔɔndia- -yripeenε do ta, 'bhεε- -o 'bhe -gbaanna -a ṅgblo 'ε trala -yri 'ε ta; 'bhεε- 'bhe 'sewεwole -yaa 'tε -gee' 'kaa: "Zuufu mu a -Bhleṅgbe".
- 27-O mεε dε mi plε -gbaanna -yrigbεεle -bhεεke' ta -a gbε plε 'ε ta: -A do -yaa -a gbε -yiε' 'yi, 'bhεε- 'bhe -vindo' mi 'ε 'yaa- -a gbε -koo ta.
- ((28'Bhε klεgbeya 'ε 'yi, -jan 'la yɔɔndele -yaa -Waanbhaa' a 'Sεwe 'ε 'yi, 'bhe -jan 'ε 'leswa=, 'bhe -jan 'ε 'yaa- dɔɔ: "-O 'yee- -kpaā -za 'yɔɔ- klε mu ba."))
- 29'Bhε blaān, mεε 'la zan mu 'yaa- 'kan zii' 'bhe yrε 'ε =nɔɔ, 'bhe mu -yaa Zesu -zwanwo' zii' 'ke -woo ṅgblo 'ε bɔ -sɔ 'kaa: "-Oɔn 'ɔɔn-! 'Bhi 'laa 'pele- 'kaa 'ε sɔ -Waanbhaa' Gba 'Fε -Gbene 'ε 'wile, 'bhεε- 'ya dɔ gbε drεewo -yrekpaā' yaga -la εε?
- 30'E 'gbu 'si 'ε go 'ε -za 'yi, 'ke 'yee 'gbu go -yrigbεεle 'ε ta doo!"

- 31'Bhɛ klɛgbɛya do 'ɛ 'yi, 'sraka 'lɛna -kunjlii mu 'ɛ 'pegee 'Toŋ daan mu 'ɛ 'yaa- Zesu malrɔgo 'zi 'ke -wa pe 'eke- ni -sɔ 'kaa: "-E mɛɛ -bhɛɛke' mu -gwa -za 'yi, 'duŋ- yaa sɔ -a 'gbu gole- -za yi!
- 32'Mɛɛ -Bhee Mi -kpɔsɔɔ Krisi, Izraeli mu a -bhɛŋgbe, zina- -zɔn -yriɣbɛɛle 'ɛ ta! 'Ke 'o 'bhɛ =ya, 'o nu 'o 'kpalɛ- -a -yi 'tɛ." 'Bhɛɛ- 'ezin-, mɛɛ plɛ 'la gbaanle -yaa' -a gbɛ -yɛ plɛ 'ɛ ta, 'mu 'yaa- -a -zwanwo' zii'.
- 33'Kee- san -yɛkpa'a' ma, 'kee- ge 'tɛnlɛ- yromazi -yɛtɛbhɛ yanyan 'ɛ 'le (trwazɛɛ 'waati 'ɛ ba), -gblo =kpa'a 'trɛ 'ɛ 'kpen ta.
- 34'Bhɛɛ- yromazi -yɛtɛbhɛ yanyan 'ɛ 'bhɔle- 'tɛ, 'ke Zesu -gbɛkanle 'ɛglɔɔle 'ke -ya pe dɔɔ: " Eloi, Eloi, lama sabatani!" 'Bhɛ 'yile- 'kaa: "'An -Waanbhaa', 'an -Waanbhaa', -mɛle =kla 'ye 'ŋ do -kplɛnnɛ' =twa =nɔɔ ɛɛ?"
- 35'Mɛɛ 'la zan mu dulale -yaa 'bhɛ yɛ 'ɛ =nɔɔ 'bhɛ 'waati 'ɛ ba, 'mu 'a -gbɛkanwli 'ɛ 'male-, 'ke 'mu 'a 'pele dɔɔ: "-Ka 'ka 'trɔnbado doo, -yoo Eli 'sii zii' 'kaa 'bhɛ 'nu 'bhɔ 'a ba!"
- 36'Bhɛ klɛle 'tɛ, 'ke -o do blasanle, 'kee- -gbɛlanluu' -fɔlu' -fɔlu' do 'sile, 'bhɛ 'yaa- 'bhii- -nɛ 'yientennɛ mu 'fɛ -gbɛlanluu' do gbɛɛn-. -E 'bhɛ =wlaa -drɔɔ 'tɔnlɛ- do ba, 'kee- 'bhɛ 'yɛle togɔ do yin 'lii, 'bhɛɛ- 'kee- 'bhɛ dɔle- Zesu ta 'kaa 'bhɛ 'bhɛ mi, 'ke -ya pele- 'kaa: "'Kɔɔ- dula- doo, -dɔke' -kɔɔ' nu Eli 'yɛɛ- 'ke 'bhɛ -o -a zina- 'zi -yriɣbɛɛle 'ɛ ta oo!"
- 37'Duŋ- Zesu -gbɛkaan 'ɛglɔɔle, 'bhɛɛ- 'ke -a nii- 'ɛ gole- -a -yi.
- 38'Bhɛ 'waati do 'ɛ ba, sɔgbɛ -gbɛnɛ 'la 'yaa- -Waanbhaa' Gba 'Fɛ -Gbɛnɛ 'kpee 'ɛ 'yiciɛn- plɛ, 'ke 'bhɛ 'peedɛle plɛ 'kee- san laanima 'bhɛɛ- 'kee- nu 'tɛnlɛ- 'traa.
- 39'Rome mu a -srwase' mu -kunjlii 'la 'lɛklale -yaa Zesu ba -yɛ ta, 'bhɛ 'a gagbɛya 'ɛ 'yɛle-, 'ke 'bhɛ 'a 'pele 'kaa: "Wlan 'gbu 'ɛ ni, 'yee- mɛɛ 'lɛɛ- 'yaa- 'ke -Waanbhaa' Gbe 'gbu 'ɛ 'le kpataakpa!"
- 40'Le mu 'ke mu dulale -yaa 'ezin- 'ɛgbɔɔnle, 'ke -o Zesu taglin-. Mari 'la 'yaa- da Magidala -wa 'ɛ ta, 'bhɛ 'pegee Mari 'la 'yaa- Zaki 'fientrɔnnɛ mi 'pegee Zose nɛɛ 'le, 'bhɛɛ- Salome, 'mu -yaa 'woo- le mu 'ɛ ba.
- 41'Woo- le mu 'la bhe, 'wola- dɔle -yaa Zesu zi, -e -yaa 'waati 'la ba Galile 'klɛn 'ɛ 'yi 'ke -o bhɔ -a ba. 'Ezin- le 'srɛ 'bhɛɛke mu -yaa 'yee- 'yɛ 'ɛ =nɔɔ ye, 'mu 'yaa- mɛɛ 'la zan mu 'la =nwa -a zi Zeruzalɛmu -wa 'ɛ ta, 'mu 'ke 'le.
- 42'Yromazi =bhwa gban. 'Bhɛ yi 'ɛ 'yaa- Zuufu mu a -yitrɛ' yi 'ɛ 'lɛmagaan yi 'le.
- 43'-Ayile, yromazi -fitrii' 'kpa bhla 'ɛ ba, 'ke Arimate mi Zozefu 'nule. Mɔkpen' 'yaa- gasikpa 'yee- Zozefu 'ɛ 'lɛɛ, 'bhɛɛ- -e -yaa 'ezin- Zuufu mu a 'kitikan mɛɛ gbɛlan mu -lɛdo' 'ɛ ba. 'Yee- 'gbu 'yri 'yaa- Waanbhaa' a -bhɛŋgbɛya 'ɛ 'bhɛ bhla 'ɛ ta. 'Bhɛla- -yile, -ya zru dɔle- 'ɛglɔɔle, 'kee- gele- Zesu gbaa 'ɛ 'yɛwɔlɛ Pilati ma, 'kaa -e gele- 'bhɛ binlɛ.

44 Zesu galawoa -gun blaale-, 'bhe 'yee- Pilati 'kpeelēnia -a ma. 'Bhe 'yi 'te, 'kee- mēē winbōle -srwase' mu -kunlii 'e 'siyre- =nōō. 'Bhe 'nule-, 'kee- 'bhe -lrōkpale dōō: "Zesu gale 'e =nōō =mwa gban ēē?"

45 'Bhe klele 'te, 'ke -srwase' -kunlii 'e -ya -lēkunle 'a ni dōō -a gale 'e =nōō =mwa gban. 'Bhe 'yi 'te, 'ke -ya pele- Arimate mi Zozefu ni 'kaa 'bhe ge Zesu gbaa 'e 'si.

46 'Yee- Zozefu 'gbu sō 'pu do =lwa. -E yanle Zesu gbaa 'e golele -yrigbēele 'e ta, 'kee- 'bhe sō 'e 'kpale Zesu gbaa 'e ma. 'Bhēē- -e bu -gluu 'la 'kwleela- 'elwale gban -sō vlē 'e 'yi, 'kee- gele- Zesu gbaa 'e 'kpaale- 'bhe 'yi. -E yanle -a 'kpaalele 'bhe 'yi, 'kee- vlē -kpuṅ -gbenē do -bhlile', 'bhēē- 'kee- bu 'e 'liitanle 'bhe 'le.

47 'Bhe bhla 'e ba, Mari 'la 'yaa- da Magidala -wa la, 'bhe 'pegee Zose nēē Mari, 'mu 'yaa- Zesu gbaa 'kpayre- 'e -glin 'zi.

Maki 16

1 -Yitre' yi 'e 'kanle- blaana, Mari 'la 'yaa- da Magidala -wa 'e ta, 'bhe 'pegee Zaki 'pegee Salome nēē Mari, -o gbaa ma 'sro -yrōn -gblen 'nrāle- 'ke mu =lwa, 'kooko- -o ge Zesu gbaa 'e masrolē 'mu 'le.

2 'Kangōplē 'e ma zrwān 'tutu 'e zi, -yretēbhe -wlen bhla 'e ba, 'ke -o gele- bu 'e taglinyre=nōō.

3 -O ge bhla 'e zi, -o -yaa pe 'zi 'eke- ni dōō: "-Dele nu vlē -kpuṅ 'e 'bhlile- -kōō' ni, 'bhēē- -ya go bu -gluu 'e 'lii ēē?"

4 -O bhōle Zesu bu 'e -din, -wa taglinle, 'ke -o vlē -kpuṅ -gbenē 'e 'bhlile- yele- -a 'lii 'e -gōma'.

5 'Bhe klele 'te, 'ke -o gele- wlalē bu -gluu 'e zi, 'ke -o -zwanne do yaale yele- -o gbē -yie' ta, dunē- 'pu 'penpen gbōōn do -yaa 'bhe ta, 'bhēē- 'ke -o 'klale -o 'gbu ta -gblaana -gbenē 'e 'kōō.

6 'Duṅ- 'bhe pe -o ni dōō: "'Ka 'laa -gblaana, -o Nazareti mi Zesu 'la -gbaana -yrigbēele 'e ta, 'ka -o 'bhēē- -glin zii' ēē? -E -bwela gale ba, yaa -o -li -gē, -ka 'ka 'yrekpa -a gbaa 'kpaayre- 'e =nōō -gē doo.

7 'Duṅ-, 'ka mu ge a pe -yaa' -klanlanē mu 'e 'pegee Pieri ni 'kaa -e 'kan zii' 'ka 'lēē -sō Galile. 'Ka nu a yelē 'bhēē- =nōō 'bhii- -a 'gbu 'a =pia 'ka ni gōnē- 'la -gbeen bhe."

8 'Woo- le mu 'e 'pwele- 'te bu -gluu 'e zi, 'ke -o blānle, -amasrōyi -gblaana -gbenē 'e 'kōō srēn =wlaa -o -yi, 'bhēē- -o -yaa been 'zi. 'Duṅ- waa 'bhe 'pele mēē 'kedo- 'kpō ni -gblaana 'e 'kōō.

((⁹Zesu bwele blaana gale ba, 'kangōplē 'e ma zrwān 'tutu 'e zi, -e -pwela 'elwale 'pe Mari 'la 'yaa- da Magidala -wa 'e ta 'bhēē- ba. 'Yee- Zesu lii 'yōō- 'srwaplē- -gwa 'bhēē- zi 'elwale -sō.

10 'Bhe le 'e -ja 'bhe -jan 'e 'yigōōnle mēē 'la zan mu -yaa Zesu zi 'mu ni; -e =bhwa 'mu ta 'ke mu ta -o suṅ, 'bhēē- 'mu 'yaa- wisi' zii'.

- 11'Duŋ- -wa malawoa 'kaa Zesu -bwela gale, 'bhεε- -ya -yre ma, 'bhe 'pegee 'yee- Mari 'gbu 'a =ya kpataakpa, waa -o 'kpale- -a -yi.
- 12'Bhe blaanta, Zesu 'pwela- -yaa' -klanlanε ple ba 'pwεgbeya -glōn 'bhεεke do 'yi 'mu ge bhla 'ε zi -bōn 'yi -wa do ta.
- 13'Bhe mεε ple 'ε =nwa 'bhe -jan 'ε 'yigōnle 'ezin- -klanlanε -vin mu 'ε ni, 'duŋ- waa -o 'kpale- 'mu 'wojan- 'ε 'yi 'ezin- -titi.
- 14'Bhe blaana 'te, 'ke Zesu 'pwele- -yaa' -klanlanε vu ta do 'ε ba, -waa' pebhle bhla 'ε zi. 'Bhεε- 'kee- -lale' -o ta -waa' 'kpalekleya 'ε 'pegee -o zru dōgbeya -glō 'ε ma. - Amasrōyi, mεε 'la zan mu 'a 'yremale 'ε =ya -a bwele blaana gale ba, waa -o 'kpale- 'mu 'wojan- 'ε 'yi.
- 15'Bhe 'kpen blaana 'te, 'ke -ya pele- -o ni dō: "-Ka ge 'drunyan 'ε 'yi yrekpen- =nō, 'ke 'ka ge -Jan 'Nrāle- 'ε 'wolele mεε mu 'ε 'kpen ni.
- 16'Ke mεε 'la zan 'e =kpaa -a -yi, 'bhεε- 'ke 'bhe zan -dwa -a -la 'ke -wa wiinfe -yi ba, 'bhe zan nu gōle -za 'yi. 'Duŋ- 'ke mεε 'la zan 'laa 'ε 'kpale- -a -yi, -Waanbhaa' a -kpan 'ε nu baale 'bhe zan ta.
- 17'Mi nu 'sōle- maza mu 'la klele mεε 'la zan mu nu -o 'kpale- -Jan 'Nrāle- 'ε 'yi 'mu gbe zi 'mu -le -ge: 'Mi 'gbu 'tō 'ε 'yi, -o nu 'zina mu -gbinle' mεε mu zi, 'bhεε- -o nu wli dree mu 'pele.
- 18'Ke -o mle mu =kwan -o 'kō, 'bhεε- 'ke -o mεε de -yi 'ke =mia, -za 'yō- 'kedo- 'kpo 'laa nu klele -o ni. -O nu -o gbe mu 'kpaale- gade mu ta 'bhεε- 'mu nu -bheele'."
- 19'Mεεzan Zesu 'yanle- 'bhe -jan mu 'ε 'wolele -o ni, 'ke -Waanbhaa' -a fangan- 'ε 'bhe 'a 'sile laanima, 'kee- gele- lafle' 'ε 'yi, 'bhεε- -e -ja yaale -Waanbhaa' -din 'tōbhō ma yaayre 'ε =nō.
- 20'-Yaa' -klanlanε mu 'ε -ja 'te -Jan 'Nrāle- 'ε 'wolε- yrekpen- =nō. Mεεzan Zesu 'yaa- bhō 'zi 'mu ba, 'kee- 'sōle- maza mu kle -sō -o gbe zi. 'Bhe klegbeya 'ε gbēen- bhe, -e -yaa zrōn 'bhii- -yaa' -klanlanε mu 'ε 'wojan- mu 'ε -woo 'ke wlan 'le.))

Luki

Luki 1

- ¹'D 'bhegwlen- gbalaan Teofili, mɛɛ -bebe 'sɛwɛdɛle 'la -saan -za mu 'la =kla -kɔɔ' ba -ge bhe, 'mu ta,
- ²-o 'bhe -za mu 'ɛ 'yigɔɔn 'zi 'ke -wa san 'yee- Zesu a -za mu 'ɛ zisaan- mɛɛ 'la zan mu 'yre ma, 'bhɛɛ- 'ke -o =kla -Waanbhaa' a -Jan 'ɛ 'wo mu 'le bhe 'mu 'wojan- mu 'ɛ ma.
- ³'Bhɛɛ- 'duŋ-, 'mi 'gbu 'woo- -za mu 'ɛ kplankplan -yilrɔkpalawoa mɛɛ mu ma; -e =swa 'mi ni 'ezin- 'ke 'mi 'woo- -za mu 'ɛ -yigɔɔn' 'e ni 'sɛwɛ ta, 'bhɛɛ- 'yoo- kpataakpa dɔ, 'bhi 'ŋ 'bhegwlen- gbalaan Teofili, 'ke 'an san -o zisanyre 'ɛ ma, 'bhɛɛ- 'ke -o dɔ 'eke- zi do do.
- ⁴'D 'bhe =kla, 'kooko- -woo 'e -daanna -za mu 'la 'le Zesu ba zayi, 'e sɔ -o 'kpen wlan yre dɔle-.
- ⁵Erɔdi -yaa -bhleŋbe 'le Zude 'klɛn 'ɛ yi bhla 'la ba, -o -yaa 'sraka 'lena mi do sii Zakari; -o -yaa 'sraka 'lena mu -ledo' 'la sii Abia -e 'yaa- 'mu -la do 'le. -O -yaa -a na sii Elizabeti, 'bhɛɛ- 'bhe 'yaa- 'sraka 'lena mi -kuŋlii gbalaan Aaron 'sre mu 'ɛ do 'le.
- ⁶Zakari pegee' -a na Elizabeti, -o mɛɛ ple -ledɔle -yaa -Waanbhaa' -yre 'yi, 'bhɛɛ- -o -yaa Mɛɛzan a 'toŋ mu 'ɛ 'kpen 'pegee -yaa' mɛɛ winbɔ jan mu 'ɛ 'kpen 'klosikun 'ke waa -za 'yɔɔ- ye -o zi.
- ⁷Duŋ- -ne do 'kpɔ 'laa -yaa -o 'kɔɔ, -amasroyi Elizabeti 'laa -yaa sɔ -ne 'yale, 'bhɛɛ- -o mɛɛ ple -krɔyawoa gban.
- ⁸-Yrekpa' do, 'sraka 'lena ye 'ɛ =bhwa 'yee- Zakari a pe mɛɛ -ledo' 'ɛ ta. 'Bhela- -yile, -e -yaa -yaa' 'sraka 'lena ye 'ɛ 'wo zii' -Waanbhaa' Gba 'Fɛ -Gbene 'ɛ =la.
- ⁹'Bhɛɛ- 'sraka 'lena mu 'ɛ -waa' 'sinii ta za mu 'ɛ ma, -o 'yee- Zakari -la makwan- 'kaa- -e ge -lasiklɔɔ pii 'ɛ 'kpacie 'ke 'sraka 'le -Waanbhaa' ni Mɛɛzan Gba 'Fɛ -Gbene 'ɛ =la.
- ¹⁰'Bhe -lasiklɔɔ pii 'kpacie bhla 'ɛ ba, -zamaa' 'ɛ 'kpen -dulale -yaa 'peɛlii- 'ke -woo 'seriwo.
- ¹¹'Bhe 'waati do 'kpɔ 'ɛ ba, 'ke Mɛɛzan -Waanbhaa' a -mleke' 'ɛ do 'pwele 'yee- Zakari ba. 'Ke 'bhe -dulale ansansi 'kpacieyre 'ɛ gbe -yie' ta.
- ¹²Zakari 'a 'yele, 'ke 'bhe zrubatedɔle, 'bhɛɛ- 'ke yienkanle 'bhe 'kpee.
- ¹³'Duŋ-, -mleke' 'ɛ -ya -pia -a ni dɔɔ: "'Yaa -gbalaanle' Zakari, -amasroyi -Waanbhaa' 'yaa- 'seri mu 'ɛ 'lekwan-, -ayile 'e 'na Elizabeti nu -a yale 'ke -ne 'gwlaan- do 'le 'e ni; 'bhɛɛ- 'e nu 'bhe 'tɔkpale Zaan.
- ¹⁴'Bhe -ne 'ɛ nu klele 'e zrukpaape -gbene 'le, 'bhɛɛ- -a yaza 'ɛ nu mɛɛ -bebe zrukpaale.
- ¹⁵Wlan 'ɛ ni, -e nu klele mɛɛ gbalaan do 'le Mɛɛzan -Waanbhaa' -yre 'yi. Yaa nu -drɔɔ 'pegee -wɛɛn -glɔɔ 'kɛdo- 'kpɔ 'mile-. -A nii- 'ɛ 'pale nu klele 'ke Lii 'Weŋ 'ɛ 'le 'ke 'bhe san -a ya bhla 'ɛ ma.

- 16-E nu Izraeli mɛɛ -bebe zru niinale Mɛɛzan waa -Waanbhaa' 'ɛ ba.
- 17-E nu 'taawole -Waanbhaa' -lɛɛ Lii 'Wɛŋ -glooya' yɛkɛ- 'la 'yaa- -Waanbhaa' -lɛla' janwo mi Eli ta 'bhɛɛ- 'le. -E nu -nɛ dɛ mu 'pegee -o -nɛ mu zru klɛɛ do, 'bhɛɛ- -e nu mɛɛ 'la zan mu -Waanbhaa' 'kafawo 'mu zru mu 'ɛ maniinale, 'bhɛɛ 'mu nu klɛɛ -zadɔ' mu 'le 'bhii- mɛɛ -lɛdɔle mu gbɛɛn-. 'Bhɛ klɛgbeya 'ɛ gbɛɛn- bhe, 'e nu 'si do magaanlɛ Mɛɛzan -Waanbhaa' ni.”
- 18'Bhɛ klɛɛ 'tɛ 'ke Zakari 'a 'pele -mlɛkɛ' 'ɛ ni dɔɔ: "'D nu -a 'yaangole -mɛ pɛ -la ma 'bhii- 'e 'wojan- 'ɛ 'yiza- nu klɛɛ ɛɛ? -Amasrɔyi 'mi 'pegee 'ŋ 'na 'ɛ 'o -krɔyawoa gban.”
- 19-Mlɛkɛ' pɛ Zakari ni dɔɔ: "'Mi le 'ke Gabrieli 'le, 'ŋ dulaa' -Waanbhaa' -lɛɛ 'bhɛɛ- 'an gba, 'yele- 'ŋ 'winbwa- 'kaa 'ŋ nu -jan 'nrɛle- 'lɛɛ- 'wo 'e ni.
- 20'Duŋ- 'ŋ 'wojan- mu 'lɛɛ- -o -yi za nu klɛɛ kpataakpa 'ke 'bhɛ 'waati 'ɛ =bhwa, 'bhɛɛ- 'yaa 'e 'kpalawole 'yee- 'ŋ 'wojan- mu 'ɛ 'yi bhe, 'e nu klɛɛ 'bhobho 'le 'ke 'bhɛ ge 'tenlɛ- -o -yizaklɛɛ 'ɛ ma.”
- 21'Bhɛ 'waati 'ɛ ba, -zamaa' 'ɛ -yaa Zakari 'magbɛn- 'zi 'pɛɛlii-, -o 'kpeɛɛnilele, 'bhɛɛ- -o -yaa 'eke- -lrɔkpa' zii' -a -mɔza' 'ɛ 'yi -Waanbhaa' Gba 'Fɛ -Gbɛɛ 'ɛ =la.
- 22-E 'pwele- -Waanbhaa' Gba 'Fɛ -Gbɛɛ 'ɛ =la, yaa 'sɔlɛ- -janwole -o ni. 'Bhɛla- -yile, 'ke -wa 'yaangole dɔɔ -e pɛ do =ya -yrɛ zi ye 'yi 'fɛ 'ɛ =la. -E -yaa -janwo zii' -o ni 'ke -a gbɛɛbhɛ mu -la -le; 'bhɛɛ- -e =bwa 'bhobho 'le.
- 23Zakari a yewo yi mu 'ɛ 'yanle- -Waanbhaa' a Gba 'Fɛ -Gbɛɛ 'ɛ =la, 'kee- gele- -a ba -le ma.
- 24'Bhɛ blaɛn 'waati sa 'kanle-, 'ke -a na Elizabeti kpɛ 'sile -a ma. 'Ke 'bhɛ 'bhɛ magaanle -yrala' 'ɛ 'kɔɔ -waa 'fɛ 'ɛ =la mlɛ 'soo ta. 'Bhɛ 'yaa- pɛ 'zi dɔɔ:
- 25" 'Mɛɛzan -Waanbhaa', 'an -nɛ 'yaza- 'seri 'ɛ 'lɛkwan- 'tɛ. 'Bhɛɛ- -e -nɛ 'ya kle -yrala' 'ɛ -gwa 'ŋ ma mɛɛ mu plɛŋ-.”
- 26'Elizabeti kpɛ 'ɛ mlɛ 'srwado- mi ma, 'ke -Waanbhaa' -yaa -mlɛkɛ' Gabrieli 'winbɔle Galile 'kleɛn 'yi -wa 'nɛ do ta. -O -yaa 'bhɛ -wa 'ɛ sii Nazareti.
- 27'Bhɛ -wa 'ɛ ta -gblɛɛ do 'tɔ 'yaa- Mari. 'Bhɛ 'laa -yaa 'gwlaan- a -za 'yaango-, 'duŋ- 'gwlaan- do -dwa gban 'bhɛ zi. -O -yaa 'bhɛ 'gwlaan- 'ɛ sii Zozefu. 'Bhɛ -yaa 'ke -Bhɛŋgbe Davidi 'srɛ mu 'ɛ do 'le.
- 28'Bhɛ ya 'ɛ 'yi, 'ke -mlɛkɛ' 'ɛ 'wlɛle- 'yee- Mari ta 'fɛ 'ɛ =la, 'ke -ya pele- -a ni dɔɔ: "'E 'yia- ɛ Mari, -Waanbhaa' -lia 'e ma! Mɛɛzan -o 'e zi.”
- 29'Bhɛ klɛɛ 'tɛ, 'ke Mari zrubatɛdɔle 'papa, 'bhɛɛ- 'ke -ya pele- -a 'kpee dɔɔ: "'Bhɛ 'pubɔ- 'lɛɛ- 'bhɛ 'yi -o 'nale- ɛɛ?”
- 30'Bhɛ 'yi 'tɛ, 'ke -mlɛkɛ' -ya pele- -a ni 'kaa: "'Yaa -gblɛɛnle' Mari, -amasrɔyi -Waanbhaa' -yaa -lileya 'ɛ -zrɔnna 'e ni.
- 31'E 'trɔnbadɔ doo: 'E nu kpɛ 'sile-, 'bhɛɛ- 'e nu 'e 'yale- 'ke -nɛ 'gwlaan- do 'le. 'E taa' 'a 'tɔkpa- Zesu.

- 32-E nu klɛlɛ mɛɛ gblaɔn do 'le, 'bhɛɛ- -o nu -a 'siilɛ- laanima -Waanbhaa' Gbe. 'Bhɛɛ- Mɛɛzan -Waanbhaa' nu -a -taa -bhɛŋgbe Davidi 'yaakpe- 'ɛ 'nale- -a ni.
- 33-E nu klɛlɛ -bhɛŋgbe 'le Izraɛli mɛɛ mu 'ɛ 'wiinj- yikpɛnsɛɛ ta, 'bhɛɛ- -daŋ' 'laa nu klɛlɛ -yaa' -bhɛŋgbeya 'ɛ ma.”
- 34'Bhɛ klɛlɛ 'tɛ, 'ke Mari 'a 'pele 'yee- -mlɛkɛ' 'ɛ ni dɔɔ: "'Naa 'gwlaan- -za 'yaango-, 'bhɛɛ- bhɛ sɔ klɛlɛ 'nale -a ma ɛɛ?”
- 35'Bhɛ =nɔɔ bhe, 'ke -mlɛkɛ' -ya pele- -a ni dɔɔ: "Lii 'Wɛŋ 'ɛ nu zinalɛ 'e ta, 'bhɛɛ- laanima -Waanbhaa' a -glɔɔya' 'ɛ nu 'kpale- 'e ta 'bhii- pɛ do lii gbɛɛn-. -Ayile 'e nu -nɛ 'la 'yale- bhe, -e nu klɛlɛ 'wɛŋ, 'bhɛɛ- -o nu -a 'siilɛ- -Waanbhaa' Gbe.
- 36'E 'trɔnbado doo: 'e -zru Elizabeti, 'bhɛ a le gbɛlaanya 'ɛ 'yi, 'bhɛ 'ezin-, 'bhɛ kpele -o 'ke -nɛ 'gwlaan- do 'le. -O -yaa 'bhɛ 'la sii -nɛ 'ya kle, 'bhɛ kpe 'ɛ mlɛ 'srwado- -le -gɛ.
- 37-Amasɔyi -za 'kɛdo- 'kpɔ 'laa -Waanbhaa' -baliwo.”
- 38'Bhɛ klɛlɛ 'tɛ, 'ke Mari 'a 'pele dɔɔ: "'D 'yoo- 'ke Mɛɛzan -Waanbhaa' a yewo le 'le, bhaa 'e 'wojan- 'ɛ klɛ 'ke wlan 'le." 'Bhɛ blaɔn, 'ke -mlɛkɛ' 'ɛ gole- -a -din.
- 39'Bhɛ 'waati do 'kpɔ 'ɛ ba, 'ke Mari gele- blaale- -wa do ta. 'Bhɛ -wa 'ɛ 'yaa- Zude 'kleɛn 'yi vlɛ gɔɔn mu 'ɛ ba -yɛɛ ta.
- 40-E bhɔle 'bhɛ -wa 'ɛ ta, 'kee- gele- wlalɛ Zakari ba 'fɛ 'ɛ =la; 'bhɛɛ- 'kee- Elizabeti 'pubɔle.
- 41'Elizabeti Mari a 'pubɔwli 'ɛ 'male- 'ke -a -nɛ 'ɛ 'klale 'bhɛ 'gbu ta -a 'kpee. 'Bhɛɛ- 'ke 'yee- Elizabeti zru 'ɛ 'pale 'ke Lii 'Wɛŋ 'ɛ 'le.
- 42'Bhɛɛ- 'ke -ya pele- 'egɔɔle dɔɔ: "'E 'dumawole -o -Waanbhaa 'kɔɔ le mu ba, 'bhɛɛ- -yaa' 'duma 'ɛ nu bole 'e nu -nɛ 'la 'yale- 'bhe ta.
- 43'Mi 'laa -o 'ke pɛ 'kɛdo- 'kpɔ 'le, 'bhɛɛ- -e -kla 'nale- 'bhɛɛ- 'ŋ Zan -Waanbhaa' nɛɛ 'ɛ =nwa 'mi ba ɛɛ?
- 44'E 'trɔnbado doo, 'mi 'yaa- 'pubɔwli 'ɛ 'male-, 'ke 'ŋ 'kpee -nɛ 'ɛ -e 'klale -a 'gbu ta -a zrukpaɔ 'ɛ 'kɔɔ.
- 45'Yaa- pɛ -le 'ke zrukpaɔ' 'le, 'bhi 'la 'bhi 'e =kpaɔ -a -yi 'bhii- Mɛɛzan -Waanbhaa' -jan 'la =woa 'e ni -e nu 'bhɛ 'yizaklɛlɛ.”
- 46'Mari pe dɔɔ: "'D -Mɛɛzan Waanbhaa' 'tɔbhɔ- 'ŋ zru 'ɛ 'kpen 'le.
- 47'D zrukpaale -o 'egbɛnɛle, 'ŋ 'Bhee mi -Waanbhaa' -sɔyi'.
- 48-Amasɔyi, -e -dwa -a -la 'ke -ya -yɛkpa' -a -la, 'bhɛɛ- -e 'mi taglin, yaa yewo le -nɛ 'ɛ, 'mi a 'fiɛntrɔnnɛya 'ɛ 'yi. 'Bhɛla- -zayile 'kee- san -zɔn ma, 'ke 'bhɛ ge 'tɛnlɛ- 'drunyan 'yanle- ma, mɛɛ mu nu -a pelɛ 'mi ma dɔɔ 'bhi a pɛ -le 'ke zrukpaɔ' 'le.
- 49-Amasɔyi -Waanbhaa' -Glɔɔ, -e -za 'wlan -gbɛnɛ mu =kla 'mi ni. -A 'tɔ 'ɛ -yoo 'wɛŋ.

- 50 Mɛɛ 'la zan mu -gasikpa -a -lɛɛ, 'bhɛɛ- 'ke 'mu gblaana -a -lɛɛ, 'bhɛ zan mu 'ɛ -yɾɛn nu 'klalɛ- -a ma 'waati 'ɛ 'kɾɛn ba.
- 51-E 'sɔle- maza -gbɛnɛ mu =kla yaa -glɔɔya' 'ɛ 'le. Mɛɛ 'la zan mu -o 'gbu magbaandɛ -o 'kɾɛɛ, -e 'bhɛ zan mu -piilaa' 'eke- ma.
- 52-E bhɛngbe mu -gwa -waa -bhɛngbeyaa 'ɛ 'yi. 'Bhɛɛ- mɛɛ 'la zan mu 'mu 'gbu mazinaa, -e 'bhɛ zan mu 'ɛ -lawlɛnna.
- 53-E gbɔndɛ mu 'kɔɔ 'paa- 'ke pɛ 'srɛ 'le, 'bhɛɛ- -e pɛzan mu -gbian -o 'kɔɔ 'flɛŋ- mu 'le.
- 54-E -nwa bhɔle -yaa' yewonɛ mu Izraɛli mu 'ɛ ba, -ya -liiwli' 'la -naa dɔɔ -e nu -o -yɾɛnklalɛ 'bhɛ 'la golɛ -li -a 'kɾɛɛ.
- 55-Ya -liiwli' -naa -kɔɔ' -gbɔɔ mu ni 'bhɛɛ- gbɛɛn-, dɔɔ -kɔɔ' -gbɔɔ Abraamu 'pegeɛ 'bhɛ 'srɛ mu -yɾɛn nu 'klalɛ -a ma -zɔn 'pegeɛ yikɾɛnsɛɛ ta.”
- 56 Mari -yaan -yaa' 'sro 'ɛ 'kpalele, 'kee- bole- Elizabeti -din mlɛ yaga ta. 'Bhɛ blaana, 'kee- nule- -a ba.
- 57 Elizabeti 'ya bhla 'ɛ 'bhɔle-, 'ke -ya yale- 'ke -nɛ 'gwlaana- do 'le.
- 58 Elizabeti yaayɔɔn' mu 'ɛ 'pegeɛ -a dɛ -nɛ mu 'ɛ -wa malawoa dɔɔ Mɛɛzan -Waanbhaa' -yaa mɛɛ -yɾɛnklagbeyaa 'ɛ -zɾɔnna -a ni; 'bhɛla- -zayile -o 'kɾɛn 'pegeɛ 'yee- Elizabeti zrukpaale -yaa.
- 59-Nɛ 'yientɛnɛ 'ɛ 'yale- blaana -yɾɛkpa' 'srwaa- mi ma, -a dɛ mu -nwa -a wlalɛ 'klɛɛn 'yi 'tɛ. 'Bhɛɛ- -o -yaa zi 'bhii- -wa 'tookpa -a dɛ Zakari ma.
- 60 'Duŋ- -nɛ 'ɛ nɛɛ pɛ dɔɔ: "'Yooye-, -kɔɔ' 'a 'tɔkpa Zaan.”
- 61 Mɛɛ mu 'ɛ pɛ Elizabeti ni dɔɔ: "'Waa mɛɛ 'kɛdo- 'kpɔ sii 'bhɛ 'tɔ 'la bhɛ 'bhɛ ma 'yaa- 'fa -la mu 'ɛ ba.”
- 62 'Bhɛ klɛle 'tɛ, 'ke -wa dɛ Zakari -lɾɔkpale' -tɔmasiɛ mu 'le dɔɔ 'bhɛ -a zi 'bhii- -wa 'sii- 'tɔ 'ɛ -dɛla ma 'tɛ; -amasɾɔyi 'bhɛ =kla 'ke 'bhobho 'le.
- 63 'Bhɛla- -yile, 'ke a dɛ Zakari 'a 'pele mɛɛ mu 'ɛ ni dɔɔ -o 'sɛwɛ yɔɔndɛ -yɾiɾɛɛ' do na a ni. 'Bhɛɛ- 'ke -ya yɔɔndɛle 'bhɛ ta dɔɔ: "-A 'tɔ -le Zaan.”
- 64 'Bhɛ klɛle 'tɛ, 'ke -o 'kɾɛn 'kɾɛɛlɛnile -o ma. 'Bhɛ 'waati do 'kpɔ 'ɛ ba, 'ke 'bhobho 'ɛ golɛ- 'yee- Zakari 'lɛ ta, 'bhɛɛ- 'kee- -janwole 'sanle 'kee- -Waanbhaa' 'tɔbhɔ-.
- 65 -Ayile, 'ke -gblaana 'klalɛ -a yaayɔɔn' mu 'ɛ 'kɾɛn 'yi. 'Bhɛ -za 'ɛ 'bhɛ -le =kla 'ke Zude vlɛ gɔɔn -yi mu 'ɛ 'kɾɛn 'liijan- 'le.
- 66 Mɛɛ 'la zan mu 'kɾɛn 'yee- -za 'ɛ 'maa-, 'mu 'yaa- 'mu 'kɾɛɛlɛdan 'zi 'ke -woo 'eke- -lɾɔkpa' dɔɔ: "-Nɛ 'lɛɛ- nu klɛlɛ 'ke mɛɛ -glɔɔn 'ɛ -dɛ 'gbu -la -le ɛɛ?" -Amasɾɔyi Mɛɛzan -Waanbhaa' -glɔɔya' 'ɛ 'yaa- -a ta.
- 67 -Nɛ 'ɛ dɛ Zakari 'pale- 'la 'yaa- 'ke Lii 'Wɛŋ 'ɛ 'le, 'kee- -Waanbhaa' -lɛlajanwole 'sanle 'sro do 'yi dɔɔ:

- 68"-Koo' Meezan -Waanbhaa' 'tobho, Izraeli mee mu 'e -waa' -Waanbhaa'. -Amasroyi -e -nwa bhole -yaa' mee mu 'e ba 'bhē- -yoo tagbawoa.
- 69-Waanbhaa' -koo 'Bhee mi -glōo do -kpa -koo' ni. 'Bhe da -yaa' yewone -bhleṅgbe Davidi 'sre mu 'e 'mu -la ba.
- 70-Waanbhaa -lela' janwo mu 'weṅ mu 'e 'mu -yaa' -janwoa 'elwale gban -so.
- 71-Ya -liiwli' -kpa -o -lii doo -e nu -koo' 'Bhee mi do 'kpaē-, 'bhe nu -koo' gole -koo' 'soonnii mu 'pegee -koo' vensi mee 'la zan mu yin 'lii 'mu 'koo.
- 72-Koo' -gbōo mu -yren nu 'klale- -a ma, 'bhē- -bhoolaya 'weṅ la -yoo 'yee- -Waanbhaa 'pegee 'mu 'pleṅ-, 'bhe -za 'laa nu gole -a 'kpee.
- 73'-Amasroyi -Waanbhaa' 'gbu 'e 'sienwoa- -a -liiwli' 'e ta -koo' -gbōo Abraamu ni kpataakpa,'
- 74doo -e nu -koo' gole -koo' 'soonnii mu 'e 'koo; 'bhē- -e nu a klēē 'bhē- 'ke -kooa' gba 'ke -gblaan 'le -koo' 'yi.
- 75'Bhē- -koo' kle 'weṅ, 'bhe 'pegee 'ke -koo' 'ledōole kle -a -yre 'yi -kooa' 'taawogbeya 'e 'yi yi 'oo yi.
- 76'Bhe blaana 'ke Zakari -janwole -ne 'yientenne 'e ni doo: 'Bhi 'ḡ 'ne, -o nu 'e 'siile-laanima -Waanbhaa' a -lela' janwo mi. -Amasroyi 'e nu 'taawole Meezan -Waanbhaa' -lee 'bhe a zibhe 'e 'lemagaan zayi'.
- 77'Bhē- 'e nu a zrōnle -yaa' mee mu 'e ni doo 'yee- Meezan -Waanbhaa' -le -o go -za yi 'kee- waa -za 'yoo- mu 'e 'sroma- yan.
- 78-Amasroyi -kooa' -Waanbhaa' 'e -e mee -yrenkla', 'bhē- -yoo 'ewlanle. -E nu -koo' takanle 'weṅ 'bhii- -yrete' 'bhigbeya -a -wlen bhla zi.
- 79-E nu -bhile' mee 'la zan mu -o -gblo 'pegee ga lii 'e zi 'mu ta, "bhē- -e nu -koo' 'ledōole yilabla ma zi 'e ta."
- 80-Ne 'e 'bhe 'yaa- gbaandē 'zi, 'bhē- -a nii- 'e 'yaa- ge zi dōlele -a ta 'eglōole. -E =bwa -kpe mu 'e ta, 'ke 'bhe ge 'tenle- -a 'pwe yi ma Izraeli mu 'e 'kpen 'yre ma kpataakpa.

Luki 2

- 1'Waati do bhole, 'ke Rome mu a -Bhleṅgbe -gbene Sezaa Giten 'a 'pele doo Rome mu a -bhleṅgbe 'kleen 'e zen yre 'oo yre 'la =nōo, -o 'bhe =nōo mu 'e 'kpen 'to 'sewede 'bhē- -o 'mu nōo.
- 2'Bhe -le =kla Rome mu 'e -waa' -bhleṅgbe 'kleen 'e 'yi mee mu 'to dele 'pegee -o -nōole' =lwa mi 'e 'le. -E -kla 'ke Kirinusi -o 'ke -janmatii 'le Siri 'kleen 'e ta.
- 3'Bhe ya 'e 'yi, mōkpen' 'yaa- ge 'zi 'mu 'to 'sewedele do do 'mu 'gbu 'ya -wa la.

- 4-Ayile, 'ke Zozefu dale- Nazareti -wa 'e ta Galile 'kleen 'e 'yi. 'Bhæ- 'kee- nule- -a -taa -bhleŋgbe Davidi 'ya -wa 'e ta. -O -yaa 'bhæ -wa 'e sii Betelemu, 'bhæ- 'bhæ 'yaa- Zude 'kleen 'e 'yi.
- 5'Yee- 'pegee -a bhele Mari, -o =nwa -o 'tɔ 'sɛwɛdele 'bhæ- -wa 'e ta. 'Bhæ 'waati 'e ba, 'ke Mari kpele -o.
- 6-O -yaa Betelemu 'waati 'la ba, 'ke -a zina- bhla 'e 'bhɔle.
- 7'Bhæ- 'ke -ya yale- 'ke -nɛ 'gwlaan- do 'le, 'bhæ -le -yaa 'ke -a -nɛ =lwa mi 'e 'le. 'Yee- Mari sɔ mu =kpa a -nɛ 'e ma, 'bhæ- -ya -yilaa' dri mu a pɛbhle -koone do 'yi. - Amasɔyi waa yilayɛ -srɔwɔle 'cie mu yi 'fe 'e =la.
- 8-Bhlaa gooba mu 'ke mu -yaa 'yee- 'kleen do 'kpɔ 'e 'yi Betelemu -wa 'e -din; 'bhæ mu -yaa yi gba mu 'e ta 'ke -woo -yɛkpa' -waa' -bhlaa mu 'e ba.
- 9'Bhæ yi do 'kpɔ 'e -bi 'e zi, 'ke Mæzan -Waanbhaa' a -mlɛkɛ' mu 'e do 'pɛwele -o ba. 'Bhæ- 'ke Mæzan -Waanbhaa' a 'tɔbhɔleya 'e 'bhile 'e zenle- -o zi. 'Bhæ- 'ke -gblaan -gbenɛ do 'klale -o -yi.
- 10'Duŋ-, -mlɛkɛ' 'e pe -o ni dɔɔ: "'Ka 'laa -gblaanle', 'ɲ 'yoo- zan -jan 'nrɛle- do -la wɔle 'ka ni, 'bhæ nu Izraeli mu 'e 'kpen zrukpaale.
- 11'Ka 'Bhee Mi 'e =yaa 'ka ni -zɔn -bi 'lɛɛ- zi, -bhleŋgbe Davidi a -wa 'e ta. 'Ye- 'ke Krisi 'le, 'bhæ- 'yele- 'ke Mæzan 'e 'le.
- 12'Ka nu 'sɔle- -a dɔle- -tɔmasie 'lɛɛ- 'bhæ- ma: 'Ka nu -nɛ 'yientenne do yeɛ sɔ mu 'le 'a ma dri mu a pɛbhle -koone' do 'yi."
- 13'Bhæ yɛ do 'kpɔ 'e =nɔɔ bhe, 'ke -mlɛkɛ' 'saa do dale- lafle' 'yi, 'bhæ- 'ke -o nule- 'kpale- -a -lwa mi 'e ba, 'bhæ- 'ke -o -Waanbhaa' 'tɔbhɔle 'sanle 'ke -wa pe dɔɔ:
- 14"-Ka laanima -Waanbhaa' 'e 'tɔbhɔ, bhaa 'trɛ ta mu 'la -za sɔ a ni, -e yilabla 'na 'mu ni!"
- 15-Mlɛkɛ' mu 'e -o gole blaana 'woo- -bhlaa gooba mu 'e -din, 'bhæ- -o gele blaana lafle' 'yi, 'ke 'woo- -bhlaa gooba mu 'e -wa pele- 'eke- 'ni dɔɔ: "-Kɔɔ' ge Betelemu, -za 'la =kla -a =nɔɔ -kɔɔ' ge 'bhæ =nɔɔ -glin doo, 'bhæ- Mæzan -za 'la 'zɔnna- -kɔɔ' ni -kɔɔ' ge 'bhæ -glin."
- 16'Bhæ klele 'tɛ, 'ke -o gele- blaale- Betelemu, 'bhæ- 'ke -o Mari 'pegee Zozefu 'yele, 'bhæ 'pegee -nɛ 'yientenne 'e 'yilale ye- dri mu a pɛbhle -koone do 'yi.
- 17-O -nɛ 'e 'yele-, -mlɛkɛ' mu 'e -jan 'la =woa -o ni 'yee- -nɛ 'e ba zayi', 'ke -o 'bhæ 'kpen 'yigɔɔnle.
- 18'Mæ 'la zan mu 'kpen -bhlaa gooba mu 'e 'wojan- 'e =maa, 'mu 'kpen 'kpeenia 'mu ma.
- 19'Bhæ- 'duŋ- Mari -yaa 'bhæ -za mu 'e 'kpen 'kpa zii' -a 'kpee 'ke -ya 'kpeledan 'mu ma.

- 20'Bhɛ blaɛn, 'ke -bhlaa gooba mu 'ɛ -o gele- -o ba -wa la. -O ge bhla 'ɛ zi, -o -yaa -Waanbhaa' 'tɔbhɔ ma 'sro mu 'kpa zii' -o pɛ 'la ma jan -maa, 'bhɛ 'pegee -o pɛ la =ya 'mu 'kpen -zayi'. -Amasroyi -mleke' 'ɛ -jan yekɛ- 'la =woa -o ni, -o 'bhɛɛ- wlata za =ya.
- 21-Nɛ 'ɛ 'yaale- blaɛn -yrekpa' 'srwaa- mi ma, 'ke -wa wlale- 'kleɛn 'yi; 'ke -wa 'tɔkpale Zesu. -Amasroyi -mleke' do 'ɛ 'bhɛɛ- 'tɔ 'ɛ =kpa -a ma -a kpɛ 'sile- -lɛɛ.
- 22Mari klɛ gbɛ drɛɛ 'wɛŋ -Waanbhaa' gba zayi' 'bhɛ 'bhɔle, 'ke Zozɛfu 'pegee 'yee- Mari gele- -nɛ 'ɛ 'le Zeruzalɛmu -Waanbhaa Gba 'Fɛ -Gbɛnɛ 'ɛ =la, 'kooko- -wa gbekpa Mɛɛzan -Waanbhaa' 'kɔɔ.
- 23-O 'bhɛ =kla 'bhii- -a pele -o Mɛɛzan -Waanbhaa' a 'tɔŋ 'sɛwɛ 'ɛ 'yi gɔnɛ- 'la gbɛɛn- dɔɔ: "-Nɛ 'gwlaan- =lwa 'tɔle- 'gwlaan- =lwa, -a 'kpa 'ɛdaŋma Mɛɛzan -Waanbhaa' pɛ 'le, 'bhɛɛ- -e klɛ 'wɛŋ."
- 24'Bhɛɛ- 'ezin-, Mɛɛzan -Waanbhaa' a 'tɔŋ 'ɛ -e 'sraka 'la goza =woa -ka 'bhɛ go -Waanbhaa' ni. "'Bhɛ 'sraka sɔ klɛle- 'ke kpro gwlen do 'pegee -a da do 'le, 'ke yaa klɛle 'bhɛ 'le, -e klɛ -bhooladɔ maannɛ- bhlɔnɛ- plɛ 'le."
- 25'Bhɛ 'yi 'tɛ, mɛɛ do -yaa Zeruzalɛmu -wa 'ɛ ta, -o -yaa 'bhɛ sii Simeɔn. -E -yaa 'ke mɛɛ wlan 'le, 'bhɛɛ- -e -yaa gbalaɛn -Waanbhaa' -lɛɛ. -Waanbhaa' 'a 'liiwli- -naa mɛɛ -Bhɛɛ mi 'la 'naza- ta Izraɛli mu 'ɛ ni, 'yee- Simeɔn yri -yaa 'bhɛ 'nuza- 'ɛ ta. 'Bhɛɛ- Lii 'Wɛŋ 'yaa- -a ta.
- 26'Bhɛɛ- 'bhɛ 'yee- Simeɔn 'kpeelɛkaan 'elwale gban -sɔ dɔɔ 'sani- -yaa' 'trɛ ta yanle plɛŋ-, -Waanbhaa' 'bhɛ 'liiwli- -naa mɛɛ -Bhɛɛ mi 'la 'naza- ta, -e nu 'bhɛ 'yele-.
- 27'Bhɛ ya 'ɛ 'yi, -Waanbhaa' Lii 'Wɛŋ 'bhɛ 'yee- Simeɔn 'lɛdɔla -Waanbhaa' Gba 'Fɛ -Gbɛnɛ 'ɛ =la. 'Bhɛ 'waati do 'kpɔ 'ɛ ba 'ezin-, Zesu 'yapɛ- mu 'ɛ -nwa Moizi a 'Tɔŋ 'ɛ -ya -pia -o -za 'la klɛ 'bhɛɛ- klɛle -nɛ 'yientɛnɛ 'ɛ 'le 'yee- -Waanbhaa' Gba 'Fɛ -Gbɛnɛ 'ɛ =la.
- 28'Bhɛ 'yi bhɛ, 'ke Simeɔn -nɛ 'ɛ 'kunle -a -kɔɔ 'bhɛɛ- 'kee- -Waanbhaa' 'pubɔle dɔɔ:
- 29"'Mɛɛzan -Waanbhaa', -a 'to 'ke 'yaa- yewonɛ 'ɛ -yaa' pɛ 'trɛ ta yan yi 'ɛ bhɔ -a ma 'ɛdɔɔle; -amasroyi 'yee- 'liiwli- 'la =naa 'o ni 'bhɛ 'kla- wlan 'le -zɔn.
- 30-Amasroyi 'mi 'yaa- Mɛɛ -Bhɛɛ Mi 'ɛ =ya 'ŋ 'yrebhɛ- 'le -zɔn kpataakpa.
- 31'E Mɛɛ -Bhɛɛ Mi 'la 'lɛbɛŋgwa 'drunyan 'yi 'si mu 'ɛ 'kpen 'yɛ ma.
- 32'Ye- 'tɛbhile 'ɛ 'le, 'bhɛɛ- 'yele- nu 'trɛ ta mu 'ɛ 'kpen 'yɛ bakanlɛ, 'bhɛɛ- -woo' 'e dɔ. 'Bhɛɛ- -e nu 'tɔbhɔleya nalɛ 'yaa- Izraɛli mu 'ɛ ni 'ezin-."
- 33'Simeɔn 'yaa- -jan mu 'la 'kpen 'wo zii' Zesu ba zayi' 'bhɛ 'yee- Zesu dɛ 'pegee -a nɛɛ 'kpeelɛnia.
- 34'Bhɛ blaɛn 'ke Simeɔn -o mɛɛ plɛ 'dumawole, 'bhɛɛ- 'ke -ya pele- Zesu nɛɛ Mari ni dɔɔ: "'E 'yrekpa doo! -Nɛ 'lɛɛ- nu klɛle mɛɛ -bebe baapɛ 'le, 'bhɛɛ- -e nu klɛle mɛɛ -bebe 'lawlɛnpɛ 'le Izraɛli 'kleɛn 'lɛɛ- 'yi -gɛ. -E nu klɛle -Waanbhaa' a mɛɛ 'kpeelɛkan pɛ 'le. 'Duŋ- mɛɛ -bebe nu -janwolɛ -a ma.

- 35-E nu mɛɛ -bebe 'kpeejan- mu tapwɛɛ. 'Bhɛɛ- 'bhi Mari, 'e zru 'ɛ nu -lale' 'papa 'dimi do 'kɔɔ 'bhii- -wa =pwan 'ke -dibhɛ' do 'le.”
- 36-O -yaa -Waanbhaa' -lɛla' janwo le do sii Ani, 'bhɛɛ- -a dɛ 'tɔ -le -yaa Fanuɛli, Azɛɛ 'srɛ mu 'ɛ do. Loonɛ' gwegwe -le -yaa 'kɛle-. -E -yaa -a -gbaakɔɔ' 'le, -amasrɔyi -a yaale blaana gwɛlɛna lɛɛ 'srwapɛ- ta, 'bhɛɛ- -a -nɔɔ =kla siele'.
- 37-A 'san 'bhɛ gale ma, yaa gwɛn -bhɛɛke' 'silɛ- 'ezin-. -A lɛɛ -yaa lɛɛ mia yizie bhɛ yizie. Yaa -yaa -a go -Waanbhaa' Gba 'Fɛ -Gbɛnɛ 'ɛ =la, 'bhɛɛ- -e -yaa -Waanbhaa' gba -yrekpa'a' 'pegee -bi zi; 'suɲwɛlale' 'pegee 'seriwolele.
- 38'Yee- Ani =nwa bhɔɛ Zozɛfu 'pegee Mari 'bhɛɛ Zɛsu 'nɛ 'yientɛnnɛ ta, 'mu 'yaa- -Waanbhaa' Gba 'Fɛ -Gbɛnɛ 'ɛ =la 'waati do 'kpɔ 'la ba, 'ke- -Waanbhaa' 'pubɔɛ. 'Bhɛɛ- -e Zɛsu -nɛ 'yientɛnnɛ 'ɛ 'bhɛ a -janwoa mɛɛ 'la zan mu 'kpen 'yri 'yaa- -a ta 'bhii- -Waanbhaa' nu Zeruzalɛmu-wa 'ɛ ta mu 'ɛ tagbawolɛ 'mu ni.
- 39'Zozɛfu 'pegee Mari 'yanle- Mɛɛzan -Waanbhaa' a 'toɲ mu 'ɛ ta za mu 'ɛ 'kpen klelele 'waati 'la ba, 'ke -o niinale -o -zanta' Zɛsu -nɛ 'yientɛnnɛ 'ɛ 'le -o ba -wa la Nazareti Galile 'kleɛn 'ɛ 'yi.
- 40-Nɛ 'ɛ 'yaa- gbaandɛ 'zi, 'bhɛɛ- fangan- -yaa -a ta. -E -yaa klɛ 'zi -zadɔ' mi 'le, 'bhɛɛ- -Waanbhaa' -yaa 'bhɛ a wlanya 'ɛ zɔn 'zi -a ni.
- 41'Lɛɛ 'o lɛɛ, Zɛsu 'yapɛ- mu 'ɛ -yaa ge Zeruzalɛmu Paki 'fɛti 'ɛ ta.
- 42'Zɛsu lɛɛ vu ta plɛ mi 'ɛ ma, 'ke -a dɛ 'pegee -a nɛɛ geɛ- 'yee- Paki 'fɛti 'ɛ ta 'bhii- -o -yaa klɛ gɔnɛ- 'la gbɛɛn- -o 'sinii ta za 'ɛ ma.
- 43'Fɛti 'ɛ 'yanle-, 'ke 'yee- Zɛsu dɛ 'pegee -a nɛɛ nule- dɔɛ -o ba -wa la Nazareti 'taa 'ɛ ta. 'Duɲ- Zɛsu bolawoa -o blaana' Zeruzalɛmu, -o za 'laa dɔɛ 'bhɛ 'yi.
- 44'Woo- mu 'kpee ma, Zɛsu =bwa -o 'pegee mɛɛ 'la zan mu -nwa 'eke- zi Zeruzalɛmu 'taa 'ɛ ta 'mu -la zi. -O yanle -yrekpa'a' do ta 'taawolele bhla 'la ba, waa yelawolɛ, 'ke -o dɔɛ- -a ziglinle ma -o -bhoo mu 'pegee -o dɔ mu 'ɛ ba.
- 45'Duɲ- waa -a yelawolɛ yrɛ 'kɛdo- 'kpɔ =nɔɔ bhɛ, 'ke -o niinale -o -zanta Zeruzalɛmu -a ziglinyɛ nɔɔ-.
- 46-Wa ziglinna -yrekpa'a' yaga ta, 'bhɛɛ- -a -yrekpa'a' yaga mi 'ɛ ma, 'ke -o geɛ- -a yaale yeɛ 'Toɲ daan mu 'ɛ 'plɛɲ- -Waanbhaa' Gba 'Fɛ -Gbɛnɛ 'ɛ =la. -E -yaa -a 'trɔnkpa zii' 'mu 'wojan- mu 'ɛ =la, 'bhɛɛ -e -yaa -za 'yilrɔkpa zii' 'mu ba zayi'.
- 47'Mɛɛ 'la zan mu 'kpen 'yaa- 'mu 'trɔnkpa zii' -a ni 'bhɛ yrɛ 'ɛ =nɔɔ, -e 'mu 'kpen 'kpeɛlenia 'mu ma, yaa -jan zikpagbeyaa 'ɛ ma yikan' 'le.
- 48-A dɛ 'pegee -a nɛɛ 'a 'yele-, 'ke -o -liibhaale -o ma. 'Bhɛɛ- 'ke -a nɛɛ 'a 'pele -a ni dɔɔ: "'D' nɛ, 'e -mɛ pɛ za -la =kla -o ni -gee' bhɛ ɛɛ? 'E 'trɔnbadɔ doo, 'e dɛ 'pegee 'mi -o 'e ziglin- 'zi 'o blina- yien 'le 'o ma.”
- 49'Bhɛ klele 'tɛ, 'ke -ya pele- -o ni dɔɔ: "-Mele =kla 'ka -o 'ɲ ziglin- 'zi ɛɛ? 'Ka 'laa 'yaango- 'bhii- -a -ledulale -o dɔɔ 'ɲ klɛ 'ɲ Dɛ -Waanbhaa' Gba 'Fɛ -Gbɛnɛ 'ɛ =la ɛɛ?”

50'Duŋ- -a yaɸe mu 'e 'mu 'laa -a wojan 'e 'yimale.

51'Bhɛ blaana, Zesu 'wɛnle- 'ke -o 'pegee -a yaɸe mu 'e niinale 'eke- zi -o ba Nazareti. -E -yaa 'mu wli ma. -A nɛɛ Mari -yaa 'bhɛ -za mu 'e 'kpen kpa 'bhɛ 'kpee.

52'Zesu 'yaa- gbaandɛ 'zi, bhɛɛ- a baana 'yaa kle zi -zadɔ' mi 'le. 'Bhɛɛ- -a -za yaa sɔ -Waanbhaa' 'pegee bhaaplɛŋ mu ni 'ezin-.

Luki 3

1-Bhlɛngbe -gbɛɛ Tiberi -yaa' 'bhɛ a -bhlɛngbeyaa lɛɛ vu ta 'soo mi 'e 'yi 'waati 'la ba, Pɔnsi Pilati -yaa -janmatii 'le Zude 'klɛɛn 'e ta. Erɔdi -yaa -janmatii 'le Galile 'klɛɛn 'e ta, 'bhɛɛ- -a nɛɛɛ- Filipu -yaa -janmatii 'le Iture 'pegee Trakoniti 'klɛɛn mu 'e ta. 'Bhɛɛ- Lizaniasi -yaa -janmatii 'le Abilɛni 'klɛɛn 'e ta.

2'Anasi 'pegee Kaifu -yaa 'sraka 'lɛna mu -kuŋlii gbalaan mu 'le 'bhɛ bhla 'e ba. 'Bhɛ 'waati 'e ba, 'ke -Waanbhaa' -jan do wole- Zakari gbe Zaan ni -kpe 'e ta.

3-Ayile, 'ke Zaan 'wɛnle, 'kee- gele- Zrudɛn yue 'e 'lɛ zi 'klɛɛn mu 'e 'kpen 'yi. -E -yaa pe 'zi mɛɛ mu 'e ni dɔɔ: "-Ka ploɔ -za 'yɔɔ- klele ma, 'bhɛ 'pegee -ka 'ka zru niina- -Waanbhaa ba, 'bhɛɛ- -o -ka 'ka 'wiinjɛ -yi ba. 'Ke 'ka 'bhɛ =kla, -Waanbhaa' nu 'kaa- -za 'yɔɔ- mu 'e -sroma 'yanlɛ-."

4'Bhɛ klegbeyaa 'e 'yi, -Waanbhaa' -lɛla' janwo mi Ezai Mɛɛ Wiinjɛ' Mi Zaan ma jan 'la =woa 'bhɛ 'lɛswa=. Ezai 'a =pia- 'elwale -sɔ dɔɔ: "Mɛɛ do -o -gbekan' zii' -kpe 'e ta, 'ke -ya pe dɔɔ: -Ka Mɛɛzan -Waanbhaa' a zibhɛ 'e 'lɛmagaana, -ka -yaa' zibhɛ mu 'e 'lɛdɔɔ-.

5-O nu -gbanglo mu 'kpen 'liitanlɛ. 'Bhɛɛ- -o nu gɔɔn 'tɔle- gɔɔn 'mu 'kpen takpaalɛ. -O nu zi 'klule- mu 'e 'kpen 'lɛdɔɔlɛ; 'bhɛɛ -o nu zibhɛ -yɔɔ' mu 'e 'kpen 'liimagaana.

6'Ke 'bhɛ =kla, bhaaplɛŋ 'kpen nu -Waanbhaa' a mɛɛ go gbeyaa -za 'yi 'bhɛ 'yɛlɛ-."

7'Mɛɛ 'la zan mu -yaa zan 'esrele -a ba 'mu 'wiinjɛ -zayi' -a 'kɔɔ -yi 'e ba, 'yɛɛ- Zaan -yaa pe 'zi 'mu ni dɔɔ: "-Bhlu 'plalu bhaaplɛŋ mu, 'bhɛɛ- -dawli' ma mɛɛ mu, -dele 'ka 'kpeelekaan dɔɔ 'ka 'blasana- -Waanbhaa' a 'kiti 'la =bhwa -kɔɔ' -din bhɛ 'bhɛ 'lɛɛ ɛɛ?"

8-Kaa zrɔn 'ka kleza mu 'e ma 'bhii- 'ka 'ploola- -za 'yɔɔ- klele ma. 'Ka 'laa bole -a 'pele- 'te ma 'ka 'gbu 'kpee dɔɔ: "O mɔɔ -o 'ke Abraamu 'srɛ mu 'le.' 'Mi pe 'ka ni wlan 'e ni dɔɔ -Waanbhaa' sɔ kpoti mu 'lɛɛ- maniinale 'ke Abraamu 'srɛ mu 'le!

9-O -yri 'pɔ pɔo 'e 'lɛkpa= gban, 'bhɛɛ- -woo zan -yri diinj mu 'e takanlɛ 'kee- san -o 'sɛɛ mu 'e ma. 'Bhɛla- -yile 'ke -yri diinj 'la 'bhɛ 'laa 'bhɛ bhaa -lɛle' kle, -o nu 'bhɛ takanlɛ 'bhɛɛ- -wa blin 'tɛ 'yi."

10'Bhɛ ya 'e 'yi, 'ke mɛɛ mu 'e Zaan -lɛkpaale dɔɔ: "'O 'taawo- gɔnɛ- 'e -dɛla gbɛɛn- 'ke 'bhɛ 'a zrɔn 'bhii- 'o 'ploola- -za 'yɔɔ- klele ma ɛɛ?"

11'Bhɛɛ- 'ke Zaan 'a 'pele -o ni dɔɔ: "'Ke dɛnɛ- plɛ -o mɛɛ 'la zan 'kɔɔ, 'bhɛ zan 'bhɛ do na -dɛnɛ 'laa -o mɛɛ 'la zan 'kɔɔ 'bhɛ ni. 'Bhɛɛ- 'ke pele -o mɛɛ 'la zan 'kɔɔ 'bhɛ zan 'bhɛ 'ke 'na pele 'kɛdo- 'kpɔ 'laa -o mɛɛ 'la zan 'kɔɔ 'bhɛ ni."

- 12'Bhɛ yɛ do 'ɛ =nɔɔ bhe, 'ke 'nisrakun mu 'ke mu nule- -o wiɪŋfɛ' -zayi' -yi ba Zaan 'kɔɔ, 'bhɛɛ- 'ke -o Zaan 'lɔkɔpale dɔɔ: "'O mɔɔ -mɛ pɛ za 'gbu -la klɛ ɛɛ?"
- 13'Bhɛɛ-, Zaan 'bhɛ zikɔpaa- -o ni dɔɔ: "'Ka 'laa 'nisra 'plɛɛ 'ɛ baan' 'klalɛ- -a ba. -A 'plɛɛ -o gɔnɛ- 'la gbɛɛn- -kaa 'to 'bhɛɛ- ta."
- 14'Bhɛ blaɛn, 'ke 'srwase 'ke mu Zaan 'lɔkɔpale 'ezin- dɔɔ: "'Bhɛɛ- 'o mɔɔ 'lɛɛ-, 'o sɔ -mɛ pɛ za 'gbu -la klɛle- ɛɛ?" 'Bhɛ klɛle 'tɛ, 'ke Zaan 'a 'lɛkunle -o ni dɔɔ: "'Ka 'laa -gɔli' 'kunle- mɛɛ mu 'kɔɔ kɔpɔma, 'bhɛɛ- 'ka 'laa 'lale- mɛɛ 'kɛdo- 'kɔɔ ta bhla ma. -O -sra yɛkɛ- 'la na 'ka ni -ka 'ka zrukɔpala 'bhɛɛ- ma."
- 15'Izraeli mu 'ɛ 'kɔpɛn 'yri 'yaa- Mɛɛ -Bhɛɛ Mi -kɔɔsɔɔ Krisi 'ɛ 'nuza- 'ɛ ta. 'Bhɛɛ- -o 'kɔpɛn 'yaa- -a pɛ zi -o 'kɔpɛɛ dɔɔ -dɔkɛ' Zaan -le 'kɛle- -o.
- 16-Ayile, 'ke Zaan 'a 'pele -o 'kɔpɛn ni dɔɔ: "'Mi -o 'ka 'wiɪŋfɛ zii' -yi ba, 'duŋ- mɛɛ do nu nule 'mi blaɛn, 'bhɛ -glɔɔ 'yiya- 'mi ni. Yaa sɔ dɔle- 'mi 'gbu 'kɔpɛɛ 'ke 'mi 'a gaɛn ma -sawla bhle mu 'ɛ 'ploole- -yidan'. 'Bhɛ zan 'ɛ 'bhɛ -le nu 'ka 'wiɪŋfɛle Lii 'Wɛŋ 'pegeɛ 'tɛ 'le.
- 17-Mlɔ =pian -sien do -o -a 'kɔɔ, -yoo zan mɛɛ wlan mu plɛŋgole mɛɛ -yɔɔ' mu ma, 'bhii- -o -mlɔ bhɛ mu 'ɛ 'pegeɛ -mlɔ -gboo mu 'ɛ bapian gɔnɛ- 'la gbɛɛn-. -E nu mɛɛ wlan mu 'ɛ 'kɔpale- yɛ -lɛle' do nɔɔ- 'bhii- -o -mlɔ bhɛ mu 'kla beŋ 'yi gɔnɛ- 'la gbɛɛn-. 'Bhɛɛ- -e nu mɛɛ -yɔɔ' mu 'ɛ 'krowole 'bhii- -o -mlɔ -gboo mu 'ɛ blin 'tɛ 'la 'ke 'bhɛ 'laa lii -titi 'bhɛ 'yi gɔnɛ- 'la gbɛɛn-."
- 18'Zaan -janwoa 'ebebele mɛɛ mu 'ɛ ni gɔnɛ- 'la bhɛ 'bhɛɛ- gbɛɛn- 'kee- zruwla -o 'kɔpɛɛ -Waanbhaa' a -Jan 'Nrɛle- 'ɛ -bebe 'wolele.
- 19'Duŋ- boolazi, Zaan 'a =pia -janmatii Erɔdi ni dɔɔ 'bhɛ -Waanbhaa' a 'toŋ 'ɛ 'yisiɛla 'bhɛ 'bhɛ nɛɛnɛ- 'na Erodiadi klɛlawoa 'bhɛ 'na 'le bhɛ 'bhɛ -zayi'; 'bhɛ 'pegeɛ 'bhɛ klɛza -yɔɔ -bebe 'bhɛɛke mu 'ɛ -zayi'.
- 20'Bhɛɛ- 'yee- Erɔdi Zaan 'kunlawoa, 'bhɛɛ- -e 'bhɛ =bwa -kaso 'yi bhɛ, 'bhɛ 'a klɛza -yɔɔ' mu 'ɛ baankɔpaa=.
- 21-Yɛkɔpaa' do, mɛɛ mu 'ɛ 'kɔpɛn 'yaa- nu 'zi -o wiɪŋfɛyɛ nɔɔ- -yi ba Zaan 'kɔɔ. Zesu =nwa 'bhɛɛ- 'yi 'tɛ -a wiɪŋfɛyɛ =nɔɔ -yi ba Zaan 'kɔɔ 'ezin-. 'Bhɛ bhla 'ɛ ba 'ke waa 'yee- Zaan bɔle -li -kaso 'yi. Zesu 'yaa- -a 'seriwo zii' -a 'wiɪŋfɛ bhla 'ɛ ba, 'ke lafle' 'liigole.
- 22'Bhɛɛ-, 'ke Lii 'Wɛŋ 'ɛ zinale -a ta 'bhii- -bhoolado maannɛ- do gbɛɛn-. 'Bhɛɛ- 'ke -weli' do dale- lafle' 'yi 'ke 'bhɛ 'a 'pele dɔɔ: "'Bhi -le 'ke 'ŋ Gbe 'la -za sɔ 'ŋ ni 'egbenele 'bhɛ 'le, 'bhɛɛ- 'bhi -le 'ŋ zrukɔpala 'egbenele."
- 23'Zesu -yaa' ye 'ɛ 'wole- zisaan- 'waati 'la ba 'ke -a lɛɛ -o lɛɛ mia do bhɛ vu. Mɔkɔpɛn' 'yaa- kun 'bhii- Zozɛfu gbe. 'Bhɛɛ- Eli gbe -le -yaa 'ke Zozɛfu 'le.
- 24'Mataati gbe -le -yaa 'ke Eli 'le, 'bhɛɛ- Levi gbe -le -yaa 'ke Mataati 'le. Mɛliki gbe -le -yaa 'ke Levi 'le; 'bhɛɛ- Zanai gbe -le -yaa 'ke Mɛliki 'le, Zozɛfu 'bhɛɛke do gbe -le -yaa 'ke Zanai 'le.

- ²⁵Matatiasi gbe -le -yaa 'ke 'bhε Zozefu 'ε 'le; 'bhεε- Amosi gbe -le -yaa 'ke Matatiasi 'le. Naumu gbe -le -yaa 'ke Amosi 'le; 'bhεε- Esili gbe -le -yaa 'ke Naumu 'le. Nagayi gbe -le -yaa 'ke -Esili 'le.
- ²⁶Maati gbe -le -yaa 'ke Nagayi 'le; 'bhεε- Matatiasi gbe -yaa 'ke Maati 'le. Semeini gbe -le -yaa 'ke Matatiasi 'le; 'bhεε- Yozesi gbe -le -yaa 'ke Semeini 'le. Zoda gbe-le -yaa 'ke Yozesi 'le.
- ²⁷Zoana gbe -le -yaa 'ke Zoda 'le; 'bhεε- Reza gbe -le -yaa 'ke Zoana 'le. Zorobabeli gbe -le -yaa 'ke Reza 'le; 'bhεε- Salatieli gbe -le -yaa 'ke Zorobabeli 'le. Neri gbe -le -yaa 'ke Salatieli 'le.
- ²⁸Meliki gbe -le -yaa 'ke Neri 'le; 'bhεε- Adi gbe -le -yaa 'ke Meliki 'le. Kosamu gbe -le -yaa 'ke Adi 'le; 'bhεε- Elimadamu gbe -le -yaa 'ke Kosamu 'le. Eri gbe -le -yaa 'ke Elimadamu 'le.
- ²⁹Zesu 'bhεεke do gbe -le -yaa 'ke Eliezεε 'le; 'bhεε- Eliezεε gbe -le -yaa 'ke 'bhε Zesu 'bhεεke do 'ε 'le. Zorimu gbe -le -yaa 'ke Eliezεε 'le; 'bhεε- Mataati 'bhεεke do gbe -le -yaa 'ke Zorimu le. Levi gbe -le -yaa 'ke 'bhε Mataati 'ε 'le.
- ³⁰Simeon gbe -le -yaa 'ke Levi 'le; 'bhεε- Zuda gbe -le -yaa 'ke Simeon 'le. Zozefu yaga mi 'ε gbe -le -yaa 'ke Zuda 'le; 'bhεε- Zonamu gbe -le -yaa 'ke 'bhε Zozefu yaga mi 'ε 'le. Eliakimu gbe -le -yaa 'ke Zonamu 'le.
- ³¹Melea gbe -le -yaa 'ke Eliakimu 'le; 'bhεε- Mena gbe -le -yaa 'ke Matata 'le. Matata gbe -le -yaa 'ke Mena 'le; 'bhεε- Natan gbe -le -yaa 'ke Matata 'le. Davidi gbe -le -yaa 'ke Natan 'le.
- ³²Yese gbe -le -yaa 'ke Davidi 'le; 'bhεε- Zobedi gbe -le -yaa 'ke Yese 'le. Boazi gbe -le -yaa 'ke Zobedi 'le; 'bhεε- Salomō gbe -le -yaa 'ke Boazi 'le. Naason gbe -le -yaa 'ke Salomō 'le.
- ³³Aminadabu gbe -le -yaa 'ke Naason 'le; 'bhεε- Adime gbe -le -yaa 'ke Aminadabu 'le. Arini gbe -le -yaa 'ke Adime 'le; 'bhεε- Eson gbe -le -yaa 'ke Arini 'le. Faresi gbe -le -yaa 'ke Siromu 'le; 'bhεε- Zuda 'bhεεke do gbe -le -yaa 'ke Faresi 'le.
- ³⁴Zakōbu gbe -le -yaa 'ke 'bhε Zuda 'bhεεke do 'ε 'le; 'bhεε- Izaki gbe -le -yaa 'ke Zakōbu 'le. Abraamu gbe -le -yaa 'ke Izaki 'le; 'bhεε- Tera gbe -le -yaa 'ke Abraamu 'le. Nakōw gbe -le -yaa 'ke Tera 'le.
- ³⁵Seruki gbe -le -yaa 'ke Nakōw 'le; 'bhεε- Ragawu gbe -le -yaa 'ke Seruki 'le. Falēki gbe -le -yaa 'ke Ragawu 'le; 'bhεε- Eberi gbe -le -yaa 'ke Falēki 'le. Sala gbe -le -yaa 'ke Eberi 'le.
- ³⁶Kainamu gbe -le -yaa 'ke Sala 'le; 'bhεε- Arifasadi gbe -le -yaa 'ke Kainamu 'le. Semu gbe -le -yaa 'ke Arifasadi 'le; 'bhεε- Noe gbe -le -yaa 'ke Semu 'le. Lamēki gbe -le -yaa 'ke Noe 'le.

³⁷Metusala gbe -le -yaa 'ke Lameki 'le; 'bhεε- Enoki gbe -le -yaa 'ke Metusala 'le. Zaredi gbe -le -yaa 'ke Enoki 'le; 'bhεε- Malelieli gbe -le -yaa 'ke Zaredi 'le. Kainamu gbe -le -yaa 'ke Malelieli 'le.

³⁸Enosi gbe -le -yaa 'ke Kainamu 'le; 'bhεε- Seti gbe -le -yaa 'ke Enosi 'le. Adamu gbe -le -yaa 'ke Seti 'le; 'bhεε- -Waanbhaa' Adamu =kla.

Luki 4

¹Zesu 'pale- -yaa 'ke Lii 'Wen 'ε 'le -a da bhla 'ε zi Zruden yue 'ε ta. 'Bhεε- Lii 'Wen 'ε -e 'yee- Zesu 'sile 'kee- gele- 'kele- -kpe 'ε ta.

²-Setran' 'ε 'a 'yidaan- 'bhε -kpe 'ε ta -yrekpaa' mia ple ta. Yaa pebhlele 'bhε -yrekpaa' mia ple 'ε 'kpen ta. 'Bhε yi mu 'ε 'kanle- blaana, 'ke gbɔn Zesu dele-.

³'Bhε klele 'tε, 'ke -Setran' 'a 'pele 'a ni dɔɔ: "'Ke 'yoo- 'ke -Waanbhaa' Gbe 'gbu 'ε 'le -a pe kpoti 'la bhe -a ni dɔɔ -ya mabɔɔ 'bhεε- -e kle 'ke pebhle 'le doo.'"

⁴Zesu 'a zikpaa= -a ni dɔɔ: "-Waanbhaa' pe -yaa' 'Sewe 'ε 'yi dɔɔ Bhaaplen a 'tre ta bole 'ε -daj' 'laa 'ke pebhlele do -kplen 'le.'"

⁵'Bhε blaana, 'ke -Setran' gele- 'ke Zesu 'le laanima, 'bhεε- 'kee- 'tre ta -bhlengbe 'kleen mu 'ε 'kpen zɔnle- -a ni 'waati sa ba.

⁶'Bhεε- -e pe Zesu ni dɔɔ: "'O nu -glɔɔya' 'lεε- 'kpen 'pegee -bhlengbe 'kleen mu 'lεε- -o -yi -naflo mu 'ε 'nale- 'e ni. -Woo 'kpen gbekpaa- 'η 'kɔɔ, 'ke -o nale =swa 'η ni mεε 'la zan ni 'an na 'bhεε- zan ni.

⁷-Ayile 'ke 'yee 'kpɔ=zian 'η =la, 'bhεε- 'kee 'mi=gbaa, 'η nu -o 'kpen 'nale- 'e ni.'"

⁸'Bhε klele 'tε, 'ke Zesu 'a 'pele -a ni dɔɔ: "-Waanbhaa' pe -yaa' 'Sewe 'ε 'yi 'ezin- dɔɔ: "E 'kpɔ 'ε zen Mεezan -Waanbhaa' do -kplen -la -lεε 'bhεε- 'ya gba.'"

⁹'Bhε blaana, 'ke -Setran' gele- Zesu 'le -Waanbhaa' Gba 'Fε -Gbene 'ε 'wiinj-Zeruzalemu, 'bhεε- 'ke -ya pele- -a ni dɔɔ: "'Ke 'yoo- wlan 'gbu 'ε ni -Waanbhaa' Gbe 'ε 'le, 'ploo- 'e 'gbu ma 'bhεε- 'e balaa' 'tre ma. -Amasɔyi -a yɔɔndeke -o -Waanbhaa' a 'Sewe 'ε 'yi dɔɔ:

¹⁰'-Waanbhaa' nu -a pele -yaa' -mlεke' mu 'ε ni 'kaa -woo -yrekpa' 'e ba.'

¹¹'Bhεε- -a yɔɔndeke 'ezin- dɔɔ: '-O nu 'e binale -o 'kɔɔ, 'kooko- 'e gaan ma 'din 'laa wo vle ma.' "

¹²'Bhε klele 'tε, 'ke Zesu 'a 'pele -a ni dɔɔ: "-A pele -o -Waanbhaa' a 'Sewe 'ε 'yi dɔɔ: "Yaa Mεezan 'yaa- -Waanbhaa' 'ε -yidanle.' "

¹³-Setran' 'yanle- Zesu 'yidanlele gbε 'ε 'kpen ma, 'ke -ya 'plengole -a ma, 'sani- 'ke -a -yidan' bhla -lrele' -bhεεke' do bhɔ -a -kɔɔ 'ezin-.

¹⁴'Bhε blaana, 'ke Zesu 'niinale Galile 'kleen 'ε 'yi. -A 'pale- -yaa 'ke Lii 'Wen 'ε -glɔɔya' 'le. 'Bhεε- mεε mu 'ε -wa 'tɔbhɔleya 'ε =zian Galile 'kleen 'ε 'yi yrekpen- =nɔɔ.

- 15 Zesu 'yaa- mɛɛ mu 'ɛ daan Zuufu mu daanfe' mu 'ɛ =la. -Ayile mɔkpen' 'yaa- -a 'to wlan 'ɛ zen 'zi yɛkpen- =nɔɔ.
- 16 Bhe blaana, 'ke Zesu gele- Nazareti, -a 'tro -wa 'ɛ ta. 'Bheɛ- -yitre' yi 'ɛ ma, 'kee- gele- wlale Zuufu mu daanfe' 'ɛ =la, 'bhii- -e -yaa kle 'egwele gɔnɛ- 'la gbɛɛn-. 'Bhe 'yi bhe, 'ke -ya -wlenle' -Waanbhaa' a 'Sewe tape zayi'.
- 17 Bhe klele 'te, 'ke -o -Waanbhaa' -lela' janwo mi Ezai a 'sewe kpo 'ɛ 'kpale -a -kɔɔ. -E 'bhe 'sewe kpo 'ɛ 'yiploole 'kee- -jan 'leɛ- 'bhe tapele dɔɔ:
- 18 "Mɛɛzan -Waanbhaa' lii 'ɛ -yoo 'ɛ ta, -yoo 'ɛ makwan- 'kaa 'ɛ nu -yaa' -Jan 'Nrɛle- 'ɛ 'wo -yren ma mɛɛ mu 'ɛ ni, -yoo 'ɛ 'winbwa- 'kaa 'ɛ nu -kaso 'yi mu 'ploozɔ- pe 'mu ni, 'bheɛ- 'ɛ 'nu -yɛ 'wi mu -yɛ 'liiploo-; 'bhe 'pegee -o -yɛnkpa' zii' mɛɛ 'la zan mu ta 'ɛ 'mu go -yren 'yi.
- 19 Bheɛ- Mɛɛzan -Waanbhaa' 'ɛ 'winbwa- 'kaa 'ɛ nu mɛɛ mu 'kpelekan -yaa' -za wlanya klele 'ɛ ma.”
- 20 Zesu 'yanle- 'bhe -jan 'ɛ tapelele, 'kee- 'sewe kpo 'ɛ 'liitanle, 'bheɛ- 'kee- 'bhe 'kpale -o daanfe' 'ɛ =la yewone 'ɛ 'kɔɔ; 'bheɛ- 'kee- gele- yaale. Zuufu mu a daanfe' 'ɛ =la mɛɛ mu 'ɛ 'kpen 'yɛkpale -yaa -a ta.
- 21 -Ayile, 'ke -ya pele 'sanle -o ni 'kaa: "'Ka 'ka 'trɔnkpa- -Waanbhaa' a 'Sewe 'ɛ 'yi -jan 'la =la bhe, 'bhe 'leswa= -zɔn.”
- 22 Bheɛ- mɔkpen' 'yaa- Zesu a -jan 'wlan 'pe zii', 'bheɛ- -e -yaa mɛɛ mu -liibhaa' zii' -o ma -a -liijan' -gbene -gbene mu 'ɛ 'le. 'Bheɛ- -o yaa 'eke- -lrɔkpa' zii' dɔɔ: "Zozefu gbe 'ɛ yaa 'kele- ɛɛ?”
- 23 Bhe ya 'ɛ 'yi, 'ke Zesu 'a 'pele -o ni dɔɔ: "-Dɔke' 'ka nu -gɔɔn 'leɛ- 'bhe bɔle 'mi ma dɔɔ: 'Mɛɛ -laankpa mi, 'e 'gbu ma ga 'ɛ go 'pe.' 'Ka nu -a pele 'ɛ ni 'ezin- dɔɔ: "E -za mu 'la 'kpen =kla Kapenɔmu, -o -yansi' za mu kle 'e 'gbu 'ya -wa 'ɛ ta -ge doo.' “
- 24 Bhe klele 'te, -e pe -o ni 'ezin- dɔɔ: "'Mi pe 'ka ni 'ɛ 'sɔweɛ- ma dɔɔ waa -Waanbhaa' -lela' janwo mi do 'kpɔ 'ledɔ- -a ma -a 'gbu ba -wa -la.
- 25 Mi pe 'ka ni 'ɛ 'sɔweɛ- ma dɔɔ: -Waanbhaa' -lela' janwo mi Eli a pe 'waati 'ɛ ba, la laa banle leɛ yaga 'ke mɛ 'srwado- ta, 'bhe 'pegee -gu -gbene 'la 'bhe -dwa, glaanle -bebe -yaa Izraeli 'kleen 'yi 'bhe 'waati 'ɛ ba.
- 26 Duɲ- -Waanbhaa' laa Eli 'winbɔle 'woo- glaanle mu 'ɛ -o 'kedo- 'kpɔ ba, 'ke yaa 'e go Sidɔn 'kleen 'ɛ 'yi glaanle do 'la 'yaa- Sarepita -wa 'ɛ ta 'bheɛ- ba.
- 27 Bheɛ- 'ezin- -Waanbhaa' -lela' janwo mi Elize a pe 'waati 'ɛ ba, -kpaandɛ' mu -bebe -yaa Izraeli 'kleen 'yi, 'duɲ- -o 'kedo- 'kpɔ ma -kpaan 'laa gole 'ke yaa 'e go Siri mi Naama do -kplen ba.”
- 28 Mɛɛ 'la zan mu -yaa Zuufu mu daanfe' 'ɛ =la, 'mu 'kpen 'bhe -jan mu 'ɛ 'male, 'ke -woo zrupliile Zesu ma.

- 29'Bhɛ klɛlɛ 'tɛ, 'kɛ -woo -wɛnɛlɛ'. 'Bhɛɛ- -o Zɛsu 'kunlɛ- 'kɛ -o gɛlɛ- 'kɛlɛ- Nazɛrɛtɪ -wa 'ɛ -gɔmɛ', 'yɛɛ- Nazɛrɛtɪ -wa 'ɛ dɔlɛ -yaa gɔɔn 'la 'bhɛ ta 'bhɛ 'wiɪŋ-. -O -yaa zi 'bhii- -wa blin 'bhɛ gɔɔn 'ɛ 'wiɪŋ-, 'bhɛɛ- -e balaa 'bhɛ kpɛla- -gluu 'ɛ 'yi.
- 30'Duŋ- Zɛsu =kaan -o plɛŋ- swɛŋ 'kɛɛ- jilalɛ.
- 31'Bhɛ blaɛn, 'kɛ Zɛsu gɛlɛ- Galilɛ 'klɛɛn 'yi -wa 'la -o -yaa 'bhɛ sii Kapɛnɔmu 'bhɛ ta. -Yitrɛ' yi 'ɛ ma, 'kɛɛ- mɛɛ mu daɛnɛ- -Waanbhaa' a -jan 'ɛ 'lɛ.
- 32-Yaa' mɛɛ daɛngbɛyɛ 'ɛ -Waanbhaa' a -jan 'ɛ 'lɛ, 'bhɛ 'woo- mɛɛ mu 'ɛ -o 'kpɛn 'kɛɛlɛnɛ -o ma. -Amasrɔyi -e -yaa -jan 'ɛ 'wo zii' 'bhii- 'sɛŋ -o mɛɛ 'la zan ni 'bhɛ a -janwɔgbɛyɛ gbɛɛn-.
- 33'Bhɛ 'waati 'ɛ ba, lii -yɔɔ' 'yaa- 'yɛɛ- -o daɛnfɛ' 'ɛ =la mu 'ɛ dɔ zi. 'Bhɛ mɛɛ 'ɛ 'pɛɛnɛlɛ- -saan 'ɛglɔɔlɛ 'kɛ -ya pɛ dɔɔ:
- 34"Nazɛrɛtɪ mi Zɛsu, -mɛ za -lɛ -kɔɔ' 'plɛŋ- ɛɛ? 'E =nwa 'o 'siɛyrɛ- -la nɔɔ- ɛɛ? 'Mi 'ɛ dɔ! 'Bhi -lɛ 'kɛ -Waanbhaa' a mɛɛ 'wɛŋ 'ɛ 'lɛ."
- 35'Bhɛ 'yi 'tɛ, 'kɛ Zɛsu 'pɛɛnɛlɛ lii -yɔɔ' 'ɛ ta 'kɛ -ya pɛ dɔɔ: "'E taga, go mɛɛ 'lɛɛ- zi!" 'Bhɛ klɛlɛ 'tɛ, 'kɛ lii -yɔɔ' 'ɛ mɛɛ 'ɛ baalɛ' 'trɛ ma mɔkpɛn' 'yrɛ ma. 'Duŋ- yaa -za 'yɔɔ- 'kɛdɔ- 'kpɔ klɛlɛ -a ni, 'bhɛɛ- -e -gwa -a zi.
- 36'Bhɛ klɛlɛ 'tɛ, 'kɛ mɛɛ mu 'ɛ 'kpɛn 'kɛɛlɛnɛlɛ -o ma. 'Bhɛɛ- 'kɛ -wa pɛlɛ- dɔɔ: "-Jan -glɔɔn 'ɛ -dɛlɛ 'bhɛ 'lɛ -gɛɛ' ɛɛ? 'Yɛɛ- mɛɛ 'lɛɛ- -e -janwɔ' lii -yɔɔ' mu ni fɛŋŋɛn- ma, 'bhɛɛ- 'mu go mɛɛ mu 'ɛ zi."
- 37-Ayilɛ, 'kɛ Zɛsu klɛza 'ɛ zɛnɛlɛ- 'klɛɛn 'ɛ 'yi yrɛkpɛn- =nɔɔ.
- 38'Bhɛ blaɛn, Zɛsu 'pɛwɛlɛ- Zuufu mu 'ɛ waa daɛnfɛ' 'ɛ =la, 'kɛɛ- gɛlɛ- Simɔ ba. 'Flɛ 'yi 'la ga -glɔɔ dɔ -yaa Simɔ boolɛ ma. -Ayilɛ, 'kɛ -wa pɛlɛ- Zɛsu ni 'kaadɔɔ- 'bhɛ 'a 'bhɛɛ- .
- 39'Bhɛ yrɛ dɔ 'ɛ =nɔɔ bhɛ, 'kɛ -ya makulɛlɛ Simɔ boolɛ 'ɛ trala, 'bhɛɛ- 'kɛɛ- 'pɛɛnɛlɛ 'flɛ 'yi 'la ga 'ɛ ta. 'Bhɛla- -yilɛ, 'kɛ ga 'ɛ gɛlɛ- Simɔ boolɛ ma. 'Kɛɛ- -wɛnɛlɛ', 'bhɛɛ- 'kɛɛ- Zɛsu 'lɛwɛɛ kpɔ klɛlɛ-.
- 40'Bhɛ 'yi, -yrɛtɛbhɛ baalɛ blaɛn, 'kɛ -wa 'ɛ ta mu 'ɛ -o nɛlɛ- -waa gadɛ mu -glɔɔn 'ɛ 'kpɛn 'lɛ Zɛsu ni. -Ya gbɛkpɛa- -o 'kpɛn ma dɔ dɔ 'kɛ -o -bhɛɛlɛ'.
- 41'Bhɛ =nɔɔ bhɛ, -e 'zina =gbian mɛɛ -bɛbɛ zi. 'Bhɛɛ- 'zina mu 'ɛ go bhla 'ɛ zi 'bhɛ mɛɛ mu 'ɛ zi, -o -yaa -gbɛkan' 'ɛglɔɔlɛ 'kaa: "'Bhi -lɛ 'kɛ -Waanbhaa' Gbɛ 'ɛ 'lɛ!" 'Duŋ- Zɛsu 'yaa- 'pɛɛn zii' -o ta, 'bhɛɛ- yaa -yaa tɔ 'kɛ -o -janwɔyrɛ -srɔɔwɔ' -a 'kɔɔ, -amasrɔyi -o -yaa 'yaango 'bhii- -e -yaa Mɛɛ -Bhɛɛ Mi Krisi 'ɛ 'yɛla- -lɛ.
- 42'Too -klinlɛ', 'kɛ Zɛsu gɛlɛ- -wa 'ɛ 'kɛɛ, 'bhɛɛ- 'kɛ -a dɔ -kplɛn gɛlɛ- -bɔn 'ɛ drɛyi' yrɛ dɔ nɔɔ-. 'Bhɛ klɛlɛ 'tɛ, 'kɛ -zamaa' -gbɛnɛ dɔ 'a ziglinlɛ 'sanlɛ. -O 'tɛnɛlɛ- -a ma, 'kɛ -wa pɛlɛ- -a ni dɔɔ waa nu 'plɔɔlɛ -a ma 'kɛɛ go -o -dɛn.

43-Ayile, 'ke Zesu 'a 'pele -o ni dɔɔ: "'D gele- -Waanbhaa' a -bhleṅgbeya ma -Jan 'Nrāle- 'ε 'wole- -wa 'bhεεke mu 'ε ta. -Amasrɔyi -Waanbhaa' 'η 'winbwa- 'bhεε- 'kaama-."

44'Bhela- -yile, Zesu -Jan 'Nrāle- 'ε =woa Zuufu mu daanfε' mu 'la 'yaa- Zude 'klēn 'ε 'yi 'mu 'kpen =la.

Luki 5

1-Yrekpaa' do, Zesu 'yaa- Zenezareti -draa 'ε 'lε ma, 'bhεε- -zamaa' mu 'ε -o -yaa 'eke- -yrɔn 'zi -a zi, 'kooko- -woo 'trɔnkpa -Waanbhaa' a -jan 'ε =la.

2-Yitakoṅ ple dulale -yaa -yi 'ε 'lεzi-, 'bhεε- kaade mu 'la zinaa' -o -yi 'mu 'yaa- 'mu a kaade yrɔ mu 'ε 'yigo- 'zi.

3>Simɔ a pε -yaa 'woo- -yitakoṅ mu 'ε do 'le, Zesu -ja yaale 'bhe 'yi. 'Bhεε- -e pe Simɔ ni dɔɔ 'bhe -yitakoṅ 'ε 'plεṅgo sa -yi 'ε 'lε ma. 'Bhe klele 'tε, 'kee- mεε mu 'ε daanle 'sanle -Jan 'Nrāle- 'ε 'le.

4>Bhe blaṅ 'ke -ya pele- Simɔ ni dɔɔ: "-Yitakoṅ 'ε 'mabεεn- -yi 'ε drɛyi', 'bhεε- 'bhi 'pegee 'yaa- kaadeyɔɔn mu 'ε, -ka 'kaa- kaade yrɔ mu 'ε bɔ -yi 'ε ba."

5>Bhe klele 'tε, 'ke Simɔ 'a 'pele -a ni dɔɔ: "'O Zan, 'o =bwa yrɔ bɔle ma -bi 'lεε- 'kpen zi, 'bhεε- 'waa kaa do 'kpɔ 'kunle-. 'Duṅ- 'bhi 'a 'pelawoa 'mi ni 'kaa 'mi 'an yrɔ 'ε bɔ, 'η nu a klele 'ε 'liiwli- ta."

6>O yrɔ mu 'ε bɔle, 'kee- 'mu kaa 'kunle 'ebebele 'kee- kan -a -daṅ' ta, -asiikɔɔ kaa mu 'ε 'yaa- zan yrɔ mu 'ε 'peedele.

7-Ayile, 'ke Simɔ 'pegee -yaa' kaadeyɔɔn mu 'ε -o kaade mu -bhεεke' mu 'la 'yaa- -yitakoṅ -vindo' 'ε 'yi 'mu 'siile, 'kaa 'mu 'nu 'bhɔ -o ba. 'Bhe mu nule 'tε 'ke -o 'koṅ ple 'ε 'pale 'ke kaa 'le -asiikɔɔ -yitakoṅ ple 'ε 'yaa- zan wlale -yi 'ε =la kaa gbiṅ 'ε 'kɔɔ.

8>Bhe 'yi 'tε, Simɔ Pieri 'yrekpale 'bhe ma, 'ke -ya 'kpɔ zenle- Zesu 'lεε, 'bhεε- 'ke -ya pele- dɔɔ: "Mεεzan, 'ε 'plεṅgo 'η ma, -amasrɔyi 'η 'yoo- 'ke -za 'yɔɔ- kle mi 'le."

9>Wlan 'gbu 'ε ni, -gblaṅ =klaa 'yee- Simɔ 'pegee -a zi mu 'ε 'kpen 'yi, -o kaa -bebe 'la =kwan 'bhe -zayi'.

10>Bhεε- 'kee- kpa -yaa' kaadeyɔɔn mu Zebede gbe ple 'ε 'mu ta, Zaki 'pegee Zaan, -gblaṅ =klaa 'mu 'yi 'ezin-. -Ayile, 'ke Zesu 'a 'pele Simɔ ni dɔɔ: "'Yaa -gblaṅle', 'kee- san -zɔn ma, 'ε nu mεε -bebe 'srɔɔwole -Waanbhaa' ni 'bhii- 'ε kaa mu kun 'ebebele gɔne- 'la gbεεn-."

11>Bhe klele 'tε, 'ke -o -waa' -yitakoṅ mu 'ε 'pwεle -yi 'ε ba, 'bhεε- 'ke -woo dulale 'trε ma. 'Bhe blaṅ, 'ke -woo 'kpen 'tole -a nɔɔ-, 'bhεε- 'ke -o gele- dɔle Zesu zi.

12>Zesu 'bhɔle- -wa do ta, 'ke -kpaandε' mi do nule- -a ba. -Kpaandε' mi 'ε 'yrekpale Zesu ma, 'ke -ya 'kpɔ zenle- Zesu 'lεε, 'bhεε- 'kee- -sromabɔle 'bhe ni dɔɔ: "Mεεzan, 'kee- =swa 'ε ni, 'η ma -kpaan 'ε go."

- 13'Bhɛ klɛlɛ 'tɛ, 'kɛ Zɛsu 'ɛ gbɛ 'tɹolɛ -a ba, 'kɛ 'ya gbɛkpale -a ma, 'bhɛɛ- 'kɛ -ya peledɔɔ: "'D 'yoo- -a zi 'bhii- 'ɛ 'bhee-, 'ɛ ma -kpaan 'ɛ -gwa!" 'Bhɛ yrɛ do 'ɛ =nɔɔ bhe, 'kɛ 'yee- mɛɛ 'ɛ ma -kpaan 'ɛ gole-.
- 14-Ayile, 'kɛ Zɛsu 'a 'pele -a ni dɔɔ: "'Yaa 'ɛ 'bheezaa- 'ɛ 'pele- mɛɛ 'kɛdo- 'kpɔ ni. 'Duŋ-ge 'ɛ 'gbu mazrɔn 'sraka 'lɛna mi 'ɛ ni. 'Bhɛɛ- Moizi -kpaandɛ' mu -bheezaa' 'sraka 'la -dwa 'bhɛ 'sraka 'ɛ go, 'kooko- mɔkpen' 'a 'yaango- 'bhii- 'ɛ ma -kpaan 'ɛ -gwa."
- 15'Bhɛ =nɔɔ bhe, Zɛsu 'tɔbhɔleya 'ɛ baan' =klaa ba yrɛkpen- =nɔɔ, -asiikɔɔ mɛɛ -bebe 'yaa- zan -o 'trɔnkpale -a ni. 'Bhɛɛ- mɛɛ 'kɛ mu -yaa zan 'mu ma ga mu 'ɛ goza 'yi.
- 16'Bhɛɛ- 'duŋ-, 'yee- Zɛsu 'yaa- 'plɛŋgo- -zamaa' 'ɛ ma 'waati 'kɛ ba. 'Bhɛɛ- -a do -kplɛn 'yaa- ge -bɔn 'ɛ drɛyi' -a 'seriwolɛ.
- 17-Yrɛkpaan' do, Zɛsu 'yaa- mɛɛ 'ɛ mu daan 'zi. Farizi mu 'pegee 'Toŋ daan mu 'ɛ 'yaale-yaa -a -din. -O -daa Galile 'pegee Zude 'klɛn mu 'ɛ -yi -wa mu 'ɛ 'kpen ta, 'bhɛ 'pegee Zeruzalemu. Mɛɛzan -Waanbhaa' a -glɔɔya' 'la 'yaa- Zɛsu ta, 'bhɛla- -yile -ɛ -yaa gade mu 'ɛ -bhee 'zi.
- 18'Bhɛ 'yi 'tɛ, 'kɛ mɛɛ 'kɛ mu nule- -flugba do 'lɛ 'bhɛ 'yilapɛ 'ɛ ta. -O -yaa wlayrɛ -glin 'zi -zamaa' mu 'ɛ 'plɛŋ-, 'kooko- -o sɔ gele- 'yee- -flugba 'ɛ 'kpaale- Zɛsu =la.
- 19'Duŋ- waa wlayrɛ -srɔɔwolɛ mɛɛ mu 'ɛ 'kɔɔ. -Ayile, 'kɛ -o 'sanle 'kele- 'fɛ 'la Zɛsu 'yaa- 'bhɛ =la 'bhɛ 'wiinj-. 'Bhɛɛ- 'kɛ -woo wlayrɛ do klɛle- 'bhɛ 'wiinj-. 'Bhɛ blaas 'kɛ -o -flugba 'ɛ 'kanle 'bhɛ yrɛ 'ɛ =nɔɔ bhɛ do ma, 'bhɛɛ- 'kɛ -wa zinale -o 'pegee -a yilapɛ 'ɛ 'lɛ 'fɛ 'ɛ 'kpee Zɛsu =la.
- 20'Zɛsu 'a 'yele- 'bhii- -woo -kpaan 'bhɛ 'yi, 'kɛ -ya pele- -flugba 'ɛ ni dɔɔ: "'D 'bhɛgwɛn-, 'ŋ 'yaa- -za 'yɔɔ- mu 'ɛ 'sroma- -yaan."
- 21'Bhɛ klɛlɛ 'tɛ, 'kɛ 'Toŋ daan mu 'ɛ 'pegee Farizi mu mu 'ɛ -wa pele 'sanle -o 'kpee dɔɔ: "-Dele mɛɛ 'lɛɛ- 'lɛ, 'bhɛɛ- -ɛ -Waanbhaa' 'tɔsiɛ zii' -gee' ɛɛ? -De 'gbu -lɛ sɔ mɛɛ mu a -za mu 'ɛ -sroma 'yanle 'kɛ yaa 'ɛ go -Waanbhaa' do -kplɛn ba ɛɛ?"
- 22'Zɛsu -o 'kpeejan- mu 'ɛ dɔle 'kɛ -ya pele- -o ni dɔɔ: "-Mɛle -kla 'bhɛɛ- 'ka 'kpeejan- mu -o 'bhɛ gbɛɛn- -gee' ɛɛ?"
- 23'Bhɛɛ- 'woo- -za plɛ 'lɛɛ- -o -de 'gbu -la pele -o 'ɛdile ɛɛ? 'Kɛ 'an =pia -flugba ni dɔɔ: "'D 'yaa- -za 'yɔɔ- mu 'ɛ 'sroma- =yaan, taa- 'kɛ 'an =pia -a ni -ya wɛn 'bhɛɛ- -ɛ 'taawo ɛɛ?"
- 24'Duŋ- 'ŋ 'yoo- -a zi 'bhii- 'kaa 'yaango- dɔɔ 'bhii- -a 'sɛŋ -o Bhaaplɛŋ Gbe 'ɛ ni 'trɛ ta -ge 'kee- mɛɛ mu a -za 'yɔɔ- mu ma -sroma yan." 'Bhɛ klɛlɛ 'tɛ, 'kɛ -ya pele- -flugba 'ɛ ni dɔɔ: "'Mi pɛ 'ɛ ni dɔɔ 'ɛ 'wɛn-, 'ɛ 'yilapɛ 'ɛ 'si, 'bhɛɛ- ge 'ɛ ba -lɛ ma."
- 25'Bhɛ yrɛ do 'ɛ =nɔɔ bhe, 'kɛ -flugba 'ɛ -ya -wɛnle' mɛɛ mu 'ɛ 'kpen 'yrɛ ma, 'bhɛɛ- 'kɛ -ya yilapɛ 'ɛ 'sile, 'kee- gele- -a ba -lɛ ma -Waanbhaa' 'tɔbhɔlele.
- 26'Bhɛ 'yi 'tɛ, 'kɛ mɛɛ mu 'ɛ 'kpen 'kpeelenile -o ma. -Ayile, 'kɛ -gblaan 'klale -o -yi, 'bhɛɛ- 'kɛ -wa pele- dɔɔ: "'Waa 'bhɛ 'yansi 'sɔle- maza mu kleyrɛ yele -lido'."

- 27'Bhɛ blaɛn, 'kɛ Zɛsu 'nɪsrakun mi do yaale yeɛ- 'bhɛ a yewo 'fɛ 'ɛ =la. -O -yaa 'bhɛ sii Levi. 'Bhɛ kleɛ 'tɛ, 'kɛ Zɛsu 'a 'pɛɛ -a ni dɔɔ: "Nu dɔ 'ŋ zi!"
- 28'Bhɛ yrɛ do 'ɛ =nɔɔ bhɛ, 'kɛ Levi 'ɛ 'wɛɛnɛ, 'kɛ- 'ploole -yaa' ye 'ɛ ma; 'bhɛɛ- 'kɛ-geɛ- dɔɛ Zɛsu zi.
- 29'Bhɛ blaɛn, 'kɛ Levi Zɛsu 'lɛwɛɛ pɛ -koo -gbɛnɛ do kleɛ- -a ba -lɛ ma. 'Bhɛɛ- 'kɛ- 'nɪsrakun mu -bebe 'pɛgɛɛ mɛɛ -bhɛɛkɛ' mu 'siile 'yɛɛ- pɛɛ 'ɛ ma.
- 30-Ayile, 'kɛ Farizi mu 'ɛ 'pɛgɛɛ 'Toŋ daan mu 'ɛ -o -janwɔɛ -o -lɛɛɛ' Zɛsu ma, 'bhɛɛ- 'kɛ -o yaa -kɛɛɛɛ mu 'ɛ 'lɛɛɛɛ dɔɔ: "-Mɛɛ =kɛɛ 'bhɛɛ- 'ka mu 'pɛgɛɛ 'nɪsrakun mu, 'bhɛɛ- mɛɛ 'joo 'yɔɔ- mu 'ɛ 'ka -o pɛɛ 'zi 'ɛkɛ- zi ɛɛ?"
- 31-Ayile, 'kɛ Zɛsu 'a 'pɛɛ -o ni dɔɔ: "Mɛɛ 'kɛɛɛɛɛɛ mu maza laa dɔ -laanɛkpa mi ma 'kɛ yaa 'ɛ go gɛɛ mu ba.
- 32'Naa 'nule- mɛɛ -lɛdɔɛɛ mu 'siiyɛɛ- =nɔɔ 'kaa -o nu -Waanbhaa' ba, 'duŋ- 'mi =nwa -za 'yɔɔ- kɛ mu -la 'siile-, 'kooko- 'kɛ -zadɔwɛɛ =dwa -o ma waa -za 'yɔɔ- mu 'ɛ 'yi, -o ploo waa -za 'yɔɔ- mu 'ɛ ma."
- 33'Mɛɛ 'kɛ mu pɛ Zɛsu ni 'ɛzin- dɔɔ: "Mɛɛ Wiɛɛfɛ' Mi Zaan a pɛ -kɛɛɛɛɛ mu 'ɛ 'pɛgɛɛ Farizi mu 'ɛ 'mu a -kɛɛɛɛɛ mu 'ɛ 'mu 'suŋwɛɛ-, 'bhɛɛ- 'mu 'ɛ 'seriwo 'ɛɛɛɛɛ, 'bhɛɛ- 'duŋ- 'bhi a pɛ -kɛɛɛɛɛ mu 'ɛ 'mu boɛ -o pɛɛɛɛɛ 'pɛgɛɛ -yi 'bhɛɛ- 'tɛ -la ma."
- 34'Bhɛ kleɛ 'tɛ, 'kɛ Zɛsu 'a 'pɛɛ -o ni dɔɔ: "'Kɛ -o mɛɛ mu -siila lɛ do dɔyɛɛ =nɔɔ, 'ka 'kɛɛ ma -o sɔ 'suŋwɛɛɛ 'kɛ -woo -o bhɛɛɛɛɛ lɛ -nɔɔ 'ɛ -din 'waati 'la ba ɛɛ?"
- 35'Duŋ- 'kɛ lɛ drɛɛ -nɔɔ 'ɛ -gwa -o -din 'waati 'la ba, -o nu 'sɔɛ- 'suŋwɛɛɛ 'tɛ."
- 36'Bhɛ 'yi 'tɛ, 'kɛ Zɛsu -gɔɔn do bɔɛ- -o ni 'ɛzin- dɔɔ: "Mɛɛ do 'kɛɛ laa sɔ sɔpɛɛ' 'nɛ do 'kanɛ -yaa' dɛɛ- drɛɛ 'ɛ ma, 'bhɛɛ- -ɛ yaa -dɛɛ gwe 'ɛ 'yisra- 'bhɛ 'lɛ. 'Kɛɛ- 'bhɛ =kɛɛ, -ɛ nu dɛɛ- drɛɛ 'ɛ 'pɛɛɛɛɛ, 'bhɛɛ- sɔpɛɛ' drɛɛ 'ɛ yaa gaa dɛɛ- gwe 'ɛ ta.
- 37'Bhɛɛ- 'ɛzin-, mɛɛ 'kɛɛ- 'kɛɛ 'laa -wɛɛn drɛɛ kɛɛ wi 'flɛ 'fɛɛɛ gwe mu 'yi. 'Kɛɛ- 'bhɛ =kɛɛ, -wɛɛn drɛɛ 'ɛ 'pɛɛɛ bhɛɛ 'ɛ zi, -ɛ nu wi 'flɛ 'fɛɛɛ gwe mu 'ɛ 'pɛɛɛɛɛ, 'bhɛɛ- -ɛ kɛɛɛɛ 'trɛ ma, 'bhɛɛ- 'woo- 'fɛɛɛ mu 'ɛ -o 'gbu kɛɛ 'sɛɛ pɛɛ 'lɛ 'bhɛ kɛɛɛɛɛɛ 'ɛ gbɛɛn- bhe.
- 38'Duŋ- -o sɔ -wɛɛn drɛɛ 'kɛɛɛ 'fɛɛɛ drɛɛ mu -la -yi.
- 39'Ezin-, mɛɛ 'kɛɛ- 'kɛɛ 'laa dɔ -wɛɛn drɛɛ mɛɛ -la 'kɛɛ- -yaan -wɛɛn gwe mɛɛ 'lɛ gban. -Amasɔyɛ mɛɛkɛɛ 'a pɛ dɔɔ: '-Wɛɛn gwe -lɛɛɛ' -yɛɛɛ' -wɛɛn drɛɛ ni.' "

Luki 6

1-Yitrɛ' yi do ma, Zɛsu 'pɛgɛɛ -yaa' -kɛɛɛɛɛ mu 'ɛ 'yaa- 'kan zii' ble gba do 'yi. 'Bhɛ 'yi bhɛ, 'kɛ -yaa' -kɛɛɛɛɛ mu 'ɛ dɔɛ- ble (ble 'ɛ -yoo 'bhii- -mɛɛ gbɛɛn) pɛbhɛ mu 'ɛ 'srɔnɛ- ma -o -vɛɛ mu 'ɛ ma. -O -yaa 'bhɛ pɛbhɛ mu 'ɛ -glɔɔ 'zi -o 'kɔɔ, 'kɛ -woo kloo mu 'ɛ go -a bhɛ mu 'ɛ ma, 'bhɛɛ- -woo bhɛɛ.

- ²Bhē klele 'tē, 'ke Farizi mu 'ke mu 'a 'lrōkpale dōo: "-Mēla ma waa -za 'la 'bhē kle -yitrē' yi ma, 'ka mu -o 'bhēē- kle 'zi ēē?"
- ³Zesu pe Farizi mu 'ē ni dōo: "Gbōn -bhleṅgbe Davidi 'gbu 'pegee -a zi mu 'ē =dia -yrekpaa' do, 'bhēē- -o -za 'la 'bhē =kla 'ka 'laa 'bhē tapele -lido' ēē?"
- ⁴Ɔ bhe, -e -wlaa -Waanbhaa' Gba 'Fē 'ē =la, 'bhēē- -o 'sraka -gwa -Waanbhaa' ni 'bluu mu 'la 'le, -e 'mu =sia. 'Bhēē- -yoo =bhla, 'bhēē- -yoo 'ke =naa -a zi mu 'ē ni. 'Duṅ- -kōōa' 'toṅ 'ē ta, yaa dō mēē -bhēēke' do kpō 'kpee 'ke 'bhē 'bhē 'bluu mu 'ē bhle, 'ke yaa 'e go 'sraka 'lena mu do -kplēn -la ba."
- ⁵Zesu pe -o ni 'ezin- dōo: "Bhaapleṅ Gbe 'ē 'ke -ya =pia -o -za 'oo -za 'la kle -yitrē' yi 'ē ma, -o 'bhēē- -klōsikun."
- ⁶-Yitrē' yi -bhēēke' do ma, 'ke Zesu gele- wlalē Zuufu mu daanfē' 'ē =la. 'Bhēē- 'kee- mēē mu daanle 'sanle -Jan 'Nrāle- 'ē 'le. 'Duṅ- mēē gbē -yie' 'kwlanle- do -yaa mēē mu 'ē 'pleṅ- 'bhē 'fē 'ē =la.
- ⁷Toṅ daan mu 'ē 'pegee Farizi mu 'ē -o -yaa zi 'bhii- -o -la yre -srōōwo' Zesu ta, 'ke 'bhē 'yee- mēē 'ē 'bheela- -yitrē' yi 'ē ma. 'Bhēla- -zēēle, -o -yaa -a 'klōsikun zii' -a kleza mu 'ē ma.
- ⁸Duṅ- Zesu -o 'kpeejan- mu 'ē dōle, 'ke -ya pele- mēē gbē 'kwlanle- 'ē ni dōo: "'E 'wlen-, 'bhēē- nu dula- mōkpen' 'yre =la -gē doo!" 'Bhē klele 'tē, 'ke 'yee- mēē 'ē -ya -wlenle' 'bhēē- 'kee- nule- dulalē -o 'kpen 'yre =la.
- ⁹Bhēē- 'ke Zesu -o -lrōkpale dōo: "-Kōōa' 'toṅ 'ē ta, mēē sō -za 'wlan klele- taa- -e sō -za 'yōō- klele- -yitrē' yi 'ē ma ēē? 'Bhēē- mēē sō mēē -bheele' -yitrē' yi 'ē ma, taa- mēē sō mēē dele- 'yee- yi 'ē ma ēē?"
- ¹⁰Zesu 'e 'yrekpaa- -o ta frii, 'bhēē- 'ke -ya pele- mēē gbē 'kwlanle- 'ē ni dōo: "'E gbē 'ē 'yisrōn!" -Ya gbē 'ē 'yrōnle- 'ke 'bhē 'lēdōole.
- ¹¹'Bhē klele 'tē, 'ke 'Toṅ daan mu 'ē 'pegee Farizi mu 'ē -woo zrupliile. 'Bhēē- -o -yaa nu 'sōlē- -za -glōōn 'la klele- -a ni, -woo 'eke- -lrōkpale -saan 'bhē 'yi.
- ¹²'Bhē 'waati 'ē ba, 'ke Zesu gele- -a 'seriwoyre nōō- gōōn do 'wiij-. 'Bhēē- -e =bwa -a 'seriwole ma -Waanbhaa' ni -bi 'ē 'kpen zi.
- ¹³Too -klinle', 'kee- -yaa' -klanlanē mu 'ē 'siile, 'ke -ya vu ta ple makunle -o ba, 'bhēē- 'kee- 'mu klele- -yaa' winbōwo mu 'le.
- ¹⁴Woo- mēē vu ta ple 'ē 'wo -le -gē: Simō 'la -e 'bhē 'tōkpaa- Pieri, 'bhē 'pegee 'bhē nēēnē- Andre, Zaki 'pegee Zaan, 'bhēē- Filipu 'pegee Batremi.
- ¹⁵Matie 'pegee Toma, 'bhēē- Alife gbe Zaki 'pegee Simō 'la -o -yaa 'bhē sii Zelōti, 'bhē 'yi -le dōo mēē 'la zan -yaa 'bhē a 'kleen 'ē -vavade 'egbenele.
- ¹⁶'Bhēē- Zaki gbe Zudi, 'bhē 'pegee Zuda Isikariōti, mēē 'la zan -dawli' =kpaa Zesu gbe ta, 'bhēē- -ya -lēnaa -a -sōōnii' mu 'ē ni.

- 17 Zesu 'pegee -yaa' -klanlanε mu -o -gwa gɔɔn 'ε 'wiinj-, 'bhεε- -o -nwa dulalε gɔɔn 'ε kpela-. -Yaa' -klanlanε -vin 'srε mu 'ε 'pegee -zamaa' 'saa do -yaa -o zi 'bhε yrε 'ε 'nɔɔ-. 'Woo- mεε 'srε mu -o dayrε 'ε =yaa 'ebebele: -o 'ke mu -daa Zude 'klεen 'yi, -a 'ke -daa Zeruzalεmu, 'bhεε- -a 'ke mu -daa wεyi- 'lε ma -wa mu 'ε ta, Tiri 'pegee Sidɔn.
- 18 -O 'kpen =nwa -o 'trɔnkpalε Zesu 'wojan- mu 'ε =la, 'bhε 'pegee -o 'ke mu =nwa 'mu ma ga mu go zayi'. 'Bhεε- 'zina mu 'yaa- mεε 'la zan mu zi, -e 'zina mu 'ε =gbian 'bhε zan mu 'ε zi.
- 19 'Sɔleya ma fanjan- do -yaa da 'zi Zesu 'fle 'ε 'yi, 'bhεε- 'ke gade mi 'oo gade mi 'la =yaa yan -a ma, 'bhε =yaa bhee. 'Bhela- -yile, -zamaa' 'ε 'kpen =yaa zi 'bhii- -o yan -a ma -o -bhee zayi'.
- 20 Zesu 'ε 'yrekpalε -yaa' -klanlanε mu 'ε ta, 'ke -ya pele- -o ni dɔɔ: "'Ka mu 'la 'ka -o 'ke 'kɔɔflɛnzan mu 'le, 'kaa- pε -yinra!' -Amasrɔyi 'kaa pε -le 'ke -Waanbhaa' a -bhleŋgbeya -wa 'ε 'le.
- 21 Gbɔn -o 'ka mu 'la dε 'zi -zɔn, 'kaa- pε -yinra!' -Amasrɔyi 'ka nu pele -bebe 'srɔɔwole 'kee- pa 'ka ta. 'Bhεε- 'ka mu 'la 'ka -o wisi' zii' -zɔn, 'kaa- pε -yinra!' -Amasrɔyi 'ka nu 'sɔnsilε."
- 22 "Mεε mu -o 'ka mu 'la mafinyanwo zii', 'bhεε- -woo -banjo' zii' 'ka 'yi, 'ke -o 'ka -zwanwo', 'bhεε- -o 'ka 'tɔsɛ zii' 'mi Bhaapleŋ Gbe 'ε 'tɔ 'ε -zayi', 'kaa- pε -yinra'!
- 23 'Ke -o 'bhε =kla 'ka ni bhla 'la ba, -ka 'ka zrukpala 'egbenele 'kee- kan -a -dan' ta. -Amasrɔyi, -trɔn -gbenε do -o 'ka 'magben- 'zi lafle' yi. -O -taa mu -yrenkpaa -Waanbhaa' -lεla' janwo mu 'ε ta 'elwale -sɔ 'bhεε- gbεen-.
- 24 Duŋ- 'ka mu -naflo zan mu, 'ka ta -yren! -Amasrɔyi 'ka mu 'kaa- pε -za 'wlan 'ε 'srɔɔwoa- gban -gε.
- 25 'Ka mu 'la kpɛdɔle -o -zɔn, 'ka ta -yren! -Amasrɔyi gbɔn nu 'ka dεlε! 'Ka mu 'la 'ka -o 'sɔnsi zii' -zɔn, 'ka ta -yren! -Amasrɔyi ga nu 'kpale- 'ka ta, 'bhεε- 'ka wisi.
- 26 "'Ka ta -yren! 'Ke mɔkpen' 'ka ma jan -lrele' =woa. -Amasrɔyi -o -taa mu -yaa kle 'bhεε- gbεen- 'elwaleta bhla ma -Waanbhaa' -lεla' janwo mu 'ε ni."
- 27 Zesu pe 'ezin- dɔɔ: "'Ka mu 'la 'ka 'kpen -o 'ka 'trɔnkpa zii' 'mi ni -gε bhe, 'mi pe 'ka mu ni dɔɔ 'ka 'sɔɔnnii mu -za 'sɔ 'ka ni. -Ka -za 'wlan kle 'ka vensi mεε 'la zan mu yin 'lii 'mu ni.
- 28 'Ke mεε 'la zan mu 'ka 'danganwoa -ka 'dumawo 'bhε zan mu 'ε ni. 'Bhεε- mεε 'la zan mu -o -yrenkpa' zii' 'ka ta, -ka 'ka 'seriwo 'mu a -za ma.
- 29 'Ke mεε do 'ε 'trɔn do -dwa, 'ε 'trɔn gbε do 'ε 'bhε dɔ -a ni 'bhεε- -ya zɔn. 'Ke mεε do 'yaa- dune- tralape 'ε =sia, -a 'to 'bhεε- -e 'yaa- dune- 'ε 'gbu 'si 'ezin-.
- 30 'Ke mεε 'oo mεε 'la zan pε do -yrewoa 'ε ma, 'yaa 'ε -gbɛdɔle 'bhε 'nale- ma -a ni. 'Bhεε- 'ke -o pε do =sia 'ε 'kɔɔ, 'yaa 'bhε pε 'ε -zapele 'bhε zan ma.

- 31'Kaa- zi 'bhii- mɛɛ mu -za yɛkɛ- 'la klɛ 'ka mu ni 'ka mu 'bhɛɛ- yɛkɛ- za klɛ 'bhɛ zan mu 'ɛ ni.
- 32'Ke 'ka -za sɔ mɛɛ 'la zan mu ni, 'ke 'bhɛ zan mu 'te -la -za sɔ 'ka ni, 'bhɛ -trɔn -o 'ka ma -mɛla -le ɛɛ? 'Ali- -za 'yɔɔ- klɛ mu 'ɛ -za sɔ mɛɛ 'la zan mu ni, 'mu -la -za sɔ -o ni
- 33'Bhɛɛ- 'ke 'ka -za 'wlan klɛ mɛɛ 'la zan mu do -kplɛn -za 'wlan klɛ 'ka ni 'te, 'bhɛ 'trɔn -o 'ka ma -mɛla -le ɛɛ? 'Ali- -za 'yɔɔ- klɛ mu 'a klɛ 'bhɛɛ- gbɛɛn-.
- 34'Bhɛɛ- 'ezin-, 'ke 'kaa 'yaango- 'bhii- mɛɛ 'la zan mu nu 'sɔlɛ- 'kaa- ca 'ɛ gbawole 'ka ca kpa 'bhɛ zan mu -la ma, 'bhɛ ma -trɔn -o 'ka ma -mɛla -le ɛɛ? 'Ali- -za 'yɔɔ- klɛ mu ca kpa mɛɛ 'la zan mu sɔ -waa' ca 'ɛ gbawole 'mu -la ma.
- 35'Duɲ- 'ka mu, 'ka 'sɔɔnnii mu -za 'sɔ 'ka ni. 'Bhɛɛ- -ka -za 'wlan klɛ -o ni. -Ka ca 'kpa mɛɛ mu ma, 'bhɛɛ- 'ka zru laa bole a ni. 'Ka nu -trɔn -gbɛnɛ do -srɔwɔlɛ, 'bhɛɛ- 'ka nu klɛlɛ laanima -Waanbhaa' -nɛ mu 'lɛ. -Amasrɔyi -yoo 'ewlanle mɛɛ kloɔ 'pegeɛ mɛɛ yienle mu ma.
- 36'Mɛɛ -yɛnkla' 'ka ma, 'bhii- mɛɛ -yɛnkla' 'ka Dɛ -Waanbhaa' ma gɔnɛ- 'la gbɛɛn-.”
- 37'Zesu pe 'ezin- dɔɔ: "'Ka 'laa 'eke- 'tɔpɛlɛ, 'kooko- waa 'ka mu 'tɔpɛ 'ezin-. 'Ka 'laa 'lale- 'eke- ta, 'kooko- waa nu -lale' 'ka mu ta 'ezin-. -Ka 'eke- a -sroma 'yan, 'bhɛɛ- -Waanbhaa' nu 'kaa -sroma 'yanlɛ-.
- 38-Ka 'ka -vin mu gba pɛ ba, 'bhɛɛ- -Waanbhaa' nu 'ka mu gbale pɛ ba 'ezin-. 'Ka pɛ yɛkɛ- 'la =naa mɛɛ mu ni, -Waanbhaa' nu 'bhɛɛ- yɛkɛ- pɛ 'ɛ 'nale- 'ka ni. -Yoo 'bhii- 'kee- mɛɛ gba pɛ ba 'ebebele, 'e 'bhɛ pɛ 'ɛ kla pɛdanpɛ do 'yi, 'bhɛɛ- 'e 'bhɛ pa. 'Bhɛɛ- 'ya tagbaan 'fɔ 'kee- ge 'tɛnlɛ- 'yee- pɛdanpɛ 'ɛ 'pale- ma, 'bhɛɛ- 'yee- pɛ 'ɛ 'ke klalaa'. 'Bhɛ klegbeya do 'ɛ 'yi bhe, 'kaa- pɛ nagbeya 'ɛ mɛɛ mu ni, -Waanbhaa' nu 'bhɛɛ- wlata pɛ nale 'ka mu ni 'ezin-.”
- 39'Bhɛ blaɛn, 'ke Zesu -gɔɔn do bɔlɛ- -o ni 'ezin- dɔɔ: "-Yɛ wi mi do laa sɔ -a -vindo' mi -yɛ wi mi do -lɛdɔɔlɛ, 'kebhlaale -o mɛɛ plɛ nu baale -gluu do 'yi.
- 40-Laklu 'nɛ do -yi 'laa ya -a daan mi 'ɛ ni. 'Duɲ- 'ke -laklu 'nɛ 'la 'bhɛ 'sɛwɛ -daanna 'elrele, -e nu klɛlɛ 'bhii- -a daan mi 'ɛ gbɛɛn-.
- 41-Mɛlɛ =kla -gaa 'klɛnɛ do 'la -yoo 'ɛ nɛnɛ- 'ɛ -yɛ ba, 'e 'bhɛɛ- ye, 'bhɛɛ- 'duɲ- 'yaa- sɔ 'ɛ 'gbu 'yɛ ba -yrikpu' 'ɛ 'yele ɛɛ?
- 42'E sɔ a pele- 'nale- 'ɛ nɛnɛ- 'ɛ ni dɔɔ: "'D nɛnɛ-, dula- doo, 'mi 'ɛ 'yɛ ba -gaa 'klɛlɛnɛ go.' 'Duɲ- 'bhɛ 'waati 'ɛ ba 'ke -yrikpu' do -o 'bhi 'gbu -yɛ 'ɛ ba, 'bhɛɛ- 'yaa 'bhɛ ye ɛɛ? Mɛɛ -yɛkɔɔza klɛ mi, 'e 'gbu 'yɛ ba -yrikpu' 'ɛ go 'elwale 'pɛ, 'bhɛɛ- 'kee- yɛ ma =ya 'waati 'la ba, 'e nu 'sɔlɛ- 'ɛ nɛnɛ- 'ɛ 'yɛ ba -gaa 'klɛnɛ 'ɛ gole-.”
- 43'Zesu pe 'ezin- dɔɔ: "-Yri diiɲ -lrele' laa bhaa -yɔɔ klɛ, 'bhɛɛ- -yri diiɲ -yɔɔ' laa bhaa -lrele' klɛ.
- 44-O -yri diiɲ mu 'kpen dɔ -o bhaa mu -la ma. Waa figi bhaa kan -zulɛrɛ diiɲ 'yi. 'Bhɛɛ- waa -drɔɔ bhaa kan daanlɛrɛ diiɲ 'yi.

⁴⁵Mɛɛ zru -lrele' -za 'wlan -la kle 'bhii- -za 'wlan yeke- 'la -yoo -a zru 'e 'yi; 'duŋ- mɛɛ zru -yoo' -za 'yoo- -la kle 'bhii- -za 'yoo- yeke- 'la -yoo -a zru 'e 'yi. -Amasroyi -za yeke- 'la -yoo bhaapleŋ 'kpee, -e 'bhɛɛ- wlata -janwo'."

⁴⁶Zesu pe 'ezin- dɔɔ: "-Mele -kla 'bhɛɛ- 'ka 'mi sii dɔɔ: Mɛɛzan, Mɛɛzan, 'bhɛɛ- 'ka 'laa 'mi zru maza kle ɛɛ?

⁴⁷'Ke mɛɛ 'la zan -nwa 'mi ba, 'bhɛɛ- 'ke -ya 'trɔŋkpa- 'mi 'wojan- mu 'e =la, 'bhɛɛ- 'kee- 'taawoa= -o ta, -o sɔ 'bhɛ zan 'e 'kpale pe 'la ma, 'ŋ 'yoo- zan 'bhɛ zɔŋle 'ka ni.

⁴⁸'Bhɛ zan -o 'bhii- mɛɛ do 'la -e 'fɛ do dɔle- -saan. -E 'fɛ gaan bɔ -gluu 'e =kaan 'egbɔŋle, 'bhɛɛ- -e 'fɛ gaan 'e =bwa vlɛ -saa do ta. La banle blaŋ 'ke tɔ 'e 'pale, 'bhɛɛ- -yi 'pɔɔ 'e =nwa 'pale- 'fɛgwɛ- ma, 'duŋ- yaa 'sɔle- -a bɛɛnle-. -Amasroyi 'fɛ 'e dɔle- -yaa 'elrele.

⁴⁹'Duŋ- 'ke mɛɛ 'la zan 'e 'trɔŋkpa- 'mi a -jan mu 'e =la, 'bhɛɛ- 'ke yaa 'taawole -o ta, 'bhɛ zan 'e 'pwele -o 'ke mɛɛ do 'la 'kee- -yaa' 'fɛ 'e -dwa 'tre kpataakpa 'e ta, 'bhɛɛ- yaa gaan bɔ -gluu 'kanle- -a -la. La do banle blaŋ, 'ke tɔ 'e 'pale, 'bhɛɛ- 'ke -yi 'pɔɔ 'e 'nule 'pale- 'yee- 'fɛgwɛ- 'e ma. 'Bhɛ klele 'tɛ, 'kee- 'klaale 'bhɛɛ- 'fɛ 'e 'kpen =wia 'fenfen."

Luki 7

¹Zesu 'yanle- 'bhɛ -jan mu 'e 'wolele mɛɛ mu 'e ni, 'ke 'yee- 'pegee -yaa' -klanlanɛ mu 'e -o gele- Kapenomu -wa 'e ta.

²Rome mu a -srwase' -kuŋlii do -yaa 'bhɛ -wa 'e ta, 'bhɛɛ- ga -gbenɛ do -yaa 'bhɛ a 'fɛ 'e =la yewonɛ mu 'e do ma. -A -za -yaa sɔ -a zan ni 'egloole. 'Bhɛ -e 'yaa- zan gale,

³'Bhɛ 'yi 'tɛ, 'yee -srwase' -kuŋlii 'e -ya 'malawoa 'kaa Zesu =nwa, 'kee- Zuufu mu a 'gwlaan- gbalaŋ mu 'e 'ke 'winbɔle Zesu 'siyre- nɔɔ- 'kaa 'bhɛ 'nu -yaa' yewonɛ 'e 'bhee-.

⁴'Bhɛ 'gwlaan- gbalaŋ mu 'e gele 'tenle- Zesu ma, 'ke -o 'bhɛ -sromabɔle dɔɔ: "'E 'zoole-, 'yaa 'e -banjole bhɔle ma mɛɛ 'lɛɛ- ba.

⁵-Amasroyi, -kɔɔa' 'klɛɛn 'e 'yi mu 'e -za sɔ a ni 'egbenele. 'Bhɛɛ- 'yele- 'o daanfɛ' 'e -dwa."

^{6- 7}'Bhɛ klele 'tɛ, 'ke Zesu dɔle- gele -la 'yee- -srwase' mi 'e ba -lɛ ma. -E bhɔle -yaa' 'fɛ 'e -din 'waati 'la ba, 'bhɛɛ- 'yee- -srwase' -kuŋlii 'e -ya bhɛgwɛn mu 'ke mu winbwa- Zesu ta 'kaa -wa pe 'bhɛ ni dɔɔ: "Mɛɛzan, 'yaa 'e 'gbu 'trebhɔle. 'Naa -o 'ke mɛɛ wlan 'le, -ayile 'mi 'gbu 'laa gele 'e ta ye; 'bhɛla- -yile 'yaa sɔ nule- 'mi ba -lɛ ma. 'Duŋ- -jangɔ' do 'kpɔ 'wo, 'bhɛɛ- 'an yewonɛ 'e nu -bhee'le'.

⁸'Mi 'gbu -kuŋlii -o, 'bhɛɛ- 'mi 'gbu -o 'ke -srwase' 'ke mu -kuŋlii 'le 'ezin-. 'Mi sɔ -a do winbɔle, 'bhɛɛ- 'bhɛ ge; 'bhɛɛ- 'mi sɔ -a -bhɛɛke' do 'siile, 'bhɛɛ- 'bhɛ nu. 'Ezin- 'ke 'mi 'a =pia 'an pe yewonɛ 'e -za 'la 'bhɛ kle, 'bhɛ 'bhɛɛ- kle."

⁹Zesu 'yee- -srwase' mu a -kuŋlii 'e 'liijan- 'e 'male-, 'ke -a zrukpaale 'gbu 'egbenele. -Ayile 'ke -ya -lɛklale -a zi -zamaa' 'e ta, 'bhɛɛ- 'ke -ya pele- -o ni dɔɔ: "-A 'san 'ke 'ŋ -

Jan 'nrāle- 'ε 'wole- zisan, 'naa 'bhe 'yansi mεε -glōon yele -lido' 'ke 'bhe 'bhe kpa 'mi 'yi 'egbenele 'bhii- mεε 'lεε- gbεεn- Izraēli 'klēen 'ε 'yi -gε.”

10'Bhe blaān, 'ke 'yee- -srwase' -kunlii 'ε yaa winbōwo mu 'ε 'niinale -a ta -yaa' 'fe 'ε 'le ma. 'Bhεε- 'ke -o bhōle -yaa' yewone 'ε 'bheele- ta.

11'Bhe blaān, 'ke Zesu gele- -wa do ta, -o -yaa 'bhe -wa 'ε sii Naini. -Yaa' -klanlane mu 'ε 'pegee -zamaa' 'saa do -ja -a zi 'bhe -wa 'ε ta.

12-E =bhwa bhla 'la ba 'bhe -wa 'ε -din, 'ke -o -lepale gbaa bin mu 'ke mu 'le, 'mu 'yaa-ge 'zi glaānle do -la -nε 'gwlaan- bhεdo 'kpō 'ε binle. -Ayile, -wa 'ε ta mεε 'srε do =nwa 'yee- le -nε 'ε zi -a gbe 'ε binyrε nōō-.

13'Mεεzan Zesu 'a yele, 'ke -a -yrēnklale 'bhe ma, -ayile 'ke 'yee- Zesu 'a pele- -a ni dōō: "'Yaa wisile!"

14'Bhεε- 'ke -ya mabεēnle gbaa 'ε -din, 'bhεε- 'kee- 'kunle -a 'kpa 'kesu 'ε ma. 'Bhe klele 'te, 'ke gbaa bina- mu 'ε -o dulale. 'Bhεε- 'ke Zesu 'a 'pele gbaa 'ε 'a ni dōō: "-Zwane, 'e 'wlen-!"

15'Bhe yrε do 'ε =nōō bhe, 'yee- -nε -zwanne 'la -gaa bi bhe, -e -bwela, 'bhεε- -e -wlenle', 'kee- -janwole 'sanle. 'Bhe blaān, 'ke Zesu 'a 'nale -a nεε ni.

16'Bhe klele 'te, mεε mu 'la 'yaa- 'bhe yrε 'ε =nōō ye, -gblaan =klaa 'mu 'kpen 'yi, 'bhεε- 'ke -o -Waanbhaa' 'tōbhōle dōō: "-Waanbhaa' -lēla' janwo mi -gbene do -nwa -kōō' 'plen-, 'bhεε- -Waanbhaa' -nwa -yaa' mεε mu 'ε taglinle!"

17-Ayile 'ke Zude 'klēen 'ε 'yi mu 'ε kpen 'pegee -a -din mu 'ε -o 'kpen Zesu kleza 'ε 'male.

18>Zesu -za mu 'la =kla, 'yee- Zaan a -klanlane mu 'ε 'mu 'bhe mu 'kpen 'yigōōna -a ni.

19>Zaan 'bhe 'male-, 'kee- -yaa' -klanlane ple 'siile, 'ke -yoo winbōle Mεεzan Zesu ba. -E pe -o ni -o ge Zesu 'lrōkpa dōō: "-O mεε 'la 'nuza- =pia, 'bhi -le 'bhe zan 'ε 'le, taa- 'woo 'yrikpa mεε -bhεeke' 'nule- ta εε?"

20-O bhōle Zesu -din, 'ke -wa pele- 'bhe ni dōō: "Mεε Wiinjfe' Mi Zaan 'o 'winbwa- 'e 'lrōkpa yrε nōō- dōō: -O mεε 'la 'nuza- =pia 'bhi -le 'bhe zan 'ε 'le taa- mεε -bhεeke' -o zan 'bhi blaān εε?"

21'Bhe 'waati do 'kpō 'ε ba, 'ke Zesu mεε -bebe ma ga mu gole-, -e 'zina mu -gbian mεε -bebe zi, 'bhεε- -e -yrε 'wi mu -yrε 'liiploola.

22'Bhe blaān, 'ke -ya pele- Mεε Wiinjfe' Mi Zaan a winbōwo mu 'ε ni dōō: "'Ka -za mu 'la klēyre -ya 'η 'kōō, 'bhεε- 'ka -jan mu 'la =maa, -ka ge 'mu 'kpen 'yigōōn- Zaan ni. -Kaa pe -a ni dōō: -yrε 'wi mu -o yrε ma ye 'zi, -flugba mu -o 'taawo zii', -kpaandε' mu ma -kpaan -o go 'zi, 'trōn 'wi mu -o -jan 'ma zii', 'bhεε- gbaa mu -o bwe 'zi gale ba. 'Ezin- -kaa pe -a ni dōō 'kaa 'η 'yoo- -Jan 'Nrāle 'ε 'wo zii' -yrēnbhō' dε mu ni.

23'Ke mεε 'la zan laa 'ploole- 'mi a pe zi 'ε ma, 'bhe zan a pe -yinra.'"

- 24 Zaan a winbɔwo mu 'ε gele blaana, 'ke Zesu -zamaa' 'ε 'lɔkpale 'sanle 'yee- Zaan ba zayi' dɔɔ: "'Ka -ja -mela -glinle' -kpe 'ε ta. -Ploo -yaa togo 'la been 'zi 'bhe -le 'kele- εε?
- 25 'Bhεε- 'ka -ja mεε 'la -glinle' -kpe 'ε ta, 'ka dune- 'lrele- =ya -a ta εε? Mεε 'la zan mu dune- 'lrele- mu kla 'mu ta, 'bhεε- 'ke pε -lrele' -bebe -o 'mu -kɔɔ, 'bhe zan mu 'ε -woo -bhleṅbe mu -la 'fε mu =la.
- 26 'Ka -ja 'duṅ- -dela -glinle' -kpe 'ε ta εε? 'Ka -Waanbhaa' -lela' janwo mi do -la =ya εε? Wlan 'gbu 'ε ni, -yoo 'ke 'bhe do 'le, 'bhεε- 'duṅ- -a gbalaan -yiya' -Waanbhaa' -lela' janwo mi do ni.
- 27 -Amasroyi Zaan -le 'ke -Waanbhaa' mεε 'la zan a -janwoa -yaa' 'Sewe 'ε 'yi dɔɔ: "E 'yrekpa -gε doo, 'mi 'e 'lεε -toorodɔ mi do winbwa-. 'Bhe nu 'e 'lεε zibhe 'ε magaanle.' "
- 28 'Bhεε- Zesu pe -o 'ezin- dɔɔ: "-A 'san 'ke -Waanbhaa' 'drunyan kle, 'bhe 'yansi mεε laa yale -lido', 'ke 'bhe gbalaan -yiya' Zaan ni. 'Duṅ- -Waanbhaa' a -bhleṅbeyaa -wa 'ε ta mεε 'fientronne 'ε bhe gbalaan 'yiya- 'yee- Zaan 'gbu ni.
- 29 Mεε mu 'ε 'kpen 'pegee 'nisrakun mu 'ε -o -yaa -o 'tron 'kpa zii' Zaan ni. -O 'kpen 'a 'yaangwa- 'bhii- -Waanbhaa' -ledɔle -o, 'bhela- -yile -o -dwa -a -la 'ke Zaan -o wiinfe -yi ba ba.
- 30 'Duṅ- Farizi mu 'ε 'pegee 'Tonṅ daan mu waa dɔle -a -la 'ke Zaan -o wiinfe -yi ba, 'bhe ya 'ε 'yi, waa -Waanbhaa' -ledɔle -a ma."
- 31 Zesu pe -o ni 'ezin- dɔɔ: "'D sɔ 'saanige mu -o danle- -mela ma εε? 'Bhεε- -o 'pwele- -o 'ke -de 'gbu -la -le εε?
- 32 'Saanige mu 'ε -woo 'bhii- -ne mu 'la 'yaale- -o -zabla' -kpan do ta, 'bhεε- -o 'ke mu -o -a 'pe 'zi -o -vin mu 'ε ni dɔɔ: "O 'srokpa -gofen' mu =pian 'ka ni, 'bhεε- 'ka 'laa 'srotanle. 'O wisi' 'sro mu -kpa 'ka ni, 'bhεε- 'ka 'laa wisile!'
- 33 'Bhe ya 'ε 'yi, Mεε Wiinfe' Mi Zaan =nwa, yaa -yaa pele, 'bhεε- yaa -yaa -drɔɔ mi, 'bhεε- 'ka pe dɔɔ 'zina mu -o -a zi.
- 34 'Bhεε- Bhaapleṅ Gbe 'ε =nwa, 'bhe pebhle, 'bhεε- 'bhe -ween mi. 'Bhεε- 'ka pe 'bhe ma dɔɔ: -ka 'ka 'yrekpa 'a ta, mεε 'lεε- -a bole -o pebhlele 'pegee -ween -la mile ma. 'Bhεε- -a bhεgwlen mu -o 'ke 'nisrakun mu 'pegee mεε 'joo 'yɔɔ- -bhεeke' mu -la -le!
- 35 'Duṅ- mεε 'la zan mu 'kpen -o -kpa -Waanbhaa' a -zadɔleya 'ε 'yi, 'bhεε- -wa =ya 'bhii- -a -ledɔle -o, 'bhe zan mu 'kpen -dwa -a -la."
- 36 Farizi mi do pebhle =kla, 'bhεε- -e Zesu 'siila- 'bhe pebhle 'ε ma -a ba -le ma. Zesu 'bhɔle- 'bhe =nɔɔ, 'kee- gele- yaale pebhle tabali 'ε zi.
- 37 'Bhe -wa 'ε ta le do 'joo 'yaa- 'eyɔle. -Ya 'malawoa 'kaa Zesu -o pele 'zi Farizi mi 'ε -yaa' 'fε 'ε =la, 'kee- nule- 'ke alibatri buteli 'plεele- do 'le, 'bhe 'pale- -yaa 'ke -lasiklɔ -gblen 'nrɔle- do 'le.

- 38'Yee- le 'ε =nwa dulalε Zesu -zan, 'bhεε- 'kee- 'yaale 'bhε gaan ma. 'Kee- wisile 'ke -ya -yreyi' 'klale Zesu gaan ma. 'Bhε blaam 'ke -ya -yreyi' mu 'ε gole- Zesu gaan ma -a winle mu 'ε 'le, 'bhεε- 'ke -ya gbε kan Zesu gaan mu 'ε ma yrεtεtε.
- 39'Bhε klele 'tε, Farizi mi 'la Zesu 'siila- pele 'ε ma, 'bhε 'yrεkpale -a ma, 'ke 'bhε 'a pele- 'bhε 'kpee dɔɔ: "'Ke mεε 'lεε- -yoo 'ke -Waanbhaa' -lεla' janwo mi kpataakpa 'gbu 'le bhε, le -glɔɔn 'la 'kun zii' -a ma bhε, -e -yaa nu 'bhε 'yaangolε. -E -yaa nu -a dɔlε 'bhii- le 'joo 'yɔɔ- do -le 'kεle-."'
- 40'Bhε klele 'tε, 'ke Zesu 'a 'pele 'yee- Farizi mi Simɔ ni dɔɔ: "'D 'yoo- -a zi 'bhii- 'η -jan do wo 'e ni." Simɔ pe -a ni dɔɔ: "'D Zan, -a wo!"'
- 41'Zesu pe -a ni dɔɔ: "Mεε do -a ca -yaa mεε plε ma. Denie -golli' 'tanbha -kεmε 'soo ca -yaa -a do ma, 'bhεε- denie -golli' 'tanbha mia plε bhε vu ca -yaa -a -bhεεke' do 'ε ma.
- 42-O mεε plε 'ε 'kedo- 'kpɔ 'laa -yaa sɔ -yaa ca mu 'ε gbawole. -Ayile 'ke -ya pele- -o ni 'kaa -ya niigwa- -waa' ca mu 'ε 'yi. 'Bhε ya 'ε 'yi, 'woo- mεε plε 'ε ba -a -za nu 'sɔlε- -o -de 'gbu -la ni 'egbenele εε?"'
- 43'Simɔ pe -a ni dɔɔ: "-Yaa' ca -gbenε -yaa mεε 'la zan ma -a -za nu 'sɔlε- 'bhεε- ni 'egbenele." 'Bhε klele 'tε, 'ke Zesu 'a 'pele -a ni dɔɔ: "'E -jan 'ε =woa 'elrele."'
- 44'Bhε blaam 'ke, Zesu 'e 'yrεkpale 'yee- le 'ε ta, 'bhεε- 'ke -ya pele- Simɔ ni dɔɔ: "Le 'lεε- -glin 'pe doo. 'D =nwa 'e ba 'fε 'ε =la, 'bhεε- 'yaa -yi 'nalε- 'mi ni 'η gaan mu mafe' pε 'le. 'Duη- le 'lεε- 'bhε -o mafia- 'ke -a -yreyi' mu 'ε 'le, 'bhεε- -yoo magwa- 'ke -a winle mu 'ε 'le.
- 45'D =nwa 'e ba, 'bhεε- 'yaa 'η -tuubɔlε. 'Duη- -a 'san 'ke 'η wla 'yaa- 'fε 'ε =la, le 'lεε- -a bole -o -a gbε 'kanle- ma 'η gaan 'ε ma.
- 46'Yaa 'η 'wiiη- 'srolε- 'ke -yrɔn 'le, 'duη- 'yee- 'η gaan masrola 'ke -lasiklɔɔ 'le.
- 47'Bhεla- -yile, 'mi pe 'e ni dɔɔ 'mi -za 'la =swa -a ni 'egbenele, -ayile -Waanbhaa' -yaa -za 'yɔɔ- mu 'ε 'sroma- -yaan. 'Duη- -Waanbhaa' mεε 'la a -sroma yan -za 'yɔɔ- 'fientrɔnnε 'yi, -a -za nu 'sɔlε- 'bhε zan ni 'bhεε- yεkε- gbεen-."'
- 48'Bhε blaam, 'ke Zesu 'a 'pele le 'ε ni dɔɔ: "-Waanbhaa' 'yaa- -za 'yɔɔ- mu 'ε -sroma -yaan."'
- 49'Bhε klele 'tε, mεε 'la zan mu 'pegee Zesu 'yaa- pele 'zi 'eke- zi 'mu pe 'mu 'kpee dɔɔ: "Mεε -glɔɔn 'ε -dele mεε 'lεε- 'le, 'bhεε- -e sɔ mεε mu a -za 'yɔɔ- mu -sroma 'yanle εε?"'
- 50'Bhεε- 'duη-, Zesu 'pe le 'ε ni dɔɔ: "Ge 'e ba -lε ma 'e yilablawolele, -amasrɔyi 'yee 'kpalawoa 'mi 'yi 'e -gwa -za 'yi."

Luki 8

- 1'Bhε blaam, 'ke Zesu 'kaanle- 'sanle -wa -gbenε mu 'pegee -wa 'fientrɔnnε mu 'ε ta. 'E -yaa -Waanbhaa' a -bhleηgbeya ma -jan 'nrallε- 'ε 'wo zii' 'bhε -wa mu 'ε ta. -Yaa' -klanlanε vu ta plε 'ε 'yaa- zi 'bhε yrε mu 'ε =nɔɔ.

- ²Zesu 'zina mu =gbian le mu 'la zi, 'bhe 'pegee -e le mu 'la 'bheela-, 'mu -le -yaa zi. 'Woo- le mu 'e 'wo -la 'tɔ -le -ge: Mari 'la -o -yaa 'bhe sii Magidala Mari, Zesu 'zina 'srwaple- -gbian 'bhe -la zi.
- ³'Bhe 'pegee Suza 'na Zaani: 'yee- Suza -yaa 'ke -bhleŋgbe Erɔdi a 'fe 'e =la yewone mu -lɛɛ mi 'le; 'bhɛɛ- Suzani 'pegee le -bhɛɛke' -bebe. 'Woo- le mu 'e -o -yaa bho Zesu 'pegee 'bhe a -klanlanɛ mu 'e ba -o 'koope- mu 'e 'le.
- ⁴-Wa mu 'e 'kpen ta mɛɛ mu 'yaa- zan Zesu ba. 'Bhela- -yile 'ke -zamaa' 'srɛ do 'klale 'eke- ba -a zi. 'Bhɛɛ- 'kee- -gɔɔn 'lɛɛ- 'bhe bɔle- -o ni dɔɔ:
- ⁵"-Yrekpa' do, mɛɛ do -ja pɛbhe bɔyɛ nɔɔ-. -E -yaa pɛbhe mu 'e 'wian zii' bhla 'la ba -yaa' gbabhe 'e ta, pɛbhe mu 'e 'lɛdo- 'klalaa- zibhe 'e 'lɛzi-, 'bhɛɛ- mɛɛ mu 'taawoa= 'mu ta, 'bhɛɛ- maanne- mu 'mu -bhla.
- ⁶Pɛbhe mu 'e 'lɛdo- -klalaa' vlɛ gloglo mu 'e 'yi. -O bhɔle -gun blaale- 'ke -o gale-, -amasrɔyi -o 'sɛnɛ mu 'e waa 'sɔle- 'tenle 'trɛ -dɔɔ ma.
- ⁷'Bhɛɛ- pɛbhe mu 'e 'lɛdo- -klalaa' lɛrɛ mu 'yi. 'Bhɛɛ- -o 'pegee lɛrɛ mu 'e 'bhɔlawoa 'eke- zi, 'bhe mu -o -dewoa.
- ⁸'Bhɛɛ- 'ezin-, pɛbhe mu 'e 'lɛdo- -klalaa' 'trɛ ti 'yi. -O bhɔlawoa 'ke -woo -bhaale' 'elrele. -Ayile 'ke -o 'kpen -o bhaa klɛle- -kɛmɛ do do." 'Bhɛɛ- Zesu pe 'ezin- dɔɔ: "'Ke 'trɔn -o mɛɛ 'la zan ŋgblo ma 'bhe -jan 'lɛɛ- 'yima!'"
- ⁹'Bhe blaɛn, 'ke Zesu a -klanlanɛ mu 'e -wa pele- -a ni 'kaa -e 'bhe -gɔɔn 'e 'yipe -o ni.
- ¹⁰Zesu pe -o ni dɔɔ: "'Ka mu -swa -Waanbhaa' a -bhleŋgbeya gaanyiza mu 'e dɔle-. 'Duŋ- -o mɛɛ -vin mu 'e 'mu a pɛ 'e klɛ -gɔɔn mu -la bɔlele; 'kooko- 'ke -woo -yrekpa -o ta waa sɔ -o yele-, 'bhɛɛ- 'ke -woo 'trɔnkpa -o -la, waa sɔ -o -yimale.'"
- ¹¹Zesu pe -yaa' -klanlanɛ mu 'e ni dɔɔ: "Pɛbhe bɔ mi 'e ma -gɔɔn 'e 'yi -le -ge: -Waanbhaa' -jan 'e 'bhe -le 'ke pɛbhe mu 'e 'le.
- ¹²Mɛɛ 'ke mu -o 'bhii- pɛbhe mu 'la 'klalaa zibhe 'e 'lɛzi-. 'Ke -o -Waanbhaa' a -jan 'e =maa, -Setran' nu blaale- 'bhe -jan 'e gɔle -o 'kpee, 'kooko- waa sɔ -o 'kpale -Waanbhaa' 'yi, 'bhɛɛ- 'bhe -o go -za 'yi.
- ¹³Mɛɛ 'ke mu -o 'bhii- pɛbhe mu 'la 'klalaa vlɛ gloglo mu 'e 'yi. 'Ke -o -Waanbhaa' a -jan 'e =maa -wa -za klɛ -o zrukpaale ta. 'Duŋ- waa to 'ke 'yee- -jan 'e -ya 'sɛnɛ gbaanyɛ -srɔwo -o 'kpee 'e 'yi, 'bhɛɛ- -woo kpa a -yi 'waati sa ba. -Amasrɔyi 'ke -o -yɛnɔlele -saan bhla 'la ba -o plo -o 'kpale- ma -a -yi.
- ¹⁴Mɛɛ 'ke mu -o 'bhii- pɛbhe mu 'la 'klalaa lɛrɛ mu 'e 'yi. 'Ke -o -Waanbhaa' -jan 'e =maa, -wa -dewo' 'ke -o zru ba 'ŋgami mu 'e 'le, 'bhe 'pegee -naflo maza mu -lrɔ mu 'pegee 'trɛ ta pɛ mu -lrɔ mu 'e 'le. 'Bhe -za mu 'e 'kɔɔ, -o -yɛ ba laa sɔ 'kanle -Waanbhaa' a pɛ zi 'e ta.
- ¹⁵Mɛɛ 'ke mu -o 'bhii- pɛbhe mu 'la 'klalaa 'trɛ ti -yi. 'Ke -o -Waanbhaa' a -jan 'e =maa, -wa kpa 'elrele -o 'kpee, 'bhɛɛ- -o blɔle bo -a ma. -Ayile -o 'bhe 'wlata- za -lrele' mu klɛ."

- 16 Zesu pe -o ni dɔɔ: "'Ke 'ka -lanɓha do =bhia 'ka sɔ 'gbonɓbo do bhulale -a ta taa- 'ka sɔ -a dulale yilape do -la =la ɛɛ? 'Ɔ bhe, 'kaa duɗ -lanɓha duɗyɛ 'ɛ 'bhe =nɔɔ 'fɛgwɛ- 'ɛ ma, 'kooko- 'ke mɛɛ 'la zan mu -o wlale- 'fɛ 'ɛ =la -e sɔ 'mu 'lɛɛ 'kanle, 'bhɛɛ- 'mu sɔ yɛ ma yele-.
- 17 Bhɛla- -yile, pɛ 'oo pɛ 'la magaanle -o, 'bhe ta nu 'pwele- kpataakpa, 'bhɛɛ- -dawli' maza mu 'ɛ 'kpen ta nu 'pwele- mɔkpen' 'yɛ ma, 'bhɛɛ- -woo dɔ kpataakpa.
- 18 Bhɛla -yile, 'ka 'ka 'trɔnkpa 'ɗ 'wojan- mu 'ɛ =la gɔnɛ- 'la gbɛɛn- bhe, -ka 'ka 'yɛkpa 'elrele 'ka 'gbu 'trɔnkapgbɛya 'ɛ ba. -Amasɔyi 'ke pɛ -o mɛɛ 'la zan 'kɔɔ -o nu -a 'kɔɔpɛ- 'ɛ baan' 'kpale-. 'Duɗ- pɛ 'kedo- 'kpɔ 'laa -o mɛɛ 'la zan 'kɔɔ, -a yri -o pɛ sanɛ- 'la ta -a 'kɔɔ, -o nu 'bhɛɛ- 'kunle- 'a 'kɔɔ."
- 19 Zesu nɛɛ 'pegee -a nɛɛnɛ- 'gwlaan- mu 'ɛ =nwa -a ba, 'duɗ- -zamaa' 'srɛ 'ɛ 'kɔɔ, waa -yaa sɔ gele- 'tenle- -a ma.
- 20 Bhɛ 'yi, 'ke mɛɛ mu 'ɛ -wa pele- Zesu ni dɔɔ: "'E nɛɛ 'pegee 'ɛ nɛɛnɛ- 'gwlaan- mu 'ɛ -wa zi 'bhii- -o -janwo' 'ɛ ni, 'bhɛɛ- -o dulale -o 'pɛlii-."
- 21 Bhɛ klɛle 'tɛ, 'ke Zesu 'a 'pele -o ni 'kaa: "Mɛɛ mu 'la zan mu -o 'trɔnkpa- -Waanbhaa' wojan 'ɛ =la, 'bhɛɛ- 'ke -wa -yizaklɛ, 'bhe zan mu -le 'ɗ nɛɛ 'pegee 'ɗ nɛɛnɛ- 'gwlaan- mu 'le."
- 22 -Yɛkpa' do, Zesu 'pegee -yaa' -klanlanɛ mu 'ɛ -saan -yitakonɗ do 'yi, 'bhɛɛ- -e pe -o ni dɔɔ: "'-Kɔɔ' -draa 'ɛ takan', 'bhɛɛ- -kɔɔ' ge -a 'yɛ gbɛ do 'ɛ ta laale."
- 23 -O -yaa -yi 'ɛ takan' zii' bhla 'la ba 'ke yi 'kpale- Zesu 'yɛ ta, 'bhɛɛ- 'kee- yidɛle. 'Bhe yɛ do 'ɛ =nɔɔ bhe, 'ke -ploo -gbɛnɛ do 'kanle 'sanle -draa 'ɛ ta. 'Bhɛɛ- 'ke -yi 'pɔɔ 'ɛ 'klale- 'sanle -o zi -yitakonɗ 'ɛ 'yi, 'bhɛɛ- -za 'yɔɔ- -yaa zan 'tenle- -o ma.
- 24 Bhɛ klɛle 'tɛ, 'ke -yaa' -klanlanɛ mu 'ɛ -woo mabɛɛnle -a -din, 'bhɛɛ- 'ke -wa pele- -a ni dɔɔ: "'O Zan, 'o Zan, 'woo- zan gale." -Ayile, 'ke Zesu bwele-, 'bhɛɛ- 'kee- 'pɛɛnle -ploo 'ɛ 'pegee -yi 'pɔɔ mu 'ɛ ta, 'ke -o makpaale, 'bhɛɛ- 'ke -yi 'ɛ 'yɛ ta dɔle- 'sese.
- 25 Bhɛ blaɛn, 'ke Zesu 'a pele -o ni 'kaa: "'-Mɛla ma 'ka 'laa 'ka kpa 'mi 'yi ɛɛ?" -Gbɛlaɛn =klaa -o -yi, 'bhe 'pegee -o 'kpeɛlenia -o ma. 'Bhɛla- -yile, 'ke -woo 'eke- -lɔkpale dɔɔ: "Mɛɛ -glɔɔn 'ɛ -dele mɛɛ 'lɛɛ- 'le ɛɛ? -E sɔ -janwole -ploo 'pegee -yi mu ni, 'Bhɛɛ- 'mu 'a 'weli- ma!"
- 26 Bhɛ blaɛn, 'ke Zesu 'pegee -yaa' -klanlanɛ mu 'ɛ -o 'kanle -draa 'yɛ gbɛ do 'ɛ ta -yitakonɗ 'ɛ 'yi, Gadara mu a 'klɛɛn 'ɛ 'yi. 'Bhe 'klɛɛn 'ɛ 'pegee Galile 'klɛɛn 'ɛ 'lɛklale -yaa 'eke- ta.
- 27 Zesu zinale -yitakonɗ 'ɛ 'yi, 'bhɛɛ- -e nule 'trɛ ma 'ke 'bhe -wa 'ɛ ta mɛɛ do nule- -a 'lɛpale. 'Zina 'yaa- 'bhe mɛɛ 'ɛ zi, 'bhɛɛ- 'bhe =nɔɔ =mwa gban 'ke -a tafɛɗ- baale -o. 'Bhɛɛ- yaa -yaa yi 'fa =la, 'fɔ mɛɛ bu mu 'ɛ ta.
- 28 -E Zesu 'yele-, 'kee- -gbekanle 'eglɔɔle, 'kee- baale' 'bhe gaan ma, 'bhɛɛ- 'ke -ya pele- 'eglɔɔle dɔɔ: "Laanima -Waanbhaa' Gbe Zesu, =ya zi 'bhii- 'ɛ -mɛla klɛ 'ɗ ni ɛɛ? 'E 'zoole- 'yaa -yɛnkpale 'ɗ ta."

- 29**-E -sromabwa Zesu ni 'bhεε- gbεen-, -amasrɔyi Zesu 'yaa- pe 'zi 'zina 'la 'yaa- -a zi 'bhe ni dɔɔ 'bhe go -a zi. 'Bhe bɔyre =mwa gban bi -a zi. -O -yaa -a gaan mu 'ε 'pegee -a gbε mu tabɔ kpele- mu 'le. 'Duŋ- 'waati 'oo 'waati, -e -yaa 'bhe kpele- mu 'ε takan, 'bhεε- 'zina mu 'ε -wa winblin -bɔn ta.
- 30**Zesu 'yee- mεε 'ε 'lrɔkpaa- dɔɔ: "-Woo' 'ε sii 'nale- -a ma εε?" -E pe 'bhe ni dɔɔ: "'D 'tɔ -le: -Zamaa' 'srε." -Ya =pia -a 'gbu ma 'bhe 'pegbɔya 'ε 'yi bhe, -amasrɔyi 'zina 'saa do -le -yaa -a zi.
- 31**'Bhela- -yile, 'zina mu 'ε -o -yaa -sromabɔ 'zi Zesu ni 'kaa 'bhe 'laa gele -o -le -gluu 'trole- -gbenε 'ε 'yi.
- 32**=Swa 'le -gbenε do -yaa pεbhle zii' -o -din gɔɔnε- 'ε 'wiinj- 'bhe 'waati do 'kpɔ 'ε ba. 'Bhela- -yile 'ke 'zina mu 'ε -o -sromabɔle Zesu ni 'kaa 'bhe dɔ -a -la 'ke -o sɔ gele- wlale 'bhe =swa mu 'ε 'yi. 'Bhεε- Zesu -dwa 'bhe =la -o ni.
- 33**'Bhe klele 'tε, -o gole- mεε 'ε zi, 'ke -o gele- wlale =swa mu 'ε 'yi. 'Bhela- -yile, 'ke 'woo- =swa 'lɛdo- -o 'ploole -o 'gbu ma gɔɔn 'ε 'wiinj-, 'ke -o nule- baale -draa 'ε ba, 'bhεε- 'ke -o 'kpen gale-.
- 34**'Bhe klele 'tε, 'woo- =swa mu 'ε gooba mu 'ε -o -yrεkpale 'bhe ma, 'ke -o blasanle, 'bhεε- 'ke -o gele- 'bhe -jan 'ε 'yigɔɔnle -wa 'ε 'pegee gba la 'kpa mu 'ε ta.
- 35**-Ayile, 'ke mεε mu 'ε 'kpen 'pwele, 'ke -o nule- -za 'la 'bhe =kla 'bhe =nɔɔ -glinyre' nɔɔ-. -O bhɔle Zesu -din, 'zina mu -yaa mεε 'la zan zi, 'ke -o 'bhe 'yele. 'Bhe 'yaale- -yaa Zesu gaan ma, 'bhεε- dune- -yaa 'bhe ta, 'bhe 'pegee -a -yre ba 'kpaale- -yaa. 'Bhe ya 'ε 'yi, 'ke -gblaan 'klale -o -yi.
- 36**Mεε 'la zan mu 'woo- -za mu 'ε 'kpen kleyre =ya, 'bhe mu -o 'yigɔɔnna -o ni. Zesu 'yee- mεε 'ε zi 'zina mu 'ε -gbian gɔnε- 'la gbεen- 'bhεε- -e -bheela, 'mu 'bhe 'kpen 'yigɔɔnna -o ni.
- 37**'Bhe klele 'tε, 'ke 'yee- Zerazeni 'kleen 'ε 'yi mu 'ε 'kpen -sromabɔle Zesu ni 'kaa 'bhe 'e go -waa' 'kleen 'ε 'yi. -Amasrɔyi -gblaan 'yɔɔ- -yaa -o -yi. -Ayile 'ke Zesu 'pegee -yaa -klanlanε mu 'ε -o 'sanle -yitakon 'ε 'yi, 'bhεε- 'ke -o jilale.
- 38**'Duŋ- 'zina mu -yaa mεε 'la zan zi, 'bhe -sromabwa Zesu ni 'kaa -e gele- -o zi. 'Bhεε- 'duŋ- Zesu 'laa dɔle 'bhe =la -a ni, 'bhεε- 'bhe pe -a ni dɔɔ:
- 39**"Ge 'e ba -lε ma, 'bhεε- -Waanbhaa' -za 'la =kla 'e ni bhe, ge 'bhe 'yigɔɔn 'e ba 'fa =la mu 'ε ni." 'Bhe klele 'tε, 'yee- mεε 'ε gele, Zesu -za wlan 'la =kla -a ni, 'kee- 'bhe 'kpen 'yigɔɔnle -yaa -wa 'ε ta mu 'ε ni.
- 40**Zesu 'pegee -yaa -klanlanε mu 'ε -o nule -draa 'yre gbε do 'ε ta, 'ke -zamaa' 'srε do -o -lεpale, -amasrɔyi -o 'kpen 'yaa- -a magben 'zi 'bhεε- yre 'ε =nɔɔ.
- 41**'Bhe yre do 'ε =nɔɔ bhe, -o -yaa Zuufu mu daanfε' 'ε =la -kunlii 'la sii Zailusi 'bhe =nwa 'bhe 'kpɔ zenle 'yee- Zesu =la, 'ke 'bhe 'sromabɔle -a ni dɔɔ -e ge 'bhe ba.

- 42'Bhɛ 'laa 'sanle- bhaama: -A -lunɛ' bhɛ do 'kpɔ 'la lɛɛ -yaa lɛɛ vu ta plɛ, 'bhɛ 'yaa- zan gale. 'Bhɛla- -yile, 'ke Zesu dɔle- 'tɛ 'yee- Zailusi ba -lɛ ma zi 'ɛ ta. 'Duŋ-, -a ge bhla 'ɛ 'zi 'yee- Zailusi ba -lɛ ma 'ɛ =nɔɔ, mɛɛ mu 'ɛ 'yaa- 'eke- -yrɔn 'zi -a zi.
- 43'Le do -yaa 'woo- mɛɛ mu 'ɛ 'plɛŋ-, 'bhɛ lɛɛ vu ta plɛ 'ke 'bhɛ a -yito' 'ɛ 'lɛ 'laa kan, - ayile -e -yren -bebe =bhla gban. -Ya 'kɔɔpɛ- mu 'ɛ 'kpen =naa -a -laanɛkpa mu 'ɛ ni, 'duŋ- 'mu do 'kpɔ 'laa klɛlɛ -a -bhee pɛ 'lɛ.
- 44'Bhɛɛ- -e -nwa yrɛtɛtɛ Zesu -zanta' 'ke -ya gbɛ -nɛbhɛ' do -zwanle' Zesu ta dunɛ- 'ɛ ma. 'Bhɛ klɛlɛ 'tɛ, 'ke yaa -yito' 'ɛ 'lɛkanle 'bhɛ yrɛ do 'kpɔ ɛ =nɔɔ bhe.
- 45-Ayile, 'ke Zesu mɛɛ mu 'ɛ 'lrɔkpale dɔɔ: "-Dele 'e gbɛ -yaan 'ŋ ma ɛɛ?" -O 'kpen -o - lɛ ma -dwa 'egloole 'bhɛ ta. -Ayile 'ke Pɛri 'a 'pele Zesu ni dɔɔ: "'Ŋ zan, 'e 'yrɛkpa - zamaa' 'ɛ ta -gɛ 'eke- -yrɔn yrɛ =nɔɔ 'e zi."
- 46'Duŋ- Zesu pe -a ni dɔɔ: "Mɛɛ do -yaan 'ŋ ma, -amasrɔyi fanŋan- do -pwela 'ŋ 'yi."
- 47'Bhɛ klɛlɛ 'tɛ, 'yee- le 'ɛ -ya 'yaangole 'bhii- -wa tapwɛla, 'kee- nule- -a 'kpɔ zenle Zesu 'lɛɛ. -E -yaa bɛɛn 'zi -gblaan 'ɛ 'kɔɔ. 'Bhɛɛ- -ya gbɛ -nɛbhɛ' -yaan Zesu ma -za 'la ma, 'bhɛ 'pegee -e -bheela gɔnɛ- 'la gbɛɛn- blaale- 'kee- 'bhɛ 'kpen 'yigɔɔnle mɔkpen' 'yrɛ ma.
- 48'Bhɛ klɛlɛ 'tɛ, 'ke Zesu 'a 'pele -a ni dɔɔ: "'Ŋ 'lunɛ, 'yee 'e 'kpalawoa 'mi 'yi bhe, 'e bheela-. Ge 'e ba -lɛ ma zrukpa' ta."
- 49'Zesu 'yaa- 'bhɛ -jan 'ɛ 'wo zii' bhla 'la ba, 'ke mɛɛ do dale- Zuufu mu daanfɛ' 'ɛ - kuŋlii 'ɛ ba -lɛ ma, 'bhɛɛ- 'ke 'bhɛ 'a pele- 'yee- -kuŋlii 'ɛ ni dɔɔ: "'E 'nɛ 'ɛ =kla sɛle-, 'yaa -kɔɔ' Zan 'trɛbhɔlɛ."
- 50'Duŋ- Zesu 'trɔn bɔle 'bhɛ wojan 'ɛ 'yi, 'ke -ya pele- Zailusi ni dɔɔ: "'Yaa -gblaanlɛ', 'ke 'yee =kpa drɔŋ 'mi 'yi 'e 'nɛ nu -bheelɛ'."
- 51-O bhɔle 'yee- Zailusi ba -lɛ ma, 'ke Zesu 'a pele- dɔɔ mɛɛ 'kɛdo- 'kpɔ 'laa wlalɛ -a zi 'fɛ 'ɛ =la, 'ke yaa 'e go 'yee- Zesu 'gbu 'pegee Pɛri, 'bhɛɛ Zaan 'pegee Zaki, 'bhɛɛ- -nɛ 'ɛ 'yapɛ- mu 'ɛ ba.
- 52'Bhɛ 'waati 'ɛ ba, mɛɛ mu 'ɛ 'kpen 'yaa- -yren ma wisi' zii' -nɛ 'ɛ ta. 'Bhɛ klɛlɛ 'tɛ, 'ke Zesu 'a 'pele -o ni dɔɔ: "'Ka 'laa wisilɛ, -nɛ 'ɛ yaa gale, -yoo yidɛ 'zi."
- 53-Ayile, 'ke -o 'sɔnsile Zesu ma, -amasrɔyi -o 'kpen 'yaa- -a 'yaango- 'bhii- 'yee- -gblanɛ 'ɛ -gaa.
- 54'Bhɛ klɛlɛ 'tɛ, 'ke Zesu 'kunle -nɛ 'ɛ gbɛ ma, 'bhɛɛ- 'kee- -gbekanle 'egloole dɔɔ: "- Gblanɛ, 'e 'wlen-!"
- 55'Bhɛ yrɛ do 'ɛ =nɔɔ bhe, 'ke -a nii- 'ɛ bɔle- -a -yi, 'bhɛɛ- 'ke -ya -wlenle'. -Ayile 'ke Zesu 'a 'pele dɔɔ -o pele na 'yee- -gblanɛ 'ɛ ni.
- 56-A dɛ 'pegee -a nɛɛ mu -liibhaala -o ma 'kee- kan -a -dan' ta. 'Bhɛɛ- Zesu -o - lɛmazwan 'kaa -za 'la 'bhɛ =kla -o lunɛ' 'ɛ ni waa 'bhɛ 'yigɔɔnle mɛɛ 'kɛdo- 'kpɔ ni.

Luki 9

- ¹Zesu -yaa' -klanlane vu ta ple 'e 'siila-, 'bhæ- -e 'zina -gbin 'sej 'pegee gade mu -bhee 'sej =naa -o ni.
- ²Bhæ blaam, 'ke -yoo winbole 'kaa -o ge -Waanbhaa' a -bhleighbeya ma jan -nræle' 'e wo 'bhæ 'pegee -o ge gade mu -bhee'.
- ³Bhæ- -e pe -o ni dɔɔ: "'Ka -o ge 'zi 'taa 'la ta bhe, 'ka 'laa pe 'kedo- 'kpɔ 'silɛ-: 'ka 'taawo 'beni oo, gben ta ge 'pepe oo, pele oo, -gɔli' oo, 'bhæ- 'ka 'laa dunɛ- ple 'silɛ-.
- ⁴Ke 'ka -ja 'fɛ 'oo 'fɛ 'la =nɔɔ, 'ke -o 'ka 'cie =sia 'elrele 'bhæ =nɔɔ, -ka bo 'bhæ 'fɛ 'ɛ =la 'fɔke 'bhæ ge 'tenlɛ- 'ka ge yi 'ɛ ma.
- ⁵Duŋ- 'ke 'ka -ja -wa 'oo -wa 'la ta, 'bhæ- 'ke waa 'kaa- 'cie 'silɛ- 'elrele 'bhæ =nɔɔ, -ka go 'bhæ -wa 'ɛ ta. 'Bhæ- 'ka go bhla 'ɛ zi -kaa =nɔɔ bwegblen- 'ɛ 'wlen 'ka gaan mu 'ɛ 'le: 'bhæ bwegblen- 'wlenlɛ- 'ɛ nu klɛlɛ -waa yiɛnya 'ɛ ma -tɔomasie 'le."
- ⁶Bhæ klɛle 'tɛ, Zesu a -klanlane mu 'ɛ -o -ja -wa mu 'ɛ 'kpen ta. -O -yaa -Jan 'Nræle- 'ɛ 'wo zii', 'bhæ 'pegee 'ke -o gade mu -bebe bhee -o 'kanyɛ- mu 'ɛ 'kpen =nɔɔ.
- ⁷Mɛɛ Wiinjɛ' Mi Zaan dɛle blaam, 'ke Galile 'klɛn 'ɛ ta -bhleighbɛ Erɔdi Zesu klɛza mu 'ɛ 'kpen 'male, 'bhæ- 'ke -a zrubatɛdɔle. -Amasɔyi mɛɛ 'ke mu -yaa 'pe 'zi dɔɔ: "Mɛɛ Wiinjɛ' Mi Zaan -bwela gale ba."
- ⁸Mɛɛ 'ke mu -yaa 'pe 'zi dɔɔ: "Eli -le nu gbɛ drɛɛwoa- 'ezin-." 'Bhæ- mɛɛ -bhæɛke' mu -yaa pe 'zi dɔɔ: "-Waanbhaa' -lɛla' janwo mu gwe gwe 'ɛ do -le -bwela gale ba."
- ⁹Yee- Erɔdi 'gbu pe dɔɔ: "'An =pia mɛɛ mu ni 'kaa -o Zaan ŋgblo 'kan, 'bhæ- -o 'bhæ =kla. 'D 'yoo- mɛɛ 'ɛ -de 'gbu -la klɛza mu -lrele' ma 'zi -gee' ɛɛ?" -Ayile -e -yaa zi 'bhii- -e Zesu 'ye.
- ¹⁰Zesu -yaa' -klanlane vu ta ple 'la 'winbwa-, 'mu dale 'taa 'ɛ ta, 'ke -woo klɛza mu 'ɛ 'kpen 'yigɔɔnle 'a ni. 'Bhæ klɛle 'tɛ, 'ke Zesu gele- -o -le mɛɛ mu 'ɛ 'yɛ -gɔma' Bɛtisaida -wa 'ɛ ba -yɛ ta.
- ¹¹Duŋ- -zamaa' mu 'ɛ -woo geza 'ɛ Bɛtisaida 'bhæ 'male-, 'kee- -o gele -o zi 'bhæ =nɔɔ. -Ayile 'ke Zesu -o 'kunle 'elrele. 'Bhæ- 'kee- -Waanbhaa' a -bhleighbeya ma -jan 'ɛ 'wole -o ni, 'bhæ 'pegee ga -yaa mɛɛ 'la zan mu ma -e 'mu 'kpen 'bheela-.
- ¹²Yromazi bhɔle -saan bhla 'la ba, 'ke -yaa' -klanlane vu ta ple 'ɛ -woo mabɛɛnle 'a -din, 'bhæ- 'ke -wa pele- -a ni dɔɔ: "-Kɔɔ' -o -bɔn drɛyi' -gɛ bhe, -a pe mɛɛ mu 'ɛ ni dɔɔ -o ge -o yilayɛ mu 'pegee -o le pele mu -glin -kɔɔ' -din -wa mu 'ɛ 'pegee gba la 'kpaam mu 'ɛ ta."
- ¹³Bhæ klɛle 'tɛ, 'ke Zesu 'a 'pele -o ni dɔɔ: "'Ka mu 'gbu pele na -o ni!" -Ayile 'ke -wa pele -a ni dɔɔ: "Pɛ 'kedo- 'kpɔ 'laa -o 'kɔɔ 'ke yaa 'e go 'bluu 'yri 'soo 'pegee kaa ple ba. 'Fɔke 'o -ja mɛɛ mu 'lɛɛ- 'kpen 'lɛbɔ- pɛ -lɔlɛ'."
- ¹⁴Wlan 'ɛ ni, 'gwlaan- 'waa 'soo -le -yaa -o zi 'bhæ 'waati 'ɛ ba. 'Bhæ klɛle 'tɛ, 'ke Zesu 'a 'pele -yaa' -klanlane mu 'ɛ ni dɔɔ: "-Ka -o yala- mɛɛ mia ple bhæ vu -lɛ ma -lɛ ma."

- 15-Ayile, Zesu 'a =pia -o ni 'kaa -o mɛɛ mu 'ɛ 'yala- yaa- gbeya 'la 'yi, -yaa' -klanlanɛ mu 'ɛ 'mu 'bhɛɛ- =kla.
- 16'Bhɛ blaɛn, 'ke Zesu 'bluu 'yri 'soo 'ɛ 'pegee kaa plɛ 'ɛ 'sile, 'ke -ya -yɛkpaɛ laanima, 'bhɛɛ- 'kee- -Waanbhaa' 'pubɔɛ 'mu ma. 'Bhɛ blaɛn, 'kee- 'bluu mu 'ɛ takanle kplokplo, 'bhɛɛ- 'ke -ya peɛ- -yaa' -klanlanɛ mu 'ɛ ni dɔɔ -woo -yicien' -zamaa' 'ɛ ma.
- 17'Mɔkpen' pebhla-, 'bhɛɛ- mɔkpen' kpɛdwa-, 'bhɛɛ- peɛ 'ɛ 'ke =bwa. -O le peɛ -vin 'la =bwa, 'bhɛ ciɛ -nɛ vu ta plɛ -paa.
- 18-Yɛkpaɛ' do, Zesu do -kplɛn -ja -a 'seriwolɛ yɛ do =nɔɔ, 'bhɛɛ- -yaa' -klanlanɛ mu 'ɛ -ja 'tɛnlɛ- -a ma 'bhɛ yɛ 'ɛ =nɔɔ ye. 'Bhɛɛ- -yoo -lrɔkpaɛ dɔɔ: "Mɛɛ mu 'ɛ 'kpee ma, 'mi -o mɛɛ -glɔɔn 'ɛ -dela -le ɛɛ?"
- 19'Bhɛ kleɛ 'tɛ, 'ke -wa peɛ- dɔɔ: "Mɛɛ 'ke mu pe dɔɔ 'yoo- 'ke Mɛɛ Wiinjɛ' Mi Zaan 'le, -a 'ke mu pe dɔɔ 'yoo- 'ke Eli 'le. -A -lɛdɔ' pe 'ezin- dɔɔ -Waanbhaa' -lɛla' janwo mu gwe gwe 'ɛ do -le -bwela gale ba, 'bhɛɛ- 'bhɛ -le 'bhi 'le."
- 20-Ayile, 'ke Zesu 'woo- 'gbu 'lrɔkpaɛ 'kaadɔɔ: "Ka mu 'kpee ma -dele 'mi 'gbu 'le ɛɛ?" Pɛri pe dɔɔ: "'Bhi -le Krisi 'le, -Waanbhaa' Mɛɛ -Bhee Mi -Kpɔsɔɔ 'gbu 'la =kpaɛ 'bhɛ -le 'bhi 'le."
- 21'Bhɛ ya 'ɛ 'yi, Zesu -o -lemazwan dɔɔ waa 'bhɛ za 'ɛ 'peɛ- mɛɛ 'kedo- 'kpɔ ni.
- 22'Zesu pe -yaa' -klanlanɛ mu 'ɛ ni 'ezin- dɔɔ: "-A -lɛdulalɛ -o dɔɔ Bhaaplɛŋ Gbe 'ɛ nu -yɛn -bebe bhleɛ mɛɛ mu 'kɔɔ: Zuufu mu a 'gwlaan- gbalaɛ mu 'ɛ 'pegee 'sraka 'lɛna mu -kuŋlii mu 'ɛ, 'bhɛɛ- 'Toŋ daan mu 'ɛ -o nu -o -baŋgolɛ -a -yi. 'Bhɛɛ- -o nu a peɛ 'kaa -wa dɛ. 'Duŋ- -e nu bweɛ gale ba -a dɛle blaɛn -yɛkpaɛ' yaga mi ma."
- 23'Bhɛ blaɛn, 'ke -ya peɛ- 'ezin- dɔɔ: "'Ke mɛɛ 'la zan 'a =pia 'kaa -yoo zan 'ŋ zi, 'bhɛ zan 'ɛ 'niigo- -a 'gbu 'yi, 'bhɛɛ- -e dɔ -yɛnbhleɛ -la yi 'oo yi, 'ali- 'ke 'bhɛ ge 'tɛnlɛ- -a gale ma; 'bhɛɛ- 'bhɛ zan nu dɔɛ 'ŋ zi 'tɛ.
- 24-Amasɔyi 'ke mɛɛ 'la zan -a zi 'bhii- -ya 'gbu a 'trɛ ta -si 'ɛ go -za -yi, 'bhɛ zan nu bloolɛ 'bhɛ 'si 'ɛ 'yi. 'Duŋ- 'ke mɛɛ 'la zan 'ɛ zru -gwa -a 'gbu 'si 'ɛ ni 'mi -zayi', 'bhɛ zan nu golɛ -za 'yi.
- 25'Ke bhaaplɛŋ do 'trɛ ta pɛ mu 'ɛ 'kpen 'srɔɔwoa-, 'bhɛɛ- 'ke yaa bolɛ -yɛ ma -si 'ɛ 'srɔɔwolɛ, 'bhɛɛ- 'ke -a -leyaan -jranama 'tɛ 'ɛ 'yi; 'bhɛ 'trɔn- -a ma -mɛla -le ɛɛ?
- 26'Ke mɛɛ 'la zan -yralakpaɛ 'mi 'pegee 'mi 'wojan- mu 'ɛ 'lɛɛ, Bhaaplɛŋ Gbe 'ɛ nu -yralakpaɛ 'bhɛ zan 'ɛ 'lɛɛ, 'kee- =nwa yi 'la 'le -yaa' 'tɔbhɔleya 'ɛ 'yi 'yee- 'pegee -a Dɛ -Waanbhaa' 'bhɛɛ- -mlɛkɛ' 'wɛŋ mu 'ɛ 'le.
- 27'Mi pe 'ka ni 'ŋ 'sɔwɛɛ- 'ɛ ma dɔɔ: Mɛɛ 'la zan mu 'kpen -o -gɛ -zɔn, -a 'ke mu gale plɛŋ-, -o -yɛ nu 'kpaɛ- -Waanbhaa' a -bhɛŋgbeya yi 'ɛ ma."
- 28-Gbɛɛyi' do 'kanle blaɛn, 'ke 'yee- Zesu Pɛri 'pegee Zaan 'bhɛɛ- Zaki 'siile, 'ke -o gele 'sanɛ- vlɛ gɔɔn do wiinj-. -O -ja -o 'seriwolɛ 'bhɛ =nɔɔ ye.

- 29 Zesu 'yaa- 'seriwo zii' bhla 'la ba 'ke -a dɔgbeya 'ε niinale, 'bhεε- 'ke -a ta dunε- 'ε klele- 'epu 'penpenle.
- 30 'Bhε yrε do 'ε =nɔɔ bhe, 'ke mεε plε 'pwεle -a ba, 'bhεε- 'kee- -balo klele 'sanle 'mu 'le: Moizi 'pegee Eli -le -yaa 'bhε mεε plε 'ε 'le.
- 31 -O mεε plε -pwεla -Waanbhaa' a -lreleya 'ε 'yi, Zesu nu gelawolε Zeruzalemu 'taa 'la ta bhe, 'bhεε- -e -yaa nu -Waanbhaa' zru maza 'la klele, -o 'bhε -za mu 'ε 'kpen ta -balo =kla.
- 32 'Bhε 'waati 'ε ba, Pieri 'pegee a mado mi plε 'ε, -yaa yidε 'zi. 'Bhεε- 'duŋ-, -o -bwele', 'ke -o Zesu 'lreleya -yrayra 'ε 'bhile- 'pegee mεε plε 'ε 'yele- -a -din.
- 33 'Woo- mεε plε 'ε 'yaa- go 'zi Zesu -din bhla 'la ba, Pieri pe Zesu ni dɔɔ: "'O Zan, 'o klɛlawoa -gε 'waati 'ε 'lεε- ba 'bhε =kla 'elrele, -ayile 'woo- zan 'kpaanε yaga dɔle: 'Bhi a pε do, Moizi a pε do 'bhεε- Eli a pε do.'" 'Yee- Pieri -yaa -jan 'la 'bhε 'wo zii', -a 'gbu 'laa -yaa 'bhε 'yaango- 'zi.
- 34 -E -yaa 'bhε -jan 'ε 'wo zii' bhla 'la ba, 'ke lafle' -gblen do nule-, 'bhεε- 'ke 'bhε lii 'ε 'kpale -o ta. -Ayile 'ke -gblaan -gbenε do 'klale -o -yi.
- 35 'Bhεε- 'ke -weli do dale- 'yee- lafle' -gblen 'ε 'yi dɔɔ: "'Mi 'η Gbe 'la makwan- 'yele- -gε, -ka 'ka 'trɔnkpa 'a ni 'elrele!"
- 36 'Bhε -weli' 'ε 'male- blaen, -o Zesu do -kplenne' -la =ya. 'Duŋ- 'woo- Zesu a -klanlanε mu 'ε waa 'bhε -za 'ε sanε- 'wolε- mεε 'kedo- 'kpɔ ni 'bhε 'waati 'ε ba.
- 37 'Bhε ta tooklin- yi 'ε 'le, 'ke Zesu gole- gɔɔn 'ε 'wiij-, 'bhεε- 'kee- nule- -a kpε -la. 'Ezin- 'ke -zamaa' do nule -a -lepale.
- 38 'Bhε 'yi 'tε, 'ke mεε do -gbekanle 'sanle -zamaa' 'ε 'plen- dɔɔ: "'D Zan, 'yrεkpa 'η gbe -nεbhε' do 'kpɔ 'ε ta -gε!"
- 39 'Zina 'la -ya zi, 'kee =pwa -a ta 'waati 'la ba, -e -gbekan' 'eglɔɔle, 'bhεε- -e bεen -kpakpa 'eglɔɔle, 'bhεε- -ya -liile' 'plii 'ε pwε -a -lε ma. -E -yrεn 'ε 'kpen -glɔɔn kpa a ta, 'bhεε- yaa go -a ta ven-.
- 40 -Ayile, 'η =nwa 'tenle- 'yaa- -klanlanε mu 'ε ma, 'bhεε- 'η -sromabwa -o ni dɔɔ -o 'yee- 'zina 'ε -gbin -a zi 'bhεε- waa 'sɔle- 'bhε klele-."
- 41 'Bhε klele 'tε, 'ke Zesu 'lale -yaa' -klanlanε mu 'ε ta dɔɔ: "Mεε 'kpee 'yɔɔ- mu, 'bhεε- 'ka 'laa 'ka kpa 'η 'yi! -A -vinbwa 'waati 'wεε- 'ke 'η bo 'ka 'kwe 'sile- ma εε? Nu 'ε gbe 'ε 'le 'η ni -gε."
- 42 -O -yaa zan -nε 'ε 'le Zesu ni 'waati 'la ba, 'ke 'zina 'ε 'pɔle -a ta, 'ke -ya blinle- 'trε ma, 'bhεε- 'kee- bεenle- -kpakpa. 'Bhε 'yi bhe 'tε, 'ke Zesu 'pεenle 'yee- 'zina 'ε ta 'eglɔɔle, 'bhεε- 'ke -nε 'ε 'bheele. 'Bhε blaen 'ke Zesu 'a 'nale -a dε ni.
- 43 'Bhε klegbeyā 'ε gbεen- bhe, -Waanbhaa' a -glɔɔya' 'ε -e mɔkpen' 'kpeelenia. Zesu kleza mu 'ε =yaa mɔkpen' 'kpeeleni zii', -ayile -e pe -yaa' -klanlanε mu 'ε ni dɔɔ:

- 44""D 'yoo- zan -jan 'la 'wolε- 'ka ni -gε bhe, -kaa 'kpa 'elrele 'ka 'kpee: -Woo zan - dawli' 'kpale- Bhaaplεη Gbe 'ε gbe ta, 'bhεε- -wa -lena' mεε mu ni."
- 45'Duη- waa 'bhε -jan 'ε 'yimale, -amasrōyi -gblo -yaa -o yikan' 'yrε ta, 'bhεε- waa -yaa sō -a -yimale kplankplan. 'Bhεε- waa 'sōle- Zesu 'lrōkpale -a -yi 'ε ma, -amasrōyi -o -yaa -gblaan 'zi 'bhε 'lεε.
- 46'Zesu a -klanlanε mu 'ε -o zaabōle -saan -za do ta dōo -o -de 'gbu -la gbalaan -yiya' -o 'kpen ba.
- 47'Zesu 'a 'yaangole 'bhii- -o -yaa zaabō 'zi 'bhεε- -za 'ε ta, 'kee -nε 'fientrōnne do 'kunle 'bhε gbε ma, 'kee- 'bhε dulale -a -din.
- 48'Bhεε- -e pe -o ni dōo: "'Ke mεε 'la zan -nε 'lεε- -za =kwan 'elrele 'mi -zayi', 'bhε zan 'ε 'bhε 'mi -la -za -kwan 'elrele bhe. 'Bhεε- 'ke mεε 'la zan 'mi -za -kwan 'elrele, 'bhε zan 'ε 'bhε 'η 'winbō- mi 'ε 'bhεε- -za -kwan 'elrele 'ezin- bhe. -Ayile 'ke mεε 'la zan 'bhε 'gbu mavεela 'ka ba 'bhε zan 'ε 'bhela- gbalaan 'yiya- 'ka 'kpen ni."
- 49'Bhε ya 'ε 'yi bhe, 'ke Zaan 'a pele Zesu ni dōo: "'O Daan mi, 'o mεε do -ya 'ke -yoo 'zina mu -gbin 'zi mεε mu zi 'ε 'tō 'ε 'yi. 'O mōo pe -a ni 'kaa -e 'ploō- 'bhε ma, -amasrōyi -yaa -o 'ke 'yaa- -klanlanε 'ε do 'le."
- 50'Bhε klele 'tε, 'ke Zesu 'a 'pele -a ni dōo: "'Ka 'laa 'bhε 'saawolε 'bhε zan 'ε 'kōo, -amasrōyi, mεε la zan laa -o 'ka 'sōnnii 'le, 'bhε zan -o 'ka 'yienii -la -le."
- 51'Zesu a lafle' 'yi ge bhla 'la =bhwa -wa -din, 'ke -ya pele- dōo -e gele- -cian Zeruzalemu.
- 52'Bhε ya 'ε 'yi, -e mεε 'ke mu winbwa- -a -lεε magaan zayi'. 'Bhε zan mu 'ε -o -ja, 'bhεε- -o =bhwa Samari 'kleen 'ε 'yi -wa do ta.
- 53'Duη- 'bhε -wa 'ε ta mu 'ε waa -o gbēdōle Zesu =la, -amasrōyi -e -yaa ge 'zi Zeruzalemu.
- 54'Bhε klele 'tε, -yaa' -klanlanε mu 'ε, Zaki 'pegee Zaan 'bhε 'yele- 'ke -woo zrupliile, 'bhεε- 'ke -wa pele- Zesu ni dōo: "Mεεzan, 'ya zi 'bhii 'wa 'pe lafle' 'yi 'tε 'ε ni 'kaa -e zina- -o ta, 'bhεε- -yoo 'kpen kpacie εε?"
- 55'Bhε 'yi 'tε, 'ke Zesu 'lale -o ta 'kaa -o wojan 'ε -yoo 'eyōole.
- 56'Bhε blaas, 'ke -o gele- -wa 'bhεεke do ta.
- 57-O -yaa Zeruzalemu 'taa 'ε ta bhla 'la ba, 'ke mεε do 'a 'pele Zesu ni dōo: "'Kee -ja yrε 'oo yrε 'la =nōo, 'η nu gele 'ε zi 'bhεε- =nōo."
- 58'Bhε klele 'tε, 'ke Zesu 'a 'pele 'a ni dōo: "-Gbεηgbeni mu yi -gluu mu -o, 'bhεε- laanima maanne- mu yi 'fε mu -o, 'duη- yilayrε 'kedo- 'kpō 'laa -o Bhaaplεη Gbe 'ε 'kōo 'bhεε- -ya -yitre' 'bhε =nōo."
- 59'Bhε =nōo bhe, Zesu pe mεε -bhεεke' do ni dōo: "Nu dō 'η zi!" 'Bhε zan 'ε pe -a ni dōo: "Mεεzan, -a 'tō 'ke 'η =yaan 'η dε binlele 'waati 'la ba 'bhεε- 'η nu dōle 'ε zi."

60'Bhε klele 'tε, 'ke Zesu 'a 'pele 'bhε zan 'ε ni dɔɔ: "Mεε gbaa mu a gbaa mu 'ε 'to -o 'kɔɔ, 'bhεε- -woo bin. 'Bhi 'duŋ-, ge -Waanbhaa' a -bhleŋgbeya ma 'ε -Jan 'Nrāle- 'ε 'wo mεε mu ni."

61'Bhε blaana, 'ke mεε do 'a 'pele Zesu ni dɔɔ: "Mεεzan, 'η 'yoo- -a zi 'bhii- 'η dɔ 'ε zi, 'duŋ- -a 'to 'ke 'η ge 'η 'srawo 'an 'fa =la mu 'ε ma 'elwale 'pe."

62-Ayile 'ke Zesu 'a 'pele -a ni dɔɔ: "'Ke mεε 'la zan 'ε gbε =kpaa dri mu a yewo -kpoo 'yri 'ε ma, 'bhεε- 'ke -ya 'yrεkpaa- -a -zanta', 'bhε zan 'ε yaa mεε maza -yanwo' -Waanbhaa' a -bhleŋgbeya zi 'ε ta."

Luki 10

1'Bhε -za mu 'ε blaana, Mεεzan Zesu -klanlana mia yaga bhε vu makwan-, 'bhεε- -yoo winbwa- -a -lεε. 'Yee- 'gbu 'yaa- nu 'kanle- -wa mu 'la 'kpen 'pegee yrε mu 'la 'kpen =nɔɔ -e pe -o ni 'kaa -o 'kan -sɔ -a -lεε 'mu 'kpen =nɔɔ.

2-E pe -o ni dɔɔ: "-Mlɔ gba 'ε -yoo 'egbenεle, 'bhεε- -e -tranna gban, 'duŋ- -a 'kan mu laa -o 'ebebele. -Ayile -ka -sromabɔ gbazan 'ε ni dɔɔ 'bhε -mlɔ 'ε 'kan mu 'ε baankpa' -o ba, 'bhεε- -wa kan, 'bhε 'pegee -wa zrɛdɔ.

3-Ka ge, 'η 'yoo- 'ka 'winbɔ- 'zi mεε mu 'ε ba, 'bhεε- 'ka -o 'bhii- -bhlaa gwlen bhlonε- mu kle srɔpε mu pleŋ- gɔnε- 'la gbεen-.

4'Ka ge bhla 'ε zi, 'ka 'laa -goli' bɔle 'ka 'wiinj-, 'bhεε- 'ka 'laa 'taa ta ge 'pepe 'sile-, 'bhε 'pegee 'ka 'laa -sawla 'wlale- 'ka gaan ma. 'Ka 'laa dulale zi 'lii, 'bhεε- 'ka mεε 'pubɔ-.

5'Ke 'ka =wlaa 'fε 'oo 'fε 'la =la, -kaa pe 'bhε =la mu 'ε ni dɔɔ: 'Bhaa -Waanbhaa' 'ka bɔ 'edɔɔle!'

6'Ke yilabla sɔ 'bhε 'fε 'ε =la mi 'ε do ni, 'bhε zan 'ε nu 'kaa- 'duma 'ε 'srɔɔwole. 'Duŋ- 'ke yilabla 'laa sɔ 'bhε 'fε 'ε =la mu 'ε ni, 'ka 'laa 'bhε =la mu 'ε 'dumawole.

7'Ke 'ka =wlaa 'fε =lwa 'la =la, -ka bo 'bhεε- =la, 'ke -o 'ka -gbaa pele 'pegee -yi 'la ba, -kaa bhle 'bhε 'pegee -kaa mi. -Amasrɔyi, yewonε 'ε 'sra- -o 'kela 'le -o 'bhεε- na -a ni. 'Ka 'laa bole 'kaanle- ma 'fε mu =la do do

8'Ke 'ka -ja -wa 'oo -wa 'la ta, 'bhεε- 'ke -o 'ka 'cieya- =kla 'elrele 'bhε =nɔɔ, 'bhε 'pegee 'ke -o pε 'oo pε 'la =naa 'ka ni, -ka 'bhε 'bhle.

9-Ka 'bhε -wa 'ε ta gadε mu 'ε 'bhee-, 'bhεε- -kaa pe -o ni dɔɔ: '-Waanbhaa' a -bhleŋgbeya yi 'ε =bhwa 'ka -din.'

10'Duŋ- 'ke 'ka -ja -wa 'la ta, 'bhεε- 'ke 'bhε =nɔɔ mu 'ε waa 'ka 'cieya- klele, -ka go 'bhε -wa 'ε ta.

11'Ka go bhla zi 'bhε -wa 'ε ta, -kaa pe dɔɔ: "O 'kaa- -wa 'kpee bwegblen- 'ε 'wlen zii' 'ka 'gbu 'kaama- 'o gaan mu 'ε 'le. 'Duŋ- -kaa 'yaango- dɔɔ 'bhii- -Waanbhaa' a -bhleŋgbeya yi 'ε =bhwa 'ka -din.'

- 12-Ayile 'mi pe 'ka ni 'η 'sɔwɛɛ- ma dɔɔ -Waanbhaa' a 'kitikan yi -gbɛɛ 'ɛ 'le, waa nu 'sɔlɛ- 'yee- -wa 'ɛ ta mu 'ɛ -o ta -yɾɛn 'ɛ 'kpale Sodɔmu a pɛ ta -yɾɛn 'ɛ 'bhɛ ma."
- 13Zesu pe -o ni 'ezin- dɔɔ: "'Ka ta -yɾɛn! 'Ka mu Korazen mu! 'Ka ta -yɾɛn! 'Ka mu Bɛtisaida mu! 'D 'sɔlɛ- maza mu 'la =kla 'ka ba, 'kee- 'kpa bi 'η 'bhɛ yɛkɛ- 'sɔlɛ- maza mu kle Tiri 'pegee Sidɔn -wa mu 'ɛ ta, -zɔn 'laa 'bhɛ 'le 'ke -zadɔwɛɛ =bwa gban -o ma -waa' -za 'yɔɔ- mu 'ɛ -zayi', 'bhɛɛ- 'ke -o -plooda gban 'bhɛ mu klele ma. -O -yaa nu 'bhɛ zɾɔnlɛ -bɔtɔ kplɛ 'pegee -yie 'klalele -o ta.
- 14'Bhɛla- -yile, -Waanbhaa' a 'kitikan yi -gbɛɛ 'ɛ 'le, Tiri -wa 'ɛ 'pegee Sidɔn -wa 'ɛ ta mu 'ɛ -o ta -yɾɛn 'ɛ yaa nu -lale' 'bhii- 'ka mu a pɛ 'ɛ gbɛɛn-.
- 15'Bhɛɛ- 'ka mu Kapɛnɔmu -wa 'ɛ ta mu, 'ka 'kpee ma 'ka nu -wlenlɛ', 'bhɛɛ- 'ka tɛn lafle' ma ɛɛ? -Waanbhaa' nu 'ka mazinale, 'bhɛɛ- -e ge 'ka 'le -jranama 'tɛ 'ɛ 'yi."
- 16'Bhɛ blaɛn, 'ke Zesu 'a 'pele -yaa' -klanlanɛ mu 'ɛ ni dɔɔ: "'Ke mɛɛ 'la zan 'ɛ 'trɔnkpa- 'ka 'wojan- -la, 'bhɛ zan -o 'bhɛ 'trɔnkpa zii' 'mi -la wojan 'ɛ 'la bhɛ 'ezin-. 'Ke mɛɛ 'la zan 'bhɛ -baɛgwa 'ka 'yi, 'bhɛ zan 'bhɛ -baɛgwa 'mi -la -yi bhɛ. 'Bhɛɛ- 'ke mɛɛ 'la zan 'bhɛ -baɛgwa 'mi 'yi, 'bhɛ zan 'ɛ 'bhɛ -baɛgwa mɛɛ 'la zan 'mi 'winbwa- 'bhɛɛ- 'yi 'ezin-."
- 17Zesu a -klanlanɛ mia yaga bhɛ vu 'ɛ -o -ja, 'bhɛɛ- -o =nwa. -O zrukpa- gbe -yɔɔ' 'ɛ 'kɔɔ 'ke -wa pele- Zesu ni dɔɔ: "'O Daan mi, -glɔɔya' 'la -yoo 'ɛ 'tɔ 'ɛ 'yi 'bhɛ -zayi', 'o 'kpaale- -o 'zina mu 'ɛ 'wiinj-; 'bhɛɛ- 'ke 'wa =pia -o ni -o 'kɛla 'bhɛ kle -o 'bhɛɛ- kle."
- 18'Bhɛ klele 'tɛ, 'ke Zesu 'a 'pele -a ni dɔɔ: "'D 'yɾɛ 'yaa- -Setran' baale ma 'kee- da lafle' 'yi blaale- 'bhii- la -yɾɛbɔgbeya 'ɛ gbɛɛn-.
- 19-Ka 'ka 'trɔnkpa doo: 'η 'bhɛ 'sɛɲ =naa 'ka ni 'ke 'ka sɔ 'taawole mlɛ mu 'pegee -zaanweele mu ta, 'bhɛɛ- 'ke 'ka sɔ 'kpaale -kɔɔ' 'sɔɔnnii 'ɛ yaa -glɔɔya' 'ɛ 'wiinj-. Pɛ 'kɛdo- 'kpɔ 'laa nu 'sɔlɛ- -za 'yɔɔ- do 'kpɔ klele- 'ka ni.
- 20'Duɲ-, 'ka 'laa 'ka zrukpaale 'ka 'kpaale- 'la -yoo 'zina mu wiinj- 'bhɛ -zayi'. 'Duɲ- 'ka zrukpaale kle -Waanbhaa' 'ka 'tɔ mu 'ɛ yɔɔn 'la =dia gban laanima 'bhɛɛ- -zayi'."
- 21'Bhɛ 'waati do 'kpɔ 'ɛ ba, 'ke Lii 'Wɛɲ 'ɛ zrukpa- -gbɛɛ do zinale Zesu ta, 'bhɛɛ- 'ke -ya pele- dɔɔ: "'D Dɛ 'trɛ 'pegee lafle' Zan, 'mi 'ɛ 'pubɔ, -amasɾɔyi 'ɛ -za 'la -gaanna -zadɔ' mu 'pegee 'sɛwɛdɔ mu -lɛɛ, 'ɛ 'bhɛɛ- -zɾɔnna -nɛ mu 'ɛ ni. -E -swa 'ɛ ni 'ke 'ya kle 'bhɛ gbɛɛn-, -ayile 'mi 'ɛ 'tɔbhɔ- 'egbɛɛle.
- 22"'D Dɛ -za 'kpɛn gbɛkpaa- 'mi 'kɔɔ. Mɛɛ 'kɛdo- 'kpɔ 'laa 'mi dɔ 'ke yaa 'ɛ go 'yee- do -kplɛn ba. 'Bhɛɛ- mɛɛ 'kɛdo- 'kpɔ 'laa 'mi Dɛ 'ɛ dɔ 'ke yaa 'ɛ go 'mi -a Gbe do -kplɛn, 'pegee mɛɛ 'la zan -a Gbe -a zi 'bhii- 'bhɛ zan 'a dɔ 'bhɛ ba."
- 23'Bhɛ blaɛn, 'ke -ya l-ɛklale -yaa' -klanlanɛ mu 'ɛ ta, 'bhɛɛ- 'ke -ya pele- 'mu ni dɔɔ: "'Ka mu 'la 'ka 'yɾɛ -o -za 'lɛɛ- ma -gɛ -zɔn bhɛ, 'kaa- pɛ -yinra'.
- 24-Amasɾɔyi, -za 'la 'kpɛn -o kle 'zi 'ka yɾɛ ma -gɛ -zɔn bhɛ, 'elwaleta -Waanbhaa' -lɛla' janwo mu -bebe 'pegee -bhleɲgbe -bebe 'ke mu -yaa zi 'bhii- 'yee- -za 'lɛɛ- kle -o -yɾɛ ma, 'bhɛɛ- yaa klele -o -yɾɛ ma. -O -yaa zi 'bhii- -wa ma, 'bhɛɛ- waa male."

- 25'Bhɛ 'yi 'tɛ, 'kɛ 'Toŋ daan mu 'ɛ do nule- Zesu 'lɔkpale, -e -yaa zi 'bhii- -ya -yidan'. 'Bhɛla- -yile 'bhɛ 'Toŋ daan mi 'ɛ pe -a ni dɔɔ: "'An klɛ 'gbu 'nale- -a ma 'bhɛɛ- 'ŋ sɔ - Waanbhaa' ba bole -yɾɛ ma -si 'la -daŋ 'laa -o 'bhɛ ma 'bhɛ 'srɔɔwole ɛɛ?"
- 26'Bhɛ klɛle 'tɛ, 'kɛ Zesu 'a 'pele 'a ni dɔɔ: "-O -mɛ pɛ za -la yɔɔndia- Moizi a 'toŋ 'sɛwɛ 'ɛ 'yi ɛɛ? 'Bhɛɛ- 'ya 'yima- 'nale- ɛɛ?"
- 27'Yee- mɛɛ 'ɛ -e pe Zesu ni dɔɔ: "'Toŋ 'ɛ ta, -a yɔɔndɛle -o dɔɔ Mɛɛzan -Waanbhaa' 'sɔ 'e ni 'e zru oo, 'e 'nii- oo, 'e faŋgan- oo 'bhɛ 'pegee 'e 'kpeejan- 'ɛ 'kɾɛn 'le. 'Bhɛɛ- 'e - vindo' mi 'sɔ 'e ni 'bhii- 'e -za sɔ 'e 'gbu ni gɔnɛ- 'la gbɛɛn-."
- 28'Bhɛ klɛle 'tɛ, 'kɛ Zesu 'a 'pele -a ni dɔɔ: "'Ye 'an -jan 'ɛ 'lɛkwan- 'elrele, 'bhi ge 'bhɛ 'yansi za klɛ, 'bhɛɛ- 'e nu bole -yɾɛ -si 'la -daŋ' 'laa -o 'bhɛ ma 'bhɛ 'srɔɔwole."
- 29'Duŋ- 'yee- 'Toŋ daan mi 'ɛ 'yaa- zi 'bhii- -e 'zoo 'na -a 'gbu ni, -ayile 'kee- Zesu 'lɔkpale dɔɔ: "-De 'gbu -le 'ŋ -vindo' mi 'le ɛɛ?"
- 30'Bhɛ 'yi 'tɛ, 'kɛ Zesu -gɔɔn do bɔle- dɔɔ: "-Yɾɛkpa' do, mɛɛ do -daa Zeruzalɛmu, 'bhɛɛ- -e -yaa ge 'zi Zeriko. -E bhɔle yɾɛ do =nɔɔ 'ke -faannii' mu baale' -a ta, 'bhɛɛ- 'ke -wa 'kɔɔpɛ- mu 'ɛ 'kɾɛn 'sile, 'bhɛɛ- 'ke -wa tafɛle; 'bhɛ 'pegee 'ke -wa madiŋwole, 'bhɛɛ- 'ke -wa -zɔle' baale 'tole zi 'ɛ 'lii, 'bhɛɛ- 'ke -o jilale.
- 31'Bhɛ ya 'ɛ 'yi bhe, 'sraka 'lena mi do 'kanle- -bɛŋgwa 'yee- zi do 'kpɔ 'ɛ 'lii 'bhɛ 'waati 'ɛ ba. -E bhɔle 'yee- mɛɛ 'ɛ baale ta, 'ke -ya taglinle frii, 'bhɛɛ- 'kee- 'kanle 'a -gɔma, 'bhɛɛ- 'kee- jilale.
- 32'Bhɛ blaana, 'ke Levi 'srɛ mu 'ɛ do 'kanle- -bɛŋgole 'yee- zi do 'kpɔ 'ɛ 'lii. 'Bhɛ 'bhɔle- 'yee- mɛɛ 'ɛ ta, 'ke -ya taglinle 'ezin- frii, 'bhɛɛ- 'ke 'bhɛ 'kanle 'ezin- -a -gɔma'.
- 33'Bhɛɛ- boolazi, Samari mɛɛ do -yaa ge 'zi 'taa ta 'yee- zi do 'kpɔ 'ɛ zi 'ezin-. -E bhɔle 'yee- mɛɛ 'ɛ -din, 'bhɛɛ- -a -yɾɛkpale a ma, 'ke -a -yɾɛn -gbɛɛ 'klale -a ma.
- 34-Ayile, 'ke -ya mabɛɛnle 'a -din, 'bhɛɛ- 'ke -ya ma bhɛ mu 'ɛ 'tekpale -yɾɔn 'pegee - laanɛ' 'yi 'le, 'bhɛɛ- 'kee- sɔgbɛ -yɾɛle' 'mu bhɛ mu 'ɛ ta. 'Bhɛ blaana, 'kee- 'yee- mɛɛ 'ɛ 'sanle -yaa' -soofali 'ɛ ta, 'kee- gele- 'kɛle- 'cie mu yi 'fɛ do -la. -E bhɔle 'bhɛ =nɔɔ ye, 'kee- 'yee- mɛɛ 'ɛ 'laanɛkpale 'elrele, 'bhɛɛ- 'ke -ya -yɾɛkpale 'bhɛ ba.
- 35'Bhɛ ta tooklin- yi 'le, -e denie -gɔli' 'taŋbha plɛ =sia -a ba 'yi, 'bhɛɛ- -yoo -naa 'cie mu yi 'fɛzan- 'ɛ ni, 'bhɛɛ- -e pe 'bhɛ ni dɔɔ: "E 'yɾɛkpa mɛɛ 'lɛɛ- ba 'elrele, 'ke 'ŋ -daa 'an 'taa 'ɛ ta yi 'la 'le, 'e -gɔli' yɛkɛ- 'la 'siɛla- 'ke 'bhɛ kan 'kɛlɛɛ- ta, 'ŋ nu 'bhɛ 'kɾɛn gbawole 'e ni.' "
- 36'Bhɛ blaana, 'ke Zesu 'yee- 'Toŋ daan mi 'ɛ 'lɔkpale dɔɔ: "'Bhi 'kpee ma, 'woo- mɛɛ yaga 'la bhe, -o -de 'gbu -le =kla -faannii' mu -balaa' mɛɛ 'la zan ta 'bhɛ -vindo' mi 'le ɛɛ?"
- 37'Yee- 'Toŋ daan mi 'ɛ pe dɔɔ: "-A -yɾɛnklaa mɛɛ 'la zan ma, 'bhɛ -le =kla -a -bhoo 'ɛ 'le." 'Bhɛ klɛle 'tɛ, 'kɛ Zesu 'a 'pele -a ni dɔɔ: "'Bhi ge 'bhɛ 'yansi za klɛ."
- 38'Zesu 'pegee -yaa' -klanlanɛ mu 'ɛ 'yaa- ge 'zi Zeruzalɛmu 'taa 'ɛ ta 'waati 'la ba, 'ke -o bhɔle- -wa do ta, 'bhɛɛ- 'ke -o gele- -o zɛnle -o -yaa le 'la 'bhɛ sii Maati 'bhɛ ba.

³⁹Maati 'nwale- do -yaa, -o -yaa 'bhe sii Mari. Mæzan Zesu 'yaa- -Jan 'Nræle- 'e 'wo zii' 'waati 'la ba, 'ke 'yee- Mari gele- yaale 'bhe gaan ma, 'bhæ- 'ke -ya 'trɔnkpa- 'bhe 'wojan- 'e =la.

⁴⁰'Bhe 'waati 'e ba, -a -doole' Maati yre ba 'te 'yaa- kpo klele ma, 'bhe 'pegee 'fe 'e =la ye -glɔɔn 'e 'kpen 'wole- ma. -Ayile 'kee- nule- -a pele Zesu ni dɔɔ: "'D Zan, 'η 'nwale- 'e -yoo 'η do -kplɛn 'tolawoa ye 'e 'wole- ma, 'bhe 'laa la 'e ma εε? -A pe -a ni 'kaa -e nu bhɔ 'η ba kpo klele 'e 'le."

⁴¹Zesu pe -a ni dɔɔ: "'E Maati, 'E Maati! 'E 'yrebatedɔle -o, 'bhæ- 'e wlayre 'e 'pale- -o -za -bebe -zayi'.

⁴²-Nafan -o -za do 'kpɔ -la ma, 'ke 'bhe kan pe 'kpen ta, Mari 'bhæ- makwan-, 'bhæ- mæ 'kedo- 'kpɔ 'laa nu 'sɔle 'bhe 'kunle -a 'kɔɔ."

Luki 11

¹-Yrekpa' do, Zesu 'yaa- 'seriwo zii' yre do =nɔɔ. -E yanle -a 'seriwolele, 'ke -yaa' -klanlanɛ mu 'e do 'a 'pele -a ni dɔɔ: "'Mæzan, 'o daan 'o 'seriwolele, 'bhii- Mæ Wiɪŋfɛ' Mi Zaan bhe a -klanlanɛ mu 'e -daanna 'mu 'seriwolele gɔnɛ- 'la gbæen-."

²-Ayile, 'ke Zesu 'a 'pele -o ni dɔɔ: "'Ke 'ka -o 'ka 'seriwole -kaa pe dɔɔ: "'O Dɛ -Waanbhaa', bhaa mɔkpen' 'a dɔ 'bhii- 'yoo- 'weŋ! Bhaa 'yaa- -bhleŋgbeya yaa- yi 'e 'bhɔ.

³'O gba yi oo yi, 'o maza -o pebhle 'la ma 'bhe ba!

⁴'Waa- -za 'yɔɔ mu 'e -sroma 'yan, 'bhii- mæ 'la zan mu -za 'yɔɔ mu =kla 'o ni 'o 'bhe zan mu a -sroma yan gɔnɛ- 'la gbæen-. 'Yaa 'tolɛ- 'ke -Setran' 'o 'lɛkan-, 'bhæ- -yoo' balaa' -za 'yɔɔ- 'yi.' "

⁵Zesu pe -yaa' -klanlanɛ mu 'e ni 'ezin- dɔɔ: "'Ke 'ka do 'bhe 'wlenna- blandreyi, 'bhæ- -e -ja 'tɛnlɛ- -a bhɛgwlen do ma, 'bhæ- -e kɔkɔdia 'bhe ta, 'ke -ya pe 'bhe ni dɔɔ: "'D 'bhɛgwlen-, 'e 'wlen-, 'bhæ- 'ye 'η gba 'bluu 'yri yaga ba.

⁶-Amasrɔyi 'η 'bhɛgwlen- do -daa 'taa ta -bi 'lɛ- zi, 'bhæ- -e =nwa 'η ba. Pele kplankplan laa -o 'η 'kɔɔ 'ke 'an 'lɛwɛ kpo kle.'

⁷'Bhæ- 'bhe 'yi bhe 'tɛ, -a bhɛgwlen 'la 'yilale -o 'fe 'e =la, 'bhe 'a 'lɛkun -a ni dɔɔ: "'D 'to 'srɔ! 'Mi 'pegee 'η 'nɛ mu 'e 'o 'yilaa- gban, -ayile 'o 'fe 'liikonɔ bhe 'e =bwa gban. 'Naa sɔ -li 'η 'wlenle, 'bhæ- 'η ge 'bluu 'nale- 'e ni.'

⁸'Mi pe 'ka ni 'η 'sɔwɛ- ma dɔɔ: 'Ali- 'ke yaa -wlenle', 'bhæ- -e 'bluu 'e na -a bhɛgwlen 'e ni -waa' bhɛgwlenya 'e ma; 'ke 'bhe =bwa -a matedɔ yre nɔɔ-, -e nu -a -wlenle', 'bhæ- -e 'bluu 'e na 'bhe ni.

⁹'Bhela- -yile 'mi pe 'ka ni dɔɔ 'ke 'ka pe 'oo pe 'la 'yrewoa- -Waanbhaa' ma, -e nu 'bhe pe 'e 'nale- 'ka ni. 'Ke 'ka pe 'oo pe 'la 'bhe -glinna -Waanbhaa' ba, 'ka nu 'bhæ- 'srɔɔwole. -Ka kɔkɔde 'fe 'liikonɔ 'e ta, 'bhæ- -Waanbhaa' nu -a -liigole 'ka ni.

- 10-Amasrɔyi, 'ke mɛɛ 'oo mɛɛ 'la zan maza -o pɛ 'la ma, 'kee- 'bɛɛ 'yɛwoa- -Waanbhaa' ma, 'bɛɛ zan nu 'bɛɛ pɛ 'ɛ 'srɔwole. 'Bɛɛ- 'ke mɛɛ 'oo mɛɛ 'la zan maza -o pɛ 'la ma 'kee- 'bɛɛ pɛ 'ɛ ziglinna -Waanbhaa' ba, 'bɛɛ zan nu 'bɛɛ pɛ 'ɛ 'srɔwole; 'ke mɛɛ 'oo mɛɛ 'la zan kɔkɔdia, -o nu 'fɛ 'ɛ 'liigole 'bɛɛ zan ni.
- 11'Ka -de 'gbu -le sɔ mlɛ 'kpale 'bɛɛ 'nɛ 'ɛ 'kɔɔ, 'ke 'bɛɛ kaa -yɛwoa -a ma ɛɛ?
- 12-Taa 'ka -de 'gbu -le sɔ -zaanweele do 'kpale 'bɛɛ 'nɛ 'ɛ 'kɔɔ 'ke 'bɛɛ maa yɛn -yɛwoa -a ɛɛ?
- 13'Ka mu bhaaplɛɲ 'kpee 'yɔɔ- mu, 'ke 'ka mu sɔ pɛ -lɛle' mu nale- 'ka 'nɛ mu ni, -mɛla ma 'bɛɛ- 'ka Dɛ -Waanbhaa' 'la -yoo laanima 'bɛɛ 'laa nu 'sɔlɛ- Lii 'Wɛɲ 'ɛ 'nale 'ke mɛɛ 'la zan mu 'bɛɛ 'yɛwoa- -a ma 'mu ni ɛɛ?"
- 14Yi do ta, Zesu 'yaa- 'zina -gbin 'zi mɛɛ do zi. 'Bhobho 'zina -le -yaa 'bɛɛ mɛɛ 'ɛ zi. Zesu 'yanle- 'yee- 'zina 'ɛ -gbinlele, 'ke 'yee- mɛɛ 'ɛ -janwole 'sanle. 'Bɛɛ klɛle 'tɛ, 'ke 'bɛɛ yɛ 'ɛ =nɔɔ mu 'ɛ 'kpɛn 'liibhaale 'mu 'gbu ma.
- 15'Duɲ- -zamaa' 'ɛ 'plɛɲ- mɛɛ 'ke mu -yaa pɛ 'zi dɔɔ -o -yaa 'zina mu a -kuɲlii 'la sii Bɛɛzebuli 'bɛɛ -le -yaa 'zina mu -gbin 'sɛɲ 'na zii' 'yee- Zesu ni.
- 16-O 'ke mu -yaa bɔyɛ -glin 'zi -a -la 'ke mu 'a 'pele -a ni dɔɔ 'kee- da -Waanbhaa' ba, -e 'bɛɛ ma -tɔmasie do klɛ -o -yɛ ma doo.
- 17'Duɲ- Zesu 'yaa- -o 'kpeejan- mu 'la dɔ bɛ, 'ke 'bɛɛ 'a 'pele -o ni dɔɔ: "'Ke -bhɛngbe do a 'klɛn -yi mu gwledan 'eke- ba, 'bɛɛ 'klɛn 'ɛ 'lɛyanyɛ -le 'ke -a 'siele- -la -le, 'bɛɛ- -a nɔɔ- -wa mu 'ɛ ta 'fɛ mu 'ɛ -o -klalaa'.
- 18'Bɛɛ ya 'ɛ 'yi, 'ke -Setran' gwledan 'zi -a 'gbu ba, -yaa' 'klɛn nu -mɔlɛ' 'nale- -a ma ɛɛ? 'Ka mu -a pɛ 'zi dɔɔ 'mi -o 'zina mu 'ɛ -gbin 'zi Bɛɛzebuli -la 'sɛɲ ta.
- 19'Duɲ- 'ke 'bɛɛ -o 'ke wlan 'le, -dele 'zina mu -gbin 'sɛɲ 'na zii' 'ka a pɛ mɛɛ mu 'ɛ ni ɛɛ? 'Ka 'gbu a pɛ mɛɛ mu 'ɛ 'mu -le sɔ 'yee- -jan 'lɛɛ- ɲgblo 'kanle.
- 20'Duɲ- 'ɲ 'sɔwɛɛ- 'gbu 'ɛ ma, 'ke 'ɲ 'yoo- 'woo- 'zina mu 'ɛ -gbin 'zi -Waanbhaa' a pɛ 'sɛɲ -la ta, 'mi sɔ a pele- dɔɔ -Waanbhaa' a -bhɛngbeyɛ yi 'ɛ =bhwa 'ka -din gban."
- 21"'Ka 'gbu 'a 'yaango- 'bhii- 'ke gwledanpɛ -lɛle' -o -fanɲan ma mɛɛ do 'kɔɔ, -za 'yɔɔ- laa sɔ 'tɛnle -yaa' 'fɛ 'pɛgeɛ -a 'kɔɔpɛ- mu 'ɛ ma, -amasrɔyi -ya -yɛkpa' -o ba 'elɛle.
- 22'Duɲ- 'ke mɛɛ -bhɛɛke' do =nwa 'bɛɛ- 'ke 'bɛɛ fanɲan- 'yiya- 'yee- fanɲan- ma mɛɛ -lwa mi 'ɛ ni; 'bɛɛ- 'bɛɛ -balaa' -a ta. -A 'kpale- -yaa -a 'kɔɔ gwledanpɛ mu 'la 'yi, 'kee- 'mu 'kpɛn =sia 'a 'kɔɔ. 'Bɛɛ blaɲ, -ya 'kɔɔpɛ- mu 'ɛ 'kpɛn 'la =sia -e 'mu 'yiciɛn- mɛɛ -bhɛɛke' mu ma."
- 23Zesu pɛ -yaa' -jan 'ɛ 'lɛyanyɛ 'ɛ =nɔɔ dɔɔ: "'Ke mɛɛ 'la zan laa -o 'ɲ zi, 'bɛɛ zan -o 'ɲ ma. 'Bɛɛ- 'ke mɛɛ 'la zan laa -o bhɔ 'zi 'ɲ ba mɛɛ mu -lɛkpalele 'eke- ta, 'bɛɛ zan -o piila- mi -la -le 'eke- ma."

- ²⁴Zesu pe 'ezin- dɔɔ: "'Ke 'zina 'ε -gwa mɛɛ do zi, -e ge 'kaanle- -bɔn 'yi yrɛ mu 'ε =nɔɔ 'ke -ya -yitrɛ' yrɛ glin. 'Ke yaa -yitrɛ' yrɛ yeɛ, -ya pe dɔɔ: "Ɔ gele- 'η -zanta' 'η boyrɛ gwe 'ε =nɔɔ'. 'Zina 'ε 'niinaa, 'bhɛɛ- -e dɔ gbe drɛɛwo 'yee- mɛɛ 'ε zi.
- ²⁵'Ke 'yee- 'zina 'ε =nwa, -ya -si 'ε -lagole ye 'elrele, 'bhɛ 'pegee -a -yi pɛ mu 'ε 'kpen 'lɛkpale ye 'eke- ta 'elrele.
- ²⁶-Ya yelawoa 'bhɛ gbɛɛn- bhe, -e ge 'zina 'srwaplɛ- -bhɛɛke' 'siile- 'ke 'mu -yɔɔ' -yiya' 'yee 'gbu ni. 'Ke 'bhɛ =kla, 'bhɛɛ- -o nu dɔɛ 'yee- mɛɛ 'ε zi. 'Bhɛla- -yile 'yee- mɛɛ -a -si 'ε 'sie gbɛ -yɔɔ' wo 'ke 'bhɛ 'yiya- -a -lwa 'ε ta."
- ²⁷Zesu 'yaa- -janwo' zii' 'waati 'la ba -zamaa' 'ε 'plɛŋ-, 'ke le do 'a 'pele -a ni dɔɔ: "Le 'la 'bhɛ 'e kpɛ 'ε =sia, 'bhɛɛ- 'ke 'bhɛ 'e =yaa, 'bhɛ 'pegee 'ke 'bhɛ -yɔn -naa 'e ni, 'bhɛ a pɛ -yinra!"
- ²⁸Duŋ- Zesu pe 'bhɛ le 'ε ni dɔɔ: "-A pe dɔɔ mɛɛ 'la zan mu -o 'trɔnkpa- -Waanbhaa' a -jan 'ε =la, 'bhɛɛ- 'ke -wa -klɔsikun, 'bhɛɛ- zan mu a pɛ -yinra."
- ²⁹Mɛɛ mu 'ε 'pale- =saan Zesu ta, -ayile 'ke -ya pele- -o ni dɔɔ: "'Saanigɛ mu 'ε -woo 'eyɔɔle. -Wa zi 'bhii- 'η 'sɔle- maza do klɛ -o -yrɛ ma. 'Duŋ- 'naa nu 'sɔle- maza -bhɛɛke' do 'kpɔ klɛɛ -o -yrɛ ma, 'ke yaa 'e go Zonasi a pɛ 'ε ba.
- ³⁰-Amasrɔyi Zonasi -kla Ninivu -wa 'ε ta mu 'ε ma -tɔɔmasie 'le gɔnɛ- 'la gbɛɛn-, Bhaaplɛŋ Gbe 'ε nu klɛɛ 'saanigɛ mu 'ε ma -tɔɔmasie 'le 'bhɛɛ- gbɛɛn-.
- ³¹'Bhɛ ya 'ε 'yi, -Waanbhaa' a 'kitikan yi 'ε 'le, -bhɛŋgbɛ le Seba nu dulalɛ 'saanigɛ mɛɛ mu 'lɛɛ- -o -lɛ ma, 'bhɛɛ- -e -kpan kpala' -o -lii. -Amasrɔyi -yaa' pɛ 'waati 'ε ba -e -daa 'drunyan 'ε 'yi 'klɛɛn gbɔɔn do -yi, 'bhɛɛ- -e =nwa -a 'trɔnkpale -bhɛŋgbɛ Salomɔ a -zadɔleya ma jan mu 'ε =la. -E nu -kpan 'kpaale- 'ka 'lii, -amasrɔyi mɛɛ 'la zan -o -gɛ 'bhɛ gbɛlaan 'yiya- -bhɛŋgbɛ Salomɔ ni, 'bhɛɛ- 'ka 'laa -o dɔle- -a -la 'ke 'ka 'trɔnkpa 'bhɛ ni.
- ³²'Bhɛ kɛgbɛya do 'ε 'yi, -Waanbhaa' a 'kitikan yi 'ε 'le, Ninivu -wa 'ε ta mu 'ε -o nu dulalɛ mɛɛ mu 'lɛɛ- -o 'lɛ ma, 'bhɛɛ- 'mu nu -kpan 'kpaale- -o -lii. -Amasrɔyi Zonasi -Waanbhaa' a -jan 'la =woa Ninivu -wa 'ε ta mu 'ε ni, 'mu 'ploola- 'mu klɛza -yɔɔ' mu 'ε ma, 'bhɛɛ- -woo 'gbu =naa -Waanbhaa' ni. -O nu -kpan 'kpaale 'ka 'lii, -amasrɔyi mɛɛ 'la zan -o -gɛ, 'bhɛ zan gbɛlaan 'yiya- Zonasi ni."
- ³³Zesu pe -o ni 'ezin- dɔɔ: "Mɛɛ 'kedo- 'kpɔ 'laa -lanɓha do bhi, 'bhɛɛ- -e 'gbɔngbo do bhulaa' 'bhɛ -lanɓha 'bhile- 'ε ta. Drɔɔn' 'ke -o -lanɓha 'ε =bhia, -wa duŋ -a duŋyrɛ 'ε 'bhɛɛ- =nɔɔ laanima, 'kooko- mɛɛ 'la zan mu -o wla 'zi 'fɛ 'ε =la, 'mu sɔ -a -bhile' 'ε 'yele.
- ³⁴'E 'yɛrbhɛ- mu 'ε -woo 'bhii- 'e 'flɛ 'ε ta -lanɓha 'bhile- do gbɛɛn-. 'Bhɛɛ- 'kee- 'yɛrbhɛ- mu 'ε waa yrɛma ye, 'e 'flɛ 'ε 'kpen -o -gblo 'yi. 'Bhɛɛ- 'kee 'yɛrbhɛ- mu 'ε lele, 'e 'flɛ 'ε 'kpen takanle -o 'wɛŋ.
- ³⁵'Bhɛla- -yile, 'e 'yɛkpa 'e 'gbu ba 'elrele, 'kooko- 'yaa- pɛ 'tɛbhile 'ε yaa niinaa' 'ke -gblo 'le.

- 36-Ayile, 'kee 'fle 'e 'kpen =kla 'tebhile ba, 'bhεε- 'kee dɔpε do 'kpɔ 'laa -o -gblo 'yi, 'e 'fle 'kpen nu klele 'tebhile ba. -E nu klele 'bhii- -lanɔbha 'bhile- mεε takan 'weŋ -a -bhile' 'e 'le gɔnε- 'la gbεen-.”
- 37Zesu 'yanle- -janwolele 'ke Farizi mi do 'a 'siile pε bhle yre nɔɔ- 'bhε ba. 'Bhεε- Zesu -ja 'bhε Farizi mi 'e ba, 'bhεε- -e -ja yaale pεbhle tabali 'e zi.
- 38'Duŋ- Zuufu mu -o gbε mafε -waa' 'sinii ta gbε ma 'fεgbeya 'e 'yi gɔnε- 'la gbεen- 'ke -woo pεbhlele, Zesu 'laa 'bhε gbε ma 'fεle- 'bhε klegbeya 'e 'yi. 'Bhela- -yile, 'ke 'bhε 'yee- -Farizi mi 'e 'kpeelenile.
- 39'Bhε klele 'tε, 'ke Mεεzan Zesu -gɔɔn do bɔle- -a ni dɔɔ: "'Ka mu Farizi mu, 'ka 'kaa- -yi 'mi pε 'e 'pegee 'kaa- pεbhle 'tasa 'e mafε 'elrele, 'duŋ- -faan zru 'pegee yiɛnya 'te -le 'ka 'kpee.
- 40Mεε kloo mu! Mεε 'la zan pε 'e 'fle ma =kla, 'bhε zan do 'kpɔ 'e 'bhε -le 'laa -a 'kpee 'e klele 'ezin- εε?
- 41-Ayile, -ka yiɛnya go 'ka zru ba, 'bhεε- -ka 'kɔɔfɛŋzan mu gba 'ka 'kɔɔpε- mu 'e ba. 'Ke 'ka 'bhε =kla 'bhε gbεen- bhe, 'ka nu klele zi 'weŋ 'e ta.”
- 42"'Ka mu Farizi mu, 'ka ta -yren! 'Ka 'kaa- -zien ba -laane' mu 'e, 'pegee 'kaa- -zienbhε' mu 'e 'kpen do do -ledulayre vu mi 'e 'bhεε- na Waanbhaa' ni; 'bhε -zien ba -laane' mu 'e 'ke mu -le 'ke mati 'pegee lu mu 'le. 'Duŋ- -ledɔɔ' ma 'taa 'e -Waanbhaa' -yre =la, 'bhε 'pegee -a ba 'sɔniya 'e, 'ka 'mu -za balaa'. 'Bhεε- 'duŋ-, 'kela 'bhε -o 'ke kle pε 'le 'pe, 'bhε -le 'ke -Waanbhaa' -za 'sɔ 'ka ni, 'bhε 'pegee 'ke 'ka 'ledɔɔle kle -a -yre 'yi.”
- 43"'Ka mu Farizi mu, 'ka ta -yren! 'Ke 'ka -o daanfε' mu 'e =la, 'ka yaayre -lrele' mu 'e 'mu -la makun. 'Bhεε- 'ke 'ka -o -wa 'kpee -kpan mu 'e ta, 'kaa- zi 'bhii- mɔkpen' 'ka 'ledɔ- -a ma, 'bhεε- -o 'ka 'pubɔ-.
- 44'Ka mu Farizi mu, 'ka ta -yren! 'Ka -o 'bhii- mεε bu mu 'la tagaanle -o; 'bhεε- mεε mu 'taawo- -o ta 'ke waa 'yaango-.”
- 45'Bhε klele 'tε, 'ke 'Toŋ daan mi 'e do 'a 'pele -a ni dɔɔ: "'O Daan mi, 'yaa- -janwogbeya 'la bhe, -yoo 'bhii- 'yoo- wla 'zi 'o mɔɔ 'kpen -la -yi 'ezin-.”
- 46'Bhε klele 'tε, 'ke Zesu 'a 'pele 'yee- 'Toŋ daan mi 'e ni dɔɔ: "'Ka mu 'Toŋ daan mu, 'ka ta -yren! 'Ka 'kwe gbinle mu dɔ mεε mu wiinj-, 'bhεε- 'ka 'laa bhɔ 'mu ba sanε- 'bhε 'kwe mu 'e 'ke 'silele.
- 47'Ka ta -yren 'ezin-! -Amasɔyi 'ka 'taa- mu -Waanbhaa' -lala' janwo mu 'la =dia, 'ka bu -lrele' mu dɔ 'bhε mu ni.
- 48'Bhε ya 'e 'yi, 'kaa- zrɔn 'zi mεε mu ni 'bhii- 'ka dɔle -o 'ka 'taa- mu 'e zita -o kleza -yɔɔ' mu 'e ma. -Amasɔyi -o -Waanbhaa' -lala' janwo mu 'la =dia, 'ka bu -lrele' mu dɔ mu ni.

- 49-Waanbhaa' a -zadoleya 'e ma -ya =pia doo: "D nu 'η 'lela janwo mu 'pegee 'an winbowo mu 'kpale- -o ni. 'Duη- -o nu -o 'ke mu dele, 'bhe- -o nu -yrenkpale -o 'ke mu ta.'
- 50'Bhela- -yile, 'kee- san 'drunyan klele ma, 'kee- nu 'tenle- -zon mu 'e ma, -Waanbhaa' nu -o -lrōkpale -wa -lela' janwo mu 'la 'kpen =dia do do 'bhe za 'e 'yi.
- 51'Kee- san Abeli dele 'e ma, 'kee- nu 'tenle- Zakari a pe dele 'e ma: -o 'yee- Zakari =dia 'srakagoyre 'pegee -Waanbhaa' gbayre 'e 'pleη-. 'Mi pe 'ka ni 'η 'sowee- ma doo -Waanbhaa' nu -zon mu 'e 'lrōkpale 'woo- mee mu 'e 'kpen deza 'e ma."
- 52""Ka ta -yren! 'Ka mu 'Toη daan mu. -Amasroyi mee so 'kanle zi 'la 'bhe zi 'bhe- 'bhe -Waanbhaa' do, 'ka 'bhe 'gborobhe 'e =sia. 'Ka mu 'gbu 'laa kan 'bhe 'felii 'e =noo, 'bhe- mee 'la zan mu -o -a zi 'bhii- 'mu 'wla 'bhe 'felii 'e =noo, 'ka 'laa 'to 'ke 'bhe zan mu wla."
- 53'Bhe -jan mu 'e 'kpen blaen, Zesu 'yaa- zan gole 'bhe yre 'e =noo bhla 'la ba, 'ke 'Toη daan mu 'e 'pegee Farizi mu 'e -wa -lema' -lale' 'sanle -jan mu 'le 'ke -wa -lrōkpa'. 'Bhe- -wa -liiglinna gbe 'e 'kpen ma, 'koko- -e so -janwole -o ni 'ezin-.
- 54-O -yaa bo 'zi -a -la, 'koko- -o so -a 'kunle -a 'gbu 'liiwli- ma.

Luki 12

- 1'Bhe 'waati 'e ba, mee mu 'e -o 'pa gbe -yoo 'e 'koo Zesu ta, -o -yaa 'tan zii' 'eke- gaan ta. -Ayile, 'ke Zesu -yaa' -klanlan mu 'e 'kpeelekanle 'sanle 'elwale 'pe doo: "-Ka 'ka 'gbu 'kun 'elrele Farizi mu 'e waa mee -yrekooza klele 'e ma. -Amasroyi, mee -yrekooza klele 'e -yoo 'bhii- 'bluu -pee 'wlen 'seke.
- 2'Pe 'tole- pe 'ke 'bhe tagaanle -o, -o nu 'bhe tapwele -yrekpaa' do; 'bhe- gaanyiza 'tole- gaanyiza 'e, mōkpen' nu 'bhe dole.
- 3'Bhela- -yile, 'ke 'ka -jan mu 'la 'kpen =woa -bi zi -gblo 'yi, mōkpen' nu 'mu male -yrekpaa' kpataakpa. 'Bhe- 'ke 'ka swēsweη 'yi janwoa- mee 'trōn 'yi 'fe -liitanle -la, -o nu 'peenle- 'bhe 'wolele 'fe mu wiη-; 'bhe- mōkpen' 'bhe 'yima-."
- 4'Bhe blaen, 'ke Zesu 'a 'pele 'ezin- doo: ""D 'bhegwlen- mu, mee 'la zan mu 'ke -o mee =dia, 'bhe- waa so -za 'bheke do klele- 'bhe blaen 'ka 'laa -gblaanle' 'bhe zan mu 'e 'lee.
- 5-Ka 'ka 'trōnkpa doo, 'ka so -gblaanle' mee 'la zan 'lee-, 'bhe zan -le -ge: -Waanbhaa' 'la so mee 'niigole -a -yi, 'bhe- 'bhe blaen, -e 'ka blin -jranama 'te 'yi. Wlan 'gbu 'e ni, -ka -gblaan 'bhe- 'lee."
- 6"Waa so 'vone 'soo gōnle- -gōli' 'tanbha ple ma ee? 'Duη- -o do 'kpō -za 'laa ni -Waanbhaa' 'kpee.
- 7'Duη- 'ka mabhaabhō 'ke 'bhe kan 'vone 'srē ta. Ali-, -e 'ka 'wiη- winbhe mu 'e 'kpen 'liido-. -Ayile 'ka 'laa -gblaanle' -titi."

- ⁸Zesu pe 'ezin- dɔɔ: "'Mi pe 'ka ni 'ŋ 'sɔwɛɛ ma dɔɔ: 'ke mɛɛ 'la zan 'a =pia mɔkpen' 'yre ma kpataakpa 'kaa 'bhe -o 'an pɛ mɛɛ 'le, Bhaapleŋ Gbe 'ɛ nu a pele -Waanbhaa' a -mleke' mu 'ɛ 'yre ma 'kaa -yaa pɛ -le 'bhe zan 'ɛ 'le 'ezin-.
- ⁹Duŋ- 'ke mɛɛ 'la zan 'a =pia mɔkpen' 'yre ma kpataakpa 'kaa yaa 'mi dɔ, Bhaapleŋ Gbe 'ɛ nu a pele -Waanbhaa' a -mleke' mu 'ɛ yre ma dɔɔ yaa 'bhe zan 'ɛ dɔ 'ezin-.
- ¹⁰'Ke mɛɛ 'la zan Bhaapleŋ Gbe 'ɛ ma jan -yɔɔ =woa, -Waanbhaa' nu 'bhe zan a -sroma 'yanle-. 'Duŋ- 'ke mɛɛ 'la zan Lii 'Weŋ 'ɛ ma jan -yɔɔ' =woa, -Waanbhaa' 'laa nu 'bhe zan a -sroma 'yanle- -titi."
- ¹¹"'Bhe ya 'ɛ 'yi, 'ke mɛɛ mu -ja 'ka 'le Zuufu mu daanfɛ' mu =la oo, 'kitikan mu 'ɛ ba oo, 'bhe 'pegee -kɔɔ' ta mɛɛ gbalaan mu 'ɛ ba. 'Bheɛ- 'ke -o -kpan -kpalaa' 'ka 'lii, 'ka nu 'ka 'gbu ta gwledan -jan yeke- 'la 'wole- 'ka 'laa 'bhe yienkanle.
- ¹²-Amasroyi, 'ka nu -jan yeke- 'la 'wole-, Lii 'Weŋ 'ɛ nu 'bhe dɔle 'ka 'kpee 'bhe 'waati do 'kpɔ 'ɛ ba."
- ¹³'Bhe blaana bhe 'te, 'ke -zamaa' 'ɛ 'pleŋ- mɛɛ do 'a 'pele Zesu ni dɔɔ: "'O Daan mi, -a pe 'ŋ nɛɛɛ- 'ɛ ni dɔɔ 'o 'cien 'la 'ke 'o de 'bhe =twa 'o ni, -e 'bhe -yicien' 'o ma."
- ¹⁴Zesu pe -a ni dɔɔ: "'D 'bhegwlen-, -dele 'mi =kla 'ka ta 'kitikan mi 'le, 'bheɛ- -dele 'mi =kla 'kaa- pɛ mu -yicien' mi 'le ɛɛ?"
- ¹⁵'Bhe blaana, 'ke -ya pele- -o 'kpen ni dɔɔ: "-Ka 'ka 'yrekpa 'ka 'gbu ba 'elrele -naflo maza mu -lɔ 'ɛ ma. -Amasroyi bhaapleŋ do -si 'ɛ -dan' 'laa 'ke -a 'kɔɔpɛ- do -kplɛn mu 'le, 'ali- 'kee- =kla 'ke pɛzan -gbɛɛ do 'le."
- ¹⁶'Bhɛla- -yile, 'kee- -gɔɔn 'lɛɛ- 'bhe bɔle- -o ni dɔɔ: "-Naflo zan do a gba mu 'ɛ 'lrela-.
- ¹⁷'Bhe ya 'ɛ 'yi, -e -yaa pe 'zi -a 'gbu 'kpee dɔɔ: "'D nu -a klɛle 'nale- -a ma ɛɛ, -amasroyi 'an gba la pɛ mu 'ɛ -o 'klayre- laa -o 'ŋ 'kɔɔ.'
- ¹⁸'Bheɛ- -za do -dwa -a 'kpee 'ke -ya pele- dɔɔ: "'D nu -za 'lɛɛ- 'bheɛ- klɛle. 'D nu 'an pɛbhe 'kla 'fɛ mu 'ɛ 'wile-, 'bheɛ- 'ŋ -wo dɔ gbɛ dɛɛ wo 'ke mu gbalaan 'yiya- -a -lwa mu 'ɛ ni. 'D nu 'an pɛbhe 'pegee 'ŋ 'cien mu 'ɛ 'kpen 'klale- 'woo- 'fɛ mu 'ɛ =la.
- ¹⁹'Bhe blaana, 'ŋ nu -a pele 'ŋ 'gbu 'kpee dɔɔ: 'Mi 'e 'cien -bebe mu =klaa 'fɛ mu 'ɛ =la, -o nu 'sɔle- 'e 'lɛbɔle lɛɛ -bebe ta. 'Bhɛla- -yile, 'e 'yitre-, 'bheɛ- bo pɛbhlele 'pegee -wɛɛn 'mile ma, 'bheɛ- 'e -zabla.'
- ²⁰'Duŋ- -e 'bhe 'pelawoa bhe, 'bhe 'waati do 'kpɔ 'ɛ ba, 'ke -Waanbhaa' 'a 'pele -a ni dɔɔ: 'Mɛɛ kloɔ, -zɔn -bi 'lɛɛ- zi, 'ŋ nu 'e 'nii- 'ɛ gole 'e 'yi. 'Bheɛ- 'yee 'cien mu 'la 'kpen magaanna -o nu bɔle -de 'gbu -la ni ɛɛ?' "
- ²¹'Bhɛla- -yile, 'ke Zesu 'a pele -o ni dɔɔ: "'Ke mɛɛ 'la zan bole -o -naflo mu -lɛkpale ma 'eke- ta -a 'gbu ni, 'bheɛ- 'ke yaa -o pɛzan 'le -Waanbhaa' -yre 'yi, -za 'yansi 'la bhe 'bhe -le ten 'bhe zan 'ɛ ma."
- ²²'Bhe blaana, 'ke Zesu 'a pele -yaa' -klanlanɛ mu 'ɛ ni dɔɔ: "'Mi pe 'ka ni dɔɔ 'ka nu pe 'la 'bhlele-, 'bhe 'pegee 'ka nu dunɛ- 'la klale 'ka ta, 'ka 'laa 'mu do 'kpɔ -za yienkanle.

- 23-Amasrɔyi bhaapleŋ -si 'ε 'bhe mabhaabhɔ bhle pele ta, 'bhe 'pegee -a 'fle 'bhe mabhaabhɔ dune- ta.
- 24-Ka laanima maanne- mu 'ε -glin doo! Waa pebhe bɔ, 'bheε- waa pe bhaa kan. 'Bhe 'pegee pebhe zre dɔle laa -o 'kɔɔ, 'duŋ- -Waanbhaa' -o -lebo' yi 'oo yi. 'Bheε- 'duŋ-, 'ka mu mabhaabhɔ maanne- mu ta.
- 25'Ka -de 'gbu -le sɔ -a 'gbu -si 'ε sa baan 'klale -a ba -a ma 'ŋgami mu 'ε 'kɔɔ εε?
- 26'Ke 'ka ma 'ŋgami 'laa sɔ 'ka 'gbu 'si 'ε sa baan' 'klale -a ba, -mele =kla 'bheε- 'ka -o 'ka blina- yiendo 'zi -za 'bheεke -vin mu 'ε 'yi εε?
- 27-Ka 'ka 'yrekpa doo, gba la -bɔn mu 'ε 'bhɔgbeya 'ε ta. Waa yewo, 'bhe 'pegee waa dune- sra. 'Ali- -bhleŋgbe Salomɔ a -nafloya 'ε ta, -a -baale' -lreleya -yi 'laa 'yale- -o do 'kpɔ -baagbeya 'ε ni.
- 28'Ee! 'Ka 'kpale- la -Waanbhaa' 'yi 'de! 'Ke -Waanbhaa' -bɔn mu baa, -bɔn mu 'la -woo -zɔn gba la, 'bheε- too -o nu klele 'kpaciepe 'le. -Mela ma 'bheε- yaa nu 'sɔle- 'ka mu -baale' εε?
- 29'Bhela- -yile, 'ka 'laa 'ka 'bhle pele 'pegee 'ka 'mi pe -za yienkanle.
- 30-Amasrɔyi, 'drunyan 'yi mεε mu 'la waa -Waanbhaa' dɔ, 'mu -le 'bhe -za 'yansi mu 'ε -glin. 'Duŋ- 'ka maza -o pe 'oo pe 'la ma, 'ka De 'bhe 'kpen dɔ.
- 31Drɔɔn' -ka -Waanbhaa' a pe -bhleŋgbeya zi 'ε 'bheε- ziglin- 'elwale 'pe, 'bheε- -e nu -za -vin mu 'ε 'kpen 'nale- 'ka ni boolazi.”
- 32'Bhe blaana, 'ke Zesu 'a 'pele -yaa' -klanlanε mu 'ε ni dɔɔ: "'An -bhlaa 'le 'fientronne do, 'ka 'laa -gblaana! -Amasrɔyi, -e -swa 'ka De -Waanbhaa' ni 'kee- yaa -bhleŋgbeya -wa 'ε na 'ka ni.
- 33-Ka 'ka 'cien mu 'ε 'kpen gɔn, 'bheε- -ka -o ma pe 'ε 'na 'kɔɔfleŋzan mu ni. -Goli' 'kpa -bɔtɔ mu 'la 'ke waa sɔ 'siele, -ka 'bhe mu kle 'ka 'gbu ni, 'bhe 'pegee -ka 'kaa -naflo mu 'ε zredɔ lafle' 'yi, 'kooko- waa nu yanle 'bhe =nɔɔ ye. -Amasrɔyi -faannii' mu laa nu -o ye, 'bheε- -woo faan 'bhe =nɔɔ ye, 'bhe 'pegee -wlennε' mu laa nu 'sɔle- -o 'siele.
- 34-Amasrɔyi 'yaa- -naflo 'ε 'kpale- -o yre 'la =nɔɔ, 'e zru 'pegee 'e 'yrikpale -o 'bheε- yre 'ε ta.”
- 35Zesu pe mεε mu 'ε ni dɔɔ: "Yi 'oo yi, 'ka 'yri 'wlale- bo 'ka 'gbu -za 'le, 'bheε- 'kaa- -lanbha mu 'ε 'bhile- kle.
- 36'Bheε- -ka kle 'bhii- 'fe do -la yewone mu 'ε gbεen-. -O yri -o -waa' 'fezan- 'ε nule ta 'ke 'bhe da le dɔyre =nɔɔ 'feti 'ε ta. 'Kooko- 'ke 'bhe =nwa 'waati 'oo 'waati 'la ba, 'bheε- 'ke 'bhe kɔkɔdia -o ta, -o sɔ 'fe 'ε 'liigole 'bhe ni.
- 37'Ke -waa' 'fezan- 'ε =nwa, 'bheε- 'ke 'bhe =bhwa -o ta 'ke -woo -o -yre ma, -waa pe -yi nu -nrɔle'. 'Mi pe 'ka ni 'ŋ 'sɔwεε- 'ε ma dɔɔ 'yee- 'fezan- 'ε -e nu 'sentru do dɔle -a 'saanla=, 'bheε- -e nu -yaa' yewone mu 'ε 'siile- pele ma, 'bheε- 'yee- 'gbu nu 'mu a pele 'ε dulale 'mu =la.

- 38'Kee- =nwa blaṅṅṅreyi 'oo, 'kee- =nwa blaṅṅṅreyi -zanta' oo, 'bhεε- 'kee- =bhwa -o ta 'ke -woo -yṛε ma, -waa pε -yi nu -nrale'."
- 39"-Ka 'ka 'trɔṅkpa 'elrele -jan 'lεε- =la: 'Ke 'fεzan- do -yaa -faannii' 'ε nu 'bhla 'ε dɔ -yaa' 'fε 'ε =la, yaa -yaa nu yidεle, 'bhεε- -ya to 'ke -faannii' 'ε wla -yaa' 'fε 'ε =la.
- 40-Ayile, 'ka mu, 'ka 'yri 'laa gole 'ka 'gbu -za le. -Amasṛoyi 'ke 'ka 'yri 'laa -o Bhaapleṅ Gbe 'ε ta 'waati 'la ba, -e nu nule 'bhεε- 'waati 'ε ba."
- 41'Bhε klele 'tε, 'ke Piri Zesu 'lrɔkpale dɔ: "Mεεzan, 'yoo- 'bhε -gɔɔn 'lεε- 'bhε bɔ 'zi 'o mɔɔ do -kplɛn -la ma taa- 'ya bɔ 'zi mɔkpɛn' -la ma εε?"
- 42'Mεεzan Zesu 'a 'lekwan- 'yee- Piri ni dɔ: "'Ke yewonε 'la 'lɛdɔɔle -o, 'bhεε- -a zru -o do, -a zan nu 'a 'kpale- -yaa' 'fε 'ε =la mu 'ε 'kpen 'wiinj-; 'kooko- -e sɔ pele nale- 'mu ni pele 'waati 'ε ba.
- 43'Yewonε 'la 'ke -a zan 'ε =bhwa -a ta 'ke -yoo yewo 'zi 'elrele, 'bhε yewonε 'ε 'bhε a pε -yinra'.
- 44'Mi pe 'ka ni 'η 'sɔwεε- ma dɔ 'fεzan- 'ε nu -a 'kɔɔpε- mu 'ε 'kpen gbεkpale -a 'kɔɔ.
- 45'Duṅ- 'ke 'bhε yewonε 'ε -e -yaa' ye 'ε =twa -a nɔɔ-, 'bhεε- -ya =pia -a 'gbu 'kpee dɔ: "Dɔ zan -o -mɔ 'zi -yaa' 'taa 'ε ta, yaa nu nule 'saanibhe.' 'Bhela -yile 'kee- 'fε 'ε =la yewonε 'gwlaan- -vin mu 'ε 'pegee yewo le mu 'ε zɔnle -saan, 'bhεε- 'kee- =bwa pεbhlele 'pegee -wεen 'mile- ma, 'bhεε- 'kee- -wεen dε.
- 46'Kee- =bwa 'bhεε- klele ma, -a zan nu yi 'ε 'pegee 'bhε 'nu 'waati 'ε nu 'klale- -a ba. 'Bhela -yile, 'bhε nu -a 'krowole 'eyɔɔle -e -za 'yɔɔ- oo -za 'yɔɔ- mu 'la 'kpen =kla 'mu -zayi'. 'Bhεε- mεε 'la zan mu laa gbalaan -Waanbhaa' -lεε -a dɔ nu klele 'mu ta -yṛen 'ε 'ke ba."
- 47"'Ke yewonε 'la -ya zan zru maza dɔ, 'bhεε- 'ke yaa 'bhε klele, -o nu 'bhε yewonε 'ε zɔnle 'ebebele.
- 48'Duṅ- 'ke yewonε 'la 'bhε 'laa 'bhε zan zru maza dɔ, 'bhεε- 'ke -a kleza -yɔɔ' 'ε ma -yoo 'ke zɔnpε 'le; -o nu 'bhε yewonε 'ε zɔnle sanε-. 'Bhela- -yile, -o -za -bebe -naa mεε 'la zan ni, -o nu -za -bebe 'yṛewole 'bhεε- zan ma. 'Bhεε- -o -za -bebe gbεkpaa- mεε 'la zan 'kɔɔ, -o nu -za -bebe 'yṛewole 'bhεε- zan ma 'ezin-."
- 49'Zesu pe -o ni 'ezin- dɔ: "'Dɔ =nwa 'tε -la bɔle 'trε ta, 'bhεε- 'η 'yaa- zi bi 'bhii- -wa =bhia gban.
- 50-Yṛen -gbenε do -o zan baale 'mi ta, 'bhε nu klele 'bhii- 'η 'wiinjfele -yi ba. 'Duṅ- 'sani- 'bhε yi 'ε 'bhɔle- pleṅ-, 'η blina- yien -o.
- 51'Ka mu 'kpee ma 'η =nwa yilabla 'nale- 'trε ta mu ni εε? Drɔɔn' 'η =nwa -o -yicienyre -la nɔɔ-.
- 52'Kee- san -zɔn ma, 'fε do -la mεε 'soo 'yicienle nu klele. -Ayile, mεε yaga nu -o zibɔle mεε ple ma, 'bhεε- mεε ple nu -o zibɔle mεε yaga ma.

53'Fε do -la mu ba, -nε dε nu 'bhe 'wlenle- 'bhe 'nε 'ε ma, 'bhεε- -nε nu 'bhe 'wlenle 'bhe dε ma. 'Bhe klegbeya do 'ε 'yi, -nε nεε 'ε 'bhe nu 'bhe 'wlenle- 'bhe 'lu ma 'bhεε- gbεen-. 'Bhεε- -nε le do nu 'bhεε- 'yansi za klele 'bhe nεε ni. 'Ezin- le -naale' do nu -wlenle' 'bhe a le drεε ma, 'bhεε- le drεε nu 'bhεε- 'yansi za klele 'bhe 'naale- ni 'ezin-."

54'Zesu pe mεε mu 'ε ni 'ezin- dɔɔ: "'Ke 'ka la tilale =ya 'kee- da -yretεbhe baayrε nɔɔ-, 'kaa pe 'bhe yrε do 'ε =nɔɔ bhe dɔɔ la -o zan banle. 'Bhεε- -ε ban.

55'Bhεε- 'ke -ploɔ 'kanle- -saan 'kee- da weyi- ba -yrε ta, 'kaa pe dɔɔ -yretε' nu -bhile'. 'Bhεε- 'bhe -le kle.

56'Mεε -yrεkɔɔza kle mu, 'ka sɔ 'trε ta pe -tɔɔmasie mu 'pegee lafle' 'yi pe -tɔɔmasie mu 'ε -yimale, 'bhεε- -mela ma 'ka 'laa sɔ -za 'la 'bhe -o kle 'zi -zɔn -gε 'bhe 'yimale εε?"

57'Zesu pe 'ezin- dɔɔ: "-Mεle -kla 'bhεε- pe 'la 'bhe 'ledɔɔle -o 'ka 'laa sɔ 'bhe dɔle- 'ka 'gbu 'kɔɔ εε?"

58'Ke -za do -o 'ka 'pegee mεε do plen-, 'bhεε- 'ke 'yee- mεε 'ε -ya zi 'bhii- -ε ge 'ε 'le -klu ta, dɔ klen 'kee 'bhe -za 'ε 'yrεbago 'bhe mεε 'ε 'le, 'bhεε- 'ka kpa do ma 'ka ge bhla zi zi 'ε 'lii. 'Kebhlaale, 'kee- -ja 'ε 'le -klu ta, 'kitikan mu 'ε ba, 'mu nu 'ε 'kpale- -kasofe gooba mu 'ε 'kɔɔ, 'bhεε- 'mu 'ε bɔ -kaso 'yi.

59'Mi pe 'ε ni dɔɔ 'sani- 'ε 'pwele- plen- 'bhe -kaso 'ε 'yi, -ε -goli' yεke- 'la -kpan -balaa' 'ε ta, 'ε nu 'bhe 'kpen gbawole 'ke 'bhe ge 'tenle- 'ε 'kɔɔ -goli' bhe do 'ε ma."

Luki 13

1'Bhe 'waati 'ε ba, -janmatii Pilati mεε 'ke mu winbwa- 'kaa 'mu ge Galile 'kleen 'ε 'yi mu 'ε 'ke dε. 'Bhεε- 'yee- Pilati 'bhe mεε mu 'ε yien 'ε 'pegee -waa' 'sraka go wi yien mu 'ε 'yizaala 'eke- ba, 'bhεε- -yoo =kla 'ke 'sraka 'le -Waanbhaa' ni. 'Duη- Zesu 'yaa- -janwo' zii' 'waati 'la ba, 'ke mεε 'ke mu 'bhe -za 'ε 'yilrɔkpale -a ma.

2-Ayile 'ke Zesu 'a 'pele -o ni dɔɔ: "-O 'woo- Galile 'kleen 'yi mu 'la =dia, 'ka mu 'kpee ma -waa' -za 'yɔɔ- mu 'ε -woo 'ebebele 'ke 'bhe kan Galile 'kleen 'yi mεε -vin mu 'ε 'mu a pe 'ε ta εε?"

3'Yooye-! 'Mi pe 'ka ni dɔɔ 'ke 'ka 'laa 'ploole- 'kaa- -za 'yɔɔ- mu 'ε ma, 'ka nu klele siele 'bhii- 'woo- Galile mεε mu 'ε gbεen- 'ezin-.

4'Bhεε- 'ezin-, Siloe 'fεgwle- 'ε 'klalaa- mεε vu ta 'srwaa- 'la ta Zeruzalemu, 'ka 'mu 'kpee ma 'woo- mεε vu ta 'srwaa- 'ε -o kleza mu 'ε 'yɔɔ- -yiya' 'ke 'bhe kan Zeruzalemu mεε -vin mu 'ε 'kpen ta εε?"

5'Yooye-! 'Mi pe 'ka ni dɔɔ, 'ke 'ka 'laa 'ploole- 'kaa- -za 'yɔɔ- mu 'ε ma, 'ka nu klele 'siele 'bhii- Zeruzalemu mu 'ε gbεen-."

6'Bhe blaen, 'ke Zesu -gɔɔn do bɔle- -o ni dɔɔ: "Mεε do -yri diiη do =swa -yaa' -drɔɔ gba 'ε 'yi. -Yri bhaa 'kan bhla 'ε 'bhɔle- 'ke 'yee- mεε 'ε 'nule 'yee- -yri bhaa 'ε 'kanyrε- =nɔɔ. 'Duη- yaa 'bhe bhaa do 'kpɔ 'yele- 'bhe 'yi.

- 7'Bhē 'yi 'tē, 'ke -ya pele- -drōō gba la yetanē 'ē ni dōō: '-A 'san lēē yaga ma 'ke 'ŋ nu -yri 'lēē bhaa -glinlē' -a -yi, 'bhēē- 'naa -a bhaa do 'kpō 'yēē- -lido'. Lēē -bhēēke' ta, 'ke yaa -a bhaa klēlē, -a takan', -mēla ma 'bhēē- -a 'sōlē- -o bhaa ma yre 'lēē- =nōō ēē?'
- 8'Duŋ- -drōō gba la yetanē 'ē 'bhē pe 'yee- mēē 'ē ni dōō: "'D zān, -a 'to 'ke lēēla- 'ē 'bhē 'kan 'a ta doo. 'D nu -gluu do 'kanlē- -a zi, 'bhēē- 'ŋ grēni kla -a zi 'kooko- -a nii- zinaa' -a ta 'elrele.
- 9'Ke 'bhē =kla, -dōke' -e nu 'sōlē- -a bhaa klēlē- lēētoo. 'Ke yaa -bhaale' 'e nu 'sōlē- -a takanle.' “
- 10-Yitrē' yi do ma, Zesu 'yaa- mēē mu daan 'zi -Waanbhaa' a -jan 'ē 'le Zuufu mu daanfē' do -la.
- 11Koo -la ga -yaa le do ma 'bhē daanfē' 'ē =la. Lii -yōō -le 'bhē ga 'ē =bwa 'yee- le 'ē ma. -A lēē vu ta 'srwaa- -le -yaa bhe, 'ke koo -la ga -a ma, 'bhēē- yaa -yaa sō -a -lēdōōle.
- 12Zesu 'a 'yelowoa 'ke 'bhē 'a 'pele -a ni dōō: "Le -nē, 'e koo -la ga 'ē -gwa -zōn.”
- 13'Bhē klēlē 'tē, 'ke Zesu 'e gbē 'kpale -a ma, 'bhēē 'bhē yre do 'kpō 'ē =nōō bhe, 'ke -ya -lēdōōle, 'kee- dulale -a gaan ta. 'Bhēē- 'kee- -Waanbhaa' 'tōbhōle.
- 14'Duŋ- 'bhē Zuufu daanfē' 'ē =la -kunlii 'ē 'bhē 'bhē zrupliila dōō -mēla ma 'bhēē- Zesu 'yee- le 'ē 'bheela- -yitrē' yi 'ē ma ēē. 'Bhē klēlē 'tē, 'ke -ya pele- mēē mu 'ē ni dōō: "-Gbēēyi' do 'ē =la, yewo yi -o -yrekpaā' 'srwado-, 'ka 'sō nule- 'ka 'bheeyre- =nōō 'bhē yi mu 'ē 'le. 'Duŋ- -yitrē' yi 'ē 'bhē 'laa -o 'ke -bheē yi 'le.”
- 15-Ayile, 'ke Mēēzan Zesu 'a 'pele -a ni dōō: "Mēē -yrekōōza klē mu! -Yitrē' yi 'ē ma 'ka 'kpen do do laa 'kaa- dri mu pwe -waa' wēlē- mu 'ē 'yi, 'bhēē- 'ka 'ploō- 'kaa- -soofaline mu 'ē ma, 'kooko- -o ge -yi 'milē- tō 'ē 'lē ma ēē?
- 16'Bhēē- -kōō' 'taa- Abraamu 'nranē- 'lēē-, 'ke -Setran' 'a 'yrela- lēē vu ta 'srwaa- ta, 'ali- 'kee- =kla -yitrē' yi 'le oō, 'naa sō a 'ploole bi ēē?'
- 17Zesu a -jan 'lēkungbēya 'ē 'bhē -yraladwa -o 'kpen ma. 'Duŋ- -e -yaa 'sōlē- maza -gbenē -gbenē mu 'la klē 'zi, mēē mu 'ē zrukpaale -yaa 'bhē 'yi.
- 18Zesu pe mēē mu 'ē ni dōō: "'D sō -Waanbhaa' a -bhlēngbēya -wa 'ē 'kpale -mē pē -la ma ēē?
- 19-Yoo 'bhii- -yri diiŋ 'la -wa sii mutaadi 'bhē bhēnē- do gbēen-. Mēē do 'bhē mutaadi 'bhē =bwa -yaa' gba 'ē 'yi. -E =bhwa, 'bhēē- -e gbaandia-, 'bhēē- -e =kla 'ke -yri diiŋ -gbenē do 'le. 'Bhēē- maanne- mu 'mu 'fē =kpaā -a gbē mu 'ē 'yi.”
- 20Zesu pe mēē mu 'ē ni 'ezin- dōō: "'D sō -Waanbhaa' a -bhlēngbēya -wa 'ē 'kpale -mē pē -la ma ēē?
- 21-Yoo 'bhii- 'bluu -pēē 'wlen 'sēkē do. 'Ke le do 'a 'yizaala 'kilo mia do 'bhē 'soo 'bluu -pēē ba, -e 'bhē 'bluu -pēē 'ē wlen.”
- 22Zesu ge bhla zi Zeruzalēmu, -e -yaa 'kan zii' -wa -gbenē mu 'pegee -wa 'nē mu ta.

- 23'Bhɛ 'yi 'tɛ, 'kɛ mɛɛ do 'a 'lɔkpale dɔɔ: "Mɛɛzan, mɛɛ sanɛ- -lɛ nu goɛ -za -yi ɛɛ?" 'Bhɛ kleɛ 'tɛ, 'kɛ Zɛsu 'a 'pɛɛ mɛɛ mu 'ɛ ni dɔɔ:
- 24"-Ka dɔ 'ɛglɔɔɛ, 'bhɛɛ- 'ka wla 'fɛlii kpɛnɛ- 'ɛ 'lii. -Amasɔyi 'mi pɛ 'ka ni 'ŋ 'sɔwɛɛ- ma dɔɔ mɛɛ -bɛbɛ mu nu -a pɛɛ 'kaa -o wlayɛ -glinlɛ', 'bhɛɛ- 'duŋ- waa nu 'sɔɛ- wlalɛ-."
- 25"'Ke 'fɛzan- 'ɛ -ya -wlɛnna bhla 'la ba, 'bhɛɛ- 'kɛɛ- 'fɛlii 'gborobhɛ 'ɛ =bwa 'kɛ 'ka -o 'bhɛ bhla 'ɛ ba 'pɛɛlii-. 'Ke 'bhɛ =kla, 'ka nu kɔkɔdɛɛ 'sanɛ- -a ta 'kɛ 'kaa pɛ dɔɔ: 'Mɛɛzan, 'o mɔɔ -lɛ, 'fɛ 'ɛ 'liigo- 'o ni'. 'Bhɛɛ- -ɛ nu a -lɛkunɛ 'ka ni 'fɛ 'ɛ 'kɛɛ dɔɔ: "Naa 'ka dɔ.'
- 26'Bhɛ bhla 'ɛ ba, 'ka nu -a pɛɛ -a ni dɔɔ: '-Kɔɔ' pɛbhla- 'ɛkɛ- zi, 'bhɛɛ- -kɔɔ' -yi =mia 'ɛkɛ- zi, 'bhɛɛ- 'ɛ mɛɛ mu -daanna 'waa- -wa 'ɛ 'kɛɛ -gblɛba mu 'ɛ ta.'
- 27'Bhɛɛ- Mɛɛzan nu -a pɛɛ 'ka ni 'ɛzin- dɔɔ: "Naa 'ka dɔ, -ka 'ka 'plɛŋgo- 'ŋ ma, 'ka mu -za 'yɔɔ- klɛ mu.'
- 28'Bhɛ yi 'ɛ 'lɛ, 'kɛ 'ka Abraamu 'pɛgɛɛ Izaki, 'bhɛɛ- -Waanbhaa' a -lɛla' janwo mu 'ɛ 'kpɛn =ya bhla 'la ba -Waanbhaa' a -bhɛŋgbɛya -wa 'ɛ ta, 'ka nu 'ka gbɛnɛbhɛ mu 'ɛ 'sɔnkpalɛ 'bhɛɛ- 'ka wisi; 'bhɛɛ- -o nu 'ka blinlɛ 'pɛɛlii-.
- 29-Amasɔyi mɛɛ mu nu dalɛ 'drunyan -danma' yrɛ 'ɛ 'kpɛn =nɔɔ, 'bhɛɛ- -o nu pɛbhɛɛ -Waanbhaa' a -bhɛŋgbɛya -wa 'ɛ ta.
- 30'Bhɛ ya 'ɛ 'yi, mɛɛ 'kɛ mu -o zi zilɛɛ- mu 'lɛ -zɔn, 'duŋ- 'mu nu klɛɛ -zanta' mu 'lɛ too. 'Bhɛɛ- mɛɛ 'kɛ mu -o -zanta' mu 'lɛ -zɔn, 'duŋ- 'mu nu klɛɛ zilɛɛ- mu 'lɛ too."
- 31'Bhɛ 'waati 'ɛ ba, Farizi mu 'ɛ 'kɛ mu =nwa Zɛsu -din 'bhɛɛ- -o pɛ a ni dɔɔ:"'E Go -gɛ, 'bhɛɛ- 'ɛ gɛ yrɛ -bhɛɛkɛ' do =nɔɔ, -amasɔyi -bhɛŋgbɛ Erɔdi -a zi 'bhii- -yɛɛ' dɛ."
- 32'Bhɛ kleɛ 'tɛ, 'kɛ -ya pɛɛ- -o ni dɔɔ: "-Ka gɛ a pɛ 'yɛɛ- -gbɛŋgbɛni 'plalu mɛɛ 'la bhɛ -a ni 'kaa: 'Mi -o 'zina mu -gbin 'zi mɛɛ mu zi; 'bhɛ 'pɛgɛɛ 'ŋ 'yoo- gadɛ mu -bhɛɛ 'zi -zɔn 'pɛgɛɛ too. 'Bhɛɛ- 'ŋ nu yanɛ 'ŋ 'woyɛ- 'ɛ 'lɛ -yɛkɛpaa' yaga mi 'ɛ ma.
- 33'Bhɛla- -yilɛ, 'ŋ nu 'ŋ 'yɛgbaanɛ Zeruzalɛmu 'taa ta gɛɛ 'ɛ zi, -zɔn 'pɛgɛɛ too, 'bhɛɛ- tootama. -Amasɔyi -Waanbhaa' a -lɛla' janwo mi 'ɛ yaa sɔ gɛɛ- yrɛ -bhɛɛkɛ' =nɔɔ 'kɛ yaa 'ɛ go Zeruzalɛmu do -kplɛn ba.
- 34"'Eɛ! Zeruzalɛmu -wa la mu, 'Eɛ! Zeruzalɛmu -wa la mu! 'Ka mu -lɛ -Waanbhaa' -lɛla' janwo mu 'ɛ dɛ, 'bhɛɛ- 'kɛɛ- mɛɛ 'la zan mu 'winbwa- 'ka ta, 'ka kpoti pa 'mu ma, 'bhɛɛ- 'ka 'mu dɛ. Yaa 'sanɛ- -zɔn ma 'kɛ 'an pɛ dɔɔ 'ŋ 'yoo- 'ka 'lɛkpale 'ɛkɛ- ta 'bhii- maa da do 'bhɛ 'nɛ mu 'ɛ 'lɛkpa 'ɛkɛ- ta -a gbɛŋron- mu 'ɛ =la gɔnɛ- 'la gbɛɛn-. 'Duŋ- 'ka 'laa dɔɛ -a -la do -titi.
- 35-Ka 'ka 'trɔnbado doo, -Waanbhaa' nu 'ka do -kplɛn 'tolɛ- -a nɔɔ-. 'Bhɛɛ- 'mi pɛ 'ka ni 'ŋ 'sɔwɛɛ- 'ɛ ma dɔɔ: 'ka 'laa nu 'ŋ 'yɛɛ- -li 'kɛ 'bhɛ gɛ 'tɛnɛ- 'ka nu -a pɛɛ yi 'la 'lɛ dɔɔ: 'Mɛɛ 'la zan -o zan Mɛɛzan -Waanbhaa' 'tɔ 'ɛ 'yi, bhaa 'ɛ -dɔɔbo!' "

Luki 14

- 1-Yitre' yi do ma, Zesu -ja pebhlele Farizi mu 'e -o -kunjlii 'e do ba. -O 'pegee Farizi mu 'la 'yaa- pebhle 'zi 'eke- zi, 'mu -yaa -a kleza mu 'e 'klosikun zii'.
- 2'Bhe klele 'te, 'ke mee do nule- dulale Zesu 'le ma: -mlaan ga -yaa 'bhe mee 'e ma.
- 3-Ayile, 'ke Zesu 'woo- 'Toŋ daan mu 'e 'pegee Farizi mu 'e 'lrōkpale dōo: "-Kōōa' 'toŋ 'e ta, -o sō mee -bheele' taa- waa sō -a -bheele' -yitre' yi 'e ma ee?"
- 4'Bhē- 'duŋ-, -o tagale =bwa. 'Bhe klele 'te, 'ke Zesu 'e gbe 'kpale gade mi 'e ma, 'ke 'bhe 'bheele, 'bhē- 'ke -ya pele- 'bhe ni dōo 'bhe ge 'bhe ba -le ma.
- 5'Bhe blaas, 'ke Zesu -o -lrōkpale dōo: "'Ka -de 'gbu -le 'kee- -kla -a -ne 'le oo, 'kee- -kla -yaa' dri do 'le oo, 'ke 'bhe -balaa' -klōŋ do -yi -yitre' yi do ma, yaa nu 'bhe gole 'yee- -klōŋ 'e yi 'yee- -yitre' yi 'gbu 'e ma ee?"
- 6'Bhē- waa 'sōle- 'bhe 'lekunle -a ni.
- 7>Zesu 'a 'yelowoa 'bhii- -o mee mu 'la 'kpen 'siila- peleyre 'e =nōo, 'mu 'kpen 'yaa- zilee- yaayre -lirele' mu 'e 'mu -la makun' zii', 'kee- -gōon dō bole- dōo:
- 8"'Ke mee do 'e 'siila- le dōyre nōo- -zabla' do ta, 'yaa gele yaale zilee- yaayre 'e 'bhe =nōo. -Amasrōyi 'ke -o mee -bhēeke' do -siila 'yee- le dōyre 'e =nōo, 'bhē- 'ke 'bhe gbalaan -yiya' 'bhi ni 'ezin-,
- 9'bhē- 'ke 'ka 'kpen zeti- mi 'e =nwa 'waati 'la ba, 'ke -ya =pia 'bhi ni dōo: "E 'wlen-, 'bhē- 'e 'yaayre- 'e 'na mee 'lē- ni.' 'Ke 'bhe =kla, -yrala' nu dōle 'e ma, 'bhē- 'e nu gele yaale mōkpen' -zanta' zizan-.
- 10'Drōon' 'ke -woo 'e 'siila- yre do =nōo, ge yala- mōkpen' -zanta' yaayre 'e 'bhē- =nōo; 'kooko- 'e zeti- mi 'la 'bhe 'e 'siila-, 'ke 'bhe 'a =ya 'bhii- zizan- 'yaayre- 'e -gaale' laa -o 'e ba, 'bhe sō -a pele- 'e ni dōo: "D 'bhēgwlen- nu yala- zilee- -ge!' 'Ke 'bhe =kla, 'e ngblo ma sō 'wrengole -o mee mu 'la 'kpen 'siila- 'mu 'yre ma.
- 11-Ayile, 'ke mee 'oo mee 'la zan 'bhe 'gbu magbaande mee ma, -Waanbhaa' nu 'bhe zan 'e maveele, 'duŋ- 'ke mee 'la zan 'bhe 'gbu mavee, -Waanbhaa' nu 'bhe zan 'e magbaandele."
- 12'Bhē- mee 'la zan Zesu 'siila- pebhleyre 'e nōo-, Zesu pe 'bhe ni dōo: "'Ke 'ya zi 'bhii- 'e mee mu 'sii- pebhle ma 'e ba -yrekpa' oo, yromazi oo, yaa klele 'e 'bhēgwlen- mu oo, 'e nēne- mu oo, 'e 'yienii mu oo, 'e -din -naflo zan mu 'e -o 'kedo- 'kpō 'le; 'kooko- 'bhe mu laa nu 'e 'siile- 'ezin- pebhle ma 'mu ba, 'bhē- -o 'yaa- -za 'wlan 'e -zigo' 'e ma.
- 13'Duŋ- 'kee 'yoo- mee mu -lewēē' 'feti ta pele do klele-, 'kee- =kla 'kōoflenzan mu 'le oo, -flugba mu 'le oo, gaan 'siele- mu 'le oo, 'bhe 'pegee -yre 'wi mu, 'mu -la 'sii- 'yaa- pebhle 'e ma.
- 14'Kee 'bhe =kla, 'yaa- pe -yi nu -nrālē', -amasrōyi waa nu 'sōle- -a -zigole 'e ma 'ke -woo 'e sii pebhle ma -o ba boolazi. -Waanbhaa' nu 'bhe -zigole 'e ma mee -ledōole mu bwe yi 'e 'le gale ba."

- 15 Mɛɛ 'la zan mu 'pegee Zesu 'yaa- pɛbhle 'zi 'eke- zi, -o do 'bhe -jan 'la bhe 'bhe 'male-, 'ke 'bhe 'a 'pele Zesu ni dɔɔ: "-O nu mɛɛ 'la zan 'siile- pele ma -Waanbhaa' a -bhleŋgbeya -wa 'ɛ ta, 'bhe zan a pɛ -yi nu -nrɛle'."
- 16 'Bhe klɛle 'tɛ, 'ke Zesu 'a 'pele -a ni dɔɔ: "-Yrekpa'a' do mɛɛ do mɛɛ mu -lɛwɛɛ' pɛbhle -koo -gbɛɛ do -kla, 'bhɛɛ- -e mɛɛ -bebe -siila 'bhe ma.
- 17 Pɛbhle 'waati 'ɛ 'bhɔle-, 'kee- yaa 'fɛ 'ɛ =la yewonɛ 'ɛ do winbɔle 'kaa 'bhe ge a pɛ mɛɛ mu 'ɛ ni dɔɔ -o nu, pɛ 'ɛ 'kɛn 'lɛbɛŋgole -o.
- 18 'Duŋ-, -o 'kɛn do do a 'pele- -saan 'bhe yewonɛ 'ɛ ni dɔɔ waa sɔ nule- -yaa' pɛleyɛ 'ɛ =nɔɔ. Mɛɛ -lwa mi 'ɛ 'bhe pɛ 'yee- yewonɛ 'ɛ ni 'kaa -ya pɛ -a zan 'ɛ ni dɔɔ: -A 'zoole-, dɔɔ yaa nu 'sɔle- gele- pɛbhleyɛ 'ɛ =nɔɔ, -amasrɔyi -e gba do -lwa -e gele- 'pwele- 'bhe ta.
- 19 -A plɛ mi 'ɛ 'bhe pɛ -a ni dɔɔ, 'bhe 'laa nu 'sɔle- gele- pɛbhleyɛ 'ɛ =nɔɔ, -amasrɔyi 'bhe dri vu -lwa, 'bhɛɛ 'bhe gele- 'mu -yidanlɛ 'bhe a gbabhɛ 'ɛ ta.
- 20 -A yaga mi 'ɛ 'bhe pɛ a ni 'ezin- dɔɔ 'bhe 'laa sɔ gele- pɛbhleyɛ 'ɛ =nɔɔ, -amasrɔyi 'bhe le do =sia 'edɛɛle.
- 21 'Bhe klɛle 'tɛ, 'ke yewonɛ 'ɛ 'niinale -a zan ba, 'bhɛɛ- 'kee- 'woo- mɛɛ mu 'ɛ 'wojan- mu 'ɛ 'yiklale 'bhe 'kɔɔ. -Ayile 'ke 'fɛzan- 'ɛ -ya zrupliile', 'bhɛɛ- 'ke -ya pele- -yaa' yewonɛ 'ɛ ni dɔɔ: 'Ge blaale- -wa 'ɛ 'kpee -gbleba mu 'ɛ 'pegee -kpan mu 'ɛ ta, 'bhɛɛ 'kɔɔflɛŋzan mu oo, -flugba mu oo, -yrɛ 'wi mu oo, 'bhe 'pegee mɛɛ gaan 'siele- mu, -o 'kɛn 'sii 'kaa -o nu -gɛ.'
- 22 'Bhe blaani 'waati sa, 'ke yewonɛ 'ɛ 'nule -a pele -a zan ni dɔɔ: "'D Zan, 'e pɛ 'ŋ mɛɛ 'la zan mu 'sii- 'ŋ 'bhe =kla, 'duŋ- yaayɛ 'ɛ 'ke =bwa, 'bhɛɛ- mɛɛ laa -o 'mu ta.'
- 23 'Bhe klɛle 'tɛ, 'ke -a zan 'a pele- 'a ni dɔɔ: 'Ge gba la zi mu 'ɛ 'lii, 'bhe 'pegee 'fɛ -gben mu 'ɛ zi, 'bhɛɛ- -a pɛ mɛɛ nu 'ɛ ni 'kaa -o nu kpaŋma 'ŋ ba, 'kooko- 'an 'fɛ sɔ 'pale.' "
- 24 'Bhɛɛ- -e pɛ dɔɔ: "'D mɛɛ -lwa mu 'la 'siila- pele 'ɛ ma, -o 'kedo- 'kpɔ laa nu 'an pɛ 'ɛ 'ke 'bhlele."
- 25 -Yrekpa'a' do, Zesu 'pegee -zamaa' 'srɛ do -yaa 'taawo zii' 'eke- zi. 'Bhɛɛ- 'ke -ya -le 'niinale 'mu ta, 'bhɛɛ- 'ke -ya pele- 'mu ni dɔɔ:
- 26 "'Ke mɛɛ 'la zan -a zi 'bhii- 'bhe klɛ 'an pɛ -klanlanɛ 'le, 'ke 'ŋ -za 'laa 'sɔle- 'bhe zan 'ɛ ni 'ke 'bhe kan 'bhe dɛ oo, 'bhe nɛɛ oo, 'bhe nɛɛnɛ- 'gwlaan- 'pegee 'bhe nɛɛnɛ- le mu ta, 'bhe 'pegee 'bhe 'gbu ta; 'bhe zan laa nu 'sɔle- klɛle- 'mi 'an pɛ -klanlanɛ 'le.
- 27 'Ke mɛɛ 'la zan laa dɔle -yrɛn 'ɛ 'kɛn -glɔɔn 'bhlele- -la 'fɔke 'bhe ge 'tenle- -a gale ma, 'bhɛɛ 'kee- dɔ 'ŋ zi, 'bhe zan laa sɔ klɛle- 'mi a pɛ -klanlanɛ 'le.
- 28 'Ka -de 'gbu -le 'ke -ya zi 'bhii- -e 'sangaso do dɔ, yaa yalaa' 'elwale 'pɛ, 'bhɛɛ- -e nu -gɔli' yeke- 'la 'wlale- 'yee- 'sangaso dɔle 'ɛ 'yi, -e 'bhe nɔɔ. 'Bhɛɛ- 'kee- -a gbɛ nu 'sɔle- 'yee- 'sangaso 'ɛ dɔle- ta -e 'bhe 'yaango-.

- 29'Ke yaa 'bhε klεε 'elwale 'pe, 'kee- 'yee- 'sangaso 'ε dεle- -saan, 'bhεε- 'ke yaa -a -leyanle, -e nu klεε mεkpen' a pe 'sεnsipe 'le.
- 30'Bhεε- mεε mu nu -a pele dεε: 'Mεε 'lεε- -e -yaa' 'sangaso 'ε dεle -saan, 'bhεε- yaa 'sεle- -a -leyanle.'
- 31'Bhε klεgbeya do 'ε 'yi 'ezin-, -bhleᅅᅅbe 'ε -dele sε -wleᅅᅅle' -bhleᅅᅅbe 'bhεεke do 'kaama- 'kaa -e gwledanle 'bhε ba, 'ke yaa -yaa' gwledan mu 'ε 'nεεle- 'elwale 'pe εε? 'Kee- -yalaa' 'pe, 'bhεε- -ya klε gεε- 'la gbεεn- 'bhεε- 'yee- 'pegee -yaa' gwledan mu 'waa vu 'ε -o sε gwledanle -bhleᅅᅅbe 'bhεεke do 'ε 'pegee 'bhε a gwledan mu 'waa mia do 'ε ba, -ya 'kpeeledan 'bhεε- ma 'elwale 'pe.
- 32'Duᅅ- 'ke -ya =ya 'bhii- waa sε gele- gwledanle 'mu ba, -e mεε do winbε 'bhε -bhleᅅᅅbe 'bhεεke do 'ε ba, 'ke 'bhε 'laa 'bhεle- -li -o -din 'waati 'la ba, 'kaa -o 'ploogwle 'ε ma, 'bhεε -o -bhoolaya dε -o pleᅅ-.
- 33'Bhε klεgbeya 'ε 'yi, 'ka do 'kpε 'laa sε klεle- 'mi a -klanlanε 'le 'ke 'bhε zan laa 'bhε 'niigole 'bhε 'kεεpe- mu 'ε 'kpen 'yi 'elwale 'pe.”
- 34'Zesu pe 'ezin- dεε: "Mεkpen' 'a 'yaango- 'bhii- wε -o 'ke pe -lrele' do 'le. 'Duᅅ- 'ke -a -nraleyε 'ε -gwa -a -yi, -o sε -a -nrale' -mε pe -la -le εε?"
- 35'Yaa -za 'kedo- 'kpε 'yanwo- -li 'trε 'pegee 'trε ti ma. 'Bhεε- -e klε 'ke blin pe 'le. 'Ke -za 'lεε- 'yima 'trεn -o 'ka ᅅᅅblo ma, -kaa -yima!"

Luki 15

- 1'Nisrakun mu 'ε 'kpen 'pegee mεε 'joo 'yεε- mu 'ε -woo mabeenna Zesu -din, 'bhεε- -woo 'trεᅅᅅpale -saan -a wojan mu 'ε =la.
- 2-Ayile, 'ke Farizi mu 'ε 'pegee 'Toᅅ daan mu 'ε -woo zrupliile', 'bhεε- 'ke -wa pelele- 'eke- ni dεε: "-Kaa -glin doo, mεε 'lεε- -e dε -a -la 'ke mεε 'joo 'yεε- mu 'ε nu yaale -a -din a ma, 'bhεε- -o 'pegee 'mu pebhle 'eke- zi.”
- 3'Zesu 'trεᅅᅅle 'bhε -jan 'ε 'yi, 'kee- -gεεn 'lεε- 'bhε bεle- -o ni dεε:
- 4""Ke -bhlaa -kεmε do -o 'ka do 'kεε, 'bhεε- 'ke -a do =nia -o ba, yaa nu -o -vin mia yizie bhε vu ta 'srwayizie 'ε 'tole- -a -zanta' -bεn 'yi -bεn 'bhlele- ma, 'bhεε- -e ge -a do 'la 'bhε =nia 'bhε ziglinyε nεε- 'sani- -ya ye εε?"
- 5'Ke -ya =ya, -a zrukpaā' gbe -yεε 'ε 'kεε, -ya kpa -a bhle ta.
- 6'Bhεε- 'kee- =nwa 'kele- 'fε 'le ma, -ya bhεᅅᅅwleᅅ mu 'ε sii 'bhε -ya pe 'mu ni dεε: '-Ka nu 'bhεε- -kεε' ᅅ zrukpaā' maza 'ε 'yicien- 'eke- zi! -Amasrεyi 'an -bhlaa 'lεε- =nia bi 'bhεε- 'an 'ye gbe drεεwoa-.' “
- 7'Zesu pe -o ni dεε: ""Bhε klεgbeya do 'ε 'yi, 'ke -za 'yεε- klε mi do 'kpε 'ploola- -za 'yεε- klεle ma, 'bhεε- 'ke -ya 'gbu =naa -Waanbhaa' ni, zrukpaā' -gbεε nu klεε lafle' 'yi -Waanbhaa' ba 'bhε -zayi'; 'yee- do -kplen a zrukpaā' 'ε 'bhε -gbεε 'yi nu yale 'ke 'bhε kan mεε -ledεεle mia yizie bhε vu ta 'srwayizie 'la 'ke 'mu laa 'ploole- 'mu a -za 'yεε- mu 'ε ma, 'bhεε- waa -o 'gbu 'nale- -Waanbhaa' ni 'mu ta.”

- ⁸Zesu pe 'ezin- dɔɔ: "'Bhɛɛ- 'ke -gɔli' 'taɲbha vu -o le do 'kɔɔ, 'bhɛɛ- 'ke -a do 'kpɔ =nia -a 'kɔɔ 'fɛ 'ɛ =la, yaa -za 'lɛɛ- 'bhɛɛ- klɛ ɛɛ? 'D bhe -e -yaa' -laɲbha 'ɛ bhi, 'bhɛɛ- -e 'fɛ 'ɛ =la go -maa 'le 'elrele, 'sani- -ya ye.
- ⁹'Ke -ya =ya bhla 'la ba, -ya bhele mu 'ɛ 'pegee -a -din mu 'ɛ 'kpen sii, 'bhɛɛ- -ya pe 'mu ni dɔɔ: '-Ka nu 'bhɛɛ- -kɔɔ' 'ŋ zrukpa' maza 'ɛ 'yicien- 'eke- zi! -Amasroyi 'an 'taɲbha do 'lɛɛ- -e =nia bi, 'bhɛɛ- 'an ye gbɛ drɛwoa- 'ezin-!'
- ¹⁰'Bhɛ klɛgbɛya do 'ɛ 'yi, 'mi pe 'ka ni dɔɔ -Waanbhaa' a -mlɛkɛ' mu 'ɛ zrukpaale nu klɛle 'egbenele, 'ke -za 'yɔɔ klɛ mi do 'kpɔ 'ploola- -za 'yɔɔ klɛle ma, 'bhɛɛ- 'ke -ya 'gbu =naa -Waanbhaa' ni."
- ¹¹Zesu pe 'ezin- dɔɔ: "Mɛɛ do gbɛ -yaa plɛ.
- ¹²-Yrekpa' do, -nwagwɛn' mi 'ɛ pe -a dɛ 'ɛ ni dɔɔ: "D dɛ, 'yaa- -naflo 'ɛ -yicien' 'o ma, 'bhɛɛ- 'ye 'an pɛ 'cien 'na.' 'Bhɛla- -yile 'ke -o dɛ 'bhe a -naflo 'ɛ 'yicienle -o mɛɛ plɛ -kpen ma.
- ¹³'Waati sa 'kanle- blaɛn, 'ke 'yee- -nwagwɛn' mi 'ɛ -e -yaa' pɛ 'cien 'ɛ 'kpen gɔnle-. 'Bhɛɛ- -e 'bhe ma -gɔli' 'ɛ =sia, 'kee- gele- 'klɛn gbɔɔn do -yi. -E -yaa' -gɔli' 'ɛ 'kpen 'siɛla- le mu ta 'bhe 'klɛn 'ɛ 'yi.
- ¹⁴-E -yaan -a 'cien 'ɛ 'kpen 'siɛlele bhla 'la ba, 'ke -gu -gbɛnɛ do dɔle- 'bhe 'klɛn 'yi mu 'ɛ ta. 'Bhɛɛ- -a -yɛbatɛdɔle -saan.
- ¹⁵'Bhɛla- -yile, -e -ja -kɔntrɛn' 'kanle- 'yee 'klɛn 'ɛ 'yi mɛɛ do ba. 'Bhe mɛɛ 'ɛ 'bhe pe a ni 'kaa -ya -yrekpa' 'bhe a =swa mu 'ɛ ba.
- ¹⁶-E -yaa zi 'bhii- -wa gba =swa mu 'ɛ 'le pɛbhle 'ɛ 'ke ba, 'duɲ- waa -a gbale 'bhe 'kɛdo- 'kpɔ ba.
- ¹⁷'Bhɛla- -yile, 'ke -ya 'kpeɛɛdanle 'sanle -a 'gbu 'si 'ɛ ma, 'bhɛɛ- 'ke -ya pele- dɔɔ: "D dɛ a yewonɛ mu 'ɛ -o le pɛbhle mu 'ɛ waa -o sa, 'bhɛɛ- 'mi -o ga 'zi -gɛ gbɔn 'kɔɔ!
- ¹⁸'Kee- =kla, 'ŋ nu gele 'ŋ -zanta' 'ŋ dɛ ba, 'bhɛɛ- 'ŋ nu -a pele -a ni dɔɔ: 'D dɛ, 'ŋ -za 'yɔɔ- =kla 'bhi 'pegee -Waanbhaa' ni.
- ¹⁹'Bhe -gaale' laa -o 'ŋ ba 'ke 'ye 'ŋ kun 'ezin- 'bhii- 'e gbɛ do. 'D 'kun 'bhii- 'yaa- yewonɛ mu 'ɛ do gbɛn-.'
- ²⁰'Bhe klɛle 'tɛ, 'kee- nule- -a dɛ ba. -A dɛ -yɛkpaale -a ma 'egbɔɔnle, 'ke -a -yɛnklale 'bhe ma 'eyɔɔle. 'Bhɛla- -zayile, 'ke 'bhe gele- -a -lɛpale blaale-, 'bhɛɛ- 'ke 'bhe 'a -tuubɔle.
- ²¹'Bhɛɛ- -e pe -a dɛ ni dɔɔ: "D dɛ, 'ŋ -za 'yɔɔ- =kla 'bhi 'pegee -Waanbhaa' ni, 'bhɛla- -yile, 'yaa 'ŋ 'kunle- 'ezin- 'bhii- 'e gbɛ.'
- ²²'Duɲ- -a dɛ pe 'bhe a yewonɛ mu 'ɛ ni dɔɔ: '-Ka nu blaale- dunɛ- gbɔɔn 'la 'bhe 'lrele- -yiya' dunɛ- mu 'ɛ 'kpen ni 'bhe 'le, 'bhɛɛ- -ka 'bhe 'kla 'a ta. -Ka gbɛ ma piibhɛnɛ do bɔ -a gbɛ -nɛbhe' 'ɛ ma, 'bhɛɛ- -ka -sawla 'wla -a gaan ma.

- 23-Ka ge dri -nɛ blaale 'ɛ 'kun, 'bhɛɛ- 'kaa dɛ; 'bhɛɛ- -kɔɔ' 'a bhle. 'Bhɛ blaana, -kɔɔ' -zabla' -kɔɔ' zrukpa'a ta.
- 24-Amasrɔyi, 'ŋ 'nɛ 'la 'yele- -gɛ bhe, -e -gaa bi, 'bhɛɛ- -e -bwela gale ba -zɔn; -e =nia bi, 'bhɛɛ- 'wa 'ye gbɛ drɛɛwoa- -zɔn.' 'Bhɛla- -yile -woo zrukpa'a ma -zablale -saan."
- 25""Bhɛ 'waati 'ɛ ba, 'yee- mɛɛ 'ɛ gbe -lwa mi 'ɛ 'yaa- gba la. 'Bhɛ da bhla 'ɛ zi gba 'ɛ ta, 'bhɛɛ- 'bhɛ bhɔlawoa -waa' 'fɛ 'ɛ -din, 'ke 'bhɛ 'srokpawli mu 'pegee 'srotanwli mu male-.
- 26'Bhɛ klɛle 'tɛ, 'ke 'bhɛ yewonɛ mu 'ɛ do 'siile, 'bhɛɛ- 'kee- 'fɛ 'lɛ maza -yilrɔkpale 'bhɛ ma.
- 27'Bhɛ yewonɛ 'ɛ pɛ -a ni dɔɔ: "E 'nwagwɛn- 'la -ja 'drunyan zi, -e =nwa -zɔn. -Ayile 'ɛ dɛ pɛ dɔɔ -o dri -nɛ blaale 'ɛ dɛ -a ni. -Amasrɔyi -a gbe 'ɛ =nwa -a ba 'ɛdɔɔle."
- 28'Bhɛ klɛle 'tɛ, 'ke -ya zrupliile, 'bhɛɛ- 'ke -ya pele- dɔɔ yaa -o gele- -o ba -lɛ ma. 'Bhɛla- -yile 'ke a dɛ 'pwɛle, 'ke 'bhɛ gele- -sromabɔle -a ni.
- 29'Bhɛɛ- 'ke -ya pele- -a dɛ ni dɔɔ: "E 'trɔnkpa 'ŋ ni doo, -zɔn 'laa 'ŋ 'sanlɛ- 'ke 'ŋ yewo 'ɛ ni yi 'oo yi, 'bhɛ 'pegee 'mi 'taawoa= 'taŋji 'ɛ 'wojan- mu 'ɛ 'kpen ta. 'Bhɛɛ- 'duŋ- 'yaa bhoonɛ- do 'kpɔ 'nale- -lido' 'mi ni 'ke 'mi 'pegee 'ŋ 'bhɛgwɛn- mu 'ɛ 'o sɔ -zablale 'o zrukpa'a ta 'eke- zi.
- 30'Bhɛɛ- 'duŋ-, 'ɛ gbe mɛɛ kloɔ 'lɛɛ-, 'bhɛ -ja 'yaa- -naflo 'ɛ 'kpen 'siɛlɛ- gwɛn -wɛɛ le mu 'ɛ ta, 'bhɛɛ- -e nulawoa -zɔn, 'ɛ dri -nɛ blaale -gbɛnɛ 'ɛ =dia -a ni.'
- 31'Bhɛla- -yile, 'ke -a dɛ 'a 'pele 'a ni dɔɔ: "D 'nɛ, 'bhi -o 'ŋ -din yikpenseɛ ta, 'ŋ 'kɔɔpɛ- 'tɔle- 'kɔɔpɛ- 'yaa- pɛ -le 'mu 'kpen 'le.
- 32'Duŋ-, -kɔɔ' -kɔɔ' 'yinra-, 'bhɛɛ- -kɔɔ' -zabla' zrukpa'a ta; -amasrɔyi 'ɛ 'nwagwɛn- 'lɛɛ- 'yaa- 'bhii- -e -gaa, 'bhɛɛ- -e -bwela gale ba. -E =nia bi 'bhɛɛ- 'wa 'ye gbɛ drɛɛwoa-.' "

Luki 16

- 1>Zesu pɛ 'ezin- -yaa' -kɛnɛnɛ mu 'ɛ ni dɔɔ: "Pɛzan do -yaa, 'bhɛɛ- -gɔli' magaan mi do -yaa -a 'kɔɔ. Yi do ta, -o =nwa -yaa' -gɔli' magaan mi 'ɛ =lwa 'wlalɛ- -a 'kɔɔ dɔɔ 'bhɛ -yaa' -gɔli' 'ɛ 'siɛ zii'.
- 2-Ayile, 'kee- yaa -gɔli' magaan mi 'ɛ 'siile, 'bhɛɛ- 'kee- 'bhɛ -lɔrɔkpale dɔɔ: "Mi 'ɛ ma jan do -maa. 'Mi 'a =maa dɔɔ 'yaa 'an -gɔli' 'ɛ 'siɛla-; 'bhɛla- -zɛɛle 'ye 'an -gɔli' 'ɛ =kla 'ke pɛ 'oo pɛ 'la 'le, nu 'bhɛ 'yipe 'ŋ ni, 'bhɛɛ- 'ɛ jila. -Amasrɔyi 'yaa nu klɛlɛ -li 'an -gɔli' 'ɛ magaan mi 'le.'
- 3'Bhɛ klɛle 'tɛ, 'ke -ya pele- -a 'gbu 'kpee dɔɔ: "D zan -o zan 'ŋ -gbinlawolɛ 'an ye 'ɛ ta bhe, 'ŋ sɔ -a klɛle- 'nale- -a ma ɛɛ? Gba la yewo fanɛn- 'laa -o 'ŋ ta, 'bhɛɛ- 'naa sɔ 'ŋ 'yɛwɔle mɛɛ mu ma, -yrala' 'ɛ 'kɔɔ.'
- 4'Bhɛ 'yi, 'ke -za do dɔle- -a 'kpee, 'bhɛɛ- 'ke -ya pele- dɔɔ: "D nu -za do klɛlɛ 'kooko- 'ke 'ŋ zan 'ŋ -gbian 'an ye 'ɛ ta, mɛɛ 'ke mu sɔ 'ŋ 'sile 'mu ba.'

- ⁵Bhela- -yile, -a zan a ca mu -yaa mɛɛ 'la zan mu ma, 'kee- 'mu 'kpen 'siile do do -a ba. 'Bhɛɛ- 'ke -ya -lwa mi 'ɛ 'bhe 'lrɔkpale dɔɔ: "D zan a ca -wɛɛ' -le 'e ma ɛɛ?"
- ⁶Bhe pe -a ni dɔɔ: '-Yrɔn 'gbɔngbo 'yan -kɛmɛ do.' 'Bhe klele 'tɛ, 'ke -gɔli' magaan mi 'ɛ -ya pele- 'bhe ni dɔɔ: 'Yala- -gɛ blaale- doo, 'yaa- 'sɛwɛ 'ɛ 'si, 'bhɛɛ- -a yɔɔndɛ -yrɔn 'gbɔngbo mia plɛ bhe vu.'
- ⁷Bhe blaɛn, 'ke 'yee- -gɔli' magaan mi 'ɛ -e mɛɛ -bhɛɛke' -lrɔkpale 'ezin- dɔɔ: "Bhɛɛ- 'bhi 'lɛɛ-, 'ɲ zan a ca -wɛɛ' -le 'bhi ma ɛɛ?' 'Bhe pe -a ni dɔɔ: "An pɛ ca 'ɛ -yoo pɛbhe -bɔtɔ -kɛmɛ do.' 'Bhe klele 'tɛ 'ke 'yee- -gɔli' magaan mi 'ɛ -ya pele- 'bhe ni dɔɔ: 'Yala- -gɛ blaale-, 'yaa- 'sɛwɛ 'ɛ 'si, 'bhɛɛ- -a yɔɔndɛ mia yizizɛ.'
- ⁸Bhe blaɛn, 'yee- -gɔli' magaan mi 'la bakanle laa -yaa, -a zan 'ɛ 'bhe 'a 'tɔ 'wlan =pia -yaa' -dawliya 'ɛ ma." 'Bhe blaɛn, 'ke Zesu 'a 'pele dɔɔ: "'Drunyan ta mɛɛ mu 'lɛɛ- -woo 'eke- 'kungbeya dɔ -waa' -za mu 'ɛ 'yi, 'ke 'bhe kan -Waanbhaa' a pɛ mɛɛ mu 'la 'taawo zii' 'tebhile ba 'mu ta."
- ⁹Zesu pe -yaa' -klanlanɛ mu 'ɛ ni dɔɔ: "'Mi pe 'ka ni dɔɔ 'ke 'ka 'drunyan ta -dawli' ma -naflo mu 'ɛ =sia, 'bhɛɛ- 'ka =bhwa mɛɛ mu ba 'kɛle-, 'bhɛɛ- 'ke 'ka bhɛgwlenya -glinna 'kɛle-, 'ke 'kaa pɛ 'trɛ ta 'ɛ =yaan yi 'la ta, 'ka sɔ -bheele' -o ma -Waanbhaa' a -wa 'la 'ke -danj' 'laa -o 'bhe ma 'bhe =nɔɔ.
- ¹⁰'Ke mɛɛ 'la zan zru -o do -za 'fientrɔnnɛ mu 'yi, 'bhe zan zru nu klele do -za -gbɛnɛ klele- 'yi 'ezin-. 'Duɲ- 'ke mɛɛ 'la zan -lɛdɔɔle laa -o -za 'fientrɔnnɛ mu 'yi, 'bhe zan 'ɛ -lɛdɔɔle laa -o -za -gbɛnɛ mu 'yi 'ezin-.
- ¹¹'Duɲ- 'ke 'ka 'lɛdɔɔle laa klele 'drunyan 'lɛɛ- ta -dawli' ma -naflo ma mu 'kungbeya 'ɛ ma, -dele nu 'sɔlɛ- 'bhe 'kpale 'ka 'yi, 'bhɛɛ- -e -naflo -zeze mu gbɛkpa 'ka 'kɔɔ ɛɛ?"
- ¹²'Bhɛɛ- 'ke 'ka zru laa -o do 'ka -vindo' mi a -za ma, 'ka 'gbu a pɛ -o 'kɛla 'le, -dele nu 'sɔlɛ- 'bhe gbɛkpale 'ka 'kɔɔ ɛɛ?"
- ¹³"Mɛɛ do laa sɔ yewole -kunlii plɛ ni 'eke- ma. 'Kee- 'bhe =kla, -a do ven nu 'silɛ- -a yin 'lii, 'bhɛɛ- -a -bhɛɛke' do 'ɛ -za sɔ a ni. 'Ke -a lii biile =bwa -a do 'yi, -e nu -a -bhɛɛke' do 'ɛ mavɛɛɛ. 'Bhe ya 'ɛ 'yi, 'ka 'laa sɔ klele- -Waanbhaa' a lu 'le, 'bhɛɛ- 'ka kle -gɔli' a lu 'le 'ezin-."
- ¹⁴Farizi mu 'la 'yaa- -o 'trɔnkpa zii' Zesu 'wojan- mu 'ɛ =la, -o -yaa Zesu malrɔgo 'zi, -waa' -gɔli' 'flenya- 'ɛ ma.
- ¹⁵'Bhe klele 'tɛ, 'ke Zesu 'a 'pele -o ni dɔɔ: "'Ka mu, 'ka 'ka 'gbu klɛ mɛɛ -lɛdɔɔle mu 'le mɛɛ mu -yrɛ ta. 'Duɲ- -Waanbhaa' 'ka zru mu 'ɛ dɔ. 'Bhɛɛ- -za 'la 'bhe -o mɛɛ mu -yrɛ 'yi -za -gbɛnɛ 'le, 'bhe -la vɛnsi -Waanbhaa' yin 'lii."
- ¹⁶"Moizi a 'tonj 'ɛ 'pegee -Waanbhaa' a -lɛla' janwo mu 'ɛ -waa 'sɛwɛ mu 'ɛ 'sɛnj -danj' -le Mɛɛ Wiinjɛ' Mi Zaan a pɛ 'waati 'bhɛɛ- 'le. -A 'san Mɛɛ Wiinjɛ' Mi Zaan 'nu yi 'ɛ ma, -o -Waanbhaa' a -Jan 'Nrale 'ɛ 'wo zii', 'bhɛɛ- mɔkpen' -o dɔ 'zi 'eglɔɔle 'ke -o wla -yaa' -bhlenjɛbeya -wa 'ɛ ta.

- 17'Duŋ- lafle' 'pegee 'tre nu 'kanle-, 'duŋ- -Waanbhaa' 'a 'toŋ 'ε go 'fientronne do 'kpo 'laa nu 'sole- gole- -a ba -titi.”
- 18""Bhεε- 'ezin-, 'ke mεε 'oo mεε 'la zan -ploola 'bhe 'na 'ε ma, 'bheε- 'kee- le -bheεke' 'yalaa-, -e -yanbhooya -la =kla 'bhe 'le bhe. 'Bhεε- 'ke mεε 'la zan le 'la 'ke 'bhe =noo -ploola 'bhe ma 'bhe 'yalaa-, 'bhe zan 'ε 'bhe -yanbhooya -la =kla 'bhe 'le bhe 'ezin-.”
- 19'Bhe blaana, 'ke Zesu 'a 'pele doo: "Elwale -so, -naflo zan do -yaa; -e -yaa dune- 'pleele- -lirele' mu -la kla -a ta. Yi 'oo yi, -tron maza -le -yaa so -a ni, 'bhe 'pegee pebhle -lirele' -yaa so -a ni.
- 20'Bhεε- -o -yaa 'kooftenzan do sii Lazaa. Bhe mu -yaa -a 'fle 'ε ma, 'bheε- -a yilale -yaa -naflo zan 'ε -yaa 'fe 'ε 'le ma.
- 21'Ke pele piine- mu 'la 'yaa- balaa' -naflo zan 'ε -yaa -tabali 'ε =la, 'yee- Lazaa -yaa 'mu -la bhle. 'Bhεε- -gbaana' mu -yaa -yaa' bhe mu 'ε 'liiplaa-.
- 22'Bhe ya 'ε 'yi 'te, 'ke Lazaa klele- 'ke siele', 'bheε- 'ke -Waanbhaa' a -mleke' mu 'ε gele- -a lii 'ε 'le Abraamu -din lafle' 'yi. 'Bhe blaana, 'ke 'yee- -naflo zan 'ε klele- 'ke siele' 'ezin-, 'bheε- 'ke -wa binle-.
- 23'Duŋ- 'yee- -naflo zan 'ε binle blaana, -e -yaa -yrenbhle' zii' ebebele gbaa mu a -wa 'ε ta. -Ya ngblo -lawlenle 'ke -a -yrekpale Abraamu ma 'egboonle laanima. Lazaa -yaa 'bhe -din.
- 24'Bhe klele 'te, 'kee- -gbekanle 'egloole, 'ke -ya pele- doo: "D -gboo Abraamu, 'η 'yrenkla 'e ma, -a pe Lazaa ni doo -ya gbe -nebhe' do =zwan -yi ba, 'bheε- -e nu 'η blina- 'ε 'twale- 'ke 'bhe 'le, -amasroyi 'η 'yoo- -yren 'yoo- bhle 'zi 'te 'lee- 'yi -ge.’
- 25'Duŋ- Abraamu pe -a ni doo: "D 'ne, 'bhe -za 'ε 'bhe 'laa -o -li 'e 'kpee εε, 'e 'yaa- 'e 'yre ma 'waati 'la ba, 'e pe -bebe 'srōwoa-, 'bheε- Lazaa -yrenbhla 'ebebele 'bhe 'waati 'ε ba. -E =nwa -a zrukpa' yre -la noo- -zon -ge, 'bheε- 'bhi -o -yrenbhle' zii’.
- 26'Bhεε- 'duŋ-, -gluu 'trole- -gbene do -o 'o mōo 'pegee 'ka mu plen-; -asiikoo 'ke mεε 'la zan 'a =pia- doo 'bhe -o gole- 'o ba, 'bheε 'bhe ge 'ka ba laale, 'bhe zan laa so 'bhe klele-. 'Bhεε- 'bhe klegbeya do 'kpo 'ε 'yi, 'ke mεε 'la zan 'a =pia doo 'bhe -o gole- 'ka ba ye, 'bheε- 'bhe nu 'o ba -ge, 'bhe zan laa so.’
- 27'Bhεε- 'yee- -naflo zan 'ε pe doo: "Ke -yoo 'bhe gbene- bhe, 'e 'zoole- 'η -gboo Abraamu, Lazaa 'winbo- 'drunyan ta 'η de a 'fe 'ε =la.
- 28'D neene- 'soo -o 'bhe =nōo ye, -e ge -o 'kpeelekan, 'bheε- -ya pe -o ni doo waa nule 'η 'yoo- -yrenbhle' zii' yre 'la =nōo -ge 'bhe =nōo.’
- 29'Abraamu pe -a ni doo: 'Moizi 'pegee -Waanbhaa' -lala' janwo mu 'ε -woo -o -din ye. 'Bhe mu so -o 'kpeelekanle, -woo 'tronkpa 'mu 'wojan- mu 'ε =la.’
- 30'Duŋ- 'yee -naflo zan 'ε pe Abraamu ni doo: "D -gboo Abraamu, 'bhe 'laa 'a 'yibho-. 'Duŋ- 'ke mεε do -bwela gale ba, 'bheε- 'ke 'bhe -ja -o ta ye, -o 'kpeelekan zayi', -o nu 'ploole- -waa' 'taawogbeya 'yoo- mu 'ε ma, 'bheε- -o 'taawo- -Waanbhaa' a zru maza 'ε ta 'te.’

³¹Abraamu pe -a ni dɔɔ: "Ke waa dɔ -a -la 'ke -woo 'trɔnkpa Moizi a 'tonj mu 'ε 'pegee -Waanbhaa' -lɛla' janwo mu 'ε 'mu 'wojan- mu 'ε -la, 'ali- 'ke mɛɛ do -bwela gale ba, 'waa nu dɔle -a =la 'sekeseke 'ke -woo kpa 'bhɛ zan 'ε 'wojan- 'ε 'yi.' "

Luki 17

¹Zesu pe -yaa' -kɔɔlanɛ mu 'ε ni dɔɔ: "'Waati 'ε 'kpen ba, bhaapɔɔɔ mu bala- pɛ mu -o -za 'yɔɔ- 'yi. 'Duɔ- 'ke mɛɛ 'la zan =kla bhaapɔɔɔ mu bala- pɛ 'le -za 'yɔɔ- 'yi, 'bhɛ zan ta -yɔɔ- 'yi."

²'Ali- 'ke -o vlɛ -kpuɔ -gbɛɛ do -yrela bi 'bhɛ zan blina-, 'bhɛɛ- 'ke -wa -blinna wɛyi- 'ε ba, 'bhɛ mabhaa -yaa nu bhɔle 'bhɛ zan 'ε ma, 'sani- 'kee- -nɛ 'fiɛntrɔnnɛ mu 'la bhe 'mu do 'kpɔ balaa' -za 'yɔɔ- 'yi.

³-Ka 'ka 'yɔɔkpa 'ka 'gbu ba 'elɔle! 'Kee nɛɛɛ- do -za 'yɔɔ- =kla, -a pe -a ni dɔɔ -e -za 'yɔɔ- -kla. 'Kee- -ploola 'bhɛ -za 'yɔɔ- 'ε ma, -yaa' -sroma 'yan.

⁴'Kee- -za 'yɔɔ- -kla 'e ni -glɔɔn 'srwapɔɔ- -yɔɔkpa' do =la, 'bhɛɛ- 'kee- =nwa -a peɛ 'e ni -glɔɔn 'srwapɔɔ- dɔɔ 'e -yaa' -sroma 'yan, -yaa' -sroma 'yan.'"

⁵Zesu a 'winɔwo mu 'ε -wa =pia -a ni dɔɔ: "Mɛɛzan, 'waa- 'kpaleya 'ε -a baankla' -a ba!"

⁶'Bhɛ klɛle 'tɛ, 'ke Mɛɛzan Zesu 'a 'pele -o ni dɔɔ: "'Ali- 'ke 'ka 'kpaleya 'ε -yoo bi 'fiɛntrɔnnɛle 'bhii- mutaadi bhɛ do gbɛɛn-, 'ka 'yaa- nu 'sɔle- a pele- -yri diɔɔ 'la bhe 'bhɛ ni dɔɔ 'bhɛ yro 'bhɛ gbaanyɔɔ 'ε =nɔɔ, 'bhɛɛ 'bhɛ ge gbaan wɛyi- 'ε ba. 'Bhɛ -yaa nu 'bhɛ klɛle 'ka 'liiwli- ta.'"

⁷Zesu 'pe 'ezin- dɔɔ: "'Ka -de 'gbu -le 'ke 'bhɛ a yewonɛ do yalaa' -bhlaa mu gooba, 'bhɛɛ- 'ke 'bhɛ -daa gba la, 'kee- 'bhɛ =ya, -e sɔ -a pele- 'bhɛ ni dɔɔ: '-A klɛ blaale- 'bhɛɛ- 'e nu pɛbhlele ɛɛ?'

⁸'Yooye-, 'ɔ bhe =ya pe 'bhɛ ni dɔɔ: "Yaa- gba la ge pɛ mu 'ε go 'e ta, 'bhɛɛ- 'ye 'ɔ 'le pele 'ε dɔɔɛ-, 'bhɛɛ- 'ɔ 'bhɛ bhle 'pe. 'Kee- 'mi =yaan bhla 'la ba; 'bhɛɛ- 'e sɔ 'yaa- pɛ pɛ 'ε 'bhlele, 'bhɛɛ- 'e -yi mi 'bhɛ ta.'

⁹'Ke 'yaa- yewonɛ 'bhɛ 'bhɛ 'woye- 'ε =woa, 'e sɔ 'bhɛ 'pubɔle 'bhɛ ma ɛɛ?'"

¹⁰Zesu pe -yaa' pɛ -kɔɔlanɛ mu 'ε ni dɔɔ: "'Ka mu a pɛ -za 'ε -yoo 'bhɛ -la gbɛɛn- 'ezin-. -O pe 'ka ye 'la 'wo 'ke 'ka =yaan 'bhɛ 'kpen 'wolele 'waati 'la ba, 'ka nu -a pele dɔɔ: "O mɔɔ -o 'ke yewonɛ drɔɔɔ -la -le; 'woo 'woye- 'ε 'bhɛla- =woa bhe.' "

¹¹Zesu ge bhla zi Zeruzalɛmu 'taa 'ε ta, -e -kaan Samari 'pegee Galile 'klɛn plɛ 'ε 'plɛɔ-.

¹²-E -yaa zan wlale bhla 'la ba -wa do ta, 'ke -kpaandɛ' mi vu nule- -a -lɛpale. -O =bwa -a ma 'egbɔɔnle, 'bhɛɛ- -wa 'siile -saan 'egloole dɔɔ:

¹³"O Daan mi Zesu, 'o 'yɔɔnkla 'e ma!"

- 14'Bhē klēle 'tē, 'ke Zesu 'a 'pele -o ni dō: "-Ka ge 'ka 'gbu 'flē mazrōn 'sraka 'lēna mu 'ē ni." -O -yaa ge 'zi bhla 'la ba 'bhē mu ba, 'ke -o ma -kpaan 'ē gole-, 'bhē- 'ke -o -bheele'.
- 15-O do 'a 'yelawoa 'bhii- 'bhē ma -kpaan 'ē golawoa, 'ke 'bhē niinale 'bhē gaan -gluu do 'ē 'yi 'kee- -Waanbhaa' 'tōbhōle 'egloole.
- 16-E bhōle Zesu -din, 'ke -ya 'kpō zenle- 'bhē 'lēē, 'bhēē 'kee- 'bhē 'pubōle. -E -yaa 'ke Samari 'klēn 'ē 'yi mi 'le.
- 17'Bhē klēle 'tē, 'ke Zesu mēē mu 'ē 'lrōkpale dō: "'Woo- -kpaandē' mi vu 'ē, -o 'kpen 'laa 'bheele- ēē? -A -vin 'srwayizie 'mu -o 'naa ēē?
- 18'Yaa dōle -o 'kedo- 'kpō 'kpee 'ke 'bhē nu -Waanbhaa' 'pubōle 'ke yaa 'e go 'yee- 'cie mi do 'kpō 'lēē- ba ēē?"
- 19'Bhē klēle 'tē, 'ke Zesu 'a 'pele -a ni dō: "'Yee 'kpalawoa 'mi 'yi bhe 'e 'bheela-, ge 'e ba -lē ma."
- 20'Farizi mu 'ē 'ke mu Zesu 'lrōkpa- -Waanbhaa' a -bhleṅgbeya 'yaa- yi 'ē ma. -Ayile, 'ke -ya pele- -o ni dō: "-Waanbhaa' -bhleṅgbeya 'nuza- 'ē yaa nu klēle 'bhii- yepē 'le mēē mu 'kō.
- 21'Waa nu a pele 'ka ni dō: '-Ka 'ka 'yrekpa, 'yele- -gē! 'Yele- 'laale-.' -Kaa 'yaango- dō 'bhii- -Waanbhaa' a -bhleṅgbeya 'ē -yoo gban 'ka 'pleṅ-."
- 22'Bhē blaṅ, 'ke -ya pele- -yaa' -klanlanē mu 'ē ni dō: "'Bhē 'waati -o zan bhōle, -e nu 'sōle- 'ka ni 'bhii- 'ka Bhaapleṅ Gbe 'ē -yaa' yi 'ē do ye. 'Duṅ- 'ka 'laa nu 'sōle- 'bhē 'yele.
- 23-O nu -a pele 'ka ni dō: '-Ka 'ka 'yrekpa laale, -ka 'ka 'yrekpa -gē'. 'Ka 'laa gele 'bhē yre 'ē 'kedo- 'kpō =nō, 'bhē- 'ka 'laa blasanle 'ke 'ka ge 'bhē yre 'ē =nō.
- 24'La -yrebole 'ē -e bhi 'bhē- -e kan blaale- lafle' 'yi, 'kee- da -a -daṅ' do ma, 'bhē- -e ge 'tenle- -a -daṅ' 'bhēke do ma gōnē- 'la gbēn-, Bhaapleṅ Gbe 'ē nu yi 'ē nu klēle 'bhē -la gbēn- blaale-.
- 25'Duṅ- 'sani- 'bhē yi 'ē 'bhōle- pleṅ-, -e nu -yren -bebe 'bhlele- 'elwale 'pe, 'bhē- -zōn mu 'ē nu -o -baṅgole -a -yi.
- 26-Za mu 'la =kla Noe a pē 'waati 'ē ba, 'bhē- 'yansi za mu klēle Bhaapleṅ Gbe 'ē 'nu 'waati 'ē ba.
- 27'Noe a pē 'waati 'ē ba, bhaapleṅ mu bole -yaa pēbhlele 'pegee -wēn 'mile -la ma. 'Bhē- -o -yaa le si 'bhē 'pegee -o -yaa -o -nē mu na gwlen ni. -O =bwa 'bhē- 'yansi za mu 'ē klēle ma 'ke 'bhē ge 'tenle- Noe 'wlale- ma -yitakoṅ -gbēnē 'ē 'yi. 'Bhē blaṅ, 'ke la gbō -gbēnē 'ē banle- 'ke 'bhē 'yi 'ē 'kpale -o 'kpen ta, 'ke -o gale.
- 28'Bhē- Bhaapleṅ Gbe 'ē 'nu 'waati 'ē nu klēle 'ezin- 'bhii- Lōti a pē 'waati 'ē gbēn-. 'Yee- Lōti a pē 'waati 'ē ba, bhaapleṅ mu 'ē bole -yaa pēbhlele 'pegee -wēn 'mile- -la

ma. -O -yaa pɛ mu lɔ, 'bhɛɛ- -o -yaa pɛ mu ɔn. -O -yaa gba mu kpa, 'bhɛɛ- -o -yaa 'fɛ mu dɔ.

²⁹Duŋ- Lɔti -gwa Sodomu -wa 'ɛ 'kpee yi 'la ta, 'tɛ 'pegee 'sɛkɛ 'tɛ -daa laanima 'bhii-la gbɛɛn-, 'bhɛɛ- 'bhɛ -balaa' -o ta, 'ke 'bhɛ -o 'kpɛn 'kpaciele.”

³⁰Bhɛɛ- 'yansi za nu klɛɛ Bhaaplɛŋ Gbe 'ɛ 'nu yi 'le.

³¹'''Bhɛ yi 'ɛ 'le, 'ke mɛɛ 'la zan =kla 'bhɛ 'gbu a 'fɛ 'ɛ 'wiŋ-, 'bhɛɛ 'ke -yaa' pɛ mu -o yaa 'fɛ 'ɛ =la, yaa peɛ 'kaa -e zinale, 'bhɛɛ- -e ge 'bhɛ pɛ mu 'sile- 'fɛ 'ɛ =la. 'Bhɛ klɛgbeya do 'ɛ 'yi, 'ke mɛɛ 'la zan -o 'bhɛ ba gba la, 'bhɛ 'laa peɛ 'kaa 'bhɛ niinale 'bhɛ -zanta' 'bhɛ ba 'fɛ 'le ma.

³²-Za 'la 'bhɛ =tian Lɔti na 'ɛ ma, 'bhɛ 'laa goɛ 'ka 'kpee.

³³Bhɛ ya 'ɛ 'yi, 'ke mɛɛ 'la zan -a zi 'bhii- 'bhɛ 'bhɛ 'gbu a 'trɛ ta 'si 'ɛ go -za 'yi, 'bhɛ zan nu bloole 'bhɛ 'si 'ɛ 'yi. 'Duŋ- 'ke mɛɛ 'e 'niigwa- -a 'gbu 'si 'ɛ ni 'mi -zayi', 'bhɛ zan nu goɛ -za 'yi.

³⁴Mi pe 'ka ni 'ŋ 'sɔwɛɛ- 'ɛ ma dɔɔ: Bhaaplɛŋ Gbe 'ɛ 'nu yi 'le, mɛɛ plɛ nu klɛɛ yilape do ta, -o nu -a do 'sile- 'bhɛɛ- -a do 'ɛ 'bhɛ bo -a nɔɔ-.

³⁵Le plɛ nu klɛɛ pɛ zɔn yrɛ nɔɔ- -wee do 'yi, -o nu -a do 'sile-, 'bhɛɛ- -a do 'ɛ 'bhɛ bo -a nɔɔ-.

((³⁶Gwlaan- plɛ nu klɛɛ gba do ta, -o nu -a do 'sile-, 'bhɛɛ- -o nu -a plɛ mi 'tole- -a nɔɔ ye."))

³⁷Bhɛ klɛɛ 'tɛ, 'ke Zesu a -Klanlanɛ mu 'ɛ -wa -lrɔkpale dɔɔ: "Mɛɛzan, 'ɛ nu yi 'ɛ nu klɛɛ 'naa- -a ma ɛɛ?" 'Bhɛɛ- Zesu 'a zikpaa- -o ni -gɔɔn do 'le dɔɔ: "Mɛɛ gbaa 'ɛ -yoo yrɛ 'la =nɔɔ, gbotakwe mu 'ɛ -woo -lɛkpa' 'eke- ta 'bhɛɛ- =nɔɔ."

Luki 18

¹Bhɛ blaɛn, 'ke Zesu -gɔɔn do bɔle 'sanle -yaa' -klanlanɛ mu 'ɛ ni, 'kooko- -ya zɔn 'mu ni 'bhii- 'mu bo 'mu 'seriwole ma 'waati 'ɛ 'kpɛn ba, 'bhɛɛ- 'mu 'trɛ 'laa 'bhɔle- 'mu 'seriwole ma -titi.

²-E pe 'mu ni dɔɔ: "'Kitikan mi do -yaa -wa do ta, yaa -yaa gbalaɛn -Waanbhaa' -lɛɛ, 'bhɛɛ- yaa -yaa mɛɛ 'kɛdo- 'kpɔ 'klɔsikun.

³'Yee- -wa do 'kpɔ 'ɛ ta, -a nɔɔ- glaɛnle le do -yaa nu yi 'oo yi 'yee- 'kitikan 'mi 'ɛ -a matedɔle. 'Bhɛ 'yaa- nu 'tenle- -a ma, 'bhɛɛ- 'bhɛ 'a pe -a ni dɔɔ: "Zoo 'na 'mi ni 'ŋ 'sɔnnii 'ɛ ta!"

⁴Bhɛ glaɛnle 'ɛ =mwa 'yee- 'kitikan mi 'ɛ matedɔle ma 'bhɛɛ- gbɛɛn-, 'bhɛɛ- yaa -yaa dɔle- -a -la 'kee- 'zoo na 'bhɛ ni. 'Duŋ- -yrekpaa' do, 'ke -ya peɛ- -a 'gbu 'kpee dɔɔ: 'Wlan 'ɛ ni, 'naa gbalaɛn -Waanbhaa' -lɛɛ, 'bhɛɛ- 'naa mɛɛ 'kɛdo- 'kpɔ 'klɔsikun.

⁵Bhɛɛ- 'duŋ-, 'yee- le 'lɛɛ- -yoo 'ŋ matedɔ 'zi gɔnɛ- 'la gbɛɛn-, -e nu bɔle 'ŋ matedɔle ma 'bhɛɛ- gbɛɛn-, 'fɔke 'bhɛ ge 'tenle- 'ŋ zrupliile ma. 'Kee- =kla 'bhɛ gbɛɛn- bhe, 'ŋ 'zoo 'nale -a ni.' “

- 6'Bhɛ blaɛn, 'ke Mɛɛzan Zɛsu 'a 'pele -yaa' -kɛɛlanɛ mu 'ɛ ni dɔɔ: "'Ka 'yee- 'kitikan mi -yɔɔ 'ɛ -yaa' -jan 'ɛ =maa ɛɛ?
- 7-Waanbhaa' 'la mɛɛ mu =sia -a ba 'ke -yaa' pɛ 'le, 'bhɛɛ- 'ke 'bhɛ mu bole -o wisile ma -a ni 'ke -wa -sromabɔ -bi zi 'pegee -yrekpaa', 'ka mu 'kpee ma 'yee- -Waanbhaa' laa nu 'bhɛ zan mu a 'seri 'ɛ 'lekunɛ, 'bhɛɛ- -yoo go -yɛn 'yi ɛɛ? 'Ka mu 'kpee ma, -e nu -mɔɛ' 'ke yaa zibɔ -o zi ɛɛ?
- 8'Wɛn 'gbu 'ɛ ni, -Waanbhaa' laa nu -mɔɛ' -o goɛ ma -yɛn 'yi. 'Duŋ- Bhaapɛɛ Gbe 'ɛ 'nu yi 'ɛ 'le, -e nu bhɔɛ mɛɛ -wɛɛ' -la ta 'ke 'mu 'kpale- -o -a -yi ɛɛ?"
- 9'Zɛsu -gɔɔn do =bwa 'ezin-. Mɛɛ -lɛdo' 'la -o 'kpee ma -o -lɛdɔɛ -o -Waanbhaa' -yɛ 'yi, 'bhɛɛ- 'ke -woo 'gbu magbaandɛ mɛɛ -bhɛɛke' mu ma, Zɛsu -gɔɔn 'lɛɛ- 'bhɛ =bwa 'mu -la 'kaama-.
- 10-E pɛ dɔɔ: "Mɛɛ plɛ -ja -o 'seriwo yɛ nɔɔ- -Waanbhaa' Gba 'Fɛ -Gbɛnɛ 'ɛ =la, -a do -yaa 'ke Farizi mi 'le, 'bhɛɛ- -a -bhɛɛke' do 'ɛ 'bhɛ 'yaa- 'ke 'nisrakun mi 'le.
- 11'Farizi mi 'ɛ -ja dulalɛ 'ɛɛɛɛ -Waanbhaa' Gba 'Fɛ -Gbɛnɛ 'ɛ =la, 'bhɛɛ- -ya 'seriwolɛ -saan dɔɔ: "E, -Waanbhaa! 'Mi 'e 'pubɔ-, -amasɔyi 'naa -o 'ke -faannii' 'pegee mɛɛ -yɔɔ' 'le, 'bhɛɛ- 'naa mɛɛ -bhɛɛke' 'na -glin 'bhii- mɛɛ -vin mu 'ɛ gbɛɛn-. 'Mi 'e 'pubɔ- 'ezin-, -amasɔyi 'naa -o 'eyɔɛ 'bhii- 'nisrakun mi 'la bhɛ 'bhɛ gbɛɛn-."
- 12'D 'suŋwla- gaan plɛ -gbɛɛyi' 'ɛ =la, 'bhɛɛ- 'ke 'ɲ pɛ 'oo pɛ 'la 'srɔwoa= 'ɲ 'bhɛ 'yiciɛn- -lɛ vu, 'bhɛɛ- -a -lɛ vu mi 'ɛ 'ɲ 'bhɛ na 'bhi -Waanbhaa' ni.
- 13'Bhɛ 'waati 'ɛ ba, 'nisrakun mi 'ɛ 'bhɛ 'plɛngolɛ -yaa 'yee- Farizi mi 'ɛ ma, 'bhɛɛ- 'bhɛ 'laa -yaa sɔ 'bhɛ -yrekpale laanima. 'Bhɛ 'bhɛ gbɛ plɛ 'ɛ =kpaa 'bhɛ 'wiɛɛ-, 'bhɛɛ- 'bhɛ pɛ dɔɔ: "Ee, -Waanbhaa! 'D 'yɛnkla 'e ma, 'ɲ 'yoo- 'ke -za 'yɔɔ- klɛ mi 'le.' "
- 14'Bhɛ klɛɛ 'tɛ, 'ke Zɛsu 'a pele -yaa' -kɛɛlanɛ mu 'ɛ ni dɔɔ: "'Mi pɛ 'ka 'ni dɔɔ -Waanbhaa' 'nisrakun mi 'ɛ -yaa' -za 'yɔɔ- mu 'ɛ ma -sroma -yaan, 'bhɛɛ- 'bhɛ -ja 'bhɛ ba 'fɛ 'lɛ ma. 'Duŋ- Farizi mi 'ɛ 'bhɛ 'laa -za 'kɛdo- 'kpɔ 'srɔwolɛ -Waanbhaa' 'kɔɔ. -Amasɔyi, 'ke mɛɛ 'oo mɛɛ 'la 'bhɛ 'gbu magbaandia mɛɛ ma, -Waanbhaa' nu 'bhɛ zan mavɛɛɛ. 'Bhɛɛ- 'ke mɛɛ 'la zan 'bhɛ 'gbu mavɛɛɛ, -Waanbhaa' nu 'bhɛ zan magbaandɛɛ."
- 15-Yrekpaa' do, mɛɛ 'ke mu =nwa -nɛ 'fientɔnɛ 'ke mu 'le Zɛsu ni, 'kooko- -e 'mu 'dumawo. -Yaa' -kɛɛlanɛ mu 'ɛ 'yrekpale 'bhɛ mɛɛ mu 'ɛ ma 'ke -o -yɛnɛ' 'mu zi.
- 16'Bhɛ klɛɛ 'tɛ, 'ke Zɛsu 'a pele -o ni dɔɔ -o nu 'woo- -nɛ mu 'ɛ 'le -a ni, 'bhɛɛ- -e pɛ 'ezin- dɔɔ: "'Ka 'laa -nɛ 'fientɔnɛ mu 'ɛ -gbinɛ' 'ɲ ma, -kaa 'to 'ke -o nu 'ɲ ba. -Amasɔyi mɛɛ 'la zan mu klɛgbɛya -o 'bhii- 'woo- -nɛ mu 'lɛɛ- gbɛɛn-, 'bhɛ zan mu -la pɛ -le 'ke -Waanbhaa' -bhɛɛgbɛya -wa 'ɛ 'le.
- 17'Mi pɛ 'ka ni 'ɲ 'sɔwɛɛ ma dɔɔ: 'Ke mɛɛ 'la zan laa -Waanbhaa' a -bhɛɛgbɛya -za 'ɛ 'kunɛ- 'bhii- -nɛ 'fientɔnɛ do 'a kun gɔnɛ- 'la gbɛɛn-, 'bhɛ zan laa nu 'sɔɛ- geɛ- -yaa' -bhɛɛgbɛya -wa 'ɛ ta -titi."

- 18Zuufu mu a -kunlii do Zesu 'lrɔkpa- dɔɔ: "'O Daan mi wlan, 'an kle 'nale- -a ma 'bhɛɛ- 'ɲ -Waanbhaa' ba bole -yrɛ ma -si 'la 'ke -daŋ' 'laa -o 'bhe ma 'bhe 'srɔwo- ɛɛ?"
- 19Zesu pe -a ni dɔɔ: "-Mele -kla 'bhɛɛ- 'yoo- 'ɲ 'sii zii' 'e Daan mi wlan ɛɛ? Mɛɛ 'kedo- 'kpɔ 'laa -o 'elrele 'ke yaa 'e go -Waanbhaa' do -kplɛn ba.
- 20'E -Waanbhaa' a 'toŋ mu 'lɛɛ- dɔ ɛɛ, 'wole- dɔɔ: "Yaa -yanbhɔɔya klele, 'yaa mɛɛ dɛle, 'yaa -faanwole, 'yaa bhla 'kpale- mɛɛ ma, 'e dɛ 'pegee 'e nɛɛ -lɛdɔ' -a ma.' "
- 21'Yee- -naflo zan 'ɛ pe Zesu ni dɔɔ: "'D 'woo- 'toŋ mu 'la bhe 'mu 'kpen 'klɔsikwan 'kee- 'san 'ɲ matruŋya 'waati 'ɛ ba."
- 22-E 'bhe 'pele- 'bhe gbɛɛn- bhe, 'ke Zesu 'a 'pele 'a ni dɔɔ: "'Yaa -za do 'kpɔ -la klele -li, 'bhe -le dɔɔ: 'e 'kɔɔpɛ- mu 'ɛ 'kpen gɔn, 'bhɛɛ- -o ma -gɔli' 'ɛ 'yicien- 'kɔɔflɛŋzan mu ma. 'Kee 'bhe =kla, 'e nu -naflo mu 'srɔwole lafle' 'yi. 'Bhe blaɛn, nu 'bhɛɛ- 'e kle 'ɲ zi mi 'le."
- 23'Yee- mɛɛ 'ɛ -e Zesu 'wojan- mu 'ɛ 'kpen 'male-, 'ke -ya wleyisriwole, -amasrɔyi -e -yaa 'ke -naflo zan -gbɛɛ do 'le.
- 24'Bhɛla- -yile, 'ke Zesu 'a 'pele dɔɔ: "'E, -naflo zan mu gele la -Waanbhaa' a -bhleŋgbeya -wa 'ɛ ta 'dɛ!
- 25'Ali- 'yɔɔnma do 'kanle- laa la -mlɛsiennɛ do -gluu zi 'bhii- -naflo zan do gele la -Waanbhaa' a -bhleŋgbeya -wa 'ɛ ta gɔnɛ- 'la gbɛɛn-."
- 26'Bhe klele 'tɛ, mɛɛ 'la zan mu -yaa -o 'trɔnkpa zii' Zesu 'ni, 'bhe mu 'bhe -jan 'ɛ 'male-, 'ke 'mu 'a pele- dɔɔ: "'Bhɛɛ- -dele sɔ gole -za 'yi ɛɛ?"
- 27'Bhe 'yi 'tɛ, 'ke Zesu 'a 'pele -o ni dɔɔ: "-Za 'la 'bhe bhaapleŋ mu -baliwo, 'bhe 'laa -Waanbhaa' -baliwo -titi."
- 28'Pieri pe -a ni dɔɔ: "'O mɔɔ -ploola 'o 'kɔɔpɛ- mu 'ɛ 'kpen ma, 'bhɛɛ- 'o =nwa dɔle 'e zi."
- 29-Ayile, 'ke Zesu 'a 'pele -o ni dɔɔ: "'Mi pe 'ka ni 'ɲ 'sɔwɛɛ ma dɔɔ: 'ke -Waanbhaa' a -bhleŋgbeya 'ɛ -zayi', 'bhɛɛ- mɛɛ 'la zan -yaa 'fɛ oo, -a na oo, -a nɛɛnɛ- mu oo, -a dɛ 'pegee -a nɛɛ oo, 'bhe 'pegee -a -nɛ mu 'ɛ =twa -a nɔɔ-.
- 30'Bhe zan nu 'bhe pɛ mu 'ɛ yeke- 'srɔwole 'ke bhe kan -a 'cien -lwa mu 'ɛ ta 'drunyan 'lɛɛ- 'yi, 'bhɛɛ- 'bhe zan nu -Waanbhaa' ba bole -yrɛ ma -si 'la -daŋ' 'laa -o 'bhe ma 'bhe 'srɔwole."
- 31'Bhe blaɛn, 'ke Zesu -yaa' -klatlanɛ vu ta ple 'ɛ 'siile, 'bhɛɛ- 'ke -ya pele- -o ni dɔɔ: "-Ka 'ka 'trɔnkpa 'ɲ ni 'elrele, -kɔɔ' -o gelawo zii' Zeruzalemu -gɛ bhe, -Waanbhaa' -lɛla' janwo mu 'ɛ -o -za mu 'la 'kpen yɔɔndia- Bhaapleŋ Gbe 'ɛ ba za 'yi 'mu 'kpen 'yi za nu klele.
- 32-O nu Bhaapleŋ Gbe 'ɛ 'kpale- 'si 'bhɛɛke mu 'kɔɔ, 'bhe mu 'nu -a malrɔgole, 'bhɛɛ- mu 'sɔnsi- -a ma; 'mu nu a -zwanwole, 'bhɛɛ- 'mu nu 'mu 'liile- 'klale- -a ta.

- 33'Bhē blaana, -o nu -a tafēle 'ke gbaṅbhle 'le, 'bhē- -wa dē. 'Ke -wa =dia, 'duṅ- -e nu bwele gale ba -a gale blaana -yrekpa' yaga mi 'e ma."
- 34'Bhē- 'duṅ- -yaa' -klanlana mu 'e waa 'bhe -jan mu 'e -o do 'kpō 'yimale. -E -yaa 'bhii- -gblo 'kpale- -yaa' -o yikan' 'e 'yṛe ta, 'bhē- waa -yaa sō -o -yimale.
- 35'Zesu 'pegee -a zi mu 'e 'bhōlawoa Zeriko -wa 'e -din 'waati 'la ba, -yṛe 'wi mi do yaale -yaa zi 'e 'trōn ta 'ke -ya -yṛewo' mē mu ma.
- 36-Ayile, -ya male 'kaa -zamaa' 'srē do -o 'kan zii', 'kee- mē 'ke mu -lrōkpale dō: "-Mēla ma 'bhē- mē -weli' -o 'esrēle -gee' ē?"
- 37-O pe -a ni dō Zesu 'la da Nazareti -wa 'e ta, 'bhe -le 'kan zii'.
- 38'Bhē 'yi 'tē, 'ke -ya pele 'sanle 'egloole dō: "Davidi 'nranē- Zesu, 'ḡ 'yṛenkla 'e ma!"
- 39'Mē 'la zan mu dōle- -yaa mē -vin mu 'e 'lē, 'mu 'yaa- -yran 'zi -a zi 'kaa -ya taga. 'Duṅ- -e -yaa pe 'zi 'egloole 'ezin- dō: "Davidi 'nranē- Zesu, 'ḡ 'yṛenkla 'e ma!"
- 40'Bhē klele 'tē, 'ke Zesu dulale, 'bhē- 'ke -ya pele- 'kaa -o nu 'yee- -yṛe 'wi mi 'e 'le -a ni. -Ya mabēnle Zesu -din, 'ke 'bhe 'a 'lrōkpale dō:
- 41""Yoo- -a zi 'bhii- 'ḡ -mē za -la kle 'e ni ē?" -E pe Zesu ni dō: "Mēzan, 'ḡ 'yoo- -a zi 'bhii- 'ya kle 'ke 'ḡ sō yṛe ma yele- 'ezin-."
- 42-Ayile, 'ke Zesu 'a 'pele -a ni dō: "'E 'yṛe 'liiploo-! 'Yee 'kpalawoa 'mi 'yi bhe 'e 'bheela-."
- 43'Bhē yṛe do 'e =nō bhe, 'ke -a -yṛe mu 'e 'liiploole, 'bhē- 'kee- yṛe ma yele-. -Ayile 'kee- dōle- Zesu zi, 'bhē- 'kee- ge -Waanbhaa' 'tōbhōlele. -Zamaa' 'e 'yṛekpale 'yee- -yṛe 'wi mi 'e ma, 'ke -o 'kpēn -Waanbhaa' 'tōbhōle 'sanle.

Luki 19

- 1'Zesu 'bhōle- Zeriko -wa 'e ta, 'bhē- -e -kaan -a 'kpee.
- 2'Bhē =nō 'nisrakun mu -kunlii do -yaa, -o 'yaa- 'bhe sii Zase. 'Bhe 'yaa- -naflo zan -gbene do -la -le.
- 3-E -yaa -a zi 'bhii- -e Zesu 'ye 'ke 'bhe -o mē -gloōn 'la 'le; 'duṅ- yaa -yaa 'sōle 'bhe 'yele. -Amasrōyi -e -yaa kpeteekpene, 'bhē- -zamaa' 'e =yaa 'ebebele.
- 4-Ayile, 'kee- 'kanle mē mu 'e 'lē blaale-, 'bhē- 'kee- gele- 'sanle- -yri diiḡ do 'yi. -O -yaa 'bhe -yri diiḡ 'e sii sikomō. -E -saan 'bhe 'yi, 'kooko- Zesu 'kan bhla 'e zi, -e sō 'bhe 'yele.
- 5'Zesu 'bhōle- 'bhe -yri diiḡ 'e =la, 'ke -ya -yṛekpale laanima, 'bhē- 'ke -ya pele- dō: "Zase, zina- blaale-, 'mi nu 'ḡ zenle 'bhi -la ba -zōn."
- 6'Bhē klele 'tē, 'ke Zase zinale blaale-, 'bhē- 'kee- gele- Zesu 'le -a ba -lē ma, -a zrukpa' -gbene 'e ta.

- 7'Duŋ- mɛɛ mu 'la 'kpen 'a =ya -a ge bhla 'ɛ zi Zase ba, 'mu 'mu zrupliila, 'bhɛɛ- 'mu pe dɔɔ: "'Yee- mɛɛ 'lɛɛ- -ja -a zenlɛ -za 'yɔɔ klɛ mi do -la ba."
- 8-Woo 'bhɛ 'yi bhe oo, 'ke Zase 'e 'wlenle -o plɛŋ-, 'bhɛɛ- 'ke -ya pele- dɔɔ: "Mɛɛzan, 'E 'yɛkpa -ge doo, 'mi nu 'ŋ 'kɔɔpɛ- mu 'ɛ 'yicienlɛ -lɛ plɛ, 'bhɛɛ- 'an 'traa do na 'kɔɔflɛŋzan mu ni. 'Ke 'ŋ -gɔli' =kwan mɛɛ -bhɛɛke' 'kɔɔ -dawli' ma, 'ŋ nu 'bhɛ -gɔli' yɛkɛ- 'ɛ 'niinale 'bhe zan ma -glɔɔn yizie."
- 9'Bhɛ klele 'tɛ, 'ke Zesu 'a 'pele -a ni dɔɔ: "-Zɔn, -Waanbhaa' 'bhi 'pegee 'yaa- 'fa =la mu 'ɛ -gwa -za 'yi; -amasrɔyi 'bhi 'ezin-, 'yoo- 'ke Abraamu 'nranɛ- 'ɛ do 'le.
- 10'Bhaapɛŋ Gbe 'ɛ =nwa mɛɛ mu 'la zan mu =nia 'mu ziglinlɛ 'bhɛɛ- -yoo go -za 'yi."
- 11'Mɛɛ mu 'ɛ =bwa -o 'trɔnkpale ma Zesu ni, 'bhɛɛ- -o bhɔlawoa Zeruzalemu -wa 'ɛ -din, -o 'kpee ma, -Waanbhaa' a -bhɛŋgbeya yaa- bhla 'ɛ 'lɛɛ 'laa -yaa -li 'egbɔɔnle. 'Bhɛla- -yile 'ke Zesu -gɔɔn 'lɛɛ- 'bhɛ bɔle- 'sanle -o ni.
- 12-E pe -o ni dɔɔ: "'Elwaleta -sɔ, =fwa mu ba 'fa 'la mi do -yaa zan gele 'klɛɛn gbɔɔn do -yi, 'kooko- 'bhɛ 'klɛɛn 'ɛ 'yi mu 'ɛ 'mu 'a klɛ 'mu ta -bhɛŋgbɛ 'le. 'Ke 'mu =yaa -a klɛlele -bhɛŋgbɛ 'le 'waati 'la ba, -e -yaa nu 'niinale -a 'gbu 'ya 'klɛɛn 'ɛ 'yi, 'bhɛɛ -e klɛ -a 'gbu a mɛɛ mu 'ɛ ta -bhɛŋgbɛ 'le.
- 13'Sani- -a gele plɛŋ- 'bhɛ 'taa 'ɛ ta, -e -yaa' yewonɛ vu 'ɛ 'siila-, 'bhɛɛ- -e -can 'taŋbha do do =naa -o 'kpen ni do do. 'Bhɛɛ- -e pe -o ni dɔɔ: '-Ka yewo 'yee- -gɔli' 'ɛ 'le, 'kooko- -trɔnkpaa' -a ma 'sani- 'ŋ 'nule- plɛŋ-.'
- 14'Duŋ- -a -za 'laa -yaa sɔ -yaa 'klɛɛn 'yi mu 'ɛ ni, -ayile 'ke 'bhɛ mu mɛɛ mu winbɔle -a zi 'kaa 'mu 'a pe 'a ni dɔɔ: "Waa- zi 'bhii- mɛɛ 'lɛɛ- klɛ 'o ta -bhɛŋgbɛ 'le.'
- 15-E -ja 'bhɛ 'klɛɛn 'ɛ 'yi, 'bhɛɛ- -wa =kla 'ke -bhɛŋgbɛ do 'le. 'Bhɛ blaɛn, 'kee- niinale -a ba 'klɛɛn 'ɛ 'yi. 'Bhɛɛ- -e -can -gɔli' 'taŋbha mu 'ɛ =naa -yaa yewonɛ mu 'la ni, -e 'mu 'kpen -siila, 'bhɛɛ- -o -za yɛkɛ- mu 'la =kla 'yee- -gɔli' mu 'ɛ 'le, -o 'mu 'yipia- -a ni.
- 16-A lwa mi 'ɛ 'bhɛ 'nule-, 'ke 'bhɛ 'a 'pele dɔɔ: "'D Zan, 'e -can -gɔli' 'taŋbha do 'la =naa 'mi ni, 'mi -gɔli' 'taŋbha 'bhɛɛke vu -srɔɔwoa 'bhe ma -trɔn 'le.'
- 17'Yee- -bhɛŋgbɛ 'ɛ pe 'bhɛ yewonɛ 'ɛ ni dɔɔ: "'D 'cie oo 'ŋ 'cie-! Yewonɛ 'Irele-. 'Yee-zru -kla do -za 'fientrɔnne mu 'yi, 'bhɛla- -yile, 'mi nu 'e klɛle -wa vu ta -janmatii 'le.'
- 18-A plɛ mi 'ɛ 'bhɛ 'nule-, 'ke 'bhɛ 'a 'pele dɔɔ: "'D Zan, 'e -can -gɔli' 'taŋbha do 'la =naa 'mi ni, 'mi -gɔli' 'taŋbha 'bhɛɛke 'soo 'srɔɔwoa- 'bhe ma -trɔn 'le.'
- 19-Bhɛŋgbɛ 'ɛ pe 'bhɛ ni dɔɔ: "'D 'cie oo 'ŋ 'cie-! 'D nu 'bhi klɛle -wa 'soo ta -janmatii 'le.'
- 20-A yaga mi 'ɛ 'nule, 'ke 'bhɛ 'a 'pele dɔɔ: "'D Zan, 'e -can -gɔli' 'taŋbha do 'la =naa 'mi ni, 'yele- -ge, 'an magaanna sɔ 'peene do 'yi.
- 21'D -gblaanna 'e 'lɛɛ, -amasrɔyi 'yaa- -za 'yi -o 'eglɔɔle. 'Yaa- pɛ laa -o pɛ 'la 'le, 'e 'bhɛɛ- si. 'Yaa gba 'la 'kpale-, 'e 'bhɛɛ- 'yi pɛbhaa kan.'

- 22'Bhɛ klele 'tɛ, 'ke -bhɛŋgbe 'ɛ -ya pele- -a ni dɔɔ: 'Yewonɛ 'yɔɔ-, 'ŋ nu 'e 'kunɛ- 'e 'gbu 'liijan- ma. 'Ya 'yaango- bi 'bhii- 'an -za 'yi -o 'egɔɔle, 'bhɛɛ- 'an pɛ laa -o pɛ 'la 'le 'ŋ 'bhɛɛ- si. 'Bhɛɛ- 'naa gba 'la 'kpale-, 'ŋ 'bhɛɛ- 'yi pɛbhaa kan.
- 23-Mɛle =kla 'bhɛɛ- 'yaa 'an -gɔli' 'ɛ 'kpale- -gɔli' magaan 'fɛ 'ɛ =la ɛɛ, 'kooko- 'ke 'ŋ -daa 'an 'taa 'ɛ ta 'waati 'la ba, 'ŋ 'yaa- sɔ -a ma -trɔn 'yele ɛɛ?'
- 24'Bhɛɛ- -bhɛŋgbe 'ɛ pe mɛɛ 'la zan mu dulale -yaa -a -din 'mu ni dɔɔ: '-Kaa 'kɔɔ -can -gɔli' 'taɲbha do 'ɛ 'kun, 'bhɛɛ- -ka 'bhɛ 'na 'taɲbha vu zan 'ɛ ni.'
- 25'Bhɛ mɛɛ mu 'ɛ pe -a ni dɔɔ: "O Zan, 'taɲbha vu -o 'bhɛ 'kɔɔ gban.'
- 26-Bhɛŋgbe 'ɛ pe -o ni dɔɔ: "Mi 'bhɛ 'yaango-, 'bhɛɛ- 'mi pe 'ka ni dɔɔ pɛ -o mɛɛ 'la zan 'kɔɔ, -o nu -a 'kɔɔpɛ- 'ɛ baankpale, 'bhɛɛ- pɛ 'kɛdo- 'kpɔ 'laa -o mɛɛ 'la zan 'kɔɔ, 'ali- -o nu -a 'kɔɔpɛ- sanɛ- 'ɛ 'bhɛ 'kunɛ-.
- 27'Mɛɛ 'la zan mu -o 'ŋ 'sɔɔnnii mu 'le 'bhɛɛ- waa -a zi 'bhii- 'ŋ kle -o ta -bhɛŋgbe 'le, -ka nu 'mu -le, 'bhɛɛ- 'ka -o 'kpen dɛ 'ŋ 'yɛ ma -gɛ.' "
- 28'Zesu 'yanle- 'bhɛ -jan mu 'ɛ 'wolele, 'kee dɔle- -zamaa' 'ɛ -lɛɛ Zeruzalemu 'taa 'ɛ ta.
- 29-O bhɔle Bɛtifaze 'pegee Betani -wa mu 'ɛ -din, -o -yaa vlɛ gɔɔn 'la sii Olivi diiŋ vlɛ gɔɔnɛ- 'bhɛ -din bhla 'la ba, 'kee- yaa -kɔɔlanɛ plɛ winbɔle -o -lɛɛ.
- 30-E pe 'mu ni dɔɔ: "-Ka ge -kɔɔ' 'lɛɛ -wa 'nɛ 'la bhɛ -a ta. 'Ke 'ka =bhwa -a nɔɔ-, 'ka nu -soofaline do -yɛle' yele -yri diiŋ do ma, mɛɛ -bhɛɛke' do 'kpɔ 'laa 'sanɛ- -lido' -a ta. 'Kaa- 'plo- -yri 'ɛ ma, 'bhɛɛ- -ka nu 'kɛle-.
- 31'Ke mɛɛ 'la 'ka 'lɔkpaa- dɔɔ 'kaa- 'plo zii' -mɛla ma, -kaa pe 'bhɛ zan ni dɔɔ: 'Mɛɛzan maza -o -a ma.' "
- 32-Yaa' winbɔwo mu 'ɛ -o gele, 'ke -o -za mu 'ɛ 'kpen 'lɛsɔle ye- 'bhii- Zesu -o 'kpeelekaan gɔnɛ- 'la gbɛɛn-.
- 33-O -yaa -soofaline 'ɛ 'plo zii' bhla 'la ba, 'ke bhɛ zan mu -o -lɔkpale dɔɔ: "-Mɛle =kla 'bhɛɛ 'ka -o 'yee- -soofaline 'lɛɛ- 'plo zii' ɛɛ?"
- 34-O pe 'mu ni dɔɔ: "Mɛɛzan maza -o -a ma."
- 35'Bhɛ klele 'tɛ, 'ke -o nule- -soofaline 'ɛ 'le Zesu ni. -O -waa' dunɛ- mu 'ɛ 'ke =klaa 'bhɛ kpoo ta, 'bhɛɛ- 'ke -o Zesu 'sanle 'bhɛ ta.
- 36-Soofaline 'ɛ 'yaa- ge 'zi Zesu 'le, 'bhɛɛ- mɛɛ mu 'ɛ =yaa waa dunɛ- -gbɛnɛ mu 'ɛ 'piila- 'zi -a -lɛɛ zi 'ɛ 'lii.
- 37-O bhɔle Zeruzalemu -din bhla 'la ba, 'ke -o kan zi 'la 'bhɛ 'yaa- kan Olivi diiŋ vlɛ gɔɔn 'ɛ -din, 'ke zrukpa- -gbɛnɛ do zinale -yaa' -kɔɔlanɛ mu 'ɛ 'kpen ta, 'bhɛɛ- -Waanbhaa' 'sɔle- maza mu 'la 'kpen =kla -o -yɛ ma, 'ke -o 'bhɛ 'pubɔle 'mu 'kpen ma.
- 38-O -yaa pe 'zi dɔɔ: "-Bhɛŋgbe 'la -yoo zan Mɛɛzan -Waanbhaa' 'tɔ 'yi, bhaa -Waanbhaa' 'a -dɔɔbo'!" "Bhaa yilabla kle lafle' 'yi, 'bhɛɛ- 'tɔbhɔleya bo laanima -Waanbhaa' ni."

- ³⁹Farizi mu 'ke mu 'la 'yaa- -zamaa' 'e 'plen-, 'mu pe Zesu ni dɔɔ: "'O Daan mi, -a pe 'yaa- -klanlane mu 'e ni dɔɔ -woo taga."
- ⁴⁰Bhe 'yi, 'ke Zesu 'a 'pele -o ni 'kaa: "'Mi pe 'ka ni dɔɔ 'ke -woo tagaa-, kpoti mu nu -wele' 'egloole."
- ⁴¹Zesu 'bhɔle- Zeruzalemu -wa 'e -din, 'bhɛɛ- -a -yrekpale -a ma, 'kee- wisile -a ta.
- ⁴²-E pe dɔɔ: "'Ee, Zeruzalemu! -Za 'la 'bhe sɔ yilabla 'nale 'e ni, 'kee =yaa sɔ 'bhe dɔle- -zɔn bi. 'Duŋ- -a gaanle -o 'e 'lɛɛ, 'yaa sɔ -a yele-.
- ⁴³'Bhe yi -o zan bhɔle, 'e 'sɔnnii mu nu 'fɛgwle- mu dɔle 'e zi, 'bhɛɛ- 'mu nu 'yaa- -wa 'e 'kunle-. -O nu 'mlingole 'e zi, 'bhɛɛ- -o nu 'e ta mu 'e 'yrebatedɔle yrekpen- =nɔɔ.
- ⁴⁴-O nu 'yaa- 'fe mu 'e 'kpen 'wile- 'fenfen, 'bhɛɛ- -wa -dwa vle mu 'la 'le 'mu do 'kpo 'kpaale- laa nu bole- 'eke- ta. 'Bhɛɛ- -o nu 'yaa- -wa 'e ta mɛɛ mu 'e 'kpen dele, -amasrɔyi -Waanbhaa' =nwa bhɔle 'e ba 'waati 'la ba, 'yaa 'bhe 'waati 'e 'yidɔle!"
- ⁴⁵Zesu -ja wlale -Waanbhaa' Gba 'Fɛ -Gbene 'e =la, 'kee 'pleegɔn- mu 'e -gbinle' 'sanle.
- ⁴⁶-E pe -o ni dɔɔ: "-Waanbhaa' 'a =pia -yaa' 'Sewɛ 'e 'yi dɔɔ: "An 'fe 'e nu klele 'seriwo 'fe -la -le, 'duŋ- 'ka mu 'a =kla 'ke -faannii' mu gaan 'fe 'le!' "
- ⁴⁷Yi 'oo yi, Zesu 'yaa- mɛɛ mu daan -Waanbhaa' Gba 'Fɛ -Gbene 'e =la. 'Bhɛɛ- 'sraka 'lena -kuŋlii mu 'e 'pegee 'Toŋ daan mu 'e 'bhɛɛ- Zuufu mu -lɛɛ mu -gbene mu 'e 'mu 'yaa- Zesu dɛyre -la -glin 'zi.
- ⁴⁸'Duŋ- -wa kle gɔne- 'la gbɛen- 'bhɛɛ- -wa kun, waa -yaa 'bhe dɔ; -amasrɔyi Zesu 'wojan- mu 'e 'bhe mu mɛɛ mu 'e 'kpen zru 'e =kwan, 'bhɛɛ- -o 'kpen 'yaa- -o 'trɔnkpa zii' -a ni.

Luki 20

- ¹-Yrekpaa' do, Zesu 'yaa- mɛɛ mu 'e daan 'zi 'bhɛɛ- -e -yaa -Waanbhaa' -Jan 'Nrɔle- 'e 'wo zii' -Waanbhaa' Gba 'Fɛ -Gbene 'e =la 'waati 'la ba, 'ke 'sraka 'lena -kuŋlii mu 'pegee 'Toŋ daan mu 'e, 'bhɛɛ- Zuufu mu a 'gwlaan gbalaan mu 'e 'nule 'tenle- -a ma.
- ²'Bhɛɛ- -wa -lrɔkpaa dɔɔ: "'E -za mu 'la kle 'zi, -dele pe 'e ni dɔɔ 'yoo- kle ɛɛ? 'Bhɛɛ- -dele -o kle 'seŋ =naa 'e ni ɛɛ?"
- ³'Bhe klele 'te, 'ke Zesu 'a 'pele -o ni dɔɔ: "'Mi -o zan 'ka mu -lrɔkpale 'ezin- dɔɔ:
- ⁴-Ka 'bhe zikpa' 'ŋ ni, -dele Mɛɛ Wiinfe' Mi Zaan 'winbwa- mɛɛ mu 'wiinfeyre nɔɔ- -yi ba, -Waanbhaa' taa- bhaapleŋ mu ɛɛ?"
- ⁵'Bhe 'yi, 'ke -o zaabɔle 'sanle 'eke- pleŋ- dɔɔ: "'Ke 'wa =pia -a ni 'kaa '-Waanbhaa' -le 'a 'winbwa-', -e nu 'o 'lrɔkpale dɔɔ -mela ma 'bhɛɛ- -kɔɔ' 'laa -kɔɔ' 'kpale- -a -yi ɛɛ?"
- ⁶'Bhɛɛ- 'ke 'wa =pia dɔɔ mɛɛ mu -le 'a 'winbwa-, -kɔɔa' mɛɛ mu 'e nu -kɔɔ' dɛyre -glinle' kpoti 'le. -Amasrɔyi -o 'kpen 'kpale- -o -a -yi 'bhii- Zaan -o 'ke -Waanbhaa' -lela' janwo mi do 'le."

- 7'Bhela- -yile, 'ke -wa pele- dɔɔ: "Mɛɛ 'la zan 'a 'winbwa- 'o mɔɔ laa 'bhe zan 'ɛ dɔɔ."
- 8'Bhe 'yi, 'ke Zesu 'a 'lɛkunle -o ni dɔɔ: "'Duŋ- 'kee- =kla 'bhe gbɛɛn- bhe, 'mi 'ezin-, mɛɛ 'la zan -za mu 'lɛɛ- kle 'seŋ =naa 'mi ni, 'naa nu 'bhe zan 'ɛ 'tɔkanle 'ka ni."
- 9'Bhe blaɛn, 'ke Zesu -gɔɔn 'lɛɛ- 'bhe bɔle 'sanle mɛɛ mu 'ɛ ni, 'bheɛ- -e pe -o ni dɔɔ: "Mɛɛ do -drɔɔ gba do -kpaɛ, 'bheɛ- -ya gbɛkpaɛ- yetanɛ mu 'kɔɔ-. 'Bhe blaɛn, 'kee- gele- 'taa do ta, 'bheɛ- -e =mwa 'bhe =nɔɔ ye.
- 10-Woo 'bhe 'yi bhe, -drɔɔ bhaa 'kan bhla 'ɛ 'bhɔle-, 'kee- -yaa' 'fɛ =la yewonɛ mu 'ɛ do winbɔle -yaa' gba 'ɛ ta yetanɛ mu 'ɛ zi, -yaa' pɛ -drɔɔ bhaa 'si zayi'. 'Duŋ- 'woo- yetanɛ mu 'ɛ -o -yaa' yewonɛ 'ɛ =kwan, 'bheɛ- -wa tafia=; 'bheɛ- -o -ploola -a ma -a 'kɔɔflɛŋ- 'le.
- 11'Bhe blaɛn, 'ke -drɔɔ gbazan 'ɛ -e -yaa' yewonɛ 'ɛ 'bhɛɛke do winbɔle yetanɛ mu 'ɛ zi ezin-. 'Duŋ- 'bhe 'bhɔle- -o ta, 'ke -o 'bhe tafɛle 'ezin-, -o 'bhe -zwanwoa, 'bheɛ- 'ke -o 'ploole 'bhe 'kɔɔflɛŋ- 'ɛ ma.
- 12'Bhe blaɛn, 'ke 'yee- -drɔɔ gbazan 'ɛ -e -yaa' yewonɛ mu 'ɛ yaga mi winbɔle -o ta 'ezin-. -O 'bhe maɛŋgwa, 'ke -o gele- 'bhe blinle gba 'ɛ bhlemazi.
- 13'Bhe blaɛn, 'ke gbazan 'ɛ -ya pele- dɔɔ: "An kle 'nale- -a ma ɛɛ? 'Dɔ nu 'ŋ gbe bhe do 'la -za sɔ 'ŋ ni 'egbɛnle 'bhe winbɔle -o ta, -dɔke' -o nu -gasikpale 'bhe 'lɛɛ oo."
- 14'Duŋ- 'woo- yetanɛ mu 'ɛ -o -yɛɛkpale 'bhe ma, 'ke -wa pele- 'eke- ni dɔɔ: "Mɛɛ 'lɛɛ- 'bhe -le nu klele gbazan 'ɛ 'le boolazi -a dɛ gale blaɛn. -Ayile -kɔɔ' 'a dɛ, 'bheɛ- -drɔɔ gba 'ɛ bo -kɔɔ ni."
- 15'Bhela- -yile, 'ke -wa 'kunle, 'bheɛ 'ke -o gele- 'kɛle- gba 'ɛ -zanta', 'bheɛ- 'ke -wa dɛle-." Zesu -zamaa' 'ɛ 'lɔɔkpaɛ- dɔɔ: "'Ka mu 'kpee ma, gbazan 'ɛ nu -mɛ za -la klele 'woo- yetanɛ mu 'ɛ ni ɛɛ?"
- 16'Dɔ bhe, -e nu 'woo- yetanɛ mu 'ɛ 'kpen dɛle, 'bheɛ- -e -drɔɔ gba 'ɛ gbɛkpa yetanɛ mu -bhɛɛke' mu 'kɔɔ." Mɛɛ mu 'ɛ -o 'bhe -jan 'ɛ 'male- 'ke -wa pele- dɔɔ: "'Ee, bhaa 'bhe 'yansi za 'ɛ 'kan 'o ma 'egbɔɔnle."
- 17'Zesu 'e 'yɛɛkpale -o ta frii, 'ke -yoo -lɔɔkpale dɔɔ: "-Waanbhaa' a -jan 'lɛɛ-, 'bhe 'yi -o 'nale- -a ma ɛɛ? 'Bhe -jan 'ɛ 'yele- -gɛ: "Fɛdɔ- mu 'ɛ -woo -bangwa vlɛ 'la 'yi 'bheɛ- -wa -blinna, 'bhe -le =kla 'fɛgwle- 'ɛ gaan -la vlɛ -kpunŋ -gbɛnɛ 'gbu 'ɛ.'" "
- 18"'Ke mɛɛ 'oo mɛɛ 'la zan -balaa' 'yee- vlɛ 'lɛɛ- ta, 'bhe zan ma diŋ nu gole. 'Bheɛ- 'kee- -balaa' mɛɛ 'la zan ta, -e nu 'bhe zan 'wiile-."
- 19'Bhe 'waati do 'kpɔ 'ɛ ba, 'Toŋ daan mu 'ɛ 'pegee 'sraka 'lena -kunlii mu 'yaa- zi 'bhii- -o Zesu 'kun. -Amasɔyi -wa 'yaangwa- 'bhii-, Zesu -gɔɔn 'ɛ =bwa 'wo -la ma. 'Duŋ- -o -yaa -gblaan 'zi -zamaa' 'ɛ 'lɛɛ.
- 20-A 'san 'bhe yi 'ɛ ma, -o -yaa Zesu 'klosikun zii' 'bhe kleza mu 'ɛ ma. -Ayile 'ke -o mɛɛ mu winbɔle -a zi. 'Bhe mɛɛ mu 'ɛ 'yaa- 'mu 'gbu kle 'zi mɛɛ -lɛle' mu 'le -dawli' ma. 'Bhe mu -ja bɔle -a -la, 'kooko- 'mu sɔ -a 'kunle -a 'gbu 'liiwli- ma. 'Bheɛ- 'ke 'mu 'a =kwan 'mu sɔ gele- 'kɛle- 'kitikan mu 'ɛ 'pegee -waa' -janmatii 'ɛ ba.

- 21-Ayile 'ke -o nule- Zesu 'lrɔkpale dɔɔ: "'O Daan mi, 'wa 'yaango- dɔɔ 'e 'yoo- -jan 'la 'wo zii' 'bhe 'pegee 'yoo- mɛɛ daan mu 'zi 'ke -za 'la 'le, wlan -le 'mu 'kpen 'le. 'Yaa mɛɛ bago, 'bhe- 'e -Waanbhaa' a zi 'e 'bhe- daan wlan 'gbu ma kpataakpa.
- 22'Woo -za do -yilrɔkpale 'e ma doo: -Kɔɔa' 'toŋ- 'e ta, -kɔɔ' sɔ taa- -kɔɔ' 'laa sɔ Rome mu 'e -waa' -bhleŋgbe -gbene Sezaa a 'nisra 'e gbawole ɛɛ?"
- 23'Duŋ- Zesu waa -dawli' maza 'e dɔle, 'ke -ya pele- -o ni dɔɔ: "-Ka nu -gɔli' 'taŋbha do 'le 'ŋ ni doo."
- 24-O nule 'bhe 'taŋbha 'e 'le -a ni, 'ke -yoo -lrɔkpale dɔɔ: "-Dela ŋgblo lii 'pegee -a 'to yɔɔndeke -ge ɛɛ?" -O 'kpen pe dɔɔ: "Romɛ mu a -bhleŋgbe -gbene 'bhe -le 'kele-."
- 25'Bhe klele 'te, 'ke Zesu 'a 'pele -o ni dɔɔ: "'Ke -yoo 'bhe gbene- bhe, 'kela 'bhe -o Sezaa a pe -o 'le, -ka 'bhe- gbawo 'bhe ni, 'bhe- -Waanbhaa' a pe -o 'kela 'le -ka 'bhe 'na 'bhe ni."
- 26'Ali- 'woo- mɛɛ mu 'e waa 'sɔle- Zesu 'kunle 'bhe 'gbu 'liiwli- 'e ma. Drɔɔn' -a wojan mu 'e -yoo -liibhaala -o ma. -Ayile waa 'sɔle- -jan 'kedo- 'kpɔ 'wole, 'bhe- -o tagale =bwa.
- 27-O -yaa mɛɛ 'ke mu sii Saduse mu, -o 'si ta waa -yaa -o kpa mɛɛ bweza gale ba 'e 'yi. -O -yaa pe dɔɔ 'ke mɛɛ -gaa 'ke -za 'kpen =yaan. -Yrekpa' do, -o 'ke mu -o mabeenna Zesu -din, 'ke -o 'bhe 'lrɔkpale dɔɔ:
- 28"'O Daan, Moizi 'a yɔɔndia- -yaa' 'toŋ 'sɛwe 'e 'yi dɔɔ: 'Ke mɛɛ do =kla 'ke 'siele-, 'bhe- 'ke -ya na -twa -a blaana, 'bhe- 'ke yaa -ne 'yale- 'bhe ta. -A gaanzido dɔ 'e 'gwlaan- 'e 'bhe 'a na yalaa'. 'Ke 'bhe =kla bhe, 'ke 'bhe -ne mu 'la =yaa -a na ta, 'mu nu klele 'bhii- -a 'gbu 'kpee 'yi mu.
- 29'Bhe 'laa 'sanle- bhaama, neene- ma 'gwlaan- 'srwaple- -yaa. -O -leɛ mi 'e 'bhe le 'la =sia 'bhe 'laa -ne 'srɔwole 'bhe ta, 'bhe- 'bhe =kla 'ke 'siele.
- 30'Bhe gaanzido dɔ 'e, 'bhe glaana 'e =sia, 'bhe 'laa -ne 'srɔwole -a ta, 'bhe- 'ke 'bhe gale-. -A gaanzido dɔ yaga mi 'e, 'bhe =kla 'yee- klegbeya do 'kpɔ 'e 'yela- gbene-.
- 31'Woo- neene- 'gwlaan 'srwaple- -o 'kpen 'yee- le 'e 'yalaa do do, 'bhe- -o 'kpen =kla 'ke 'siele- do do 'ke waa -ne 'srɔwo- -a ta.
- 32-O 'kpen gale blaana, 'ke 'yee- le 'e 'gbu klele- 'ke 'siele 'ezin-.
- 33'Bhe ya 'e 'yi, 'ke gbaa mu -bwela gale ba yi 'la 'le, 'woo neene- ma 'gwlaan- 'srwaple- 'e -o -de 'gbu -la na nu klele 'yee- le 'e 'le ɛɛ?"
- 34'Bhe klele 'te, 'ke Zesu 'a 'pele -o ni dɔɔ: "Gwlenna yaale -o 'gwlaan- mu 'pegee le mu pleŋ- 'drunyan 'leɛ- 'bhe- -yi.
- 35'Duŋ- 'ke -Waanbhaa' 'a 'ledulaa dɔɔ mɛɛ 'la zan mu bwe gale ba, 'bhe- 'drunyan 'la 'bhe -o zan -o bo 'bhe 'yi, waa nu le mu nale gwlen ni, 'bhe- 'gwlaan- mu laa nu le 'sile-.

- ³⁶Waa nu 'sɔle- gale- -li, 'bhɛɛ- -o nu klele 'bhii- -Waanbhaa' a -mlɛkɛ' mu 'ɛ gbɛɛn-. - O nu klele -Waanbhaa' -nɛ mu 'le, waa nu gale -li -titi, -amasrɔyi -o -bwela gale ba.
- ³⁷Moizi 'a =pia kpataakpa dɔɔ gbaa mu nu bwele gale ba. -Yaa' 'sɛwɛ 'ɛ 'yi yrɛ 'la -yri lunɛ- 'ɛ ba janwo, Moizi Mɛɛzan -Waanbhaa' -siila dɔɔ: Abraamu a -Waanbhaa', 'bhɛ 'pegee Izaki a -Waanbhaa', 'bhɛɛ- Zakɔbu a -Waanbhaa'.
- ³⁸-Amasrɔyi, -Waanbhaa' -o 'ke mɛɛ -yrɛ male mu a -Waanbhaa' -la -le, 'bhɛɛ- yaa -o 'ke gbaa mu a -Waanbhaa' 'le. 'Bhɛɛ- mɔkpen' -o 'mu 'yrɛ ma -Waanbhaa' -yrɛ 'yi.'"
- ³⁹'Bhɛ klele 'tɛ, 'ke 'Toŋ daan mu 'ɛ 'ke mu 'a 'pele -a ni dɔɔ: "'O Daan mi, 'e 'swa- -jan 'ɛ zikpale -o ni 'elrele.'"
- ⁴⁰-A 'san 'bhɛ ma, yaa dɔle -o do 'kpɔ 'kpee 'ke 'bhɛ -za 'kɛdo- 'kpɔ 'yilrɔkpa -a ma 'ezin-.
- ⁴¹Zesu pe 'woo- 'Toŋ daan mu 'ɛ ni dɔɔ: "-Mɛla ma 'bhɛɛ- mɛɛ mu 'ɛ -wa pe 'zi dɔɔ Mɛɛ -Bhɛ Mi -Kpɔsɔɔ Krisi -o 'ke Davidi 'nranɛ- -la -le 'tɛ ɛɛ?"
- ⁴²'Bhɛɛ- 'duŋ-, Davidi 'gbu 'a =pia- -yaa' 'Srokpa 'sɛwɛ 'ɛ 'yi dɔɔ: 'Mɛɛzan -Waanbhaa' 'a =pia 'an Mɛɛzan ni dɔɔ: Nu yala- 'ŋ -din 'tɔbhɔ ma yaayrɛ 'ɛ =nɔɔ.
- ⁴³'Sani- 'mi yan 'e -sɔɔnnii' mu 'ɛ kpaalele 'e gaan =la.'
- ⁴⁴"'Ke Davidi 'gbu Mɛɛ -Bhɛ mi Krisi 'siila- dɔɔ -yaa' Mɛɛzan. 'Bhɛɛ- -e sɔ klele- -a -nranɛ 'le 'nale- -a ma ɛɛ?"
- ⁴⁵-Zamaa' 'ɛ 'kpen 'yaa- -o 'trɔnkpa zii' Zesu 'ni 'waati 'la ba, 'ke -ya pele- -yaa' -klanlanɛ mu 'ɛ ni dɔɔ:
- ⁴⁶"-Ka 'ka 'yrɛkpa 'ka 'gbu ba 'Toŋ daan mu 'ɛ ma. 'Kaanle- sɔ -o ni dunɛ- gbɔɔn mu 'le -o ta -wa 'kpee -kpan mu 'ɛ ta, 'bhɛɛ- -wa zi 'bhii- mɛɛ mu -o -lɛdɔ' -a ma, 'bhɛɛ- 'mu -o 'pubɔ-. 'Ke -o -wlaa Zuufu mu daanfe' mu 'ɛ =la, 'bhɛ 'pegee 'fɛti klɛyrɛ -gbɛnɛ mu 'ɛ =nɔɔ, zilɛɛ- yaakpe mu 'ɛ 'mu -la 'sile- sɔ -o ni.
- ⁴⁷-O glaanle mu 'ɛ 'kɔɔpɛ- mu 'ɛ 'kpen yan -dawli' ma. 'Bhɛɛ- -o mɔ -waa' 'seriwole 'ɛ zi, 'kooko- -woo 'gbu zrɔn mɛɛ mu -yrɛ ta 'bhii- mɛɛ wlan mu. 'Bhɛla- -zɛɛle, -o ta 'kiti 'ɛ 'bhɛ 'yɔɔ- nu -yiyalɛ mɛɛ -vin mu 'ɛ 'mu a pɛ 'kiti 'ɛ ni -Waanbhaa' ba."

Luki 21

- ¹Zesu 'yaa- -Waanbhaa' Gba 'Fɛ -Gbɛnɛ 'ɛ =la 'waati 'la ba, -naflo zan mu 'ɛ -yaa -gɔli' bɔ 'zi -gɔli' bɔ -koonɛ 'ɛ 'yi; 'bhɛɛ- -ya ŋgblo -lawlɛnle 'ke -yoo yele-.
- ²'Bhɛɛ- 'kee- glaanle 'kɔɔflɛŋzan do yele-, 'ke 'bhɛ -o zan -gɔli' 'taŋbha piinɛ- plɛ bɔlɛ 'yee- -koonɛ 'ɛ 'yi.
- ³-Ayile 'ke Zesu 'a 'pele dɔɔ: "'Mi pe 'ka ni wlan 'ɛ ni dɔɔ glaanle 'lɛɛ- -gɔli' yɛkɛ- 'la =bwa -gɔli' bɔ -koonɛ 'ɛ 'yi, 'bhɛ 'yiyaa- mɛɛ -vin mu 'ɛ 'mu -gɔli' yɛkɛ- 'la =bwa 'bhɛ ni.

- 4-Amasrɔyi 'woo- mɛɛ mu 'ɛ -o maza laa -yaa -li -gɔli' 'la ma, -o 'bhɛɛ- =bwa -koonɛ 'ɛ 'yi. 'Duŋ- 'yee- glaanle 'lɛɛ- -yaa' 'kɔɔflɛŋya 'ɛ 'yi, -ya 'tɔta- -gɔli' -vin sanɛ- 'ɛ 'bhɛɛ- =bwa -koonɛ 'ɛ 'yi.”
- 5Zesu a -klanlanɛ mu 'ɛ 'ke mu 'ɛ 'yaa- -balo klɛ 'zi -Waanbhaa' Gba 'Fɛ -Gbenɛ 'ɛ 'bhɛ dɔgbɛya 'ɛ ta. -O -yaa -o -lekpa' zii' -a -lregbɛya 'ɛ ma, 'bhɛ 'pegee -wa -dwa vlɛ -lrele' mu 'la 'le, 'bhɛɛ- -a -la 'srakagopɛ -lrele' mu 'ɛ. -Ayile 'ke Zesu 'a 'pele -o ni dɔɔ:
- 6"Ka 'yrɛ -o 'fɛ -gbenɛ 'la ma -gɛ bhe, -o nu -a 'kpɛn 'wile- -yrekpa' do. 'Ali- -wa -dwa vlɛ -kpɛŋ mu 'la 'le, 'mu do 'kpɔ 'kpaale laa nu bole 'eke- ta. -O nu 'mu 'kpɛn 'klaalɛ-.”
- 7Zesu a -klanlanɛ mu 'ɛ -wa -lrɔkpa' dɔɔ: "'O Daan mi, 'bhɛ -za 'ɛ nu bhɔle 'waati 'ɛ -dela ba ɛɛ? 'Bhɛɛ- 'bhɛ -za mu 'ɛ 'ke -o klɛ bhla =bhwa 'waati 'la ba, 'o nu 'bhɛ 'yaangolɛ -tɔɔmasie 'ɛ -dela ma ɛɛ?"
- 8-Ayile, 'ke Zesu 'a 'pele -o ni dɔɔ: "-Ka 'ka 'yrɛkpa 'ka 'gbu ba 'elrele, 'kooko- mɛɛ 'kedo- 'kpɔ 'laa 'ka 'yini-. -Amasrɔyi mɛɛ -bebe nu 'mi 'tɔ 'ɛ 'kpale- -o 'gbu ma 'bhɛɛ- -wa pe dɔɔ: "Mi -le 'ke Mɛɛ -Bhee Mi Krisi 'ɛ 'le, 'mi 'an pɛ 'waati 'ɛ =bhwa!' 'Ka 'laa dɔle -o zi.
- 9'Ke 'ka gwledanwli mu -maa 'waati 'la ba, 'bhɛ 'pegee 'ke mɛɛ mu wlenle -saan -o -lɛɛ mu ma 'klɛɛn -bebe 'yi, 'ka 'laa -gblaanle'; 'bhɛ -za -glɔɔn mu 'ɛ 'mu -le nu 'sɔle- bhɔle- 'elwale 'pe. 'Duŋ- 'bhɛ 'laa nu klɛle 'drunyan 'yan 'waati 'ɛ 'le.”
- 10'Bhɛɛ- Zesu pe 'ezin- dɔɔ: "'Si do nu gwledanle 'si 'bhɛɛke do ba; 'bhɛɛ- -bhɛŋgbe do a 'klɛɛn 'yi mu nu gwledanle -bhɛŋgbe 'bhɛɛke do a 'klɛɛn 'yi mu ba.
- 11'Trɛ nu bɛɛnle yrɛ 'ke mu nɔɔ-, 'bhɛ 'pegee -gu -gbenɛ mu, 'bhɛɛ- ga -yɔɔ' -glɔɔn mu 'la -woo -yivlin' mɛɛ 'srɛ ma, 'mu 'kpɛn nu baale bhaaplɛŋ mu ta. Mɛɛ -gblaan ma pe mu 'pegee -tɔɔmasie -gbenɛ mu nu 'pwɛle- lafle' 'yi.”
- 12"Duŋ- 'sani- 'bhɛ -za mu 'ɛ klɛle plɛŋ-, -o nu 'ka 'kunle- 'bhɛɛ- -o -yrenkpa' 'ka ta. -O nu 'ka 'kitikanle Zuufu mu daanfɛ' mu 'ɛ =la, 'bhɛɛ- -o nu 'ka bɔle -kaso 'yi. 'Mi 'tɔ 'ɛ -zayi', -o nu gele 'ka 'le -bhɛŋgbe mu 'pegee mɛɛ gbalaan mu ba.
- 13'Ke 'bhɛ yi 'ɛ =bhwa, 'ka nu 'sɔle- 'mi 'an -Jan 'Nrɛle- 'ɛ 'wole 'bhɛ mɛɛ mu 'ɛ ni.
- 14'Ka nu 'ka 'gbu ta jan 'ɛ 'wolɛ- gɔnɛ- 'la gbɛɛn-, 'ka 'laa 'bhɛ yienkanle 'elwale 'pe.
- 15-Amasrɔyi 'mi 'gbu nu yikan' ma -jan 'kpale- 'ka 'lii, 'bhɛɛ- 'ka 'sɔɔnnii 'kedo- a -jan 'laa nu 'sɔle- 'ka 'kunle, 'bhɛɛ- -e zaabɔ 'ka 'lɛ ma.
- 16'Ali- 'ka 'yapɛ- mu oo, 'ka nɛɛnɛ- mu oo, 'ka 'yienii mu oo, 'bhɛɛ- 'ka 'bhɛgwlen- mu 'gbu nu 'ka 'nale- mɛɛ mu ni, 'bhɛɛ- 'mu 'ka -bebe dɛ.
- 17'Ka ven nu 'sile- mɔkpen' yin -lii, 'mi 'tɔ 'ɛ -zayi'.
- 18'Duŋ- 'ka 'winbhɛ- do 'kpɔ 'laa nu gole a ba.
- 19-Ka 'woo- -yren mu 'ɛ 'yikun: -amasrɔyi 'ke 'bhɛ =kla, 'ka nu 'sɔle- 'ka 'gbu 'si 'ɛ gole- -za 'yi 'bhɛɛ- gbɛɛn-.”

- 20 Zesu pe -o ni 'ezin- dɔɔ: "'Ke 'ka gwledan mu zenle =ya Zeruzalemu -wa 'ε zi 'waati 'la ba, -kaa 'yaango- 'bhii- -a -wi 'waati 'ε =bhwa -wa -din.
- 21 'Bhe ya 'ε 'yi, 'ke mεε 'la zan mu =kla Zude 'kleen 'ε 'yi 'bhe bhla 'ε ba, 'bhe zan mu blasan-, 'bhεε- 'mu ge 'mu gaan 'mu 'lεε vlε gɔɔn mu 'ε 'yi ye. 'Bhεε- 'ke mεε 'la zan mu -o Zeruzalemu -wa 'ε 'kpee, 'bhe zan mu ge 'mu gaan. 'Bhεε- 'ke mεε 'la zan mu =kla 'bhe mu ba gba la, 'mu 'laa 'pele- dɔɔ 'mu 'nule -wa la.
- 22 -Amasroyi, -Waanbhaa' nu 'bhe yi mu 'ε klele -yrenkpa' yi -gbene mu 'le bhaaplen mu ta; 'kooko- -Waanbhaa' -lɛla' janwo mu 'ε -jan mu 'la =woa 'elwale gban -sɔ 'mu 'lεsɔ-.
- 23 'Ee! Le mu 'la kpele nu klele, 'bhe 'pegee le mu 'la 'nε mu nu klele -yɔn ma 'bhe 'waati 'ε ba, 'mu 'nise- -yren ma! -Amasroyi 'trebho -gbene nu klele 'kleen 'ε 'yi, 'bhεε- -Waanbhaa' a zruplii- 'ε nu baale Izraeli 'si mu 'lεε- ta.
- 24 -O nu -o 'ke mu dεle 'ke -gɔkuŋ' mu 'le, 'bhεε- -o nu gele -a 'ke mu 'le -kaso 'yi 'si mu 'la 'kpen 'laa -Waanbhaa' dɔ 'mu ba. 'Mu 'seŋ nu wole 'ke Zeruzalemu mu 'ε 'le, 'bhεε- -woo kle 'ke -o gaan -la pe mu 'le, 'sani -o 'waati yeke- 'la -dwa -o ni 'bhe 'yanle- plen-."'
- 25 Zesu pe -o ni 'ezin- dɔɔ: "'Ka nu -tɔmasie mu yele -yretεbhe 'pegee mle 'bhεε- mleklenne mu 'ε 'yi. 'Bhεε- 'tre ta -ge, -gblaan nu 'klale- mεε mu 'ε 'kpen 'yi, weyi- 'pegee 'bhe 'pɔɔ mu 'ε 'wegbeyā -gbene -gbene mu 'ε -zayi', 'bhεε- -o 'kpen blina- yien nu dɔle.
- 26 'Tre ta mu 'ε -o -gblaan gbε -yɔɔ' 'ε 'kɔɔ, -o 'ke mu nu gale 'ke -woo 'kpeeledaan -klɔlɔɔ' -glɔɔn 'la nu 'tenle- -o ma 'tre 'lεε- 'kpen ta -ge 'mu ma. -Amasroyi lafle' 'yi pe -glɔɔ -glɔɔ mu 'ε -o nu beenle.
- 27 'Ke 'bhe =kla 'tε, mɔkpen' 'yre nu 'kpale- Bhaaplen Gbe 'ε 'nule- ma lafle' -gblen do ta, -yaa' -glɔɔya' 'pegee -a 'tɔbhɔleya 'ε 'le.
- 28 'Ke 'bhe -za mu 'ε klele -saan 'ka 'yre ma 'waati 'la ba, -ka 'ka ngblo -lawlen', 'bhεε- -ka 'ka zru dɔ 'eglɔle, -amasroyi 'ka 'bhe bhla 'ε =bhwa 'ka -din."
- 29 'Bhe blaana, 'ke Zesu -gɔɔn do 'lεε- 'bhe bɔle- -o ni 'ezin- dɔɔ: "-Ka figi diinj 'pegee -yri diinj -vin mu 'ε 'klɔsikun doo.
- 30 'Ke -o -laa 'tɔnle- -saan bhla 'la ba -o ta, 'kaa 'yaango- 'bhii- -o bhaa kle 'waati =bhwa 'ε -din gban.
- 31 'Bhe klegbeyā do 'ε 'yi bhe, 'ke 'ka 'bhe -za mu 'la bhe 'mu kleyre =ya 'waati 'la ba, -kaa 'yaango- 'bhii- -Waanbhaa' a -bhlenjgbeyā 'ε =bhwa -wa -din.
- 32 'Mi pe 'ka ni wlan 'ε ni dɔɔ mεε 'la zan mu -o 'mu 'yre ma -zɔn -ge, 'sani- 'mu 'kpen gale plen-, -za mu 'lεε- nu klele -o 'ke mu -yre ma.
- 33 'Lafle' 'pegee 'tre mu nu kanle, 'duŋ- 'an pe -jan mu 'ε waa nu 'kanle- -titi."

³⁴Zesu pe -o ni 'ezin- dɔɔ: "-Ka 'ka 'yɾɛkpa 'ka 'gbu ba 'elrele! 'Ka 'laa 'tolɛ- 'ke pɛbhle -gbɛnɛ mu 'pegee -wɛɛn dɛ maza, 'bhɛɛ- 'drunyan ta 'ɲgami mu 'ɛ 'kɔɔ, 'ka 'yri go 'ka 'gbu -za 'le, 'bhɛɛ- 'bhɛ yi 'ɛ kla 'ka ba.

³⁵Bhaaplɛɲ Gbe 'ɛ 'nu yi 'ɛ nu 'klalɛ- 'drunyan ta mɛɛ mu 'kpen ba blaale-, 'bhii- kaade yrɔ kla kaa mu ba gɔnɛ- 'la gbɛɛn- -yi ba, 'bhɛɛ- -yoo 'kpen kun.

³⁶'Ka 'yri 'laa golɛ 'ka 'gbu -za 'le, 'bhɛɛ- -ka 'ka 'seriwo 'waati oo 'waati 'ɛ 'kpen ba. 'Kooko- faɲgandɔ 'ka ta, 'bhɛɛ-klɔlɔɔ' mu 'la -woo zan bhe, 'mu kan 'ka ma 'egbɔɔnle, 'bhɛɛ- 'ka ge dulalɛ Bhaaplɛɲ Gbe 'ɛ 'yɾɛ =la.”

³⁷'Ke -yɾɛkpa- 'yaa bhɔ, Zesu 'yaa- ge mɛɛ mu daanle -Waanbhaa' Gba 'Fɛ -Gbɛnɛ 'ɛ =la, 'bhɛɛ- yromazi, -e -yaa ge yilɛ Olivi diiɲ vlɛ gɔɔn 'ɛ 'wiɲɲ-.

³⁸'Bhɛɛ- mɛɛ mu 'ɛ 'kpen 'yaa- nu zɾwanzi 'tutu -Waanbhaa' Gba 'Fɛ -Gbɛnɛ 'ɛ =la 'mu 'trɔnkpale -a wojan mu 'ɛ =la.

Luki 22

¹Zuufu mu 'ɛ 'yaa- 'bluu -pɛɛ 'wlɛn kle bhle 'fɛti 'la kle lɛɛ 'oo lɛɛ, 'bhɛ 'yaa- zan bhɔle. 'Bhɛ 'fɛti 'ɛ 'yaa- 'ezin- Paki 'fɛti 'ɛ 'le.

²'Sraka 'lɛna -kuɲlii mu 'ɛ 'pegee 'Toɲ daan mu 'ɛ -o -yaa Zesu deyɾɛ -glin 'zi, 'bhɛɛ- 'duɲ- -o -yaa -gblaan 'zi waa mɛɛ mu 'ɛ 'lɛɛ. 'Duɲ-, waa -yaa zi 'bhii- -wa kle 'ke mɔkpen' -za dɔ -a 'yi, 'bhɛɛ- mɛɛ mu wlɛn -o ma, -amasɾoyi -o -yaa -gblaan 'zi -waa' 'si mu 'ɛ 'lɛɛ.

³-Setran' -za 'yɔɔ- =wlaa Zuda 'la -wa sii Isikariɔti 'bhɛ zru ba: -e -yaa 'duɲ- Zesu -a -klanlanɛ vu ta plɛ 'ɛ do 'le.

⁴'Bhɛ ya 'ɛ 'yi, 'yee- Zuda -ja 'tenlɛ- 'sraka 'lɛna mu -lɛɛ mu 'ɛ 'pegee -Waanbhaa' Gba 'Fɛ -Gbɛnɛ 'ɛ gooba mu -kuɲlii mu 'ɛ ma. 'Bhɛɛ- -e -yaa nu 'sɔlɛ- Zesu 'lɛnale -o ni gɔnɛ- 'la gbɛɛn-, -o -bɛɲgwa do 'bhɛ ma.

⁵'Bhɛ klele 'tɛ, 'ke -o zrukpaale Zuda 'a 'pelawoa dɔɔ 'bhɛ nu bhɔle -o ba, 'bhɛɛ- 'bhɛ Zesu 'lɛna- -o ni 'bhɛ 'yi. 'Bhɛla- -yile 'ke -wa pele- -a ni dɔɔ -o nu -gɔli' 'nalɛ- -a ni 'bhɛ -za 'ɛ 'yi.

⁶'Yee- Zuda -dwa 'bhɛ =la. -A 'san 'bhɛ yi 'ɛ ma, -a gbɛ sɔ Zesu ta gɔnɛ- 'la gbɛɛn- 'bhɛɛ- -e 'bhɛ 'lɛna- Zuufu mu a -kuɲlii mu 'ɛ ni, -e yaa- 'bhɛɛ- klɛgbeya 'ɛ -glin 'zi gaanyi', 'kooko- -zamaa' 'ɛ -za 'laa dɔ 'bhɛ 'yi.

⁷'Bluu -pɛɛ 'wlɛn- kle bhle 'fɛti 'la 'ke -wa sii Paki 'fɛti 'ɛ, 'bhɛ yi 'ɛ =bhwa, 'bhɛɛ- -o -yaa nu -bhlɛaa gwɛn bhlonɛ- mu klele 'sraka 'le, 'bhɛɛ- -woo bhle 'yee- 'fɛti 'ɛ ta pɛbhle 'ɛ ba.

⁸-Ayile, 'ke Zesu Pieri 'pegee Zaan winbɔle -o -lɛɛ, 'bhɛɛ- -e pe 'mu ni dɔɔ: "-Ka ge -kɔɔ mu a pɛ 'fɛti 'ɛ ta kpo 'ɛ kle.”

⁹Pieri 'pegee Zaan pe -a ni dɔɔ: "=Ya zi 'bhii- 'o ge 'yee- kpo 'ɛ kle 'naa- ma ɛɛ?”

- 10 Zesu pe -o ni dɔɔ: "'Ka 'bhɔle- 'te -wa 'e ta, 'ka 'lɛ nu 'palɛ- mɛɛ do 'le, -yi gbɔ do -o - a wiiŋ-. -Ka gbaan -a zi, 'bhɛɛ- -ka ge wla -a wla 'fɛ 'ɛ =la.
- 11 'Bhɛɛ- 'ke 'ka =wlaa 'bhɛ =la 'waati 'la ba, -kaa pe 'fɛzan- 'ɛ ni dɔɔ: "O Daan mi 'pe 'wo 'e 'lɾɔkpa dɔɔ 'yee- 'pegee -yaa' -klanlanɛ mu 'ɛ -o nu -waa' Paki 'feti ta pɛle 'ɛ 'bhlele- 'fekpee 'ɛ -dela =la ɛɛ?"
- 12 'Ke 'bhɛ =kla, -e nu 'fekpee -gbɛɛ do zɾɔnle 'ka ni, 'bhɛ -o 'sangaso 'kpee do 'le laanima. Yilapɛ 'pegee yaapɛ, 'bhɛɛ- kpo klɛpɛ mu 'kpen -o 'bhɛ -la gban, 'ka nu -kɔɔa' kpo 'ɛ klɛle 'bhɛɛ- =nɔɔ."
- 13 Pieri 'pegee Zaan gele, 'ke -o -za mu 'ɛ 'kpen 'lɛsɔle yele- 'bhii- Zesu 'a =pia -o ni gɔnɛ- 'la gbɛɛn-. 'Bhɛɛ- -o -waa' 'feti ta kpo 'ɛ =kla 'bhɛɛ- =nɔɔ.
- 14 Pieri 'pegee Zaan 'yanle- -za mu 'ɛ 'kpen 'lɛmagaanle 'le 'waati 'la ba, 'ke Zesu 'pegee -yaa' winbɔwo mu -vin mu 'ɛ 'nule, 'ke -o 'kpen 'yaale pɛbhle -tabali 'ɛ zi, 'bhɛɛ- -o pe 'ɛ =bhla 'eke- zi.
- 15 -O -yaa pɛ 'ɛ 'bhle zii' 'waati 'la ba, 'ke Zesu 'a 'pele -o ni dɔɔ: "'D 'yaa- -a zi 'egloole 'bhii- 'mi 'pegee 'ka mu 'yee- 'feti 'lɛɛ- ta pɛ 'ɛ 'bhle 'eke- zi, 'sani- 'ŋ -yɾɛnbhlele zisan; 'bhɛ yi 'ɛ 'bhɛ -le =bhwa -zɔn -gɛ.
- 16 'Duŋ- 'mi pe 'ka ni 'ŋ 'sɔwɛɛ- ma dɔɔ: 'Naa nu -a -bhɛɛke' 'bhlele- 'ezin- -li, 'sani- -a -tɔɔmasie 'ɛ 'lɛsɔle plɛŋ- -Waanbhaa' a -bhleŋgbeya -wa 'ɛ ta."
- 17 'Bhɛ klɛle 'tɛ, 'kee- -drɔɔ pɛyan- do 'sile, 'kee- -Waanbhaa' 'pubɔle 'bhɛ ma, 'bhɛɛ- 'ke -ya pele- -o ni dɔɔ: "-Kaa 'kun -gɛ 'bhɛɛ- 'ka 'kpen 'a 'ke 'mi do do.
- 18 -Amasɾɔyi 'naa nu -drɔɔ 'bhɛɛke 'mile- -li 'ezin- 'sani- -Waanbhaa' -bhleŋgbeya yaa- yi 'ɛ bhɔle plɛŋ-."
- 19 'Bhɛ blaana, 'kee- 'bluu do 'sile, 'bhɛɛ- -e yanle -Waanbhaa' 'pubɔlele 'bhɛ ma, 'ke -ya takanle kplokplo. 'Bhɛɛ- 'kee- 'bhɛ 'kpale -o 'kɔɔ, 'bhɛɛ- -e pe dɔɔ: "'Mi 'gbu 'flɛ 'ɛ 'yele- -gɛ, 'ŋ 'yela- na 'zi 'ka ni -gɛ. -Kaa bhle 'bhɛɛ- 'ŋ -za bo 'ka 'kpee."
- 20 -O yanle 'bluu 'ɛ 'bhlelele, 'kee- -drɔɔ pɛyan- do 'ɛ 'sile, 'bhɛɛ- 'ke -ya pele- -o ni 'ezin- dɔɔ: "-Waanbhaa' -bhoolaya dɾɛɛ 'la -dwa bhaaplɛŋ mu 'pegee 'yee- plɛŋ-, 'bhɛ ma -tɔɔmasie -le 'ke 'ŋ yiɛn 'la 'klalaa- 'ka mu ma 'bhɛ 'le."
- 21 "'Duŋ- -ka 'ka 'yɾɛkpa -gɛ, mɛɛ 'la zan -o 'ŋ 'na zii' 'ŋ 'sɔɔnnii mu 'ɛ ni 'bhɛ zan -o -kɔɔ' 'plɛŋ- -tabali 'lɛɛ- zi -gɛ.
- 22 'Wlan 'ɛ ni, 'Bhaaplɛŋ Gbe 'ɛ nu klɛle 'ke siele' 'bhii- -Waanbhaa' a 'lɛdulaa gɔnɛ- 'la gbɛɛn-. 'Bhɛɛ- 'duŋ-, mɛɛ 'la zan -a 'lena zii' -dawli' ma -a -sɔɔnnii' mu ni, -klɔlɔɔ' -o 'bhɛ zan ma!"
- 23 'Bhɛ klɛle 'tɛ, 'ke -woo 'eke- -lɾɔkpale 'sanle -o ba mɛɛ 'la 'yaa- nu 'bhɛ -za -glɔɔn 'ɛ klɛle 'bhɛ ma.
- 24 Zesu a -klanlanɛ mu 'ɛ -o zaabɔle -saan 'eke- plɛŋ- dɔɔ -o -de 'gbu -le -o ba mɛɛ gbalaan 'le ɛɛ.

- 25'Bhē klēle 'te, 'ke Zesu 'a 'pele -o ni dōo: "'Trē 'lēē- ta -gē, -bhlēngbe mu 'ē 'kpaale- -o waa 'klēn 'yi mu 'ē 'wiinj- fanngan- -la ma. 'Bhēē- fanngan- -o mēē 'la zan mu 'kōō, 'bhē mu -o -a zi 'bhii- -o 'mu 'sii- '-Za 'wlan klē mu'
- 26'Duŋ- 'ka mu laa klēle 'bhē gbēen-. Drōōn' 'ke mēē 'la zan -o 'ka ba mēē gbāan 'le, 'bhē 'bhē 'gbu 'kun 'bhii- matruŋē. 'Bhēē- 'ke mēē 'la zan -o 'ka 'lēē mi 'le, 'bhē zan klē 'kaa- yewonē 'le.
- 27'Bhēē- 'woo- mēē plē 'lēē-, -o de 'gbu -la gbāan -yiya': mēē 'la zan -o pēbhle 'zi taa- mēē 'la zan -o pele 'ē 'na zii' -a -vindo' mi ni ēē? Mēē 'la zan -o pē 'ē 'bhle zii' 'bhē -le 'laa -le ēē? 'Bhēē- 'mi 'duŋ- -o 'ka 'plēŋ- -gē 'bhii- 'kaa- yewonē!
- 28'Bhēē- 'mi 'pegee 'ka mu -le -yren mu 'ē =bhla 'eke- zi -gē yi 'oo yi.
- 29'Bhē klēgbeya do 'ē 'yi, 'ŋ Dē -yaa' -bhlēngbeya -wa 'ē =kla 'mi a pē 'le gōnē- 'la gbēen-, 'mi 'a klē 'ka mu a pē 'le 'bhēē- gbēen- 'ezin-.
- 30'Ka mu nu pēbhlele, 'bhēē- 'ka nu -yi 'mile- 'mi 'an pē pēbhle tabali 'ē zi 'an - Bhlēngbeya -wa 'ē ta. 'Bhēē- 'ka nu yaale -bhlēngbe mu 'yaakpe- mu 'ē ta, 'bhēē- 'ka nu Izraēli -gbaa vu ta plē 'ē 'kitikanlē."
- 31'Mēēzan Zesu pe Pieri ni dōo: "Simō, Simō, 'e 'trōnkpa doo, -Setran' 'e -zapia 'ŋ ba dōo -ya zi 'bhii- -yoo 'e 'yidan-, 'bhēē- -yoo 'e zru 'ē ye, 'bhii- le do -mlō bhē 'pegee -a -gboo 'ē bapian gōnē- 'la gbēen-.
- 32'Duŋ- 'mi 'ŋ 'seriwoa 'yaa- -za ma, 'kooko- 'yaa ploo 'e 'kpale- ma 'mi 'yi. 'Bhēē- 'ke 'yee zru 'niinaa 'mi ba 'waati 'la ba, 'fuudō- 'e -vin mu 'ē ta."
- 33'Pieri pe Zesu ni dōo: "Mēēzan, 'kee- -kla -kaso 'yi gele 'le oo, 'kee- -kla gale 'le oo, 'ŋ magaanle -o 'bhē 'kpen klēlele 'mi 'pegee 'bhi 'le."
- 34'Bhē klēle 'te, 'ke Zesu 'a 'pele -a ni dōo: "Pieri 'mi pe 'e ni 'ŋ 'sōwēē- 'ē ma dōo 'sani- maagwlen -weli' plēŋ- -zōn, 'bhi nu a pelē 'mi ma gaan yaga dōo 'yaa 'mi dō."
- 35'Bhē blaān, 'ke Zesu 'a 'pele -yaa' -klanlanē mu 'ē ni dōo: "'Ō 'ka 'winlabwa -Jan 'Nrāle- 'ē 'woyre- nōō-, 'bhēē- 'an 'pelawoa 'ka ni dōo 'ka 'laa -gōli' bōlē 'ka 'wiinj-, 'bhēē- 'ka 'laa gbēn ta ge 'pepe 'silē-, 'bhē 'pegee 'ka 'laa -sawla mu 'silē-, 'bhēē- 'ka gelawoa 'yee- 'taa 'ē ta, pē 'ke 'kanaa 'ka ma ēē?" -O pe "'Yooye-!"
- 36'Bhē klēle 'te, 'ke Zesu 'a 'pele -o ni dōo: "'Duŋ- -zōn, 'ke -gōli' -o mēē 'la zan 'kōō oo, 'ke gbēn ta ge 'pepe -o mēē 'la zan 'kōō 'oo, 'bhē zan 'mu 'si -zōn. 'Bhēē- 'ke -gōkuŋ' 'laa -o mēē 'la zan 'kōō, 'bhē zan 'bhē ta dunē- 'ē gōn, 'bhēē- -ya ma -gōli' 'ē si, 'bhēē- -e -gōkuŋ' do -lō 'kele-.
- 37-Amasrōyi 'mi pe 'ka ni dōo -a -ledulale -o dōo -o -jan mu 'la =woa 'mi ba zayi' 'elwale gban -sō -Waanbhaa' a 'sēwē 'ē 'yi, 'bhē 'yizaklē yi 'ē 'bhē -le =bhwa -zōn -gē, 'bhē -jan 'ē 'bhē -le dōo: '-Wa =kwan 'bhii- -za 'yōō- klē mi do'. -Ayile -Waanbhaa' -lēla' janwo mu 'ē -o -jan mu 'la 'kpen =woa 'mi ma, -o 'kpen 'lesō yi =bhwa -zōn."
- 38'Bhē =nōō bhē, 'ke -yaa' -klanlanē mu 'ē -wa pele- -a ni dōo: "Mēēzan, -gōkuŋ' plē -le -gē." 'Bhēē- -e pe -o ni dōo: "-Ka 'ploo- 'bhē -jan 'ē ma 'pe!"

- 39'Bhɛ blaɛn, 'kɛ Zɛsu 'pɛgɛɛ -yaa' -kɫaŋɫaɛ mu 'ɛ 'pwele 'bhɛ 'fɛ 'ɛ =la. 'Bhɛɛ- 'kɛ -o gele- Olivi diiŋ vlɛ gɔɔn 'ɛ 'wiin-, 'bhii- -ɛ -yaa klɛ gɔnɛ- 'la gbɛɛn- 'ɛgwele.
- 40-O bhɔle 'bhɛ vlɛ gɔɔn 'ɛ ta, 'kɛ -ya pele- -yaa' -kɫaŋɫaɛ mu 'ɛ ni dɔɔ: "-Ka 'ka 'seriwo, 'kooko- 'ka 'laa balaa' -Setran' a mɛɛ -lɛkan' maza mu 'ɛ 'yi."
- 41'Bhɛɛ- -ya plɛŋgole -o ma sa, 'kɛ -ya 'kpɔ zɛnle- 'trɛ ma, 'bhɛɛ- 'kɛ -ya 'seriwole dɔɔ:
- 42""D Dɛ, 'kɛɛ sɔ -yrɛn 'lɛɛ- 'plɛŋgole 'ŋ ma. 'Duŋ- 'yaa 'mi a pɛ zru maza 'ɛ klɛle, 'fɔ 'yaa- pɛ 'ɛ 'bhɛɛ- klɛ."
- ((43'Bhɛ 'yi 'tɛ, 'kɛ Mɛɛzan -Waanbhaa' a -mlɛkɛ' do 'pwele -a ba, 'bhɛɛ- 'kɛ 'bhɛ 'fuudɔle -a ta.
- 44Zɛsu blina- yiɛndɔ gbɛ -yɔɔ 'ɛ 'kɔɔ, 'kɛ -ya 'seriwole 'ɛglɔɔle 'ɛzin-. -Ayile 'kɛ -a ta 'fuu 'ɛ klɛle- 'bhii- yiɛn 'kpla mu gbɛɛn- 'kɛɛ- tɔ 'trɛ ma.))
- 45-E yanle -a 'seriwolele, 'kɛɛ- nule- -yaa' -kɫaŋɫaɛ mu 'ɛ ta, 'bhɛɛ- 'kɛɛ- bhɔle- 'mu ta 'kɛ 'mu -o yidɛ 'zi 'mu wɛyisriwo gbɛya -yɔɔ' 'ɛ 'kɔɔ.
- 46'Bhɛ klɛle 'tɛ, 'kɛ -ya pele- 'mu ni dɔɔ: "-Mɛle -kla 'bhɛɛ- 'ka -o yidɛ 'zi ɛɛ? -Ka 'ka 'wɛn-, 'bhɛɛ- -ka 'ka 'seriwo, 'kooko- 'ka 'laa balaa' -Setran' a mɛɛ -lɛkan maza mu 'ɛ 'yi."
- 47Zɛsu 'yaa- 'bhɛ -jan 'ɛ 'wo zii' 'waati 'la ba, 'kɛ -zamaa' 'srɛ do 'pwele -a -yi. -Yaa' -kɫaŋɫaɛ vu ta plɛ mi 'la -o -yaa 'bhɛ sii Zuda 'bhɛ dɔle -yaa 'bhɛ -zamaa' 'ɛ 'lɛɛ. -Ya mabɛɛnle Zɛsu -din, 'kɛɛ- 'bhɛ -tuubɔle.
- 48'Bhɛ klɛle 'tɛ, 'kɛ Zɛsu 'a 'pele 'a ni dɔɔ: "Zuda, 'ɛ Bhaaplɛŋ Gbɛ 'ɛ 'lɛna zii' mɛɛ mu -a -tuubɔle -la -le ɛɛ?"
- 49'Bhɛ 'yi 'tɛ, -yaa' -kɫaŋɫaɛ -vin mu 'ɛ 'mu 'a 'yaangole 'bhii- -o =nwa -a 'kunyɛɛ- -la nɔɔ-, 'kɛ 'mu 'a -lɔkpale dɔɔ: "Mɛɛzan, 'o 'waa- -gɔkuŋ' mu 'ɛ 'si -o 'kaama- ɛɛ?"
- 50'Bhɛ klɛle 'tɛ, 'kɛ -yaa' -kɫaŋɫaɛ mu 'ɛ do 'bhɛ a -gɔkuŋ' 'ɛ 'sile, 'bhɛɛ- 'kɛɛ- 'sraka 'lɛna mu a -kuŋlii gbɫaɛn 'ɛ 'bhɛ a yewonɛ mu 'ɛ do gbɛ -yie' ta 'trɔn 'ɛ takanle -lɛyan' do.
- 51-Ayile, 'kɛ Zɛsu 'a 'pele dɔɔ: "'Ka 'laa gwɛdanɛ." 'Bhɛ yrɛ do 'ɛ =nɔɔ bhɛ 'kɛɛ- 'trɔn kpu 'ɛ 'sile, 'kɛɛ- 'bhɛ blɔɔle- 'bhɛ 'kpayɛ 'ɛ =nɔɔ, 'bhɛɛ- 'kɛ 'bhɛ 'bheele.
- 52'Bhɛ blaɛn, 'kɛ Zɛsu 'a 'pele 'sraka 'lɛna mu -kuŋlii mu 'ɛ 'pɛgɛɛ -Waanbhaa' Gba 'Fɛ -Gbɛnɛ 'ɛ gooba -kuŋlii mu 'ɛ, 'bhɛɛ- 'gwɫaɛn- gbɫaɛn mu 'la =nwa -a 'kaama- 'mu ni dɔɔ: "'Ka =nwa 'ŋ 'kunyɛɛ- nɔɔ- -gɔkuŋ' 'pɛgɛɛ 'beni mu 'le 'ka 'kɔɔ, 'bhii- 'ka =nwa mɛɛ dɛ mi do -la 'kunyɛɛ- nɔɔ-."
- 53"-Mɛle -kla 'ŋ 'yaa- yikpɛn- ta -Waanbhaa' Gba 'Fɛ -Gbɛnɛ 'ɛ =la, 'bhɛɛ- 'ka 'laa 'ŋ 'kunɛ- ɛɛ? 'Duŋ- 'ka mu 'pɛgɛɛ -Setran' a pɛ -glɔɔya' klɛ 'waati 'ɛ 'bhɛ -le =bhwa -zɔn -gɛ."

- 54'Bhɛ klɛlɛ 'tɛ, 'kɛ -o Zɛsu 'kɔnlɛ, 'bhɛɛ- 'kɛ -o gɛlɛ- 'kɛlɛ- 'sraka 'lɛna mu -kɔnlii gbɛlaan 'ɛ ba 'fa =la. 'Bhɛɛ- 'duŋ- Pɛri =bwa -o -zanta' 'ɛgbɔɔnlɛ, 'kɛɛ- nu sasa, 'bhɛɛ- e =wɛlaa 'bhɛ -gɛɛŋ 'ɛ 'yi.
- 55'Mɛɛ mu 'ɛ -o 'tɛ do -lɛswan 'yɛɛ- 'sraka 'lɛna mu -kɔnlii -gbɛnɛ 'ɛ -yaa' -gɛɛŋ 'ɛ 'yi, 'bhɛɛ- -o -yaa -o maga 'zi 'bhɛ ma. -Ayilɛ 'kɛ 'yɛɛ- Pɛri 'nɛlɛ yaalɛ -o plɛŋ- 'ɛzin-.
- 56'Bhɛ klɛlɛ 'tɛ, 'kɛ 'yɛɛ- 'sraka 'lɛna mu -kɔnlii -gbɛnɛ 'ɛ -yaa' 'fɛ 'ɛ =la yɛwɔ lɛ -nɛ mu 'ɛ do 'yɛɛ- Pɛri 'yɛlɛ- 'tɛ 'ɛ -dɪn, 'bhɛɛ- 'kɛ 'bhɛ 'ɛ 'yɛrɛkpɛlɛ -a ta frii, 'bhɛɛ- 'kɛ 'bhɛ 'a 'pɛlɛ dɔɔ: "'Yɛɛ- Zɛsu 'ɛ -yaa' -kɛlɛnɛ mu 'ɛ do -lɛ -gɛ!"
- 57'Bhɛ =nɔɔ bhɛ, 'kɛ Pɛri 'ɛ 'lɛmadɔlɛ 'ɛglɔɔlɛ, 'bhɛɛ- 'kɛ -ya pɛlɛ- dɔɔ: "'Bhi lɛ 'la bhɛ, 'naa 'yɛɛ- mɛɛ 'lɛɛ- dɔ 'dɛ!"
- 58'Bhɛ blaɛn 'waati sa 'kanlɛ-, mɛɛ -bhɛɛkɛ' do 'a 'yɛlɛ- 'kɛ 'bhɛ 'a 'pɛlɛ 'a ni dɔɔ: "'Mi 'a 'yaango- 'bhii- 'bhi -o 'yɛɛ Zɛsu 'ɛ -yaa' -kɛlɛnɛ mu 'ɛ do 'lɛ -kpɔ!" 'Duŋ- Pɛri pɛ 'ɛzin- 'bhɛ mɛɛ 'ɛ ni dɔɔ: "'Yooyɛ-, 'naa -o 'kɛ 'a do 'lɛ!"
- 59'Bhɛ blaɛn 'waati sa 'kanlɛ boolazi, 'kɛ mɛɛ -bhɛɛkɛ' do 'a 'pɛlɛ kpataakpa dɔɔ: "'Mi 'gbu 'kpɛlɛ -o -a -yi 'bhii- mɛɛ 'lɛɛ- -yoo 'kɛ Zɛsu a -kɛlɛnɛ mu 'ɛ do 'lɛ, -amasrɔyi -ɛ da Galilɛ 'trɛ ta."
- 60'Bhɛ klɛlɛ 'tɛ, 'kɛ Pɛri 'a 'pɛlɛ dɔɔ: "'E go 'ŋ 'yɛrɛ =la doo, 'yoo- -wɛ 'zi mɛɛ 'la zan 'lɛ 'naa 'bhɛ zan 'ɛ dɔ." Yaa yanlɛ -li 'bhɛ -jan 'ɛ 'wɔlɛlɛ bhɛla 'la ba, 'kɛ maagwɛn do -wɛlɛ'.
- 61'Bhɛ klɛlɛ 'tɛ, 'kɛ Mɛɛzan Zɛsu 'ɛ 'yɛrɛkpɛlɛ 'bhɛ -zanta', 'bhɛɛ- 'kɛ -o -yɛrɛ bɔlɛ- 'ɛkɛwɛlɛyi'. 'Bhɛla- -yilɛ, Zɛsu -jan 'la 'bhɛ =wɔa 'yɛɛ- Pɛri ni, 'bhɛ -dwa -a 'kɛpɛɛ dɔɔ: "'Sani- maagwɛn -wɛli' plɛŋ- -zɔn, 'ɛ nu 'ɛ 'lɛmadɔlɛ 'mi ma 'ɛglɔɔlɛ gaan yaga 'kaa 'yaa 'mi dɔ."
- 62-Ayilɛ, 'yɛɛ- Pɛri 'pɛwɛlɛ- 'tɛ -gɛɛŋ 'ɛ 'yi, 'kɛɛ- wisilɛ 'ɛbɛbɛlɛ.
- 63-Srwɛsɛ' mu 'la 'yaa- Zɛsu gooba, 'mu 'yaa- -a malrɔgo 'zi, 'bhɛɛ- 'mu 'yaa- zɔn 'zi 'ɛzin-.
- 64-O sɔ -bhulaa' 'a wɛlɛyi', 'bhɛɛ- 'kɛ -wa -lɔrɔkpa' dɔɔ: "Mɛɛ 'la zan 'ɛ =zwan bhɛ, 'bhɛ zan 'ɛ 'tɔkan 'o ni doo!"
- 65'Bhɛɛ- 'ɛzin-, -wa -zwanwɔa gɔn 'ɛ 'kpɛn gbɛɛn-.
- 66'Too -klinlɛ', 'kɛ Zuufu mu 'ɛ -waa' 'gwɛlaɛn- gbɛlaɛn mu 'ɛ 'pɛgɛɛ 'sraka 'lɛna -kɔnlii mu 'ɛ, 'bhɛɛ- 'Toŋ daan mu 'ɛ -woo -lɛkpɛlɛ 'ɛkɛ- ta. 'Bhɛɛ- 'kɛ -wa pɛlɛ- dɔɔ -o nu Zɛsu 'lɛ -o ta.
- 67'Zɛsu 'nɛlɛ-, 'kɛ -o 'bhɛ 'lɔrɔkpa dɔɔ: "'Bhi -lɛ 'kɛ Mɛɛ -Bhɛɛ Mi -kpɔsɔɔ Krisi 'lɛ ɛɛ?" Zɛsu pɛ -o ni dɔɔ: "'Kɛ 'an =pia 'ka ni dɔɔ 'mi -lɛ 'kɛlɛ-, 'ka 'laa nu 'ka 'kpɛlɛ- 'mi 'yi.
- 68'Bhɛɛ- 'kɛ 'ŋ -za do -yilɔrɔkpa 'ka ma, 'ka 'laa nu 'bhɛ zikpɛlɛ 'ŋ ni.

69'Duŋ- 'kee- san -zɔn ma, Bhaaplɛŋ Gbe 'ɛ 'yaale- nu klɛɛ -Waanbhaa' -glɔɔ -a -din 'tɔbhɔ ma yaayrɛ 'ɛ 'nɔɔ-."

70'Bhɛ klɛɛ 'tɛ, 'ke -o 'kɛn 'a 'lɔkpale dɔɔ: "'Bhɛ 'yi bhe, 'bhi -le 'ke -Waanbhaa' Gbe 'ɛ 'le ɛɛ?" Zesu 'a 'lɛkwan= -o ni dɔɔ: "'Ka -o 'yela- pe 'zi bhe."

71'Bhɛ klɛɛ 'tɛ, 'ke -wa pele- dɔɔ: "-Kɔɔ' maza -o 'srɛya- -bhɛɛke' klɛɛ ma -li ɛɛ? 'Yele- -daa -a 'gbu 'lii bhe."

Luki 23

1'Bhɛ blaɛn, 'ke 'woo- 'kitikan mɛɛ -lɛdo' 'ɛ -o 'kɛn -o -wlɛnle', 'ke -o gele- Zesu 'le -Janmatii Pilati ba.

2-O bhɔle 'bhɛ ba, 'ke -o bhla -glɔɔn 'ɛ 'kɛn 'kpale- 'sanle Zesu ma. -O pe dɔɔ: "'O =bhwa mɛɛ 'lɛɛ- ta 'ke -yoo -kɔɔa' mɛɛ mu 'ɛ 'trɔn 'yidɔ- 'zi 'egllɔle, 'bhɛɛ- 'ke -ya pe 'mu ni 'ezin- dɔɔ 'mu 'laa -bhɛŋgbe -gbɛnɛ Sezaa a 'nisra 'ɛ gbawolɛ. 'Bhɛɛ- -ya pe -a 'gbu ma 'kaa -yoo 'ke Mɛɛ -Bhɛɛ Mi -kpɔsɔɔ Krisi 'pegee -bhɛŋgbe 'le."

3'Bhɛ klɛɛ 'tɛ, 'ke Pilati 'a 'lɔkpale dɔɔ: "'Bhi -le 'ke Zuufu mu a -bhɛŋgbe 'ɛ 'le ɛɛ?" 'Bhɛ 'yi 'tɛ, 'ke Zesu 'a zikpale 'a ni dɔɔ: "'E 'gbu 'yela- =pia bhe."

4'Bhɛ blaɛn, 'ke Pilati 'a 'pele 'sraka 'lɛna -kuŋlii mu 'ɛ 'pegee -zamaa' 'ɛ ni dɔɔ: "Mɛɛ 'lɛɛ- yaa -za 'yɔɔ do 'kpɔ klɛɛ, 'bhɛla- -yile 'naa sɔ -kpan baale' 'a ta."

5'Duŋ- -o pe 'ezin- 'egllɔle dɔɔ: "-E -kaan yrɛ mu 'la 'kɛn =nɔɔ: 'Kee- san Galile 'klɛn 'ɛ 'yi, 'kee- -e kan Zude 'klɛn 'ɛ 'yi, 'bhɛɛ- 'kee- nu 'pwɛɛ- Zeruzalɛmu -gɛ, -e mɛɛ mu 'ɛ daan 'zi dɔɔ 'mu 'wlɛn -kɔɔ' 'lɛɛ mu 'ɛ ma."

6>Pilati 'bhɛ -jan mu 'ɛ 'male-, 'ke -yoo -lɔkpale dɔɔ: "Galile 'trɛ ta mi -le mɛɛ 'lɛɛ- 'le ɛɛ?"

7-O pe a ni 'kaa -e da Galile 'trɛ ta -a ma. -E 'bhɛ 'male-, 'ke -ya pele- dɔɔ -o ge Zesu 'le Erɔdi ta, -amasrɔyi Erɔdi -yaa -janmatii 'le 'yee- Galile 'trɛ 'ɛ ta, 'bhɛɛ- -za mu 'lɛɛ- klɛ bhla 'ɛ ba 'ke -yoo Zeruzalɛmu -wa 'ɛ ta. 'Bhɛɛ- -o -ja 'kɛle- Erɔdi ba 'tɛ.

8'Bhɛ 'yi, Erɔdi Zesu 'yele-, 'ke -a zrukpaale 'egbɛnɛle. -Amasrɔyi -e -jan -bebe =maa Zesu ba zayi', 'bhɛɛ- 'bhɛ 'ye -lɔ -yaa -a ma 'egwele. -A yri -yaa -a ta dɔɔ 'bhɛ nu 'sɔle- maza do klɛɛ -a -yrɛ ma.

9-Ayile, 'kee- -za -bebe 'yilɔkpale 'bhɛ ma, 'duŋ- 'bhɛ 'laa 'bhɛ do 'kpɔ zikpale a ni.

10'Duŋ-, 'sraka 'lɛna -kuŋlii mu 'ɛ 'pegee 'Toŋ daan mu 'ɛ 'mu 'yaa- bhla -glɔɔn 'ɛ 'kɛn 'kpa zii' Zesu ma.

11'Bhɛ ya 'ɛ 'yi, Erɔdi 'pegee -yaa' -srwase' mu 'ɛ -o Zesu malrɔgwa, 'bhɛɛ- 'ke -wa mavɛɛle 'eyɔɔle. 'Bhɛ blaɛn, 'ke -o dunɛ- 'lɛle- -yrayra do 'klale 'bhɛ ta, 'bhɛɛ- 'ke -o gele- 'kɛle- Pilati ba 'ezin-.

12-Sɔɔnaya -yaa Erɔdi 'pegee Pilati 'plɛŋ- 'elwale -sɔ, 'duŋ- 'bhɛ -yrekpa'a do 'ɛ le -o bhɛgwɛnɛya -dwa.

- 13 Pilati 'sraka 'lena -kuŋlii mu 'ε 'pegee Zuufu mu -lεε mu 'ε, 'bhεε- Zuufu 'si mu 'kpen 'lεkpa- 'eke- ta.
- 14 'Bhεε- -e pe -o ni dɔɔ: "'Ka =nwa mεε 'lεε- 'le 'η ni, 'bhεε- 'ka pe dɔɔ -e -yaa mεε mu 'ε 'wlen zii' -kɔɔ' 'lεε mu 'ε ma. 'An 'lɔkpa- 'ka 'kpen 'yɾε ma -gε. 'Bhεε- 'ka 'yaa- -la 'zi 'a ta -za mu 'la 'kpen 'yi, 'naa 'a 'yele- 'bhe -za mu 'ε do 'kpɔ kle mi 'le.
- 15 Erɔdi 'duŋ-, 'laa -za 'yɔɔ- do 'kpɔ 'yele- -a zi 'ezin-, -ayile 'bhe =nwa 'kεle- -kɔɔ' mu ta 'ezin- -gε. 'Bhe ya 'ε 'yi, 'yee- mεε 'lεε- yaa -za 'yɔɔ- dɔ 'kpɔ klele 'ke 'bhe sɔ klele- a de win 'le.
- 16 'Dɔ nu a pele 'kaa -wa zita zɔn 'ke gbanbhlε 'le, 'bhe bla- 'η nu 'ploole- -a ma."
- ((17 Lεε 'oo lεε, 'bhεε- Paki 'feti oo Paki 'feti ta, Pilati -yaa plo- -kaso 'yi mi do ma -o ni.))
- 18 'Duŋ- Pilati 'yanle- 'bhe -jan 'ε 'wolele -o ni, 'ke -o 'kpen -o -weli' 'ε 'wlenle 'eke- zi 'egloole dɔɔ: "-A pe -o mεε 'lεε- de, 'bhεε- -o 'plo Barabasi ma 'o ni!"
- 19 'Duŋ- Barabasi 'laa bɔle -kaso 'yi bhaama. -Wa =bwa -kaso 'yi, -amasɔyi -e -yaa mεε mu -wlen 'zi -o -lεε mu 'ε ma Zeruzalemu, 'bhεε- -e mεε do -dia -sɔ.
- 20 Pilati -yaa -a zi 'bhii- -e 'plo Zesu ma, 'bhela- -yile -e -zamaa' 'ε 'lɔkpa gbε dreεwoa- 'ezin-.
- 21 'Duŋ- -woo -weli' 'ε 'wlenna- 'eke- zi 'egloole dɔɔ: "-Kaa gbaan -yrigbεεle 'ε ta, 'bhεε- -e ga; -kaa gbaan -yrigbεεle 'ε ta 'bhεε- -e ga!"
- 22 'Bhe klele 'te, 'ke Pilati -o -lɔkpa' gbε -gloon yaga mi -wole dɔɔ: "-E -mε pe -za 'yɔɔ- 'gbu -la -kla εε? 'Naa -za 'yɔɔ- do 'kpɔ 'yele- -a zi 'ke 'bhe kle -a de win 'le. 'Duŋ- 'η nu a pele 'kaa -wa zita zɔn, 'bhe bla- 'η nu 'ploole- -a ma."
- 23 'Duŋ- -woo -weli' mu 'ε 'wlenna- 'eke- zi 'egloole dɔɔ -o Zesu gbaan -yrigbεεle 'ε ta. -O -bolawoa 'pεenle- ma 'ke Pilati dɔle- -a =la -o ni.
- 24 'Bhe ya 'ε 'yi bhe, Pilati -dwa -a -la 'ke -yoo -o zru maza 'ε kle.
- 25 -Ayile, 'kee- 'ploole mεε 'la zan -o 'bhe =bwa -kaso 'yi mεε mu -wlenle' ma -o -lεε mu 'ε ma, 'bhe 'pegee mεε dele ma. 'Bhεε- -e Zesu =kpa- -o 'kɔɔ 'kaa 'ke -za yeke- 'la klele- -swa -o ni -a ni -o 'bhεε- kle.
- 26 -Zamaa' 'ε 'yaa- ge 'zi bhla 'la ba Zesu deyrε 'ε =nɔɔ, 'ke -o -lεpale Sireni -wa 'ε ta mεε do 'le, -o -yaa 'bhe sii Simɔ, 'bhe -yaa da 'zi gba la. 'Bhe 'yi 'te, 'ke -wa pele- 'bhe ni dɔɔ 'bhe Zesu gbaan -yrigbεεle 'ε 'si 'bhεε- -e dɔ Zesu zi.
- 27 -Zamaa' 'srε do -yaa Zesu zi, 'bhεε- le 'ke mu -yaa -yɾen ma wisi' zii' -a zi.
- 28 'Bhela- -yile, 'ke -ya -leklale 'mu ta, 'bhεε- 'ke -ya pele- 'mu ni dɔɔ: "Zeruzalemu le mu, 'ka 'laa wisile 'mi zi, 'duŋ- -ka wisi' 'ka 'gbu 'pegee 'ka 'nε mu -la -za ma.

- 29-Amasrɔyi 'bhe yi -o zan bhɔle, 'bhɛɛ- -o nu -a pele dɔɔ: 'Le mu 'la waa -nɛ 'srɔwɔle -lido', 'bhe 'pegee le mu 'la waa -nɛ 'yale- -lido', 'bhɛɛ- le mu 'la waa -yɔn 'nale- -lido' -nɛ 'yientenne mu ni, 'mu a pɛ -yinra!'
- 30-Amasrɔyi 'bhe yi 'ɛ 'le, bhaaplɛŋ mu nu -a pele vlɛ gɔɔn mu ni 'kaa: '-Ka bala- 'o ta 'bhɛɛ- 'ka 'o dɛ!' 'Bhɛɛ- -o nu -a pele 'trɛ gɔɔn mu ni dɔɔ: '-Ka bhula- 'o ta!'
- 31-Amasrɔyi 'ke -o 'bhe -za 'yɔɔ- -glɔɔn 'lɛɛ- =kla -yri -dɔɔ 'ɛ ni; waa nu za 'yɔɔ- -glɔɔn 'ɛ -dela -la klele -yri -kpaɔ 'ɛ ni ɛɛ?"
- 32'Bhɛ =nɔɔ bhe 'ezin-, 'yee- -zamaa' do 'ɛ 'yaa- ge 'zi mɛɛ dɛ mi plɛ dɛle -o 'pegee Zesu 'le.
- 33-O bhɔle -o yrɛ 'la -o 'bhe sii: 'Bhaaplɛŋ ŋgblo bhɛle' yrɛ', 'ke -o Zesu gbaanle- -yri gbɛɛle 'ɛ ta. 'Bhɛɛ- 'ezin-, 'ke -o 'yee- mɛɛ dɛ mi plɛ 'ɛ gbaanle- Zesu -din: -A do -yaa -a gbɛ -yie' ta, 'bhɛɛ- -a -bhɛɛke' do 'ɛ 'yaa- -a gbɛ -koo ta.
- 34'Bhɛ klele 'tɛ, 'ke Zesu 'e 'seriwɔle dɔɔ: "'D Dɛ, waa -sroma 'yan, -amasrɔyi -o -za 'la kle 'zi waa 'bhe 'yaango-." 'Bhe blaɔn, 'ke -o 'tete dɔle- -a tapɛ mu 'ɛ ta, 'kooko- -o 'kpen do do dɔ -o 'kɛla 'le -o 'bhe dɔ.
- 35'Izraeli 'si mu 'ɛ 'kpen 'yaa- Zesu -glin 'zi. 'Bhe bhla 'ɛ ba, 'ke Zuufu mu -lɛɛ mu 'ɛ -wa malrɔgo 'ke -wa pe dɔɔ: "-E mɛɛ -vin mu 'ɛ -gwa -za -yi, 'ke -yoo 'ke Mɛɛ -Bhee Mi -kpɔsɔɔ Krisi 'la 'ke -Waanbhaa' 'bhe makwan- 'bhe 'le, -ya 'gbu 'bhee- -zɔn doo, 'bhɛɛ- 'o 'bhe ye!"
- 36'Bhɛ =nɔɔ bhe 'ezin-, -srwase' mu 'ɛ 'yaa- -a malrɔgo 'zi. 'Bhe mu 'mu 'mabɛɛnna -a -din, 'bhɛɛ- 'ke 'mu -wɛɛn 'tɔnle- do zɔnle- -a ni,
- 37'bhɛɛ- 'mu pe -a ni dɔɔ: "'Kee 'yoo- 'ke Zuufu mu a -bhleŋgbɛ 'le kpataakpa, 'e 'gbu 'bhee-, 'bhɛɛ- 'o 'bhe ye!"
- 38'Mɛɛ mu 'ɛ -o 'sɛwɛ -glɔɔn 'lɛɛ- 'bhe yɔɔndia- -yri 'peɛnɛ do ta, 'bhɛɛ- -o 'bhe -gbaanna Zesu ŋgblo 'ɛ trala dɔɔ: "Zuufu mu a -Bhleŋgbɛ -le -gɛ!"
- 39'Bhe 'yi 'tɛ, -o mɛɛ dɛ mi plɛ 'la -gbaanna -a gbɛ -yie' 'pegee -a gbɛ -koo 'ɛ ta, 'mu do 'a -zwanwɔle -saan dɔɔ: "'Bhi -le 'laa -o 'ke Mɛɛ -Bhee Mi -kpɔsɔɔ Krisi 'ɛ 'le ɛɛ? 'E 'gbu 'bhee- 'pe, 'bhɛɛ- 'yoo mɔɔ bhee 'bhe blaɔn!"
- 40'Duŋ- -a -vindo' mi 'ɛ 'bhe -yaa' -janwo' gbɛya 'ɛ mazapia -a ni dɔɔ: "'Yaa gbɛlaɔn -Waanbhaa' -lɛɛ ɛɛ? -O 'yee- -yren do 'kpɔ 'ɛ 'kpa zii' 'bhi 'la 'bhi ta 'ezin- bhe.
- 41'Mi 'pegee 'bhi a pɛ dɛza 'ɛ, 'bhe -o 'ke wlan ma 'kitikanle 'le. -Amasrɔyi 'o -za 'yɔɔ- mu 'la =kla, 'bhe mu -la -zanta' za -le 'ten zii' 'o ma. 'Duŋ- 'yee- 'laa -za 'yɔɔ- do 'kpɔ klele -titi."
- 42'Bhe 'yanle- 'bhe -jan 'ɛ 'wɔlele, 'ke 'bhe 'a pele- Zesu ni dɔɔ: "Zesu, 'ŋ -za bo 'e 'kpee 'kee =nwa yi 'la ta yaa -bhleŋgbɛya yaayrɛ 'ɛ =nɔɔ."
- 43'Bhe klele 'tɛ, 'ke Zesu 'a pele 'a ni dɔɔ: "'Mi pe 'e ni 'ŋ 'sɔwɛɛ- ma dɔɔ, 'mi 'pegee 'bhi 'o nu gele -Waanbhaa' ba -zɔn."

- 44-Yrekpaa' bhɔ 'waati 'ε ba sasa, 'ke -yrete' 'liile-, 'bhεε- 'ke -gblo 'kpale Izraeli 'kleen 'ε 'kpen ta, 'ke 'bhε ge 'tenle- yromazi -yretebhε yanyan 'ε 'waati 'ε ma.
- 45'Bhεε- sɔgbε -gbenε 'la 'yaa- -Waanbhaa' Gba 'Fε -Gbenε 'ε =la, 'bhε 'peedia- plε 'bhε dreyi'.
- 46'Bhε klele 'tε, 'ke Zesu 'pɛenle 'egloole dɔɔ: "'D Dε 'mi 'η 'nii- 'ε gbekpaa- 'e 'kɔɔ." 'Bhε blaen, 'ke -a nii- 'ε gole- -a -yi.
- 47'Rome mu a -srwase' -kuŋlii 'la dulale -yaa 'yee- gɔn 'ε =nɔɔ, 'bhε 'bhε -za 'ε 'yele, 'ke 'bhε -Waanbhaa' 'tɔbhɔle dɔɔ: "Wlan 'gbu 'ε ni, mεε 'lεε- 'yaa- 'ke mεε -lɛdɔle 'gbu -la -le."
- 48'Mεε 'la zan mu 'kpen =nwa 'yee- -za 'ε kleyre -glinε', 'mu 'niina- bhla zi 'mu ba, wisi' -gbɔɔ 'ε 'kɔɔ, 'mu 'yaa- 'mu gbε 'kpa zii' 'mu zru -lii.
- 49'Zesu dɔ mu 'ε 'kpen, 'bhε 'pegee le mu 'la -daa -a zi Galile 'kleen 'ε 'yi, 'bhε mu 'kpen dulale -yaa 'egboonle 'ke 'mu 'a taglin.
- 50-O -yaa mεε do sii Zozefu. 'Bhε 'yaa- Zuufu mu a 'kitikan mεε gbalaen mu 'ε do 'le, 'bhεε- 'bhε -yaa da Zude 'kleen 'ε 'yi Zuufu mu a -wa 'la -o -yaa 'bhε sii Arimate 'bhεε- ta.
- 51'Mεε wlan do -le -yaa 'kele-, 'bhεε- -a -lɛdɔle -yaa -Waanbhaa' -yre 'yi. 'Bhεε- -a yri -yaa -Waanbhaa' a -bhleŋgbeya yi 'ε 'bhɔle- ta. 'Bhela- -yile, -a -vin mu 'ε -za 'la =kla Zesu ni, -yaa dɔle 'mu zita.
- 52'Bhε ya 'ε 'yi, 'yee- Zozefu -ja Zesu gbaa 'ε 'yrewolε Pilati ma, 'kaa -e gele- 'bhε binle.
- 53'Bhε 'yi 'tε, 'kee- Zesu gbaa 'ε gole- -yriɣbεεle 'ε ta. 'Bhεε- 'kee- sɔ 'pu 'pɛpɛŋ do 'kpale 'bhε ma. 'Bhε blaen, 'kee- gele- 'bhε binle bu -gluu dɛε dɛε do 'yi. -O 'bhε bu -gluu 'ε 'kwleela- vlε -saa do -la -yi, 'bhεε- waa mεε 'kɛdɔ- 'kpɔ binle -lido' 'bhε bu 'ε 'yi.
- 54-E -kla -klaago ma yromazi 'ε zi, Zuufu mu a -yitre' yi 'ε 'bhε 'lεε magaan yi 'ε 'le.
- 55'Le mu 'la -daa Zesu zi Galile 'trε ta, 'bhε mu -yaa Zozefu -din Zesu bin bhla 'ε zi. 'Bhεε- 'mu -yrekpaa -a gbaa 'ε 'kpaagbeya 'ε ma bu -gluu 'ε 'yi.
- 56-O yanle Zesu binlele, 'ke 'woo- le mu 'ε -o gele- -o ba; 'bhεε- 'ke -wa gbaa ma 'sro -yrɔn mu 'pegee -lasiklɔɔ mu klele-. 'Bhε blaen, 'ke -woo -yitrele -yitre' yi 'ε ma, 'bhii- -wa kle gɔnε- 'la gbεen- Zuufu mu a 'toŋ 'ε ta.

Luki 24

- 1'Kangɔplε ma zrwani 'tutu 'ε zi, 'ke 'woo- le mu 'ε -o gele- Zesu bu 'ε ta. -O gbaa ma 'sro -yrɔn mu 'pegee -lasiklɔɔ -gblen 'nrallε- mu 'la =kla, 'mu -ja -o 'kɔɔ.
- 2-O bhɔle bu -gluu 'ε ta, -wa -liitaan vlε -kpuŋ 'la 'le, 'ke -o 'bhε 'bhlile- ye- -a -lii 'ε -gɔma' 'egboonle.

- 3'Bhɛ klele 'tɛ, 'ke -o wlale- bu -gluu 'ɛ zi, 'bhɛɛ- waa Mɛɛzan Zesu gbaa 'ɛ 'yele- 'bhɛ 'kpaayɛ- 'ɛ =nɔɔ.
- 4-O -yaa -o 'kpeeledan 'zi bhla 'la ba 'bhɛ ma, 'ke mɛɛ plɛ 'pwele -o ba. 'Bhɛ mu ta dunɛ- mu 'ɛ 'yaa- fleɛ 'e 'pu 'penpenle.
- 5-Gblaan -gbɛnɛ 'ɛ 'kɔɔ, -woo 'kpɔ =zian, 'bhɛɛ- -woo ŋgblo -kulaa' 'trɛ ma. 'Bhɛɛ- 'ke 'mu 'a pele- -o ni dɔɔ: "-Mele =kla 'bhɛɛ mɛɛ 'la zan -o -a -yɛ ma, 'ka -o 'bhɛ ziglin- 'zi mɛɛ gbaa mu 'ɛ plɛŋ- ɛɛ?
- 6'Yaa -o -gɛ titi, -e -bwela gale ba. -E -yaa 'waati 'la ba Galile 'trɛ ta, -e -jan 'la =woa 'ka ni, 'bhɛ 'laa -o 'ka 'kpee ɛɛ! -Ya =pia 'ka ni dɔɔ:
- 7'-A -ledulale -o dɔɔ -o nu Bhaaplɛŋ Gbe 'ɛ 'kpale- -za 'yɔɔ- kle mu 'kɔɔ, 'bhɛɛ- 'mu 'a gbaan -yriɣbɛɛle 'ɛ ta. 'Duŋ- -e nu bwele gale ba a gale blaas -yɛkpa' yaga mi ma.' "
- 8'Bhɛɛ- 'bhɛ -jan mu 'ɛ -dwa -o 'kpee 'tɛ.
- 9-Ayile, 'ke -o gole- bu 'ɛ ta, 'bhɛɛ- 'ke -o gele- 'bhɛ -za 'ɛ 'yigɔɔnlɛ Zesu a -klanlanɛ -vin vu ta do 'ɛ 'pegee mɛɛ -vin mu 'ɛ ni.
- 10'Le mu 'la -ja Zesu bu 'ɛ ta, 'mu 'tɔ -le -gɛ: Magidala Mari 'pegee Zaani, 'bhɛɛ- Zaki nɛɛ Mari. Le -vin mu 'la 'yaa- ye, 'mu 'yee- -jan do 'kpɔ 'ɛ 'yela- -yigɔɔnna Zesu a winbɔwo mu 'ɛ ni.
- 11'Duŋ- Zesu a 'winbɔwo mu 'ɛ waa -o 'kpale- 'woo- le mu 'ɛ 'wojan- mu 'ɛ 'yi; 'bhɛ mu -yaa -o -yɛ 'yi 'bhii- gbij dɛza.
- 12'Bhɛɛ- 'duŋ-, Piri 'e 'wlenle-, 'kee- gele- blaale- Zesu bu 'ɛ ta. -E bhɔle 'bhɛ ta, 'ke -ya makulale, 'bhɛɛ- 'kee- bu -gluu 'ɛ 'yiglinle. Yaa pɛ 'kɛdo- 'kpɔ 'yele- 'bhɛ 'yi, 'ke yaa 'e go gbaa ma sɔ 'pu 'ɛ ba. -Ayile, -a -liibhaa' gbɛ -yɔɔ 'ɛ 'kɔɔ -a ma, 'kee- niinale -a -zanta'.
- 13'Bhɛ yi do 'kpɔ 'ɛ 'le, Zesu a -klanlanɛ plɛ -yaa ge 'zi -wa do ta, -o -yaa 'bhɛ -wa 'ɛ sii Emausi. 'Bhɛ -wa 'ɛ 'plɛngole -yaa Zeruzalemu ma kilo vu ta do.
- 14-Za mu 'la 'kpen =kla Zeruzalemu -wa 'ɛ ta, -o mɛɛ plɛ -yaa -balo kle 'zi 'mu -la ta.
- 15-O -yaa 'bhɛ -balo 'ɛ ta 'waati 'la ba, 'ke Zesu 'gbu 'e 'mabɛɛnle -o -din, 'bhɛɛ- 'ke -o gele- 'eke- zi 'taa 'ɛ ta.
- 16-O -yɛ -yaa -a ma, 'duŋ- -e -yaa 'bhii- -gblo 'kpale- -yaa -o -yɛ ta, 'bhɛɛ- waa -yaa sɔ -a madɔle.
- 17'Zesu -o -lrɔkpale dɔɔ: "'Ka -yaa -mɛ -balo -la kle 'zi 'ka 'nu bhla 'ɛ zi ɛɛ?" 'Bhɛ klele 'tɛ, 'ke -o dulale -o wleyisriwole 'ɛ 'le.
- 18'Bhɛɛ- -o -yaa -o do 'la sii Kleopasi, 'bhɛ Zesu 'lrɔkpa- dɔɔ: "'Bhi do -kplɛn 'kpɔ -le 'yee- Zeruzalemu -wa 'lɛɛ- ta 'kee- -zadɔle laa -o -za mu 'la =kla -yɛkpa' plɛ 'lɛɛ- ta 'mu 'yi ɛɛ?"

- 19 Zesu pe dɔɔ: "-Za mu 'ε -de εε?" 'Bhε klele 'tε, 'ke -o mεε plε 'a 'pele- 'sanle Zesu ni dɔɔ: "-Za 'la 'bhε =kla Nazareti mi Zesu 'ε ni bhe! -E -yaa 'duŋ- -Waanbhaa' -lela' janwo mi -glɔɔ do 'le. -E -yaa 'eglɔɔle -a kleza mu 'pegee -a wojan mu 'ε ma -Waanbhaa' 'pegee Izraeli 'si mu 'ε 'kpen 'yre ma.
- 20 -Kɔɔa' 'sraka 'lena -kunlii mu 'ε 'pegee -kɔɔ' 'lεε mu 'ε -wa -kpaa Rome mu a mεε gbalaan mu 'ε 'kɔɔ, 'kaa 'mu 'a dε. -Ayile 'mu 'a -gbaanna -yrigbεεle 'ε ta.
- 21 O mɔɔ 'kpee ma, 'yele- -yaa nu klele Izraeli 'kleen 'yi mu 'ε -o -Bhee mi 'le. 'Duŋ- -e -gaa 'bhε -yrekpaa' yaga mi -le -zɔn.
- 22 Bhεε- 'waa- le mu 'ε 'ke mu 'o 'kpeelenia. -O -wlenna -zɔn zrwanzi 'tutu 'ε zi, 'bhεε- -o -ja Zesu bu 'ε ta.
- 23 Duŋ- waa -a gbaa 'ε 'yele- -a bu 'ε 'yi. 'Bhεε- -wa =pia 'o ni dɔɔ -mlεkε' 'ke mu -pwela -o ba, 'bhεε- 'mu pe -o ni dɔɔ -e -bwela gale ba, 'bhεε- -ya -yre ma.
- 24 Bhε blaana, 'waa- 'gwlaana- mu 'ε 'ke mu -ja -a bu 'ε ta. 'Bhεε- le mu 'ε 'mu -za mu 'la 'yigɔɔna -o ni, 'woo- 'gwlaana- mu 'ε -o 'bhεε- -za mu do 'kpɔ 'ε =ya, 'duŋ- waa 'yee- Zesu 'gbu 'yele-."
- 25 Bhε klele 'tε, 'ke Zesu 'a 'pele -o ni dɔɔ: "'Ee! Mεε 'kpeelekle mu, 'ka nu 'ka 'kpale- -Waanbhaa' -lela' janwo mu 'ε 'mu -jan mu 'la =woa -Waanbhaa' a 'Sewe 'ε 'yi 'mu 'yi 'waati 'ε -de -la ba εε?
- 26 A -ledulale laa -yaa dɔɔ Mεε -Bhee Mi -kpɔsɔɔ Krisi yaa -yaa nu 'bhεε- -yren 'ε 'bhlele- 'elwale 'pe, 'bhεε- -e sɔ gele- 'tε -Waanbhaa' a 'tɔbhɔleya 'ε 'yi εε?"
- 27 Bhε blaana, 'ke -ya san Moizi 'sewe mu 'la yɔɔndia- -Waanbhaa' a 'Sewe 'ε 'yi 'mu ma, 'bhεε- 'kee- nu 'tenle- -Waanbhaa' a -lela' janwo mu 'ε 'kpen -jan mu 'la yɔɔndia- 'mu a 'sewe mu 'ε 'yi 'mu ma, 'bhεε- 'woo- mεε mu 'la bhe -o 'kpen -jan mu 'la =woa 'yee- 'gbu ba zayi', -e 'mu 'kpen 'yipia= -o ni.
- 28 O bhɔle Emausi -wa 'ε -din, Zesu 'a =kla 'bhii- -e 'kanle 'bhε -wa 'ε ta.
- 29 Duŋ- -yaa' -klanlanε plε 'ε 'mu 'a 'yikwlanna gele ma, 'bhεε 'mu pe -a ni dɔɔ: "Bo 'o -din -ge, yromazi =bhwa gban, 'bhεε- -fitrii' 'kpale- -saan gban 'ezin-." 'Bhε klele 'tε, 'kee- gele- -o zi -wa 'ε 'kpee.
- 30 Pebhle 'waati 'ε ba, 'ke -o yaale' -tabali 'ε zi. 'Bhεε- Zesu 'bluu 'ε 'sile-, 'kee- -Waanbhaa' 'pubɔle 'bhε ma. 'Bhε blaana, 'ke -ya takanle, 'bhεε- 'kee- -waa pε nale-.
- 31 Bhε klele 'tε, 'ke -gblo gole- -o -yre ta, 'bhεε- 'ke -o Zesu madɔle. 'Bhε yre do 'kpɔ 'ε =nɔɔ bhe, 'kee- 'trunwole -o -yre ba.
- 32 -Ayile, 'ke -wa pele- 'eke- ni dɔɔ: "-Kɔɔ' 'yaa- -balo kle 'zi 'a -le zi 'ε 'lii, 'bhεε- -e -yaa -Waanbhaa' a -jan mu 'ε 'yipe zii' 'o ni 'waati 'la ba, 'o zrukpaale -yaa 'egbenele 'dε!"

- 33'Bhε klele 'tε, 'ke -woo -wlenle' blaale-, 'bhεε- 'ke -o niinale -o -zanta' Zeruzalemu. 'Bhεε- 'ke -o gele- 'tenle- Zesu a -klanlanε -vin vu ta do 'ε 'pegee 'bhε mu 'madowo mu 'ε ma.
- 34'Bhε mu -yaa pe 'zi dɔɔ: "Mεezan -bwela gale ba kpataakpa, 'bhεε- Simɔ 'gbu 'a =ya!"
- 35-Ayile, 'woo Zesu a -klanlanε ple 'la -daa Emausi -wa 'ε ta, -o -waa pe -za 'ε 'yigɔɔna. Zesu 'pwela- -o ba gɔnε- 'la gbεen- -o ge bhla 'ε zi Emausi, 'bhεε- -wa madwa- gɔnε- 'la gbεen- 'yee- Zesu 'yaa- 'bluu takan' zii' -o -le bhla 'la ba, -o 'bhε 'kpen 'yigɔɔna 'bhε mu ni.
- 36-O =bwa 'bhε -za 'ε 'yigɔɔnle ma bhe, 'ke Zesu 'pwele -o 'kpen 'pleŋ-, 'bhεε- 'ke -ya pele- -o ni dɔɔ: "Bhaa -Waanbhaa' a yilabla kle 'ka ba!"
- 37'Duŋ- -e -kla bi -o ni 'bhii- jielii do -le -pwela -o ba, -ayile -gblaan -gbenε do =klaa -o 'kpen 'yi.
- 38'Bhε klele 'tε, 'ke 'yee- Zesu 'gbu 'a 'pele -o ni dɔɔ: "-Mεle =kla 'bhεε- 'ka zru ba 'tε -o εε? 'Bhεε- -mela ma 'bhεε- 'ka -o 'ka zru mu 'ε kle 'zi ple εε?"
- 39-Ka 'η 'kɔɔlaalii mu 'ε 'pegee 'η gaan mu 'ε -glin doo, 'mi 'gbu -le -ge kpataakpa. -Ka 'kun 'η ma, 'bhεε- -ka 'η -glin doo. So 'pegee bhεle' 'laa -o mεε jielii ma, 'bhii- 'ka 'yre -o -a ma 'mi ma gɔnε- 'la gbεen- -ge."
- 40-E 'bhε 'pelawoa 'bhε gbεen- bhe, 'pɔnli blaana mu 'la 'yaa- -a 'kɔɔlaalii, 'bhε 'pegee -a gaan -laa mu 'ε ma, -e 'mu -zrɔɔna -o ni.
- 41-O zrukpa' gbe 'pegee -o -liibhaa' gbeya -yɔɔ 'ε 'kɔɔ, waa -yaa 'sɔle -o 'kpale -a -yi. 'Bhela- -zεεle 'ke -yoo -lrɔkpale dɔɔ: "Pεle sa -o 'ka 'kɔɔ -ge εε?"
- 42'Bhε klele 'tε, 'ke -o kaa -yaale' -lekpu' do nale- -a ni.
- 43-E 'bhε 'sile-, 'kee- 'bhε 'bhlele -o 'kpen 'yre ma.
- 44'Bhε blaana, 'ke -ya pele- -o ni dɔɔ: "'D -jan mu 'la =woa 'ka ni 'η 'yaa- 'ka -din 'waati 'la ba, 'bhε mu laa -o -li 'ka 'kpee εε? 'An =pia 'ka ni dɔɔ: -A -ledulale -o -za mu 'la 'kpen yɔɔnde -o 'mi ba zayi' Moizi a 'toŋ 'sεwε 'ε 'yi 'bhε 'pegee -Waanbhaa' -lela' janwo mu 'ε 'mu -jan mu 'la yɔɔndia- -waa' 'sεwε mu 'ε 'yi 'mi ba zayi', 'bhεε- -o 'ke mu 'la yɔɔndia- 'Srokpa 'sεwε 'ε 'yi, 'bhε -jan mu 'ε 'kpen 'yizakla wlan 'le kpataakpa."
- 45'Bhε 'yi 'tε, 'kee- yikan' 'nale -o ni, 'kooko- -o sɔ -Waanbhaa' a -jan mu 'ε 'yimale kplankplan.
- 46'Bhε blaana, 'ke -ya pele- -o ni dɔɔ: "-Wa yɔɔndia- 'elwale gban -sɔ -Waanbhaa' a 'Sεwε 'ε 'yi dɔɔ: '-A -ledulale -o dɔɔ Mεε -Bhee Mi -Kpɔsɔɔ Krisi nu -yrenbhlele 'elwale 'pe, 'bhεε- 'bhε blaana -e nu bwele gale ba -a gale blaana -yrekpa' yaga mi ma.'
- 47'Bhεε- 'ezin-, 'kee- san Zeruzalemu ma, 'bhεε- -e ge 'tenle- 'drunyan 'ε 'yi mεε mu 'ε 'kpen ma, -o nu -Jan 'Nrale- 'ε 'wolε- -o 'kpen ni -a 'tɔ 'ε 'yi; 'kooko- -o ploowaa -za 'yɔɔ- mu 'ε ma, 'bhεε- -Waanbhaa' -waa' -za 'yɔɔ- mu 'ε -sroma yan.

48'Ka mu 'gbu -le 'mi 'srɛ 'le -za mu 'ɛ 'kpen 'yi.

49'Ɔ Dɛ 'bɛ 'liiwli- -naa -a Lii 'Wɛŋ 'la 'naza- ta 'ka ni, 'mi 'gbu nu 'bɛ 'kpale- 'ka ni. 'Duŋ- -ka bo -sɔ Zeruzalemu 'sani- 'ke 'bɛ -glɔɔya' 'ɛ zinaa' 'ka ta 'kee- da laanima.”

50'Bɛ blaɛ, 'ke Zesu 'pegee -yaa' -kɔɔlanɛ mu 'ɛ -o gole- Zeruzalemu -wa 'ɛ 'kpee, 'bɛɛ- 'ke -o gele- Betani -wa 'ɛ ba -yrɛ ta. -O bɔɔlawoa 'bɛ =nɔɔ bɛ, 'ke -ya gbɛ mu 'ɛ 'wɛnle, 'bɛɛ- 'ke -yoo 'dumawole.

51-E -yaa -o 'dumawo zii' 'waati 'la ba, 'ke -Waanbɛaa' 'a 'sile 'ke 'bɛ gele- 'kɛle- lafle' 'yi.

52'Bɛ blaɛ, -yaa' -kɔɔlanɛ mu 'ɛ 'yanle- -a gbalele, 'ke 'mu niinale 'mu -zanta' Zeruzalemu, 'mu zrukɔaa' -gbɛɛ 'ɛ ta.

53'Yi 'oo yi, -o -yaa kla 'eke- ba -Waanbɛaa' Gba 'Fɛ -Gbɛɛ 'ɛ =la, 'bɛɛ- -o -yaa -Waanbɛaa' gba.

Zaan

Zaan 1

- 1'Elwale -sɔ, 'sani- 'drunyan klele plɛŋ- -Waanbhaa' 'kɔɔ, -liijan' -yaa' gban; 'bhɛɛ- -liijan' 'pegee -Waanbhaa' -yaa 'eke- zi, 'bhɛɛ- -liijan' 'ɛ 'yaa- 'ke -Waanbhaa' 'le.
- 2'Sani- 'drunyan klele plɛŋ- -Waanbhaa' 'kɔɔ, 'yee- 'pegee -Waanbhaa -yaa 'eke- zi.
- 3-Waanbhaa' pɛ 'kpɛn =kla 'yela- -le. 'Bhɛɛ- 'yee- -Waanbhaa' laa 'trɛ ta pɛ 'tɔle- 'trɛ ta pɛ 'bhɛ klele 'yee- blaan.
- 4'Bole -yrɛ ma -si 'ɛ =daa 'yela- -yi, 'bhɛɛ- 'bhɛ -si 'ɛ =kla 'ke bhaaplɛŋ mu ta 'tɛbhile 'le.
- 5'Bhɛ 'tɛbhile 'ɛ =bhia -gblo 'ɛ 'yi, 'duŋ- 'bhɛɛ- -gblo 'ɛ yaa 'sɔle- 'kpale -a ta.
- 6'Waati do ba, -Waanbhaa' mɛɛ do winbwa-, -o -yaa 'bhɛ mɛɛ 'ɛ sii Zaan.
- 7'Bhɛ =nwa klele 'yee- 'tɛbhile 'ɛ 'srɛ 'le. 'Bhɛ =nwa -janwolɛ 'yee- 'tɛbhile 'ɛ ba zayi', 'kooko- mɔkpen' 'e kpa -a -yi.
- 8'Yee- Zaan 'gbu 'laa -yaa 'bhɛ 'tɛbhile 'ɛ 'le. 'Duŋ- yaa pɛ nu win 'ɛ =kla 'ke -a 'srɛya- klele -la -le, -ayile -e -janwoa -a ba zayi'.
- 9'Yee- 'tɛbhile 'ɛ 'yele- -yaa 'ke 'tɛbhile kplankplan 'gbu 'ɛ 'le, -e =nwa 'drunyan 'ɛ 'yi, 'bhɛɛ- -e mɔkpen' takan 'wɛŋ.
- 10'Wlan 'ɛ ni, 'yee- -liijan' 'ɛ 'yaa- 'drunyan 'yi 'elwale gban -sɔ. 'Bhɛɛ- -Waanbhaa' 'drunyan 'ɛ =kla 'yela- 'le, 'bhɛɛ- 'duŋ-, 'drunyan ta bhaaplɛŋ mu 'ɛ waa -a dɔle.
- 11-E -nwa -a 'gbu ba 'kleen 'ɛ 'yi, 'bhɛɛ- -yaa' 'kleen 'yi mu 'ɛ waa -a 'kunle- 'elrele.
- 12'Duŋ- mɛɛ 'la zan mu -dwa -a -la, 'bhɛɛ- -woo -kpa -a -yi, -e 'bhɛ 'sɛŋ 'naa- 'bhɛ zan mu 'ɛ ni 'ke -o kle 'ke -Waanbhaa' -nɛ mu 'le.
- 13'Waa klele -Waanbhaa' -nɛ 'mu 'le, 'bhii- bhaaplɛŋ mu a pɛ yagbeya 'ɛ gbɛɛn-. 'Duŋ- -Waanbhaa' 'gbu -le -dwa -a -la 'ke -o kle 'bhɛ 'nɛ mu 'le.
- 14'Bhɛ ya 'ɛ 'yi, 'yee- -liijan' 'ɛ =kla 'ke bhaaplɛŋ do 'le, 'bhɛɛ- -e =nwa -kɔɔ' 'plɛŋ- -gɛ. 'O -yaa' 'tɔbhɔleya 'ɛ =ya. -A 'tɔbhɔleya 'ɛ 'yaa- 'bhii- -Nɛ bhɛ do 'kpɔ 'la 'ke 'bhɛ 'tɔbhɔleya -srɔwoa 'bhɛ Dɛ 'kɔɔ 'bhɛɛ- gbɛɛn-. -A zru 'ɛ 'pale- -yaa 'ke 'sɔniya -zeze 'pegee wlan 'le.
- 15'Mɛɛ Wiinjɛ' Mi Zaan 'yela- 'srɛya- =kla, 'bhɛɛ- -ya -pia mɛɛ mu 'ɛ ni 'egloɔle dɔɔ: "'D 'yaa- -janwo' zii' 'yela- ba zayi' 'ke 'an pe dɔɔ: '-Yoo zan nule 'ŋ -zanta', 'duŋ- -a gblaan -yiya' 'mi ni, -amasrɔyi -e -yaa 'mi 'lɛɛ 'elwale -sɔ.' “
- 16-E -lia 'kɔɔ ma 'kee- kan -a -dan' ta, 'bhɛɛ- -e ge -lilele -kɔɔ' ma 'tanji.
- 17-Amasrɔyi, -Waanbhaa' -kaan Moizi -la ba, 'bhɛɛ- -e -yaa' 'tonj mu 'ɛ =naa -kɔɔ' ni. 'Duŋ- -e -lia -kɔɔ' ma, 'bhɛ 'pegee -ya 'gbu ma wlan 'ɛ 'bhɛ -zrɔnna -kɔɔ' ni Zesu Krisi -la 'srɔyi.

- 18 Mɛɛ 'kedo- do 'kpɔ 'laa -Waanbhaa' yele -lido; 'ke yaa 'e go -a Gbe bhe do 'kpɔ 'e ba. 'Bhe -le 'ke -Waanbhaa' 'le, 'bheɛ- 'bhe 'pegee 'bhe De -Waanbhaa' 'kpale- -o do ma. 'Bheɛ- 'bhe -le -Waanbhaa' -zɔnna mɛɛ mu ni.
- 19 Zeruzalemu Zuufu mu 'e -o 'sraka 'lena mu 'ke mu 'pegee -Waanbhaa' Gba 'Fe -Gbene 'e la yewone mu 'ke mu winbwa- Mɛɛ Wiɪŋfe' Mi Zaan ba. 'Bheɛ- 'mu -ja Zaan ta 'ke -wa -lrɔkpale dɔɔ: "Mɛɛ 'e -dele 'bhi 'le ɛɛ?"
- 20 Zaan 'laa -bangole 'bhe -jan 'e zikpale ma -o ni, 'duŋ- -ya =pia -o ni kpataakpa dɔɔ: "Mi 'laa -o 'ke Mɛɛ -Bhee Mi -Kpɔsɔɔ Krisi 'e 'le."
- 21 'Bheɛ- -wa -lrɔkpaa 'ezin- dɔɔ: "'Bheɛ- mɛɛ 'e -de 'gbu -le 'bhi 'le ɛɛ? 'Bhi -le 'ke Eli 'le ɛɛ?" Zaan 'bhe zikpaa- -o ni dɔɔ: "'On on, 'mi 'laa -o 'ke Eli 'le." 'Bheɛ- -wa -lrɔkpaa 'ezin- dɔɔ: "'Bhi -le 'ke -Waanbhaa' -lɛla' janwo mi 'e 'le ɛɛ?" 'Bheɛ- Zaan pe -o ni 'ezin- dɔɔ: "'Yooye-."
- 22 'Bhɛla- -yile, 'ke -wa -lrɔkpale 'tɛ dɔɔ: "'Bheɛ- -de 'gbu -le 'bhi 'le ɛɛ? 'Yoo- 'ke mɛɛ -glɔɔn 'la 'le 'bhe 'pe 'o ni, 'bheɛ- 'o sɔ 'bhe 'pele 'o 'winbɔ- mu 'e ni. 'Bhi 'gbu 'a pe 'e 'gbu ma 'nale- ɛɛ?"
- 23 'Bhe klele 'tɛ, 'ke Zaan 'bhe zikpale -o ni -Waanbhaa' -lɛla' janwo mi Ezai a -jan do 'le. 'Bhe 'a =pia dɔɔ: " Mɛɛ do -o -toorodɔ 'zi -kpe 'e ta 'ke -ya pe dɔɔ: '-Ka zibhe 'e 'lɛmagaan, 'bheɛ- -kaa 'lɛdɔɔ- Mɛɛzan ni'. Zaan pe -o ni dɔɔ: "Mi -le 'bhe -toorodɔ mi 'e 'le.' "
- 24 -O mɛɛ 'la zan mu 'winbwa- Zaan ta, 'mu 'ke mu -yaa Farizi mu 'le.
- 25 'Bheɛ- 'bhe mu 'yee- Zaan 'lrɔkpaa- 'ezin- dɔɔ: "'Ke 'yaa- -o 'ke Mɛɛ -Bhee Mi -Kpɔsɔɔ Krisi 'le, 'bhe 'pegee 'ke 'yaa -o 'ke Eli 'le, 'bheɛ- 'ke 'yaa -o 'ke -Waanbhaa' -lɛla' janwo mi 'e 'le, -mɛle -kla 'yoo- mɛɛ mu wiɪŋfe' zii' -yi ba ɛɛ?"
- 26 'Bhe klele 'tɛ, 'ke Zaan 'a 'lɛkunle -o ni dɔɔ: "'Mi -o 'ka wiɪŋfe' zii' 'ke -yi 'le, 'duŋ- mɛɛ do -o 'ka plɛŋ-, 'bheɛ- 'ka 'laa 'bhe zan 'e dɔle -li.
- 27 'Bhe zan 'e, 'bhe -le nu nule 'mi -zanta', 'ali- 'bhe wleyi' laa -o 'mi wleyi' ta 'ke 'mi 'gbu -a gaan ma -sawla bhle mu ploo 'bhii- lu mu a kle gɔnɛ- 'la gbɛn- bhe."
- 28 'Bhe -za mu 'e 'kpɛn =kla Betani -wa 'e ta. 'Bhe -wa 'e 'yaa- Zruden yue 'yre gbɛ do 'e ta. Zaan 'yaa- mɛɛ mu 'e wiɪŋfe' zii' 'bheɛ- =nɔɔ.
- 29 'Bhe -za mu 'e klele ta tooklin- yi 'e 'le, 'ke Zaan Zesu 'yele 'ke 'bhe -o zan -a ta. -Ayile, 'ke -ya pele- dɔɔ: "-Waanbhaa' -Bhlaa Gwlen Bhlone- 'la nu klele 'sraka 'le, 'bheɛ- -e bhaaplɛŋ mu 'e -waa' -za 'yɔɔ- 'kwe go -o wiɪŋ-, 'yele- -ge!
- 30 'D 'yela- ma -janwoa dɔɔ: 'Mɛɛ do -o zan mi blaɛn, -a gbɛlaɛn -yiya' 'mi ni; -amasɔyi 'sani- -o 'mi ya, 'ke 'yee- -o.'
- 31 -E -yaa nu klele mɛɛ 'la 'le, 'naa -yaa 'bhe dɔ. 'Duŋ- 'mi =nwa -sɔ mɛɛ mu wiɪŋfeyre nɔɔ- -yi 'le, 'kooko- Izraɛli mɛɛ mu 'e -wa dɔ."

- 32 Zaan 'a 'sreya- =kla 'ezin- mɛɛ mu 'ɛ 'yre ma dɔɔ: "'Ō Lii 'Weŋ 'ɛ zinale =ya -a ta 'kee- da 'zi lafle' 'ɛ ma 'bhii- -bhooladɔ maanne- do gbɛɛn-, 'bhɛɛ- -a yaale =bwa -a ta.
- 33 -E -yaa 'ke mɛɛ 'la 'le, 'mi 'gbu 'laa -yaa -a dɔ. 'Duŋ- -Waanbhaa' 'la 'ŋ 'winbwa- mɛɛ mu wiɪnfɛyre nɔɔ- -yi 'le, 'bhɛ -la =pia 'ŋ ni dɔɔ: "Kee Lii 'Weŋ 'ɛ zinale =ya mɛɛ 'la zan ta, 'bhɛɛ- 'ke -a yaale =bwa 'bhɛ zan 'ɛ ta, -a 'yaango- dɔɔ 'bhii- 'bhɛ zan 'ɛ 'bhɛ -le nu mɛɛ mu wiɪnfɛle 'ke Lii- 'Weŋ 'ɛ 'le.'
- 34 'Mi 'bhɛ -za 'ɛ klɛyre 'ɛ 'yelawoa, 'mi sɔ -a pele- kpataakpa dɔɔ 'yele- 'ke -Waanbhaa' Gbe -Kpɔsɔɔ 'gbu 'ɛ 'le."
- 35 'Bhɛ ta tooklin- yi 'le, Mɛɛ Wiɪnfɛ' Mi Zaan 'pegee 'bhɛ a -klanlanɛ plɛ -yaa 'yee- yre 'ɛ =nɔɔ- 'ezin-.
- 36 -E Zesu 'yele- 'ke 'bhɛ -o 'kan zii', 'ke -ya pele- dɔɔ: "-Waanbhaa' a -Bhlaa Gwɛn Bhlone- 'ɛ 'yele- -gɛ!"
- 37 Zaan a -klanlanɛ plɛ 'trɔnbɔle 'bhɛ -jan 'ɛ 'yi, 'ke -o gele- Zesu zi.
- 38 'Bhɛ klɛle 'tɛ, Zesu 'e 'yɛkpale -a -zanta', 'bhɛɛ- -ya yele 'bhii- 'woo- Zaan a -klanlanɛ plɛ 'ɛ 'yaa- zan -a zi, 'ke -yoo -lrɔkpale dɔɔ: "'Ka -o -mɛla -glin 'zi ɛɛ?" -O pe Zesu ni dɔɔ: "Rabi ('bhɛ 'yi -le dɔɔ: "Ō Daan mi'), 'e ba -o 'naa ɛɛ?"
- 39 'Bhɛ klɛle 'tɛ, 'ke -ya -lɛkunle -o ni dɔɔ: "-Ka nu 'bhɛɛ- 'kaa ye doo." 'Bhɛ 'yi 'tɛ, 'ke -o gele- Zesu zi, 'ke -wa -yi yre 'ɛ 'yele; 'bhɛɛ- 'ke -o bole- -a -din 'bhɛ -yɛkpaa' do 'ɛ 'le. 'Bhɛ =kla yromazi 'waati 'ɛ ba.
- 40 Mɛɛ plɛ 'la -o Zaan 'wojan- 'ɛ =maa, 'bhɛɛ- 'ke -o -ja dɔɛ Zesu zi, -o -yaa -o do sii Andre, 'bhɛ 'yaa- Simɔ Pieri 'nwagwɛn- 'le.
- 41 'Bhɛ 'yi 'tɛ, Andre -ja 'bhɛ 'naagwɛn- Simɔ ta, 'bhɛɛ- 'ke -ya pele- 'bhɛ ni dɔɔ: "'Ō Mesi 'ɛ =ya!" 'Bhɛ 'yi -le dɔɔ: 'Mɛɛ -Bhee Mi -Kpɔsɔɔ Krisi'.
- 42 'Bhɛɛ- 'ke Andre gele- Simɔ 'le Zesu ba. -O bhɔle Zesu -din, 'bhɛɛ- 'bhɛ 'yɛkpale 'yee- Simɔ ta frii, 'ke -ya pele- -a ni dɔɔ: "'Bhi Zaan gbe Simɔ, -o nu 'bhi 'siile- boolazi -gɛ Kefasi, 'bhɛ 'yi -le dɔɔ: 'Vle!'"
- 43 'Bhɛ ta tooklin- yi 'ɛ 'le, Zesu 'yaa- zi 'bhii- -e ge Galile 'klɛn 'ɛ 'yi. 'Bhɛ 'yi 'tɛ, -a ge bhla 'ɛ zi, 'ke -a -lɛpale Filipu 'le, 'bhɛɛ- 'ke -ya pele- 'bhɛ ni dɔɔ: "Nu dɔ 'ŋ zi!"
- 44 Filipu -yaa da Pieri 'pegee Andre mu da -wa 'ɛ 'bhɛɛ- ta, 'bhɛɛ- -o -yaa 'bhɛ -wa 'ɛ sii Betisaida.
- 45 'Bhɛ blaɛn, Filipu 'lɛpale Natanaeli 'le, 'ke -ya pele- 'bhɛ ni dɔɔ: "Moizi mɛɛ 'la zan a -janwoa -Waanbhaa' a 'Toŋ 'sɛwɛ 'ɛ 'yi, 'bhɛ 'pegee -Waanbhaa' -lɛla' janwo mu 'ɛ -o 'yee- mɛɛ 'la zan a -janwoa 'ezin- bhe, 'wa =ya. -Wa sii Zesu, 'bhɛɛ- -wa dɛ sii Zozefu, -e da Nazareti -wa 'ɛ ta."
- 46 'Bhɛɛ-, 'ke Natanaeli 'a 'pele Filipu ni dɔɔ: "-Za 'lrele- do sɔ dale- Nazareti -wa 'ɛ ta ɛɛ?" 'Bhɛ klɛle 'tɛ, 'ke Filipu 'a 'lɛkunle -a ni dɔɔ: "Nu 'bhɛɛ- 'ya ye doo."

47-Ayile, Zesu 'a 'yele- 'bhii- Natanaeli -yaa zan -a zi, 'ke -ya pele- -a ma dɔɔ: "Izraeli mi -kɔsɔɔ do -le -ge, mɛɛ gbɛtakpa mi laa 'kele-."

48'Bhɛ klele 'tɛ, 'ke Natanaeli Zesu 'lɔkpale dɔɔ: "Ye 'ŋ dɔ 'nale- -a ma ɛɛ?" Zesu pe -a ni dɔɔ: "'Sani- Filipu nu 'e 'siile- 'waati 'la ba, 'ke 'mi 'e =ya gban figi diiŋ 'ɛ =la."

49'Bhɛ klele 'tɛ, 'ke Natanaeli 'a 'pele -a ni dɔɔ: "'O Daan mi, 'bhi -le 'ke -Waanbhaa' Gbe 'ɛ 'le, 'bhɛ 'pegee 'bhi -le Izraeli mu 'ɛ 'yri -o -Bhɛngbe 'la 'nule- ta 'bhɛ 'le!"

50Zesu 'a zikpaa- -a ni dɔɔ: "'An 'pelawoa 'e ni dɔɔ 'mi 'e =ya figi diiŋ 'ɛ =la, 'bhɛla- -yile 'yee 'kpa zii' 'mi 'yi ɛɛ? 'Duŋ- 'e nu -za 'ke mu yeɛ 'ke 'mu gbɛlaan -yiya' 'ke 'lɛɛ-ni."

51Zesu pe -o ni 'ezin- dɔɔ: "'Mi pe 'ka ni 'ŋ 'sɔwɛɛ- ma 'kaa 'ka 'yɛ nu lafle' 'liigole yeɛ, 'bhɛɛ- 'ka nu -Waanbhaa' a -mleke' 'mu 'ɛ 'sanle- 'pegee -o -zinalɛ yeɛ Bhaaplɛŋ Gbe 'ɛ ma!"

Zaan 2

1'Bhɛ -yɛkpa' yaga mi 'ɛ ma, 'ke le do dɔ yi bhɔle- Kana, Galile 'kleɛn 'ɛ 'yi -wa 'nɛ do ta. Zesu nɛɛ -yaa 'bhɛ le dɔyɛ nɔɔ- 'feti 'ɛ ta.

2'Bhɛɛ- -o Zesu 'pegee -yaa' -kɛɛlanɛ mu 'ɛ 'siila- 'bhɛ le dɔyɛ 'ɛ =nɔɔ 'ezin-.

3-O -yaa 'bhɛ =nɔɔ bhla 'la ba, 'ke -drɔɔ 'ɛ 'kaanle mɛɛ mu 'ɛ ma. 'Bhɛ 'yi 'tɛ, 'ke Zesu nɛɛ 'a 'pele 'yee- Zesu ni dɔɔ: "-O 'kɔɔ -drɔɔ 'ɛ =yaan."

4'Bhɛ klele 'tɛ, 'ke Zesu 'a 'pele 'a ni dɔɔ: "'D nɛɛ, 'bhi -le 'mi kleza 'ɛ pe 'mi ni ɛɛ? 'An pɛ 'waati 'ɛ yaa bhɔle -li."

5'Bhɛ 'yi, 'ke -a nɛɛ 'a 'pele yewonɛ mu 'ɛ ni dɔɔ: "'Ke -ya =pia 'ka ni dɔɔ 'ka -za 'oo -za 'la kle, -ka 'bhɛɛ- kle."

6-Yi 'kla vle gbɔ 'srwado- dulale -yaa -o -din 'bhɛ bhla 'ɛ ba. Zuufu mu 'a 'seri 'ɛ ta za 'ɛ ma, -o -yaa -yi =kla 'bhɛ gbɔ mu 'ɛ 'yi, 'bhɛɛ- -woo 'fɛ 'bhɛ -yi 'ɛ 'le, 'bhɛɛ- -o kle 'weŋ. -O -yaa sɔ -yi 'litri mia yizie 'pegee -yi 'litri -kɛmɛ do 'ke 'litri mia do 'klale 'woo- gbɔ mu 'ɛ 'kɛn do do 'yi.

7'Bhɛ 'yi 'tɛ, 'ke Zesu 'a 'pele 'feti 'ɛ ta yewonɛ mu 'ɛ ni dɔɔ: "-Ka gbɔ mu 'lɛɛ- pa 'ke -yi 'le." 'Bhɛ klele 'tɛ, 'ke -woo 'pale 'ke -yi 'le 'kee- tɛn -o -lɛ ma.

8-O bhɛ klele, 'ke Zesu 'a 'pele -o ni dɔɔ: "'Ka -yi 'la =klaa 'yee- gbɔ mu 'ɛ 'yi, -ka 'yee- -yi 'ɛ sa 'si, 'bhɛɛ- 'ka ge 'kele- 'yee- le dɔyɛ nɔɔ- 'feti 'ɛ -kuŋlii 'ɛ ni." 'Bhɛ klele 'tɛ, 'ke -o gele- 'bhɛ -yi 'ɛ sa 'le 'feti 'ɛ -kuŋlii 'ɛ ni.

9'Yee- -yi 'la 'niinaa- 'ke -drɔɔ 'le, 'feti zan 'ɛ 'bhɛ sa -daan -a nɛɛ ma. Yaa -yaa 'bhɛ -drɔɔ 'ɛ dayɛ dɔ. 'Duŋ- yewonɛ mu 'la -yi 'ɛ =twa gbɔ 'ɛ 'yi, 'mu 'yaa- 'bhɛ dɔ. 'Bhɛla- -yile, 'kee- le drɛɛ -nɔɔ 'ɛ 'siile.

10'Bhɛɛ- 'ke -ya pele- 'bhɛ ni dɔɔ: "'Mɔkɛn' -drɔɔ 'lɛle- 'ɛ 'bhɛɛ- na 'cie mu 'ɛ ni 'elwale 'pe, 'bhɛɛ- 'ke -o 'bhɛ 'mia- 'ebebele 'waati 'la ba, 'bhɛɛ- -o sɔ 'kɛla 'bhɛ 'laa lele

kplankplan 'bhe 'nale -o ni. 'Duŋ-, 'bhi -drɔɔ 'lrele- 'ε 'bhεε- =twa boolazi, 'ke 'bhe nu 'tenle- 'waati 'lεε- ma!"

11'Bhe -yi 'niinaza 'ε -drɔɔ 'le, 'bhe -le =kla 'ke Zesu a 'sɔle- maza -lwa mi 'ε 'le Kana, Galile 'kleen 'yi -wa 'ne 'ε ta. Zesu -yaa' 'glɔɔya- 'ε -zrɔnna -yaa' -klanlanε mu 'ε ni 'bhεε- klegbeya 'ε gbεen-. 'Bhεε- -yaa' -klanlanε mu 'ε -woo -kpa-a -yi.

12'Bhe blaen, 'ke Zesu 'pegee -a nεε, 'bhεε- -a nεεnε- mu 'ε 'pegee -yaa' -klanlanε mu 'ε gele- Kapenomu -wa 'ε ta. -O -yrekpa-a' 'dama -la -kla 'bhe =nɔɔ ye.

13'Zuufu mu a Paki 'feti =bhwa gban bi -wa -din, 'bhela- -yile, Zesu -ja Zeruzalemu 'tε.

14'Bhεε- 'kee- gele- bhɔle dri 'pegee -bhlaa, 'bhεε- -dwati' gɔn mu ta -Waanbhaa' Gba 'Fε -Gbεnε 'ε =la. 'Bhεε- 'ezin-, -gɔli' tabɔɔ mu yaale -yaa 'mu a -gɔli' tabɔɔ -tabali mu 'ε zi 'yee- -Waanbhaa' Gba 'Fε -Gbεnε 'ε =la.

15'Bhe klele 'tε, 'ke Zesu gbanbhle do klele- 'ke bhle mu 'le, 'bhεε- 'ke -yoo 'kpen -gbinle' 'fε 'ε =la, -o 'pegee -waa dri mu 'pegee -waa' -bhlaa mu 'ε 'le. -E -gɔli' tabɔɔ mu 'ε waa -gɔli' 'ε 'wianna- 'tre ma, 'bhεε- 'kee- waa -tabali mu 'ε 'lebhulale.

16'Bhεε- 'ke -ya pele- -dwati' gɔn mu 'ε ni dɔɔ: "-Ka pe mu 'lεε- 'si, 'bhεε- 'ka -o 'kpen go -gε! 'Ka 'laa 'η De a 'fε 'ε klele 'ke yawowofε 'le!"

17'Bhe klele 'tε, 'ke -Waanbhaa' a 'Sewe 'ε 'yi -jan 'lεε- dɔle- -yaa' -klanlanε mu 'ε 'kpee dɔɔ: "'E! -Waanbhaa', 'yaa- 'fε 'ε 'lrɔ- 'ε -yoo 'η de 'zi 'papa 'bhii- 'tebhile la pe ma gɔnε- 'la gbεen-."

18-Ayile, 'ke Zuufu mu 'ε -waa' -kuŋlii mu 'ε Zesu 'lrɔkpale dɔɔ: "'E sɔ -mε pe 'sɔle-maza 'gbu 'ε -dela klele, 'bhεε- 'ke 'bhe 'a zrɔn 'o ni 'bhii- -za mu 'la bhe -o 'seŋ -o 'e ni εε?"

19'Bhe klele 'tε, 'ke Zesu 'a zikpale -o ni dɔɔ: "-Ka -Waanbhaa' Gba -Gbεnε 'Fε 'lεε- 'wi, 'bhεε- 'mi nu -a dɔ gbε drεewole -yrekpa-a' yaga =la."

20'Zuufu mu 'ε pe Zesu ni 'tε dɔɔ: "'O mɔɔ 'yee- 'fε 'lεε- -dwa lεε mia ple bhe 'srwado- -la, 'bhεε- 'bhi nu 'sɔle- -a dɔle- -yrekpa-a' yaga =la εε?"

21'Duŋ- Zesu 'yaa- -we 'zi -Waanbhaa' Gba 'Fε -Gbεnε 'la 'le, 'bhe -le -yaa -a 'gbu 'fle 'ε 'le.

22-Ayile, Zesu bwele blaen gale ba, -e 'bhe -jan 'la =woa 'elwale bhe, 'bhe -jan 'ε -dwa -yaa' -klanlanε mu 'ε 'kpee. 'Bhela- -yile, 'ke -woo 'kpale -Waanbhaa' a -jan mu 'la -yoo -yaa' 'Sewe 'ε 'yi 'mu 'yi. 'Bhεε- Zesu -jan mu 'la =woa -o ni, -woo =kpa-a 'mu 'yi 'ezin-.

23'Zesu 'yaa- Zuufu mu a Paki 'feti 'ε ta bhla 'la ba Zeruzalemu, mεε -bebe 'e =kpa-a -yi -e -yaa 'sɔle- maza mu 'la kle 'zi 'mu 'yre ma 'mu -zayi'.

24'Duŋ- Zesu 'laa -yaa 'e 'kpa zii' -o -yi, -amasrɔyi -e -yaa -o 'kpen zru 'ε dɔ.

25-A maza laa -yaa 'ke mεε 'ke nu mεε -bhεεke' do a -za 'yaanpele -a ni. -Amasrɔyi, -za 'la -yoo bhaaplεŋ 'kpee, -a 'gbu 'bhe dɔ.

Zaan 3

- ¹O -yaa mɛɛ do sii Nikodemu. Farizi mi do -le -yaa 'bɛɛ 'le. 'Bɛɛ- -e -yaa Zuufu mu a -kuɲlii 'ɛ do 'le.
- ²Yroma do zi -bi 'ɛ zi, -e -ja Zesu ba, 'ke -ya pele- 'bɛɛ ni dɔɔ: "'O Daan mi, 'o mɔɔ 'a 'yaango- 'bhii- -Waanbhaa' -le 'e 'winbwa- 'o daanyɛ nɔɔ- -yaa' -jan 'ɛ 'le. -Amasɔyi mɛɛ 'kedo- 'kpɔ 'laa sɔ 'e 'sɔle- maza mu 'la klɛ 'zi bɛɛ 'mu klɛle-, 'ke -Waanbhaa' laa -o 'bɛɛ zan 'ɛ ba."
- ³Zesu 'a 'lekwan- -a ni dɔɔ: "'Mi pe 'e ni 'ɲ 'sɔwɛɛ- ma dɔɔ mɛɛ 'kedo- 'kpɔ 'laa sɔ -Waanbhaa' a -bhleɲgbeya -wa 'ɛ 'yele 'ke waa 'bɛɛ zan 'ɛ ya gbɛ drɛɛwɔle."
- ⁴Bɛɛ klɛle 'tɛ, 'ke Nikodemu 'a 'lrɔkpale dɔɔ: "'Ke mɛɛ do -kla gban 'gwlaan- gbalaan 'le, -o sɔ -a ya gbɛ drɛɛwɔle 'nale- -a ma ɛɛ? Yaa sɔ niinale -a nɛɛ 'kpee, 'bɛɛ- 'bɛɛ 'a 'ya gbɛ drɛɛwo 'ezin-."
- ⁵Duɲ- Zesu pe -a ni 'ezin- dɔɔ: "'Mi pe 'e ni 'ɲ 'sɔwɛɛ- ma dɔɔ 'ke waa mɛɛ 'la zan yale 'ke -yi 'pegee Lii 'Weɲ 'ɛ -glɔɔya' 'le, 'bɛɛ zan laa nu 'sɔle- -Waanbhaa' 'a -bhleɲgbeya -wa 'ɛ 'yele.
- ⁶O mɛɛ 'la zan -yaa bhaapleɲ ma, bhaapleɲ zru -le 'bɛɛ zan 'ɛ 'yi, 'bɛɛ- 'duɲ-, -o mɛɛ 'la zan -yaa -Waanbhaa' Lii 'Weɲ 'ɛ ba, 'bɛɛ zan zru -o 'bhii- -Waanbhaa' zru gbɛɛn-.
- ⁷Mi 'a 'pelawoa 'e ni dɔɔ: '-Yoo 'ke -za 'le 'kee 'ya gbɛ drɛɛwo'. 'Bɛɛ -jan 'ɛ 'bɛɛ 'laa 'e 'kpeelenile 'e ma.
- ⁸E 'gbu 'bɛɛ 'yaango-, -ploo 'ɛ, 'ke -ya zi 'bhii- -e 'kan yrɛ 'la =nɔɔ, -e kan 'bɛɛ- =nɔɔ. 'E 'trɔnkpa- -a 'kanwli- 'ɛ ma, 'duɲ- 'yaa dayɛ 'pegee -a geyɛ dɔ. -Yoo 'bɛɛ- gbɛɛn-, 'ke mɛɛ 'oo mɛɛ 'la zan -yaa Lii 'Weɲ a -glɔɔya' 'ɛ ba."
- ⁹Bɛɛ klɛle 'tɛ, 'ke Nikodemu 'a 'pele Zesu ni dɔɔ: "'Bɛɛ sɔ klɛle- 'nale- 'tɛ -a ma ɛɛ?"
- ¹⁰Zesu 'a zikpaa- -a ni dɔɔ: "'Bhi 'la 'bhi -o 'ke Zuufu mu 'ɛ daan mi -gbɛɛ 'le Izraeli -gɛ, 'yaa 'bɛɛ -za mu 'ɛ dɔ ɛɛ?"
- ¹¹'Mi pe 'e ni 'ɲ 'sɔwɛɛ- ma dɔɔ 'o mɔɔ -za 'la dɔ, 'o 'bɛɛ- 'sɛya- klɛ, 'bɛɛ- 'ke 'o pɛ 'la =ya, 'o 'bɛɛ- 'sɛya- klɛ 'ezin-, 'duɲ- 'ka mu laa -o -a zi 'ke 'ka dɔ 'o 'wojan- 'ɛ =la.
- ¹²-Za mu 'la klɛ 'zi 'trɛ ta -gɛ, 'ke 'ɲ 'bɛɛ mu ma -janwoa, 'ka 'laa 'ka kpa 'ɲ 'yi, 'bɛɛ- 'ka nu 'ka 'kpale- 'ɲ 'yi 'nale- -a ma, 'ke 'ɲ lafle' 'yi pɛ mu ba -janwoa 'ka ni bhla 'la ba ɛɛ?"
- ¹³Mɛɛ 'kedo- 'kpɔ 'laa 'sanle- -lido' laanima 'bɛɛ- -e ge lafle' yi, 'ke yaa 'e go Bhaapleɲ Gbe 'ɛ do -kplɛn 'kpɔ ba, 'bɛɛ -le -daa lafle' 'yi, 'bɛɛ- 'bɛɛ -le nu niinale a nɔɔ- 'ezin- bɛɛ."
- ¹⁴"'Elwaleta -sɔ, Moizi piibɛɛ 'ten =sia, 'bɛɛ- -e mlɛ =kla 'bɛɛ piibɛɛ -yi 'ɛ 'le. 'Bɛɛ blaana 'kee- 'bɛɛ piibɛɛ mlɛ 'ɛ 'kpale -yri do ta -kpe 'ɛ ta. 'Bɛɛ kleɲgbeya do 'ɛ gbɛɛn-, -o nu Bhaapleɲ Gbe 'ɛ 'kpale- -yri ta, 'bɛɛ- -wa wleɲ,

- 15'kooko- 'ke mɛɛ 'oo mɛɛ 'la zan 'e =kpaɔ -a -yi, 'bhe zan nu -Waanbhaa' ba bole -yɛ ma -si 'la -daŋ' 'laa -o -a ma 'bhe 'srɔwɔlɛ.
- 16-Amasrɔyi 'drunyan ta mɛɛ mu 'ɛ 'sɔ gbɛ -yɔɔ 'ɛ 'kɔɔ -Waanbhaa' ni, 'ke -ya Gbe bhe do 'kpɔ 'ɛ 'nale 'ke 'sraka 'le, 'kooko- 'ke mɛɛ 'oo mɛɛ 'la zan 'e =kpaɔ -a -yi, 'bhe zan laa ni, 'bheɛ- 'bhe 'plɛŋgole klɛ -Waanbhaa' ma, 'duŋ- 'bhe zan 'ɛ -Waanbhaa' ba bole -yɛ ma -si 'la -daŋ' 'laa -o 'bhe ma 'bheɛ- 'srɔwɔ-.
- 17'Duŋ-, -Waanbhaa' laa -a Gbe 'ɛ 'kpale- 'drunyan 'yi -kpan baa- zayi' 'drunyan 'yi mu 'ɛ ta. 'Duŋ- -ya gbɛ 'ɛ =kpaɔ, 'kooko- 'ke -o go -za 'yi -a 'srɔyi.
- 18'Ke mɛɛ 'la zan 'e =kpaɔ -Waanbhaa' Gbe 'ɛ 'yi, -Waanbhaa' a -kpan 'laa nu baale 'bhe zan ta, 'duŋ- 'ke mɛɛ 'la zan 'laa 'e 'kpale- -a -yi, -kpan -balaa' gban 'bhe zan 'ɛ ta, -amasrɔyi yaa 'kpale- -Waanbhaa' Gbe bhe do 'kpɔ 'ɛ 'yi.
- 19-Waanbhaa' a -kpan baaza 'ɛ win -le -ge: -Waanbhaa' a 'tebhile 'ɛ =nwa 'drunyan 'yi, 'bheɛ- -gblo =swa 'drunyan 'yi mu 'ɛ ni 'ke 'bhe kan 'tebhile 'ɛ ta, -amasrɔyi -o kleza mu 'ɛ 'yaa- 'eyɔɔle.
- 20-Amasrɔyi, 'ke mɛɛ 'oo mɛɛ 'la zan -za 'yɔɔ klɛ, -Waanbhaa' a 'tebhile 'ɛ vɛnsi 'bhe zan yin 'lii, 'bheɛ- yaa nu 'tebhile 'ɛ ba. -Amasrɔyi -e gbalaan, 'kooko- 'puya 'laa nu 'kanle- -a kleza -yɔɔ' mu 'ɛ ta kpataakpa.
- 21'Duŋ- 'ke mɛɛ 'la zan -o wlan a pɛ zi 'ɛ ta, 'bhe zan nu 'tebhile 'ɛ ba; 'kooko- mɔkpen' 'a kleza mu 'ɛ ye kpataakpa, 'bheɛ- -wa ye 'bhii- -yoo 'taawo zii' -Waanbhaa' a pɛ zi 'ɛ 'bheɛ- ta.”
- 22'Bhe blaɔn, 'ke Zesu 'pegee -yaa' -klanlanɛ mu 'ɛ -o gele- Zude 'kleɛn 'ɛ 'yi, 'bheɛ- 'ke -o bole- 'bhe =nɔɔ 'waati sa, 'ke -o mɛɛ mu 'ɛ 'wiɛŋfɛ- -sɔ -yi ba 'bhe 'kleɛn 'ɛ 'yi.
- 23'Bhe 'waati 'ɛ ba, Zaan -yaa mɛɛ mu wiɛŋfɛ' zii' 'ezin- yɛ do nɔɔ-, -o -yaa 'bhe yɛ 'ɛ sii Enɔ, 'bheɛ- 'bhe 'yaa- Salimu -wa 'ɛ -din. -Amasrɔyi -yi -bebe -yaa 'bhe yɛ 'ɛ =nɔɔ. Mɛɛ mu 'ɛ 'yaa- nu 'zi -a ba, 'bheɛ- -e -yaa 'mu wiɛŋfɛ -yi ba 'bhe yɛ 'ɛ =nɔɔ.
- 24'Bhe 'waati 'ɛ ba 'ezin-, 'ke waa Zaan bɔle -li -kaso 'yi.
- 25'Bhe 'yi 'te, Zaan a -klanlanɛ mu 'ke mu zaabɔle -saan Zuufu mi do 'le -woo fɛ -waa' 'seri 'ɛ ta gɔnɛ- 'la gbɛɛn- 'bheɛ- -o 'fleele- klɛ -Waanbhaa' -yɛ 'yi 'bhe -zayi'.
- 26'Bheɛ-, 'ke 'yee- Zaan a -klanlanɛ mu 'ɛ gele- 'tenle- a ma, 'ke -wa pele- -a ni dɔɔ: "'O Daan mi, mɛɛ 'la zan -yaa 'e -din Zrudɛn yue yɛ gbɛ do 'ɛ ta laale, 'bheɛ- 'e -janwoa 'o ni -a ba zayi' bhe; 'e 'yɛkpa -gɛ doo, -yoo mɛɛ mu wiɛŋfɛ' zii' 'ezin-. 'Bheɛ- mɛɛ mu 'ɛ 'kpen -o ge 'zi -a ba ye.”
- 27'Zaan 'a zikpaɔ- -o ni dɔɔ: "'Ke -Waanbhaa' laa pɛ 'la 'nale- mɛɛ ni, -e sɔ 'bhe 'srɔwɔle ɛɛ?
- 28'Ka mu 'gbu -o 'ŋ 'srɛ 'le 'kaa 'an =pia dɔɔ: "'Mi 'naa -o 'ke Mɛɛ -Bheɛ Mi -Kpɔsɔɔ Krisi 'ɛ 'le, 'duŋ- -Waanbhaa' 'mi 'winbwa- -a -lɛɛ.’

29'Ka 'gbu 'a 'yaango- dɔɔ mɛɛ 'la zan a pɛ -le 'ke le drɛɛ 'ɛ 'le, 'bɛɛ zan -le 'yee- le drɛɛ -nɔɔ 'ɛ 'le. 'Duŋ- le drɛɛ -nɔɔ 'bɛɛgwɛn- 'ɛ 'bɛɛ dulale 'la -yoo le drɛɛ -nɔɔ 'ɛ -din, 'bɛɛ- 'ke -ya 'trɔnbado 'bɛɛ 'weli- 'ɛ =la, 'bɛɛ 'a zrukpalaa 'egbenɛle. 'Bɛɛ zrukpaɛ', 'bɛɛ -le 'mi a pɛ 'ɛ 'le, 'bɛɛ- -a -lɛpaɛ -zɔn.

30-Yoo 'ke -za 'le 'ke -o 'yee- magbaandɛ, 'bɛɛ- -o 'mi mavɛɛ.”

31'Mɛɛ Wiɛɛfɛ' Mi Zaan pɛ -o ni 'ezin- dɔɔ: "'Ke mɛɛ 'la zan -daa laanima, 'bɛɛ zan 'ɛ 'kpaale- -o pɛ 'kpen 'wiɛɛ-. 'Duŋ- 'ke mɛɛ zan -daa 'trɛ ta, 'bɛɛ zan 'ɛ 'bɛɛ -o 'ke 'yee- 'drunyan 'lɛɛ- 'yi mi 'le, 'bɛɛ- -e -janwo' 'bhii- 'trɛ ta mɛɛ do gbɛɛn-. 'Ke mɛɛ 'la zan -daa laanima, 'bɛɛ zan 'ɛ 'kpaale- -o pɛ 'kpen 'wiɛɛ-.

32-E -za 'la =ya, 'bɛɛ- -e 'kɛla =maa, -e mu -la 'srɛya- klɛ. 'Bɛɛ- 'duŋ-, mɛɛ 'kedo- 'kpɔ 'laa dɔ 'bɛɛ 'srɛya- ma jan 'ɛ =la.

33'Ke mɛɛ 'la zan -dwa -a wojan 'ɛ =la, 'bɛɛ zan 'a zɔn 'bɛɛ gbɛɛn- bɛɛ 'bhii- -Waanbɛɛ' wlan pɛ kpataakpa.

34-Waanbɛɛ' mɛɛ 'la zan winbwa-, 'bɛɛ zan 'ɛ -Waanbɛɛ' a -jan mu -la wo, -amasrɔyi -Waanbɛɛ' 'a Lii 'Wɛɛ 'ɛ na 'bɛɛ zan ni 'ke -daŋ' 'laa klɛ 'bɛɛ ma.

35-Nɛ 'ɛ -za sɔ -a Dɛ -Waanbɛɛ' ni, 'bhɛla- -zayile -a Dɛ -za 'kpen gbɛkpaɛ- -a 'kɔɔ.

36'Ke mɛɛ 'la zan 'ɛ =kpaɛ -a Gbe 'ɛ 'yi, -daŋ' 'laa -o bole -yrɛ ma -si 'la ma 'bɛɛ -o 'bɛɛ zan 'kɔɔ. 'Duŋ- 'ke mɛɛ 'la zan laa dɔlɛ -a -la 'ke -ya kpa -a Gbe 'ɛ 'yi, 'bɛɛ zan laa nu 'bɛɛ bole -yrɛ ma -si 'ɛ 'srɔwɔlɛ, 'bɛɛ zan nu bole -Waanbɛɛ' a 'kiti -yrɛn 'ɛ 'yi yikpenseɛ ta.”

Zaan 4

1'Farizi mu 'ɛ -wa -maa mɛɛ mu ta dɔɔ Zesu 'yaa- -klanlanɛ -bebe 'srɔwo zii' 'kee- 'mu 'wiɛɛfɛ- 'ke 'bɛɛ kan Mɛɛ Wiɛɛfɛ' Mi Zaan ta.

2'Bɛɛ- 'duŋ-, 'yee- Zesu 'gbu 'laa -yaa mɛɛ mu wiɛɛfɛ' zii', -yaa' -klanlanɛ mu 'ɛ 'mu -le -yaa 'bɛɛ klɛ 'zi.

3'Bhɛla- -yile, 'ke 'yee- Zesu gole- Zude 'klɛn 'ɛ 'yi, 'bɛɛ- 'kee- niinale -a -zanta' Galile 'klɛn 'ɛ 'yi.

4-A ge bhla zi Galile 'klɛn 'ɛ 'yi, yaa -yaa sɔ 'kanle -yrɛ -bhɛɛke' do 'kpɔ =nɔɔ 'ke yaa 'e go Samari 'klɛn 'ɛ ba.

5-E -ja bhɔlɛ Samari 'klɛn 'ɛ 'yi -wa 'nɛ do 'la -o -yaa 'bɛɛ sii Sikaa 'bɛɛ- ta. 'Bɛɛ Sikaa -wa 'ɛ 'yaa- Zakɔbu gba 'la 'naa- -a gbe Zozɛfu ni 'bɛɛ- -din.

6'Zakɔbu -klɔŋ 'la 'kaan-, 'bɛɛ 'yaa- 'bɛɛ yrɛ 'ɛ =nɔɔ. 'Bɛɛ 'yi bɛɛ, Zesu 'trɛlabhwa 'taa 'ɛ 'kɔɔ, 'kee- gele- yaalɛ 'bɛɛ -klɔŋ 'ɛ bhɔŋla. 'Bɛɛ =kla -yrekpaɛ' bhɔ 'waati 'ɛ -din.

7'Bɛɛ ya 'ɛ 'yi, 'ke Samari le do nule- -yi 'tɔyrɛ- nɔɔ- 'bɛɛ -klɔŋ 'ɛ 'yi. 'Bɛɛ- 'ke Zesu 'a 'pele 'a ni dɔɔ: "'Dɔ gba mi yi sa ba.”

- 8'Bhε 'waati 'ε ba, 'ke Zesu a -klanlanε mu 'ε -ja gban -waa' pεbhle -lɔyrε' nɔɔ- -wa 'ε 'kpee.
- 9'Bhε klele 'tε, 'ke Samari le 'ε -ya pele- Zesu ni dɔɔ: "'Aa! 'Bhi Zuufu mi, 'e mi yi -yrεwo' zii' 'mi -la ma εε, 'mi 'la 'mi -o 'ke Samari le 'le bhe εε?" 'Yee- -le 'ε 'bhe -jan -glɔɔn 'ε =woa, -amasrɔyi Zuufu mu 'ε 'pegee Samari mu 'ε waa -za 'laa -yaa 'eke- ta.
- 10'Bhε 'yi 'tε, 'ke Zesu 'a zikpale -a ni dɔɔ: "'Kee- 'kpa bi -Waanbhaa' bhaapleŋ mu -gbaa pε 'la ba 'e 'bhe dɔ bi, 'bhεε- mεε 'la zan -o mi yi -yrεwo' zii' 'e ma, 'kee 'yaa- 'bhe zan 'ε dɔ bi, 'bhi 'gbu -le -yaa nu mi yi -yrεwolε 'bhe zan 'ε ma. 'Bhεε- -yi 'la 'bhe bole -yrε ma -si na mεε ni, -e -yaa nu 'bhεε- 'nale- 'e ni."
- 11'Bhε klele 'tε, 'ke le 'ε -ya pele- Zesu ni dɔɔ: "Mεεzan, -yi 'tɔ 'gbongbo 'laa -o 'e 'kɔɔ, 'bhεε- -klɔŋ 'ε tro. 'E nu 'sɔle- 'yee- -yi 'la 'kee- bole -yrε ma -si 'ε na mεε ni 'bhe 'srɔɔwole 'naa ma εε?"
- 12'O -gbɔɔ Zakɔbu -le -klɔŋ 'lεε- 'kaan-, 'bhεε- -ya -naa 'o ni. 'Yee- 'gbu 'pegee -a gbe mu 'ε, 'bhεε- -yaa' trope mu 'ε -o 'yee- -klɔŋ 'lεε- 'yi yi 'ε =mia. 'Bhi 'kpee ma 'e gblaana -yiya' 'o -gbɔɔ Zakɔbu ni εε?"
- 13'Zesu 'a zikpaa- -a ni dɔɔ: "'Ke mεε 'oo mεε 'la zan -klɔŋ 'lεε- 'yi yi 'ε -mia, -yi 'mi -lrɔ nu 'bhe zan dε gbε drεewolε 'ezin-;
- 14'duŋ- 'ke 'mi 'ŋ 'kɔɔ -yi 'ε =naa mεε 'la zan ni, 'bhεε- -ya -mia, -yi 'mi -lrɔ 'laa nu 'bhe zan 'ε dεle -li -titi. -Amasrɔyi, 'ŋ nu -yi 'la 'bhe 'nale- 'bhe zan 'ε ni, 'bhe nu klele 'bhii- tɔ ŋgblo do 'bhe zan 'ε 'yi, 'bhεε- yaa nu -bheele' -titi. 'Bhεε- 'bhe tɔ ŋgblo 'ε nu -si 'la 'ke -daŋ' 'laa 'bhe ma 'bhe 'nale- 'bhe zan ni."
- 15'Bhε klele 'tε, 'ke 'yee- le 'ε -ya pele- Zesu ni dɔɔ: "Mεεzan, 'ŋ gba 'bhe -yi 'ε 'ke ba, 'kooko- -yi 'mi -lrɔ 'laa 'ŋ dε -li, 'bhεε- 'naa nu -yi 'tɔle- -li -gε -titi."
- 16'Bhε 'yi 'tε, Zesu pe -a ni dɔɔ: "Ge 'ε =nɔɔ 'sii-, 'bhεε- 'ka nu -gε doo."
- 17'Bhε klele 'tε, 'ke 'yee- le 'ε -ya -lεkunle Zesu ni dɔɔ: "'D =nɔɔ 'laa -o." Zesu pe -a ni 'ezin- dɔɔ: "'Zoo -o 'e zi 'ke 'ya pe dɔɔ 'ε =nɔɔ 'laa -o;
- 18-amasrɔyi, 'e 'yalaa gwlen na -glɔɔn 'soo, 'bhεε- 'yoo- mεε 'la zan 'kɔɔ -zɔn, 'ε =nɔɔ 'laa 'bhe zan 'ε 'le. 'E -jan 'la =woa bhe wlan -le 'bhe 'le."
- 19'Bhε klele 'tε, 'ke 'yee- le 'ε -ya pele- Zesu ni dɔɔ: "'Ee! Mεεzan, 'an 'yaango- 'bhii- 'yoo- wlan ma -Waanbhaa' -lεla' janwo mi do 'le.
- 20'O mɔɔ Samari mu, 'o -gbɔɔ mu -Waanbhaa' -gbaa vlε gɔɔn 'lεε- 'bhεε- 'wiinj- -gε, 'bhεε- 'duŋ-, 'ka mu Zuufu mu, 'ka pe dɔɔ -o -Waanbhaa' gba yrε 'la =nɔɔ, 'bhe -o Zeruzalemu do -kplεn 'la =nɔɔ."
- 21'Zesu 'bhe zikpaa- -a ni dɔɔ: "Le -nε, 'ŋ 'yoo zan -jan 'la 'wolε- 'e ni 'e 'kpa 'bhe 'yi, 'waati do -o zan bhɔle', 'bhεε- 'ka 'laa nu 'ŋ Dε -Waanbhaa' gbale -li vlε gɔɔn 'lεε- 'wiinj-, 'bhe 'pegee Zeruzalemu.

- 22'Ka mu Samari mu, 'ka pɛ 'la 'bɛ gba 'ka 'laa 'bɛ dɔ; 'o mɔɔ pɛ 'la 'bɛ gba 'o 'bɛ dɔ, -amasrɔyi -Waanbhaa' bhaapɛɲ mu go -za 'yi gɔnɛ- 'la gbɛɛn-, Zuufu mu -le sɔ 'bɛ 'pele 'ka ni.
- 23'Duɲ- 'bɛ 'waati -o zan bɔɔɛ, 'bɛɛ- 'bɛ =bhwa gban, 'bɛ 'waati 'ɛ ba, 'ɲ Dɛ -Waanbhaa' gba mu kplankplan mu 'ɛ -o nu -a gbale Lii 'Wɛɲ 'ɛ 'yi 'bɛ 'pegee wlan ma. -Amasrɔyi 'ɲ Dɛ -Waanbhaa' -o 'bɛɛ- mɛɛ -glɔɔn 'ɛ -glin 'zi 'bɛɛ- -wa gba.
- 24-Waanbhaa' 'gbu -o 'ke Lii 'le, -yoo 'ke -za 'le 'ke mɛɛ 'la zan mu 'a gba, 'bɛ zan mu 'a gba -a Lii 'Wɛɲ 'ɛ 'sɛɲ ta 'bɛ 'pegee wlan ma.”
- 25'Bɛ klele 'tɛ, 'ke 'yee- le 'ɛ -ya pele- Zesu ni dɔɔ: "'An 'yaango- dɔɔ Mesi 'ɛ ('bɛ 'yi -le 'Mɛɛ -Bhee Mi -Kpɔsɔɔ') -o 'bɛ -la sii Krisi, 'bɛ nu nule. 'Ke 'bɛ =nwa 'bɛ nu -za 'kpen 'yipele 'o ni.”
- 26'Zesu 'a zikpaa- -a ni dɔɔ: "'Mi 'la 'mi -o -janwo' zii' 'e ni -gɛ bɛ, 'mi -le 'kele-.”
- 27'Bɛ 'waati 'ɛ ba, 'ke Zesu -a -kɔɔɔɔɔ mu 'ɛ 'nule 'tɛ; -wa yelawoa 'ke -yoo -balo kle 'zi 'ke le do 'le bɛ, 'bɛ -o 'kpeɛɛɛɛ -o ma. 'Duɲ- yaa dɔɔɛ -o 'kɛdo- 'kpɔ 'kpeɛ 'ke 'bɛ 'a 'lɔkpa- dɔɔ: "-Yoo -mɛ za -la -yilɔkpa zii' 'e ma ɛɛ? 'Bɛ 'pegee 'ka 'pegee 'yee- -o -mɛ pɛ jan -la wo zii' ɛɛ?" 'Bɛ 'pegee dɔɔ: "-Mɛla ma 'yoo- -balo kle 'zi 'kele-ɛɛ?"
- 28'Bɛ klele 'tɛ, 'ke le 'ɛ -e yaa -yi gbɔ 'ɛ 'tole -a nɔɔ-, 'kee- geɛ- -wa =la, 'bɛɛ- 'ke -ya pele- mɛɛ mu 'ɛ ni dɔɔ:
- 29"-Ka nu mɛɛ 'lɛɛ- -glin doo, 'mi -za 'oo -za mu 'la =kla 'elwale gban, -e 'mu 'kpen =pia 'ɲ ni. -Dɔke' Mɛɛ -Bhee Mi -Kpɔsɔɔ Krisi 'ɛ 'yele- 'kele- oo.”
- 30'Bɛ klele 'tɛ, 'ke -wa 'ɛ ta mu 'ɛ 'pwele, 'bɛɛ- 'ke -o nule- Zesu -glinyɛɛ' nɔɔ-.
- 31'Bɛ 'waati 'ɛ ba, Zesu a -kɔɔɔɔɔ mu 'ɛ 'yaa- matɛdɔ 'zi dɔɔ: "'O Daan mi, 'e 'zoole-, pɛ sa bhle!”
- 32'Duɲ-, -ya -lɛkwan 'mu ni dɔɔ: "Pɛ 'la -yoo 'ɲ 'kɔɔ 'ke 'bɛ -o 'ke 'ɲ 'bhle pɛ 'le, 'ka 'laa 'bɛ dɔ.”
- 33'Bɛ 'yi, 'ke -yaa' -kɔɔɔɔɔ mu 'ɛ -woo 'eke- -lɔkpaɛ dɔɔ: "Taa- mɛɛ 'ke mu -nwa pɛle nale -a ni ɛɛ?”
- 34'Zesu pɛ -o ni dɔɔ: "'D 'bhle pɛle 'ɛ 'bɛ -le 'ke 'ɲ 'winbɔ- mi 'ɛ 'bɛ zru maza klele 'le, 'bɛɛ- -e ye 'la gbɛkpa- 'ɲ 'kɔɔ 'ke 'ɲ 'bɛ 'lɛyan-.
- 35-Wa pɛ dɔɔ: '-A -vinbwa mlɛ yizie 'bɛɛ- pɛbhaa 'kan bhla 'ɛ bhɔ.' 'Duɲ- 'mi pɛ 'ka ni dɔɔ -ka 'ka 'yɛkpa gba mu 'ɛ ta laale doo, pɛbhaa mu 'ɛ 'tranna-, 'bɛɛ- -o 'kan 'waati =bhwa gban!
- 36'Pɛbhaa 'kan mi 'ɛ, -e -yaa pɛbhaa 'kanle- ma -sra 'srɔɔwo-, 'bɛɛ- -yoo pɛbhaa mu 'ɛ 'lɛkpa- zii' 'eke- ta 'ke -yoo to bole -yɛ ma -si 'la -daɲ' 'laa -o -a ma 'bɛ -zayi'. 'Bɛ klɛgbɛya do 'ɛ 'yi, pɛbɛ bɔ mi 'pegee pɛbhaa 'kan mi 'ɛ -o mɛɛ plɛ zrukpa- 'srɔɔwo- 'eke- zi.

- 37-Amasrōyi, -o -gōon 'la bō dōo: 'Mēē do pēbhē bō, 'bhēē- mēē -bhēēke' do pēbhaa kan.' Wlan -le 'bhē -gōon 'ē 'le.
- 38'Bhē ya 'ē 'yi, 'mi 'ka 'winbwa- pēbhaa 'kanyrē- nōō- gba 'la 'ka 'laa -yrēnbhlele 'bhē 'kpale ma 'bhē 'yi; mēē -bhēēke' mu -le -yrēnbhla 'bhē gba 'ē 'kpale- ma, 'bhēē- 'ka mu -o -trōn 'srōwo zii' -o woyē 'ē ma.”
- 39'Samari mu -bebe -o =kpaā Zesu 'yi 'bhē -wa 'ē ta, le 'ē -jan 'la =woa -o ni 'bhē -zayi' dōo: "'Mi -za 'oo -za mu 'la 'kpen =kla 'elwale gban, -e 'mu 'yipia= 'η ni.”
- 40'Woo- Samari mu 'ē 'bhōle- Zesu -din, 'ke -o -sromabōle -a ni dōo -e bō -o ba ye 'waati sa. -Ayile, 'kee- bole- -o ba -yrekpaa' plē ta 'ezin-.
- 41'Bhē klēle 'tē, 'ke mēē -bhēēke' -bebe 'ē 'kpale Zesu 'yi 'ezin- -a 'gbu 'wojan- mu 'ē ma.
- 42'Woo- mēē mu 'ē pe le 'ē ni dōo: "'Waa 'o 'kpale- -a -yi 'bhi 'wojan- drōḡ 'ē 'bhē ma, 'duḡ- 'woo =kpaā -a -yi, -amasrōyi 'o mōō 'gbu 'a wōjan mu 'ē =maa, 'wa 'yaangwa- 'bhii- 'yele- 'ke 'drunyan 'yi mu 'ē 'Bhee Mi kpataakpa 'ē 'le.”
- 43'Zesu 'yanle -yrekpaa' plē klēlele 'bhē yrē 'ē =nōō, 'kee- gele- Galile 'trē ta.
- 44-Amasrōyi 'yee- 'gbu 'a =pia- dōo: "'Waa -Waanbhaa' -lēla' janwo mi -lēdō' a ma -a 'gbu a 'klēn 'yi.”
- 45-E bhōle 'duḡ- Galile 'klēn 'ē 'yi, 'ke bhē =nōō mēē mu 'ē -wa 'kunle 'elrele. - Amasrōyi Zesu -za mu 'la 'kpen =kla Paki 'fēti 'ē ta Zeruzalemu 'mu 'bhē mu =ya. - Amasrōyi 'bhē mu 'gbu 'yaa- 'bhē 'fēti 'ē ta 'ezin-.
- 46'Zesu =nwa 'ezin- 'tē Kana -wa 'ē ta, Galile 'klēn 'ē 'yi; -e -yi 'niinaa- 'ke -drōō 'le 'elwale 'bhēē- -wa 'ē ta. Yeta mi -gbēnē do -yaa ye, 'bhēē- ga -yaa 'bhē gbe -nē 'ē ma Kapēnōmu.
- 47'Bhēē-, 'yee- yeta mi -gbēnē 'ē -ya male 'kaa Zesu -gwa Zude 'klēn 'ē 'yi, 'bhēē- -e =nwa Galile 'klēn 'ē 'yi, 'kee- gele- 'tēnlē- Zesu ma. 'Bhēē- 'kee- -sromabōle Zesu ni dōo 'bhē ge -a gbe 'ē 'bhee- Kapēnōmu. -Amasrōyi -a gbe 'ē 'yaa- zan klēle 'ke 'siele.
- 48'Zesu pe -a ni 'tē dōo: "'Ka nu bolē 'bhēē- klēle ma 'tanjii ēē? 'Ka 'laa sō 'ka 'kpale 'η 'yi, 'ke 'naa 'sōle- maza mu 'pēgeē 'kpeelēni maza mu klēle 'ka 'yrē ma ēē?”
- 49'Bhē 'yi 'tē, 'ke 'yee- yeta mi 'ē -ya zikpale Zesu ni dōo: "'Mēēzan, 'ē 'zoole-, nu blaale- 'sani 'η gbe -nē 'ē yaa nu galē.”
- 50'Bhē klēle 'tē, 'ke Zesu 'a 'pele 'a ni dōo: "'Ge 'ē ba -lē ma, 'ē 'nē -ya -yrē ma.” 'Bhē =nōō bhē, 'ke 'yee- mēē -ya 'kpale Zesu 'wojan- 'ē 'yi, 'bhēē- 'kee- gele- -a ba -lē ma.
- 51-E -yaa -a ba -lē ma zi 'ē 'lii bhla 'la ba, 'ke -yaa' 'fē 'ē =la yewonē mu 'ē 'nule -a -lēpale, 'bhēē- 'ke -wa pele- -a ni dōo: "'E 'nē -ya -yrē ma!”
- 52'Bhē =nōō bhē, 'ke -yoo -lrōkpale dōo -a 'flē 'yi 'pōōnna- 'waati 'ē -dela ba. 'Bhēē- -wa =pia -a ni dōo 'bhē -kla -yretēbhē bhlo bii 'waati 'ē ba. 'Bhēē- 'waati 'ē ba, -a 'flē 'yi 'la ga 'ē -gwa -a ma.

53'Bhε klele 'tε, 'ke 'yee- -nε dε 'ε -ya 'yaangole dɔɔ Zesu 'a =pia -a ni 'bhεε- 'waati 'ε ba 'kaa: "'E 'nε -ya -yrε ma." -Ayile 'yee- -nε dε 'ε 'pegee -yaa' 'fa =la mu 'ε -o 'kpen -o -kpa Zesu 'yi.

54'Bhε -nε 'ε 'bheeza- 'ε, 'bhε -le =kla Zesu a 'sɔle- maza -tɔmasie -glɔɔn plε mi klele 'le; -a 'san 'kee- go Zude 'klεn 'ε 'yi, 'bhεε- 'kee- nu Galile 'klεn 'ε 'yi.

Zaan 5

1'Bhε blaani 'waati sa 'kanle-, Zuufu mu a 'seri 'feti do -yaa, 'bhεε- Zesu -ja Zeruzalemu 'bhε 'feti 'ε ta.

2-Draa 'nε do -yaa 'yee- Zeruzalemu -wa 'ε 'kpee, 'bhεε- -o -yaa 'bhε sii Zuufu wli 'ε 'yi Betizata. 'Bhε -draa 'nε 'ε yaa- 'fεgwle- 'la 'mlingole -yaa Zeruzalemu zi 'bhε 'wlayrε- 'la -din -o -yaa 'bhε sii '-Bhlaa mu wlayrε'. 'Bhεε- 'kpaane 'soo dɔle -yaa 'yee- -draa 'ε -din.

3'Gadε mu -bebe 'yilale -yaa 'bhε 'kpaane mu 'ε =la: 'e pe -yrε 'wi mu oo, -flugba mu oo, 'bhε 'pegee mεε gaan 'siele- 'mu 'kpen. ((-O 'kpen 'yaa- -yi 'ε 'bhεε- bεenle 'ε magben 'zi.

4-Amasrɔyi -Waanbhaa' a -mlεke' do -yaa zinaa' 'yee- -draa 'ε ba 'waati 'ke ba, 'bhεε- -e -yaa bεen. 'Kee- -yaa -yi 'ε bεen 'waati 'la ba, 'bhεε- 'ke gadε mi 'oo gadε mi 'la 'yaa- bɔ 'a ba 'elwale gadε mu -vin mu 'ε 'lεε, 'bhε gadε mi 'ε 'yaa- bhee.))

5'Bhεε- 'duŋ-, gadε mi do -yaa ye, 'bhε lεε mia do bhε vu ta 'srwaa- 'ke ga -o 'bhε ma.

6'Bhε 'yi, Zesu 'yee- gadε mi 'ε yilale yele, 'bhεε- -ya 'yaangole 'bhii- -yaa' ga 'ε =mwa gban -a ma, 'ke -ya -lrɔkpale dɔɔ: "'Yoo- -a zi 'bhii- 'e 'bhee εε?"

7'Bhε klele 'tε, 'ke 'yee- gadε mi 'ε -ya zikpale Zesu ni dɔɔ: "Mεεzan, mεε 'kedo- 'kpɔ 'laa -o 'η 'kɔɔ, 'ke 'bhε 'η bɔ -yi 'ε ba 'ke -wa bεenle -saan 'waati 'la ba. 'Bhεε- 'ke 'η 'yoo- ge 'zi bɔle -a ba 'waati 'la ba, mεε -bhεεke' do ge bɔle a ba 'mi 'lεε."

8'Bhεε- Zesu pe -a ni 'tε dɔɔ: "'E 'wlen-, 'bhεε- 'e 'yila- -saa 'ε 'si, 'bhεε- 'taawo."

9'Bhε yrε do 'ε =nɔɔ bhe, 'ke 'yee- mεε 'ε 'bheele, 'ke -ya yila- -saa 'ε 'sile, 'bhεε- 'kee- 'taawole. 'Duŋ- 'bhε =kla Zuufu mu a -yitrε' yi 'ε 'bhεε- ma.

10'Bhεε- 'ke Zuufu -kuŋlii mu 'ε -wa pele- 'yee- mεε 'ε ni dɔɔ: "-Yitrε' yi -le -zɔn 'dε! 'Bhεε- -kɔɔa' 'toŋ 'ε ta, 'bhε 'seŋ 'laa -o 'e ni 'kee 'taawo- 'e 'yila- -saa 'ε 'le 'e 'kɔɔ."

11'Bhε 'yi 'tε, 'ke 'yee- mεε 'ε -ya lεkunle -o ni dɔɔ: "Mεε 'la zan 'η 'bheela- 'bhela- 'a =pia 'η ni dɔɔ: "E 'yila- -saa 'ε 'si, 'bhεε- 'e 'taawo'."

12'Bhε klele 'tε, 'ke -wa -lrɔkpale 'kaadɔɔ-: "Mεε 'ε -de 'gbu -le 'a =pia 'e ni dɔɔ: "E 'yila- -saa 'ε 'si, 'bhεε- 'e 'taawo- εε?" "

13'Duŋ- 'yee- mεε 'la 'bheela-, yaa -yaa -a -bhee mi 'ε dɔ. -Amasrɔyi Zesu 'truŋwoa= -zamaa' 'la 'yaa- 'bhε yrε 'ε =nɔɔ 'mu 'ε 'plen-.

- 14'Bhɛ blaan boola 'ɛ zi, 'ke Zesu 'lɛpale 'kɛle- -Waanbhaa' Gba 'Fɛ -Gbɛnɛ 'ɛ =la, 'bhɛɛ- 'ke -ya pele- -a ni dɔɔ: "'E 'trɔnbado doo, 'e 'bheelawoa -zɔn bhe, 'yaa -za 'yɔɔ-klɛle 'ezin-, 'kooko- -za 'bhɛɛke do laa nu 'tɛnlɛ- 'e ma 'ke 'bhɛ 'yɔɔ- -yiya' 'kɛlɛɛ- ni."
- 15'Bhɛ 'yi 'tɛ, 'ke 'yee- mɛɛ 'ɛ -e gele- -a peɛ Zuufu -kuŋlii mu 'ɛ ni dɔɔ mɛɛ 'la zan 'a 'bheela- -o 'bhɛ sii Zesu.
- 16'Bhɛla- -yile, -a 'san 'bhɛ yi 'ɛ ma, Zuufu -kuŋlii mu 'ɛ -o Zesu 'yɛbatedɔle -saan, -amasrɔyi -e 'bhɛ mɛɛ 'ɛ 'bheela- -waa' -yitrɛ' yi do -la ma.
- 17'Duŋ- Zesu pe -o ni dɔɔ: "'D Dɛ -Waanbhaa' -o yewo 'zi 'taŋii 'kee- nu 'tɛnlɛ- -zɔn ma, 'bhɛla- -yile 'mi -o yewo 'zi 'ezin-."
- 18'Bhɛ -jan 'ɛ -zayi', Zuufu -kuŋlii mu 'ɛ 'yaa- deyɛ baan' -glin 'zi, -amasrɔyi -e -yitrɛ' yi 'ɛ 'yisiɛla, 'bhɛɛ- -e -Waanbhaa' 'sii zii' -a Dɛ kpataakpa 'le. 'Bhɛɛ- 'ezin-, -ya 'gbu 'kpa zii' -Waanbhaa' ma, 'ke -ya klɛ 'bhii- -o 'pegee -Waanbhaa' gbalaanya 'ɛ sɔ 'eke- ni.
- 19'Bhɛ klɛle 'tɛ, 'ke Zesu -jan 'ɛ 'sile-, 'bhɛɛ- 'ke -ya pele- -o ni dɔɔ: "'Mi pe 'ka ni 'ŋ 'sɔwɛɛ- ma dɔɔ: -Nɛ 'ɛ yaa sɔ -za 'kɛdo- 'kpɔ klɛle- -a 'gbu 'kɔɔ. 'Ke -ya Dɛ =ya -za 'la klɛyɛ nɔɔ-, -e 'bhɛɛ- klɛ. -A Dɛ -za 'oo -za 'la klɛ, -e 'bhɛɛ- klɛ 'ezin-.
- 20-Amasrɔyi, -Nɛ 'ɛ -za sɔ -a Dɛ ni, 'bhɛla- -zayile, -a Dɛ -o -za 'oo -za 'la klɛ 'zi, 'bhɛ 'gbu 'bhɛ zɔn -a ni. 'Bhɛɛ- 'duŋ-, -e nu -za 'bhɛɛke mu zɔnlɛ -a ni 'ke 'mu gbalaan -yiya' 'kɛ mu 'lɛɛ- ni, 'bhɛɛ- 'mu nu 'ka 'kpeelenilɛ 'ka ma.
- 21-Amasrɔyi, -a Dɛ gbaa mu bwe gale ba gɔnɛ- 'la gbɛɛn-, 'bhɛɛ- -e bole -yɛ ma -si 'na gbɛ drɛɛwo -o ni, 'bhɛ klɛgbɛya do 'ɛ gbɛɛn-, 'ke bole -yɛ -si 'nale- -swa -Nɛ 'ɛ ni mɛɛ 'la zan ni, -e 'bhɛɛ- na 'ezin-.
- 22-Nɛ Dɛ 'ɛ yaa mɛɛ 'kɛdo- 'kpɔ 'kitikan, 'duŋ- -e bhaaplɛŋ mu 'kpen 'kitikanle 'sɛŋ 'naa- -a Gbe 'ɛ ni,
- 23'kooko- mɔkpen' -Nɛ 'ɛ 'lɛdɔ- -a ma 'bhii- -wa Dɛ 'ɛ -lɛdɔ' a ma gɔnɛ- 'la gbɛɛn-. 'Ke mɛɛ 'la zan laa -Nɛ 'ɛ 'lɛdɔ- -a ma, 'bhɛ zan laa -a Dɛ 'la 'bhɛ 'a winbwa- 'bhɛ 'lɛdɔ- a ma 'ezin-.
- 24"'Mi pe 'ka ni 'ŋ 'sɔwɛɛ- 'gbu 'ɛ ma dɔɔ: 'ke mɛɛ 'la zan 'e 'trɔnkpa- 'ŋ 'wojan- mu 'ɛ =la, 'bhɛɛ- 'ke -ya -kpa mɛɛ 'la zan 'ŋ 'winbwa- 'bhɛ 'yi, bole -yɛ ma -si 'la -daŋ' 'laa -o 'bhɛ ma -o 'bhɛ zan 'kɔɔ. Waa nu 'bhɛ zan 'kitikanle, 'duŋ- 'bhɛ zan -gwa ga a pɛ zi 'ɛ ta, -e =wlaa -daŋ' 'laa -o bole -yɛ ma -si 'la ma 'bhɛ 'yi gban.
- 25'Mi pe 'ka ni 'ŋ 'sɔwɛɛ- ma dɔɔ: Gbaa mu nu -Waanbhaa' Gbe 'ɛ 'weli- malɛ 'waati 'la ba 'bhɛ 'waati 'ɛ 'bhɛ -o zan bhɔlɛ, 'bhɛɛ- 'duŋ- 'bhɛ bhla 'ɛ =bhwa gban -zɔn. 'Ke mɛɛ 'la zan mu 'a -weli' 'ɛ =maa, 'bhɛɛ- -e -jan 'kɛla =woa 'ke -o =dwa 'bhɛ =la, 'mu nu bole -yɛ ma -si 'ɛ 'srɔwɔlɛ.
- 26-Amasrɔyi, 'bhɛ 'sɛŋ -o -nɛ Dɛ 'ɛ ni 'kee- bole -yɛ ma -si na mɛɛ mu ni gɔnɛ- 'la gbɛɛn-, -e 'bhɛɛ- yɛkɛ- 'sɛŋ 'naa- -a Gbe 'ɛ ni 'ke 'bhɛ bole -yɛ ma -si na bhaaplɛŋ mu ni 'bhɛɛ- gbɛɛn-.

- 27'Bhɛɛ- 'ezin-, 'η Dɛ bhaaplɛŋ mu 'kitikan 'sɛŋ 'naa- 'mi ni, -amasrɔyi 'mi -le 'ke Bhaaplɛŋ Gbe 'ɛ 'le.
- 28'D 'yoo- zan -jan 'la 'wolɛ- 'ka ni -gɛ bhe 'bhe 'laa klɛɛ 'ka ma 'kpeeleni maza 'le, -amasrɔyi 'waati do -o zan bhɔɛ, mɛɛ 'la zan mu 'kpɛn -gaa gban, 'mu nu Bhaaplɛŋ Gbe 'ɛ 'weli- malɛ.
- 29'Ke 'bhe =kla, 'woo- gbaa mu 'ɛ -o nu 'pwɛɛ- bu mu 'ɛ 'yi. 'Bhe 'yi 'tɛ, -o 'kɛ mu 'la -za 'wlan =kla 'elwale -sɔ, 'mu nu -bweɛ gale ba, 'bhɛɛ- 'mu nu bo gbɛ drɛwɔɛ 'mu yrɛ ma -Waanbhaa' ba. 'Duŋ- -o 'kɛ mu 'la -za 'yɔɔ- mu =kla 'elwale -sɔ, 'mu nu bweɛ gale ba, 'bhɛɛ- -o 'mu 'kitikan.”
- 30'Zesu pe -o ni 'ezin- dɔɔ: "'Naa sɔ -za 'kɛdo- 'kpɔ klɛɛ- 'η 'gbu ma. -Waanbhaa' 'kɛla =woa 'η ni, 'η mɛɛ mu 'kitikan 'bhɛɛ- ta. 'An 'yaango- 'bhii- 'η mɛɛ mu 'kitikan wlan ma, -amasrɔyi, 'naa -o 'η 'gbu zru maza klɛ yrɛ -glin 'zi, 'duŋ- mɛɛ 'la zan 'η 'winbwa- 'η 'bhɛɛ- zan zru maza klɛ 'zi.”
- 31"'Ke 'η 'gbu -o 'η 'gbu 'srɛya- klɛ 'zi, 'η 'gbu a pɛ 'srɛya- 'ɛ 'bhe 'laa -o 'ke wlan 'le.
- 32'Duŋ- mɛɛ -bhɛɛke' do -le 'mi 'srɛya- -kla, 'bhɛɛ- 'an 'yaango- dɔɔ -e 'mi 'srɛya- 'la =kla, 'bhe -o 'ke wlan 'le.
- 33'Ka mɛɛ mu winbwa- Mɛɛ Wiɪŋfɛ' Mi Zaan ba, 'bhɛɛ- -e 'mi 'srɛya- 'la =kla, wlan -le 'bhe 'le.
- 34'Mi maza laa -o bhaaplɛŋ do ma 'ke 'bhe zan 'mi 'srɛya- klɛ; 'duŋ- 'η 'bhe 'pe zii' 'bhe 'pe gbɛya 'ɛ 'yi bhe, 'kooko- 'ka sɔ gole- -za 'yi.
- 35'Zaan -yaa 'bhii- -laŋbha do 'la -wa =bhia, 'bhɛɛ- -yoo mɛɛ mu 'ɛ takan' zii'. 'Bhɛɛ- 'ka -dwa -a -la 'ke 'ka 'ka zrukpala 'waati sa ba -yaa' 'tɛbhile 'ɛ ba.
- 36'Duŋ- pɛ 'la 'bhe -o 'mi 'srɛya- klɛ 'zi, 'bhe gbalaan -yiya' 'ke 'bhe 'kan Zaan 'mi 'srɛya- 'la =kla 'bhe ta. -Amasrɔyi, 'η Dɛ -Waanbhaa' ye mu 'la gbɛkpaa- 'mi 'kɔɔ, 'bhɛɛ- 'ke 'mi -o 'mu 'wo zii' bhe, 'bhe klɛza mu 'ɛ 'mu -le 'a zrɔn 'ka ni 'bhii- 'η Dɛ -Waanbhaa' -le 'mi 'winbwa-.
- 37'Bhɛɛ- 'η Dɛ -Waanbhaa' 'la 'mi 'winbwa- 'bhe 'gbu -le 'mi 'srɛ 'le. 'Bhɛɛ- 'duŋ- 'ka mu 'laa -a -weli' malɛ -lido', 'bhe 'pegee 'ka 'laa 'a wɛyi' 'yɛɛ- -lido'.
- 38'Ka 'laa -yaa' -jan mu 'ɛ 'kpa 'ka 'kpee, -amasrɔyi 'ka 'laa 'ka kpa -e mɛɛ 'la zan winbwa- 'bhe zan 'ɛ 'yi.
- 39'Ka -Waanbhaa' a 'Sɛwɛ mu 'ɛ 'yi jan mu 'ɛ daan 'elrele 'gbu, -amasrɔyi 'ka 'kpee ma, 'ka nu bole -yrɛ ma -si 'la -daŋ' 'laa -o 'bhe ma 'bhe 'srɔwɔɛ 'wola- ma: 'bhɛɛ- 'duŋ-, 'woo- 'sɛwɛ mu 'ɛ 'yi jan mu do 'kpɔ 'ɛ 'wɔɛ- 'mi 'srɛya- klɛ.
- 40'Bhɛɛ- 'ka 'laa -a zi 'ka nu 'mi ba, 'kooko- 'bole -yrɛ ma -si 'la -daŋ' 'laa -o 'bhe ma 'ka 'bhe 'srɔwo-.”
- 41"'Naa -o 'η 'gbu 'tɔbhɔɛya -glin 'zi bhaaplɛŋ mu 'kɔɔ.
- 42'Bhɛɛ- 'duŋ-, 'mi 'gbu 'a 'yaando- 'bhii- -Waanbhaa' a 'sɔniya 'ɛ yaa -o 'ka zru 'ɛ 'yi.

- 43'Mi =nwa 'η Dε 'tɔ 'ε 'bhεε- 'yi, 'bhεε- 'ka laa -o dɔ 'zi -a -la 'ke 'ka 'mi kun 'elrele. 'Duŋ-, 'ke mεε -bhεεke' do =nwa 'bhε 'gbu 'tɔ 'yi, 'ka 'bhε zan 'ε kun 'elrele!
- 44'Bhεε- 'ka sɔ 'ka 'kpale 'η 'yi 'nale- -a ma εε? -Amasrɔyi 'ke 'ka 'eke- 'tɔbhɔ-, 'bhε -le sɔ 'ka ni, 'bhεε- 'tɔbhɔleya 'la da -Waanbhaa' do -kplɛn ba, 'ka mu laa 'bhε ziglin.
- 45'Yaa klɛlɛ 'ka ni 'bhii- 'mi -le nu -lale' 'ka ta 'η Dε -Waanbhaa' -yrɛ =la. 'Ka 'ka 'yrikpaa- Moizi 'la ta, 'bhε -le nu -lale' 'ka ta.
- 46'Ke 'ka 'ka 'kpa bi Moizi 'yi kpataakpa, 'ka 'yaa- nu 'ka 'kpale- 'mi 'yi 'ezin-, -amasrɔyi 'yee- Moizi 'gbu 'mi a -janwoa -yaa' 'sɛwɛ 'ε 'yi.
- 47'Duŋ- 'ke 'ka 'laa 'ka 'kpale- -e -za mu 'la yɔɔndia- 'mu 'yi, 'ka sɔ 'ka 'kpale 'mi 'wojan- mu 'ε 'yi 'nale- -a ma εε?"

Zaan 6

- 1'Bhε blaɛn, 'ke Zesu 'pegee -yaa' -klaŋlanɛ mu 'ε -o 'kanle Galile -draa 'yrɛ gbɛ do 'ε ta. -O -yaa 'bhε -draa 'ε sii 'ezin- Tiberiadi -draa.
- 2'Bhε ya 'ε 'yi, 'ke -zamaa' -gbɛɛ do dɔlɛ- -a zi 'bhε yrɛ 'ε =nɔɔ 'ezin-; -amasrɔyi -o -yaa Zesu 'ye zii' 'sɔlɛ- maza mu klɛyrɛ nɔɔ- 'kee- gadɛ mu 'ε bhee.
- 3'Zesu 'pegee -yaa' -klaŋlanɛ mu 'ε =saan gɔɔn do wiŋŋ-, 'bhεε- 'ke -o yaale' 'bhε =nɔɔ ye.
- 4'Duŋ- Zuufu mu a Paki 'feti 'ε =bhwa gban 'e -din.
- 5'Zesu a ηgblo -lawlɛnle, 'ke -a -yrɛkpale -zamaa' 'srɛ do ma 'ke 'bhε mu -o zan -a ba -yrɛ ta; -ayile 'kee- Filipu 'lrɔkpale dɔɔ: "-Kɔɔ' nu 'sɔlɛ- pele -lɔpɛ' -srɔɔwole 'naa -a ma εε, 'bhεε- -kɔɔ 'a na mεε mu 'lɛε- ni εε?"
- 6-E Filipu 'lrɔkpaa- 'bhε gbɛɛn- bhe, -amasrɔyi, -e -yaa zi 'bhii- -e 'bhε 'liijan- ma; 'kebhlaale, -e -yaa zan -za 'la klɛlɛ, -a 'gbu 'yaa- 'bhε dɔ.
- 7'Bhε klɛlɛ 'tɛ, 'ke Filipu 'a zikpale 'a ni dɔɔ: "'Ali- 'kee yetanɛ a mlɛ 'srwaplɛ- ta -sra 'ε 'kprɛn =wlaa pɛbhle 'yi, 'bhεε- 'kooko- -o 'kprɛn do do 'yee- pɛbhle 'ε sanɛ- sanɛ- bhle, 'bhε 'laa nu -o mabhɔlɛ."
- 8'Bhε =nɔɔ bhe, 'ke -yaa' -klaŋlanɛ 'la -o -yaa 'bhε sii Andre, 'bhεε 'ke 'bhε 'yaa- Simɔ Pieri 'nwagwɛn- 'le bhe, 'bhε pe -a ni dɔɔ:
- 9"'bluu 'yri 'soo 'pegee kaa plɛ -o -nɛ -zwanɛ do 'kɔɔ -gɛ. 'Bhεε- 'bhε mu sɔ -mɛla -yanwole -zamaa' 'srɛ 'lɛε- ma εε?"
- 10'Zesu pe -o ni tɛ dɔɔ: "-Kaa pe mεε mu 'ε ni 'kaa -o yala-". -Bɔn -dɔɔ -bebe 'yaa- 'bhε yrɛ 'ε =nɔɔ. 'Bhεε- -o -yalaa' 'tɛ; 'bhεε- -o ba 'gwlaan- mu 'ε 'yaa- bhɔ 'gwlaan- 'waa 'soo -din (5.000).
- 11'Bhε 'yi 'tɛ, 'ke Zesu 'bluu 'soo 'ε 'sile-, 'kee- -Waanbhaa' 'pubɔle -o ma, 'bhεε- 'ke -ya pele- dɔɔ -woo -yicien' mεε mu 'la 'yaale- -yaa 'trɛ ma 'mu ma. 'Bhεε- -e kaa mu 'ε

'sile-, 'ke -yoo nale- -o ni 'bhe klegbeya do 'e 'yi 'ezin-. -O maza -yaa pele yeke- 'la ma, -o 'kpen 'bhe- 'srɔwoa-.

12-O kpedole -yaan 'waati 'la ba, 'ke Zesu 'a 'pele -yaa' -klanlanε mu 'ε ni dɔɔ: "-Ka 'bluu kpu mu 'la =bwa 'mu 'wloo-, 'kooko- waa sie."

13'Bhe klele 'te, mεε mu 'ε 'yanle- pebhlelele, 'bluu kpu mu 'la =bwa 'woo- 'bluu 'yri 'soo 'ε blaani'; -o 'mu 'wloola-, 'bhe- 'mu =kla cie -ne 'yan vu ta ple.

14'Bhe ya 'ε 'yi, mεε mu 'ε -wa yele 'bhii- Zesu 'bhe 'sole- maza 'ε =kla, 'ke -wa pele- dɔɔ: "Mεε 'lεε- 'yele- 'ke -Waanbhaa' -lela' janwo mi 'la 'yaa- nu nule 'drunyan 'yi 'bhe 'le kpataakpa."

15>Zesu 'a 'yaangole 'bhii- -o -yaa nu -a 'kunle- kpanma, 'bhe- -wa kle 'ke -bhlegbe do 'le, 'kee- gole- -o plen- swen, 'bhe- 'ke -a do -kplen ge gbe drεwole vle gɔɔn 'ε 'wiinj-.

16'Bhe yroma do 'ε zi, 'ke yaa -klanlanε mu 'ε -o gele- -draa 'ε 'le ma.

17'Bhe- 'ke -o 'sanle -yitakon do 'yi, 'bhe- 'ke -o -draa 'ε takanle 'sanle 'ke -o ge Kapenomu -wa 'ε ba yre ta. -Fitrii' =kpaa gban, 'ke Zesu 'laa 'ten -o ma.

18'Dun- -draa 'yi 'ε 'pɔɔ mu 'ε 'yaa- been 'zi, -amasroyi -ploo -gbene do -yaa 'kan zii'.

19-Woo plengole -draa 'ε 'le ma kilo 'srwado- yeke- 'yi 'waati 'la ba, 'ke -o -yrekpale Zesu ma 'ke 'bhe -o 'taawo zii' -yi 'ε ta, 'bhe- 'bhe 'yaa- 'bhe mabeen- 'zi -yitakon 'ε -din; -ayile 'ke -gblaan 'klale -o -yi.

20'Dun- Zesu pe -o ni dɔɔ: "'Mi -le 'kele-, 'ka 'laa -gblaanle!'"

21'Bhe klele 'te, -o -yaa -a zi 'bhii- Zesu 'san -o zi -waa' -yitakon 'ε 'yi. 'Dun- 'bhe yre do 'ε =nɔɔ bhe, 'ke -yitakon 'ε 'bhole- -o -yaa ge 'zi yre 'la =nɔɔ 'bhe =nɔɔ.

22'Bhe yi 'ε ta tooklin- yi 'le, -zamaa' 'ledo- 'la =bwa -draa 'yre gbe do 'ε ta, -wa 'yaangwa- dɔɔ -yitakon do 'kpɔ -le -yaa ye, 'bhe- Zesu 'pegee -yaa' -klanlanε mu 'ε waa gele 'eke- zi 'bhe -yitakon 'ε 'yi; 'dun- -yaa' -klanlanε mu 'ε do -kplen -le -saan 'bhe 'yi 'bhe- -o -ja.

23'Bhe- 'woo- mεε mu 'ε -wa yele 'bhii- -yitakon 'bheke mu -daa Tiberiadi -wa 'ε ta, Meezan -Waanbhaa' 'pubwa- 'bluu mu 'ε ma, 'bhe- -woo =bhla yre 'la =nɔɔ, 'bhe -yitakon mu 'ε =nwa 'bhe 'yre 'ε -din.

24'Bhe- -zamaa' 'yre 'laa 'kpalawole Zesu 'pegee -yaa' -klanlanε mu 'ε ma, 'ke -o bole- 'bhe -yitakon mu 'ε 'yi, 'bhe- 'ke -o gele- Zesu ziglinyε nɔɔ- Kapenomu.

25-O tenle- -a ma -draa 'ε 'yre gbe do 'ε ta, 'ke -wa -lrɔkpale dɔɔ: "'O Daan mi, 'ε =nwa 'waati 'ε -dela ba -ge εε?"

26>Zesu 'a 'lekwan- -o ni dɔɔ: "'Mi pe 'ka ni 'η 'sowεε- ma dɔɔ 'ka 'laa -o 'η ziglin- 'zi 'ka 'sole- maza mu 'la =ya 'mu -zayi', 'dun- 'ka -o 'η ziglin- 'zi win 'la ma 'bhe -le dɔɔ 'ka 'bluu =bhla, 'bhe- 'ka kpedwa-.

- 27'Ka 'laa yewole pele 'la 'bhe -o 'ke 'siepe- 'le 'bhe 'kaama-, 'duŋ- -ka yewo pele 'la 'ke 'bhe mɔ, 'bheε- 'ke 'bhe bole -yre ma -si na mεε ni 'bheε 'kaama-. 'Bhe pele -glɔɔn 'ε Bhaapleŋ Gbe 'ε nu 'bheε- 'nale- 'ka ni. -Amasroyi -a De -Waanbhaa' 'bhe a -glɔɔya' yɔɔn -kpalaa' 'yela- ta.”
- 28'Bhe 'yi bhe 'te, 'ke -o Zesu 'lrɔkpale dɔɔ: "'O -mε pe za -la kle, 'bheε- 'o -Waanbhaa' zru ma ye mu 'ε wo εε?”
- 29'Zesu 'bhe 'lekwan- -o ni dɔɔ: "-Waanbhaa' a zru ma yewole 'ε 'bhe -le 'ke 'ka 'ka 'kpa -e mεε 'la zan winbwa- 'bhe zan 'ε 'yi.”
- 30-O Zesu 'lrɔkpaa- 'ezin- dɔɔ: "'E sɔ 'sɔle- maza 'gbu 'ε -de 'gbu -la klele-, 'bheε- 'ke 'o 'bhe =ya, 'woo kpa 'ε 'yi εε? 'E sɔ -mε za 'gbu -la klele- εε?”
- 31'O -gbɔɔ mu pebhle 'la -wa sii mani 'bhe=bhla -kpe 'ε ta 'bhii- -Waanbhaa' a 'Sewe 'ε -ya -pia gɔnε- 'la gbεen- dɔɔ: '-Yoo -gbaa 'bluu 'la -daa lafle' 'yi 'bheε- ba 'kaa -wa bhle.' “
- 32'Zesu pe -o ni dɔɔ: "'Mi pe 'ka ni 'η 'sɔwεε- ma dɔɔ 'bluu 'la -daa lafle' 'yi Moizi 'laa 'bhe 'nale- 'ka ni. 'Duŋ- 'η De -le 'bluu -zeze 'gbu 'la da lafle' 'yi 'bheε- na 'ka ni.
- 33-Amasroyi -Waanbhaa' 'bluu 'la na bhaapleŋ mu ni, 'bhe -le 'ke mεε 'la zan da lafle' 'yi, 'bheε- -e -si na 'drunyan 'yi mu 'ε ni 'bheε zan 'ε 'le.”
- 34'Bheε klele 'te, 'ke -wa pele- Zesu ni dɔɔ: "'O Daan mi, 'o gba yikpen- ta 'bheε 'bluu 'ε ba.”
- 35'Bheε klele 'te, 'ke Zesu 'a 'pele -o ni dɔɔ: "'Mi -le 'ke 'bluu 'la -si na mεε ni 'bheε 'le. 'Ke mεε 'la zan -nwa 'mi ba, gbɔn laa nu 'bheε zan 'ε dele -titi. 'Bheε- 'ke mεε 'la zan 'ε =kpa 'mi 'yi, -yi 'mi -lrɔ 'laa nu 'bheε zan 'ε dele -titi.
- 36'Mi 'a =pia 'ka ni dɔɔ 'ka 'η =ya, 'bheε- 'duŋ- 'ka 'laa 'ka kpa 'η 'yi.
- 37'Ke 'η De mεε 'oo mεε 'la zan -naa 'η ni, 'bheε zan nu nule 'mi ba. 'Bheε- 'ke mεε 'la zan -nwa 'η ba, 'naa nu 'η -bangole 'bheε zan 'ε 'yi.
- 38-Amasroyi 'naa dale lafle' 'yi 'η 'gbu zru maza kle zayi', 'duŋ- 'η -daa lafle' 'yi 'η 'winbɔ- mi -la zru maza kle zayi'.
- 39'Duŋ- mεε 'la zan 'η 'winbwa-, 'bheε zru maza 'ε 'bheε -le -gε: -Ya zi 'bhii- -e mεε mu 'la 'kpen 'naa- 'η 'ni, 'naa -o do 'kpɔ 'nile-, 'bheε- 'duŋ- 'ke -o 'kpen bwe gale ba 'drunyan 'yan yi 'le.
- 40'D De -Waanbhaa' zru maza 'ε 'yele- -gε: -Ya zi 'bhii- 'ke mεε mu 'la 'kpen -a Gbe 'ε =ya, 'bheε- -woo -kpa -a -yi, 'bheε zan mu 'ε -o bole -yre ma -si 'ε 'srɔwo-; 'bheε- 'mi 'gbu nu -o bwele gale ba 'drunyan 'yan yi 'le.”
- 41'Bheε klele 'te, 'ke Zuufu -kunlii mu 'ε -o Zesu 'topele 'sanle -o -lela', -amasroyi -ya -pia dɔɔ: "'Mi -le 'ke 'bluu 'la -daa lafle' 'yi 'bheε 'le.”
- 42-O -yaa 'pe 'zi dɔɔ: "-εε! Zozefu gbe Zesu 'ε yaa 'kele- εε? 'Wa de 'pegee -a nεε dɔ, -e =kla 'nale- 'bheε- -ya pe 'zi dɔɔ -e -daa lafle' 'yi εε?”

- 43'Bhɛ klɛlɛ 'tɛ, 'kɛ Zɛsu 'a 'lɛkɔnlɛ -o ni dɔɔ: "-Ka 'laa 'ŋ 'tɔpɛlɛ 'ka 'lɛla 'ɛkɛ- plɛŋ-.
- 44'Mɛɛ 'kɛdɔ- 'kpɔ 'laa sɔ nɛlɛ- 'mi ba, 'kɛ 'ŋ Dɛ -Waanbhaa' 'la 'bhɛ 'ŋ 'winbwa- 'bhɛ 'laa 'nɛlɛ- 'bhɛ zan 'ɛ 'lɛ 'mi ba, 'bhɛɛ- 'mi 'a bwe gale ba 'drunyan 'yan yi 'lɛ.
- 45-'Waanbhaa' -lɛla' janwo mu 'ɛ 'kɛ mu -jan 'lɛɛ- 'bhɛ =woa dɔɔ: '-Waanbhaa' nu -o 'kpɛn daanlɛ.' 'Kɛ mɛɛ 'oo mɛɛ 'la zan 'ɛ 'trɔnkpa- 'ŋ Dɛ wojan 'ɛ =la, 'bhɛɛ- 'kɛɛ- -dwa -a -la, 'bhɛ zan 'ɛ nu 'mi ba.
- 46'Yaa klɛlɛ 'bhii- mɛɛ 'kɛ 'ŋ Dɛ -Waanbhaa' =ya, 'kɛ yaa 'ɛ go mɛɛ 'la zan dɔ -kplɛn -daa -Waanbhaa' ba 'bhɛ zan -lɛ 'a =ya.”
- 47'''Mi pɛ 'ka ni 'ŋ 'sɔwɛɛ- ma dɔɔ: 'kɛ mɛɛ 'la zan 'ɛ =kpa- 'mi 'yi, 'bhɛ zan bolɛ -yrɛ ma -si 'la -daŋ' 'laa -o 'bhɛ ma 'bhɛ 'srɔwo-.
- 48'Mi 'gbu -lɛ 'kɛ pɛbhle 'la -si na mɛɛ ni 'bhɛ 'lɛ.
- 49'Elwaleta -sɔ, 'ka -gbɔɔ mu 'ɛ -o -yaa pɛbhle 'la sii mani 'bhɛ bhle -kɛpɛ 'ɛ ta, 'bhɛɛ- 'duŋ- -o -gaa.
- 50'Duŋ- pɛbhle 'la -daa laflɛ' 'yi 'kɛ mɛɛ 'la zan 'bhɛ =bhla, 'bhɛ zan laa nu gale.
- 51'Mi 'gbu -lɛ 'kɛ pɛbhle 'yrɛ male 'la -daa laflɛ' 'yi 'bhɛ 'lɛ. 'Kɛ mɛɛ 'la zan 'bhɛ pɛ 'ɛ =bhla, 'bhɛ zan nu bolɛ 'bhɛ 'yrɛ ma yikpɛnsɛɛ ta 'kɛ -daŋ' 'laa klɛ 'bhɛ ma. 'Bhɛɛ- 'ŋ nu pɛbhle 'la 'nalɛ 'bhɛ zan ni, 'bhɛ -lɛ 'kɛ 'ŋ 'flɛ 'ɛ 'lɛ. 'Mi -o 'ŋ 'flɛ 'ɛ 'na zii', 'kooko- 'drunyan 'yi mu 'ɛ bolɛ -yrɛ ma -si 'srɔwo- 'bhɛ ma.”
- 52'Bhɛ klɛlɛ 'tɛ, 'kɛ Zuufu mu 'ɛ -o -zaabɔlɛ 'sanlɛ 'ɛglɔɔlɛ 'ɛkɛ- plɛŋ-, 'kɛ -wa pɛ dɔɔ: "'Bhɛ sɔ klɛlɛ- 'nalɛ- 'bhɛɛ- mɛɛ 'lɛɛ- sɔ -a 'flɛ 'ɛ 'nalɛ 'o ni 'kaa 'wa 'bhle ɛɛ?'"
- 53'Zɛsu pɛ -o ni 'ɛzin- dɔɔ: "'Mi pɛ 'ka ni 'ŋ 'sɔwɛɛ- ma dɔɔ: 'kɛ 'ka 'laa Bhaaplɛŋ Gbɛ 'ɛ 'flɛ 'ɛ 'bhlelɛ-, 'bhɛɛ- 'kɛ 'ka 'laa -a yien 'mile-, 'ka 'laa nu bolɛ -yrɛ ma -si 'srɔwolɛ 'ka 'gbu 'yi.
- 54'Kɛ mɛɛ 'la zan 'ŋ 'flɛ 'ɛ =bhla, 'bhɛɛ- 'kɛ -yoo 'ŋ yien 'ɛ 'mia-, bolɛ -yrɛ ma -si 'la -daŋ' 'laa -o 'bhɛ ma 'bhɛ -o 'bhɛ zan 'kɔɔ; 'bhɛɛ- 'mi nu 'bhɛ zan 'ɛ bwele gale ba 'drunyan 'yan yi 'lɛ.
- 55-'Amasrɔyi, 'ŋ 'flɛ -yoo 'kɛ pɛbhle -zeze 'gbu 'lɛ, 'bhɛɛ- 'ŋ yien 'ɛ 'bhɛ -o 'kɛ mipɛ -zeze 'gbu 'lɛ 'ɛzin-.
- 56'Kɛ mɛɛ 'la zan 'ŋ 'flɛ 'ɛ =bhla, 'bhɛɛ- 'kɛ -yoo 'ŋ yien 'ɛ 'mia-, 'bhɛ zan bo 'mi 'yi, 'bhɛɛ- 'mi bo 'bhɛ zan 'ɛ -yi 'ɛzin-.
- 57'D Dɛ 'la -yoo 'ŋ 'winbwa- -ya -yrɛ ma, 'bhɛɛ- 'ŋ 'yoo- 'ŋ 'yrɛ ma 'yɛla- 'srɔyi. 'Duŋ- 'kɛ mɛɛ 'la zan 'ŋ 'flɛ 'ɛ =bhla, 'bhɛ zan nu bolɛ 'bhɛ 'yrɛ ma 'mi 'srɔyi.
- 58'Pɛbhle 'la -daa laflɛ 'yi 'yɛlɛ- -gɛ. Yaa -o 'bhii- 'ka -gbɔɔ mu 'kɛla =bhla, 'bhɛɛ- waa bolɛ -yrɛ ma -si 'la -daŋ' 'laa -o 'bhɛ ma 'bhɛ 'srɔwolɛ, 'bhɛɛ- -o -gaa. 'Kɛ mɛɛ 'la zan 'yɛɛ- pɛbhle 'la -daa laflɛ' 'yi 'bhɛ =bhla, 'bhɛ zan nu bolɛ 'bhɛ 'yrɛ ma yikpɛnsɛɛ ta.”
- 59'Zɛsu 'bhɛ -jan mu 'la bhɛ 'mu =woa 'kɛ -yoo Kapɛnɔmu Zuufu mu 'ɛ daanfɛ' 'ɛ =la.

- 60 Zesu 'yanle- 'bhe -jan 'e 'wolele 'te, 'ke -yaa' -klanlanε mu 'ε -bebe 'a 'pele dɔɔ: "-Jan 'lεε- 'bhe -o 'egloole 'de, -dele sɔ dɔle- 'bhe =la εε?"
- 61 'Bhe 'yi, 'ke Zesu 'a 'yaangole 'bhii- -yaa' -klanlanε mu 'ε 'yaa- -a ma janwo 'zi -o -lɛla'. 'Bhɛla- -yile, 'ke -ya pele- -o ni dɔɔ: "'Bhe -jan 'ε =sia 'ka 'yi εε?"
- 62 'Bhεε- 'ka nu -a pele 'nale- -a ma, 'ke 'ka Bhaaplen Gbe 'ε 'sanle =ya 'waati 'la ba, 'ke -yoo ge 'zi -e -yaa yrε =lwa 'la =nɔɔ 'elwale 'bhe =nɔɔ εε?
- 63 -Waanbhaa' Lii 'Wen 'ε 'bhe -le bole -yrε ma -si 'na mεε ni, 'bhεε- bhaaplen laa sɔ -si 'nale bhaaplen ni. 'D -jan mu 'la =woa 'ka ni bhe, 'ka -Waanbhaa' Lii 'Wen 'pegee bole -yrε ma -si 'srɔwo- 'mu -la ma.
- 64 'Duŋ- 'ka 'ke mu laa -o 'mu 'kpa zii' 'mu 'yi." -Amasroyi 'kee- san -yaa' ye 'ε zisan' bhla zi 'ε ma, mεε 'la zan mu laa -yaa nu 'mu 'kpale- -a -yi -e -yaa 'bhe zan mu 'ε dɔ; 'bhεε- mεε 'la zan -yaa nu -dawli' 'kpale- -a gbe ta, 'bhεε- -ya -lena' mεε mu ni; -e -yaa 'bhe zan 'ε dɔ 'ezin-.
- 65 Zesu pe 'bhe trala 'ezin- dɔɔ: "'Bhɛla- -zayile 'mi 'a =pia 'ka ni dɔɔ mεε 'kedo- 'kpo 'laa sɔ nule- 'mi ba, 'ke 'η Dε laa 'bhe 'seŋ 'nale- 'bhe zan 'ε ni."
- 66 -A 'san 'bhe yi 'ε ma, Zesu -a -klanlanε mu 'ε -bebe -o plengwa- -a ma, 'bhεε- waa -yaa ge a zi -li.
- 67 'Bhɛla- -zayile, 'ke Zesu -yaa' -klanlanε vu ta plε 'ε -o -lrɔkpale dɔɔ: "'Ka mu 'lεε, 'ka mu laa -a zi 'bhii- 'ka go 'η zi 'ezin- εε?"
- 68 'Bhe klele 'te, 'ke Simɔ Pieri 'a 'lɛkunle 'a ni dɔɔ: "Mεεzan, 'o nu gele -de 'gbu ba εε? -Jan mu 'la bole -yrε ma -si 'la -dan' 'laa -o 'bhe ma 'bhe na bhaaplen ni 'mu -o 'bhi 'la 'kɔɔ.
- 69 'Bhεε- 'woo =kpaa 'mu 'yi, 'bhεε- 'wa 'yaango- dɔɔ 'bhii- 'bhi -le 'ke -Waanbhaa' Mεε 'Wen 'la =kpaa bhaaplen mu ni 'bhe 'le."
- 70 'Bhe klele 'te, 'ke Zesu 'a zikpale 'a ni dɔɔ: "'Mi -le 'laa 'ka mεε vu ta plε 'ε makunle εε? 'Bhεε- 'duŋ-, 'ka do -o 'ke -Setran' 'le!"
- 71 -E -yaa 'bhe -jan 'ε 'wo zii' Zuda -la ma, Simɔ Isikarioti gbe, -amasroyi 'ali- -e -yaa Zesu a -klanlanε vu ta plε do -la 'le bhe, 'yele- -yaa nu -dawli' 'kpale- Zesu gbe ta, 'bhεε- -ya -lena' mεε mu ni.

Zaan 7

- 1 'Bhe blaani, 'ke Zesu 'kaanle Galile 'kleen 'ε 'yi yrekpen- =nɔɔ. Yaa -yaa -a zi 'bhii- -e ge Zude 'kleen 'ε 'yi, -amasroyi Zuufu -kunlii mu 'ε 'yaa- deyre -glin 'zi.
- 2 'Bhe 'waati 'ε ba, Zuufu mu a 'feti 'la -o -yaa 'bhe sii Tabɛenaki ('bhe 'yi -le dɔɔ 'kpaa =la 'yaaza- 'feti) 'bhe =bhwa gban bi 'e -din,
- 3 'Bhεε- Zesu neene- mu 'ε -o pe -a ni dɔɔ: "Go -gε, 'bhεε- ge Zude 'tre ta, 'kooko- 'yaa- klanlanε mu 'la -woo 'bhe yrε 'ε =nɔɔ ye, 'mu 'e kleza mu 'ε ye 'ezin-.

- 4'Ke mɛɛ 'la zan -a zi 'bhii- mɛɛ mu 'a dɔ, 'bhe zan laa -za mu kle gaanyi'. 'E 'sɔle-maza mu 'la kle 'zi bhe, 'e 'gbu zrɔn mɛɛ mu ni, 'kooko- mɔkpen' 'e ye.”
- 5'Zesu nɛɛnɛ- mu 'ɛ 'yaa- 'bhe -jan -glɔɔn 'ɛ 'wo zii' -a ni, amasrɔyi 'mu 'laa -yaa 'e kpa a -yi.
- 6'Bhe 'yi 'te, 'ke Zesu 'a -lɛkunle -o ni dɔɔ: "-Waanbhaa' 'waati 'la -dwa 'mi ni, 'bhe 'laa bhɔle -li; 'bhɛɛ- 'duɲ- 'waati 'ɛ 'kpen -o 'elrele 'ka mu ma.
- 7'Drunyan ta mɛɛ mu 'ɛ waa sɔ 'ka mu mafinyanwole, 'duɲ- -o 'mi mafinyanwo, - amasrɔyi 'mi -o -a pe 'zi dɔɔ -o kleza mu 'ɛ -woo 'eyɔɔle.
- 8'Ka mu, -ka ge 'yee- 'feti 'la bhe -a ta. 'Mi 'laa nu gele -a ta, -amasrɔyi 'an pɛ 'waati 'ɛ yaa bhɔle -li.”
- 9-E yanle 'bhe -jan mu 'ɛ 'wolele -o ni, 'kee- bole- Galile 'kleɛn 'ɛ 'yi.
- 10'Zesu nɛɛnɛ- mu 'ɛ gele blaɛn Zeruzalɛmu Tabɛɛnaki 'feti 'ɛ ta, 'ke 'yee- Zesu 'gbu gele 'yee- 'feti 'ɛ ta 'ezin-. 'Duɲ- yaa 'gbu mazrɔnle mɛɛ 'kedo- 'kpɔ ni, 'bhɛɛ- -a gaanle =bwa.
- 11'Zuufu -kuɲlii mu 'ɛ 'yaa- -a ziglin- 'zi 'bhe 'feti 'ɛ ta, 'bhɛɛ- 'ke -wa pe dɔɔ: "-Yoo 'naa- ma ɛɛ?”
- 12-Zamaa' 'ɛ 'pleɲ- mɛɛ mu 'ɛ 'yaa- zaabɔ 'zi -a ba zayi'. Mɛɛ 'ke mu -yaa pe 'zi dɔɔ: "Mɛɛ wlan -le 'kele-." 'Bhɛɛ- -a 'ke mu -yaa pe 'zi dɔɔ: "Wlan laa 'ke 'bhe 'le, -e mɛɛ mu 'ɛ 'ni zii'.”
- 13'Duɲ- mɛɛ 'kedo- 'kpɔ 'laa -yaa -janwo' zii' -a ma 'eglɔɔle, -amasrɔyi -o 'kpen 'yaa- -gblaɛn 'zi Zuufu -kuɲlii mu 'ɛ 'lɛɛ.
- 14'Feti 'ɛ =bhwa -a dreyi' bhla 'la ba, 'ke Zesu gele- wlale -Waanbhaa' Gba 'Fɛ -Gbɛnɛ 'ɛ =la, 'bhɛɛ- 'kee- mɛɛ mu daanle 'sanle.
- 15'Bhe ya 'ɛ 'yi, Zuufu -kuɲlii mu 'ɛ 'kpeelenia -o ma, 'bhɛɛ- -woo 'eke- -lrɔkpale -saan dɔɔ: "-E =kla 'nale- 'bhɛɛ- 'yee- 'gwlaɛn- 'lɛɛ- -e -Waanbhaa' a 'Sewɛ 'ɛ dɔ 'bhe gbɛɛn-gee' ɛɛ, -amasrɔyi yaa 'sewe daanle -laklu 'yi?”
- 16'Bhe klele 'te, 'ke Zesu 'a 'zikpale -o ni dɔɔ: "'An pɛ mɛɛ daangbeya 'ɛ 'bhe 'laa da 'mi ba, 'duɲ- 'bhe da -Waanbhaa' 'la 'mi 'winbwa- 'bhɛɛ- ba.
- 17'Ke mɛɛ 'la zan -a zi 'bhii- 'bhe -Waanbhaa' zru maza kle, 'ke 'an pɛ mɛɛ daangbeya 'ɛ da -Waanbhaa' ba oo, 'kee- da 'ɲ 'gbu a -glɔɔya' -la ba oo, 'bhe zan nu 'bhe dɔle.
- 18'Ke mɛɛ 'la zan -o -janwo' zii' -a 'gbu a -glɔɔya' ma, -ya 'gbu 'tɔbhɔyre -la glin. 'Duɲ- 'ke mɛɛ 'la zan -o mɛɛ 'la zan 'a 'winbwa- 'bhe 'tɔbhɔyre -glin 'zi, 'bhe zan wlan pe, 'bhɛɛ- bhla maza do 'kpɔ 'laa -o -a -yi.
- 19'Moizi -le 'laa 'Toɲ 'ɛ 'nale- 'ka ni ɛɛ? 'Bhɛɛ-, 'duɲ- 'ka 'kedo- 'kpɔ 'laa 'yee- 'Toɲ 'ɛ 'klɔsikun. -Mele -kla 'bhɛɛ- 'kaa- zi 'bhii- 'ka 'mi dɛ ɛɛ?”

- 20'Bhɛ klɛlɛ 'tɛ, 'kɛ -zamaa' 'ɛ -ya -lɛkɛnle dɔɔ: "Lii -yɔɔ' -o 'ɛ zi! -Dele 'ɛ dɛyrɛ -glin 'zi ɛɛ?"
- 21'Zesu pɛ -o ni dɔɔ: "'Mi 'sɔlɛ- maza do 'kpɔ 'la -kla, 'bhɛɛ- 'bhɛ -lɛ 'ka 'kpɛn 'kpeelɛnia 'ka ma!
- 22'Moizi 'kaa -nɛ 'gwlaan- mu wlaza 'klɛn 'yi 'toŋ 'ɛ -dwa 'ka ni bhɛ, 'bhɛɛ- 'duŋ- 'bhɛ 'klɛn 'yi 'wlaza- 'toŋ 'ɛ 'bhɛ 'laa 'sanlɛ- 'yɛɛ- Moizi ma, 'bhɛ zisaan- -kɔɔ' -gbɔɔ mu -la ma. 'Ali- -yitrɛ' yi ma, 'ka dɔ -a -la 'kɛ 'kaa -nɛ 'gwlaanɛ- mu wla 'klɛn 'yi.
- 23'Kɛ 'ka sɔ -nɛ 'gwlaan- do wlalɛ- 'klɛn 'yi -yitrɛ' yi 'ɛ ma, 'kɛ 'bhɛ 'laa Moizi a 'Toŋ 'ɛ 'yisilɛ-, -mɛlɛ -kla 'bhɛɛ- 'ka -o 'ka zruplii- 'zi 'mi ma, -amasrɔyi 'mi mɛɛ do -bheela -yitrɛ' yi 'ɛ ma ɛɛ?
- 24'Ka 'laa mɛɛ mu 'kitikanlɛ -o dɔgbɛya ma, -ka mɛɛ mu 'kitikan -lɛdɔɔlɛya -la ma."
- 25'Zeruzalɛmu -wa 'ɛ ta mu 'ɛ 'kɛ mu -yaa pɛ 'zi dɔɔ: "Waa -yaa 'yɛɛ- mɛɛ 'lɛɛ- 'yelɛ- dɛyrɛ glin 'zi ɛɛ?
- 26-Ka 'ka 'yɛkpa doo, -yoo -janwo' zii' mɔkɛn' 'yɛ ma kpataakpa, 'bhɛɛ- mɛɛ 'kɛdo- 'kpɔ 'laa sɔ -jan 'kanlɛ -a -lɛ ma! Taa- 'o -kuŋlii mu 'ɛ -wa =ya wlan ma 'bhii- 'yelɛ- 'kɛ Mɛɛ -Bhɛɛ Mi -Kpɔsɔɔ Krisi 'ɛ 'lɛ ɛɛ?
- 27'Mɛɛ 'lɛɛ-, 'o mɔɔ 'a dayɛ dɔ; 'bhɛɛ- 'duŋ-, 'kɛ Mɛɛ -Bhɛɛ Mi -Kpɔsɔɔ Krisi 'ɛ =nwa, mɛɛ 'kɛdo- 'kpɔ 'laa nu 'bhɛ dayɛ 'ɛ dɔlɛ."
- 28'Bhɛ =nɔɔ bhɛ 'tɛ, Zesu 'yaa- mɛɛ mu 'ɛ daan 'zi bhla 'la ba -Waanbhaa' Gba 'Fɛ -Gbɛnɛ 'ɛ =la, 'kɛ -ya pɛlɛ- 'ɛglɔɔlɛ dɔɔ: "'Ka 'mi dɔ ɛɛ? 'Bhɛɛ- 'ka 'mi dayɛ 'ɛ dɔ ɛɛ? 'Duŋ- 'naa 'nule- 'ŋ 'gbu ma, 'bhɛɛ- mɛɛ 'la zan 'ŋ 'winbwa- 'bhɛ zan -o 'kɛ wlan pɛ mi 'lɛ. 'Ka 'laa 'bhɛ dɔ.
- 29'Mi 'duŋ- 'a dɔ, -amasrɔyi 'ŋ da 'zi 'a -din, 'bhɛɛ- 'yelɛ- 'mi 'winbwa-."
- 30'Zesu 'bhɛ 'pɛlɛ- bhɛ, -o -yaa -a zi 'bhii- -wa 'kun. 'Duŋ- mɛɛ 'kɛdo- 'kpɔ 'laa 'a 'kunlɛ-, -amasrɔyi -yaa pɛ 'waati 'ɛ 'bhɛ 'laa bhɔlɛ -li bi.
- 31'Duŋ- -zamaa' 'ɛ 'plɛŋ- mɛɛ -bebe 'ɛ -kpaɛ -a -yi, 'bhɛɛ- -o -yaa pɛ 'zi dɔɔ: "'Kɛ Mɛɛ -Bhɛɛ Mi -Kpɔsɔɔ Krisi 'ɛ =nwa, -ɛ nu 'sɔlɛ- maza -bebe klɛlɛ 'kɛ 'bhɛ kan mɛɛ 'lɛɛ- ta ɛɛ?"
- 32-Zamaa' 'ɛ 'yaa -jan 'la 'wo zii' -o -lɛla' Zesu ba zayi', Farizi mu 'ɛ 'bhɛ =maa. -Ayilɛ 'kɛ 'sraka 'lɛna -kuŋlii' mu 'ɛ 'pɛgɛɛ Farizi mu 'ɛ -o -Waanbhaa' Gba 'Fɛ -Gbɛnɛ 'ɛ gooba mu 'ɛ 'kɛ mu winbɔlɛ Zesu 'kunyɛ- nɔɔ-.
- 33'Bhɛ klɛlɛ 'tɛ, 'kɛ Zesu 'a 'pɛlɛ dɔɔ: "'D 'yoo- 'ka -din -sɔ 'waati sa, 'bhɛɛ- 'ŋ nu gɛlɛ mɛɛ 'la zan 'ŋ 'winbwa- 'bhɛ ba.
- 34'Ka nu 'ŋ ziglinlɛ, 'bhɛɛ- 'duŋ- 'ka 'laa nu 'ŋ 'yelɛ-; -amasrɔyi 'ŋ nu klɛlɛ yɛ 'la =nɔɔ 'ka 'laa sɔ gɛlɛ- 'bhɛ =nɔɔ."

- 35'Bhε ya 'ε 'yi, 'ke Zuufu -kunlii mu 'ε -wa pele- 'eke- ni dɔɔ: "-E nu geλε yre 'ε -dela nɔɔ- 'bhεε- 'waa sɔ -a yeλε- εε? -E nu geλε Zuufu mu 'la 'kaan- 'eke- ma, 'bhεε- -o -ja Greki mu 'ε 'pleη- 'mu -la ba, 'bhεε- -e Greki mu 'ε daan εε?"
- 36-E -jan 'la 'wo zii' dɔɔ: "Ka nu 'η ziglinε, 'bhεε- 'ka 'laa nu 'η 'yeλε-; -amasrɔyi 'η nu kleλε yre -ne 'la =nɔɔ 'ka 'laa nu 'sɔλε- gele- 'bhε =nɔɔ.' 'Bhε 'yi -o 'nale- εε?"
- 37'Feti 'ε 'yan yi 'ε 'bhε -le -yaa yi -gbene 'gbu 'ε 'le. 'Bhε -yi 'ε 'le, Zesu dulale 'la 'yaa- -zamaa' do -lεε 'ke -ya pele- 'eglɔɔle dɔɔ: "'Ke -yi 'mi -lrɔ -o mεε 'la zan dε 'zi, 'bhε zan nu 'mi ba 'bhεε- -e -yi mi.
- 38"Ke mεε 'la zan 'ε =kpa'a 'mi 'yi, yue mu 'la 'ke -o -yi 'ε bole -yre ma -si na mεε ni, 'mu nu -yrole' 'bhε zan 'ε 'kpee'. 'Bhii- -a yɔɔndeλε -o -Waanbhaa' a 'Sεwe 'ε gɔne- 'la gbεen- bhe."
- 39Zesu 'yaa- -we 'zi Lii 'Weη 'la 'ke mεε 'la zan mu -o -kpa'a 'yee- Zesu 'gbu 'yi 'mu 'yaa- nu 'bhε 'srɔɔwole 'bhεε- 'le. 'Bhε 'waati 'ε ba, 'ke -Waanbhaa' laa Lii 'Weη 'ε 'nale- -li bhaapleη mu ni; -amasrɔyi 'bhε kle 'ke yaa Zesu 'silε- -li 'kee- ge 'bhε 'le 'tɔbhɔleya yre 'ε =nɔɔ lafle' 'yi.
- 40-Zamaa' 'ε Zesu 'wojan- 'ε 'male-, 'ke mεε 'ke mu 'a 'pele dɔɔ: "Mεε 'lεε- 'yeλε- kpataakpa -o -Waanbhaa' -lεla' janwo mi 'la 'nuza- =woa 'bhε 'le!"
- 41-A -lεdo' -yaa pe 'zi 'ezin- dɔɔ: "Mεε -Bhee Mi -Kpɔsɔɔ 'ε 'yeλε- 'kele-!" 'Bhεε- -a 'ke mu -yaa pe 'zi dɔɔ: "Mεε -Bhee Mi -Kpɔsɔɔ 'ε sɔ dale Galile 'tre -la ta εε?"
- 42-A pele laa -o -Waanbhaa' a 'Sεwe 'ε 'yi dɔɔ Mεε -Bhee Mi -Kpɔsɔɔ Krisi 'ε 'nu kleλε 'ke -bhleηgbe Davidi 'nranε- -la -le, 'bhεε- -e nu dale Betelemu -wa 'la 'bhε -o 'yee- Davidi 'gbu =ya -wa 'le bhe 'bhεε- ta."
- 43'Bhε ya 'ε 'yi bhe, -zamaa' 'ε -yicienna Zesu -zayi'.
- 44-Zamaa' 'ε 'pleη- mεε 'ke mu -yaa zi 'bhii- -wa 'kun, 'duη- mεε 'kedo- 'kpɔ 'laa 'kunε- .
- 45'Bhε ya 'ε 'yi, 'ke 'woo- -Waanbhaa' Gba 'Fε -Gbene 'ε gooba mu 'ε -o niinale 'sraka 'lena -kunlii mu 'ε 'pegee Farizi mu 'ε ta. 'Bhεε- 'ke 'mu -o -lrɔkpale dɔɔ: "-Mele -kla 'ka 'laa 'nule- 'kele- εε?"
- 46'Bhε kleλε 'te, 'ke 'woo -Waanbhaa' Gba 'Fε -Gbene 'ε gooba mu 'ε -wa -lekunle -o ni dɔɔ: "'Waa 'bhε 'yansi mεε a -janwogbeyaya yeλε- -lido' 'bhii- 'yee- mεε 'lεε- gbεen-!"
- 47-Ayile 'ke Farizi mu 'ε -wa pele- -o ni dɔɔ: "'Ka mu 'a =twa 'bhεε- -e 'ka mu -yinia 'ezin- εε?"
- 48'Kaa =maa dɔɔ 'waa -kunlii mu 'ε do 'kpɔ 'ε =kpa'a -a -yi, taa- Farizi mu 'ε do 'kpɔ 'ε =kpa'a -a -yi εε?"
- 49'Bhεε- -zamaa' 'la -woo 'kpa zii' -a -yi, waa Moizi a 'Tonη mu 'ε dɔ, -o 'kpen -o 'ke 'dangan ma mεε mu 'le!"

50'Bhɛɛ- 'duŋ-, 'woo- Farizi mu 'la 'yaa- ye -o -yaa -o do 'sii Nikodemu; 'bhɛ -le -ja 'elwale gban -sɔ Zesu ba. 'Bhɛ pe -o ni dɔɔ:

51"-Kɔɔa 'toŋ 'ɛ ta, -kɔɔ' sɔ -kpan baale mɛɛ do ta, 'ke -kɔɔ' 'laa -a -liijan' male 'elwale 'pe ɛɛ? 'Bhɛɛ- 'kee- -za 'la =kla, 'ke -kɔɔ' 'laa 'bhɛ dɔɔɛ 'pe ɛɛ?"

52'Bhɛ klɛle 'tɛ, 'ke -wa pele- 'bhɛ ni dɔɔ: "'Bhi da 'ezin- Galile 'klɛn 'yi -a ma ɛɛ? Ge -Waanbhaa' a 'Sɛwɛ 'yiglin- 'elrele doo, 'e nu -a yeɛ 'bhii- -Waanbhaa' -lɛla' janwo mi 'kedo- 'kpɔ 'laa dale -lido' Galile 'klɛn 'yi."

((53'Bhɛ blaɛn, -o yanle -janwolele, -o 'kpen -o -wlɛnna, 'bhɛɛ- 'ke -o jilale -o ba -lɛ ma do do.

Zaan 8

1'Duŋ- Zesu -ja -o -yaa vlɛ gɔɔn 'la sii 'Olivi diiŋ vlɛ gɔɔn' 'ɛ 'bhɛ 'wiijŋ.

2'Bhɛ ta tooklin- yi 'ɛ 'le zɔwan 'tutu 'ɛ zi, 'kee- niinale-Waanbhaa' Gba 'Fɛ -Gbɛnɛ 'ɛ =la Zeruzalɛmu -wa 'ɛ ta. 'Bhɛɛ- 'ke mɛɛ mu 'ɛ 'kpen 'nule -a -din. -Ayile, 'kee- yaale' 'bhɛɛ- 'ke -yoo daanle 'sanle.

3'Zesu 'yaa- 'bhɛ klɛ 'zi 'waati 'la ba, 'ke 'Toŋ Daan mu 'ɛ 'pegee Farizi mu 'ɛ -o nule- gwɛn -wɛɛ le do 'le 'a ta. -O pe dɔɔ -o 'yee- le 'ɛ =kwan 'gwlaan- -la. -O nule 'bhɛ le 'ɛ 'le, 'ke -wa dulale -o 'kpen 'pleŋ-.

4'Bhɛɛ- 'ke -wa pele- Zesu ni dɔɔ: "'O Daan mi, 'o le 'lɛɛ- =kwan 'gwlaan- -la.

5'Moizi a 'Toŋ 'ɛ ta, -ya =pia 'o ni dɔɔ 'o kpoti 'pa 'bhɛ le -gɔɔn mu 'lɛɛ- ma 'bhɛɛ- 'woo- dɛ, 'bhɛɛ- 'bhi pe 'bhɛ 'yi 'nale- ɛɛ?"

6-O 'bhɛ 'pia- 'bhɛ gbɛn- bhe, 'kooko- -o -jan bhee kpala' -a 'lɛɛ, 'bhɛɛ- -o sɔ -a 'kunle -a 'gbu 'liiwli- ma. 'Duŋ- Zesu 'e ŋgblo kulale, 'kee- 'sɛwɛɛle 'sanle 'trɛ ma -a gbɛ -nɛbhe' do 'le.

7-O -yaa -a matɛdɔ 'zi -a -lrɔkpale 'le bhe, 'ke -ya ŋgblo -lawɛnle, 'bhɛɛ- 'ke -yoo -lrɔkpale dɔɔ: "'Ke 'ka 'pleŋ- mɛɛ 'la zan 'gbu laa -za 'yɔɔ- klɛle -lido', 'bhɛ zan kpoti 'ɛ 'pa -a ma 'elwale 'pe."

8'Bhɛ blaɛn, 'ke Zesu 'e ŋgblo kulale, 'bhɛɛ- 'kee- 'sɛwɛɛle 'sanle 'trɛ ma 'ezin-.

9-O 'bhɛ -jan 'ɛ 'male-, ('bhɛ 'lalawoa -o nii- 'ɛ ma) 'ke -o 'kpen jilale do do 'ke 'bhɛ san -o ba 'gwlaan- gbɛn mu 'ɛ ma, 'ke 'bhɛ ge 'tenɛ- -waa' -zwanne mu 'ɛ ma. 'Bhɛɛ- Zesu do -kplɛn 'kpɔ 'pegee 'yee- le 'ɛ 'wole- =bwa -a nɔɔ- ye.

10'Bhɛ klɛle 'tɛ, 'ke Zesu 'e ŋgblo -lawɛnle, 'bhɛɛ- 'kee- 'yee- le 'ɛ 'lrɔkpale dɔɔ: "'Mɛɛ 'la zan mu -yaa -la 'zi 'ɛ ta, -woo 'naa ɛɛ? Mɛɛ 'kedo- 'kpɔ 'laa bole 'ke 'bhɛ -kpan baale 'ɛ ta ɛɛ?"

11'Yee- le 'ɛ pe Zesu ni dɔɔ: "'Ōn ōn, Mɛɛzan, mɛɛ 'kedo- 'kpɔ 'laa bole 'ke 'bhɛ -kpan balaa' 'ŋ ta." 'Bhɛɛ- Zesu pe -a ni dɔɔ: "'Mi 'duŋ- 'naa nu -kpan baale 'ɛ ta 'ezin-, 'ɛ sɔ gele- 'ɛ ba -lɛ ma; 'duŋ- 'yaa -za 'yɔɔ- -bhɛɛke' do 'kpɔ klɛle 'ezin-.'"))

- 12'Bhε blaan, 'ke Zesu -janwole 'ezin- mεε mu 'ε 'ni dɔɔ: "'Mi -le 'ke 'drunyan 'ε ta 'tεbhile 'le. 'Ke mεε 'la zan -dwa 'η zi, 'tεbhile 'la bole -yre ma -si na mεε ni 'bhε zan nu 'bhε 'srɔɔwole, 'bhεε- yaa nu 'taawole -gblo 'yi -titi."
- 13'Bhε klele 'tε, 'ke Farizi mu 'ε -wa pele- -a ni 'kaa: "'E do -kplɛn kpɔ -le 'srɛya- kle 'zi 'e 'gbu ba zayi', 'bhεε- 'e -jan 'la 'wo zii' 'e 'gbu ma, 'bhε 'laa -o 'ke wlan 'le."
- 14'Bhε ya 'ε 'yi 'tε, 'ke Zesu 'a zikpale -o ni dɔɔ: "'Ali- 'ke 'η 'yoo- 'η 'gbu 'srɛya- kle 'zi 'η 'gbu ba zayi', 'bhε -o 'ke wlan 'le. -Amasrɔyi 'mi 'η dayrε 'pegee 'η geyrε dɔ. 'Duɲ- 'ka mu laa 'mi dayrε 'pegee 'η geyrε dɔ.
- 15'Ka mu, 'ka mεε mu 'kitikan bhaaplɛɲ 'kungbeyā -la ma; 'duɲ- 'mi 'laa mεε 'kedo- 'kpɔ 'kitikan.
- 16'Bhεε- 'duɲ-, 'ke 'η mεε mu 'kitikaan, 'an 'kiti 'ε -yoo wlan ma 'kiti -la -le. -Amasrɔyi 'η do -kplɛn 'laa -o mεε mu 'kitikan zii'; 'duɲ- 'η Dε 'la 'bhε 'η 'winbwa- 'bhε -o 'η ba 'ezin-.
- 17-A yɔɔndele -o 'kaa- 'toɲ 'sεwε 'ε 'yi dɔɔ 'ke mεε plε =kla -za do 'srε 'le, -wa pe dɔɔ 'bhε -za 'ε 'bhε -o 'ke wlan 'le.
- 18'Mi -o 'srɛya- kle 'zi 'η 'gbu ba zayi', 'bhεε- 'η Dε 'la 'bhε 'η 'winbwa- 'bhε -o 'η 'srɛya- kle 'zi 'ezin-."
- 19'Bhε klele 'tε, 'ke -o Zesu 'lrɔkpale dɔɔ: "'E Dε -o 'naa -a ma εε?" 'Bhεε- Zesu 'bhε zikpaa- -o ni 'kaa: "'Ka 'laa 'mi dɔ, 'bhεε- 'ka 'laa 'η Dε dɔ 'ezin-. 'Ke 'ka 'mi dɔ bi, 'ka 'yaa- nu 'η Dε dɔlε 'ezin-."
- 20>Zesu 'bhε -jan mu 'ε =woa 'ke -yoo mεε mu 'ε daan 'zi bhla 'la ba -Waanbhaa' Gba 'Fε -Gbεnε 'ε =la. -A dulale -yaa -koonε mu 'la -o -Waanbhaa' gbapε mu 'ε bɔ 'mu 'yi 'mu -din. 'Bhεε- 'duɲ-, mεε 'kedo- 'kpɔ 'laa -a 'kunlε-, -amasrɔyi -yaa' pe 'waati 'ε 'bhε 'laa bhɔlε -li bi.
- 21>Zesu pe -o ni 'ezin- dɔɔ: "'D 'yoo- zan gele, 'bhεε- 'ka nu 'η ziglinlε. 'Duɲ- 'ka mu nu gale 'kaa- -za 'yɔɔ- 'ε 'yi. 'Ka 'laa sɔ gele- 'η ge 'zi yrε 'la =nɔɔ 'bhε =nɔɔ."
- 22-E 'bhε 'pelawoa bhe, 'ke Zuufu mu 'ε -wa pele- 'eke- ni dɔɔ: "'Taa- -e gele- -a 'gbu dεlε εε? -Amasrɔyi -ya pe 'zi dɔɔ: "'D gele- yrε 'la =nɔɔ, 'ka 'laa sɔ gele- 'bhε =nɔɔ.' "
- 23'Bhε klele 'tε, 'ke Zesu 'a zikpale -o ni dɔɔ: "'Ka mu da 'trε ta -gε, 'duɲ- 'mi da laanima. 'Ka mu -o 'ke 'drunyan 'lεε- 'bhε a pε 'le, 'duɲ- 'mi 'laa -o 'ke 'drunyan 'lεε- 'bhε a pε 'le.
- 24'Bhεla- -zayile, 'mi pe 'ka ni dɔɔ 'ka nu gale 'kaa- -za 'yɔɔ- mu 'ε 'yi. -Amasrɔyi 'ke 'ka 'laa 'ka 'kpale- -a -yi 'bhii- 'an =pia dɔɔ: "'D 'yoo- 'ke mεε 'la zan 'D 'yoo 'ke 'bhε 'le kpataakpa.' 'Ka nu gale 'kaa -za 'yɔɔ- mu 'ε 'yi."
- 25'Bhε klele 'tε, 'ke -o Zesu 'lrɔkpale dɔɔ: "'Bhε bhla 'ε ba, -dele 'bhi 'le εε?" Zesu 'a 'lεkwan -o ni dɔɔ: "-A 'san -a zisan' bhla zi 'ε ma, 'η 'yoo- 'ke mεε -glɔɔn 'la 'le, 'η 'bhε 'pia- 'ka ni.

- 26'Do so -jan -bebe 'wole 'ka ba zayi', 'bhe- 'η so 'ka 'kitikanle -za -bebe ma. 'Duη- mē 'la zan 'mi 'winbwa- 'bhe wlan -la pe, 'bhe- 'η -za 'la -daanna -a ba, 'η 'bhe- 'wo zii' 'drunyan 'lē- 'yi mē mu 'ε ni."
- 27'Zuufu mu 'ε waa 'bhe -jan 'ε 'yimale 'kaa -e -yaa -we 'zi -a Dε -Waanbhaa' -la -le.
- 28-Ayile 'ke Zesu 'a 'pele -o ni dō: "'Ke 'ka Bhaapleη Gbe 'ε 'lawlenna 'waati 'la ba, 'ka nu -a 'yaangole 'bhii- 'mi -le 'ke 'D 'yoo- kpataakpa mē 'la zan 'D 'yoo 'ke 'bhe- 'le'. 'Ka nu 'a 'yaangole 'ezin- 'bhii- 'naa -za 'kedo- 'kpō kle 'η 'gbu 'kō: 'η Dε -Waanbhaa' 'η -daanna -za 'la 'le, 'η 'yoo- 'bhe- 'wo zii' 'ka ni 'te.
- 29'Mē 'la zan 'η 'winbwa- 'bhe -o 'η ba; 'bhe 'laa 'η do -kplenne' 'tole- a nō- 'le, -amasroyi -za 'la so -a ni 'η 'bhe- kle 'tanji."
- 30'Zesu 'yaa- -janwo' zii' 'bhe gbēen- bhe, 'ke mē -bebe -o 'kpale 'a -yi.
- 31'Zesu pe Zuufu mu 'la -woo -kpa -a -yi 'mu ni dō: "'Ke 'ka blōle =bwa 'η 'wojan- mu 'ε ma, 'ka nu klele 'an -klanlanε mu -zeze mu 'gbu -la -le.
- 32'Bhe klegbeya 'ε 'yi, 'ka nu wlan dōle -Waanbhaa' ba zayi', 'bhe- 'ke 'ka 'bhe wlan 'ε -dwa 'bhe nu 'ka bole 'ka 'gbu ma."
- 33'Bhe klele 'tε, 'ke -wa pele- Zesu ni dō: "'O mō -o 'ke Abraamu 'srē mu 'le, 'waa klele -lido' mē 'kedo- 'kpō a lu mu 'le. -E -kla 'nale- 'bhe- 'ya 'pe zii' 'o ni dō: "Ka nu bole 'ka 'gbu ma ε?" "
- 34-Ayile 'ke Zesu 'a zikpale -o ni dō: "'Mi pe 'ka ni 'η 'sōwε- ma dō 'ke mē 'oo mē 'la zan -za 'yō- kle, 'bhe zan -o 'ke -za 'yō a lu 'le.
- 35'Bhe- 'ka 'gbu 'a 'yaango- 'bhii- waa lu do kpa 'tanji -yoo 'fε 'la =la 'bhe 'fa -la mu 'ε ba. 'Duη- 'fezan- 'ε gbe 'ε, 'bhe -o 'yee- 'fε 'ε =la mu 'ε baan' 'le 'tanji.
- 36'Ke Bhaapleη Gbe 'ε 'ka =twa 'ka 'gbu ma, 'ka nu klele =klō mu -zeze 'gbu 'le.
- 37'Mi 'a 'yaango- 'bhii- 'ka -o 'ke Abraamu 'srē mu 'le. 'Duη- 'ka mu -a zi' 'bhii- 'ka 'mi dε, -amasroyi 'ka 'laa -o dō 'zi 'η 'wojan- mu 'ε =la.
- 38'D -za 'la =ya 'η Dε 'kō, 'η 'yoo- 'bhe- -janwo' zii' 'ka ni. 'Bhe- 'duη- 'ka mu, 'ka -jan 'la =maa 'ka dε ta, 'ka -o 'bhe- kle 'zi."
- 39'Bhe klele 'tε, 'ke -wa -lekunle Zesu ni dō: "Abraamu -le 'o mō -gbō 'le." 'Bhe- Zesu 'a zikpale -o ni dō: "'Ke 'ka 'yaa- kle bi Abraamu 'srē mu 'le kpataakpa, 'ka 'yaa- nu Abraamu kleza mu 'ε klele.
- 40'Ka -o -a zi 'bhii- 'ka 'mi dε -zōn, 'mi 'la 'η wlan 'la -daanna -Waanbhaa' ba 'bhe- 'ke 'η 'bhe =pia 'ka ni bhe. Abraamu 'duη- laa 'bhe 'yansi za klele!
- 41'Ka -o 'ka dε kleza mu -la kle 'zi." 'Bhe 'yi, 'ke -wa zikpale Zesu ni dō: "'O mō laa -o 'ke -naazine mu 'le, 'o Dε -o do 'kpō, 'bhe -le 'ke -Waanbhaa' 'le."

- 42 Zesu pe -o ni 'ezin- dɔɔ: "'Kee- 'kpa bi -Waanbhaa' -o 'ka Dɛ 'gbu 'le bhe, 'η -za -yaa nu 'sɔle- 'ka ni. -Amasrɔyi 'η =daa 'yela- ba, 'bhɛɛ- 'η 'yoo- -gɛ 'yela- 'srɔyi. 'Naa 'nule- 'η 'gbu ma, 'duŋ- 'yele- 'mi 'winbwa-.
- 43 -Mɛle -kla 'bhɛɛ- 'ka 'laa -o 'η 'wojan- mu 'ɛ 'yima zii' ɛɛ? -Amasrɔyi 'ka 'laa -o -a zi 'ke 'ka dɔ 'η 'wojan- mu 'ɛ =la.
- 44 'Ka dɛ -le 'ke -Setran' 'le, 'bhɛɛ- 'ka -o -a zi 'ke 'kaa zru maza -la kle. -Yoo 'tanjii mɛɛ dɛ mi 'le. Yaa dulale -lido' wlan ta, -amasrɔyi wlan do 'kpɔ laa -o -a 'kpee -titi. 'Ke -yoo bhla pe 'zi, -e -janwo' -a 'gbu dɔgbeya 'ɛ 'bhɛɛ- zi; -amasrɔyi -yoo 'ke bhla pe mi 'le, 'bhɛɛ- 'yele- 'ke bhla 'ɛ dɛ 'le.
- 45 'Mi 'duŋ-, 'mi -o wlan -la 'pe zii' 'ka ni, 'bhɛla- -yile 'ka 'laa -o 'ka 'kpale 'mi 'yi.
- 46 'Ka ba, 'ka -dele sɔ a zɔnle- dɔɔ 'η -za 'yɔɔ =kla ɛɛ? 'Bhɛɛ- 'ke 'η 'yoo- wlan pe 'zi, -mɛla ma 'ka 'laa -o 'ka 'kpale 'η 'yi ɛɛ?
- 47 'Ke mɛɛ 'la zan da -Waanbhaa' ba, 'bhe zan 'e 'trɔnkpa- -yaa' -jan mu 'ɛ =la 'elrele. 'Duŋ- 'ka mu laa da -Waanbhaa' ba, 'bhɛla- -yile 'ka 'laa -o dɔ 'zi -a -la 'ke 'ka 'ka 'trɔnkpa 'η ni 'elrele."
- 48 'Bhe klele 'tɛ, 'ke Zuufu mu 'ɛ -wa -lɛkunle Zesu ni dɔɔ: "'Zoo 'laa -o 'o zi 'ke 'wa pe 'kaa 'yoo- 'ke Samari mi 'le, 'bhe 'pegee lii -yɔɔ do -o 'e zi ɛɛ?"
- 49 Zesu 'bhe zikpaa- -o ni dɔɔ: "'Lii -yɔɔ laa -o 'η zi. 'Duŋ- 'η 'yoo- 'η Dɛ -lɛdɔ' 'zi -a ma, 'bhɛɛ- 'ka mu laa -o dɔle- -a -la 'ke 'ka 'mi 'lɛdɔ- -a ma.
- 50 'Mi, 'mi 'laa -o 'η 'gbu 'tɔbhɔyɛ -glin 'zi. Mɛɛ do 'kpɔ -le 'tɔbhɔleya -glin 'zi 'mi ni, 'bhɛɛ- 'bhe -le 'mi ta janwo.
- 51 'Mi pe 'ka ni 'η 'sɔwɛɛ- ma dɔɔ: 'ke mɛɛ 'la zan 'η 'wojan- mu 'ɛ 'klɔsikwan 'bhe zan laa nu gale -titi."
- 52 'Bhe klele 'tɛ, 'ke Zuufu mu 'ɛ -wa pele- Zesu ni dɔɔ: "'O 'kpale -o -a -yi -zɔn 'tɛ 'bhii- lii -yɔɔ' do -o 'e zi! Abraamu -gaa, 'bhɛɛ- -Waanbhaa' -lɛla' janwo mu 'ɛ -gaa, 'bhɛɛ- 'mi pe dɔɔ: "'Ke mɛɛ 'la zan 'e 'wojan- mu 'ɛ 'klɔsikwan, 'bhe zan laa nu gale -titi.'
- 53 'O -gbɔɔ Abraamu -gaa, 'bhi 'kpee ma 'e gbilaan -yiya' 'bhe ni ɛɛ? 'Bhɛɛ- -Waanbhaa' -lɛla' janwo mu 'la -gaa bhe 'ezin-, 'yoo- 'e 'gbu kle 'zi mɛɛ -glɔɔn 'ɛ -dɛla -le ɛɛ?"
- 54 'Bhe klele 'tɛ, 'ke Zesu 'a zikpale -o ni dɔɔ: "'Ke 'η 'yoo- 'η 'gbu 'tɔbhɔ zii' bi, 'an 'tɔbhɔleya 'ɛ -yoo bhaama. 'Duŋ- mɛɛ 'la zan -o 'η 'tɔbhɔ zii', 'bhe -le 'ke 'η Dɛ 'le, 'bhɛɛ- 'kaa pe 'bhɛɛ- ma dɔɔ: 'O Dɛ!
- 55 'Bhɛɛ- 'duŋ-, 'ka 'laa -a dɔ. 'Mi 'duŋ- 'a dɔ. 'Ke 'an 'pe bi 'kaa 'naa -a dɔ, 'η 'yaa- nu klele 'ke bhlanii- 'le 'bhii- 'ka mu gbɛen-. 'Duŋ- 'mi 'a dɔ kpataakpa, 'bhɛɛ- 'mi -yaa -jan mu 'ɛ 'klɔsikun.
- 56 'Ka -gbɔɔ Abraamu zrukpalaa 'egbɛnele -e -yaa nu 'η 'nu yi 'ɛ 'yelawole bhe 'bhe -zayi'; -e 'bhe yi 'ɛ =ya 'bhɛɛ- -a zrukpalaa."

57'Bhē klēle 'tē, 'ke Zuufu mu 'e -wa pele- -a ni dōō: "'E lēē -lii 'laa lēē mia plē bhē vu bhōle -li, 'bhēē- 'e pe dōō 'e Abraamu =ya ēē?"

58'Zesu pe -o ni dōō: "'Mi pe 'ka ni 'η 'sōwēē- ma dōō 'sani- Abraamu 'yale- plēη-, 'mi 'yaa- gban 'η 'yre ma 'bhē 'lēē."

59'Bhēla- -yile 'tē, 'ke -o kpoti mu 'sile, 'bhēē- 'ke -wa pele- dōō -o 'mu 'pale 'a ma. 'Duη- Zesu 'nile- -o plēη-, 'keē- 'pwele -Waanbhaa' Gba 'Fē -Gbēē 'ē =la, 'bhēē- 'keē- jilale.

Zaan 9

1'Zesu 'kan bhla 'ē zi, 'keē- mēē do yele-: 'keē- 'san -o 'bhē ya, 'bhē 'yre 'wile- -yaa.

2'Zesu a -klanlanē mu 'ē -wa -lrōkpaa dōō: "'O Daan mi, -mele -kla 'bhēē- -o mēē 'lēē- 'yaa- -a -yre 'wile- 'le ēē? 'Bhē -daa -a 'gbu -za 'yōō- mu 'la =kla 'mu -la ba taa-, 'bhē -daa -a yape mu 'ē 'mu -za 'yōō- 'la =kla 'bhē -la ba ēē?"

3'Zesu 'bhē zikpaa- -o ni dōō: "-Wa -yaa -a -yre 'wile- 'le, 'bhē 'laa dale -a 'gbu a -za 'yōō- mu 'ē ba, 'bhē 'pegee 'bhē 'laa dale 'ezin- -a dē 'pegee -a nēē a -za 'yōō- mu 'ē ba; 'duη- -wa -yaa 'bhē gbēēn- bhe, 'kooko- -o sō -Waanbhaa' a -glōōya' 'ē 'yele kpataakpa.

4'Waati 'la ba 'ke -yrekpaa' 'tēbhile -o -a nōō- -li, -yoo 'ke -za 'le 'ke 'η mēē 'la zan 'η 'winbwa- 'η 'bhē a ye mu 'ē 'wo. 'Kebhlaale, 'ke -bi =pwa 'waati 'la ba mēē 'kedo- 'kpō 'laa nu 'sōle- yewole.

5'D 'yoo- 'waati 'la ba 'drunyan 'lēē- 'yi, 'η 'yoo- 'drunyan 'yi mu 'ē waa 'tēbhile -la -le."

6'Zesu 'yanle 'bhē -jan mu 'ē 'wolele, 'ke -ya -liile' 'klaale 'trē ma, 'keē- -pēē sanē- klēle- 'bhē 'le. 'Bhēē- 'keē- 'bhē -pēē 'ē -glōōle' 'yee- -yre 'wi mi 'ē 'yre ta.

7'Bhēē- 'ke -ya pele- -a ni dōō: "Ge 'e wleyi' 'fē mēē 'fē Siloe -draa 'nē 'ē ba ('Siloe 'bhē 'yi -le dōō: '-O mēē 'la zan winbwa-')." 'Bhē klēle 'tē, 'ke 'yee- -yre 'wi mi 'ē -e gele- -a wleyi' 'fēle- 'bhē -yi 'ē ba, 'bhēē- -a nu bhla 'ē zi, 'keē- yre ma yele-.

8'Bhē klēle 'tē, 'yee- mēē 'ē yaayōōn' mu 'ē 'pegee mēē 'la zan mu 'a =ya 'elwale -sō pe -yrewo' yre nōō- mēē mu ma, 'ke 'mu 'a 'pele dōō: "'Yee- mēē 'lēē- 'yela- yaale laa -yaa -ge 'keē- pē mu -yrewo' mēē mu ma ēē?"

9'Mēē 'ke mu -yaa pe 'zi dōō: "'Yele- 'kēle-!" 'Bhēē- mēē -bhēēke' mu -yaa pe 'zi dōō: "'On on, 'yee- laa 'kēle-, -o 'pwele- -o 'eke- 'le." 'Duη- 'yee- mēē 'ē 'gbu 'yaa- pe 'zi dōō: "'Mi -le 'kēle-."

10'Bhē 'yi 'tē, 'ke -wa 'gbu 'lrōkpale dōō: "'Ya -kla 'nale- 'bhēē- 'ē 'yrebhē- mu 'ē 'liiploola ēē?"

11-E pe -o ni 'tē dōō: "-O mēē 'la zan sii Zesu, -e -pēē sa -kla 'bhēē- -e 'bhē -pēē 'ē -glōōla 'η 'yrebhē- mu 'ē ta, 'bhē blaān, 'ke -ya pele- 'η ni dōō: 'Ge 'e wleyi' 'fē Siloe mēē 'fē -draa 'nē 'ē ba'. 'D -ja 'bhēē- =nōō 'tē, 'ke 'mi 'η wleyi' 'fēle, 'bhēē- 'η yre ma =ya 'bhē blaān."

- 12'Bhε klele 'tε, 'ke -wa -lrɔkpale dɔɔ: "'Bhεε- -a 'gbu -o 'naa- ma εε?" 'Bhεε- 'ke -ya zikaple -o ni dɔɔ: "'Naa 'a geyrε dɔ."'
- 13'Bhε klele 'tε, 'ke -o gele- 'yee- mεε 'la zan -yrε 'wile- -yaa 'elwale -sɔ -a -le Farizi mu 'ε ba.
- 14'Bhεε- 'duŋ-, Zesu -pεε 'ε =kla, 'bhεε- -e 'yee- mεε 'ε 'yrε 'liiploola Zuufu mu a -yitre' yi do -la ma.
- 15'Bhεla- -zayile, 'ke 'woo- Farizi mu 'ε -o 'yee- mεε 'ε 'lrɔkpale 'ezin- dɔɔ -e =kla 'nale- 'bhεε- -e -swa yrεma ye- -zɔn. 'Bhε klele 'tε 'ke -ya pele- -o ni dɔɔ: "-E -pεε sa -glɔɔla 'ŋ 'yrεbhε- mu 'ε ta, 'bhεε- 'ŋ -ja 'ŋ wleyi' 'fεε-; 'bhε blaana, 'bhεε- 'ŋ 'swa- yrεma ye-."'
- 16-O 'bhε 'male- 'tε, 'ke Farizi mu 'ε 'ke mu 'a 'pele dɔɔ: "Mεε 'lεε- yaa da -Waanbhaa' ba, -amasrɔyi yaa -kɔɔ -yitre' yi 'ε 'klɔsikun." 'Duŋ- -o 'ke mu 'a =pia dɔɔ: "-Za 'yɔɔ- kle mi do sɔ 'bhε 'sɔle- maza -glɔɔn mu 'ε klele- 'nale- -a ma εε?" -Ayile -o -yicienna -le ple 'bhε -za 'ε 'yi.
- 17'Bhε blaana sa 'ezin-, 'ke 'woo- Farizi mu 'ε -o 'yee- mεε 'ε 'lrɔkpa gbε drεεwole dɔɔ: "Mεε 'la zan 'ε 'yrε 'liiploola 'bhi pe -a ma 'nale- εε?" 'Bhε klele 'tε, 'ke -ya -lɛkunle -o ni dɔɔ: "-Waanbhaa' -lɛla' -janwo' mi do -le."'
- 18'Duŋ- Zuufu -kunlii mu 'ε waa -yaa -a zi 'bhii- -woo 'kpa 'a -yi 'bhii- 'yee- mεε 'ε 'yrε 'wile- -yaa 'elwale -sɔ, 'bhεε- -a -yrε 'liiploola -zɔn. 'Bhεla- -yile 'ke -wa dε 'pegee -a nεε 'siile, 'bhεε- 'ke 'mu 'nule.
- 19'Bhεε- 'ke -o 'mu 'lrɔkpale dɔɔ: "'Ka gbε 'ε 'yele- -gε εε? 'Ka pe dɔɔ 'ka 'yela- -yaa -a -yrε 'wile- 'le εε? -E -kla 'nale 'bhεε- -e yrεma ye 'zi -zɔn εε?"'
- 20'Bhε klele 'tε, 'ke -a yapε mu 'ε -wa -lɛkunle -o ni dɔɔ: "'O mɔɔ 'a 'yaango- 'bhii- 'o gbε 'ε 'yele- -gε, 'bhεε- 'wa 'yaango- 'bhii- 'wa 'yaa- 'ke -a -yrε 'wile- 'le.
- 21'Duŋ- -za 'la =kla 'bhεε- -e yrεma ye 'zi -zɔn 'waa 'bhε dɔ. 'Bhεε- mεε 'la zan -a -yrε 'liiploola, 'waa 'bhε zan 'ε dɔ 'ezin-. -Kaa 'gbu 'lrɔkpa doo, matruŋ 'laa 'kele- -li, -a 'gbu nu 'sɔle- 'bhε -za 'ε 'yipele 'ka ni!"'
- 22-A yapε mu 'ε 'yaa- -gblaana 'zi Zuufu -kunlii mu 'ε 'lεε, 'bhεla- -yile -o -janwoa 'bhε gbεen- bhe. -Amasrɔyi 'woo- Zuufu -kunlii mu 'ε -wa -kpaa gban bi do ma 'ke mεε 'la zan 'a =pia dɔɔ Zesu 'ke Mεε -Bhee Mi -Kpɔsɔɔ Krisi 'ε 'le, -o nu 'bhε zan 'ε -gbinlε' -waa' daanfε' 'ε =la.
- 23'Bhεla- -zayile, 'yee- mεε 'ε 'yapε- mu 'ε pe dɔɔ: "Matruŋ 'laa 'kele-, -kaa 'gbu 'lrɔkpa doo, -e nu 'sɔle- 'bhε -za 'ε 'yipele 'ka ni!"'
- 24'Farizi mu 'ε -o 'yee- mεε 'la 'yrε 'wile- -yaa 'elwale -sɔ, 'bhε 'sii gbε ple mi =woa, 'bhεε- 'ke -wa pele- -a ni dɔɔ: "'Tɔbhɔleya na -Waanbhaa' ni, 'bhεε- wlan pe -a -yrε ma -gε. 'O mɔɔ 'kpale- -o -a -yi 'bhii- 'yee- mεε 'lεε- -yoo 'ke -za 'yɔɔ- kle mi do 'le."'

- 25'Yee- mɛɛ 'ɛ -ya zikpaa- -o ni dɔɔ: "'Ke -yoo 'ke -za 'yɔɔ- klɛ mi 'le oo, 'ke yaa -o 'ke -za 'yɔɔ- klɛ mi 'le oo, 'naa 'bhɛ dɔ. 'Duŋ- 'mi -za do 'kpɔ 'la 'bhɛ dɔ, 'bhɛ -le dɔɔ 'ŋ 'yɾɛ 'wile- -yaa, 'bhɛɛ- 'ŋ yɾɛma ye 'zi -zɔn."
- 26-Wa -lrɔkpaa 'ezin- dɔɔ: "-E -mɛ pɛ za -la -kla 'e ni ɛɛ? -Yee' 'yɾɛ 'liiploola 'nale- ɛɛ?"
- 27'Bhɛ klɛle 'tɛ, 'ke -ya -lɛkunle -o ni dɔɔ: "'D 'bhɛ =pia gban 'ka ni, 'bhɛɛ- 'ka 'laa dɔle -a =la 'ke 'ka 'ka 'trɔnkpa 'ŋ ni. -Mɛle -kla 'kaa- zi 'bhii- 'ŋ 'bhɛ 'pɛ gbɛ drɛɛwo 'ka ni 'ezin- ɛɛ? Taa- 'kaa- zi 'bhii- 'ka klɛ -yaa' -klaŋlanɛ mu 'ke mu 'le 'ezin- ɛɛ?"
- 28'Bhɛ 'yi 'tɛ, 'ke -wa -zwanwole, 'bhɛɛ- 'ke -wa pele- -a ni dɔɔ: "'Bhi -le 'ke 'yee- mɛɛ 'ɛ -yaa -klaŋlanɛ 'le! 'Bhɛɛ- 'duŋ-, 'o mɔɔ -o 'ke Moizi a -klaŋlanɛ mu -la -le.
- 29'Wa 'yaango- dɔɔ -Waanbhaa' -janwoa Moizi ni; 'duŋ- 'yee- mɛɛ 'la bhe 'waa -a dayɾɛ dɔ!"
- 30'Bhɛ klɛle 'tɛ, 'ke 'yee- mɛɛ -ya -lɛkunle -o ni dɔɔ: "'Kpeeleni maza -le -gɛ 'dɛ! 'Ka pɛ dɔɔ 'ka 'laa -a dayɾɛ dɔ, 'bhɛɛ- 'duŋ-, -e 'mi 'yɾɛ 'liiploola.
- 31-Kɔɔ' 'kpɛn 'a 'yaango- 'bhii- -Waanbhaa' laa 'e 'trɔnkpa- -za 'yɔɔ- klɛ mu ni, 'duŋ- 'ke mɛɛ 'la zan -gasikpa -a -lɛɛ, 'bhɛɛ- 'bhɛ 'a zru maza klɛ, -ya 'trɔnkpa- 'bhɛɛ- zan 'a 'seri 'ɛ =la.
- 32-A 'san 'drunyan zisan' bhla zi ma, 'kee- nu 'tɛnlɛ- -zɔn ma, -kɔɔ' 'laa 'male- -lido' 'kaa mɛɛ do -yaa -a -yɾɛ 'wile- 'le, 'bhɛɛ- mɛɛ -bhɛɛke' do 'a 'yɾɛ 'liiploola.
- 33'Ke 'yee- mɛɛ 'lɛɛ- yaa -yaa da -Waanbhaa' ba bi, yaa -yaa nu 'sɔlɛ- -za 'kɛdo- 'kpɔ klɛle-."
- 34'Bhɛ klɛle 'tɛ, 'ke 'woo- Farizi mu 'ɛ -wa pele- 'yee- mɛɛ 'ɛ ni dɔɔ: "-A 'san 'e 'ya yi ma, 'e 'gbutru 'ɛ 'kpɛn -o -za 'yɔɔ- 'yi; 'bhɛɛ- 'ya zi 'bhii- 'yoo daan -zɔn ɛɛ? -Ayile 'tɛ, 'ke -wa -gbinle' -o daanfɛ' 'ɛ =la."
- 35'Zesu 'a 'malawoa 'kaa Farizi mu 'ɛ -o 'yee- mɛɛ 'ɛ -gbian -o plɛŋ-, 'kee- gele- -a ziglinlɛ, 'bhɛɛ- -ya yele, 'ke -ya -lrɔkpale dɔɔ: "'Yee kpa Bhaaplɛŋ Gbe 'ɛ 'yi ɛɛ?"
- 36'Ke 'yee- mɛɛ 'ɛ Zesu 'lrɔkpale dɔɔ: "-Dele 'kele- ɛɛ Mɛɛzan, 'bhɛɛ- 'ŋ sɔ 'ŋ 'kpale -a -yi ɛɛ?"
- 37'Bhɛɛ- Zesu 'a =pia -a ni dɔɔ: "'E 'yɾɛ -o 'yela- ma -gɛ, 'yele- -janwo' zii' 'e ni -gɛ."
- 38'Bhɛ klɛle 'tɛ, 'ke -ya pele- Zesu ni dɔɔ: "Mɛɛzan, 'mi 'ŋ =kpaa 'e 'yi." 'Bhɛ ya 'ɛ 'yi, 'ke -ya 'kpɔ zɛnlɛ- Zesu 'lɛɛ-, 'bhɛɛ- 'kee- 'bhɛ gbale-.
- 39'Zesu pɛ -a ni dɔɔ: "'D =nwa 'drunyan 'lɛɛ- 'yi 'kiti do -la 'kanyɾɛ- nɔɔ-; 'kooko- -yɾɛ 'wi mu yɾɛ ma ye, 'bhɛɛ- mɛɛ 'la zan mu -yɾɛ 'wile- laa -o, 'mu zan mu klɛ -yɾɛ 'wi mu 'le."
- 40'Farizi 'ke mu 'la dulale 'yaa- -a -din 'bhɛ 'waati 'ɛ ba, 'mu 'trɔnbɔle 'bhɛ -jan 'ɛ 'yi, 'ke -o Zesu 'lrɔkpale dɔɔ: "'O mɔɔ -o 'ezin- -yɾɛ 'wi mu 'le ɛɛ?"

⁴¹Zesu 'bhe 'lekwan- -o ni doo: "'Kee- 'kpa bi 'ka -o 'ke -yre 'wi mu 'le, -za 'yoo- -kpan 'laa -yaa nu baale 'ka ta, 'kaa -za 'yoo- klele -zayi'. 'Dun- 'kaa 'pelawo zii' doo: "O yre ma ye'. 'Bhela- -zayile 'kiti -o 'ka ma 'kaa- -za 'yoo mu 'e -zayi'."

Zaan 10

¹Zesu pe -o ni doo: "'Mi pe 'ka ni 'sowee- ma doo 'ke mee 'la zan laa wlale -bhlaa mu a wele- 'e 'lii, 'bhee- 'kee- -saan wele- 'e ma yre -bheeke' =noo, 'bhee- -e -zinaa' wele- 'e 'kpee, 'bhe zan 'e 'bhe -o 'ke -faannii' do 'pegee mee de mi do -la -le.

²Dun- 'ke mee 'la zan -kaan wele- 'e 'lii, 'bhe zan 'e 'bhe -le 'ke -bhlaa mu 'e gooba mi 'gbu 'e 'le.

³-Bhlaa mu a wele- tagbin- mi 'e, 'bhe wele- 'e 'liigo- 'yee- -bhlaa gooba mi 'e ni. 'Bhee- -bhlaa mu 'e -wa -weli' 'e ma; 'bhee- -e -yaa' -bhlaa mu 'e 'kpen sii do do -o 'to ma, 'bhee -e pwe -o -le 'peeli-.

⁴'Kee- -yaan -yaa' pe -bhlaa mu 'e 'kpen 'pwelele bhla 'la ba, 'bhee- -e do 'mu -lee, 'bhee 'mu do -a zi -amasroyi 'mu 'a 'weli- 'e do.

⁵Dun- waa mee 'la zan do, waa nu dole 'bhe zan 'e zi, -amasroyi waa a -weli' 'e do; 'bhela- -yile -o nu blasanle 'bhe zan 'e ma 'egboonle."

⁶Zesu 'bhe -goon 'la =woa -o ni bhe, 'dun- waa 'bhe 'yimale.

⁷Zesu pe -o ni 'ezin- doo: "'Mi pe 'ka ni 'n 'sowee- ma doo 'mi -le 'ke -bhlaa mu a wele- 'e 'lii 'le.

⁸Mee 'la zan mu 'kpen =nwa 'mi 'lee, 'mu -o 'ke -faannii' mu 'pegee mee de mu 'le; 'dun- -bhlaa mu 'e waa -o 'tronkpale -o ni.

⁹'Mi -le 'bhii- 'felii 'e 'le, 'ke mee 'la zan -wlaa 'bhe 'felii 'e =noo, 'bhe zan nu gole -za 'yi. 'Bhe zan nu 'sole- wlale, 'bhee- -e pwe, 'bhee- -e nu -a le pe -sröwole.

¹⁰-Faannii' 'e yaa nu bhaama, 'ke yaa 'e go -faanwole 'pegee mee dele -la ba, 'bhee- pe 'sieza- 'kaama-. 'Dun- 'mi =nwa, 'koko- bhaapleng mu 'e -o bole -yre ma -si 'sröwo-, 'bhee- 'yee- -si 'e pa -o -yi 'kee- kan a -dan' ta.

¹¹'Mi -le 'ke -bhlaa mu gooba mi kplankplan 'e 'le. 'Bhee- -bhlaa mu gooba mi wlan 'e -dwa a -la 'ke -ya niigo -a 'gbu 'si 'e 'yi -yaa' -bhlaa mu 'e ni.

¹²Dun- mee 'la zan yewo -goli' ma, 'bhe zan 'laa -o 'ke -bhlaa gooba mi kplankplan 'e 'le. 'Bhee- -yaa' pe 'laa 'ke -bhlaa mu 'e 'le, 'bhela- -yile 'ke -a -yrekpa sröpe do ma 'ke 'bhe -o zan -a ta, -e blasan, 'bhee- -e -bhlaa mu 'e to sröpe 'e 'koo. 'Bhee- sröpe 'e nu banle 'yee- -bhlaa mu 'e 'ke ta, 'bhee- -a -vin mu 'e kan 'eke- ma.

¹³'Yee- -goli' ma yewo mi 'e blasan sröpe 'e 'lee, -amasroyi -e yewo -goli' do -kplenne' -la ma, 'bhee- yaa a 'ngamiwo -bhlaa mu 'e ma.

¹⁴'Mi -le 'ke -bhlaa gooba mi kplankplan 'e 'le. 'Mi 'an pe -bhlaa mu 'e do, 'bhee- 'an pe -bhlaa mu 'e -woo 'mi do.

- 15'Bhii- gɔnɛ- 'la gbɛɛn-, 'η Dɛ -Waanbhaa' 'mi dɔ, 'bhɛɛ- 'mi 'yee- 'η Dɛ -Waanbhaa' dɔ 'ezin-. 'Mi 'η 'niigo- 'η 'gbu 'si 'ɛ 'yi 'an pɛ -bhlaa mu 'ɛ ni.
- 16-Bhlaa 'bhɛɛke mu -o 'η 'kɔɔ 'ezin-, 'bhɛ mu laa -o -bhlaa mu yi wɛɛ- 'lɛɛ- 'yi. -Yoo 'ke -za 'le 'ke 'η dɔ 'mu 'lɛɛ 'bhɛɛ- 'η ge 'mu 'le. 'Bhɛ mu nu 'η 'weli- 'ɛ malɛ, 'bhɛɛ- -o 'pegee 'kɛ mu 'lɛɛ- -o nu 'klalɛ- 'eke- ba, 'bhɛɛ- -o klɛ -bhlaa 'lɛdɔ-, 'bhɛɛ- -bhlaa gooba mi dɔ 'kpɔ -la dɔle nu klɛɛ -o -lɛɛ.”
- 17'''D -za sɔ 'η Dɛ -Waanbhaa' ni, -amasɔyi 'mi 'η 'niigo- 'η 'gbu 'si 'ɛ 'yi, 'kooko- 'an 'srɔɔwo gbɛ drɛɛwo 'ezin-.
- 18Mɛɛ 'kɛdɔ- 'kpɔ 'laa sɔ 'η -si 'ɛ 'sile, 'duŋ- 'η 'gbu -le 'η si 'ɛ 'na zii' ga ni 'η 'gbu zru ma. 'Bhɛ ya 'ɛ 'yi, -a 'sɛŋ -o 'η ni 'ke 'an na ga ni, 'bhɛɛ- -a 'sɛŋ -o 'η ni 'ke 'η sɔ a 'kunle ga 'kɔɔ 'ezin-. 'D Dɛ -Waanbhaa 'a =pia 'η ni 'kaa 'an klɛ 'bhɛɛ- gbɛɛn-.”
- 19Zesu a -jan mu 'ɛ Zuufu mu 'ɛ 'yicienna 'ezin-.
- 20-O -bebe -yaa pe 'zi dɔɔ: "Lii -yɔɔ' -o -a zi! -A ŋgblo -wlenna! -Mela ma 'ka -o 'ka 'trɔnkpa zii' -a ni ɛɛ?”
- 21'Duŋ- -o 'ke mu -yaa pe 'zi dɔɔ: "'Ōn ɔn! Lii -yɔɔ' -o mɛɛ 'la zan zi 'bhɛ 'laa -janwo' 'bhɛ gbɛɛn-. 'Bhɛɛ- lii -yɔɔ' sɔ -yɛ 'wi mu -yɛ -liiploole ɛɛ?”
- 22-Waanbhaa' Gba 'Fɛ -Gbɛnɛ 'ɛ gbekpa yi 'ɛ -Waanbhaa' 'kɔɔ, 'bhɛ 'fɛti 'ɛ 'yaa- kle Zeruzalemu lɛɛ 'oo lɛɛ. 'Bhɛ 'fɛti yi 'ɛ =bhwa, 'bhɛɛ- 'bhɛ 'yaa- -niinii' 'kpa bhla -gbɛnɛ 'ɛ zi.
- 23'Bhɛ 'fɛti yi 'ɛ 'le, Zesu 'yaa- ge 'zi 'kee- nu 'yee- -Waanbhaa' Gba 'Fɛ -Gbɛnɛ 'ɛ =la yɛ 'la -o -yaa 'bhɛ sii: '-Bhlɛŋbe Salomɔ a 'wlanla'.
- 24'Bhɛ klele 'tɛ, 'ke Zuufu mu 'ɛ -woo -lɛkpale 'eke- ta -a zi, 'bhɛɛ- 'ke -wa -lrɔkpale dɔɔ: "'E nu 'o 'nii- 'ɛ gɔlɛ bhɛ ta 'waati 'ɛ -dela ba ɛɛ? 'Ke 'bhi -le 'ke Mɛɛ -Bhee Mi -Kpɔsɔɔ Kriisi 'ɛ 'le, 'bhɛ 'pɛ 'o ni kpataakpa.”
- 25Zesu 'a 'lɛkwan- -o ni dɔɔ: "'An 'pia- gban 'ka ni, 'duŋ- 'ka 'laa 'ka 'kpale- 'η 'yi. 'D 'yoo- -za mu 'la klɛ 'zi 'η Dɛ -Waanbhaa' a -glɔɔya' 'le, 'mi -o mɛɛ -glɔɔn 'la 'le 'mu 'bhɛ zrɔn kpataakpa.
- 26'Duŋ- 'ka 'laa 'ka kpa 'mi 'yi, -amasɔyi 'ka 'laa -o 'an pɛ -bhlaa mu 'ɛ 'ke mu 'le.
- 27'An pɛ -bhlaa mu 'ɛ -woo 'trɔnkpa- 'η 'weli- 'ɛ =la. 'Mi -o dɔ 'bhɛɛ- -o dɔ 'mi zi.
- 28'Mi bole -yɛ ma -si 'la -daŋ' laa -o 'bhɛ ma 'bhɛ na -o ni. Waa nu galɛ -titi, 'bhɛɛ- mɛɛ 'kɛdɔ- 'kpɔ 'laa nu 'sɔlɛ- -o 'kunle 'η 'kɔɔ.
- 29'D Dɛ -Waanbhaa' 'la 'bhɛ -o -naa 'η ni 'bhɛ gbɛlaan 'yiya- pɛ 'kpen ni; 'bhɛɛ- mɛɛ 'kɛdɔ- 'kpɔ 'laa sɔ -o 'kunle 'η Dɛ -Waanbhaa' 'kɔɔ.
- 30'Mi 'pegee 'η Dɛ -Waanbhaa' 'woo- do 'kpɔ.”
- 31'Bhɛ klele 'tɛ, 'ke Zuufu mu 'ɛ -o kpoti mu 'sile 'ezin- 'mu 'pa zayi' Zesu ma.

- 32'Bhε 'yi 'tε, 'ke Zesu 'a 'pele -o ni dɔɔ: "'D -za 'lrele- -bebe 'la 'srɔwoa- 'η Dε -Waanbhaa' 'kɔɔ, 'η 'mu -kla 'ka 'yrε ma. 'Ka -a zi 'bhii- 'ka kpoti pa 'η ma 'woo- -za 'lrele- mu 'la bhe -o -de 'gbu -la -zayi' εε?"
- 33'Zuufu mu 'ε -o 'bhe zikpaa- Zesu ni dɔɔ: "'Waa -o kpoti 'payrε- -glin 'zi 'e ma -za 'lrele- kle -zayi'. 'E -Waanbhaa' 'tɔsɛ zii' bhe, 'bhela- -zayile, 'wa zi 'bhii- 'o kpoti 'pa 'e ma. -Amasrɔyi 'bhi 'la 'bhi -o 'ke bhaapleŋ bhaamale 'le 'yoo- 'e 'gbu kle 'zi 'ke -Waanbhaa' 'le."
- 34'Bhε klele 'tε, 'ke Zesu 'a 'pele -o ni dɔɔ: "-A yɔɔndele laa -o 'kaa 'toŋ 'sεwε 'ε 'yi dɔɔ -Waanbhaa' 'a 'pia- dɔɔ: "Ka -o -waanbhaa' mu 'le εε?"
- 35-Kɔɔ' 'a 'yaango- dɔɔ -za 'la -yɔɔndele -o -Waanbhaa' 'a 'Sεwε 'ε 'yi, waa sɔ 'bhe 'yigale -titi. 'Bhεε- -Waanbhaa' -yaa' -jan 'ε 'lenaa- mεε 'la zan mu ni, 'kee- 'mu 'siila- '-waanbhaa' mu.'
- 36'Bhε bhla 'ε ba, 'η Dε -Waanbhaa' 'mi -la makwan- 'bhεε- -e 'mi 'winbwa- 'drunyan 'lεε- 'yi. -E -kla 'nale- 'bhεε- 'kaa- pe 'zi dɔɔ: "E -Waanbhaa' 'tɔsɛ zii' εε?" -Amasrɔyi 'an =pia dɔɔ 'η 'yoo- 'ke -Waanbhaa' Gbe 'le bhe.
- 37'Ke 'naa -o 'η Dε -Waanbhaa' kleza mu kle 'zi bi, 'ka 'laa 'ka 'kpale- 'mi 'yi.
- 38'Duŋ- 'ke 'η 'yoo 'η Dε -Waanbhaa' kleza mu kle 'zi, 'ali- 'ke 'ka 'laa 'ka 'kpale- 'mi 'yi, -ka 'ka 'kpa -o -yi, 'koko- 'kaa 'yaango- 'bhii- 'mi 'pegee 'η Dε -Waanbhaa -o do: 'D -Dε -Waanbhaa' -o 'mi 'yi, 'bhεε- 'mi -o 'yee- 'η Dε -Waanbhaa' 'yi 'ezin-."
- 39-O 'bhe -jan 'ε 'male-, 'ke -wa pele- dɔɔ -wa 'kunle 'ezin-. 'Duŋ- -e =bhia -o 'kɔɔ.
- 40'Bhε blaŋ, 'ke Zesu gele- 'ezin- Zruden yue 'ε -yrε gbε do 'ε ta, Mεε Wiiŋfε' Mi Zaan -yaa mεε mu 'ε 'wiiŋfε zii' yrε 'la =nɔɔ 'elwale bhe 'bhe =nɔɔ. 'Bhεε- 'kee- bole- 'bhe yrε 'ε =nɔɔ ye.
- 41'Mεε -bebe -ja 'tenle- -a ma 'bhe =nɔɔ. 'Bhεε- 'mu 'yaa- pe 'zi dɔɔ: "Zaan 'laa 'sɔle- maza do 'kpɔ klele, 'duŋ- -e -jan 'oo -jan 'la =woa 'yee- mεε 'lεε- ba zayi', 'mu 'kpen -o 'ke wlan 'le."
- 42'Bhεε- mεε -bebe -o -kpaa Zesu 'yi 'bhe yrε 'ε =nɔɔ ye.

Zaan 11

- 1-O -yaa 'gwlaan- do sii Lazaa, 'bhεε- ga -yaa 'bhe ma. 'Bhε 'yaa- da -wa 'la ta -o -yaa 'bhe sii Betani. -A nεεnε- -le -yaa ple: Mari 'pegee Maati. 'Bhε mu -yaa 'yee- -wa do 'kpɔ 'ε 'yela- ta 'ezin-.
- 2'Mari -le -yaa le 'la -lasiklɔɔ -gblen 'nrɔle- do =klaa Mεεzan Zesu gaan ma, 'bhεε -yoo magwa- -a winle mu 'ε 'le. Ga -yaa 'yela- nεεnε- 'gwlaan- Lazaa ma.
- 3'Bhε klele 'tε, 'ke 'woo- nεεnε- le ple 'ε -o mεε winbɔle Zesu ta 'kaa -ya pe -a ni dɔɔ: "Mεεzan, 'e 'bhεgwlen- 'la -za sɔ 'e ni, pε -o -a ma."

- ⁴Zesu 'bhe -jan 'e 'male-, 'ke -ya pele- dɔɔ: "Lazaa ma ga 'e yaa nu klele -a dɛpɛ 'le. 'Duŋ- 'yee- ga 'e -e nu klele 'ke -Waanbhaa' 'tɔbhɔpɛ 'le; 'bhɛɛ- -e nu klele -Waanbhaa' Gbe 'e 'tɔbhɔpɛ 'le 'ezin-."
- ⁵'Bhɛɛ- 'duŋ-, Maati 'pegee Mari, 'bhɛɛ- Lazaa -za -yaa sɔ Zesu ni 'egbenɛle.
- ⁶'Duŋ- -ya malawoa 'kaa ga -o Lazaa ma, -e =bwa 'ezin- -yrekpaa' plɛ ta -e -yaa yrɛ 'la =nɔɔ 'bhe =nɔɔ.
- ⁷'Bhe blaɛn, 'ke -ya pele- -yaa -kɛɛlanɛ mu 'e ni dɔɔ: "-Kɔɔ' 'niina- -kɔɔ' -zanta' Zude 'kleɛn 'e 'yi."
- ⁸'Bhe klele 'tɛ, 'ke -yaa' -kɛɛlanɛ mu 'e -wa zikpale -a ni dɔɔ: "'O Daan mi, 'bhe =nɔɔ laa -mɔlɛ' -li, 'bhɛɛ- Zude Zuufu mu 'e -yaa zi 'bhii- -o kpoti 'pa 'e ma, 'bhɛɛ- -woo 'e dɛ, 'bhɛɛ- 'yoo- -a zi 'bhii- 'e 'niinale 'ezin- 'bhɛɛ- yrɛ 'e =nɔɔ ɛɛ?"
- ⁹Zesu 'bhe zikpaa- -o ni dɔɔ: "'Lɛrɛ vu ta plɛ laa -o -yrekpaa' do 'yi ɛɛ? 'Ke mɛɛ 'la zan -o 'taawo zii' -yrekpaa', 'bhe zan gaan laa san pɛ 'kɛdo- 'kpɔ ma, -amasrɔyi -yretɛ' -o -bhi 'zi.
- ¹⁰'Duŋ- 'ke mɛɛ 'la zan 'taawo zii' -bi zi, -a gaan san pɛ ma; -amasrɔyi 'tɛbhile laa -o -a -lɛɛ."
- ¹¹Zesu 'yanle- 'bhe -jan 'e 'wolele, 'ke -ya 'kpale 'a ta 'ezin- dɔɔ: "-Kɔɔ' 'bhɛgwɛn- Lazaa -o yide zi, 'duŋ- 'ɲ nu gele -a bwɛlɛ."
- ¹²-Ayile 'ke -yaa' -kɛɛlanɛ mu 'e -wa zikpale -a ni dɔɔ: "'Ee! Mɛɛzan, 'ke -yoo yide 'zi, -e nu -bheele'."
- ¹³Zesu 'yaa- -we 'zi 'ke Lazaa gaza 'e 'bhɛɛ- 'le, 'duŋ- -yaa' -kɛɛlanɛ mu 'e 'kpee ma, -e -yaa -we 'zi yideza 'te -la -le.
- ¹⁴'Bhe 'yi 'tɛ, 'ke Zesu 'a 'pele -o ni kpataakpa dɔɔ: "Lazaa -gaa.
- ¹⁵'Duŋ- yaa klelawolɛ 'ɲ 'yrɛ ma bhe, 'bhe =swa 'mi ni 'ka mu -zayi', 'kooko- 'ka 'ka kpa 'mi 'yi. 'Duŋ- -ka 'ka 'wɛn-, 'bhɛɛ- -kɔɔ' ge -a -din."
- ¹⁶'Bhe klele 'tɛ, Toma 'la -o 'bhe 'tɔkpaa- Didimu ('bhe 'yi -le '-Nɛ Yonɛ-), 'bhe 'a 'pia- Zesu a -kɛɛlanɛ -vin mu 'e ni dɔɔ: "-Kɔɔ' mu ge -a zi 'ezin-, 'bhɛɛ- -kɔɔ' 'kpɛn 'pegee 'yee- -kɔɔ' Daan mi 'e -kɔɔ' ga 'eke- zi!"
- ¹⁷Zesu 'bhɔle- Betani, 'ke -ya yeke- 'bhii- -o 'yee- Lazaa =bian gban 'bhe -yrekpaa' yizie -le -gɛ.
- ¹⁸Betani -wa 'e 'plɛngole -yaa Zeruzalemu ma kilo yaga.
- ¹⁹'Bhɛla- -yile, Zuufu -bebe mu -nwa Maati 'pegee Mari ba -o tagalɛ, -o nɛɛnɛ- Lazaa gaza 'e 'yi.
- ²⁰Maati 'a 'male- 'kaa Zesu -o zan, 'kee- gele- -a -lɛpa' yrɛ nɔɔ-; 'duŋ- Mari =bwa 'fɛ 'le ma.

- 21Maati gele 'tenle- Zesu ma, 'ke -ya pele- dɔɔ: "Mɛɛzan, 'kee- 'kpa bi -gɛ, 'ŋ nɛɛnɛ- 'ɛ yaa -yaa nu gale.
- 22'Duŋ- 'an 'yaango- 'bhii- 'kee- pe 'oo pe 'la 'yɛwoa- -Waanbhaa' ma, -e nu 'bhɛ 'nale- 'e ni 'saanibhe."
- 23Zesu pe -a ni dɔɔ: "'E nɛɛnɛ- 'ɛ nu bwele gale ba."
- 24Maati 'bhɛ zikpaa- Zesu ni dɔɔ: "'An 'yaango- 'bhii- -e nu bwele gale ba gbaa mu - bwe yi 'ɛ gale ba 'drunyan 'lɛyan yi 'ɛ 'le."
- 25'Bhɛ klɛle 'tɛ, 'ke Zesu 'a 'pele -a ni dɔɔ: "'Mi -le mɛɛ mu bwe gale ba, 'bhɛɛ- 'mi -le bole -yɛ ma -si na mɛɛ ni. 'Ke mɛɛ 'la zan 'e =kpa 'mi 'yi, 'ali- 'kee- -gaa, 'ŋ nu -a bwele gale ba, 'bhɛɛ- -e bo -a -yɛ ma.
- 26'Bhɛɛ- 'ke mɛɛ 'oo mɛɛ 'la zan -o -a -yɛ ma, 'bhɛɛ- 'ke -ya -kpa 'mi 'yi, 'bhɛ zan laa nu gale -titi. 'Yee kpa 'bhɛ -jan 'ɛ 'yi ɛɛ?"
- 27'Bhɛ =nɔɔ bhe, 'ke Maati 'a 'lɛkunle Zesu ni dɔɔ: "-Aani' Mɛɛzan, 'an 'yaango- dɔɔ 'bhi -le Mɛɛ -Bhee Mi -Kpɔsɔɔ Kɛri 'ɛ 'le, 'bhɛ 'pegee 'bhi -le -Waanbhaa' Gbe 'ɛ 'le; - a -lɛdulale -yaa dɔɔ 'bhi -le -yaa nu nule 'drunyan 'yi."
- 28Maati 'yanle- 'bhɛ -jan 'ɛ 'wolele, 'kee- gele- -a nɛɛnɛ- le Mari 'siile-; 'bhɛɛ- 'ke -ya pele- 'bhɛ ni gaanyi' dɔɔ: "-Kɔɔ' Daan mi 'ɛ =nwa, -yoo 'e 'sii zii'."
- 29Mari 'bhɛ 'male-, 'ke -ya -wlenle' blaale-, 'bhɛɛ- 'kee- gele- Zesu 'lɛpale.
- 30'Duŋ- Zesu 'laa wlale -li 'bhɛ bhla 'ɛ ba Betani -wa 'ɛ 'kpee. Maati 'lɛpaa- 'kɛle- yɛ 'la =nɔɔ, -e -yaa -li 'bhɛɛ- =nɔɔ.
- 31Zuufu mu 'la 'yaa- Mari -din 'fɛ 'ɛ =la -a taga zayi', 'mu 'a 'yele- 'bhii- Mari 'e 'wlenle-, 'bhɛɛ- -e -pwela 'pɛlii- blaale-; 'ke -o dɔle- -a zi. -O 'kpee ma -e -yaa ge 'zi wisile Lazaa bu 'ɛ ta.
- 32Zesu 'yaa- yɛ 'la =nɔɔ, Mari 'bhɔle- 'bhɛ yɛ 'ɛ =nɔɔ, 'bhɛɛ- -a -yɛkpa Zesu ma, 'kee- baale' -a 'kpɔ ta 'bhɛ gaan ma, 'bhɛɛ- 'ke -ya pele- 'kaa: "Mɛɛzan 'kee- 'kpa bi -gɛ, 'ŋ nɛɛnɛ- 'ɛ yaa -yaa nu gale."
- 33Zesu Mari 'yele- wisiyɛ nɔɔ-, 'bhɛ 'pegee Zuufu mu 'la 'yaa- 'yee- Mari zi, -e 'mu 'yele- wisi' yɛ nɔɔ- 'ezin-, 'bhɛ wisi' -gbɔɔ -dwa -a -yɛ ta 'egbenele, 'bhɛɛ- -a zrubatɛdwa.
- 34'Bhɛɛ- 'ke Zesu -o -lɔkpale dɔɔ: "'Kaa =bian 'naa- ma ɛɛ?" -O pe -a ni dɔɔ: "Mɛɛzan, nu a -glin doo."
- 35'Bhɛɛ- Zesu 'gbu wisia=.
- 36'Bhɛ klɛle 'tɛ, 'ke Zuufu mu 'ɛ -wa pele- 'eke- ni dɔɔ: "-Kaa -glin doo! 'Gwlaan- 'lɛɛ- -za -yaa sɔ -a ni dɛ!"
- 37'Duŋ- -o 'ke pe dɔɔ: "'Yee- 'la mɛɛ -yɛ 'wi mi 'ɛ 'yɛ 'liiploola, yaa -yaa sɔ -a klele- 'bhɛɛ- Lazaa 'laa ga ɛɛ?"

- 38 Wisi' -gbɔɔ dɔ gbɛ drɛɛwoa- 'egbenɛle Zesu 'yre ta, 'bhɛɛ- -e -ja Lazaa bu 'ɛ ta. -A bu 'ɛ 'yaa- 'ke vlɛ -gluu do -la -le, 'bhɛɛ- -wa -liitaan 'ke vlɛ -kpuŋ -gbenɛ do -la -le.
- 39 Zesu pe mɛɛ mu 'ɛ ni dɔɔ: "-Ka vlɛ -kpuŋ 'ɛ go bu -gluu 'ɛ 'lii doo!" 'Bhɛ klɛle 'tɛ, Maati, 'yee- Lazaa nɛnɛ- le 'ɛ, 'ke -ya 'pele Zesu ni dɔɔ: "Mɛɛzan, -a vɛndwa- gban 'eyɔɔle, -amasrɔyi -a binle blaana -yrekpa'a' yiziɛ -le -gɛ."
- 40 'Bhɛ 'yi 'tɛ, 'ke Zesu 'a 'pele Maati ni dɔɔ: "'Naa 'pele 'e ni dɔɔ 'kaa 'ke 'yee =kpa'a 'mi 'yi, 'e nu -Waanbhaa' a 'tɔbhɔleya 'ɛ 'yele ɛɛ?"
- 41 'Bhɛ klɛle 'tɛ, 'ke -o vlɛ -kpuŋ 'ɛ gole- bu -gluu 'ɛ 'lii. 'Bhɛɛ- Zesu 'e 'yrekpale laanima, 'ke -ya pele- dɔɔ: "'D Dɛ -Waanbhaa', 'mi 'e 'pubɔ- -amasrɔyi 'ye 'an 'seri 'ɛ 'lɛkwan- gban.
- 42 'Mi 'an 'yaango- 'bhii- 'ye 'an 'seri mu 'ɛ 'lɛkun- 'taŋii, 'duŋ- 'ŋ 'yoo- 'seri 'lɛɛ- klɛ 'zi 'e ni, 'ŋ zi mɛɛ mu 'lɛɛ- 'wola- -zayi'; 'kooko- -woo kpa -a -yi 'bhii- 'bhi -le 'mi 'winbwa- ."
- 43 -E yanle- 'bhɛ -jan 'ɛ 'wole- 'le, 'kee- 'pɛɛnle 'eglɔɔle dɔɔ: "Lazaa 'pwɛ -gɛ!"
- 44 'Bhɛ klɛle 'tɛ, 'ke Lazaa gbaa 'ɛ bwele-, 'bhɛɛ- -e -pwɛla. -A gbɛ 'pegee -a gaan mu 'ɛ 'yrelɛ- -yaa 'ke sɔgbɛ mu 'le, 'bhɛɛ- sɔgbɛ 'pu do 'kpale- -yaa -a wleyi'. Zesu pe -o ni 'tɛ dɔɔ: "-Kaa 'ploɔ-, 'bhɛɛ- -e ge a 'gbu ma!"
- 45 Zuufu mu 'la =nwa Mari ba, 'bhɛɛ- Zesu -za 'la =kla, -o 'bhɛ 'yele-, 'ke -o -bebe -o 'kpale 'a -yi.
- 46 Duŋ- -o 'ke -ja Farizi mu 'ɛ ba, 'ke -o Zesu klɛza 'ɛ 'kpen 'yigɔɔnle 'mu ni.
- 47 'Sraka 'lena -kuŋlii mu 'ɛ 'pegee Farizi mu 'ɛ -o -waa 'kitikan mɛɛ gbilaan -lɛdo' 'ɛ 'lɛkpa'a- 'eke- ta, 'bhɛɛ- 'ke -wa pele- dɔɔ: "-Kɔɔ' nu -mɛ za 'gbu -la klɛle ɛɛ? - Amasrɔyi -yoo 'sɔle- maza -bebe mu klɛ 'zi.
- 48 'Ke -kɔɔ' 'a 'twa- 'kee =bwa klɛza -glɔɔn mu 'lɛɛ- klɛle ma, -kɔɔa' mɛɛ mu 'ɛ 'kpen nu -o 'kpale -a -yi. 'Ke 'bhɛ =kla, Rome -kuŋlii mu 'ɛ -o nu nule -kɔɔa' -Waanbhaa' Gba 'Fɛ -Gbɛnɛ 'ɛ 'pegee -kɔɔa' 'klɛn 'ɛ 'wile- 'dɛ!"
- 49 'Bhɛ klɛle 'tɛ, -o ba mɛɛ do 'la -o -yaa 'bhɛ sii Kaifu, 'bhɛɛ- 'ke 'bhɛ 'yaa- -waa' 'sraka 'lena -kuŋlii gbilaan 'le 'bhɛ lɛɛ 'ɛ ta bhe, 'bhɛ pe -o ni dɔɔ: "'Ka 'laa -za 'kedo- 'kpɔ 'yima-!"
- 50 'Kaa 'laa 'yaango- dɔɔ 'ke mɛɛ do 'kpɔ -gaa 'klɛn 'yi mu 'ɛ 'kpen a -za ma, 'bhɛ mabhaabhɔ -kɔɔ' 'gbu ma 'ke 'bhɛ kan -kɔɔa' mɛɛ mu 'ɛ 'kpen dele ta ɛɛ?"
- 51 Duŋ- Kaifu -jan 'la 'woa- bhe, 'bhɛ 'laa dale -a 'gbu ba; -e -yaa 'ke 'sraka 'lena mu -kuŋlii gbilaan 'le 'bhɛ lɛɛ 'ɛ 'le, 'bhɛla- -zayile -e -yaa -Waanbhaa' -lɛla' janwo 'zi dɔɔ Zesu 'yaa- nu gale Zuufu mu 'ɛ ni.
- 52 Duŋ- Zesu 'laa -yaa nu gale Zuufu mu 'ɛ do -kplɛn ni. -Waanbhaa' a mɛɛ mu 'la 'kpen 'piilale -o 'drunyan 'yi yrekpen- =nɔɔ, -e 'yaa- nu gale 'mu -la ni 'ezin-; 'kooko- -yoo 'kpen 'lɛkpa- 'eke- ta, 'bhɛɛ- -yoo klɛ mɛɛ 'si do 'le.

53-A 'san 'bhe yi 'e ma, Zuufu mu a -kunlii mu 'e -waa -kpa do ma doo -o nu Zesu dele.

54'Bhela- -zayile, Zesu 'laa -yaa 'kaan zii' -li Zuufu mu 'e 'pleŋ- məkpen' 'yre ma kpataakpa. -E -gwa 'bhe yre 'e =noo, 'bhe- 'yee- 'pegee -yaa' -klanlane mu 'e -ja 'kleen do 'yi -wa do ta -kpe 'e ba -yre ta. -O -yaa' 'bhe -wa 'e sii Efraimu. Zesu 'pegee -yaa' -klanlane mu 'e =bwa 'bhe- -wa 'e ta ye.

55'Zuufu mu a Paki 'feti 'e =bhwa gban bi -wa -din. 'Bhela- -yile, mee -bebe -ja Zeruzalemu 'yee- 'feti 'e 'lee, 'koko- -o -yaa -za 'la kle -waa' 'toŋ 'e ta, 'bhe- -o kle 'weŋ -Waanbhaa' -yre 'yi, -o 'bhe kle -so.

56-O 'yaa- Zesu ziglin- 'zi 'te. 'Bhe- -o -yaa bhla 'la ba -Waanbhaa' Gba 'Fe -Gbene 'e =la, -o -yaa pe 'zi 'eke- ni doo: "-E =kla 'nale- ee? -E nu nule 'feti 'e ta taa- yaa nu nule ee?"

57'Duŋ- 'sraka 'lena -kunlii mu 'e 'pegee Farizi mu 'e -wa -pia gban mee mu 'e ni doo 'ke mee 'oo mee 'la zan -yaa Zesu geyre 'e do, 'bhe zan nu 'bhe 'pe -o ni, 'koko- -o ge -a 'kunle-.

Zaan 12

1-Yrekaa' 'srwado- -yaa Zuufu mu a Paki 'feti 'e 'lee, 'bhe- Zesu ge gbē dreewoa-Betani -wa 'e ta. -E Lazaa 'la -bwela gale ba, 'bhe a -wa -le -yaa Betani 'le.

2-O 'yee Zesu 'lewē pe =kla 'bhe- =noo. Maati -yaa pebhle 'e 'yicien zii'. 'Bhe- Lazaa 'pegee Zesu 'bhe- -yaa' -klanlane mu 'e 'yaale- -yaa pebhle -tabali 'e zi.

3'Bhe bhla 'e ba, 'ke Mari -lasikloo -kpoo 'plele- buteli do 'sile, 'bhe- 'kee- Zesu gaan ma 'srole 'kele-. 'Bhe bla, 'kee- 'bhe gaan mu 'e magole 'ke -a winle mu 'e 'le. 'Bhe ya 'e 'yi, 'ke -lasikloo 'e -gblen 'e zenle- 'fe 'e 'kpen =la.

4-O -yaa Zesu a -klanlane 'kela sii Zuda Isikarioti, 'yee- 'la 'yaa- nu -dawli' 'kpa- Zesu gbē ta, 'bhe- -ya -lena' mee mu ni, 'bhe pe 'te doo:

5"-Mele -kla waa -lasikloo -gblen 'nrāle- 'lee- gonle -goli' 'taŋbha -keme yaga ma, 'bhe- -o 'bhe -goli' 'e na 'kooflenzan mu ni ee?"

6'Duŋ- Zuda 'bhe -jan 'e =woa 'bhe gbēen- bhe, yaa klele 'bhii- -e -yaa 'kooflenzan mu -si yienkan' zii'. 'Duŋ- -e 'bhe 'pia- bhe gbēen-, -amasroyi -e -yaa 'ke -faannii' 'le: 'Yele- -yaa -waa' -goli' bōpe 'e magaan mi 'le, 'bhe- 'ke -o -yaa -goli' 'la bō 'bhe 'yi, -e -yaa 'bhe 'si.

7'Duŋ- Zesu 'a zikpa- -a ni doo: "-Kaa 'to 'srō! -E 'bhe =kla, 'ŋ binza 'e 'leemagaan za 'yi -so.

8'Kooflenzan mu -o 'ka -din 'taŋii, 'duŋ- 'mi 'laa nu klele 'ka -din 'taŋii."

9'Zuufu mu -zamaa' -gbene do 'a =maa doo Zesu -o Betani. -Ayile 'ke -o gele- 'bhe =noo. 'Duŋ- waa gele Zesu do -kplen -glin zayi', -o -ja Lazaa 'la 'ke Zesu 'bhe -bwela gale ba 'bhe- -zayi' 'ezin-.

- 10'Bhε klele 'te, 'ke 'sraka 'lena -kunlii mu 'ε -wa 'kpale dōo -o Lazaa dele- 'ezin-.
- 11-Amasrōyi 'yee- Lazaa -zayi', Zuufu mu -bebe -yaa go 'zi 'woo- 'sraka 'lena -kunlii mu 'ε 'zi, 'bhεε- -o -yaa -o 'kpa zii' Zesu 'yi.
- 12'Bhε yi 'ε ta tooklin- yi 'le, -zamaa' -gbεnε 'la 'nwa- Paki 'feti 'ε ta, -wa =maa dōo Zesu -o zan Zeruzalemu -wa 'ε ta.
- 13'Bhεla- -yile, 'ke -o yō -laa mu 'kanle, 'ke -o 'pwele- -wa 'ε 'kpee, 'bhεε- 'ke -o 'kpen gele- -a -lepa' yrε nōo-. -O -yaa 'pe 'zi 'eke- 'zi 'egloole dōo: "Ozana! Mεε 'la zan -o zan Mεezan 'ε 'tō 'yi, bhaa -Waanbhaa' 'bhε -dōobo!' Bhaa -Waanbhaa' Izraeli mu a -bhleṅbe 'ε 'dumawo!"
- 14>Zesu -soofali 'nε do =ya, 'bhεε- -a 'sanle- -yaa 'bhεε- ta, 'bhii- -a yōndeḗle -o -Waanbhaa' a 'Sεwε 'yi gōnε- 'la gbεen- dōo:
- 15"Siōn -wa -la mu, 'ka 'laa -gblaanle' (Zeruzalemu 'tō 'ε do -le -yaa 'bhε 'le 'ezin-). -Ka 'ka 'yrekpa doo, 'kaa- -bhleṅbe 'ε -yoo zan, -a yaale -o -soofali 'nε do ta."
- 16'Bhε 'waati 'ε ba, Zesu a -klanlanε mu 'ε waa 'bhε -za mu 'ε 'yimale 'elwale 'pe. 'Duṅ- Zesu bwelawoa gale ba, 'bhεε- -e -ja -Waanbhaa' a 'tōbhōleya 'ε 'yi 'waati 'la ba, 'bhεε- -wa 'yaangwa- dōo -Waanbhaa' -lela' janwo mu 'ε -o -za mu 'la yōndia- Zesu ba zayi' mεε mu 'ε -o 'bhεε- wlata za =kla -a ni.
- 17'Mεε 'la zan mu 'kpen 'yaa- Zesu zi -e Lazaa 'siila- bu -gluu 'ε 'yi bhla 'la ba, 'bhεε- 'bhε -bwela gale ba; 'bhε mεε mu 'ε 'yaa- -za mu 'la =kla 'mu -yrε ma, 'mu 'kpen 'yigōon- 'zi.
- 18'Bhεla- -zayile, 'ke -zamaa' 'srε do gele- -a -lepayrε nōo-. -Amasrōyi -wa -maa 'kaa -e 'bhε 'sōle- maza 'ε =kla.
- 19'Bhε klele 'te, 'ke Farizi mu 'ε -wa pele- dōo: "-Ka 'ka 'yrekpa -o ta doo, 'ka 'laa nu 'sōle- -za 'kedo- 'kpō klele- -a ni, -amasrōyi mōkpen' -o ge 'zi -a zi."
- 20'Mεε 'la zan mu -nwa -Waanbhaa' gbale Zeruzalemu 'feti 'ε ta, Greki mu 'ke mu -yaa 'mu pleṅ-.
- 21'Bhε 'yi 'te, 'ke -woo mabeenle Filipu -din, 'bhε 'yaa- da Galile 'kleen 'yi -wa 'la -o -yaa 'bhε sii Betisaida 'bhεε- ta. 'Bhεε- -o pe Filipu ni dōo: "'O Zan, =wa zi 'bhii- 'o Zesu 'ye, 'bhεε- 'o -balo sa kle 'kele-."
- 22'Bhε klele 'te, 'ke Filipu gele- 'bhε 'pele- Andre ni, 'bhεε- -o mεε ple -ja 'bhε 'pele- Zesu ni.
- 23-Ayile, 'ke Zesu 'a pele -o ni dōo: "Bhaapleṅ Gbe 'ε nu 'tōbhōleya 'srōowole -Waanbhaa' 'kōo 'waati 'la ba, 'bhε 'waati 'ε =bhwa.
- 24'Mi pe 'ka 'ni 'ṅ 'sōwεε- ma dōo: 'Ke waa pebhε do bōle 'trε 'yi, 'bhεε- -e bōn, -e bo -a do -kplennεya 'ε 'yi. 'Duṅ- 'ke -wa =bwa 'trε 'yi, 'bhεε- 'kee- =bwan, -e bhō 'bhεε- -ya bhaa kle 'ebebele.

- 25'Ke mɛɛ 'la zan lii biile -o 'bhe a 'tre ta -ge -si 'e 'yi, 'bhe zan nu bloole 'bhe 'yi. 'Duŋ-ke mɛɛ 'la zan 'bhe 'niigwa- 'bhe a 'tre ta -ge -si 'e 'yi, 'bhe zan nu -Waanbhaa' ba bole -yre ma -si 'la -daŋ' 'laa -o 'bhe ma 'bhe 'srɔɔwole.
- 26'Ke mɛɛ 'la zan -o -a zi 'bhii- -e yewo 'mi ni, 'bhe zan dɔ 'ŋ zi. 'Bhe ya 'e 'yi, 'ke 'ŋ 'yoo- yre 'la =nɔɔ, 'an yewone 'e nu klele 'ŋ zi 'bheɛ- yre 'e =nɔɔ. 'Ke mɛɛ 'la zan yewo 'ŋ ni 'ŋ Dɛ -Waanbhaa' nu 'bhe zan 'e -ledɔle -a ma.”
- 27'Zesu pe 'ezin- dɔɔ: "'D zru ba 'te -o -zɔn. 'Bheɛ- 'ŋ sɔ a pele- 'nale- -a ma ɛɛ? Taa- 'an 'pe dɔɔ: 'D Dɛ -Waanbhaa, 'ŋ go -yrenbhle' 'waati 'leɛ- 'yi ɛɛ? 'Bheɛ- 'duŋ-, 'ŋ 'nwa- 'bheɛ- -yrenbhle' 'waati 'leɛ- 'bheɛ- -zayi'.
- 28'D Dɛ -Waanbhaa', 'e 'tɔ 'e magbaandɛ!" 'Bhe klele 'te, 'ke -weli' do dale- laanima dɔɔ: "'Mi 'ŋ 'tɔ 'e magbaandia gban, 'bheɛ- 'ŋ nu -a magbaandɛ gbɛ drɛwole 'ezin-.”
- 29-Zamaa' 'la 'yaa- Zesu -din, 'bhe mu 'yee -weli' 'e 'male-, 'ke -wa pele- dɔɔ: "-Gblan- le 'pɛɛ zii' bhe". 'Duŋ- -o 'ke mu pe dɔɔ: "-Waanbhaa' a -mleke' do -le -janwoa -a ni!”
- 30'Duŋ- Zesu 'a zikpaa- -o ni dɔɔ: "'Ka -weli' 'la =maa bhe, 'bhe 'laa -wele' 'mi 'kaama-, 'duŋ- -e =wia 'ka mu -la 'kaama-.
- 31'Drunyan 'leɛ- ta 'kitikan yi 'e =bhwa -zɔn. -Setran' 'la 'kpaale- -o 'drunyan 'leɛ- 'wiŋ- 'bhii- -a -kuŋlii, -Waanbhaa' nu -a -gbinle' -yaa' -kuŋliiya 'e 'yi.
- 32'Bheɛ- 'ke -woo 'ŋ 'wlenna- laanima 'waati 'la ba 'tre 'leɛ- ta -ge, 'ŋ nu mɛɛ mu 'e 'kpen -glaanle' 'ŋ ba.”
- 33'Zesu 'yaa- nu gale gɔnɛ- 'la gbɛɛn- bhe, -e 'bheɛ- -zɔnna -o ni -janwo' gbeya 'la bhe 'bhe 'yi.
- 34'Bhe klele 'te, 'ke -zamaa' 'e -wa -lekunle Zesu ni dɔɔ: "'Wa -daanna 'waa- 'toŋ 'sewe mu 'e 'yi dɔɔ Mɛɛ -Bheɛ Mi -Kpɔsɔɔ Krisi 'e nu bole -a -yre ma -yikpensee ta. -E -kla 'nale- 'bheɛ- 'bhi -o -a pe 'zi 'o ni dɔɔ: '-O nu Bhaapleŋ Gbe 'e 'wlenle- laanima ɛɛ?' -Dele 'bhe Bhaapleŋ Gbe 'e 'le ɛɛ?”
- 35'Bhe klele 'te, 'ke Zesu 'a 'pele -o ni dɔɔ: "'Tɛbhile 'e nu -bhile' 'ka 'pleŋ- 'waati sa. 'Tɛbhile 'e -yoo 'ka 'pleŋ- 'waati 'la ba -li, -ka 'taawo -a -bhile' 'e ba, 'kooko- -gblo mu laa nu 'klale- 'ka ba. -Amasɔyi 'ke mɛɛ 'la zan -o 'taawo zii' -gblo mu 'yi, 'bhe zan 'laa 'bhe 'gbu geyre dɔ.
- 36'Tɛbhile 'e -yoo 'ka 'pleŋ- 'waati 'la ba, -ka 'ka 'kpa -a -yi, 'kooko- 'ka kle 'tɛbhile ba -nɛ mu 'le." Zesu 'yanle- 'bhe -jan mu 'e 'wolele, 'ke -ya plɛngole -o ma, 'bheɛ- 'kee gele- -a magaanle -o ma 'egbɔnle.
- 37'Ali- Zesu 'sɔle- maza -bebe mu 'la =kla -o -yre ma, Zuufu -kuŋlii mu 'e waa -o 'kpale- -a -yi.
- 38'Bhe klegbeya 'e gbɛɛn- bhe, -Waanbhaa' -lela' janwo mi Ezai -jan 'la =woa 'elwale -sɔ, 'bhe 'leswa=; -ya -pia dɔɔ: "Mɛɛzan, -dele 'e =kpaa 'o 'wojan- 'e 'yi ɛɛ? 'Bheɛ- Mɛɛzan -yaa' -glɔɔya' 'e -zɔnna -de -la ni ɛɛ?”

- 39'Bhɛɛ- waa -yaa 'sole -o 'kpale Zesu 'yi 'bhii- -Waanbhaa' -lɛla' janwo mi 'ɛ -ya =pia gɔnɛ- 'la gbɛɛn- 'ezin- dɔɔ:
- 40"-Waanbhaa' -o -yrɛbhɛ' mu 'ɛ =wia, 'bhɛɛ- -yoo zru -dwa 'egloole -yaa' -jan 'ɛ ma, 'kooko- waa sɔ yrɛ ma yele- -o -yrɛbhɛ' mu 'ɛ 'le, 'bhɛɛ- 'kooko- waa sɔ -za 'yimale -o zru mu 'ɛ 'le, 'bhɛɛ- waa nu niinale 'mi -Waanbhaa' ba, 'bhɛɛ- -o bhee.”
- 41Ezai -janwoa 'bhɛ gbɛɛn- bhe Zesu ba zayi', -amasrɔyi -e Zesu 'tɔbhɔleya 'ɛ =ya 'elwale -sɔ.
- 42'Duŋ-, 'woo- Zuufu -kuŋlii mu 'ɛ ba, -o -bebe -o -kpaa Zesu 'yi. 'Duŋ- -o -yaa -gblaanlawo zii' Farizi mu 'ɛ 'yrɛ 'lɛɛ bhe, 'bhɛla- -zayile, waa -yaa sɔ -a pele- 'pɛlii- kpataakpa, 'kooko- waa nu -o -gbinlɛ' -waa' daanfɛ' 'ɛ =la.
- 43-Amasrɔyi, 'tɔbhɔleya 'la 'yaa- da bhaaplɛŋ mu ba, 'bhɛ 'yaa- sɔ -o ni 'ke 'bhɛ kan 'kɛla 'yaa- da -Waanbhaa' ba 'bhɛ ta.
- 44Zesu pe mɛɛ mu 'ɛ ni 'egloole dɔɔ: "'Ke mɛɛ 'la zan 'e =kpaa 'mi 'yi, 'bhɛ zan laa 'bhɛ 'kpale- 'mi 'yi, 'duŋ- -ya =kpaa mɛɛ 'la zan 'mi 'winbwa- 'bhɛɛ- 'yi bhe.
- 45'Ke mɛɛ 'la zan 'mi =ya, 'bhɛ zan mɛɛ 'la zan 'ŋ 'winbwa- 'bhɛɛ- =ya bhe.
- 46'Mi =nwa 'drunyan 'lɛɛ- 'yi 'bhii- 'tɛbhile, 'kooko- 'ke mɛɛ 'oo mɛɛ 'la zan 'e =kpaa 'mi 'yi, 'bhɛ zan laa bo -gblo 'yi.
- 47'Ke mɛɛ 'la zan 'ŋ 'wojan- mu 'ɛ =maa, 'bhɛɛ- 'ke yaa 'mu 'yizaklɛɛ, 'mi 'laa nu 'bhɛ zan 'ɛ 'kitikanlɛ. -Amasrɔyi 'ŋ =nwa mɛɛ mu go yrɛ -la nɔɔ- -za 'yi, 'mi 'laa 'nule- 'kitikan yrɛ nɔɔ-.
- 48'Ke mɛɛ 'la zan 'e -bangwa 'mi 'yi, 'bhɛɛ- 'ke 'bhɛ zan laa dɔlɛ 'ŋ 'wojan- mu 'ɛ =la, 'bhɛ zan 'ɛ 'bhɛ 'bhɛ 'gbu 'kitikan mi =ya gban. 'D -jan mu 'la =woa 'ka ni bhe, 'mu -le nu 'bhɛ zan 'ɛ 'kitikanlɛ 'drunyan 'lɛyan yi 'ɛ 'le.
- 49-Amasrɔyi 'ŋ 'wojan- mu 'ɛ waa dale 'mi 'gbu ba. 'Duŋ- 'ŋ Dɛ -Waanbhaa' 'la 'bhɛ 'ŋ 'winbwa- 'bhɛ -jan 'la =kpaa 'ŋ 'lii 'mi 'bhɛɛ- =woa.
- 50'Bhɛɛ- 'mi 'a 'yaango- 'bhii- 'ŋ Dɛ -Waanbhaa' pe 'ŋ ni 'ŋ 'kɛla klɛ, 'bhɛ -le bole -yrɛ ma -si 'la -daŋ' 'laa -o -a ma 'bhɛ nalele mɛɛ mu ni. 'Bhɛɛ- ya 'ɛ 'yi, 'ŋ Dɛ -Waanbhaa' -jan yeke- do 'kpɔ 'la =kpaa 'ŋ 'lii 'ŋ 'bhɛɛ- 'wo zii'."

Zaan 13

- 1'Bhɛ =kla Zuufu mu a Paki 'fɛti yi 'ɛ 'lɛɛ. 'Bhɛɛ- Zesu 'gbu 'a 'yaangwa- 'bhii- -a go bhla 'drunyan 'lɛɛ- 'yi, 'bhɛɛ -e ge -a Dɛ -Waanbhaa' ba 'bhɛ =bhwa. Mɛɛ 'la zan mu -yaa yaa pɛ 'le, 'mu -za -swa -a ni 'taŋii, 'ke 'bhɛ ge 'tɛnle- -a -lɛyanle ma.
- 2Zesu 'pegee -yaa' -klanlanɛ mu 'ɛ -yaa yromazi pɛ 'ɛ 'bhle zii'. -Setran' 'a =kpaa Simo gbe Zuda Isikarioti 'kpee gban 'elwale -sɔ dɔɔ -e -dawli' 'kpa Zesu gbɛ ta, 'bhɛɛ- -e 'bhɛ 'lena- mɛɛ mu ni.

- ³Zesu 'gbu 'yaa- 'yaango- 'bhii- -Waanbhaa' 'sej 'kpen -gloon gbekpaa- -a 'koo, 'bhεε- -e -daa 'bhε -la ba, 'bhεε- -e -yaa zan gele 'bhε -la ba 'ezin-.
- ⁴Bhε klele 'tε, -o -yaa pebhle 'zi bhla 'la ba, 'ke Zesu 'e 'wlenle-, 'kee- -yaa dunε-tralape 'ε gole-, 'bhεε- 'kee- sɔ do -yrel' -a 'saanla=.
- ⁵Bhε blaan, 'kee- -yi 'klale 'tasa do 'yi, 'bhεε- 'kee- -yaa' -klanlane mu 'ε gaan mafεle 'sanle, 'bhεε- 'kee- 'mu mago -sɔ -e sɔ 'la -dwa -a 'saanla= 'bhε 'le.
- ⁶-E bhole Simo Piere ta, 'ke 'bhε 'a 'pele -a ni doo: "Mεεzan, 'bhi -le zan 'mi gaan mafεle bhe εε?"
- ⁷Zesu 'bhε zikpaa -a ni doo: "'D 'yoo- -za 'la kle 'zi -gε, 'yaa sɔ -a -yimale, 'duj- 'e nu -a -yimale boolazi."
- ⁸Piere pe -a ni 'ezin- doo: "'Yaa nu 'mi gaan 'mafεle -titi!" 'Bhε klele 'tε, 'ke Zesu 'a zikpale -a ni doo: "'Ke 'naa 'e gaan mafεle, 'mi 'pegee 'bhi a -za 'kedo- 'kpɔ 'laa nu klele -li 'eke- ta."
- ⁹'Bhε klele 'tε, 'ke Simo Piere 'a 'pele -a ni doo: "'Yaa 'η gaan do -kplen mafεle, 'duj- 'η ηgblo 'pegee 'η gbε mu 'ε mafε' 'ezin-!"
- ¹⁰'Bhε 'yi 'tε, 'ke Zesu 'a 'pele 'a ni doo: "'Ke -o mεε 'la zan =fia -yi ba, 'bhε maza laa -o -li 'bhε 'gbu 'fele- ma 'ezin-, 'ke yaa 'e go -a gaan mu 'ε 'mu -la mafεle ba. -Amasroyi -a 'gbutru 'ε 'kpen 'flele- -o. 'Bhεε- 'duj-, 'ka =kla gban 'weη, 'duj- 'naa -o -we 'zi 'ka 'kpen 'le."
- ¹¹-Amasroyi Zesu 'yaa- mεε 'la zan -yaa nu -dawli' 'kpale- -a gbε ta, 'bhεε- 'bhε 'a 'lena- mεε mu ni 'bhε zan 'ε do; 'bhela- -yile -ya -pia doo: "'Ka 'kpen 'laa -o 'weη."
- ¹²Zesu 'yanle- -o gaan mafεlele, 'kee- -yaa dunε- tralape 'ε 'klale -a ta, 'kee- yaa gbε drεwole pebhle -tabali 'ε zi, 'bhεε- 'ke -ya pele- -o ni doo: "'D -za 'la =kla 'ka ni bhe, 'kaa 'yimaa- εε?"
- ¹³'Ka 'mi sii doo: "O Daan mi, 'bhε 'pegee'Mεεzan.' 'Zoo -o 'ka zi, -amasroyi 'mi 'gbu -le 'ka Daan mi 'pegee Mεεzan 'ε 'le.
- ¹⁴'Ke 'mi 'la 'mi -o 'ke Mεεzan 'pegee 'ka Daan mi 'le, 'mi 'ka gaan mafia-, 'ka mu 'ezin-, -ka 'eke- gaan mafε' do do.
- ¹⁵'Mi -za 'la =kla, 'bhεε- 'an kle gbeya 'ε -zronna 'ka ni, 'koko- 'ka mu 'bhε 'yansi za kle, -ka 'bhεε- kle 'eke- ni.
- ¹⁶'Mi pe 'ka ni 'η 'sowεε- ma doo yewone do gbalaan -yi 'laa ya -a -kunjlii 'ε ni, 'bhεε- winbowo mi 'ε 'bhε 'yi 'laa ya 'bhε 'winbo- mi 'ε ni.
- ¹⁷'Ke 'ka 'bhε -za mu 'ε -dwa, 'kaa pe -yi nu -nrale' 'ke 'ka =swa -o -yizaklele.
- ¹⁸'Naa -o -we 'zi 'ka 'kpen 'le. 'Mi mεε 'la zan mu makwan-, 'η 'mu do. 'Duj- -za 'la yɔɔndeλε -o -Waanbhaa' a 'Sewe 'ε 'yi, -yoo 'ke -za -le 'ke 'bhε 'lesɔ-. -A yɔɔndeλε -o doo: "O 'pegee mεε 'la zan -o pele 'zi 'eke- ta, 'bhε zan 'ε 'wlenna- 'mi 'kaama-."

- 19Mi -o 'ka 'kpeelekan zii' -zɔn 'sani- 'yee- -za 'ε kle bhla 'ε pleŋ-. 'Kooko- 'kee- =bhwa 'waati 'la ba, 'kaa 'yaango- 'bhii- "D 'yoo- 'ke kpataakpa mεε 'la zan 'η 'yoo 'ke 'bhe 'le.'
- 20Mi pe 'ka ni 'η 'sɔwεε- ma dɔɔ: Mεε 'la zan 'η 'winbwa-, 'ke 'bhi 'la 'bhe zan 'ε -kwan 'elrele, 'ε 'mi -la 'kun zii' 'elrele bhe. 'Bhεε- 'ke mεε 'la zan 'mi -kwan 'elrele, 'bhe zan 'ε 'bhe -o 'η 'winbɔ- mi 'ε 'bhεε- 'kun zii' 'elrele 'ezin- bhe."
- 21Zesu 'yanle- 'bhe -jan 'ε 'wolele 'ke -a zrubatɛdɔle-, 'bhεε- 'ke -ya pele- kpataakpa dɔɔ: "'Mi pe 'ka ni 'η 'sɔwεε- ma dɔɔ 'ka do nu -dawli' 'kpale- 'η gbε ta."
- 22'Bhe klele 'tε, 'ke -yaa' -klanlanε mu 'ε -woo -yrekpale 'eke- ta, 'bhεε- -e -yaa -we 'zi mεε 'la zan 'le, waa -yaa 'bhe zan 'ε dɔ.
- 23'Yee- Zesu a -klanlanε 'la 'bhe -za -yaa sɔ -a ni 'egbenele, 'bhe 'yaale- -yaa -a -din 'bhe bhla 'ε ba.
- 24-Ayile, 'ke Simɔ Pieri 'ε 'yre -kwlanbɔle 'bhe ni dɔɔ 'bhe 'yee- Zesu 'lrɔkpa, 'bhεε- -e 'bhe zan 'ε zrɔn -a ni.
- 25'Bhe klele 'tε, 'ke 'bhe -klanlanε 'ε -ya makulale Zesu ba -yre ta, 'bhεε- 'kee- Zesu -lrɔkpale dɔɔ: "Mεεzan, -dele 'bhe zan 'ε 'le εε?"
- 26'Bhe 'yi 'ke Zesu 'a 'pele -a ni dɔɔ: "'D nu 'bluu kpu 'lεε- -zwanle' -zien 'ε ba, 'ke 'an =naa mεε 'la zan ni, 'bhe zan -le nu -dawli' 'kpale- 'η gbε ta." 'Bhe klele 'tε, 'ke Zesu 'bluu kpu do 'sile, 'ke -ya -zwanle' -zien 'ε ba, 'bhεε- 'ke -ya nale- Simɔ Isikarioti gbe Zuda ni.
- 27Zuda 'bluu kpu 'ε 'kunle-, 'ke -Setran' 'wlale -a zru 'ε 'yi; 'bhεε- 'ke Zesu 'a 'pele a ni dɔɔ: "'Yoo- zan -za 'la klele, -a kle -gun blaale-!"
- 28Mεε 'la zan mu 'pegee Zesu 'yaa- pεbhle 'zi 'eke- zi, -e 'bhe -jan 'ε =woa -a ni win 'la ma 'mu do 'kpɔ 'laa 'bhe dɔle.
- 29Zuda -yaa waa -gɔli' magaan mi 'la 'le bhe, -o 'ke mu 'kpee ma Zesu 'a =pia -a ni dɔɔ, 'ke yaa gele waa pε 'feti ta pε 'ε 'mu 'lɔyre- nɔɔ-, -e ge -gɔli' 'na 'kɔɔflejzan mu ni.
- 30Zuda 'yanle- 'bluu kpu 'ε 'bhlelele, 'kee- 'pwele blaale-. 'Bhe =kla bi 'ε zi.
- 31Zuda 'pwele- bla, 'ke Zesu 'a 'pele -yaa' -klanlanε mu 'ε ni dɔɔ: "Bhaapleŋ Gbe 'ε 'tɔbhɔleya 'ε tapwε' bhla =bhwa 'tε, 'bhεε- -e nu -Waanbhaa' 'tɔbhɔleya 'ε tapwele mεε mu ni.
- 32'Bhεε- 'ke 'yee- 'a =kla 'bhεε- mεε mu -Waanbhaa' 'tɔbhɔ- 'yee- 'gbu 'yi, -Waanbhaa' nu -a klele 'bhεε- mεε mu 'a Gbe 'ε 'tɔbhɔleya 'ε ye 'yee- -Waanbhaa' 'gbu 'yi 'ezin-, -a -vinbwa 'waati sa 'bhεε- -e 'bhe kle.
- 33'D 'bhεgwlen- mu, 'naa nu -mɔle' 'ka -din -li. 'Ka nu 'η ziglinle, 'duŋ- 'η -jan yeke- 'la =woa Zuufu -kunjlii mu 'ε ni, 'η 'bhεε- 'wole 'ka mu ni 'ezin- dɔɔ: 'η nu gele yre 'la =nɔɔ, 'ka 'laa nu 'sɔle- gele- 'bhe =nɔɔ.
- 34'Bhela- -yile, 'mi -o zan 'toŋ drεε do dɔle 'ka ni, 'bhe -le dɔɔ: 'ka -za 'sɔ 'eke- ni. 'Ka -za -swa 'mi ni gɔnε- 'la gbεen-, 'ka mu -za 'sɔ 'eke- 'bhεε- gbεen- 'ezin-.

35'Ke 'ka -za -swa 'eke- ni məkpen' nu 'a 'yaangole 'te 'bhii- 'ka -o 'ke 'mi a -klanlane mu 'le.”

36'Bhe klele 'te, 'ke Simo Pieri Zesu 'lrōkpale dōo: "Mēzan, 'e ge 'zi 'naa ma εε?" Zesu 'a 'lekwan- -a ni dōo: "'D gele- yre 'la =nōo- -zōn 'yaa sō gele- 'η zi 'bhe =nōo, 'duŋ- 'e nu gele 'η zi boolazi.”

37'Bhe 'yi 'te, 'ke Pieri 'a 'pele Zesu ni dōo: "Mēzan, -mela ma 'naa sō gele- 'e zi -zōn εε? 'D 'yrisriwole -o 'ke 'mi 'η 'niigo- 'η =si 'ε yi 'yaa- -za ma.”

38'Bhe klele 'te, 'ke Zesu 'a 'lrōkpale dōo: "'E 'yrisriwole -o dōo 'yee 'niigwa- 'e 'gbu =si 'ε 'yi 'mi a -za ma εε? 'Mi pe 'e ni 'η 'sōwεε- ma dōo: 'sani- maagwlen -weli' plen- -zōn, 'e nu 'e 'lēmādōle 'mi ma 'eglōole -glōon yaga 'kaa 'yaa 'mi dō.”

Zaan 14

1'Bhe blaana, 'ke Zesu 'a 'pele -yaa' -klanlane mu 'ε ni 'ezin- dōo: "'Ka 'laa 'ka zrubatēdōle. -Ka 'ka 'kpa -Waanbhaa' 'yi, 'bhεε- -ka 'ka 'kpa 'mi 'yi 'ezin-.

2'Yaayre -bebe -o 'η Dε -Waanbhaa' ba 'fε 'ε =la. 'Ke 'bhe 'laa -o bi 'ke wlan 'le, 'naa -yaa nu -a pele 'ka ni dōo 'mi ge 'zi 'ka 'yaayre- magaanle 'ka 'lεε -sō.

3'Ke 'η 'yaan- 'ka 'yaayre- 'ε magaanlele bhla 'la ba, 'η nu nule 'ka 'kunle-, 'kooko- 'η 'yoo- yre 'la =nōo 'ka kle 'bhe =nōo 'ezin-.

4'Mi -o ge 'zi yre 'la =nōo, 'ka 'bhe =nōo zi 'ε dō.”

5'Bhe klele 'te, 'ke Toma 'a 'pele Zesu ni dōo: "Mēzan, 'e gele- yre 'la =nōo 'waa 'bhe dō. 'O sō 'bhe =nōo zi 'ε dōle- 'nale- -a ma εε?”

6'Bhe 'yi 'te, 'ke Zesu 'a zikpale -a ni dōo: "'Mi -le 'ke Zi 'ε 'le, 'bhεε- 'mi -le 'ke wlan 'le, 'bhe 'pegee 'mi -le bole -yre ma -si 'ε 'na mεε ni. Mεε 'kedo- 'kpō 'laa sō gele- 'η Dε -Waanbhaa ba 'ke 'bhe zan laa 'kanle- 'mi ba.

7'Ke 'ka 'mi dō bi, 'ka 'yaa- nu 'η Dε -Waanbhaa' dōle 'ezin-. 'Bhεε- drōon' 'kaa -dwa -zōn, 'bhεε- 'kaa =ya.”

8>Filipu pe Zesu ni 'te dōo: "Mēzan, 'e Dε -Waanbhaa' zrōn 'o ni, 'bhεε- 'bhe 'waa- pε 'ε 'yibhō-.”

9'Zesu 'bhe zikpaa- -a ni 'bhe 'yi 'te dōo: "-A nōo- =mwa gban 'ke -kōō' -o 'eke- zi, 'bhεε- 'bhi Filipu 'laa 'η dōle -lii εε? 'Ke mεε 'la zan 'η =ya 'bhe zan 'η Dε -Waanbhaa' -la =ya. -Mεle -kla 'yoo- -a 'pe 'zi dōo: "E Dε -Waanbhaa zrōn 'o ni εε?”

10'E 'kpale- laa -o -a -yi 'bhii- 'mi -o 'η Dε -Waanbhaa' 'yi, 'bhεε- 'η Dε -Waanbhaa' -o 'mi 'yi εε? 'D 'yoo- -jan mu 'la 'wo zii' 'ka ni, 'mu 'laa -o da 'zi 'mi 'gbu 'kpee. 'D Dε -Waanbhaa' 'la -yoo 'η 'yi, 'bhe -le 'bhe 'gbu a ye mu wo 'zi 'mi 'yi.

11-Ka 'ka 'kpa 'mi 'yi 'ke 'an 'pia- 'ka ni dōo: 'η 'yoo- 'η Dε -Waanbhaa' 'yi, 'bhεε- 'yee- 'η Dε -Waanbhaa' -o 'mi 'yi. 'Bhεε- 'duŋ-, 'ke 'ka 'laa 'ka 'kpale- 'η -jan 'la =woa 'mu 'yi, -ka 'ka 'kpa 'η -za mu 'la kle 'zi 'mu 'yi.

- 12'Mi pe 'ka ni 'η 'sowεε- ma dɔɔ: 'ke mεε 'la zan 'e =kpaɔ 'η 'yi, 'η 'yoo- ye mu 'la 'wo zii', 'bhe zan nu 'bhe 'yansi ye mu 'wolε-. 'Bhεε- 'duŋ-, 'bhe zan nu ye mu 'ke mu wole 'ke 'mu gbłaan -yiya' 'mi a pe mu 'ε ni, -amasrɔyi 'η 'yoo- ge 'zi 'η Dε -Waanbhaa' ba.
- 13'Bhεε- 'ke 'ka pe 'la 'yrewoa- -Waanbhaa' ma 'η 'tɔ 'yi 'kaa 'η 'bhe kle, 'η nu 'bhεε- klele, 'kooko- -Nε 'ε -ya Dε -Waanbhaa' 'tɔbhɔleya 'ε zrɔn mεε mu ni kpataakpa.
- 14'Ke 'ka pe 'kε 'la -yrewoa 'η ma 'η 'tɔ 'yi 'kaa 'η 'bhe kle, 'η nu 'bhεε- klele.”
- 15'''Ke 'η -za sɔ 'ka ni, 'ka nu 'η 'wojan- mu 'ε 'klɔsikunε.
- 16'Mi nu -a -yrewole 'η Dε -Waanbhaa' ma dɔɔ -e bhɔŋba mi -bhεεke' do na 'ka ni, 'kooko- 'bhe bo 'ka -din 'taŋii.
- 17'Bhe 'bhɔŋba- mi 'ε 'bhe -le wlan ma Lii 'Wεŋ 'ε 'le. 'Drunyan 'yi mu 'ε waa sɔ -a -srɔɔwole, -amasrɔyi waa sɔ -a yele-, 'bhe 'pegee waa sɔ a dɔle-. 'Bhεε- 'duŋ-, 'ka mu 'a dɔ, -amasrɔyi -yoo 'ka mu -din, 'bhεε- -yoo zan bole 'ka 'yi.
- 18'Naa nu 'ka 'tolε- 'ka do -kplɛn 'le 'bhii- twenε- mu; 'η nu nu gbε drεewole 'ka ba.
- 19-A -vinbwa 'waati sa, 'bhεε- 'drunyan ta mεε mu 'ε waa nu 'η 'yele- -li 'ezin-. 'Duŋ- 'ka mu nu 'η 'yele-, -amasrɔyi 'η 'yoo- 'η 'yre ma, 'bhεε- 'ka mu nu bole 'ka 'yre ma 'ezin-.
- 20'Ke 'bhe yi 'ε =bhwa, 'ka nu -a 'yaangolε 'bhe 'yi, 'bhii- 'mi 'pegee 'η Dε -Waanbhaa' 'woo do, 'bhεε- 'ka mu 'pegee 'mi -o do, 'bhεε- 'mi 'pegee 'ka mu -o do.”
- 21'''Ke mεε 'la zan 'η 'wojan- mu 'ε 'lɛdɔ- -a ma, 'bhεε- -yoo 'klɔsikun, 'η -za sɔ 'bhεε- zan ni. 'Bhεε- 'ke 'η -za sɔ mεε 'la zan ni, 'bhe zan -za nu 'sɔle- 'η Dε -Waanbhaa' ni. 'Bhe zan -za nu 'sɔle- 'η ni, 'bhεε- 'mi 'gbu nu 'η 'gbu zrɔnle 'bhe zan 'ε ni.”
- 22'Bhe ya 'ε 'yi, -o -yaa Zesu a -klanlɛnε 'la sii Zudi, waa pele Zuda Isikarioti, 'ke 'bhe Zesu 'lrɔkpale dɔɔ: "Mεεzan, -mele -kla 'bhεε- 'e nu 'ε 'gbu zrɔnle 'o mɔɔ ni, 'bhεε- 'yaa nu -e 'gbu zrɔnle 'drunyan ta mu 'ε ni εε?”
- 23'Zesu 'bhe 'lekwan- -a ni dɔɔ: "'Ke 'η -za sɔ mεε 'la zan ni, 'bhe zan 'η 'wojan- mu 'ε 'klɔsikun. 'Bhεε- -a -za nu 'sɔle- 'η Dε -Waanbhaa' ni. 'Bhela- -yile 'mi 'pegee 'η Dε -Waanbhaa' 'o nu nule 'bhe zan 'ε ba, 'bhεε- -o nu bole -a -yi.
- 24'Duŋ- 'ke 'η -za 'laa sɔ mεε 'la zan ni, 'bhe zan laa 'η 'wojan- mu 'ε 'klɔsikun. 'Ka -o -jan mu 'la 'ma zii' 'η 'lii -gε bhe, 'mu 'laa -o da 'zi 'mi 'gbu ba; 'duŋ- 'η Dε -Waanbhaa' 'la 'mi 'winbwa- 'bhe -le -o 'kpa zii' 'η 'lii.
- 25'D 'bhe -jan mu 'ε =woa 'ka ni 'bhe 'waati 'ε ba 'ke 'η 'yoo- 'ka -din.
- 26'Duŋ- 'ka 'bhɔŋba- mi 'ε, Lii 'Wεŋ 'la 'η Dε nu 'bhe 'kpale- 'ka ni 'η 'tɔ 'yi, 'bhe nu 'ka daanle -za mu 'ε 'kpen 'le, 'bhεε- 'η -jan mu 'la 'kpen =woa 'ka ni, 'bhe nu 'mu 'kpen dɔle 'ka 'kpee.”
- 27'''Mi -o yilabla 'ε 'tɔ zii' 'ka ni, 'mi -o 'an yilabla 'ε 'bhεε- 'na zii' 'ka ni. 'Duŋ- 'mi 'laa -o -a na 'zi 'ka ni 'bhii- 'drunyan 'yi mu 'a na gɔnε- 'la gbεen-. 'Ka 'laa 'ka zrubatedɔle, 'bhεε- 'ka 'laa -gbłaanle'.

28'Kaa =maa 'η ta dɔɔ: "D 'yoo- ge 'zi, 'bhɛɛ- 'duŋ- 'η nu nu gbɛ drɛɛwolɛ 'ka ba.' 'Ke 'η -za sɔ bi 'ka ni, 'η gelawo zii' 'η Dɛ -Waanbhaa' 'la gbalaan -yiya' 'mi ni 'bhɛ ba bhe, 'bhɛ -za 'ɛ 'yaa- nu 'ka zrukpaalɛ.

29'Mi -za mu 'la =pia 'ka ni -gɛ bhe, 'ke waa bhɔlɛ -li; 'ke 'ka -o bhɔlɛ =ya 'waati 'la ba, 'ka nu 'ka 'kpale- 'mi 'yi.

30'Mi 'pegee 'ka mu laa nu -wele' -li 'ebebele. -Amasrɔyi 'drunyan 'lɛɛ- -a ta -kuŋlii 'ɛ =bhwa gban -wa -din. -Yaa' 'seŋ do 'kpɔ 'laa -o -li 'mi ta.

31'Duŋ-, 'kooko- 'drunyan 'yi mu 'ɛ -wa 'yaango- 'bhii- 'η Dɛ -Waanbhaa' -za sɔ 'η ni, 'bhɛɛ- -ya =pia 'η 'kɛla klɛ, 'η 'bhɛɛ- klɛ. -Ka 'ka 'wlen- 'bhɛɛ- -kɔɔ' ge!"

Zaan 15

1'Zesu pe 'ezin- dɔɔ: "'Mi -le 'ke -drɔɔ diiŋ -zeze 'gbu 'ɛ 'le, 'bhɛɛ- 'η Dɛ -Waanbhaa' -le 'ke -a gbakpa' mi 'ɛ 'le.

2-Drɔɔ diiŋ 'ɛ gbɛ 'oo gbɛ 'la yaa -a bhaa klɛ, -e 'bhɛ takan, 'bhɛɛ- -a gbɛ 'oo gbɛ 'la 'bhɛ 'bhɛ bhaa klɛ, -e 'bhɛ yin 'ɛ kan, 'kooko- -ya bhaa 'ɛ baan' klɛ 'ebebele 'ezin-.

3'Bhɛ klegbeyaa do 'ɛ 'yi, 'η 'ka -daanna -jan 'la 'le bhe, 'bhɛ 'kaa- 'drunyan ta zru maza mu 'ɛ -gwa 'ka ma, 'bhɛɛ- 'bhɛ 'ka =kla 'weŋ gban.

4'Ka blɔɔle bo 'mi ma 'bhii- 'mi blɔɔle bole -o 'ka mu ma gɔnɛ- 'la gbɛɛn-. -Yri gbɛ do laa sɔ -a bhaa klɛle- 'ke -a blɔɔle laa bole -yri diiŋ 'ɛ ma. 'Bhɛ klegbeyaa do 'ɛ 'yi, 'ke 'ka blɔɔle 'laa bole 'mi ma, 'ka 'laa nu 'sɔlɛ- -za 'kɛdo- 'kpɔ klɛle- -Waanbhaa ni.

5'Mi -o 'bhii- -drɔɔ diiŋ 'ɛ gbɛɛn-, 'bhɛɛ- 'ka mu -o 'bhii- -a gbɛ mu 'ɛ gbɛɛn-. 'Ke mɛɛ 'la zan blɔɔle =bwa 'mi ma, 'bhɛɛ- 'ke 'mi blɔɔle =bwa 'bhɛ zan 'ɛ ma, 'bhɛ zan sɔ -za 'lrele- -bebe klɛle-. -Amasrɔyi 'ka 'laa sɔ -za 'kɛdo- 'kpɔ klɛle- 'mi bla.

6'Ke mɛɛ 'la zan blɔɔle laa bole 'mi ma, -o 'bhɛ zan blin 'pɛlii- 'bhii- -yri gbɛ do, 'bhɛɛ- -e ga. -E klɛ 'bhii- -yri gbɛ mu 'la 'ke -woo takaan-, 'bhɛɛ- -woo -gwa -yri diiŋ 'ɛ ma, -o -gaa; -woo -wloo', 'bhɛɛ- -woo blin 'tɛ 'yi, 'bhɛɛ- 'tɛ -o bhle.

7'Bhɛ ya 'ɛ 'yi, 'ke 'ka blɔɔle =bwa 'mi ma, 'bhɛɛ- 'ke 'an -jan mu 'ɛ =bwa 'ka 'kpee, 'ke 'ka maza -dwa pɛ 'oo pɛ 'la ma, -ka 'bhɛ 'yɛwo- 'η ma, 'bhɛɛ- 'η nu 'bhɛ 'nale- 'ka ni.

8-Yri gbɛ mu 'ɛ -woo bhaa klɛ 'ebebele gɔnɛ- 'la gbɛɛn-, 'ke 'ka -za 'lrele- -bebe mu klɛ 'bhɛ gbɛɛn-, 'ka 'η Dɛ -Waanbhaa' 'tɔbhɔ, 'bhɛɛ- 'bhɛ ya 'ɛ 'yi, 'kaa zɔn 'bhɛ ma 'bhii- 'ka -o 'an -kɛlɛlanɛ mu 'le.

9'D -za sɔ 'η Dɛ -Waanbhaa' ni gɔnɛ- 'la gbɛɛn-, 'ka mu -za sɔ 'mi ni 'bhɛɛ- gbɛɛn-. -Ka bo 'mi a pɛ 'sɔniya 'ɛ 'yi.

10'Ke 'ka 'mi 'wojan- mu 'ɛ 'klɔsikwan, 'ka nu bole 'mi a pɛ 'sɔniya 'ɛ 'yi, 'bhii- 'mi 'η Dɛ -Waanbhaa' wojan mu 'ɛ 'klɔsikwan gɔnɛ- 'la gbɛɛn-, 'bhɛɛ- 'η =bwa -yaa' 'sɔniya 'ɛ 'yi."

- 11'''D 'bhe -jan 'e =woa 'ka ni 'bhe gbēen- bhe, 'kooko- 'mi zrukpaale -o gōnē- 'la gbēen-, 'ka mu zrukpaale klē 'bhe gbēen-, 'bhēē- 'kaa- pē zrukpaā' 'e 'lepale klē.
- 12'D 'yoo- -a zi 'bhii- 'ka 'taawo 'toŋ 'lēē- 'bhēē- ta, 'bhe -le dō: 'Ka -za 'sō 'eke- ni, 'bhii- 'ka -za =swa 'mi ni gōnē- 'la gbēen-.
- 13'Ke 'yee 'niigo- 'e 'gbu =si 'e 'yi, 'bhēē- 'e ga 'e 'bhēgwlen- mu 'e -zayi', 'sōniya 'bhēēke -gbēē 'kanle- -laa -o 'bhe ta.
- 14'Ke 'an 'pia- 'ka ni 'ka 'taawo 'toŋ 'la ta, 'ke 'ka 'bhe =kla, 'kaa- zrōn 'bhe ma 'bhii- 'ka -o 'ŋ 'bhēgwlen- mu 'le.
- 15'Naa 'ka sii -li 'an yewonē mu, -amasrōyi yewonē 'e yaa -a -kuŋlii klēza mu 'e dō. 'Duŋ- 'mi -o 'ka 'sii zii' 'ŋ 'bhēgwlen- mu, -amasrōyi 'ŋ -za 'oo -za 'la -daanna 'ŋ Dē -Waanbhaa' 'kō, 'mi 'bhe 'kpen -zrōnna 'ka ni.
- 16'Yaa klēlē 'bhii- 'ka mu -le 'mi makwan-, 'duŋ- 'mi -le 'ka mu makwan-. 'Mi 'ka mu makwan-, 'bhēē- 'ŋ 'ka =kla 'an winbōwo mu 'le. 'Kooko- 'ka ge -za 'lrele- mu klē; 'bhēē- 'ke 'bhe -za 'lrele- mu 'e mō. 'Ke 'bhe =kla, 'ke 'ka pē 'oo pē 'la 'yrewoa- 'ŋ Dē -Waanbhaa' ma 'mi 'tō 'yi, -e nu 'bhe 'nale- 'ka ni.
- 17'Mi -o -a zi 'bhii- 'ka 'taawo 'toŋ 'la ta, 'bhe -le dō 'ke 'ka -za sō 'eke- ni.”
- 18'Zesu pe -yaa' -klanlanē mu 'e ni 'ezin- dō: "'Ke 'ka vensi 'drunyan 'yi mu 'e yin 'lii, -kaa 'yaango- 'bhii- 'mi vensia- -o yin 'lii 'ezin- 'ka mu -lēē.
- 19'Kee- 'kpa bi 'ka 'pegee 'drunyan 'lēē- 'yi mu 'e 'ka -o do, 'ka -za -yaa nu 'sōlē- -o ni. 'Duŋ- 'ka 'laa -o 'drunyan 'lēē- -yaa pē 'le, 'bhēē- 'mi 'ka malakwan 'yee- 'drunyan 'lēē- 'yi mu 'e ba, 'bhēla- -zayile 'ka ven -o 'si zii' -o yin 'lii.
- 20'D -jan 'la =woa 'ka ni bhe, 'bhe dō 'ka 'kpee, 'bhe -jan 'e 'bhe -le dō: 'Yewonē 'e gbłaan -yi 'laa ya -a -kuŋlii 'e ni'. 'Bhe ya 'e 'yi, 'ke mēē mu 'e -yrenkpaā 'mi ta, -o nu -yrenkpālē 'ka mu ta 'ezin-; 'ke -woo 'ŋ 'wojan- mu 'e 'klōsikwan, -o nu 'ka mu wojan mu 'e 'klōsikunlē 'ezin-.
- 21-O nu 'bhe -za mu 'e 'kpen klēlē 'ka ni 'mi 'tō 'e -zayi'; -amasrōyi mēē 'la zan 'ŋ 'winbwa- waa 'bhe zan dō.
- 22'Ke 'naa 'nule- bi 'drunyan 'lēē- 'yi, 'bhēē- 'ke 'naa -Jan 'Nrāle- 'e 'wolē- -o ni, -kpan 'laa -yaa nu baalē -o ta -waa' -za -yōō' mu 'e -zayi'. 'Duŋ- -zōn 'zoo 'kedo- 'kpō 'laa -o zi 'ke -wa pe dō waa 'yaango- 'bhii- -o klēza mu 'e 'mu -o 'ke -za 'yōō- mu 'le.
- 23'Ke mēē 'la zan 'ŋ mafinyanwo, 'bhe zan 'ŋ Dē -Waanbhaa' mafinyanwo 'ezin-.
- 24'Mēē -bhēēke' do 'kpō 'laa 'sōlē- maza -glōōn mu 'la klēlē -lido', 'ke 'naa 'bhe 'sōlē- maza -glōōn mu 'e klēlē bi -o 'pleŋ-, -kpan 'laa -yaa nu baalē -o ta 'mu -zayi', 'bhēē- 'sōlē- maza mu 'e -zayi' -woo 'mi 'pegee 'ŋ Dē -Waanbhaa' mafinyanwo.
- 25'Duŋ- 'bhe 'kpen =kla, 'kooko- -jan 'la yōōndele -o -waa' 'Toŋ mu 'e 'yi, 'bhe -jan 'e 'lēō-; 'bhe -jan 'e 'bhe -le dō: '-Woo 'ŋ mafinyanwoa bhaama.' “

26'''Mi nu 'ka 'Bhɔŋba- mi 'la 'kpale- 'ka ni 'kee- da 'ŋ Dɛ -Waanbhaa' ba, 'bhe 'la 'bhe - o 'ke wlan ma Lii Wen 'ɛ 'le bhe. 'Ke 'bhe =nwa bhla 'la ba, 'bhe nu 'sɛya- klele 'mi ba zayi'.

27'Bhɛɛ- 'ka mu, 'ka nu 'sɛya- klele 'mi ba zayi', -amasɔyi 'mi 'pegee 'ka mu =bwa 'eke- zi 'kee- 'san 'an ye 'ɛ zisan' bhla zi ma."

Zaan 16

1'''D 'bhe -jan mu 'ɛ =woa 'ka ni, 'kooko- 'ka 'laa ploo 'ka 'kpale- ma 'mi 'yi.

2-O nu 'ka -gbinle' Zuufu mu daanfɛ' mu 'ɛ =la. Drɔɔn', 'bhe 'waati -o zan bhɔle, 'ke 'bhe =bhwa, 'ke mɛɛ mu 'ka =dia, -e nu klele -o ni 'bhii- -woo -Waanbhaa' -la gba 'zi 'bhɛɛ- gbɛɛn- bhe.

3-O nu 'bhe -za mu 'ɛ klele 'ka ni 'bhe gbɛɛn- bhe, -amasɔyi waa 'ŋ Dɛ -Waanbhaa' dɔle, 'bhɛɛ- waa 'mi dɔle 'ezin-.

4'Duŋ-, 'ŋ 'bhe -za mu 'ɛ =woa 'ka ni -zɔn, 'kooko- 'ke -o 'bhe -za -glɔɔn mu 'ɛ =kla 'ka ni 'waati 'la ba, -e dɔ 'ka 'kpee 'bhii- 'ŋ 'bhe -jan 'ɛ =woa gban 'ka ni. 'Naa 'bhe -za mu 'ɛ 'pele- 'ka ni 'an ye 'ɛ zisan' bhla zi, -amasɔyi 'ŋ 'yaa- 'ka -din."

5'''D 'yoo- zan gele 'ŋ 'winbɔ- mi 'ɛ ba, 'bhɛɛ- 'ka 'kedo- 'kpɔ 'laa -o 'ŋ 'lrɔkpale dɔɔ: "E ge 'zi 'naa- ɛɛ?"

6'Duŋ- 'ŋ 'bhe -jan mu 'ɛ 'wolawoa 'ka ni, 'bhela- -yile 'ka 'ka wleyisriwoa.

7'Bhɛɛ- 'duŋ-, 'ŋ 'yoo- wlan -la pe 'zi 'ka ni dɔɔ: 'ke 'ŋ -ja, 'bhe 'trɔn- -o 'ka mu 'gbu ma. -Amasɔyi 'ke 'naa gele, 'Bhɔŋba- mi 'ɛ yaa nu nule 'ka ba. 'Duŋ- 'ke 'ŋ -ja, 'ŋ nu -a 'kpale- 'ka ni.

8'Bhɛɛ- 'ke 'bhe 'Bhɔŋba- mi 'ɛ =nwa bhla 'la ba, 'bhe nu a zrɔnle 'drunyan 'yi mu 'ɛ ni 'bhii- -o -yinile -o -za 'yɔɔ- ba zayi', 'bhe 'pegee -ledɔleya -Waanbhaa' -yre 'yi, 'bhɛɛ- -Waanbhaa' a 'kiti 'ɛ ba zayi'.

9-O -yinile -o -za 'yɔɔ ba zayi' win 'la ma, 'bhe -le waa -o 'kpa 'mi 'yi.

10'Bhɛɛ- -o -yinile -o -ledɔleya ba zayi' win 'la ma, 'bhe -le dɔɔ 'ŋ 'yoo- ge 'zi 'ŋ Dɛ -Waanbhaa' ba, 'bhɛɛ- 'ka 'laa nu 'ŋ 'yele- -li.

11'Bhɛɛ- -o -yinile -o -Waanbhaa' a 'kitikanza 'ɛ ba zayi', -amasɔyi -Waanbhaa' -kpan balaa' gban 'drunyan 'lɛɛ- 'yi -kunlii 'ɛ ta.

12"-Jan -bebe -o -li 'ŋ zi 'ke 'mu pe 'ka ni, 'duŋ- 'bhe fangan- 'laa -o 'ka ta 'ke 'ka sɔ -o -yimale -zɔn.

13'Ke wlan ma Lii 'Wen 'ɛ =nwa bhla 'la ba, 'bhe nu 'ka 'ledɔle wlan a pe zi 'ɛ 'kpen 'lii. -Amasɔyi, Yaa nu -a 'gbu a janwole, 'duŋ- -e -za mu 'la 'kpen =maa -e nu 'mu -la wole 'ka ni; 'bhɛɛ- -za mu 'la -woo zan klele, -e nu 'mu -la -lɛɛjanwole 'ka ni.

14-E nu 'ŋ 'tɔbhɔle, -amasɔyi -jan 'la 'bhe -o 'mi 'kɔɔ, -e nu 'bhɛɛ- 'sile-, 'bhɛɛ- -e 'bhe wo 'ka ni.

- 15Pe 'oo pe 'la -yoo 'η Dε -Waanbhaa' 'koo, 'mi a pe -le 'mu 'kpen 'le 'ezin-. 'Bhela- -zayile 'an =pia dɔɔ Lii 'Weη 'ε nu 'mi a -jan 'ε 'sile- 'bhεε- -e 'bhe wo 'ka ni."
- 16Zesu pe -yaa' -klanlanε mu 'ε ni dɔɔ: "-A -vinbwa 'waati sa, 'bhεε- 'ka 'laa nu 'η 'yele- -li, 'bhεε- -a -vinbwa 'waati sa 'bhεε- 'ka nu 'η 'yele- 'ezin-."
- 17'Bhe klele 'te, 'ke -yaa' -klanlanε mu 'ε 'ke mu 'a 'pele 'eke- ni dɔɔ: "-Ya 'pelawo zii' dɔɔ: '-A -vinbwa 'waati sa, 'bhεε- 'ka 'laa nu 'η 'yele- -li, 'bhεε- -a -vinbwa 'waati sa 'bhεε- 'ka nu 'η 'yele- 'ezin-. 'Bhe 'pegee: '-Amasroyi 'η 'yoo- ge 'zi 'η Dε -Waanbhaa' ba.' 'Bhe -jan mu 'la bhe 'mu 'yi -o 'nale- -a ma εε?
- 18-Ya 'pelawo zii' dɔɔ: '-A -vinbwa 'waati sa'. 'Bhe 'yi -o 'nale- -a ma εε? -Yoo -jan 'la 'wo 'zi bhe, 'waa -o 'bhe 'yima zii'."
- 19Zesu 'a 'yaangole 'bhii- -yaa' -klanlanε mu 'ε -woo zan -a -lrɔkpale, 'ke -ya pele- -o ni 'te dɔɔ: "'An 'pelawoa 'ka ni dɔɔ: '-A -vinbwa 'waati sa, 'bhεε- 'ka 'laa nu 'η 'yele- -li, 'bhεε- -a -vinbwa 'waati sa 'bhεε- 'ka nu 'η 'yele- 'ezin-. 'Ka -o 'eke- -lrɔkpa' zii' 'bhεε- ma εε?
- 20'Mi pe 'ka ni 'η 'sɔwεε- ma dɔɔ: 'ka nu wisile, 'bhεε- 'ka nu 'ka 'la ma wisile, 'duη- 'drunyan 'lεε- 'yi mu 'ε -o zrukpaale nu klele 'bhe -zayi'. 'Bhεε- 'ka nu 'ka wleyisriwole, 'duη- 'kaa- wleyisriwole 'ε nu niinale 'ke 'ka zrukpaal' le.
- 21'Ke le do -bla =zian -a ta, -ya wleyisriwo, -amasroyi yaa -yrenbhle' bhla 'ε =bhwa. 'Duη- 'kee- -yaan -ne 'ε 'yalele bhla 'la ba, -e -yren 'la =bhla bhe, 'bhe =nia -a 'kpee, -amasroyi -ya -yaa 'ke bhaaplεη do 'la 'le 'drunyan 'lεε- 'yi 'bhe 'a zrukpaalaa.
- 22'Bhεε- 'ka mu -o 'bhεε- gbεen- 'ezin-: 'ka -o 'ka wleyisriwo zii' -zɔn. 'Duη- 'η nu 'ka 'yele- 'ezin-, 'bhεε- 'ka zrukpaale nu klele. 'Bhεε- mεε 'kedo- 'kpɔ 'laa nu 'sɔle- 'kaa- zrukpaal 'ε gole- 'ka zru ba."
- 23"'Ke 'bhe yi 'ε =bhwa, 'ka 'laa nu 'η 'lrɔkpale -za 'kedo- 'kpɔ 'yi -li. 'Mi pe 'ka ni 'η 'sɔwεε- ma dɔɔ: 'ke 'ka pe 'oo pe 'la 'yɛwoa- 'η Dε -Waanbhaa' ma 'mi 'tɔ 'ε 'yi, -e nu 'bhe pe 'ε 'nale- 'ka ni.
- 24'Ali- 'kee- nu 'tenle- -zɔn ma, 'ka 'laa pe 'kedo- 'kpɔ 'yɛwole -li 'η Dε -Waanbhaa' ma 'mi 'tɔ 'yi. -Ka pe -yɛwo' -a ma, 'bhεε- 'ka nu pe 'srɔwole -a 'kɔɔ. 'Ke 'bhe =kla, 'bhεε- 'kaa- zrukpaal 'ε 'le nu 'pale-."
- 25Zesu -ja -janwole 'ε zi -yaa' -klanlanε mu 'ε ni 'ke -ya pe -o ni dɔɔ: "'Mi 'bhe -za mu 'ε 'kpen =woa 'ka ni -gɔɔn mu -la -yi. 'Duη- 'bhe 'waati -o zan bhɔle, 'bhεε- 'naa nu -janwole -li 'ka ni -gɔɔn mu 'yi, 'duη- 'η nu 'η Dε -Waanbhaa' ba jan mu 'ε 'wole- 'ka ni kpataakpa.
- 26'Ke 'bhe yi 'ε =bhwa, 'ka nu pe -yɛwole 'η Dε -Waanbhaa' ma 'η 'tɔ 'yi; 'bhεε- 'naa- -o -a pe 'zi 'ka ni dɔɔ 'η nu -sromabɔle 'η Dε -Waanbhaa' ni, 'kooko- -e 'kaa pe -yɛwole 'ε 'lekun- 'ka ni.
- 27-Amasroyi 'ka mu -za sɔ 'η Dε -Waanbhaa' 'gbu ni. 'Ka -za sɔ -a ni -amasroyi 'mi -za -swa 'ka ni, 'bhεε- 'ka 'kpale- -o -a -yi 'bhii- 'η -daa 'yee- -Waanbhaa' -la ba.

- 28 Wlan 'ε ni, 'η -daa 'yee- 'η Dε -Waanbhaa' -la ba, 'bhεε- 'η =nwa 'drunyan 'lεε- 'yi. 'Mi -o go 'zi 'drunyan 'lεε- 'yi, 'bhεε- 'η 'yoo- 'niina- 'zi 'yee- 'η Dε -Waanbhaa' ba ye.”
- 29 'Bhε klele 'tε, 'ke -yaa' -klanlanε mu 'ε -wa pele- -a ni dɔɔ: " -D η! 'Yaa -o -janwo' zii' -li 'o ni -gɔɔn mu 'yi, 'bhεε- 'duɔ- 'e -janwole -saan 'o ni kpataakpa 'tε.
- 30 'Wa 'yaango- -zɔn 'bhii- 'e -za 'kpen dɔ. 'Bhεε- 'sani- -o nu 'e 'lrɔkpale -za 'la 'yi, 'e 'bhε -dwa gban. 'Bhela- -yile 'o 'kpale- -o -a -yi 'bhii- 'e -daa -Waanbhaa' ba.”
- 31 'Bhε klele 'tε, 'ke Zesu 'bhε zikpale -o ni dɔɔ: "'Ka pe dɔɔ 'ka 'kpale- -o 'mi 'yi -zɔn εε?
- 32 -Ka 'ka 'trɔnkpa doo! 'Bhε 'waati -o zan bhɔle, 'bhεε- 'bhε =bhwa gban 'duɔ-, 'ka 'kpen nu 'kanle- 'eke- ma, 'bhεε- 'ka 'kpen do do nu gele 'ka ba -le ma, 'bhεε- 'ka nu 'η do -kplenne' 'tolε- -a nɔɔ-. 'Duɔ- 'naa nu bole -o 'η do -kplenne' 'le 'dε, -amasrɔyi, 'η Dε -Waanbhaa' -o 'η zi.
- 33 'D 'bhε -za mu 'ε =pia 'ka ni bhe, 'kooko- 'mi 'pegee 'ka mu 'kpale- 'la -yoo do ma, 'ka yilabla 'srɔwo-. 'Ka nu -yren -bebe 'bhlele- 'drunyan 'lεε- 'yi. 'Duɔ- -ka 'ka zrudɔ 'eglɔle! -Amasrɔyi 'η 'sɛngwa- gban 'drunyan 'le.”

Zaan 17

- 1 Zesu 'yanle- 'bhε -jan 'ε 'wolele, 'ke -ya -yrekpale laanima, 'bhεε- 'ke -ya pele- dɔɔ: "'D Dε -Waanbhaa' 'waati 'ε =bhwa -zɔn 'tε. 'E Gbe 'ε 'tɔbhɔ mεε mu 'ε -yre ma, 'kooko- 'e Gbe 'bhε 'e 'tɔbhɔ 'ezin- -o -yre ma.
- 2 -Amasrɔyi 'e -glɔɔya' -naa -a ni bhaaplen mu 'kpen ta, 'kooko- bole -yre ma -si 'la -daj' 'laa -o 'bhε ma -e 'bhε na 'e mεε 'la zan mu gbekpaa- -a 'kɔɔ 'mu ni.
- 3 Bole -yre ma -si 'la -daj' 'laa -o 'bhε ma 'bhε -le dɔɔ 'ke -woo 'e dɔ 'bhii- 'bhi -le 'ke wlan ma -Waanbhaa' do 'kpɔ 'ε 'le, 'bhεε- 'ke -wa dɔ 'ezin- 'bhii- 'bhi -le Zesu Krisi 'winbwa-.
- 4 'Bhεε- 'η 'yaa- 'tɔbhɔleya 'ε -zrɔnna 'tre ta -gε, 'bhεε- 'e ye 'la gbekpaa- 'η 'kɔɔ 'kaa 'an 'wo, 'η 'yaan- 'bhε 'wolele.
- 5 'Bhε ya 'ε 'yi, 'η Dε -Waanbhaa', 'η 'tɔbhɔle -yaa 'e -din gɔnε- 'la gbεen- 'ke 'drunyan 'laa klele -li 'waati 'la ba, 'bhε 'tɔbhɔleya -glɔɔn 'ε 'na 'η ni -zɔn.”
- 6 "'E mεε la zan mu =sia 'drunyan 'ε 'yi mu 'ε ba, 'bhεε- 'yoo- -naa 'η ni, 'an =kla 'bhεε- -woo 'e -dwa. 'Yaa- pe -le -yaa 'ke -o -le, 'bhεε- 'yoo- -naa 'η ni; 'bhεε- -o 'yaa- -jan 'ε 'klɔsikwan.
- 7 -Wa 'yaangwa- -zɔn 'bhii- 'e pe 'la 'kpen =naa 'η ni, 'bhε da 'bhi 'gbu -la ba.
- 8 -Amasrɔyi 'e -jan mu 'la =woa 'mi ni, 'mi 'bhε mu -la =woa -o ni 'ezin-; 'bhεε- -o -dwa -o -la. -Wa 'yaangwa- 'ezin- 'bhii- 'η -daa 'bhi 'gbu -la ba wlan 'ε ni, 'bhεε- -woo -kpaa -a -yi 'bhii- 'bhi -le 'mi 'winbwa-.

- 9'''D 'yoo- 'η 'seriwo zii' 'wola- -za ma, 'naa -o 'η 'seriwo zii' 'drunyan 'yi mu a -za ma; 'duη- 'η 'yoo- 'seriwo zii' 'e mεε 'la zan mu gbεkpaa- 'η 'kɔɔ 'mu -la -za ma, -amasrɔyi 'yaa pε -le 'ke -o -le.
- 10Pε 'oo pε 'la 'bhε -o 'mi 'kɔɔ, 'yaa- pε -le 'bhε 'le; 'bhεε- pε 'oo pε 'la 'bhε -o 'bhi 'kɔɔ, 'mi a pε -le 'bhε 'le 'ezin-. 'Bhε ya 'ε 'yi, mεε mu 'an pε 'tɔbhɔleya 'ε ye 'mi a pε - klanlanε mu 'ε 'mu -la -yi.
- 11'Mi -o zan golε 'drunyan 'lεε- 'yi, duη- 'woo- mu nu bolε -a -yi. 'Mi -o ge 'zi 'bhi -la ba ye. 'D Dε -Waanbhaa' 'wenη, 'e 'yrekpa -o ba 'yaa- -glɔɔya' 'ε 'le, 'e -glɔɔya' 'la =naa 'η ni. 'Kooko- -o klε do, 'bhii- 'bhi 'pegee 'mi -o do gɔnε- 'la gbεεn- bhe.
- 12'Mi 'pegee 'woo- mu -yaa 'eke- zi 'waati 'la ba, 'mi 'yaa- 'η 'yrekpa- -o ba 'yaa- 'ε - glɔɔya' 'le, 'e -glɔɔya' 'la =naa 'mi ni bhe. 'Mi -o tagbian- 'bhεε- -o do 'kpɔ 'laa 'nile- -o ba, 'ke yaa 'e go -o do 'la 'yaa- nu nile -o ba 'bhε ba, 'kooko- 'bhi -Waanbhaa' 'yaa- 'Sεwe 'yi jan 'ε 'lεsɔ-.
- 13'Duη- -zɔn, 'η 'yoo- ge 'zi 'e ba ye. 'D 'yoo- 'bhε -jan mu 'lεε- 'kpen 'pe zii' 'bhe gbεεn- bhe, 'η 'yoo- -li 'drunyan 'yi bhla 'la ba, 'kooko- zrukpa' 'la 'bhε -o 'mi 'yi, 'bhe -glɔɔn 'ε klε -o -yi, 'bhεε- 'bhe 'lepale klε.
- 14'D -wo -daanna 'yaa- -jan 'ε 'le, 'bhela- -zayile 'drunyan 'yi mu -o mafinyanwoa. - Amasrɔyi waa -o 'ke 'drunyan a pε 'le, 'bhii- 'mi 'laa -o 'ke 'drunyan 'lεε- -yaa' pε 'le gɔnε- 'la gbεεn-.
- 15'Naa -o -sromabɔ 'zi 'e ni dɔɔ 'yoo- 'kun 'bhεε- 'yoo- go 'drunyan 'lεε- 'yi, 'duη- 'η 'yoo- -sromabɔ 'zi 'e ni dɔɔ 'yee 'yrekpa- -o ba, 'bhεε- 'e -Setran' 'kan -o ma 'egbɔɔnle.
- 16Waa -o 'ke 'drunyan 'lεε- -yaa' pε 'le, 'bhii- 'mi 'laa -o 'ke -yaa' pε 'le gɔnε- 'la gbεεn-.
- 17-O 'kpen 'kpa 'edaηma, 'bhεε 'yoo- klε 'yaa mεε 'wenη mu 'le 'yaa- wlan 'ε 'le. - Amasrɔyi 'yaa- -jan 'ε 'bhε -le 'ke wlan 'le.
- 18'E 'mi 'winbwa- 'drunyan 'yi gɔnε- 'la gbεεn-, 'mi -o winbɔ 'zi 'bhεε- gbεεn- 'drunyan 'ε 'yi.
- 19'Mi 'η 'gbu 'kpa zii' 'edaηma 'bhi do -kplεn -a pε 'le 'woo- mu -zayi', 'kooko- 'woo- 'gbu kpa 'ezin- 'edaηma, 'bhεε- -o klε 'wenη 'yaa- pε wlan 'ε 'le.”
- 20'''Naa -o 'η 'seriwo zii' 'te 'woo- do 'kpen ma; 'duη- 'η 'yoo- 'η 'seriwo zii' 'ezin- mεε 'la zan mu nu 'mu 'kpale- 'η 'yi -o wojan mu 'ε ma boolazi.
- 21'D 'yoo- 'η 'seriwo zii' 'e ni, 'kooko- -o 'kpen 'kpale- klε do ma, 'bhii- 'bhi 'η Dε -Waanbhaa' 'pegee 'mi 'kpale- -o do ma gɔnε- 'la gbεεn-. 'Bhεε- 'kooko- 'woo- mu 'pegee 'o mɔɔ 'kpale- klε do ma, 'kooko- 'drunyan 'yi mu 'ε -woo kpa -a -yi 'bhii- 'bhi -le 'mi 'winbwa-.
- 22'Mi 'duη-, 'e 'tɔbhɔleya 'la =naa 'mi ni, 'η 'bhεε- -glɔɔn =naa -o ni, 'kooko- -o 'kpale- klε do ma, 'bhii- 'mi 'pegee 'bhi -o do gɔnε- 'la gbεεn-.

²³Bhɛ 'yi -le dɔɔ: 'mi -o 'woo- mu 'yi, 'bhɛɛ- 'bhi -o 'mi 'yi; 'bhɛ klɛgbɛya 'ɛ gbɛɛn- bhe, -o nu klɛɛ do, 'ke -a -leyan' a ma. 'Ke 'bhɛ =kla, 'drunyan 'yi mu 'ɛ nu -a 'yaangolɛ 'bhii- 'bhi -le 'mi winbwa-, 'bhɛ 'pegee -o -za sɔ 'e ni 'bhii- 'mi -za sɔ 'e ni gɔnɛ- 'la gbɛɛn- 'ezin- bhe.

²⁴D Dɛ -Waanbhaa', 'bhi -le -o -naa 'mi ni. 'Bhɛɛ- 'ɲ 'yoo- -a zi 'bhii- 'ɲ -yoo yrɛ 'la =nɔɔ 'woo- 'pegee 'mi klɛ 'eke- 'yi 'bhɛɛ- =nɔɔ 'ezin-. 'Ke 'bhɛ =kla -o nu 'ɲ 'tɔbhɔleya 'ɛ 'yele-, 'e 'tɔbhɔleya 'la =naa 'ɲ ni bhe. -Amasrɔyi 'ɲ -za -swa 'e ni 'ke 'yaa 'drunyan klɛɛ -li 'elwale ta -sɔ.

²⁵D Dɛ -Waanbhaa' -lɛdɔɔle, 'drunyan 'yi mu laa 'e dɔɔɛ; 'mi 'duŋ- 'e -dwa; 'bhɛɛ- 'an -klanlanɛ mu 'lɛɛ- 'mu 'a 'yaandwa- 'bhii- 'bhi -le 'mi 'winbwa-.

²⁶'Mi 'a =kla 'bhɛɛ- -woo 'e -dwa, 'bhɛɛ- 'ɲ nu a klɛɛ 'ezin- 'bhɛɛ- -woo 'e baan' dɔ, 'kooko- 'mi -za =swa 'e ni 'sɔniya -glɔɔn 'la 'yi, 'bhɛ 'sɔniya -glɔɔn 'ɛ klɛ -o -yi 'ezin-, 'bhɛɛ- 'mi 'gbu klɛ 'woo- mu 'gbu 'yi."

Zaan 18

¹Zesu 'yanle- -a 'seriwolele, 'ke 'yee- 'pegee -yaa' -klanlanɛ mu 'ɛ -o gele- Sedrɔn tɔ -yrɛ gbɛ do 'ɛ ta. 'Bhɛɛ- 'ke -o wlale- 'bhɛ =nɔɔ -yriɣba' do 'yi.

²Zuda 'la 'yaa- nu -dawli' 'kpale- Zesu gbɛ ta, 'bhɛ 'yaa- 'bhɛ -yriɣba' 'ɛ dɔ 'ezin-. - Amasrɔyi Zesu 'pegee -yaa' -klanlanɛ mu 'ɛ 'yaa- =kla 'eke- ba 'bhɛ yrɛ 'ɛ =nɔɔ 'waati 'ke ba.

³Zesu 'pegee -yaa' -klanlanɛ mu 'ɛ 'yaa- 'bhɛ -yriɣba' 'ɛ 'yi bhla 'la ba, 'ke Zuda 'nule. 'Srwase 'lɛdo- 'pegee -Waanbhaa' Gba 'Fɛ -Gbɛnɛ 'ɛ gooba mu 'ke mu -yaa 'yee- Zuda zi. 'Sraka 'lena -kunjlii mu 'ɛ 'pegee Farizi mu 'ɛ 'mu -le 'woo- -Waanbhaa' Gba 'Fɛ -Gbɛnɛ 'ɛ gooba mu 'ɛ =kpaɛ -a zi. -Lanɣbha mu 'pegee -yani mu, 'bhɛɛ- gwledanpɛ mu -yaa -o 'kɔɔ.

⁴Bhɛ 'yi 'tɛ, -za 'oo -za 'la 'yaa- nu 'tɛnle- Zesu ma, -a 'gbu 'yaa- 'bhɛ dɔ. 'Bhɛla- -yile 'ke -ya mabɛɛnle 'woo- mɛɛ mu 'ɛ -din, 'bhɛɛ- 'ke -yoo -lrɔkpale dɔɔ: "'Ka -o -dela -glin 'zi ɛɛ?'"

⁵-O pe a ni dɔɔ: "'Woo- Zesu 'la da Nazareti -wa 'ɛ ta 'bhɛ -la -glin 'zi.'" Zesu pe 'ezin- -o ni dɔɔ: "'Mi -le 'kele-.'" 'Bhɛɛ- Zuda 'la 'yaa- -dawli' 'kpa zii' Zesu gbɛ ta 'bhɛ 'yaa- 'woo- mɛɛ mu 'ɛ 'pleŋ-.

⁶Zesu 'a 'pele- -o ni dɔɔ: "'Mi 'le 'kele-.'" 'Ke -o gele- -o -zanta', 'bhɛɛ- 'ke -o baale' 'tre ma.

⁷'Bhɛɛ- 'ke Zesu -o -lrɔkpa' gbɛ drɛɛwole dɔɔ: "'Ka -o -dela -glin 'zi ɛɛ?'" -O pe dɔɔ: "Zesu 'la da Nazareti -wa 'ɛ ta."

⁸Bhɛ klɛle 'tɛ, 'ke Zesu 'a 'lɛkunle -o ni dɔɔ: "'Naa 'pele- gban 'ka ni dɔɔ 'mi -le 'kele- ɛɛ? 'Ke 'ka -o 'mi -la -glin 'zi, -kaa 'to 'ke 'ɲ zi mu 'lɛɛ- -o ge -o ba -le ma."

- 9'Bhε ya 'ε 'yi bhe, -e -jan 'la =woa 'elwale gban -sɔ 'bhε 'leswa=: -ya pia- dɔɔ: "'D De -Waanbhaa', 'e mεε 'la zan mu =naa 'η ni -o do 'kpɔ 'laa 'nile- -o ba 'η 'kɔɔ."
- 10'Bhε klεle 'tε, -gɔkuŋ' do 'la 'yaa- Simɔ Pieri 'kɔɔ, 'kee- 'bhε 'yrole 'bhε 'bhoo- 'ε 'yi, 'bhεε- 'kee- 'sraka 'lena mu -kuŋlii gbilaan 'ε 'bhε a yewonε 'ε gbε -yie' ta 'trɔn kpukanle 'bhε -gɔkuŋ' 'ε 'le. -O -yaa 'bhε yewonε 'ε sii Malikusi.
- 11'Bhεε- 'duŋ-, Zesu pe Simɔ Pieri ni dɔɔ: "'Yaa- -gɔkuŋ' 'ε 'wla -a -bhoo 'ε 'yi. 'Bhi 'kpee ma, 'η De -Waanbhaa' -yren peyan- do 'la =twa 'η ni 'naa -a zi 'bhii- 'η 'bhε 'mi εε?"
- 12'Woo- -srwase' 'ledo- 'ε 'pegee -o -lεε mεε gbilaan 'ε, 'bhεε- 'fε gooba mu 'la Zuufu mu 'ε -woo -kpa'a 'yee- Zuda zi -srwase' mu 'ε ba, 'mu Zesu =kwan, 'bhεε- 'ke -wa gbatabɔle 'ke bhle mu 'le.
- 13'Bhε blaana, 'ke -o gele- 'kεle- Anasi ba 'pe. 'Yee- Anasi-yaa 'ke Kaifu boogwlen 'le. Kaifu -le -yaa 'ke 'sraka 'lena mu 'ε -waa' -kuŋlii gbilaan 'ε 'le 'bhε lεε 'ε 'le.
- 14'Bhεε- 'yee- Kaifu -le Zuufu -kuŋlii mu 'ε 'liala- dɔɔ: "'Ke mεε do 'kpɔ -gaa -kɔɔa' mεε mu 'ε ni, 'bhε mabhaa laa bhɔ -kɔɔa' mεε mu 'ε 'kpen gale ta εε?"
- 15'Simɔ Pieri 'pegee Zesu a -klanlane 'ε 'bhεεke do -yaa zan -o -zanta'. 'Sraka 'lena mu 'ε -waa' -kuŋlii gbilaan 'ε 'yaa- Zesu a -klanlane 'bhεεke do 'ε dɔ. 'Bhela- -yile, Zesu 'wla bhla 'ε zi 'yee- 'sraka 'lena mu -kuŋlii gbilaan 'ε -yaa' -gben 'ε 'yi, 'ke 'yee- -klanlane 'ε wlale- 'bhε zi.
- 16'Duŋ- 'yee- Simɔ Pieri 'laa wlale- 'yee- -gben 'ε 'yi, 'bhεε- -e =bwa 'pεlii- -gben 'lii 'ε -din. 'Bhε klεle 'tε, 'sraka 'lena mu 'ε -waa' -kuŋlii gbilaan 'ε 'yaa- Zesu a -klanlane 'bhεεke do 'la dɔ, 'ke 'bhε 'pwεle, 'bhεε- 'ke 'bhε -janwole -gben 'ε 'liigooba le 'ε ni, 'bhεε- 'ke 'bhε 'yee- Pieri 'wlale -gben 'ε 'kpee 'tε.
- 17'Bhεε- Pieri 'wla bhla 'ε zi, 'ke -gben 'ε 'lii gooba le 'ε 'bhε 'a 'lrɔkpale dɔɔ: "'Bhi 'laa -o 'ke 'yee- mεε 'la bhe -yaa' -klanlane mu 'ε do 'le εε?" Pieri pe -a ni dɔɔ: "'On ɔn, 'mi 'laa -o 'ke 'bhε 'le 'dε!"
- 18'Bhε 'yi 'tε, -niinii' 'la 'yaa- klε zi bhe, 'ke 'fε 'ε =la yewonε mu 'ε 'pegee 'fε 'ε gooba mu 'ε -o 'tε do -lekunle -o magaza 'yi 'bhε ma. 'Bhεε- 'yee- Pieri =nwa -a magale 'bhε 'tε 'ε ma 'ezin-.
- 19'Sraka 'lena mu a -kuŋlii gbilaan 'ε -e Zesu 'lrɔkpa- 'bhε a -klanlane mu 'ε 'pegee 'bhε a mεε daangbeya 'ε ma.
- 20'Bhεε- Zesu 'a 'lekwan- -a ni dɔɔ: "'Mi -janwoa mεε mu 'ε 'kpen 'yre ma kpataakpa. 'D 'yaa- mεε mu 'ε daan 'tanjii Zuufu mu 'ε -waa' daanfε' mu 'ε 'pegee -Waanbhaa' Gba 'Fε -Gbεnε 'ε =la, Zuufu mu 'ε 'kpen 'yaa- -o -lekpa' 'eke- ta 'bhε mu -la nɔɔ-; 'naa -jan 'kedo- 'kpɔ wole gaanyi'.
- 21-Mεle -kla 'bhεε- 'yoo- 'η 'lrɔkpa zii' εε? Mεε 'la zan mu 'η 'wojan- mu 'ε =maa, 'mu -lrɔkpa' doo. 'Mi -jan mu 'la =woa, -o 'gbu 'mu dɔ."

- 22 Zesu 'bhe -jan 'e 'wole- 'te, -Waanbhaa' Gba 'Fe -Gbene 'e gooba mu 'e do 'la dulale -yaa 'yee- Zesu -din, 'ke 'bhe 'a 'trɔn 'wiile, 'bhe- 'ke 'bhe 'pele- 'a ni dɔɔ: "-Jan 'lekungbeya 'e -glɔɔn 'e -dele -gee' sraka 'lena mu a -kunlii gbalaan 'e ni ee?"
- 23 'Bhe klele 'te, 'ke Zesu 'a zikpale -a ni dɔɔ: "'Ke 'η -jan 'yɔɔ- -woa 'kela 'le 'bhe zɔn 'η ni doo; 'duŋ- 'η -jan 'la =woa 'saanibhe, 'ke 'bhe 'laa -o 'ke -jan 'yɔɔ- 'le, -mela ma 'bhe- 'yoo- 'η zɔn 'zi ee?"
- 24 'Bhe 'yi 'te, 'ke Anasi Zesu gbɛtabɔle 'tole, 'bhe- 'kee- gele- Zesu 'le 'sraka 'lena mu a -kunlii gbalaan Kaifu ba.
- 25 'Bhe 'waati 'e ba, Simɔ Pieri -yaa -a maga 'zi -li 'te 'e ma. 'Bhe klele 'te, 'ke -wa -lrɔkpale dɔɔ: "'Bhi 'laa -o 'ke 'yee- mɛɛ 'la bhe -yaa' -klanlanɛ mu 'e do 'le ee?" 'Duŋ- Pieri pe -o ni dɔɔ: "'On ɔn, 'naa -o 'ke 'bhe 'le."
- 26 'Yee- Pieri 'gwalaan- 'la 'trɔn kpukaan, 'bhe dɛ -nɛ do -yaa 'sraka 'lena mu -kunlii gbalaan 'e 'bhe a yewonɛ mu 'e do 'le. 'Bhe yewonɛ 'e Pieri 'lrɔkpaa- dɔɔ: "'Mi 'laa 'ka 'pegee 'yee- mɛɛ 'lɛɛ- 'yɛɛ- 'eke- 'zi -yrigba' 'e 'yi ee?"
- 27 'Duŋ- Pieri 'a 'lemadɔ gbɛ drɛwoa- 'eglobɔle dɔɔ yaa Zesu dɔ. 'Bhe klele 'te, 'ke maagwɛn -wele' 'bhe 'waati do 'kpɔ 'e ba.
- 28 'Bhe blaana, 'ke -o Zesu gole- Kaifu ba, 'bhe- 'ke -o gele- 'kele- Romɛ mu a -janmatii Pilati ba zɔwan 'tutu 'e zi. 'Duŋ- Zuufu -kunlii mu 'e waa wlale Pilati a 'fe -gbene 'e =la; 'kooko- -o bo 'weŋ, 'bhe- -o sɔ 'woo- Zuufu mu 'e -waa' Paki 'fɛti 'e ta pɛ 'e 'bhlele.
- 29 'Bhela- -zayile, -janmatii Pilati 'gbu 'pwɛla- -a ba 'fe 'e =la, 'bhe- -e =nwa -o -lepale 'pɛlii-. 'Bhe- 'ke -yoo -lrɔkpale dɔɔ: "'Ka -o -la 'zi 'yee- mɛɛ 'lɛɛ- ta win 'e -dela ma ee?"
- 30 'Bhe klele 'te, 'ke -wa zikpale Pilati ni dɔɔ: "'Ke mɛɛ 'lɛɛ- yaa klele bi -za 'yɔɔ- kle mi 'le, 'waa -yaa nu nule -a -lenale 'e ni."
- 31 'Bhe 'yi 'te, 'ke Pilati 'a 'pele -o ni dɔɔ: "'Ka mu 'gbu 'a 'kun, 'bhe- 'ka ge -a 'kitikanle 'bhii- 'kaa kle gɔnɛ- 'la gbɛn- 'kaa- 'toŋ mu 'e ta." 'Bhe klele 'te, 'ke Zuufu mu 'e -wa zikpale Pilati ni 'ezin- dɔɔ: "'Romɛ mu a 'toŋ mu 'e ta, 'bhe 'seŋ 'laa -o 'o ni 'ke -o mɛɛ dɛ."
- 32 'Bhe- klegbeya 'e 'yi, Zesu 'yaa- nu gale gɔnɛ- 'la gbɛn- -e 'bhe 'lɛɛjanlawoa 'elwale -sɔ, 'bhe 'leswa= 'bhe- gbɛn- bhe. (-Amasroyi Zuufu mu 'sinii ta za 'e ma waa -yaa mɛɛ dɛ -yrigbɛle do ta, 'duŋ- Romɛ mu 'e 'mu -le -yaa -za 'yɔɔ- kle mu dɛ 'bhe gbɛn-.)
- 33 Pilati =wlaa 'ezin- -yaa' 'fe -gbene 'e =la, 'kee- Zesu 'siile, 'bhe- 'kee- 'bhe 'lrɔkpale dɔɔ: "'Bhi -le 'ke Zuufu mu a -bhɛŋgbe 'le ee?"
- 34 'Bhe klele 'te, 'ke Zesu 'a zikpale -a ni dɔɔ: "'E 'gbu -le 'bhe -jan 'e -dwa 'e 'kpee taa- mɛɛ -bheke' mu -le 'bhe =kpaa 'e 'lii 'mi ba zayi' ee?"

35'Bhɛ 'yi 'tɛ, 'kɛ Pilati 'bhɛ zikpale Zesu ni dɔɔ: "'Mi -o 'kɛ Zuufu mi 'lɛ ɛɛ? 'Yaa- mɛɛ mu 'ɛ 'pɛgɛɛ 'sraka 'lɛna -kunlii mu 'ɛ -woo 'ɛ 'lɛnaa- 'ŋ ni, 'ɛ -mɛ pɛ za 'gbu -la -kla ɛɛ?"

36'Zesu 'bhɛ 'lɛkwan- -a ni dɔɔ: "'An pɛ -bhɛngbɛya 'ɛ -yaa -o 'drunyan 'lɛɛ- 'bhɛ 'yi. 'Kee- 'kpa bi 'mi a pɛ -bhɛngbɛya 'ɛ -yoo 'drunyan 'lɛɛ- 'bhɛ 'yi, 'mi a pɛ mɛɛ mu 'ɛ 'yaa- nu 'ŋ ta gwɛdanɛ, 'kooko- waa sɔ 'ŋ 'lɛnale Zuufu mu 'ɛ ni. 'Duŋ- 'an pɛ -bhɛngbɛya 'ɛ yaa -o 'trɛ 'lɛɛ- 'bhɛ ta -gɛ."

37'Bhɛ klɛɛ 'tɛ, 'kɛ Pilati 'a 'pɛɛ -a ni dɔɔ: "'Bhɛ bhla 'ɛ ba, 'yoo- 'kɛ -bhɛngbɛ 'lɛ ɛɛ?" Zesu 'bhɛ zikpaa- -a ni dɔɔ: "'E 'gbu 'yɛla- pɛ 'zi bhɛ dɔɔ: "ŋ 'yoo- 'kɛ -bhɛngbɛ 'lɛ'. -Woo' ŋ =yaa 'bhɛɛ- ma, 'bhɛɛ- 'ŋ =nwa 'drunyan 'lɛɛ- 'yi 'bhɛɛ- ma, 'kooko- 'ŋ 'srɛya- klɛ wlan 'ɛ ba zayi'. 'Kɛ mɛɛ 'oo mɛɛ 'la zan -o 'kɛ wlan a pɛ 'lɛ, 'bhɛ zan 'ɛ 'trɔnkpa 'ŋ 'yoo- -jan 'la 'wo zii' 'bhɛ =la."

38'Bhɛ 'yi 'tɛ, 'kɛ Pilati 'a 'lɛɔkpale dɔɔ: "-Mɛɛ ke wlan 'lɛ ɛɛ?" -E yanɛ- 'bhɛ -jan 'ɛ 'wɛɛɛ, 'kee- 'pɛɛɛ -yaa' 'fɛ 'ɛ =la, 'bhɛɛ- 'kee- gɛɛ- Zuufu mu 'ɛ ba -yrɛ ta. 'Bhɛɛ- 'kɛ -ya pɛɛ- -o ni dɔɔ: "'Naa -za 'yɔɔ- do 'kpɔ 'yɛɛ- mɛɛ 'lɛɛ- zi 'kɛ 'bhɛ klɛ -a dɛ win 'lɛ.

39'Duŋ- 'kaa- 'sinii ta za 'ɛ ma, lɛɛ 'oo lɛɛ, 'kaa- Paki 'fɛti 'ɛ ta, 'mi pɛɛɛ -kaso 'yi mi do ma 'ka ni, 'ka -o -a zi 'bhii- 'ŋ 'ploo- Zuufu mu 'ɛ -waa' -bhɛngbɛ 'ɛ ma ɛɛ?"

40'Bhɛ klɛɛ 'tɛ, 'kɛ -o 'pɛɛn gɛɛ drɛɛwɛɛ 'ɛzin- 'kɛ -wa pɛ dɔɔ: "'On on, 'yaa 'pɛɛɛ- -a ma! 'Ploo- Barabasi -la ma!" 'Bhɛɛ- 'duŋ- Barabasi -yaa 'kɛ mɛɛ dɛ mi do -la -lɛ.

Zaan 19

1'Bhɛ 'yi 'tɛ, 'kɛ Pilati 'a 'pɛɛ dɔɔ -o Zesu 'kun 'bhɛɛ- -wa zita zɔn 'kɛ gbɛngbɛɛ 'lɛ.

2-'Srɛwɛɛ' mu 'ɛ -o zungbɛɛ do =taan 'kɛ lɛɛ mu 'lɛ, 'bhɛɛ- -o 'bhɛ -dwa Zesu 'wiŋ- 'bhii- -bhɛngbɛ ngblo ma 'faa do gbɛɛn-. 'Bhɛɛ- 'kɛ -o dɛnɛ- 'tɛn gbɔɔn do 'klɛɛ -a ta.

3'Bhɛ blaɛn, 'kɛ -woo -mabɛɛnɛ 'a -din, 'kɛ -wa pɛɛ- -a ni dɔɔ: "'Zuufu mu a -bhɛngbɛ, bhɛɛ 'ɛ bo 'ɛ 'yrɛ ma! Zuufu mu a -Bhɛngbɛ, bhɛɛ 'ɛ bo 'ɛ 'yrɛ ma!" 'Bhɛɛ- -o -yaa -a 'trɔnwii zii'.

4'Bhɛ blaɛn, Pilati 'pɛɛ gɛɛ drɛɛwoa- 'ɛzin- 'pɛɛlii-, 'kɛ -ya pɛɛ- -zamaa' 'ɛ ni dɔɔ: "-Ka 'ka 'yrɛkpa -gɛ doo, 'ŋ nu nɛɛ 'kɛɛ- 'ka ni 'pɛɛlii- -gɛ, 'kooko- 'kaa 'yaango- 'bhii- 'naa -za 'yɔɔ 'kɛdo- 'kpɔ 'yɛɛ- -a zi 'kɛ 'bhɛ klɛ -a dɛ win 'lɛ."

5'Zesu 'pɛɛɛɛ- 'tɛ 'pɛɛlii-; lɛɛ zungbɛɛ do -yaa -a ngblo ma, 'bhɛ 'pɛgɛɛ -bhɛngbɛ ta dɛnɛ- 'tɛn gbɔɔn do -yaa -a ta. 'Bhɛɛ- 'kɛ Pilati 'a 'pɛɛ mɛɛ mu 'ɛ ni 'tɛ dɔɔ: "'Kaa- mɛɛ 'ɛ 'yɛɛ- -gɛ!"

6'Duŋ- 'sraka 'lɛna -kunlii mu 'ɛ 'pɛgɛɛ -Waanbhɛɛ' gba 'Fɛ -Gbɛnɛ 'ɛ gooba mu 'ɛ -o Zesu 'yɛɛɛ-, 'kɛ -o 'pɛɛnɛ 'kɛ -wa pɛ dɔɔ: "-A gbaɛn -yrigbɛɛɛ do ta, 'bhɛɛ- -ɛ ga! -A gbaɛn -yrigbɛɛɛ do ta, 'bhɛɛ- -ɛ ga!" 'Bhɛɛ- Pilati pɛ -o ni dɔɔ: "'Ka mu 'gbu 'a 'kun, 'bhɛɛ- 'ka gɛ a gbaɛnɛ -yrigbɛɛɛ do ta, -amasrɔyi, wlan 'ɛ ni, 'mi 'naa -za 'yɔɔ- do 'kpɔ 'yɛɛ- -a zi 'kɛ klɛ -a dɛ win 'lɛ."

- 7'Bhɛ klɛlɛ 'tɛ, 'kɛ Zuufu -kuŋlii mu 'ɛ -wa zikpale Pilati ni 'ezin- dɔɔ: "'Toŋ do -o 'o 'kɔɔ, 'bhɛ 'toŋ 'ɛ ta, -yoo 'kɛ dɛ pɛ 'lɛ, -amasrɔyi -ya -pia -a 'gbu ma 'kaa -yoo 'kɛ -Waanbhaa' Gbe 'lɛ.'"
- 8Pilati 'bhɛ -jan 'ɛ 'male-, 'kɛ -gblaan baan' 'klalɛ -a -yi.
- 9-E wla gbɛ drɛɛwɔlɛ -yaa' 'fɛ 'ɛ =la, 'bhɛɛ- 'kɛɛ- Zesu 'lɔkɔpale 'ezin- dɔɔ: "'Bhi da 'naa- -a ma ɛɛ?' 'Duŋ- Zesu 'laa 'bhɛ -jan 'ɛ 'lɛkunlɛ -a ni.
- 10'Bhɛ 'yi 'tɛ, 'kɛ Pilati 'a 'pele Zesu ni dɔɔ: "'Yaa -o -wele' 'mi ni ɛɛ? 'Yaa 'yaango- 'bhii- 'bhɛ 'sɛŋ -o 'ŋ ni 'kɛ 'ŋ plɔɔ 'ɛ ma, 'bhɛɛ- 'bhɛ 'sɛŋ -o 'ŋ ni 'ezin- 'kɛ 'an klɛ 'bhɛɛ- -woo 'ɛ gbaan -yriɣbɛɛlɛ 'ɛ ta ɛɛ?"
- 11'Bhɛ klɛlɛ 'tɛ, 'kɛ Zesu 'bhɛ zikpale -a ni dɔɔ: "'Bhɛ 'sɛŋ do 'kpɔ 'laa -yaa nu 'sɔlɛ- klɛlɛ- 'ɛ ni, 'kɛ yaa 'ɛ go 'kɛla laanima -Waanbhaa' 'bhɛ =naa 'ɛ ni 'bhɛ ba. 'Bhɛla- -zayilɛ mɛɛ 'la zan 'ŋ =kwan, 'bhɛɛ- 'kɛ 'bhɛ =nwa 'ŋ 'lɛnalɛ 'ɛ ni, 'bhɛ zan a -za 'yɔɔ- 'ɛ gblaan 'yiya- 'kɛ 'bhɛ kan 'yaa- pɛ 'ɛ ta.'"
- 12Pilati 'bhɛ -jan 'ɛ 'male 'tɛ, -ɛ -yaa 'plooyrɛ- -glin 'zi Zesu ma. 'Duŋ- Zuufu mu 'ɛ dɔlɛ 'pɛɛnlɛ- ma 'kɛ -wa pele- dɔɔ: "'Kɛɛ 'ploola- mɛɛ 'lɛɛ- ma, 'yaa -o 'kɛ -bhɛŋgbɛ -gbɛnɛ Sezaa 'bhɛgwlɛn- 'lɛ. -Amasrɔyi 'kɛ mɛɛ 'oo mɛɛ 'la zan 'a 'gbu klɛ 'zi 'kɛ -bhɛŋgbɛ 'lɛ 'bhɛ zan 'ɛ klɛ -bhɛŋgbɛ -gbɛnɛ Sezaa -sɔɔnnii' -la -lɛ.'"
- 13Pilati 'bhɛ -jan 'ɛ 'male- 'tɛ, 'kɛ -ya pele- mɛɛ mu 'ɛ ni 'kaa -o ge Zesu 'lɛ 'pɛɛlii-; 'bhɛɛ- 'kɛ 'yɛɛ- Pilati 'gbu gele- yaalɛ yrɛ 'la -o -yaa 'bhɛ sii Ebrɛ wli 'ɛ 'yi dɔɔ: 'Gabata'. 'Bhɛ 'yi -lɛ 'kitikan mi 'ɛ 'yaakpɛ-.
- 14'Bhɛ =kla Zuufu mu a Paki 'fɛti 'ɛ 'lɛkpa yi 'ɛ ma, -yɛkpa' 'waati 'ɛ ba. Pilati pɛ Zuufu mu 'ɛ ni dɔɔ: "'Kaa- -bhɛŋgbɛ 'ɛ 'yɛlɛ- -gɛ!"
- 15'Bhɛ klɛlɛ 'tɛ, 'kɛ -o 'pɛɛnlɛ dɔɔ: "-Yoo 'kɛ dɛ pɛ 'lɛ! -Yoo 'kɛ dɛ pɛ 'lɛ! -A gbaan -yriɣbɛɛlɛ 'ɛ ta!" Pilati pɛ -o ni dɔɔ: "'Kaa- zi 'bhii- 'ŋ 'kaa- -bhɛŋgbɛ 'ɛ gbaan -yriɣbɛɛlɛ ta ɛɛ?" 'Sraka 'lɛna -kuŋlii mu 'ɛ -wa zikpa- -a ni dɔɔ: "'Waa- -bhɛŋgbɛ 'bhɛɛkɛ 'laa -o -bhɛŋgbɛ -gbɛnɛ Sezaa blaana.'"
- 16'Bhɛ klɛlɛ 'tɛ, 'kɛ Pilati Zesu 'kpale -o 'kɔɔ, 'kooko- -srwase' mu 'ɛ ge -a gbaan -yriɣbɛɛlɛ 'ɛ ta. 'Bhɛɛ- -o Zesu =kwan, 'bhɛɛ- -o -ja -a gbaan yrɛ nɔɔ- -yriɣbɛɛlɛ 'ɛ ta.
- 17-O -yaa nu Zesu 'gbu gbaanlɛ -yriɣbɛɛlɛ 'la ta, -o 'bhɛ 'kwe 'ɛ -dwa -a 'gbu 'wiŋ- . 'Bhɛɛ- -ɛ -gwa Zeruzalɛmu -wa 'ɛ 'kpeɛ 'bhɛ 'lɛ, 'kɛɛ- gele- yrɛ 'la -o -yaa 'bhɛ sii: "Mɛɛ ŋgblo bhɛlɛ' yrɛ" 'bhɛ =nɔɔ, -o 'bhɛ sii 'ezin- Ebrɛ wli 'ɛ 'yi dɔɔ: "Gɔlɔgɔta"
- 18-O bhɔlɛ 'bhɛ yrɛ 'ɛ =nɔɔ, 'kɛ -srwase' mu 'ɛ -o Zesu gbaanlɛ- -yriɣbɛɛlɛ 'ɛ ta. 'Bhɛɛ- -o mɛɛ -bhɛɛkɛ' plɛ -gbaanna -yriɣbɛɛlɛ plɛ ta -a -din 'ezin-: -a do -yaa -a gbɛ -yie' ta, 'bhɛɛ- -a -vindo' 'ɛ 'yaa- -a gbɛ -koo ta, 'bhɛɛ- 'yɛɛ- Zesu 'gbu 'yaa- -o plɛŋ-.
- 19Pilati pɛ -o 'sɛwɛ do yɔɔndɛ -yriɣbɛɛlɛ do ta, 'bhɛɛ- -o 'bhɛ gbaan Zesu trala -yriɣbɛɛlɛ 'ɛ ta. -O -za 'la 'bhɛ yɔɔndia- 'bhɛ -lɛ -gɛ: "Nazaretɛ Mi Zesu, Zuufu mu a -Bhɛŋgbɛ.""

- ²⁰Zuufu mu -bebe 'bhe -yripeene 'e ta 'sewe 'e tapia-, -amasroyi -o Zesu -gbaanna -yrigbeele 'e ta yre 'la =nɔɔ, 'bhe 'yaa- Zeruzalemu -wa 'e -din. -O 'yee- 'sewe 'e yɔɔndia- wli yaga -la -yi: Ebre wli, 'bhe- Laten wli, 'bhe 'pegee Grēki wli.
- ²¹'Bhe 'yi 'te, 'ke Zuufu mu a 'sraka 'lena -kuṅlii mu 'e -wa pele- Pilati ni dɔɔ: "'Yaa yɔɔnde 'tole- 'te dɔɔ: 'Zuufu mu a -bhleṅgbe'. -A yɔɔnde dɔɔ: 'Mee 'lee- -ya -pia dɔɔ: 'Mi -le 'ke Zuufu mu a -bhleṅgbe 'e 'le.' "
- ²²'Bhe klele 'te, 'ke Pilati 'a 'lekunle -o ni dɔɔ: "'D 'kela 'bhe yɔɔndia- gban 'bhe -le nu bole."
- ²³-Srwase' mu 'e -o yanle Zesu gbaanlele -yrigbeele 'e ta, 'ke -wa tapɛ mu 'e 'sile, 'bhe- 'ke -woo -yicienle 'eke- ma -le yizie: -srwase' mu 'e 'kpen dɔ -yaa -le do do. -Wa ta dunɛ- gbɔɔn 'e =sia 'ezin-; 'Bhe dunɛ- 'e 'srale- -yaa 'ke sɔ -laa do -la -le 'kee- da laanima, 'kee- nu 'tenle- 'traa.
- ²⁴'Woo- -srwase' mu 'e -o pe 'eke- ni dɔɔ: "-Kɔɔ' 'laa 'yee- dunɛ- gbɔɔn 'lee- 'pedele, 'duṅ- -kɔɔ' 'tete dɔ -a ta, 'bhe- 'ke mee la zan 'a =sia -e bo 'bhe- zan ni." 'Bhe kleḡbeyaa 'e gbɛen- bhe, -jan 'la yɔɔnde -yaa -Waanbhaa' 'sewe 'e 'yi, 'bhe 'la -leswa=, 'bhe -jan 'e 'yaa- dɔɔ: "-Woo 'ḡ tapɛ mu 'e 'yicienna 'eke- ma. 'Bhe- -o 'tete -dwa 'ḡ ta dunɛ- gbɔɔn 'e ta." -Srwase' mu 'e -o -za 'la =kla 'bhe -le bhe.
- ²⁵Le mu 'la dulale -yaa -o Zesu -gbaanna -yrigbeele 'la ta 'bhe -din, 'mu -yaa -a nɛɛ Mari 'pegee 'bhe nɛɛn- le, 'bhe- Klopasi 'na Mari, 'bhe 'pegee Magidala -wa la Mari.
- ²⁶Zesu 'a nɛɛ =ya, 'bhe- -yaa' -klanlanɛ 'la -za -yaa sɔ -a ni, -e 'bhe dulale =ya -a nɛɛ -din. 'Bhela- -yile 'ke -ya pele- -a nɛɛ ni dɔɔ: "'D nɛɛ, 'e gbe -le -ge."
- ²⁷'Bhe blaɛn, 'ke -ya pele- yaa -klanlanɛ 'e ni dɔɔ: "'E nɛɛ -le -ge." -A 'san 'bhe yi 'e ma, 'bhe -klanlanɛ 'e Zesu nɛɛ -kwan 'elrele, 'bhe- -ya =kpaɛ -yaa' 'fa -la mu 'e ba.
- ²⁸'Bhe blaɛn, Zesu 'gbu 'a 'yaangole 'bhii- -za 'e 'kpen 'lesole -yaan gban, 'ke -ya pele- dɔɔ: "-Yi 'mi -lrɔ -o 'ḡ dɛ 'zi". -E 'bhe =pia win 'la ma 'kooko- -Waanbhaa' 'Sewe 'e 'yi jan 'e 'lesɔ-.
- ²⁹'Bhe klele 'te, gbɔ do dulale -yaa 'bhe yre 'e =nɔɔ. 'Bhe 'pale- -yaa 'ke -drɔɔ 'tɔnle- do 'le. -Srwase' mu 'e -o -gblanluu' -fɔlu' 'fɔlu do =wlaa 'bhe -drɔɔ yue 'tɔnle 'e ba. 'Ke -o 'bhe -gblanluu' 'e 'yrele toḡ do yin 'lii, 'bhe- 'ke -o 'bhe 'kpale Zesu 'lii 'e -din.
- ³⁰Zesu 'bhe -drɔɔ yue 'tɔnle- 'e danle -a nre ma, 'ke -ya pele- dɔɔ: "-Za 'kpen 'leswa=" 'Bhe klele 'te, -ya ḡblo zinale, 'ke -a nii- 'e gole- -a -yi.
- ³¹'Bhe yi 'e 'yaa- Zuufu mu a Paki 'feti 'e 'lekpa yi 'e 'le. 'Bhe- Zuufu -kuṅlii mu 'e waa -yaa zi 'bhii- mee mu 'la gbaanle -o -yrigbeele mu 'e ta, -yitrɛ' yi 'e 'bhɔ 'mu ma -yrigbeele mu 'e ta. -Amasroyi, 'bhe 'taaleeyi -yitrɛ' yi 'e 'yaa -yitrɛ' yi -gbene 'le. 'Bhela -zayile -yrekpaɛ' do 'la 'yaa- -a -lee bhe, Zuufu mu a 'sraka 'lena -kuṅlii mu 'e -ja 'tenle- Pilati ma, 'bhe- -o -sromabwa 'bhe ni dɔɔ 'bhe 'a 'to 'bhe- -o ge mee 'la zan mu gbaanle -yaa -yrigbeele mu 'e ta 'mu gaan mu 'e 'cien, 'kooko- 'mu ga blaale, 'bhe- -o 'mu -gbaa mu 'e go -yrigbeele mu 'e ta.

- 32'Bhɛ klɛlɛ 'tɛ, 'kɛ -srwase' mu 'ɛ -o nule-, 'bhɛɛ- -o mɛɛ plɛ 'la 'pegeɛ Zɛsu -gbaanna 'ɛkɛ- zi -yriɣbɛɛle mu 'ɛ ta, -o 'bhɛ do gaan mu 'ɛ 'cienna-, 'bhɛɛ- -wa plɛ mi 'ɛ 'bhɛ gaan mu 'ɛ 'cienna- 'ezin-.
- 33-O bhɔle Zɛsu ta, 'kɛ -wa yelɛ- 'bhii- -e -gaa gban; 'bhɛla- -zayile waa gaan mu 'ɛ 'ciɛnlɛ-.
- 34'Duŋ- -srwase' mu 'ɛ do Zɛsu gbaa 'ɛ =pwan -a 'sien 'yi 'kɛ -dibhɛ' do 'le. 'Bhɛɛ- 'kɛ -yi 'pegeɛ yien 'pwele 'bhɛ yrɛ 'ɛ =nɔɔ blaale-.
- 35'Mɛɛ 'la zan -o -za mu 'lɛɛ- klɛɣbɛya 'ɛ 'yikla zii' 'ka 'kɔɔ, -yoo klɛyrɛ =ya kpataakpa. 'Bhɛɛ- -yoo -jan 'la 'wo zii' bhɛ 'bhɛ -o 'kɛ wlan 'le. -A 'gbu 'a 'yaango- 'bhii- -yaa' 'srɛya- klɛle 'ɛ 'bhɛ -o 'kɛ wlan kpataakpa 'le. -E 'bhɛ -za mu 'ɛ klɛɣbɛya 'ɛ =pia, 'kooko- 'ka mu 'ka kpa -yaa' 'srɛya- klɛle 'ɛ 'yi 'ezin-.
- 36'Wlan 'ɛ ni, bhɛ -za mu 'lɛɛ- =kla, 'kooko- -Waanbhaa' a 'Sɛwɛ 'ɛ 'yi -jango' do 'lɛɛ- 'bhɛ 'lɛsɔ-; 'bhɛ -jan 'ɛ 'yaa- dɔɔ: "Waa nu -a bhɛle' mu 'ɛ do 'kpɔ 'ciɛnlɛ-."
- 37'Bhɛɛ- -a pele -o -Waanbhaa' a 'Sɛwɛ 'ɛ gɔn do zi 'ezin- dɔɔ: "-O mɛɛ 'la zan -pwan -a 'sien 'yi, -o nu -o -yɛkpalɛ 'bhɛ zan ta."
- 38'Bhɛ blaɛn, Zozɛfu 'la 'yaa- da Arimate -wa 'ɛ ta, 'bhɛ =nwa -sromabɔle Pilati ni dɔɔ 'bhɛ 'a 'to 'bhɛɛ- -e Zɛsu gbaa 'ɛ go -yriɣbɛɛle 'ɛ ta. 'Yee- Zozɛfu 'duŋ- -yaa 'kɛ Zɛsu a -klanlanɛ mu 'ɛ do 'le gaanyi', -amasrɔyi -e -yaa -gblaɛn Zuufu -kuŋlii mu 'ɛ 'yrɛ 'lɛɛ. Pilati -dwa 'bhɛ =la. -Ayile 'kɛ 'yee- Zozɛfu 'nule Zɛsu gbaa 'ɛ 'silɛ-, 'bhɛɛ- 'kee- gele- 'kɛle-.
- 39'Bhɛɛ- Nikodemu 'la =nwa Zɛsu ba 'elwale -sɔ -bi do zi, 'bhɛ =nwa 'ezin- 'kpale- Zozɛfu ba. 'Bhɛ =nwa 'kɛ 'kilo mia do bhɛ vu -lasiklɔɔ -gblɛn 'nrɛle- plɛ -yizaale 'le 'ɛkɛ- ba: miri 'pegeɛ aloɛsi.
- 40-O mɛɛ plɛ Zɛsu gbaa 'ɛ =sia, 'bhɛɛ- -o sɔgbɛ 'pu 'pɛŋpɛŋ mu -yrela -a gbaa 'ɛ ma, 'bhɛ 'pegeɛ -o -yrɔn -gblɛn 'nrɛle- =klaa 'a ta, 'bhii- Zuufu mu gbaa bin gɔnɛ- 'la gbɛɛn- bhɛ.
- 41-O Zɛsu -gbaanna -yriɣbɛɛle 'ɛ ta yrɛ 'la =nɔɔ, -yri gba do -yaa 'bhɛ yrɛ 'ɛ =nɔɔ. 'Bhɛɛ- mɛɛ bu -gluu drɛɛ do -yaa 'bhɛ -yri gba 'ɛ =la, 'bhɛɛ- -waa mɛɛ gbaa -bhɛɛke' do 'kpɔ binlɛ -lido' 'bhɛ 'yi.
- 42'Bhɛ yi 'ɛ 'yaa- Zuufu mu a Paki 'fɛti 'ɛ 'lɛkpa yi 'la 'le bhɛ, 'bhɛɛ- -o mɛɛ bu -gluu 'la =ya, 'bhɛ 'yaa- Zɛsu gbaanle -yaa -yriɣbɛɛle 'la ta yrɛ 'la =nɔɔ 'bhɛ -din. 'Bhɛɛ- 'yee- Zozɛfu 'pegeɛ Nikodemu Zɛsu gbaa 'ɛ =bian 'bhɛ bu -gluu 'ɛ 'yi blaale-.

Zaan 20

- 1'Kangɔplɛ 'ɛ ma zrwan 'tutu 'ɛ zi, yrɛma -yaa 'buŋbuŋ 'waati 'la ba -li, 'kɛ Magidala -wa la Mari 'ɛ 'wlenlɛ-, 'bhɛɛ- 'kee- gele- Zɛsu bu 'ɛ ta. -O bu -gluu 'ɛ 'liitaan- vlɛ -kpun 'la 'le, -e 'bhɛ gole =ya bu -gluu 'ɛ 'lii.

- ²'Bhε klele 'tε, 'kee- blasanle, 'kee- gele- 'tenle- Simo Piere 'pegee Zesu a -klanlanε 'la -za -yaa so 'yee- Zesu 'gbu ni 'bhε mu ma, 'bhεε- -e pe -o ni doo: "-O Meezan gbaa 'ε -gwa -a bu -gluu 'ε 'yi, 'bhεε- -wa -kpaayre 'la =noo 'waa 'bhε yre 'ε doo."
- ³'Bhε yre do 'ε =noo bhe, Simo Piere 'pegee Zesu a -klanlanε 'bhεεke do 'ε -o 'bhε -jan 'ε 'male-, 'ke -o 'pwele, 'bhεε- 'ke -o gele- bu -gluu 'ε ta.
- ⁴-O mee ple -yaa blasan- 'zi 'eke- zi; 'duŋ- Zesu a -klanlanε -bhεεke' do 'ε 'bhε blasaan- blaale- 'ke 'bhε kan Piere ta. 'Bhela -zayile 'bhε =wlaa bu 'ε ta Piere 'lee.
- ⁵-E -kulaa', 'ke -ya -yrekpale bu -gluu 'ε 'yi, 'bhεε- 'kee- Zesu gbaa 'ε ma soḡbe 'pu 'penpen mu 'ε 'kpaale- 'yele- 'tre ma. 'Duŋ- 'yee- 'gbu 'laa wlale bu -gluu 'ε zi.
- ⁶'Bhε blaas 'waati sa 'kanle-, 'ke Simo Piere 'nule; 'ke 'bhε 'wlale bu -gluu 'ε zi. 'Bhεε- 'ke 'bhε soḡbe 'pu 'penpen mu 'ε klaale ye- 'tre ma.
- ⁷'Bhεε- -o so 'la 'yrela- Zesu ngblo ma Piere 'bhε =ya 'ezin-; 'bhε so 'ε 'bhε 'laa -yaa soḡbe -vin 'ε ba, 'duŋ- 'bhε gbekpale -yaa 'eke- 'yi 'edanma.
- ⁸'Bhε 'yi 'tε, Zesu a -klanlanε 'la =bhwa 'elwale bu 'ε ta, 'ke 'bhε 'wlale bu -gluu 'ε zi 'tε. 'Bhε Zesu ma soḡbe mu 'ε 'klaale- 'la =ya 'bhε =noo, 'ke 'bhε 'e 'kpale -a -yi 'bhii- -e -bwela kpataakpa gale ba.
- ⁹-Amasroyi, -jan 'la yoondele -yaa -Waanbhaa' a 'Sewe 'yi doo -a -ledulale -yaa doo Zesu nu bwele gale ba, -yaa' -klanlanε mu 'ε waa 'bhε -jan 'ε 'yimale -li -bi.
- ¹⁰'Bhε blaas, 'ke 'yee- Zesu a -klanlanε ple 'ε -o nule- -o -zanta' -o ba -le ma.
- ¹¹'Bhεε- 'duŋ-, 'bhε 'waati 'ε ba, Mari dulale -yaa 'paelii- Zesu bu 'ε -din, 'bhεε- 'kee- wisi. -E -yaa wisi zii' bhla 'la ba, 'ke -ya makulale, 'bhεε- 'kee- bu -gluu 'ε 'yiglinle.
- ¹²'Bhε =noo bhe, 'kee- -mlεke' ple yaale ye- Zesu gbaa 'ε 'kpaale- -yaa yre 'la =noo 'bhε =noo. Dune- 'pu 'penpen mu -yaa 'mu ta, 'bhεε- -a do yaale -yaa Zesu ngblo 'ε 'kpaale- -yaa yre 'la =noo 'bhε =noo. 'Bhεε- -a -vindo' 'ε 'yaa- Zesu gaan mu 'ε 'kpaayre- 'ε =noo.
- ¹³'Bhε klele 'tε, 'ke -mlεke' mu 'ε -o 'yee- Mari 'Irokpale doo: "'Ee le! -Mele -kla 'bhεε- 'yoo- wisi' zii' εε?" Mari 'a 'lekwan- -o ni doo: "-Woo 'η Zaan gbaa 'ε =sia, 'bhεε- -wa -kpaayre 'la =noo 'naa 'bhε doo."
- ¹⁴-E yanle 'bhε -jan 'ε 'wolele, -ya -yrekpale -a -zanta', 'kee- Zesu dulale ye- 'duŋ- yaa 'yaangole 'bhii- Zesu -le -yaa 'kele-.
- ¹⁵'Bhε klele 'tε, 'ke Zesu 'a 'pele 'a ni doo: "'Ee Le, -mele -kla 'bhεε- 'yoo- wisi' zii' εε?' 'Yoo- -dela -glin 'zi εε?" 'Yee- Mari 'kpee ma -yri gbazan 'ε 'bhε -le -yaa 'kele-, 'bhela- -zayile -ya =pia -a ni doo: "'Ō 'yoo- Zesu gbaa 'ε 'bhεε- -glin 'zi. 'Ke 'bhi -le 'a =sia, -a pe 'η ni, 'bhεε- 'ya =kpaayre 'la =noo, 'bhεε- 'η ge -a 'silε-."
- ¹⁶'Bhε 'yi 'tε, 'ke Zesu 'a 'pele -a ni doo: "Mari!" Mari 'e 'yrekpale -a -zanta', 'ke -ya pele- Ebre wli 'ε 'yi doo: "Rabuni!" ('Bhε 'yi -le doo: "'O Daan mi.")

- 17 Zesu pe a ni 'ezin- dɔɔ: "'Yaa 'yanle- 'η ma, -amasrɔyi 'naa gele -li laanima 'η Dε - Waanbhaa' ba. 'Bhi 'duŋ- ge -a pe 'η nɛɛnɛ- mu 'ε ni dɔɔ 'η ge 'zi laanima 'η Dε - Waanbhaa' 'la -yoo 'ka Dε 'le 'ezin- bhe 'bhe ba; 'bhe 'pegee 'mi 'a -Waanbhaa' 'la -yoo 'kaa- -Waanbhaa' 'le 'ezin- bhe 'bhe ba.'"
- 18 'Bhe klele 'tɛ, 'ke Magidala -wa la Mari gele- -a pele Zesu a -klanlanɛ mu 'ε ni dɔɔ: "'Ee! 'D Mɛɛzan =ya!" 'Bhɛɛ- Zesu -jan 'la =woa -a ni, -e 'bhe 'yigɔɔnna -o ni.
- 19 'Bhe 'kaŋgɔplɛ do 'ε ma yroma 'ε zi, Zesu a -klanlanɛ mu 'ε -woo -lekpa'a 'eke- ta 'fɛ do -la, 'bhɛɛ- -o 'bhe 'fɛ 'ε bhe =bwa -o ta; -amasrɔyi -o -yaa -gbla'an 'zi Zuufu -kuŋlii mu 'ε 'lɛɛ. 'Bhe klele 'tɛ, 'ke Zesu 'nule, 'kee- dulale -o plɛŋ-, 'bhɛɛ- 'ke -ya pele- -o ni dɔɔ: "Bhaa -Waanbhaa' yilabla 'na 'ka ni!"
- 20 -E yanle 'bhe -jan 'ε 'wolele -o ni, 'ke -ya 'kɔɔlaalii mu 'ε 'pegee -a 'sien 'yi 'ε zɔnle- -o ni. -Ayile, 'ke -yaa' -klanlanɛ mu 'ε zrukpaale 'egbenele -o Mɛɛzan 'yelowoa bhe 'bhe -zayi'.
- 21 Zesu 'a 'pe gbɛ drɛwoa- -o ni dɔɔ: "Bhaa -Waanbhaa' yilabla 'na 'ka ni! 'D Dɛ 'mi 'winbwa- gɔnɛ- 'la gbɛɛn- 'mi -o 'ka mu winbɔ 'zi 'ezin- 'bhe -la gbɛɛn-."
- 22 -E yanle 'bhe -jan 'ε 'wolele, 'ke -ya -lii -ploo 'pɛɛnle -o ta, 'bhɛɛ- 'ke -ya pele- -o ni dɔɔ: " -Ka Lii 'Wɛŋ 'ε 'srɔwo!
- 23 'Ke 'ka mɛɛ 'la zan mu a -za 'yɔɔ- mu -sroma -yaan, -Waanbhaa' nu 'bhe zan mu a -za 'yɔɔ- mu 'ε ma -sroma 'yanle-; 'duŋ- 'ke 'ka 'laa dɔle -a -la 'ke 'ka mɛɛ 'la zan mu a -za 'yɔɔ- mu -sroma yan, -Waanbhaa' laa nu 'bhe zan mu 'ε -waa' -za 'yɔɔ- -sroma 'yanle- 'ezin-."
- 24 'Duŋ-, Zesu 'pwɛla- -yaa' -klanlanɛ mu 'ε ba 'waati 'la ba, -yaa' -klanlanɛ vu ta plɛ 'ε, -o ba mɛɛ do 'la 'ke -o -yaa 'bhe sii Toma, 'bhɛɛ- 'ke -o 'bhe 'tɔkpa'a- 'Yonɛ-', 'bhe 'laa -yaa -o ba 'bhe 'waati 'ε ba.
- 25 'Bhɛla- -zayile, -klanlanɛ -vin mu 'ε -wa =pia -a ni dɔɔ: "'O mɔɔ Mɛɛzan 'ε =ya." 'Duŋ- Toma 'a zikpa'a- -o ni dɔɔ: "'Ke 'naa 'pɔnli mu 'ε bla'an bhɛkpɔɔ mu 'ε 'yele- -a 'kɔɔlaalii mu 'ε =nɔɔ, 'bhɛɛ- 'ke 'naa 'η gbɛnɛbhe do wlalɛ 'bhe 'pɔnli mu 'ε bla'an bhɛkpɔɔ mu 'ε 'lii 'pe, 'bhe 'pegee 'ke 'naa 'η gbɛ 'kpale- -a 'sien 'yi -dibhe' bla'an kpɔɔ 'ε 'lii 'pe, 'naa nu 'η 'kpale- 'ka 'wojan- 'ε 'yi.'"
- 26 -Gbɛɛyi' do 'kanle- bla'an, Zesu a -klanlanɛ mu 'ε 'klale- -yaa 'eke- ba 'ezin- 'fɛ 'ε =la, 'bhɛɛ- 'gborobhe 'ε bɔle -yaa -o ta. 'Bhɛɛ- Toma -yaa -o ba 'taaleɛyi. 'Bhe ya 'ε 'yi, 'ke Zesu 'pwɛle -a -yi, 'kee- dulale -o plɛŋ-, 'bhɛɛ- 'ke -ya pele- -o ni dɔɔ: "Bhaa -Waanbhaa' -yaa' yilabla 'ε 'na 'ka ni!"
- 27 'Bhe bla'an, 'ke -ya pele- Toma ni dɔɔ: "Nu 'e gbɛ -nɛbhe' 'ε =zwan 'η 'kɔɔlaalii mu 'ε =nɔɔ -gɛ, 'bhɛɛ- -o -glin doo; 'bhɛɛ- 'e gbɛ 'kpa 'η 'sien 'yi yrɛ 'lɛɛ- =nɔɔ gɛ doo. 'Yaa 'e 'kpee klele plɛ 'mi ma, 'duŋ- 'e 'kpa 'mi 'yi!"
- 28 'Bhe klele 'tɛ, 'ke Toma 'a 'lekunle -a ni dɔɔ: "'Ee! 'Mi -le 'η Zan 'pegee 'an -Waanbhaa' 'le!"

²⁹Bhɛ 'yi, 'ke Zesu 'a zikpale 'a ni dɔɔ: "'E 'mi 'yelawoa, 'bhɛla- -yile 'yee =kpaɔ 'mi 'yi ɛɛ? 'Duŋ- mɛɛ 'la zan mu laa 'ŋ 'yeɛ-, 'bhɛɛ- -woo kpa 'ŋ 'yi bhe, 'bhɛ zan mu a pɛ -yinra!'"

³⁰Zesu 'sɔle- maza -bebe 'bhɛɛke mu =kla 'ezin- -yaa' -klanlanɛ mu 'ɛ 'yɾɛ ma, 'duŋ- waa 'mu 'kpɛn 'yigɔɔnle 'yee- 'sɛwɛ 'lɛɛ- 'yi.

³¹'Duŋ- -o -za mu 'lɛɛ- yɔɔndia-, 'kooko- 'ka 'ka kpa -a -yi 'bhii- Zesu -le 'ke Mɛɛ - Bhee Mi -Kpɔsɔɔ Krisi 'ɛ 'le, 'bhɛ 'pegee 'ka 'ka kpa -a -yi 'bhii- 'yele- 'ke -Waanbhaa' Gbe 'ɛ 'le. 'Bhɛɛ- 'kooko- 'ke 'ka 'ka=kpaɔ -a 'yi, bole -yɾɛ ma -si 'la -daŋ' 'laa -o 'bhɛ ma, 'ka 'bhɛ 'srɔɔwo- -a 'tɔ 'ɛ -srɔyi'.

Zaan 21

¹'Bhɛ blaɔn 'waati sa, 'ke Zesu 'pwɛle 'ezin- -yaa' -klanlanɛ mu 'ɛ ba Tiberiadi -draa 'ɛ bhɔŋla. -E -pwɛla -o ba gɔnɛ- 'lɛɛ- 'bhɛɛ- gbɛɛn-:

²Simɔ Pieri 'pegee Toma (-o -yaa 'bhɛ sii -Nɛ Yonɛ-), 'bhɛɛ- Natanaeli ('bhɛ 'yaa- da Kana -wa 'ɛ ta, Galile 'klɛɛn 'ɛ 'yi) 'bhɛɛ- Zebede gbe plɛ 'ɛ 'bhɛ 'pegee Zesu a -klanlanɛ 'bhɛɛke plɛ, -o 'kpɛn 'klale- -yaa 'eke- ba.

³Simɔ Pieri pe -o ni dɔɔ: "'D gele- kaa dɛyɾɛ- nɔɔ-." 'Bhɛɛ- Zesu a -klanlanɛ -vin mu 'ɛ pe a ni dɔɔ: "'O mɔɔ nu gele 'ezin- 'e zi." -O -ja 'bhɛɛ- 'yi 'tɛ, 'ke -o 'sanle -yitakon 'ɛ 'yi. 'Duŋ- waa kaa do 'kpɔ dɛɛ 'bhɛ -bi 'ɛ zi.

⁴Yɾɛma 'kanle- -saan bhla 'la ba, 'ke Zesu 'pwɛle -a -yi, 'bhɛɛ- 'kee- dulale -draa 'ɛ bhɔŋla. 'Duŋ- -yaa' -klanlanɛ mu 'ɛ waa 'yaangole 'bhii- 'yele- -yaa 'kele-.

⁵'Bhɛ klele 'tɛ, 'ke Zesu 'a 'pele -o ni dɔɔ: "-Nɛ -zwanɛ mu, 'ka kaa =kwan ɛɛ?" -O 'bhɛ zikpaɔ -a ni dɔɔ: "'On on, 'waa pɛ 'kɛdo- 'kpɔ 'kunle-."

⁶'Bhɛ klele 'tɛ, 'ke Zesu 'a 'pele -o ni dɔɔ: "-Ka yɾɔ 'ɛ bɔ -yitakon 'ɛ gbe -yiɛ' 'yi, 'bhɛɛ- 'ka nu kaa mu 'kunle- 'bhɛ =nɔɔ." -O 'bhɛ bɔle 'bhɛ yɾɛ 'ɛ =nɔɔ 'tɛ, 'ke 'bhɛ kaa -bebe 'kunle, -asiikɔɔ -a gbii 'ɛ 'kɔɔ, waa -yaa 'sɔle -a -glaanle' -yi 'ɛ ba.

⁷'Bhɛ 'yi 'tɛ, Zesu a -klanlanɛ 'la -za -yaa sɔ 'yee- Zesu 'gbu ni, 'bhɛ pe Pieri ni dɔɔ: "Mɛɛzan -le 'kele-!" Pieri 'a 'male- 'kaa Mɛɛzan -le 'kele-, 'kee- yaa dunɛ mu 'ɛ 'klale -a ta, -amasɾɔyi -e -yaa kaa dɛ zii' bhla 'la ba, -a tafleŋ- -le -yaa. 'Bhɛɛ- 'kee- bɔle- -yi 'ɛ ba, 'kee- gele- Zesu ba -yɾɛ ta.

⁸Zesu a -klanlanɛ -vin mu 'ɛ -nwa -yi 'ɛ bhɔŋla -yitakon 'ɛ 'yi. 'Bhɛɛ- -o yɾɔ 'ɛ -glaanna, -a 'pale- -yaa 'ke kaa mu 'ɛ 'le. -Amasɾɔyi -o plɛngole laa -yaa -draa 'ɛ bhɔŋla 'ɛ ma mɛtre -kɛmɛ do yɛkɛ- 'yi.

⁹-O bhɔle 'trɛ ma, 'ke -o 'tɛ do -lɛkunle yele-, 'bhɛɛ- kaa 'pegee 'bluu 'yaa- 'bhɛ 'tɛ 'ɛ ta.

¹⁰Zesu pe -o ni dɔɔ: "'Ka kaa mu 'la =kwan bhe, -ka nu 'a 'ke 'le -gɛ."

¹¹'Bhɛ klele 'tɛ, 'ke Simɔ Pieri 'sanle -yitakon 'ɛ 'yi, 'bhɛɛ- 'kee- yɾɔ 'ɛ -glaanle' 'trɛ ma, -a 'pale- -yaa 'ke kaa -gbɛnɛ -gbɛnɛ mu 'le: -o -yaa kaa bhɛ -kɛmɛ do 'ke 'kaa bhɛ mia

plɛ bhɛ vu ta yaga (153). 'Ali- 'woo- kaa mu 'ɛ -o -bebeya 'ɛ ma, kaadɛ yrɔ 'ɛ yaa 'peedɛɛ.

12Zesu pe -o ni dɔɔ: "-Ka nu pɛbhle." 'Duŋ- -yaa' -klanlanɛ mu 'ɛ do 'kpɔ 'laa -yaa sɔ -a -lrɔkpale dɔɔ: "-Dele 'e 'le ɛɛ?" -Amasrɔyi -o 'gbu 'yaa- 'yaango- 'bhii- Mɛɛzan -le 'kɛle-.

13-Ayile, 'ke Zesu 'e 'mabɛɛnle -o -din, 'kee- 'bluu 'ɛ 'sile, 'kee- 'bhɛ 'yicienle -o ma. 'Bhɛɛ- 'kee- 'kaa -yicienle 'ezin- -o ma.

14-A 'san Zesu bwe gale ba, -a 'pwe gbɛ -glɔɔn yaga mi -le -yaa 'bhɛ 'le bhe -yaa' -klanlanɛ mu 'ɛ ba.

15-O yanle pɛbhlelele, 'ke Zesu Simɔ Pieri 'lrɔkpale dɔɔ: "Zaan gbɛ Simɔ, 'ŋ -za sɔ 'e ni 'ke 'bhɛ kan 'ŋ -za sɔ mɛɛ mu 'lɛɛ- ni gɔnɛ- 'la gbɛɛn- 'bhɛ ta ɛɛ?" 'Yee- Simɔ 'bhɛ zikpaa Zesu ni dɔɔ: "-Aani' Mɛɛzan, 'e 'gbu 'a 'yaango- 'bhii- 'e -za sɔ 'ŋ ni." 'Bhɛɛ- Zesu pe -a ni dɔɔ: "'An -bhlaa gwɛn bhlɔnɛ- mu 'ɛ 'lɛbɔ-."

16'Bhɛ blaɛn, 'ke Zesu 'a 'lrɔkpa gbɛ plɛ mi wole- 'ezin- dɔɔ: "Zaan gbɛ Simɔ, 'ŋ -za sɔ 'e ni ɛɛ?" Pieri -a 'lɛkwan -a ni 'ezin- dɔɔ: "-Aani' Mɛɛzan, 'e 'gbu 'a 'yaango- 'bhii- 'e -za sɔ 'ŋ ni." 'Bhɛɛ- Zesu pe -a ni dɔɔ: "Klɛ 'an -bhlaa mu 'ɛ tagbin mi 'le."

17'Bhɛ blaɛn 'ezin-, 'kee- Pieri 'lrɔkpa gbɛ yaga mi wole- dɔɔ: "Zaan gbɛ Simɔ, 'ŋ -za sɔ 'e ni ɛɛ?" 'Bhɛ klɛle 'tɛ, 'ke Pieri 'a wleyisriwole, -amasrɔyi Zesu 'a 'lrɔkpaa gaan yaga dɔɔ: "'D -za sɔ 'e ni ɛɛ?" -Ayile 'ke -ya pele- Zesu ni dɔɔ: "Mɛɛzan, 'e -za 'kpɛnsɛɛ dɔ, 'e 'gbu 'a 'yaango- 'bhii- 'e -za sɔ 'ŋ ni!" 'Bhɛɛ- Zesu pe -a ni 'bhɛɛ- 'yi 'tɛ dɔɔ: "'An -bhlaa mu 'ɛ -o 'lɛbɔ-.

18'Mi pe 'e ni 'ŋ 'sɔwɛɛ ma dɔɔ 'e 'yaa- 'waati 'la ba -zwanɛ 'le, 'e 'yaa- dunɛ- kla 'e 'gbu ta, 'bhɛɛ- 'e 'sɛntru dɔ 'e 'gbu 'saanla, 'bhɛɛ- 'ke gele -yaa sɔ 'e ni yrɛ 'la =nɔɔ, 'e 'yaa- ge 'bhɛɛ- =nɔɔ. 'Duŋ- 'kee 'krɔyawoa 'waati 'la ba, 'e nu 'e gbɛ 'trolɛ- mɛɛ -bhɛɛke' -la ba, 'bhɛ nu dunɛ- 'klalɛ- 'e ta, 'bhɛɛ- 'bhɛ nu 'sɛntru dɔlɛ 'e 'saanla=. 'Yaa- zi 'bhii- -e ge yrɛ 'la =nɔɔ 'bhɛ nu gele 'e 'le 'bhɛɛ- =nɔɔ."

19Pieri -yaa nu gale gagbeyaa 'la 'yi, 'bhɛɛ- -e -Waanbhaa' 'tɔbhɔ-, Zesu 'bhɛɛ- -zrɔnna -a ni -gɔɔn 'yi jan 'la bhe 'bhɛɛ- wolele. 'Bhɛ blaɛn, 'ke Zesu 'a pele Pieri ni dɔɔ: "Dɔ 'ŋ zi!"

20Pieri 'e 'yrekpale -a -zanta', 'kee Zesu a -klanlanɛ 'la -za -yaa sɔ Zesu 'gbu ni 'bhɛ 'yele 'ke 'bhɛ -o zan -o zi. 'Bhɛ -klanlanɛ 'ɛ 'bhɛ -le 'bhɛ makulaa Zesu ba -yrɛ ta pɛbhle 'waati 'ɛ ba -bi do zi, 'bhɛɛ- 'bhɛ -le Zesu 'lrɔkpaa- dɔɔ: "Mɛɛzan, -de 'gbu -le nu -dawli' 'kpale- 'e gbɛ ta ɛɛ?"

21Pieri 'bhɛ -klanlanɛ 'ɛ 'yele- 'kee- Zesu 'lrɔkpale dɔɔ: "'Bhɛɛ- mɛɛ 'lɛɛ- 'lɛɛ, Mɛɛzan, -mɛ pɛ za -le nu klɛlɛ 'bhɛ ni ɛɛ?"

22'Bhɛ klɛle 'tɛ, 'ke Zesu 'bhɛ zikpale -a ni dɔɔ: "'Ke 'mi -a zi 'bhii- -e bo -a -yrɛ ma, 'sani- 'ke 'bhɛ ge 'tɛnle- 'ŋ 'nu 'yi 'ɛ ma, 'yaa- -mɛ pɛ za -le 'bhɛ 'yi ɛɛ? 'Bhi, 'bhi dɔ 'ŋ zi drɔŋ!"

²³O 'bhεε- -jan 'ε 'wole- 'ε =zian -o nεεε- Zesu 'yi mu 'ε 'pleη- dɔɔ 'bhε -klanlanε 'ε 'bhε 'laa -yaa nu gale. 'Bhεε- 'duη-, Zesu 'laa 'pele- Pieri ni dɔɔ: "Yaa nu gale". -Ya =pia -a ni dɔɔ: "'Ke 'mi -a zi 'bhii- -e bo -a -yre ma, 'sani- 'ke 'bhε ge 'tenle- 'η nu 'yi 'ε ma, 'yaa- -mε pε za -le 'bhε 'yi εε?"

²⁴Bhε -klanlanε do 'kpɔ 'ε 'bhε -le 'srɛya- kle 'zi -za mu 'lεε- ba zayi'. 'Yele- -za mu 'lεε- yɔɔndia- 'ezin-. 'Bhεε- 'o mɔɔ 'gbu 'a 'yaango- 'bhii- -yaa' 'srɛya- klele 'ε -yoo 'ke wlan 'le.

²⁵Zesu -za 'bhεεke -bebe =kla. 'Kee 'kpa bi -woo 'kpen yɔɔnde do do, 'mi 'kpee ma, 'bhε 'sεwε mu 'ε -waa -yaa nu 'sɔle- 'drunyan 'lεε- 'yi.

Klɛza Mu

Klɛza Mu 1

¹Mi Luki, 'mi -le 'sɛwɛ 'lɛɛ- dɛ 'zi 'bhi 'ŋ nɛɛnɛ- Teofili ni. Zesu -za mu 'la =kla, 'bhe 'pegee -e mɛɛ mu -daanna -za mu 'la 'le, 'ŋ 'mu 'kpen 'yigɔɔnna 'e ni 'an 'sɛwɛ =lwa mi 'ɛ 'yi, 'ke 'an san -e -yaa' ye 'ɛ zisaan- 'waati 'la ba 'bhe ma,

²'bhɛɛ- 'kee- nu 'tɛnlɛ- -Waanbhaa' 'a =sia laflɛ' 'ɛ 'yi yi 'la 'le 'bhe ma. 'Duŋ- 'sani- -a gele plɛŋ- laflɛ' 'ɛ 'yi, -e mɛɛ 'la zan mu makwan- 'bhii- -yaa' pɛ winbɔwo mu, -e -yaa zi 'bhii- 'mu -za mu 'la dɔ, -e 'mu -daanna 'mu 'le.

³-A gale 'pegee -a bwele gale ba 'ɛ blaɛn, -ya 'gbu -zɔɔnna 'mu ni zɔɔn gbɛya -bebe 'yi 'bhii- -ya -yrɛ ma kpataakpa. -Amasɔyi -e -pɔwɛla 'mu ba -yɛkpaɛ' mia plɛ =la, 'kee- -Waanbhaa' a -bhɛŋgbɛya -wa 'ɛ ma -jan 'ɛ wo 'mu ni.

⁴'Bhe 'yi 'tɛ, 'yee- Zesu 'pegee -yaa' -klaŋlanɛ mu 'ɛ 'yaa- pɛbhle 'zi 'eke- zi -yɛkpaɛ' dɔ, 'bhɛɛ- -e pe -o ni dɔɔ: "'Ka 'laa 'ka 'plɛŋgɔlɛ Zeruzalɛmu -wa 'ɛ ma; pɛ 'la 'ke 'ŋ Dɛ 'a 'liiwli- =naa 'bhe 'na zayi' 'ka ni bhe, 'bhɛɛ- 'ke 'mi 'bhɛɛ- baan' =pia 'ezin- 'ka ni; -ka 'bhe pɛ 'ɛ magbɛn a =nɔɔ ye.

⁵-Amasɔyi Mɛɛ Wiinɛfɛ' Mi Zaan mɛɛ mu 'wiinɛfia= 'ke -yi 'le, 'duŋ- -a -winbwa -yɛkpaɛ' dama 'bhɛɛ- -Waanbhaa' nu 'ka mu 'palɛ- 'ke Lii 'Wɛŋ 'ɛ 'le."

⁶Zesu a 'winbɔwo mu 'ɛ 'klalɛ- -yaa 'eke- ba 'ezin-, 'ke -wa -lɔɔkpale dɔɔ: "Mɛɛzan, 'e nu -bhɛŋgbɛ do 'kpa gbɛ drɛɛwolɛ Izraɛli mu 'ɛ 'wiinɛ- 'bhɛɛ- 'waati 'ɛ ba ɛɛ?" (-O Zesu 'lɔɔkpaa 'bhe gbɛɛn- bhe, -amasɔyi Rome mu -le -yaa Izraɛli mu 'ɛ 'wiinɛ- 'bhe 'waati 'ɛ ba.)

⁷Zesu pe -o ni dɔɔ: "'Dɛ Dɛ 'woo- za mu 'lɛɛ- klɛ 'waati mu 'la 'lɛdulaa, 'ka mu maza laa -o 'mu dɔlɛ ma.

⁸'Duŋ- -Waanbhaa' nu 'ka 'palɛ- 'ke Lii 'Wɛŋ 'ɛ 'le, 'bhɛɛ- 'ka mu nu -yaa' -glɔɔya' 'ɛ 'sɔɔwolɛ. 'Ke 'bhe =kla, 'ka nu klɛlɛ 'ŋ 'sɛ 'le 'ke 'ka 'mi ba janwo Zeruzalɛmu -wa 'ɛ 'pegee Zude, 'bhɛɛ- Samari 'klɛn mu 'ɛ 'yi, 'ke 'bhe ge 'tɛnlɛ- 'drunyan -dan' mu 'ɛ 'kpen ma."

⁹Zesu 'yanle- 'bhe -jan mu 'ɛ 'wɔlɛlɛ, 'kee- -wɛnlɛ' laanima -yaa' -klaŋlanɛ mu 'ɛ trala, 'kee- ge laflɛ' ba -yrɛ ta; 'bhɛɛ- 'mu 'yrɛ =yaa -a zi -a ge bhla 'ɛ zi; 'ke laflɛ' -gbɛn 'pu do 'kpale -a ta, 'bhɛɛ- 'ke 'bhe 'a 'nile 'mu -yrɛ ba.

¹⁰-O -yrɛ -yaa -a zi -li 'waati 'la ba, 'ke mɛɛ plɛ 'pɔwɛlɛ -o ba 'bhe yrɛ do 'ɛ=nɔɔ bhe: dɛnɛ- 'pu mu -yaa 'mu ta.

¹¹'Bhe mɛɛ plɛ 'ɛ pe -o ni 'tɛ dɔɔ: "Galilɛ mu, -mɛlɛ =kla 'bhɛɛ- 'ka dulalɛ -o 'ke 'ka 'ka 'yɛkpa laanima ɛɛ? 'Ka 'yee- Zesu do 'kpɔ 'la =ya 'ka plɛŋ- -gɛ, 'bhɛɛ- -e -ja laflɛ' 'yi gɔnɛ- 'la gbɛɛn- bhe, -e nu nu gbɛ drɛɛwolɛ 'yee- gɔnɛ- do 'kpɔ 'ɛ 'yɛla- gbɛɛn- 'ezin-."

¹²'Bhe 'yi 'tɛ, 'ke -yaa' winbɔwo mu 'ɛ gole- OLivi diinɛ vlɛ gɔɔn 'ɛ 'wiinɛ-, 'bhɛɛ- 'ke -o nule- Zeruzalɛmu ba -yrɛ ta. 'Bhe gɔɔn 'ɛ 'yaa- Zeruzalɛmu -wa 'ɛ ma kilo do.

- 13-O bhole Zeruzalemu, 'ke -o gele- 'sangaso 'kpee 'la -o -yaa kla 'eke- ba 'tanji 'bhe =la 'bhεε- =la. Mεε 'la zan mu 'klale- -yaa 'eke- ba 'mu 'tɔ -le -gε: Pierei 'pegee Zaan 'bhεε- Zaki, Andre pegee Filipu 'bhεε- Toma, Batremi 'pegee Matie, 'bhεε- Alife gbe Zaki 'pegee Simɔ 'la 'yaa- 'bhe a 'kleen 'ε -vavade, 'bhεε- Zaki gbe Zudi.
- 14-O 'kpen 'kpale- -yaa do ma, 'bhεε- -o bole -yaa -o seriwole ma -Waanbhaa' ni -o 'pegee le 'ke mu 'le. Zesu nεε Mari 'pegee -a nεεnε- mu 'ε 'yaa- -o ba.
- 15'Yee- yi mu 'ε do 'le, -o =klaa 'eke- ba, 'bhεε- -o -yaa bhɔ mεε -kεmε do 'ke mεε mia do -din. 'Bhεε- Pierei 'ε 'wlenle- -o plεŋ- 'ke -ya pele- -o ni dɔɔ:
- 16"-A -lɛdulale -yaa 'ke Lii 'Wεŋ 'ε -jan 'la =kpaɔ Davidi 'lii -Waanbhaa' a 'Sεwε 'ε 'yi 'bhe 'lεsɔ-. -Ayile, Zuda 'yaa- nu dɔle Zesu 'kun mu 'ε 'lεε gɔnε- 'la gbεen-, 'yee- Davidi 'bhe 'lεεjanwoa 'elwale -sɔ.
- 17Zuda -yaa -kɔɔ' mεε -lɛdo 'lεε- ba mεε 'ε do 'le, 'bhεε- -a dɔ -yaa -kɔɔ' 'kpen 'woye- do 'kpɔ 'ε ba.
- 18'Bhεε- -o yaa mεε dε ma -gɔli' 'la gbawoa- -a ni, -e -ja gba do lɔle 'bhe -gɔli' 'ε 'le. 'Bhe blaɔn 'kee- gele- -a 'gbu duŋle 'bhe gba 'ε 'yi -yri diiŋ 'ε do 'yi, 'bhεε- 'kee- baale' 'trε ma -a bhlɔ ta. 'Ke -a vi 'ε 'pɔnle, 'bhεε- -a gbɔŋbhle mu 'ε 'pwela- -a kpε ta, 'kee- gale-.
- 19Zeruzalemu -wa 'ε ta mu 'ε 'kpen 'bhe -za 'ε dɔ. 'Bhela- -zayile -o 'yee- gba 'ε 'tɔkpaɔ- -waa' wli 'ε 'yi dɔɔ: 'Akɛlidama'. 'Bhe 'yi -le dɔɔ: 'mεε yiεn ma gba'.
- 20'Duŋ- -jan 'lεε- 'bhεε- yɔɔndεle -yaa -a ba zayi' -Waanbhaa a 'Srokpa 'sεwε 'ε 'yi dɔɔ: 'Bhaa yaa 'fε 'ε =la 'fleŋbo, 'bhεε- mεε 'kedo- 'kpɔ 'laa bole 'bhe =la 'ezin- -titi.' 'Bhεε- -wa yɔɔndia- 'ezin- 'yee- 'sεwε 'ε 'yi yrε do =nɔɔ dɔɔ: 'Bhaa mεε -bhεεke' do zen -a blaanta.'
- 21- 22-Kɔɔ' mεε do makun', 'bhεε- 'kɔɔ 'bhe kpa -kɔɔ' ba, 'kooko- -kɔɔ' kle Mεεzan Zesu bweza 'ε gale ba 'bhe 'srε 'le. 'Duŋ- 'bhe zan 'ε kle mεε mu 'la -kɔɔ' 'pegee 'mu 'yaa- kanaa' 'eke- zi 'kleen 'ε 'yi 'waati 'ε 'kpen ba, 'bhεε do 'le; 'kee- san Mεε Wiinjfe' Mi Zaan Mεεzan Zesu 'pegee mεε 'ke mu 'wiinjfia= -yi ba 'waati 'la ba, 'bhεε- 'kee- nu 'tenle- -Waanbhaa' 'a =sia -kɔɔ' 'plεŋ -gε yi 'la ma, 'bhεε- -e -ja 'kele- lafle' 'yi 'bhe ma."
- 23'Bhe blaɔn, 'ke -o mεε plε makunle -o ba: Zozefu 'pegee Matiasi. Zozefu -zwana' 'tɔ 'yaa- Baasabasi; 'bhεε- -o -yaa -a sii 'ezin- mεε -lɛdɔɔle.
- 24'Bhe blaɔn, 'ke -o 'kpen -o 'seriwole 'eke- zi, 'ke -wa pele- -Waanbhaa' ni dɔɔ: "Mεεzan -Waanbhaa', 'bhi 'la 'bhi bhaaplεŋ 'kpen 'kpeejan- dɔ, 'e 'woo- mεε plε 'lεε- -o 'kela 'bhe makwan- 'yaa- pε 'le, 'bhe zan 'ε zrɔn 'o ni,
- 25'kooko- 'bhe zan zen Zudasi blaɔn yrε 'ε =nɔɔ, 'bhεε- -e kle 'yaa- 'winbɔwo mu 'ε do 'le. -Amasrɔyi 'yee- Zudasi -gwa -a dulayrε 'ε =nɔɔ, 'bhεε- -e -ja yrε 'la -gaale' -o -a ba 'bhe =nɔɔ."

26'Bhɛ blaɛn, 'kɛ -o 'tɛtɛ dɔlɛ-, 'bhɛɛ- 'kɛ 'bhɛ baalɛ 'woo- mɛɛ plɛ 'ɛ do ta. 'Bhɛ mɛɛ 'ɛ -yaa 'kɛ Matiasi -la -lɛ. 'Bhɛ 'yi 'tɛ, 'kɛ 'bhɛ 'kpale Zɛsu a 'winbɔwo mu vu ta do 'ɛ ba, 'bhɛɛ- -o =kla mɛɛ vu ta plɛ 'tɛ 'ɛzin.

Klɛza Mu 2

1-O -yaa Zuufu mu 'ɛ -waa' 'fɛti 'la sii Pantekɔti, 'bhɛ yi 'ɛ =bhwa, 'bhɛɛ- Zɛsu a -kɛɛlanɛ mu 'ɛ 'kɛn 'klalɛ- -yaa 'ɛkɛ- ba yrɛ do 'kpɔ =nɔɔ.

2'Bhɛ yrɛ do 'ɛ =nɔɔ bhɛ, 'kɛ pɛ -wɛli' do dale- blaalɛ- laflɛ' 'yi, 'bhɛ pɛ -wɛli' 'ɛ 'yaa- 'bhii- fanɟan- ma -ploɔ -gbɛnɛ do 'kangbɛya gbɛnɛ-, 'bhɛɛ- Zɛsu a -kɛɛlanɛ mu 'ɛ -yaalɛ' -yaa 'fɛ 'kpɛɛ 'la =la, 'kɛ 'yɛɛ- pɛ -wɛli' -gbɛnɛ 'ɛ 'wlalɛ 'bhɛ 'nɔɔ-, 'bhɛɛ- 'kɛɛ- 'bhɛ 'kɛn 'palɛ.

3'Bhɛ klɛlɛ 'tɛ, 'bhɛ 'waati do 'kpɔ 'ɛ ba, 'kɛ -o -yrɛkpale pɛ nrɛ 'kɛ mu ma 'bhii- 'tɛ nrɛ mu gbɛnɛ-. 'Bhɛɛ- 'kɛ 'mu goɛ- 'ɛkɛ- ma, 'kɛ -o goɛ- dulalɛ Zɛsu 'yi mu 'ɛ 'kɛn 'wiɛɟ- do do.

4'Bhɛ 'yi, 'kɛ -o 'kɛn 'palɛ 'kɛ Lii 'Wɛɟ 'ɛ 'lɛ, 'bhɛɛ- 'kɛ -o wli -bhɛɛkɛ' mu peɛ 'sanɛ; -o 'kɛn do do -yaa Lii 'Wɛɟ 'ɛ 'sɛɟ 'wlata- wli -bhɛɛkɛ' mu 'pɛ 'zi.

5'Bhɛɛ- 'duɟ-, Zuufu mu 'la 'yaa- gbɛɛlan -Waanbhaa' -lɛɛ, 'bhɛɛ- 'kɛ -o zɛnɛ -yaa 'klɛn 'bhɛɛkɛ mu 'ɛ 'yi, 'mu 'kɛn =yaa Zeruzalɛmu 'bhɛ 'waati 'ɛ ba.

6-O 'bhɛ pɛ -wɛli' do 'ɛ 'malɛ-, 'kɛ -o 'kɛn blasanɛ 'bhɛɛ- 'kɛ -o goɛ- 'bhɛ yrɛ 'ɛ =nɔɔ -gɛɛlɛ'. 'Bhɛ 'yi 'tɛ, 'kɛ -o 'kɛn 'liibhaalɛ -o ma, -amasrɔyi -o 'kɛn do do -yaa Zɛsu 'yi mu 'ɛ 'yaa- wli mu 'la 'pɛ zii' 'mu -yima' zii' -o 'gbu 'ya wli mu 'ɛ 'yi.

7-O -liibhaa' gbɛ -yɔɔ 'ɛ 'kɔɔ- -o ma 'kɛ -wa peɛ- dɔɔ: "'E! 'Woo- mɛɛ mu 'la bhɛ waa -o 'kɛ Galilɛ mu 'lɛ ɛɛ?

8'Bhɛɛ- -ɛ =kla 'nalɛ- 'bhɛɛ- -kɔɔ' 'kɛn do do -o pɛ wli mu 'ɛ 'ma zii' -kɔɔ' 'gbu 'ya wli mu 'ɛ 'yi do do ɛɛ?

9'E pɛ Paritɛsi mu oo, Mɛdi mu oo, Elami mu oo, Mezopotami mu oo, Zudɛ mu oo, Kapadɔsi mu oo, Pɔn mu oo, 'bhɛɛ- Azi mu oo,

10Frizi mu oo, Panfili mu oo, Ezipu mu 'pɛgɛɛ Libi gbɛ 'la -yoo Sireni -din 'bhɛ =nɔɔ mu, 'bhɛɛ- Rɔmu mu; 'mu 'kɛ mu -o Zuufu -kpɔsɔɔ mu 'lɛ, 'bhɛɛ- 'mu 'kɛ mu -wlaa Zuufu mu a 'seri 'ɛ 'yi.

11'Bhɛɛ- mɛɛ 'kɛ mu -o 'kɛ Kɛti mu 'lɛ, 'bhɛɛ- -a 'kɛ mu -o 'kɛ Arabu mu 'lɛ. 'Duɟ- -ɛ =kla 'nalɛ-, 'bhɛɛ- -kɔɔ' 'kɛn -o -Waanbhaa' klɛza -gbɛnɛ mu 'ɛ 'ma zii' -kɔɔ' 'kɛn do do ya wli mu 'ɛ 'yi ɛɛ?"

12-O 'kɛn 'liibhaa gbɛ -yɔɔ' 'ɛ 'kɔɔ -o ma, waa -yaa 'sɔlɛ -jan 'bhɛɛkɛ do 'kpɔ 'wolɛ, 'kɛ yaa 'ɛ go 'kɛ -wa pɛ 'ɛkɛ- ni dɔɔ: "-Za 'lɛɛ- 'bhɛ 'yi -o 'nalɛ- -a ma ɛɛ?"

13'Duɟ- 'woo- mɛɛ mu 'ɛ 'kɛ mu -yaa 'sɔnsi zii' Zɛsu 'yi mu 'ɛ ma 'kɛ -wa pɛ dɔɔ: "-wɛɛn -lɛ -o dɛ 'zi!"

- 14'Bhɛ klele 'tɛ, 'ke Pieri 'pegee Zesu a winbɔwo mu -vin vu ta do 'ɛ -woo -wlɛnle', 'bhɛɛ- 'ke 'yee- Pieri 'a 'weli- 'ɛ 'lawlɛnle, 'bhɛɛ- 'ke -ya pele- -zamaa' 'ɛ ni dɔɔ: "'Ka mu Zuufu mu, 'bhɛɛ- 'ka mu 'la 'kpen -o -zɔn Zeruzalɛmu -gɛ, -ka 'ka 'trɔnbado 'ɛ ni 'elrele doo, 'bhɛɛ- -ka 'ɛ 'wojan- 'ɛ 'yima.
- 15'Ka mu 'kpee ma -wɛɛn -le mɛɛ mu 'lɛɛ- dɛ 'zi ɛɛ? 'Duɲ- -wɛɛn do 'kpɔ 'laa -o dɛ 'zi, -amasrɔyi -wɛɛn dɛ bhla laa 'ke zrwanzi 'waati 'lɛɛ- ba 'ɛ 'le.
- 16'Duɲ- -Waanbhaa' -jan 'la =kpa a -lɛla' janwo mi Zoeli 'lii 'elwaleta -sɔ 'bhɛ -la -lɛsɔ' zii' -zɔn -gɛ, -ya =pia dɔɔ:
- 17'-Ka 'ka 'yɛkpa, 'ke 'drunyan 'lɛyan yi mu 'ɛ =bhwa 'e -din 'waati 'la ba, 'ɛ nu -za mu 'lɛɛ- 'mu -la klɛɛ: 'ɛ nu 'ɛ Lii 'Wɛɲ 'ɛ zinale bhaaplɛɲ mu 'ɛ 'kpen ta, 'bhɛɛ- 'ka gbe mu 'pegee 'ka 'lu mu 'ɛ nu 'ɛ 'lɛla= janwɔlɛ, 'bhɛɛ- 'kaa- -zwannɛ mu 'pegee 'kaa- -gblanɛ mu nu -za mu yeɛ -yrɛ zi yeɛ 'yi; 'bhɛɛ- gbɛɲ mu nu 'klalɛ- 'kaa- 'gwlaan- gbalaan mu 'ɛ 'yrɛ ba.
- 18'Wlan 'gbu 'ɛ ni, 'ɛ nu 'ɛ Lii 'Wɛɲ 'ɛ zinale 'an yewonɛ 'gwlaan- mu 'pegee 'an yewo le mu 'ɛ 'kpen ta, 'bhɛɛ- -o nu 'ɛ 'lɛla= janwɔlɛ.
- 19'Dɔ nu 'kpeɛlɛni maza mu zɔnɛ laanima lafle' 'yi, 'bhɛɛ- 'ɛ nu 'sɔlɛ- maza mu zɔnɛ 'trɛ ta -gɛ: yien 'bhɛɛ- 'tɛ 'pegee 'tɛgbɛn- nu klɛɛ.
- 20-Gblo nu 'kpale- -yɛrɛbhɛ 'ɛ 'yrɛ ta, 'bhɛɛ- laanima mlɛ 'ɛ nu 'tranɛ- 'bhii yien gbɛɛn-. 'Bhɛ 'kpen blaɛn, 'bhɛɛ- Mɛɛzan -Waanbhaa' a yi 'ɛ nu bhɔlɛ 'tɛ, 'bhɛ yi 'ɛ nu klɛɛ 'ke yi -gbɛnɛ do 'bhɛ 'pegee -Waanbhaa' a 'tɔbhɔlɛya yi 'le.
- 21'Bhɛ 'yi 'ɛ 'tɛ, 'ke mɛɛ 'oo mɛɛ 'la zan Mɛɛzan 'tɔ 'ɛ -siila, 'bhɛ zan nu goɛ -za 'yi. -Waanbhaa' -lɛla' janwo mi Zoeli -jan 'la =woa 'bhɛ -le bhe.' "
- 22'Pieri -ja -yaa' -jan 'ɛ 'wɔlɛ- zi 'ke -ya pele 'ezin- dɔɔ: "-Ka 'ka 'trɔnbado 'ɛ ni doo, 'ɛ nɛɛnɛ- Izraɛli mu: Zesu 'la 'yaa- da Nazareti -wa 'ɛ ta, -Waanbhaa' 'gbu 'a -zɔnna 'ka ni 'bhii- 'yee- 'gbu -le 'a 'winbwa-; -amasrɔyi 'yee- -Waanbhaa' 'sɔlɛ- maza mu 'pegee 'kpeɛlɛni maza mu, 'bhɛɛ- -tɔmasie mu =kla -a gbɛ zi -e -yaa -kɔɔ' 'plɛɲ- -gɛ 'waati 'la ba; 'bhii- 'ka 'gbu 'bhɛ -za mu 'ɛ 'yaango- gɔnɛ- 'la gbɛɛn- bhe.
- 23'Yee- mɛɛ 'lɛɛ- 'lɛnale 'ɛ 'ka ni 'ɛ 'bhɛ -daa -Waanbhaa' -la ba, 'bhii- -ya 'lɛdulaa gɔnɛ- 'la gbɛɛn- 'elwale -sɔ. 'Ka mu -le 'a =kla 'bhɛɛ- mɛɛ -yɔɔ' mu 'a =dia 'ke -wa gbaan -yɛrigbɛɛle ta.
- 24'Duɲ- -Waanbhaa' 'a -bwela gale ba, 'bhɛɛ- -ya -gwa ga a -yɛn mu 'yi. -Amasrɔyi yaa -yaa sɔ dɔlɛ- ga 'kpee 'ke 'bhɛ 'bhɛ gbɛblɔɔ -a ta.
- 25'Wlan 'ɛ ni, -bhɛngbe Davidi 'gbu 'yee- Zesu 'gbu ba -janwoa 'elwaleta -sɔ dɔɔ: "D Mɛɛzan ye 'waati 'ɛ 'kpen ba 'ɛ 'lɛɛ. -Yoo 'ɛ -din 'tɔbhɔ- ma yaayɛ 'ɛ =nɔɔ, 'kooko- 'naa -gbalaan'.
- 26'Bhɛla- -yile, 'ɛ zrukpaale -o, 'bhɛɛ- 'ɛ -janwo' zii' 'ɛ zrukpaale -gbɛnɛ 'le. 'D gale blaɛn, 'ɛ 'yri nu bolɛ -a ta 'bhii- 'ɛ 'fle 'ɛ nu bolɛ yilabla 'yi.

- 27-Amasrōyi 'bhi Mēezan -Waanbhaa' laa nu 'η lii 'ε 'tole- gbaa mu a -wa 'ε ta 'sekeseke, 'bhe 'pegee 'yaa nu -a 'tole- 'bhē- 'yaa- pē mē 'weŋ 'ε gbaa 'ε bōn.
- 28Bole -yrē ma -si 'la -daŋ' 'laa -o 'bhe ma, 'e 'bhe a zi -zrōnna 'η ni, 'bhē- 'e bolela -yoo 'η -din 'bhe nu 'η zrukpaale 'egbenele.' “
- 29Pieri pe 'ezin- dō: "'Ō nēne- mu, 'kaa- 'to 'ke 'η -jan sa wo 'ka ni kpataakpa -kō' -gbō Davidi ba za 'yi doo: -e =kla 'ke siele', -wa =bian, 'bhē- -a bu 'ε -yoo -kō' ba -ge -zōn -li.
- 30-E -yaa -Waanbhaa' -lela' janwo mi 'la 'le bhe, 'bhē- -ya 'yaangolawoa 'bhii- -Waanbhaa' 'gbu 'bhe 'sienwoa= -a ni kpataakpa dō 'bhe nu 'yee- Davidi 'gbu 'srē mu 'ε do klēle 'ke -bhleŋbe 'le -a blaan.
- 31-Za 'la 'yaa- nu bhōle, 'yee- Davidi 'gbu 'bhe =ya 'elwale gban -sō, -ayile -e Mē -Bhee Mi -Kpōsō Krisi bweza 'ε gale ba 'bhe ba janwoa- dō: 'Waa -a 'tole- gbaa mu a -wa 'ε ta, 'bhē- -a gbaa 'ε yaa nu bōnle.’
- 32-Waanbhaa' 'bhe Zesu 'la -bwela gale ba, 'η 'yoo- 'bhe -laa' -janwo' zii' 'ka ni, 'bhē- 'o mō 'gbu -o -a 'srē 'le.
- 33-E -ja laanima, 'bhē- -Waanbhaa' 'a 'ledwa- -a ma 'egbenele 'ke 'bhe 'a klē -bhleŋbe 'le 'bhe -din 'tōbhō ma yaayrē 'ε =nō. 'Bhē- -e Lii 'Weŋ 'ε 'srōwoa- -a Dē -Waanbhaa' 'kō 'bhii- 'bhe 'bhe 'liiwli- =naa -a naza ta gōne- 'la gbēen- bhe. 'Bhē- 'yee- Zesu 'gbu 'bhe Lii 'Weŋ -zinaa' 'ε 'o mō ta, 'bhii- 'ka 'yrē -o -a ma gōne- 'la gbēen- -ge bhe, 'bhē- 'kaa- ma 'zi gōne- 'la gbēen- 'ezin- -zōn.
- 34-Amasrōyi, Davidi 'gbu 'laa 'wlenle- 'bhē- -e ge lafle' 'yi 'bhii- Zesu gbēen-, 'bhē- 'duŋ-, 'yee- 'gbu Zesu ba janwoa- dō: 'Mēezan -Waanbhaa' 'a =pia 'mi a pē Mēezan 'ε ni dō: Yala- 'η -din 'tōbhō ma yaayrē 'ε =nō,
- 35'sani- 'ke 'η yan 'e 'sōnnii mu 'ε klēlele 'e gaan =la pē mu 'le.’
- 36"'Bhēla- -yile, 'ka mu 'kpen 'η nēne- Izraeli mu, -kaa 'yaango- kpataakpa 'bhii- 'ka 'yee- Zesu 'la -gbaanna -yrigbēle 'ε ta, -Waanbhaa' 'yela- =kla 'ke Mēezan 'pegee Mē -Bhee Mi Krisi 'le bhe!”
- 37Mē mu 'ε 'bhe -jan mu 'ε 'male-, 'ke -o zrubatedōle (-amasrōyi -wa 'yaangwa- 'bhii- -o -za 'yō- =kla -Waanbhaa' ni); 'bhēla- -yile, 'ke -o Pieri 'pegee Zesu a 'winbōwo mu -vin mu 'ε 'lrokpale dō: "'Ō nēne- mu, 'o sō -mē pē za 'gbu -la klēle- εε?”
- 38'Bhē klēle 'tē, 'ke Pieri 'a 'pele -o ni dō: "-Ka 'plo- 'kaa- -za 'yō- mu 'ε ma, 'bhē- -ka 'ka 'gbu 'na -Waanbhaa' ni, 'bhē- -kaa klē 'ke -o 'ka 'kpen do do wiifē -yi ba Zesu 'tō 'ε 'yi; 'koko- -Waanbhaa' 'kaa- -za 'yō- mu 'ε 'sroma- yan. 'Ke 'bhe =kla, -Waanbhaa' nu Lii 'Weŋ 'ε 'nale- 'ka ni 'tē.
- 39-Amasrōyi 'kee- kpa 'ka mu ta oo, 'kee- kpa 'ka 'nē mu 'pegee yrē gbōn nō- 'klēn 'yi mu 'ε 'kpen ta oo, 'bhe 'pegee- Mēezan -Waanbhaa' nu mē 'la zan mu 'siile- 'mu ta, 'yee- -Waanbhaa' 'a 'liiwli- =naa Lii 'Weŋ 'ε 'naza- ta 'ka 'kpen ni.”

- ⁴⁰Pieri -jan 'bhεeke -bebe =woa -o ni 'ezin- 'ke -ya 'kpankpanyan -o ma, 'bhε 'pegee 'kee- zruwla -o 'kpee dɔɔ: "-Kaa 'to 'ke Mεezan Zesu 'ka go -za 'yi, 'bhεε- 'ka 'ka 'plɛngɔ- 'woo- -zɔn mεε -yɔɔ' mu 'lεε- ma!"
- ⁴¹'Bhε klεle 'tε, 'ke -o -bebe dɔle- Pieri 'wojan- mu 'ε =la, 'bhεε- 'ke -woo 'wiinjfele -yi ba Zesu 'to 'yi. 'Bhε -yrekpa' do 'ε 'le, mεε 'waa yaga =kpa' Zesu 'yi mu -lɛdo' 'ε ba.
- ⁴²'Kee- san 'bhε yi 'ε ma, 'woo- mεε mu 'ε bole -yaa Zesu a winbɔwo mu 'ε 'yaa- -o daan 'zi -za mu 'la 'le 'mu 'klɔsikunle ma, 'bhεε- -o 'kpale- -yaa do ma 'bhii- nεεnε- ma do mu. 'Ezin- -o -yaa bo Mεezan -Waanbhaa' a pε 'ε 'bhlele- ma 'eke- zi, 'ke -woo 'seriwo 'eke- zi.
- ⁴³-Waanbhaa' -lεεgblaanya 'ε 'yaa- -o 'kpen 'yi, -amasrɔyi 'yee- -Waanbhaa' -yaa 'kpeeleni maza -bebe 'pegee 'sɔle- maza mu klε 'zi Zesu a 'winbɔwo mu 'ε gbε zi.
- ⁴⁴Zesu 'yi mu 'ε 'kpen 'kpale- -yaa do ma, 'bhεε- -o -yaa -o 'kɔɔpε- mu 'ε 'kpen kpa 'eke- ta.
- ⁴⁵-O -yaa -waa' gba mu 'pegee -o 'kɔɔpε- mu 'ε gɔn, 'bhεε- -o -yaa 'mu ma -gɔli' mu 'ε 'yicien- 'eke- ma. -O 'kpen do do maza -yaa -gɔli' yεkε- 'la ma, -o -yaa 'bhε 'yicien- -o ma 'bhεε- wlata zi 'lii.
- ⁴⁶Yi 'oo yi, -o -yaa kla 'eke- ba -Waanbhaa' Gba 'Fε -Gbεnε 'ε =la, 'bhεε- -o -yaa pε 'ε bhle 'eke- zi -waa' 'fε mu 'ε =la. 'Bhεε- -o -yaa pεbhle 'eke- ba -o zrukpa' ta, 'bhε 'pegee -o 'kpee 'lrele- 'le.
- ⁴⁷-O -yaa -Waanbhaa' 'tɔbhɔ-, 'bhεε- -o -za -yaa sɔ -waa' 'si mu 'ε 'kpen ni. 'Bhε ya 'ε 'yi, yi 'oo yi, Mεezan -Waanbhaa' -yaa mεε 'la zan mu go -za 'yi, 'mu 'yaa- 'kpa zii' Zesu 'yi mu -lɛdo' 'ε ba -o baan' 'le.

Klεza Mu 3

- ¹-Yrekpa' do, -yretεbhε bhlo bii 'waati 'ε 'la 'yaa- 'seriwo 'waati 'ε 'le, Pieri 'pegee Zaan 'yaa- ge 'zi -o 'seriwo yrε nɔɔ- -Waanbhaa' Gba 'Fε -Gbεnε 'ε =la.
- ²Mεε do yaale -yaa -Waanbhaa' Gba 'Fε -Gbεnε 'ε 'lii 'la -o -yaa 'bhε sii: "'Fε 'lii 'lrele- " 'bhε -din. 'Yee- mεε 'ε 'yaa- 'ke -flugba 'le -a 'san -a ya yi 'ε ma. Yi 'oo yi, -o -yaa nu 'kεle- 'bhεε- -wa yalaa' 'bhε 'fε 'lii 'ε -din, 'kooko- -e -gɔli' 'yrεwo- mεε 'la zan mu 'yaa- nu -Waanbhaa' Gba 'Fε -Gbεnε 'ε =la 'mu ma.
- ³'Bhε 'yi 'tε, -a -yrekpale Pieri 'pegee Zaan ma 'ke 'mu -o zan wlale 'yee- -Waanbhaa' Gba 'Fε -Gbεnε 'ε =la, 'kee- pε -yrεwole 'mu ma.
- ⁴'Bhε klεle 'tε, 'ke Pieri 'pegee Zaan 'mu 'ε -yrekpale -a ta frii, 'bhεε- 'ke Pieri 'a 'pele 'a ni dɔɔ: "'O -glin doo!"
- ⁵-Ayile, 'ke -ya -yrekpale 'mu ta frii, -a 'kpee ma 'mu 'yaa- nu pε do -la nale -a ni.
- ⁶Duŋ- Pieri pe -a ni dɔɔ: "-Gɔli' do 'kpɔ 'laa -o 'η 'kɔɔ, 'bhεε- 'duŋ-, pε 'la 'bhε -o 'η 'kɔɔ, 'η 'bhεε- 'nale- 'ε ni, 'bhela- -yile 'mi pe 'ε ni Zesu Krisi la da Nazareti 'bhε 'tɔ 'ε 'yi dɔɔ 'ε 'wlen- 'bhεε- 'taawo!"

- 7'Bhɛɛ- 'ke Pieri 'a 'kunle -a gbɛ -yiɛ' 'ɛ ma, 'bhɛɛ- 'ke 'bhe 'a 'lawlɛnle. 'Bhe yrɛ do 'kpɔ 'ɛ =nɔɔ bhe, 'ke -a gaanlaa- mu 'ɛ 'pegee -a gaanbhlɔ mu 'ɛ dɔle- 'eglɔɔle;
- 8'bhɛɛ- 'ke -ya -wɛnle' =kwan, 'kee- 'taawole 'sanle. -Ayile, 'kee- gele- Zesu a 'winbɔwo mu plɛ 'ɛ zi -Waanbhaa' Gba 'Fɛ -Gbɛnɛ 'ɛ =la, 'kee- ge 'taawolele, 'bhe 'pegee 'kee- pinaa', 'bhɛɛ- 'kee- -Waanbhaa' 'tɔbhɔ.
- 9'Mɛɛ mu 'ɛ 'kpen 'a =ya 'ke -yoo 'taawo zii', 'bhɛɛ- 'kee- -Waanbhaa' 'tɔbhɔ-.
- 10'Duŋ- -wa yele 'bhii- 'yela- yaale -yaa -Waanbhaa' Gba 'Fɛ -Gbɛnɛ 'lii 'la -o -yaa 'bhe sii: 'Fɛ 'lii 'Irele-' 'bhe -din, 'ke -ya -yrɛwo' mɛɛ mu ma, 'bhɛɛ- -za yɛkɛ- 'la =kla -a ni 'bhe -o 'kpen 'liibhaala, 'bhɛɛ- waa -yaa sɔ 'bhe 'yipele.
- 11'Yee- -flugba 'ɛ -bheele' blaana, yaa -yaa go Pieri 'pegee Zaan zi; 'bhɛla- -yile, 'ke mɛɛ mu 'ɛ 'kpen 'kpeelenile. 'Bhɛɛ- 'ke -o 'kpen blasanle 'ke -o gele- 'klalɛ- Pieri 'pegee Zaan zi -Waanbhaa' Gba 'Fɛ -Gbɛnɛ 'ɛ -gbɛŋ 'ɛ 'yi yrɛ 'la -o -yaa 'bhe sii: "-Bhlɛŋgbe Salomɔ a 'wɛɛŋla" 'bhe =nɔɔ.
- 12'Pieri -zamaa' 'ɛ 'yele-, 'ke -ya pele- -o ni dɔɔ: "'D nɛɛnɛ- Izraɛli mu, -mɛle =kla 'bhɛɛ- 'yee- -flugba 'lɛɛ- 'bheezaa- 'ɛ -yoo 'ka 'kpeeleni zii' ɛɛ? -Mɛla ma -le 'bhɛɛ- 'ka -o 'o -glin 'zi 'bhii- 'o mɔɔ 'gbu -le 'a 'bheela- 'waa- -glɔɔya' 'ɛ 'le? 'Bhɛɛ- 'ka 'kpee ma 'yee- mɛɛ 'lɛɛ- 'taawoa= 'waa- -Waanbhaa' a -lɛɛgblaanya 'bhɛɛ- ma -lɛɛ?
- 13'Abraamu, Izaki 'bhɛɛ- Zakɔbu a -Waanbhaa', 'yee- -kɔɔ' -gbɔɔ mu a -Waanbhaa' 'ɛ, 'bhe -le 'tɔbhɔleya -naa 'bhe a yewone Zesu ni. 'Ka mu 'gbu 'bhe=naa -kɔɔ' 'lɛɛ mu 'ɛ ni 'kaa -wa dɛ, 'bhɛɛ- 'ka 'ka -baŋgwa -a -yi 'bhii- 'kaa- -bhlɛŋgbe 'le Pilati 'yrɛ =la. 'Bhe 'gbu 'yaa- zi 'bhii- 'bhe 'ploɔ -a ma, -amasrɔyi 'bhe 'laa -za 'yɔɔ- do 'kpɔ 'yele- -a zi.
- 14'Ka 'ka -baŋgwa 'yee- mɛɛ 'wɛŋ 'pegee 'yee- mɛɛ -lɛdɔɔle 'ɛ 'yi, 'bhɛɛ- 'ka -sromabwa Pilati ni dɔɔ 'bhe 'li mɛɛ dɛ mi do ma, 'bhɛɛ- -e 'ploɔ- 'bhe ma 'ka ni.
- 15'Bhe klɛgbeya 'ɛ 'yi, 'kaa =kla 'bhɛɛ- mɛɛ 'la zan bole -yrɛ ma -si na bhaapɛŋ mu ni -o 'bhɛɛ- =dia. 'Duŋ- -Waanbhaa' 'a -bwela gale ba, 'bhɛɛ- 'o mɔɔ 'gbu -o 'ke -a 'srɛ 'le.
- 16'Woo 'kpalawoa 'yee- Zesu 'ɛ 'yi, 'bhɛɛ- -glɔɔya' 'la -yoo -a 'tɔ 'ɛ 'yi, 'bhe -la 'srɔyi 'bhɛɛ- 'yee- mɛɛ 'lɛɛ- =swa -a -wɛnle', 'bhɛɛ- -e -dulaa' -a gaan ta. 'Ka 'kpen 'yrɛ -o 'yela- ma -gɛ, 'bhɛɛ- 'kaa dɔ. 'Kpaleya -la ma Zesu 'ɛ 'yi, 'bhɛɛ- 'yee- mɛɛ 'lɛɛ- 'bheela- 'bhii- 'ka 'yrɛ -o -a ma gɔnɛ- 'la gbɛɛn- -gɛ.”
- 17"'Bhɛɛ- 'ŋ nɛɛnɛ- mu, 'mi 'gbu 'a 'yaango- 'bhii- -zadɔkleya -la ma 'bhɛɛ- 'ka mu 'pegee 'kaa- -kunlii mu 'ɛ 'ka 'bhe -za 'yɔɔ- 'ɛ =kla 'yee- Zesu 'ɛ ni.
- 18-Waanbhaa' 'duŋ- -jan 'la =kpaɔ -a -lɛla' janwo mu 'ɛ 'kpen 'lii 'elwale -sɔ 'bhe 'lɛswa=. -Ya =pia dɔɔ Mɛɛ -Bhee Mi Krisi nu -yrɛnbhɛlele mɛɛ mu 'kɔɔ-.
- 19'Bhe ya 'ɛ 'yi, -ka 'ka dɔgbeya 'ɛ maniina, 'bhɛɛ- -ka 'ka 'gbu 'na -Waanbhaa' ni, 'kooko- -e 'kaa -za 'yɔɔ- mu 'ɛ ma -sroma yan, 'bhɛɛ- -yoo talii.
- 20'Ke 'ka 'bhe =kla, Mɛɛzan nu 'ka 'yitrɛ 'waati 'nale- 'ka ni, 'bhɛɛ- -e Mɛɛ -Bhee Mi Krisi 'la makwan- 'elwale -sɔ, -e nu 'bhe 'winbɔle 'ka ta: 'bhe Mɛɛ -Bhee Mi Krisi 'ɛ 'tɔ 'ɛ 'bhe -le Zesu.

- 21'Duŋ- 'sani- 'bhe yi 'e 'bhole- pleŋ-, Zesu nu bole lafle' 'yi -so 'ke pe mu 'e 'kpen maboo 'bhe- -o kle 'edrele; 'bhii- -ya =kpa -ya -lela' janwo mu 'la makwan- 'elwaleta 'egboon gboonle' -so 'mu 'lii gone- 'la gbeen-.
- 22'Bhe- 'bhii- -koo' -gboo Moizi 'a =pia gone- 'la gbeen- doo: '-Kooa' Meezan -Waanbhaa' 'mi 'winbwa- gone- 'la gbeen-, -e nu -a -lela' janwo mi -bheke' do winbole 'ka ta 'bhe klegbeya do 'e gbeen-; 'bhe nu klele 'ka 'gbu 'sre mu 'e do -la -le. -Ka 'ka 'tronkpa -a wojan mu 'e 'kpen =la.
- 23'Duŋ- 'ke mee 'oo mee 'la zan laa 'yee- -Waanbhaa' -lela' janwo mi 'e 'wojan- mu 'e 'klosikunle, -o nu 'bhe zan 'e dele, 'bhe- -wa go 'an 'si mu 'e ba.'
- 24'Kee- san -Waanbhaa' -lela' janwo mi Samieli ma, 'bhe 'pegee 'bhe a pe ziten' mu 'e ma, -Waanbhaa' -lela' janwo mu 'e 'kpen do do -Waanbhaa' -lelajanwoa -zon -za mu 'e ba za 'yi.
- 25-Waanbhaa' 'a 'liiwli- =naa -za mu 'la 'kpen 'naza- ta -a -lela' janwo mu 'e ni, 'ka mu -le =kla bhe -za mu 'e 'sroowo mu 'le. 'Bhe- -e -bchoolaya 'la -dwa 'yee- 'pegee 'ka -gboo mu 'e 'pleŋ, 'kaa- pe -le 'bhe -bchoolaya 'e 'le 'ezin-; -ya =pia Abraamu ni doo: "O nu 'tre ta 'si mu'e 'kpen 'dumawole 'bhi a pe 'sre mu -la -sroyi'."
- 26'Bhe klegbeya 'e 'yi, -Waanbhaa' -yaa' yewone Zesu 'la makwan-, -e 'bhe 'winbwa- 'ka mu -la ba 'elwale 'pe, 'ka 'dumawo -zayi'; 'bhe- 'kee- 'ka 'kpen do do go -za 'yi, 'bhe- -e 'ka go 'kaa- zi -yoo' mu 'e ta."

Kleza Mu 4

- 1Pieri 'pegee Zaan -yaa -janwo' zii' -li mee mu 'e ni bhla 'la ba, 'ke 'sraka 'lena mu 'ke mu 'pegee -Waanbhaa' Gba 'Fe -Gbene 'e gooba -srwase' mu 'e -kunlii 'e, 'bhe- Saduse mu 'e -o nule- wlale -o ta 'yee- -Waanbhaa' Gba 'Fe -Gbene 'e =la.
- 2-Wa yelawoa 'bhii- Pieri 'pegee Zaan -yaa mee mu 'e daan 'zi 'ke -wa pe 'mu ni doo Zesu -bwela gale ba gone- 'la gbeen-, bhaapleŋ mu 'kpen nu bwele gale ba 'bhe- gbeen- 'ezin-; 'bhe -za 'e 'bhe -o zrupliila 'egbenele.
- 3'Bhe klele 'te, 'ke -o Pieri 'pegee Zaan 'kunle 'bhe- 'ke -woo bole- -kaso 'yi, 'ke 'bhe ge 'tenle- 'fo tooklinle ma; -amasroyi -woo -kwan yroma -la zi.
- 4'Bhe- 'duŋ-, mee 'la zan mu 'yee- Pieri 'pegee Zaan 'wojan- mu 'e =maa, 'mu 'e -kpa Zesu 'yi, 'bhe- Zesu 'yi mu 'e -o baan' =kla -o ba, 'bhe- -o -lii 'e =bhwa mee 'waa 'soo -din.
- 5'Too -klinle', Zuufu mu -kunlii mu 'e 'pegee -waa' 'gwlaan- gbalaan mu 'e, 'bhe- 'Ton daan mu 'e -o =klaa 'eke- ba Zeruzalemu -wa 'e ta.
- 6'Woo- mee mu 'la =klaa 'eke- ba, -o 'ke -le -ge: 'sraka 'lena mu -kunlii gbalaan Anasi, 'bhe- Kaifu 'pegee Zaan 'bheke do; 'bhe- Alezandri 'pegee 'yee- 'sraka 'lena -kunlii gbalaan 'e -yaa' 'fa -la mu 'e 'kpen.

- 7-O -ja Pieri 'pegee Zaan 'siile- -kaso 'e 'yi, 'bhεε- -o -nwa 'mu dulale -o -yre =la; 'bhεε- -o 'mu 'lrokpa- dɔɔ: "-De 'gbu -le 'bhε 'seŋ 'ε =naa 'ka ni, 'bhε 'pegee -de 'gbu -la 'tɔ 'yi 'bhεε- 'ka 'yee- -flugba 'lεε- 'bheela- εε?"
- 8'Bhε klele 'tε, Pieri 'palela 'yaa- 'ke Lii 'Weŋ 'ε 'le 'bhε 'waati 'ε ba, 'ke 'bhε 'a zikpale -o ni dɔɔ: "'Waa- -kunlii mu 'pegee Izraeli mu a 'gwlaan- gbalaan mu!
- 9'O -za 'wlan 'la =kla -flugba 'gwlaan- 'lεε- ni, 'bhεε- -e -bheela gɔne- 'la gbεen-; -woo' 'lrokpa zii' -zɔn 'bhεε- ma, 'duŋ- 'mi -o zan 'bhε 'yipele 'ka ni.
- 10'Ka 'kpen 'pegee Izraeli mu 'ε 'kpen, -ka dɔ klen 'ke 'kaa 'yaango 'bhii- -glɔɔya' 'la -yoo Nazareti mi Zesu Krisi 'tɔ 'ε 'yi, 'bhεla- 'srɔyi 'bhεε- 'ka 'yre -o -zɔn 'yee- mεε 'lεε- 'klenyawole dulale ma -gε. 'Ka 'yee- Zesu 'la -gbaanna -yrigbεεle 'ε ta, 'bhεε- 'kaa =dia; 'bhεε- -Waanbhaa' 'a -bwela gale ba 'bhε -le 'yee- mεε 'lεε- 'bheela-.
- 11-Waanbhaa' a 'Sewe 'ε 'bhε 'yee- Zesu ba janwoa- dɔɔ: "Ka mu 'fεgwle- dɔ mu 'ε, 'ka vlε 'la -blinna; 'bhε -le =kla 'ke 'fεgwle- 'ε gaan -la vlε -kpuŋ -gbene 'gbu 'ε 'le.' "
- 12'Bhεε- Pieri pe 'ezin- dɔɔ: "Bhaapleŋ laa sɔ gole- -za -yi 'tɔ 'bhεεke do 'kpɔ 'srɔyi, 'ke yaa 'e go Zesu 'tɔ do 'kpɔ 'ε 'bhεε- ba. -Amasrɔyi -Waanbhaa' laa 'tɔ 'bhεεke do 'kpale- bhaapleŋ 'kedo- 'kpɔ ma 'trε ta -gε, 'bhεε- 'ke -kɔɔ' -kɔɔ' =kpaa 'bhε 'yi, 'bhεε- -kɔɔ' sɔ gole- -za 'yi."
- 13'Woo- Zuufu mu a -kunlii mu 'ε 'pegee -waa' 'gwlaan- gbalaan mu 'ε -wa yele 'bhii- -gbalaan 'laa -yaa Pieri 'pegee Zaan 'yi, 'mu a -janwo' bhla 'ε zi, 'ke -o -liibhaale -o ma. -Amasrɔyi -o -yaa -a 'yaandɔ- 'bhii- Pieri 'pegee Zaan yaa 'ke bhaama mεε mu -la -le, 'bhεε- 'mu 'laa -yaa 'sewedɔ mu 'le. -O -yaa 'mu dɔ Zesu zi mu 'te -la -le.
- 14'Duŋ- -o -yre 'la 'yaa- mεε 'la zan 'bheela- 'bhε dulale ma Pieri 'pegee Zaan -din, waa -yaa sɔ -jan 'kedo- 'kpɔ 'wole 'ezin- -li.
- 15-Ayile 'ke -wa pele- Pieri 'pegee Zaan ni dɔɔ- 'mu 'e go -o pleŋ- 'bhεε- 'mu ge 'pεeliisa. 'Bhε mu 'pwεle- blaana, 'ke -o zaabɔle 'sanle 'eke- pleŋ-.
- 16'Bhε 'yi 'tε, 'ke -wa pele- 'eke- ni dɔɔ: "-Kɔɔ' nu -mε pε za -la klele 'woo- mεε ple 'lεε- ni εε? -Amasrɔyi Zeruzalemu -wa 'kpee mu 'ε 'kpen 'a 'yaango- 'bhii- 'sole- maza -gbene 'lεε- =kla 'wola- gbε zi; 'bhεε- 'duŋ- -kɔɔ' 'laa sɔ a pele- dɔɔ 'woo- mu kleza laa 'bhε 'le.
- 17'Duŋ-, 'kooko- 'ke -kɔɔ' 'laa tɔ 'ke 'yee- -flugba 'lεε- 'bheza- 'ε zen yrekpen- =nɔɔ -kɔɔa' mεε mu 'ε 'pleŋ, -kɔɔ' -o -lεmazɔn, 'bhεε- -kɔɔ' -gbalaan 'kla -o -yi 'kaa waa Zesu 'tɔ 'ε 'kanle- mεε 'kedo- 'kpɔ ni 'ezin- 'sekeseke."
- 18'Bhε blaana, 'ke -o Pieri 'pegee Zaan 'siile, 'bhεε- 'ke -wa pele- 'mu ni dɔɔ 'mu 'laa Zesu 'tɔ 'ε 'kanle- mεε 'kedo- 'kpɔ ni 'ezin- 'sekeseke, 'bhε 'pegee 'mu 'laa mεε 'kedo- 'kpɔ daanle 'yee- Zesu 'tɔ 'ε 'yi 'ezin- -titi.
- 19'Bhε klele 'tε, 'ke Pieri 'pegee Zaan 'a zikpale -o ni dɔɔ: "'Ka 'gbu 'bhε -glin doo, -za 'lrele- -le 'bhε 'le -Waanbhaa' -yreyi' 'ke 'o 'ka mu 'gbu zru maza kle, 'bhεε- 'woo -banggo' 'yee- -Waanbhaa' 'gbu a pε zru maza klele 'yi εε?"

- 20 Wlan 'gbu 'ε ni, 'o mɔɔ -za 'la =ya Zesu 'kɔɔ, 'bhe 'pegee 'o -jan 'la =maa -a -lii, 'waa sɔ 'o tagale 'mu ta.”
- 21 'Bhe klele 'te 'ke 'woo- Zuufu -kuŋlii mu 'ε 'pegee -waa' 'gwlaan- gbalaan mu 'ε -gbalaan 'klale Pieri 'pegee Zaan 'yi 'ezin-, 'bheε- 'ke -o 'ploole 'mu ma. -Amasroyi -o -yaa nu -o 'krowole gɔnε- 'la gbεen-, waa -yaa 'bhe dɔ. 'Bheε- -o -yaa -gbalaan 'zi -waa' mεε mu 'ε 'lεε, -amasroyi mɔkpen' 'yaa -Waanbhaa' 'tɔbhɔ zii' -e 'sɔle- maza 'la 'bhe =kla 'bhe -zayi'.
- 22 'Bheε- mεε 'la zan -bheela Zesu a 'sɔleya 'ε ma, 'bhe lεε -lii -yaa kan lεε mia plε ta.
- 23 -O 'ploole Pieri 'pegee Zaan ma 'te, 'ke 'mu gele- 'tenlε- Zesu a -klanlanε -vin mu 'ε ma. 'Bheε- 'sraka 'lena -kuŋlii mu 'ε 'pegee 'gwlaan- gbalaan mu 'ε -jan mu 'la =woa -o ni, 'ke -o 'mu 'kpen 'yigɔɔnle 'mu ni.
- 24 'Bhe klele 'te, 'woo- Zesu 'yi mu 'ε 'bhe -jan mu 'ε 'male-, 'ke -o 'kpen -o 'seriwole 'sanle -Waanbhaa' ni -o zru do 'le 'ke -wa pe dɔɔ: "Mεεzan -Waanbhaa', 'bhi 'la 'bhi lafle' 'pegee 'trε, 'bheε- wεyi- 'pegee 'bhe ba pε mu 'kpen =kla,
- 25 'Bhi -le =kaan Lii 'Wεŋ 'ε ba, 'bheε- 'e -jan =kpa a 'o -gbɔɔ Davidi, 'yaa- yewonε 'ε 'lii dɔɔ: '-Mεle =kla 'bheε- 'si 'bheεke mu 'ε -woo gbu magbaandε ma jan mu wo zii' εε? 'Bheε- -mεle =kla 'bheε- -o 'kpeejan- mu 'ε -woo 'eyɔɔle -gee' εε?
- 26 'Trε ta -bhleŋgbe mu 'ε 'kpen 'wlenna-, 'bheε- 'trε ta -kuŋlii mu 'ε 'kpen -o zibwa- Mεεzan -Waanbhaa' 'pegee -e 'yee- 'la makwan- 'ke 'bhe -o 'ke Mεε -Bhee Mi Krisi 'ε 'le bhe 'bhe ma εε?' “
- 27 'Bheε- -wa =pia 'ezin- dɔɔ: "-Amasroyi wlan 'gbu 'ε ni, -bhleŋgbe Erɔdi 'pegee -janmatii Pɔnsi Pilati, 'bheε- 'si 'bheεke mu 'ε, 'bhe 'pegee Izraeli mu 'ε -o 'kpen 'a =kpa a do ma -wa 'lεε- ta -gε; 'bheε- -woo zibwa- Zesu ma, 'yaa- yewonε 'wεŋ Zesu 'la 'ya makwan- 'bhii Mεε -Bhee Mi Krisi 'le bhe.
- 28 'Bhe ya 'ε 'yi, 'yaa- -glɔɔya' 'ε ma, 'bhe 'pegee 'e 'gbu -za yεkε- 'la 'ledulaa gban 'e 'gbu zru ma 'elwale -sɔ, -o 'bheε- -za 'ε =kla.
- 29 'Bheε- -zɔn, Mεεzan -Waanbhaa', -woo' -gbalaan 'la 'kla zii' 'o 'yi bhe, 'bhe -glin doo; 'bhela- -yile -a klε 'bheε- 'yaa- yewonε mu 'ε -o 'yaa- -jan 'ε 'wo 'ke -gbalaan 'laa klε -o -yi.
- 30 'Yaa- -glɔɔya' 'ε tazrɔn, 'kooko- mεε mu sɔ -bheele', 'bheε- 'ke 'sɔle- maza mu 'pegee 'kpeeleni maza mu 'ε 'kpen -glɔɔn sɔ klεle- 'yaa- yewonε 'wεŋ Zesu 'tɔ 'ε 'yi.”
- 31 Zesu 'yi mu 'ε 'yanle- 'bhe 'seri 'ε klelele, -o =klaa 'eke- ba yrε 'la =nɔɔ, 'ke 'bhe yrε 'ε 'trε 'ε bεenle-. 'Bhe klele 'te, 'ke Lii 'Wεŋ 'ε zinale -o ta, 'bheε- 'ke -o 'kpen 'pale 'ke 'bhe 'le. 'Bheε- -o -Waanbhaa' a -jan 'ε 'wole- -saan -o zru ba -dɔɔ 'le.
- 32 Zesu 'yi mu 'ε 'kpen -bεŋgole -yaa -za do ma, 'bheε- -o zru -yaa do, 'bhe 'pegee- -o 'kpeejan- -yaa do. -O do 'kpɔ 'laa -yaa 'bhe 'kɔɔpε- mu 'ε kun 'bhii- 'bhe do -kplεn -a pε 'le. 'Duŋ- -o -yaa -o 'kɔɔpε- mu 'ε 'yicien- 'eke- ma do do.

- ³³Zesu a winbɔwo mu 'ε -yaa Mɛɛzan Zesu bweza gale ba 'ε 'bhe -jan 'ε 'wo zii' -glɔɔya' -gbɛɛ 'le -o -yi. 'Bhɛɛ- -Waanbhaa' a 'duma -gbɛɛ =yaa -o 'kpen ta.
- ³⁴-O do 'kpɔ gbɛ laa -yaa kanaa' -o maza -yaa dɔ pɛ yɛkɛ- 'la ma 'bhe ba. -Amasrɔyi, gba 'pegee 'fɛ mu -yaa -o 'kɛ mu 'la 'kɔɔ, 'bhe mu -yaa 'mu gɔn 'bhɛɛ- -o -yaa nu 'mu ma -gɔli' 'ε 'le.
- ³⁵'Bhɛɛ- -o -yaa 'bhe -gɔli' 'ε kpa Zesu a 'winbɔwo mu 'ε 'kɔɔ. 'Bhɛɛ- 'mu =yaa 'bhe -gɔli' 'ε 'yicien- o 'kpen ma do do, 'ke 'bhe -bɛŋgo' -o maza -yaa -gɔli' yɛkɛ- 'la ma, 'bhe 'le.
- ³⁶'Bhe 'yi, -o -yaa -o pɛŋ- mɛɛ do sii Zozefu, 'bhe 'yaa- 'ke Levi 'srɛ mu 'ε do 'le; 'bhɛɛ- 'bhe 'yaa- da Sipru. Zesu a 'winbɔwo mu 'ε -o 'bhe mɛɛ 'ε 'tɔkpa- Banabasi, ('bhe 'yi -le dɔɔ: mɛɛ 'la zan zruwla mɛɛ 'kpee).
- ³⁷Banabasi 'bhe a gba 'ε gɔnle-, 'kee- gele- 'bhe ma -gɔli' 'ε 'kpale- Zesu a 'winbɔwo mu 'ε 'kɔɔ.

Klɛza Mu 5

- ¹-O -yaa mɛɛ do sii Ananiasi, 'bhɛɛ- -o -yaa -a na sii Safira. -O -waa pɛ gba do -gwan.
- ²'Duŋ- 'yee- 'pegee -a na Safira -bɛŋgwa do ma, 'bhɛɛ- -o -waa' gba 'ε ma -gɔli' 'ε 'lɛdo- magaanna. 'Bhe blaɛn, 'ke 'yee- Ananiasi gele- 'bhe -gɔli' 'ε 'lɛ -vindo' 'ε 'nalɛ- Zesu a 'winbɔwo mu 'ε ni.
- ³'Bhe klɛle 'tɛ, 'ke Pieri 'a 'lɔkpaɛ dɔɔ: "Ananiasi, -mɛle =kla 'bhɛɛ- 'ya =twa 'ke -Setran' 'ε zru 'ε pa 'ke 'kpeejan- -yɔɔ' 'tɛ 'le, 'bhɛɛ- 'e 'yaa- gba 'ε ma -gɔli' 'ε 'lɛdo- -gaanna, 'bhɛɛ- 'e =nwa bhla peɛ Lii 'Wɛŋ 'ε ni 'bhe gbɛɛn- -gee' bhe ɛɛ?"
- ⁴'Yaa 'yaa- gba 'ε gɔnle -li 'waati 'la ba, 'yaa- pɛ -le -yaa 'kɛle-, 'bhɛɛ- 'ya gɔnlawoa 'yaa- pɛ -le -yaa 'ke -a ma gɔli' 'ε 'le 'ezin-. -Mɛle -kla 'bhɛɛ- 'e 'bhe -za 'yɔɔ- -glɔɔn 'lɛɛ- =kpaɛ 'ε 'kpee ɛɛ? 'Duŋ- -a 'yaango- 'bhii- 'yaa bhla peɛ bhaapɛŋ mu ni, 'duŋ- 'ya =pia -Waanbhaa' -la ni."
- ⁵Ananiasi 'bhe -jan mu 'ε 'male- 'tɛ, 'kee- baale', 'bhɛɛ- 'kee- klɛle- 'ke 'siɛle. 'Bhe klɛle 'tɛ, mɛɛ 'la zan mu 'kpen 'a gaza 'ε =maa, 'ke -gbɛɛn- do 'klɛle 'mu 'kpen 'yi.
- ⁶'Bhe ya 'ε 'yi, 'ke -zwannɛ mu 'ke mu -wlɛnle', 'bhɛɛ- 'ke 'mu sɔ 'kpale 'yee- Ananiasi gbaɛ 'ε ma, 'bhɛɛ- 'ke 'mu gele- -a binɛ.
- ⁷'Bhe blaɛn 'lɛɛ yaga 'kanle-, 'ke -a na Safira 'nule- wlɛɛ Zesu a 'winbɔwo mu 'ε ta 'bhe 'fɛ 'ε =la; 'duŋ- -za 'la 'bhe =kla -a -nɔɔ ni yaa -yaa 'bhe dɔ.
- ⁸-Ayile, 'ke Pieri 'a 'lɔkpaɛ dɔɔ: "Safira, wlan 'gbu 'ε a ni, 'ka 'kaa- gba 'ε -gwan -gɔli' 'lii yɛkɛ- 'lɛɛ- 'bhɛɛ- 'le ɛɛ?" 'Bhe klɛle 'tɛ, 'ke -ya peɛ- Pieri ni dɔɔ: "-Aani', 'wa -gwan 'bhe -gɔli' 'lii yɛkɛ- 'la bhe 'bhɛɛ- 'le."
- ⁹'Bhe klɛle 'tɛ, 'ke Pieri 'a 'peɛ -a ni dɔɔ: "-Mɛle =kla 'bhɛɛ- 'ka mɛɛ plɛ 'a =kpaɛ do ma dɔɔ 'ka -o Mɛɛzan Lii 'Wɛŋ 'ε 'yidanle ɛɛ? 'E 'yɛkpa laale doo, mɛɛ 'la zan mu -ja 'ε =nɔɔ 'ε binɛ 'wo -la dulale -o 'fɛ 'ε 'lii bhe. -O nu gele 'bhi 'le 'ezin-."

- 10'Bhɛ 'yi 'tɛ, 'kee- baale' 'bhɛ 'yrɛ do 'kpɔ 'ɛ =nɔɔ bhe Pɪeri gaan ma, 'bhɛɛ- 'kee- klɛle- 'ke siɛle'. 'Bhɛ =nɔɔ bhe, 'ke -zwanne mu 'ɛ -o wlale- 'fɛ 'ɛ =la, 'bhɛɛ- 'ke -wa gbaa 'ɛ 'yele; 'bhɛɛ- 'ke -o gele- -a binlɛ -a -nɔɔ -din.
- 11'Zesu 'yi mu -lɛdo' 'ɛ 'kpen 'pegee mɛɛ 'la zan mu 'kpen 'bhɛ -za mu 'ɛ kleza -maa, -gblaan -gbɛnɛ =klaa 'mu 'kpen 'yi.
- 12'Zesu a 'winbɔwo mu 'ɛ -yaa 'sɔle maza -bebe 'pegee 'kpeeleni maza mu klɛ 'zi -waa' 'si mu 'ɛ 'pleŋ. Zesu 'yi mu 'ɛ 'kpen 'klale- -yaa 'eke- ba -Waanbhaa' Gba 'Fɛ -Gbɛnɛ 'ɛ =la yrɛ 'la -o -yaa 'bhɛ sii: '-Bhɛŋgbe Salomɔ a 'wlaŋla' 'ɛ 'bhɛɛ- =la.
- 13'Yaa -yaa do mɛɛ -bhɛɛke' 'kpee 'ke 'bhɛ kpa -o ba, 'duŋ- mɛɛ mu 'ɛ 'kpen 'yaa- -o 'to wlan pe 'zi 'ke -o -gasikpa -o -lɛɛ.
- 14'Yi 'oo yi, 'gwlaan- -bebe 'pegee le -bebe mu 'la 'yaa- -o 'kpa Mɛɛzan 'yi, 'mu 'yaa- klɛ 'zi Zesu 'yi mu 'ɛ baan' 'le.
- 15-Asiikɔɔ mɛɛ mu 'ɛ 'yaa- nu 'zi -waa' gadɛ mu 'ɛ 'le -gbleba mu 'ɛ ta, 'bhɛɛ- -o -yaa 'mu kpa -saa mu 'pegee yilapɛ mu 'ɛ ta. 'Kooko- 'ke Pɪeri 'kan bhla zi, 'ali- 'kee- -yaa sɔ -a gbɛ 'kpale 'bhɛ gadɛ mu 'ɛ ma, 'bhɛ 'pegee 'ke -a lii 'ɛ 'yaa- sɔ 'klale 'mu 'ke ta, 'mu 'yaa sɔ -bheele'.
- 16-Zamaa' 'saa 'yaa- da 'zi 'ezin- Zeruzalemu kpɛ ma -wa -vin mu 'ɛ ta, 'Bhɛɛ- -o -yaa nu 'zi -waa' gadɛ mu 'pegee lii -yɔɔ mu -yaa mɛɛ 'la zan mu zi 'mu 'kpen 'le Zeruzalemu Zesu a 'winbɔwo mu 'ɛ ta, 'bhɛɛ- 'mu 'kpen 'yaa- -bhee 'zi.
- 17'Bhɛɛ- 'duŋ-, 'sraka 'lɛna -kuŋlii gbalaan 'ɛ 'pegee -a zi mu 'la 'kpen 'yaa- 'ke Saduse mɛɛ mu 'le, -o zranwoa- Zesu a 'winbɔwo mu 'ɛ ba 'mu kleza mu 'ɛ -zayi'.
- 18'Bhɛla- -yile, 'ke -o 'mu 'kunle, 'bhɛɛ- -o 'mu =bwa -waa' -kaso 'fɛ -gbɛnɛ 'ɛ =la.
- 19'Duŋ- -bi 'ɛ zi, Mɛɛzan -Waanbhaa' a -mlɛkɛ' 'ɛ do -ja -kaso 'fɛ 'ɛ 'liigolɛ, 'bhɛɛ- 'bhɛ Zesu a 'winbɔwo mu 'ɛ 'pwɛla-. 'Bhɛɛ- 'ke -ya pele- 'mu ni doɔ:
- 20"-Ka ge -Waanbhaa' Gba 'Fɛ -Gbɛnɛ 'ɛ =la, 'bhɛɛ- bole -yrɛ ma -si drɛɛ 'ɛ ba jan -o 'kɛla 'le, -ka 'bhɛ 'kpen 'wo mɛɛ mu 'ɛ ni."
- 21'Bhɛ 'yi 'ɛ zrwaa 'tutu 'ɛ zi, -mlɛkɛ' 'ɛ -jan 'la =woa 'yee- Zesu a 'winbɔwo mu 'ɛ ni, 'ke -o 'bhɛ klɛle-. -Ayile 'ke -o gele- -Waanbhaa' Gba 'Fɛ -Gbɛnɛ 'ɛ =la, 'bhɛɛ- 'ke -o mɛɛ mu 'ɛ daanle 'sanle. 'Sraka 'lɛna -kuŋlii gbalaan 'ɛ 'pegee -yaa' yewoyɔɔn mu 'ɛ =nwa -waa' 'klaŋkeba yrɛ 'ɛ =nɔɔ; 'bhɛɛ- -o Zuufu mu 'ɛ -waa' 'gwlaan- gbalaan mu 'ɛ 'pegee -waa' 'kitikan mu 'ɛ 'kpen 'lɛkpa- 'eke- ta. 'Bhɛɛ- 'ke -o mɛɛ mu winbɔle Zesu a 'winbɔwo mu 'ɛ 'siyrɛ- nɔɔ- -kaso 'fɛ 'ɛ =la.
- 22'Duŋ- 'bhɛ mu bhɔle -kaso 'fɛ 'ɛ =la, 'mu 'laa Zesu a 'winbɔwo mu 'ɛ 'yele- 'bhɛ =nɔɔ. 'Bhɛ klɛle 'tɛ, 'ke 'mu nule- 'bhɛ 'pele- 'woo- 'kitikan mɛɛ -lɛdo' 'ɛ ni.
- 23-O pe doɔ: "'O gelawoa, 'o -kaso 'fɛ 'lii 'ɛ 'tanle- =ya 'elrele, 'bhɛɛ- -a gooba -srwase' mu 'ɛ dulale -yaa 'mu dulayrɛ mu 'ɛ =nɔɔ -kaso 'fɛ 'ɛ 'lii mu 'ɛ =nɔɔ. 'Duŋ- 'o -kaso 'fɛ 'ɛ 'liigolɛ, 'waa mɛɛ 'kɛdo- 'kpɔ yeke -a =la."

- 24'Bhε klele 'tε, -Waanbhaa' Gba 'Fε -Gbεnε 'ε gooba -srwase' mu 'ε -kuŋlii 'ε 'pegee 'sraka 'lena mu -kuŋlii mu 'ε, -o 'bhε -jan 'ε 'male-, 'ke -o zrubatɔdɔle -o ma Zesu a 'winbɔwo mu 'ε -zayi'; 'bhεε- 'ke -woo 'eke- -lrɔkpale dɔɔ: "'O nu 'bhε -za 'lεε- 'kpale-nale- -a ma εε?"
- 25'Bhε 'waati do 'kpɔ 'ε ba, 'ke mεε do nule- -a pele -o ni dɔɔ: "-Ka dula- doo! 'Ka mεε 'la zan mu =bwa -kaso 'yi, -woo mεε mu daan 'zi -Waanbhaa' Gba 'Fε -Gbεnε 'ε =la."
- 26'Bhε klele 'tε, 'ke -Waanbhaa' Gba 'Fε -Gbεnε 'ε gooba -srwase' -kuŋlii 'ε 'pegee -srwase' 'ε 'ke mu gele- Zesu a 'winbɔwo mu 'ε 'kunyre- nɔɔ-. 'Duŋ- waa -o 'kunle-fangan- ma, -amasrɔyi -o -yaa -gblaan 'zi -waa' mεε mu 'ε 'lεε 'kaa 'mu 'laa nu -wlenle' -o ma 'bhεε- 'mu kpoti pa -o ma.
- 27-O nule 'ke -o -le -waa' Zuufu mu a 'kitikan mεε -lɛdo' 'ε ta, 'ke 'sraka 'lena -kuŋlii gbalaan 'ε 'bhε -o -lrɔkpale 'sanle dɔɔ:
- 28"'Waa mazapele 'ka ni kpataakpa 'elwale dɔɔ 'ka 'laa mεε 'kedo- 'kpɔ daanle 'ezin-'sekeseke 'yee- Zesu 'tɔ 'ε 'yi εε? 'Bhεε- 'duŋ-, 'ka 'yaan- Zeruzalemu -wa 'ε ta mu 'ε 'kpen ŋgblo 'sielele gban 'kaa- mεε daangbeyā 'ε 'le, 'bhεε- 'kaa- zi 'bhii- 'ka 'yee- Zesu dεza 'ε 'tɔkpa- 'o mɔɔ -la ma."
- 29'Bhε klele 'tε, 'ke Pieri 'pegee Zesu a 'winbɔwo mu -vin mu 'ε -wa pele- -o ni dɔɔ: "'O -Waanbhaa' -la zru maza kle taa- bhaapleŋ mu εε?"
- 30'Ka 'yee- Zesu 'la -gbaanna -yrigbεele 'ε ta, 'bhεε- 'kaa =dia, 'o -gbɔɔ mu a -Waanbhaa' 'ε 'yela- -bwela gale ba.
- 31'Bhεε- -Waanbhaa' a -glɔɔya' 'ε ma, -e Zesu 'lɛdwa- -a ma 'egbenele. 'Bhεε- -ya -lawlenna laanima, 'ke -ya klele- 'ke pε 'kpen 'wiŋ- mi -gbεnε 'le, 'bhε 'pegee Mεε -Bhee Mi 'le, 'kooko- Izraeli mu 'ε ploowaa -za 'yɔɔ- mu 'ε ma, 'bhεε- -woo 'gbu na -Waanbhaa' ni; 'bhεε- 'bhε -waa' -za 'yɔɔ- mu 'ε -sroma yan.
- 32'Bhε -za mu 'ε =kla 'o mɔɔ 'gbu -la 'yre ma, 'bhεε- 'o mɔɔ 'gbu 'pegee -Waanbhaa' Lii 'Wεŋ 'ε 'o mɔɔ -le 'bhε -za mu 'ε 'srε 'le; -Waanbhaa' 'bhε Lii 'Wεŋ 'ε =naa mεε 'la zan mu -yaa' jan mu 'ε 'klɔsikun 'mu -la ni."
- 33'Woo- Zuufu mu a 'kitikan mεε -lɛdo' 'ε -o 'bhε -jan 'ε 'male, -o zruplii- gbε -yɔɔ' 'ε 'kɔɔ, 'ke -wa pele- dɔɔ -o Zesu a winbɔwo mu 'ε dεle-.
- 34'Duŋ- Farizi mi do -yaa -o ba, -o -yaa 'bhε sii Gamalieli. 'Bhε 'yaa- 'ke 'Toŋ daan mi -gbεnε do -la -le, 'bhεε- mɔkpen' 'yaa- -gasikpa 'bhε 'lεε. 'Yee- Gamalieli 'ε 'wlenle- 'tε -o pleŋ- 'ke -ya pele- dɔɔ -o Zesu a 'winbɔwo mu 'ε 'pwe 'pɛlii- 'waati sa 'pe.
- 35-O yanle -o 'pwelele, 'ke 'yee- Gamalieli 'a 'pele -waa' Zuufu mu a 'kitikan mεε -lɛdo' 'ε ni dɔɔ: "'D nεnε- Izraeli mu, 'ka -o zan -za 'la klele 'woo- mεε mu 'lεε- ni, -ka 'ka 'yrekpa 'ka 'gbu ba 'elrele.
- 36'Bhε =nɔɔ 'laa -mɔle' -li, 'bhεε- mεε do -pwela -a -yi, -o -yaa 'bhε sii Tedasi, 'bhεε- 'bhε 'yaa- 'bhε 'gbu kle 'zi 'ke mεε gbalaan do -la -le. Mεε -keme yizie yeke- dɔle -yaa

zi. 'Duŋ-, 'bhe =nɔɔ 'laa -mɔle' 'ke -wa dele-. 'Bheε- mεε 'la zan mu 'kpen 'yaa- zi, 'mu 'kpen 'kaan- 'eke- ma; 'bheε- 'bhe -za 'ε =kla 'ke bhaama -za 'le.

³⁷Tedasi blaana, -o -yaa -kɔɔ' 'nɔɔ zii' 'waati 'la ba, 'ke mεε -bheεke' do 'pwele -a -yi: -o -yaa 'bhe sii Zudasi, 'bhe -yaa da Galile 'tre ta. 'Bhe mεε -bebe =klaa 'bhe zi yakla- ma; 'bhe 'duŋ- -gaa 'ezin-. -A gale blaana, -a zi mu 'ε 'kpen 'kaan- 'eke- ma.

³⁸'Mi pe 'ka ni -zɔn dɔɔ -ka 'woo- mεε mu 'la bhe -o 'to 'srɔ, 'bheε- -ka 'ploo -o ma. - Amasrɔyi 'ke -waa' mεε daangbeyaa 'ε 'pegee -o kleza mu 'ε da bhaaplen mu ba, waa nu -mɔle' 'mu zi.

³⁹'Duŋ- 'ke 'mu da 'zi -Waanbhaa' -la ba, 'ka 'laa nu 'sɔle- 'mu 'siele. -Ka 'ka 'yrekpa 'ka 'gbu ba 'elrele, 'ka 'laa klele gwledan mu 'le -Waanbhaa' ba!"

⁴⁰'Woo Zuufu mu a 'kitikan mu mεε -lɛdo' 'ε, -o -dwa Gamalieli 'wojan- 'ε =la. 'Bhe blaana, 'ke -o Zesu a 'winbɔwo mu 'ε 'siile 'fε 'ε =la. 'Bheε- -woo zita =zwan, 'ke -woo -lemazɔnle- dɔɔ waa male 'ezin- 'sekeseke dɔɔ -woo Zesu 'tɔ 'ε 'kan zii' mεε mu ni; 'bheε- -o -plooda -o ma 'tε.

⁴¹'Bhe ya 'ε 'yi, 'woo- Zesu a 'winbɔwo mu 'ε -o go bhla 'ε zi 'woo- Zuufu mu a 'kitikan mu 'ε -din, -o 'kpen zrukpaale -yaa. -Amasrɔyi 'bhe -gaale' -yaa -o ba 'ke mεε mu -o -zwanwo' Zesu 'tɔ 'ε -zayi'.

⁴²'Bheε- yi 'oo yi, -o -yaa mεε mu daan -Waanbhaa' Gba 'Fε -Gbenε 'ε =la, 'bhe 'pegee yi 'fε mu 'ε =la. -O -yaa pe 'zi mεε mu 'ε ni dɔɔ Zesu -le 'ke Mεε -Bhee Mi Krisi 'ε 'le.

Kleza Mu 6

¹'Bhe 'waati 'ε ba, Zesu a -kɔɔlanε mu 'ε baan' 'yaa- 'kla zii' -o ba. 'Bhela- -yile, Zuufu mu 'la 'yaa- Grɛki wli pe, 'bheε- 'ke waa 'mu yale Izraeli 'kleen 'ε 'yi, 'mu 'yaa- 'mu 'la ma janwo 'zi Zuufu mu 'la 'yaa- Ebre wli pe 'mu ni. -O -yaa -o -la ma janwo 'zi -amasrɔyi pele -yicien' bhla 'ε ba yi 'oo yi, -wa =ya 'bhii- -o -yaa pele yeke- 'la na Zuufu Ebre glaana mu 'ε ni, waa -yaa 'bhe yeke- na -waa' pε glaana mu 'ε ni.

²'Bhela- 'yi 'tε, 'ke Zesu a 'winbɔwo mu vu ta ple 'ε, -o Zesu a -kɔɔlanε -vin mu 'ε 'kpen 'siile, 'bheε- 'ke -wa pele- 'mu ni dɔɔ: "'Ke -kɔɔ' 'plooda- -Waanbhaa' a -jan 'ε 'wole- ma, 'bheε- 'ke -kɔɔ' =bwa pele -yicienle -janwole ma, 'bhe 'laa lele.

³-Ayile, -ka mεε 'srwaple- makun' 'ka ba, 'ke 'mu 'taawogbeyaa 'ε lele, 'bheε- 'ke 'mu 'pale- -o 'ke Lii 'Wen 'ε 'le, 'bhe 'pegee 'ke 'mu -zadɔ' kplankplan. 'Ke 'bhe =kla, 'o nu 'a pele 'bhe mεε 'srwaple- 'ε -o ni dɔɔ -waa' pε ye kle 'ke pele -yicienlele.

⁴'Bhe ya 'ε 'yi, -kɔɔ' mɔɔ nu 'sɔle- -kɔɔ' 'yregbaanle 'seriwole 'pegee -Waanbhaa' a -jan 'ε 'wole- ba."

⁵'Bhe -jan 'ε =swa -zamaa' 'ε 'kpen ni. -Ayile, 'ke -o mεε 'srwaple- makunle -o ba: Etieni, 'bhe a pε 'kpaleya 'ε -Waanbhaa' 'yi 'bhe 'yaa- 'egbenele, 'bheε- 'bhe 'pale- -yaa 'ke Lii 'Wen 'ε 'le; 'bheε- Filipu 'pegee Prokɔri, 'bheε- Nikanɔri 'pegee Timɔ, 'bheε- Parimenasi 'pegee Nikola 'la 'yaa- da Antiossi -wa 'ε ta, 'bheε- 'ke 'bhe 'yaa- Zuufu mu a 'seri 'ε 'yi 'elwale -sɔ bhe.

- 6-O yanle -o makunlele, 'ke -woo zɔnle- Zesu a 'winbɔwo mu 'ε ni. 'Bhε mu 'mu gbε -kpa a -o ta, 'bhεε- 'mu 'e 'seriwoa -o ma.
- 7'Bhε ya 'ε 'yi, -Waanbhaa' a -jan 'ε -yaa zεn 'zi yrεkpen- =nɔɔ blaale-. 'Bhεε- Zesu 'yi mu 'ε baan' 'yaa- 'kla zii' -o ba 'ebebele Zeruzalemu, 'bhεε- 'sraka 'lεna mu 'ε -bebe 'yaa- 'mu 'kpa zii' Zesu 'yi.
- 8-Waanbhaa' a 'duma -gbenε 'ε zinale -yaa Etieni ta, 'bhεε- -a pale -yaa 'ke -Waanbhaa' a -glɔɔya' 'ε 'le. -Ayile, -e -yaa 'kpeelεni maza 'pegee 'sɔle- maza -gbenε -gbenε mu kle 'zi mεε mu 'ε 'pleŋ.
- 9'Bhε ya 'ε 'yi 'tε, 'ke Zuufu mu daanfε' 'ε =la mεε -ledo' 'ε zaabɔle 'sanle Etieni 'lε ma. -O -yaa 'bhε Zuufu mu 'ε sii: "Lu mu 'la -gwa luya 'yi". -O 'ke mu -yaa da Sireni 'pegee Alεzandri -wa mu 'ε ta. 'Bhεε- -o 'ke mu -yaa da 'ezin- Silisi 'pegee Azi 'klεn mu 'ε 'yi.
- 10'Duŋ- waa -yaa 'sɔle -o -bangole Etieni 'wojan- 'ε 'yi, -amasrɔyi Lii 'Wεŋ 'ε 'yaa -'seŋ 'na zii' -a ni 'kee- -zadɔ' ma -janwo' -o ni 'elrele.
- 11'Bhε 'yi 'tε, 'ke -o -gɔli' 'wlale mεε 'ke mu gbε =la, 'kooko- 'mu sɔ Etieni 'tɔ 'yɔɔ-pele-; 'bhεla- -yile, 'ke 'mu bhla 'kpale -a ma dɔɔ: "'Wa =ya 'ke -yoo -jan 'yɔɔ- mu wo 'zi Moizi 'pegee -Waanbhaa' ma."
- 12'Bhε ya 'ε 'yi, 'ke -o -zamaa' 'ε 'pegee 'gwlaan- gbilaan mu 'ε, 'bhεε- 'Toŋ daan mu 'ε 'wlenle- Etieni ma. 'Bhε mu Etieni =kwan faŋgan- ma, 'ke -o gele- 'kεle- Zuufu mu a 'kitikan mu mεε -ledo' 'ε ba.
- 13-O =nwa 'ezin- mεε 'ke mu 'le 'ke mu bhla 'kpale -a ma dɔɔ: "Yi 'oo yi, mεε 'lεε- -a bole -o -jan 'yɔɔ- mu 'te -la wole ma -kɔɔa' -Waanbhaa' Gba 'Fε -Gbεnε 'lεε- 'pegee Moizi a 'toŋ 'ε ma!
- 14'Wa =maa -a -lii kpataakpa dɔɔ 'yee- Zesu 'la 'yaa- da Nazareti 'bhε nu -Waanbhaa' Gba 'Fε -Gbεnε 'lεε- 'wilε-, 'bhεε- Moizi -kɔɔ' 'si ta za mu 'la =naa -kɔɔ' ni 'yee- Zesu 'ε nu 'mu 'kpen tabɔɔle."
- 15-Waa' 'kitikan mεε -ledo' mu 'ε 'kpen -o -yrεkpa Etieni ta siij. 'Bhεε- -a wleyi' 'ε =kla -o -yrε 'yi 'bhii- -mleke' do wleyi' gbεen-.

Klεza Mu 7

- 1'Bhε klele 'tε, 'ke 'sraka 'lεna -kuŋlii gbilaan 'ε 'bhε Etieni 'lrɔkpale dɔɔ: "Mεε mu 'ε -woo -jan mu 'la 'kpen 'wo zii' bhe, wlan -le 'mu -le εε?"
- 2'Bhεε- Etieni 'a 'lekwan= -a ni dɔɔ: "'D nεenε- mu 'pegee 'ŋ dε mu, -ka 'ka 'trɔnkpa 'ŋ ni 'elrele doo. -Kɔɔ' -gbɔɔ Abraamu ge -lεε 'ε 'le Aran, -Waanbhaa' 'la 'tɔbhɔle -o 'bhε 'pwela- -a ba, 'ke -yoo 'bhε 'waati 'ε ba Mezopotami 'klεn 'ε 'yi.
- 3'Bhεε- -ya =pia Abraamu ni dɔɔ: 'Go 'e =ya 'klεn 'yi 'bhε 'pegee go 'yaa- 'fa =la mu 'ε -din, 'bhεε- ge yala- 'ŋ nu 'klεn 'la zɔnle 'e ni 'bhε 'yi.'

- 4'Bhε klele 'tε, 'ke Abraamu gole- Kalide mu a 'kleen 'ε 'yi, 'bhεε- 'kee- gele- yaale Aran. 'Bhε blaam, 'ke Abraamu dε gale-. -Ayile 'ke -Waanbhaa' 'a 'pele -a ni dɔɔ -e go Aran. 'Bhεε- -kɔɔ' -o 'kleen 'la 'yi -zɔn -gε, -e =nwa yaale 'bhε 'yi 'tε.
- 5'Duɲ- -Waanbhaa' laa yre 'kedo- 'kpɔ 'nale- -a ni -a 'cien 'le 'bhε 'kleen 'lεε- 'yi, 'ali- 'ke 'bhε kle 'tre 'fientronne 'le 'bhii- mεε gaan -gluu gbεen-. 'Duɲ- -ya -liiwli' =naa -a ni dɔɔ -e nu 'bhε 'kleen 'ε 'nale- -a ni -a 'cien 'le, 'bhεε- -e nu 'bhε klele 'ezin- -a 'srε mu a pε 'le 'yee- blaam. 'Bhεε- 'duɲ-, 'bhε 'waati 'ε ba 'ke Abraamu 'nε 'laa klele -li.
- 6-Waanbhaa' -janwoa -a ni gɔnε- 'lεε- 'bhεε- gbεen- dɔɔ: "E 'srε mu nu gele yaale 'kleen 'bhεεke do 'yi, 'bhεε- 'bhε 'yi mu 'ε nu -o klele 'mu a lu mu 'le 'bhε =nɔɔ ye; 'bhεε- 'mu nu -yrenkpale -o ta lεε -kεmε yizie ta.
- 7'Duɲ- -o nu klele lu mu 'le 'kleen 'la 'yi, 'mi nu -kpan 'kpaale- 'bhε 'kleen 'ε 'yi mεε mu 'ε 'lii. 'Bhε blaam, -o nu gole 'bhε 'kleen 'ε 'yi, 'bhεε- -o nu nule 'mi -Waanbhaa' gbale 'kleen 'lεε- 'bhε 'yi -gε.'
- 8'Bhε klegbeya 'ε 'yi, -Waanbhaa' -bhoolaya do -dwa 'yee- 'gbu 'pegee Abraamu 'plen. 'Bhε -bhoolaya 'ε 'tɔomasie -le 'ke 'gwlaan- mu wlalele 'kleen 'yi 'le. 'Bhεla- -yile Abraamu 'a gbe Izaki =wlaa 'kleen 'yi 'bhε 'yale- blaam -gbεyi' do; 'bhε klegbeya do 'ε 'yi, Izaki 'bhε gbe Zakɔbu =wlaa 'kleen 'yi, 'bhεε- Zakɔbu -kɔɔ' -gbɔɔ vu ta ple 'ε =wlaa 'kleen 'yi."
- 9"-O -yaa 'bhε 'yi bhe 'tε, 'ke 'yee- Zakɔbu gbe mu 'ε zranwole -o nεnε- Zozefu ba, 'bhεε- 'ke -wa gɔnle- Ezipu 'taa ta ge mu 'ke mu 'kɔɔ. 'Bhεε- -e -ja klele lu 'le Ezipu 'kleen 'ε 'yi.
- 10'Duɲ- -Waanbhaa' -yaa 'yee- Zozefu zi 'bhε 'kleen 'ε 'yi. -Ya -gwa 'bhε -yren mu 'ε 'kpen 'yi, 'kee- -zadɔleya nale- -a ni, 'bhεε- -ya =kla 'bhεε- 'yee- Zozefu =swa 'bhε Ezipu 'kleen 'ε 'yi -bhlenɲbe Faraɔn 'ε ni. 'Bhεε- 'bhε 'a =kla Ezipu 'kleen 'ε 'kpen ta -janmatii 'le, 'bhε 'pegee 'bhε a -bhlenɲbe 'fa =la mu 'ε 'kpen ta -kunlii 'le 'ezin-.
- 11'Bhε 'waati 'ε ba, 'ke -gu do dɔle- Ezipu 'kleen 'ε 'kpen 'pegee Kanaa 'kleen 'ε 'kpen 'yi. 'Bhε -gu 'ε 'bhε 'trebhɔ -gbεnε 'yɔɔ- do =kpaɔ -kɔɔ' -gbɔɔ mu 'ε ta, 'bhεε- pele 'kedo- 'kpɔ 'laa -yaa -o 'kɔɔ-.
- 12-O -yaa 'bhε 'yi bhe oo, 'ke Zakɔbu 'a 'male- dɔɔ -o sɔ pele -srɔɔwole Ezipu 'kleen 'ε 'yi. 'Bhε klele 'tε, 'kee- -kɔɔ' -gbɔɔ mu 'ε 'winbɔwo gbε -lwa wole- 'bhε =nɔɔ pele -lɔ zayi'. 'Bhε mu -ja pele -lɔle', 'bhεε- 'mu =nwa 'bhε 'le.
- 13'Bhε mu ge gbε ple mi 'ε yi Ezipu, 'ke Zozefu 'a 'gbu tapwele -a nεnε- mu 'ε ni, -amasrɔyi 'mu 'laa -a madɔle. 'Bhεε- 'ke Faraɔn Zozefu 'si mu 'ε dɔle- 'tε.
- 14'Bhε klele 'tε, 'ke Zozefu mεε mu winbɔle 'kaa 'mu ge -a dε 'pegee 'bhε a 'fa =la mu 'ε 'kpen 'sii-. -O -yaa mεε mia yaga bhε vu ta 'soo (75).
- 15'Bhε klegbeya 'ε 'yi, 'ke Zakɔbu gele- yaale Ezipu 'kleen 'ε 'yi, 'bhεε- 'ke 'yee- 'pegee -kɔɔ' -gbɔɔ mu 'ε -waa' 'tre ta yanle- 'bhε =nɔɔ ye.

- 16'Bhē klēle 'tē, 'ke -o nule- -o 'kpen gbaa mu 'ē 'le Sikemu, 'bhē- bu -gluu 'la Abraamu 'bhē =lwa -gōli' ma Amōri gbe mu 'ē 'kōō Sikemu, -o =nwa -o binle 'bhē bu -gluu 'ē 'yi.'"
- 17'"Duŋ- -Waanbhaa' 'a 'liiwli- =naa Abraamu ni pē 'la 'naza- ta 'elwale -sō -a 'srē mu 'ē go zayi' luya 'yi Ezipu, 'bhē -jan 'ē 'lēsō 'waati 'ē 'bhōlela =saan -wa -din; 'ke -kōōa' 'si mu 'ē -o baan' 'klale -o ba 'ke -o klēle- 'ebebele Ezipu 'klēn 'ē 'yi.
- 18'Bhē- -bhleŋgbe drēē 'la 'bhē 'laa Zozefu dōle, 'bhē 'yalaa- Ezipu 'klēn 'ē ta 'tē.
- 19'Bhē -bhleŋgbe drēē 'ē 'bhē -kōōa' 'si mu 'ē 'yinia-, 'bhē- -e -yrenkpaa -kōō' -gbōō mu 'ē ta 'ebebele. 'Bhē- -ya =pia -o ni dōō -woo -nē 'yientenne mu 'ē blin yue 'ē ba kpaŋma 'bhē- 'mu ga, 'kooko- -o klu laa bo.
- 20'Bhē 'waati 'ē ba, 'ke -o Moizi 'yale 'tē: 'bhē 'yaa- lele, 'bhē- 'bhē -za -yaa sō -Waanbhaa' ni. -A dē 'pegee -a nēē 'a -gaanna -waa' 'fē 'ē =la mlē yaga -la 'ke -wa -lēbō'.
- 21'Bhē- -wa yele 'bhii- waa -yaa sō -a gaanle- -li 'waati 'la ba, 'ke -o 'ploole -a ma 'pēlii- yrē do nōō-. 'Duŋ- 'ke Faraōn 'lu 'ē 'bhē 'a 'sile, 'bhē- 'ke 'bhē 'a 'trole, 'ke 'bhē 'a klēle- 'bhii- 'bhē 'gbu 'nē -kpōsōō 'le.
- 22'Bhē klegbeya 'ē 'yi, -o Moizi -daanna Ezipu mu a -zayaangoleya 'ē 'kpen 'le. 'Bhē- -e =kla mēē -glōō do 'le, -a klēza 'pegee -a -liiwli' mu 'ē ma.
- 23'Moizi lēē -yaa lēē mia plē 'waati 'la ba, 'ke -ya 'kpale dōō -e gele- 'pwēlē- -a nēēnē- Izraēli mu 'ē ta.
- 24'Bhē 'yi 'tē, 'kee- Ezipu mēē do yele- 'ke 'bhē -o -yrenkpa' zii' -a nēēnē- mu 'ē do ta; -ayile 'kee- gele- 'bhē tagwledanle 'bhē- 'kee- Ezipu mi 'ē dele-.
- 25'Moizi 'kpee ma -bi -a nēēnē- Izraēli mu 'ē 'yaa- nu -a -yimale 'bhii- -Waanbhaa' -yaa zan -o golē -yrēn 'yi 'yee- Moizi -la 'srōyi, 'ke -yoo go Ezipu 'klēn 'ē yi. 'Duŋ- 'mu laa -a 'yimale 'bhē gbēēn-.
- 26'Bhē ta tooklin- yi 'le, 'ke Moizi 'bhōle Izraēli mēē plē ta 'ke 'mu -o gwledan 'zi, 'bhē- -e -yaa zi 'bhii- -e 'mu 'yikwan= 'ke -ya pele- 'mu ni dōō: "D' 'yienii mu, 'ka -o nēēnē- ma do mu 'le, -mēle =kla 'bhē- 'ka -o gwledan 'zi ēē?"
- 27'Bhē klēle 'tē, mēē 'la zan -yaa 'bhē -vindo' mi 'ē zōn 'zi, 'bhē Moizi -yrōnna, 'ke 'bhē 'a pele- Moizi ni dōō: '-Dele 'ē =kla 'o ta -kunlii 'pegee 'o 'plēŋ- janwo mi 'le ēē?"
- 28'Yoo- -a zi 'bhii- 'ē 'mi dē 'bhii- 'ē Ezipu mi 'ē =dia 'eyaanōō gōnē- 'la gbēēn- bhē ēē?"
- 29'Moizi 'bhē -jan 'ē 'male- 'tē, 'kee- blasanle, 'bhē- 'kee- gele- bolē Madian a 'klēn 'ē 'yi. -E =bwa 'bhē 'klēn 'ē 'yi, 'bhē- -e -nē 'gwlaan- plē -srōōwoa 'bhē =nōō."
- 30'"Lēē mia plē 'kanle- blaān-, Moizi -yaa -kpe 'la -yoo Sinai vlē gōōn 'ē -din 'bhē 'wiinŋ- 'waati 'la ba, 'ke -mlēkē' do 'pwēle -a ba -yri lunē- do 'yi: 'tēbhile 'yaa- 'bhē -yri lunē- 'ē 'yi, 'bhē- -mlēkē' 'ē 'yaa- 'bhē 'tēbhile 'ē 'yi.

- 31 Moizi 'bhe 'yele-, 'ke -a 'kpeelenile -a ma. -Ya mabeenle -saan 'bhe -din 'waati 'la ba, 'kooko- -ya -glin kplankplan, 'kee- Meezan -weli' 'e male- dɔɔ:
- 32 "Mi -le 'e -gbɔɔ mu a -Waanbhaa' 'le, 'mi -le 'ke Abraamu 'pegee Izaki 'bhe- Zakabu mu a -Waanbhaa' 'le.' 'Bhe klele 'te, 'ke Moizi beenle 'sanle -gblaan 'e 'kɔɔ; 'bhe- yaa dɔle -a 'kpee 'ke -ya -yrekpa' 'yee- -yri lun- 'e ta.
- 33 'Bhe 'yi 'te, 'ke Meezan -Waanbhaa' 'a 'pele 'a ni dɔɔ: "E gaan ma -sawla mu 'e go, -amasroyi 'e dulale -o 'tre 'la ta bhe, -Waanbhaa' 'a 'tre 'weŋ -le 'kele-."
- 34 'Bhe- -Waanbhaa' 'a =pia -a ni 'ezin- dɔɔ: "Mi 'an mee mu 'e ta -yren 'e =ya, 'bhe 'pegee 'ŋ -waa' wisiwli mu 'e =maa Ezipu 'kleen 'e 'yi. -Ayile 'mi -zinaa' 'tre ma -ge -o go zayi' luya 'yi. Nu -zon, 'bhe- 'mi 'e 'winbɔ- Ezipu 'kleen 'e 'yi.' "
- 35 "Izraeli mu 'e -woo -bangwa 'yee- Moizi 'la 'yi, 'bhe- -wa =pia -a ni dɔɔ: '-Dele 'e =kla 'o ta -kunlii 'pegee 'o 'plen- -janwo' mi 'le ee, ' -Waanbhaa' 'yee- Moizi do 'kpɔ 'e 'yela- winbwa- -o ta 'bhii- -o -kunlii 'pegee -o -bhe mi 'le 'ke -yoo go luya 'yi Ezipu 'kleen 'e 'yi, -mleke' 'la 'pwela- -a ba -yri lun- 'e yi, 'bhe a fangan- 'e 'le.
- 36 'Yee- Moizi do 'kpɔ 'e 'yele- -o -gwa luya 'yi Ezipu 'kleen 'e 'yi, 'kee- 'sɔle- maza mu 'pegee 'kpeeleni maza mu kle Ezipu 'kleen 'e 'yi, 'ke -yoo kan weyi- 'ten 'e ba, 'bhe 'pegee -kpe 'e ta lee mia ple ta.
- 37 'Bhe- 'yee- Moizi do 'kpɔ 'e 'yele- 'a =pia -o ni 'ezin- dɔɔ: '-Waanbhaa' 'mi winbwa- 'ka 'ta gɔn- 'la gbɛn- 'bhii- -a -lela' janwo mi do, -e nu -a -lela' -janwo' mi do winbɔle 'ka ta 'bhe- gbɛn-; 'bhe nu klele 'ka 'gbu 'srɛ mu 'e do -la -le.'
- 38 'Yee- Moizi -le -yaa Izraeli mu 'e lee mi 'le -o 'klale- -yaa 'eke- ba -kpe 'e ta 'waati 'la ba Sinai vle gɔn 'e 'wiin-. -Mleke' 'la -daa -Waanbhaa' ba, 'bhe -jan =kpaa 'yee- Moizi 'lii, 'bhe- -e 'mu 'lenaa= -kɔɔ' -gbɔɔ mu 'e ni. 'Bhe 'yi, -e -jan mu 'la 'srɔwoa= -Waanbhaa' 'kɔɔ, 'mu sɔ -si 'la -dan' 'laa -o 'bhe ma 'bhe 'nale -kɔɔ' ni."
- 39 ""Duŋ- -kɔɔ' -gbɔɔ mu laa dɔle -a wojan mu 'e =la, 'bhe- -woo -bangwa -a -yi, 'bhe- -woo zru -niinaa' Ezipu 'kleen 'e 'yi pe mu 'e ta.
- 40 'Bhe- 'ke -wa pele- Moizi 'naagwlen- Aaron ni dɔɔ: '-waanbhaa' 'ke mu kle 'o ni 'ke 'o 'mu 'ye 'o 'yre mu 'le, 'bhe- 'ke 'o 'pegee 'mu 'taawo- 'eke- zi; -amasroyi Moizi 'la 'bhe 'o 'pwela- Ezipu 'kleen 'e 'yi, 'o 'yre 'laa 'bhe ma, 'bhe- -e =kla pe 'la 'le 'waa 'bhe do.'
- 41 'Bhe 'yi 'te, Moizi 'laa -yaa -o -din yi mu 'la 'le, 'ke -wa wlale- Aaron zi, 'bhe- 'ke 'bhe drine- -yrine' do klele- -o ni, 'ke 'bhe klele- -waa yo 'le, 'bhe- 'ke -o 'sraka do gole- 'bhe ni. 'Bhe ya 'e 'yi, -o pe 'la =kla -o 'gbu 'kɔɔ, 'bhe -le =kla -o zrukpa' pe 'le, 'bhe -o -zablaala 'bhe ni.
- 42 'Duŋ- 'bhe 'la gbɛ -yɔɔ' 'e 'kɔɔ -Waanbhaa' ma, 'ke 'bhe 'bhe -zanta' dɔle- -o ni, 'ke 'bhe -o 'tole 'ke -o laanima mle 'pegee -yretɛbhe, 'bhe- mleklen- mu kle -o gba yo mu 'le, 'bhii- -a yɔɔnde -o -Waanbhaa' -lela' janwo mu 'e -waa' 'sewe 'e 'yi gɔn- 'la gbɛn- dɔɔ: "Ka mu Izraeli 'si mu, 'ka wi 'sraka mu 'pegee 'sraka 'bheke mu 'la -gwa lee mia ple 'e ta -kpe 'e ta, 'ka 'mu -gwa 'mi -la ni ee?"

- 43'Yooye-, 'ka 'laa 'bhe 'sraka mu 'e gole 'mi ni -titi, 'duŋ- 'kaa- yo 'la 'to -o Moloki, 'ka 'bhe- gba 'kpaane 'e 'kwe =sia; 'bhe- 'ka mleklenne 'la gba 'kaa yo 'le, 'bhe- 'ke 'ka 'bhe 'tokpaa- Refan, 'ka 'bhe -la -yrine' 'yaanna-. 'Bhe ya 'e 'yi bhe, 'ka 'gbu yo mu 'la =kla 'ka 'gbu 'koo, 'ka 'mu -la =gbaa. 'Bhela- -yile, 'ŋ nu gele 'ka 'le 'fo Babiloni -zanta' 'egboonle.'"
- 44'Etieni pe 'ezin- doo: "-Koo' -gboo mu -yaa -kpe 'e ta 'waati 'la ba, sokpaa' do -le -yaa -o 'koo; 'bhe sokpaa' 'e 'yaa- zron 'bhii- -Waanbhaa' -o zi. Moizi 'bhe sokpaa' 'e -dwa sokpaa' -gloon 'la -Waanbhaa' 'bhe -zronna -a ni, 'bhe- zi.
- 45'Moizi blaana, -koo' -gboo mu 'yee- sokpaa' 'e =naa -o -ne mu ni. Zozue -dwa -o -lee, 'bhe- -o -ja 'yee- sokpaa' 'e 'le -waa' 'kleen dree 'e 'yi. -Waanbhaa' 'bhe 'kleen 'yi mu 'e -gbian -o -lee 'mu a 'kleen 'e 'yi, 'bhe- -e 'mu a 'kleen 'e =naa Izraeli mu 'e ni 'bhe 'yi. 'Yee- sokpaa' 'e =bwa -o 'koo 'foke 'bhe nu 'tenle- -bhlegbe Davidi a pe 'waati 'e ma.
- 46-'Waanbhaa' zrubhwa- Davidi ma, 'fo -e -sromabwa -Waanbhaa' ni doo 'bhe 'a 'to 'ke 'yee- Davidi 'gbu -a -gboo Zakabu a -Waanbhaa Gba 'Fe -Gbene do do.
- 47'Bhe- 'duŋ-, Davidi 'gbu 'laa 'bhe 'fe 'e dole, 'fo -a gbe -bhlegbe Salomo -le 'bhe -dwa 'yee- Davidi blaana boolazi.
- 48'Duŋ- -kooa' 'yaango- 'bhii- laanima -Waanbhaa' 'e yaa yi bhaaplen mu 'fe 'la -dwa 'mu 'gbu 'koo 'bhe =la. 'O 'bhe 'yaango- 'kela ma, 'bhe -le 'yee- -Waanbhaa' -lela' janwo mi 'e -jan 'la =woa 'bhe- ma doo:
- 49'Meezan -Waanbhaa' pe doo: 'Lafle' -le 'ke 'an -bhlegbe 'yaakpe- 'e 'le, 'bhe- 'tre -le 'ke 'ŋ gaan dulape 'le. 'e ya 'e 'yi, 'ka so 'fe -gloon 'e -dela dole- 'ŋ ni ee? 'Bhe- 'ŋ nu 'sole- 'ŋ 'yitrele yre 'e -dela noo- ee?
- 50'Mi -le 'laa 'bhe pe mu 'e 'kpen klele 'mi 'gbu a -glooya' 'e 'le ee?' "
- 51'Bhe- Etieni pe 'ezin- doo: "'E! Mee -kala' mu! 'Ka 'ka 'tron 'pegee 'ka zru mu 'e 'liitaan- -yaa' 'siwli- mu 'e 'lee. 'Ka 'laa dole -a -la 'ke 'ka Lii 'Wen 'e zru maza kle 'waati 'e 'kpen ba 'bhii- 'ka -gboo mu -yaa kle gone- 'la gbeen-.
- 52'Ka -gboo mu laa -yrenkpale -Waanbhaa' -lela' janwo mi 'e -de 'gbu -la ta ee? Mee 'la zan mu Zesu Krisi 'la do -kplen -ledole -o -Waanbhaa' -yre 'yi 'bhe 'nuza- 'e -leejanwoa, 'ka -gboo mu 'bhe zan mu 'e 'gbu =dia. 'Bhe- -zon, 'ka -dawli' =kpa 'yee- mee -ledole 'e 'yela- gbe ta, 'bhe- 'kaa =dia.
- 53'Ka mu 'la 'ka -Waanbhaa' a 'ton 'e 'sroowa- -mleke' mu -weli' 'e ta, 'bhe- 'ka 'laa 'bhe 'ton 'e -klosikunle -titi!"
- 54'Zuufu mu a 'kitikan mee -ledo' 'e -o 'bhe -jan mu 'e 'male-, 'mu 'la gbe -yoo' 'koo -o ma, 'ke yran -gbene do wlale- -o zru 'yi, 'bhe- 'ke -woo -lefle' 'sonkpale yran 'e 'koo Etieni 'kaama-.
- 55'Duŋ- Etieni 'palela 'yaa- 'ke Lii 'Wen 'e 'le, 'bhe 'e 'yrenkpale laanima, 'kee- -Waanbhaa' a 'tobholeya -bhile' 'e 'yele, 'bhe- 'kee- Zesu dulale ye- -Waanbhaa' -din 'tobho ma yaayre 'e =noo.

56'Bhɛɛ- -e pe -o ni dɔɔ: "-Ka 'ka 'trɔnkpa 'ŋ ni doo, 'ŋ 'yrɛ -o laflɛ' 'ɛ 'liigole ma, 'bhɛɛ- Bhaaplɛŋ Gbe 'ɛ dulale -o -Waanbhaa' -din 'tɔbhɔ ma yaayrɛ 'ɛ =nɔɔ."

57'Etieni 'bhɛ 'pele- 'tɛ, 'ke 'woo- Zuufu mu 'ɛ -o -gbekanle 'eglooɔle, 'bhɛɛ- 'ke -woo 'trɔn mu 'ɛ 'liitanle (-amasrɔyi -o 'kpee ma Etieni -yaa -Waanbhaa' 'tɔ 'siɛ zii'). -Ayile 'ke -o 'kpen 'klale Etieni ta.

58'Ke -wa 'kunle, 'bhɛɛ- 'ke -wa -glaanle', 'ke -o gele- 'kɛle- Zeruzalemu -wa 'ɛ -zanta'; 'ke -o kpoti mu 'pale 'sanle -a ma, 'kooko- -wa dɛ. -A dɛ mu 'ɛ 'bhɛ mu 'mu 'gbu ta dunɛ- mu 'ɛ -gwa, 'bhɛɛ- -o 'mu gbɛkpaa- -nɛ -zwanɛ do 'kɔɔ: -o -yaa 'bhɛ sii Sɔlu.

59-O -yaa kpoti 'pa zii' Etieni ma bhla 'la ba, -e -yaa 'seriwo zii' 'ke -ya pe dɔɔ: "Mɛɛzan Zesu, 'mi 'ŋ 'nii- 'ɛ gbɛkpaa- 'e 'kɔɔ!"

60'Bhɛ blaɛn, 'ke -ya 'kpɔ zɛnle- 'trɛ ma; 'bhɛɛ- 'ke -ya pele- 'eglooɔle dɔɔ: "Mɛɛzan, 'yaa -kpan baalɛ -o ta 'ŋ dɛza 'lɛɛ- -zayi!" -E yanle 'bhɛ -jan 'ɛ 'wolele, 'kee- gale-.

Klɛza Mu 8

1'Etieni dɛza 'ɛ =swa Sɔlu 'gbu ni. 'Bhɛ -yrekpaa' do 'kpɔ 'ɛ 'le, mɛɛ mu 'ɛ -yrenkpaa Zeruzalemu Zesu 'yi mu -lɛdo' 'ɛ ta 'ebebele. -O ta -yren 'ɛ 'yɔɔya- 'ɛ 'kɔɔ 'ke Zesu 'yi mu 'ɛ 'kpen 'kanle 'eke- ma 'ke yaa 'e go Zesu a winbɔwo mu 'ɛ do -kplɛn ba. -O 'ke mu -ja Zude 'klɛɛn 'ɛ 'yi, 'bhɛɛ- -o 'ke mu -ja Samari 'klɛɛn 'ɛ 'yi.

2'Mɛɛ 'ke mu 'la 'mu =yaa gbalaan -Waanbhaa' -lɛɛ, 'mu Etieni gbaa 'ɛ =sia, 'bhɛɛ- 'mu wisia= -a ta 'ebebele, 'bhɛɛ- -o -ja -a binlɛ.

3'Duŋ- 'bhɛ 'waati 'ɛ ba, Sɔlu 'yaa- do 'zi 'eglooɔle, 'kooko- -e Zesu 'yi mu -lɛdo' 'ɛ siɛ 'fɛŋfɛŋ. -E -yaa wla 'zi 'fɛ 'tɔle- 'fɛ 'bhɛ =la, 'bhɛɛ- 'kee- -yaa Zesu 'yi mu 'la ye, 'kee- -yaa klɛ 'gwalaan- 'le oo, 'kee- -yaa klɛ le 'le oo, -e -yaa -o 'kpen kun faŋgan- ma, 'bhɛɛ- -yoo bɔ -kaso 'yi.

4'Zesu 'yi mu 'la =kaan 'eke- ma, 'mu -yaa ge 'zi -Jan 'Nrɛle- 'ɛ 'wolele yrekpen- =nɔɔ.

5'Bhɛ 'yi, -o -yaa -o do sii Filipu, 'bhɛ gele Samari 'klɛɛn 'ɛ 'yi -wa do ta, 'ke 'bhɛ Mɛɛ -Bhɛ Mi Krisi a -jan 'ɛ 'wole 'bhɛ -wa 'ɛ ta mu 'ɛ ni.

6-Zamaa 'srɛ 'kpen 'yaa- 'e 'trɔnkpa zii' Filipu 'wojan- mu 'ɛ =la 'elrele, -o -yaa -a klɛ 'sɔle- maza mu 'la 'ma zii', 'bhɛ 'pegee 'ke -o 'mu 'ye 'ezin- bhɛ 'mu -zayi'.

7'Wlan 'ɛ ni, lii -yɔɔ' mu -yaa mɛɛ 'la zan mu zi, Filipu -yaa 'bhɛ lii -yɔɔ' mu 'ɛ -gbin 'zi 'bhɛ zan mu 'ɛ zi. -O go bhla zi 'bhɛ mɛɛ mu 'ɛ zi, -o -yaa -gbekan' 'eglooɔle 'elwale 'pe, 'bhɛɛ- -o go 'tɛ. 'Bhɛɛ- 'ezin- -flugba -bebe 'pegee mɛɛ gaan 'siele- mu -bheela.

8'Bhɛ=kla zrukpaaza -gbɛnɛ 'le 'bhɛ Samari -wa 'ɛ ta.

9-O -yaa 'bhɛ -wa 'ɛ ta mɛɛ do sii Simɔ. 'Bhɛ 'nule- =mwa 'yee- -wa do 'kpɔ 'ɛ ta Filipu 'lɛɛ. 'Bhɛ 'yaa- 'srɔn maza mu klɛ 'bhɛɛ- 'bhɛ 'yaa- Samari mu 'ɛ 'kpeeleni zii' -o ma. 'Bhɛɛ- 'bhɛ 'yaa- 'bhɛ 'gbu klɛ 'zi mɛɛ gbalaan do 'le.

- 10'Bhela- -yile, 'kee- kpa -ne matruṅne mu ta oo, 'kee- kpa mee gbilaan mu ta oo, -o 'kpen 'yaa- -o 'trɔnkpa -a ni 'elrele. -O 'kpen 'yaa- pe -a ma dɔɔ: "Mee -gloɔn 'lee- -yoo 'ke -Waanbhaa' a -gloɔya' 'gbu 'e 'bhɛɛ- 'le, -o -gloɔya' 'la sii: '-Gloɔya' -gbene'."
- 11-O 'kpen bloole -yaa -a ma, 'bhɛɛ- -o -yaa -o 'trɔnkpa- -a ni 'elrele. -Amasroyi -e =mwa gban -o ba 'bhɛɛ- -e -yaa -o 'kpeeleni zii' -yaa' 'srɔn maza mu 'e 'le.
- 12'Duṅ- Filipu -Waanbhaa' a -bhleṅgbeya -Jan 'Nrɛle- 'e 'pegee Zesu Krisi a -Jan 'Nrɛle- 'e 'wole- -o ni, 'ke -woo 'kpale 'bhɛ -jan 'e 'yi. 'Bhɛɛ- Filipu -waa' 'gwlaan- mu 'pegee -waa' le mu 'e wiingfia= -yi ba.
- 13'Ali- 'yee- Simɔ 'gbu 'e =kpaa Filipu 'wojan- 'e 'yi, 'bhɛɛ- 'bhɛ 'a 'wiingfia= -yi ba 'ezin-; -e -yaa Filipu zi, 'bhɛ 'yaa- 'sɔle- maza -gbene mu 'la 'pegee 'kpeeleni maza mu 'la kle 'zi -a -yɛ ma, 'mu 'yaa- -a -liibhaa' zii'.
- 14Zesu a 'winbɔwo mu 'la 'yaa- Zeruzalemu, 'mu 'a 'male- dɔɔ Samari 'kleen 'e 'yi mu 'e 'ke mu -o =kpaa -Waanbhaa' a -jan 'e 'yi, 'ke -o Pieri 'pegee Zaan 'winbɔle 'mu ta ye.
- 15Pieri 'pegee Zaan 'bhɔle- Samari, 'ke -woo 'seriwole 'bhɛ =nɔɔ Zesu 'yi mu 'e ma, 'kooko- 'mu Lii 'Weṅ 'e 'srɔwo.
- 16-Amasroyi -a 'san -woo kpa Zesu 'yi, -woo wiing- drɔṅ -la =fia -yi ba Meezan Zesu 'to 'yi, 'duṅ- Lii 'Weṅ 'e 'bhɛ 'laa zinalɛ -li -o do 'kpɔ ta.
- 17'Bhɛ 'yi 'tɛ, 'ke Pieri 'pegee Zaan 'mu gbekpale -o ta, 'bhɛɛ- 'ke -o Lii 'Weṅ 'e 'srɔwole.
- 18Simɔ 'a 'yelowoa 'bhii- Zesu a winbɔwo mu 'e -woo gbekpalawoa Zesu 'yi mu 'e ta, 'bhɛɛ- 'mu Lii 'Weṅ 'e 'srɔwoa-; 'ke -ya pele- dɔɔ -e -gɔli' 'nale- 'mu ni.
- 19'Bhɛɛ- -ya =pia 'mu ni dɔɔ: "-Ka 'bhɛ 'seṅ yekɛ- 'e 'na 'mi ni, 'kooko- 'ke 'mi 'ṅ gbekpaa- mee 'la zan ta 'bhɛ zan sɔ Lii 'Weṅ 'e 'srɔwole."
- 20'Duṅ- Pieri 'a zikpaa- -a ni dɔɔ: "Bhaa 'bhi 'pegee 'yaa- -gɔli' 'e 'ka 'kpen 'siɛ 'eke- zi; -amasroyi, Waanbhaa' pe 'la na mee ni bhaama, -a Lii 'weṅ 'e, 'bhi 'kpee ma, 'kee- -gɔli' gbawoa- 'o ni, 'bhɛɛ- 'yee -Waanbhaa' nu 'bhɛ 'na 'seṅ 'e 'nale- 'e ni.
- 21'Woo- -za 'la 'bhɛ kle 'zi -gɛ bhe, 'bhi dɔ 'pegee 'e 'cien do 'kpɔ 'laa -o 'bhɛ ba; -amasroyi 'e zru 'e 'ledɔle laa -o -Waanbhaa' -yɛ 'yi.
- 22'Ploo- 'e -za 'yɔɔ- 'la -dwa 'e 'kpee 'bhɛ ma, 'bhɛɛ- -sromabɔ Meezan -Waanbhaa' ni, 'kooko- 'ke 'bhɛ sɔ klele-, -yoo 'e 'kpeejan- -yɔɔ' 'e -sroma yan.
- 23-Amasroyi 'an =ya 'bhii- zran 'pegee yiɛnya 'te -le 'e zru ba, 'bhɛɛ- -za 'yɔɔ- gbeblɔle -o 'e ta."
- 24'Bhɛ klele 'tɛ, 'ke 'yee- Simɔ 'a zikpale Pieri 'pegee Zaan ni dɔɔ: "'Ka mu 'gbu, -ka -sromabɔ Meezan ni 'ṅ ni, 'kooko- 'ka 'dangan 'la =woa bhe, 'bhɛ 'laa 'ṅ kun."
- 25'Bhɛ blaen, Pieri 'pegee Zaan =bwa Zesu Krisi 'srɛya- klele ma 'ke -o Meezan a -Jan 'Nrɛle- 'e wo mee mu 'e ni. 'Bhɛɛ- -o niina- bhla zi Zeruzalemu, -o -yaa -Jan 'Nrɛle- 'e 'wo zii' Samari -wa 'fientronne mu 'e -bebe ta.

²⁶Mæezan a -mleke' do 'a =pia Filipu ni dɔɔ: "'E 'wlen- doo, 'bhæ- 'e ge wɛyi- ba -yrɛ ta. Zi 'la da Zeruzalemu, 'bhæ- -e kan Gaza, 'bhe zi 'e 'si, mæe laa kan 'bhe zi 'e zi."

²⁷Filipu 'e 'wlenle-, 'kee- gele- 'bhe =nɔɔ 'tɛ blaale-, 'bhæ- 'kee- Etiopi mi do yele-, 'gwlaan- -trɔ -le -yaa 'bhe 'le. 'Bhe 'yaa- Etiopi 'kleen 'e ta -bhleŋgbe le 'e 'bhe a yeta mi -gbene do 'le. -O -yaa 'bhe -bhleŋgbe le 'e sii Kandasi. 'Bhe a -naflo 'e 'kpen gbekpale -yaa 'yee- mæe 'e 'yela- 'kɔɔ. -E -yaa da 'zi Zeruzalemu -Waanbhaa' gbayre nɔɔ-.

²⁸'Bhæ- -a niina- bhla 'e zi -yaa' 'kleen 'e 'yi, -a yaale -yaa -goŋ 'la 'ke wi -soo' mu 'bhe glaan 'bhæ- 'yi, 'bhæ- -e -yaa -Waanbhaa' -lela' janwo mi Ezai 'a 'sɛwɛ 'e tape 'zi 'egloole.

²⁹'Bhe klele 'tɛ, 'ke Lii 'Wɛŋ 'e -ya pele- Filipu ni dɔɔ: "'E 'mabæen- wi -soo' -goŋ 'la bhe -a -din!"

³⁰Filipu 'e 'mabæenle blaale- 'bhe -din, 'kee- Etiopi mi 'e 'weli- male-; 'bhe 'yaa- -Waanbhaa' -lela' janwo mi Ezai a 'sɛwɛ 'e yrɛ do -la tape 'zi. -Ayile 'ke Filipu 'a 'lrɔkpale dɔɔ: "'Yoo- 'sɛwɛ 'la tape 'zi bhe 'ya 'yima zii' ɛɛ?"

³¹Etiopi mi 'e pe Filipu ni dɔɔ: "'D sɔ -a -yimale 'nale- -a ma 'ke mæe 'kedo- 'kpɔ 'laa -yipele 'ŋ ni ɛɛ?" 'Bhe 'yi 'tɛ, 'kee- Filipu 'siile 'kaa 'bhe 'nu 'san -a zi wi -soo' -goŋ 'e 'yi, 'bhæ- 'bhe yalaa' -a -din.

³²Filipu -yalaa' -a -din 'tɛ. -E -yaa Ezai 'a 'sɛwɛ yrɛ 'la tape 'zi 'bhe -le -gɛ: "-E -yaa 'bhii- -bhlaa 'la -wa =kwan, 'bhæ- -woo ge 'zi 'kele- -a dɛyre nɔɔ-, 'bhæ- -e -yaa 'bhii- -bhlaanɛ' do 'la 'ke -wa ciɛ takan' zii' -e bo -a 'bhobho 'le.

³³-Wa -væla, 'bhæ- waa 'zoo 'nale- -a ni. -Dele nu 'sɔle- -yaa' pɛ klu -janwole ɛɛ? -Amasroyi -o -dan' 'kpalaa- -yaa' pɛ 'trɛ ta 'e ma."

³⁴'Bhe 'yi 'tɛ, 'ke Etiopi mi 'e -e Filipu 'lrɔkpale dɔɔ: "'E 'zoole- -a pe 'ŋ ni doo, -Waanbhaa' -lela' janwo mi 'e -yoo -we 'zi de 'gbu -la -le -gee' bhe ɛɛ? -Yoo -we 'zi -a 'gbu -la -le taa- -yoo -we 'zi mæe -bhæke' -la -le ɛɛ?"

³⁵'Bhe klele 'tɛ, 'ke Filipu Zesu a -Jan 'Nræle- 'e 'wole -a ni; 'ke -ya san -e -yaa -Waanbhaa' 'Sɛwɛ yrɛ 'la tape 'zi 'bhe ma.

³⁶-O -yaa ge 'zi -balo klelele, 'ke -o gele- 'tænle- tɔbhle do ma. 'Bhæ- Etiopi mi 'e pe Filipu ni dɔɔ: "-Yi -le -gɛ! -Mele 'a to 'bhæ- 'yaa sɔ 'ŋ 'wiinfele -yi 'læ- ba Zesu 'tɔ 'yi ɛɛ?"

((³⁷'Bhe 'yi 'tɛ, 'ke Filipu 'a 'pele -a ni dɔɔ: "'Ke 'yee =kpa -a -yi kpataakpa 'bhii- Zesu Krisi -le 'ke -Waanbhaa' Gbe 'e 'le, 'bhæ- 'ŋ nu 'sɔle- 'e 'wiinfele -yi 'læ- ba." 'Bhæ- 'yee- Etiopi mi 'e -ya -lɛkwan dɔɔ: "-Aani', 'mi 'kpale- -o -a -yi 'bhii- Zesu Krisi -le 'ke -Waanbhaa' Gbe 'e 'le."))

³⁸'Bhe klele 'tɛ, 'ke -ya pele- 'kaa -o yaa wi -soo' -goŋ 'e dula-, 'bhæ- 'ke Filipu 'pegee 'yee- Etiopi mi 'e gele- -yi 'e ba, 'bhæ- 'ke Filipu 'a 'wiinfele -yi 'e ba 'tɛ.

³⁹-O 'pwēle- blaani -yi 'e ba, 'ke Mēezan Lii 'e Filipu 'sile 'a -din, 'ke 'bhē gele- Filipu 'le. Etiopi mi 'e 'yre 'laa 'kpale- -a ma 'ezin- -titi, 'bhē- 'duŋ- -e -ja -yaa' 'taa 'e ta -a zrukpaale 'le.

⁴⁰Filipu -ja -a 'gbu 'yele- Azōti -wa 'e ta. 'Bhē- -e -yaa Zesu a -Jan 'Nrāle- 'e 'wo zii' mēē mu 'e ni -wa 'tōle- -wa 'bhē ta: 'ke -ya san Azōti, 'bhē- 'kee- ge 'tēnlē- Sezare -wa 'e ma.

Klēza Mu 9

¹'Bhē 'waati 'e ba, Sōlu -yaa -gblaani =kla zii' Mēezan Zesu a -klanlanē mu 'e 'yi 'ezin- dōo 'ke -yoo =kwan -e nu -o dele. 'Bhēla- -yile 'kee- gele- 'tēnlē- 'sraka 'lēna mi -kuŋlii gbalaani 'e ma.

²'Bhē- 'ke -ya pele- 'bhē ni dōo 'bhē 'sēwē mu 'kpa 'a 'kōo; -e -yaa zi 'bhii- -e ge 'bhē 'sēwē 'e 'na Zuufu mu daanfē' -kuŋlii mu 'e ni Damasi -wa 'e ta. 'Ke 'bhē =kla 'kee- mēē 'oo mēē 'la zan =ya 'bhē daanfē' mu 'e =la, 'ke 'mu -o Mēezan Zesu a zi drēē 'e ta, 'kee- =kla 'gwalaani- 'le oo, 'kee- =kla le 'le oo, -e sō 'mu 'kunle, 'bhē- -e 'mu yre; 'bhē- -e nu 'mu 'le Zeruzalēmu.

³'Bhē ya 'e 'yi, 'yee- Sōlu ge bhla zi Damasi 'taa 'e ta, -e bhōlawoa 'bhē -wa 'e -din, 'ke 'tēbhile -yrayra do dale- laanima blaale-, 'bhē- 'ke 'bhē 'bhile- 'e zēnlē- -a zi.

⁴'Bhē klēle 'tē, 'kee- baale' 'trē ma, 'bhē- 'kee- -weli' do male- dōo: "Sōlu, Sōlu, -mēle -kla, 'bhē- 'yoo- -yrenkpa' zii' 'ŋ ta ēē?"

⁵'Bhē- 'ke 'yee- Sōlu -za 'yilrōkpale dōo: "-Dele 'e 'le ēē, Mēezan?" 'Bhē- 'bhē -weli' 'e pe 'yee- Sōlu ni dōo: "'Yoo- -yrenkpa' zii' 'mi Zesu -la ta bhē.

⁶'Duŋ- 'e 'wlen-, 'bhē- ge 'e 'lēē Damasi -wa 'e ta. 'E nu -za 'la klēle -o nu 'bhē 'yaanpele 'e ni 'bhē =nōo."

⁷'Duŋ- mēē 'la zan mu 'pegee 'yee- Sōlu -yaa ge 'zi 'eke- zi 'yee- Damasi 'taa 'e ta, 'mu 'srinna- -gbalaani 'e 'kōo, 'bhē- 'mu tagale =bwa. -O 'trōn 'yaa- mēē -weli' 'e ma; 'duŋ- -o -yre 'laa -yaa mēē 'kedo- 'kpō ma.

⁸'Bhē klēle 'tē, 'yee- Sōlu 'e 'wlenle-, 'ke -ya -yre 'liiploole; 'duŋ- yaa -yaa yre ma ye. -Ayile 'ke -wa 'kunle -a gbē ma, 'bhē- 'ke -o gele- 'kēle- Damasi -wa 'e ta.

⁹-A -yre 'liitanle =bwa -yrekpa' yaga ta, yaa pe bhlele, 'bhē- yaa -yi 'milē-.

¹⁰'Bhē 'waati 'e ba, Zesu a -klanlanē do -yaa Damasi, -o -yaa 'bhē sii Ananiasi. 'Bhē Mēezan Zesu =ya -yre zi ye do 'yi, 'bhē- 'bhē 'a 'siila- dōo: "Ananiasi!" 'Bhē- -e 'bhē 'siiwli- 'e 'lēkwan- dōo: "Oo, 'ŋ 'gbu -le -gē, Mēezan!"

¹¹'Bhē- Mēezan pe -a ni dōo: "'E 'wlen-, 'bhē- ge blaale- -gbleba 'la -wa sii: '-gbleba 'lēdōole' 'bhē ta. Ge wla Zudasi ba 'fē 'e =la. 'Kee- =wlaa -a =nōo, 'gwalaani- do malrōkpa, -wa sii Sōlu, 'kee- da Taasi -wa 'e ta. 'E nu bhōle -a ta 'ke -ya 'seriwo zii',

¹²'bhē- -o mēē 'la zan sii Ananiasi, -e 'bhē =ya -yre zi ye do 'yi. 'Bhē- 'bhē =nwa wlalē -a ta, 'ke 'bhē 'e gbēkpale -a -yrebhē' mu 'e ta 'kooko- -e 'sō yre ma yele- 'ezin-."

- 13'Bhɛ klɛlɛ 'tɛ, 'kɛ Ananiasi 'a 'pɛlɛ dɔɔ: "'E! Mɛɛzan, 'an =maa mɛɛ -bebe ta dɔɔ 'yɛɛ-mɛɛ 'la bhɛ -e -za 'yɔɔ- -bebe =kla 'yaa- pɛ mɛɛ 'wɛŋ mu 'ɛ ni Zeruzalɛmu.
- 14'Bhɛɛ- Zeruzalɛmu 'sraka 'lɛna -kunjlii mu 'ɛ 'bhɛ 'sɛŋ =naa -a ni dɔɔ -e nu Damasi -gɛ, 'kooko- 'kɛɛ- mɛɛ 'oo mɛɛ 'la zan mu =ya 'kɛ 'mu 'ɛ kpa 'ɛ 'tɔ 'ɛ 'yi, -e 'bhɛ zan mu 'kun, 'bhɛɛ- -yoo yre.”
- 15'Duŋ- Mɛɛzan Zesu pɛ a ni dɔɔ: "Gɛ a ba, -amasrɔyi 'mi -lɛ 'a makwan-, 'kooko- -e yewo 'mi ni; -e nu 'mi 'tɔ 'ɛ zrɔnlɛ 'si 'bhɛɛkɛ mu ni, 'bhɛ 'pɛgɛɛ 'mu ta -bhɛŋgɛ mu 'ɛ ni; 'bhɛɛ- -e nu 'mi 'tɔ 'ɛ zrɔnlɛ Izraɛli mɛɛ mu 'ɛ ni 'ezin-.
- 16-E nu -yɛrɛn mu 'la 'bhɛlɛ- 'mi -zayi, 'mi 'gbu nu 'mu 'kpɛn zrɔnlɛ -a ni.”
- 17'Bhɛ klɛlɛ 'tɛ, 'kɛ Ananiasi gɛlɛ-, 'bhɛɛ- 'kɛɛ- wlalɛ- Zudasi 'a 'fɛ 'ɛ =la. 'Bhɛɛ- 'kɛ -ya gbɛ 'kpalɛ Sɔlu ta, 'bhɛɛ- 'kɛ -ya pɛlɛ- dɔɔ: "'D nɛɛnɛ- Sɔlu, Mɛɛzan Zesu 'la 'pwɛla- 'ɛ ba zi 'ɛ 'lii, 'bhɛ -lɛ 'ŋ 'winbwa- 'ɛ ta, 'kooko- 'ɛ sɔ yɛɛ ma yɛ gbɛ drɛwɔlɛ 'ezin-, 'bhɛɛ- 'ɛ sɔ 'palɛ 'kɛ Lii 'Wɛŋ 'ɛ 'lɛ.”
- 18'Bhɛ yɛɛ dɔ 'kpɔ 'ɛ =nɔɔ bhɛ, 'kɛ pɛ 'kɛ mu goɛ- Sɔlu 'yɛɛ ba, 'bhɛɛ- 'kɛ 'mu baalɛ- 'bhii- kaa kloɔ mu gbɛɛn-, 'bhɛɛ- 'kɛɛ- yɛɛ ma yɛlɛ- 'ezin-. 'Bhɛɛ- -ya -wɛnlɛ', 'kɛ -wa wiɛŋfɛlɛ -yi ba Zesu Krisi 'tɔ 'yi.
- 19'Bhɛ blaɛn, 'kɛɛ- pɛ bhɛlɛ-, 'bhɛɛ- 'kɛ faŋŋan- dɔlɛ- -a ta. Sɔlu =bwa Damasi, 'bhɛɛ- -e -yɛɛkpaa' 'dama =kla Zesu a -kɛlɛŋlɛnɛ mu 'ɛ -din.
- 20'Bhɛ 'waati dɔ 'ɛ =nɔɔ bhɛ, 'kɛ Sɔlu -Waanbhaa' a -Jan 'Nrɛlɛ- 'ɛ 'wɔlɛ 'sanlɛ Zuufu mu daanfɛ' mu 'ɛ =la, dɔɔ Zesu -lɛ -yaa 'kɛ -Waanbhaa' Gbɛ 'ɛ 'lɛ.
- 21'Mɛɛ 'la zan mu -yaa -a wojan mu 'ɛ 'ma zii', -e 'mu 'kɛɛlɛnɛ, 'bhɛɛ- 'mu 'yaa- pɛ 'zi dɔɔ: "Mɛɛ 'lɛɛ- 'yɛlɛ- 'laa -yaa -yɛɛkpaa' zii' mɛɛ 'la zan mu -yaa Zesu 'tɔ 'ɛ wɔ 'zi Zeruzalɛmu -wa 'ɛ ta 'mu ta ɛɛ? 'Bhɛɛ- yaa nulɛ -gɛ 'yɛɛ- Zesu 'yi mu 'ɛ 'wɔla- 'kaama- ɛɛ? 'Bhɛɛ- -yaa nulɛ 'wɔla- 'kun zayi', 'kɛ -yoo yre, 'bhɛɛ- -e gɛ -o -lɛ 'sraka 'lɛ na -kunjlii mu 'ɛ ta Zeruzalɛmu -wa 'ɛ ta yɛ ɛɛ?”
- 22'Duŋ- yi 'oo yi, faŋŋan- baan' 'yaa- dɔ 'zi Sɔlu ta; 'bhɛɛ- -e -yaa' -Waanbhaa' a -jan 'ɛ 'wɔ zii' faŋŋan- ma. 'Bhɛɛ- 'kɛɛ- -yaa pɛ Zuufu mu 'la 'yaa- Damasi 'mu ni dɔɔ Zesu -lɛ 'kɛ Mɛɛ -Bhɛɛ Mi Krisi 'ɛ 'lɛ, 'mu 'liibhaalɛ -yaa bo 'mu ma.
- 23'Bhɛɛ- 'duŋ- -yɛɛkpaa' 'dama 'kanlɛ-, 'kɛ Damasi Zuufu mu 'ɛ -wa 'kpalɛ dɔ ma dɔɔ -o Sɔlu dɛlɛ-.
- 24'Duŋ- -o 'du 'la =kpaa Sɔlu ma, mɛɛ 'kɛ mu 'a 'kɛɛlɛkɛan 'bhɛ ma. Mɛɛ mu 'ɛ 'yaa- -o -yɛɛkpaa' zii' -waa' -wa 'kɛɛ 'wɛlɛyɛ- mu 'ɛ ba -yɛɛkpaa' 'pɛgɛɛ -bi zi, 'kooko- 'kɛ -o Sɔlu =ya -wa dɛ.
- 25'Bhɛ klɛlɛ 'tɛ -bi dɔ zi, 'kɛ Sɔlu zi mu 'ɛ -wa bɔlɛ ciɛ dɔ 'yi, 'bhɛɛ- 'kɛ -o 'sanlɛ 'kɛlɛ- 'fɛgɛwɛlɛ- 'ɛ ta; 'bhɛɛ- 'kɛ -wa zinɛlɛ 'fɛ gwɛlɛ 'ɛ -zanta'.
- 26'Bhɛ blaɛn, Sɔlu -ja Zeruzalɛmu. -E bhɔlɛ 'bhɛ =nɔɔ 'tɛ, 'kɛ -ya pɛlɛ- dɔɔ -e gɛlɛ Zesu a -kɛlɛŋlɛnɛ mu 'ɛ ba; 'duŋ- 'mu 'kpɛn 'yaa- -gbɛlɛn 'zi -a -lɛɛ. -Amasrɔyi 'bhɛ mu 'kpalɛ- laa -yaa -yi 'bhii- -e -kla 'kɛ Zesu a -kɛlɛŋlɛnɛ kɛlɛŋlɛnɛ dɔ 'lɛ.

- 27'Bhɛ klɛlɛ 'tɛ, 'kɛ Banabasi gele- 'yɛɛ- Sɔlu 'lɛ -a zi Zɛsu a 'winbɔwo mu 'ɛ ba. 'Bhɛɛ- -e Mɛɛzan =ya gɔnɛ- 'la gbɛɛn- Damasi zi 'ɛ 'lii, 'bhɛɛ- 'bhɛ -janwoa -a ni gɔnɛ- 'la gbɛɛn-, Banabasi 'bhɛ -za mu 'ɛ 'yigɔɔnna -o ni. 'Bhɛɛ- 'ezin- Sɔlu Mɛɛzan a -Jan 'Nrɛle- 'ɛ =woa mɔkpen' 'yrɛ ma gɔnɛ- 'la gbɛɛn- Damasi -wa 'ɛ ta 'kɛ yaa gbɛɛn, Banabasi 'bhɛ -za 'ɛ 'kpen 'yigɔɔnna -o ni.
- 28-A 'san 'bhɛ yi 'ɛ ma, Sɔlu =bwa Zɛsu a winbɔwo mu 'ɛ zi. 'Bhɛɛ- -o 'pegee 'mu =yaa 'ɛkɛ- zi 'kɛ -o ge Zeruzalɛmu -wa 'ɛ 'kpee yrɛkpen- =nɔɔ, -Jan 'Nrɛle- 'ɛ 'wɔlɛlɛ mɛɛ mu 'ɛ ni -o zru ba -dɔɔ 'lɛ Mɛɛzan 'tɔ 'ɛ 'yi.
- 29'Bhɛ 'yi bhɛ, Zuufu mu 'la =yaa Grɛki wli pe, 'yɛɛ- 'pegee 'mu 'yaa- zaabɔ - Waanbhaa' a -jan 'ɛ ta; 'bhɛla- -za 'yilɛ- 'mu =yaa -a dɛ yrɛ -glin 'zi.
- 30'Bhɛ klɛlɛ 'tɛ, -a nɛɛnɛ- Zɛsu 'yi mu 'ɛ 'mu 'bhɛ 'male, 'kɛ 'mu gele- 'kɛlɛ- Sezare -wa 'ɛ ta, 'bhɛ blaɛn 'kɛ -wa pele- -a ni dɔɔ -e ge Taasi.
- 31'Kɛɛ- san 'bhɛ 'waati 'ɛ ma, Zude 'klɛn 'ɛ 'pegee Galilɛ 'klɛn 'ɛ, 'bhɛɛ- Samari 'klɛn 'ɛ 'yi Zɛsu 'yi mu 'ɛ 'kpen 'yaa- yilabla 'yi. Fangan- -yaa -o ta, 'bhɛɛ- -o -yaa gbɛɛn Mɛɛzan -Waanbhaa' -lɛɛ. -Waanbhaa' Lii 'Wɛŋ 'la 'yaa- bhɔ 'zi -o ba, -o baan' 'yaa- =kla zii' -o ba.
- 32'Pieri -yaa 'kaan zii' 'kɛɛ- Zɛsu 'yi mu 'ɛ taglin yrɛkpen- =nɔɔ. -Yrɛkpaɛ' do, -e -ja Zɛsu 'yi mu 'ɛ 'kɛ mu taglinlɛ -wa do ta, -o -yaa 'bhɛ -wa 'ɛ sii Lida.
- 33-E =bhwa 'bhɛ =nɔɔ mɛɛ do ta. 'Bhɛ lɛɛ 'srwaa- -lɛ -yaa bhɛ 'kɛ 'bhɛ yilɛlɛ -o ga 'ɛ 'kɔɔ 'bhɛ 'yila- -saa 'ɛ ta. -O -yaa 'bhɛ mɛɛ 'ɛ sii Ene. -E -yaa 'kɛ -flugba 'lɛ.
- 34'Bhɛ 'yi, 'kɛ Pieri 'a 'pele -a ni dɔɔ: "Ene, Zɛsu Krisi 'ɛ 'bhɛla-! 'E 'wlɛn- 'bhɛɛ- 'ɛ 'yila- -saa 'ɛ 'si." 'Bhɛ yrɛ do 'kpɔ 'ɛ =nɔɔ bhɛ, 'kɛ -ya -wlɛnle'.
- 35'Bhɛla- -yilɛ, 'kɛ Lida -wa 'ɛ ta mu 'ɛ 'pegee Sarɔn -gbanglo 'yi mu 'ɛ 'kpen 'yɛɛ- mɛɛ 'ɛ 'bhɛɛ- yeɛlɛ-, 'kɛ -woo 'kpale Mɛɛzan Krisi 'yi 'bhɛɛ- 'kɛ -woo 'gbu 'nale- 'bhɛ ni.
- 36'Le do -yaa Zope -wa 'ɛ ta Zɛsu a -kɛɛɛɛ mu 'ɛ ba, -o -yaa 'bhɛ sii Tabita; -o -yaa 'bhɛ 'tɔ 'ɛ pe 'ezin- Grɛki wli 'ɛ 'yi dɔɔ Dɔɔkasi; 'bhɛ 'yi -lɛ dɔɔ: "Zaan". 'Bhɛ lɛ 'ɛ 'yaa- -za 'wlan -bebe klɛ mɛɛ mu ni 'bhɛɛ- -e -yaa bhɔ 'kɔɔflɛŋzan mu 'ɛ ba.
- 37'Pieri -yaa 'waati 'la ba Lida -wa 'ɛ ta, 'kɛ ga 'yɛɛ- Dɔɔkasi 'kunle, 'bhɛɛ- 'kɛɛ- gale-. - O yanle -a gbaa 'ɛ 'fɛlɛlɛ, 'kɛ -o sɔ 'kpale 'bhɛ ma, 'bhɛɛ- 'kɛ -o gele- 'bhɛ 'kpaalɛ- 'sangaso 'kpee 'ɛ do =la.
- 38'Zope 'pegee Lida -wa mu 'ɛ 'plɛngolɛ 'la 'yaa- 'ɛkɛ- ma 'ɛgbɔɔnle bhɛ, Zɛsu 'yi mu 'la 'yaa- Zope -wa 'ɛ ta, 'mu 'a 'male- 'kaa Pieri =nwa Lida -wa 'ɛ ta, 'kɛ 'mu mɛɛ plɛ winbɔlɛ -a ta dɔɔ 'mu -sromabɔ -a ni, 'bhɛɛ- -e nu blaalɛ- 'saanibhɛ -o ta.
- 39'Bhɛ klɛlɛ 'tɛ, 'kɛ 'woo- mɛɛ plɛ 'ɛ gele Pieri 'siilɛ- 'bhɛ yrɛ do 'ɛ =nɔɔ bhɛ, 'kɛ 'yɛɛ- Pieri 'ɛ 'wlɛnle- 'kɛɛ- nule- -o zi. -O bhɔlɛ Zope, 'kɛ -o gele Pieri 'lɛ Dɔɔkasi gbaa 'ɛ =yaa 'sangaso 'kpee 'la =la 'bhɛ =nɔɔ. 'Bhɛɛ-, 'kɛ glɛɛnle mu 'ɛ 'kpen -o mabɛɛnle 'yɛɛ- Pieri -din 'bhɛɛ- 'kɛ -o wisilɛ. 'Yɛɛ- Dɔɔkasi dunɛ- mu 'pegee dunɛ- tralape mu 'la 'srala- -o ni -e -yaa -a -yrɛ ma 'waati 'la ba, 'kɛ -o 'mu 'kpen zɔnle- Pieri ni.

⁴⁰'Bhɛ 'yi 'tɛ, 'ke Pieri mɛɛ mu 'ɛ 'kɔn 'pwele 'pɛlii-, 'bhɛɛ- 'ke -ya 'kpɔ zɛnle- 'trɛ ma, 'ke -ya 'seriwole -Waanbhaa' ni. 'Bhɛ blaɛn, 'ke -ya -lɛklale gbaa 'ɛ ta, 'bhɛɛ- 'ke -ya pele- dɔɔ: "Tabita, 'e 'wɛn-!" 'Bhɛ klɛle 'tɛ, 'ke Tabita 'e 'yrɛ 'liiploole, 'kee- Pieri 'yele, 'bhɛɛ- 'kee- yaale'.

⁴¹-Ayile, 'ke Pieri 'a 'kunle -a gbɛ ma 'bhɛɛ- 'ke -ya -lawɛnle. 'Bhɛ blaɛn, 'ke Pieri Zesu 'yi mu 'ɛ 'pegee glaɛnle mu 'ɛ 'siile, 'bhɛɛ- 'kee- Dɔɔkasi 'yrɛ male 'ɛ zɔnle- -o 'kɔn ni.

⁴²Zope -wa 'ɛ ta mu 'ɛ 'kɔn 'yee- Dɔɔkasi bweza 'ɛ gale ba 'ɛ 'bhɛ =maa; 'bhɛɛ- mɛɛ -bebe 'e =kpaa Mɛɛzan Zesu 'yi.

⁴³'Bhɛ blaɛn, 'ke Pieri bole- Zope 'waati sa. -E =bwa -zeri mi do ba, -o -yaa 'bhɛ sii Simɔ.

Klɛza Mu 10

¹Mɛɛ do -yaa Sezare, -o -yaa 'bhɛ sii Kɔɔnɛɛ. -E -yaa 'ke Romɛ mu a -srwase' -kunlii do 'le -srwase' 'lɛdo- ta, -o -yaa 'bhɛ -srwase' 'lɛdo- 'ɛ sii: "Itali -srwase' 'lɛdo-".

²-E -yaa gbɛlaɛn -Waanbhaa' -lɛɛ, 'bhɛɛ- -e -yaa -Waanbhaa' gba 'yee- 'pegee -yaa' 'fa =la mu 'ɛ 'kɔn. 'Bhɛɛ- -e -yaa bhɔ 'ebebele Zuufu mu 'ɛ -waa' 'kɔɔflɛnzɛn mu 'ɛ ba -a 'kɔɔpɛ- mu 'le, 'bhɛɛ- -e -yaa 'seriwo -Waanbhaa' ni 'waati 'ɛ 'kɔn ba.

³Yi do 'le, 'ke -yrekpaa' -naa gban 'kanle 'lɛrɛ bhɛ yaga, 'bhɛ bhla 'ɛ ba, 'ke -yrɛ zi yeke do 'klale -a -yrɛ ba. 'Bhɛ -yrɛ zi yeke 'ɛ 'yi, -a -yrekpaa kpataakpa -Waanbhaa' a -mlɛkɛ' do ma, 'ke 'bhɛ 'wlale -a ta, 'bhɛɛ- 'bhɛ 'a 'siila- dɔɔ: "Kɔɔnɛɛ!"

⁴-Ya -yrekpale -mlɛkɛ' 'ɛ ta siinj -gbɛlaɛn 'ɛ 'kɔɔ, 'kee- 'bhɛ 'lɔkpale dɔɔ: "-Mele -kla ɛɛ Mɛɛzan?" -Mlɛkɛ' 'ɛ pe -a ni dɔɔ: "-Waanbhaa' 'yaa- 'seri mu 'ɛ 'lɛkwɛn-, 'bhɛ 'pegee 'e -za 'wɛn mu 'la klɛ 'kɔɔflɛnzɛn mu 'ɛ ni -e 'mu 'kɔn =ya, 'bhɛɛ- 'e -za -dwa -a 'kpee 'yaa- -za 'wɛn mu 'ɛ ma.

⁵-Ayile, mɛɛ mu winbɔ -zɔn Zope -wa 'ɛ ta, dɔɔ -o ge Pieri 'la -wa sii Simɔ 'bhɛ 'sii.

⁶-A zɛnle -o -zeri mi 'la -wa sii Simɔ 'bhɛɛ- ba; 'bhɛ a 'fɛ 'ɛ 'bhɛ -o wɛyi- 'ɛ 'lɛ ma."

⁷-Mlɛkɛ' 'ɛ 'yanle- 'bhɛ -jan 'ɛ 'wolele 'a ni, 'bhɛɛ- 'bhɛ gele blaɛn, 'ke 'yee- Kɔɔnɛɛ -yaa' 'fɛ 'ɛ =la yewonɛ plɛ 'siile, 'bhɛ 'pegee -a 'gbu gooba -srwase' mi 'la -Waanbhaa' -lɛɛgbɛlaɛn -yaa 'bhɛ 'yi bhe.

⁸'Bhɛɛ- -e -za 'la =ya, -e 'bhɛ 'kɔn 'yigɔɔnna -o ni, 'bhɛɛ- -yoo winbwa- Pieri ba Zope -wa 'ɛ ta, 'ke -o gele-.

⁹'Bhɛ ta tooklin- yi 'ɛ 'le, 'yee- Kɔɔnɛɛ a 'winbɔwo mu 'ɛ 'yaa- gelawo zii' -waa' 'taa 'ɛ ta, 'bhɛɛ- -o =bhwa Zope -wa 'ɛ -din 'waati 'la ba, -yrekpaa' bhɔ bhla 'e -din, 'bhɛ 'waati do 'kpɔ 'ɛ ba, Pieri -saan 'fɛ 'ɛ 'wiinj-, -a 'seriwo -zayi'.

¹⁰'Bhɛɛ- 'duj-, gbɔn -yaa 'yee- Pieri dɛ 'zi, 'bhɛɛ- -o -yaa -a -lewɛɛ' kpo klɛ 'zi 'waati 'la ba, 'ke -Waanbhaa' pɛ do zɔnle- -a ni -yrɛ zi yeke do 'yi.

- 11'Bhɛɛ- -e lafle' 'ɛ 'liigole 'pegee pɛ do =ya, 'bhɛ pɛ 'ɛ 'yaa- 'bhii- sɔgbɛ -gbɛnɛ do gbɛɛn-: 'bhɛ sɔgbɛ 'ɛ 'yrelɛ- -yaa 'bhɛ zɛŋ yizie 'ɛ ta, 'bhɛɛ- 'bhɛ 'yaa- da 'zi laanima 'ke 'bhɛ nu zinale 'trɛ ma.
- 12'Wi 'ɛ 'kpen -glɔɔn -yaa 'bhɛ sɔgbɛ 'ɛ 'yi: 'trɛ ta wi mu 'la 'kpen 'taawo- 'mu gaan yizie ta, 'bhɛ 'pegee 'trɛ ta wi mu 'la 'kpen glaan 'mu vi ta, 'bhɛɛ- 'si maanne- mu.
- 13'Bhɛ klɛle 'tɛ, 'ke mɛɛ -weli' do 'a 'pele Pieri ni dɔɔ: "'E 'wlen- 'bhɛɛ- wi mu 'la bhe -o dɛ, 'bhɛɛ- 'yoo- bhle!"
- 14'Bhɛ 'yi 'tɛ, 'ke Pieri 'a 'pele dɔɔ: "'Yooye-! Mɛɛzan, 'o mɔɔ Zuufu mu a 'seri 'toŋ 'ɛ ta, wi -glɔɔn mu 'lɛɛ- 'mu 'triŋ -o; -ayile 'naa -o 'kedo- 'kpɔ 'bhlele- -lido'."
- 15'Bhɛ 'yi bhe 'ezin-, mɛɛ -weli' 'ɛ -ya pɛ gbɛ plɛ mi =woa Pieri ni dɔɔ: "'Ke -Waanbhaa' 'a =pia pɛ 'la ma 'kaa 'bhɛ -o 'wɛŋ, 'bhi 'laa 'bhɛ 'yɛle- 'bhii- pɛ 'trigle-."
- 16-'E 'yee- mɛɛ -weli' 'ɛ =maa -glɔɔn yaga, 'bhɛɛ- 'yee- sɔgbɛ -gbɛnɛ 'ɛ -ja lafle' 'yi -a -zanta'.
- 17'Pieri zrubatedɔle -yaa, 'bhɛ 'pegee -e -yaa -a 'kpeeledan 'zi -e -yɛ zi yele 'la =ya 'bhɛ 'yi 'ɛ ma 'waati 'la ba, 'ke Kɔɔnɛɛ mɛɛ 'la zan mu winbwa- -a ta, 'mu wlale- Zope -wa 'ɛ ta. 'Bhɛ mu -zeri mi Simɔ a 'fɛ 'ɛ malrɔkpaa, 'ke -o gele- dulale 'bhɛ 'fɛ 'ɛ 'lɛ ma.
- 18'Ke -o mɛɛ mu -lrɔkpale dɔɔ: "-O Simɔ 'la sii Pieri -a zenle -o 'fɛ 'lɛɛ- 'bhɛɛ- =la -ge ɛɛ?"
- 19'Bhɛ 'waati 'ɛ ba, 'ke 'yee- Pieri -o -a 'kpeeledan 'zi -li -e pɛ 'la =ya 'bhɛ 'yi -o 'kela 'le 'bhɛ ma. 'Bhɛ 'yi 'tɛ, 'ke Lii 'Wɛŋ 'ɛ -ya pele- -a ni dɔɔ: "'E 'yɛkpa laale doo, mɛɛ yaga -o 'e ziglin- 'zi.
- 20'E 'wlen-, zina- 'trɛ ma, 'bhɛɛ- 'bhi 'pegee 'woo- mɛɛ mu 'ɛ 'ka ge 'eke- zi 'saanibhe; 'yaa 'e -gbɛdɔle gele ma -o zi. -Amasroyi 'mi -le -o winbwa- 'e ta."
- 21'Bhɛ klɛle 'tɛ, 'ke Pieri zinale, 'kee- gele- 'woo- mɛɛ mu 'ɛ ta; 'bhɛɛ- -e pe -o ni dɔɔ: "'Ka -o mɛɛ 'la zan -glin 'zi 'mi -le 'kɛle-, 'bhɛɛ- 'ka =nwa win 'ɛ -dela ma -ge ɛɛ?"
- 22-'Ayile, 'ke -wa zikpale Pieri ni dɔɔ: "-Srɛwase' mu -kunlii 'la -wa sii Kɔɔnɛɛ 'bhɛ -le 'o 'winbwa= 'e ta. Mɛɛ wlan -le 'kɛle-, 'bhɛɛ- -e gbalaan -Waanbhaa' -lɛɛ, 'bhɛɛ- Zuufu mu 'ɛ 'kpen 'a 'tɔ wlan pɛ. 'Bhɛɛ- 'duŋ-, -Waanbhaa' a -mlɛkɛ' do 'a =pia -a ni dɔɔ -yoo 'e 'sii -a ba 'fɛ 'lɛ ma, 'kooko- -e sɔ 'e 'wojan- mu 'ɛ 'ke 'male."
- 23'Bhɛ klɛle 'tɛ, 'ke Pieri -o wlale- 'fɛ 'ɛ =la; 'ke -yoo 'ciɛya- klɛle- 'bhɛ -bi do 'kpɔ 'ɛ zi. 'Bhɛ ta tooklin- yi 'le, 'ke Pieri 'pegee 'woo- mɛɛ mu 'ɛ -o dɔle- Sezare 'taa 'ɛ ta. 'Duŋ- -a nɛɛnɛ- Zesu 'yi mu 'la 'yaa- Zope 'mu 'ke mu -ja -o zi 'bhɛ 'taa 'ɛ ta.
- 24'Pieri 'pegee -a zi mu 'ɛ =wlaa Sezare -wa 'ɛ ta -yɛkpa' plɛ mi 'ɛ ma. Kɔɔnɛɛ 'pegee -a -bhoo mu 'ɛ, 'bhɛɛ- -a bhɛgwlen mu 'ɛ, -o 'kpen 'yaa- Pieri 'magben- 'zi 'yee- Kɔɔnɛɛ 'gbu ba -lɛ ma.
- 25'Pieri 'yaa- zan wlale bhla 'la ba Kɔɔnɛɛ a 'fɛ 'ɛ =la, 'ke 'yee- Kɔɔnɛɛ 'gbu Pieri 'pubɔle, 'kee- baale' -a 'kpɔ ta 'bhɛ gaan -la.

- 26'Duŋ- Pieri 'a 'lawlenna, 'ke 'bhe 'a 'pele -a ni dɔɔ: "'Yooye-, 'e 'wlen-! 'Yaa- 'ŋ 'kunle- 'bhii- -Waanbhaa', 'mi -o 'ke bhaapleŋ drɔŋ -la -le 'bhii- 'bhi gbɛɛn-."
- 27'Bhe 'yi 'tɛ, 'yee- Kɔɔnɛɛ 'pegee Pieri -ja wlale 'fɛ 'ɛ =la -balo klelele; -e =bhwa mɛɛ -bebe ta 'bhe =nɔɔ ye.
- 28'Pieri pe -o ni dɔɔ: "'Ka 'gbu 'a 'yaango- dɔɔ Zuufu mu a 'seri 'ɛ ta, Zuufu mi -kpɔsɔɔ do 'pegee Zuufu kle do -o dɔ laa -o 'eke- ta -za 'kedo- 'kpɔ 'yi, 'bheɛ- Zuufu mi laa sɔ wlale- Zuufu kle do ba 'fa =la. 'Duŋ- -Waanbhaa' 'a -zɔɔna 'mi ni dɔɔ 'naa bhaapleŋ 'kedo- 'kpɔ 'kunle- 'bhii- bhaapleŋ 'triŋle- 'le, 'ke 'mi 'ŋ 'pleŋgo- -a ma.
- 29'Bhela- -zayile, 'ka 'ŋ 'siilawoa 'naa 'ŋ -gbɛdɔle nule ma 'ka ba, 'bheɛ- 'ŋ =nwa blaale- . 'Duŋ- 'ka 'ŋ 'siila- win 'la ma, -ka 'bhe pe 'ŋ ni."
- 30'Bhe klele 'tɛ, 'ke Kɔɔnɛɛ 'a 'pele 'a ni dɔɔ: "'Bhe -yrekpa' yizie -le -gɛ -zɔn, 'ŋ 'yaa- yromazi 'seri 'ɛ kle 'zi 'waati 'la ba 'bhii- 'waati 'lɛɛ- ba. 'Bheɛ- 'bhe 'waati do 'kpɔ 'ɛ ba, 'ŋ bhe 'mi 'ŋ 'yrekpa, 'ke mɛɛ do 'pwele 'ŋ 'lɛɛ: -a ta dune- 'ɛ 'yaa- 'epu -yrayrale. 'Bheɛ- -ya =pia 'ŋ ni dɔɔ:
- 31'Kɔɔnɛɛ, -Waanbhaa' 'yaa- 'seri mu 'ɛ 'lɛkwan- 'bheɛ- 'e -za 'wlan mu 'la kle 'kɔɔfleŋzan mu 'ɛ ni, 'e -za -dwa -a 'kpee 'bhe -za 'wlan mu 'ɛ ma.
- 32'Mɛɛ mu winbɔ blaale- Zope, -o Simɔ 'la sii Pieri 'bhe 'sii zayi'. -A zenle -o -zeri mi Simɔ 'ɛ ba, 'bheɛ- 'bhe a 'fɛ 'ɛ -yoo weyi- 'ɛ 'lɛ ma.'
- 33'Bhela- -zayile, 'ŋ mɛɛ mu winbwa- 'e 'siyre- nɔɔ- blaale-. 'D 'cie-, 'e nule ma! 'O 'kpen -o -zɔn -Waanbhaa' -lɛɛ -gɛ; Mɛɛzan -jan 'la =kpaa 'e 'lii 'kaa 'e 'bhe 'wo 'o ni, 'o =nwa 'o 'trɔnkpale 'bheɛ- 'kpen =la."
- 34'Bhe klele 'tɛ, 'ke Pieri -jan 'ɛ 'wole- 'sanle dɔɔ: "'Mi 'gbu 'a 'yaango- wlan 'ɛ ni -zɔn 'bhii- -Waanbhaa' laa bhaapleŋ mu bago.
- 35'Drɔɔn', 'si 'tɔle- 'si, 'bhe 'pegee mɛɛ 'tɔle- mɛɛ, 'ke 'bhe gblaɛn -Waanbhaa' -lɛɛ; 'ke 'bhe zan 'ɛ 'lɛdɔle -o -a -yre 'yi, 'bhe zan -la -za sɔ -a ni.
- 36-E -jan 'nrɛle- 'la =woa Izraeli mu 'ɛ ni 'bhe -le Zesu Krisi yilabla 'la =kpaa -Waanbhaa' 'pegee bhaapleŋ mu pleŋ- 'bhe 'le. 'Bhe Zesu 'ɛ 'bhe -le bhaapleŋ mu 'kpen Zan 'le.
- 37-Za mu 'la =kla -gɛ Zude 'kleɛn 'ɛ 'kpen 'yi, 'kee- san Galile 'kleɛn 'ɛ ma, 'ka mu 'gbu 'bhe -za mu 'ɛ dɔ. 'Bhe -za mu 'ɛ =kla Mɛɛ Wiifɛ' Mi Zaan 'yaa- mɛɛ mu 'ɛ 'sii zii' -o wiifɛ zayi' -yi 'ɛ ba 'waati 'la ba, 'bheɛ- 'waati 'ɛ blaɛn.
- 38-Waanbhaa' Nazareti mi Zesu makwan- gɔnɛ- 'la gbɛɛn-, 'bheɛ- -e Lii 'Weŋ 'ɛ -zinaa' -a ta, 'bhe 'pegee -e -glɔɔya' -naa -a ni gɔnɛ- 'la gbɛɛn-, 'ka 'gbu 'bhe dɔ. 'Yee- Zesu 'yaa- ge yrekpen- =nɔɔ 'kee- ge -za 'wlan mu klelele mɛɛ mu ni, 'bhe 'pegee mɛɛ 'la zan mu 'kpen 'yaa- -Setran' a luya 'yi, -e -yaa 'mu 'kpen bhee, 'ke -yoo go 'bhe luya 'ɛ 'yi; -amasrɔyi -Waanbhaa' -yaa -a zi.

³⁹Zesu -za mu 'la 'kpen =kla Zuufu mu 'ε -waa' 'klɛn 'kpen 'yi, 'bhɛ 'pegee Zeruzalemu -wa 'ε 'kpee, 'o mɔɔ 'gbu -o 'ke 'bhɛ -za mu 'ε 'srɛ 'le. -Wa =dia, 'ke -wa gbaan -yrigbɛɛle 'ε ta.

⁴⁰Duŋ- -Waanbhaa' 'a -bwela gale ba -a gale blaana -yrekpaa' yaga mi 'ε ma, 'bhɛ- -ya =kla 'ke -ya 'gbu 'yrɛ male 'ε zɔn mɛɛ mu ni.

⁴¹-Waanbhaa' 'laa 'tolɛ- 'ke Zuufu mu 'ε 'kpen 'a ye, 'ke yaa 'e go -yoo 'o mɔɔ 'la makwan- 'elwale gban -sɔ 'bhii- -a 'srɛ mu 'mu ba. 'O pɛbhla- 'eke- zi 'kɛle-, 'bhɛ 'pegee 'o -yi =mia 'eke- zi 'kɛle- -a bwele blaana gale ba.

⁴²'Yee- Zesu -le 'a =pia 'o mɔɔ 'gbu ni dɔɔ 'o -yaa' -jan 'ε 'wo mɛɛ mu 'ε 'kpen ni; 'bhɛ- -ya =pia 'o ni dɔɔ 'wa 'pe mɛɛ mu 'ε ni 'kaa -Waanbhaa' 'yela- =kla mɛɛ -yrɛ male mu 'pegee mɛɛ 'la zan mu -gaa gban 'mu 'kitikan mi 'le.

⁴³-Waanbhaa' -lela janwo mu 'ε 'kpen 'yela- a -janwoa dɔɔ 'ke mɛɛ 'oo mɛɛ 'la zan 'ε =kpaa -a -yi -e 'bhɛ zan a -za 'yɔɔ- mu 'ε -sroma yan -a 'tɔ -glɔɔya' 'ε 'srɔyi."

⁴⁴Pieri -yaa -janwo' zii' bhla 'la ba, 'ke Lii 'Wɛŋ 'ε zinale mɛɛ 'la zan mu 'kpen 'yaa- 'mu 'trɔnkpa zii' -a ni 'mu ta.

⁴⁵'Bhɛ klɛle 'tɛ, Zesu 'yi mu 'la 'yaa- 'ke Zuufu mu 'le, 'bhɛ- 'ke 'mu -daa Pieri zi Zope, 'mu 'kpeelɛnia 'egbɛnɛle. -Amasrɔyi -Waanbhaa' Lii 'Wɛŋ 'la =naa, -ya -zinaa' 'ezin- Zuufu kle mu 'ε ta.

⁴⁶-Amasrɔyi, 'woo- Zuufu Zesu 'yi mu 'ε 'yaa- 'mu 'ye zii' 'ke 'mu wli -bhɛɛke' mu 'pe, 'bhɛ 'pegee 'ke 'mu -Waanbhaa' a -gbɛneya 'ε 'tɔbhɔ.

⁴⁷'Bhɛla- -yile, 'ke Pieri 'a 'pele dɔɔ: "Mɛɛ 'la zan mu Lii 'Wɛŋ 'ε 'srɔɔwoa- 'bhii- -kɔɔ' mu gbɛɛn-, 'o sɔ 'o -banɔgole 'bhɛ zan mu 'ε wiinjɛle ma -yi ba ɛɛ?"

⁴⁸'Bhɛ 'yi 'tɛ, 'ke -ya pele- dɔɔ -o 'woo- Zuufu kle mu 'ε 'wiinjɛ- -yi ba Zesu Krisi 'tɔ 'ε 'yi. 'Bhɛ blaana, 'ke -o -sromabɔle Pieri ni dɔɔ 'bhɛ bo -o -din -yrekpaa' sa -la.

Klɛza Mu 11

¹Zesu a winbɔwo mu 'ε 'pegee Zesu 'yi mu 'la 'yaa- Zude 'klɛn 'ε 'yi, 'mu 'a =maa dɔɔ Zuufu kle 'ke mu -dwa -Waanbhaa' a -jan 'ε =la 'ezin-.

²Pieri 'nule- Zeruzalemu, 'ke Zesu 'yi Zuufu -kpɔsɔɔ mu 'ε 'lale 'a ta,

³'Bhɛ- 'mu pe -a ni dɔɔ: "-Mɛla ma 'e -ja Zuufu kle mu ba, 'bhɛ- 'ka 'pegee 'mu pɛbhla- 'eke- ta ɛɛ?"

⁴'Bhɛ klɛle 'tɛ, 'ke Pieri dɔle- 'yee- -za 'ε 'kpen 'yigɔɔnle zi -o ni do do.

⁵-E pe dɔɔ: "'D 'yaa- Zope -wa 'ε ta 'waati 'la ba, 'bhɛ- 'ɲ 'yaa- 'ɲ 'seriwo zii', 'ke 'ɲ -za do ye- -yrɛ zi ye 'yi. 'Bhɛ- 'ɲ 'yrekpaa- pɛ do zinale ma, 'bhɛ 'yaa- 'bhii- sɔgbɛ -gbɛnɛ do: -a -yrele' -yaa -a zɛŋ yizie 'ε ta. -E -yaa da 'zi laanima 'bhɛ- 'kee- nu 'ɲ ba -yrɛ ta.

- 6'Mi 'η 'yrekpa- -a ta siij, 'ke 'an 'yiglin-; -ayile 'ke 'η wi 'ε 'kpen -gloon 'yele -a -yi: wi mu 'la 'taawo- 'mu gaan yizie ta oo, srɔpe mu oo, wi mu 'la glaan 'mu vi ta oo, 'bhe 'pegee 'si maanne- mu.
- 7'Bhe 'yi 'te, 'ke 'η mɛɛ -weli' do male- dɔɔ: 'Pieri 'e 'wlen-, wi mu 'la bhe -o de, 'bheɛ- 'yoo- bhle!'
- 8'Bheɛ- 'duj-, 'an 'lekwan- dɔɔ: "Yooye- Mɛɛzan, Zuufu mu wi 'oo wi 'la ye 'bhii- 'o 'soon 'le 'waa- 'toŋ mu 'ε ta, 'naa 'bhe wi 'ε do 'kpɔ 'bhleɛ- -lido".
- 9'Ezin- 'η 'yee- mɛɛ -weli' 'ε =maa -a -we gbɛ plɛ mi 'ε 'yi 'kee- da lafle' 'yi, 'bheɛ- -e pe 'η ni dɔɔ: "Ke -Waanbhaa' 'a =pia pɛ 'la ma dɔɔ pɛ 'weŋ, 'bhi 'laa 'pele- 'bhe ma dɔɔ 'bhe 'triŋ- -o'.
- 10'Bhe =kla -gloon yaga 'ke 'η 'yee- mɛɛ -weli' 'ε ma, 'bheɛ- -a yaga mi 'ε blaen, 'bheɛ- 'yee- sɔgbɛ -gbɛnɛ 'ε 'pegee -a -yi pɛ mu 'ε 'kpen -ja lafle' 'yi.
- 11'Bhe 'waati do 'kpɔ 'ε ba, 'η 'yaa- 'fɛ 'la 'bhe =la, 'ke mɛɛ yaga nule- dulale 'bhe 'le ma; -woo winbwa- 'mi ba, 'bheɛ- -o -yaa da Sezare -wa 'ε ta.
- 12'Bhe klele 'te, 'ke Lii 'Weŋ 'ε -ya pele- 'η ni dɔɔ 'η ge -o zi blaale-. -Ayile 'ke 'mi 'pegee 'woo- mɛɛ mu 'ε 'o gele- 'eke- zi Sezare -wa 'ε ta. -Kɔɔ' nɛnɛ- 'srwado- 'la 'wole- -gɛ, 'o 'pegee 'mu -le -ja 'eke- zi -a nɔɔ-; 'bheɛ- 'o -ja wlale Kɔɔnɛɛ ba 'fa =la.
- 13'Yee- Kɔɔnɛɛ 'gbu -mlɛkɛ' do -ya gɔnɛ- 'la gbɛnɛ- -yaa' 'fɛ 'ε =la, -e 'bhe 'yigɔonna 'o ni. 'Bheɛ- -e pe dɔɔ -mlɛkɛ' 'ε 'bhe 'a =pia -a ni dɔɔ: 'Mɛɛ mu winbɔ Zope, -o Simɔ 'la sii Pieri 'bhe 'sii zayi'.
- 14-E nu -jan mu 'la 'wole- 'e ni, 'bhi 'pegee 'e ba 'fa =la mu 'ε 'ka nu gole -za 'yi 'bheɛ- -jan mu 'ε ma.'
- 15'D -janwole 'sanle -o ni -gun, 'ke Lii 'Weŋ 'ε zinale -o ta 'bhii- -a -lwa -zinaa' -kɔɔ' mu ta gɔnɛ- 'la gbɛnɛ- -a zisan' bhla 'ε zi.
- 16'Bhe klele 'te, Mɛɛzan -jan 'la =woa 'elwale -sɔ 'ke 'bhe dɔle- 'η 'kpee, 'bhe -jan 'ε 'bhe -le dɔɔ: 'Mɛɛ Wiinjfe' Mi Zaan mɛɛ mu 'wiinjfia= -yi ba, 'duj- -Waanbhaa' nu 'ka mu 'pale- 'ke Lii 'Weŋ 'ε 'bheɛ- 'le'.
- 17'Bheɛ- 'duj-, -kɔɔ' -kɔɔ' 'kpalawoa Mɛɛzan Zesu Krisi 'yi, 'bheɛ- -Waanbhaa' -kɔɔ' mu -gbaa pɛ 'la ba; -yoo -gbaa 'bheɛ- pɛ yɛkɛ- do 'kpɔ 'ε ba 'ezin-. 'Bhe bhla 'ε ba, 'mi -o 'ke -mela -le 'bheɛ- 'mi 'η -banjo' -Waanbhaa' zru maza klele 'yi ɛɛ?"
- 18-O yanle Pieri 'wojan- mu 'ε 'malele, 'bheɛ- 'ke -o tagale bole-; drɔɔn' -o -Waanbhaa' 'tɔbhɔle -saan 'ke -wa pe dɔɔ: "Wlan 'ε ni, -Waanbhaa' -dwa -a -la 'ke Zuufu kle mu ploo -waa -za 'yɔɔ- mu 'ε ma, 'bheɛ- -woo 'gbu na -Waanbhaa' ni, 'kooko- -o sɔ bole -yɛ ma -si 'ε 'srɔwɔle."
- 19'Etieni gale blaen, 'bheɛ- -o -yaa -yrɛn 'la 'kpa zii' Zesu 'yi mu 'ε ta, 'ke -o piilale 'eke- ma. 'Bhela- -yile, 'ke -o 'ke mu gele- Fenisi 'klɛn 'ε 'yi, 'bheɛ- -o 'ke -ja Sipru 'klɛn 'la 'ke weyi- 'mliŋgole -o 'bhe zi 'bhe 'yi, 'bhe 'pegee Antioxi -wa 'ε ta. 'Duj- -o -yaa -Waanbhaa a -Jan 'Nrale- 'ε 'wo zii' Zuufu mu 'te -la ni.

- 20'Bhɛɛ- 'duŋ-, Zesu 'yi mu 'ɛ 'kɛ mu 'la 'yaa- da Sipru 'pegee Sireni, 'mu -ja Antiosi Mɛɛzan Zesu a -Jan -Nrale' 'ɛ 'wolɛ- Zuufu kle mu 'ɛ ni 'ezin-.
- 21Mɛɛzan a -glɔɔya' 'ɛ 'yaa- -o ta, 'bhɛla- -yile mɛɛ -bebe -o =kpaɔ Zesu 'yi, 'bhɛɛ- -woo zru -niinaa' Mɛɛzan -Waanbhaa' ba.
- 22'Bhɛ klele 'tɛ, 'ke Zeruzalemu Zesu 'yi mu -lɛdo' 'ɛ 'bhɛ -jan 'ɛ 'male, 'ke -o Banabasi winbɔle Antiosi.
- 23Banabasi 'bhɔle- Antiosi, 'bhɛɛ- -Waanbhaa' 'bhɛ =nɔɔ Zesu 'yi mu 'ɛ 'dumawoa gɔnɛ- 'la gbɛɛn-, 'bhɛ 'a zrukpalaa. 'Bhɛɛ- -e zruwlaa- -o 'kpee dɔɔ -o 'kpen zru bo do Mɛɛzan ni, 'bhɛɛ- -o blɔɔle bo 'bhɛ ma 'eglɔɔle.
- 24'Yee- Banabasi 'gbu 'yaa- 'ke mɛɛ wlan do 'le, 'bhɛ 'pegee -a 'pale- -yaa 'ke Lii 'Wɛŋ 'ɛ 'le; 'bhɛɛ- -a 'kpale- -yaa Mɛɛzan 'yi 'egbenele. Mɛɛ -bebe 'mu 'gbu =naa Mɛɛzan ni.
- 25Banabasi -ja Sɔlu ziglinle Taasi -wa 'ɛ ta.
- 26-E 'tɛnle- Sɔlu ma 'bhɛ -wa 'ɛ ta, 'kee- nule- 'bhɛ 'le Antiosi. 'Bhɛɛ- -o lɛɛ do -gaa 'bhɛ =nɔɔ Zesu 'yi mu -lɛdo' 'ɛ 'le. -O mɛɛ -bebe -daanna -Waanbhaa' a -jan 'ɛ 'le 'bhɛ =nɔɔ. 'Yee- Antiosi -wa 'ɛ 'yela- ta, 'bhɛɛ- -o Zesu a -klanlanɛ mu 'ɛ =lwa -siila 'Krisi 'yi mu'.
- 27'Bhɛ 'waati 'ɛ ba, -Waanbhaa' -lɛla' janwo mu 'ke mu -daa Zeruzalemu, 'bhɛɛ- 'mu -ja Antiosi.
- 28-O -yaa -o do sii Agabusi, 'bhɛɛ- 'bhɛ 'ɛ 'wɛnle-, 'ke 'bhɛ 'a 'pele Lii 'Wɛŋ a 'seŋ 'le dɔɔ: "-Gu -gbenɛ do nu dɔle 'trɛ 'ɛ 'kpen ta." 'Bhɛ -jan 'ɛ =kla 'ke wlan 'le. 'Yee- -gu -gbenɛ 'ɛ =bhwa 'ke Klodi -o 'ke Romɛ mu a -bhɛŋgbɛ -gbenɛ 'le 'bhɛ 'waati 'ɛ ba.
- 29'Bhɛ 'yi 'tɛ, 'ke Zesu a -klanlanɛ mu 'la 'yaa- Antiosi -wa 'ɛ ta, 'ke -wa 'kpale do ma 'kaa -o 'kpen do do 'seŋ sɔ -za yɛkɛ- 'la ta, -o nu -o gbɛ 'klale- 'eke- ta, 'bhɛɛ- -o bhɔ -o nɛnɛnɛ- mu 'la 'yaa- Zude 'klɛn 'ɛ 'yi 'mu ba.
- 30'Bhɛɛ- -o 'bhɛ =kla 'tɛ. -Ayile -woo gbeklaa- 'eke- ta, 'bhɛɛ- -o Zude 'klɛn 'yi Zesu 'yi mu 'ɛ glaan' mu -kpaɔ Banabasi 'pegee Sɔlu 'kɔɔ, 'kaa 'mu ge 'bhɛ glaan' mu 'ɛ 'lɛna 'woo- Zude =nɔɔ Zesu 'yi mu 'ɛ waa zilɛɛ- mu 'ɛ ni.

Klɛza Mu 12

- 1'Bhɛ 'waati do 'kpɔ 'ɛ ba, 'ke -bhɛŋgbɛ Erɔdi -yrenkpale 'sanle Zesu 'yi mu -lɛdo' 'ɛ 'ke mu ta.
- 2-Ya =pia mɛɛ mu 'ɛ ni dɔɔ 'mu Zaan nɛnɛnɛ- 'gwlaan- Zaki de 'ke -gɔkuŋ' 'le, 'bhɛɛ- 'mu 'bhɛ =kla.
- 3'Yee- Erɔdi 'a 'yele 'bhii- 'bhɛ =swa Zuufu mu 'ɛ ni, 'ke -ya pele- 'ezin- dɔɔ -o Pieri 'kun. 'Bhɛ =kla Zuufu mu a 'bluu 'wɛn- kle bhle 'feti 'ɛ 'bhɛɛ- ta.

- 4-O yanle Pieri 'kunlele, 'ke -wa bole- -kaso 'yi. 'Bhæ- 'ke -o -srwase' yizie dulayre yizie yaale' -a gooba. -E -yaa zi 'bhii- -o Pieri 'kitikan Zuufu mu 'e 'kpen 'yre ma 'ke Paki 'feti yi 'e =kaan, 'bhæ- -o -kpan balaa' -a ta -a de zayi'.
- 5'Bhe 'yi, Pieri =bwa -so -kaso 'e 'yi; 'Bhæ- 'duŋ-, Zesu 'yi mu -ledo' -bhæke' mu 'la =yaa Zeruzalemu 'mu=yaa 'mu 'seriwo zii' 'mu nii- 'e 'kpen 'le -Waanbhaa' ni 'yee- Pieri a -za ma 'waati 'e 'kpen ba.
- 6'Erōdi -yaa nu Pieri 'kitikanle yi 'la 'le, 'bhe -bi 'e zi 'yee- Pieri 'gbu 'yaa- yide 'zi -srwase' mi ple pleŋ-. -A -yirele' -yaa 'ke piibhe kpele- mu 'le -srwase' mi ple 'e pleŋ-, 'bhæ- -a gooba -srwase' ple dulale -yaa -kaso 'fe 'e 'lii.
- 7'Bhe klele 'te, 'ke Mæzan a -mleke' do 'pwele -a -yi blaale- 'yee- Pieri ba -yaa' -kaso 'fekpeene 'e =la, 'bhe 'pegee 'ke 'tebhile do wlale- 'bhe -kaso 'fekpeene 'e =la. 'Bhæ- 'ke -mleke' 'e -ya gbe yanle 'yee- Pieri 'sien na, 'kee- bwele-. 'Bhæ- 'ke 'bhe 'a 'pele 'a ni doo: "'E 'wlen- blaale-!" 'Bhe klele 'te, piibhe kpele- mu 'la =yaa 'yee- Pieri gbe ma 'mu 'kpen takaan-, 'bhæ- 'mu -balaa'.
- 8-Ayile 'ke -mleke' -ya pele- -a ni doo: "'Yaa- 'sentru 'e do 'e 'saanla, 'bhæ- 'yaa- -sawla mu 'e 'wla 'e gaan ma." Pieri 'yanle- 'bhe mu klelele, 'ke -mleke' -ya pele- -a ni 'ezin- doo: "'Yaa- dun- tralape 'e =kla 'e ta, 'bhæ- nu do 'ŋ zi."
- 9'Bhe klele 'te, Pieri 'pwele -yaa' -kaso 'fekpeene 'e =la, 'kee- dole- -mleke' 'e zi. -E =kla bi -a ni 'bhii- -mleke' 'yaa- -za 'la kle 'zi 'bhe 'yaa- 'bhe kle 'zi -yre zi yele -la -yi, 'bhæ- 'bhe 'laa -yaa 'bhe kle 'zi kpataakpa.
- 10-O -kaan -a gooba -srwase' 'le =lwa mi 'e ta, 'bhæ- -o -kaan -a -le ple mi 'e ta; 'bhæ- 'ke -o 'tenle -kaso 'fe 'e 'lii piibhe 'koŋ 'la 'leklale -yaa -wa 'e ba -yre ta 'bhe ma. 'Bhæ- 'ke 'bhe 'liigole 'bhe 'gbu ma -o -lee. 'Bhæ- 'ke -o 'pwele, 'ke -o 'taawole 'sanle -gbleba 'e ta. 'Bhe klele 'te, 'bhe yre do 'kpɔ 'e =noo bhe, 'ke -mleke' 'e 'nile Pieri 'yre ba.
- 11-Mleke' 'e gele blaani', 'ke Pieri nii- 'e zenle- -a ta, 'bhæ- 'ke -ya pele- doo: "'An 'yaango -zon kpataakpa 'bhii- Mæzan -Waanbhaa' -yaa' -mleke' do =kpa 'mi go zayi' Erōdi 'koo, 'bhæ- Zuufu mu 'e 'yaa- zan -za 'yoo- 'la 'kpen klele 'mi ni, -e 'mi -gwa 'bhe 'yi."
- 12Pieri 'a 'yele- 'bhii- -e -pwela -kaso 'e 'yi kpataakpa, 'ke -ya -ledoole Zaan 'la -o 'bhe 'tokpa- Maki 'bhe nee Mari ba -le ma. Mæ- bebe 'klale- -yaa 'eke- ba Mari a 'fe 'e =la 'ke -woo 'seriwo -Waanbhaa' ni 'yee- Pieri a -za ma.
- 13-E bhole Mari ba -le ma, 'kee- kəkōdele 'bhe a 'felii 'koŋ 'e ta. 'Yee- Mari a yewo le -ne 'la -o -yaa 'bhe sii Rōdi, 'bhe =nwa 'fe 'liikon 'e -din -a -liigo' zayi'.
- 14'Bhe 'yee- Pieri 'weli- 'e madole, 'bhæ- 'bhe -yilablawa gbe -yoo 'e 'koo, 'fe 'e 'lii goza =nia 'bhe 'kpee. 'Ke 'bhe blasanle, 'kee- gele- -a pele 'fe 'e =la mu 'e ni doo Pieri -o 'pælii-.
- 15'Bhe klele 'te, 'ke -wa pele- 'bhe yewo le -ne 'e ni doo: "-Kwa -le 'e 'yi ee?" 'Duŋ- 'bhe pe 'bhe 'sowæ- 'e ma doo Pieri -le 'kele- kpataakpa. 'Bhela- -yile 'ke -wa pele- doo: "-A tagbin -mleke' -le 'kele-."

- 16'Duŋ- 'bhe bhla 'e ba, 'ke Pieri bole -o kəkədəle 'e ma 'fē 'e 'lii. 'Bhe 'yi 'tē, 'ke -wa -liigole, 'bhē- 'ke -wa yele-. -Ayile 'ke -o 'kpen 'kpeelenile 'kee- kan -a -daŋ' ta.
- 17'Bhe klēle 'tē, 'ke Pieri 'e gbē -lawlenle 'kaa -woo taga; 'bhē- -e -za 'e 'kpen 'yigōonna -o ni. Mēezan 'a 'pwela- gōnē- 'la gbēen- -kaso 'fē 'e =la, -e 'bhe 'yigōonna -o ni. 'Bhē- -e pe -o ni dōo: "-Ka ge 'ŋ 'pweza- 'e -kaso 'e 'yi, 'bhe 'wo Zaki 'pegee -kōo' nēnē- -vin mu 'e ni." 'Bhe blaen, 'kee- gele- yre -bhēeke' do nōo-.
- 18'Tooklinle, 'ke -srwase' mu 'e -o zrubatədəle Pieri ba zayi'. -Amasroyi -e -ja yre 'la =nōo, waa -yaa 'bhe dō.
- 19'Bhe ya 'e 'yi, 'ke Erōdi mēē mu winbōle Pieri ziglin- yre nōo-. 'Bhē- 'duŋ-, waa -a yelē. 'Bhē- 'ke -ya gooba -srwase' mu 'e 'siile 'kee- 'mu 'lrōkpale. 'Bhe blaen, 'ke -ya pele- dōo -woo 'kpen dē. -O yanle 'bhe klēle 'le, 'ke 'yee- Erōdi 'gbu gole- Zude 'klēn 'e 'yi, 'kee- gele- Sezare -wa 'e ta; 'bhē- 'kee- bole- 'bhe =nōo 'waati sa ba.
- 20'Duŋ- Erōdi zrupliile -yaa Tiri 'pegee Sidōn mu 'e ma. -Ayile, -e -yaa 'waati 'la ba Sezare 'ke 'bhe -wa plē 'e ta mu 'e 'mu 'a 'kpale do ma, 'bhē- 'ke 'mu mēē mu winbōle -a ta. -Srwase' mi 'la 'yaa- 'e 'yrekpa 'yee- Erōdi 'yi 'fē 'e ba, -woo bhēgwlenya =kpaa 'bhe ma. -O -yaa 'bhe sii Blasitusi. 'Bhe ya 'e 'yi, 'ke -o gele- -a pele -bhlēngbe Erōdi ni dōo -o 'ploo- gwle 'e ma. -Amasroyi -o bhle pele mu 'e 'kpen =yaa da 'yee- -bhlēngbe Erōdi a 'klēn 'e 'bhē- 'yi.
- 21-O yi 'la 'bhe -dwa 'eke- ye yi 'le, 'bhe yi 'e 'bhōle- 'tē, 'ke 'yee- Erōdi -yaa' -bhlēngbe dūnē- 'e 'klale -a ta; 'bhē- 'kee- yaale' -yaa' -bhlēngbe 'yaakpe- 'e ta. 'Bhē- 'kee- -janwole -zamaa' 'e ni.
- 22-E yanle -janwolele 'tē, 'ke mēē mu 'e 'kpen 'e gbədəle -a ni, 'bhē- 'ke -wa pele- dōo: "Bhaapleŋ -weli' laa 'keleē- 'le, -waanbhaanē do -la -weli' -le 'kele-!"
- 23'Duŋ- 'bhe yre do 'kpō 'e =nōo bhe, 'bhe 'pegee 'bhe 'waati do 'kpō 'e ba, 'ke Mēezan a -mlēke' do ga do 'kpale 'yee- Erōdi ma. -Amasroyi -e -Waanbhaa' a 'tōbhōleya 'e =kpaa -a 'gbu ma. -Wlennē' mu 'a =bhla, 'bhē- -e -gaa.
- 24'Duŋ- -Waanbhaa' a -Jan 'Nrāle- 'e 'wole 'e 'yaa- zen 'zi yrekpen- =nōo. 'Bhē- Zesu a -klanlanē mu 'e baan' 'yaa- 'kla zii' -a ba.
- 25'Banabasi 'pegee Sōlu 'yanle- Zeruzalemu Zesu 'yi mu 'e glaan' mu 'nalele -o ni, 'ke -o niinale -o -zanta'. -O ge bhla 'e zi, -o -yaa Zaan 'la sii Maki 'ke -o 'pegee 'mu gele- 'eke- zi.

Klēza Mu 13

1-Waanbhaa' a -lēla' janwo mu 'pegee -Waanbhaa' a 'Sēwē 'e daan mu 'ke mu -yaa Zesu 'yi mu -lēdo' 'la =yaa Antioxi -wa 'e ta 'mu ba: -o -yaa -a do sii Banabasi, 'bhē- -o -yaa -a do sii Simeōn, -o 'bhe 'tōkpaa- "Mēē ti". 'Bhē- -o -yaa -a do sii Lusisi ('bhe 'yaa- da Sireni -wa 'e ta), 'bhē- -o -yaa -a do sii Manaēni (-o 'bhe 'pegee -bhlēngbe Erōdi 'trola- 'eke- zi), 'bhē- Sōlu.

- 2-Yrekpaa' do, -o -yaa Meezan -Waanbhaa' gba 'zi 'ke -o 'suɲwla, 'ke Lii 'Weɲ 'e -ya pele- -o ni dɔɔ: "-Ka Banabasi 'pegee Sɔlu 'kpa 'edaɲma 'ɲ ni 'ɲ -o -siila 'an ye 'la 'kaama- 'bhe 'wo -zayi'."
- 3>Zesu 'yi mu 'e -o 'bhe 'male, 'ke -woo 'seriwole -Waanbhaa' ni -waa' -za ma, 'bhɛɛ- 'ke -o 'suɲwlale. 'Bhe blaana 'ke -woo gbɛkpale 'yee- Banabasi 'pegee Sɔlu ta, 'ke -o 'ploole -o ma dɔɔ -o ge Waanbhaa a ye 'e 'wo.
- 4'Bhe 'yi, Lii 'Weɲ Banabasi 'pegee Sɔlu 'winbwa-, 'bhɛla- -yile 'ke -o gele- Selesi -wa 'e ta. 'Bhe blaana, 'ke -o gele- -batonj' 'yi Sipru 'kleen 'e 'yi: weyi- 'mliɲgole -yaa 'bhe 'kleen 'e zi.
- 5-O bhɔle- Salamini -wa 'e ta, 'ke -o -Waanbhaa' a -jan 'e 'wole- Zuufu mu 'e daanfɛ' mu 'e =la. Zaan Maki -yaa -o zi 'ke 'bhe bhɔ -o ba.
- 6-O kanaa' Sipru 'kleen 'e 'yi yrekpɛn- =nɔɔ, 'bhɛɛ- -o -ja 'tenlɛ- Pafɔsi -wa 'e ma. 'Bhe =nɔɔ bhe, 'ke -o 'zina 'tan mi do yele-: -o -yaa 'bhe sii Baa Zesu. Zuufu 'mi do 'le -yaa 'ke 'bhe 'le, 'bhɛɛ- 'bhe 'yaa- pe 'bhe 'gbu ma bhla ma dɔɔ 'bhe -o 'ke -Waanbhaa' -lɛla' janwo mi do 'le.
- 7'Yee- 'zina 'tan mi 'e 'yaa- Sipru 'kleen 'e ta -janmatii 'e zi 'taɲii. 'Bhe -janmatii 'e 'tɔ -le -yaa dɔɔ Sɛɛgusi Pɔlusi, 'bhɛɛ- -zadɔ' mi -gbɛnɛ do -le -yaa 'bhe 'le. 'Bhe -janmatii 'e Banabasi 'pegee Sɔlu -siila, -amasrɔyi 'bhe 'yaa- zi 'bhii- 'bhe -Waanbhaa' a -jan 'e 'ke 'ma 'mu 'lii.
- 8-O -yaa 'yee- 'zina 'tan mi 'e sii Grɛki wli 'e 'yi dɔɔ Elimasi; 'bhɛɛ- -e zaabwa- Banabasi 'pegee Sɔlu 'lɛ ma, 'bhɛɛ- yaa -yaa zi 'bhii- Sipru -janmatii 'e 'bhe 'e 'kpa -Waanbhaa' 'yi.
- 9'Bhe klele 'tɛ Sɔlu 'la, -o -yaa -a sii 'ezin- Pɔlu, 'bhe 'pale- 'la =yaa 'ke Lii 'Weɲ 'e 'le bhe, 'bhe 'e -yrekpale frii 'yee- 'zina 'tan mi 'e ta 'ke 'bhe 'a 'pele 'a ni dɔɔ:
- 10"-Setran' mɛɛ, 'e 'pale 'la -yoo 'ke -dawli' maza 'e -glɔɔn 'e 'kpɛn 'pegee -yɔɔya' 'e 'kpɛn -glɔɔn 'le bhe; -za 'wlan za laa sɔ 'e ni! 'E nu 'ploole- Meezan a zi -ledɔɔle mu 'e 'siele ma 'waati 'e -dela ba ɛɛ?
- 11'E 'trɔnkpa -zɔn jan 'lɛɛ- =la: Meezan 'a gbɛ 'e 'wlɛnna- 'e 'kaama-, -ayile 'e 'yrɛ nu -wile', 'bhɛɛ- 'yaa nu -yretɛbhe -bhile' yeɛ 'waati sa." 'Bhe yrɛ do 'kpɔ 'e =nɔɔ bhe, 'ke -gblo 'kpale 'yee- Elimasi 'yrɛ ta, 'bhɛɛ- yaa -yaa sɔ yrɛ ma yele- -li: 'bhɛla- -yile -e =bwa -a gbɛ 'kaanle- ma -a 'gbu zi, 'kee- mɛɛ glin dɔɔ 'bhe 'kun 'a gbɛ ma, 'bhɛɛ- 'bhe -a geyrɛ 'e zrɔn -a ni.
- 12'Yee- -janmatii 'e 'bhe 'yele-, 'ke -ya 'kpale Zesu 'yi. -Amasrɔyi Pɔlu 'pegee Banabasi a mɛɛ daangbeya 'e Meezan ba za 'yi, 'bhe 'a zru 'e =kwan 'elrele 'gbu.
- 13'Bhe blaana, 'ke Pɔlu 'pegee -a 'taawoyɔɔn mu 'e -o bɔle- -batonj' 'yi, 'bhɛɛ- 'ke -o gele- Pafɔsi. 'Bhe blaana -o -ja Pɛɛzi -wa 'e ta Panfili 'kleen 'e 'yi. Zaan Maki -gwa -o zi 'bhe yrɛ 'e 'bhɛɛ- =nɔɔ, 'bhɛɛ- 'bhe -niinaa' Zeruzalɛmu.

- 14'Bhɛ blaɛn, -o gole Pɛɛzi, 'ke -o gele- Antiosi -wa 'ɛ ta Pisidi 'klɛn 'ɛ 'yi. 'Bhɛɛ- Zuufu mu -yitrɛ' yi 'ɛ ma, 'ke -o gele- wlalɛ Zuufu mu daanfɛ' 'ɛ =la, 'bhɛɛ- 'ke -o yaale' 'bhɛ =nɔɔ ye.
- 15'Bhɛɛ- -o yanle 'toŋ 'sɛwɛ 'ɛ 'pegee -Waanbhaa' -lɛla' janwo mu 'ɛ -waa' 'sɛwɛ mu 'ɛ tapelele, 'ke Zuufu mu daanfɛ' -kuŋlii mu 'ɛ mɛɛ mu winbɔle Pɔlu 'pegee -a zi mu 'ɛ ta 'kaa -wa pe 'mu ni dɔɔ: "'O nɛɛnɛ- mu, 'ke 'kaa- zi 'bhii- 'ka -jan 'ke 'wo 'waa- mɛɛ mu 'ɛ ni 'bhɛɛ- 'ka zruwla -o 'kpee, -ka 'bhɛ 'wo.'"
- 16'Bhɛ klɛle 'tɛ, 'ke Pɔlu 'e 'wlɛnle-, 'bhɛɛ- 'ke -ya gbɛ -lawlɛnle 'ke -ya pe mɛɛ mu 'ɛ ni 'kaa -woo 'trɔnbado, 'bhɛɛ- -e pe -o ni dɔɔ: "'D nɛɛnɛ- Izraɛli mu, 'bhɛ 'pegee 'ka mu 'la 'ka gbalaan -Waanbhaa' -lɛɛ, -ka 'ka 'trɔnkpa 'ŋ ni doo!
- 17-Kɔɔa' Izraɛli 'si mu 'lɛɛ- -waa' -Waanbhaa' 'ɛ, -e -kɔɔ' -gbɔɔ mu 'ɛ makwan-, 'bhɛɛ- -e -kɔɔ' 'si 'ɛ =kla 'ebebele, 'ke -woo Ezipu 'klɛn 'ɛ 'yi. -O yanle 'lɛɛ 'srɛ klɛlele 'bhɛ =nɔɔ, 'ke -yoo 'pwele 'bhɛ 'klɛn 'ɛ 'yi -yaa' -glɔɔya' 'ɛ 'le.
- 18'Bhɛɛ- -e =bwa -o -din, 'kee- bhɔ -o ba lɛɛ mia plɛ ta -kpe 'ɛ ta.
- 19'Bhɛ blaɛn, -ya =kla 'bhɛɛ- Izraɛli mu 'sɛngwa= 'si 'srwaplɛ- 'la 'yaa- Kanaa 'trɛ 'ɛ ta 'mu 'le, 'bhɛɛ- -e 'bhɛ 'si mu 'ɛ -waa' 'klɛn mu 'ɛ =kla 'ke -yaa' Izraɛli mu 'ɛ -waa' pe 'le, lɛɛ -kɛmɛ yizie 'ke lɛɛ mia plɛ bhɛ vu ta (450).
- 20'Bhɛ blaɛn, 'kee- 'kitikan mu 'kpale -o wiinj- 'kee- ge 'tɛnlɛ- 'fɔ -Waanbhaa' -lɛla' janwo mi Samiɛli a pe 'waati 'ɛ ma.
- 21'Bhɛ blaɛn 'ezin-, 'ke -o -bhɛngbe do -yrɛwole -Waanbhaa' ma; 'bhɛɛ- 'ke 'yee- -Waanbhaa' Kisi gbe Saulu 'kpale -o wiinj- 'ke -bhɛngbe 'le lɛɛ mia plɛ ta. Kisi -yaa da Benzame a pe -gbaa 'ɛ 'bhɛɛ- 'lii.
- 22-Waanbhaa' Saulu -gbinle' -o ta, 'kee- Davidi 'yaale -o ta 'bhii- -waa' -bhɛngbe 'le. 'Bhɛɛ- Davidi 'sɔ gbɛ -yɔɔ' 'ɛ 'kɔɔ -Waanbhaa' ni, 'ke -ya pele- 'bhɛ ma dɔɔ: "'D 'yoo- mɛɛ -glɔɔn 'la zi, 'ŋ 'bhɛɛ- 'srɔɔwoa=, 'bhɛ -le 'ke Izai gbe Davidi 'le. 'D zru ma mɛɛ -le 'kɛle-, 'bhɛɛ- 'yɛle- nu 'mi zru maza mu 'ɛ 'kpen klɛɛ.'
- 23'Bhɛɛ- -Waanbhaa' =nwa Mɛɛ -Bhee Mi do nalɛ Izraɛli 'si mu 'ɛ ni, 'bhɛ -daa Davidi a pe 'srɛ mu 'ɛ 'mu -la ba, 'bhii- 'yee- -Waanbhaa' 'gbu 'a 'liiwli- =naa 'bhɛ 'kpa zayi' gɔnɛ- 'la gbɛɛn-: 'bhɛ Mɛɛ -Bhee Mi 'ɛ 'bhɛ -le 'ke Zesu 'le.
- 24'Sani- Zesu 'nule- plɛŋ-, Zaan -Waanbhaa' a -jan 'ɛ =woa Izraɛli 'si mu 'ɛ ni; 'bhɛɛ- -ya =pia -o ni dɔɔ -o 'plo- waa -za 'yɔɔ- mu 'ɛ ma, 'bhɛɛ- -woo 'gbu na -Waanbhaa' ni, 'kooko- -e sɔ -o wiinjfele -yi ba.
- 25'Bhɛɛ- Zaan a pe 'trɛ ta bole -yaa zan yanle 'waati 'la ba, -e -yaa pe 'zi mɛɛ mu 'ɛ ni dɔɔ: "'Ka 'kpee ma, -dele 'mi 'le ɛɛ? 'Ka 'yri -o mɛɛ 'la zan nule ta, 'mi 'laa -o 'bhɛ zan 'ɛ 'le. 'Duŋ- -ka 'ka 'trɔnbado doo, mɛɛ do -o zan nule 'mi blaɛn; 'bhɛ gbalaan -yiya' 'mi ni, 'bhɛɛ- 'bhɛ wleyi' 'laa -o 'mi wleyi' ta 'ke 'an gaan ma -sawla bhɛ mu 'ploole- -yidan' ('bhii- lu mu 'a klɛ gɔnɛ- 'la gbɛɛn-).' “

- 26'Bhɛɛ- Pɔlu pe -o ni 'ezin- dɔɔ: "'D nɛɛɛ- mu, 'ka mu 'la 'ka -o Abraamu 'srɛ mu 'le, 'bhɛ 'pegee 'ka mu Zuufu kle mu 'la 'ka gbalaan -Waanbhaa' -lɛɛ. -Waanbhaa' 'yee- mɛɛ -bhɛɛ jan mu 'lɛɛ- =woa -kɔɔ' mu 'kpen -la ni.
- 27'Wlan 'gbu 'ɛ ni, Zuufu mu 'la -woo Zeruzalɛmu 'bhɛ 'pegee -waa' -kunlii mu 'ɛ, waa Zesu dɔlɛ 'bhii- 'yele- 'ke Mɛɛ -Bhee Mi 'ɛ 'le; 'bhɛɛ- -o -Waanbhaa' -lɛla' janwo mu 'ɛ 'mu a -jan mu 'la tape -yitrɛ' yi oo -yitrɛ' ma, waa 'mu 'yimale. 'Duŋ- -o kpan 'la -balaa' Zesu ta, 'bhɛ -Waanbhaa' -lɛla' janwo mu 'ɛ 'wojan- mu 'ɛ 'lɛswa=.
- 28'Ali- waa -za 'kedo- 'kpɔ 'yele- -a zi 'ke 'bhɛ kle -a dɛ win 'le, 'bhɛɛ- 'duŋ-, -wa =pia Pilati ni dɔɔ 'bhɛ 'a dɛ.
- 29'Bhɛɛ- -o yanle -za mu 'la 'kpen yɔɔndɛle -o -Waanbhaa' -lɛla' janwo mu 'ɛ -waa 'sɛwɛ 'ɛ mu 'ɛ 'yi Zesu ba za 'ɛ 'yi, 'mu 'kpen 'lɛsɔlele, 'ke -wa gbaa 'ɛ gole- -yirigbɛɛle 'ɛ ta; 'bhɛɛ- 'ke -wa binle- bu -gluu do 'yi.
- 30'Duŋ- -Waanbhaa' 'a -bwela gale ba.
- 31'Zesu bwele blaɛn gale ba, -e 'pwe gbɛ -glɔɔn -bebe =woa mɛɛ 'la zan mu -yaa -a mado mu 'le 'mu ba: mɛɛ 'la zan mu -yaa -a zi Galile 'trɛ 'ɛ ta, 'bhɛɛ- 'ke 'mu =nwa -a zi Zeruzalɛmu. 'Bhɛ zan mu -le -zɔn -a 'srɛ mu 'le 'ke 'mu -yaa' -jan 'ɛ wo Izraɛli mɛɛ mu 'ɛ ni.
- 32'O mɔɔ 'gbu -o 'bhɛɛ- -Jan 'Nrɛle- 'ɛ 'wo zii' 'ka ni -zɔn: 'bhɛ -le -Waanbhaa' 'bhɛ 'liiwli- -naa 'o -gbɔɔ mu ni pɛ 'la 'naza- ta 'bhɛɛ- 'le.
- 33'Yee- -Waanbhaa' 'a 'liiwli- -naa pɛ 'la 'naza- ta 'o -gbɔɔ mu ni, -e 'bhɛɛ- 'yizakla 'o mɔɔ -la ni, 'o mɔɔ 'la 'woo- 'ke 'mu 'kpee yi mu 'le bhɛ. -Waanbhaa' Zesu bwelawoa gale ba, 'bhii- -a yɔɔndɛle -o gɔnɛ- 'la gbɛɛn- 'Srokpa 'sɛwɛ 'ɛ 'le plɛ mi 'ɛ 'yi Zesu ba zayi' -ya =pia dɔɔ: "Mi -o -a zɔn 'zi -zɔn mɔkpen' ni 'bhii- 'yoo- 'ŋ Gbe -kpɔsɔɔ 'le, 'bhɛɛ- 'mi -o 'e Dɛ -kpɔsɔɔ 'le.'
- 34'-Waanbhaa' 'gbu 'a =pia 'elwale -sɔ dɔɔ -e nu -a bwele gale ba, 'kooko- -a gbaa 'ɛ yaa bɔn. -E 'bhɛɛ- ma janwoa- dɔɔ: 'Wlan 'ɛ ni, 'ŋ nu 'ka mu 'dumawole 'an mɛɛ mu 'bhii- 'mi 'ŋ 'liiwli- -naa Davidi ni gɔnɛ- 'la gbɛɛn- dɔɔ 'ŋ nu 'bhɛ klɛlɛ.'
- 35"'Bhɛla- -yile, Davidi 'a =pia 'bhɛ 'a 'Srokpa 'sɛwɛ 'ɛ 'yi yrɛ do nɔɔ- 'ezin- dɔɔ: "Yaa nu 'a 'tolɛ- 'ke 'yaa- pɛ mɛɛ 'weŋ 'ɛ gbaa 'ɛ bɔn bu -gluu 'ɛ 'yi.'
- 36"'Duŋ- Davidi 'la 'bhɛ -jan 'ɛ =woa, 'ke -ya -yrɛ ma -li 'waati 'la ba, 'bhɛ -Waanbhaa' zru maza =kla; 'bhɛɛ- 'bhɛ -gaa, 'bhɛɛ- -o 'bhɛ =bian 'bhɛ 'taa- mu 'ɛ -din, 'bhɛɛ- -a gbaa 'ɛ =bwan.
- 37'Duŋ- -Waanbhaa' Zesu 'la -bwela gale ba, 'bhɛ gbaa laa klɛlɛ 'ke bɔn pɛ 'le -titi.
- 38'Bhɛla- -zayile, 'ŋ nɛɛɛ- mu, -kaa 'yaango- 'bhii- -Waanbhaa' 'kaa- -za 'yɔɔ- mu 'ɛ -sroma yan Zesu -la 'srɔyi; 'bhɛɛ- 'woo- 'bhɛɛ- -jan 'ɛ 'wo zii' 'ka ni.
- 39'Duŋ- -Waanbhaa' laa -yaa sɔ 'kaa- -za 'yɔɔ- mu 'ɛ 'kpen -sroma 'yanle 'kaa- Moizi a 'toŋ mu 'ɛ 'klɔsikunle ma, 'bhɛɛ- 'ka 'lɛdɔle klɛ 'yee- -Waanbhaa' -yrɛ 'yi; 'duŋ- 'ke 'ka

ba mɛɛ 'la zan 'e =kpaɛ Zesu 'yi, -Waanbhaa' 'bɛɛ zan a -za 'yɔɔ- mu 'ɛ -sroma yan. 'Bɛɛ- 'bɛɛ zan -lɛdɔɔle nu klɛɛ -a -yrɛ 'yi, Zesu 'srɔyi.

40' Bɛɛ 'yi, -ka 'ka 'yɛkpa 'ka 'gbu ba 'elɛɛ, 'ka 'laa klɛɛ 'kooko- -Waanbhaa' a -lɛɛɛ janwo mu 'ɛ -jan 'la =woa, 'bɛɛ 'yi -za 'tɛn 'ka mu ma, 'bɛɛ -za 'ɛ 'bɛɛ -le dɔɔ:

41'-Ka 'ka 'yɛkpa doo, 'ka mu 'la 'ka -o -Waanbhaa' a wlan 'ɛ malrɔgo 'zi, 'ka 'kpeelenile nu klɛɛ, 'bɛɛ- 'ka ga! -Amasrɔyi 'ŋ 'yoo- zan -za do klɛɛ 'kaa- pɛ 'waati 'ɛ ba, 'bɛɛ- 'ka 'laa nu 'ka 'kpale- -a 'yi; 'ali- 'ke -wa -yigɔɔnna 'ka ni.' “

42' Pɔlu 'pegee Banabasi 'pwe bhla 'ɛ zi Zuufu mu 'ɛ daanfɛ' 'ɛ =la, 'ke -o -sromabɔle -o ni dɔɔ -o nu 'yee- -jan yɛkɛ- do 'kpɔ 'ɛ 'wo -o ni -yitrɛ' yi -bɛɛke' do ma.

43'-Waa' 'kɔɔkɛba 'ɛ 'yanle, 'ke Zuufu mu -bebe 'pegee Zuufu kle mu 'la =wlaa Zuufu mu a 'seri 'ɛ 'yi, 'mu 'kpɛn dɔle- Pɔlu 'pegee Banabasi zi. 'Mu zruwlaa- -o 'kpee dɔɔ -o blɔɔle bo -Waanbhaa' a -lileya 'ɛ ma.

44'-Yitrɛ' yi -bɛɛke' do 'ɛ 'bhɔle-, 'ke -wa 'ɛ ta mu 'ɛ 'kpɛn 'klale 'eke- ba Mɛɛzan a -Jan 'Nrɛle- 'ɛ 'ma zayi' Pɔlu 'pegee Banabasi mu ta.

45' Bɛɛ kleɛ 'tɛ, Zuufu mu 'ɛ -yɛkpaɛ 'bɛɛ -zamaa' 'srɛ 'ɛ ma, 'ke -o zranwɔle Pɔlu 'pegee Banabasi ba 'egbenele, 'bɛɛ- 'ke -o zaabɔle Pɔlu 'lɛ ma -a wojan mu 'ɛ ta 'ke -wa -zwanwo'.

46'-Ayile, Pɔlu 'pegee Banabasi 'a =pia -o ni 'mu zrubakpaale 'le dɔɔ: "-Waanbhaa' 'a 'lɛdulaa dɔɔ -o -yaa -Jan 'ɛ 'wo 'ka mu -la ni 'elwale 'pe. 'Duŋ- 'ka -o 'ka -baŋ 'la 'wo zii' -a -yi bɛɛ, 'bɛɛ- 'ka -o 'ka 'gbu 'ye zii' 'bhii- -a -gaale' laa -o 'ka ba 'ke 'ka bole -yrɛ ma -si 'la -daŋ' 'laa -o -a ma 'bɛɛ 'srɔwo-. -Ka 'ka 'trɔnbado doo, 'o nu niinale Zuufu kle mu 'ɛ ba, 'bɛɛ- 'o 'yee- -Jan 'Nrɛle- 'ɛ wo 'mu ni.

47'-Amasrɔyi Mɛɛzan -Waanbhaa' 'bɛɛ- =pia 'o ni -yaa' 'Sewɛ 'ɛ yrɛ do nɔɔ- dɔɔ: "Mi 'e =kla 'si mu 'ɛ ta 'tɛbhile 'le. 'Mi pe 'e ni dɔɔ 'e ge mɛɛ -bɛɛ ma jan 'ɛ 'wo mɛɛ mu 'ɛ 'kpɛn ni 'ke 'bɛɛ ge 'tɛnle- 'drunyan -daŋ' ma yrɛ gbɔɔn mu 'ɛ 'kpɛn =nɔɔ.' “

48' Zuufu kle mu 'ɛ 'mu 'bɛɛ -jan 'ɛ 'male-, 'ke zrukpaɛ' zinale 'mu ta, 'ke -o Mɛɛzan a -Jan 'ɛ 'tɔbhɔle. 'Bɛɛ- mɛɛ 'la zan mu 'kpɛn 'yaa- 'ke bole -yrɛ ma -si 'la -daŋ' 'laa -o -a ma 'bɛɛ 'srɔwope 'le -Waanbhaa' 'kɔɔ za ma, 'mu 'kpɛn 'e =kpaɛ Zesu 'yi.

49' Bɛɛ kɛgbeya 'ɛ yi bɛɛ, Mɛɛzan a -Jan 'Nrɛle- 'ɛ 'wɔle- =zian 'bɛɛ 'klɛɛn 'ɛ 'kpɛn 'yi yrɛkpɛn- =nɔɔ.

50' Duŋ- Zuufu mu 'ɛ -o -gɔli' zan le -gbɛɛ -gbɛɛ mu 'la =wlaa Zuufu mu a 'seri 'ɛ 'yi, 'bɛɛ 'pegee -o -wa 'ɛ ta mɛɛ gbɛɛ mu 'ɛ 'yiwlaa- Pɔlu 'pegee Banabasi ma. -O -yrɛnkpaɛ 'mu ta, 'bɛɛ- -o 'mu -gbian -waa' 'trɛ 'ɛ ta.

51' Bɛɛ 'yi, Pɔlu 'pegee Banabasi ge bhla 'ɛ zi, 'ke -woo gaan ma bwɛgbɛɛn- 'yizonle, 'kooko- -wa zɔn 'woo Zuufu mu 'ɛ ni 'bhii- -Waanbhaa' 'e -baŋwa -o -yi, 'bɛɛ- 'bɛɛ nu -o 'krowɔle. 'Bɛɛ blaɛn, 'ke 'yee Pɔlu 'pegee Banabasi gele- Ikonio mu -wa 'ɛ ta.

52' Bɛɛ 'waati 'ɛ ba, Zesu a -kɔɔlanɛ mu 'la =yaa Antioxi -wa 'ɛ ta, zrukpaɛ' -gbɛɛ -yaa 'mu zru ba, 'bɛɛ- 'mu 'pale- -yaa 'ke Lii 'Wɛŋ 'ɛ 'le.

Kleza Mu 14

- ¹Pɔlu 'pegee Banabasi -yaa 'waati 'la ba Ikoniomu -wa 'ε ta, 'ke -o gele- wlale Zuufu mu 'ε daanfe' 'ε =la. 'Bhεε- -o -Waanbhaa' a -jan 'ε =woa wogbeya -gloon 'Irele- do 'yi, -asiikoo Zuufu -bebe 'pegee Zuufu kle -bebe mu 'e 'kpaa- Zesu 'yi.
- ²Duŋ- Zuufu mu 'la waa -o 'kpale- Zesu 'yi, 'mu yran =wlaa Zuufu kle mu 'ε 'yi, 'bhεε- mu 'wlenna- 'o nεεnε- Zesu 'yi mu 'ε ma.
- ³'Bhεε- 'duŋ-, Pɔlu 'pegee Banabasi =bwa Ikoniomu -wa 'ε ta, 'bhεε- -o =mwa 'bhε =nɔɔ ye. -O -yaa Mεεzan Zesu a -jan 'ε 'wo zii' mεε mu 'ε ni -o zru ba -doo 'le. 'Bhεε- Mεεzan 'yaa- 'seŋ 'na zii' -o ni 'ke -o 'sɔle- maza mu 'pegee 'kpeeleni maza mu kle, 'kooko- -ya zɔn mεε mu 'ε ni 'bhii- 'yee- Pɔlu 'pegee Banabasi -yaa -Jan 'Nrale- 'la 'wo zii' 'yee- Mεεzan -Waanbhaa' a -lileya 'ε mεε ma 'bhe 'srɔyi, 'bhe -o 'ke wlan 'le.
- ⁴-Ayile, -wa 'ε ta mu 'ε -woo -yicienna -le ple: mεε mu 'ε 'ledo- -yaa Zuufu mu 'ε zita, 'bhεε- -a 'le -vindo' 'ε 'yaa- Zesu a 'winbɔwo mu 'ε zita.
- ⁵Zuufu mu 'ε 'pegee Zuufu kle mu 'ε, 'bhεε- -waa' -kuŋlii mu 'ε 'ke mu 'a =kpaa do ma doo -o -yrenkpale Pɔlu 'pegee Banabasi ta. 'Bhεε- -o -yaa zi 'bhii- -o kpoti 'pa 'mu ma 'bhεε- -woo de.
- ⁶Duŋ- Pɔlu 'pegee Banabasi 'a 'male 'kaa -woo zan -o dεle, 'ke -o blasanle, 'ke -o gele- Likaoni 'kleen 'ε 'yi -wa ple ta: Lisitri 'pegee Dεebi, 'bhe 'pegee 'mu -din -wa mu 'ε ta.
- ⁷'Bhεε- -o -Jan 'Nrale- 'ε =woa 'bhe yre mu 'ε =nɔɔ 'ezin-.
- ⁸Lisitri -wa 'ε ta mεε do -yaa 'ke -flugba 'le. -A 'san -a ya yi 'ε ma yaa 'sɔle- 'taawole -lido', -amasrɔyi -a gaan mu 'ε 'siele- -yaa.
- ⁹'Bhe -flugba 'ε 'yaa- -a 'trɔnkpa zii' Pɔlu 'wojan- 'ε =la; 'bhεε- Pɔlu 'e 'yrekpaa- -a ta siin, 'ke 'bhe 'a 'yaangole 'bhii- 'kpaleya yeke- 'la 'yaa- -a -yi -e -yaa sɔ -bheele' 'bhe ma.
- ¹⁰'Bhe klele 'tε, 'ke 'yee- Pɔlu 'a 'pele 'a ni 'eglooole doo: "'E 'wlen-, 'bhεε- dula- 'e gaan ta!" 'Bhe yre do 'ε =nɔɔ bhe, 'ke 'yee- mεε 'ε 'pinale, 'bhεε- 'kee- 'taawole.
- ¹¹'Bhe 'yi 'tε, -zamaa' 'ε -o Pɔlu kleza 'ε 'yele-, 'ke -wa pele- 'eglooole -waa' Likaoni wli 'ε 'yi doo: "'E -za! 'O pε mu 'la gba 'bhii- 'waa- -waanbhaa' mu 'mu -le 'mu 'gbu maboola 'ke bhaapleŋ mu 'le, 'bhεε- -o -zinaa' 'tre ta -gε -koo' 'pleŋ!"
- ¹²-Ayile, -o -waa' -waanbhaa' Zesi 'tɔkpaa- Banabasi ma, 'bhεε- -o -waa' -waanbhaa' Rimesi 'tɔkpaa- Pɔlu ma; -amasrɔyi Pɔlu -le -yaa 'ke Banabasi a -jan 'lena mi 'ε 'le, 'bhii- Rimesi -yaa Zesi a jan 'lena mi 'le gɔnε- 'la gbεen-.
- ¹³'Yee- Zesi gba 'fε 'yaa- -wa 'ε 'kpee 'wlayre- 'ε -din. 'Bhe 'yi 'tε, mεε 'la zan -yaa 'sraka mu -lena' Zesi ni, 'bhe 'a 'male- doo Banabasi 'pegee Pɔlu -le 'bhe -za 'ε =kla, 'ke 'bhe 'nule dri gwlen -mlε 'trole- 'ke mu 'le mεε 'srε 'ε 'klale- -yaa 'eke- ba -wa 'ε 'kpee 'wlayre- 'la 'lii 'bhe =nɔɔ. 'Bhe dri gwlen mu 'ε baale -yaa 'ke -yribi zungbhle mu 'le 'mu bhlo ma. -Amasrɔyi 'yee- Zesi a 'sraka 'lena mi 'ε 'pegee -zamaa' 'ε -o -yaa zi 'bhii- -o 'bhe dri mu 'ε go 'ke 'sraka 'le Banabasi 'pegee Pɔlu ma.

- 14'Duŋ- 'yee- Banabasi 'pegee Pɔlu 'bhe -za 'e 'male, 'bhe 'la gbe -yoo 'e 'koo -o ma, 'ke -woo ta dunɛ- mu 'e 'peedele, 'bheɛ- 'ke -o wlale- -zamaa' 'e 'plenɔɔ blasanlele, 'ke -wa pe 'eglooole dɔɔ:
- 15'"O 'yienii mu, 'ka -o -mɛ pɛ za -la klɛ 'zi -gee' ɛɛ? 'O mɔɔ -o 'ke bhaaplenɔɔ bhaamale mu -la -le 'bhii- 'ka mu 'gbu gbɛɛn- 'ezin-, 'bheɛ- 'waa -o 'ke -waanbhaa' mu 'le. 'Woo- -Waanbhaa' a -Jan 'Nrɛle- 'e 'bheɛ- 'wo zii' 'ka ni, 'ke 'o zruwla 'ka 'kpee, 'kooko 'ka 'plo- bhaama yo mu gbale ma; 'bheɛ- 'ke 'ka 'ka zru 'niinaa -Waanbhaa' 'la -ya -yre ma 'bhe ba. 'Yele- lafle' 'pegee 'trɛ 'bheɛ- wɛyi- 'pegee 'bhe ba pɛ mu 'e 'kpen =kla.
- 16'Yee- -Waanbhaa' 'a =twa 'elwaleta -sɔ 'ke 'trɛ ta mu 'e 'kpen 'taawo- 'mu 'gbu zru maza mu ta.
- 17'Duŋ- yi 'oo yi, -e -yaa' wlanya 'e zɔn 'ka ni -a klɛza -lrele' 'srɛ mu 'e ma: -e la na 'ka ni 'ke 'bhe da lafle' 'yi, 'bheɛ- 'kaa- gba la pɛ mu 'e -woo bhaa 'ebebele -o bhaa klɛ bhla 'e zi, 'bheɛ- -e pɛle pa 'ka ta, 'bhe 'pegee -e zrukpa' na 'ka ni."
- 18'Pɔlu 'pegee Banabasi 'trɛbhwa= 'bhe -jan mu 'e 'wole- ma 'kaa waa 'sraka gole 'mu ma; 'duŋ-, -a -lebwa sa 'ke -o waa dri mu 'e dɛ, 'bheɛ- -o 'mu go 'ke 'sraka 'le 'yee- Pɔlu 'pegee Banabasi ma.
- 19-Woo 'bhe 'yi bhe oo, 'ke Zuufu 'ke mu dale- Antioosi -wa 'e 'pegee Ikoniomu -wa 'e ta. -O -dawli' ma janwoa- -zamaa' 'e ni, 'bheɛ- -o 'mu 'srɔwoa-. -Ayile 'mu kpoti -paa Pɔlu ma, 'bheɛ- 'bhe -zɔla. -E =kla -o ni 'bhii- 'bhe -gaa 'ke -wa -glaanle', 'bheɛ- 'ke -o gele- 'kele- -wa 'e -zanta'.
- 20'Duŋ- Zesu 'yi mu 'e 'mliŋwoa- -a zi, 'ke -woo 'seriwole -a ma, 'bheɛ- 'ke -ya -wlenle', 'kee- nule- -wa 'e 'kpee 'ezin-. 'Bhe ta tooklinle, 'ke 'yee- 'pegee Banabasi gele- Dɛɛbi.
- 21'Pɔlu 'pegee Banabasi -Jan 'Nrɛle- 'e =woa Dɛɛbi -wa 'e ta, 'bheɛ- mɛɛ -bebe 'e =kpa Zesu 'yi, 'bheɛ- -o =kla Zesu a -klaŋlanɛ mu 'le. 'Bhe blaɛn, 'ke -o niinale -o -zanta' Lisitri 'pegee Ikoniomu 'bheɛ- Antioosi -wa mu 'e ta.
- 22-O -yaa 'fuudo 'zi Zesu 'yi mu 'e ta, 'ke -o zruwla 'mu 'kpee dɔɔ 'mu bo 'eglooole 'mu a 'kpaleya 'e 'yi. -O -yaa pe 'zi 'mu ni 'ezin- dɔɔ: "-Koo' 'trɛ nu bhɔle- 'ebebele 'sani- -koo' gele plenɔɔ -Waanbhaa' a -bhlenɔɔbeya -wa 'e ta."
- 23-Wa 'tole- -wa, 'ke 'yee- Pɔlu 'pegee Banabasi -yaa bhɔ Zesu 'yi mu -lɛdo' 'la ta 'bhe =nɔɔ, -o -yaa pe 'mu ni dɔɔ 'mu mɛɛ 'ke mu makun 'mu ba, 'bheɛ- -o 'mu kpa 'mu 'wiŋ- 'bhii- 'mu a zilɛɛ- mu. 'Bheɛ- 'ke -o -yaa yan 'suŋwlale 'pegee -o 'seriwolele 'mu a -za ma; -o -yaa 'mu gbekpa Mɛɛzan Zesu 'la -woo =kpa 'bhe 'yi, 'bhe 'koo 'kooko- 'bhe 'bhɔ 'mu ba.
- 24'Bhe blaɛn, Pɔlu 'pegee Banabasi =kaan Pisidi 'kleɛn 'e 'yi 'bheɛ- -o =nwa 'pwele- Panfili 'kleɛn 'e 'yi.
- 25-O -Waanbhaa' a -jan 'e =woa Pɛɛzi -wa 'e ta, 'bheɛ- -o -ja bhɔle -wa 'la -o 'bhe sii Atali 'bhe ma.

26'Bhɛ blaɛn, 'ke -o bɔle- -batɔŋ' 'yi, 'bhɛɛ- 'ke -o gele- Antioŋsi. -O 'yee- Pɔlu 'pegee Banabasi gbɛkpaa- -Waanbhaa' 'kɔɔ 'bhɛɛ- =nɔɔ 'elwale -sɔ, -o -yaan ye 'la wolele 'bhɛɛ- -zayi'.

27-O bhɔle- Antioŋsi, 'ke -o Zesu 'yi mu -lɛdo' 'ɛ 'kpɛn 'siile, 'bhɛɛ- 'ke -o 'klale 'eke- ba. 'Bhɛɛ- -Waanbhaa' -za 'oo -za mu 'la 'kpɛn =kla -o gbɛ zi -o 'mu -yigɔɔnna 'mu ni. -Waanbhaa' 'a =kla gɔnɛ- 'la gbɛɛn- 'bhɛɛ- Zuufu kle mu=swa 'mu 'kpale Zesu 'yi, -o 'bhɛ 'kpɛn 'yipia= 'mu ni 'ezin-.

28'Yee- Pɔlu 'pegee Banabasi =bwa Zesu a -klatɔlanɛ mu 'ɛ -din, 'bhɛɛ- -o =mwa Antioŋsi -wa 'ɛ ta.

Klɛza Mu 15

1Zuufu Zesu 'yi mu 'ke mu -daa Zude 'klɛɛn 'ɛ 'yi, 'bhɛɛ- -o -nwa Antioŋsi -wa 'ɛ ta. 'Bhɛɛ- -o -dwa 'o nɛɛnɛ- Antioŋsi Zesu 'yi mu 'ɛ daanle ma 'tɛ 'ke -wa pe 'mu ni dɔɔ: "'Ke waa 'ka 'wlale- 'klɛɛn 'yi 'bhii- -a pele -o Moizi a 'tɔŋ 'ɛ ta gɔnɛ- 'la gbɛɛn-, 'ka 'laa sɔ gole- -za 'yi.'"

2'Duŋ- Pɔlu 'pegee Banabasi 'laa dɔle 'bhɛ -jan 'ɛ =la; 'bhɛɛ- 'ke -o 'pegee 'bhɛ mɛɛ mu 'ɛ zaabɔle 'egloɔle. 'Bhɛ klɛle 'tɛ, 'ke Antioŋsi Zesu 'yi mu 'ɛ -wa pele- dɔɔ Pɔlu 'pegee Banabasi, 'bhɛɛ- -waa' Antioŋsi Zesu 'yi mu 'ɛ 'ke mu ge 'yee- -za 'ɛ 'yrebago Zeruzalɛmu Zesu a 'winbɔwo mu 'ɛ 'pegee 'bhɛ =nɔɔ Zesu 'yi mu 'ɛ 'lɛɛ mu 'ɛ ba.

3'Bhɛ 'yi, Antioŋsi Zesu 'yi mu -lɛdo' 'ɛ 'mu -o winbwa- 'bhɛ 'taa 'ɛ ta. 'Mu 'yanle- -o madɔlele 'bhɛ 'taa 'ɛ ta zi 'lii, 'ke -o gele-. -O -kaan Fenisi 'pegee Samari 'klɛɛn mu 'ɛ 'yi. 'Bhɛɛ- Zuufu kle mu 'ɛ -woo zru -niinaa' -Waanbhaa' ba gɔnɛ- 'la gbɛɛn- -o -yaa ge 'zi 'bhɛ -jan 'ɛ 'yigɔɔnlele. -Ayile -o nɛɛnɛ- Zesu 'yi mu 'la 'kpɛn 'bhɛ -jan 'ɛ =maa 'mu zrukpaale -yaa 'egbenele.

4Pɔlu 'pegee Banabasi, 'bhɛɛ- -o madɔ mu 'ɛ -o 'bhɔle- Zeruzalɛmu, 'ke Zesu a winbɔwo mu 'ɛ 'pegee 'bhɛ =nɔɔ Zesu 'yi mu -lɛdo' 'ɛ, 'bhɛɛ- 'mu a zilɛɛ- mu 'ɛ 'mu -o 'cieya- 'sile. 'Bhɛɛ- -Waanbhaa' -za mu 'la 'kpɛn =kla -o gbɛ zi, -o 'mu 'kpɛn 'yigɔɔnna 'mu ni.

5'Duŋ- mɛɛ 'ke mu 'la 'yaa- Farizi mu 'le, 'bhɛɛ- 'ke mu 'mu =kpaɛ Zesu 'yi bhe, 'mu 'e -wlenle' 'ke 'mu 'a 'pele dɔɔ: "Zuufu kle mu 'la -woo =kpaɛ Zesu 'yi, -ka -o 'wla 'klɛɛn 'yi, 'bhɛɛ- -kaa pe -o ni dɔɔ -o Moizi a 'tɔŋ mu 'ɛ 'klɔsikun.'"

6'Bhɛla- -zayile, 'ke Zesu a 'winbɔwo mu 'ɛ 'pegee Zeruzalɛmu Zesu 'yi mu -lɛdo' 'ɛ 'mu 'lɛɛ mu 'ɛ -o 'klale 'eke- ba 'bhɛ -za 'ɛ 'yrebago zayi'.

7-O =mwa zaabɔle ma 'eke- plɛŋ- 'bhɛ -za 'ɛ ta. 'Bhɛɛ- Pieri 'e 'wlenle- 'ke -ya pele- -o ni dɔɔ: "'D nɛɛnɛ- mu, 'ka 'gbu 'a 'yaango- dɔɔ -Waanbhaa' 'mi makwan- 'ka 'plɛŋ- -ge 'bhɛ =nɔɔ =mwa gban, 'kooko- 'mi klɛ -Jan 'Nrɛle- 'ɛ 'wo mi 'le Zuufu kle mu 'ɛ ni, 'bhɛɛ- -o sɔ -Waanbhaa' a -Jan 'ɛ 'male, 'bhɛɛ- -woo kpa Zesu 'yi.

8-Waanbhaa' 'la bhaapɛŋ mu zru dɔ, -ya -zrɔnna 'bhii- -ya gbɛdwa- -o =la 'kee- Lii 'Weŋ 'ɛ 'nale -o ni 'ezin- 'bhii- -ya =naa -kɔɔ' mu ni gɔnɛ- 'la gbɛɛn-.

- 9'Bhε -za 'ε 'yi, 'yee- -Waanbhaa' laa -koo' mu 'pegee 'woo- mu gole 'eke- ma. -Yoo zru mu 'ε 'fleela- -waa' 'kpaleya -la ma Zesu 'yi.
- 10'Bhεε- -mεle -kla -zɔn 'duŋ- 'bhεε- 'kaa- zi 'bhii- 'ka -Waanbhaa' -yidan' εε? - Amasrɔyi -koo' mu 'pegee -koo' -gbɔɔ mu laa 'sɔle- 'kwe yεke- 'la 'sile, -mεle =kla 'bhεε- 'kaa- zi 'bhii- 'ka 'bhε 'kwe mu 'ε dɔ Zesu 'yi mu 'ε 'wiin- εε?
- 11'Bhεε- 'duŋ-, 'o mɔɔ 'kpale- -o -a -yi gɔnε- 'la gbεen- 'bhii- Meezan Zesu 'lilawoa 'o ma 'bhεε- -yoo' -gwa -za 'yi, 'woo- mu -gwa -za 'yi 'bhe go gbeya do 'kpɔ 'ε 'bhεε- gbεen- 'ezin-.”
- 12'Bhε klele 'tε, 'ke -waa' 'klankeba -zamaa' 'ε 'kpen tagale bole-, 'ke -woo 'trɔnkpa Banabasi 'pegee Pɔlu ni. -Waanbhaa' 'sɔle- maza mu 'pegee 'kpeeleni maza mu 'la =kla -o gbε zi Zuufu kle mu 'ε 'pleŋ, -o 'mu 'kpen 'yigɔɔnna -zamaa' 'ε ni.
- 13'Banabasi 'pegee Pɔlu 'yanle -janwolele, 'ke Zaki -jan 'ε 'sile 'ezin- 'ke 'bhε 'a 'pele dɔɔ: "'D nεenε- mu, -ka 'ka 'trɔnbado doo!
- 14'Kee- 'san -a zisan' yi 'ε ma, -Waanbhaa' -yaa zi 'bhii- -e mεε 'ke mu makun Zuufu kle mu 'ε ba, 'bhεε- 'ke -a 'tɔ 'ε bo 'mu ma Simɔ Pieri 'bhεε- -za 'ε 'yipia= 'ka ni.
- 15'-Waanbhaa' -lela' janwo mu 'ε 'mu 'wojan- mu 'ε 'pegee 'yee- -jan 'lεε -woo do. - Amasrɔyi -Waanbhaa' a 'Sewε 'ε -ya =pia dɔɔ:
- 16'Meezan -Waanbhaa' pe dɔɔ 'bhε -za mu 'ε blaen, 'ŋ nu nu gbε drεewolε, 'bhεε- Davidi 'a 'fε 'la 'klalaa bhe, 'ŋ nu 'bhε dɔ gbε drεewolεqt 'D nu -yaa' 'fε klool 'ε 'tre mu 'ε 'lεkpale 'eke- ta, 'bhεε- 'ŋ -yaa' 'fε dɔ gbε drεewo.
- 17'Ke 'bhε =kla, mεε -vin mu 'ε nu Meezan -Waanbhaa' ziglinle, 'bhε 'yi, 'ŋ 'tɔ 'ε -yoo Zuufu kle mu 'la 'kpen ma, 'mu nu klele 'an pe mεε mu 'le.
- 18'Meezan -Waanbhaa' 'bhεε- -jan 'lεε- =woa bhe. -Waanbhaa' 'bhεε- -za mu 'la 'yaa- -a 'kpee 'elwaleta -sɔ, 'mu -la tapwεla.' “
- 19'Bhεε- Zaki pe 'ezin- dɔɔ: "'Mi 'kpee ma, 'mi -a zi 'bhii- Zuufu kle mu 'la 'mu 'mu zru -niinaa' -Waanbhaa' ba, -koo' 'laa 'mu -yrebatedɔle -za 'bhεεke do klelele 'ezin-.
- 20'Duŋ- -koo' 'sewε drɔŋ 'kpa -o ni, 'bhεε- -koo' 'a 'pe -o ni dɔɔ 'ke -o 'sraka -gwa wi mu 'la 'le yo mu ni, waa 'mu 'bhlele-, -amasrɔyi 'mu 'triŋ- -o -Waanbhaa' -yɔre 'yi; 'bhεε- waa -yanbhɔɔya klele, 'bhε 'pegee 'ke wi 'la -gaa 'bhε -dewolele, waa 'bhε 'bhlele-, 'bhεε- waa wi yiεn bhlele 'ezin-.
- 21-Amasrɔyi 'kee- san 'elwaleta 'egbɔɔn gbɔɔn 'ε ma, -wa mu 'ε 'kpen ta, -o mεε mu daan Moizi a 'Toŋ 'ε 'le Zuufu mu daanfe' mu 'ε =la -yitrε' yi 'tɔle- -yitrε' 'bhε ma.”
- 22'Zaki 'yanle- -janwolele, 'ke Zesu a 'winbɔwo mu 'ε 'pegee Zesu 'yi mu 'ε -waa' zilεε- mu 'ε, 'bhεε- Zesu 'yi mu -ledo' 'ε 'kpen 'a 'kpale do dɔɔ -o mεε 'ke mu makun' -o ba, 'bhεε- -o 'mu 'kpa Pɔlu 'pegee Banabasi ba, 'bhεε- 'kooko- -o 'mu 'winbɔ- Antiosi -wa 'ε ta. 'Bhela- -zayile, 'ke -o mεε ple makunle -o ba: Zudi 'la -o 'bhε 'tɔkpa- Baasabasi, 'bhεε- Silasi, -amasrɔyi -o nεenε- Zesu 'yi mu 'ε 'yaa- -gasi -gbenε kpa 'mu mεε ple 'ε 'lεε.

- 23-O 'sɛwɛ 'lɛɛ- 'bhɛɛ- =kpaɔ 'mu 'kɔɔ 'mu ge bhla 'ɛ zi dɔɔ: "'Ka mu 'o nɛɛnɛ- mu 'la - woo 'ke Zuufu kle mu 'le Antiōsi -wa 'ɛ ta, 'bhɛ 'pegee Siri 'pegee Silisi 'kleɛn 'yi mu, 'o mɔɔ Zesu a winbɔwo mu 'pegee Zeruzalemu Zesu 'yi mu -lɛdo' 'ɛ 'lɛɛ mu 'ɛ, 'o mɔɔ 'ka mu 'pubwa-!
- 24"'Wa =maa dɔɔ mɛɛ 'ke mu -daa 'o ba -gɛ, 'bhɛɛ- 'mu -ja 'ka ta ye, 'mu 'ka zrubatɛdwa 'ke -jan 'ke mu 'le, 'bhɛ 'pegee -o 'ka blina- yiendwa-. 'Duŋ- -zɔn, -kaa 'yaango- 'bhii- 'o mɔɔ laa -o 'winbɔle 'bhɛ 'taa 'ɛ ta 'ka ba ye.
- 25'Bhɛla- -zayile, 'woo 'eke- yelawoa 'o 'kpen 'a =kpaɔ do 'kaa 'o mɛɛ 'ke mu makun' 'o ba, 'bhɛɛ- 'o 'mu winbɔ 'ka ta ye. 'Bhɛ mɛɛ mu 'ɛ nu 'kpale- 'o 'yienii Banabasi 'pegee Pɔlu ba, 'bhɛɛ- -o nu geɛ 'eke- zi 'ka ba ye.
- 26'Woo- 'o 'yienii plɛ 'ɛ Banabasi 'pegee Pɔlu, -woo 'gbu =naa Mɛɛzan Zesu Krisi a ye 'ɛ ni, -asiikɔɔ -o 'gbu win -yaa zan bole -a -yi.
- 27'Bhɛ ya 'ɛ 'yi, 'o Zudi 'pegee Silasi 'kpa zii' -o ba, 'bhɛɛ- 'o -jan 'kɛla =woa -o ni, 'ka nu 'bhɛ 'male- -o 'gbu 'lii kpataakpa.
- 28-Amasɔyi -e =swa Lii 'Wɛŋ 'ɛ 'pegee 'o mɔɔ ni dɔɔ 'waa 'kwe 'bhɛɛke dɔle 'ka 'wiinj- 'ezin-, 'ke -yaa 'e go 'o -za mu 'la =ya 'elrele dɔɔ 'ka 'mu kle mu ba, 'bhɛɛ- 'bhɛ mu -le - gɛ:
- 29'Ke -o wi mu 'la -gwa 'ke 'sraka mu 'le yo mu ni, 'ka 'laa 'mu 'bhleɛ-; 'ka 'laa wi yien bhleɛ; 'bhɛɛ- 'ke -o wi mu 'la -dia 'e -dewolele, 'ka 'laa 'mu wi mu 'ɛ bhleɛ, 'bhɛ 'pegee -ka 'ka 'gbu 'plɛngo- -yanbhɔɔya ma. 'Ke 'ka 'bhɛ -jan mu 'ɛ 'klosikwan, 'bhɛ -o -za 'lrele- 'le! -Kɔɔ' -o bhe oo!"
- 30'Bhɛ 'yi, 'ke -o zinale -waa' winbɔwo mu 'ɛ ni 'kaa 'mu ge 'tɛ; 'bhɛɛ- 'mu -ja 'taa 'ɛ ta Antiōsi. 'Bhɛ mu bhɔle 'bhɛ =nɔɔ ye, 'ke 'mu 'bhɛ =nɔɔ Zesu 'yi mu -lɛdo' 'ɛ 'kpen 'siile, 'bhɛɛ- 'sɛwɛ 'la -daa -o 'kɔɔ, 'ke -o 'bhɛ 'kpale 'mu 'kɔɔ.
- 31-O nɛɛnɛ- Zesu 'yi mu 'ɛ 'bhɛ 'sɛwɛ 'ɛ tapele, 'kee- 'mu 'kpen zrukpaale, 'bhɛɛ- -e zruwlaa- 'mu 'kpee.
- 32'Zudi 'pegee Silasi -yaa 'ke -Waanbhaa' -lɛla' janwo mu 'la 'le bhe, -o zruwlaa- 'woo- 'o nɛɛnɛ- Zesu 'yi mu 'ɛ 'kpee, 'bhɛ 'pegee -o fangandwa 'mu ta -jan -bebe 'wolele.
- 33-O =bwa -o nɛɛnɛ- Zesu 'yi mu 'ɛ -din 'waati sa Antiōsi, 'bhɛɛ- 'mu zi -naa -o ni 'edɔɔle, 'kooko- -o ge -o -zanta' Zeruzalemu mɛɛ 'la zan mu -o winbwa- 'mu ta.
- ((34'Bhɛɛ- 'duŋ-, -e =swa Silasi ni 'bhii- 'bhɛ bo -sɔ Antiōsi.))
- 35'Bhɛɛ- Pɔlu 'pegee Banabasi =bwa 'ezin- Antiōsi. 'Bhɛɛ- -o 'pegee mɛɛ -bhɛɛke' - bebe mu -yaa mɛɛ mu daan, 'ke -o Mɛɛzan -Waanbhaa' a -Jan 'ɛ wo 'ezin- 'mu ni.
- 36'O =mwa 'waati sa Antiōsi, 'ke Pɔlu 'a 'pele Banabasi ni dɔɔ: "'O ge 'kan 'o nɛɛnɛ- Zesu 'yi mu 'ɛ ta 'o -zanta' 'o 'kaan- Mɛɛzan Zesu a -Jan 'ɛ 'wolele -wa mu 'la 'kpen ta 'mu =nɔɔ, 'kooko- -woo 'taawo zii' gɔnɛ- 'la gbɛɛn- Zesu a zi 'ɛ ta, 'o 'bhɛ ye."
- 37-O ge bhla 'ɛ zi, -o -yaa Zaan 'la sii Maki, Banabasi -yaa zi 'bhii- 'bhɛ ge -o zi.

38'Duŋ- Pɔlu 'laa dɔle 'bhe =la, -amasɔyi Zaan -gwa 'elwale -sɔ -o zi -o -yaa 'waati 'la ba Panfili 'kleen 'e 'yi; 'bhɛɛ- yaa -o madɔle 'ezin- -li -waa' yewo yre 'e =nɔɔ.

39'Bhɛla- -yile, 'ke 'yee- Pɔlu 'pegee Banabasi zaabɔle 'eke- -le ma 'ebebele, 'bhɛɛ- 'ke -o piilale 'eke- ma. Banabasi Maki =sia 'bhe zi, 'bhɛɛ- -o mɛɛ plɛ =bwa -batonɔ' do 'yi, 'bhɛɛ- -o -ja Sipru -wa 'e ta.

40'Duŋ- Pɔlu Silasi =sia 'bhe zi. 'Bhɛɛ- -o nɛɛnɛ- mu 'e 'yanle- -o gbekpalele Mɛɛzan 'kɔɔ, 'kooko- 'bhe -o bo 'edɔle, 'ke -o jilale.

41-O -kaan Siri pegee Silisi 'kleen mu 'e 'yi, 'ke -o ge Zesu 'yi mu 'e daanlele, 'bhɛɛ- 'ke -o fangando 'mu ta 'mu a 'kpaleya 'e 'yi.

Klɛza Mu 16

1'Bhe blaen, 'ke Pɔlu 'pegee Silasi gele- Dɛɛbi 'pegee Lisitri -wa mu 'e ta. -O -yaa Lisitri -wa 'e ta Zesu a -klanlanɛ do sii Timote; -a nɛɛ -yaa 'ke Zesu 'yi Zuufu le do 'le, 'bhɛɛ- -a dɛ -yaa 'ke Grɛki mi 'le.

2-A nɛɛnɛ- Zesu 'yi mu 'la 'yaa- Lisitri 'pegee Ikonioɔmu, 'mu 'kpen 'yaa- -a 'tɔ wlan pe.

3>Pɔlu -yaa zi 'bhii- 'yee- 'pegee Timote yewo 'eke- zi. 'Bhɛɛ- Zuufu mu 'la 'yaa- 'bhe 'kleen mu 'e 'yi 'mu -zayi', -e 'yee- Timote =wlaa 'kleen 'yi. -Amasɔyi mɔkpen' =yaa -a 'yaango- 'bhii- -a dɛ -yaa 'ke Grɛki mi 'le.

4-O =kaan -wa mu 'la 'kpen ta, Zesu a 'winbɔwo mu 'e 'pegee Zeruzalemu Zesu 'yi mu -ledo' 'e 'lɛɛ mu 'e -jan mu 'la 'ledulaa, -o -yaa 'mu 'kpen 'wo zii' 'bhe -wa mu 'e ta Zesu 'yi mu 'e ni. 'Bhɛɛ- 'ke -wa 'kpankpanyan 'mu ma dɔɔ 'mu 'bhe -jan mu 'e 'klɔsikun 'elrele.

5'Bhe 'yi, yi 'oo yi, fangan- -yaa dɔ 'zi 'bhe =nɔɔ Zesu 'yi mu -ledo' 'e -waa' 'kpaleya 'e ta, 'bhɛɛ- -o baan' =yaa 'kla zii' -a ba 'ezin-.

6>Pɔlu 'pegee -yaa' yewoyɔɔn mu 'e 'yaa- zi 'bhii- -o ge -Waanbhaa' a -jan 'e 'wo Azi 'kleen 'e 'yi, 'bhɛɛ- 'duŋ-, Lii 'Wenɔ 'e 'bhe 'saawoa- -o 'kɔɔ. -Ayile 'ke -o gele- 'kanle- Frizi 'pegee Galasi 'kleen mu 'e 'yi.

7-O bhɔle Misiya 'kleen 'e -din, 'ke -wa 'kpale- dɔɔ -o ge Bitini, 'duŋ- Lii 'Wenɔ 'e yaa dɔle 'bhe =la.

8-Ayile, 'ke -o 'kanle Misiya 'kleen 'e 'yi, 'bhɛɛ- 'ke -o gele- -batonɔ' mu -yaa dulaa' -wa do 'la ta 'bhe =nɔɔ, -o -yaa 'bhe -wa 'e sii Troasi.

9'Bhe 'yi, -bi do zi, Pɔlu 'yre zi yele do =ya, 'bhɛɛ- -e Masedwani 'kleen 'yi mɛɛ do dulale=ya -a -lɛɛ 'ke 'bhe -o -sromabɔ 'zi -a ni dɔɔ: "'Kan Masedwani 'kleen 'e 'yi, 'bhɛɛ- nu bhɔ 'o ba!'"

10'Bhe -yre zi yele 'e blaen, 'ke 'wa 'pele dɔɔ 'o gele- blaale- Masedwani. -Amasɔyi 'o 'kpale- -yaa -a -yi 'bhii- -Waanbhaa' -yaa zi 'bhii- 'o ge -Jan 'Nrɛle- 'e 'wo 'yee- 'kleen 'e 'yi mu 'e ni.

- 11'O -baton' do =sia Troasi, 'bhεε- 'woo 'ledɔɔla -trεε Samotrasi 'kleen 'fientronne 'ε ta: weyi- 'mlingole -yaa 'bhε zi. 'Bhe ta tooklin- yi 'ε 'le, 'ke 'o gele- Neapolisi -wa 'ε ta.
- 12'Bhε blaen, 'ke -o gele- Filipu -wa 'ε ta. Filipu -wa 'ε =yaa Masedwani 'kleen 'ε 'yi -wa =lwa 'le, 'bhεε- Rome mu -la yaale -yaa -a =nɔɔ. 'O -yrekpaa' -bebe =kla 'yee- -wa 'ε ta.
- 13-Yitre' yi 'ε ma, 'o 'pwela- -wa 'ε 'kpee, 'bhεε- 'o -ja tɔ 'ε 'le ma; 'o 'kpee ma 'o 'yaa- nu Zuufu mu 'seriwoyre do yeε 'bhε yre 'ε =nɔɔ. 'O 'yalaa 'bhε 'nɔɔ-, 'bhεε- 'o -Waanbhaa' a -jan 'ε =woa le mu 'la 'klale- -yaa -o zi 'mu ni.
- 14-O -yaa 'woo- le mu 'ε do sii Lidi. 'Bhe =yaa da Tiatiri -wa 'ε ta, 'bhεε- 'bhε -yaa sɔ 'plεεle- 'ten 'wleŋ wleŋ -la gɔn. 'Bhe -yaa gbalaan -Waanbhaa' -lεε, 'bhεε- 'bhε 'yaa- 'bhε 'tronkpa zii' 'o ni. -Ayile, Mεεzan 'a zru 'ε 'liiploola, 'kooko- -e sɔ -a 'tronkpale 'elrele Pɔlu 'wojan- 'ε =la.
- 15'Bhεε- 'ke 'wa 'wiinfele -yi ba 'yee- 'pegee -yaa' 'fa -la mu 'ε 'kpen. 'Bhe blaen, 'ke -o -sromabole 'o ni dɔɔ: "'Ke 'kaa =ya 'bhii- 'ŋ zru -o do Mεεzan -Waanbhaa' ni, -ka nu 'ka zen 'ŋ ba.'" -Yoo 'o matɛdwa 'eyɔɔle, 'ke 'o gele- 'o zenle -a ba.
- 16-Yrekpaa' do, 'o 'yaa- ge 'zi 'seriwo yre 'ε =nɔɔ bhla 'la ba, 'ke 'fa -la yewo le do nule- 'o 'lepale: gblin lii -yaa -a zi, 'bhela- -yile, -e -yaa sɔ mɔɔdole 'bhε lii 'ε 'seŋ 'ε ta. 'Bhεε- -e -yaa -goli' -bebe 'srɔɔwo zii' -a zan mu 'ε ni.
- 17'Bhε 'yi 'tε, 'ke 'yee- le 'ε dɔle- 'o zi 'ke -ya pe 'egɔɔle dɔɔ: "Mεε mu 'lεε- -woo 'ke laanima -Waanbhaa' 'ε 'bhela- a yewone mu 'le! -Woo 'ka 'bhee zi 'ε 'bhεε- ma janwo 'zi 'ka ni bhe!"
- 18Yi 'oo yi, 'yee- le 'ε bole -yaa 'bhεε- -za 'ε klele ma. -Ayile, Pɔlu matɛdɔ gbε -yɔɔ' 'ε 'kɔɔ, 'ke 'bhε 'e 'leklale -a ta, 'bhεε- 'ke 'bhε 'a 'pele gblin lii 'la 'yaa- zii 'bhε ni dɔɔ: "'Mi pe 'e ni Zesu Krisi 'tɔ 'yi dɔɔ 'e go le 'lεε- zi!" 'Bhe yre do 'kpɔ 'ε =nɔɔ bhe, 'ke lii -yɔɔ' 'ε gole- 'yee- le 'ε zi.
- 19'Bhε klele 'tε, -a zan mu 'a 'yele- 'bhii- waa -yaa sɔ -o -yrikpale -li -goli' 'yele- ta -a 'kɔɔ, 'ke 'mu Pɔlu 'pegee Silasi 'kunle, 'ke -o 'mu -glaanle', 'bhεε- 'ke -o gele- 'mu 'le -wa 'ε 'kpee -kpan 'ε ta, Rome mu a 'kitikan mεε gbalaan mu 'ε ta.
- 20-O bhɔle 'mu ta, 'ke -wa pele- 'mu ni dɔɔ: "Zuufu mu 'lεε-, -o 'waa- -wa 'ε ta mu 'ε 'pɔ zii' 'eke- ma.
- 21'Bhεε- -woo mεε mu 'ε daan 'zi -o 'si ta za mu 'ε 'le. 'Duŋ- 'o mɔɔ Rome mu a 'tonj mu 'ε ta, 'waa sɔ dɔle- 'bhε 'si ta za mu 'ε =la, 'bhε 'pegee 'waa sɔ 'mu 'yizaklele."
- 22'Bhε klele 'tε, 'ke -zamaa' 'ε 'wlenle- -o ma 'ezin-. 'Bhεε- 'ke Rome mu a 'kitikan 'mu 'ε -wa pele- dɔɔ -o 'yee- Pɔlu 'pegee Silasi tafleŋ- bala-, 'bhεε- -woo zita zɔn 'ke gbanbhle 'le.
- 23-O yanle -o zita zɔnlele 'ebebele, 'ke -woo bɔle- -kaso 'yi; 'bhεε- 'ke -wa pele- -kaso 'fe gooba mi 'ε ni dɔɔ 'bhε 'e 'yrekpa -o ba 'elrele.

- 24-Kaso 'fɛ gooba mi 'ɛ 'bhɛ -jan 'ɛ 'male, 'bhɛɛ- 'ke -yoo bɔle- 'fɛkpee 'fiɛntrɔnnɛ do -la -kaso 'fɛ 'ɛ 'kpee ye. 'Kee- 'gbluŋ bɔle- Pɔlu 'pegee Silasi gaan mu 'ɛ ma.
- 25'Blaŋdreyi 'bhɔ bhla 'ɛ 'e -din, 'ke 'yee- Pɔlu 'pegee Silasi -o 'seriwole 'sanle 'bhɛ 'pegee 'ke -o -Waanbhaa' 'tɔbhɔ- ma 'sro mu kpa; 'bhɛ bhla 'ɛ ba, 'ke -kaso 'yi mu -vin mu 'ɛ 'ke 'mu 'e 'trɔnkpa- -o ni.
- 26'Bhɛ 'waati do 'kpɔ 'ɛ ba, 'ke 'trɛ bɛɛnle- 'egloole -leyan' do, 'bhɛɛ- 'ke -kaso 'fɛ gaan 'ɛ bɛɛnle- 'ezin-. 'Bhɛ klele 'tɛ, 'ke -kaso 'fɛ 'liikonɔ mu 'ɛ 'kpen 'liigole 'bhɛ yrɛ do 'ɛ =nɔɔ bhe, 'bhɛɛ- 'ke -kaso 'yi mu 'ɛ 'kpen ma piibhɛ kpɛlɛ- mu 'ɛ 'ploole.
- 27'Yee- -kasofɛ gooba mi 'ɛ -e bwele, 'bhɛɛ- -ya yele 'bhii- -kaso 'fɛ 'liikonɔ mu 'ɛ 'liigole -yaa; 'kee- -yaa' -gɔkuŋ' 'ɛ -glaanle' 'bhɛ 'bhoo- 'ɛ 'yi, 'bhɛɛ- -e -yaa zan -a 'gbu dɛlɛ. -Amasrɔyi 'yee- 'kpee ma -kaso 'yi mu 'ɛ 'kpen blasaan- gban bi.
- 28'Duŋ-, 'ke Pɔlu 'a 'siile 'egloole dɔɔ: "'Yaa -za 'yɔɔ- 'kedo- 'kpɔ klelɛ 'ɛ 'gbu ni, -amasrɔyi 'o 'kpen -o -gɛ!"
- 29'Bhɛ klele 'tɛ, 'ke 'yee- -kaso 'fɛ gooba mi 'ɛ -ya pele- dɔɔ -wa gba 'tɛbhile ba. 'Bhɛɛ- 'kee- gele- wlalɛ blaale- Pɔlu 'pegee Silasi -yaa -kaso 'fɛ 'kpeɛnɛ 'la =la 'bhɛ =nɔɔ. 'Duŋ- -gblaan 'ɛ 'kɔɔ, -e -yaa bɛɛn 'zi, 'bhɛɛ- 'kee- nule- baalɛ Pɔlu 'pegee Silasi gaan ma.
- 30'Bhɛɛ- 'ke -yoo 'pwɛle -waa' -kaso 'fɛ 'kpeɛnɛ =la. 'Bhɛ blaɛn, 'ke -yoo -lrɔkpale dɔɔ: "'D zan mu, 'ŋ -mɛ pɛ za 'gbu -la klɛ 'bhɛɛ- 'ŋ go -za 'yi ɛɛ?"
- 31'Bhɛɛ- Pɔlu 'pegee Silasi 'a 'lɛkwan- -a ni dɔɔ: "'E 'kpa Mɛɛzan Zesu 'yi, 'bhɛɛ- 'bhi 'pegee 'yaa- 'fa =la mu 'ɛ 'ka nu golɛ -za 'yi."
- 32'Bhɛ klele 'tɛ, 'ke -o Mɛɛzan a -jan 'ɛ 'wole 'yee- 'pegee -yaa' 'fa =la mu 'ɛ 'kpen ni.
- 33'Bhɛ -bi do 'kpɔ 'ɛ zi 'waati do 'kpɔ 'ɛ ba, 'yee- -kaso 'fɛ 'ɛ gooba mi 'ɛ -ja 'ke -o -le, 'bhɛɛ- -yoo ma bhɛ mu 'ɛ 'tɛkpaa=. 'Bhɛɛ- 'bhɛ yrɛ do 'ɛ =nɔɔ bhe, 'ke -o 'yee- 'pegee -a ba 'fa -la mu 'ɛ 'kpen 'wiɛfɛle -yi ba.
- 34'Bhɛ blaɛn, 'ke -ya pele- dɔɔ -o ge 'yee- Pɔlu 'pegee Silasi 'madɔ- -a ba -lɛ ma. 'Bhɛɛ- 'ke -yoo -lewɛɛ' pɛ klele-. 'Yee- mɛɛ 'ɛ 'pegee -a ba 'fa -la mu 'ɛ 'kpen zrukpaale -yaa, -amasrɔyi -woo -kpa -Waanbhaa' 'yi.
- 35'Bhɛ ta tooklin- yi 'ɛ 'le, 'ke Romɛ mu a 'kitikan mu 'ɛ -o 'faazan- 'ke mu winbbɔle 'yee- -kaso 'fɛ gooba mi 'ɛ ta 'kaa -wa pe -a ni dɔɔ -e 'ploɔ Pɔlu 'pegee Banabasi ma.
- 36'Bhɛ klele 'tɛ, 'ke -kaso 'fɛ gooba mi 'ɛ nule- 'bhɛ 'pele- Pɔlu 'pegee Silasi ni dɔɔ: "'Waa- Romɛ mu a kitikan mu 'ɛ 'faazan- mu 'ke mu winbwa= 'ŋ ta dɔɔ 'ŋ 'ploɔ- 'ka ma. -Ka 'pwɛ blaale-! 'Bhɛɛ- bhaa 'ka bo 'edɔɔle!"
- 37'Duŋ- Pɔlu pe -o ni dɔɔ: "'Woo- Romɛ mu a 'kitikan mu 'ɛ -woo 'o mɔɔ -la zita =zwan mɔkpen' 'yrɛ ma kpataakpa; 'duŋ- waa 'o 'kitikanle 'elwale pe, 'bhɛɛ- -woo' =bwa -kaso 'yi, 'o mɔɔ 'la 'o mɔɔ -o 'ke Romɛ -kpɔsɔɔ mu 'le bhe. 'Bhɛɛ- -zɔn, -wa zi 'bhii- -woo' 'pwɛ -kaso 'ɛ 'yi gaanyi' ɛɛ? 'Yooye-, 'bhɛ 'laa sɔ klele-! -Ka ge -a pe -o ni dɔɔ -o 'gbu nu 'o 'pwɛ 'yee- -kaso 'ɛ 'yi -gɛ."

³⁸-Waa' 'faazan- mu 'ε -ja 'tε -a peɛ Rome mu a 'kitikan mu 'ε ni dɔɔ Pɔlu 'pegee Silasi mu -o 'ke Rome -kpɔsɔɔ mu 'le, 'ke -gblaana 'klale -o -yi.

³⁹'Bhεε- 'ke -o nule- -sromabɔɛ 'mu ni, 'ke -o 'ploole 'mu ma, 'bhεε- 'ke -wa peɛ- 'mu ni dɔɔ 'mu go waa -wa 'ε ta.

⁴⁰Pɔlu 'pegee Silasi 'pwεle- blaana -kaso 'ε 'yi, 'ke -o geɛ- Lidi ba. -O yanle -o nεεnε-Zesu 'yi mu 'ε 'yelele 'bhε 'pegee -o yanle zruwlalele 'mu 'kpee, 'ke -o 'fuudɔ- 'mu ta Mεεzan Zesu a zi 'ε ta, 'ke -o jilale.

Klɛza Mu 17

¹Pɔlu 'pegee Silasi -kaan Anfipolisi 'pegee Apoloni -wa mu 'ε ta, 'bhεε- -o -nwa bhɔɛ Tesaloniki -wa 'ε ta. Zuufu mu daanfε' do -yaa Tesaloniki -wa 'ε ta.

²Pɔlu ta pε -le -yaa geɛle Zuufu mu daanfε' mu 'ε =la -yitrε' yi oo -yitrε' yi ma, 'bhεla- -yile -e -ja Tesaloniki Zuufu mu 'ε daanfε' 'ε =la. 'Bhεε- -o 'pegee Zuufu mu daanfε' 'ε =la mu 'ε -o zaabwa- -Waanbhaa' a 'sεwε 'ε ta -yitrε' yi yaga ta.

³Pɔlu -Waanbhaa a 'Sεwε 'ε 'yipia= -o ni, 'ke -ya zɔn -o ni, 'bhε 'pegee 'ke -ya pe -o ni dɔɔ -a -lɛdulale -o 'yee- 'sεwε 'ε 'yi 'kaa Mεε -Bhε mi Krisi 'ε =yaa nu -yɛnɛbhleɛ, 'bhεε- -wa dε; 'bhε blaana, 'bhεε- -e bwe gale ba. 'Bhε 'yi, Pɔlu pe -o ni dɔɔ: "'D 'yoo-Zesu 'la 'bhε a -jan 'wo zii' 'ka ni, 'yele- 'ke Mεε -Bhε Mi Krisi 'ε 'le."

⁴'Bhε ya 'ε 'yi, 'woo- Zuufu mu 'ε 'ke mu 'bhε -jan 'ε 'yele- 'ke wlan 'le 'ke -woo 'kpale Zesu 'yi, 'bhεε- -o =nwa dɔɛ Pɔlu 'pegee Silasi zi. 'Bhε 'yi 'tε, Grɛki mu 'srε 'lɛdo 'la 'yaa- gblaana -Waanbhaa' -lɛε, 'bhε 'pegee -wa 'ε ta le -bebe mu 'la 'yaa- dulayɛ gblaana mu =nɔɔ, 'mu 'kpen -dwa -o zi 'ezin-.

⁵Duɲ- Zuufu mu 'ε -o zranwoa- Pɔlu 'pegee Silasi ba. -O -ja mεε nɲblo 'siɛle 'ke mu 'siile- -gbleba mu 'ε ta, 'bhε mu bole -yaa 'mu 'gbu ma, 'bhεε- 'mu 'laa -yaa ye 'kedo- 'kpɔ wo. -O 'mu 'lɛkpa- 'eke- ta, 'bhεε- -o yran =wlaa 'mu 'yi, 'kooko- 'mu wlan Pɔlu 'pegee 'bhε zi mu 'ε ma. 'Bhε 'yi bhε, -o -wa 'ε ta mu 'ε 'kpen 'wlenna- 'zoozoo-. -Woo 'eke- =sia, 'bhεε- -o -ja wlale 'gwlaana- do a 'fε 'ε =la, -o -yaa 'bhε 'gwlaana- 'ε sii Jason. 'Bhεε- -o Pɔlu 'pegee Silasi ziglinna 'bhε 'fε 'ε =la, 'kooko- -o ge -o -le waa -zamaa' 'ε ta.

⁶Waa Pɔlu 'pegee Silasi 'yelawolε Jason ba bhε, 'ke -o 'yee- Jason 'gbu 'pegee 'o nεεnε-Zesu 'yi mu 'ε 'ke mu 'kunle, 'bhεε- 'ke -woo -glaana, 'ke -o geɛ- -o 'le -waa' -wa 'ε ta 'kitikan mu 'ε ta. 'Bhεε- 'ke -wa peɛ- 'eglɔɔle dɔɔ: "Mεε mu 'lɛε-, 'wole- 'drunyan 'ε 'yi yɛkpen- =nɔɔ mu 'ε nɲblo -siɛla gban, 'bhεε- -o =nwa -kɔɔ' ba -gε -zɔn.

⁷'Bhεε- -woo =zian Jason -la ba. 'Woo- mεε mu 'lɛε- -o klɛza mu 'ε goɛ- -o Rome mu a -bhɛnɲbe -gbenε Sezaa a pε 'toɲ mu 'ε ma; 'bhεε- -o pe dɔɔ -bhɛnɲbe 'bhεεke do -o Sezaa blaana, 'bhεε- -o 'bhε sii Zesu."

⁸'Bhε -jan mu 'ε =wlaa -wa 'ε ta mu 'ε 'pegee -wa 'ε ta 'kitikan mu 'ε 'yi.

⁹Jason 'pegee Zesu 'yi mu -vin mu 'ε gɔli' -la gbawoa- -o ni, 'bhεε- -o -ploola 'mu ma 'tε.

- 10-Bi 'pòle- 'tɛ, 'ke 'o nɛɛnɛ- Zesu 'yi mu 'ɛ gele- Pòlu 'pegee Silasi 'le blaale- Bere -wa 'ɛ ta. -O bhòle 'bhɛ -wa 'ɛ ta, 'ke -o gele- wlalɛ Zuufu mu daanfɛ' 'ɛ =la.
- 11Bere -wa 'ɛ ta Zuufu mu 'ɛ 'yaa- 'ewlanle Pòlu 'pegee Silasi ma 'ke 'bhɛ kan Tesaloniki Zuufu mu 'ɛ ta. 'Bhɛ mu -Waanbhaa' a -jan 'ɛ 'kwan- 'mu zru 'ɛ 'kpen 'le. 'Bhɛla- -yile yi 'oo yi, -o -yaa Pòlu 'wojan- 'ɛ baglin- -Waanbhaa' a 'Sɛwɛ 'ɛ 'yi, 'kooko- 'ke wlan -le 'ke 'bhɛ 'le -o 'bhɛ dɔ.
- 12'Woo- Zuufu mu 'ɛ -bebe 'e =kpaa Zesu 'yi. 'Bhɛɛ- Grɛki mu 'ɛ ba, dulayrɛ gbłaan =nɔɔ le -bebe 'pegee 'gwlaan- 'srɛ 'mu -o =kpaa Zesu 'yi 'ezin-.
- 13'Duŋ- Tesaloniki Zuufu mu 'ɛ -wa male 'tɛ 'kaa Pòlu 'pegee Silasi -yaa -Waanbhaa' a -jan 'ɛ 'wo zii' Bere -wa 'ɛ ta, 'ke -o gele- 'bhɛ =nɔɔ ye. 'Bhɛɛ- 'ke -o yran wlale- 'sanle 'bhɛ =nɔɔ mu 'ɛ 'yi, 'bhɛɛ- 'ke -o 'mu 'wlenle Pòlu 'pegee Silasi ma.
- 14'Bhɛ yrɛ dɔ 'ɛ =nɔɔ bhe, 'ke 'o nɛɛnɛ- Zesu 'yi mu 'ɛ gele- Pòlu 'le weyi- 'ɛ ba -yrɛ ta; 'duŋ- Silasi 'pegee Timote =bwa -a -zanta' Bere.
- 15'Mɛɛ 'la zan mu -ja Pòlu madɔlɛ, 'mu -ja 'kɛle- 'fɔ Ateni -wa 'ɛ ta. -O niina- bhla 'ɛ zi, Pòlu kle =kpaa -o ta dɔɔ -wa pe Silasi 'pegee Timote ni 'kaa 'mu ge 'tɛn -a ma blaale- Ateni -wa 'ɛ ta.
- 16Pòlu -yaa Timote 'pegee Silasi 'magben- 'zi Ateni -wa 'ɛ ta 'waati 'la ba, -e Ateni -wa 'ɛ 'pale 'la =ya 'ke yo 'srɛ 'le bhe, 'bhɛ 'laa- -a ma 'egbenɛle.
- 17'Bhɛ 'yi, -e -yaa bo gele ma Zuufu mu daanfɛ' 'ɛ =la, 'bhɛɛ- -e -yaa -balɔ klɛ -Waanbhaa' a -jan 'ɛ ta 'ke Zuufu mu 'pegee Zuufu kle mu 'la 'yaa- gbłaan -Waanbhaa' -lɛɛ 'mu 'le. 'Bhɛɛ- yi 'oo yi, 'kee- -yaa bhɔ mɛɛ 'la zan mu ta -wa 'ɛ 'kpee -kpan 'ɛ ta, -o 'pegee 'mu 'yaa- -balɔ klɛ -Waanbhaa' a -jan 'ɛ ta 'ezin-.
- 18-A -lɛpaa 'ezin- 'sɛwɛ dɔ mu -gbɛnɛ 'ke mu 'le, 'mu =yaa -lɛ -glɔɔn plɛ: -o -yaa -a -lɛdɔ' sii Epikuri mu, 'bhɛɛ- -a -lɛ -vindo' 'ɛ -o -yaa 'mu sii Sitoisi mu. 'Bhɛ mu zaabɔle -saan Pòlu 'lɛ ma 'ezin-. -A 'ke mu pe dɔɔ: "Mɛɛ -lɛ ma -nrani' 'la bhe, -ya pe 'zi 'nale- -a ma ɛɛ?" 'Bhɛɛ- -a -bhɛɛke' mu pe 'ezin- dɔɔ: "-Yoo 'bhii- waa -waanbhaa' mu 'la dɔ, -yoo 'mu a -jan -la wo 'zi." -O 'bhɛ =pia 'bhɛ gbɛn- bhe, -amasrɔyi Pòlu -yaa Zesu a -Jan 'Nrɛle- 'pegee 'bhɛ bweza 'ɛ gale ba 'bhɛɛ- 'wo zii'.
- 19'Bhɛ klele 'tɛ, 'ke -o Pòlu 'kunle 'bhɛɛ- 'ke -o gele- 'kɛle- -waa' -wa 'ɛ ta 'kitikanyrɛ yrɛ 'ɛ =nɔɔ, 'bhɛɛ- 'ke -wa -lɔkpalɛ dɔɔ: "'Yoo- daangbeyɛ drɛɛ 'la 'wo zii' mɛɛ mu 'ɛ ni bhe, 'e sɔ -a baan' 'yipele 'o mɔɔ ni ɛɛ?"
- 20-Amasrɔyi 'o -jan mu 'la 'ma zii 'e 'lii, 'bhɛ mu -o 'o 'yrɛ 'yi -za drɛɛ mu 'le. 'Woo -a zi 'bhii- 'woo- -yima' 'kplankplan."
- 21-O 'yaa- 'bhɛ 'pe zii' 'bhɛ gbɛn- bhe, -amasrɔyi Ateni mu 'ɛ 'kpen 'pegee -a nɔɔ- 'cie mu 'ɛ 'yaa- bo yi 'oo yi -za drɛɛ mu 'te -la ta janwole ma, 'bhɛ 'pegee 'ke -woo 'trɔnkpa- 'mu =la.

- 22'Bhɛ klɛlɛ 'tɛ, 'kɛ Pɔlu 'ɛ 'wɛnɛ-, 'bhɛɛ- 'kɛɛ- dulalɛ -waa' Atɛni 'kitikan mu 'ɛ 'plɛŋ-, 'bhɛɛ- 'kɛ -ya pɛlɛ- -o ni dɔɔ: "Atɛni mu, 'an 'klɔsikwan 'bhii- pɛ mu gbale sɔ 'ka ni gbɛ 'ɛ 'kɛn ma.
- 23-Amasɔyi 'ŋ 'yaa- 'kaan zii' 'kaa- -wa 'ɛ 'kɛɛ bhla 'la ba, 'mi 'kaa- 'seriwo yɛ mu 'ɛ 'kɛn 'klɔsikwan, 'kɛ 'ŋ 'kaa- 'srakagoyɛ do yɛlɛ-, 'bhɛɛ- 'sɛwɛ 'lɛɛ- 'bhɛ yɔɔndɛlɛ -o -a ta dɔɔ: 'Mɛɛ laa -waanbhaa' 'la dɔ 'bhɛ gbayɛ -lɛ -gɛ.' 'Bhɛ ya 'ɛ 'yi, 'ka -Waanbhaa' 'la gba 'bhɛɛ- 'ka 'laa dɔ, 'mi =nwa 'bhɛ -lɛ a -janwolɛ 'ka ni -gɛ -zɔn.
- 24-Waanbhaa' 'la 'drunyan 'pɛgɛɛ -a -yi pɛ mu 'ɛ 'kɛn =kla, 'yɛlɛ- 'kɛ laflɛ' 'pɛgɛɛ 'trɛ 'ɛ Zan 'lɛ, 'bhɛɛ- bhaaplɛŋ mu 'a gba 'fɛ mu 'la -dwa yaa yi 'mu =la.
- 25'Bhɛɛ- -a maza laa -o pɛ 'kɛdɔ- ma -kɔɔ' 'kɔɔ. 'Bhɛɛ- drɔɔn', 'yɛlɛ- pɛ 'kɛn na bhaaplɛŋ mu ni: 'ɛ pɛ -si oo, 'ɛ pɛ 'trɛlɛ- oo, 'yɛlɛ- pɛ 'tɔlɛ- pɛ 'bhɛ na bhaaplɛŋ mu ni.
- 26'Yɛlɛ- bhaaplɛŋ =kla, 'bhɛɛ- 'trɛ ta bhaaplɛŋ mu 'ɛ 'kɛn -daa bhaaplɛŋ -lwa do 'kɔɔ -la -yi. 'Bhɛɛ- -yoo =kɛpaa 'trɛ ta yrɛkɛn- =nɔɔ. 'Yɛlɛ- 'waati mu 'ɛ -dwa, 'bhɛɛ- -ɛ -dan' 'kɛpala 'trɛ ta bhaaplɛŋ mu yaayɛ mu 'ɛ ma.
- 27'Yɛɛ- -Waanbhaa' pɛ 'kɛn =kla 'bhɛ gbɛɛn- bhɛ, 'kooko- bhaaplɛŋ mu 'kɛn 'yɛla- ziglin. 'Kɛ -o dɔ klɛn 'kɛ -wa ziglin, 'bhii- -yɛ 'wi mi do 'ɛ gbɛkɛpaa pɛ mu ma gɔnɛ- 'la gbɛɛn- 'kɛ -yoo pɛ do -glin 'zi bhla 'la ba; 'bhɛɛ- 'duŋ- -Waanbhaa' plɛŋgolɛ laa -o -kɔɔ' 'kɛdɔ- 'kɔɔ ma.
- 28'-Amasɔyi -kɔɔ' -si oo, -kɔɔ' bɛɛngbɛya oo, -kɔɔ' 'gbu bolɛ -kɔɔ' 'yɛ ma oo, -kɔɔ' 'mu 'kɛn 'srɔwo- 'yɛla- -yi.' 'Kaa- 'srɔkɛpaa mu 'ɛ 'kɛ mu 'bhɛɛ- =woa dɔɔ: '-Kɔɔ' mu -o 'ɛzin- -a 'kɛɛ yi mu 'lɛ.'
- 29"-Kɔɔ' mu -o -a 'kɛɛ yi mu 'la 'lɛ bhɛ, 'bhɛla- -yɛlɛ -kɔɔ' 'laa -Waanbhaa' 'kɛpɛ- bhaaplɛŋ mu a -can yoo 'pɛgɛɛ -gɔli' yoo, 'bhɛɛ- vlɛ yoo mu ma. Bhaaplɛŋ mu 'bhɛ pɛ mu 'ɛ 'yaanna- -o 'gbu 'kɛpɛlɛdan gbɛya -la zi.
- 30'Duŋ- bhaaplɛŋ mu -za 'la =kla waa -zadɔkɛlɛya 'waati 'ɛ ba, -Waanbhaa' laa 'bhɛ -za mu 'ɛ bɔ -li -klɔsi 'yi; 'duŋ- -zɔn yi 'lɛɛ- ma, -ya pɛ 'zi bhaaplɛŋ mu 'kɛn ni yrɛkɛn- =nɔɔ 'kaa -o 'plo- -o klɛza -yɔɔ' mu 'ɛ ma 'bhɛɛ- -woo 'gbu 'na 'yɛɛ -Waanbhaa' do -kɛn ni, 'bhɛɛ- -wa gba.
- 31-Amasɔyi -Waanbhaa' yi do -dwa gban, 'bhɛ yi 'ɛ 'lɛ, -ɛ nu 'drunyan 'yi bhaaplɛŋ mu 'ɛ 'kɛn 'kitikanɛ -yaa' -lɛdɔlɛya 'ɛ ma. 'Yɛɛ- -Waanbhaa' 'gbu nu mɛɛ mu 'kitikanɛ mɛɛ 'la zan 'lɛ, -ɛ 'bhɛ zan 'ɛ makwan- gban. -E 'bhɛ makun' -tɔɔmasiɛ 'la =kɛpaa 'kɛ 'bhɛ 'a zɔn mɔkɛn' ni 'bhii- wlan -lɛ 'kɛlɛ- 'bhɛ -lɛ =kla -ɛ 'bhɛ zan 'ɛ bwɛlawoa gale ba 'bhɛ 'lɛ."
- 32'Woo mɛɛ mu 'ɛ -wa male Pɔlu 'lii dɔɔ mɛɛ do -gaa 'bhɛɛ- 'bhɛ -bwɛla gale ba, 'kɛ -o 'kɛ mu 'sɔnsilɛ 'a ma, 'bhɛɛ- -o -vin mu 'ɛ pɛ dɔɔ: "Yi -bhɛɛkɛ' ta, 'o nu 'bhɛ -jan 'ɛ -vin 'ɛ 'malɛ- 'ɛ 'lii, 'bhɛ 'swa- -gɛɛ' -zɔn."
- 33'Bhɛ 'yi 'tɛ, 'kɛ Pɔlu goɛlɛ- -o plɛŋ-.

³⁴'Bhɛɛ- 'duŋ-, -o 'ke mu -dwa Pɔlu zi, 'bhɛɛ- 'mu 'e =kpaɔ Zesu 'yi: -o -yaa 'bhɛ mɛɛ mu 'ɛ do sii Denisi, 'bhɛɛ- 'bhɛ 'yaa- 'ke -waa' -wa 'ɛ ta 'kitikan mu 'ɛ do 'le; 'bhɛ 'pegee le do 'la -o -yaa 'bhɛ sii Damarisi, 'bhɛɛ- mɛɛ 'ke mu 'ezin-.

Klɛza Mu 18

¹'Bhɛ blaɔn, 'ke Pɔlu gole- Atɛni, 'bhɛɛ- 'kee- gele- Korɛnti -wa 'ɛ ta.

²-E bhɔle Korɛnti, 'kee- Zuufu 'gwlaan- do yele-, -o -yaa 'bhɛ sii Akilasi. -O 'bhɛ =yaa 'klɛɛn 'la 'yi, -o -yaa 'bhɛ sii Pɔn. 'Yee- Akilasi 'pegee -a na Prisili dale laa -mɔlɛ' bi Itali 'klɛɛn 'ɛ 'yi. -Amasrɔyi Itali 'klɛɛn 'ɛ ta -bhɛŋgbe gbɛlaan 'ɛ, Klodi, 'bhɛ 'a =pia Zuufu mu 'ɛ 'kpɛn ni dɔɔ -o go Rɔmu -wa 'ɛ ta. 'Bhɛla- -yile, Akilasi 'pegee -a na -gwa Itali 'klɛɛn 'ɛ 'yi, 'bhɛɛ- -o =nwa Korɛnti. 'Bhɛɛ- Pɔlu bhɛgwɛnya -dwa -o ma.

³Pɔlu =bwa -o ba, 'bhɛɛ- -o -yaa yewo 'eke- zi, -amasrɔyi 'yee- Akilasi 'pegee Pɔlu 'woye- -yaa do: -O mɛɛ plɛ -yaa 'ke sɔkpaa' mu dɔ mu 'le.

⁴-Yitrɛ' yi 'tɔle- -yitrɛ' yi, Pɔlu -yaa ge Zuufu mu daanfɛ' 'ɛ =la, 'bhɛɛ- -e -yaa -janwo' Zuufu mu 'ɛ 'pegee Grɛki mu 'ɛ ni -janwo' gbɛya do 'yi, 'kooko- -yaa -jan 'ɛ dɔ 'mu 'yi 'bhɛɛ- 'mu dɔ Mɛɛzan 'sile- -la 'mu a pɛ 'le.

⁵'Duŋ- Silasi 'pegee Timote dalawoa Masedwani, 'bhɛɛ- 'mu =nwa 'tɛnlɛ- 'yee- Pɔlu ma Korɛnti -wa 'ɛ ta, -a 'san 'bhɛ yi 'ɛ ma, 'yee- Pɔlu -yrɛ gbaanle =bwa -Jan 'Nrɛle- 'ɛ 'bhɛɛ- 'wole- ba, 'ke -ya pɛ Zuufu mu 'ɛ ni kpataakpa dɔɔ Zesu -le 'ke Mɛɛ -Bhɛɛ Mi Krisi 'ɛ 'le.

⁶'Duŋ- Zuufu mu 'ɛ waa dɔle Pɔlu 'wojan- mu 'ɛ =la, 'bhɛɛ- -wa -zwanwoa. Pɔlu 'bhɛ ta dunɛ- 'ɛ -gwa, 'bhɛɛ- -e 'bhɛ 'yizwan- 'ke 'bhɛ 'yi bwɛgbɛn- 'ɛ 'wɛnlɛ-. 'Bhɛɛ- 'bhɛ =kla -o -baŋgoza 'ɛ -Waanbhaa' a -jan 'ɛ 'yi 'bhɛ ma -tɔɔmasie 'le. 'Bhɛ blaɔn, Pɔlu pɛ -o ni dɔɔ: "'Ke 'ka =nia -Waanbhaa' a pɛ zi 'ɛ ta, 'ka 'laa 'lɛlɛ- 'mi ta, 'bhɛ -daa 'ka mu 'gbu -la ba. 'Kee- 'san -zɔn ma, 'ŋ nu gele boolazi -gɛ Zuufu kle mu 'ɛ ba, 'bhɛɛ- 'ŋ -Waanbhaa' a -jan 'ɛ wo 'mu ni."

⁷Pɔlu 'bhɛ -jan 'ɛ 'wole-, -e 'pwele- Zuufu mu daanfɛ 'ɛ =la, 'kee- gele- mɛɛ do ba: -o -yaa 'bhɛ mɛɛ 'ɛ sii Titusi Zutusi. 'Bhɛ =yaa gbɛlaan -Waanbhaa' -lɛɛ, 'bhɛɛ- 'bhɛ a 'fɛ 'ɛ 'yaa- Zuufu mu daanfɛ' 'ɛ -din.

⁸'Bhɛɛ- 'duŋ-, Zuufu mu daanfɛ' -kunlii Kripusi 'pegee 'bhɛ ba 'fa =la mu 'ɛ 'kpɛn -woo =kpaɔ Mɛɛzan 'yi. 'Bhɛ blaɔn, Korɛnti mu 'la =yaa 'mu 'trɔnkpa zii' Pɔlu 'wojan- mu 'ɛ =la, 'mu -bebe 'ɛ =kpaɔ Mɛɛzan 'yi 'ezin- 'bhɛɛ- -o 'mu wiɛŋfia= -yi ba Zesu 'tɔ 'yi.

⁹-Bi do zi, Mɛɛzan -Waanbhaa' 'a =pia Pɔlu ni -yrɛ zi yele do 'yi dɔɔ: "'Yaa -gbɛlaanle' mɛɛ 'kɛdo- 'kpɔ 'lɛɛ, 'ɛ 'yrɛ gbaan 'an -jan 'ɛ 'wole- ba, 'bhɛɛ- 'yaa 'ɛ tagalɛ -titi.

¹⁰-Amasrɔyi 'mi 'gbu -o 'ɛ zi. Yaa nu dɔle mɛɛ 'kɛdo- 'kpɔ 'kpee 'ke 'bhɛ 'ɛ kun 'bhɛɛ- 'bhɛ -za 'yɔɔ- kle 'ɛ ni; -amasrɔyi 'an pɛ mɛɛ -bebe -o -wa 'lɛɛ- ta -gɛ."

¹¹'Bhɛla- -yile, Pɔlu =bwa Korɛnti -wa 'ɛ ta, 'kee- mɛɛ mu 'ɛ daan -Waanbhaa a -jan 'ɛ 'le, 'fɔpɛ 'bhɛ ge 'tɛnlɛ- lɛɛ do 'ke mlɛ 'srwado- ma.

- 12**Galiyɔn -yaa 'ke Rome mu 'e -waa' -janmatii 'le Akayi 'kleen 'e ta 'waati 'la ba, Zuufu mu 'e -wa =kpaa do 'bhɛɛ- -o -wlenna Pɔlu ma. 'Bhɛɛ- 'ke -o gele- 'kele- -klu ta.
- 13**-O bhɔle 'bhɛ =nɔɔ, 'ke -wa pele- dɔɔ: "Mɛɛ 'lɛɛ- -ya zi 'bhii- -e mɛɛ mu 'e ngblo 'siɛ-, 'bhɛɛ- 'mu -Waanbhaa' gba gba gbɛya 'la 'bhɛ gole -o 'toŋ 'e ma 'bhɛɛ- 'yi."
- 14**Pɔlu -yaa zan -janwole 'sanle- 'ke Galiyɔn 'a 'pele 'woo- Zuufu mu 'e ni dɔɔ: "Zuufu mu, 'kee- 'kpa bi 'bhii- 'yee- 'gwlaan- 'lɛɛ- -za 'yɔɔ- -glɔɔ 'ke -la =kla, 'bhɛ 'pegee -e 'kpee 'yɔɔya- 'ke =kla, 'ŋ 'yaa- nu dɔle 'ka 'wojan- 'e =la.
- 15**'Duŋ- 'kee- =kla zaa drɔŋ bɔlele -jan mu 'pegee bhaaplɛŋ mu 'tɔ ta, 'bhɛɛ- 'ka 'gbu a 'toŋ mu 'e ta, 'ka 'gbu 'bhɛ -za 'e 'yrebago 'ka 'plɛŋ. 'Naa- zi 'bhii- 'ŋ bɔ 'bhɛ -za 'e ba!"
- 16**Galiyɔn 'yanle- 'bhɛ -jan 'e 'wolele bhe, 'ke -ya pele- -o ni dɔɔ -o go -klu 'e ta.
- 17**'Bhɛla- -yile, 'ke -o 'kpen zenle- -waa' daanfɛ' -kuŋlii Sɔsitɛni 'e 'bhɛ zi, 'bhɛɛ- 'ke -o 'bhɛ 'kunle. 'Ke -o 'bhɛ tafɛle 'sanle 'kitikanyrɛ 'e 'lɛ ma. 'Duŋ- Galiyɔn 'a =kla 'bhii- yaa 'bhɛ -za 'e 'kpen 'yele-.
- 18**'Bhɛɛ- Pɔlu =mwa 'ezin- Korɛnti -wa 'e ta. 'Bhɛ blaɛn, 'ke -ya -srawole -a nɛɛɛ- Zesu 'yi mu 'e ma. 'Bhɛɛ- 'yee- 'pegee Prisili, 'bhɛɛ- Akilasi -o =bwa -batɔŋ' do 'yi, 'bhɛɛ- -o -ja Siri 'kleen 'e 'yi. 'Duŋ- 'yee- Pɔlu -Waanbhaa' wli =kwan -sɔ -a ngblo -gweza' 'yi, 'bhɛla- -yile 'ke -ya ngblo -gwele' Sankre -wa 'e ta, 'bhɛɛ- -o -ja 'tɛ.
- 19**-O bhɔle Efɛzi -wa 'e ta, 'ke Pɔlu Akilasi 'pegee Prisili 'tole 'bhɛ =nɔɔ, 'bhɛɛ- -e -ja Zuufu mu daanfɛ' 'e =la 'bhɛɛ- 'ke -o 'pegee Zuufu mu 'e -o -balɔ klele-.
- 20**'Bhɛ mu -sromabwa -a ni dɔɔ -e -mɔ 'waati sa 'mu -din, 'duŋ- yaa dɔle 'bhɛ =la.
- 21**-A go bhla 'e zi 'mu -din, 'ke -ya pele- 'mu ni dɔɔ: "'Ke -Waanbhaa' -dwa -a -la 'ŋ nu nu gbɛ drɛɛwɔle 'ka taglinlɛ." -E yanle 'bhɛ 'pele- 'le, 'kee- gole- Efɛzi -wa 'e ta -batɔŋ' do 'yi.
- 22**-E bhɔle Sezare -wa 'e ta, 'kee- zinale -batɔŋ' 'e 'yi, 'bhɛɛ- 'kee- gele- Zeruzalɛmu Zesu 'yi mu -lɛdɔ' 'e 'pubɔle; 'bhɛ blaɛn 'kee- gele- Antiosi.
- 23**-E -yrekpaa' 'dama =kla 'bhɛ =nɔɔ, 'kee- gele- Galasi 'pegee Frizi 'kleen mu 'e 'yi 'kee- ge 'fuudɔlele Zesu zi mu 'e 'kpen ta.
- 24**-O -yaa Zuufu mi do sii Apɔlɔsi, 'bhɛ -daa 'bhɛ =ya -wa 'e ta Alɛzandri, 'bhɛɛ- 'bhɛ =nwa Efɛzi -wa 'e ta. 'Bhɛ 'yaa- 'ke -janwo' mi -lrele' do 'gbu 'le, 'bhɛɛ- 'bhɛ =yaa -Waanbhaa' a 'Sɛwɛ 'e dɔ 'kee- kan -a -daŋ' ta.
- 25**-Wa -daanna Mɛɛzan Zesu a zi 'e 'bhɛɛ- ta jan 'e 'le, 'bhɛɛ- -e -yaa 'bhɛ -vavade 'ebebele. 'Bhɛla- -yile, -e -yaa Zesu a -za 'e 'wo zii' mɛɛ mu 'e ni 'kee- 'mu daan kplankplan. 'Duŋ- -yaa' pɛ Mɛɛzan dɔleya 'e -daŋ' -le -yaa 'ke Mɛɛ Wiinjɛ' Mi Zaan a pɛ mɛɛ wiinjɛza -yi 'te 'e 'bhɛɛ- 'le.
- 26**-Yrekpaa' do, 'yee- Apɔlɔsi -yaa -Waanbhaa' a -jan 'e 'wo zii' Zuufu mu daanfɛ' 'e =la 'ke -gblaɛn 'laa kla -a -yi. Prisili 'pegee Akilasi -yaa' mɛɛ daangbɛya 'e 'yele-, 'ke 'mu 'a 'siile-, 'bhɛɛ- 'ke 'mu -Waanbhaa' a zi 'e 'yipele 'a ni kplankplan.

27'Bhε blaana, 'ke Apolōsi 'a 'pele dōo -e gele- Akayi 'kleen 'ε 'yi. 'Bhε klele 'te, 'ke -a neene- Zesu 'yi mu 'ε 'mu 'a 'liale dōo -e ge 'bhε =nōo. -Ayile, 'ke 'mu -a dō 'sewe do dele- Akayi 'kleen 'ε 'yi Zesu 'yi mu -lēdo' 'ε ni dōo 'kee- =bhwa 'mu ba ye, 'mu 'a 'cieya- kle 'elrele. -E bhōle Akayi, mεε 'la zan mu 'mu =kpa Zesu 'yi -Waanbhaa' a -lileya 'ε ma, -e 'mu -daanna, 'bhεε- -e 'mu 'kpaleya 'ε baan' =klaa 'bhε ba.

28-Amasrōyi Zuufu mu 'ε 'yaa- 'ni 'zi -Waanbhaa' a 'Sewe 'yi yre 'la =nōo, -e -yaa 'bhε 'yrebakan zii' mōkpen' 'yre ma kpataakpa; 'ke -ya zrōn mεε mu 'ε ni 'bhii- -Waanbhaa mεε 'la zan makwan- 'bhii- Mεε -Bhee Mi Kriisi 'le, 'bhε zan -le -yaa 'ke Zesu 'le kpataakpa.

Kleza Mu 19

1Apolōsi -yaa 'waati 'la ba Korenti -wa 'ε ta, Pōlu =kaan Azi 'kleen 'ε 'yi vle gōon mu 'ε 'yi -wa mu 'ε ta, 'bhεε- -e =nwa bhōle Efezi -wa 'ε ta 'te. -E =bhwa 'bhε =nōo Zesu a -klanlanε mu 'ε 'ke ta.

2'Bhε klele 'te, 'kee- 'mu 'lrōkpale dōo: "'Ka 'ka 'kpalawoa Zesu 'yi, 'ka Lii 'Wen 'ε 'srōwoa- εε?" 'Bhεε- 'ke 'mu 'a zikpale -a ni dōo: "'Yooye-, 'o mōo laa a male -lido' dōo Lii 'Wen -o."

3'Bhεε- 'ke Pōlu -o -lrōkpale 'ezin- dōo: "'Ka 'ka 'kpalawoa Zesu 'yi bhe, -o 'ka 'wiifia= wiifegbeya -glōon 'ε -dela -yi εε?" 'Bhεε- -o pe Pōlu ni dōo: "-Woo' 'wiifia= Zaan a pe mεε wiifegbeya 'bhεε- 'yi -yi ba."

4'Bhεε- Pōlu pe -o ni 'ezin- dōo: "'Ke mεε 'la zan mu -yaa dō a -la 'ke -o ploō -o kleza -yōō' mu 'ε ma, Mεε Wiifε' Mi Zaan -yaa 'bhε zan mu -la wiifε -yi ba. 'Dun- -e -yaa pe 'zi Izraeli mu 'ε ni 'ezin- dōo -woo 'kpa mεε 'la zan -yaa nu nule 'yee- blaana, 'bhεε- 'yi; 'bhε mεε 'ε 'bhε -le 'ke Zesu 'le."

5-O yanle 'bhε -jan mu 'ε 'malele, 'ke -o dōle- -a -la dōo -woo wiifε' -yi ba Mεεzan Zesu 'tō 'ε 'yi.

6'Bhε blaana, 'ke Pōlu 'ε gbε 'kpale -o ta, 'bhεε- 'ke Lii 'Wen 'ε zinale -o ta. 'Ke -o wli -bhεεke' mu 'pele 'sanle, 'bhεε- 'ke -o -Waanbhaa' -lēla' janwo.

7'Woo- mεε mu 'ε 'yaa- bhō mεε vu ta ple -din.

8'Bhε blaana, 'ke Pōlu gele- Zuufu mu daanfe' 'ε =la. 'Bhεε- mle yaga ta, -e -Waanbhaa' a -bhleṅgbeya yaaza 'ε -jan 'ε =woa mεε mu ni. Yaa -yaa gbāana mεε 'kedo- 'kpō 'lēε 'bhε -janwo' yre 'ε =nōo. -E -yaa dō 'zi klen, 'kooko- mεε mu dō Mεεzan a -jan 'ε =la.

9'Dun- Zuufu 'ke mu -yaa 'mu 'trōn 'yi dō 'zi 'egloole Pōlu 'wojan- mu 'ε ma, 'bhεε- waa -yaa dōle- -a -la 'ke -woo kpa Zesu 'yi. Drōon', -o -yaa 'sōnsi zii' Pōlu 'wojan- mu 'ε ma 'ke -o -jan 'yōō- wo Mεεzan a zi 'ε ma mōkpen' 'yre ma kpataakpa. 'Bhēla- -yile 'ke Pōlu Zesu 'yi mu 'ε 'siile, 'ke -o 'pegee 'mu gole- -o pleṅ-, 'bhεε- 'ke -o gele- Tiranusi -a -laklu -wa 'ε ta. -E =bwa -Waanbhaa' a -janwo' 'ε 'wole- ma 'bhε =nōo yi 'oo yi.

10Pōlu =bwa 'bhεε- klele ma lēε ple ta, -asiikōo Zuufu mu 'pegee Zuufu kle mu 'la 'kpen 'yaa- 'bhε Azi 'kleen gbe do 'ε 'yi, 'mu 'kpen Mεεzan a -jan 'ε =maa.

- 11-Waanbhaa' -yaa mɛɛ 'kpeeleni ma 'sɔle- maza mu klɛ 'zi Pɔlu gbɛ zi.
- 12'Bhɛla- -yile, 'kee- -yaa klɛ sɔgbɛ mu 'le oo, 'kee- -yaa klɛ mɛɛ ŋgblo ma 'fuugo-sɔgbɛ mu 'le oo, 'ke -o -yaa 'mu yan Pɔlu 'flɛ 'ɛ ma, 'bhɛɛ- 'ke -o -yaa 'mu kpa gadɛ mu 'pegee lii -yɔɔ mu -yaa mɛɛ 'la zan mu zi 'mu ma, 'bhɛ gadɛ mu 'ɛ =yaa bhee, 'bhɛɛ- lii -yɔɔ' mu 'ɛ =yaa go 'bhɛ zan mu 'ɛ zi.
- 13'Bhɛ ya 'ɛ 'yi 'tɛ, Zuufu 'kɛ mu 'la 'yaa- 'kaan zii' yɛkpen- =nɔɔ 'ke -o ge 'zina mu -gbinlele 'zina lii mu -yaa mɛɛ 'la zan mu zi, 'mu =yaa zi 'tɛ 'bhii- 'mu 'zina mu 'ɛ -gbin mɛɛ mu 'ɛ zi Mɛɛzan Zesu 'tɔ 'ɛ 'le. -O 'kpen do do -yaa -jan 'la wo 'zina mu 'ɛ ni, 'bhɛ -le -yaa dɔɔ: "'Mi pe 'ka ni dɔɔ Zesu 'la 'ke Pɔlu -o 'bhɛ a -jan 'wo zii', -ka go 'bhɛɛ- 'tɔ 'ɛ 'yi!"
- 14'Mɛɛ 'la zan mu -yaa 'bhɛ -za -glɔɔn 'ɛ klɛ 'zi, 'mu 'yaa- mɛɛ 'srwaplɛ-, 'bhɛɛ- 'mu -yaa Zuufu mu a 'sraka 'lɛna- mi gbilaan do 'la -o -yaa 'bhɛ sii Seva 'bhɛɛ- gbɛ mu 'le.
- 15-O 'bhɛ -jan 'ɛ 'wole- 'zina do ni, 'ke 'bhɛ 'a zikpale -o ni gadɛ mi 'ɛ 'lii dɔɔ: "'D Zesu dɔ, 'bhɛɛ- 'ŋ Pɔlu dɔ 'ezin-; 'duŋ- 'ka mu, -de mu 'gbu -le 'ka mu 'le ɛɛ?"
- 16'Zina =yaa mɛɛ 'la zan zi, 'bhɛ -balaa' -o ta, 'bhɛɛ- 'bhɛ a pɛ faŋgan- 'ɛ =kpa -o 'kpen a pɛ faŋgan- 'ɛ ta; 'bhɛɛ- 'bhɛ -yɛnkpa' gbɛ -yɔɔ' =woa -o ta, -asiikɔɔ -o -pwɛla 'fɛ 'ɛ =la -o tafleŋ- 'le 'ke -o blasaan-, 'bhɛɛ- -o madiŋwole -yaa.
- 17'Bhɛ -za 'ɛ =zian Efezi -wa 'ɛ ta yɛkpen- =nɔɔ. 'Kee- kpa Zuufu mu ta oo, 'kee- kpa Zuufu klɛ mu ta oo, 'o 'kpen 'bhɛ -za 'ɛ =maa; -ayile -gbilaan =klaa -o 'kpen 'yi, 'bhɛɛ- -o -yaa -gasikpa zii' Mɛɛzan Zesu 'tɔ 'ɛ 'lɛɛ.
- 18'Mɛɛ 'la zan 'mu 'ɛ =kpa Zesu 'yi, 'mu -bebe -yaa zan 'mu klɛza -yɔɔ' mu 'ɛ 'pɛlɛ-mɔkpen' 'yɛ ma kpataakpa.
- 19'Mɛɛ 'la zan mu -yaa 'srɔn klɛ, 'mu -bebe =nwa 'mu 'a 'srɔn 'sewɛ mu 'ɛ 'le, 'bhɛɛ- 'bhɛ mu 'mu 'kpen 'kpaciela mɔkpen' 'yɛ ma. 'Bhɛ 'sewɛ mu 'ɛ 'plɛɛ 'yaa- -gɔli' 'taŋbha 'waa mia plɛ bhɛ vu (50.000) bhɔ.
- 20'Bhɛ gbɛɛn- bhe, Mɛɛzan a -Jan 'ɛ 'yaa- zen 'zi 'yee- Mɛɛzan a -glɔɔya' 'ɛ 'le, 'bhɛ 'pegee faŋgan- ma.
- 21'Bhɛ -za mu 'ɛ klɛle blaana, 'ke Pɔlu 'a 'lɛdulale Lii 'Weŋ 'ɛ 'seŋ ta dɔɔ -e gele- 'kanlɛ- Masedwani 'pegee Akayi 'klɛn mu 'ɛ 'yi, 'bhɛɛ- -e ge 'pwɛlɛ- Zeruzalɛmu. -Ya =pia dɔɔ: "'Ke 'ŋ -ja 'bhɛ =nɔɔ ye, -yoo 'ke -za 'le 'ezin- 'ke 'ŋ ge Rɔmu -wa 'ɛ ta."
- 22'Bhɛla- -zayile, -ya mado mi plɛ winbwa- Masedwani: Timote 'pegee Erasi. 'Bhɛɛ- 'yee- 'gbu =bwa -sɔ 'mu -zanta -yɛkpa' sa ta Azi 'klɛn 'ɛ 'yi.
- 23'Bhɛ 'waati do 'kpɔ 'ɛ ba, Efezi -wa 'ɛ ta mu 'ɛ 'kpen 'yaanmiŋwole -yaa Mɛɛzan Zesu a zi 'ɛ -zayi'.
- 24'Wlan 'ɛ ni, yo do -yaa Efezi -wa 'ɛ ta. -O -yaa 'bhɛ sii Aatemisi. 'Bhɛɛ- -can klɛ mi do -yaa 'yee- -wa 'ɛ ta, -o -yaa 'bhɛ sii Demetriusi. 'Bhɛ 'yaa- 'yee- yo 'ɛ gba 'fɛ 'ɛ bhɔɔma -yɛrɛnɛ' mu klɛ -gɔli' 'taŋbha 'pu 'le, 'bhɛɛ- -e -yaa 'mu gɔn mɛɛ mu 'kɔɔ. 'Yee-

Demetriusi 'pegee -yaa' yewone mu 'ε =yaa -goli' -bebe 'srōwo 'bhe yo 'ε gba 'fe 'ε bhōma -yrine' mu 'ε gōnle ma.

25-Yrekpaa' do, -e -yaa' yewone mu 'ε 'pegee -can kle mu -vin mu 'ε =klaa 'eke- ba, 'bhεε- -ya =pia 'mu ni dō: "'D 'yienii mu, 'ka 'gbu 'a 'yaango- 'bhii- -kōō' -o -kōōa' -naflo mu 'ε 'srōwo zii' -kōōa' ye 'lεε- 'bhεε- ma.

26'Duŋ- -zōn 'yee- Pōlu 'ε -yoo -za mu 'la kle 'zi, 'ka 'yre -o 'mu ma, 'bhe 'pegee 'ka 'trōn -o 'mu 'yi. -Ya pe 'zi mεε mu 'ε ni dō: Bhaapleŋ mu -o gba yo mu 'la yaan -o 'gbu 'kōō, 'mu 'laa -o 'ke -waanbhaa' -zeze mu 'le. Mεε -bebe 'ε =kpaa 'bhe -jan 'ε yi; 'bhεε-, 'bhe mεε 'srε ŋgblo -siela. 'Duŋ- 'bhe 'laa klele Efezi -wa do -kplēn ta -gε, 'bhe =kla 'ezin- Azi 'kleen 'kpen -la -yi.

27-A -daŋ' 'laa nu gole -kōōa' yawo 'ε do -kplēn baale ta. 'Kela 'bhe -o -a -yi 'eyōole 'ezin-, 'bhe -le dō -e nu -kōōa' yo da -gbene 'ε gba 'fe 'tō 'ε magale. 'Bhe gbēen- bhe, -kōōa' yo 'ε 'tōbholeya 'ε nu gale; 'bhεε- 'duŋ- Azi 'kleen 'yi mu 'ε 'kpen 'pegee 'trε ta mu 'ε 'kpen 'yela- gba!"

28'Mεε 'la zan mu Demetriusi 'wojan- 'ε =maa, yran -gbene =wlaa 'mu zru 'yi. 'Bhεε- 'ke -wa pele 'sanle 'eglōole dō: "Aatemisi, Efezi mu a yo da 'ε -yoo 'egbenele, 'bhεε- 'e 'kpa ma yo laa -o! Aatemisi, Efezi mu a yo da 'ε, 'yoo- 'egbenele, 'bhεε- 'e 'kpa yo laa -o!"

29'Bhe klele 'tε, 'bhe -jan 'ε -wa 'ε 'kpen 'yaanminjwoa, 'bhεε- 'ke -wa 'ε ta mu 'ε 'kpen 'wlēnle. 'Bhεε- 'yee- Pōlu 'taawoyōōn plε 'ε, Gayusi 'pegee Arisitaki, -o 'mu =kwan. 'Mu =yaa 'ke Masedwani mu 'le. -Woo 'kunlawoa, 'ke -woo -glaanle', 'bhεε- 'ke mεε 'saa 'ε gele- 'ke -o -le -waa' -zabla' -kpan 'ε ta.

30'Bhe 'yi, Pōlu 'gbu 'yaa- zi 'bhii- -e ge dō -zamaa' 'ε 'lεε 'bhεε- -ya 'gbu zōn 'mu ni, 'duŋ- Zesu 'yi mu 'ε waa dōle a -la 'kee- 'bhe kle.

31'Yee- Azi 'kleen 'yi -kunlii gbalaan mu 'ε 'ke mu -yaa 'yee- Pōlu 'gbu 'bhegwlen- mu 'le. 'Bhe mu kle =kpaa -a ni dō yaa gele -zabla' -kpan 'ε ta.

32'Bhe 'waati 'ε ba, -zamaa' 'saa 'ε 'yaa- -we 'zi 'zoozoo-: -a 'ke mu -yaa -janwo' zii' 'eglōole, 'bhεε- waa -yaa sō 'eke- -weli' -yi 'male. 'Bhεε- drōōn', -woo -lεkpaa 'eke- ta win 'la ma, -o -bebe 'laa -yaa 'bhe dō.

33-O -yaa Zuufu 'gwlaan- do sii Alezandri. -Zamaa' 'ε 'pleŋ- mεε 'ke mu 'yee- -za 'ε 'yipia= 'bhe ni. 'Bhεε- Zuufu -vin mu 'ε 'yee- Alezandri 'yrōōna-, 'bhεε- -o -ja 'kele- -zamaa' 'ε 'lεε-. -Ya gbε -lawlenna, 'bhεε- -e -yaa zan -janwole -zamaa' 'ε ni.

34'Duŋ- -wa yele 'bhii- -e -yaa 'ke Zuufu mi 'le, 'ke -woo -weli' 'ε 'wlēnle 'eke- zi 'eglōole 'zoozoo- 'ke -wa pe dō: "Aatemisi, Efezi mu a yo da, 'yoo- 'egbenele, 'e 'kpa ma yo laa -o! Aatemisi, Efezi mu a yo da, 'yoo 'egbenele, 'e 'kpa ma yo laa -o!" -O =mwa 'bhe 'pele- zi 'fō 'bhe -bēenna 'lεε plε -din.

35'Fō boolazi, 'bhεε- -waa' -wa 'ε ta 'sewede mi 'ε 'bhe gbeswa- -zamaa' 'ε tagale ta; 'bhεε- 'bhe pe -o ni dō: "Efezi mu, mōkpen' 'a 'yaango- 'bhii- Efezi mu 'ε 'mu -le -

kooa' yo da -gbene Aatemisi gba 'fe 'pegee -a bhooma -yrine' 'e gooba mu 'le, 'bhe 'pegee 'yee- yo 'e bhooma -yrine' 'e -daa lafle' ma, 'bhæe- -e -balaa' 'tre ma.

³⁶Mæe 'kedo- 'kpɔ 'laa sɔ 'bhe ma zaabole. 'Duŋ- 'ke -yoo 'bhe gbæen- bhe, -ka 'ka zrukpa, 'bhæe- 'ka 'laa 'kool- -za 'kedo- 'kpɔ klele ma blaale-.

³⁷-Amasroyi, 'ka =nwa mæe ple 'la 'le -ge bhe, waa -kooa' yo 'e gba 'fe 'e =la pe 'kedo- 'kpɔ 'sile-, 'bhæe- waa a 'to 'yoo- 'kedo- 'kpɔ 'pele-.

³⁸'Bhæe- 'duŋ-, 'ke Demetriusi 'pegee -yaa' yewone mu 'e -woo -la ma janwoa- doo mæe 'ke -za 'ke =kla -o ni, 'kitikan yi mu dole -o, 'bhæe- -koo' 'wiinj- mæe gbalaan mu 'e 'mu -o ye. -O sɔ gele- 'mu ta ye waa -za 'e 'yrebago zayi'.

³⁹'Ke 'kaa- zi 'bhii- 'o 'kaa- -za 'bhæeke 'yrebago, -koo' nu 'bhe klele -koo' a 'klanjkeba yi 'e 'le.

⁴⁰'Duŋ- -za 'la =kla -zon, Rome mu 'e sɔ -lale' -koo' ta doo -koo' -o -wlen 'zi -o ma. - Amasroyi -koo' =klaa 'eke- ba, -za 'la ma, win laa -o 'bhe ma, 'bhæe- -koo' 'laa nu 'sɔle- 'bhe 'yipele mæe 'kedo- 'kpɔ ni.”

⁴¹Waa -wa 'e ta 'sæwede mi 'e 'yanle 'bhe -jan mu 'e 'wolele, 'ke -ya pele- mæe mu 'e ni doo -o piila-, 'bhæe- -o ge -o ba -le ma.

Klæza Mu 20

¹Efezi mu 'e -woo tagaa- 'waati 'la ba, 'ke Pɔlu Zesu 'yi mu 'e 'lækpale 'eke- ta, 'bhæe- 'kee- 'fuudole -o ta. 'Bhe blaana, 'kee- zi -yrewole -o ma doo -e gele- Masedwani.

²Pɔlu 'kanaa 'bhe 'kleen 'e 'yi, 'kee- ge 'fuudolele Zesu 'yi mu 'e ta -jan -bebe 'le. 'Bhe blaana, 'kee- gele- Greki mu a 'kleen 'e 'yi.

³'Bhæe- 'kee- mle yaga klele- 'bhe =noo. -E -yaa zan bole -batonj' do -yi 'bhæe- -e ge Siri 'kleen 'e 'yi 'waati 'la ba, 'ke -ya male- doo Zuufu mu 'e 'yaa- 'dukpa zii' -a de zayi'. 'Bhe klele 'te, 'ke -ya pele- doo -e niinale -a da zi 'e zi 'kee- kan Masedwani.

⁴'Gwlaan- 'srwaple- -le -ja 'yee- Pɔlu madole Azi 'kleen 'e 'yi 'taa 'e ta: Pirusi 'la 'yaa- da Bere -wa 'e ta 'bhe gbe Sopateæ, 'bhæe- Arisitaki 'pegee Sekondusi, 'mu 'yaa- da Tesaloniki -wa 'e ta; 'bhæe- Gayusi, 'bhe 'yaa- da Dæebi -wa la, 'bhæe- Timote, 'bhe 'yaa- da Lisitri, 'bhæe- Tisiki 'pegee Trofimu: 'mu 'yaa- da Azi 'kleen 'e 'yi.

⁵'Bhe mæe 'srwaple- 'e -ja 'tenle- 'o ma Troasi -wa 'e ta -yrekpa' 'soo 'kanle- blaana.

⁶'O mɔɔ 'gbu, 'o -batonj' do =sia Filipu -wa 'e ta 'bluu 'wlen kle bhle 'feti 'e blaana. 'O -yrekpa' 'soo =kla zi 'e 'lii 'bhæe- 'bhe -yrekpa' 'soo mi 'e ma, 'o =wlaa Troasi -wa 'e ta 'te. 'Bhæe- 'o -gbæyi' do =kla 'bhe =noo.

⁷Zuufu mu a -yitre' yi 'e ma yoma 'e zi, 'o =klaa 'eke- ba Mæzan a pebhle 'e 'bhle zayi' 'eke- zi. 'Bhæe- 'duŋ-, Pɔlu -yaa zan gelawole 'taa do ta 'bhe ta tooklin- yi 'e 'le bhe, 'bhela- -yile, -e -janwoa mæe 'la zan mu =klaa 'eke- ba 'mu ni. 'Bhæe- -e=mwa -janwole 'e zi 'ke 'bhe ge 'tenle- blanjreyi ma.

⁸'O 'klale- -yaa 'eke- ba 'sangaso 'kpee 'la =la, -lanjha -bebe 'bhile- -yaa 'bhe =la.

- 9-O -yaa -zwanne do sii Eyutisi, 'bhεε- 'bhε 'yaale- -yaa 'bhε 'fεkpee 'ε feneti 'ε do -lii. Pɔlu -yaa -mɔ 'zi -janwole 'ε zi, 'bhεla- -yile 'ke yi 'kpale 'yee- -zwanne 'ε 'yrε ta, 'bhεε- 'kee- yidεle 'egbenele. -Yaa' yidε gbε -yɔɔ' 'ε 'kɔɔ, -a yri -gwa -a 'gbu -za 'le, 'bhεε- 'kee- gole- laanima 'sangaso yaga mi 'ε 'wiiŋ-, 'kee- nule- baale 'trε ma. -O =nwa -a -lawlenε, 'duŋ- -wa =ya 'bhii- -e -gaa gban.
- 10'Bhε klele 'tε, 'ke Pɔlu zinale, 'kee- gele- kulale 'yee- -zwanne 'ε ta, 'ke -ya binale -a gbε -yi, 'bhεε- 'ke -ya pele- dɔɔ: "'Ka 'laa yienkanle, yaa gale -li!"
- 11'Bhε blaani, 'ke Pɔlu 'sanle -a -zanta' 'sangaso 'kpee 'la 'yee- 'pegee Zesu 'yi mu 'ε 'klale- -yaa 'eke- ba 'bhε =la 'bhε =nɔɔ. 'Bhεε- 'yee- 'pegee Zesu 'yi mu 'ε -o 'bluu 'ε takaan-, 'bhεε- -wa =bhla 'eke- zi. 'Bhε blaani, 'ke Pɔlu -janwole -o ni 'ezin-, 'ke 'bhε ge 'tenle tooklinle ma. -E yanle 'bhε 'le, 'kee- jilale.
- 12'Eyutisi a mεε mu 'ε =nwa -a 'sile-, -e -yaa -a -yrε ma; 'bhεε- 'mu -ja 'kele- 'mu ba 'fε 'le ma. 'Bhε -za 'ε =kla mɔkpen' zrukpaaza 'le.
- 13'O mɔɔ -kaan Pɔlu 'lεε -batonj' 'ε 'yi, 'bhεε- 'o -ja Asosi -wa 'ε ta. 'Yee- Pɔlu pe dɔɔ -e gele- Asosi -a gaan ma 'trε ma zi 'ε zi. -E -yaa zi 'bhii- 'o ge 'eke- magben 'bhεε- -wa 'ε ta, 'bhεε- -e -yaa nu bɔle 'o zi -batonj' 'ε 'yi 'bhεε- =nɔɔ.
- 14-E bhɔle 'o ta Asosi -wa 'ε ta, 'wa =sia -batonj' 'ε 'yi, 'bhεε- 'o -ja Mitileni -wa 'ε ta.
- 15'Bhε ta tooklin- yi 'le, 'ke 'o gole- Mitileni, 'bhεε- 'ke 'o 'bhɔle Kiosi -din. 'Bhε -yrekpaai plε mi 'ε ma, 'ke 'o 'nule 'tenle- Samosi ma. 'Bhεε- 'bhε -yrekpaai yaga mi 'ε ma 'o =wlaa Miletii -wa 'ε ta 'tε.
- 16>Pɔlu -yaa zi 'bhii- 'o Efezii -wa 'ε makpa', 'duŋ- yaa -yaa zi 'bhii- 'o dula- -a nɔɔ-; 'kooko- 'waa mɔ 'bhε Azi 'klεen 'ε gbε do 'ε 'yi. -Amasroyii -a 'krɔtɔwole -yaa, 'kooko- 'kee- -yaa sɔ a klele- 'bhεε- Pantekoti yi 'ε bhɔ 'o ma Zeruzalemu -wa 'ε ta.
- 17>Pɔlu -yaa 'waatii 'la ba Miletii -wa 'ε ta, 'kee- kle bɔle- Efezii Zesu 'yi mu -lɛdo' 'ε -o 'lεε mu 'ε ni, 'kaa 'mu 'nu 'ten -a ma 'bhε =nɔɔ.
- 18'Bhε mu nule 'tenle- -a ma 'bhε =nɔɔ, 'ke -ya pele- 'mu ni dɔɔ: "'D nεεnε- mu, 'kee- san 'η 'nu yi -yrekpaai =lwa mi 'ε ma Azi 'klεen 'ε 'yi, 'kee- nu 'tenle- -zɔn ma, 'ka 'mi 'taawogbeyaa 'pegee 'η kleza mu 'ε 'kpen dɔ 'ka 'pleŋ -gε.
- 19'D yewoa= Mεεzan ni 'ke 'mi 'η 'gbu mazinaa 'waatii 'ε 'kpen ba, 'ke 'η wisi, 'bhεε- 'ke 'η -yrεnbhle' Zuufu mu 'ε 'kɔɔ -waa' 'dukpaza mu 'ε 'yi 'η ma.
- 20'Ka 'gbu 'a 'yaango- 'ezin- dɔɔ 'naa 'ka 'gbu a -nafan maza 'kedo- 'kpɔ gaanle 'ka ma -titi. 'D -Waanbhaa' a -jan 'ε 'kpen =woa 'ka ni 'ke 'η 'ka daan 'kele-, mɔkpen' 'yrε ma 'bhε 'pegee 'kaa- 'fε mu 'ε =la.
- 21'An =pia Zuufu mu 'pegee Zuufu kle mu 'ε ni dɔɔ -o 'plooi -o kleza -yɔɔ' mu 'ε ma, 'bhεε- -woo 'gbu na -Waanbhaa' ni, 'bhεε- 'ke -woo 'kpa Mεεzan Zesu 'yi.
- 22'Duŋ- -zɔn, -ka 'ka 'trɔnbado doo, 'η 'yoo- Zeruzalemu 'taa 'ε 'bhεε- ta -gε. Lii 'Wenj' 'ε 'bhε -le 'bhε 'taa 'ε 'wla zii' 'η zi, 'duŋ- -za 'la nu 'tenle- 'η ma 'bhε =nɔɔ, 'naa 'bhε dɔ.

- 23'Bhɛɛ- 'duŋ-, 'ke 'ŋ =kaan -wa 'oo -wa 'la ta, Lii 'Weŋ 'ɛ -yoo 'ŋ 'kpeelekan zii' dɔɔ -o nu 'ŋ bɔle -kaso 'yi 'bhe pegee -o nu -yren mu 'kpale- 'ŋ ta -a =nɔɔ ye.
- 24'Duŋ- 'naa -o 'ŋ 'gbu -si 'ɛ yienkan zii'. 'Kɛla 'bhe -o 'mi ma 'egloole 'bhe -le dɔɔ Mɛɛzan Zesu ye 'la gbekpaa- 'mi 'kɔɔ, 'ŋ sɔ 'bhe 'wole, 'bhɛɛ- 'an 'leyan- -a ma. 'Bhe ye 'ɛ 'bhe -le 'ke 'ŋ -Waanbhaa' a -lileya ma -Jan 'Nrɛle- 'ɛ 'bhɛɛ- 'wo mɔkpen' ni.”
- 25'''D 'yaa- 'ka ba 'waati 'la 'kpen ba, 'ŋ =bwa -Waanbhaa' a -bhleŋgbeya -wa 'ɛ ma jan 'ɛ wole ma 'ka ni; 'duŋ- -zɔn 'mi 'a 'yaango- 'bhii- 'ka do 'kpɔ 'yre 'laa nu 'ŋ 'yele- -li -zɔn bla.
- 26'Bhɛla- -zayile, 'mi -o -a pe 'zi 'ka ni -zɔn -gɛ kpataakpa dɔɔ: 'ke 'ka do 'kpɔ =nia, 'ka 'laa 'lale- 'mi ta, 'bhe 'laa dale 'mi ba.
- 27-Amasɔyi 'ŋ -Waanbhaa' zru maza 'ɛ 'kpen -zɔnna 'ka ni 'ka 'bheza- 'ɛ 'yi, 'bhɛɛ- 'naa a zru maza 'ɛ 'kedo- 'kpɔ gaanle 'ka ma.
- 28'Bhɛla- -yile, -ka 'ka 'yrekpa 'ka 'gbu ba 'elrele, 'bhe 'pegee -ka 'ka 'yrekpa 'ezin- Lii 'Weŋ 'ɛ -e 'ka 'yalaa mɛɛ 'la zan mu gooba 'mu ba, 'bhii- -o yalaa' -bhlaa mu gooba gɔnɛ- 'la gbɛɛn-. -Waanbhaa' -yaa' mɛɛ -lɛdo' 'la 'srɔɔwoa- -a 'gbu Gbe 'ɛ gale 'ɛ ma, -ka 'mu -gblakun' 'elrele.
- 29'Mi 'gbu 'a 'yaango- 'bhii- 'ŋ gele bla, mɛɛ 'ke mu nu wlaɛ 'ka pleŋ- 'bhii- -bɔn 'yi srɔpe mu wla gɔnɛ- 'la gbɛɛn- -bhlaa 'lɛdo- pleŋ-; 'bhɛɛ- waa nu -a 'tolɛ- 'ka mu -Waanbhaa' a mɛɛ -lɛdo' 'ɛ ma.
- 30'Ali- 'ka mu 'gbu ba mɛɛ 'ke mu nu -wlenɛ' bhla ma -jan mu wolele, 'bhe kleŋgbeya 'ɛ 'yi bhe, -o nu Zesu 'yi mu 'ɛ 'ke mu -yinile; 'bhɛɛ- 'mu nu dɔle -o zi.
- 31-Ka 'ka 'yrekpa 'ka 'gbu ba 'tɛ, 'bhɛɛ- -e dɔ 'ka 'kpee 'bhii- lɛɛ yaga ta 'ŋ =bwa zruwlale ma 'ka 'kpee -bi zi 'pegee -yrekpaa' 'fɔ 'bhe ge 'tɛnle- 'ŋ 'yre 'yi 'klaale- ma 'ka ba -zayi'.”
- 32'''Bhe ya 'ɛ 'yi, 'ŋ 'yoo- 'ka gbekpa' zii' -zɔn -Waanbhaa' 'pegee -yaa' -lileya ma -jan 'ɛ 'kɔɔ. 'Bhɛɛ- 'bhe 'seŋ -o 'yela- ni 'kee- fanŋan- dɔ 'ka ta 'kaa- 'kpaleya 'ɛ 'yi, 'bhɛɛ- -e 'cien 'la 'twa- -yaa pe mɛɛ 'gbewole mu 'ɛ 'kpen ni -e sɔ 'ka gbale- 'bhe ba.
- 33'D 'yre 'laa 'bhɔle- -lido' 'ka do 'kpɔ 'kɔɔ -gɔli' oo, 'kaa- -can oo 'bhe 'pegee 'ka ta dune- mu 'ɛ zi.
- 34'Bhɛɛ- 'ka 'gbu 'a 'yaango- 'ezin- 'bhii- 'ŋ mado mu 'pegee 'mi 'gbu 'lɛbɔ- pe mu 'pegee 'o maza -yanwo' pe mu 'ɛ 'ŋ 'mu 'srɔɔwoa= 'ŋ 'gbu a 'tefuu 'wianle- -la ma.
- 35'Mi 'a -zɔnna 'ka ni gbɛ 'ɛ 'kpen ma dɔɔ -kɔɔ' yewo, 'bhɛɛ- -kɔɔ' sɔ bhɔle- 'ezin- 'kɔɔfleŋzan mu ba. 'Bhe ya 'ɛ 'yi, Mɛɛzan Zesu -jan 'la =woa -kɔɔ' ni 'bhe bo -kɔɔ' 'kpee; -ya 'pia- dɔɔ: "Duma 'la 'bhe -o pe nale mɛɛ ni 'bhe 'yi, 'bhe gbalaan -yiya' pe -srɔɔwole mɛɛ 'kɔɔ 'bhe ni.' “
- 36'Pɔlu 'yanle- 'bhe -jan mu 'ɛ 'wolele -o ni, 'ke -o 'pegee Zesu 'yi mu 'ɛ 'kpen -o 'kpɔ zenle- 'trɛ ma, 'bhɛɛ- 'ke -woo 'seriwole.

³⁷Zesu 'yi mu 'ε 'kpen 'yaa- wisi' zii' Pōlu zi -a ge bhla 'ε zi, 'bhεε- -o -yaa -a -tuubō 'zi -a -srawo' bhla 'ε zi -o ma.

³⁸-O ta -yaa sunj 'egbenele, -amasrōyi -ya =pia -o ni dōo waa -yaa nu 'eke- yelε 'ezin- -li. 'Bhε blaان, 'ke -o gele- -a madōle -yaa' -batonj' 'ε 'si yrε nōo-.

Klεza Mu 21

¹O 'yanle- 'o 'srawolele Efεzi Zesu 'yi mu -lεdo' 'ε -lεε mu 'ε ma, 'ke 'o gele- bōle -batonj' do 'yi. 'O gele- -trεε 'ke 'o 'tεnle -wa do ma, -o -yaa 'bhε sii Kōsi, 'bhεε- weyi- 'mliᅅgole -yaa 'bhε zi. 'Bhε ta tooklin- yi 'le, 'ke 'o 'bhōle Rōdi -wa 'ε ta. 'O gole 'bhε =nōo, 'ke 'o gele- Patara -wa 'ε ta.

²O =bhwa -batonj' do ta 'bhε =nōo, 'bhε 'yaa- ge 'zi Fenisi 'klεen 'ε 'yi; 'o bōle 'bhε 'yi 'tε, 'ke 'o jilale.

³Weyi- 'mliᅅgole -yaa 'klεen 'la 'bhε zi 'bhεε- 'ke -o -yaa 'bhε sii Sipru, 'o =bhwa 'bhε -din: 'wa =ya bhō gbōon ma 'ke 'woo- -batonj' 'ε 'yi. 'Bhεε- 'o 'yee- Sipru 'klεen 'ε =twa weyi- ba -yrε ta, 'bhεε- 'o -ja Siri ba -yrε ta, 'bhεε- 'o -ja 'tεnle- Tiri -wa 'ε ma. 'O 'yaa- -batonj' 'la 'yi, -o 'bhε 'yi 'kwe mu 'ε -zinaa' 'yee- Tiri -wa 'ε ta. 'Bhεε- 'o -zinaa' 'bhε =nōo.

⁴Bhεε- 'o Zesu 'yi mu 'ke mu =ya 'bhε -wa 'ε ta, 'bhεε- 'o 'pegee 'mu -yrekpaa' 'srwaple- -gaa 'eke- 'yi. Lii 'Wεj 'ε 'yaa- 'woo- Zesu 'yi mu 'ε 'kpeekekaan zii' dōo 'yee- Pōlu 'laa gele Zeruzalemu.

⁵Dun-, 'o 'yanle- 'bhε -yrekpaa' 'srwaple- 'ε klεlele 'eke- 'yi, 'ke 'wa 'pele dōo 'o gbaanle- 'waa- 'taa 'ε zi. 'Bhεε- 'yee- Tiri -wa 'ε ta Zesu 'yi mu 'ε, -o 'pegee -o na mu 'ε 'bhεε- -o -nε mu 'ε, -o 'kpen -ja 'o 'madōle -wa 'ε -zanta' weyi- 'ε 'lε ma. 'Bhεε- 'o 'kpen 'o 'kpō =zian 'bhε =nōo 'trε ma, 'ke 'woo 'seriwole.

⁶Bhε blaان, 'ke 'woo 'srawole 'eke- ma 'bhεε- 'ke 'o mōo gele- 'sanle- -batonj' 'ε 'yi; 'bhεε- 'woo- mu -niinaa' -o -zanta' -o ba -lε ma.

⁷O 'waa- weyi- ta 'taa 'ε 'lεyaan- Tolemasi -wa 'ε 'bhεε- ta. 'O 'pwela- -batonj' 'ε 'yi, 'bhεε- 'o -ja -wa 'ε 'kpee 'bhε =nōo Zesu 'yi mu 'ε 'ke mu 'pubōle. 'Bhεε- 'o 'pegee 'mu -yrekpaa' do -gaa 'eke- 'yi.

⁸Bhε ta tooklin- yi 'le, 'o -gwa Tolemasi, 'bhεε- 'o -ja Sezare -wa 'ε ta. 'O 'bhōle- -a nōo-, 'ke 'o gele- 'o zenle Filipu ba; -e -yaa -Waanbhaa' a -jan 'ε 'wo mi 'le. Zesu 'yi mu 'ε -o 'gwlaan- 'srwaple- 'la makwan- Zeruzalemu dōo 'mu 'bhō -o ba ye 'ε 'le, 'yee- Filipu -yaa 'bhε 'gwlaan- 'srwaple- 'ε do 'le.

⁹-A -lu -gbla -yaa yizie, 'bhεε- 'mu =yaa -Waanbhaa' -lεla' janwo le mu 'le.

¹⁰O -yrekpaa' -bebe =kla gban bi 'yee- Filipu ba, 'bhεε- -Waanbhaa' -lεla' janwo mi do -daa Zude 'klεen 'ε 'yi: -o -yaa 'bhε sii Agabusi.

¹¹Bhε mεε 'ε 'nule- 'o ta, 'ke 'bhε Pōlu a 'sentru 'ε 'sile, 'bhεε- 'ke 'bhε 'bhε 'gbu gaan mu 'pegee 'bhε gbε mu -yrelε' 'bhε 'le, 'bhεε- 'ke 'bhε 'a 'pele dōo: "Lii 'Wεj 'ε pe dōo:

'Mɛɛ 'la zan a pɛ -le 'ke 'sɛntru 'lɛɛ- 'le, Zeruzalɛmu =nɔɔ Zuufu mu 'ɛ nu -a -yrelɛ' gɔnɛ- 'lɛɛ- 'bhɛɛ- gbɛɛn-. 'Bhɛɛ- -o nu -a 'kpale- Zuufu kle mu 'ɛ 'kɔɔ' ".

12'O 'bhɛ -jan 'ɛ 'male-, 'ke 'o mɔɔ 'gbu 'pegee Sezare Zesu 'yi mu 'ɛ Pɔlu 'sromabɔle dɔɔ yaa gele Zeruzalɛmu.

13'Duŋ- Pɔlu pe 'o ni dɔɔ: "-Mele =kla 'bhɛɛ- 'ka -o wisi' zii', 'bhɛɛ- 'kaa- zi 'bhii- 'ka 'ŋ -gblɔzi' ga ɛɛ? 'Mi 'gbu 'yrisriwole -o, waa peɛ -kaso 'yi bɔza do -kplɛn ma, 'ŋ 'yrisriwole -o 'ezin- 'ŋ dɛza ma Mɛɛzan Zesu 'tɔ 'ɛ -zayi' Zeruzalɛmu."

14'Waa- -jan 'ɛ yaa 'sɔɛ- Pɔlu zru gole Zeruzalɛmu 'taa 'ɛ ni, 'bhɛɛ- 'woo tagaa-. 'Bhɛɛ- 'o pe dɔɔ: "Bhaa 'ke 'kɛla 'bhɛ -o -Waanbhaa' zru maza 'ɛ 'le 'bhɛ -le kle!"

15'O 'yanle- 'bhɛ -yrekpa'a' 'dama 'ɛ galele Sezare, 'ke 'o 'waa- pɛ mu 'ɛ magaanle; 'bhɛɛ- 'woo -dwa Zeruzalɛmu 'taa 'ɛ ta.

16'Sezare -wa 'ɛ ta Zesu a -kɛlanɛ mu 'ɛ 'ke mu =nwa 'o 'madɔle, 'o 'yaa- nu 'o zenle mɛɛ 'la zan ba, -o -ja 'o 'le 'bhɛ mɛɛ 'ɛ ba -lɛ ma: -o -yaa 'bhɛ mɛɛ 'ɛ sii Minason, 'bhɛɛ- 'bhɛ =yaa da Sipru 'klɛn 'ɛ 'yi. -A 'kpale- =mwa gban Zesu 'yi.

17'O 'bhɔle- Zeruzalɛmu, 'ke 'o nɛnɛ- mu 'ɛ -woo 'ciɛya- klele- zrukpa'a' ta.

18'Bhɛ ta tooklin- yi 'le, Pɔlu -ja 'o 'le Zaki ba. Zeruzalɛmu Zesu 'yi mu -lɛdo' 'ɛ 'mu 'lɛɛ mu 'ɛ 'kpen =klaa 'ɛke- ba 'yee- Zaki ba.

19'O 'yanle- -o 'pubɔlele, 'bhɛɛ- Pɔlu -jan 'ɛ =sia. -Waanbhaa' -za mu 'la 'kpen =kla a gbɛ zi Zuufu kle mu 'ɛ 'plɛŋ, -e 'mu 'kpen do do 'yigɔɔnna -o ni.

20-Wa wojan mu 'ɛ 'male-, 'ke -o -Waanbhaa' 'tɔbhɔle. 'Bhɛɛ- 'ke -wa peɛ- 'yee- Pɔlu ni dɔɔ: "'O nɛnɛ-, 'yaa 'yelɛ- ɛɛ, Zuufu 'waa -bebe 'ɛ =kpa'a Zesu 'yi; 'ali- 'duŋ- -zɔn, -o 'kpen blɔle -o -li Moizi a 'Toŋ 'ɛ ma.

21'Mɛɛ 'ke mu =nwa -a peɛ -o ni 'kaa 'bhi 'a =pia Zuufu mu 'la 'mu -o Zuufu kle mu 'ɛ 'plɛŋ- 'mu ni dɔɔ 'mu 'plo- Moizi 'a 'toŋ mu 'ɛ 'klɔsikunle ma, 'bhɛɛ- 'bhi 'a =pia 'ezin- dɔɔ waa -o -nɛ mu 'ɛ 'wlalɛ- 'klɛn 'yi; 'bhɛ 'pegee waa Zuufu mu 'si ta -za mu 'ɛ -klɔsikunle 'ezin-.

22'Bhɛɛ- 'o nu 'bhɛ kleɛ 'nale- -a ma 'tɛ ɛɛ? Wlan 'ɛ ni, -o nu a malɛ dɔɔ 'ɛ =nwa.

23'Bhɛla- -yile, 'woo- zan -jan 'la 'wolɛ- 'ɛ ni 'taawo 'bhɛɛ- ta: Mɛɛ yizɛ -o 'o 'plɛŋ -gɛ, 'mu -Waanbhaa' wli =kwan -za do klele ma (-wa =pia dɔɔ waa nu -wɛn 'milɛ-, 'bhɛ 'pegee waa nu -o ŋgblɔ -gweɛ' 'sani- -o yan -o 'gbewo 'sraka 'ɛ golele).

24'Ge wla -o -le -Waanbhaa' Gba 'Fɛ -Gbɛnɛ 'ɛ =la, 'bhɛɛ- mɛɛ 'gbewo 'sraka 'ɛ, -ka 'bhɛ go. 'Bhɛ blaɛn, 'bhi -o 'kpen 'gbewo 'sraka ma -gɔli' 'ɛ 'bhɛ gbawo, 'kooko- 'bhɛ blaɛn -o sɔ -o ŋgblɔ -gweɛ' 'tɛ. 'Kee 'bhɛ =kla 'bhɛ gbɛn- bhe, Zuufu mu 'ɛ 'kpen nu -a 'yaangole 'bhii- -o -za 'oo -za mu 'la 'kpen =kpa'a 'ɛ ma, wlan laa -yaa 'mu do 'kpɔ 'le. 'Bhɛ kɛgbɛya 'ɛ gbɛn- bhe, mɔkpen' nu 'a 'yaangole 'bhii- 'bhi 'gbu 'ezin-, 'ɛ Moizi 'a 'toŋ mu 'ɛ 'klɔsikun.

25'Kee- =bwa Zuufu kle mu 'e 'mu a pe ta, -o 'ke mu 'la =wlaa Zesu 'yi, 'o -za mu 'la 'ledulaa 'mu ba za 'yi, 'o 'bhe -za mu 'e 'sewe yɔɔndia- 'mu ni, 'bhe- -wa =pia 'mu ni 'bhe 'sewe 'e 'yi dɔɔ: -o yo -gbaa 'ke wi mu 'la 'le waa 'mu 'bhlele-, 'bhe- waa wi yien bhlele 'bhe 'pegee wi mu 'la -gaa 'mu -dewolele waa 'mu wi mu 'e bhlele; 'bhe- waa -yanbhooya klele.”

26'Bhe klele 'te, 'ke Pɔlu dɔle- -o wojan 'e =la. 'Bhela- -yile, 'bhe ta tooklin- yi 'e 'le, 'ke 'yee- Pɔlu 'kpale 'woo- mɛɛ yizie ba, 'bhe- 'ke -o gele- -o 'gbewo 'sraka 'e gole -Waanbhaa' Gba 'Fe -Gbene 'e =la. 'Bhe- -o 'kpen do do a 'sraka gole -yaa nu yanle yi 'la 'le, 'yee- Pɔlu 'gbu 'bhe yi 'e =pia -o ni mɔkpen' 'yre ma. 'Bhe yi 'e 'yaa- nu bhɔle -yrekpaa' 'srwaple- 'kanle- bla.

27'Bhe- -yrekpaa' 'srwaple- 'e 'yaa- zan 'yanlawole, 'ke Azi 'kleen 'e 'yi Zuufu mu 'e Pɔlu 'yele -Waanbhaa' Gba 'Fe -Gbene 'e =la. 'Bhela- -yile, 'ke Zuufu mu 'e yran wlale -zamaa' do 'yi Pɔlu ma, 'bhe- 'ke -wa 'kunle.

28'Ke -o -gbekanle 'eglole dɔɔ: "'O 'yienii Izraeli mu, -ka nu bhɔ 'o ba! Mɛɛ 'la zan -o 'kaan zii' yrekpen- =nɔɔ 'kee- ge Izraeli mu 'e ma jan -yɔɔ' wolele, 'yee- mɛɛ 'e 'yele- -ge. -E mɛɛ mu 'e daan 'zi dɔɔ -kɔɔa' 'toŋ mu 'e 'pegee -kɔɔa' -Waanbhaa' Gba 'Fe -Gbene 'e 'mu 'laa -o 'ke pe 'kedo- 'kpɔ 'le. 'Bhe- drɔɔn' -Waanbhaa' Gba 'Fe -Gbene 'la 'bhe -o 'weŋ, -e 'bhe 'triŋdwa-; -amasroyi -e =nwa 'ke Zuufu kle 'ke mu 'le 'bhe =la!”

29-O -yaa -la 'zi -a ta 'bhe gbene- bhe, -amasroyi Trofimu 'la 'yaa- da Efezi -wa 'e ta, -o 'bhe =ya 'yee- Pɔlu zi -wa 'e 'kpee. 'Bhe- -o 'kpee ma, Pɔlu -wlaa 'bhe 'le -Waanbhaa' Gba 'Fe -Gbene 'e =la.

30'Bhe klele 'te, 'bhe -jan 'e Zeruzalemu -wa 'e -bɔdia; 'bhe- mɛɛ 'saa 'e -daa blasanlele -wa 'e 'kpee yrekpen- =nɔɔ. 'Bhe- 'ke -o Pɔlu 'kunle, 'ke -wa -glaanle', 'bhe- 'ke -wa 'pwele -Waanbhaa' Gba 'Fe -Gbene 'e =la. 'Ke -o 'bhe 'koŋ 'mu 'e 'liitanle blaale- -o -zanta'.

31-O -yaa zan 'yee- Pɔlu dele bhla 'la ba, 'ke Rome mu a -srwase' -wa do 'la 'yaa- Zeruzalemu 'bhe ta -kuŋlii -gbene 'e, 'bhe 'a 'male dɔɔ -wa 'e 'kpen -bɔdia.

32-Srwase' -kuŋlii -gbene 'e 'bhe 'male-, 'bhe yre do 'kpɔ 'e =nɔɔ bhe, 'kee- -srwase' 'ke mu 'pegee -srwase' -kuŋlii 'ke mu 'siile, 'bhe- 'ke 'mu gele- blaale- -zamaa' 'e ba -yre ta. -Ayile, 'woo- -zamaa' 'e 'yrekpale -srwase' -kuŋlii mu 'e 'pegee -srwase' mu 'e ma, 'ke -o 'ploole Pɔlu zɔnle ma.

33'Bhe klele 'te, 'ke -srwase' mu -kuŋlii -gbene 'e -ya mabeenle Pɔlu -din, 'ke -ya pele- dɔɔ -wa 'kun, 'bhe- -wa gbɛ ta mu bɔ 'ke piibhe kpɛle- ple 'le. 'Bhe bla, 'kee- mɛɛ mu 'e 'lɔkpale dɔɔ -dele 'yee- Pɔlu 'e 'le, 'bhe- -e -mɛ pe za -la =kla.

34'Duŋ- mɛɛ mu 'e 'yaa- -gbekan' zii' 'zoozoo-; 'bhe- -o -liijan' mu 'e gole- -yaa 'eke- ma. 'Bhe ya 'e 'yi, -srwase' mu -kuŋlii -gbene 'e yaa -yaa 'sɔle -za 'kedo- 'kpɔ 'yaangole -zamaa' 'e 'weli 'zoozoo- 'e 'kɔɔ, 'ke -ya pele- dɔɔ -o ge 'yee- Pɔlu 'le -srwase' mu yi 'fe -gbaa -gbene 'e =la.

- 35-O gele 'kele-, 'bhεε- o bhōle 'fε bhōj 'ε ta 'waati 'la ba, -zamaa' 'ε 'yi yran 'ε 'kōō, -srwase' mu 'ε -o Pōlu -kpaa -o bhlo ma, 'bhεε- -o -kaan -o pley-.
- 36-Amasroyi -zamaa' 'saa do dōle -yaa -o zi 'ke -wa pe 'egloole 'eke- zi dōō: "-Ka mεε 'lεε- dε, 'bhεε- 'kaa go 'o 'yre =la! -Ka mεε 'lεε- dε, 'bhεε- 'kaa go 'o 'yre =la!"
- 37-O -yaa zan Pōlu 'wlale- bhla 'la ba -srwase' mu yi 'fε -gbaa -gbene 'ε =la, 'ke -ya pele- -srwase' mu -kuṅlii -gbene 'ε ni dōō: "'D sō -jan sa wole- 'e ni εε?" 'Bhε 'yi 'tε, 'ke -srwase' mu -kuṅlii -gbene 'ε 'bhε 'a zikpale -a ni dōō: "'E! Zaa- 'e sō Grēki wli pele-εε?"
- 38-Ezipu mi 'la mεε mu -wlenna 'o 'wiinj- Rome mu 'ε ma 'edreεle 'bhεε- -e -ja 'ke mεε dε mu 'waa yizie 'le -kpe 'ε ta, 'bhi -le 'laa 'bhε zan 'ε 'le εε?"
- 39'Bhε klele 'tε, 'ke Pōlu 'a zikpale 'a ni dōō: "'Yooye-, 'mi -o 'ke Zuufu mi -la -le, 'bhεε- 'η da Taasi -wa 'ε ta, Silisi 'kleen 'ε 'yi: 'η =ya -wa 'ε -yoo 'ke -wa -gbene do 'le. 'E 'zoole-, -a 'to 'ke 'mi 'η zi jan sanε- wo 'waa- mεε mu 'ε ni doo."
- 40'Bhε klele 'tε, 'ke -srwase' mu -kuṅlii -gbene 'ε 'bhε -jan 'ε 'nale- 'yee- Pōlu ni. 'Bhε 'yi, 'kee- dulale 'fε bhōj 'ε ta, 'bhεε- 'ke -ya gbε -wlenle' -zamaa' 'ε ni 'kaa -woo taga doo. -Woo tagale 'tε, 'kee- -janwole 'sanle -o ni Ebre wli 'ε 'yi.

Klεza Mu 22

- 1'Bhεε- -e pe -o ni dōō: "'D nεεnε- mu 'pegee 'η dε mu, 'η 'yoo- zan 'η zi jan mu 'la 'wole- 'ka ni -ge -zōn bhe, -ka 'ka 'trōnkpa 'η ni 'elrele."
- 2-Wa yele 'bhii- -e -yaa -janwo' zii' -o ni Ebre wli 'yi, 'ke -woo tado baanwole 'ezin-. 'Bhεε- Pōlu 'a 'pele -saan -o ni dōō:
- 3"'D 'yoo- 'ke Zuufu mi -kpōsō 'le, 'bhεε- -woo' 'η =yaa Silisi 'kleen 'ε 'yi -wa 'la -o 'bhε sii Taasi 'bhεε- ta. 'Duṅ- -woo 'η 'trola- Zeruzalemu -ge. 'D daan mi -yaa -Gamalieli -la -le, 'bhεε 'η -kōō' -gbōō mu a 'toṅ mu 'ε -daanna 'yela- 'kōō kplankplan. 'D =yaa -Waanbhaa' a -za 'ε -vavade 'bhii- 'ka mu -a kle 'zi -zōn gōnε- 'la gbεen- bhe.
- 4'Mi 'gbu 'yaa- -yrenkpa' mεε 'la zan mu -yaa 'taawo zii' 'yee- Mεεzan a zi 'lεε- ta 'mu ta, 'ke 'bhε ge 'tenle- -o dεle ma. 'D 'gwlaan- mu 'pegee le 'ke mu -kwan 'bhεε- 'an =pia 'kaa -woo -yre, 'bhεε- -woo bō -kaso 'yi.
- 5'Sraka 'lena mu a -kuṅlii gbalaan 'ε 'pegee -kōō' 'a 'gwlaan- gbalaan mu 'ε 'mu -o 'η 'srε 'le 'bhε -za 'ε ma. 'Wole- 'letre mu =kpaa 'η 'kōō 'kaa 'η ge 'mu 'na -kōō' nεεnε- Zuufu mu 'la =yaa Damasi -wa 'ε ta 'mu ni. 'Bhεε- 'kooko- 'ke 'η =yaa bhō Zesu 'yi mu 'tole- Zesu 'yi mu 'la ta 'bhε =nōō ye, 'η =yaa 'mu 'kun 'bhεε- 'η -o yre, 'bhεε- 'η nu 'ke -o -le Zeruzalemu, 'kooko- -woo 'krowo-."
- 6"'D 'yaa- ge 'zi 'bhε 'taa 'ε ta bhla 'la ba, 'bhεε- 'η 'bhō bhla 'ε Damasi -din, 'ke -yrekpaa' -o zan bhōle 'ezin-. 'Bhε bhla do 'kpō 'ε ba, 'ke 'tεbhile -gbene do dale- lafle' 'yi, 'bhεε- 'ke -a -bhile' 'ε zenle- 'η zi.

- 7'Bhɛ klɛlɛ 'tɛ, 'kɛ 'ŋ baalɛ' 'trɛ ma, 'bhɛɛ- 'kɛ 'ŋ mɛɛ -wɛli' do malɛ- 'kɛ 'bhɛ -a pɛ 'zi 'ŋ ni dɔɔ: 'Sɔlu, Sɔlu, -mɛlɛ -kla 'bhɛɛ- 'yoo- -yɛnkpa' zii' 'ŋ ta ɛɛ?'
- 8'ɔ 'bhɛ mɛɛ -wɛli' 'ɛ 'lɔkpaɛ- dɔɔ: '-Dɛlɛ 'bhi 'lɛ ɛɛ Mɛɛzan?' 'Bhɛɛ- -ɛ pɛ 'ŋ ni dɔɔ: 'Mi Zɛsu 'la da Nazarɛti -wa 'ɛ ta, mi -lɛ 'kɛlɛ-, 'yoo- -yɛnkpa' zii' 'mi -la ta.'
- 9'ɔ zi mu 'ɛ 'mu 'tɛbhilɛ 'ɛ =ya, 'duŋ- mɛɛ 'la zan -yaa -janwo' zii' 'ŋ ni waa 'bhɛ zan -wɛli' 'ɛ 'malɛ-.
- 10'Bhɛ klɛlɛ 'tɛ, 'kɛ 'an 'lɔkpaɛlɛ 'ɛzin- dɔɔ: 'ɔ -mɛ pɛ za 'gbu -la klɛ ɛɛ Mɛɛzan?' 'Bhɛɛ- Mɛɛzan pɛ 'ŋ ni dɔɔ: 'E 'wlɛn-, 'bhɛɛ- 'ɛ gɛ Damasi -wa 'ɛ ta. -Waanbhaa' -a zi 'bhii- 'ɛ -za 'la klɛ, -o nu gɛlɛ 'bhɛ 'kɛn 'pɛlɛ- 'ɛ ni yɛ.'
- 11'Tɛbhilɛ -yɛrayra 'ɛ 'kɔɔ, 'ŋ 'yɛ =wia. 'Bhɛla- -yilɛ, 'ŋ 'madɔ- mu 'ɛ -woo 'ŋ =kwan 'ŋ gbɛ ma, 'bhɛɛ- -o -ja 'ŋ 'lɛ Damasi.'"
- 12"-O -yaa 'yɛɛ- Damasi -wa 'ɛ ta mɛɛ do sii Ananiasi, 'bhɛ =yaa gbalaan -Waanbhaa' -lɛɛ; 'bhɛɛ- 'bhɛ =yaa Moizi a 'toŋ mu 'ɛ 'kɛn 'klɔsikun 'ɛlɛlɛ; -ayilɛ Damasi Zuufu mu 'ɛ 'kɛn =yaa -gasikpa -a -lɛɛ.
- 13'Bhɛ Ananiasi 'ɛ 'bhɛ -lɛ =nwa 'tɛnlɛ- 'ŋ ma, 'bhɛɛ- -ya mabɛɛnlɛ 'ŋ -din, 'kɛ -ya pɛlɛ- 'ŋ ni dɔɔ: 'ɔ nɛɛnɛ- Sɔlu, bhaa 'ɛ 'yɛ 'liiploo-!' 'Bhɛ yɛ do 'kpɔ 'ɛ =nɔɔ bhɛ, 'kɛ 'ŋ 'yɛ 'liiploolɛ 'bhɛɛ- 'kɛ 'ŋ yɛ ma yɛlɛ-.
- 14'Bhɛɛ- -ɛ pɛ 'ŋ ni dɔɔ: '-Kɔɔ' -gbɔɔ mu a -Waanbhaa' 'ɛ -yoo 'ɛ makwan- 'ɛlwɛlɛ gban -sɔ, 'kooko- 'ɛ sɔ -a zru maza dɔlɛ-, 'bhɛɛ- mɛɛ 'la zan do -kɛlɛn 'lɛdɔɔlɛ -o 'ɛ sɔ 'bhɛ zan 'ɛ 'yɛlɛ kpataakpa, 'bhɛɛ- 'ya 'liijan- ma kpataakpa 'ɛzin-.
- 15-Amasɔyi 'bhi -lɛ nu klɛlɛ -a 'srɛ 'lɛ, 'bhɛɛ- 'ɛ pɛ 'la =ya, 'bhɛ 'pɛgɛɛ 'ɛ -za 'la =maa, 'ɛ nu 'mu 'srɛya- klɛlɛ mɛɛ mu 'kɛn ni yɛkɛn- =nɔɔ.
- 16'Bhɛ ya 'ɛ 'yi, 'yaa 'ɛtadɔlɛ, 'bhɛɛ- 'ɛ -za 'bhɛɛkɛ magbɛn. 'E 'wlɛn- 'saanibhɛ, 'bhɛɛ- -woo 'ɛ 'wiɛŋfɛ- -yi ba Zɛsu 'tɔ 'yi, 'bhɛɛ- -Waanbhaa' 'yaa- -za 'yɔɔ- mu 'ɛ ma -sroma yan Mɛɛzan Zɛsu 'tɔ 'ɛ 'srɔyi.' "
- 17'Pɔlu pɛ 'ɛzin- dɔɔ: "'Bhɛ blaɛn, 'ŋ 'niinaa- 'ŋ -zanta' Zeruzalɛmu. 'Bhɛɛ- -yɛkpaɛ' do, 'ŋ 'yaa- 'ŋ 'sɛriwo zii' bhla 'la ba -Waanbhaa' Gba 'Fɛ -Gbɛnɛ 'ɛ =la, 'kɛ 'ŋ 'yɛ zi do yɛlɛ-.
- 18'Kɛ 'ŋ Mɛɛzan yɛlɛ-, 'bhɛɛ- 'kɛ -ya pɛlɛ- 'ŋ ni dɔɔ: '-A klɛ blaalɛ-, 'bhɛɛ- 'ɛ go Zeruzalɛmu -wa 'ɛ ta, -amasɔyi -a nɔɔ- mu 'ɛ waa nu dɔlɛ 'yoo- 'an -jan mu 'la 'wo zii' 'mu =la.'
- 19'Bhɛɛ- 'kɛ 'an 'lɛkɛnɛ 'a ni dɔɔ: 'Mɛɛzan, 'duŋ- -o 'gbu 'a 'yaango- 'ŋ =yaa gɛ wlɛlɛ Zuufu mu daanfɛ' mu 'ɛ =la. 'Bhɛɛ- mɛɛ 'la zan mu -o -kpaɛ 'ɛ 'yi, 'ŋ =yaa klɛ 'bhɛɛ- -o 'mu bɔ -kaso 'yi, 'bhɛ 'pɛgɛɛ -o 'mu zita zɔn gbanbhilɛ 'lɛ.
- 20'Ali- mɛɛ 'la zan mu -yaa 'yaa- -janwo' mi Etieni dɛ 'zi 'waati 'la ba, 'mi 'gbu 'yaa- 'ɛzin- -a dɛ mu 'ɛ -din. 'Mi 'gbu -dwa 'mu zita 'mu klɛza 'ɛ ma, 'bhɛɛ- 'mi 'yalaa 'mu ta dɛnɛ- tralɛpɛ mu 'ɛ gooba.'

- 21'Bhɛ klɛlɛ 'tɛ, 'kɛ Mɛɛzan 'a 'pɛlɛ 'ŋ ni dɔɔ: 'Go blaale- -wa 'lɛɛ- ta, -amasɔyi 'ŋ nu 'ɛ 'winbɔlɛ yrɛ gbɔɔn do nɔɔ- Zuufu kle mu 'ɛ ba.' “
- 22'Bhɛ 'yi 'tɛ, -Zamaa' 'ɛ 'kɛn -o tadwa- siɪŋ, 'kɛ -woo 'trɔnkpa- Pɔlu ni, 'fɔkɛ 'bhɛ ge 'tɛnlɛ- -ɛ -jan boolazi mi 'la =woa 'bhɛ ma. -O 'bhɛ 'male 'tɛ 'kɛ -woo -weli' mu 'ɛ 'wlɛnlɛ 'ɛkɛ- zi 'ɛglɔɔlɛ, 'kɛ -wa pɛlɛ- dɔɔ: "-Ka mɛɛ 'lɛɛ- go 'o 'yrɛ =la, -yoo 'kɛ dɛpɛ 'lɛ!”
- 23-O -yaa -gbekan' zii' 'ɛglɔɔlɛ, 'kɛ -woo ta dunɛ- mu 'ɛ go, 'bhɛɛ- -o 'mu blin laanima; 'bhɛ 'pɛgɛɛ 'kɛ -o bwe -gblɛn 'ɛ wlɛn laanima 'ɛzin-.
- 24'Bhɛ klɛlɛ 'tɛ, 'kɛ Romɛ mu a -srwase' -kuŋlii -gbɛnɛ 'ɛ -ya pɛlɛ- mɛɛ mu 'ɛ ni dɔɔ -o Pɔlu 'wla -srwase' mu yi 'fɛ -gbɛnɛ 'ɛ =la, 'bhɛɛ- 'kɛ -wa zita zɔnlɛ- 'kɛ gbɔŋbhɛ 'lɛ; 'kooko- -ɛ -janwo' kpaŋma. 'Kɛ 'bhɛ =kla, mɛɛ mu 'ɛ -gbekan' zii' -a ta win 'la ma, -ɛ sɔ 'bhɛ 'pɛlɛ -o ni.
- 25'Duŋ- -o Pɔlu 'yrɛlɛ, -a zita zɔn zayi', 'kɛ -ya pɛlɛ- -srwase' -kuŋlii 'la 'yaa- -din 'bhɛ ni dɔɔ: "'Toŋ 'ɛ ta, 'kɛ 'kiti 'laa baalɛ Romɛ mi 'la ta, -o sɔ 'bhɛ zita zɔnlɛ- 'kɛ gbɔŋbhɛ 'lɛ ɛɛ?”
- 26-Srwase' -kuŋlii 'ɛ 'bhɛ -jan 'ɛ 'male-, 'kɛ 'bhɛ -o -kuŋlii -gbɛnɛ 'ɛ 'kɛɛlɛkanlɛ dɔɔ: "'Yoo- zan -za -glɔɔn 'ɛ -dɛla klɛlɛ bhɛ ɛɛ? Romɛ mi -lɛ mɛɛ 'lɛɛ- 'lɛ 'dɛ!”
- 27'Bhɛ klɛlɛ 'tɛ, 'kɛ -srwase' mu -kuŋlii -gbɛnɛ 'ɛ 'nule Pɔlu -din, 'bhɛɛ- 'kɛ -ya -lrɔkpale dɔɔ: "'Kɛ 'yoo- 'kɛ Romɛ mi 'lɛ, 'bhɛ 'pɛ 'ŋ ni." 'Bhɛɛ- Pɔlu 'a 'lɛkwan- -a ni dɔɔ: "-Aani', 'ŋ 'yoo 'kɛlɛ-.”
- 28'Bhɛ klɛlɛ 'tɛ, 'kɛ -srwase' mu -kuŋlii -gbɛnɛ 'ɛ -ya pɛlɛ- -a ni dɔɔ: "'D -gɔli' -bebe -la gbawoa- 'bhɛɛ- 'ŋ =swa 'an pɛ Romɛ 'siya- 'ɛ 'srɔɔwɔlɛ." 'Bhɛɛ- Pɔlu pɛ -a ni dɔɔ: "'Mi -o Romɛ mi 'kɛɛ yi -kpɔsɔɔ 'gbu -la -lɛ.”
- 29'Bhɛ yrɛ do 'kpɔ 'ɛ =nɔɔ bhɛ, mɛɛ 'la zan mu -yaa zan -a zita zɔnlɛ, 'kooko- -ɛ -janwo' kpaŋma, 'mu 'ɛ 'plɛŋgwa- -a ma; -gblaan =klaa 'yɛɛ- -srwase' mu a -kuŋlii -gbɛnɛ 'ɛ 'gbu 'yi, -amasɔyi yaa 'yaangolɛ 'bhii- Pɔlu -yaa 'kɛ Romɛ mi 'lɛ, 'bhɛla- -zɛɛlɛ -ya =pia dɔɔ -wa yrɛ 'kɛ piibhɛ kpɛlɛ- 'lɛ.
- 30'Bhɛ ta tooklin- yi 'ɛ 'lɛ, -srwase' mu a -kuŋlii -gbɛnɛ 'ɛ 'yaa- zi 'bhii- Zuufu mu 'ɛ 'yaa- -la 'zi Pɔlu ta win 'la ma -ɛ 'bhɛ 'yidɔ- kplankplan; 'bhɛla- -yilɛ, 'kɛ -ya pɛlɛ- dɔɔ -wa gbɛ ta piibhɛ kpɛlɛ- mu 'ɛ 'ploɔ. 'Bhɛɛ- -ɛ pɛ 'sraka 'lɛna- mu -kuŋlii mu 'ɛ 'pɛgɛɛ Zuufu mu a 'kitikan mu 'ɛ ni dɔɔ -woo 'ɛkɛ- -lɛ 'yɛ. 'Bhɛ 'yi, 'kɛɛ- nule- Pɔlu 'lɛ 'bhɛɛ- 'kɛ 'bhɛ dulalɛ -o 'kɛn 'plɛŋ-.

Klɛza Mu 23

1Pɔlu 'ɛ 'yrɛkpale Zuufu mu a 'kitikan mu -lɛdo' 'ɛ ta siɪŋ, 'kɛ -ya pɛlɛ- -o ni dɔɔ: "'D nɛnɛnɛ- mu, 'kɛɛ- nu 'tɛnlɛ- -zɔn ma, 'ŋ 'taawoa= -Waanbhaa' -yrɛ 'yi 'ŋ 'kɛɛ 'fɛɛlɛ- 'lɛ.”

- ²Pɔlu 'a 'pelawoa 'bhe gbeen- bhe, 'bhe 'laa 'sɔle- Ananiasi ni, -waa' 'sraka 'lena mi -kunlii gbalaan 'ε. -Ayile 'ke -ya pele mɛɛ 'la zan mu dulale -yaa Pɔlu -din 'mu ni 'kaa 'mu Pɔlu zɔn 'bhe 'le ta.
- ³Pɔlu 'bhe 'male- 'ke -ya pele- 'yee- Ananiasi ni dɔɔ: "-Waanbhaa' nu 'bhi 'gbu zɔnlɛ, 'yoo- 'bhii- 'fɛgwɛ- 'la -wa ma =kla 'epule! 'E 'yaale- -o -gɛ 'kee- 'mi 'kitikan Moizi 'a 'toŋ mu 'ε 'kɔsikun zayi'. 'Bhɛɛ- 'duŋ-, 'bhi 'gbu -o -yisiɛ' zii' 'ke 'ya pe mɛɛ mu 'ε ni 'kaa -woo 'ŋ zɔn."
- ⁴'Bhe klele 'tɛ, mɛɛ 'la zan mu -yaa 'yee- Pɔlu -din, 'mu pe -a ni dɔɔ: "'E! 'Yoo- -Waanbhaa' a 'sraka 'lena mi -kunlii -gbene 'ε 'bhɛɛ- -zwanwo' zii' -gee' εɛ?"
- ⁵'Bhɛɛ- Pɔlu pe dɔɔ: "'D 'yienii mu, 'naa 'yaangolɛ 'bhii- 'yele- 'kele-. -Amasrɔyi -a yɔɔndɛle -o -Waanbhaa' a 'Sɛwɛ 'yi dɔɔ: "Yaa -jan 'yɔɔ- wolɛ 'yaa- 'si mu 'ε ta -kunlii 'ε ma."
- ⁶Pɔlu 'gbu 'yaa- 'yaango- 'bhii- Zuufu mu a 'kitikan mu 'ε -lɛdo' 'ε ba, -o 'ke mu -yaa 'ke Saduse mu 'le, 'bhɛɛ- -o 'ke mu -yaa 'ke Farizi mu 'le. 'Bhɛla- -yile -ya -weli' 'ε 'lawlenna 'ke -ya pele- -o plɛŋ- dɔɔ: "'D nɛnɛ- mu, 'mi -o 'ke Farizi mi 'le, 'bhɛɛ- 'ŋ de 'pegee 'ŋ nɛɛ mu -o 'ke Farizi mu 'le. 'D 'yri -o -a ta 'bhii- gbaa mu nu bwele gale ba, 'bhɛla- -yile -woo 'ŋ 'kitikan zii' -zɔn -gɛ."
- ⁷-E yanle 'bhe 'pelele, 'ke sra bɔle- Farizi mu 'ε 'pegee Saduse mu 'ε 'plɛŋ-, 'bhɛɛ- 'ke -woo -yicienle -le plɛ.
- ⁸-Amasrɔyi Saduse mu 'ε 'mu 'a pe dɔɔ gbaa mu laa sɔ bwele- gale ba, 'bhɛɛ- -o 'kpalelaa -o -a -yi 'bhii- -mlɛkɛ' mu -o, 'bhe 'pegee lii -bhɛɛke' mu laa -o 'ezin-. 'Duŋ- Farizi mu 'ε 'mu 'e 'kpa 'bhe -za mu 'ε 'kpen 'yi.
- ⁹-O -yaa -o -weli' mu 'ε baan' 'wlɛn zii', 'bhɛla- -yile 'ke 'Toŋ daan mu 'ε 'kɛ mu 'la 'yaa- Farizi 'srɛ mu 'ε 'kele, 'mu 'wlɛnle- 'ke 'mu zaabɔle 'sanle 'egɔɔle 'ke -wa pe dɔɔ: "'O mɔɔ laa -za 'yɔɔ- do 'kpɔ 'yele- mɛɛ 'lɛɛ- zi; -dɔke' lii do 'pegee -mlɛkɛ' do -le -janwoa -a ni bhe oo!"
- ¹⁰-Waa' sradɔle 'ε 'bhe =kla 'eyɔɔle, -asiikɔɔ -gbalaan =klaa -srwase' -kunlii -gbene 'ε 'yi Pɔlu ba zayi': -a 'kpee ma -o -yaa nu Pɔlu -glaanle' 'eke- plɛŋ- 'bhɛɛ- -wa dɛ. 'Bhɛla- -yile 'ke -ya pele- -yaa' -srwase' mu 'ε 'ke mu ni dɔɔ 'mu ge Pɔlu go mɛɛ mu 'ε 'plɛŋ-fangan- ma, 'bhɛɛ- -o ge 'kele- -srwase' mu yi 'fɛ -gbaa -gbene 'ε =la 'ezin-.
- ¹¹'Bhe -yrekpa' do 'ε 'le -bi 'ε zi bhe, 'ke Mɛɛzan 'pwɛle Pɔlu ba, 'bhɛɛ- 'ke -ya pele- -a ni dɔɔ: "'E zru dɔ 'egɔɔle! -Amasrɔyi 'e 'mi a janwoa- Zeruzalɛmu -gɛ bhe, 'e nu 'mi 'srɛya- klele 'ezin- Rɔmu -wa 'ε ta."
- ¹²'Bhe ta tooklin- yi 'ε 'le, Zuufu mu 'ε 'dukpa' Pɔlu ma -a dɛ zayi': -o -Waanbhaa' -liiwli' -kwan dɔɔ waa nu -o gbɛ wlale -o -lii, 'bhɛɛ- waa nu -yi 'mile-, 'ke waa Pɔlu dɛle -li.
- ¹³Mɛɛ 'la zan mu 'dukpa' Pɔlu ma 'mu =yaa kan mɛɛ mia plɛ ta (40).

- 14'Bhɛ 'yi 'tɛ, 'kɛ -o gele- 'tɛnɛ- 'Sraka 'lɛna -kuŋlii mu 'ɛ 'pegee -waa' 'gwlaan- gbɛlaan mu 'ɛ ma, 'bhɛɛ- 'kɛ -wa pele- 'mu ni dɔɔ: "'O -Waanbhaa' -liiwli' -kwan dɔɔ 'sani 'o gbɛ sɔ Pɔlu dɛle ta, 'waa nu 'o gbɛ wlalɛ 'o 'lii.
- 15'Ka mu 'gbu 'pegee -kɔɔa' Zuufu mu a 'kitikan mu -lɛdo' 'ɛ, -ka ge Pɔlu 'yɛwo -srwase' mu a -kuŋlii -gbɛnɛ 'ɛ ma -zɔn 'bhɛɛ- 'ka nu 'kɛle- -gɛ. -Kaa pe a ni dɔɔ 'ka -o -a zi 'bhii- 'ka 'yee- Pɔlu -a -za 'ɛ baan' 'yɛbago kplankplan 'ka 'plɛŋ. 'O mɔɔ nu 'o gaanɛ zi 'ɛ 'lii, 'sani- -a bhɔle plɛŋ- -gɛ, 'o nu -a dɛle."
- 16'Duŋ- Pɔlu -drwanɛ do 'trɔnbwa- -o 'dukpa za 'ɛ 'yi Pɔlu ma. -Ayile, 'kɛ 'bhɛ gele- Pɔlu 'kpeelɛkanɛ -srwase' mu a 'fɛ 'ɛ =la.
- 17'Bhɛ klɛle 'tɛ, 'kɛ Pɔlu -srwase' -kuŋlii 'ɛ do 'siile, 'bhɛɛ- 'kɛ -ya pele- 'bhɛ ni dɔɔ: "Ge -nɛ -zwanɛ 'lɛɛ- 'le -kɔɔa' -kuŋlii gbɛlaan 'ɛ ba, -amasrɔyi -ya zi 'bhii- -e -jan do wo 'bhɛ ni."
- 18'Bhɛ ya 'ɛ 'yi, 'kɛ 'bhɛ -srwase' -kuŋlii 'ɛ -nɛ -zwanɛ 'ɛ 'kunle, 'bhɛɛ- 'kee- gele- 'kɛle- -waa' -kuŋlii gbɛlaan 'ɛ ta; 'bhɛɛ- 'kɛ -ya pele- 'bhɛ ni dɔɔ: "-Kaso 'yi mi Pɔlu 'ŋ 'siila-, 'bhɛɛ- -e pe 'ŋ ni dɔɔ 'ŋ 'nu -nɛ -zwanɛ 'lɛɛ- 'le 'e ni, -amasrɔyi -ya zi 'bhii- -e -jan do wo 'e ni."
- 19'Bhɛ klɛle 'tɛ, 'kɛ -srwase' mu 'ɛ -kuŋlii -gbɛnɛ 'ɛ 'bhɛ 'yee- -nɛ -zwanɛ 'ɛ 'kunle -a gbɛ ma, 'bhɛɛ- 'kɛ -woo 'plɛŋgole mɛɛ mu 'ɛ ma; -o mɛɛ plɛ -le -yaa 'bhɛ yɛ 'ɛ =nɔɔ. 'Bhɛɛ- -e 'bhɛ -nɛ -zwanɛ 'ɛ 'lɔkpa- dɔɔ: "'Yoo- -a zi 'bhii- 'e -mɛ pe jan -la wo 'ŋ ni ɛɛ?"
- 20'Bhɛ klɛle 'tɛ, 'kɛ -nɛ -zwanɛ 'ɛ -ya pele- -a ni dɔɔ: "Zuufu mu 'ɛ -wa =kpa- dɔɔ -o nu nulɛ -a pelɛ 'e ni 'kaa 'e ge Pɔlu 'le too -waa' 'kitikan mu -lɛdo' 'ɛ ta. -O nu -a klɛle 'bhii- -wa zi -o -yaa -za 'ɛ baan' 'yɛbago kplankplan -o 'plɛŋ-.
- 21'Duŋ- 'yaa 'e 'kpale- -o -yi! -Amasrɔyi 'bhɛ kan mɛɛ mia plɛ ta -o ba, 'bhɛ zan mu 'dukpa- gban -a ma, 'mu nu 'mu 'gbu magaanɛ zi 'ɛ 'lii, 'bhɛɛ- 'mu nu banɛ -a ta. 'Bhɛ ya 'ɛ 'yi, -o -Waanbhaa' -liiwli' -kwan -a dɛza ma 'kaa 'sani- -o gbɛsɔ -a dɛle ta, waa nu pɛbhɛle 'bhɛ 'pegee waa nu -yi 'milɛ-. -O -yrisriwole -o -zɔn, -woo 'bhi -la 'liijan- do 'kpɔ 'ɛ magben 'zi."
- 22-Nɛ -zwanɛ 'ɛ 'yanle- 'bhɛ -jan 'ɛ 'wolele, 'kɛ -srwase' mu a -kuŋlii -gbɛnɛ 'ɛ -ya -lɛmazɔnle, 'bhɛɛ- 'kɛ -ya pele- 'bhɛ ni dɔɔ: "'Yaa pelɛ mɛɛ 'kɛdo- 'kpɔ ni 'kaa 'e 'mi 'kpeelɛkaan gban 'bhɛ -za 'ɛ 'le." 'Bhɛ bla- 'kee- 'ploole -a ma.
- 23'Bhɛ bla- 'kɛ 'yee- -srwase' mu a -kuŋlii -gbɛnɛ 'ɛ, -e -yaa' -srwase' -kuŋlii plɛ 'siile, 'bhɛɛ- -e pe 'mu ni dɔɔ: "-Sr- 'kɛmɛ plɛ (200) 'pegee wi -soo' ta bɔ mu mɛɛ mia yaga bhɛ vu (70), 'bhɛ 'pegee -dibhɛ' zan -srwase' -kɛmɛ plɛ (200), -ka 'mu 'lɛkpa 'eke- ta. 'Bhɛɛ- 'ka ge -zɔn -bi 'lɛɛ- zi Sezare -wa 'ɛ ta.
- 24-Ka wi -soo' 'kɛ mu magaan 'ezin- Pɔlu ni, 'kooko- 'ka ge 'kɛle- -janmatii Felisi ta, 'bhɛɛ- -e wla 'ɛdɔɔle."
- 25-E 'lɛtrɛ 'lɛɛ- 'bhɛɛ- =kpa- Felisi ni dɔɔ:

- 26""Mi Klodi Liziasi -le 'letre 'læ- de 'zi, 'bhæ- 'an kpa 'bhi -janmatii gblaani Felisi ni.
- 27""Zuufu mu 'ε -o mæ 'læ- =kwan, 'bhæ- -o -yaa zan -a dele. 'Duŋ- 'an 'malawoa 'kaa -yoo 'ke Rome mi do 'le, 'ke 'mi 'an -srwase' 'ke mu winbale 'kaa 'mu ge -a 'kun -o 'koo.
- 28-O -yaa -la 'zi -a ta win 'la ma, 'ŋ 'yaa- zi 'bhii- 'ŋ 'bhe -za 'ε 'yima 'elrele; 'bhela- -yile 'ŋ -ja 'kele- Zuufu mu a 'kitikan mu -ledo' 'ε ta.
- 29'Bhæ- 'an 'yimaa- dɔɔ -o -yaa -la 'zi -a ta 'woo- Zuufu mu 'gbu a 'toŋ mu -la -klosikun zayi'. 'Bhæ- 'duŋ-, waa -yaa -la 'zi -a ta -za 'yoo- -bhæke' -zayi' 'ke 'bhe -so klele -a de win 'pegee -a bo win 'le -kaso 'yi.
- 30'Bhæ- boolazi, -woo 'ŋ 'kpeelekaan dɔɔ Zuufu mu 'ε -o 'dukpaa- -a ma 'bhæ- -o -yaa zan -a dele, 'bhela- -yile 'ŋ =nwa 'kele- 'e ta blaale-; 'bhæ- 'an =pia mæ 'la zan mu -o -la 'zi -a ta, 'mu ge 'bhe kle 'e ba ye. 'O zi jan -yaa 'kela 'le 'bhe -le bhe, -koo' -o bhe oo!"
- 31'Bhe klele 'te, -o -za yeke- 'la =woa -srwase' mu 'ε ni, -o 'bhæ- =kla; -ayile 'ke -o gele- Pɔlu 'le 'bhe -bi do 'kpɔ 'ε zi Antipatrissi -wa 'ε ta.
- 32'Bhe ta tooklin- yi 'le, -srwase' mu 'la 'yaa- 'mu gaan ma, 'mu niinaa' 'mu -zanta' -waa' 'fe -gbene 'ε =la; 'bhæ- -o 'ke mu 'la 'yaa- wi -soo' mu 'ε ta, 'mu 'pegee Pɔlu -ja 'taa 'ε ta.
- 33-O bhale Sezare, 'ke -o 'letre 'ε 'nale -janmatii Felisi ni, 'bhæ- 'ke -o Pɔlu 'kpale 'bhe 'koo 'ezin-.
- 34-Janmatii 'ε 'yanle- 'letre 'ε tapelele, 'kee- Pɔlu 'lrɔkpale dɔɔ: "'E da 'kleen 'ε -dela -yi εε?" Pɔlu 'a =pia -a ni dɔɔ 'bhe da Silisi.
- 35-E 'bhe 'male, 'ke -ya pele- Pɔlu ni dɔɔ: "Mæ 'la zan mu -o -la 'zi 'e ta, 'ke -o =nwa bhla 'la ba, 'ŋ nu 'e 'liijan- baanmale." 'Duŋ- -ya =pia dɔɔ -o Pɔlu 'wla -bhleŋgbe Erɔdi a -bhleŋgbe 'fe 'ε =la, 'bhæ- -woo -yrekpa' -a ba.

Kleza Mu 24

- 1-Yrekpaa' 'soo 'kanle- blaani, 'sraka 'lena mu 'ε -waa' -kunlii gblaani Ananiasi 'pegee Zuufu mu a 'gwlaani- gblaani 'ke mu, 'bhæ- waa mæ ta -janwo' mi 'la -o -yaa 'bhe sii Teetuli, -o =nwa Sezare. 'Bhæ- -o =nwa -janmatii Felisi ba. -O -yaa -la 'zi Pɔlu ta -za 'la 'yi, -o 'bhe 'yipia= 'yee- Felisi ni.
- 2'Bhe klele 'te, 'ke -o Pɔlu 'siile, 'bhæ- 'ke Teetuli 'lale- 'sanle -a ta dɔɔ: "'O ta mi -janmatii wlan, 'bhi -la 'srɔyi 'bhæ- yilabla -gbene -o -zɔn 'kleen 'ε 'yi. 'Bhæ- 'yaa- -zadoleya -gbeneya 'ε 'ma, 'bhæ- -o =swa -za -bebe mabɔɔle 'kleen 'læ- 'yi, 'bhæ- -a -leleya 'ε baani' =klaa -a ba.
- 3'Bhe ya 'ε 'yi, yi 'oo yi 'bhe 'pegee yrekpen- =nɔɔ, 'wo 'e 'pubɔ- 'e kleza mu 'ε 'kpen ma.
- 4'Naa- zi 'bhii- 'mi 'e magbaani 'ke 'ŋ mɔ -janwole zi, 'duŋ- 'mi 'e 'sromabo dɔɔ 'yee 'trɔnkpa 'o 'wojan- 'ε =la sa.

- 5'Wa =ya dɔɔ mɛɛ 'lɛɛ- -yoo 'eyɔɔle 'bhii- ga -yɔɔ' do gbɛɛn-. -Amasɔyi -yoo Zuufu mu 'ɛ 'kpen 'pɔ zii' 'eke- ma 'drunyan 'ɛ 'yi yrekpen- =nɔɔ. 'Bhɛɛ- -waa' Nazareti mu a 'seri 'ɛ, 'yele- 'mu -lɛɛ mi 'ɛ 'le.
- 6'Bhɛɛ- drɔɔn' -e -yaa zan 'waa- -Waanbhaa' Gba 'Fɛ -Gbɛnɛ 'ɛ 'triɔɔdɔle -za 'yɔɔ- 'le, 'bhɛɛ- 'wa =kwan. 'O 'yaa- zi 'bhii- 'wa 'kitikan 'bhii- 'wa klɛ 'waa- 'toɔ mu 'ɛ ta gɔnɛ- 'la gbɛɛn-.
- 7'Duɔ- Lisiasi, -srwase' mu -kuɔlii -gbɛnɛ 'ɛ, 'bhɛ =nwa -a 'kunle- 'o 'kɔɔ faɔgan- ma.
- 8'Bhɛɛ- 'ke -ya pele- mɛɛ mu 'la =yaa -la 'zi 'a ta 'mu ni dɔɔ 'mu nu 'e ta -gɛ. 'Woo- -la 'zi -a ta win 'la ma, 'ke 'ya 'lrɔkpa- 'saanibhe, 'e 'gbu nu 'bhɛ 'yaangole -a 'gbu 'liijan- mu 'ɛ ma.”
- 9'Woo- Zuufu mu 'ɛ 'kpen -dwa 'bhɛ -jan do 'kpɔ 'ɛ 'bhɛɛ- ta, 'kaa Tɛɛtuli 'wojan- 'ɛ 'yaa- 'ke wlan 'le kpataakpa.
- 10'Bhɛ klɛle 'tɛ, 'ke -janmatii Felisi -a gbɛ -lawlenle Pɔlu ni 'kaa 'bhɛ -janwo', 'bhɛɛ- 'ke Pɔlu -janwole 'sanle dɔɔ: "'An 'yaango- 'bhii- 'yoo- 'waa- 'klɛn 'lɛɛ- 'yi 'kitikan mi 'le 'bhɛ 'laa 'sanle- -zɔn. 'Bhɛla- -zayi', -gblaan 'kedo- 'kpɔ 'laa -o 'ɔ zru ba, 'ɔ =yoo zan 'ɔ 'gbu zi jan 'la 'wole- -gɛ bhe.
- 11'Mi 'nule 'ɛ Zeruzalemu -Waanbhaa' gbale, 'bhɛ 'laa 'kanle- -li -yrekpa- vu ta plɛ ta. 'E sɔ 'bhɛ 'yilrɔkpale mɛɛ mu ma.
- 12-A 'san 'ɔ 'nu yi 'ɛ ma, waa 'ɔ 'yele- -lido' zaabɔle ma mɛɛ mu 'le -Waanbhaa' Gba 'Fɛ -Gbɛnɛ 'ɛ =la. 'Bhɛɛ- waa 'ɔ 'yele- -lido' mɛɛ mu 'pɔ yɛ nɔɔ- 'eke- ma Zuufu mu 'ɛ daanfe' mu 'ɛ =la 'bhɛ 'pegee -wa 'kpee yɛ 'ke =nɔɔ.
- 13'Bhɛɛ- 'woo- mɛɛ mu 'lɛɛ-, -woo -la 'zi 'ɔ ta win 'la ma, waa sɔ -jan 'kedo- 'kpɔ 'wole 'ke -wa zɔn dɔɔ 'zoo -o zi -zɔn -gɛ.
- 14'Bhɛɛ- 'duɔ-, 'mi sɔ dulale -jan 'la ta 'ke 'ɔ 'bhɛ kpataakpa wo 'e 'yɛ ma -gɛ -zɔn, 'bhɛ -le dɔɔ: 'ɔ 'yoo- 'o -gbɔɔ mu a -Waanbhaa' 'ɛ gba 'zi zi drɛɛ 'la ta, 'woo- mu -o -a pe 'zi 'bhɛɛ- ma dɔɔ 'seri 'bhɛɛke. 'Duɔ- -za mu 'la 'kpen yɔɔndeɛle -o 'waa- 'toɔ 'sewe mu 'ɛ 'pegee 'waa- -Waanbhaa' -lɛla' janwo mu a 'sewe mu 'ɛ 'yi, 'mi 'kpale- -o 'mu -la 'kpen 'yi.
- 15'D 'yrikpale -o -Waanbhaa' ta gɔnɛ- 'la gbɛɛn-, 'bhɛ 'yrikpale do 'kpɔ 'ɛ 'bhɛ -le 'woo- mu 'gbu 'yi dɔɔ 'kee- 'kpa mɛɛ wlan mu ta oo, 'kee- kpa mɛɛ -yɔɔ' mu ta oo, -o 'kpen nu bwele gale ba, 'bhɛ -yrikpaleya 'ɛ 'bhɛ -le 'mi 'yi.
- 16-Ayile yi 'oo yi, 'ɔ dɔ 'egɔɔle 'kooko- 'ɔ 'kpee 'fleɛle- klɛ -Waanbhaa' 'pegee bhaaplɛɔ mu -yɛ 'yi.”
- 17"'D lɛɛ -bebe =kla 'ke 'naa bhɔ Zeruzalemu, 'bhɛla- -yile 'ɔ =nwa -a nɔɔ-, 'ke 'ɔ sɔ bhɔle- 'an mɛɛ mu 'ɛ ba -glaan' mu 'le, 'bhɛɛ- 'ke 'ɔ sɔ 'sraka mu gole- -Waanbhaa' ni.
- 18'Bhɛɛ- bhla 'ɛ ba, Azi 'klɛn 'ɛ 'yi Zuufu 'ke mu -le 'mi =ya -Waanbhaa' Gba 'Fɛ -Gbɛnɛ 'ɛ =la 'ke 'ɔ 'yoo 'sraka 'la 'bhɛ 'ɔ klɛ 'wen 'bhɛ go 'zi -a =nɔɔ 'waa- 'toɔ 'ɛ ta za 'ɛ ma. 'Bhɛɛ- waa -zamaa' 'ke 'yele- 'ɔ zi 'ke 'ɔ 'yoo- mɛɛ mu 'pɔ zii' 'eke- ma.

- ¹⁹'Kee- 'kpa bi 'bhii- 'mi -za 'yoo- 'ke -la=kla, 'bhe Zuufu mu 'e 'mu -le -yaa nu 'sole-nule- -zon -ge, 'bhe- 'mu la 'mi ta 'e 'yre ma.
- ²⁰'Ke 'bhe 'laa 'kele-, mæe 'la zan mu dulale -o -ge, 'η -za 'yoo- 'la =kla 'bhe- -o -yaa -la 'zi 'η ta Zuufu mu a 'kitikan mu -ledo' 'e ba, -o 'mu 'pe.
- ²¹'Ke 'yaa 'e go 'η -jan do 'kpɔ 'la =woa -o 'kpen 'yre ma 'egloole dɔɔ: "Ŋ 'kpale- -o -a -yi 'bhii- gbaa mu bwe gale ba'. 'Bhela- -zayile, 'ka -o -kpan 'kpa zii' 'η 'lii -ge -zon!"
- ²²'Bhe- 'duŋ-, Felisi 'gbu Mæzan a zi 'e ta 'taawogbeya 'la dɔ bhe, -ayile 'ke 'bhe 'a 'pele dɔɔ -o 'yee- -za 'e dula- -gee', 'bhe- -wa zisan' yi -bheke' ta; -e pe -o ni dɔɔ: "'Ke Lisiasi, -srwase' mu a -kuŋlii -gbene 'e =nwa 'waati 'la ba, 'η nu 'kaa- -za 'e 'yrebagole kplankplan 'gbu, 'bhe- 'an 'lewlayre ye."
- ²³'Bhe blaana, 'ke -ya pele- -srwase' -kuŋlii mi 'la =yaa Pɔlu gooba 'bhe ni 'kaa 'bhe 'a 'to -kaso 'e 'yi, 'bhe- 'bhe 'e 'yrekpa 'a ba. 'Duŋ- -e pe 'bhe ni 'ezin- dɔɔ 'bhe 'a 'to 'ke -a bhegwlen 'ke mu sɔ bhole- -a ba 'mu 'koope- mu 'le, 'bhe- 'kee- bo -a 'gbu ma.
- ²⁴'Bhe blaana -yrekpa' sa 'kanle-, 'ke Felisi 'pegee -a na Drusili 'nule. 'Bhe =yaa 'ke Zuufu le 'le. 'Bhe ya 'e 'yi, 'kee- mæe mu winbole Pɔlu 'sii yre nɔɔ-, 'bhe- 'ke 'bhe 'nule. -Woo kpa Zesu Krisi 'yi gɔne- 'la gbene-, Pɔlu 'bhe 'yipia= -a ni.
- ²⁵'Duŋ- -bhaapɔŋ sɔ 'taawole 'elrele -Waanbhaa' -yreyi' gɔne- 'la gbene-, 'bhe 'pegee -e sɔ -a 'gbu 'yikunle -za 'yoo- klele ma gɔne- 'la gbene-, 'bhe- -Waanbhaa' a 'kiti 'la 'bhe -o 'drunyan 'e ma, Pɔlu 'bhe- -jan mu 'e 'wole- -saan. -Asiikɔ yien =kaan Felisi 'kpee, 'bhe- -e pe Pɔlu ni dɔɔ: "'Bhe =swa -gee' -zon, ge 'e geyre 'e =nɔɔ, 'ke 'η mazadwa 'e ma 'waati 'la ba, 'η nu 'e 'sii gbɛ drɛwole."
- ²⁶-A yri -yaa -a ta 'ezin- dɔɔ Pɔlu nu -gɔli' 'ke 'wlale- -a gbɛ =la; 'bhela- -yile -e -yaa -yaa' mæe mu 'e winbɔ 'bhe 'sii yre nɔɔ- 'waati 'ke ba, 'kooko- -o -balɔ kle 'eke- zi.
- ²⁷Læe plɛ -kaan Pɔlu ta 'bhe- gbene- -kaso 'e 'yi. 'Bhe- Pɔɔsusi Fɛtusi -yalaa' Felisi blaana -janmatiiya 'e 'yi. 'Yee- Felisi -yaa zi 'bhii- -a -za 'sɔ Zuufu mu 'e ni, 'bhela- -zayile -e Pɔlu -twa -kaso 'yi -sɔ.

Klɛza Mu 25

- ¹Fɛtusi yaale -yaa' -janmatiiya 'e 'yi Zude 'kleen 'e 'wiin- 'bhe -yrekpa' yaga mi ma, 'kee- gole- Sezare, 'bhe- 'kee- nule- Zeruzalemu.
- ²-E bhole Zeruzalemu, 'sraka 'lena -kuŋlii mu 'e 'pegee Zuufu mu -læe mæe gbalaana mu 'e =yaa -la 'zi win 'la ma Pɔlu ta; -o =nwa 'bhe 'kpen 'yipele -a ni.
- ³-O -sromabwa 'yee- Fɛtusi ni 'kaa -e -dwa -a -la -o ni 'kee- nu Pɔlu 'le Zeruzalemu; -amasrɔyi -o 'dukpa- gban -a ma 'bhe- -o -yaa zi 'bhii- -wa dɛ Zeruzalemu zi 'e 'lii -a nu bhla 'e zi.
- ⁴'Duŋ- Fɛtusi 'a zikpa- -o ni dɔɔ: "Pɔlu nu bole -sɔ -kaso 'e 'yi Sezare, 'bhe- -a -winbwa 'waati sa, 'bhe- 'yee- Fɛtusi 'gbu niinaa' -a -zanta' ye Sezare.

- ⁵'Ka ta mɛɛ gbłaan mu 'ɛ -o ge 'ŋ zi Sezare, 'ke 'yee- Pɔlu -za 'yoo- 'la =kla -ka ge -la -a ta 'bhe =nɔɔ ye."
- ⁶Fɛtusi -yrekpaa' yɛkɛ- 'la =kla Zeruzalemu, 'ke -yaa klɛɛ -yrekpaa' 'srwaa-, yaa -yaa kan -yrekpaa' vu ta, 'bhɛɛ- -e -niinaa' 'a -zanta' Sezare. 'Bhe ta tooklin- yi 'le, 'kee-gele- yaale 'kitikan 'fɛ 'ɛ =la, 'bhɛɛ- -e pe dɔɔ -o nu Pɔlu 'le 'a ni.
- ⁷Pɔlu 'nule- 'tɛ, Zuufu mu 'la -daa Zeruzalemu 'mu 'mliŋwoa- -a zi, 'bhɛɛ- 'mu 'yaa- -za 'yoo- 'ɛ 'kpen -glɔɔn 'kpa zii' -a ma. 'Duŋ- waa -yaa sɔ a zɔnle- 'bhii- 'bhe -za 'yoo- mu 'ɛ do 'kpɔ -o 'ke wlan 'le kpataakpa.
- ⁸'Bhe blaana, 'ke -o -jan 'ɛ 'nale Pɔlu ni, 'bhɛɛ- 'ke -ya pele- dɔɔ: "'Naa -za 'yoo- do 'kpɔ klɛɛ, 'ŋ 'si mu 'ɛ -waa' 'toŋ mu 'ɛ 'pegee -Waanbhaa' Gba 'Fɛ -Gbɛnɛ 'ɛ ma, 'bhɛɛ- 'naa -jan 'yoo- wole -kɔɔ' ta -bhleŋgbe -gbɛnɛ Sezaa ma."
- ⁹Fɛtusi -yaa zi 'bhii- -e Zuufu mu 'ɛ zru maza klɛ, 'bhɛla- -yile -e Pɔlu 'lrɔkpaa- dɔɔ: "'Yoo- -a zi 'bhii- 'o ge 'e 'le Zeruzalemu, 'bhɛɛ- -o 'yaa- 'kiti 'ɛ kan 'mi 'gbu 'yɛ ma 'bhe =nɔɔ ye ɛɛ?"
- ¹⁰'Bhɛɛ- 'duŋ-, Pɔlu 'a 'lekwan- -a ni dɔɔ: "'Yooye-, 'ŋ dulale -o -bhleŋgbe -gbɛnɛ 'ɛ 'bhe a 'kitikan 'fɛ 'ɛ 'bhɛɛ- =la -gɛ; 'bhɛɛ- -o sɔ 'an pɛ -za 'ɛ 'kitikanle -gɛ -a ma. 'Naa -za 'yoo- 'kedo- 'kpɔ klɛɛ Zuufu mu 'ɛ ni; 'e 'gbu 'bhe 'yaango-.
- ¹¹'Kee- 'kpa bi 'zoo 'laa -o 'ŋ zi, 'bhe 'pegee 'ke 'ŋ -za 'ke -la =kla 'ke 'bhe sɔ klɛɛ- 'ŋ de win 'le, 'naa -yaa sɔ 'ŋ -baŋgole 'ŋ dele ma. 'Duŋ- -o -za mu 'la 'kpen 'kpa zii' 'ŋ ma wlan laa 'mu do 'kpɔ 'le, 'kee- =kla 'bhi 'le oo, 'kee- =kla mɛɛ -bhɛɛke' do 'le oo, yaa sɔ dɔle- mɛɛ 'kedo- 'kpɔ 'kpee 'ke 'bhe ploɔ 'mi ma -o ni. 'Bhɛɛ- drɔɔn' 'ŋ 'yoo- -a zi 'bhii- -kɔɔ' ta -bhleŋgbe -gbɛnɛ Sezaa 'ɛ 'bhe -le 'mi a pɛ -za 'ɛ 'kitikan."
- ¹²'Bhe klɛɛ 'tɛ, Fɛtusi 'pegee -yaa' yewoyɔɔn mu 'ɛ -woo 'eke- =ya 'waati sa, 'bhɛɛ- 'ke -ya pele- Pɔlu ni dɔɔ: "'Ya 'pelawoa 'kaa 'yoo- -a zi 'bhii- -kɔɔ' ta -bhleŋgbe -gbɛnɛ Sezaa 'ɛ 'bhe -le 'yaa -za 'ɛ 'kitikan, 'bhɛla- -yile 'e nu gele 'bhe ta ye."
- ¹³'Bhe blaana -yrekpaa' 'dama 'kanle-, 'ke -bhleŋgbe Agripa 'pegee 'bhe 'na Berenisi 'nule Sezare, Fɛtusi 'pubɔ- yɛ nɔɔ-.
- ¹⁴-O -yaa -yrekpaa' -bebe klɛ 'zi Fɛtusi ba, 'ke 'yee- Fɛtusi Pɔlu -a -za 'ɛ 'lepwele 'yee- -bhleŋgbe Agripa ni. -E pe 'bhe ni dɔɔ: "Felisi mɛɛ do =twa -a -zanta' -gɛ -kaso 'yi.
- ¹⁵'D gelawoa Zeruzalemu, Zuufu mu 'ɛ -waa' 'sraka 'lena -kunlii mu 'ɛ 'pegee -waa' 'gwlaana- gbłaan mu 'ɛ -o -za 'yoo- mu 'tɔkpaa- -a ma, 'bhɛɛ- -wa =pia 'ŋ ni dɔɔ 'ŋ -kpan bala- -a ta.
- ¹⁶'An 'lekwan- -o ni dɔɔ: Rome mu a 'sinii ta za 'ɛ ma, 'waa sɔ -kpan baale mɛɛ do ta, 'ke waa mɛɛ 'la zan mu -o -la 'zi -a ta 'mu 'liijan- male 'elwale 'pe -a -yɛ ma, 'bhɛɛ- -ya 'gbu ta janwo.
- ¹⁷'Bhɛla- -yile, mɛɛ 'la zan mu -o -la 'zi -a ta 'mu =nwa 'ŋ zi Sezare -gɛ, 'bhɛɛ- 'bhe ta tooklin- yi 'ɛ 'le, 'naa 'tolɛ- 'ke 'yee- -za 'ɛ mɔ. -Ayile 'ŋ -ja yaale 'kitikan 'fɛ 'ɛ =la 'bhɛɛ- 'an =pia mɛɛ mu ni dɔɔ -o nu 'yee- mɛɛ 'ɛ 'le 'ŋ ta.

18 Mɛɛ 'la zan mu -yaa -la 'zi -a ta 'mu 'nule- 'kitikan 'fɛ 'ɛ =la, 'bhɛɛ- 'mu 'mu zi -janwoa; 'duŋ- 'mi 'yri =yaa -za 'yɔɔ- -gloɔn mu 'la 'kpen ta, waa 'mu do 'kpɔ 'kpale- -a ma.

19 -O -yaa drɔɔn' zaa -la bɔ 'zi -waa' Zuufu 'seri 'ɛ 'pegee -waa' mɛɛ do -la ta, 'bhɛɛ- 'bhɛ -gaa gban. -O -yaa 'bhɛ mɛɛ 'ɛ sii Zesu. 'Duŋ- 'yee- Pɔlu pe dɔɔ 'bhɛ mɛɛ 'ɛ 'yaa- 'bhɛ 'yrɛ ma -li.

20 'D 'yaa- klin 'yi bi, 'bhɛɛ- -za 'la 'ke 'ŋ 'bhɛ klɛ, 'naa -yaa 'bhɛ dɔ. 'Bhɛla- -yile 'ŋ Pɔlu 'lɔkpaa- dɔɔ 'ke -ya zi 'bhii- 'o ge 'kele- Zeruzalemu 'bhɛɛ- 'o -yaa -za 'ɛ 'kitikan 'bhɛ =nɔɔ.

21 'Duŋ- -e pe 'ŋ ni dɔɔ -o ge -yaa' -za 'ɛ 'le -bhleŋgbe gbilaan 'ɛ ba Rɔmu -wa 'ɛ ta: 'bhɛ ya 'ɛ 'yi, -e pe dɔɔ -wa 'to -kaso 'ɛ 'yi 'sani- -bhleŋgbe gbilaan 'gbu 'ɛ 'bhɛ yaa -za 'ɛ 'kitikan. -Ayile 'mi pe dɔɔ -wa 'to -kaso 'yi 'sani- 'ŋ sɔ -a 'kpale -bhleŋgbe -gbene 'ɛ ta Rɔmu -wa 'ɛ ta.”

22 'Bhɛ klɛle 'tɛ, 'ke Agripa 'a 'pele Fɛtusi ni dɔɔ: "Mi 'gbu -o -a zi 'bhii- 'ŋ 'yee- mɛɛ 'ɛ 'liijan- ma." 'Bhɛɛ- Fɛtusi pe -a ni dɔɔ: "Too 'e nu -a -liijan' male.”

23 'Bhɛ ta tooklin- yi 'ɛ 'le, Agripa 'a -baala -yaa' -bhleŋgbe tapɛ mu 'ɛ 'yi, 'bhɛɛ- 'yee- 'pegee Berenisi, 'bhɛɛ- -o zi mɛɛ 'srɛ mu 'ɛ =nwa wlalɛ 'kitikan 'fɛ 'ɛ =la -waa' mɛɛ gbilaanya 'ɛ 'yi. -Srɛwase' -kuŋlii mu 'ɛ 'pegee Sezare -wa 'ɛ ta mɛɛ gbilaan mu 'ɛ 'kpen 'yaa- -o zi. 'Bhɛɛ- Fɛtusi mɛɛ mu winbwa- Pɔlu 'sii yrɛ nɔɔ-, 'bhɛɛ- -e =nwa.

24 Pɔlu 'nule- 'tɛ, 'ke Fɛtusi 'a 'pele dɔɔ: "-Bhleŋgbe Agripa, 'bhɛ 'pegee 'ka mu 'la 'kpen -o -zɔn -gɛ, mɛɛ 'la zan dulale -o 'ka 'yrɛ =la -gɛ, Zuufu -zamaa' mu 'ɛ 'kpen =nwa -lale' -a ta 'ŋ ba Zeruzalemu -wa 'ɛ ta -gɛ; 'ke -o pɛɛn dɔɔ -yoo 'ke dɛpɛ 'le.

25 'Duŋ- 'mi 'laa -za 'yɔɔ- do 'kpɔ 'yele- -a zi 'ke 'bhɛ sɔ klɛle- -a dɛ win 'le. 'Duŋ- -a 'gbu 'a 'pelawoa dɔɔ -bhleŋgbe gbilaan 'la Rɔmu -wa 'ɛ ta 'bhɛ -yaa' -za 'ɛ 'kitikan. 'Bhɛla- -yile, 'mi 'an 'lɛdulaa dɔɔ 'ŋ nu geɛ 'kele- 'bhɛ -wa 'ɛ ta ye.”

26 -Jan 'lrele- 'gbu 'la 'ke 'ŋ sɔ 'bhɛ yɔɔndele- -yaa -za 'ɛ ba zayi' 'naa 'bhɛ dɔ; 'bhɛla- -yile, 'ŋ =nwa 'kele- -gɛ 'bhi 'gbu -bhleŋgbe Agripa 'lɛ ma; 'kooko- 'ke 'wa 'lɔkpaa-, 'bhɛɛ- 'kee- -jan 'la 'woa-, 'ŋ sɔ -jan yeke- 'la yɔɔndele, 'ŋ 'bhɛɛ- klɛ 'tɛ.

27 -Amasrɔyi klooya maza 'le 'bhɛ 'le, 'kee -kaso 'yi mi do kun, 'bhɛɛ- 'e ge 'bhɛ 'le -bhleŋgbe gbilaan 'ɛ ba, 'bhɛɛ- -o -za mu 'gbu 'la =kpa -a ma 'ke 'yaa sɔ 'bhɛ yɔɔndele.

Klɛza Mu 26

1 Agripa pe Pɔlu ni dɔɔ: "Kɛla 'bhɛ -o 'e zi 'bhɛ 'wo." 'Bhɛ klɛle 'tɛ, 'ke Pɔlu 'a gbɛ 'ɛ 'lawlenle, 'bhɛɛ- -ya 'gbu ta janwole -saan dɔɔ:

2 "-Bhleŋgbe Agripa, 'ŋ zrukpaale -o 'e 'yrɛ =la -gɛ -zɔn, 'ke 'mi 'an pɛ wlan pe Zuufu mu 'ɛ -o -za mu 'la 'kpen =kpa 'ŋ ma 'mu 'kpen 'yi.

3 'E 'zoole- 'e 'trɔnkpa 'ŋ ni 'elrele. -Amasrɔyi 'bhi 'gbu Zuufu mu 'ɛ -waa' 'sinii ta za mu 'ɛ 'kpen 'pegee -waa' zaabɔ maza mu 'ɛ dɔ 'elrele.”

- 4"Zuufu mu 'e 'kpen 'η 'taawo gbε -lwa 'ε dɔ, 'kee- san 'η 'yaa- 'η -zwanne 'le 'waati 'la ba, 'kee- nu 'tenε- -zɔn ma. 'D 'taawoa= gɔnε- 'la gbεen- 'an 'si mu 'ε 'plen 'bhe 'pegee Zeruzalemu -ge, -o 'bhe dɔ.
- 5-O 'gbu 'η dɔ, 'bhe 'laa sanε- -zɔn ma, 'ke -wa zi -o wlan pe. 'Bhεε- -o 'gbu 'η dɔ 'bhii- 'η 'yaa- Farizi 'srε mu 'ε do 'le. -Kɔɔa' 'seri 'ε ta, 'bhe mu -laa' -za 'yi -o 'egloole.
- 6'Bhεε- -zɔn, -woo -kpan 'kpaa zii' 'mi 'lii, -amasrɔyi -Waanbhaa' 'bhe 'liiwli- -naa -kɔɔ' -gbɔɔ mu ni pε 'la 'naza- ta, 'mi 'yrikpale -o 'bhεε- 'lesɔ- za 'ε ta.
- 7'Duŋ- -kɔɔa' mεε mu 'ε 'yaa- -gbaa vu ta plε, 'bhεε- 'woo- -gbaa vu ta plε 'la bhe, -o 'kpen 'yri =yaa -Waanbhaa' 'bhe 'liiwli- -naa -kɔɔ' -gbɔɔ mu 'ε ni pε 'la 'naza- ta 'mu ni 'bhe 'lesɔ yi 'ε ta. 'Bhela- -yile -o -yaa -Waanbhaa' gba -o zru 'ε 'kpen 'le yi 'oo yi. 'Duŋ- 'mi 'yrikpale -o 'bhe pε do 'kpɔ 'ε ta. 'E! -Bhɛngbe Agripa, Zuufu mu 'ε -o -la 'zi 'mi 'ta 'bhela- -zayi' -zɔn -ge!
- 8'Bhεε- 'duŋ-, 'ka mu Zuufu mu 'la 'ka -o -ge, 'ka 'ka kpa -Waanbhaa' a gbaa mu bweza gale ba 'ε 'yi εε?
- 9'Mi 'gbu 'yaa- 'bhe ye -za 'Irelele 'ke 'η gwledan Nazareti mi Zesu 'tɔ 'ε ba.
- 10'D 'bhεε- =kla Zeruzalemu. 'Sraka 'lena mu -kuŋlii mu 'ε -o 'bhe 'seŋ =naa 'mi 'gbu ni, 'bhεε- 'η Zesu 'yi mu -bebe =bwa -kaso 'yi. 'Bhεε- 'ezin- 'ke -o -yaa -o dε -kpan balaa' -o ta, 'η 'yaa- dɔ 'bhe =la.
- 11'D -o 'krowoa- 'egloɔn- -bebele Zuufu mu daanfε' mu 'ε 'kpen =la; 'bhεε- 'η 'yaa- -a kle 'ke -o 'ploo- -o 'kpale- ma Zesu 'yi kpanma. 'D zruplii- gbε -yɔɔ' 'ε 'kɔɔ -o ma, 'η 'yaa- ge -yrenkpalele -o ta, 'ke 'bhe ge 'tenε- 'si 'bhεεke mu a -wa mu 'ε ta mu 'ε ma."
- 12'Pɔlu pe 'ezin- dɔɔ: "'Bhεε- win do 'kpɔ 'ε ma, 'sraka 'lena -kuŋlii mu 'ε -o 'seŋ =naa 'η ni, 'bhεε- -woo 'η 'winbwa- Damasi -wa 'ε ta, 'letre 'le 'η 'kɔɔ 'woo- Zesu 'yi mu 'ε 'kaama-.
- 13'Waa -Bhɛngbe Agripa, 'η 'yaa- Damasi zi 'ε 'lii 'waati 'la ba -yrekpaa' bhɔ bhla 'e -din. 'E! 'Ke 'η 'yrekpale 'tɛbhile do ma. -A -bhile' 'ε 'yaa- da 'zi lafle' ma, 'bhεε- -a -bhi gbeya -yrayra 'ε 'yaa- kan -yretɛbhe -bhigbeya 'ε ta; 'bhεε- -e -zian 'mi 'pegee 'η mado mu 'ε zi.
- 14'Bhe klele 'tε, 'ke 'o 'kpen baale' 'tre ma, 'bhεε- 'ke 'η mεε -weli' do male- 'ke 'bhe -a pe 'zi 'η ni Ebre wli 'ε 'yi dɔɔ: 'Sɔlu, Sɔlu, -mεle =kla 'bhεε- 'yoo- -yrenkpa' zii' 'η ta -gee' εε? 'Ke gbakpa' dri 'ε gwledanle -saan -a zan a 'beni 'ε ba, 'bhe 'laa nu -nrals' 'yee-dri 'ε 'gbu ma 'de!'
- 15'Bhe klele 'tε, 'ke 'an 'lrɔkpale dɔɔ: '-Dele 'bhi 'le εε Mεezan?' 'Bhεε- Mεezan pe 'η ni dɔɔ: "Yoo- -yrenkpa' zii' 'mi Zesu -la ta bhe.
- 16'E 'wlen- 'saanibhe! -Amasrɔyi 'η 'pwela- 'e ba, 'kooko- 'mi 'e kle 'mi 'an yewone 'le. 'E 'mi =ya yegbeya 'la 'yi -zɔn -ge, 'e nu klele 'mi 'srε 'le 'bhe ma 'kee 'bhe pe mεε -bhεεke' mu ni; 'bhe 'pegee 'η nu -za 'bhεεke mu 'la zrɔnle 'e ni boolazi, 'e nu 'η 'srɛya- klele 'mu ma 'ezin-.

- 17'Mi nu 'e 'winbɔle Zuufu mu 'pegee Zuufu kle mu 'la ba, 'mu nu -yɾɛn mu 'la 'kpale-
'e ta, 'mi nu 'e gole 'bhe -yɾɛn mu 'e 'yi,
- 18'kooko- 'e sɔ -o -yɾɛ 'liiploole, 'bheɛ- -o yɾɛ ma ye kpataakpa, 'bheɛ- 'e sɔ -o gole- -
gblo 'yi, 'bheɛ- 'e nu -o -le 'tebhile ba; 'bheɛ- 'kee sɔ -o gole- -Setran' 'kɔɔ 'bheɛ- 'yoo-
kle 'ke -Waanbhaa' a mɛɛ mu 'le. 'Bheɛ- 'kooko- 'ke -woo =kpa 'mi 'yi, 'ɲ -waa' -za
'yɔɔ- mu 'e -sroma yan, 'bheɛ- -o sɔ klele- -Waanbhaa' a mɛɛ 'weɲ mu 'le.' “
- 19'Pɔlu pe 'ezin- dɔɔ: "'Waa- -Bhɛngbe Agripa, 'mi -jan 'la =maa 'bhe 'pegee -
Waanbhaa' -yɾɛ zi yele 'la =klaa 'mi 'yɾɛ ba, 'mi 'bheɛ- 'kɔsɪkwan.
- 20'ɔ -Waanbhaa' a -jan 'wole- 'e -saan Damasi -wa 'e ta mu 'e ni 'elwale 'pe, 'bheɛ- 'ɲ -
ja -a wole Zeruzalemu mu ni. 'Bhe blaɛn, 'ke 'ɲ gele- -a wole Zude 'kleɛn 'yi mu 'e
'pegee -a kpe ma -wa mu 'e ta mu 'e 'kpen ni, 'bhe 'pegee Zuufu kle mu 'e ni. 'ɔ 'yaa-
pe 'zi mɛɛ mu 'e ni dɔɔ -o 'plo- waa -za -yɔɔ' mu 'e ma, 'bheɛ- -woo 'gbu zru 'e 'niina-
-Waanbhaa' ba, 'bhe 'pegee 'ke -wa zɾɔn -o kleza mu 'e ma 'bhii- -o -ploola -waa' -za
'yɔɔ- mu 'e ma, 'bheɛ- -woo 'gbu =naa -Waanbhaa' ni.
- 21'Zuufu mu 'e -woo 'ɲ =kwan win 'la ma, 'bhe -le bhe, 'ɲ 'yaa- 'waati 'la ba -Waanbhaa'
Gba 'Fe -Gbɛɛ 'e =la, 'bheɛ- -o -yaa zan 'ɲ dele.
- 22'Duɲ- -Waanbhaa' =bhwa 'ɲ ba, 'bheɛ- 'ɲ =swa bole 'ɲ 'yɾɛ ma 'kee- nu 'tɛnle- -zɔn
ma. 'Bhɛla- -yile, 'ɲ =swa -yaa' -jan 'e 'wole mɛɛ mu ni: 'kee- 'kpa mɛɛ 'fientɾɔnne mu
ta oo, 'kee- 'kpa mɛɛ gbɛlaɛn mu ta oo, 'an =woa 'mu 'kpen ni. 'Naa- -o -jan 'bheɛke do
wo 'zi, 'ke yaa 'e go Moizi 'pegee -Waanbhaa' -lela' janwo mu 'e -o -za mu 'la 'leso
janwoa- 'bheɛ- ba.
- 23-Wa =pia dɔɔ: 'Mɛɛ -Bheɛ Mi Krisi 'e nu -yɾɛnbhile 'bheɛ- -e ga. 'Bheɛ- gbɛa mu 'e
'kpen ba, 'yele- nu bwele gale ba 'elwale 'pe; 'bheɛ- mɛɛ -bheɛ zi 'la 'ke 'tebhile -o 'bhe
ta, 'yele- nu 'bhe a janwole Zuufu 'si mu 'e 'pegee Zuufu kle mu 'e ni.' “
- 24'Pɔlu -yaa 'bhe -jan 'e 'wo zii' -li bhla 'la ba, 'ke Fetusi 'peɛnle -a ta dɔɔ: "Pɔlu, -kwa -
le 'e 'yi ɛɛ? 'Yaa- 'sewe dɔ gbɛ -yɔɔ' 'e 'kɔɔ, -kwa =bwa 'e 'yi ɛɛ!"
- 25'Bhe klele 'te, 'ke Pɔlu 'a 'lekunle -a ni dɔɔ: "'Waa- -janmatii 'Irele- Fetusi, -kwa 'laa -
o 'ɲ 'yi. 'ɔ 'yoo- -jan mu 'la 'wo zii' wlan -le -o 'kpen 'le, 'bheɛ- -o bakanle -o.
- 26'Yee- -Bhɛngbe Agripa 'gbu 'bhe -za mu 'e dɔ, 'bhɛla- -yile 'ɲ sɔ -o wole- -a ni
kpataakpa 'ɲ zrubakpaale 'le. 'Mi 'gbu 'kpale- -o -a -yi 'bhii- -e 'bhe -za mu 'e 'kpen dɔ,
-amasɾɔyi waa klele gaanyi'; 'duɲ- -o =kla mɔkpen' 'yɾɛ ma kpataakpa.”
- 27'Pɔlu pe -bhɛngbe Agripa ni dɔɔ: "'Waa- -Bhɛngbe Agripa, -Waanbhaa' -lela' janwo
mu 'e -o -jan mu 'la =woa, 'yee kpa 'mu 'kpen 'yi ɛɛ? 'Mi 'gbu 'a 'yaango- 'bhii- 'e
'kpale- -o -o -yi!"
- 28'Bhe klele 'te, 'ke Agripa 'a 'pele Pɔlu ni dɔɔ: "'Yoo- zan 'mi klele blaale- Zesu 'yi mi
'e do 'le ɛɛ?"
- 29'Bheɛ- Pɔlu 'a zikpa- -a ni dɔɔ: "'Kee- -kla -zɔn oo, 'kee- -kla boolazi oo, 'ɲ 'yoo- 'ɲ
'seriwo zii' -Waanbhaa' ni 'kooko- 'kee- kpa 'bhi ta oo, 'kee kpa mɛɛ mu 'la 'kpen -o

'trɔŋkpa zii' 'ŋ ni -gɛ, 'ka 'kɔn klɛ Zesu 'yi mu 'le 'bhii- 'mi gbɛɛn-; 'ke yaa 'e go 'ŋ gbe ma piibhɛ kpɛlɛ- mu 'lɛɛ ba.”

³⁰'Bhɛ klɛlɛ 'tɛ, 'ke -bhɛngbe Agripa 'pegeɛ -janmatii Fɛtusi 'bhɛɛ- Berenisi, 'bhɛ 'pegeɛ -o zi mu 'ɛ 'kɔn -o -wɛnɛlɛ', 'ke -o 'pɔwɛlɛ.

³¹'Bhɛɛ- -o 'pɔwɛ bhla 'ɛ zi -o -yaa pe 'zi 'eke- ni dɔɔ: "Mɛɛ 'lɛɛ- -yaa -za 'yɔɔ- do 'kpɔ klɛlɛ 'ke 'bhɛ klɛ -a dɛ win 'pegeɛ -a bɔ win 'le -kaso 'yi.”

³²'Bhɛ 'yi, 'ke Agripa 'a 'pele Fɛtusi ni dɔɔ: "'Ke mɛɛ 'lɛɛ- yaa peɛ dɔɔ -ya zi 'bhii- -bhɛngbe -gbɛɛ 'ɛ -yaa' -za 'ɛ 'kitikan, 'o 'yaa- nu 'ploolɛ- -a ma 'saanibhɛ bi.”

Klɛza Mu 27

¹-Wa -lɛdulaa 'waati 'la ba dɔɔ 'o nu geɛ Itali 'klɛɛn 'ɛ 'yi -batɔŋ' yi, 'ke -o Pɔlu 'pegeɛ -kaso 'yi 'mu 'ɛ 'ke mu gbɛkpale -srwase' mu -kuŋlii do 'kɔɔ: -o -yaa 'bhɛ sii Zulusi. 'Bhɛ -srwase' -kuŋlii 'ɛ 'kpale -yaa -srwase' 'lɛ -gbɛɛn do 'la 'wiŋŋ- -o -yaa 'mu sii dɔɔ: "-Bhɛngbe -gbɛɛn 'ɛ -yaa' -srwase' mu.”

²'Bhɛ 'yi 'tɛ, 'ke 'o bɔlɛ- -batɔŋ' do 'yi, 'bhɛ -batɔŋ' 'ɛ -daa Adramiti -wa 'ɛ ta, 'bhɛɛ- 'bhɛ 'yaa- ge 'zi Azi 'klɛɛn 'ɛ 'yi -batɔŋ' dula- -wa mu 'ɛ ba -yrɛ ta; 'bhɛɛ- 'o -jilaa 'tɛ. Arisitaki -yaa 'o zi, -e -yaa da Tesaloniki -wa la, Masedwani 'klɛɛn 'ɛ 'yi.

³'Bhɛ ta tooklin- yi 'ɛ 'le, 'ke 'o 'bhɔlɛ Sidɔn -wa la. 'Duŋ- Zulusi -yaa Pɔlu -gblakun' zii' 'elrele, 'bhɛɛ- -e -yaa to 'ke Pɔlu ge 'bhɛ 'bhɛgwɛn- 'ke mu 'pubɔlɛ, 'kooko- -a maza -yaa pɛ yeke- mu 'la ma, -e sɔ 'mu -srɔwɔlɛ 'mu 'kɔɔ.

⁴'O goɛ Sidɔn -wa 'ɛ ta, 'ke 'o Sipru 'klɛɛn 'ɛ makpale, -amasrɔyi -ploɔ mu 'ɛ 'yaa- 'kan zii' 'ke -o nu 'o ba -yrɛ ta.

⁵'Bhɛ blaɛn, 'ke 'o weyi- 'ɛ takanle, 'bhɛɛ- 'ke 'o 'kanle- Silisi 'pegeɛ Panfili 'klɛɛn mu 'ɛ -din, 'bhɛɛ- 'ke 'o geɛ- bhɔlɛ weyi- 'lɛ ma -wa 'nɛ do ta: -o -yaa 'bhɛ sii Mira, 'bhɛɛ- 'bhɛ 'yaa- Lisi 'klɛɛn 'ɛ 'yi.

⁶'O ta -srwase' -kuŋlii 'ɛ -e -batɔŋ' do =ya 'bhɛ -wa 'ɛ ta; 'bhɛ -daa Aɛzandri -wa la, 'bhɛɛ- 'bhɛ 'yaa- ge 'zi Itali 'klɛɛn 'ɛ 'yi. 'Bhɛɛ- 'o -kuŋlii 'ɛ -yoo' =bwa 'bhɛ -batɔŋ' 'ɛ 'yi.

⁷'O -yrekpaɛ' -bebe -gaa weyi- 'ɛ ta, 'bhɛɛ- -batɔŋ' 'ɛ 'yaa- ge 'zi yrɛtɛtɛ. 'O 'trɛbhwa- 'fruu, 'bhɛɛ- 'o 'naa nu bhɔlɛ 'tɛ Kinidi -wa 'ɛ ba -yrɛ ta. -Ploɔ mu 'ɛ 'yaa- 'kan zii' 'ke -o nu 'o ba -yrɛ ta, 'bhɛla- -yile 'waa -yaa sɔ geɛ- -li 'o 'lɛɛ 'egbɔɔnɛ. -Ayile 'o =kaan Kreti 'klɛɛn 'ɛ -din, 'bhɛɛ- 'o -ja Salimone -wa 'ɛ ba -yrɛ ta.

⁸'O geɛ weyi- 'ɛ ta 'ɛ 'yaa- -la 'zi 'o ta, 'bhɛla- -yile 'o -ja weyi- 'ɛ 'lɛ zi yrɛtɛtɛ, 'bhɛɛ- 'o -ja bhɔlɛ yrɛ do nɔɔ: -o -yaa 'bhɛ yrɛ 'ɛ sii: "-Batɔŋ' dulayrɛ -lrele' mu". -E -yaa -wa 'la 'bhɛ -din -o -yaa 'bhɛ sii Lase.

⁹-Yrekpaɛ' -bebe -kaan 'o ta 'bhɛɛ- gbɛɛn-. 'Bhɛɛ- 'waa- 'taa 'ɛ 'lɛ klɛlɛ -saan 'egɔɔlɛ. -Amasrɔyi Zuufu mu a 'suŋwla bhla 'gbu 'ɛ 'kaan- gban bi, 'bhɛɛ- -niinii' 'kpa bhla -gbɛɛn 'ɛ 'bhɛ 'yaa- zan bhɔlɛ 'ezin-. 'Bhɛla- -yile, Pɔlu mɛɛ mu 'ɛ 'kpeɛlɛkanle -saan dɔɔ:

- 10'''D 'yienii mu, 'ke -koo' -ja 'taa 'læ zi, -e nu klele -koo' 'gbu ma 'eyoole: -amasroyi - batonj' 'pegee -a -yi 'kwe mu 'e nu 'siele-, 'bhæ- -koo' mu 'gbu 'win nu bole -a -yi.'"
- 11'Duŋ- 'o ta -srwase' -kuŋlii 'e yaa Pōlu 'wojan- 'e 'klosikunle. -Ya =kpa -batonj' 'bho mi 'e 'pegee 'bhe zan 'e 'mu -la wojan 'e 'yi.
- 12'Bhe -batonj' dulayre 'e yaa -yaa lele -niinii' 'kpa bhla -gbene 'e zi; 'bhela- -yile mee 'la zan mu -yaa 'yee- -batonj' 'e 'yi, -o -bebe 'a =pia dōo 'o ge yre -bhæke' do nōo-. -O 'yaa- zi 'bhii- -o ge 'ten -batonj' dula- -wa 'la -o -yaa 'bhe sii Fenisi 'bhæ- ma, 'kooko- -niinii' 'kpa 'waati 'e kan 'o ta 'bhe =nōo ye. 'Bhe -wa 'e 'yaa- 'ke Kreti 'kleen 'e 'yi -batonj' dula- -wa 'e do -la -le; 'bhe -wa 'e 'leklale -yaa -yretēbhe baa- yre nōo-.
- 13'Bhe 'waati 'e ba, 'ke -ploo -dōo 'ne do 'kanle- 'sanle 'kee- da weyi- ba -yre ta. -O 'kpee ma -o -yaa sō gele- -waa' 'taa 'e ta 'tē. 'Bhe klele 'tē, piibhe kpu -gbene 'la 'bhe - batonj' 'e dulaa' -yi 'e ba, 'ke -o 'bhe gole-, 'bhæ- 'ke -batonj' 'e 'yrole 'o 'le, 'kee- ge Kreti 'kleen 'e 'yi weyi- 'e 'le zi.
- 14'Duŋ- 'o 'yrole- 'bhe =nōo 'laa -mole', 'ke -ploo -gbene do 'kanle- 'sanle: 'bhe 'yaa- da 'zi Kreti vle gōon mu 'e 'yi, mee gbē -yiē' ta 'kee- nu 'o ba -yre ta, -o -yaa 'bhe -ploo 'e sii Erakilōn.
- 15'Bhe klele 'tē, 'ke 'yee- -ploo -gbene 'e gele- -batonj' 'e 'le. 'O gbē laa -yaa 'sole -a dulale ta, -ayile 'wa =twa 'ke -ploo 'e ge 'o 'le -batonj' 'e 'yi -yi 'e ta.
- 16'Bhæ- boolazi, -e -ja 'kanle- 'o 'le weyi- 'mliŋgole -yaa 'trē gbē -ne do 'la zi 'bhe - zanta', -o -yaa 'bhe 'trē gbē -ne 'e sii Koda, 'bhæ- 'bhe dōle 'la =yaa -ploo 'e 'læ, 'bhe =swa -a -yikunle. 'Bhela- -yile, mee -bhe -batonj' 'e 'la =yaa 'o 'koo, 'o -dwa 'egloole 'ke 'o gbeso 'bhe 'kunle ta, 'bhæ- 'o 'bhe -gwa -yi 'e ba.
- 17'O 'yanle- -a 'pwelele -yi 'e ba, 'ke 'o -batonj' -gbene 'e 'bhe 'yrole 'ke bhle mu 'le, 'kooko- yaa nu 'siele-. 'Bhe blaŋ, sōgbē mu 'la 'yaa- 'yee- -batonj' -gbene 'e 'lédōo-, -a bhō mu 'e -o 'mu mazinaa -amasroyi -o -yaa -gblaan 'zi dōo -ploo 'e 'yaa nu gele 'waa- - batonj' 'e zikli 'e gbaanle -yrentre' 'yi Libi 'kleen 'e ba -yre ta.
- 18'Bhe ta tooklin- yi 'le, -ploo -gbene 'e 'yaa- ge 'zi 'o bēenlele 'egloole. 'Bhela- -yile 'ke 'waa- -batonj' 'e 'yi yewo mu 'e -wa -yi 'kwe mu 'e 'ke mu blinle 'sanle -yi 'e ba, 'kooko- -a gbij go.
- 19'Bhe -yrekpa' yaga mi 'e ma weyi- 'e ta, 'ke 'woo- -batonj' 'yi yewo mu 'e -o 'gbu 'yee- -batonj' 'e 'yi yewo mu 'e 'ke blinle- -yi 'e ba.
- 20'Bhæ- 'o -yrekpa' -bebe -gaa 'ke 'o 'yre 'laa kpa -yretēbhe 'pegee mlēklennē mu ma - titi, 'bhæ- 'duŋ- -ploo -gbene 'e -a 'kanle- 'e baan' 'yaa- =kla zii' -a ba 'egloole 'ezin-. 'Bhela- -yile, 'o 'yri 'laa -yaa -li 'o 'kedo- 'kpō 'bheele- ta.
- 21-A nōo- =mwa, 'ke -batonj' 'yi mu 'e waa pē 'kedo- 'kpō bhle. 'Bhe 'yi 'tē, 'ke Pōlu dulale' -o 'kpēn 'plēŋ-, 'bhæ- 'ke -ya pele- dōo: '''D 'yienii mu, 'ke 'ka 'ka 'trōnkpa bi 'ŋ 'wojan- 'e =la, -koo' 'laa -yaa nu gole Kreti. 'Bhæ- -koo' 'trē 'laa -yaa nu bhōle, 'bhe 'pegee -kōōa' pē mu 'e -bebe 'laa -yaa nu 'siele- 'bhe gbēen- -gee'.

- 22'Duŋ- 'mi 'ka 'lia zii' -zɔn dɔɔ -ka 'ka zru dɔ 'egloole; -amasɔyi 'ka do 'kpɔ 'win 'laa nu bole -a -yi, 'ke yaa 'e go -kɔɔa' -batonj' 'e 'bhe do -kplɛn ba.
- 23'D 'yoo- -Waanbhaa' 'la -yaa' mɛɛ 'le, 'bhɛɛ- 'ke 'ŋ 'yoo- yewo 'zi 'a ni bhe, -yaa' -mleke' do -pwɛla 'ŋ ba -zɔn -bi 'lɛɛ- zi.
- 24'Bhɛɛ- -ya =pia 'ŋ ni dɔɔ: 'Pɔlu, 'yaa -gblaanle'! -Yoo 'ke -za 'le 'kee- ge -janwole -bhleŋbe -gbene 'e 'le ma Rɔmu -wa 'e ta; 'bhɛla- -yile, -Waanbhaa' a wlanya 'e ma, 'bhi 'sɔyi, mɛɛ 'la zan mu 'kpen -o -batonj' 'lɛɛ- 'yi, 'mu nu gole -a -yi 'ezin-.'
- 25'Bhɛla- -yile, 'ŋ 'yienii mu, -ka 'ka zru dɔ 'egloole; -amasɔyi 'mi 'gbu 'kpale- -o -Waanbhaa' 'yi 'bhii- -mleke' 'e -jan yeke- 'la =woa, -e nu 'bhɛɛ 'yi za klele.
- 26'Duŋ- -batonj' 'e kli nu gele gbaanle 'tre 'yi -kɔɔ' 'le 'kleen do 'la 'yi, weyi- 'mlingole -o 'bhe 'kleen 'e zi."
- 27'O -yrekpa' vu ta yizie mi ma weyi- 'e ta, blaŋdreyi bhla 'e ba, 'ke -ploɔ -gbene 'e -yoo gele ma 'o 'le 'tanji weyi- 'e ta, -o -yaa' 'bhe weyi- 'e sii 'Meditrane weyi-'. 'Bhe 'waati 'e ba, 'kee- klele- 'waa- -batonj' 'e 'bhɔ mu 'e ni 'bhii- 'o =bhwa gban weyi- 'e 'le zi.
- 28'Bhe klele 'te, 'ke -o piibhe kpu do -yrelɛ' bhle ma, 'bhɛɛ- 'ke -o 'bhe bhle 'e blinle- -yi 'e ba, -yi 'e -gluu 'e dan zayi', 'bhɛɛ- 'ke 'bhe gele- 'tenle- 'tre ma; 'tre 'e 'yaa- weyi- 'e =la metre mia do bhe vu ta 'srwaple-. -O bhɔle sa -o -lɛɛ, 'ke 'o 'yee- piibhe kpu 'e blinle- 'ezin-, 'bhɛɛ- 'ke 'tre 'e plengole bole- -o ma metre mia do bhe 'srwaa-.
- 29-O -yaa -gblaan 'zi dɔɔ 'waa- -batonj' 'e yaa nu gele 'pale- vle -kpuŋ mu 'ke mu ma -yi 'e =la, 'bhɛla- -yile, 'ke -wa dula- piibhe kpu yizie bole- -yi 'e ba -a -zanta', 'bhɛɛ- 'o 'yre =mwa tooklinle -lɛɛ.
- 30'Bhe klele 'te, 'ke 'waa- -batonj' 'e 'bhɔ mu 'e -wa pele- dɔɔ -o blasanle 'bhɛɛ- -o go -batonj' 'e 'yi; 'bhɛɛ- 'ke 'woo- 'o 'bhe -batonjɛ 'e 'bhe bole- -yi 'e ba, 'bhɛɛ- -wa -kla 'bhii- -o gele- 'waa- -batonj' dula- piibhe kpu mu 'e bole -yi 'e ba -a -lɛɛ.
- 31'Duŋ- Pɔlu pe Romɛ mu a -srwase' -kuŋlii 'e 'pegee -srwase' -vin mu 'e ni dɔɔ: "'Ke -batonj' 'bhɔ mu 'lɛɛ- waa bole -batonj' 'e 'yi -ge, 'ka 'laa nu gole -a -yi -titi."
- 32'Bhe klele 'te, 'ke -srwase' mu 'e -o bhle mu 'e takanle 'yee- mɛɛ -bhee -batonjɛ 'e ma, 'bhɛɛ- 'ke -yi 'e gele- 'kele-.
- 33'Tooklinle -lɛɛ sa, 'ke Pɔlu 'a 'pele -o 'kpen ni dɔɔ -o pebhle, 'bhɛɛ- -e pe -o ni dɔɔ: "'Kɔɔ' yrekpa' vu ta yizie -le -zɔn -ge 'ke 'ka do 'kpɔ 'nii- zinale laa -o 'ka ta, 'bhɛɛ- 'ka 'laa pe 'kedo- 'kpɔ 'bhlele- -li.
- 34-Ayile 'mi -sromabɔ 'ka ni dɔɔ -ka 'ka zru dɔ 'egloole, 'bhɛɛ- 'ka pebhle; 'ke 'ka pe sa =bhla, 'bhɛɛ- 'ka nu 'sɔle- -bheele'. 'Duŋ- 'ka do 'kpɔ 'laa nu gale 'bhɛɛ- -e nu 'tenle- 'ka winbhe -ne do baale ma."
- 35>Pɔlu 'yanle- 'bhe -jan 'e 'wolele, 'kee- 'bluu do 'sile, 'bhɛɛ- 'kee- -Waanbhaa' 'pubɔle 'bhe ma -o 'kpen 'yre ma; 'bhe bla, 'ke -ya kpu do 'kanle 'bhɛɛ- 'kee- 'bhe 'bhlele- 'sanle.

- 36'Bhɛ klɛlɛ 'tɛ, -o 'bhɛ 'yelawoa, 'ke -woo zru dɔle- 'egloole, 'bhɛɛ- 'ke -o 'kpen pɛbhlele 'ezin-.
- 37'O mɔɔ 'la 'kpen 'yaa- -batonj' 'ɛ 'yi 'o 'yaa- mɛɛ -kɛmɛ plɛ 'ke mɛɛ mia yaga bhɛ vu ta 'srwado- (276).
- 38-O yanle pɛ 'ɛ 'bhlelele, 'ke -o ble bhɛ mu 'la 'yaa- -batonj' 'ɛ 'yi 'mu blinle- wɛyi- 'ɛ ba, 'kooko- -batonj' 'ɛ gbiŋ go.
- 39'Tooklinle 'tɛ, -batonj' 'bhɔ mu 'ɛ waa 'trɛ 'ɛ madɔle. 'Duŋ- wɛyi- 'ɛ 'trɛ 'ɛ =bhla yrɛ 'la =nɔɔ, -o 'bhɛɛ- =ya, 'bhɛɛ- -o -yaa zi 'bhii- -o -batonj' 'ɛ dula- 'bhɛ yrɛ 'ɛ =nɔɔ.
- 40'Bhɛla- -yile, 'ke -o -batonj' dula- piibhɛ kpu mu 'ɛ ma bhɛ mu 'ɛ 'ploole, 'bhɛɛ 'ke -o 'mu bɔle- -yi 'ɛ ba. 'Ke -o -batonj' 'ɛ 'bhɔpɛ- 'ɛ ma bhɛ mu 'ɛ 'ploole 'ezin-. 'Bhɛ blaɛn, 'ke -o sɔgbɛ do -yrele' -batonj' 'ɛ 'lɛɛ; 'kooko- -ploole 'ɛ kla 'bhɛ 'yi 'bhɛɛ- -e ge -batonj' 'ɛ 'le wɛyi- 'ɛ gɔɔna.
- 41'Duŋ- -batonj' 'ɛ -ja dulalɛ -yrentɛrɛ' kpo do ta tobhɛ plɛ plɛŋ-. -Batonj' 'ɛ yin 'ɛ -zwanna -yrentɛrɛ' 'ɛ 'yi, 'bhɛɛ- yaa 'sɔle- gole. 'Bhɛɛ- wɛyi- 'pɔɔ mu 'ɛ 'pa gbɛ -yɔɔ' 'kɔɔ -batonj' 'ɛ ma, 'ke -a -zanta' yrɛ 'ɛ 'bhɛ 'siele.
- 42'Bhɛ klɛlɛ 'tɛ bhe, -srwase' mu 'ɛ 'yaa- zi 'bhii- -o -kaso 'yi mu 'ɛ dɛ, 'kooko- -o do 'kpɔ 'laa blasan -yi 'kanlele.
- 43'Duŋ- Romɛ mu a -srwase' mu -kunlii 'ɛ 'bhɛ -yaa' zi 'bhii- 'bhɛ Pɔlu -si 'ɛ go -za 'yi. 'Bhɛla- -yile, -srwase' mu 'ɛ 'yaa- zan -za 'la klɛlɛ, -e 'bhɛ 'yigaa- 'mu 'kɔɔ, 'bhɛɛ- 'ke -ya pele- dɔɔ 'ke mɛɛ 'la zan mu sɔ -yikanle, 'mu bɔ -yi 'ɛ ba 'elwale 'pɛ, 'bhɛɛ- 'mu ge 'trɛ ma.
- 44'Bhɛɛ- -e pe mɛɛ -vin mu 'ɛ ni dɔɔ 'mu ge -o zi -batonj' kplɛ 'ɛ -yripee' mu 'ɛ ta -yi 'ɛ ta. -O 'kpen =swa bhɔle- -o ma 'pule 'trɛ ma 'bhɛɛ- gbɛɛn- bhe, 'bhɛɛ -za 'yɔɔ- 'kedo- 'kpɔ 'laa 'tenle- mɛɛ 'kedo- ma.

Klɛza Mu 28

- 1'O gole blaɛn -a -yi, 'ke 'o go wɛyi- 'ɛ ta, 'ke 'wa pele- 'o ni dɔɔ 'woo 'klɛɛn 'la 'yi, -o 'bhɛ sii Maliti; wɛyi- 'mlɛngole -yaa -a zi.
- 2'Maliti 'klɛɛn 'ɛ 'yi mu 'ɛ -woo' =kwan 'elrele gbɛ 'ɛ 'kpen ma. La banle -saan 'bhɛ 'pegee -niinii' 'kpale- -saan bhla 'la ba, 'ke -o 'tɛ -gbɛɛn do -lɛkunle, 'bhɛɛ- 'ke -woo' 'kpen 'cieya- klɛle- 'bhɛ 'tɛ 'ɛ zi.
- 3'O 'yaa- 'bhɛ =nɔɔ bhe, 'ke Pɔlu gele- -yɔɔ 'klɛɛ 'lɛdo- 'wloole-, 'bhɛɛ- 'ke -yoo 'klale 'tɛ 'ɛ 'yi. 'Bhɛɛ- 'duŋ-, mɛɛ -yɔɔ' do 'pwele 'bhɛ -yɔɔ mu 'ɛ 'yi 'tɛ 'yranle- 'ɛ 'kɔɔ, 'kee- duŋle- 'yee- Pɔlu gbɛ 'ɛ ma, 'bhɛɛ- 'ke -ya 'sɔnkpale -vlan.
- 4'Maliti mɛɛ mu 'ɛ -o mɛɛ 'ɛ duŋle yele 'yee- Pɔlu gbɛ 'ɛ ma, 'ke -wa pele- 'eke- ni dɔɔ: "Wlan 'gbu 'ɛ ni, mɛɛ 'lɛɛ- -yoo 'ke mɛɛ dɛ mi -la -le. -Amasrɔyi, -e golawoa -a -yi wɛyi- 'ɛ ta, 'bhɛ =nɔɔ 'laa -mɔle' -li, 'bhɛɛ-, -Waanbhaa' a -lɛdɔɔleya 'ɛ 'bhɛ 'laa 'tolɛ- 'kee- bo -a -yrɛ ma."

- 5'Duŋ-, Pɔlu 'bhe gbɛ -yizwan 'tɛ 'ɛ trala, 'ke mlɛ 'ɛ baale' 'tɛ 'ɛ 'yi 'bhɛɛ- Pɔlu yrɛ 'kɛdo- 'kpɔ 'laa 'lale- -a ma.
- 6'Woo- Maliti mu 'ɛ 'kpee ma, Pɔlu -yaa nu -mlaanlɛ', 'bhɛɛ- -e balaa', 'bhɛɛ- -e ga -gun 'bhe yrɛ do 'kpɔ 'ɛ =nɔɔ bhe. 'Duŋ- -o =mwa oo, 'bhɛɛ- -wa yelawoa 'bhii- -za 'yɔɔ- 'kɛdo- 'kpɔ 'laa -yaa 'tɛnlɛ Pɔlu ma, 'ke -woo 'kpeejan- mu 'ɛ mabɔɔle, 'bhɛɛ- 'ke -wa pele- 'eke- ni dɔɔ Pɔlu -o 'ke -waanbhaa' do 'le.
- 7'O 'yaa- yrɛ 'la =nɔɔ, 'bhe 'yaa- 'yee- Maliti 'klɛɛn 'ɛ 'yi -janmatii 'ɛ 'yaayrɛ- 'ɛ -din, -o -yaa 'bhe -janmatii 'ɛ sii Publiusi. -Yoo' 'cieya- =kla -a ba 'elrele, 'bhɛɛ- 'o =bwa -a ba -yrekpaa' yaga ta.
- 8'Duŋ- Publiusi dɛ 'yilale -yaa, -amasrɔyi yaa -yaa kplankplan: -a 'flɛ 'yi 'yaa- -la 'zi -a ma, 'bhɛɛ- -a 'kpee 'yaa- 'si zii' 'ezin-. 'Bhe klɛle 'tɛ, 'ke Pɔlu gele- 'pwɛlɛ- -a ta, 'kee- -Waanbhaa' 'seriwole a ma, 'ke -ya gbɛ kpa a ta. 'Bheɛ- 'kee- -bheele'.
- 9'Bhe blaɛn, 'ke Maliti 'klɛɛn 'ɛ 'yi gadɛ mu -vin mu 'ɛ 'kpen 'nule Pɔlu ba, 'bhɛɛ- 'ke -o -bheele' 'ezin-.
- 10-Ayile, 'yee- Maliti mu 'ɛ -woo' 'o =kwan 'elrele 'kungbɛya -lrele' 'ɛ 'kpen 'yi. -Asiikɔɔ 'o ge yi -yaa yi 'la 'le, 'o 'yaa- wla 'zi -batonj' 'ɛ 'yi 'waati 'la ba, 'o maza -yaa pe 'la 'kpen ma, -woo' -gbaa 'bhe ba.
- 11'Mlɛ yaga 'kanle- blaɛn, 'ke 'o jilale 'tɛ -batonj' do 'yi. 'Bhe -batonj' 'ɛ 'yaa- da Alɛzandri -wa 'ɛ ta, 'bhɛɛ- 'bhe 'yaa- ge 'zi Rɔmu; -niinii' 'kpa bhla -gbɛnɛ 'ɛ =kaan 'yee- -batonj' 'ɛ ta Maliti. 'Sewɛ 'la yɔɔndɛle -yaa 'bhe -batonj' 'ɛ ma 'bhe 'yaa dɔɔ: "-waanbhaa' yonɛ- plɛ."
- 12'O gole Maliti 'ke 'o 'bhɔle Sirakusi -wa 'ɛ ta, 'bhɛɛ- 'o -yrekpaa' yaga -gaa 'bhe =nɔɔ.
- 13'O gole 'bhe =nɔɔ bhe 'ezin-, 'ke 'o gbaanle- weyi- 'ɛ 'lɛ zi, 'bhɛɛ- 'ke 'o gele- 'tɛnlɛ- Rezo -wa 'ɛ ma, 'o =yia 'bhe =nɔɔ. 'Bhe ta tooklin- yi 'ɛ 'le, -ploɔ 'la da weyi- 'ɛ ba -yrɛ ta, 'bhe 'kanle- -saan. -Asiikɔɔ 'o -ja 'tɛnlɛ- Puzoli -wa 'ɛ ma blaale- -yrekpaa' plɛ 'kanle- blaɛn.
- 14'O =bhwa 'o nɛɛnɛ- Zesu 'yi mu 'ke mu ta 'bhe -wa 'ɛ ta, 'bhɛɛ- 'mu pe 'o ni dɔɔ 'o -gbɛɛyi' do klɛ 'mu ba. 'Bhe blaɛn, 'ke 'o gele- Rɔmu.
- 15'O nɛɛnɛ- Zesu 'yi mu 'la 'yaa- Rɔmu, 'mu 'o 'nuza- 'ɛ =maa. 'Bhɛla- -yile, 'mu =nwa 'o 'lɛpa yrɛ nɔɔ- Apiusi 'plɛɛ 'ɛ 'yi, 'bhɛɛ- -o 'ke mu =nwa 'o 'lɛgbɛnlɛ yrɛ 'la -o -yaa 'bhe yrɛ 'ɛ sii "'Cie mu yi 'fɛ yaga" 'bhe =nɔɔ. Pɔlu 'yrekpale -o ma, 'kee- -Waanbhaa' 'pubɔle, 'bhɛɛ- 'ke fanjan- dɔle- -a ta.
- 16'O 'bhɔle- Rɔmu -wa 'ɛ ta 'tɛ, ('ke -srwase' -kuŋlii 'ɛ -e -kaso 'yi mu 'ɛ -lɛnale -srwase' -kuŋlii gblaɛn 'ɛ ni). 'Duŋ- -e -dwa -a -la 'ke Pɔlu ge yile yrɛ -bhɛɛke' do nɔɔ- 'ɛdanjma, 'bhɛɛ- 'ke -srwase' mi do bole- -a gooba.
- 17'O 'bhɔle- blaɛn -yrekpaa' yaga mi ma, 'ke Pɔlu Rɔmu Zuufu mu 'ɛ 'lɛɛ mu 'ɛ 'siile -a ba. -O 'klale- -yaa 'eke- ba 'waati 'la ba, 'ke -ya pele- -o ni dɔɔ: "'O nɛɛnɛ- mu, 'ali- 'naa -za 'yɔɔ- do 'kpɔ klɛle -kɔɔa' Zuufu 'si mu 'ɛ ni, 'bhe 'pegee 'naa -kɔɔ' -gbɔɔ mu a 'si ta

za mu 'e 'yisiɛɛ, 'bhɛɛ- 'duŋ-, -woo' 'ŋ =kwan Zeruzalemu, 'bhɛɛ- -woo' 'ŋ =kpaɛ Rome mu a mɛɛ gbɛlaan mu 'e 'kɔɔ.

18'Bhɛ Rome mu 'e 'mu 'yanle- 'ŋ 'lɔkpaɛɛɛ, 'mu 'yaa- zi 'bhii- 'mu 'ploo- 'ŋ ma, -amasɔyi 'mu 'laa -za 'yɔɔ- do 'kpɔ 'yeɛ- 'ŋ zi 'ke 'bhɛ sɔ klɛɛ- 'ŋ dɛ win 'le.

19'Duŋ- Zuufu mu 'e waa dɔɛ -a -la 'ke 'mu ploo 'ŋ ma, 'bhɛɛ- -yile, 'ŋ 'klin gbɛ -yɔɔ' 'e 'kɔɔ, 'ke 'mi 'an pɛ -za 'e 'tole -bhɛŋgbɛ gbɛlaan 'e 'kɔɔ. 'Duŋ- 'bhɛ 'laa klɛɛ 'bhii- 'ŋ 'yoo- -za 'yɔɔ- 'ke 'tɔkpa zii' -kɔɔa' Zuufu 'si mu 'e ma.

20'Bhɛɛɛ- -zɛɛɛ, 'ŋ 'ka 'siila- -zɔn -gɛ 'ke 'ŋ -jan 'yipe- 'ka ni. -Amasɔyi -kɔɔa' Izraeli 'si mu 'e -o -yri -o -kɔɔa' Mɛɛ 'Bhɛɛ Mi 'la 'nule- ta, 'mi 'yirele- -o piibhɛ kpɛɛ- mu 'lɛɛ- 'le 'ŋ gbɛ ma -gɛ 'bhɛɛɛ- -zayi'."

21'Bhɛ klɛɛ 'tɛ, 'ke Zuufu mu 'e -wa zikpaɛ Pɔlu ni dɔɔ: "'Waa 'sɛwɛ do 'kpɔ 'srɔɔwɔɛ 'e ba zayi' 'ke 'bhɛ da Zude. 'Bhɛɛ- 'o nɛɛɛ- mu 'e do 'kpɔ 'laa dɛɛ -a nɔɔ-, 'ke 'bhɛ nu 'e 'tɔ -yɔɔ' pɛɛ 'o ni.

22'Duŋ- 'woo -a zi 'bhii- 'o -jan 'e baan' 'ma 'bhi 'gbu 'lii, 'kooko- 'wo 'e 'kpeejan- 'e dɔ. -Amasɔyi 'yoo- Zesu 'yi mu a 'seri dɛɛ 'la 'yi bhɛ, 'wa =maa dɔɔ mɛɛ mu -wlɛnna -a ma yɛkɛn- =nɔɔ."

23'Bhɛ klɛɛ 'tɛ, 'ke -woo 'kɛɛkɛba yi dɔɛ- Pɔlu 'le. 'Bhɛ yi 'e 'bhɔɛ-, 'ke -o nule- 'eɛɛɛɛ 'tɛnɛ- Pɔlu ma 'bhɛ zɛn 'fɛ 'e =la. 'Kee- san zɛɛɛɛɛ ma, 'bhɛɛ- 'kee- nu 'tɛnɛ- yromazi ma, Pɔlu -Waanbhaa' a -bhɛŋgbɛɛɛɛ yaaza 'e 'yipia= -o ni. -E -yaa Moizi a 'toŋ mu 'e 'pɛgɛɛ -Waanbhaa' -lɛɛɛ' janwo mu 'e -jan yɛkɛ- 'la =woa Zesu ba zayi' 'mu 'wo zii' -o ni, 'kooko- -o sɔ 'yee- Zesu 'e dɔɛ- kɛɛkɛɛɛɛ 'gbu.

24-Ayile, -o -lɛdɔ' 'e =kpaɛ -a wojan mu 'e 'yi, 'duŋ- -o -vin mu 'e 'mu 'laa dɔɛ -a -la 'ke 'mu 'e kpa -a wojan mu 'e 'yi.

25'Bhɛ klɛɛ 'tɛ, 'woo- Zuufu mu 'e waa 'kpɛɛ- do ma, 'bhɛɛ- -o -yaa jila 'zi bhɛɛ 'la ba, 'ke Pɔlu 'a 'pɛɛ -o ni dɔɔ dɔɔ: "'Zoo 'yaa- Lii 'Wɛŋ 'e zi -e -yaa -janwo' zii' 'ka -gbɔɔ mu 'e ni bhɛɛ 'la ba -Waanbhaa' -lɛɛɛ' janwo mi Ezai 'lii!

26-Ya =pia 'bhɛ 'lii dɔɔ: 'Ge 'si mu 'la bhɛ -o ta, 'bhɛɛ- -a pɛ -o ni dɔɔ: 'Ka nu -jan mu male 'ka 'trɔn mu 'le, 'duŋ- 'ka 'laa nu -za 'kɛdɔ- 'kpɔ 'yimɛɛ. 'Bhɛɛ- 'ka nu yɛɛ ma -gɛɛɛɛ' 'elɛɛɛ, 'duŋ- 'ka 'laa nu pɛ 'kɛdɔ- 'yeɛɛ-.

27-Amasɔyi 'si mu 'lɛɛ- -za 'laa -la -li -o zru mu 'e ma; -Woo 'trɔn mu 'e 'pɛgɛɛ -o -yɛɛ mu 'e 'liitaan-; 'kooko- waa yɛɛ ma ye -o -yɛɛbhɛ' mu 'e 'le, 'bhɛ 'pɛgɛɛ 'ke waa -jan ma -o 'trɔn mu 'e 'le, 'bhɛɛ- -o zru mu 'e waa -jan 'yima-. 'Bhɛ gbɛɛɛ- bhɛ, waa niinaa' 'mi ba, 'bhɛɛ- 'ŋ -o bhɛɛ.'

28"-Kaa 'yaango- 'tɛ 'bhii- -Waanbhaa' -yaa' -jan 'la mɛɛ go -za 'yi 'bhɛ =kpaɛ Zuufu kle mu 'e ni. 'Bhɛ mu nu 'mu 'trɔnkpɛɛ -a -la!"

((29Pɔlu 'yanle- 'bhɛ -jan 'e 'wɔɛɛɛ, 'ke Zuufu mu 'e -o jilɛɛ, 'ke -o gɛ zaaɔɔɛɛɛ 'eɛɛ- pɛŋ- -sɔ 'egɔɔɛɛ.))

30 Pɔlu lɛɛ plɛ =kla -ya =zian 'fɛ 'la =la 'bhɛɛ- =la, 'bhɛɛ- -e -yaa 'bhɛ 'fɛ 'ɛ gbawo. Mɛɛ 'la zan mu 'kpen 'yaa- nu -a taglinɛ, -o 'pegee 'mu 'yaa- yalaa' 'bhɛ 'fɛ 'ɛ =la, 'bhɛɛ- -o - balo kle.

31 'Bhɛ 'yi, -e -yaa -Waanbhaa' a -bhleɲgbeya yaaza 'ɛ 'bhɛ wo -o ni, 'kee- mɛɛ mu daan Mɛɛzan Zesu Krisi a -za 'ɛ 'le. -E -yaa 'duɲ- 'bhɛ kle 'zi 'ke -gbiaan 'laa kla -a -yi, 'bhɛɛ- waa -yaa 'bhɛ 'yiga- -a 'koo.

Romε Mu

Romε Mu 1

- 1'Mi Pɔlu 'la 'mi -o Zesu Krisi a yewonε 'le bhe, 'mi 'gbu -le 'lεtre 'lεε- 'kpa zii' 'ka ni, 'ka mu 'la 'ka -o Rɔmu. -Waanbhaa' 'η 'siila- 'kaa 'η klε Krisi a winbɔwo mi 'le, 'bhεε- -ye 'η =kpa 'edaŋma -yaa' -Jan 'NrAle- 'ε 'wole- 'kaama- mεε mu ni.
- 2-Waanbhaa' 'yee- -Jan 'NrAle- 'lεε- 'naza- =kpa 'elwaleta -sɔ -a 'lεla- janwo mu 'ε 'lii -yaa' 'Sεwe 'weŋ 'ε 'yi.
- 3-A Gbe, -kɔɔa' Mεεzan Zesu Krisi 'ε, 'bhε -la ba -Jan 'NrAle- -le 'kεle-. Bhaapleŋ a pε yale zi 'ε zi, 'bhε -o 'ke -bhleŋgbe Davidi 'nranε- 'le.
- 4'Duŋ- Lii 'Weŋ 'ε a pε zi 'ε zi, 'bhε bwelawoa gale ba, -Waanbhaa' 'a -zrɔnna mɔkpen' ni 'bhii- 'yele- 'ke -a Gbe 'ε 'le, 'bhεε- -glɔɔya' -o -a 'kɔɔ.
- 5'Yee- -kɔɔa' Mεεzan Zesu Krisi 'srɔyi- 'bhεε- -Waanbhaa' =lia 'o ma, 'bhεε- -yoo' =kla -yaa' winbɔwo mu 'le; 'kooko- 'wa klε 'bhεε- 'trε ta 'si mu 'ε 'kpen -o kpa 'yee- -Waanbhaa' 'yi, 'bhεε- -o 'taawo- -a -liiwli' ta.
- 6'Ka mu -o 'ezin- 'bhε mεε mu 'ε 'ke mu 'le, 'ka mu 'la 'ka -o Rɔmu -wa 'ε ta, -Waanbhaa' 'ka 'siila- dɔɔ 'ka klε Zesu Krisi a pε mεε mu 'le.
- 7'Ka mu 'la 'kpen -o Rɔmu, 'bhεε- 'ka mu 'la -za sɔ -Waanbhaa' ni, 'bhε 'pegee -e 'ka mu 'la 'siila- dɔɔ 'ka klε -yaa' pε mεε mu 'le 'edaŋma 'ke 'ka klε 'weŋ. Bhaa 'yee- -kɔɔ' Dε -Waanbhaa' 'pegee Mεεzan Zesu Krisi -li 'ka ma 'bhεε- -o yilabla na 'ka ni.
- 8'Mi 'an -Waanbhaa' 'ε 'pubɔ- 'elwale 'pe, 'ka 'kpen a -za ma Zesu Krisi 'tɔ 'yi; -amasrɔyi 'ka 'ka 'kpalawoa Krisi 'yi mɔkpen' -o 'bhε -jan 'ε 'wo zii' 'drunyan 'ε 'yi yrekpen- =nɔɔ.
- 9'Mi -Waanbhaa' 'la gba 'η 'nii- 'ε 'kpen 'le, 'ke 'an Gbe 'ε ma -Jan 'NrAle- 'ε wo mεε mu 'ε ni, 'bhε -o 'η 'srε 'le dɔɔ 'naa ploɔ 'η 'kpeeledanle ma 'kaa- -za ma.
- 10'Ke 'η 'yoo- 'η 'seriwo zii' 'waati 'oo 'waati 'la ba, 'mi 'η 'seriwo 'kaa- -za ma. 'Mi bo -sromabɔle ma 'yee- -Waanbhaa' ni dɔɔ 'kee- -swa -a ni -ya klε 'ke 'η sɔ gele- 'pwele- 'ka ta ye.
- 11-Amasrɔyi 'ka 'ye -lrɔ 'gbu -o 'η ma 'eglɔɔle, 'bhεε- 'kooko- 'ke -kɔɔ' 'eke- =ya, Lii 'Weŋ 'ε -za 'wlan 'la =kla 'η ni bhe, 'ka sɔ 'bhε 'ke 'srɔɔwole, 'bhεε- fangandɔ 'ka ta.
- 12'Bhε 'yi -le dɔɔ 'ke -kɔɔ' 'eke- -ya, 'kpaleya do 'kpɔ 'la -yoo -kɔɔ' 'kpen 'yi, -kɔɔ' sɔ fangandɔle 'eke- ta 'bhε 'yi.
- 13'D nεεnε- mu, 'mi -o -a zi 'bhii- 'kaa 'yaango- 'bhii- 'η 'ka ba geza 'ε 'yidɔ- gbe -bebewoa gban; 'bhεε- 'kee- nu 'tεnle- -zɔn ma, 'duŋ- -o 'bhε 'saawoa- 'η 'kɔɔ. 'D 'yoo- -a zi 'bhii- 'η ge 'ka ba ye, 'kooko- -trɔn kpa 'η 'woye- 'ε ma 'ka ba ye 'bhii- -trɔn =kpa -a ma gɔnε- 'la gbεen- 'si 'bhεεke mu 'ε ba.

- 14-Amasrɔyi mɔkpen' a ca -o 'ŋ ma -Jan 'Nrɔle- 'ε 'wo zayi': -wa -gbɔlan ta mu oo, -bɔn 'yi mu oo, 'sɛwɛdɔ mu 'pegee 'sɛwɛdɔ kle mu, -o 'kpen a ca -o 'ŋ ma.
- 15'Bhɛla- -zayile, 'ka mu 'la 'ka mu -o Rɔmu, -a -lɔ -o 'ŋ ma 'bhii- 'ŋ ge -Jan 'Nrɔle- 'ε 'wo 'ka mu ni 'ezin-.
- 16-Amasrɔyi, -Jan 'Nrɔle- 'ε 'wɔle- 'ε, 'bhɛ 'laa -yɔlɔdɔ 'mi ma. -Glɔɔya' -le 'kɛle- -Waanbhaa' 'kɔɔ 'ke mɛɛ 'oo mɛɛ 'la zan 'e =kpaa -a -yi -e 'bhɛ zan go -za 'yi. 'Bhɛ goza 'ε -za 'yi, 'bhɛ san Zuufu mu 'ε ma 'elwale 'pe, 'bhɛɛ- 'bhɛ ge 'tɛnlɛ- 'si 'bhɛɛke mu 'ε ma boolazi.
- 17'Wlan 'ε ni, -Waanbhaa' bhaaplɛŋ -lɛdɔɔ' -a 'gbu 'yɛ 'yi gɔnɛ- 'la gbɛɛn-, 'yɛɛ- -Jan 'Nrɔle- 'ε 'yɛle- 'bhɛ zɔn; 'kee- san -a zisanyɛ 'ε ma, 'kee- nu 'tɛnlɛ- -a -lɛyanyɛ 'ε ma, -e 'bhɛ klɛ 'kpɔlɛya dɔŋ 'ε 'bhɛɛ- ma, 'bhii- -a yɔɔndɛle -o -Waanbhaa' a 'Sɛwɛ 'ε 'yi gɔnɛ- 'la gbɛɛn- dɔɔ: "Mɛɛ 'la zan -lɛdɔɔle -o -Waanbhaa' -yɛ 'yi, 'bhɛ zan nu bole -yɛ ma -si 'ε 'srɔwɔle 'bhɛ 'kpɔlɛya -la ma -Waanbhaa' -yi."
- 18-Waanbhaa' nu bhaaplɛŋ mu 'ε 'kitikanlɛ yran ma gɔnɛ- 'la gbɛɛn- waa -za 'yɔɔ- mu 'ε 'kpen 'pegee -o klɛza -yɔɔ' mu 'ε 'kpen ma, -e 'bhɛ -zɔnna -o ni 'kee- da lafle' ma. Waa -lɛdɔɔklɛya 'ε ma, waa to 'ke bhaaplɛŋ -bhɛɛke' mu -Waanbhaa' a wlan 'ε dɔ.
- 19'Bhɛɛ- 'duŋ-, mɛɛ sɔ -za yɛkɛ- 'la dɔle- -Waanbhaa' ba zayi', 'bhɛ gaanle laa -o ma; -Waanbhaa' 'gbu 'bhɛ -zɔnna -o ni kpataakpa.
- 20'Wlan 'ε ni, -a 'san 'ke -Waanbhaa' 'drunyan klɛ, -yaa' -Waanbhaaya 'ε, mɛɛ 'kedo- 'kpɔ laa sɔ 'bhɛ 'yɛle -a -yɛbhɛ' 'le; 'duŋ- 'o 'bhɛ ye -a klɛza mu 'ε 'mu -la ma. -E 'drunyan ta pɛ mu 'kpen =kla -yaa' -glɔɔya' 'la -dan' 'laa -o 'bhɛ ma 'bhɛɛ- 'le, 'bhɛ 'pegee -yaa' -Waanbhaaya 'ε ma. 'Bhɛɛ- -bhaaplɛŋ -yaa' -glɔɔya' 'pegee -yaa' -Waanbhaaya 'ε dɔ 'bhɛ pɛ mu 'ε 'mu -la ma. 'Bhɛla- -yile 'zoo 'laa -o -o zi.
- 21-Amasrɔyi -o -Waanbhaa' dɔ, 'duŋ- waa 'tɔbhɔle 'bhii- -Waanbhaa', 'bhɛ 'pegee -yaa' pɛ -o 'ke 'pubɔ- 'la 'le, waa 'bhɛ 'nale- -a ni. 'Bhɛɛ- dɔɔn', -o 'truu- ma jan mu 'te -la dan -o 'kpee, 'bhɛɛ- -o 'kpeejan- mu 'ε 'lɛdɔɔle laa -o, 'bhɛɛ- -gblo 'kpɔle- -o zru mu 'ε 'yɛ ta.
- 22-Woo 'gbu kun 'bhii- -zɔdɔ' mu, 'bhɛɛ- 'duŋ- -o ŋgblo laa -o ta.
- 23-Waanbhaa' 'tɔbhɔle 'la 'bhɛ 'laa ga -titi, 'sani- -o nu 'bhɛ gbɔle, -o 'bhɛ =twa -a nɔɔ-, 'bhɛɛ- bhaaplɛŋ 'la 'bhɛ -o 'ke 'sɛpɛ- 'le, -o 'bhɛɛ- -yɛnɛ' mu -gbaa, 'bhɛ 'pegee maannɛ- -yɛnɛ' mu, 'bhɛɛ- wi mu 'la 'taawo- 'mu dɔpɛ yizɛ ta, 'bhɛ 'pegee wi mu 'la 'taawo- 'mu vi ta, -o 'mu -la ma -yɛnɛ' mu -gbaa; 'bhɛɛ- 'duŋ- 'nii- 'laa -o 'mu 'yi.
- 24'Bhɛla- -zayile, 'bhɛɛ- -Waanbhaa' -o =twa -o 'gbu ma, -waa' 'trɛŋdɔ- maza mu 'la -o 'gbu zɔbhɔ 'mu ma 'mu 'yi. -Asiikɔɔ -woo 'gbu 'flɛ mu 'ε 'trɛŋdɔ- -yɔlɔdɔ ma -yanbhɔɔya klɛlele 'eke- ba.
- 25'Woo- mu -o -Waanbhaa' a pɛ wlan 'ε maniinaa 'ke bhla 'le. 'Bhɛɛ- -Waanbhaa' klɛpɛ mu 'ε, -o 'mu -la gba, 'bhɛɛ- -o 'mu -klɔsikun. 'Bhɛɛ- 'duŋ-, -o -Waanbhaa' 'la 'bhɛ pɛ 'kpen =kla, 'bhɛ =twa -a nɔɔ-, 'bhɛɛ- 'ke 'bhɛ -o 'ke 'tɔbhɔpɛ 'le -yikpɛnsɛɛ ta bhɛ! Amiina.

- ²⁶'Bhela- -zayile, -Waanbhaa' -o =twa -o 'gbu a -yralado ma -yanbhooya -za mu 'e 'yi. - Amasroyi, -Waanbhaa' -za 'la -dulaa' bhaaplɛŋ doɔgbeya 'e ta, -o na mu 'e 'mu 'bhe maboola 'ke 'mu ge yilale 'mu 'tanyoon le mu 'le 'bhii- 'gwlaan- mu 'e gbɛɛn-.
- ²⁷'Bhe klɛgbeya do 'kpɔ 'e 'yi 'ezin- bhe, -waa' 'gwlaan- mu 'e, 'mu 'gwlaan- mu 'pegee le mu yilale 'e 'eke- ba 'e =twa -a noo-, 'bhɛɛ- 'woo- 'gwlaan- mu 'gbansaan -la zrubho 'eke- ma 'bhii- le -lɔ do gɔnɛ- 'la gbɛɛn- 'gwlaan- ma. 'Woo- 'gwlaan- mu 'e -o - yralado ma -za 'yoo- mu kle 'eke- 'le. 'Bhe 'yi, -o nilawoa bhe, -o 'bhɛɛ- ma -sra 'srɔwo- -o 'krowolele -Waanbhaa' 'koo.
- ²⁸Waa do lawole -a -la 'ke -o -Waanbhaa' do, 'bhela- -yile, -Waanbhaa' -o =twa -o 'gbu 'kpeejan- -yoo' mu 'e 'yi; 'kooko- -za 'la 'bhe -gaale' laa -o ba -o 'bhɛɛ- kle.
- ²⁹-O zru mu 'e 'pale- -o 'ke -za 'yoo- 'e 'kpen -glɔon 'le: -ledookleya plaza 'e 'kpen - glɔon oo, -yooya' oo, -yrebho' maza -bebe mu oo, yienya oo, zran oo, mɛɛ deza oo, gwledan zru oo, -dawli' oo, 'kpeejan- -yoo' mu oo, bhla 'kpale- mɛɛ ma oo;
- ³⁰-o mɛɛ 'tɔsiɛ-, bhɛɛ- -Waanbhaa' vensi -o yin 'lii, -yrala' laa do -o ma -za 'yoo- kle yre noo-; 'bhɛɛ- -woo baa -o 'gbu 'yi, 'bhe 'pegee -woo 'gbu magbaandɛ; -o so -za 'yoo- 'e 'kpen -glɔon klele-, 'bhɛɛ- -woo -kala' mu 'le -o yape mu 'e ma.
- ³¹-O yikanle 'laa -o, 'bhɛɛ- 'ke -woo -liiwli' -naa mɛɛ ni -za 'la kle zayi', waa 'bhe 'leso- ; -o zru -o 'egloole mɛɛ ma, 'bhɛɛ- waa mɛɛ -bhɛɛke' 'yrenkla-.
- ³²-O 'gbu 'duŋ- -Waanbhaa' a 'kiti 'e do: -o 'gbu 'a 'yaango- 'bhii- 'ke mɛɛ 'oo mɛɛ 'la zan 'bhe -za 'yoo- -glɔon mu 'e =kla, 'bhe zan -o 'ke depe -la -le. 'Bhɛɛ- 'duŋ-, -o bole -o 'bhe -za 'yoo- -glɔon mu 'e klele ma. 'Bhe trala 'ezin-, mɛɛ 'la zan mu 'bhe 'yansi za mu 'e kle, -o do 'bhe zan mu -la zita.

Romɛ Mu 2

- ¹'Bhi 'duŋ-, 'bhi 'la 'bhi -o mɛɛ -bhɛɛke' mu 'kitikan zii', 'kee- =kla mɛɛ -glɔon 'oo mɛɛ -glɔon 'la 'le, waa nu 'bhi mazatole -titi. 'Yoo- -kpan baa- 'zi 'e 'gbu ta, -amasroyi 'bhi -o mɛɛ -bhɛɛke' 'kitikan zii' -za 'la 'yi, 'bhi 'gbu -o 'bhɛɛ- 'yansi za kle 'zi 'ezin-.
- ²'Wa 'yaango- 'bhii- mɛɛ 'la zan mu 'bhe 'yansi za mu 'e kle, -Waanbhaa' nu 'bhe zan mu 'e 'kitikanle -yaa' pe wlan 'e 'bhɛɛ- ta.
- ³'Bhi 'la 'bhi -o mɛɛ -bhɛɛke' mu 'kitikan zii' -za 'yansi mu 'la 'bhi 'gbu 'mu kle 'mu 'yi, 'bhi 'kpee ma 'bhi nu -bhile' -Waanbhaa' a 'kiti 'e 'yi eɛ?
- ⁴Taa- -Waanbhaa' a wlanya -gbene 'e 'pegee yaa mɛɛ mazatoza 'e, 'bhɛɛ- -a zrubakpaaza 'e, 'yoo- 'mu mavɛɛ- 'zi eɛ? 'Yaa 'yaango- 'bhii- -yaa' wlanya 'e 'bhe -le 'a kle 'bhɛɛ- -zadowɛɛ do 'e ma, 'bhɛɛ- 'e ploo -za 'yoo- klele ma, 'bhɛɛ- 'yee 'gbu zru niinaa' -Waanbhaa' ba eɛ?
- ⁵'Duŋ- 'e 'trɔn 'yi -o 'egloole, 'bhe 'pegee -zadowɛɛ 'laa do 'e ma 'yaa- -za 'yoo- mu 'e -zayi', 'kee- ploo -o ma, 'bhɛɛ- 'yee 'gbu na -Waanbhaa' ni. 'Bhela- -zayi', -Waanbhaa' nu 'e 'krowolele yran ma gɔnɛ- 'la gbɛɛn-, 'e 'gbu -o 'bhɛɛ- baan' kle 'zi 'eyoole. 'Bhe yi 'e

'le, 'yee- -Waanbhaa' nu -yaa' -yranwogbeya bhaaplenj mu a -za 'yoo- 'e ma 'e, 'bhe 'pegee -yaa' 'kiti 'ledoole 'e 'mu zronle.

⁶Bhe yi 'e 'le, 'yee- -Waanbhaa' nu bhaaplenj mu 'kpen do do kleza wlata -sra 'nale- -o ni.

⁷Mee 'la zan mu -o do 'zi klen 'ke -o -za 'wlan kle, 'bhe- 'ke -o 'tobholeya 'pegee -o -ledoole a ma -glin 'zi, 'bhe- bole -yre ma -si 'la -danj' 'laa -o 'bhe ma, 'yee- -Waanbhaa' nu 'bhe bole -yre ma -si 'e 'nale- 'bhe zan mu 'e ni.

⁸Dunj- mee 'la zan mu wlen -a ma, 'bhe- -woo -bango' -yaa' wlan 'e 'yi, 'bhe- -o do -ledookleya maza mu klele -la; -Waanbhaa' nu 'bhe zan mu 'krowole yran -gbene 'le.

⁹-Yren 'pegee -yrebatedole nu baale mee 'oo mee 'la zan -za 'yoo- kle 'bhe ta: 'kee- san Zuufu mu 'e ma 'elwale 'pe, 'bhe- 'kee- ge 'tenle- 'si 'bheke mu 'e ma 'te.

¹⁰'Bhe- 'dunj-, mee 'oo mee 'la zan -za 'wlan kle, -Waanbhaa' nu 'tobholeya 'pegee yilabla 'nale- 'bhe zan 'e ni, 'bhe- -ya -ledoo' -a ma: 'bhe san Zuufu mu 'e ma 'elwale 'pe, 'bhe- -e ge 'tenle- 'si 'bheke mu 'e ma.

¹¹-Amasroyi -Waanbhaa' 'laa bhaaplenj mu bago; -o 'kpen -o do -a -yre 'yi.

¹²Wlan 'e ni, mee 'la zan mu 'kpen -za 'yoo- kle, 'bhe- 'ke waa Moizi a 'Toj 'e do; 'bhe zan mu nu nile 'ke waa -o 'krowo- 'bhe 'toj 'e ta. 'Bhe- 'dunj-, Zuufu mu 'la -o Moizi a 'Toj 'e do, 'ke -o -za 'yoo- =kla 'waati 'oo 'waati 'la ba, -Waanbhaa' nu -o 'kitikanle -za 'la 'bhe yoondele -o 'yee- 'Toj 'e 'yi 'bhe- 'le.

¹³-Amasroyi mee 'la zan mu -o 'tronkpa- -yaa' 'toj mu 'e =la, 'bhe- 'ke waa -o -yizakle; -Waanbhaa' laa 'bhe zan mu kun 'bhii- mee -ledoole mu -a -yre 'yi. 'Dunj- mee 'la zan mu 'yee- 'toj mu 'e 'yizakle, 'bhe zan mu -la -ledoole -o -a -yre 'yi.

¹⁴'Bhe- 'si 'bheke mu 'la waa -Waanbhaa' a 'toj 'e do; 'waati 'ke ba, -o 'gbu zru 'e -ya pe -o ni doo -o -za 'ke kle, 'bhe- -o 'bhe kle, 'bhe 'bhe -bengole kle 'ke 'toj 'e 'le. 'Ali- 'ke waa Moizi a 'Toj 'e do, -wa zron -o kleza 'e ma 'bhii- -za 'la 'bhe -o 'ke klepe 'le, -o so 'bhe klele-.

¹⁵-Wa zron -o kleza 'e ma 'ezin- 'bhii- 'toj mu 'e yoondele -o -o zru 'e 'yi. -O 'gbu 'nii- 'e 'bhe 'bhe 'sreya- kle -o ni, 'bhe 'pegee 'waati 'ke ba, -o 'kpejan- 'e 'bhe 'a pe -o ni doo -o -za 'yoo- =kla, 'bhe- 'waati 'ke ba, -o 'kpejan- 'e 'bhe 'a pe -o ni 'ezin- doo -o -za 'wlan =kla.

¹⁶'Bhe -za 'e 'kpen ta nu 'pwel- kpataakpa yi do 'le. 'Bhe yi 'e 'le, -Waanbhaa' nu a pele Zesu Krisi ni doo mee mu gaanyi' jan mu 'la =kpaa -o 'kpee -e 'mu 'kitikan 'bhii- 'mi -Jan 'Nrale- 'la =woa 'bhe 'a =pia gon- 'la gben- bhe.

¹⁷'Bhe- 'bhi 'la 'bhi 'a pe 'e 'gbu ma doo 'yoo- 'ke Zuufu mi 'le, 'bhe- 'e 'yri -o Moizi a 'Toj 'e 'bhe- ta, 'bhe 'pegee 'yee- baa- -Waanbhaa' 'yi doo 'bhi -o 'ke -yaa mee 'le bhe.

¹⁸'Bhi 'la 'bhi 'yee- -Waanbhaa' zru maza 'e do, 'bhe- 'e -za 'wlan 'pegee -za 'yoo- gole 'ke 'yi 'e -daanna Moizi a 'Toj 'e ma.

- 19'Bhi 'gbu 'kpale- -o -a -yi 'bhii- mɛɛ -vin mu 'ɛ 'mu -o 'ke mɛɛ -yrɛ 'wile- mu 'le, 'bhɛɛ- 'bhi -le 'mu 'taawo zi 'ɛ zɾɔn 'mu ni; 'bhɛɛ- 'bhi 'kpale- -o -a -yi 'ezin- 'bhii- mɛɛ -vin mu 'ɛ 'mu -o -gblo 'yi, 'bhɛɛ- 'bhi -le 'mu ta 'tɛbhile 'le.
- 20'Bhi 'kpee ma mɛɛ -vin mu 'ɛ 'mu -o 'ke -zadɔkle 'pegee -nɛ 'fientɾɔnnɛ mu 'le, 'bhɛɛ- 'bhi -le 'mu daan mi 'le; -amasɾɔyi 'ɛ 'gbu 'kpale- -o -a -yi 'bhii- 'toŋ 'ɛ 'yi -zayaangole -lɛsɔle 'pegee wlan 'ɛ 'kpen -o 'e 'kɔɔ.
- 21'Bhɛ 'yi 'tɛ, 'bhi 'la mɛɛ -bhɛɛke' mu 'ɛ daan, -mɛla ma 'yaa 'ɛ 'gbu daan ɛɛ? 'Bhi 'la 'bhi 'a pe dɔɔ waa -faanwoɛ, -mɛla ma 'bhɛɛ- 'bhi -faanwo'?
- 22'Bhi 'la 'bhi 'a pe dɔɔ waa -yanbhɔɔya kleɛɛ, -mɛla ma 'bhɛɛ- 'bhi -yanbhɔɔya kle zii' ɛɛ? 'Bhi 'la 'bhi 'a pe dɔɔ yo gbale laa lele, -mɛla ma 'bhɛɛ- 'e yogba 'fɛ mu 'ɛ =la pe mu 'ɛ faan?
- 23'Ka mu 'la 'ka 'ka 'gbu 'wasowo dɔɔ 'ka mu -le Moizi a 'toŋ 'ɛ dɔ; 'bhɛɛ- 'duŋ- 'ka 'laa -o 'taawo zii' 'mu ta 'elrele. 'Bhɛ kleɔgbeya 'ɛ 'yi, 'ka 'laa -o -Waanbhaa' -lɛdɔ' 'zi -a ma.
- 24'Wlan 'ɛ ni, a yɔɔndɛle -o -Waanbhaa' a 'Sɛwɛ 'ɛ 'yi dɔɔ: "'Ka mu Zuufu mu -la -zayi' 'bhɛɛ- 'si 'bhɛɛke mu 'ɛ -woo -Waanbhaa' 'tɔ 'ɛ 'siɛ zii'."
- 25'Wlan -le 'bhɛ 'le, 'kee 'taawo- Moizi a 'toŋ mu 'ɛ ta, 'kleɛn 'yi wlale 'ɛ -za 'yanwo- 'e ma. 'Duŋ- 'kee 'yee- Moizi a 'toŋ mu 'ɛ 'yisiɛla, 'yaa- 'kleɛn 'yi 'wlale- 'ɛ yaa -za 'kedo- 'kpɔ 'yanwo- 'e ma.
- 26'Ke mɛɛ 'la zan laa wlale 'kleɛn 'yi, 'bhɛɛ- 'ke 'bhɛ zan 'taawo- Moizi a 'toŋ mu 'ɛ ta; -Waanbhaa' laa nu 'bhɛ zan 'kunɛ- 'bhii- mɛɛ 'la zan =wlaa 'kleɛn 'yi ɛɛ?
- 27'Waa mɛɛ 'la zan wlale 'kleɛn 'yi 'bhɛ 'si ta, 'bhɛɛ- 'duŋ- 'ke 'bhɛ -le Moizi a 'toŋ mu 'ɛ 'klosikun; 'bhɛ zan 'ɛ 'bhɛ -le nu 'bhi 'kitikanɛ 'kitikan yi 'ɛ 'le, 'bhi 'la 'bhi 'laa 'taawo- 'yee- Moizi a 'toŋ mu 'ɛ ta. 'Bhɛɛ- 'duŋ-, -o 'woo- 'toŋ mu 'la yɔɔndia- -woo 'e 'kɔɔ, 'bhɛɛ- -o wla 'kleɛn 'yi 'e 'si ta.
- 28-Amasɾɔyi, kleɛle Zuufu mi -kpɔsɔɔ 'gbu 'ɛ 'le, 'bhɛ -daŋ' 'laa -o 'ke 'kɛla -o 'bhɛ ye mɛɛ 'fle ma drɔŋ 'bhɛ 'le. 'Bhɛɛ- wlale 'kleɛn 'yi -zeze 'gbu 'ɛ -daŋ' 'laa 'ke bhɛkpɔɔ 'kpalele drɔŋ mɛɛ 'fle ma 'ke -o 'bhɛ ye 'bhɛ 'le.
- 29'Bhɛɛ- 'duŋ-, Zuufu mi -kpɔsɔɔ 'gbu 'ɛ 'bhɛ -le 'ke mɛɛ 'la zan -o 'kɛle- 'bhɛ 'gbu 'kpee ye. -Waanbhaa' Lii 'ɛ 'bhɛ -le 'a kle 'bhɛɛ- mɛɛ kle Zuufu mi drɛɛ 'le -a 'kpee; 'bhɛ 'laa da 'Toŋ 'la -o 'bhɛ yɔɔndia= 'bhɛ 'yi jan mu 'ɛ ba. 'Bhɛ mɛɛ 'la zan =kla Zuufu mi drɛɛ 'le, -Waanbhaa' -le 'bhɛ zan 'ɛ 'tɔbhɔ-, 'bhɛ 'laa da bhaapɔɔŋ ba.

Romɛ Mu 3

- 1'Ke -yoo 'bhɛ kleɔgbeya 'ɛ 'yi, kleɛle Zuufu mi 'le 'bhɛ ma -trɔn -o 'ke -mɛla -le ɛɛ? 'Bhɛɛ- 'kleɛn 'yi wlale 'ɛ 'trɔn- -o 'ke -mɛla -le 'ezin- ɛɛ?
- 2'Wlan 'gbu 'ɛ ni, -trɔn -gbɛnɛ 'gbu -o -a ma gbɛ 'ɛ 'kpen ma. -Amasɾɔyi, -Waanbhaa' 'bhɛ 'wojan- mu 'ɛ gbɛkpaa- Zuufu mu 'ɛ 'mu -la -kɔɔ' 'elwale 'pe.

- 3'Ali- 'ke -o 'ke mu laa bole 'mu 'liiwli- 'e ta, 'bhe so -a klele- 'bhe- -Waanbhaa' laa bo 'bhe -liiwli' 'e ta ee?
- 4'Yooye-, 'bhe 'laa so klele- 'de! 'Ali- 'ke bhaaplen 'ke mu 'kpen -o bhlape mu 'le, -Waanbhaa' laa bhlape -titi. 'Bhii- -a pele -o gone- 'la gbeen- 'yee- -Waanbhaa' a 'Sewe 'e 'yi bhe doo: "'Bhi -Waanbhaa', 'ke 'yoo- -janwo' zii', mokpen' a 'yaango- 'bhii- 'e 'ledole -o. 'Bhe- 'ke -woo 'e 'kitikaan, 'zoo nu klele 'e zi 'tanjii."
- 5'Mee 'ke mu -o -a pe 'zi doo: "'Waa- pe -ledokleya 'e 'bhe -le 'a kle 'zi 'bhe- -Waanbhaa' -ledole -o gone- 'la gbeen- bhaaplen mu so 'bhe 'yele." 'Bhe- 'o so -me -jan -la wole- 'ezin- ee? 'O so -a pele- doo -Waanbhaa' -ledole laa -o, -amasroyi -yoo' 'krowo zii' ee? ('Mi -o -janwo' zii bhaaplen a pe -janwo' gbeya 'e 'bhe- 'yi).
- 6'Sekeseke! 'Ke -Waanbhaa' -ledole laa -yaa bi, -e -yaa nu 'sole- 'drunyan 'yi mu 'e 'kitikanle 'nale- -a ma ee?
- 7'Bhe- 'ke 'an pe bhla pele 'e 'bhe -le 'a kle 'zi 'bhe- bhaaplen mu -o -Waanbhaa' a wlan 'e do 'zi, 'bhe- -a 'tobholeya 'e baan' 'kla zii' -a ba; -mela ma 'bhe- -woo 'mi 'kitikan zii' ezin- 'bhii- 'e 'yoo- -za 'yoo- kle mi 'le ee?
- 8'Bhe- 'ke -yoo 'bhe gbeen- 'te, -koo' 'laa so -a pele- doo: "-Mele -kla 'bhe- -koo' 'laa -za 'yoo- kle, 'koko- -za 'wlan so 'pwele -a -yi ee?" Mee 'ke mu -o 'mi 'tosi zii' doo 'mi -o mee mu daan 'zi 'bhe- -jan -gloon 'e 'le. 'Dun- -Waanbhaa' a 'kiti 'e yaa nu 'bhe zan mu 'tole- ye -titi.
- 9'Bhe- 'e so a pele- 'nale- 'te ee? -Koo' mu Zuufu mu mabhaabhoo mee -vin mu 'e ta ee? 'Naa so 'bhe 'pele -titi! -Amasroyi 'wa -zronna gban doo Zuufu 'pegee 'si -vin mu 'e -o 'kpen ngblo 'kpaale- -o -za 'yoo- fangan- 'e =la.
- 10'Bhii- -a yoondele -o -Waanbhaa' a 'Sewe 'e 'yi gone- 'la gbeen- doo: "Mee 'kedo- 'kpo 'ledole laa -o -Waanbhaa' -yre 'yi, 'ali- 'bhe mee bhe do 'kpo 'laa -o.
- 11'Mee 'kedo- 'kpo 'laa -za 'wlan 'yima-, mee 'kedo- 'kpo 'laa -o -Waanbhaa' ziglin- 'zi.
- 12-O 'kpen -o -zanta' -dwa -Waanbhaa' ni, 'bhe- -o =kla bhaama mee mu 'le. Mee 'kedo- 'kpo 'laa -za 'wlan kle, 'ali- 'bhe mee bhe do 'kpo 'laa -o.
- 13-O mee de -o -liijan' mu 'e 'le, -o nre mu 'e 'mu -o 'ke mee mu -yini' pe 'le, 'bhe- -o -liijan' mu 'e -woo 'eyoole 'bhii- mle -baa'.
- 14'Dangan ma jan 'yoo- mu 'te -le da -o -lii.
- 15-O gaan -la 'sile- -o mee de -zayi',
- 16'Ke -o -kaan yre 'oo yre 'la =noo, -o -kloloo' maza mu 'pegee 'sie maza mu 'te -la to -a -zanta'.
- 17'Waa yilabla ma zi 'e dole.
- 18-O 'taawogbeya 'e ma, waa gblaana -Waanbhaa' -lee -titi."

- 19'Bhɛɛ- 'wa 'yaango- dɔɔ Moizi a 'Toŋ 'ɛ -yoo -jan 'oo -jan 'la 'wo zii', -o 'bhe 'wo zii' mɛɛ 'la zan mu ŋgblo 'kpaale- 'yee- 'toŋ 'ɛ =la 'mu -la ni. 'Bhɛɛ- 'duŋ-, waa 'sɔɛ- -o -klɔsikunle. 'Bhɛla- -zayile, mɛɛ 'kedo- 'kpɔ 'laa sɔ 'zoo 'nale 'bhe 'gbu ni, 'bhɛɛ- -Waanbhaa' a -kpan baale -o 'drunyan 'yi mu 'ɛ 'kpen ta.
- 20'Bhe ya 'ɛ 'yi, mɛɛ 'kedo- 'kpɔ 'lɛdɔɔle laa nu kleɛ -Waanbhaa' -yre 'yi 'bhe a 'toŋ mu -klɔsikunle ma. 'Duŋ- 'toŋ mu 'ɛ 'mu -le 'a kle 'bhɛɛ- bhaapɛŋ mu 'a 'yaango- 'bhii- -o -za 'yɔɔ- =kla.
- 21'Duŋ- 'saanigɛ, bhaapɛŋ -lɛdɔɔle kle -Waanbhaa' -yre 'yi gɔnɛ- 'la gbɛɛn-, -a 'gbu 'bhe -zrɔnna -kɔɔ' ni. 'Bhe 'laa da 'taawole 'toŋ a pɛ zi 'ɛ zi 'ɛ 'bhe ba. -O 'bhe -lɛdɔɔleya 'ɛ 'srɔɔwo- gɔnɛ- 'la gbɛɛn-, Moizi a 'toŋ mu 'ɛ 'pegee -Waanbhaa' -lɛla' janwo mu 'ɛ 'mu 'bhe -jan 'ɛ =woa gban kpataakpa.
- 22'Ke mɛɛ 'oo mɛɛ 'la zan 'ɛ =kpa Zesu Krisi 'yi, -Waanbhaa' 'bhe zan kun 'bhii- mɛɛ -lɛdɔɔle; mɛɛ bagole laa -o 'bhe 'yi.
- 23'Wlan 'ɛ ni, bhaapɛŋ mu 'kpen -za 'yɔɔ- =kla; 'bhɛla- -yile, waa sɔ 'tɛnle -Waanbhaa' dɔgbeya 'tɔbhɔle -lɛsɔle 'ɛ ma.
- 24'Duŋ- 'yee- -Waanbhaa' a -lileya 'ɛ yi, -yoo -lɛdɔɔ' bhaama -a 'gbu 'yre 'yi; -amasrɔyi Zesu Krisi -o tagbawoa, 'bhɛɛ- -yoo -gwa waa -za 'yɔɔ- mu 'ɛ 'yi.
- 25-Waanbhaa' 'yee- Krisi =naa 'ke 'sraka 'le, 'kooko- -e ga -yrigbɛɛle 'ɛ ta -kɔɔ' mu ni, 'bhɛɛ- -e kle -kɔɔa' -za 'yɔɔ- mu 'ɛ ma -sroma 'yan pɛ 'le. 'Ke mɛɛ 'la zan mu -o =kpa Krisi 'yi, 'bhe zan mu nu 'yee- -Waanbhaa' 'bhe zan mu a -za 'yɔɔ- mu 'ɛ ma -sroma =yaan gɔnɛ- 'la gbɛɛn- 'bhe dɔle. 'Bhe kɛgbeya 'ɛ 'yi, -Waanbhaa' -yaa' -lɛdɔɔleya 'ɛ -zrɔnna bhaapɛŋ mu ni. 'Elwaleta -sɔ, -Waanbhaa' a zrubakpa 'waati 'ɛ ba bhaapɛŋ mu zi, bhaapɛŋ mu -za 'yɔɔ- mu 'la =kla, 'yee- -Waanbhaa' laa 'mu bɔle -klɔsi 'yi 'kee- 'mu wlata -za kle 'mu ni.
- 26'Duŋ- 'saanigɛ, -e mɛɛ mu -lɛdɔɔ' gɔnɛ- 'la gbɛɛn-, -e 'bhe -zrɔnna -gee': 'yee- -Waanbhaa' 'gbu bole -o -yaa' -lɛdɔɔleya 'ɛ 'yi, 'bhɛɛ- 'ke mɛɛ 'la zan 'ɛ =kpa Zesu 'yi, -e 'bhe zan 'ɛ 'lɛdɔɔ- -a -yre 'yi.
- 27'Bhe ya 'ɛ 'yi, bhaapɛŋ mu sɔ -o 'gbu 'wasowole -mɛ za -la -yi ɛɛ? -O 'wasowo za 'kedo- 'kpɔ 'laa -o! -Mɛla ma ɛɛ? Taa- -o sɔ -o 'wasowole -waa' Moizi a 'Toŋ 'ɛ 'klɔsikun -zayi' ɛɛ? 'Yooye- 'dɛ! 'Kɛla 'bhe -o -a -yi 'egɔɔle, 'bhe -le 'e 'kpalele Krisi 'yi dɔŋ.
- 28'Bhe kɛgbeya 'yi, 'o mɔɔ 'kpee ma, bhaapɛŋ -lɛdɔɔle kleɛ -Waanbhaa' -yre 'yi 'ɛ, 'bhe 'laa da -e 'toŋ ta za mu 'la 'klɔsikun 'mu ba; 'duŋ- 'bhe da -a 'kpaleya 'te Krisi 'yi 'ɛ 'bhɛɛ- ba.
- 29'Taa- -Waanbhaa' -o Zuufu mu do -kplɛn a -Waanbhaa' -la -le ɛɛ? Yaa -o 'ezin- 'si 'bhɛɛke mu 'ɛ 'mu a -Waanbhaa' 'le ɛɛ? Wlan 'gbu 'ɛ ni, -yoo 'ezin- 'si 'bhɛɛke mu 'ɛ 'mu a -Waanbhaa' 'le.
- 30-Amasrɔyi -Waanbhaa' -o do 'kpɔ. 'Kee- =kla Zuufu mu 'le oo, 'kee- =kla 'si 'bhɛɛke mu 'le oo, 'yele- 'mu 'kpen 'lɛdɔɔ- 'mu a 'kpaleya ma Krisi 'yi.

31'Ke -yoo 'bhe gbæen- bhe, 'bhe 'yi -le dɔɔ 'ke 'yee =kpaɔ Kɔɔsi 'yi, Moizi a 'toŋ mu 'ε -klɔsikunle 'ε 'bhe 'laa -za 'kedo- 'kpɔ 'yanwo- -li εε? 'Ōn ɔn 'de! Drɔɔn', 'o 'bhe 'toŋ mu 'ε baan' 'ledɔ- -a ma 'ke 'bhe kan -a -ledɔ' gbeya -lwa 'ε ta.

Romε Mu 4

1'Bhεε- 'o nu 'sɔle- -mela pele- 'o -gbɔɔ Abraamu ba zayi' εε? -Yaa' pε bhaaplenya zi 'ε zi, -e -mε pε 'gbu -la -srɔwoa εε?

2'Kee- kle bi mεε -ledɔɔle 'le -Waanbhaa' -yɔrε 'yi -a kleza -lrele' mu 'ε -zayi', -e -yaa nu 'sɔle- -a 'gbu -baale' 'mu 'yi; 'duŋ- yaa sɔ 'bhe klele- -Waanbhaa' -yɔrε =la.

3'Bhεε- -a pele -o -Waanbhaa' a 'Sεwε 'ε 'yi 'nale- εε? 'Bhe pε dɔɔ: "Abraamu 'ε =kpaɔ -Waanbhaa' 'yi, 'bheε- 'bhe 'a =ya 'bhii- mεε -ledɔɔle 'le -yaa' 'kpaleya 'ε ma."

4'Ka 'gbu 'a 'yaango- 'bhii- 'ke mεε do yewoa=, -wa -srakpa' 'bhe ma. 'Duŋ- -a -sra 'ε, yaa klele 'bhii- -o 'bhe 'na zii' -a ni bhaama; -e ye 'la =woa, 'bhe -la ma -sra -le 'bhe 'le.

5'Duŋ- 'ke mεε 'ke 'laa -za 'kedo- 'kpɔ klele, 'bheε- 'ke -ya -kpaɔ drɔŋ -Waanbhaa' 'yi, -Waanbhaa' 'la -za 'yɔɔ- kle mi 'ledɔɔ-, -e nu 'bhe zan 'ε -ledɔɔle 'bhe a 'kpaleya -la ma -a -yi.

6'Bhe klegbeya 'ε 'yi 'ezin-, -Waanbhaa' 'a pε mεε 'la zan ma mεε -ledɔɔle 'ke 'bhe 'laa da 'bhe zan 'ε kleza mu 'ε ba, -bhleŋgbe Davidi 'bhe zan a -za 'wlan ba janwoa- -gee' dɔɔ:

7"-Waanbhaa' mεε 'la zan mu kleza -yɔɔ' mu 'ε ma -sroma =yaan, 'bhe 'pegee 'kee- -waa -za 'yɔɔ- mu 'ε taliila, 'bhe zan mu a pε -yinra'!

8'Mεεzan laa mεε 'la zan a -za 'yɔɔ- 'ε bɔ -klɔsi 'yi, 'bhe zan a pε -yinra'!"

9-O mεε 'la zan mu -wlaa 'kleen 'yi, 'bhe zan mu 'te -le sɔ 'bhe -za 'wlan 'ε 'srɔwole εε? Taa- waa mεε 'la zan mu wlale 'kleen 'yi 'mu 'laa sɔ 'yee- -za 'wlan 'ε 'srɔwole 'ezin- εε? -Amasrɔyi 'o =yaan 'yela- pelele 'saanibhe dɔɔ: "-Waanbhaa' Abraamu =ya 'bhii- mεε -ledɔɔle -a 'kpaleya -la ma -Waanbhaa' 'yi."

10'Bhe =kla 'waati 'ε -dela ba εε? 'Bhe =kla 'ke -wa =wlaa gban 'kleen 'yi taa- 'ke waa wlale -li 'kleen 'yi εε? 'Bhe =kla 'ke waa wlale -li 'kleen 'yi.

11'Bhe blaɔn, 'bheε- -o Abraamu =wlaa boolazi 'kleen 'yi, 'bheε- 'bhe =kla 'bhii- -tɔmasie 'le -a 'fle 'ε ma. 'Bhe 'tɔmasie 'ε 'bhe -le -yaa zɔn 'bhii- -Waanbhaa' 'a =ya 'bhii- mεε -ledɔɔle -yaa' 'kpaleya 'ε ma 'yee- -Waanbhaa' 'yi, 'ke waa wlale -li 'kleen 'yi. 'Bhe klegbeya 'ε 'yi, waa mεε 'la zan mu wlale -li 'kleen 'yi, 'ke -woo -kpaɔ -Waanbhaa' 'yi, 'bheε- 'ke 'yee- -Waanbhaa' -o =ya 'bhii- mεε -ledɔɔle mu 'le -waa' 'kpaleya ma, 'yee- Abraamu 'le =kla 'mu 'kpen -gbɔɔ 'le.

12'Bhe klegbeya do 'ε 'yi 'ezin- bhe, Abraamu -le -o mεε 'la zan mu 'kpen =wlaa 'kleen 'yi 'mu -gbɔɔ 'le. 'Bhe mεε mu 'la -woo 'taawo zii' -o 'kpalele -Waanbhaa' 'yi 'bhii- 'yee- Abraamu 'gbu 'a =kla gɔnε- 'la gbæen- -a wlale 'ε 'leε 'kleen 'yi.

- 13-Waanbhaa' 'a 'liiwli- -naa Abraamu ni dɔɔ -e nu 'drunyan 'nale- 'yee- 'pegee -a 'srɛ mu 'ɛ ni -o 'cien 'le. 'Duŋ- yaa 'bhɛ 'nale- Abraamu ni 'bhɛ a 'Toŋ 'ɛ 'klɔsikunle ma. 'Bhɛɛ- 'duŋ-, 'yee- -Waanbhaa' 'a 'liiwli- -naa -a ni 'drunyan 'na zayi' -a ni, amasrɔyi 'bhɛ 'a =ya 'bhii- mɛɛ -lɛdɔɔle -a 'kpaleya -la ma 'bhɛ 'yi.
- 14Mɛɛ 'la zan mu -o Moizi a 'toŋ mu 'ɛ 'klɔsikun zii', 'kee- 'kpa bi 'bhii- -Waanbhaa' 'a 'liiwli- -naa 'drunyan ta 'mu do -kplɛn -la ni; 'bhɛ bhla 'ɛ ba, mɛɛ 'la zan mu -o -kpa Zesu 'yi, 'mu 'bhɛ =kla bhaama, 'bhɛɛ- 'bhɛ klɛ 'bhii- -Waanbhaa' a -liiwli' 'nale- 'ɛ 'saawoa- 'ezin-.
- 15-Amasrɔyi Moizi a 'toŋ mu 'ɛ 'mu -o 'ke -Waanbhaa' a yran 'ɛ 'bhɛɛ- 'wlɛn pɛ 'le, - amasrɔyi bhaaplɛŋ mu 'kpen 'toŋ mu 'ɛ 'yisiɛ-. 'Duŋ- 'toŋ 'laa -o yrɛ 'la =nɔɔ, waa sɔ 'toŋ 'yisiɛ janwole 'bhɛ yrɛ 'ɛ =nɔɔ.
- 16'Bhɛla- -zayi', -Waanbhaa' 'a 'liiwli- 'ɛ =naa 'kpaleya -la -zayi', 'kooko- 'yee- -Waanbhaa' =lia -kɔɔ' ma, 'bhɛɛ- -ya -liiwli' =naa pɛ 'la ta, -e 'bhɛ na -kɔɔ' mu 'pegee Abraamu 'srɛ mu 'ɛ 'kpen ni bhaama. Yaa 'bhɛ pɛ 'ɛ 'nale- mɛɛ 'la zan mu -o 'toŋ mu 'ɛ 'klɔsikun zii' 'mu do -kplɛn ni. 'Duŋ- -ya =naa 'ezin- mɛɛ 'la zan mu -o =kpa -Waanbhaa' 'yi 'bhii- Abraamu gbɛɛn- 'mu ni. -Amasrɔyi Abraamu -o -kɔɔ' 'kpen -gbɔɔ 'le 'kpaleya a pɛ zi 'ɛ zi.
- 17'Bhii- -a yɔɔndele -o -Waanbhaa' a 'Sɛwe 'ɛ 'yi gɔnɛ- 'la gbɛɛn- dɔɔ: "'Mi 'ɛ =kla 'si -bebe mu -gbɔɔ 'le. 'Yelee- -kɔɔ' 'kpen -gbɔɔ 'le -Waanbhaa' 'la -ya =kpa 'bhɛ 'yi 'bhɛ 'lɛɛ." 'Yee- -Waanbhaa' -le gbaa mu bwe gale ba, 'bhɛɛ- pɛ mu 'la 'mu 'laa klɛle -li, 'yelee- 'mu klɛ.
- 18'Ali- Abraamu 'laa -yaa sɔ -a 'yrikpale pɛ 'ke ta 'waati 'la ba, -Waanbhaa' 'e 'liiwli- =naa -a ni pɛ 'la 'naza- ta, -a -yrikpale =bwa 'bhɛ ta. 'Bhɛ klɛgbeya 'ɛ 'yi, -e =kla "'Si -bebe mu -gbɔɔ 'le". 'Bhii- -Waanbhaa' 'gbu 'a =pia -a ni gɔnɛ- 'la gbɛɛn- dɔɔ: "'E 'srɛ mu 'ɛ nu klɛle 'ebebele 'bhɛɛ- gbɛɛn- 'bhii- mlɛklenne mu."
- 19-Waanbhaa' 'bhɛ 'liiwli- =naa 'yee- Abraamu ni 'waati 'la ba, 'ke -a 'gbu 'krɔyawoa gban; -e -yaa bɛɛn lɛɛ -kɛmɛ do -din, 'bhɛɛ- 'ke -a na Sara a -nɛya' 'waati 'ɛ ba bhla -kaan gban. 'Duŋ- -a 'kpaleya 'ɛ -Waanbhaa' 'yi, 'bhɛ sanɛ- 'gbu 'laa gole 'bhɛ 'lii.
- 20Yaa -a zru klɛle plɛ -Waanbhaa' -jan 'la =woa -a ni 'bhɛ ma. Drɔɔn' -a 'kpaleya 'ɛ baan' =klaa -a ba, 'bhɛɛ- -e -Waanbhaa' 'tɔbhwa-.
- 21Abraamu 'kpale- -yaa -a -yi 'eglɔɔle 'bhii- -Waanbhaa' 'bhɛ 'liiwli- -naa pɛ 'la 'naza- ta -a ni, 'bhɛ 'yaa- nu 'bhɛ 'lɛsɔle.
- 22'Bhɛla- -zayile, -Waanbhaa' 'a =pia Abraamu ma dɔɔ: "Mɛɛ -lɛdɔɔle" -a 'kpagbeya 'ɛ -zayi' -Waanbhaa' 'yi.
- 23'Duŋ- 'bhɛ -jan 'la yɔɔndele -o dɔɔ: "-Waanbhaa' 'a =kla mɛɛ -lɛdɔɔle 'le". Waa 'bhɛ yɔɔndele 'yee- Abraamu do -kplɛn ma.
- 24'Bhɛ -jan 'ɛ yɔɔndele -o -kɔɔ' mu -la -zayi' 'ezin-. -Kɔɔ' mu 'la 'kpale- -o -Waanbhaa' 'la -kɔɔa' Mɛɛzan Zesu -bwela gale ba 'bhɛ 'yi, 'bhɛ nu -kɔɔ' mu klɛle mɛɛ -lɛdɔɔle mu 'le 'ezin-.

25-Waanbhaa' 'a =kla 'sraka 'le, 'bhɛɛ- -e -gaa -kɔɔ' mu a -za 'yɔɔ- mu 'ɛ ma; 'bhɛɛ- -e -bwela gale ba, 'kooko- -kɔɔ' mu klɛ mɛɛ -lɛdɔɔle mu 'le -Waanbhaa' -yre 'yi.

Romɛ Mu 5

1'Bhɛ ya 'ɛ 'yi, -Waanbhaa' -kɔɔ' klɛlawoa mɛɛ -lɛdɔɔle mu 'le -kɔɔa' 'kpaleya 'ɛ -zayi' -a -yi bhe, yilabla -o -zɔn -kɔɔ' mu 'pegee 'yee- -Waanbhaa' 'plɛŋ- -kɔɔa' Mɛɛzan Zesu Krisi 'srɔyi.

2'Yee- Krisi -le zi 'ɛ 'liigwa- -kɔɔ' ni, 'kooko- -Waanbhaa' -li -kɔɔ' ma -kɔɔ' 'kpaleya 'ɛ -zayi'. -Kɔɔ' kli gbaanle -o 'eglɔɔle 'bhɛɛ- -lileya 'ɛ ta -zɔn. 'Bhɛɛ- pɛ 'la 'bhe -kɔɔ' zrukpa' zii' 'bhe -le dɔɔ -kɔɔ' 'yri -a ta 'bhii- -yrekpa' do, -kɔɔ' dɔ nu klɛɛ -Waanbhaa' 'a 'tɔbhɔleya 'ɛ ba.

3'Bhɛ trala 'ezin-, 'ali- 'ke -kɔɔ' -o -yrenbhle' zii', -kɔɔ' zrukpaale -o, -amasrɔyi -kɔɔ' 'a 'yaango- 'bhii- -yrenbhle' -le zrubakpaale na -kɔɔ' ni -kɔɔa' 'kpaleya 'ɛ 'yi.

4'Bhɛɛ- zrubakpaale -le 'a klɛ 'bhɛɛ- -kɔɔ' klɛ mɛɛ -glɔɔ mu 'le. 'Bhɛɛ- -kɔɔa' -glɔɔya 'ɛ 'kpaleya 'ɛ 'yi 'bhe 'a klɛ 'bhɛɛ- -kɔɔ' -yrikpaleya -srɔwo'.

5'Bhɛɛ- 'duŋ-, -yrikpaleya laa mɛɛ -yini' -titi, -amasrɔyi, -kɔɔ' -za sɔ -Waanbhaa' ni 'egbenele; 'bhɛɛ- -e 'sɔniya =wlaa -kɔɔ' zru 'ɛ 'yi -a Lii 'Wɛŋ 'ɛ 'le.

6'Wlan 'ɛ ni, fanŋan- 'laa -yaa -kɔɔ' ta 'waati 'la ba, -Waanbhaa' 'waati yeke- 'la -dwa, 'bhe 'bhɔle-, 'bhɛɛ- Krisi -gaa -kɔɔ' mu mɛɛ -yɔɔ' mu ni.

7'Bhɛ -o 'eglɔɔle 'ke mɛɛ dɔ a -la dɔɔ -wa dɛ -a 'tanyɔɔn mi do -zayi', 'ali- 'ke mɛɛ -lɛdɔɔle -le 'bhe 'le. 'Bhɛɛ- -dɔke' mɛɛ 'ke nu 'bhe zru dɔɔle 'eglɔɔle, 'bhɛɛ- -e dɔ a -la 'kaa -wa dɛ mɛɛ wlan do -zayi' oo.

8'Duŋ- -kɔɔ' -za =swa -Waanbhaa' ni gɔnɛ- 'la gbɛɛn-, -e 'bhe -zrɔnna -kɔɔ' ni -gee': -Kɔɔ' 'yaa- 'waati 'la ba -li -za 'yɔɔ- kle mu 'le, Krisi -gaa -kɔɔ' ni.

9'Krisi klɛlawoa -kɔɔ' ma 'ke 'sraka 'le, 'bhɛla -zayi' 'bhɛɛ- -Waanbhaa' -kɔɔ' =ya mɛɛ -lɛdɔɔle mu 'le -zɔn. 'Bhɛ trala 'ezin-, -kɔɔ' 'a 'yaango- 'bhii- Krisi nu -kɔɔ' gole -Waanbhaa' 'a yran 'ɛ 'yi.

10-Kɔɔ' 'yaa- 'elwale -sɔ -Waanbhaa' -sɔɔnnii' mu 'le; 'duŋ- -a Gbe 'ɛ 'bhe galawoa, 'bhe -kɔɔ' mu 'pegee 'yee- -Waanbhaa' =kpaa do ma. 'Bhɛɛ- trala 'ezin-, -kɔɔ' 'kpale- 'la -yoo do ma, -kɔɔ' 'a 'yaango- 'bhii- -kɔɔ' nu gole -za 'yi, -amasrɔyi -a Gbe 'ɛ -yoo -a -yre ma kpataakpa.

11'Bhɛ 'kpen trala 'ezin-, -kɔɔ' zrukpaale -o -kɔɔ' 'pegee -Waanbhaa' 'a 'kpaledomaya 'ɛ 'yi Mɛɛzan Zesu Krisi 'srɔyi, -amasrɔyi 'yele- -kɔɔ' mu 'pegee -Waanbhaa' =kpaa do ma -zɔn.

12'Bhɛla- -zayile, bhaaplɛŋ do 'kpɔ -la -zayi', 'bhɛɛ- -za 'yɔɔ- -wlaa 'drunyan 'yi, 'bhe bhaaplɛŋ 'ɛ 'bhe -le 'ke Adamu 'le. 'Bhɛɛ- -za 'yɔɔ- =kla ga wlapɛ 'le 'drunyan 'yi 'ezin-. 'Bhɛ klegbeya 'ɛ 'yi, 'bhɛɛ- ga =tian bhaaplɛŋ mu 'kpen ma, -amasrɔyi -o 'kpen -za 'yɔɔ- =kla.

- 13 Wlan 'e ni, 'sani- -Waanbhaa' nu 'Toŋ 'e 'nale- Moizi ni, 'ke -za 'yoo- -o gban 'drunyan 'e 'yi. 'Duŋ- 'Toŋ 'laa -yaa 'waati 'la ba, -za 'yoo- laa -yaa bope 'le -klosi 'yi.
- 14 'Bhe- 'duŋ-, 'kee- san Adamu a pe 'waati 'e ma, 'kee- nu 'tenle- Moizi a pe 'waati 'e ma, ga gbeblöle -yaa bhaaplen mu 'e ta. 'Ali- mee 'la zan mu laa -Waanbhaa' a -jan 'e 'yisiela 'bhii- Adamu 'a 'yisiela gone- 'la gbeen-, ga gbeblöle -yaa 'mu ta. -A -ledulale 'la 'yaa- döo mee 'la zan -yaa zan nule, 'bhe -le 'ke Zesu Krisi 'le, 'yee- Adamu -yaa 'bhe zan 'e bhooma 'e 'bhe- 'le.
- 15 'Duŋ- -Waanbhaa' a -lileya 'e 'pegee Adamu -za 'yoo- 'la =kla waa -o do. Wlan 'e ni, mee -bebe -gaa 'yee- mee do 'kpö 'e yaa -za 'yoo- 'e -zayi'. 'Duŋ- -Waanbhaa' a pe -lileya 'e pegee -lileya 'la da mee do 'kpö ba, Zesu Krisi, 'bhe- 'kee- 'bhe =naa mee -bebe ni bhaama, -nafan 'la -yoo 'bhe -lileya 'e 'yi, 'bhe gblaana -yiya' 'ke 'bhe kan pe 'kpen ta.
- 16 'Bhe- -Waanbhaa' pe 'la =naa bhaama 'bhe kleza 'e 'pegee mee do 'kpö a -za 'yoo- kleza 'e, waa so -o danle- 'eke- ma. Mee do 'kpö 'a -za 'yoo- =nwa 'ke -Waanbhaa' a -kpan baaza 'le bhaaplen mu ta. 'Bhe- 'duŋ-, -Waanbhaa' pe 'la =naa bhaama -za 'yoo- 'sre klele blaana, 'bhe -za -gwa 'koo- 'wiiŋ-.
- 17 Wlan 'e ni, mee do 'kpö a -za 'yoo- klele 'e ma, 'bhe- ga gbeblöla mökpen' ta. 'Duŋ- -Waanbhaa' yaa -lileya -gbene 'e -zronna mee 'la zan mu ni, 'bhe- 'ke -yoo =kla mee -ledöle mu 'le bhaama; 'bhe zan mu nu bole -yre ma -si 'la -dan' 'laa -o 'bhe ma 'bhe- 'srowole, 'bhe- 'mu nu bole 'mu 'yre ma -glöya' 'le mee do 'kpö -la 'sroyi: Zesu Krisi.
- 18 Mee do 'kpö 'la 'bhe a -za 'yoo- -zayi' 'bhe- -Waanbhaa' a -kpan balaa' bhaaplen mu 'kpen ta, 'bhe mee 'e 'bhe -le Adamu 'le. 'Bhe klegbeya do 'e 'yi, bhaaplen do 'kpö -la kleza wlan 'e -zayi', 'bhe- mökpen' go -Waanbhaa' a 'kiti 'e =la, 'bhe- -e bole -yre ma -si dree na -o ni.
- 19 'Bhe klegbeya 'e 'yi bhe, mee do 'kpö 'la yaa -Waanbhaa' a -jan 'e 'klosikunle, 'bhe- mee -bebe =kla -za 'yoo- kle mu 'le; 'bhe klegbeya do 'kpö 'e 'yi 'ezin- bhe, mee do 'kpö 'la -Waanbhaa' -weli' 'e =maa, 'bhe -la -zayi', -Waanbhaa' mee 'sre 'ledöla -a -yre 'yi.
- 20 -Waanbhaa' 'toŋ mu =naa Moizi ni, 'koko- -ya zron -koo' ni 'bhii- -kooa' -za 'yoo- mu 'e =paa. 'Duŋ- 'ke -za 'yoo- mu 'e =paa yre 'la =nöö, -Waanbhaa' -yaa' -lileya 'e baana pa 'bhe yre 'e =nöö 'kee kan -a -dan' ta
- 21 'Bhe klegbeya 'e 'yi, -za 'yoo- fanŋan- 'kpaale- -yaa bhaaplen mu ta ga 'le gone- 'la gbeen-; -zron -Waanbhaa' -yaa' -lileya 'e zron -koo' ni -glöya' 'le 'kee- -koo' kle mee -ledöle mu 'le -a -yre 'yi, 'bhe- -e bole -yre ma -si 'la -dan' 'laa -o 'bhe ma 'bhe na -koo' ni -kooa' Meezan Zesu Krisi 'sroyi.

Rome Mu 6

- 1 'Bhe- 'bhe 'yi -o 'nale- 'te? -Koo' so -a pele- döo -koo' bo -za 'yoo- klele ma, 'koko- -Waanbhaa' a -lileya 'e baana' pa ee?

- ²Bhē 'laa sō klele- -titi wlan 'ε ni! 'Ke mēē 'la zan -gaa, -ya gbē go 'drunyan ta pē mu 'yi gōnē- 'la gbēen-, -kōō' mu -gaa -za 'yōō- ba -yrē ta 'bhēē- gbēen-. 'Bhē 'yi 'tē -kōō' mu sō bole- -za 'yōō- klele ma 'ezin- 'nale- 'tē εε?
- ³'Ka 'laa 'yaango- 'bhii- -o -kōō' mu 'la 'kpen 'wiinjfia= -yi ba Zesu Krisi 'tō 'yi, -o -kōō' 'wiinjfia= -yi ba, 'kooko- -kōō' 'pegee Krisi kpa do ma εε?
- ⁴-O -kōō' mu wiinjfelawoa -yi ba, -e =kla 'bhii- -kōō' mu 'pegee 'yee- -gaa 'eke- 'yi, 'bhēē- -o -kōō' mu 'pegee 'yee- =bian 'eke- yi; 'kooko- 'bhii- -kōō' Dē -Waanbhaa' Krisi -bwela gale ba gōnē- 'la gbēen- -yaa' -glōōya' 'tōbhōle 'ε 'le, -kōō' mu 'ezin- -kōō' 'taawogbeya drēε si.
- ⁵Wlan 'ε ni, 'ke -kōō' mu 'pegee 'yee- Krisi -gaa gagbeya do 'yi 'eke- yi, -kōō' nu bwela gale ba 'ezin- 'bhii- -yaa' pē bwegbeya 'ε gbēen-.
- ⁶-Kōō' -za 'lēē- 'bhē dō 'elrele, 'bhē -le dōō: bhaapleŋ dōgbeya gwe 'la 'yaa- -kōō' 'yi 'elwale -sō, -e =kla 'bhii- -o 'bhē bhaapleŋ dōgbeya 'ε 'pegee Krisi -gbaanna -yrigbēele 'ε ta; 'kooko- 'bhē dōgbeya gwe 'la 'yaa- -za 'yōō- klē, 'bhē a -glōōya' 'ε 'yiga-, 'bhēē- -kōō' ŋgblo 'kpaale- laa klē -li -za 'yōō- faŋgan- 'ε =la.
- ⁷-Amasrōyi 'ke mēē 'la zan -gaa, 'bhē zan -gwa -za 'yōō- faŋgan- 'ε =la.
- ⁸'Bhē ya 'ε 'yi, 'ke -kōō' mu 'pegee Krisi -gaa 'eke- 'yi, -kōō' 'kpale- -o -a -yi 'bhii- -kōō' mu 'pegee 'yee- nu bole -kōō' 'yrē ma 'eke- 'yi 'ezin-.
- ⁹'Bhēē- -kōō' 'a 'yaango- 'bhii- Krisi bwelawoa gale ba, yaa nu gale -li -titi. Ga 'fuu 'laa sō -li -a ta.
- ¹⁰-E -gaa, 'duŋ- -e -gaa -za 'yōō- -zayi' -lēyan' do 'kpō. 'Duŋ- -e bwelawoa gale ba, -ya -yrē ma -zōn -Waanbhaa' -la ni.
- ¹¹'Bhē klēgbeya do 'ε 'yi, 'ka mu 'ezin-, -ka 'ka 'gbu 'kun 'bhii- 'ka -gaa, 'bhēē- 'ka -gwa -za 'yōō- a faŋgan- 'ε =la; 'bhēē- 'ka -o 'ka 'yrē ma -zōn -Waanbhaa' ni 'ka 'pegee Zesu Krisi 'kpaledomaya 'ε 'yi.
- ¹²'Ka 'gbu 'flē 'la -yoo 'ke gapē 'le, -za 'yōō- gbēblōole laa klēle 'ezin- -a ta 'ke 'ka bo -a zru maza mu klēle ma.
- ¹³'Bhēē- 'ka 'laa 'ka dōpē mu 'ε 'nale- -za 'yōō- klēle ni 'bhii- -lēdōōkleya ma yewo pē mu 'le. 'Bhēē- drōōn', -ka 'ka 'gbu 'na -Waanbhaa' ni 'bhii- mēē 'la zan mu gale -yaa, 'bhēē- -o -bwela gale ba, 'bhēē- -o =kla mēē drēε mu 'le 'ezin-. -Ka 'ka dōpē mu 'ε 'kpen 'na -Waanbhaa' ni, 'bhēē- -yoo klē -lēdōō maza a yewo pē mu 'le.
- ¹⁴'Bhē klēgbeya 'ε 'yi 'tē, -za 'yōō- faŋgan- gbēblōole laa nu klēle -li 'ka ta, 'bhēē- -e 'ka klē -yaa' lu mu 'le; -amasrōyi 'ka 'laa -o 'taawo zii' -li Moizi a 'toŋ mu 'ε ta, 'duŋ- 'ka -o 'taawo zii' -Waanbhaa' -lileya 'la -zrōōna 'ka ni 'bhēē- zi.
- ¹⁵'Bhēē- 'bhē 'yi -o 'nale- 'tē? 'Wa 'pelawoa dōō -kōō' 'laa -o 'taawo zii' -li 'toŋ mu 'ε zi, 'bhēē- -kōō' -o 'taawo zii' -Waanbhaa' -lileya 'la -zrōōna -kōō' ni 'bhēē- =ta, taa- 'bhē 'yi -le dōō -kōō' sō -za 'yōō- klēle- -kōō' 'gbu 'yrē ma εε? 'Sekeseke, -kōō' 'laa sō 'bhē klēle- wlan 'ε ni 'dē!

- 16'Ka 'gbu 'laa 'yaango- 'bhii- 'ke 'ka yewo mɛɛ do ni, 'ka 'ka ŋgblo kpala' 'bhe zan 'ɛ =la, 'bhɛɛ- 'ka kle 'bhe zan 'ɛ 'bhe a lu 'le ɛɛ? 'Bhe klegbeya do 'ɛ 'yi, 'ke 'ka =bwa -za 'yoo- 'ɛ -yaa' luya 'yi, 'bhe 'leyanyre -le 'ke ga 'le. 'Ke 'ka =kla -Waanbhaa' a lu mu 'le, 'ke 'ka 'ka ŋgblo kpala' -a =la, 'bhe 'leyan- 'ke -ledɔleya -la -le -Waanbhaa' -yre 'yi.
- 17'Duŋ- 'o -Waanbhaa' 'tɔbhɔ-, -amasroyi 'ka 'mu 'la 'yaa- -za 'yoo- a lu mu 'le 'elwale -so, -o 'ka -daanna daangbeya -glɔɔn 'la 'le, 'ka -dwa 'bhe =la 'ka zru 'ɛ 'kpen 'le.
- 18'Bhɛɛ- -zɔn 'ka -gwa -za 'yoo- a luya 'ɛ 'yi, 'bhɛɛ- 'ka =kla -Waanbhaa' a lu mu 'le, 'ke 'ka -ledɔleya maza mu kle.
- 19'Mi -o -jan 'lɛɛ- 'bhɛɛ- 'wo zii' bhaapleŋ a -janwo' gbeya 'ɛ 'yi, 'kaa- -jan 'yimale -lale' 'ɛ 'bhɛɛ- -zayi'. 'Elwale -so 'ka 'ka 'fle 'ɛ dɔpe mu 'ɛ 'kpen =wlaa 'triŋdɔ- maza mu 'pegee -yoo'ya' a luya 'yi -za 'yoo- klele 'kaama- gɔnɛ- 'la gbɛɛn- bhe; 'bhe klegbeya do 'ɛ 'yi, -ka 'ka 'gbu 'fle 'ɛ dɔpe mu 'ɛ 'kpen 'wla -Waanbhaa' a luya 'ɛ 'yi, 'ke 'ka 'ledɔle kle, 'bhɛɛ- 'ka 'taawogbeya 'ɛ kle 'weŋ.
- 20'Ka 'yaa- -za 'yoo- a lu mu 'le 'waati 'la ba, pe 'kedo- 'kpɔ 'laa -yaa -a wla 'ka zi dɔɔ 'ka 'taawo -Waanbhaa' a -ledɔleya ma zi 'ɛ ta.
- 21'Bhɛɛ- 'ka -trɔn -glɔɔn 'ɛ -dela -srɔɔwoa= 'ka kleza mu 'ɛ ma ɛɛ? 'Bhe kleza mu 'la 'mu -o -zɔn 'ka ma -yrala' 'le bhe. -O -leyanyre -le 'ke ga 'le.
- 22'Duŋ- -zɔn 'ka -gwa -za 'yoo- a luya 'ɛ 'yi, 'bhɛɛ- 'ka =kla -Waanbhaa' a lu mu 'le. 'Bhe ma -trɔn -le 'ke 'ka klele 'weŋ 'le, 'bhɛɛ- 'bhe 'leyan 'ke bole -yre ma -si 'la -daŋ' 'laa -o 'bhe ma 'bhe 'srɔɔwole 'le 'ka 'kɔɔ.
- 23-Amasroyi -za 'yoo- ma -sra -le 'ke gale 'le; 'duŋ- -Waanbhaa' -kɔɔ' gba pe 'la ba bhaama, 'bhe -le 'ke bole -yre ma -si 'la -daŋ' 'laa -o 'bhe ma -kɔɔ' 'pegee Mɛɛzan Zesu Krisi 'kpaledomaya 'ɛ 'yi 'bhɛɛ- 'le.

Rome Mu 7

- 1'D nɛɛnɛ- mu, 'ŋ 'yoo- zan -jan 'la 'wole- 'ka ni, 'ka 'bhe dɔ 'elrele, -amasroyi 'ka 'gbu 'toŋ mu 'ɛ dɔ. 'Ka 'gbu 'a 'yaango- dɔɔ 'ke mɛɛ do -o -a -yre ma 'waati 'la ba, 'bhɛɛ- 'toŋ 'ɛ gbɛblɔle kle -a ta.
- 2-Yoo 'bhii- le do a gwɛnna yaaza: 'Ke -a -nɔɔ -o -li 'bhe 'yre ma 'waati 'la ba, 'toŋ ta za 'ɛ ma, -a yaale kle 'bhe 'kɔɔ. 'Duŋ- 'ke -a -nɔɔ -gaa, gwɛnna yaaza 'toŋ 'la 'bhe 'yaa- -a blɔɔ 'bhe ma, 'bhe 'yiga-.
- 3'Duŋ- 'ke -a -nɔɔ -o -li 'bhe 'yre ma, 'bhɛɛ- -e 'gwlaan- -bhɛɛke' =sia, -e -yanbhoo'ya -la =kla 'bhe 'le bhe. 'Bhɛɛ- 'duŋ-, 'ke -a -nɔɔ -gaa, gwɛnna yaa- 'toŋ 'la 'yaa- -a blɔɔ -a -nɔɔ 'ɛ ma -e go 'bhe 'yi. 'Bhe ya 'yi bhe, 'kee- 'gwlaan- -bhɛɛke' =sia, 'bhe 'laa kle -li gwɛn -glinza' 'le.
- 4'D nɛɛnɛ- mu, 'ka mu a pe 'ɛ -yoo 'bhɛɛ- gbɛɛn- 'ezin-. -Yoo 'bhii- 'ka -gaa 'toŋ 'ɛ ba -yre ta 'ka 'pegee Krisi galawoa 'eke- 'yi. 'Ka -gwa 'toŋ -a luya 'yi; 'bhɛɛ- 'ka -kla Krisi a pe 'le. 'Kooko- -Waanbhaa' 'la 'yee- Krisi -bwela gale ba -kɔɔ' sɔ 'bhe zru maza klele-.

- ⁵Wlan 'ε ni, -koo' 'yaa- 'taawo zii' -koo' 'gbu zru maza 'ε ta 'waati 'la ba, 'tonj 'ε 'yaa- mεε zrubhō maza -yoo' mu wla 'zi -koo' 'fle 'ε 'kpen 'yi. 'Bhe zrubhō maza -yoo' mu 'ε 'yaa- -koo' bō ga a pε zi 'ε ta.
- ⁶Dunj- -koo' -gwa -zōn 'tonj a pε fangan- 'ε =la, -amasrōyi -koo' -gaa pε 'la 'bhe -yaa' -koo' klε 'bhe a lu mu 'le 'bhe ba -yrε ta, 'bhεε- -koo' -gwa 'bhe a luya 'yi. 'Bhe klegbeya do 'ε 'yi, -koo' sō yewole -Waanbhaa' ni yewogbeya drεε 'yi 'ezin- Lii 'Wεnj 'ε 'bhe a pε -glōoya' 'ε 'le -koo' ta. 'Bhεε- -koo' 'laa yewo -li 'bhii- -koo' 'yaa- klε 'elwale gōnε- 'la gbεen- -o 'tonj 'la yōōndia- 'bhe a fangan- 'ε =la.
- ⁷Bhεε- 'yi -o 'nale- 'tε? -Koo' sō -a pele dōō 'tonj 'ε 'bhe -o 'ke -za 'yoo- 'le εε? 'Sekeseke! 'Tonj 'laa -o 'ke -za 'yoo- 'le, 'dunj- 'tonj 'ε 'bhe -le 'a =kla 'bhεε- -za 'yoo- -o pε 'la 'le 'η 'bhe -dwa. 'Naa -yaa nu -a dōle 'bhii- -yrεbhōle mεε -bhεεke' 'koo pε zi 'ε, 'bhe -o 'ke -za 'yoo- 'le 'ke 'tonj 'laa 'bhe 'pele- 'mi ni dōō: " 'E 'yrε 'laa 'bhōle- mεε -bhεεke' 'koo pε zi."
- ⁸Bhe klegbeya 'ε 'yi 'tε, -za 'yoo- dōyre =ya, 'kee- -yrεbhō' maza -glōōn 'ε 'kpen 'wlale 'mi zru 'ε 'yi 'tonj 'ε 'srōyi. 'Ke 'tonj 'laa klεle, -za 'yoo- -o pε 'la 'le -koo' 'laa -yaa nu 'bhe dōle.
- ⁹-Amasrōyi 'naa -yaa 'tonj 'ε dō 'elwale -sō 'waati 'la ba, 'η 'yaa- 'η 'yrε ma. 'Dunj- 'tonj =nwa 'waati 'la ba, 'ke -za 'yoo- klε gbε drεewole -a -yrε ma 'ezin-, 'bhεε- -e =kla 'bhii- 'mi -gaa.
- ¹⁰Bhe klegbeya 'ε 'yi, 'tonj 'la 'bhe klε 'mi bopε 'le 'η 'yrε ma, 'bhe -le =kla ga -lεnapε 'le 'mi ni.
- ¹¹-Za 'yoo- dōyre -srōōwoa 'tε 'tonj 'ε 'srōyi, 'kee- 'mi 'yinile, 'bhεε- 'kee- ga -lεnale' 'mi ni 'yee- 'tonj do 'kpō 'ε 'srōyi 'ezin-.
- ¹²Bhe ya 'ε 'yi, 'tonj 'ε 'gbu -o 'wεnj -amasrōyi -e da -Waanbhaa' -la ba; -a -yi jan 'ε 'bhe -o 'wεnj, 'bhe -lεdōole -o, 'bhεε- 'bhe -o 'elrele.
- ¹³'Ke -yoo 'bhe gbεen- 'tε, 'tonj 'la 'bhe -o 'ke pε -lrele' 'le, 'bhe -le -kla ga -lεna' pε 'le 'mi ni εε? 'Sekeseke! 'Yee- -za 'yoo- -le 'tonj 'la 'bhe -o 'ke pε -lrele' 'le 'bhe =sia, 'bhεε- -e ga 'lεnaa- 'mi ni. 'Bhe klegbeya 'ε 'yi, 'tonj 'ε 'yi jan 'ε -ya =kla 'bhεε- -za 'yoo- -yōōya' 'ε tapwεla, 'bhεε- -ya -zrōōna 'bhii- -za 'yoo- -o 'ke pε -yoo' 'gbu 'le.
- ¹⁴Wlan 'ε ni, -koo' 'a 'yaango- 'bhii- 'Tonj 'ε da -Waanbhaa' -la ba; 'dunj- 'mi 'la 'mi -o 'ke -za 'yoo- klε mi 'le, 'η 'yoo- 'bhii- -o mεε 'la zan -gwan, 'bhεε- -wa =kla 'ke -za 'yoo- a lu 'le.
- ¹⁵Wlan 'ε ni, 'η 'yoo- za 'la 'bhe klε 'zi 'naa 'bhe 'yima-: -amasrōyi 'η 'yoo- -a zi 'bhii- 'η -za 'la 'bhe klε, 'naa 'bhe klε; 'dunj- -za 'la 'bhe vensi 'mi yin 'lii, 'η 'bhεε- klε.
- ¹⁶'Ke -za 'la 'naa -o 'bhe zi 'η 'bhεε- =kla; 'bhe 'a zrōn 'bhe klegbeya 'ε ma, 'bhii- 'Tonj 'ε 'kεla =pia, 'bhe -le zi 'ε 'le.
- ¹⁷Bhεε- 'bhe 'yi bhe, 'mi -za 'yoo- 'la klε, 'bhe 'laa da 'mi 'gbu ba. 'Dunj- 'bhe da -za 'yoo- 'la 'bhe -o 'mi zru 'ε 'yi 'bhεε- ba.

- 18'Mi 'a 'yaango- 'bhii- -za 'wlan 'kedo- 'kpɔ 'laa -o 'mi 'gbu 'yi, 'η 'gbu a bhaapleŋ 'fle 'ε 'yi. Wlan 'ε ni, 'ke 'mi -o -a zi 'bhii- 'η -za 'wlan kle, 'bhe kle faŋgan- 'laa -o 'η ta.
- 19-Za 'wlan 'la 'η 'yoo- -a zi 'bhii- 'η 'bhe kle, 'naa 'bhe kle; 'duŋ- -za 'yɔɔ- 'la 'naa -o -a zi 'bhii- 'η 'bhe kle, 'η 'bhεε- kle.
- 20-Za 'la 'mi 'naa -a zi 'bhii- 'η 'bhe kle, 'ke 'η 'bhεε- =kla; 'bhe 'laa da 'mi 'gbu ba. 'Duŋ- 'bhe da -za 'yɔɔ- 'la 'bhe -o 'mi zru 'ε 'yi 'bhεε- ba.
- 21'Bhe 'yi 'te, -za -gloɔn 'lεε- 'η 'bhεε- ye 'η 'gbu zru 'ε 'yi: 'Ke 'mi -o -a zi 'bhii- 'η -za 'wlan kle -za 'yɔɔ- kle -lɔ -le dɔ 'mi ma.
- 22'Mi 'gbu zru 'ε 'yi, -Waanbhaa' 'a 'Toŋ 'ε 'bhe -la -za sɔ 'mi ni.
- 23'Duŋ- 'mi 'toŋ 'bhεεke do faŋgan- ye 'mi 'gbu 'fle 'ε 'yi, 'bhe -le gwledan 'zi 'kela 'bhe sɔ 'mi ni 'bhe ba 'η 'nii- 'ε 'yi. 'Bhe 'toŋ 'ε faŋgan- 'ε 'bhe -le 'mi =kla -za 'yɔɔ- a lu 'le.
- 24'Ee! 'Mi -yren ma mεε! 'Bhe faŋgan- 'la -yoo 'mi ta, 'bhεε- 'ke -yoo 'η 'fle 'ε -glaan 'zi 'kee- ge 'kele- ga ba -yre ta, -de 'gbu -le nu 'mi gole 'bhe 'yi εε?
- 25'Mi -Waanbhaa' 'pubɔ- -kɔɔa' Mεεzan Zesu Krisi 'tɔ 'yi, 'yela do -kplɛn sɔ 'mi gole- -a -yi! 'D 'gbu 'nii- 'ε 'yi, 'η 'yoo- -a zi 'bhii- 'η yewo -Waanbhaa' ni 'bhεε- 'η dɔ -yaa' 'Toŋ 'ε =la. 'Duŋ- 'mi 'gbu zru maza 'ε ta, -za 'yɔɔ- kle 'toŋ 'la 'kpaale- -o 'mi 'wiinj-, 'mi -o 'ke 'bhe a lu 'le.

Romε Mu 8

- 1-Zɔn, -Waanbhaa' a 'kiti 'kedo- 'kpɔ 'laa nu baale 'ezin- -li mεε 'la zan mu 'pegee Zesu Krisi 'kpale- -o do ma 'mu ta.
- 2-Amasɔyi Lii 'Weŋ a 'toŋ 'la 'bhe bole -yre ma -si -kpɔsɔɔ 'gbu 'ε na Zesu Krisi 'pegee mεε a 'kpaledomaya 'ε 'yi, 'bhe 'mi -gwa -za 'yɔɔ- 'pegee ga faŋgan- 'ε 'yi.
- 3'Moizi a 'toŋ mu 'ε waa -yaa sɔ 'bhe klele-, -kɔɔa' bhaapleŋ 'fle 'ε faŋgankleya 'ε ma. 'Duŋ- 'woo- 'toŋ mu 'ε waa 'sɔle- -za 'la klele-, -Waanbhaa 'bhεε- =kla: -ya 'gbu Gbe -kpɔsɔɔ 'ε 'winbwa-, 'bhεε- 'bhe =kla bhaapleŋ do 'le 'bhii- -kɔɔ' mu -za 'yɔɔ- kle mu gbεen-. 'Bhεε- -kɔɔ' 'yaa- -za 'yɔɔ- a faŋgan- 'la =la, -a Gbe 'ε 'bhe 'bhe 'gbu =naa 'ke 'sraka 'le -kɔɔa' -za 'yɔɔ mu 'ε ma, 'bhεε- -e 'bhe -za 'yɔɔ- faŋgan- 'ε -gwa -kɔɔ' ta.
- 4-Waanbhaa' 'bhe -za 'ε =kla, 'kooko- -kɔɔ' sɔ 'taawole 'bhii- 'toŋ 'ε -ya zi 'bhii- -kɔɔ' 'taawo gɔnε- 'la gbεen-. -Kɔɔ' mu laa 'taawo- -li -kɔɔ zru maza mu 'ε zi, 'duŋ- -kɔɔ' 'taawo- -Waanbhaa' a Lii 'Weŋ 'ε 'bhεε- zru maza mu 'ε zi.
- 5-Amasɔyi mεε 'la zan mu 'taawo- -o 'gbu zru maza mu 'ε zi, -o 'nii- 'ε bo -o 'gbu zru maza mu -la klele ta. 'Bhεε- 'duŋ-, 'ke mεε 'la zan mu 'taawo- Lii 'Weŋ 'ε zru maza mu zi, 'bhe zan mu nii- 'ε bo Lii 'Weŋ 'ε zru maza mu klele -la ta.
- 6'Bhεε- 'ke mεε 'la zan 'taawo -a 'gbu zru maza mu 'ε zi, 'bhe zan -leyanyre -le 'ke gale 'le. 'Duŋ- 'ke mεε 'la zan 'taawo- Lii 'Weŋ 'ε zru maza mu 'ε zi, 'bhe zan a pe -le 'ke bole -yre ma -si 'pegee yilabla 'le.

- 7-Amasrōyi 'ke mēē 'la zan mu 'taawo- bhaapleŋ zru maza mu zi, 'bhe zan mu -o -Waanbhaa' -sōōnnii' 'le; waa -o 'gbu ŋgblo kpalaa' -Waanbhaa' a 'toŋ 'ε =la, waa sō 'bhe klele- -titi.
- 8'Duŋ- mēē 'la zan mu 'taawo- 'mu 'fle zru maza zi, 'mu 'laa sō 'sōle -Waanbhaa' ni -titi.
- 9'Bhēē- 'duŋ- 'ka mu, 'ka mu 'laa 'taawo- -li 'ka 'gbu 'fle zru maza 'ε zi, 'duŋ- 'ka -o 'taawo zii' Lii 'Weŋ 'ε 'bhēē- zi, -amasrōyi -Waanbhaa' Lii 'ε 'bhe -o 'ka 'yi. 'Ke Krisi Lii 'ε yaa -o mēē 'la zan 'yi, 'bhe zan laa -o 'ke Krisi a pē 'le.
- 10'Ke Krisi -o 'ka zru 'ε 'yi, 'ali- 'ke 'ka 'fle mu 'ε -woo 'ke gapē 'le -za 'yōō- 'ε -zayi', -Waanbhaa' Lii 'ε bo -a -yɾē ma 'ka 'yi; -amasrōyi -Waanbhaa' 'ka =kla mēē -ledōole mu 'le -a 'gbu 'yɾē 'yi.
- 11'Bhēē- 'ke -Waanbhaa' Lii 'la Zesu -bwela gale ba 'bhe -o 'ka zru 'ε 'yi, 'yee- 'la Krisi -bwela gale ba bhe, -e nu 'ka 'fle mu 'la -woo 'ke gapē 'le 'mu bwele gale ba 'ezin-. -E nu 'bhe klele -a Lii 'la 'bhe -o 'ka zru 'ε 'yi 'bhēē- 'le.
- 12'Bhēla- -yile, 'ŋ nēēnē- mu, -kōō' 'laa 'taawole 'ezin- 'sekeseke -kōō' 'gbu zru maza 'ε zi 'bhii- 'ke yaa ca -o -kōō' ma.
- 13-Amasrōyi 'ke 'ka 'taawoa= 'ka 'gbu zru maza 'ε zi, 'ka 'lɛyanyɾē -le 'ke gale 'le. 'Duŋ- 'ke Lii 'Weŋ 'ε faŋgan- 'ε 'srōyi, 'ka 'ploola- 'ka 'fle kleza -yōō' mu 'ε ma, 'ka nu bole 'ka 'yɾē ma.
- 14-Amasrōyi mēē 'la zan mu 'kpen 'taawo- Lii 'Weŋ 'ε zru maza 'ε zi, 'bhe zan mu -o -Waanbhaa' a -nē mu 'le.
- 15'Bhēē- 'ka Lii 'Weŋ 'la 'srōōwoa=, 'bhe 'laa 'ka kle lu mu 'le, 'bhēē- 'bhe 'laa -gblaan 'kla 'ka 'yi 'ezin-. 'Duŋ- 'ka Lii 'Weŋ 'la 'srōōwoa- 'bhe 'ka kle -Waanbhaa' a -nē mu 'le, 'bhēē- 'bhe -glōōya' 'ε 'srōyi, -kōō' sō 'yee- -Waanbhaa' 'siile dōō: "-Kōō' Dē!"
- 16'Yee- Lii 'Weŋ 'ε -glōōya' 'ε ma, -kōō' 'a 'yaango- -kōō' zru 'ε 'yi kpataakpa dōō -kōō' -o 'ke -Waanbhaa' a -nē mu 'le.
- 17'Bhēē- 'ke -kōō' mu -o -a -nē mu 'le bhe, -kōō' dō nu klele -a 'cien 'ε ba. -Kōō' mu 'pegee Krisi nu klele a 'cien 'ε 'srōōwo mu 'le 'eke- zi. -Amasrōyi 'ke -kōō' 'pegee 'yee- Krisi -yɾēnbhla 'eke- zi, -kōō' dō nu klele 'ezin- 'yee- Krisi a 'tōbhōleya 'ε ba.
- 18'Mi 'kpale -o -a -yi, 'bhii- -kōō' -o -yɾēn mu 'la 'bhle zii' 'saanige 'mu 'laa -o -zake' 'le, 'bhēē- -waa sō 'mu 'kpale -Waanbhaa' nu 'tōbhōleya 'la zɾōnlē -kōō' ni 'bhe ma.
- 19-Waanbhaa' nu -a -nē mu 'ε zɾōnlē kpataakpa yi 'la 'le, -a klepē mu 'ε 'kpen 'yɾē -o -mō 'zi 'bhe yi 'ε 'yele- -lēē.
- 20-Amasrōyi -Waanbhaa' klepē mu 'ε 'kpen ŋgblo 'kpaale- -o bhaama pē mu faŋgan- -la =la; 'duŋ- 'bhe 'laa dale -o 'gbu ba, -Waanbhaa' -le -o ŋgblo -kpalaa' 'bhe bhaama pē mu 'ε faŋgan- 'ε =la 'bhe gbēēn- bhe. 'Bhēē- 'duŋ-, mēē -yɾikpaza -o -li 'drunyan 'lēē- 'yi.

- 21'Bhɛ -yrikpaza 'ɛ 'bhɛ -le dɔɔ -yrekpaa' do, -glɔɔya' 'la 'bhɛ 'yaa- -Waanbhaa' klɛpɛ mu 'ɛ klɛ bɔnpɛ 'le, 'bhɛɛ- 'ke -o 'kpen ŋgblo 'kpaale- -yaa 'bhɛ =la, -Waanbhaa' nu -o gole 'bhɛ -glɔɔya' 'ɛ 'yi. 'Bhɛɛ- -o dɔ nu klɛlɛ -Waanbhaa' a -nɛ mu 'ɛ -waa' mapɔɔnleya 'tɔbhɔle 'ɛ 'ke 'le.
- 22'Bhɛɛ- wlan 'ɛ ni, 'wa 'yaango- 'bhii- 'kee- nu 'tenlɛ- -zɔn ma, -Waanbhaa' 'woo- 'drunyan ta pɛ mu 'la =kla, -o 'kpen -o -we 'zi -o 'gbu ta -yɾɛn 'ɛ -kɔɔ' 'bhii- 'ke le kpɛle do -bla =zian -a ta, -e we -a 'gbu ta -yɾɛn 'ɛ 'kɔɔ gɔnɛ- 'la gbɛɛn-.
- 23'Duŋ- 'woo- 'drunyan ta pɛ mu 'ɛ do -kplɛn 'laa 'kɛle-: -Waanbhaa' 'a Lii 'Wɛŋ 'ɛ =naa -kɔɔ' mu 'la ni, 'bhii- -e nu -kɔɔ' gbale 'sɛŋ mu 'la ba 'mu 'lɛpɛɛ- =lwa 'le; -kɔɔ' mu -o -we 'zi -kɔɔ' 'gbu ta 'ezin- -kɔɔ' 'kpee -yɾɛn 'ɛ 'kɔɔ. -Kɔɔ' -o -Waanbhaa' a -nɛ mu 'la 'le bhɛ, -e nu 'bhɛ tapwɛlɛ kpataakpa yi 'la 'le, 'bhɛ 'pegeɛ -e nu -kɔɔ' gole -kɔɔa' 'flɛ a luya 'ɛ 'yi 'fɛŋfɛŋ yi 'la 'le, -kɔɔ' -o 'bhɛɛ- yi 'ɛ 'magbɛn- 'zi.
- 24-Amasɔyi -Waanbhaa' -kɔɔ' -gwa -za 'yi, 'duŋ- 'bhɛ gole -zayi' 'ɛ 'bhɛ -o 'pɛ -sɔ 'yrikpaleya -la -yi. 'Bhɛɛ- 'kee- 'yrikpale -o pɛ 'la ta, 'kee 'bhɛ =ya, 'bhɛ 'laa klɛ -li -yrikpale 'le. 'E 'yɾɛ -o pɛ 'la ma, 'e sɔ 'e 'yrikpale -li 'bhɛ ta ɛɛ?
- 25'Duŋ- 'ke -kɔɔ' 'yrikpale -o pɛ 'la -kɔɔ' 'laa 'bhɛ ye 'bhɛɛ- ta, -kɔɔ' 'bhɛ magbɛn -kɔɔ' zrubakpaa ta.
- 26'Bhɛ klɛgbɛya do 'ɛ 'yi, Lii 'Wɛŋ bhɔ -kɔɔ' ba, -kɔɔa' fangankleya 'ɛ 'yi. -Amasɔyi -kɔɔ' 'laa sɔ pɛ -yɾɛwɔle -a -yɾɛwɔgbɛya 'yi -Waanbhaa' ma -kɔɔa' 'a 'seri mu 'ɛ 'yi. 'Duŋ- Lii 'Wɛŋ 'ɛ -ya 'seriwo -kɔɔa' -za ma -Waanbhaa' ni 'kee- we -a 'gbu ta -yɾɛn 'ɛ 'kɔɔ bhaaplɛŋ laa sɔ wli 'la 'bhɛ 'yimale 'bhɛ 'yi.
- 27'Duŋ- -Waanbhaa' 'la mɛɛ 'kpeɛjan- mu dɔ, -e Lii 'Wɛŋ 'ɛ -yoo 'kɛla 'bhɛ zi 'bhɛ dɔ 'ezin-. -Amasɔyi Lii 'Wɛŋ 'ɛ -ya 'seriwo mɛɛ 'la zan -Waanbhaa' 'mu =kpaa 'edaŋma -yaa' pɛ 'le 'mu a -za ma, 'bhii- 'yee- -Waanbhaa' 'gbu -o -a zi 'bhii- -ya klɛ gɔnɛ- 'la gbɛɛn-.
- 28'Wa 'yaango- 'bhii- -Waanbhaa' -za sɔ mɛɛ 'la zan mu ni, 'bhɛɛ- 'ke -yoo -siila -e -za yɛkɛ- 'la 'lɛdulaa 'bhɛ ma, 'ke -za 'oo -za 'la =tian 'bhɛ zan mu 'ɛ ma, 'yee- -Waanbhaa' 'gbu 'a to 'bhɛɛ- 'bhɛ -za 'ɛ 'kpen klɛ -o ma -za 'lɾɛle- 'le.
- 29-Amasɔyi -Waanbhaa' mɛɛ 'la zan mu bagwa-, 'bhɛɛ- -yoo =kla -yaa' pɛ mɛɛ mu 'le 'edaŋma -za 'kpen 'lɛɛ; -ya 'lɛdulaa dɔɔ 'bhɛ zan mu klɛ -a Gbe 'ɛ bhɔɔma mu 'le, 'kooko- -a Gbe 'ɛ 'bhɛ klɛ 'bhɛ nɛɛnɛ- -bebe 'lɛɛ mi 'le.
- 30-E mɛɛ 'la zan mu -a -za 'lɛdulaa 'bhɛ klɛgbɛya 'ɛ gbɛɛn- bhɛ, -e 'bhɛ zan mu 'ɛ -siila; -yoo 'siilawoa, -yoo =kla 'ezin- mɛɛ -lɛdɔɔle mu 'le -a -yɾɛ 'yi; -yoo klɛlawoa mɛɛ -lɛdɔɔle mu 'le bhɛ, -e -yaa' 'tɔbhɔleya 'ɛ 'ke =naa 'mu ni 'ezin-.
- 31'Ke -yoo 'bhɛ gbɛɛn- bhɛ, -kɔɔ' nu -mɛla pɛlɛ 'ezin- ɛɛ? 'Ke -Waanbhaa' -o -kɔɔ' ba, -dela 'sɛŋgo- -kɔɔ' 'le?
- 32'Yaa 'tolɛ- -a Gbe bhɛ do 'kpɔ 'ɛ ma. -E 'bhɛ =naa 'ke 'sraka 'le -kɔɔ' 'kpen ma. -Mɛle nu -a -baliwɔlɛ 'bhɛɛ- yaa nu 'sɔlɛ- -kɔɔ' gbale- pɛ 'kpen ba -kɔɔ' 'pegeɛ 'bhɛ 'le ɛɛ?

- 33-Waanbhaa' mɛɛ 'la zan mu makwan-, -de 'gbu -le nu -lale' 'mu ta ɛɛ? Mɛɛ 'kedo- 'kpɔ! -Amasrɔyi 'yee- -Waanbhaa' 'gbu -le -o -lɛdɔɔ' -a -yre 'yi.
- 34-Dele a -kpan nu -o dɛɛ ɛɛ? Mɛɛ 'kedo- 'kpɔ! -Amasrɔyi Zesu Krisi -le -gaa, 'bhɛɛ 'bhe blaana, -e -bwela gale ba; 'bhɛɛ- -a yaale -o -Waanbhaa' -din 'tɔbhɔ ma yaayrɛ 'ɛ =nɔɔ, 'ke -ya 'seriwo -kɔɔa' -za ma.
- 35'Bhɛɛ- -de 'gbu -le sɔ -kɔɔ' 'plɛngole -kɔɔ' -za 'la sɔ Krisi ni 'bhe ma ɛɛ? Pɛ 'kedo- 'kpɔ 'laa sɔ 'bhe klɛle! 'Ali- 'kee- =kla -yrɛn 'le oo, 'kee- =kla blina- yien 'le oo, 'kee- =kla 'trɛbhɔ 'le oo, 'kee- =kla gbɔn 'le oo, 'kee- =kla 'kɔɔflɛnya 'le oo, 'kee- =kla ga -bwɛnbɔle 'le oo, 'kee- =kla ga 'le oo, pɛ 'kedo- 'kpɔ 'laa sɔ 'bhe klɛle-!
- 36'Bhii- -a yɔɔndɛle -o gɔnɛ- 'la gbɛɛn- -Waanbhaa' a 'Sewɛ 'ɛ 'yi dɔɔ: "-Waanbhaa', 'bhi 'la -zayi', 'bhɛɛ- -woo 'o dɛyrɛ -glin 'zi 'waati 'ɛ 'kpen ba; -woo' ye 'bhii- -bhlaa mu 'la -woo =kpa 'ɛdanma -o dɛ zayi.'"
- 37'Duŋ- 'bhe -za mu 'ɛ 'kpen 'yi, 'o 'sɛngwa- 'fɛŋfɛŋ pɛ 'kpen 'le 'o -za -swa Krisi 'la ni 'bhe fangan- 'ɛ 'srɔyi.
- 38'Mi 'gbu 'kpale- -o -a -yi 'bhii- 'ke -kɔɔ' -gaa oo, 'ke -kɔɔ' =bwa -kɔɔ' 'yre ma oo, pɛ 'kedo- 'kpɔ 'laa nu 'sɔlɛ- -kɔɔ' 'plɛngole -Waanbhaa' a 'sɔniya 'ɛ ma: 'ali- -mlɛkɛ' mu oo, lii -yɔɔ -kuŋlii mu oo, 'bhe 'pegee -zɔn pɛ mu oo, -kɔɔ' 'lɛɛ pɛ mu oo; 'bhɛɛ- -glɔɔya' 'tɔle- -glɔɔya',
- 39'lafle' 'yi -glɔɔya' mu oo, lafle' 'yi 'pegee 'trɛ =la pɛ mu oo, -Waanbhaa' klɛpɛ mu 'ɛ 'kedo- 'kpɔ 'laa nu 'sɔlɛ- -kɔɔ' 'plɛngole -yaa' 'sɔniya 'ɛ ma -titi. -E 'bhe 'sɔniya 'ɛ -zrɔnna -kɔɔ' ni -kɔɔa' Mɛɛzan Zesu Krisi -la 'srɔyi.

Romɛ Mu 9

- 1'Mi -o zan 'kela 'pɛlɛ- -gɛ wlan -le 'ke 'bhe 'le; bhla laa 'kɛle-, -amasrɔyi 'ŋ 'yoo- Krisi a pɛ 'le. 'D 'gbu 'nii- 'ɛ -ya pɛ 'zi 'ŋ ni kpataakpa Lii 'Wɛŋ 'ɛ -glɔɔya' 'ɛ 'le dɔɔ wlan -le 'kɛle-.
- 2'Wleyisriwoza -gbɛnɛ do -o 'ŋ ma, 'bhɛɛ- 'ŋ zru 'ɛ 'pale -o 'ke 'dimi do 'le 'waati 'ɛ 'kpen ba 'ŋ nɛɛnɛ- Izraeli mu 'ɛ -zayi'.
- 3'D 'yoo- -a zi 'bhii- -Waanbhaa' a 'danɔn 'la -yoo -o ma 'bhe 'niina- 'mi ma, 'bhɛɛ- -wo 'ŋ 'plɛngo- Krisi ma 'woo- 'ŋ nɛɛnɛ- mu 'ɛ ni, 'o 'pegee 'woo- 'la -woo 'si do bhe.
- 4-O 'kpen -o 'ke Izraeli mu 'le. -Waanbhaa' -o =kla -yaa' pɛ -nɛ mu 'le, -e -yaa' 'tɔbhɔleya 'ɛ -zrɔnna -o ni. 'Bhɛɛ- -e -bhoolaya mu -dwa 'yee- 'pegee 'wola- plɛŋ-, 'bhɛɛ- -e Moizi a 'toŋ mu 'ɛ =naa 'wola- ni, 'bhe 'pegee -ya gba gbɛya 'ɛ -zrɔnna 'wola- ni. 'Bhɛɛ- -ya -liiwli' =naa 'wola- ni 'ezin-.
- 5'Bhɛɛ- -kɔɔ' -gbɔɔ mu 'ɛ da 'wola- ba, 'bhɛɛ- bhaaplɛŋ a pɛ zi 'ɛ zi, Krisi da -waa' 'si 'ɛ 'bhɛɛ- ba. 'Yee- Krisi 'kpaale- -o pɛ 'kpen 'wiŋ-, 'bhɛɛ- -yoo 'ke -Waanbhaa' 'le kpataakpa, 'bhe 'pegee -yoo 'ke 'tɔbhɔpɛ 'le mɔkpen' 'kɔɔ 'waati 'ɛ 'kpen ba 'ke -dan' 'laa klɛ a ma. Amiina!

- 6'Duŋ-, yaa klele 'bhii- -Waanbhaa' 'a 'liiwli- naza 'ε =kla bhaama za 'le. Wlan 'ε ni, Izraeli 'srε mu 'ε 'kpen 'laa -o 'ke Izraeli mεε -kpɔsɔɔ mu 'gbu 'le.
- 7'Bhεε- Abraamu 'srε mu 'ε, 'mu 'kpen 'laa -o 'ke Abraamu 'nε -kpɔsɔɔ mu 'le; 'duŋ- -Waanbhaa' 'a =pia 'yee- Abraamu 'gbu ni dɔɔ: " Izaki 'kpee yi mu 'ε, 'mu -le nu klele 'ε 'srε -kpɔsɔɔ mu 'le."
- 8'Bhε 'yi -le dɔɔ -o -nε mu 'la =yaa bhaapleŋ 'fle a pε zi 'lii, waa 'mu kun 'bhii- -Waanbhaa' -nε mu. 'Fɔ -o 'kε mu 'la =yaa -Waanbhaa' -liiwli' 'ε ta, 'mu -le 'a 'srε -kpɔsɔɔ mu 'gbu 'ε 'le.
- 9-Amasrɔyi, -Waanbhaa' 'yaa- -a -liiwli' 'ε 'na zii' bhla 'la ba, -ya -pia dɔɔ: "'Mi nu nu gbe drεewole lεtoo 'waati do 'kpɔ 'lεε- ba, 'bhεε- Sara nu -nε 'gwlaan- do -srɔɔwole."
- 10'Bhεε- -a -daŋ' 'laa gole Sara a pε 'ε ta. Rebeka a pε 'ε =kla 'ezin- 'bhεε- gbεen-. 'Bhε yonε- ple 'srɔɔwoa= -kɔɔ' -gbɔɔ Izaki do -kplεn -la ma.
- 11-12Yonε- ple 'ε 'yale- -lεε 'waati 'ε ba, 'ke waa -za 'wlan klele -li, 'bhε 'pegee 'ke waa -za 'yɔɔ- klele -li, 'yee- -Waanbhaa' 'gbu 'a =pia Rebeka ni dɔɔ: 'E 'nε zilεε- mi 'ε ŋgblo 'kpaale- nu klele -a gaanzidɔ mi 'ε =la. 'Bhε =kla 'kooko- -Waanbhaa' mεε mu makun -yaa' -za 'lɛdulale zi gɔnε- 'la gbεen- 'bhε 'lεsɔ-. Yaa 'bhε kle bhaapleŋ mu kleza mu 'ε ma, 'duŋ- -e 'bhε kle 'ke 'bhε -bεŋgole kle -a 'gbu a zru maza 'ε 'bhεε- 'le.
- 13'Bhii- -a yɔɔndeke -o 'yee- -Waanbhaa' a 'Sεwe 'ε 'yi gɔnε- 'la gbεen- dɔɔ: "Zakɔbu -la -za =swa 'mi ni Ezau ta. 'Bhεε- Ezau vensia- 'ŋ yin 'lii."
- 14'Bhεε- 'o sɔ -mela pele- 'ezin- 'tε εε? 'O sɔ -a pele dɔɔ -Waanbhaa' -lɛdɔɔle laa -o εε? 'Waa sɔ 'bhε 'pele -titi.
- 15-Amasrɔyi 'yee- -Waanbhaa' 'gbu 'a =pia Moizi ni dɔɔ: "'Ke mεε 'la zan -yrenklale =swa 'ŋ ni, 'bhεε- zan -yrenkla' 'ŋ ma. 'Bhεε- 'kee- =swa 'ŋ ni 'ŋ kle 'ewlanle mεε 'la zan ma, 'ŋ kle 'ewlanle 'bhεε- zan ma."
- 16'Bhε klegbeya 'ε 'yi, bhaapleŋ -yrenklale 'ε -Waanbhaa' ma, 'bhε 'laa da -a 'gbu zru maza 'pegee -a kleza mu ba, 'duŋ- 'bhε da -Waanbhaa' 'la mεε -yrenkla' a ma 'bhεε- do -kplεn -la ba.
- 17'Yee- -Waanbhaa' a 'Sεwe 'ε 'yi, -ya =pia Ezipu mu a -bhleŋgbe 'ε ni dɔɔ: "'Mi -Waanbhaa' -le 'ε =kla -bhleŋgbe 'le, 'kooko- 'bhi kle 'mi a pε -glɔɔya' 'ε zrɔnpε 'le, 'bhεε- 'ye 'ŋ 'tɔbhɔleya 'ε zen 'trε 'ε -daŋ' ma yrekpen- =nɔɔ."
- 18'Bhε klegbeya 'ε 'yi, 'kee- =swa -Waanbhaa' ni dɔɔ -e mεε 'la zan -yrenkla', -e 'bhεε- zan -yrenkla'. 'Bhεε- 'ke -ya zi 'bhii- -e mεε 'la zan 'trɔn 'yidɔ- 'eglɔɔle, -e 'bhεε- kle.
- 19'Bhεε- mεε 'ke nu 'mi 'lrɔkpale 'tε dɔɔ: "'Ke -yoo 'bhε gbεen- bhe, -mele =kla 'bhεε- -Waanbhaa' -o -la 'zi mεε mu ta εε? 'Ke 'kela klele =swa -a zru ni, -de 'gbu -le sɔ -wlenle' 'bhε ma εε?"
- 20'Ee! 'Bhi mεε bhaamale! 'Bhi 'la 'bhi -o 'bhε 'pe zii' 'bhε gbεen- bhe, 'bhi -o 'ke -mela -le 'bhεε- 'yoo- zaabɔ 'zi -Waanbhaa' 'le ma εε? Taa- 'trε gbɔ sɔ -a pele- -a dɔ mi 'ε ni dɔɔ: "-Mele =kla 'bhεε- 'ye 'ŋ =kla -gee' εε?"

- 21'Tre gbɔ dɔ mi 'ɛ 'bhe -le 'laa -o 'ke -pɛɛ 'ɛ zan 'le ɛɛ? 'Ke -za 'la klele =swa -a ni -pɛɛ 'ɛ 'le, -e 'bhɛɛ- kle. 'Yee- -pɛɛ do 'kpɔ 'ɛ 'le, 'ke gbɔ -za -glɔɔ do dɔle =swa -a ni, -e 'bhɛɛ- dɔ; 'duŋ- 'ke gbɔ bhaamale dɔle =swa -a ni, -e 'bhɛɛ- dɔ.
- 22'Bhe klegbeya 'ɛ 'yi, -Waanbhaa' -yaa -a zi 'bhii- -e -yaa' yran 'ɛ zrɔn, 'bhe 'pegee -e -yaa -a zi 'bhii- bhaaplen mu -yaa' -glɔɔya' 'ɛ dɔ. 'Bhɛɛ- 'duŋ-, -yaa' yran 'ɛ 'wlenle- -yaa bhaaplen mu 'la 'kaama-, 'bhɛɛ- 'kee- 'mu =kpaa 'edaŋma gban 'ke nipe 'le bhe, -ya zrubakpalaa 'mu zi 'egbenele.
- 23'Bhɛɛ- mɛɛ 'la zan mu 'yrenklaa= -a ma, 'kee- -yaa zi 'bhii- -ya kle 'bhɛɛ- 'mu -yaa' 'tɔbhɔleya -gbɛɛ 'ɛ dɔ, -e 'mu =kpaa 'edaŋma 'bhɛɛ- 'tɔbhɔleya 'ɛ 'kaama-.
- 24'Bhe klegbeya 'ɛ 'yi 'ezin- bhe, -kɔɔ' mu -le 'yee- -Waanbhaa' mɛɛ 'la zan mu 'siila- 'mu 'le; 'duŋ- yaa -kɔɔ' mu 'siile- Zuufu do -kplen ba, -e -kɔɔ' 'ke mu -siila 'si 'bhɛɛke mu 'ɛ 'mu -la ba 'ezin-.
- 25'Bhii- 'yee- -Waanbhaa' 'gbu 'a =pia -a -lela' janwo mi Oze a 'sewe 'ɛ 'yi gɔnɛ- 'la gbɛɛn- dɔɔ: "'Si 'la yaa -yaa 'an pɛ 'le, 'ŋ nu 'bhe 'siile- 'an 'si. 'Bhɛɛ- 'si 'la -za 'laa -yaa sɔ 'mi ni 'elwale -sɔ, 'ŋ nu -a pele 'bhe ma 'ŋ 'yienii 'la -za sɔ 'ŋ ni.'"
- 26'Bhɛɛ- "-Wa =pia -o ni yre 'la =nɔɔ dɔɔ: "Ka 'laa -o 'an pɛ 'si 'le.' -O nu -a pele -o ma 'bhɛɛ- yre 'ɛ =nɔɔ dɔɔ: '-Waanbhaa' -yre male a -nɛ mu.' "
- 27'Ezin-, -Waanbhaa' -lela' janwo mi Ezai -janwoa 'egloole Izraeli mu 'ɛ ba zayi' dɔɔ: "'Ali- 'ke Izraeli mu 'ɛ -o =kla 'ebebele 'bhii- weyi- 'le ma -yrentrebhe mu gbɛɛn-, 'fɔ mɛɛ -ledɔ' 'la =bwa -o blaana, 'bhe -le nu gole -za 'yi.
- 28-Amasroyi Meezan -Waanbhaa' -jan 'la =woa, -e nu 'bhɛɛ- 'lesole 'ke -ya -leyan' -a ma blaale- 'tre 'ɛ ta -ge."
- 29'Yee- Ezai do 'kpɔ 'ɛ -ya =pia 'ezin- 'elwale gban -sɔ dɔɔ: "'Ke 'o 'yren 'laa 'klale- Meezan -Waanbhaa' -Glɔɔ 'ɛ ma, 'o klu laa -yaa nu bole -a nɔɔ-. 'O 'yaa- nu yanle 'fenfen 'bhii- Sodomu -wa 'ɛ ta mu 'ɛ gbɛɛn-. 'O 'yaa- nu klele 'bhii- Gomɔɔ -wa mu 'ɛ ta mu 'ɛ gbɛɛn-."
- 30'Bhɛɛ- 'o nu -mela pele 'ezin- 'tɛ ɛɛ? 'Si 'bhɛɛke mu 'la waa -yaa -o -ledɔɔleya -glin 'zi -Waanbhaa' -yre 'yi, -Waanbhaa' 'mu -la =kla mɛɛ -ledɔɔle mu 'le 'yee- -Waanbhaa' -yre 'yi 'kpaleya -la ma -a -yi.
- 31'Bhɛɛ- Izraeli -nɛ mu 'ɛ 'yaa- -o 'gbu kleyre -glin 'zi mɛɛ -ledɔɔle mu 'le Moizi a 'Ton 'ɛ -klosikunle ma, 'duŋ- waa 'sɔle- 'tenle -o -yaa 'bhe 'ton 'ɛ 'klosikunle win 'la ma 'bhe ma.
- 32-Mela ma? -Amasroyi Izraeli -nɛ mu 'ɛ waa -ledɔɔleya 'ɛ ziglinle 'kpaleya ma, -o 'kpee ma -o -yaa nu -a -srɔɔwɔle -o kleza -lirele' mu -la ma. 'Bhɛɛ- -e =kla 'bhii- -o gaan -saan kpoti do -la ma, 'bhɛɛ- -o -balaa'.
- 33'Bhii- 'a yɔɔnde -o 'yee- -Waanbhaa' a 'Sewe 'ɛ 'yi gɔnɛ- 'la gbɛɛn- Zesu ba zayi' dɔɔ: "-Ka 'ka 'yrekpa doo, 'mi -o baa- kpoti do bɔ 'zi Sion -wa 'ɛ 'kpee. -E nu klele mɛɛ

'ke mu baa- kpoti 'le. 'Bhɛɛ- -e nu klɛɛ 'ezin- mɛɛ 'ke mu baa- vlɛ -saa 'le. 'Duŋ- 'ke mɛɛ 'la zan 'e =kpaa -a -yi, -Waanbhaa' 'laa nu -yraladɔɛ 'bhɛ zan 'ɛ ma -titi."

Romɛ Mu 10

¹'D nɛɛɛ- mu, 'mi -o pɛ 'la zi 'ŋ zru 'ɛ 'kpen 'le, 'bhɛɛ- 'ŋ 'yoo- 'ŋ 'seriwo zii' -Waanbhaa' ni 'woo- 'ŋ 'siyɔɔn Zuufu mu 'ɛ waa -za 'la ma, 'bhɛ -le dɔɔ 'ke -yoo go -za 'yi.

²Wlan 'ɛ ni, 'mi 'gbu -o 'srɛya- klɛ 'kɛla 'le 'bhɛ -le dɔɔ -o -Waanbhaa' a -za 'ɛ -vavade, 'duŋ- -waa -Waanbhaa' -vavadele 'ɛ kligbaanle laa -o 'yee -Waanbhaa' dɔɛ -kpɔɔɔ 'gbu 'ɛ ta.

³-Amasrɔyi, -Waanbhaa' bhaapɛŋ mu -lɛdɔɔ' -a -yrɛ 'yi gɔnɛ- 'la gbɛɛn-, waa 'bhɛ 'yimale. 'Bhɛɛ- -o -yaa' zi 'bhii- -o -lɛdɔɛ klɛ 'yee -Waanbhaa' -yrɛ 'yi -o 'gbu klɛza -lrele' mu 'ɛ ma. 'Bhɛ klɛgbɛya 'ɛ 'yi, -Waanbhaa' bhaapɛŋ mu -lɛdɔɔ' gɔnɛ- 'la gbɛɛn- -a -yrɛ 'yi, waa dɔɛ 'bhɛ =la.

⁴-Amasrɔyi, Kriɛ -le 'toŋ 'ɛ 'lɛyanyrɛ 'le, 'kooko- 'ke mɛɛ 'oo mɛɛ 'la zan 'e =kpaa 'yee- Kriɛ 'yi, -Waanbhaa' 'bhɛ zan -lɛdɔɔ'.

⁵Bhaapɛŋ -lɛdɔɛ sɔ klɛɛ- gɔnɛ- 'la gbɛɛn- -Waanbhaa' -yrɛ 'yi 'toŋ a pɛ fangan- 'ɛ 'le, Moizi 'bhɛ yɔɔndia=, 'bhɛɛ- -ya =pia dɔɔ: "'Ke mɛɛ 'la zan 'toŋ mu 'ɛ 'yizakla, 'toŋ mu 'ɛ nu -a klɛɛ 'bhɛɛ- 'bhɛ zan bo 'bhɛ 'yrɛ ma."

⁶'Duŋ- bhaapɛŋ -lɛdɔɛ sɔ klɛɛ- -Waanbhaa' -yrɛ 'yi 'kpaleya ma gɔnɛ- 'la gbɛɛn-, 'bhɛ zi 'ɛ 'bhɛ -le -gɛ dɔɔ: "'Yaa 'pele- 'ɛ 'gbu 'kpee dɔɔ: -De 'gbu 'le nu 'sanlɛ- lafle' 'yi ɛɛ?" ('Bhɛ 'yi -le dɔɔ 'kee ge lafle' 'yi, 'kooko- 'ya pɛ Kriɛ ni dɔɔ -e zina- 'trɛ ma).

⁷'Bhɛɛ- 'yaa 'pele- 'ezin- dɔɔ: "-De 'gbu -le nu zinalɛ 'trɛ 'ɛ =la gbaa mu a -wa 'ɛ ta ɛɛ?" ('Bhɛ 'yi -le dɔɔ -o Kriɛ 'wɛn- gale ba).

⁸'Duŋ- -Waanbhaa' a -jan 'ɛ -mɛla pɛ -a ba zayi' ɛɛ? 'Bhɛ pɛ dɔɔ: "-Jan 'ɛ -yoo 'ɛ -din, -yoo 'ɛ 'lii, 'bhɛɛ- -yoo 'ɛ zru 'ɛ 'yi 'ezin-." 'Bhɛ -jan 'ɛ 'bhɛ -le 'o -Jan 'Nrɛle- 'la 'wo zii' mɛɛ mu 'ɛ ni 'kaa -woo 'kpa Zesu 'yi 'bhɛ 'le.

⁹'Kee- -daa 'ɛ 'lii, 'bhɛɛ- 'ke 'ya =pia mɔkpen' 'yrɛ ma kpataakpa dɔɔ Zesu -o 'ke Mɛɛzan 'le, 'bhɛɛ- 'ke 'yee =kpaa -a -yi 'ɛ zru 'ɛ 'kpen 'le 'bhii- -Waanbhaa' 'yela- -bwela gale ba, 'ɛ nu gole -za 'yi 'bhɛ ma.

¹⁰-Amasrɔyi 'ke mɛɛ 'la zan 'e =kpaa Zesu 'yi -a zru 'ɛ 'kpen 'le, 'bhɛ -le 'a klɛ 'bhɛɛ- -Waanbhaa' 'bhɛ zan kun 'bhii- mɛɛ -lɛdɔɛ 'le -a -yrɛ 'yi; 'kee- -daa mɛɛ 'la zan -lii kpataakpa dɔɔ Zesu -o Mɛɛzan 'le, 'bhɛ zan go -za 'yi.

¹¹'Bhii- -a pele -o -Waanbhaa' a 'Sɛwɛ 'ɛ 'yi gɔnɛ- 'la gbɛɛn- dɔɔ: "'Ke mɛɛ 'oo mɛɛ 'la zan 'e =kpaa -a -yi, -Waanbhaa' laa nu -yraladɔɛ 'bhɛ zan 'ɛ ma -titi."

¹²'Bhɛla- -yile, Zuufu mu oo, Zuufu klɛ mu oo, -o 'kedo- 'kpɔ gole laa -o 'eke- ma. Mɛɛzan do 'kpɔ 'ɛ 'bhɛ -le -o 'kpen a pɛ 'le; 'ke mɛɛ 'la zan mu 'kpen 'a 'siila-, -e -za 'wlan mu klɛ 'mu ni 'ebebele.

- 13-Amasrōyi -a yōndele -o -Waanbhaa' a 'Sewε 'ε 'yi dōo: "'Ke mεε 'oo mεε 'la zan Mεεzan -siila, 'bhe zan nu gole -za 'yi."
- 14'Bhεε- 'duŋ-, -o sō -a 'siile -a 'tō 'ε ma 'nale- -a ma 'ke waa -o 'kpale- -a -yi εε? 'Bhεε- -o sō -o 'kpale -a -yi 'nale- -a ma 'ke waa -yaa' -jan 'ε 'male- εε? 'Bhεε- -o sō -yaa' -jan 'ε 'male 'nale- -a ma 'ke mεε 'kedo- 'kpō 'laa 'bhe -jan 'ε 'wole- -o ni?
- 15'Bhεε- -o sō -yaa' -jan 'ε 'wole 'nale- -a ma 'ke waa mεε 'kedo- 'kpō 'winbōle 'bhe 'wole- 'kaama-? 'Bhii- -a pele- -o -Waanbhaa' a 'Sewε 'ε 'yi gōne- 'la gbεen- dōo: "Mεε 'la zan mu -o zan -Jan 'Nrāle- 'ε 'le, -o nuyre nōo- lele!"
- 16'Duŋ- mōkpen' 'laa dōle -Jan 'Nrāle- 'ε =la. Wlan 'ε ni, -Waanbhaa' -lēla' janwo mi Ezai 'a =pia elwale gban dōo: "Mεεzan, 'o -Jan 'Nrāle- 'la =woa, -de 'gbu -le 'ε =kpaa 'bhe 'yi εε?"
- 17'Bhe klegbeya 'ε 'yi, 'ke mεε 'ε 'trōnkpaā -Jan 'Nrāle- 'ε =la, 'bheε- mεε 'kpaleya -srōowo' 'bhe ma. 'Bhe -Jan 'Nrāle- 'ε 'bhe -le 'ke Krisi a -jan 'ε 'le.
- 18'Bhεε- 'duŋ-, 'mi -o -za do -yilrōkpale dōo: Taa- Izraēli mu 'ε waa -Jan 'Nrāle- 'ε 'male- εε? -Wa -maa 'gbu! -Amasrōyi -a pele -o -Waanbhaa' a 'Sewε 'ε 'yi dōo: "-O -weli' 'ε =zian 'trε 'ε ta yrekpēn- =nōo. 'Bhεε- waa -jan mu 'ε =bhwa 'drunyan 'ε -danj' ma yrekpēn- =nōo."
- 19'Bhεε- 'mi -o -za 'bhεεke do 'yilrōkpale 'ezin- dōo: Taa- Izraēli mu 'ε waa -a -yimale εε? -Wa -yimaa 'gbu! -Waanbhaa' -jan =kpaa Moizi 'lii 'elwale 'pe dōo: "'Ka 'laa 'si 'la kun 'bhii- 'si kplankplan, 'mi nu -a klēle 'bhεε- 'ka zranwo 'bhe ba. 'Bhεε- 'ka 'si 'la 'ye 'bhii- mεε yikan' kle, 'mi nu 'kaa- yran 'ε 'wlenle- 'bhe ma."
- 20'Bhεε- -Waanbhaa' -jan =kpaa -a -lēla' janwo mi Ezai 'lii 'ke 'bhe 'a 'pele 'ezin- kpataakpa dōo -Waanbhaa' pe dōo: "Mεε 'la zan mu laa -yaa 'mi ziglin- 'zi, 'mu 'mi =ya. 'Bhεε- mεε 'la zan mu laa -yaa -za 'kedo- -yrewō' zii' 'η ma, 'mi 'η 'gbu -zrōnna 'mu ni."
- 21'Duŋ- -Waanbhaa' 'a =pia Izraēli mu 'ε ba zayi' dōo: "'Mi 'η gbe 'tro zii' 'si do ba 'yi 'oo yi 'kaa -o nu 'mi ba; 'duŋ- waa nule. -O 'mi 'kafawo, 'bheε- -o -wlenle' -o 'mi ma."

Romε Mu 11

- 1'Bhe ya 'ε 'yi, 'mi -o -jan 'yilrōkpale 'tε dōo -Waanbhaa' 'ε -bangwa -yaa' Izraēli mu 'ε 'yi εε? 'Sekeseke! -Amasrōyi 'mi 'gbu -o 'ke Izraēli -nε 'le, 'bhεε- 'η 'yoo- 'ke Abraamu 'nranε- mu 'ε do 'le, 'bhεε- 'η da Benzame a -gbaa 'ε 'lii.
- 2-Waanbhaa' -yaa' mεε mu 'la makwan-, 'bhεε- -yoo =kla -yaa' pe 'le 'drunyan klēle -lεε, yaa -a -bangole 'mu 'yi. -A -lēla' janwo mi Eli 'bhe 'la ma janwoa- -Waanbhaa' ni Izraēli mu 'ε ba zayi' 'yee- -Waanbhaa' a 'Sewε 'ε 'yi yre 'la =nōo, 'ka 'laa 'bhe dō εε?
- 3-Ya =pia dōo: "Mεεzan -Waanbhaa', -woo' 'ε 'lēla= janwo mu 'ε =dia, 'bhεε- -o 'yaa- 'srakagoyre mu 'ε 'siēla-. 'Mi do -kplēn 'kpō -le =bwa, 'bhεε- -woo 'η deyre -glin 'zi."

- 4'Duŋ- -Waanbhaa' 'a zikpaa- -a ni 'nale- εε? -Waanbhaa' 'a =pia -a ni dɔɔ: "'Bhi do - kplɛn 'kpɔ 'laa bole. 'Mi mɛɛ 'waa 'srwaplɛ- =kpaa 'edanma 'ŋ 'gbu ni. 'Mu do 'kpɔ 'laa 'mu 'kpɔ zenlɛ waa yo Baali 'ɛ 'lɛɛ 'bhɛɛ- -wa gba."
- 5'Bhɛ klɛgbɛya do 'kpɔ 'ɛ 'yi 'ezin-, -kɔɔ' -o 'waati 'la 'yi -zɔn -gɛ bhɛ, Izraɛli mɛɛ -lɛ sanɛ- =bwa ye, 'yee- -Waanbhaa' mɛɛ 'la zan mu makwan- -yaa' -lileya 'ɛ ma 'mu -lɛ 'bhɛ 'lɛ.
- 6-Waanbhaa' -o makwan- -yaa' -lileya -la ma; yaa 'bhɛ klɛlɛ -o klɛza -lɛlɛ' mu 'ɛ ma. (('Kebhlaale -Waanbhaa' a -lileya 'ɛ 'bhɛ 'laa -yaa nu klɛlɛ -li -lileya kplankplan 'lɛ.))
- 7'Bhɛɛ- 'bhɛ 'yi -o 'nale- εε? 'Bhɛ 'yi -lɛ dɔɔ Izraɛli mu 'ɛ 'yaa- pɛ 'la ziglin- 'zi, waa 'bhɛ 'srɔɔwolɛ, 'fɔ -Waanbhaa' mɛɛ 'la zan mu makwan- 'mu do -kplɛn -lɛ 'bhɛ pɛ 'ɛ 'srɔɔwoa-. -E mɛɛ -vin mu 'ɛ 'trɔn 'yi -dwa 'eglɔɔlɛ 'kooko- waa sɔ -jan 'yimale.
- 8'Bhii- -a yɔɔndɛlɛ -o -Waanbhaa' a 'Sɛwɛ 'ɛ 'yi gɔnɛ- 'la gbɛɛn- dɔɔ: "-Waanbhaa' - gblo -kpaa -o nii- 'ɛ ta, 'kooko- waa sɔ yrɛ ma yele-. 'Bhɛɛ- 'kooko- waa sɔ -jan 'male - o 'trɔn mu 'ɛ 'lɛ. -E =kla 'bhɛɛ- gbɛɛn- 'ke 'bhɛ nu 'tɛnlɛ- -zɔn ma."
- 9-Bhlɛngbɛ Davidi 'a =pia 'ezin- -Waanbhaa' a 'Sɛwɛ 'ɛ 'yi dɔɔ: "Bhaa -o pɛ mu 'la bhle 'ɛke- ba, 'mu klɛ 'bhii- -o 'gbu 'kun bhɛɛ 'lɛ, 'bhɛ 'pɛgɛɛ -o 'gbu 'kun yrɔ 'lɛ, 'bhɛɛ- 'bhɛ klɛ -o 'gbu baa- pɛ 'lɛ; 'bhɛ 'pɛgɛɛ 'bhɛ klɛ -o klɛza -yɔɔ' 'ɛ ma -sra 'lɛ.
- 10'Bhaa -gblo kpa -o -yrɛ mu 'ɛ ta, 'bhɛɛ- waa sɔ yrɛ ma yele-. 'Bhɛɛ- bhaa -o -kwa 'klulɛ- bo -o ta -yren 'ɛ 'kɔɔ 'tanjii."
- 11'Mi -o -jan 'yilrɔkpale 'tɛ dɔɔ: Izraɛli mu 'ɛ gaan 'sanlawoa pɛ ma, 'bhɛɛ- -o baalawoa -za 'yɔɔ- 'yi, waa sɔ -o -lawlɛnle 'ezin- -li εε? 'Yooye-! 'Duŋ- -o -balaa' -za 'yɔɔ- 'yi, 'kooko- 'bhɛ klɛ 'si 'bhɛɛke mu goza 'lɛ -za yi; 'bhɛɛ- 'kooko- 'ke 'bhɛ =kla, 'woo- Izraɛli mu -o zranwo 'mu ba.
- 12'Bhɛ ya 'ɛ 'yi, 'ke Izraɛli mu 'ɛ baaza 'ɛ -za 'yɔɔ- 'yi, 'bhɛ =kla -trɔn -gbɛnɛ 'lɛ 'drunyan 'yi mɛɛ mu 'ɛ ma, 'bhɛ 'pɛgɛɛ 'ke -Waanbhaa' -o mazinalawoa 'bhɛ =kla 'si 'bhɛɛke mu 'ɛ ma -trɔn -gbɛnɛ 'lɛ 'ezin-, 'bhɛɛ- 'ke -o 'kpen 'niinaa 'bhɛɛ- -o =nwa - Waanbhaa' ba 'lɛ εε? 'Bhɛ 'laa nu klɛlɛ -za 'wlan -gbɛnɛ 'lɛ 'ke 'bhɛ kan -za -vin mu 'ɛ 'kpen ta εε?
- 13'Mi -o zan -janwolɛ 'ka mu Zuufu klɛ mu 'ɛ ni. -Waanbhaa' 'mi =kla Zesu a 'winbɔwo mi 'lɛ Zuufu klɛ mu 'ɛ ba; 'mi 'ŋ 'gbu baa 'bhɛ ye 'ɛ 'yi.
- 14'Kooko- 'bhɛ klɛgbɛya 'ɛ 'yi, 'ke 'bhɛ sɔ klɛlɛ-, 'mi a pɛ winbɔza 'ɛ Zuufu klɛ mu 'ɛ ba 'bhɛ 'a klɛ 'bhɛɛ- 'an pɛ 'si mu 'ɛ -o zranwo 'mu ba, 'bhɛɛ- -o 'ke mu go -za 'yi.
- 15-Amasrɔyi -Waanbhaa' 'woo- Izraɛli mu 'ɛ 'tolawoa -a nɔɔ-, 'kee- 'yee- 'gbu 'pɛgɛɛ 'drunyan 'yi mu 'ɛ 'kpale do ma. 'Bhɛɛ- 'ke -Waanbhaa' 'ɛ gbɛdɔ gbɛ drɛɛwoa- -woo Izraɛli mu 'ɛ =la 'waati 'la ba, 'bhɛɛ- 'ke -yoo -kpaa -o 'kpayrɛ- -lwa 'ɛ =nɔɔ 'lɛɛ εε? 'Bhɛ nu klɛlɛ 'bhii- gbaa mu -bwele gale ba kpataakpa 'lɛ, 'bhɛɛ- -o bo -o -yrɛ ma.

- 16'Ke -o 'bluu kpu =lwa 'ε 'bhe =naa -Waanbhaa' ni 'sraka 'le, 'bluu 'ε 'kpen kle -Waanbhaa' a pe 'le, 'bhεε- -ya kle 'wenj. 'Ke -o -yri do 'sene mu 'ε =kpaa 'edanma -Waanbhaa' ni, -a gbe mu 'ε 'mu kle 'ezin- 'wenj -Waanbhaa' a pe 'le.
- 17'Izraeli mu 'ε -woo 'bhii- -wa 'kpee olivi diinj do gbεen-, 'bhεε- -Waanbhaa' 'bhe gbe mu 'ε 'ke takaan-. 'Bhi 'la 'bhi 'laa -o 'ke Zuufu mi 'le, 'bhεε- 'yoo- 'bhii- -bɔn 'yi olivi diinj gbe do gbεen-. -Waanbhaa' 'bhi -dwa -o 'yee- -wa 'kpee olivi -yri gbe mu 'ε takaan- yre 'la =nɔɔ 'bhe 'lii. 'Bhe 'yi, -wa 'kpee olivi diinj 'ε 'sene mu 'ε -yi 'la 'mi zii', 'bhe -o 'bhi 'lɛbɔ- 'zi 'ezin-.
- 18'Bhɛla- -yile, -Waanbhaa' olivi gbe =lwa mu 'la takaan-, 'bhεε- -e 'bhi -dwa 'mu 'lii, 'yaa 'mu mavεε. 'E sɔ 'e 'gbu 'wasowole 'nale- -a ma εε? 'Bhεε- 'ke 'yee 'wasowoa, -a 'yaango- 'bhii- 'bhi 'laa -o -yri 'sene 'ε 'kwe 'si zii', 'duj- 'bhe -le 'bhi 'kwe 'si zii'.
- 19'E nu a pele 'tε dɔɔ: "-Waanbhaa' 'woo- -yri gbe mu 'la bhe -o takaan-, 'kooko- -e 'mi dɔ -o -yaa yre 'la =nɔɔ- 'bhe =nɔɔ."
- 20'Wlan -le 'bhe 'le! -Woo takaan- -waa' 'kpalekleya -la ma -Waanbhaa' 'yi. 'Bhεε- 'bhi -o -o dɔyre 'ε =nɔɔ, 'e 'kpaleya -la ma -Waanbhaa' 'yi. 'Duj- 'yaa 'e 'gbu 'wasowole, 'bhεε- -gblaan' -Waanbhaa' -lεε!
- 21-Amasɔyi -Waanbhaa' laa 'tole- Zuufu mu 'ε ma gɔnε- 'la gbεen-, 'bhe mu 'la 'mu -o 'ke olivi gbe -kpɔsɔɔ mu 'gbu 'ε 'le, 'e 'yrekpa 'e 'gbu ba 'elrele, 'kebhlaale yaa nu -a 'tole- 'bhi ma -titi.
- 22-Waanbhaa' a wlanya 'pegee -yaa' mεε mu 'kitikan gbeya -glɔɔ 'ε -glin doo: Mεε 'la zan mu -balaa' 'bhεε- 'mu -gwa -yaa' zi 'ε ta, -e 'mu 'kitikan 'eyɔɔtile. 'Duj- -yoo 'ewlanle 'bhi ma, 'kee 'gbu 'duj- =bwa -yaa' wlanya 'ε 'yi; 'kebhlaale, -e nu 'bhi takanle 'ezin- 'bhii- -o -yri gbe takan gɔnε- 'la gbεen-, 'bhεε- -yee' go 'e dɔyre 'ε =nɔɔ.
- 23'Duj- 'ke Zuufu mu 'ε -gwa -waa' 'kpalekleya zi 'ε ta, -Waanbhaa' nu -o 'sɔ gbe drεewole -o blɔle- -yaa olivi diinj 'ε ma yre 'la =nɔɔ 'elwale -sɔ 'bhe =nɔɔ. -Amasɔyi 'bhe 'sej -o -Waanbhaa' ni 'ke 'bhe -o blɔɔ gbe drεewo 'ezin- olivi diinj 'ε ma.
- 24'Bhi 'la 'bhi 'laa -o 'ke Zuufu mi 'le, 'bhεε- 'ke 'yoo- 'bhii- -o -yri gbe 'la takaan- -bɔn 'yi olivi diinj do ma, 'bhεε- -o =nwa 'e blɔle -wa 'kpee olivi diinj -kpɔsɔɔ do 'gbu ma; 'bhεε- 'duj- 'ka 'laa -o -yri diinj -glɔɔn do 'le. 'Bhεε- Zuufu mu 'ε, -woo -wa 'kpee olivi diinj gbe -kpɔsɔɔ mu 'gbu 'ε 'bhεε- 'le, 'ke -wa =pia -woo blɔɔ gbe drεewole -o -yaa -yri diinj 'la ma 'elwale 'bhe ma, 'bhe 'laa -o 'ke -za 'di 'le -Waanbhaa' 'kɔɔ εε?
- 25'D nεεnε- mu, 'η 'yoo- -a zi 'bhii- 'ka gaanyi' wlan do 'lεε- dɔ, 'kooko- 'ka 'laa 'ka 'gbu kun 'bhii- -zadɔ' mεε mu gbεen-. 'Bhe gaanyi' wlan 'ε 'bhe -le dɔɔ Izraeli mu 'ε 'ledo- laa nu 'sɔle- -o 'kpale Krisi 'yi, 'sani 'ke -Waanbhaa' Zuufu kle mu -lii yεkε- 'la makwan- 'mu 'kpen niinaa' -Waanbhaa' ba 'elwale 'pe, 'bhεε- -woo kpa a -yi.
- 26'Bhe 'waati 'ε ba 'tε, 'bhεε- Izraeli mu 'ε 'kpen nu gole -za 'yi, 'bhii- -Waanbhaa' a 'Sewe 'ε -ya =pia gɔnε- 'la gbεen- dɔɔ: "Mεε -Bhee Mi 'ε nu dale Sion -wa 'ε 'bhεε- ta, -e nu Zakɔbu 'srε mu 'ε waa -ledɔkleya maza mu 'ε gole -o -yi.

- 27-Bhoolaya 'la 'mi nu 'bhe dɔle 'woo- 'pegee 'mi 'pleŋ-, 'bhe -le bhe, 'ke 'ŋ -waa' -za 'yɔɔ- 'kwe mu 'ε -gwa -o wiŋ- 'waati 'la ba.”
- 28'Ke -wa =sia 'woo- Izraeli mu 'ε waa dɔlawole -Jan 'Nrɛ- 'ε =la 'bhe zi, -woo ye 'bhii- -Waanbhaa' -sɔɔnnii' mu; 'duŋ- 'bhe =kla 'trɔn- le 'ka mu Zuufu kle mu 'gbu 'ε ma. 'Bhɛɛ- 'duŋ-, 'ke 'wa =sia -Waanbhaa' Zuufu mu 'ε makungbeya 'ε zi, 'wa 'ye 'bhii- 'woo- Zuufu mu 'ε 'wola- -za sɔ 'tanji -Waanbhaa' ni -o -gbɔɔ mu 'ε -zayi'.
- 29-Amasɔyi 'ke -Waanbhaa' mɛɛ -gbaa pɛ 'la ba, yaa zru mabɔɔ, 'bhɛɛ- -e 'bhe pɛ 'ε kun 'bhe mɛɛ 'ε 'kɔɔ. 'Bhɛɛ- -e mɛɛ 'la zan mu -siila, yaa -a -liiwli' mabɔɔ 'mu ma -titi.
- 30'Elwale -sɔ, 'ka mu -yaa -Waanbhaa' -weli' 'ε 'kafawo. 'Bhɛɛ- 'woo- Izraeli mu 'ε -o -Waanbhaa' -weli' 'la 'kafawo, 'bhe -le 'a =kla 'bhɛɛ- 'ka 'yrenklaa= -Waanbhaa' ma -zɔn 'tɛ.
- 31'Bhe klɛgbeya do 'ε 'yi, 'woo- mu -Waanbhaa' -weli' 'ε 'kafawo -zɔn, 'kooko- 'ka mu -yrenkla' 'ezin- -Waanbhaa' ma. 'Duŋ- 'ka mu -yrenklaa= -Waanbhaa' ma gɔnɛ- 'la gbɛɛn-, 'woo- mu -yren nu 'klalɛ- -a ma 'bhɛɛ- gbɛɛn- 'ezin-.
- 32-Amasɔyi -Waanbhaa' bhaapleŋ mu 'kpen =kla -a 'kafawo mu 'le, 'kooko- -o 'kpen 'yrenkla- -a ma 'ezin-.
- 33'Ee! Wlan 'ε ni, -Waanbhaa' a pɛzanya 'ε 'pegee -yaa' zadɔleya, 'bhɛɛ- yaa -zayaangole 'ε -daŋ' 'laa -o 'mu ma! -Yaa' -za ledulagbeya 'ε 'bhe -o 'egbenele 'ke 'bhe kan bhaapleŋ a -zadɔleya 'ε ta. 'Bhɛɛ- -yaa' zi mu 'ε 'yimale la bhaapleŋ ta.
- 34'Bhii- -a yɔɔndɛle -o 'yee- -Waanbhaa' a 'Sewɛ 'ε 'yi gɔnɛ- 'la gbɛɛn- dɔɔ: "-De 'gbu -le Mɛzan -Waanbhaa' 'kpeejan- 'ε dɔ ɛɛ? 'Bhɛɛ- -de 'gbu -le sɔ klele- -a -lia mi 'le ɛɛ?
- 35-De 'gbu -le pɛ =naa 'yee- -Waanbhaa' ni 'elwale 'pɛ ɛɛ, 'bhɛɛ- 'ke 'bhe kle 'bhii- 'bhe zan a ca 'le -a ma ɛɛ?”
- 36'Mɛɛ 'kedo- 'kpɔ! -Amasɔyi pɛ 'kpen da 'yela- ba, 'bhɛɛ- pɛ 'kpen -o 'bhe 'yɛ ma 'yela- -sɔyi', 'bhɛɛ- 'yele- a pɛ -le pɛ 'kpen 'le. Bhaa 'tɔbhɔleya bo 'yee- -Waanbhaa' ni yikpensee ta! Amiina.

Romɛ Mu 12

- 1'D nɛɛnɛ- mu, -kɔɔ' 'yrenklalawo -Waanbhaa' ma 'egbenele bhe, 'mi -sromabɔ 'ka ni dɔɔ -ka 'ka 'gbu 'na -Waanbhaa' ni 'bhii- 'sraka gope -yɛmale mu, 'ke 'ka bo 'edanma -a ni 'weŋ, 'bhɛɛ- 'ka sɔ -a ni. 'Ke 'ka 'bhe =kla, 'bhe -le nu klele -a gba gbeya wlan 'ε 'le.
- 2'Kaa- 'taawogbeya 'ε yaa klele 'bhii- 'drunyan 'lɛɛ- 'yi mu 'ε -waa' pɛ 'ε gbɛɛn-. 'Duŋ- -kaa 'to 'ke -Waanbhaa' 'ka mabɔɔ, 'bhɛɛ- -e 'kpeeledangbeya drɛɛ na 'ka ni. 'Ke 'bhe =kla, -Waanbhaa' zru maza 'ε, 'bhe 'pegee -za 'wlan 'ε, 'bhɛɛ- -za 'la 'bhe sɔ -a ni, 'bhe 'pegee -za 'la 'bhe 'lɛpale -o, 'ka nu 'mu dɔle.
- 3-Waanbhaa' 'seŋ 'la =naa 'mi ni -yaa' -lileya 'ε 'yi 'ŋ ma 'bhe 'sɔyi, 'mi -o 'ka =lia zii' 'ke 'an pɛ 'ka 'kpen do do ni dɔɔ 'ka 'laa 'ka 'gbu 'yele- mɛɛ gbalaan 'le 'ke 'bhe kan -a -

danj' ta. Drɔɔn' mavɛɛleya zru -le klɛ 'ka 'kɛn do do 'yi. -Waanbhaa' 'seŋ yɛkɛ- 'la =naa 'ka ni, 'kaa- 'kpaleya 'ɛ 'srɔyi -a -yi, -ka 'bhɛɛ- wlata za klɛ.

⁴Bhii- bhaaplɛŋ 'flɛ 'ɛ -yoo do gɔnɛ- 'la gbɛɛn-, 'bhɛɛ- -a dɔpɛ mu 'ɛ -woo 'ebebele; 'bhɛɛ- 'mu 'kɛn do do woye 'ɛ gole -o 'eke- ma gɔnɛ- 'la gbɛɛn-.

⁵Bhɛ klegbeyaya do 'ɛ 'yi, -kɔɔ' mu Zesu 'yi mu 'ɛ, -kɔɔ' -o 'ebebele; 'duŋ- -kɔɔ' 'kpale- 'la -yoo do ma Krisi 'yi, -kɔɔ' -o 'bhii- mɛɛ do. -Kɔɔ' blɔɔle -o 'eke- ma do do 'bhii- mɛɛ dɔpɛ mu 'ɛ blɔɔle -o 'eke- ma gɔnɛ- 'la gbɛɛn-.

⁶-Waanbhaa' =lia -kɔɔ' ma, 'bhɛɛ- -ɛ 'seŋ mu =naa -kɔɔ' 'kɛn do do ni, 'bhɛ 'seŋ mu 'ɛ gole -o 'eke- ma. -Ya -lɛlajanwole 'seŋ =naa mɛɛ 'la zan ni, 'bhɛ zan 'ɛ 'kpale- -o -Waanbhaa' 'yi gɔnɛ- 'la gbɛɛn-, 'bhɛ 'bhɛ 'seŋ 'ɛ wlata za klɛ.

⁷'Ke -Waanbhaa' 'seŋ =naa mɛɛ 'la zan ni 'ke 'bhɛ yewo 'bhɛ -vin mu 'ɛ ni, 'bhɛ zan 'bhɛ ye 'ɛ 'wo. 'Kee- mɛɛ daan 'seŋ =naa 'kɛla ni, 'bhɛ zan mɛɛ mu daan.

⁸'Kee- 'seŋ =naa mɛɛ 'la zan ni 'kaa 'bhɛ zruwla mɛɛ mu 'kpee, 'bhɛ zan bo 'bhɛ klɛle ma. 'Kee- 'seŋ =naa 'kɛla ni 'kaa 'bhɛ bhɔ mɛɛ mu ba 'bhɛ 'kɔɔpɛ- mu 'le, 'bhɛ zan 'ɛ gbɛ ta klɛ taataa. 'Kee- 'seŋ =naa mɛɛ 'la zan ni 'kaa 'bhɛ klɛ mɛɛ mu -lɛdɔɔ' mi 'le, 'bhɛ zan 'bhɛ ye 'ɛ 'wo 'bhɛ 'nii- 'ɛ 'kɛn 'le. 'Kee- 'seŋ =naa 'kɛla ni 'kaa 'bhɛ 'bhɔ -yɛn ma mɛɛ mu ba, 'bhɛ zan 'bhɛ klɛ 'bhɛ zrukpaalele.

⁹'Kaa 'eke- ba 'sɔniya 'ɛ, 'bhɛ 'laa klɛlɛ mɛɛ -yɛkɔɔza klɛle 'le. -Za 'la 'bhɛ 'laa lele 'bhɛ klɛle vɛnsi 'ka yin 'lii, 'bhɛɛ- 'ka blɔɔle bo -za 'wlan klɛle ma.

¹⁰'Ka -za sɔ 'eke- ni 'bhii- nɛɛnɛ- ma do mu. 'Bhɛɛ- 'ka 'kɛn do do -gasikpa 'eke- -lɛɛ 'eke- -vavadelele 'taŋii.

¹¹'Ka 'laa lrwawole, 'duŋ- -ka yewo 'egblɔle. -Ka yewo Mɛɛzan ni 'ka 'nii- 'ɛ 'kɛn 'le.

¹²'Ka zrukpaale klɛ 'ka 'yrikpale 'la -yoo -Waanbhaa' ta 'bhɛ -zayi'. -Ka -yɛn 'yikun 'ka zrubakpaale 'le, 'bhɛɛ- 'ka blɔɔle bo 'ka 'seriwole ma.

¹³-Ka bhɔ 'ka nɛɛnɛ- Zesu 'yi mu 'ɛ ba. 'Bhɛɛ- mɛɛ 'la zan mu nu 'ka ba, -ka 'mu 'cie 'si 'elrele.

¹⁴Mɛɛ 'la zan mu -o -yɛnkpa' zii' 'ka ta, -ka 'dumawo 'bhɛ zan mu 'ɛ ni. -Kaa pe -Waanbhaa' ni dɔɔ 'bhɛ -o -dɔɔbo', 'duŋ- 'ka 'laa bhaa -yɔɔle' -o ma.

¹⁵'Ke mɛɛ 'la zan mu zrukpaale -o, 'ka mu 'pegee 'bhɛ zan mu zrukpaale klɛ 'eke- zi. 'Ke 'kɛ mu la 'mu -o wisi' zii', 'ka 'pegee 'mu wisi' 'eke- zi.

¹⁶-Ka bo 'eke- 'yi 'ɛdɔɔle. 'Ka 'laa 'ka 'gbu magbaandɛɛ 'eke- ma, 'duŋ- 'ka zru bhɔ mɛɛ mazinaza -la zi. 'Ka 'laa 'ka 'gbu 'kunlɛ- -zadɔ' mu 'le.

¹⁷'Ke mɛɛ -za 'yɔɔ- =kla 'ka ni, 'ka 'laa 'bhɛ -zigole 'bhɛ zan ma 'ke -za 'yɔɔ- 'le. -Ka dɔ klɛn 'ke 'ka -za 'wlan -la klɛyɛ glin mɔkɛn' 'yɛ ma.

¹⁸'Ke 'bhɛ sɔ klɛle-, 'ke -a -danjo' 'ka mu -la ma, 'ka 'pegee mɛɛ mu 'ɛ 'kɛn bo yilabla 'yi 'eke- 'yi.

19'D 'yienii mu, 'ke mɛɛ do -za 'yɔɔ- =kla 'ka ni, 'ka 'laa 'bhe -zigoyɛ -glinlɛ' 'bhe zan 'ɛ ma. -Ka 'kaa- -za -zigole 'ɛ 'to -Waanbhaa' 'kɔɔ. -Amasɔyi -a yɔɔndeɛle -o -yaa' 'Sewɛ 'ɛ 'yi dɔɔ: "'Mi Mɛɛzan -Waanbhaa' pe dɔɔ 'mi -le nu 'kaa- -za mu 'ɛ -zigole, 'mi 'gbu -le nu -waa' -za 'yɔɔ- mu 'ɛ 'wlata- -sra 'nalɛ- -o ni."

20'Bhɛɛ- -a yɔɔndeɛle -o 'yee- -Waanbhaa' a 'Sewɛ 'ɛ 'yi 'ezin- dɔɔ: "'Ke gbɔn -o 'e 'sɔɔnnii 'ɛ dɛ 'zi, pɛbhle na -a ni. 'Ke -yi 'mi -lrɔ -o -a ma, mi yi na -a ni. 'Kee- 'bhe =kla 'bhe gbɛɛn- bhe, -e nu klɛɛ 'bhii- 'yoo- -yrala' gbɔ -la dɔ 'zi -a wiinj- 'bhe klɛgbeya 'ɛ gbɛɛn- bhe."

21'Yaa klɛɛ 'ke -za 'yɔɔ- 'senjo- 'kee 'le. 'Duŋ- dɔ klɛn 'kee- -za 'wlan klɛ 'bhɛɛ- 'e 'senjo- 'ke -za 'yɔɔ- 'le.

Romɛ Mu 13

1'Mɛɛ 'oo mɛɛ, 'bhe 'bhe ŋgblo 'kpala 'bhe ta mɛɛ gbɛɛn mu 'ɛ =la. -Amasɔyi gbɛɛn mu 'kpɛn da -Waanbhaa' -la ba. Mɛɛ gbɛɛn mu 'la 'kpaale- -o bhaapɛŋ mu 'ɛ 'wiinj-, 'mu da -Waanbhaa' -la ba.

2'Bhɛɛ- -zayile, 'ke mɛɛ 'oo mɛɛ 'la zan -wlenna -a ta mɛɛ gbɛɛn 'ɛ ma, 'bhe zan -wlenna- -Waanbhaa' a mɛɛ 'kpagbeya 'ɛ 'bhɛɛ- ma. 'Bhɛɛ- 'ke mɛɛ 'la zan mu -o -banjo- -Waanbhaa' a mɛɛ 'kpagbeya 'ɛ 'yi, 'bhe zan mu -Waanbhaa' a -kpan 'ɛ baa- yre -la -glin 'zi -o 'gbu ta 'bhe gbɛɛn- bhe.

3'Wlan 'ɛ ni, 'ke 'bhi 'la -za 'wlan klɛ, mɛɛ gbɛɛn mu laa -o 'ke -gbɛɛn pɛ 'le 'bhi 'kɔɔ; 'duŋ- 'ke 'bhi 'la -za 'yɔɔ- klɛ, 'bhi -le gbɛɛn mɛɛ gbɛɛn mu 'ɛ -lɛɛ. 'Yoo- -a zi 'bhii- 'yaa -gbɛɛn' 'e ta mɛɛ gbɛɛn 'ɛ 'lɛɛ ɛɛ? 'Bhe 'yi, -za 'wlan klɛ, 'bhɛɛ- 'woo- mɛɛ gbɛɛn mu 'ɛ -o nu 'e 'tɔ wlan pɛɛ.

4-Amasɔyi mɛɛ gbɛɛn mu 'ɛ -woo yewo 'zi -Waanbhaa' ni 'bhi 'gbu -la -nrayiza 'yi. 'Duŋ- 'ke 'yoo- -za 'yɔɔ- klɛ 'zi, gbɛɛn -o -lɛɛ. -Amasɔyi 'sej 'la 'bhe -o 'kɔɔ, 'bhe 'laa -o -o 'kɔɔ bhaama; 'bhe -o 'kɔɔ mɛɛ 'krowo zayi' -za 'yɔɔ- klɛɛ ma. -Woo yewo 'zi -Waanbhaa' -la ni; -o -yaa' yran 'ɛ zɔɔn mɛɛ 'la zan -o -za 'yɔɔ- klɛ 'zi 'bhe zan 'ɛ ni -a 'krowole.

5'Bhɛɛ- -zayile, 'bhe -o 'ke -za 'lrele- 'le 'ke 'ka 'ka ŋgblo 'kpala mɛɛ gbɛɛn mu 'ɛ =la. 'Ka 'laa 'bhe klɛɛ dɔɔ, 'kooko- -Waanbhaa a yran laa tɛn 'ka ma. 'Duŋ- -ka 'ka ŋgblo 'kpala -o =la, -amasɔyi 'ka 'gbu 'a dɔ 'ka 'nii- 'yi 'bhii- -za 'lrele- -le 'kɛɛ-.

6'Bhɛɛ- -zayile 'ezin-, 'ka 'nisra mu 'ɛ gbawo. -Amasɔyi mɛɛ gbɛɛn mu 'la -woo 'bhe ye 'ɛ 'wo zii', -Waanbhaa' -le -o =bwa 'bhe ye 'ɛ ta, 'kaa -wa wo 'elrele 'ke -wa -lɛyan' -a ma.

7'Kɛɛ 'bhe -o 'ka 'kpɛn do do gbawo, -ka 'bhɛɛ- klɛ: -Ka 'nisra -gloɔn 'ɛ 'kpɛn gbawo 'ka sɔ -o gbawole mɛɛ 'la zan mu ni 'mu -la 'kɔɔ. -Ka -gbɛɛn mɛɛ 'la zan -o 'ke -gbɛɛn' 'le 'bhe 'lɛɛ; mɛɛ 'la zan -o 'ke -gasikpa pɛ 'le, -ka -gasikpa 'bhe zan 'ɛ 'lɛɛ.

⁸'D nɛɛnɛ- mu, 'ke yaa 'e go 'ka -za 'sole 'eke- ni 'e 'bhe ba, mɛɛ -bhɛɛke' do 'kpɔ a ca laa klɛɛ 'ka ma -titi. -Amasrɔyi 'ke mɛɛ -za sɔ mɛɛ 'la zan ni, 'bhe zan -Waanbhaa' a 'toŋ mu 'e 'klosikun 'ke -ya -leyan' -a ma 'bhe gbɛɛn- bhe.

⁹Wlan 'e ni, Moizi a 'Toŋ mu 'la -wa pe dɔɔ: "'Yaa -yanbhɔɔya klɛɛ, 'yaa mɛɛ deɛ, 'yaa -faanwoɛ, 'e 'yre 'laa 'bhɔɛ- mɛɛ 'kɔɔ pɛ zi." 'Bhe 'pegee 'toŋ -vin mu 'e 'kpen 'lewla -jangɔ' do 'kpɔ 'e 'bhe -le -gɛ dɔɔ: "'E -vindo' mi -za sɔ 'e ni 'bhii- 'e -za sɔ 'e 'gbu ni gɔnɛ- 'la gbɛɛn-."

¹⁰'Kee -vindo' mi -za sɔ 'e ni, yaa -za 'yɔɔ- 'kedo- 'kpɔ klɛ -a ni. 'Ke mɛɛ mu -za sɔ mɛɛ 'la zan ni, 'bhe zan -Waanbhaa' a 'toŋ mu 'e 'klosikun 'ke -ya -leyan' -a ma.

¹¹-Ka 'bhe -jan mu 'la bhe 'mu 'kun 'elrele, -amasrɔyi 'waati 'la =bhwa -zɔn -gɛ, 'ka 'gbu 'bhe 'waati 'e dɔ. 'Ka bwe 'waati 'e =bhwa 'kaa- yi 'e pla, -amasrɔyi -Waanbhaa' nu -kɔɔ' goɛ -za 'yi yi 'la 'le 'bhe yi 'e =bhwa gban -wa -din, yaa -o -li 'egbɔɔnle -kɔɔ' ma, 'bhii- -e -yaa -kɔɔ' ma gɔnɛ- 'la gbɛɛn- -kɔɔ' 'kpale- 'e zisan' bhla 'e zi Krisi 'yi.

¹²-Bi 'e =bhwa gban 'egbɔɔnle, 'bhɛɛ- too -o zan 'klinɛ-. -O klɛza mu 'la klɛ -gblo 'yi, -kɔɔ' 'plo- 'mu ma; 'bhɛɛ- -kɔɔ' 'tɛbhile ba gwledanpɛ mu 'kla -kɔɔ' ta.

¹³-Kɔɔ' 'taawogbɛya 'e bakanle klɛ 'bhii- mɛɛ 'la zan mu -o 'taawo zii' -yrekpa' -o 'taawogbɛya 'e -yoo gɔnɛ- 'la gbɛɛn-. -Kɔɔ' -kɔɔ' 'gbu 'klosikun 'elrele, -kɔɔ' 'laa -kɔɔ' 'taakpale pɛbhle -gbɛɛ -gbɛɛ bhlele zi, 'bhe 'pegee -wɛɛn 'mile- zi. -Kɔɔ' -kɔɔ' 'gbu 'klosikun -yraladɔ maza mu 'flɛn oo, -yanbhɔɔya za mu oo, gwledanle 'pegee zranwole, 'mu 'kpen ma.

¹⁴'Ka -si drɛɛ 'la 'srɔɔwoa= Mɛɛzan Zesu Krisi 'srɔyi, -ka 'bhe 'kla 'ka ta 'bhii- 'ka -baape' 'le. 'Ka 'laa 'tolɛ- 'ke 'ka bo 'taawole ma 'ka 'gbu zru maza 'e ta, 'ke 'ka 'ka 'gbu zrubhɔ maza mu klɛ.

Romɛ Mu 14

¹'D nɛɛnɛ- mu, 'ka ba mɛɛ 'la zan 'kpaleya 'e -Waanbhaa' 'yi 'bhe 'laa -o 'eglɔɔle, -ka 'bhe zan 'kun 'elrele. 'Ke -yaa' pɛ 'kpeejan- 'e goɛ -o 'kaa- pɛ mu 'e ma, 'ka 'laa 'a 'tɔpɛɛ 'bhe -zayi'.

²Mɛɛ 'ke 'kpee ma, pɛbhle 'tɔɛ- pɛbhle, 'bhe -o 'ke bhlepɛ 'le. 'Duŋ- mɛɛ -bhɛɛke' 'la 'kpaleya 'e -Waanbhaa' 'yi, 'bhe 'laa -o 'eglɔɔle, 'bhe a pɛbhle -dan' -le 'ke -zienbhe' mu 'te -la -le.

³'Ke mɛɛ 'la zan pɛbhle 'tɔɛ- pɛbhle 'bhe bhle, 'bhe zan laa mɛɛ 'la zan laa pɛbhle 'kpen bhle 'bhe mavɛɛɛ; 'duŋ- mɛɛ 'la zan laa pɛbhle 'tɔɛ- pɛbhle 'bhe bhle, 'bhe zan laa mɛɛ 'la zan pɛbhle 'kpen bhle 'bhe 'kitikanɛ. -Amasrɔyi -Waanbhaa' 'e gbɛdwa- -a =la 'ezin-.

⁴-Dele 'bhi 'le 'bhɛɛ- 'yoo- mɛɛ -bhɛɛke' a yewonɛ 'e 'kitikan zii' ɛɛ? 'Ke -a dulale =bwa 'eglɔɔle oo, 'kee- -balaa' oo, 'bhi a -mɛ pɛ za -le 'bhe 'yi ɛɛ? -A zan a -za -le 'bhe 'le. 'Duŋ- -a dulale nu bole 'eglɔɔle, -amasrɔyi 'bhe 'seŋ -o Mɛɛzan ni 'ke 'bhe 'a do 'eglɔɔle.

- ⁵Mɛɛ 'ke 'kpee ma, yi mu 'ɛ 'ke mu gblaana -yiya' -a 'ke mu ni, 'bhɛɛ- 'duŋ- mɛɛ -bhɛɛke' -yɛ 'yi, 'woo- yi mu 'ɛ 'kpen -o do. 'Ka 'kpen do do 'kpale- kle -za yɛkɛ- 'la -yoo 'a 'kpee 'bhɛɛ- 'yi.
- ⁶'Ke mɛɛ 'la zan yi mu 'ɛ ye 'bhii- -o gblaanya 'ɛ gole 'eke- ma, 'bhɛ zan Mɛɛzan -lɛdɔ' -a ma 'bhɛ klɛgbɛya 'ɛ gbɛɛn-. 'Bhɛɛ- 'ke mɛɛ 'la zan pɛbhle 'kpen bhle, 'bhɛ zan Mɛɛzan -lɛdɔ' -a ma 'bhɛɛ- gbɛɛn-; -amasrɔyi -e -Waanbhaa' 'pubɔ- -yaa' pɛbhle 'ɛ ma. 'Bhɛɛ- 'ke mɛɛ 'la zan laa pɛbhle 'kpen bhle, 'bhɛ zan Mɛɛzan -lɛdɔ' -a ma; -amasrɔyi -e -Waanbhaa' 'pubɔ- 'ezin- 'bhɛ ma.
- ⁷Wlan 'ɛ ni, -kɔɔ' 'kɛdo- 'kpɔ 'laa -o -kɔɔ' 'yɛ ma 'trɛ ta -gɛ -kɔɔ' 'gbu ni, 'bhɛɛ -kɔɔ' 'kɛdo- 'kpɔ 'laa ga 'bhɛ 'gbu ni.
- ⁸'Ke -kɔɔ' -o -kɔɔ' 'yɛ ma, -kɔɔ' -o -kɔɔ' 'yɛ ma Mɛɛzan -la ni; 'bhɛɛ- 'ke -kɔɔ' -gaa, -kɔɔ' -gaa Mɛɛzan -la ni 'ezin-. 'Bhɛ 'yi bhɛ, 'ke -kɔɔ' -o -kɔɔ' 'yɛ ma oo, 'ke -kɔɔ' -gaa oo, -kɔɔ -o Mɛɛzan -a pɛ 'le.
- ⁹-Amasrɔyi Krisi -gaa, 'bhɛɛ- -e -bwela gale ba, 'kooko- -e kle gbɛa mu 'pegee mɛɛ -yɛ male mu a Mɛɛzan 'le.
- ¹⁰-Mɛle -kla 'bhɛɛ- 'bhi -o 'ɛ nɛɛnɛ- 'ɛ 'kitikan zii' ɛɛ? 'Bhɛɛ- -mɛle -kla 'bhɛɛ- 'bhi 'ɛ nɛɛnɛ- 'ɛ mavɛɛ-? 'Yaa 'yaango- 'bhii- -kɔɔ' 'kpen do do nu geɛ -Waanbhaa' a -klu ta -kɔɔ' 'kpen 'kitikan zayi' ɛɛ?
- ¹¹-Amasrɔyi -a yɔɔndɛle -o -Waanbhaa' a 'Sɛwɛ 'ɛ 'yi dɔɔ: "'Mi Mɛɛzan pɛ dɔɔ: 'D' 'yoo- 'ŋ 'yɛ ma, bhaapɛŋ mu 'kpen nu nule -o 'kpɔ zɛnle 'mi 'lɛɛ, 'bhɛɛ- -o 'kpen nu 'mi 'tɔbhɔɛ."'
- ¹²'Bhɛ klɛgbɛya 'ɛ 'yi, -kɔɔ' 'kpen do do nu geɛ -kɔɔ' 'kpen do do klɛza 'ɛ 'yipele 'bhɛ 'gbu 'kɔɔ -Waanbhaa' ni.
- ¹³-Kɔɔ' 'plo- 'eke- 'kitikanle ma. 'Bhɛɛ- 'duŋ- -ka dɔ klɛn 'ke 'ka 'laa -za 'kɛdo- 'kpɔ kle 'ke 'bhɛ sɔ klɛle- 'ka nɛɛnɛ- 'ɛ gaan 'sanpɛ- 'le, 'bhɛɛ- 'kee- kle -a baa- pɛ 'le -za 'yɔɔ- 'yi.
- ¹⁴'Mi 'pegee Mɛɛzan Zesu a 'kpaledomaya 'ɛ 'yi, 'mi 'a 'yaango- 'bhɛɛ- 'mi 'gbu 'kpale- -o -a -yi 'bhii- pɛ 'kpen -o 'wɛŋ 'bhɛ 'gbu 'yi. 'Ke mɛɛ 'la zan 'kpee ma, pɛ 'ke 'laa -o 'wɛŋ, 'bhɛ pɛ 'ɛ yaa -o 'wɛŋ 'bhɛ zan 'ɛ 'bhɛɛ- -yɛ 'yi.
- ¹⁵'Ke 'bhi 'ɛ nɛɛnɛ- do zrubatɛdɔ pɛbhle do -zayi', 'yaa -o 'taawo zii' 'sɔniya a pɛ zi 'ɛ ta. Krisi -gaa 'yee- 'ɛ nɛɛnɛ- 'la ni, 'yaa 'tolɛ- 'bhɛɛ- 'yaa- pɛbhle 'ɛ -zayi' -e kle ni pɛ 'le.
- ¹⁶'Ke pɛbhle 'ke lele 'ka mu -yɛ 'yi; 'duŋ- 'ke 'kaa 'yaango- 'bhii- 'ke 'kaa =bhla, -o nu 'ka 'tɔ 'yɔɔ- pɛle 'bhɛ -zayi', 'bhɛ bhla 'ɛ ba, 'ka 'laa 'bhleɛ-.
- ¹⁷-Amasrɔyi -Waanbhaa' a -bhɛŋgbɛya 'ɛ -daŋ' 'laa 'ke pɛbhle 'pegee mipɛ do -kplɛn 'le. 'Duŋ- -Waanbhaa' a -bhɛŋgbɛya 'ɛ 'bhɛ -le 'ke -lɛdɔɔleya 'pegee yilabla, 'bhɛɛ- zrukpa' 'la Lii 'Wɛŋ 'ɛ 'mu na mɛɛ ni, 'mu -la -le.
- ¹⁸'Ke mɛɛ 'la zan yewo Krisi ni 'bhɛ klɛgbɛya 'ɛ gbɛɛn- bhɛ, 'bhɛ zan -za sɔ -Waanbhaa' ni, 'bhɛɛ- bhaapɛŋ mu 'a 'tɔ wlan pɛ 'ezin-.

- 19'Bhε 'yi, 'η nεεnε- mu, 'kεla 'bhε -o yilabla ma zi 'le, 'bhεε- 'ke -koo' so fangandole 'eke- ta 'bhε 'le -kooa' 'kpaleya 'ε 'yi, -koo' 'bhεε- ziglin-.
- 20-'Waanbhaa' yelawoa 'e nεεnε- 'ε zru 'yi, 'bhi 'laa 'bhε ye -lrele' 'ε 'siele- pεbhle drɔŋ do -la -zayi'. Wlan 'ε ni, pεbhle 'kpen lele; 'duŋ- 'ke a bhleza 'ε =kla 'e nεεnε- baa- pε 'le -za 'yoo- 'yi, 'bhε 'laa lele.
- 21'Kεla 'bhε -o -za 'lrele- 'le, 'bhε -le dɔɔ 'yaa wi bhlele 'bhε 'pegee 'yaa bole -drɔɔ 'mile- ma, 'bhεε- 'kee ploɔ -za 'oo -za 'la 'bhε -o 'ke 'e nεεnε- baa- pε 'le -za 'yoo- 'yi, 'bhε ma.
- 22'E 'kpale- -o -za yεkε- 'la 'yi 'e 'gbu 'kpee, -a 'to 'ke 'bhε bo 'bhi do -kplεn 'kpee -Waanbhaa' -yre =la. 'Bhεε- 'ke mεε do laa -o -la 'zi -a 'gbu ta -a klεza do 'yi, 'bhε zan a pε -yinra'!
- 23'Duŋ- 'ke mεε do -o pε do bhle 'zi, 'bhεε- 'ke -a zru -o plε 'bhε pεbhle 'ε ma, 'bhε zan -Waanbhaa' a -kpan -la baa- 'zi -a 'gbu ta 'bhε klεgbeya 'ε gbεen- bhe. -Amasrɔyi -e -za 'la klε 'zi, -a 'kpale- laa -o -a -yi 'bhii- 'bhε so -Waanbhaa' ni. 'Ke 'yoo- -za 'oo -za la klεle-, 'bhεε- 'kee 'kpale- laa -o -a -yi 'bhii- 'e klεza 'ε so -Waanbhaa' ni, -za 'yoo- -le 'bhε 'le.

Romε Mu 15

- 1-Koo' mu 'la -koo' -o 'eglɔɔle -kooa' 'kpaleya 'ε 'yi Krisi 'yi, -koo' dɔ -a -la 'ke -koo' bho mεε 'la zan mu laa -o 'eglɔɔle 'mu 'kpaleya 'ε 'yi Krisi 'yi 'mu ba. -Koo' 'laa bole -koo' 'gbu 'nrayiza klεle ma.
- 2-Koo' 'kpen do do -za 'la 'bhε so -koo' -vindo' mi ni, -koo' 'bhεε- klε 'bhε ni, 'bhε 'gbu 'nrayiza 'yi; 'kooko- 'bhε a 'kpaleya 'ε baan' kla 'bhε ba.
- 3-Amasrɔyi Krisi 'laa bole -a 'gbu 'nrayiza klεle ma. 'Duŋ- 'bhii- -a yɔɔndele -o gɔnε- 'la gbεen- -Waanbhaa' a 'Sεwε 'ε 'yi dɔɔ: "Mεε mu 'ε -o 'bhi -Waanbhaa' -la -zwanwoa, -o 'bhε -zwanwo' mu 'ε =woa 'mi -la ma bhe."
- 4'Bhεε- 'duŋ-, -o -jan mu 'la 'kpen =woa -Waanbhaa' a 'Sεwε 'ε 'yi 'elwaleta -so, -o 'mu 'kpen =woa -koo' mu -la daan zayi'. 'Bhε -jan mu zrubakpaa na -koo' ni, 'bhεε- -o 'fuudɔ- -koo' ta; 'kooko- -koo' 'yrikpale bo -Waanbhaa' ta.
- 5-Waanbhaa' 'la zrubakpaa na mεε ni, 'bhεε- -e 'fuudɔ- mεε ta, bhaa 'bhε 'a klε 'bhεε- 'ka 'pegee 'ka -vin mu 'ε 'kpale- klε do ma, 'bhii- Zesu Krisi 'a =kla gɔnε- 'la gbεen-.
- 6'Ke 'bhε =kla, 'ka 'kpen zru nu klεle do, 'bhεε- 'ka nu -kooa' Mεezan Zesu Krisi Dε -Waanbhaa' magbaandele 'ka 'weli- do 'kpɔ 'le.
- 7'Bhεla- -zayile, -ka 'eke- 'kun 'elrele 'bhii- Krisi 'ka mu =kwan 'elrele gɔnε- 'la gbεen-, 'kooko- 'bhε klε -Waanbhaa' 'tɔbhɔyre 'le.
- 8'Wlan 'ε ni, 'mi pe 'ka ni dɔɔ Krisi =nwa klεle -Waanbhaa' a yewonε 'le Zuufu mu 'ε ba; 'kooko- 'yee- -Waanbhaa' 'a 'liiwli- =naa -za mu 'la klεza ta -koo' -gbɔɔ mu 'ε ni, -e

'mu 'lesɔ-. 'Bhɛɛ- 'kooko- 'bhe klegbeya 'e 'yi, -ya zɔn -kɔɔ' ni 'bhii- 'yee- -Waanbhaa' zru -o do.

⁹Krisi =nwa 'ezin-, 'kooko- Zuufu kle mu 'e 'mu -Waanbhaa' 'tɔbhɔ-, -amasɔyi -e mɛɛ -yɛnkla'; 'bhii- -a pele -o -Waanbhaa' a 'Sɛwɛ 'e 'yi gɔnɛ- 'la gbɛɛn- dɔɔ: "'Bhɛla- -zayile, 'mi nu 'e 'tɔbhɔɛ 'si 'bhɛɛke mu 'e 'plɛŋ-; 'bhɛɛ- 'mi nu 'e 'tɔbhɔ ma 'sro mu 'kpale-."

¹⁰-A pele -o 'ezin- -Waanbhaa' a 'Sɛwɛ 'e 'yi dɔɔ: "'Ka mu 'si 'bhɛɛke mu 'e, -Waanbhaa' 'si 'la makwan-, 'ka mu 'pegee 'bhe 'si 'e 'ka zrukpaale kle 'eke- 'yi!"

¹¹'Bhɛɛ- -a yɔɔndɛle -o 'ezin- 'yaa- 'Sɛwɛ 'e 'yi dɔɔ: "'Ka mu 'si 'bhɛɛke mu 'e, -ka Mɛɛzan 'tɔbhɔ; 'bhɛɛ- 'si mu 'e 'kpen, -kaa 'tɔbhɔ ma 'sro mu 'kpa!"

¹²-Waanbhaa' -lɛla' janwo mi Ezai 'a =pia 'ezin- dɔɔ: "'Yese 'srɛ mu 'e do nu nule, 'bhe nu yaale 'si mu 'e 'kpen 'wiŋ-, 'Bhɛɛ- 'si 'bhɛɛke mu 'e 'yri nu bole 'bhɛla- ta."

¹³-Waanbhaa' 'la -yoo -kɔɔ' 'yrikpale kli 'le, bhaa -e 'ka zru 'e pa 'ke zrukpa' 'kpen 'pegee yilabla 'kpen 'le 'ka 'kpale- 'la -yoo -a -yi 'bhe 'srɔyi; 'kooko- 'ka -o 'ka 'yri 'la 'kpa zii' -a ta bhe, 'ka 'yrikpaleya 'e baan' kla a ba Lii 'Wɛŋ 'e -glɔɔya' a 'le.

¹⁴'D nɛɛnɛ- mu, 'mi 'gbu 'kpale- -o -a -yi 'bhii- wlanya -gbɛnɛ 'la -yoo 'ka 'yi, 'bhɛɛ- -zadɔleya -glɔɔn 'la -yoo 'ka 'yi bhe, 'ka sɔ 'eke- 'kpeɛɛkanle.

¹⁵'Bhɛɛ- 'duŋ-, 'mi 'ŋ 'yɛ ma -dwa 'egɔɔle 'an -janwo' gbeya 'e ma 'ka ni 'yee- 'sɛwɛ 'lɛɛ- 'yi yɛ 'ke =nɔɔ, 'kooko- 'ka -za =lwa mu 'la -daanna 'mu dɔ 'ka 'kpee 'ezin-. 'Mi 'bhe =kla 'bhe gbɛɛn- bhe, -Waanbhaa' -lilawoa 'mi ma 'bhe -la -zayi';

¹⁶'kooko- 'mi kle Zesu Krisi a yewonɛ 'le Zuufu kle mu 'e ba. 'Mi 'ŋ 'gbu =naa ye 'la ni, 'mi -o 'bhɛɛ- 'wo zii' -yaa' -Jan 'Nrɛle- 'e 'wolele. 'Kooko- Zuufu kle mu 'e kle 'bhii- 'sraka 'la sɔ -Waanbhaa' zru ni, 'bhɛɛ- 'kee- 'bhe kle 'wɛŋ Lii 'Wɛŋ a -glɔɔya' 'e 'le.

¹⁷'Bhɛla- -zayile, 'mi -o ye 'la 'wo zii' -Waanbhaa' ni, 'ŋ sɔ 'ŋ -baale' 'bhe 'yi, 'mi 'pegee Zesu Krisi a 'kpaɛdomaya 'e 'yi.

¹⁸-Amasɔyi, 'bhe 'laa sɔ dɔle- 'mi 'kpee 'ke 'ŋ -jan 'kɛdɔ- 'kpɔ wo, 'ke yaa 'e go Krisi -za 'la =kla 'bhe ba. 'Yele- yewoa= 'mi gbɛ zi, 'bhɛɛ- -ya =kla 'ke Zuufu kle mu 'e sɔ dɔle- -a -la 'ke -o 'taawo -Waanbhaa' -weli' 'e ta. -E 'bhe =kla 'mi 'wojan- mu 'e 'pegee 'mi kleza mu 'e faŋgan- 'e 'bhɛɛ- 'le,

¹⁹'bhe 'pegee -glɔɔya ma -tɔɔmasie mu 'pegee 'sɔle- maza mu 'le, 'bhɛɛ- Lii 'Wɛŋ 'e -glɔɔya' a 'le. 'Bhe klegbeya 'e 'yi, 'mi Krisi a -Jan 'Nrɛle- 'e =woa 'ke 'an 'lɛyan- 'a ma, 'ke 'an san Zeruzalɛmu, 'ke 'ŋ ge -a kpɛma -wa mu 'e ta, 'bhɛɛ- 'ke 'ŋ nu 'tɛnɛ- Iiri 'klɛn 'e ma.

²⁰'Duŋ- 'ŋ zru maza -bhɛɛke' 'laa -yaa 'bhe blaɛn, 'ke yaa 'e go 'ke 'ŋ ge -Jan 'Nrɛle- 'e 'wole- mɛɛ mu 'e ni yɛ 'oo yɛ 'la waa Krisi 'tɔ 'e 'malɛ- -lido' 'bhe =nɔɔ 'bhe ba; 'kooko- mɛɛ -bhɛɛke' mu 'fɛ 'la gaan =bwa, 'mi 'laa 'an pɛ 'fɛgwɛ- 'e dɔ 'bhe ta.

- 21'Duŋ-, -e =kla 'bhii- -a yɔɔndele -o -Waanbhaa' a 'Sewε 'ε 'yi gɔnε- 'la gbεen- dɔɔ: "Waa -a 'tɔ 'ε 'kanle- mεε 'la zan mu ni, 'mu -le nu -a yeλε; 'bhεε- mεε 'la zan mu laa -yaa' -jan 'ε 'male-, 'mu -le nu -a dɔle."
- 22'Bhε 'yi bhe, ye mu 'la bhe, 'mu -le 'ka ba geza 'ε 'saawoa- 'η 'kɔɔ gaan -bebe 'yi, 'bhεε- 'naa gele 'ka ba ye.
- 23'Duŋ- -zɔn 'mi =yaan 'an ye mu 'ε 'wolele 'kleen mu 'lεε- 'yi -gε. 'Bhε lεε -bebe -le -gε, 'ke 'mi bole -o 'ka ba geza 'ε yidɔle ma.
- 24'Bhεε- 'η 'kpee ma, 'ke 'η 'yoo- gele- εsipayin 'kleen 'ε 'yi 'waati 'la ba, 'η 'yoo- -a zi 'bhii- 'η 'kan 'ka ba ye. 'D 'kan bhla 'ε zi, 'η 'yri -o -a ta 'bhii- 'η nu 'ka 'yeλε-, 'bhεε- 'η 'ka 'lɔ 'ε sanε- kan. 'Ke -kɔɔ' -yrekpa' sa -gaa 'eke- 'yi 'elrele, 'η nu zi -yrewole 'ka ma, 'bhεε- 'ka nu bhɔle 'η ba 'yee- 'kleen 'ε 'yi gelele.
- 25'Duŋ- 'mi -o ge 'zi -zɔn Zeruzalemu 'taa 'ε ta bhɔŋbape mu 'le 'η 'kɔɔ 'bhε =nɔɔ -Waanbhaa' a mεε 'weŋ mu 'ε ni.
- 26-Amasroyi Masedwani Zesu 'yi mu 'ε 'pegee Akayi Zesu 'yi mu 'ε, 'yaa- zi 'bhii- -woo gbekla' 'eke- ta, 'bhεε- -o bhɔ Zeruzalemu Zesu 'yi mu 'kɔɔflenzan mu 'ε ba.
- 27'Bhε -za 'ε klele =swa -o 'gbu -la ni. 'Duŋ- wlan 'ε ni, 'bhε mu a ca -yaa -o ma. -Amasroyi Zeruzalemu Zuufu Zesu 'yi mu 'ε -za 'wlan mu 'la 'srɔɔwoa= -Waanbhaa' 'kɔɔ Lii a pε zi 'ε zi, 'mu 'bhε mu -yicienna Zuufu kle mu 'ε ma; 'bhε klegbeya do 'ε 'yi 'ezin-, -yoo 'ke -za 'le 'ke 'woo- Zuufu kle mu 'ε -o bhɔ Zuufu Zesu 'yi mu 'ε ba -o 'kɔɔpε- mu 'ε 'le 'ezin-.
- 28'Ke 'η =yaan 'bhε -za 'ε 'yrebagoλεle 'waati 'la ba, 'bhε 'pegee 'ke -woo gbeklaa- 'eke- ta pε mu 'la 'nalele, 'ke 'η =yaan 'mu 'lenalele 'waati 'la ba, 'η ge bhla 'ε zi εsipayin 'kleen 'ε 'yi, 'η nu 'kanle- 'ka ba ye.
- 29'Mi gelawo zii' 'ka ba ye, 'mi 'gbu 'a 'yaango- 'bhii- 'η nu nule Kriisi -yaa' 'duma -gbene 'la zinaa' 'η ta 'bhε 'le.
- 30-Ayile, 'η nεene- mu, 'mi -o -sromabɔ 'zi 'ka ni -kɔɔa' Mεezan Zesu Kriisi 'tɔ 'ε -zayi', 'bhε 'pegee 'sɔniya 'la Lii 'Weŋ 'ε 'bhε na -kɔɔ' ni 'bhε -zayi' dɔɔ -ka bhɔ 'η ba 'an gwle 'ε danlele 'ke 'ka 'ka 'seriwo 'mi a -za ma -Waanbhaa' ni.
- 31-Ka 'ka 'seriwo 'mi a -za ma, 'kooko- 'mi sɔ -bhile Zude 'kleen 'ε 'yi mu 'la waa -o kpa -Waanbhaa' 'yi 'mu 'kɔɔ, 'bhεε- 'kooko- 'mi -o ge 'zi bhɔŋbape mu 'la 'le Zeruzalemu Zesu 'yi mu 'ε ni, 'mu dɔ 'mu 'kunle- -la.
- 32'Ke 'bhε =kla 'bhε gbεen- bhe, 'mi nu bhɔle 'ka ba ye, 'η zrukpa' ta, 'ke -Waanbhaa' -dwa -a -la, 'bhεε- 'η nu 'η 'yitrele sa 'ka ba ye.
- 33'Bhaa -Waanbhaa' 'la yilabla na mεε ni 'bhε kle 'ka 'kpen ba! Amiina!

Romε Mu 16

- 1'Mi -o 'kɔɔ' nεene- le Febe 'kwlanwole 'ka ma dɔɔ le wlan -le 'kele-. -Yoo Sankre Zesu 'yi mu -lɛdo' 'ε -waa' 'bhɔŋba- le mu 'ε do -la -le.

- ²Kooko- 'kee- -ja 'ka ba ye, -kaa 'cie si 'elrele Mæezan 'tɔ 'ɛ -zayi', 'bhii- -wa kle gɔnɛ- 'la gbɛn- -Waanbhaa' a mæɛ 'weŋ mu 'ɛ ni. 'Ke a mazadwa pɛ 'oo pɛ 'la ma, -ka bhɔ a ba 'bhɛ 'le. -Amasɔyi -E =bhwa -kɔɔ' nɛnɛ- -bebe ba, -e =bhwa 'mi 'gbu ba 'ezin-.
- ³-Ka Prisili 'pegee 'bhɛ =nɔɔ Akilasi 'pubɔ-; 'an yewoyɔɔn plɛ 'ɛ Krisi a ye 'ɛ ta.
- ⁴-O 'mi -gwa -za 'yi, 'bhɛɛ- 'woo- win -yaa nu bolɛ -a -yi. 'Mi do -kplɛn 'laa -o 'pubɔ- 'zi; Zesu 'yi mu 'lɛ mu 'la 'mu 'laa -o 'ke Zuufu mu 'le, 'mu 'kɛn -o 'pubwa- 'ezin- -o kleza -lrele' mu 'ɛ ma.
- ⁵Zesu 'yi mu -lɛdo' 'la kla 'eke- ba -waa 'fɛ 'ɛ =la, 'ka 'mu 'pubɔ- 'ezin-. -Ka 'ŋ 'yienii Epanɛti 'pubɔ- 'ezin-. 'Yele- 'e =kpaɛ Zesu 'yi 'elwale 'pɛ Azi 'kleɛn 'ɛ 'yi.
- ⁶Bhɛɛ- -ka Mari 'pubɔ- 'ezin-, 'bhɛ -le yewoa= 'ebebele 'ka ni.
- ⁷-Ka Andronikusi 'pegee Zuniasi 'pubɔ-, 'ŋ dɛ -nɛ Izraɛli mu -le -o -le, 'bhɛɛ- 'mi 'pegee 'woo- mu -yaa -kaso 'yi 'eke- zi. -O 'tɔbhɔle -o Zesu a 'winbɔwo mu 'ɛ ba, 'bhɛɛ- -o =wlaa Zesu 'yi 'mi 'gbu 'lɛɛ.
- ⁸-Ka Anpliyatusi 'pubɔ-, 'ŋ 'bhɛgwɛn- gbɛlaan 'gbu -le 'bhɛ 'le Mæezan Zesu 'yi.
- ⁹-Ka Rubɛn 'pubɔ- 'ezin-, 'ŋ yewoyɔɔn -le 'bhɛ 'le Krisi a ye 'ɛ ta. 'Bhɛɛ- -ka 'ŋ 'yienii Sitakisi 'pubɔ-.
- ¹⁰-Ka Apelesi 'pubɔ-; 'ali- -e -yɛn mu 'la 'kɛn =bhla, -a 'kpale- =bwa Zesu 'yi. -Ka Arisitobule a 'fa =la mu 'ɛ 'pubɔ-.
- ¹¹-Ka 'ŋ dɛ -nɛ Erɔdion 'pubɔ-. 'Bhɛɛ- Naasisi a 'fa =la mu 'la -woo =kpaɛ Mæezan Krisi 'yi, -ka 'mu 'pubɔ-.
- ¹²-Ka Trifeni 'pegee Trifozi 'pubɔ-; 'woo- le plɛ 'la bhe -woo Mæezan Zesu a ye 'ɛ 'wo zii'. 'Bhɛɛ- -ka 'o nɛnɛ- le Pɛɛsidi 'la -za sɔ 'ŋ ni 'egbenele 'bhɛ 'pubɔ- 'ŋ ni; -e yewoa= Mæezan Zesu ni 'ebebele.
- ¹³-Ka Rufusi 'pubɔ-; Mæezan Zesu a mæɛ kplankplan 'gbu -le 'kɛle-. 'Bhɛɛ- -kaa nɛɛ 'pubɔ- 'mi ni 'ezin-; 'bhɛ =kla 'mi 'gbu nɛɛ 'le 'ezin.
- ¹⁴-Ka Asɛnkriti 'pubɔ-, 'bhɛ 'pegee Flegɔn, 'bhɛɛ- Erimesi 'pegee Patrobasi, 'bhɛɛ- Erimesi 'pegee -kɔɔ' nɛnɛ- -vin mu 'la -woo -o zi.
- ¹⁵-Ka Filolɔgi 'pegee Zuli 'pubɔ-; 'bhɛɛ- -ka Nere 'pegee 'bhɛ nɛnɛ- le 'ɛ 'pubɔ-. -Ka Olenpasi 'pegee -Waanbhaa' a mæɛ 'weŋ mu 'la 'kɛn -o zi ye 'mu 'pubɔ-.
- ¹⁶-Ka 'eke- 'pubɔ- 'eke- -tuubɔlele 'bhii- nɛnɛ- ma do mu Zesu 'yi. Zesu 'yi mu -lɛ mu 'ɛ 'kɛn 'ka 'pubwa-.
- ¹⁷'D nɛnɛ- mu, mæɛ 'la zan mu Zesu 'yi mu 'ɛ 'yiciɛn-, 'bhɛɛ- -woo kle nipe 'le, 'bhɛ 'pegee 'o daangbeyɛ 'la =naa 'ka ni waa dɔ 'bhɛ =la, 'mi -o zruwla 'zi 'ka 'kpee dɔɔ -ka 'ka 'yɛkpa 'ka 'gbu ba 'elrele 'bhɛ zan mu 'ɛ ma. 'Bhɛɛ- -ka 'ka 'gbu 'plɛŋgo- 'bhɛ zan mu 'ɛ ma.

- 18-Amasrɔyi, 'bhe mɛɛ -gloɔn mu 'ɛ, waa -o -kɔɔa' Mɛɛzan Krisi a yewone mu 'le, 'duŋ- -o bole -o 'kpeeledanle ma -o sɔ pɛ 'la 'bhlele, 'bhe 'pegee waa sɔ pɛ 'la 'bhlele 'bhɛɛ- ma. Mɛɛ 'la zan mu laa sɔ -za 'yɔɔ- 'pegee -za 'wlan gole- 'eke- 'yi, -o 'bhe zan -yini' -o -le ma -nra ma jan mu 'ɛ 'pegee waa -dawli' ma jan mu 'ɛ 'le.
- 19'Duŋ- 'ka mu, 'ka -Waanbhaa' a -jan 'ɛ 'klosikun gɔnɛ- 'la gbɛɛn-, mɔkpen' 'bhe dɔ. 'Bhela- -yile, 'mi zrukpaale -o 'egbenele 'ka ba zayi'. 'Duŋ- 'mi -o -a zi 'bhii- 'ka kle -zadɔ' mu 'le -za 'wlan a pɛ kle zi 'ɛ ta, 'bhɛɛ- 'ka zru 'fleele- kle -za 'yɔɔ- ba -yrɛ ta.
- 20-A -vinbwa sa, 'bhɛɛ- -Waanbhaa' 'la yilabla na mɛɛ ni 'bhe -Setran' a -gloɔya' 'ɛ siɛ, 'bhɛɛ- -e 'yee- -Setran' kpalaa' 'ka gaan =la. Bhaa Mɛɛzan Zesu -li 'ka ma!
- 21'D yewoyɔɔn Timote 'ka 'pubwa-; 'bhe 'pegee 'ŋ dɛ -nɛ Izraeli mu Lusisi 'pegee Zason, 'bhɛɛ- Sosipate.
- 22'Bhɛɛ- Tɛɛtusi 'la 'letre 'lɛɛ- yɔɔndia- 'mi ni, 'bhe 'ka 'pubwa- Mɛɛzan Zesu 'tɔ 'yi.
- 23'D zeti- mi Gayusi 'ka 'pubwa-. 'Bhɛɛ- Zesu 'yi mu -lɛdɔ' 'ɛ 'kpen kla 'eke- ba 'yela- 'fɛ 'ɛ =la. -Wa 'lɛɛ- ta -gɔli' magaan mi Erasi 'ka 'pubwa-. 'Bhɛɛ- -kɔɔ' nɛɛnɛ- Kwaatusi 'ka 'pubwa- 'ezin-.
- ((²⁴Bhaa -kɔɔa' Mɛɛzan Zesu Krisi -li 'ka 'kpen ma! Amiina.))
- 25-Kɔɔ' Waanbhaa' 'tɔbhɔ! 'Mi -o -Jan 'Nrɛle- 'la 'wo zii' Zesu Krisi ba zayi' 'bhe 'yi, 'seŋ -o -Waanbhaa' ni 'kee- 'ka kle 'egloole 'kaa- 'kpaleya 'ɛ 'yi. -Waanbhaa' a gaanyiza 'la tagaanle -yaa lɛɛ -bebe ta, -e 'bhe tapwɛla 'yee- -Jan 'Nrɛle- 'ɛ 'le.
- 26'Duŋ- 'saanigɛ, -Waanbhaa' 'yee- gaanyiza 'ɛ tapwɛla kpataakpa 'tɛbhile ba. 'Yee- -Waanbhaa' 'la yaa ga -titi, -ya =kla 'bhɛɛ- 'si 'bhɛɛke mu 'ɛ 'kpen 'yee- gaanyiza 'ɛ dɔ -a -lela' janwo mu 'ɛ -jan mu 'la yɔɔndia- 'mu 'srɔyi. -Ya -lɛdulaa 'bhɛɛ- klegbeya 'ɛ gbɛɛn-, 'kooko- 'si mu 'ɛ 'kpen -o kpa Krisi 'yi, 'bhɛɛ- -o 'yee- -Waanbhaa' -weli' ma.
- 27-Zadɔleya -o -Waanbhaa' do -kplɛn -la 'kɔɔ, bhaa 'tɔbhɔleya bo a ni Zesu Krisi 'srɔyi 'waati 'ɛ 'kpen ba! Amiina!

Korēnti =Lwa Mi

Korēnti =Lwa Mi 1

- 1'Mi Pōlu 'la -e -swa -Waanbhaa' ni 'ke -yoo 'η sii, 'bhεε- -ye 'η =kle 'ke Zesu Krisi a 'winbōwo mi 'le, 'mi 'pegee 'η nēene- Sōsiteni -le 'letre 'lεε- 'kpa zii' 'ka ni,
- 2'ka mu 'la 'ka -o -Waanbhaa' a mεε -lēdo' 'le Korēnti -wa 'ε ta, 'o 'ka 'pubwa-. 'Yee- -Waanbhaa' 'gbu 'ka =kla -yaa' pε 'le, 'ka 'pegee Zesu Krisi a 'kpaledomaya 'ε 'yi. Mεε -vin mu 'la 'kpen -o 'drunyan 'ε 'yi yrekpen- =nōō, 'bhεε- 'ke -woo kpa Mēezan Zesu Krisi 'tō 'ε 'yi, -e 'ka mu 'pegee 'mu 'siila-, 'kooko- 'ka kle 'weŋ. Zesu Krisi -o -waa' Mēezan 'le, 'bhεε- -yoo' 'o mōō a pε Mēezan 'le 'ezin-.
- 3Bhaa -kōō' Dε -Waanbhaa' 'pegee Mēezan Zesu Krisi -li 'ka ma, 'bhεε- -o yilabla 'na 'ka ni.
- 4-Waanbhaa' -lileya 'la 'naa- 'ka ni Zesu 'srōyi, 'bhεla- -zayile 'an 'pubō- 'waati 'ε 'kpen ba 'kaa- -za ma.
- 5-Amasrōyi 'ka 'pegee Krisi a 'kpaledomaya 'ε 'yi, -Waanbhaa' 'ka -gbaa pε 'kpen ba, 'bhεε- -yoo -paa 'ka ta. -E -zadō' ma -jan -naa 'ka ni, 'bhεε- 'ka -za -bebe dō 'yee- -Waanbhaa' ba zayi'.
- 6'O Zesu Krisi a -jan 'la =woa 'ka ni, 'kaa 'yimaa-, 'bhε 'pegee 'kaa =kwan 'ka gbe ple 'le; 'bhεε- 'kaa =twa 'ka 'kpee 'elrele.
- 7'Bhεla- -zayi', Lii 'Weŋ a 'seŋ maza 'ε 'kedo- 'kpō 'laa 'kaanle- 'ka ma; 'ka mu 'la 'ka -o Mēezan Zesu Krisi 'nu yi 'ε magben 'zi bhe.
- 8'Yee- -Waanbhaa' 'gbu -le nu 'ka dōle 'egbōole 'kaa- 'kpaleya 'ε 'yi 'ke 'bhε ge 'tēnle- Mēezan Zesu Krisi 'nu yi 'ε ma; 'kooko- 'kee- =nwa, waa -za 'yōō- 'kedo- 'kpō ye 'ka zi.
- 9-Amasrōyi -Waanbhaa' -liiwli' -o do. 'Yee- -Waanbhaa' 'gbu -le 'ka 'siila- dōō 'ka mu 'pegee -a Gbe Zesu Krisi 'la -yoo -kōōa' Mēezan 'le 'ka 'kpa do ma.
- 10'D nēene- mu, 'mi -o -sromabō 'zi 'ka ni Mēezan Zesu Krisi 'tō 'ε 'yi dōō -ka 'kpa do ma. 'Ka 'laa 'tolε- 'ke -za 'kedo- 'kpō 'ka 'yicien-; -ka 'kpa do ma -za 'ε 'kpen 'yi, 'ke 'ka 'kpeejan- 'pegee 'ka zru maza kle do 'kpō.
- 11Wlan 'ε ni, 'an =maa Klowe a 'fa 'la mu 'ε ta dōō 'ka 'yicienle -o.
- 12-Za 'la 'bhε -o 'ka 'pleŋ- 'bhε -le -gε: 'ka 'kpen do do -liiwli' gole -o 'eke- ma. 'Ka 'ke 'a pe dōō 'bhε -o Pōlu -la zi; 'bhεε- 'ka 'ke 'a pe 'ezin- dōō 'bhε -o Apolōsi -la zi; 'bhεε- 'ka 'ke 'a pe 'ezin- dōō 'bhε -o Pieri -la zi; 'bhεε- 'ka 'lēdo- 'a pe 'ezin- dōō 'bhε -o Krisi -la zi.
- 13'Ka 'kpee ma Krisi 'yicienle -o εε? 'Mi Pōlu -le -gaa -yrigbēele 'ε ta 'ka ni εε? 'Bhεε- taa- -o 'ka 'wiifia= -yi ba 'mi Pōlu -la 'tō 'yi εε?
- 14'Mi -Waanbhaa' 'pubō-, -amasrōyi 'naa 'ka 'kedo- 'kpō 'wiifēle -yi ba Zesu 'tō 'yi; 'ke yaa 'e go Kripusi 'pegee Gayusi ba.

- 15'Bhē ya 'ē 'yi bhe, mēē 'kedo- 'kpō 'laa sō -a pele- dōō -o 'ka 'wiingfia= -yi ba 'mi 'tō 'yi.
- 16'Bhēē- 'ezin-, 'mi Sitefanasi a 'fa =la mu 'ē 'wiingfia= -yi ba, wlan -le 'bhē 'le. 'Duŋ-ke 'bhē go -a -yi, 'naa mēē -bhēēke' do 'kpō 'wiingfēle -yi ba.
- 17-Amasrōyi Kriisi 'laa 'mi 'winbōlē mēē mu wiingfeyrē nōō- -yi ba; 'duŋ- -yoo 'ŋ 'winbwa- 'kaa 'ŋ 'nu -Jan 'Nrāle- 'ē 'bhēē- 'wo mēē mu ni. 'Bhēē- 'naa -o 'bhē 'wo zii' bhaapleŋ mu a -zadōleya ma -janwo' gbēya 'ē 'yi, 'kooko- 'bhē -Jan 'Nrāle- 'ē 'wole- -glōōya' laa go 'bhē 'yi.
- 18'Wlan 'ē ni, -Jan 'Nrāle- 'ē 'wole- 'ē 'ke 'wa pe dōō Kriisi -gaa -yriḡbēēle 'ē ta, 'bhē -o 'ke -kwa maza 'le mēē 'la zan mu nile -o -Waanbhaa' a zi 'ē ta 'mu 'yrē 'yi. 'Duŋ- -kōō' mu 'la -kōō' -o -bheē zi 'ē ta, 'bhē -o -kōō' mu -yrē 'yi 'bhii- -Waanbhaa' a -glōōya' 'le.
- 19'Wlan 'ē ni, 'kēla yōōndēle -o -Waanbhaa' a 'Sēwē 'ē 'yi 'bhē -le -gē: "'Mi nu -zadō' mu a -zadōleya 'ē 'siēlē-, 'bhēē- 'ŋ nu mēē yikanle mu a yikanleya 'ē klēlē bhaama za 'le."
- 20'Bhē klēgbēya 'ē 'yi, -zadō' mu sō -mē pē jan -la wole- 'ezin- ēē? 'Bhēē- Zuufu mu a 'Toŋ daan mu 'ē sō -mē pē jan -la wole- 'ezin- ēē? 'Bhēē- 'drunyan 'lēē- 'yi zaabō mu 'ē sō -mē pē jan -la wole- 'ezin- ēē? -Waanbhaa' 'gbu 'a -zrōōna 'bhii- 'drunyan 'lēē- 'yi -zadō' mu 'ē -waa' zadōleya 'ē -yoo 'ke -kwa maza -la -le.
- 21'Wlan 'gbu 'ē ni, 'drunyan 'lēē- 'yi mu 'ē -waa' pē -zadōleya 'ē 'yi, waa 'sōlē- -Waanbhaa' dōlē- 'bhē a pē -zadōleya 'ē 'yi. 'Bhēē- -woo Kriisi gaza 'ē -yriḡbēēle 'ē ta 'bhē 'wole- 'ē 'yē zii' 'ke -kwa maza 'le; mēē 'la zan mu 'ē =kpaā 'bhē -Jan 'Nrāle- wole 'ē 'yi, -ē -swa -Waanbhaa' ni 'kēē- 'mu go -za 'yi.
- 22'Zuufu mu -o -a zi 'bhii- 'o 'sōlē- maza mu klē 'mu -yrē ma, 'bhēē Grēki mu -o -zadōleya -la -glin 'zi.
- 23'Duŋ- 'o mōō -o Kriisi gbaanza -yriḡbēēle 'ē ta 'bhē -jan 'nrāle- 'ē 'wo zii', 'bhē -jan -glōōn 'ē 'bhē 'laa -o 'ke wopē 'le Zuufu mu 'ē ba, 'bhēē- 'bhē -o 'ke -kwa maza 'le Zuufu klē mu 'ē 'yrē 'yi.
- 24'Duŋ- -Waanbhaa' mēē 'la zan mu -siila -yaa' pē 'le, 'kēē- -kla Zuufu mu 'le oo, 'kēē- -kla Zuufu klē mu 'le oo; Kriisi -o 'bhē zan mu -yrē 'yi 'ke -Waanbhaa' a -glōōya' 'pegeē -yaa' -zadōleya 'le.
- 25-Amasrōyi bhaapleŋ mu -Waanbhaa' a -za mu 'la kun 'bhii- -kwa maza, -zadōleya -o 'mu 'yi 'ke 'bhē kan bhaapleŋ mu a -zadōleya 'kpen ta. 'Bhēē- -o -Waanbhaa' a -za mu 'la kun 'bhii- fanḡan- klē maza mu, 'mu fanḡan- -glōō 'yiya- bhaapleŋ mu a pē fanḡan- 'ē ni.
- 26'D nēēnē- mu, -ka 'ka 'gbu 'siigbēya 'ē -Waanbhaa' 'kōō 'bhē -glin doo, 'bhēē- 'ka nu -a 'yaangolē bhaapleŋya 'ē ma, 'bhii- -Waanbhaa' 'ka mu 'la 'siila-, 'bhēē- -ē 'ka -gwa -za -yi; -zadō' mu -bebe 'pegeē mēē gbłaan -bebe 'laa -o 'ka ba, 'bhēē- 'ka -bebe 'laa -o 'ke -bhleŋgbe mu a -gbaa -lii mu 'le.

- 27'Bhɛɛ- 'duŋ-, bhaapleŋ mu -za 'la kun 'bhii- -kwa maza, -Waanbhaa' 'bhɛɛ- makwan- -yaa' pɛ 'le, 'kooko- -e -yraladɔ 'drunyan 'lɛɛ- 'yi -zadɔ' mu 'ɛ ma. 'Bhɛ klegbeya 'ɛ 'yi 'ezin- bhe, bhaapleŋ mu -za 'la ye 'bhii- fangankleya maza, 'yee- -Waanbhaa' 'bhɛɛ- makwan- -yaa' pɛ 'le, 'kooko- -e -yraladɔ 'drunyan 'lɛɛ- 'yi fangan- ma mɛɛ mu 'ɛ ma.
- 28'Drunyan 'lɛɛ- 'yi mu 'ɛ -o pɛ mu 'la ye 'bhii- bhaama za mu, 'bhɛɛ- 'ke -woo mavɛɛ, 'bhɛ 'pegee 'ke 'mu 'laa -o -yrɛ 'yi pɛ 'kedo- 'kpɔ 'le, -Waanbhaa' 'bhɛɛ- pɛ mu 'ɛ makwan-; 'kooko- -o pɛ mu 'la -za kun 'egloole -e 'mu siɛ 'ke bhaama za mu 'ɛ 'le.
- 29-E 'bhɛ =kla 'bhɛ klegbeya 'ɛ 'yi bhe, 'kooko- bhaapleŋ 'kedo- 'kpɔ 'laa sɔ 'bhɛ 'gbu magbaandele 'yee- -Waanbhaa' -yrɛ 'yi.
- 30'Yee- -Waanbhaa' 'gbu -le 'ka 'pegee Zesu Krisi =kpaa do ma, 'bhɛɛ- Krisi -kla -zadɔleya 'la da -Waanbhaa' ba 'bhɛ 'le. 'Yela- 'srɔyi, 'bhɛɛ- -Waanbhaa' -kɔɔ' 'lɛdɔla -a -yrɛ 'yi, 'bhɛɛ- -e -kɔɔ' =kpaa 'ɛdanma -yaa' pɛ 'le, 'bhɛ 'pegee -e -kɔɔ' tagbawoa.
- 31'Bhɛla- -zayile, -a yɔɔndele -o -Waanbhaa' a 'Sɛwɛ 'ɛ 'yi dɔɔ: "'Ke mɛɛ 'la zan -o -a zi 'bhii- -ya 'gbu 'wasowo, 'bhɛ zan 'bhɛ 'wasowo Mɛɛzan Krisi kleza 'ɛ 'bhɛɛ- 'yi."

Korɛnti =Lwa Mi 2

- 1'D nɛɛnɛ- mu, 'ŋ gelawoa 'ka ba -Waanbhaa' a gaanyiza 'la tagaanle -yaa 'bhɛ ba janwole 'ka ni, 'naa klele -jan -gbɛnɛ -gbɛnɛ mu wolele 'ka ni 'bhii- 'sɛwɛdɔ mu -gbɛnɛ mu 'ɛ gbɛnɛ-, 'bhɛɛ- 'naa 'a zrɔnle 'ka 'ni 'bhii- 'mi a pɛ -zadɔleya 'ɛ gbɛlaan -yiya' 'ke 'bhɛ kan -waa' pɛ -zadɔleya 'ɛ ta.
- 2-Amasrɔyi, 'ŋ 'yaa- 'ka 'pleŋ- 'waati 'la ba, 'mi 'a =kpaa dɔɔ 'naa -o 'ŋ 'nii- 'nale pɛ -bhɛke' do 'kpɔ dɔle ni, 'ke yaa 'e go Zesu Krisi dɔle ba, 'bhɛ 'pegee -a gbaanza 'ɛ -yrigbɛɛle 'ɛ ta 'bhɛ ba.
- 3'Mi 'gbu 'yaa- 'ka 'pleŋ- 'waati 'la ba, fangan- 'laa -yaa 'ŋ ta, 'bhɛɛ- 'ŋ =yaa bɛɛn 'zi -gbɛlaan 'ɛ 'kɔɔ.
- 4'Mi 'an pɛ mɛɛ mu daangbeya 'ɛ 'pegee 'ŋ 'yaa- -Jan 'Nrɛle- 'la 'wo zii', 'naa -yaa 'mu kle 'zi 'ke -janwole -gbɛnɛ -gbɛnɛ mu 'le 'bhii- bhaapleŋ a -zadɔleya maza jan gbɛnɛ-, 'duŋ- 'ŋ Lii 'Wɛŋ 'ɛ 'bhɛ a -glooya' 'ɛ -zrɔnna gbɛ 'ɛ 'kpen ma.
- 5'D 'bhɛ =kla, 'kooko- 'kaa- 'kpaleya 'ɛ -Waanbhaa' 'yi 'ɛ 'bhɛ kli gbaanle laa kle bhaapleŋ mu a -zadɔleya ta, 'duŋ- 'ke 'bhɛ kli gbaanle kle -Waanbhaa' a -glooya' 'ɛ 'bhɛɛ- ta.
- 6'Bhɛɛ- 'duŋ-, 'woo- -janwo zii' -zadɔleya 'la ba zayi' Zesu 'yi mu 'la 'yrebakaan gban 'mu -la ni. 'Bhɛ -zadɔleya 'ɛ 'pegee 'drunyan 'lɛɛ- 'yi pɛ 'ɛ waa -o do, 'bhɛɛ- yaa da -glooya' mu 'la 'kpaale- -o 'drunyan 'lɛɛ- 'yi mu 'ɛ ta 'mu ba. -Amasrɔyi 'bhɛ -glooya' mu 'ɛ 'mu -o 'ke 'siɛ pɛ 'le.
- 7'Duŋ- 'woo- -Waanbhaa' a pɛ -zadɔleya 'ɛ 'bhɛ -la -janwo' zii', 'bhɛ -o 'ke gaanyiza 'le; 'bhɛɛ- -a gaanle -o 'drunyan 'yi mu 'ɛ ma. 'Sani- 'drunyan klele pleŋ- -Waanbhaa' 'kɔɔ, -e -kɔɔ' 'lɛtwa= 'bhɛɛ- -zadɔleya 'ɛ ba; 'kooko- -e kle -kɔɔa' pɛ 'tɔbhɔleya 'le -Waanbhaa' ba.

⁸'Drunyan 'lɛɛ- 'yi mɛɛ gbɛɛ mu 'ɛ 'kɛdɔ- 'kpɔ 'laa 'yɛɛ- -zadɔleya 'lɛɛ- dɔɛ. 'Kɛɛ- 'kpa -wa dɔ bi, waa -yaa nu a 'tolɛ- 'kɛ -o Mɛɛzan 'tɔbhɔle 'ɛ gbɛɛ -yrigbɛɛle 'ɛ ta 'bhɛɛ- -wa dɛ.

⁹'Duŋ- 'bhii- -a yɔɔndɛle -o -Waanbhaa' a 'Sɛwɛ 'ɛ 'yi gɔnɛ- 'la gbɛɛn- dɔɔ: "Bhaaplɛŋ -yɛ 'laa -za mu 'la 'yɛɛ- -lido', 'bhɛ 'pɛgɛɛ- bhaaplɛŋ laa -za mu 'la 'male- -a 'trɔn 'le; 'bhɛɛ- bhaaplɛŋ laa a 'kpeɛɛdanɛ pɛ mu 'la ma, -Waanbhaa' -za sɔ mɛɛ 'la zan mu ni, -e 'mu -la -lɛtwa 'bhɛ pɛ mu 'ɛ ba."

¹⁰'Bhɛɛ- 'duŋ-, 'bhɛ -za mu 'la gaanle -yaa, -Waanbhaa' 'mu -zrɔnna -kɔɔ' mu -la ni -a Lii 'Wɛŋ 'ɛ 'le. Wlan 'ɛ ni, Lii 'Wɛŋ 'ɛ -e -za 'ɛ 'kpɛn 'yiglin- -a dɔ zayi; 'ali- 'kɛɛ- gɛ 'kpɛɛ- -Waanbhaa' 'gbu a -za tagaanle mu 'ɛ 'kpɛn ta.

¹¹Mɛɛ 'kɛdɔ- 'kpɔ 'laa bhaaplɛŋ 'kpeɛjan- dɔ, 'kɛ yaa 'e go 'yɛɛ- bhaaplɛŋ 'gbu 'nii- 'ɛ ba. 'Bhɛ klɛgbɛya dɔ 'ɛ 'yi 'ɛzin- bhɛ, mɛɛ 'kɛdɔ- 'kpɔ 'laa -Waanbhaa' 'kpeɛjan- mu dɔ, 'kɛ yaa 'e go Lii 'Wɛŋ 'ɛ 'bhɛ dɔ -kplɛn ba.

¹²'Bhɛɛ- 'duŋ-, -kɔɔ' mu Lii 'la 'srɔɔwoa-, 'bhɛ 'laa da 'drunyan 'lɛɛ- 'bhɛ 'yi. 'Duŋ- 'bhɛ Lii 'ɛ -daa -Waanbhaa' -la ba. -E 'bhɛ Lii 'ɛ =naa -kɔɔ' mu ni, 'kooko- -e pɛ -lɛɛle' mu 'la =naa -kɔɔ' ni, -kɔɔ' sɔ 'mu dɔɛ-.

¹³'Waa -o 'bhɛ -jan 'ɛ 'wo zii' bhaaplɛŋ a -zadɔleya ma; 'duŋ- Lii 'Wɛŋ 'ɛ -yoo' daan 'zi 'kɛla 'le 'o 'bhɛɛ- 'wo zii'. 'Bhɛ klɛgbɛya 'ɛ 'yi, 'o -Waanbhaa' a wlan mu 'ɛ 'yipe- zii' 'yɛɛ- Lii 'Wɛŋ 'ɛ -yaa' -janwo' gbɛya 'ɛ 'bhɛɛ- zi.

¹⁴'Duŋ- bhaaplɛŋ 'gbu dɔgbɛya 'ɛ 'yi, 'kɛ -Waanbhaa' Lii 'Wɛŋ 'ɛ yaa -o -a -yi, yaa sɔ dɔɛ- wlan mu 'la da 'yɛɛ- Lii 'Wɛŋ ba 'mu =la. 'Bhɛ mu -o -a -yɛɛ 'yi 'kɛ -kwa maza mu 'le. 'Bhɛɛ- yaa sɔ 'mu dɔɛ- -titi, -amasrɔyi bhaaplɛŋ 'gbu 'laa sɔ 'mu dɔɛ- 'kɛ Lii 'Wɛŋ 'laa bhɔɛ -a ba.

¹⁵'Kɛ Lii 'Wɛŋ 'ɛ -yoo mɛɛ 'la zan 'yi, 'bhɛ zan 'ɛ sɔ -za mu 'ɛ 'kpɛn bagole, 'bhɛɛ- -yoo dɔ. 'Bhɛɛ- 'duŋ-, mɛɛ 'kɛdɔ- 'kpɔ 'laa sɔ 'bhɛ zan 'ɛ 'kitikanle.

¹⁶-Amasrɔyi, -a yɔɔndɛle -o -Waanbhaa' a 'Sɛwɛ 'ɛ 'yi dɔɔ: "-De 'gbu -le Mɛɛzan 'kpeɛjan- 'ɛ dɔ ɛɛ? -De 'gbu -le sɔ -a -liale' ɛɛ? 'Duŋ- Kɛɛ 'kpeɛjan- 'ɛ -yoo 'o mɔɔ 'gbu -la 'kpeɛ."

Korɛnti =Lwa Mi 3

¹'D nɛɛnɛ- mu, 'ŋ -ja -Waanbhaa' a -jan 'ɛ 'wolɛ- 'ka ba ye 'waati 'la ba, 'naa 'ka 'kunɛ- 'bhii- -Waanbhaa' a Lii 'Wɛŋ 'ɛ -yoo mɛɛ 'la zan mu 'yi. Drɔɔn' 'mi -janwoa 'ka ni 'kɛ 'ŋ 'ka kun 'bhii- 'drunyan 'lɛɛ- 'yi mu 'la 'taawo- -o 'gbu zru maza ta. 'Kpɛɛɛɛ Kɛɛ 'yi a pɛ zi 'ɛ ta, 'ŋ 'ka =kwan 'bhii- -nɛ 'yientɛnɛ mu gbɛɛn-.

²'D -janwoa 'ka ni wogbɛya 'la 'yi, -e -kɛɛ 'bhii- 'ŋ -yɔn -la -naa 'ka ni 'bhii- -o -yɔn na -nɛ 'yientɛnɛ mu ni gɔnɛ- 'la gbɛɛn-. -Amasrɔyi 'kɛ 'ŋ 'yaa- pɛbhɛ -glɔɔ na 'ka ni, 'bhɛ 'laa -yaa nu 'solɛ- 'ka 'kpeɛ. 'Ali- -zɔn -li, 'ka 'laa sɔ pɛbhɛ -glɔɔ 'bhɛɛɛ -titi, -amasrɔyi 'ka -o 'taawo zii' 'ka 'gbu a bhaaplɛŋ zru maza ta 'bhii- 'drunyan 'lɛɛ- 'yi mɛɛ mu 'ɛ gbɛɛn-.

- ³Wlan 'ε ni, zran 'pegee sra mu -o 'ka 'pleŋ-. 'Bhε klegbeya 'ε ma, 'kaa- zrɔn 'zi 'bhii- 'ka -o 'taawo zii' 'ka 'gbu zru maza mu -la ta, 'bhεε- 'ka 'kpen 'pegee 'drunyan 'lεε- 'yi mu 'ε 'ka -o do.
- ⁴'Ke 'ka 'pleŋ- mεε do 'a =pia dɔɔ: "'Mi -o Pɔlu -la zi". 'Bhεε- 'ke mεε 'bhεεke do 'a =pia 'ezin- dɔɔ: "'Mi -o Apolɔsi -la zi". 'Ka 'laa- zrɔn 'zi 'bhε 'yi 'bhii- 'ka mu 'pegee 'drunyan 'lεε- 'yi mu 'ε 'ka 'taawogbeya 'ε 'bhε -o do εε?
- ⁵Wlan 'gbu 'ε ni, Apolɔsi -o 'ke -mela -le εε? 'Bhεε- Pɔlu -o 'ke -mela -le εε? 'O mɔɔ -o 'ke -Waanbhaa' a yewone mu drɔŋ -la -le, 'bhεε- 'o mɔɔ -la 'srɔyi 'ka =swa 'ka 'kpale Zesu 'yi, 'bhεε- Mεezan 'seŋ yεke- 'la =naa 'o 'kpen do do ni 'o 'bhεε- wlata yewoa=.
- ⁶'Mi 'an pε yewole 'ε =kla 'bhii- 'mi -yri diiŋ 'ε =swa, 'bhεε- Apolɔsi -yi =klaa -a ta; 'bhεε- -Waanbhaa' -le 'a =kla 'bhεε- -e gbaandia-.
- ⁷'Bhε klegbeya 'ε 'yi, mεε 'la zan -yri diiŋ 'ε =swa, 'bhε 'pegee mεε 'la zan -yi =klaa -a ta, 'mu mεε ple 'ε waa -o 'ke -za 'kedo- 'kpɔ 'le; 'fɔpe -Waanbhaa' 'la 'bhε 'a =kla 'bhεε- -e gbaandia-, 'bhε -le -za 'kpen 'win 'le.
- ⁸'Bhε ya 'ε 'yi bhε, mεε 'la zan -yri diiŋ 'ε =swa, 'bhε 'pegee mεε 'la zan -yi =klaa -a ta, 'mu mεε ple 'ε 'kpen -o do. 'Bhεε- -o 'kpen do do ye yεke- 'la =woa, -Waanbhaa' nu 'bhεε- wlata -trɔn 'nale- -o ni.
- ⁹-Amasrɔyi, 'o mɔɔ -o 'ke -Waanbhaa' a yewoyɔɔn mu -la -le, 'ka mu -le 'bhii- -Waanbhaa' a gba 'ε 'le. 'Bhεε- 'ka -o 'ezin- 'bhii- -Waanbhaa' a 'fε 'bhεε- 'le.
- ¹⁰-Waanbhaa' -lileya 'ε ma -e 'mi =gbaa -yaa' 'seŋ yεke- 'la ba, 'mi 'fεgwle- 'ε zibwa- 'bhii- 'fɛdɔ- mi kplankplan do gbεen-. 'Bhε blaen, 'ke mεε -bhεεke' do 'nule 'fεgwle- dɔle 'bhε ta. 'Duŋ- -yoo 'bhii- mɔkpen' 'e 'yrekpa 'mu a pε 'fεgwle- dɔgbeya 'ε ba.
- ¹¹Wlan 'ε ni, 'fεgwle- 'la 'bhε zibɔle -o, 'bhε -le 'ke Zesu Krisi 'le. 'Bhεε- mεε -bhεεke' 'laa sɔ 'fεgwle- -bhεεke' zibɔle 'ezin-.
- ¹²'Ke mεε 'ke zan 'fεgwle- -dwa 'bhε 'fε gaan 'ε ta, 'ke -ya -kla 'ke -can 'le oo, 'kee- =kla 'ke -gɔli' 'pu 'le oo, 'kee- =kla vlε -nε 'lrele- -za -glɔɔ mu 'le oo, 'kee- =kla 'ke -yri -glɔɔ 'le oo, 'bhεε- 'kee- -kla -gaa 'le.
- ¹³-Kɔɔ' 'kpen do do 'woye- 'ε 'lregbeya 'ε ta nu 'pwεle- kpataakpa 'pɛlii- 'kitikan yi 'ε 'le. 'Bhε yi 'ε 'le, -kɔɔ' 'kpen 'woye- 'ε -yoo ye -glɔɔn 'la 'le, 'tε 'ε nu 'bhε zrɔnle.
- ¹⁴'Ke mεε 'la zan 'fεgwle- -dwa 'yee- 'fε gaan 'ε ta, 'bhεε 'ke 'tε 'ε yaa 'bhε 'kpaciεε; 'bhε zan nu 'bhε 'woye- 'ε ma -trɔn 'srɔɔwole.
- ¹⁵'Duŋ- 'ke mεε 'la zan 'fεgwle- -dwa 'yee- 'fε gaan 'ε ta, 'bhεε- 'ke 'tε 'ε -ya -kpaciεa; 'bhε zan laa nu 'bhε 'woye- 'ε ma -trɔn 'srɔɔwole. 'Bhε zan nu gole -za -yi, 'duŋ- -e nu klele 'bhii- -e =mia 'tε 'yi.
- ¹⁶'Ka 'laa 'yaango 'bhii- 'ka mu 'gbu -le -Waanbhaa' Gba 'Fε -Gbεnε 'ε 'le, 'bhεε- -a Lii 'Weŋ 'ε -yoo 'ka 'yi εε?

- 17'Ke mɛɛ 'la zan -Waanbhaa' Gba 'Fɛ -Gbɛɛ 'ɛ 'triŋdwa- 'ke -ya siɛ, -Waanbhaa' nu 'bhe zan 'ɛ 'siele- 'ezin-. -Amasɔyi -Waanbhaa' Gba 'Fɛ -Gbɛɛ 'ɛ -yoo 'weŋ, 'ka mu 'gbu -o 'bheɛ- 'le 'ezin-.
- 18'Mɛɛ 'kɛdo- 'kpɔ 'laa 'bhe 'gbu 'yinile. 'Ke mɛɛ 'la zan 'gbu 'kpee ma, -yoo 'ke -zadɔ' mi 'le 'drunyan 'lɛɛ- 'yi mu 'ɛ 'yrɛ 'yi, 'bhe zan 'bhe 'gbu klɛ 'bhii- mɛɛ 'la zan ŋgblo laa -o 'bhe ta, 'kooko- -e -Waanbhaa' a pɛ -zadɔleya -zeze 'gbu 'ɛ 'bhe 'srɔɔwo-.
- 19-Amasɔyi, 'drunyan 'yi mu a -zadɔleya 'ɛ 'bhe -o 'ke 'truu- maza 'le -Waanbhaa' -yrɛ 'yi. 'Bheɛ- wlan 'gbu 'ɛ ni, -a yɔɔndele -o -Waanbhaa' a 'Sɛwe 'yi dɔɔ: "-Waanbhaa' 'drunyan 'lɛɛ- 'yi -zadɔ' mu 'ɛ kun -o 'gbu a -dawli' ma bhee 'ɛ 'yi.'"
- 20'Bheɛ- -Waanbhaa' a 'Sɛwe -ya =pia 'ezin- dɔɔ: "-Waanbhaa' 'drunyan 'lɛɛ- 'yi -zadɔ' mu 'ɛ 'kpen 'kpeejan- dɔ, 'bheɛ- -ya 'yaango- 'bhii- -o 'kpeejan- mu 'ɛ -woo 'ke bhaama za 'le.'"
- 21'Bhe ya 'ɛ 'yi, 'ŋ nɛɛɛ- mu, 'bhɛla- -zayile bhe, mɛɛ 'kɛdo- 'kpɔ 'laa 'bhe -baale' 'bhe 'tanyɔɔn bhaapɛŋ mu 'yi. -Amasɔyi 'kaa- pɛ -le pɛ 'kpen 'le.
- 22'Mi Pɔlu oo, Apolɔsi oo, Pieri oo, 'drunyan oo, bole -yrɛ ma oo, gale oo, -zɔn pɛ mu oo, -kɔɔ' 'lɛɛ pɛ mu oo, 'kaa- pɛ -le 'mu 'kpen 'le.
- 23'Duŋ- 'ka mu 'gbu -o 'ke Kriɔi a pɛ 'le, 'bheɛ- Kriɔi -o 'ke -Waanbhaa' a pɛ 'le.

Korɛnti =Lwa Mi 4

- 1'D nɛɛɛ- mu, -ka 'o 'kun 'bhii- Kriɔi a yewonɛ mu, 'bheɛ- -o woye -le 'ke -Waanbhaa' a gaanyiza mu 'ɛ 'mu -la wolele.
- 2'Bhe 'yi 'tɛ, ye 'ɛ gbɛkpale -o mɛɛ 'la zan mu 'kɔɔ, -o -za 'la klɛyrɛ glin 'bhe zan mu 'ɛ 'kɔɔ 'bhe -le dɔɔ 'ke -o 'bhe ye 'ɛ wo, 'bheɛ- 'ke -o blɔɔle klɛ 'bhe ma.
- 3'Ke -yoo 'mi 'an pɛ 'le, 'ke 'ka mu 'mi 'kitikaan oo, 'ke bhaapɛŋ -bheɛke' mu 'mi 'kitikaan oo, 'bhe 'laa -za 'kɛdo- 'kpɔ klɛ 'mi ni. 'Mi 'duŋ- laa sɔ 'ŋ 'gbu 'kitikanle 'an yewogbeya 'ɛ 'yi.
- 4-Amasɔyi, 'ŋ 'nii- 'ɛ 'bhe 'laa -o -la 'zi 'ŋ 'gbu ta -za 'yɔɔ 'kɛdo- 'kpɔ 'yi. 'Duŋ- 'naa sɔ a pele- 'bhe 'yi dɔɔ 'naa -za 'yɔɔ- 'kɛdo- 'kpɔ klɛle -titi; -amasɔyi Mɛɛzan -Waanbhaa' do -kplɛn -le 'mi 'kitikan.
- 5'Bhɛla- -zayile, 'ka 'laa mɛɛ 'kɛdo- 'kpɔ 'kitikanle -Waanbhaa' 'kitikan yi 'la -dwa 'bhe 'lɛɛ. -Ka Mɛɛzan Zesu Kriɔi 'nu yi 'ɛ magben. 'Kee- -nwa, pɛ 'tɔle- pɛ, 'ke 'bhe gaanle -o -gblo 'ɛ 'yi, -e nu 'bhe 'kpen tapwele kpataakpa 'pɛɛlii-; 'bheɛ- -e nu bhaapɛŋ mu 'kpeejan- gaanle mu 'ɛ tapwele. 'Ke 'bhe =kla 'tɛ, 'bhe yi 'ɛ 'le, -za 'la 'bhe -o 'ke 'tɔbho maza 'le -kɔɔ' 'kpen do do nu 'bhe 'srɔɔwole -Waanbhaa' 'kɔɔ.
- 6'Mi 'an pɛ -jan 'ɛ =sia 'mi 'gbu 'pegee Apolɔsi -la ma 'ka mu daan zayi'. 'D 'bhe =kla, 'kooko- 'ka -gɔɔn 'lɛɛ- 'bhe 'yi jan 'ɛ daan dɔɔ: "'Kɛla 'bhe yɔɔndele -o -Waanbhaa' a 'Sɛwe 'ɛ 'yi, 'ka 'laa 'kanle- 'bhe ta". 'Ka mu 'ezin-, 'ka 'kɛdo- 'kpɔ 'laa 'bhe 'gbu magbaandele 'ke -ya pɛ dɔɔ -yoo mɛɛ do zita, 'bheɛ- -a zibɔle -o -a do ma.

- 7-Amasrōyi, -dele gblaanya -naa 'e ni 'e -vin mu 'e ta εε? -Mεle 'e 'koo 'ke -Waanbhaa' laa 'bhe 'nale- 'e ni εε? 'Bhεε- 'ke -Waanbhaa' -le 'a =naa 'e ni, -mela ma 'bhεε- 'yoo- 'e 'gbu 'wasowo zii' 'bhii- 'yee- 'laa 'bhe 'nale- 'e ni εε?
- 8'E! 'D nεεnε- mu, 'ka mu kpεdwa- gban 'dε! 'Ka =kla gban pεzan mu 'le 'dε! 'Bhεε- 'ka =kla -bhleᅅgbe mu 'le, 'duᅅ- 'o moo laa klele 'ke -bhleᅅgbe mu 'le. 'Ke 'ka 'yaa- kle bi -bhleᅅgbe mu 'le kpataakpa, 'o moo 'ezin- 'o 'pegee 'ka mu 'yaa- nu klele 'ke -bhleᅅgbe mu 'le 'o 'pegee 'ka mu 'le.
- 9-Amasrōyi, -yoo 'mi ni 'bhii- -Waanbhaa' 'o moo Zesu a winbōwo mu 'ε =kla mōkpen' -zanta' mu -la -le: -yoo 'bhii- -woo' =kpa 'edaᅅma 'o dεza -la 'kaama- mōkpen' 'yre ma. -Amasrōyi, 'o =kla 'ke -glinpε' mu -la -le 'drunyan 'ε 'yi -mlεkε' mu 'pegee bhaapleᅅ mu 'ε 'kpen 'koo.
- 10'O =kla 'bhii- -kwani' mu Zesu Krisi 'tō 'ε -zayi'; 'duᅅ- 'ka mu =kla 'ke -zadō' mu 'le 'ka mu 'pegee Krisi a 'kpaledomaya 'ε 'yi. 'O moo =kla 'ke fanᅅan- klezan mu 'le; 'bhεε- 'duᅅ-, 'ka mu =kla 'ke fanᅅan- mεε mu 'le. Mεε mu -o 'ka mu -lεdō' 'zi -a ma, 'duᅅ- -woo 'o moo mavεε- 'zi.
- 11'Ali- 'kee- nu 'tenle- -zōn ma, 'woo- -yrenbhle' zii' gbōn 'pegee -yi 'mi -lro 'koo; -baape' -lrele' mu laa -o 'o 'koo; -woo' tafe' zii', 'bhεε- 'woo- 'kaan- zii' yrekpen- =nōo.
- 12'Woo 'gbu 'trebhō zii' yewolele 'o 'gbu 'koo. -Woo' -zwanwo', 'duᅅ- 'o mεε mu 'dumawo; -o -yrenkpa' 'o ta, 'duᅅ- 'o 'bhe -yren mu 'ε 'yikun-.
- 13'Ali- 'ke -woo' 'tō 'siela-, 'wa zikpa -o ni 'ke 'o zru -dōo 'le. 'O =kla 'bhii- 'drunyan 'yi 'klele mu 'le, 'bhεε- 'woo- 'bhii- mōkpen' gaan -la pε mu 'le, 'ali- 'ke 'bhe nu 'tenle- -zōn ma.
- 14'D nεεnε- mu, 'naa -o 'sεwe 'lεε- 'kpa zii' 'ka ni -yraladō zayi' 'ka ma; 'duᅅ- 'ᅅ 'yoo- 'ka daan 'zi -za 'le 'bhii- 'ᅅ 'nε mu 'la -za sō 'ᅅ ni 'egbenele.
- 15'Ali- 'ke mεε 'waa vu -o 'ka daan 'zi 'taawolele Krisi a zi 'ε ta, 'ka dε -o do 'kpō -a ma. Wlan 'ε ni, 'mi 'la 'mi -Jan 'Nrle- 'ε =woa 'ka ni, 'bhεε- 'ka 'ka 'gbu =naa Krisi ni, 'mi -le =kla 'ka dε 'le Zesu Krisi a zi 'ε ta.
- 16'Bhe ya 'ε 'yi, 'mi -o -sromabō 'zi 'ka ni dōo 'mi -o 'taawo zii' gōnε- 'la gbεen- Krisi -a zi 'ε ta, -ka 'ka 'kpa 'ᅅ ma 'bhεε- gbεen-.
- 17'Bhela- -zayile, 'mi -o Timote 'winbō- 'zi 'ka ba ye, 'yele- 'ᅅ 'nε 'la -za sō 'ᅅ ni 'bhe 'le, 'bhεε- 'ye -la zru -o do 'ᅅ ni Mεezan a ye 'ε 'yi. 'Mi 'taawogbeya 'ε -yoo gōnε- 'la gbεen- Zesu Krisi a pε zi 'ε ta, 'e nu 'bhe dōle 'ka 'kpee. 'Mi 'bhεε- 'taawogbeya -glōn 'ε daan yrekpen- =nōo Zesu 'yi mu -lε 'tōle- -lε 'mu ni.
- 18'Ka 'pleᅅ- mεε mu 'ε 'ke mu 'kpee ma 'naa -yaa nu nule 'pwεle- 'ka ta, 'bhela- -zayile -woo 'gbu magbaandia.
- 19'Duᅅ- 'ke Mεezan -dwa -a -la, -a -vinbwa sa 'bhεε- 'ᅅ ge 'ka ba ye. 'Ke 'bhe =kla, 'woo- mεε mu 'la -woo 'gbu magbaande, 'naa nu -o -liiᅅan' -gbene -gbene mu do -kplen 'male-, 'bhεε- 'duᅅ-, -o fanᅅan- sō -za yeke- 'la klele ta 'ᅅ nu 'bhe 'yele- 'ezin-.

²⁰-Amasroyi -Waanbhaa' a -bhlengebeya 'e -a -danj' 'laa 'ke -janwole drɔŋ 'le; 'duŋ- 'bhe -o 'ke -o -Waanbhaa' a -glɔɔya' 'la ye bhaaplenj mu 'taawogbeya 'e ma 'bhɛɛ- 'le.

²¹'Bhɛɛ- 'ka -o -a -de 'gbu -la zi ɛɛ? 'Kaa- zi 'bhii- 'ŋ ge 'ka ba ye 'ka zita zɔn gbanjhlɛ do 'le 'ŋ 'kɔɔ taa- 'mi ge 'ka ba ye 'ke 'sɔniya 'pegee zru -dɔɔya' 'le 'ŋ 'kpee ɛɛ?

Korɛnti =Lwa Mi 5

¹'D nɛɛnɛ- mu, mɛɛ mu -o -a pe 'zi yrekpen- =nɔɔ dɔɔ 'ka ba mu 'e 'ke mu -yanbhɔɔya klɛ. 'Bhɛɛ- -waa' pɛ -yanbhɔɔya 'e 'bhe -o 'eyɔɔle, 'ali- waa sɔ 'bhe -glɔɔn 'yele mɛɛ 'la zan mu laa -Waanbhaa' dɔ 'mu ba. 'Wa =maa dɔɔ 'ka do 'bhe 'gbu dɛ na 'e =kla 'ke -a na 'le.

²'Bhe trala 'ezin-, 'ka 'pale- -o 'ke 'gbu gbalaanya 'le -Waanbhaa' a pɛ zi 'e ta. 'Ka ta -yaa sɔ -lrwale' bi 'bhe -za 'e 'yi. 'Bhɛɛ- mɛɛ 'la zan 'bhe -Setran' maza 'e =kla, 'ka 'yaa- sɔ bi 'bhe zan 'e -gbinle' 'ka 'plenj-.

³'Mi 'gbu 'laa -o 'ka 'plenj- ye 'ŋ 'gbu 'fle 'yi, 'duŋ- 'ŋ 'yoo- 'ka -din 'ŋ 'kpeeledanle 'e 'yi. 'Mɛɛ 'la zan 'bhe -Setran' maza 'e =kla, 'mi -kpan -balaa' gban 'bhe zan 'e ta, 'bhii- 'ŋ 'yaa- 'ka 'plenj-.

⁴'Ke 'ka =klaa 'eke- ba 'waati 'la ba Mɛɛzan Zesu 'tɔ 'e 'yi, 'bhɛɛ- 'ke 'mi =kla 'ka ba 'ŋ 'kpeeledanle 'e 'yi, 'bhe 'pegee Mɛɛzan Zesu a -glɔɔya' 'e 'le;

⁵-ka 'bhe mɛɛ -glɔɔn 'e 'kpa -Setran' 'kɔɔ, 'kooko- 'ali- 'ke -Setran' -a 'fle 'e 'siɛla- oo, -e sɔ gole- -za 'yi Mɛɛzan Zesu 'nu yi 'e 'le.

⁶'Zoo 'laa -o 'ka zi 'dɛ 'ke 'ka 'ka 'gbu magbaandɛ 'bhe -za -glɔɔn 'e 'yi! 'Ka 'laa 'yaango- 'bhii- 'ke 'ka -za 'yɔɔ- sanɛ- =twa 'ka 'plenj-, -e 'ka 'kpen 'siɛ 'bhii- 'bluu -pɛɛ 'wlen 'sɛkɛ sanɛ- 'bluu -pɛɛ 'e 'kpen wlen gɔnɛ- 'la gbɛɛn- bhe ɛɛ?

⁷-Ka -za 'yɔɔ- 'e go 'ka 'plenj-, -yoo 'bhii- 'bluu -pɛɛ 'wlen 'sɛkɛ gwe; -ka 'bhe klɛ 'kooko- 'ka sɔ klɛle- 'wɛŋ. 'Ke 'ka 'bhe =kla, 'ka nu klɛle 'bhii- 'bluu -pɛɛ drɛɛ 'la 'ke 'bluu -pɛɛ 'wlen 'sɛkɛ laa -o 'bhe ba -titi 'bhe gbɛɛn-. -Amasroyi Krisi -le =kla 'bhii- -kɔɔa' pɛ Paki 'fɛti 'e ta 'sraka go -bhlaa gwlen bhlonɛ- 'e 'le, 'bhɛɛ- -e -gaa -kɔɔ' mu -laa' -za 'yɔɔ- ma.

⁸'Bhɛla- -zayile, -kɔɔ' -kɔɔa' pɛ 'fɛti 'e klɛ, 'duŋ- -kɔɔ' 'laa 'bhe klɛle 'ke 'bluu 'la -o 'bhe -pɛɛ 'e 'wlɛnna- 'ke 'sɛkɛ gwe 'e 'le. 'Bhe 'sɛkɛ gwe 'e 'bhe -le 'ke -yɔɔya' 'pegee -yanbhɔɔya maza mu 'le. 'Bhɛɛ- 'duŋ-, -kɔɔ' 'yee- 'fɛti 'e klɛ 'ke 'bluu 'la 'ke 'sɛkɛ 'laa -o 'bhe -pɛɛ 'e ba 'bhɛɛ- 'le: 'bhe 'bluu 'e 'bhe -le -kɔɔ' zru wlan 'pegee -kɔɔ' 'kpee 'flelele- 'le.

⁹'D 'lɛtrɛ =lwa 'la =kpa'a 'ka ni, 'mi 'a =pia 'ka ni 'bhe 'yi dɔɔ 'ka 'pegee -yanbhɔɔyade mu laa 'taawole 'eke- zi 'tanji.

¹⁰'Duŋ- 'naa 'pele- dɔɔ 'ka 'laa 'ka 'mabɛɛnle 'drunyan 'yi -yanbhɔɔyade mu 'e 'kpen -din. 'Bhɛɛ- 'naa- -yaa -we 'zi 'ezin- 'ke -gɔli' 'flen zan mu 'pegee -faannii' mu 'le, 'bhe 'pegee yogba mu. 'Kee- klɛ bi 'bhii- 'ŋ 'yaa- -we 'zi 'ke 'bhe mɛɛ mu 'e 'kpen 'le, 'ka 'yaa- nu gole 'drunyan 'e 'gbu 'yi.

¹¹'D 'yaa- 'kela 'pele 'bhe -le -yaa dɔɔ 'ke mɛɛ 'la zan 'a pe -a 'gbu ma dɔɔ -yoo 'ke Zesu 'yi mi 'le, 'bheɛ- 'ke -yoo -za 'yɔɔ- mu 'lɛɛ- kle 'zi: -yanbhɔɔya oo, -gɔli' 'flen oo, yogbale oo, mɛɛ -zwanwole oo, -wɛɛn dɛle oo 'bheɛ- -faan. 'Ka 'pegee 'bhe zan laa pɛbhleɛ 'eke- ta -titi.

¹²'Bheɛ- mɛɛ 'la zan mu laa -o kpa -Waanbhaa' 'yi, 'mi 'an pɛ woye laa 'ke 'mu 'kitikanle 'le. -Waanbhaa' -le nu 'bhe zan mu 'ɛ 'kitikanle. 'Duŋ- Zesu 'yi mu 'la 'mu -o 'kaa- 'klankeba 'ɛ 'yi, 'ka sɔ 'mu -laa' -za 'yɔɔ- mu 'kitikanle.

¹³Mɛɛ 'la zan mu 'kpale- laa -o -Waanbhaa' 'yi, -Waanbhaa' 'gbu -le nu 'bhe zan mu 'ɛ 'kitikanle. -A yɔɔndele -o -Waanbhaa' a 'Sewɛ 'ɛ 'yi dɔɔ: "-Ka mɛɛ 'yɔɔ- 'ɛ go 'ka 'plen- ."

Korɛnti =Lwa Mi 6

¹'Ke -za do -o 'ka do 'pegee 'bhe nɛɛɛ- do 'plen-, -mɛle -kla 'bheɛ- waa ge 'bhe -za 'ɛ 'yrebagole -Waanbhaa' a mɛɛ 'weŋ mu 'ɛ ba; 'bheɛ- -o ge mɛɛ 'la zan mu laa -Waanbhaa' dɔ 'mu -la ba ɛɛ?

²'Ka 'laa 'yaango- 'bhii- -Waanbhaa' a mɛɛ 'weŋ mu 'ɛ -o nu 'drunyan 'yi mɛɛ mu 'ɛ 'kitikanle ɛɛ? 'Bheɛ- 'ke 'ka mu -le nu 'drunyan 'lɛɛ- 'yi mɛɛ mu 'ɛ 'kitikanle, -mɛla ma 'bheɛ- 'ka 'laa sɔ 'kaa- -za sanɛ- mu 'ɛ 'yrebagole 'ka 'gbu 'plen- ɛɛ?

³'Bheɛ- 'ka 'laa 'yaango- 'ezin- 'bhii- -kɔɔ' mu nu -mlɛkɛ' mu 'ɛ 'kitikanle ɛɛ? 'Bheɛ- -mɛla ma 'ke -za 'ke =wlaa 'ka 'plen- 'trɛ ta -gɛ, 'ka 'laa sɔ 'bhe -za 'ɛ 'yrebagole 'ka 'plen- ɛɛ?

⁴'Bheɛ- 'duŋ-, 'ke -za do -wlaa 'ka 'plen-, mɛɛ 'la zan mu laa -o Zesu 'yi mu -lɛdo' 'ɛ ba, -mɛla ma 'ka mu -la si 'kaa- -za 'ɛ 'kitikan mu 'le ɛɛ?

⁵'Mi pe dɔɔ 'bhe -o 'ke -yraladɔ maza 'le 'ka mu 'gbu ma. 'Bhe bhla 'ɛ ba, -o sɔ -zadɔ' mi do -srɔɔwole 'ka plen 'ke 'bhe sɔ 'bhe -za 'ɛ 'yrebagole 'ka nɛɛɛ- 'ɛ 'pegee 'bhe nɛɛɛ- 'bheɛke do 'ɛ 'plen-.

⁶'E! -Za 'lrele- laa 'bhe 'le 'dɛ! 'Ke Zesu 'yi mi do ge -a nɛɛɛ- Zesu 'yi -bheɛke' do 'le -klu ta mɛɛ 'la zan mu laa -Waanbhaa' dɔ 'mu ba.

⁷'Ke -za -wlaa 'ka 'plen-, 'bheɛ- 'ke 'bhe -ja klɛɛ 'ke -klu ta geza 'le; 'kaa zrɔn 'bhe ma 'bhii- 'ka 'laa -o 'taawo zii' 'bhii- Zesu 'yi mu 'taawogbɛya 'ɛ gbɛɛn-. -Mɛla ma 'ka 'laa sɔ -lɛbiile maza -yrɛn 'yikunle ɛɛ? 'Bheɛ- -mɛla ma 'ka 'laa to 'ke -o 'ka 'kɔɔpɛ- mu 'ɛ 'kpen si 'fenfen 'ka 'kɔɔ ɛɛ?

⁸'Bheɛ- drɔɔn', 'ka mu 'gbu -le -lɛbiile maza klɛ, 'bheɛ- 'ka mɛɛ mu 'kɔɔpɛ- mu 'ɛ si 'fenfen; 'duŋ- 'ka 'bhe klɛ 'ka nɛɛɛ- Zesu 'yi mu -la ni.

⁹'Ka 'laa 'yaango- 'bhii- mɛɛ 'la zan mu -lɛbiile maza mu klɛ, 'mu laa nu geɛ -Waanbhaa' a -bhlengebɛya -wa 'ɛ ta ɛɛ? 'Ka 'laa 'ka 'gbu 'yinile: mɛɛ 'joo 'yɔɔ- mu oo, yogba mu oo, -yanbhɔɔyade mu oo, 'gwlaan- mu 'la -woo 'tanyɔɔn 'gwlaan- klɛ -o na 'le oo,

10-faannii' mu oo, mɛɛ 'kɔɔ -glɔɔ mu oo, -wɛɛndɛ' mu oo, mɛɛ -zwanwo' mu 'pegee mɛɛ 'la zan mu balaa' mɛɛ mu ta 'bhɛɛ- -o 'mu 'kɔɔpɛ- mu 'ɛ si fanɔan- ma. 'Bhɛ zan mu 'ɛ do 'kpɔ 'laa nu gele -Waanbhaa' a -bhleŋgbeya -wa 'ɛ ta -titi.

11'Ka 'ke 'yaa- 'bhɛɛ mɛɛ -glɔɔn mu 'ɛ 'le 'elwale -sɔ. 'Duŋ- -zɔn, Zesu 'kaa- -za 'yɔɔ- mu 'ɛ =fia 'ke -a yien 'le, 'bhɛɛ- -Waanbhaa' 'ka =kpaa 'edaŋma -yaa' pɛ mɛɛ 'weŋ mu 'le. -E 'ka =kla mɛɛ -lɛdɔɔle mu 'le -a -yrɛ 'yi Mɛɛzan Zesu Krisi 'tɔ 'ɛ 'yi, 'bhɛ 'pegee Lii 'Weŋ 'ɛ 'le.

12'Ka 'ke mu 'a pe dɔɔ: "-Za 'kpensee kle 'seŋ 'o ni". 'Duŋ- 'mi pe dɔɔ -za 'kpen 'laa -o 'elrele bhaapleŋ ma. 'Mi sɔ -a pele- 'ezin- dɔɔ: "-Za 'kpensee kle 'seŋ -o 'ŋ 'ni bi". 'Duŋ- 'naa nu a 'tole- 'ke 'ŋ kle pɛ 'kedo- 'kpɔ a lu 'le.

13Mɛɛ 'ke mu 'a pe 'ezin- dɔɔ: "-O pɛbhle mu =kla mɛɛ vi -la 'kaama-, 'bhɛɛ- -o vi =kla pɛbhle -la 'kaama-". Wlan -le 'bhɛ 'le, 'duŋ- -Waanbhaa' nu 'woo- pɛ ple 'ɛ 'kpen 'siele-. Waa bhaapleŋ 'fle 'ɛ klele -yanbhɔɔya klele 'kaama. Mɛɛ 'fle 'ɛ -yoo 'ke Mɛɛzan -Waanbhaa' a pɛ -la -le, 'bhɛɛ- 'yee- Mɛɛzan -Waanbhaa' -le 'a zan 'le.

14'Yee- -Waanbhaa' 'la Mɛɛzan Zesu -bwela gale ba, -e nu -kɔɔ' mu bwele 'ezin- gale ba -yaa' -glɔɔla 'ɛ 'le.

15'Ka 'laa 'yaango- 'bhii- 'ka 'fle mu 'ɛ 'wole- 'ke Krisi 'fle 'ɛ dɔpɛ mu 'le ɛɛ? 'Bhɛ ya 'ɛ 'yi, 'ŋ sɔ Krisi 'fle 'ɛ dɔpɛ mu 'ɛ 'sile 'bhɛɛ- 'ŋ 'mu kle 'ke gwlen -glin -le do dɔpɛ mu 'le ɛɛ?

16'Bhɛ 'laa sɔ klele- -titi! 'Bhɛɛ- 'ka 'laa 'yaango- 'ezin- 'bhii- 'ke mɛɛ 'la zan 'pegee gwlen -glin le do -kpaa do ma, -o mɛɛ ple kle 'fle do 'kpɔ -la -le ɛɛ? -Amasrɔyi -a pele -o -Waanbhaa' a 'Sewɛ 'ɛ 'yi dɔɔ: "'Woo- mɛɛ ple 'ɛ -o nu klele mɛɛ 'fle do 'kpɔ 'le."

17'Bhɛɛ- 'duŋ-, 'ke mɛɛ 'la zan 'pegee Mɛɛzan -Waanbhaa' 'kpale- -o do ma, 'bhɛ zan 'ɛ 'pegee Mɛɛzan -Waanbhaa' 'kpeeledan gbeya 'ɛ kle do 'kpɔ.

18-Kaa kle gbɛ 'ɛ 'kpen ma 'ke 'ka ploɔ -yanbhɔɔya maza ma! Bhaapleŋ -za 'yɔɔ- -glɔɔn 'bhɛɛke mu 'la kle, 'bhɛ mu -o bhaapleŋ 'fle 'ɛ -gɔma'. 'Duŋ- 'ke mɛɛ 'oo mɛɛ 'la zan -a 'gbu =naa -yanbhɔɔya klele ni, 'bhɛ zan 'ɛ -e -za 'yɔɔ- -la kle 'zi -a 'gbu 'fle 'ɛ ni 'bhɛɛ gbɛen- bhe.

19'Ka 'laa 'yaango- 'bhii- 'ka 'fle 'ɛ 'bhɛ -le 'ke Lii 'Weŋ 'ɛ yaayrɛ 'ɛ 'le ɛɛ? 'Yee- Lii 'Weŋ 'la -yoo 'ka 'yi; 'bhɛɛ- -Waanbhaa' -le 'a =naa 'ka ni. 'Kaa- pɛ laa 'ka 'gbu 'le.

20-Amasrɔyi -Waanbhaa' 'ka tagbawoa 'egbenele, Zesu gale 'ɛ ma. 'Bhɛla- -zayile, -ka -Waanbhaa' -lɛdɔ' -a ma 'ka 'fle 'ɛ 'le.

Korɛnti =Lwa Mi 7

1'Ka -za 'la 'yilrɔkpaa 'ŋ ma 'kaa- 'sɛwɛ 'ɛ 'yi, 'ŋ 'yoo- zan 'bhɛɛ- 'mabɔle 'ka ni -gɛ. 'Mi 'kpee ma, 'ke 'gwlaan- do laa le 'sile-, 'bhɛ -o 'ke -za 'lrele- 'le.

2'Duŋ-, 'kooko- 'ke -yanbhɔɔya maza laa kle 'ka 'pleŋ-, 'bhɛ mabhaabhɔ 'ke 'gwlaan- 'kpen do do le si; 'bhɛɛ- 'ke le 'kpen do do yalaa' gwleŋna.

- ³Bhē ya 'ē 'yi, le -nōō klēza -o 'kēla 'le, -e 'bhē klē -a na ni; 'bhēē- le 'ē 'bhē klēza -o 'kēla 'le, 'bhē 'bhē klē 'bhē =nōō 'ē ni.
- ⁴-Amasrōyi le 'ē 'gbu a pē laa 'ke -a 'gbu 'flē 'ē 'le, -a -nōō -la pē -le 'bhē 'le. 'Bhē klēgbēya do 'ē 'yi, le -nōō 'ē 'bhē a pē laa 'ke 'bhē 'gbu 'flē 'ē 'le, -a na -laa' pē -le 'ke 'bhē 'le.
- ⁵'Ka 'laa 'ka -bangolē 'eke- 'yi, 'fōke 'ka mēē plē 'a =kpaa do ma dōō 'ka -o 'waati sa klēle- 'ka 'seriwolē 'le -Waanbhaa' ni. 'Duŋ- 'bhē blaana, -ka nu bo 'eke- 'yi, 'kooko-, 'ke 'ka gbē laa sō 'ka 'gbu 'yikunle ta, -Setran' 'laa nu 'ka 'lēkanlē, 'bhēē- 'ka balaa' -za 'yōō- 'yi.
- ⁶'D 'bhē -jan 'ē 'wo zii' 'ka ni 'ka 'liale- drōŋ -la -le, 'naa 'pele- 'ka 'taawo 'bhē zi kpaŋma.
- ⁷'Ke -yoo 'an pē 'le, 'mi -o -a zi 'bhii- mōkpen' bo -o -gbaakōō' 'le 'bhii- 'mi bogbēya 'ē gbēēn-. 'Duŋ- -kōō' 'kpen do do 'seŋ do -la -srōōwoa -Waanbhaa' 'kōō: -e -za 'ē do klē 'seŋ =naa mēē do ni, 'bhēē- -e -za 'bhēēke do klē 'seŋ =naa mēē -bhēēke' do ni.
- ⁸'D sō -jan yēkē- 'la 'wolē -gbaakōō' mu 'pegeē glāanle mu 'ē ni 'bhē -le -gē dōō: 'Ke -o bo -o do -kplēn 'le 'bhii- 'mi bogbēya 'ē gbēēn-, 'bhē -o 'ke -za 'lrele- 'le.
- ⁹'Duŋ- 'ke -wa =ya 'bhii- waa sō -o 'gbu 'yikunle, 'bhē bhla 'ē ba, -o le 'pegeē gwlen 'si. -Amasrōyi le 'sile- 'pegeē yaale gwlenna 'bhē mabhaabhō -gbakōōya ta, 'kēē bo -a -lro 'papa 'ē 'le 'e ma.
- ¹⁰'D 'yoo zan -jan 'lēē- 'bhēē- 'wolē- le zan mu 'pegeē gwlenna le mu ni ('bhē -jan 'ē 'bhē 'laa -o da 'zi 'mi 'gbu ba; Mēēzan -la wojan -le 'bhē 'le), 'bhē -jan 'ē 'bhē -le dōō: 'Ke le 'la 'bhē yaale -o gwlenna, 'bhē 'laa golē 'bhē =nōō 'ē 'kōō.
- ¹¹'Ke gwlenna le 'la 'bhē -gwa 'bhē =nōō 'ē 'kōō, 'bhē le 'ē 'bhē 'laa yaale gwlen -bhēēke' pla; 'kebhlāale, -o 'pegeē -a -nōō -bēŋgo' do ma, 'bhēē- -e nu gbē drēēwo yaale 'bhē 'kōō. 'Bhēē- 'duŋ-, 'gwlaan- 'ē 'bhē 'laa 'ploolē- 'bhē 'na ma 'ezin-.
- ¹²'Bhēē- 'ŋ sō 'kēla 'wolē mēē -vin mu 'ē ni ('bhē -jan 'ē da 'zi 'mi 'gbu -la ba, 'naa 'pele- dōō Mēēzan -le 'bhē =kpaa 'mi 'lii) 'bhē -jan 'ē 'bhē -le dōō: 'Ke Zesu 'yi mi 'gwlaan- do na laa -o Zesu 'yi, 'duŋ- 'ke -a na 'ē -dwa -a -la 'kaa 'bhē -o bole- -a 'kōō, yaa 'ploolē- 'bhē ma -titi.
- ¹³'Bhē klēgbēya do 'ē 'yi, 'ke Zesu 'yi le do -nōō 'laa -o 'ke Zesu 'yi mi 'le, 'bhēē- 'ke 'bhē =nōō 'ē -dwa -a -la dōō 'bhē le 'ē bo -a 'kōō, 'bhē Zesu 'yi le 'ē yaa golē -a -nōō 'kōō.
- ¹⁴-Amasrōyi le =nōō 'la 'bhē 'laa -o Zesu 'yi, -o 'pegeē -a na 'kpale- 'la -yoo do ma, -a -bēēnle' -o -Waanbhaa' -din -a na 'ē -zayi'. 'Bhēē- le 'la 'bhē 'laa -o Zesu 'yi, 'bhē 'pegeē 'bhē =nōō 'kpale- 'la -yoo do ma, 'bhē -bēēnle' -o -Waanbhaa' -din 'bhē =nōō 'ē -zayi'. 'Kebhlāale, -o -nē mu 'ē 'mu 'laa -yaa nu klēlē -Waanbhaa' a pē 'le, 'bhēē- 'duŋ-, -o yape mu 'ē do -o 'ke -Waanbhaa' a pē 'la 'le bhe, 'woo- mu 'ezin-, -woo 'ke -Waanbhaa' a pē 'le.

- 15'Duŋ- 'kee- =kla le 'e 'bhεε- 'le oo, 'kee- =kla -a -noo 'e 'bhεε- 'le oo, 'ke 'bhε 'laa -o Zesu 'yi, 'bhεε- 'ke 'bhε -o -a zi 'bhii- -e gwlenna yaale 'e 'kan, -wa 'to -ya 'kan. 'Ke -ya =kla 'bhε gbεen- bhe, 'kee- =kla Zesu 'yi mi -noo 'e 'bhεε- 'le oo, 'kee- =kla Zesu 'yi mi le 'e 'bhεε- 'le oo, 'bhε bhle laa kle -li -a ma gwlenna yaaza 'e 'koo; -amasɔyi - Waanbhaa' -koo' 'siila- 'ke -koo' bo yilabla -la -yi.
- 16'Wlan 'e ni, 'bhi Zesu 'yi le, 'yaa 'yaango 'bhii- 'e =noo so 'sii Zesu dɔle- 'bhi -la -zayi' εε? 'Bhεε- 'bhi Zesu 'yi mi 'gwlaan-, 'yaa 'yaango- 'bhii- 'e 'na so 'sii Zesu dɔle- 'bhi -la -zayi' εε?
- 17'Duŋ-, Mεezan -Waanbhaa' 'ka 'kpen do do -gbaa 'seŋ yeke- 'la ba, 'bhε 'pegee -e 'ka 'siila- 'waati 'la ba dɔo 'ka kle -yaa' pe 'le, 'ka 'kpen do do -yaa gɔne- 'la gbεen-, -ka bo 'bhε bogbeya do 'kpɔ 'e 'yi 'te. 'Ke 'ŋ -ja Zesu 'yi mu -lɛdo' 'oo -lɛdo' 'la ba, 'ŋ -o daan 'bhεε- -jan do 'kpɔ 'e 'le.
- 18'Ke -Waanbhaa' mεε do -siila 'ke -a wlale -o 'klɛen 'yi, 'bhε zan 'e bo 'bhε bogbeya 'e 'yi. 'Duŋ-, 'ke -Waanbhaa' mεε 'la zan -siila 'ke yaa wlale -li 'klɛen 'yi, 'bhε zan 'e yaa pele dɔo -e wlale- 'klɛen 'yi.
- 19'Kee- =wlaa 'klɛen 'yi oo, 'ke 'yaa wlale 'klɛen 'yi oo, 'bhε 'laa -za 'ke kle. 'Kela 'bhε -o -a -yi 'egloole, 'bhε -le 'kee -Waanbhaa' a 'toŋ mu 'e 'klosikun.
- 20-Waanbhaa' 'ka 'kpen do do 'siila- 'ka 'yaa- bogbeya 'la 'yi, -ka bo 'bhεε- bogbeya 'e 'yi 'te.
- 21'Ke -Waanbhaa' 'e 'siila- 'ke 'yoo- 'ke lu 'le, 'yaa 'bhε 'ŋgamiwole. 'Duŋ- 'ke 'bhε 'seŋ -o 'e ni 'kee so klele- =klo 'le, 'bhε kle.
- 22'Ke Mεezan mεε 'la zan -siila 'ke 'bhε zan -o 'ke lu 'le 'bhε bhla 'e ba, 'bhε zan =kla =klo 'le, 'bhεε- -yoo Mεezan a pe 'le. 'Bhε klegbeya do 'kpɔ 'e 'yi, 'ke Krisi mεε 'la zan -siila 'ke -yoo 'ke =klo 'le; 'bhε zan 'e =kla 'ke Mεezan a pe lu 'le.
- 23-Waanbhaa' 'ka tagbawoa 'ebebele, 'bhela- -zayile, 'ka 'laa klele bhaaplɛŋ 'kedo- 'kpɔ a lu 'le.
- 24'D nεenε- mu, -Waanbhaa' 'ka 'kpen do do -siila bogbeya 'la 'yi, -ka bo 'bhεε- bogbeya 'e do 'kpɔ 'e 'yi.
- 25'Mεε 'la zan mu laa le 'sile- -li 'bhε 'pegee mεε 'la zan mu laa yaale -li gwlenna, 'mi so 'kela 'pele 'mu ni, 'naa 'pele- dɔo Mεezan -Waanbhaa' -le -jan -kpa 'ŋ 'lii -o ni; 'duŋ- 'ŋ 'yoo- 'ŋ 'gbu 'kpeejan- -la wo 'zi 'ka ni. 'Duŋ- Mεezan -Waanbhaa' klelawoa 'ewlanle 'mi ma, -yoo 'ke -za 'le 'ke 'ka 'ka kpa 'mi 'wojan- 'e 'yi.
- 26-Zon 'waati 'e klelawoa 'egloole bhe, 'ŋ zi jan 'e 'bhε -le -gε: 'kela 'bhε -o 'mi 'yre 'yi -za 'lrele- 'le 'bhε -le dɔo mɔkpen' bo 'mu 'gbu bogbeya 'e 'yi.
- 27'Ke le -o 'e 'koo, 'yaa 'ploole- 'e 'na 'e ma. 'Bhεε- 'duŋ-, 'ke 'yaa le 'sile- -li, 'yaa 'pele- dɔo 'e le 'sile.

- 28'Duŋ- 'kee le =sia, 'yaa -za 'yoo- klele 'bhe 'le. 'Bhe- 'ke -gblane do yalaa' gwlenna, 'bhe 'laa -za 'yoo- klele 'bhe 'le 'ezin-. 'Bhe- 'duŋ-, mee 'la zan mu le 'pegee gwlen si, 'trebho -o 'mu ma. 'Bhe- 'ŋ 'yoo -a zi 'bhii- 'bhe 'trebho mu 'e 'kan 'ka ma 'egboonle.
- 29'D neene- mu, 'mi so 'kela 'pele 'ka ni, 'bhe -le doo 'drunyan 'yan bhla 'e =bhwa -wa -din. 'Bhe- 'kee- san -zon ma, 'ke le mu -o 'gwlaan- mu 'la 'koo, 'mu bo 'bhii- le laa -o 'mu 'koo.
- 30'Bhe- 'ke mee 'la zan mu -o wisi' zii', 'mu bo 'bhii- 'mu wleyisriwole laa -o. 'Ke mee 'la zan mu -o zrukpa' 'yi, 'mu bo 'bhii- 'mu zrukpaale laa -o. 'Bhe- mee 'la zan mu pe mu lo, 'mu 'a kle 'bhii- pe 'kedo- 'kpo 'laa -o 'mu 'koo.
- 31'Mee 'la zan mu -o 'drunyan 'yi -tron mu 'e -glin 'zi, waa -o 'kpale- 'bhe -tron mu 'e ma. -Amasroyi 'drunyan 'pegee -a -yi pe mu 'e 'kpen -o 'ke 'kanpe- 'le.
- 32'Mi 'gbu -o -a zi bi 'bhii- 'ka 'laa pe 'kedo- 'kpo 'ngamiwole. 'Ke le laa -o mee 'la zan 'koo, 'bhe zan 'bhe 'nii- 'e 'wla Meezan -Waanbhaa' a pe -za mu 'e 'bhe mu -la -yi; 'bhe- -ya 'gbu 'so yre glin Meezan -Waanbhaa' ni.
- 33'Duŋ- 'ke le -o mee 'la zan 'koo, 'bhe zan 'bhe 'nii- 'e 'wla 'drunyan ta za mu -la -yi. -Ya 'gbu 'so yre glin -a na ni.
- 34'Bhe klegbeya 'e 'yi, -a nii- 'e 'yicienle -o pe ple -la pleŋ-: -a na 'pegee -Waanbhaa'. 'Bhe klegbeya do 'kpo 'e 'yi 'ezin-, 'ke -gblane 'la 'bhe 'laa yaale -li gwlenna, 'bhe 'bhe 'nii- 'e 'wla Meezan -Waanbhaa' a -za mu -la -yi. -Ya zi 'bhii- -e kle -Waanbhaa' a pe 'le -a nii- 'pegee -a 'fle 'e 'kpen 'le. 'Duŋ-, 'ke le 'la 'bhe 'yaale- -o gwlenna, 'bhe 'bhe 'nii- 'e 'wla 'drunyan ta za mu -la -yi; 'bhe- -ya 'gbu 'so yre glin -a -noo 'e 'bhe- ni.
- 35'D 'yoo- -jan 'la 'wo zii' bhe, 'bhe -o 'ka 'gbu 'nrayiza -la -le, 'duŋ- 'naa- -o -jan bhee bo yre -glin 'zi 'ka 'lee. 'Mi 'gbu -o -a zi 'bhii- 'taawogbeya 'la 'bhe lele, 'ka 'bhe- 'si, 'bhe- 'ka bloole kle Meezan -Waanbhaa' ma 'ka zru 'e 'kpen 'le.
- 36'Ke =zwan do dole -o -gbla do zi, 'bhe- 'ke 'bhe le 'e 'lro -o de 'zi 'egloole; 'bhe- 'ke -ya =ya 'ke yaa 'bhe 'sile- -a na 'le, -e nu -za 'yoo- -la klele 'bhe gbeen- bhe, 'mi pe doo -woo 'eke- 'si 'bhii- -a -lro -o -a ma gone- 'la gbeen-. -Za 'yoo- laa 'bhe 'le 'ke -ya bhele 'e =sia -a na 'le.
- 37'Duŋ-, 'ke =zwan do 'a =kpa -a 'gbu 'kpee -a nii- 'e 'kpen 'le doo yaa -o le 'sile, 'bhe- 'ke waa 'bhe 'wlale- -a zi, 'bhe- 'ke 'bhe -daa -a 'gbu ba doo -ya 'gbu zru maza 'e 'yikunle. 'Ke 'yaa- -a bhele 'e 'sile- -a na 'le; -e -za 'lrele- -la -kla 'bhe 'le bhe.
- 38'Bhe ya 'e 'yi, 'ke mee 'la zan 'bhe 'gbu 'bhele- 'e =sia 'ke -a na 'le, -e -za 'lrele- -la =kla 'bhe 'le bhe. 'Duŋ- 'ke mee 'la zan laa -a 'bhele- 'e 'sile- -a na 'le, 'bhe kleza 'e mabhaabho 'kela 'bhe 'bhe 'bhele- 'e =sia 'bhe 'na 'le 'bhe a pe 'e ta.
- 39'Le 'tole- le, 'ke -a -noo 'laa gale -li, 'ke -waa' gwlenna yaaza laa 'kanle- -li 'yee- 'pegee -a -noo 'pleŋ-. 'Duŋ- 'ke -a -noo 'e -gaa, 'ke yaale -swa -a ni 'gwlaan- -bheke' 'koo, -e 'bhe- kle; 'duŋ- -e yala- Zesu 'yi mi -la 'koo.

40'Bhɛɛ- 'duŋ-, 'ke 'bhe le 'e yaa yaale gwlen -bhɛɛke' pla, -a zrukpaale nu klele 'egbenele 'ke 'bhe kan -a yaale ma gwlen -bhɛɛke' pla ta. 'Mi 'gbu -la zi jan -le 'bhe -jan 'e 'le bhe; 'duŋ- 'mi 'gbu 'kpeejan- 'e -yoo 'bhii- -Waanbhaa' Lii 'Weŋ 'e zru maza 'e gbɛɛn-.

Korɛnti =Lwa Mi 8

1'D nɛɛnɛ- mu, -kɔɔ' zan yogba wi mu bhleza 'e 'bhɛɛ- ba janwole -gɛ. 'Kaa pe dɔɔ: "-zayaangole -o 'o 'kɔɔ". 'Duŋ-, 'bhe -zayaangoleya -glɔɔn 'e 'bhe -le 'a kle 'zi 'bhɛɛ- 'ka -o 'ka 'gbu magbaandɛ 'zi, 'bhɛɛ- 'duŋ-, 'sɔniya 'e 'bhe -le fangandɔ mɛɛ a 'kpaleya 'e ta.

2'Ke mɛɛ 'la zan 'a pe -a 'gbu 'kpee dɔɔ -e -zayaango, 'ali- -zɔn, 'bhe zan a -zayaangoleya 'e 'bhe 'le 'laa 'pale- -li.

3'Duŋ-, 'ke -Waanbhaa' -za sɔ mɛɛ 'la zan ni, -Waanbhaa' 'bhe zan 'e dɔ.

4'Ka 'ŋ 'lɔkpaɔ yogba wi mu bhleza 'la ba -zayi' dɔɔ 'ke -kɔɔ' sɔ -o bhlele- taa- 'ke -kɔɔ' 'laa sɔ -o bhlele-. 'Wa 'yaango- 'bhii- yo laa -o 'ke -za 'kedo- 'kpɔ 'le 'drunyan 'lɛɛ- 'yi. 'Wa 'yaango- 'ezin- 'bhii- -Waanbhaa' -o do 'kpɔ.

5'Mɛɛ 'ke mu -Waanbhaa' 'tɔkpa- lafle' 'yi pɛ mu 'pegee 'trɛ ta pɛ mu ma. Wlan 'gbu 'e ni, 'bhe zan mu 'kpee ma, '-waanbhaa' -bebe -o, 'bhe 'pegee 'mɛɛzan' -bebe -o 'trɛ ta 'pegee lafle' 'yi.

6'Duŋ- 'o mɔɔ 'kpee ma, -Waanbhaa' -zeze 'gbu 'e 'bhe -o do 'kpɔ: 'bhe -Waanbhaa' 'e 'bhe -le 'ke -kɔɔ' Dɛ 'le. 'Yele- pɛ 'kpen =kla, 'bhɛɛ- -kɔɔ' -o -kɔɔ' 'yrɛ ma 'yela- ni. 'Bhɛɛ- Mɛɛzan -o do 'kpɔ, 'bhe -le 'ke Zesu Krisi 'le. Pɛ 'kpen =kla 'bhe -la -glɔɔya' 'yi, 'bhɛɛ- -kɔɔ' -o -kɔɔ' 'yrɛ ma 'bhe -la 'srɔyi.

7'Duŋ- mɔkpen' 'laa 'bhe wlan 'e dɔ. Mɛɛ 'ke mu =mwa yo mu gbale zi 'ke 'bhe nu 'tenle- -zɔn ma, 'bhɛɛ- -o wi mu 'la go yo mu 'e ni 'sraka 'le, -o 'mu bhle. Waa -o 'eglɔɔle -o 'gbu 'nii- 'e 'yi bhe, -woo 'gbu 'kpee 'e 'trinɔɔ- 'bhe yogba wi mu 'e 'bhlele- 'le.

8'Bhɛɛ- 'duŋ-, 'wa 'yaango- 'ezin- 'bhii- pɛbhle laa sɔ 'o 'mabɛɛnle -Waanbhaa' -din. 'Ke 'waa yogba wi mu bhlele, 'bhe 'laa -za 'ke kle; 'bhɛɛ- 'ke 'woo- =bhla, 'waa nu -za 'kedo- 'kpɔ 'srɔɔwole 'bhe ma.

9'Duŋ-, 'bhe -za mu 'e 'yi, -ka 'ka 'yrekpa 'ka 'gbu ba 'elrele. 'Ka 'laa 'tolɛ- 'bhɛɛ- mɛɛ 'la zan mu laa -o 'eglɔɔle 'mu a 'kpaleya 'e 'yi, 'kaa- mapɔɔnleya 'e kle 'bhe zan mu 'e baa- pɛ 'le -za 'yɔɔ- 'yi.

10-Amasrɔyi, 'bhi 'la 'bhi 'bhe -za mu 'e dɔ, 'ke mɛɛ 'la zan laa -o 'eglɔɔle 'bhe a 'kpaleya 'e 'yi, 'bhɛɛ- 'ke 'bhe 'e =ya pɛbhle yrɛ nɔɔ- yogba 'fɛ 'e =la; yaa nu 'zoo 'nale- -a 'gbu ni 'kee- yogba wi mu bhle ɛɛ?

11'Ke 'bhe =kla 'bhe gbɛɛn- bhe, Krisi -gaa mɛɛ 'la zan ni, 'yaa- -zayaangoleya 'e yaa nu klele 'bhe zan 'e 'ni pɛ 'le ɛɛ?

¹²'Bhε klegbeya 'ε 'yi, 'e -za 'yoo- -la =kla 'e nεεε- mu 'ε ni bhe, 'yoo- yakla- 'ε 'yaanmiwoza -la =kla 'bhe gbεεn- bhe, -amasroyi waa -o 'egloole waa 'kpaleya 'ε 'yi. 'Bhεε- 'ezin- 'e -za 'yoo- -la -kla Krisi ni 'bhe gbεεn- bhe.

¹³'Bhεla- -zayile, 'ke pεbhle do -la -zayi' 'bhεε- 'mi 'η nεεε- do baa- 'zi -za 'yoo- 'yi, 'naa nu wi bhlele 'ezin- -titi; 'kooko- 'naa nu klele 'η nεεε- 'ε baa- pε 'le -za 'yoo- 'yi.

Korēnti =Lwa Mi 9

¹'D nεεε- mu, 'ka 'kpee ma 'η bole laa -o 'η 'gbu ma εε? 'Naa- -o 'ke Zesu a 'winbōwo mi 'le εε? 'Naa -kōa' Mεεzan Zesu 'yele- kpataakpa εε? 'Ka mu 'gbu -le 'laa -o 'mi ye 'la =woa Mεεzan Krisi ni, 'bhe ma -trōn 'ε 'le εε?

²'Ali- 'ke mεε 'ke mu laa -o dōle- -a -la 'ke -o 'mi kun 'bhii- Krisi a 'winbōwo mu 'ε do, 'ka mu 'gbu 'a 'yaango- 'bhii- 'mi -o 'ke 'bhe 'le kpataakpa. -Amasroyi 'ka -o 'ke Zesu 'yi mu 'la 'le bhe 'bhe -le 'a zrōn mεε mu ni 'bhii- 'mi -o 'ke Krisi a winbōwo mi 'le.

³Mεε 'la zan mu 'mi 'tō 'yoo- pε 'zi, 'mi 'η 'gbu ta gwledan 'bhe zan mu ba gōnε- 'lεε- 'bhεε- gbεεn-.

⁴'Mi -o 'bhe zan mu 'ε 'lrōkpale dō: 'Woo- ye 'la 'wo zii' Krisi ni, 'bhe 'seη 'laa -o 'o ni 'ke 'woo bhlepε 'pegee 'o mi -yi 'srōwo- 'bhe ye 'ε ma εε?

⁵'Bhεε- 'bhe 'seη 'laa -o bi 'o ni 'ke 'woo nεεε- Zesu 'yi le 'ke si 'o na 'le, 'bhεε- 'bhe ge 'o zi 'bhii- Zesu a 'winbōwo mu -vin mu 'ε 'pegee Mεεzan Zesu nεεε- mu 'ε, 'bhεε- Pieri mu 'a kle gōnε- 'la gbεεn- bhe εε?

⁶Taa- 'mi 'pegee Banabasi, 'o mōo do -kplēn 'kpō -le yewo, 'bhεε- 'waa 'o 'gbu 'lēbō- pε -srōwo 'bhe ma εε?

⁷-Srwasε' mi 'ε -dele -gōli' siε 'bhe 'gbu ta εε? 'Bhεε- -dele pεbhε bō 'bhεε- yaa 'bhe bhāa bhle εε? 'Bhεε- -de 'gbu -le dri -lēdo' balaa', 'bhεε- yaa 'bhe dri -yōn 'yi 'ε 'ke mi εε?

⁸'Mi -jan mu 'la =woa bhe, waa da bhaapleη mu a 'sinii ta za mu 'te ba. 'Duη- -o da Moizi a 'toη mu 'ε ba 'ezin-.

⁹Wlan 'ε ni, Moizi -Waanbhaa' a 'toη 'lεε- yōōndia- dō: "'Ke dri 'ε -yoo pεbhε mu 'ε 'taan 'zi -a gaan -la bhla 'la ba, 'yaa 'lii 'ε 'yrelε-." 'Bhe klegbeya 'ε 'yi, 'o sō -a pele dō -Waanbhaa' -o dri mu yienkan' zii' εε?

¹⁰Taa- yaa 'bhe -jan -glōōn 'ε 'wole- -kōō' mu -la ba zayi' bhe εε? Wlan 'gbu 'ε ni, -o 'bhe -jan 'la bhe 'bhe yōōndia- -kōō' mu -la ni, -amasroyi, 'ke mεε 'la zan -o gba 'kpa zii', 'bhe 'yri bole -o -a ta 'bhii- -e nu pε -srōwole 'bhe gba 'ε 'yi. 'Bhe klegbeya do 'ε 'yi, 'ke mεε 'la zan -o pεbhε 'saan zii', 'bhe 'yri bole -o -a ta 'bhii- 'bhe dō nu klele pεbhε 'ε ba 'ezin-.

¹¹'O -Waanbhaa' a -jan 'la =woa 'ka ni, -e -kla 'bhii- 'o Lii 'Weη 'ε kleza -lrele' mu -la =bwa 'ka 'yi 'bhii- -o pεbhε mu bō gōnε- 'la gbεεn- 'trε 'yi. 'Bhεε- 'ke 'o 'ka 'kōōpε- mu 'ke 'srōwoa= 'o 'lēbō- pε 'le, 'bhe -o 'ke -za 'lrōgole 'le εε?

- 12'Ke mɛɛ 'ke mu sɔ 'ka 'kɔɔpɛ- mu 'ɛ 'srɔɔwole, 'bhe 'seŋ 'laa -o bi 'o mɔɔ ni 'ke 'o 'ka 'kɔɔpɛ- mu 'ɛ 'ke 'srɔɔwo- ɛɛ? 'Duŋ- 'o mɔɔ 'gbu -le 'laa -yaa sɔ bi 'bhe pɛ mu 'ɛ 'srɔɔwole 'ka 'kɔɔ 'bhe zan mu -lɛɛ 'elwale 'pɛ ɛɛ? 'Duŋ- 'waa 'bhe klɛlɛ. 'Bhɛɛ- drɔɔn' 'o -yɾɛn 'kpen 'yikwan=, 'kooko- 'waa -za 'kedo- klɛ 'ke 'bhe klɛ Krisi a -Jan 'Nrɛle- 'ɛ 'lɛbhulapɛ 'le.
- 13'Ka 'gbu 'a 'yaandɔ- 'bhii- mɛɛ 'la zan mu yewo -Waanbhaa' Gba 'Fɛ -Gbɛnɛ 'ɛ =la, -woo 'gbu 'bhle pɛbhle -srɔɔwo' 'bhɛɛ- 'fɛ 'ɛ =la yewole 'ɛ ma. 'Bhɛɛ- mɛɛ 'la zan mu 'sraka mu 'ɛ kpa 'srakagoyɾɛ 'ɛ =nɔɔ 'bhe zan mu dɔ -o 'woo- 'sraka gopɛ mu 'ɛ ba.
- 14'Bhe klɛgbeya do 'ɛ 'yi, Mɛɛzan -Waanbhaa' 'a 'lɛdulaa dɔɔ 'ke mɛɛ 'la zan mu -o -Jan 'Nrɛle- 'ɛ 'wo zii', 'mu 'mu 'gbu 'lɛbɔ- pɛ mu -srɔɔwo' 'yee- -Jan 'Nrɛle- wole 'ɛ ma.
- 15'Duŋ- 'mi -Jan 'Nrɛle- 'la =woa 'ka ni, 'naa pɛ 'kedo- 'kpɔ 'kunyɾɛ- -glinlɛ' 'ka 'kɔɔ. 'Bhɛɛ- 'naa -o 'lɛtrɛ 'lɛɛ- dɛ 'zi 'ka ni, pɛ 'ke 'srɔɔwo zayi' 'ka 'kɔɔ. -Amasɾɔyi 'mi -Jan 'Nrɛle- 'ɛ 'wolawoa 'ka ni 'ke 'naa pɛ 'kedo- 'kpɔ kun 'ka 'kɔɔ 'bhe ma, 'bhe -za 'ɛ 'bhe -o 'mi -baaza' 'le. 'Bhɛɛ- 'ke 'ŋ -gaa 'bhe sɔ 'ŋ ni 'ke 'bhe kan 'ke -o 'yee- 'ŋ -baaza' 'ɛ -gwa 'ŋ 'yi 'bhe ta. 'Bhɛɛ- 'duŋ-, mɛɛ 'kedo- 'kpɔ 'laa sɔ 'yee- 'ŋ 'gbu -baaza' 'ɛ gole- 'mi 'yi.
- 16-Jan 'Nrɛle- 'ɛ 'wole- 'ɛ, 'naa -o 'bhe klɛ 'zi 'ŋ 'gbu mazɾɔn zayi'. -Amasɾɔyi -Waanbhaa' -le 'ŋ =kla -a wo mi 'le kpaŋma. 'Bhɛɛ- 'ke 'naa 'a 'wole-, 'ŋ ta -yɾɛn!
- 17'Kee- klɛ bi 'bhii- 'ŋ -dwa 'yee- ye 'ɛ 'wole- -la 'ŋ 'gbu 'win ta, 'ŋ 'yaa- nu 'bhe ma -trɔn 'srɔɔwole. 'Duŋ- 'naa -a klɛ 'zi 'ŋ 'gbu 'win ta, 'ŋ 'yoo- -a klɛ 'zi -Waanbhaa' -la ni, 'bhɛɛ- 'yele 'a gbɛkpa- 'mi 'kɔɔ.
- 18'Ke -yoo 'bhe gbɛɛn- bhe, 'mi a pɛ -trɔn -o -a ma 'ke -mɛla -le ɛɛ? 'D zrukpaale 'la -yoo 'ke 'ŋ 'yoo- 'yee- -Jan 'Nrɛle- 'ɛ 'wo zii' mɛɛ mu ni bhaama 'ke 'naa pɛ 'kedo- 'kpɔ kun -o 'kɔɔ, 'bhe -le 'ke 'mi a pɛ -trɔn 'ɛ 'le.
- 19'Naa -o mɛɛ 'kedo- 'kpɔ a lu 'le. 'Mi 'ŋ 'gbu =kla 'ke mɔkpen' a yewonɛ 'le, 'kooko- 'ŋ gbɛsɔ mɛɛ -bebe klɛle- ta 'ke Zesu 'yi mu 'le.
- 20'Ke 'ŋ 'yoo- Zuufu mu plɛŋ-, 'mi 'ŋ 'gbu klɛ 'bhii- Zuufu mi do gbɛɛn-, 'kooko- 'ŋ sɔ -o klɛle 'ke Zesu 'yi mu 'le. Mɛɛ 'la zan mu 'taawo Moizi a pɛ 'toŋ mu 'ɛ ta, 'ke 'ŋ 'yoo- 'bhe zan mu 'ɛ plɛŋ-, 'mi 'ŋ 'gbu klɛ 'bhii- 'bhe zan mu 'ɛ gbɛɛn-; 'kooko- 'ŋ sɔ -o klɛle- 'ke Zesu 'yi mu 'le. 'Duŋ- wlan 'gbu 'ɛ ni, 'naa- -o 'taawo zii' Moizi a pɛ 'toŋ mu 'ɛ 'yi jan mu 'ɛ 'mu ta.
- 21'Bhe klɛgbeya do 'ɛ 'yi, 'ke 'ŋ 'yoo- mɛɛ 'la zan mu laa Moizi a pɛ 'toŋ mu 'ɛ dɔ 'mu 'plɛŋ-, 'mi 'ŋ 'gbu klɛ 'bhii- 'bhe zan mu 'ɛ gbɛɛn-; 'kooko- 'ŋ sɔ -o klɛle- 'ke Zesu 'yi mu 'le. Waa pelɛ dɔɔ 'naa -Waanbhaa' a 'toŋ mu 'ɛ 'klɔsikun; -amasɾɔyi, 'mi 'gbu -o 'taawo zii' Krisi a pɛ 'toŋ mu 'ɛ 'mu -la ta.
- 22'Mɛɛ 'la zan mu laa -o 'egloole -o 'kpaleya 'ɛ 'yi, 'mi 'ŋ 'gbu klɛ 'bhii- 'bhe zan mu 'ɛ gbɛɛn-; 'kooko- 'ŋ sɔ -o klɛle 'ke Zesu 'yi mu 'le. 'Bhe 'yi bhe, 'ke mɛɛ mu -o dɔgbeya 'la gbɛɛn-, 'mi 'ŋ 'gbu klɛ 'bhɛɛ- gbɛɛn-, 'kooko- 'kee- -kla gɔnɛ- 'oo gɔnɛ- 'la gbɛɛn-, 'ŋ sɔ -o 'ke mu gole- -za 'yi.

- 23'Mi 'bhe -za mu 'e 'kpen kle 'zi -Jan 'Nrāle- 'e 'bhēē- -zayi', 'kooko- 'η sō -a ma 'duma mu 'e 'ke 'srōwole.
- 24'Ka 'gbu 'laa 'yaango- 'bhii- blasan- mu 'e blasan- -kpan 'e ta, -o 'kpen blasan zaabōlele. 'Duŋ- -o ba mēē do 'kpō -le -blasanle ma -jara 'e 'srōwo- ēē? 'Ka mu 'gbu 'ezin-, -ka dō 'eglōole 'kaa- 'kpaleya zi 'e ta 'bhii- bla zaabō mu 'e gbēēn-; 'kooko- 'ka 'sō 'bhe ma -trōn 'srōwole.
- 25'Duŋ- blasan- mu 'e, 'ke -woo daan 'zi blasanle ma 'waati 'la ba, -o 'trēbhō 'e 'kpen - glōon kpa -o 'gbu ta. 'Duŋ- -o 'bhe kle -jara 'la 'srōwo zayi' 'bhii- 'bhe ma -sra 'le, 'bhe 'la 'bhe 'laa -o 'ke -mōpē' 'le bhe. 'Bhēē- 'duŋ-, -kōō' mu -kōōa' pē 'e kle -sra 'la 'bhe 'srōwo zayi', 'bhe -o 'ke -mōpē' 'le yikpensee ta.
- 26'Bhēla- -zayile, 'η 'yoo- blasan- 'zi; 'duŋ- 'η 'yrē gbaanle -o 'an blasanle 'e 'lēyanyre do 'kpō 'e 'bhēē- ta. 'Naa -o 'an pē ye 'e 'wo zii' 'bhii- gbēkpun- gwledan mi 'la -ya gbēkpun- mu 'e blin 'zi -ploō zi bhaama.
- 27'Bhēē- drōon', 'mi 'η 'gbu 'kun zii' 'eglōole, 'bhēē- 'naa 'η 'gbu 'flē 'e zru maza kle; 'kooko- -a -lēyan' bhla 'e zi, 'mi 'la 'mi -Jan 'Nrāle- 'e =woa mēē mu ni, -Waanbhaa' laa nu 'mi gole blasan- mu 'la -jara 'e 'srōwoa- 'mu ba.

Korēnti =Lwa Mi 10

- 1'D nēēnē- mu, -za 'la =tian -kōō' -gbōō mu 'e ma -kpe 'e ta Moizi a pē 'waati 'e ba, 'η 'yoo- -a zi 'bhii- 'η 'bhe dō 'ka 'kpee. -Waanbhaa' lafle' -gblen do -dwa -o 'kpen trala laanima, 'ke -yoo -o 'kan zi 'e zrōn -o ni 'bhe 'le. -Ya =kla 'bhēē- -o 'kpen weyi- 'tēn 'e takaan- 'taawolele -yrentē' -kpaa 'e ta.
- 2-E -kla 'bhii- -woo 'kpen 'wiinjia= 'bhe weyi- 'e 'pegee lafle' -gblen 'e 'yi, -o 'kpen 'pegee Moizi a 'kpaledomaya 'e 'yi.
- 3-Waanbhaa' -o 'kpen -lēbwa 'ke pēbhle -glōon do 'kpō -la -le 'ke 'bhe da lafle 'yi, 'bhēē- -o 'kpen 'bhe =bhla.
- 4-Waanbhaa' -yi 'la =naa -o ni, -o 'kpen 'bhēē- =mia. Wlan 'e ni, 'bhe -yi 'e 'yaa- da tō ŋgblo do 'kpō -la -yi vlē -saa 'e =la, 'bhe vlē -saa 'e =la tō ŋgblo 'e 'yaa- da -Waanbhaa' -la ba. 'Bhēē- 'bhe 'yaa- ge 'zi -o zi yrekpen- =nōō. 'Bhe vlē -saa 'e- 'yaa- 'ke Krisi 'tōomasie -la -le.
- 5'Ali- 'bhe -za 'wlan mu 'e 'kpen klele blaana -Waanbhaa' 'kōō -o ni, 'o -gbōō mu 'e -bebe 'laa -Waanbhaa' zru maza klele. 'Bhēla- -zayile, -o -lē -gbēē do -gaa -bōn 'e 'yi -kpe 'e ta.
- 6'Bhe -za mu 'la =kla 'mu =kla -a zrōnpē 'le -kōō' mu ni dōō -kōō' 'laa 'taawole 'eyōole 'bhii- 'woo- mu gbēēn-.
- 7'Bhēē- 'ka 'laa klele yogba mu 'le 'bhii- -o 'ke mu 'a =kla gōnē- 'la gbēēn- 'bhii- -a yōōnde -o -Waanbhaa' a 'Sēwe 'e 'yi dōō: "Mēē mu 'e -o -yalaa', 'bhēē- -o pēbhla- 'bhe 'pegee -o -wēēn =mia. 'Bhe blaana, 'ke -woo -wlēnle', 'bhēē- 'ke -o 'srotanle waa yo 'e ni."

- 8-Kɔɔ 'laa -kɔɔ' 'gbu 'nale- -yanbhɔɔya dɛle ni, 'bhii- -o 'ke mu 'a =kla gɔnɛ- 'la gbɛɛn-, 'bhɛɛ- -o 'waa mia do bhɛ yaga (23.000) -gaa -yrekpa'a do 'kpɔ 'ɛ =la.
- 9-Kɔɔ' mu 'laa Mɛɛzan -yidanlɛ 'bhii- -a 'ke mu 'a =kla gɔnɛ- 'la gbɛɛn-. 'Bhɛɛ- mlɛ mu -o 'sɔnkpa'a-, 'bhɛɛ- -o -gaa.
- 10'Ka mu, 'ka 'laa bolɛ 'ka 'la ma janwɔle ma mɛɛ mu ma 'ka 'lɛ =la, 'bhii- -a 'ke mu 'a =kla gɔnɛ- 'la gbɛɛn- 'bhɛɛ- -si 'kun -mlɛkɛ' 'ɛ 'bhɛ -o 'kpen =dia.
- 11'Bhɛ -za 'yɔɔ- -glɔɔn mu 'la bhɛ, 'mu =tian -kɔɔ' -gbɔɔ mu 'ɛ ma, 'kooko- 'mu klɛ -za zrɔnpɛ 'lɛ -kɔɔ mu ni. 'Bhɛɛ- -woo yɔɔndia- 'sɛwɛ ta, 'kooko- -o klɛ -kɔɔ' mu 'kpeelekanpɛ mu 'lɛ, -kɔɔ' mu 'la 'ke 'drunyan 'lɛyan yi 'ɛ =bhwa gban -kɔɔ' mu -din bhɛ.
- 12'Bhɛla- -zayilɛ, 'ke mɛɛ 'la zan 'kpee ma 'bhɛ -o 'eglɔɔle 'bhɛ a 'kpaleya 'ɛ 'yi, 'bhɛ zan 'bhɛ 'yɛkpa 'bhɛ 'gbu ba 'elrele; 'kooko- yaa baalɛ -za 'yɔɔ- 'yi.
- 13-Setran' -o -yidan' maza mu 'la klɛ 'zi 'ka ni, -ɛ bhaaplɛŋ -vin mu 'ɛ 'kpen 'yidan- 'zi 'bhɛɛ- gbɛɛn-. 'Duŋ- -Waanbhaa' 'la yaa -liiwli' mabɔɔ -titi, 'bhɛ 'laa nu -a 'tolɛ- 'ke -Setran' 'ka 'yidan- 'ke 'bhɛ ge 'kanlɛ- 'kaa- fanŋan- yɛkɛ- 'ɛ ta. 'Ke 'ka 'yidan- bhla 'ɛ =bhwa -Setran' 'kɔɔ, -Waanbhaa' nu 'bhɛ yɛkɛ- fanŋan- 'nale- 'ka ni, 'kooko- 'ka sɔ -Setran' a -yidangbeyɛ 'ɛ 'yikunle, 'bhɛɛ- 'ka go 'bhɛ 'yi.
- 14'Bhɛla- -zayilɛ, 'ɲ 'yienii mu, -ka 'ka 'plɛŋgo- 'egbɔɔn gbɔɔnle- yogbale ma.
- 15'Mi -o -jan 'la 'wo zii' 'ka ni, -yoo 'bhii- 'an wo zii' -zadɔ' mu -la ni. 'Bhɛɛ- 'ka 'gbu 'bhɛ -jan 'ɛ 'yiglin- doo.
- 16'Mɛɛzan Kriɛ a pɛbhle 'waati 'ɛ ba, -kɔɔ' -drɔɔ pɛyan- 'la si 'bhɛɛ- -kɔɔ' 'pubɔ- 'seri klɛ -Waanbhaa' ni 'bhɛ ma 'bhɛ -lɛ 'laa zrɔn 'bhii- -kɔɔ' mu 'pegeɛ Kriɛ yien 'ɛ -kɔɔ -o 'kpaledomaya 'yi ɛɛ? 'Bhɛɛ- -kɔɔ' 'bluu 'la takan kplokplo, 'bhɛɛ- 'ke -kɔɔ' 'bhɛ 'yiciɛn- 'eke- ma, 'bhɛ -lɛ 'laa -kɔɔ' mu 'pegeɛ Kriɛ 'flɛ 'ɛ kpa do ma ɛɛ?
- 17'Bluu 'ɛ -yoo do 'kpɔ, 'bhɛɛ- 'bhɛ -lɛ 'ke Kriɛ 'flɛ 'ɛ 'lɛ. 'Ali- 'ke -kɔɔ' -o 'ebebele, -kɔɔ' 'kpen kla 'eke- ba, 'bhɛɛ- -kɔɔ' klɛ 'flɛ do 'kpɔ. -Amasrɔyi -kɔɔ' 'kpen 'yee- 'bluu do 'kpɔ 'ɛ 'yela- sasa bhle 'eke- zi.
- 18-O -za 'la klɛ Izraɛli mu 'ɛ ba, -ka 'bhɛ -glin doo: mɛɛ 'la zan mu 'sraka gopɛ mu 'ɛ bhle, 'bhɛ zan mu 'pegeɛ -Waanbhaa' klɛ 'kpaledomaya 'yi. -Amasrɔyi -o 'sraka gopɛ mu 'la kpa 'srakagoyrɛ 'ɛ =nɔɔ, 'mu 'nale- -o -Waanbhaa' -la ni.
- 19'D 'yoo- -jan 'la 'wo zii' -gɛ 'bhɛ 'yi -o 'nale- -a ma ɛɛ? Taa- 'sraka go wi 'ɛ 'bhɛ -za -o 'eglɔɔle ɛɛ? Taa- yo 'ɛ 'bhɛ -za -o 'eglɔɔle ɛɛ?
- 20'Yooyɛ- 'dɛ! 'Duŋ- 'mi -o -jan 'la 'wo zii', 'bhɛ 'yi -lɛ dɔɔ yogba mu 'ɛ, -o yogba pɛ mu 'la bhle, -o 'mu na 'zina mu -la ni; 'duŋ- -waa -o 'mu 'na Waanbhaa' ni -titi. 'Duŋ- 'naa- -o -a zi 'bhii- 'ka mu 'pegeɛ 'zina mu klɛ 'kpaledomaya 'yi.
- 21'Ka 'laa sɔ -drɔɔ 'ɛ 'mile Mɛɛzan a pɛ -drɔɔ 'mi pɛ 'ɛ 'yi, 'bhɛɛ- 'ka -drɔɔ mi 'ezin- 'zina mu a pɛ -drɔɔ 'mi pɛ 'ɛ 'yi. 'Ka 'laa sɔ 'duŋ- 'ezin- Mɛɛzan a pɛ 'ɛ 'bhlele, 'bhɛɛ- 'ka ge 'zina mu a pɛ 'ɛ 'bhlele.

- 22'Taa- 'ka -o -a zi 'bhii- 'ka Mæzan a zran 'e 'lawlɛn- ɛɛ? 'Ka 'kpee ma, -kɔɔa' pɛ faŋgan- 'ɛ 'yiya- -yaa' pɛ faŋgan- 'ɛ ni ɛɛ?
- 23'Ka 'ke mu a pe dɔɔ: "-Za 'kpen kle 'seŋ -o 'o ni". 'Duŋ- 'mi sɔ -a pele dɔɔ -za 'kpen 'laa -o 'elrele bhaaplɛŋ ma. 'Ali- 'ke 'ka 'ke mu 'a pe dɔɔ: "-Za 'kpen kle 'seŋ -o 'o ni". 'Duŋ- pɛ 'kpen 'laa 'kaa- 'kpaleyɛ 'ɛ baan' kla a ba.
- 24'Bhɛ ya 'ɛ 'yi, mɛɛ 'kedo- 'kpɔ 'laa 'bhɛ 'gbu do -kplɛn 'nrayiza kleɛ, 'duŋ- -ka 'eke- -nrayiza -la kle.
- 25-O wi 'oo wi 'la gɔn 'plɛɛ 'yi, 'kee- -kla wi -glɔɔn 'oo wi -glɔɔn 'la 'le, -ka 'bhɛ bhle. 'Ka 'laa 'ka 'gbu zrubatɛdɔɛ 'bhɛ dayrɛ ziglinle ma.
- 26-Amasrɔyi -a yɔɔndɛle -o -Waanbhaa' a 'Sɛwɛ 'ɛ 'yi dɔɔ: "'Trɛ 'pegee -a ta pɛ mu 'ɛ 'kpen -o 'ke Mæzan -Waanbhaa' a pɛ mu -la -le."
- 27'Mɛɛ 'la zan laa -o Zesu 'yi 'ke 'bhɛ 'ka 'siila- pɛbhle ma -a ba, 'kee- pɛbhle 'oo pɛbhle 'la =naa 'ka ni, -ka 'bhɛ 'bhle. 'Ka 'laa 'ka 'gbu zrubatɛdɔɛ 'bhɛ pɛbhle 'ɛ dayrɛ ma.
- 28'Duŋ- 'ke mɛɛ 'ke 'ka 'kpeelekaan dɔɔ: "Yogba wi -le 'kele-". 'Bhɛ 'yi 'tɛ, 'ka 'laa 'a 'bhleɛ-, mɛɛ 'la zan 'ka 'kpeelekaan 'bhɛ -zayi', 'bhɛ 'pegee 'bhɛ zrubatɛdɔɛ zayi'.
- 29'Naa -o -a pe 'zi 'ka mu 'gbu zrubatɛdɔɛ ma, 'ŋ 'yoo- -we 'zi 'ka 'kpeelekan mi 'ɛ 'bhɛ -la zrubatɛdɔɛ 'le. 'Bhɛ- 'ka 'ke mu nu a pele dɔɔ: "-Mela ma 'bhɛ- mɛɛ -bhɛke' zrubatɛdɔɛ 'ɛ 'bhɛ sɔ -daŋ' 'kpaale 'mi sɔ -za yɛke- 'la kleɛ- 'mi 'gbu a mapɔɔnleyɛ 'ɛ 'yi 'bhɛ ma ɛɛ?
- 30'Ke 'ŋ -Waanbhaa' 'pubwa- 'ŋ pɛ 'la 'bhlele 'bhɛ ma, -mela ma 'bhɛ- mɛɛ nu 'ŋ 'tɔ 'yɔɔ- 'pele- dɔɔ -mela ma 'ŋ 'bhɛ =bhla ɛɛ?"
- 31'Bhɛla- -zayile, 'mi pe 'ka ni dɔɔ 'ke 'ka -o pɛbhle 'zi oo, 'ke 'ka -o pɛ 'ke mi 'zi oo, 'ke 'ka -o -za 'oo -za 'la kle 'zi, -ka -za 'kpen kle 'kooko- 'ka -Waanbhaa' 'tɔ 'ɛ bhɔ 'bhɛ 'yi.
- 32'Ka 'laa kleɛ mɛɛ 'kedo- 'kpɔ baa- pɛ 'le -za 'yɔɔ- 'yi: Zuufu mu oo, Zuufu kle mu oo, 'bhɛ 'pegee -Waanbhaa' a pɛ mɛɛ -lɛdɔ' 'ɛ.
- 33-Ka 'taawo 'bhii- 'mi a pɛ 'taawogbɛya 'ɛ gbɛɛn-: 'mi -o dɔ 'zi 'egɔɔle 'ke 'ŋ sɔ mɔkpen' ni -za 'kpen 'yi. 'Naa 'ŋ 'gbu do -kplɛn 'nrayiza kleyrɛ glin, 'duŋ- 'mi mɔkpen' -la 'nrayiza kle yrɛ glin, 'kooko- -o 'kpen go -za 'yi.

Korɛnti =Lwa Mi 11

- 1-Ka 'taawo 'mi kleza zi 'bhii- 'mi 'taawo Kriɛ zi gɔnɛ- 'la gbɛɛn-.
- 2'D nɛɛ -nɛ mu, 'mi 'ka 'tɔbhɔ- gbɛ 'ɛ 'kpen ma, -amasrɔyi 'ŋ -za dɔ 'ka 'kpee 'waati 'ɛ 'kpen ba, 'bhɛ- 'ŋ 'ka -daanna -za mu 'la 'le, 'ka -o 'taawo zii' 'mu ta 'elrele.
- 3'Duŋ- -za do -o ye 'ezin-, 'mi -o -a zi 'bhii- 'ka 'bhɛ dɔ, 'bhɛ -za 'ɛ 'bhɛ -le dɔɔ: 'gwlaan- 'kpen -kuŋlii -le 'ke Kriɛ -la -le, 'bhɛ- le 'ɛ 'bhɛ -kuŋlii -le 'ke 'bhɛ =nɔɔ 'ɛ 'bhɛ- 'le; 'bhɛ- -Waanbhaa' -le 'ke Kriɛ -kuŋlii' 'ɛ 'le.

- ⁴Bhela- -zayile, 'ke 'gwlaan- 'la -ya 'seriwo zii' -Waanbhaa' ni oo, 'ke -yoo -Waanbhaa' -lajalanwo zii' oo; 'bhεε- 'ke -srungbōō' -o -a ngblo ma 'bhe 'waati 'ε ba, yaa -o -a -kunjlii Krisi 'bhe 'lēdō- 'zi -a ma 'bhe gbēen- bhe.
- ⁵Duŋ- 'ke le 'la 'bhe -o 'bhe 'seriwo zii' -Waanbhaa' ni oo, 'ke 'bhe -o -Waanbhaa' -lajalanwo zii' oo, 'bhεε- 'ke 'bhe ngblo ma fleŋ- -o, 'bhe le 'ε 'bhe 'laa -o 'bhe =nōō 'ε 'lēdō- 'zi 'a ma 'bhe klegbeya 'ε 'yi. 'Bhe le 'ε -yoo 'bhii- -a ngblo -gwele' -le.
- ⁶Ke le 'la 'bhe 'laa -o -a zi 'bhii- 'bhe -srungbōō' dō 'bhe ngblo ma, 'bhe bhla 'ε ba, -ya win 'ε takan! 'Bhεε- 'ke 'ka 'gbu 'a 'yaango- 'bhii- 'ke le do -a 'gbu 'win takaan- oo, 'ke -ya win 'ε -gwela oo, 'bhe -o 'ke -yraladō maza 'le bhe. 'Bhela- -zayile, 'mi pe dōō 'kee- -srungbōō' =dwa -a ngblo ma 'bhe mabhaabhō.
- ⁷Duŋ-, 'gwlaan- 'ε 'bhe 'laa -srungbōō' dōle 'bhe ngblo ma 'ke 'bhe -o 'bhe 'seriwo zii' -Waanbhaa' ni. -Amasrōyi -Waanbhaa' 'yee- 'gwlaan- =kla klegbeya 'la 'yi 'yele- 'ke -Waanbhaa' bhōōma 'le, 'bhe 'pegee 'yele- 'ke -Waanbhaa' a gbalaanya 'ε zrōn pε 'le. 'Bhεε- 'duŋ-, le 'ε 'bhe -le 'ke 'gwlaan- a gbalaanya 'ε zrōnpε 'le.
- ⁸Wlan 'gbu 'ε ni, 'drunyan klε bhla 'ε zi, 'gwlaan- laa dale le 'yi, 'duŋ- le 'ε 'bhe -le -daa 'gwlaan- 'yi.
- ⁹'Bhεε- -Waanbhaa' 'laa 'gwlaan- klεle le -zayi', 'duŋ- -e le 'ε 'bhe =kla 'gwlaan- -la -zayi'.
- ¹⁰'Bhela- -zayile bhe, -mlεkε' mu 'ε -zayi', le 'ε 'bhe -srungbōō' dō 'bhe ngblo ma; 'bhεε- 'bhe klε -a ngblo 'kpaale- 'la -yoo -a -nōō =la bhe 'bhe -tōomasie 'le.
- ¹¹-Kōō' 'pegee Mēezan Krisi a 'kpaledomaya 'ε 'yi, 'gwlaan- laa sō bole- 'bhe 'gbu ma le blaana; 'bhεε- le laa sō bole- 'bhe 'gbu ma 'gwlaan- blaana.
- ¹²'Bhe klegbeya do 'ε yi, 'drunyan klε 'waati 'ε ba -Waanbhaa' 'kōō, -e 'gwlaan- 'fle 'ε gbε do -la =sia, 'bhεε- -e le =kla 'bhe 'le; 'bhεε- 'duŋ- le -le 'gwlaan- ya. 'Bhεε- pε 'kpen da -Waanbhaa' -la ba.
- ¹³'Ka mu 'gbu 'bhe -glin doo, 'ke le -o -a 'seriwo zii' -Waanbhaa' ni bhla 'la ba, 'bhεε- 'ke -a ngblo ma fleŋ- -o, 'bhe -o 'ke -za 'lrele- 'le εε?
- ¹⁴-Waanbhaa' a bhaapleŋ mu klegbeya 'ε ma, -kōō' 'gbu 'a 'yaango- 'bhe ma 'bhii- -yraladō maza -le 'bhe 'le 'ke 'gwlaan- laa a 'winle- mu 'ε takan 'bhεε- -yoo 'trole- to.
- ¹⁵'Bhεε- 'duŋ-, 'ke le 'bhe 'winle- mu 'ε 'trole- =twa, 'bhe -o 'ke -a -lreleya 'ε baan' -la -le. -Amasrōyi -Waanbhaa' winle 'trole- mu -naa le ni, 'kooko- 'ke -o klε -a wiij- 'bhii- sō gbēen-.
- ¹⁶'Duŋ- 'ke mεε 'la zan -a zi 'bhii- 'bhe zaabō 'o 'le ma 'yee- -za 'lεε- ta 'ezin-, 'bhe zan 'a 'yaango- dōō 'o mōō ta pε laa -o 'ke zaabōlele, 'bhεε- -Waanbhaa' a mεε -lēdō' mu 'ε ta pε laa 'bhe 'le 'ezin-.
- ¹⁷'Mi -o zan -jan mu 'la 'wolε- 'ka ni 'saanibhe, 'naa sō 'ka 'tōbhōle 'bhe 'yi -titi. -Amasrōyi, 'ke 'ka =klaa 'eke- ba, 'ka 'laa 'ka 'taawogbeya 'lreleya 'ε baan' 'kla yre glin -a ba, 'duŋ- 'ka baan' klε 'eyōōle -a ma.

- 18'Mi 'a =maa dɔɔ 'ke 'ka =klaa 'eke- ba 'kaa- =kɔŋkeba yrɛ mu 'ɛ =nɔɔ, 'ka 'laa -benɔgo' do ma, 'bhɛɛ- 'ka 'yicienle klɛ. 'Mi 'duŋ- 'kpale- -o -a -yi 'bhii- 'bhɛ -jan 'ɛ gbe do -o 'ke wlan 'le.
- 19'Wlan 'ɛ ni, -yoo 'ke -za 'le 'ke 'ka 'yicienle klɛ, 'kooko- mɛɛ 'la zan mu -o 'ke Zesu 'yi mu kplankplan 'gbu 'ɛ 'le 'ka 'plɛŋ-, -o sɔ 'mu dɔle-, 'bhɛɛ- 'mu gole klɛ mɛɛ -vin mu 'ɛ ma.
- 20'Ke 'ka =klaa 'eke- ba dɔɔ 'ka -o Mɛɛzan Kriɔi a pɛle 'ɛ 'bhlele, 'duŋ- 'ka 'laa -a bhle -a bhle gbeya 'ɛ 'yi.
- 21-Amasrɔyi 'ke 'ka =klaa 'eke- ba 'yee- pɛ 'ɛ 'bhle zayi', 'ka 'laa 'eke- magben. 'Bhɛɛ- 'ka 'kpɛn do do 'bhɛ 'yrɛ gbaan 'bhɛ 'gbu a pɛ 'ɛ 'bhɛɛ- 'bhlele- ba. 'Bhɛɛ- 'bhɛ 'leyanyrɛ klɛ 'ka 'ke mu bolele gbɔn -le, 'bhɛɛ- 'ka 'ke mu kpɛdɔle klɛ, 'ke 'mu -wɛɛnde'.
- 22'Bhɛ bhla 'ɛ ba, 'fɛ mu laa -o 'ka 'kɔɔ, 'ke 'ka pɛbhle 'mu =la, 'bhɛɛ- 'ka -wɛɛn mi ɛɛ? Taa- 'ka -o -Waanbhaa' a mɛɛ -lɛdo' 'ɛ mavɛɛ- 'zi -a ma ɛɛ? 'Bhɛɛ- pɛ 'kedo- laa -o mɛɛ 'la zan mu 'kɔɔ, 'kaa- zi 'bhii- 'ka -yraladɔ 'mu ma ɛɛ? 'D -mɛ pɛ jan -la wo 'ka ni 'ezin- ɛɛ? 'Kaa- zi 'bhii- 'ŋ 'ka 'tɔbhɔ ɛɛ? 'Naa sɔ 'bhɛ klɛle- -titi!
- 23'Wlan 'ɛ ni, Mɛɛzan 'mi -daanna -za 'la 'le, 'mi -o 'ka mu daan 'zi 'ezin- 'bhɛɛ- 'le. -O -yaa nu Mɛɛzan Zesu -lɛnale -a dɛ mu 'ɛ ni -bi 'la zi, -e 'bluu 'ɛ =sia.
- 24'Bhɛɛ- -e 'yanle- -Waanbhaa' 'pubɔlele 'bhɛ ma, 'kee- 'bhɛ takanle kplokplo 'bhɛɛ- 'ke -ya pɛle- -yaa' -kɔŋlanɛ mu 'ɛ ni dɔɔ: "'bluu 'lɛɛ- 'bhɛ -le 'ke 'ŋ 'flɛ 'ɛ 'le, 'bhɛɛ- -e =kla 'ka ma 'sraka 'le. 'Ka nu 'bhɛɛ- klɛle 'taŋii, 'kooko- 'mi -za dɔ 'ka 'kpee.'"
- 25'Bhɛ klɛgbeya do 'ɛ 'yi, -o yanle pɛ 'ɛ 'bhlelele, 'kee- -drɔɔ pɛyan- do 'sile, 'bhɛɛ- 'ke -ya pɛle- -o ni dɔɔ: "-Waanbhaa' -bhoolaya drɛɛ 'la -dwa 'yee- 'pegee bhaaplɛŋ mu 'ɛ plɛŋ- 'mi a pɛ yien 'ɛ -glɔɔya' 'ɛ 'le, 'bhɛ -le -gɛ. 'Ke 'kaa- mi 'zi 'waati oo 'waati 'la ba, 'mi -za dɔ 'ka 'kpee.'"
- 26-Amasrɔyi 'sani- -e nu gele 'tɛnlɛ- Mɛɛzan Zesu 'nule- 'ɛ ma, 'ke 'ka -o 'bluu 'lɛɛ- 'bhle zii', 'bhɛ 'pegee 'ke 'ka -o -drɔɔ pɛyan- do 'lɛɛ- 'mi zii' 'waati 'oo 'waati 'la ba, 'ka -o 'mi gaza 'ɛ 'bhɛɛ- 'wo zii' 'ezin- 'bhɛ gbɛɛn- bhe.
- 27'Bhɛla- -zayile, 'ke mɛɛ 'oo mɛɛ 'la zan Mɛɛzan Kriɔi a 'bluu 'ɛ =bhla, 'bhɛ 'pegee 'kee- -yaa' -drɔɔ pɛyan- do 'ɛ =mia, 'bhɛɛ- 'ke 'bhɛ zan 'taawogbeya 'ɛ yaa Mɛɛzan Kriɔi 'lɛdɔ- -a ma 'elrele, 'bhɛ zan -o -kpan -la baa- 'zi 'bhɛ 'gbu ta 'bhɛ klɛgbeya 'ɛ gbɛɛn- bhe, -amasrɔyi -e Mɛɛzan Kriɔi 'flɛ 'ɛ 'pegee 'bhɛ yien 'ɛ mavɛɛla.
- 28'Bhɛla- -zayile, 'ka 'kpɛn do do 'bhɛ 'gbu zrubaglin 'elwale pɛ, 'bhɛɛ- -e sɔ 'bluu 'lɛɛ- 'bhlele, 'bhɛɛ- -e -drɔɔ pɛyan- do 'ɛ mi 'tɛ.
- 29-Amasrɔyi 'ke mɛɛ 'oo mɛɛ 'la zan 'bluu 'ɛ =bhla, 'bhɛ 'pegee 'kee- -drɔɔ pɛyan- do 'ɛ =mia, 'bhɛɛ- 'ke -o -yi -o 'kɛla 'le Mɛɛzan a pɛ 'flɛ 'ɛ ba zayi' 'ke yaa 'bhɛ dɔle; 'bhɛ zan -o -Waanbhaa' a -kpan -la baa- 'zi -a 'gbu ta 'bhɛ gbɛɛn- bhe.
- 30'Bhɛla- -zayile, gade mu -bebe 'pegee -sɔŋzan' -bebe -o 'ka 'plɛŋ-, 'bhɛɛ- 'ka -bebe -gaa gban.

- ³¹'Ke -koo' -koo' 'gbu zrubaglinna 'elwale 'pe, -Waanbhaa' a 'kiti 'laa nu klele -koo' ma.
- ³²'Dun- Meezan Kriisi -o -koo' mu 'kitikan zii' 'bhe 'pegee -e -koo' 'krowo, 'kooko- -yaa' -kpan 'laa balaa' -koo' mu 'pegee 'drunyan 'yi mu 'e ta 'eke- zi.
- ³³'Bhe ya 'e 'yi, 'η nēnē- mu, 'ke 'ka =klaa 'eke- ba Meezan Kriisi a pele 'e 'bhle zayi', -ka 'eke- magben -a ma.
- ³⁴'Ke gbōn -o mēe 'la zan dē 'zi, 'bhe zan pēbhle 'elwale 'pe 'bhe 'gbu ba 'fē 'lē ma, 'bhē- -e nu 'tē. 'Ke 'bhe =kla, 'ke 'ka =klaa 'eke- ba, 'ka 'laa nu -Waanbhaa' a 'kiti 'e 'wlenle- 'ka 'gbu ma. 'Ke 'mi =wlaa 'ka ba ye, 'η nu -za -vin mu 'e 'mu -yrebagole 'ka 'pleŋ-.

Korēnti =Lwa Mi 12

- ¹'D nēnē- mu, Lii 'Weŋ 'e 'seŋ mu 'la na mēe ni, -koo' 'mu ba janwo doo. 'D 'yoo -a zi 'bhii- 'ka wlan dō 'mu ba zayi'.
- ²'Ka 'gbu 'a 'yaango- 'bhii- 'ka 'laa -yaa -Waanbhaa' dō 'waati 'la ba, 'ka gbaanle -yaa yo 'bhobho mu -la zi.
- ³'Bhēla- -zayile, 'mi pe 'ka ni dōo 'ke Lii 'Weŋ 'e -yoo mēe 'la zan -yi, 'bhe zan laa sō -a pele dōo: "Zesu 'danŋanwole -o!" 'Bhē- 'ke Lii 'Weŋ 'e yaa -o mēe 'la zan -yi, 'bhe zan laa sō -a pele- dōo: "Zesu -o 'ke Meezan 'le!"
- ⁴Lii 'Weŋ 'e 'seŋ mu 'la na mēe ni, 'bhē- -e -Waanbhaa' a ye 'e wo, 'bhe 'seŋ mu 'e -glōn -o 'ebebele; 'dun- -o 'kpen da 'yee- Lii 'Weŋ do 'kpō 'e 'yela- -yi.
- ⁵-E ye mu 'la na mēe mu ni, 'mu -glōn -o 'ebebele, 'dun- mēe mu yewo 'yee- Meezan -Waanbhaa' do 'kpō 'e 'yela- ni.
- ⁶'Bhē- yewogbeya 'e -glōn -o 'ebebele, 'dun- 'yee- -Waanbhaa' do -kplēn -le -o 'kpen kle fanŋan- na -koo' 'kpen ni do do.
- ⁷Zesu 'yi mu 'e 'kpen do do 'yi, Lii 'Weŋ 'e -ya -glōya' 'e zrōn klēgbeya 'e 'kpen -glōn 'yi, 'kooko- -e sō bhōle- 'woo- Zesu 'yi mu 'e 'kpen ba.
- ⁸Lii 'Weŋ 'e -e -zadōleya ma -jan na mēe 'ke ni, 'bhē- -e yikanleya ma -jan na mēe -bhēke' do ni. 'Yee Lii 'Weŋ do 'kpō 'e 'yele- 'mu 'kpen na.
- ⁹'Yee- Lii 'Weŋ do 'kpō 'e -e 'kpaleya -gbēnē na mēe 'ke ni; 'bhē- -e gadē mu -bhe 'seŋ na mēe -bhēke' do ni.
- ¹⁰-E 'sōle- maza kle 'seŋ na mēe 'ke ni; 'bhē- -e -Waanbhaa' -lēlajanwole 'seŋ na mēe -bhēke' do ni; Lii Wlan 'la 'bhe da -Waanbhaa' ba, 'bhē- bhla ma lii -yōō' mu 'la da -Setran' ba, Lii 'Weŋ 'e 'seŋ na mēe 'ke ni 'bhē- 'bhe sō 'mu lii -glōn plē 'e bagogbeya dōle-; 'bhē- wli -bhēke' -glōn 'e 'kpen 'la 'ke waa 'mu daanle, -e 'mu 'pe 'seŋ na mēe -bhēke' do ni; 'bhē- -e 'woo- wli -bhēke' mu 'e 'yipele 'seŋ na mēe 'ke ni.

- 11 Lii 'Wen̄ do 'kpɔ 'ɛ 'yele- 'bhe -za mu 'ɛ 'kpen kle; -e 'woo- 'sen̄ mu 'ɛ 'kpen 'yicien- mɔkpen' ma do do; mɔkpen' do do 'pegee 'bhe a pɛ, 'bhɛ- -za 'la 'bhe -bɛŋgole -o -a 'gbu zru maza 'ɛ 'le, -e 'bhɛ- kle.
- 12 Bhaaplen̄ 'fle 'ɛ -yoo do 'kpɔ, 'bhɛ- 'duŋ- a dɔpɛ mu 'ɛ -woo 'ebebele. 'Ali- 'ke 'fle 'ɛ dɔpɛ mu 'ɛ -woo 'ebebele, -o 'kpen -o 'fle do 'kpɔ -la -le. Kriŋi -o 'bhii- 'yee- 'fle 'ɛ -yaa' pɛ klegbɛya 'ɛ 'bhɛ- gbɛɛn-.
- 13 -Amasrɔyi, -o -kɔɔ' 'kpen 'wiɪŋfia= Lii 'Wen̄ do 'kpɔ -la -yi. -Kɔɔ =klaa 'eke- ba, 'bhɛ- -kɔɔ' =kla 'bhii- 'fle do 'kpɔ. 'Ke -kɔɔ' -o Zuufu mu 'le oo, 'ke -kɔɔ' -o Zuufu kle mu 'le oo, 'ke -kɔɔ' -o lu mu 'le oo, 'bhe 'pegee 'ke -kɔɔ' -o =klɔ mu 'le oo, -kɔɔ' 'kpen Lii 'Wen̄ do 'kpɔ -la 'srɔɔwoa-.
- 14 Bhaaplen̄ 'fle 'ɛ dɔpɛ laa -o do 'kpɔ, 'duŋ- -a dɔpɛ mu 'ɛ -woo 'ebebele.
- 15 'Ke gaan -yaa pe bi gbɛ ni dɔɔ: "'Naa -o 'ke gbɛ 'le, 'bhela- -yile 'mi 'kpale- laa -o 'fle 'ɛ dɔpɛ mu 'ɛ ba". 'Bhe 'yaa- sɔ -a klele- 'bhɛ- yaa -yaa nu klele 'fle 'ɛ dɔpɛ mu 'ɛ do 'le ɛɛ?
- 16 'Bhɛ- 'ke 'trɔn 'yaa- pe bi dɔɔ: "'Naa -o 'ke -yrɛbhe' 'le, -ayile 'mi 'laa -o 'fle 'ɛ -yaa' pɛ 'le". 'Bhe 'yaa- sɔ -a klele- 'bhɛ- 'trɔn 'laa kle 'yee- 'fle 'ɛ dɔpɛ mu 'ɛ do 'le ɛɛ?
- 17 'Ke 'fle 'ɛ 'kpen 'yaa- kle 'ke -yrɛbhe' 'te 'le, -e -yaa nu 'sɔle- -jan 'male- -mɛla -le ɛɛ? 'Bhɛ- 'kee- kle bi 'trɔn 'te 'le, -e -yaa nu pɛ ven mu 'silɛ- -mɛla -le ɛɛ?
- 18 Wlan 'ɛ ni, -Waanbhaa' laa 'fle 'ɛ klele bhaama. -E 'fle 'ɛ dɔpɛ mu 'ɛ 'kpen do do - kpa -a ma 'bhii- -e -yaa zi 'bhii- -ya kle -a zru maza 'le gɔnɛ- 'la gbɛɛn-.
- 19 'Bhɛ- 'ke 'fle 'ɛ 'kpen 'yaa- kle 'ke dɔpɛ do 'kpɔ 'le, -e 'yaa- sɔ klele- 'fle 'le ɛɛ?
- 20 'Bhe ya 'ɛ 'yi, dɔpɛ mu 'ɛ -woo 'ebebele, 'duŋ- 'fle 'ɛ -yoo do 'kpɔ.
- 21 'Bhe klegbɛya 'ɛ 'yi, -yrɛbhe' laa sɔ -a pele- gbɛlaa- ni dɔɔ: "'D maza laa -o 'e ma!" 'Bhɛ- ŋgblo laa sɔ -a pele- gaan mu ni dɔɔ: "'D maza laa -o 'ka ma!"
- 22 'Bhɛ- drɔn', dɔpɛ mu 'la fan̄gan- 'laa -o 'mu ta -kɔɔ' 'yrɛ 'yi, -kɔɔ' maza -o 'mu -la 'gbu ma 'ebebele.
- 23 -Kɔɔ' 'kpee ma -kɔɔ' 'fle 'ɛ ma yrɛ mu 'la 'mu 'laa -o 'ke -za 'kɛdo- 'kpɔ 'le, -kɔɔ' 'mu -la -gblakun' 'egbɛnɛle 'ke 'bhe kan -a -vin mu 'ɛ ta. -Kɔɔ' 'fle yrɛ mu 'la -woo 'ke - yraladɔ ma yrɛ mu 'le, -kɔɔ' 'mu -la kun 'elrele 'ke 'bhe kan -a yrɛ -vin mu 'ɛ ta.
- 24 'Bhɛ- 'duŋ-, -kɔɔ' 'fle 'ɛ yrɛ mu 'la waa -o 'ke -yraladɔ ma yrɛ mu 'le, -kɔɔ' 'laa 'mu kun 'elrele. -Waanbhaa' -kɔɔ' 'fle 'ɛ =kla klegbɛya 'la 'yi, 'bhe -le dɔɔ, -kɔɔ' 'laa a yrɛ mu 'la ye -za 'kɛdo- 'kpɔ 'le, -o 'mu -la kun 'elrele.
- 25 -E 'bhe =kla 'bhe gbɛɛn- bhe, 'kooko- 'fle dɔpɛ mu 'ɛ 'yicienle laa kle 'ke -o mabhaabhɔ 'eke- ta; 'duŋ- -yoo =kla 'kooko- 'ke -o bhɔ 'eke- ba.
- 26 'Ke 'fle 'ɛ dɔpɛ do -o -yrɛnbhle' zii', 'yee- 'fle yrɛ 'ɛ 'kpen -le -yrɛnbhle' zii' bhe. 'Duŋ- 'ke -wa dɔpɛ do -ledwa 'bhe ma, -a dɔpɛ -vin mu 'ɛ 'kpen zrukpaale kle 'eke- 'yi.

27'Duŋ- 'ka mu, 'ka mu -le 'ke Krisi 'fle 'e 'le. 'Bhɛɛ- 'ka 'kpen do do -o 'ke -a 'fle dɔpe mu 'e 'ke -la -le.

28'Bhɛ klɛgbɛya 'e 'yi, -Waanbhaa' mɛɛ 'ke mu =kpa mɛɛ mu wiŋ- Zesu 'yi mu -lɛdo' mu 'e ba: -O wiŋ- mɛɛ -lɛ =lwa mi 'e 'bhɛ -le 'ke Zesu a 'winbɔwo mu 'e 'le; 'bhɛɛ- -a -lɛ plɛ mi 'e 'bhɛ -le 'ke -Waanbhaa' -lɛla' janwo mu 'e 'le; -a -lɛ yaga mi 'e 'bhɛ -le 'ke mɛɛ daan mu 'e 'le. 'Mu ziten' mu 'e 'mu -le -Waanbhaa' 'sɔle- maza klɛ 'seŋ =naa mɛɛ 'la zan mu ni 'mu 'le, 'bhɛ 'pegee -e gadɛ mu -bheɛ 'seŋ =naa mɛɛ 'la zan mu ni 'ezin-; 'mu a pɛ ziten' mu -le -e 'seŋ =naa 'kɛ mu 'la ni 'ke 'mu bhɔ mɛɛ ba 'mu 'le. 'Bhɛɛ- -e mɛɛ 'ke mu =kla mɛɛ -lɛdɔɔ' 'mu 'le. 'Bhɛɛ- wli -bhɛɛke' mu 'la waa 'mu daanle -e 'mu 'pɛ 'seŋ =naa -a 'ke mu ni.

29'Taa- -a pele -o dɔɔ mɔkpen' -o 'ke Zesu a 'winbɔwo mu 'le ɛɛ? Taa- mɔkpen' -o -Waanbhaa' -lɛla' janwo mu 'le ɛɛ? Taa- mɔkpen' -o 'ke 'sɔle- maza klɛ mu 'le ɛɛ?

30'Bhɛɛ- taa- -a pele -o dɔɔ gadɛ mu -bheɛ 'seŋ -o mɔkpen' 'ni ɛɛ? Taa- wli -glɔɔn -bhɛɛke' 'pɛ 'seŋ -o mɔkpen' ni ɛɛ? Taa- 'bhɛ wli -bhɛɛke' mu 'e 'yipe 'seŋ -o mɔkpen' ni ɛɛ?

31'Bhɛ klɛgbɛya 'e 'yi bhe, 'ka zrubhɔ 'seŋ -gbɛnɛ mu 'e 'mu -la -srɔɔwole ma. 'Bhɛɛ- 'duŋ-, 'kɛla 'bhɛ -o pɛ 'kpen 'lɛɛ, 'ŋ 'yoo- zan 'bhɛ zrɔnle 'ka ni 'saanibhe.

Korɛnti =Lwa Mi 13

1'Wlan 'e ni, 'ali- 'ke 'ŋ sɔ 'drunyan ta wli mu 'e 'kpen 'pele, 'ke 'ŋ sɔ -mlɛke' mu a wli mu 'e 'kpen 'pele, 'duŋ- 'ke 'sɔniya laa -o 'ŋ zru 'e 'yi, 'ŋ 'wojan- mu 'e -woo 'bhii- 'koobaa- 'weli- 'pegee -glee 'weli- gbɛɛn-.

2'Ali- 'ke -Waanbhaa' -lɛlajanwole 'seŋ -o 'ŋ ni, 'ke gaanyiza 'kpen -yipe' 'seŋ -o 'ŋ ni, 'bhɛɛ- 'ke -zayaangole 'e 'kpen 'seŋ -o 'ŋ ni; 'ali- 'ke 'ŋ 'kpaleya 'e 'bhɛ a -gbɛnɛya 'e 'yi, 'ke 'ŋ sɔ a pele- vlɛ gɔɔn mu ni dɔɔ 'mu 'yro 'mu gbaanyrɛ mu 'e =nɔɔ, 'bhɛɛ- 'ke 'bhɛ 'ke mu 'mu klɛ 'ŋ 'weli- ta; 'duŋ- 'ke 'sɔniya laa -o 'ŋ 'yi, 'naa -o 'ke pɛ 'kɛdo- 'kpɔ 'le.

3'Ke 'mi 'ŋ 'kɔɔpɛ- mu 'e 'kpen 'yicienna 'kɔɔflɛŋzan mu ma -o -lɛbɔ' pɛ mu 'le, 'ali- 'ke 'mi 'ŋ 'gbu =gwan 'bhii- lu do 'le, 'kooko- 'ŋ bhɔ 'woo- 'kɔɔflɛŋzan mu 'e ba, 'bhɛɛ- 'ke 'mi 'ŋ baa 'bhɛ -za 'e 'yi, 'duŋ- 'ke 'sɔniya laa -o 'ŋ 'yi, 'bhɛ 'laa -za 'kɛdo- 'kpɔ 'yanwo- 'ŋ ma.

4'Ke 'sɔniya -o mɛɛ 'la zan -yi, 'bhɛ zan 'bhɛ zrubakpalaa -za zi, 'bhɛɛ- wlanya -o -a zru 'e 'yi, -a -yrɛ 'laa bhɔ mɛɛ -bhɛɛke' 'kɔɔpɛ- zi, yaa 'gbu 'wasowo, 'bhɛɛ- yaa -a 'gbu magbaande mɛɛ ma.

5'Bhɛ zan laa -yraladɔ maza klɛ, yaa -a 'gbu do -kplɛn 'nrayiza klɛ, yaa -a yinmatɔnkpa blaale-, 'bhɛɛ- yaa mɛɛ kuku kpa -a 'kpee.

6'Bhɛ zan laa 'bhɛ zrukpalaa -lebiimaza zayi'; 'duŋ- -ya zrukpalaa wlan -la -zayi'.

7'Ke 'sɔniya -o mɛɛ 'la zan 'yi, 'bhɛ zan -za 'kpen 'sroma- yan, -ya kpa -za 'kpen 'yi, -a -yri 'kpale- bo pɛ 'kpen ta, 'bhɛɛ- -e -za 'kpen 'yikun-.

⁸'Sɔniya laa yan -titi. 'Duŋ- -Waanbhaa' -lɛlajanwole mu nu yanɛ. Wli -bhɛɛke' 'pele 'ɛ nu yanɛ; 'bhɛɛ- -kɔɔa' -zayaangole 'ɛ nu yanɛ.

⁹-Amasrɔyi -kɔɔa' -zayaangole 'ɛ 'lesɔle laa -o, 'bhɛɛ- -kɔɔ' -Waanbhaa' -lɛla' jan mu 'la wo, 'mu 'lesɔle laa -o 'ezin-.

¹⁰'Duŋ-, 'ke -za 'la 'bhɛ 'lesɔle -o, 'bhɛ =nwa bhla 'la ba, 'kɛla 'bhɛ 'lesɔle laa -o, 'bhɛ nu yanɛ.

¹¹'D 'yaa- 'waati 'la ba -nɛ 'fientrɔnnɛ 'le, 'an -janwo' gbɛya oo, 'ŋ 'kpeɛɛdan gbɛya 'pegee 'an -za 'kun gbɛya, 'ŋ 'yaa- 'mu 'kpen klɛ matruŋya -la -yi. 'Duŋ- 'ŋ gbaanladia, 'mi 'ploola- matruŋya pla za 'ɛ ma.

¹²'Bhɛ klɛgbɛya do 'ɛ 'yi, -zɔn -kɔɔ' sɔ -za sanɛ- drɔŋ 'la -yimale -Waanbhaa' ba zayi', 'bhɛ -o 'bhii- 'kee- pɛ do -glinna -dwaleŋ' 'la 'yɛɛba- -o 'buŋbuŋ 'bhɛ 'yi, 'yaa- sɔ -a yɛɛ 'ɛ 'kpen 'yele gɔnɛ- 'la gbɛɛn-. 'Duŋ- 'ke 'bhɛ yi 'ɛ =bhwa, -kɔɔ' nu -Waanbhaa' yeke kɛpataakpa -kɔɔ' 'yɛɛbhɛ- plɛ 'ɛ 'kpen 'le. -Zɔn -kɔɔa' -zayaangole 'ɛ 'lesɔle laa -o; 'duŋ- 'ke 'bhɛ 'waati 'ɛ =bhwa, -kɔɔ' nu -za 'kpen dɔle 'kee- tɛn -a -dan' ma, 'bhii- -Waanbhaa' 'gbu -kɔɔ' mu dɔ gɔnɛ- 'la gbɛɛn-.

¹³'Bhɛ 'yi bhɛ, pɛ yaga 'lɛɛ- 'mu -le nu bolɛ -a nɔɔ-; 'bhɛɛ- waa yan -titi: 'kpaleya, 'bhɛɛ- 'ɛ 'yrikpale -za ta, 'bhɛ 'pegee 'sɔniya. 'Duŋ- 'kɛla 'bhɛ -za -o 'egloole -o 'kpen ba 'bhɛ -le 'ke 'sɔniya 'ɛ 'le.

Korɛnti =Lwa Mi 14

¹'D nɛɛnɛ- mu, -ka dɔ 'egloole 'ke 'ka 'sɔniya 'ɛ 'bhɛ -la ziglin-. 'Bhɛɛ- -ka Lii 'Wɛŋ 'ɛ 'bhɛ a 'sɛŋ mu 'ɛ 'mu -la ziglin- 'ezin-; 'duŋ- -ka dɔ 'egloole 'ke 'ka -Waanbhaa' -lɛlajanwole 'sɛŋ 'ɛ 'bhɛɛ- ziglin- 'elwale 'pe.

²Wlan 'gbu 'ɛ ni, 'ke mɛɛ 'la zan -o wli -bhɛɛke' mu pe 'zi, 'bhɛ zan laa -o -janwo' zii' bhaapleŋ mu ni, 'duŋ- 'bhɛ zan -o -janwo' zii' -Waanbhaa' -la ni. -Amasrɔyi mɛɛ 'kedo- 'kpɔ 'laa -a pewli 'ɛ 'bhɛ 'yima-, 'bhɛɛ- Lii 'Wɛŋ 'ɛ 'srɔyi, -ɛ sɔ wlan mu 'la 'mu gaanle -o 'mu tapwele.

³'Duŋ- 'ke mɛɛ 'la zan -Waanbhaa' -lɛlajanwo, 'bhɛ zan -janwo' bhaapleŋ mu -la ni, 'bhɛɛ- -ɛ faŋgandɔ 'mu ta, -o 'kpaleya 'ɛ baan' kla -a ba, 'bhɛɛ- -yoo lia.

⁴'Ke mɛɛ 'la zan wli -bhɛɛke' pe, 'bhɛ zan faŋgandɔ 'bhɛ 'gbu -la ta. 'Bhɛɛ- 'duŋ-, 'ke mɛɛ 'la zan -Waanbhaa' -lɛlajanwo, 'bhɛ zan 'ɛ faŋgandɔ Zesu 'yi mu -lɛdo' 'ɛ 'kpen -la ta.

⁵'Mi -a zi 'bhii- 'ka 'kpen wli -bhɛɛke' mu -la pe; 'duŋ- 'kɛla 'bhɛ sɔ 'mi ni 'ezin- 'egbɛnɛle 'ke 'bhɛ kan 'kɛla bhɛ 'bhɛ ta, 'bhɛ -le dɔɔ 'ka 'kpen -Waanbhaa' 'lɛlajanwo. - Amasrɔyi mɛɛ 'la zan -Waanbhaa' -lɛlajanwo, 'bhɛ mabhaabho 'ke 'bhɛ kan mɛɛ 'la zan wli -bhɛɛke' mu pe 'bhɛ ta; 'fɔke 'bhɛ zan 'bhɛ 'pe wli -bhɛɛke' 'ɛ 'yipia=, 'kooko- faŋgandɔ Zesu 'yi mu -lɛdo' 'ɛ 'kpen ta -waa' 'kpaleya 'ɛ 'yi.

⁶'Bhɛ ya 'ɛ 'yi, 'ŋ nɛɛnɛ- mu, 'ŋ 'yoo -za do -la -yilrɔkpale 'ka ma dɔɔ: 'Ke 'mi =nwa 'ka ba, 'bhɛɛ- 'ke 'ŋ =dwa wli -bhɛɛke' -la pele ma, 'bhɛ 'trɔn- nu klɛɛ 'ka ma -mɛla -le ɛɛ?

'Bhe 'trɔn- 'laa nu klele 'ka ma -za 'kedo- 'kpɔ 'le, 'fɔke -Waanbhaa' -za 'la 'bhe -zrɔnna 'ŋ ni 'ke 'ŋ 'bhɛɛ- 'yipia= 'ka ni, 'bhɛɛ- 'kee- -jan 'la =kpaa 'mi 'lii 'ke 'ŋ 'bhe 'yiklaa= 'ka 'kɔɔ, 'bhe 'pegee 'ke 'ŋ -za 'yaangoleya ma -jan do =woa 'ka ni, 'bhɛɛ- 'ke 'ŋ 'ka -daanna -za do 'le. 'Ke yaa klele 'bhe gbɛɛn-, 'ka nu -trɔn 'ɛ -dela -srɔɔwole 'mi a pɛ wli -bhɛɛke' pele 'ɛ ma ɛɛ?

⁷'Ali- nii- 'laa -o pɛ mu 'la 'yi, 'bhɛɛ- 'duŋ- 'ke -o sɔ -wele', 'bhe pɛ mu 'ɛ 'ke mu -le 'ke -gofɛn' 'pegee -gitari gwe -glɔɔn mu 'ɛ 'le. 'Ke waa -o dɛ 'zi 'elrele, -woo 'sro 'la 'kpa zii' -o -yi, -o sɔ -o plɛ 'ɛ 'kpɛn dɛwli 'ɛ bagole dɔle- ɛɛ?

⁸'Bhe klɛgbɛya do 'ɛ 'yi, -o gwledan mu 'ɛ sii -klɛlɔŋ' 'pɛnwli- 'la 'le, 'ke 'bhe 'pɛnwli- 'ɛ bakanle laa -o kplankplan, gwledan mu 'ɛ -de 'gbu -le nu 'bhe magaanle gwledanle 'ɛ 'kaama- ɛɛ?

⁹'Bhe -za 'yansi do 'kpɔ 'ɛ 'bhe -le 'kaa- pɛ 'ɛ 'le. 'Ke 'ka -o -jan 'la 'wo zii' wli -bhɛɛke' 'ɛ 'yi, 'bhɛɛ- 'ke waa 'bhe 'yima-, -o nu 'ka 'wojan- 'ɛ 'yimale 'nale- -a ma ɛɛ? -Yoo 'bhii- 'ka -o -janwo' zii' -ploɔ -la zi bhaama.

¹⁰Wli 'srɛ -glɔɔn mu 'la -woo 'drunyan 'lɛɛ- 'yi, -o 'kpɛn -o 'ke -yima' pɛ 'le.

¹¹'Duŋ- 'ke mɛɛ do -o -janwo' zii' 'mi ni wli 'la 'ke 'naa 'bhe dɔ 'bhe 'yi, 'bhe zan 'ɛ kle 'mi 'yrɛ 'yi 'bhii- 'cie do; 'bhɛɛ- 'mi kle 'bhe zan 'ɛ 'yrɛ 'yi 'bhii- 'cie 'ezin-.

¹²'Bhe ya 'ɛ 'yi, Lii 'Wɛŋ 'ɛ 'sɛŋ mu 'la na mɛɛ ni, 'mu -la -srɔɔwo' -lrɔ kle 'ka ma, 'bhɛɛ- 'kɛla 'bhe sɔ -Waanbhaa' a mɛɛ mu 'ɛ -waa' 'kpaleya 'ɛ baan' 'klale -a ba, -ka 'bhɛɛ- ziglin- 'eglɔɔle.

¹³'Bhela- -yile, 'ke mɛɛ 'la zan -o wli -bhɛɛke' pɛ zii', 'bhe zan 'a 'yrewo -Waanbhaa' ma dɔɔ 'bhe 'sɛŋ 'na -a ni 'kee- sɔ -a 'gbu 'pɛ wli -bhɛɛke' 'ɛ 'yipele.

¹⁴-Amasrɔyi 'ke 'ŋ 'yoo- 'ŋ 'seriwo zii' wli -bhɛɛke' 'yi, 'ŋ nii- 'ɛ 'bhe -le kle 'seri 'yi, 'duŋ- 'naa -o -a kle 'zi 'ŋ yikan' 'ɛ 'le.

¹⁵'Bhe ya 'ɛ 'yi, 'mi sɔ -mela klele- 'tɛ ɛɛ? 'Mi sɔ 'ŋ 'seriwole -Waanbhaa' ni 'ŋ 'nii- 'ɛ 'le; 'bhɛɛ- 'duŋ-, 'ŋ nu 'seriwole -a ni 'ezin- 'ŋ yikan 'ɛ 'le. 'D nu 'srokpale 'ŋ 'nii- 'ɛ 'le; 'bhɛɛ- 'duŋ-, 'ŋ nu 'srokpale 'ŋ yikan' 'ɛ 'le 'ezin-.

¹⁶'Bhɛɛ- 'ke 'yoo- -Waanbhaa' 'pubɔ- 'zi 'ɛ 'nii- 'ɛ 'yi, mɛɛ bhaamale 'la 'yaale- -o -zamaa' 'ɛ 'plɛŋ-, 'bhe nu 'sɔle- -a pele- 'nale- -a ma "Amiina " 'yaa- 'seri 'ɛ ma, 'ke yaa 'yaa- 'seri 'ɛ 'yimale ɛɛ?

¹⁷'Ali- 'ke 'yaa- -Waanbhaa' 'pubɔ- 'seri 'ɛ =kla 'elrele gbɛ 'ɛ 'kpɛn ma, 'bhe mɛɛ do 'ɛ, 'yaa fangandɔle 'bhe a 'kpaleya 'ɛ ta; -amasrɔyi yaa 'yaa- 'seri 'ɛ 'yimale.

¹⁸'Mi 'duŋ-, -Waanbhaa' 'pubɔ- -amasrɔyi, 'ŋ sɔ wli -bhɛɛke' 'pele 'kee- kan 'ka 'kpɛn ta.

¹⁹'Duŋ- 'ke Zesu 'yi mu 'ɛ -woo -waa' 'klankeba =nɔɔ, 'bhɛɛ- 'ke 'ŋ 'yoo- -o 'plɛŋ-, -jangɔ' 'soo 'la 'ke mɛɛ mu sɔ 'mu -yimale, 'bhɛɛ- 'kooko- -o -za daan 'mu ma, 'bhe mu -la wole sɔ 'mi ni 'ke 'bhe kan -jangɔ' 'waa vu wole ta 'ŋ 'kɔɔ wli -bhɛɛke' 'yi.

- 20'D nɛɛnɛ- mu, -ka 'ploo- 'kaa- matruɲya 'kpeeledan gbeya 'ɛ ma, -ka 'ka 'kpeeledan 'bhii- mɛɛ -yɛbakanle mu gbɛɛn-. -Za 'yoo- a pɛ zi 'ɛ ta, -ka 'ka 'gbu klɛ 'bhii- matruɲɛ mu gbɛɛn-, -amasɔyi waa -za 'yoo- dɔ. 'Duɲ- 'ka 'kpeeledan gbeya 'ɛ ma, -ka klɛ mɛɛ -yɛbakanle mu 'le.
- 21'Toɲ 'sɛwɛ 'ɛ 'yi, -a yɔɔndeɛ -o dɔɔ Mɛɛzan -Waanbhaa' pe dɔɔ: "'Mi nu 'si 'bhɛɛke mu a wli -la 'sile-, 'bhɛɛ- 'ɲ nu -jan 'kpale- 'cie mu -la -lii, 'bhɛɛ- -o nu -janwoɛ 'an pɛ mɛɛ mu 'lɛɛ- ni, 'ali- 'ke 'bhɛ =kla oo, waa nu -o 'trɔnkpale 'mi 'weli- 'ɛ =la."
- 22'Bhɛ klɛgbeya 'ɛ 'yi, wli -bhɛɛke' pele 'ɛ, 'bhɛ -o 'ke -Waanbhaa' a -glɔɔya' 'ɛ -tɔɔmasie 'le mɛɛ 'la zan mu laa -o kpa -Waanbhaa' 'yi 'mu yɛ 'yi; 'duɲ- -Waanbhaa' -lɛlajanwoɛ 'ɛ, 'bhɛ -o 'ke -Waanbhaa' a -glɔɔya' 'ɛ -tɔɔmasie 'le mɛɛ 'la zan mu 'kpale- -o -Waanbhaa' 'yi 'mu 'yɛ 'yi.
- 23'Bhɛɛ- 'ke Zesu 'yi mu 'ɛ -waa' 'klaɲkeba do -yi, -o 'kpen wli -bhɛɛke' mu 'pele- -saan; 'bhɛɛ- 'bhɛ 'waati do 'kpɔ 'ɛ ba, 'kee- =kla mɛɛ -bhɛɛke' mu 'le oo, 'kee- =kla mɛɛ 'la zan mu laa -o kpa -Waanbhaa' -yi 'bhɛ 'ke mu 'le oo, 'ke 'mu =nwa wlalɛ 'ka ta 'ke 'ka 'kpen -o wli -bhɛɛke' 'pe zii' 'waati 'la ba; waa nu -a pelɛ dɔɔ 'ka 'kpen ɲgblo -wlenle' -o ɛɛ?
- 24'Duɲ- 'ke -yoo bi 'bhii- -o 'kpen -o -Waanbhaa' -lɛlajanwo 'zi 'waati 'la ba, 'bhɛɛ- 'ke mɛɛ 'la zan laa 'e 'kpa -Waanbhaa' 'yi, 'ke 'bhɛ =nwa wlalɛ 'ka ta 'bhɛ 'waati do 'kpɔ 'ɛ ba; 'bhɛ 'pegee 'ke mɛɛ 'la zan laa 'kaa- -za klɛgbeya 'ɛ dɔ, 'ke 'bhɛ =nwa wlalɛ 'ka ta 'ezin- 'yee- 'waati do 'kpɔ 'ɛ ba, 'bhɛ 'gbu nu -a 'yaangolɛ 'bhii- 'bhɛ -o 'ke -za 'yoo- klɛ mi do 'le 'bhɛ wlan ma -jan mu 'la 'ma zii' -Waanbhaa' a mɛɛ mu 'ɛ 'lii 'bhɛ ma.
- 25'Bhɛɛ- -za 'yoo- mu 'la -woo -a 'kpee, 'mu 'kpen ta nu 'pweɛ- kpataakpa. 'Ke 'bhɛ =kla, -zadɔwɛɛ 'ɛ 'kɔɔ, -e nu -a ɲgblo kulalɛ 'trɛ ma; 'bhɛɛ- -e nu -Waanbhaa' gbale 'ke -ya pe -a 'gbu 'lii kpataakpa dɔɔ: "Wlan 'gbu 'ɛ ni, -Waanbhaa' -o 'ka 'plen-!"
- 26'D nɛɛnɛ- mu, 'ke 'ka =klaa 'eke- ba 'waati 'la ba, -ka -za mu 'lɛɛ- 'mu -la klɛ: 'Ke -Waanbhaa' 'tɔbhɔ ma 'sro -o 'ka do 'kpee, -ka 'bhɛ 'kpa; 'ke mɛɛ daan ma -jan do -o 'ka 'ke 'kɔɔ, 'bhɛ zan 'bhɛ -jan 'ɛ 'wo; 'ke -Waanbhaa' -za do -zɔɔna 'ka 'kɛla ni, 'bhɛ zan 'bhɛ 'pe; 'ke 'ka 'kɛla sɔ wli -bhɛɛke' pele-, 'bhɛ 'bhɛ 'pe; 'bhɛɛ- 'ke 'ka 'kɛla sɔ 'bhɛ wli -bhɛɛke' 'ɛ 'yipele, 'bhɛ 'bhɛ 'yipe. 'Ke -za 'oo -za 'la 'bhɛ sɔ -Waanbhaa' a mɛɛ mu 'ɛ 'kpaleyɔ 'ɛ baan' 'klale -a ba, -ka 'bhɛɛ- klɛ.
- 27'Ke mɛɛ 'la zan mu -o wli 'pele, waa 'kanɛ- mɛɛ plɛ, mɛɛ yaga ta; 'duɲ- -wa klɛ do do 'eke- blaɛn, 'bhɛɛ- 'bhɛ wli -bhɛɛke' 'ɛ 'yipe mi 'ɛ -srɔɔwo' 'ka 'plen-.
- 28'Ke 'bhɛ wli -bhɛɛke' 'ɛ 'yipe mi laa -srɔɔwoɛ 'ka 'plen-, 'bhɛ 'waati 'ɛ ba, mɛɛ 'kedo- 'kpɔ 'laa wli -bhɛɛke' pelɛ 'ka 'plen-. 'Ke mɛɛ 'la zan -a zi 'bhii- 'bhɛ wli -bhɛɛke' pe, 'bhɛ 'bhɛ 'wo 'bhɛ 'gbu 'kpee -Waanbhaa' ni.
- 29-Waanbhaa' -lɛla' janwo mu 'ɛ, 'ke -Waanbhaa' -jan -kpaa 'mu 'lii, waa 'kanɛ- mɛɛ plɛ, mɛɛ yaga ta 'ke -o -janwo'; mɛɛ -vin mu 'ɛ 'mu 'mu 'trɔnkpaa -o wojan mu 'ɛ =la, 'bhɛɛ- 'mu -o wlan yɛ glin.

- 30'Ke -Waanbhaa' -za -zrɔnna mɛɛ 'ke ni, 'bhɛɛ- 'ke mɛɛ -bhɛɛke' do -o -janwo' zii' 'bhɛ 'waati 'ɛ ba, mɛɛ 'la zan -yaa -janwo' zii' 'elwale, 'bhɛ 'laa 'mɔɛ- -janwole 'ɛ zi, 'bhɛɛ- -ya 'to 'ke -Waanbhaa' -za -zrɔnna 'kɛla 'bhɛ ni 'bhɛ -janwo'.
- 31Wlan 'gbu 'ɛ ni, 'ka 'kpen sɔ -Waanbhaa' -lɛlajanwole 'eke- blaana do do; 'kooko- 'ka sɔ 'eke- daanle-, 'bhɛɛ- 'ka faŋgandɔ 'eke- ta 'kaa- 'kpaleya 'ɛ 'yi.
- 32-Waanbhaa' 'bhɛ -lɛlajanwole 'sej 'naa- mɛɛ 'la zan mu ni, 'mu dɔ klen 'ke 'bhɛ -lɛlajanwole 'sej Lii 'ɛ 'kpaale- bo -o -la.
- 33-Amasrɔyi -Waanbhaa' laa -kɔɔ' 'siile- 'ke -kɔɔ' bo -za kleyrɛ nɔɔ- 'kɔɔ- 'gbu 'win ta, 'duŋ- -e 'kɔɔ- 'siila-, 'kooko- 'kɔɔ- bo yilabla 'yi. 'Bhii- -wa kle gɔnɛ- 'la gbɛɛn- -Waanbhaa' a mɛɛ mu 'plen- yrekpen- =nɔɔ bhe.
- 34'Ke 'ka =klaa 'eke- ba, 'ka 'laa -jan 'nale- le mu ni 'ka 'plen-, -o tagale bo. -Woo 'gbu mazina 'bhii- -a pele -o -Waanbhaa' a 'Toŋ 'Sewɛ 'ɛ 'yi gɔnɛ- 'la gbɛɛn-.
- 35'Ke -o 'ke mu -o -a zi 'bhii- -o -za 'ke 'yima, -o 'bhɛ 'yilrɔkpa -o -nɔɔ mu 'ɛ ma -o ba -le ma. -Amasrɔyi -jan 'nale- le mu ni Zesu 'yi mu 'ɛ 'plen-, 'bhɛɛ- -o -janwo' -Waanbhaa' a 'fɛ 'ɛ =la, -za 'lrele- laa 'bhɛ 'le.
- 36-Waanbhaa' a -jan 'ɛ kli 'ɛ -daa 'ka mu -la ba taa- -a wole 'ɛ =tian 'ka mu do -kplen -la ma ɛɛ?
- 37'Ke mɛɛ 'la zan 'kpee ma -yoo 'ke -Waanbhaa' -lɛla' janwo mi 'le, 'bhɛɛ- 'ke -a 'gbu 'kpee -ya 'yaango- 'bhii- Lii 'Wɛŋ 'ɛ 'sej do -naa -a ni, 'bhɛ zan 'a 'yaango- 'bhii- 'mi -o -jan 'la yɔɔndɛ 'zi 'ka ni -gɛ, -Waanbhaa' wojan -le 'bhɛ 'le.
- 38'Ke 'bhɛ zan laa dɔle 'bhɛ -jan 'lɛɛ- =la, -Waanbhaa' laa nu 'bhɛ zan dɔle -titi.
- 39'Bhɛ ya 'ɛ 'yi, 'ŋ nɛɛnɛ- mu, -ka dɔ 'egloole 'ke 'ka pɛ 'la 'bhɛ ziglin- 'ka 'nii- 'ɛ 'kpen 'le, 'bhɛ kle -Waanbhaa' -lɛlajanwole 'ɛ 'bhɛɛ- 'le. 'Ke mɛɛ 'ke mu -o wli -bhɛɛke' 'pe zii', 'ka 'laa 'bhɛ 'saawole 'bhɛ zan mu 'ɛ 'kɔɔ.
- 40-Ka 'ka 'plenza- 'kpen kle -lɛɛya' ma do do.

Korɛnti =Lwa Mi 15

- 1'D nɛɛnɛ- mu, 'ŋ -Jan 'Nrɛle- 'la =woa 'ka ni 'ke 'ka -dwa -a -la, 'bhɛɛ- 'ka blɔɔle -o -a ma 'egloole, 'ŋ 'yoo- -a zi 'bhii- 'ŋ 'bhɛ dɔ 'ka 'kpee 'ezin-.
- 2'Ke 'ka 'taawoa= 'yee- -Jan 'Nrɛle- 'ɛ ta 'elrele 'bhii- 'mi 'ka -daanna 'kɛle- gɔnɛ- 'la gbɛɛn- 'ka sɔ gole- -za 'yi -a ma. 'Kebhlaale, 'ka 'ka 'kpalawoa Zesu 'yi, 'bhɛ =kla bhaama za 'le.
- 3-O 'mi -daanna -za 'la 'le, 'mi 'ka mu -daanna 'bhɛɛ- 'le 'elwale, 'bhɛ -le dɔɔ: Krisi -gaa -kɔɔ' a -za 'yɔɔ- mu 'ɛ ma 'bhii- -a pele -yaa -Waanbhaa' a 'Sewɛ 'ɛ 'yi gɔnɛ- 'la gbɛɛn-.
- 4-Wa gbaa 'ɛ =bian, 'bhɛɛ- -e -bwela gale ba -a gale blaana -yrekpa' yaga mi 'ɛ ma, 'bhii- -a pele -yaa -Waanbhaa' a 'Sewɛ 'ɛ 'yi gɔnɛ- 'la gbɛɛn-.

- 5'Yee- Zesu bwele blaane gale ba, -e -pwela Kefasi -la ba 'pe, 'bhεε- 'bhε blaane, -e -pwela -yaa' -klanlane -vin vu ta ple 'ε ba.
- 6'Bhε gole -a -yi, 'ke -ya 'gbu zronle- -a nεεnε- Zesu 'yi mu -kεmε 'soo 'ke -a tralape 'ke mu ni 'eke- zi: -o 'ke mu -kla gban 'ke siele, 'bhεε- -o 'ke mu -o -li 'mu -yre ma -zon.
- 7'Bhε blaane, -e -pwela Zaki ba, 'bhεε- boolazi -e -pwela -yaa' winbowa mu 'ε 'kpen ba 'te.
- 8'Bhε 'kpen blaane, 'kee- 'pwele 'mi ba 'te, 'mi 'la 'mi -o 'bhii- -nε 'la -wa -yaa -a ya bhla 'ε 'leε.
- 9'Bhε ya 'ε 'yi, 'mi -le -yaa' winbowa mu 'ε 'kpen ba mεε 'fientronne 'le. 'Bhεε- 'duη- waa -yaa so 'mi 'kunle 'bhii- -yaa' winbowa mu 'ε do 'le; -amasroyi 'η -yrenkpaa Zesu 'yi mu 'ε ta 'ebebele.
- 10'Duη- 'mi -o 'kela 'le -zon 'bhε -daa -Waanbhaa' a -lileya 'ε 'bhεε- ba. 'Bhεε- -e -lilawoa 'mi ma 'bhε 'laa klele bhaama za 'le -titi: 'bhεε- dron' 'mi yewoa- 'ebebele 'kee- kan Kriisi a winbowa mu -vin mu 'ε 'kpen ta. 'Duη- 'naa 'bhε ye 'ε 'wole- 'η 'gbu a fangan- 'le, 'η =swa 'bhε 'wole -Waanbhaa' a pe -lileya 'ε 'bhεε- 'sroyi.
- 11'Bhela- -zayi', 'kee- =kla 'mi 'le oo, 'kee- =kla Kriisi a 'winbowa mu -vin mu 'ε 'le oo, 'o 'kpen -o 'yee- -Jan 'Nrake- do 'kpo 'ε 'yela- wo 'zi, 'bhεε- 'ka mu 'gbu 'ka =kpaa 'yela -yi.
- 12'Wa 'pelawo zii' doo Kriisi -bwela gale ba; -mela ma 'bhεε- mεε 'ke mu -o -a pe 'zi doo gbaa mu laa so bwele- gale ba εε?
- 13'Bhεε- 'ke wlan -le 'bhε 'le doo gbaa mu laa so bwele- gale ba, 'bhε bhla 'ε ba Kriisi 'laa bwele gale ba.
- 14'Bhεε- 'ke Kriisi 'laa bwele bi gale ba, 'bhε bhla 'ε ba 'woo- -jan 'la 'wo zii' 'bhε -o 'ke bhaama jan 'le, 'bhεε- 'woo 'kpa zii' bhaama za -la -yi.
- 15'Bhεε- 'woo- Kriisi bweza gale ba 'sreya- 'la kle 'zi, -yoo 'bhii- 'woo- bhla -la 'kpa zii' -Waanbhaa' ma. -Amasroyi 'wa 'pe zii' doo -e Kriisi -bwela gale ba, 'bhεε- 'duη- yaa 'bhε klele.
- 16'Bhε ya 'ε 'yi, 'ke gbaa mu laa bwele gale ba, 'bhε bhla 'ε ba, Kriisi 'laa bwele gale ba -titi.
- 17'Bhεε- 'ke Kriisi 'laa bwele gale ba; 'ka -o 'ka 'kpa zii' bhaama za -la -yi. 'Bhεε- 'kaa- -za 'yoo- mu 'kwe 'ε -yoo -li 'ka 'wiij-.
- 18'Bhεε- mεε 'la zan mu -o =kpaa Kriisi 'yi, 'bhεε- -o -gaa, -e kle 'bhii- 'bhε zan mu =nia -Waanbhaa' -yre 'yi 'bhεε- waa so gole- -a -yi -titi.
- 19'Bhεε- 'o 'yri 'kpale- 'la -yoo Kriisi ta 'kee- 'kpa bi 'bhε -dan' -le 'drunyan 'leε- 'bhεε- ta pe mu dron 'ε 'le, 'bhε bhla 'ε ba, -koo' mu -le -yren ma mεε mu 'le mεε mu 'ε 'kpen ba.

- 20 Wlan 'gbu 'ε ni, Kriṣi -bwela gale ba. Mεε 'la zan mu -gaa, -Waanbhaa' 'yela- -bwela gale ba 'elwale 'pe 'mu ba. 'Bhεε- -ya -zrɔnna 'bhε klεgbeya 'ε ma, 'bhii- 'bhε gbaa mu 'ε nu bwele gale ba 'ezin-.
- 21 -Amasrɔyi ga -wlaa 'drunyan 'lεε- 'yi mεε do -la klεza ma; 'bhε klεgbeya do 'ε 'yi, gbaa mu bwe gale ba mεε do 'kpɔ -la klεza ma 'ezin-.
- 22 'Bhεε- bhaaplεŋ mu 'kpen ga, -amasrɔyi -o 'kpen -o Adamu klu 'yi mu 'le, 'bhε klεgbeya do 'ε 'yi, mεε 'la zan mu 'kpale- -o Kriṣi 'yi, bole -yrε ma -si 'la 'ke -daŋ' 'laa -o 'bhε ma, 'mu 'kpen nu 'bhε 'srɔwɔlε Kriṣi -la 'srɔyi.
- 23 'Duŋ- -o 'kpen 'pegee -waa pε 'waati -le: Kriṣi -le =kla mεε =lwa mi 'ε 'le; 'bhεε- 'yee- blaan, mεε 'la zan mu =kla -yaa' pε mu 'le, 'kee- =nwa 'waati 'la ba, 'bhε zan mu nu bwele gale ba.
- 24 'Bhε gole -a -yi, 'bhεε- 'drunyan 'yan yi 'ε nu bhɔle 'tε. 'Bhε 'waati 'ε ba, Kriṣi nu -Setran' 'pegee 'zina mu 'ε -waa -kuŋliiya 'pegee -waa' 'seŋ, 'bhεε- -waa' -glɔɔya' mu 'ε 'kpen 'siεlε-. 'Bhεε- -e nu -bhleŋgbeya 'kpale- mεε 'la zan -o 'ke -Waanbhaa 'pegee -kɔɔ' Dε 'le 'bhε 'kɔɔ.
- 25 -Amasrɔyi Kriṣi nu yaale -bhleŋgbe 'yaakpe- 'ε ta 'sani 'ke -Waanbhaa' 'seŋgo- -a -sɔɔnnii' mu 'ε 'kpen 'le.
- 26 -E nu -a -daŋma' -sɔɔnnii 'la 'bhε a -glɔɔya' 'ε 'siεlε-, 'bhε -le 'ke ga 'le.
- 27 Wlan 'ε ni, -a yɔɔnde le 'la -yoo -Waanbhaa' a 'Sewe 'ε 'yi dɔɔ: "-Waanbhaa' pε 'kpen ŋgblo -kpalaa' Zesu gaan -la." 'Ke -wa =pia dɔɔ "pε 'kpen", -Waanbhaa' laa -o 'bhε pε 'kpen 'ε ba. -Amasrɔyi 'yee- -Waanbhaa' 'gbu -le pε 'kpen ŋgblo -kpalaa' Zesu gaan -la.
- 28 'Kee- -yaan pε 'kpen ŋgblo 'kpaalele Zesu gaan -la 'waati 'la ba, 'yee- Zesu 'la -yoo 'ke -Waanbhaa' Gbe 'ε 'le, -e nu -a 'gbu ŋgblo 'kpaale- -Waanbhaa' -la. 'Ke 'bhε =kla, -Waanbhaa' gbeblɔle nu klεle pε 'kpen ta, 'bhεε- -a 'kpaale- nu klεle bhaaplεŋ mu 'kpen 'wiŋ- 'tε.
- 29 'Ke gbaa mu laa bwe bi gale ba, mεε 'la zan mu 'mu wiŋfε' -yi ba gbaa mu ni, 'bhε zan mu -yaa nu -mε -la klεle εε? 'Bhεε- 'ke gbaa mu 'laa bwe gale ba, -mεla ma 'bhεε- mεε mu 'mu 'gbu 'wiŋfε- 'mu ni εε?
- 30 'Bhεε- -kɔɔ' mu 'gbu 'lεε- εε? 'Ke gbaa mu laa bwe gale ba bi, -mεla ma 'bhεε- -kɔɔ' -o -kɔɔ' 'gbu bɔ 'zi -yrεn 'yi 'waati 'ε 'kpen ba εε?
- 31 'D nεεnε- mu, yi 'oo yi, 'ŋ -si 'ε 'kpaakpale -o ga ni, wlan -le 'bhε 'le. 'Bhεε- 'ka mu 'gbu -le 'ŋ 'wasowo pε 'le -kɔɔ' mu 'pegee -kɔɔa' Mεεzan Zesu Kriṣi a 'kpaalɔmɔya 'ε 'yi.
- 32 Efezi -wa 'ε ta mu 'ε -woo 'eyɔɔle 'bhii- srɔpε mu 'ε gbεen-. 'D -Jan 'Nrɔle- 'ε ta gwledaan- 'woo- Efezi mu 'ε ba, 'kee- 'kpa bi 'ŋ 'bhε gwle 'ε =daan bhaaplεŋ a pε zi 'ε 'bhεε- zi, 'bhε 'trɔn 'yaa- nu klεle 'ke -mεla -le εε? 'Bhεε- 'ke gbaa mu laa bwe bi gale ba, 'bhε 'yaa- nu klεle 'ke bhaama za 'le. -E -yaa nu klεle 'bhii- -wa pε -gɔɔn 'lεε- 'yi

gōne- 'la gbēen- dōo: "-Kōō' pēbhle, 'bhēē- -kōō' -wēen mi 'bhē ta; -amasrōyi 'ke -kōō' -gaa too 'ke -za 'kpen =yaan."

33'Ka 'laa 'ka 'gbu 'yinile -titi! -Amasrōyi 'mi pe dōo: "'Ke 'ka 'pegee mēē -yōō' mu 'taawo- 'eke- zi, -o zi -yōō' bō 'ka gaan -la."

34-Ka 'ka yakla- dula-, 'bhēē- -ka 'ploo- -za 'yōō- klēle ma, -amasrōyi 'ka 'plen- mu 'ē 'ke mu laa -Waanbhaa' dō -titi-. 'D 'bhē 'pe zii' 'bhē gbēen- 'bhē -o 'ke -yraladō maza 'le 'ka mu 'gbu ma.

35'Mi 'gbu 'a 'yaango- 'bhii- mēē 'ke nu 'mi 'lrōkpale dōo: "Gbaa mu bwe gale ba 'nale- -a ma ēē? 'Bhēē- 'flē -glōōn 'ē -dele nu klēle -o ma ēē?"

36-Za 'yaango- klē! 'Kee pēbhē do =bwa 'trē 'yi, 'ke yaa gale, 'bhēē- -e bōn 'elwale 'pe, -e sō bhōle- ēē?

37'E pēbhē 'la bō 'trē 'yi, 'kee- =kla ble bhē 'le oo, 'kee- =kla pe 'tōle- pēbhē 'bhē 'le, 'yaa klē 'bhii- 'ya -a diinj 'ē si 'bhēē- 'e 'bhē sō 'trē 'yi.

38'E pēbhē 'la bō 'trē 'yi, 'ke -Waanbhaa' a zi 'bhii- 'bhē 'a klē -yri diinj -glōōn 'la 'le 'bhē 'a klē 'bhēē- 'le. -E pēbhē 'kpen do do wlata -yri diinj -la klē.

39'Nii- -o 'trē ta pē mu 'la 'yi 'mu 'flē mu 'ē gole 'eke- ma: bhaaplenj mu 'flē -o 'eta-, 'bhēē- 'trē ma wi mu a pē 'flē -o 'eta-, 'bhēē- maanne- mu a pē 'flē -o 'eta-, 'bhēē- kaa mu a pē 'flē -o 'eta- 'ezin-.

40'Lafle' 'yi pē mu 'flē -o 'eta-; 'bhēē- 'trē ta pē mu 'flē -o 'eta-. Lafle' 'yi pē mu -lregbeya 'ē 'bhē gole -o 'trē ta pē mu -lregbeya 'ē ma.

41-Yretēbhē a pē -lregbeya -o 'eta-, 'bhēē- laanima mlē a pē -lregbeya -o 'eta-; 'bhēē- mlēklēnne mu a pē -lregbeya -o 'eta-; 'ali- mlēklēnne mu -lregbeya 'ē gole -o 'eke- ma.

42'Gbaa mu bweza 'ē gale ba 'ē nu klēle 'bhēē- gbēen- 'ezin-. 'Ke -o gbaa 'ē =bian, -yoo 'bhii- pēbhē 'ē gbēen-, -e bōn. 'Duŋ- 'kee- -bwela gale ba, yaa nu gale -li -titi.

43'Gbaa 'ē -a bin bhla zi -yoo 'eyōole, 'bhēē- fangan- 'laa -o -a ta. 'Duŋ- 'kee- -bwela gale ba, -e klē 'elrele, 'bhēē- -e klē 'eglōole 'ezin-.

44'Gbaa 'ē -a bin bhla zi, -yoo 'ke 'flē 'pegee so bhaama -la -le. 'Duŋ- 'kee- -bwela gale ba, -e nu klēle 'flē 'la 'ke Lii 'Wenj 'ē gbēblōole -o 'bhē ta 'bhēē- 'le. 'Ke bhaaplenj zru maza gbēblōole -o -kōōa' 'trē ta 'flē 'ē ta, Lii 'Wenj 'ē gbēblōole nu klēle -kōōa' lafle' 'yi 'flē 'ē ta 'ezin-.

45'Wlan 'gbu 'ē ni, -a pele -o -Waanbhaa' a 'Sewē 'ē 'yi dōo: "-Waanbhaa' bhaaplenj -lwa 'la =kla 'ke -o 'bhē sii Adamu, -ya nii- -wlaa 'bhē 'yi, 'bhēē- 'bhē -kla 'ke bhaaplenj do 'le." 'Duŋ- Adamu boolazi mi 'la 'bhē -o 'ke Krisi 'le bhe, 'bhē -o 'ke Lii 'la bole -yre ma -si 'ē na mēē ni 'bhēē- 'le.

46'Lii 'Wenj 'ē -e 'flē drēē 'la klē, yaa 'bhē klēle 'elwale 'pe, 'duŋ- -o bhaaplenj 'flē bhaamale 'ē 'bhēē- =kla 'elwale 'pe. 'Bhēē- Lii 'Wenj 'ē -e 'flē drēē 'la klē 'bhē nu 'bhē blaān 'tē.

- 47 Adamu 'la =kla 'ke bhaaplɛŋ -lwa 'ɛ 'le, -o 'bɛ =kla 'ke 'trɛ bwe -la -le; 'duŋ- Adamu plɛ mi 'ɛ 'bɛ -daa lafle' ma.
- 48 'Bɛ klɛgbɛya 'ɛ 'yi, mɛɛ 'la zan mu -o 'ke 'trɛ pɛ 'le, 'mu 'pwɛle- -o 'ke Adamu 'la -o 'bɛ =kla 'ke 'trɛ bwe 'le 'bɛɛ- 'le. 'Bɛɛ- mɛɛ 'la zan -daa lafle' ma, -yoo ɔɔnɛ- 'la gbɛɛn-, mɛɛ 'la zan mu -o 'ke -yaa' pɛ 'le 'mu nu klɛlɛ 'bɛɛ- gbɛɛn-.
- 49 'Bɛ klɛgbɛya do 'ɛ 'yi, -o mɛɛ 'la zan =kla 'ke 'trɛ bwe 'le 'bɛ -le Adamu 'le. 'Bɛɛ- -kɔɔ' -o 'bɛ bhɔɔma 'le. 'Bɛɛ- boolazi Zesu 'la -daa lafle' 'yi, 'kɔɔ- nu klɛlɛ 'bɛ bhɔɔma 'le 'ezin-.
- 50 'D nɛɛnɛ- mu, 'ŋ 'yoo- -jan 'la 'wo zii' 'bɛ 'yi -le -gɛ: -kɔɔ' 'laa sɔ gele- -Waanbhaa' a -bhleŋgbɛya -wa 'ɛ ta -kɔɔa' 'trɛ ta 'fle 'ɛ 'le -kɔɔ' ma, 'bɛ 'pɛgeɛ -kɔɔ' yiɛn 'le -kɔɔ' 'yi. -Kɔɔ' 'fle 'lɛɛ- 'bɛ -o 'ke bɔn pɛ 'le; 'bɛɛ- -kɔɔ' 'laa sɔ bole- -kɔɔ' bogbɛya 'lɛɛ- 'yi, 'bɛɛ- -kɔɔ' bole -yrɛ ma -si 'la -daŋ' 'laa -o 'bɛ ma, 'bɛ 'srɔɔwo-.
- 51 'D 'yoo- -za tagaanle do -la -yipele 'ka ni dɔɔ: -Kɔɔ' 'kpɛn 'laa nu gale, 'duŋ- -kɔɔ' 'kpɛnsee ma nu bɔɔle,
- 52 -lɛyan' do 'kpɔ 'bhii- -yrekwan do bɔle gbɛɛn-, 'ke -o -klelɔŋ' boolazi mi 'ɛ =pian 'waati 'la ba. 'Ke -wa =pian 'waati 'la ba, gbaa mu nu bwele gale ba 'fle drɛɛ 'le 'mu ma, 'bɛ 'fle drɛɛ 'ɛ 'bɛ 'laa sɔ bɔnle- -titi. 'Bɛɛ- -kɔɔ' mu mɛɛ -yrɛ male mu 'ɛ, -kɔɔ' mu ma nu bɔɔle 'fle drɛɛ 'le -kɔɔ' ma.
- 53 -Amasrɔyi 'fle 'la 'bɛ -o -kɔɔ' ma, 'bɛ -o 'ke bɔnpɛ 'le. -Yoo 'ke -za 'le 'ke 'bɛ -le mabɔɔ 'pɛ, 'bɛɛ- 'bɛ klɛ 'fle drɛɛ 'la 'ke 'bɛ 'laa sɔ bɔnle- -li -titi 'bɛ 'le. 'Bɛɛ- 'yee- 'fle 'la -yoo 'ke gapɛ 'le, 'yele- mabɔɔ, 'bɛɛ- yaa klɛ gapɛ 'le -li 'sekeseke.
- 54 'Yee- -kɔɔ' 'fle 'la -yoo 'ke bɔnpɛ 'le, 'ke -a mabɔɔla 'waati 'la ba 'kɛla 'bɛ 'laa bɔn -titi 'bɛ 'le, 'bɛɛ- 'ke 'yee- 'la -yoo 'ke gapɛ 'le, -e mabɔɔla 'kɛla 'bɛ 'laa ga -titi 'bɛ 'le, 'ke 'bɛ =kla 'tɛ, 'bɛɛ- -jan 'la yɔɔndeɛle -o -Waanbhaa' a 'Sɛwɛ 'ɛ 'yi 'bɛ 'le nu 'sɔlɛ-, 'bɛ -jan 'ɛ 'bɛ -le dɔɔ: "-O 'sɛŋgwa- 'ke ga 'le 'egbɛɛle, 'bɛɛ- ga 'truŋwoa= 'fɛŋfɛŋ!"
- 55 "'Ee ga! 'Yaa- mɛɛ -baliwo 'sɛŋ 'ɛ -yoo 'naa- -a ma ɛɛ? 'Yaa- mɛɛ dɛ -glɔɔya' 'ɛ -yoo 'naa- ɛɛ?"
- 56 'D nɛɛnɛ- mu, -ka 'bɛ -glin doo! Mɛɛ dɛ -glɔɔya' 'la -yoo ga 'yi 'bɛ -le 'ke -za 'yɔɔ- 'ɛ 'le; 'bɛɛ- -za 'yɔɔ- a pɛ -glɔɔya' 'ɛ 'bɛ da 'toŋ 'ɛ 'bɛɛ- 'yi.
- 57 'Duŋ- -kɔɔ' -Waanbhaa' 'tɔbhɔ! -Amasrɔyi 'yele- gwle ŋgblo =naa -kɔɔ' ni -za 'yɔɔ- ta Mɛɛzan Zesu Krisi 'ɛ 'srɔyi!
- 58 -E klelawoa 'bɛ gbɛɛn- bɛ, 'ŋ nɛɛnɛ- mu 'la -za sɔ 'ŋ ni 'egbɛɛle, -ka dɔ 'egloole, 'ka 'laa 'tolɛ- 'ke pɛ 'kedo- 'kpɔ 'kaa- 'kpaleya 'ɛ -Waanbhaa' 'yi 'bɛ go -titi. 'Ka -o Mɛɛzan a ye 'la 'wo zii' bɛ, -ka ge 'bɛ 'wole- 'ɛ zi 'taŋii, 'ke 'kaa kpa 'ka ŋgblo -yi 'bhii- 'ka -o ye 'la 'wo zii' 'yee- Mɛɛzan ni, 'bɛ 'laa nu bole bhaama.

Korɛnti =Lwa Mi 16

- ¹'D nɛɛnɛ- mu, 'ka nu -gɔli' 'la 'kpale- 'eke- ta -Waanbhaa' a mɛɛ 'weŋ mu 'la -woo Zeruzalemu -wa 'ɛ ta 'mu ni, 'ŋ 'yoo- -a zi' 'bhii- 'ka dɔ klen 'ke 'ka 'a kle 'bhii- 'an =pia Galasi 'klen 'yi Zesu 'yi mu 'ɛ ni dɔɔ -wa kle gɔnɛ- 'la gbɛɛn- bhe.
- ²-Gbɛɛyi' 'tɔle- -gbɛɛyi' 'bhe 'yrekpaa- -lwa mi 'ɛ ma, 'ka 'kpen do do gbɛ sɔ -gɔli' yɛkɛ- 'la 'srɔwɔle ta, -ka 'bhɛɛ- 'kpa 'eke- ta 'edaŋma; 'kooko- 'ka 'laa nu 'ŋ 'nule- 'ɛ magbenle, 'bhɛɛ- 'ka -gɔli' 'kpale- san 'te 'eke- ta 'mi 'yre ma.
- ³'Ke 'mi =nwa 'ka ba 'waati 'la ba, 'ka mu 'gbu nu mɛɛ mu makunle 'ka ba, 'bhɛɛ- 'mi nu 'lɛtrɛ 'kpale- 'mu 'kɔɔ; 'kooko- 'mu ge 'ka -gɔli' 'la =kpaa 'eke- ta 'bhe 'le Zeruzalemu Zesu 'yi mu 'ɛ ni.
- ⁴'Ke waa sɔ gele- 'mi blaani, 'mi nu 'kpale- -o ba, 'bhɛɛ- 'o ge 'bhe 'taa 'ɛ ta 'eke- zi.
- ⁵'Mi nu 'kanle- Masedwani 'klen 'ɛ 'yi 'pe, 'bhɛɛ- 'ŋ ge 'ka ba ye, -amasrɔyi 'ŋ nu 'kanle- 'bhe 'klen 'ɛ 'yi.
- ⁶-Dɔke' 'ŋ nu bole 'ka ba 'waati sa, 'bhɛɛ- 'kee- -swa 'ŋ ni, 'ŋ nu -niinii' 'kpa 'waati 'ɛ 'kpen klele 'ka ba ye. 'Ke 'bhe =kla, 'ŋ 'yaa- ge 'zi yre 'la =nɔɔ, 'ka nu bhɔle 'ŋ ba gelele 'bhe =nɔɔ boolazi.
- ⁷-Amasrɔyi 'naa- -o -a zi 'bhii- 'mi 'ŋ 'yre drɔŋ bɔ 'ka ta 'ŋ 'kan bhla zi. 'Ke -Waanbhaa' -dwa -a -la, 'ŋ 'yoo- -a zi 'bhii- 'ŋ 'waati sa kle 'ka ba.
- ⁸'Bhɛɛ- 'duŋ-, 'ŋ nu bole Efezi -wa 'ɛ ta -ge 'ke 'bhe ge 'tenle- Pantekoti 'feti 'waati 'ɛ ma.
- ⁹Wlan 'ɛ ni, -Waanbhaa' a ye 'ɛ 'wo 'waati -gbɛnɛ 'ɛ =bhwa -a =nɔɔ; 'bhɛɛ- 'ŋ 'sɔɔnnii mu 'ɛ 'pale- -o -a nɔɔ- 'ebebele.
- ¹⁰'Ke Timote =nwa 'ka ba, -kaa 'cieya- kle 'elrele gbɛ 'ɛ 'kpen ma, 'kooko- -gblaan 'laa kle -a -yi 'ka 'pleŋ-; -amasrɔyi -yoo Mɛɛzan Krisi a ye do 'kpɔ 'ɛ 'yela- wo 'zi 'bhii- 'mi gbɛɛn-.
- ¹¹Mɛɛ 'kedo- 'kpɔ 'laa -a mavɛɛle! -Ka bhɔ -a ba 'kee- ge -yaa' 'taa 'ɛ ta 'edɔɔle; 'kooko- -e nu 'tenle- 'mi ma -ge, 'mi 'pegee 'ŋ nɛɛnɛ- Zesu 'yi mu 'ɛ 'woo- -a magben 'zi.
- ¹²-Kɔɔ' nɛɛnɛ- Apolosi, 'mi 'bhe 'liala- gbɛ 'ɛ 'kpen ma dɔɔ 'bhe 'pegee -kɔɔ' nɛɛnɛ- 'ke mu ge 'pwe 'ka ta ye; 'duŋ- yaa dɔle -a -la 'kee- ge 'saanibhe. 'Duŋ- 'ke 'bhe 'seŋ =kla -a ni yi 'la 'le, -e nu gele 'ka ba ye.
- ¹³-Ka 'ka 'yrekpa 'ka 'gbu ba 'elrele, -ka dɔ 'egloole 'ke 'ka 'kpale- bo -Waanbhaa' 'yi. 'Bhɛɛ- -ka dɔ 'egloole 'ke 'ka faŋgandɔ 'ka 'gbu ta.
- ¹⁴-Ka -za 'tɔle- -za 'bhe kle 'ke 'soniya 'le 'ka 'yi.
- ¹⁵'D nɛɛnɛ- mu, 'ka Sitefanasi 'pegee -yaa' 'fa -la mu 'ɛ dɔ: 'wɔle- =kla Zesu 'yi mu -lwa mu 'le Akayi 'klen 'ɛ 'yi. -O 'gbu yewoa- -o zru 'ɛ 'kpen 'le 'ke -o bhɔ -Waanbhaa' a mɛɛ 'weŋ mu 'ɛ ba.

- 16-Ka 'ka ṅgblo 'kpala 'bhεε- mεε -glɔɔn mu -lεε =la, 'bhεε- -ka 'ka ṅgblo 'kpala 'ezin- 'bhe 'yansi mεε mu 'la 'mu -o yewo 'zi -Waanbhaa' ni 'bhii- 'woo- gbεen- 'mu =la.
- 17Sitefanasi 'pegee Fɔɔtunatusi, 'bhεε- Akayikusi 'nulawoa 'mi -din, 'bhe =swa 'mi ni 'egbenele. -O =kla 'ka blaantazen 'le 'η -din -ge.
- 18-O 'mi zrukpalaa gɔne- 'la gbεen-, -o 'ka mu zrukpalaa 'ezin- 'bhεε- gbεen-. -Ka 'bhεε- mεε -glɔɔn mu 'ε kleza -lrele' mu 'ε dɔ.
- 19Azi 'kleen 'yi Zesu 'yi mu -lε mu 'ε 'kpen 'ka 'pubwa-. 'Bhεε- Akilasi 'pegee Prisili, 'bhe 'pegee Zesu 'yi mu 'la kla 'eke- ba -waa' 'fε 'ε =la, 'mu 'kpen 'ka 'pubwa- gbε 'ε 'kpen ma Mεεzan Zesu 'tɔ 'yi.
- 20'Ka nεene- Zesu 'yi mu 'la 'kpen -o -ge, 'mu 'ka 'pubwa-. -Ka 'eke- 'pubɔ- 'ke 'ka 'eke- -tuubɔ' 'bhii- nεene- ma do mu.
- 21'Mi 'gbu Pɔlu -le 'sεwebhe mu 'lεε- yɔɔndia- 'η 'gbu gbε ma: "'Mi Pɔlu 'ka 'pubwa-."'
- 22'ɔ nεene- mu, 'ke Mεεzan Zesu -za 'laa sɔ mεε 'la zan ni, 'dangan -o 'bhe zan 'ε ma! "Maranata". 'Bhe 'yi -le dɔɔ: Mεεzan Kriisi, nu!
- 23Bhaa Mεεzan Zesu -li 'ka ma!
- 24'Ka 'kpen -za sɔ 'mi ni -kɔɔ' 'pegee Zesu Kriisi a 'kpaledomaya 'ε 'yi.

Korēnti Plē Mi

Korēnti Plē Mi 1

¹'Mi Pōlu 'la -e =swa -Waanbhaa' ni 'ke -yoo 'ŋ makun, 'bhē- -yoo 'ŋ klē Zesu Krisi a winbōwo mi 'le; 'mi 'pegee -kōō' nēnē- Timote -le 'lētē 'lē- 'kpa zii' 'ka ni. Zesu 'yi mu -lēdo' 'la -woo Korēnti -wa 'ε ta, 'bhē 'pegee -yaa' mē 'wēŋ mu 'la 'kpen -o Akayi 'klēn 'ε 'yi, 'woo- 'yee- 'lētē 'lē- 'kpa zii' 'mu -la 'kpen ni.

²Bhaa -kōō' Dē -Waanbhaa' 'pegee Mēzan Zesu Krisi -li 'ka ma, 'bhē- -o yilabla na 'ka ni.

³-Kōō' -Waanbhaa' 'tōbhō, 'yele- -kōōa' Mēzan Zesu Krisi a -Waanbhaa' 'le 'bhē 'pegee -a Dē 'le. 'Bhē- 'yele- -kōō' Dē 'la -kōō' 'yrenkla- a ma 'bhē 'le, 'bhē 'pegee- Waanbhaa' 'la fangandō -kōō ta 'yele- 'bhē 'le.

⁴'Yee- -Waanbhaa' zruwla -kōō' 'kpee -kōōa' -yren mu 'ε 'kpen 'yi. -E 'bhē klē -kōō' mu ni, 'kooko- -kōō' mu sō zruwlale mē 'la zan mu -o -yren -glōn 'ε 'kpen 'bhle zii' 'mu 'kpee 'ezin-.

⁵Wlan 'ε ni, Krisi -yren mu=bhla -kōō' mu ni 'ebebele gōnē- 'la gbēn-, -Waanbhaa' 'duŋ- nu zruwlale -kōō' mu 'kpee 'egbenele 'bhē- klēgbeya do 'ε 'yi Krisi 'srōyi.

⁶'Ke 'woo- -yren mu bhle 'zi, 'bhē -yren mu 'ε 'mu -o 'ke zruwlape 'le 'ka mu 'kpee, 'bhē 'pegee 'ka mu go pē 'le -za 'yi. 'Ke -Waanbhaa' zruwlaa- 'o mōō 'kpee, -e 'bhē klē 'zi, 'kooko- 'o mōō sō zruwlale 'ka mu 'kpee, 'bhē- 'ka mu sō 'o ta -yren mu 'ε yēkē- 'yikunle 'ka zrubakpaale 'le.

⁷'Bhē ya 'ε 'yi, 'o 'kpale- 'la -yoo 'ka 'yi, 'bhē -o 'eglōle. -Amasrōyi 'wa 'yaango- 'bhii- 'ke 'ka 'waa- -yren mu 'ε 'ke =bhla, -Waanbhaa' nu 'bhē yēkē- zruwlale 'ka 'kpee 'bhē klēgbeya do 'ε 'yi 'ezin-.

⁸'D nēnē- mu, -o -yren -glōn mu 'la =bhla Azi 'klēn 'ε 'yi, 'woo- -a zi 'bhii- 'ka 'mu dō: -o -yren -kpaā 'o ta 'eyōle 'kee- kan -a -daŋ' ta, 'fō 'o 'yri 'laa -yaa -li -a ta 'bhii- 'o nu bole 'o 'yrē ma.

⁹'O mōō 'gbu 'kpee ma 'o ga bhla 'ε =bhwa. 'Bhē 'kla- 'bhē gbēn- bhē, 'kooko- 'waa 'o kpa 'ezin- -li 'o 'gbu 'yi, 'duŋ- 'kooko- 'woo 'kpa -Waanbhaa' 'la 'bhē gbaa mu bwe gale ba 'bhē do -kplēn -la -yi.

¹⁰'Yee- -Waanbhaa' -le 'o -gwa 'bhē ga -glōn 'ε 'yi; 'bhē- 'yele- nu 'o golē 'ezin- 'bhē 'yansi -za -glōn mu 'ε 'yi. Wlan 'gbu 'ε ni, 'o 'yri -o -a ta 'bhii- -e nu 'o golē 'ezin- 'bhē 'yansi -za -glōn mu 'ε 'yi.

¹¹'Ka mu 'gbu -o 'ka 'seriwo zii' 'ezin- 'waa- -za ma. 'Bhē klēgbeya 'ε 'yi, mē -bebe -o 'seri mu 'la klē 'zi 'o ba zayi', -Waanbhaa' nu 'mu 'lēkunle, 'kooko- 'kee- -yaa' -lileya 'ε -zrōnna 'o ni, mē -bebe mu nu a 'pubōle 'bhē -zayi' 'waa- -za ma.

¹²Wlan 'ε ni, 'woo baa -za 'la 'yi 'bhē -le -ge: 'o 'gbu zru 'ε 'bhē -o -a pe 'zi 'o ni dōō 'o 'taawoa= 'drunyan 'lē- 'yi, 'bhē 'pegee 'o 'taawoa= 'ka mu 'gbu ba -yrē ta, 'o 'kpee

'fleele- 'pegee 'o zru do 'le; 'bhe 'kpee 'fleeleya 'ε 'pegee 'o zru klele do 'ε 'mu 'yaa- da 'zi -Waanbhaa' -la ba. 'Duŋ- 'o 'bhe =kla -Waanbhaa' -lilawoa 'o ma 'bheε- 'srɔyi, 'bhe 'laa dale bhaapleŋ a pe -zadɔleya ba.

13'Wlan 'gbu 'ε ni, 'waa- 'letre mu 'ε 'yi, 'waa -o -za 'bheεke do 'kpɔ yɔɔnde 'zi 'ka ni, 'ke yaa 'e go 'ka -o 'kela tape 'zi, 'bhe 'pegee 'ka 'kela 'yima zii' 'mu -la ba. 'Bheε- 'mi 'kpale- -o -a -yi 'bhii- 'ka nu -a -yimalε kplankplan 'ke -a -leyan' -a ma.

14'Bhii- 'kaa 'ke 'yimaa- gɔnε- 'la gbεen- dɔɔ: Mæzan Zesu 'nu yi 'ε 'le, 'o nu 'o -baale' 'ka mu 'yi, 'bheε- 'ka mu nu 'ka -baale' 'o mɔɔ 'yi 'ezin-.

15- 16'D 'kpale 'la 'yaa- -a -yi 'bhii- 'ka 'kpeejan- -yaa 'bhe gbεen- bhe, 'ŋ 'yaa- zi 'bhii- 'ŋ ge -trεε 'ka ba ye 'elwale 'pe, 'sani- 'ŋ ge Masedwani, 'bheε- 'ŋ 'niina- bhla 'ε zi Masedwani, 'ŋ 'yaa- nu 'kanle- 'ezin- 'ka ba ye, 'kooko- 'ka bhɔ 'ŋ ba 'ke 'ŋ sɔ gele- 'tenle- Zude 'klεen 'ε ma. 'Bhe klεgbeya 'ε 'yi, 'ŋ 'yaa- nu -Waanbhaa' a 'duma 'ε 'nale- 'ka ni ganyan- ple.

17'Naa 'sɔle- gelawole 'ka ba ye, -o sɔ -a pele- 'bhe ma dɔɔ 'naa 'ka ba geza 'ε 'kunle- 'egloole εε? Taa- 'ŋ -za 'la 'ledulaa, 'ŋ 'bhe kle 'bhii- 'drunyan 'yi bhaapleŋ gbεen- 'ke 'ŋ kle -liijan' ple wo mi 'le, 'bheε- 'ke 'an pe dɔɔ: "-Aani'", 'bheε- 'an pe 'ezin- "'On on εε?"

18-'Waanbhaa' -o 'ke 'ŋ 'srε 'le, 'bheε- 'naa -o 'ke -liijan' ple mi wo mi 'le 'ke 'an pe dɔɔ: "-Aani'". 'Bheε- 'an pe 'ezin- "'On on".

19-'Amasrɔyi -Waanbhaa' Gbe Zesu Krisi 'la 'mi 'pegee Siliven 'bheε- Timote, 'o mɔɔ 'bhe 'la 'bhe a -Jan 'Nrāle- 'ε =woa 'ka ba ye, 'bhe 'laa klele 'ke -liijan' ple mi wo mi 'le 'ke -ya pe "-Aani'" -jan do ma, 'bheε- -ya pe "'On on" 'yee- -jan do 'ε ma. Drɔɔn' 'ke -ya =pia 'kela ma "-Aani'", -e bo 'bheε- ta.

20-'Amasrɔyi -Waanbhaa' 'bhe 'liiwli- -naa bhaapleŋ mu ni -za mu 'la kleza ta, 'yee- Zesu Krisi -le 'mu 'kpen 'leswa=. 'Bhela- -zayile, 'yela- 'tɔ 'ε 'srɔyi 'bheε- 'o sɔ -a pele- "Amiina". 'Bheε- 'o sɔ -Waanbhaa' 'tɔbhɔle.

21'Yee- -Waanbhaa' 'gbu -le 'o mɔɔ 'pegee 'ka mu dɔ 'egloole. 'Yela- 'gbu -le -kɔɔ' mu -kpa 'edaŋma -yaa' pe mu 'le.

22'Yee- -Waanbhaa' 'gbu -le -a gbε blaen -kpalaa' -kɔɔ' ma, 'bheε- 'bhe -le -kɔɔ' mu kle -yaa' pe mu 'le. 'Bheε- -ya Lii 'Weŋ 'ε =wlaa -kɔɔ' zru mu 'ε 'yi. -E -kɔɔ' 'letwa= pe -lrele' mu 'la ba, -e Lii 'Weŋ 'ε =kla 'mu 'yrε 'lεε pe 'le.

23-'Waanbhaa' -o 'ŋ 'srε 'le, 'naa dɔle -a -la 'ke 'ŋ ge 'ezin- Korēnti -wa 'ε ta, -amasrɔyi 'naa -yaa zi 'bhii- 'ŋ 'ka ta -yrēn 'ε baankpa' 'ezin-.

24'Waa -o -a zi 'bhii- 'o kle 'ka ta -kunlii mu 'le 'kpaleya a pe zi 'ε ta. -Amasrɔyi 'ka kli gbaanle -o 'egloole 'kaa- 'kpaleya 'ε 'yi. 'Duŋ- 'woo- -a zi 'bhii- 'o 'pegee 'ka mu yewo 'eke- zi, 'kooko- 'ka zrukpalaa.

Korēnti Plε Mi 2

- 1'Bhē klegbeya 'e 'yi, 'mi 'gbu 'a =kpaā 'ŋ 'kpee dōo 'naa -o niinale 'ka ba ye, 'bhē- 'ŋ 'ka wleyisriwoza kle 'ezin-.
- 2-Amasrōyi 'ke 'mi 'ka wleyisriwoa, -dele nu klele 'mi zrukpaā mi 'le εε? 'Ka mu 'la 'ka -o 'mi zrukpaā' pē 'le, 'ke 'mi 'ka mu wleyisriwoa, 'ka mu nu 'sōle- 'mi zrukpaale 'nale- -a ma εε?
- 3'Bhela- -zayile, 'mi 'letre =kpaā 'ka ni 'bhē klegbeya 'e 'yi, 'kooko- 'ke 'ŋ =bhwa 'ka ba ye, mēε 'la zan mu -o 'ke 'mi zrukpaā pē le, 'mu 'laa 'mi wleyisriwo. 'Mi 'gbu 'kpale- -o -a -yi 'bhii- 'mi a pē zrukpaā' 'e 'bhē -o 'ezin- 'ka mu 'kpen a pē zrukpaā' -la -le.
- 4'Wlan 'gbu 'e ni, 'ŋ 'letre 'la =kpaā 'ka ni, -a kle bhla 'e zi, 'ŋ 'yaa- -yren -gbene 'yi, 'bhē- 'ŋ blina- yien -yaa, 'bhē 'pegee wisi' -gbōō -gbene -yaa 'ŋ 'yre ta. 'Naa 'letre 'e 'kpale- 'ka ni 'ka wleyisriwo zayi', 'duŋ-, 'ŋ 'yaa- zi 'bhii- 'kaa 'yaango- 'bhii- 'ka -za sō 'ŋ ni 'kee- kan -a -daŋ' ta.
- 5'Ke mēε do =kla mēε mu wleyisriwo pē 'le, 'bhē zan laa 'mi do -kplen wleyisriwole, 'duŋ- 'bhē zan 'e 'ka 'kpen -la wleyisriwoa bhe. 'Duŋ- 'ke 'naa 'kanle- -a -daŋ' ta, 'ŋ sō -a pele- dōo -e 'ka 'ledo- 'e ta wleyisriwoa.
- 6'Ka -bebe 'a =kpaā do ma dōo 'ka nu 'bhē zan 'e 'krowole 'krowogbeya 'la 'yi, 'bhē nu 'bhē zan 'e 'yibhōle 'bhē 'le.
- 7'Bhē- drōon', -ka 'bhē zan 'e mazato, 'bhē- -ka fangandō -a ta; 'kooko- -a wleyisriwole 'e 'bhē 'laa kan -a -daŋ' ta, 'bhē- 'bhē ge klele -a fangan- 'kanpe- le.
- 8'Bhela- -zayile, 'mi -o zruwla 'zi 'ka 'kpee dōo -kaa zrōn 'bhē zan 'e ni 'bhii- -a -za sō 'ka ni.
- 9-Amasrōyi 'mi 'letre =kpaā 'ka ni win 'la ma, 'bhē -le -ge dōo 'mi 'ka 'yidaan- 'ke 'ŋ sō -a 'yaangole wlan 'gbu 'e ma 'bhii- 'ka -o 'ŋ 'wojan- mu 'e 'klōsikun zii' -za mu 'e 'kpen 'yi.
- 10'Ke 'ka mēε 'oo mēε 'la zan mazatwa, 'mi nu 'bhē zan 'e mazatole 'ezin-. 'Bhē- 'ke 'mi mēε do mazatwa -za do 'yi, 'mi 'bhē =kla 'ka mu -la -zayi', 'bhē- Kriisi -o -kōō' 'sre 'le.
- 11'Bhē 'kpen win le dōo 'ke -Setran' 'laa -dawli' 'kpaayre- -srōōwo' -kōō' gbē ta. - Amasrōyi -za mu 'la kle -lro -o -a ma 'o 'mu 'gbu dō.
- 12'Mi 'bhōlawoa Troasi -wa 'e ta Kriisi a -Jan 'Nrāle- 'e 'wo zayi', 'an =ya 'bhii- Mēεzan -za mu 'e 'kpen 'leswa= gban 'ŋ 'lēε 'ke 'ŋ sō yewole -a ni 'bhē =nōō.
- 13'Duŋ- 'ŋ blina- yien -yaa 'egbenele, -amasrōyi 'ŋ 'yre 'laa -yaa 'ŋ nēene- Titi ma. 'Bhela- -zayile, 'ŋ zi -yrewole Troasi =nōō mu 'e ma, 'ke 'ŋ gele- Masedwani -wa 'e ta.
- 14-Waanbhaa' 'ŋcie! -Kōō' mu 'pegee Kriisi a 'kpaledomaya 'e 'yi, gwle ŋgblo 'la bole -o -a ni, 'bhē -o 'ezin- -kōō mu a pē 'le 'taŋii. -Yoo 'o winbō 'kaa 'o ge Kriisi dōza 'e mēε mu 'kōō -Jan 'Nrāle- 'e 'wo yrekpen- =nōō, 'bhē -Jan 'Nrāle- 'e zen 'bhii- -lasiklōō - gblen 'nrāle- 'e zen yrekpen- =nōō gōne- 'la gbēen-.

15-Amasrōyi 'o =kla Kriisi a pē 'le, 'bhē- 'woo- 'bhii- Kriisi a -lasiklōō -gblen 'nrāle- do gbēen- -Waanbhaa' ni. Mēē 'la zan mu -o -bhee zi 'ē ta, 'bhē 'pegee mēē 'la zan mu -o ni zi 'ē ta, 'yee- -lasiklōō -gblen 'ē ten 'mu 'kpen ma.

16Mēē 'la zan mu -o ni zi 'ē ta, 'yee- -lasiklōō -gblen 'ē -yoo 'eyōōle 'mu yin zi, 'bhē- -e sō -o dele-. 'Duŋ- mēē 'la zan mu -o -bhee zi 'ē ta, -a -gblen 'ē nra 'mu yin zi, 'bhē- -e sō gele 'mu -le -si 'la 'ke -daŋ' 'laa -o 'bhē ma, 'bhē a zi 'ē ta. 'Bhē- bhaapleŋ 'ē -de 'gbu -la faŋgan- sō 'bhē ye -glōōn 'ē 'wole- ta ēē?

17'Duŋ- 'o mōō 'gbu -le sō 'bhē ye 'ē 'wole, -amasrōyi 'yee- -Waanbhaa' -le 'o 'winbwa-. 'Bhē- 'waa -o yaa -Jan 'Nrāle- 'ē 'wo zii' -gōli' -glin zayi', 'bhii- mēē 'ke mu -o -a kle 'zi gōnē- 'la gbēen-. Drōōn' 'yee- -Waanbhaa 'o mōō winbwa- 'yee- -Jan 'Nrāle- 'ē 'woyē- nōō- Kriisi 'tō 'yi. 'Bhēla- -zayile, 'woo- -a wo 'zi 'o 'pegee Kriisi a 'kpaledomaya 'ē 'yi, 'bhē 'pegee 'o 'kpee 'fleele- 'le 'yee- -Waanbhaa' -yē =la.

Korēnti Plē Mi 3

1'D -janwoa 'bhē gbēen- bhe, 'bhē 'yi -le dōō 'o mōō 'gbu maza -o 'ke 'o ge 'o 'gbu zrōn 'lētē 'le 'o 'kōō 'ka ba ye 'ezin- ēē? 'Bhē- 'kaa- zi 'bhii- 'o ge 'ka ba ye 'o 'gbu zrōn 'lētē 'le 'ka ni 'bhii- mēē 'ke mu 'a =kla gōnē- 'la gbēen- bhe ēē, taa- 'kaa- zi 'bhii- 'woo 'gbu dō 'lētē 'yēwo 'ka ma 'ke 'o 'bhē zrōn mēē -bhēēke' mu ni 'bhii- 'woo- 'ke Kriisi a winbōwo mu -zeze 'gbu 'le ēē?

2'Lētē 'la 'bhē 'a zrōn 'bhii- 'o mōō -o Kriisi a winbōwo mu -zeze mu 'gbu 'le 'bhē -le 'ka mu 'gbu 'le. -A yōōndēle -o 'o zru mu 'ē 'yi, mōkpen' sō -a dōle-, 'bhē- mōkpen' sō -a tapele.

3'Wlan 'gbu 'ē ni, 'ka mu 'gbu -le kpataakpa 'o mōō zrōn 'lētē 'la Kriisi 'bhē yōōndia- 'bhē -le 'waa ye 'ē 'srōyi. Waa yōōndēle 'ke 'sēwē yōōndēpē -yi 'le, 'duŋ- -wa yōōndia- 'ke -Waanbhaa' 'la -ya -yē ma 'bhē Lii 'Wēŋ 'ē 'bhē- 'le. Waa yōōndēle vlēpēē' mu ta, 'duŋ- -wa yōōndia- bhaapleŋ mu -la zru mu 'ē 'yi.

4'O 'kpale- -o 'bhē- -jan 'ē 'yi Kriisi 'srōyi -Waanbhaa' -yē =la.

5'Waa sō a pele- dōō 'bhē 'sēŋ -o 'o 'gbu ni 'ke 'o 'bhē ye 'lēē- wo, 'duŋ- 'waa- pē 'sēŋ 'ē 'bhē da -Waanbhaa' -la ba.

6'Yēle- 'a =kla 'bhē- 'o mōō -swa klēle- -yaa' yewonē mu 'le -bhoolaya drēē 'ē ta. 'Bhē -bhoolaya drēē 'ē kli gbaanle laa -o 'Toŋ 'la -o 'bhē yōōndia- 'bhē ta, 'duŋ- 'bhē kli 'ē gbaanle -o Lii 'Wēŋ 'ē 'bhē- ta. 'Toŋ 'la -o 'bhē yōōndia- 'bhē ge mēē 'le ga a pē zi 'ē ta, 'duŋ- Lii 'Wēŋ 'ē 'bhē -si 'la 'ke -daŋ' 'laa -o 'bhē ma 'bhē- na mēē ni.

7'Toŋ 'la 'bhē 'sēwēbhē mu 'ē 'yōōndēle -yaa vlēpēē' mu ta, 'bhē- 'ke 'bhē 'woyē- -le -yaa 'ke mēē gelele ga a pē zi 'ē ta, 'bhē 'na bhla 'ē zi -Waanbhaa' 'kōō Moizi ni 'yee- -Waanbhaa' a 'tōbhōleya -bhile' -yrayra 'ē 'pwēla- -a -yi. 'Bhē- 'bhē Moizi wlēyi' 'ē mabōōla -asiikōō Izraeli -nē mu 'ē waa -yaa 'sōle -a wlēyi' 'ē -glinle'. 'Duŋ- 'bhē 'tōbhōleya -bhile' -yrayra 'ē 'bhē 'laa -yaa 'ke -mōpē' 'le.

- ⁸Ke 'Toŋ 'la 'bhe 'woye- -le -yaa 'ke mæe gelele ga a pɛ zi 'ɛ ta, 'bhe 'tɔbhɔleya -bhile' -yrayra 'ɛ 'yaa- 'bhe gbɛɛn- bhe, 'bhe 'yi 'tɛ, Lii 'Weŋ 'ɛ 'bhe 'woye- 'ɛ 'tɔbhɔleya -bhile' -yrayra 'ɛ gbɔlaan -yi 'laa nu yalɛ- -yaa' pɛ 'ɛ ni ɛɛ?
- ⁹Toŋ 'la 'bhe 'woye- -le 'ke -Waanbhaa' a -kpan baalele bhaapɔɔŋ ta, 'ke 'bhe a 'tɔbhɔleya -bhile' -yrayra 'ɛ 'yaa- 'bhe gbɛɛn-, Lii 'Weŋ 'la 'bhe bhaapɔɔŋ -lɛdɔɔ' -Waanbhaa' -yrɛ 'yi, 'bhe a pɛ 'woye- 'tɔbhɔleya -bhile' -yrayra 'ɛ gbɔlaan -yi 'laa nu yalɛ- -yaa' pɛ 'ɛ ni ɛɛ?
- ¹⁰Wɔlan 'ɛ ni, 'tɔbhɔleya 'la =bhia 'elwaleta -sɔ 'bhe gbɛɛn- bhe, 'bhe 'laa -o 'ke -za 'kɛdo- 'kpɔ 'le 'ke -wa -kpaɔ -zɔn 'tɔbhɔleya 'la -gbɛɛ 'yiya- -a ni 'yi 'bhe ma.
- ¹¹-Amasrɔyi, 'ke 'kɛla 'yaa- 'ke 'kanpɛ- 'le 'bhe 'tɔbhɔleya 'ɛ 'yaa- bhi, 'kɛla 'bhe 'laa -o 'ke 'kanpɛ- 'le 'sekeseke, 'bhe a pɛ 'tɔbhɔleya 'ɛ yaa nu 'kanɛ- 'kɛla 'bhe -o 'ke 'kanpɛ- 'le 'bhe a pɛ 'ɛ ta ɛɛ?
- ¹²O 'yrikpale -o 'bhe ta 'bhe gbɛɛn- bhe, 'bhɛla- -yile, 'waa gbɔlaan mæe 'kɛdo- 'kpɔ 'lɛɛ -Jan 'Nrɛle- 'ɛ 'woyrɛ- nɔɔ-.
- ¹³O mɔɔ laa -a klɛ 'bhii- Moizi gbɛɛn-. -E sɔ =klaa -a wɔɔyi', 'kooko- -Waanbhaa' a 'tɔbhɔleya 'la 'yaa- -bhi 'zi -a wɔɔyi', Izraɛli mu 'ɛ waa 'bhe 'tɔbhɔleya 'la 'yaa- 'ke 'kanpɛ- 'le 'bhe 'liiyɛ- 'ɛ ye.
- ¹⁴Duŋ- Izraɛli mu 'ɛ -woo 'trɔn 'yi -dwa 'egɔɔle -Waanbhaa' ma. -Amasrɔyi 'ali- -zɔn -li, 'ke -woo -bhoolaya gwe 'ɛ ta 'sɛwɛ 'ɛ tape 'zi, -yoo 'bhii- sɔ do 'la 'klale- -yaa Moizi ŋgblo ma 'bhe 'yansi -gɔɔn -la 'kpale- -o yikan' 'ɛ 'yrɛ ta. 'Bhɛɛ- waa 'yee- 'sɛwɛ 'ɛ 'yima-. 'Bhe sɔ 'ɛ 'bhe 'laa sɔ gole- 'fɔke mæe =wɔlaa Krisi 'pegee bhaapɔɔŋ mu a 'kpaledomaya 'ɛ 'yi; 'yee- Krisi do -kplɛn -le sɔ 'bhe sɔ 'ɛ gole- mæe yikan' 'ɛ 'yrɛ ta.
- ¹⁵Ali- -zɔn -li, 'ke -woo Moizi 'sɛwɛ mu 'la =dia 'mu tape 'zi, -yoo 'bhii- sɔ 'klale -o yikan' 'ɛ 'yrɛ ta; 'bhɛɛ waa sɔ -o -yimale.
- ¹⁶Duŋ- -a pele -o -Waanbhaa' a 'Sɛwɛ 'ɛ 'yi dɔɔ: "'Ke mæe 'la zan 'bhe zru 'ɛ 'niinaa- Mɛɛzan ba, 'bhɛɛ- -e -dwa -yaa' -jan 'ɛ =la, -e 'yee- sɔ 'ɛ go 'bhe zan 'ɛ yikan' 'ɛ 'yrɛ ta."
- ¹⁷Duŋ- 'woo- -we 'zi Mɛɛzan 'la le, 'bhe -le 'ke -Waanbhaa' Lii 'Weŋ 'ɛ 'le. 'Bhɛɛ- 'ke Mɛɛzan Lii 'Weŋ 'ɛ -yoo mæe 'oo mæe 'la zan zru 'yi, 'bhe zan bo 'bhe 'gbu ma.
- ¹⁸-Kɔɔ' mu 'la 'kpen wɔɔyi' tapwele -o, 'kɔɔ- mu Mɛɛzan -Waanbhaa' a 'tɔbhɔleya 'ɛ zɔn mæe mu 'ɛ ni -kpɔsɔɔ 'bhii- -dwaleŋ' pɛ 'kpen tapwe gɔnɛ- 'la gbɛɛn- gbaklata. 'Bhe 'yi Mɛɛzan Lii 'Weŋ 'ɛ -kɔɔ' zru mu 'ɛ mabɔɔ yi 'oo yi, 'kooko- -kɔɔ' 'pwele- klɛ 'yee- Mɛɛzan 'le. 'Bhe 'yi, -kɔɔ' go 'tɔbhɔleya do 'yi 'ezin-, 'bhɛɛ- -kɔɔ' ge 'tɔbhɔleya -bhɛɛke' gbɔlaan do 'yi. Mɛɛzan Lii 'Weŋ 'ɛ 'woye- 'ɛ -yoo 'bhɛɛ- gbɛɛn- bhe.

Korɛnti Plɛ Mi 4

- ¹O 'yrɛnklalawoa -Waanbhaa' ma, -e -yaa' -Jan 'Nrɛle- 'ɛ 'wole- 'ɛ gbɛkpaa- 'o 'kɔɔ, 'bhɛla- -zayile, 'o -gblɔzi' laa ga 'o ma.

- ²Bhaapleŋ mu -yralado maza mu 'la 'kpen kle gaanyi', 'woo -bangwa 'mu 'kpen klele 'yi. 'Bhæ- 'waa -dawli' maza mu kle, 'bhæ- 'waa -Waanbhaa' a -Jan 'ε maboo. Droon' 'woo- wlan 'la 'pe zii' kpataakpa -Waanbhaa' -yre =la, 'ke wlan -le 'kele- oo, 'ke bhla -le 'kele- oo, bhaapleŋ 'tole- bhaapleŋ 'bhe 'bhe ye.
- ³'Bhæ- 'duŋ-, 'woo- -Jan 'Nræle- 'la 'wo zii', 'ke 'bhe bakanle laa -o kplankplan mæe 'ke mu -yre 'yi; 'bhe bakanle laa -o mæe 'la zan mu -o 'mu 'ni zi 'ε ta 'mu -la -yre 'yi.
- ⁴'Bhe zan mu 'ε waa -o kpa Zesu 'yi, -amasroyi -Setran' 'la gbëbloole -o 'drunyan 'læe- ta, 'bhe -gblo =kpaa -o yikan' 'ε 'yre ta; 'kooko- waa so Krisi a -Jan 'Nræle- 'ε 'bhe a 'tòbhøleya -lrele' 'ε 'bhigbeya 'ε 'yele. 'Yee- Krisi -le 'ke -Waanbhaa' bhooma 'ε 'le.
- ⁵Wlan 'ε ni, 'waa -o -Jan 'Nræle- 'ε 'wole- 'ε kle 'zi 'o 'gbu ma janwolele. 'Duŋ- 'woo- Mæezan Zesu Krisi a -Jan 'ε 'bhæ- 'wo zii', 'ke 'wa pe 'o 'gbu ma doo 'woo- 'kaayewone mu 'le Zesu -zayi'.
- ⁶-Amasroyi -Waanbhaa' 'la -ya =pia doo: "'Tëbhile kle -gblo 'ε 'yi!" 'Yee- -Waanbhaa' do 'kpò 'ε 'yele- 'tëbhile =klaa -koo' zru 'ε 'yi, 'kooko- -Waanbhaa' a 'tòbhøleya 'la -yoo -bhi 'zi Krisi wleyi', 'o 'bhe do 'o zru mu 'ε 'yi.
- ⁷'Bhe 'tòbhøleya 'ε dole 'ε 'o 'koo 'bhe -o 'bhii- -naflo -gbene do 'la 'kpale- -o 'tre gbò mu 'yi. 'O moo 'la 'woo- 'bhe -naflo 'kwe 'ε 'si zii', fanŋan- 'laa -o 'o 'gbu ta, 'bhæ- 'woo- 'ke 'siere- 'le 'bhii- 'tre gbò mu gbëen-; 'kooko- məkpen' 'a ye 'bhii- 'bhe -gløoya' -gbene 'læe- 'bhe da -Waanbhaa' -la ba, 'bhæ- 'bhe 'laa da 'o moo 'gbu ba.
- ⁸Bhaapleŋ mu -o -yren -glöon 'ε 'kpen kpa zii' 'o ta; 'duŋ- 'o fanŋan- 'ε yaa yan. 'O zru ba 'te -o; 'duŋ- 'o 'yrikpale bo -Waanbhaa' -la ta.
- ⁹-Woo' 'yrebatedò 'zi 'ke -o -yrenkpa' 'o ta; 'duŋ- -Waanbhaa' laa 'a -bangò' 'o 'yi. -Woo' balaa' 'tre ma, 'bhæ- -woo' tafe; 'duŋ- -Waanbhaa' 'o 'lawlen-.
- ¹⁰'Waati 'ε 'kpen ba, 'ke 'o -ja yre 'oo yre 'la =nöö, -woo' deyre -la -glin 'zi 'bhii- -o Zesu =dia gōne 'la gbëen-. 'Duŋ- -Waanbhaa' gbe -o ta, 'kooko- məkpen' 'a ye 'bhii- Zesu -o -a -yre ma 'o 'fle mu 'ε 'yi.
- ¹¹'Ali- 'woo- 'yre 'la ma bhe, -woo 'o deyre -la -glin 'zi 'tanjii Zesu 'to 'ε -zayi'; 'kooko- -wa ye 'bhii- 'yee- Zesu -o -a -yre ma 'o 'fle mu 'la 'mu -o 'ke gapε 'le bhe 'mu 'yi.
- ¹²-Woo 'o moo deyre 'la -glin 'zi bhe, 'bhæ- 'duŋ-, 'bhe blaankle 'ka mu a pe bole -yre ma -si dreε 'ε 'sröowolele.
- ¹³'Bhæ- -Waanbhaa' -lëla' janwo mi 'ε do 'a pia -Waanbhaa' a 'Sewε 'ε 'yi doo: "'Mi 'η 'kpalawoa -Waanbhaa' 'yi, 'bhela- -zayile 'mi -janwoa -a 'to 'ε 'yi." 'O moo 'o 'kpalawoa -Waanbhaa' 'yi 'ezin-, 'bhela- -zayile 'woo- -yaa' -Jan 'Nræle- 'ε 'wo zii'.
- ¹⁴Wlan 'ε ni, 'o 'kpale- -o -a -yi 'bhii- -Waanbhaa' 'la Mæezan Zesu -bwela gale ba, 'bhe -le nu 'o moo 'pegee 'yee- Zesu bwele gale ba 'eke- 'yi 'ezin-, 'bhæ- 'bhe -le nu 'o moo 'pegee 'ka mu 'pwelε- 'eke- zi Zesu 'læε.

15'Woo- -za mu 'la 'kpen 'yikun zii', 'o 'mu kle 'zi 'ka mu -la -zayi', 'kooko- -Waanbhaa' -yaa' -lileya 'ε zɔn mɛɛ -bebe ni, 'bhɛɛ- 'bhɛ gbɛɛn- bhɛ, mɛɛ -bebe nu 'yee- -Waanbhaa' 'pubɔlɛ, 'bhɛɛ- -a 'tɔ 'ε baan' nu bhɔlɛ.

16'Bhɛla- -zayile, 'waa -o 'o 'gbu -gblɔzi' gale-. 'Ali- 'ke 'o 'flɛ 'lɛɛ- 'bhɛ -o 'siɛ zii', fanɔan- drɛɛ -le dɔ 'zi 'o 'nii- 'ε ta yi 'oo yi.

17-Amasɔyi -yɛn 'fiɛntrɔnnɛ 'la 'bhɛ -o -kɔɔ' ta -zɔn, 'bhɛ nu 'kanlɛ-. 'Bhɛ -yɛn 'ε blaɔn' nu klɛlɛ 'ke 'tɔbhɔleya -gbɛɛ do 'la 'ke -daŋ' 'laa -o 'bhɛ ma -titi 'bhɛɛ- 'le; 'bhɛ gblaɔn -yiya' 'yee- -kɔɔ' ta -yɛn 'fiɛntrɔnnɛ 'lɛɛ- ni.

18'Bhɛ 'yi bhɛ, mɛɛ pɛ mu 'la ye -a -yɛrɛ 'le, 'o mɔɔ laa -o 'mu -glin 'zi. 'Duŋ- mɛɛ laa pɛ mu 'la ye -a -yɛrɛ 'le, 'bhɛɛ- 'ke 'mu -o -Waanbhaa' ba, 'o mɔɔ -yɛrɛ -o 'mu -la ta. - Amasɔyi -o pɛ mu 'la ye -o -yɛrɛ 'le, 'mu -o 'ke 'kanpɛ- 'le; 'duŋ- mɛɛ laa pɛ mu 'la ye -a -yɛrɛ 'le, 'bhɛɛ- 'ke 'mu -o -Waanbhaa' ba, 'mu 'laa kan -titi.

Korɛnti Plɛ Mi 5

1'Flɛ 'la 'bhɛ -o 'o ma 'trɛ ta -gɛ, 'bhɛ -o 'bhii- sɔ 'kpaɔ do gbɛɛn-. 'Wa 'yaango- dɔɔ 'ke 'bhɛ 'siɛla- 'waati 'la ba, 'fɛ 'lɛlɛ- do dɔlɛ -o 'o 'lɛɛ laflɛ' 'yi. Bhaapɛɔ mu laa 'bhɛ 'fɛ 'ε dɔlɛ -o gbɛ 'le. 'Duŋ- -Waanbhaa' 'gbu -le 'bhɛ -dwa. 'Bhɛ 'fɛ 'ε yaa sɔ 'siɛle -titi.

2'Woo- 'saanigɛ 'drunyan 'la 'yi -gɛ bhɛ, 'woo wisi' zii', -amasɔyi -a -lɔɔ -gbɛɛ 'gbu -o 'o ma 'ke 'o ge -Waanbhaa' ba, 'bhɛɛ- -e 'waa- 'flɛ drɛɛ 'ε kla 'o ta.

3'Wlan 'ε ni, 'ke 'o 'bhɛ 'flɛ drɛɛ =klaa 'o ta 'waati 'la ba, 'o tafɛɔ- 'laa nu bolɛ.

4'Ke 'woo 'waa- 'trɛ ta 'flɛ 'lɛɛ- 'yi 'waati 'la ba, yi 'oo yi 'trɛbhɔ 'pegeɛ wisile -le 'o ta 'ke 'kwe 'le. Yaa klɛlɛ 'bhii- 'flɛ 'la 'bhɛ -le 'o ma 'trɛ 'lɛɛ- ta -gɛ, 'woo- -a zi 'bhii- 'o 'bhɛ go 'o ma. 'Duŋ- 'woo -a zi 'bhii- 'flɛ drɛɛ 'la 'bhɛ -o laflɛ' 'yi, 'o 'bhɛɛ- kla 'o ta; 'kooko- 'waa- 'trɛ ta 'flɛ 'la 'bhɛ -o 'ke gapɛ 'le, -Waanbhaa' 'bhɛ tabɔɔ 'ke 'flɛ drɛɛ 'la 'ke -daŋ' 'laa -o 'bhɛ 'si 'ε ma -titi 'bhɛ 'le.

5-Waanbhaa' 'gbu -le 'bhɛ 'flɛ drɛɛ 'ε =kla 'o ni. -E Lii 'Wɛŋ 'la =naa 'o ni, -e 'bhɛɛ- -dwa -za 'wlan mu 'la -e nu 'mu klɛlɛ 'o ni laflɛ' 'yi, 'mu 'yɛrɛ 'lɛɛ pɛ le.

6'Bhɛla- -zayile, yi oo yi, 'woo zru dɔ 'egɔɔlɛ. 'Wa 'yaango- 'ke 'o =bwa 'o 'flɛ 'lɛɛ- 'yi 'trɛ 'lɛɛ- ta -gɛ, 'o 'plɛŋgɔlɛ -o Mɛɛzan ma 'egbɔɔnɛ.

7'Woo- 'taawo zii' pɛ 'la 'o 'kpale- -o 'bhɛ 'yi 'bhɛɛ- zi, 'duŋ- 'waa- -o 'taawo zii' pɛ 'la 'o 'bhɛ ye 'o 'yɛrɛ 'le 'bhɛ zi.

8'Yi 'oo yi, 'woo- zru dɔ 'egɔɔlɛ. 'Woo -a zi 'bhii- 'flɛ 'la 'bhɛ -o 'o ma 'trɛ 'lɛɛ- ta -gɛ, 'o go 'bhɛ 'yi, 'bhɛɛ- 'o ge bolɛ Mɛɛzan Kɛri -din.

9'Bhɛla- -zayile', 'ke 'o -gaa oo, 'ke 'o =bwa 'e 'yɛrɛ ma oo, 'woo- dɔ 'zi 'egɔɔlɛ, 'kooko- 'o -za sɔ 'yee- Mɛɛzan ni 'elwale 'pɛ.

10-Amasɔyi -kɔɔ' 'kpen nu geɛ dulalɛ Kɛri a -klu 'ε 'le ma, 'bhɛɛ- -e nu -kɔɔ' 'kpen 'kitikanɛ; 'kooko- -kɔɔ' 'kpen do do -za 'oo -za 'la =kla 'drunyan ta -gɛ, 'kee- -kla -za 'wlan 'le oo, 'kee- -kla -za 'yɔɔ- 'le oo, -kɔɔ' 'bhɛ ma -sra 'srɔɔwo-.

- 11'Wa 'yaango 'bhii- -gblaandle' Mæezan -læe 'bhe -o 'ke -za 'wlan 'le, 'bhela -zayile 'wa kle 'zi gbe 'e 'kpen ma 'ke -yaa' -jan 'e dɔ mæe mu 'e 'yi, 'bhæe- 'ke -wa ye 'ke wlan 'le. 'Yee- -Waanbhaa' 'o mɔɔ 'gbu dɔ kpataakpa, 'bhæe- 'mi 'kpale- -o -a -yi 'bhii- 'ka mu 'gbu 'o mɔɔ dɔ 'ezin- 'elrele 'ka 'gbu 'kpee.
- 12'Waa -o 'bhe 'pe zi, 'kooko- 'woo 'gbu 'tɔbhɔ- 'ka 'yre ta 'ezin-, 'duŋ- 'woo- 'bhe 'pe zii' win 'la ma 'bhe -le dɔɔ 'ke 'ka sɔ 'ka 'wasowole 'o 'yi 'o 'woye- 'e -zayi'. 'Ke 'bhe =kla, mæe 'la zan mu -o 'gbu 'wasowo zii' 'kela 'yi 'pælii-, 'bhæe- 'duŋ-, 'ke waa -o 'bhe 'le -o 'gbu 'kpee; 'ka sɔ -jan zikpale 'bhe zan mu 'e ni gɔnɛ- 'la gbæen-, 'ka 'bhe dɔ.
- 13'Wlan 'e ni, 'ke mæe 'ke mu -o 'o 'ye zii' 'bhii- -kwanii' mu, 'duŋ- 'waa -o 'bhe 'le, -Waanbhaa' a ye 'e -zayi'. 'Bhæe- 'ke -woo' =kwan mæe kplankplan mu 'le, 'bhe -o 'ka mu 'gbu -la ma 'ke -trɔn 'le.
- 14-Amasrɔyi 'o -za =swa Krisi ni gɔnɛ- 'la gbæen- 'bhe 'a kle 'bhæe- 'o -za 'kpen kle 'sɔniya 'le 'o 'yi. 'O mɔɔ 'kpale- -o -a -yi 'bhii- 'ke 'yee- do -kplɛn -gaa -kɔɔ' 'kpen -zayi', 'bhe bhla 'e ba, -yoo 'bhii- -kɔɔ' mu 'kpen 'pegee 'yee- -gaa 'eke- 'yi.
- 15-E -gaa -kɔɔ' mu 'kpen ni, 'kooko- mæe 'la zan mu -o 'mu -yre ma, 'bhe zan mu 'laa 'taawo 'mu 'gbu win ta 'ezin-; 'duŋ- -o 'taawo Krisi 'la -gaa, 'bhæe- 'kee- -bwela, 'bhe a pe zru maza 'e 'bhæe- ta.
- 16'Bhe klegbeya 'e 'yi 'saanige, 'waa mæe 'kedo- 'kpɔ kun -li bhaapɛŋ a pe 'kungbeya drɔŋ 'e 'yi. 'Ali- 'ke 'elwaleta -sɔ 'o Krisi -kwan bhaapɛŋ a pe 'kungbeya drɔŋ 'e 'yi, 'duŋ- 'saanige 'waa- kun -li 'bhe 'kungbeya 'e gbæen-.
- 17-Amasrɔyi 'ke mæe do 'pegee Krisi 'kpale- -o do ma, 'bhe zan 'e zru 'e mabɔɔ, 'bhæe- -e kle mæe dræe 'le. -A kleza gwe mu 'e 'mu 'truŋwo-, 'bhæe- -a kleza mu 'e 'kpen kle 'edrele 'tɛ.
- 18'Bhe 'kpen da -Waanbhaa' -la ba, 'yele- -kɔɔ' mu 'pegee 'yee- 'gbu =kpaɔ do ma Krisi 'srɔyi. 'Bhæe- 'yele- 'yee- 'pegee bhaapɛŋ a 'kpaɛdomaya ye 'e gbekpaɔ- 'o mɔɔ 'kɔɔ.
- 19-Amasrɔyi 'yee- -Waanbhaa' 'gbu 'yaa- Krisi 'yi bhe, -e -yaa 'yee- 'pegee bhaapɛŋ mu 'kpen 'kpa zii' do ma. Yaa -yaa -o kleza -yɔɔ' mu 'e bɔ 'zi -klɔsi 'yi. 'Bhæe- -ya -pia 'o ni dɔɔ 'o 'yee- 'pegee bhaapɛŋ a 'kpaɛdomaya ye 'e 'wo.
- 20'Bhela- -yile, 'o mɔɔ -o -janwo' zii' Krisi 'tɔ 'e 'yi. -Yoo 'bhii- 'yee- -Waanbhaa' 'gbu -le zruwla 'zi mæe mu 'e 'kpee 'o mɔɔ -liijan' mu 'e 'le. 'O -sromabɔ 'zi 'ka ni 'yee- Krisi 'tɔ 'e 'yi dɔɔ -kaa 'to 'ke 'ka 'pegee -Waanbhaa' kpa do ma.
- 21'Krisi 'laa -za 'yɔɔ- do 'kpɔ kleɛ, 'duŋ- -za 'yɔɔ- -kpan 'la 'yaa- nu baale -kɔɔ' mu ta, -Waanbhaa' 'bhe balaa' 'a ta, 'kooko- -kɔɔ' mu 'pegee 'yee- Krisi a 'kpaɛdomaya 'e 'yi, -kɔɔ' kle mæe -lɛdɔɔle mu 'le -Waanbhaa' -yre 'yi.

Korinti Plɛ Mi 6

- 1'O klelawoa 'ke yewoyɔɔn mu 'le -Waanbhaa' ba, 'woo- -sromabɔ 'zi 'ka ni dɔɔ 'ka 'laa -yaa' -lileya 'e 'srɔwoza 'e kleɛ 'ke bhaama za 'le.

- 2-Amasroyi -Waanbhaa' 'a =pia dɔɔ: "'Mi 'a pɛ -lileya zɔn 'waati 'ɛ 'bhɔle-, 'mi 'ŋ 'trɔnkpa- 'kaa- 'seri 'ɛ =la, 'bhɛɛ- 'an 'lɛkun, 'bhɛɛ- 'mi 'ka -gwa -za 'yi 'bhɛ yi 'ɛ 'le.'" 'Bhɛ 'yi bhe, -zɔn -le 'ke -Waanbhaa' a pɛ -lileya zɔn yi kplankplan 'gbu 'ɛ 'le; 'bhɛɛ- -zɔn yi 'ɛ 'bhɛ -le 'ezin- 'ka go yi 'gbu 'ɛ 'le -za 'yi.
- 3'Waa- -o -a zi 'bhii- mɛɛ 'kɛdo- 'kpɔ 'waa- ye 'ɛ 'tɔ 'yɔɔ- pe. 'Bhɛla- -zayile 'waa- -o -a zi 'bhii- 'o klɛ -Waanbhaa' a zi 'ɛ 'liitan pɛ 'le mɛɛ 'kɛdo- 'kpɔ 'lɛɛ.
- 4'Bhɛɛ- drɔɔn', 'wa klɛ 'zi gbɛ 'ɛ 'kpen ma, 'kooko- -woo' ye 'bhii- -Waanbhaa' a yewonɛ kplankplan mu 'le. 'Bhɛla- -yile, 'woo- -yren 'ɛ 'kpen -glɔɔn 'yikun zii' 'o zrubakpa- -gbɛnɛ 'le, 'kee- =kla wisi' -gbɔɔ dɔza mu 'le oo, 'kee =kla 'trɛbhɔza mu 'le 'oo, 'woo- 'mu 'kpen 'yikun zii'.
- 5-Woo' zita =zwan, 'bhɛ 'pegee -woo 'o =bwa -kaso 'yi, 'bhɛɛ- -o mɛɛ mu -lawlɛnna 'o ma. 'O ye -glɔɔ -glɔɔn 'yɔɔ- 'ɛ 'kpen 'yikwan=. Yidɛkleya 'pegee gbɔn yikunle, 'o 'mu 'kpen 'yikwan=.
- 6'O 'taawogbeyaya mu 'ɛ bakanle -o, 'o -Waanbhaa' dɔ, 'bhɛ 'pegee 'o zrubakpaale -o, 'o zru lele, Lii 'Wɛŋ 'ɛ -yoo 'o zru mu 'ɛ 'yi, 'bhɛ 'pegee mɛɛ mu -za sɔ 'o ni 'sɔniya -zeze 'gbu 'le.
- 7'O -Jan 'nrɛle- 'ɛ wo wlan ma, 'bhɛ 'pegee -Waanbhaa' a -glɔɔya' 'ɛ 'le. 'O -lɛdɔɔleya -la klɛ 'waa- gwledanpɛ 'le 'o 'sɔɔnnii 'ɛ ba, 'bhɛ 'pegee 'o 'gbu ta gwledanpɛ 'le.
- 8'Mɛɛ 'ke mu 'o 'tɔbhɔ-, 'bhɛɛ- -a 'ke mu 'o mavɛɛ 'ezin-. -A 'ke mu 'o 'tɔ wlan pe, 'bhɛɛ- -a -bhɛɛke' mu -o 'o 'tɔ 'yɔɔ- pe 'ezin-. -Woo' ye 'bhii- bhla pe mu, 'bhɛɛ- 'duŋ- 'woo- 'ke wlan pe mu -la -le.
- 9-Woo' glin 'bhii- waa 'o dɔ, 'bhɛɛ- 'duŋ- mɔkpen' 'o dɔ. -Woo' ye 'bhii- ga mu, 'bhɛɛ- 'duŋ-, 'woo- 'o 'yrɛ ma -li kpataakpa. -O -yrenkpa' 'o ta, 'bhɛɛ- 'duŋ- waa sɔ 'o dele-.
- 10-O wleyisriwoza klɛ 'o ni, 'bhɛɛ- 'duŋ- 'o zrukpaale -o 'egbenele 'taŋii. -Woo' ye 'bhii- 'kɔɔflegzan mu, 'bhɛɛ- 'duŋ-, 'woo- mɛɛ -bhɛɛke' -bebe mu klɛ 'zi pɛzan mu 'le. -Woo' ye 'bhii- pɛ 'kɛdo- 'kpɔ 'laa -o 'o 'kɔɔ, 'duŋ- 'waa- pɛ -le 'ke pɛ 'kpen 'le.
- 11'O 'yienii Korenti mu, 'o -janwoa 'ka ni kpataakpa, 'bhɛɛ- 'waa -za 'kɛdo- 'kpɔ gaanle 'ka ma -titi.
- 12'Ka mu 'gbu -za sɔ 'o ni 'o zru 'ɛ 'kpen 'le, 'bhɛɛ- 'duŋ- 'ka mu laa 'o mɔɔ -vavade.
- 13'Bhɛ ya 'ɛ 'yi, 'mi -o -janwo' zii' 'ka ni 'bhii- -nɛ dɛ do -janwo' -a -nɛ mu ni gɔnɛ- 'la gbɛɛn-. 'Duŋ- 'ka mu 'ezin-, 'o -za 'sɔ 'ka ni, -ka 'ka zru 'ɛ 'liiploo- 'o ni, 'bhɛɛ- 'ka 'laa 'ka 'kpee gaanle 'o ma -titi.
- 14'Mɛɛ 'la zan mu laa -o kpa -Waanbhaa' 'yi, 'ka 'pegee 'mu laa wlale -za do ma. Taa- -lɛdɔɔleya 'pegee -yɔɔya' -o do ɛɛ? Taa- 'tɛbhile 'pegee -gblo -o do ɛɛ?
- 15'Krisi 'pegee Beliali sɔ 'kpale do ma 'nale- -a ma ɛɛ? Taa- mɛɛ 'la zan 'e kpa -Waanbhaa' 'yi, 'bhɛ 'pegee mɛɛ 'la zan laa 'e kpa -Waanbhaa' -yi -waa' -za 'ɛ -dele 'eke- ta ɛɛ?

16-Waanbhaa' Gba 'Fe -Gbene 'e 'pegee yo mu -o do ee? -Amasroyi -Waanbhaa' 'la -ya -yre ma 'o maa 'fle 'e 'bhe -le 'ke -a gba 'fe -zeze 'gbu 'e 'le, 'bhii- 'yee- -Waanbhaa' 'gbu 'a =pia gone- 'la gbene- doo: "'Mi nu yaale -o pley-, 'bhe- 'n nu klele -o ba 'ke -o -ja yre 'oo yre 'la =noo. 'Mi nu klele waa -Waanbhaa' 'le, 'bhe- 'woo- nu klele 'mi a pe mee mu 'le."

17'Bhela- -zayile, Meezan -Waanbhaa' pe 'ezin- doo: "-Ka 'ka go -o pley-; 'bhe- -ka 'ka 'plengo- -o ma. 'Ka 'laa 'kunle- pe 'la 'bhe 'laa -o 'wey 'bhe ma. 'Ke 'ka 'bhe =kla, 'bhe- 'mi nu 'n gbadole 'ka =la 'te.

18'Mi nu klele 'ka De 'le, 'bhe- 'ka mu nu klele 'mi gbe mu 'pegee 'mi 'lu mu 'le. Meezan -Waanbhaa' 'Senkpenzan 'a =pia 'bhe- gbene- bhe."

Korinti Ple Mi 7

1'D 'yienii mu, -Waanbhaa' 'a 'liiwli- nalawoa -za mu 'la ta -koo' ni 'bhe gbene- bhe, 'bhela- -zayile, -koo' -koo' 'fle mu 'e 'pegee -koo' zru mu 'e kle 'wey 'ke -koo' go 'trindoma -za 'tole- 'trindoma 'bhe 'yi. -Koo' do klen 'ke -koo' klele 'wey 'e 'lepale kle, 'bhe- 'ke -koo' 'taawo- -Waanbhaa' a -laegblaanya 'e 'yi.

2-Ka 'ka zru mu 'e 'liigo- 'o ni, 'bhe- 'o -za 'so 'ka ni 'ka 'kpee! 'Waa 'siele- mee 'kedo- 'kpo ba, 'bhe 'pegee 'waa mee kedo- 'kpo ngblo 'siele-, 'bhe- 'waa mee 'kedo- 'kpo tabhlele.

3'Naa -o 'bhe 'pe zii' 'ka 'to 'yoo- pe zayi' 'de, 'duj- 'mi 'a =pia 'ka ni 'elwale gban doo 'ka -za so 'mi ni 'egbenele 'kee- kan -a -dan' ta. 'Ka 'sogbeya -yoo' 'e 'koo 'o ni, -asiikoo pe 'kedo- 'kpo 'laa so -koo' 'plengole 'eke- ma; 'ali- yaa do ga 'kpee 'ke 'bhe 'bhe kle.

4'Mi 'gbu 'kpale- -o 'ka 'yi 'egbenele, 'mi so 'n -baale' 'ka mu 'yi. 'D 'yoo- -yren mu 'la 'kpen 'yi -ge bhe, 'duj- 'fuudole -o 'n ta, 'bhe- 'n zrukpaale -o 'kee- kan -a -dan' ta.

5'Wlan 'e ni, -a 'san 'n nule 'e ma Masedwani -wa 'e ta -ge, 'waa 'o 'yitre- yre san- 'gbu 'sradowole -lido'. -Woo' 'yrebatedo 'zi gbe 'e 'kpen ma. Mee 'ke mu -o gwledan 'zi 'o ba, 'bhe- -gbalan -o 'o zru 'yi.

6'Duj- -Waanbhaa' 'la 'fuudo- mee 'la zan mu -gblazi' gale -o 'mu ta, Titi 'nulawoa, -e 'fuudwa- 'o ta.

7'Titi 'nule- do -kplen 'laa klele 'fuudope 'le 'o ta. 'Duj- -ya =pia 'o ni doo 'kaa- =kwan 'elrele gone- 'la gbene- 'bhe 'fuudwa -a ta. 'Bhe- -ya =pia 'o ni 'ezin- doo 'n 'ye -lro -o 'ka ma 'egbenele, 'bhe 'pegee -za mu 'la =tian 'n ma, 'mu 'ka wleyisriwoa, 'bhe- 'ka 'an -za -vavade. 'Bhela- -zayile 'mi a pe zrukpaal' 'bhe -o 'egbenele.

8'Ali- 'mi 'letre 'la =kpaal' 'ka ni, 'ke 'bhe 'ka wleyisriwoa, 'bhe 'laa -zadowee dole 'mi ma -titi. 'Bhe- 'duj-, 'an 'yelowoa 'bhii- -e 'ka wleyisriwoa 'waati sa, 'bhe- -zadowee -dwa 'mi ma 'te.

9'Duj-, 'mi zrukpaale -o -zon. 'Ka 'ka wleyisrilawoa 'bhe 'laa -o 'ke 'mi zrukpaaza 'le. 'Duj- 'kaa- wleyisriwoza 'e 'bholawoa 'ka ba, 'bhe- 'ka 'plooda- 'ka 'joo 'yoo- mu 'e ma,

'bhe -za 'e 'bhe -le 'mi zrukpaaza 'le -zɔn. 'Kaa- wleyisriwoza -bɛngwa 'ke -Waanbhaa' zru maza 'e 'le; 'bhe -la ma -le 'o -za 'la =kla 'ka ni, 'bhe 'laa klele -za 'yɔɔ- 'le.

¹⁰Wlan 'gbu 'e ni, wleyisriwoza 'la da -Waanbhaa' ba, 'bhe -le 'a kle 'bhɛɛ- bhaaplɛŋ ploo -za 'yɔɔ- ma, 'bhɛɛ- -ya 'joo 'e mabɔɔ; 'bhe klegbɛya 'e 'yi bhe, 'bhɛɛ- -e go -za 'yi. 'Bhe wleyisriwoza -glɔn 'e 'bhe 'laa -zadɔwɛɛ dɔ mɛɛ ma. 'Duŋ-, 'drunyan 'yi wleyisriwoza 'e, 'bhe -le 'ke mɛɛ nipe 'pegee mɛɛ depe 'le -Waanbhaa' -yɛ 'yi, -amasrɔyi bhaaplɛŋ laa ploo -yaa' -za 'yɔɔ- 'e ma.

¹¹'Yee- wleyisriwoza 'la da -Waanbhaa' ba -e -za mu 'la =kla 'ka zru mu 'e 'yi -ka 'mu -glin doo! -E 'ka =si 'e mabɔɔla -zɔn, 'bhɛɛ- 'ka -o -Waanbhaa' a -za 'e 'kun zii' 'elrele; -e -zadɔwɛɛ -dwa 'ka ma. -Za la 'ka zru ma; 'bhɛɛ- 'ka gbalaan -za 'yɔɔ- klele -lɛɛ. 'D 'ye -lɔ -o 'ka ma, 'bhɛɛ- 'ka -o dɔ 'zi 'eglɔle -Waanbhaa' a zi 'e ta. 'Bhɛɛ- 'ka takanle -o -za 'yɔɔ- 'e 'krowo zayi'. 'Kaa -zɔnna zɔngbɛya 'e 'kpen 'yi 'bhii- 'ka kleza laa -yaa 'yee- -za 'e 'le.

¹²'Mi 'lɛtrɛ 'la =kpaa 'ka ni, 'naa klele mɛɛ 'la zan -za 'yɔɔ- 'e =kla, 'bhe 'pegee 'yee- -za 'yɔɔ- 'e =tian mɛɛ 'la zan ma, 'mu do -kplɛn 'kaama-. 'Duŋ-, 'mi 'a =kpaa 'ka ni, 'kooko- 'o -za -o 'ka 'kɔɔ 'egbenele gɔnɛ- 'la gbɛɛn- -Waanbhaa' -yɛ 'yi, 'ka 'kpen 'bhe dɔ.

¹³'Bhɛla- -zayile, 'ka -za 'la =kla 'bhe 'fuudwa- 'o ta. 'Ka 'fuu la 'bhe -dwa 'o ta, 'bhe 'pegee 'ka fanŋan- 'la -dwa Titi ta, 'bhɛɛ- -a zrukpaale 'la -daa 'ka ba ye, 'bhe 'o mɔɔ a pɛ zrukpaal 'e baan' =klaa -a ba.

¹⁴'Ke 'mi 'gbu 'ŋ 'wasowoa sa 'ka mu 'yi -a -yɛ ma, 'ka 'laa -yraladɔle 'ŋ ma. 'O -jan 'la wo 'ka ni 'taŋii wlan ma, 'bhe 'pegee 'woo 'waso sa 'la =woa 'ka mu 'yi Titi 'yɛ ma, 'bhe 'a -zɔnna 'bhii- 'zoo 'yaa- 'o zi 'bhe klelele.

¹⁵-Ayile -zɔn, 'ka za 'sɔle- -o Titi ni 'egbenele; -amasrɔyi 'ke -ya 'kpeelɛdaan 'ka mi 'wojan- 'e 'klosikwan gɔnɛ- 'la gbɛɛn- 'bhe ma, 'bhe 'pegee 'kaa 'cieya- =kla 'ke 'ka -gasi -gbene kpa a -lɛɛ gɔnɛ- 'la gbɛɛn-, 'ka 'sɔniya 'e baan' 'kla zii' -a ba -a 'kpee.

¹⁶'Mi 'duŋ-, 'ŋ zrukpaale -o 'ezin- 'egbenele, -amasrɔyi 'mi sɔ 'ŋ 'kpale- 'ka mu 'yi -za 'e 'kpen 'yi.

Korɛnti Plɛ Mi 8

¹'D nɛɛnɛ- mu, -Waanbhaa' =lia Masedwani 'kleɛn 'yi Zesu 'yi mu 'e ma gɔnɛ- 'la gbɛɛn-, 'woo- zan 'bhe -za 'e 'wolɛ- 'ka ni.

²'Tɛɛbhɔ -gbenɛ mu -yaa -o ta. 'Duŋ- zrukpaal 'la 'yaa- -o -yi -daŋ' 'laa -yaa 'bhe ma. 'Ali- -waa' 'kɔɔflɛŋya 'e 'yi, -o -dwa -a -la 'ke -o -gɔli' -bebe kpa 'eke- ta, 'bhɛɛ- -o bhɔ Zeruzalɛmu Zesu 'yi mu 'e ba 'bhe 'le.

³'Mi 'gbu -o 'bhe 'srɛ 'le, 'bhɛɛ- 'ŋ sɔ -a pele dɔɔ -o gbɛ -swa -gɔli' yɛkɛ- 'la 'srɔɔwole ta, -o 'bhɛɛ- =naa. 'Ali- 'o yri -yaa gɔli' yɛkɛ- 'la ta -o -pinaa' 'bhe ta. Yaa klele 'bhii- mɛɛ -le 'bhe =wlaa -o zi, 'duŋ- -o 'gbu -le 'bhe =naa -o 'gbu zru ma.

⁴-Woo' matɛdwa -sromabɔlele 'o ni dɔɔ 'o -dwa -a -la 'ke -o sɔ bhɔle -Waanbhaa' a mɛɛ 'weŋ mu 'la -woo Zeruzalɛmu 'mu ba.

- 5-O -za 'la 'bhe =kla, 'bhe 'kaan- 'o mɔɔ -yri -yaa -za yekɛ- 'la klele ta -o 'kɔɔ 'bhe ta: -woo 'gbu =naa 'elwale 'pe Mɛɛzan Zesu ni, 'bhɛɛ- -woo 'gbu =twa 'o mɔɔ 'kɔɔ 'ezin-, 'bhe -za 'ɛ 'kpen -daa -Waanbhaa' zru maza 'ɛ 'bhɛɛ- ba.
- 6'Bhɛla- -zayile, 'o -sromabwa Titi ni dɔɔ -e ge 'ka ba ye, 'kooko- -e ye -Irele' 'la zisaan- 'ke -ya pe 'ka ni 'ka -gɔli' 'kpa 'eke- ta, -e ge 'bhe ye 'ɛ zi 'kee- 'bhe 'leyan-.
- 7'Bhe ya 'ɛ 'yi, 'ka -o mɔkpen' 'lɛɛ -za 'kpen 'yi: 'e pe 'kpaleya 'yi oo, -janwo' gbeya 'yi oo, -zadɔleya 'yi oo, -za 'kpen -vavadele 'yi oo; 'bhɛɛ- 'o -za sɔ 'ka ni 'egbenele. 'Bhɛɛ- 'duɲ-, -ka dɔ 'ezin- klen 'ke 'ka kle mɔkpen' 'lɛɛ -za 'brɛɛ -glɔɔn 'lɛɛ- klele 'yi.
- 8'Naa -a zi 'bhii- 'kaa kle kpaɲma. 'Duɲ- Zesu 'yi mu -vin mu 'ɛ -woo 'kɔɔpɛ- mu 'ɛ =naa gɔnɛ- 'la gbɛɛn- blaale-, 'mi -o 'bhɛɛ- -jan 'ɛ 'wo zii' 'ka ni drɔɲ. 'D 'bhe 'wo zii' win 'la ma, 'bhe -le dɔɔ 'ke 'ka mu sɔ a zɔnle- 'ka klegbeya 'ɛ ma 'bhii- 'kaa- pɛ 'sɔniya 'ɛ 'bhe -o 'ke wlan 'le.
- 9-Amasɔyi -kɔɔa' Mɛɛzan Zesu Krisi 'bhe a -lileya 'ɛ -zɔnna -kɔɔ' ni gɔnɛ- 'la gbɛɛn-, 'ka 'gbu 'bhe dɔ. 'Tɔbhɔleya -yaa -a 'kɔɔ, 'bhe 'pegee -e -yaa' pɛ 'kpen zan 'le lafle' 'yi, 'duɲ- 'ka mu -zayi' -e -nwa -a 'gbu klele 'ke -yɛn ma mɛɛ 'le 'trɛ ta -gɛ, 'bhɛɛ- -e -gaa, 'kooko- 'ka kle pɛzan 'le -Waanbhaa' -yɛ 'yi.
- 10'Bhe ya 'ɛ 'yi bhe, 'mi -o 'ɲ 'gbu 'kpeejan- -la wo zii' 'ka ni 'yee- -za 'ɛ ta; 'bhɛɛ- 'mi pe dɔɔ: 'Ka -za 'la klele zisaan- lɛɛlii 'ɛ 'le, -ka ge 'bhɛɛ- -glɔɔn klele 'ɛ zi. 'Ka mu, 'ka laa klele -a =lwa kle mu 'te 'le, 'duɲ- -a kle -lrɔ -dwa 'ka mu 'la ma 'elwale 'pe, 'bhɛɛ- 'kaa =kla.
- 11'Ka 'yee- -za 'la zisaan- 'ka zru 'ɛ 'kpen 'le, -ka dɔ klen 'ke 'kaa 'leyan- 'ka zru 'ɛ 'kpen 'le 'ezin-, 'ke 'bhe -bɛngole kle 'ka 'fuu sɔ -za yekɛ- 'la klele ta 'bhɛɛ- 'le.
- 12-Amasɔyi, 'kee- pɛ na 'e zru -Irele' 'le, 'bhe -le sɔ -Waanbhaa' ni. 'Bhɛɛ- 'duɲ-, 'kee gbɛswa- pɛ 'la 'nale- ta, 'bhe -le sɔ -a ni 'ke 'bhe kan 'e gbɛ laa 'sɔlɛ- pɛ 'la 'nale- ta a ni 'bhe ta.
- 13'Naa 'pele- dɔɔ 'ka 'ka 'gbu kle 'kɔɔfɛɲzan mu 'le 'ka 'bhɔ zayi' mɛɛ -bhɛɛke' mu ba. 'Mi -o -a zi 'bhii- 'kaa kle, 'kooko- 'ka 'kpen 'kɔɔpɛ- mu 'ɛ sɔ 'eke- ni.
- 14-Zɔn 'ka mu 'kɔɔ 'pale- -o, 'bhɛɛ- 'bhe 'seɲ -o 'ka ni 'ke 'ka bhɔ 'kɔɔfɛɲzan mu ba. 'Bhɛɛ- yi 'la ta, 'ke pɛ 'kɛdo- 'kpɔ 'laa -o 'ka mu 'kɔɔ, 'bhɛɛ- 'ke 'woo- mu 'kɔɔ 'pale- -o, -o nu 'sɔlɛ- bhɔle- 'ka mu ba. 'Ke 'bhe =kla, 'ka 'kpen nu klele do 'tɛ.
- 15'Bhe kle 'bhii- -a yɔɔndeɛle -o -Waanbhaa' a 'Sɛwɛ 'ɛ 'yi gɔnɛ- 'la gbɛɛn- dɔɔ: "Mɛɛ 'la zan 'bhe pɛ 'srɛ 'wloola-, 'bhe a pɛ 'ɛ -vin 'laa bole; 'bhɛɛ- mɛɛ 'la zan 'bhe pɛ sa -wloola, 'bhe 'kɔɔpɛ- 'ɛ yaa 'kaanle-."
- 16'Mi -Waanbhaa' 'pubɔ-, -amasɔyi -e 'ka mu -vavade zruwlaa- Titi 'kpee 'bhii- 'mi 'ka mu -vavade gɔnɛ- 'la gbɛɛn- bhe.
- 17'O -jan 'la =woa -a ni, -e -dwa 'bhe =la. 'Bhɛɛ- drɔɔn', 'ka -za 'la -ya 'kɔɔ 'egloole bhe, -ya -dwa -a 'gbu 'kpee 'kaa -e gele- 'ka ba ye.

- 18'Woo- 'yee- Titi 'pegee 'o nēene- 'bhēeke do winbō 'zi 'ka ba ye. 'Bhē -kōō' nēene- 'ē 'bhē -o Kriṣi a -Jan 'Nrāle- 'ē 'wo zii' gōne- 'la gbēen-, Zesu 'yi mu 'ē 'kpen -o -a 'tō wlan 'pe 'zi 'bhē ma.
- 19'Bhē trala 'ezin-, Zesu 'yi mu -lē mu 'ē 'kpen 'yee- 'o nēene- 'ē makwan- 'kaa -e ge 'o zi 'bhē ye -lrele' 'ē wo 'taa 'ē ta. -E nu bhōle 'o ba 'o -gōli' yēke- 'la 'srōwoa- 'bhē 'yicienlele. 'Woo- 'bhē ye 'lē- 'wo zii' 'yee- Mēzan -Waanbhaa' 'tō 'bhō zayi'; 'bhē 'pegee 'wa zrōn 'zi 'bhē klēgbeya 'ē ma 'bhii- 'woo- -a zi 'bhii- 'o 'bhō 'o nēene- mu 'ē ba.
- 20'Woo- 'bhē 'kpen klē 'zi 'bhē gbēen- bhē, -amasrōyi 'waa -o -a zi 'bhii- -o -layrē' -srōwo' 'o ta -za 'kedo- 'kpō 'yi 'yee- -gōli' 'lē 'kūngbeya 'ē ma, -amasrōyi -gōli' sa laa 'kēle-.
- 21-Amasrōyi 'woo- -za 'brēē -la klēyre -glin 'zi, 'waa -o 'bhē -glin 'zi Mēzan -Waanbhaa' do -kplēn 'yrē 'yi, 'duṅ- 'woo- 'bhē klēyre -glin 'zi 'ezin- bhaaplēṅ mu -la -yrē 'yi.
- 22'Woo- 'o nēene- yaga mi 'la 'kpa zii' -o ba; 'o 'bhē 'yrēglinna 'ke 'o ye -glōn 'ē 'kpen kpa -a ta, 'duṅ- -ya 'kpen =kla -a zru 'ē 'kpen 'le. 'Bhē- 'saanigē 'ezin-, -a zru 'ē 'kpen 'nale- -o -Waanbhaa' a ye 'ē 'bhē- ni 'ke 'bhē kan 'elwale pē 'ē ta, -amasrōyi -a 'kpale- -o 'egbenele 'ka mu 'yi.
- 23'Kee- =bwa Titi a pē 'ē ta, 'bhē -o 'ḡ 'madō- mi 'pegee 'ḡ yewoyōn 'le 'ka mu ba. 'O nēene- -vin mu 'la 'mu -o ge 'zi 'a zi, Zesu 'yi mu 'ē 'kpen -le 'mu 'winbwa-.
- 24'Bhēla- -zayile, -kaa zrōn -o ni 'bhii- -o -za sō 'ka ni 'egbenele, 'kooko- Zesu 'yi mu 'la 'mu -o winbwa-, 'mu 'a 'yaango- 'bhii- 'zoo 'yaa- 'o zi 'ke 'woo baa 'ka 'yi.

Korēnti Plē Mi 9

- 1'Ka nu -gōli' 'la 'kpale- 'ēke- ta, 'bhē- 'ka bhō Zeruzalēmu Zesu 'yi mu 'ē ba 'bhē 'le, 'mi 'a =ya 'bhii- win laa -o 'bhē ma 'ke 'ḡ 'sēwēde 'ka ni 'bhē ba -zayi'.
- 2-Amasrōyi 'ka 'yriwlale -o 'bhē -za 'ē klēle ma gōne- 'la gbēen-, 'ḡ 'bhē dō. 'Mi 'yaa- 'ḡ -baa 'zi 'ka mu 'yi 'bhē- -zayi' Masedwani mēē mu 'ē 'yrē ma 'ke 'an pē -o ni dōō: "'Kee- san lēlii, 'ka mu Akayi 'klēn 'yi Zesu 'yi mu 'ē, 'ka 'yriwlale -yaa 'ke 'ka bhō -Waanbhaa' a mēē 'wēṅ mu 'la -woo Zeruzalēmu 'mu ba.'" 'Ka 'bhē -za 'ē klēle -vavadia gōne- 'la gbēen-, 'bhē zruwlaa- 'ezin- mēē -bebe 'kpee.
- 3'Bhē- 'duṅ-, 'ḡ 'yoo- -kōō' nēene- mu 'la 'winbō- 'zi 'ka ta ye, 'kooko- 'ḡ 'ka 'tōlabhwa -o -yrē ma, 'bhē 'laa klē bhaama za 'le. 'Duṅ- -ka dō klēn, 'kooko- 'ka 'yriwlale bo 'sani- -o nule plēṅ- 'bhii- 'an =pia -o ni gōne- 'la gbēen-.
- 4'Ke 'bhē 'laa klēle, 'ke -kōō' nēene- Masedwani Zesu 'yi mu 'la =nwa 'ḡ zi 'ka ba ye, 'bhē- 'ke waa 'ka 'yriwlale yēle, 'ḡ 'yoo- -gbāan 'zi -za dō -la -lēē dōō 'o mōō 'la 'kpale- -o 'ka 'yi, -yrāla' nu dōle 'o ma, 'bhē- -e nu klēle 'ka mu 'gbu ma -yrāla' 'le 'ezin-.

- ⁵'Bhela- -zayile, 'mi 'η 'kpeeledaan, 'bhεε- 'an =ya zi 'le 'ke 'η -sromabo 'η nεene- mu 'lεε- ni, 'bhεε- -o kan -sɔ 'η 'lεε 'ke -o ge 'ka ba ye; 'kooko- 'ka -gɔli' 'la 'naza- =pia, 'ka 'bhε -za 'ε 'yrebago 'sani- 'η 'nule- plen- 'ka ba ye. 'Ke 'bhε =kla, -e nu klεε 'bhii- 'kaa =naa 'ka zru 'ε 'kpen 'le, 'bhεε- 'ka 'laa 'nale- 'klin 'yi.
- ⁶'Bhεε- -ka -za 'lεε- 'bhε dɔ 'ka 'kpee dɔɔ: 'Ke mεε 'la zan gba sa =kpa, 'bhε zan nu pεbhaa sa -la -srɔɔwɔle. 'Ke mεε 'la zan gba -gbεne =kpa, 'bhε zan nu pεbhaa -bebe -la 'srɔɔwɔle.
- ⁷'Ka 'kpen do do -gɔli' yεkε- 'la 'nale- -dwa 'ka 'kpen do do 'kpee, -ka 'bhεε- 'na. 'Ka 'laa 'nale klin 'yi, 'bhε 'pegee kpaɲma. -Amasrɔyi mεε 'la zan pε na 'bhε zrukpaale 'le, 'bhε zan -la -za sɔ -Waanbhaa' ni.
- ⁸'Ke 'ka pε -naa 'bhε gbεen- bhe, 'bhε 'sej -o -Waanbhaa' ni 'kee- -za 'wlan -glɔɔn 'ε 'kpen klε 'ka ni, 'kooko- 'waati 'ε 'kpen ba 'ka maza -o pε 'oo pε 'la ma 'ka 'bhε 'srɔɔwo-, 'ke 'ka 'kɔɔ pa 'kεle- 'ezin-, 'bhεε- 'ka sɔ -za 'wlan -glɔɔn 'ε 'kpen klεle-.
- ⁹'Bhii- -a yɔɔndεle -o -Waanbhaa' a 'Sεwe 'ε 'yi gɔne- 'la gbεen- dɔɔ: "Mεε 'la zan gbε ta -o taataa 'bhε pε na 'kɔɔflenzan mu -la ni, 'bhεε- -ya pa -o ta. 'Bhεε- -yaa' wlanya 'ε -dan' 'laa -o 'bhε ma -titi."
- ¹⁰-Waanbhaa' 'la gba 'kpa pεbhe mu na gba 'kpa mi 'ε ni, 'bhε 'pegee 'ke -ya -lεbɔ' pεbhle na -a ni, 'yee- do 'kpɔ 'ε nu 'ka maza -o pε 'oo pε 'la ma 'bhε 'nale- 'ka ni, 'bhεε- -e 'ka 'kɔɔ pa 'kεle-, 'kooko- 'ke mεε 'la zan mu mazadwa 'ka ma, 'mu sɔ pε -bebe 'srɔɔwɔle 'ka 'kɔɔ.
- ¹¹-E nu -za 'wlan -glɔɔn 'ε 'kpen klεle 'ka ni, 'kooko- 'ka sɔ mεε -vin mu 'ε gbale- pε ba 'waati 'ε 'kpen ba. 'Ke 'o =nwa, 'bhεε- 'ka -gɔli' 'la =kpa 'eke- ta, 'ke 'o 'bhε 'lenaa- 'waati 'la ba, mεε -bebe nu -Waanbhaa' 'pubɔle, 'bhεε- -wa 'tɔbhɔ- 'kaa- 'bhɔɲbapε 'ε -zayi'.
- ¹²-Amasrɔyi 'ka nu -gɔli' 'la 'kpale- 'eke- ta, 'bhε 'laa nu klεle -Waanbhaa' a mεε 'weɲ mu 'ε maza -yanwope drɔɲ 'le; 'duɲ- 'bhε nu -a klεle 'bhεε- mεε -bebe nu 'pubɔ- 'seri klεle -Waanbhaa' ni.
- ¹³'Kaa- 'bhɔɲbapε 'la 'o nu 'bhε 'lenale Zeruzalεmu Zesu 'yi mu 'ε ni, 'bhε nu a zrɔnle mεε mu ni 'bhii- 'ka blɔɔle 'la -yoo -Waanbhaa' ma 'bhε -o 'ke wlan 'le. 'Bhε =nɔɔ Zesu 'yi mu 'ε nu -Waanbhaa' 'tɔbhɔle 'bhε ma, 'bhεε- -o nu a yele 'bhε ma 'bhii- 'kaa- pelawo zii' dɔɔ 'ka 'kpale- -o Krisi a -Jan 'Nrāle- 'ε 'yi, 'ka -o 'taawo zii' 'bhε -jan 'ε ta. 'Ke 'bhε =kla, -o nu -Waanbhaa' 'tɔbhɔle, 'ka -o 'ka 'kɔɔpε- mu 'la 'yicien- zii' 'ke 'ka bhɔ 'woo- mu 'pegee -kɔɔ' nεene- -vin mu 'ε 'kpen ba 'bhε -zayi'.
- ¹⁴-Waanbhaa' -lileyā -gbεne 'la -zrɔnna 'ka ni, 'bhε -zayi', -o nu -o 'seriwɔle -Waanbhaa' ni 'kaa- -za ma 'ke -wa zrɔn 'ka ni 'bhii- 'ka -za sɔ -o ni.
- ¹⁵'D nεene- mu, -kɔɔ' -Waanbhaa' 'pubɔ- -a Gbe 'ε 'nale- ma -kɔɔ' ni! -E 'kɔɔ- -gbaa -a Gbe 'la ba, waa sɔ 'bhε 'kpale pε 'kedo- 'kpɔ ma.

Korēnti Plε Mi 10

- ¹'Mi Pɔlu 'gbu -le -za do -yɛwo' zii 'ka ma -ge, -yidɔɔya 'pegee wlanya 'la -woo Krisi 'yi 'mu -zayi'. -Wa pe 'ŋ ma dɔɔ 'ŋ 'yɛ 'laa sɔ mɛɛ -yɛ ba 'ke 'ŋ 'yoo- 'ka -din 'waati 'la ba, 'bhɛɛ- -wa pe 'ŋ ma 'ezin- dɔɔ mɛɛ -yɛ ma -glɔɔ, 'ke 'ŋ 'plɛŋgole -o 'ka ma 'waati 'la ba.
- ²'Mi -o -sromabɔ 'zi 'ka ni dɔɔ 'ke 'ŋ -ja 'ka ba 'waati 'la ba, 'ka 'laa 'wlalɛ- 'ŋ zi 'bhɛɛ- 'ŋ -jan -glɔɔ wo 'ka ni. -Amasɔyi mɛɛ 'la zan mu -o -a pe 'zi dɔɔ 'o mɔɔ -o 'taawo zii' bhaaplɛŋ 'kpeelɛdan gbɛya zi, 'ŋ nu -jan -glɔɔ 'wolɛ- 'bhɛ zan mu 'ɛ ni.
- ³Wlan 'ɛ ni, 'woo- 'ke bhaaplɛŋ mu 'le; 'bhɛɛ- 'duŋ-, 'waa -o gwledan 'zi 'bhii- bhaaplɛŋ mu a pɛ gwledan gbɛya 'ɛ gbɛɛn-.
- ⁴-Amasɔyi 'o gwledan gwledanpɛ mu 'la 'le, 'bhɛ mu laa -o 'ke bhaaplɛŋ mu a pɛ 'le. 'Bhɛ gwledanpɛ mu 'ɛ -glɔɔya' 'ɛ da -Waanbhaa' -la ba, 'bhɛɛ- -o sɔ -Setran' a faŋgan- 'ɛ 'pegee -yaa' -dawli' maza mu 'ɛ 'siele. 'Bhɛɛ- 'ezin- -o sɔ bhaaplɛŋ 'kpeelɛdangbɛya -yɔɔ' mu 'ɛ 'siele.
- ⁵'Bhɛɛ- bhaaplɛŋ mu a magbaandɛle 'tolɛ- magbaandɛle 'ke 'bhɛ a klɛ 'bhɛɛ- -o -vin mu laa -Waanbhaa' dɔ, 'o mɔɔ 'bhɛ 'kpen 'yisɛ-. 'Bhɛɛ- bhaaplɛŋ mu 'kpeejan- mu 'la -woo 'eyɔɔle -Waanbhaa' ma, 'o 'mu kun 'bhii- -kaso 'yi mu 'kungbɛya gbɛɛn-; 'bhɛɛ 'o 'mu mabɔɔ, 'kooko- bhaaplɛŋ sɔ dɔle- Krisi a -jan 'ɛ =la.
- ⁶'Bhɛɛ- 'ke 'wa =ya 'bhii- 'ka -o 'taawo zii' 'o 'wojan- mu 'ɛ 'kpen ta 'elɛle 'waati 'la ba, 'ke mɛɛ 'oo mɛɛ 'la zan 'o 'wojan- mu 'ɛ 'kafawoa; 'o nu 'bhɛ zan 'ɛ 'krowolɛ.
- ⁷'Kɛla 'bhɛ -o wlan 'le -ka 'bhɛ -glin doo! 'Ke mɛɛ do 'kpale- -o -a -yi 'bhii- -yoo 'ke Krisi a pɛ 'le, 'bhɛ zan 'a 'yaango- -a 'gbu 'kpee dɔɔ -yoo Krisi a pɛ 'le gɔnɛ- 'la gbɛɛn-, 'o mɔɔ 'gbu -o 'ezin- Krisi a pɛ 'le 'bhɛɛ- gbɛɛn-.
- ⁸-Amasɔyi -Waanbhaa' faŋgan- 'la =naa 'o ni 'ka mu ta, yaa 'bhɛ 'nalɛ- 'o ni 'ka 'sɛ zayi', 'duŋ- -e 'bhɛ =naa 'o ni 'kooko- 'o 'bhɔ 'ka ba, 'bhɛɛ- 'kaa- 'kpaleya 'ɛ baan' ge 'klalɛle -a ba. -E 'bhɛ faŋgan- 'la =naa 'o ni, 'ali- 'ke 'mi 'ŋ magbaandia sa 'bhɛ 'yi, 'bhɛ 'laa -yraladɔ 'ŋ ma.
- ⁹Yaa klɛɛ 'ka ni 'bhii- 'mi -a zi 'bhii- 'ŋ -gblaan 'kla 'ka 'yi 'ŋ 'lɛtrɛ mu 'la kpa 'ka ni 'mu 'le.
- ¹⁰-Amasɔyi mɛɛ 'ke mu -o -a pe 'zi dɔɔ 'mi Pɔlu -jan mu 'la kpa 'an 'lɛtrɛ mu 'ɛ 'yi 'mu -o 'eglɔɔle, 'bhɛɛ- 'mu la mɛɛ ma; 'bhɛɛ- 'duŋ- 'ke 'ŋ -yoo -o 'plɛŋ- 'waati 'la ba, faŋgan- 'laa -o 'ŋ 'gbu ta, 'bhɛɛ- 'an -janwo' gbɛya 'ɛ 'bhɛ 'laa mɛɛ zru kun.
- ¹¹'Ke mɛɛ 'la zan mu -o 'bhɛ 'yansi jan mu 'ɛ wo zii' 'mi ma bhɛ, 'mu 'a 'yaango- dɔɔ 'o -janwo' gɔnɛ- 'la gbɛɛn- 'waa- 'lɛtrɛ mu 'ɛ 'yi, 'waa nu 'bhɛ -janwo' gbɛya 'ɛ mabɔɔlɛ 'ke 'o -ja 'waati 'la ba 'ka ba ye.
- ¹²Wlan 'ɛ ni, mɛɛ 'la zan mu -o 'gbu ye mɛɛ gblaan mu 'le, yaa sɔ dɔle- 'o mɔɔ 'kpee 'ke 'wa pe 'o 'pegee 'bhɛ zan mu -o do, 'bhɛɛ- 'waa sɔ 'o 'gbu danle- 'mu ma. Waa -o dan pɛ -bhɛɛke' ma, 'ke yaa 'e go -o 'gbu ba; 'bhɛ -za 'la bhɛ 'bhɛ 'laa -o 'ke -zadɔkleya 'le ɛɛ?

13'Ke -yoo 'o mɔɔ a pɛ 'le, 'waa nu 'o 'gbu magbaandɛɛ, 'ke 'bhe kan -a -danj' 'ɛ ta. -Waanbhaa' ye yɛkɛ- 'la gbɛkpaa- 'o 'kɔɔ 'ke 'o -ja 'bhe 'wole- 'ɛ 'le 'fɔ 'ka ba ye, 'bhe -danj' -o yrɛ 'la =nɔɔ, 'waa- pɛ 'ɛ -danj' -o 'bhɛɛ- =nɔɔ.

14'O gelawoa 'ka ba, 'waa 'kanɛ- 'o -danj' 'ɛ ta; -amasrɔyi 'o mɔɔ 'gbu -le -ja 'ka ba ye Krisi a -Jan 'Nrɛle- 'wole- 'ɛ 'le.

15'Bhe 'yi bhe, 'waa 'kanɛ- 'o -danj' 'ɛ ta, 'bhɛɛ- 'waa 'o 'gbu magbaandɛɛ mɛɛ -bhɛɛke' mu ye 'la =woa 'bhe 'yi. 'Bhɛɛ- drɔɔn' 'o 'yri -o -a ta 'bhii- 'kaa- 'kpaleya 'ɛ baan' nu 'klalɛ- -a ba, 'bhɛɛ- 'bhe klɛgbeya 'ɛ 'yi, 'waa- ye 'ɛ baan' nu -yidɛɛ, 'duŋ- 'ke 'bhe 'laa kan -Waanbhaa' -danj' 'la 'kpalaa 'a ma 'bhe ta.

16'Bhe 'yi bhe 'tɛ, 'o nu geɛ Krisi a -Jan 'Nrɛle- 'ɛ 'wole- 'kleen mu 'la -woo 'ka -zanta' 'mu 'yi. 'Bhɛɛ- 'duŋ-, 'waa- zi 'bhii- 'woo 'gbu magbaandɛ mɛɛ -bhɛɛke' mu 'woye- 'ɛ 'yi.

17'Bhe -za 'ɛ ma jan yɔɔndɛɛ -o -Waanbhaa' -a 'Sɛwɛ 'ɛ 'yi dɔɔ: "'Ke mɛɛ 'la zan -o 'bhe 'gbu magbaandɛɛ, 'bhe zan 'bhe 'gbu magbaandɛ Mɛɛzan -Waanbhaa' -za 'la =kla 'bhɛɛ- 'yi."

18'Wlan 'ɛ ni, mɛɛ 'la zan 'a pe -a 'gbu ma dɔɔ -yoo 'ke mɛɛ wlan 'le, Mɛɛzan -Waanbhaa' laa dɔ 'bhe zan a -za =la; 'duŋ- 'yee- -Waanbhaa' mɛɛ 'la zan 'tɔ wlan pe, -ɛ dɔ 'bhɛɛ- zan a -za =la.

Korɛnti Plɛ Mi 11

1'E! 'Ke 'ka 'yaa sɔ bi 'an -kwa 'ɛ sa 'yikunle! 'Duŋ-, -kaa sa -yikun'!

2'Ka -za 'sɔgbeya -yɔɔ' 'ɛ 'kɔɔ 'ŋ ni, -asiikɔɔ 'ŋ 'yoo- zrwanwo 'zi 'ka ta, 'bhe zranwole 'ɛ da -Waanbhaa' -la ba. 'Ka -o 'bhii- -gblanɛ 'la yaa 'gwlaanza- 'yaango-, 'bhɛɛ- 'ke 'mi 'ŋ 'liiwli- =naa -a 'fluwoza ta 'gwlaan- do 'kpɔ -la 'kɔɔ, 'bhe 'gwlaan- 'ɛ 'bhe -le 'ke Krisi 'le. 'Mi -o -a zi 'bhii- 'ka klɛ 'wɛŋ.

3'Duŋ- 'ka blɔɔle 'la -yoo Krisi ma gɔnɛ- 'la gbɛɛn- bhe, 'mi -o -gblaɛn 'zi dɔɔ 'ke 'ka 'ka 'kpeejan- mu 'ɛ mabɔɔ, 'bhɛɛ- 'ka go 'yee- Krisi zi; 'bhii- -Setran' lii =wlaa mlɛ 'ɛ 'yi gɔnɛ- 'la gbɛɛn-, 'bhɛɛ- -ɛ ɛvu 'yinia= -dawli' ma.

4-Amasrɔyi 'ke mɛɛ do =nwa 'ka ba, 'bhɛɛ- 'kee- Zesu 'bhɛɛke do -a -janwoa 'ka ni 'ke 'bhe gole -o 'o Zesu 'la 'bhe a -janwoa 'ka ni 'bhe ma, 'kee- lii 'bhɛɛke a -janwoa 'ka ni 'ke 'bhe gole -o Lii 'Wɛŋ 'la 'ka 'bhe 'srɔwoa= 'ka zru 'ɛ 'yi 'bhe ma; 'bhɛɛ- 'kee- -Jan 'Nrɛle- -bhɛɛke' do =woa 'ka ni 'ke 'bhe gole -o 'o 'kɛla 'bhe =woa 'ka ni 'bhe ma. -Mɛla ma 'bhɛɛ- 'bhe yrɛ do 'kpɔ 'ɛ =nɔɔ bhe 'ka dɔ blaale- 'mu =la ɛɛ?

5'Wlan 'gbu 'ɛ ni, 'ka 'bhe winbɔwo mu 'la kun 'bhii- 'winbɔwo mu 'tɔbhɔle, 'mi 'kpee ma waa kan 'mi ta -za 'kɛdo- 'kpɔ 'yi.

6'Ali- 'ke 'naa -o 'ke -janwo' mi -gbɛnɛ 'le mɛɛ mu -yrɛ ta; 'bhɛɛ- 'duŋ- -zayaangoleya a pɛ zi 'ɛ ta, 'mi 'a 'ke dɔ 'bhe 'yi. 'O 'bhe -zrɔnna 'ka ni 'waati 'ɛ 'kpen ba, 'bhe 'pegee klɛgbeya 'ɛ 'kpen 'yi.

- 7'Mi -Waanbhaa' a -Jan 'Nrāle- 'ε 'wolawoa 'ka ni 'ke 'naa pε 'kedo- 'kpɔ kun 'ka 'kɔɔ, 'bhεε- 'mi 'η 'gbu mazinalawoa, 'kooko- 'η 'ka mu -lawlen', taa- 'mi -za 'yɔɔ- -la =kla 'bhε 'le 'bhe εε?
- 8'D 'yaa- yewo 'zi 'ka mu ni 'ka ba 'waati 'la ba, 'mi -dwa -a -la 'ke 'η Zesu 'yi mu -le -bhεεke' mu 'kɔɔpε- mu kun, 'kooko- 'η sɔ bhɔle- 'ka mu ba. 'D -gɔli' =kwan -o 'kɔɔ, 'bhεε- 'duŋ- 'naa yewolε -o ni, 'fɔ 'η yewoa- 'ka mu -la ni.
- 9'Bhεε- 'η 'yaa- 'ka ba 'waati 'la ba, 'naa 'η 'gbu 'kwe 'kpale- mεε 'kedo- 'kpɔ 'wiin- 'ke 'η maza -yaa dɔ -gɔli' ma. -Amasrɔyi, 'o nεεnε- mu 'la -daa Masedwani 'mu -le 'η maza -yaa pε 'oo pε 'la ma 'mu =naa 'η ni. -Za 'kpen 'yi, 'naa 'tolε- 'ke 'η klε 'ka ta 'kwe 'le, 'bhεε- 'η nu 'bhεε- klεle 'tanji.
- 10'Bhε -le 'mi -baape' 'le. 'Duŋ- Krisi a pε wlan 'ε ma, mεε 'kedo- 'kpɔ 'laa nu 'bhε -baaza' 'ε 'saawole 'η 'kɔɔ Akayi 'klεen 'lεε- 'kpen 'yi -gε.
- 11'D 'bhε pe zii' win 'ε -dela ma εε? 'Bhε win le dɔɔ 'ka -za 'laa sɔ 'mi ni εε? 'Duŋ- 'ka -za sɔ 'η ni gɔnε- 'la gbεen- -Waanbhaa' 'gbu 'bhε 'yaango-.
- 12'D 'yoo- yewo 'zi 'ka ba gɔnε- 'la gbεen-, 'η nu bolε 'bhεε- yewogbeya do 'kpɔ 'ε ta. 'Ke 'η 'bhε =kla, mεε 'la zan mu -o 'a 'pe zii' -o 'gbu ma 'kaa -woo 'ke Zesu a 'winbɔwo mu 'le, 'bhε 'pegee 'ke -wa pe 'zi 'ezin- dɔɔ 'waa- pε yewogbeya 'ε 'pegee -waa' pε mu 'ε -woo do, 'bhε zan mu laa sɔ 'mu 'gbu magbaandele.
- 13'Bhε mεε -glɔɔn mu 'ε -woo 'ke bhla ma Zesu a 'winbɔwo mu -la -le, -o woye 'ε 'bhε -o 'ke mεε -yini' pε 'le. -Woo 'gbu klε 'bhii- Krisi a winbɔwo mu.
- 14'Bhε 'laa -o 'ke 'kpeeleni maza 'le 'o 'yre 'yi, -amasrɔyi -Setran' 'a 'gbu mabɔɔ, 'bhεε- -e klε 'bhii- -Waanbhaa' a -mlεke' do 'la bhi -yrayra 'bhε gbεen-.
- 15'Bhε 'laa -o 'ke 'kpeeleni maza 'le 'ezin-, 'ke -yaa' pε yewonε mu 'ε -woo mabɔɔ, 'bhεε- -woo 'gbu klε -Waanbhaa' a yewonε 'lɛdɔɔle mu 'le. 'Duŋ- -o -leyanyrε nu klεle 'ke -Waanbhaa' a -kpan baalele -o ta -o klεza -yɔɔ' mu 'ε ma.
- 16'Mi -o bɔ 'zi 'ezin- 'bhε -jan do 'kpɔ 'ε ta 'ke 'an pe 'ka ni dɔɔ mεε 'kedo- 'kpɔ 'laa 'mi 'kunle- 'bhii- -kwanii' do. 'Duŋ- 'ke 'ka 'mi =kwan 'bhii- -kwanii' do, -ka dɔ -a -la 'ke 'ka 'ka 'trɔnkpa 'mi 'wojan- 'ε =la, 'kooko- 'mi sɔ 'η 'wasowole sa.
- 17'Mi -o 'kela 'wo zii' 'ke 'mi 'η 'wasowo 'bhε 'laa -o da 'zi Mεezan -Waanbhaa' ba; 'η 'yoo- -janwo' zii' 'bhii- -kwa -o 'η 'yi.
- 18'Bhεε- 'duŋ-, mεε -bebe mu -o 'wasowo zii' -waa' bhaaplenya 'ε ma, 'mi sɔ 'η 'gbu 'wasowole 'ezin-.
- 19'E! Ka mu 'la 'ka -o -zadɔ' mu 'le, 'ka dɔ -a -la 'ke 'ka -kwanii' mu klεza mu -yikun' εε!
- 20'Mεε 'la zan mu 'ka klε -waa' lu mu 'le, 'bhεε- -o 'ka tabhle; 'bhε 'pegee -o 'ka 'kɔɔfleg balaa' 'ka 'kɔɔpε- mu 'ε 'kpen 'silele; 'bhεε- 'ke -woo 'ka mavεε; 'bhε 'pegee -o 'ka 'trɔn zɔn, 'ka 'bhε zan mu 'ε klεza mu 'ε 'yikun-.

- 21-ƐƐ! 'Bhe kle 'waa- fangankleya -la ma, 'bhe- 'waa 'sole- 'bhe 'yansi za mu 'e klele- ƐƐ? 'D bhe 'bhe -yralado 'mi ma 'de. 'Bhe- 'duŋ-, 'kee- so dole- mee 'ke 'kpee 'bhe- -ya baa -za 'ke 'yi; 'mi 'ezin- 'mi 'gbu so 'bhe klele-; 'ali- 'ke 'ŋ -janwoa 'bhii- -kwanii' do gbɛɛn-.
- 22'Ke -wa =pia doo -woo 'ke Ebre mu 'le, 'mi 'duŋ- 'mi 'gbu -o Ebre mi 'le 'ezin-. 'Ke -wa =pia doo -woo 'ke Izraeli mu 'le, 'duŋ- 'mi 'gbu -o 'ezin- 'ke Izraeli mi 'le. 'Bhe- 'ke -wa =pia doo -woo 'ke Abraamu 'nranɛ- mu 'le, 'mi -o 'ezin- -a -nranɛ -kpɔsoo 'e do 'le.
- 23'Ke -wa =pia doo -woo 'ke Krisi a yewone mu 'le, 'mi -o 'ezin- -yaa' yewone 'le, 'bhe- 'mi kan -o 'kpen ta 'egboon gbɔonle'. 'D 'yoo- -janwo' zii' 'bhii- mee 'la zan 'gbu ŋgblo laa -o 'bhe ta. 'Mi yewoa= 'ke 'bhe kan -o 'kpen ta, -o 'mi =bwa -kaso 'yi 'ebebele 'ke 'bhe kan -o ta; -o 'mi tafia= 'ebebele 'ke 'bhe kan -o ta. -A -lebwa sa 'ke 'ŋ 'winbo- -a -yi 'waati 'ke ba.
- 24Zuufu mu 'e -woo 'ŋ =zwan gaan 'soo. 'Bhe- 'duŋ-, 'ŋ zɔn gbɛ do do 'e 'yi, -woo 'ŋ tafia= gbanbhle yan mia do bhe vu ta 'srwayizie.
- 25Rome mu 'e 'mu 'ŋ tafia= -glɔɔn yaga, 'bhe- mee mu kpoti mu =paa 'ŋ ma -glɔɔn do 'ŋ de zayi'. -Yitakon 'e 'siela- 'ŋ 'le -glɔɔn yaga weyi- 'e ta, 'bhe- 'ŋ -bi do 'pegee -yrekpaa' do =kla -yi 'e ta.
- 26'D -ja 'taa -bebe ta 'ŋ gaan ma; 'duŋ- 'bhe =kla 'ebebele 'ke 'ŋ 'winbo- -a -yi bi yue 'pale- mu 'e ba, 'bhe 'pegee mee de mu 'e 'koo. 'Ali- -a -lebwa sa 'ke 'ŋ 'winbo- -a -yi 'ŋ 'gbu a 'kleen 'yi Zuufu mu 'e 'pegee Zuufu kle mu 'e 'koo. 'Kee- kpa -wa mu ta oo, 'kee- kpa -bɔnyi' yre mu noo- ta oo, 'kee- kpa weyi- ta oo, 'kee- kpa yre 'e 'kpen ta, -a -lebwa sa 'ke 'ŋ 'gbu winbo- -a -yi. 'Ali- 'o neɛɛ- mu 'la -wa pe -o 'gbu ma doo -woo 'ke Zesu 'yi mu 'le, 'bhe- 'duŋ- 'ke waa -o 'bhe 'le wlan 'e ma, -a -lebwa sa 'ke 'ŋ 'winbo- -a -yi 'mu 'koo.
- 27'Mi ye -glɔɔ mu =woa, 'bhe- 'ŋ 'trebhwa=. 'Waati -bebe ba, yi laa 'sole- 'kpale 'ŋ 'yre ta. 'Mi gbɔn 'pegee -yi 'mi -lro 'yikwan=. 'Bhe- 'waati -bebe ba, 'mi 'suŋwlaa- kpanma. 'Mi =bwa 'ebebele -niinii' 'yi 'ŋ tafleŋ- 'le.
- 28'Naa so -a 'kpen 'pele. 'Bhe- 'ke 'bhe kpa 'kela bhe 'bhe ta, yi 'oo yi, Zesu 'yi mu -le mu 'e 'kpen 'klankeba mu 'e 'kpen 'ŋgami -o 'ŋ ma.
- 29'Ke Zesu 'yi mi do 'kpaleya fangan- -gwa -a ta, 'bhe -za 'e la 'mi ma 'bhii- 'mi 'gbu -le 'ke 'bhe zan 'e 'le. 'Ke mee do -balaa' -za 'yoo- 'yi, 'bhe 'la 'ŋ ma 'kee- kan a -dan' ta.
- 30'Kee- 'kpa bi 'bhii- 'mi so 'ŋ 'gbu magbaandele, 'mi 'yaa- nu 'ŋ magbaandele 'mi 'gbu a fangankleya 'e 'yi.
- 31Meezan Zesu De -Waanbhaa' 'a 'yaango- 'bhii- 'naa bhla pe. Bhaa mɔkpen' 'a 'tɔbho 'waati 'e 'kpen ba!
- 32-Yrekpaa' do, 'ŋ 'yaa- 'waati 'la ba Damasi, 'bhe =noo -bhleŋgbe Aretasi a -janmatii 'e -ya =pia mee 'ke mu ni doo 'mu 'e 'yrekpa zi mu 'la wla -wa 'e 'kpee 'mu ba 'mi kun zayi'.

³³Zesu 'yi mu 'e 'mu 'mi =bwa ciε do 'yi, 'bhεε- -o bhle -yrela bhε ma; 'ke -woo 'η 'kanle 'fεgwle- 'ε trala, 'bhεε- -woo 'η zinaa' -a zanta'. 'Bhε klεgbeya 'ε 'yi, 'η =swa -bhile' 'yee- -janmatii 'ε 'koo.

Korēnti Plε Mi 12

¹'D sō 'η 'gbu magbaandele εε? 'Duη- 'bhε 'laa -za 'ke 'yanwo- mεε ma. 'D 'yoo- zan Mεεzan -Waanbhaa' -za mu 'la -zrōnna 'η ni -yrε zi yele 'yi 'mu ba janwole.

²'Mi Kriisi 'yi mi do dō, -za do =kla -a ni 'bhε lεε vu ta yizie -le -gε -zōn. 'Bhε -za 'ε 'bhε -le dōo -Waanbhaa' 'a =sia, 'bhεε- 'bhε -ja 'kele- 'bhε 'yaayre- 'ε =nōo lafle' -dan' ma. 'Ke -ya =sia kpataakpa -a 'fle 'ε 'yi oo, 'ke -ya =sia -Waanbhaa' a -yrε zi yele -la -yi oo, 'naa 'bhε dō. -Waanbhaa' do -kplēn -le 'bhε dō.

³'Mi 'a 'yaango- 'bhii- -Waanbhaa' -ja 'bhε 'gwlaan- 'ε 'le 'fōpe lafle' -dan' ma. 'Duη- 'kee- -ja -a 'fle 'ε 'bhεε- 'yi oo, 'ke yaa gele 'bhε 'yi oo, 'naa 'bhε dō 'ke yaa 'e go -Waanbhaa' do -kplēn ba.

⁴-Waanbhaa' 'a 'silawoa, 'bhεε- 'bhε -ja 'kele- 'bhε ba, 'kee- -jan 'ke mu male- 'bhε =nōo: yaa dō bhaapleη 'kpee 'kee- 'bhε -jan mu 'ε wo bhaapleη wli 'yi, 'bhεε- 'bhε 'seη 'laa -o bhaapleη ni 'kee- 'bhε wo.

⁵'Mi sō 'mi -baale' 'bhεε- mεε -glōon 'ε 'yi; 'duη- 'mi 'naa sō 'η -baale' 'η 'gbu 'yi. 'Mi sō 'η -baale' pε 'la 'yi 'bhε -le 'mi a pε fangankleya 'ε 'le.

⁶'Ke 'mi 'yaa- zi 'bhii- 'mi 'η 'gbu magbaandε, 'naa -yaa nu klεle -kwanii' 'le, 'η 'yaa- nu wlan 'te -la pele. 'Duη- 'naa -a zi 'bhii- 'mi 'η 'gbu magbaandε, 'kooko- 'mi -o -za -glōon 'la klε 'zi, 'bhε 'pegee 'mi -o -jan -glōon 'la 'wo zii' mεε mu -yrε ma, waa nu 'η 'yele- mεε gbilaan do 'le 'ke 'bhε kan 'mu ta.

⁷'Bhε mεε 'kpeelēni maza -gbēnε mu 'la -e 'mu -zrōnna 'η ni -yrε zi yele 'ε 'yi 'mu -zayi', 'bhε 'pegee, 'kooko- 'naa 'η 'gbu magbaandε 'mu 'yi, 'yee- -Waanbhaa' -yrēn 'yōo- do =kpaa 'η 'fle 'ε ta; 'bhε -o 'bhii- -Setran' a winbōwo mi do 'la 'woye- -le 'ke -yrēnkpalele 'η ta, 'kooko- 'naa sō 'η 'gbu magbaandele.

⁸'Mi -sromabwa Mεεzan -Waanbhaa' ni -glōon yaga dōo -yoo 'η go 'bhε -yrēn 'ε 'yi; 'bhεε- -yaa dōle -a =la.

⁹'Drōon' -ya =pia 'η ni dōo: "'D lilawo zii' 'e ma, 'bhε 'e 'yibhō-, -amasrōyi 'ke fangān- 'laa -o 'e ta 'waati 'la ba, 'mi a pε -glōōya' 'ε zrōn bhla -le 'bhεε- 'le." 'Bhēla- -zayile, -e sō 'mi ni 'ke 'mi 'η 'gbu baa 'η 'gbu a fangankleya 'ε 'yi, 'kooko- Kriisi a -glōōya' 'ε 'bhε bo 'η ta.

¹⁰'Bhēla- -zayile, 'η zrukpaale -o 'ke fangān- 'laa -o 'η ta oo, 'ke -woo 'η -zwanwoa oo, 'ke -za -glōo -o 'η ta oo, 'ke -o -yrēnkpaa 'η ta oo, 'bhεε- 'ke -o 'trēbhō =kpaa 'η ta oo, 'mi 'a 'yaango- 'bhii- 'η 'mu 'kpen 'yikun zii' Kriisi -la -zayi'. -Amasrōyi 'ke fangān- 'laa -o 'η ta 'waati 'la ba, Kriisi 'bhε a pε -glōōya' 'ε wla 'η 'yi, 'bhεε- 'waati 'ε ba, 'bhεε- 'η dō 'egloole.

- 11'Mi -o -janwo' zii' 'bhii- -kwanii' do gbæen-! 'Duŋ- 'bhe -daa 'ka mu 'gbu -la ba. 'Ka mu 'gbu -le -yaa sɔ 'mi 'tɔ wlan pele- mæe mu -yræ ma. 'Ali- 'ke 'naa -o 'ke pɛ 'kedo- 'kpɔ 'le 'ka 'yræ 'yi, 'ka -o 'kaa- winbɔwo mu 'tɔbhɔle mu 'la -za 'kun zii' 'egloole, 'mu mabhaa laa bhɔ 'mi ta -za 'kedo- 'kpɔ 'yi.
- 12'D 'yaa- 'ka ba ye 'waati 'la ba, 'ka 'ŋ zrubakpaagbeyaa -gbenɛ 'ɛ =ya. 'Ka -Waanbhaa' a -glooya' 'ɛ 'tɔomasie mu 'ɛ -gloɔn 'ɛ 'kpen =ya, 'bhe 'pegee 'kpeeleni maza -gbenɛ mu 'pegee 'sɔle- maza mu. 'Bhe kleza mu 'la bhe, 'mu -le 'a zɔn 'bhii- 'mi -o 'ke Zesu a 'winbɔwo mi 'le.
- 13'Bhe ya 'ɛ 'yi, 'mi -mɛ pɛ -za 'wlan -la =kla -Waanbhaa' a mæe -vin mu 'ɛ ni, 'bhæe- 'naa 'bhe 'yansi za klele 'ka mu ni ɛɛ? 'Ke yaa 'e go 'naa klelawole 'ka ta 'kwe 'le 'bhe ba. 'Ke -yoo 'bhe 'le, 'ka 'zoole-, 'ŋ ŋgblo -o 'ka gaan -la 'bhe ma.
- 14'Mi -o zan gele 'an 'taa yaga mi 'la ta 'ka ba ye bhe, 'naa nu 'ŋ 'gbu 'lebo- 'kwe 'kpale- 'ka 'wiiŋ-. 'Naa -o 'ka 'kɔpɛ- mu 'ɛ zi, 'duŋ- 'ka mu 'gbu -la -za -o 'ŋ ma. Wlan 'ɛ ni, -nɛ 'fientronne mu 'laa -gɔli' glin 'bhæe- -woo yapɛ mu 'ɛ 'lebo-; 'duŋ- -o yapɛ mu -le -gɔli' glin 'bhæe- 'mu -o -lebo' 'bhe 'le.
- 15'Ke -yoo 'mi a pɛ 'le, 'ŋ zru -o 'ŋ 'kɔpɛ- 'tɔle- 'ŋ 'kɔpɛ- nale ma -o ni, 'ke 'mi 'gbu kpa 'bhe ta. -Ayile, 'ke 'ka mu -za sɔ 'mi ni 'egloole 'bhe gbæen- bhe, 'bhe 'laa sɔ -a klele- 'bhæe- 'mi -za sɔ 'ka mu ni 'ezin- ɛɛ?
- 16'Ka 'gbu 'a 'yaango- 'bhii- 'naa 'ŋ 'gbu 'lebo- 'kwe 'ɛ dɔle mæe 'kedo- 'kpɔ 'wiiŋ-. 'Duŋ- -dɔke' 'ka 'pleŋ- mæe 'ke mu nu -a pele dɔɔ: "Pɔlu bakanle laa -o! -Yaa' -dawliya 'ɛ ma, -yoo' 'kɔpɛ- mu 'ɛ =bhla."
- 17'Mi mæe 'la zan mu winbwa- 'ka ba ye, taa- 'mu -dawli' =kpa'a 'ka gbɛ ta, 'bhæe- 'mu 'ka tabhla- ɛɛ?
- 18'Mi -sromabwa Titi ni dɔɔ 'bhe ge 'pwe- 'ka ta ye, 'bhe 'pegee 'o nɛenɛ- 'la 'ka 'bhe do bhe. Taa- Titi -dawli' =kpa'a 'ka gbɛ ta 'bhæe- -e 'ka 'kɔpɛ mu 'ɛ =bhla ɛɛ? 'O mɔɔ 'pegee Titi 'kpeejan- mu -o do; 'bhæe- 'o 'kpen -o 'taawo zii' zi do 'kpɔ -la ta.
- 19'Ka =mwa gban 'sii -a pele ma 'ka 'gbu 'kpee dɔɔ 'o mɔɔ 'zoo 'na yræ -la -glin 'zi 'o 'gbu ni 'ka 'yræ ta; 'waa -o 'bhe kle 'zi. 'Woo -janwo' zii' -Waanbhaa' -yræ ma 'o mɔɔ 'pegee Krisi a 'kpaledomaya 'ɛ 'yi. 'D 'yienii mu, 'woo- 'bhe 'kpen 'pe zii' 'ka ni 'kooko- 'kaa- 'kpaleya 'ɛ -Waanbhaa' 'yi 'bhe baan' kla 'bhe ba.
- 20'Yien -o 'kan zii' 'mi 'kpee dɔɔ 'ke 'ŋ -ja 'ka ba ye, -dɔke' 'naa nu bhɔle 'ka ta klegbeya 'la 'mi -o -a zi 'bhii- 'ka kle 'bhe gbæen- 'bhe 'yi oo, 'bhæe- 'ka mu laa nu 'mi 'yele- yegbeyaa 'la 'kaa- zi 'bhii- 'ka 'mi 'ye 'bhe 'yi 'sii oo. Yien 'la 'bhe -o 'kan zii' 'ŋ 'kpee 'bhe win -le dɔɔ, 'naa -o -a zi 'bhii- 'ŋ 'bhɔ 'ka ta 'ke sra mu -o 'ka 'pleŋ-, 'bhe 'pegee zranwo maza mu, 'bhæe- wiya plaza mu, 'bhe 'pegee zaabɔ za mu, 'bhæe- 'eke- 'tɔpele 'pegee 'eke- 'tɔsiele, 'bhæe- 'gbugblaanya 'pegee -za 'yaanmiwole mu.
- 21'Yien -o 'kan zii' 'ŋ 'kpee 'ezin- dɔɔ 'ke 'ŋ -ja 'ka ba ye, -Waanbhaa' laa nu -yraladɔle 'ŋ ma 'ka 'yræ ma. Mæe -bebe 'la -za 'yɔɔ- =kla -sɔ, 'bhæe- -zadɔwɛ 'laa dɔle 'mu ma, 'bhæe- -o bole -o -za 'yɔɔ- klele ma 'bhii- -o -yaa kle gɔnɛ- 'la gbæen- 'elwale -sɔ. Waa

'ploole -waa' 'triṅḁ- maza mu 'pegee -waa' -yanbhōoya dēza, 'bhē- waa -za 'yō- kle 'flēn mu 'la 'yaa- -o ma 'elwale -sō 'mu ma; 'kee 'ḡ =wlaa 'ka ba ye 'ḡ nu wisilē 'ebebele 'ka -bebe 'taawogbeya mu 'ε -zayi'.

Korēnti Plē Mi 13

¹'D 'yoo- zan 'an 'taa yaga mi -la 'wole- 'ka ba 'taaleeyi. 'Bhii- -a pele -o -Waanbhaa' a 'Sewe 'ε 'yi gōnē- 'la gbēen- dō: "'Ke 'ka -o -za 'oo -za 'la 'kitikanle, -ka mēē plē, mēē yaga kle 'ka 'srē 'le 'bhē -za 'ε ma."

²'D ge gbē plē mi 'ε ma 'ka ba, mēē 'la zan mu -za 'yō- =kla 'elwale -sō 'ḡ -janwoa 'mu ni 'bhē 'pegee mēē -vin mu 'ε 'kpen ni. 'Ali- 'ke 'naa -o 'ka ba ye -zōn, 'ḡ 'bhē zan mu 'ε 'kpeelekan zii' dō, 'ke 'ḡ ge gbē drēwoa- 'ka ba 'ezin- 'waati 'la ba, 'woo- mēē 'la zan -za 'yō- =kla, 'naa nu 'mu 'pegee mēē 'kedo- 'kpō maplaale.

³'Kaa- zi 'bhii- 'kaa dō 'bhii- Krisi -le -jan 'kpa zii' 'mi 'lii; -ka 'ka zrukpaala, 'ka nu 'bhē dōlē. Krisi 'laa -o fanḡan- kle zan 'le 'ka ba ye; 'bhē- drōn' -ya -glōoya' 'ε zrōn 'zi 'ka 'plēḡ- ye.

⁴Wlan 'gbu 'ε ni, -wa -gbaanna -yriḡbēēle 'ε ta, -ya 'gbu klelawoa 'bhii- fanḡan- kle zan do 'bhē- 'yi. 'Duḡ- -e -bwela gale ba, 'bhē- -ya -yrē ma -zōn -Waanbhaa' a -glōoya' -la ma. 'O mu 'ezin-, 'o 'pegee 'yee- a 'kpaledomaya 'ε 'yi, fanḡan- 'laa -o 'o ta. 'Bhē- 'duḡ-, 'o nu bolē 'o 'yrē ma -Waanbhaa' a -glōoya' 'bhē- 'srōyi. 'Ka nu 'bhē- -glōoya' 'ε 'yele- 'o taawogbeya 'ε ma 'ka ba ye.

⁵-Ka 'ka 'gbu zrubaglin doo, 'kooko- 'kaa 'yaango- 'ke 'ka -o 'kpaleya zi kplankplan 'gbu 'ε ta. -Ka 'ka 'gbu zrubaglin kplankplan doo. 'Ka nu a 'yele- 'bhii- Zesu Krisi -o 'ka 'yi. 'Fōke 'ka 'ka 'gbu zrubaglinna, 'bhē- 'kaa =ya 'bhē ma 'bhii- 'ka -baliwoa 'ka 'kpale- ma -a -yi.

⁶'Bhē- 'duḡ-, 'mi 'kpale- -o -a -yi 'bhii- 'ka mu 'gbu nu -a dōlē 'bhii- 'o mōō -bali 'laa 'wole- 'o 'kpale- ma -a -yi.

⁷'Duḡ- 'o -sromabō -Waanbhaa' ni dō -e bhō 'ka ba 'bhē- 'ka 'laa -za 'yō- do 'kpō kle. 'Waa- zi 'bhii- 'wa zrōn 'ka ni 'bhii- 'o sō -za klele-. 'Duḡ- 'woo- -a zi 'bhii- 'o 'ka 'ye -za 'wlan kle yrē nō-; 'ali- 'ke 'o mōō -baliwoa 'bhē klele ma.

⁸Wlan 'ε ni, 'waa sō -za 'kedo- 'kpō klele- 'ke 'bhē -Waanbhaa' a pē wlan 'ε 'lēga-. 'O sō -za 'la klele- 'bhē -le 'ke -Waanbhaa' a wlan 'ε baan' ge zi -lēē.

⁹'Ali- 'ke fanḡan- 'laa -o 'o ta, 'bhē- 'ke fanḡan- -o 'ka mu ta, 'bhē 'o zrukpalaa. 'Duḡ- 'woo 'seriwo -Waanbhaa' ni 'kaa- -za ma 'kēla 'yi, 'bhē -le dō 'kee- bhō 'ka ba 'ke 'ka 'kpaleya 'ε baan' kla -a ba, 'bhē- -a -lēpa'.

¹⁰'Bhēla- -zayile, 'ḡ 'plēḡole -o 'ka ma 'waati 'la ba 'ḡ 'lētrē 'lē- 'kpa zii' 'ka ni, 'kooko- 'ke 'ḡ -ja 'ka ba 'waati 'la ba ye, 'naa -jan -glōō wo 'ka ni, Mēēzan Krisi gbalaanya 'la =naa 'ḡ ni 'ka mu ta 'bhē ma. Yaa 'bhē gbalaanya 'ε 'nale- 'ḡ ni 'ka 'siē zayi', 'duḡ- -e 'bhē =naa 'ḡ ni 'kooko- 'ḡ 'bhō 'ka ba 'bhē- 'kaa- 'kpaleya 'ε baan' kla -a ba.

11'D nɛɛɛ- mu, 'kɛla 'bɛ -o 'an -jan 'lɛyanyɛ 'lɛ, 'bɛ -lɛ dɔɔ -kɔɔ' -o bɛ oo, 'ka zrukpaale klɛ! -Za 'la 'bɛ sɔ 'kaa- 'kpɛlɛyɛ 'ɛ baan' 'klɛlɛ -a ba, 'bɛɛ- -ya -lɛpa', -ka 'bɛɛ- klɛyɛ -glin. -Ka zruwla 'ɛkɛ- 'kpɛɛ 'kɛ 'ka fangandɔ 'ɛkɛ- ta; 'ka 'kpɛlɛ- klɛ do ma; -ka bo 'ɛkɛ- 'yi 'ɛdɔɔlɛ. 'Kɛ 'ka 'bɛ =kla, 'bɛɛ- -Waanbɛaa' 'la mɛɛ -za sɔ -a ni, 'bɛ 'pɛgɛɛ -ɛ yilabla na mɛɛ ni, 'bɛ nu klɛlɛ 'ka ba.

12-Ka 'ɛkɛ- 'pubɔ- 'kɛ 'ka 'ɛkɛ- -tuubɔ' 'bhii- nɛɛɛ- ma do mu. -Waanbɛaa' a mɛɛ 'wɛɛ mu 'la 'kpɛn -o -gɛ, 'mu 'ka 'pubwa-.

13Bɛaa Mɛɛzan Zɛsu Krisi -li 'ka ma, 'bɛɛ- bɛaa -Waanbɛaa' -yaa' 'sɔniya 'ɛ 'wla 'ka zru mu 'ɛ 'yi. 'Bɛɛ- bɛaa 'ka 'kpɛn bo Lii 'Wɛɛ 'ɛ -yaa' 'kpɛlɛdomaya 'ɛ 'yi!

Galasi Mu

Galasi Mu 1

- ¹'Mi Pɔlu 'la =kla Zesu Krisi a winbɔwo mi 'le, mi -le 'letre 'lɛɛ- 'kpa zii' 'ka mu ni. 'Mi -o -yaa' winbɔwo mi 'la 'le bhe, 'bhe 'laa dale bhaapɔɔ ba, 'bhe 'pegee bhaapɔɔ laa 'mi bɔle 'bhe ye 'ɛ ta. 'Duɲ- 'bhe -daa Zesu Krisi 'gbu 'pegee -kɔɔ' Dɛ -Waanbhaa' 'la 'a -bwela gale 'mu -la ba.
- ²'Mi 'pegee 'ɲ nɛɛɛ- Zesu 'yi mu 'la 'kpen -o -gɛ, 'o mɔɔ -le 'letre 'lɛɛ 'kpa zii' Galasi 'kleɛn 'ɛ 'yi Zesu 'yi mu 'ɛ ni.
- ³Bhaa -kɔɔ' Dɛ -Waanbhaa' 'pegee Mɛɛzan Zesu Krisi -li 'ka ma, 'bheɛ- -o yilabla 'na 'ka ni.
- ⁴Zesu Krisi -le -a 'gbu =naa 'ke 'sraka 'le -kɔɔa' -za 'yɔɔ- mu 'ɛ ma, 'kooko- -e -kɔɔ' go 'drunyan 'lɛɛ- 'yi za -yɔɔ' mu 'ɛ 'yi. -E 'bhe =kla 'bhe gbɛɛn- bhe, 'kooko- -e -kɔɔ' Dɛ -Waanbhaa' zru maza 'ɛ kle.
- ⁵Bhaa 'tɔbhɔleya bo 'yee- -Waanbhaa' ni 'waati 'ɛ 'kpen ba! Amiina!
- ⁶'D nɛɛɛ- mu, -Waanbhaa' 'la 'ka 'siila- Krisi a lileya 'ɛ ma, 'ka 'ka -zanta' 'la -dwa 'bhe ni -gun blaale- gɔɛ- 'la gbɛɛn-, 'bheɛ- 'ka 'niinaa -Jan 'Nrɛle- -bhɛɛke' zi, 'bhe 'mi 'liibhaala 'ɲ ma 'egbenele.
- ⁷Wɛn 'gbu 'ɛ ni, -Jan 'Nrɛle- 'bhɛɛke 'laa -o 'sekeseke Krisi a pɛ 'ɛ blaɛn. 'D 'yoo- 'bhe 'pe zii' 'bhe gbɛɛn- win 'la ma bhe, -amasɔyi mɛɛ 'ke mu -o 'ka zrubatɔɔ 'zi. 'Bheɛ- -wa zi 'bhii- -Jan 'Nrɛle- 'la -yoo Krisi ba zayi' -o 'bhe mabɔɔ.
- ⁸'Duɲ- 'o -Jan 'Nrɛle- 'la =woa 'ka ni, 'ali- 'kee- =kla 'o mɔɔ 'gbu 'le oo, 'kee- =kla -mleke' do -la -le 'ke 'bhe -daa lafle' 'yi, 'bheɛ- 'bhe =nwa -Jan 'Nrɛle- -bhɛɛke' do wole 'ka ni 'ke 'bhe gole -o 'keleɛ- ma, bhaa -Waanbhaa' a 'dɛɲɲan 'ɛ bala- 'bhe zan ta.
- ⁹'O 'bhe -jan 'ɛ =woa 'ka ni, 'bheɛ- 'mi -o bɔ 'zi -a ta 'ezin- 'ke 'an pe 'ka ni dɔɔ: 'Ka -Jan 'Nrɛle- 'la =maa 'o 'lii, 'bheɛ- 'ka -dwa -a -la, 'ke mɛɛ 'oo mɛɛ 'la zan -Jan 'Nrɛle- -bhɛɛke' =woa 'ka ni, 'bheɛ- 'ke 'bhe gole -o 'keleɛ- ma, bhaa -Waanbhaa' a 'dɛɲɲan bala- 'bhe zan ta.
- ¹⁰'Bhe ya 'ɛ 'yi 'saanibhe, 'mi -o bhaapɔɔ mu -la zrubhɔ yre -glin 'zi 'ɲ 'gbu ma taa- 'ɲ 'yoo- -Waanbhaa' -la zrubhɔ yre -glin 'zi 'ɲ 'gbu ma ɛɛ? 'Duɲ- 'kee- 'kpa bi 'bhii- 'ɲ 'yoo- -o bhaapɔɔ mu -la zrubhɔ yre -glin 'zi 'ɲ 'gbu ma, 'naa -yaa nu klele Krisi a yewone 'le.
- ¹¹'D nɛɛɛ- mu, 'ɲ 'yoo- -a zi' 'bhii- 'kaa 'yaango- 'bhii- 'ɲ 'yoo- -Jan 'Nrɛle- 'la 'wo zii' 'ka ni, 'bhe 'laa -o 'ke bhaapɔɔ 'kpeɛjan- 'le.
- ¹²'Bheɛ- 'mi 'laa 'bhe 'srɔɔwole mɛɛ 'kedo- 'kpɔ 'kɔɔ, 'bhe 'pegee mɛɛ 'kedo- 'laa 'ɲ daanle 'kele-. 'Duɲ- Zesu Krisi 'gbu -le 'a -zɔɔna 'ɲ ni.

- 13'Duŋ- 'ŋ 'yaa- Zuufu mu a 'seri 'e 'yi 'waati 'la ba 'elwale -so, 'bhɛɛ- 'ŋ 'yaa- 'taawo-
gɔnɛ- 'la gbɛɛn-, 'bhɛɛ- 'ŋ 'yaa- -yrenkpa' 'eyɔɔle -Waanbhaa' a Zesu 'yi mu -lɛdo' 'e ta
'ke 'an kan -a -daŋ' ta, 'kooko- 'mi -o 'siɛ-, 'ka 'gbu 'mu =maa.
- 14'Bhɛ 'waati 'e ba, 'o 'pegee mɛɛ 'la zan mu -yaa 'flan ma do, 'ŋ 'yaa- 'kan 'mu -bebe ta
-kɔɔa' Zuufu mu a 'seri ta za mu 'e -klɔsikunza 'e 'yi. 'Bhɛɛ- 'ŋ 'yaa- -kɔɔ' -gbɔɔ mu 'si
ta za mu 'e -vavade 'kee- 'kan -o 'kpen ta.
- 15'Duŋ- -e =swa -Waanbhaa' ni 'kee- 'mi makun 'ŋ 'yale- -lɛɛ, 'bhɛɛ- -e =lia 'mi ma
'kee- 'mi klɛ -yaa' pɛ yewonɛ 'le.
- 16'Bhɛɛ- -e 'sɔlawoa -a ni 'ke -ya gbe 'e zɔn 'mi ni kpataakpa, 'kooko- 'ŋ 'bhɛ 'a -Jan
'Nrɛle- 'e 'wo Zuufu kle mu 'e ni, 'naa gele mɛɛ 'kɛdo- 'lɔkpale 'ŋ =lia zayi' 'bhɛ 'waati
'e ba.
- 17'Bhɛɛ- mɛɛ 'la zan mu =kla Zesu a winbɔwo mu 'le 'mi 'lɛɛ, 'naa gele Zeruzalɛmu
'mu ba 'mu 'lɔkpa zayi'. Drɔn' 'ŋ -ja blaale 'pɛ Arabu 'kleɛn 'e 'yi, 'bhɛɛ- boolazi 'ŋ
'niinaa- Damasi -wa 'e ta.
- 18'Fɔ lɛɛ yaga 'kanle- blaɛn, 'bhɛɛ- 'ŋ -ja 'tɛ Zeruzalɛmu, 'kooko- 'mi 'pegee Pieri 'eke-
do. 'D -gbɛɛyi' plɛ -kla -a -din 'bhɛ =nɔɔ ye.
- 19'Yee- blaɛn, 'naa Zesu a 'winbɔwo mi 'bhɛɛke do 'kpɔ 'yele- 'bhɛ 'waati 'e ba, 'ke yaa
'e go Mɛɛzan -nwagwlen' Zaki do -kplɛn ba.
- 20'D 'sɔwɛɛ- 'gbu 'e ma, -Waanbhaa' -o 'ŋ 'srɛ 'le, 'bhɛɛ- 'mi -o -jan 'la 'wo zii' 'ka ni
'lɛtrɛ 'lɛɛ- 'yi -gɛ, bhla laa 'ke 'bhɛ 'le.
- 21'Bhɛ 'taa 'e blaɛn, 'ŋ -ja Siri 'kleɛn 'e 'yi, 'ŋ gole 'bhɛ =nɔɔ, 'ke 'ŋ gele- Silisi 'kleɛn 'e
'yi.
- 22'Duŋ- 'bhɛ 'waati 'e ba, Zesu 'yi mu -lɛ mu 'la 'yaa- Zude 'kleɛn 'e 'yi, 'mu 'laa -yaa
'mi do 'ŋ wleyi' ma.
- 23-Wa =maa drɔŋ mɛɛ 'ke mu ta doɔ: "Mɛɛ 'la zan -yaa -yrenkpa' -kɔɔ' ta 'elwale -so
Zesu a -za 'e 'yi, 'bhɛɛ- -e 'kee- -yaa zi' 'bhii- -e 'kpaleya Zesu 'yi 'e siɛ, -yoo 'bhɛɛ-
'kpaleya -Jan 'Nrɛle- 'e 'wo zii' -zɔn."
- 24'Bhɛɛ- 'bhɛ Zesu 'yi mu -lɛ mu 'e 'yaa- -Waanbhaa' 'tɔbhɔ- zii' 'mi ba zayi'.

Galasi Mu 2

- 1'Lɛɛ vu ta yiziɛ 'kanle- blaɛn, 'ke 'ŋ ge gbɛ drɛɛwole Zeruzalɛmu. Banabasi -ja 'ŋ zi
'bhɛ 'taa 'e ta, 'bhɛɛ- 'ŋ -ja Titi 'le 'ŋ zi 'bhɛ =nɔɔ 'ezin-.
- 2'D ge gbɛ drɛɛwoa- Zeruzalɛmu, -amasɔyi -Waanbhaa' 'gbu -le 'a -zɔnna 'ŋ ni doɔ 'ŋ
ge -a nɔɔ-. 'D 'bhɔle- ye 'tɛ, -Jan 'Nrɛle- 'la 'ŋ 'yaa- 'bhɛ 'wo zii' Zuufu kle mu 'e ni, 'ŋ
'bhɛ 'yipia= Zesu 'yi mu 'e 'lɛɛ mu 'e ni 'edanma, 'kooko- 'ŋ ye 'la =woa gban 'elwale,
'bhɛɛ- 'ŋ 'yoo- 'kɛla 'wo zii' -zɔn 'mu 'laa klɛ bhaama yewole 'le.

- ³Bhē -jan 'ε 'bhē =swa -o ni, 'ali- 'η yewoyōon Titi 'ε, 'bhē 'la 'bhē 'yaa- 'ke Grēki mi 'le, waa 'bhē 'wlalē- kpaṅma 'klēen 'yi.
- ⁴Ali- 'o bhla ma nēenē- 'ke mu nulawoa 'klalē- 'o zi mu 'ε ba, 'bhēē- -woo 'gbu =kla 'bhii- -woo Zesu 'yi mu kplankplan mu 'le. 'Bhēē- -o -yaa zi 'bhii- -o 'yee- Titi 'wla 'klēen 'yi. -O =nwa wlalē 'o 'plēṅ- gaanyi', 'o 'klōsikun zayi', -amasrōyi Zesu 'o -gwa -za -yi gōnē- 'la gbēen- 'ke -yoo' go 'toṅ mu a luya 'yi, 'bhēē- -yoo 'o bo 'o 'gbu ma 'o 'pegee 'yee- Zesu a 'kpaledomaya 'ε 'yi, -o -yaa -a zi' 'bhii- -o 'bhē -za 'ε 'yidō-. -O -yaa zi 'bhii- 'o dō Zuufu mu a 'toṅ mu 'ε 'klōsikunle ma 'ezin- 'bhēē- 'o klē 'mu a lu mu 'le 'ezin-.
- ⁵Duṅ- -o -yaa zi 'bhii- -o -za mu 'la klē 'waa dōlē 'mu 'waati sanē-; 'kooko- 'ka bo 'ka 'kpale- ma wlan 'la 'bhē -o -Jan 'Nrālē- 'ε 'yi 'bhē 'yi.
- ⁶Duṅ- 'o -yaa mēē 'la zan mu 'kun 'bhii- mēē gbalaan mu, 'ke -o -yaa -kunlii gbalaan mu 'le oo, 'bhē 'laa -za 'kedo- 'kpō klē 'mi ni, -amasrōyi -Waanbhaa' laa bhaapleṅ mu bago. 'D 'yaa- -Jan 'Nrālē- 'la 'wo zii', 'woo- mēē gbalaan mu 'ε waa -jan 'bhēēke 'kpale- 'η 'wojan- 'ε ma.
- ⁷Drōon', -o 'gbu 'a =ya 'bhii- -Waanbhaa' 'mi =kla 'ke -yaa' -Jan 'Nrālē- 'ε 'wo mi 'le Zuufu klē mu 'ε ni, 'bhii- -e Pieri =kla gōnē- 'la gbēen- -a wo mi 'le Zuufu mu 'ε ni.
- ⁸-Amasrōyi 'yee- -Waanbhaa' -le 'mi =kla 'ke Zesu a winbōwo mi 'le Zuufu klē mu 'ε ba, 'bhii- -e Pieri =kla 'ke Zesu a winbōwo mi 'le Zuufu mu 'ε ba gōnē- 'la gbēen- bhe.
- ⁹Zaki 'pegee Pieri 'bhēē- Zaan, -o -yaa 'mu 'la kun 'bhii- Zesu 'yi mu -lēē mēē gbalaan mu, 'mu 'gbu 'a =ya 'bhii- -Waanbhaa' a -lileya 'ε ma, -e 'bhē ye 'ε gbēkpaā 'mi 'kōō. 'Bhēla- -zayile, -woo' gbē wlan =kpaā 'mi 'pegee Banabasi 'kōō, 'bhii- 'o 'pegee 'woo- mu a 'kpaledomaya 'ε -tōomasie 'le. 'O 'kpen 'a =kpaā do ma dōō 'mi 'pegee Banabasi nu gele -Waanbhaa' a -Jan 'Nrālē- 'ε 'wolē Zuufu klē mu 'ε ni, 'bhēē- 'woo- mu nu gele -a wolē- Zuufu mu 'ε ni.
- ¹⁰-O -za do 'kpō -la -yrewoa 'o ma 'bhē -le dōō 'ke Zesu 'yi mu 'kōōflēnzān mu -zadō 'o 'kpee. 'Bhēē- 'mi 'η 'nii- =wlaa 'bhē -za 'ε klēle 'yi.
- ¹¹Duṅ- Pieri =nwa 'waati 'la ba Antioṣi -wa 'ε ta, 'mi =laa -a ta Zesu 'yi mu 'ε 'kpen 'yre ma; -amasrōyi -e -za 'la =kla 'bhē 'laa -yaa lele.
- ¹²Wlan 'ε ni, 'bhē 'saan- -za 'lēē- 'bhēē- ta. Zaki Zesu 'yi Zuufu mu 'ke mu 'winbwa- Antioṣi. 'Mu 'laa 'wlalē- -li Antioṣi 'waati 'la ba, 'yee- Pieri 'pegee Zuufu klē mu 'la -o -wlaa Zesu 'yi 'mu 'yaa- pēbhle 'eke- ta. 'Duṅ- Zaki a winbōwo mu 'ε 'bhōle- Antioṣi, 'bhēē- 'yee- Pieri 'mu 'yele, 'ke -ya -baṅgole pēbhlele ma 'yee- 'pegee Zesu 'yi Zuufu klē mu 'ε 'le; -amasrōyi Zesu 'yi Zuufu mu 'la 'mu 'yaa- -a zi 'bhii- 'si 'bhēēke mu wla 'klēen 'yi -e -yaa -gbalaan 'zi 'mu 'yre 'lēē.
- ¹³Bhē klēgbeya do kpō 'ε gbēen- bhe, 'ke 'o nēenē- Zuufu -vin mu 'ε 'mu a klēle 'sanle 'bhii- 'yee- Pieri gbēen- mēē mu 'ε -yre 'lēē -gbalaan 'ε 'kōō, -asiikōō Banabasi 'gbu -waa' mēē -yrekwōza 'taawole do 'kpō 'ε =sia 'ezin-.

14'Mi a 'yele- 'bhii- waa -yaa 'taawo zii' -Jan 'NrAle- 'e 'bhe a wlan 'e ta, 'ke 'an 'pele Pieri ni məkpen' 'yre ma kpataakpa dɔɔ: "'Bhi 'la 'bhi -o 'ke Zuufu mi -kpɔsɔɔ 'le, 'kee-dwa -a -la 'bhe- 'e 'taawo- 'bhii- Zuufu kle do gbɛɛn-, 'e sɔ -a pele- 'nale- -a ma Zesu 'yi Zuufu kle mu 'e ni dɔɔ 'mu 'taawo kpaŋma 'bhii- Zuufu mu gbɛɛn- ɛɛ?"

15'Wlan 'e ni, -kɔɔ' mu -o 'ke Zuufu 'kpee yi mu -kpɔsɔɔ 'gbu -la -le, 'bhe- -kɔɔ' mu laa -o 'ke 'si 'bheke mu 'la 'mu laa -Waanbhaa' a 'toŋ mu 'e dɔ 'mu 'le.

16'Bhe- 'duŋ-, -kɔɔ' mu 'a 'yaango- 'bhii- mɛɛ a 'kpaleya do -kplɛn 'kpɔ 'e 'bhe- ma Zesu Krisi 'yi, 'bhe- -e kle mɛɛ -lɛdɔɔle 'le -Waanbhaa' -yre 'yi, waa pele 'kee- Moizi a 'Toŋ 'e -klɔsikwan, 'bhe- -a -lɛdɔɔle kle -Waanbhaa' -yre 'yi. 'Bhela- -zayile, -kɔɔ' mu 'gbu 'ezin-, -kɔɔ' -kɔɔ' 'kpalawoa Zesu Krisi 'yi, 'bhe- -kɔɔ' =kla mɛɛ 'lɛdɔɔle mu 'le -Waanbhaa' -yre 'yi, waa pele -kɔɔ' 'lɛdɔɔle =kla -Waanbhaa' -yre 'yi 'toŋ mu -klɔsikunle -la ma. -Amasɔyi, mɛɛ 'kɛdo- 'kpɔ 'lɛdɔɔle laa nu klele -Waanbhaa' -yre 'yi 'toŋ mu 'klɔsikunle ma.

17'Bhe- 'duŋ-, 'ke -kɔɔ' -o -kɔɔ' 'lɛdɔɔleya -glin 'zi bhla 'la ba -Waanbhaa' -yre 'yi Krisi 'sɔyi, 'bhe- 'ke -kɔɔ' mu 'gbu -ja klele 'ke -za 'yɔɔ- kle mu 'le 'bhii- Zuufu kle mu 'e gbɛɛn-, 'bhe 'a zɔn 'bhii- Krisi -le -kɔɔ' =bwa -za 'yɔɔ- zi 'e ta ɛɛ? Wlan laa 'bhe 'le 'sekeseke.

18'Mi 'la 'mi mɛɛ mu -daanna dɔɔ -o go 'toŋ a pɛ zi 'e ta, 'bhe- 'ke 'mi 'niinaa 'ezin-, 'bhe- 'ke 'mi mɛɛ mu 'e daan gbɛ drɛwɔle -saan dɔɔ -o 'taawo 'toŋ a pɛ zi 'e ta, 'bhe bhla 'e ba, 'naa klele 'toŋ 'e 'yisiɛ mi 'le ɛɛ?

19'Wlan 'e ni, 'mi 'gbu -o 'bhii- 'ŋ gale -le 'toŋ a pɛ zi 'e ta. 'Bhe- 'naa -o -li 'toŋ 'e =la. 'Toŋ 'e 'bhe -le =kla 'ŋ dɛpɛ 'le 'elwale -sɔ. 'Duŋ- 'ŋ -gwa 'toŋ 'e =la, 'kooko- 'ŋ bo 'ŋ 'yre -Waanbhaa' ni. -Yoo 'ŋ ni 'bhii- -o 'mi 'pegee Krisi -gbaanna 'eke- 'yi -yriɓɛɛle 'e ta, 'bhe- 'o -gaa 'eke- 'yi.

20'Bhela- -zayi', 'ke 'ŋ 'yoo- 'ŋ 'yre ma -zɔn, 'naa 'ŋ 'gbu kun 'bhii- 'ŋ 'yoo- 'ŋ 'yre ma -li, 'duŋ- Krisi -le 'bhe 'yre ma 'mi 'yi. -Amasɔyi 'ke 'ŋ 'yoo- 'ŋ 'yre ma bhaapɛŋ 'fle 'e 'yi 'drunyan 'lɛ- 'yi -zɔn, 'ŋ 'yoo- 'ŋ 'yre ma 'ke 'ŋ 'kpale- bo -Waanbhaa' Gbe 'la 'ŋ -za =swa 'bhe ni 'bhe 'yi, 'bhe 'la 'bhe 'bhe 'gbu =naa ga ni 'mi -zayi' bhe.

21'Naa -o 'ŋ -baŋgo' zii' -Waanbhaa' a -lileya 'e 'yi. -Amasɔyi, 'kee- 'kpa bi mɛɛ -lɛdɔɔle kle -Waanbhaa' -yre 'yi 'Toŋ 'klɔsikunle -la ma, 'bhe bhla 'e ba, Krisi -gaa bhaama 'dɛ.

Galasi Mu 3

1'E! Galasi mɛɛ ŋgblo -yinile mu! -Dele 'ka ŋgblo -yinia ɛɛ? 'Duŋ- Zesu Krisi -gaa -yriɓɛɛle 'e ta win 'la ma, 'mi 'bhe -zɔnna 'ka ni kpataakpa.

2-Ka 'ka 'trɔnbado doo, 'mi -o -a zi 'bhii- 'ŋ -jango' do 'kpɔ 'lɛ- 'yilrɔkpa 'ka ma dɔɔ: 'Ka Lii 'Wɛŋ 'e 'sɔɔwoa- 'toŋ mu -la -klɔsikunle -la ma, taa- 'kaa 'sɔɔwoa- 'ka -Jan 'NrAle- 'e 'malawoa 'bhe- 'ka 'ka 'kpalawoa -a -yi 'bhe- ma ɛɛ?

- 3-E =kla 'nale- 'bhεε- 'ka ŋgblo laa -o 'ka ta εε? 'Ka 'taawole -saan -Waanbhaa' a pε zi 'ε ta Lii 'Wεŋ 'ε 'le; 'bhεε- 'saanige 'ka -o -a zi' 'bhii- 'ka 'kaa- 'taa 'ε 'leyan bhaapleŋ a pε faŋgan- 'ε 'bhεε- 'le εε?
- 4'Ka -yrenbhla Zesu a -za 'ε ma bhaama εε? 'Duŋ- yaa sɔ klele- bhaama 'dε!
- 5-Waanbhaa' Lii 'Wεŋ 'la 'na 'ka ni, 'bhεε- -e 'sɔle- maza mu 'la kle 'zi 'ka 'pleŋ-, -e 'bhe mu kle 'zi 'kaa- 'toŋ mu -klosikunle -la ma taa- 'ka -Jan 'NrAle- 'ε 'malawoa, 'bhεε- 'ka 'ka =kpaa -a -yi 'bhεε- ma εε?
- 6'Bhe klegbeya do 'ε 'yi, -Waanbhaa' a 'Sewe 'ε -ya =pia Abraamu ba zayi' dɔɔ: "Abraamu 'ε =kpaa -Waanbhaa' 'yi, 'bhεε- 'bhe 'a =ya 'bhii- mεε -ledɔɔle 'le -yaa' 'kpaleya 'ε ma."
- 7'Bhe ya 'ε 'yi bhe, 'kaa- 'yaango- dɔɔ 'ke mεε 'la zan mu -o -kpaa -Waanbhaa' 'yi, 'bhe zan mu -le Abraamu 'srε mu 'gbu 'ε 'le.
- 8-A -ledulale -o -Waanbhaa' a 'Sewe 'ε 'yi dɔɔ -e nu Zuufu kle mu 'ε -ledɔɔle -a -yrε 'yi 'mu a 'kpaleya -la ma -a -yi. 'Bhela- -yile, -e -jan 'nrAle- 'lεε- 'bhe =woa Abraamu ni 'elwale -sɔ -yaa' 'Sewe 'ε 'yi dɔɔ: "-Waanbhaa' nu 'trε ta 'si mu 'ε 'kpen 'dumawole 'bhi -la 'srɔyi."
- 9'Bhe 'yi bhe, Abraamu 'ε =kpaa -Waanbhaa' -yi, 'bhεε- 'bhe 'a 'dumawoa. 'Bhe ya 'ε 'yi, 'ke mεε 'la zan mu 'mu =kpaa -Waanbhaa' 'yi 'bhii- Abraamu gbεen- -e nu 'mu 'dumawole.
- 10'Wlan 'ε ni, mεε 'la zan mu 'kpen bole -o Moizi a 'Toŋ 'ε 'klosikunle ma 'taŋji, -Waanbhaa' a dangan' 'mu ma. -Amasrɔyi -a pele -o -Waanbhaa' a 'Sewe 'ε 'yi dɔɔ: "-Za 'oo -za 'la yɔɔnde le -o 'Toŋ 'sewe 'ε 'yi, 'ke mεε 'oo mεε 'la zan laa 'bhe 'kpen 'klosikunle, -Waanbhaa' a 'dangan -o 'bhe zan 'ε ma."
- 11-A pele -o drɔɔn' kpataakpa dɔɔ mεε 'kedo- 'kpɔ 'ledɔɔle laa -o -Waanbhaa' -yrε 'yi 'Toŋ -klosikunle ma. 'D 'bhe 'pe zii' win 'la ma, -amasrɔyi -a pele -o -Waanbhaa' a 'Sewe 'ε 'yi dɔɔ: "Mεε 'la zan -ledɔɔle -o -Waanbhaa' -yrε 'yi, 'bhe zan nu bole -yrε ma -si 'ε 'srɔɔwole 'bhe 'kpaleya -la ma -Waanbhaa' -yi."
- 12'Duŋ- 'ke mεε 'la zan -o -a zi 'bhii- -e Moizi a 'toŋ mu 'ε 'klosikun, 'bhεε- -a -ledɔɔle kle -Waanbhaa' -yrε 'yi, 'bhe zan maza laa -o 'bhe 'kpale- ma -Waanbhaa' 'yi. - Amasrɔyi -a yɔɔnde le -o 'yee- -Waanbhaa' a 'Sewe 'ε 'yi 'kaa: "'Ke mεε 'oo mεε 'la zan 'toŋ mu 'ε 'klosikwan, 'bhe zan nu bole -yrε ma -si 'ε 'srɔɔwole 'mu -la ma."
- 13'Zesu Kriisi -kɔɔ' -gwa 'Toŋ 'a 'dangan 'ε =la, 'bhεε- -a 'gbu 'bhe 'dangan 'kwe 'ε=sia. - Amasrɔyi -a yɔɔnde le -o -Waanbhaa' a 'Sewe 'ε 'yi dɔɔ: "'Ke -o mεε 'oo mεε 'la zan -gbaanna -yri 'ε ta, 'dangan -o 'bhe zan ma."
- 14'Bhe klegbeya 'ε 'yi, -Waanbhaa' a 'liiwli- =naa 'duma 'la 'naza- ta Abraamu ni, -o 'bhe 'duma 'ε =naa Zuufu kle mu 'ε ni Zesu Kriisi -la 'srɔyi, 'bhεε- -ya -liiwli' =naa Lii 'Wεŋ 'la 'naza- ta -kɔɔ' ni, -kɔɔ' 'bhe 'srɔɔwo- -kɔɔ' 'kpaleya -la ma.

- 15'D nɛɛɛ- mu, 'ŋ -jan 'lɛɛ- 'kpale 'drunyan ta -za do ma: 'ke mɛɛ do 'a 'liiwli- =naa pɛ do ta, 'kee- 'bɛɛ- 'liiwli' 'ɛ yɔɔndia-, 'bhɛɛ- -ya gbɛ blaɛn -kpalaa' 'bɛɛ =la, mɛɛ 'kɛdo- 'kpɔ 'laa sɔ -a -liiwli' 'ɛ -saawole, 'bhɛɛ- waa sɔ -za 'kɛdo- 'kpɔ 'kpale 'bɛɛ ba.
- 16'Bɛɛ ya 'ɛ 'yi bɛɛ, -Waanbɛɛ' 'a 'liiwli- =naa Abraamu 'pegeɛ -a 'srɛ 'ɛ ni. 'Duŋ- -a pele laa -o -Waanbɛɛ' 'a 'Sɛwɛ 'ɛ 'yi dɔɔ: "'Yɛɛ- 'pegeɛ -a 'srɛ mu". 'Bɛɛ- 'kee- -yaa -we 'zi mɛɛ -bebe -la -le. -Ya =pia dɔɔ: "'E 'srɛ do -kplɛn 'kpɔ". -Ya -zɔɔna 'bɛɛ ma 'bɛɛ 'bɛɛ 'srɛ 'ɛ 'bɛɛ -le 'ke Krisi 'le.
- 17-Ka 'ka 'trɔnbado 'elrele doo, 'ŋ 'yoo- -o -a zi' 'bɛɛ- 'ŋ -jan 'lɛɛ- 'bɛɛ 'wo: -Waanbɛɛ' 'a 'liiwli- 'la =naa 'elwale -za 'la klɛle ma, -e -dulaa' 'bhɛɛ- ta. Lɛɛ -kɛmɛ yizie 'ke lɛɛ mia do bɛɛ vu 'kanle- blaɛn, 'yɛɛ- -Waanbɛɛ' =kaan Moizi ba, 'kee- 'toŋ mu 'ɛ 'lɛnale Izraɛli mu 'ɛ ni. 'Duŋ- 'bɛɛ 'toŋ mu 'ɛ waa sɔ -ya -liiwli' yɔɔndeɛle 'la =twa 'bɛɛ 'saawole, 'bhɛɛ- waa sɔ -ya -liiwli' 'la =naa 'bɛɛ 'yisiele.
- 18'Bhɛɛ- 'kee- 'kpa bi 'bɛɛ- -Waanbɛɛ' 'a 'ciɛn 'ɛ na mɛɛ ni Moizi a 'toŋ mu 'ɛ -klɔsikunle -la ma bɛɛplɛŋ 'kɔɔ, 'bɛɛ 'ciɛn 'ɛ 'bɛɛ 'laa -yaa sɔ dale- -li -liiwli' nale ba. 'Bhɛɛ- 'duŋ-, -Waanbɛɛ' 'a 'liiwli- 'la =naa Abraamu ni 'bɛɛ -la ma 'bhɛɛ- -e -yaa' -lileya 'ɛ -zɔɔna -a ni.
- 19-Ka 'dula- doo! -Waanbɛɛ' 'toŋ mu 'ɛ =naa win 'ɛ -dela ma ɛɛ? -Yoo =naa, 'kooko- -ya zɔɔn bɛɛplɛŋ mu ni 'bɛɛ- -wa zru maza 'ɛ -yisiele. 'Duŋ- 'woo- 'toŋ mu 'ɛ =bwa -a nɔɔ- ye 'fɔke 'bɛɛ ge 'tɛnlɛ- -Waanbɛɛ' 'a 'liiwli- 'ɛ =naa 'yɛɛ- Abraamu 'srɛ 'la ba zayi' 'bɛɛ 'nule- ma. 'Bhɛɛ- -e 'yɛɛ- 'toŋ mu 'ɛ gbɛkpaa- -mlɛkɛ' mu -la 'kɔɔ 'elwale 'pɛ, 'bhɛɛ- 'mu -o -lɛnaa Moizi ni; 'bhɛɛ- Moizi =kla -o -lɛna' mi 'le Izraɛli mu 'ɛ ni.
- 20'Duŋ- mɛɛ plɛŋ- mi 'ɛ 'bɛɛ 'laa -o mɛɛ do 'kpɔ 'plɛŋ- mi 'le, 'bhɛɛ- 'duŋ- -Waanbɛɛ' -o do 'kpɔ.
- 21'Taa- 'toŋ mu 'ɛ 'nale -Waanbɛɛ' 'kɔɔ Moizi ni, 'bɛɛ 'lawlɛnle -o 'yɛɛ- -Waanbɛɛ' -liiwli' nale 'ɛ 'bhɛɛ- 'kaama- ɛɛ? Wlan laa 'bɛɛ 'le 'sekeseke 'dɛ! 'Ke 'Toŋ 'yaa- sɔ bi bole -yrɛ ma -si 'nale mɛɛ ni, 'bɛɛ bhla 'ɛ ba, bɛɛplɛŋ -lɛdɔɔle -yaa nu klɛle -Waanbɛɛ' -yrɛ 'yi 'toŋ -klɔsikunle -la ma.
- 22'Bhɛɛ- 'duŋ-, -Waanbɛɛ' 'a 'Sɛwɛ -ya -pia kpataakpa dɔɔ 'drunyan ta pɛ mu 'ɛ 'kɛn 'kpaale -o -za 'yɔɔ- fanɛn- 'ɛ =la. 'Kooko- -Waanbɛɛ' 'a 'liiwli- =naa pɛ 'la 'naza- ta, 'ke mɛɛ 'la zan 'ɛ =kpaa -Waanbɛɛ' 'yi, 'bɛɛ zan sɔ 'bɛɛ 'bɛɛ pɛ 'ɛ 'srɔɔwole 'bɛɛ 'kpaleya -la ma Zesu Krisi 'yi.
- 23'Sani- 'kpaleya Krisi 'yi 'ɛ 'bɛɛ 'waati 'ɛ 'bhɔle- plɛŋ-, Moizi a 'Toŋ 'ɛ gbɛblɔɔle -yaa 'o ta 'bɛɛ- -kaso 'yi mu gbɛɛn-. -A 'kpaale- =bwa 'o ta 'fɔke 'bɛɛ ge 'tɛnlɛ- 'kpaleya zi 'ɛ zɔɔnle ma 'o ni.
- 24'Bɛɛ klɛgbeya 'ɛ 'yi, Moizi a 'toŋ 'ɛ 'yaa- 'o -lɛdɔɔ' mi 'le 'ke 'bɛɛ ge 'tɛnlɛ- Zesu Krisi nule ma. 'Kooko- 'o 'lɛdɔɔle sɔ klɛle- -Waanbɛɛ' -yrɛ 'yi 'kpaleya -la ma Krisi 'yi.
- 25'Kee- 'san 'kpaleya Krisi 'yi 'ɛ 'bɛɛ nu, -kɔɔ' ŋgblo 'kpaale- 'laa -o -li 'bɛɛ -lɛdɔɔ' mi 'ɛ =la.

- ²⁶-Amasrɔyi, 'ka 'kpen -o 'ke -Waanbhaa' -nɛ mu -la -le 'kaa- 'kpaleya 'ɛ ma Zesu Krisi 'yi.
- ²⁷Wlan 'ɛ ni, -o 'ka mu 'la 'kpen 'wiɪɲfia= -yi ba, 'kooko- 'ka 'pegee Krisi 'kpale- kle do ma, 'ka 'yee- Krisi a 'taawogbeya drɛɛ 'ɛ 'bhɛɛ- =sia 'bhii- -o dunɛ- drɛɛ kla -o ta gɔnɛ- 'la gbɛɛn- bhe.
- ²⁸Bhɛla -zayile -zɔn, 'kee =kla Zuufu mi 'le oo, 'kee =kla Zuufu kle 'le oo, 'kee =kla lu 'le oo, 'kee =kla =klo 'le oo, 'kee =kla 'gwlaan- 'le oo, 'kee =kla le 'le oo, 'bhɛ 'laa -za 'kedo- kle -li. -Amasrɔyi, 'ka 'kpen =kla do Zesu Krisi a 'kpaledomaya 'ɛ 'yi.
- ²⁹Bhɛ ya 'ɛ 'yi, 'ke 'ka =kla Krisi a pɛ 'le, 'ka =kla 'tɛ Abraamu 'srɛ -kpɔsɔɔ mu 'le. 'Bhɛɛ- -Waanbhaa' 'a 'liiwli- =naa -a 'ciɛn 'la 'naza- ta Abraamu ni, 'ka mu nu 'bhɛ 'srɔɔwolɛ 'tɛ.

Galasi Mu 4

- ¹-Ka 'ka 'trɔnbado doo, 'ɲ 'yoo- zan -jan 'la 'bhɛ 'wolɛ- 'bhɛ -le -gɛ: 'Ke -nɛ do a pɛ -le -a dɛ 'ciɛn 'ɛ 'le; 'ke -yoo -yaa' matruɲya 'ɛ 'yi 'waati 'la ba, -a bogbeya 'ɛ gole laa -o lu do bogbeya 'ɛ ma, 'ali- 'ke -yaa' pɛ -le -a dɛ 'ciɛn 'ɛ 'kpen 'le.
- ²'Ke -yoo matruɲ 'le 'waati 'la ba, -a ɲgblo 'kpaale- bo -a gooba mu 'ɛ 'pegee -yaa' -za 'yrebago mu 'ɛ 'mu -la =la, 'ke 'bhɛ ge 'tɛnle- -a dɛ 'waati 'la -dwa 'bhɛ ma.
- ³'Bhɛ klegbeya do 'ɛ 'yi, -kɔɔ' mu -yaa 'elwale 'bhii- -nɛ matruɲnɛ mu gbɛɛn- 'ezin-. -Kɔɔ' 'yaa- matruɲ 'le 'waati 'la ba, -kɔɔ' ɲgblo 'kpaale- -yaa 'drunyan 'lɛɛ- 'yi -za mu 'kungbeya mu 'ɛ =la 'bhii- lu mu gbɛɛn-.
- ⁴Duɲ- -Waanbhaa' 'waati 'la -dwa 'bhɛ 'bhɔle-, 'ke -ya Gbe 'ɛ winbɔle. -O 'bhɛ =yaa bhaaplɛɲ a pɛ yagbeya 'ɛ 'yi le do ma, 'bhɛɛ- 'bhɛ ɲgblo 'kpaale- -yaa Zuufu mu a 'toɲ mu 'ɛ =la,
- ⁵'kooko- mɛɛ 'la zan mu ɲgblo 'kpaale- -yaa 'toɲ mu 'ɛ =la, -e 'bhɛ zan mu go 'mu =la, 'bhɛɛ- -yoo kle -Waanbhaa' a -nɛ mu 'le.
- ⁶'Bhɛɛ- -kɔɔ' klelawoa -Waanbhaa' -nɛ mu 'la 'le bhe, 'yee- -Waanbhaa' 'a Gbe Lii 'Wɛɲ 'ɛ =kpaa -kɔɔ' zru mu 'ɛ 'yi. 'Bhɛ -le 'a kle 'bhɛɛ- -kɔɔ' sɔ -Waanbhaa' 'siile dɔɔ: "-Kɔɔ' Dɛ -Waanbhaa!"
- ⁷'Bhɛ klegbeya 'ɛ gbɛɛn- bhe, 'yaa -o -li 'ke lu 'le, 'duɲ- 'yoo- 'ke -Waanbhaa' -nɛ -la -le. 'Bhɛɛ- 'ke 'yoo- 'ke -Waanbhaa' -nɛ 'le, 'yee- -Waanbhaa' 'ciɛn 'la =twa -a -nɛ mu 'ɛ 'lɛɛ, 'e nu 'bhɛ 'srɔɔwolɛ.
- ⁸'Elwale -sɔ, 'ka 'laa -yaa -Waanbhaa' dɔlawo bhe, 'ka 'yaa- pɛ mu 'la 'mu a luya 'yi, 'mu 'yaa- bhla ma -waanbhaa' mu 'le.
- ⁹'Duɲ- -zɔn, 'ka -Waanbhaa' -zeze 'gbu 'ɛ dɔ, 'ɲ sɔ a pele- 'ezin- dɔɔ -Waanbhaa' 'ka dɔ, -e =kla 'nale- 'bhɛɛ- 'ka -o niina- 'zi 'woo- bhla ma -waanbhaa' mu 'ɛ ba ɛɛ, 'woo- 'la -o fangan- 'laa -o, 'bhɛɛ- 'ke -woo 'ke 'truu- ma pɛ mu 'le, 'ka -o -a zi 'bhii- 'ka kle gbe drɛɛwo 'mu -laa' lu mu 'le 'ezin- ɛɛ?

- 10'Ka yi 'ke mu oo, mɛ 'ke mu oo, 'waati 'ke mu oo, 'bhɛɛ- lɛɛ 'ke mu -za kun 'egloole 'ke 'bhɛ kan -a 'ke mu ta. -Mɛla ma 'ka 'bhɛ klɛ ɛɛ?
- 11'D ɲ! 'D blina- yien -o 'kaa- -za ma, -amasɔyi 'naa- zi 'bhii- 'ɲ ye 'la =woa 'ka ni 'bhɛ bo bhaama.
- 12'D nɛnɛ- mu, 'ka 'zoole-, -ka bo 'ka 'gbu ma, 'bhii- 'mi gbɛɛn-. -Amasɔyi -Jan 'Nrɛle- 'ɛ -zayi', 'ɲ bole -o 'ɲ 'gbu ma 'bhii- 'ka mu gbɛɛn-. 'Ka 'laa 'siɛɛ- 'ɲ ba -za 'kɛdo- 'kpɔ 'yi.
- 13-Kɔɔ' 'eke- =lwa =ya 'waati 'la ba, 'ka 'gbu 'a 'yaango- 'bhii- 'ɲ 'flɛ 'yi ga do -le 'a =kla 'bhɛɛ- 'ɲ -dulaa' 'ka ba, 'bhɛɛ- 'ɲ -Jan 'Nrɛle- 'ɛ =woa 'ka ni.
- 14'Ga 'gbu 'la 'yaa- 'ɲ ma 'ɲ 'flɛ 'ɛ 'yi, 'bhɛ =kla 'ka mu ta -yɛn 'le. 'Bhɛɛ- 'duɲ-, 'ka 'laa -yɛnle' 'ɲ ma, 'bhɛɛ- 'ka 'laa 'ka 'plɛngole 'ɲ ma. Drɔɔn' 'ka 'ɲ -gblakwan 'elɛle 'bhii- -Waanbhaa' a -mlɛkɛ' do, 'bhɛ 'pegee- 'bhii- Zesu Krisi 'gbu drɔɔn' gbɛɛn- 'ezin-.
- 15'Ka zrukpaale 'yaa 'egbenele 'mi ba zayi' 'bhɛ 'waati 'ɛ ba 'dɛ! 'Duɲ-, 'bhɛ zrukpaal' -gbɛnɛ 'ɛ 'bhɛ -o 'naa- -zɔn ɛɛ? 'Mi sɔ 'ka 'tɔ wlan pele- -jan 'lɛɛ- 'bhɛɛ- 'le dɔɔ: 'Mi 'sɔ gbɛ -yɔɔ' 'ɛ 'kɔɔ 'ka ni, 'ali- 'ke 'bhɛ 'yaa- sɔ klɛle-, 'ka 'yaa- nu 'ka 'yɛrbhɛ mu 'ɛ 'yɛrɛ-, 'bhɛɛ- 'ka -o na 'mi ni.
- 16'Bhɛɛ- 'ɲ wlan 'la =pia 'ka ni, 'bhɛ -la ma 'bhɛɛ- 'mi =kla -zɔn 'ka 'sɔɔnnii 'le ɛɛ?
- 17'Woo- mɛɛ mu 'la -woo 'ka -vavade 'zi 'egbenele bhɛ, -kaa 'yaango- 'bhii- -o 'kpee 'fleɛle- laa -o 'ka ma. -Wa zi 'bhii- -o -za 'la 'bhɛ klɛ 'bhɛ -le dɔɔ 'ke -o 'ka 'plɛngɔ- 'ɲ ma, 'bhɛɛ- 'ka dɔ 'woo- zi 'ke 'ka 'woo- mu -vavade 'egbenele.
- 18'Wlan 'ɛ ni, 'kee- -za 'lɛle- -vavade 'waati 'ɛ 'kpɛn ba, 'bhɛ -o 'ke -za 'lɛle- 'le. 'Duɲ- 'kaa- -za -vavadele 'ɛ -daɲ' 'laa gole 'ke 'ɲ 'yoo- 'ka ba 'waati 'la ba 'bhɛ ma.
- 19'D 'nɛ mu, 'ɲ 'yoo- -yɛnbhle' gbɛ drɛewo 'zi 'ka ma, 'bhii- 'ke le do -bla =zian -a ta -e -yɛnbhle' gɔnɛ- 'la gbɛɛn-. 'D nu bole 'bhɛ -yɛn -gloɔn 'ɛ 'bhɛɛ- 'bhlele- ma 'ke 'bhɛ ge 'tenle- Krisi -si 'ɛ 'wlale- ma 'ka zru mu 'ɛ 'yi.
- 20'D 'yoo yɛ 'la =nɔɔ -zɔn, 'mi -o -a zi 'bhii- 'ɲ klɛ 'ka 'plɛɲ- 'waati 'lɛɛ- ba, 'kooko- 'mi 'an -janwo' gbɛya 'ɛ 'ka ni 'bhɛ mabɔɔ. -Amasɔyi 'ɲ 'yoo- klin 'yi 'ka ba zayi'.
- 21-Ka 'ka 'trɔnbado 'ɲ ni doo: 'Ka mu 'la 'ka -o -a zi' 'bhii- 'ka 'ka ɲgblo 'kpala Moizi a 'toɲ mu 'ɛ =la, 'woo- 'toɲ mu 'ɛ -jan 'la =woa 'ka 'laa 'bhɛ 'yimale ɛɛ?
- 22-Amasɔyi -a yɔɔndɛle -o -Waanbhaa' a 'Sɛwɛ 'ɛ 'yi dɔɔ Abraamu gbɛ -yaa plɛ. -Ya do -yaa lu le do ta, -o -yaa 'bhɛ le 'ɛ sii Agaa. 'Bhɛɛ- -ya -bhɛɛke' do 'ɛ 'yaa- =klɔ le 'ɛ ta, -o -yaa 'bhɛ le 'ɛ sii Sara.
- 23'Yee- Abraamu 'kɛla 'srɔɔwoa- lu le 'ɛ ta, -o 'bhɛ =yaa bhaaplɛɲ a pɛ -nɛya' gbɛya drɔɲ 'ɛ 'bhɛɛ- 'yi. 'Duɲ- -e 'kɛla 'srɔɔwoa- =klɔ- le 'ɛ ta, -o 'bhɛ =yaa -Waanbhaa' -liiwli' 'ɛ 'bhɛɛ- ta.
- 24'Woo le plɛ 'lɛɛ- waa -za 'ɛ -yoo -za do -la ma dan ma jan 'le. -Amasɔyi 'woo- le plɛ 'ɛ -woo 'ke -Waanbhaa' a -bhoolaya plɛ -la -le. Agaa 'bhɛ -o 'ke 'yee- -Waanbhaa' -

bhoolaya 'la -dwa 'yee- 'pegee Moizi 'plen- Sinai vɛ ɡɔɔn 'ɛ 'wiinj- 'bhɛɛ- 'le. Agaa 'kpee yi mu 'ɛ 'mu -o 'ke lu mu 'le.

²⁵Sinai vɛ ɡɔɔn 'ɛ -yoo Arabu 'kleen 'ɛ 'yi; -o sɔ Agaa 'kpale -zɔn Zeruzalemu ma. - Amasrɔyi Zeruzalemu 'pegee -a ta mu 'ɛ 'kpen -o luya 'yi.

²⁶Duŋ- Zeruzalemu drɛɛ 'la 'bhɛ -o laanima, 'bhɛ -le 'ke =kɔ le 'ɛ 'bhɛɛ- a -za 'ɛ 'le. 'Bhɛɛ- -kɔɔ' mu nɛɛ 'le 'bhɛɛ- 'le.

²⁷-Amasrɔyi -a yɔɔndɛle -o -Waanbhaa' a 'Sɛwɛ 'ɛ 'yi 'yee- =kɔ le 'ɛ ba zayi' dɔɔ: "'E zrukpaɔa, -nɛ 'ya kle! 'E zrukpaɔa' 'ɛ ta -gbekan', 'bhi 'la 'bhi 'laa le mu ta -bla zenle -yrenbhleɛ -lido!' -Amasrɔyi -o -ploola le 'la ma, 'bhɛ 'nɛ mu 'ɛ nu kleɛ 'ebebele 'ke 'mu kan gwɛnna le 'ɛ 'bhɛ 'nɛ mu 'ɛ ta."

²⁸'Ka mu 'ŋ nɛɛnɛ- mu, 'ka mu -o -Waanbhaa' a -liiwli' 'ɛ ta -nɛ mu -la -le, 'bhii- -o Izaki =yaa ɡɔnɛ- 'la gbɛɛn- Abraamu ma 'yee- -Waanbhaa' -liiwli' 'ɛ ta.

²⁹Elwale ta -sɔ, -o -nɛ 'la 'bhɛ =yaa bhaapɛŋ a pɛ yagbɛya 'ɛ 'yi, 'bhɛ 'yaa -yrenkpa' -o -nɛ 'la 'bhɛ =yaa -Waanbhaa' Lii 'Wɛŋ 'ɛ faŋgan- 'yi 'bhɛ ta. 'Ali- -zɔn -yoo 'bhɛɛ- gbɛɛn- 'ezin- -gee'.

³⁰Duŋ- -Waanbhaa' a 'Sɛwɛ 'ɛ 'bhɛ pɛ 'nale- ɛɛ? 'Bhɛ pɛ dɔɔ: "Lu le 'ɛ 'pegee -a gbe 'ɛ -gbin. -Amasrɔyi lu le 'ɛ gbe 'ɛ dɔ laa -o -a dɛ 'ciɛn 'ɛ ba -o 'pegee =kɔ le 'ɛ gbe 'ɛ 'le."

³¹'Bhɛla- -zayile, -kɔɔ' mu laa -o 'ke lu le 'ɛ 'bhɛ 'nɛ mu 'le, 'duŋ- -kɔɔ' mu -o 'ke =kɔ le 'ɛ 'bhɛɛ- 'nɛ mu 'le.

Galasi Mu 5

¹Krisi -kɔɔ' -bwa -kɔɔ' 'gbu ma, 'bhɛɛ- -kɔɔ' =kla =kɔ -zeze mu 'gbu 'le. -Ka dɔ 'egɔɔle, 'bhɛɛ- 'ka 'laa 'tole- 'ke 'ka 'wla gbɛ drɛɛwo luya 'yi 'ezin-.

²-Ka 'ka 'trɔnbado 'ŋ ni doo! 'Mi Pɔlu pɛ 'ka ni dɔɔ: "'Ke 'ka =wɛlaa 'kleen 'yi, 'bhɛ bhla 'ɛ ba, Krisi -za 'la =kla, 'bhɛ 'laa nu -za 'ke 'yanwolɛ 'ka ma".

³'Mi 'bhɛ 'kpankpanyan 'zi 'ka ma 'ezin-, 'ke 'an pɛ 'ka ni dɔɔ 'ke mɛɛ 'oo mɛɛ 'la zan -wɛlaa 'kleen 'yi, -yoo 'ke -za 'le 'ke 'bhɛ zan 'ɛ 'toŋ mu 'ɛ 'kpen 'klɔsikun kpaŋma.

⁴'Ka mu 'la 'ka -o 'ka 'gbu kleyrɛ -glin zi' mɛɛ -lɛdɔɔle mu 'le -Waanbhaa' -yrɛ 'yi Moizi a 'toŋ 'ɛ -klɔsikunle ma, 'ka 'plɛŋgole -o Krisi ma. 'Bhɛɛ- 'ka gbɛ 'kaanle- -o -Waanbhaa' a -lileya 'ɛ ba.

⁵'Ke -yoo -kɔɔ' mu a pɛ 'le, -kɔɔ' 'yrikpale -o -a ta -Waanbhaa' Lii 'Wɛŋ 'ɛ 'srɔyi 'bhii- 'yee- -Waanbhaa' nu -kɔɔ' mu 'yele- mɛɛ -lɛdɔɔle mu 'le -a -yrɛ 'yi, -kɔɔa' 'kpaleya 'ɛ ma Krisi 'yi.

⁶-Amasrɔyi, 'ke -kɔɔ' 'pegee Zesu Krisi 'kpale- -o do ma, 'ke -o -kɔɔ' =wɛlaa 'kleen 'yi oo, 'ke waa -kɔɔ' 'wlale- 'kleen 'yi oo, 'bhɛ 'laa -za 'kɛdo- 'kpɔ kle. -Za 'la 'bhɛ -o -a -yi 'egɔɔle, 'bhɛ -le 'ke -kɔɔ' -kɔɔ' kpa Krisi 'yi, 'bhɛɛ- 'ke -kɔɔ' 'soniya 'ɛ 'yizakɛ.

⁷'Ka 'yaa- ge 'zi bi 'elrele zi -lɛɛ 'kaa- 'kpaleya zi 'ɛ ta. -Dele =nwa 'ka dulale, 'bhɛɛ- -ya =kla 'ke 'ka ploɔ wlan ma zi 'ɛ ma ɛɛ?

- 8-O -jan -gloɔn 'la =woa 'ka ni, 'bhɛɛ- 'ka 'ka =kpa a 'bhɛ 'yi, 'bhɛ laa da -Waanbhaa' 'la 'ka 'siila-, 'bhɛɛ- -e 'ka =kla -yaa pɛ 'le 'bhɛ ba.
- 9'Ka 'laa 'yaango- 'bhii- 'bluu -pɛɛ 'wɛn 'sɛkɛ sanɛ- -le 'bluu -pɛɛ 'ɛ 'kpen wɛn ɛɛ?
- 10'Bhɛɛ- 'duɲ-, 'ɲ 'kpale- -o Mɛɛzan 'yi 'kaa- -za ma, 'bhii- 'ka 'kpeɛɛdangbɛya gole laa nu klɛɛ 'an pɛ 'ɛ ma. 'Duɲ-, mɛɛ 'oo mɛɛ 'la zan -o 'ka zrubatɛɔ 'zi, -Waanbhaa' nu 'bhɛ zan 'ɛ 'krowolɛ.
- 11'D nɛɛnɛ- mu, 'kaa =ya ɛɛ? 'Kee- 'kpa bi 'bhii- 'mi -o 'klɛɛn 'yi 'wlaza 'ɛ 'bhɛɛ- 'wo zii' bi dɔɔ 'bhɛ -le mɛɛ go -za 'yi, -mɛɛ =kla 'bhɛɛ- -woo 'ɲ 'yɛbatɛɔ 'zi ɛɛ? 'Ke -yoo bi 'bhɛ gbɛɛn- bhe, 'ɲ 'yoo- Krisi gbaanza -yɛgbɛɛle 'ɛ ta 'la 'wo zii' bhe, 'bhɛ -za 'ɛ yaa -yaa nu wlalɛ- mɛɛ 'kɛdo- 'kpɔ 'yi.
- 12'D 'yoo- -a zi' 'bhii- mɛɛ 'la zan mu -o 'ka zrubatɛɔ 'zi 'klɛɛn 'yi 'wlaza- 'ɛ 'le, 'bhɛ zan mu 'ɛ -woo 'plɛɲgo- 'fɛɲfɛɲ 'kaa- 'klaɲkɛba 'ɛ ma.
- 13'Ka mu 'ɲ nɛɛnɛ- mu, -Waanbhaa' 'ka 'siila- 'ke 'ka bo 'ka 'gbu ma. 'Duɲ- 'kaa bole 'ka 'gbu ma 'ɛ 'bhɛ 'laa klɛɛ 'ke -za -yɔɔ' 'la klɛɛ =swa 'ka ni 'bhɛ klɛ wli 'le. Drɔɔn' -ka yewo 'eke- ni 'sɔniya 'le.
- 14-Amasɔyi -Waanbhaa' a 'toɲ mu 'ɛ 'kpen 'klalɛkɛta 'ɛ 'lɛwlayɛ -le -jangɔ' do 'kpɔ 'lɛɛ- 'bhɛɛ- 'le dɔɔ: "E -vindo' mi -za 'sɔ 'e ni 'bhii- 'e -za sɔ 'e 'gbu ni gɔnɛ- 'la gbɛɛn-."'
- 15'Duɲ-, 'ka 'laa 'taawolɛ 'bhii- -bɔn 'yi wi -yɔɔ' mu gbɛɛn-, 'ke 'ka bo 'eke- 'sɔnkpale ma, 'bhɛɛ- 'ke 'ka 'eke- madiɲwo. 'Ka 'ka 'gbu 'klɔsikun 'ke 'ka 'laa 'eke- siɛ.
- 16'D 'yoo- zan -jan 'la 'wolɛ- 'ka ni, 'bhɛ -le -gɛ dɔɔ: -Ka 'taawo Lii 'Wɛɲ 'ɛ zru maza 'ɛ ta, 'bhɛɛ- 'ka 'laa nu bolɛ 'ka 'gbu zru maza klɛɛ ma.
- 17-Amasɔyi 'e 'gbu zru maza zibolɛ -o Lii 'Wɛɲ 'ɛ zru maza mu 'ɛ ma. 'Bhɛɛ- Lii 'Wɛɲ 'ɛ zru maza mu 'ɛ gole -o -kɔɔ' 'gbu 'flɛ 'ɛ zru maza mu 'ɛ ma. 'Woo- zru maza -gloɔn plɛ 'la bhɛ -o zibolɛ -o 'eke- ma -kɔɔ' ta, -asiikɔɔ 'ke -za 'la klɛɛ =swa 'ka ni 'ka 'fuu 'laa sɔ 'bhɛ klɛɛ- ta.
- 18'Bhɛɛ- 'duɲ-, 'ke Lii 'Wɛɲ 'ɛ 'ka 'lɛdɔɔ-, 'ka ɲgblo 'kpaale- laa klɛ -li Moizi a 'toɲ mu 'ɛ fanɲan- 'ɛ =la.
- 19'Bhɛɛ- -kɔɔ' 'gbu 'flɛ 'ɛ zru maza -yɔɔ' mu 'ɛ -kɔɔ' 'mu 'gbu dɔ, 'wolɛ- -gɛ: -yanbhɔɔya oo, 'triɲdɔ- maza oo, 'gwlaan- 'pegeɛ le 'flɛnya- oo,
- 20'yo gba zru oo, 'srɔn oo, 'eke- mafinyanwolɛ oo, 'sradɔle oo, 'zranwolɛ oo, 'yran zru oo, 'wi pla za oo, 'gwle zru oo, 'bhɛ 'pegeɛ 'eke- -yicienle -lɛ ma -lɛ ma -za oo;
- 21-yɛɛbhɔle pɛ zi oo, -wɛɛndɛle 'pegeɛ gbɔniɲya oo, 'bhɛɛ- 'bhɛ klɛgbɛya -gloɔn mu 'ɛ. 'Mi 'ka 'kpeɛɛkan zii' -o ba zayi', 'bhii- 'an =kla gban -sɔ 'elwale gɔnɛ- 'la gbɛɛn- 'ke 'an pɛ dɔɔ: 'Ke mɛɛ 'la zan mu 'bhɛ -za 'yansi mu 'ɛ klɛ, 'mu 'cien 'laa nu klɛɛ -Waanbhaa' a -bhɛɲgbɛya -wa 'ɛ ta.
- 22'Duɲ-, Lii 'Wɛɲ 'ɛ -za 'la klɛ mɛɛ do -si 'ɛ 'yi 'bhɛ -le -gɛ: 'Sɔniya oo, 'zrukpa a' oo, 'yilabla oo, 'zrubakpa a' oo, 'wlanya oo, 'zru -lɛɛɛya oo, 'zru klɛɛ do oo,

²³yidɔɔya oo, 'bhɛɛ- 'e 'gbu 'yikunle -za klɛle ma. 'Bhɛ -za mu 'la bhe, 'mu 'kedo- 'kpɔ 'laa -o 'eyɔɔle 'Toŋ a pɛ zi 'ɛ zi.

²⁴Mɛɛ 'la zan mu =kla Zesu Krisi a pɛ 'le, -woo 'gbu zru maza mu 'ɛ -gbaanna -yrigbɛɛle 'ɛ ta, 'bhɛɛ- -o 'pegee Krisi -gaa 'eke- 'yi.

²⁵'Ke Lii 'Wɛŋ 'ɛ -si drɛɛ =naa -kɔɔ' ni, -kɔɔ' 'duŋ- 'taawo -a zru maza -la ta.

²⁶'Bhɛɛ- -kɔɔ' 'laa -kɔɔ' 'gbu magbaandɛɛ, -kɔɔ' 'laa 'eke- -liiglinle, 'bhɛɛ- -kɔɔ' 'yrɛ 'laa 'bhɔɛ- 'eke- zi.

Galasi Mu 6

¹'D nɛɛnɛ- mu, 'ke 'ka =klaa 'ka nɛɛnɛ- do ba 'ke -yoo -za 'yɔɔ- klɛ 'zi, 'ka mu 'la 'ka -o 'eglɔɔle Lii 'Wɛŋ 'ɛ 'yi, -ka 'yee- 'ka nɛɛnɛ- 'ɛ bɔ gbɛ drɛɛwo zi -lrele' 'ɛ ta 'ka zru -dɔɔ 'le. 'Bhɛɛ- -ka 'ka 'yrekpa 'ka 'gbu ba, 'kooko- -za 'yɔɔ- laa 'ka mu 'lekan- 'ezin-.

²-Ka bhɔ 'eke- ba 'eke- 'kwe 'sile 'le. 'Ke 'ka 'bhɛ =kla, 'bhɛ gbɛɛn- bhe, 'ka nu 'taawole Krisi a 'toŋ 'ɛ ta.

³'Ke mɛɛ do 'kpee ma -yoo 'ke mɛɛ gbalaan do 'le, 'duŋ- 'ke yaa -o 'ke pɛ 'kedo- 'kpɔ 'le, -ya 'gbu -la -yini' 'zi bhe.

⁴'Ka 'kpen do do 'bhɛ 'gbu 'taawogbeya 'ɛ -glin 'ke -yoo 'elrele doo. 'Ke -ya =ya 'elrele, -e nu -a -baale' -a 'gbu klɛza 'ɛ 'bhɛɛ- 'yi, 'bhɛɛ- yaa nu 'bhɛ 'kpale- mɛɛ -bhɛɛke' klɛza 'ɛ ma.

⁵-Amasɔyi, -kɔɔ' 'kpen do do klɛza 'kwe 'ɛ nu klɛɛ -kɔɔ' 'gbu 'wiŋ-.

⁶'Ke -o mɛɛ 'la zan daan 'zi -Jan 'Nrɛle- 'ɛ 'le, 'bhɛ zan 'ɛ bhɔ -a daan mi 'ɛ ba -a 'kɔɔpɛ- mu 'ɛ 'le.

⁷'Ka 'laa 'ka 'gbu 'yinile -jan 'lɛɛ- ma: Waa 'sɔnsi- -Waanbhaa' ma. 'Ke mɛɛ pɛbhɛ -glɔɔn 'la =bwa, -e nu 'bhɛɛ- pɛbhaa -glɔɔn 'ɛ 'kanɛ-.

⁸'Ke mɛɛ 'la zan -a 'gbu 'flɛ zru maza mu -yɔɔ' mu klɛ, 'bhɛ zan 'ɛ 'leyanyrɛ -le 'ke ga 'le. 'Duŋ- 'ke mɛɛ 'la zan Lii 'Wɛŋ zru maza -lrele' klɛ, Lii 'Wɛŋ 'ɛ nu -a klɛɛ 'bhɛɛ- 'bhɛ zan bole -yrɛ ma -si 'la -daŋ' 'laa -o 'bhɛ ma 'bhɛɛ- 'srɔɔwo-.

⁹'Kɔɔ- gbɛ zi laa 'kanɛ- -za 'wlan klɛle ma. -Kɔɔ' -gblɔzi' laa gale 'bhɛɛ- -kɔɔ' ploɔ -za 'wlan klɛle ma, 'ke 'bhɛ 'waati 'ɛ =bhwa, -kɔɔ' nu 'bhɛ ma =trɔn 'srɔɔwolɛ.

¹⁰'Bhɛ klegbeya 'ɛ 'yi bhe, 'ke 'bhɛ klɛ 'waati -o -kɔɔ' 'kɔɔ bhla 'la ba, -kɔɔ' -za 'wlan klɛ mɔkpen' ni, -kɔɔ' 'bhɛ klɛ 'gbu -kɔɔ' nɛɛnɛ- Zesu 'yi mu 'ɛ 'mu -la ni 'ebebele.

¹¹-Ka 'sewebhɛ -gbɛnɛ -gbɛnɛ mu 'lɛɛ- -glin doo, 'mi 'gbu -le 'sewe 'lɛɛ- dɛ 'zi 'ŋ 'gbu 'kɔɔ, 'bhɛɛ- 'an kpa 'ka ni.

¹²Mɛɛ 'la zan mu 'kpen -o -a zi' 'bhii- -o 'ka 'wla 'klɛn 'yi kpaŋma; 'duŋ- -o 'bhɛ klɛ 'zi drɔŋ 'kooko- mɛɛ mu 'woo- mu 'gbu -za klɛ. 'Bhɛɛ- waa- zi 'bhɛ gbɛɛn- bhe, 'bhii- -o -yrenkpa' -o ta Krisi gbaanza 'ɛ 'yi -yrigbɛɛle 'ɛ ta.

13'Woo- mɛɛ mu 'la -woo mɛɛ mu 'wla 'zi 'klɛn 'yi, -woo mu 'gbu 'laa Moizi a 'toŋ mu 'ɛ 'klɔsikun. 'Duŋ- -wa zi 'bhii- -o 'ka 'wla 'klɛn 'ɛ 'yi, 'kooko- -o sɔ -o -baale' bhɛkpɔɔ 'kpaza- 'yi 'ka 'flɛ mu ma.

14'Duŋ- 'ke -yoo 'mi 'an pɛ 'ɛ 'le, 'mi 'naa -a zi' 'bhii- 'mi 'ŋ -baa' pɛ 'kɛdo- 'kpɔ 'yi, 'ke yaa 'e go -kɔɔa' Mɛɛzan Zesu Krisi gbaanza 'ɛ -yriɣbɛɛle 'ɛ ta 'bhɛ -la ba. Wlan 'ɛ ni, 'yɛɛ gbaanza 'ɛ -yriɣbɛɛle 'ɛ ta 'ɛ -zayi', 'drunyan 'lɛɛ- 'yi pɛ mu 'ɛ waa -o 'mi 'yɛ 'yi -li -zake' 'le, 'bhɛɛ- 'mi 'laa -o -li 'drunyan 'lɛɛ- 'yi mɛɛ mu 'ɛ 'yɛ 'yi pɛ 'ke 'le 'ezin-.

15-Amasrɔyi, 'ke -woo 'e =wlaa 'klɛn 'yi oo, 'ke waa 'e wlalɛ 'klɛn 'yi oo, 'bhɛ 'laa -zake' klɛ. Pɛ 'la 'bhɛ -za -o 'eglɔɔle, 'bhɛ -le -Waanbhaa' bole -yɛ ma -si drɛɛ 'la =wlaa -kɔɔ' zru mu 'ɛ 'yi 'bhɛɛ- 'le.

16'Mɛɛ 'la zan mu 'kpen -o 'taawo zii' -jan yɛkɛ- 'lɛɛ -ta, 'mi pɛ 'bhɛ zan mu 'ɛ ni dɔɔ: Bhaa -Waanbhaa' -yaa' yilabla 'na 'bhɛ zan mu 'ɛ ni, 'bhɛɛ- -o -yɛnkla' -a ma. 'Duŋ- 'woo- mu do -kplɛn 'laa 'kele-, 'ŋ 'yoo- -we 'zi -Waanbhaa' a mɛɛ mu 'ɛ 'kpen -la -le, 'wo -le 'ke Izraeli mu 'ɛ 'le.

17'Bhɛ ya 'ɛ 'yi, 'kee- go -zɔn pɛ 'ɛ blaɛn, 'ka 'zoole-, mɛɛ 'kɛdo- 'kpɔ 'laa 'ŋ 'trɛbhɔle 'ezin- 'woo- -za mu 'ɛ -o -zayi'. -Amasrɔyi, Zesu 'sɔɔnnii mu 'ɛ -woo 'ŋ zɔnlawoa -a -zayi', 'bhɛ bhɛkpɔɔ mu 'ɛ 'mu -le 'ŋ 'flɛ ma -gɛ. 'Bhɛ bhɛkpɔɔ mu 'lɛɛ- 'mu -le 'a zɔn 'bhii- 'mi -o 'ke Zesu -a lu 'le.

18'D nɛɛnɛ- mu, bhaa -kɔɔa' Mɛɛzan Zesu Krisi a -lileya 'ɛ bo 'ka 'kpen 'nii- 'ɛ 'yi! Amiina.

Efēzi Mu

Efēzi Mu 1

- 1**'Mi Pōlu 'la 'mi -o 'ke Zesu Krisi a winbōwo mi 'le -Waanbhaa' a zru maza ma, 'mi -le 'lɛtrɛ 'lɛɛ- 'kpa zii' 'ka ni, 'ka mu Zesu 'yi mu 'la 'ka -o ((Efēzi -wa)) 'ɛ ta, 'ka mu 'la 'ka blɔɔle -o -Waanbhaa' ma, 'bhɛɛ- 'ka 'pegee Zesu Krisi -o 'kpaledomaya 'yi bhe.
- 2**Bhaa -kɔɔ' Dɛ -Waanbhaa' 'pegee Mɛɛzan Zesu Krisi -li 'ka ma, 'bhɛɛ- -o yilabla na 'ka ni.
- 3**-Kɔɔ' -kɔɔa' Mɛɛzan Zesu Krisi Dɛ -Waanbhaa' 'tɔbhɔ! -Kɔɔ' mu 'pegee Krisi 'kpale- 'la -yoo do ma, -e 'duma =naa -kɔɔ' ni, 'bhɛɛ- -e -za 'wlan mu 'ɛ 'kpen -glɔɔn =naa -kɔɔ' ni lafle' 'yi. 'Bhɛ -za 'wlan mu 'ɛ da Lii 'Wɛŋ 'ɛ 'bhɛɛ- ba.
- 4**-Waanbhaa' -kɔɔ' mu makwan- 'drunyan 'ɛ klɛle -lɛɛ -a -kɔɔ, 'bhɛɛ- -e -kɔɔ' =kla 'ke -yaa' pɛ mɛɛ mu 'le Krisi 'srɔyi; 'kooko- -kɔɔ' klɛ 'wɛŋ, 'bhɛ 'pegee 'ke -za 'yɔɔ- do 'kpɔ 'laa klɛ -kɔɔ' zi -a -yɛ 'yi.
- 5**-Yaa' 'sɔniya 'ɛ ma, 'yee- -Waanbhaa' 'gbu 'a 'lɛdulaa 'elwale -sɔ 'kaa -e nu -kɔɔ' klɛle -a -nɛ mu 'le Zesu Krisi 'srɔyi. 'Bhɛ klɛle -swa -a ni -a 'gbu zru maza ma.
- 6**'Bhɛ 'yi, -kɔɔ' 'a 'tɔbhɔ -yaa' -lileya -gbɛnɛ 'ɛ -zayi'. -E 'bhɛ -lileya 'ɛ =naa -kɔɔ' ni 'ke -daŋ' 'laa klɛ 'bhɛ ma -a Gbe 'la -za sɔ -a ni 'egbɛnɛle 'bhɛ 'srɔyi.
- 7**Krisi =kla 'ke -kɔɔa' -za 'yɔɔ- mu 'ɛ ta gbawopɛ 'le -a yien 'la 'klalaa 'bhɛ ma, 'bhɛɛ- -Waanbhaa' -kɔɔa' -za 'yɔɔ- mu 'ɛ -sroma -yaan -yaa' -lileya 'ɛ 'srɔyi.
- 8**-Waanbhaa' 'bhɛ -lileya -gbɛnɛ 'ɛ =naa -kɔɔ' ni 'kee- kan -a -daŋ' ta; -kɔɔ' -zadɔleya -glɔɔn 'ɛ 'kpen 'pegee yikan' 'ɛ 'kpen -glɔɔn 'srɔwoa- 'bhɛ -lileya 'ɛ 'bhɛɛ- fanŋa- 'ɛ 'srɔyi.
- 9**-A zru maza 'la tagaanle -yaa -e 'bhɛ -zrɔnna 'kɔɔ- mu ni; -e 'bhɛ zrɔnle 'ɛ 'lɛdulaa 'elwale gban -sɔ Krisi 'srɔyi.
- 10**-E nu -a zru maza 'ɛ 'lɛsɔle 'ke 'bhɛ 'waati 'ɛ =bhwa. 'Bhɛ zru maza 'ɛ 'bhɛ -le 'ke lafle' 'yi pɛ mu 'kpen 'pegee 'trɛ ta pɛ mu 'kpen 'klalele 'eke- ba 'le, 'bhɛɛ- -yoo 'kpen ŋgblo kpalaa' -kuŋlii do 'kpɔ -la =la; 'bhɛ -kuŋlii 'ɛ 'bhɛ -le 'ke Krisi 'le.
- 11**-Kɔɔ' 'pegee 'yee- Krisi 'kpaledomaya 'ɛ 'srɔyi, -Waanbhaa' 'gbu -kɔɔ' mu makwan- 'ezin-, 'bhɛɛ- -e -kɔɔ' =kpaa 'edaŋma -yaa' pɛ mɛɛ mu 'le 'elwale gban -sɔ. 'Yee- -Waanbhaa' -za 'kpen klɛ -e -za -yɛkɛ 'la 'lɛdulaa 'bhɛɛ- ma.
- 12**'Bhɛ ya 'ɛ 'yi, -kɔɔ' mu 'la -kɔɔ' -kɔɔ' 'yrikpaa- Krisi ta 'elwale 'pe, -kɔɔ' -Waanbhaa' a 'tɔbhɔleya 'ɛ 'srokpa 'tɛ!
- 13**'Ka mu 'ezin-, 'ka mu 'pegee 'yee- Krisi a 'kpaledomaya 'ɛ 'yi, 'ka -Waanbhaa' a wlan ma -Jan 'ɛ =maa. 'Bhɛ -le -Jan 'Nrɛle- 'la 'ka -gwa -za -yi 'bhɛ 'le, 'bhɛɛ- 'ka 'ka =kpaa Krisi 'yi. 'Bhɛɛ- -Waanbhaa' -yaa' -tɔomasie 'ɛ =kpaa 'ka ma, 'bhɛ -tɔomasie 'ɛ 'bhɛ -le -ya -liiwli' -naa 'ka ni Lii 'Wɛŋ 'la 'naza- ta 'bhɛɛ- 'le.

- 14-Waanbhaa' -a zi 'bhii- -e -za 'wlan 'la kle -koo' ni, Lii 'Wen 'e 'bhe -le 'mu 'yre 'lee pe 'le. 'Yele- 'a kle 'bhe- -koo' 'a 'yaango- 'bhii- -koo' -o -Waanbhaa' a pe mee mu 'le. 'Bhe klegbeya 'e 'yi, 'yee- -Waanbhaa' nu mee 'la zan mu -o 'ke -yaa' pe 'le 'mu tagbawole 'fenfen yi 'la 'le, 'woo- 'bhe- yi 'e magben 'zi, 'koko- -koo' -yaa' 'tobholeya 'e 'srokpa-.
- 15'D neene- mu, 'an 'malawoa doo 'ka 'kpale- -o Meezan Zesu 'yi, 'bhe 'pegee mee 'la zan mu 'kpale- -o -a -yi 'mu 'kpen -za so 'ka ni,
- 16'bhela- -zayile, yi 'oo yi, 'n bole -o -Waanbhaa' 'pubole ma 'kaa- -za ma, 'ke 'mi 'n 'seriwo;
- 17'koko- -koo' Meezan Zesu Krisi a -Waanbhaa', -koo' De 'tobhole 'e, bhaa a Lii 'Wen 'e -ya kle 'ke 'ka 'pale- kle 'ke -zadoleya 'le, 'bhe- 'kaa do 'ke -a -leso' a ma.
- 18'Bhe- 'mi 'n 'seriwo -a ni 'kaa -za ma 'ezin- doo -e 'ka 'kpejan- mu 'e bakan' 'wen, 'koko- 'ka 'ka 'yrikpa -e 'ka 'siila- pe 'la ma 'bhe ta, 'bhe- 'ka 'bhe 'yima-. 'Bhe- 'koko- -e -za 'wlan 'sre 'lrele- mu 'la =twa 'ka mu 'pegee -yaa' pe mee mu 'e 'kpen 'lee-, 'ka so 'mu dole-.
- 19'Bhe- 'mi 'n 'seriwo -a ni 'kaa -za ma 'ezin- doo -e -glōya' -gbene 'la =twa -koo' mu ni, -koo' mu 'la 'kpale- -o -a -yi, -koo' 'bhe do. 'Bhe -glōya' 'la kan pe 'kpen ta -e 'bhe- -zonna -a fangan- 'e 'le.
- 20-Waanbhaa' 'bhe -glōya' 'e 'pegee -a fangan- 'e -zonna Krisi bwe yi 'e 'le gale ba, 'bhe- -ya -yalaa' lafle' 'yi 'tobho ma yaayre 'e =noo.
- 21'Bhe klegbeya 'e 'yi, -e Krisi -kpa 'senzan- mu oo, -kuḷii mu oo, fanganzan mu oo, 'bhe- -bhengbe mu 'kpen 'wiin-. 'Bhe- 'kee kpa -zon 'drunyan 'lee- 'yi 'to 'oo 'to 'la ta, 'bhe- 'kee- ge 'kpale- 'drunyan 'la 'bhe -o zan 'bhe 'yi 'to -glōn 'e 'kpen ta, Zesu 'to 'e gbalaan -yiya' 'mu 'kpen ni.
- 22-Waanbhaa' pe 'kpen 'kpalaa Krisi a -glōya' 'e =la, 'bhe- mee 'la zan mu 'kpen 'kpale- -o -a -yi, -e 'yee- Krisi =kla 'mu 'kpen -Kuḷii -gbene 'le.
- 23'Bhe mee mu 'klale- keba 'e 'bhe -le 'ke 'yee- Krisi 'fle 'e 'le. Krisi -o 'klale- keba 'e 'kpen 'yi, 'bhe- -yoo pa 'egbenele. -Yoo lafle' 'pegee 'tre ta yrekpen- =noo, 'bhe- -a 'kpaale- -o pe 'tole- pe 'bhe 'wiin-.

Efzi Mu 2

- 1'Elwale -so, 'ka 'yaa- 'bhii- 'ka -gaa 'ka 'yaa- -za 'yoo- -glōn mu 'la 'kpen kle 'mu -zayi'.
- 2'Ka 'yaa- 'taawo zii' 'bhe mu -la zi 'bhii- 'drunyan 'yi mee -vin mu 'e 'kpen 'a kle gōne- 'la gbēen-. Lii -yoo' mu 'la -woo lafle' 'pegee 'tre 'plen -Setran' -le -o -kuḷii gbalaan 'e 'le. 'Yee- -Setran' lii 'e 'bhe -le mee 'oo mee 'la zan mu laa -Waanbhaa' -klōsikun 'mu 'kpen 'yi.
- 3-Koo' mu 'kpen 'ezin-, -koo' 'yaa- 'taawo- 'elwale 'bhii- 'woo- mee mu 'e 'taawogbeya 'e gbēen-. -Koo' 'yaa- 'taawo- -koo' 'gbu zru maza mu 'pegee -koo' 'gbu 'kpejan- mu -la

ta. -Koo' 'pegee 'drunyan 'yi mee -vin mu 'e 'kpen kleza mu -yaa do. 'Bhe klegbeya 'e 'yi, -Waanbhaa' a zrupliile 'e 'yaa- nu 'tenle- -koo' 'kpen ma.

4'Duŋ- -koo' 'yrenkla -Waanbhaa' ma 'egbenele, 'bhee- -yaa' 'soniya -gbene 'e -zayi',

5-koo' mu 'la gale -yaa -koo' kleza -yoo' mu 'e ma, -e bole -yre ma -si dree =naa -koo' ni -koo' 'pegee Krisi a 'kpaledomaya 'e 'yi. -Waanbhaa' a -lileya 'e 'bhee- 'sroyi 'bhee- 'ka -gwa -za 'yi.

6-Koo' 'pegee Zesu Krisi a 'kpaledomaya 'e 'yi, -Waanbhaa' -koo' 'pegee 'yee- -bwela 'eke- 'yi gale ba; 'kooko- -koo' mu 'pegee 'yee- yalaa' lafle' 'yi -bhleŋgbeya yaayre =noo.

7-E 'bhe wlanya 'e -zonna -koo' ni Zesu Krisi 'sroyi, 'kooko- 'waati mu 'la 'kpen -o zan bhole bhe, 'drunyan ta pe 'kpen -yaa' -lileya -gbene 'la 'ke waa so 'bhe 'kpale pe 'kedo- 'kpoo ma -koo' 'bhe do.

8-Waanbhaa' a -lileya 'e 'bhee- ma, 'bhee- -e 'ka -gwa -za 'yi 'kaa- 'kpaleya -a -yi 'bhe 'sroyi. 'Ka gole 'e -za 'yi bhe, 'bhe 'laa dale 'ka mu 'gbu a fanŋan- 'e ba, -Waanbhaa' -le 'ka -gwa -za 'yi bhaama;

9'bhe 'laa dale 'ka 'gbu kleza -lrele' mu 'e ba, 'kooko- mee 'kedo- 'kpoo 'laa so 'bhe 'gbu 'wasowole.

10-Amasroyi 'yee- -Waanbhaa' -le -za 'kpen =kla. -Koo' 'pegee Zesu Krisi a kpaledomaya 'e 'yi, -e 'koo- =kla mee dree mu 'le, 'kooko- -e kleza -lrele' mu 'la 'ledulaa -koo' 'lee -so, -koo' so 'mu klele-.

11'Bhela- -zayile, -ka -za 'lee- 'bhe do 'ka 'kpee: 'Elwale -so, 'ka mu Zuufu kle mu, waa -yaa 'ka wla 'kleen 'yi. 'Bhela- -yile Zuufu mu 'e 'yaa- 'ka sii 'kleen 'yi 'wla kle mu; 'bhee- -o -yaa pe -o 'gbu ma doo -woo 'kleen 'yi 'wlale- -klosikun mu 'le, -amasroyi -o 'kleen 'yi 'wlale -toomasie kpa -o 'gbu 'fle ma.

12'Bhe 'waati 'e ba, 'ka 'laa -yaa Krisi do, -Waanbhaa' Izraeli 'si mu 'la makwan-, 'ka 'laa -yaa 'mu ba; -e -bhoolaya 'la -dwa 'yee- 'pegee -yaa mee mu 'e 'pleŋ -a -liiwli' 'e ta, 'ka mu laa -yaa 'bhe ba; 'bhee- 'ka 'yrikpaza do 'kpoo 'laa -yaa 'drunyan 'lee- 'yi. 'Ka 'pegee -Waanbhaa' 'kpale- laa -yaa do ma.

13'Duŋ- -zon, 'ka 'pegee Krisi Zesu a 'kpaledomaya 'e 'yi, 'ka 'mu 'la 'plengole -yaa -Waanbhaa' ma 'elwale -so, 'ka 'ka 'mabeenna -a -din Krisi klelawoa 'sraka 'le 'bhe 'sroyi.

14'Wlan 'e ni, Krisi 'gbu -le yilabla 'na -koo' ni, 'yele- Zuufu mu 'pegee Zuufu kle mu -kla 'si do 'kpoo. 'Woo- 'si ple 'la bhe, -soonaya -yaa -o pleŋ- 'bhii- 'fegwle- do gbene-. 'Duŋ- Krisi 'a 'gbu klelawoa 'sraka 'le bhe, -e 'bhe -soonaya 'e -gwa -o pleŋ-.

15'Bhe klegbeya 'e 'yi, 'tonŋ ta za mu 'la 'kpen 'yaa- Zuufu mu 'e 'pegee Zuufu kle mu 'e 'yicien, -e 'mu 'legaa-. -Ayile, Krisi Zuufu mu 'pegee Zuufu kle mu 'e =kla 'si dree do 'kpoo 'le, 'bhee- -e yilabla =wlaa -o 'pegee 'mu pleŋ-.

- 16Krisi galawoa -yrigbēe 'e ta, -e -sōnaya -gwa 'woo- 'si plē 'e 'plēn-; 'bhē- -yoo =klaa 'eke- ba 'bhii- mēē do 'kpō. 'Bhē 'yi, -e 'woo- 'si plē 'e =kpaā do ma, 'bhē -yoo 'pegee -Waanbhaa' -kpaā do ma.
- 17'Bhē klegbēya 'e 'yi, Krisi =nwa yilabla ma -Jan 'Nrāle- 'e 'wolē- Zuufu kle mu 'la 'plēngole -yaa -Waanbhaa' ma 'ka mu ni, 'bhē 'pegee Zuufu mu 'la 'mabēēnle -o -Waanbhaa' -din 'mu ni.
- 18-Ayile, 'o 'kpen -o 'kpaledomaya 'la 'yi Krisi 'yi, 'o mōō Zuufu mu 'pegee Zuufu kle mu 'e, 'o sō 'o 'mabēēnle 'o Dē -Waanbhaa' -din -a Lii 'Wēn 'e 'srōyi.
- 19'Bhē 'yi, 'ka mu Zuufu kle mu 'e, 'ka 'laa -o -li 'ke 'cie mu 'le, 'bhē 'pegee 'ka 'laa -o -li dayrē gbōōn mu 'le. 'Duŋ- 'ka mu =kla -Waanbhaa' a -bhlēngbe -wa 'e 'nē mu 'le -yaa' 'fa -la mu 'le.
- 20'Ka mu =kla 'bhii- 'fē -gbēē do gbēēn-; 'bhē- Zesu a winbōwo mu 'e 'pegee -Waanbhaa' -lēla' janwo mu 'e 'mu -o 'yee- 'fēgwle- 'e gaan 'le. 'Bhē- Zesu Krisi 'gbu -le 'ke 'yee- 'fēgwle- 'e zēn ta vlē -kpuŋ 'e 'le.
- 21'Yee- vlē -kpuŋ 'e 'yele- 'fēgwle- 'e 'kpen 'yikun 'eglōōle 'kee- san 'traa, 'bhē- 'kee ge 'tenlē- laanima. 'Bhē- -e klē -Waanbhaa' Gba 'Fē -Gbēē do 'le, -yoo 'wēn, 'bhē- -yoo 'ke Mēēzan a pē 'fē 'le.
- 22-Waanbhaa' 'ka mu =klaa 'eke- ba 'ezin- Krisi a 'kpaledomaya 'e 'yi. 'Bhē klegbēya 'e 'yi, -e 'ka =kla 'bhii- -a Lii 'Wēn 'e bo 'fē -gbēē do gbēēn-.

Efēzi Mu 3

- 1'Bhēla- -zayi', 'mi Pōlu 'la 'ŋ 'yoo- -kaso 'yi Zesu Krisi 'tō 'e -zayi', 'kooko- 'mi klē -Jan 'Nrāle- 'e 'wo mi 'le 'ka mu Zuufu kle mu 'e ni, 'mi -o 'ŋ 'seriwo zii' 'kaa- -za ma.
- 2-Waanbhaa' =lia 'mi ma gōnē- 'la gbēēn-, 'bhē- -ye 'ŋ =kla 'ke -Jan 'Nrāle- 'e 'wo mi 'le 'ka mu ni, 'ka 'bhē -za 'e =maa gban 'cō.
- 3-Waanbhaa' 'gbu -le -yaa' gaanyiza 'e tapwēla 'mi ni, 'ŋ 'bhē- ba jan sa yōōndia- gban 'elwale 'ka ni 'letrē 'lēē- 'yi.
- 4'Ke 'ka -o 'bhē -jan 'e tapele 'waati 'la ba, -Waanbhaa' yikan' 'la =naa 'mi ni, 'bhē- gaanyiza 'la -yoo Krisi ba za 'le, 'ŋ 'bhē -dwa gōnē- 'la gbēēn-, 'ka 'gbu nu 'bhē 'yele-.
- 5-Waanbhaa' laa 'yee- gaanyiza 'e tapwēle 'elwaleta mu 'e ni, 'bhii- -ya tapwēla gōnē- 'la gbēēn- -zōn -a Lii 'Wēn 'e 'le Krisi a pē winbōwo 'wēn mu 'e 'pegee -yaa' pē -lēla' janwo mu 'e ni.
- 6'Bhē gaanyiza 'e 'bhē -le -gē: Zuufu kle mu 'e 'pegee Zesu Krisi a 'kpaledomaya 'e 'yi, -o 'pegee Zuufu mu 'e 'ciēn =kla do, 'bhē- -o 'pegee 'bhē mu -o 'bhii- mēē do. -Waanbhaa' 'bhē 'liiwli- =naa -za 'brēē mu 'la 'naza- ta Zuufu mu 'e ni -o dō -o 'mu ba 'ezin-, -woo 'kpalawoa -Jan 'Nrāle- 'e 'yi 'bhē 'srōyi.
- 7-Waanbhaa' a -lileya 'e ma, -ye 'ŋ =kla 'ke -yaa' yewonē 'le -Jan 'Nrāle- 'e 'wo zayi' -yaa' -glōōya' 'la 'bhē -o 'ŋ 'yi 'bhē 'srōyi.

- 8'Mi 'la 'mi -o 'ke -Waanbhaa' a mɛɛ mu 'ɛ 'kpen -zanta' mi 'le, -Waanbhaa' =lia 'mi ma 'kee- 'mi kle -yaa' -Jan 'Nrāle- 'ɛ 'wo 'mi 'le Zuufu kle mu 'ɛ ni, 'kooko- Kriṣi a -naflo 'la -daŋ' 'laa -o 'bhe ma -o 'bhe dɔ.
- 9'D 'bhe -Jan 'Nrāle- 'ɛ 'wolawo zii' bhe, 'yee- -Waanbhaa 'a kle 'bhe- 'ŋ -yaa' gaanyiza 'ɛ tapwe', 'kooko- mɔkpen' 'a dɔ kpataakpa. 'Yee- -Waanbhaa' -le pɛ 'kpen =kla, 'bhe-yele- 'yee- gaanyiza -twa Kriṣi 'yi 'sani- -e 'drunyan kle.
- 10'Bhe- 'kooko- 'bhe klegbeya 'ɛ 'yi, 'senzan- mu 'la 'pegee -kuŋlii mu 'la -woo lafle' 'yi, -o 'kpen -Waanbhaa' a -zadɔleya -glɔɔn 'ɛ 'kpen dɔ Zesu yi mu -lɛdɔ' 'ɛ 'srɔyi.
- 11'Yee- -Waanbhaa' -za mu 'la klele -lɛdulaa 'sani- 'drunyan klele plɛŋ- -a 'kɔɔ, -e =nwa 'mu 'lɛsɔle -kɔɔa' Mɛɛzan Zesu Kriṣi 'srɔyi.
- 12-Kɔɔ' 'pegee Kriṣi a 'kpaledomaya 'yi, 'bhe 'pegee -kɔɔ' 'kpaleyā 'ɛ ma, -kɔɔ' sɔ -kɔɔ' 'mabɛenle -Waanbhaa' -din -kɔɔ' 'gbu ma 'ke -gblaan 'laa kla -kɔɔ' 'yi.
- 13'Bhela -yile, 'mi -sromabɔ 'ka ni dɔɔ 'ka -gblɔzi' laa gale 'ka ma 'ŋ -yren mu 'la 'bhle zii' 'ka ma 'mu -zayi'. 'Woo- -yren mu 'ɛ 'mu -le 'ka mu 'gbu 'tɔbhɔpɛ mu 'le.
- 14'Bhela- -zayile, 'mi 'ŋ 'kpɔ zen -kɔɔ' Dɛ -Waanbhaa' -lɛɛ, 'bhe- 'mi 'ŋ 'seriwo -a ni.
- 15'Yee- 'la -yoo -Waanbhaa' a 'fa -la mu 'ɛ 'kpen Dɛ 'le bhe, 'kee- kpa lafle' 'yi mu ta oo, 'kee- kpa 'trɛ ta mu 'kpen ta, 'mu 'kpen dɛ -le 'yela- -le
- 16-Yaa' 'tɔbhɔleya 'la 'bhe -o 'egbenele, 'ke waa sɔ 'bhe danle- pɛ 'kedo- 'kpɔ ma 'bhe 'srɔyi, 'mi -sromabɔ -a ni dɔɔ -e -glɔɔya' 'kpen dɔ 'ka ta -a Lii 'Weŋ 'la 'bhe -o yewo 'zi 'ka zru mu 'ɛ 'yi 'bhe 'le.
- 17'Bhe- 'ŋ -sromabɔ -a ni dɔɔ Kriṣi bo 'ka zru mu 'ɛ 'yi 'ka 'kpale- 'la -yoo -a -yi 'bhe -zayi', 'bhe 'pegee 'ke 'ka kli gbaanle bo 'eglɔɔle -yaa' 'sɔniya 'ɛ 'yi.
- 18'Kooko- 'ka mu 'pegee -Waanbhaa' a mɛɛ 'weŋ mu 'ɛ 'ka 'kpen Kriṣi a 'sɔniya 'ɛ 'laata- oo, -a gbɔɔnya oo, -a 'troleya oo, 'bhe 'pegee -a -duŋ' -o 'egbɔɔnle gɔnɛ- 'la gbɛen- oo, 'ka sɔ 'mu 'kpen 'yimale.
- 19'Bhe- Kriṣi a 'sɔniya 'la kan bhaapleŋ mu a -zadɔleya 'ɛ 'kpen ta, 'ka sɔ 'bhe dɔle-. 'Ke 'bhe =kla, -Waanbhaa' nu 'ka zru mu 'ɛ 'pale- 'ke -a 'gbu dɔgbeya 'ɛ 'kpen 'le.
- 20'Yee- -Waanbhaa' sɔ -za 'kpensee klele- -kɔɔ' ni 'ke 'bhe kan 'ali- -kɔɔ' pɛ yɛkɛ- 'la 'yrewo- -a ma, 'bhe 'pegee -kɔɔ' -kɔɔ' 'kpeeledan pɛ yɛkɛ- 'la ma 'mu ta, -yaa' -glɔɔya' 'la 'bhe -o yewo 'zi -kɔɔ' zru mu 'ɛ 'yi 'bhe 'le.
- 21-Kɔɔ' mu 'la =kla Zesu 'yi mu -lɛdɔ' 'le, 'bhe- 'ke -kɔɔ' -o Zesu Kriṣi a 'kpaledomaya 'ɛ 'yi, bhaa -kɔɔ' -Waanbhaa' 'tɔ 'ɛ magbaandɛ yi 'oo yikpensee ta. Amiina!

Efɛzi Mu 4

- 1'Bhe 'yi bhe, 'mi 'la 'mi -o -kaso 'yi Mɛɛzan 'tɔ 'ɛ -zayi', 'mi 'sromabɔ 'ka ni dɔɔ 'ka 'taawogbeya 'ɛ kle 'elrele 'ke 'bhe -benjo' -Waanbhaa' 'ka 'siila- -za 'la 'kaama- 'bhe 'le.

- ²Yi 'oo yi, -ka 'ka 'gbu mazina, 'bhεε- 'ka 'yi kle 'edoolle, 'bhε 'pegee 'ka zrubakpaale kle -za klele ma. 'Ka 'eke- -yikun' 'ke 'ka -za so 'eke- ni;
- ³'ke 'ka do 'egloolle, 'kooko- Lii 'Wεj 'ε 'kpaledomaya 'la =wlaa 'ka 'plεj- 'bhε bo 'ka 'plεj-, 'bhεε- 'ka bo yilabla 'yi.
- ⁴Wlan 'ε ni, 'ka 'kpen =kla 'bhii- mεε do 'kpɔ, 'bhεε- Lii 'Wεj do 'kpɔ -le 'ka 'kpen 'yi. 'Bhε 'pegee -Waanbhaa' 'ka 'siila- 'kooko- 'ka 'yrikpale bo -za do 'kpɔ -la ta.
- ⁵Mεεzan -o do 'kpɔ -koo' 'kpen 'wiij-, 'bhεε- -koo' 'kpen -koo' kpa 'yela- do -kplεn 'yi, 'bhεε- 'wiijfeza -yi ba Zesu 'to 'ε 'yi 'bhε -o do 'kpɔ.
- ⁶'Bhεε- -Waanbhaa' -o do 'kpɔ, 'yele- -koo' 'kpen Dε 'le; 'bhεε- 'yela- 'kpaale- -o mɔkpen' 'wiij-, 'yele- yewo -koo' 'kpen 'le, 'bhεε- 'yele- -koo' 'kpen zru 'ε 'yi.
- ⁷Duη- -Waanbhaa' -lilawoa -koo' ma, 'bhεε- -ya Lii 'Wεj 'sej 'ε -glɔɔn 'kpen =naa -koo' 'kpen do do ni, 'bhεε- 'bhε -bεngole -o 'ke ye yεkε- 'la Krisi -koo' 'kpen do do do =kla 'bhε 'le 'bhεε- 'le.
- ⁸'Bhεla- -zayile, -a yɔondεle -o Zesu ba zayi' -Waanbhaa' a 'Sεwε 'ε 'yi doo: "-E -saan laanima 'egboonle, -ya -soonni' mu 'ε =kla -kaso 'yi mu 'le, 'bhεε- -e -za 'wlan mu =kla bhaaplεj mu ni."
- ⁹'Ke -wa =pia doo: "-E -saan laanima", -o 'bhε 'yima- 'nale- εε? 'Bhε 'yi -le -e -zinaa' 'trε =la 'egboonle 'elwale 'pe.
- ¹⁰'Bhε 'yi, 'yee- mεε 'la zan -zinaa' 'trε =la, 'yee- do 'kpɔ 'ε 'yele- -saan laanima lafle' 'ε 'kpen trala 'ezin-, 'kooko- -e 'drunyan 'ε 'kpen pa.
- ¹¹'Yele- 'sej 'naa- mεε mu ni, 'bhεε- -ya 'ke mu =kla -yaa' winbɔwo mu 'le, 'bhεε- -ya 'ke mu =kla -Waanbhaa' a -lεla' janwo mu 'le, 'bhεε- -ya 'ke mu =kla 'ezin- -Jan 'Nrale- 'ε 'wo mu 'le, 'bhεε- -ya 'ke mu =kla 'ke -Waanbhaa' a mεε mu 'ε gooba mu 'le, 'bhεε- -ya 'ke mu =kla 'ke -Waanbhaa' a mεε mu 'ε daan mu 'le.
- ¹²-E 'bhε =kla 'bhε gbεen- bhe, 'kooko- -Waanbhaa' a mεε 'wεj mu 'ε 'kpen -yaa' ye 'ε wo, 'bhεε- 'kooko- mεε 'la zan mu 'kpen 'kpale- -o Krisi 'yi, 'mu do 'egloolle 'mu a 'kpaleya 'ε yi.
- ¹³'Bhεε- 'kooko- -koo' 'kpen -koo' kpa 'yee- -Waanbhaa' Gbe Zesu Krisi 'yi, 'bhεε- 'ke -koo' 'bhε do 'elrele. 'Bhεε- -koo' 'taawogbeya 'ε baan' nu gele zi -lεε 'ke 'bhε ge 'tenle- 'bhε 'lepale ma 'bhii- Krisi 'gbu 'lesole -o gɔnε- 'la gbεen-. -Koo' nu klele mεε -yrebakanle mu 'le.
- ¹⁴'Bhε 'yi, -koo' 'laa nu bole 'ezin- -titi -kooa' matrunya 'ε 'yi 'ke -koo' kle 'bhii- -ploozu 'pe mu 'le, 'ke -koo' ge -koo' 'lεε, 'bhεε- 'ke -koo' nu -koo' -zanta'. -Koo' 'laa nu -a 'tole- 'ke mεε 'yini- mu 'ε 'mu -koo' 'yini- 'mu a bhla ma daangbeya 'ε 'pegee 'mu a -dawli' maza mu 'ε 'le.
- ¹⁵Drɔɔn', 'ke -koo' wlan =pia 'soniya 'le -koo' zru ba, -koo' nu dole klen 'ke -koo' 'pwele- kle 'yee- Krisi 'le -za 'kpen 'yi; 'yee- -le 'ke mεε 'la zan mu 'kpale- -o -a -yi 'mu 'kpen -kujlii 'le.

- 16'Bhɛɛ- 'yele- -kɔɔ' 'kpen kun 'egloole. -Kɔɔ' -o 'bhii- -a dɔpɛ mu 'ɛ gbɛɛn-, 'bhɛɛ- 'ke -kɔɔ' 'kpen do do -kɔɔ' 'woye- 'ɛ =woa 'eta- 'eta-, -a 'fle 'ɛ 'kpen dɔ 'egloole 'bhɛɛ- -e gbaandɛ 'soniya 'yi.
- 17-Ayile, 'ŋ 'yienii mu, 'kɛla 'bhɛ -o -a -yi 'egloole, 'ŋ 'yoo- zan 'bhɛɛ- 'wole- ka ni -zɔn Mɛɛzan 'srɔyi dɔɔ: 'ka 'laa 'taawole 'ka 'gbu 'win ta 'bhii- mɛɛ 'la zan mu laa -Waanbhaa' dɔ 'mu 'a klɛ gɔnɛ- 'la gbɛɛn-. -O dɔ -o 'gbu 'kpeejan- mu 'te 'mu -la zi, 'bhɛɛ- -o bhaama za mu 'te -la klɛ.
- 18-Gblo 'kpale- -o -o yikan' 'ɛ ta, 'bhɛɛ- -Waanbhaa' -si drɛɛ 'la 'bhɛ na mɛɛ ni, -woo 'niigwa- 'bhɛ 'yi waa -zadɔkleya 'ɛ 'pegee -o zru -glooya' 'ɛ ma.
- 19-Yrala' laa dɔ -li -o ma -za 'yɔɔ- klɛ zi ta, -woo 'gbu =naa yanbhɔɔya maza mu 'ɛ 'kpen -gloɔn ni, 'bhɛɛ- waa sɔ -o 'gbu 'yikunle -za 'yɔɔ- 'tɔle- -za 'yɔɔ- 'bhɛ klɛle ma, 'bhɛɛ- 'mu klɛle laa -o -yibhɔ'.
- 20'Duŋ- 'ka mu, 'ka -za 'oo -za 'la -daanna Krisi ba za 'yi 'bhɛ 'laa -o 'bhɛ gbɛɛn-.
- 21Wlan 'gbu 'ɛ ni, 'ka Zesu a za -maa; 'bhɛɛ- -o 'ka -daanna wlan 'la -yoo -a -yi 'bhɛ 'le.
- 22'Ka 'taawogbeya gwe 'ɛ ta, 'ka 'yaa- mɛɛ -yini' maza mu 'la klɛ, 'bhɛɛ- 'ke 'mu 'yaa- 'ka siɛ, -ka 'ploo 'mu ma 'fɛfɛŋ.
- 23-Kaa 'to 'ke -Waanbhaa' Lii 'ɛ 'ka klɛ mɛɛ drɛɛ mu 'le 'ka 'kpeelɛdangbeya 'ɛ 'yi.
- 24'Bhɛɛ- -ka dɔ 'taawogbeya drɛɛ 'la -Waanbhaa' 'bhɛ=kla 'bhɛ ta, 'bhɛ 'taawogbeya 'ɛ 'bhɛ -le -lɛdɔleya 'pegee 'weŋya- 'la da wlan ba 'mu 'le.
- 25'Bhɛla- -zayile, -ka 'ploo- bhla pele ma; 'bhɛɛ- 'ka 'kpen do do wlan pe 'bhɛ -vindo' mi ni, -amasrɔyi -kɔɔ' 'kpen -o mɛɛ do.
- 26'Ke -za 'ke =laa 'e ma, 'bhɛɛ- 'ke 'yee zrupliila, 'yaa 'tolɛ- 'bhɛ -za 'lale- 'ɛ 'e bɔ -za 'yɔɔ- 'yi; 'yaa- 'tolɛ- 'kee yi 'bhɛ zruplii- 'ɛ 'le 'e 'kpee.
- 27'Ka 'laa 'tolɛ- 'ke -Setran' 'ka 'lɛkanyɛ -srɔɔwo', 'bhɛɛ- -e 'sɛŋgo- 'ka 'le.
- 28'Ke 'ka ba mɛɛ 'la zan -yaa -faanwo' 'elwale, 'bhɛ zan 'ploo -faan 'ɛ ma. 'Bhɛɛ- -e dɔ 'egloole 'kee- yewo -a 'gbu ni, 'kee- sɔ -a 'gbu 'nii- maza -srɔɔwole'; 'kooko- 'sɛŋ 'laa -o mɛɛ 'la zan ni -e sɔ bhɔle- 'bhɛ ba.
- 29'Ka 'laa 'tolɛ- 'ke -jan 'yɔɔ- do 'kpɔ da 'ka 'lii; 'duŋ- -ka wlanya ma jan 'te -la wo. -Ka 'bhɛɛ- 'wlata- -janwo', 'kooko- 'ke mɛɛ 'la zan 'bhɛ =maa 'ka 'lii, faŋgandɔ 'bhɛ zan ta, 'bhɛɛ- 'bhɛ klɛ 'duma 'le 'bhɛ zan ni.
- 30'Ka 'laa -Waanbhaa' Lii 'Weŋ 'ɛ talrwale. -Waanbhaa' 'bhɛ gbɛ blaɛn yɔɔn 'la 'kpalaa -kɔɔ' ma 'yele- 'bhɛ -tɔomasie 'le 'ke 'bhɛ ge 'tenlɛ- -kɔɔ' tagbawoza 'ɛ -Waanbhaa' 'kɔɔ 'bhɛ zɔn yi kpataakpa 'ɛ ma.
- 31'Bhɛla- -zayile, yin ma 'tɔnkpale oo, zruplii- oo, yran oo, -gbekanle mɛɛ ta oo, 'bhɛ 'pegee -zwanwole, -ka 'ploo- 'mu 'kpen ma. 'Bhɛɛ- -ka 'ploo yienya 'tɔle- yienya 'bhɛ ma 'ka 'plen-.

32-Ka -za 'wlan kle 'eke- ni, -ka 'eke- -yrenkla', 'ke 'ka 'eke- mazato 'bhii- -Waanbhaa' - li 'ka mu ma gōnē- 'la gbēen- Kriṣi 'srōyi.

Efēzi Mu 5

1'D nēenē- mu, 'ka -o -Waanbhaa' -nē mu 'la -za sō -a ni 'egbenēle bhe, -ka dō klen 'ke 'ka 'ka kpa -a ma 'kaa 'taawogbeya 'e 'yi.

2-Ka 'taawo 'sōniya 'yi, 'bhii- -kōō' -za -swa Kriṣi ni gōnē- 'la gbēen-, 'bhēē- -ya 'gbu 'naa- -kōō' mu ma -Waanbhaa' ni 'bhii- 'sraka 'la =swa 'bhē ni 'bhē 'le.

3'Ka -o 'ke -Waanbhaa' a mēē mu 'la le bhe, -yanbhōōya za oo, 'triṅdō- maza oo 'bhē 'pegee -yrebhō' maza, waa male dōō -o 'bhē 'yansi za mu 'e kle 'ka 'plēṅ-, -amasrōyi, 'bhē -za mu 'e klēle 'e 'bhē 'laa gaa -Waanbhaa' a mēē mu ba.

4'Bhēē- 'ezin- 'wloso ma jan oo, -yraladō ma jan oo, 'bhē 'pegee 'truu- ma jan mu, 'mu 'la 'mu 'laa -o 'ke wopē 'le 'ka 'plēṅ-, -ka 'ploō 'mu 'kpen ma. 'Duṅ- -Waanbhaa' 'pubō- ma jan mu -le da 'ka 'lii.

5-Kaa 'yaango- 'bhii- 'ke mēē 'oo mēē 'la zan -yanbhōōya 'pegee 'triṅdō- maza, 'bhēē- 'kōō -glōōya' kle, 'bhē zan 'e 'ciēn -su 'kedo- 'kpō 'laa -o Kriṣi 'pegee -Waanbhaa' a - bhlēngbeya -wa 'e ta. -Amasrōyi 'kōō -glōōya' 'e 'bhē -o 'bhii- yo gbale gbēen-.

6'Ka 'laa 'tolē- 'ke mēē 'kedo- 'kpō 'ka 'yini- 'ke -a -lii bhla ma -jan mu 'e 'le. Mēē 'la zan mu mēē mu -yini' bhla ma jan mu 'le -o -Waanbhaa' a yran 'e wlen -o 'gbu ma 'bhēē- gbēen-. -Amasrōyi -woo 'ke -kala' mēē mu 'le -Waanbhaa' ma.

7'Bhē 'yi, 'ka 'pegee 'bhē mēē -glōōn mu 'kaa- -za 'kedo- 'kpō laa klēle 'eke- ta.

8'Elwaleta, 'ka 'yaa- -gblo -la -yi; 'duṅ- -zōn 'ka -o 'tēbhile ba 'tē 'ka 'pegee Mēēzan a 'kpaledomaya 'e 'yi. -Ayile -ka 'taawo 'elrele 'bhii- 'tēbhile ba mēē mu gbēen-.

9'Mēē 'la zan mu -o 'tēbhile ba, 'bhē zan mu -za 'lrele- 'pegee -lēdōōleya maza kle, 'bhēē- -o 'taawo- wlan ma zi -la ta.

10-Ka dō 'egloōle, 'bhēē- -za 'la 'bhē sō Mēēzan -Waanbhaa' ni, 'ka sō 'bhē dōle-.

11'Mēē 'la zan mu -o -gblo 'yi, -o klēza mu 'e waa mēē maza -yanwo'; ka 'pegee 'woo mu a -za 'kedo- 'kpō laa klēle 'eke- ta. 'Bhēē- drōōn', -ka -o klēza -yōō' mu 'e tapwē' kpataakpa.

12'Wlan 'e ni, 'woo- mēē mu 'e -o -za mu 'la kle gaanyi', waa sō 'mu 'gbu 'pele -yrala' 'e 'kōō.

13-Amasrōyi 'ke -o 'yee- gaanyiza mu 'e 'kpen tapwela 'tēbhile ba, -yoo 'bhii- -woo 'joo -zeze 'gbu 'e 'bhēē- tapwē' zii' kpataakpa bhe.

14'Bhēē- 'ke -o pē 'la tapwela 'tēbhile ba kpataakpa, 'bhē kle 'tēbhile -la -le. 'Bhēla- -zayi' -wa pe dōō: "'Bhi 'la 'bhi -o yidē 'zi, bwe! Bwe gbaa mu 'e 'plēṅ- 'bhēē- Kriṣi nu 'e takanlē 'ke -yaa' 'tēbhile 'e 'le.'"

- 15'Bhɛ ya 'ɛ 'yi, -ka 'ka 'yɛkpa 'ka 'gbu ba 'elɛɛ 'kaa- 'taawogbɛya 'ɛ ma. 'Ka 'laa 'taawolɛ 'bhii- mɛɛ kloɔ mu, 'duŋ- -ka 'taawo 'bhii- -zadɔ' mu.
- 16'Ke -Waanbhaa' 'waati 'oo 'waati 'la =naa 'ka ni, 'ka 'laa 'bhɛ 'siɛɛ-; -amasɔyi, -zɔn 'waati 'ɛ -yoo 'eyɔɔɛ.
- 17'Bhɛla- -zayile, 'ka 'laa klɛɛ 'ke mɛɛ yikan' kle mu 'le, 'duŋ- -ka dɔ klɛn 'ke 'kɛla 'bhɛ -o 'ke Mɛɛzan -Waanbhaa' zru maza 'le 'ka 'bhɛɛ- dɔ.
- 18'Ka 'laa 'ka 'taakpalɛ -wɛɛn 'mile- zi, 'bhɛɛ- -e 'ka dɛ: 'ke bhɛ =kla, 'ka gbɛ laa sɔ 'ka 'gbu 'yikunle ta. 'Duŋ- -kaa 'to 'bhɛɛ- Lii 'Wɛŋ 'ɛ -e 'ka zru 'ɛ pa.
- 19-Ka 'fuudɔ- 'eke- ta 'ke 'sro -glɔɔn mu 'la 'kpen Lii 'Wɛŋ 'mu na 'ka ni 'mu 'kpalele. - Ka 'srokpa 'ke 'ka Mɛɛzan 'tɔbhɔ- 'ka zru 'ɛ 'kpen 'le.
- 20'Waati 'oo 'waati, -ka -kɔɔ' Dɛ -Waanbhaa' 'pubɔ- -za 'kpen 'yi -kɔɔa' Mɛɛzan Krisi 'tɔ 'ɛ 'yi.
- 21-Ka 'ka ŋgblo 'kpala 'eke- -la 'kaa- -gasikpaleya ma Krisi 'lɛɛ.
- 22'Ka mu le mu, -ka 'ka ŋgblo 'kpala 'ka =nɔɔ mu 'ɛ =la 'bhii- 'ka 'ka ŋgblo kpala' Mɛɛzan Krisi =la gɔnɛ- 'la gbɛɛn-.
- 23'Le -nɔɔ 'ɛ 'bhɛ -le -a na ta -kuŋlii 'le 'bhii- Krisi -o 'ke Zesu 'yi mu -lɛdɔ' 'ɛ ta -kuŋlii 'le gɔnɛ- 'la gbɛɛn-. 'Yee- Zesu 'yi mu -lɛdɔ' 'ɛ -woo 'bhii- Krisi 'flɛ 'ɛ gbɛɛn-, 'bhɛɛ- 'yele- -o -Bhee Mi 'le.
- 24'Zesu 'yi mu -lɛdɔ' 'ɛ -woo ŋgblo kpala' Krisi =la gɔnɛ- 'la gbɛɛn-, 'ezin- le mu 'ɛ -o 'kpen do do -o ŋgblo 'kpala -o -nɔɔ mu =la -za 'kpen 'yi 'bhɛɛ- gbɛɛn-.
- 25'Duŋ- 'ka mu le -nɔɔ mu 'ɛ, 'ka 'na mu 'ɛ -za 'sɔ 'ka ni 'bhii- Zesu 'yi mu -lɛdɔ' 'ɛ -za =swa Krisi ni gɔnɛ- 'la gbɛɛn- 'bhɛɛ- -ya 'gbu =naa ga ni 'sraka 'le 'mu -zayi'.
- 26-E 'bhɛ =kla 'bhɛ gbɛɛn- bhɛ, 'kooko- -e Zesu 'yi mu -lɛdɔ' 'ɛ kpa 'edaŋma - Waanbhaa' a pɛ 'le, 'kee- -yaan -o 'kpee 'ɛ 'fleelele 'waati 'la ba -yi 'pegee -Waanbhaa' a -Jan 'ɛ faŋgan- 'le.
- 27-E 'bhɛ =kla 'ezin-, 'kooko- -e 'woo- Zesu 'yi mu -lɛdɔ' 'ɛ zɔn -a 'gbu 'yɛ =la waa -lɛɛɛ -gbɛɛn 'ɛ 'yi, 'bhɛ 'pegee 'ke -waa pɛ -yɔɔ' do 'kpɔ 'pegee pɛ 'triŋdɔle do 'kpɔ ye -o ma. 'Duŋ- 'ke -o klɛ 'wɛŋ, 'bhɛɛ- waa 'joo 'yɔɔ- 'kɛdɔ- 'kpɔ ye -o zi.
- 28'Bhɛ klɛgbɛya do 'ɛ 'yi, le -nɔɔ mu 'ɛ -o na mu 'ɛ -za 'sɔ -o ni, 'bhii- -o 'gbu 'flɛ 'ɛ -za sɔ -o 'gbu ni gɔnɛ- 'la gbɛɛn-. 'Ke mɛɛ 'la zan na -za sɔ -a 'gbu ni, -a 'gbu -za sɔ -a 'gbu ni 'ezin-.
- 29'Wlan 'ɛ ni, mɛɛ 'kɛdɔ- 'kpɔ 'laa -a 'gbu 'flɛ mafinyanwole -lido'; dɔɔn' mɛɛ 'tɔlɛ- mɛɛ, 'bhɛ 'bhɛ 'gbu 'flɛ 'ɛ kun 'elɛɛ 'bhɛɛ- -ya -lɛbɔ', 'bhii- Krisi -yaa' pɛ mɛɛ mu 'ɛ -gblakun' gɔnɛ- 'la gbɛɛn-.
- 30-Amasɔyi, -kɔɔ' 'kpen do do -o 'bhii Krisi 'flɛ dɔpɛ mu 'ɛ gbɛɛn-.

31-A yɔ̀ndele -o -Waanbhaa' a 'Sewε 'ε 'yi dɔ̀: "'Gwlaan- nu gole -a dε 'pegee -a nεε -din, 'bhεε- 'yee- 'pegee -a na nu gele; -e nu blɔ̀le- -a na 'ε ma, 'bhεε- -o mεε ple nu klele mεε do 'kpɔ̀ 'le."

32'Bhε -jan 'la bhe, 'bhε 'yi -o 'egbenele; 'η 'yoo- -we 'zi 'ke Kriṣi 'pegee -yaa' mεε mu 'ε 'pleŋza- 'ε 'bhεε- 'le.

33-Za 'la =bwa 'bhε -le dɔ̀ 'ka 'kpen do do 'ka 'na -za 'sɔ̀ 'bhε 'gbu ni 'bhii- -a -za sɔ̀ -a 'gbu ni gɔ̀nε- 'la gbεen-. 'Bhεε- le 'ε, 'bhε 'bhε =nɔ̀ 'ledɔ̀- -a ma 'ezin-.

Efɛzi Mu 6

1-Ne mu, Mεezan Kriṣi -a zi 'bhii- 'ka 'ka 'yape- mu 'ε 'wojan- mu 'ε 'klɔ̀sikun; -amasrɔ̀yi 'bhε -le lele -a -yre 'yi.

2-A yɔ̀ndele -o -Waanbhaa' a 'Sewε 'ε 'yi dɔ̀: "'E dε 'pegee 'ε nεε -ledɔ̀' -a ma," 'bhε -le 'ke -Waanbhaa' a 'toŋ 'ε =lwa mi 'gbu 'ε 'le -yaa' 'toŋ vu 'ε ba. 'Bhεε- -ya -liiwli' =kpaa 'bhε 'toŋ 'ε zi.

3'Bhεε- -e 'bhε -liiwli' 'ε -klɔ̀sikun win =naa dɔ̀: "'Kooko- 'ε nu klele zrukpa' 'yi, 'bhεε- 'ε mɔ̀ 'ε 'yre ma 'tre ta -ge."

4'Ka mu -nε dε mu, 'ka 'laa yran wlale 'ka 'nε mu 'ε 'yi. 'Duŋ- -ka -o 'tro 'elrele 'ke 'ka -za 'yɔ̀- go -o 'kɔ̀, 'bhεε- -ka -o daan Mεezan a pe zi 'ε 'le.

5'Ka mu yewone mu, -ka 'ka -kuŋlii mu 'ε 'wojan- mu 'ε 'klɔ̀sikun bhaapleŋya 'ε ma, 'ke 'ka -gblaan' -o -lεε 'egbenele, 'ka zru -lrele' 'le 'bhii- 'ka Kriṣi 'gbu 'wojan- 'ε 'klɔ̀sikun gɔ̀nε- 'la gbεen-.

6'Ka 'laa -o -klɔ̀sikunle -o -yre 'kɔ̀, 'ka -za 'sɔ̀ zayi' -o ni; 'duŋ- -ka -Waanbhaa' zru maza kle 'ke 'ka 'taawo- -o wojan ta 'ka zru 'ε 'kpen 'le, 'ka -o 'ke Kriṣi -a yewone mu 'la 'le bhe 'bhε -zayi'.

7-Ka yewo -o ni 'ka 'kpee 'lrele- 'le 'bhii- 'ke 'ka -o yewo 'zi Mεezan 'gbu -la ni; 'ka 'laa 'bhε klele 'bhii- 'kaa kle 'zi bhaapleŋ mu do -kplen -la ni.

8'Ka 'gbu 'a 'yaango- 'bhii- mεε 'tɔ̀le- mεε, lu mu 'pegee =klɔ̀ mu, -o 'kpen do do nu -waa' -za wlan mu 'ε ma -sra 'srɔ̀wɔ̀le Mεezan 'kɔ̀.

9'Bhεε- 'ka mu -kuŋlii mu 'ezin-, -ka 'kaa- yewone mu 'ε 'kun 'elrele; 'ka 'laa 'pεenle- -o ta 'ke 'ka -gblaan kla -o -yi. 'Kaa 'yaango- 'bhii- 'ka mu 'pegee 'woo- mu, 'ka 'kpen ta -kuŋlii' 'ε 'bhε -o lafle' 'yi, 'bhεε- 'ka 'kpen -o do -a -yre 'yi.

10'Kela 'bhε -o -a -yi 'eglɔ̀le, 'bhε -le dɔ̀ -ka faŋgandɔ̀ 'ka 'gbu ta 'ka 'pegee Mεezan Zesu a 'kpaledomaya 'ε 'yi, 'bhεε- -yaa' -glɔ̀y' 'la -daŋ' 'laa -o 'bhε ma 'bhε 'srɔ̀yi.

11-Waanbhaa' gwledanpe 'la 'kpen na 'ka ni, -ka 'mu 'kpen 'si; 'kooko- 'ka sɔ̀ dɔ̀le- 'eglɔ̀le -Setran' 'pegee -yaa' -dawli' maza mu 'ε 'lεε.

12-Amasrɔ̀yi, -kɔ̀ 'laa -o gwledan 'zi bhaapleŋ mu ba. 'Duŋ- 'ε pe 'seŋzan- mu oo, -kuŋlii mu oo, 'bhε 'pegee faŋganzan mu 'la 'mu -o yewo 'zi 'ke -Setran' 'le 'tre ta -ge,

'bhεε- laanima lii -yoo' mu 'la 'yaale- -o -za 'yoo- klele 'kaama-, -koo' -o gwledan 'zi 'mu -la 'kpen ba.

13'Bhela- -zayile, -Waanbhaa' a gwledanpe mu 'la na 'ka ni, -ka 'mu 'kpen 'si; 'kooko- 'ke -Setran' 'wlenna- 'ka ma, 'ka so gwledanle -a ba yi -yoo' ta. 'Bhεε- 'ke 'ka =yaan 'bhε gwle 'ε danlele, 'ka bo 'eglooole.

14'Ka 'yri bo 'ka 'gbu -za 'le, 'bhεε- 'kaa- magben: -Ka wlan 'ε 'kun 'eglooole 'bhii- 'ka 'sentru do 'ka 'saanla 'ka ta pe mu ta gone- 'la gbεen-, -ka -ledooleya kle 'bhii- -srwase' mu ta piibhe dune- gbεen-.

15-Jan 'Nrале- 'la yilabla na mεε ni, -ka 'bhε 'wole- 'ε -vavade 'bhii- 'ka -sawla 'wlale 'ka gaan ma -vavade gone- 'la gbεen-.

16'Ka 'kpaleya 'ε Krisi 'yi yikpen- ta 'bhε kle 'bhii- -srwase' mu 'koo piibhe -laa mu 'la -woo 'gbu -bεε mu 'ε tagaan 'mu 'le 'mu gbεen-; 'kooko- 'ka so -Setran' a 'sabhe- -bhile mu 'ε 'kpen 'liile 'bhε 'le.

17-Waanbhaa' 'ka golawoa -za 'yi, 'bhε kle 'bhii- 'ka ngblo ma piibhe 'faa gbεen-; -ka 'bhε 'wla 'ka ngblo ma. Lii 'Wen 'ε -gokun' 'la =kpa'a 'ka 'koo, -ka 'bhε 'si, 'bhε -le 'ke -Waanbhaa' a -Jan 'ε 'le.

18-Ka 'ka 'seriwo 'waati 'ε 'kpen ba Lii 'Wen 'ε 'sen ta, -ka 'seri 'ε -gloon 'ε 'kpen kle -Waanbhaa' ni, 'bhεε- -ka -sromabo -a ni gbe 'ε 'kpen ma. 'Ka 'laa 'ka 'yre zi -gblaanle' 'bhε klele ma 'waati 'ε 'kpen ba. -Ka 'ka 'seriwo -Waanbhaa' a mεε mu 'ε 'kpen a -za ma.

19-Ka 'ka 'seriwo 'mi a -za ma 'ezin-; 'kooko- -Waanbhaa' -Jan 'Nrале- 'ε 'wo gbeya zrōn 'η ni. 'Bhεε- 'kooko- 'ke -gblaan 'laa kle 'η zru ba 'ke 'η 'yoo- -Jan 'Nrале- tagaanle 'ε tapwe' zii' mεε mu ni.

20Krisi 'mi =kla 'ke 'yee- -Jan 'Nrале- 'ε 'wo mi 'le; 'η 'yoo- -zōn -kaso 'yi 'yela- wole 'ε ma. -Ka 'ka 'seriwo 'mi a -za ma 'ke 'naa gblaan 'ke 'η 'yoo- -a wole- mεε mu ni -a wogbeya 'ε 'yi.

21-Koo' nεεnε- Tisiki 'la -za so 'η ni; Mεεzan a yewonε 'lrele- -le 'kele-. 'Yele- nu -ge za mu 'ε 'kpen 'yipele 'ka ni, 'kooko 'ka 'mi ba za 'pegee 'η 'yoo- -za yeke- 'la kle 'zi 'mu do.

22'Mi -a winbo 'zi 'ka ta ye 'mi 'gbu 'yre ma, 'kooko- 'ka 'o ta jan mu ma, 'bhεε- -e fanḡandō 'ka ta.

23Bhaa -koo' De -Waanbhaa' 'pegee Mεεzan Zesu Krisi yilabla 'pegee 'soniya, 'bhεε- 'kpaleya na -koo' nεεnε- mu 'ε 'kpen ni.

24-Kooa' Mεεzan Zesu Krisi -za so mεε 'la zan mu ni, 'bhεε- 'ke -dan' 'laa -o -waa' 'soniya 'ε ma, bhaa -Waanbhaa' -li 'mu 'kpen ma!

Filipu Mu

Filipu Mu 1

- 1** Mi Pɔlu 'pegee Timote 'woo- Zesu Krisi a yewone mu 'le. 'O mɔɔ -le 'letre 'lɛɛ- 'kpa zii' mɛɛ 'la zan mu -o -Waanbhaa' a pɛ 'le Zesu Krisi 'srɔyi Filipu -wa 'ɛ ta 'mu -la ni. 'Bhɛɛ- 'o 'yee- 'letre 'lɛɛ 'kpa zii' 'ezin- Filipu -wa 'ɛ ta Zesu 'yi mu -lɛdo' 'ɛ -o -lɛɛ mu 'ɛ 'pegee 'mu 'bhɔŋba- mu 'ɛ 'mu -la ni.
- 2** Bhaa -kɔɔ' Dɛ -Waanbhaa' 'pegee Mɛɛzan Zesu Krisi -li 'ka ma, 'bhɛɛ- -o yilabla na 'ka ni.
- 3** 'Waati 'oo 'waati, 'ke 'ka -za -dwa 'ŋ 'kpee, 'ŋ -Waanbhaa' 'pubɔ- 'kaa- -za ma.
- 4** 'Waati 'oo 'waati, 'ke 'ŋ 'yoo 'ŋ 'seriwo zii' 'ka 'kpen a -za ma, 'ŋ 'bhɛ klɛ 'ŋ zrukpaale 'le.
- 5** -Amasrɔyi 'ka =bhwa 'ŋ ba -Jan 'Nrɛle- 'ɛ 'wole 'le mɛɛ mu ni, 'kee- san -a zisanle 'ɛ ma, 'kee- nu 'tɛnlɛ- -zɔn ma.
- 6** 'Mi 'gbu 'kpale- -o -za 'lɛɛ- 'bhɛɛ- 'yi dɔɔ -Waanbhaa' 'la 'yee- ye -lrele' 'ɛ zisaan- 'ka zru mu 'ɛ 'yi 'bhɛ klɛgbeya 'ɛ gbɛɛn- bhe, -e nu bhɔlɛ 'ka ba 'ke 'ka 'bhɛ ye 'ɛ wo 'kee-ge 'tɛnlɛ- -a -lɛyanle ma Zesu Krisi 'nu yi 'ɛ 'le.
- 7** 'Ke 'mi 'ŋ 'kpeelɛdaan 'ka 'kpen -a -za ma 'bhɛ gbɛɛn- bhe 'bhɛ lele. -Amasrɔyi 'ka -za -o 'ŋ 'kɔɔ 'eglɔɔle 'tanjii. 'Bhɛɛ- -Waanbhaa' 'duma 'la 'naa- 'mi ni, -kɔɔ 'kpen 'bhɛ sasa -srɔɔwoa. 'Ke 'ŋ =kla -kaso 'yi -zɔn oo, 'ke 'ŋ -ja -klu ta Zesu a -jan 'ɛ 'lɛɛ zaabɔ yre nɔɔ- oo, -a wlan pe yre nɔɔ- mɔkpen' 'yre ma oo, 'yee- ye do 'kpɔ 'ɛ -kɔɔ 'kpen 'a =woa 'eke- zi.
- 8** -Waanbhaa' -o 'ŋ 'srɛ 'le, -a 'gbu 'a 'yaango- 'bhii- 'ka 'kpen -za sɔ 'ŋ ni 'ebebele 'bhii- 'ka -za sɔ Zesu Krisi ni gɔnɛ- 'la gbɛɛn-.
- 9** 'D -za 'lɛɛ- 'bhɛɛ- 'yɛwo- -Waanbhaa ma 'an 'seri mu 'ɛ 'yi 'ka ba zayi', 'an 'yɛwo- -a ma dɔɔ 'kaa- 'sɔniya 'ɛ baan' kla -a ba, 'ke 'ka -zadɔleya -srɔɔwo', 'bhɛɛ- 'ka yikan' maza dɔ.
- 10** 'Kooko- 'ke 'ka sɔ -za 'lrele- bagole -za 'yɔɔ- ma. 'Ke 'ka 'bhɛ =kla bhe, 'ka nu klɛlɛ mɛɛ 'weŋ mu 'le, 'bhɛɛ- waa nu -za 'yɔɔ- 'kɛdo- 'kpɔ 'yele- 'ka zi Krisi 'nu yi 'ɛ 'le.
- 11** 'Bhɛɛ- Zesu Krisi 'srɔyi, 'ka nu -lɛdɔleya maza mu -la klɛlɛ. 'Ke 'bhɛ =kla, 'ke mɛɛ mu 'ɛ -o 'ka klɛza -lrele' mu 'ɛ =ya, -o nu -Waanbhaa' 'tɔbhɔlɛ, 'bhɛɛ- -wa magbaandɛ.
- 12** 'D nɛɛnɛ- mu, 'mi -a zi 'bhii- 'kaa 'yaango- 'bhii- 'ŋ -yɛn -glɔɔn 'la =bhla bhe, 'bhɛ 'a =kla 'bhɛɛ- mɛɛ -bebe -Jan 'Nrɛle- 'ɛ baan' =maa.
- 13** 'Wlan 'ɛ ni, -janmatii 'ɛ -yaa 'fa =la mu 'ɛ 'kpen 'pegee mɛɛ -bhɛɛke' mu 'ɛ -wa 'yaango- 'bhii- 'ŋ 'yoo- -kaso 'yi Krisi 'tɔ 'ɛ 'bhɛɛ- ma.

- 14-Woo 'η 'yelawoa -kaso 'yi bhe, 'η nɛɛɛ- -bebe Zesu 'yi mu 'ε -woo 'kpa baanwoa-Mɛɛzan 'yi. 'Bhɛɛ- -o ηgblo -dwa -o -lii -Waanbhaa' -jan 'woyre- 'ε =nɔɔ, 'ke -gblaan 'laa kla -o -yi.
- 15- 17Wlan 'ε ni, -a 'ke mu -o Krisi a -jan 'ε wo zii' mɛɛ mu ni -o zru -Irele' 'le, -wa kle 'zi 'sɔniya -la -le -o zru mu 'ε 'yi. -Wa 'yaango- 'bhii- -Waanbhaa' 'η =kpa 'η 'kpayrɛ- 'lɛɛ- =nɔɔ, 'kooko- 'η kle -yaa' -Jan 'NrAle- 'ε ta wlan pe mi 'le. 'Duη- -a 'ke mu -o 'yee-Krisi a -za 'ε 'wo zii' -o 'kpee 'yɔɔ- 'pegee zranwolele -o zru ba. -Wa zi 'bhii- -o gwle bɔ 'mi ma, 'bhɛɛ- 'ke mɛɛ mu -o 'tɔbhɔ- 'ke 'bhɛ kan 'mi ta. 'Bhɛ klɛgbeya 'ε gbɛɛn-bhe, 'η 'yoo- -kaso 'la 'yi bhe, -woo 'an -yɛɛn 'ε baan' -la 'kla zii' 'a ba.
- 18'Bhɛ 'laa -za 'ke kle. 'Ke -o 'kpeejan- mu =kla 'eyɔɔle oo, 'ke -o 'kpeejan- mu =kla 'elrele oo, -woo Krisi a -za 'ε 'wolawo zii' mɛɛ mu 'ε ni gbɛ 'ε 'kpen ma bhe 'bhɛ -le 'mi zrukpa' zii'. 'Bhɛɛ- 'η nu bole 'η zrukpaale 'le 'ezin-.
- 19-Amasɔyi 'an 'yaango- 'ka -o 'ka 'seri mu 'la 'wo zii' 'η ma bhe, 'bhɛ 'pegee Zesu Krisi Lii 'la 'bhɔ zii' 'η ba bhe, 'woo- -za mu 'ε 'kpen nu klele 'η 'bheeyrɛ- 'le, 'bhɛɛ- 'η 'pweyrɛ- 'le -kaso 'ε 'yi.
- 20Wlan 'ε ni, 'mi -o 'bhɛɛ- magben 'zi 'η zru 'ε 'kpen 'le, 'bhɛɛ- 'η 'yri -o 'bhɛɛ- ta. -Za 'kedo- 'kpɔ 'laa nu klele 'η ma 'ke -yrala' 'le. 'Bhɛɛ- drɔɔn', -zɔn 'pegee 'waati 'ε 'kpen ba, 'η nu Krisi magbaandele 'η zrubakpaale -gbɛɛ 'le 'η 'fle 'ε 'yi, 'ali- 'ke 'η -gaa oo, 'ke 'η =bwa 'η 'yɛ ma oo, 'bhɛ 'kpen -o 'η ma do.
- 21-Amasɔyi Krisi -le 'η bole 'η 'yɛ ma 'trɛ 'lɛɛ- ta -gɛ 'bhɛ 'win 'le, 'bhɛɛ- ga -o 'η ma 'ke -trɔn 'le.
- 22'Duη- 'ke 'η sɔ bole 'η 'yɛ ma, 'bhɛɛ- 'η ye 'ke wo 'ke 'bhɛ kle 'elrele mɛɛ ma, 'bhɛ 'yi, 'η 'ke 'gbu 'la si -o plɛ 'ε ba 'naa 'bhɛ dɔ 'dɛ.
- 23'D 'klina- 'tɛ 'η zru maza plɛ 'ε plɛɛ-: -A -lrɔ 'η ma 'bhii- 'η ga 'bhɛɛ- 'η ge Krisi ba. 'D 'yoo- 'bhɛɛ- zi 'gbu.
- 24'Duη- 'ka mu -za 'yi, 'ke 'η =bwa -sɔ 'η 'yɛ ma 'trɛ 'lɛɛ- ta -gɛ, 'bhɛ -o -za 'Irele- 'le 'ka mu ma.
- 25'D 'gbu 'kpale -o -a -yi, 'bhɛɛ- 'an 'yaango- 'bhii- 'η nu bole 'drunyan 'lɛɛ- 'yi -gɛ 'waati sa 'ka 'kpen -din 'ezin-. 'Kooko- 'ke 'η bhɔ 'ka ba, 'bhɛɛ- 'kaa- 'kpaleya 'ε baan' kla -a ba, 'bhɛ 'pegee 'ke 'ka zrukpaale kle 'kaa- 'kpaleya 'ε 'yi.
- 26'Bhɛ 'yi, 'ke 'η 'niinaa 'ka ba ye, 'bhɛ klɛgbeya 'ε 'yi, 'ka nu 'ka -baale' 'ka 'pegee Zesu Krisi a 'kpaledomaya 'ε 'yi 'mi ba zayi'.
- 27'Duη- 'kela 'bhɛ -o -a -yi 'eglɔɔle, 'bhɛ -le dɔɔ 'kaa 'taawogbeya 'ε -gaale' kle Krisi -a -Jan 'NrAle- 'ε ba. 'Bhɛ klɛgbeya 'ε 'yi, 'ke 'η =nwa 'pwele- 'ka ta oo, 'ke 'naa 'nule- oo, 'η nu -jan 'nrAle- male 'ka ta dɔɔ 'ka bole -o 'eglɔɔle 'kaa- 'kpaleya 'ε 'yi, 'bhɛɛ- 'ka 'kpale- -o do ma, 'bhɛ 'pegee 'ka 'kpeejan- -o do. 'Bhɛɛ- 'η 'yoo- -a zi 'bhii- 'an ma 'ka ta 'ezin- dɔɔ 'ka -o yewo 'zi 'eke- zi 'ka zru do 'le, 'kooko- mɛɛ mu 'ε -o -Jan 'NrAle- 'ε ma 'bhɛɛ- -woo kpa Krisi 'yi.

²⁸'Kee- =kla gɔn 'oo gɔnɛ- 'la gbɛɛn-, 'ka 'laa 'tolɛ- 'ke -gblaan kla 'ka 'yi 'ka 'sɔɔnnii mu 'ɛ 'lɛɛ. -O kleza mu 'ɛ 'mu a zrɔn 'bhii- -woo -o ni zi 'ɛ 'bhɛɛ- ta, 'bhɛɛ- 'ka mu 'taawogbɛya 'ɛ 'bhɛ 'a zrɔn 'bhii- 'ka mu -gwa -za 'yi. 'Bhɛ -za mu 'ɛ 'kpen da -Waanbhaa' -la ba.

²⁹-Amasrɔyi -Waanbhaa' laa -lilɛ' 'ka ma, 'kooko- 'ke 'ka 'ka kpa drɔŋ Kriisi 'yi, 'duŋ- -e -lia 'ka ma, 'kooko- 'ke 'ka -yrenbhle' -a ni.

³⁰'Ka 'ŋ =ya gwle 'la dan yrɛ nɔɔ- 'elwale -sɔ Kriisi 'sɔɔnnii mu 'ɛ ba, 'mi 'pegee 'ka mu -o 'bhɛɛ- gwle do 'kpɔ 'ɛ dan 'zi 'eke- zi -zɔn; 'ali- 'ŋ 'yoo- 'bhɛɛ- gwle 'ɛ dan 'zi -zɔn -li 'bhii- 'kaa- ma 'zi 'ŋ 'lii gɔnɛ- 'la gbɛɛn- bhe.

Filipu Mu 2

¹'Kaa 'kpaledomaya 'ɛ Kriisi 'yi 'bhɛ -o fangandɔ 'zi 'ka ta ɛɛ? -Yaa' 'sɔniya 'ɛ zruwla 'zi ka 'kpee ɛɛ? 'Ka 'pegee Lii 'Wɛŋ 'ɛ 'kpale- -o do ma ɛɛ? 'Ka -o 'eke- ma 'ewlanle ɛɛ? 'Bhɛɛ- 'ka 'eke- -yrenkla' ɛɛ?

²'Bhɛ 'yi 'tɛ, -ka 'an zrukpaɔ 'ɛ 'lesɔ 'ke 'ka 'kpale kle do ma, 'ke 'ka -za sɔ 'eke- ni, 'ke 'ka zru kle do, 'bhɛɛ- 'ke 'ka 'kpeejan- kle do.

³'Ka 'laa -za 'kedo- 'kpɔ klele 'ke zaabɔlele 'ke 'ka 'kanyrɛ- glin 'eke- ta, 'bhɛ 'pegee 'ke 'ka 'ka 'gbu 'tɔbhɔyrɛ -glin bhaama -za 'kpen 'yi; 'duŋ- -ka 'ka 'gbu mazina. 'Bhɛɛ- -ka 'eke- ye 'bhii- 'ka gbalaan -yiya' 'eke- ni.

⁴'Ka 'laa 'ka do -kplennɛ' -nrayiza kleyrɛ -glinlɛ', -ka 'eke- 'nrayiza kleyrɛ -la -glin 'ezin-.

⁵'Ka 'taawogbɛya 'ɛ kle 'bhii- mɛɛ mu 'la 'pegee Zesu Kriisi 'kpale- do ma 'mu 'taawogbɛya 'ɛ gbɛɛn-.

⁶'Yee- 'la -o 'pegee -Waanbhaa' dɔgbɛya -yaa do 'tanii, 'duŋ- -o 'pegee -Waanbhaa' dɔgbɛya 'la 'yaa- do bhe, -a blɔɔle laa bolɛ 'bhɛ dɔgbɛya 'ɛ ma.

⁷'Drɔɔn' -ya nii- -gwa 'bhɛ 'kpen 'yi, 'bhɛɛ- -ya 'gbu =kla 'bhii- lu do gbɛɛn-. -Ya 'gbu =kla bhaaplɛŋ do 'le, 'bhɛɛ- -ya 'gbu =kla 'bhii- bhaaplɛŋ dɔgbɛya 'ɛ gbɛɛn-.

⁸-Ya 'gbu mazinaa, 'bhɛɛ- -e 'taawoa= -Waanbhaa' -weli' ta 'ke 'bhɛ ge 'tɛnlɛ- -a gale ma. 'Ali- -e -dwa -a -la 'kee ga -yrigbɛɛle 'ɛ ta, ('bhɛ ga gbɛya -gloɔn 'la 'yaa- 'ke -yraladɔ maza 'le bhe).

⁹'Bhela- -zayile, -Waanbhaa' 'a 'yalaa- laflɛ' 'yi 'yaayrɛ- -gbɛnɛ 'ɛ 'bhɛɛ- =nɔɔ. 'Bhɛɛ- 'bhɛ 'tɔ do -naa -a ni, 'bhɛ 'tɔ 'ɛ gbalaan -yiya' 'tɔ 'kpen ni,

¹⁰'kooko- Zesu 'tɔ ma, -Waanbhaa' gbɛ klepɛ 'tolɛ- -a gbɛ klepɛ, 'kee- =kla laflɛ' 'yi oo, 'kee- =kla 'trɛ ta -gɛ oo, 'bhɛɛ- 'kee- =kla 'trɛ =la oo, -o 'kpen -o 'kpɔ zɛn -a =la, 'bhɛɛ- -wa gba.

¹¹'Ke mɔkpen' 'a pe kpataakpa -o -lii dɔɔ Zesu Kriisi -o 'ke Mɛɛzan 'le, 'bhɛɛ- -wa Dɛ -Waanbhaa' 'tɔbhɔ-.

- 12'Bhɛ 'yi, 'ŋ 'yienii mu, 'ka 'taawoa= 'taŋii 'ŋ 'weli- 'ɛ ta gɔnɛ- 'la gbɛɛn- 'ŋ 'yaa 'ka -din 'waati 'la ba, 'ali- 'naa -o 'ka -din 'waati 'la ba bhe, -ka 'taa baanwoa- 'ŋ 'weli- 'ɛ ta. -Waanbhaa' 'ka golawoa -za 'yi, -ka dɔ klɛn 'ke 'ka 'bhe 'wlata- 'taawogbɛya klɛ 'ke -Waanbhaa' -lɛɛgblaan 'le 'ka 'yi, 'ke 'ka -gasikpa -a -lɛɛ.
- 13-Amasrɔyi -Waanbhaa' -le bhɔ 'zi 'ka ba, 'kooko- -a zru maza klɛle 'sɔ 'ka ni, 'bhɛɛ- 'ka sɔ 'bhe klɛle-, 'ke 'bhe 'pegee 'yee- -Waanbhaa' 'gbu -za 'lrele- yɛkɛ- 'la 'lɛdulaa 'mu klɛ do.
- 14'Ka 'laa -za 'kpen klɛlɛ 'ka 'la ma janwole, 'pegee zaabɔlele.
- 15'Kooko- mɛɛ 'laa -za 'yɔɔ- do 'kpɔ ye 'ka zi, 'bhɛɛ- 'ka klɛ 'wɛŋ. 'Ke 'ka klɛ -Waanbhaa' a -nɛ mu 'la 'ke waa -sɔŋ' do 'kpɔ ye 'mu zi 'mu 'le. 'Ka -o 'saanigɛ bhaaplɛŋ mu 'la 'plɛŋ- bhe, -o -lɛbiile -o, 'bhɛɛ- -woo 'eyɔɔle. -Ka mu -bhile' klɛ 'woo- 'drunyan 'lɛɛ- 'yi mu 'ɛ 'plɛŋ- 'bhii- mlɛklɛn- mu bhi gɔnɛ- 'la gbɛɛn- laflɛ' 'yi.
- 16-Jan 'Nrɛle- 'la bole -yɛ ma -si na mɛɛ ni, -ka 'bhe 'wo -o ni. 'Ke 'ka 'bhe =kla, 'ŋ ŋgblo ma 'wɛŋwɛŋ nu wolɛ 'ka mu ba zayi' Kɛri 'nu yi 'ɛ 'le. 'Bhe nu -a zrɔnlɛ 'bhii- 'ŋ 'trɛbhɔ 'la =bhla, 'bhe 'pegee 'ŋ ye 'la =woa, 'mu 'laa bolɛ bhaama za 'le.
- 17'Kaa- 'kpɛleya 'ɛ Kɛri 'yi, 'bhe -o 'bhii- 'ka -o 'sraka -la go 'zi -Waanbhaa' ni. 'Duŋ- 'ali- 'ke -o 'mi =dia, 'mi 'an pɛ yien 'ɛ 'bhe -le nu klɛlɛ -yi -dɔɔ 'le 'bhe 'sraka 'ɛ ta. 'Kee- -kla 'bhe gbɛɛn- bhe, 'ŋ zrukpaale -o, 'bhɛɛ- 'ŋ 'yoo- 'ka 'kpen 'kpa zii' 'an pɛ zrukpaalɛ 'ɛ ba.
- 18'Bhe klɛgbɛya do 'ɛ 'yi, 'ka mu, 'ka zrukpaale klɛ, 'bhɛɛ- -ka 'mi 'kpa 'kaa pɛ zrukpaalɛ 'ɛ ba 'ezin-.
- 19'Ke Mɛɛzan Zɛsu -dwa -la, -a -vinbwa 'waati sa 'bhɛɛ- 'ŋ Timote 'winbɔ- 'ka ta ye. 'Kooko- 'kee- -ja 'ka ba ye, 'bhɛɛ- 'kee- =nwa 'ka ta jan mu wolɛ 'ŋ ni, 'bhe nu fangandɔlɛ 'ŋ ta.
- 20'Mɛɛ 'kedo- 'kpɔ 'laa -o 'ŋ -din -gɛ 'ke 'mi 'pegee 'bhe zru klɛ do 'bhii- 'yee- Timote gbɛɛn-. 'Yele- 'ka mu 'gbu yienkan 'egbɛnɛle.
- 21'Mɛɛ mu 'ɛ 'kpen bole -o 'gbu 'nrayiza -la klɛle ma, 'duŋ- waa Zɛsu Kɛri 'nrayiza klɛ.
- 22'Duŋ- 'ka 'gbu 'a 'yaango- 'bhii- Timote 'a -zrɔnna 'bhii- -yoo 'ke yewonɛ 'lrele- 'le. -Ya 'gbu =twa -Jan 'Nrɛle- 'ɛ 'wɔle ni, 'bhɛɛ- 'mi 'pegee 'yee- 'bhe ye 'ɛ =woa 'eke- zi 'bhii- -nɛ do 'pegee -a dɛ.
- 23'Bhe 'yi 'tɛ, 'ke 'mi 'an pɛ -za 'ɛ 'lɛwlagbɛya =ya yi 'la 'le, 'ke -Waanbhaa' -dwa -a -la, 'ŋ nu 'yee Timote winbɔlɛ 'ka ta ye.
- 24'Bhɛɛ- 'duŋ-, 'mi 'gbu 'kpɛle- -o Mɛɛzan 'yi 'bhii- -a -vinbwa 'waati sa 'bhɛɛ- 'mi 'gbu ge 'ka ba ye.
- 25'Sani- 'bhe 'waati 'ɛ 'bhɔle- plɛŋ-, 'mi 'a =ya zi 'le 'ke 'mi 'ŋ nɛnɛnɛ- Epafroditi winbɔ 'ka ba. 'Yele- 'ŋ yewoyɔɔn 'pegee 'ŋ 'bhɔŋba- mi 'le -Jan 'Nrɛle- 'ɛ ta gwɛdanlele. 'D maza -yaa pɛ mu 'la ma, 'ka 'yela- winbwa- 'bhɛɛ- -e =nwa 'mu 'le 'ŋ ni.

²⁶'Ka 'kpen 'lrɔ -o -a de 'zi 'egbenele, -amasrɔyi 'kaa 'malawoa 'kaa- ga -yaa -a ma, bhe 'a zrubatedwa.

²⁷Wlan 'ε ni, ga -yaa -a ma, -a -le =bwa sa 'kee- kle siele'. 'Duŋ- -e -bheelawoa, 'yee- do -kplenne' 'yren 'laa 'klale- -Waanbhaa' ma, 'mi -la -yren =klaa 'bhe ma 'ezin- 'bhe gbēen- bhe. 'Kooko- yaa kle 'η wleyisriwole keta ple 'le.

²⁸'Bhela- -yile, 'η 'yoo- 'η -gbaanwo' zii' 'bhεε- 'an 'winbɔ- 'ka ba. 'Kooko- 'ke 'kaa =ya 'ka zrukpalaa, 'bhεε- 'mi a pe wleyisriwole 'ε mazinaa 'te.

²⁹'Kee- =bhwa 'ka ba ye, -kaa 'kun 'te 'ka gbε ple 'pegee 'ka zrukpaale 'le, 'bhe 'pegee Mēezan 'tɔ 'ε -zayi'. -Ka 'bhεε- mεε -glɔɔn mu 'ε 'ledɔ- a ma.

³⁰-Amasrɔyi, -a -le =bwa sa 'kee- ga Krisi -a ye 'ε -za ma. 'Ka 'η glaan' =kpa a pe mu 'la ba, 'ka mu 'gbu 'laa -yaa sɔ nule- 'mu 'le 'η ni; -a nu bhla 'ε zi 'bhe pe mu 'ε 'le 'η ni, -a win -yaa zan bole -a -yi.

Filipu Mu 3

¹'An -jan 'ε 'leyanyre -yoo 'kela 'le 'bhe -le dɔɔ 'η nεene- mu, 'ka zrukpaale kle 'ka 'pegee Mēezan a 'kpaledomaya 'ε 'yi. 'Ke 'η =bwa 'η -jan do 'la 'η 'bhe =woa 'ka ni 'elwale gban 'bhe ta 'ezin-, 'bhe 'laa mi 'trɛbhɔ-. 'Bhe kle 'ka mu 'gbu -la ma -trɔn 'le.

²-Ka 'ka 'gbu 'kun 'elrele ye -yɔɔ wo mu 'ε ma, -woo 'eyɔɔle 'bhii- -gbaan' mu. -Ka 'ka 'gbu 'kun 'ezin- 'elrele -o ma: 'Woo- 'kpee ma wlale 'kleen 'yi 'ε 'bhe -le mεε kle -Waanbhaa' -ne kplankplan 'le.

³Wlan 'ε ni, -kɔɔ' mu Zesu 'yi mu 'ε, -kɔɔ' mu 'gbu -le -Waanbhaa' -ne -zeze mu 'ε 'le. -Amasrɔyi -kɔɔ' -Waanbhaa' gba -a Lii 'Wen 'ε -glɔɔya' 'ε 'le. -Kɔɔ' -kɔɔ' 'gbu baa Zesu Krisi -la -yi. 'Bhεε- -kɔɔ' 'kpale laa bo bhaaplen mu a 'sinii ta za mu 'yi.

⁴'Mi 'duŋ-, 'mi 'yaa- sɔ 'η 'kpale bhaaplen mu a 'sinii ta -za mu 'ε 'yi dɔɔ -o sɔ 'mi gole -za 'yi. -Dele sɔ a pele dɔɔ 'bhe 'woo 'sinii ta za mu 'ε =kla 'ke 'bhe kan 'mi ta εε?

⁵-O 'mi =wlaa 'kleen 'yi 'η 'ya le blaen -yrekpa' 'srwaa- mi ma. 'D 'yoo- Izraeli mi -kpɔsɔɔ 'le 'kee- san 'η =ya yi 'ε ma, 'bhεε- 'η da Benzame a -gbaa 'bhεε- 'lii, 'bhe 'pegee 'η 'yoo- Ebre 'kpee yi 'le. Farizi mu 'la Zuufu mu 'si ta 'toŋ mu -za 'ε kun 'eglɔɔle, 'η 'yaa- 'duŋ- 'mu do 'le.

⁶'Bhe 'waati 'ε ba, 'η 'yaa- Zuufu mu a 'toŋ mu 'ε -vavade 'kee- kan a -dan' ta. 'Bhela- -yile, 'η 'yaa- -yrenkpa' Zesu 'yi mu 'ε ta. 'Bhεε- 'ke mεε do Zuufu mu a 'toŋ mu 'ε 'klosikwan, 'bhεε- -a -ledɔɔle kle -Waanbhaa' -yre 'yi, 'ke -yoo 'mu 'le bi 'η sɔ a pele- dɔɔ waa -sɔŋ' 'kedo- 'kpɔ 'yele- 'η ma 'mu 'yi.

⁷'Duŋ- 'bhe -za mu 'la 'yaa- -nafan maza mu 'le 'mi ma, 'η 'mu ye 'saanige 'bhii- bhaama za mu Krisi -zayi'.

⁸'Bhεε- 'ezin- 'gbu, 'mi 'drunyan ta za mu 'ε 'kpen ye 'bhii- bhaama za mu, 'η Mēezan Zesu Krisi dɔlawoa 'bhe -zayi'. Mēezan Zesu Krisi dɔle 'ε, 'bhe mabhaabhɔ -za 'kpen

ta. 'Bhela- -zayile 'mi 'η 'niigwa- 'woo- -za mu 'ε 'kpen 'yi, 'bhεε- -woo 'η yre 'yi 'bhii- blinpe, 'kooko- 'η 'srōwope kle 'ke Krisi do -kplenne' 'le.

⁹'Bhεε- 'kooko- 'o 'pegee 'yee- 'kpale- kle do ma. 'D 'ledōole 'laa kle -Waanbhaa' -yre 'yi 'toη mu -klōsikunle ma. 'Duη- 'mi 'η 'kpale- 'la -yoo Krisi 'yi bhe, 'bhe -le 'η 'ledōola -Waanbhaa' -yre 'yi. 'Bhεε- 'duη-, -ledōleya 'la da -Waanbhaa' ba -o 'bhe 'srōwo- 'kpaleya -la ma.

¹⁰'D 'yoo- -za do 'kpō 'la zi, 'bhe -le Krisi dōle 'le, 'bhe 'pegee 'ke -glōya' 'la 'bhe 'a -bwela ga le ba 'η 'bhe dō 'ezin-. 'D 'yoo- -a zi 'bhii- 'mi yaa -yren 'ε 'ke 'bhle, 'bhεε- -e kle 'η ni 'bhii- 'mi 'pegee 'yee- -gaa 'eke- 'yi.

¹¹'Bhe klegbeya 'ε 'yi, 'η 'yrikpale -o -a ta 'bhii- 'η nu bwele gale ba.

¹²Yaa klele 'ε 'pegee- 'η =tian 'an pe 'taawole 'ε 'leyanyre ma, 'bhεε- 'η 'bhe ma -trōn 'ε 'srōwoa- gban. 'Bhεε- yaa klele 'ezin- 'ε 'pegee 'η =kla gban 'η 'yoo- -a zi 'bhii- 'η kle 'kela 'le 'bhεε- 'le. 'Duη- mi -o dō 'zi klen 'ke 'η ge 'an 'taawole 'ε zi, 'kooko- 'an ma -trōn 'ε 'srōwo-, -amasrōyi Krisi 'mi makwan- gban -yaa' pe 'le.

¹³'D neene- mu, yaa klele 'ε 'pegee 'mi =tian 'an pe 'taawole 'ε -dan' ma, 'bhεε- 'an ma -trōn 'ε 'srōwoa- gban. 'Duη- 'η 'yoo- -za 'lεε- 'bhεε- kle zi: 'Mi 'η 'niigo- 'η -zanta' pe mu 'ε 'yi, 'bhεε- 'mi 'η 'sene gbaan zii' 'η 'lεε pe mu 'ε 'srōwole- zi.

¹⁴'Bhe 'yi, 'η 'yoo- 'η 'yregbaan- 'zi 'an 'taawole 'ε -leyanyre 'ε 'bhεε- ta, 'ke 'η ge -a -dan' ma, 'kooko- -Waanbhaa' 'η 'siila- -jara 'la ma Zesu Krisi 'srōyi, 'η 'bhe 'srōwo- lafle' 'ε 'yi.

¹⁵'Bhe ya 'ε 'yi, -kōō' mu Zesu 'yi mu 'la 'kpen 'yrebakanle -o Zesu a pe zi 'ε ta bhe, 'bhe 'kpeeledangbeya -glōn 'ε 'bhe -le kle -kōō' 'kpen 'yi. 'Duη- 'ke 'ka 'kpeeledangbeya 'ε yaa -o 'bhe gbēen bhe, -Waanbhaa' nu a klele 'bhεε- 'kaa 'yima- kplankplan.

¹⁶'Kee- =kla gōn 'oo gōne- 'la gbēen-, -kōō' 'taawoa= -Waanbhaa' a zi 'ε ta gōne- 'la gbēen- 'kee- nu 'tenle- -zōn ma, -kōō' ge -kōōa' 'taa 'ε zi 'yee- klegbeya do 'ε gbēen-.

¹⁷'D neene- mu, 'mi -o 'taawo zii' -Waanbhaa' a zi 'ε ta gōne- 'la gbēen-, -ka 'taawo 'bhεε- gbēen- 'ezin-. 'O mōō 'bhe 'taawogbeya 'ε -zrōnna 'ka ni. Mεε 'la zan mu -o 'taawo zii' 'bhii- 'bhe 'taawogbeya 'ε gbēen-, -ka 'ka 'yrekpa -waa' 'taawogbeya 'ε zi, 'bhεε- 'kaa kle 'bhii- 'woo mu gbēen-.

¹⁸-Amasrōyi, 'η 'yoo- zan -jan 'la 'wole- 'ka ni -ge, 'η 'bhe =woa gban 'ka ni 'elwale, 'bhεε- 'η 'yoo- bō 'zi -a ta 'ezin- 'ke wisile 'le dōō mεε -bebe 'taawogbeya 'ε 'bhe -o 'bhii- Krisi -gaa -yrigbēele 'ε ta win 'la ma waa 'bhe 'klōsikun.

¹⁹'Duη- 'bhe mεε mu 'ε 'leyanyre -le 'ke -jranama 'te 'ε 'bhεε- 'le. -Amasrōyi -o yri bo -o bhle pele ta 'bhii- mεε yri bo -Waanbhaa' ta gōne- 'la gbēen-, 'bhεε- 'kela 'bhe -o 'ke -yraladō maza 'le, -woo baa 'bhεε- 'yi. -O 'tre ta za mu 'te -la yienkan.

²⁰'Duη- 'o mōō a pe yaayre 'ε 'bhe -o -Waanbhaa' ba lafle' 'yi. 'Woo- 'Bhee Mi Mēzan Zesu Krisi magben 'zi, 'kee- da 'bhe =nōō ye, 'bhεε- -e nu -ge.

21'Bhē 'yi 'tē, -e nu -kōōa' -yrende' ma 'fle mu 'ē mabōōle, 'bhēē -yoo klē 'fle drēē mu 'le 'bhii- -yaa' pē 'fle 'tōbhōle 'la yaa ga -titi 'bhē gbēēn-, -yaa' -glōōya' 'la 'kee nu pē 'kpen ṅgblo 'kpaale- -a 'gbu =la 'bhē 'le 'bhēē- 'le.

Filipu Mu 4

1'Bhē ya 'ē 'yi bhe, 'ṅ nēēnē- mu, 'bhēē- 'ṅ 'yienii mu, 'ka 'lrō -o 'ṅ ma 'egbenele. 'Ka mu -le 'mi a pē zrukpaā' win 'ē 'le, 'bhēē- 'mi 'ṅ baa 'ka mu -la -yi. -Ka dō klēn, 'ṅ 'yienii mu 'ke 'ka bo 'ka 'pegee Mēēzan a 'kpaledomaya 'ē 'yi.

2'Evodi 'pegee Sētisi, 'mi -sromabō 'ka ni dōō -ka 'kpa do ma, 'ka 'pegee Mēēzan a 'kpaledomaya 'ē 'yi.

3'Bhēē- 'ezin- 'bhi 'ṅ yewoyōōn 'la zru -o do 'mi ni, 'mi -sromabō 'bhi ni dōō bhō 'woole plē 'la bhe -o ba. -Amasrōyi -woo 'sēnē 'gbu -gbaanna 'ṅ zi -Jan 'Nrāle- 'ē zenlele, 'woo- mu 'pegee Klema, 'bhēē- 'an yewo 'yōōn -vin mu 'ē. -O 'tō mu 'ē yōōndēle -o bole -yre ma -si 'la -daṅ' 'laa -o 'bhē ma 'bhē 'sēwē 'yi.

4'Ka zrukpaale klē 'taṅii 'ka 'pegee Mēēzan a 'kpaledomaya 'ē 'yi. 'Mi -o bō 'zi 'yee- -jan do 'kpō 'ē ta dōō: 'Ka zrukpaale klē!

5-Kaa 'to 'ke mōkpen' 'kaa- -yidōōya 'ē ye. Mēēzan nu bhla -o zan bhōle.

6'Ka 'laa 'ka 'ṅgamiwōle -za 'kedo- 'kpō 'yi. 'Duṅ- 'ke 'ka maza -o pē 'oo pē 'la ma, -ka 'bhē 'yrewō -Waanbhaa' ma 'seri 'yi, 'bhēē- 'kaa 'pubō- 'bhē ta 'ezin-.

7'Bhēē- -Waanbhaa' a yilabla 'la kan bhaapleṅ mu sō -za mu 'la yimale 'mu 'kpen ta, 'bhē nu 'ka zrubakpaale, 'bhēē- 'bhē 'ka 'nii- zen 'ka ta 'ka 'pegee Zesu Krisi a 'kpaledomaya 'ē 'yi.

8'Ḍ nēēnē- mu, 'ṅ zi jan 'la =bwa 'bhē -le gē: Wlan maza oo, -gasikpale oo, -lēdōōle oo, -za bakanle oo, -za 'la sō -Waanbhaa ni oo, -za 'lrele- oo, 'bhē 'pegee mēē 'tōbhō maza, 'ka 'yri bo 'bhē -za -glōōn mu 'lēē- 'mu -la 'kpen ta.

9'Ka -za 'la -daanna 'ṅ ba, 'bhēē- 'ka -za 'la 'srōōwoa- 'ṅ 'kōō, 'bhē 'pegee 'ka -za 'la =maa 'ṅ ta, 'bhēē- 'ka -za 'la klele -ya 'ṅ 'kōō, -ka 'bhē 'yi za mu klē. 'Bhēē- -Waanbhaa' 'la yilabla na mēē ni, 'bhē nu klele 'ka ba.

10'Ḍ zrukpaale -o 'egbenele 'mi 'pegee Mēēzan a 'kpaledomaya 'ē 'yi; -amasrōyi, 'kaa zrōn gbē drēēwoa- 'bhii- 'ṅ -za -o 'ka 'kpee 'ezin-. 'Ka 'kpeelēdanle -yaa -a ta 'bhii- 'ka -za 'wlan klē 'ṅ ni. 'Duṅ- 'bhē 'seṅ -le 'laa -yaa 'ka ni.

11'Yaa klēle 'bhii- 'ṅ maza -o pē 'ke ma 'bhēē- 'ṅ 'yoo- 'bhē -jan 'ē 'wo zii'. Drōōn', 'ke pē 'oo pē 'la 'bhē -o 'ṅ 'kōō, 'kee- =kla 'ebebele oo, 'kee- =kla sanē- oo, 'mi daanle -o 'bhē 'le 'ke 'mi 'ṅ zrukpalaa pē yēkē- 'la -yoo 'ṅ 'kōō 'bhē ma.

12'Ḍ sō bole- 'bhii- 'kōōfleṅzan, 'bhēē- 'ṅ sō bole bhii' pēzan 'ke pē -paa 'ṅ ta. 'Waati 'ē 'kpen ba, 'bhē 'pegee yre 'kpen nōō-, 'ṅ daanle -o 'ke 'ṅ zrukpaale 'le -za ma: 'Ke 'ṅ kpe dōle -kla oo, 'ke gbōn -o 'ṅ dē 'zi oo, 'ke 'ṅ 'kōō 'paa- oo, 'ke 'ṅ 'kōōfleṅ- -kla oo, 'ṅ daanle -o 'ṅ zrukpaalele -za 'kpen 'yi 'waati 'kpen ba.

- 13'D sɔ -za 'kpen klɛle-, Krisi 'la faŋgandɔ 'mi ta 'bhe 'srɔyi.
- 14'Bhɛɛ- 'duŋ-, 'ŋ 'yɛbate 'yaa- 'waati 'la ba, 'ka 'bhɔlawoa 'ŋ ba, 'bhe -o 'ke -za 'lrele-
'le.
- 15'Ka mu Filipu mu, 'ka 'gbu 'a 'yaango- 'bhii- -a 'san 'ŋ -Jan 'Nrɛle- 'ɛ 'wole- zisaan,
'bhɛɛ- 'ke 'ŋ go Masedwani -wa 'ɛ ta, Zesu 'yi mu -lɛ 'bhɛɛke do 'kpɔ 'laa 'bhɔle- 'ŋ ba -
o 'kɔɔpɛ- mu 'le, 'bhe 'pegee 'ke -o 'mi a ye 'ɛ ma -trɔn 'ɛ 'ke 'srɔwo-, 'ke yaa 'e go 'ka
mu a Zesu 'yi mu -lɛdo' 'ɛ 'bhɛɛ- do -kplɛn ba.
- 16'Ka mu -le 'bhe =kla. 'Ali- 'ŋ 'yaa- bhla 'la ba Tesaloniki 'ka 'ŋ glaan' =kpaan 'ŋ maza -
yaa pɛ mu 'la ba 'mu 'le, 'bhɛɛ- 'ka 'bhe =kla -glɔɔn plɛ.
- 17'Yaa klɛle 'bhii- 'mi -o 'ka 'kɔɔpɛ- mu -la -glin 'zi. 'Mi -o pɛ 'la 'bhe zi 'bhe -le dɔɔ 'ke
'ka 'ka klɛza -lrele' mu 'ɛ ma -trɔn 'srɔwo-, 'bhɛɛ- -o pa 'ka ta.
- 18'Ka 'ŋ glaan' 'kpaan- pɛ mu 'la ba, 'ŋ 'mu 'kpen 'srɔwoa-, 'bhɛɛ- drɔɔn', -o -paa 'ŋ ta.
'Kee- 'san Epafroditi =nwa 'woo- pɛ mu 'ɛ 'le 'ŋ ni, 'ŋ 'kɔɔ 'pale- -o. -Woo 'bhii- 'sraka
'la -gblɛn nra 'bhii- -lasiklɔɔ gbɛɛn-. 'Bhe 'sraka -glɔɔn 'ɛ 'bhe -le sɔ -Waanbhaa ni,
'bhɛɛ- -ya -lɛkun'.
- 19'Mi 'kpale- -o 'mi a -Waanbhaa' 'yi, 'bhii -e nu 'ka maza -o pɛ 'oo pɛ 'la ma 'mu 'nalɛ-
'ka ni, 'bhɛɛ- e 'mu pa 'ka ta Zesu Krisi 'srɔyi, -yaa' 'tɔbhɔleya -gbɛnɛ 'ɛ ma.
- 20-Kɔɔ' -kɔɔ Dɛ -Waanbhaa' 'ɛ 'tɔbhɔ yikpɛnsɛ ta! Amiina!
- 21-Ka -Waanbhaa' a mɛɛ 'wɛŋ mu 'ɛ 'kpen 'pubɔ- 'ŋ ni -kɔɔ' 'pegee Zesu Krisi a
'kpaledomaya 'ɛ ma. -Kɔɔ' nɛɛnɛ- Zesu 'yi mu 'la -woo 'ŋ -din -gɛ 'mu 'ka 'pubwa-
'ezin-.
- 22-Waanbhaa' a mɛɛ 'wɛŋ mu 'la 'kpen -o -gɛ, 'mu 'kpen 'ka 'pubwa-; 'bhe 'pegee mɛɛ
'la zan mu -o yewo 'zi -Bhlɛŋgbe -gbɛnɛ Sezaa 'ɛ 'fɛ 'ɛ =la, 'mu 'ka 'pubwa- 'egbɛnɛle
'ezin-.
- 23'Bhaa Mɛɛzan Zesu Krisi a -lileya 'ɛ bo 'ka ta.

Kolosi Mu

Kolosi Mu 1

- ¹Mi Pɔlu 'la 'ŋ 'yoo- 'ke Zesu Krisi a winbɔwo mi 'le -Waanbhaa' zru maza ma, 'mi 'pegee 'ŋ nɛɛɛ- Zesu 'yi mi Timote -le 'lɛtrɛ 'lɛɛ- 'kpa zii',
- ²'ka mu 'o nɛɛɛ- mu 'ɛ ni, 'ka mu 'la 'ke -Waanbhaa' 'ka =kpaa 'edaŋma -yaa' mɛɛ mu 'le, 'bhɛɛ- 'ke 'ka blɔɔle- -o Krisi a -za 'ɛ ma Kolosi wa 'ɛ ta. Bhaa -kɔɔ' Dɛ -Waanbhaa' -yaa' 'duma 'pegee -yaa' yilabla 'ɛ 'na 'ka ni.
- ³Yi 'oo yi, 'ke 'woo- 'o 'seriwo zii' 'kaa- -za ma, 'o Mɛɛzan Zesu Krisi Dɛ -Waanbhaa' 'pubɔ-.
- ⁴-Amasɔyi 'wa =maa dɔɔ 'ka 'kpale -o Zesu Krisi 'yi 'eglɔɔle, 'bhɛɛ- -Waanbhaa' a mɛɛ mu 'ɛ 'kpen -za sɔ 'ka ni.
- ⁵'Kaa- 'kpaleya 'ɛ 'pegee 'kaa- 'sɔniya 'ɛ kli gbaanle -o 'ka 'yrikpale -o -Waanbhaa' pɛ mu 'la =twa 'ka 'lɛɛ laflɛ' 'yi 'mu -la ta. -A 'san 'ka wlan ma -Jan 'Nrɛle- 'ɛ =lwa ma, 'ka 'yrikpale bole -o 'bhɛɛ- pɛ mu 'ɛ ta.
- ⁶-O 'yee -Jan 'Nrɛle- do 'kpɔ 'la 'wo zii' 'ka ba ye, 'bhɛ -la do -kplɛn 'wole- 'ɛ zen 'zi 'drunyan 'ɛ 'yi yrɛkpen- =nɔɔ 'ezin-. 'Bhɛla- 'a 'to zii' 'bhɛɛ- mɛɛ mu -o -za 'lrele- mu klɛ 'zi, 'bhii- -ya -kla 'ka mu ba gɔnɛ- 'la gbɛɛn- -a 'san 'ke 'ka -Waanbhaa' a -lileya 'ɛ =lwa 'ɛ ma, 'bhɛɛ- 'kaa =ya 'bhii- -yoo 'ke wlan 'le bhe.
- ⁷'Waa- yewoyɔɔn Epafrasi 'la -za sɔ 'o ni 'egbenele, 'bhɛ -le 'ka -daanna 'bhɛ -za mu 'ɛ 'le; 'bhɛ -la blɔɔle -o Krisi a ye 'ɛ ma 'ka ba ye.
- ⁸Lii 'Wɛŋ 'ɛ -Waanbhaa' a 'sɔniya 'la =kpaa 'ka 'kpee, 'yele- =nwa 'bhɛ 'pele- 'o ni.
- ⁹'Bhɛla- -zayile, -a 'san 'o 'ka ta jan 'ɛ ma, 'kee- kpa -yrekpaa' ma oo, 'kee kpa -bi zi ma oo, 'waa ploɔ 'o 'seriwole ma 'kaa- -za ma 'ezin-. 'Woo 'seriwo -Waanbhaa' ni, 'kooko- 'ka sɔ -a zru maza 'ɛ dɔle-; 'bhɛɛ- 'kee- sɔ -zadɔleya 'ɛ 'kpen 'pegee yikan' 'nale 'ka ni -a Lii 'Wɛŋ 'ɛ 'le.
- ¹⁰'Ke 'bhɛ =kla, 'ka 'taawogbɛya 'ɛ sɔ Mɛɛzan Zesu 'ledɔle -a ma, 'bhɛɛ- 'ka sɔ -a zru maza klɛle- yikpen- ta. 'Bhɛɛ- 'ka nu 'sɔle- -za 'wlan 'kpen -glɔɔn klɛle-, 'bhɛɛ- 'kaa- -Waanbhaa' dɔle 'ɛ baan' kla -a ba.
- ¹¹'Woo 'seriwo 'ezin- -a ni dɔɔ -e -yaa' 'tɔbhɔleya ma -glɔɔya' 'ɛ 'bhɛ zen 'ka ta, 'bhɛɛ- -e 'fuudɔ- 'ka ta, 'kooko- 'ka sɔ -yrɛn 'ɛ 'kpen -glɔɔn 'yikunle 'ka zrubakpaale 'le.
- ¹²-Ka -kɔɔ' Dɛ -Waanbhaa' 'pubɔ- 'ka zrukpaale 'le, -amasɔyi, -ya =kla 'bhɛɛ- 'ka dɔ -o -e 'ciɛn 'la =twa -yaa' mɛɛ 'wɛŋ mu 'la -woo 'taawo zii' -yaa' 'tɛbhile 'ɛ ba 'bhɛ ba.
- ¹³Wlan 'gbu 'ɛ ni, -Waanbhaa' -kɔɔ' -gwa -Setran' 'la -yoo -gblo ti -gbɛnɛ 'ɛ 'yi 'bhɛ -a -glɔɔya' 'ɛ 'yi, 'bhɛɛ -e -nwa -kɔɔ' 'le -a Gbe 'la -za sɔ -a ni 'egbenele 'bhɛ a -bhɛngbɛya -wa 'ɛ ta.

- 14 A Gbe Zesu gale 'e 'bhela- 'srɔyi 'bhɛɛ- -Waanbhaa' -kɔɔ' tagbawoa, 'bhɛ 'pegee -e -kɔɔa' -za 'yɔɔ- mu 'e ma -sroma =yaan.
- 15 Zesu Krisi -le -Waanbhaa' 'la waa ye 'bhɛ bhɔɔma kpataakpa 'e 'le. 'Yele- -yaa 'trɛ ta pɛ 'kpen klɛle -lɛɛ.
- 16 -Amasrɔyi -Waanbhaa' pɛ 'kpen =kla 'yela- gbɛ zi: laflɛ' 'yi pɛ mu oo, 'trɛ ta pɛ mu oo, -yrɛ pɛ mu 'la ye oo, 'bhɛɛ- waa sɔ pɛ mu 'la 'yele oo, -bhleŋgbɛ 'kleɛn mu oo, -o -yi -bhleŋgbɛ mu oo, mɛɛ gbalaan mu oo, -Waanbhaa' pɛ 'kpen =kla Zesu Krisi -la gbɛ zi, 'bhɛɛ- -yoo 'kpen =kla 'yela- ni.
- 17 -E -yaa -a -yrɛ ma 'drunyan ta pɛ 'kpen 'lɛɛ, 'bhɛɛ- -a faŋgan- 'e 'bhɛ -le 'drunyan ta pɛ mu 'e 'kpen to -o dulayrɛ mu 'e =nɔɔ.
- 18 'Yee- Krisi -le -a 'gbu 'flɛ 'e ŋgblo 'le; 'bhɛɛ- -a 'flɛ 'e 'bhɛ -le Zesu 'yi mu 'e -waa' 'klankeba 'e 'le. 'Yele- -za 'kpen zisanyrɛ 'le; 'bhɛɛ- 'yela- =lwa -bwela gale ba, 'kooko- -a 'kpaale klɛ pɛ 'kpen 'wiin-.
- 19 -Amasrɔyi -e -swa -Waanbhaa' 'gbu ni 'ke -wa dɔgbeya 'e 'kpen ye 'yee- Krisi -la -yi.
- 20 Zesu 'srɔyi, -Waanbhaa' -dwa -a -la 'kee- 'yee- 'pegee 'drunyan ta pɛ mu 'e 'kpen kpa do ma: 'e pɛ laanima pɛ mu oo, 'e pɛ 'trɛ ta pɛ mu oo, -o 'kpen. Zesu yien 'la 'klalaa -yrigbɛɛle 'e ta, bhɛ -la -zayi' 'bhɛɛ- 'yee- -Waanbhaa' yilabla =wlaa 'yee 'gbu 'pegee bhaaplɛŋ mu plɛŋ-.
- 21 'Ka mu, 'ka plɛŋgole -yaa -Waanbhaa' ma 'elwale -sɔ, 'bhɛɛ- 'ka 'yaa- -a -sɔɔnnii' mu 'le 'ka klɛza -yɔɔ' mu 'e 'pegee 'ka 'kpeejan- -yɔɔ' mu 'e ma.
- 22 'Duŋ- -zɔn, -Waanbhaa' 'ka mu 'pegee 'yee- 'gbu =kpaa do ma Zesu gale ma 'bhɛ a bhaaplɛŋ 'flɛ 'e 'yi. -E 'bhɛ =kla, 'kooko- -e sɔ 'ka dulale' 'yee- 'gbu -Waanbhaa' 'yrɛ =la 'ke 'ka klɛ 'wɛŋ, 'bhɛɛ- 'ke waa -la yrɛ ye 'ka ta -za 'kedo- 'kpɔ 'yi, 'bhɛ 'pegee 'ke waa -sɔŋ' bhɛ do ye 'ka ma.
- 23 'Duŋ- 'ka kli gbaanle bo 'egloole 'kaa- 'kpaleya 'e 'yi; 'ka 'yrikpale -o pɛ 'la ta, 'bhɛɛ- 'ke 'ka 'bhɛ 'srɔɔwoa- -Jan 'Nrɛle- 'e 'yi, 'ka 'laa 'tolɛ- 'ke pɛ 'kedo- 'kpɔ 'a klɛ 'bhɛɛ- 'ka ploo 'bhɛ -yrikpagbeya 'e ma -titi. 'Ka 'yee- -Jan 'Nrɛle- 'la =maa, -o 'yela- wo 'zi 'drunyan 'e 'yi yrɛkpen- =nɔɔ mɛɛ mu 'e ni; 'bhɛɛ- -Waanbhaa' 'mi Pɔlu =kla -yaa' yewonɛ 'le 'yee- -Jan 'Nrɛle- 'e 'yela- wole 'kaama-.
- 24 'D nɛɛnɛ- mu, 'mi -o -yrɛnlabhle zii' -zɔn 'ka mu ni, 'bhɛ 'mi zrukpalaa. -Amasrɔyi, 'ŋ -yrɛn mu 'la 'bhle zii' -gɛ 'ŋ 'flɛ 'yi, 'bhɛ mu -o Krisi -yrɛn mu 'la =bhla 'mu -lɛpa' pɛ 'le. 'Mi -o 'bhɛ -yrɛn mu 'e 'bhle zii' Zesu Krisi 'flɛ 'e 'bhɛɛ- ni; 'bhɛ 'flɛ 'e 'bhɛ -le Zesu 'yi mu -lɛdo' 'e 'le.
- 25 -Waanbhaa' 'mi =kla Zesu 'yi mu -lɛdo' 'e -waa' yewonɛ 'le 'ka mu ni, 'ke 'ŋ 'yee- -jan 'e wo 'ka ni 'ke 'an 'lɛyan a ma.
- 26 'Bhɛ -jan 'e 'bhɛ -la tagaanle =bwa bhaaplɛŋ mu 'kpen 'lɛɛ, 'kee- 'san -Waanbhaa' 'drunyan klɛ. 'Duŋ- -zɔn, -e 'bhɛ -zrɔnna -yaa' pɛ mɛɛ 'wɛŋ mu 'e ni.

27-Trɔn -gbɛnɛ 'la -yoo 'bɛ gaanyiza 'ɛ 'yi 'drunyan 'yi 'si mu 'ɛ 'kɛn ni, 'bɛɛ- 'kee-
lele bɛ, -Waanbɛaa' -yaa -a zi 'bhii- Zesu 'yi mu 'ɛ -o 'bɛ dɔ. 'Bɛ gaanyiza 'ɛ 'bɛ -le
-gɛ: Kɛri -o 'ka zru mu 'ɛ 'yi, 'bɛɛ- -ya klɛ 'ke 'ka 'yɛkɛpale bo -a ta 'bhii- 'ka nu klɛɛ -
Waanbɛaa' a 'tɔbhɔleya 'ɛ 'yi.

28'Bɛ 'yi bɛ, 'o mɔɔ -janwo' zii' 'yee- Kɛri -la ba zayi' mɛɛ mu 'ɛ ni, 'ke 'o zruwla
mɛɛ 'tɔle- mɛɛ 'bɛ 'kɛɛ, 'bɛɛ- 'ke 'woo- daan -Waanbɛaa' a -zadɔleya 'ɛ 'kɛn 'le.
'Kooko- 'ke 'o mɛɛ 'tɔle- mɛɛ 'bɛ zɔn -Waanbɛaa' ni -a -lɛpalele Kɛri 'srɔyi.

29'Bɛla- -zayi', 'ɛ 'yoo- dɔ 'zi 'ɛglɔɔle 'ke 'ɛ yewo Kɛri a faŋgan- ma -glɔɔya' 'la -yoo
'ɛ 'yi 'bɛ 'le.

Kolɔsi Mu 2

1'D nɛɛnɛ- mu, wlan 'ɛ ni, 'ɛ 'yoo- dɔ 'zi 'ɛglɔɔle 'ka mu ni gɔnɛ- 'la gbɛɛn-, 'ɛ 'yoo- -a
zi 'bhii- 'ka 'bɛ dɔ. 'D 'yoo- dɔ 'zi 'ɛglɔɔle 'ka mu 'pɛgɛ Laodise mu 'ɛ, 'bɛɛ- mɛɛ 'la
zan mu 'kɛn 'laa 'ɛ 'yele- -lido' 'mu -laa' -za ma.

2'D 'yoo- 'bɛ klɛ 'zi, 'kooko- -woo zru dɔ 'ɛglɔɔle, 'ke -o 'kpale- klɛ do ma 'sɔniya 'ɛ
'yi; 'bɛɛ- 'ke -o 'pale- klɛ 'ke 'yikanle 'le. 'Bɛ klɛgbɛya 'ɛ 'yi, -o nu -Waanbɛaa' a
gaanyiza 'ɛ dɔle, 'bɛ gaanyiza 'ɛ 'bɛ -le 'ke Kɛri 'le.

3-Waanbɛaa' a -zadɔleya 'ɛ 'yi pɛ -lɛle' mu 'ɛ 'kɛn 'pɛgɛ -yaa' -zayaangole 'ɛ 'yi pɛ -
lɛle' mu 'ɛ 'kɛn magaanle -o 'yee- Kɛri -la -yi.

4'D 'yoo- 'bɛ 'pɛ zii' 'ka ni bɛ, 'kooko- mɛɛ 'kɛdɔ- 'kpɔ 'laa 'ka 'yini- -a -lɛ ma -nra jan
mu 'ɛ 'le.

5-Ali- 'ke 'ɛ 'pɛngole -o 'ka ma 'ɛ 'flɛ 'ɛ 'yi, 'ɛ 'yoo- 'ka -din 'ɛ 'nii- 'ɛ 'yi. 'An 'malawoa
dɔɔ 'ka -o 'taawo zii' 'elɛle, 'bɛɛ- 'ka 'kpale- -o Kɛri 'yi 'ɛglɔɔle, 'bɛ 'ɛ zrukɛpala.

6'Bɛ -ya 'ɛ 'yi bɛ, 'ka Zesu Kɛri =sia 'kaa Mɛɛzan 'le gɔnɛ- 'la gbɛɛn-, -ka 'taawo -a
zi 'elɛle.

7'Ka kli gbaanle bo -a ta 'bhii- -yɛri 'sɛnɛ mu 'ɛ 'trɛ kun -a -la gɔnɛ- 'la gbɛɛn-, 'bɛɛ- -ka
'ka 'si 'ɛ dɔ 'yela- ta. -Ka bo 'ɛglɔɔle 'tanji 'kaa- 'kpaleya 'ɛ 'yi, 'bhii- -o 'ka -daanna dɔɔ
'kaa klɛ gɔnɛ- 'la gbɛɛn- bɛ; 'bɛ 'pɛgɛ -ka -Waanbɛaa' 'pubɔ- 'ka nii- 'ɛ 'kɛn 'le -e -
za mu 'la =kla 'ka ni 'mu ma.

8-Ka 'ka 'yɛkɛpa 'ka 'gbu ba 'elɛle, 'kooko- mɛɛ 'kɛdɔ- 'kpɔ 'laa 'ka 'yini bhaaplɛɛ mu a
bhaama -zadɔle mu 'ɛ 'le; 'bɛ bhaama -zadɔle mu 'ɛ kli gbaanle -o bhaaplɛɛ mu a 'si ta
za mu -la ta, 'bɛ 'pɛgɛ -waa' 'kɛpɛledangbɛya mu 'ɛ 'drunyan 'yi -za mu ma. 'Duɛ-
'bɛ 'kɛpɛledangbɛya mu 'ɛ gole -o Kɛri a pɛ -zadɔleya 'ɛ ma.

9-Amasrɔyi, -Waanbɛaa' dɔgbɛya 'ɛ 'kɛn -o Kɛri a bhaaplɛɛ 'flɛ 'ɛ 'yi.

10'Bɛɛ- 'ka pɛ 'kɛn 'srɔwoa- 'ka mu 'pɛgɛ Kɛri a 'kpaledomaya 'ɛ 'yi. 'Yela- 'kpaale
-o -kunlii mu 'ɛ 'kɛn 'pɛgɛ 'sɛɛ 'tɔle- 'sɛɛ 'mu 'kɛn 'wiin-.

- 11'Ka mu 'pegee Kriisi a 'kpaledomaya 'e 'yi, -o 'ka =wlaa 'klɛn 'yi 'yee- Kriisi 'yi. Yaa pɛ 'klɛn 'e 'yi wlale 'e bhaapɛŋ laa 'bɛ klele -a gbɛ -le. 'Duŋ- -yaa' pɛ 'klɛn 'yi 'wlale- 'e 'bɛ -le 'ka -gwa 'ka 'joo gwe mu 'e 'pegee 'kaa- -za 'yoo- mu 'e 'yi.
- 12-O 'ka 'wiɪŋfelawoa -yi ba, -e =kla 'bhii- 'ka -gaa, 'bhɛɛ- -o 'ka 'pegee Kriisi =bian 'eke- 'yi; 'bhɛɛ- 'ka 'pegee 'yee- -bwela 'eke- 'yi gale ba. -Amasroyi 'ka 'ka =kpaa - Waanbhaa' a -glɔɔya' 'la 'bɛ Kriisi -bwela ba 'bhɛɛ- 'yi.
- 13'Elwaleta, 'ka 'yaa- 'bhii- 'ka -gaa -Waanbhaa' -yɛ 'yi 'kaa- -za 'yoo- mu 'e -zayi', 'bɛ 'pegee 'kaa- 'klɛn 'yi wlalekleya 'e -zayi'. 'Duŋ- -zɔn, -Waanbhaa' bole -yɛ ma -si 'na gbɛ drɛwɔa- 'ka ni 'ka 'pegee Kriisi a 'kpaledomaya 'e 'yi, 'bhɛɛ- -e -kɔɔa' -za 'yoo- mu 'e 'kɛn -sroma -yaan -kɔɔ' ni.
- 14-Kɔɔ' kleza -yoo' mu 'la 'kɛn yɔɔndɛle -yaa, 'bhɛɛ- 'bɛ 'sɛwɛ 'kpaale -yaa -kɔɔ' 'kaama- -kɔɔ' 'toŋ mu 'la 'yisiɛla 'mu -zayi'; Kriisi 'bɛ 'sɛwɛ 'yoo- 'e 'kɛn 'liila-; -amasroyi -e -kɔɔ' ma 'kiti 'kwe =sia a ga -yriɣbɛɛle 'e ta.
- 15Kriisi gaza 'e -yriɣbɛɛle 'e ta, 'bɛ 'sroyi, -Waanbhaa' -glɔɔya' -gwa -Setran' a 'sɛnzan- mu 'e 'pegee -yaa' -kuŋlii mu 'e 'kɔɔ. 'Bɛ klɛgbɛya 'e gbɛɛn- bɛ, -ya -zɔnna mɔkɛn' ni kpataakpa 'bhii- Zesu Kriisi 'sɛngwa= 'bɛ mu 'le.
- 16'Bɛ klɛgbɛya 'e 'yi bɛ, 'ka 'laa 'tolɛ- 'ke mɛɛ 'kɛdo- 'kpɔ -janwo' 'ka ma: 'ka 'le pɛle oo, 'ka mi pɛ oo, 'fɛti yi -klɔsikunza mu oo, 'bɛ 'pegee mlɛ drɛɛ 'pwe yi 'fɛti 'bhɛɛ- 'ka 'yitrɛ yi -za mu -zayi'.
- 17'Bɛ -za mu 'e 'yaa- -za mu 'la 'yaa- zan nule 'mu -la -tɔɔmasiɛ 'le; 'duŋ- Kriisi -le wlan kpataakpa 'gbu 'e 'le.
- 18'Ka 'laa 'tolɛ- 'ke mɛɛ 'kɛdo- 'kpɔ 'a klɛ 'bhɛɛ- -e 'ka go 'ka 'taawo zi -lɛle' 'e ta 'bɛ ta, 'ke -ya klɛ 'bhii- -ya 'gbu mazina 'zi, 'bhɛɛ- -e -mlɛkɛ' mu klɛ -yaa' -waanbhaa' 'le 'kee- 'mu gba. 'Bɛ mɛɛ -glɔɔn mu 'e, -o waa -yɛ zi yele mu -la -za kun 'eglɔɔle; 'bhɛɛ- -waa' bhaapɛŋya 'kpeɛledangbɛya 'e ma, -woo 'gbu magbaandɛ.
- 19'Bɛ mɛɛ -glɔɔn mu 'e -o blɔɔle laa bo Kriisi 'la 'bɛ -o 'ke Zesu 'yi mu -lɛdo' 'e ŋgblo 'le 'bɛ ma. 'Bhɛɛ- 'duŋ-, -kɔɔ' mu -o 'bhii- -a 'flɛ dɔpɛ mu -la -le, 'bhɛɛ- -kɔɔ' blɔɔle -o -a ma 'eglɔɔle 'bhii- -kɔɔ' -fasa mu 'e blɔɔle -o bhɛlɛ' mu 'e ma gɔnɛ- 'la gbɛɛn-. 'Bhɛɛ- klɛgbɛya 'e 'yi, -a 'flɛ gbaandɛ 'bhii- -Waanbhaa' -a zi 'bhii- -e gbaandɛ gɔnɛ- 'la gbɛɛn- .
- 20'Ka mu 'pegee Kriisi -gaa 'eke- 'yi, 'bhɛɛ- -e 'ka -gwa 'drunyan ta lii -yoo' mu 'e waa - glɔɔya' 'e =la. 'Bhɛɛ- -mɛle =kla 'bhɛɛ- 'ka -o 'taawo zii' 'bhii- 'drunyan 'lɛɛ- 'yi mɛɛ mu 'e gbɛɛn- ɛɛ? -Mele =kla 'kaa- 'to zii' 'bhɛɛ- -o 'bɛ 'toŋ -glɔɔn mu 'e dɔ 'ka 'wiɪŋ- ɛɛ, 'ke -wa pɛ 'ka ni dɔɔ 'ka -o -klɔsikun kpaŋma?
- 21-O pɛ 'ka ni 'ka 'laa 'toŋ mu 'la 'yisiɛle 'mu -le -gɛ: "'Ka 'laa pɛ 'lɛɛ- 'bɛ 'sile-. 'Ka 'laa pɛ 'lɛɛ- 'bɛ danle 'ka nɛ ma". 'Bhɛɛ- "'ka 'laa 'kunle- pɛ 'lɛɛ- 'bɛ ma."
- 22'Bɛ pɛ mu 'e -woo 'ke bhle pɛ mu -la -le bhaama. 'Ke -woo =bhla, 'ke -o -yaan. Bhaapɛŋ 'si ta 'toŋ mu 'pegee bhaapɛŋ daangbɛya mu -le 'woo- 'toŋ mu 'e -le.

²³Wlan 'e ni, 'ke 'o 'woo- -za mu 'e -glinna, -o kle mæe -yre 'yi 'bhii -zadó' maza mu. - Amasróyi -woo 'gbu zru 'yi gba gbeya -la kle, -o 'gbu mazinalele, 'bhe 'pegee 'ke -o -yrenkpa' -o 'gbu 'fle 'e ta -za -glóon 'e 'kpen klelele. 'Bhæe- 'duŋ-, 'woo- 'toŋ mu 'e waa so -o -yikunle -o 'fle 'e zru maza mu klele ma.

Kolosi Mu 3

¹'Ka 'pegee Krisi -bwela gale ba 'eke- 'yi. 'Bhe 'yi 'te, pe mu 'la -woo -Waanbhaa' ba laanima, -ka 'bhe mu -la ziglin-; Krisi 'yaale- -o 'bhe yre 'e 'bhæe- =nóó, -Waanbhaa' -din 'tóbhó ma yaayre 'e =nóó.

²-Waanbhaa' -si dræe 'la =twa 'ka ni laanima, 'ka 'yri bo 'bhe -la ta, 'bhæe- 'ka 'laa bole 'ka 'kpeeledanle ma 'tre ta pe mu ma.

³-Amasróyi, -ka 'ka 'gbu 'kun 'bhii- ka -gaa. 'Bhæe- 'ka 'si dræe 'e pegee Krisi magaanle -o -Waanbhaa' ba laanima.

⁴'Bhe ya 'e 'yi, 'kaa- bole -yre ma -si -zeze 'e 'bhe -le Krisi 'le; 'kee- =nwa yi 'la 'le, 'ka mu 'pegee 'yee- nu 'pwele- -yaa' 'tóbhóleya 'e 'yi.

⁵-Ka 'ploo- 'kaa 'tre ta 'joo gwe mu 'e 'kpen ma; 'bhe 'joo gwe mu 'e 'ke mu -le -ge: -yanbhóoya oo, mæe 'kpee 'trindó- maza oo, -za 'yóó- kle -lró oo, zru maza -yóó' mu oo, 'bhe 'pegee 'drunyan ta pe mu 'flen, -amasróyi 'drunyan ta pe mu 'flen 'e 'bhe -o 'ezin- 'bhii- yogbale.

⁶'Duŋ- mæe 'la zan mu laa 'taawo -Waanbhaa' a -jan 'e ta, 'ke -o 'bhe -za 'yóó- -glóon mu 'e kle, -yaa' 'kiti 'e nu 'tenle- 'bhe zan mu ma.

⁷'Elwale -só, 'ka mu 'ezin-, 'ka 'yaa- 'mu -za 'yóó- -glóon mu 'e 'mu -la kle.

⁸'Duŋ- -zón, -ka 'ploo- 'bhe -za mu 'læe- 'kpen ma: yran oo, yin ma 'tónya- oo, 'kpee 'yóoya- oo, 'bhæe- mæe 'tósie maza mu. 'Ka 'laa 'tolé- 'ke -zwanwo' 'pegee 'wloso ma jan 'kedo- 'kpó da 'ka 'lii.

⁹'Ka 'laa bhla pele 'eke- ni, -amasróyi 'ka 'plooda- 'ka 'joo 'yóó- gwe mu 'e 'pegee 'ka -yaa -za gwe mu 'la kle 'mu ma.

¹⁰'Bhæe- 'ka 'joo dræe -la =sia. 'Bhæe- 'joo dræe 'e baan' kla -a ba yi 'oo yi, 'kooko- 'ka só -Waanbhaa' dóle-, 'bhæe- 'ka kleza mu 'e kle 'bhii- 'yee- 'gbu 'la 'ka =kla -a kleza mu 'e gbæen-.

¹¹'Bhela- -zayile, 'kee =kla Zuufu kle 'le oo, 'kee =kla Zuufu mi 'le oo, 'ke -woo 'e =wlaa 'kleen 'yi oo, 'ke waa 'e 'wlalé- 'kleen 'yi oo, 'kee 'yoo- -zadókle 'le oo, 'kee 'yoo- -bón 'yi mi 'le oo, 'kee =kla lu 'le oo, 'kee =kla =kló 'le, 'bhe 'laa -za 'ke kle -li. 'Duŋ- Krisi -la -za -o 'eglóole 'ke 'bhe kan pe 'kpen ta. 'Bhæe- 'yele- -kóó' 'kpen zru 'e 'yi.

¹²-Waanbhaa' 'ka malakwan bhe, 'bhæe- -e 'ka =kla -yaa' pe mæe 'weŋ mu 'le 'edanma, 'bhe 'pegee 'ka -za =swa -a ni, 'ka 'yrenkla 'eke- ma, 'ke 'ka kle 'ewlanle 'eke- ma, -ka 'ka mazina 'eke- -læe, 'ka 'yi kle 'edóole 'eke- ma, 'bhæe- -ka 'ka zrubakpala 'eke- zi.

- 13-Ka bhɔ 'eke- ba; 'bhɛɛ- -ka 'eke- mazato. 'Ke 'ka do 'a -siela 'bhɛ -vindo' mi ba, -ka 'eke- mazato, 'bhii- Mɛɛzan Zesu 'ka mu mazatwa gɔnɛ- 'la gbɛɛn-.
- 14'Bhɛɛ- 'kɛla kpa 'bhɛ -za mu 'ɛ 'kɛn 'wiinj-, 'bhɛ -le dɔɔ 'ka -za 'sɔ 'eke- ni, 'sɔniya 'ɛ 'bhɛ -le nu 'ka 'kpale- do ma, 'bhɛɛ- -a 'lɛsɔ-.
- 15'Bhaa Kriɛ a yilabla 'ɛ klɛ 'ka zru ba. -Waanbhaa' 'ka 'siila- 'bhɛɛ- yilabla 'ɛ 'kaama-, 'kooko- 'ka kpa do ma, 'bhɛɛ- 'ka klɛ mɛɛ do. -Ka -Waanbhaa' 'pubɔ- 'taɲii 'bhɛ ma.
- 16-Kaa 'to 'ke Kriɛ a -jan 'ɛ bo 'ka zru 'ɛ 'yi, 'bhɛɛ- -e 'ka zru 'ɛ pa 'kee- kan -a -daɲ' ta. -Ka yakla- bɔ 'eke- gaan -la, 'ke 'ka 'eke- lia -zadɔlele. -Ka -Waanbhaa' 'tɔbhɔ ma 'sro mu 'pegee -a 'pubɔ- 'sro mu 'kpa -a ni 'ka zru 'ɛ 'kɛn 'le.
- 17'Ke 'ka -o -za 'oo -za 'la klɛle-, 'kee- =kla -janwole 'le oo, 'kee- =kla 'ka klɛza 'le oo, -kaa 'kɛn klɛ Mɛɛzan Zesu 'tɔ 'ɛ 'yi, 'ke 'ka -kɔɔ' Dɛ -Waanbhaa' 'pubɔ-.
- 18'Ka mu le mu, -ka 'ka ɲgblo 'kpala 'ka =nɔɔ mu 'ɛ =la. 'Bhɛ klɛgbɛya -glɔɔn 'ɛ, 'bhɛ -le sɔ Mɛɛzan -Waanbhaa' ni.
- 19'Ka mu 'gwlaan- mu, 'ka 'na mu -za 'sɔ 'ka ni, 'bhɛɛ- 'ka 'laa 'ka yin ma 'tɔnkpale -o ma.
- 20'Ka mu -nɛ mu, -ka 'ka 'yapɛ- mu 'ɛ 'weli- ma -za mu 'ɛ 'kɛn 'yi. 'Bhɛ -le sɔ Mɛɛzan -Waanbhaa' ni.
- 21'Ka mu -nɛ dɛ mu, 'ka 'laa yran wlale 'ka 'nɛ mu 'ɛ 'yi, 'kooko- -o -gblɔzi' laa nu gale -o ma.
- 22'Ka mu lu mu, -ka 'kaa- 'trɛ ta -gɛ -kuɲlii mu 'ɛ 'weli- ma -za mu 'ɛ 'kɛn 'yi. 'Ka 'laa 'bhɛ klɛle -o -yrɛ 'kɔɔ, 'ka 'laa -o zrubhɔ yrɛ -glinlɛ' 'ka ma 'kaa- -za klɛle mu 'ɛ 'yi. 'Duɲ- -kaa klɛ 'ka zru wlan 'le, 'ke 'ka gbalaan Mɛɛzan -Waanbhaa' -lɛɛ.
- 23'Ke 'ka -o ye 'oo ye 'la 'wo zii', -kaa wo 'ka zru 'ɛ 'kɛn 'le; 'bhii- 'ka -o -a klɛ 'zi Mɛɛzan Zesu -la ni; 'bhɛɛ- 'ka 'laa- klɛ 'zi bhaapɛɲ mu do -kplɛn ni.
- 24-Amasrɔyi 'ka 'gbu 'a 'yaango dɔɔ Mɛɛzan -Waanbhaa' 'ka 'ciɛn 'la =twa 'ka 'lɛɛ, 'ka nu 'bhɛ 'srɔwɔlɛ 'bhii- 'ka 'woye- 'ɛ ma -sra 'le. 'Ka -o yewo 'zi Mɛɛzan 'la ni 'bhɛ -le Kriɛ 'le.
- 25'Duɲ- 'ke mɛɛ 'oo mɛɛ 'la zan 'taawoa= 'eyɔɔle, 'bhɛ zan nu 'bhɛ ma -sra 'srɔwɔlɛ. -Waanbhaa' laa bhaapɛɲ mu go 'eke- ma.

Kolɔsi Mu 4

- 1'Ka mu -kuɲlii mu, -ka 'kaa- yewonɛ mu 'ɛ 'kun 'elrele 'ke 'kaa klɛ -lɛdɔɔleya ma, 'bhɛ 'pegee 'ka 'laa -o bagolɛ. -Kaa 'yaango- 'bhii- 'ka mu 'gbu -kuɲlii -gbɛnɛ 'ɛ 'bhɛ -o laanima.
- 2-Ka bo 'ka 'seriwɔle ma 'taɲii, 'ka 'yri 'laa golɛ 'ka 'gbu -za 'le -a klɛle ma, 'ke 'ka -Waanbhaa' 'pubɔ- 'bhɛ ta.

- ³Bhɛɛ- 'ezin-, -ka 'ka 'seriwo -Waanbhaa' ni 'waa- -za ma, 'kooko- -e 'bhe bhla -Irele' na 'o ni 'bhɛɛ- 'o sɔ -Jan 'Nrɛle- 'ɛ 'wole, 'bhe 'pegee 'ke 'o sɔ Kɛri a gaanyiza 'ɛ 'pele mɛɛ mu ni. 'D 'yoo- -zɔn -kaso 'yi 'bhɛla- ma.
- ⁴-Ka 'ka 'seriwo 'mi a -za ma, 'kooko- 'ɛ sɔ 'yee- gaanyiza 'ɛ 'wole- mɔkpen' ni kpataakpa, 'bhɛɛ- -wa -yima' 'elrele, 'bhii- -ya =pia 'ɛ ni 'an kle gɔnɛ- 'la gbɛɛn-.
- ⁵-Ka kle -zadɔ' mu 'le 'kaa- 'taawogbɛya 'ɛ 'yi mɛɛ 'la zan mu laa -Waanbhaa' dɔ 'mu 'pleɛɛ-. 'Ka sɔ -za yɛkɛ- 'la klele-, 'waati 'tɔle- 'waati, -ka 'bhɛɛ- kle.
- ⁶'Ke 'ka -o -jan 'oo -jan 'la 'wole mɛɛ mu ni, -kaa 'to -e kle -jan 'nrɛle- 'le; 'bhɛɛ- -e kle -o -Ire jan 'le. 'Kooko- 'ke -o 'ka 'Iɔkpa- -za 'oo -za -la ma, 'ka sɔ 'bhe zikpale -o 'kpen ni do do.
- ⁷-Kɔɔ' nɛɛnɛ- Tisiki nu 'mi ta -jan mu 'ɛ 'kpen 'wole 'ka ni; -a -za sɔ 'o ni 'egbɛnɛle, 'bhɛɛ- -a zru -o do Mɛɛzan Zesu ni, 'bhɛɛ- 'o 'pegee 'yele- 'bhe a ye 'ɛ 'wo zii' 'eke- zi.
- ⁸'Mi 'gbu 'a 'lawlɛna -a ma 'ke 'an 'winbɔ- 'ka ta ye, 'o ta janwo zayi' 'ka ni, 'bhɛɛ- 'kooko- 'ke 'kaa =ya, faɛgan- baan' nu dɔ 'ka ta.
- ⁹'D 'yoo- -kɔɔ' nɛɛnɛ- Onezimu 'kpa zii' 'yee- Tisiki ba, 'bhɛɛ- 'ɛ -wo winbɔ 'ka ba ye. Onezimu zru -o do 'o ni, 'bhɛɛ- -a -za sɔ 'o ni 'egbɛnɛle, 'bhe 'pegee 'ka 'gbu a mɛɛ -le 'kɛle-. -Za 'oo -za 'la =kla -gɛ, -o nu 'bhe 'kpen 'yipele 'ka ni ye.
- ¹⁰Arisitaki =la 'o 'pegee 'bhe -o -kaso 'yi -gɛ, 'bhe 'ka 'pubwa-; 'duɛ- Banabasi a yewoyɔn Maki 'ka 'pubwa- 'ezin-. 'O 'ka 'kpelekaan 'elwale gban -sɔ 'yee- Maki 'la ba zayi' dɔɔ 'kee- -nwa 'ka ba, -kaa 'cieya- kle 'elrele.
- ¹¹-O -yaa mɛɛ 'la zan sii Zesu Zutusi, 'bhe 'ka 'pubwa- 'ezin-. 'Woo- mɛɛ yaga 'la bhe, 'wola- 'pegee 'mi -o yewo 'eke- zi -Waanbhaa' a -bhleɛgbɛya -jan 'ɛ 'wolele mɛɛ mu 'ɛ ni. 'Wole- 'ke Zuufu mu 'la =wlaa Zesu 'yi -gɛ 'mu 'le. -O faɛgan- -dwa 'mi ta 'egbɛnɛle.
- ¹²'Bhɛɛ- 'ezin-, -kɔɔ' nɛɛnɛ- Epafrasi 'ka 'pubwa-. 'Bhe -o 'ezin- 'ka 'gbu a mɛɛ mu 'ɛ do 'le. 'Bhɛɛ- -yoo 'ke Zesu Kɛri a yewonɛ 'Irele- do 'le. -A nii- 'wlale- -o -a 'seriwole 'yi 'kaa- -za ma 'tanji, 'kooko- 'kaa- 'kpaleya 'ɛ baan' kla -a ba, 'bhɛɛ- 'ka dɔ 'eglɔle, 'ke 'ka 'yriwlale kle -Waanbhaa' zru maza 'ɛ 'kpen klele ma.
- ¹³Wlan 'ɛ ni, 'ka mu Kolɔsi mu 'pegee Laodise Zesu 'yi mu 'ɛ, 'bhɛɛ- Yerapolisi Zesu 'yi mu 'ɛ 'kpen, 'ka -za -o Epafrasi 'kɔɔ 'eglɔle; 'mi 'gbu -o 'bhe 'srɛ 'le.
- ¹⁴-Kɔɔ' 'yienii -drɔɔdrɔɔ' mi Luki 'pegee Demasi 'ka 'pubwa- 'ezin-.
- ¹⁵-Kɔɔ' nɛɛnɛ- Zesu 'yi mu 'la -woo Laodise -wa 'ɛ ta, -ka 'mu 'pubɔ- 'o ni. 'Bhɛɛ- Nifa 'pegee Zesu 'yi mu -lɛdo' 'la kla 'eke- ba -yaa' 'fɛ 'ɛ =la, -ka 'mu 'pubɔ- 'o ni 'ezin-.
- ¹⁶'Ke 'ka =yaan 'yee- 'Itrɛ 'lɛɛ- tapelele 'waati 'la ba, -kaa na Laodise Zesu 'yi mu -lɛdo' 'ɛ ni, 'bhɛɛ- 'mu 'a tape 'ezin-. 'Duɛ- 'Itrɛ 'kɛla =kaan Laodise, 'ke 'bhe =wlaa 'ka ba ye, 'ka mu 'bhe tape 'ezin-.

17-Kaa pe Arisipi ni dɔɔ Mæzan Kriſi 'a 'siila- ye 'la 'kaama-, -e 'bhe -gblakun' 'kee-
'bhe wo 'elrele.

18'Mi Pɔlu 'gbu -le 'sɛwɛyɔɔn 'lɛɛ- dɛ 'zi 'ŋ 'gbu 'kɔɔ dɔɔ: "'Mi Pɔlu 'ka 'pubwa-." 'Mi -o
-kaso 'la 'yi -gɛ, 'mi -za 'laa goɛ 'ka 'kpee. Bhaa -Waanbhaa' 'ka -dɔɔbo'!

Tesaloniki =Lwa Mi

Tesaloniki =Lwa Mi 1

¹Mi Pɔlu 'pegee Silasi 'bhɛɛ- Timote, 'o mɔɔ 'gbu -le 'lɛtrɛ 'lɛɛ- =dia 'ka mu Zesu 'yi mu -lɛdo' 'la 'ka -o Tesaloniki -wa 'ɛ ta 'ka mu ni. 'Ka -o -kɔɔ' Dɛ -Waanbhaa' 'pegee Mɛɛzan Zesu Krisi a pɛ 'le. Bhaa -Waanbhaa' -li 'ka ma, 'bhɛɛ- -e -yaa' yilabla 'ɛ na 'ka ni.

²O -Waanbhaa' 'pubɔ- 'taɲii 'ka 'kpen ba zayi', 'bhɛɛ- 'woo- 'seriwo 'taɲii 'kaa- -za ma.

³Wlan 'ɛ ni, 'ka 'ka =kpaa Krisi 'yi gɔnɛ- 'la gbɛɛn-, 'bhɛɛ- 'ka 'bhe 'yizakla; 'ka yewoa- -a ni gɔnɛ- 'la gbɛɛn- 'sɔniya 'le 'ka 'yi, 'bhe 'pegee 'ka 'yrikpale 'la -yoo 'egloole Mɛɛzan Zesu Krisi ta; 'bhe -za mu 'ɛ dɔ 'o 'kpee 'waati 'ɛ 'kpen ba 'ke 'woo- 'seriwo zii' -kɔɔ' Dɛ -Waanbhaa' ni.

⁴O nɛɛnɛ- mu, 'wa 'yaango- 'bhii- 'ka -za =swa -Waanbhaa' ni, 'bhɛɛ- -e 'ka makwan- yaa pɛ 'le.

⁵O -Jan 'Nrɛle- 'la =woa 'ka ni; 'waa 'bhe klɛlɛ 'o 'liijan- bhaama 'te 'wolele 'ka ni, 'duɲ- 'wa =kla 'ke -Waanbhaa' a -glɔɔya' 'pegee Lii 'Wɛɲ 'ɛ 'mu -la -le. 'Bhɛɛ- 'o 'kpale- -yaa -a -yi 'bhii- wlan -le 'kele-. 'O 'taawoa= 'ka 'plen- gɔnɛ- 'la gbɛɛn- 'ka 'gbu 'bhe 'yaango- 'bhii- 'bhe 'yaa- 'ka 'gbu 'nrayiza 'le.

⁶Ka mu 'gbu 'taawoa= 'bhii- 'o mɔɔ 'gbu 'pegee Mɛɛzan Krisi 'taawogbɛya 'ɛ gbɛɛn-. 'Ali- 'ka 'yaa- 'trɛbhɔ -bebe 'la 'yi, 'ka -dwa -Waanbhaa' a -jan 'ɛ =la 'ka zrukpaale 'la da Lii 'Wɛɲ a -glɔɔya' 'ɛ ba 'bhɛɛ- 'le.

⁷Bhe klegbɛya 'ɛ 'yi, Masedwani 'klɛn 'ɛ 'pegee Akayi 'klɛn 'ɛ 'yi Zesu 'yi mu 'ɛ, 'mu 'kpen nu 'taawolɛ 'kaa- pɛ 'taawogbɛya 'ɛ 'bhɛɛ- zi.

⁸Wlan 'ɛ ni, Mɛɛzan a -Jan 'ɛ dalawoa 'ka mu ba, -e =zian Masedwani 'pegee Akayi 'klɛn mu 'ɛ 'yi; 'duɲ- yaa bolɛ 'mu do -kplɛn ta; 'ka 'kpagbɛya 'ɛ -Waanbhaa' 'yi, 'bhe -jan 'ɛ =zian yrekpen- =nɔɔ 'ezin-, -asiikɔɔ 'o maza laa -yaa -li 'bhe -jan 'ɛ 'wole- ma mɛɛ mu 'ɛ ni, -amasɔyi -wa -maa gban.

⁹Ka 'o 'ciɛya- =kla 'elrele gɔnɛ- 'la gbɛɛn-, mɔkpen' -o 'bhe 'pe zii'. 'Bhɛɛ- -wa pe zii' 'ezin- 'kaa 'ka 'plooda- 'kaa yo mu 'ɛ gbale ma, 'bhɛɛ- -Waanbhaa' 'la -ya -yrɛ ma, 'ke -yee' 'ewlanle, 'ka 'ka zru -niinaa' 'bhe ba, 'bhɛɛ- 'ka 'bhe gba.

¹⁰Bhɛɛ- 'ka -o -a Gbe Zesu 'la -e 'bhe -bwela gale ba, 'bhe 'magben- 'zi 'ke 'bhe da laanima. 'Bhe Zesu 'ɛ, 'bhe -le -kɔɔ' go -Waanbhaa' a 'kiti 'ɛ 'yi.

Tesaloniki =Lwa Mi 2

¹D nɛɛnɛ- mu, 'ka mu 'gbu 'a 'yaango- 'o gelawoa 'ka ba, yaa klɛlɛ 'ke bhaama za 'le.

²Kaa 'yaango- 'ezin- 'bhii- mɛɛ mu 'o -zwanwoa, 'bhɛɛ- -o -yrenkpaa 'o ta 'elwale 'pe Filipu -wa 'ɛ ta. 'Duɲ- -Waanbhaa' fangandwa 'o ta, 'bhɛɛ- 'o =nwa -yaa' -Jan 'Nrɛle- 'ɛ 'wole- 'ka mu ni Tesaloniki 'tɛ, 'ali- 'ke mɛɛ mu 'ɛ waa -yaa dɔle- -a =la 'ke 'o 'bhe wo bhe.

- ³Wlan 'ε ni, 'waa -o 'yee- -Jan 'Nrāle- 'ε 'wo zii' bhla ma, 'bhε 'pegee 'o 'kpee 'yoo- 'le. 'Bhεε- 'waa -o mεε 'kedo- 'kpɔ 'yiniyre -glin 'zi.
- ⁴Drɔɔn' -Waanbhaa' -a zi 'bhii- 'o -janwo' -janwo' gbeya 'la 'yi, 'woo- 'bhεε- klε 'zi. - Amasrɔyi, -a 'gbu 'a =ya 'bhii- -a -gaale' 'o ba 'kee- -yaa' -Jan 'Nrāle- 'ε gbεkpa 'o mɔɔ 'kɔɔ. 'Waa -o -janwo' zii', 'kooko- 'o sɔ mεε mu ni, 'duŋ- 'woo- -a zi 'bhii- 'o sɔ - Waanbhaa' 'la mεε zrubaglin 'bhεε- ni.
- ⁵'Ka 'gbu 'a 'yaango- 'bhii- 'waa 'ka 'yini ma -janwole 'ka ni; 'bhεε- 'waa 'yee- -Jan 'Nrāle- 'ε wole 'ka ni 'waa -gɔli' 'fleŋya- 'ε ma, -Waanbhaa' 'gbu -o 'o 'srε 'le.
- ⁶'Waa 'o 'gbu 'tɔbhɔyre -glinle' -lido' mεε 'kedo- 'kpɔ 'kɔɔ: 'kee- 'kpa 'ka mu ta oo, 'kee- kpa mεε -bhεεke' mu ta oo, 'waa 'bhε klεle -lido'.
- ⁷'Bhεε- 'duŋ-, 'woo- Kriŋi a winbɔwo mu 'la 'le bhe, 'o 'yaa- sɔ 'waa- mεε gbalaanya 'ε gbɪŋkpale 'ka ta 'bhii- 'kwe. 'Duŋ- 'waa 'bhε klεle, drɔɔn' 'o 'yaa- 'ka ba 'waati 'la ba, 'o 'yaa- 'ka 'kun zii' 'o 'yidɔɔ- 'le 'bhii- 'ke -nε nεe do -o -yɔn 'na zii' 'a 'nε 'ε ni -e 'bhε - gblakun' gɔnε- 'la gbεen-.
- ⁸'Bhε ya 'ε 'yi, 'ka -za 'sɔ gbε -yɔɔ' 'ε 'kɔɔ 'o ni, 'waa -yaa zi 'bhii- 'o bo -Waanbhaa' a - Jan 'Nrāle- 'te 'ε 'bhε 'wole- ma 'ka ni; 'duŋ- 'o 'yaa- zi 'bhii- 'woo 'gbu 'si 'ε 'na 'ka ni 'ka -za 'sɔ gbε -yɔɔ' 'ε 'kɔɔ 'o ni.
- ⁹'D nεεnε- mu, 'o yewoa= 'eglɔɔle gɔnε- 'la gbεen-, 'bhε 'pegee 'o 'trɛbhwa= 'ebebele gɔnε- 'la gbεen- 'bhε -o 'ka 'kpee: -bi zi oo, -yrekpa' oo, 'o yewoa= 'eglɔɔle 'o gbε ma, 'kooko- 'woo 'gbu maza gopε -srɔɔwo', 'bhεε- 'waa klε 'ka ta 'kwe 'le, 'o 'yaa- - Waanbhaa' a -Jan 'Nrāle- 'ε 'wo zii' 'ka ni bhla 'la ba.
- ¹⁰'Ka mu 'gbu -o 'o 'srε 'le, 'bhεε- -Waanbhaa' -o 'o 'srε 'le 'ezin-. 'Ka mu 'la 'ka 'ka =kpaa Kriŋi 'yi bhe, 'o 'taawoa= 'ka 'pleŋ- 'o 'kpee 'fleele- 'le, 'bhε 'pegee 'o 'ledɔɔle - yaa, 'bhεε- waa -za 'yɔɔ- 'kedo- 'kpɔ 'yele- 'o zi.
- ¹¹'Kaa 'yaango- 'ezin- dɔɔ 'o 'ka 'kpɛn do do -gblakwan 'elrele 'bhii- -nε dε -a 'gbu 'nε mu -gblakun' 'elrele gɔnε- 'la gbεen-.
- ¹²'O zruwlaa= 'ka 'kpee, 'bhεε- 'o =bwa -a pele ma 'ka ni dɔɔ -ka 'taawo 'elrele 'ke 'bhε sɔ -Waanbhaa' ni. 'Yee- -Waanbhaa' -le 'ka 'siila-, 'kooko- 'ka dɔ klε -yaa' -bhleŋgbeya 'pegee -yaa' 'tɔbhɔleya 'ε 'mu ba.
- ¹³'O -Waanbhaa' 'pubɔ- 'tanjii -za 'lεε- 'bhεε- ma 'ezin-. 'O 'yee- -Waanbhaa' a -jan 'la =woa 'ka ni, 'ka -dwa -a =la. 'Ka 'laa 'yele- 'bhii bhaapleŋ mu wojan gbεen-; 'duŋ- 'kaa =ya 'bhii- -Waanbhaa' a -jan 'le. 'Bhεε- 'duŋ- -yoo 'ke 'bhεε- 'le kpataakpa. 'Bhεε- -yoo yewo 'zi 'ka mu 'la 'ka 'ka =kpaa -a -yi 'ka zru mu 'ε 'yi.
- ¹⁴Wlan 'ε ni, 'ŋ nεεnε- mu, -Waanbhaa' a mεε mu 'la -woo 'ke Zesu Kriŋi 'yi a pε 'le Zude 'kleen 'ε 'yi, 'ka mu 'mu a 'taawogbeya 'ε 'bhεε- =sia bhe; -amasrɔyi Zuufu 'ke mu -yrenkpaa 'mu ta gɔnε- 'la gbεen-, 'ka mu a pε mεε mu 'ε 'mu -o -yrenkpa' zii' 'ka ta 'bhεε- gbεen- 'ezin-.

- 15'Woo- Zuufu mu 'ε, -o 'ke mu -le -Waanbhaa' a -lɛla' janwo mu 'ε =dia 'elwale -sɔ; 'bhɛɛ- -o 'ke mu -le 'a =kla 'bhɛɛ- mɛɛ mu Mɛɛzan Zesu =dia; 'bhɛ 'laa -mɔlɛ' -li, 'wola- 'ke mu -yrenkpaa 'o mɔɔ ta 'ezin-. Waa sɔ -Waanbhaa' ni, 'bhɛɛ- -o -sɔnnii' -o 'ke mɔkpen' 'le.
- 16'Ke 'woo- -a zi 'bhii- 'o -Jan 'Nrɛle- 'ε 'wo Zuufu kle mu 'ε ni, 'bhɛɛ- 'mu go -za 'yi, -o 'bhɛ 'saawo- 'o 'kɔɔ. 'Bhɛ klɛgbɛya 'ε 'yi, -o waa -za 'yɔɔ- mu 'ε baan' -la 'kla zii' 'a ba. 'Duŋ- 'bhɛ 'lɛyanyrɛ -le 'ke -Waanbhaa' a 'kiti 'yɔɔ- 'ε baayrɛ 'le -o ta.
- 17'O nɛɛnɛ- mu, 'o mɔɔ golawoa 'ka -din 'waati 'dama ta 'o 'flɛ 'ε 'yi, waa pele 'o 'nii- 'ε 'yi, 'ka taglin- 'lrɔ -gbɛnɛ -dwa 'o ma 'eglɔɔle.
- 18'Bhɛla- -zayi', 'o 'yaa- zi 'bhii- 'o ge gbɛ drɛɛwo 'ka ba ye 'ezin-, 'ali- 'mi Pɔlu 'gbu 'bhɛ 'yidangbɛ 'damawoa; 'duŋ- -Setran' 'bhɛ 'saawoa- 'o 'kɔɔ.
- 19'Bhɛ ya 'ε 'yi, -de mu -le =kla 'o 'yrikpa pɛ 'le ɛɛ? -De mu -le 'o zrukpa' pɛ 'le ɛɛ? 'Bhɛɛ- -de mu -le 'o 'wasowo pɛ 'le ɛɛ? Mɛɛzan Zesu 'nu yi 'le, 'ka mu -le nu klɛlɛ 'o 'yrikpa pɛ 'le, 'bhɛ 'pegee, 'ka mu -le nu klɛlɛ 'waa- zrukpa' pɛ 'pegee 'o 'wasowo pɛ 'le Mɛɛzan Zesu 'lɛɛ.
- 20'Wlan 'ε ni, 'ka mu -le 'o 'wasowo pɛ pegee 'o zrukpa' pɛ 'le.

Tesaloniki =Lwa Mi 3

- 1'Bhɛ =nɔɔ 'mɔlawoa 'ke 'waa 'ka ye bhe, 'waa -yaa sɔ -li 'bhɛ 'yikunle; 'bhɛla- -yile, 'ke 'wa 'kpale do dɔɔ 'mi 'pegee Silasi bo -sɔ Atɛni -wa 'ε ta.
- 2'Bhɛɛ- 'ke 'woo nɛɛnɛ- Timote winbɔle 'ka ta ye. 'Yee- 'pegee 'o mɔɔ -o yewo 'zi 'eke-zi -Waanbhaa' ni 'ke 'o Krisi a -Jan 'Nrɛle- 'ε wo. 'Wa 'winbwa- 'ka ta ye, 'kooko- -e ge zruwla 'ka 'kpee, 'bhɛɛ- -e faŋgandɔ 'ka ta 'kaa- 'kpaleya 'ε 'yi.
- 3'Bhɛɛ- 'kooko-, -o -yren mu 'la kpa zii' -kɔɔ' ta 'saanigɛ, 'ka 'kedo- 'kpɔ 'laa ploo 'bhɛ 'kpale- ma Zesu 'yi. 'Ka 'gbu 'a 'yaango- 'bhii- -yren mu 'la 'mu -kɔɔ' ta, -Waanbhaa' 'kɔɔ -za -le 'mu -le.
- 4-Amasrɔyi 'o 'yaa- 'ka ba 'waati 'la ba, 'o 'ka 'kpeelɛkaan dɔɔ mɛɛ mu nu -yrenkpale -kɔɔ' ta. -Kaa 'yaango- 'bhii- 'o 'ka 'kpeelɛkaan -za 'la mu 'le, 'mu -le bhɔ 'zi bhe.
- 5'Bhɛ =nɔɔ 'mɔlawoa 'ke 'waa 'ka ye bhe, 'waa -yaa sɔ -li 'bhɛ 'yikunle, mi 'gbu Timote 'winbwa- 'ka ta ye, 'kooko- 'ka 'kpale- -o Krisi 'yi gɔnɛ- 'la gbɛnɛ- -e ge 'bhɛ 'ye. -Amasrɔyi yien -yaa 'kan zii' 'ŋ 'kpee dɔɔ -Setran' 'laa nu 'ka 'lɛkanlɛ, 'bhɛɛ- -e 'ka 'yini-. 'Ke 'bhɛ =kla, 'o ye 'la =woa 'ka ba ye, 'bhɛ nu klɛlɛ bhaama yewole 'le.
- 6'Duŋ- Timote dalawoa 'ka taglin- yrɛ 'ε =nɔɔ, -e 'ka ta jan 'nrɛle- =woa 'o ni. -Ya =pia 'o ni dɔɔ 'ka 'kpale- -o Krisi 'yi 'elrele, 'bhɛɛ- -a -za sɔ 'ka ni. -Ya =pia 'o ni 'ezin- dɔɔ 'o -za -o 'ka 'kpee 'tanjii, 'bhɛ 'pegee 'ka mu ye -lrɔ 'o ma gɔnɛ- 'la gbɛnɛ-, 'o mɔɔ ye -lrɔ -o 'eglɔɔle 'ka mu ma 'bhɛɛ- gbɛnɛ- 'ezin-.
- 7'O nɛɛnɛ- mu, -o 'ka ta jan 'ε 'wolawoa 'o ni, 'ali- 'ke 'woo- 'trɛbhɔ 'pegee -yren mu -la -yi, 'bhɛ faŋgandwa 'o ta, 'kaa- 'kpaleya 'ε -zayi'.

⁸Bhɛ ya 'ɛ 'yi, 'ka dɔlela -yoo 'egloole 'ka 'pegee Mɛezan a 'kpaledomaya 'ɛ 'yi, 'o sɔ 'o 'trele 'tɛ.

⁹Bhɛɛ- 'o sɔ -Waanbhaa' 'pubɔle 'nale- -a ma 'ka ba zayi', 'ka zrukpa' -gbɛɛ 'la -zinaa' 'o ta 'yee- -Waanbhaa' -yrɛ =la 'bhɛ -zayi' ɛɛ?

¹⁰-Bi zi 'pegee -yrekpa', 'o -sromabɔ 'egloole -Waanbhaa' ni dɔɔ -e zi na 'o ni 'bhɛɛ- 'o sɔ gele- 'ka taglinɛ. 'Ke 'bhɛ =kla, 'waa 'sɔle- 'ka daanle- 'kɛla 'le 'kpaleya a zi 'ɛ ta, -o nu 'ka daanle 'bhɛ 'le, 'bhɛɛ- 'kaa- 'kpaleya Zesu 'yi 'bhɛ 'lɛpa-.

¹¹Bhaa -kɔɔ' Dɛ -Waanbhaa' 'gbu 'pegee Mɛezan Zesu Krisi zi na 'o ni, 'bhɛɛ- 'o sɔ gele- 'ka taglinɛ.

¹²Bhaa Mɛezan kaa 'sɔlekeniya 'ɛ baan' kla 'a ba, 'bhɛɛ- mɛɛ mu 'ɛ 'kpen baan' sɔ 'ka ni, 'bhii- 'ka mu -za sɔ 'o mɔɔ ni gɔnɛ- 'la gbɛɛn-.

¹³Bhaa -e fangandɔ 'kpaleya 'la -yoo 'ka 'yi bhɛ 'bhɛ ta; 'kooko- 'ka klɛ 'wɛɲ, 'bhɛɛ- waa -za 'yɔɔ- 'kɛdo- 'kpɔ ye 'ka zi -kɔɔ' Dɛ -Waanbhaa' -yrɛ =la, Mɛezan Zesu 'pegee -Waanbhaa' mɛɛ 'la zan mu 'kpen 'siila- -yaa' pɛ 'le 'mu nu yi 'le.

Tesaloniki =Lwa Mi 4

¹'O nɛɛnɛ- mu, 'kɛla 'bhɛ -o -jan 'lɛyanyrɛ 'le 'bhɛ -le dɔɔ 'ka sɔ 'taawole gɔnɛ- 'la gbɛɛn-, 'bhɛɛ- 'ka sɔ -Waanbhaa' ni, 'ka 'bhɛ -daanna 'o mɔɔ -la 'kɔɔ. 'Duɲ- 'ka -o 'taawo zii' 'bhɛɛ- gbɛɛn-. 'Kɛla 'bhɛ -o -a -yi 'egloole, 'bhɛ -le dɔɔ 'o -sromabɔ 'ka ni Mɛezan Zesu 'tɔ 'yi dɔɔ -ka 'ka 'taawogbɛya -lrele' 'ɛ baan' 'kla a ba.

²Wlan 'ɛ ni, 'o 'ka -daanna -za mu 'la 'le, 'bhɛɛ- 'wa =pia 'ka ni 'ka 'mu klɛ 'ka 'mu dɔ; 'bhɛ -za mu 'ɛ -daa Mɛezan Zesu -la ba.

³-Waanbhaa' -o -a zi 'bhii- 'ka bo 'ɛdaɲma -yaa' pɛ mɛɛ 'wɛɲ mu 'le, 'bhɛɛ- 'ka 'ka 'plɛɲgo- -yanbhɔɔya ma.

⁴Bhɛɛ- 'ke 'ka 'kpen do do bo 'bhɛ 'na 'le 'wɛɲ -Waanbhaa' -yrɛ 'yi, 'bhɛɛ- 'ke bhaaplɛɲ mu 'ka -lɛdɔ' -a ma 'bhɛ -zayi'.

⁵'Ka 'laa 'tolɛ- 'ke zru maza -yɔɔ' klɛ -lɔ gbiɲkpa 'ka ta, 'ke 'ka bo -za 'yɔɔ- klɛle ma 'bhii- mɛɛ 'la zan mu laa -Waanbhaa' dɔ 'mu gbɛɛn-.

⁶'Kɛla 'bhɛ -o le 'pegee 'gwlaan- plɛɲza 'ɛ 'le, 'bhɛ -le dɔɔ mɛɛ 'kɛdo- 'kpɔ 'laa -naanaa' maza klɛle -a nɛɛnɛ- Zesu 'yi mi na 'ɛ 'le, 'bhɛɛ- 'bhɛ -glin 'lɔ 'laa dɔle -a ma. 'O 'bhɛ -jan 'ɛ =woa gban 'ka ni 'elwale, 'bhɛɛ- 'o 'bhɛ 'kpankpanyaan 'ka ma dɔɔ 'ke mɛɛ 'la zan 'bhɛ -za -glɔɔn 'ɛ klɛ, Mɛezan -Waanbhaa' nu 'bhɛ zan 'ɛ 'krowole.

⁷-Amasɔyi -Waanbhaa' laa -kɔɔ' 'siile- -yanbhɔɔya klɛle ma, 'duɲ- -e -kɔɔ' 'siila- 'ke -kɔɔ' bo 'ɛdaɲma -yaa' pɛ mɛɛ 'wɛɲ mu 'le.

⁸'Bhɛ 'yi 'tɛ, 'ke mɛɛ 'oo mɛɛ 'la zan 'ɛ -bangwa 'taawole ma 'ɲ -jan mu 'la 'woa- 'ka ni 'mu ta, 'bhɛ zan 'laa 'bhɛ -bangole bhaaplɛɲ do -kplɛn 'liijan- 'yi; 'duɲ- -ya -bangwa -Waanbhaa' 'la 'bhɛ Lii 'Wɛɲ 'ɛ =naa 'ka ni 'bhɛɛ- 'liijan- 'ɛ 'yi 'ezin-.

- 9'Kɛla 'bɛ -o nɛɛnyɛ 'yi 'sɔniya 'ɛ 'le, 'ka maza laa -o 'bɛ ma 'ke -o 'bɛ 'sɛwɛdɛ 'ka ni 'ezin-; -amasrɔyi -Waanbhaa' 'gbu 'ka -daanna gban dɔɔ 'ka -za 'sɔ 'eke- ni.
- 10'Bhɛɛ- 'ka -o 'bhɛɛ- klɛ 'zi wlan 'ɛ ni 'ka nɛɛnɛ- Zesu 'yi mu 'ɛ 'kɛn ni Masedwani 'klɛn 'ɛ 'yi. 'Duŋ- 'o mɔɔ -o zruwla 'zi 'ka 'kɛpɛ dɔɔ -ka 'bhɛɛ- baan' 'lrele- klɛ 'ezin-.
- 11'Bole 'ke 'yi 'ɛdɔɔle 'ɛ, 'bɛ -le klɛ 'ka zru maza 'le. -Ka dɔ 'ɛglɔɔle 'ezin- 'ke 'ka 'kɛn do do 'ɛ 'yɛkpa- 'bɛ 'gbu a -za mu 'ɛ ba, 'bhɛɛ- -ka yewo 'ka gbɛ ma 'ke 'ka sɔ 'ka 'gbu mazagole, 'bhii- 'wa =pia 'elwale gban 'ka ni gɔnɛ- 'la gbɛn- bɛ.
- 12'Ke 'ka 'bɛ =kla, mɛɛ 'la zan mu laa 'o Zesu 'yi 'mu nu -gasikpale 'ka 'lɛɛ, 'bhɛɛ- 'ka 'laa nu klɛɛ mɛɛ 'kɛdo- 'kpɔ ta 'kwe 'le.
- 13'D nɛɛnɛ- mu, mɛɛ 'la zan mu -gaa gban, 'woo- -a zi 'bhii- 'ka wlan dɔ 'mu ba -zayi', 'kooko- 'ka wleyisriwole laa bo 'bhii- mɛɛ 'la zan mu yrikpale laa -o bole -yɛ ma -si 'ɛ ta -o gale blaɛn 'mu gbɛn-.
- 14-Amasrɔyi, 'o 'kpale- -o -a -yi 'bhii- Zesu -gaa, 'bhɛɛ- -Waanbhaa' 'a -bwela gale ba. 'Bɛ klegbɛya do 'ɛ 'yi, 'o 'kpale- -o -a -yi 'ezin- 'bhii- Zesu 'yi mu 'la -gaa, -Waanbhaa' nu 'mu bwele gale ba Zesu 'srɔyi, 'bhɛɛ- -o pegee Zesu nu klɛɛ 'eke- zi.
- 15'Mɛɛzan -jan 'la =woa 'o ni kpataakpa, 'o mɔɔ 'mu -la wo zii' 'ka ni -gɛ dɔɔ Zesu 'nu yi 'ɛ 'le, -kɔɔ' mu 'la nu klɛɛ -kɔɔ' 'yɛ ma -li 'bɛ yi 'ɛ 'le, -kɔɔ mu laa nu 'kanlɛ- mɛɛ 'la zan mu -gaa gban 'mu 'lɛɛ.
- 16-Amasrɔyi -a pele -o dɔɔ 'bɛ yi 'ɛ 'le, Mɛɛzan 'gbu nu -janwole 'ɛglɔɔle 'pe, 'bɛ blaɛn, -kɔɔ' nu -mlɛkɛ' -kuŋlii do -gbekanwli 'ɛ 'malɛ-. 'Ke 'bɛ -gwa -a -yi, -o nu -Waanbhaa' a -klɛloŋ' 'ɛ 'pɛnlɛ-. 'Ke 'bɛ =kla, Mɛɛzan Zesu 'gbu nu zinalɛ 'tɛ, 'kee- da laflɛ' ma, 'bhɛɛ- 'bɛ bhla do 'kpɔ 'ɛ ba, Zesu 'yi mu 'la -gaa 'elwale gban -sɔ, 'mu nu bwele gale ba.
- 17'Bɛ blaɛn, -kɔɔ' mu Zesu 'yi mu 'la nu klɛɛ -li 'kɔɔ- 'yɛ ma 'bɛ yi 'ɛ 'le, -Waanbhaa' a fanŋan- 'ɛ nu -kɔɔ' mu 'pegee 'woo- mu 'kɛn binale, 'bhɛɛ- -e ge -kɔɔ' 'kɛn 'le laanima Zesu 'lɛpayɛ nɔɔ- laflɛ' -gblo 'ɛ 'yi. 'Bɛ ya 'ɛ 'yi, -kɔɔ' nu bole 'tanjii Mɛɛzan -Waanbhaa' 'le.
- 18'D nɛɛnɛ- mu, -ka 'fuudɔ- 'eke- ta 'bɛ -jan mu 'lɛɛ- 'le.

Tesaloniki =Lwa Mi 5

- 1'D nɛɛnɛ- mu, 'ka maza laa -o 'ke 'o 'sɛwɛdɛ 'ka ni 'woo- -za mu 'ɛ klɛ yi 'ɛ 'pegee -o klɛ 'waati 'ɛ ta.
- 2-Amasrɔyi 'ka 'gbu 'a 'yaango- 'bhii- Mɛɛzan Zesu 'nule 'ɛ nu 'klalɛ- mɛɛ ba, 'bhii- -faannii' kla mɛɛ ba -bi zi gɔnɛ- 'la gbɛn-.
- 3'Ke 'drunyan ta mɛɛ 'a =pia bhla 'la ba dɔɔ: "-Kɔɔ' -o yilabla 'yi -zɔn, 'bhɛɛ- -kɔɔ' -gwa -za 'yɔɔ- 'kɛn 'yi." 'Bɛ bhla do 'kpɔ 'ɛ ba 'tɛ, -yɛn -gbɛnɛ do nu baalɛ -o ta, 'bhii- le kɛle do -bla zenle 'ɛ kla -a ba gɔnɛ- 'la gbɛn-; 'bhɛɛ- mɛɛ 'kɛdo- 'kpɔ 'laa nu -bhilɛ' -a -yi 'bɛ yi 'ɛ 'le.

- 4'Duŋ-, 'ŋ nɛɛɛ- mu, 'bhe yi 'e yaa nu 'klalɛ- 'ka mu ba 'bhii- -faannii' do balaa' mɛɛ ta gɔɛ- 'la gbɛɛn- -a -yibɛɛnnazi. -Amasrɔyi 'ka mu 'laa -o 'ke -gblo 'yi mu 'le.
- 5'Wlan 'e ni, 'ka 'kpen -o 'ke 'tɛbhile ba -nɛ mu -la -le, 'bhe 'pegee 'ka -o 'ke -yrekpaa' -nɛ mu -la -le. -Kɔɔ' -gwa -bi zi za mu 'pegee -gblo 'yi za mu 'e zi.
- 6'Bhɛla- -yile, -kɔɔ' 'laa bole yidele ma 'bhii mɛɛ 'la zan mu laa -Waanbhaa' do 'mu gbɛɛn-. 'Duŋ- -kɔɔ' 'yakla- dulale klɛ, -kɔɔ' 'laa -kɔɔ' 'taakpalɛ -za 'kpen zi.
- 7-Amasrɔyi, 'ka 'gbu 'a 'yaango- mɛɛ yidɛ -bi -la zi, 'bhɛɛ- -wɛɛn dɛ mu 'e -wɛɛn 'mu dɛ -bi -la zi 'ezin-.
- 8'Duŋ- -kɔɔ' mu 'la -kɔɔ' -o -yrekpaa' a pɛ 'le bhe, -kɔɔ' 'laa -kɔɔ' 'taakpalɛ -za zi. -Kɔɔ' -kɔɔa' 'kpaleya 'e 'pegee -Waanbhaa' a 'sɔniya 'e klɛ -kɔɔ' tagaan pɛ mu 'le 'bhii- 'elwaleta -srwase' mu 'e 'yaa- -o -bɛɛ mu 'e tagaan piibhe dunɛ- mu 'le gɔɛ- 'la gbɛɛn- bhe. 'Bhɛɛ- -kɔɔ' 'yri bo -Waanbhaa' ta, 'bhɛɛ- 'bhe klɛ -kɔɔ' go pɛ 'le -za 'yi, 'bhii- -srwase' mu bheɛ -o ŋgblo ma piibhe 'faa mu 'e ma gɔɛ- 'la gbɛɛn- gwledan yrɛ nɔɔ-.
- 9-Amasrɔyi, -Waanbhaa' laa -kɔɔ' 'kpale- 'edaŋma -kɔɔ' 'krowo -zayi'. 'Duŋ- -e -kɔɔ' mu =kpaa 'edaŋma, 'kooko- 'ke -kɔɔ go -za 'yi -kɔɔa' Mɛɛzan Zesu Krisi 'srɔyi.
- 10'Bhɛla- -yile, Zesu Krisi -gaa -kɔɔa' -za ma, 'kooko- 'ke -kɔɔ' -o -kɔɔ' 'yrɛ ma oo, 'ke -kɔɔ' -gaa oo, -kɔɔ' 'pegee 'yee- bo -kɔɔ' 'yrɛ ma 'eke- 'yi -a nu yi 'e 'le.
- 11'Bhe ya 'e 'yi, -ka zruwla 'eke- 'kpee 'ke 'ka faŋgandɔ 'eke- ta 'kaa- 'kpaleya 'e 'yi 'bhii- 'kaa- klɛ zi gɔɛ- 'la gbɛɛn- bhe.
- 12'Bhe trala 'ezin-, 'ŋ nɛɛɛ- mu, 'o mɔɔ -sromabɔ 'ka ni dɔɔ mɛɛ 'la zan mu -o 'trɛbhɔ zii' 'ka daanle 'le 'kpaleya zi 'e ta, 'ke -woo 'ka 'lɛɛ mu 'le, 'bhɛɛ- -woo 'ka 'lia zii' Mɛɛzan a zi 'e ta bhe, -ka -gasikpa 'mu 'lɛɛ.
- 13-Ka -o 'kun 'elrele, 'bhɛɛ- -o -za 'sɔ 'ka ni 'egbenele -waa' ye 'e -zayi'. -Ka bo 'eke- 'yi 'edɔɔle.
- 14'D nɛɛɛ- mu, 'o mɔɔ -o -sromabɔ 'zi 'ka ni 'ezin- dɔɔ lrwanii- mu 'la bole -o 'kaanle- ma, -ka 'mu 'kpeɛlɛkan, 'kooko- -o yewo, 'bhɛɛ- -ka 'fuudɔ- -gblaannii' mu 'e ta, 'bhe 'pegee faŋgan- 'laa -o mɛɛ 'la zan mu ta -Waanbhaa' zi 'e ta, -ka bhɔ 'mu ba. 'Bhɛɛ- -ka 'ka zrubakpala mɔkpen' zi.
- 15-Ka 'ka 'yrekpa 'ka 'gbu ba 'elrele, 'ke mɛɛ 'kedo- 'kpɔ 'laa -za 'yɔɔ- -zigo' -za 'yɔɔ- 'le. 'Duŋ- 'taŋii, -ka -za 'wlan -la kleyrɛ -glin 'eke- ni, 'bhɛɛ- -ka 'bhe klɛ mɔkpen' ni 'ezin- 'waati 'e 'kpen ba.
- 16'Ka zrukpaale klɛ 'taŋii.
- 17'Bhɛɛ- 'ka 'laa 'ploolɛ- 'ka 'seriwole ma -Waanbhaa' ni.
- 18-Ka -Waanbhaa' 'pubɔ- -za mu 'e 'kpen 'yi. -Amasrɔyi -Waanbhaa' -o 'bhɛɛ- -za - glɔɔn 'e zi 'ka 'kɔɔ, 'ka mu 'pegee Zesu Krisi a 'kpaledomaya 'e 'yi.
- 19'Ka 'laa Lii 'Wɛŋ 'e -dewolɛ 'ka zru 'e 'yi.

- 20-Waanbhaa' -jan mu kpa mɛɛ 'la zan mu -lii, 'bhɛɛ- 'mu 'a -lɛlajanwo mɛɛ mu ni, 'ka 'laa 'bhɛ -lɛlajanwole mu 'ɛ mavɛɛɛ.
- 21-Ka -jan mu 'ɛ 'kpen baglin- kplankplan, 'bhɛɛ- 'kɛla 'bhɛ -o wlan 'le -ka 'taawo 'bhɛɛ- ta.
- 22-Ka -ka 'ka 'gbu 'kun 'elrele -za 'yɔɔ- 'kpen -glɔɔn ma.
- 23Bhaa -Waanbhaa' 'la -yoo yilabla zan 'le, 'bhɛ 'ka 'flɛ 'kpen klɛ 'wɛɲ. Bhaa 'ka 'si oo, 'ka 'nii- oo, 'ka 'gbu 'flɛ 'ɛ 'kpen bo 'wɛɲ 'fɔkɛ 'bhɛ ge 'tɛnlɛ- -kɔɔa' Mɛɛzan Zesu nu yi 'ɛ ma, 'ke waa 'triɲ- do 'kpɔ ye 'ka ma.
- 24Mɛɛ 'la zan 'ka 'gbu 'siila-, 'bhɛ nu 'bhɛ -za 'ɛ klɛɛ; -amasrɔyi -yoo 'ke zru do zan 'le.
- 25'D nɛɛɛ- mu, 'ka mu 'ka 'seriwo 'ezin- 'waa- -za ma.
- 26'Ka 'kpen 'eke- -tuubɔ' 'bhii- nɛɛɛ- ma do mu.
- 27'D ɲgblo -o 'ka gaan =la Mɛɛzan 'tɔ 'yi 'ɛ dɔɔ: -Ka 'lɛtrɛ 'lɛɛ- tape -kɔɔ' nɛɛɛ- Zesu 'yi mu 'ɛ 'kpen ni.
- 28Bhaa -kɔɔa' Mɛɛzan Zesu Krisi -li 'ka 'kpen ma.

Tesaloniki Plɛ Mi

Tesaloniki Plɛ Mi 1

- ¹Mi Pɔlu 'pegee Silasi 'bhɛɛ- Timote, 'o mɔɔ -le 'lɛtrɛ 'lɛɛ- =dia. 'Bhɛɛ- -kɔɔ Dɛ -Waanbhaa' 'pegee Mɛɛzan Zesu Krisi a mɛɛ -lɛdɔ' 'la -woo Tesaloniki -wa 'ɛ ta, 'woo- 'lɛtrɛ 'lɛɛ- 'kpa zii' 'ka mu -la ni.
- ²Bhaa -kɔɔ' Dɛ -Waanbhaa' 'pegee Mɛɛzan Zesu Krisi -li 'ka ma, 'bhɛɛ- -o waa yilabla 'ɛ 'na 'ka ni.
- ³'D nɛɛnɛ- mu, 'ke 'o -Waanbhaa' 'pubɔ- 'taɲii 'kaa- -za ma, 'bhɛ -o 'ke -za 'lrele- 'le. - Amasrɔyi 'ka 'kpaleya 'ɛ -Waanbhaa' 'yi 'bhɛ baan' -o 'kla zii' 'bhɛ ba, 'bhɛɛ- 'kaa- 'sɔlekeniya 'ɛ 'bhɛ baan' -o 'kla zii' 'bhɛ ba 'ezin-.
- ⁴'Bhɛ ya 'ɛ 'yi, 'o mɔɔ 'o baa 'ka mu 'yi -Waanbhaa' a mɛɛ -lɛdɔ' 'ɛ 'plɛɲ-. -Amasrɔyi -o -yɾɛn 'pegee 'trɛbhɔ mu 'la 'kɾɛn 'kpa zii' 'ka ta, 'ka 'mu 'yikun zii' 'bhɛ 'pegee 'ka 'kpale- bole -o Krisi 'yi.
- ⁵'Ka ta -yɾɛn mu 'ɛ 'mu -o -a zɾɔn 'zi 'bhii- -Waanbhaa' a bhaaplɛɲ mu 'kitikanle 'ɛ 'lɛdɔɔle -o wlan 'ɛ ni, 'bhɛɛ- 'bhɛ 'a zɾɔn 'bhii- 'kaa- pɛ -le -Waanbhaa' a -bhɛɲgbeya 'ɛ 'le. -Amasrɔyi, 'ka -o -yɾɛnbhle' zii' 'bhɛɛ- -bhɛɲgbeya 'ɛ ma.
- ⁶Wlan 'ɛ ni, -Waanbhaa' a -lɛdɔɔleya 'ɛ ma, mɛɛ 'la zan mu -o -yɾɛnkpa' zii' 'ka ta; -e nu 'bhɛ -yɾɛn yɛkɛ- 'ɛ -zigolɛ 'bhɛ zan mu 'ɛ ma 'ezin-.
- ⁷-O -yɾɛnkpa' zii' 'ka mu 'la ta, -e nu -yitrɛ' nalɛ 'ka mu 'pegee 'o mɔɔ ni, 'ke Mɛɛzan Zesu 'pwɛla- -a -yi yi 'la 'le 'kee- da laflɛ' ma 'yee- 'pegee -yaa' -mlɛkɛ' -glɔɔ mu 'ɛ 'le.
- ⁸-E nu nule 'tɛ nɾɛ -gbɛnɛ do -la -yi. Mɛɛ 'la zan mu laa -Waanbhaa' dɔ, 'bhɛɛ- 'ke waa 'taawo- -kɔɔa' Mɛɛzan Zesu Krisi a -Jan 'Nrɛle- 'ɛ ta, -e nu 'mu 'krowolɛ.
- ⁹'Bhɛ -yɾɛn 'ɛ nu klɛɛ -yɾɛn -gbɛnɛ 'le. -O nu 'bhɛ mɛɛ mu 'ɛ 'plɛɲgolɛ Mɛɛzan -Waanbhaa' ma yikpensee ta 'ke -daɲ' 'laa klɛ 'bhɛ ma, 'bhɛɛ- waa nu 'sɔlɛ- -Waanbhaa' a gbɛlaanya 'ɛ 'yele -titi.
- ¹⁰'Bhɛ yi 'ɛ 'bhɛɛ- 'le, Mɛɛzan Zesu nu nule 'tɛ. 'Ke 'bhɛ =kla, -e -yaa' mɛɛ 'wɛɲ mu 'la makwan- -yaa' pɛ 'le 'mu nu 'a 'tɔbhɔlɛ; 'bhɛ 'pegee mɛɛ 'la zan mu 'ɛ 'e 'kpa- -a -yi, 'mu 'kɾɛn nu 'a -glinlɛ', 'bhɛɛ- 'mu 'yɛrbhɔ -a zi. 'Ka mu nu klɛɛ 'bhɛ mɛɛ mu 'ɛ ba, -amasrɔyi 'o -jan mu 'la =woa 'ka ni, 'ka 'ka =kpa- 'mu 'yi.
- ¹¹'Bhɛla- -yile, 'waati 'ɛ 'kɾɛn ba, 'woo 'seriwo 'kaa- -za ma. 'Wa 'yɾɛwo- -Waanbhaa' dɔɔ -e 'ka 'siila- 'taawogbeya -glɔɔn 'la 'kaama-, 'ka 'taawo- 'bhɛɛ- ta. 'Bhɛɛ- 'wa 'yɾɛwo- -a ma 'ezin- dɔɔ yaa -glɔɔya' 'ɛ ma, 'kaa- zi 'bhii- 'ka 'ka zru maza 'lrele- mu 'la klɛ -e bhɔ 'ka ba 'mu klɛlele; 'bhɛɛ- 'kaa- 'kpaleya 'ɛ 'bhɛ 'lesɔ-.
- ¹²'Bhɛ 'yi 'tɛ, mɔkɾɛn' nu Mɛɛzan Zesu 'tɔbhɔlɛ 'ka klɛza mu 'ɛ ma; 'bhɛɛ- 'ka mu nu 'tɔbhɔleya -srɔɔwolɛ 'yee- 'kɔɔ 'ezin-. 'Bhɛ -lileya 'ɛ da -kɔɔa' -Waanbhaa' 'pegee Mɛɛzan Zesu Krisi -la ba.

Tesaloniki Plɛ Mi 2

- ¹'D nɛɛnɛ- mu, Mɛɛzan Zesu Krisi nu nule. 'Bhɛɛ- -kɔɔ' mu nu -kɔɔ' 'lɛkpale 'eke- ta -a -din. 'Bhɛla- -yile, 'woo- zan -za do -yɛwɔle 'ka ma dɔɔ:
- ²'Ka 'laa 'tolɛ- 'ke mɛɛ 'kɛdo- 'kpɔ 'ka zrubatɛdɔ, 'bhɛɛ- -e -gblaan kla 'ka 'yi, 'ke -ya pe 'ka ni dɔɔ Mɛɛzan nu yi 'ɛ =bhwa. 'Ali- 'ke mɛɛ 'ke 'a =pia 'ka ni 'kaa -Waanbhaa' 'bhɛ -jan 'ɛ =kpaa -a -lii oo, 'bhɛ 'pegee 'ke -ya =pia dɔɔ 'bhɛ -jan 'ɛ -daa 'o mɔɔ -la ba oo, 'bhɛɛ- 'ke -ya =pia dɔɔ 'o mɔɔ -le 'bhɛ 'lɛtrɛ 'ɛ =kpaa -a 'kɔɔ oo, 'ka 'laa 'ka 'kpale- 'bhɛ 'yi.
- ³'Ka 'laa 'tolɛ- 'ke -o 'ka 'yini- gbɛ do 'kpɔ ma. -Amasrɔyi 'sani- Mɛɛzan nu yi 'ɛ 'bhɔle- 'plɛŋ-, mɛɛ -bebe nu -wlɛnlɛ' -Waanbhaa' ma, 'bhɛɛ- -woo -bangɔ' -yaa' -jan 'ɛ 'klosikunle 'ɛ 'yi 'elwale 'pe. 'Bhɛ blaɛn, -o pɛ 'la sii 'Mɛɛ -Yɔɔ" 'bhɛ nu 'pwɛle- -a -yi. -Yoo 'ke 'siɛ pɛ 'le -jranama 'tɛ 'yi -Waanbhaa' 'kɔɔ.
- ⁴'Yee- Mɛɛ -yɔɔ 'ɛ nu -a -bangɔle -Waanbhaa' 'yi, 'bhɛ 'pegee -e nu -a -bangɔle bhaaplɛŋ mu gba pɛ 'tolɛ- gba pɛ 'bhɛ 'yi. 'Bhɛɛ- -e nu geɛ yaale -Waanbhaa' Gba 'Fɛ -gbɛnɛ 'ɛ =la, 'bhɛɛ- -ya pe -a 'gbu ma 'kaa -yoo 'ke -Waanbhaa' 'le.
- ⁵'D 'yaa- 'ka ba 'waati 'la ba, 'ŋ 'yee- -jan mu 'lɛɛ- =woa 'ka ni, waa -o -li 'ka 'kpee ɛɛ?
- ⁶'Duŋ- -zɔn pɛ 'la 'bhɛ -o 'yee- Mɛɛ -yɔɔ' 'ɛ 'yikun zii', 'kooko- -e nu -a nu 'yi 'ɛ dɔle -o 'waati 'la ba 'bhɛɛ- ba, 'ka 'gbu 'bhɛ dɔ.
- ⁷'Yee- -glɔɔya' -yɔɔ' 'la -yoo mɛɛ mu klɛ 'zi -kala' mɛɛ mu 'le -Waanbhaa' ma, -e yewole =saan gban gaanyi'. 'Duŋ- pɛ 'la 'bhɛ 'a 'yikwan= 'kee- nu 'tɛnlɛ- -zɔn ma, 'ke 'bhɛ 'laa goɛ -a -lɛɛ, yaa sɔ 'pwɛle -a -yi.
- ⁸'Ke 'bhɛ -gwa 'yee- Mɛɛ -Yɔɔ' 'ɛ -lɛɛ 'waati 'la ba, 'bhɛɛ- -e 'pwɛ a -yi 'tɛ. 'Bhɛɛ- Mɛɛzan Zesu Krisi -lii -ploɔ 'ɛ nu 'yee- Mɛɛ -yɔɔ 'ɛ dɛɛ. 'Bhɛɛ- -a nu bhla 'ɛ zi 'tɛbhile -yrayra 'ɛ nu 'yee- Mɛɛ -yɔɔ' 'ɛ 'kpaciɛɛ 'fɛŋfɛŋ.
- ⁹'Yee- Mɛɛ -yɔɔ' 'ɛ nu 'pwɛle- -a -yi 'ke -Setran' a -glɔɔya' 'ɛ 'le -a ta. 'Bhɛɛ- -e nu 'sɔle- maza -glɔɔn 'ɛ 'kpɛn 'pegee 'kpeeleni maza -tɔɔmasie mu 'ɛ 'kpɛn klɛɛ, 'kooko- 'kee- sɔ mɛɛ mu -yinile.
- ¹⁰-E nu -za 'yɔɔ- -glɔɔn 'ɛ 'kpɛn klɛɛ, 'kooko- mɛɛ 'la zan mu -o ni 'zi 'ɛ ta, -e 'mu 'yini-. -Woo 'ni 'zi 'ɛ ta, -amasrɔyi wlan 'la 'bhɛ 'yaa- sɔ -o goɛ- -za 'yi, 'bhɛ -za 'laa 'sɔle- -o ni.
- ¹¹'Bhɛla- -yile, -Waanbhaa' 'a =twa 'ke -glɔɔya' -do -o -yini', 'bhɛɛ- -woo kpa bhla 'yi.
- ¹²'Bhɛ klegbɛya 'ɛ 'yi, mɛɛ 'la zan mu laa 'mu 'kpale- wlan 'ɛ 'yi, 'bhɛɛ- 'ke -za 'yɔɔ- klɛɛ =swa 'mu ni, -Waanbhaa' a -kpan nu baale 'mu ta.
- ¹³'Ke -yoo 'o mɔɔ a pɛ 'le, 'o nɛɛnɛ- mu, 'waa sɔ 'ploole -Waanbhaa' 'pubɔle 'kaa- -za ma, 'ka mu 'la 'ka -za sɔ Mɛɛzan ni 'egbɛnɛle bhɛ. -Amasrɔyi -Waanbhaa' 'ka mu -la makwan- 'elwale 'pe, 'kooko- 'ka sɔ goɛ- -za 'yi Lii 'Wɛŋ 'la -ya klɛ 'bhɛɛ- 'ka 'taawogbɛya 'ɛ klɛ 'wɛŋ 'bhɛ 'srɔyi, 'bhɛ 'pegee 'ka 'kpale 'la -yoo -Waanbhaa' a Wlan 'ɛ 'yi 'bhɛ 'srɔyi.

14-Waanbhaa' 'ka 'siila- 'bhεε- 'kaama-, -Jan 'Nrāle- 'la 'o 'bhε =woa 'ka ni 'bhε 'srōyi. - E -yaa zi 'bhii- 'ka dō klε -kōōa' Mēezan Zesu Krisi a 'tōbhōleya 'ε ba.

15'Bhε 'yi 'tε, 'o nēnε- mu, -ka bo 'egloole. 'O -jan 'oo -jan 'la =woa 'ka ni, 'kee- =kla 'o 'liijan- mu 'le oo, 'kee- =kla 'o 'kε mu 'la yōndia- 'lεtrε 'yi 'mu 'le bhε oo, 'mu bo 'ka 'kpee 'egloole.

16'Bhaa -kōōa' Mēezan Zesu Krisi 'pegee -kōō' Dε -Waanbhaa' 'la -kōō' -za =swa 'bhε ni, 'bhεε- 'ke 'bhε =lia -kōō' ma 'bhε 'fuudō- -kōō' ta, 'fuudōle 'la -daŋ' 'laa 'bhε ma, 'bhε 'pegee -e -yrikpaleyā -lrele' 'la =naa -kōō' ni 'mu 'le.

17'Bhaa -kōōa' Mēezan Zesu Krisi 'pegee -kōō' Dε -Waanbhaa' 'ka zru 'ε pa 'fuudōle 'le, 'bhεε- 'kee- faŋgandō 'ka ta, 'kooko- 'ka sō klεza -lrele' 'tōle- klεza 'lrele- 'bhε klεle-, 'bhε 'pegee 'ke 'ka sō -jan 'lrele- -glōon 'ε 'kpen 'wole.

Tesaloniki Plε Mi 3

1'Waa -jan 'leyanyre -le dōō -ka 'ka 'seriwo 'waa- -za ma, 'kooko- Mēezan -a -jan 'ε zen blaale- 'yrekpen- =nōō, 'bhεε- mōkpen' 'a 'lεdō- -a ma 'bhii- -wa -lεdwa -a ma gōnε- 'la gbεen- 'ka ba ye.

2-Ka 'ka 'seriwo 'waa- -za ma 'ezin-, 'kooko- -Waanbhaa' mεε -yōō' 'pegee mεε yienle mu kan 'o ma 'egbōonle. -Amasrōyi mōkpen' 'laa 'ε kpa -Waanbhaa' 'yi.

3'Duŋ- Mēezan zru -o do. -E nu faŋgandōle 'ka ta, 'bhεε- -e 'ka tagbin- -Setran' 'lεε.

4'O 'kpale- -o -a -yi 'ka ba -zayi', dōō 'o -za mu 'la =pia 'ka ni, 'ka -o 'mu klε 'zi, 'bhεε- 'ka nu bole 'mu klεle ma yikpensee.

5'Bhaa Mēezan bhō 'ka ba, 'kooko- 'ka -za sō -Waanbhaa' ni gōnε- 'la gbεen-, 'ka 'bhε dō, 'bhε 'pegee, 'kooko- 'ka 'ka zrubakpalaa 'bhii- Krisi 'bhε zrubakpalaa gōnε- 'la gbεen- -yren 'yi.

6'D nēnε- mu, 'o -za 'lεε- 'bhε 'kpankpanyanle 'ka ma Mēezan Zesu Krisi 'tō 'yi dōō -kōō' nēnε- 'tōle- -kōō' nēnε- 'la lrwawo, 'bhεε- -a bole -o 'kaanle- 'te ma, 'bhε 'pegee 'ke yaa 'taawo 'o 'ka -daanna -za mu 'la 'le 'mu zi, -ka 'ka 'plεŋgo- 'bhε zan 'ε ma.

7'Kaa klε gōnε- 'la gbεen- 'bhεε- 'ka 'ka klεza kpa 'waa pε klεza 'ε ma, 'ka 'gbu 'bhε dō. -Amasrōyi 'o 'yaa- bhla 'la ba 'ka ba ye, 'waa lrwawole.

8'Waa mεε 'kedo- 'kpō a pēbhlele bhaama. Drōon' -bi zi oo, -yrekpaā' oo, 'o yewoa= 'egloole, 'bhεε- 'o 'trēbhwa=; 'kooko- 'o sō 'o 'gbu mazagole, 'bhεε- 'waa klε mεε 'kedo- 'kpō ta 'kwe 'le.

9'Wa klēlawoa 'bhε gbεen- bhe, yaa klēle 'bhii- 'bhε 'seŋ 'laa -yaa 'o ni 'ke 'o pēbhle 'ka ba. 'Duŋ- 'o yewoa- 'ke 'woo 'gbu mazago, 'kooko- 'ka 'bhεε- yekε- za klε.

10'O 'yaa- 'ka ba ye 'waati 'la ba, 'o 'bhε 'toŋ 'ε -dwa 'ka ni dōō "'Ke mεε 'o mεε 'la zan laa -a zi 'bhii- -e yewo 'bhε zan laa pelele -titi."

- 11'Wa =maa dɔɔ 'ka ba mɛɛ 'ke mu -o lrwawo 'zi, 'bhɛɛ- -o bole -o 'kaanle- ma, 'ke -woo gaan bɔ mɛɛ -bhɛɛke' mu a -za mu 'yi.
- 12'Bhɛla- -yile, 'wa 'pe zii' 'bhe zan mu ni, 'ke -o zruwla 'mu 'kpee Mɛɛzan Zesu Krisi 'tɔ 'yi dɔɔ -o yewo 'taɲii, 'bhɛɛ- -woo 'gbu mazago.
- 13'Ka mu 'gbu 'o nɛɛnɛ- mu, 'ka mu gbɛ zi 'laa 'kanle- -za 'wlan klele ma.
- 14'O -jan mu 'la =woa 'ka ni 'lɛtrɛ 'lɛɛ- 'yi, 'ke mɛɛ 'la zan 'e -bangwa 'mu -klɔsikunle ma, -ka 'bhe zan 'kpa 'ka 'yrɛ 'le, 'bhɛɛ- 'kaa- -za 'ke 'laa klele 'eke- ta 'bhe zan 'ɛ 'le, 'kooko- -yraladɔ -a ma.
- 15'Duɲ-, 'ka 'laa 'kunle- 'bhii- 'ka 'sɔɔnnii, -kaa -lia 'bhii- 'ka nɛɛnɛ- do gbɛɛn-.
- 16'ɔ nɛɛnɛ- mu, bhaa yilabla -o Mɛɛzan 'la 'kɔɔ, 'bhe 'gbu yilabla 'na 'ka ni 'waati 'ɛ 'kpen ba, 'bhe 'pegee yrɛ 'ɛ 'kpen =nɔɔ! Bhaa Mɛɛzan -Waanbhaa' kle 'ka 'kpen ba!
- 17'Mi 'gbu Pɔlu -le 'sɛwɛyɔɔn 'lɛɛ- dɛ 'zi -gɛ: "'Mi Pɔlu 'ka 'pubwa-". 'Mi 'ɲ 'gbu gbɛblaan kpalaa' 'an 'lɛtrɛ mu 'ɛ 'kpen =la 'bhɛɛ- gbɛɛn- -gee' bhe. 'Mi 'gbu gbɛblaan -le 'bhe 'le bhe.
- 18'Bhaa -kɔɔa' Mɛɛzan Zesu Krisi -li 'ka 'kpen ma!

Timote =Lwa Mi

Timote =Lwa Mi 1

- 1'Mi Pɔlu -o 'ke Zesu Krisi a winbɔwo mi 'le, -amasrɔyi -kɔɔ' 'Bhee Mi -Waanbhaa' 'pegee -kɔɔ' 'yrikpale -o Zesu Krisi 'la ta, 'mu -le 'a =pia 'η ni dɔɔ 'η kle 'kele-.
- 2'Mi -o 'letre 'lɛɛ- 'kpa zii' 'bhi Timote -la ni, 'bhi 'la 'bhi -o 'ke 'η gbe -zeze 'gbu 'ε 'le 'kpaleya a pɛ zi 'ε ta bhe. Bhaa -kɔɔ' Dɛ -Waanbhaa' 'pegee -kɔɔa' Mɛɛzan Zesu Krisi -li 'e ma, 'bhe 'pegee -o yilabla 'na 'e ni, 'bhɛɛ- 'e 'yrenkla- -o ma.
- 3'D ge bhla 'ε zi Masedwani 'kleen 'ε 'yi, 'η zruwlaa- 'e 'kpee dɔɔ 'e bo Efɛzi -wa 'ε ta. -Amasrɔyi mɛɛ 'ke mu -o mɛɛ mu daan 'zi 'ke bhla ma daangbɛya 'yɔɔ- mu 'le. -A pɛ 'mu ni dɔɔ 'mu 'plo- 'bhe bhla ma daangbɛya -glɔɔn mu 'ε ma.
- 4-A pɛ -o ni dɔɔ -o blɔɔle laa bolɛ 'elwaleta -za 'yiflen mu 'ε ma, 'bhe 'pegee -o 'plo- -zaabɔle ma -o -gbɔɔ 'saa mu 'ε 'tɔ mu 'ε ta. 'Bhe -za mu 'ε 'mu -o zaa -wlenpɛ' mu 'te -la -le 'ka 'plen, 'bhɛɛ- -o -leɔɔngole laa -o 'ke -Waanbhaa' zru maza -ledulale 'ε 'bhe 'le, 'bhe 'pegee waa 'ka 'kpaleya 'ε Krisi 'yi 'bhe baan' kla 'bhe ba.
- 5'D 'bhe -jan 'lɛɛ- 'wo zii' 'e ni win 'la ma, 'bhe -le dɔɔ 'ke 'sɔniya kle bhaaplen mu 'ε plen-; 'sɔniya 'la 'bhe da zru 'wen do 'pegee 'kpee 'flele- do 'yi, 'bhe 'pegee 'kpaleya 'la -yoo 'ke 'kpaleya -zeze 'gbu 'ε 'le 'bhɛɛ- 'yi.
- 6'Mɛɛ 'ke mu -gwa gban 'bhe wlan ma zi -lrele' 'ε ta. 'Bhɛɛ- -o bole -o zaabɔle 'gbansaan 'te -la ma 'ke -woo 'gbu 'yini- -sɔ.
- 7-Wa zi 'bhii- -o kle Moizi a 'ton mu 'ε daan mu 'le, 'duɔ- waa -o 'gbu 'wojan- mu 'ε 'yima-; 'bhɛɛ- -woo mɛɛ mu daan 'zi -za mu 'la 'le -o zru 'ε 'kpen 'le, -o 'gbu 'laa 'mu 'yidɔ-.
- 8-Kɔɔ' 'a 'yaango- 'bhii- 'Ton 'ε -yoo 'ke -za 'lrele' 'le 'ke mɛɛ 'a 'yi za -kla 'elrele.
- 9'Bhɛɛ- -kɔɔ' 'a 'yaango- 'bhii- waa 'Ton 'ε kleɛ mɛɛ -ledɔɔle mu 'kaama-. -Wa =kla mɛɛ -yɔɔ' mu 'pegee -kala' mɛɛ mu, 'bhɛɛ- mɛɛ 'kpee 'yɔɔ- mu 'pegee -za 'yɔɔ- kle mu -la 'kaama-. -Wa -kla mɛɛ 'la zan mu laa gbalaan -Waanbhaa' -lɛɛ, 'bhe 'pegee -a 'tɔsie mu, 'bhɛɛ- mɛɛ 'la zan mu 'mu dɛ 'pegee 'mu nɛɛ dɛ, 'bhe 'pegee mɛɛ dɛ mu -la 'kaama-.
- 10'Bhɛɛ- -yanbhɔɔya dɛ mu oo, 'gwlaan- mu 'la yilaa' 'mu 'tanyɔɔn 'gwlaan- mu ba oo; lu gɔn mu oo, bhlanii- mu oo, mɛɛ 'la zan mu -o 'sienwo- -Waanbhaa' ma bhla 'le oo, 'bhe 'pegee mɛɛ 'la zan mu 'kpen -za mu 'oo -za mu 'la kle 'ke 'mu 'pegee daangbɛya 'ledɔɔle 'ε 'leɔɔngole laa -o, -o 'Ton 'ε =kla 'mu 'kpen -la 'kaama-.
- 11-O -Jan 'Nrɛle- 'la gbekpaa- 'mi 'kɔɔ, 'bhe daangbɛya 'ε -daa 'yee- daangbɛya dɔɔle 'ε 'yela- -yi. 'Yee- -Jan 'Nrɛle- 'ε -e -Waanbhaa 'la 'duma na -kɔɔ' ni 'bhe a 'tɔbhɔleya 'ε 'bhɛɛ- wo.
- 12'Mi -kɔɔa' Mɛɛzan Zesu Krisi 'pubɔ, 'yele- fangandwa 'η ta 'bhɛɛ- 'η =swa -yaa' ye 'ε 'wole. 'Mi 'an 'pubɔ- 'ezin-, -amasrɔyi -ye 'η =ya -yaa' ye 'ε 'wo mi 'le.

- 13'Mi 'la 'mi 'yaa- 'elwale -sɔ -Waanbhaa' 'tɔsiɛ mi 'le 'ke 'ŋ -yɾɛnkpa' Zesu 'yi mu 'ɛ ta, 'bhɛɛ- 'ŋ 'yaa- -za klɛ yran ma. 'Duŋ- 'ŋ 'yɾɛnklaa- -Waanbhaa' ma, -amasɾɔyi 'ŋ 'yaa- -za mu 'ɛ klɛ -zadɔkleya 'pegee 'kpalekleya -la ma Krisi 'yi.
- 14'Mɛɛzan -Waanbhaa' -lia 'ŋ ma 'egbenele 'ke 'mi 'ŋ kpa Zesu Krisi 'yi, 'bhɛɛ- 'ke -a -za sɔ 'ŋ ni.
- 15'D 'yoo- zan -jan 'la 'wolɛ- -gɛ 'bhɛ -o 'ke wlan 'le, 'bhɛɛ- -a -gaale' -o mɔkpen' ba 'ke -o dɔ 'bhɛ =la; 'bhɛ -le dɔɔ: Zesu Krisi =nwa 'drunyan 'yi -za 'yɔɔ- klɛ mu -la gole -za 'yi. 'Mi Pɔlu -le -o 'kpen ba -za 'yɔɔ- klɛ mi -gbɛɛ 'gbu 'ɛ 'le.
- 16'Duŋ- 'ŋ 'yɾɛnklaa- -Waanbhaa' ma 'egbenele. 'Bhɛɛ- -ɛ -yaa zi 'bhii- 'mi Pɔlu 'la 'mi -o 'ke -za 'yɔɔ- klɛ mu 'ɛ 'kpen ba -za 'yɔɔ- klɛ mi -gbɛɛ 'gbu 'ɛ 'le bhe, Zesu Krisi 'bhɛ a zrubakpaa -gbɛɛ 'ɛ zɾɔn 'mi ni. -E 'bhɛ 'kla- bhe, 'kooko- mɛɛ 'la zan mu -o -kpa -a -yi, 'bhɛ -za 'ɛ klɛ 'mu daanpɛ 'le, 'bhɛɛ- 'mu bole -yɾɛ ma -si 'la -daŋ' 'laa -o 'bhɛ ma 'bhɛ 'srɔwo-.
- 17-Bhɛŋgbe -Waanbhaa' 'la -ya -yɾɛ ma 'waati 'ɛ 'kpen ba, bhaa -kɔɔ' 'a 'lɛdɔ- -a ma, 'bhɛɛ- -kɔɔ' 'a 'tɔbhɔ. Yaa ga -titi, 'bhɛ 'pegee mɛɛ laa ye 'ɛ -yɾɛ 'le, 'bhɛɛ- 'yele- 'ke -Waanbhaa' do -kplɛn 'le -zɔn 'pegee -yikpɛnsɛ ta. Amiina!
- 18'D 'nɛ Timote, 'ŋ 'yoo- zan 'ŋ zi jan 'la 'wolɛ- 'ɛ ni 'saanibhe, 'bhii- -Waanbhaa' -lɛla' janwo mu 'ɛ -janwoa 'ɛ ba zayi' gɔnɛ- 'la gbɛɛn- -sɔ; bhaa 'bhɛ -jan 'ɛ klɛ 'fuudɔpɛ 'le 'ɛ ta, 'bhɛɛ- 'yɛɛ 'gbu ma gwle -lɛle' 'ɛ dan.
- 19'E 'kpale- bo Krisi 'yi, 'ɛ 'kpee 'flele- 'le. 'Bhɛ 'kpee 'fleleya 'ɛ 'bhɛ 'laa -o -li mɛɛ 'ke mu 'yi. Waa -o 'trɔnkpalɛ 'elɛle -o 'kpeejan- mu 'ɛ =la, 'bhɛla- -yile -waa' 'kpaleya Krisi 'yi 'ɛ 'bhɛ 'siɛla- 'bhii- -yitakoŋ do 'siɛgbɛya gbɛɛn- -yi ta.
- 20'Bhɛ mɛɛ -glɔɔn mu 'ɛ 'ke mu -le 'ke Imene 'pegee Alɛzandri 'le. 'Bhɛla- -zayile, 'mi -o -lɛnaa -Setran' ni, 'kooko- 'bhɛ -o 'krowo-, 'bhɛɛ- -wa 'yaango- 'bhii- -Waanbhaa' 'tɔ 'siɛle- laa lele -titi.

Timote =Lwa Mi 2

- 1'D 'yoo- -za 'lɛɛ- 'bhɛɛ- 'yɾɛwole ma 'elwale 'pɛ dɔɔ -ka pɛ mu -yɾɛwo' -Waanbhaa' ma, 'ke 'ka 'ka 'seriwo a ni, 'bhɛ 'pegee 'ke 'kaa 'sromabɔ, 'bhɛɛ- 'ke 'kaa 'pubɔ- bhaaplɛŋ mu 'kpen ba zayi'.
- 2-Ka 'ka 'seriwo -bhɛŋgbe mu 'pegee mɛɛ gbɛlaan mu 'ɛ 'kpen ma, 'kooko- -kɔɔ' 'yɾɛ ba 'kpaale- klɛ, 'ke -kɔɔ' bo 'ɛdɔɔle, 'bhɛ 'pegee 'ke -kɔɔ' blɔɔle bo -Waanbhaa' ma, 'bhɛɛ- 'ke -kɔɔ' 'taawogbɛya 'ɛ klɛ 'elɛle bhaaplɛŋ mu 'ɛ 'plɛŋ-.
- 3'Bhɛ -le 'elɛle 'bhɛ 'pegee 'bhɛ -le sɔ mɛɛ -Bhɛɛ Mi -Waanbhaa' ni.
- 4'Yɛɛ- -Waanbhaa' -o -a zi 'bhii- bhaaplɛŋ mu 'kpen go -za 'yi, 'bhɛɛ -o sɔ wlan 'ɛ dɔle- .
- 5-Amasɾɔyi -Waanbhaa' -o do 'kpɔ, 'bhɛɛ- mɛɛ 'la zan -Waanbhaa' 'pegee bhaaplɛŋ mu kpa do ma 'bhɛ -o do 'kpɔ: 'bhɛ -le 'ke Zesu Krisi 'le, 'bhɛ -le =kla bhaaplɛŋ do 'le.

- 6'Yelee- 'a 'gbu 'naa- bhaapleŋ mu 'kpen ta gbawope 'le; -e 'bhe 'kla- -Waanbhaa' 'waati 'la -dwa 'bhεε- ba, 'bhe gbεen- bhe, -ya -zronna dɔɔ -Waanbhaa' -o -a zi 'bhii- bhaapleŋ mu 'kpen go -za 'yi.
- 7'Bhela- -zayi', -Waanbhaa' 'mi =kla 'ke -yaa' -jan 'ε 'wo mi 'le 'bhe 'pegee -yaa' winbɔwo mi 'le. 'D 'yoo- wlan -la pe 'zi 'ka ni, bhla laa 'kεle-! -Waanbhaa' 'mi 'winbwa- 'kaa 'ŋ Zuufu kle mu 'ε daan 'kpaleya 'pegee wlan 'le.
- 8'D 'yoo- -a zi 'gbu 'bhii- 'gwlaan- mu -o 'seriwo yre 'ε 'kpen =nɔɔ 'ke -woo gbε wlan laanima. -Wa kle -o 'fleele- 'le, 'bhεε- waa klele 'ke yran 'le -o zru ba, 'bhe 'pegee sra 'le.
- 9'Mi -o -a zi 'ezin- 'bhii- le mu -o -baa' 'elrele. Waa -o -taakpale -o -baa gbeya 'ε 'zi 'ke -wa kan -a -dan' ta. Waa -o -taakpale -o wintangbeya 'ε zi; 'bhεε- waa -o -baale' 'ke -can pe mu 'pegee blina- 'yrɔnne 'pleele- mu 'le, 'bhεε- waa tape 'pleele- mu 'klale- -o ta.
- 10'Duŋ- -woo -lreleya 'ε zron 'ke -za 'lrele- mu -la klele 'le. Le mu 'oo le mu 'la -wa pe dɔɔ -o -gasikpa -Waanbhaa' -lεε, -wa kle 'bhεε- klegbeya 'ε gbεen-.
- 11'Bhεε- 'ezin-, 'ke 'ka -o -Waanbhaa' a 'fε 'ε =la, le mu yaale bo -o tagalele, 'bhεε- 'ke -woo 'tronkpa- -o daangbeya 'ε =la; 'bhεε- -woo 'gbu ngblo 'kpala 'gwlaan- mu =la.
- 12'Naa -a zi 'bhii- le mu mεε daan -Waanbhaa' a 'fε 'ε =la, 'bhεε- 'ke -woo 'gbu kpa 'gwlaan- mu wiŋ-. 'Duŋ- le mu tagale bo, 'bhεε- -woo 'tronkpa daangbeya 'ε =la.
- 13'Wlan 'gbu 'ε ni, -Waanbhaa' Adamu -la -kla 'elwale 'pe, 'bhεε- -e εvu -kla boolazi.
- 14-Setran' 'laa Adamu -yidanle, 'bhεε- -e 'bhe 'yinia-; 'duŋ- -Setran' εvu -la 'yidaan-, 'bhεε- -e 'bhe 'yinia=. 'Bhe klegbeya 'ε 'yi εvu 'laa -Waanbhaa' a -jan 'ε 'klosikunle.
- 15'Bhεε- 'duŋ-, le nu -nε mu yale; -Waanbhaa' nu -a gole -za 'yi 'ke -a 'kpale =bwa Krisi 'yi, 'bhe 'pegee 'ke -o blɔɔle =bwa 'soniya 'ε ma. 'Bhεε- 'ke -o 'taawogbeya 'ε bakanle =kla 'weŋ, 'bhεε- 'ke yaa -taakpa' -za zi.

Timote =Lwa Mi 3

- 1'Wlan ma jan do 'gbu -le -ge dɔɔ: 'ke mεε do -o -a zi' 'bhii- -e kle Zesu 'yi mu -le mu a zilεε- mu 'ε do 'le, 'bhe zan -o ye kplankplan 'gbu -la zi 'bhe 'le bhe.
- 2'Zesu 'yi mu -le mu 'ε -waa' zilεε- mi 'ε 'taawogbeya 'ε kle 'elrele, 'bhεε- 'ke waa -za 'yɔɔ- do 'kpɔ ye -o zi. -A na kle do 'kpɔ, -e 'sɔ -a 'gbu 'yikunle -za ma, 'ke yaa -a -taakpa' -za zi, 'ke -o -gasikpa -a -lεε, -e 'cie mu 'kun 'elrele, 'bhεε- -e 'sɔ mεε mu daanle- 'elrele.
- 3'Yaa klele -wεenmi' mi 'le, gwle laa 'sɔle- -a ni. 'Duŋ- -a -yi kle 'edɔɔle, 'bhεε- -e kle mεε 'kpa mi 'le 'eke- ma. 'Bhεε- yaa -goli' 'flen 'laa klele.
- 4'Bhεε- 'ezin-, -e 'sɔ -a 'gbu a 'fa -la mu 'ε 'ledɔɔle 'elrele. 'Bhεε- -e 'sɔ -a klele- 'ke -a -ne mu 'ε 'mu 'a 'weli- ma, 'bhεε- 'ke -o -gasi -gbenε kpa -a -lεε.

- ⁵-Amasroyi 'ke mɛɛ do laa sɔ -a 'gbu a 'fa -la mu 'ɛ 'lɛdɔɔle 'elrele, -e nu 'sɔle- -Waanbhaa' a mɛɛ -lɛdo' 'ɛ -gblakunle 'nale- -a ma 'elrele ɛɛ?
- ⁶Yaa klɛle 'duŋ- Zesu 'yi mi drɛɛ 'le; 'kebhlaale, -e nu -a 'gbu 'yele- mɛɛ gbalaan 'le mɛɛ mu -yɛ ta, 'bhɛɛ- 'bhɛ klɛgbɛya 'ɛ 'yi, -kpan 'la -balaa' -Setran' ta, 'bhɛ -glɔɔn nu baale -a ta.
- ⁷Bhɛɛ- 'ezin- 'duŋ-, mɛɛ 'la zan mu laa -o Zesu 'yi, 'mu 'sɔ -a 'tɔ wlan pele-; 'kooko-waa mafinyanwo, 'bhɛɛ- -e bɔ -Setran' a bhee mu 'ɛ 'yi.
- ⁸'Bhɛ klɛgbɛya do 'ɛ 'yi, Zesu 'yi mu -lɛ mu 'ɛ -waa' 'bhɔŋba- mu 'ɛ 'ezin-, 'mu klɛ mɛɛ kplankplan mu 'le, 'bhɛɛ- -o -liiwli' laa klɛle plɛ mu 'le; waa klɛle -wɛɛnmi' mu 'le 'bhɛ 'pegee waa -gɔli' 'srɔɔwɔle -dawli' 'kpalele mɛɛ mu gbɛ ta.
- ⁹-O blɔɔle bo -o 'kpee 'fleele- 'le -waa' 'kpaleya wlan 'la tagaanle -yaa 'elwale -sɔ 'bhɛ ma.
- ¹⁰-O 'woo- 'bhɔŋba- mu 'ɛ 'yɛglin- 'elwale 'pe; 'bhɛɛ- 'ke waa -za 'yɔɔ- do 'kpɔ 'yele- -o zi, 'bhɛɛ- -o sɔ -waa' bhɔŋba ye 'ɛ 'wɔle 'tɛ.
- ¹¹'Bhɛ klɛgbɛya do 'ɛ 'yi, bhɔŋba le mu klɛ le kplankplan mu 'le, waa klɛle mɛɛ 'tɔ 'yɔɔ- 'pe le mu 'le, -o 'sɔ -o 'gbu 'yikunle -za ma, 'bhɛɛ- 'ke -o zru klɛ do -za 'kpen 'yi.
- ¹²'Bhɔŋba- 'gwlaan- 'ɛ, 'bhɛ klɛ le do 'kpɔ -la -nɔɔ 'le, 'bhɛɛ- -e 'sɔ -a 'gbu 'nɛ mu 'ɛ 'pegee -yaa' 'fa =la mu 'ɛ 'lɛdɔɔle 'elrele.
- ¹³'Ke mɛɛ 'la zan mu -waa' 'bhɔŋba- ye 'ɛ =woa 'elrele, -o nu -o -lɛdɔɔle -a ma; 'bhɛɛ- -o zrubazinale klɛ 'egbenɛle -waa' 'kpaleya 'ɛ 'yi Krisi 'yi.
- ¹⁴Timote, 'ŋ 'yoo- 'lɛtrɛ 'kpa zii' 'e ni, -amasroyi 'ŋ 'yri -a ta 'bhii- -a -vinbwa sa 'bhɛɛ- 'ŋ ge 'pwɛle- 'e ta ye.
- ¹⁵'Duŋ- 'ke 'ŋ =mwa 'ke 'naa nu 'e ta, 'ŋ 'lɛtrɛ 'la =dia 'e ni -gɛ bhe, 'e nu -za yɛkɛ- 'la klɛle -Waanbhaa' a mɛɛ -lɛdo' 'ɛ 'plɛŋ-, 'e nu 'bhɛ dɔle 'bhɛ ma. 'Bhɛ -Waanbhaa' a mɛɛ -lɛdo' 'ɛ 'bhɛ -le 'ke -Waanbhaa' 'la -ya -yɛ ma 'bhɛ a 'fa =la mu 'ɛ 'le. -Yaa' mɛɛ mu -lɛdo' 'ɛ 'bhɛ -le 'bhii- wlan 'ɛ =la yri 'pegee -a -yitenpɛ 'le.
- ¹⁶Waa sɔ zaabɔle 'bhɛ ta, -Jan 'Nrɛle- 'la tagaanle -yaa 'elwaleta -sɔ, 'bhɛɛ- 'ke 'bhɛ a klɛ 'bhɛɛ- Zesu 'yi mu 'ɛ -gasikpa -Waanbhaa' -lɛɛ 'bhɛ -o 'egbenɛle. 'Yee- -Jan 'Nrɛle- 'ɛ 'bhɛ -le -gɛ: Krisi 'gbu 'pwɛla- -a -yi bhaapɛŋ do 'le; -Waanbhaa' Lii 'Wɛŋ 'ɛ 'bhɛ 'a -zrɔnna mɛɛ mu ni 'bhii- -a -lɛdɔɔle -o. -E -pwɛla -mɛkɛ' mu ba; 'bhɛɛ- -o -yaa -janwoa 'trɛ ta 'si mu 'ɛ plɛŋ-; 'bhɛɛ- -woo -kpaa -a -yi 'drunyan 'lɛɛ- 'yi; 'bhɛɛ- -Waanbhaa' 'a =sia 'bhɛɛ- 'bhɛ -ja 'kele- lafle' 'yi 'tɔbhɔleya 'yi.

Timote =Lwa Mi 4

- ¹Lii 'Wɛŋ 'ɛ -ya =pia kpataakpa dɔɔ 'ke 'drunyan 'yan bhla 'ɛ =bhwa -wa -din 'waati 'la ba, mɛɛ 'ke mu nu 'ploole- -o 'kpaleya 'ɛ ma Krisi 'yi; 'bhɛɛ- -o nu dɔle mɛɛ -yini' lii mu 'ke mu zi, 'bhɛ 'pegee 'mu a daangbɛya 'la da -Setran' ba 'bhɛ zi.

- ²Mεε -yrekooza kle mu 'pegee bhla ma mεε daan mu 'ε nu -o -yinile. -O 'kpee 'ε 'tilale -o 'bhii- -gla tilagbeyā gbεen- -za 'yoo- mu 'ε 'koo.
- ³-O mεε mu daan doo waa yaale gwlen na, 'bhεε- -wa pe -o ni doo -o pele 'ke mu 'to -o 'soon 'le. -Waanbhaa' 'duη- 'bhε pebhle mu 'ε =kla, 'kooko- 'ke Zesu 'yi mu 'la -o wlan 'ε dō, -o -Waanbhaa' 'pubo- 'mu ma 'bhεε- -woo bhle.
- ⁴-Amasroyi, -Waanbhaa' pe 'oo pe 'la =kla 'bhε 'kpen lele; -koo' 'laa -koo' -bangole pebhle 'kedo- 'kpo 'yi; 'ke -koo' -o pe 'oo pe 'la 'bhlele, -koo' -Waanbhaa' 'pubo- 'bhε ma 'pe, 'bhεε- -koo' 'a bhle 'tε.
- ⁵-Amasroyi pebhle 'tole- pebhle, -Waanbhaa' 'bhε kle 'wenj -yaa' -jan 'ε 'pegee 'seriwole 'le.
- ⁶Timote, 'kee -koo' nεene- mu 'ε -daanna -za mu 'la bhe -o 'kpen 'le, 'e nu klele Zesu Krisi a yewone 'lrele- 'gbu 'le. 'E nu -a zrōnle 'bhε gbεen- 'tε 'bhii- 'yoo- 'e zru 'ε 'lεbo 'zi 'ke 'kpaleya ma -jan 'ε 'le, 'bhεε- 'yoo- 'taawo zii' daangbeyā -lrele' 'ε 'bhεε- zi.
- ⁷Duη- 'elwaleta can mu 'la -woo 'ke bhla ma jan mu 'le, 'bhεε- 'ke -o gole -o 'kpaleya a pe jan mu 'ε ma, 'yaa 'e 'trōnkpale 'mu -la -titi.
- ⁸Duη- dō klen 'kee blōle bo -Waanbhaa' ma; -amasroyi 'fle yikan' maza klele -za sa -la -yanwo' mεε ma. 'Bhεε- 'duη- 'kee blōle =bwa -Waanbhaa' ma 'bhε -o 'elrele mεε ma -za 'kpen 'yi; -amasroyi 'bhε -zōn bole -yre ma -si 'ε na -koo' ni, 'bhε 'pegee -e boolazi bole -yre ma -si 'ε 'naza- pe -koo' ni.
- ⁹Bhε -jan 'ε 'bhε -o 'ke wlan 'le, 'bhεε- mōkpen' sō 'e 'kpale -a -yi.
- ¹⁰Bhela- -yile, 'woo- yewo 'zi 'eglōle 'ke 'woo 'sεne wla, -amasroyi -Waanbhaa' 'la -ya -yre ma 'bhε -le 'o 'yrikpape 'le; 'bhεε- 'yele- 'ke bhaaplenj mu 'kpen 'Bhee mi 'le, 'bhεε- 'duη- mεε 'la zan mu 'gbu 'mu 'kpaā- Krisi 'yi, -e 'mu go -za 'yi -zōn 'pegee yikpensee ta.
- ¹¹-A pe -o ni -o 'bhεε- -za 'ε kle, 'bhεε- 'yoo- daan 'kele-.
- ¹²'Yaa 'tole- 'ke mεε 'kedo- 'e mafinyanwo 'yaa- -zwanneya 'ε ma. 'Duη- -a 'to 'ke mεε 'la zan mu 'kpale- -o Krisi 'yi, -o 'yaa- -janwo' gbeyā 'ε 'pegee 'e 'taawogbeyā ye, 'bhεε- -o 'yaa- 'sōniya -glōon 'pegee 'e 'kpaleya 'ε, 'bhεε- 'e 'kpee 'fleeleyā 'ε 'mu ye; 'kooko- -o sō -o 'kpale 'e ma 'mu 'kpen 'yi.
- ¹³'Sani- 'η gele plēj- 'e ta ye, dō klen 'kee- -Waanbhaa' a 'Sewe 'ε tape mεε mu ni, 'ke 'yoo- lia 'bhε 'pegee 'ke 'yoo- daan 'kele-.
- ¹⁴'E Lii 'sej 'la 'srōwoa- bhe, 'ke -Waanbhaa' 'bhε 'naza- 'ε =kpaā -a -lēla' janwo mu 'ε 'lii, 'yaa 'e 'yre zi -gblaanle' yewole ma 'bhε 'le-. -Ya naza 'ε 'pelawoa -a -lēla janwo mu 'ε ni, 'bhεε- Zesu 'yi mu 'ε -waa' zilēε- mu -lēdo' 'ε 'mu 'mu gbekpaā- 'e ta 'mu 'seriwolele, 'bhεε- -ya 'srōwoa- 'tε.
- ¹⁵Dō klen 'kee 'bhε -za mu 'ε 'kpen kle 'ke 'yoo- 'leyan- -a ma; 'bhεε- 'e 'gbu 'na 'yee- ye 'ε ni 'e nii- 'ε 'kpen 'le. 'Ke 'bhε =kla, mōkpen' nu -a yele 'bhii- 'yoo- ge 'zi zilēε- -Waanbhaa a ye 'ε 'yi.

16'Yaa- 'taawogbeya 'pegee 'yaa- daangbeya 'ε -o -klosikun 'elrele. Dɔ klɛn 'bhɛ klɛle ma. 'Ke 'ya =kla 'bhɛ gbɛɛn- bhe, 'e nu 'e 'gbu gole -za 'yi, 'bhɛ 'pegee mɛɛ 'la zan mu -o 'trɔnkpa zii' 'e ni, 'mu nu gole -za 'yi 'ezin-.

Timote =Lwa Mi 5

1'Yaa -jan -glɔɔ 'wolɛ- 'gwlaan- gbalaan 'kɛdo- 'kpɔ ni, 'duŋ- zruwla -a 'kpee 'bhii- 'e dɛ. 'Bhɛɛ- -zwanɛ mu 'ε 'kun 'bhɛ 'kungbeya do 'kpɔ 'ε 'yi, 'bhii- 'e 'gbu nɛɛɛ- mu gbɛɛn- .

2'Bhɛ ya 'ε 'yi 'ezin-, le gbalaan mu 'ε 'kun 'bhii- 'e nɛɛ mu, 'bhɛɛ- le 'seebaanɛ mu 'ε 'kun 'bhɛ klegbeya do 'kpɔ 'ε 'yi 'bhii- 'e nɛɛɛ- -le mu 'e 'kpee 'fleele- 'le.

3'Le mu 'la -woo glaanle -zeze mu 'gbu 'le, -o -lɛdɔ' -a ma.

4'Duŋ- 'ke glaanle mu 'la 'nɛ mu 'pegee -o 'nranɛ- mu -o, 'bhɛ -nɛ mu 'ε -woo -gasi 'la 'kpa zii' -Waanbhaa' -lɛɛ bhe, -o 'bhɛ 'kpa 'elwale 'pe 'ke -o bhɔ -o 'gbu a 'fa -la mu 'ε ba. -O yapɛ mu 'ε -za 'la =kla -o ni 'elwale gban -sɔ, -o 'bhɛ yɛkɛ- za mu klɛ 'mu ni. 'Bhɛ klegbeya -glɔɔn 'ε 'bhɛ -le sɔ -Waanbhaa' ni.

5'Le 'la 'bhɛ -o 'ke glaanle -zeze 'gbu 'le, 'bhɛɛ- 'ke 'bhɔŋba- mi do 'kpɔ 'laa -o 'bhɛ 'kɔɔ, -ya -yrikpa' -Waanbhaa' ta, 'bhɛɛ- -e bo pɛ -yɛwɔle ma 'bhɛ ma 'seri 'yi -bi zi 'pegee -yɛkpa'.

6'Duŋ- glaanle 'la 'bhɛ bole -o 'bhɛ 'gbu 'nrayiza mu klɛle ma, 'bhɛ -o 'bhii- 'bhɛ -gaa gban 'ali- 'ke -ya -yɛ ma -li.

7'Bhɛ -jan 'lɛɛ- 'wo -o ni, 'kooko- waa -za 'yɔɔ- 'kɛdo- 'kpɔ ye -o zi.

8'Ke mɛɛ 'la zan laa -yaa' mɛɛ mu -gblakun' 'elrele, 'ali- 'ke 'bhɛ kpa -yaa' pɛ 'fa =la mu 'gbu 'ε ta 'elwale 'pe, 'bhɛ zan laa -o -li 'kpaleya zi 'ε ta; 'ali- -a -yɔɔ' -yiya' mɛɛ 'la zan laa -Waanbhaa' dɔ 'bhɛ zan ni.

9'Ke glaanle 'la 'bhɛ 'ya lɛɛ -lii 'ε =kaan lɛɛ mia yaga ta, 'bhɛɛ- 'ke -a yaale -yaa 'gwlaan- do 'kpɔ -la 'kɔɔ; 'e sɔ 'bhɛɛ- glaanle -glɔɔn 'ε 'tɔ 'ε sɛwɔwɔle glaanle mu 'tɔ 'ε ba.

10'Ke mɔkpen' 'a dɔ -a klɛza -lɛle' mu 'ε ma: 'ke -wa 'yaango- 'bhii- -ya -nɛ mu 'ε 'tɔla- 'elrele, 'kee- -yaa' 'cie mu kun 'elrele, -e -Waanbhaa' a mɛɛ 'weŋ mu 'ε gaan mafia-, 'kee- -yaa bhɔ -yɛn ma mɛɛ mu ba, 'bhɛɛ- -e -yaa -za 'wlan -glɔɔn 'ε 'kpen -la klɛyɛ glin mɛɛ mu ni.

11'Duŋ- 'yaa dɔle glaanle 'seebaanɛ mu 'ε 'mu 'tɔ 'sɛwɔwɔle -la. -Amasɔyi 'ke 'drunyan ta pɛ -lɔ 'ε -dwa -o ma, 'bhɛɛ- -wa pe dɔɔ -o yaale' gwlen na; 'bhɛ klɛ gbeya 'ε 'yi, -o ploo Krisi a zi 'ε ma.

12'Bhɛɛ- 'bhɛla- -yile, -kpan balaa' -o 'gbu ta, -amasɔyi -woo -liiwli' 'la 'naa- -Waanbhaa' ni dɔɔ -o nu bolɛ Krisi a pɛ 'le, waa bo 'bhɛ ta 'bhɛɛ- -o 'bhɛ 'yisiɛ-.

- 13'Bhɛɛ- 'ezin-, -o woye laa -o, 'bhɛla- -yile -o kanaa' 'fɛ mu 'ɛ 'kpɛn =la; 'duŋ- -za 'la 'bhɛ -o 'eyɔɔle 'ezin- 'bhɛ -le -o -lɛ ma nra, 'bhɛ 'pegee -o -lɛ ta laa ga -jan ta -titi. 'Bhɛɛ- -o wo jan laa 'kɛla 'bhɛ 'le -o 'bhɛɛ- wo.
- 14'Bhɛla- -yile, 'ŋ 'yoo- -a zi 'bhii- glaanle 'seebaanɛ mu 'ɛ -o yala- gwɛn na, 'bhɛɛ- 'ke -o -nɛ mu -srɔɔwo', 'bhɛɛ- 'ke -o waa 'fa -la mu 'ɛ 'lɛdɔɔ- 'elrele; 'kooko- -kɔɔ' 'sɔɔnnii 'laa sɔ -o 'tɔ 'yɔɔ- peyre 'kɛdo- 'kpɔ 'srɔɔwole.
- 15'Naa 'o 'bhɛ 'pe zii' bhaama, -amasrɔyi 'woo- glaanle mu 'ɛ 'ke mu -ploola gban - Waanbhaa 'a zi dɔɔle 'ɛ ma, 'bhɛɛ- 'mu gbaanle -o -Setran' zi.
- 16'Ke Zesu 'yi le do dɛ -nɛ mu 'ke mu -o 'ke glaanle mu 'le, -e -yaa' glaanle mu 'ɛ - gblakun', 'kooko- 'bhɛ glaanle mu 'ɛ waa bo Zesu 'yi mu 'ɛ ta 'kwe 'le, 'bhɛɛ- 'mu sɔ bhɔle- glaanle mu 'la mɛɛ 'kɛdo- 'kpɔ 'laa -o 'mu 'kɔɔ 'bhɛ mu ba.
- 17Zesu 'yi mu 'ɛ -waa' zilɛɛ- mu 'la 'mu -o 'mu a ye 'ɛ 'wo zii' 'elrele, -ka 'mu 'lɛdɔɔ- -a ma 'eke- trala plɛ, -ka 'bhɛ klɛ 'kɛ mu 'gbu 'la -Jan 'Nrɛle- 'ɛ wo, 'bhɛɛ- -o mɛɛ mu daan 'kɛle- 'mu -la ni.
- 18-Amasrɔyi -a pele -o -Waanbhaa' a 'Sɛwɛ 'ɛ 'yi dɔɔ: "'Ke dri 'ɛ -yoo pɛbhɛ 'taan zii' - a gaan 'ɛ 'le 'waati 'la ba, 'yaa -a -lii 'yreɛ-;" 'bhɛɛ- -a yɔɔndɛle -o 'ezin- dɔɔ: "Yewone 'ɛ -yaa' pɛ -le 'ke -a -sra 'ɛ 'le."
- 19'Ke mɛɛ do -o -la 'zi Zesu 'yi mu a zilɛɛ- mi do ta -za do 'yi, 'yaa dɔle 'bhɛ =la; 'fɔke mɛɛ plɛ, mɛɛ yaga 'sii, 'bhɛɛ- 'mu klɛ 'e 'srɛ 'le 'yee- -za 'ɛ ma.
- 20Zesu 'yi mu 'ɛ -waa' zilɛɛ- mu 'la bole -o -za 'yɔɔ- mu klɛle ma, 'bhɛ -jan 'ɛ 'wo mɔkpen' 'yre ma kpataakpa; 'kooko- mɛɛ -vin mu 'ɛ 'mu gbɛlaan -za 'yɔɔ- klɛle ma.
- 21'D 'yoo- -jan 'lɛɛ- 'bhɛɛ- 'kwɛlanwole 'e ma 'egɔɔle -Waanbhaa' 'pegee Zesu Krisi 'bhɛɛ- -Waanbhaa' -mlɛkɛ' mu 'la makwan- 'mu 'yre ma dɔɔ: Dɔ kɛn 'kee 'toŋ mu 'lɛɛ- 'kpɛn 'klɔsikun, 'bhɛɛ- 'yaa -a do mabhaabhɔle -a do ta; 'bhɛ 'pegee 'yaa bhaapɛŋ mu goɛ 'eke- ma.
- 22'Yaa 'kɔɔle- 'e gbɛkpale ma mɛɛ 'kɛdo- 'kpɔ ta, 'bhɛɛ- 'e ye gbɛkpa -a 'kɔɔ Zesu 'yi mu -lɛdɔ' 'ɛ 'plɛŋ-. 'Bhɛɛ- 'ka 'pegee mɛɛ 'kɛdo- 'kpɔ 'laa 'kpɛle- do ma -za 'yɔɔ- klɛ zayi'. 'E 'gbu 'bo 'e zru 'wɛŋ 'le.
- 23'Yaa bole -yi do -kplɛn 'mile- ma; -wɛɛn sanɛ- 'mi 'e 'kpee 'la za 'ɛ 'pegee 'e ma yikpen- ta ga 'fiɛntrɔnnɛ mu 'ɛ -zayi'.
- 24'Mɛɛ 'ke mu a -za 'yɔɔ- mu 'ɛ gaanle laa -o 'mu ma 'sani- -woo 'kitikan; 'duŋ- mɛɛ 'ke mu a pɛ -za 'yɔɔ- mu 'ɛ -o 'mu ye boolazi -a ma.
- 25'Bhɛ klɛgbeya do 'kpɔ 'ɛ 'yi, klɛza -lrele' mu 'ɛ gaanle laa klɛ 'mu ma, 'mu 'pwele- klɛ -gbaklaa 'edile; 'ali- 'ke 'kɛ mu 'la 'mu ta laa 'pwele- vɛŋ-, 'mu tagaanle laa bo.

Timote =Lwa Mi 6

- ¹Zesu 'yi mu 'la 'kpen -o 'ke lu mu 'le, -o -gasikpa -o zan mu 'e 'lɛɛ 'ke -woo -lɛdɔ' a ma gbe 'e 'kpen ma; 'kooko- mɛɛ 'kɛdɔ- 'kpɔ 'laa sɔ -Waanbhaa' tɔ 'e 'siɛle 'bhe 'pegee 'ke waa sɔ -za 'yɔɔ- pele- -kɔɔa' daangbɛya 'e ma.
- ²Lu mu 'la 'mu zan mu -o 'ke Zesu 'yi mu 'le, -o -gasikpa 'mu 'lɛɛ, 'bhɛɛ- waa peɛ dɔɔ -o 'kpen -o 'ke nɛɛnɛ- ma do mu 'le. Drɔɔn' -o yewo 'mu ni 'elrele gbe 'e 'kpen ma; -amasrɔyi -woo yewo 'zi mɛɛ 'la zan mu ni, 'bhe mu -o 'ke -o -yienii' Zesu 'yi mu 'le. Mɛɛ mu 'e daan 'bhe -jan mu 'la bhe 'mu -le, 'bhɛɛ- 'ya 'kpankpanyan -o ma.
- ³'Ke mɛɛ 'ke mɛɛ mu daan daangbɛya 'bhɛɛke 'le, 'bhɛɛ- 'ke yaa 'taawo- -kɔɔa' Mɛɛzan Zesu Krisi 'wojan- 'weŋ mu 'e ta, 'bhɛɛ- 'ke yaa 'taawo- daangbɛya 'la 'bhe 'a klɛ 'bhɛɛ- Zesu 'yi mu -gasikpa -Waanbhaa' -lɛɛ 'bhe ta,
- ⁴'bhe zan -o 'bhe 'gbu magbaande 'zi, 'bhɛɛ- yaa -za 'kɛdɔ- dɔ. 'Duŋ- zaabɔ -lrɔ 'e 'bhe -o -a ma 'bhii- ga, 'bhɛɛ- gwle 'kanle sɔ -a ni jan 'le bhaama. 'Bhe -za mu 'la bhe, 'mu nu 'ke zranwole 'pegee sra 'le, 'bhɛɛ- -zwanwole 'pegee 'kpee jan -yɔɔ' mu 'le;
- ⁵'bhɛɛ- zaabole mu 'la waa yan. 'Bhe zaabole mu 'la waa yan 'mu da mɛɛ la zan mu 'nii- 'e -gaa, 'mu -la ba; 'bhɛɛ- waa wlan dɔ -titi. -O 'kpee ma, -Waanbhaa' -lɛɛgblaanya 'e 'bhe -o 'ke -naflo -glinza' -la -le.
- ⁶Wlan 'gbu 'e ni, -Waanbhaa' -lɛɛgblaanya 'e 'bhe -o -za 'wlan 'srɔɔwo zi 'le, 'ke mɛɛ 'e zru -kpalaa' pɛ yɛkɛ- 'la -ya 'kɔɔ 'bhe ma.
- ⁷-Amasrɔyi -kɔɔ' 'laa nulɛ pɛ 'kɛdɔ- 'kpɔ 'le -kɔɔ' 'kɔɔ 'trɛ ta -gɛ, 'bhɛɛ- 'duŋ- -kɔɔ' 'laa nu geɛ pɛ 'kɛdɔ- 'kpɔ 'le -kɔɔ' 'kɔɔ.
- ⁸'Bhɛla- -yile, 'ke -kɔɔ' -kɔɔ' 'le peɛ 'pegee -kɔɔ' ta pɛ mu -srɔɔwoa 'bhe -kɔɔ' 'yibhɔ-.
- ⁹'Duŋ- 'ke mɛɛ 'la zan mu -o -a zi 'bhii- -o klɛ pɛzan mu 'le, -o balaa' -za 'yɔɔ- 'yi, 'bhɛɛ -Setran' a bhee -o kun. 'Bhe bhee 'e 'bhe -le 'ke 'truu- maza mu -bebe 'pegee zrubhɔ maza 'yɔɔ- mu 'le; 'bhe mu -o siɛ 'bhɛɛ- -o ni 'fɛŋfɛŋ.
- ¹⁰Wlan 'e ni, -gɔli' 'flɛn 'e 'bhe -le 'ke -za 'yɔɔ- mu 'e 'kpen -glɔɔn kli 'le. 'Yee- -gɔli' 'flɛn 'e 'kɔɔ, mɛɛ 'ke mu =nia 'kpaleya zi 'e ma 'egbɔɔnle; 'bhɛɛ- -o 'ŋgami -gbɛnɛ 'srɛ kpa -o 'gbu ma.
- ¹¹'Duŋ- 'bhi Timote, 'bhi 'la 'bhi -o 'ke -Waanbhaa' a mɛɛ 'le bhe, blasan- 'bhe -za mu 'la bhe 'mu 'kpen 'lɛɛ. 'Bhɛɛ- -lɛdɔɔleya zi oo, -Waanbhaa' -lɛɛgblaanya oo, 'kpaleya oo, 'sɔniya oo, zrubakpaaleya oo, 'bhe 'pegee -yidɔɔya 'mu 'kpen -la ziglin-.
- ¹²Dɔ 'egloole 'bhɛɛ- 'e 'kpaleya Krisi 'yi 'e 'bhe ta gwle -lrele' 'e dan. 'Bhɛɛ- bole -yrɛ ma -si 'la -dan' 'laa -o 'bhe ma 'bhe 'kun. -Waanbhaa' 'e 'siila- 'bhɛɛ- bole -yrɛ ma -si 'e 'kaama-; 'bhɛɛ- 'yee 'kpalawoa Krisi 'yi 'e 'bhe ba jan -lrele' =woa mɛɛ 'srɛ 'yrɛ ma kpataakpa.
- ¹³'Mi jan 'lɛɛ- 'kwlanwo- 'e ma -Waanbhaa' 'la -si na pɛ mu 'kpen ni, 'bhe 'yrɛ ma; 'bhe 'pegee Zesu Krisi 'la -a 'gbu ta -jan 'lrele- -woa Pɔnsi Pitalti 'yrɛ ma.

- 14'Mi -o -jan 'lɛɛ- 'kwlanwo zii' 'e ma 'eglooole dɔɔ -a -klosikun 'elrele, 'bhɛɛ- waa -za 'yɔɔ- do 'kpɔ 'yele- 'e zi, 'bhɛ 'pegee bo 'weŋ 'ke 'bhɛ ge 'tenle- -kɔɔa' Mɛɛzan Zesu Kriisi 'pwe yi 'e ma.
- 15'Yee Kriisi 'pwe yi 'e nu kleɛ 'waati 'la -Waanbhaa' 'bhɛ 'ledulaa 'bhɛɛ- ba. 'Yela- do -kplɛn 'kpaale- -o pɛ 'kpen 'wiinj-, 'bhɛɛ- 'yele- 'ke -bhleŋgbe mu 'kpen a -bhleŋgbe 'le, 'bhɛ 'pegee Mɛɛzan mu 'kpen a Mɛɛzan 'le.
- 16'Yela- do -kplɛn 'laa ga -titi; -a boyrɛ 'ɛ 'bhɛ -o 'ke 'tɛbhile 'la 'ke mɛɛ 'kedo- 'kpɔ 'laa sɔ 'e 'mabɛenle 'bhɛ -din 'bhɛɛ- 'le. Bhaaplɛŋ 'kedo- 'kpɔ 'laa 'bhɛ 'yele- -lido', 'bhɛɛ- bhaaplɛŋ 'kedo- 'kpɔ 'laa sɔ 'bhɛ 'yele. -Yaa' pɛ -le 'ke 'tɔbhɔleya 'pegee -glɔɔya' 'la 'ke -daŋ' 'laa -o 'bhɛ ma 'mu 'le! Amiina!
- 17-Jan 'lɛɛ- 'bhɛ 'kwlanwo 'eglooole -zɔn 'drunyan 'lɛɛ- 'yi pɛzan mu 'e ma dɔɔ waa -o 'gbu 'wasowolɛ, 'bhɛɛ- -o -yrikpale laa bolɛ -naflo pɛ mu 'la waa mɔ 'mu ta; 'duŋ- -o -yrikpale bo -Waanbhaa' -la ta. 'Ye- -kɔɔ' gba pɛ 'kpen ba 'ebebele, 'kooko- -kɔɔ' -kɔɔ' zrukpalaa 'bhɛ ma.
- 18-A 'kwlanwo -o ma 'eglooole dɔɔ -o -za 'wlan klɛ, 'bhɛɛ- -o klɛza -lrele' mu 'e klɛ 'esrele; -o 'kɔɔ 'laa kleɛ 'eglooole, 'bhɛɛ- -o dɔ -a -la 'ke -woo 'kɔɔpɛ- mu 'e 'yiciɛn- mɛɛ -bhɛɛke' mu ma.
- 19'Ke -o 'bhɛ =kla, -o nu -o 'gbu -lɛɛ -naflo zrɛ dɔlɛ 'bhɛ gbɛɛn- bhe boolazi; 'bhɛ -naflo 'ɛ 'bhɛ lele 'bhɛɛ- 'bhɛ 'laa 'siɛ -titi. 'Bhɛ klegbɛya 'ɛ 'yi, -o nu bole -yrɛ ma -si -zeze 'gbu 'ɛ 'bhɛ 'srɔɔwolɛ.
- 20'D 'nɛ Timote, -Waanbhaa' -za mu 'la gbekpaa- 'e 'kɔɔ, -o 'kun 'e gbɛ plɛ 'le. 'Ploo- bhaama -janwole mu 'la waa -o 'ke 'kpaleya zi 'e ta janwo gbɛya mu 'le 'mu ma; 'bhɛ 'pegee 'yaa 'e 'lɛbɔle bhaama zaabɔle mu 'yi; 'bhɛ zaa -glɔɔn 'ɛ bɔ mu 'e -woo 'gbu 'kun 'bhii- -zadɔ' mu, 'duŋ- waa -o 'ke 'bhɛ 'le.
- 21'Mɛɛ 'ke mu 'kpee ma -o 'bhɛ -zadɔleya 'ɛ 'srɔɔwoa-, 'bhɛɛ- 'duŋ- -o 'kpaleya zi 'e 'bhɛ =twa -a nɔɔ-. Bhaa -Waanbhaa' -lileya 'ɛ zina- 'ka ta!

Timote Plɛ Mi

Timote Plɛ Mi 1

¹'Mi Pɔlu -o 'ke Zesu Krisi a 'winɔwo mi 'le, -Waanbhaa' zru maza ma; 'yee- -Waanbhaa' 'gbu -le bole -yɛ ma -si 'naza- =pia bhaapɛŋ mu ni Zesu Krisi klɛza 'ɛ 'srɔyi.

²'D 'yoo- 'lɛɛ- 'lɛɛ- 'kpa zii' 'e ni Timote, 'bhi -le 'ke 'ŋ 'nɛ 'la 'bhe -za sɔ 'ŋ ni 'bhe 'le. Bhaa -kɔɔ' Dɛ -Waanbhaa' 'pegee Mɛɛzan Zesu Krisi 'e -dɔɔbo', 'bheɛ- 'e 'yrenkla- -o ma, 'bhe 'pegee -o yilabla 'na 'e ni!

³'Mi -Waanbhaa' 'pubɔ-; 'ŋ 'yoo- -yaa' ye 'ɛ 'wo zii' 'ŋ 'kpee 'fleele- 'le 'bhii- 'ŋ 'taa- mu 'a =kla gɔnɛ- 'la gbɛɛn-. -Bi zi 'pegee -yɛkpa' 'e -za 'laa ni 'ŋ 'kpee 'an 'seri mu 'ɛ 'yi.

⁴'O 'piila- bhla zi 'eke- ma, 'e wisia= gɔnɛ- 'la gbɛɛn-, 'ke 'bhe -dwa 'ŋ 'kpee, -e klɛ 'ŋ ni 'bhii- 'mi 'e 'ye 'bheɛ- 'ŋ zrukpalaa.

⁵'Kpaleya -zeze 'gbu 'la -yoo 'e zru 'ɛ 'yi, 'bhe -za 'laa go 'ŋ 'kpee. 'Bhe 'kpaleya -glɔn 'ɛ 'bhe -le -yaa 'e -jie Loisi 'pegee 'e nɛɛ Enisi 'yi; 'bheɛ- 'ŋ 'kpale- -o -a -yi 'bhii- -o 'kpa gbɛya 'ɛ -Waanbhaa' 'yi 'bheɛ- yɛkɛ- -le 'bhi 'yi 'ezin-.

⁶'Bhɛla- -zayi', 'mi 'seri 'la =kla -Waanbhaa' ni 'yaa- -za ma 'ke 'mi 'ŋ gbɛkpa 'e ta, 'bheɛ- -yee' gbalawoa -glɔya' 'la ba, -a 'to 'ke 'bhe -glɔya' 'ɛ bo 'e ta.

⁷-Amasrɔyi -Waanbhaa' -kɔɔ' -gbaa Lii 'Wɛŋ 'la ba, 'bhe 'laa -kɔɔ' klɛ -gblaannii' 'le, 'duŋ- 'bhe -glɔya' 'pegee 'sɔniya, 'bheɛ- -zadɔleya -la -naa -kɔɔ' ni.

⁸'Bhɛla- -zayile, -yrala' laa dɔɛ 'e ma Mɛɛzan a -jan 'ɛ 'wole- ma mɛɛ mu ni. 'Mi 'duŋ- 'la 'mi -o -kaso 'yi -a 'tɔ 'ɛ -zayi', -yrala' laa dɔɛ 'e ma 'mi -zayi'. 'Bhi 'pegee 'mi 'o -yrenbhle' 'eke- 'yi -Jan 'Nrɛle- 'ɛ -zayi', 'bheɛ- -Waanbhaa' -glɔya' 'ɛ ta.

⁹'Yee- -Waanbhaa' -le -kɔɔ' -gwa -za 'yi, 'bheɛ- 'yele- -kɔɔ' 'siila- dɔɔ -kɔɔ' klɛ -a 'gbu a mɛɛ mu 'le. 'Duŋ- 'yaa -kɔɔ' goɛ -za 'yi -kɔɔ' klɛ za -lɛɛ' mu 'ɛ ma, -e -kɔɔ' -gwa -za 'yi -a 'gbu -za yɛkɛ- 'la 'lɛdulaa, 'bhe 'pegee -yaa' wlanya 'ɛ 'mu -la ma. -E -kɔɔ' -gbaa 'bhe wlanya 'ɛ ba, -kɔɔ' 'pegee Zesu Krisi a 'kpaɛdomaya 'ɛ 'yi, 'bheɛ- -e 'bhe =kla 'waati 'la ba 'ke yaa 'drunyan klɛɛ -li.

¹⁰-Zɔn -kɔɔ' 'Bhe Mi Zesu Krisi =nwa 'yee- -Waanbhaa' a wlanya 'ɛ zɔnɛ mɛɛ mu 'ɛ ni. -E ga a pɛ faŋgan- 'ɛ 'bhe -gwa 'bhe 'yi, 'bheɛ- bole -yɛ ma -si 'la -daŋ' 'laa -o 'bhe ma, 'bheɛ- 'ke 'bhe 'laa siɛ -titi, -e 'bhe 'pwela- mɔkpen' 'yɛ ma kpataakpa -Jan 'Nrɛle- 'ɛ 'srɔyi.

¹¹'Yee- -Jan 'nrɛle- 'ɛ 'yela- wole 'kaama-, 'bheɛ- -Waanbhaa' 'mi =kla 'ke -yaa' winɔwo 'pegee -yaa' mɛɛ mu daan mi 'le.

¹²'Bhɛla- -zayi' 'ezin-, 'ŋ 'yoo- 'bhe -yɛn -glɔn mu 'lɛɛ- 'bhle zii'; 'duŋ- waa -o 'ke 'ŋ ma -yrala' 'le. -Amasrɔyi 'ŋ 'yɛkpaɛ bole -o mɛɛ 'la zan ta, 'ŋ 'bhe zan 'ɛ dɔ; 'bheɛ- 'ŋ 'kpale -o -a -yi 'bhii- dɔɔ -e pɛ 'la gbɛkpa' 'ŋ 'kɔɔ, 'bhe 'sɛŋ -o -a ni 'ke -ya -yɛkpa' 'bhe ba, 'fɔke 'bhe ge 'tenɛ- 'drunyan 'lɛyan 'yi 'ɛ ma.

13'Mi 'e -daanna wlan ma -jan mu 'la 'le bhe, -o 'kpa 'e 'kpee kplankplan, 'bhæ- 'taawo -o ta 'e 'kpaleyā 'pegee 'sōniya 'la 'bhæ -o 'ka 'pegee Zesu Krisi a 'kpaledomaya 'yi 'bhe 'le.

14'E daangbeya 'lrele- mu 'la 'srōwoa- bhe, -o 'kpa 'e 'kpee kplankplan Lii 'Weŋ 'la -yoo 'e 'yi, 'bhæ -glōya' 'e 'le.

15'E 'gbu 'a 'yaango- dōo -Waanbhaa' a mæe mu 'la 'kpen -o Azi 'klæen 'e 'yi, 'mu 'ŋ do -kplæn =twa -a nōo-; Fizeli 'pegee Erimozeni mu -o 'bhæ mæe mu 'e ba.

16'Duŋ- bhaa Mæezan -Waanbhaa' -yaa' wlanya 'e zrōn Onezifōo 'pegee 'bhæ a 'fa -la mu 'e ni. -Amasrōyi -e 'fuu -dwa 'mi ta gbæ 'e 'kpen ma; 'ali- 'mi 'la 'mi -o -kaso 'yi, -e 'mi 'yelawoa, 'bhæ 'laa -yraladōle -a ma.

17'Drōon', -e bhōlawoa Rōmu -wa 'e ta, -e 'mi ziglinna gbæ 'e 'kpen ma -a zru 'e 'kpen 'le 'sani- -e ge 'tenle- 'ŋ ma.

18'Bhaa -Waanbhaa' 'bhæ a wlanya 'e zrōn -a ni 'drunyan 'leyan 'yi 'le. -E -za 'wlan mu 'la 'kpen =kla 'ŋ ni Efezi -wa 'e ta, 'e 'gbu 'bhæ 'yaango- kpataakpa.

Timote Plæ Mi 2

1'Bhi 'ŋ 'næ Timote, dō 'eglōole -lileya 'la -yoo Zesu Krisi 'yi 'bhe 'yi.

2'Mi 'e -daanna 'kela 'le mæe 'sræ 'yræ ma, 'bhæ gbekpa mæe 'la zan mu -o 'ke mæe wlan mu 'le, 'bhæ- 'ke -o sō mæe -bhæke' mu daanle- 'bhæ 'le 'ezin- 'mu 'kōo.

3'Yaa- pæ -yrenbhle', 'bhii- Zesu Krisi a -srwase' mi wlan do.

4-Srwase' mi 'kedo- 'kpō 'laa -a 'gbu bō 'træ ta za mu 'yi, 'ke -ya zi 'bhii- -a -za 'sō -a -kunjlii 'e 'ni.

5'Bhæ- 'ke mæe do -o zaabō 'zi mæe -bhæke' mu 'le blasanlele -jara 'srōwo zayi', 'ke yaa blasanle blasan' gbeya 'toŋ mu 'e ta, yaa sō 'bhæ blasanle -jara 'e 'srōwole.

6'Bhæ- gbakpa' mi 'la ye -glōo 'e =woa -yaa' gba 'e 'yi, 'yele- gba 'e ta pēbhaa -lwa mu 'e kan mi 'le.

7'D 'yoo- 'kela 'wo zii' 'e ni -ge bhe, 'e 'kpeeledan 'bhæ ma 'elrele; -amasrōyi Mæezan -Waanbhaa' nu a klēle 'bhæ- 'e -za 'kpen 'yima-.

8'Davidi 'nræn- Zesu Krisi a -za 'e bo 'e 'kpee, 'yele- -bwela gale ba; 'bhii- 'an pæ -Jan 'Nræle- 'e 'bhæ -a 'wo 'zi gōn- 'la gbæen-.

9'D 'yoo- -yrenbhle' zii' 'yee- -Jan 'Nræle- 'e 'yela- woza 'e ma, 'bhæ- -woo' 'ŋ gbæ ta =bwa 'ke piibhæ kpele- 'le 'bhii- -za 'yōo- klæ mi do gbæen-. 'Duŋ- -Waanbhaa' a -Jan 'e 'bhæ 'yrele- laa -o.

10'Bhela- -zayi', 'ŋ 'yoo- -za 'kpen 'yikun zii' -Waanbhaa' mæe mu 'la zan mu makwan- 'mu -zayi'; 'kooko- 'mu sō gole -za -yi Zesu Krisi 'srōyi, 'bhæ- 'tōbhōleya 'la -dan' 'laa -o 'bhæ ma, -o sō 'bhæ 'srōwole.

- 11-Jan mu 'lɛɛ- 'mu -o 'ke wlan 'le dɔɔ: "'Ke -kɔɔ' 'gbu -gaa -kɔɔ' 'pegee Zesu Krisi 'le, -kɔɔ' mu 'pegee 'yee- Krisi nu bole -kɔɔ' 'yɛ ma 'eke- 'yi 'ezin-.
- 12'Bhɛɛ- 'ke -kɔɔ' -za 'yikwan= 'yee- 'le, -kɔɔ' mu 'pegee 'yee- nu yaale -yaa' -bhleṅgbeya yaayɛ 'ɛ =nɔɔ. 'Duŋ- 'ke -kɔɔ' -kɔɔ' -bangwa -a -yi dɔɔ -kɔɔ' 'laa dɔ, 'yee- nu -a -bangole -kɔɔ' mu 'yi dɔɔ yaa -kɔɔ' mu dɔ 'ezin-.
- 13'Ke -kɔɔ' 'laa bole -kɔɔ' 'liijan- do ta, 'yee- nu bole -a -liijan' do 'kpɔ 'ɛ ta. -Amasɔyi yaa sɔ -a -liijan' mabɔɔle, 'bhɛɛ- -e zaabɔ -a 'gbu 'le ma."
- 14'Bo -jan 'lɛɛ- 'bhɛ dɔle ma mɛɛ mu 'ɛ 'kpen 'kpee, 'bhɛɛ- -a pe -o ni 'e 'sɔwɛɛ- ma -Waanbhaa' -yɛ ma dɔɔ waa sradɔle -jangɔ' mu ta. -Amasɔyi sradɔle 'ɛ 'bhɛ 'laa -za 'kedo- 'kpɔ 'yanwo- mɛɛ ma, 'ke yaa 'e go mɛɛ 'la zan mu -o 'trɔnkpa 'bhɛ -jan mu 'ɛ =la 'mu -la 'siele- ba.
- 15'Dɔ 'eglɔɔle 'ke 'yee 'gbu zrɔn -Waanbhaa' ni 'bhii- -yaa' yewonɛ 'lɛle- 'la -za sɔ a ni 'bhɛ 'le, 'bhɛɛ- yaa klɛ 'e ma -yrala' 'le 'yee- -Waanbhaa' -yɛ =la; -yaa' wlan ma -jan 'ɛ daan kplankplan.
- 16'E 'plɛŋgo -balo 'yiflɛŋ mu ma, 'bhɛ 'pegee -jan mu 'la gole -o 'kpaleya zi 'ɛ ma. -Amasɔyi 'woo- bhaama janwo mu 'ɛ -woo 'plɛŋgo- yi 'oo yi -Waanbhaa' ma.
- 17-O -liijan' mu 'ɛ -za mu siɛ 'eyɔɔle 'bhii- bhɛ -yɔɔ' bhaaplɛŋ 'flɛ 'ɛ bhle 'eyɔɔle gɔnɛ- 'la gbɛɛn-. 'Bhɛ mɛɛ -glɔɔn mu 'ɛ 'ke mu -le 'ke Imene 'pegee Fileti mu 'le.
- 18-O -gwa gban wlan ma zi 'ɛ ta, 'bhɛɛ- -wa pe dɔɔ gbaa mu bweza 'ɛ gale ba 'bhɛ yi 'ɛ =bhwa gban; -o 'bhɛ pelawo zii' bhe, -o mɛɛ -bebe 'yini zii' 'ke -o 'mu go 'kpaleya zi 'ɛ ta.
- 19'Duŋ- -Waanbhaa' 'fɛgwɛ- gaan -glɔɔla =bwa, 'bhɛ 'laa sɔ 'siele -titi; -jan -glɔɔn mu 'lɛɛ- 'mu -la yɔɔndeɛle -o ta dɔɔ: "Mɛɛzan -Waanbhaa' 'gbu -yaa' pɛ mɛɛ mu 'ɛ dɔ." 'Bhɛ 'pegee: "'Ke mɛɛ 'oo mɛɛ 'la zan 'a =pia dɔɔ 'bhɛ -o 'ke -Waanbhaa' a pɛ mɛɛ 'le, 'bhɛ zan 'bhɛ gaan go -za 'yɔɔ- zi 'lii."
- 20'Fɛ -gbɛnɛ do -la, 'tasa 'ɛ 'kpen -glɔɔn -le ye: -a 'ke mu laa -o 'ke -can 'pegee piibhe drɔŋ 'le, 'duŋ- -a 'ke mu -o 'ke -yri 'pegee 'trɛ 'le 'ezin-. -A 'kɛ mu 'la 'mu -o 'ke -can 'pegee piibhe 'le 'mu -o 'ke -zabla' yi gbɛɛn ta pɛ mu -la -le, 'bhɛɛ- -a -vin mu 'ɛ 'mu -o 'ke yikpensee ta pɛ mu 'le.
- 21'Ke mɛɛ 'la zan 'bhɛ 'bhɛ 'gbu 'plɛŋgwa- 'woo- -za 'trinle- mu 'la bhe -o ma, 'bhɛɛ- -a 'kpee 'fleele- klɛ. 'Bhɛ zan nu klɛɛ 'bhii- -can 'tasa mu 'la -o 'mu si -zabla' yi -gbɛnɛ mu ta 'bhɛ mu gbɛɛn-. -E nu klɛɛ 'wɛŋ, 'bhɛɛ- -ya zan do -kplɛn maza -yanwo'; 'bhɛɛ- -a -lɛmagaanle -o ye -lɛle' 'ɛ 'kpen -glɔɔn 'wo zayi'.
- 22'D 'nɛ Timote, blasan- -zwanɛ mu zrubhɔ za -yɔɔ' mu 'ɛ 'lɛɛ. 'Bhɛɛ- mɛɛ 'la zan mu 'kpen Mɛɛzan -Waanbhaa' gba -o 'kpee 'fleele- 'le, 'e 'mabɛɛn- 'mu -la -din, 'bhɛɛ- 'ke 'ka -lɛdɔɔleya oo, 'kpaleya oo, 'sɔniya 'pegee yilabla ziglin-.
- 23'Duŋ- 'yaa 'e 'lɛbɔle klooya ma -jan mu 'pegee 'truu- ma -jan mu 'yi, -amasɔyi -woo 'ke gwɛ 'pɔpɛ- 'le.

24'Duŋ- 'bhe 'laa lele 'ke Meezan -Waanbhaa' a yewone gwledan. 'Duŋ- kle mee wlan 'le məkpen' ma, 'kee- sɔ mee mu daanle, 'bhe- 'kee- sɔ mee mu a -yooya' 'e 'yikunle.

25'Mee 'la zan mu zaabo -Waanbhaa' -a yewone 'e 'le ma, -e 'sɔ -jan zikpale 'mu ni -a zru -dɔɔ 'le, 'bhe- -yoo bɔ zi -lrele' ta; -dɔke' yi do ta, -Waanbhaa' nu -a klele 'bhe- -zadɔwee dɔ -o ma, 'bhe- -o plooo -o kleza -yoo' mu 'e ma, 'bhe 'pegee -woo zru niinaa' 'bhe ba, 'bhe- -o wlan 'e dɔ.

26'Bhe 'yi, -o -yre ba nu 'kanle- 'elrele, 'bhe -o nu gole -Setran' 'la 'bhe a bhee mu -o -kwan 'bhe zru maza kle zayi' 'mu 'yi.

Timote Plɛ Mi 3

1-A 'yaango- dɔɔ 'ke 'drunyan 'leyan yi 'e =bhwa -wa -din, 'waati mu 'e nu klele 'egloole.

2'Wlan 'e ni, bhaaplɛŋ mu nu -o 'gbu do -kplɛn -la -zadɔle 'egloole; -waa' -goli' 'flɛn nu klele, -o nu -o 'wasowole 'ke -woo 'gbu magbaandɛ, 'bhe- 'ke -o -Waanbhaa' 'tɔ siɛ. -O nu -o yape mu 'e 'kafawole, -o nu klele mee klooo mu 'le; 'bhe- waa nu -gasikpale -Waanbhaa' a pe 'weŋ mu 'e 'lɛɛ -titi.

3'Mee -yren 'laa nu 'klale- -o ma -titi; -waa nu mee mazatole -titi; -o nu mee 'tɔ 'yoo- 'pele-. Waa nu 'sɔle- -o 'gbu 'yikunle -za 'yoo- klele ma, -o nu klele 'eyoole, 'bhe- -za 'wlan kle mu nu klele -o -sɔnnii' mu 'le.

4-O nu -dawli' 'kpale- 'eke- gbɛ ta 'bhe- -woo 'eke- -yini'; -o yin ma 'tɔn nu klele 'waati 'e 'kpen ba, -o nu -waa' -za 'kpen klele 'ke -o 'gbu magbaandɛlele. 'Bhe- -o 'gbu 'nrayiza mu nu 'sɔle- -o ni 'ke 'bhe kan -Waanbhaa' ta.

5-O nu -a klele mee mu -yre ta 'bhii- -o gbalaan -Waanbhaa' -lɛɛ, 'duŋ- -o 'gbu 'kpee waa nu dɔle -Waanbhaa' a -glooya' 'e =la. 'E 'plɛngo- 'bhe mee -gloon mu 'e ma 'egboonle.

6'Woo- mee mu 'e 'ke mu ge wlale yretɛ 'bhii- mlɛ mu gbɛɛn- 'fɛ mu 'e =la, 'bhe- -o le fanɛn- kle 'ke mu -yini' -waa' -dawli' ma daangbeya mu 'e 'le; 'bhe le mu 'e 'mu -za 'yoo- -gloon 'e 'kpen -la -kla 'elwale gban -sɔ, 'bhe- -za 'yoo- kle 'flɛn -gloon 'e 'kpen -le -o -lɛkan'.

7'Waati oo 'waati, 'woo- le mu 'e -o -za dree daan, 'duŋ- waa 'tenle- -li wlan 'e dɔle ma.

8'Elwaleta -sɔ Zanesi 'pegee Zanbresi -wlenna -Waanbhaa' -lela' janwo mi Moizi ma gɔnɛ- 'la gbɛɛn-, 'woo- mee mu 'lɛɛ-, -woo -wlen 'zi wlan 'e ma 'bhe- gbɛɛn-; -o nii- 'e 'siele- -o, 'bhe- -o 'kpaleya -Waanbhaa' 'yi 'e 'bhe 'laa -za 'kedo- 'kpɔ 'yanwo- -o ma.

9'Duŋ- waa nu bhɔle 'egboonle -o kleza mu 'e 'yi, -amasroyi məkpen' nu -a 'yaangole 'bhii- -woo 'ke -zadɔkle mu 'le, 'bhii- Zanesi 'pegee Zanbresi a pe -za 'e 'leyaan- gɔnɛ- 'la gbɛɛn-.

10'Bhi 'ŋ 'nɛ Timote, 'bhi 'mi 'an pe daangbeya 'e ta 'taawoa=, 'bhe- 'e 'mi a pe 'taawogbeya 'e =sia. 'D 'yaa- zan -za mu 'la klele 'yee =kpaa 'ŋ ma 'mu klele 'yi, 'bhe-

'η 'kpagbeya 'ε Krisi 'yi oo, 'η zrubakpaaleya oo, 'an 'sɔniya 'pegee 'an -yren 'yikungbeya 'ε 'yee =kpa a 'η ma 'mu 'kpen 'yi.

11'Bhεε- -o -yrenkpa a 'mi ta gɔnε- 'la gbεen-, 'bhε 'pegee 'an -yrenbhle' gbeya, 'e 'mu -ya. Waa -yren 'ε -glɔɔn 'ε -dela 'kpale- 'mi ta Antiosi 'pegee Ikonio mu 'bhεε- Lisitri -wa mu 'ε ta εε? 'Bhεε- 'naa -yren 'ε -glɔɔn 'ε -dela -yikunle εε? 'Bhεε- 'duɲ- Mεεzan -Waanbhaa' 'mi -gwa -o 'kpen 'yi.

12'Bhε ya 'ε 'yi, 'ke mεε 'oo mεε 'la zan -a zi' 'bhii- -e 'taawo -Waanbhaa' a -lεεgblaanya 'le -o 'pegee Zesu Krisi 'kpaledomaya 'ε 'yi, -o nu -yrenkpale 'bhε zan ta 'bhεε- klεgbeya do 'ε 'yi.

13'Duɲ- mεε -yɔɔ mu 'ε 'pegee mεε 'la zan mu bakanle laa -o, -o nu gele -za 'yɔɔ- baan' -la klelele, -o nu mεε mu -yinile, 'bhεε- -o 'woo- mu 'gbu 'yinile 'ezin-.

14'Bhi 'duɲ-, 'e -za 'la -daanna 'bhε 'pegee 'e 'kpale- -o -za 'la 'yi, 'e blɔɔle bo 'mu ma 'eglɔɔle. 'Ya -daanna mεε 'la zan 'kɔɔ, 'e 'gbu 'bhε zan dɔ.

15-A 'san 'yaa- matruɲya ma, -Waanbhaa' a -jan mu 'la 'mu -o yaa' 'Sεwε 'ε 'yi, 'e 'mu dɔ. 'Woo- -jan mu 'ε sɔ 'e klele- -zadɔ' mi 'le, 'bhεε- 'ke 'yee- =kpa a Zesu Krisi 'yi, -o sɔ 'e gole- -za 'yi.

16-Jan 'oo -jan mu 'la -woo -Waanbhaa' a 'sεwε 'ε 'yi, 'mu -daa Lii 'Wεɲ 'ε 'seɲ 'ε 'bhεε- ba. 'Bhela- -zayi', -woo mεε daanpε -lrele' mu 'le, 'bhε 'pegee -o wlan dɔ mεε 'yi 'ke -o mεε bɔ zi -lrele' ta, 'bhεε- -o mεε tro 'ke -woo 'e bɔ -lɛdɔɔleya zi 'ε ta.

17'Kooko- mεε 'la zan -o 'taawo zii' -Waanbhaa' a zi 'ε ta, -a daanle kle -yaa' 'Sεwε 'ε 'yi jan 'ε 'kpen 'le gbε 'ε 'kpen ma 'ke -a -lɛyan' -a ma, 'bhεε- -e sɔ ye wlan 'ε 'kpen -glɔɔn 'wole.

Timote Plε Mi 4

1'Mi -o -jan 'lεε- 'bhε 'wo zii' 'e ni fangan- ma -Waanbhaa' 'pegee Zesu Krisi 'yrε =la, dɔɔ 'yee- Zesu Krisi -le nu gbaa mu 'pegee mεε -yrε male mu 'kitikanlε. 'Bhεε- 'mi -a wo 'zi 'e ni 'ezin- -a 'nuza- 'ε 'pegee -yaa' -bhleɲgbeya yaaza 'ε 'tɔ 'yi, dɔɔ:

2-Waanbhaa' a -Jan 'ε 'wo mεε mu ni, 'ke 'ya 'kwlanwo- -o ma, 'ali- 'kee- -kla 'waati 'lrele- ba oo, 'kee- -kla 'waati 'yɔɔ- ba. -A wo mεε mu 'ε ni, 'kooko- 'ke -a wlan -dwa -o -yi, -o sɔ -o zru mabɔɔle, 'ke -o 'ke mu =nia, -o -lɛdɔɔ' zi -lrele' ta, 'bhεε- -o -lia 'e zrubakpaalele 'waati 'ε 'kpen ba 'ke 'yoo- daan.

3-Amasrɔyi 'bhε 'waati -o zan bhɔlε 'bhεε- bhaapleɲ mu laa nu dɔlε -li -a -la 'ke -woo 'trɔnkpa- -Waanbhaa' a daangbeya 'lɛdɔɔle 'ε =la. 'Duɲ- -o 'gbu zru maza mu 'ε ma, -o nu mεε daan mu 'srε 'ke mu -lεkpale 'eke- ta -o -din; 'bhεε- 'ke 'trɔnkpale -swa -o ni -jan -glɔɔn mu 'la =la, -o nu a pele dɔɔ 'mu 'bhεε- 'wo -o ni.

4-O nu -o 'trɔn mu -liitanle wlan 'ε 'lεε; 'bhεε- 'trɔnkpale nu 'sɔlε- -o ni bhaama can mu -la =la.

5'Duɲ- 'bhi, 'sɔ 'e 'gbu 'yikunle -za 'kpen 'yi, -yren 'yikun, 'yoo- -Jan 'Nrale- 'la 'wo mi 'le, 'bhε ta ye 'ε 'wo. 'Bhεε- -Waanbhaa' a ye 'ε 'wo 'elrele gbε 'ε 'kpen ma.

- 6'Ke -za =bwa 'mi ta, 'mi 'gbu klele 'e 'bhii- 'sraka 'e ta -yi -doo 'le 'bhe 'waati 'e =bhwa gban; 'bhεε- 'an pe 'tre ta yan bhla 'e =bhwa -wa -din.
- 7'D 'yaan- gwle -lrele' 'e danlele, 'bhεε- 'mi an blasanle 'e 'leyaan-; 'bhεε- 'η =bwa 'kpaleyā zi 'e ta 'kee- ge 'tenle- -a -leyanle ma.
- 8'Bhela- -zayile, 'η nu -ledooleya ma -jara 'e 'srōowole. Mēezan Zesu Krisi 'la -yoo 'ke 'kitikan mi -lrele' 'e 'le, 'bhe nu 'bhe -jara 'e 'nale- 'η ni 'drunyan 'leyan yi 'e 'le. 'Duη- yaa nu 'bhe 'nale- 'mi do -kplen 'kpō ni; mēε 'la zan mu 'kpen 'yre -o -a 'pwe 'yi 'e 'lεε 'soniya 'le 'mu zru ba, -e nu 'yee- -jara yeke- do 'kpō 'e 'nale- 'bhe zan mu 'e 'kpen ni 'ezin-.
- 9'Do klen 'kee nu 'tenle- 'η ma blaale-.
- 10-Amasroyi, 'tre ta pe mu 'lεε 'flen 'e -zayi', Demasi 'η do -kplen =twa -a nōō-, 'bhεε- -e -ja Tesaloniki -wa 'e ta. Kresansi -ja Galasi 'kleen 'e 'yi, 'bhεε- Titi -ja Dalimasi 'kleen 'e 'yi.
- 11'Luki do -kplen -le =bwa 'η -din. 'E 'nu bhla zi, 'ka 'pegee Maki 'nu 'eke- zi; -amasroyi -e nu bhōle 'η ba 'egbenele 'an ye 'e 'wolele.
- 12'D Tisiki 'winbwa- Efezi -wa 'e ta.
- 13'Bhεε- 'e 'nu bhla 'e zi, 'kan Troasi -wa 'e ta Kaapusi ba; 'bhεε- 'an dune- tralape -gbene 'la =bwa -a nōō- ye nu 'bhe 'le 'η ni. 'Sewe kpo mu 'e 'pegee wi 'fle 'sewe kpo 'la 'klule- -o 'mu -za 'laa 'nile- 'e 'kpee, nu -o 'kpen 'le 'e 'kōō.
- 14-Tōn mi Alēzandri yienya 'yōō- -gbene -kla 'mi ni. Mēezan -Waanbhaa' -le nu -e -za 'yōō- yeke- 'la =kla 'mi ni, 'bhe zigole -a ma.
- 15'Bhi 'gbu 'ezin-, 'e 'gbu 'klōsikun -a ma 'elrele, -amasroyi -e -zaabwa 'o 'le ma 'o 'wojan- mu 'e 'kpen 'yi.
- 16'D ge gbε -lwa 'la =woa -klu ta 'an -za 'e 'yipe yre nōō-, mēε 'kedo- 'kpō 'laa dōle 'mi zi ta; -o 'kpen 'η do -kplenne' =twa -a nōō-. Bhaa -Waanbhaa' laa -waa' -za 'yōō- mu 'e bōle -klōsi 'yi.
- 17'Duη- Mēezan -Waanbhaa' -le =bhwa 'mi ba, 'bhεε- -e fangandwa 'mi ta; 'kooko- 'η sō -Jan 'Nrāle- 'e 'wole gbε 'e 'kpen ma 'ke 'an -leyan' -a ma. 'Bhεε- 'kooko- Zuufu kle mu 'e 'mu 'yee- -Jan 'Nrāle- 'e ma 'ezin-. 'Bhεε- mēε mu 'la 'kpen 'yaa- zi 'bhii- -woo 'η dε, 'η -gwa -o 'kōō; 'bhεε- -e -kla 'bhii- -woo 'η -gwa -jara 'lii.
- 18'Mi 'gbu 'a 'yaango- 'bhii- Mēezan -Waanbhaa' nu 'mi gōle -za 'yōō- 'e 'kpen 'yi, 'bhεε- -e nu 'mi -dōō 'wlale- -yaa' -bhlengebeya yaayre 'e =nōō lafle' 'yi. 'Yela- -a pe -le 'ke 'tōbhōleya 'le -zōn 'pegee yikpensee ta! Amiina.
- 19'Prisili 'pegee Akilasi, 'bhεε- Onezifōō a 'fa -la mu 'e 'mu 'pubō- 'η ni.
- 20'Erasiti =bwa Korenti -wa 'e ta, 'bhεε- 'η Trofimu gadele 'e =twa Miletī -wa 'e ta.
- 21'Do klen 'kee nu -niinii' 'kpa 'waati 'e 'lεε. Ebulusi 'pegee Pudēnsi, 'bhεε- Linusi 'pegee Klodia, 'bhεε- -kōō' nēεε- mu 'e 'kpen 'ka 'pubwa-.

²²Bhaa Meezan -Waanbhaa' kle 'e 'nii- 'e ba. Bhaa -Waanbhaa' -li 'ka 'kpen ma!
Amiina.

Titi

Titi 1

¹Mi Pɔlu, 'η 'yoo- 'ke -Waanbhaa' a yewone 'le, 'bhɛɛ- 'η 'yoo- 'ke Zesu Krisi a winbɔwo mi 'le; 'mi -le 'lɛtrɛ 'lɛɛ- 'kpa zii' 'e ni. -Waanbhaa' mɛɛ 'la zan mu makwan-, -yoo 'η 'winbwa- 'kaa 'η 'bhɛ zan mu 'ɛ bɔ 'kpaleya a pɛ zi 'ɛ ta, 'bhɛɛ- 'an klɛ 'ke -o wlan ma daangbeya 'la sɔ bhɔle- -o ba, 'bhɛɛ- -o bo -Waanbhaa' a -lɛɛgblaanya 'ɛ 'yi 'bhɛ dɔ.

²Bhɛɛ- 'kooko- -o yrikpale bo bole -yrɛ ma -si 'la -dan 'laa -o 'bhɛ ma 'bhɛ ta. -Waanbhaa' laa bhla pe -titi, -ya -liiwli' -naa 'bhɛɛ- bole -yrɛ ma -si 'ɛ 'naza- ta -kɔɔ' ni 'drunyan klɛle -lɛɛ -a 'kɔɔ.

³-Kɔɔ' 'Bhee Mi -Waanbhaa' 'gbu 'waati yɛkɛ- 'la -dwa 'bhɛ 'bhɔle-, 'kee- yaa -Jan 'ɛ zɔnle- -kɔɔ' ni. 'Bhɛɛ- -e -yaa' -Jan 'ɛ 'wole gbekpaa- 'mi 'kɔɔ, 'kaa 'η 'bhɛ 'wo bhaaplenɔ mu 'ɛ ni.

⁴Mi Pɔlu -le 'lɛtrɛ 'lɛɛ- 'kpa zii' 'bhi Titi ni, 'bhi 'la 'bhi -o 'ke 'η 'nɛ kpataakpa 'le 'kpaleya a pɛ zi 'ɛ ta, 'yee- 'kpaleya do 'kpɔ 'la -yoo -kɔɔ 'kpen 'yi bhe. Bhaa -kɔɔ' Dɛ -Waanbhaa' 'pegee -kɔɔ' 'Bhee mi Zesu Krisi -li 'e ma, 'bhɛɛ- -o yilabla na 'e ni!

⁵Mi 'e =twa Krɛti 'trɛ 'ɛ ta, 'kooko- -za mu 'la 'naa 'yanle- 'mu yɛɓagolele, 'e 'mu -yɛɓago. 'Bhɛɛ- zilɛɛ- mu makun' Zesu 'yi mu 'ɛ ba, 'bhɛɛ- 'mu 'kpa -wa mu 'ɛ 'kpen do do ta Zesu 'yi mu -lɛ do do 'ɛ 'wiinj-, 'bhii- 'an =pia 'e ni =ya klɛ gɔnɛ- 'la gbɛɛn- bhe.

⁶Waa 'joo 'yɔɔ- bhɛ do 'kpɔ 'yele- Zesu 'yi mu 'ɛ -waa' zilɛɛ- mu 'ɛ 'kɛdo- 'kpɔ 'taawo gaan 'ɛ zi, 'bhɛɛ- -a na klɛ do 'kpɔ, 'bhɛ 'pegee -a -nɛ mu 'ɛ -blɔɔle' klɛ Krisi ma. 'Bhɛɛ- 'mu 'joo 'laa klɛlɛ 'eyɔɔle, 'bhɛ 'pegee 'mu 'laa 'mu yapɛ mu 'ɛ 'kafawole.

⁷Wlan 'ɛ ni, Zesu 'yi mu 'ɛ -waa' zilɛɛ- mi 'ɛ 'woye- -le 'ke -a -yɛɛkpalele -Waanbhaa' a ye 'ɛ ba. 'Bhɛla- -yile, waa 'joo 'yɔɔ- bhɛ do 'kpɔ 'yele- -a 'taawo gaan 'ɛ zi -titi. 'Bhɛɛ- yaa -a 'gbu magbaandɛlɛ, yaa klɛlɛ yrannii- 'le, 'bhɛ 'pegee yaa klɛlɛ -wɛɛnmi' mi 'pegee gwle -glin mi 'le, 'bhɛɛ- yaa -gɔli' -glinlɛ' -dawli' ma.

⁸Dunɔ- -e klɛ 'cie mu -gblakun' mi -lɛle' do 'le, 'bhɛɛ- -za 'wlan klɛle 'sɔ -a ni. -A -lɛdɔɔle klɛ, 'bhɛɛ- -e klɛ 'wɛɔ, 'bhɛ 'pegee -e sɔ -a 'gbu 'yikunle.

⁹-A blɔɔle bo -Waanbhaa' a -Jan 'la -o sɔ -o 'kpale 'bhɛ 'yi 'bhɛ ma 'egblɔɔle, 'bhii- -wa -daanna 'kɛla 'le bhe. 'Ke 'bhɛ =kla -e nu 'sɔlɛ- mɛɛ mu -liale', 'bhɛɛ- -e fangandɔ 'mu ta daangbeya -lɛdɔɔle a pɛ zi 'ɛ ta. 'Bhɛɛ- -e nu 'sɔlɛ- -a -lɛma' zaabɔ mu 'ɛ 'mu 'gbu 'niyrɛ- 'ɛ zɔnle- 'mu ni.

¹⁰Wlan 'ɛ ni, mɛɛ -bebe -o -wlen 'zi wlan ma daangbeya 'ɛ ma. -O -naanaa' ma jan mu -la wo, 'bhɛɛ- -o mɛɛ mu -yini'. -O 'bhɛ mɛɛ -glɔɔn mu 'ɛ ye mɛɛ 'la zan mu 'a pe mɛɛ ni dɔɔ -o wla kpanɔma 'klɛɛn 'yi 'bhɛɛ- -o go -za 'yi 'bhɛ zan mu 'ɛ 'mu -la plɛɔ.

¹¹'Yaa- -jan mu 'ɛ dɔ -o -yi, 'bhɛɛ- waa sɔ -jan 'bhɛɛke 'wole; -amasɔyi, 'wole- 'fɛ mu 'ɛ 'kpen =la mu 'ɛ 'mu a 'kpaleya 'ɛ siɛ. -O mɛɛ mu daan -za 'la 'bhɛ 'laa -o 'ke daanpe 'le 'bhɛɛ- 'le, 'kooko- -o -gɔli' kun mɛɛ mu 'kɔɔ -dawli' ma.

12Kreti 'trɛ ta mi do, -o 'gbu a -zadɔ' mi do -le 'a =pia dɔɔ: "Kreti mu -o 'ke bhlanii- mu 'le 'waati 'ɛ 'kpen ba, -woo 'bhii- srɔpɛ mu gbɛɛn-, lrwanii- mu -le -o -le, 'bhɛɛ- -o bo -o 'kpeeledanle ma pɛ bhlele 'te -la ma."

13'Bhɛ -jan 'ɛ, 'bhɛ -o 'ke wlan 'le. 'Bhɛla- -zayile, 'ke 'a 'kɛla 'bhɛ 'yinia-, -la 'bhɛ ta 'egloole, 'kooko- -a 'kpaleya 'ɛ Krisi 'yi 'bhɛ bakan' 'elrele.

14'Bhɛɛ- 'ke waa blɔɔ Zuufu mu a bhaama can mu 'ɛ ma, 'bhɛɛ- mɛɛ 'la zan mu 'mu -zanta' -dwa -Waanbhaa' a wlan 'ɛ ni, waa blɔɔ 'mu a 'toŋ mu 'ɛ ma.

15'Mɛɛ 'la zan mu 'kpee 'fleele- -o, pɛ 'kpen -o 'wɛŋ 'mu -yrɛ 'yi. 'Duŋ- mɛɛ 'la zan mu 'kpee 'triŋ- -o, 'bhɛɛ- 'ke waa -o kpa Krisi 'yi, 'pɛ 'kɛdo- 'kpɔ 'laa -o 'wɛŋ 'bhɛ zan mu 'ɛ -yrɛ 'yi. -Amasrɔyi -o 'kpeeledangbɛya 'ɛ -yoo 'eyɔɔle, -asiikɔɔ waa sɔ -za 'wlan 'pegee -za 'yɔɔ- bagole dɔle-.

16-Wa pe -o -lii dɔɔ -o -Waanbhaa' dɔ, 'duŋ- -o klɛza mu 'ɛ gole -o -o -liijan' mu 'ɛ ma. -O 'kpee -o 'eyɔɔle, 'bhɛɛ- -woo -kala' mu 'le -Waanbhaa' ma, 'bhɛ 'pegee waa sɔ -za 'lrele- 'kɛdo- 'kpɔ klɛle-.

Titi 2

1'Bhi Titi 'duŋ-, 'kɛla 'bhɛ -bɛŋgole -o 'ke daangbɛya 'lɛdɔɔle 'ɛ 'le, 'bhɛɛ- 'wo mɛɛ mu 'ɛ ni.

2-A pe 'gwlaan- gbalaan mu 'ɛ ni dɔɔ waa -o -taakpale -za mu zi. -Wa klɛ 'ke -o sɔ -gasikpale -o -lɛɛ, 'bhɛ 'pegee -o klɛ -zadɔ' mu 'le. 'Bhɛɛ- -o klɛ 'egloole -waa' 'kpaleya 'ɛ 'yi Krisi 'yi, 'bhɛ 'pegee -waa' 'sɔniya 'ɛ, 'bhɛɛ- waa zrubakpaaleya 'ɛ 'yi.

3'Bhɛ klɛgbɛya 'ɛ 'yi, -a pe 'ezin- le gbalaan mu 'ɛ ni dɔɔ 'mu 'taawogbɛya 'ɛ klɛ 'wɛŋ. Waa klɛle mɛɛ 'tɔpɛ le mu 'pegee -wɛɛnmi' le mu 'le. 'Bhɛɛ- -o klɛ mɛɛ mu -lia le mu 'le.

4'Bhɛɛ- -o 'sɔ 'seebaanɛ mu daanle- 'mu =nɔɔ mu 'pegee 'mu 'nɛ mu 'ɛ -za 'sɔlele 'mu ni.

5'Bhɛɛ- 'woo- 'seebaanɛ mu 'ɛ klɛ le yikanle mu 'le, 'bhɛɛ- -o 'kpee 'fleele- klɛ. 'Bhɛɛ- -o 'sɔ -waa' 'fɛ mu 'ɛ 'kunle 'elrele, 'bhɛ 'pegee -o klɛ le wlan mu 'le. -O 'kpen do do 'bhɛ ŋgblo 'kpala 'bhɛ =nɔɔ =la, 'kooko- mɛɛ 'kɛdo- 'kpɔ 'laa sɔ -jan 'yɔɔ- 'kɛdo- 'kpɔ 'wɔle -Waanbhaa' a -jan 'ɛ ma.

6'Bhɛ klɛgbɛya do 'ɛ 'yi, -zwanɛ mu 'ɛ =lia dɔɔ -o klɛ -zadɔ' mu 'le -za 'kpen 'yi.

7'Bhi 'duŋ-, 'bhi klɛ -za 'wlan klɛ mi 'le 'ke mɛɛ mu 'e ye, 'bhɛɛ- -o sɔ -o kpale 'e ma 'yaa- 'taawogbɛya 'ɛ 'yi. Mɛɛ mu daan 'e zru -lrele' 'le 'pegee 'e 'nii- 'le.

8'E 'wojan- mu 'ɛ 'lɛdɔɔle klɛ, 'bhɛɛ- 'ke waa sɔ zaabɔle 'mu ta, 'kooko- -kɔɔ' 'sɔɔnnii mu laa sɔ 'joo 'yɔɔ- bhɛ 'kɛdo- 'kpɔ 'yele -kɔɔ' 'taawo gaan 'ɛ zi, 'bhɛɛ- -yraladɔ -o ma.

9-A pe lu mu 'ɛ ni dɔɔ -woo 'gbu ŋgblo 'kpala -o zan mu 'ɛ =la -za 'kpen 'yi, 'bhɛɛ- -o 'mu zru maza mu klɛ gbɛ 'ɛ 'kpen ma. Waa zaabɔle 'mu 'le ma.

- 10'Bhɛɛ- waa 'mu a pɛ 'kɛdo- 'kpɔ 'faanlɛ-. 'Duŋ- -o blɔɔle bo 'mu ma 'taŋji, 'kooko- mɛɛ mu sɔ -kɔɔ' 'Bhɛɛ Mi -Waanbhaa' a daangbɛya 'ɛ 'lɛdɔle -a ma.
- 11'Wlan 'ɛ ni, -Waanbhaa' -yaa' -lileya 'ɛ -zɔɔna bhaaplɛŋ mu ni, 'bhɛɛ- 'bhɛ -le -kla bhaaplɛŋ mu 'kɛn gopɛ 'le -za 'yi.
- 12'Bhɛɛ- -yaa' -lileya 'ɛ -kɔɔ' daan dɔɔ -kɔɔ' 'ploɔ- 'taawogbɛya -yɔɔ' 'pegeɛ 'trɛ ta zru maza -yɔɔ' mu ma, 'kooko- -kɔɔ' sɔ 'taawole yikan' ma 'drunyan 'lɛɛ- 'yi, 'ke -kɔɔ' 'lɛdɔle klɛ, 'bhɛɛ- 'ke -Waanbhaa' -lɛɛgblaanya klɛ -kɔɔ' 'yi.
- 13-Kɔɔ' 'taawogbɛya 'ɛ klɛ 'elrele 'bhɛɛ- gbɛɛn- bhɛ, 'ke 'bhɛ ge 'tɛnlɛ- -kɔɔ' yi -lrele' 'la 'bhɔle- magben 'zi 'bhɛ ma. 'Bhɛ yi 'ɛ 'le, -kɔɔa' -Waanbhaa' -gbɛnɛ 'ɛ, 'bhɛɛ- -kɔɔ' 'Bhɛɛ Mi Zesu Krisi a 'tɔbhɔleya 'ɛ nu 'pwɛlɛ- -a -yi 'tɛ.
- 14-Ya 'gbu 'naa- -kɔɔ' ni -kɔɔ' ma 'sraka 'le; 'kooko- -e -kɔɔ' 'wiinj- -za 'yɔɔ- mu 'ɛ 'kɛn go, 'bhɛɛ- -e -kɔɔ' klɛ -a 'gbu ni -yaa' pɛ 'si 'wɛŋ do 'le, 'bhɛɛ- 'ke -kɔɔ' -za 'lrele- klɛle -vavade.
- 15'Bhɛ 'yi bhɛ, 'bhɛɛ- 'yansi jan mu 'ɛ 'wo mɛɛ mu 'ɛ ni, 'ke 'yoo- lia 'eglɔɔle. 'Bhɛɛ- 'ke -a 'kɛ mu 'la 'yinia-, 'mu bɔ zi -lrele' ta. 'Yaa 'tolɛ- 'ke mɛɛ 'kɛdo- 'kpɔ 'e mavɛɛ.

Titi 3

- 1-A dɔ Zesu 'yi mu 'ɛ 'kɛpɛ dɔɔ -woo 'gbu ŋgblo 'kpala -o -kuŋlii mu 'ɛ 'pegeɛ -waa mɛɛ gbalaan mu 'ɛ =la. 'Bhɛɛ- -o 'mu 'wojan- mu 'ɛ 'klɔsikun, 'bhɛɛ- -woo yiriwla -za 'wlan 'kɛpɛnɛɛ -glɔɔn klɛle 'le.
- 2-A dɔ -o 'kɛpɛ 'ɛzin- dɔɔ waa mɛɛ 'kɛdo- 'kpɔ 'tɔ 'yɔɔ- pɛlɛ, 'bhɛɛ- waa gwledanlɛ, 'bhɛ 'pegeɛ -o klɛ mɛɛ mazato mu 'le; 'bhɛɛ- -o -yi klɛ 'ɛdɔɔle 'egbɛnɛle mɛɛ mu 'ɛ 'kɛn ma.
- 3-Amasɔyi -kɔɔ' mu 'gbu 'yaa- 'elwale -sɔ -zadɔkle mu 'le -Waanbhaa' ba zayi', 'bhɛ 'pegeɛ -kɔɔ' 'laa -yaa -a -weli' -klɔsikun, 'bhɛɛ- -kɔɔ' 'nile- -yaa. -Kɔɔ' 'yaa- -kɔɔ' zru maza 'kɛn -glɔɔn 'pegeɛ pɛ 'flɛn mu 'ɛ 'kɛn a lu mu 'le. -Kɔɔ' 'yaa- 'kɛpɛ 'yɔɔya- 'ɛ 'kɛn -glɔɔn klɛ, 'bhɛ 'pegeɛ -kɔɔ' 'yaa- zranwo pɛ 'kɛn ta. -Kɔɔ' vɛn -yaa si mɛɛ mu yin -lii, 'bhɛɛ- -kɔɔ' 'yaa- 'eke- mafinyanwo.
- 4'Duŋ- -kɔɔ' 'Bhɛɛ -Waanbhaa' -yaa' wlanya 'pegeɛ -yaa' 'sɔniya 'ɛ -zɔɔna bhaaplɛŋ mu ni.
- 5'Bhɛɛ- -e -kɔɔ' -gwa -za 'yi; 'bhɛ 'laa dale -kɔɔ' mu 'gbu klɛza -lɛdɔle mu 'ɛ ba, 'duŋ- 'bhɛ -daa -kɔɔ' mu 'gbu 'yɛn 'la =klaa -a ma 'bhɛɛ- ba. -Kɔɔ' -gwa -za -yi -amasɔyi, Lii 'Wɛŋ 'ɛ, 'bhɛ -kɔɔ' 'kɛpɛ 'triŋ- 'ɛ =fia, 'bhɛɛ- -e bole -yɛ ma -si drɛɛ -naa -kɔɔ' ni.
- 6-Waanbhaa' Lii 'Wɛŋ 'ɛ -zinaa' -kɔɔ' mu ta niima 'kee- kan -a -dan' ta, -kɔɔ' 'pegeɛ mɛɛ 'Bhɛɛ mi Zesu Krisi a 'kpaledomaya 'ɛ 'yi.
- 7'Bhɛ klɛgbɛya 'ɛ 'yi, -yaa' -lileya 'ɛ ma, -e -kɔɔ' klɛ mɛɛ -lɛdɔle mu 'le -a -yɛ 'yi, 'bhɛɛ- -kɔɔ' 'yɛrikpale -o bole -yɛ ma -si 'la -dan' 'laa -o 'bhɛ ma 'bhɛ ta, 'bhɛ klɛ -kɔɔ' 'ciɛn 'le.

- ⁸Bhε -jan 'la bhe, 'bhe -o 'ke wlan 'le. 'D 'yoo- -a zi' 'bhii- 'e 'bhe 'kpankpanyan mεε mu 'ε ma, 'kooko- 'ke -a 'ke mu -o =kpaa -Waanbhaa' 'yi, 'mu dɔ klen 'bhεε- 'mu za 'wlan mu kle. 'Bhε -le lele, 'bhεε- 'bhe -le mεε maza -yanwo'.
- ⁹Duη- zaabɔle bhaama za mu 'pegee -kɔɔ' -gbɔɔ mu 'tɔ mu ta oo, sradɔle mu oo, 'pɔke- maza mu Moizi a 'toη mu 'ε ta, 'ploo 'mu 'kpen ma. -Nafan 'laa -o -yi, 'bhεε- waa -za 'kedo- 'kpɔ 'yanwo- mεε ma.
- ¹⁰Mεε 'la zan Zesu 'yi mu 'ε -yicien' 'ke -yoo -yini', 'bhe zan 'ε 'kpeelekan -glɔɔn do, - glɔɔn ple. 'Ke yaa dɔle -a -la, 'e 'gbu 'e 'plenjo- 'bhe zan 'ε ma.
- ¹¹'Ya 'yaango- 'bhii- 'bhe mεε -glɔɔn 'ε -gwa gban -Waanbhaa' a zi -ledɔle 'ε ta, 'bhεε- -yoo -za 'yɔɔ- zi 'ε 'bhεε- ta, 'bhe 'pegee -e -Waanbhaa' a -kpan baa- 'zi -a 'gbu ta 'bhe klegbeya 'ε 'yi.
- ¹²'Kee- =kla Aatemasi 'le oo, 'kee- =kla Tisiki 'le oo, 'ke 'mi -o 'kela 'winbwa- 'e ta ye, 'e gaan -la 'si 'bhεε- 'e nu 'tenle- 'η ma Nikopolisi -wa 'ε ta; -amasrɔyi 'an =kpaa dɔɔ - niinii' 'kpa 'waati 'ε nu 'kanle- 'η ta 'bhεε- =nɔɔ ye.
- ¹³'Kee sɔ 'kela 'bhe klele-, 'bhe kle 'kee bhɔ 'kitikan mi Zenasi 'pegee Apolɔsi ba -o nu bhla 'ε zi -waa' 'taa 'ε ta, 'kooko- -o gbε laa 'kaanle- pε 'kedo- 'kpɔ ba.
- ¹⁴-Yoo 'ke -za 'le 'ke -kɔɔa' pε nεnε- Zesu 'yi mu 'ε -o -za 'wlan mu klele daan, 'kooko- -o sɔ mεε -bhεεke' mu maza -yanwole 'waati -glɔɔ ba, 'bhεε- 'kooko- waa bo bhaama mεε mu 'le.
- ¹⁵Mεε 'la zan mu 'kpen -o 'mi -din -ge, 'mu 'e 'pubwa-. -Kɔɔ' -za sɔ mεε 'la zan mu ni 'kpaleya a pε zi 'ε ta, 'mu 'pubɔ- 'η ni. Bhaa -Waanbhaa' -li 'ka 'kpen ma!

Filemō

Filemō 1

- 1'Mi Pōlu, -o 'mi 'la =bwa -kaso 'yi Zesu Krisi a -jan 'ε 'wole -zayi' bhe, 'mi 'pegee 'η nεεnε- Timote -le 'lεtrε 'lεε- 'kpa zii' 'bhi Filemō ni, 'bhi 'la 'bhi -o 'waa- yewoyōōn 'le, 'bhεε- 'e -za sō 'o ni 'egbenele bhe.
- 2'O 'yee- 'lεtrε 'lεε- 'kpa zii' Zesu 'yi mu -lεdo' 'la kla 'eke- ba 'bhi Filemō a 'fε 'ε =la 'mu -la ni, 'bhεε- 'wa 'kpa zii' 'ezin- 'o nεεnε- Zesu 'yi le Apia, 'pegee Arisipi 'mu ni; -woo' 'pegee 'mu -la 'trεbhwa= 'eyōōle -Waanbhaa' a ye 'ε 'wole- 'ε -zayi'.
- 3'Bhaa -kōō' Dε -Waanbhaa' 'pegee Mεezan Zesu Krisi -li 'ka ma, 'bhεε- -o yilabla na 'ka ni.
- 4'Bhi 'η nεεnε- Filemō, 'waati 'oo 'waati, 'ke 'η 'yoo- 'η 'seriwo zii' -Waanbhaa' ni, 'an 'pubō- 'yaa- -za ma.
- 5-Amasrōyi 'ε 'kpale- -o Mεezan Zesu 'yi gōnε- 'la gbεen-, 'bhεε- -Waanbhaa' a mεε 'weŋ mu 'ε -za sō 'e ni gōnε- 'la gbεen-, 'η -zadōle -o 'bhe 'yi.
- 6'Bhεla- -zayile, 'mi -sromabō -Waanbhaa' ni dōō -kōō' klεlawoa do -kōōa' 'kpaleya 'ε Zesu 'yi 'bhe ma, -yee' baandō 'eglōole 'yaa- 'kpaleya 'ε 'yi; 'bhεε- 'bhe 'kpaleya 'ε 'srōyi, -kōō' pε -lrele' mu 'la 'kpen 'srōōwo- Krisi 'kōō, 'e 'mu dō kplankplan.
- 7'D nεεnε- Filemō, -Waanbhaa' sō 'e ni gōnε- 'la gbεen-, 'bhe 'mi zrukpalaa 'egbenele, 'bhεε- 'bhe 'fuu -gbene dō 'mi ta 'ezin-. -Amasrōyi 'ε zruwlaa- -Waanbhaa' a mεε 'weŋ mu 'ε 'kpen 'kpee 'ezin-.
- 8'Bhe klεgbeya 'ε 'yi, 'η nεεnε-, 'ali- 'bhe 'seŋ -o 'mi ni Krisi 'tō 'ε 'yi 'bhii- 'ke 'mi 'a =pia 'e ni 'e -za 'la klε 'e 'bhεε- klε.
- 9'Duŋ- 'sōniya 'ε ma, -e =swa 'mi ni, 'bhii- 'η -sromabō 'e ni. 'Mi Pōlu 'la 'mi -o 'gwlaan- gbilaan 'le, 'bhεε- -o 'mi 'la =bwa -kaso 'yi Zesu Krisi 'tō 'ε -zayi' bhe.
- 10'Mi -sromabō 'zi 'e ni Onezimu -la ba -zayi'; -kaso 'fε 'lεε- =la, 'yele- -kla 'ke 'mi 'ne 'le 'o 'pegee Zesu Krisi a 'kpaledomaya 'ε 'yi, 'bhεε- 'mi -kla 'bhii- -a dε.
- 11'An 'yaango- 'bhii- yaa -za 'kedo- 'kpō 'yanwolε 'e ma 'elwaleta -sō, 'duŋ- -zōn, -yoo -za 'yanwo zii' 'bhi 'pegee 'mi ma.
- 12'Mi -o ge 'zi 'kεle- 'e ta ye 'ezin-; -e =kla 'bhii- 'η 'gbu 'kpee yi -kpōsō do 'le.
- 13'D 'yoo- 'waati 'la ba -kaso 'yi, 'η 'yaa- zi bi 'bhii- 'an 'to 'η -din -gε, 'kooko- -e klε 'bhi tabōō mi 'le yewolele 'mi ni.
- 14'Duŋ-, 'naa- -o -a zi 'bhii- 'η -za 'kedo- 'kpō klε 'ke 'bhe 'laa sō 'e zru ni: 'kee -za 'wlan klεle- 'mi ni, -a klε 'e 'gbu zru ma, 'yaa klεle 'mi 'yre 'kōō kpaŋma.
- 15-Dōke' 'bhi 'pegee Onezimu, 'ka 'piilalawoa 'eke- ma 'waati sa; 'kooko- 'kee- nu gbe drεewoa- 'e ba, 'bhεε- 'ka bo -nraleyā 'yi 'taŋii 'ke -daŋ' 'laa klε 'bhe ma oo.

- 16'Duŋ- -zɔn, yaa -o -li lu 'te 'le, -a mabhaabhɔ lu ta; -e -kla -kɔɔ' nɛɛnɛ- do 'le, 'bhɛɛ- -a -za sɔ 'o ni. -A -za -o 'mi 'gbu 'kɔɔ 'eglooɔle; -zaanko 'bhi 'gbu 'lɛɛ-, -a -za 'laa nu klɛɛ 'bhi 'gbu 'kɔɔ 'eglooɔle 'ezin- 'ke 'bhɛ kan 'mi ta ɛɛ? -Amasɔyi yaa nu klɛɛ 'yaa- lu 'te 'le -li, 'duŋ- -e nu klɛɛ 'e nɛɛnɛ- -zeze 'gbu 'le Mɛɛzan Zesu a pɛ zi 'ɛ zi.
- 17'Duŋ- 'ke 'yoo- 'mi 'kun zii' 'bhii- 'e 'bhɛgwɛn- -zeze 'gbu 'le Zesu 'yi, Onezimu 'kun 'elrele 'bhii- 'e 'mi kun gɔnɛ- 'la gbɛɛn-.
- 18'Ke -a 'siezɔ- -o 'e ba -za 'ke 'yi oo, 'ke 'yaa- ca 'ke -o -a ma oo, 'bhɛ 'to 'mi ma.
- 19'Mi 'gbu Pɔlu -le 'sɛwɛyɔɔn 'lɛɛ dɛ 'zi 'ŋ 'gbu 'kɔɔ 'kaa 'mi 'gbu Pɔlu nu 'bhɛ ca 'ɛ gbawolɛ 'e ni. 'Bhɛɛ- drɔɔn', 'mi 'gbu a ca laa -o 'bhi 'gbu ma 'ezin- ɛɛ? 'Bhɛɛ- 'naa- nu 'duŋ- 'bhɛ ca 'ɛ -za dɔɔɛ 'e 'kpee: 'bhɛ ca 'ɛ 'bhɛ -le dɔɔ 'bhi 'e 'gbu -si 'ɛ 'kpɛn 'na 'mi ni.
- 20'Bhɛ 'yi, 'bhi 'ŋ nɛɛnɛ- Filemɔ, 'mi -sromabɔ 'e ni dɔɔ 'e 'bhɛ -za 'wlan do 'kpɔ 'la bhɛ 'bhɛ klɛ 'mi ni Mɛɛzan Zesu -zayi'. 'Ŋ zrukpaɔa 'bhɛ klɛgbɛya 'ɛ 'yi -kɔɔ' 'pegee Krisi a 'kpaledomaya 'ɛ -zayi'.
- 21'Mi 'kpale- -o -a -yi 'bhii- 'mi -o -sromabɔ 'zi 'e ni -za 'la klɛza 'yi, 'e nu 'bhɛ klɛɛ. 'Bhɛɛ- 'an 'yaango- 'bhii- 'e nu 'kɛla 'bhɛ klɛɛ, 'bhɛ nu -yiyalɛ 'mi pɛ 'e -za 'la klɛ 'bhɛ ni.
- 22'Bhɛ klɛgbɛya do 'ɛ 'yi, 'fɛ 'kpee do -lɛmagaan, 'bhɛɛ- 'ya 'to 'ŋ 'lɛɛ -sɔ, -amasɔyi 'ka -o 'ka 'seri mu 'la 'wo zii' 'ŋ ma, 'ŋ 'kpale- -o -a -yi 'bhii- -o nu 'ploolɛ- 'ŋ ma 'ka ni yi do ta.
- 23'Epafraasi 'la 'pegee 'mi -o -kaso 'yi Zesu Krisi 'tɔ 'ɛ -zayi', 'bhɛ 'e 'pubwa-.
- 24'Bhɛɛ- 'an yewoyɔɔn -vin mu 'ɛ, Maki 'pegee Arisitaki, 'bhɛɛ- Demasi 'pegee Luki, 'mu 'ka 'pubwa- 'ezin-.
- 25'Bhaa Mɛɛzan Zesu Krisi 'ka bo 'edɔɔle!

Ebre Mu

Ebre Mu 1

- ¹Ɔ nɛɛnɛ- mu, 'elwaleta -sɔ, -Waanbhaa' -jan -kpaa -a -lɛla' janwo mu 'ɛ 'lii, 'bhɛɛ- mu -janwoa -kɔɔ' -gbɔɔ mu 'ɛ ni -gloɔn -bebe 'le 'bhɛ 'pegee gbɛ 'ɛ 'kpen -gloɔn ma.
- ²Duŋ- -zɔn 'waati mu 'lɛɛ- ba, 'woo- 'waati mu 'la -woo 'ke 'waati boolazi mu 'ɛ 'le, 'yee- -Waanbhaa' 'gbu -jan -kpaa -a Gbe 'ɛ 'lii, 'bhɛɛ- 'bhɛ 'bhɛ =woa -kɔɔ' mu ni. -E pɛ 'kpen =kla -a Gbe 'ɛ 'bhɛɛ- gbɛ zi; 'bhɛɛ- -ya -kpaa pɛ 'kpen 'wiinj-.
- ³-Waanbhaa' a 'tɔbhɔleya 'bhile 'ɛ 'kpen -o 'yela- -yi, 'bhɛɛ- 'yele- -Waanbhaa' bhɔɔma kpataakpa 'gbu 'ɛ 'le. -Yaa' 'sɔle- ma jan 'ɛ 'bhɛ -le 'drunyan ta pɛ mu 'ɛ 'kpen kun 'elrele. -E yanle bhaapɛŋ mu a -za 'yɔɔ- mu 'ɛ golele -o ma, 'ke -yoo klɛ 'wɛŋ, 'kee-gele- yaalɛ laflɛ' 'yi laanima -Waanbhaa' 'la 'bhɛ a -gloɔya' 'ɛ 'kpaale- -o pɛ 'kpen 'wiinj-, 'bhɛ -din 'tɔbhɔ ma yaayɛ 'ɛ =nɔɔ.
- ⁴Bhɛ 'yi 'tɛ, -Waanbhaa' 'a =kla 'bhɛɛ- -a Gbe 'ɛ =kla 'egblaale 'ke 'bhɛ -yiya' -mlɛkɛ' mu 'ɛ ni, 'bhɛla- -yile 'tɔbhɔ ma 'tɔ 'la 'bhɛ gbalaan -yiya' -mlɛkɛ' mu a pɛ 'tɔ mu 'ɛ ni, -Waanbhaa' 'bhɛɛ- =naa -a ni.
- ⁵Wlan 'ɛ ni, -Waanbhaa' laa pɛɛ -lido' -mlɛkɛ' 'kɛdo- 'kpɔ ni dɔɔ: "'Bhi -le 'ke 'ŋ Gbe 'ɛ 'le, 'bhɛɛ- 'mi =kla -zɔn 'e Dɛ 'le.'" 'Bhɛɛ- yaa pɛɛ -mlɛkɛ' 'kɛdo- 'kpɔ ba za 'yi dɔɔ: "'Mi nu klɛɛ -a Dɛ 'le, 'Bhɛɛ- 'yee- nu klɛɛ 'mi Gbe 'le.'"
- ⁶Duŋ- -Waanbhaa' -yaa zan -a Gbe 'la 'bhɛ -o 'ke -a -nɛ =lwa 'ɛ 'le 'bhɛ 'winbɔɛ 'waati 'la ba, -ya =pia dɔɔ: "-Mlɛkɛ' 'tɔle- -mlɛkɛ' 'mu 'kpen 'e 'kpɔ zen -a -la, 'bhɛɛ- -wa gba.'"
- ⁷Bhɛɛ- 'yee- -Waanbhaa' -jan 'lɛɛ- 'bhɛɛ- =woa -mlɛkɛ' mu 'ɛ ba zayi' dɔɔ: "-Woo 'ke -yaa' winbɔwo mu 'le, 'bhɛɛ- -woo 'ke -yaa' yewonɛ mu 'le, -o kan blaale- 'bhii- -ploo 'kangbeya gbɛɛn-, 'bhɛɛ- -o yran 'bhii- 'tɛ nɛ mu gbɛɛn-."
- ⁸Duŋ- 'yee- -Waanbhaa' 'kɛla =woa -a Gbe 'ɛ ba zayi', 'bhɛ -le -gɛ dɔɔ: "'Bhi -le 'ke -Waanbhaa' 'le, 'bhɛɛ- 'yaa- -bhɛŋgbeya 'ɛ -daŋ' 'laa -o 'bhɛ ma -titi. 'E 'yaa- -bhɛŋgbeya 'ɛ klɛ -lɛdɔleya -la ma.
- ⁹-Za 'lɛdɔle -le sɔ 'e ni, 'bhɛɛ- -za 'yɔɔ- vɛnsi 'e yin 'lii. 'Bhɛla- -zayile, 'ee! -Waanbhaa', 'yaa- -Waanbhaa' 'ɛ -yoo 'e makwan-, 'bhɛɛ- -yee' =kpaa 'edaŋma -yaa' pɛ 'le, 'bhɛɛ- -yrɔn 'la 'bhɛ 'e zrukpalaa 'egbenele -e 'bhɛ =klaa 'e 'wiinj-. 'E -za =swa -a ni 'ke 'bhɛ kan 'e -vin mu 'ɛ ta.'"
- ¹⁰'Bhɛɛ- -Waanbhaa' pɛ 'ezin- -a Gbe 'ɛ ba za 'yi dɔɔ: "'Bhi Mɛɛzan, 'bhi -le 'trɛ =kla 'kee- san -a zisan' bhla zi 'ɛ ma, 'bhɛɛ- 'bhi -le laflɛ' =kla 'e 'gbu 'kɔɔ.
- ¹¹'Bhɛ pɛ mu 'ɛ 'kpen nu 'kanɛ-; 'duŋ- 'bhi nu bole 'e bogbeya do 'ɛ 'yi. 'Trɛ 'pegee laflɛ' nu -krɔyawolɛ 'bhii- dunɛ- do -krɔyawo gɔnɛ- 'la gbɛɛn-.
- ¹²'E nu -o gbɛkpale 'bhii- -o dunɛ- tralape 'ɛ gbɛkpa 'eke- 'yi gɔnɛ- 'la gbɛɛn-. -O nu -o tabɔɔle 'bhii- mɛɛ 'a ta dunɛ- mu tabɔɔ gɔnɛ- 'la gbɛɛn-: 'Duŋ- 'bhi nu bole 'e bogbeya do 'ɛ 'yi, 'bhɛɛ- 'bhi 'laa nu -krɔyawolɛ -titi.'"

13'Bhɛɛ- -Waanbhaa' laa peɛ- -lido' -mlɛkɛ' 'ɛ 'kɛdo- 'kpɔ ni dɔɔ: "Nu yala- 'ŋ -din 'tɔbhɔ ma yaayre 'ɛ =nɔɔ -gɛ, 'sani- 'ŋ yan 'ɛ 'sɔɔnnii mu 'ɛ klɛlele 'ɛ gaan -la pɛ 'le."

14'Bhɛɛ- -mlɛkɛ' mu 'ɛ 'kpen 'laa -o 'ke lii mu 'le bi ɛɛ? -Woo -le 'ke -Waanbhaa' a winbɔwo mu 'le, 'ke -o yewo -a ni. Mɛɛ la zan mu -o 'ke go pɛ mu 'le -za 'yi, -Waanbhaa' -o winbɔ 'bhɛ zan mu 'ɛ ta, 'kooko- -o ge bhɔ 'bhɛ zan mu 'ɛ ba.

Ebre Mu 2

1'Bhɛla- -zayi', -kɔɔ' wlan ma jan mu 'la 'maa- bhɛ, -kɔɔ' -o 'kun -kɔɔ' gbɛ plɛ 'le; 'kooko- -kɔɔ' 'laa nu nilɛ, 'bhɛɛ- -kɔɔ' wlan ma zi 'ɛ to -a nɔɔ-.

2'Elwaleta -sɔ, -Waanbhaa' -jan mu 'la =kpaa -mlɛkɛ' mu 'ɛ -lii, 'bhɛɛ- 'ke -woo =woa -kɔɔ' -gbɔɔ mu 'ɛ ni, -o -kla 'ke wlan 'le. Mɛɛ 'la zan mu laa 'bhɛ -jan mu 'ɛ 'klɔsikunlɛ, 'bhɛ 'pegee mɛɛ 'la zan mu -o -baŋgwa -o -yi, 'mu 'bhɛɛ- wlata -yren 'srɔɔwoa-.

3-Kɔɔ' nu -bhilɛ' -Waanbhaa' a mɛɛ 'krowole 'ɛ 'yi 'nale, 'ke -kɔɔ' -kɔɔ' 'yɛɛzigblaanna -yaa' mɛɛ gole -za 'yi -gbɛnɛ 'ɛ ma ɛɛ? Mɛɛzan -Waanbhaa' 'gbu -le 'bhɛ mɛɛ gole -za 'yi 'ɛ jan =lwa 'ɛ =woa; 'bhɛɛ- 'bhɛ blaana, mɛɛ 'la zan mu Mɛɛzan Zesu 'weli- 'ɛ =maa, 'mu 'a -zrɔnna 'bhii- -yoo 'ke wlan 'le kpataakpa.

4-Waanbhaa' 'gbu 'bhɛ pɛ =kpaa -waa' pɛ 'srɛya- klɛle 'ɛ ba 'kee- mɛɛ 'kpeeleni maza mu 'pegee 'solɛ- maza mu 'kpen -glɔɔn klɛ gbɛ 'ɛ 'kpen ma. 'Bhɛɛ- -ya -zrɔnna 'ezin-dɔɔ -o wojan mu 'ɛ -woo 'ke wlan 'le 'kee- Lii 'Wɛŋ 'ɛ 'bhɛ a 'sɛŋ mu 'ɛ 'nale -o ni -a 'gbu zru maza 'ɛ ta.

5'Wlan 'ɛ ni, 'woo- 'drunyan drɛɛ 'la 'bhɛ 'nuza- pɛ 'zi bhɛ, -Waanbhaa' laa 'bhɛ ta -kunliiya 'ɛ gbɛkpale -mlɛkɛ' mu 'kɔɔ.

6'Drɔɔn' -a yɔɔndɛle -o -Waanbhaa' a 'Sɛwɛ 'ɛ yɛ do nɔɔ- dɔɔ: "-Waanbhaa', mɛɛ -o 'ke -mɛla -le ɛɛ 'bhɛɛ- -a -za dɔ 'ɛ 'kpeɛ ɛɛ? 'Bhɛɛ- bhaaplɛŋ gbɛ 'ɛ -yoo 'ke -mɛla -le ɛɛ? 'Bhɛɛ- 'ya -gblakun' ɛɛ?

7'Ya mazinaa -mlɛkɛ' mu =la 'waati sa ba, 'bhɛɛ- 'ɛ 'tɔbhɔleya 'pegee gbalaanya =kpaa -a wiinj- 'bhii- -bhɛŋgbɛ do gbɛɛn-.

8'Bhɛɛ- 'ɛ pɛ mu 'kpen 'kpalaa -a gaan -la." 'Bhɛɛ- 'ke -wa =pia dɔɔ -Waanbhaa' pɛ 'kpen 'kpalaa -a gaan -la, 'bhɛ 'yi 'le dɔɔ pɛ 'kɛdo- 'kpɔ 'laa -o 'ke -a 'kpaale- laa -o 'bhɛ 'wiinj-. 'Duŋ- 'waa 'yɛɛ- -li 'bhii- -a 'kpaale- -o pɛ 'kpen 'wiinj-.

9'O 'kɛla 'bhɛ dɔ 'bhɛ -le dɔɔ -Waanbhaa' Zesu mazinaa -mlɛkɛ' mu -la 'waati sa ba, 'kooko- -e ga bhaaplɛŋ mu 'kpen ni -Waanbhaa' a -lileya 'ɛ ma. -Ayile -zɔn, -Waanbhaa' 'tɔbhɔleya 'pegee gbalaanya -naa -a ni 'bhii- -bhɛŋgbɛ, -e ga -yɛn 'la =bhla mɔkpen' ni 'bhɛ -zayi'.

10'Wlan 'gbu 'ɛ ni, -Waanbhaa' -kaan mɛɛ 'la zan ba, 'bhɛɛ- -e 'drunyan ta pɛ 'kpen =kla, 'bhɛɛ- -e 'woo- pɛ mu 'ɛ 'kpen =kla mɛɛ 'la zan ni, 'bhɛ Zesu 'ɛ; -e -swa -a ni 'bhii- -e 'bhɛɛ- a 'tɔbhɔleya 'ɛ 'lɛpa- 'bhɛ -yɛn 'la =bhla 'bhɛ 'le, 'kooko- mɛɛ -bebe sɔ klɛle- -Waanbhaa' -nɛ mu 'le, 'bhɛɛ- -o klɛ -yaa' 'tɔbhɔleya 'ɛ baan' 'le; -amasɔyi Zesu Krisi -le -o go mi 'le -za 'yi.

- 11'Bhɛɛ- 'duŋ-, Zesu 'la mɛɛ mu klɛ 'wɛŋ 'bhɛɛ- -yoo go -waa' -za 'yoo- mu 'ɛ 'yi, 'bhɛ 'pegeɛ mɛɛ 'la zan mu -o 'wɛŋ, -o 'kpen Dɛ -o do. 'Bhɛla- -yile 'bhɛ 'laa -o 'ke -yrala' Zesu ma 'ke -yoo sii -a nɛɛɛ- mu.
- 12'Wlan 'ɛ ni, 'yee- Zesu 'a =pia -Waanbhaa' ni dɔɔ: "'E -Waanbhaa', 'yoo- -Waanbhaa' -la -le, 'ŋ nu 'bhɛ 'pele- 'ŋ nɛɛɛ- mu 'ɛ ni, 'bhɛɛ- 'ŋ nu 'e 'tɔbhɔle 'ke 'srokpalele mɔkpen' 'yre ma 'ke 'o 'kpen 'klale- -o 'eke- ba 'waati 'la ba."
- 13'Bhɛɛ- -ya =pia 'ezin- dɔɔ: "'D nu 'ŋ 'yrikpale -Waanbhaa' -la ta." 'Bhɛɛ- -ya =pia 'ezin- dɔɔ: "-Waanbhaa' -nɛ mu 'la mu =naa 'ŋ ni 'mi 'pegeɛ 'mu -le 'eke- 'yi -gɛ."
- 14'Zesu -nɛ mu 'la -gwa -za 'yi, 'ke 'mu -o 'ke bhaapleŋ mu 'le bhɛ, 'bhɛla- -yile 'yee- Zesu 'gbu =kla 'ke bhaapleŋ do 'le 'bhii- 'mu gbɛɛn-. -E 'bhɛ =kla 'bhɛ gbɛɛn- bhɛ, 'kooko- 'kee- -gaa, -e sɔ -Setran' 'la ga fanŋan- -o 'bhɛ 'kɔɔ, 'bhɛ 'siele.
- 15'Bhɛɛ- 'kooko- mɛɛ 'la zan mu -yaa -Setran' a luya 'yi, 'bhɛɛ- 'ke -o -yaa gbalaan ga -lɛɛ -o -si 'ɛ 'kpen 'yi, -e 'bhɛ zan mu 'ɛ go 'bhɛ luya 'ɛ 'yi.
- 16'Wlan 'gbu 'ɛ ni, Zesu 'laa nule bhɔle -mlɛkɛ' mu ba, 'duŋ- -e -nwa bhɔle Abraamu 'srɛ mu -la ba.
- 17'Bhɛla- -yile, 'bhɛ =kla -za 'lrele- 'le 'ke -a 'pwele- klɛ -a nɛɛɛ- mu 'ɛ 'le gbɛ 'ɛ 'kpen ma, 'kooko- -e klɛ -waa' 'sraka 'lena mi gbalaan 'la 'ke 'bhɛ mɛɛ -yrenkla', 'bhɛɛ- 'ke 'bhɛ 'liiwli- -o do; 'bhɛɛ- 'kee- -Waanbhaa' a ye 'ɛ wo, 'kooko- -e -yaa' mɛɛ mu 'ɛ waa -za 'yoo- mu 'ɛ -sroma 'yan.
- 18'Bhɛ klɛgbɛya 'ɛ 'yi, 'yee- 'gbu -yrenbhɛlawoa, 'bhɛ 'pegeɛ -Setran' 'a 'lɛkanlawoa -za 'yoo- klɛle ma, -e nu 'sɔle- bhɔle- -Setran' -o mɛɛ 'la zan mu -lɛkan' zii' -za 'yoo- klɛle ma 'bhɛ zan mu 'ɛ ba.

Ebre Mu 3

- 1'Bhɛla- -zayile, 'ŋ nɛɛɛ- mu, -Waanbhaa' 'ka mu 'la 'siila-, 'bhɛɛ- -e 'ka =kpaa 'edaŋma -yaa' pɛ 'le, -ka 'ka 'yrekpa Zesu ta doo; 'yele- 'ke -Waanbhaa' a winbɔwo mi 'pegeɛ -yaa' 'sraka 'lena mi -kuŋlii gbalaan 'gbu 'la 'o 'kpale- -o 'bhɛ 'yi 'bhɛɛ- 'le; 'bhɛɛ- 'o 'yela ba janwo 'zi.
- 2'Wlan 'ɛ ni, -Waanbhaa' 'yee- Zesu =kpaa -yaa' ye 'ɛ 'bhɛɛ- 'kaama-; 'bhɛɛ- -a blɔle =bwa 'yee- -Waanbhaa' ma 'bhii- Moizi 'a =kla gɔnɛ- 'la gbɛɛn- 'yee- -Waanbhaa' a 'fɛ 'ɛ =la mu 'ɛ 'kpen 'pleŋ-.
- 3'Fɛdɔ- 'mi 'ɛ, -o 'bhɛɛ- -lɛdɔ' -a ma 'ke 'bhɛ kan 'fɛ 'ɛ 'gbu ta. 'Bhɛ klɛgbɛya do 'ɛ 'yi, Zesu a pɛ 'tɔbhɔleya 'ɛ gbalaan -yiya' Moizi a pɛ 'tɔbhɔleya 'ɛ ni.
- 4'Wlan 'ɛ ni, bhaapleŋ -le 'fɛ 'tɔle- 'fɛ 'bhɛ dɔ, 'duŋ- -Waanbhaa' -le pɛ 'kpen dɔ mi 'le.
- 5'Moizi 'duŋ- zru =bwa do -Waanbhaa' ni 'bhɛ a pɛ mɛɛ mu 'ɛ 'kpen 'pleŋ-. -E -yaa' 'bhɛ a yewonɛ -la -le, 'kee- 'bhɛ a -jan mu 'ɛ 'yikla- mɛɛ mu 'ɛ 'kɔɔ.

- ⁶Duŋ-, Krisi zru -o do -Waanbhaa' ni 'bhii- -a Gbe, 'bhɛɛ- 'yela- 'kpaale- -o pɛ 'kpen 'wiŋ- 'bhɛ a 'fɛ 'ɛ =la. -Kɔɔ' mu -le -yaa' 'fɛ -zeze 'gbu 'ɛ 'le, 'bhɛɛ- -kɔɔ' -kɔɔ' kpa -a -yi, 'bhɛ pegee -kɔɔ' 'yrikpale bo a ta 'ke 'bhɛ ge 'tenle- -a -leyanyrɛ ma.
- ⁷Bhɛla- -zayile, 'bhii- Lii 'Weŋ 'ɛ -ya pɛ 'zi gɔnɛ- 'la gbɛn- dɔɔ: "'Ke 'ka -Waanbhaa' -weli' 'ɛ =maa -zɔn,
- ⁸'ka 'laa 'ka 'trɔn 'yi dɔle 'egloole -a ma, 'bhii- 'ka -gbɔɔ mu 'a =kla gɔnɛ- 'la gbɛn- 'ke -o -wlen -Waanbhaa' ma -kpe 'ɛ ta, 'bhɛɛ- -wa -yrɛ -glinna.
- ⁹'Bhɛ yrɛ 'ɛ =nɔɔ, 'ka -gbɔɔ mu 'ɛ -o 'mi -Waanbhaa' -buŋbwa 'ke -o 'mi -yrɛglin'.
- ¹⁰'Bhɛla- -zayile, 'mi 'ŋ zrupliila -o ma, 'bhɛɛ- 'ŋ pɛ dɔɔ: '-O 'kpeeledan gbɛya mu 'ɛ ma, -o nile -o 'waati 'ɛ 'kpen ba; 'bhɛɛ- waa 'an pɛ zi 'ɛ dɔle -lido'.'
- ¹¹'Bhɛ 'la gbɛ -yɔɔ' 'ɛ 'kɔɔ 'ŋ ma, 'ke 'mi 'gbu 'ŋ 'sienwole -jan 'lɛɛ- ta dɔɔ: 'Mi -yitrɛ' yrɛ 'kleen 'la =kpa'a 'edanma -waa' pɛ 'le, waa nu gele 'bhɛ =nɔɔ -titi!'
- ¹²'D nɛnɛ- mu, -ka 'ka 'yrɛkpa 'ka 'gbu ba 'elrele, 'kooko- 'ke 'bhɛ yekɛ- mɛɛ zru -yɔɔ 'laa kle 'ka ba, 'ke yaa kpa -Waanbhaa' 'yi, 'bhɛɛ- 'ke -ya -zanta' dɔ -Waanbhaa' -yrɛ male 'ɛ ni.
- ¹³Drɔɔn' yi 'oo yi, 'ke 'bhɛ 'seŋ -o 'ka ni, -ka 'fuudɔ- 'eke- ta do do, 'kooko- 'ka 'kedo- 'kpɔ 'laa 'bhɛ 'trɔn 'yi dɔ 'egloole, 'bhɛɛ- -za 'yɔɔ- 'bhɛ zan 'ɛ 'yini-.
- ¹⁴Wlan 'ɛ ni, -kɔɔ' mu 'pegee Krisi 'wlale- -o -za do ma, 'ke -kɔɔ' =bwa 'egloole 'kpaleya 'la -kɔɔ' 'a zisaan- 'bhɛ ma 'bhɛ ta, 'bhɛɛ- 'ke -kɔɔ' 'a 'leyan- 'bhɛ ma.
- ¹⁵'Bhɛ ya 'ɛ 'yi, -a pele -o -Waanbhaa' a 'Sɛwe 'ɛ 'yi dɔɔ: "'Ke 'ka -Waanbhaa' -weli' 'ɛ =maa -zɔn, 'ka 'laa 'ka 'trɔn 'yi dɔle 'egloole -a ma, 'bhii- 'ka -gbɔɔ mu a =kla gɔnɛ- 'la gbɛn- 'ke -o wlen -Waanbhaa' ma."
- ¹⁶'Bhɛɛ- -de mu 'gbu -le -Waanbhaa' -weli' 'ɛ =maa, 'bhɛɛ- -o -wlenna -a ma ɛɛ? 'D bhe, Moizi 'pwela- mɛɛ 'la zan mu 'kpen 'le Ezipu 'kleen 'ɛ 'yi, 'mu -le 'kɛle-.
- ¹⁷'Bhɛɛ- -Waanbhaa' 'a zrupliila -de mu 'gbu -la ma lɛɛ mia plɛ ta ɛɛ? Mɛɛ 'la zan mu -za 'yɔɔ- -kla, 'bhɛɛ- -o -gaa -kpe 'ɛ ta, 'bhɛ zan mu -le 'kɛle-.
- ¹⁸'Bhɛɛ- -Waanbhaa' 'a 'sienwoa- mɛɛ mu 'ɛ -de 'gbu -la ni dɔɔ: "Waa nu wlale -titi 'kleen 'la 'ŋ 'bhɛ =kpa'a 'edanma -o -yitrɛ' yrɛ 'le 'bhɛ 'yi bhe ɛɛ?" -Ya 'sienwoa- mɛɛ 'la zan mu -wlenna -a ma -kpe 'ɛ ta 'mu -la ni.
- ¹⁹'Bhɛ klegbɛya 'ɛ 'yi, 'ŋ nɛnɛ- mu, 'wa 'yaango- dɔɔ -o 'kpalekleya -la ma -Waanbhaa' 'yi, 'bhɛɛ- waa 'sɔle- wlale- 'bhɛ -yitrɛ' yrɛ 'kleen 'ɛ 'yi.

Ebre Mu 4

- ¹-Waanbhaa' 'a 'liiwli- 'la =twa -kɔɔ' ni dɔɔ -kɔɔ' nu gele wlale -e -yitrɛ' yrɛ 'la =twa -kɔɔ' 'lɛɛ 'bhɛ 'yi 'bhɛ 'yi 'laa gale -li. -Kɔɔ' 'kela 'bhɛ 'yienkan 'bhɛ -le 'ke mɛɛ 'kedo- 'kpɔ 'laa bo zizan- 'bhɛ -yitrɛ' yrɛ 'ɛ =nɔɔ wlale 'ɛ 'yi.

- 2-Amasrōyi -o -Jan 'Nrāle- 'la =woa -kōō' mu ni, -o 'bhē- yēkē- do 'kpō 'ε =woa -kōō -gbōō mu 'ε ni -kpe 'ε ta 'ezin-. -O 'bhē -jan 'ε 'malawoa, 'bhē 'laa -za 'kedo- 'kpō 'yanwōle -o ma, -amasrōyi -wa malawoa waa -o 'kpale- -a -yi.
- 3-Kōō' mu 'la -kōō' -kōō' 'kpa- -a -yi, -kōō' =wlaa 'yee- -yitrē' yrē 'ε =nōō 'bhii- 'yee- -Waanbhaa' 'gbu 'a =pia pe gbeya 'la 'yi dōō: "'Mi 'η zru 'la 'pliila- -o ma, 'an =pia -o ni dōō 'mi -o -letwa -yitrē' yrē 'la ba, waa nu wlale 'bhē yrē 'ε =nōō -titi!" 'Duŋ- 'yee- -Waanbhaa' 'bhē -jan 'lē- =woa 'waati 'la ba 'kee- -yaan gban -yaa' ye mu 'ε 'wolele 'drunyan klē bhla 'ε zi.
- 4'Bhē- -a pele -o -Waanbhaa' a 'Sēwē 'ε 'yi yrē do nōō- dōō: "-Waanbhaa' -yaan -yaa' ye mu 'ε 'wolele 'ke 'bhē 'san 'drunyan 'ε klē 'waati 'ε ma, 'bhē- -ya -yitrēla 'bhē -yrekpaa' 'srwaplē- mi 'ε ma."
- 5'Bhē- -Waanbhaa' a 'Sēwē 'yi yrē -bhēke' =nōō, -ya =pia 'ezin- dōō: "Waa nu wlale -titi 'mi -o -letwa -yitrē' yrē 'klēn 'la ba 'bhē =nōō."
- 6'Mē 'la zan mu -Jan 'Nrāle- 'ε =lwa =maa, 'bhē zan mu laa 'sōlē- wlale- 'yee- -yitrē' yrē 'klēn 'ε 'yi -o 'kpakleya 'ε ma -Waanbhaa' -yi; 'bhēla- -yile, mē -bhēke' mu sō wlale- 'yee- -yitrē' yrē 'ε =nōō.
- 7'Bhēla- -zayile, -Waanbhaa' yi -bhēke' do -dwa 'ezin-; 'bhē -le 'ke "-Zōn 'le". 'Bhē blaān 'waati gbōōn sa 'kanle-, 'kee- 'yee- -jan do 'kpō 'ε 'kpale 'ezin- -bhlēngbe Davidi 'lii dōō: "'Ke 'ka -Waanbhaa' -weli' 'ε =maa -zōn, 'ka 'laa 'ka 'trōn 'yi dōle 'egloole."
- 8'Wlan 'ε ni, 'kee- kpa bi 'bhii- Zozue -ja 'ke Izraēli mu 'ε 'le 'bhē -Waanbhaa' a -yitrē' yrē 'ε =nōō, -Waanbhaa' laa -yaa nu yi -bhēke' do dōza wōlē boolazi.
- 9'Bhē 'yi 'tē, -Waanbhaa' -yaan -yaa' ye 'ε 'wolele, 'bhē- -ya -yitrēla -yrekpaa' 'srwaplē- mi ma gōnē- 'la gbēen-, -e 'bhē- yēkē- -yitrē' yrē =twa gban -yaa' pē mē mu 'ε 'lē.
- 10-Amasrōyi, 'ke mē 'la zan -wlaa 'bhē -Waanbhaa' -yitrē' yrē 'ε =nōō, 'bhē zan 'bhē 'yitrē 'bhē a yewōle 'ε ma 'bhii- -Waanbhaa' 'bhē 'yitrēla gōnē- 'la gbēen- 'bhē a pē yewōle 'ε ma.
- 11'Bhēla- -zayile, -kōō' dō klēn 'ke -kōō' ge wlale 'yee- -yitrē' yrē 'ε =nōō; -kōō' 'a klē 'ke mē 'kedo- 'kpō 'laa gbaan -kōō' -gbōō mu a 'trōn 'yi -glōōya' dōle 'ε zi, 'bhē- yaa wla 'yee- -yitrē' yrē 'ε =nōō.
- 12'Wlan 'ε ni, -Waanbhaa' a -jan 'ε -ya -yrē ma, 'bhē- fāngan- -o -a -yi. -A -lē -yiya' -gōkūŋ' 'lē plē ni. -E wla mē -yi 'fō 'kee- ge 'tēnlē- -a zru 'ε 'pegee -a nii- 'ε -dan' ma; 'bhē 'pegee -e ge 'tēnlē- mē bhēle' bōyrē 'ke ma 'pegee -a bhēle' -bōn mu 'ε ma. -E bhaaplēŋ 'kpeejan- mu 'ε 'pegee -a zru -yi jan mu 'ε 'kpen baglin- 'bhē- -yoo dō.
- 13'Pē 'kedo- 'kpō magaanle laa -o -Waanbhaa' 'lē. Pē 'kpen tapwele -o -a 'lē kpatāakpa. -Kōō' 'kpen nu -kōō' klēza mu 'ε 'kpen -zanta' pelē 'yela- -lē ma.
- 14'Bhēla- -zayi', -kōō' -o 'kpaleyā zi 'la ta bhē, -kōō' 'sēnē gbaanle bo 'bhē- ta. -Amasrōyi -kōōa' 'sraka 'lēna 'mi -kuŋlii gbalaan 'ε 'bhē -le 'ke 'yee- Zesu 'le. 'Yele- -ja

lafle' ma, 'bhεε- -e -ja yaale -Waanbhaa' -yre =la, 'bhεε- 'yele- 'ke -Waanbhaa' Gbe 'ε
'le.

¹⁵-Koo' 'yren so 'klale -kooa' pe 'sraka 'lena mi -kunlii gbalaan 'ε ma, 'bhεε- -e bho -koo'
ba -kooa' fangankleya 'ε 'yi. -Amasroyi -Setran' 'a 'lekaan- -za 'yoo- -gloon 'ε 'kpen 'le,
'bhii- -koo' mu gbεen-, 'duŋ- yaa -za 'yoo- do 'kpɔ klεle -titi.

¹⁶'Bhe ya 'ε 'yi, -koo' -koo' 'mabεen- 'te 'yee- -lileya zan -Waanbhaa' 'ε -yaa' -bhleŋgbe
'yaakpe- 'ε -din -koo' zrubakpaale 'le. 'Ke 'bhe =kla, -e nu -koo' 'yrenklale, 'bhεε- -e -li -
koo' ma -koo' 'bhonba- 'waati wlan 'ε ba.

Ebre Mu 5

¹'Sraka 'lena mi -kunlii gbalaan 'tole- -kunlii gbalaan 'ke -o 'bhe makun bhaapleŋ mu 'ε
ba, 'kee- yewo -Waanbhaa' ni bho zayi' bhaapleŋ mu ba. -E pe mu 'pegee 'sraka mu go
-Waanbhaa' ni -waa' -za 'yoo- mu 'ε ma.

²-Yaa' bhaapleŋya 'ε ma, 'bhe 'pegee -yaa' fangankleya 'ε ma, mεε 'la zan mu laa -
Waanbhaa' a -za mu 'ε do, 'bhe 'pegee mεε 'la zan mu -ploola -yaa' zi 'ε ma, 'bhe zan
mu 'ε 'yren so 'klale 'yee- 'gbu ma.

³'Yee- 'gbu a fangankleya 'ε ma, -e so 'sraka mu gole- -a 'gbu a -za 'yoo- mu 'ε ma,
'bhii- -e 'sraka go -yaa' mεε mu 'ε 'mu a -za 'yoo- mu 'ε ma gone- 'la gbεen- 'ezin-.

⁴Mεε 'kedo- 'kpɔ 'laa so -a 'gbu 'bhole, 'bhεε- -ya pe -a 'gbu ma doo -yoo 'ke 'sraka 'lena
mi -kunlii gbalaan 'le. -Waanbhaa' -le 'a sii, 'bhεε- -ya kle 'ke 'bhe 'le 'bhii- -e Aaron
=kla 'kele- gone- 'la gbεen-.

⁵'Bhe klegbeya do 'ε 'yi 'ezin-, Krisi 'laa -a 'gbu 'bhole- 'kee- kle 'Sraka 'lena mi -kunlii
gbalaan 'le. 'Duŋ- -Waanbhaa' -le 'a =pia -a ma doo: "'Yoo- 'η Gbe 'le, 'bhεε- 'mi =kla -
zon 'e De 'le."

⁶-Waanbhaa' 'a =pia 'ezin- -yaa' 'Sewe 'ε gbε do 'yi doo: "'E nu bole 'waati 'ε 'kpen ba
'ke 'Sraka 'lena mi 'le, 'bhii- Melikizedeki a pe klegbeya 'ε gbεen-."

⁷Zesu 'yaa- 'drunyan 'lεε- 'yi 'waati 'la ba, -ya 'seriwoa -Waanbhaa' ni, 'bhe 'pegee -e
'bhe 'sromabwa 'kee- -gbekan' 'egloole, 'kee- wisi, 'koko- 'ke 'bhe so -a gole ga -yren
'yi. 'Bhεε- -Waanbhaa' -yaa' 'seri 'ε 'lekwan- -a ηgbo 'kpaaleya ma -Waanbhaa' -la.

⁸'Ali- -e -yaa' 'ke -Waanbhaa' Gbe 'la 'le bhe, -e 'taawole -Waanbhaa' -weli' ta 'ε -
daanna 'yee- -yren mu 'ε 'bhlelele.

⁹'Bhe klegbeya 'ε 'yi, -ya -zronna mεε mu 'ε ni 'bhii- -e =kla mεε -lesolele. 'Bhεε- -e
=kla mεε 'la zan mu 'kpen 'a 'weli- 'ε 'klosikun, 'mu 'kpen go mi 'le -za 'yi. -Yaa' pe
mεε gole -za 'yi 'ε -dan' 'laa -o 'bhe ma -titi.

¹⁰-Waanbhaa' 'a =pia -a ma doo -yoo 'ke 'sraka 'lena mi -kunlii gbalaan 'le, 'bhii-
Melikizedeki a pe kle gbeya 'ε gbεen-.

¹¹'D nεεnε- mu, -jan -bebe -o 'η zi 'ke 'η 'bhe wo 'ka ni 'yee -za 'lεε- ba za 'yi. 'Duŋ-
'naa so -a baan' -yipele 'ka ni, -amasroyi 'kaa- -za 'yimale la.

¹²Wlan 'e ni, -a nɔɔ- =mwa gban 'ka 'yaa- sɔ klele- bi mɛɛ daan mu 'le 'ka -za mu 'la -daanna 'mu ma. 'Duŋ- 'ali- -zɔn, 'ka maza -o -li 'ke -o 'ka daan gbɛ drɛɛwo 'ke mɛɛ -za =lwa mu 'la daan -Waanbhaa' a -jan 'e 'yi 'mu -la -le 'ezin- ɛɛ? 'Ka maza -o -yɔn 'mile- ma -li 'bhii- -nɛ 'yientenne mu gbɛɛn-, 'ka 'laa- zi 'bhii- 'ka pɛbhle -glɔɔ bhle ɛɛ?

¹³Wlan 'e ni, 'ke mɛɛ 'la zan a pele -daŋ' -le 'ke 'nɔnɔ 'mile- 'le, 'bhɛ zan -o -li 'ke -nɛ 'yientenne do -la -le. 'Bhɛɛ- -a -yrɛ bakanle laa -o 'kee- -za 'lɛdɔɔle 'pegee -za 'yɔɔ- go 'eke- 'yi.

¹⁴'Bhɛɛ- 'duŋ-, pɛbhle -glɔɔ -o 'ke mɛɛ -yrɛ bakanle mu a pɛ -la -le, 'mu 'la 'mu daanle -o -za mu baglinlele, 'bhɛɛ- -o sɔ -za 'wlan 'pegee -za 'yɔɔ- gole- 'eke- 'yi.

Ebre Mu 6

¹'Bhɛla- -yile, -kɔɔ' Kriɛ a -za =lwa mu 'la -daanna, -kɔɔ' 'laa bole 'mu ta, -kɔɔ' -yaa' -za mu 'e baan' daan 'ke -kɔɔa' zɔn 'bhɛ ma 'bhii- -kɔɔ' 'yrɛ bakanle -o Kriɛ a pɛ zi 'e ta. 'Waa- zi 'bhii- 'o bo gbɛ drɛɛwo 'yee- Kriɛ a -za =lwa mu 'e ta, 'bhɛ mu -le 'bhii-: 'ploole kleza -yɔɔ' mu 'e ma, 'bhɛɛ- 'e zru niinale -Waanbhaa' ba 'ke 'yee kpa -a -yi oo,

²mɛɛ wiɪŋfeza -glɔɔn mu 'e ta daangbeya oo, gbɛ 'kpale mɛɛ mu wiɪŋ- 'bhɛɛ- 'ke -woo 'seriwo -Waanbhaa' ni 'mu ma oo, gbaa mu bwele gale ba za 'bhɛ 'pegee 'drunyan ta 'kiti 'la -daŋ' 'laa -o 'bhɛ ma 'bhɛ -za.

³-Kɔɔ' ge -kɔɔ' 'lɛɛ -Waanbhaa' a pɛ zi 'e ta! -Kɔɔ' nu 'bhɛɛ- -za mu 'e klele 'ke -Waanbhaa' -dwa -a -la.

⁴'Bhɛɛ- 'o sɔ -mɛ pɛ jan -la wole- mɛɛ 'la mɛɛ 'la zan mu -Waanbhaa' a -jan 'e 'yima- gbɛ do -woa, 'bhɛɛ- 'duŋ- -o -gwa -yaa' zi 'e ta bhɛ 'lɛɛ-? 'Woo- 'la -o -Waanbhaa' a -jan 'e 'yimaa- bi, 'bhɛɛ- -o -dwa bi -Waanbhaa' a -lileya 'e -la, 'bhɛɛ- -o -yaa' Lii 'Weŋ 'e 'srɔɔwoa- bi.

⁵'Bhɛɛ- -wa =ya 'bhii- -Waanbhaa' a -jan 'e lele, 'bhɛ 'pegee -o -kɔɔ' 'lɛɛ 'drunyan 'e 'bhɛ 'yi -glɔɔya' mu 'e -dwa.

⁶'Ke 'bhɛ zan mu -balaa' 'bhɛɛ- 'ke -o -ploola 'taawole ma -Waanbhaa' a pɛ zi 'e ta, 'bhɛ 'seŋ 'laa nu klele -li 'mu ni 'ke -o ploo -waa' -za 'yɔɔ- mu 'e ma 'bhɛɛ- -woo 'kpa gbɛ drɛɛwo Kriɛ 'yi, 'bhɛ 'pegee 'ke -woo 'taawogbeya 'e mabɔɔ. -Amasrɔyi, -e kle 'bhii- -woo -Waanbhaa' Gbe 'e gbaan gbɛ drɛɛwo 'zi 'ezin- -yrigbɛɛle 'e ta, 'bhɛɛ- -wa kle mɔkpen' 'sɔnsi ma pɛ 'le.

⁷'Bhɛ ya 'e 'yi, 'ke la ban yi 'oo yi 'trɛ 'la ta, -yi 'e wla 'yee- 'trɛ 'e 'yi, 'bhɛɛ- -a -dɔɔ bole kle gbɛ 'e 'kpen ma. 'Bhɛɛ- 'bhɛ kle gbakpa' mu 'e -nrayiza 'le; -amasrɔyi -waa' gba la pɛ mu 'e bhɔ 'elrele -a ta, -wa ye 'bhɛ ma 'bhii- -Waanbhaa' 'yee- 'trɛ 'e -dɔɔbwa.

⁸'Duŋ- 'ke -bɔn 'yɔɔ- 'pegee lɛɛ mu drɔŋ -le =bhwa 'yee 'trɛ 'e ta, yaa -za 'kedo- 'kpɔ 'yanwo- mɛɛ ma. -Ayile -Waanbhaa' nu 'bhɛ 'trɛ 'e 'danganwole 'bhɛɛ- -e kle 'ke 'kpacie pɛ 'le.

⁹'D 'yienii mu, 'ali- 'ke 'woo- -jan -glɔɔ 'wo 'zi 'ka ni 'bhɛ gbɛɛn- bhɛ, 'o 'kpale- -o -a -yi 'bhii- 'ka mu -o zi -lrele' 'la 'bhɛ sɔ 'ka gole- -za 'yi 'bhɛɛ- ta.

- 10-Waanbhaa' -o -za 'yido- mi 'le. 'Ka 'yelawoa, 'bhe 'pegee -Waanbhaa' a mæe mu 'e -za -swa 'ka ni gōne- 'la gbēen-, 'bhæe- 'ka =bhwa 'mu ba, 'bhe 'pegee 'ka -o bhō 'zi 'mu ba -zōn -li; 'bhe -za mu 'e 'mu 'laa nu golē -Waanbhaa' 'kpee -titi.
- 11'Duŋ- 'o mōō -o -a zi 'bhii- 'ka 'kpen do do -Waanbhaa -a -za mu 'e -vavade 'bhæe- gbēen-, 'ke 'a -leyan- -a ma; 'kooko- 'ke 'ka 'yrikpale 'e 'lesō-.
- 12'Waa -a zi 'bhii- 'ka klē lrwanii- mu 'le. 'Duŋ- mæe 'la zan mu bole -o 'mu 'kpale- ma Zesu 'yi, 'bhæe- 'ke -wa klē -o zrubakpaa ta, -Waanbhaa' 'bhe 'liiwli- =naa pē 'la 'naza- ta, 'bhæe- 'ke 'bhe zan mu 'bhe pē 'e 'srōōwoa=, -ka 'ka 'kpa 'bhæe- zan mu 'e ma.
- 13-Waanbhaa' 'bhe 'liiwli- -naa pē 'la ta Abraamu ni, -ya 'sienwoa= 'bhe ta. Yaa -yaa sō -a 'sienwole 'tō 'bhæeke ta 'ke 'bhe gbilaan -yiya' -a 'gbu 'tō 'e ni, -amasrōyi mæe -bhæeke' gbilaan -yi 'laa ya 'yee- 'gbu ni. 'Bhela- -yile -ya 'sienwoa= -a 'gbu ma.
- 14'Yee- -Waanbhaa' 'a =pia Abraamu ni dōō: "'Mi 'pegee 'ŋ 'sōwæe- ta, 'ŋ nu 'e -dōōbole 'ke 'mi 'e 'srē mu 'e klē 'ebebele gbē 'e 'kpen ma."
- 15'Bhē klēgbeya 'e gbēen- bhe, Abraamu 'a zrubakpalaa, 'bhæe- -Waanbhaa' 'bhe 'liiwli- -naa -a ni pē 'la 'naza- ta, -e 'bhe 'srōōwoa-.
- 16'Wlan 'e ni, mæe mu -o 'sienwo- pē 'la 'tō 'yi, 'bhe pē 'e gbilaan -yiya' 'woo- 'gbu ni. 'Ke -woo 'sienwoa= pē 'la ta, -wa 'yaango- 'bhæe- ma 'bhii- -o wojan 'e -yoo 'ke wlan 'le, 'bhæe- waa sō zaabōle -li 'bhe ta.
- 17'Mæe 'la zan mu 'cien 'yaa- nu klēle -Waanbhaa' 'bhe 'liiwli- =naa pē -lrele' mu 'la ta 'mu 'le, -Waanbhaa' -yaa zi 'bhii- -ya zrōn 'mu ni kpataakpa 'bhii- yaa -a -liiwli' 'e mabōō -titi, 'bhela- -yile -ya 'sienwole =kpa 'ezin- -a -liiwli' nale 'e ta.
- 18-Za plē 'læe- waa sō 'mu mabōōle -titi: -liiwli' nale pē do ta, 'bhe 'pegee 'sienwole. -Waanbhaa' 'a 'liiwli- =naa pē 'la ta, 'bhe 'pegee 'ke -ya 'sienwoa= 'bhe ta, yaa sō bhla pele- -titi 'bhe mu 'yi. 'Bhe -jan 'e fangando -kōō' mu ta 'egbenele, -kōō' mu 'la -kōō' 'ploola- -za 'kpen ma, 'bhæe- 'ke -kōō' 'yrikpale bole -o 'egloole 'yee- -Waanbhaa' 'a 'liiwli- =naa pē 'la 'naza- ta -kōō' ni 'bhe ta.
- 19-Kōō' 'yrikpale 'la -yoo 'bhe pē 'e ta bhe, 'bhe -yrikpaleya 'e 'bhe -kōō' mu klē 'egloole 'bhii- -batonj' dula- piibhe -kpuŋ -gbenē 'e -e -batonj' 'e kun 'egloole gōne- 'la gbēen- -yi 'e ba. 'Bhe yrikpaleya 'e yaa bēen -titi, -yoo 'egloole, 'bhæe- -e bhō -kōō' ba. 'Bhela- -yile, sōgbē 'la dōle -o laanima -Waanbhaa' Gba 'Fē -Gbēnē 'e =la, -e kan 'bhæe- 'yi; 'bhæe- -e ge wlalē -Waanbhaa' gbayrē 'fē 'kpee 'weŋ 'e =la.
- 20'Zesu -ja wlalē -kōō' 'læe 'bhæe- yrē 'e =nōō -kōō' mu ni. 'Bhæe- -e =kla 'ke 'sraka 'lena mi -kunlii gbilaan 'le 'bhe =nōō 'bhii- Melikizedeki -kla -kōō' ni gōne- 'la gbēen-. -E nu bole -yaa' -kunliiya 'e 'yi yikpensee ta.

Ebre Mu 7

- 1'Yee- Melikizedeki 'yaa- 'ke -bhlēngbe 'le Salemu -wa 'e 'yi, 'bhe 'pegee -e -yaa 'ezin- 'ke laanima -Waanbhaa' 'la 'bhe 'kpaale- -o pē 'kpen 'wiinj- 'bhe a 'sraka 'lena mi 'le. 'Bhe 'waati 'e ba, Abraamu -ja gwledanlē 'klēn 'bhæeke mu ta -bhlēngbe mu 'e ba,

'bhɛɛ- -a 'sɛŋgwa- 'mu 'le. -A da bhla 'ɛ zi 'bhɛ gwledanyɛ 'ɛ =nɔɔ, 'ke Mɛlikizedɛki gele- -a -lɛpale 'ke 'bhɛ 'dumawole 'a ni.

²'Bhɛ klɛle 'tɛ, Abraamu pɛ mu 'la 'kpen =sia gwledanyɛ 'ɛ =nɔɔ -e mu 'kpen do do 'lɛdulayɛ vu mi 'ɛ =naa 'yee- Mɛlikizedɛki ni. Mɛlikizedɛki 'yi -le dɔɔ: "-lɛdɔɔleya -za sɔ -bhɛŋgbe 'la ni." 'Bhɛɛ- -e -yaa 'ezin- -bhɛŋgbe 'le Salɛmu -wa 'ɛ ta, 'bhɛ Salɛmu 'yi -le dɔɔ: "Boleya -dɔɔ sɔ -bhɛŋgbe 'la ni."

³Waa dɛ dɔ, 'bhɛɛ- waa -a nɛɛ dɔ, 'bhɛ 'pegee waa -a -gbɔɔ mu dɔ. -Waanbhaa' a 'Sɛwe 'ɛ 'yi yrɛ 'kɛdo- 'kpɔ 'laa -a yayɛ jan 'pegee -a gayɛ -jan wo. -Yoo 'bhii- -Waanbhaa' Gbe 'ɛ gbɛɛn-; 'bhɛ ya 'ɛ 'yi, -yoo 'ke 'sraka 'lɛna mi 'le 'waati 'ɛ 'kpen ba.

⁴'Ka 'laa -a yelɛ 'bhii- 'yee- Mɛlikizedɛki -o 'ɛgblaanle ɛɛ? -Kɔɔ' -gbɔɔ Abraamu 'pɛ 'oo pɛ 'la 'srɔɔwoa- gwledan yrɛ 'ɛ =nɔɔ, -e 'bhɛ 'mu 'kpen -lɛdulayɛ vu mi 'ɛ =naa 'yee- Mɛlikizedɛki ni.

⁵'Duŋ- Levi 'srɛ mu 'ɛ ba, 'kɛ mu 'la 'yaa- 'ke 'sraka 'lɛna- mu 'le, 'bhɛɛ- Moizi -a pɛ 'toŋ 'ɛ ta, 'mu 'yaa- pɛ 'tɔle- pɛ 'bhɛ 'lɛdulayɛ vu mi 'ɛ 'kun -o 'gbu nɛɛnɛ- Izraɛli mɛɛ mu 'ɛ 'kɔɔ. 'Bhɛɛ- 'duŋ-, -o 'kpen -o 'ke Abraamu 'srɛ mu -la -le.

⁶Mɛlikizedɛki 'laa -yaa 'ke Levi 'srɛ 'le, 'duŋ- Abraamu 'kɔɔpɛ- 'tɔle- 'kɔɔpɛ-, -e 'bhɛ 'lɛdulayɛ vu mi 'ɛ 'srɔɔwoa=, 'bhɛɛ- -e Abraamu 'la -Waanbhaa' 'bhɛ 'liiwli- -naa 'bhɛ ni -e 'dumawoa 'bhɛ ni.

⁷Zaa laa -o 'bhɛ ta, mɛɛ 'la zan 'dumawo mɛɛ -bhɛɛke' ni, 'bhɛ zan gbɛlaan -yiya' 'ke 'bhɛ kan -e 'dumawoa mɛɛ 'la zan ni 'bhɛ ta.

⁸'Sraka 'lɛna mu la mɛɛ mu 'ɛ 'kɔɔpɛ- mu 'ɛ -lɛdulayɛ vu mi 'ɛ 'kun, 'mu -o ga pɛ 'le. 'Duŋ-, Mɛlikizedɛki 'la pɛ -lɛdulayɛ vu mi 'ɛ =kwan Abraamu 'kɔɔ, 'bhɛ -o 'bhɛ 'yrɛ ma 'bhii- -Waanbhaa' 'Sɛwe 'ɛ -ya =pia gbɛ 'la gbɛɛn-.

⁹'Bhɛ 'yi bhɛ, Abraamu 'bhɛ 'kɔɔpɛ- mu 'ɛ 'lɛdulayɛ vu mi 'ɛ 'nalawoa Mɛlikizedɛki ni, -e =kla 'bhii- Levi 'gbu -le -kaan 'yee- Abraamu 'yi 'bhɛɛ- -ya 'kɔɔpɛ- -lɛdulayɛ vu mi 'ɛ Mɛlikizedɛki ni.

¹⁰'Yee- Mɛlikizedɛki -ja Abraamu 'lɛpa yrɛ nɔɔ- 'waati 'la ba, Levi -yaa Abraamu koo 'yi.

¹¹-Waanbhaa' 'toŋ mu 'ɛ =naa Izraɛli mu 'ɛ ni 'waati 'la ba, 'bhɛ 'toŋ mu 'ɛ kli -le -yaa 'ke Levi a pɛ 'sraka 'lɛnaleya 'ɛ 'bhɛɛ- 'le. Aaron -yaa 'ke Levi 'srɛ mu 'ɛ do -la -le. 'Ke 'bhɛ 'sraka 'lɛna mu 'ɛ 'yaa- sɔ bi mɛɛ mu gole- -waa' -za 'yɔɔ- mu 'ɛ 'yi 'ke -wa -lɛyan' -a ma, mɛɛ maza laa -yaa nu dɔle -li 'sraka 'lɛna mi -glɔɔn 'bhɛɛke ma 'ke 'bhɛ klɛ 'bhii- Mɛlikizedɛki gbɛɛn-, 'bhɛ 'laa -yaa nu dale Levi a pɛ -gbaa 'ɛ 'lii 'bhii- Aaron gbɛɛn-.

¹²'Bhɛɛ- 'ke -o 'sraka 'lɛna mu 'ɛ tabɔɔla, -o 'toŋ 'ɛ 'bhɛ tabɔɔ 'ezin-.

¹³'Bhɛɛ- -woo -we 'zi -kɔɔa' Mɛɛzan 'la 'le bhɛ, 'bhɛ 'laa -yaa 'ke Levi 'srɛ mu 'ɛ do 'le. 'Bhɛ -yaa da -gbaa 'bhɛɛke -la -lii, 'bhɛɛ- 'bhɛ -gbaa 'ɛ 'lii mɛɛ 'kɛdo- 'kpɔ 'laa klɛle 'sraka 'lɛnale mi -lido'.

- 14 Wlan 'gbu 'ε ni, 'wa 'yaango- dɔɔ -kɔɔa' pε Meezan Zesu 'ε 'yaa- da Zuda 'si mu 'ε 'mu -la ba; 'duŋ- Moizi 'sraka 'lena mu 'la ba janwo 'zi, yaa -jan 'kedo- 'kpɔ 'wolε- Zuda a pε 'si mu 'ε ba za 'yi.
- 15 Zesu klɛlawoa 'ke 'sraka 'lena mi 'le bhe, 'bhe 'a zɔn 'bhii- -yoo zi 'le 'ke 'sraka 'lenaleya 'ε tabɔɔ, 'bhεε- mεε -bhεεke' do kle 'sraka 'lena mi 'le 'bhii- Melikizedeki -a pε klegbeya 'ε gbεen- 'ezin- bhe.
- 16 Yaa klɛlɛ 'ke 'sraka 'lena mi 'le bhaapleŋ mu a pε 'toŋ ta za ma; 'duŋ- -a -si 'la -dan' 'laa -o 'bhe ma -titi, 'bhe a pε -glɔɔya' 'ε 'bhεε- ma, 'bhεε- -e -kla 'kele-.
- 17 -Amasrɔyi -a pele -o -Waanbhaa' a 'Sεwε 'ε 'yi dɔɔ: "'E nu bole 'ke 'sraka 'lena mi 'le yikpen- ta 'bhii- Melikizedeki a pε 'ε gbεen-."
- 18 Bhe klegbeya do 'ε 'yi, -o 'toŋ =lwa 'ε 'bhe 'saawoa-, -amasrɔyi fangan- 'laa -yaa -li 'bhe 'yi, 'bhεε- 'bhe 'laa -yaa sɔ -za 'kedo- 'kpɔ 'yanwole mεε ma.
- 19 Moizi a 'Toŋ 'ε yaa -za 'kedo- 'kpɔ 'yanwole 'ke -ya -lεsɔ' a ma. 'Duŋ- -zɔn 'o -yrikpaleya 'la 'srɔɔwoa-, 'bhe mabhaabhɔ -a -lwale' pε 'ε ta, 'bhεε- 'bhe 'srɔyi 'o sɔ 'o mabεenle -Waanbhaa' -din.
- 20 Bhεε- 'ezin-, -Waanbhaa' 'gbu 'a 'sienwoa= kpataakpa 'kaa Zesu nu klɛlɛ 'ke 'sraka 'lena mi 'le yikpen- ta. 'Bhεε- 'duŋ-, mεε -vin mu 'ε 'mu 'laa klɛlɛ 'sraka 'lena mu 'le -Waanbhaa' 'sienwole ma.
- 21 Duŋ- Zesu kle bhla 'ε zi 'sraka 'lena mi 'le, -Waanbhaa' 'gbu 'bhe 'sienwo ma janwoa- dɔɔ: "'Mi Meezan -Waanbhaa', 'mi 'sienwoa- 'mi 'pegee 'ŋ 'sɔwεε- ta, 'naa nu 'ŋ 'liiwli- 'ε mabɔɔle -titi, 'e nu bole 'ke 'sraka 'lena mi 'le waati 'ε 'kpen ba."
- 22 -Waanbhaa' -bhoolaya drεε 'la -dwa 'yee- 'pegee 'kɔɔ- mu 'pleŋ-, Zesu Krisi -le 'bhe ta beli dɔpε 'ε 'le. 'Bhela -yile, 'bhe -bhoolaya 'ε mabhaabhɔ -a -lwa pε 'ε ta.
- 23 Bhe trala 'ezin, Moizi a pε 'toŋ 'waati 'ε ba, 'sraka 'lena mu 'ε waa -yaa mɔ -waa' 'sraka 'lenaleya 'ε 'yi ga 'plii ba. -O -yaa zen do do 'eke- blaen, 'bhela- -yile -o 'yaa- 'ebebele.
- 24 Duŋ-, Zesu 'laa galawo -titi, -e bo -yaa' 'sraka 'lenaleya 'ε 'yi 'tanjii 'ke -dan' 'laa kle 'bhe ma.
- 25 Bhela- -yile 'ezin-, 'ke mεε 'la zan mu 'mu mabεenna -Waanbhaa' -din, Zesu sɔ 'bhe zan mu 'ε gole -za -yi 'ke -ya -leyan' a ma; -amasrɔyi -ya -yre ma 'tanjii, 'bhεε- -ya 'seriwo -Waanbhaa' ni -waa' -za ma.
- 26 Zesu -le 'bhe 'sraka 'lena mi -kunlii gbilaan -glɔɔn 'la -kɔɔ' maza -yaa 'bhe ma 'bhe 'le, 'kee- kle -kɔɔ' mu 'pegee -Waanbhaa' pleŋ- mi 'le. -Amasrɔyi -yoo 'weŋ, -yaa -za 'yɔɔ- 'kedo- 'kpɔ klelɛ, 'bhεε- waa -za 'yɔɔ- do 'kpɔ 'yele- -a zi; -Waanbhaa' 'a 'plengwa- -za 'yɔɔ- kle mu 'ε ma, 'bhεε- -e -ja -a 'kpale- 'egbɔɔnle lafle' 'ε -dan' ma.
- 27 -A maza laa -o 'kee- 'sraka go yi 'oo yi -a 'gbu a -za 'yɔɔ- mu 'ε ma 'elwale 'pe, 'bhεε- 'kee- 'sraka -bhεεke' mu go mεε -vin mu 'ε ma, 'bhii- 'sraka 'lena mu -kunlii gbilaan -

vin mu 'ε gbεen-. -Ya 'gbu 'nalawoa 'sraka 'le, -e 'bhe =kla -leyan' do 'kpɔ, 'bhεε- -e -yaan.

²⁸Wlan 'gbu 'ε ni, Moizi a 'Toŋ 'ε ta, -o -yaa mεε 'la zan mu kle 'ke 'sraka 'lena -kunlii gbilaan mu 'ε 'le, 'mu 'yaa- sɔ -za 'yɔɔ- klele-. 'Duŋ- -Waanbhaa' 'a 'sienwoa- Moizi a 'toŋ 'ε 'nale- blaanta, 'kaa -a Gbe 'ε 'bhe -le kle 'ke 'sraka 'lena mi -kunlii gbilaan 'gbu 'ε 'le 'waati 'ε 'kpen ba; 'bhεε- 'bhe 'leswa= gbε 'ε 'kpen ma.

Ebre Mu 8

¹O 'yaa- -jan mu 'la 'wo zii', 'ke 'gbu 'la -za -o 'eglɔɔle 'bhe -le -ge: 'Sraka 'lena mi -kunlii gbilaan 'lεε- 'bhe 'la 'yansi -glɔɔn -o -kɔɔ' 'kɔɔ. -A yaale -o lafle' 'yi -Waanbhaa' 'la 'ke -dan' 'laa -o -titi 'bhe a gbilaanya 'ε ma, 'bhe a -bhleŋgbe 'yaakpe- 'ε -din 'tɔbho ma yaayre 'ε =nɔɔ.

²-Yoo' -yaa' 'sraka 'lenale -kunlii gbilaanya ta ye 'ε wo zii' -Waanbhaa' gbayre 'weŋ 'ε 'bhεε- =nɔɔ; bhaaplɛŋ laa 'bhe gbayre 'ε dɔle 'bhe 'gbu 'kɔɔ, 'duŋ- Mεezan -Waanbhaa' 'gbu -le 'bhe -dwa.

³'Sraka 'lena -kunlii gbilaan 'tɔle- 'sraka 'lena -kunlii gbilaan -o 'bhe -yalaa' 'bhe yaayre 'ε =nɔɔ, 'kooko- -e pε mu 'pegee 'sraka mu -la -lena -Waanbhaa' ni. 'Bhe kleŋgbeya do 'ε 'yi 'ezin- bhe, -kɔɔa' pε 'sraka 'lena mi -kunlii gbilaan 'ε, 'bhe sɔ 'ezin- pε mu 'ke 'nale -Waanbhaa' ni.

⁴'Kee- 'kpa bi 'bhii- -e -yaa bi 'tre 'lεε- ta -ge 'drunyan 'ε 'yi, yaa -yaa nu klele -titi 'ke 'sraka 'lena mi 'le. -Amasɔyi 'sraka 'lena mu -o gban -ge, 'bhεε- 'mu -le 'sraka mu 'ε 'lena- -Waanbhaa' ni Zuufu mu 'ε -waa' 'toŋ mu 'ε ta.

⁵'Bhe mu -o 'sraka 'lenaleya ye 'la 'wo zii' 'tre ta -ge -Waanbhaa' ni -a gbayre 'weŋ 'ε =nɔɔ, 'bhe -o 'ke -o -za yeke- 'la kle 'zi laanima lafle' 'yi 'bhεε- -tɔomasie 'le. Moizi -yaa zan -Waanbhaa' gbayre 'weŋ 'ε dɔle 'waati 'la ba, 'ke -Waanbhaa' 'a 'pele -a ni dɔɔ: "'Mi 'ŋ gbayre sɔkpaa' -glɔɔn 'la -zɔɔna 'e ni vle gɔɔn 'ε 'wiŋŋ-, dɔ klen 'ke 'ya dɔ 'te 'bhεε- gbεen-."

⁶'Duŋ- -zɔn, Krisi a pε ye 'ε 'bhe gbilaan -yiya' 'woo- 'sraka 'lena mu -bhεeke' mu 'ε -waa' pε ye 'ε ni. -Amasɔyi -bhoolaya dɔreε 'ε ta, 'yele- 'ke -Waanbhaa' 'pegee bhaaplɛŋ mu plɛŋ- mi 'le. 'Bhe -bhoolaya dɔreε 'ε gbilaan -yiya' -bhoolaya -lwa mi 'ε ni; 'bhεε- -a kli gbaanle -o -Waanbhaa' 'bhe 'liiwli- mu 'la 'naa- 'ke 'mu gbilaan -yiya' -a =lwa mu 'ε ni, 'mu -la ta.

⁷'Ke -sɔŋ' 'laa -yaa bi -bhoolaya =lwa 'ε ma, waa -yaa nu -a tabɔɔle 'ke -bhoolaya dɔreε -bhεeke' 'le 'ezin-.

⁸'Duŋ- -Waanbhaa' -za 'yɔɔ- mu 'la =ya -yaa' mεε mu 'ε zi, 'bhela- -zayile -e -lale' -saan 'mu ta 'ke -ya pe dɔɔ: "'Mi Mεezan pe dɔɔ 'bhe yi -o zan bhɔle, 'bhεε- 'ŋ nu -bhoolaya dɔreε dɔle 'mi 'pegee Izraeli mεε mu 'pegee Zuda a mεε mu 'ε plɛŋ-.

⁹Yaa nu klele 'bhii- 'ŋ -bhoolaya 'la -dwa 'mi 'pegee -o -gbɔɔ mu 'ε plɛŋ- 'bhe gbεen-, 'mi -o 'kunlawoa -o gbε ma, 'bhεε- 'ŋ -o 'pwela- Ezipu 'kleen 'ε 'yi bhe. 'Duŋ- -o -gbɔɔ mu 'bhe -bhoolaya 'ε 'yisiela; 'bhela- -zayile 'mi -o =twa -a nɔɔ- 'ezin-.

¹⁰Duŋ- 'mi Mæzan -Waanbhaa' pe 'ezin- dɔɔ 'bhe yi mu 'ε 'kanle- blaana, 'mi nu -bhoolaya 'la dɔle 'mi 'pegee Izraeli mæe mu 'ε 'plen- 'bhe -le -ge. 'Mi nu 'an 'toŋ mu 'ε 'kpale- -o nii- 'ε 'yi, 'bhæe- -woo -yima', 'bhæe- 'ŋ nu -o yɔɔndele -o zru mu 'ε 'yi, 'kooko- -woo -klosikun. 'Mi nu klele -waa' -Waanbhaa' 'le, 'bhæe- -o nu klele 'mi 'an pe mæe mu 'le.

¹¹'Bhe 'waati 'ε ba, mæe 'kedo- 'kpɔ maza 'laa nu dɔle -li 'bhe -vindo' mi, 'pegee 'bhe næene- ma 'ke 'bhe 'a daan dɔɔ: Dɔ klen 'kee Mæzan -Waanbhaa' dɔ. -Amasroyi 'kee- kpa matruŋne mu ta oo, 'kee- kpa mæe gblaana mu ta oo, -o 'kpen nu 'mi dɔle.

¹²'Mi nu -waa' -za 'yɔɔ- mu 'ε 'kpen -sroma 'yanle-, 'bhæe- waa -za 'yɔɔ- mu 'ε -za 'laa nu dɔle -li 'ŋ 'kpee.”

¹³-A pele 'ε -bhoolaya dree, 'bhe 'yi -le dɔɔ -a -lwa mi 'ε 'bhe =kla 'egwele. 'Bhæe- 'ke pe =lwa mi 'ε =kla 'egwele, 'bhe kle -a 'truŋwo bhla 'ε =bhwa -wa -din.

Ebre Mu 9

¹'Toŋ mu -yaa -bhoolaya -lwa 'ε 'bhe ta 'ezin-, 'mu 'yaa- -Waanbhaa' gba gbeya 'pegee -yaa' 'tre ta -ge gbayre 'ε ma 'toŋ mu -la -le.

²Bhaaplen mu -Waanbhaa' gbayre do -dwa, 'bhe 'yaa- 'ke sɔkpa' do 'le. 'Bhe sɔkpa' 'ε =la 'ε 'yicienle -yaa 'kpee ple: -o -yaa -a 'kpee -lwa mi 'ε sii yre 'weŋ. -Fitran gbɔ 'ε 'pegee -tabali 'ε 'yaa- 'bhæe- =nɔɔ. -O 'bluu mu 'la -gwa 'ke 'sraka 'le -Waanbhaa' ni, 'mu 'kpaale- -yaa' 'bhæe- -tabali 'ε ta.

³Sɔgbɛ do dɔle -yaa 'yee- sɔkpa' 'ε 'kpee ple 'ε 'plen-. -A 'kpee ple mi 'la 'yaa- sɔgbɛ 'ε -zanta', -o -yaa 'bhe sii yre 'weŋ 'penpen.

⁴Ansansi 'kpacieyre do -yaa 'yee- yre 'weŋ 'penpen 'ε =nɔɔ. -Can 'yi 'kpale- -yaa 'yee ansansi 'kpacieyre 'ε ma. 'Bhæe- -Waanbhaa' 'pegee bhaaplen mu plen- -bhoolaya dɔ 'kesu 'ε 'yaa- 'yee- yre 'weŋ 'penpen 'ε =nɔɔ 'ezin-. -Can 'yi 'kpale- -yaa 'bhe 'kesu 'ε ma 'ezin- yrekpen- =nɔɔ. -Can gbɔ do -yaa 'yee- 'kesu 'ε 'yi; 'bhæe- pebhle 'la =daa lafle' 'yi, 'ke -o -yaa 'bhe sii mani, 'bhe 'ke 'yaa- 'yee- 'kesu 'ε 'yi. Aaron a 'beni 'la 'plɔn =bhwa, 'bhæe- 'ke 'bhe 'bhe -bi =kla, 'bhe 'pegee -Waanbhaa' a -bhoolaya dɔ ma -jan mu 'ε 'sewewole -yaa vle 'peene mu 'la 'ta, 'mu 'kpen 'yaa- 'yee- 'kesu 'ε 'yi.

⁵-Mleke' 'tɔbhɔle ple 'la -o 'mu sii Seruben, 'mu -yrine' ple 'kpale- -yaa 'yee- 'kesu 'ε trala, 'mu -le -yaa -a zrɔn 'bhii- -Waanbhaa' -yaa 'yee- yre 'ε =nɔɔ. -O -yaa -za 'yɔɔ- mu ma 'sraka mu 'ε go yre 'la =nɔɔ, 'woo- -mleke' 'ε -o gbenroŋ- mu 'ε lii -yaa kla 'bhe yre ba -yre ta. 'Duŋ- 'waa nu dɔle 'bhe -jan mu 'ε 'kpen 'peenpeendele ma do do 'saanibhe.

⁶Pe mu 'ε 'kpen 'kpale- -yaa 'bhe gbeen- bhe; yi 'oo yi, 'sraka 'lena mu 'ε 'yaa- wla 'yee- sɔkpa' 'kpee =lwa mi 'ε =la, 'bhæe- -o -yaa waa 'sraka 'lenale ye 'ε wo.

⁷'Duŋ- 'sraka 'lena mi -kuŋlii gblaana 'ε 'bhe do -kplen 'kpɔ -le -yaa wla -glɔɔn do læe do -a 'kpee ple mi 'ε =nɔɔ. 'Kee- -yaa ge 'zi wlale 'bhe =nɔɔ, -e -yaa 'sraka go wi yien 'ε si,

'bhεε- -e ge 'sraka goλε 'bhe 'le -Waanbhaa' ni -a 'gbu a pe -za 'yoo- mu 'ε ma 'pe, 'bhe 'pegee -yaa' mεε mu 'mu a -za -yoo' mu 'ε ma 'ezin-.

⁸'Bhe klεgbeya do 'ε 'yi, -Waanbhaa' Lii 'Wen 'ε 'yaa- zrɔn 'zi bhaaplen mu ni doo -Waanbhaa' gba sɔkpaa' 'ε 'kpee ple mi 'la 'yaa- 'ewenle 'penpen waa -yaa sɔ 'bhe 'liigole mɔkpen' ni, 'ke -Waanbhaa' gba sɔkpaa' =lwa mi 'ε 'bhe -o -li -a nɔɔ- ye.

⁹'Bhe -za mu 'la bhe, 'mu -yaa 'ke -zɔn za mu 'ε ma -tɔomasie 'le. 'Bhe 'yi -le doo wi 'sraka mu 'ε 'pegee 'sraka gope -bhεεke' mu 'ε, 'mu laa sɔ 'bhe 'sraka 'ε go mi 'ε zru 'ε klele- 'elrele 'ke -ya -lεsɔ'.

¹⁰'Bhe 'sraka gope mu 'ε 'ke mu 'yaa- 'ke pebhle mu 'le, 'bhεε- -a 'ke mu -yaa 'ke -wεen mu 'le; 'bhεε- -a 'ke mu -yaa bhaaplen mu 'fleeza- mu 'la gole -yaa 'eke- ma 'seri ta za 'yi 'mu 'le. -O =bwa 'bhεε- 'ton mu 'ε 'yi za klele ma 'ke 'bhe nu 'tenle- -za mu 'ε 'kpen 'niinale ma -Waanbhaa' 'kɔɔ.

¹¹'Duɲ- Kriɔ =nwa, 'bhεε- -e =kla 'ke 'sraka 'lena mi -kuɲlii gbalaan 'le -Waanbhaa' pe -lrele' mu 'la =twa -kɔɔ' ni 'mu ta. -E =wlaa sɔkpaa' 'la 'bhe =la, 'bhe -o 'egbalaanle, 'bhe 'lreleya 'ε -lεsɔle -yiya' -Waanbhaa' gba sɔkpaa' =lwa mi 'ε ni. Bhaaplen mu laa 'bhe sɔkpaa' 'ε dole, 'bhεε- 'bhe 'laa -o 'ke 'tre ta -ge 'drunyan 'lεε- 'bhe a pe 'le.

¹²Kriɔ =wlaa yre 'wen 'penpen 'ε =nɔɔ -gloɔn do 'kpɔ, 'bhεε- -a -dangwa 'bhe ta. 'Duɲ- yaa wlale 'bhe =nɔɔ 'ke bhoo gwlen mu yien 'pegee drine- mu yien 'le. -Ya 'gbu yien 'ε =naa, 'bhεε- -e -kɔɔ' -gwa -kɔɔa' -za 'yoo- mu 'ε 'yi 'fenfen yikpensee ta.

¹³Mεε 'la zan mu 'kpee 'trinɔle -yaa -waa' 'sinii ta za 'ε ma, -o -yaa 'bhe zan mu 'kpee 'flee 'ke bhoo gwlen 'pegee dri gwlen yien mu -la le, 'bhe 'pegee dri da 'la 'ke -o 'bhe wi 'ε 'kpaciela -o 'bhe -yie 'ε si, 'bhεε- -o 'bhe zan mu 'kpee flee 'bhεε- 'le 'ezin-.

¹⁴'Ke -yoo 'bhe gbεen- bhe, Kriɔ a pe yien 'ε 'lεε-? 'Bhe 'la 'bhe -gloɔya' 'yiya- pe 'kpen ni bhe. -Waanbhaa' Lii 'Wen 'la -yoo 'waati 'ε 'kpen ba, 'bhe fangan- 'ε 'srɔyi, 'yee- Kriɔ 'a 'gbu =naa -Waanbhaa' ni 'ke 'sraka 'le, 'trin bhe do 'kpɔ 'laa -o -yaa pe 'sraka 'ε ma. 'Bhe ya 'ε 'yi, 'yee- Kriɔ yien 'ε nu -kɔɔ' zru mu 'ε 'fleele- 'kee- -za 'yiflen mu go -o 'yi; 'kooko- -kɔɔ' sɔ -Waanbhaa' 'la -ya -yre ma 'bhe gbale-.

¹⁵'Bhela -yile, -Waanbhaa' -bhoolaya drεε 'la -dwa -a 'gbu 'pegee -kɔɔ' mu plen- bhe, 'bhεε- 'ke -o bhe ta 'sɛwedia bhe, 'bhe -bhoolaya 'ε ta, Kriɔ -le -kla 'ke -kɔɔ' mu 'pegee -Waanbhaa' plen- mi 'le. Bhaaplen mu -za 'yoo- mu 'la =kla -o -yaa 'waati 'la ba -bhoolaya =lwa 'ε 'yi, Kriɔ -gaa 'kooko- -e 'mu go 'bhe -za 'yoo- mu 'ε 'yi. 'Bhela- -yile, -Waanbhaa' mεε 'la zan mu -siila, 'bhεε- -ya -liiwli' =naa -a 'cien 'la 'na zayi' 'mu ni, 'mu sɔ 'bhe 'srɔɔwole; 'bhe pe -lrele' mu 'ε 'mu 'laa sɔ yanle- -titi.

¹⁶'Ke mεε do 'sani- -a gale plen-, -e 'sɛwε do =dia -a 'cien 'yiciengbeya 'ε ma, waa sɔ -za 'kedo- 'kpɔ klele- 'ke 'yee- 'sɛwε 'ε 'le 'pe, 'ke 'yee- 'sɛwε mi 'ε yaa gale -li.

¹⁷'Ke 'cien zan 'ε -ya -yre ma -li 'waati 'la ba, -waa sɔ -e 'cien 'yiciengbeya 'sɛwε -la =dia 'bhe bɔle- -klɔsi 'yi. 'Duɲ-, 'kee- -gaa 'waati 'la ba, 'bhεε- -o sɔ 'bhe -jan 'ε bɔle- -klɔsi 'yi 'te.

- ¹⁸'Bhela- -yile, -Waanbhaa' -bhoolaya =lwa 'la -dwa 'yee- 'pegee -yaa' mɛɛ mu 'ɛ 'plɛŋ- , waa 'sɔle- 'bhe -bhoolaya 'ɛ 'klɔsikunle, 'fɔ -o wi do -la =dia 'bhɛɛ- -o 'bhe 'yiɛn 'ɛ -klalaa' 'elwale 'pe.
- ¹⁹Moizi -yaa' mɛɛ mu 'ɛ 'kpen 'lɛkpa- 'eke- ta, 'bhɛɛ- -e -Waanbhaa' a 'toŋ mu 'ɛ 'kpen =woa 'mu ni 'pe 'bhii- -a yɔɔnde- -o -Waanbhaa' a 'Sewɛ 'ɛ 'yi gɔnɛ- 'la gbɛɛn-. 'Bhe bla- 'kee- drinɛ- 'pegee bhoo gwɛn mu 'ke mu dɛle-; 'bhɛɛ- 'kee- 'mu yiɛn 'ɛ 'pegee -yi 'yizaale 'eke- ba. 'Bhɛɛ- 'kee- Izɔpu -yri 'laa 'pegee -bhlaa 'ciɛ- 'ten 'yirele 'eke- ma 'bhii- -maannɛ do gbɛɛn-; 'bhɛɛ- 'kee- yiɛn 'ɛ 'wianle -yaa' mɛɛ mu 'ɛ 'kpen 'pegee 'sewɛ 'ɛ ta.
- ²⁰-E -yaa 'bhe 'wian zii' -o ta 'waati 'la ba, 'ke -ya pele- -o ni dɔɔ: "-Waanbhaa' -bhoolaya 'la -dwa 'yee- 'pegee 'ka mu plɛŋ- bhe, yiɛn 'lɛɛ- 'bhe -le 'bhe zɔn pɛ 'le. -Ka 'taawo 'bhɛɛ- -bhoolaya -jan 'ɛ ta."
- ²¹'Bhɛɛ-, 'ke Moizi yiɛn -wianle' 'ezin- -Waanbhaa' gba sɔkpa- 'ɛ 'pegee -a gba pɛ mu 'ɛ 'kpen ta.
- ²²Toŋ 'ɛ ta za 'ɛ ma, -o pɛ 'tɔle- pɛ 'bhe kle 'weŋ yiɛn -la -le. 'Bhɛɛ- -Waanbhaa' laa sɔ -za 'yɔɔ- mu ma -sroma 'yanle -titi 'ke yiɛn 'laa 'klaale- 'pe.
- ²³-Waanbhaa' gba sɔkpa- 'ɛ 'pegee -a =la pɛ mu 'ɛ -woo 'ke lafle' 'yi pɛ mu 'ɛ 'mu -la ma -tɔmasie 'le, 'bhɛɛ- -o -yaa sɔ -o klele- 'weŋ 'bhɛɛ- gbɛɛn-. 'Duŋ- -o -yaa sɔ 'woolafle' 'yi pɛ mu 'ɛ klele- 'weŋ 'sraka go mu 'la 'le -yoo 'bhii- 'mu mabhaabhɔ 'trɛ ta -ge 'sraka mu 'ɛ ta.
- ²⁴Krisi 'laa gele wlale bhaapleŋ -Waanbhaa' gba sɔkpa- 'la -dwa 'bhe =la. 'Duŋ- bhaapleŋ 'kela 'bhe dɔ, 'bhe -o 'ke -Waanbhaa' sɔkpa- -zeze 'gbu 'ɛ 'bhɛɛ- -tɔmasie -la -le. Krisi -ja wlale lafle' 'yi, 'bhɛɛ- -e -dulaa' -Waanbhaa' -yɛ =la, -kɔɔa' -za mu 'ɛ ta janwo zayi'.
- ²⁵Zuufu mu 'ɛ ba, -waa' 'sraka 'lena mi -kuŋlii gbalaan 'ɛ wla -glɔɔn do -lɛɛ do ta -Waanbhaa' gba 'fɛ 'kpee 'weŋ 'penpen 'ɛ =la 'ke wi yiɛn -la -le. 'Duŋ- Krisi 'laa wlale -a nɔɔ- 'ke -ya 'gbu kle 'ke 'sraka 'le -glɔɔn -bebe 'le.
- ²⁶'Ke 'bhe kle bi, -a 'san 'drunyan klele ma, Krisi -yaa nu -yɛnbhile. 'Saanibhe 'drunyan 'yan bhla 'la =bhwa -wa -din bhe, Krisi =nwa klele 'sraka 'le -glɔɔn do 'kpɔ. -E -nwa -a 'gbu 'nale- 'ke 'sraka 'le, 'kooko- -e -za 'yɔɔ- klele -yiga'.
- ²⁷Bhaapleŋ 'oo bhaapleŋ, 'bhe -o 'ke ga pɛ 'le -glɔɔn do 'kpɔ. -A gale bla- 'bhɛɛ- -Waanbhaa' a 'kitikan.
- ²⁸'Bhe klɛgbeya do 'ɛ 'yi, Krisi 'a 'gbu =naa 'ke 'sraka 'le -glɔɔn do 'kpɔ, 'kooko- -e mɛɛ -bebe go 'mu -a -za 'yɔɔ- mu 'ɛ 'yi. -E nu nu gbɛ drɛwole 'ezin-, 'duŋ- yaa nu nule -za 'yɔɔ- mu go zayi'; mɛɛ 'la zan mu -o -a magben 'zi, -e nu nule 'mu -la gole zayi' -za 'yi.

Ebre Mu 10

¹Moizi a 'toŋ mu 'ɛ yaa pɛ mu 'ɛ -woo gɔnɛ- 'la gbɛɛn- kpataakpa 'mu zɔn; 'duŋ- 'bhe mu -o 'ke -Waanbhaa' -za 'wlan mu 'la =twa -kɔɔ' 'lɛɛ, 'mu -la lii 'le. 'Bhela -zayi' bhe, -

o 'woo- 'sraka mu 'la go yi 'oo yi 'bhɛɛ- lɛɛ 'oo lɛɛ 'yee- 'toŋ mu 'ɛ ta, mɛɛ 'la zan mu -yaa -Waanbhaa' gba 'bhɛ gbɛɛn- bhe, waa 'sɔlɛ- 'bhɛ zan mu 'ɛ klele- 'weŋ -titi 'ke -wa -lɛsɔ' -a ma.

²Ke 'bhe 'sraka mu 'ɛ 'yaa sɔ bhaapleŋ mu klele- 'weŋ ganyan- do 'kpɔ, 'bhɛɛ- -e -lɛsɔ', bhaapleŋ mu laa -yaa nu -li -o 'gbu 'yele- 'ke -za 'yɔɔ- kle mu 'le. 'Bhɛɛ- waa -yaa nu 'sraka 'bhɛɛke gole -li -titi.

³Wlan 'gbu 'ɛ ni, bhaapleŋ mu 'sraka mu 'la go, 'mu -waa' -za 'yɔɔ- mu 'ɛ -zadɔ' -o 'kpee lɛɛ 'oo lɛɛ.

⁴-Amasrɔyi dri gwlen mu yien 'pegee bhoo gwlen mu yien laa sɔ bhaapleŋ mu a -za 'yɔɔ- gole- -titi.

⁵Bhɛla- -zayile, Kriɛ 'nu bhla 'ɛ zi 'drunyan 'lɛɛ- 'yi, -ya =pia -Waanbhaa' ni dɔɔ: "'E zru laa bhɔle wi 'sraka 'pegee pɛ -bhɛɛke' 'sraka do 'kpɔ ma; 'duŋ- 'e 'mi 'flɛ 'ɛ =kla, 'kooko- 'ŋ 'bhe na 'e ni 'ke 'sraka 'le.

⁶-O wi 'sraka mu 'la kpacie 'srakagoyrɛ 'ɛ =nɔɔ, 'bhe 'pegee -o 'sraka mu 'la go -za 'yɔɔ- mu -sroma 'yan pɛ 'le, 'mu do 'kpɔ 'laa sɔ 'e ni.

⁷'Bhɛɛ- 'yi 'an =pia dɔɔ: 'Mi 'gbu -le -gɛ, 'ŋ 'yoo- zan; a yɔɔndɛle -o 'ŋ ba -zayi' 'yaa- 'sɛwɛ 'ɛ 'yi dɔɔ: "'D 'yoo- zan, 'an -Waanbhaa', 'e zru maza kle zayi'." "

⁸Kriɛ 'gbu 'a =pia -Waanbhaa' ni 'elwale 'pe dɔɔ: "'Yaa -o wi 'sraka 'pegee pɛ -bhɛɛke' 'sraka do 'kpɔ zi; 'bhɛɛ- 'e zru laa bhɔ 'sraka 'kpaciele 'pegee -za 'yɔɔ- mu ma -sroma 'yan 'sraka mu do 'kpɔ ma 'ezin-. "' 'Bhɛɛ- 'duŋ-, -o 'bhe 'sraka mu 'ɛ go 'toŋ 'ɛ ta.

⁹'Bhe blaɛn, 'ke Kriɛ 'a 'pele 'ezin- dɔɔ: "'D 'yoo- zan 'e zru maza kleyrɛ nɔɔ-." 'Bhe klegbeya 'ɛ 'yi bhe, -Waanbhaa' 'a gbagbeya =lwa 'ɛ 'bhe 'saawoa-, 'bhɛɛ- -ya tabɔla 'ke -a gbagbeya drɛɛ -bhɛɛke' do 'le.

¹⁰Zesu Kriɛ -Waanbhaa' zru maza =kla. -Ya 'gbu =naa 'ke 'sraka 'le -Waanbhaa' ni, -glɔɔn do 'kpɔ 'bhɛɛ- -e -yaan. 'Bhe klegbeya 'ɛ 'yi, -e -kɔɔ' =kla 'weŋ 'kee- -kɔɔ' go -kɔɔa' -za 'yɔɔ- mu 'ɛ 'yi.

¹¹'Sraka 'lena mi 'tɔle- 'sraka 'lena mi, 'bhe bo 'bhe gaan ta yi 'oo yi 'kee- -yaa' 'sraka lenale ye 'ɛ wo, 'kee- 'sraka -glɔɔn do 'kpɔ 'ɛ go 'waati -bebe ba. 'Duŋ- 'bhe 'sraka mu 'ɛ 'mu 'laa -yaa sɔ bhaapleŋ mu a -za 'yɔɔ- mu 'ɛ gole- -o ma.

¹²'Duŋ- Kriɛ 'sraka do 'kpɔ -la -gwa bhaapleŋ mu a -za 'yɔɔ- mu 'ɛ ma. 'Bhe 'sraka do 'kpɔ 'ɛ 'bhe -le -kla yikpen- ta pɛ 'le 'ke 'bhe 'yi 'laa ga -titi. 'Bhe blaɛn, -e -ja yaale 'tanjii -Waanbhaa' -din 'tɔbhɔ ma yaayrɛ 'ɛ =nɔɔ lafle' 'yi.

¹³-A yaale -o 'bhe =nɔɔ ye, 'sani -Waanbhaa' 'a 'sɔɔnnii mu 'ɛ kle -a gaan -la pɛ 'le.

¹⁴'Bhe klegbeya 'ɛ 'yi, -yaa' pɛ 'sraka do 'kpɔ 'ɛ 'srɔyi, mɛɛ 'la zan mu -kla 'weŋ 'ke -o go -waa' -za 'yɔɔ- mu 'ɛ 'yi, -e 'mu =kla 'elrele 'ke -yoo -lɛsɔ'. -O nu bolɛ -waa' -lreleya -lɛsɔle 'ɛ 'yi yikpensee ta.

- 15 Lii 'Wen 'e 'bhεε- do 'kpɔ 'ε -zɔnna wlan ma kpataakpa. Wlan 'ε ni -ya =pia 'elwale -so dɔɔ:
- 16 "Mεεzan 'a =pia dɔɔ 'mi nu -bhoolaya 'la dɔle 'mi 'pegee 'woo- mu pɛŋ-, 'bhε yi mu 'ε 'kanle- blaana, 'bhε -le -gε: 'Mi nu 'an 'toŋ mu 'ε 'kpale -o zru mu 'ε 'yi; 'bhεε- 'η nu -o yɔɔndele -o nii- 'ε 'yi."
- 17 "-Waa' -za 'yɔɔ- mu 'ε 'pegee -o -yinia yre mu 'la =nɔɔ, 'mu -za 'laa nu dɔle -li 'η 'kpee -titi."
- 18 'Bhεε- 'ke -o -za 'yɔɔ- -sroma -yaan yre 'la =nɔɔ, -o maza laa -o -li 'sraka gole ma -za 'yɔɔ- mu ma 'bhε 'yre 'ε =nɔɔ.
- 19 'Bhε ya 'ε 'yi bhε 'η nεεnε- mu, Zesu yien 'ε 'srɔyi, -kɔɔ' sɔ wlale- yre 'wen 'penpen 'ε =nɔɔ -kɔɔ' mapɔɔnle 'le.
- 20 -E zibhε dɔɔ -kpala' -kɔɔ' ni 'ke 'bhε kan sɔgbε 'la -Waanbhaa' Gba 'Fε -Gbεnε 'ε 'kpee 'ε 'yicien- 'bhε 'yi. 'Bhε zibhε 'ε 'bhε -le ge -kɔɔ' 'le -si 'la -dan' 'laa -o 'bhε ma 'bhε =nɔɔ. 'Bhε sɔgbε 'ε 'bhε -le 'ke -ya 'gbu 'nalawoa 'ke 'sraka 'le 'bhε 'le.
- 21 'Yela- 'kpale- -o -Waanbhaa' a 'fε 'ε 'wiin- 'ke 'sraka 'lena mi -kunlii gbalaan 'gbu 'ε 'le.
- 22 'Bhε ya 'ε 'yi, 'η nεεnε- mu, -kɔɔ' -kɔɔ' 'mabεen- 'tε -Waanbhaa' -din -kɔɔ' zru do 'kpɔ 'le, 'bhεε- -kɔɔ' 'kpaleya 'ε -a -yi 'bhε 'lεsɔle klε; 'ke -kɔɔ' 'kpee 'flele- 'le, 'bhεε- -za 'yɔɔ- gbɛŋ laa kpa -li -kɔɔ' 'nii- 'ε ta, 'ke -kɔɔ' 'fle 'fele- klε -yaa' -yi 'flele- 'penpen 'ε 'le.
- 23 -Kɔɔ' 'yri 'la 'kpale- -o -a ta, 'ke -kɔɔ' -o 'bhε -jan 'ε 'wo zii' bhε, -kɔɔ' dɔ klεn 'ke -kɔɔ' blɔle bo 'bhε ma 'eglɔle. -Amasrɔyi -Waanbhaa' 'la -ya -liiwli' -naa -kɔɔ' ni, yaa a -liiwli' 'ε mabɔle -titi.
- 24 -Kɔɔ' 'yakla- bo 'eke- -za 'le, 'kooko- 'ke 'kɔɔ- 'fuudɔ- 'eke- ta 'sɔlekeniya 'le, 'bhεε- 'ke -kɔɔ' sɔ -za 'wlan klεle-.
- 25 -Kɔɔ' 'laa 'ploole- -kɔɔa' 'klankeba 'ε ma, 'bhii- mεε 'ke mu a klε gɔnε- 'la gbεen-. 'Duŋ- -kɔɔ' 'eke- =lia; -amasrɔyi -kɔɔ' -o Mεεzan Zesu 'nu yi 'ε bεenle ye 'zi -kɔɔ' -din kpataakpa.
- 26 'Ke 'kɔɔ- =yaan Krisi a wlan 'ε dɔlele, 'bhεε- 'ke -kɔɔ' -za 'yɔɔ- =kla -kɔɔ' 'gbu 'yre ma, 'bhε 'sraka 'bhεεke 'laa -o -li 'ke 'bhε -kɔɔ' 'a -za 'yɔɔ- mu 'ε go -kɔɔ' ma.
- 27 'Kεla =bwa -kɔɔ' ma 'ezin-, 'bhε -le 'ke -kɔɔ' bo -Waanbhaa' a 'kitikan yi 'ε 'pegee 'tε 'yranle- 'ε 'magbenle ma -gbalaan 'le -kɔɔ' 'yi. 'Bhε 'tε 'ε 'bhε -le nu -Waanbhaa' -sɔɔnnii' mu 'ε 'kpen 'kpaciele.
- 28 'Ke mεε 'oo mεε 'la zan Moizi a 'Toŋ 'ε 'yisiela, 'kee- =kla mεε plε le oo, 'kee- =kla mεε yaga 'le oo, 'ke 'mu -o 'yee- 'toŋ 'yisiεza 'ε 'srε 'le, -o 'yee- mεε 'ε dε, 'bhεε- -a -yren 'laa kla mεε 'kedo- 'kpɔ ma.

- 29'Bhɛɛ- 'ke -yoo 'bhe gbɛɛn- bhe, 'ke mɛɛ 'la zan -Waanbhaa' Gbe 'ɛ mavɛɛla 'lɛɛ- ɛɛ? 'Bhɛɛ- -bhoolaya 'la -yoo -kɔɔ' 'pegee -Waanbhaa' plɛŋ- 'bhe ma yien 'ɛ, 'ke 'bhe =yaan mɛɛ 'la zan klelele 'weŋ, 'bhɛɛ- 'ke 'bhe zan 'ɛ 'bhe -za 'ɛ =kwan 'bhii- bhaama za 'le bhe 'lɛɛ- ɛɛ? 'Bhɛɛ- Lii 'Weŋ 'la -Waanbhaa' 'bhe =naa -kɔɔ' ni -lileya ma, 'kee- 'bhe -zwanwoa, waa nu -yɛn -glɔɔn 'ɛ -dela 'kpale- 'bhe zan ta ɛɛ? -Ka 'ka 'kpeelɛdan doo, 'bhe -yɛn 'yɔɔ- nu -yiyale mɛɛ 'la zan 'bhe Moizi a 'toŋ 'ɛ 'yisiɛla 'bhe a pɛ -yɛn 'ɛ ni.
- 30Wlan 'ɛ ni, 'wa 'yaango- 'bhii- -Waanbhaa' 'gbu -le 'a =pia dɔɔ: "'Mi -le nu -za 'kpen -zigole." -Ya =pia 'ezin- dɔɔ: "Mɛɛzan nu -yaa' mɛɛ mu 'ɛ 'kitikanle."
- 31-Waanbhaa' 'la -ya -yɛ ma, 'ke -yaa' -kpan 'ɛ -balaa' -kɔɔ' ta 'bhe -o 'ke -gblaan maza -gbɛɛ 'gbu 'le 'dɛ!
- 32'Elwale -sɔ, 'ka golawoa -gblo 'yi, 'bhɛɛ- 'ka -Waanbhaa' a 'tɛbhile 'ɛ 'srɔlawoa, 'ka -yɛnbhla 'ebebele gɔnɛ- 'la gbɛɛn-, 'bhɛɛ- 'ka 'woo- -yɛn mu 'ɛ -yikwan gɔnɛ- 'la gbɛɛn-, 'bhe -za mu 'ɛ dɔ 'ka 'kpee.
- 33'Waati 'ke ba, -o -yaa 'ka -zwanwo', 'bhɛɛ- -o -yaa -yɛnkpa' 'ka ta mɔkpen' 'yɛ ma. 'Bhɛɛ- 'waati 'ke ba 'ezin-, -o -yaa -yɛnkpa' zii' mɛɛ 'la zan mu ta, 'ka 'yaa- bhɔ 'bhe zan mu 'ɛ ba 'bhe mu a -yɛn mu 'ɛ 'yi.
- 34Wlan 'gbu 'ɛ ni, -o mɛɛ 'la zan mu =bwa -kaso 'yi, 'ka =bhwa 'mu ba. 'Ka -dwa -a =la 'ka zrukpaale 'le 'ke -o 'ka 'kɔɔpɛ- mu 'ɛ kun 'ka 'kɔɔ. 'Ka 'bhe =kla, -amasrɔyi 'ka 'yaa- 'yaango- 'bhii- -naflo mu 'la -woo 'ka 'kɔɔ, 'mu mabhaabhɔ 'ka 'kɔɔpɛ- =lwa mu 'ɛ ta. -Dan' 'laa -o 'bhe -naflo mu 'ɛ ma lafle' 'yi.
- 35'Bhela- -yile, 'kpaleya 'la -yoo 'ka 'yi, 'ka 'laa 'ploole- 'bhe ma -titi. -Amasrɔyi -trɔn -gbɛɛ -o -a ma 'ka 'lɛɛ -Waanbhaa' ba.
- 36Wlan 'gbu 'ɛ ni, 'ka maza -o -yɛn 'yikunle ma, 'kooko- 'ke 'ka =swa -Waanbhaa' zru maza klele-, -ya -liiwli' =naa pɛ 'la 'naza- ta, 'ka sɔ 'bhe 'srɔwole.
- 37-A pele -o -Waanbhaa' 'Sɛwɛ 'ɛ 'yi dɔɔ: "-A -vinbwa 'waati sa, 'waati sanɛ- 'gbu, 'bhɛɛ- mɛɛ 'la zan -o zan nule 'bhɛɛ- 'bhe nu. Yaa nu -mɔɛ' -li.
- 38'Ke mɛɛ 'la zan -lɛdɔɔle -o 'mi 'yɛ 'yi, 'bhe zan 'ɛ nu bole 'bhe 'yɛ ma 'kpaleya -la ma 'mi 'yi. 'Duŋ- 'ke -ya plɛŋwa- 'mi ma, 'bhe 'laa nu 'sɔɛ- 'mi ni."
- 39Mɛɛ 'la zan mu go zi -lɛɛle' 'ɛ ta, 'bhɛɛ- -o ge klele ni pɛ 'le, 'o mɔɔ laa -o 'bhe mɛɛ -glɔɔn mu 'ɛ 'le. 'O 'kpale- -o -Waanbhaa' 'yi, 'bhɛɛ- 'o mɔɔ -o -bheɛ zi 'ɛ 'bhɛɛ- ta.

Ebre Mu 11

- 1'Kpaleya -Waanbhaa' 'yi 'ɛ 'bhe -o 'ke -mɛla -le ɛɛ? 'E 'yrikpale -o pɛ 'la ta, 'yee kpa -a -yi 'bhii- 'e nu -a 'srɔwole, 'bhɛɛ- 'e 'yɛ 'laa -o pɛ 'la ma, -e kle 'e ni 'bhii- 'e 'yɛ -o -a ma; 'bhe -le 'ke 'kpaleya 'ɛ 'le.
- 2'Yee- 'kpaleya 'lɛɛ- 'yela- ma, 'bhɛɛ- 'elwaleta mu 'ɛ ba za =swa -Waanbhaa' ni.

- ³Kpaleya -la ma, 'bhɛɛ- -kɔɔ' 'a 'yaango- 'bhii- -Waanbhaa' 'drunyan 'yi pɛ 'kpen =kla -a -liijan' 'ɛ 'bhɛ a -glɔɔya' 'bhɛɛ- 'le. 'Bhɛ klegbɛya 'ɛ 'yi, -kɔɔ' 'yɛ -o pɛ mu 'la 'kpen ma 'drunyan 'ɛ 'yi -gɛ, -Waanbhaa' -o =kla pɛ 'la 'le mɛɛ -yɛ 'laa kpa 'bhɛ ma.
- ⁴Abɛli a 'kpaleya -la ma, 'bhɛɛ- -e 'sraka 'la -gwa -Waanbhaa' ni, 'bhɛ mabhaabwa Kaɛn a pɛ 'ɛ ta. -Yaa' 'kpaleya -la ma, 'bhɛɛ- -Waanbhaa' 'a =pia -a ma dɔɔ mɛɛ -lɛdɔɔle, 'bhɛɛ- -Waanbhaa' -yaa' 'sraka 'ɛ 'lɛkwan=. 'Ali- Abɛli galawoa bhɛ oo, -a 'kpaleya 'ɛ 'bhɛ -o -janwo' zii' -li -zɔn 'kɔɔ- ni.
- ⁵Enɔki a 'kpaleya -la ma, 'bhɛɛ- -Waanbhaa' 'a =sia, 'ke 'bhɛ ge 'kɛle- laflɛ' 'yi laanima, 'bhɛɛ- -e -gwa gale 'yi. 'Bhɛɛ- mɛɛ 'kɛdo- 'kpɔ 'laa -a 'yɛle- 'ezin- -titi. 'Duŋ- -a 'sile- -lɛɛ -Waanbhaa' 'kɔɔ laflɛ' 'yi, -Waanbhaa' 'a -zɔnna mɔkpen' ni 'bhii- -a -za =swa 'bhɛ ni.
- ⁶Ke 'kpaleya laa -le, mɛɛ 'kɛdo- 'kpɔ -za 'laa -yaa sɔ 'sɔle -Waanbhaa' ni -titi. 'Ke mɛɛ 'la zan 'ɛ 'mabɛenna -Waanbhaa' -din, 'bhɛ zan 'ɛ 'kpa -a -yi 'pɛ 'bhii- -Waanbhaa' -o, 'bhɛɛ- 'bhɛ zan 'ɛ 'kpa -za 'yi 'bhii- 'ke mɛɛ 'la zan mu -a ziglinna -e 'bhɛ ma -trɔn na 'mu ni.
- ⁷Noe a 'kpaleya -la ma, 'bhɛɛ- -e -batɔŋ' -gbɛnɛ do -dwa, 'bhɛɛ- 'yɛe- 'pegeɛ -yaa' 'fa =la mu 'ɛ -gwa -za 'yi 'bhɛ ma. -Waanbhaa' 'a 'kpeɛlɛkaan -za mu 'la 'yaa- zan klɛɛ 'ke waa 'mu 'yɛle- 'mu ma; 'bhɛɛ- -ya =kpa -Waanbhaa' -yi. 'Bhɛla- -yile -e -gblaanna -Waanbhaa' -lɛɛ. -Yaa' 'kpaleya -la ma, 'bhɛɛ- -e 'drunyan ta mɛɛ mu 'ɛ -waa' -za 'yɔɔ- mu 'ɛ tapwɛla, 'bhɛɛ- -e -Waanbhaa' a -kpan -balaa' 'mu ta. -Yaa' 'kpaleya -la ma, 'bhɛɛ- -Waanbhaa' 'a =pia -a ma 'ezin- dɔɔ mɛɛ -lɛdɔɔle.
- ⁸Abraamu a 'kpaleya ma, -Waanbhaa' 'a 'siilawoa 'bhɛɛ- -e 'bhɛ 'weli- 'ɛ 'klɔsikwan. Abraamu -gwa -a 'gbu 'ya 'klɛn 'ɛ 'yi, 'bhɛɛ- -Waanbhaa' -yaa zan 'kɛla 'nale- -a ni -e 'bhɛ zi 'ɛ =sia. -E -gwa -a 'gbu 'ya 'klɛn 'ɛ 'yi, 'bhɛɛ- -e -ja yɛ 'la =nɔɔ, yaa -yaa 'bhɛ =nɔɔ 'ɛ dɔ.
- ⁹-Yaa' 'kpaleya -la ma, 'bhɛɛ- -Waanbhaa' 'klɛn 'la 'naza- -woa -a ni, -e =nwa yaale 'bhɛ 'yi 'cie 'le. -E -yaa yi sɔkpa' mu -la =la. -Waanbhaa' 'a 'liiwli- =naa 'yɛe- 'klɛn do 'kpɔ 'ɛ 'naza- ta Izaki 'pegeɛ Zakɔbu ni 'ezin-.
- ¹⁰-Amasɔyi Abraamu 'yri 'yaa- -wa -gbɛnɛ 'ɛ 'bhɛɛ- ta, -wa 'la 'ke 'bhɛ gaan bɔle -o 'trɛ 'yi 'ɛgbɔɔnle. 'Bhɛɛ- -Waanbhaa' -le 'bhɛ -wa 'ɛ dɔgbɛya 'ɛ =pia 'bhɛɛ- -ya -dwa zi.
- ¹¹'Kpaleya -la ma 'ezin-, 'bhɛɛ- Sara -nɛ 'srɔwoa- 'bhɛ a -nɛyaklɛya 'ɛ 'yi. 'Ali- -yaa' loonɛya 'ɛ 'yi, -Waanbhaa' 'a =kla 'bhɛɛ- -e -nɛ 'srɔwoa-. -Amasɔyi -ya =kpa -a -yi 'bhii- -Waanbhaa' 'la 'e 'liiwli- =naa -a ni 'bhɛ nu bɔle 'bhɛ 'liiwli- 'ɛ ta.
- ¹²'Bhɛ ya 'ɛ 'yi, Abraamu, -a nɔɔ- bhɛ do 'kpɔ 'ɛ, 'ke -nɛyale a pɛ zi 'ɛ zi, 'bhɛ -gbɔzi' -gaa gban bi, 'bhɛ 'srɛ mu =kla 'ɛbebele 'bhii- mlɛklɛnɛ 'pegeɛ wɛyi- 'lɛ ma -yɛrɛntrɛ' mu gbɛn-.
- ¹³'Bhɛ mɛɛ mu la bhɛ, 'mu 'kpen -gaa -o 'kpalele -Waanbhaa' 'yi, 'bhɛɛ- 'bhɛ 'bhɛ 'liiwli- -naa -o ni pɛ mu 'la 'naza- ta, waa 'mu -srɔwole. 'Duŋ- -e =kla 'bhii- -o -

yrekpaa 'mu ma 'egboonle, 'bhεε- -o 'mu -vavadia. 'Bhεε- -woo 'gbu =kwan 'bhii- 'cie mu 'pegee 'kan mu 'le 'trε 'lεε- ta -gε.

14 Mεε 'la zan mu 'bhe -jan -gloon 'la bhe 'bhe wo, 'bhe zan mu 'gbu 'a zron 'bhe ma kpataakpa 'bhii- 'mu 'yaa- 'kleen do -la -glin 'zi.

15 -O -gwa 'kleen 'la 'yi, 'kee- 'kpa bi 'bhεε- -lro -yaa -o ma, -o -yaa so niinale -o -zanta' 'bhe 'yi 'ezin-.

16 'Duη- 'kleen 'bhεεke 'la 'bhe mabhaabhō -waa' 'kleen =lwa 'ε ta, 'bhe -la -lro -o ma; 'bhe 'kleen 'ε 'bhe -o lafle' 'yi laanima. 'Bhela- -yile, -o -Waanbhaa' 'siilawo -waa' -Waanbhaa', 'bhe 'laa -yralado 'yee- -Waanbhaa' 'gbu ma; wlan 'ε ni, 'bhe 'gbu -wa -gbene do -dwa gban -o ni -o -lεε.

17 Abraamu a 'kpaleya -la ma, 'bhεε- -Waanbhaa' 'a zru 'la -glinna, 'bhεε- -e -dwa -a -la 'kee- Izaki na 'ke 'sraka 'le -Waanbhaa' ni. 'Duη- -Waanbhaa' 'a =pia 'yee- Abraamu -la ni 'elwale -so doo 'bhe nu -a 'srε mu klele 'ebebele. 'Bhεε- -e -dwa -a -la 'kee- 'yee- -ne bhe do 'kpō 'ε na 'ke 'sraka 'le -Waanbhaa' ni.

18 -Waanbhaa' 'a =pia 'yee- Abraamu 'gbu -la ni doo: "'E 'srε mu 'ε nu dale Izaki -la -yi, 'bhεε- 'e 'to nu blole 'mu -la ta."

19 -A 'kpale- -yaa -a -yi 'bhii- 'ali- 'ke Izaki -gaa, 'bhe 'seη 'yaa- -Waanbhaa' ni 'ke 'bhe 'bhe bwe gale ba. 'Bhela- -yile, -Waanbhaa' 'a gbe 'ε 'niinalawoa -a ma, -yoo 'te 'bhii- 'bhe -gaa, 'bhεε- 'bhe -bwela gale ba.

20 Izaki a 'kpaleya -la ma, 'bhεε- -e 'dumawoa -a gbe Zakōbu 'pegee Ezau ni.

21 Zakōbu a 'kpaleya -la ma, 'bhεε- -a ga bhla 'ε zi, 'kee- Zozefu 'ne ple 'ε 'kpen 'dumawole. -E -kulaa' -a 'taawo 'beni 'ε ta 'bhεε- -e -Waanbhaa' -gbaa.

22 Zozefu a 'kpaleya -la ma, 'bhεε- -a ga bhla 'la =bhwa -wa -din, Izraeli mu 'ε 'yaa- nu 'pwele- 'waati 'la ba Ezipu 'kleen 'ε 'yi, -e 'bhe 'lεεjanwoa. 'Bhεε- -o -yaa nu -za 'la klele -a bhele' mu 'ε 'le -e 'bhe klegbeya 'ε -zronna -o ni.

23 Moizi de mu a 'kpaleya -la ma, 'bhεε- -wa yale, 'ke -wa magaanle mle yaga ta. -Wa =ya 'bhii- -e -yaa lele bhe, 'bhela- -yile waa -gblaanle' -bhleηgbe 'ε 'bhe 'wojan- 'ε 'kafawole ma (-amasroyi 'bhe 'a =pia bi -o Zuufu 'ne 'yientenne mu 'ε 'kpen de).

24 Moizi a 'kpaleya -la ma, 'bhεε- -e gbaanladia, yaa dole -a -la 'ke -wa sii Ezipu mu a -bhleηgbe 'lune 'ε gbe.

25 -E -dwa -a -la 'ke -o -yrenkpa' 'yee- 'pegee -Waanbhaa' a mεε mu 'ε ta 'eke- 'yi, 'sani- -e nu bole -a -yinraza mu klele ma -za 'yoo- 'yi 'waati sa ba.

26 -Ya =ya 'bhii- -yrenbhlele 'bhii- Mεε -Bhee Mi Krisi gbεen-, 'bhe mabhaabhō Ezipu 'kleen 'yi -naflo mu 'ε 'kpen ta. -Amasroyi -a -yre -yaa 'egboonle pe -la ta, -a -yre gbaanle -yaa -Waanbhaa' -yaa nu -a -sra 'la 'nale- 'bhεε- ta.

- 27 Moizi a 'kpaleya -la ma, 'bhɛɛ- -e -gwa Ezipu 'klɛn 'ɛ 'yi. Yran 'la 'yaa- 'bhɛ Ezipu -bhɛngbe 'ɛ zru ba, yaa gbɛlaanɛ 'bhɛ 'lɛɛ. -Ya zru =twa gbɛ do zi, 'bhii- -a -yrɛ -yaa -Waanbhaa' 'la waa 'bhɛ ye -titi 'bhɛ ma.
- 28 -A 'kpaleya -la ma 'ezin-, 'bhɛɛ- -e Paki 'fɛti -dulaa'. -Ya =pia Izraɛli mu 'ɛ ni dɔɔ -o -bhɛlaa gwɛn bhɛnɛ- mu dɛ, 'bhɛɛ- -woo yien mu 'ɛ kan -waa' 'fɛ mu 'ɛ 'liikonɔ mu 'ɛ ma; 'kooko- mɛɛ dɛ -mɛkɛ' 'ɛ 'kan bhɛ 'ɛ zi, yaa Izraɛli mu 'ɛ -o -nɛ =lwa mu 'ɛ dɛ.
- 29 Izraɛli mu 'ɛ -waa' 'kpaleya -la ma, 'bhɛɛ- -o wɛyi- 'tɛn 'ɛ takaa-, 'bhɛɛ- -o -kaan -a -yi 'bhii- 'ke -o 'taawo zii' 'trɛ =kpaa ta. 'Duɲ- Ezipu mɛɛ mu 'ɛ -wa peɛle dɔɔ -o 'bhɛ 'yansi za 'ɛ klɛɛ- 'ke wɛyi- 'ɛ 'kpale -o 'kɛn ta.
- 30 Izraɛli mu 'ɛ -waa' 'kpaleya -la ma 'ezin-, 'bhɛɛ- -o 'mɛɛɛlawoa Zeriko -wa 'ɛ zi -yɛkpa' 'srwɛɛ- ta, 'ke 'bhɛ -wa 'ɛ zi 'fɛgwɛ- 'ɛ 'klaale.
- 31 Gwɛn -gɛn le Raabu a 'kpaleya -la ma, 'bhɛɛ- -o 'pegeɛ mɛɛ 'la zan mu -Waanbhaa' a -jan 'ɛ 'kafawoa 'mu 'laa gɛɛ 'ɛke- 'yi. -Amasɔyi Izraɛli mɛɛ 'la zan mu -nwa Kanaa 'klɛn 'ɛ 'klɔsikunɛ gaanyi', -e 'mu =kwan 'ɛɛɛɛ.
- 32 'Bhɛɛ- 'an pe -li 'nale- 'ezin- ɛɛ? 'Waati 'laa -o 'ɲ 'kɔɔ 'ke 'ɲ Zedeɔn oo, Baraki oo, Samusɔn oo, Zɛfite oo, Davidi oo, 'bhɛɛ- Samiɛli 'pegeɛ -Waanbhaa' -lɛɛɛ' janwo mu -vin mu 'ɛ waa -janwo'.
- 33 -O 'kpaleya -la ma, 'bhɛɛ- -o 'sɛngwa- 'ke -bhɛngbe 'ke mu 'le, 'bhɛ 'pegeɛ -o -lɛdɔɔɛɛɛɛ ma 'taawoa=. -O 'kpaleya -la ma 'ezin-, 'bhɛɛ- -Waanbhaa' 'bhɛ 'liiwɛli- -naa -o ni pɛ mu 'la 'naza- ta, -o 'mu -srɔɔwoa. -O 'kpaleya -la ma 'ezin-, 'bhɛɛ- -woo 'ke mu nalawoa -jara mu ni, 'bhɛɛ- 'mu laa 'sɔɛ- -za 'yɔɔ- 'kɛdo- 'kpɔ klɛɛ- 'mu ni.
- 34 'Bhɛɛ- 'yɛɛ- 'kpaleya do 'kpɔ 'ɛ 'yɛɛ- ma, -wa 'ke mu -blinna 'tɛ 'lɛsɔnɛ -yansaan mu 'yi, 'duɲ- 'bhɛ 'laa -za 'yɔɔ- 'kɛdo- 'kpɔ klɛɛ 'mu ni. 'Bhɛɛ- -o -yaa zan -o 'ke mu dɛɛɛ 'ke -gɔkuɲ' mu 'le, 'duɲ- 'mu -swa -bhile' 'mu dɛ mu 'ɛ 'kɔɔ. 'Bhɛɛ- -waa' fangankɛɛɛɛ 'ɛ 'niinaa 'ke -gɛɛɛɛɛɛ 'le. -O 'ke mu =kla 'gwɛlaan- -gɛɛɛ mu 'le gwɛɛɛɛɛɛ mu nɔɔ-, 'fɔ 'klɛn 'bhɛɛke mu -yi gwɛɛɛɛɛɛ mu 'ɛ 'kɛn blasaan- -o -lɛɛ.
- 35 Le 'ke mu a 'kpaleya -la ma, 'bhɛɛ- -waa' gbɛɛ 'ke mu -bwɛɛɛ gɛɛ ba, 'bhɛɛ- -o 'mu =kpaa -o 'kɔɔ. 'Bhɛɛ- 'duɲ- -o -yrɛn 'yɔɔ- -kpaa mɛɛ 'ke mu ta 'bhɛɛ- 'mu -gaa; 'bhɛɛ- waa dɔɛɛ -a -la 'ke -woo go 'bhɛ -yrɛn 'ɛ 'yi, 'kooko- 'ke -o -gaa -Waanbhaa' -o bwe gɛɛ ba; 'bhɛɛ- 'bhɛ -si 'ɛ 'lɛɛɛ- -yiyi' 'trɛ ta pɛ -si 'lɛɛ- ni.
- 36 -Wa 'ke mu malɔɔgwa, 'bhɛɛ- -woo zita =zwan 'ke gbɛɛɛɛɛ mu 'le. -Wa 'ke mu gbɛ tabwa- 'ke kpɛɛ- mu 'le, 'bhɛɛ- -woo =bwa -kaso 'yi.
- 37 -Woo 'ke =dia kɔɔti 'paleɛ 'mu ma. -Woo 'ke mu takaa- kɔɔ pɛ 'ke -yri takan' -si 'le, 'bhɛɛ- -wa 'ke mu =dia 'ke -gɔkuɲ' 'le. -O -yaa gɛ 'kaanɛɛɛɛ yɛkɛn- =nɔɔ, -bhɛɛ 'fɛ mu 'pegeɛ bhoo 'fɛ mu 'le -o ta 'bhii- -waa' dunɛ- mu gbɛɛn-. -Za 'kɛdo- 'kpɔ 'laa -yaa -o 'kɔɔ, -o -yrɛn 'yɔɔ- -kpaa -o ta, 'bhɛɛ- -woo =kwan 'ɛyɔɔɛ gɛɛ 'ɛ 'kɛn ma.
- 38 'Drunyaan 'lɛɛ- -gaale' laa -yaa -o ba -waa pɛ 'kpaleya -lɛɛɛ' 'ɛ ma! -O -kanaa' -kɛɛ mu 'ɛ 'pegeɛ vlɛ gɔɔn mu 'ɛ ta; -o -yaa yi vlɛ -gluu mu 'pegeɛ 'trɛ =la -gluu mu -la zi.

39'Bhε mεε mu 'la bhe, -o 'kpen ba za =swa -Waanbhaa' ni -o 'kpaleya 'ε ma; 'duŋ- -Waanbhaa' 'bhe 'liiwli- -naa -o ni pε mu 'la 'naza- ta, waa 'mu -srōowolε.

40-Waanbhaa' pε 'la =twa -kōō' mu ni, 'bhε mabhaabhō pε 'kpen ta. -Waanbhaa' laa -yaa zi 'bhii- 'woo- mu 'ten -za 'lreleya -lēsōle 'ε ma -kōō' mu blaan.

Ebre Mu 12

1'D nεεnε- mu, 'woo- mεε 'la zan mu -o -kpa -Waanbhaa' 'yi, -woo -kōō' 'srε -zamaa' -gbenε do 'le, 'bhεε- -o 'mliŋgole -o -kōō' zi. 'Bhela- -yile, -za 'oo -za 'la 'bhε -o -kōō' zru 'ε kpinđo 'zi 'bhii- 'kwe do gbεen-, 'bhεε- 'ke -yoo -kōō' 'yikliŋ- zii', 'bhεε- -kōō' laa -o 'sōle gele- zi -lεε -kōōa' 'kpaleya a zi 'ε ta; -kōō' 'ploō- 'bhε 'kpen ma, -za 'yōō 'la 'bhε blōō blaale- -kōō' ma, -kōō' 'ploō- 'duŋ- 'ezin- 'bhε ma. 'Bhεε- -Waanbhaa' -kōō' 'siila- blasanle 'la ma -kōō' a 'kpaleya 'ε yi, -kōō' -kōō' 'niwla 'bhεε- 'yi.

2Zesu -le -kōōa' 'kpaleya 'ε kli 'le, 'yela- 'srōyi 'bhεε- -kōō' bo -kōōa' 'kpaleya 'ε 'yi 'ke -a -lēsō'. 'Bhela- -yile, -kōō' 'yrε gbaanle bo 'yela- ta. -E gale -yrigbεεle 'ε ta 'bhε 'yikwan=, 'bhε 'la 'bhε -o 'ke -yraladō ma gale 'le bhe. -Amasrōyi zrukpa' 'la -o 'bhε =twa -a ni -a -lεε, -a nii- =bwa 'bhεε- ta. 'Bhεε- -zōn, -a yaale -o -Waanbhaa' a -bhleŋge 'yaakpe- 'ε -din 'tōbhō ma yaayrε 'ε =nōō.

3-Ka 'ka 'kpeeledan Zesu ma doo: -za 'yōō klε mu -wlenna -a ma, 'bhεε- -o -yrenkpa -a ta 'eyōole. -E 'bhε -za mu 'ε 'kpen 'yikwan= gōnε- 'la gbεen-, -ka 'ka 'kpeeledan 'bhε ma doo; 'koko- 'ka 'trε 'laa bhō, 'bhεε- 'ka -gblōzi' ga.

4-Amasrōyi 'ka -o gwle 'la dan 'zi -za 'yōō- 'ε ba bhe, 'ka 'laa 'bhε danle -li 'ke 'bhε ge 'tenle- 'ka gale ma.

5-Waanbhaa' 'ka 'liala- -jan mu 'la 'le 'bhii- -ya -nε mu lia gōnε- 'la gbεen-, 'mu =nia gban -gun 'ka 'kpee εε? -E pe dōō: "'D gbe, 'ke Mεεzan -yrenkpa 'e ta, 'e 'krowo zayi', 'yaa 'bhε 'yele- bhaama za 'le. 'Bhεε- 'e 'fuu 'laa golε 'e ta 'kee- -la 'zi 'e ta -za 'ke 'yi.

6-Amasrōyi mεε 'la zan -za sō Mεεzan ni, -e 'bhεε- zan 'krowo-. 'Bhεε- -ya -nε 'tōle- -nε 'bhεε- zita zōn."

7Wlan 'ε ni, Mεεzan -o -yren mu 'la 'kpa zii' 'ka ta bhe, -ka -o -yikun', 'bhεε- 'bhε -yren mu 'ε 'mu 'a zrōn 'bhii- -Waanbhaa' -o 'ka 'kun zii' 'bhii- -a -nε mu -Amasrōyi -nε 'ε -de 'gbu -le, 'bhεε- -a de laa -za 'yōō- go -a -kōō -a 'krowolele εε?

8'Ke yaa 'ka 'krowolε 'bhii- -ya klε -a -nε mu 'ε 'kpen ni gōnε- 'la gbεen-, 'bhε 'yi -le dōō 'ka 'laa -o 'ke -a -nε -zeze mu 'gbu 'le; 'duŋ- 'ka -o 'ke -naazine mu -la -le.

9-Kōō' 'ya de mu 'ε 'mu -kōō' 'krowo-, 'bhεε- -kōō' 'mu -lédō' a ma. 'Bhε ya 'ε 'yi, 'ke -kōō' Dε -Waanbhaa' -za 'yōō- -gwa -kōō' 'kōō, -kōō' 'laa sō 'ke -kōō' 'yee- -lédō' -a ma 'ke 'bhε kan -kōō' 'ya de mu 'ε ta εε? 'Koko- bole -yrε ma 'la -dan' 'laa -a ma -kōō' 'bhε 'srōowo- εε?

10-Kōō' 'ya de mu 'la 'mu -o 'trε ta -ge 'mu 'yaa- -za 'yōō- go -kōō' 'kōō 'waati sa ba, -za 'la 'bhε 'lédōle -o 'mu 'yrε 'yi 'bhε klεza 'yi. 'Duŋ- -Waanbhaa' -za 'yōō- go -kōō' 'kōō -

koo' 'gbu 'nrayiza 'yi, 'kooko- -e -koo' kle 'wenj 'bhii- 'yee- 'gbu -o 'wenj gone- 'la gbéen-

11 Wlan 'e ni, 'ke -woo mæe do 'krowo zii', 'bhe la -a ma, 'bhe- -a zrukpaale laa kle, 'duj- -ya wleyisriwo. 'Duj- 'ke -o mæe 'la zan mu -trola 'bhe gbéen- bhe, 'bhe zan mu yilabla 'sröwo' boolazi 'bhe- -o -ledoo'.

12 'Bhela- -zayile, -ka fangando 'ka 'gbu ta, 'bhe- 'ka -gblözi' 'la gale -o bhe, -ka do 'egloole.

13 -Ka 'taawo zibhe -ledöole mu zi, 'kooko- fangan- kplankplan laa -o mæe 'la zan mu ta, 'mu so fangan- 'sröwole; 'bhe- -o 'taawogbeya 'e 'ledoo-.

14 -Ka do klen 'ke 'ka 'pegee mækpen' bo 'eke- 'yi 'edöole; 'bhe- -ka do klen 'ke 'ka 'taawogbeya 'e kle 'wenj. -Amasroyi mæe 'kedo- 'kpö 'laa so Mæezan yele- 'ke -yaa klele 'wenj.

15 -Ka 'ka 'gbu 'kun 'elrele, 'kooko- mæe 'kedo- 'kpö 'laa bloo -Waanbhaa' a -lileya 'e 'yi. -Ka 'ka 'gbu 'kun 'elrele 'ezin-, 'kooko- mæe 'kedo- 'kpö 'laa to 'ke -za 'lale- 'dimi 'e 'sene gbaan -a zru 'yi, 'bhe- -ya -yide'; 'bhe- 'bhe blaen kle 'ke 'yee- -za 'lale- 'dimi kle mæe mu 'pö pe 'le 'eke- ma, 'bhe- -e mæe -bebe zru 'e 'sie-.

16 -Ka 'ka 'gbu 'kun 'elrele 'ezin-, 'kooko- 'ke mæe 'kedo- 'kpö 'laa kle -yanbhöoyade mi 'le 'ka ba, 'bhe- 'ke yaa -Waanbhaa' a pe mu 'e mavee 'bhii- Ezau gbéen-. 'Yee- Ezau 'a 'niigwa- -yaa' -naagwlenya 'e 'yi pe -koo do 'kpö -la bhle -zayi'.

17 'Bhe- 'ka 'gbu 'a 'yaango- döo boolazi, -e -yaa -a zi' 'bhii- -a de 'a 'dumawo, 'bhe- 'bhe 'laa döle 'bhe =la. -Zadöwee =bwa -a ma, 'bhe- -e wisia= -a de -le ma 'egloole, 'duj- klegbeya -bheeke' 'laa -yaa -li -a ma.

18 Yaa klele 'bhii- 'ka 'ka 'mabeenna vle göön do -la -din 'ke -o so -o gbeyanle 'bhe ma 'bhii- Izraeli mu 'e gbéen-. 'Bhe vle göön 'e 'bhe -le -yaa Sinai vle göön 'e 'le: 'Te 'yranle- do -yaa -a wiiñ-, 'bhe- -gblö -gbene do -yaa -a ta, 'bhe 'pegee la -le- -plooo -gbene do -yaa 'kan zii' -a ta.

19 'Bhe- yaa klele 'bhii- 'ka -klelonj' 'penwli- do 'pegee mæe -weli' -glöö do -la =maa 'bhii- Izraeli mæe mu 'e gbéen-. -Amasroyi -o 'bhe mu malawoa, 'ke -wa pele- döo waa -jan -bheeke' do 'kpö 'wol- -o ni 'ezin- -titi.

20 -Amasroyi -o -jan 'la =woa -o ni, 'bhe- waa -yaa zi 'bhii- -o -jan 'le- 'bhe 'ma 'ezin- 'bhe -le -yaa döo: "'Trep- 'oo 'trep-, 'ke 'bhe =yaan vle göön 'e ma, 'ali- 'kee- -kla 'ke -wa 'kpee wi 'le oo, 'kee- =kla bhaaplenj 'le oo, -o kpoti 'pa 'bhe ma, 'bhe- -wa de.'"

21 -O -yrekpaa 'bhe -za mu 'la 'kpen ma, -o -gblaen gbe -yoo' 'e 'koo, 'ke Moizi 'a 'pele döo: "-Gblaen 'e 'koo, -di =kaan 'ñ 'yi, 'bhe- 'ñ 'yoo- been 'zi -kpakpa!"

22 'Ka 'laa 'ka 'mabeenna Sinai vle göön 'e -din, 'duj- 'ka mu 'ka 'mabeenna Sion vle göön 'e 'bhe 'pegee -Waanbhaa' 'la -ya -yre ma -yaa' -wa -gbene 'e 'bhe- -din. 'Ka 'ka 'mabeenna -yaa' -wa 'la -o 'bhe sii laanima Zeruzalemu 'bhe- -din; -mleke' 'saa mu 'e 'klale -o 'eke- ba 'bhe- =nöo zrukpa' ba.

- 23'Ka 'ka 'mabeenna -Waanbhaa' a -ne =lwa mu 'la 'klale- -o 'eke- ba, 'bhe- 'ke -woo 'to mu 'e =dia lafle' 'yi, 'mu -la -din. 'Ka 'ka 'mabeenna -Waanbhaa' -la -din. 'Yele- 'ke bhaapleŋ mu 'kpen 'pegee mee 'la zan mu -ledole -lesole -yaa 'yee- 'gbu 'yre 'yi, 'ke 'mu -gaa gban, 'bhe- 'ke 'mu lii mu 'e -woo lafle' 'yi; 'yele- 'ke 'mu 'kpen 'kitikan mi 'le.
- 24'Ka 'ka 'mabeenna 'ezin- Zesu -la -din; 'yele- -bhoolaya dree 'e ta -Waanbhaa' 'pegee bhaapleŋ mu pleŋ- mi 'le. 'Bhe- 'ka 'ka 'mabeenna -a yien 'la 'klalaa- 'bhe- -din. 'Bhe yien 'e =klaa win 'e mabhaabhō Abeli a pe 'e ta.
- 25-Ka 'ka 'yrekpa 'ka 'gbu ba 'elrele, -Waanbhaa' 'la -yoo janwo zii' 'ka ni 'kee- 'ka lia, 'ka 'laa 'ka -bangole 'ka 'trōnkpa -la -a ni. 'Elwale ta -sō, -Waanbhaa' -yaa Izraeli mu 'e 'lia zii' 'tre ta -ge 'bhe- waa dōle -a -la 'ke -woo 'trōnkpa a ni, 'bhe- waa 'sōle- gole- -Waanbhaa' a 'krowole 'e 'yi. 'Bhe ya 'e 'yi, -Waanbhaa' 'la -weli' 'e =daa laanima 'bhe- -e -janwoa -kō' ni, 'ke -kō' -kō' -bangwa -a -yi, -kō' nu gole -yaa' 'krowole 'e 'yi 'nale- -a ma ee?
- 26-Waanbhaa' 'la 'weli- 'tre 'e -beenna -sō, 'bhe -o 'bhe 'liiwli- na 'zi -kō' ni -zōn dō: "'D nu 'tre 'e been gbē dreewole; 'naa nu 'yee- do -kplēn beenle 'taaleeyi, 'duŋ- 'ŋ nu lafle' 'e 'bhe beenle 'ezin-."
- 27'Bhe -jangō' do 'la bhe dō: "'Ezin- gaan do", -ya zōn 'bhe ma 'bhii- -e 'tre ta pe mu 'la =kla 'mu 'kpen nu beenle, 'bhe- 'mu go 'mu dōyre 'e =nō, 'bhe- 'mu 'kpen 'triŋgo-; 'koko- 'ke pe mu 'la waa been, 'mu do -kplēn -le bo ye.
- 28'Bhe- 'duŋ-, -kō' 'pegee 'yee- nu bole -bhleŋgbeya -wa 'la ta, 'bhe 'laa nu gole 'bhe dōyre 'e =nō -titi. 'Bhela- -yile, -kō' -Waanbhaa' kleza -lrele' 'e 'yidō-, 'bhe- -kō' 'a gba gba gbeya 'la 'bhe sō -a ni 'bhe- 'yi; 'ke -kō' 'a 'ledō- -a ma, -a -leegblaŋ 'le -kō' 'yi ye.
- 29-Amasroyi -kōa' -Waanbhaa' 'e -yoo 'bhii- 'te 'la 'kee- mee kpacie 'pilipili, 'bhe- 'ke a blaŋ laa bo -titi.

Ebre Mu 13

- 1'D neene- mu, 'ka -za 'la sō 'eke- ni bhe, -ka 'ka 'yregbaan- 'bhe ba 'kaa- Zesu 'yi neeneya 'e 'yi.
- 2'Ka 'kpele 'laa 'nile- mee mu 'cie 'sile ma, 'bhe- 'ka -o 'kun 'elrele. -Amasroyi mee 'ke mu 'yaa- 'bhe- 'yansi za 'e kle, 'bhe- -o -mleke' mu 'ke 'cie =sia -o ba; 'duŋ- waa yaangole 'bhii- 'mu 'yaa- 'ke -mleke' mu 'le.
- 3-Kaso 'yi mu -za 'laa gole 'ka 'kpee, 'bhe- -kaa kle 'bhii- 'ke 'ka 'pegee mu 'gbu -o 'eke- 'yi -kaso 'e 'yi. -O -yrenkpa' zii' mee 'la zan mu ta, 'mu -za 'laa gole 'ka 'kpee, 'bhe- -kaa kle 'bhii- 'ka 'pegee 'wole- -yrenbhle' zii' 'fle do 'yi.
- 4'Mōkpen' gwenna yaaza 'e 'ledō- -a ma, 'bhe- 'gwlaan- 'pegee -a na, waa -waa' gwennayaa 'e 'triŋdole 'ke -yanbhōya dele 'le. -Amasroyi -Waanbhaa' nu mee 'joo 'yō- mu 'e 'pegee -yanbhōya de mu 'kitikanle.

- ⁵'Kaa- -goli' 'flen 'laa klele; 'duŋ- 'ka zru bo pe yeke- 'la -yoo 'ka 'koo 'bhe- ni. - Amasroyi -Waanbhaa' 'gbu 'a =pia doo: "'Naa nu 'ŋ 'plengole -titi 'e ma, 'bhe- 'naa nu 'e do -kplen 'tole- -a noo- -titi."
- ⁶'Bhela- -zayile, 'o so a pele- 'o 'sowee- 'kpen ma doo: "Meezan -le 'ŋ 'bhonba- mi 'le, 'naa nu -gblaanle' pe 'kedo- 'kpɔ 'lee. Bhaaplen so -me pe -za -la klele- 'mi ni ee?"
- ⁷'Ka 'ledoo- mu 'la -o -Waanbhaa' a -jan 'ε =lwa =woa 'ka ni, 'mu -za 'laa gole 'ka 'kpee. -O 'taawoa= gɔne- 'la gbɛen- 'ke 'bhe ge 'tenle- -o gale ma, -ka 'bhe 'klosikun; 'bhe- -woo -kpa- -Waanbhaa' -yi gɔne- 'la gbɛen-, -ka 'ka 'kpa -o ma 'bhe klegbeya 'e gbɛen-.
- ⁸Zesu Krisi -o -a dogbeya 'ε 'yi 'taŋii: -e -yaa gɔne- 'la gbɛen- 'elwale, -yoo 'bhe- gbɛen- -zon; 'bhe- -e nu bole 'bhe- gbɛen- 'taŋii.
- ⁹'D neene- mu, 'ka 'laa 'tole- 'ke -o 'ka 'yini- 'ke daangbeya -glɔn 'bheke mu 'le. 'Ke -Waanbhaa' -yaa' -lileya 'ε 'yi fanŋan- -wlaa -koo' zru 'ε 'yi, 'bhe -o 'ke -za 'lrele- 'le. Pebhle mu ta 'toŋ mu 'ε 'mu laa so fanŋan- 'wlale bhaaplen zru 'yi, 'bhe- 'mu 'laa -za 'kedo- 'kpɔ 'yanwole -titi 'mu 'klosikun mu 'ε ma.
- ¹⁰Zuufu mu a 'sraka 'lena mu 'la -o 'sraka mu 'ε go 'srakagoyre 'ε =noo sokpaa' 'ε =la, -a 'seŋ 'laa -o 'mu ni 'ke -o 'koo- mu 'gbu a pe 'sraka gope mu 'ε 'ke bhle.
- ¹¹'Sraka 'lena mi -kunlii gblaana 'ε, 'bhe wla 'ke wi yien 'ε 'le 'fakpee 'weŋ 'penpen 'ε =la; 'bhe- -e 'bhe go 'ke 'sraka 'le -za 'yoo- mu 'ε go zayi'. 'Duŋ- -o wi mu 'la yien 'ε =kla 'ke 'sraka 'le -o 'mu kpacie 'pɛlii- -wa 'ε -goma'.
- ¹²'Bhe klegbeya do 'ε 'yi, Zesu -yrenbhla 'bhe- -wa =dia -wa 'ε -goma'; 'kooko- -e bhaaplen mu kle 'weŋ -a yien 'ε 'le.
- ¹³'Bhela- -yile 'ezin-, -koo' go -wa 'ε 'kpee, 'bhe- -koo' ge -a -lepayre noo- -wa 'ε -goma'; 'kooko- -o -yrala' -glɔn 'la -dwa -a ma, -koo' 'bhe -yrala -glɔn do 'kpɔ 'ε 'yikun- 'ezin-.
- ¹⁴-Amasroyi -koo' bo -wa 'laa -o -ge 'drunyan 'lee- 'yi, 'ke 'bhe so -mole' 'waati 'ε 'kpen ba. -Wa 'la nu dale -Waanbhaa' ba 'o 'yre -o 'bhe- ta.
- ¹⁵'Yee- Zesu 'sroyi, -koo' -Waanbhaa' 'tohbɔ 'waati 'ε 'kpen ba 'ke -koo' 'bhe kle 'bhii- -kooa' 'sraka 'le 'yee- 'gbu -Waanbhaa' ni: 'bhe 'yi -le doo -koo' 'yee- -Waanbhaa' 'to 'ε magbaande -koo' 'lii.
- ¹⁶-Koo' 'yi 'laa 'nile- -za 'wlan klele 'pegee bhɔle 'eke- ba ma; 'bhe -za -glɔn mu 'ε 'mu -o 'bhii- 'sraka mu 'la -za so -Waanbhaa' ni.
- ¹⁷-Ka 'ka 'lee mu 'ε 'weli- -ledɔ' a ma, 'bhe- -ka 'ka ngblo 'kpala -o -la. -Amasroyi -o -yren -o 'ka 'si 'ε gooba; 'bhe- -o nu -o kleza mu 'ε 'yipele -Waanbhaa' ni. -Kaa kle 'kooko- -o so -waa' ye 'ε 'wole zrukpa' ta, 'bhe- waa wole 'ke -o -la ma janwolele. 'Ke -wa wo 'zi -o -la ma janwolele, 'ka mu 'gbu 'laa nu -trɔn 'kedo- 'kpɔ 'srɔwole 'bhe ma.

- 18-Ka bo -Waanbhaa' -sromabɔle ma 'o ni 'kaa- 'seri mu 'e 'yi. 'O 'kpale- -o 'o 'gbu 'yi, 'bhɛɛ- 'waa la 'o 'gbu ta -za 'yɔɔ- 'kedo- 'kpɔ 'yi. -Amasrɔyi 'woo- -a zi 'bhii- 'o 'taawo 'elrele gbɛ 'e 'kpen ma 'waati 'e 'kpen ba.
- 19'Mi -o 'ka makwle' zii' dɔɔ -ka -sromabɔ -Waanbhaa' ni 'mi ba zayi', 'kooko- 'ɲ sɔ niinale blaale- 'ka ta ye.
- 20-Waanbhaa' 'la -yoo 'ke yilabla 'na mi 'le, 'yele- -kɔɔa' Mɛɛzan Zesu 'la 'bhɛ -o 'ke - Bhlaa gooba mi -gbɛɛ 'e 'le 'bhɛ -bwela gale ba; 'bhɛɛ- -e -bhoolaya 'la -daŋ' 'laa -o 'bhɛ ma 'bhɛ -dwa yiɛn 'le 'yee- 'pegee -kɔɔ' mu plɛŋ-.
- 21Bhaa 'yee- -Waanbhaa' 'e 'bhɔ 'ka ba, 'bhɛɛ- 'ka sɔ -za 'wlan 'e 'kpen -glɔɔn klele-, 'bhɛɛ- 'kaa zru maza 'e 'kpen kle. 'Bhɛɛ- bhaa -za 'la 'bhɛ sɔ -a ni, -e bhɔ -kɔɔ' ba 'ke - kɔɔ' sɔ 'bhɛ klele- Zesu Krisi 'srɔyi. Bhaa 'tɔbhɔleya bo 'yee- Zesu ni 'waati 'e 'kpen ba! Amiina!
- 22'D nɛɛɛɛ- mu, 'mi 'ka 'liala- -jan mu 'la 'le 'lɛtrɛ 'lɛɛ- 'yi -gɛ bhe, -ka -o 'kun 'ka zru - dɔɔ 'le. Drɔɔn' 'naa klele -janwole -bebe 'le 'ka ni.
- 23'D 'yoo- -a zi 'bhii- 'kaa 'yaango- 'bhii- -o -ploola -kɔɔ' nɛɛɛɛ- Timote ma -kaso 'e 'yi. 'Kee- =bhwa 'ɲ ba -gɛ 'sani- 'ɲ gele plɛŋ- 'ka ba ye, 'mi 'pegee 'yee- nu gele 'pwɛɛ- 'ka ta ye.
- 24-Ka 'ka 'lɛdɔɔ- mu 'e 'kpen 'pubɔ-, 'bhɛ 'pegee -Waanbhaa' a mɛɛ 'weŋ mu 'e 'kpen. - Kɔɔ' nɛɛɛɛ- mu 'la 'kpen -o Itali 'kleen 'e 'yi -gɛ, 'mu 'kpen 'ka 'pubwa-.
- 25Bhaa -Waanbhaa' a -lileya 'e bo 'ka 'kpen ta! Amiina.

Zaki

Zaki 1

- ¹'Mi Zaki 'la 'η 'yoo- 'ke -Waanbhaa' 'pegee Mæzan Zesu Krisi a yewone 'le bhe, 'mi -le 'letre 'læe- dε 'zi. 'Ka mu Zesu 'yi mu 'la -daa Izraeli -gbaa vu ta ple 'ε 'lii, 'bhæe- 'ka zenle -o 'drunyan 'yi 'klæn 'bhæeke mu -yi yrekpen- =nɔɔ, 'η 'yoo- 'letre 'læe- 'kpa zii' 'ka ni 'ke 'η 'ka 'pubɔ-.
- ²'D nɛɛnɛ- mu, 'ke -za -glɔɔ 'oo -za -glɔɔ 'la =tian 'ka ma, -kaa ye 'bhii- 'ka zrukpa' pe -gbɛnɛ -le.
- ³'Kaa 'yaango- 'bhii- 'ke -o 'ka 'kpaleya 'ε 'yidaan- 'ke -za -glɔɔ 'le, 'bhæe- 'bhe 'ka daan -za -glɔɔ 'yikunlele.
- ⁴'Duŋ- -kaa 'to 'ke -o 'kaa- -za 'yikun zru 'ε ye gbε 'ε 'kpen ma, 'kooko- 'ka klε mæε -lɛsɔle mu 'le, 'bhæe- waa 'joo 'yɔɔ- 'kedo- 'kpɔ ye 'ka zi.
- ⁵'Ke -zadɔleya laa -o mæε 'la zan 'kɔɔ 'ka ba, 'bhe zan 'bhe 'yɛwo -Waanbhaa' ma, 'bhæe- -Waanbhaa' nu 'bhe 'nale- 'bhe zan ni. -Amasrɔyi, -Waanbhaa' gbε ta -o taataa pε nale ma mɔkpen' ni, 'bhæe- yaa la mæε ta pε nayre nɔɔ- mæε ni.
- ⁶'Duŋ-, 'ke 'bhe zan -o 'bhe -zadɔleya 'ε 'yɛwole, -a 'kpale- klε -Waanbhaa' 'yi 'bhii- -e nu a -srɔɔwole, 'bhæe- yaa -a zru klele ple 'bhe 'yɛwole 'ε ma. -Amasrɔyi 'ke mæε 'la zan -a zru klε ple, 'bhe zan -o 'bhii- weyi- 'pɔɔ do 'la 'ke -ploo 'bhe 'lawlɛn-, -ya bɛɛn, 'bhæe- -ya wian yrekpen- =nɔɔ.
- ⁷'Bhe zru ple zan 'ε, 'bhe 'laa 'bhe -yrikpale pε 'kedo- 'kpɔ 'srɔɔwole ta Mæzan -Waanbhaa' 'kɔɔ.
- ⁸'Bhe zru ple zan 'ε, yaa bo -a -liijan' do 'kpɔ ta -a 'taawogbeya 'ε 'yi.
- ⁹'Ke -kɔɔ' nɛɛnɛ- 'la -yoo 'kɔɔflɛŋzan 'le, -ya 'gbu 'wasowo -a 'lawlɛnle 'pegee -a klele mæε gbalaan 'le -Waanbhaa' -yre 'yi 'bhe -zayi'.
- ¹⁰'Bhæe- 'duŋ-, pɛzan 'ε 'bhe 'bhe 'gbu 'wasowo 'bhe 'gbu mazina zayi'. -Amasrɔyi -e nu 'kanle- blaale 'bhii- -bɔn -bi 'laa mɔ gɔnɛ- 'la gbɛɛn-.
- ¹¹-Yretɛbhe wlɛn, 'bhæe- -e bhi 'eglɔɔle, -e -bɔn 'ε dε, 'bhæe- 'bhe ga. 'Ke 'bhe =kla, -a -bi 'ε balaa', 'bhæe- 'bhe -lreleya 'ε 'kpen go 'bhe 'yi. 'Bhe klɛgbeya 'ε 'yi 'ezin-, yi do ta, pɛzan 'ε nu 'kanle- blaale- 'ke -a -yɛgbaanle -o 'waati 'la ba -yaa' ye mu 'ε ba.
- ¹²'Ke Zesu 'yi mi 'oo Zesu 'yi mi 'la -za -glɔɔ 'yikwan=, 'bhe zan a pε -yinra'! -Amasrɔyi 'kee- =yaan -za -glɔɔ 'ε 'yikunlele, -e nu 'bhe ma -trɔn 'srɔɔwole 'ke bole -yre ma -si 'la -Waanbhaa' 'bhe 'liiwli- =naa 'bhe 'nale- ta -a -za sɔ mæε 'la zan mu ni 'bhe 'le.
- ¹³'Ke -za 'yɔɔ- klele -o mæε 'oo mæε 'la zan -lɛkan zii', 'bhæe- -e -balaa' -za 'yɔɔ- 'yi, 'bhe zan laa pεle dɔɔ: "-Waanbhaa' -le 'η 'lɛkan zii' -za 'yɔɔ- klele 'le." -Amasrɔyi pε 'kedo- 'kpɔ 'laa sɔ a klele- 'bhæe- -Waanbhaa' -za 'yɔɔ- klε, 'bhæe- 'yee- -Waanbhaa' 'gbu laa mæε 'kedo- 'kpɔ 'lɛkan- -za 'yɔɔ- klele 'le.

- 14'Duŋ- mɛɛ 'tɔle- mɛɛ, -a 'gbu zru maza mu 'ɛ 'mu -le -a 'gbu 'lɛkan- 'bhɛɛ- -wa glaan yɛtɛtɛ, 'bhɛɛ- 'mu 'a kun.
- 15'Ke -a zru maza -yɔɔ' mu 'ɛ -wa -yinia, -wa -balaa' -za 'yɔɔ- 'yi. 'Ke -za 'yɔɔ- 'ɛ gbaandia-, 'bhɛɛ- -a -yiyaa -a zru 'ɛ ni, 'bhɛ 'leyan- 'ke 'yee- mɛɛ 'ɛ gale -la -le.
- 16'D nɛɛnɛ- mu 'la -za sɔ 'ŋ ni 'egbɛnɛle, 'ka 'laa 'ka 'gbu 'yinile.
- 17'Mɛɛ -srɔɔwo' pɛ 'kɛn 'lɛle- 'pegee -o mɛɛ gba pɛ -lɛsɔle -lɛle' 'la ba 'mu 'kɛn da -kɔɔ' Dɛ -Waanbhaa' 'la laanima 'bhɛɛ- ba. 'Yele- -yɛtɛbhɛ 'pegee mlɛ, 'bhɛɛ- mlɛklen- mu 'ɛ =kla. Yaa -a 'gbu mabɔɔ -titi, 'bhɛɛ- -gblo 'kpayɛ- laa -o -a ma.
- 18-A 'gbu zru maza ta, 'bhɛɛ- -e -si drɛɛ -naa -kɔɔ' ni -yaa' wlan ma jan 'ɛ ma. -E 'bhɛ =kla, 'kooko- -kɔɔ' sɔ klɛle- 'bhii- -a klɛpɛ drɛɛ mu 'ɛ -lwa mu 'le.
- 19'D nɛɛnɛ- mu 'la -za sɔ 'ŋ ni 'egbɛnɛle, -kaa 'yaango- dɔɔ mɛɛ 'tɔle- mɛɛ 'bhɛ 'yriwlale klɛ 'bhɛ 'trɔnkpale ma -jan =la 'elwale 'pɛ, 'duŋ- yaa 'kɔɔlɛ- -janwole ma 'bhɛ 'pegee yaa a zrupliile blaale-.
- 20-Amasrɔyi 'ke mɛɛ 'la zan 'bhɛ zrupliila, 'bhɛ zan laa -za 'lɛdɔɔle klɛ -Waanbhaa' -yɛ 'yi 'bhɛ 'le.
- 21'Bhɛla- -zayile, pɛ 'oo pɛ 'la 'bhɛ mɛɛ 'kɛɛ 'trɪŋdɔ-, 'bhɛ 'pegee -yɔɔya' -glɔɔn 'ɛ 'kɛn, -ka 'ploɔ 'mu 'kɛn klɛle ma. 'Bhɛɛ- -Waanbhaa' a -jan 'la =bwa 'ka 'kɛɛ, -ka 'bhɛ 'kun 'ka zru -dɔɔ 'le, 'bhɛ -le sɔ 'ka gole- -za 'yi.
- 22'Ka -Waanbhaa' a -jan 'la =maa, 'ka 'laa bolɛ 'ka 'trɔnkpale drɔŋ ma -a =la, -kaa -yizaklɛ; 'kebhlaale 'ka -o 'ka 'gbu -la 'yini zii' 'bhɛ gbɛɛn- bhɛ.
- 23'Ke mɛɛ 'la zan 'e 'trɔnkpaa -Waanbhaa' a -jan 'ɛ =la, 'bhɛɛ- 'ke yaa 'taawolɛ -a ta, 'bhɛ zan -o 'bhii- mɛɛ 'la zan -a 'gbu wleyi' -glinna -dwalen' do 'yi, -ya 'gbu ye 'bhii- -yoo gɔnɛ- 'la gbɛɛn-.
- 24'Bhɛɛ- 'kee- 'yaan- -a 'gbu wleyi' -glinlele 'waati 'la ba, -e jila, 'bhɛɛ- -ya 'gbu wleyi' 'ɛ =ya gɔnɛ- 'la gbɛɛn- 'bhɛ ni -a 'kɛɛ 'bhɛ yɛ do 'ɛ =nɔɔ bhɛ.
- 25'Toŋ 'la 'bhɛ 'lɛsɔle -o, 'bhɛɛ- 'ke 'bhɛ -kɔɔ' bo -kɔɔ' 'gbu ma, 'ke mɛɛ 'oo mɛɛ 'la zan 'e 'yɛkɛpaa- -a -yi 'elɛle, 'bhɛɛ- 'ke -a blɔɔle- =bwa 'bhɛ 'toŋ 'ɛ ma, 'bhɛɛ- 'ke yaa bolɛ -a 'trɔnkpale ma drɔŋ -a -la, 'bhɛ 'pegee 'kee- ni -a 'kɛɛ; 'duŋ- 'kee- 'taawoa= -a ta, -Waanbhaa' nu 'bhɛ zan 'ɛ -dɔɔbolɛ -a klɛza mu 'ɛ 'kɛn 'yi.
- 26'Ke mɛɛ 'la zan 'a 'gbu ye 'bhii- -yoo -Waanbhaa' gba mi 'le, 'duŋ- 'ke 'bhɛ zan gbɛ laa sɔ 'bhɛ 'gbu 'lɛ ta, 'bhɛ zan -o 'bhɛ 'gbu 'yini zii' 'bhɛ 'yi 'bhɛ gbɛɛn- bhɛ. 'Bhɛ zan a 'seri 'ɛ 'bhɛ -o bhaama.
- 27'Duŋ- -wa pɛ 'kɛla ma dɔɔ 'seri 'wɛŋ 'bhɛ 'pegee 'seri -kpɔsɔɔ -kɔɔ' Dɛ -Waanbhaa' -yɛ 'yi 'bhɛ -le -gɛ: twɛnɛ- mu 'pegee glaanle mu -gblakun' 'ke -woo 'trɛbhɔ 'yi, 'bhɛɛ- 'yaa 'tolɛ- 'ke 'drunyan 'yi pɛ mu 'e 'kɛɛ 'trɪŋdɔ-.

Zaki 2

- 1'D nɛɛnɛ- mu, 'ka 'kpale- 'la -yoo -kɔɔa' Mɛɛzan Zesu Krisi 'tɔbhɔle 'ɛ 'yi, 'ka 'laa 'eke- bagolɛ.
- 2'D 'bhe 'pe zii' win 'la ma, 'bhe -le -gɛ: 'kee- =kla 'bhii- mɛɛ plɛ -nwa wlalɛ 'ka 'klalɛ- o 'eke- ba yrɛ 'la =nɔɔ 'bhe =nɔɔ. -A do -o 'ke pɛzan 'le, 'bhɛɛ- 'bhe -can 'kplɔ =bwa 'bhe gbɛ ma, 'bhɛɛ- 'bhe -baale' -o 'ke dunɛ- 'lrele- do 'le. 'Bhɛɛ- mɛɛ -bhɛɛke' do 'ɛ 'bhe -o 'ke 'kɔɔflɛnzɛn 'le, 'bhɛɛ- dunɛ- kplɛ do -le 'bhe ta.
- 3'Ke 'ka 'yrekpa- mɛɛ 'la zan -baale' -o 'elrele 'bhe ma, 'ka -gasikpa 'bhe 'lɛɛ, 'bhɛɛ- 'kaa pe 'bhe ni dɔɔ: "Nu yala- mɛɛ gbalaan yaayrɛ 'lɛɛ- =nɔɔ -gɛ." 'Bhɛɛ- 'kaa pe 'kɔɔflɛnzɛn 'ɛ ni dɔɔ: "'Bhi, bo 'e gaan ta". 'Ke 'ka 'laa 'bhe 'pɛlɛ-, 'ka sɔ -a pɛlɛ- -a ni 'ezin- dɔɔ: "'Bhi 'nu 'yala- 'trɛ ma 'ŋ gaan ma -gɛ."
- 4'Ke 'ka 'bhe =kla 'bhe gbɛɛn- bhe, 'ka 'laa -o mɛɛ 'ke gbalaan -yiya' zii' mɛɛ 'ke ni 'ka ba ɛɛ? 'Bhɛɛ- 'ka 'laa -o mɛɛ mu 'kitikan zii' 'ka 'kpeɛjan- -yɔɔ' mu 'ɛ 'le ɛɛ?
- 5'D nɛɛnɛ- mu 'la -za sɔ 'ŋ ni 'eglɔɔle, -ka 'ka 'trɔnbado doo: -Waanbhaa 'drunyan 'lɛɛ- 'yi 'kɔɔflɛnzɛn mu 'ɛ makwan-, 'kooko- -o klɛ mɛɛ gbalaan mu 'le -waa' 'kpaleya -gbɛnɛ 'ɛ ma; 'bhɛɛ- -o 'cien klɛ 'yee- -Waanbhaa' 'a 'liiwli- =naa -bhleŋgbeya -wa 'la 'naza- ta -a -za sɔ mɛɛ 'la zan mu ni 'bhe 'le.
- 6'Bhɛɛ- 'ka mu, 'ka -yraladwa mɛɛ 'kɔɔflɛnzɛn 'ɛ ma -mɛla ma ɛɛ? -De mu -le -yrenkpa' zii' 'ka ta ɛɛ, 'bhɛɛ- -de mu -le 'ka 'kun 'bhɛɛ- -o ge 'ka 'le -klu ta, pɛzan mu 'ɛ 'wole- 'laa 'bhe klɛ ɛɛ?
- 7'Woo- pɛzan mu 'ɛ 'wole- 'laa -o Zesu Krisi 'tɔ 'lrele- 'la -yoo 'ka ma 'bhe 'siɛ zii' ɛɛ?
- 8'Wlan 'ɛ ni, 'toŋ 'la 'bhe -za 'gbu -o 'eglɔɔle -Waanbhaa' a -bhleŋgbeya 'ɛ ta, 'bhɛɛ- 'ke 'bhe yɔɔndɛle -o -yaa' 'Sɛwɛ 'ɛ 'yi 'bhe -le -gɛ dɔɔ: "'E -vindo' mi -za 'sɔ 'e ni 'bhii- 'e 'gbu -za sɔ 'e 'gbu ni gɔnɛ- 'la gbɛɛn-."
- 9'Duŋ- 'ke 'ka -o mɛɛ mu bago 'zi, 'ka -o -za 'yɔɔ- -la klɛ 'zi 'bhe 'le bhe. 'Bhɛɛ- 'toŋ 'ɛ -kpan baa- 'zi 'ka ta, -amasrɔyi 'ka -o -a 'yisiɛ zii'.
- 10'Ke mɛɛ 'oo mɛɛ 'la zan Moizi a 'toŋ mu 'ɛ 'kpen 'klɔsikun, 'bhɛɛ- 'ke -ya gɔ do 'kpɔ 'yisiɛla -o ba, -e klɛ 'bhii- -ya 'kpen -la -yisiɛla bhe -Waanbhaa' -yrɛ 'yi. 'Bhe ya 'ɛ 'yi, -kpan baale -o -a ta.
- 11'Wlan 'ɛ ni, -Waanbhaa' 'la -ya =pia dɔɔ: "'Yaa -yanbhɔɔya klɛlɛ," 'yee- do 'kpɔ 'ɛ 'yela- =pia 'ezin- dɔɔ: "'Yaa mɛɛ dɛlɛ." 'Bhe ya 'ɛ 'yi, 'ke 'yaa -yanbhɔɔya klɛlɛ, 'duŋ- 'kee mɛɛ =dia, -e Moizi a 'toŋ 'ɛ 'kpen -la -yisiɛla bhe.
- 12'Bhe 'yi, -ka -janwo' 'bhe 'pegee 'ke 'ka 'a 'yizaklɛ 'bhii- -o nu bhaaplɛŋ mu 'la 'kitikanle 'ke 'toŋ 'la 'bhe mɛɛ bo 'bhe 'gbu ma 'bhe 'le.
- 13'Wlan 'ɛ ni, 'ke mɛɛ mu -yrɛn 'laa 'klalɛ- mɛɛ 'la zan ma, 'bhe zan -yrɛn 'laa nu 'klalɛ- -Waanbhaa' ma, 'ke -yoo -a 'kitikanle yi 'la 'le. 'Duŋ-, 'ke mɛɛ -yrɛnkla' mɛɛ 'la zan ma, 'bhe zan -yrɛnklalɛ 'ɛ -Waanbhaa ma 'bhe 'yi nu yalɛ -Waanbhaa' a 'kiti 'la -yoo 'bhe zan 'ɛ ma 'bhe ni.

- 14'D nɛɛɛ- mu, 'ke mɛɛ do 'a =pia dɔɔ -a 'kpale- -o -Waanbhaa' 'yi, 'bhɛɛ- 'ke yaa 'bhɛ 'kpaleya 'ɛ zɔn -a kleza mu 'ɛ ma, 'bhɛ 'trɔn- -o -a ma -mɛla -le ɛɛ? 'Bhɛ 'kpaleya - glɔn 'ɛ sɔ -a gole- -za 'yi ɛɛ?
- 15'Kee- =kla 'e nɛɛɛ- 'gwlaan- 'le oo, 'kee- =kla 'e nɛɛɛ- 'le oo, 'bhɛɛ- -o ta fleŋ- -o, 'bhɛ 'pegee pele kplankplan laa -o 'kɔɔ 'tanjii,
- 16'bhɛɛ- 'ke 'ka do 'a =pia -o ni dɔɔ: "Bhaa -Waanbhaa' 'ka -dɔɔbo"! -Ka ge pɛ =kla 'ka ta 'bhɛɛ- -niinii' go 'ka ma, 'bhɛ 'pegee -ka pɛbhle 'bhɛɛ- 'ka kpɛdɔ." 'Bhɛɛ- 'ke -o mazadwa pɛ 'la ma, 'ke 'ka 'laa 'bhɛ 'nale- -o ni, 'bhɛ 'duma 'ɛ -mɛla 'yanwo- 'ka ma ɛɛ?
- 17'Kpaleya a pɛ -za 'ɛ -yoo 'bhɛɛ- gbɛɛn- bhe. 'Ke 'yee 'kpa -Waanbhaa' 'yi, 'bhɛɛ- 'ke 'yaa 'bhɛ 'wlata- za mu kle, 'yaa- 'kpaleya 'ɛ -yoo 'ke bhaama za -la -le.
- 18'Duŋ- mɛɛ do nu -a pele 'e ni dɔɔ: "'Bhi 'kpale- -o -Waanbhaa' 'yi, 'bhɛɛ- 'mi -za 'Irele- mu kle! " 'Ke 'bhɛ =kla, 'mi nu -a -lɛkunle 'bhɛ zan ni dɔɔ: "'E 'kpaleya 'ɛ zɔn 'ŋ ni 'kee kleza mu laa -o 'bhɛ ba; 'bhɛɛ 'mi nu 'mi a pɛ 'kpaleya 'ɛ zɔnle 'e ni 'ŋ kleza mu 'ɛ 'le."
- 19'Bhi pe dɔɔ 'e 'kpale- -o -a -yi 'bhii- -Waanbhaa' -o do 'kpɔ, 'bhɛ -o 'ke -za 'Irele- 'le. 'Duŋ- 'zina mu 'ɛ -woo kpa -Waanbhaa' yi 'bhɛɛ- gbɛɛn- 'ezin-, 'bhɛɛ- -o bɛɛn -gblaan 'ɛ 'kɔɔ -a -lɛɛ.
- 20-Zadɔkle! 'Yoo- -a zi 'bhii- 'ya 'yima 'bhii- 'kpaleya 'la 'ke kleza mu laa -o 'bhɛ ba, 'bhɛ -o 'ke bhaama 'kpaleya 'le ɛɛ?
- 21-Waanbhaa' -kɔɔ' -gbɔɔ Abraamu =kla 'ke mɛɛ -lɛdɔle -a -yɛ 'yi 'nale- -a ma ɛɛ? Yaa klele -a kleza mu -la ma ɛɛ? -E -Waanbhaa' -weli' 'ɛ =maa, 'bhɛɛ- -ya gbe -nɛ Izaki -kwan, 'bhɛɛ- -e 'bhɛ =kpaa 'srakagoyɛ 'ɛ =nɔɔ, 'bhɛɛ- -e -yaa zan bi 'bhɛ dɛle, 'bhɛɛ- -e 'bhɛ kle 'ke 'sraka 'le -Waanbhaa' ni.
- 22'E 'bhɛ =ya 'tɛ ɛɛ! -A 'kpaleya 'ɛ 'pegee -a kleza mu 'ɛ 'yaa- 'eke- 'yi. 'Bhɛɛ- -a kleza mu 'ɛ -yaa' 'kpaleya 'ɛ 'leswa=.
- 23'Bhɛ klegbeya 'ɛ 'yi, -Waanbhaa' a 'Sɛwɛ -e 'kɛla =pia 'bhɛɛ- 'leswa=, -ya =pia dɔɔ: "Abraamu 'e =kpaa -Waanbhaa' 'yi, 'bhɛɛ- 'bhɛ 'a =ya 'bhii- mɛɛ -lɛdɔle 'le -yaa' 'kpaleya 'ɛ ma." 'Bhɛɛ- -Waanbhaa' 'a 'siila- 'bhɛ 'bhɛgwɛn-.
- 24'Ka 'bhɛ =ya ɛɛ! -Waanbhaa' laa mɛɛ ye mɛɛ -lɛdɔle 'le -a 'kpaleya do -kplɛn ma, 'duŋ- -ya ye mɛɛ -lɛdɔle 'le -a kleza mu 'la da -a 'kpaleya 'ɛ ba 'mu -la ma.
- 25'Bhɛ klegbeya do 'kpɔ 'ɛ 'yi, -Waanbhaa' gwɛn -glin le Raabu =ya le -lɛdɔle 'le -a kleza mu 'la da -a 'kpaleya 'ɛ ba 'bhɛɛ- ma. 'Yee- Raabu -le Izraɛli mu a yɛ ma -klɔsikun mu 'ɛ =kwan 'elrele, 'bhɛɛ- -yoo -gwa -za 'yi 'ke -yoo bɔ zi -bhɛɛke' do ta -o jila bhla 'ɛ zi.
- 26'Wlan 'ɛ ni, 'bhii- 'ke nii- 'laa -o mɛɛ 'flɛ 'la 'yi, 'bhɛ -o gbaa 'le gɔnɛ- 'la gbɛɛn-, 'bhɛ klegbeya do 'ɛ yi, 'ke kleza mu laa -o 'kpaleya 'la 'yi, 'bhɛ 'kpaleya 'ɛ gale -o.

Zaki 3

- ¹'D nɛɛɛ- mu, 'ka 'laa klɛɛ 'ebebele 'ke 'kaa pe dɔɔ 'ka -o klɛɛ- -Waanbhaa' a -Jan 'ɛ daan mu 'le. 'Ka 'gbu 'a 'yaango- 'bhii- -kɔɔ' mu mɛɛ daan mu 'ɛ, -o nu -kɔɔ' mu 'kitikanle 'eglɔɔle 'ke 'bhe kan mɛɛ -vin mu 'ɛ ta.
- ²-Kɔɔ' 'kpen 'yini- 'e -glɔɔn -bebe 'le. 'Ke mɛɛ do -yi 'laa ni -titi -a 'wojan- mu 'ɛ 'yi, 'bhe zan 'ɛ 'bhe -o 'ke mɛɛ -lɛsɔle do 'le. 'Bhɛɛ- -a gbɛsɔ -a 'gbu 'fle 'ɛ 'yikunle ta -a klɛza mu 'ɛ 'kpen 'yi 'ezin-.
- ³'Ke -kɔɔ' wi -soo' blasan- bhle bɔ-a -lii, 'kooko- -e 'kɔɔ- zru maza kle. 'Bhe klegbɛya 'ɛ 'yi bhe, -kɔɔ' mu sɔ 'woo- wi -soo' 'ɛ 'lɛdɔɔle -za 'ɛ 'kpen 'yi.
- ⁴-Ka 'ka 'yɛkpa 'ezin- -yi ta -batoŋ' -gbɛɛ mu 'ɛ ta doo: 'ali- -woo 'egbɛɛle bhe oo, 'bhe 'pegee -plooo -gbɛɛ mu -le sɔ -o -yrɔnle', 'duŋ- -o bhɔpɛ 'fientrɔnnɛ do -le -o -lɛdɔɔ' 'ke -o bhɔ mi 'ɛ -ya zi 'bhii- -o ge yrɛ 'la =nɔɔ -o ge 'bhɛɛ- =nɔɔ.
- ⁵'Bhe ya 'ɛ 'yi bhe, bhaapleŋ nrɛ 'ɛ -yoo 'ke -kɔɔ' 'fle 'ɛ dɔpɛ 'fientrɔnnɛ do -la -le. 'Duŋ- -ya 'gbu magbaandɛ 'kee- -jan -gbɛɛ -gbɛɛ mu wo. -Ka 'ka 'yɛkpa 'ezin- doo, 'tɛ 'kleɛnnɛ do -le sɔ -bɔɔ -gbɛɛ do 'kpen 'kpaciele.
- ⁶'Bhe klegbɛya do 'ɛ 'yi, mɛɛ nrɛ 'ɛ -yoo 'bhii- 'tɛ gbɛɛn-. 'Yele- 'ke -za 'yɔɔ- kli 'gbu 'ɛ 'le. -Yoo -kɔɔ' dɔpɛ mu 'ɛ ba, 'duŋ- 'yele- -kɔɔ' 'fle 'ɛ 'kpen 'triŋdɔ-. -Yoo 'bhii- 'tɛ 'la da 'zi -jranama 'tɛ 'yi, 'bhɛɛ- -e bhaapleŋ a 'trɛ ta -si 'ɛ 'kpen 'siɛ-.
- ⁷-Bɔn 'yi srɔpɛ mu 'ɛ 'kpen -glɔɔn -o, maannɛ- mu 'kpen -glɔɔn -o, wi mu 'la 'kpen 'taawo- 'mu vi ta 'mu 'kpen -glɔɔn -o, 'bhe 'pegee weyi- ba wi mu 'ɛ 'kpen -glɔɔn, bhaapleŋ 'kpaale- -o 'mu 'kpen 'wiinj-.
- ⁸'Duŋ- bhaapleŋ do 'kpɔ gbɛ laa 'sɔle- -lido' mɛɛ nrɛ 'ɛ 'yikunle ta. Pɛ -yɔɔ' -le 'kɛle-, bhaapleŋ do 'kpɔ gbɛ laa sɔ -a -yikunle ta. -Yoo 'bhii- mle -baa'.
- ⁹-Kɔɔ' 'kɔɔ De Mɛɛzan -Waanbhaa' -dɔɔbo' -kɔɔ' nrɛ do 'kpɔ 'la 'le, -kɔɔ' mɛɛ mu 'la -Waanbhaa' -o =kla -a bhɔɔma mu 'le 'mu 'danganwo 'yee- nrɛ do 'kpɔ 'ɛ 'yela- -le 'ezin- .
- ¹⁰'Duma da -lii do 'kpɔ 'la =nɔɔ, 'dangan da 'yee- -lii do kpɔ 'ɛ 'yela- nɔɔ- 'ezin-. 'D nɛɛɛ- mu, 'ka 'laa 'tolɛ- 'kee- kle 'bhe gbɛɛn-.
- ¹¹-Yi 'nrɛle- 'pegee -yi yienle, -o plɛ -kpen 'laa sɔ 'pwele -yi -gluu do 'yi.
- ¹²'D nɛɛɛ- mu, figi diinj do laa sɔ -a bhaa klɛɛ- 'ke olivi 'le, 'bhɛɛ- -drɔɔ diinj do laa sɔ 'bhe bhaa klɛɛ- 'ke figi bhaa 'le. 'Bhe klegbɛya 'ɛ 'yi bhe, -yi 'nrɛle- 'pegee -yi yienle, -o plɛ -kpen sɔ dale- tɔ ŋgblo do 'yi ɛɛ?
- ¹³-De 'gbu -le -zadɔ' mi 'le 'ka ba ɛɛ? 'Bhɛɛ- -de 'gbu -la yikanle -o 'ka ba ɛɛ? 'Bhe zan 'ɛ 'bhe 'a zrɔn a 'taawogbɛya -lrele' 'ɛ 'pegee -a klɛza mu 'la -e 'mu kle -a zru -dɔɔ 'pegee -zadɔleya 'le 'mu ma.
- ¹⁴'Duŋ- 'ke 'ka zru 'pale- -o 'ke zranwole 'pegee 'ke zaabɔle zru 'le 'ka 'kpee, 'ka 'laa 'ka 'wasowolɛ 'ke 'kaa pe dɔɔ 'ka -o 'ke -zadɔ' mu -le. -E kle 'bhii- 'ka -o wlan 'ɛ malabɔɔ 'zi 'bhe gbɛɛn- bhe.

15'Bhε -zadoleya -gloon 'ε 'bhe 'laa da laanima -Waanbhaa' ba. 'Duη- 'bhe da 'drunyan 'lεε- 'bhεε- 'yi, 'bhe da bhaapleη zru -la -yi, 'bhεε- 'bhe -o -Setran' 'koope- -la -le.

16-Amasroyi 'ke zranwole zru 'pegee zaabo zru -o yre 'oo yre 'la =noo, -za 'yizaale -o 'bhεε- =noo, 'bhe 'pegee kleza -yoo' 'ε 'kpen -gloon

17'Duη- -zadoleya 'la da -Waanbhaa' ba, 'ke 'bhe -o mεε 'la zan 'yi, 'bhe zan -si 'ε -yoo 'weη, yaa gwle glin, 'bhεε- -a -yi -o 'edoole, -e mεε -klosikun, 'bhεε- -e mεε -yrenkla' 'ebebele, 'bhe 'pegee -e -za 'Irele- -bebe kle. Yaa mεε mu bago, 'bhe 'pegee yaa -za kle mεε -yre 'koo.

18'Ke mεε 'la zan mu yilabla ziglin, -o -waa -za mu 'kpen kle yilabla 'yi. 'Bhεε- 'bhe 'leyanyre kle 'ke -ledooleya 'le.

Zaki 4

1'Gwle mu 'pegee sra mu 'la -woo 'ka 'pleη-, 'mu -o da 'zi -mε -la ba εε? Zru maza -yoo' mu 'la gwledan 'eke- ba 'ka zru 'ε 'yi, 'kooko- -o gbεbloo 'ka ta, waa -o da 'zi 'mu -la ba εε?

2'Ka 'yrebho- pe mu zi, 'duη- 'ka 'laa so -o -srōowole; 'bhεε- 'ka mεε de, 'bhe 'pegee 'ka zranwo; 'duη- 'ka zru laa kpalaa'. 'Ka 'yrebho- pe 'la zi, 'ka 'laa so 'bhe 'srōowole. 'Bhela- -yile, gwle mu 'pegee sra mu -o 'ka 'pleη-. 'Ka mu 'duη-, 'ka -o pe 'la zi, 'ka 'laa 'bhe 'srōowo-, -amasroyi 'ka 'laa pe -yrewogbeya 'ε do -Waanbhaa' ma.

3'Ali- 'ke 'ka pe -yrewoa -Waanbhaa' ma, 'ka 'laa 'bhe 'srōowo-, -amasroyi 'kaa 'yrewo win 'la ma, 'bhe -o 'eyoole. 'Kaa 'yrewo 'ka 'gbu 'nrayiza -la kle zayi'.

4'Zru ple zan mu! -Ka mu pe doo 'ka -o -Waanbhaa' zi, 'bhεε- 'ka pe 'ezin- doo 'ka -o 'drunyan 'yi pe mu zi. 'Ka 'laa 'yaango- doo 'ke mεε 'oo mεε 'la zan 'bhe bhεgwlenya -kpaā 'drunyan ta pe mu ma, 'bhe zan kle -Waanbhaa' -sōōnnii' 'le εε?

5'Yaa klele 'ka ni 'bhii- -jan 'la -yoo -Waanbhaa a 'Sewe 'ε 'yi 'bhe -o bhaama jan 'le, 'bhe -jan 'ε 'bhe -le doo: "-Waanbhaa' 'a Lii 'la =kpaā -koo' 'yi bhe, -e zranwo -a zru 'ε 'kpen 'le 'bhe ta, 'bhεε- -ya zi 'bhii- 'bhe bo 'yee- do -kplen -la ni."

6'Bhεε- droon', 'yee- -Waanbhaa' a -lileya 'ε gbalaan -yiya' -yaa' zranwole 'ε ni, 'bhela- -yile -yaa' 'Sewe -ya 'pia- doo: "Mεε 'la zan mu 'mu 'gbu magbaandε mεε ma, -Waanbhaa' wlen 'bhe zan mu ma. 'Duη- mεε 'la zan mu 'mu 'gbu mazinaa, -e li 'bhεε- zan mu 'ε ma."

7'Bhe ya 'ε 'yi bhe, -ka 'ka 'gbu mazina -Waanbhaa' -lεε, -ka do -Setran' 'lεε 'egloole. 'Ke 'ka 'bhe =kla, 'bhεε- -Setran' nu 'ka 'tolε- 'srō, -e nu blasanle, 'bhεε- -ya plēngo 'ka ma 'egboonle.

8'Ka mu, -ka 'ka 'gbu 'mabeen- -Waanbhaa' -din, 'bhεε- -Waanbhaa' 'gbu nu -a mabeenle -ka mu -din 'ezin-. 'Ka mu -za 'yoo- kle mu, -ka 'ploo- -za 'yoo- mu klele ma 'fefefē, 'bhεε- 'ka mu zru ple zan mu, -ka 'ka 'gbu 'kpee 'ε kle 'weη.

- 9-Ka 'ka wleyisriwo, 'bhεε- -ka bhee la pε mu =kla 'ka ta, -ka wisi' 'bhii- 'ka -o bhee la. -Ka 'kaa- 'sɔnsile 'ε 'niina- 'ke wisile 'le, 'bhεε- -ka 'kaa zrukpa' 'ε niina- 'ke wleyisriwole 'le.
- 10-Ka 'ka 'gbu mazina Meezan -Waanbhaa' -lεε, 'bhεε- -e nu 'ka 'lawlenε.
- 11'D nεene- mu, 'ka 'laa 'eke- 'tɔ 'yɔɔ- pele. 'Ke mεε 'la zan 'bhe nεene- do 'tɔ 'yɔɔ- =pia, 'bhe 'pegee 'kee- 'bhe 'kitikaan, 'bhe zan 'ε -e -Waanbhaa' a 'Toŋ 'bhεε- 'yisε zii' bhe, 'bhe 'pegee -ya 'kiti -la 'kan zii' 'bhe gbεen- bhe. 'Duŋ- 'ke mεε 'la zan 'toŋ 'ε 'kitikaan, 'bhe zan laa kle -li -a -klosikun mi 'le, 'bhe zan kle -a 'kitikan mi -la -le.
- 12-Waanbhaa' do -kplεn -le 'ke 'Toŋ 'ε 'kpa mi 'le, 'bhεε- 'yela- do -kplεn -le mεε mu a 'kitikan mi 'le. 'Yela- do -kplεn -le sɔ mεε gole -za 'yi, 'bhεε- 'bhe 'seŋ -o 'yela- do -kplεn ni 'kee- mεε kle ni pε 'le. 'Duŋ- 'bhi 'la 'bhi -o 'e -vindo' mi 'ε 'kitikan zii', -dele 'bhi 'le εε?
- 13-Ka 'ka 'trɔnbado doo, 'ka mu 'la 'kaa pe doo: "'Kee- =kla -zɔn oo, 'kee- =kla too, 'o nu gele 'taa ta -wa do ta. -O nu lεε do klele -a nɔɔ-. 'O nu yawo wole -a nɔɔ- ye, 'bhεε- 'o nu -gɔli' 'srɔɔwole -a nɔɔ-."
- 14'Duŋ-, -za 'la nu klele too, 'ka 'laa 'bhe do -zɔn 'ke yaa 'e go -Waanbhaa' do -kplεn ba. 'Ka 'si 'ε -yoo 'bhii- 'tε -gblen do gbεen. 'Ke 'tε -gblen 'ε -e 'wlenna-, -e mɔ 'waati sa, 'bhεε- -e piilaa' 'eke- ma, 'bhεε- -e ni mεε -yre ba.
- 15'Ka mu, -kaa pe drɔɔn' doo: "'Ke -Waanbhaa' -dwa -a -la, 'o nu bole 'o 'yre ma, 'bhεε- 'o nu -za 'lεε- 'bhe klele, 'bhεε- 'o nu -za 'la bhe 'bhe klele."
- 16'Bhεε- 'duŋ-, 'ka mu, 'ka 'ka baa 'ka 'gbu 'wasowo ma 'liijan- -gbene -gbene mu 'ε 'le. 'Bhe 'wasowogbeyā 'ε, 'bhe 'laa lele.
- 17'Bhεε- 'ke mεε 'la zan sɔ -za 'wlan klele-, 'ke yaa 'bhe klele, -e -za 'yɔɔ- -la kle 'zi 'bhe gbεen- bhe.

Zaki 5

- 1'Ka mu pezan mu, -ka 'ka 'trɔnbado doo! -Klɔlɔɔ' maza mu 'la nu 'tenle- 'ka ma, -ka wisi' 'bhεε- -ka -gbekan' 'mu -zayi'.
- 2'Kaa- -naflo mu 'ε 'pa gbe -yɔɔ 'ε 'kɔɔ, -woo bɔn 'zi. 'Bhεε- 'ka ta pε mu 'ε 'pa gbe -yɔɔ 'ε 'kɔɔ, 'bhεε- -glolo' mu -o bhle 'zi.
- 3-Can =bwa 'kaa- -can mu 'ε 'pegee 'kaa- -gɔli' mu 'ε ma. -Can 'ε nu klele 'kaa- -za 'yɔɔ- mu 'ε ma 'srε 'le. -E nu klele 'bhii- 'tε do gbεen-, 'bhεε- -e nu 'ka 'flε 'ε 'kpen 'bhlele-. 'Ka 'kaa- -naflo mu 'ε zre -dwa 'eke- ta, 'bhεε- 'duŋ- 'drunyan 'yan yi 'ε =bhwa -wa -din gban.
- 4-Ka 'ka 'yrekpa doo! Pεbhaa 'kan yewone mu 'la -o 'kaa- gba mu 'ε ta pεbhaa mu 'ε 'kaan- 'ka ni, 'ka 'laa 'mu a ye 'ε ma -sra 'lesole 'ε 'nale- 'mu ni. 'Bhεε- -o wisia= 'eglɔole 'bhe -za 'ε 'yi, 'bhεε- Meezan -Waanbhaa' -Glɔɔ -waa' wisiwli mu 'ε =maa.

- ⁵'Ka 'kaa- boleya 'trɛ ta 'ɛ =kla 'kaa- -trɔn ma pɛ -la -yi, 'bhɛɛ- zru maza 'tɔle- zru maza 'la klele =swa 'ka ni, 'ka 'bhɛɛ- 'kpen =kla. 'Bhɛ ya 'ɛ 'yi, 'ka -blaala 'bhii- wi blaale mu 'la dɛ yi 'ɛ -yoo zan bhɔlɛ 'mu gbɛɛn-.
- ⁶Mɛɛ 'la zan laa -za 'yɔɔ- 'kedo- 'kpɔ klelɛ 'ka ni, 'ka -kpan -balaa' 'bhɛɛ- ta, 'bhɛɛ- 'kaa =dia, 'ke waa -za 'kedo- 'kpɔ klɛ.
- ⁷'D nɛɛnɛ- mu, -ka 'ka zrubakpala 'ke 'bhɛ ge 'tɛnlɛ- Mɛɛzan Zesu Krisi 'nule- 'ɛ ma. - Ka gba 'kpa mi 'ɛ -glin doo: -E yaa gba 'ɛ ta pɛbhaa mu 'la -za -o -a 'kɔɔ 'eglooɔle 'mu - la 'kan bhla 'ɛ magben. 'Kee- san la -lwa mi 'ɛ banle ma, 'kee- nu 'tɛnlɛ- la boolazi mi 'ɛ banle ma, -ya zrubakpalaa -yaa' gba la pɛ mu 'ɛ zi.
- ⁸'Ka mu 'duŋ- 'ezin-, -ka 'ka zrubakpala 'bhɛɛ- gbɛɛn-, -ka 'ka zru dɔ 'eglooɔle, - amasrɔyi Mɛɛzan 'nu yi 'ɛ =bhwa gban -wa -din.
- ⁹'D nɛɛnɛ- mu, 'ka 'laa 'ka 'la ma janwolɛ 'eke- ni, 'kooko- -Waanbhaa' laa nu 'ka 'kitikanlɛ. Mɛɛzan Zesu Krisi 'nu yi 'ɛ =bhwa gban -wa -din, 'yele- 'ke 'Kitikan mi 'gbu 'ɛ 'le.
- ¹⁰'D nɛɛnɛ- mu, -Waanbhaa' -lɛla' janwo mu 'la -janwoa Mɛɛzan 'tɔ 'ɛ 'yi, -woo zrubakpalaa -waa' -yɛn mu 'ɛ 'yi gɔnɛ- 'la gbɛɛn-, -ka 'mu a zrubakpaagbeyɛ 'ɛ -glin doo, 'bhɛɛ- 'ka 'ka 'kpa -o ma 'bhɛ 'yansi klelele.
- ¹¹-Ka 'ka 'trɔnbado doo! Mɛɛ 'la zan mu -yɛn 'yikun-, 'wa pɛ dɔɔ waa pɛ -yinra'. 'Ka Zɔbu a -yɛnyikungbeyɛ 'ɛ =maa. Mɛɛzan -Waanbhaa' pɛ 'la =naa -a ni -yaa' -yɛn 'yikunle 'ɛ blaɛn, 'ka 'gbu 'bhɛ dɔ. -Amasrɔyi Mɛɛzan -Waanbhaa' mɛɛ -yɛnkla', 'bhɛɛ- -yoo 'ewlanle mɛɛ ma.
- ¹²'D nɛɛnɛ- mu, 'mi sɔ -za 'gbu 'la 'bhɛ -glooɔya' 'kpankpanyanle 'ka ma, 'bhɛ -le dɔɔ 'ka 'laa laflɛ' 'pegee 'trɛ 'bhlelɛ-, 'bhɛɛ- 'ka 'laa 'ka 'sienwolɛ pɛ 'kedo- 'kpɔ ma. 'Kaa- "- Aani'" klɛ 'kaa- "-Aani'" 'le. 'Bhɛɛ- 'kaa- "'Yoooye-" klɛ 'kaa- "'Yoooye-" 'le! 'Ka 'laa -jan 'bhɛɛke 'kpale- 'bhɛ ma, 'kooko- -Waanbhaa' a -kpan 'laa balaa' 'ka ta.
- ¹³'Ke 'ka ba mɛɛ do -o -yɛnbhle' zii', -ya 'seriwo -Waanbhaa' ni. 'Bhɛɛ- 'ke mɛɛ 'la zan zrukpaale -o, 'bhɛ zan -Waanbhaa' 'tɔbhɔ ma 'sro mu 'kpa.
- ¹⁴'Ke ga -o 'ka do ma, 'bhɛ zan Zesu 'yi mu 'ɛ -waa' zilɛɛ- mu 'ɛ 'sii-. 'Bhɛ mu nu 'mu 'seriwolɛ -Waanbhaa' ni -a ma, 'ke -wa wiiŋ- sro 'ke -yɛn 'le Mɛɛzan 'tɔ 'ɛ 'yi.
- ¹⁵'Ke -woo 'seriwoa -o 'kpalele -Waanbhaa' 'yi, gadɛ mi 'ɛ nu -bheele'. Mɛɛzan nu 'klenya 'nale- -a ni, 'bhɛɛ- 'bhɛ zan -za 'yɔɔ- mu 'la =kla, -e nu 'bhɛ zan a -za 'yɔɔ- mu 'ɛ ma -sroma 'yanlɛ-.
- ¹⁶'Bhɛ 'yi, 'ŋ nɛɛnɛ- mu, -ka 'kaa- -za 'yɔɔ- mu 'ɛ dɔ, 'bhɛɛ- 'ka -o pɛ 'eke- ni. 'Bhɛɛ- -ka 'ka 'seriwo -Waanbhaa' ni 'eke- a -za ma, 'kooko- 'ka bhee. 'Ke mɛɛ 'la zan -lɛdɔɔle -o - Waanbhaa' -yɛ 'yi, 'ke -ya 'seriwoa -Waanbhaa' ni -a zru 'ɛ 'kpen 'le, -glooɔya' -gbene do klɛ -yaa' 'seri 'ɛ 'yi.

17-Waanbhaa' -lela' janwo mi Eli -yaa bhaapleŋ 'le 'bhii- -koo' mu gbɛɛn-: -E -sromabwa -Waanbhaa' ni -yaa' 'seri 'ɛ 'yi, 'kooko- la laa ban, 'bhɛɛ- la laa banle -titi 'tre ta leɛ yaga 'pegee mle 'srwado- ta.

18'Bhɛ blaana, -ya 'seriwo gbɛ drɛɛwoa- 'ezin- -Waanbhaa' ni 'kaa la ban, 'bhɛɛ- la -baan 'ezin-. 'Bhɛɛ- 'ke -yri diiŋ mu 'ɛ -woo -bhaale'.

19'D nɛɛnɛ- mu, 'ke 'ka do =nia wlan a pɛ zi 'ɛ ma, 'bhɛɛ- 'ka ba mɛɛ -bhɛɛke' do 'bhɛ zan 'ɛ bɔ gbɛ drɛɛwo wlan a pɛ zi 'ɛ ta.

20-Kaa 'yaango- dɔɔ 'ke mɛɛ 'la zan -za 'yɔɔ- klɛ mi do -gwa 'bhɛ 'ni zi 'ɛ ta, -e klɛ 'bhii- -e 'bhɛ -za 'yɔɔ- klɛ mi 'ɛ 'si 'ɛ -gwa -za 'yi. 'Bhɛ kɛgbɛya 'ɛ 'yi bhe, 'bhɛ zan 'ɛ nu -a klɛle 'bhɛɛ- -Waanbhaa' -za 'yɔɔ -bebe 'sroma- yan.

Pieri =Lwa Mi

Pieri =Lwa Mi 1

- ¹'Mi Pieri 'la 'ŋ 'yoo- 'ke Zesu Krisi a winbōwo mi 'le, 'mi -le 'letre 'lɛɛ- 'kpa zii' 'ka mu 'la -Waanbhaa' 'ka makwan- 'ka mu -la ni. 'Ka mu 'la 'ka =kaan 'eke- ma, 'bhɛɛ- 'ka -ja klɛɛ 'ke 'cie mu 'le Pɔn 'pegee Galasi, 'bhɛɛ -Kapadōsi 'pegee Azi, 'bhɛɛ- Bitini 'klɛn mu 'ɛ 'yi.
- ²'Kɔɔ- Dɛ -Waanbhaa' -le 'ka makwan- 'a 'gbu zru maza 'la -e 'bhɛ 'lɛdulaa 'elwale gban -sɔ 'bhɛ ta. Lii 'Wɛŋ 'ɛ -e 'ka =kla -yaa' pɛ mɛɛ 'wɛŋ mu 'le, 'kooko- 'ka Zesu Krisi 'klɔsikun, 'bhɛɛ- -a yien 'la 'klalaa 'kaa- -za ma 'sraka 'le 'bhɛ 'ka zru mu 'ɛ kle 'wɛŋ. Bhaa 'yee- -Waanbhaa' -li 'ka ma, 'bhɛɛ- -e yilabla na 'ka ni 'kee- pa 'ka ta.
- ³-Kɔɔ' -Waanbhaa' 'tɔbhɔ -kɔɔa' Mɛɛzan Zesu Krisi Dɛ 'ɛ! -Yaa' mɛɛ -yɛnklagbɛya -gbɛɛ 'ɛ ma, -e Zesu Krisi -bwela gale ba, 'bhɛɛ- -e bole -yɛ ma -si drɛɛ -naa -kɔɔ' ni 'bhɛ ma. 'Bhɛ klɛgbɛya 'ɛ gbɛɛn- bhɛ, -kɔɔ' 'yrikpale -o -a ta 'bhii- bole -yɛ ma -si -o -kɔɔ' 'kɔɔ.
- ⁴'Bhɛɛ-, -Waanbhaa' -yaa' mɛɛ mu 'ɛ 'kpen 'letwa= 'bhɛɛ- 'ciɛn 'ɛ ba, -kɔɔ' 'yrikpale -o 'bhɛɛ- ta. 'Bhɛ 'ciɛn 'ɛ bhɛ laa sɔ 'siɛle, 'bhɛɛ- 'bhɛ 'triŋ 'laa sɔ dɔle-, 'bhɛ 'pegee 'bhɛ -lɛɛɛya 'ɛ 'bhɛ 'laa sɔ gole- 'bhɛ 'yi. -Waanbhaa' 'ka 'letwa= 'bhɛɛ- 'ciɛn 'ɛ ba lafle' 'yi.
- ⁵'Bhɛɛ- 'ka mu a 'kpaleya 'ɛ ma, 'yee- -Waanbhaa' -o 'ka tagbin- 'zi -sɔ -yaa' -glɔɔya' 'ɛ 'le, 'kooko- 'sani- 'ka gole -za 'yi 'bhɛ 'lɛbɛŋgole 'la -yoo -a 'kɔɔ 'bhɛ zɔn yi 'ɛ 'bhɔle plɛŋ- 'ka ni kpataakpa 'drunyan 'lɛyan yi 'ɛ 'le.
- ⁶'Bhɛ -za mu 'ɛ 'kpen -le 'ka 'yilablawa pɛ 'le, 'ali- 'ke -o 'ka 'yɛbatɛdɔ 'zi -yɛn mu 'ɛ 'kpen -glɔn 'le -zɔn 'waati sa ba.
- ⁷'Bhɛ -yɛn mu 'ɛ 'mu -le nu a zɔnɛ 'bhii- 'ka 'kpale- -o -Waanbhaa' 'yi. 'Duŋ- 'kaa- 'kpaleya 'ɛ -Waanbhaa' 'yi, 'bhɛ mabhaabhɔ 'ke 'bhɛ kan -can ta, 'bhɛ 'la 'bhɛ -o 'ke 'siɛ pɛ 'le bhɛ. 'Bhɛɛ- 'duŋ-, -o -can 'ɛ yie, 'bhɛɛ- 'ke -yoo 'ke -can -kpɔsɔɔ 'le -o 'bhɛ dɔ. 'Bhɛ klɛgbɛya dɔ 'ɛ 'yi, -o 'kaa- 'kpaleya 'ɛ 'yidan-, 'kooko- -wa -glɔɔya' 'ɛ dɔ. 'Ke 'bhɛ =kla, 'ke Zesu Krisi 'pwela- -a -yi yi 'la 'le, 'kaa- 'kpaleya 'ɛ nu klɛɛ 'ka 'tɔbhɔpɛ 'le, 'bhɛ 'pegee -e nu klɛɛ 'ka magbaandɛpɛ 'le, 'bhɛɛ- -o 'ka 'lɛdɔ- -a ma.
- ⁸'Bhɛɛ- 'ka 'laa Zesu 'yeɛ- -lido', 'duŋ- -a -za sɔ 'ka ni, 'bhɛɛ- 'ka 'kpale- -o -a -yi -zɔn, 'ali- 'ke 'ka 'laa 'a 'yeɛ- -lido'. 'Yela- -zayi', 'ka zrukpaale -o 'egbɛɛle, 'bhɛɛ- waa sɔ 'bhɛ zrukpaal' 'ɛ 'bhɛ a gblaanya 'ɛ 'pele -o -lii, 'bhɛɛ- -a 'tɔbhɔle -o.
- ⁹-Amasɔyi 'ka nu kaa- Zesu 'yi 'kpaleya 'ɛ ma -trɔn 'srɔwɔɛ, 'bhɛ -trɔn 'ɛ 'bhɛ -le 'ka lii mu 'ɛ goza 'le -zayi'.
- ¹⁰-Waanbhaa' -lɛla' janwo mu 'ɛ -o ka goza 'ɛ -zayi' 'bhɛ ziglinna 'elwale gban -sɔ gbɛ 'ɛ 'kpen ma 'ke -o 'trɛbhɔ-. 'Bhɛɛ- -Waanbhaa' -yaa nu -yaa' -lileya 'ɛ zɔnɛ 'ka ni gɔnɛ- 'la gbɛɛn- -o 'bhɛ 'lɛɛ -janwoa.

- 11Krisi Lii 'la 'yaa- -o -yi, 'bhe 'a -zronna -o ni dɔɔ Krisi -yaa nu -yrenbhele 'elwale 'pe, 'bhe- 'bhe blaana, -e -yaa nu 'tobhɔleya -srɔwɔle. 'Bhela- -zayile, -o -yaa dɔ 'zi klen 'ke -o 'bhe -za mu 'ε kle 'waati 'pegee 'mu klegbeya 'ε dɔ.
- 12'Bhe- -Waanbhaa' 'a -zronna -a -lela' janwo mu 'ε ni dɔɔ -e -yaa -jan 'la 'kla zii' -o 'kɔɔ, -waa' pɛ laa -yaa 'bhe 'le, 'duŋ- 'ka mu a pɛ -le -yaa 'bhe 'le. 'Bhe -jan 'ε 'bhe -le 'ke -Jan 'Nrɛle- 'ε 'le. Krisi -a -janwo' mu 'ε -woo 'bhe- 'wo zii' 'ka ni -zɔn bhe -Waanbhaa' Lii 'Weŋ 'la =kpa 'kee- da lafle' ma 'bhe -glɔɔya' 'ε 'le. 'Ali- -mlɛkɛ' mu 'ε 'yaa- zi 'bhii- 'mu 'yee- -za dɔ 'kpɔ 'ε dɔ.
- 13'Bhela- -yile, -ka 'ka 'niwla -za klele 'yi, 'bhe- 'ka 'yri 'laa gole 'ka 'gbu -za 'le. -Waanbhaa' nu 'ka gbale -yaa -lileya 'la ba 'ke Zesu Krisi 'pwela- -a -yi yi 'la 'le, 'ka 'yrikpale 'ε 'kpen bo 'bhe- ta.
- 14-Ka 'taawo -Waanbhaa' -weli' ta. 'Bhe- 'ka 'laa Krisi dɔle -li 'waati 'la ba 'elwale -sɔ, 'ka 'yaa- 'ka zru maza -yɔɔ' mu 'la kle, 'ka 'laa 'tole- 'ke 'mu bo 'ka 'ledɔle ma.
- 15'Duŋ- -Waanbhaa' 'la 'ka 'siila-, 'bhe -o 'weŋ gɔnɛ- 'la gbɛn-, 'ka mu 'ezin-, -ka kle 'weŋ 'ka 'taawogbeya 'ε 'kpen 'yi 'bhe- gbɛn-.
- 16'Wlan 'ε ni, -a yɔɔndele -o -Waanbhaa' a 'Sewe 'ε 'yi dɔɔ: "-Ka kle 'weŋ, -amasrɔyi 'mi -o 'weŋ."
- 17'Kaa- 'seri mu 'ε 'yi, 'kaa pe -Waanbhaa' ma dɔɔ 'ka Dɛ. 'Bhe- 'yele- bhaaplen mu 'kpen 'kitikan -o 'kpen do do kleza mu 'ε ma. 'Bhe- yaa bhaaplen mu bago. 'Bhela- -yile, 'ka -o 'ka 'yɛ ma -li 'waati 'la ba 'bhii- 'cie mu 'le 'trɛ ta -gɛ, -ka 'taawo 'elrele 'bhe- -ka -gblaan' -Waanbhaa' -lɛɛ.
- 18'Ka 'taawogbeya gwe -yɔɔ' 'la =sia 'ka dɛ mu 'ε zi, 'bhe 'laa -yaa -za 'kedo- 'kpɔ -yanwo' 'ka ma. 'Duŋ- 'kaa 'yaango- 'bhii- -Waanbhaa' 'ka tagbawoa 'egbɛnɛle, 'bhe- -e 'bhe 'taawogbeya -yɔɔ' 'ε -gwa 'ka 'kɔɔ. Yaa 'ka tagbawole 'ke 'sie pɛ mu 'le 'bhii- -gɔli' 'pegee -can gbɛn-,
- 19-e 'ka tagbawoa 'ke Krisi yien -za -glɔɔ 'ε 'bhe- 'le. -Ya 'gbu =kla 'bhii- 'sraka go -bhlaa gwlen bhlonɛ- do 'la 'ke -sɔŋ' do 'kpɔ 'laa -o 'bhe ma, 'bhe- 'ke 'bhe 'cie- mu 'ε do 'kpɔ tilale laa -o.
- 20-Waanbhaa' laa 'drunyan klele -li 'waati 'la ba, -e Krisi -la makwan-. 'Bhe- 'drunyan 'yan bhla 'la =bhwa -wa -din bhe, Krisi 'a 'gbu tapwela kpataakpa 'ka mu -la -zayi'.
- 21'Yela- 'srɔyi, 'bhe- 'ka -o 'ka 'kpa zii' -Waanbhaa' 'la 'bhe 'yee- Krisi -bwela gale ba 'bhe- 'ke 'bhe 'tobhɔleya =naa -a ni 'bhe 'yi. 'Bhe klegbeya 'ε 'yi, 'ka 'kpaleya 'ε 'pegee 'ka 'yri bole -o -Waanbhaa' -la ta.
- 22'Ka wlan 'ε 'klosikunlawoa, 'bhe- 'ka =kla 'weŋ, 'kooko- 'ka nɛnɛ- mu 'ε -za sɔ 'ka ni 'ka zru 'ε 'kpen 'le wlan ma. 'Ka -za 'sɔ 'eke- ni 'eglɔle 'ka zru 'ε 'kpen 'le.
- 23-Waanbhaa' a -jan 'ε 'ka =kla mɛɛ drɛɛ mu 'le. Yaa -jan 'ε -yoo -o 'bhii- pɛbhe 'la yaa ga. Yaa kan -titi, bhe- -e bo -a -yɛ ma 'waati 'ε 'kpen ba 'ke -dan' 'laa kle -a ma.

24-A pele -o -Waanbhaa' a 'Sewε 'ε 'yi dɔɔ: "Bhaaplenj mu 'kpen 'laa -o 'ke mɔpε 'le 'bhii- -bɔn gbεen-. 'Bhεε- bhaaplenj -lreleya 'ε 'bhe 'laa mɔ 'bhii- -bɔn -bi 'laa mɔ gɔnε- 'la gbεen-. -Bɔn 'ε ga 'bhεε- -a -bi 'ε balaa'.

25'Bhεε- 'duj-, Mεεzan a -Jan 'ε -yoo 'waati 'ε 'kpen ba, 'bhεε- -danj' 'laa -o -a ma." 'Bhe -jan 'ε 'bhe -le 'ke -o -Jan 'Nrale- 'la =woa 'ka ni 'bhe 'le.

Piεri =Lwa Mi 2

1'Bhe 'yi, -ka 'ploo yiεnya oo, -dawli' maza oo, mεε -yrekɔɔza klele oo, mεε -yrebhɔ' maza oo, 'bhe 'pegee mεε 'tɔ 'pele ma.

2-Kaa kle 'bhii- -nε 'yientenne mu gbεen-: -yɔn 'mi -lrɔ dɔ -o ma 'waati 'ε 'kpen ba gɔnε- 'la gbεen-, -Waanbhaa' a -jan 'ε 'lrɔ dɔ 'ka ma 'bhεε- gbεen-. -Yaa' -jan 'ε -yoo 'bhii- 'nɔnɔ 'la 'yizaale laa -o pε 'kedo- 'kpɔ 'le, -yoo 'weŋ. 'Yee- -jan 'ε 'yele- 'ka 'kpaleyā 'ε baan' kla -a ba yi 'oo yi, 'bhεε- 'ka sɔ gole- -za 'yi.

3-Amasrɔyi, 'bhii- -a pele -o -Waanbhaa' a 'Sewε 'ε 'yi gɔnε- 'la gbεen- dɔɔ: "'Ka 'gbu 'a =ya 'bhii- Mεεzan -Waanbhaa' -o 'ewlanle."

4-Ka 'ka 'mabεen- 'yee- Mεεzan -din. 'Yele- 'ke vlε 'la -ya -yre ma 'bhe 'le. Bhaaplenj mu -o -bangwa -a -yi, 'bhεε- 'duj- -Waanbhaa' 'a makwan=, 'bhεε- -a -za -o 'egloole 'bhe 'kɔɔ.

5'Ka mu 'gbu, 'ka -o 'bhii- vlε -yre male mu -la -le, -Waanbhaa 'ka =sia, 'kooko- 'ka fangandɔ dɔ 'eke- ta, 'bhεε- 'ka kle -a Lii 'Weŋ 'ε bo 'fε 'le. 'Bhεε- -ka kle -yaa' 'sraka 'lena mu 'weŋ 'le, 'kooko- 'sraka mu 'la sɔ -a zru 'ε ni 'ka 'mu na -a ni -a Lii 'Weŋ 'ε 'le Zesu Krisi srɔyi'.

6-Amasrɔyi -Waanbhaa' 'a =pia -yaa' 'Sewε 'ε 'yi dɔɔ: "-Ka 'ka 'yrekpa doo, 'η vlε do makwan-. 'Yela- -za -o 'egloole 'fεgwle- 'ε dɔ vlε mu 'ε 'kpen ba, 'bhεε- 'yele- 'fε 'ε 'kpen 'yikun- 'D 'yoo- -a gbaan 'zi Siɔn -wa 'ε ta. 'Ke mεε 'la zan 'ε =kpaā -a -yi, -Waanbhaa' laa nu -yraladɔle 'bhe zan ma -titi."

7'Ka mu 'la 'ka 'kpale- -o -a -yi, 'yee- vlε 'ε -za -o 'egloole 'ka mu 'kɔɔ. 'Duj- mεε mu 'la zan mu 'kpale- laa -o -a -yi, -a yɔɔndεle -o -Waanbhaa' a 'Sewε 'ε yi dɔɔ: "'Fε dɔ mu 'ε -woo -bangwa vlε 'la 'yi 'fε dɔ bhla 'ε 'zi, 'bhe -le =kla 'ke 'fεgwle- 'ε gaan -la vlε -kpuj -gbεnε 'gbu 'ε 'le, 'bhεε- 'bhe -le 'fε 'ε 'kpen 'yikun"

8'bhεε-, "'Yele- =kla mεε mu gaan 'sanpε- 'le, 'bhεε- 'yele- =kla mεε mu baapε 'le." - Amasrɔyi waa dɔ -a -la 'ke -woo kpa -Waanbhaa' a -jan 'ε 'yi. 'Bhela- -zayile, -Waanbhaa' 'a -lɛdulaa dɔɔ -e kle -o gaan 'sanpε- pegee -o baapε 'le.

9'Bhεε- 'duj-, 'ka mu -le -Waanbhaa' 'si 'la makwan- 'bhe 'le. 'Ka mu -o 'sraka 'lena -bhleŋgbe mu 'le, 'bhεε- 'ka mu -o -yaa' 'si 'weŋ 'la 'kpale- -o 'edaŋma 'bhe 'le, 'kooko- 'kaa kleza 'lrele- -gbεnε mu 'ε wo mεε mu ni. -E 'ka 'siila- dɔɔ 'ka go -gblo mu 'ε 'yi 'bhεε- 'ka 'nu -yaa' 'tebhile -lrele' 'ε ba.

- 10'Elwale, 'ka 'laa -yaa 'ke -Waanbhaa' a pɛ mɛɛ mu 'le, 'duŋ- 'ka =kla -zɔn -yaa' pɛ mɛɛ mu 'le. 'Elwale, 'ka 'yɾɛn 'laa -yaa =kla -Waanbhaa' ma, 'duŋ- -zɔn 'ka 'yɾɛnkla- -a ma.
- 11'D 'yiɛnii mu, 'ka -o 'cie mu 'pegee 'taa ta ge mu 'le 'drunyan 'lɛɛ- 'yi -gɛ. 'Bhɛla- -zayile, 'mi -o 'sromabɔ 'zi 'ka ni dɔɔ -ka 'ploo 'kaa- bhaapleŋ zru maza mu klele ma. 'Woo- bhaapleŋya zru maza mu 'ɛ 'wole- gwledan 'ka 'gbu ba.
- 12-Ka 'taawo mɛɛ 'la zan mu laa -Waanbhaa' dɔ 'mu pleŋ- 'elrele. 'Ke 'ka 'bhɛ =kla, 'ali- 'ke -o bhla 'kpa zii' 'ka ma dɔɔ 'ka -o -za 'yɔɔ- kle 'zi, 'ke -Waanbhaa' =nwa -o -si 'ɛ 'yi yi 'la 'le, -o nu 'ka kleza -lrele' mu 'ɛ 'yele- 'bhɛɛ- -o nu -Waanbhaa' 'tɔbhɔɛ.
- 13'Mɛɛzan -zayi', -ka 'ka ŋgblo 'kpala bhaapleŋ mu a -kuŋliiya 'tɔle -kuŋliiya 'bhɛ =la: -ka 'ka 'gbu ŋgblo 'kpala -bhleŋgbe =la, Mɛɛzan -zayi', 'yela- 'kpaale- -o mɔkpen' 'wiinŋ- .
- 14'Bhɛɛ- -ka 'ka ŋgblo 'kpala 'ka ta -janmatii mu 'ɛ =la. 'Yee- -bhleŋgbe 'ɛ 'yele- -o winbɔ 'kaa -o -za 'yɔɔ- kle mu 'ɛ 'krowo, 'bhɛɛ- -o -za 'wlan kle mu 'ɛ 'tɔbhɔ.
- 15-Amasɔyi, -Waanbhaa' -a zi 'bhii- 'ka -za 'wlan kle, 'kooko- mɛɛ 'la zan laa wlan 'ɛ dɔ 'mu 'pegee -zadɔkle mu 'ɛ 'ka 'mu 'liitan-.
- 16-Waanbhaa' 'ka klelawoa =klɔ mu 'le bhe, 'ka 'laa 'tolɛ- 'ke 'ka bo -za 'yɔɔ- klele ma 'kaa- bole 'ka 'gbu ma 'ɛ 'bhɛ 'tɔ 'yi. 'Bhɛɛ- 'duŋ-, -ka 'taawo 'elrele 'bhii- -Waanbhaa' a yewone mu.
- 17-Ka mɔkpen' 'ledɔ- -a ma, 'ka nɛɛnɛ- mu 'ɛ -za 'sɔ 'ka ni, 'bhɛɛ- -ka -gblaani' -Waanbhaa' 'lɛɛ, 'bhɛ 'pegee -ka -bhleŋgbe 'ɛ 'ledɔ- -a ma.
- 18'Yewone mu, -ka 'ka ŋgblo 'kpala 'ka ta -kuŋlii mu 'ɛ =la, 'ke 'ka -gasikpa -o -lɛɛ 'egbenele. 'Ka 'laa 'ka ŋgblo 'kpaale- 'ke mu 'la 'mu -o 'ewlanle, 'bhɛɛ- 'ke 'mu 'yi -o 'edɔɔle 'mu do -kplɛn -la =la. 'Ali- 'ke mu 'la 'mu a -za -o 'egloole -ka 'ka ŋgblo 'kpala 'mu =la 'ezin-.
- 19'Wlan 'gbu 'ɛ ni, 'ke -o -yɾɛnkpa' zii' 'ka ta bhaama, 'bhɛɛ- 'ke 'ka -o 'mu -yɾɛn mu 'ɛ 'yikun zii' 'kaa- -gasikpale ma -Waanbhaa' -lɛɛ 'bhɛ -zayi', 'bhɛ -o 'ke -za 'lrele- le -Waanbhaa -yɾɛ 'yi.
- 20'Wlan 'ɛ ni, 'ke 'ka -za 'yɔɔ- =kla, 'bhɛɛ- -o 'ka 'krowoa- 'bhɛ -zayi', 'bhɛɛ- 'ke 'ka -o 'bhɛ -yɾɛn 'ɛ 'yikun zii', -trɔn 'laa -o 'bhɛ ma. 'Bhɛɛ- 'duŋ-, 'ke 'ka -za 'wlan =kla, 'bhɛɛ- 'ke -woo -yɾɛnkpa' zii' 'ka ta, 'bhɛ -o 'ke -za 'lrele- do 'le -Waanbhaa' -yɾɛ 'yi.
- 21-Waanbhaa' -kɔɔ' 'siila- -yɾɛn 'yikunle -la ma. -Amasɔyi, Kɾisi 'gbu -yɾɛnbhla 'ka mu ni, 'bhɛɛ- -e 'bhɛ =kla 'bhɛ gbɛɛn- bhe, 'kooko- 'ka 'ka kpa 'yee- ma -yɾɛn 'yikunle 'le.
- 22'Yaa -za 'yɔɔ- do 'kpɔ klele -lido', 'bhɛɛ- bhla laa dale -a -lii -titi.
- 23-Wa -zwanwoa, 'bhɛɛ- yaa 'bhɛ -zwanwo' 'ɛ zigole 'ke -zwanwo' 'bhɛɛke 'le. -O -yɾɛnkpa -a ta, yaa 'duŋ- -gblaani 'klale- mɛɛ 'la zan mu -yɾɛnkpa -a ta 'mu 'yi. Drɔɔn' -Waanbhaa' 'la mɛɛ mu 'kitikan -ledɔɔleya ma, -e -yaa' -za 'ɛ 'kpen gbekpa -'bhɛ 'kɔɔ.

²⁴Zesu Krisi 'gbu -le -kɔɔa' -za 'yɔɔ- mu 'kwe =sia -a 'gbu 'fle 'yi -yrigbɛɛle 'ɛ ta. -E 'bhe =kla, 'kooko- -kɔɔ' ga -za 'yɔɔ- ba -yre ta, 'bhɛɛ- -kɔɔ' bo -kɔɔ' 'yre ma -lɛdɔɔleya ma -Waanbhaa' -yre 'yi. 'Ka mu -bheela 'yela- a -yrenbhlele ma.

²⁵Wlan 'gbu 'ɛ ni, 'ka 'yaa- 'bhii- -bhlaa mu 'la 'mu 'la =nia 'mu gbɛɛn-; 'bhɛɛ- -zɔn, 'ka =kla 'bhii 'ka 'niinaa- 'ka gooba mi 'ɛ ba. 'Bhe -le 'bhe 'yɛkpa- zii' 'ka ba yikpensee ta.

Piɛri =Lwa Mi 3

¹'Bhe klegbɛya 'ɛ 'yi, 'ka mu le mu 'ezin-, 'ka 'ka 'gbu ngblo 'kpala 'ka =nɔɔ mu 'ɛ 'la, 'kooko- 'ke 'ka 'ke mu =nɔɔ mu laa 'mu kpa -Waanbhaa' a -jan 'ɛ 'yi, 'bhɛɛ- 'ke -o 'ka 'taawogbɛya -lrele' drɔŋ 'te 'ɛ =ya, 'bhe 'a kle 'bhɛɛ- -woo kpa Zesu 'yi 'ke 'bhe kan 'ka 'wojan- mu 'ɛ ta -o ni,

²'ke -o 'gbu 'ka 'taawogbɛya 'weŋ 'te 'ɛ 'pegee 'kaa- -gasikpa gbɛya -Waanbhaa' -lɛɛ 'mu =ya.

³'Ka mu le mu 'ezin-, 'ka 'laa 'kaa- -lreleya 'ɛ -glinle' 'ka 'fle ma, 'ke 'ka 'ka 'win tan, 'ke 'ka 'ka baa -can pɛ mu 'yi, 'bhe 'pegee dunɛ- 'plɛɛle- mu 'le 'ka ta.

⁴Duŋ- -ka 'ka zru -yi -lreleya 'ɛ -ka 'bhɛɛ- ziglin-; 'bhe 'la 'bhe 'laa 'kan -titi bhe. 'Bhe -le 'ka 'yi kle 'edɔɔle, 'bhɛɛ- 'ka kle 'ewlanle. 'Bhe -la -za 'gbu -o 'eglɔɔle -Waanbhaa' -yre 'yi.

⁵Elwaleta le 'weŋ mu 'la -woo 'gbu =naa -Waanbhaa' ni, 'bhɛɛ- -o yrikpale -yaa -Waanbhaa' ta, 'mu 'yaa- 'bhɛɛ- gbɛɛn-. 'Mu 'yaa- 'mu 'gbu ngblo kpalaa' 'mu =nɔɔ mu 'ɛ =la,

⁶Bhii- Sara gbɛɛn-. -E -yaa 'taawo- -a -nɔɔ Abraamu 'weli- ta, 'bhɛɛ- -e -yaa 'bhe sii: "'D Zan". 'Ka mu =kla -zɔn -a 'srɛ mu 'le, 'ke 'ka -za 'wlan =kla, 'bhɛɛ- 'ke 'ka 'laa 'taawole 'ke -gblaan 'kɛdo- 'kpɔ 'le 'ka zru ba.

⁷'Bhe klegbɛya do 'ɛ 'yi, 'ka mu 'gwlaan- mu, -ka 'ka 'na mu 'ɛ 'kun 'elrele. -Kaa 'yaango 'bhii- le mu laa -o 'eglɔɔle 'bhii- 'gwlaan- mu gbɛɛn-. -Ka -o -lɛdɔ' -a ma, 'bhɛɛ- -kaa 'yaango- 'bhii- 'ka 'pegee 'woo- mu 'ciɛn -le nu klele 'ke -Waanbhaa' nu -lile' 'ka ma bole -yre ma -si 'la 'nale- 'le 'bhɛɛ- 'le. -Ka 'bhɛɛ- kle, 'kooko- -za 'kɛdo- 'kpɔ 'laa dɔ 'kaa- 'seriwole 'ɛ 'lɛɛ -Waanbhaa' ni.

⁸'Bhe 'yi 'te, 'ka 'kpen 'kpa do ma 'ke 'ka 'kpeejan- kle do, 'bhɛɛ- 'ka 'yrenkla- 'eke- ma. 'Ka -za 'sɔ 'eke- ni 'bhii- nɛɛnɛ- ma do mu, 'bhɛɛ- -ka 'ka 'gbu mazina 'eke- -lɛɛ.

⁹'Ka 'laa -za 'yɔɔ- -zigole 'eke- ma 'ke -za 'yɔɔ- 'le, 'bhe 'pegee 'ka 'laa -zwanwole -zigole 'ke -zwanwole 'le. Drɔɔn' -ka 'eke- 'dumawole, -amasrɔyi -Waanbhaa' 'ka 'siila- 'bhɛɛ- ma, 'kooko- -e 'ka 'letwa= 'duma 'la ba, 'ka mu 'gbu 'bhe 'duma 'ɛ 'srɔɔwo-.

¹⁰Wlan 'ɛ ni, -a yɔɔndɛle -o -Waanbhaa' a 'Sɛwe 'ɛ 'yi dɔɔ: "'Ke mɛɛ 'la zan -o -a zi 'bhii- -yaa' 'trɛ ta yaale 'ɛ kle 'elrele, 'bhɛɛ- -e zrukpa' 'srɔɔwo- 'drunyan 'lɛɛ- 'yi, 'bhe zan 'ploɔ -jan 'yɔɔ- wole ma, 'bhe 'pegee mɛɛ -yini' ma jan mu ma 'ezin-.

- 11'Bhɛ zan 'e 'plɛŋgo- -za 'yɔɔ- zi ma, 'bhɛɛ- -e -za 'wlan klɛ. -E yilabla ziglin- 'bhɛɛ- -e bo 'bhɛɛ- ziglinle ma.
- 12-Amasrɔyi Mɛɛzan -Waanbhaa' -yrɛ -o mɛɛ -lɛdɔɔle mu 'ɛ ta, 'bhɛɛ- -ya 'trɔŋkpa 'mu a 'seriwole mu 'ɛ =la. 'Duŋ- yaa wleyi' pɔɔn mɛɛ 'la zan mu -za 'yɔɔ- klɛ 'mu ma.”
- 13-De 'gbu -le nu -yrɛŋkpale 'ka ta, 'ke 'ka 'niwlale -o -za 'wlan kleza 'yi ɛɛ?
- 14'Bhɛɛ- 'duŋ-, 'ke 'ka -o -yrɛnbhle' zii' -za 'lɛdɔɔle klɛ -zayi', 'kaa- pɛ -yinra! 'Ka 'laa -gblaanlɛ' bhaaplɛŋ mu -gblaanpɛ' -lɛɛ, 'bhɛɛ- 'ka 'laa 'ka zrubatɛdɔɔlɛ.
- 15'Duŋ-, 'ka mu, -ka Krisi 'lɛdɔ- -a ma 'ka zru mu 'ɛ 'yi, 'ke 'kaa dɔ 'bhii- -kaa Mɛɛzan. 'Ka 'yrikpale 'la -yoo -Waanbhaa' ta, 'ke mɛɛ 'oo mɛɛ 'la zan 'bhɛ 'yilrɔkpa 'ka ma, 'ka 'lɛbɛŋgole klɛ 'waati 'ɛ 'kpɛn ba 'ke 'ka 'bhɛ 'yipe 'bhɛ zan ni.
- 16'Duŋ-, -ka 'bhɛ klɛ 'ka zru -dɔɔ 'le, 'bhɛ 'pegee -gasikpalele 'bhɛ zan 'ɛ -lɛɛ. 'Bhɛɛ- 'ka 'kpee 'fleele- klɛ, 'kooko- 'ke mɛɛ 'ka 'tɔ 'siɛ zii' -za 'yɔɔ- 'tɔkpalele 'ka ma, 'bhɛ 'pegee 'ke -woo 'ka 'tɔ 'siɛ zii' 'ka taawogbɛya -lrele' 'ɛ ma Krisi 'yi, -yraladɔ 'bhɛ zan mu 'ɛ ma.
- 17'Wlan 'gbu 'ɛ ni, -yrɛnbhlele -za 'wlan klele -zayi' 'ɛ, 'ke 'bhɛ -o 'ke -Waanbhaa' 'kɔɔ- za 'le, 'bhɛ mabhaabhɔ -yrɛnbhlele -za 'yɔɔ- klele -zayi' 'ɛ 'bhɛ ta.
- 18'Krisi 'gbu -yrɛnbhla ga 'kɔɔ -glɔɔn do 'kpɔ bhaaplɛŋ mu a -za 'yɔɔ- mu 'ɛ ma. 'Yee- 'la 'lɛdɔɔle -yaa, 'bhɛɛ- -e -gaa mɛɛ -lɛbiile mu -zayi', 'kooko- -e ge 'ka 'le -Waanbhaa' ba. 'Yee- 'la -e -kla 'ke siɛ -le -yaa' bhaaplɛŋ 'flɛ 'ɛ 'yi, 'bhɛɛ- -e -bwela gale ba Lii 'Wɛŋ 'ɛ 'yi.
- 19'Yee- Lii 'Wɛŋ 'ɛ 'yi, Krisi -ja -yaa' pɛ 'kpɛn -baliwoza 'ɛ 'wɔlɛ- mɛɛ 'la zan mu -gaa gban, 'bhɛɛ- 'ke 'mu lii mu 'ɛ -woo -Waanbhaa' a 'kitikan yi 'ɛ magben 'zi, 'mu ni.
- 20'Noe -yaa -batɔŋ' -gbɛnɛ 'ɛ dɔ 'zi 'waati 'la ba Waanbhaa' a zrubakpalaa bhaaplɛŋ mu 'ɛ zi. 'Bhɛ 'waati 'ɛ ba, 'ke yaa 'e go mɛɛ -lɛ 'fientrɔnnɛ do 'kpɔ ba, 'mu -le =wlaa 'yee- -batɔŋ' -gbɛnɛ 'ɛ 'yi, 'bhɛɛ- 'mu -gwa -za 'yi: 'mu 'yaa- mɛɛ 'srwaa-.
- 21'Bhɛ -za 'ɛ 'bhɛ -o 'ke mɛɛ wiɛŋfɛza -yi ba 'la 'ka go -za 'yi -zɔn 'bhɛɛ- -tɔɔmasie 'le. 'Bhɛɛ- wiɛŋfɛza 'ɛ 'bhɛ 'laa -o 'ke -kɔɔ' -kɔɔ' 'flɛ ma 'triŋ go -a 'fɛlele. 'Bhɛ wiɛŋfɛza 'ɛ 'yi -le dɔɔ -kɔɔ' 'gbu 'nale- -Waanbhaa' ni -kɔɔ' 'kpee 'fleele- 'le. 'Bhɛ -za 'ɛ 'kpɛn =swa klele- Zesu Krisi bweza 'ɛ gale ba 'bhɛɛ- 'srɔyi.
- 22-E -ja lafle' 'yi, 'bhɛɛ- -e -yalaa' -Waanbhaa' -din 'tɔbhɔ ma yaayrɛ gbalaan 'ɛ =nɔɔ, 'bhɛɛ- 'kee- kpa -mlɛkɛ' mu ta oo, 'kee- kpa laanima -kunlii mu ta oo, 'kee- kpa -glɔɔya' mu 'ɛ 'kpɛn ta, -a 'kpaale- -o 'mu 'kpɛn 'wiɛŋ-.

Piɛri =Lwa Mi 4

- 1'Krisi -yrɛnbhlelawoa -a 'flɛ 'ɛ 'yi, 'ka mu 'ezin-, -ka 'ka 'yriwla yrɛnbhlele ma. -Kaa 'yaango- 'bhii- 'ke mɛɛ 'la zan -yrɛnbhla -a 'flɛ 'yi Krisi 'tɔ 'ɛ -zayi', 'bhɛ zan ploo -za 'yɔɔ- klele ma,

- ²'kooko- 'ka 'kaa- 'tre ta yaale -vin 'ε kle -Waanbhaa' zru maza klele 'le, 'bhεε- 'ka 'laa bole 'ezin- 'ka 'gbu zru maza -yoo' mu 'ε klele ma 'bhii- 'elwaleta -so.
- ³'Bhε =swa 'bhε 'yi -gee'! -Ka 'ploo- 'bhε -za mu 'ε ma. Elwaleta -so, 'ka =mwa 'taawole ma 'ka 'gbu zru maza mu 'ε ta 'bhii- mεε 'la zan mu laa -Waanbhaa' do 'mu gbεen-. 'Ka 'yaa- 'taawo- 'eyoole gbε 'ε 'kpen ma 'ke 'ka -za mu 'lεε- kle: -yanbhooya oo, -yrebho' maza mu oo, -wεende' maza mu oo, -taakpale pε bhlele 'pegee -wεen 'mile- zi 'ke 'kaa kan -a -dan' ta oo, 'bhε 'pegee- yo mu gbale, 'bhε 'la 'bhε -o 'ke -za 'yoo- -gbεnε 'le bhe.
- ⁴-Zon, 'woo- mεε 'la zan mu laa -Waanbhaa' do -o 'kpeelenile -o ma doo -mela ma 'ka 'laa 'ka 'gbu na -li 'bhii- 'woo- mu gbεen- -yanbhooya 'yoo- 'la kan -a -dan' ta 'bhε ni; 'bhεla- -yile -o 'ka 'to 'yoo- pe.
- ⁵Duη-, -o nu -o kleza -yoo' mu 'ε 'kpen 'yipele -Waanbhaa' 'la -yoo zan bhaapleη mu 'kpen 'kitikanle yi do ta 'bhε ni. -E nu bhaapleη -yre male 'pegee bhaapleη mu 'la -gaa gban 'mu 'kpen 'kitikanle.
- ⁶Bhεla- -zayile, mεε 'la zan mu -gaa gban, -o -Jan 'NrAle- 'ε =woa bi 'mu 'ke mu ni 'ezin-, 'kooko- -waa' bhaapleη 'fle 'yi, -woo 'kitikan 'bhii- bhaapleη 'kpen gbεen-, 'bhεε- 'kooko- Lii 'Weη 'ε 'srōyi -o so bole- -o -yre ma 'bhii- -Waanbhaa' 'gbu -o 'bhε 'yre ma gōnε- 'la gbεen-.
- ⁷D nεenε- mu, 'tre ta pε 'kpen 'yan bhla =bhwa -wa -din. 'Bhεla- -zayile, -ka 'ka 'gbu 'yikun -za klele ma, 'bhεε- -ka 'ka 'yrekpa 'ka 'gbu ba 'elrele, 'kooko- 'ka so 'ka 'seriwole -Waanbhaa' ni.
- ⁸Elwale 'pe, 'ka -za 'so 'eke- ni 'eglōole. -Amasrōyi 'sōniya -za 'yoo- -bebe tagaan.
- ⁹-Ka 'eke- 'kun 'elrele 'kaa- 'fε mu 'ε =la, 'bhεε- 'ka 'laa 'bhε klele 'ka 'la ma janwolele.
- ¹⁰'Ka 'kpen do do 'seη yεke- 'la 'srōwoa- -Waanbhaa' 'koo, -ka 'bhεε- wlata -za 'wlan kle 'eke- ni. -Waanbhaa' a -lileya 'ε ma, -e 'seη -glōon mu 'la =naa 'ka 'kpen ni 'ka 'bho zayi' 'eke- ba, -ka 'bhε 'seη mu 'ε -gblakun' 'elrele.
- ¹¹'Ke -janwo' 'seη -o mεε 'la ni, 'bhε zan -Waanbhaa' a -jan 'ε 'wo. 'Ke mεε 'la zan =kla 'ke yewonε 'le, -Waanbhaa' 'seη yεke- 'la =naa 'bhε zan ni, -e 'bhε ye 'ε 'wo fanγan- yεke- 'la -Waanbhaa' 'bhε na -a ni 'bhεε- ta. -Kaa kle, 'kooko- -za 'tole- -za 'bhε 'yi, 'tōbhōleya 'kpen bo -Waanbhaa' -la ni Zesu Krisi 'to 'yi. 'Bhε -laa pε -le 'ke 'tōbhōleya 'pegee -glōoya' 'le -zon pegee yikpensee ta! Amiina.
- ¹²D 'yienii mu, 'ka -o -yren -gbεnε mu 'la 'bhle zii' bhe 'mu -o -la 'zi 'ka ma 'papa 'bhii- 'te 'lagbeya gbεen-. 'Bhε 'laa klele 'ka ma 'ka 'kpeeleni maza 'le. 'Bhε -yren mu 'ε 'mu -o 'kaa 'kpaleya 'ε 'yidanpe 'le. Yaa klele 'ka ni 'bhii- 'bhε 'yansi za laa so 'tenle 'ka ma.
- ¹³Drōn' 'ka zrukpaale kle, -amasrōyi -yoo 'bhii- 'ka -o Krisi a -yren 'ε 'ke -la bhle 'zi bhe. 'Bhε klεgbeya 'ε gbεen- bhe, 'ke Krisi a 'tōbhōleya 'ε 'pwela- -a -yi yi 'la 'le, 'kaa- zrukpa' 'ε 'le nu 'pale- 'ezin-.

14'Ke -o 'ka -zwanwoa Krisi 'tò 'é -zayi', 'kaa- pè -yinra', -amasrɔyi -Waanbhaa' a Lii 'Wen 'tòbhòle 'é zinale -o 'ka ta!

15'Duŋ-, 'ka 'kedo- 'kpɔ 'laa -yrenbhlele -za 'yɔɔ- -bhæeke' -zayi' 'bhii- mæe dɛle oo, -faanwole oo, klɛza -yɔɔ' 'ke, 'bhe 'pegee -a gaan bɔle mæe -bhæeke' -a -za ba, 'mu -zayi'.

16'Duŋ-, 'ke mæe 'la zan -yrenbhla 'ke -yoo Zesu 'yi mi 'le, 'bhe 'laa -yraladɔle 'bhe zan ma. Drɔɔn' 'bhe zan -Waanbhaa' 'tòbhɔ Zesu 'tò 'la -ya ma 'bhe -zayi'.

17-Zɔn, -Waanbhaa' a 'kitikanle zisan' bhla 'é =bhwa -a 'gbu a 'fa -la mu 'é ma. 'Bhæe- 'duŋ- 'ke 'yee- 'kiti 'é zisaan- -kɔɔ' mu -la ma 'elwale 'pɛ, mæe 'la zan mu laa -o 'kpale- -Waanbhaa' a -Jan 'Nrale- 'é 'yi, -a -lɛyanyɛ nu klɛle 'mu ma 'nale- -a ma 'ke -yoo 'mu 'kitikanle ɛɛ?

18'Bhii- -a pele -o -Waanbhaa' a 'Sewɛ 'é 'yi gɔnɛ- 'la gbɛɛn- dɔɔ: "'Ke mæe -lɛdɔle gole -za 'yi 'é 'bhe =laa, 'bhe bhla 'é ba -za 'yɔɔ- klɛ mu 'la waa gbalaan -Waanbhaa' -lɛɛ -waa' a pɛ 'é nu klɛle 'nale- -a ma 'tɛ ɛɛ?"

19'Bhe 'yi bhe, mæe 'la zan mu -o -yrenbhle' zii' -Waanbhaa' zru maza klɛ zayi', -woo 'gbu 'nii- 'é 'kpen gbekpa -Waanbhaa' 'la pɛ 'kpen =kla 'bhe 'kɔɔ, 'bhæe- -o bo -za 'wlan klɛle ma. 'Yee- -Waanbhaa' laa a -liiwli' mabɔɔ -titi, 'duŋ- -ya -liiwli' -yizakle 'tanji.

Pieri =Lwa Mi 5

1'Mæe 'la zan mu -o zilɛɛ- mu 'le Zesu 'yi mu 'é 'plen-, 'ŋ 'yoo- zan zruwlale 'mu 'kpee. 'Mi 'gbu -o 'ezin- Zesu 'yi mu 'é waa zilɛɛ- mi -la -le. Krisi -yrenbhla gɔnɛ- 'la gbɛɛn- 'mi 'gbu -o 'bhe 'srɛ 'le. 'Bhæe- 'mi 'gbu dɔ nu klɛle -yaa' 'tòbhòleya 'la 'bhe -o zan 'pwɛle- -a -yi 'bhe ba. 'Mi pɛ 'ka mu zilɛɛ- mu 'é ni dɔɔ:

2-Waanbhaa' mæe 'la zan mu gbekpaa- 'ka 'kɔɔ, -ka -o 'kun 'elrele 'bhii- -bhlaa gooba mu -o -yɛkpa' -waa' -bhlaa 'lɛdo- 'é ba gɔnɛ- 'la gbɛɛn-. 'Ka 'laa klɛle kpanɔma; 'duŋ- -kaa klɛ 'ka zru -dɔɔ 'le -Waanbhaa zru maza ta. 'Ka 'laa klɛle -gɔli' 'srɔɔwo zayi'; 'duŋ- -kaa klɛ 'ka zru 'é 'kpen 'le.

3-Waanbhaa' 'woo- mæe mu 'la gbekpaa- 'ka 'kɔɔ, 'ka 'laa 'ka gbinɔkpa' gbɛ -yɔɔ' wole -o ta, 'duŋ- 'ka mu 'gbu klɛ -waa' -za daan ma mæe mu 'le.

4'Ke 'bhe =kla, Zesu 'la 'bhe -o 'bhii- -bhlaa gooba -kunlii gbalaan 'é 'le, 'ke 'bhe 'pwɛla- -a -yi yi 'la 'le, 'ka nu -bhleŋgbe ŋgblo ma 'faa 'tòbhòle 'la 'bhe 'lɛreleya 'é yaa siɛ -titi, 'bhe 'srɔɔwole.

5'Bhe klegbeyaya 'é 'yi bhe, 'ka mu -zwanne mu, -ka 'ka ŋgblo 'kpala 'kaa- zilɛɛ- mu 'é =la. 'Bhæe- 'ka mu 'kpen, 'ka 'gbu mazina 'eke- -lɛɛ. -Amasrɔyi -a pele -o -Waanbhaa' a 'sewɛ 'é 'yi dɔɔ: "Mæe 'la zan mu -o 'gbu magbaandɛ, -Waanbhaa' wlen 'bhe zan mu ma. 'Duŋ- mæe 'la zan mu 'mu 'gbu mazinaa, -e -li 'bhe zan mu 'é ma."

6'Bhe 'yi bhe, -ka 'ka 'gbu mazina -Waanbhaa' 'la -gloɔya' 'é 'kpen -o -a 'kɔɔ 'bhe 'lɛɛ; 'kooko- -e yi 'la 'bhe -dwa 'ke 'bhe yi 'é =bwa, -e nu 'ka 'lawlenle.

- 7-Ka 'kaa 'ngami mu 'ε 'kpen 'kwe 'ε dɔ -a wiin-, -amasroyi Zesu 'kaa- -za yienkan.
- 8'Ka 'yri 'laa gole 'ka 'gbu -za 'le, 'bhεε- -ka 'ka 'yrekpa 'ka 'gbu ba! 'Ka 'sɔnnii -Setran' 'ε, -yoo 'kaan zii' 'bhii- -jara 'la -yoo ge 'zi gbinalēle -yaa' wi -glinyɾε' nɔɔ-, 'bhεε- -ya bhle.
- 9-Ka dɔ -a -lεε 'egloole, 'bhεε- -ka 'ka 'sεnε gbaan 'egloole 'kaa- 'kpaleya 'ε 'yi; 'ke 'kaa 'yaango- 'bhii- 'ka nεnε- Zesu 'yi mu 'la -woo 'drunyan 'ε 'yi yrekpen- =nɔɔ 'mu -o 'bhεε- 'yansi -yren mu do 'kpɔ 'ε 'bhle zii' 'ezin-.
- 10'Duŋ- -Waanbhaa' -o -za 'wlan zan 'le. 'Yele- 'ka 'siila- 'ka 'pegee Zesu Krisi a 'kpaledomaya 'ε 'yi dɔɔ 'ka dɔ klε -yaa' 'tɔbhɔleya 'la -daŋ' 'laa -o 'bhε ma 'bhε ba. -E nu -lilε' 'ka ma, 'bhεε- 'ka sɔ -yren mu 'ε 'yikunle. 'Ke 'ka =yaan -yrenbhlele 'waati sa ba, 'yee- -Waanbhaa' 'gbu nu 'kaa- 'kpaleya 'ε 'lεsɔle 'kee- 'fuu 'pegee fanɟando 'ka ta 'egloole; 'bhεε- mεε 'kedo- 'kpɔ 'laa nu 'sɔle- 'ka baale' -titi.
- 11'Yela- a pε -le 'ke -glɔɔya' 'le -zɔn 'pegee yikpensee ta! Amiina.
- 12'D 'sεwε 'la 'kpa zii' 'ka ni -gε bhe, Silasi -le =bhwa 'ŋ ba -a dεlele 'le. 'D 'yee- Silasi kun 'bhii- 'ŋ nεnε- 'la zru -o do. 'D 'lεtrε 'fientronnε -la dε 'zi 'ka ni, 'kooko- 'ŋ zruwla 'ka 'kpee, 'bhεε- 'an pε 'ka ni kpataakpa dɔɔ 'ka blɔle bo -Waanbhaa' a -lileya 'la 'bhε -o 'ke -lileya wlan 'gbu 'ε 'le 'bhε ma.
- 13Zesu 'yi mu -lɛdo' 'la -woo Babilɔni -wa 'ε ta, 'bhεε- 'ke -Waanbhaa' -o makwan- 'mu 'ka 'pubwa-. Maki 'la -yoo 'ke 'ŋ gbe 'le 'kpaleya a pε zi 'ε ta Krisi 'yi, 'bhε 'ka 'pubwa- 'ezin-.
- 14'Ka -za 'sɔ 'eke- ni, 'bhεε- -ka 'eke- 'pubɔ- 'ke 'ka 'eke- -tuubɔ' 'bhii- nεnε- ma do mu. Bhaa yilabla bo 'ka 'kpen ta 'ka 'pegee Krisi a 'kpaledomaya 'ε 'yi!

Pieri Plɛ Mi

Pieri Plɛ Mi 1

- ¹'Mi Simɔ Pieri 'la 'ŋ 'yoo- 'ke Zesu Krisi a yewonɛ 'pegee -yaa' winbɔwo mi 'le bhe, 'mi -le 'letrɛ 'lɛɛ- dɛ 'zi. 'Mɛɛ 'la zan mu 'yee- 'kpaleya -za -glɔɔ do 'kpɔ 'la -yoo 'o mɔɔ 'kɔɔ 'bhe 'srɔɔwoa- -kɔɔa' -Waanbhaa' 'pegee -kɔɔ' 'Bhee Mi Zesu Krisi 'lɛdɔɔleya 'ɛ ma, 'mi -o 'yee- 'letrɛ 'lɛɛ- 'kpa zii' 'bhe zan mu 'kpen -la ni.
- ²Bhaa -Waanbhaa' -lileya 'pegee yilabla na 'ka ni 'bhɛɛ- -yoo pa 'ka ta 'ebebele, 'ke -ya klɛ 'bhɛɛ- 'ka 'yee- -Waanbhaa' 'pegee -kɔɔa' Mɛɛzan Zesu dɔ!
- ³-Waanbhaa' a -glɔɔya' 'ɛ ma, -e -kɔɔ' -gbaa pɛ 'oo pɛ 'la 'bhe sɔ -a klɛle- 'bhɛɛ- -kɔɔ' bo -kɔɔ' 'yrɛ ma, 'bhe 'pegee -kɔɔ' blɔɔle bo 'yee- ma, 'bhe 'kpen ba. -Ya =kla, 'bhɛɛ- mɛɛ 'la zan -kɔɔ' 'siila- dɔɔ -kɔɔ' dɔ klɛ 'bhe 'gbu a 'tɔbhɔleya 'pegee 'bhe a wlanya - gbɛnɛ 'ɛ ba -kɔɔ' 'bhe zan dɔ.
- ⁴'Bhe 'tɔbhɔleya 'pegee 'bhe wlanya 'ɛ ma, -Waanbhaa' a 'liiwli- mu 'la -za -o 'egllɔɔle, 'bhɛɛ- 'ke -woo 'egblaanle 'mu =naa -kɔɔ' ni. -E -yaa zi 'bhii- 'bhe -liiwli' mu 'ɛ 'srɔyi 'ka sɔ gole- 'drunyan 'la 'siɛle- -o 'ke bhaaplenɔ zrubɔ ma -za -yɔɔ' mu 'ɛ 'le 'mu 'lɛɛ, 'bhɛɛ- 'ka zru mu 'ɛ klɛ 'bhii- 'yee- -Waanbhaa' 'gbu zru 'ɛ gbɛɛn-.
- ^{5- 7}'Bhɛla- -zayile, -ka dɔ klɛn 'ke 'ka 'kpaleya 'ɛ 'taawogbɛya -lrele' na 'ka ni, 'bhɛɛ- 'ka 'taawogbɛya -lrele' 'ɛ 'bhe 'a klɛ 'bhɛɛ- 'ka -Waanbhaa' dɔ; 'bhɛɛ- 'kaa- -Waanbhaa' dɔle 'ɛ 'bhe 'a klɛ 'bhɛɛ- 'ka sɔ 'ka 'gbu 'yikunle -za klɛle ma. 'Ka 'gbu 'yikunle 'ɛ 'bhe zrubakpaa na 'ka ni, 'bhɛɛ- 'ka zrubakpaa 'ɛ 'bhe -Waanbhaa' -lɛɛgblaan wla 'ka zru 'ɛ 'yi. 'Bhɛɛ- -Waanbhaa' -lɛɛgblaan 'ɛ 'bhe 'a klɛ 'bhɛɛ- 'ka -za sɔ 'eke- ni 'bhii- nɛɛnɛ- ma do mu; 'bhe 'sɔlekeniya 'ɛ 'bhe -le 'soniya 'la 'bhe 'laa mɛɛ bago 'bhe na 'ka ni.
- ⁸'Ke 'bhe -za mu 'la bhe 'mu -o 'ka zru 'yi 'ebebele, 'mu nu -a klɛle 'bhɛɛ- 'ka 'laa bo bhaama; 'ka nu -kɔɔa' Mɛɛzan Zesu Krisi baandɔle 'tanjii, 'bhɛɛ- 'ka nu klɛle mɛɛ - yrebakanle mu 'le.
- ⁹Duŋ- 'bhe -za mu 'la bhe, 'ke 'mu 'laa -o mɛɛ 'la zan zru -yi, 'bhe zan -o 'bhii- -yrɛ 'wi mi do gbɛɛn-, 'bhɛɛ- yaa sɔ yrɛ ma yeɛ-. -Waanbhaa' a dɔgbɛya gwe 'la 'yaa- -za 'yɔɔ- 'yi 'bhe golawoa -a 'kɔɔ, 'bhe -za 'ɛ =nia -a 'kpee.
- ¹⁰'Bhɛla- -zayile, 'ŋ nɛɛnɛ- mu, -ka dɔ klɛn 'ke 'kaa zrɔn 'bhii- -Waanbhaa' 'ka 'siila-, 'bhɛɛ- -e 'ka makwan- wlan ma yaa pɛ 'le. 'Ke 'ka 'bhe =kla, 'bhe gbɛɛn- bhe, 'ka 'laa nu baale -za 'yɔɔ- yi -titi.
- ¹¹'Bhe klɛgbɛya 'ɛ gbɛɛn- bhe, -Waanbhaa' nu -kɔɔa' Mɛɛzan 'pegee -kɔɔ' 'Bhee mi Zesu Krisi -a -bhlenɔgbɛya -wa 'la -danɔ' 'laa -o 'bhe ma -titi, 'bhe 'liigole 'egbɛnɛle 'ka ni, 'bhɛɛ- 'ka wla 'bhe nɔɔ-.
- ¹²'Bhɛla- -zayile, yi 'oo yi, 'ŋ bo 'bhe -za mu 'la bhe 'mu -la -za dɔle ma 'ka 'kpee, 'ali- 'ke 'ka -o dɔ, 'bhɛɛ- 'ke 'ka blɔɔle -o 'ka wlan 'la 'srɔɔwoa- 'bhe ma 'egllɔɔle.

13'D 'yoo- -li 'η 'yɾe ma 'η 'flɛ 'lɛɛ- 'yi 'trɛ 'lɛɛ- ta -gɛ 'waati 'la ba, 'an =ya 'bhii- -za wlan 'le 'ke 'η bo 'bhe -za mu 'ɛ dɔle ma 'ka 'kpee, 'kooko- 'ka 'yri 'laa go 'ka 'gbu -za 'le,

14-amasɾoyi, 'bhii- -kɔɔa' Mɛɛzan Zesu Krisi 'gbu 'a -zɾɔnna 'η ni gɔnɛ- 'la gbɛɛn- bhe, 'an pɛ 'trɛ ta bole 'ɛ 'yan bhla =bhwa -wa -din.

15'Duŋ-, 'η nu dɔle 'egɔɔle 'ke 'η 'ka daan 'bhe -za mu 'ɛ 'le, 'kooko- 'an pɛ 'trɛ ta 'ɛ 'yanle- blaana, 'woo- -za mu 'ɛ dɔ 'ka 'kpee.

16'Wlan 'ɛ ni, 'o 'ka -daanna -kɔɔa' Mɛɛzan Zesu Krisi a -glɔɔya' ma nu gbɛ plɛ mi 'ɛ 'la 'le, 'waa 'ɛ bhe 'sile- bhaaplɛŋ a yikanleya ma can mu zi. 'Duŋ- 'o 'yee Zesu 'ɛ =ya kpataakpa 'o 'yɾɛbhe- mu 'le -yaa' 'tɔbhɔleya 'ɛ 'kpɛn 'yi.

17-Amasɾoyi, -a Dɛ -Waanbhaa' 'tɔbhɔle 'ɛ 'bhe 'a 'ledwa- -a ma, 'bhɛɛ- 'bhe 'a 'tɔbhwa- 'waati 'la ba, 'bhe =kla 'o mɔɔ 'gbu 'yɾe ma, 'bhɛɛ- 'bhe 'weli- 'ɛ -daa lafle' ma 'ke 'bhe 'a 'pele dɔɔ: "'D Gbe 'la -za sɔ 'η ni 'egbenele, 'yele- -gɛ; 'η 'yela- makwan- 'bhɛɛ- 'yele- 'η zrukpalaa 'egbenele."

18'O mɔɔ 'pegee 'yee- 'gbu 'yaa- 'waati 'la ba vlɛ gɔɔn 'weŋ 'ɛ 'wiŋŋ-, 'o mɔɔ 'gbu 'bhe mɛɛ -weli' 'ɛ =maa 'ke 'bhe da lafle' ma.

19'Bhe ya 'ɛ 'yi, 'wa 'yaango- 'bhii- -Waanbhaa' -lɛlajanwo mu 'ɛ 'wojan- 'ɛ 'bhe -o 'ke wlan 'le. -Ka 'ka 'trɔnkpa 'bhe =la 'elrele. -Amasɾoyi, 'ke Zesu =nwa 'tɛ -yaa' 'tɔbhɔleya 'ɛ nu -bhile' -kɔɔ' zru mu 'ɛ 'yi 'weŋ 'bhii- -lanbha do 'la 'bhi zii' yɾe do nɔɔ- -gblo 'yi, 'bhɛɛ- -e nu 'ka zru mu 'ɛ bakanle 'bhii- zɾwanzi -buŋbhaa yɾe ma kan gɔnɛ- 'la gbɛɛn- 'weŋ.

20-Kaa 'yaango- 'elwale 'pe dɔɔ: -Waanbhaa' -lɛlajanwo mu 'ɛ -jan mu 'la 'kpɛn =woa, 'mu 'laa 'mu do 'kpɔ 'wole- 'mu 'gbu 'winta-.

21'Wlan 'ɛ ni, 'woo- -Waanbhaa' -lɛlajanwole mu 'ɛ 'kedo- 'kpɔ 'laa dale -lido' bhaaplɛŋ 'gbu zru maza ba, Lii 'Weŋ 'ɛ 'bhe -le 'seŋ =naa bhaaplɛŋ mu ni, 'bhɛɛ- -o -Waanbhaa -lɛlajanwoa.

Piɛri Plɛ Mi 2

1'Elwaleta, bhla ma -Waanbhaa' -lɛla' janwo mu -yaa Izraɛli mɛɛ mu 'ɛ 'plɛŋ- gɔnɛ- 'la gbɛɛn-, 'bhe klegbeyaa do 'kpɔ 'ɛ 'yi, bhla ma mɛɛ daan mu nu -wlenle' 'ka 'plɛŋ- 'bhɛɛ- gbɛɛn- 'ezin-. -O nu -dawli' 'kpale- 'ka gbɛ ta, 'bhɛɛ- -o nu wlale 'ka 'plɛŋ- 'ke bhla ma mɛɛ daangbeyaa mu 'le, 'bhɛɛ- -o 'ka 'siɛ-. Zesu 'la 'bhe -o Mɛɛzan 'le 'bhɛɛ- 'ke 'bhe -o tagbawoa, -o nu -o -baŋgolɛ 'bhe 'yi. 'Bhe 'yi bhe, -o 'gbu 'siɛ -yɾɛn nu baale -o 'gbu ta blaale-, 'bhɛɛ- 'bhe -o siɛ.

2'Mɛɛ -bebe nu dɔle -o zi, 'bhɛɛ- 'mu nu -waa' -yanbhɔɔya maza mu 'ɛ 'yansi klele. -O kleza -yɔɔ' mu 'ɛ ma, mɛɛ mu nu -Waanbhaa' a wlan ma zi 'ɛ 'tɔ 'siɛle-.

3-Gɔli 'flɛnya- 'ɛ ma, 'woo- bhla ma mɛɛ daan mu 'ɛ -o nu 'ka 'yinile 'ke bhla ma jan mu 'le, 'bhɛɛ- -o 'ka tabhle. 'Duŋ-, 'kiti 'la 'bhe -o -lɛɛ, -zɔn 'laa 'bhe 'kan yi 'ɛ dɔle, 'bhɛɛ- -o 'siɛ -yɾɛn 'ɛ 'bhe nu 'klale- -o ba blaale-.

- ⁴Wlan 'e ni, -mleke' mu 'la -za 'yoo- =kla 'elwaleta -so, -Waanbhaa' laa 'tole- 'mu ma, -yoo -yrela 'ke kpele- mu 'le, 'bhæ- -yoo -blinna -gluu 'trole- -gbene 'e 'yi -gblø 'e yi. -O 'kpale- -o 'bhæ- -yre 'e =noo ye 'ke -o 'kitikan yi 'e magben.
- ⁵Bhæ- 'elwaleta -so, mæe 'la zan mu -za 'yoo- -kla Noe a pe 'waati 'e ba, -Waanbhaa' laa 'tole- 'mu ma 'ezin-. -E la gblø -gbene 'e -baan, 'bhæ- -yi 'e -kpa 'drunyan 'e 'pegee -a -yi mæe -yoo' mu 'e 'kpen ta. Noe 'la 'bhe 'yaa- zi -ledøle 'e ba janwo 'zi mæe mu 'e ni, -Waanbhaa' 'bhe do -kplæn 'pegee 'bhæ- a 'fa -la mu 'srwaple- -la -gwa -za 'yi.
- ⁶Bhe trala 'ezin-, -Waanbhaa' a 'kiti 'e -balaa' Sodomu 'pegee Gomoo -wa mu 'e ta, 'bhæ- -yoo 'kpaciela 'feŋfeŋ 'ke 'te 'le. 'Bhe -za 'e =kla -za 'la 'yaa- nu 'tenle- mæe 'la zan mu laa gblaan -Waanbhaa' -læe 'mu ma 'bhe ma -toomasie 'le.
- ⁷Duŋ- -Waanbhaa' mæe -ledøle Loti -gwa -za 'yi 'yee- -wa mu 'e 'sie 'waati 'e ba. -A yaayoon' mu a -yanbhooya ma 'taawogbeya -yoo 'e, 'bhe 'pegee 'mu a -Waanbhaa' -læegblaankleya 'e, 'mu 'a 'trebhwa= 'eyoole.
- ⁸Wlan 'e ni, 'yee- mæe -ledøle Loti yaale 'la -yaa -o ba, -e -yaa -o kleza -yoo mu 'la ye, 'bhe 'pegee -e -yaa -o wojan mu 'la ma yi 'oo yi, 'bhe 'yaa- -yrenkpa' zii' -a nii- 'e ta.
- ⁹Wa 'yaango- 'bhe -za mu 'la bhe 'mu ma doo 'ke mæe 'la zan mu gblaan -Waanbhaa' -læe, Mæezan so -o gole- -o zrubaglin -za -gloo 'e 'yi, 'bhe 'pegee 'yee -Waanbhaa' mæe 'yoo- mu 'e kpa 'edanma -o 'krowo- zayi' -yaa' 'kitikan yi 'e 'bhæ- 'le.
- ¹⁰Mæe 'la zan mu dole -o -o 'gbu 'fle zrubho maza -yoo' mu 'e zi, 'bhæ- 'ke -o -Waanbhaa' a gblaanya 'e mavæe, -e nu 'bhe zan mu -la 'krowole 'eyoole. 'D bhla ma mæe daan mu 'la -waa' -janwoa 'ka ni 'elwale bhe, -woo 'gbu magbaande, 'bhæ- -o 'gbu 'kpee ma -o so -za 'kpensee klele-. 'Bhæ- lafle' 'yi mæe 'tobhole mu 'la 'kpaale- -o bhaapleŋ mu wiin-, waa gblaan 'mu -zwanwole ma.
- ¹¹'Ali- -mleke' mu 'la 'mu fangan- 'pegee 'mu -gloo 'yiya- 'woo- bhla ma mæe daan mu 'e ni, 'mu laa 'bhe laanima mæe 'tobhole mu 'e 'kitikan, 'bhæ- waa 'mu -zwanwo' Mæezan -Waanbhaa' -yre =la.
- ¹²Duŋ-, 'woo- bhla ma mæe daan mu 'la bhe, -woo -zadøkle mu 'le 'bhii- wi mu 'la -o 'mu =kla 'mu 'kunza- 'pegee 'mu deza zayi'. Waa pe 'la do, -o 'bhæ- -zwanwo; 'bhæ- -o kleza -yoo' 'kwe 'e nu baale -o 'gbu ta, 'bhæ- -o ga.
- ¹³-O 'gbu nu -o kleza -yoo' mu 'e ma -sra 'srøowole. -O 'gbu zrubho maza -yoo' mu 'e 'mu -la klele so -o ni mækpen' 'yre ma -yrekpaa' kpataakpa. 'Ke 'ka 'pegee 'woo- mu -o pebhle 'zi 'eke- ta, -o -yralado mæe ma -waa' 'triŋdo- maza mu 'e 'le. 'Bhe 'yi, -o zrukpaale kle -waa' mæe -yini' maza mu 'e 'yi.
- ¹⁴-Yanbhooya klele 'te -la dole -o -yre ta, 'bhæ- -o 'tre 'laa bho -za 'yoo- klele ma. Fangan- 'laa -o mæe 'la zan mu ta -Waanbhaa' a pe zi 'e ta, -o -dawli' kpa 'mu gbæ ta, 'bhæ- -o 'mu 'yini-. -Goli' 'flen -o zru ba, 'bhæ- -Waanbhaa' a 'dangan -o ma.
- ¹⁵-O zi -ledøle 'e bhe =twa -a noo-, 'bhæ- -woo 'gbu 'yinia=. -O Bosoo gbe Balaamu a pe 'taawogbeya -yoo' 'e 'bhæ- =sia. Wlan 'e ni, 'yee- Balaamu 'laa dole -a -la 'kee-

'taawo- -Waanbhaa' -weli' ta, 'bhεε- -e -dwa -a =la 'ke -ya 'gbu bɔ -za 'yɔɔ- klele 'yi -gɔli' 'flen ma.

¹⁶'Duŋ-, -Waanbhaa' -jan sa -kpan 'kpalaa -a -lii 'bhe 'weli- 'kafawoza 'ε 'yi. Wlan 'ε ni, -soofali 'la 'bhe 'laa sɔ -janwole, 'bhe -janwoa -a ni 'bhii- bhaapleŋ do gbεen-. 'Bhe 'yi, 'bhe 'a =kla 'bhεε- 'yee- -Waanbhaa' -lɛlajanwo mi 'ε -ploola -yaa' klooya maza 'ε ma.

¹⁷'Woo- bhla ma mεε daan mu 'ε, -woo 'bhii- 'tɔ ŋgblo mu 'la 'yi -yi 'ε 'bheela-. 'Bhεε- -woo 'ezin- 'bhii- la -gblo mu 'la 'ke -ploo 'ε -yoo blin la banle -lεε 'mu gbεen-. -Waanbhaa' 'woo- mεε mu 'ε 'lɛtwa= yrε 'la 'bhe -o -gblo 'tilale -gbεnε 'ε 'yi 'bhεε- ba.

¹⁸-Jan -gbεnε -gbεnε 'pegee 'waso ma jan mu -le da -o -lii. Mεε 'la zan mu -gwa -za 'yɔɔ- kle mu 'ε 'pleŋ- 'edrεε drεεle, 'bhεε- 'ke 'mu dɔle- -o Zesu zi, -o 'mu 'lεkan- -o 'gbu 'fle zrubhɔ maza -yɔɔ' mu 'ε 'le, 'bhe 'pegee -waa' -yanbhɔɔya maza mu 'ε 'le.

¹⁹-Woo -liiwli' na 'mu ni dɔɔ 'mu nu bole 'mu 'gbu ma, 'bhεε- 'duŋ-, 'woo- mu 'gbu -o -o 'gbu zrubhɔ maza -yɔɔ' mu 'ε 'mu -laa' lu mu 'le. -Amasrɔyi 'ke mεε 'la zan 'sεŋgwa- 'e 'le, 'e kle 'bhe zan a lu -la -le.

²⁰Wlan 'gbu 'ε ni, mεε 'la zan mu -o 'niigwa- 'drunyan 'lεε- 'yi mεε 'triŋdɔ- maza pε mu 'ε 'yi, -o -kɔɔa' Mεεzan 'pegee -kɔɔ' 'Bhee Mi Zesu Krisi dɔlawoa bhe -zayi'; 'bhεε- 'ke -wa 'twa- 'ke 'bhe pε mu 'ε blɔɔ gbε drεεwo -o nii- ta, 'bhe zan mu 'ε -si 'ε kle 'eyɔɔle 'kee- kan -a -lwa 'ε ta.

²¹'Ke 'bhe zan mu laa -lɛdɔɔleya ma zi 'ε dɔle bi, 'bhe mabhaa -yaa nu bhɔle -o 'gbu ma 'ke -o 'yee- zi 'ε dɔ 'bhεε- -woo -banjo' -woo -daanna -Waanbhaa' 'toŋ 'weŋ mu 'la 'le 'mu 'yi.

²²'Woo- mεε mu 'la bhe -o -gɔɔn plε 'lεε- 'mu 'yi jan 'ε 'lεsɔ-: "-Gbaan' 'ε -ya -piila pε 'la 'le, -e -niinaa' 'bhεε- 'bhlele- ta." 'Bhεε-: "-O -yaan =swa 'la 'felele, -e -ja -a -glɔɔ gbε drεεwolε -pεε 'ε ba 'ezin-." 'Woo- -gɔɔn plε 'la bhe -o -yi -le 'ke 'woo- mεε mu 'la bhe -o kleza 'ε 'bhεε- 'le.

Pieri Plε Mi 3

¹'D 'yienii mu, 'an 'sεwε dε gbε plε mi -le 'ka ni 'kεlεε- 'le. 'Woo- 'sεwε plε 'ε 'kpen 'yi, 'ŋ 'ka -daanna -za mu 'la 'le 'ŋ =bwa 'mu dɔle ma 'ka 'kpee, 'ka 'liaza- -zayi', 'kooko- 'ka 'kpeejan- mu 'ε 'lɛdɔɔle kle.

²'D 'yoo- -a zi 'bhii- -Waanbhaa' -lɛla' janwo mu 'weŋ mu 'ε -o -jan mu 'la =woa 'ka ni 'elwaleta -sɔ, 'bhe -jan mu 'ε dɔ 'ka 'kpee. 'Bhεε- 'Toŋ 'la -kɔɔa' Mεεzan 'pegee -kɔɔ' -Bhee mi Krisi 'bhe =naa -yaa winbɔwo mu 'ε ni 'ka daanpε 'le, 'ŋ 'yoo- -a zi 'bhii- 'ŋ 'bhe 'Toŋ 'ε -zadɔ' 'ka 'kpee 'ezin-.

³-Kaa 'yaango- 'elwale 'pe 'bhii- 'ke 'drunyan 'yan bhla 'ε =bhwa -wa -din, mεε 'ke mu nu 'pwεle- -a -yi, 'bhεε- -o nu mεε 'la zan mu 'kpalε- -o Zesu 'yi 'mu malrɔgole. -O nu 'taawolε -o 'gbu zrubhɔ maza mu 'te mu -la zi.

- 4'Bhɛɛ- -o nu -a peɛ 'ka ni dɔɔ: "Zesu pe -e nu nu gbɛ drɛɛwolɛ, 'bhɛɛ- -a 'gbu -o 'naa-ɛɛ? 'Bhɛɛ- 'o -gbɔɔ mu 'a 'nule- 'ɛ magbian- 'fruu, 'bhɛɛ- 'mu -gaa; -a 'san 'drunyan klele ma, pɛ 'kpen -o 'bhɛ bogbɛya 'ɛ 'bhɛɛ- 'yi, 'bhɛɛ- -za 'kɛdo- 'kpɔ ma laa bɔɔɛ -li!"
- 5-Wa pe 'zi 'bhɛ 'pegbɛya 'ɛ gbɛɛn- bhe, -amasɔyi waa -o -a zi 'bhii- -o -za 'lɛɛ- 'bhɛɛ- dɔ: 'Elwaleta -sɔ, -Waanbhaa' lafle' 'pegee 'trɛ =kla -a -liijan' 'le. -E 'trɛ 'plɛngwa- -yi mu 'ɛ ma; 'bhɛɛ- -e 'trɛ 'ɛ 'lɛkpa- 'eke- ta -yi mu 'ɛ plɛɛ-.
- 6'Bhɛ klegbɛya dɔ 'ɛ 'yi, -Waanbhaa' 'elwaleta 'drunyan 'ɛ 'siɛla- 'ke la gbɔɔ -gbɛɛ dɔ - la -le.
- 7'Duɲ-, -Waanbhaa' lafle' 'pegee 'trɛ 'ɛ =kpa- 'edaɲma -yaa' -jan dɔ 'kpɔ 'ɛ 'le -o 'kpacie zayi' 'tɛ 'le. -O 'kpacie yi 'ɛ nu kleɛ mɛɛ -yɔɔ' mu 'ɛ 'kitikanɛ yi 'ɛ 'pegee -o 'siɛ yi 'ɛ 'bhɛɛ- 'le.
- 8'Bhɛ 'kpen 'yi bhe, 'ɲ 'yienii mu, -za 'lɛɛ- 'bhɛ -za 'laa goɛ 'ka 'kpee -titi: Mɛɛzan -Waanbhaa' -yɛ 'yi, -yɛkpa- dɔ -o 'bhii- -yɛkpa- 'waa dɔ; 'bhɛɛ- -yɛkpa- 'waa dɔ - o 'bhii- -yɛkpa- dɔ.
- 9'Mɛɛ 'ke mu -o -a pe 'zi dɔɔ Mɛɛzan -o -a gbɛtadɔ 'zi -a -liiwli' 'ɛ 'lɛsɔɛ ma. Wlan laa 'bhɛ 'le! 'Yee- Mɛɛzan -Waanbhaa' -o -a zrubakpa- zii' 'ka zi, 'bhɛɛ- -ya zi 'bhii- 'ka 'kpen go -za 'yi, 'bhɛɛ- 'ka 'kɛdo- 'kpɔ 'laa klɛ 'ke 'siɛ pɛ 'le. Wlan 'ɛ ni, -ya zi 'bhii- mɔkpen' 'plo- 'mu kleza -yɔɔ' mu 'ɛ ma, 'bhɛɛ- -woo zru niinaa' 'yee- 'gbu ba.
- 10'Bhɛɛ- 'duɲ-, Mɛɛzan Zesu 'nu yi 'ɛ nu 'klalɛ- -kɔɔ' ba 'bhii- -faannii' kla mɛɛ ba gɔnɛ- 'la gbɛɛn-. 'Bhɛ yi 'ɛ 'le, lafle' nu 'kanɛ- 'ke mɛɛ -gblaan pɛ -weli' -gbɛɛ dɔ 'le; 'tɛ nu bɔɛ laanima pɛ mu 'ɛ 'kpen 'yi 'bhɛɛ- -o yie, 'trɛ 'pegee -a ta pɛ mu 'ɛ 'kpen nu 'kpaciele.
- 11'Ke pɛ 'kpen nu 'siɛɛ- 'bhɛ klegbɛya 'ɛ gbɛɛn- bhe, -ka dɔ klɛn 'ke 'ka 'taawogbɛya klɛ 'weɲ -Waanbhaa' -yɛ 'yi, 'bhɛɛ- 'ke 'ka blɔɔɛ bo 'egɔɔɛ -a ma.
- 12-Kaa nu yi 'ɛ magben, 'bhɛɛ- 'ke 'ka sɔ -za 'la klele- -ka 'bhɛ klɛ, 'bhɛɛ- 'kaa 'nu yi 'ɛ 'lasi-. 'Bhɛ yi 'ɛ 'le, 'tɛ nu bɔɛ lafle' 'pegee -a -yi pɛ mu 'ɛ 'kpen 'yi, 'bhɛɛ- -o nu -yielɛ'.
- 13'Duɲ- -Waanbhaa' 'a 'liiwli- -naa -kɔɔ' ni dɔɔ -e nu lafle' drɛɛ 'pegee 'trɛ drɛɛ nale - kɔɔ' ni. -Lɛdɔɔɛya maza 'tɛ -le nu kleɛ 'bhɛ yɛ drɛɛ 'ɛ =nɔɔ. 'O mɔɔ -o 'bhɛɛ- magben 'zi 'tɛ.
- 14'Bhɛla- -zayile, 'ɲ 'yienii mu, 'ka -o 'bhɛ yi 'ɛ malagben 'zi bhe, -ka dɔ klɛn 'ke -Waanbhaa 'ka ye 'ka 'kpee 'flele- 'le, 'ke waa 'joo 'yɔɔ- 'kɛdo- 'kpɔ ye 'ka zi; 'bhɛɛ- 'ke yilabla klɛ 'ka 'pegee -Waanbhaa' plɛɛ-.
- 15-Kaa 'yaango- 'bhii- -kɔɔa' Mɛɛzan -o -a zrubakpa- zii' -kɔɔ' zi, 'kooko- -kɔɔ' go -za 'yi; 'bhii- -kɔɔ' nɛɛnɛ- Pɔlu 'la -za sɔ -kɔɔ' ni 'bhɛ 'sɛwɛ =kpa- 'ka ni gɔnɛ- 'la gbɛɛn- bhe 'ezin-, -Waanbhaa' -zadɔɛya 'la -naa -a ni, 'bhɛ 'le.
- 16-E -janwoa 'bhɛɛ- gbɛɛn- -yaa' 'letrɛ mu 'ɛ 'kpen 'yi 'yee- -za 'ɛ ba zayi'. -Yaa' 'letrɛ mu 'ɛ 'yi yɛ 'ke mu -yimale la. 'Bhɛla- -yile, -zadɔkle mɛɛ mu 'la 'ke waa dɔɛ -li

'eglɔɔle -o 'kpaleya 'e 'yi, -o 'bhe yɾe mu 'e =nɔɔ jan mu 'e mabɔɔla. -Wa klɛlawo zii' 'bhe gbɛɛn-, -woo 'gbu 'siɛyɾe- -la -glin 'zi bhe.

17'Duŋ- 'ka mu 'ŋ 'yienii mu, 'mi 'ka 'kpeelekaan -zɔn. 'Ka 'yri bo 'ka 'gbu -za 'le, 'bhɛɛ- 'ka 'laa 'tolɛ- 'ke mɛɛ -yɔɔ' mu 'e -waa' 'yinileya 'e 'ten 'ka ma, 'bhɛɛ- 'bhe 'ka go 'ka dulayɾe -lɾele' 'e =nɔɔ.

18'Duŋ-, -ka dɔ klɛn 'ke 'ka -kɔɔa' Mɛɛzan 'pegee -kɔɔ' 'Bhee Mi Zesu Krisi a -lileya 'e baandɔ yi 'oo yi, 'bhɛɛ- -a dɔleya 'e 'ka 'kɔɔ 'bhe baan' kla 'bhe ba. Bhaa 'tɔbhɔleya bo - a ni -zɔn 'pegee yikpɛnsee ta! Amiina.

Zaan =Lwa Mi

Zaan =Lwa Mi 1

- ¹'Kee- san 'drunyan zisan' bhla 'ε ma, -Jan 'Nrāle- 'la bole -yre ma -si na mēē ni 'bhe 'yaa- ye. 'Bhēē- 'duŋ- 'o 'bhe -Jan 'ε =maa, 'bhe 'pegee- 'wa =ya 'o 'yrebhe- mu 'le, 'woo 'yrekpa -a ta kplankplan, 'bhēē- 'o =kwan -a ma 'o gbē mu 'le.
- ²Mēē 'la zan -yaa bole -yre ma -si na mēē ni 'bhe 'pwela- -a -yi. 'Yele- -yaa bole -yre ma -si 'la -daŋ' 'laa -o 'bhe ma 'bhe -le, 'bhēē- 'yele- -yaa 'o Dε -din 'waati 'ε 'kpen ba, 'bhēē- -e -pwela -a -yi 'o ni. 'Bhēla- -zayile 'woo- -a 'sreya- klē 'zi 'ka ni.
- ³'O mōō pē 'la =ya, 'bhēē- 'ke 'wa =maa, 'o mōō 'bhe -la 'wo 'zi 'ka ni 'ezin-; 'kooko- 'o 'pegee 'ka mu klē 'kpaledomaya 'yi. 'Bhēē- -kōō' 'pegee -kōō' Dε, 'bhēē- -a Gbe Zesu Krisi klē 'kpaledomaya 'yi.
- ⁴'Bhe 'yi, 'o 'bhe -za mu 'ε 'sēwede 'zi 'ka ni, 'kooko- -kōōa' zrukpaaleya 'ε -lēpa'.
- ⁵'O -jan 'la =maa Zesu Krisi 'lii, 'bhēē- 'ke 'woo- 'bhe 'wo zii' 'ka ni, 'bhe -le -gε: -Waanbhaa' -o 'ke 'tēbhile 'le, 'bhēē- -gblo do 'kpō 'laa -o -a -yi.
- ⁶'Ke -kōō' 'a =pia dōō -kōō' 'pegee 'yee- -Waanbhaa' -o 'kpaledomaya 'yi, 'bhēē- 'ke -kōō' -o -gblo 'yi za mu klē 'zi, 'bhe bhla 'ε ba -kōō' -o 'ke bhlanii- mu 'le, 'bhēē- -kōō' 'laa -o 'taawo zii' wlan ta.
- ⁷'Duŋ-, 'ke -kōō' -o 'taawo zii' 'tēbhile ba 'bhii- 'yee- -Waanbhaa' 'gbu -o 'ke 'tēbhile 'le gōne- 'la gbēēn-, -kōō' 'kpen -o 'kpaledomaya 'yi -kōō' 'pegee -kōō' 'yōōn mu 'ε 'le; 'bhēē- 'bhe klēgbeya 'ε 'yi, -a Gbe Zesu yiēn 'ε 'bhe -kōōa' -za 'yōō- mu 'ε 'kpen go, 'bhēē- 'bhe -kōō' klē 'weŋ.
- ⁸'Ke -kōō' 'a =pia dōō -za 'yōō- laa -o -kōō' 'yi, -kōō' -o -kōō' 'gbu 'yini zii' 'bhēē- gbēēn- bhe, 'bhēē- wlan 'laa -o -kōō' 'yi.
- ⁹'Ke -kōō' -kōōa' -za 'yōō- mu 'ε -dwa -Waanbhaa' -yre =la, 'bhēē- 'ke -kōō' -o =pia -a ni kpataakpa, -e nu -kōōa' -za 'yōō- mu 'ε ma -sroma 'yanlē-, 'bhe 'pegee -e nu -kōō' klēza 'yōō- mu 'ε 'kpen gōlē -kōō' 'yi, 'bhēē- -e -kōō' klē 'weŋ. -Amasrōyi, -Waanbhaa' -liiŋan' -o do, 'bhēē- -a -lēdōōle -o.
- ¹⁰'Duŋ-, 'ke -kōō' 'a =pia dōō -kōō' 'laa -za 'yōō- klēlē, 'bhe 'yi, -kōō' -Waanbhaa' klē 'ke bhlanii- 'le; 'bhēē- yaa -jan 'ε 'kēla =woa -kōō' 'laa dōlē 'bhe =la.

Zaan =Lwa Mi 2

- ¹'D 'nē mu, 'ŋ 'yōō- -jan mu 'lēē- 'sēwede 'zi 'ka ni, 'kooko- 'ka 'laa -za 'yōō- klē. 'Duŋ-, 'ke mēē 'la zan -za 'yōō- =kla, -kōōa' mēē do -o -kōō' Dε -Waanbhaa' -din 'bhe -le -kōō' tagwledan mi 'le, 'bhe -le 'ke Zesu Krisi 'le, mēē -lēdōōle -le 'kēle-.
- ²'Yele- 'a 'gbu =kla -kōō' ma 'sraka 'le -kōōa' -za 'yōō- mu 'ε -zayi, 'kooko- -Waanbhaa' -kōōa' -za 'yōō- mu 'ε ma -sroma yan. 'Duŋ- yaa klēlē 'sraka 'le -kōō' mu do -kplēn 'kpō a -za 'yōō- mu -sroma 'yan zayi, -e =kla 'sraka 'le 'drunyan 'yi mu 'ε 'kpen a -za 'yōō- mu ma -sroma 'yanza- -la -le.

- 3'Ke -koo' -Waanbhaa' a -jan mu 'e 'klosikun, -koo' 'a 'yaango- bhεε- ma 'bhii- -koo 'a dō.
- 4'Ke mεε 'la zan 'a =pia dō: "'Mi 'a dō", 'Bhεε- 'ke 'bhe zan laa -yaa' -jan mu 'e 'klosikun, 'bhe zan -o 'ke bhlanii- 'le, 'bhεε- wlan laa -o 'bhe zan 'e 'yi.
- 5'Duη-, 'ke mεε 'la zan -yaa' -jan 'e 'klosikun, 'bhe zan 'a zrōn 'bhe ma kpataakpa 'bhii- -Waanbhaa' 'sōniya 'e 'lepale -o 'bhe zru 'e 'yi. -Koo' 'a 'yaango- 'kela ma 'bhii- -koo' mu 'pegee -Waanbhaa' -o 'kpaledomaya 'yi, 'bhe -le -gε:
- 6'Ke mεε 'la zan 'a =pia dō -o 'pegee -Waanbhaa' -o 'kpaledomaya 'yi, 'bhe zan 'taawogbeya 'e kle 'bhii- Zesu 'taawoa= gōnε- 'la gbεen-.
- 7'D 'yienii mu, 'naa -o 'toη drεε 'kpa zii' 'ka ni. 'D 'toη gwe 'la =pia 'ka ni 'elwale gban -sō 'bhεε- 'ke 'ka -dwa 'bhe -la bhe 'yee- -Jan 'Nrāle- 'lεε- 'wole- zisan' bhla 'ε zi, 'bhe -le 'kele-. 'Yee- 'toη gwe 'e 'yele- 'ke 'ka -jan 'la =maa 'bhe 'le.
- 8'Bhεε- 'duη-, 'η sō -a pele- dō 'η 'yoo- 'toη drεε -la 'sēwede 'zi 'ka ni 'ezin-; -wa drεeya 'e ye Zesu 'yi, 'bhεε- -wa ye 'ka mu 'yi 'ezin-. -Amasrōyi, -gblo mu 'ε -woo 'kan zii', 'bhεε- 'tēbhile -zeze 'gbu 'e 'bhe 'bhile- -saan gban.
- 9'Ke mεε 'la zan 'a =pia dō 'bhe -o 'taawo zii' 'tēbhile 'ε ba, 'bhεε- 'ke -a nεεnε- -za 'laa sō -a ni, 'bhe zan 'ε 'bhe -o -li -gblo -gbene -la -yi.
- 10'Ke mεε 'la zan nεεnε- -za sō -a ni, 'bhe zan 'ε 'bhe -o 'tēbhile 'ε ba. 'Bhe 'yi, -za 'yōō- do 'kpō 'laa -o -a -yi 'ke 'bhe sō klele- 'ke mεε -bhεeke' baa- pε 'le -za 'yōō- 'yi.
- 11'Duη-, 'ke mεε 'la zan nεεnε- vensi -a yin 'lii, 'bhe zan 'ε 'bhe -o -gblo 'yi. -Yoo 'taawo zii' -gblo 'yi; 'bhεε- yaa -a geyre dō, -amasrōyi -gblo -kpaa -a -yre ta.
- 12'D 'nε mu, 'η 'yoo- -jan 'lεε- 'bhεε- 'sēwede 'zi 'ka ni, -amasrōyi -Waanbhaa' 'kaa- -za 'yōō- mu 'ε ma -sroma -yaan Krisi 'tō 'ε -zayi'.
- 13-Nε dε mu, 'η 'yoo- -jan 'lεε- 'bhεε- 'sēwede 'zi 'ka ni, -amasrōyi Krisi 'la -ya -yre ma 'kee- san 'drunyan zisan' bhla 'ε ma, 'ka 'bhe dō. -Zwan mu 'pegee -gblo mu, 'η 'yoo- -jan 'lεε- 'bhεε- 'sēwede 'zi 'ka ni, -amasrōyi 'ka 'sēngwa- 'ke -Setran' 'le. 'D 'nε mu, 'η -jan 'lεε- 'bhεε- 'sēwede 'zi 'ka ni, -amasrōyi 'ka -koo' Dε -Waanbhaa' -dwa.
- 14-Nε dε mu, 'η -jan 'lεε- 'bhεε- 'sēwede 'zi 'ka ni, -amasrōyi mεε 'la zan -o -a -yre ma 'kee- san 'drunyan zisan' bhla 'ε ma, 'ka 'bhe zan 'ε dō. -Zwan mu 'pegee -gblo mu, 'η -jan 'lεε- 'bhεε- 'sēwede 'zi 'ka ni, -amasrōyi 'ka -o 'eglwōle 'bhεε- -Waanbhaa' a -jan 'ε -yoo 'ka 'kpee, 'bhεε- 'ka 'sēngwa- 'ke -Setran' 'le.
- 15'Drunyan -za 'laa 'sōle- 'ka ni, 'bhεε- -a -yi pε 'kedo- 'kpō -za 'laa 'sōle- 'ka ni 'ezin-. 'Ke 'drunyan -za sō mεε 'la zan ni, -koo' Dε -Waanbhaa' a 'sōniya 'ε yaa -o 'bhe zan zru 'ε 'yi.
- 16-Amasrōyi, -za 'yōō- kle -lrō 'la dō mεε 'fle 'ε ma oo, mεε -yre 'bhōpe- mu oo, 'bhe 'pegee 'ke mεε 'e 'gbu magbaande -a 'kōōpe- -zayi', 'bhe -za mu 'la bhe, 'mu 'kpen -o 'ke 'drunyan 'yi pε mu 'le. -O do 'kpō 'laa da -koo' Dε -Waanbhaa' ba, 'duη- -o da 'drunyan -la -yi.

- 17'Drunyan -o 'ke 'kanpe- 'le, 'bhe 'pegee -a -yi mɛɛ -yre 'bhɔpe- mu 'e 'kpen. 'Duŋ- 'ke mɛɛ 'la zan -Waanbhaa' zru maza kle, 'bhe zan bo 'bhe 'yre ma, 'bhɛɛ- -daŋ' 'laa kle -yaa' bole -yre ma -si 'e ma.
- 18'D 'nɛ mu, 'drunyan 'yan bhla 'e =bhwa -wa -din! 'Kaa =maa dɔɔ Krisi 'Sɔɔnnii 'e -yoo zan nule; 'bhɛɛ- 'duŋ-, Krisi 'sɔɔnnii -bebe mu -nwa gban -zɔn, 'wa 'yaango- 'bhɛɛ- ma 'bhii- 'drunyan 'yan yi 'e =bhwa -wa -din.
- 19'Woo- Krisi 'sɔɔnnii mu 'la bhe, -o -daa -kɔɔ' 'pleŋ, 'duŋ- waa -yaa -kɔɔ' a pɛ mɛɛ -zeze mu 'gbu 'le. -Amasɔyi, 'ke -o 'kpa bi -kɔɔ' a pɛ mɛɛ mu 'le, -o -yaa nu bole -kɔɔ' ba. -O golawoa -kɔɔ' ba, -wa ye 'bhɛɛ- ma kpataakpa 'bhii- -o do 'kpɔ 'laa -yaa -kɔɔ' 'a pɛ mɛɛ mu 'le.
- 20'Bhɛɛ- 'duŋ-, 'ka mu laa -o 'bhii- 'woo- mu gbɛɛn-. 'Ka mu Lii 'Wɛŋ 'e 'srɔɔwoa- Krisi 'la -yoo 'wɛŋ 'bhe 'kɔɔ. 'Bhɛɛ- -zayaangoleya -o 'ka 'kpen 'kɔɔ.
- 21'D 'letre 'lɛɛ- =kpa 'ka ni, yaa klele 'ka ni 'bhii- 'ka 'laa wlan 'e dɔ; 'duŋ- 'ka wlan 'e dɔ, 'bhɛɛ- 'kaa 'yaango- 'bhii- bhla do 'kpɔ 'laa da wlan 'e ba.
- 22'Bhe 'yi, 'ke mɛɛ 'la zan 'a =pia dɔɔ Zesu 'laa -o 'ke Mɛɛ -Bhee mi -kpɔsɔɔ Krisi 'le, bhlanii- -kaan 'bhe zan 'e ta ɛɛ? 'Bhe zan -le 'ke bhlanii- 'e 'le, 'bhɛɛ- 'bhe -le 'ke Krisi -Sɔɔnnii' 'e 'le. -Amasɔyi, -ya -bangwa -Nɛ Dɛ 'e 'pegee -a Gbe 'e 'yi.
- 23'Wlan 'e ni, 'ke mɛɛ 'la zan 'e -bangwa -Nɛ 'e 'yi, 'bhe zan 'e 'bhe 'e -bangwa -a Dɛ 'yi 'ezin- 'bhɛɛ- gbɛɛn- bhe. 'Bhɛɛ- 'ke mɛɛ 'la zan -Nɛ 'e dɔ, -a Dɛ -o 'ezin- 'bhe zan 'e ba.
- 24'Bhɛla- -yile, 'ka -jan 'la =maa 'kee- san -Jan 'Nrɛle- 'e 'wole zisan bhla 'e ma, 'bhe -jan 'e bo 'ka 'kpee. 'Ka -jan 'la =maa 'kee- san -Jan 'Nrɛle- 'e 'wole- zisan' bhla 'e ma, 'ke 'bhe =bwa 'ka 'kpee, 'ka mu 'pegee -Nɛ 'bhɛɛ- -a Dɛ 'ka 'kpale- bo do ma.
- 25'Bhɛɛ- Krisi 'a 'liiwli- -naa -za 'la 'naza- ta -kɔɔ' ni 'bhe -le 'ke -Waanbhaa' ba bole -yre ma -si 'la -daŋ' 'laa -o 'bhe ma 'bhɛɛ- 'le.
- 26'Mɛɛ 'la zan mu -o 'ka 'niyre- -glin 'zi, 'ŋ 'yoo- 'sɛwɛɛ 'zi 'ka ni 'wola- ba zayi'; 'kooko- 'ka 'ka 'yɛkpa 'ka 'gbu ba 'elrele -o ma.
- 27'Ka mu 'gbu, Krisi Lii 'Wɛŋ 'e =naa 'ka ni. -A Lii 'Wɛŋ 'e bole -o 'ka 'yi bhe, 'bhɛla- -yile 'ka maza laa -o mɛɛ -bhɛɛke' do ma 'ke 'bhe 'ka daan. Wlan 'gbu 'e ni, Lii 'Wɛŋ 'e -yoo 'ka daanlawo zii' -za 'kpen 'la 'le bhe 'mu 'kpen -o 'ke wlan 'le, 'bhɛɛ- bhla laa -o 'mu ba. 'Bhɛla- -yile, -e 'ka daan 'zi -za mu 'la 'le bhe, -kaa -o -klɔsikun, 'bhɛɛ- 'ka 'pegee Krisi 'kpale- bo do ma.
- 28'Bhe 'yi -zɔn, 'ŋ 'nɛ mu, 'ka mu 'pegee Krisi 'kpale- bo do ma; 'kooko- 'kee- -pwela -a -yi yi 'la 'le, -e bhɔ -kɔɔ' ta 'ke -kɔɔ' 'kpale- -o -a -yi. 'Bhɛɛ- -yrala' laa dɔ -kɔɔ' ma -a nu 'yi 'e 'le, 'ke -kɔɔ' 'pleŋgole kle -a ma.
- 29'Ke 'kaa 'yaango- 'bhii- Krisi 'lɛdɔɔle -o, -kaa 'yaango- 'ezin- 'bhii- 'ke mɛɛ 'oo mɛɛ 'la zan 'taawogbeya -lɛdɔɔle -o 'bhe zan -o 'ke -Waanbhaa' -nɛ 'le.

Zaan =Lwa Mi 3

- ¹'D nɛɛɛ- mu, -kɔɔ' -za =swa -kɔɔ' Dɛ -Waanbhaa' ni gɔɛ- 'la gbɛɛn-, -ka 'bɛ -glin doo! -Kɔɔ' -za 'la =swa -a ni bɛ, 'bhɛla- -yile -e -kɔɔ' 'siila- -a -nɛ mu. Wlan -le 'bɛ 'le 'bhɛ- -kɔɔ' -o 'bhɛ- 'gbu 'le. -Ayile 'drunyan 'yi mu 'ɛ waa -kɔɔ' dɔ; -amasrɔyi waa -kɔɔ' Dɛ -Waanbhaa' dɔɛ.
- ²'D 'yienii mu, -kɔɔ' -o -zɔn -Waanbhaa' a -nɛ mu 'le. -Kɔɔ' ma nu bɔɔɛ 'bhɛ- -kɔɔ' nu klɛɛ 'kɛla 'bɛ 'le, waa 'bɛ zɔnɛ -li -kɔɔ' ni. 'O mɔɔ 'gbu 'a 'yaango- 'bhii- 'ke Kɛri -nwa yi 'la 'le, -kɔɔ' nu klɛɛ 'bhii- 'yee- 'gbu -o gɔɛ- 'la gbɛɛn- 'bhɛ- gbɛɛn-. -Kɔɔ' nu 'pwɛɛ- 'kɛɛ-, -amasrɔyi -kɔɔ' nu -a yɛɛ -a bogbɛya 'ɛ 'yi.
- ³'Ke mɛɛ 'oo mɛɛ 'la zan yrikpale -o Kɛri ta 'bɛ gbɛɛn- bɛ, 'bɛ zan 'ɛ 'bɛ 'bɛ 'gbu 'kpee 'ɛ 'flee- 'bhii- 'yee- Kɛri 'gbu 'kpee 'flee- -o gɔɛ- 'la gbɛɛn-.
- ⁴'Ke mɛɛ 'oo mɛɛ 'la zan -za 'yɔɔ- klɛ, 'bɛ zan -Waanbhaa' a 'Toŋ 'ɛ 'yisiɛ. 'Bhɛ- -za 'yɔɔ- klɛɛ 'ɛ 'bɛ -le 'ke -Waanbhaa' a 'Toŋ 'yisiɛɛ 'ɛ 'le.
- ⁵'Bhɛ- 'kaa 'yaango- 'bhii- Zɛsu Kɛri -nwa 'trɛ ta, 'kooko- -e mɛɛ mu ma -za 'yɔɔ- mu 'ɛ go. -Za 'yɔɔ- do 'kpɔ 'laa -o 'yee- -yi.
- ⁶'Bɛ 'yi, 'ke mɛɛ 'oo mɛɛ 'la zan 'pegee 'yee- -o 'kpaledomaya 'yi, 'bɛ zan laa -za 'yɔɔ- klɛ. 'Bhɛ- 'ke mɛɛ 'oo mɛɛ 'la zan -za 'yɔɔ- klɛ, 'bɛ zan laa Zɛsu yɛɛ -lido', 'bhɛ- yaa -a dɔɛ -lido' 'ezin-.
- ⁷'D 'nɛ mu, 'ka 'laa 'tolɛ- 'ke mɛɛ 'kɛdo- 'kpɔ 'ka 'yini-. 'Ke mɛɛ 'la zan -lɛdɔɔɛ maza klɛ, 'bɛ zan 'gbu 'lɛdɔɔɛ -o 'ezin-, 'bhii- 'yee- Zɛsu Kɛri 'gbu 'lɛdɔɔɛ -o gɔɛ 'la gbɛɛn-.
- ⁸'Ke mɛɛ 'oo mɛɛ 'la zan -za 'yɔɔ- klɛ, 'bɛ zan -o 'ke -Setran' a pɛ 'le. -Amasrɔyi -a 'san 'drunyan zisan' bhla 'ɛ ma, -Setran' -le -za 'yɔɔ- klɛ. 'Bhɛ- -Waanbhaa' Gbɛ 'ɛ =nwa 'trɛ ta, 'kooko- -e -Setran' klɛza mu 'ɛ 'siɛ-.
- ⁹'Ke mɛɛ 'oo mɛɛ 'la zan -o 'ke -Waanbhaa' -nɛ 'le, 'bɛ zan laa bo -za 'yɔɔ- klɛɛ ma, -amasrɔyi -Waanbhaa' zru -o 'bɛ zan 'ɛ 'yi. 'Bhɛ- yaa sɔ -za 'yɔɔ- klɛɛ-, -amasrɔyi -Waanbhaa' 'a =kla 'bɛ 'nɛ 'le.
- ¹⁰-Za 'la 'bɛ 'a klɛ 'bhɛ- -Waanbhaa' -nɛ mu 'ɛ goɛ -o -Setran' a pɛ -nɛ mu 'ɛ ma 'bɛ -le -gɛ: 'ke mɛɛ 'oo mɛɛ 'la zan laa -lɛdɔɔɛɛ maza klɛ, 'bɛ zan laa -o 'ke -Waanbhaa' a pɛ 'le. 'Bɛ klɛgbɛya do 'ɛ 'yi, 'ke mɛɛ 'la zan nɛɛɛ- -za 'laa sɔ -a ni, 'bɛ zan laa -o 'ke -Waanbhaa' a pɛ 'le 'ezin-.
- ¹¹'Ka -jan 'la =maa 'kɛ san 'ka 'kpaleya 'ɛ zisan' bhla 'ɛ ma 'bɛ -le -gɛ dɔɔ: -kɔɔ' -za 'sɔ 'ɛkɛ- ni.
- ¹²-Kɔɔ' 'laa klɛɛ 'bhii- Kaɛn gbɛɛn-. -E -yaa 'ke -Setran' 'nɛ 'le 'bhɛla- -yile -ya 'nwagwɛn- Abɛli =dia. 'Bhɛ- -e 'bɛ =dia -mɛla ma ɛɛ? -E 'bɛ =dia, -amasrɔyi -yaa' pɛ klɛza mu 'ɛ 'yaa- 'ɛyɔɔɛ, 'bhɛ- -a 'nwagwɛn- a pɛ klɛza mu 'ɛ 'lɛdɔɔɛ -yaa.
- ¹³'D 'nɛɛɛ- mu, 'ke 'ka vɛnsi 'drunyan 'yi mɛɛ mu 'ɛ yin 'lii, 'bɛ 'laa 'ka 'kpeɛɛnɛɛ 'ka ma.

14-Koo' 'a 'yaango- 'bhii- -koo' -gwa ga 'yi, 'bhɛɛ- -koo' =nwa wlale bole -yre ma -si dree 'yi, -amasroyi -koo' neene- mu -za so -koo' ni. 'Bhɛɛ- 'ke mee 'la zan neene- -za 'laa so -a ni, 'bhe zan 'e bole -o ga 'yi.

15'Bhe ya 'e 'yi, 'ke mee 'tole- mee 'bhe neene- vensi -a yin -lii, 'bhe zan -o 'ke mee de mi 'le. 'Bhɛɛ- 'kaa 'yaango- 'bhii- bole -yre ma -si 'la 'ke -dan' 'laa -o 'bhe ma, 'bhe 'laa -o mee de mi 'kedo- 'kpo 'yi.

16'Pe 'la 'bhe 'a kle 'bhɛɛ- -koo' 'soniya 'e do, 'bhe -le 'ke Zesu Krisi 'a 'gbu -si 'e =kla 'ke 'sraka 'le, 'bhɛɛ- -e -gaa -koo' ni. 'Bhe klegbeya do 'e 'yi, -koo' mu 'ezin-, -koo' -koo' 'gbu -si 'e 'na -koo' neene- mu 'e -zayi'.

17'Bhɛɛ- -ka 'ka 'tronbado doo! 'Ke 'drunyan ta pe mu -o mee 'la zan 'koo, 'ke -ya neene- 'e =ya 'ke 'bhe mazadwa pe 'ke ma -a 'koo, 'bhɛɛ- 'ke 'bhe 'yren 'laa 'klale- a ma; -e so a pele- 'bhe bhla 'e ba 'kaa -Waanbhaa' a 'soniya -o -a zru 'e 'yi ee?

18'D 'ne mu, -kooa' 'sole- 'ke ni 'e 'bhe 'laa bole -koo' 'liijan- 'te ta. 'Ke -koo' -za so 'eke- ni, -koo' 'bhe 'yizakle kpataakpa.

19'Bhe klegbeya 'e 'yi, -koo' 'a 'yaango- doo -koo' -o 'taawo zii' wlan ma zi ta. 'Bhe klegbeya do 'kpo 'e 'yi 'ezin- -koo' zru ba nu klele 'edole -Waanbhaa' -yre =la.

20'Bhɛɛ- 'ke -koo' -o -la zru 'zi -koo' 'gbu ta -koo' zru -yi -za 'yoo- 'ke 'yi, Waanbhaa' gbalaan -yiyi' -koo' 'gbu zru 'e ni, 'bhɛɛ- -e -za 'kpensee do.

21'D 'yienii mu, 'ke -koo' zru laa -o -la 'zi -koo' 'gbu ta -za 'yoo- 'ke 'yi, -koo' zrubazinale -o -Waanbhaa' -yre =la.

22'Bhɛɛ- 'ke -koo' pe 'oo pe 'la 'yrewoa- -a ma, -koo' 'bhe 'srɔwo- -a 'koo. -Amasroyi, -koo' -yaa' 'tonj mu 'e 'klosikun, 'bhɛɛ- -za 'la so -a zru 'e ni -koo' 'bhɛɛ- kle.

23'Bhɛɛ- -Waanbhaa' 'tonj 'lee- 'bhɛɛ- =naa -koo ni, 'bhe -le -ge: -ya zi 'bhii- -koo' -koo' 'kpa -a Gbe Zesu Krisi 'to 'e 'yi. 'Bhɛɛ- -ya zi 'ezin- 'bhii- Krisi 'a =pia -koo' ni doo -koo' -za 'so 'eke- ni gɔne- 'la gbɛen-, -koo' 'bhɛɛ- kle.

24'Ke mee 'la zan -Waanbhaa' 'tonj mu 'e 'klosikun, 'bhe zan bo -Waanbhaa' 'yi, 'bhɛɛ- -Waanbhaa' bo 'bhe zan 'e -yi. -Waanbhaa' Lii 'Wen 'la =naa -koo' ni, -koo' 'a 'yaango- 'bhɛɛ- ma 'bhii- 'yee- -Waanbhaa' bole -o -koo' 'yi.

Zaan =Lwa Mi 4

1'D 'yienii mu, mee 'la zan mu -a pe 'zi 'kaa Lii 'Wen -o -yi, 'ka 'laa 'ka 'kpalɛ- -o 'kpen 'yi. -Ka -o -yreglin 'pe, 'kooko- 'kaa 'yaango- 'ke lii 'la -yoo -o -yi 'bhe da -Waanbhaa' ba. -Amasroyi, bhla ma -Waanbhaa' -lela' janwo mu -bebe =zian gban 'saanige 'drunyan 'e 'yi.

2'Ka so -a 'yaangole pe 'la ma 'bhii- -Waanbhaa' Lii 'Wen 'e 'bhe -le -o -yi, 'bhe -le -ge: 'ke mee 'oo mee 'la zan 'a =pia doo Zesu Krisi -nwa 'drunyan 'e 'yi 'bhɛɛ- -e =kla 'ke bhaaplenj do 'le kpataakpa, lii 'la -yoo 'bhe zan 'e 'yi bhe da -Waanbhaa' -la ba.

- ³Bhɛɛ- 'ke mɛɛ 'la zan laa Zesu Krisi dɔɛ 'bhe dɔgbeya 'e gbɛɛn- bhe, lii 'la -yoo 'bhe zan 'e -yi, 'bhe 'laa da -Waanbhaa' ba. 'Duŋ- 'bhe zan 'e 'yi lii 'e da Krisi 'Sɔnnii 'e 'bhɛɛ- ba. 'Ka 'yela- nuza =maa, 'bhɛɛ- -e -nwa gban 'drunyan 'e 'yi 'saanigɛ.
- ⁴'Ka mu 'ŋ 'nɛ mu, 'ka -o 'ke -Waanbhaa' a mɛɛ mu 'le, 'bhɛɛ- 'ka 'sɛngwa- 'ke bhla ma -Waanbhaa' -lɛla' janwo mu 'e 'le. -Amasrɔyi, Lii 'Wɛŋ 'la -yoo 'ka 'yi bhe 'bhe -glɔɔ 'yiya- lii 'la -yoo 'drunyan 'yi 'bhe ni.
- ⁵'Woo- bhla ma -Waanbhaa' -lɛla' janwo mu 'ɛ, -woo 'ke 'drunyan 'lɛɛ- 'bhe -laa pɛ mɛɛ mu 'le, 'bhɛla- -yile -o -janwo' 'drunyan 'yi mu a -janwo' gbeya gbɛɛn-, 'bhɛɛ- 'drunyan 'yi mu 'e 'mu 'e 'trɔnkpa -o ni.
- ⁶'Bhɛɛ- 'duŋ-, 'o mu -o 'ke -Waanbhaa' a mɛɛ mu -la -le. 'Ke mɛɛ 'la zan -Waanbhaa' dɔ, 'bhe zan 'e 'trɔnkpa- 'o 'wojan- 'e =la. 'Bhɛɛ- mɛɛ 'la zan laa -o 'ke -Waanbhaa' a pɛ mɛɛ 'le, 'bhe zan laa 'e 'trɔnkpa- 'o 'wojan- 'e =la. -Kɔɔ' 'a 'yaango- 'bhɛɛ- ma 'bhii- wlan ma Lii 'Wɛŋ 'e gole -o mɛɛ -yini' lii 'e ma.
- ⁷'D 'yienii mu, -kɔɔ' -za 'sɔ 'eke- ni; -amasrɔyi, 'sɔniya da -Waanbhaa' -la ba. 'Bhe 'yi, 'ke mɛɛ 'la zan nɛɛɛ- mu -za sɔ a ni, -Waanbhaa' 'bhe zan -kla 'ke -a -nɛ 'le 'bhɛɛ- 'bhe zan -Waanbhaa' dɔ.
- ⁸'Ke mɛɛ 'la zan nɛɛɛ- mu -za 'laa sɔ -a ni, 'bhe zan laa -Waanbhaa' dɔ; -amasrɔyi, -Waanbhaa' -o 'ke 'sɔniya 'le.
- ⁹-Waanbhaa' -yaa 'sɔniya 'e -zrɔnna -kɔɔ' ni gɔnɛ- 'lɛɛ- 'bhɛɛ- gbɛɛn-: -Ya Gbe -nɛ bhe do 'kpɔ 'e 'winbwa- 'drunyan 'yi, 'kooko- -kɔɔ' bo 'kɔɔ- -yɛ ma 'bhe 'srɔyi.
- ¹⁰'Bhɛɛ- -Waanbhaa' a 'sɔniya 'e yaa klɛɛ 'bhii- 'yee- -Waanbhaa' -za -swa -kɔɔ' mu -la ni 'pɛ. 'Duŋ- -kɔɔ' mu -la -za -swa 'yee- ni, 'bhɛɛ- -ya Gbe 'e 'winbwa-, 'bhɛɛ- 'bhe =kla -kɔɔ' mu ma 'sraka 'le. 'Bhɛla- -zayile -Waanbhaa' -kɔɔa' -za 'yɔɔ- mu 'e ma -sroma -yaan.
- ¹¹'D 'yienii mu, 'ke -kɔɔ' mu -za -swa -Waanbhaa' ni 'egbenele 'bhe gbɛɛn- bhe, -kɔɔ' mu -za 'sɔ 'eke- ni 'bhe klɛgbeya 'e do 'kpɔ 'e 'yi 'ezin-.
- ¹²Mɛɛ 'kɛdo- 'kpɔ 'laa -Waanbhaa' yelɛ -lido'; 'duŋ- 'ke -kɔɔ' -za sɔ 'eke- ni, -Waanbhaa' bo -kɔɔ' 'yi, 'bhɛɛ- -yaa 'sɔniya 'la -yoo -kɔɔ' 'yi, 'bhe 'lɛpa-.
- ¹³-Kɔɔ' 'a 'yaango- 'kɛla ma 'bhii- -kɔɔ' -o -Waanbhaa' 'yi, 'bhɛɛ- 'yee- -o -kɔɔ' mu 'yi, 'bhe -le -gɛ: -Ya Lii 'Wɛŋ 'e =naa -kɔɔ' ni.
- ¹⁴-Kɔɔ' Dɛ -Waanbhaa' 'e -ya Gbe 'e 'winbwa- 'drunyan 'yi, 'kooko- -e klɛ bhaaplɛŋ mu -Bhe Mi 'le. 'O mɔɔ 'gbu 'bhe =ya 'bhɛɛ- 'wa 'srɛya- klɛ 'zi.
- ¹⁵'Ke mɛɛ 'oo mɛɛ 'la zan 'a =pia dɔɔ Zesu -o 'ke -Waanbhaa' Gbe 'le, -Waanbhaa' bo 'bhe zan 'e 'yi, 'bhɛɛ- 'bhe zan bo -Waanbhaa' -yi.
- ¹⁶'Bhɛɛ- -kɔɔ' 'sɔlawo -Waanbhaa' ni 'o mɔɔ 'gbu 'bhe 'yaango-, 'bhɛɛ- 'o 'kpale- -o 'bhe 'yi. -Waanbhaa' a pɛ -le 'sɔniya 'le; 'ke 'sɔniya -o mɛɛ 'la zan zru ba, 'bhe zan bo -Waanbhaa' 'yi, 'bhɛɛ- -Waanbhaa' bo 'bhe zan 'e 'yi.

17-Koo' 'a 'yaango- 'kela ma 'bhii- -Waanbhaa' a 'soniya 'e 'lepale -o -koo' zru ba 'bhe -le -ge: 'kitikan yi 'e 'le, -koo' zru ba nu klele 'edoole, -amasroyi -koo' 'taawogbeya 'e 'drunyan 'yi -ge 'bhe 'pwele- -o 'ke Zesu Krisi a pe 'taawogbeya 'e 'le.

18'Kee- neene- mu -za so 'e ni 'yaa -gblaani. 'Ke 'soniya -zeze 'gbu -o yre 'la =noo -gblaani 'laa kle 'bhe yre 'e =noo. Mee gblaani -za 'yoo- 'krowoza 'e 'bhe- -lee. -Ayile 'ke -gblaani -o mee 'la zani zru ba, 'soniya -zeze 'gbu 'laa -o 'bhe zani 'e zru ba.

19'Ke -yoo 'o maa a pe 'le, 'o maa 'gbu -za -swa -Waanbhaa' ni 'elwale 'pe, 'bhela- -yile 'o neene- mu 'pegee 'yee- -Waanbhaa' -za so 'o ni.

20'Ke mee 'la zani 'a =pia doo: "-Waanbhaa' -za so 'ni ni". 'Bhe- 'ke -a neene- 'e 'bhe vensi -a yini 'lii, 'bhe zani -o 'ke bhlanii- 'le. -Amasroyi wani 'gbu 'e ni, 'yee neene- 'la ye, 'ke 'bhe -za 'laa so 'e ni; -Waanbhaa' 'la 'yaa 'bhe ye, 'ya zoni -mela ma 'bhii- 'bhe -za so 'e ni ee?

21'Bhe- Zesu Krisi 'tonj 'lee- 'bhe- =twa -koo' ni doo: 'ke mee 'la zani 'a =pia doo -Waanbhaa' -za so -a ni, 'bhe zani neene- -za 'so 'bhe 'gbu ni 'ezin-.

Zaan =Lwa Mi 5

1'Ke mee 'oo mee 'la zani 'e =kpa -a -yi 'bhii- Zesu -o 'ke Krisi 'le, -Waanbhaa' 'bhe zani kle 'ke -a -ne 'le. 'Bhe- 'ke -ne mu 'e de 'e -za so mee 'la zani ni, 'woo- -ne mu 'e -za so 'bhe zani 'e ni 'ezin-.

2-Koo' 'a 'yaango- pe 'la ma 'bhii- -Waanbhaa' -ne mu 'e -za so -koo' ni, 'bhe -le -ge: -Waanbhaa' -za so -koo' ni, 'bhe- -koo' -yaa' 'tonj mu 'e 'yizakle.

3'Wani 'e ni, 'ke -Waanbhaa' -za so mee 'la zani ni, 'bhe zani -yaa' 'tonj mu 'e 'klosikun; 'bhe- -yaa' 'tonj mu 'e waa -o -koo' ta 'bhii- 'kwe kpinle do gbeen-.

4-Amasroyi, -Waanbhaa' -ne 'tole- -Waanbhaa' -ne so 'sengole 'drunyan 'le. -Kooa' 'kpaleya 'e Zesu 'yi 'bhela- 'sengwa- 'ke 'drunyan 'le.

5'Bhe 'yi, -dela 'sej so wole- 'drunyan 'le, 'ke yaa 'e go mee 'la zani 'e =kpa -a -yi 'bhii- Zesu -o 'ke -Waanbhaa' Gbe 'le 'bhe ba.

6'Yee- Zesu Krisi -le -nwa 'drunyan 'e 'yi, 'ke -yi 'pegee yien 'le. Yaa nule -yi do -kpleni 'le, 'duj- -e =nwa 'ezin- 'ke yien 'le. 'Bhe ya 'e 'yi, Lii 'Wen 'e 'bhe -le 'bhe -za mu 'e 'sreya- kle, -amasroyi 'yee- Lii 'Wen 'e -yoo wani 'le.

7'Wani 'e ni, Zesu -o 'ke -Waanbhaa' Gbe 'la 'le bhe 'bhe -za 'e 'sre -o yaga.

8'Mu 'sre yaga 'e 'mu -le Lii 'Wen 'e, 'bhe 'pegee -yi, 'bhe- -a yien. 'Woo- 'sre yaga 'la bhe -o 'kpale- -o do.

9'O do bhaaplenj mu a 'sreya- klele -la; 'duj- -Waanbhaa' a pe 'sreya- klele 'e 'bhe mabhaabhoo bhaaplenj mu a 'sreya- klele 'e ta. 'Yee- -Waanbhaa' 'gbu -le -a Gbe 'e 'sreya- -kla.

- 10 Wlan 'ε ni, 'ke mεε 'la zan 'e =kpaā -Waanbhaa' Gbe 'ε 'yi, -Waanbhaa' -jan 'la 'woa-
-a Gbe 'ε ba zayi' bhe, 'bhe -jan 'ε -yoo 'bhe zan 'ε 'gbu 'yi. 'Duŋ- 'ke mεε 'la zan laa 'e
'kpale- -Waanbhaa' 'yi, 'bhe zan -Waanbhaa' kle 'ke bhlanii- 'le. -Amasroyi, -
Waanbhaa' -jan 'la =woa -a Gbe 'ε ba zayi', yaa 'kpale- 'bhe 'yi.
- 11 'Bhe 'sreya- klele 'ε 'bhe -le -gε: 'yee -Waanbhaa' bole -yre ma -si 'la -daŋ' 'laa -o 'bhe
ma 'bhe=nāa -koo' ni, 'bheε- 'bhe -o -a Gbe 'ε 'yi.
- 12 'Ke mεε 'la zan 'pegee -a Gbe 'ε -woo 'kpaledomaya 'yi, bole -yre ma -si 'la -daŋ' 'laa
-o 'bhe ma -o 'bhe zan 'koo. 'Duŋ- 'ke mεε 'la zan 'pegee -a Gbe 'ε waa -o 'kpaledomaya
'yi, 'yee- -si 'ε yaa -o 'bhe zan 'ε 'koo.
- 13 'D 'letre 'lee- =kpaā 'ka ni, 'kooko- 'ka mu 'la 'ka 'kpale- -o -Waanbhaa' Gbe 'ε 'to 'yi,
'kaa 'yaango- 'bhii- bole -yre ma -si 'la -daŋ' 'laa -o 'bhe ma 'bhe -o 'ka 'koo.
- 14 'Bheε- 'o 'kpale- -o -a -yi 'o zru 'ε 'kpen 'le doo 'ke 'o pe 'oo pe 'la 'yrewoa- -
Waanbhaa' ma 'ke 'bhe 'lebengole -o -a zru maza 'le, -ya 'trōnkpa 'o ni, 'bheε- -e 'waa
'seri 'ε 'lekun-.
- 15 'Bhe 'yi 'te, 'ke 'wa 'yaango- 'bhii- 'ke 'o pe 'la 'yrewoa- -a ma, -ya 'trōnkpa 'o ni; 'wa
'yaango- 'ezin- 'bhii- 'o pe 'la 'yrewoa- -a ma, -e 'bhe =nāa gban 'o ni.
- 16 -Za 'yoo- 'la 'bhe 'laa -o 'ke mεε nipe 'le, 'bhe 'pegee 'ke 'bhe mεε plengo -Waanbhaa'
ma yikpensee ta, 'ke 'yee- nεεε- do -ya 'ke -yoo 'bhe -za 'yoo- 'ε kle 'zi, 'e 'seriwo -
Waanbhaa' ni -yaa' -za ma. 'Bheε- -Waanbhaa' nu -si 'nale- mεε 'la zan mu laa -za 'yoo-
'la kle mεε nipe 'le 'mu ni. 'Duŋ- -za 'yoo- -gloōn do -o ye, 'bhe -le 'ke mεε nipe 'le,
'bheε- 'bhe mεε plengo -Waanbhaa' ma. 'Naa -o -a pe 'zi 'ka ni doo 'ka 'ka 'seriwo 'ka
nεεε- -yaa' -za ma 'bhe -zayi'.
- 17 -Lēdoōkleya maza 'kpen -o 'ke -za 'yoo- 'le. 'Duŋ- -za 'yoo- 'ke mu laa -o mεε nipe 'le,
'ke 'mu mεε plengo -Waanbhaa' ma yikpensee ta.
- 18 'O mōo 'a 'yaango- 'bhii- 'ke -Waanbhaa' mεε 'oo mεε 'la zan -kla 'ke -a -nε 'le, 'bhe
zan laa -za 'yoo- kle. -Waanbhaa' Gbe 'ε -ya -yrekpa' 'bhe zan 'ε ba; 'bheε- -Setran' 'gbu
'laa so -za 'kedo- 'kpō klele- 'bhe zan 'ε ni.
- 19 'O mōo 'a 'yaango- 'bhii- 'woo 'ke -Waanbhaa' a pe mεε mu 'le, 'bheε- -Setran' a
fanŋan- 'kpaale- -o 'drunyan 'ε 'kpen 'wiinŋ-.
- 20 'Bheε- 'wa 'yaango- 'ezin- 'bhii- -Waanbhaa' Gbe 'ε =nwa, 'bheε- -e yikan' =nāa -koo'
ni, 'kooko- -koo' 'yee- wlan ma -Waanbhaa' -zeze 'gbu 'ε do. 'Bhe 'yi, -koo' 'pegee 'yee-
wlan ma -Waanbhaa' -koo' -o 'kpaledomaya 'yi -a Gbe Zesu Krisi 'sroyi. 'Bheε- -a Gbe
'ε 'bhe -le 'ke 'yee- wlan ma -Waanbhaa' 'gbu 'ε 'le, 'bhe 'pegee 'bhe -le bole -yre ma -si
'la -daŋ' 'laa -o 'bhe ma 'bhe 'le.
- 21 'D 'nε mu, -ka 'ka 'yrekpa 'ka 'gbu ba 'elrele, 'bheε- 'ka 'ka 'plengo bhaaplenŋ mu a
bhla ma -waanbhaa' mu 'ε ma.

Zaan Plɛ Mi

Zaan Plɛ Mi 1

- ¹'Mi -o 'ke Zesu 'yi mu -lɛdo' 'ɛ -o -lɛɛ mi -la -le, 'bhɛɛ- 'mi -le 'letrɛ 'lɛɛ- 'kpa zii' 'bhi 'ŋ nɛɛnɛ- le 'la -Waanbhaa' 'e makwan-, 'bhi 'pegee 'e 'nɛ mu 'ɛ ni. 'Ka -za sɔ 'ŋ ni wlan 'gbu 'ɛ ni. 'Ka -za 'laa sɔ 'mi do -kplɛn 'kpɔ ni, 'duŋ- 'ka -za sɔ 'ezin- mɛɛ 'la zan mu 'kpen Krisi a wlan 'ɛ dɔ 'mu -la ni.
- ²'Ka -za sɔ 'o ni, -amasrɔyi Krisi a wlan 'ɛ bole -o -kɔɔ' 'yi, 'bhɛɛ- -e nu bolɛ -kɔɔ' 'yi yikpensee ta 'ke -daŋ' 'laa kle -a ma.
- ³Bhaa -kɔɔ Dɛ -Waanbhaa' 'pegee -a Gbe Zesu Krisi -waa' -lileya 'pegee waa mɛɛ -yrenklale, 'bhɛɛ- -waa' yilabla mu 'ɛ na -kɔɔ' ni, 'kooko- -kɔɔ' bo wlan 'pegee 'sɔniya 'yi.
- ⁴'Mi 'e 'nɛ mu 'ɛ 'ke mu yelewao 'ke -woo 'taawo zii' wlan ma zi 'ɛ ta, 'bhii- -kɔɔ Dɛ -Waanbhaa' 'a =pia -kɔɔ' ni -kɔɔ' 'a kle gɔnɛ- 'la gbɛɛn- bhe, 'bhe 'ŋ zrukpalaa 'egbenɛle.
- ⁵'Bhɛɛ- 'ŋ nɛɛnɛ- le, 'ŋ 'yoo zan 'kɛla 'wolɛ- 'e ni -zɔn bhe, 'Toŋ drɛɛ 'laa 'ke 'bhe le. 'O 'yee- 'Toŋ =lwa 'la 'srɔwoa- 'kee- 'san 'drunyan zisan' bhla 'ɛ ma, 'ŋ 'yoo 'bhɛɛ- 'sewe 'kpa zii' 'e ni 'ezin- dɔɔ: -kɔɔ -za 'sɔ 'eke- ni.
- ⁶'Bhɛɛ- 'sɔniya 'ɛ 'bhe 'yi -le dɔɔ 'ke -kɔɔ' 'taawo- -Waanbhaa' a 'toŋ mu 'ɛ ta. -Ka 'taawo 'bhe 'Toŋ 'ɛ 'bhɛɛ- ta 'bhii- 'kaa =maa -Jan 'Nrɛle- 'ɛ 'wole 'ɛ zisan' bhla zi gɔnɛ- 'la gbɛɛn-.
- ⁷Mɛɛ -yini' mu -bebe zenle -o 'drunyan 'ɛ 'yi; 'bhɛɛ- waa dɔ Zesu Krisi klele 'ɛ bhaaplɛŋ -kpɔsɔɔ do 'le 'bhe =la. -O mɛɛ -yini' mi 'ɛ 'pegee Krisi 'Sɔɔnnii 'ɛ dɔ 'bhɛɛ ma.
- ⁸'Bhɛla- -zayile, -ka 'ka 'yrɛkpa 'ka 'gbu ba 'elrele; 'kooko- -kɔɔa' ye 'ɛ ma -trɔn 'ɛ yaa ni 'ka 'kɔɔ, 'bhɛɛ- 'duŋ-, 'kooko- 'ke 'ka 'yee- ye 'ɛ ma -trɔn 'lɛsɔle 'ɛ -srɔwo'.
- ⁹'Ke mɛɛ 'oo mɛɛ 'la zan laa bole Krisi mɛɛ -daanna -jan mu 'la 'le 'mu ta, 'bhɛɛ- 'kee- yaa pɛ -jan =kpaa 'mu ba; 'bhe zan 'pegee -Waanbhaa' laa -o 'kpaledomaya 'yi ma. 'Duŋ- 'ke mɛɛ 'oo mɛɛ 'la zan =bwa Krisi mɛɛ -daanna -jan mu 'la 'le 'mu ta, 'bhe zan 'pegee -kɔɔ' Dɛ -Waanbhaa', 'bhɛɛ- -a Gbe -o 'kpaledomaya 'yi.
- ¹⁰'Ke mɛɛ 'oo mɛɛ 'la zan -nwa 'ka ba, 'bhɛɛ- 'kee- 'ka -daanna -jan 'bhɛɛke mu 'le 'ke 'mu gole -o Krisi a pɛ -jan mu 'ɛ ma, 'ka 'laa dɔle -a -la 'ke 'bhe zan 'ɛ -ya zen 'ka ba; 'bhɛɛ- 'ka 'laa 'bhe zan 'ɛ 'pubɔle.
- ¹¹-Amasrɔyi, 'ke mɛɛ 'la zan -dwa -a -la 'kee- 'bhe zan 'ɛ 'pubɔ, -e kle 'bhii- 'bhe zan -o dɔ 'zi 'yee- mɛɛ 'ɛ zita -a kleza -yɔɔ' mu 'ɛ 'yi.
- ¹²-Jan -bebe -o -li 'ŋ zi, 'duŋ- 'naa -o -a 'kpen klele- 'ke 'sewɛdele drɔŋ 'le. 'D 'yri -o ta 'bhii- 'ŋ nu gele 'pwɛle- 'ka ta, 'bhɛɛ- -kɔɔ' -kɔɔ' zi janwo 'eke- ni kpataakpa. 'Ke 'bhe =kla, 'bhɛɛ- -kɔɔa' yilabla 'ɛ 'lɛpa-.
- ¹³'Bhe 'yi 'tɛ, 'e nɛɛnɛ- le 'la 'ke -Waanbhaa' 'a makwan-, -a -nɛ mu 'ɛ -woo 'e 'pubwa-.

Zaan Yaga Mi

Zaan Yaga Mi 1

- ¹'Mi -o 'ke Zesu 'yi mu -lɛdo' 'ɛ -o -lɛɛ mi -la -le. 'Mi -le 'lɛtrɛ 'lɛɛ- 'kpa zii' 'bhi 'ŋ 'yienii Gayusi ni, 'bhi -la -za sɔ 'ŋ ni 'egbɛnɛle.
- ²'D 'yienii gbalaan, 'mi 'ŋ 'seriwo zii' -Waanbhaa' ni 'yaa- -za ma dɔɔ -ya klɛ 'bhɛɛ- 'yaa- -za mu 'ɛ 'kpen dɔ zima; 'bhɛɛ- 'e 'klɛnyawole klɛ 'e 'flɛ 'yi, 'bhii- 'e lii 'ɛ 'klɛnyawole -o gɔnɛ- 'la gbɛɛn-.
- ³'O nɛɛnɛ- mu 'la -daa 'e ba ye, 'bhɛɛ- 'ke -o -nwa -gɛ, -woo 'e ta jan 'la =woa 'ŋ ni, 'bhɛ 'ŋ zrukpalaa 'egbɛnɛle. -Wa -pia 'ŋ 'ni dɔɔ 'e blɔɔle -o wlan 'ɛ ma, 'bhɛɛ- 'e 'taawo zii' wlan a pɛ zi 'ɛ ta 'elrele.
- ⁴'Ke 'an =maa dɔɔ 'ŋ 'nɛ mu 'ɛ -woo 'taawo zii' wlan a pɛ zi 'ɛ ta, 'ŋ zrukpaaza -bhɛɛke' gbalaan 'laa -o 'bhɛ -za 'ɛ blaana.
- ⁵'D 'yienii, 'yoo- -za 'la klɛ 'zi -kɔɔ' nɛɛnɛ- mu 'ɛ ni, 'ali- -woo 'ke 'cie mu 'la 'le bhe, 'ke 'yee zru bo do 'bhɛ -za 'ɛ klɛle ni, -za 'lrele- -le 'bhɛ 'le.
- ⁶-O 'yaa- mɛɛ -za klɛgbɛya 'ɛ =woa Zesu 'yi mu -lɛdo' 'ɛ yrɛ ma. 'E 'zoole-, -o ge 'zi -waa' 'taa 'la ta bhe, 'kee gbɛ -swa pɛ yɛkɛ- 'la ma, bhɔ -o ba bhɔgbɛya 'la 'ke 'bhɛ sɔ -Waanbhaa' ni 'bhɛɛ- 'le.
- ⁷Wlan 'ɛ ni, -woo 'taa ta Krisi a ye 'ɛ 'bhɛɛ- 'kaama-, 'bhɛɛ- waa dɔle -a -la 'ke mɛɛ 'la zan mu laa -Waanbhaa' dɔ 'mu 'bhɔ -o ba.
- ⁸-Kɔɔ' mu Zesu 'yi mu 'ɛ, -kɔɔ' dɔ -a -la 'ke -kɔɔ' bhɔ 'bhɛ mɛɛ -glɔɔn mu 'ɛ ba. 'Ke -kɔɔ' 'bhɛ =kla, -e klɛ 'bhii- -kɔɔ' 'pegee 'woo- mu -o 'e gbekla' zii' 'eke- ta, 'ke -kɔɔ' wlan ma zi 'ɛ zrɔn mɛɛ mu ni.
- ⁹'D 'lɛtrɛ 'fientrɔnnɛ do =kpa Zesu 'yi mu -lɛdo' 'ɛ ni. 'Duŋ- -e sɔ Diotrɛfi 'la ni 'ke -ya 'gbu klɛ -o ta -kunjlii 'le, yaa dɔle 'waa- pɛ -jan 'ɛ =la.
- ¹⁰'Bhɛla -zayile, 'ke 'ŋ -ja 'ka ba yi 'la 'le, -e -za 'yɔɔ- mu 'la 'kpen klɛ, 'ŋ nu 'bhɛ 'kpen 'pele- 'ka 'yrɛ ma: -e bhla mu 'la 'kpa 'o ma; 'bhɛɛ- yaa dɔ -a -la 'ke -kɔɔ' nɛɛnɛ- mu 'ɛ -woo zen -a ba. 'Bhɛɛ- 'ke -kɔɔ' nɛɛnɛ- mu 'la 'mu -a zi 'bhii- 'mu -kɔɔ' nɛɛnɛ- mu 'ɛ 'cieya- klɛ 'mu ba, yaa dɔ 'bhɛ =la 'ezin-; 'bhɛɛ- drɔɔn' -e 'mu gbin -waa' 'klankeba yrɛ 'ɛ =nɔɔ.
- ¹¹'Bhi 'ŋ 'yienii Gayusi, 'yaa -za 'yɔɔ- klɛ mi 'ɛ blaana gɔɔnlɛ -za 'yɔɔ- klɛlele, 'duŋ- -za 'lrele- klɛ mi -la blaana -gɔɔn. 'Ke mɛɛ 'la zan -za 'lrele- klɛ, 'bhɛ zan -o 'ke -Waanbhaa' a pɛ 'le. 'Duŋ- 'ke mɛɛ 'la zan -za 'yɔɔ- klɛ, 'bhɛ zan 'a zrɔn 'a klɛza mu 'ɛ ma 'bhii- yaa -Waanbhaa' dɔ.

12Mɔkpen' -o Demetriusi 'tɔ wlan 'pe 'zi. -Yoo 'taawo zii' wlan ma zi 'la ta, 'bhɛ 'gbu -le klɛ 'zi -a 'tɔ wlan pe pɛ 'ɛ 'le. 'O mɔɔ 'gbu 'ezin-, 'woo- -a 'srɛya- klɛ 'zi; 'bhɛɛ- 'e 'gbu 'a 'yaango- 'bhii- 'woo- 'kɛla 'wo zii' wlan -le 'bhɛ 'le.

13-Jan -bebe -o 'ŋ 'zi -li 'ke 'ŋ 'bhɛ wo 'e ni, 'duŋ- 'naa 'bhɛ 'kpen klɛle- 'ke 'lɛtrɛ dɛle 'le.

14'D 'yri -o -a ta 'bhii- -a -vinbwa sa, 'bhɛɛ- 'mi 'pegee 'bhi nu 'eke- yeɛ, 'bhɛɛ- 'woo 'eke- zi janwo 'eke- ni kpataakpa.

15Bhaa 'e bo 'edɔɔle! 'E 'bhɛgwɛn- mu 'la -woo -gɛ, 'mu 'e 'pubwa-. 'Bhi 'duŋ-, 'o 'bhɛgwɛn- mu 'ɛ 'kpen 'pubɔ- 'o ni do do.

Zudi

Zudi 1

¹Mi 'la 'mi -o Zesu Krisi a yewone 'le, 'bhe 'pegee 'ke 'η 'yoo- Zaki neene- 'le bhe, 'mi -le 'letre 'lee- de 'zi. -Koo' De -Waanbhaa' 'ka mu 'la 'siila-, 'bhe 'pegee 'ka mu 'la -za so a ni, 'bhe- -ya -yrekpa' 'ka mu 'la ba Zesu Krisi 'sroyi, 'mi -le 'letre 'lee- 'kpa zii' 'ka mu ni.

²Bhaa 'ka 'yrenkla- -Waanbhaa' ma 'egbenele, 'bhe- bhaa -yaa' yilabla 'pegee -yaa' 'soniya 'e 'pa 'ka ta 'ebebele.

³'D 'yienii mu, -a -lro -gbene 'gbu 'yaa- 'η ma doo 'η 'letre 'kpa 'ka ni 'mi 'pegee 'ka mu a pe gole -za 'yi 'e ba zayi'. 'Mi 'a =ya 'bhii- 'yee- 'letre 'lee- dele 'e =wlaa 'η zi 'ke 'an kpa ni, 'koko- 'η zruwla 'ka 'kpee, 'bhe- -Waanbhaa' 'kpaleya 'la =naa mee 'la zan mu 'kpen -o 'ke -yaa' pe 'le 'mu ni, 'mu 'bhe tagwledan. -E 'bhe 'kpaleya 'e =naa 'mu ni -leyan' do 'kpo.

⁴Wlan 'e ni, mee 'la zan mu laa gblaana -Waanbhaa' -lee, 'mu 'ke mu -wlaa 'ka 'plen-gaanyi'. Waa mee daangbeya 'e ma, -Waanbhaa' -ligbeya 'e mee ma -o 'bhe maniina 'zi. 'Bhe- -kooa' -Kunlii do 'kpo 'e 'pegee -kooa' Meezan do 'kpo 'la 'bhe -o 'ke Zesu Krisi 'le bhe, -woo -bango' zii' 'bhe 'yi. 'Bhe klegbeya 'e gbene- bhe, 'kiti 'la nu -o 'kunle-, 'bhe -za 'e yondele -o -Waanbhaa' a 'Sewe 'e 'yi 'elwale gban -so.

⁵'D 'yoo- -a zi 'bhii- 'η -za 'lee- do 'ka 'kpee, 'ali- 'ke 'ka 'bhe -za 'e 'kpen do, 'yele- -ge doo: Meezan -Waanbhaa' Izraeli mu 'e -gwa luya 'yi Ezipu 'kleen 'e 'yi -glon do 'kpo, 'duj- boolazi, mee 'la zan mu laa -o 'kpa- -a -yi, 'mu 'kpen =kla 'ke gape 'le.

⁶Bhe- -za 'lee- 'bhe 'laa gole 'ka 'kpee 'ezin-, 'bhe -le doo: -glouya' 'la 'yaa- -mleke' 'ke mu 'koo, 'bhe 'laa -o -yibhole, 'duj- -o -gwa -o 'gbu yaayre 'e =noo. -Ayile -Waanbhaa' -o -yrela 'ke piibhe kpele- mu 'le yikpensee ta. 'Bhe- -yoo =bwa -kaso 'yi -gblo -gbene 'e 'yi, 'bhe- -o nu bole 'bhe 'yi 'ke 'bhe ge 'tenle- 'kitikan yi -gbene 'e ma.

⁷Bhe- -za 'la =kla Sodomu 'pegee Gomoo, 'bhe- -o kpe ma -wa mu 'e ni, 'bhe -za 'e do 'ka 'kpee. 'Bhe -wa mu 'e ta mu 'e =kla -kala' 'le -Waanbhaa' ma 'bhii- 'woo- -mleke' mu 'e gbene-: -o bole -yaa -yanbhooya dele ma, 'bhe- -waa 'gwlaan- mu 'yaa- yilaa' 'eke- 'le. -O =bwa 'bhe- klele ma 'ke -Waanbhaa' a 'te 'la yaa lii -titi 'bhe baale' -o ta 'bhii- -o 'krowope 'le. -O 'krowole 'e =kla -koo' mu 'kpeelekan -toomasie 'le.

⁸Bhe- mee -yoo' mu 'la =wlaa 'ka 'plen- bhe, Sodomu 'pegee Gomoo ta mu 'e -o -za 'yoo- mu 'la =kla, 'woo- mee -yoo' mu 'e -o 'bhe- 'yansi ma -za -yoo' mu kle 'zi 'ezin-. -Waa' bhla ma 'kpeejan- mu 'e 'mu 'a kle 'bhe- -woo 'gbu 'fle 'e 'trindoo-. 'Bhe- -o Meezan -Waanbhaa' a 'tobholeya 'e mavee, 'bhe 'pegee -o -Waanbhaa' a -mleke' 'tobhole mu 'e -zwanwo'.

⁹Duj- 'ali- Miseli 'la 'bhe -o 'ke -mleke' mu a -kunlii gblaana -gbene 'e 'le, 'bhe 'laa 'bhe 'yansi za klele. -O 'pegee -Setran' 'yaa- zaabo 'zi 'waati 'la ba Moizi gbaa 'e ta, yaa dole -a -la 'kee- -Setran' -zwanwo'. -Ya =pia 'bhe ni doon' doo: "Bhaa Meezan 'e 'krowo!"

- 10'Duŋ- 'woo- mɛɛ -yɔɔ' mu 'ɛ waa pɛ 'la dɔ, -o 'bhɛɛ- -zwanwo'. -Woo 'bhii- wi gbɛɛn- , -o 'yikanle laa -o, 'bhɛɛ- -za 'la dɔ -o ŋgblo 'yi, -o 'bhɛ -la kle 'te. 'Bhɛ klɛgbeya 'ɛ gbɛɛn- bhe, 'bhɛ kle -o 'gbu 'nipɛ- 'le.
- 11'Ka ta -yɾɛn! -O Kaɛn a pɛ 'taawogbeya -yɔɔ' 'ɛ 'bhɛɛ- =sia. -Gɔli' 'flɛn 'ɛ ma, -woo 'gbu 'yinia= 'bhii- Balaamu gbɛɛn-. 'Bhɛɛ- -o nu gale 'bhii- Kore gbɛɛn-, -amasɾɔyi -woo -wɛn 'zi -Waanbhaa' ma 'bhii- Kore 'wlenna- Moizi ma gɔnɛ- 'la gbɛɛn-.
- 12'Ke 'ka -o 'kaa- Zesu 'yi nɛɛnɛya pɛ 'ɛ 'bhle zii' 'waati 'la ba, 'woo- mɛɛ mu 'lɛɛ-, -o klɛgbeya -yɔɔ' mu 'ɛ kle 'kaa- pɛbhle 'ɛ 'siɛpɛ- 'le. -Woo -taakpa' pɛbhlele 'pegee -wɛɛn 'mile- zi 'kee- kan -a -daŋ' ta. -O bo 'o 'gbu do -kplɛn -la -nɾayiza klele ma -waa' pɛbhle bhla 'ɛ zi, 'bhɛɛ- -yɾala' laa dɔ -o ma. -Woo 'bhii- la 'la 'kee- -tilaa', 'bhɛɛ- yaa ban, 'duŋ- -a 'kɾɛn kan 'ke -ploɔ 'le. 'Bhɛɛ- -woo 'ezin- 'bhii- -yɾi diiŋ mu 'la waa -o bhaa kle -yɾi mu bhaa kle bhla zi, 'bhɛɛ- -woo 'bhii- -o -yɾi diiŋ mu 'la 'yɾola-, -o -gaa, 'bhɛɛ- -o =kla -o -kpaɔ 'le 'fɛŋfɛŋ.
- 13-O -waa' -yɾaladɔ maza mu 'ɛ zen yɾɛkɾɛn- =nɔɔ 'bhii- weyi- 'pɔɔ mu 'la 'ke -woo -yiwlɛɛ, 'bhɛɛ- -o wian gɔnɛ- 'la gbɛɛn- weyi- bhɔŋ 'ɛ ta. -Woo 'bhii- mlɛklɛn- mu 'la -woo 'kaan zii' 'bhɛɛ- waa -o geyɾɛ dɔ. -Waanbhaa' yɾɛ do -twa -o -lɛɛ -gblo -gbɛnɛ do 'yi, 'bhɛɛ- -o nu bole 'bhɛɛ- =nɔɔ 'taŋii.
- 14'Bhɛɛ- Enɔki, -kɔɔ' -gbɔɔ 'srwapɛ- mi 'ɛ 'kee- san Adamu ma, 'bhɛ -Waanbhaa' -lɛla janwoa- 'elwale gban -sɔ 'wola- ba zayi' dɔɔ: "-Ka 'ka 'trɔnbadɔ doo, Mɛɛzan 'pegee -yaa' -mlɛkɛ' 'wɛŋ 'saa 'ɛ, -woo zan nule,
- 15'tɾɛ ta mɛɛ mu 'ɛ 'kɾɛn 'kitikanle. -E nu -kpan baalɛ -za 'yɔɔ- kle mu 'kɾɛn ta -amasɾɔyi -o 'wlenna 'yee- Mɛɛzan -Waanbhaa' ma -o kleza -yɔɔ' mu 'ɛ 'pegee waa -gasi 'la kpa -a -lɛɛ, 'bhɛɛ- -wa -zwanlawo 'mu 'kɾɛn -zayi'."
- 16'Woo- mɛɛ -yɔɔ' mu 'lɛɛ- -o zru laa kpalaa', 'bhɛɛ- -woo -la ma janwo 'taŋii. -O 'taawo- -o 'gbu 'yɾɛbhɔ pɛ -yɔɔ' mu -la zi. -O 'waso ma jan -gbɛnɛ -gbɛnɛ mu wo, 'bhɛɛ- -o -dawli' kpa mɛɛ mu gbɛ ta 'mu 'kɔɔpɛ- mu 'srɔɔwo zayi'.
- 17'Duŋ- 'ka mu 'ŋ 'yienii mu, -kɔɔa' Mɛɛzan Zesu Krisi a winbɔwo mu 'ɛ -o -jan mu 'la 'woa- 'elwale gban 'mu -za dɔ 'ka 'kpee.
- 18-Wa =pia 'ka ni dɔɔ: "'Drunyan 'yan bhla 'ɛ zi, mɛɛ 'ke mu nu -Waanbhaa -a 'toŋ mu 'ɛ malɾɔgolɛ, 'bhɛɛ- -o nu 'taawolɛ -o 'gbu 'yɾɛbhɔ pɛ -yɔɔ' mu -la zi."
- 19'Lii 'Wɛŋ 'laa -o 'woo- mɛɛ -yɔɔ' mu 'ɛ 'yi, 'bhɛɛ- -o 'taawo- -o 'gbu a bhaapɛŋ zru maza -la ta, 'bhɛɛ- -woo Zesu 'yi mu 'ɛ -yiciɛn' mu 'le.
- 20'Duŋ- 'ka mu 'ŋ 'yienii mu, -ka faŋgandɔ 'ka 'gbu ta, 'ke 'ka 'ka 'kpaleya 'wɛŋ 'ɛ Krisi 'yi 'bhɛ baan' kla 'bhɛ ba. -Ka 'ka 'seriwo Lii 'Wɛŋ a -glɔɔya' 'ɛ 'le.
- 21'Bhɛɛ- -ka bo -Waanbhaa' a 'sɔniya 'ɛ 'yi. 'Bhɛɛ- -ka -kɔɔa' Mɛɛzan Zesu Krisi a mɛɛ -yɾɛnklɛle zɾɔn 'waati 'ɛ magbɛn. 'Ke 'bhɛ 'waati 'ɛ =bhwa, -e nu a zɾɔnlɛ 'ka ni 'bhii- bole -yɾɛ ma -si 'la -daŋ' 'laa -o 'bhɛ ma 'bhɛ -o 'ka 'kɔɔ.
- 22'Mɛɛ 'la zan mu -o 'kpee kle plɛ -za ma, 'mu 'yɾɛnkla 'ka ma.

²³Ezin-, -ka mɛɛ 'ke mu go -za 'yi -o 'gbu a bhaaplɛŋ zru 'ɛ 'bhɛɛ- ta 'ke 'ka 'mu go 'kiti 'tɛ 'ɛ 'yi. -A 'ke mu -yɛnkla' 'ka ma -Waanbhaa' -lɛɛgblaan 'le 'ka mu 'gbu zru ba. 'Duŋ- -ka 'ka 'yɛkpa 'ka 'gbu ba, 'bhɛɛ- 'ka 'laa 'ka 'mabɛɛnle 'woo- mɛɛ -yɔɔ' mu 'ɛ -din, 'kooko- 'ka 'laa nu -o 'kleza -yɔɔ' mu 'ɛ 'silɛ- 'bhii- ga -yɔɔ' 'e 'yivlin- mɛɛ mu ma gɔnɛ- 'la gbɛɛn-.

²⁴Seŋ -o -Waanbhaa' ni 'ke -ya -yɛkpa' 'ka ba, 'kooko- 'ka 'laa bɔ -za 'yɔɔ- 'yi. 'Bhɛɛ- - e sɔ 'ka dulale -yaa' 'tɔbhɔleya 'ɛ 'lɛɛ 'ke -za 'yɔɔ- 'trinle- sanɛ- 'laa kle 'ka zru mu 'ɛ 'yi, 'ka 'zrukpaale -gbɛɛ 'le.

²⁵Bhaa 'tɔbhɔleya oo, gbalaanya oo, -glɔɔya' oo, 'bhɛ 'pegee faŋgan- bo -kɔɔ' 'Bhee Mi -Waanbhaa' do -kplɛn 'kpɔ ni, -kɔɔa' Mɛɛzan Zesu Krisi 'srɔyi -zɔn 'pegee yikpɛnsee ta! Amiina!

Yre zi yele 'sɛwɛ

Yre zi yele 'sɛwɛ 1

¹Gaanyiza mu 'la 'yaa- zan bhɔle, 'ke Waanbhaa' 'mu tapwela Zesu Krisi ni 'kaa -yoo zrɔn -yaa' yewonɛ 'ɛ ni 'mu -le -gɛ. Zesu -yaa' -mlɛkɛ' 'ɛ winbwa- -yaa' yewonɛ Zaan ba dɔɔ 'bhe 'nu 'woo- -za mu 'ɛ zrɔn 'yee- Zaan ni.

²Mi Zaan -za 'oo -za mu 'la 'kpen =ya, 'η 'mu 'kpen =woa. 'Bhe -za mu 'ɛ 'mu -le -Waanbhaa' -jan 'la =klaa 'mi 'kɔɔ, 'bhe 'pegee Zesu Krisi wlan 'la -zrɔnna 'mi ni, 'mu 'le.

³Ke mɛɛ 'la zan -jan mu 'la -daa -Waanbhaa a 'Sɛwɛ 'ɛ 'yi 'mu tape mɛɛ mu ni, 'bhe zan a pɛ -yinra! 'Bhɛɛ- 'ke mɛɛ 'la zan mu -o 'trɔnkpa- 'woo- -jan mu 'ɛ =la, 'bhɛɛ- 'ke -woo -klɔsikwan, 'bhe zan mu a pɛ -yinra' 'ezin-! -Amasrɔyi 'woo- -za mu 'ɛ klɛ yi 'la dɔle -o, 'bhe =bhwa gban -wa -din.

⁴Mi Zaan -le 'lɛtrɛ 'lɛɛ- 'kpa zii' Azi 'klɛn 'ɛ 'yi Zesu 'yi mu -lɛ 'srwaplɛ- 'ɛ ni. 'Mi 'ka 'pubwa- -Waanbhaa' 'tɔ 'yi; 'yee- 'la -ya -yre ma yikpensee ta, -e -yaa 'elwaleta -sɔ, 'bhɛɛ- -yoo zan nule, bhaa -e -li 'ka ma, 'bhɛɛ- -e yilabla 'na 'ka ni! 'Bhɛɛ- lii 'srwaplɛ- 'la dulale -o -yaa' -bhɛngbe 'yaakpe- 'ɛ 'lɛ ma, bhaa 'mu 'li 'ka ma, 'bhɛɛ- 'mu yilabla na 'ka ni 'ezin-.

⁵Bhaa Zesu Krisi -li 'ka ma, 'bhe 'pegee -e yilabla 'na 'ka ni. 'Yele- 'ke -Waanbhaa' 'srɛ 'ɛ 'le, 'bhɛɛ- -a zru -o do 'bhe ni; 'bhɛɛ- 'yela- -lwa -bwela gale ba. 'Yele- 'ke 'trɛ ta -bhɛngbe mu 'ɛ 'kpen a -Bhɛngbe 'le. -Kɔɔ' -za sɔ 'yela- ni, 'bhɛɛ- 'yele- -kɔɔ' -gwa -kɔɔa' -za 'yɔɔ- mu 'ɛ 'yi a yien 'la 'klalaa- a gayrɛ 'ɛ =nɔɔ 'bhe 'le.

⁶Bhɛɛ- 'yele- -kɔɔ' =kla 'ke 'sraka 'lena mu 'pegee -Waanbhaa' a -bhɛngbey- wa 'ɛ ta mu 'le; 'kooko- -kɔɔa' Dɛ -Waanbhaa' gba. Bhaa 'tɔbhɔleya 'pegee -glɔɔya' bo Zesu Krisi ni -zɔn 'pegee yikpensee ta! Amiina!

⁷-Ka 'ka 'yɛkpa doo, -e nu nule lafle' -gblen mu 'ɛ 'yi! Mɛɛ 'tɔle- mɛɛ 'bhe nu -a yelɛ, 'ali- 'kee- kpa mɛɛ 'la zan mu 'kpen 'a =pwan -a 'sien 'yi 'ke -dibhɛ' 'le bhe 'mu 'kpen ta. 'Trɛ ta -gbaa mu 'ɛ 'kpen nu wisilɛ -zadɔwɛɛ 'kɔɔ -a ba -zayi'. -E nu klɛlɛ 'bhɛɛ- gbɛɛn-gee' 'tɛ! Amiina!

⁸Mɛɛzan -Waanbhaa' 'Sɛnkpenzan pe dɔɔ: "'Mi -le Alifa 'pegee Omega 'le", 'bhe 'yi -le dɔɔ '-za zisanyrɛ, 'pegee -za 'lɛyanyrɛ' -Ya -yre ma -zɔn, 'bhe 'pegee -e -yaa -a -yre ma 'elwaleta -sɔ, 'bhɛɛ- -yoo zan nule!

⁹Mi Zaan -o 'ke 'ka nɛɛnɛ- 'le. 'Mi 'pegee 'ka mu nii- 'ɛ 'kpale- -o do ma Zesu a -yrenbhlele ma, 'bhe 'pegee -yaa' -bhɛngbey- 'ɛ 'yi, 'bhɛɛ- -yaa' -yren 'yikunle 'ɛ 'yi. -Woo 'η =kwan 'bhii- -kaso 'yi mi do, 'bhɛɛ- -o -ja 'η 'le Patimɔsi 'klɛn 'ɛ 'yi: wɛyi- 'mlingole -yaa 'bhe 'klɛn 'ɛ zi. 'D 'kun win 'ɛ 'bhe -le -yaa 'kaa 'η -Waanbhaa' a -jan 'ɛ=woa mɛɛ mu ni, 'bhe 'pegee 'η Zesu 'srɛya- =kla.

¹⁰Mɛɛzan gba yi 'ɛ 'le, Lii 'Wɛɲ 'ɛ -zinaa' 'η ta, 'bhɛɛ- 'η -weli' do -maa 'η -zanta' 'eglɔle, 'bhɛɛ- 'bhe 'yaa- -we zii' 'bhii- -klɛlɔɲ' 'penwli- gbɛɛn-.

- 11'Bhē -weli' 'e 'yaa- pe 'zi 'η ni dōo: "'E pe 'la 'yele- 'bhē yōondē 'sēwē do 'yi, 'bhēē- -ya kpa Zesu 'yi mu -lē 'srwaplē- 'la -woo Azi 'klēn 'e 'yi 'mu ni: 'kē mu 'la -woo Efezi -wa 'e ta oo, Simiini oo, Pēegamu oo, Tiatiri oo, Saadēsi oo, Filadēlifi oo, 'bhēē- Laodise."
- 12'Mi 'η 'yṛē 'mlingole 'η zi, 'kooko- mēē 'la zan -yaa -janwo' zii' 'η ni 'η 'bhē 'ye. 'D 'bhē klele 'tē, 'kē 'η -can -lanbha dulapē 'srwaplē- yele-.
- 13'Mēē do dulale -yaa 'woo- -lanbha dulapē 'srwaplē- 'e plēṅ-; 'bhē mēē 'e 'pwele- -yaa 'kē bhaaplēṅ gbe do 'le. Dunē- gbōon do 'la 'yaa- -a ta 'bhē 'yaa- zinaa' 'fō -a gaan ma, 'bhēē- -can 'sēntru do dōle -yaa -a -bu ta.
- 14-A win 'fleele- -yaa 'epu 'peṅpeṅle 'bhii- 'kwlēn- -buu' 'flee gbēya gbēen-. 'Bhēē- -a -yṛēbhē' mu 'e 'yaa- -bhi 'zi 'eten -klēn' -klēnle' 'bhii- 'tē nṛē -bhigbēya gbēen-.
- 15-A gaan mu 'e 'yaa- 'bhii- piibhē 'tēn gbēen-: -o 'tranle- -yaa 'eten -banbanle 'bhii- 'kē -o piibhē =bwa 'tē 'yi -e tran gōnē- 'la gbēen-. -A -weli' 'e 'yaa- 'eglōole 'bhii- vlē -saa ta -yi 'yrole- -wegbēya gbēen-.
- 16'Mlēklēn- 'srwaplē- -yaa -a gbē -yie' 'e -lii, 'bhēē- -gōkuṅbhē do -lē plē 'yaa- da 'zi -a -lii. -A wleyi' 'e 'yaa- -bhi 'zi 'peṅpeṅ 'bhii- -yrekpaā' -yṛēṭbhē -bhigbēya gbēen-.
- 17'An 'yele-, 'kē 'η baale' -a gaan ma 'bhii- 'η -gaa. -Ya gbē -yie' 'e =kpaā 'η ta, 'bhēē- 'kē -ya pele- 'η ni dōo: "'Yaa -gblaanlē', 'mi -lē 'kē mēē -lwa mi 'e 'le, 'bhē 'pegeē mēē -daṅ' ma mi 'e 'le.
- 18'D 'yoo- 'η 'yṛē ma. 'D -gaa bi, 'duṅ- 'η 'yoo- -zōn 'η 'yṛē ma, 'bhēē- 'η nu bolē 'η 'yṛē ma yikpensee ta. 'D 'sēṅgwa- 'kē ga 'le, 'bhēē- gbaa mu a -wa 'e 'gborobhē 'e -yoo 'η 'kōo.
- 19'E 'yṛē -o pē 'la ma bhē, 'bhē yōondē: 'kēla 'bhē -o 'saanibhē, 'bhē 'pegeē 'kēla 'bhē nu klēle boolazi, -o 'kpēn yōondē.
- 20'E mlēklēnē 'srwaplē- 'la =ya 'η gbē -yie' 'e 'lii, 'bhē 'pegeē 'e -can -lanbha dulapē 'srwaplē- 'la =ya, 'bhē gaanyiza mu 'e 'yi -lē -gē: mlēklēnē 'srwaplē- 'e 'mu -lē 'kē Zesu 'yi mu -lē 'srwaplē- 'e -waa' -mlēkē' mu 'e 'le. 'Bhēē- -can -lanbha dulapē 'srwaplē- 'e 'mu -lē 'kē 'woo- Zesu 'yi mu -lē 'srwaplē- 'e 'le."

Yṛē zi yele 'sēwē 2

- 1'Zesu 'a =pia Zaan ni dōo: "-Jan 'lēē- -yōondē, 'bhēē- 'ya kpa Zesu yi mu -lēdo' 'la -woo Efezi -wa 'e ta, -waa' -mlēkē' 'e ni, 'bhē 'ya pe a ni dōo: Mlēklēn- 'srwaplē- 'e -woo mēē 'la zan gbē -yie' 'e 'lii, 'bhēē- 'kēē- 'taawo- -can -lanbha dulapē 'srwaplē- 'e 'plēṅ- 'bhē pe dōo:
- 2'Mi 'e klēza mu 'e 'kpēn dō, 'mi 'e 'woyē- 'e 'pegeē 'yaa- -yṛēn 'yikungbēya 'e 'η 'mu dō. 'An 'yaango- 'bhii- 'yaa sō mēē -yōo' mu 'e mazatole. Mēē 'la zan mu 'a pe -o 'gbu ma dō -woo 'kē Krisi a winbōwo mu 'le, 'bhēē- 'duṅ-, 'kē waa -o 'mu 'le, 'yoo- zrubaglinna, 'bhēē- 'ya =ya 'bhii- -woo 'kē bhlanii- mu 'le.

- ³E -yrenyikun, 'bhɛɛ- 'e -yrenbhla 'mi 'tɔ 'ɛ -zayi'. 'Bhɛɛ- 'e -gblɔzi' 'laa gale.
- ⁴Duŋ- 'ŋ 'yoo- -la 'zi 'e ta -za do 'la 'yi 'bhɛ -le dɔɔ: -o 'plooda- 'yaa- 'sɔniya =lwa 'ɛ ma.
- ⁵E -balaa' yre 'la =nɔɔ, 'e 'kpeeledan doo, 'bhɛɛ- 'bhɛ dɔ 'e 'kpee. -Zadɔwɛɛ dɔ 'e ma, 'bhɛɛ- 'e ploo -za 'yɔɔ- klele ma; 'bhɛɛ- 'yee kleza -lwa mu 'ɛ kle. 'Ke 'yaa 'bhɛ klele, 'ŋ nu nule 'e ta, 'bhɛɛ- 'ŋ nu 'yaa- -lanbha 'ɛ gole -a dulayre 'ɛ =nɔɔ; 'fɔke -zadɔwɛɛ -dwa 'e ma, 'bhɛɛ- 'kee 'plooda- -za 'yɔɔ- klele ma 'ke 'yee- zru 'niinaa 'mi ba.
- ⁶Bhɛɛ- 'duŋ-, -za 'la 'bhɛ sɔ 'ŋ ni 'e zi 'bhɛ -le -ge: -o mɛɛ -lɛdo' 'la sii Nikolaiti mu 'mu kleza -yɔɔ mu 'ɛ vɛnsi 'e yin 'lii, 'bhii- -o vɛnsi 'ezin- 'mi yin 'lii gɔnɛ- 'la gbɛɛn-.
- ⁷Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -le mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni! 'Ke mɛɛ 'la zan 'sɛŋgwa- 'ke -Setran' 'le, bole -yre ma -si -yri diiŋ 'la -yoo -Waanbhaa' ba, 'mi 'gbu nu 'bhɛ bhaa 'ɛ 'ke 'nale- 'bhɛ zan 'ɛ ni 'kaa -ya bhle.
- ⁸"-Jan 'lɛɛ- -yɔɔndɛ, 'bhɛɛ- 'ya kpa Zesu yi mu -lɛdo' 'la -woo Simiini -wa 'ɛ ta, -waa' -mleke' 'ɛ ni, 'bhɛɛ- 'ya pe a ni dɔɔ: Mɛɛ 'la zan -o 'ke mɛɛ -lwa mi 'ɛ 'le, 'bhɛ 'pegee 'ke -yoo 'ke mɛɛ -daŋ ma mi 'ɛ 'le, 'yee- mɛɛ 'la zan -gaa, 'bhɛɛ- -e -bwela gale ba, -e pe dɔɔ:
- ⁹Mi 'yaa- 'trɛbhɔ mu 'ɛ 'pegee 'e 'kɔɔflɛŋya 'ɛ 'mu dɔ; 'bhɛɛ- 'duŋ-, 'yoo- 'ke pezan 'le. Mɛɛ 'la zan mu -o -a pe 'zi -o 'gbu ma dɔɔ -woo 'ke Zuufu mu 'le, 'bhɛɛ- 'duŋ-, 'ke waa -o 'mu 'le; 'bhɛ zan mu 'e 'tɔ 'yɔɔ- pe gɔnɛ- 'la gbɛɛn-, 'mi 'bhɛ -za 'ɛ dɔ. 'Bhɛ zan mu -o 'ke -Setran' a 'fɛ do -la mu 'klankeba 'le.
- ¹⁰E nu -yren -glɔɔn 'la 'bhlele-, 'yaa -gblaanle' 'bhɛ 'lɛɛ. 'E 'trɔnbado doo! -Setran' nu -a klele 'bhɛɛ- -o 'ka 'ke mu bɔ -kaso 'yi, 'ka zrubaglin zayi'. 'Ka nu -yrekpaa' vu ta -yrenbhlele. 'Duŋ- 'e zru bo do 'mi ni, 'ke 'bhɛ ge 'tenle- 'e gale ma; 'bhɛɛ- 'mi nu 'bhɛ ma -trɔn 'nale- 'e ni 'ke -Waanbhaa' ba bole -yre ma -si 'la -daŋ' 'laa -o 'bhɛ ma 'bhɛ 'le.
- ¹¹Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -le mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni! 'Ke mɛɛ 'la zan 'sɛŋgwa- 'ke -Setran' 'le, 'bhɛ zan laa nu gagbeya ple mi 'ɛ dɔle.
- ¹²"-Jan 'lɛɛ- 'bhɛ yɔɔndɛ, 'bhɛɛ- 'ya kpa Zesu 'yi mu -lɛdo' 'la -woo Pɛɛgamu -wa 'ɛ ta -waa' -mleke' 'ɛ ni, 'bhɛɛ- 'ya pe a ni dɔɔ: -Gɔkuŋbhɛ 'la 'le -o ple 'bhɛ -o mɛɛ 'la zan 'kɔɔ, 'bhɛ zan 'ɛ pe dɔɔ:
- ¹³E 'yaale- -o yre 'la =nɔɔ 'ŋ 'bhɛ dɔ. 'Mi 'gbu 'a 'yaango- 'bhii- 'e 'yaayre- 'ɛ 'bhɛ -o 'ke -Setran' 'yaakpe- 'ɛ 'bhɛɛ- 'le. 'Bhɛɛ- 'duŋ-, 'e blɔɔle -o 'ŋ ma 'egloole, 'bhɛɛ- 'yaa 'ploodɛ- 'e 'kpale- ma 'mi 'yi. 'Ali- 'ŋ 'srɛ Antipasi 'la 'bhɛ 'bhɛ zru =bwa do 'mi ni, -o 'bhɛ delawoa 'ka ba -Setran' 'yaayre 'ɛ =nɔɔ; 'bhɛ 'duŋ- =bwa 'bhɛ 'kpale- ma 'mi 'yi 'bhɛ 'waati 'ɛ ba.
- ¹⁴Duŋ- 'ŋ 'yoo- zan -lale' 'e ta -za do -la -yi, 'bhɛ -le dɔɔ: 'e ba mɛɛ mu 'ɛ 'ke mu blɔɔle -o Balaamu -a mɛɛ daangbeya 'ɛ ma. 'Yee- Balaamu -yaa Balaki daan dɔɔ 'bhɛ 'a kle gbe 'ɛ 'kpen ma, 'kooko- Izraɛli mɛɛ mu 'ɛ balaa' -za 'yɔɔ- 'yi 'ke -o yo gba wi mu bhle, 'bhɛ 'pegee 'ke -o yilaa' le mu ba.

- 15'Bhɛ klɛgbɛya do 'ɛ 'yi 'ezin-, 'bhi a mɛɛ 'ke mu blɔɔle -o Nikolaiti mu a mɛɛ daangbɛya 'ɛ ma.
- 16'Bhɛla- -zayile, -zadɔwɛɛ dɔ 'e ma, 'bhɛɛ- 'ploɔ- 'e klɛza -yɔɔ' mu 'ɛ ma 'ke 'yee zru niinaa' 'mi ba. 'Kebhlaale, 'ɲ 'yoo- zan nule 'e ta blaale, 'bhɛɛ- 'ɲ nu gwledanlɛ 'woomɛɛ mu 'ɛ ba 'ɲ 'lii -gɔkuɲbhɛ 'ɛ 'le.
- 17'Ke mɛɛ 'la zan 'trɔn -o 'bhɛ ɲgblo ma, Lii 'Wɛɲ 'ɛ -yoo -jan 'la 'wo zii' Zesu 'yi mu -lɛ mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni! 'Ke mɛɛ 'la zan 'sɛɲgwa- 'ke -Setran' 'le, 'ɲ nu mani 'la magaanle -o, 'bhɛ 'pegee kpoti 'pu do nale 'bhɛ zan 'ɛ ni; 'bhɛɛ- 'tɔ drɛɛ do yɔɔndɛle nu klɛlɛ 'bhɛ kpoti 'pu 'ɛ ta. Mɛɛ 'kɛdo- 'kpɔ 'laa 'bhɛ 'tɔ 'ɛ dɔ, 'ke yaa 'e go -o kpoti 'ɛ =naa mɛɛ 'la zan ni 'bhɛ do -kplɛn ba.
- 18"-Jan 'lɛɛ- yɔɔndɛ, 'bhɛɛ- 'ya kpa Zesu 'yi mu -lɛdo' 'la -woo Tiatiri -wa 'ɛ ta -waa' -mlɛkɛ' 'ɛ ni, 'bhɛɛ- 'ya pe a ni dɔɔ: -Waanbhaa' Gbe 'la 'ke -a -yrɛbhɛ' mu 'ɛ bhi 'ɛtɛn -klɛɛn' -klɛɛnle' 'bhii- 'tɛ nrɛ -bhigbɛya gbɛɛn-, 'bhɛɛ- 'ke -a gaan -laa mu 'ɛ -woo 'eglɔɔle 'bhii- piibhɛ 'tɛn gbɛɛn-, 'bhɛ pe dɔɔ:
- 19'Mi 'e klɛza mu 'ɛ dɔ; 'an 'yaango- 'bhii- 'ɲ -za sɔ 'e ni, 'bhɛɛ- 'e 'kpale- -o 'mi 'yi, 'e yewo 'mi ni 'elrele 'bhɛ 'pegee 'e -yrɛnyikun. 'An 'yaango- 'ezin- 'bhii- 'e -za 'lrele- mu 'la klɛ 'zi -zɔn 'mu kan 'e 'kɛ mu 'la =kla 'elwaleta 'mu ta.
- 20'Duɲ- 'ɲ 'yoo- zan -lale' 'e ta 'yoo- Zezabeli mazato zii' -za 'la 'yi 'bhɛɛ- 'yi. 'Bhɛ le 'la bhɛ 'bhɛ -o 'bhɛ 'gbu 'kun zii' 'ke -Waanbhaa' a -lɛla' -janwo' le do -la -le. 'Duɲ- -yoo 'an yewone mu 'ɛ 'yini- -yaa' mɛɛ daangbɛya 'ɛ 'le, 'bhɛɛ- -e -yanbhɔɔya klɛle wla 'zi 'mu zi; 'bhɛɛ- -ya pe 'mu ni dɔɔ 'mu yo gba wi mu bhle.
- 21'Mi 'waati =naa -a ni, 'kooko- -zadɔwɛɛ dɔ -a ma, 'bhɛɛ- -e 'ploɔ- -yaa' -za 'yɔɔ- mu 'ɛ ma, 'bhɛɛ- -ya zru niinaa' 'mi ba; 'duɲ- yaa dɔlɛ -a -la 'kee- ploɔ -yaa' gwɛn -glinle' 'ɛ ma.
- 22-Ka 'ka 'yrɛkpa doo, 'ɲ nu 'yee- 'pegee mɛɛ 'la zan mu -yanbhɔɔya =kla -o blinlɛ yilapɛ do ta, 'bhɛɛ- 'ɲ -yrɛn -gbɛnɛ kpa -o ta, 'fɔke -zadɔwɛɛ -dwa 'mu ma, 'bhɛɛ- 'ke 'mu -ploola 'mu a -za 'yɔɔ- mu 'ɛ ma.
- 23'Bhɛ blaɛn, 'ɲ nu -a -nɛ mu 'ɛ dɛlɛ. 'Bhɛɛ- Zesu 'yi mu -lɛ mu 'ɛ 'kɛn nu a dɔlɛ 'bhii- 'mi -le bhaaplɛɲ mu 'kpeejan- mu 'pegee -o zru maza mu 'ɛ dɔ. 'Dɔ nu 'ka 'kɛn do do klɛza wlata -sra 'nale- 'ka ni.
- 24'Duɲ-, 'ka mu 'an mɛɛ -vin mu 'la 'ka -o Tiatiri, 'ka mu laa blɔɔlɛ 'bhɛ daangbɛya 'yɔɔ- 'ɛ ma. 'Bhɛɛ- -o -za mu 'la sii '-Setran' a gaanyiza -gbɛnɛ mu.' 'Ka 'laa 'mu dɔlɛ. 'Mi 'duɲ- pe 'ka ni dɔɔ, 'mi 'naa nu 'kwe 'bhɛɛke dɔlɛ 'ka 'wiɲ-.
- 25'Duɲ-, pɛ yɛkɛ- 'la -yoo 'ka 'kɔɔ bhe, -ka 'ka gbɛblɔɔ 'bhɛ ta 'eglɔɔle, 'ke 'bhɛ ge 'tɛnlɛ- 'ɲ 'nule- ma.
- 26'Duɲ-, 'ke mɛɛ 'la zan 'sɛɲgwa- -Setran' 'le, 'bhɛɛ- 'ke mɛɛ 'la zan =bwa yewole ma 'mi ni 'ke 'bhɛ ge 'tɛnlɛ- -a -leyanle ma, 'ɲ nu 'sɛɲ 'nale- 'bhɛ zan 'ɛ ni, 'bhɛɛ- -e yalaa' 'si mu 'ɛ 'kɛn 'wiɲ-.

27'-E nu -o -lɛdɔɔlɛ -glɔɔya' ma piibhɛ 'beni do 'le; 'bhɛɛ- -e nu -o -wile' 'bhii- -o 'trɛ gbɔ mu wi 'edile gɔnɛ- 'la gbɛɛn-.' 'Mi 'gbu 'sɛŋ 'la 'srɔɔwoa- 'ŋ Dɛ 'kɔɔ, 'ŋ nu 'bhɛɛ-yeke- 'sɛŋ 'nale- 'bhɛ zan 'ɛ ni.

28'Bhɛɛ- 'ŋ nu zrwanzi -buŋbhaa 'ɛ 'nale- 'bhɛ zan ni.

29'Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -lɛ mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni!

Yrɛ zi yelɛ 'sɛwɛ 3

1''-Jan 'lɛɛ- yɔɔndɛ 'bhɛɛ- 'ya kpa Zesu 'yi mu -lɛdo' 'la -woo Saadɛsi -wa 'ɛ ta -waa' -mlɛkɛ' 'ɛ ni, 'bhɛɛ- 'ya pɛ a ni dɔɔ: -Waanbhaa' lii 'srwaplɛ- 'ɛ 'pegeɛ mlɛklɛnnɛ 'srwaplɛ- 'ɛ -woo mɛɛ 'la zan 'kɔɔ, 'bhɛ pɛ dɔɔ: 'Mi 'ɛ klɛza mu 'ɛ dɔ; 'ɛ 'tɔbhɔlɛ -o dɔɔ 'yoo- 'ɛ 'yrɛ ma, 'bhɛɛ- 'duŋ- 'ɛ gale -o.

2'E 'yri bo 'ɛ 'gbu -za 'le, 'bhɛɛ- faŋgandɔ mɛɛ -vin mu 'la =bwa 'ɛ 'kɔɔ, 'bhɛɛ- 'ke 'mu -o zan gale 'mu ta. -Amasrɔyi 'mi 'a =ya 'bhii- 'ɛ klɛza mu 'ɛ 'lreleya 'ɛ 'lɛpale laa -o 'an -Waanbhaa' 'ɛ -yrɛ 'yi.

3'E -Waanbhaa' a -jan 'ɛ 'srɔɔwoa- gɔnɛ- 'la gbɛɛn-, 'bhɛɛ- 'ya =maa gɔnɛ- 'la gbɛɛn-, 'mu bo 'ɛ 'kpee. -A -klɔsikun 'elrele, 'bhɛɛ- -zadɔwɛɛ dɔ 'ɛ ma, 'bhɛ 'pegeɛ 'ploɔ- 'yaa- -za 'yɔɔ- mu 'ɛ ma, 'bhɛɛ- 'ɛ zru niina- -Waanbhaa' ba. 'Kee 'yri -gwa 'ɛ 'gbu -za 'le, 'ŋ nu nule 'klalɛ 'ɛ ba 'bhii- -faannii' do kla mɛɛ ba gɔnɛ- 'la gbɛɛn-; 'bhɛɛ- 'yaa nu 'ŋ 'nu 'waati 'ɛ dɔlɛ.

4'Bhɛɛ- 'duŋ-, Zesu 'yi mu 'ke mu -o 'ɛ ba Saadɛsi -wa 'ɛ ta, 'mu laa 'mu ta dunɛ- mu 'ɛ 'trɪŋdɔlɛ. 'Bhɛ zan mu nu dunɛ- 'pu mu 'klalɛ- 'mu ta, 'bhɛɛ- 'o 'pegeɛ 'mu nu 'taawolɛ 'eke- zi; -amasrɔyi, 'bhɛ -gaale' -o -o ba 'ke -waa' pɛ klɛ 'bhɛ -za 'lrele- 'ɛ 'bhɛɛ- 'le.”

5'''Bhɛ klegbɛya do 'ɛ 'yi, mɛɛ 'la zan nu 'sɛŋgolɛ -Setran' 'le, -o nu 'bhɛ zan 'ɛ -baale' 'ke dunɛ- 'pu mu 'le. Mɛɛ 'la zan mu nu -Waanbhaa' ba bole -yrɛ ma -si 'la 'ke -dan' 'laa -o 'bhɛ ma 'bhɛ 'srɔɔwolɛ, 'mu 'tɔ mu -o 'sɛwɛ 'la 'yi, 'naa nu 'bhɛ zan mu 'ɛ 'tɔ 'ɛ 'liilɛ- 'bhɛ 'sɛwɛ 'ɛ 'yi. 'Dɔ nu 'bhɛ zan mu 'ɛ 'tɔkanlɛ 'ŋ Dɛ -Waanbhaa' 'pegeɛ -yaa' -mlɛkɛ' mu 'ɛ 'yrɛ ma dɔɔ 'bhɛ zan -o 'ke 'an pɛ mɛɛ mu 'le.

6'Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -lɛ mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni!

7''-Jan 'lɛɛ- yɔɔndɛ, 'bhɛɛ- 'ya kpa Zesu 'yi mu -lɛdo' 'la -woo Filadɛlifi -wa 'ɛ ta -waa' -mlɛkɛ' 'ɛ ni, 'bhɛɛ- 'ya pɛ a ni dɔɔ: Mɛɛ 'la zan -o 'wɛŋ, 'bhɛɛ- 'ke -yoo 'ke wlan zan 'le bhɛ. 'Yee- 'la 'ke -bhɛŋgbɛ Davidi a 'fɛ 'lii 'gborobhɛ 'ɛ -ya 'kɔɔ bhɛ. 'Yee- 'la 'kee- 'fɛ 'ɛ 'liigwa-, 'bhɛɛ- mɛɛ 'kɛdo- 'kpɔ 'laa sɔ -a -liitanlɛ; 'bhɛɛ- 'ke -ya -liitaan mɛɛ 'kɛdo- 'kpɔ 'laa sɔ -a -liigolɛ -titi, -ɛ pɛ dɔɔ:

8'Mi 'ɛ klɛza mu 'ɛ dɔ. 'E 'yrɛkpa -gɛ doo: 'Mi 'fɛ 'liigolɛ do -dwa 'ɛ 'lɛɛ, mɛɛ 'kɛdo- 'kpɔ 'laa sɔ -a -liitanlɛ. Wlan 'ɛ ni, faŋgan- kplankplan 'laa -o 'ɛ ta, 'bhɛɛ- 'duŋ-, 'ye 'an -jan 'ɛ 'klɔsikwan; 'bhɛɛ- 'yaa 'ɛ -baŋgolɛ 'ŋ 'tɔ 'ɛ 'yi.

- 9'E 'yrekpa -ge doo: 'η 'yoo- zan -za 'lɛɛ- 'bhɛɛ- klɛlɛ -Setran' -a mɛɛ -lɛdɔ' 'ɛ ni; 'woo bhlanii- mu 'la -wa pe -o 'gbu ma dɔɔ -woo 'ke Zuufu mu 'le, 'bhɛɛ- 'duŋ-, waa -o 'ke Zuufu mu 'le -o zru 'ɛ 'yi. 'D nu -a wlalɛ -o zi 'bhɛɛ- -o nu nule -o 'kpɔ zenlɛ 'ɛ 'lɛɛ -ge, 'kooko- -woo 'ɛ 'lɛdɔ- -a ma. 'Bhɛɛ- -o nu -a dɔlɛ kpataakpa 'bhii- 'ɛ -za =swa 'η ni.
- 10-Amasrɔyi 'ɛ 'mi a pɛ -yrɛn 'yikun ma jan 'ɛ 'klɔsikwan, 'bhɛla- -yile -yrɛn 'la -yoo zan baalɛ 'drunyan 'yi mu 'ɛ ta -o zrubaglin zayi', 'mi nu 'η gbekpalɛ 'ɛ ta 'bhɛ 'waati 'ɛ ba.
- 11-A -vinbwa sa 'bhɛɛ- 'η nu! 'E 'kpale 'la -yoo 'η 'yi, bo 'bhɛ ta 'eglooɛ; 'kooko- mɛɛ 'kɛdo- 'kpɔ 'laa nu 'yaa- -bhɛŋgbe ŋgblo ma 'faa 'ɛ 'kunlɛ- 'ɛ 'kɔɔ.
- 12'Ke mɛɛ 'la zan 'sɛŋgwa- -Setran' 'le, 'η nu 'bhɛ zan klɛlɛ 'bhii- 'mi a -Waanbhaa' Gba 'Fɛ -Gbɛnɛ 'ɛ -gwa 'ɛ drɛyi' -yri 'ɛ gbɛɛn-, 'bhɛɛ- yaa nu 'pwɛlɛ- -li 'bhɛ =la. 'D nu 'an -Waanbhaa' 'tɔ 'ɛ yɔɔndɛlɛ 'bhɛ zan ta, 'bhɛ 'pegee 'η nu -Waanbhaa' a -wa 'ɛ 'tɔ 'ɛ yɔɔndɛlɛ 'bhɛ zan ta. 'Bhɛ -wa 'ɛ 'bhɛ -le 'ke Zeruzalɛmu -wa drɛɛ 'la nu dale 'an -Waanbhaa' ba laanima, 'bhɛɛ- -ɛ zinaa' 'trɛ ma 'bhɛɛ- 'le. 'Mi 'gbu nu 'η 'tɔ drɛɛ 'ɛ yɔɔndɛlɛ 'bhɛ zan 'ɛ ta 'ezin-.
- 13'Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -lɛ mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni!
- 14"-Jan 'lɛɛ- 'bhɛ yɔɔndɛ, 'bhɛɛ- 'ya kpa Zesu 'yi mu -lɛdɔ' 'la -woo Laodise -wa 'ɛ ta -waa' -mlɛkɛ' 'ɛ ni, 'bhɛɛ- 'ya pe a ni dɔɔ: Mɛɛ 'la zan 'tɔ -le Amiina, -Waanbhaa' a -janwo' mi 'la zru -o do -a ni, 'ke -yoo 'ke wlan zan 'le bhɛ; 'bhɛɛ- 'ke -yoo -Waanbhaa' klɛpɛ mu 'ɛ 'kpɛn dayrɛ 'le bhɛ; -ɛ pe dɔɔ:
- 15'Mi 'ɛ klɛza mu 'ɛ dɔ; 'an 'yaango- 'bhii- 'ɛ -drwale' laa -o, 'bhɛɛ- 'yaa -o wlowlo 'ezin-. 'Kee 'yaa- klɛ 'woo- klegbɛya plɛ 'la bhɛ -o do 'le, 'bhɛ mabhaa -yaa' nu bhɔlɛ.
- 16'Duŋ-, 'yoo- wlowlo bhɛ, 'bhɛɛ- 'ɛ -drwale' laa -o, 'bhɛ 'pegee- 'ɛ 'tɛdɔlɛ laa -o 'papa, 'η 'yoo zan 'η 'piilɛ- 'kee 'le.
- 17-Amasrɔyi 'ya pe dɔɔ 'ɛ 'gbu -o 'ke pɛzan 'le, 'bhɛɛ- 'ɛ -naflo 'srɔɔwoa-, 'bhɛ 'pegee 'ɛ maza laa -o pɛ 'kɛdo- 'kpɔ ma. 'Yaa 'yaango- 'bhii- 'trɛbhɔ 'pegee -yrɛn -o 'ɛ ta. 'Bhɛɛ- 'yaa 'yaango- 'bhii- 'yoo- 'ke 'kɔɔflɛŋzan 'le, 'bhɛ 'pegee 'ɛ 'yrɛ 'wile- -o, 'bhɛɛ- 'ɛ tafɛŋ- -o ɛɛ?
- 18-Ayile, 'mi -o zan 'ɛ 'lialɛ- dɔɔ -o -can 'la -wa 'yiela- 'tɛ 'yi, 'bhɛɛ- 'ke -wa bagwa- 'wɛŋ, 'bhɛ 'lɔ 'mi 'kɔɔ, 'kooko- 'ɛ klɛ pɛzan 'le. 'Ezin-, 'ɛ ta dunɛ- 'pu mu 'ɛ 'lɔ 'mi 'kɔɔ, 'kooko- 'ɛ sɔ 'yaa- -yralado ma tafɛŋya 'ɛ tagaanle. 'Bhɛ trala 'ezin-, 'ɛ 'yrɛ 'laanɛkpape -lɔ 'mi 'kɔɔ, 'kooko- 'ɛ sɔ yrɛ ma yele-.
- 19'Ke mɛɛ 'la zan mu -za sɔ 'mi ni, 'bhɛɛ- 'ke 'mu 'yinia-, 'mi 'bhɛ zan mu 'ɛ bɔ zi ta, 'bhɛɛ- 'mi -o 'kpɛn 'krowo-. 'Mi -vavade, 'bhɛɛ- -zadowɛɛ dɔ 'ɛ ma, 'bhɛɛ- 'ɛ ploo -za 'yɔɔ- klɛlɛ ma, 'bhɛɛ- 'yee zru niina- 'mi ba.
- 20'E 'yrekpa -ge doo: 'D dulalɛ -o 'fɛ 'ɛ 'lii, 'bhɛɛ- 'η 'yoo- kɔkɔdɛ 'zi; 'ke mɛɛ 'la zan 'η 'weli- 'ɛ =maa, 'bhɛɛ- 'kee- 'fɛ 'ɛ 'liigwa- 'η ni. 'D nu wlalɛ 'bhɛ zan ba 'fɛ 'ɛ =la, 'bhɛɛ- 'η nu pɛbhɛlɛ 'bhɛ zan ba, 'bhɛɛ- 'bhɛ zan nu pɛbhɛlɛ 'mi ba.

21'Mi 'sengwa- 'ke -Setran' 'le, 'bhɛɛ- 'ŋ -ja yaale 'ŋ Dɛ -din -yaa' -bhɛngbe 'yaakpe- 'ɛ ta. 'Bhɛ klɛgbeya do 'ɛ 'yi, 'ke mɛɛ 'la zan 'sengwa- -Setran' 'le, 'ŋ nu 'bhɛ zan 'ɛ yaale 'ŋ -din 'an -bhɛngbe 'yaakpe- 'ɛ ta.

22'Ke mɛɛ 'la zan 'trɔn -o 'bhɛ ŋgblo ma, Lii 'Wɛŋ 'ɛ -yoo -jan 'la 'wo zii' Zesu 'yi mu -lɛ mu 'ɛ ni, 'bhɛ zan 'bhɛ 'trɔnbado 'bhɛ -jan 'ɛ ni!"

Yrɛ zi yele 'sɛwɛ 4

1'Bhɛ blaani 'ezin-, 'mi 'ŋ 'yɛkpale 'ke 'ŋ 'fɛ do -liigole yele- laflɛ' 'yi. 'D -weli' 'la =lwa =maa 'bhii- -klɛlɔŋ' 'pɛnwli-, 'bhɛɛ- 'kee- -yaa -janwo' zii' 'ŋ ni, 'bhɛ pe 'ŋ ni dɔɔ: "'San, 'bhɛɛ- 'e nu -gɛ, 'bhɛɛ- -za 'la 'bhɛ nu klelɛ 'kɛlɛɛ- blaani, 'ŋ nu 'bhɛ zɔnlɛ 'e ni."

2'Bhɛ yrɛ do 'ɛ =nɔɔ bhɛ, 'ke Lii 'Wɛŋ 'ɛ zinale 'ŋ ta, 'kee- gele- 'ŋ 'le laflɛ' 'ɛ 'yi, 'bhɛɛ- 'ke 'ŋ -bhɛngbe 'yaakpe- do yele-. 'Bhɛɛ- mɛɛ do yaale -yaa 'bhɛ kpe 'ɛ ta.

3'Bhɛ mɛɛ 'la 'yaale- -yaa, 'bhɛ -yaa -bhi 'zi 'bhii- vlɛnɛ- -za -glɔɔ mu 'la -o 'mu sii zasipe 'pegee saadwani 'bhigbeya gbɛɛn-. 'Bhɛɛ- -glɛngbaan do 'mlingole -yaa 'bhɛ -bhɛngbe 'yaakpe- 'ɛ zi. 'Bhɛ -glɛngbaan 'ɛ 'yaa- bhi 'bhii- vlɛnɛ- -za -glɔɔ 'la -o 'bhɛ sii emerɔdi.

4'Bhɛɛ- 'mi -bhɛngbe 'yaakpe- -bhɛɛke' mia do bhɛ yizie (24) dulale =ya 'yee- -bhɛngbe 'yaakpe- -lwa mi 'ɛ zi. 'Bhɛɛ- 'gwlaan- gbalaan mia do bhɛ yizie (24) yaale -yaa 'bhɛ -bhɛngbe 'yaakpe- mia do bhɛ yizie 'ɛ ta; dunɛ- 'pu mu -yaa 'mu ta, 'bhɛ 'pegee -bhɛngbe ŋgblo ma -can 'faa mu -yaa 'mu ŋgblo ma.

5'La -yrɛbɔle mu 'pegee pɛ -weli' mu, 'bhɛɛ- -gblan' 'pɛɛ wli mu -yaa da 'zi 'yee- -bhɛngbe 'yaakpe- 'ɛ 'yi. -Fitran 'bhile- -yranle' 'srwaple- -yaa -bhi 'zi 'yee- -bhɛngbe 'yaakpe- 'ɛ 'lɛ ma: 'wole- 'ke -Waanbhaa' lii 'srwaple- 'ɛ 'le.

6'Bhɛɛ- yrɛ do -yaa 'yee- -bhɛngbe 'yaakpe- 'ɛ 'lɛ ma; 'bhɛ 'yaa- 'bhii- -yi 'laata- dɛle do gbɛɛn-; 'bhɛ 'yrɛ ta -yaa bhi -yrayra 'bhii- -dwaleŋ', 'bhɛ 'pegee 'bhii- vlɛnɛ- 'la -za -o 'egɔɔle 'ke -wa sii krisitali 'bhɛ gbɛɛn-. 'Bhɛɛ- pɛ -yrɛ male yizie (24) 'ɛ -yaa 'yee- -bhɛngbe 'yaakpe- 'ɛ -din, 'bhɛɛ- 'mu 'mlingole -yaa -a zi. -O -lɛɛ 'pegee -o -zanta' 'ɛ 'kɛn 'pale- -yaa 'ke -yrɛbhe' mu 'le.

7'Woo- pɛ -yrɛ male mu 'ɛ, -o -lwa mi 'ɛ 'pwele- -yaa 'ke -jara do 'le; -a plɛ mi 'ɛ 'pwele- -yaa 'ke dri gwɛnnɛ- do 'le; -a yaga mi 'ɛ wleyi' 'ɛ 'pwele -yaa 'ke bhaaplɛŋ do wleyi' 'ɛ 'le; 'bhɛɛ- -a yizie mi 'ɛ 'pwele- -yaa 'ke 'bibi 'la 'ke -yoo 'si zii' 'bhɛ 'le.

8'Woo- pɛ -yrɛ male yizie 'ɛ, -o 'kɛn do do gbɛŋrɔŋ- -yaa 'srwado-; 'bhɛɛ- -o -yrɛbhe' mu 'ɛ 'mlingole -yaa -o zi yrɛkɛn- =nɔɔ, 'bhɛ 'pegee -o gbɛŋrɔŋ- mu 'ɛ =la. -Yrɛkpaan' 'pegee -bi zi oo, -o -yaa bo -a pele ma dɔɔ: "'Mɛɛzan -Waanbhaa' 'Sɛŋkɛnzani, -yoo 'wɛŋ, -yoo 'wɛŋ, -yoo 'wɛŋ. 'E 'yaa- 'elwale gban -sɔ, 'bhɛɛ- -yoo -zɔn, 'bhɛɛ- -yoo zan nule!"

9'Yee- mɛɛ 'la zan yaale -o -bhɛngbe 'yaakpe- 'ɛ ta, 'bhɛɛ- 'ke -ya -yrɛ ma yikpensee ta, 'ke pɛ yrɛ male yizie 'ɛ -wa 'tɔ magbaandele, 'bhɛ 'pegee 'ke -wa 'tɔbhole, 'bhɛɛ- 'ke -wa pele -a ni "'D cie!" 'Bhɛɛ- 'bhɛ 'waati do 'kpɔ 'ɛ ba,

10'gwlaan- gblaana mia do bhe yizie 'e -woo 'kpɔ zen -a -lɛɛ, 'bhɛɛ- -wa gba; 'yee- 'la -danj' 'laa -o -yaa pɛ bole -yrɛ ma 'ɛ ma -titi. -O -yaa -waa' -bhɛngbe ngblo ma -can 'faa mu 'ɛ go, 'bhɛɛ- -o 'mu kpala' -yaa' -bhɛngbe 'yaakpe- 'ɛ 'lɛɛ, 'ke -wa pɛ doo:

11""Waa- Mɛɛzan -Waanbhaa', -a -gaale' -o 'e ba 'ke 'tɔbhɔleya 'pegee -glɔɔya' bo 'e ni, 'bhɛɛ- 'ke 'woo 'e 'lɛdɔ- -a ma. 'E 'trɛ ta pɛ 'kpen =kla. 'E pɛ 'kpen =kla, 'bhɛɛ- pɛ 'kpen -o ye 'bhi -la zru maza 'ɛ 'srɔyi."

Yrɛ zi yele 'sɛwɛ 5

1'Bhe blaana, 'ke 'ɲ 'sɛwɛ kpo do 'klule- yele-. 'Bhe 'yaa- mɛɛ 'la zan yaale -yaa -bhɛngbe 'yaakpe- 'ɛ ta 'bhɛɛ- gbɛ -yie' -lii. 'Sɛwɛ yɔɔndɛle -yaa 'yee- 'sɛwɛ kpo 'ɛ 'yrɛ plɛ 'ɛ ta. -A -liitanle blɔɔle -yaa 'ke -tɔmasie 'srwaplɛ- 'le.

2'Bhɛɛ- 'ɲ -mlɛkɛ' -glɔɔ do =ya, 'bhɛɛ- 'bhe 'yaa- pɛ 'zi 'bhe 'weli- -glɔɔ 'ɛ 'le doo: "'Bhe -gaale' -o -de 'gbu -la ba 'kee- 'sɛwɛ kpo 'ɛ 'liiploo-, 'bhɛɛ- -e -tɔmasie blɔyɛ mu 'ɛ go -a ta ɛɛ?"

3'Duɲ-, 'kee- kpa lafle' 'yi mu ta oo, 'kee- kpa 'trɛ ta mu 'pegee 'trɛ =la mu ta oo, 'bhe mɛɛ laa yele -o ba 'ke 'bhe sɔ 'yee- 'sɛwɛ 'ɛ 'liiploole 'bhɛɛ- -ya -yiglin'.

4'D 'bhe 'yele-, 'ke 'ɲ wisile 'ebebele, -amasrɔyi, 'bhe mɛɛ laa yele 'ke 'bhe sɔ 'yee- 'sɛwɛ kpo 'ɛ 'liiploole, 'bhɛɛ- -ya -yiglin'.

5'Bhe klele 'tɛ, 'ke 'gwlaan- gblaana mu 'ɛ do 'a 'pele 'ɲ ni doo: "'Yaa wisile, 'e 'yrɛkpa -ge doo, mɛɛ 'la zan 'sɛngwa- -Setran' 'le 'bhe -le -ge: Zuda 'nɛ 'la -yoo 'bhii- -jara do gbɛɛn-, Davidi 'nranɛ- 'ɛ, 'yela- 'sɛngwa- -Setran' 'le, 'kooko- -e 'yee- 'sɛwɛ kpo 'ɛ 'liiploo-, 'bhɛɛ- -ya ta -tɔmasie blɔyɛ mu 'ɛ go -a ta."

6'Bhe klele 'tɛ, 'ke 'ɲ -Bhlaa Gwɛn Bhlɔnɛ- do dulale yele- -bhɛngbe 'yaakpe- 'ɛ drɛyi'. 'Yee- -Bhlaa Gwɛn Bhlɔnɛ- 'ɛ dulale -yaa pɛ -yrɛ male yizie 'ɛ 'pegee 'gwlaan- gblaana mu 'ɛ 'plɛɲ-. -E -yaa 'bhii- 'sraka go -Bhlaa Gwɛn Bhlɔnɛ- 'la -wa =dia gban 'bhe gbɛɛn-. -A -mlɛ -yaa 'srwaplɛ-, 'bhɛɛ- -a -yrɛbhe' -yaa 'srwaplɛ-. 'Bhe 'yrɛbhe- 'srwaplɛ- 'ɛ 'mu -le 'ke -Waanbhaa' a lii 'srwaplɛ- 'la =kpa' 'drunyan 'ɛ 'yi yrɛkpen- =nɔɔ 'mu 'le.

7-Bhlaa Gwɛn Bhlɔnɛ- 'ɛ -ya mabɛɛnle, 'kee- 'yee- 'sɛwɛ kpo 'ɛ 'sile mɛɛ 'la zan yaale -yaa -bhɛngbe 'yaakpe- 'ɛ ta 'bhe gbɛ -yie' 'ɛ 'lii.

8-E 'sɛwɛ kpo 'ɛ 'sile-, 'ke pɛ -yrɛ male yizie 'ɛ 'pegee 'gwlaan- gblaana mia do bhe yizie 'ɛ -woo 'kpɔ zenle- 'yee -Bhlaa Gwɛn Bhlɔnɛ- 'ɛ 'lɛɛ, 'ke -wa gbale-. 'Srokpa -gitari -glɔɔn gwe -yaa -o 'kpen do do 'kɔɔ, 'bhɛɛ- -can gbɔ mu -yaa 'o 'kɔɔ. 'Bhe -can gbɔ mu 'ɛ 'pale- -yaa 'ke ansansi 'le. 'Bhe ansansi mu 'ɛ 'mu -le 'ke -Waanbhaa' a mɛɛ 'wɛɲ mu 'ɛ -waa' 'seri mu 'ɛ 'le.

9-O -yaa -Waanbhaa' 'tɔbhɔ ma 'sro drɛɛ do 'kpa zii' doo: "'Bhe -gaale' -o 'bhi -la ba 'kee 'sɛwɛ 'ɛ 'si, 'bhɛɛ- 'ya 'lii blɔyɛ nɔɔ- -tɔmasie mu 'ɛ go. 'E -gaa 'bhɛɛ -e =kla 'ke 'sraka 'le. 'E 'yien =kla 'ke bhaaplɛɲ mu ta gbawopɛ 'le -Waanbhaa' ni: bhaaplɛɲ 'tɔle-

bhaaplenj, 'ke -o da 'si mu 'e kpen ba, 'ke -o wli mu 'e 'kpen pe, 'bhæ- 'ke -o da 'klæn mu 'e 'kpen 'yi.

10'Yoo- -kla 'ke -bhlenjbe 'klæn do 'yi mu 'le, 'bhæ 'pegee 'sraka 'læna mu 'le -kɔɔa' -Waanbhaa' 'e ni. 'Bhæ- -o nu klæle -bhlenjbe mu 'le 'trɛ ta -gɛ.”

11'Mi 'η 'yrekpale 'ezin-, 'ke 'η -mlɛkɛ' -bebe 'weli male-: -o -yaa -mlɛkɛ' 'mliyon -bebe bhɔ. -O dulale mlingole zenle -yaa -bhlenjbe 'yaakpe- 'e 'pegee pɛ -yrɛ male mu 'e, 'bhæ- 'gwlaan- gbalaan mu 'e zi.

12-O -yaa 'srokpa zii' -o -weli' -glɔɔ mu 'e 'yi dɔɔ: "-Bhlaa Gwlen Bhlone- 'la -gaa, 'bhæ- -e -kla 'ke 'sraka 'le, 'bhæ -gaale' -o -a ba 'kee- -glɔɔya' oo, -nafloya oo, -zadɔleya oo, fanjan oo, lɛdɔle a ma oo, magbaandɛleya 'bhæ- 'tɔbhɔleya 'srɔɔwo-!”

13'Bhæ- lafle' 'yi pɛ mu 'kpen oo, 'trɛ ta pɛ mu oo, 'trɛ =la pɛ mu oo, 'bhæ 'pegee wɛyi-ba pɛ mu 'e 'kpen, 'η -wo 'kpen 'weli- -maa. 'Bhæ- 'drunyan ta pɛ mu 'e 'kpen 'yaa- 'srokpa zii' dɔɔ: "Mɛɛ 'la zan yaale -o -bhlenjbe 'yaakpe- 'e ta, 'bhæ 'pegee -Bhlaa Gwlen Bhlone- 'e -waa pɛ -le 'ke magbaandɛleya oo, -lɛdɔle a ma oo, 'tɔbhɔleya 'pegee -glɔɔya' 'le -zɔn 'pegee yikpensee ta!”

14'Bhæ klæle 'tɛ, 'ke 'woo- pɛ -yrɛ male yizie 'e -wa pele- 'eke- zi dɔɔ: "Amiina!" 'Bhæ- 'gwlaan- gbalaan mu 'e -woo 'kpɔ =zian, 'ke -o -Waanbhaa' gbale-.

Yrɛ zi yele ‘sɛwɛ 6

1'Bhæ blaen 'ezin-, 'ke 'η -Bhlaa Gwlen Bhlone- 'e 'yele. -E 'sɛwɛ kpo 'e ta -tɔmasie blɔɔyrɛ =lwa mi 'e -gwa. 'Bhæ klæle 'tɛ, 'ke 'η 'trɔnkpale pɛ -yrɛ male yizie 'e do -weli' ma 'bhii- -gblanj 'pɛɛ wli gbɛɛn- dɔɔ: "Nu!”

2'Mi 'η 'yrekpale, 'ke 'η wi -soo' 'pu do yele-. Mɛɛ 'la zan 'sanle- -yaa 'yee- wi -soo' 'e ta, 'sa do -yaa 'bhæ 'kɔɔ; 'bhæ- -o -bhlenjbe ηgblo ma 'faa do -wlaa 'bhæ ηgblo ma. -E -jilaa 'bhii- gwle ηgblo =bwa mɛɛ 'la zan ni, 'bhæ- -a 'sej nu wole -a -sɔɔnnii' mu 'e 'le, 'bhæ- -e nu 'sej baan' 'srɔɔwole 'ezin-.

3'Bhæ blaen, 'ke -Bhlaa Gwlen Bhlone 'e -tɔmasie blɔɔyrɛ plɛ mi 'e gole-. 'Bhæ- 'ke 'η pɛ -yrɛ male plɛ mi 'e 'bhæ 'weli- 'e male- dɔɔ: "Nu!”

4'Bhæ klæle 'tɛ, 'ke wi -soo' 'bhæke do 'pwɛle 'a -yi: 'Bhæ 'yaa- 'etɛn -banbanle 'bhii- 'tɛ gbɛɛn-. Mɛɛ 'la zan 'sanle- -yaa 'bhæ -soo' 'e ta, -o 'sej =naa 'bhæ ni, 'kooko- 'bhæ yilabla go 'fɛfɛfɛ 'trɛ ta, 'bhæ- 'kooko- bhaaplenj mu gwledan 'eke- ba 'ke -woo 'eke- dɛ. -O -gɔkunjbhæ -gbɛɛn do -kpaa 'bhæ 'kɔɔ.

5'Bhæ gole -a -yi, 'ke -Bhlaa Gwlen Bhlone- 'e -tɔmasie blɔɔyrɛ yaga mi 'e gole-. 'Bhæ- 'ke pɛ -yrɛ male yaga mi 'e 'bhæ 'a 'pele dɔɔ: "Nu!" 'Mi 'η 'yrekpale, 'ke 'η wi -soo' ti do yele-. Mɛɛ 'la zan 'sanle- -yaa -a ta, pɛ dan 'kilo do -yaa 'bhæ 'kɔɔ.

6'Bhæ- 'ke 'η pɛ -weli' do male- 'bhii- mɛɛ -weli' do gbɛɛn- 'woo- pɛ -yrɛ male yizie 'e 'plenj-. 'Bhæ 'yaa- pɛ 'zi dɔɔ: "-Mlɔ 'kilo do 'plɛɛ -o denie -gɔli' 'tanjha do 'le ('bhæ -o -yrekpaa' do ta ye -sra -la -le). 'Bhæ- kpaa 'kilo yaga 'plɛɛ -o 'ke -yrekpaa' do ta ye -sra -la -le 'ezin-. 'Duŋ- -yrɔn 'pegee -drɔɔ 'e 'mu 'to ye, 'yaa -za 'kɛdo- 'kpɔ klæle 'mu ni.”

7'Bhɛ blaɛn, 'kɛ -Bhlaa Gwɛn Bhlɔnɛ- -ɛ -tɔmasiɛ blɔɔyɛ yiziɛ mi 'ɛ gole-, 'bhɛɛ- 'kɛ 'ŋ 'trɔŋkpale pɛ -yɾɛ male yiziɛ mi 'ɛ 'weli- 'ɛ ma 'kɛ -ya pɛ 'zi dɔɔ: "Nu!"

8'Mi 'ŋ 'yɾɛkpale, 'kɛ 'ŋ wi -soo' do yele-: 'bhɛ tilagbɛya 'ɛ 'yaa- 'bhii- 'tɛbwe- gbɛɛn-. Mɛɛ 'la zan 'sanle- -yaa -a ta -o -yaa 'bhɛ sii ga. 'Bhɛɛ- gbaa mu a -wa 'ɛ gbaanle -yaa -a zi. 'Bhɛɛ- -o 'sɛŋ =naa 'woo- ga 'pegeɛ gbaa mu a -wa 'ɛ ni dɔɔ -o 'drunyan 'yi mu 'ɛ 'lɛdulayɾɛ yiziɛ mi 'ɛ dɛ 'kɛ -gɔkuŋ' 'pegeɛ -gu, 'bhɛɛ- ga mu 'la 'yivlin- mɔkpen' ma, 'bhɛ 'pegeɛ -bɔn 'yi srɔpɛ mu 'ɛ 'le.

9'Bhɛ blaɛn, 'kɛ -Bhlaa Gwɛn Bhlɔnɛ- 'ɛ -tɔmasiɛ blɔɔyɛ 'soo mi 'ɛ gole-. 'Bhɛ klɛle 'tɛ, -o mɛɛ 'la zan mu =dia -Waanbhaa' a -Jan 'ɛ -zayi', 'bhɛ 'pegeɛ -o 'kɛ 'mu 'la =dia -Waanbhaa' a 'sɾɛya- klɛle ma, 'ŋ 'bhɛ zan mu 'ɛ lii mu 'ɛ =ya 'srakagoyɾɛ 'ɛ =la.

10'Bhɛ mu -pɛɛnna 'ɛglɔɔle 'kɛ -wa pɛ dɔɔ: "'O Zan -glɔɔ 'pegeɛ 'o Zan 'wɛŋ, 'bhɛɛ- 'o Zan wlan, 'trɛ ta mu 'la -woo' 'o =dia, 'ɛ nu -kpan baalɛ 'mu ta 'o dɛza 'ɛ -zigo' zayi' 'waati 'ɛ -dela ba ɛɛ?"

11-O dune- 'pu mu -naa -o 'kpen do do ni, 'bhɛɛ- -wa =pia -o ni 'kaa- -woo zrubakpala -sɔ 'waati sa, 'sani- -o -lii 'ɛ 'lɛsɔ- 'kɛ mɛɛ mu -yaa nu -o nɛɛnɛ- mu 'la dɛɛ 'bhɛ 'pegeɛ -o -yaa nu -waa' yewoyɔɔn mu 'la dɛɛ 'bhii- 'woo- mu gbɛɛn- 'mu 'le.

12'Bhɛ blaɛn, 'kɛ 'ŋ -Bhlaa Gwɛn Bhlɔnɛ- 'ɛ 'yɛle 'kɛ -yoo -tɔmasiɛ blɔɔyɛ 'srwado- mi 'ɛ go 'zi. -E 'bhɛ gole, 'kɛ 'trɛ 'ɛ bɛɛnle- 'ɛgbɛnɛle. 'Bhɛɛ- 'kɛ -yɾɛtɛbhɛ 'ɛ 'tilale 'bhii- -gla -yi ba sɔ tilagbɛya gbɛɛn-; 'bhɛɛ- 'kɛ mlɛ 'ɛ 'kpen 'tranle 'ɛtɛn -banbanle 'bhii- yiɛn gbɛɛn-.

13'Bhɛɛ- 'kɛ mlɛklɛnɛ mu 'ɛ baalɛ' 'trɛ ma, 'kɛ -o da laanima 'bhii- 'kɛ -ploo -gbɛnɛ do -o 'kan zii' -ɛ figi diinj mu 'ɛ bɛɛn gɔnɛ- 'la gbɛɛn-, 'bhɛɛ- -yoo bhaa mu 'ɛ 'klalaa 'trɛ ma.

14'Lafle' 'truŋwoa= mɛɛ -yɾɛ ba, 'bhii- -o -saa do klu gɔnɛ- 'la gbɛɛn-, 'bhɛɛ- -o ge 'kɛle-. 'Bhɛɛ- vlɛ gɔɔn mu 'ɛ 'kpen 'pegeɛ wɛyi- 'mlingole -o 'trɛ mu 'la zi, 'mu 'kpen -gwa 'mu dɔyɾɛ mu 'ɛ =nɔɔ.

15'Bhɛɛ- 'trɛ ta -bhɛŋgbɛ mu oo, mɛɛ gbɛɛn mu oo, -srwase' -kuŋlii mu oo, pɛzan mu oo, fanŋan- zan mu oo, lu mu 'ɛ 'kpen 'pegeɛ =klɔ mu 'ɛ 'kpen -woo magaanna vlɛ -gluu mu 'ɛ zi, 'bhɛ 'pegeɛ vlɛ gɔɔn mu 'ɛ 'plɛŋ-.

16-O -yaa pɛ 'zi vlɛ gɔɔn mu 'ɛ 'pegeɛ vlɛ -saa mu 'ɛ ni dɔɔ: "-Ka bala- 'o ta, 'bhɛɛ- 'ka 'o magaan mɛɛ 'la zan yaale -o -bhɛŋgbɛ 'yaakpɛ- 'ɛ ta 'bhɛ 'lɛɛ, 'bhɛ 'pegeɛ -Bhlaa Gwɛn Bhlɔnɛ- 'ɛ -yaa' yran 'ɛ 'lɛɛ.

17-Amasɾɔyi -waa' yran yi -gbɛnɛ 'ɛ =bhwa -zɔn. -De 'gbu -lɛ sɔ -bhile' -a -yi ɛɛ?"

Yɾɛ zi yɛle 'sɛwɛ 7

1'Bhɛ blaɛn, 'kɛ 'ŋ -mlɛkɛ' yiziɛ dulale yɛle- 'trɛ zɛŋ yiziɛ 'ɛ ta. -O 'trɛ ta -ploo dayɾɛ yiziɛ 'ɛ =kwan, 'kooko- -ploo 'laa sɔ 'kanle -li 'trɛ 'pegeɛ wɛyi- ta, 'bhɛɛ- 'kɛ yaa sɔ 'kanle -yri diinj 'kɛdo- 'kpɔ 'yi.

- ²'Bhɛɛ- 'ŋ -mlɛkɛ' 'bhɛɛke do =ya 'ke 'bhɛ da -yretɛbhɛ -wɛɛnyrɛ' nɔɔ-. -Waanbhaa' 'la -ya -yrɛ ma 'bhɛ a -tɔɔmasie 'kpape- -yaa 'bhɛ 'kɔɔ. 'Yee- -Waanbhaa' 'a =pia -mlɛkɛ' yizie 'la ni 'kaa 'mu -za 'yɔɔ- klɛ 'trɛ 'pegee wɛyi- 'ɛ ni, 'yee- -mlɛkɛ' 'ɛ -pɛɛnna 'mu ta 'egɔɔle 'ke -ya pe dɔɔ:
- ³'''Ka 'laa -za 'yɔɔ- 'kɛdo- 'kpɔ klɛɛ 'trɛ oo, wɛyi- oo, 'bhɛɛ- -yri diŋ mu 'ɛ ni 'sani- 'ŋ yan -tɔɔmasie do 'kpalele -kɔɔa' -Waanbhaa' a yewone mu 'ɛ 'mlɛlii.'''
- ⁴-O -Waanbhaa' a -tɔɔmasie 'ɛ =kpaa mɛɛ 'la zan mu -mlɛlii', 'ŋ 'mu 'lii 'ɛ =maa: 'Mu 'yaa- mɛɛ 'waa -kɛmɛ do 'ke mɛɛ 'waa mia plɛ bhɛ yizie (144.000), 'bhɛɛ- 'mu 'yaa- da Izraɛli -gbaa mu 'ɛ 'kpen -la -lii.
- ⁵Mɛɛ 'waa vu ta plɛ -daa Zuda a pɛ -gbaa 'ɛ 'lii (12.000), 'bhɛɛ- -o -tɔɔmasie 'ɛ =kpaa 'mu 'mlɛlii; 'bhɛɛ- mɛɛ 'waa vu ta plɛ -daa Ruben a pɛ -gbaa 'ɛ 'lii (12.000); 'bhɛɛ- mɛɛ 'waa vu ta plɛ -daa Gadi a pɛ -gbaa 'ɛ 'lii (12.000);
- ⁶mɛɛ 'waa vu ta plɛ -daa Azɛɛ a pɛ -gbaa 'ɛ 'lii (12.000); mɛɛ 'waa vu ta plɛ -daa Nɛfitali a pɛ -gbaa 'ɛ 'lii (12.000); 'bhɛɛ- mɛɛ 'waa vu ta plɛ -daa Manase a pɛ -gbaa 'ɛ 'lii (12.000);
- ⁷mɛɛ 'waa vu ta plɛ -daa Simeɔn a pɛ -gbaa 'lii 'ɛ (12.000); mɛɛ 'waa vu ta plɛ -daa Levi a pɛ -gbaa 'ɛ 'lii (12.000); 'bhɛɛ- mɛɛ 'waa vu ta plɛ -daa Isakaa a pɛ -gbaa 'ɛ 'lii (12.000);
- ⁸mɛɛ 'waa vu ta plɛ -daa Zabulon a pɛ -gbaa 'ɛ 'lii (12.000); mɛɛ 'waa vu ta plɛ -daa Zozɛfu a pɛ -gbaa 'ɛ 'lii (12.000); 'bhɛɛ- mɛɛ 'waa vu ta plɛ -daa Benzame a pɛ -gbaa 'ɛ 'lii (12.000).
- ⁹'Bhɛ blaɛn, 'mi 'ŋ 'yɛkpaɛ 'ezin-, 'ke 'ŋ -zamaa' -gbɛɛ do yɛɛ-: mɛɛ 'kɛdo- 'kpɔ 'laa -yaa sɔ 'bhɛ -zamaa' 'ɛ 'yi mɛɛ mu 'ɛ 'nɔɔle. 'Klɛɛn mu 'ɛ 'kpen 'yi mu -yaa ye; -gbaa mu 'ɛ 'kpen 'lii mu -yaa ye; 'si mu 'ɛ 'kpen 'yi mɛɛ mu -yaa ye, 'bhɛɛ- wli mu 'ɛ 'kpen a mɛɛ mu -yaa ye. -O 'kpen dulale -yaa -bhɛɛgbɛ 'yaakpe- 'ɛ 'pegee -Bhɛɛ Gwɛɛn Bhɛɛ- 'ɛ 'lɛ ma dɛɛ- 'pu mu 'lɛ -o ta, 'bhɛɛ- -za 'laa mu -yaa -o 'kɔɔ.
- ¹⁰-O -yaa 'pɛɛn zii' 'egɔɔle 'ke -wa pe dɔɔ: '''Waa- -Waanbhaa' 'la 'yaale- -o -bhɛɛgbɛ 'yaakpe- 'ɛ ta, 'bhɛ 'pegee -Bhɛɛ Gwɛɛn Bhɛɛ- 'ɛ 'wɛɛ- 'o mɔɔ -gwa -za 'yi!''
- ¹¹-Mlɛkɛ' mu 'ɛ 'kpen dulale -yaa -bhɛɛgbɛ 'yaakpe- 'ɛ 'pegee 'gwɛɛn- gbɛɛn mu 'ɛ, 'bhɛɛ- pɛ -yrɛ male yizie 'ɛ zi. -Woo 'kpɔ =zian 'bhɛɛ- -woo ŋgblo -kulaa' 'trɛ ma, -bhɛɛgbɛ 'yaakpe- 'ɛ 'lɛ ma, 'bhɛɛ- -o -Waanbhaa' -gbaa.
- ¹²'Ke -wa pe dɔɔ: "Amiina! 'Waa- -Waanbhaa' -a pɛ -lɛ 'ke 'tɔɔbhɛɛɛ oo, magbaandɛɛɛ oo, -zadɛɛɛ oo, 'pubɔ- oo, lɛdɛɛ a ma oo, -glɔɔya' 'pegee faŋŋan- 'lɛ -zɔn 'pegee -yikpɛɛɛ ta! Amiina.'"
- ¹³'Bhɛ klɛɛ 'tɛ, 'ke 'gwɛɛn- gbɛɛn mu 'ɛ do 'ŋ 'lɛkpaɛ dɔɔ: "Dɛɛ- 'pu mu -o mɛɛ 'la zan mu ta, -dele 'mu 'lɛ ɛɛ? 'Bhɛɛ- -o -daa yrɛ 'ɛ -dɛɛ nɔɔ- ɛɛ?'"

14'Bhɛɛ- 'an zikpaa- -a ni dɔɔ: "Mɛɛzan, 'bhi -le 'bhɛ dɔ." 'Bhɛ klɛle 'tɛ, 'ke -ya pele- 'ɲ ni dɔɔ: "Mɛɛ 'la zan mu -gwa -yren -gbɛnɛ 'ɛ 'yi, 'wole- 'kele-. -O -waa dunɛ- mu 'ɛ =fia, 'bhɛɛ- -woo -fleela -Bhlaa Gwɛn Bhlɔnɛ- 'ɛ yien 'ɛ ba.

15'Bhɛla- -zayile, -o dulale -o -Waanbhaa' a -bhɛngbe 'yaakpe- 'ɛ 'lɛ ma, 'ke -wa gba -bi zi 'pegee -yrekpaa' -a Gba 'Fɛ -Gbɛnɛ 'ɛ =la. Mɛɛ 'la zan yaale -o -bhɛngbe 'yaakpe- 'ɛ ta, 'bhɛ nu bolɛ -o plɛɲ-, 'ke -yoo tagbin.

16'Gbɔn laa nu -o dɛɛ -li, 'bhɛɛ- -yi mi -lrɔ 'laa nu -o dɛɛ -li 'ezin-; -yretɛbhɛ 'laa nu -lale' -o ma -li, 'bhɛ 'pegee 'tɛfuu 'laa nu dɔɛ -o ma -titi.

17-Amasrɔyi, -Bhlaa Gwɛn Bhlɔnɛ- 'la -yoo -bhɛngbe 'yaakpe- 'ɛ ta, 'bhɛ nu -o -gblakunɛ 'bhii- -bhlaa gooba mi do 'bhɛ a -bhlaa mu -gblakun' gɔnɛ- 'la gbɛnɛ-, 'keege -o -le tɔ ɲgblo mu 'ɛ zi. 'Bhɛ tɔ ɲgblo mu 'ɛ 'yi -yi 'ɛ nu bole -yɛ ma -si 'la -dan' 'laa -o 'bhɛ ma 'bhɛ 'nalɛ- -o ni. 'Bhɛɛ- -Waanbhaa' nu -o -yɛyi' mu 'ɛ 'kpen golɛ -o -yɛ =la."

Yɛ zi yele 'sɛwɛ 8

1-Bhlaa Gwɛn Bhlɔnɛ- 'ɛ -tɔmasie blɔyɛ 'srwapɛ- mi 'ɛ gole, 'ke pɛ 'kpen 'ɛ tadɔle 'tete lafle' 'yi 'ke 'bhɛ ge 'tɛnɛ- 'lɛɛ do 'ke -a 'traa ma.

2'Bhɛɛ- -mlɛkɛ' 'srwapɛ- 'la dulale -o -Waanbhaa' -lɛ ma, 'ɲ 'mu =ya; -o -klɛlɔɲ' 'srwapɛ- =kpa'a mu 'kɔɔ.

3'Bhɛɛ- -mlɛkɛ' -bhɛke' do -nwa dulale 'srakagoyɛ 'ɛ -din; ansansi -can 'kpaciepe do -yaa 'bhɛ 'kɔɔ. -O ansansi -bebe =naa- -a ni, 'kooko- -e 'mu 'pegee -Waanbhaa' a mɛɛ 'wɛɲ mu 'ɛ 'kpen a 'seri mu 'ɛ go 'ke 'sraka 'le -can 'srakagoyɛ 'la -yoo -bhɛngbe 'yaakpe- 'ɛ 'lɛ ma 'bhɛ ta.

4'Ansansi 'ɛ 'tɛgbɛnɛ- 'ɛ 'wlɛnna 'kee- da ansansi 'kpaciepe 'la 'yaa- -mlɛkɛ' 'ɛ 'kɔɔ 'bhɛ 'yi, 'bhɛɛ- 'kee- ge laanima 'ke -Waanbhaa' a mɛɛ 'wɛɲ mu 'ɛ -waa' 'seri mu 'ɛ 'le.

5'Bhɛ blaɛn, 'ke -mlɛkɛ' 'ɛ ansansi 'kpaciepe 'ɛ 'sile, 'ke -ya 'pale 'ke 'srakagoyɛ 'ɛ ta 'tɛ 'ɛ 'le, 'bhɛɛ- 'ke -ya blinle- 'trɛ ta. 'Bhɛ klɛle 'tɛ, 'ke -gbɛnɛ mu 'ɛ 'pɛɛle, 'bhɛ 'pegee pɛ -weli' 'ke mu 'le, 'bhɛɛ- la -yɛbolɛ mu 'le. 'Bhɛɛ- 'trɛ -bɛɛnna.

6-Klɛlɔɲ' 'srwapɛ- -yaa -mlɛkɛ' 'srwapɛ- 'la 'kɔɔ, 'mu 'yaa- zan -o 'pɛnɛ-.

7-Mlɛkɛ' =lwa mi 'ɛ 'bhɛ 'bhɛ a pɛ -Klɛlɔɲ' 'ɛ =pian. 'Bhɛ klɛle 'tɛ, 'ke -goobhɛ' la banle-, 'bhɛɛ- 'ke -o 'tɛ 'pegee yien -yizaale ke ba 'klaale 'trɛ ta. 'Bhɛɛ- 'ke -o 'trɛ 'ɛ 'lɛdulayɛ yaga mi 'ɛ 'kpaciele. 'Trɛ ta -yri diiɲ mu 'ɛ 'lɛdulayɛ yaga mi 'ɛ 'bhɛ 'kpacielɛ, 'bhɛ 'pegee 'trɛ ta -bɔn -dɔɔ mu 'ɛ 'kpen.

8'Bhɛ blaɛn, 'ke -mlɛkɛ' plɛ mi 'ɛ 'bhɛ 'bhɛ a -Klɛlɔɲ' 'ɛ 'pɛnɛ. 'Bhɛ klɛle 'tɛ, 'keklɛle- 'bhii- vlɛ gɔɔn -gbɛnɛ do gbɛnɛ- 'ke 'tɛ bolɛ- 'bhɛ 'yi, 'bhɛɛ- 'ke -o 'bhɛ blinle- wɛyi- 'ɛ ba. 'Bhɛ klɛle 'tɛ, 'ke wɛyi- 'ɛ 'lɛdulayɛ yaga mi 'ɛ 'niinale 'ke yien 'le.

9'Bhɛ kɛgbɛya do 'ɛ 'yi, wɛyi- ba pɛ -yɛ male mu 'ɛ 'lɛdulayɛ yaga mi 'ɛ 'kpen -gaa; 'bhɛ 'pegee -batɔɲ' mu 'ɛ -o -lɛdulayɛ yaga mi 'ɛ 'kpen 'siɛla-.

10'Bhɛ blaɛn, 'kɛ -mlɛkɛ' yaga mi 'ɛ 'bhɛ 'bhɛ a pɛ -klɛlɔŋ' 'ɛ 'pɛnlɛ. 'Bhɛ klɛlɛ 'tɛ, 'kɛ mlɛklɛnnɛ -gbɛnɛ do gole- laflɛ' 'yi, 'bhɛɛ- 'kɛ 'bhɛ 'nule baalɛ. 'Bhɛ 'yaa- -bhi 'zi 'bhii- -yani do -bhigbɛya gbɛɛn-. 'Bhɛɛ- 'yɛɛ- mlɛklɛnnɛ -gbɛnɛ 'ɛ =nwa baalɛ 'trɛ ta yuɛ mu 'ɛ 'lɛdulayrɛ yaga mi 'ɛ 'pɛgɛɛ tɔ ŋgblo mu 'ɛ ba.

11-O -yaa 'bhɛ mlɛklɛnnɛ 'ɛ sii: "Abisenti". 'Bhɛ 'yi -lɛ dɔɔ "-Yri diiŋ yienle". 'Trɛ ta -yi mu 'ɛ 'lɛdulayrɛ yaga mi 'ɛ yiɛndwa- 'bhii- kwe -yrɔn gbɛɛn-. Mɛɛ -bebe -gaa 'woo- -yi yienle mu 'ɛ 'kɔɔ.

12'Bhɛ blaɛn, 'kɛ -mlɛkɛ' yizɛ mi 'ɛ 'bhɛ 'bhɛ a pɛ -klɛlɔŋ' 'ɛ 'pɛnlɛ. 'Bhɛ klɛlɛ 'tɛ, 'kɛ -gblo 'kpale -yretɛbhɛ 'pɛgɛɛ mlɛ 'bhɛɛ- mlɛklɛnnɛ mu 'ɛ 'lɛdulayrɛ yaga mi 'ɛ 'yrɛ ta. 'Bhɛɛ- -yretɛ' laa 'pwɛlɛ- -yrekpaɛ' do -lɛdulayrɛ yaga mi 'ɛ 'bhɛ ta; 'bhɛ klɛgbɛya do 'ɛ 'yi, mlɛ laa -bhilɛ' -bi do -lɛdulayrɛ yaga mi 'ɛ ba 'ezin-.

13'Mi 'ŋ 'yrɛkpale 'ezin-, 'kɛ 'ŋ 'bibi do yɛlɛ- 'kɛ 'bhɛ -o 'si zii' 'ɛgbɔɔn gbɔɔnlɛ' laflɛ' 'yi, 'kɛ 'bhɛ 'a pɛ 'bhɛ 'wɛli- -glɔɔ 'ɛ 'yi dɔɔ: "'Drunyaŋ 'yi mu 'ka ta -yrɛn! 'Drunyaŋ 'yi mu 'ka ta -yrɛn! 'Drunyaŋ 'yi mu 'ka ta -yrɛn! -Amasrɔyi -mlɛkɛ' -vin yaga 'ɛ 'mu 'yaa- zan 'mu a pɛ -klɛlɔŋ' mu 'ɛ 'pɛnlɛ-!"

Yrɛ zi yɛlɛ 'sɛwɛ 9

1'Bhɛ blaɛn, 'kɛ -mlɛkɛ' 'soo mi 'ɛ 'bhɛ 'bhɛ a pɛ -klɛlɔŋ' 'ɛ 'pɛnlɛ. 'Bhɛɛ- 'kɛ 'ŋ mlɛklɛnnɛ do yɛlɛ-, 'bhɛ -daa laanima, 'bhɛɛ- 'bhɛ =nwa baalɛ 'trɛ ta. 'Bhɛɛ- -o -gluu 'trolɛ- -gbɛnɛ do 'ɛ 'bhɛ a gborobhɛ 'ɛ =kpaɛ -a 'kɔɔ.

2'Mlɛklɛn- 'ɛ -gluu 'trolɛ- -gbɛnɛ 'ɛ 'liigwa-, 'bhɛɛ- 'kɛ 'tɛgbɛlɛn- do 'pwɛlɛ -a -yi; 'bhɛ 'yaa- 'bhii- 'tɛ -gbɛnɛ do -gbɛlɛn gbɛɛn-. 'Bhɛ 'tɛgbɛlɛn- 'ɛ -yretɛbhɛ 'pɛgɛɛ -ploɔ 'ɛ 'tilaa.

3'Bhɛ klɛlɛ 'tɛ, 'kɛ 'siesiɛ- -gama mu 'pwɛlɛ 'yɛɛ- 'tɛgbɛlɛn- 'ɛ 'yi, 'bhɛɛ- 'kɛ -o zɛnlɛ- 'trɛ ta yrɛkɛpɛn- =nɔɔ. 'Bhɛɛ- 'kɛ -o -zaanwɛɛlɛ mu a 'sɛŋ -yɛkɛ 'ɛ 'nalɛ -o ni 'trɛ ta.

4'Bhɛɛ- -wa =pia -o ni dɔɔ waa -za 'yɔɔ- 'kɛdɔ- 'kpɔ klɛlɛ 'trɛ ta -bɔn mu 'pɛgɛɛ -yri diiŋ 'tɔlɛ- -yri diiŋ 'mu ni. -Waanbhaa' a -tɔɔmasiɛ laa -yaa mɛɛ 'la zan mu -mlɛlii', -o 'sɛŋ =naa -o ni 'kaa -o -za 'yɔɔ- mu klɛ 'bhɛ zan mu 'tɛ -la ni.

5-Wa =pia -o ni 'ezin- dɔɔ waa 'mu dɛlɛ, 'duŋ- -o -yrɛnkpa' 'mu ta mlɛ 'soo =la. -O -yaa -yrɛn 'la 'kpa zii' 'mu ta, 'bhɛ -yaa la 'bhii- -zaanwɛɛlɛ -baa' gbɛɛn-.

6'Bhɛ mlɛ 'soo 'ɛ =la, bhaaplɛŋ mu 'ɛ nu ga -glinlɛ', 'duŋ- waa nu -a 'srɔɔwɔlɛ. -O nu -a pɛlɛ dɔɔ -o gale-, 'duŋ- ga nu 'kanlɛ- -o ma 'ɛgbɔɔnlɛ.

7'Woo- 'siesiɛ- -gama mu 'ɛ 'pwɛlɛ- -o 'kɛ wi -soo' mu 'la 'lɛkpale -o gwɛlɛdanlɛ 'kaama- 'mu 'lɛ. Pɛ 'kɛ mu -yaa -o wiŋŋ- 'bhii- -bhɛlɛŋgbɛ mu ŋgblo ma -can 'faa mu gbɛɛn-, 'bhɛɛ- -o wɛyi' mu 'ɛ 'pwɛlɛ- -yaa 'kɛ bhaaplɛŋ wɛyi' 'lɛ.

8-O winlɛ mu 'ɛ 'yaa- tro 'bhii- lɛ mu winlɛ gbɛɛn-, 'bhɛɛ- -o 'sɔnbhɛ- mu 'ɛ 'yaa- srasra 'bhii- -jara 'sɔnbhɛ- mu gbɛɛn-.

- 9-Bɛɛ tagaan piibhɛ -laa mu -yaa -o -bɛɛ mu 'ɛ ta. 'Bhɛɛ- -o gbɛŋroŋ- mu bɛɛn wli 'ɛ 'yaa- 'bhii- gwledan -mazini 'la 'ke wi -soo' -bebe -o -a -glaan 'zi gwledan bhla 'ɛ zi 'bhɛ 'wegbɛya 'ɛ gbɛɛn-.
- 10-O wee mu 'ɛ 'pwele- -yaa 'ke -zaanweele mu a mɛɛ 'paapɛ- mu 'ɛ 'le. -O 'sɛŋ 'la =naa -o ni 'kaa -o -yɛnkpa' bhaapɛŋ mu ta mlɛ 'soo =la, 'bhɛ 'sɛŋ 'ɛ 'yaa- -o wee mu 'ɛ 'mu -la -yi.
- 11-Gluu 'trole- -gbɛɛ 'ɛ ta -mlɛkɛ' 'ɛ =yaa waa -bhɛŋgbɛ 'le. 'Bhɛ 'tɔ 'yaa- Ebre wli 'ɛ 'yi dɔɔ: "Abadɔn". 'Bhɛɛ- -o -yaa 'bhɛ pe Grɛki wli 'ɛ 'yi dɔɔ: "Apoliyɔn". 'Bhɛ 'yi -le dɔɔ: Pɛ 'siɛ mi.
- 12-Klɔlɔɔ' =lwa mi 'ɛ =yaan. -Klɔlɔɔ' 'bhɛɛke plɛ -o ye, 'mu nu nulɛ 'kɛɛɛ- blaɛn.
- 13'Bhɛ blaɛn, 'ke -mlɛkɛ' 'srwado- mi 'ɛ 'bhɛ 'bhɛ a pɛ -klɛloŋ' 'ɛ 'pɛnle. 'Bhɛɛ- 'ke 'ŋ pɛ -weli' do 'male. -Can 'srakagoyɛ 'la dulale -o -Waanbhaa' -lɛ ma, 'yɛɛ- pɛ -weli' 'ɛ 'yaa- da 'zi 'bhɛ 'mlɛ yizɛ 'ɛ 'yi.
- 14'Bhɛɛ- 'bhɛ -yaa pe 'zi -klɛloŋ' 'yaa- -mlɛkɛ' 'srwado- mi 'la 'kɔɔ 'bhɛ ni dɔɔ: "-Mlɛkɛ' yizɛ 'la 'yɛɛle- -o Efrati yue 'ɛ -din -o 'plool-."
- 15'Bhɛ klɛle 'tɛ, 'ke -o 'ploole 'bhɛ -mlɛkɛ' yizɛ 'ɛ ma; -o 'lɛkpale -yaa 'lɛɛ 'la 'kaama-, 'bhɛ 'pegeɛ mlɛ oo, -yɛkpa' oo, 'bhɛɛ- 'waati 'la 'kaama-, 'bhɛ bhla 'ɛ =bhwa. -Woo 'ploola-, 'kooko- -o bhaapɛŋ mu 'ɛ 'lɛdulayɛ yaga mi 'ɛ dɛ.
- 16-Srwase' mu 'la 'yaa- wi -soo' mu 'ɛ ta -o 'mu 'lii 'ɛ =pia 'ŋ ni: 'mu -yaa 'mliyɔn -kɛmɛ plɛ (200.000.000).
- 17'D -yɛ zi yɛle 'la =kla, 'ŋ 'woo- wi -soo' mu 'ɛ 'pegeɛ -o ta mu 'ɛ =ya gɔnɛ- 'lɛɛ- 'bhɛɛ- gbɛɛn-: 'Bhɛ -soo' mu 'ɛ ta mu 'ɛ, -o -bɛɛ tagaan piibhɛ -laa mu 'ɛ 'ke mu -yaa 'ɛtɛn -banbanle 'bhii- 'tɛ nɛ gbɛɛn-, -a 'ke mu -yaa 'ɛtile -gilɔŋ 'bhii- lafle' 'yɛ ta gole gbɛɛn-, 'bhɛɛ- -a 'ke mu -yaa 'ɛtɛn 'wɛŋwɛŋle 'bhii- -blaɛn 'tranle- gbɛɛn-. Wi -soo' mu 'ɛ ŋgblo mu 'ɛ 'yaa- 'bhii- -jara ŋgblo mu gbɛɛn-. 'Tɛ 'pegeɛ 'tɛgbɛn- 'bhɛɛ- 'sɛkɛ 'yaa- 'pwe zii' -o -lii.
- 18'Tɛ 'pegeɛ 'tɛgbɛn-, 'bhɛɛ- 'tɛ 'sɛkɛ mu 'la 'yaa- da 'zi 'woo- wi -soo' mu 'ɛ 'lii 'mu -le bhaapɛŋ mu 'ɛ 'lɛdulayɛ yaga mi 'ɛ =dia.
- 19-Amasɔyi 'woo- wi -soo' mu 'ɛ fangan- 'ɛ 'yaa- -o -lii 'pegeɛ -o wee mu 'ɛ 'mu -la -yi. -O wee mu 'ɛ 'mu 'yaa- 'bhii- mlɛ mu gbɛɛn-, 'bhɛɛ- 'mu ŋgblo mu -yaa 'mu yin 'lii. -O -yaa -za 'yɔɔ- mu klɛ 'zi bhaapɛŋ mu ni 'mu -la -le.
- 20'Duŋ- 'woo- -klɔlɔɔ' yaga 'ɛ waa mɛɛ 'la zan mu dɛɛ, -zadɔwɛɛ 'laa dɔɛ 'mu ma, 'ke 'mu plool 'mu klɛza 'yɔɔ- mu 'ɛ ma. 'Mu 'laa 'ploole- 'zina mu gbale ma, 'bhɛ 'pegeɛ yo mu 'la klɛle- -o 'ke -can 'le oo, -gɔli' 'le oo, piibhɛ 'tɛn 'le oo, vlɛ 'le oo, 'bhɛɛ- -yri 'le 'mu gbale ma. 'Duŋ- 'bhɛ yo mu 'ɛ 'mu 'laa sɔ yɛ ma yɛle-, 'bhɛɛ- 'mu 'laa sɔ -jan 'male, 'bhɛ 'pegeɛ 'mu 'laa sɔ 'taawole.
- 21'Woo- mɛɛ mu 'ɛ waa 'ploole- 'ɛzin- 'ɛ pe mɛɛ dɛɛ oo, 'srɔn klɛle oo, -yanbhɔɔya dɛɛ oo, 'bhɛɛ- -faanwole ma.

Yrɛ zi yele ‘sɛwɛ 10

- ¹Bhɛ blaɛn, 'ke 'ŋ -mlɛkɛ' -glɔɔ 'bhɛɛke do yele- 'ke -yoo da 'zi lafle' ma. La -gblo do 'klale- -yaa -a ta 'bhii- -woo baa dune- 'yi gɔne- 'la gbɛɛn-, 'bhɛɛ- -glɛŋgbaan do 'mlɛŋgole -yaa -a ŋgblo ma. -A wleyi' 'ɛ 'yaa- -bhi 'zi 'bhii- -yretɛbhɛ -bhigbɛya gbɛɛn-; 'bhɛɛ- -a 'kpaan mu 'ɛ 'yaa- tran 'bhii- 'tɛ nrɛ -wɛnle' gbɛɛn-.
- ²Sɛwɛ kpɔnɛ- do -liiploole -yaa -a 'kɔɔ. -Ya gbɛ -yie' ta gaan 'ɛ 'bhɛ -dulaa' weyi- 'ɛ ta, 'bhɛɛ- -ya gbɛ -koo ta gaan 'ɛ 'bhɛ -dulaa' 'trɛ ma.
- ³Bhɛɛ- 'kee- 'pɛɛnle 'egloole 'bhii- -jara do -wegbɛya gbɛɛn-. -E yanle 'pɛɛnlele, 'ke -gblan' 'srwaplɛ- 'ɛ 'pɛɛle 'eke- zi.
- ⁴-O 'pɛɛle-, 'ŋ 'yaa- zan 'woo- -gblan' 'srwaplɛ- 'pɛɛwli- 'ɛ -jan 'la =woa 'bhɛ yɔɔndɛɛ, 'ke 'ŋ -weli' do male- laanima 'ŋ -zanta', 'ke 'bhɛ -a pe 'zi 'ŋ ni dɔɔ: "-Gblan' 'srwaplɛ- 'ɛ -o -jan 'la =woa, 'bhɛ 'kpa 'e 'kpee, 'duŋ- 'yaa 'bhɛ yɔɔndɛɛ."
- ⁵Bhɛ klɛle 'tɛ, 'ke 'ŋ -mlɛkɛ' 'la dulale =ya weyi- 'pegee 'trɛ 'ɛ ta, 'bhɛ 'bhɛ gbeyie 'lawɛnle lafle' ma.
- ⁶Bhɛ blaɛn 'kee- bhaa wli 'kunle 'ke -ya pe dɔɔ: -Waanbhaa' 'la 'yoo- 'e 'yrɛ ma -zɔn 'pegee yikpɛsee ta, 'bhi -le lafle' 'pegee pɛ mu 'la 'kpɛn -a -yi 'mu =kla. 'Bhi -le 'trɛ 'pegee 'bhɛ ta pɛ mu 'ɛ 'kpɛn =kla. 'Bhɛɛ- 'bhi -le weyi- 'pegee -a ba pɛ mu 'ɛ 'kpɛn =kla. 'Mi 'pegee 'an -Waanbhaa' 'ɛ ta 'mi pe dɔɔ: "'Waati 'ɛ =bhwa, 'bhɛɛ- gbetadɔle laa -o -a -yi -li.
- ⁷Duŋ-, 'ke -mlɛkɛ' 'srwaplɛ- mi 'ɛ 'bhɛ 'bhɛ a pɛ -klɛloŋ' 'ɛ =pian 'waati 'la ba, -Waanbhaa' nu -yaa' gaanyiza 'ɛ 'lɛsɔle. 'Bhɛ gaanyiza 'ɛ 'bhɛ -le -e -za 'la =kpaa -a -lɛla' janwo mu 'la 'mu -o -yaa' yewonɛ mu 'le 'mu 'lii 'bhɛɛ- 'le."
- ⁸Bhɛɛ- 'ŋ -weli' 'la =maa 'ke 'bhɛ da lafle' ma, 'bhɛ pe 'ŋ ni 'ezin- dɔɔ: "'Sɛwɛ kpɔnɛ- 'la 'liiploole -o -mlɛkɛ' 'la dulale -o weyi- 'pegee 'trɛ 'ɛ ta -a 'kɔɔ, ge 'bhɛ 'kun -a 'kɔɔ."
- ⁹Bhɛ klɛle 'tɛ, 'ke 'ŋ gele- 'yee- -mlɛkɛ' 'ɛ ba -yrɛ ta, 'bhɛɛ- 'an =pia -a ni dɔɔ -e 'sɛwɛ kpɔnɛ- 'ɛ 'kpa 'ŋ 'kɔɔ. 'Bhɛɛ- -e pe 'ŋ ni dɔɔ: "-A 'si 'bhɛɛ- 'ya miin. -A yiɛn nu dɔle 'e 'kpee, 'duŋ- -e nu -nrɛle' 'e 'lii 'bhii- -zrɔ 'yrɔn 'nragbɛya gbɛɛn-."
- ¹⁰Bhɛ klɛle 'tɛ, 'ke 'ŋ 'yee- 'sɛwɛ kpɔnɛ- 'ɛ 'sile -mlɛkɛ' 'ɛ 'kɔɔ, 'bhɛɛ- 'ke 'an 'miinle. -E -yaa nra 'ŋ 'lii 'bhii- -zrɔ 'yrɔn gbɛɛn-; 'duŋ- 'an 'miinle-, 'ke -a yiɛn dɔle- 'ŋ 'kpee.
- ¹¹Bhɛ blaɛn, 'ke -wa pele- 'ŋ ni dɔɔ: "'Bhi -le nu -Waanbhaa' -lɛla' janwolɛ 'si -bebe mu ni, 'bhɛ 'pegee 'klɛɛn -bebe mu -yi mu ni, 'bhɛɛ- wli -bebe a mɛɛ mu ni, 'bhɛ 'pegee -bhɛŋgbɛ -bebe mu ni."

Yrɛ zi yele ‘sɛwɛ 11

- ¹Bhɛ blaɛn, 'ke -o toɔ do 'kpale 'ŋ 'kɔɔ; 'bhɛ 'yaa- 'bhii- 'beni do gbɛɛn-. 'Bhɛɛ- -o pe 'ŋ ni dɔɔ: "'E 'wɛn-, 'bhɛɛ- ge -Waanbhaa' Gba 'Fɛ -Gbɛnɛ 'ɛ 'pegee 'srakagoyrɛ 'ɛ dan. Mɛɛ 'la zan mu -Waanbhaa' gba a nɔɔ- 'mu nɔɔ 'ezin-.

- 2'Duŋ- -Waanbhaa' Gba 'Fε -Gbεnε 'ε -gbeŋ 'yi 'pεēliiyre 'ε, 'bhe 'to ye, 'yaa 'bhe danle. -Amasrōyi -o 'bhe =naa Zuufu kle mu 'ε 'mu -la ni. -O nu -Waanbhaa' a -wa 'ε 'siele-mlε mia plε bhe plε -la (42).
- 3'D nu a klele 'bhεε- 'η 'srε plε 'ε -woo 'η 'lεlajanwo mεε mu ni -yrekpaa' 'waa do 'ke -yrekpaa' -kεmε plε 'ke -yrekpaa' mia yaga -la (1.260). 'Bhεε- -o nu dune- kplε mu 'klale- -o ta 'bhii- bheela mεε mu gbεen-.”
- 4-Waanbhaa' 'srε plε 'ε 'wole- 'ke olivi diiŋ plε 'pegee -fitran plε 'la dulale -o 'trε Zan -Waanbhaa' -lεε 'mu 'le.
- 5'Ke mεε 'la zan -o -a zi' 'bhii- 'bhe -za 'yōō- kle -o ni, 'tε 'pwe -o -lii, 'bhεε- 'bhe -o -sōōnnii' mu 'ε kpacie. 'Ke mεε 'la zan -o -za 'yōō- kleyre -glin 'zi -o ni, 'bhe zan nu gale 'bhεε- gagbeyā 'ε 'yi.
- 6'Bhe 'seŋ -o ni 'ke -o lafle' 'liitan-, 'kooko- la laa ban 'trε ta 'waati 'la -o nu -Waanbhaa' -lεlajanwole mεε mu ni 'bhe ba. 'Bhεε- 'bhe 'seŋ -o ni 'ezin- 'ke -o -yi mabōō 'ke yien 'le. 'Bhεε- 'waati oo 'waati 'la 'ke -za 'yōō- -glōōn 'la klele -swa -o ni bhaapleŋ mu ni, -o bhεε- kle.
- 7'Ke -o -yaan -Waanbhaa' a -jan 'ε 'wolele 'waati 'la ba, 'bhεε- srōpe 'la da -gluu 'trole- -gbεnε 'ε 'yi, 'bhe nu gwledanle -o ba. 'Bhe 'seŋ nu wole 'ke -o -le, 'bhεε- 'bhe -o dε.
- 8-O gbaa mu 'ε 'kpaale- nu bole -zabla' -kpan 'ε ta -wa -gbεnε 'ε 'kpee, -o Mεezan -gbaanna -yrigbεele 'ε ta yre 'la =nōō bhe. -O sō 'yee- -wa 'ε 'kpale Sodōmu -wa 'ε ma 'bhe 'pegee Ezipu 'kleen 'ε ma -Waanbhaa' a pε zi 'ε zi, 'woo- mεε mu 'ε kleza -yōō' mu 'ε ma.
- 9'Drunyan ta 'kleen 'yi mu oo, -a nōō- -gbaa mu oo, -a -yi wli mu oo, 'bhεε- -a nōō- 'si mu 'ε 'kpen. -O 'kpen nu -o gbaa mu 'ε -glinle' -yrekpaa' yaga 'pegee -a 'traa =la; 'bhεε- waa nu dōle -a -la 'ke -woo bin.
- 10'Trε ta bhaapleŋ mu 'ε zrukpaale nu klele 'woo- mεε plε 'ε gaza 'yi. -O zrukpaagbeyā -yōō' 'ε 'kōō, -o nu 'eke- glaan mu 'kpale- pε mu ba. -Amasrōyi 'woo- -Waanbhaa' -lεla' janwo mi plε 'la bhe -o 'trεbhō -bebe -kpaā 'trε ta mu ta.
- 11'Duŋ- 'bhe -yrekpaa' yaga 'pegee -a 'traa 'ε 'kanle- blaān, nii- do -daa -Waanbhaa' ba, 'bhe =wlaa -o -yi, 'bhεε- 'ke -o bole -yre ma -si 'srōōwo gbε drεεwole 'ezin-. 'Bhe klele 'tε, 'ke -woo -wlenle' -o gaan ta. -Ayile, 'ke -gblaan -gbεnε do 'klale mεε 'la zan mu 'kpen -o =ya 'mu 'yi.
- 12'Bhe =nōō bhe, 'ke -o -weli' -glōō do male- 'ke 'bhe da laanima, 'bhεε- 'ke 'bhe 'a 'pele 'woo- -Waanbhaa' -lεla' janwo mi plε 'ε ni dōō: "-Ka 'san, 'bhεε- -ka nu -gε!" -Woo -wlenna, 'bhεε- -o -ja lafle' 'yi la -gblo do 'yi, -o -sōōnnii' mu 'ε 'yre ma.
- 13'Bhe 'waati do 'kpō 'ε ba, 'ke 'trε bεenle- 'egbenele; 'bhεε- 'ke -wa -gbεnε 'ε gbε vu mi 'ε 'klaale. 'Bhe klele 'tε, 'ke mεε 'waa 'srwaple- (7.000) gale- 'yee- 'trε bεenle 'ε 'yi. Mεε -vin mu 'la =bwa, -di =kaan 'mu 'yi, 'bhεε- 'mu laanima -Waanbhaa' 'ε 'tōbhwa-.

- 14-Klɔlɔɔ' plɛ mi 'ɛ 'bɛɛ =yaan; 'duŋ- -a -vinbwa sa 'bɛɛ- -a yaga mi 'ɛ 'bɛɛ bɔ 'saanibhe.
- 15'Bɛɛ blaɛn, 'ke -mlɛkɛ' 'srwaplɛ- mi 'ɛ 'bɛɛ 'bɛɛ a -klɛlɔŋ' 'ɛ 'pɛnlɛ. 'Bɛɛ klɛlɛ 'tɛ, 'ke -weli' -glɔɔ mu dale- laflɛ' 'yi 'ke -wa pe dɔɔ: "Mɛɛzan -Waanbɛɛ' 'pegeɛ -e mɛɛ 'la zan makwan-, Krisi 'ɛ, -waa pɛ -le 'ke 'drunyan ta -bhleŋgbeya 'ɛ 'le. -E nu yaale 'drunyan 'ɛ ta 'bhii- -bhleŋgbɛ -zɔn 'pegeɛ yikpenseɛ ta!"
- 16'Gwlaan- gbalaan mia do bɛɛ yiziɛ (24) 'la 'yaale- -yaa -waa' -bhleŋgbɛ 'yaakpe- mu 'ɛ ta -Waanbɛɛ' -le ma, 'mu -balaa' 'mu 'kpɔ ta 'trɛ ma, 'ke -woo ŋgblo kulale; 'bɛɛ-ke -o -Waanbɛɛ' gbale-.
- 17'Ke -wa pe dɔɔ: "Mɛɛzan -Waanbɛɛ', 'Sɛŋkpɛzan, 'bɛɛ 'la 'bɛɛ -o 'e 'yɛɛ ma -zɔn, 'bɛɛ 'pegeɛ 'e 'yaa- 'e 'yɛɛ ma 'elwale gban -sɔ. 'Woo 'e 'pubɔ- 'yaa- -glɔɔya' -gbɛɛ 'ɛ ma, 'bɛɛ 'pegeɛ 'yaa- -bhleŋgbeya 'ɛ -zayi'.
- 18'Trɛ ta 'si mu 'ɛ -woo zrupliila, 'duŋ- 'bɛɛ a pɛ yran yi 'ɛ =bhwa. Gbaa mu 'kitikan yi 'ɛ =bhwa. 'Yaa- yewonɛ mu 'la 'ke -woo 'e 'lɛla- -janwo' mu 'le, 'bɛɛ- 'yaa- mɛɛ 'wɛŋ mu 'ɛ, 'bɛɛ 'pegeɛ mɛɛ 'la zan mu gbalaan 'e 'lɛɛ; 'ke -o -kla mɛɛ gbalaan mu 'le oo, 'ke -o -kla -nɛ 'fiɛntrɔnnɛ mu 'le oo, -o 'kpɛn klɛza mu 'ɛ ma -sra 'na yi 'ɛ =bhwa. Mɛɛ 'la zan mu 'trɛ ta mu 'ɛ siɛ, 'bɛɛ zan mu 'siɛ yi 'ɛ =bhwa 'ezin-."
- 19-Waanbɛɛ' Gba 'Fɛ -Gbɛɛ 'la 'bɛɛ -o laflɛ' 'yi -o 'bɛɛ 'liigwa-. 'Bɛɛ- -Waanbɛɛ' 'pegeɛ bɛɛpɛŋ mu pɛŋ- -bhoolaya dɔ 'kesu 'ɛ 'ŋ 'bɛɛ =ya -Waanbɛɛ' gbayɛ 'wɛŋ 'ɛ =nɔɔ. 'Bɛɛ klɛlɛ 'tɛ, 'ke la 'e 'yɛɛbɔlɛ, 'bɛɛ 'pegeɛ -weli' mu -yaa ye, 'bɛɛ- -gbɛɛ' mu 'pɛɛla-; 'trɛ -bɛɛna, 'bɛɛ 'pegeɛ -goobɛ' la 'tɛn gbɔ -gbɛɛ do -baan.

Yɛɛ zi yelɛ 'sɛwɛ 12

- 1'Bɛɛ blaɛn, 'ke 'kpeɛlɛni maza -gbɛɛ do 'pwɛlɛ -a -yi laanima laflɛ' 'yi: le do -le -yaa 'kɛlɛ-. -Yɛɛbɛɛ 'klalɛ- -yaa -a ta 'bhii- -o dɛnɛ- do kla mɛɛ ta gɔnɛ- 'la gbɛɛn-, laanima mlɛ 'kpaalɛ- -yaa -a gaan mu 'ɛ =la, 'bɛɛ- mlɛklɛnnɛ vu ta plɛ le -yaa -a ŋgblo ma -bhleŋgbɛ ŋgblo ma 'faa 'ɛ 'le.
- 2-A kpɛlɛ -le -yaa. 'Bɛɛ- -a -bla zenlawoa -a ta, 'bɛɛ -yɛɛn 'ɛ 'lagbeya -yɔɔ' 'ɛ 'kɔɔ -a -lii, -e -yaa -gbɛɛn' zii'.
- 3'Bɛɛ blaɛn, 'ke 'kpeɛlɛni maza 'bɛɛkɛ do 'pwɛlɛ 'a -yi laflɛ' 'yi 'ezin-: mlɛ gbɔ -gbɛɛ do -le -yaa 'bɛɛ 'le, 'bɛɛ 'yaa- 'ɛtɛnlɛ 'bhii- 'tɛ gbɛɛn-. 'Bɛɛ ŋgblo -yaa 'srwaplɛ-, 'bɛɛ 'pegeɛ 'bɛɛ 'mlɛ -yaa vu; 'bɛɛ- -bhleŋgbɛ ŋgblo ma 'faa 'srwaplɛ- -yaa 'bɛɛ ŋgblo 'srwaplɛ- 'ɛ ma.
- 4-E mlɛklɛnnɛ mu 'ɛ 'lɛdulayɛ yaga mi 'ɛ -glaanna 'ke -a wɛɛ 'ɛ 'le, 'bɛɛ- 'kɛɛ- 'mu blinɛ- 'trɛ ma. 'Bɛɛ- -e -ja dulalɛ le 'la 'bɛɛ 'yaa- 'bɛɛ 'ya zii' 'bɛɛ 'lɛɛ, 'kooko- 'ke 'bɛɛ 'bɛɛ 'nɛ 'ɛ =yaa 'tɛ, -e 'bɛɛ 'nɛ 'ɛ 'pɛɛɛ- 'ɛkɛ- ma 'pilipili.
- 5'Bɛɛ- le 'ɛ -ya -yaa 'ke 'gwlaan- -nɛ do 'le. 'Bɛɛ -nɛ 'ɛ 'bɛɛ -le nu 'si mu 'ɛ 'kpɛn -lɛdɔɔlɛ 'ke piibɛɛ 'beni do 'le 'bɛɛ 'kɔɔ. 'Duŋ- -o -ja 'yɛɛ- -nɛ 'ɛ 'le laanima -Waanbɛɛ' a -bhleŋgbɛ 'yaakpe- 'ɛ -din.

- 6'Bhɛ klɛlɛ 'tɛ, 'kɛ lɛ 'ɛ blasanlɛ, 'bhɛɛ- 'kɛɛ- gɛlɛ- -kɛɛ 'ɛ ta. -Waanbhaa' yrɛ do 'la 'lɛmagaanna -a ni, -ɛ -ja bolɛ 'bhɛɛ- yrɛ 'ɛ =nɔɔ ye, 'kooko- -wa -lɛbɔ' 'bhɛ =nɔɔ ye -yrekpa'a' 'waa do 'kɛ -yrekpa'a' -kɛmɛ plɛ 'kɛ -yrekpa'a' mia yaga ta (1.260).
- 7'Gwɛlɛ -wɛlɛnna 'tɛ laflɛ' 'yi. -Mlɛkɛ' mu -kunjlii Misɛli 'pɛgɛɛ -yaa' -mlɛkɛ' mu 'ɛ gwɛlɛdaan- mlɛ gblɔ -gbɛnɛ 'ɛ ba. 'Yɛɛ- mlɛ gblɔ -gbɛnɛ 'ɛ 'pɛgɛɛ -yaa' -mlɛkɛ' mu 'ɛ gwɛlɛdaan- -mlɛkɛ' Misɛli 'pɛgɛɛ 'bhɛ a -mlɛkɛ' mu 'ɛ ba.
- 8'Duŋ- -waa 'sɛŋgolɛ 'kɛ -mlɛkɛ' Misɛli 'ɛ 'lɛ, 'bhɛɛ- waa 'sɔlɛ- bolɛ- laflɛ' 'yi 'ɛzin- -li.
- 9'Bhɛɛ- -o 'yɛɛ- mlɛ gblɔ -gbɛnɛ 'ɛ -blinna 'pɛɛlii-. 'Yɛlɛ- 'kɛ mlɛ gwɛ 'ɛ 'lɛ. -Wa sii 'Zina 'pɛgɛɛ -Setran'. 'Yɛlɛ- 'drunyan ta mu 'ɛ 'kɛn 'yini-. -Wa -blinna 'trɛ ta, -o 'yɛɛ- 'pɛgɛɛ -yaa' -mlɛkɛ' mu 'ɛ -blinna 'trɛ ta.
- 10'Bhɛ golɛ -a -yi, 'kɛ 'ŋ -wɛli' -glɔɔ do malɛ- 'kɛ 'bhɛ da laflɛ' 'yi, 'bhɛɛ- 'kɛ 'bhɛ 'a pɛ dɔɔ: "-Waanbhaa' a mɛɛ -bɛɛ bhla 'ɛ =bhwa -zɔn! -Kɔɔa' -Waanbhaa' 'ɛ -yaa' -glɔɔya' 'pɛgɛɛ -yaa' -bhɛŋgbɛya yi 'ɛ =bhwa -zɔn; 'bhɛ 'pɛgɛɛ -ɛ Krisi 'la makwan-, 'bhɛɛ- 'kɛɛ- 'bhɛ =kla Mɛɛ -Bɛɛ Mi 'lɛ bɛ, 'bhɛ a pɛ 'sɛŋ klɛ bhla 'ɛ =bhwa 'ɛzin-. -Amasrɔyi mɛɛ 'la zan -yaa la 'o nɛnɛ- mu 'ɛ ta, -yrekpa'a' 'pɛgɛɛ -bi zi -Waanbhaa' -lɛ ma, -o 'bhɛ zan 'ɛ -gbian laflɛ' 'yi.
- 11'O nɛnɛ- mu 'ɛ 'sɛŋgwa- 'kɛlɛ-, -Bhlaa Gwɛlɛn Bhlonɛ- 'ɛ 'yien- 'ɛ -glɔɔya' 'ɛ 'srɔyi, 'bhɛ 'pɛgɛɛ -o -Waanbhaa' a -jan 'ɛ 'srɛya- 'la =kla mɛɛ mu ni 'bhɛ -zayi'. 'Bhɛɛ- -o -dwa -a -la 'kɛ -woo 'gbu na Zɛsu ni, 'ali- 'kɛ 'bhɛ gɛ 'tɛnɛ- -o gale ma.
- 12'Bhɛla- -zayilɛ, laflɛ' 'pɛgɛɛ -a -yi mu 'ɛ, 'ka zrukpaalɛ klɛ! 'Duŋ- 'ka mu 'trɛ 'pɛgɛɛ wɛyi-, -yrɛn -o 'ka ta! -Amasrɔyi 'Zina -zinaa' 'ka ba -yrɛ ta, 'bhɛɛ- yran 'tɛ -la wlalɛ -o -a -yi, -amasrɔyi -a 'gbu 'a 'yaango 'bhii- -yaa' pɛ 'waati 'ɛ -vin 'laa bolɛ 'ɛbɛbɛlɛ 'ɛzin- -li.”
- 13'Bhɛ klɛlɛ 'tɛ, 'yɛɛ- mlɛ gblɔ -gbɛnɛ 'ɛ -ya 'yɛlawoa 'bhii- -wa -blinna 'trɛ ta, 'kɛɛ- 'kpɛlɛ- 'sanlɛ lɛ 'la 'bhɛ -nɛ 'gwɛlaan- 'ɛ =yaa 'bhɛ zi.
- 14'Bhɛ klɛlɛ 'tɛ 'ɛzin-, 'kɛ -o 'bibi -gbɛnɛ do gbɛŋrɔŋ- plɛ 'ɛ 'nalɛ- lɛ 'ɛ ni, 'kooko- 'bhɛ 'si, 'bhɛɛ- 'bhɛ gɛ -kɛɛ 'ɛ ta 'bhɛ yaayrɛ 'la -o 'bhɛ 'lɛmagaanna gban 'bhɛ ni 'bhɛ =nɔɔ mlɛ gblɔ -gbɛnɛ 'ɛ ma 'ɛgbɔɔnɛ. -O nu a -lɛbɔlɛ 'bhɛɛ- =nɔɔ ye 'lɛɛ yaga 'kɛ -a 'traa =la.
- 15'Bhɛ 'yi 'tɛ bɛ, 'kɛ mlɛ gblɔ -gbɛnɛ 'ɛ -yi 'pɛwɛlɛ -a -lii 'bhii- yuɛ do gbɛɛn- 'kɛ 'bhɛ gɛ lɛ 'ɛ zi, 'kooko- 'bhɛ -yi 'ɛ 'pɔɔ 'ɛ sɔ lɛ 'ɛ -glaanlɛ'.
- 16'Duŋ- 'bhɛ klɛlɛ 'tɛ, 'kɛ 'trɛ 'nɛlɛ bhɔlɛ 'yɛɛ- lɛ 'ɛ ba: 'trɛ 'bhɛ 'lii 'ɛ 'pɛlɔla-, 'bhɛɛ- -yi 'la 'pɛwɛlɛ- mlɛ gblɔ -gbɛnɛ 'ɛ 'lii, -ɛ 'bhɛ 'kɛn =mia 'fɛŋfɛŋ.
- 17'Bhɛ klɛlɛ 'bhɛ gbɛɛn- bɛɛ 'ɛzin-, 'kɛ mlɛ gblɔ -gbɛnɛ 'ɛ -ya zrupliilɛ' lɛ 'ɛ ma, 'bhɛɛ- 'kɛɛ- gɛlɛ- gwɛlɛdanlɛ 'yɛɛ- lɛ 'ɛ 'kɛɛ yi -vin mu 'ɛ ba. 'Bhɛ lɛ 'ɛ 'kɛɛ yi -vin mu 'ɛ 'mu -lɛ mɛɛ 'la zan mu 'kɛn -Waanbhaa' a 'toŋ mu 'ɛ 'kɛlɔsikun, 'bhɛɛ- 'kɛ -o blɔlɛ -o Zɛsu a wlan 'ɛ ma 'mu 'lɛ.
- 18'Bhɛ 'yi, 'kɛ 'yɛɛ- mlɛ gblɔ -gbɛnɛ 'ɛ gɛlɛ- dulalɛ wɛyi- 'ɛ bhɔŋla -yrɛntrɛ' 'ɛ ta.

Yre zi yele 'sewe 13

- 1'Bhe gole -a -yi, 'ke 'η srɔpe do 'pwele- yele- weyi- 'ε ba. -A -mle -yaa vu, 'bheε- -a ngblo -yaa 'srwaple-. -Bhɛngbe ngblo ma 'faa 'yaa- -a -mle mu 'ε 'kpen do do ma. 'Bheε- -Waanbhaa' tɔ 'sie ma tɔ mu yɔndele -yaa -a ngblo mu 'ε 'kpen do do ma.
- 2'D srɔpe 'la =ya, 'bhe 'pwele- -yaa 'ke 'trwane do 'le. 'Bhe gaan mu 'ε 'yaa- 'bhii- -kwe' gaan mu gbɛɛn-; 'bheε- 'bhe 'lii 'ε 'yaa- 'bhii- -jara do -lii. Mle gblɔ -gbɛɛ 'ε 'bhe 'bhe a -glɔɔya' 'pegee 'bhe 'yaakpe- 'ε, 'bheε- 'bhe a gblaanya 'ε 'kpen =naa -a ni.
- 3'Bheε- 'η 'yee- srɔpe 'ε ngblo 'ε do =ya, -e -kla 'bhii- 'bhe madɛnwole -yaa, 'bheε- -e -yaa 'bhii- 'bhe 'yaa- zan gale 'bhe bhe 'ε 'kɔɔ. 'Duŋ- 'bhe bhe -yɔɔ' 'ε =yaan. 'Bhe klele 'te, 'drunyan ta mu 'ε 'kpen 'yɛbhɔgbɛ -yɔɔ' 'kɔɔ 'yee- srɔpe 'ε zi, 'ke -o 'kpen dɔle- -a zi.
- 4-Woo 'kpɔ =zian mle gblɔ -gbɛɛ 'ε 'lɛɛ, 'bheε- -o 'bhe =gbaa, -amasɔyi 'bhe -le faŋgan- -naa srɔpe 'ε ni. -Woo 'kpɔ -zian 'yee- srɔpe 'ε 'lɛɛ, 'bheε- -o 'bhe -gbaa, 'ke -wa pe dɔɔ: "Srɔpe 'ε 'kpa ma mɛɛ 'laa -o! -De 'gbu -le sɔ gwledanle -a ba ɛɛ?"
- 5-O 'seŋ =naa srɔpe 'ε ni, 'kooko- -e sɔ -a 'gbu magbaandɛ ma jan mu, 'bhe 'pegee -Waanbhaa' tɔsie ma jan mu wole-. -O 'bhe 'seŋ 'ε =naa -a ni 'kee- bo 'bhe klele ma mle mia ple bhe ple =la (42).
- 6'Bhe klele 'te, 'ke 'yee- srɔpe 'ε -jan 'yɔɔ- wole 'sanle -Waanbhaa' ma, 'kee- 'bhe 'tɔ 'ε 'sie-, 'bheε- 'kee- 'bhe gbayɛ 'weŋ 'ε -zwanwo', 'bhe 'pegee 'kee- lafle' 'yi mu 'ε -zwanwo'.
- 7-O 'seŋ =naa -a ni dɔɔ -e gwledan -Waanbhaa' a mɛɛ 'weŋ mu 'ε ba, 'ke -a 'seŋgo- 'mu 'le. -O 'seŋ =naa -a ni -gbaa mu 'ε 'kpen oo, 'si mu 'ε 'kpen oo, wli mu 'kpen oo, 'bheε- 'kleen mu 'ε 'kpen 'yi mu ta.
- 8'Tɛ ta mu 'la 'kpen 'tɔ 'laa -o -Bhlaa Gwɛn Bhlone- 'la -gaa 'ke 'sraka 'le 'drunyan zibɔ bhla 'ε zi 'bhe a bole -yre ma -si 'sewe 'ε 'yi, 'bhe zan mu -le nu 'ε 'kpɔ zenle 'yee- srɔpe 'ε 'lɛɛ, 'bheε- -wa gba.
- 9'"Ke mɛɛ 'la zan 'trɔn -o -a ngblo ma, 'bhe zan 'ε 'trɔnbado -jan 'lɛɛ- ni.
- 10'Ke -a -ledulale -o dɔɔ mɛɛ 'la zan -o bɔpe 'le -kaso 'yi, -o nu 'bhe zan 'ε bɔle -kaso 'yi. 'Bheε- 'ke -a -ledulale -o dɔɔ -o mɛɛ 'la zan dɛ 'ke -gɔkuŋ' 'le, -o nu 'bheε- zan dɛle 'ke -gɔkuŋ' 'le. 'Bhɛla- -zayile, -yoo 'ke -za 'le 'ke -Waanbhaa' a mɛɛ 'weŋ mu 'ε -o -za 'yikun-, 'bheε- -woo kpa Zesu 'yi."
- 11'Bhe blaɛn, 'ke 'η srɔpe -bheεke' do yele- 'ezin- 'ke 'bhe -o 'pwe zii' 'tɛ =la. -A -mle -yaa ple 'bhii- -bhlaa gwɛn bhlone- do -mle mu gbɛɛn-, 'bheε- -e -yaa -janwo' zii' 'bhii- mle gblɔ -gbɛɛ do gbɛɛn-.
- 12-E -yaa -za 'kpen kle 'zi srɔpe -lwa mi 'ε 'bhe a faŋgan- 'ε 'le 'bhe 'gbu 'yre ma. -E -yaa a wla 'zi 'drunyan ta mu 'ε 'kpen zi dɔɔ 'mu 'mu 'kpɔ zen 'yee- Srɔpe =lwa 'ε 'lɛɛ 'bheε- -o 'bhe gba. 'Bhe ma 'da 'la 'yaa- zan 'bhe dɛle 'bhe =yaan.

- 13'Yee- Srɔpɛ plɛ mi 'ɛ 'yaa- 'sɔle- maza -gbɛnɛ mu klɛ 'zi mɛɛ mu 'ɛ 'yrɛ ma, 'ali- 'ke 'bhɛ gɛ 'tɛnlɛ- 'tɛ zinale ma -a 'kɔɔ 'trɛ ta 'ke 'bhɛ da laflɛ' 'yi.
- 14'Bhɛ klɛgbɛya 'ɛ 'yi, -o fɔŋŋan- yɛkɛ- 'la =naa -a ni, -e -yaa 'sɔle- maza mu 'la klɛ 'zi srɔpɛ =lwa 'ɛ 'yrɛ ma, -e 'drunyan ta mu 'ɛ 'yinia- 'mu 'le, 'ke -ya pɛ 'mu ni dɔɔ -o srɔpɛ =lwa 'la madiŋwa 'ke -gɔkuŋ' 'le, 'bhɛɛ- 'ke 'bhɛ =bwa 'bhɛ -yrɛ ma bhe, 'kaa -o 'bhɛ bhɔɔma -yrinɛ' =yaan.
- 15'Bhɛ blaɛn, -o 'sɛŋ =naa srɔpɛ 'ɛ ni, 'bhɛɛ- -e nii- -wlaa -a bhɔɔma -yrinɛ' 'ɛ 'yi, 'kooko- 'bhɛ sɔ -janwɔle 'ke 'bhɛ 'a pɛ mɛɛ mu ni dɔɔ 'ke mɛɛ 'la zan mu 'kɛn 'laa -o 'kpɔ zenlɛ srɔpɛ 'ɛ bhɔɔma -yrinɛ' 'ɛ 'lɛɛ 'bhɛɛ- -wa gba, -o 'bhɛ zan mu 'ɛ dɛ.
- 16-Ya =kla 'bhɛɛ- -o pɛ yɔɔn do kpalaɛ' kpaŋma mɛɛ mu 'ɛ 'kɛn gbɛ -yie' -lii, 'bhɛ 'pegee -o -mlɛlii': mɛɛ 'fiɛntrɔnnɛ mu oo, mɛɛ gbɛlaan mu oo, pɛzan mu oo, 'kɔɔflɛŋzan mu oo, lu mu oo, 'bhɛɛ- =klɔ mu 'kɛn.
- 17'Mɛɛ 'kɛdo- 'kpɔ 'laa -yaa sɔ pɛ -lɔle', 'bhɛ 'pegee pɛ gɔnlɛ-, 'ke 'yee- pɛ yɔɔn 'ɛ yaa -o 'bhɛ zan ma: 'yee- pɛ yɔɔn 'ɛ 'ke yaa klɛlɛ srɔpɛ =lwa 'ɛ 'tɔ 'ɛ 'le, -e klɛ -a 'tɔ 'ɛ 'lii 'ɛ 'bhɛɛ- 'le.
- 18-Zadɔleya maza -le -gɛ. 'Ke mɛɛ 'la zan yikanle -o, 'bhɛ zan sɔ srɔpɛ 'ɛ 'tɔ 'ɛ 'lii 'ɛ 'yi -o 'kɛla 'le 'bhɛ dɔle. -Amasrɔyi, bhaaplɛŋ do 'tɔ 'lii -le. -A -lii -o -kɛmɛ 'srwado- 'ke mia yaga bhɛ 'srwado- (666).

Yrɛ zi yɛlɛ 'sɛwɛ 14

- 1'Bhɛ blaɛn, 'ŋ 'yaa- 'ŋ 'yrɛkpa zii' bhɛla 'la ba, 'ke 'ŋ -Bhɛlaa Gwɛn Bhɛlɔnɛ- 'ɛ dulalɛ yɛlɛ- Siɔn vlɛ gɔɔn 'ɛ 'wiinɛ-. Mɛɛ 'waa -kɛmɛ do 'ke mɛɛ 'waa mia plɛ 'bhɛ yizie -yaa -a zi (144.000). -A 'gbu 'tɔ 'ɛ 'pegee -a Dɛ 'tɔ 'ɛ yɔɔndɛlɛ -yaa 'bhɛ mɛɛ mu 'ɛ 'mlɛlii.
- 2'Bhɛ klɛlɛ 'tɛ, 'ke 'ŋ pɛ -wɛli' do malɛ- 'ke 'bhɛ da laanima laflɛ' 'yi: 'Bhɛ -wɛli' 'ɛ -gbɔlɔ -yaa 'bhii- -yi 'pɔɔ wli mu 'pegee -gbɛlɛŋ' 'pɛɛ wli gbɛɛn-. 'Yee- -wɛli' 'ɛ 'yaa- 'ɛzin- 'bhii- 'srokpɛ -gitari -glɔɔn gwe mu 'wegbɛya gbɛɛn-.
- 3'Woo- mɛɛ 'saa mu 'ɛ dulalɛ -yaa -bhɛlɛŋgbɛ 'ɛ 'yaakpɛ- 'ɛ 'pegee pɛ -yrɛ malɛ yizie, 'bhɛɛ- 'gwɛlaan- gbɛlaan mu 'ɛ 'lɛ ma. -O -yaa 'sro drɛɛ do 'kpa zii'. Mɛɛ 'kɛdo- 'kpɔ 'laa -yaa sɔ 'bhɛ 'sro 'ɛ daanlɛ- 'ke yaa 'ɛ go mɛɛ 'waa -kɛmɛ do 'ke mɛɛ 'waa mia plɛ bhɛ yizie (144.000) 'la 'ke -Waanbhaa' 'mu tagbawoa 'drunyan ta mɛɛ mu 'ɛ ba 'mu do -kplɛn ba.
- 4'Bhɛ mɛɛ mu 'la bhe, -woo 'gbu 'flɛ 'ɛ =twa 'wɛŋ 'ke waa 'gwɛlaan 'pegee lɛ -za 'kɛdo- 'kpɔ dɔ. -O 'kɛn gbɛlaanlɛ -yaa -Bhɛlaa Gwɛn Bhɛlɔnɛ- 'ɛ zi 'ke 'bhɛ 'yaa- gɛlɛ- yrɛ 'oo yrɛ 'la =nɔɔ. -Waanbhaa' -o tagbawoa bhaaplɛŋ mu 'ɛ ba, 'kooko- -o klɛ -Waanbhaa' 'pegee 'yee- -Bhɛlaa Gwɛn Bhɛlɔnɛ- -waa' pɛ mɛɛ -lwa mu 'le.
- 5'Bhɛla do 'kpɔ 'laa dalɛ -lido' -o -lii, 'bhɛɛ- waa -za 'yɔɔ do 'kpɔ 'yɛlɛ- -lido' -o zi.
- 6'Bhɛ blaɛn, 'ke 'ŋ -mlɛkɛ' -bhɛkɛ' do 'yɛlɛ- 'ke 'bhɛ 'si zii' 'ɛgbɔɔnlɛ laanima laflɛ' 'yi; -Jan 'Nrɛlɛ- do 'la 'ke -danɛ' 'laa -o 'bhɛ ma -e -yaa zan 'bhɛ 'wɔlɛ- 'drunyan ta mu 'ɛ ni

doo: 'Klɛɛn mu 'ɛ 'kɛn 'yi mu oo, 'bhɛɛ- -gbaa mu 'ɛ 'kɛn oo, 'bhɛ 'pegee wli mu 'ɛ 'kɛn 'pe mu 'kɛn.

7-E -yaa pe 'zi 'egloole doo: "-Ka -gbiaan' -Waanbhaa' -lɛɛ, 'bhɛɛ- -ka 'tɔbhɔleya na -a ni! -Amasroyi -yaa 'kitikan yi 'ɛ =bhwa. -Ka 'ka 'kpɔ zɛn -Waanbhaa' -lɛɛ, 'bhɛɛ- -kaa gba, 'yele- lafle' 'pegee 'trɛ, 'bhɛɛ- wɛyi- 'pegee tɔ ngblo mu 'ɛ 'kɛn =kla."

8'Bhɛ blaɛn, 'ke -mlɛkɛ' plɛ mi do dɔle- -a -lwa mi 'ɛ zi, 'bhɛɛ- 'bhɛ 'yaa- pe 'zi doo: "-E -balaa', -e -balaa! Babilɔni -wa -gbɛnɛ 'ɛ -balaa! 'Yele- -yaa' 'gwɛn -glinza' 'flen 'ɛ do 'klɛɛn 'kɛn 'yi mu 'ɛ ma. 'Bhɛ 'gwɛn -glinza' 'flen 'ɛ 'yaa- 'bhii- -e -wɛɛn -gloɔ =naa -o 'kɛn ni, 'bhɛɛ- 'bhɛ -o =dia."

9'Bhɛ blaɛn, 'ke -mlɛkɛ' yaga mi 'ɛ dɔle- -a -lwa plɛ 'ɛ zi; 'bhɛ -yaa pe 'zi 'egloole doo: "'Ke mɛɛ 'oo mɛɛ 'la zan 'ɛ kpɔ =zian srɔpɛ 'pegee -a bhɔɔma -yrine' 'ɛ 'lɛɛ, 'bhɛɛ- 'ke -yoo -gbaa, 'bhɛ 'pegee 'ke -ya -tɔmasie =kpaa -a -mlɛlii' 'pegee -a 'kɔɔlaalii,

10'Bhɛ zan nu -Waanbhaa' a yran pɛyan- do 'ɛ 'mile- 'bhii- -wɛɛn -gloɔ 'la waa 'yizaale 'bhɛ gbɛɛn-. 'Bhɛ zan nu -yrenbhlele 'eyɔɔle 'tɛ 'pegee 'sɛkɛ 'tɛ 'ɛ 'yi, -Waanbhaa' a -mlɛkɛ' 'wɛɲ mu 'ɛ 'pegee -Bhlaanɛ' Gwɛn Bhlonɛ- 'yrɛ =la.

11'Tɛ 'la 'bhɛ -yrenkpa' -o ta, 'bhɛ -gblɛn 'ɛ wɛn 'waati 'ɛ 'kɛn ba 'ke -dan' 'laa klɛ 'bhɛ ma. Mɛɛ 'la zan mu 'kɛn srɔpɛ 'ɛ 'pegee -a bhɔɔma -yrine' 'ɛ =gbaa, 'bhɛ 'pegee -wa -tɔmasie 'ɛ =kpaa mɛɛ 'la zan mu 'kɛn ma, 'mu 'laa nu 'sɔlɛ- 'mu 'yitrɛle -yrekpaa' 'pegee -bi zi."

12'Bhɛla- -zayile, mɛɛ 'la zan mu -o 'ke -Waanbhaa' a pɛ 'le bhɛ, 'ke -o yaa 'ton' mu 'ɛ 'klɔsikun, 'bhɛɛ- 'ke -o 'kpale- -o Zesu 'yi, -waa' -yren 'yikun bhla 'ɛ =bhwa.

13'Bhɛ blaɛn, 'ke 'ɲ -weli' do male- 'ke 'bhɛ da lafle' 'yi, 'bhɛɛ- 'bhɛ 'yaa- pe doo: "-A yɔɔndɛ doo: "Ke mɛɛ 'la zan mu -gaa 'ke -o bole -o Mɛɛzan a 'kpaledomaya 'ɛ 'yi, 'keesan -zɔn ma, -waa pɛ -yinra!' " Lii 'Wɛɲ 'ɛ pe doo: "'Bhɛ -o 'ke wlan 'le. -Woo -yitrɛ' -waa' ye -gloɔ mu 'ɛ 'wole- blaɛn, 'bhɛɛ- -o klɛza -lrele' mu 'ɛ -za 'laa nu gole -Waanbhaa' 'kpee."

14'Bhɛ blaɛn, 'mi 'ɲ 'yrekpale 'ezin-, 'ke 'ɲ la -gblo 'pu do yele-, 'bhɛɛ- mɛɛ do yaale -yaa 'bhɛ ta 'bhii- bhaaplɛɲ gbe do gbɛɛn-. -Bhɛɲgbe ngblo ma -can 'faa do -yaa -a ngblo ma, 'bhɛɛ- -gɔɲlɔ -lɛle' do -yaa -a 'kɔɔ.

15'Bhɛɛ- 'ke -mlɛkɛ' 'bhɛɛke do 'pwele -Waanbhaa' Gba 'Fɛ -Gbɛnɛ 'ɛ =la 'ke -ya pe mɛɛ 'la zan yaale -yaa la -gblo 'ɛ ta 'bhɛ ni 'egloole doo: "'Yaa- -gɔɲlɔ 'ɛ 'si, pɛbhaa 'ɛ 'kanle san, -amasroyi pɛbhaa 'kan bhla 'ɛ =bhwa; 'drunyan ta pɛbhaa 'ɛ 'tranna-, 'bhɛɛ- -a 'kan bhla 'ɛ =bhwa!"

16'Bhɛ klɛle 'tɛ, mɛɛ 'la zan yaale -yaa la -gblo 'ɛ ta, 'ke 'bhɛ -gɔɲlɔ 'ɛ 'sile, 'bhɛɛ- 'keewole 'kɛle- 'trɛ 'ɛ ta 'bhii- -o -mlɔ kan gɔnɛ- 'la gbɛɛn-.

17'Bhɛɛ- 'ezin-, 'ke -mlɛkɛ' 'bhɛɛke do 'pwele -Waanbhaa' Gba 'Fɛ -Gbɛnɛ 'la -yoo lafle' 'yi 'bhɛ =la; -gɔɲlɔ -lɛle' do -bhɛɛke' 'yaa- 'bhɛ 'kɔɔ 'ezin-.

18'Bhɛ blaɛn, 'kɛ -mlɛkɛ' 'bhɛɛkɛ do 'pwele 'srakagoyrɛ 'ɛ =nɔɔ, -glɔɔya' 'yaa- 'bhɛ 'kɔɔ 'tɛ ta. 'Bhɛ pɛ 'kɛla -gɔŋlɔ- 'lɛle- 'ɛ 'yaa- 'bhɛ 'kɔɔ 'bhɛ ni 'ɛglɔɔle dɔɔ: "'Yaa- -gɔŋlɔ 'ɛ 'si, 'bhɛɛ- 'trɛ ta -drɔɔ bhaa -vlɔ mu 'ɛ 'kan, -amasrɔyi -o bhaa mu 'ɛ 'tranna- gban."

19'Bhɛ klɛle 'tɛ, 'kɛ 'bhɛ -mlɛkɛ' 'ɛ -gɔŋlɔ 'ɛ 'sile; 'bhɛɛ- 'kɛ 'bhɛ 'trɛ ta -drɔɔ bhaa mu 'ɛ 'kanle. 'Bhɛɛ- 'kɛɛ- -drɔɔ bhaa mu 'ɛ 'klale -drɔɔ bhaa -yigo' -gluu 'ɛ 'yi. 'Bhɛ -le -Waanbhaa' a yran -gbɛɛ 'ɛ 'le.

20-Drɔɔ bhaa -yigo' -gluu 'ɛ 'yaa- -wa 'ɛ kpɛ ma. -O -drɔɔ bhaa mu 'ɛ 'taanna- -o gaan 'le 'bhɛɛ- =nɔɔ; mɛɛ yien -yaa 'pwɛ zii' 'bhɛ -drɔɔ bhaa -yigo' -gluu 'ɛ 'yi. 'Bhɛ mɛɛ yien 'ɛ 'wianna- 'fɔ 'bhɛ ge 'tɛnlɛ- 'kilo -kɛmɛ yaga ta 'trɛ ma; 'bhɛɛ- -ɛ -yaa sɔ bhɔle- mɛɛ -blina.

Yrɛ zi yɛle 'sɛwɛ 15

1'Bhɛ blaɛn, 'kɛ 'ŋ -tɔɔmasiɛ do -bhɛɛkɛ' 'yɛle laflɛ' 'ɛ 'yi, 'bhɛ 'yaa- 'ɛgbɛɛle, 'bhɛɛ- 'bhɛ 'yaa- mɛɛ 'kpeɛleni ma pɛ 'le: -klɔlɔɔ' 'srwaplɛ- -yaa -mlɛkɛ' 'srwaplɛ- 'kɔɔ. 'Bhɛ -klɔlɔɔ' mu 'ɛ 'yaa- 'kɛ -klɔlɔɔ' mu 'ɛ 'lɛyanpɛ -la -le. 'Wole- -yaa -Waanbhaa' a yran 'ɛ -daŋ' 'le.

2'Bhɛ blaɛn, 'kɛ 'ŋ yrɛ do yɛle- 'bhii- wɛyi- 'la 'yrɛ -o 'bhii- -dwalɛŋ' gbɛɛn-; 'tɛ 'yizaale -yaa -a ba. Mɛɛ 'la zan mu 'sɛngwa- 'kɛ srɔpɛ 'ɛ 'le, 'bhɛɛ- 'kɛ -waa dɔle -a -la 'kɛ -wa -bhɔɔma -yrinɛ' 'ɛ gba, 'bhɛ 'pɛgɛɛ 'kɛ -wa 'tɔ 'sɛwɛ 'ɛ yɔɔn -lii 'ɛ kpa -o ma, 'ŋ 'bhɛ zan mu 'ɛ =ya 'ɛzin-. 'Mu dulale -yaa wɛyi- 'la 'yrɛ ta -o 'bhii- -dwalɛŋ' 'bhɛ ta; -Waanbhaa' -gitari -glɔɔn gwe 'la =naa -o ni, 'mu -yaa -o 'kɔɔ.

3-O -yaa -Waanbhaa' a yɛwɔnɛ Moizi a 'sro 'pɛgɛɛ -Bhlaa Gwlɛn Bhlɔnɛ- 'ɛ -yaa' 'sro mu 'kpa zii' dɔɔ: "Mɛɛzan -Waanbhaa' 'Sɛŋkpenzan, 'ɛ klɛza mu 'ɛ -woo 'ɛgbɛɛle, 'bhɛ 'pɛgɛɛ -woo 'kɛ 'kpeɛleni maza mu 'le! 'Bhi -le 'kɛ 'trɛ ta 'si mu 'ɛ 'kpen a -bhɛlɛngbɛ 'le, 'yaa- zi mu 'ɛ 'lɛdɔɔle -o, 'bhɛ 'pɛgɛɛ -woo wlan ma zi mu 'le!

4'Mɛɛzan, -dele sɔ a pɛle- dɔɔ 'bhɛ 'laa gbɛlaan 'ɛ 'lɛɛ, 'bhɛɛ- yaa 'ɛ 'tɔbhɔ- ɛɛ? -Amasrɔyi, 'bhi -la do -kplɛn 'kpɔ -o 'wɛŋ, 'klɛn 'ɛ 'kpen yi mu nu nule -o 'kpɔ zenlɛ 'ɛ 'lɛɛ, 'bhɛɛ- -woo 'ɛ gba. -Amasrɔyi mɔkpen' 'a =ya 'bhii- 'yaa- 'kitikangbɛya mu 'ɛ 'lɛdɔɔle -o."

5'Bhɛ blaɛn, 'mi 'ŋ 'yrɛkpale, -Waanbhaa' gbayrɛ 'wɛŋ 'la -a gbayrɛ sɔkpaa' 'ɛ 'yaa- 'bhɛ =la, 'kɛ 'ŋ 'bhɛ 'liigole yɛle- laflɛ' 'yi.

6'Bhɛ klɛle 'tɛ, 'kɛ -klɔlɔɔ' 'srwaplɛ- 'ɛ 'yaa- -mlɛkɛ' 'srwaplɛ- 'la 'kɔɔ, 'mu 'pwele -Waanbhaa' Gba 'Fɛ -Gbɛɛ 'ɛ =la; dunɛ- 'pu 'pɛŋpɛŋ mu -yaa 'mu ta, 'bhɛɛ- 'mu 'yaa- bhi 'zi -yrayra. -Can 'sɛntru mu dɔle -yaa -o -bu ta.

7'Pɛ -yrɛ male yiziɛ 'ɛ, -a do -can 'paa 'srwaplɛ- -naa -mlɛkɛ' 'srwaplɛ- 'ɛ ni. 'Bhɛ 'paa mu 'ɛ 'pale- -yaa 'kɛ -Waanbhaa' 'la -ya -yrɛ ma -zɔn 'pɛgɛɛ yikpɛnsɛɛ ta 'bhɛ a yran 'ɛ 'bhɛɛ- 'le.

⁸Bhē 'waati 'ε ba, 'ke -Waanbhaa' gbayre 'weŋ 'ε 'pale 'ke -Waanbhaa' a 'tɔbhɔleya 'tɛgbɛn- 'pegee -yaa' -glɔɔya' 'ε 'le. Mɛɛ 'kedo- 'kpɔ 'laa -yaa sɔ wlale- -Waanbhaa' gbayre 'weŋ 'ε =la, 'sani- -klɔlɔɔ' 'srwaple- 'la 'yaa- -mleke' 'srwaple- 'ε 'kɔɔ 'mu yan.

Yre zi yele 'sɛwɛ 16

¹Bhē blaani, 'ke 'ŋ -weli' -glɔɔ do male- 'ke 'bhē da -Waanbhaa' gbayre 'weŋ 'ε =la; 'bhɛɛ- 'bhē 'yaa- pe 'zi -mleke' 'srwaple- 'ε ni dɔɔ: "-Ka ge -Waanbhaa' a yran peyan- 'srwaple- 'ε 'klaala 'trɛ ta!"

²Bhē klele 'tɛ, 'ke -mleke' =lwa mi 'ε 'pwɛle, 'kee gele- -yaa' pe yran peyan- do 'ε 'klaale 'trɛ ta. 'Bhɛɛ- 'ke -gblɔkɔ' 'tɔnle- 'pwɛle -yasaa -yasaa srɔpɛ 'ε 'tɔɔmasie 'ε 'yaa- mɛɛ 'la zan mu ma, 'bhɛɛ- 'ke -o -yaa -a bhɔɔma -yrine' 'ε gba 'mu ma.

³Bhē blaani, 'ke -mleke' plɛ mi 'ε 'bhē 'bhē a pe yran peyan- do 'ε 'klaale weyi- 'ε ba. 'Bhē klele 'tɛ 'ke weyi- 'ε 'kpen klele- 'ke yien 'le, 'bhii- mɛɛ gbaa do yien gbɛɛn-, 'bhɛɛ- pe -yre male mu 'la 'yaa- weyi- 'ε ba, 'mu 'kpen -gaa.

⁴Bhē blaani, 'ke -mleke' yaga mi 'ε 'bhē 'bhē a pe yran peyan- do 'ε 'klaale yue mu 'pegee tɔ ŋgblo mu 'ε ba. 'Bhɛɛ- 'bhē -yi mu 'ε 'kpen =kla 'ke yien 'le.

⁵-Glɔɔya' -o -mleke' 'la 'kɔɔ -yi ta, 'ŋ 'bhē 'weli- 'ε =maa 'ke 'bhē -a pe 'zi dɔɔ: "'Bhi 'la -yoo, 'bhɛɛ- 'ε 'yaa- 'elwale gban, 'ε 'lɛdɔɔle -o, 'bhɛɛ- 'yoo- 'weŋ, -amasrɔyi 'ε 'kiti 'lɛɛ- =kaan 'lɛdɔɔleya ma.

⁶-Amasrɔyi, -o 'yaa- mɛɛ 'weŋ mu 'ε 'pegee 'ε 'lɛla- -janwo' mu 'ε =dia 'ke -woo 'yien 'ε 'klalaa 'trɛ ma. 'Bhɛɛ- 'bhi 'duŋ- mɛɛ yien -naa -o dɛ mu 'ε ni -o mi yi 'le. 'Bhē 'yi, -woo kleza -yɔɔ' mu 'ε 'wlata- za -la -srɔɔwoa!"

⁷'D -weli' do =maa 'ke 'bhē da 'srakagoyre 'ε =nɔɔ, 'bhɛɛ- 'bhē 'yaa- -a pe 'zi dɔɔ: "'E! Mɛɛzan -Waanbhaa', 'Senkpenzan, 'yaa- 'kiti mu 'ε -woo wlan ma, 'bhɛɛ- -o -lɛdɔɔle -o!"

⁸Bhē blaani, 'ke -mleke' yizie mi 'ε 'bhē 'bhē a pe yran peyan- do 'ε 'klaale -yretɛbhɛ 'ε ta, 'bhɛɛ- 'ke -o 'seŋ 'nale -yretɛbhɛ 'ε ni dɔɔ -ε bhaaplɛŋ mu 'ε 'kpacie 'ke -a -yi 'tɛ 'ε 'le.

⁹Bhē klele 'tɛ, 'ke 'tɛfuu -gbɛɛ do bhaaplɛŋ mu 'ε 'kpaciele, 'bhɛɛ- -o -yaa -Waanbhaa' 'la 'seŋ -o 'bhē 'kɔɔ 'woo- -klɔlɔɔ' mu 'ε ta 'bhē 'tɔsie ma jan -yɔɔ' mu 'wo 'zi. 'Duŋ- -zadɔwɛɛ 'laa dɔɔle -o ma 'ke -o ploɔ -za 'yɔɔ- klele ma, 'ke -woo zru niinaa' -Waanbhaa' ba, 'bhɛɛ- 'ke -o 'bhē 'tɔbhɔ-.

¹⁰-Mleke' 'soo mi 'ε 'bhē 'bhē a pe yran peyan- do 'ε 'klalaa srɔpɛ 'ε 'yaakpe- 'ε ta. 'Bhē klele 'tɛ, 'ke -gblɔ 'kpale -yaa' -bhɛŋgbe 'kleɛn 'ε 'kpen ta. 'Bhɛɛ- bhaaplɛŋ mu 'ε 'yaa- -o gbɛɛbhɛ mu 'ε 'sɔnkpa zii' -o ta -yren 'ε 'lagbeyaa -yɔɔ' 'ε 'kɔɔ.

¹¹'Bhela- -yile, -o -yaa laanima -Waanbhaa' 'tɔ 'sie ma jan mu wo 'zi, 'bhē -yren 'ε 'pegee 'bhē -gblɔkɔ' mu 'ε 'lagbeyaa -yɔɔ' 'ε 'kɔɔ. 'Duŋ- -zadɔwɛɛ 'laa dɔɔle -o ma 'ke -o ploɔ -za 'yɔɔ- klele ma, 'bhɛɛ- 'ke -woo zru niinaa' -Waanbhaa' ba.

- 12-Mlɛkɛ' 'srwado- mi 'ɛ 'bɛ 'bɛ a pɛ yran pɛyan- do 'ɛ 'klalaa yue -gbɛnɛ 'la -wa sii Efrati 'bɛ 'yi 'ɛ ba. 'Bɛ klɛlɛ 'tɛ, 'kɛ yue 'ɛ 'bɛɛɛ; 'kooko- -bhɛngbɛ mu 'la 'yaa- da -yɛtɛbɛ 'pweyre- nɔɔ-, 'mu 'kanyrɛ- ye.
- 13'Bɛ blaɛn, 'kɛ 'ɲ lii -yɔɔ' yaga yeɛ-. -A do -pwɛla mlɛ gbɔ -gbɛnɛ 'ɛ lii 'ɛ 'lɛ, -a -bɛɛkɛ' do -pwɛla srɔpɛ 'ɛ lii 'ɛ 'lɛ, 'bɛɛ- -a yaga mi 'ɛ 'pwɛla- bhla ma -Waanbɛaa' -lɛla' janwo mi 'ɛ lii 'ɛ 'lɛ. -O -yaa 'bhii- -sran mu gbɛɛn-.
- 14'Wolɛ- 'kɛ 'zina lii mu 'la 'sɔlɛ- maza mu klɛ 'mu 'lɛ. -O gɛ 'drunyan 'yi -bhɛngbɛ mu 'ɛ 'kpɛn ba, -o -lɛkpa' zayi' 'ɛkɛ- ta gwɛdanlɛ 'kaama-. -O nu 'bɛ gwɛlɛ 'ɛ danlɛ 'Sɛŋkpɛzan -Waanbɛaa' a yi -gbɛnɛ 'ɛ 'bɛɛɛ- ta.
- 15'Mɛɛzan pɛ dɔɔ: "'E 'trɔnbado doo, 'mi nu nulɛ 'bhii- -faannii' kla mɛɛ ba gɔnɛ- 'la gbɛɛn-! 'Kɛ mɛɛ 'la zan =bwa -a 'yrɛ ma, 'bɛɛ- 'kɛɛ- -yaa' dunɛ- mu 'ɛ =twa -a ta; 'kooko- 'kɛ yaa 'taawo- -a tafɛŋ- 'lɛ, 'bɛɛ- 'kɛ -yrala' laa dɔ -a ma 'kɛ mɛɛ mu 'a =ya, 'bɛ zan a pɛ -yinra'."
- 16'Woo lii yaga 'ɛ -o 'trɛ ta -bhɛngbɛ mu 'ɛ 'kpɛn 'lɛkpa- 'ɛkɛ- ta yrɛ 'la -o 'bɛ sii Ebrɛ wli 'ɛ 'yi dɔɔ: "Aamagedɔn" 'bɛɛ- =nɔɔ.
- 17'Bɛ blaɛn, 'kɛ -mlɛkɛ' 'srwapɛ- mi 'ɛ 'bɛ 'bɛ a pɛ yran pɛyan- do 'ɛ 'klaalɛ laanima -ploo 'ɛ zi. 'Bɛ klɛlɛ 'tɛ, 'kɛ -wɛli' -glɔɔ do dale- -Waanbɛaa' gbayrɛ 'wɛŋ 'ɛ =la -bhɛngbɛ 'yaakpɛ- 'ɛ 'yi, 'kɛ 'bɛ 'a 'pɛlɛ dɔɔ: "-E =yaan 'tɛ!'"
- 18'Bɛ klɛlɛ 'tɛ, 'kɛ la 'ɛ 'yrɛbɔlɛ laflɛ' 'yi, 'bɛ 'pɛgɛɛ pɛ wli 'kɛ mu 'kɛlɛ, 'bɛɛ- -gbɛlɛŋ' mu -pɛɛla, 'bɛɛ- 'kɛ 'trɛ bɛɛnɛ- 'ɛgbɛnɛɛ. -A 'san bɛaaplɛŋ mu -o 'trɛ ta -gɛ 'kɛ 'bɛ nu 'tɛnɛ- 'bɛ yi 'lɛɛ- ma, 'bɛ 'yansi 'trɛ bɛɛnɛ laa klɛlɛ -lido' 'ɛgbɛnɛɛ 'bɛ gbɛɛn- -titi.
- 19'Bɛ klɛlɛ 'tɛ, 'kɛ -wa -gbɛnɛ 'ɛ 'wɛlɛ, 'bɛɛ- 'kɛ -a -yicienɛ -lɛ yaga; 'bɛɛ- 'klɛɛn mu 'ɛ 'yi -wa mu 'ɛ 'klalaa-. Babilɔni -wa -gbɛnɛ 'ɛ -zadwa -Waanbɛaa' 'kɛpɛ 'tɛ. -E -yaa' yran -gbɛnɛ 'ɛ =klaa 'yɛɛ- -wa 'ɛ ta mu 'ɛ ta.
- 20-'Yi 'mlɛngolɛ -yaa 'trɛ yrɛ mu 'la zi, 'mu 'kpɛn 'trunwoa=, 'bɛɛ- mɛɛ -yrɛ 'laa 'kpɛlɛ- vlɛ gɔɔn 'kɛdo- 'kpɔ ma 'ɛzin- -li.
- 21'Bɛɛ- -goobɛ' la gbɔ -gbɛnɛ do -baan: 'bɛ -goobɛ' la 'ɛ bɛ do gbɛŋ 'ɛ 'yaa- 'kilo mia plɛ (40) bhɔ. 'Bɛ -goobɛ' la gbɔ -gbɛnɛ 'ɛ 'bɛ -lɛ -daa laflɛ' 'yi, 'bɛɛ- -ɛ -baan bɛaaplɛŋ mu ta. 'Bɛ klɛlɛ 'tɛ, 'kɛ bɛaaplɛŋ mu 'ɛ -o -Waanbɛaa' 'tɔsɛ ma jan -glɔɔn 'ɛ 'kpɛn 'wolɛ 'yɛɛ- -goobɛ' la 'ɛ -zayi'. -Amasrɔyi 'yɛɛ- -goobɛ' la 'ɛ 'yaa- 'ɛyɔɔlɛ 'kɛɛ- kan a -daŋ' ta.

Yrɛ zi yeɛ 'sɛwɛ 17

- 1'Bɛ za mu 'ɛ 'kanlɛ blaɛn, 'paa 'srwapɛ- 'ɛ 'yaa- 'woo- -mlɛkɛ' 'srwapɛ- 'la 'kɔɔ, -o do 'ɛ 'mabɛɛna 'ɲ -din, 'bɛɛ- 'kɛ -ya pɛlɛ- 'ɲ ni dɔɔ: "Nu -gɛ doo, 'bɛɛ- 'ɲ nu gwɛn -wɛɛ lɛ 'ɛ ma 'kiti 'ɛ zɔnɛ 'ɛ ni. 'Yɛɛ- gwɛn -wɛɛ lɛ 'ɛ 'yaalɛ -o -yi gbɛlaan mu bhɔŋla.
- 2'Trɛ ta -bhɛngbɛ mu 'ɛ -yanbhɔɔya =kla -a ba; 'bɛɛ- -yaa' gwɛn -wɛɛza' 'flɛn 'ɛ 'trɛ ta bɛaaplɛŋ mu 'ɛ 'kpɛn =dia 'bhii- -drɔɔ a mɛɛ dɛgbɛya gbɛɛn-."

- ³'Bhε klele 'tε, 'ke Lii 'Wεη 'ε zinale 'η ta, 'bhεε- 'kee- gele- 'η 'le -kpe do ta. 'D le do yaale -ya 'bhε =nɔɔ srɔpε 'ten do ta. 'Bhε srɔpε 'ε ηgblo -yaa 'srwaplε-, 'bhεε- -a -mlε -yaa vu: -Waanbhaa' 'tɔsie ma 'tɔ mu 'te -la yɔɔnde le -yaa -a ma yre kpen- =nɔɔ.
- ⁴'Yee- le 'ε -baale' -yaa 'ke -bhleŋgbe -baa 'sɔ 'ten 'wleŋwleŋ do 'le, 'bhε 'pegee -baa -can pε mu, 'bhεε- vlε -za -glɔɔ mu, 'bhε 'pegee -gbεεfiŋ mu 'ε 'kpen -glɔɔn -le -yaa -a ma. -Can 'paa do -yaa -a 'kɔɔ, 'bhε 'pale- -yaa 'ke mεε mu kleza 'yɔɔ- mu 'ε 'kpen -glɔɔn 'le, 'bhε 'pegee -yaa 'triŋdɔ- maza -yanbhɔɔya maza mu 'ε 'kpen 'le.
- ⁵'Tɔ do yɔɔnde le -yaa -a -mlɛlii': -doodoo 'yi 'tɔ -le -yaa 'bhε 'le, 'bhεε- 'bhε 'tɔ 'ε yɔɔnde le -yaa dɔɔ: "Babilɔni -wa -gbεε, 'trε ta -yanbhɔɔya dε mu nεε, 'bhε 'pegee -za 'yɔɔ- 'kanle- -a -daŋ' ta 'bhε kle mu nεε."
- ⁶'Mi 'yee- le 'ε =ya; -Waanbhaa' a mεε 'wεη mu 'la 'pegee -o mεε 'la zan mu =dia -waa' Zesu 'srɛya- klele ma, -e 'mu yiεn 'ε =mia, 'bhii- 'ke mεε -drɔɔ -mia 'eβεβε le -e mεε dε gɔɔnε- 'la gbεεn-, 'bhεε- 'bhε 'yaa- -a dε 'zi 'bhεε- gbεεn-. 'An 'yele-, 'ke 'η 'liibhaale 'η 'gbu ma 'egbenele.
- ⁷'Bhε klele 'tε, 'ke -mlεkε' 'ε -ya pele- 'η ni dɔɔ: "-Mεle -kla 'bhεε- 'e 'kpeeleni zii' 'e ma εε? Srɔpε 'la le 'la bhe -a bina- 'zi, 'bhεε- 'ke -a ηgblo -o 'srwaplε-, 'bhε 'pegee -a -mlε -o vu, 'η 'yoo- zan gaanyiza do 'yipele 'e ni -o plε -kpen ba zayi'.
- ⁸'E srɔpε 'la =ya bhe, -e -yaa 'elwale -a -yre ma; 'duŋ- yaa -o -li -a -yre ma. -E nu 'pwεlε- -gluu gbɔɔn 'trole 'ε 'yi, 'bhεε- -e nu gele -a 'sieyre- 'ε =nɔɔ. Waa 'drunyan ta mu 'la 'tɔ yɔɔnde le bole -yre ma -si 'la 'ke -daŋ' 'laa -o 'bhε ma 'bhε 'sεwε 'ε 'yi -a 'san 'drunyan zibɔ yi 'ε ma -Waanbhaa' 'kɔɔ, 'bhε zan mu 'kpee le nu nilε 'mu ma 'ke 'mu 'yee- srɔpε 'ε =ya. -Amasrɔyi, -e -yaa -a -yre ma 'elwale -sɔ, 'duŋ- yaa -o -li -a -yre ma, 'bhεε- 'duŋ- -e nu 'pwε gbε drεεwole 'ezin- -a -yi."
- ⁹"'Bhε -za 'lεε- 'bhε -o 'ke yikan' maza 'pegee -zadɔ' maza 'le. Srɔpε 'ε ηgblo 'srwaplε- 'ε 'bhε mu -o 'ke vlε gɔɔn 'srwaplε- -la -le. Le 'ε 'yaale -o 'bhεε- vlε gɔɔn mu 'ε 'wiŋŋ-.
- ¹⁰'Woo- srɔpε ηgblo 'srwaplε- 'ε, -woo' 'ezin- -bhleŋgbe 'srwaplε- -la -le: 'woo- -bhleŋgbe mu 'ε -o 'soo 'laa -o -li, 'mu -balaa' gban, -a do yaale -o -zɔn 'bhε a -bhleŋgbeya 'ε 'yi, 'bhεε- -a 'srwaplε- mi 'ε 'bhε 'laa nule -li. 'Duŋ- 'kee- -nwa yaale -yaa' -bhleŋgbeya 'ε 'yi bhla 'la ba, yaa nu -mɔlε' 'bhε 'yi.
- ¹¹Srɔpε 'la 'yaa- 'bhε 'yre ma 'elwale -sɔ, 'bhεε- 'ke yaa -o -li -a -yre ma, 'bhε 'gbu -o 'ezin- -bhleŋgbe 'srwaa- mi 'ε 'bhεε- 'le. 'Bhεε- 'bhε -le -bhleŋgbe 'srwaplε- -lwa mu 'ε do 'le-, 'bhεε- 'bhε 'gbu -o ge 'zi 'bhε 'niyre- 'ε 'bhεε- =nɔɔ."
- ¹²"'E -mlε vu 'la =ya, 'mu -le 'ke -bhleŋgbe vu 'la 'mu laa yaale -li 'mu a -bhleŋgbeya yaayre 'ε =nɔɔ; 'duŋ- -o nu 'seŋ 'nale- -o ni, 'bhεε- -o yalaa' -bhleŋgbeya 'yi 'waati sa ba -o 'pegee srɔpε 'ε 'le.
- ¹³'Woo- -bhleŋgbe vu 'ε -o 'kpen -o -za do 'kpɔ -la zi: woo -a zi 'bhii- -o -waa' -glɔɔya' 'pegee waa faŋgan- 'ε 'na srɔpε 'ε ni.
- ¹⁴-O nu gwledanle -Bhlaa Gwlen Bhlone- 'ε ba, 'duŋ- 'bhε 'seŋ nu wole 'ke -o -le. -Amasrɔyi 'bhε -le 'ke Mεεzan mu 'kpen a Mεεzan 'le, 'bhε 'pegee -bhleŋgbe mu 'kpen a

-Bhlengbe 'le. -Waanbhaa' mɛɛ 'la zan mu -siila, 'bhɛɛ- -e mɛɛ 'la zan mu makwan-, 'bhɛ 'pegee mɛɛ 'la zan mu zru =bwa do 'yee -Waanbhaa' ni, 'bhɛ mɛɛ mu 'ɛ 'kpen 'pegee -Bhlaa Gwlɛn Bhlɔnɛ- 'ɛ -o 'seŋ nu wolɛ 'ke 'woo- -bhlengbe vu 'ɛ 'pegee srɔpɛ 'ɛ 'le.”

15-Mlɛkɛ' 'ɛ pe 'ŋ ni 'ezin- dɔɔ: "'E -yi mu 'la =ya, 'ke gwɛn -wɛɛ le 'ɛ 'yaale- -o bhoŋla bhe, 'wole- 'ke 'klɛn 'ke 'yi mu 'le, 'bhɛ 'pegee -zamaa' 'ke mu, 'bhɛɛ- 'si 'ke mu 'pegee wli 'ke mu 'le.

16'E wi -mlɛ vu 'la =ya gwɛn -wɛɛ le 'ɛ ven nu 'sile- 'mu 'pegee srɔpɛ 'ɛ yin 'lii. -O nu -a 'kɔɔpɛ- mu 'ɛ 'kpen 'kunɛ-, 'bhɛɛ- -wa tafɛŋ- balaa'. 'Mu nu -a dɛɛ, 'bhɛɛ- -wa 'flɛ 'ɛ bhle, 'bhɛɛ- -o nu -a 'flɛ -vin 'ɛ 'kpaciele 'tɛ 'yi.

17'Wlan 'ɛ ni, -Waanbhaa' -le 'a =kpaa -o ŋgblo -yi dɔɔ 'yee- 'gbu -za 'la 'lɛdulaa gban -o 'bhɛɛ- klɛ, 'bhɛɛ- -o zru maza klɛ do; 'bhɛɛ- -o waa -bhlengbeyaa faŋgan- 'ɛ 'na srɔpɛ 'ɛ ni, 'sani- 'yee- -Waanbhaa' 'gbu a -jan 'ɛ 'lesole plɛŋ-.”

18"'E le 'la =ya bhe, 'bhɛ -le 'ke -wa -gbɛnɛ 'la -yaa' faŋgan- 'ɛ 'kpaale- -o 'trɛ ta -bhlengbe mu 'ɛ 'kpen 'wiinj- 'bhɛ 'le.”

Yrɛ zi yele ‘sɛwɛ 18

1'Bhɛ blaɛn, 'ke 'ŋ 'yrɛkpale -mlɛkɛ' 'bhɛɛke do ma 'kee- da laflɛ' 'yi. Faŋgan- -gbɛnɛ do -yaa -a 'kɔɔ; 'bhɛɛ- -a -lregbeyaa -yrayra 'ɛ 'bhɛ 'trɛ 'ɛ 'kpen takaa- 'wɛŋ.

2-E -gbekaan -a -weli' -glɔɔ do 'yi dɔɔ: "-E -klalaa', -e -klalaa', Babiloni -wa -gbɛnɛ 'ɛ 'klalaa. -E =kla 'zina mu a -wa 'le, 'bhɛɛ- -e -kla 'ke 'zina 'triŋle- 'ɛ 'kpen -glɔɔn gaanyrɛ 'le; 'bhɛ 'pegee maannɛ- 'yɔɔ- mu 'ɛ 'kpen -glɔɔn gaanyrɛ 'le, 'bhɛɛ- maannɛ- mu 'la 'kpen -za 'laa sɔ mɛɛ ni, -e -kla 'mu 'kpen gaanyrɛ 'le 'ezin-.

3-Amasrɔyi, 'drunyan ta mu 'ɛ 'kpen -yanbhɔɔyaa =kla -a ba, 'ali- -yaa' -yanbhɔɔyaa 'flɛn 'ɛ -yoo 'kpen =dia 'bhii -drɔɔ a mɛɛ dɛgbeyaa gbɛɛn-. 'Trɛ ta -bhlengbe mu 'ɛ -yanbhɔɔyaa =kla -a ba, 'bhɛɛ- 'plɛɛgɔn- mu 'ɛ =kla 'ke pɛzan mu 'le -yaa' pɛ -lrele' mu -bebeyaa 'ɛ -zayi'.”

4'Bhɛɛ- 'ŋ -weli' -bhɛɛke' do =maa 'ke 'bhɛ da laflɛ' 'yi, 'bhɛɛ- 'bhɛ 'yaa- pe 'zi dɔɔ: "'Mi a pɛ mɛɛ mu, -ka go -wa 'lɛɛ- 'kpee, 'kooko- 'ka 'laa nu -waa' -za 'yɔɔ- mu 'ɛ 'ke klɛɛ, 'bhɛɛ- 'kooko- -o ta -klɔɔɔ mu 'ɛ 'ke mu laa nu 'tɛnɛ- 'ka ma.

5-Amasrɔyi, -yaa' -za 'yɔɔ- mu 'ɛ 'pa gbɛ -yɔɔ' 'ɛ 'kɔɔ, 'mu -dwa 'eke- ta 'bhii- zrɛ dɔgbeyaa gbɛɛn- 'ke 'bhɛ ge 'tɛnɛ- laflɛ' ma. 'Bhɛɛ- -a klɛza -yɔɔ' mu 'ɛ -zadwa -Waanbhaa' 'kpee.

6-E mɛɛ -bhɛɛke' mu =kwan 'eyɔɔle gɔnɛ- 'la gbɛɛn-, -kaa 'kun 'bhɛɛ- 'kungbeyaa yɛkɛ- do 'kpɔ 'ɛ 'yi 'ezin-; 'bhɛɛ- -kaa klɛza -yɔɔ' mu 'ɛ 'mu -la yɛkɛ- 'niina- -a ma -glɔɔn plɛ. -E -drɔɔ pɛyan- do 'la =naa 'ka ni, -drɔɔ -glɔɔ 'la -glɔɔ 'yiya- 'bhɛ ni -glɔɔn plɛ -ka 'bhɛɛ- yɛkɛ- pɛyan- do na -a ni.

7-Ya 'gbu 'tɔbhwa- gɔnɛ- 'la gbɛɛn-, 'kee- bo -yaa' pɛ -lrele' 'srɛ mu 'ɛ 'trɔnbhɛle ma gɔnɛ- 'la gbɛɛn-, -ka 'bhɛɛ- yɛkɛ- -yrɛn 'pegee 'trɛbhɔ 'kpa -a ta. -Amasrɔyi -ya pe 'zi -a

'gbu 'kpee dɔɔ: "D 'yaale- -o 'bhii- -bhleŋgbe le do gbɛɛn-, 'naa -o 'ke glaanle do 'le, 'bhɛɛ- bheela za laa nu 'tenlɛ- -titi 'ŋ ma.'

⁸'Bhɛla- -zayile, -klɔlɔɔ' mu 'lɛɛ- 'mu nu baale -a ta -leyan' do 'kpɔ: Ga 'pegee bhee la za, 'bhɛɛ- -gu. 'Bhɛɛ- 'tɛ nu -a 'kpaciele, -amasrɔyi Mɛɛzan -Waanbhaa' 'la 'bhe a -kpan 'a -balaa' 'a ta 'bhe -o 'eglɔɔle."

⁹'Ke 'bhe =kla, 'trɛ ta -bhleŋgbe mu 'la 'kpen -yanbhɔɔya =kla -a ba, 'bhe 'pegee 'ke -o =bwa -yaa' pɛ -lrele' -trɔn 'srɛ 'ɛ 'bhlele- ma, 'ke -o -yɛkpaab hla 'la ba -wa 'ɛ 'kpacieyre 'tɛgbɛn- 'ɛ ma; -o nu wisilɛ 'ke -woo -la ma janwo -a ba zayi'.

¹⁰-O -gblaanlawo zii' -a ta -yɛn -gbɛnɛ 'ɛ 'lɛɛ, -o nu dulalɛ 'egbɔɔnle -a ma, 'ke -wa pe dɔɔ: "'Ee -klɔlɔɔ' maza! 'Ee -klɔlɔɔ' maza! 'Ee, 'waa- -wa -gbɛnɛ Babilɔni 'ɛ, fanŋan- ma -wa 'ɛ! -Waanbhaa' a -kpan 'ɛ -balaa' 'e ta -leyan' do 'kpɔ 'bhɛɛ- gbɛɛn- -gee' ɛɛ!"

¹¹'Trɛ ta 'plɛɛgɔn- mu 'ɛ 'kpen nu wisilɛ 'ke -o -gbekan' 'yee- Babilɔni -wa 'ɛ -zayi', -amasrɔyi mɛɛ 'kɛdo- 'kpɔ 'laa nu -waa' 'plɛɛ gɔnpɛ mu 'ɛ 'lɔlɛ- 'ezin- -titi:

¹²-waa' -can oo, waa -gɔli' 'pu oo, waa vlɛnɛ- -za -glɔɔ mu oo, waa -gbɛɛfiŋ mu oo, waa sɔ 'plɛɛle- fɛɛfɛɛ oo, waa sɔ 'ten -klɛɛn' -klɛɛn' 'pegee -o sɔ 'la =taan 'ke -wlɛnnɛ' -buu' mu 'le oo, 'bhɛɛ- waa sɔ 'ten 'wleŋwleŋ mu. -Yri mu 'la 'mu yele -yaa la 'mu -glɔɔn 'ɛ 'kpen oo; 'bhe 'pegee -o pɛ mu 'la 'kpen =kla 'ke bie 'sɔnbhe- 'le oo, -o pɛ mu 'la 'kpen =kla 'ke -yri -za -glɔɔ mu 'le oo, 'bhe 'pegee piibhe 'ten 'le oo, 'bhɛɛ- piibhe -zeze 'gbu 'le oo, 'bhe 'pegee vlɛnɛ- 'pu mu 'le.

¹³'Bhɛɛ- -zien ba bhoyo- -gbɛn 'nrɛle- 'ɛ -glɔɔn 'ke mu oo, mɛɛ 'flɛ 'lre -yrɔn mu oo, ansansi mu oo, 'bhe 'pegee ansansi -gbɛn 'nrɛle- -glɔɔn plɛ 'la -o 'mu do sii miri, 'bhɛɛ- -wa -bhɛɛke' do 'ɛ sii ansansi oo; -drɔɔ oo, -yrɔn oo, ble pii 'pegee ble bhe oo; 'bhɛɛ- dri mu 'pegee -bhlaa mu oo, wi -soo' mu 'pegee gwledan -mazini 'mu oo; 'ali- lu 'pegee gwledanyɛ nɔɔ- -kaso 'yi mu.

¹⁴'Woo- 'plɛɛgɔn- mu 'ɛ 'kpen pe Babilɔni -wa 'ɛ ni dɔɔ: "'Ee! Pɛ mu 'la 'lɔɔ -yaa 'e ma, 'mu -jilaa, 'bhɛɛ- 'mu 'e plɛŋgwa- 'e ma. 'Yaa- pɛ -lrele' mu 'ɛ 'kpen 'pegee 'yaa- -naflo pɛ mu 'ɛ 'kpen =nia 'e 'kɔɔ. 'Yaa nu -o yele -li -titi."

¹⁵'Plɛɛgɔn- mu 'la =kla pɛzan mu 'le 'yee- Babilɔni -wa 'ɛ ta -waa' yawo 'ɛ ma, 'mu nu 'mu 'plɛŋgɔle -a ma 'egbɔɔnle, -yɛn -gbɛnɛ 'la nu baale -a ta 'bhe 'lɛɛ -gblaan 'ɛ 'kɔɔ. -O nu 'wisilɛ 'ke -o -gbekan' 'bhii- -woo bhee la.

¹⁶-O nu -a pele dɔɔ: "-Kasi' -klɔlɔɔ' maza! -Kasi' -klɔlɔɔ' maza! -Wa -gbɛnɛ 'la -baale' -yaa 'ke sɔ 'plɛɛle- fɛɛfɛɛ, 'pegee sɔ 'ten -klɛɛn' -klɛɛn', 'bhe 'pegee -bhleŋgbe ta sɔ 'ten 'wleŋwleŋ mu 'yi; 'bhɛɛ- -a -baale' -yaa' 'ezin- 'ke -can -baa pɛ mu 'le, 'bhe 'pegee vlɛnɛ- -za -glɔɔ mu, 'bhɛɛ- -gbɛɛfiŋ mu 'yi.

¹⁷'Bhe -naflo -bebe mu 'la bhe 'mu 'kpen 'siela- -leyan' do 'kpɔ!" -Batoŋ' 'bhɔ mu 'ɛ 'kpen, 'bhe 'pegee wɛyi- 'taa ta ge mu 'ɛ 'kpen, 'bhɛɛ- -batoŋ' 'yi yewo mu 'ɛ, 'bhe 'pegee mɛɛ 'la zan mu 'kpen yewo wɛyi- ta; -o 'kpen -o plɛŋgwa- Babilɔni -wa 'ɛ ma 'egbɔɔnle.

18-O -wa 'ε 'kpacie 'tegblen- 'ε 'yele-, 'ke -wa pele- 'egloole dɔɔ: "'Ee! -O sɔ -wa 'ε -dela gblaanya 'kpale Babiloni -wa 'ε ma εε?"

19'Bhεε- -o 'trɛbwe- =sia, 'ke -o 'bhε 'klale -o wiij-, 'bhεε- 'ke -o wisile 'ke -o -gbekan' 'bhii -woo bhee -la, 'ke -wa pe dɔɔ: "'Ee -klɔlɔɔ' maza! 'Ee -klɔlɔɔ' maza! 'Yee- -wa -gbene 'lεε- 'yela- ta 'bhεε- -batonj' mu -o mεε 'la zan mu 'kpen 'kɔɔ weyi- ta, 'mu =kla 'ke pɛzan mu 'le. 'Duɲ- 'yee- -wa 'ε 'siela- -leyan' do 'kpɔ."

20'Duɲ- 'ka mu lafle' 'yi mu, 'ka zrukpaale kle! -Waanbhaa' a mεε 'weɲ mu oo, Krisi a winɔwo mu oo, 'bhε 'pegee -Waanbhaa' -lela' janwo mu, 'ka 'kpen zrukpaale kle 'ezin-! -Amasroyi -Waanbhaa' a -kpan 'ε -balaa' Babiloni -wa -gbene 'ε ta, -e -za 'yɔɔ- mu 'la =kla 'ka ni 'mu -zayi'!

21'Bhε klele 'tε, 'ke -mlεkε' -glɔɔ do vlε -kpuɲ -gbene do 'sile, 'bhε 'yaa- 'bhii- pɛbhe zɔn -wee -gbene do gbεen-. -E 'bhε vlε -kpuɲ -gbene 'ε 'silawoa, 'kee- 'bhε blinle- weyi- 'ε ba 'ke -ya pele- dɔɔ: "-O nu Babiloni -wa -gbene 'ε 'klaale- -leyan' do 'kpɔ fanjan- ma gɔnε- 'lεε- 'bhεε- gbεen- -gee' -a ma, 'bhεε- waa nu -a yeke -li 'sekeseke.

22'Waa nu -gitari -glɔɔn gwe dε wli mu male -li -titi 'bhi ba, waa nu 'srokpawli mu male -li -titi; 'bhεε- waa nu -klɛlonj' 'penwli- mu, 'pegee -gofen' 'penwli- mu male -li 'ezin- -titi. 'Bhεε- waa nu gbε ma yewo mu 'kedo- 'kpɔ 'yele- 'ezin- -li -titi, 'bhε 'pegee waa nu pɛbhe zɔnwli mu male -li -wee 'yi 'e ba -gε -li -titi.

23'Waa nu -lanɓha 'bhile- yeke 'e ba -gε -li. 'Bhεε- waa nu le drεε 'pegee -a -nɔɔ 'weli- male 'e ba -gε -li. -Amasroyi 'yaa- 'plεegon- mu 'ε 'mu -le -yaa mεε gbalaan mu 'le 'trε ta. 'E 'si mu 'ε 'kpen 'yinia- -yaa' 'srɔn maza mu 'ε 'le."

24'Bhε trala 'ezin-, -amasroyi -o -Waanbhaa' -lela' janwo mu, 'pegee -o -yaa' mεε 'weɲ mu 'la =dia, -o mεε 'la zan mu 'kpen =dia 'trε ta, 'mu 'kpen yien 'ε -klalaa' 'trε ma 'bhi -la ba.

Yrε zi yeke 'sεwε 19

1'Bhε blaen, 'ke 'ɲ -weli' do male- 'ke 'bhε lafle' 'yi, 'bhε 'yaa- 'bhii- -zamaa' 'srε -gbene do -weli' gbεen-, 'ke -ya pe dɔɔ: "Aleluya! 'Bhε 'yi -le dɔɔ: -Ka -Waanbhaa' 'tɔbhɔ! 'Yeke -mεε go -za 'yi, 'bhεε- 'tɔbhɔleya 'pegee -glɔɔya' -o 'yela- pε 'le!

2-Amasroyi, -e 'kitikan wlan ma, 'bhε 'pegee -lɛdɔɔleya -la ma! -E -kpan -balaa' 'gwlen -weε le 'la 'yaa- 'trε ta mεε mu 'ε 'siε zii' 'ke 'bhε a -yanbhɔɔya 'flen 'ε 'le 'bhε ta, 'bhεε- -Waanbhaa' 'a 'krowoa- 'bhε a yewonε mu 'ε dεza 'yi."

3'Bhε blaen, 'ke -wa pe gbε plε mi wole- 'ezin- dɔɔ: "Aleluya! -Ka -Waanbhaa' 'tɔbhɔ ma 'srokpa! Babiloni -wa 'ε 'kpacieyrε nɔɔ- 'tε -gblen 'ε nu -wlenle' -zɔn 'pegee yikpensee ta!"

4'Bhε klele 'tε, 'ke 'gwlaan- gbalaan mia do bhε yizie 'ε 'pegee pε -yrε male yizie 'ε -woo 'kpɔ zenle- 'trε ma, 'bhεε- 'ke -o -Waanbhaa' gbale-, 'ke -a yaale -o -yaa' -bhlenjge 'yaakpe- 'ε ta; 'ke -wa pe dɔɔ: "Amiina! Aleluya!"

- 5'Bhɛ 'yi 'tɛ, 'kɛ -wɛli' 'bhɛɛkɛ dɔ dɛlɛ- -bhɛŋgbe 'yaakpɛ- 'ɛ 'yi, 'bhɛɛ- 'kɛ 'bhɛ 'a 'pɛlɛ dɔɔ: "-Waanbhaa' a yɛwɔnɛ mu 'ɛ, 'bhɛ 'pɛgɛɛ 'ka mu 'la gbɛlɛ -a -lɛɛ, 'ka mu mɛɛ gbɛlɛ 'pɛgɛɛ mɛɛ 'fiɛntrɔnnɛ mu, 'ka 'kpɛn -Waanbhaa' 'tɔbhɔ!"
- 6'Bhɛ blaɛn, 'kɛ 'ŋ -zamaa' 'srɛ dɔ -wɛli' -glɔɔ dɔ mɛlɛ-. 'Bhɛ -wɛli' -glɔɔ 'ɛ 'yaa- -wɛ 'zi 'bhii- wɛyi- 'pɔɔ baawli gbɛya gbɛɛn-, 'bhɛ 'pɛgɛɛ -gblɛŋ' 'pɛɛwli- gbɛya gbɛɛn- 'kɛ -ya pɛ dɔɔ: "Aleluya! -Amasrɔyi -kɔɔa' Mɛɛzan Waanbhaa' 'Sɛŋkpɛnzɛn 'ɛ -yalaa' -yaa' -bhɛŋgbɛya 'ɛ 'yi.
- 7-Kɔɔ' zrukpaalɛ klɛ, 'bhɛ 'pɛgɛɛ -kɔɔ' klɛ zrukpaalɛ -gbɛnɛ 'yi, 'bhɛɛ- -kɔɔ' -Waanbhaa' 'tɔbhɔ! -Amasrɔyi, -Bhɛlɛ Gwɛlɛn Bhɛlɛn- 'ɛ -yaa' lɛ drɛɛ dɔ yi 'ɛ =bhwa, 'bhɛɛ- -a na drɛɛ 'ɛ 'lɛmagaɛnɛ -o -a ni.
- 8-O sɔ 'pu -yrayra fɛɛfɛɛ dɔ -naa -a ni 'kaa -ɛ -ya -baa' 'bhɛ 'yi." 'Bhɛ sɔ 'pu -yrayra 'ɛ 'bhɛ -lɛ 'kɛ -Waanbhaa' a mɛɛ 'wɛŋ mu 'ɛ -o klɛza -lɛdɔɔlɛ mu 'ɛ 'lɛ.
- 9-Mlɛkɛ' 'ɛ pɛ 'ŋ ni 'kaa 'an yɔɔndɛ dɔɔ: "-O mɛɛ 'la zan mu -siila -Bhɛlɛ Gwɛlɛn Bhɛlɛn- 'ɛ -yaa' lɛ drɛɛ dɔyɛrɛ 'ɛ =nɔɔ pɛbhɛlɛ 'ɛ ma, 'bhɛ zan mu a pɛ -yinra'." 'Bhɛɛ- -ya =pia 'ŋ ni 'ɛzin- dɔɔ: "-Jan 'lɛɛ- 'bhɛ -o 'kɛ -Waanbhaa wojan -kpɔsɔɔ 'ɛ 'bhɛɛ- 'lɛ."
- 10'Bhɛ klɛlɛ 'tɛ, 'kɛ 'ŋ baalɛ' 'ŋ 'kpɔ ta 'yɛɛ -mlɛkɛ' 'ɛ gaɛn ma, -a gbɛ zayi' 'ŋ 'kɔɔ, 'duŋ- -ɛ pɛ 'ŋ ni dɔɔ: "'Yaa 'bhɛ klɛlɛ, 'mi -o yɛwɔnɛ 'lɛ 'bhii- 'bhi gbɛɛn- 'ɛzin-, 'bhii- -kɔɔ' nɛɛnɛ- mu 'la 'kpɛn -o Zɛsu 'srɛya- klɛ 'zi 'mu gbɛɛn-. -Waanbhaa' dɔ -kplɛn -lɛ 'kɛ gbɛ pɛ 'lɛ!" Wɛlɛn 'ɛ ni, Zɛsu wɛlɛn 'la -zrɔnna, 'bhɛ -lɛ -Waanbhaa' -lɛlɛjanwɔlɛ 'ɛ kli 'ɛ 'lɛ.
- 11'Bhɛ blaɛn, 'kɛ 'ŋ laflɛ' 'ɛ 'liigɔlɛ yɛlɛ-, 'bhɛɛ- wi -soo' 'pu dɔ -pwɛla -a -yi. Mɛɛ 'la zan 'sanlɛ- -yaa -a ta -o -yaa 'bhɛ sii 'Zru dɔ Zan 'pɛgɛɛ Wɛlɛn Zan'. -E 'kitikan, 'bhɛɛ- -ɛ gwɛlɛdɛn mɛɛ -yɔɔ mu ba -lɛdɔɔlɛya -la ma.
- 12-A -yɛrɛbhɛ' mu 'ɛ 'yaa- bhi 'bhii- 'tɛ nrɛ -bhigbɛya gbɛɛn-; 'bhɛɛ- -bhɛŋgbe ŋgbɔ ma 'faa -bebe 'yaa- -a ŋgbɔ. 'Tɔ 'la 'bhɛ yɔɔndɛlɛ -yaa -a ma, mɛɛ 'kɛdɔ- 'kpɔ 'laa -yaa 'bhɛ dɔ 'kɛ yaa 'ɛ gɔ 'yɛɛ- dɔ -kplɛn ba.
- 13'Bhɛɛ- dɛnɛ- 'la 'yaa- -a ta, 'bhɛ 'kpɛn 'tranlɛ- -yaa 'kɛ yiɛn 'lɛ. -A 'tɔ -lɛ -yaa: "-Waanbhaa' a -Jan."
- 14'Lafɛlɛ' 'yi gwɛlɛdɛn mu 'ɛ gbɛɛnɛ -yaa -a zi wi -soo' 'pu mu ta. -O 'kpɛn tapɛ mu 'ɛ klɛlɛ -yaa 'kɛ sɔ 'pu 'pɛŋpɛŋ 'lɛlɛ- mu 'lɛ.
- 15-Gɔkɔŋ' 'lɛlɛ- dɔ -yaa da -a -lii; -ɛ nu gwɛlɛdɛnɛ 'trɛ ta 'si mu 'ɛ ba 'bhɛɛ- 'lɛ, 'bhɛɛ- -a 'sɛŋgɔ- 'kɛ -o -lɛ. -E nu -o -lɛdɔɔlɛ faŋgan- ma piibhɛ 'beni dɔ 'lɛ 'a 'kɔɔ. -E nu 'Sɛŋkpɛnzɛn -Waanbhaa' a yran -yɔɔ' 'ɛ zrɔnɛ -o ni -o 'taɛnɛlɛ 'bhii- 'kɛ -woo -drɔɔ bhɛɛ 'ɛ 'yigo- 'zi bhɛlɛ 'la ba -wa taɛn -o gaɛn 'lɛ gɔnɛ- 'la gbɛɛn- -drɔɔ 'yigo- -gluu 'ɛ 'yi.
- 16'Tɔ dɔ yɔɔndɛlɛ -yaa -a ta dɛnɛ- 'ɛ ta, 'bhɛ 'pɛgɛɛ -a -gbɔlɛ 'ɛ ma, 'bhɛ 'yaa- dɔɔ: "-Bhɛŋgbe mu a -Bhɛŋgbe, Mɛɛzan mu a Mɛɛzan."

- 17'Bhɛ blaɛn, 'kɛ 'ŋ -mlɛkɛ' do dulalɛ yɛlɛ- -yɛrɛbɛhɛ 'ɛ 'yi. 'Bhɛ -gbɛkaan 'ɛglɔɔlɛ maannɛ- mu 'la 'kɛn 'yaa- 'si laanima laflɛ' 'yi 'mu ni 'kɛ -ya pɛ dɔɔ: "-Ka nu 'ka 'lɛkpa 'ɛkɛ- ta -Waanbhaa' a pɛbhɛ -gbɛnɛ 'ɛ ma!
- 18'Kooko- -bhɛŋgbɛ mu oo, 'srwase -kuŋlii mu 'pɛgɛɛ 'srwase mu oo, wi -soo' mu 'pɛgɛɛ 'mu ta mu oo, bhaaplɛŋ mu 'ɛ 'kɛn, lu mu 'pɛgɛɛ =klɔ mu oo, 'bhɛɛ- mɛɛ gbɛlaan mu 'pɛgɛɛ mɛɛ 'fiɛntrɔnnɛ mu, -ka -o 'kɛn 'bhɛ."'
- 19'Bhɛ klɛlɛ 'tɛ, 'kɛ 'ŋ srɔpɛ 'ɛ 'pɛgɛɛ 'trɛ ta -bhɛŋgbɛ mu 'ɛ, 'bhɛɛ- -waa' gwɛdan mu 'ɛ 'yɛlɛ. -O -lɛkpale -yaa' 'ɛkɛ- ta gwɛdanlɛ 'kaama- mɛɛ 'la zan 'sanlɛ- -yaa wi -soo' 'pu 'ɛ ta 'bhɛ 'pɛgɛɛ 'bhɛ a gwɛdan mu 'ɛ ba.
- 20'Bhɛ 'yi 'tɛ, 'kɛ -o srɔpɛ 'ɛ 'pɛgɛɛ bhɛla ma -lɛla' janwo mi 'ɛ 'kunlɛ. 'Bhɛ bhɛla ma -lɛla' janwo mi 'ɛ 'yaa- 'sɔlɛ- maza mu klɛ 'zi 'yɛɛ- srɔpɛ 'ɛ 'yrɛ =la. -A gbɛswa- mɛɛ 'la zan mu srɔpɛ 'ɛ -yaa' 'tɔɔmasiɛ 'ɛ =kpaa 'mu ma, 'bhɛ 'pɛgɛɛ 'kɛ 'mu 'yaa- 'yɛɛ- srɔpɛ 'ɛ bhɔɔma -yrinɛ' 'ɛ gba 'mu -yinilɛ ta. -Woo plɛ 'kɛn -blinna -o -yrɛ male mu 'ɛ 'lɛ 'tɛ -bhɛlii 'ɛ 'pɛgɛɛ 'sɛkɛ 'tɛ -yansaan 'ɛ 'yi.
- 21-O mɛɛ -vin mu 'ɛ =dia 'kɛ -gɔkuŋbhɛ 'la 'yaa- da 'zi wi -soo' 'pu ta mi 'ɛ 'lii 'bhɛɛ- 'lɛ. 'Bhɛɛ- maannɛ- mu 'ɛ 'kɛn kpɛdwa- -o wi 'ɛ 'bhɛlɛlɛ.

Yrɛ zi yɛlɛ 'sɛwɛ 20

- 1'Bhɛ goɛ -a -yi, 'kɛ 'ŋ -mlɛkɛ' do zinale yɛlɛ- 'kɛɛ- da laflɛ' ma. -Gluu 'tɛrɛlɛ- -gbɛnɛ 'ɛ 'bhɛ 'gborobhɛ 'ɛ 'pɛgɛɛ piibhɛ kpɛlɛ- -gbɛnɛ do -yaa -a 'kɔɔ.
- 2-E mlɛ gbɔ -gbɛnɛ 'ɛ =kwan -a 'kɔɔ. 'Bhɛ mlɛ 'ɛ 'bhɛ -lɛ 'kɛ mlɛ gwe 'la 'bhɛ -o 'zina mu a -kuŋlii 'lɛ, 'bhɛ 'pɛgɛɛ -Setran' 'lɛ. 'Bhɛɛ- -mlɛkɛ' 'yɛɛ- mlɛ gbɔ -gbɛnɛ 'ɛ 'yɛrɛla- 'kɛ piibhɛ kpɛlɛ- 'lɛ lɛɛ 'waa do ta (1.000).
- 3'Bhɛɛ- 'kɛ -ya blinlɛ- -gluu 'tɛrɛlɛ- -gbɛnɛ 'ɛ 'yi, 'bhɛɛ- 'kɛɛ- 'bhɛ bhɛ bɔlɛ- -a ta; 'bhɛ blaɛn 'kɛ -ya gbɛblaɛn -tɔɔmasiɛ 'ɛ blɔɔlɛ- 'bhɛ -gluu 'tɛrɛlɛ- -gbɛnɛ 'ɛ lii 'ɛ ta, 'kooko- waa sɔ -a -liigolɛ, 'bhɛɛ- 'kooko- 'yɛɛ- mlɛ gbɔ -gbɛnɛ 'ɛ yaa sɔ 'trɛ ta 'si mu 'ɛ 'yinilɛ 'ɛzin-, 'sani- lɛɛ 'waa do 'ɛ (1.000) 'kanlɛ- plɛŋ-. 'Kɛ 'bhɛ lɛɛ 'waa do (1.000) 'ɛ =kaan, -a lɛdulalɛ -o -Waanbhaa' 'kɔɔ dɔɔ -o 'ploɔ -a ma 'waati sa.
- 4'Bhɛ blaɛn 'ɛzin-, 'kɛ 'ŋ -bhɛŋgbɛ 'yaakpɛ- 'kɛ mu yɛlɛ-. Mɛɛ 'la zan mu yaalɛ -yaa 'mu ta, -o 'kitikan 'sɛŋ =naa 'mu ni. 'Bhɛɛ- -o mɛɛ 'la zan mu =dia 'mu a Zɛsu 'srɛya- klɛlɛ ma, 'bhɛ 'pɛgɛɛ -Waanbhaa' a -Jan 'ɛ 'wolɛ- ma mɛɛ mu ni, 'bhɛɛ- mɛɛ la zan mu laa srɔpɛ 'ɛ 'pɛgɛɛ -a bhɔɔma -yrinɛ' 'ɛ gbɛlɛ, 'kɛ waa 'yɛɛ- srɔpɛ 'tɔɔmasiɛ 'ɛ 'kpɛlɛ- -o -mlɛlii' 'pɛgɛɛ -o 'kɔɔlaali, 'ŋ 'bhɛ zan mu 'ɛ 'kɛn lii mu 'ɛ =ya. -O -bwɛla galɛ ba, 'bhɛɛ- -o 'pɛgɛɛ Krisi -yalaa' -bhɛŋgbɛya 'yi lɛɛ 'waa do (1.000) ta.
- 5'Duŋ- mɛɛ gbaa -vin mu 'ɛ 'mu 'laa bweɛ galɛ ba 'kɛ 'bhɛ gɛ 'tɛnɛ lɛɛ 'waa do (1.000) 'ɛ 'yanlɛ- ma. 'Bhɛ -lɛ =kla 'kɛ mɛɛ gbaa mu -bweɛ' galɛ ba =lwa mi 'ɛ 'lɛ.
- 6'Mɛɛ 'la zan mu =kla 'bhɛ gbaa mu bweɛ galɛ ba -lwa mi 'ɛ ba, -waa pɛ -yinra' 'dɛ! -Waanbhaa' -o =kpaa 'ɛdanma -yaa pɛ 'lɛ. Ga gbɛya plɛ mi 'ɛ 'bhɛ 'laa nu -za 'kɛdo- 'kpɔ

klele -li -o ni. -O nu klele -Waanbhaa' 'pegee Krisi a 'sraka 'lena- mu 'le, 'bhæe- -o 'pegee Krisi nu yaale -bhleŋgbeya 'ε 'yi 'woo læe 'waa do (1.000) 'ε ta.

⁷Bhæ læe 'waa do (1.000) 'ε 'kanle- blaana, -o nu 'ploole- -Setran' ma, 'bhæe- -e pwe -yaa' -kaso 'ε 'yi.

⁸-E nu gele 'si mu 'la 'kpen -o 'tre zeŋ yizie 'ε ta 'mu 'yiniyre nɔɔ-. 'Bhæ 'si mu 'ε 'tɔ -le Gɔgi 'pegee Magɔgi 'le. -E nu -o 'kpen 'lɛkpale 'eke- ta gwledanle 'kaama-. -Woo 'ebebele 'bhii- weyi- 'le ma -yrentrebhe gbæen-.

⁹-O 'saa 'ε -woo zan 'tre ta yrekpen- =nɔɔ, 'bhæe- -woo zan 'mlingole -Waanbhaa' a mæe 'weŋ mu 'ε 'pegee -yaa' -wa 'la -za sɔ -a ni 'egbenele 'mu zi. 'Duŋ- -woo 'bhæe- =nɔɔ bhe oo, 'ke 'te do dale- lafle' 'yi, 'ke 'bhe -o 'kpen 'kpaciele -wiao!

¹⁰Bhæ klele 'te, 'yee- 'zina mu ta gwlen 'la 'yaa- mæe mu 'yini zii', -wa =kwan, 'bhæe- -wa -blinna 'te -bhlalii 'pegee 'sɛkε 'te 'ε 'yi. Srɔpe 'pegee bhla ma -lɛla' janwo mi 'ε 'mu -o 'bhæe- yre 'ε =nɔɔ -sɔ. -O nu -yrenbhlele 'bhæe- =nɔɔ ye -yrekpaa' 'pegee -bi zi, 'bhe 'pegee -zɔn 'pegee yikpensee ta.

¹¹Bhæ gole -a -yi, 'ke 'ŋ -bhleŋgbe 'yaakpe- -gbæne 'pu do 'pegee 'bhe ta mi 'ε 'yele. 'Tre 'pegee lafle' blasaan- -a -læe, 'bhæe- 'mu 'truŋwoa= 'feŋfeŋ, 'bhæe- waa nu 'mu yele 'ezin- -titi.

¹²Bhæ blaana 'ezin-, 'ke 'ŋ mæe gbaa mu 'ε 'yele: mæe gbalaana mu 'pegee mæe 'fientronne mu; -o 'kpen dulale -yaa -bhleŋgbe 'yaakpe- 'ε 'le ma. 'Bhæe- -o 'sewe kpo mu -liiploola. 'Bhæe- -o 'sewe kpo -bhæeke' do -liiploola 'ezin-: 'bhe -le -yaa 'ke -Waanbhaa' ba bole -yre ma -si 'la 'ke -danj' 'laa -o 'bhe ma, 'bhe a 'sewe kpo 'ε 'le. 'Bhæe- mæe mu 'ε -o -za mu 'la 'kpen =kla -o gale -læe, -woo -o 'kitikaan 'ke 'bhe 'lebengole kle -o kleza mu 'ε 'le, -o kleza mu 'la yɔɔndeke -yaa 'bhe 'sewe kpo mu 'ε 'yi.

¹³Bhæ klele 'te, mæe 'la zan mu -gaa weyi- 'ε ba, weyi- 'mu 'kpen 'pwela-, 'bhæe- -yoo -naa. 'Bhe kleŋgbeya do 'ε 'yi, ga 'pegee gbaa mu a -wa 'ε -o mæe 'la zan mu =kwan, -o 'mu 'kpen 'pwela-. 'Bhæe- -o 'bhe zan mu 'ε 'kpen do do 'kitikaan -o kleza mu 'ε ma.

¹⁴Bhæ blaana, 'ke -o ga 'pegee gbaa mu a -wa 'ε blinle- 'te -bhlalii 'ε 'yi. 'Bhe 'te -bhlalii 'la bhe 'bhe -le 'ke gale ple mi 'ε 'le.

¹⁵Waa mæe 'oo mæe 'la zan 'tɔ -yɔɔndeke 'yele- -Waanbhaa' ba bole -yre ma -si 'la 'ke -danj' 'laa -o 'bhe ma 'bhe a 'sewe 'ε 'yi, -o 'bhe zan 'ε -blinna 'te -bhlalii 'ε 'yi.

Yre zi yele 'sewe 21

¹Bhæ blaana, 'ke 'ŋ lafle' dreε 'pegee 'tre dreε yele-. -Amasroyi lafle' gwe 'pegee 'tre gwe 'ε 'mu 'truŋwoa=, 'bhæe- weyi- 'laa -yaa -li -titi.

²Bhæe- 'ŋ -Waanbhaa' a -wa 'ε =ya, Zeruzalemu -wa dreε 'ε. -E -daa -Waanbhaa' ba lafle' ma, 'bhæe- -e -zinaa' 'tre ma. -A -lemagaanle le -yaa 'bhii- le dreε 'la 'bhe -baala 'ke -woo ge 'zi -a dɔle -a -nɔɔ 'ε ba.

³Bhe 'yi 'te, 'ke 'ŋ -weli' -glɔɔ do male- 'ke 'bhe da -bhleŋgbe 'yaakpe- 'ε 'yi, 'bhæe- 'bhe pe dɔɔ: "-Ka 'ka 'yrekpa -ge doo, -Waanbhaa' gbayre 'weŋ 'ε -yoo bhaapleŋ mu pleŋ-

'saanige! -E nu bole -o plen-, 'bhεε- -o nu klele -yaa' pe 'le. 'Bhεε- 'yee- -Waanbhaa' 'gbu nu klele -o ba.

⁴-E nu -o -yreyi' mu 'ε 'kpen gole -o -yre =la. 'Bhεε- ga 'pegee bhee 'kpale- laa nu klele -li, 'bhe 'pegee waa nu -gbekanwli male 'ezin- -li, 'bhεε- -yren mu laa nu klele -li. - Amasroyi 'drunyan gwe 'ε 'bhe 'truɲwoa=, 'bhεε- 'bhe 'laa -o -li ye.”

⁵Mεε 'la zan yaale -yaa -bhleɲgbe 'yaakpe- 'ε ta 'bhe pe dɔɔ: "-Ka 'ka 'yrekpa -ge doo, 'η pe mu 'kpen kle gbe drεwo 'zi 'edrεele." 'Bhεε- -ya =pia 'η ni dɔɔ: "-A yɔɔnde dɔɔ: "D 'yoo -jan mu 'la 'wo zii' 'ε ni -ge bhe -woo 'ke wlan kpataakpa 'le, 'bhεε- mεε sɔ 'ε 'kpale -o -yi'.”

⁶'Bhe blaana, 'ke -ya pele- 'ezin- dɔɔ: "-E -yaan 'tε! 'Mi -le 'ke Alifa 'pegee Omega 'le, 'bhe 'yi -le dɔɔ: '-Za zisanyre 'pegee -za 'leyanyre'. 'Ke -yi 'mi -lrɔ -o mεε 'la zan de 'zi, 'mi nu mi yi nale 'bhe zan 'ε ni bhaama, 'bhe -yi 'ε da tɔ ηgblo 'la 'yi 'bhe 'yi -yi 'ε -si na mεε ni.

⁷'Ke mεε 'la zan 'sengwa- 'ke -Setran' 'le, 'bhe zan nu pe mu 'la bhe 'mu -la srɔwole 'mi 'kɔɔ. 'Mi nu klele 'bhe zan a -Waanbhaa' 'le, 'bhεε- 'bhe zan nu klele 'η 'nε 'le.

⁸'Duɲ- -gblaannii' mu oo, mεε 'la zan mu laa -o kpa 'mi 'yi oo, mεε -yɔɔ' mu oo, mεε de mu oo, -yanbhɔɔya de mu oo, 'srɔnnii mu oo, yogba mu oo 'bhe 'pegee bhlanii- mu 'kpen, -o 'kpen geyre nu klele 'ke 'tε -bhllalii 'papa 'pegee 'sekε 'tε -yansaan 'mu -la -le. 'Bhe -le 'ke gale ple mi 'ε 'le.”

⁹'Bhe blaana, -klɔlɔɔ' 'srwaple- 'ε 'yaa- -mleke' 'srwaple- 'la 'kɔɔ 'paa 'srwaple- 'yi bhe, 'bhe -mleke' 'ε do =nwa -a pele 'η ni dɔɔ: "Nu -ge doo, 'bhεε- 'η nu le drεε 'ε zrɔnle 'ε ni, -Bhlaa Gwlen Bhlonε- 'ε 'na drεε 'ε.”

¹⁰-Waanbhaa' Lii 'ε -zinaa' 'η ta, 'bhεε- -mleke' 'ε -ja 'η 'le vle gɔɔn -gbenε 'trole- do wiɲɲ-. 'Bhεε- 'kee- -Waanbhaa' a -wa 'ε zrɔnle- 'η ni, Zeruzalemu -wa 'la da 'yee- -Waanbhaa' 'gbu ba laanima, 'bhεε- 'kee- zinaa' 'tre ma bhe.

¹¹-Waanbhaa' a -Ireleya 'ε 'bhe 'yaa- -bhi 'zi -a ta 'bhii- 'tebhile gbεen-. -A -bhigbeya -yrayra 'ε 'yaa- 'bhii- vlεnε- -za -glɔɔ 'pu 'penpen do; 'bhii- zasipe 'bhigbeya 'ε gbεen-. 'Bhεε- -a -yre ta -yaa bhi 'bhii- vlεnε- -za -glɔɔ 'la -o 'bhe sii krisitali.

¹²'Fεgwle- 'trole- -gbenε do dɔle -yaa 'yee- Zeruzalemu -wa drεε 'ε zi, 'bhe 'lii 'yaa- vu ta ple, 'bhεε- -mleke' vu ta ple -yaa 'bhe 'fεgwle- -lii vu ta ple 'ε gooba. Izraeli -gbaa vu ta ple 'ε 'tɔ mu 'ε yɔɔnde -yaa 'woo- 'fεgwle- -lii vu ta ple 'ε ta.

¹³-A -lii yaga -yaa -yretεbhe -wlenyre' nɔɔ-, 'bhεε- -a -lii 'bhεεke yaga -yaa -tre 'fangayi. 'Bhεε- -a -lii 'bhεεke yaga -yaa weyi- ba -yre ta; 'bhεε- -a -bhεεke' yaga -yaa -yretεbhe baayre nɔɔ-.

¹⁴'Fεgwle- 'la 'yaa- 'yee- Zeruzalemu -wa 'ε zi, 'bhe gaan 'ε bole -yaa vle vu ta ple -la ta; 'bhεε- -Bhlaa Gwlen Bhlonε- 'ε -yaa' winbɔwo mu vu ta ple 'ε 'tɔ mu 'ε yɔɔnde -yaa 'mu vle vu ta ple 'ε 'mu -la ta.

- 15-Mlɛkɛ' la 'yaa- -janwo' zii' 'ŋ ni, pɛdanpɛ do -yaa 'bɛ 'kɔɔ, 'bɛ 'yaa- 'ke -can togo do 'le. -E -yaa zan -wa 'ɛ 'pegeɛ -a -lii mu 'ɛ, 'bɛɛ- -a zi 'fɛgwɛ- 'ɛ 'mu danɛ.
- 16-Wa 'ɛ zɛŋ -yaa yizie, -a gbɔɔnya oo, -a -laata' oo, -a 'troleya laanima oo, 'mu 'kpen 'yaa- do. -Mlɛkɛ' 'ɛ -wa 'ɛ -daan -a 'kɔɔ togo 'ɛ 'le: -a gbɔɔnya 'ɛ 'yaa- 'kilo 'waa plɛ 'ke 'kilo -kɛmɛ yizie (2.400). -A gbɔɔnya 'pegeɛ -a -laata', 'bɛɛ- -a 'troleya 'ɛ 'kpen 'yaa- do.
- 17'Bɛɛ- -mlɛkɛ' 'fɛgwɛ- 'ɛ -daan 'ezin-: -a 'troleya 'ɛ 'yaa- mɛtrɛ mia yaga 'bɛ vu ta plɛ (72), 'bhii- bhaaplɛŋ mu a pɛ pɛdangbɛya 'ɛ gbɛɛn-.
- 18'Yee- 'fɛgwɛ- 'la dɔle -yaa Zeruzalɛmu -wa 'ɛ zi 'bɛ 'yaa- 'ke vlɛnɛ- -za -glɔɔ 'la -o 'bɛ sii zasipe 'bɛɛ- 'le. 'Yee- -wa 'ɛ 'gbu dɔle -yaa 'ke -can -kpɔsɔɔ kpataakpa 'gbu -la -le, 'bɛɛ- mɛɛ -yaa sɔ 'e 'gbu lii yele 'bɛ 'yi.
- 19-Wa 'ɛ zi 'fɛgwɛ- 'ɛ gaan mu 'ɛ mabaale -yaa vlɛnɛ- -za -glɔɔ -glɔɔn mu 'ɛ 'kpen -la -le: -A gaan =lwa mi 'ɛ mabaale -yaa 'ke vlɛnɛ- -za -glɔɔ 'la -o 'bɛ zasipe 'bɛɛ- 'le; -a plɛ mi 'ɛ 'yaa- 'ke safii 'le, -a yaga mi 'ɛ 'bɛ 'yaa- 'ke kalisedwani 'le, -a yizie mi 'ɛ 'bɛ 'yaa- 'ke emerɔdi 'le;
- 20-a 'soo mi 'ɛ 'yaa- 'ke saadoniki 'le, -a 'srwado- mi 'ɛ 'yaa- 'ke saadwani 'le, -a 'srwapɛ- mi 'ɛ 'yaa- 'ke krisoliti 'le, -a 'srwaa- mi 'ɛ 'yaa- 'ke berili 'le, -a 'srwayizie mi 'ɛ 'yaa- 'ke topazi 'le, -a vu mi 'ɛ 'yaa- 'ke krizoprasi 'le, -a vu ta do mi 'ɛ 'yaa- 'ke yasenti 'le, 'bɛɛ- -a vu ta plɛ mi 'ɛ 'yaa- 'ke ametisiti 'le.
- 21-Wa 'ɛ 'lii vu ta plɛ 'ɛ klele -yaa 'ke -gbɛɛfiŋ vu ta plɛ 'le; -a -lii 'ɛ 'kpen do do klele -yaa 'ke -gbɛɛfiŋ -glɔɔn do 'kpɔ -la -le. -Wa 'ɛ 'kpee -zabla' -kpan 'ɛ 'yaa- 'ke -can -kpɔsɔɔ 'gbu -la -le, mɛɛ -yaa sɔ 'e 'gbu lii yele -a -yi 'bhii- mɛɛ sɔ 'e -gbu 'yele 'verɛ 'flele- do 'yi gɔnɛ- 'la gbɛɛn-.
- 22'Duŋ- 'naa -Waanbhaa' Gba 'Fɛ -Gbɛnɛ 'ɛ 'bɛ 'yele- 'yee- -wa 'ɛ 'kpee, -amasrɔyi -a nɔɔ- -Waanbhaa' Gba 'Fɛ -Gbɛnɛ 'ɛ 'bɛ -le 'ke Mɛɛzan -Waanbhaa' 'Sɛŋkpenzan 'gbu 'ɛ 'pegeɛ -Bhlaa Gwɛn Bhlɔnɛ- 'bɛɛ- 'le.
- 23-Wa 'ɛ maza laa -yaa -yretɛbɛ 'pegeɛ laanima mlɛ ma, 'bɛɛ- mɛɛ yrɛ ma ye, -amasrɔyi -Waanbhaa' -lreleya 'bhile- -yrayra 'ɛ 'bɛ 'yaa- -a takan 'wɛŋ; 'bɛɛ- -Bhlaa Gwɛn Bhlɔnɛ- 'bɛ -le 'a ta 'tɛbhile 'le 'ezin-.
- 24'Trɛ ta 'si mu 'ɛ nu 'taawolɛ -yaa' 'tɛbhile 'ɛ ba, 'bɛɛ- 'trɛ ta -bhɛŋgbe mu 'ɛ nu nulɛ 'mu a -naflo pɛ mu 'ɛ 'le 'yee- -wa 'ɛ 'kpee.
- 25'Waa nu 'yee- -wa 'ɛ 'liikonɔ mu 'ɛ 'liitanɛ -yrekpa' 'pegeɛ -bi zi, -amasrɔyi -bi 'laa nu 'pɔle- -a nɔɔ- -titi.
- 26-O nu geɛ 'trɛ ta 'si mu 'ɛ -waa' -naflo mu 'ɛ 'pegeɛ -o 'kɔɔpɛ- mu 'ɛ 'le 'yee- -wa 'ɛ ta.
- 27'Duŋ- pɛ 'triŋle- 'kɛdo- 'kpɔ 'laa nu wlalɛ -a nɔɔ- ye; 'bɛɛ- 'ke mɛɛ 'oo mɛɛ 'la zan -za 'yɔɔ- klɛ, 'bɛɛ- 'ke -yoo 'ke bhlanii- 'le 'bɛ zan laa nu wlalɛ -a nɔɔ- ye. -O mɛɛ 'la zan mu 'tɔ yɔɔndia- bole -yrɛ ma -si 'la 'ke -daŋ' 'laa -o 'bɛ ma, 'bɛ a 'sɛwɛ 'ɛ 'yi, -

Bhlaa Gwlen Bhlone- 'e -yaa' 'sewe 'e, 'bhe zan mu 'gbansaan 'te -le nu wlale -a noo-
'yee- -wa 'e ta.

Yre zi yele 'sewe 22

¹Bhe blaas, yue 'la -yi 'e -si na mee ni -mlake' 'bhe -zronna 'η ni. -E -yaa 'flee 'penpen
'bhii- 'vere 'bhigbeya gbēen-, 'bhe- -e -yaa -yro 'zi 'kee- da -Waanbhaa' 'pegee -Bhlaa
Gwlen Bhlone- 'e waa -bhleŋgbe 'yaakpe- 'e 'yi.

²-E -yaa -yro 'zi -wa 'e 'kpee -zabla' -kpan 'e drayi', 'bhe- -yri diŋ 'la 'bhe -si na mee
ni 'bhe 'sole- -o 'yee- yue 'e 'yregbe- ple 'e ta. 'Bhe -yri diŋ 'e 'bhe 'bhe bhaa kle
ganyan- vu ta ple lee do 'e 'kpee, 'bhe 'yi -le doo -ya bhaa kle mle 'tole- mle 'bhe ta. -A
-laane' mu 'e so mee 'klenyawole.

³Dangan 'laa nu klele -a =noo ye. -Waanbhaa' 'pegee -Bhlaa Gwlen Bhlone- 'e -waa -
bhleŋgbe 'yaakpe- 'e nu klele -wa 'e 'kpee, 'bhe- -yaa' yewone mu 'e nu -a gbale.

⁴-O nu -a -wleyi' 'e 'yele- kpataakpa, 'bhe- -a 'to 'e yondole nu klele -o -mlēlii'.

⁵-Bi 'laa nu 'pole- -li 'yee- -wa 'e ta, 'bhe- -o maza laa nu dole -li -lanbha 'pegee -
yretēbhe ma -o takan' zayi'; -amasroyi, Meezan -Waanbhaa' 'gbu nu klele -o ta 'tebhile
'le. -O nu yaale -waa' -bhleŋgbeya yaayre 'e =noo -zon 'pegee yikpensee ta.

⁶Bhe blaas, 'ke -mlake' -ya pele- 'η ni doo: "'D 'yoo- -jan mu 'la 'wo zii' 'e ni -ge bhe, -
woo 'ke wlan -kpōsoo 'le, 'bhe- mee so 'e 'kpale -o -yi. Meezan -Waanbhaa' 'la -ya Lii
'Weŋ 'e na -a -lela' janwo mu 'e ni, 'yele- -yaa' -mlake' 'e 'winbwa-, 'kooko- -a -
vinlabwa sa, 'bhe- -e -za 'la kle, -e 'bhe zron -yaa' yewone mu 'e ni."

⁷Zesu pe doo: "'E 'tronbadoo doo! -A -vinbwa sa, 'bhe- 'η nu! -Waanbhaa' -jan mu 'la -
zronna -a -lela' janwo mu 'e ni 'sewe 'lee- 'yi, 'ke mee 'la zan -o -klosikwan, 'bhe zan a
pe -yinra!'"

⁸Bhe ya 'e 'yi bhe, 'mi Zaan 'gbu -le 'woo- -za mu 'e =maa, 'bhe- 'η -o =ya. 'D 'yanle- -
o male 'pegee -o yelee, -mlake' 'la 'bhe -o -zronna 'η ni, 'ke 'η baale' 'η 'kpō ta 'bhe
gaan ma 'bhe gba zayi'.

⁹Duŋ- 'bhe -mlake' 'e pe 'η ni doo: "'Yaa 'bhe klele! 'Mi -o -Waanbhaa' a yewone 'le
'bhii- 'bhi 'pegee 'e neene- -Waanbhaa' -lela' janwo mu 'e 'pegee mee 'la zan mu 'kpen
'sewe 'lee- 'yi jan mu 'e 'klosikun 'mu gbēen-. 'Yaa mee 'kedo- gbale, 'ke yaa 'e go -
Waanbhaa' do -kplen ba!'"

¹⁰Bhe gole -a -yi, 'ke -ya pele- 'η ni 'ezin- doo: "-Waanbhaa' -jan mu 'la -zronna 'e ni,
'bhe- 'ke 'yoo- yondia- 'sewe kpo 'lee- 'yi, 'yaa -o tagaanle 'ke 'yoo- to 'e do -kplen -a
pe 'le; -amasroyi -e 'waati 'la -dwa 'woo- -za mu 'lee- kle bhla 'e 'le, 'bhe =bhwa gban -
wa -din.

¹¹'Ke mee 'la zan -za 'yoo kle, 'bhe zan bo -za 'yoo- klele ma, 'bhe- 'ke mee 'la zan zru
'triŋ -o, 'bhe zan bo 'bhe a zru 'triŋya- 'e 'yi; 'ke mee 'la zan -ledoole -o, 'bhe zan bo 'bhe
a -ledooleya 'e 'yi, 'bhe- 'ke mee 'la zan -o 'weŋ 'bhe zan bo 'ewenle -Waanbhaa' ni."

- 12**Zesu pe 'ezin- dɔɔ: "E 'trɔnbadɔ doo, -a -vinbwa sa 'bhɛɛ- 'ŋ nu! 'Ka 'kpen 'sra- -o 'mi 'kɔɔ, 'ka 'kpen do do -za yɛkɛ- 'la =kla 'ŋ nu 'bhɛɛ- wlata -sra 'nalɛ- 'ka 'kpen ni do do.
- 13**'Mi -le 'ke Alifa 'pegee Omega 'le, mɛɛ -lwa mi 'pegee -daŋ' ma mi 'ɛ 'le, 'bhɛ 'pegee -za zisanyɛ 'pegee -za 'lɛyanyɛ 'le."
- 14**Mɛɛ 'la zan mu -waa' dunɛ- mu 'ɛ =fia 'ke -woo -fleela, 'bhɛ zan mu a pɛ -yinra! - Ayile, 'bhɛ 'seŋ nu klɛɛ -o ni 'ke -o bole -yɛ ma -si -yri diiŋ 'ɛ bhaa 'ɛ 'ke bhle, 'bhɛɛ- -o sɔ wlale- -wa 'ɛ 'kpee 'ke -o kan -a -lii mu 'ɛ =nɔɔ.
- 15**Duŋ- -gbaan' 'plalu mɛɛ mu oo, 'srɔnnii mu oo, -yanbhɔyade mu oo, mɛɛ dɛ mu oo, yo gba mu oo, bhla pele sɔ mɛɛ 'la zan mu ni, 'bhɛ zan mu 'kpen nu bole 'pɛɛlii-.
- 16**"'Mi Zesu 'mi 'an -mlɛkɛ' 'ɛ 'winbwa- -za mu 'lɛɛ- 'woyɛ- nɔɔ- kpataakpa Zesu 'yi mu -le mu 'ɛ ni dɔɔ: -Za mu 'lɛɛ- 'kpen -o 'ke wlan 'le. 'Mi 'le 'ke -bhleŋgbe Davidi a 'fa -la mi kli 'ɛ 'pegee -a 'srɛ 'le, 'bhɛɛ- 'mi -le 'ke zrwanzi -buŋbhaa 'ɛ 'le."
- 17**'Bhɛ klɛɛ 'tɛ, 'ke -Waanbhaa' Lii 'Wɛŋ 'ɛ 'pegee Le drɛɛ 'ɛ -wa pele- dɔɔ: "Nu!" 'Ke mɛɛ 'la zan -jan 'lɛɛ- =maa, 'bhɛ zan 'a 'pe dɔɔ: "Nu!" 'Ke -yi 'mi -lɔ -o mɛɛ 'la zan ma, 'bhɛ zan nu. 'Ke mɛɛ 'la zan maza -o -yi 'la bole -yɛ ma -si na mɛɛ ni, 'bhɛ zan 'bhɛ 'si bhaama.
- 18**-Waanbhaa' -jan mu 'lɛɛ- =klaa -a -lɛla' janwo mi 'ɛ 'kɔɔ, 'bhɛɛ- 'bhɛ 'mu yɔɔndia 'sɛwɛ kpo 'lɛɛ- 'yi, 'ke mɛɛ 'oo mɛɛ 'la zan 'woo- -jan mu 'lɛɛ- =maa, 'mi pe 'bhɛ zan ni 'ŋ 'sɔwɛɛ- ma dɔɔ: 'Ke mɛɛ 'la zan -a 'ke =kpaa -a ma, -o -klɔɔɔ' mu 'la =woa 'yee- 'sɛwɛ 'lɛɛ- 'yi, -Waanbhaa' nu 'bhɛ zan a -klɔɔɔ' 'ɛ baan' 'klalɛ a ba 'bhɛɛ- -klɔɔɔ' mu 'ɛ 'le.
- 19**'Bhɛɛ- -o -jan mu 'la -zrɔnna, 'bhɛɛ- 'ke -woo yɔɔndia- -Waanbhaa' 'Sɛwɛ 'lɛɛ- 'yi, 'ke mɛɛ 'la zan 'a 'ke -gwa -a ba, -o bole -yɛ ma -si -yri diiŋ 'la 'pegee -wa 'wɛŋ 'la -o 'mu ba janwoa- 'sɛwɛ 'lɛɛ- 'yi, -Waanbhaa' nu 'bhɛ zan dɔ gole 'mu ba.
- 20**Mɛɛ 'la zan 'a =pia dɔɔ -jan mu 'lɛɛ- -woo 'ke wlan 'le bhɛ, 'bhɛ zan pe dɔɔ: "Wlan -le 'kɛɛ-, -a -vinbwa sa 'bhɛɛ- 'ŋ nu!" Amiina! Mɛɛzan Zesu, nu 'tɛ!
- 21**Bhaa Mɛɛzan Zesu -li 'ka 'kpen ma!

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira

2021, Vitória/ES - Brasil